


Jag₁ 'mí₂
a₂ma₂li' ₅₄ quian' ₅₄
Diu₄



New Testament in Chinantec, Tepetotutla (MX:cnt:Chinantec,
Tepetotutla)

Jag₁ 'mí₂ a ma₂li' quian' ₅₄ Diu₄
New Testament in Chinantec, Tepetotutla (MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 30 Dec 2021
5c52af9e-3086-5d57-9b7e-2e495fea8899

Contents

SAN MATEO	1
SAN MARCOS	63
SAN LUCAS	101
SAN JUAN	163
HECHOS	211
ROMANOS	265
PRIMERA CORINTIOS	290
SEGUNDA CORINTIOS	313
GÁLATAS	328
EFESIOS	336
FILIPENSES	344
COLOSENSES	350
PRIMERA TESALONICENSES	355
SEGUNDA TESALONICENSES	360
PRIMERA TIMOTEO	363
SEGUNDA TIMOTEO	370
TITO	375
FILEMÓN	378
HEBREOS	380
SANTIAGO	400
PRIMERA PEDRO	406
SEGUNDA PEDRO	413
PRIMERA JUAN	417
SEGUNDA JUAN	423
TERCERA JUAN	424
JUDAS	425
APOCALIPSIS	427

Já_{g1} Dse₃ quió'₅ Diú₄ a₂ca₂tó'₂ San Mateo ne₄ Si₂

*Dsa₂ can'₅₄ quián₅ Jesucristo i₂jme₁chan₂ ma₂líg'₂
(Lucas 3:23-38)*

¹ A₂la₂ bá₄ caun₂ lista ja₁le₁ton₅ dsa₂ can'₅₄ quián₅ Jesucristo i₂jme₁lín₄ tsi₁jon₂ quián₅ David* quian'₅₄ Abraham.

² Abraham ca₂lín₃ jmei₂ Isaac;
Isaac guë'₂ ca₂lín₃ jmei₂ Jacob;
Jacob guë'₂ ca₂lín₃ jmei₂ Judá quian'₅₄ ríin'₅₄.

³ Judá guë'₂ ně₃ ca₂lín₃ jmei₂ Fares quian'₅₄ Zara
të₂le₃ quian'₅₄ Tamar.

Fares guë'₂ ca₂lín₃ jmei₂ Esrom;
Esrom guë'₂ ca₂lín₃ jmei₂ Aram.

⁴ Aram guë'₂ ca₂lín₃ jmei₂ Aminadab;
Aminadab guë'₂ ca₂lín₃ jmei₂ Na'asón;
Na'asón guë'₂ ca₂lín₃ jmei₂ Salmón;

⁵ Salmón guë'₂ ca₂lín₃ jmei₂ Bo'oz
të₂le₃ quian'₅₄ Rahab.

Bo'oz guë'₂ ca₂lín₃ jmei₂ Obed
të₂le₃ quian'₅₄ Ruth.

Obed guë'₂ ca₂lín₃ jmei₂ Isaí;
⁶ Isaí guë'₂ ca₂lín₃ jmei₂ Rag₅₄ David.
Rag₅₄ David guë'₂ ně₃ ca₂lín₃ jmei₂ Salomón,
(të₂le₃ quian'₅₄ i₂jme₁lín₄ dsa₂ mí₂
quián₅ Urías le₂ñjá₅).

⁷ Salomón guë'₂ ca₂lín₃ jmei₂ Roboam;
Roboam guë'₂ ca₂lín₃ jmei₂ Abías;
Abías guë'₂ ca₂lín₃ jmei₂ Asa;

⁸ Asa guë'₂ ca₂lín₃ jmei₂ Josafat;
Josafat guë'₂ ca₂lín₃ jmei₂ Joram;
Joram guë'₂ ca₂lín₃ jmei₂ Usías;

⁹ Usías guë'₂ ca₂lín₃ jmei₂ Jotam;
Jotam guë'₂ ca₂lín₃ jmei₂ Acáz;
Acáz guë'₂ ca₂lín₃ jmei₂ Ezequías;

¹⁰ Ezequías guë'₂ ca₂lín₃ jmei₂ Manasés;
Manasés guë'₂ ca₂lín₃ jmei₂ Amón;
Amón guë'₂ ca₂lín₃ jmei₂ Josías;

¹¹ Josías guë'₂ ca₂lín₃ jmei₂ Jeconías quian'₅₄ ríin'₅₄,
(lia'₂ con'₂ jmíg₄ jme₁ca₂i₃lén₂ dsa₂ israelitas
a₂ca₂tág₃ dsa₂ jui₅ 'uë₃ Babilonia).

¹² Cang₂ jme₁ma₂tág₃ dsa₂ 'uë₃ Babilonia jaun₂,
ca₂lín₃ Jeconías jmei₂ Salatiel;
i₂ca₂lín₃ jmei₂ Zorobabel;

¹³ Zorobabel ně₃ ca₂lín₃ jmei₂ Abiud;
Abiud guë'₂ ca₂lín₃ jmei₂ Eliaquim;
Eliaquim guë'₂ ca₂lín₃ jmei₂ Azor;

¹⁴ Azor ně₃ ca₂lín₃ jmei₂ Sadoc;

* 1:1 Rag₅₄ David i₂ca₂rë₃chán₃ con'₂ co₂mei₅ ñi₂ né'₃ a₂ca₂rë₃chán₃ Jesús.

Sadoc guë'₂ ca₂lin₃ jmei₂ Aquim;

Aquim guë'₂ ca₂lin₃ jmei₂ Eliud;

¹⁵ Eliud guë'₂ ca₂lin₃ jmei₂ Eleazar,

i₂ca₂lin₃ jmei₂ Matán;

Matán guë'₂ ca₂lin₃ jmei₂ Jacob;

¹⁶ Jacob ně₃ ca₂lin₃ jmei₂ José, dsi₂i₂gu₂ María;

María guë'₂ ně₃ ca₂lin₃ chog₅₄ Jesús

i₂tě'₂ dsa₂ Cristo*†

¹⁷ Jaun₂ ně₃, con'₂ guia₃-quén₂ tsi₁jon₂ dsa₂ ca₂ņí₂ ca₂le₃ jme₁chan₂ Abraham ca₂tě₂ jmi₄g₄ jme₁ca₂rě₃chán₃ David, ján₃ bá₄ le₂jaun₂ guia₃-quén₂ tsi₁jon₂ dsa₂ ca₂ņí₂ ca₂le₃ jme₁chan₂ David, ca₂tě₂ jmi₄g₄ jme₁ca₂tág₃ dsa₂ dsa₂ israelitas jui₅ 'uě₃ Babilonia; cang₂ jaun₂ guě₄ ně₃, con'₂ guia₃-quén₂ tsi₁jon₂ dsa₂ ca₂ņí₂ ca₂le₃ ca₂tág₃ dsa₂, ca₂tě₂ jmi₄g₄ jme₁ca₂rě₃chán₃ dsa₂ I₂rě₂'ín₁ quián₅ Diú₄.†

A₂ lia'₂ ca₂lě₃ a₂ca₂rě₃chán₃ Jesús

(Lucas 2:1-7)

¹⁸ Le₂la₂ bá₄ ca₂lě₃ a₂ca₂rě₃chán₃ Jesús: chog₅₄ jme₁chen₂ María jme₁ma₂li'₅₄ jág₁ a₂jéin'₂ gu₂ quian'₅₄ José; la₁ ně₃ guě₄ a₂tiain'₃, María ně₃ ca₂can₃ guein₂ tě₂le₃ quian'₅₄ jui₅bí₂ quió'₅ Jme₂dsí₂ Jņi₅. ¹⁹ José dsa₂ ňe'₂ quiáin₅ ně₃ jme₁lín₄ jan₂ dsa₂ dsen₃, jaun₂ tsá₃ jme₁nio₃ chein'₃ o₂guí'₃ María jua'₅₄ le₃ņi₅ dsa₂ juin₅; jņia'₅₄ lia'₂ a₂jaun₂ bá₄ jme₁dsi₂jio₅ dsí₅ a₂jme₁téi₂ bá₄ con'₂ tsá₃ 'ein₂ ňi₅. ²⁰ Le₂jaun₂ bá₄ jme₁ma₂ca₂'náu'₃ dsí₅ jmo₃, jme₁ca₂qui₃ a₂ca₂jme₃ņia₅ jan₂ ángel quián₅ Te₁gui'₅₄ ne₅₄ ca₂juá'₂:

—Sě₄, tsi₁jon₂ David, tsá₃ lě₁jmo₂ gang'₃ jua'₅₄ cán'₁ o₂guí'₃ a₂guéng'₄ María a₂lén₂ dsi₂i₂gog'₂, ia₁ guein₂ i₂le₃chan₂ quiáin₅ já₅ ja₁con₂ Jme₂dsí₂ Jņi₅. ²¹ Jaun₂ le₃chan₂ jan₂ guein₂ dsa₂ ňe'₂ quiáin₅, jaun₂ quian'₅₄ 'ne₂ JESÚS.Š Le₃chein₂ le₂ně₅ ia₁ a₂lióin₂ dsa₂ juig₂ quiáin₅ 'ui₅₄ dsá_{u1}.

²² Ca₂lě₃ ca₂le₃jě₃ a₂ně₅ ia₁jaun₂ le₃ti₃ jui₁lia'₂ ca₂juá'₂ Te₁gui'₅₄ tě₂le₃ quian'₅₄ dsa₂ i₂jme₁'ě₂ jág₁ quiáin₅, jme₁ca₂juá'₂:

²³ Cán₂ jan₂ dsa₂ mi₄ guein₂,

jaun₂ le₃chan₂ jan₂ guein₂ dsa₂ ňe'₂ quiáin₅,

jaun₂ le₃chein₂ Emanuel,*

co₂'nió'₄ a₂juá'₂: Quiong'₅₄ Diú₄ jniog₄.

²⁴ Jaun₂ jme₁ca₂ņé₃ Sě₄ a₂jme₁rě₂güin₃ jaun₂, le₂jaun₂ bá₄ ca₂jmo₃ lia'₂ con'₂ lě₅ ca₂juá'₂ ángel quián₅ Te₁gui'₅₄, jaun₂ ca₂guein₃ bá₄ María a₂lén₂ 'éi₂ dsi₂i₂gu₂.

²⁵ La₁ia₁ tsá₃ ca₂tiáin'₂ dsi₂jui₅ jme₁né₄, jua'₅₄ a₂ca₂rě₃cuin₂₃ rin'₅₄, ca₂lia'₂ jme₁ca₂rě₃chán₃ guein₂ i₂le₂'ui₅₄ 'éi₂ quián₅ bá₄ María; jaun₂ ca₂quian₃ guein₂ Jesús.

2

Ca₂o₃lén₂ dsa₂ can'₅₄ i₂dsi₂ jág₁

¹ Ca₂rě₃chán₃ Jesús jě₄ juig₂ Belén, ja₁tén₄ 'uě₃ Judea, jmi₄g₄ lia'₂ con'₂ jme₁lín₄ Herodes rag₅₄ 'uě₃ jaun₂. Jaun₂ ca₂o₃lén₂ co₂nió'₃ dsa₂ i₂chan₂ uing₂ tě₂le₃ ja₁'ia₂* 'iog₂, jaun₂ ca₂dsi₃lén₂ juig₂ Jerusalén. ² Jaun₂ ca₂ņag₃:

† **1:16** Co₂rě₂ bá₄ jein₅ jág₁ “Cristo” quian'₅₄ “I₂rě₂'ín₁ quián₅ Diú₄.” Quian'₅₄ jág₁ jmei₅ hebreo guë'₂ táng₃ juá'₂ dsa₂ Meshíaj: “Mesías” quian'₅₄ jág₁ ňi'₅₄. † **1:17** Co₂rě₂ bá₄ jein₅ jág₁ “Cristo” quian'₅₄ “I₂rě₂'ín₁ quián₅ Diú₄.” Quian'₅₄ jág₁ jmei₅ hebreo guë'₂ táng₃ juá'₂ dsa₂ Meshíaj: “Mesías” quian'₅₄ jág₁ ňi'₅₄. § **1:21**

Lia'₂ chen₂ Jesús (hebreo: Yeshua) jein₅ jág₁: Lió₂ bá₄ Te₁gui'₅₄. * **1:23** Isaías 7:14. * **2:1** Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

—¿Na₅ Rag₅₄ quián₅ dsa₂ judíos i₂ca₂rē₃chán₃? Ia₁ 'uē₃ tē₂le₃ ja'ñia₂ 'iog₂, ma₂nē₂jín₄ jnia'₅₄ nei₅ quián₅, jaun₂ ja₂náu₅ jnia'₅₄ a₂jme₁juin'₂.

³ Jme₁ca₂rē₃ñi₅ Rag₅₄ Herodes jág₁ nē₅, 'ñio₅ lín₃ tsá₃ ma₃tei₄ ca₂'ág₂ dsí₅, ján₃ bá₄ le₂jaun₂ ca₂le₃jín₃ dsa₂ juig₂ Jerusalén. ⁴ Jaun₂ nē₃ ca₂tē'₃ rag₅₄ ca₂le₃jín₃ juig₅₄ jme₂dsa₂ quian'₅₄ ca₂le₃jín₃ tē₂juá'₅ quián₅ dsa₂, jaun₂ ca₂ñag₃ a₂já'₄ dsón'₂ lē₅ jág₁ le₃chan₂ dsa₂ I₂rē₂'ín₁ quián₅ Diú₄. ⁵ Jaun₂ ca₂juá'₂ dsa₂ 'éi₂:

—Juig₂ Belén, ja₁tén₄ 'uē₃ Judea. Ia₁ le₂la₂ ca₂tó'₂ ne₄ si₂ dsa₂ i₂jme₁'ē₂ jág₁ o₄quió'₄ Diú₄:

⁶ Jaun₂ 'ne₂, Belén, juig₂ tén₅ 'uē₃ Judá,

on₃jua'₅₄ 'ne₂ líng'₅ juig₂ i₂me'₂ guē₄

tē₂le₃ ne₄ jui₁lia'₂ dsa₂ i₂qui₂dsí₅ 'éi'₃ 'uē₃ nē₅;

ia₁ ja₁con'₂ 'ne₂ bá₄ o₃'ín₅ jan₂

i₂gon₂, cán₂ ne₄ jui₅,

jmo₃ 'í₁ dsa₂ juig₂ Israel quiáng₃.†

⁷ Jaun₂ Herodes nē₃ ca₂tē'₃ dsa₂ can'₅₄ 'éi₂ con'₂ jē₄ tē₃co'₅₄, jaun₂ ca₂ñag₃ líg'₂ 'e₂ jmig₄ tē₃dsón'₂ ca₂rē₃jniá₂ nei₅ jaun₂.‡ ⁸ Jme₁ma₂nē₂ñag₃ dsa₂ 'éi₂ jaun₂ guē₄ ca₂chei₃ jui₅ juig₂ Belén, jaun₂ ca₂tsí'₃ dsa₂:

—O₂nó'₅ 'nia'₂ ja₁jaun₂, o₂quion₂ de'₂ 'nia'₂ 'í₁ rē₂ tē₂le₃ quió'₅ chi'₂ bē'₅₄ i₂'ín'₅ 'nia'₂ nē₅; jaun₂ jē₁ma₂ca₂dsáin'₂ 'nia'₂, i₂con'₄ 'nia'₂ jág₁ ia₁jaun₂ nei₅₄ jniá₂ ján₃ i₂jme₁juin'₂.

⁹ Jme₁ma₂nē₂néi₂ dsa₂ 'éi₂ jág₁ quió'₅ rag₅₄, jaun₂ ca₂i₃lén₂. Jaun₂ nē₃, nei₅ a₂ma₂ca₂jág₃a tē₂le₃ 'uē₃ ja₁'ia₂a 'iog₂, ca₂ñó₃ ne₄ jui₅ quió'₅, ca₂lia'₂ ca₂'ág₂ tei₄ ne₄ ja₁jme₁'en₅₄ guein₂. ¹⁰ Jme₁ca₂jág₃ jaun₂,§ ca₂jmo₃ 'io'₂ 'ñio₅ lín₃;

¹¹ jaun₂ jme₁ca₂i₃toin'₅₄ dsi₂néi₂, ca₂jín₂ guein₂ bē'₅₄ quian'₅₄ chog₅₄ i₂chen₂ María. Jaun₂ nē₃, ca₂chi₃jnë₃ ca₂jme₃juin'₂ guein₂. Jaun₂ dsi₂jui₅ le₂jaun₂ qui₂ca₂niá₃ tsí₁gu₅ quió'₅, ca₂cuē₃ cu₄nióg₄, chen₂, no'₅₄ mirra nē₃. ¹² Cang₂ guē₄ jaun₂ ca₂qui₃ dsa₂ 'éi₂ a₂ca₂jmo₃ Diú₄ jág₁ a₂tsá₃ ma₃dsi₃lein₃ jui₅ ja₁con₂ Rag₅₄ Herodes, jaun₂ jui₅ siá'₂ bá₄ ca₂i₃lein₃ jui₅ go₅₄.

Ca₂cuing₃ Sē₄ quian'₅₄ María jui₅ 'uē₃ Egipto

¹³ Cang₂ guē₄ jaun₂, jme₁ma₂i₂len₃ dsa₂ can'₅₄ 'éi₂, ca₂qui₃ Sē₄ a₂ca₂jme₃jnia₅ jan₂ ángel quián₅ Te₁gui'₅₄ ja₁coin₂, a₂ca₂juá'₂:

—Nau₂, jnia₅ i₂bē'₅₄ quiáng'₂, chog₅₄ nē₃, cuing₅ 'nia'₂ jui₅ 'uē₃ Egipto. Ja₁jaun₂ o₂'ú₅ ca₂lia'₂ ca₂juá'₃ jniá₂. Ia₁ 'nau'₂ Herodes 'nai'₂ guein₂ a₂jñag₃.

¹⁴ A₂ca₂nau₂ jaun₂ Sē₄, ca₂tág₃ guein₂ quian'₅₄ chog₅₄ a₂'uē₂ jaun₂, ca₂i₃lén₂ jui₅ Egipto. ¹⁵ Ja₁jaun₂ ca₂tóin'₂ ca₂lia'₂ ca₂jon₃ Herodes. Ca₂lē₃ le₂nē₅ ia₁jaun₂ le₃ti₃ jág₁ a₂ca₂juá'₂ Te₁gui'₅₄ tē₂le₃ quian'₅₄ dsa₂ i₂jme₁'ē₂ jág₁ o₄quió'₄, jme₁ca₂juá'₂: “Tē₂ Egipto bá₄ ca₂tē₃ jniá₂ jón₃ quiáng₃.”*

Jmo₅ Herodes 'éi'₃ a₂jme₃dsiain₂₃ guein₂

¹⁶ Jme₁ca₂rē₃lí'₄ Herodes ca₂jme₃gau₅ dsa₂ can'₅₄ 'éi₂ quió'₅, ca₂rē₃'néi₃ 'ñio₅ lín₃. Jaun₂ ca₂chein₃ dsa₂ a₂jme₃dsiain₂₃ ca₂le₃jín₃ guein₂ i₂con'₂ ma₂tion'₅₄ tin₃ ñi₂, guein₂ i₂pí'₁ guē₄ nē₃ i₂chan₂ ma₂quián₅ Belén, lia'₂ con'₂ tí₅ ma₂ne₂ñó₄ jmig₄ a₂ca₂juá'₂ dsa₂ can'₅₄ 'éi₂. ¹⁷ Jaun₂ le₂nē₅ ca₂rē₃ti₃ jág₁ a₂ca₂tó'₂ ne₄ si₂ Jeremías i₂jme₁'ē₂ jág₁ o₄quió'₄ Diú₄:

¹⁸ Ca₂né'₂ tē₁tsi'₅₄ co₂mi'₅₄ jē₄ juig₂ Ramá,

a₂'o₅ dsa₂ a₂qui'₂ dsí₅ guē₄ lín₃;

† 2:6 Miqueas 5:2. ‡ 2:7 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. § 2:10 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. * 2:15 Oseas 11:1.

Raquel bá₄ 'éi₂ ca₂'o₃†
 o₄quió'₄ chi'₂-guein₂ quiáin₅,
 jaun₂ tsá₃ ca₂gue₃ jua'₅₄ 'ein₂ gué₃ jmo₃ lián'₂ dsí₅,
 ia₁ ma₂ca₂dsan₃ bá₄ guein₂.†

¹⁹ La₁ cang₂ gué₄ jaun₂, jme₁ma₂ca₂jon₃ Herodes, ca₂qui₃ Sě₄ a₂ca₂jme₃jnia₅ táng₃ jan₂ ángel quián₅ Te₁gui'₅₄ ja₁coin₂ 'ein₅₄ Egipto, ²⁰ Ca₂juá'₂ ángel:

—Nau₂, jnia₅ táng₃ i₂bě'₅₄ quiáng'₂, chog₅₄ ně₃, jaun₂ o₂nó'₅ táng₃ 'nia'₂ jui₅ 'uě₃ Israel, ia₁ ma₂ca₂dsan₃ bá₄ i₂jme₁'nio₃ jme₁jñi'₃ guein₂.

²¹ A₂ca₂nau₂ jaun₂ táng₃ Sě₄, ca₂tág₃ chi'₂ quiáin₅, quian'₅₄ chog₅₄, jui₅ 'uě₃ Israel. ²² La₁ jme₁ca₂rě₃ñi₅ Sě₄ a₂ma₂lín₅ ta₁ Arquelao 'uě₃ Judea, ta₁ a₂jme₁lín₄ Herodes jmei₂, jaun₂ ca₂rě₃gó'₅ dsó₃ ja₁jaun₂. Ia₁ ca₂'ě₂ táng₃ Diú₄ jág₁ jě₄ qui₂₃, jaun₂ jui₅ 'uě₃ Galilea bá₄ ca₂ñó₃. ²³ Jme₁ca₂dsióg₃ ja₁jaun₂, ca₂ñó₃ ca₂i₁gua₂ juig₂ ja₁chei₂ Nazaret. Le₂ně₅ bá₄ ca₂rě₃ti₃ jág₁ quió'₅ dsa₂ i₂ca₂'ě₂ jág₁ quián₅ Diú₄ ma₂líg'₂: “A₂quiong₃ dsa₂ nazareno.”

3

*Ē₂ Juan₅₄ jág₁ caun₂ 'uě₃ quein₂ ja₁co₂'ñiog₅
 (Marcos 1:1-8; Lucas 3:1-18; Juan 1:19-28)*

¹ Jmíg₄ jaun₂ guan₃ Juan₅₄ i₂chon₅ dsa₂ jmíg₂, caun₂ 'uě₃ quein₂ co₂'ñiog₅ ja₁tén₄ 'uě₃ Judea, a₂'ě₂ jág₁, ² a₂juá'₂:

—Jei₅₄ 'nia'₂ 'au'₂, ia₁ ma₂ja₂quián₃ jmíg₄ jě₁gon₃ Diú₄.

³ Juan₅₄ la₂ bá₄ 'éi₂ i₂ca₂'in₃ Isaías i₂jme₁juá'₂ o₄quió'₄ Diú₄ jme₁ca₂tó'₂ ne₄ si₂ a₂juá'₂ le₂la₂:

Né'₂ a₂táun₂ dsa₂ tiá₂ jág₁

caun₂ 'uě₃ quein₂ ja₁co₂'ñiog₅, a₂juá'₂:

“Jmo₄ 'nia'₂ co₂jñia₅₄ jui₅ quió'₅ Te₁gui'₅₄;

nia₄ 'nia'₂ caun₂ jui₅ co₂dsau₅.”*

⁴ Ni₁tsin'₅₄ Juan₅₄ 'éi₂ jme₁lě₄ 'mi'₂ a₂rě₂ta₄ quian'₅₄ jñi₄ já'₂ camello; a₂jme₁jén'₅ tú'₅ gué'₂ quian'₅₄ lo₄ já'₂; má₃ a₂jme₁gué'₅ gué'₂, jmá'₃ i₁ni'₂ tia₄ quian'₅₄ jmi₁tá'₄ cha₂ ja₁nau₂. ⁵ Jme₁ja₂lén₂ dsa₂ chan₂ Jerusalén, quian'₅₄ dsa₂ i₂tián'₅ 'uě₃ Judea quian'₅₄ dsa₂ i₂tián'₅ cau₅ Cuá₃ Jordán ně₃, jme₁qui₂ja₂néi₃ jág₁ a₂cué'₅ 'éi₂. ⁶ Jme₁ma₂ca₂lě₃ jmo₂₃ qui₂ñi₃ quió'₅ ne₄ Diú₄ ca₂le₃jě₃ dso₄ a₂qui₂rě₂cáin'₄, jaun₂ gué₄ ca₂cho₃ Juan₅₄ jmíg₂† Cuá₃ Jordán.

⁷ La₁ jme₁ca₂jág₃ Juan₅₄ juin₅ lin₃ dsa₂ fariseos ja₂lén₂ quian'₅₄ dsa₂ saduceos ně₃, a₂mi₂₃ cho₃ Juan₅₄ jmíg₂,† jaun₂ ca₂juá'₂ Juan₅₄:

—i'Nia'₂ tsi₁jon₂ dsi₂mi'₂! ĸ'Ein₂ bá₄ ně₂chí'₃ 'nia'₂ a₂cuing'₂ long'₅₄ a₂'i₄ 'nei₂ dsí₅ Diú₄ a₂ja₂quián₃? ⁸ Jmo₄ 'nia'₂ jaun₂ jui₁le₂jniá₂ a₂léi₄ tě₃dsón'₂ a₂ma₂ca₂jein'₅₄ 'nia'₂ 'au'₂. ⁹ Tsá₃ o₁len'₂ 'nia'₂ jua'₅₄ lé₂ le₃jua'₅₄ 'nia'₂: “Lág₅ jnia'₅₄ tsi₁jon₂ Abraham”; ia₁ jniá₂ juá'₅, ca₂tě₂ ni₁cang₁ tio'₅₄ la₂, lé₂ le₃jmo₃ Diú₄ jmói'₂ tsi₁jon₂ Abraham. ¹⁰ Ia₁ ma₂lě₅ co₂jñia₅₄ ñi₁dsi₁ a₂qui₂uín'₂ 'ma₂. Ca₂le₃jě₃ 'ma₂ a₂tsá₃ dse₃ míg₂ 'ag₅, uín'₂ bá₄, dsi₂to'₅₄ si₂. ¹¹ Jniá₂ ně₃, dsau₅ bá₄ ně₂tiáng₃ 'nia'₂ jmíg₂ co₂'nió'₄ a₂jáng'₅ léi₄ a₂jein'₅₄ 'nia'₂ 'au'₂; la₁ i₂já₅ chi₁co'₅₄ quió'₃ ně₃, 'éi₂ bá₄ i₂'uan'₂ gué₄ lia'₂ con'₂ gué₄ jniá₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ i₁quian₃. 'Éi₂ gué₄ ně₃, tióg₂ Jme₂dsí₂ Jñi₅, dsi₂si₂ ně₃. ¹² Ně₂jag₄ bá₄ a₂ma₂chi₁chan'₂ ñi₁ a₂quió'₅ míg₂ trigo, dsia₃ jma₃quén₅ quian'₅₄ jme₁qui₅.

† 2:18 Raquel: 'io₅₄ quián₅ Jacob, Génesis 29. † 2:18 Jeremías 31:15. * 3:3 Isaías 40:3. † 3:6 lit. “ca₂tióg₃ Juan₅₄ jmíg₂.” † 3:7 lit. “tióg₂ Juan₅₄ jmíg₂.”

Jmá'₃ mǐg'₂ bá₄ cág'₃, 'ma₃ dsi₂néi₂, la₁ qui₂dsí'₂ bá₄ jme₁qui₅ dsi₂si₂ ja₁tsá₃ ma₃o₁líg'₂ jmi₄g'₄ éi₃.§

Ca₂jñó₂ Jesús jmi₂g₂

(Marcos 1:9-11; Lucas 3:21-22)

¹³ Jaun₂ ně₃, Jesús, o₂ 'ín₃ 'uē₃ Galilea, ca₂dsióg₃ tē₂ Cuá₃ Jordán ia₁jaun₂ cho₃ Juan₅₄ jmi₂g₂. * ¹⁴ Tsá₃ jme₁gue₅ Juan₅₄ le₂'uig₅₄, jaun₂ ca₂juá'₂ tsí'₅ Jesús:

—Jniá'₂ bá₄ i₂'nió'₅ quió'₃ tsón'₄ 'ne₂ jmi₂g₂. † ¿'A₂ bá₄ lia'₂ 'ne₂ ñe'₃ ja₁con₂ jniá'₂?

¹⁵ La₁ ca₂juá'₂ Jesús:

—Ju₁le₅₄ bá₄ le₂nē₅ tē₂nē₃, ia₁ dsi₂ten₅₄ de'₂ jmó₁ jniog₄ le₂nē₅ ia₁jaun₂ jme₁ti₁ ca₂le₃jě₃ a₂dse₃.

Jaun₂ bá₄ ca₂gue₃ Juan₅₄.

¹⁶ Jme₁ma₂lē₅ cho₅ Juan₅₄ jmi₂g₂, † jaun₂ ca₂o₃ 'ín₃ Jesús dsi₂jmi₂g₂. Jaun₂ dsi₂jui₅ le₂jaun₂ ca₂niá'₃ dsi₄ mi₂güig₃ ca₂lě₃, jaun₂ ca₂jín₂ Jesús Jme₂dsí₂ quián₅ Diú₄ ca₂sión₃ ne₄ quió'₅, i₂lín₅ lia'₂ lín₅ jan₂ i₁ju₂. ¹⁷ Jaun₂ ca₂né'₂ jág₁ guei'₅₄ a₂ca₂juá'₂:

—I₂la₂ bá₄ jón₃ quiáng₃ i₂ñí₄ lě₃ 'nióg₃ guě₄ lín₃. 'E₂ bá₄ 'ñio₂ dsi₃ quiain'₅₄.

4

Ca₂caun₃ i₂sě₃dse₃ táu₂ quió'₅ Jesús

(Marcos 1:12-13; Lucas 4:1-13)

¹ Dsi₂jui₅ jaun₂ ca₂tě₃ Jme₂dsí₂ quián₅ Diú₄ ca₂tě'₃ Jesús caun₂ 'uē₃ quein₂ co₂'ñiog₅ ia₁jaun₂ ja₁jaun₂ cáun₂ táu₂ i₂sě₃dse₃.

² Tě₂láu₃ jmi₂g₄ tē₂láu₃ nei₅, ca₂jme₃'in₅₄ Jesús; can₂ guě₄ jaun₂ ca₂lě₃ i₁cón'₅ 'ñio₅ lín₃. ³ Jaun₂ ca₂jme₃quián₃ i₂sě₃dse₃ ja₁coin₂, a₂cáun₂ táu₂, jaun₂ ca₂juá'₂ tsí'₅ Jesús:

—Chi₂jua'₂ dsón'₂ líng'₅ Ja₁ñi'₅₄ Diú₄, jmo₄ jui₁le₅₄ i₁ñí'₄ ni₁cang₁ tio'₅₄ ně₅.

⁴ La₁ ca₂ñag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ñí'₄ le₃tan₅₄ dsa₂ mi₂güig₃ le₃chain₂, ján₃ bá₄ 'nió'₅ jme₃tan₅₄ dsa₂ quian'₅₄ ca₂le₃jě₃ jág₁ a₂'uē'₂ mi₂o₄ Diú₄.”*

⁵ Nó₃ jaun₂, ca₂jñog₃ táng₃ i₂sě₃dse₃ tē₂ juig₂ Jerusalén ciudad jñio₅, jaun₂ ca₂jñog₃ tē₂ guei'₅₄ guá'₅ templo ja₁ñei₅ 'ñio₅ lín₃. ⁶ Jaun₂ ca₂juá'₂ ca₂tsí'₃ Jesús:

—Chi₂jua'₂ 'ne₂ líng'₅ Ja₁ñi'₅₄ Diú₄, tian'₅₄ ja₁ně₅; ia₁ juá'₂ ne₄ Si₂:

Chen₃ Diú₄ ángeles quián₅

ia₁jaun₂ jmo₃ 'í₁;

chó'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ quian'₅₄ can₄. †

⁷ Jaun₂ ca₂ñag₃ Jesús:

—Ján₃ bá₄ juá'₂ ne₄ Si₂: “Tsá₃ tang'₅₄ Te₁gui'₅₄ Diú₄ quiáng'₂.” †

⁸ Con'₂ guě₄ siá'₂ táng₃ ca₂jñog₃ i₂sě₃dse₃ jui₅ caun₂ má'₂ ja₁ñei₅ 'ñio₅ lín₃. Jaun₂ ca₂ě₃ le₃jě₃ juig₂ a₂cha₂ mi₂güig₃ quian'₅₄ ca₂le₃jě₃ a₂jlá'₁ cha₂. ⁹ Jaun₂ ca₂tsí'₃ Jesús:

—Dsi₅₄ jniá'₂ gog'₂ 'ne₂ ca₂le₃jě₃ a₂ně₅, ně₁jua'₂ ca₂chi₁jne'₄ ne₃ a₂jme₁juag'₂.

¹⁰ Jaun₂ ně₃ ca₂ñag₃ Jesús:

Guan'₂ Satanás, ia₁ ne₄ Si₂ juá'₂: “Jme₁juin'₂ Te₁gui'₅₄ Diú₄ quiáng'₂, jñia'₅₄ lia'₂ ne₄ 'éi₂ bá₄ jme₁ti₁.”§

§ 3:12 'Nio'₂ ja₁ton₅ Mateo 13:30. * 3:13 lit. “ia₁jaun₂ tióg₂ Juan₅₄ jmi₂g₂.” † 3:14 lit. “tían'₄ 'ne₂ jmi₂g₂.” ‡ 3:16 lit. “tióg₂ Juan₅₄ jmi₂g₂.” * 4:4 Deuteronomio 8:3. † 4:6 Salmo 91:11-12. ‡ 4:7 Deuteronomio 6:16. § 4:10 Deuteronomio 6:13.

11 Jaun₂ ně₃ ca₂ŋá'₃ i₂sě₃dsen₃, jaun₂ ca₂o₃lén₂ ángeles ca₂jme₃ti₃ ta₁ ne₄ Jesús.

Ca₂jme₃lióg₃ Jesús ta₁ quió'₅, 'uě₃ Galilea

(Marcos 1:14-15; Lucas 4:14-15)

12 Jme₁ca₂rě₃ŋi₅ Jesús a₂'en₅₄ Juan₅₄ né'₃ 'má₃, jaun₂ ŋó₃ jui₅ 'uě₃ Galilea.

13 Tsá₃ ca₂ŋia₃ jě₄ jui₂ Nazaret, ŋó₃ bá₄ ca₂i₁'i₅ tē₂ Capernaum, caun₂ jui₂ a₂niog₅ chei'₅₄ jmi₁ŋí'₄ 'uě₃ ja₁tén₄ Zabolón quian'₅₄ Neftalí. 14 Jaun₂ le₂ně₅ ca₂rě₃ti₃ jág₁ a₂ca₂tó'₂ ne₄ si₂ Isaías i₂jme₁'ě₂ jág₁ o₄quió'₄ Diú₄:

15 'Uě₃ ja₁tén₄ Zabolón quian'₅₄ Neftalí

a₂niog₅ le₃quióng₄ Cuá₃ Jordán, chei'₅₄ jmi₁ŋí'₄,

'uě₃ Galilea le₃quió'₅ dsi₂nau₂:

16 dsa₂ i₂jme₁tián'₄ jě₄ qui₁né'₃

ma₂ca₂jág₃ caun₂ si₂ juě'₂;

dsa₂ i₂jme₁tián'₄ 'uě₃ ja₁'ei₅ 'én'₁ 'mú₃,

ne₄ quió'₅ ma₂ca₂'ág₂ si₂.*

17 Tě₂le₃ ne₄ jui₅ jaun₂ ca₂jme₃lióg₃ Jesús ca₂'ě₂ jág₁, ca₂juá'₂:

—Jei₅₄ 'nia'₂ 'au'₂, ia₁ ma₂ja₂quián₃ guá'₂ 'éi'₃ quió'₅ Diú₄.

Ca₂tě'₃ Jesús quén₂ dsa₂ i₂tsán'₂ ju₄

(Marcos 1:16-20; Lucas 5:1-11)

18 Co₂ráun₂ ŋó₃ Jesús i₁ŋi₂ chei'₅₄ jmi₁ŋí'₄ Galilea. Ja₁jaun₂, ca₂jii₂ Si₂mu₅₄ i₂tě'₂ dsa₂ Pe₄, quian'₅₄ dsó₂ riin'₅₄ i₂chen₂ Drě₄. Dsa₂ i₂tsán'₂ ju₄ bá₄ 'éi₂, jaun₂ hora jaun₂ dé₄ ně₃ jme₁tioin'₅₄ táun₂ 'má₅ dsi₂jmi₂. 19 Jaun₂ ca₂juá'₂ Jesús:

—Éin₃ jniá₂, jaun₂ cuě₅₄ ta₁ a₂chi₁liang'₂ dsa₂ mi₂güig₃, ju₁lia'₂ chi₂liáng'₁ ju₄ ně₅.

20 Dsi₂jui₅ le₂jaun₂ bá₄ ca₂dsia₃ cau₅ 'má₅ quió'₅, jaun₂ i₃lén₂ quiong'₅₄.

21 Me'₂ guě₄ ne₄ jui₅ ja₁l₃lén₂ jaun₂, ca₂jii₂ con'₂ guě₄ on₃ dsó₂: Jacobo quian'₅₄ Juan₅₄ riin'₅₄, ja₁ŋi'₅₄ Zebedeo. Jme₁tioin'₅₄ 'ŋi₃tsi₁mu₅ qui₂'méi₅ 'má₅ quió'₅, quian'₅₄ jmei₂. Jaun₂ ca₂tě₃ Jesús, 22 jaun₂ dsi₂jui₅ le₂jaun₂ bá₄ ca₂tí₂ tsi₁mu₅ quió'₅ ca₂téin₂ jmei₂, jaun₂ ca₂l₃lén₂ ca₂jme₃quian'₅₄ Jesús.

Ca₂jme₃ti₃ Jesús ju₁in₅ lín₃ dsa₂

(Lucas 6:17-19)

23 I₂ŋi₅₄ Jesús le₂tan₅₄ 'uě₃ Galilea, qui₂jme₂ti₂n₂₃ dsa₂ dsi₂néi₂ guá'₅ sinagogas lia'₂ caun₂ ja₁qui₂ŋi₅. Qui₂'ě₂ jág₁ dse₃ ju₁lia'₂ ja₁gon₂ Diú₄, ján₃ bá₄ qui₂jme₂'lióin₂ dsa₂ ca₂le₃jě₃ ne₅₄ dso₄ 'e₂ niog₅ lín₅ dsa₂. 24 Le₂tan₅₄ 'uě₃ Siria ca₂i₃'ág₃ jág₁ 'a₂ lia'₂ lě₅ jmo₅ Jesús ŋi₂₃, jaun₂ ca₂o₃ŋia₃ dsa₂ ca₂le₃jín₃ dsa₂ i₂le₁quian₅ ca₂le₃jě₃ ne₅₄ jmi₁ui₅, quian'₅₄ ju₁'ein₂ guě₃ i₂qui₂ uig₅ quió'₅. Ca₂i₁quian₅₄ ca₂le₃jín₃ dsa₂ i₂tion'₅₄ jme₂dsí₂je₂na'₅₄, dsa₂ i₂lín₅ dso₄ 'ei₂, quian'₅₄ dsa₂ 'lian'₂ ně₃. Ja₁jaun₂ ca₂jme₃'lión₂ Jesús ca₂le₃jín₃ dsa₂ 'éi₂.

25 Ju₁in₅ lín₃ dsa₂ i₂chan₂ Galilea, dsa₂ i₂chan₂ ta₁guia₃ juig₂ ja₁tě'₂ dsa₂ Decápolis, quian'₅₄ dsa₂ i₂chan₂ Jerusalén, dsa₂ i₂tián'₅ 'uě₃ Judea quian'₅₄ dsa₂ i₂tián'₅ le₂'ŋo'₅₄ Cuá₃ Jordán ně₃, ca₂jme₃quiong'₅₄ ca₂jme₃quian'₅₄ Jesús.

5

Jág₁ a₂ca₂cuě₃ Jesús má'₂

(Lucas 6:20-23)

1 Jín₂ Jesús dsa₂ ju₁in₅ 'éi₂, jaun₂ ca₂uig₂ caun₂ dsi₂con'₂ ja₁nei₅ guě₄, jaun₂ ca₂guá₂. Jaun₂ ca₂ŋi'₂ dsa₂ i₂quian'₅₄ le₃lág'₃ quió'₅. 2 Jaun₂ ca₂jme₃lióg₃ ca₂jme₃ti₂n₂₃ dsa₂, ca₂juá'₂ le₂la₂:

* 4:16 Isaías 9:1-2.

¿'Ein₂ dsa₂ 'éi₂ i₂jmo₅ 'io'₂?

3—'E₂ gué₄ dsen₃ ju₁lia'₂ dsa₂ i₂rē₂lí'₄ qui₂chi₁quiain_{1,2} jmig₄ o₄quió'₄ jme₂dsí₂ quió'₅, ia₁ i₂le₂'éi₂ bá₄ ca₂tín₂ ja₁gon₂ Diú₄.

4—'E₂ gué₄ dsen₃ ju₁lia'₂ dsa₂ i₂ta'₂ lia'₂ dsí₅, ia₁ cuē₃ bá₄ Diú₄ lián'₂ dsí₅.

5—'E₂ gué₄ dsen₃ ju₁lia'₂ dsa₂ i₂jmo₅ me'₂, ia₁ gua'₅₄ 'uē₃ bá₄ tñin₅₄, cuē₃ Diú₄.

6—'E₂ gué₄ dsen₃ ju₁lia'₂ dsa₂ i₂ñí₄ lē₃ 'ín₅ dsí₅ jmo₃ a₂ñio₂ dsí₅ Diú₄, ia₁ lē₂ dsí₅ nē₂jag₄ bá₄ a₂i₁cón'₅, a₂rē₂quein₂ dsí₅ nē₃; ia₁ 'ág'₄ bá₄ dsí₅, jmo₃ Diú₄.

7—'E₂ gué₄ dsen₃ ju₁lia'₂ dsa₂ i₂ñé₂ dsí₅ dsa₂ sián'₂, ia₁ dsia₃ bá₄ Diú₄ ñé₂ dsí₅ guioin₅₄.

8—'E₂ gué₄ dsen₃ ju₁lia'₂ dsa₂ i₂quile₁jē₃ dsí₅, ia₁ jñin₂ bá₄ Diú₄.

9—'E₂ gué₄ dsen₃ ju₁lia'₂ dsa₂ i₂quín'₅ bí₂ 'no'₂ ju₁'a₂ lia'₂ 'ag₃ tei₄, ia₁ quiong₃ Diú₄ chí'₂-guein₂ quiáin₅.

10—'E₂ gué₄ dsen₃ ju₁lia'₂ dsa₂ i₂qui₂co₂'ein₅ dsa₂ 'uig₅₄ ia₁ a₂jmo₂₃ a₂ñio₂ dsí₅ Diú₄, ia₁ ja₁gon₂ Diú₄ bá₄ ca₂tín₂.

11—'E₂ gué₄ dsen₃ 'nia'₂, jē₁ma₂tē₂ rē₁qui₃jnaú'₂ dsa₂ jág₁, qui₂co₂jmóg'₂, a₂juá'₂ ca₂le₃jē₃ ne₅₄ jág₁ a₂tsá₃ tí₅ ja₁con'₂ 'nia'₂ o₄quió₃ jniá₂; ¹² jmo₄ 'nia'₂ 'io'₂, ju₁le₁'ág₄ bá₄ dse₃ 'au'₂, ia₁ guéi'₁ 'nia'₂ 'liang'₅₄ jó₄ guei'₅₄ i₂juíg₃. Ia₁ le₂nē₅ bá₄ ján₃ qui₂ca₂co₃'ein₃ dsa₂ quió'₅ dsa₂ i₂jme₁'ē₂ jág₁ quián₅ Diú₄, i₂ma₂ca₂rē₃chán₃ le₂jniá₅ con'₂ gué₄ 'nia'₂.

Jág₁ a₂jáng'₅ léi₄ ju₁lia'₂ tsi₁ñi₁ quian'₅₄ si₂ a₂tág₅ jin₄ dsa₂ mi₂güí₃
(Marcos 9:50: Lucas 14:34-35)

13—'Tén'₅ 'nia'₂ ta₁ ne₄ gua'₅₄ 'uē₃ ju₁lia'₂ jmo₅ tsi₁ñi₁ jē₄ má₃. La₁ nē₁jua'₂ ma₂ca₂'en₃ ñi'₅₄ tsi₁ñi₁, ¿'a₂ bá₄ lia'₂ lé₂ le₃le₂ táng₃? Tsá₃ ma₃'e₂ ta₁ jmo₃, a₂jñia'₅₄ lia'₂ a₂dsi₃ga'₅₄ bá₄ jaun₂, qui₃tsó'₃ dsa₂.

14—'Ján₃ bá₄ rē₂jniá'₁ 'nia'₂ co₂'nió'₄ a₂lín₅ si₂ quió'₅ dsa₂ mi₂güí₃. Ju₁lia'₂ caun₂ juig₂ a₂niog₅ dsí₂con'₂ tsá₃ lé₂ le₃dsi₃'ma₄, ¹⁵ ján₃ bá₄ tsá₃ guí'₅ dsa₂ si₂ caun₂ ni₁tsí₅ a₂chi'₃ né₃ tsi₁gu₅; guei'₅₄ bá₄ chí'₂ dsa₂ ia₁ jaun₂ tág'₅ si₂ ja₁con₂ ca₂le₃jñ₃ i₂tion'₅₄ dsí₂né₂. ¹⁶ Le₂nē₅ bá₄ 'nia'₂ nē₃, jmo₄ tág₅ si₂ quiáng'₂ jin₄ dsa₂ mi₂güí₃, ia₁ jaun₂ tē₅₄ ne₄ dsa₂ a₂dse₃ a₂jmo₂ 'nia'₂, jaun₂ jme₃juin'₂ Néi'₅ 'nia'₂ i₂guá₅ guei'₅₄ i₂juíg₃.

Jme₂tag₅ Jesús ju₁lia'₂ 'Éi'₃

17—'Tsá₃ o₁len'₂ 'nia'₂ jua'₅₄ a₂guio₃ jniá₂ a₂jñiá'₄ Si₂ 'Éi'₃ quió'₅ Moisés, on₃ guē'₂ jág₁ a₂jme₂ tag₅ dsa₂ i₂jme₁'ē₂ jág₁ quián₅ Diú₄. On₃ jua'₅₄ ta₁ jaun₂ guio₃ jniá₂ a₂jñiá'₄, tē₂le₃ a₂jme₁ñia₅ bá₄ jniá₂ guio₃. ¹⁸ Ia₁ a₂dsi₂jó'₃ juá'₅ jniá₂, tē₂lia'₂ niog₅ mi₂güí₃, tē₂lia'₂ jniá₂ dsí₄ guei'₅₄ nē₅, 'i₁caun₂ punto, on₃ guē'₂ 'i₁caun₂ letra pí'₁ quió'₅ Si₂ 'Éi'₃ tsá₃ dsí₃'én₂ ca₂lia'₂ ca₂rē₃ti₃ ca₂le₃jē₃ a₂niog₅ lé₂. ¹⁹ 'Uig₅₄ jaun₂, ju₁lia'₂ i₂jmo₅ cau₅ caun₂ 'Éi'₃ Juá'₅ ne₄ Si₂ 'Éi'₃, o₁jñia'₅₄ lín₂ caun₂ 'éi'₃ tsá₃ lín₄ quen₅, nē₁jua'₂ le₂jaun₂ jme₁tñin₂₃ dsa₂ rin'₅₄, le₂jaun₂ bá₄ lén₂ dsa₂ 'éi₂ jan₂ dsa₂ i₂tsá₃ lín₄ quen₅ ja₁gon₂ Diú₄. La₁ ju₁lia'₂ dsa₂ i₂nag₅ gau₂, jme₂tñ₃, le₂jaun₂ jme₂tñin₂₃ i₂sián'₂ nē₃, le₂jaun₂ bá₄ lén₂ dsa₂ 'éi₂ juin'₂ ja₁gon₂ Diú₄. ²⁰ Ia₁ a₂dsi₂jó'₃ juá'₅ jniá₂ juíg₂ 'nia'₂, nē₁jua'₂ tsá₃ ca₂jmo₅₄ 'nia'₂ a₂dse₃ gué₄ con'₂ gué₄ tē₅juá'₅ quian'₅₄ dsa₂ fariseos, lia'₂ o₁líg'₂ jmig₄ tsá₃ lé₂ dsí₁no'₃ 'nia'₂ ja₁gon₂ Diú₄.

Jme₂tag₅ Jesús ju₁lia'₂ a₂rē₂'ne₂ dsa₂
(Lucas 12:57-59)

21—'Ma₂ñi'₅₄ bá₄ 'nia'₂ 'a₂ lia'₂ lē₅ ma₂nág₂ dsa₂ can'₅₄ quián'₂ 'nia'₂: “Tsá₃ jñíg'₄ dsa₂, * ia₁ nē₁jua'₂ 'ein₂ ca₂jñi'₃ rin'₅₄, tion₅₄ tē₃dsí₅₄ bá₄ 'éi'₃ ja₁coin₂.” ²² La₁ jniá₂

* 5:21 Éxodo 20:13.

juá'₅ juíg₂ 'nia'₂, chi₂jua'₂ 'ein₂ ca₂rē₃ 'né₃ quian'₅₄ rīn'₅₄, † ján₃ bá₄ le₂jaun₂ jióg'₂ 'í₁ ja₁coin₂, tē₃dsi₅₄ 'éi'₃. Ján₃ bá₄ le₂jaun₂ juī₅lia'₂ i₂tē₂ 'on'₂ rīn'₅₄, ne₄ dsi₂tan₅₄ quián₅ guá'₅ bá₄ dsi₁léin₂, la₁ juī₅lia'₂ i₂quian₅ tonto† rīn'₅₄, go'₂ 'liáin'₃ quióin'₄ dsi₂si₂ ja₁'lig'₅₄.

23 'Uig₅₄ jaun₂ ně₃, ně₁jua'₂ dsi₂can'₅₄ 'e₂ dsi₂can'₅₄ ne₄chei₂, a₂jen'₅₄ ne₄ Diú₄, ně₁ca₂dsáu'₃ 'au'₂ tsá₃ 'ei₅ caun₂ jág₁ quian'₅₄ rīng'₂, 24 ja₁jaun₂ de'₂ dsia₄ a₂jaun₂ cau₅ ne₄chei₂, jaun₂ guē₄ guan'₂ jme₁dsian₅ mi'₅₄ o₂'éi₂ caun₂ jág₁ quian'₅₄ rīng'₂. Jaun₂ guē₄ ŋe'₅₄ táng₃ i₂dsia₄ a₂cuē'₅₄ Diú₄.

25 'Chi₂jua'₂ 'ein₂ 'nio₃ 'nag₃ ne₄ dsi₂tan₅₄, ŋi'₅₄ ta₁ 'nio'₂ juī₅ 'éi₂ caun₂ jág₁ quiaín'₅₄ né'₃ a₂jmo₃ le₂jaun₂, ia₁jaun₂ tsá₃ jáng'₂ ne₄ dsi₂tan₅₄ i₂qui₂dsi₅ 'éi'₃; ia₁ dsi₂tan₅₄ ně₃, con'₂ tsá₃ ŋó₅ ně₁ca₂jáng'₂ o₄gú₃ chi'₂ 'i'₅₄; i₂'éi₂ guē₄ ně₃ 'liog'₃ né'₃ 'má₃. 26 A₂dsi₂jó'₃ juá'₅ jniá₂, tsá₃ a₁jaun₂ o₃'ing'₂ ja₁jaun₂ ca₂lia'₂ ca₂qui'₅₄ ca₂le₃jě₃ 'a₂ con'₂ mi₅ dsa₂ quiáng'₂.

Jme₂tag₅ Jesús a₂tsá₃ nió'₃ dsa₂ jág₁ quian'₅₄ dsa₂ on₃jua'₅₄ dsi₂i₂gu₂

27 'Ma₂ŋi'₅₄ bá₄ 'nia'₂ ján₃ 'a₂ lia'₂ lě₅ ma₂juá'₂ dsa₂ le₂jñiá₅: “Tsá₃ nióg'₄ jág₁ quian'₅₄ dsa₂ on₃jua'₅₄ dsi₂i₂gog'₂.” § 28 La₁ jniá₂ guē'₂ juá'₅ juíg₂ 'nia'₂, chi₂jua'₂ 'ein₂ dsi₂jiog₅ dsí₅ 'lig'₅₄ qui₂jīn₂ jan₂ dsa₂ mí₂, co₂'nió'₄ ma₂ně₂'nióg₂ dso₄ quiong'₅₄ juī₅ tē₂dsí₅.

29 'Ně₁jua'₂ mi₂ne'₅₄ jmo₅ a₂tang'₂ dso₄, co₂dsia₅ dsi₄, tiong₂ uing₂; ia₁ dse₃ guē₄ a₂dsi₃'éń₂ ca₂jne₄ quiáng'₂, con'₂ guē₄ jme₁o₁'ú'₃ ta₁jang'₂ ja₁'lig'₅₄. 30 Ján₃ bá₄ le₂ně₅ ně₁jua'₂ mi₂gog'₂ jmo₅ a₂tang'₂ dso₄, co₂dsia₅ ti₄, tiong₂ uing₂; ia₁ dse₃ guē₄ a₂dsi₃'éń₂ ca₂jne₄ ni₁ŋi'₁ con'₂ guē₄ jme₁o₁'ú'₃ ta₁jang'₂ ja₁'lig'₅₄.

Jme₂tag₅ Jesús juī₅lia'₂ dso₄ a₂tén₂ dsa₂ dsi₂i₂gu₂
(Mateo 19:9; Marcos 10:11-12; Lucas 16:18)

31 'Ján₃ bá₄ ma₂juá'₂ dsa₂ le₂jñiá₅: “Chi₂jua'₂ 'ein₂ ca₂tén₂ dsa₂ mí₂ quián₅, ca₂tiin₂ cho₃ caun₂ si₂ a₂jáng'₅ léi₄ a₂ma₂ca₂tén₂ dsón'₂ rīin'₅₄.”* 32 La₁ jniá₂ juá'₅ juíg₂ 'nia'₂, chi₂jua'₂ 'ein₂ ca₂tén₂ dsa₂ mí₂ quián₅, on₃jua'₅₄ cha₂ 'uig'₅₄, jua'₅₄ a₂ma₂nió'₅ jág₁ quian'₅₄ i₂sián'₂, jmo₂₃ a₂'no₃ 'io₅₄ quiáin₅ dso₄. Ján₃ bá₄ le₂jaun₂ juī₅lia'₂ dsa₂ ŋe'₂ i₂cán₂ 'io₅₄ i₂ma₂téi₂ dsa₂, ján₃ bá₄ le₂jaun₂ 'no₂₃ dso₄.

Jme₂tag₅ Jesús juī₅lia'₂ jág₁ a₂'in₅ dsa₂ Diú₄

33 'Ma₂nei'₂ bá₄ 'nia'₂ ján₃, 'a₂ lia'₂ lě₅ ca₂nág₂ dsa₂ can'₅₄ ma₂líg'₂: “Tsá₃ jmó'₂ jua'₅₄ a₂tsá₃ jme₁ti'₄ jág₁ quiáng'₂ a₂ma₂cuē'₅₄ a₂'ing'₅ Te₁gui'₅₄.” 34 La₁ jniá₂ juá'₅ juíg₂ 'nia'₂ tsá₃ 'e₂ 'uig'₅₄ cha₂ jua'₅₄ a₂'ing'₄ Diú₄; tsá₃ 'ě'₁ guei'₅₄ i₂juíg₃, ia₁ ne₄ta₁ quió'₅ Diú₄ bá₄ jaun₂; 35 on₃ guē'₂ 'ě'₁ gua'₅₄ 'uě₃, ia₁ co₂'nió'₄ ja₁tíong₂ tag₄ bá₄ Diú₄; on₃ guē'₂ 'nió'₅ 'ě'₁ 'nia'₂ Jerusalén, ia₁ juig₂ quió'₅ Rag₅₄ Juin'₂ bá₄ jaun₂. 36 Tsá₃ lě'ě₂ 'nia'₂ mi₂dsei'₂ guiong'₅₄ ně₃, ia₁ 'i₁ca₂mi'₂ ni₁jñi₂ dsei'₂ 'nia'₂ tsá₃ lé₂ le₃jmó'₂ tiog₂, on₃ guē₄ a₂lia'₂ ně₃. 37 Jua'₅₄ bá₄ 'nia'₂ quian'₅₄ ca₂jon₄ jág₁, “ján₅”, o₃ “jan₂ón₄” 'e₂, ia₁ ně₁jua'₂ 'ein₂ ca₂juá'₂ ŋag₅₄ guē₄ con'₂ lě₅ ně₅, já₅ ja₁con₂ i₂sě₃dsen₃ bá₄ jaun₂.

Jme₂tag₅ Jesús jág₁ juī₅lia'₂ a₂con₂ dsa₂ 'ma'₅₄ ja₁con₂ rīin'₅₄
(Lucas 6:29-30)

38 'Ma₂nei'₂ bá₄ 'nia'₂ a₂ma₂juá'₂ dsa₂ le₂jñiá₅: “Ně₁jua'₂ 'ein₂ ca₂'éń₂ ca₂míg₂ mi₂ne₄ rīn'₅₄, le₂jaun₂ bá₄ lé₂ 'éi'₃ dsi₃'éń₂ ca₂míg₂ mi₂ne₄ juī₅lia'₂ i₂ca₂jmo₃ ján₃; o₃ ně₁jua'₂ 'ein₂ ca₂tia'₃ ca₂míg₂ mi₂jan₄ rīn'₅₄ ně₃, le₂jaun₂ bá₄ lé₂ táng₃ 'éi'₃,

† 5:22 A₂līn'₅₄ chog₅₄ si₂ juá'₂ ján₃: “on₃jua'₅₄ cha₂ 'uig'₅₄.” † 5:22 griego: raca; caun₂ jág₁, tē₂'o'₅₄ arameo co₂'nió'₄ a₂juá'₂: “Tsá₃ 'e₂ tió'₅₄ mi₂dsei'₂.” § 5:27 Éxodo 20:14. * 5:31 Deuteronomio 24:1.

tiá'₃ ca₂míg₂ quió'₅.”† 39 La₁ jniá₂ guë'₂ juá'₅ juíg₂ 'nia'₂, tsá₃ lë₁nau₂ 'nia'₂ queng'₂ quian'₅₄ dsa₂ 'lin'₅₄. Në₁jua'₂ 'ein₂ ca₂quein₃ rë₂jog'₂, jein'₅₄ tē₂le₃ ca₂ton₂, ju₁quein₂₃ ta₁tin₃ ton₂. 40 Chi₂jua'₂ 'ein₂ 'nag₅ quiáng'₂, a₂'nio₃ jniá'₂ ni₁tsín'₂, le₂jiog₅ tsi'₁mi'₂ dsiog₂ qui'₅₄ cuë'₅₄ ju₁quion₂. 41 Në₁jua'₂ 'ein₂ ca₂chi₃quióng₂ jmig₄ a₂caun'₅₄ lio₅₄ caun₂ kilómetro, o₂con₄ tin₃ kilómetros. 42 Ju₁'ein₂ guë'₃ mi₅ 'e₂ mi₅ quiáng'₂ a₂dsi₂, cuë'₅₄; 'a₃ lë₁jein'₅₄ le₃mi₂ca'₅₄ quió'₅.

*Jme'nió₄ bá₄ 'nia'₂ ju₁lia'₂ dsa₂ i₂'iog₅₄ quián'₂ 'nia'₂
(Lucas 6:27-28, 32—36)*

43 Ján₃ bá₄ ma₂nei'₂ 'nia'₂ a₂ma₂juá'₂ dsa₂ le₂jniá₅: “Jme'nió₄ a₂mei₅₄ quiáng'₂, jme'niá₅₄ ju₁lia'₂ dsa₂ i₂'iog₅₄.” 44 La₁ jniá₂ guë'₂ juá'₅ juíg₂ 'nia'₂: Jme'nió₄ bá₄ 'nia'₂ ju₁lia'₂ dsa₂ i₂'iog₅₄, mi₄ ne₄ Diú₄ o₄quió'₄ ju₁lia'₂ dsa₂ i₂co₂'ein₅.‡ 45 Jaun₂ le₂në₅ bá₄ a₂rë₂jniá'₁ 'nia'₂ a₂lín'₅ chi'₂-guein₂ quián₅ Néi'₅ i₂guá₅ guei'₅₄ i₂juíg₃; ia₁ 'éi₂ bá₄ cuë'₅ 'iog₂ cuë'₅ lia'₂ dsa₂ 'lin'₅₄ lia'₂ dsa₂ dsen₃; ján₃ bá₄ chein₁₂ jmí₅ cuë'₅ lia'₂ dsa₂ i₂cuin₅ Diú₄ lia'₂ dsa₂ i₂tsá₃ Diú₄ cuin₅ në₃. 46 Ia₁ në₁jua'₂ 'nió'₃ 'nia'₂ jmá'₃ lia'₂ dsa₂ i₂'nio₃ 'nia'₂, ¿'e₂ 'lian'₅₄ 'nia'₂ guéi'₁ le₂jaun₂? Le₂jiog₅ dsa₂ i₂cán₂ 'lia'₅₄ quián₅ dsi₂tan₅₄ tin₂ le₂jaun₂. 47 Chi₂jua'₂ cuin'₅ 'nia'₂ Diú₄ jmá'₃ lia'₂ dsa₂ rín'₂, ¿'e₂ a₂nag₅₄ guë₄ a₂dse₃ jmo'₂ 'nia'₂ në₁jua'₂ le₂jaun₂? Ia₁ le₂në₅ bá₄ jmo₅ dsa₂ i₂tsá₃ Diú₄ cuin₅ ján₃. 48 Ju₁dsi₂can'₅₄ bá₄ 'nia'₂ a₂dsi₁nóg'₅ léng'₂ dsa₂ dsen₃ ju₁lia'₂ dsen₃ Néi'₅ 'nia'₂ i₂guá₅ guei'₅₄ i₂juíg₃.

6

Jme₂tag₅ Jesús jág₁ ju₁lia'₂ a₂jmo₅ dsa₂ dse₃

1 Jmo₄ 'nia'₂ 'í₁ tsá₃ lë₁jmo₂ 'nia'₂ a₂lín'₅ dsa₂ dsen₃ jnia'₅₄ lia'₂ jmá'₃ jë₄ jág₃ dsa₂. Në₁jua'₂ le₂në₅ jmo'₂ 'nia'₂, Néi'₅ 'nia'₂ i₂guá₅ guei'₅₄ i₂juíg₃ tsá₃ 'e₂ 'lian'₅₄ 'nia'₂ cuë'₃ 'i₁caun₂.

2 Uig₅₄ jaun₂, jë₁ma₂të₂ rë₁jme'₁on'₁ 'nia'₂ 'ein₂ jme'₁ong'₁ ju₁lia'₂ i₂'nió'₅ quió'₅, tsá₃ jmó'₂ jua'₅₄ uín'₂ ma₂dsi₂'ag₅ jág₁ ju₁lia'₂ jmo₅ dsa₂ i₂lë₁jmo₅ o₁ne₁ dsi₂néi₂ guá'₅ sinagogas ju₁lia'₂ jë₄ calles në₃. Jmo₂₃ le₂jaun₂ a₂chein'₂ dse₃ guioin₅₄ ia₁jaun₂ 'ag₃ dsa₂ dse₃; la₁ia₁ a₂të₃dsón'₂ juá'₅ jniá₂ i₂ma₂gue₃ 'lian'₅₄ bá₄ i₂le₂'éi₂. 3 La₁ 'ne₂ në₃, jë₁ma₂të₂ rë₁jme'₁ong'₁ ju₁lia'₂ 'ein₂ jme'₁ong'₁, jmo₄ ca₂lia'₂ jnia'₅₄ a₂mei₅₄ dsen₃ quiáng'₂ tsá₃ ni₅. 4 Ja₂lin₃ guë₄ dse₃ jmó'₂ jë₄ tē₃co'₅₄. Jaun₂ Néi'₅ i₂jág₅ a₂dse₃ jmo'₂ jë₄ tē₃co'₅₄ jaun₂, cuë₃ 'liang'₅₄.*

*Jme₂tag₅ Jesús 'a₂ lia'₂ chi₃lén'₂ dsa₂ Diú₄
(Lucas 11:2-4)*

5 Jë₁ma₂të₂ rë₁chi₁len'₄ 'nia'₂ Diú₄, tsá₃ lë₁jmo₂ 'nia'₂ ju₁lia'₂ jmo₅ dsa₂ i₂lë₁jmo₅-dsáu₅ o₁ne₁, a₂të₅ dsí₅ chi₂lén'₂ Diú₄ tē₃ tióin₂ dsi₂néi₂ guá'₅ sinagogas jë₄ calles në₃, ia₁jaun₂ jág₃ dsa₂. A₂dsi₂jó'₃ juá'₅ jniá₂, i₂ma₂gue₃ 'lian'₅₄ bá₄ i₂le₂'éi₂. 6 La₁ jë₁ma₂të₂ rë₁mí'₁ 'ne₂ ne₄ Diú₄, jne₅₄ dsi₂néi₂ quiáng'₂. Ja₁jaun₂ chi₁len'₄ 'ne₂ Diú₄ Néi'₅ i₂tsá₃ jniá₂. Jaun₂ në₃ Néi'₅ i₂ni₅ 'e₂ a₂jmo'₂ jë₄ tē₃co'₅₄, cuë₃ 'liang'₅₄.

7 Jë₁ma₂të₂ rë₁juig'₅₄ Diú₄, tsá₃ jmó'₂ 'nia'₂ jua'₅₄ a₂lë₁të₁'í₁ jág₁ a₂tsá₃ ta₁ tí₄, ju₁lia'₂ jmo₅ dsi₂nau₂ i₂tsá₃ 'én₂, ia₁ lín₂ nag₃ Diú₄ tē₂le₃ ia₁ a₂'lióng₂ jág₁ juá'₂. 8 Tsá₃ lë₁o₁len'₅₄ 'nia'₂ ju₁lia'₂ lín₅ dsa₂ le₂'éi₂. Ia₁ i₂ma₂ni₅ bá₄ Néi'₅ 'nia'₂ 'e₂ a₂'nió'₅ quián'₂ 'nia'₂ né'₃ guë₄ a₂mí'₁. 9 Jaun₂ në₃, le₂la₂ bá₄ juig'₅₄ 'nia'₂ Diú₄: Tia₅₄ quián₂ jniog₄, 'ne₂ i₂néi'₂ guei'₅₄ i₂juíg₃,

† 5:38 Éxodo 21:24; Levítico 24:20; Deuteronomio 19:21. ‡ 5:44 A₂lin₅₄ chog₅₄ si₂ juá'₂: “Jua'₅₄ a₂dse₃ ja₁con₂ ju₁lia'₂ dsa₂ i₂juá'₂ uig₅, jmo₄ a₂dse₃ ja₁con₂ ju₁lia'₂ dsa₂ i₂'iog₅₄.” * 6:4 Juá'₂ a₂lin₅₄ chog₅₄ si₂ le₂la₂ ján₃: “të₃ jin₄ juin₅ dsa₂.”

- juijme₂go₃ bá₄ dsa₂ a₂rë₂jñio₄ a₂cheng'₂.
 10 Jui₁le₅₄ bá₄ 'éi'₃ quiáng'₂,
 jui₁le₅₄ bá₄ a₂'ñio₂ 'au'₂ 'ne₂ ne₄ gua'₅₄ 'uë₃,
 jui₁lia'₂ lë₅ guei'₅₄ i₂juíg₃.
 11 Cuë₄ a₂'nió'₅ que₅₄ jnia'₅₄ jmig₄ në₃.
 12 'Én₃ dso₄ quián₂ jnia'₅₄,
 jui₁lia'₂ 'én₅ jnia'₅₄ dsáu₁ rin'₅₄.
 13 'A₃ cuë₂ jmig₄ jiá₃ jui₁bí₂ a₂cáun₂ táu₂,
 tē₂le₃ lio₄ bá₄ o₄gú₃ i₂sē₃dsen₃.†
 14 'Ia₁ nē₁jua'₂ 'én'₅ 'nia'₂ dsáu₁ ríng'₂ jē₁ma₂'náu₂ dso₄ ja₁cong'₂, ján₃ bá₄
 le₂jaun₂ Néi'₅ 'nia'₂ i₂guá₅ guei'₅₄ i₂juíg₃ 'éin₂ dsáu'₂ 'nia'₂ guiong'₅₄. 15 La₁ nē₁jua'₂
 tsá₃ 'éng'₅ dsáu₁ ríng'₂, ján₃ bá₄ le₂jaun₂ tsá₃ 'én₂ Néi'₅ dsáu'₂ 'nia'₂.

Jme₂tag₅ Jesús jág₁ jui₁lia'₂ a₂jme₂'in₅₄ dsa₂

- 16 'Jē₁ma₂tē₂ rē₁jme₁'in'₄ 'nia'₂, tsá₃ jme₁tsín₄ 'nia'₂ o₄-ne'₅₄ jua'₅₄ a₂jmó'₂ lē₁'ág₄
 'lia'₂ 'au'₂ jui₁lia'₂ jmo₅ dsa₂ i₂lē₁jmo₅-dsáu₅ o₁ne₁. Jmo₅ dsa₂ le₂'éi₂ le₂jaun₂
 ia₁jaun₂ jág₃ dsa₂ a₂dsón'₂ bá₄ jme₂'in₅₄. A₂dsi₂jó'₃ juá'₅ jniá₂, i₂ma₂gue₃ 'lian'₅₄
 bá₄ 'éi₂. 17 La₁ 'ne₂ nē₃, jē₁ma₂tē₂ rē₁jme₁'ing'₄, sio₅ rē₂ dsei'₂, rang₂ ne'₅₄ nē₃,
 18 ia₁jaun₂ tsá₃ 'ein₂ le₃lí'₄ a₂jme₂'ing'₄. Jnia'₅₄ lia'₂ Néi'₅ i₂tsá₃ jniá₂ bá₄ ñi₅. Jaun₂
 Néi'₅ i₂jág₅ ca₂le₃jē₃ a₂jmo'₂ jē₄ tē₃co'₅₄ jaun₂, 'éi₂ bá₄ cuë₃ 'liang'₅₄.

Jui₁lia'₂ a₂quen₅ lin₃ a₂rē₂'ma₄ guei'₅₄ i₂juíg₃
(Lucas 12:33-34)

- 19 'Tsá₃ lē₁dsia₂ 'nia'₂ lo'₂ le₁má'₂ a₂jmo'₂ 'nia'₂ a₂quen₅ lin₃ quiáng'₂ ne₄
 gua'₅₄ 'uë₃ la₂, ia₁ ja₁lá₃ ja₁lē₁qui₂rē₂jui₁ tón'₅ i₁cá₁ qui₂'éin₂, ján₃ bá₄ ja₁lá₃
 ja₁qui₂dsi₂'én₂ qui₂rē₃'áu₁ cosas nē₃; ja₁lá₃ bá₄ chan₂ dsa₂ qui₂juin₂₃ 'e₂
 qui₂juin₂₃ a₂tóin'₅ 'ang₂₃. 20 Guei'₅₄ i₂juíg₃ bá₄ 'nió'₅ dsiá'₁ 'nia'₂ lo'₂ quiáng'₂,
 ja₁tsá₃ 'e₂ le₂jua'₅₄ a₂qui₂'én₂ cá₁, on₃ guë'₂ 'e₂ rē₂'áu₁, on₃ guë'₄ le₂ dsi₃ton'₅₄ 'ang₂.
 21 Ia₁ jui₁lia'₂ jē₁tio'₅₄ a₂quen₅ quiáng'₂, ja₁jaun₂ bá₄ 'i₄ a₂'i₅ 'au'₂.

Jui₁lia'₂ jme₁ne₁ dsa₂
(Lucas 11:34-36)

- 22 'Lē₅ jme₁ne₁ dsa₂ jui₁lia'₂ lē₅ caun₂ si₂ ni₁tsí₅ quió'₅ ni₁ñi₁ dsa₂; 'uig₅₄ jaun₂
 nē₃, nē₁jua'₂ dse₃ jme₁ne₁, ján₃ bá₄ le₂jaun₂ co₂'nió'₄ tág₅ bá₄ si₂ ta₁jang'₂; 23 la₁
 nē₁jua'₂ tsá₃ dse₃ jme₁ne₁, ta₁jang'₂ bá₄ lē₅ qui₁né'₃. Nē₁jua'₂ si₂ quiáng'₂ nē₃,
 chí₅ chí₁liá'₃, i₁'e₂ guë'₄ 'ñio₅ juë'₂ lē₅ qui₁né'₃ nē₁jua'₂ le₂jaun₂!

Jui₁lia'₂ a₂'nio₃ dsa₂ Diú₄, a₂'in₅ guë'₂ dsí₅ cu₄ nē₃
(Lucas 16:13)

- 24 'I₁jan₂ tsá₃ 'ein₂ le₂ jme₃ti₃ ta₁ ne₄ on₃ juig₅₄; ia₁ jme₃'ñiai₅₄ jan₂, i₂jan₂ guë'₂
 jme₃'nio₃. O₃ náu₃ tiá₂ quian'₅₄ jan₂, i₂jan₂ guë'₂ tsá₃ le₃jein₅₄. Tsá₃ 'ein₂ le₂
 jme₃ti₃ ne₄ Diú₄, le₂jiog₅ ne₄ a₂'in₅ dsí₅ cu₄ nē₃.

Jmo₅ Diú₄ 'í₁ chí₂-guein₂ quiáin₅
(Lucas 12:22-31)

- 25 'Jaun₂ nē₃ juíg₂ jniá₂ 'nia'₂: Tsá₃ lē₁can₂ 'nia'₂ o₂l₁ dsi₅ jua'₅₄ a₂ñi₄ 'i₅ 'au'₂ 'e₂
 quë'₅₄, o₃ 'e₂ 'ag'₅₄ tē₁lia'₂ chang'₂, on₃ guë'₂ o₄quió'₄ ni₁ñi₁ 'nia'₂, 'e₂ 'mí₂ a₂qui'₅₄.
 ¿Tsa₁ quen₅ guë'₄ jme₂dsí₂ a₂chan₂ dsa₂ lia'₂ con'₂ guë'₄ má₃? 26 Jin₄ de'₂ 'nia'₂
 jui₁lia'₂ i₁tan₅ i₂ñio₄ guei'₅₄: tsá₃ 'e₂ jne₂₃, on₃ guë'₂ 'e₂ cág'₅, jua'₅₄ a₂dsia₂₃ lo'₂;
 la₁ Néi'₅ 'nia'₂ i₂guá₅ guei'₅₄ i₂juíg₃ qui₂jme₂tau₅₄. Jaun₂ nē₃, ¿Tsa₁ quen₅ guë'₄

† 6:13 A₂lin₅₄ chog₅₄ si₂juá'₂: "lio₄ bá₄ jnia'₅₄ ne₄ a₂'lig'₅₄;" a₂siá'₂ juá'₂ bá₄ ján₃: "ia₁ 'ne₂ bá₄ ca₂'tíng'₂ gong'₂,
 qui₁dsí'₂ 'éi'₃, a₂jme₃juag'₂ dsa₂ nē₃, co₂tan₅₄."

'nia'₂ lia'₂ con'₂ guě₄ já'₂ 'éi₂? 27 ¿'Ein₂ 'nia'₂, tē₂le₃ ia₁ a₂ŋí₄ 'i₅ 'au'₂, lé₂ le₃jmó'₂ 'nia'₂ a₂lé₂ le₃chang'₂ caun₂ hora ŋag₅₄ guě₄?†

28 ¿'E₂ 'uig₅₄ a₂ŋí₄ lē₃ 'i₅ 'au'₂ 'nia'₂ juí₁lia'₂ o₄quió'₄ 'mí'₂ a₂qui'₅₄? Jag₄ de'₂ 'nia'₂ juí₁lia'₂ 'a₂ lia'₂ dsi₂cón₃ lí₁ a₂cha₂ ja₁nau₂; on₃jua'₅₄ i₂jmo₅ ta₁ 'ua'₂, on₃ guē'₂ 'me₂₃; 29 la₁ juí₂ jniá₂ 'nia'₂, ca₂lia'₂ jnia'₅₄ Rag₅₄ Salomón lia'₂ con'₂ jme₁quí'₅ tsin'₅₄ a₂jlá'₁ guě₄, tsá₃ ca₂rē₃jláin'₁ juí₁lia'₂ jlá'₁ lí₁. 30 Jaun₂ ně₃, chi₂jua'₂ Diú₄ le₂ně₅ jmo₂₃ jlá'₁ nau₂ a₂cha₂ jmi₄ ně₃, la₁ 'ió₃ guē'₂ dsi₃én₂ dsi₂si₂, i'ě₂ guě₄ bá₄ 'nia'₂ dsa₂ tsá₃ lin₄ 'én₂ jmo₃ 'i₁ qui₃chein'₃ 'nia'₂ dse₃! 31 Jaun₂ le₂ně₅, tsá₃ lē₁can₂ 'nia'₂ o₂i₁ dsi₅, jua'₅₄ a₂qui₁ŋag'₅₄ 'nia'₂: “¿'E₂ que₅₄ jniog₄?” o₃ “¿'E₂ 'ne'₅₄ jniog₄?” o₃ “¿'E₂ 'mí'₂ qui'₅₄ jniog₄?” 32 Ia₁ dsa₂ mi₂güí₃ bá₄ i₂nio₄ qui₂'en₅ 'ín₅ dsi₅ ca₂le₃jě₃ a₂ně₅. I₂ŋi₅ bá₄ Néi'₅ 'nia'₂ i₂guá₅ guei'₅₄, a₂'nió'₅ quián'₂ 'nia'₂ le₃jě₃ a₂ně₅. 33 La₁ jmo₄ de'₂ jniá₅ 'nia'₂ 'ín₅ 'au'₂ a₂jiá₃ 'éi'₃ quió'₅ Diú₄ ja₁cong'₂, quian'₅₄ a₂jmó'₂ 'nia'₂ ca₂le₃jě₃ a₂dse₃ a₂tē₅ dsi₅ 'éi₂, jaun₂ guě₄ guéi'₁ 'nia'₂ le₃jě₃ a₂ně₅ a₂ŋag₅₄ guě₄. 34 Tsá₃ lē₁can₂ 'nia'₂ o₂i₁ dsi₅ jaun₂, o₄quió'₄ jmi₄ 'ió₃, ia₁ jma₃quén₅ o₂i₁ dsi₅ cha₂ bá₄ lia'₂ co₂jmi₄ lia'₂ co₂jmi₄.

7

*Tsá₃ lē₁caun₂ 'nia'₂ 'í quió'₅ i₂sián'₂
(Lucas 6:37-38, 41—42)*

1 'Tsá₃ lē₁caun₂ 'nia'₂ 'í quió'₅ ríng'₂, ia₁jaun₂ tsá₃ con₂ Diú₄ 'í ja₁con'₂ 'nia'₂ guiong'₅₄. 2 Ia₁ le₂ně₅ bá₄ con₂ Diú₄ 'í ja₁con'₂ 'nia'₂ guiong'₅₄ juí₁lia'₂ cáun'₂ 'nia'₂ 'í ja₁con'₂ ríng'₂. Quian'₅₄ 'éi'₃ a₂dsia'₂ 'nia'₂, 'éi'₃ jaun₂ bá₄ dsiog₃ Diú₄ quián'₂ 'nia'₂ guiong'₅₄.

3 ¿'A₂ lia'₂ jniag'₃ 'ne₂ jag'₅₄ jme₁qui₅ pí'₁ a₂'i₄ jme₁ne₁ ríng'₂, ton'₂ tsá₃ leng'₅₄ guē'₂ a₂'i₄ ca₂'nau₅₄ ni₁chá₅ pa₁ jme₁ne₁ 'ŋiag'₂? 4 ¿O₃ 'a₂ lia'₂ lé₂ le₃juig'₅₄ ríng'₂: “Cuě₄ jmi₄ dsi₄ jniá₂ jme₁qui₅ pí'₁ a₂'i₄ jme₁ne₁,” ton'₂ ně₅ bá₄ chí'₁i₁ ca₂'nau₅₄ ni₁'ma₂ chá₅ jme₁ne₁ 'ŋiag'₂? 5 i'Ne₂ dsa₂ i₂lē₁jmo₅ o₁ne₁! Dsi₄ de'₂ jniá₅ ni₁'ma₂ chá₅ mi₂ne'₅₄ 'ŋiag'₂, jaun₂ guě₄ lé₂ le₃jag'₅₄ rē₂, jaun₂ guě₄ lé₂ dsi'₁ qui₅ pí'₁ jme₁ne₁ ríng'₂.

6 'Tsá₃ cuē'₂ 'nia'₂ juí₁lia'₂ dsi₂ji'₅₄ a₂lě₅ a₂jnió₅ quió'₅ jme₂dsi₂, ia₁ con'₂ tsá₃ ŋó₅ ně₁jua'₂ ja₂dsi₂n₂ a₂jmo₃ le₁juig₁ quiáng'₂. Ján₃ bá₄ tsá₃ dsia₂ 'nia'₂ juí₁lia'₂ míg₂ jlá'₁ a₂quen₅ quiáng'₂ ne₄ i₁ŋí₅, con'₂ tsá₃ ŋó₅ ně₁jua'₂ qui₂ca₂tsó'₃, jme₃'ió₃.

*Juí₁lia'₂ dsa₂ i₂mi₅, i₂'no'₂, i₂tě₂ ně₃.
(Lucas 11:9-13; 6:31)*

7 'Mi₄ 'nia'₂ ne₄ Diú₄, jaun₂ guéi'₁ 'nia'₂; 'nio'₂ 'nia'₂, jaun₂ bá₄ dsiang'₂; té₃ 'nia'₂ o₄'né₄, jaun₂ bá₄ niá₂. 8 Ia₁ juí₁lia'₂ i₂mi₅, gue₃ bá₄; juí₁lia'₂ i₂'no'₂, dsio'₂ bá₄ ján₃; ján₃ bá₄ le₂jaun₂, quió'₅ juí₁lia'₂ i₂tě₂ o₄'né₄, niá₂ bá₄.

9 ¿O₃ chan₂ juí₁lia'₂ 'ein₂ 'nia'₂, jme₁mi₅ chí'₂ quiáng'₂ i₁ŋí'₄, cuē'₂ 'nia'₂ ca₂míg₂ ni₁cang₁? 10 ¿O₃ chan'₂ 'nia'₂ jē₁ma₂ca₂mi₃ chí'₂ quiáng'₂ quió'₅ ju₄, cuín'₄ 'nia'₂ dsi₂mí'₂? 11 Jaun₂ ně₃, chi₂jua'₂ 'nia'₂ dsa₂ i₂rē₂cán'₄ dso₄ ting'₂ cuē'₂ cosa dse₃ chí'₂-guein₂ quiáng'₂, i'ě₂ guě₄ bá₄ Néi'₅ 'nia'₂ i₂guá₅ guei'₅₄ cuē'₃ a₂dse₃ cuē'₃ juí₁lia'₂ i₂mi₅ ja₁coin₂!

12 'Uig₅₄ jaun₂ ně₃, jmo₄ bá₄ 'nia'₂ quian'₅₄ dsa₂ mi₂güí₃ ríng'₂ juí₁lia'₂ 'e₂ a₂'niog'₂ 'nia'₂ jmo₃ 'éi₂ quian'₅₄ 'nia'₂; ia₁ a₂ně₅ bá₄ ta₁ qui'₅ ca₂le₃jě₃ Si₂ 'Éi'₃, quian'₅₄ guě₄ Si₂ a₂qui₂ca₂jmo₃ dsa₂ i₂jme₁'ě₂ jág₁ quián₅ Diú₄.

† 6:27 A₂lin₅₄ chog₅₄ si₂juá'₂: “a₂lé₂ le₃i₃con'₅₄ 'nia'₂ caun₂ lē₂.”

O₄jui₅ dsag₂
(Lucas 13:24)

13 'Tiön'₂ 'nia'₂ të₂le₃ o₄jui₅ dsag₂. Ia₁ a₂'i₂ juë'₂ bá₄ ja₁dsi₂ton'₅₄ dsa₂ jui₅ a₂jio₅ ja₁dsi₃'éin₂. Ja₂lin₃ guë'₄ juin₅ dsa₂ i₂dsi₂ton'₅₄ jui₅ jaun₂; 14 ia₁ caun₂ o₄jui₅ dsag₂ rë₂quí'₅ bá₄ ja₁i₂nio₄ dsa₂ a₂dsi₁lein₅ ja₁le₃chan₂ jme₂dsí₂, jaun₂ tsá₃ lin₄ juin₅ i₂dso'₂ jui₅ jaun₂.

Të₂le₃ quian'₅₄ mīg₂ a₂'ag₅ bá₄ ni'₁ma₂, jáng'₅ léi₄
(Lucas 6:43-44)

15 'Jmo₄ 'nia'₂ 'í₁ jaun₂ tsá₃ jme₃gau₅ dsa₂ i₂i₂nio₄ 'ě₂ jág₁ a₂jui₁gain₂, i₂ja₂lén₂ ja₁con'₂ 'nia'₂ qui₂rë₂lin₅₄ a₂lín₅ já'₂ cha'₂, la₁ të₂le₃ né'₃ të₂dsí₅ lín₅ jui₁lia'₂ lín₅ dsi₂jí'₅₄ ná_u₂ tsau₂ dsí₅. 16 La₁ të₂le₃ 'a₂ lia'₂ jmo₅-dsá_u₅ bá₄ le₃cuin'₂ 'nia'₂; ia₁ tsá₃ guei'₅₄ chi₁uín₃ taun₅ quin₅ dsa₂ jui₁lia'₂ mīg₂ uvas. On₃ guë'₂ lé₂ le₃quin₃ dsa₂ mīg₂ higos guei'₅₄ 'ma₂ taun₅ jmi'₅₄. 17 Jaun₂ ně₃, ca₂le₃jě₃ 'ma₂ dse₃, mīg₂ dse₃ bá₄ 'ag₅; ján₃ bá₄ le₂jaun₂ jui₁lia'₂ ni'₁ma₂ 'lig'₅₄, mīg₂ 'lig'₅₄ bá₄ 'ag₅. 18 Jui₁lia'₂ ni'₁ma₂ dse₃, tsá₃ lé₂ le₃'ag₃ mīg₂ 'lig'₅₄; ján₃ guë'₂ le₂jaun₂ tsá₃ lé₂ le₃'ag₃ mīg₂ dse₃ jui₁lia'₂ ni'₁ma₂ 'lig'₅₄. 19 Ca₂le₃jě₃ ni'₁ma₂ a₂tsá₃ 'ag₅ mīg₂ dse₃, jñia'₅₄ lia'₂ a₂uín'₂ bá₄, dsi'₂ dsi₂si₂. 20 Jaun₂ le₂ně₅ bá₄ le₃cuin'₂ 'nia'₂: të₂le₃ 'a₂ lia'₂ lě₅ jmo₂₃.

Tsá₃ ca₂le₃jín₃ tñ'₄ ja₁gon₂ Diú₄.
(Lucas 13:25-27)

21 'Tsá₃ ca₂le₃jín₃ i₂tě₂ jniá₂: “Te₁gui'₅₄, Te₁gui'₅₄,” dsi₁lein₅ guei'₅₄ i₂juí₃ ja₁gon₂ Diú₄; jñia'₅₄ lia'₂ jmá'₃ i₂jmo₅ a₂'ñio₂ dsí₅ Ne'₃ i₂guá₅ guei'₅₄ bá₄ dsi₁len₅. 22 Juin₅ dsa₂ lé₂ jmig₄ jaun₂ i₂juá'₂ tság₃ jniá₂: “Te₁gui'₅₄, Te₁gui'₅₄, ma₂qui₂ca₂'ě₄ jnia'₅₄ jág₁ o₄quián'₂ 'ne₂. Quian'₅₄ bí₂ 'éi'₃ quiáng'₂ ně₃, ma₂qui₂ma₂'uin'₅₄ jnia'₅₄ je₂na'₅₄, ma₂qui₂ma₂jmó₁ jnia'₅₄ 'lióng₂ léi₄ juë'₂ ně₃.” 23 La₁ jaun₂ guë'₄ ně₃ juig₅₄ jniá₂: “O₁líg'₂ tsá₃ 'nia'₂ ca₂rë₃cuíng₅. Cau₅ jñia'₃ 'nia'₂ i₂jmo'₂ a₂'lig'₅₄.”

Ta₁tñ₃ ne₅₄ 'uig₅₄
(Marcos 1:22; Lucas 6:47-49)

24 'Jaun₂ ně₃, ca₂le₃jín₃ jui₁lia'₂ dsa₂ i₂nag₅ jág₁ quió₃, jmo₂₃ a₂juí₂ jniá₂, lín₅ jui₁lia'₂ lín₅ jan₂ dsa₂ i₂ñí'₂ dsí₅ i₂ca₂jmóg'₃ 'ne₄ ne₄ 'lau₂. 25 Ca₂já₃ jmí₅, qui₂ca₂juë'₂ jmig₂ cuá₃, ca₂'ág₂ dsí₂ tiá₂ lin₃ ca₂jnú₃ 'né₅ jaun₂; la₁ tsá₃ ca₂qui'₃, ia₁ jme₁chí'₄ bá₄ 'uig₅₄ ne₄ 'lau₂. 26 La₁ ca₂le₃jín₃ jui₁lia'₂ dsa₂ i₂nag₅ jág₁ quió₃, tsá₃ jmo₂₃ guë'₂ a₂juí₂ jniá₂, lín₅ jui₁lia'₂ lín₅ jan₂ dsa₂ co₄ i₂tsá₃ 'en₅₄ dsí₅, ca₂chi'₃ 'né₅ quió'₅ ne₄ ti₁tsag₁. 27 Jme₁ca₂já₃ jmí₅, ca₂juë'₂ jmig₂ cuá₃, ca₂'ág₂ dsí₂ tiá₂ ca₂jnú₃ dso'₂ tsi₁'né₅ jaun₂; jaun₂ ca₂qui'₃ ca₂gon₃ gau₂ lin₃.

28 Jme₁ca₂lě₃ juá'₂ Jesús jág₁ le₂ně₅, 'ñio₅ lin₃ qui₂dsi₂gó'₃ dsí₅ dsa₂ 'a₂ lia'₂ lě₅ jág₁ a₂jme₂tag₂₃, 29 ia₁ jme₂tag₂₃ jui₁lia'₂ jan₂ i₂quian₅ 'éi'₃ dsón'₂, on₃jua'₅₄ rë'₂ lia'₂ të₅juá'₅ quiáin₅.

8

Ca₂jme₃'lión₂ Jesús jan₂ dsa₂ i₂lín₅ 'mé'₅ 'iog₅
(Marcos 1:40; Lucas 5:12-16)

1 Jme₁ca₂sión₃ Jesús má'₂, juin₅ lin₃ dsa₂ jme₂quiong'₅₄. 2 Jaun₂ ca₂jme₃quián₃ jan₂ dsa₂ dso'₅₄ i₂lín₅ 'mé'₅ 'iog₅, ca₂chi₃ jné₃ ne₄ Jesús, jaun₂ ca₂juá'₂:

—Chi₂jua'₂ 'niog'₂ 'ne₂, Te₁gui'₅₄, lé₂ bá₄ jme₁'lio'₅₄ jniá₂.

3 Jaun₂ Jesús ně₃ ca₂néi'₃ gu₂, ca₂jñá'₃ quió'₅ dsa₂ 'éi₂, jaun₂ ca₂juá'₂:

—'Nio₃ bá₄ jniá₂. Jme₁'lióng₅₄ 'ne₂.

Dsi₂ju₅ jme₁ca₂juá'₂ le₂në₅, ca₂'lón₂ dsa₂ 'éi₂ 'mé'₅ 'iog₅ a₂jme₁lín₄. ⁴ Jaun₂ ca₂juá'₂ Jesús:

—Në₃ jaun₂, tsá₃ lë₁'ein₂ juig'₂ 'i₁jan₂; jnia'₅₄ lia'₂ guan'₂ o₂jme₁jnia₅ ne₄ jme₂dsa₂, jaun₂ o₂jen'₅₄ a₂'nió'₅ jme₁ti'₄ con'₂ lë₅ 'Éi'₃ quió'₅ Moisés, ia₁jaun₂ le₃ji₅ dsa₂ a₂ma₂le₁jíng'₃.*

*A₂ lia'₂ jme₁ 'én₂ jan₂ juig₅₄ 'lióg₂ romano
(Lucas 7:1-10)*

⁵ Jme₁ca₂'í₃ Jesús jë₄ juig₂ Capernaum, ca₂jme₃quián₃ jan₂ juig₅₄ 'lióg₂ romano coin₂, jaun₂ ca₂mi₃ a₂jme₃'o₅₄ 'éi₂, ca₂juá'₂:

⁶ —Te₁gui'₅₄, jan₂ dsó₂ i₂jme₂ti₃ ta₁ ne₃, ron₅ dso'₅₄ ñág₅ uig₅ ja₁quió₃; a₂'ua'₂ quió'₅, tsá₃ lé₂ jë'₂ gu₂-tag₅₄. ⁷ Jaun₂ ca₂juá'₂ Jesús:

—Nei₅₄ bá₄ jniá₂ i₁jme₁'lioin₁₂.

⁸ Jaun₂ ca₂ñag₃ juig₅₄ 'lióg₂:

—Te₁gui'₅₄, tsá₃ ca₂tín₂ jniá₂ jua'₅₄ o₁'ú'₃ 'ne₂ dsi₂néi₂ quió₃; jnia'₅₄ lia'₂ a₂jme₁jmó'₂ 'éi'₃ bá₄, jaun₂ 'lión₂ dsa₂ 'éi₂ quiáng₃. ⁹ Ia₁ le₂në₅ bá₄ jniá₂ 'ñi₃, chéng'₅ a₂jme₂ti₅₄ 'éi'₃ quió'₅ juig₃, já₃ bá₄ le₂në₅ te₁neg'₅₄ 'lióg₂ i₂niog₅ gu₃, 'e₂ caun₂ 'nio₃ jniá₂ lé₂. Në₁jua'₂ ca₂juig₂ jniá₂: “Gua₂ jó₄”, ja₁jaun₂ dsó₃ bá₄; në₁jua'₂ ca₂juig₂ jniá₂ i₂sián'₂ guë'₂ táng₃: “Ñia₅”, jiá₃ bá₄. Në₁jua'₂ ca₂juig₂ jniá₂ dsa₂ sián'₂ quiáng₃: “O₂jmo₄ a₂la₂ a₂ó₃”, a₂jaun₂ dsi₃jmó₂ bá₄.

¹⁰ Jme₁ca₂nág₂ Jesús a₂juá'₂ dsa₂ 'éi₂, ca₂i₃gó'₃ dsí₅, jaun₂ ca₂tsí'₃ dsa₂ i₂jme₁quiain'₅₄:

—A₂dsi₂jó'₃ juá'₅ jniá₂ juig₂ 'nia'₂, ca₂lia'₂ 'i₁jan₂ dsa₂ juig₂ Israel, tsá₃ i₂ma₂jín₄ jniá₂ i₂'én₂ guë'₄ lín₃ lia'₂ 'én₂ dsa₂ la₂. ¹¹ Jniá₂ juig₂ 'nia'₂, juin₅ dsa₂ i₂qui₂ja₃lén₂ ca₂le₂con₂ gua'₅₄ 'uë₃, a₂tiain'₃ co₂lë₅ guë'₃ quian'₅₄ Abraham, quian'₅₄ Isaac, Jacob në₃ ja₁gon₂ Diú₄ guei'₅₄ i₂juig₃; ¹² la₁ dsa₂ i₂jme₁ca₂tín₂ tón'₃ ja₁gon₂ Diú₄, dsi₃toin'₅₄ jë₄ qui₁né'₃ uíng₂, qui₂dsi₃'áu₃, quíg'₃ jan₅₄.

¹³ Jaun₂ ca₂juá'₂ Jesús ca₂tsí'₃ juig₅₄ 'lióg₂:

—Guan'₂ dsi₂néi₂ quiáng'₂. Lé₂ bá₄ con'₂ lë₅ 'éng'₂.

Dsón'₂ ré'₂ hora jaun₂ ca₂'lón₂ dsó₂ mozo quián₅ dsa₂ 'éi₂.

*Ca₂jme₃ 'lión₂ Jesús ma₂chog₅₄ Pe₄.
(Marcos 1:29-31; Lucas 4:38-39)*

¹⁴ Co₂ráun₂ nó₃ Jesús ja₁quió'₄ Pe₄. Ja₁jaun₂ jme₁rë₂quian₅ ma₂chog₅₄ Pe₄ a₂dso'₅₄ 'i₄ dséi₂. ¹⁵ Jaun₂ ca₂jña'₃ Jesús gu₂ dsa₂ dso'₅₄, jaun₂ dsi₂ju₅ le₂jaun₂ bá₄ ca₂o₃'ág₃ dséi₂. Jaun₂ ca₂nau₂ ma₂chog₅₄ Pe₄ ca₂jme₃lióg₃ ca₂jme₃ti₃ ta₁ ne₄ mesa, a₂ag'₃.

*Ca₂jme₃ 'lión₂ Jesús juin₅ lín₃ dsa₂ dso'₅₄
(Marcos 1:32-34; Lucas 4:40-41)*

¹⁶ Le₃ca₂nei₂ jaun₂, juin₅ lín₃ dsa₂ i₂jio₅ jme₂dsí₂ je₂na'₅₄, ca₂o₃jnia₃ dsa₂ ne₄ Jesús; jaun₂ quian'₅₄ ca₂jon₄ jág₁ bá₄ ca₂'uíin'₂ jme₂dsí₂ 'lín'₅₄. Jaun₂ ca₂jme₃'lióin₂ já₃ ca₂le₃jín₃ dsa₂ dso'₅₄. ¹⁷ Le₂në₅ bá₄ ca₂rë₃ti₃ jág₁ quió'₅ Isaías i₂jme₁'ë₂ jág₁ o₄quió'₄ Diú₄ jme₁ca₂juá'₂:

'Éi₂ bá₄ ca₂jniá'₂ a₂jme₁'uau₅₄ jniog₄,

'éi₂ bá₄ ca₂can₃ guei₂ jmi₁uig₅ quián₂ jniog₄.†

*Dsa₂ i₂jme₁'nio₃ jme₃quian'₅₄ Jesús
(Lucas 9:57-62)*

* **8:4** 'Í₂ Levítico 14. † **8:17** Isaías 53:4.

18 Jme₁ca₂jág₃ Jesús juin₅ lin₃ dsa₂ le₁lio₃, jaun₂ ca₂jmo₃ 'éi'₃ a₂ñí₃ dsa₂ quiáin₅ të₂le₃ 'ño'₅₄ jmí₁ñí'₄. 19 Jaun₂ ca₂jme₃quián₃ jan₂ të₅juá'₅ coin₂, jaun₂ ca₂juá'₂:

—Të₅, nei₅₄ jniá₂ quian'₅₄ 'ne₂ ca₂le₂con₂ ja₁gog'₅₄.

20 Jaun₂ ca₂ñag₃ Jesús:

—I₂cha₂ të₂'lau₂ quió'₅ bá₄ jui₁lia'₂ i₁güi₅, ján₃ bá₄ le₂jaun₂ jui₁lia'₂ i₁tan₅ i₂'in₅ guei'₅₄, i₂tio'₅₄ tsag₄ bá₄ 'éi₂. La₁ Jaun₅ dsa₂ mi₂güig₃ ně₃, tsá₃ ja₁cha₂ jua'₅₄ ja₁quióg₃ ca₂tiá₂.

21 Jan₂ guë'₂ i₂sián'₂ i₂jme₁ma₂ñó₅ quiong'₅₄ ca₂juá'₂:

—Te₁gui'₅₄, ¿tsa₁ cué'₁ jmig₄ a₂nég'₄ i₁'ong₃ de'₂ ñjiá₅ ñe'₃?

22 La₁ ca₂ñag₃ Jesús:

—Éin₃ 'ne₂ jniá₂, jui₁dsi₂'ón₃ bá₄ 'lag₄, 'lag₄ riin'₅₄.

Ca₂jmo₃ Jesús ca₂'ág₂ tei₄ jmí₁ñí'₄, ca₂ñia'₃ dsí₂ ně₃

(Marcos 4:35-41; Lucas 8:22-25)

23 Jaun₂ ně₃, ca₂'í₃ Jesús 'ñió'₃ tsi₁mu₅, quian'₅₄ dsa₂ i₂ma₂quiain'₅₄.

24 Jme₁ma₂tioin'₅₄ ne₄ jmig₂, ca₂'ág₂ dsí₂ tiá₂ lin₃ con'₂ tsá₃ jáin₅. Ca₂lia'₂ ma₂dsi₂jein₃ jmig₂ 'ñió'₃ tsi₁mu₅. La₁ jme₁rë₂güin₃ bá₄ Jesús ñó₅. 25 Jaun₂ ca₂i₁ñei₅₄ bá₄ dsa₂ quiáin₅, jaun₂ ca₂juá'₂:

—¡Te₁gui'₅₄, lio₄! ¡Ia₁ dsi₃'éin₂ jnia'₅₄† ja₁lá₃!

26 Jaun₂ ca₂ñag₃ Jesús:

—¿E₂ lë₃ ñí₄ lë₃ gan'₃ 'nia'₂ dsa₂ i₂tsá₃ lin₄ 'én₂?

Jaun₂ ca₂nau₂ ca₂jéin₂ dsí₂, jmí₁ñí'₄ ně₃, jaun₂ co₂ñei'₅₄ ca₂të₁tsi'₅₄ táng₃ tei₄.

27 Jaun₂ ca₂i₃gó'₃ dsí₅ dsa₂, qui₂ca₂ñí'₃ riin'₅₄:

—¿I₂'ein₂ bá₄ dsa₂ ně₅, le₂jio₅ dsí₂ le₂jio₅ jmí₁ñí'₄ nag₅ gau₂ jág₁ quió'₅?

Dsa₂ i₂chan₂ Gadara i₂jme₁tion'₅₄ je₂na'₅₄ të₂dsí₅

(Marcos 5:1-20; Lucas 8:26-39)

28 Jme₂ca₂dsióg₃ Jesús le₃ca₂ton₂ jmí₁ñí'₄, të₂le₃ 'uë₃ Gadara,§ jaun₂ ca₂'uin₂ on₃ dsa₂ jë₄ le₁'on₅ 'lag₄, jaun₂ ca₂jme₃quiáin₃ con₂ Jesús. Le₃on₃ dsa₂ 'éi₂ jme₁jio₅ je₂na'₅₄, jaun₂ 'ñio₅ lin₃ jme₁tsau₂ dsí₅, 'i₁jan₂ dsa₂ tsá₃ 'ein₂ lé₂ le₃ñí₃ jui₅ jaun₂. 29 Jaun₂ ca₂tóin'₂ co₂mi'₅₄ ca₂juá'₂ tiá₂:

—¿E₂ 'uig₅₄ tián'₅ 'ne₂ jë₄ quian'₅₄ jnia'₅₄, Jesús Ja₁ñi'₅₄ Diú₄? ¿A₂ñe'₃ 'ne₂ ja₁lá₃ a₂jmog'₅₄ jnia'₅₄ të₃ñjiá₅?

30 Me'₂ cau₅ jaun₂, jme₁tion'₅₄ juin₅ i₁ñí₅ gué'₅; 31 jaun₂ qui₂ca₂mi₃ je₂na'₅₄ ne₄ Jesús, ca₂juá'₂:

—Chi₂jua'₂ 'uag'₅₄ jnia'₅₄ ja₁lá₃, chei₅ jnia'₅₄ dsi₁tió'₄ quió'₅ i₁ñí₅ 'o₃.

32 Jaun₂ ca₂juá'₂ Jesús:

—O₂no'₅ 'nia'₂.

Jaun₂ ca₂'uin₂ jme₂dsí₂ 'lin'₅₄ të₂dsí₅ dsa₂ 'éi₂, jaun₂ ca₂i₃toin'₅₄ të₂dsí₅ i₁ñí₅. Dsi₂jui₅ le₂jaun₂ bá₄ ca₂i₁nio₁ co₂chi'₅₄ i₁ñí₅ cuing₂₃ jui₅ siá₅, jaun₂ ca₂i₁sein'₃ të₂ jmí₁ñí'₄. Ja₁jaun₂ ca₂dsain₃ ca₂'in'₃ jmig₂.

33 Dsa₂ i₂jme₁jmo₅ 'í₁ i₁ñí₅ ně₃ ca₂cuing₃. Jme₁dsi₃lein₃ jë₄ juig₂ ca₂dsia₃ a₂ca₂lë₃ jaun₂, quian'₅₄ a₂ca₂lë₃ quian'₅₄ dsa₂ i₂jme₁tion'₅₄ je₂na'₅₄ ně₃.

34 Ca₂le₃jín₃ dsa₂ chan₂ juig₂ jaun₂ ně₃ ca₂'uin₂ i₃lén₂ ja₁'en₅₄ Jesús. Jaun₂ jme₁ca₂jíin₂ Jesús ně₃, ca₂chi₃quióng₂ jmig₄ a₂o₃ 'iin₅ le₂con₂ jaun₂.

9

Ca₂jme₃'lión₂ Jesús jan₂ dsa₂ 'lian'₂

(Marcos 2:1-12; Lucas 5:17-26)

† 8:25 o₃, “jniog.” § 8:28 A₂lin₅₄ chog₅₄ si₂juá'₂: “Gerasa”; a₂siá'₂ guë'₂ ně₃, juá'₂: “Gergesa.”

1 Jaun₂ ca₂'í₃ Jesús 'ñió'₃ tsi₁mu₅, ca₂ñí₃ le₃'ño'₅₄ jmi₁ñí'₄, jaun₂ ca₂dsiáin'₃ juig₂ ja₁jme₁guá'₄. 2 Jaun₂ ca₂o₃jñia₃ dsa₂ jan₂ dsa₂ 'lian'₂, dsín₂ ne₄ tsi₁jein₁. Jme₁ca₂jág₃ Jesús a₂'én₂ dsa₂ 'éi₂ 'ñio₅ lin₃, ca₂tsí'₃ dsa₂ dso'₅₄:

—Jmo₄ lían'₂ 'au'₂, jón₃; ma₂rē₂'én₄ bá₄ dsáu'₂.

3 Jaun₂ ca₂i₃jio₅ dsí₅ i₂lin₅₄ tē₅juá'₅: “A₂'in₅ 'lig'₅₄ Diú₄ bá₄ i₂nē₅ a₂juá'₂ le₂nē₅.”

4 La₁ i₂ñi₅ rē₂ bá₄ Jesús a₂dsi₂jio₅ dsí₅ dsa₂ 'éi₂, jaun₂ ca₂juá'₂:

—¿E₂ lē₃ dsi₂jio₅ 'au'₂ 'nia'₂ 'lig'₅₄ le₂nē₅? 5 ¿Na₂ a₂'ua₁ guē₄ ta₁ jua'₅₄ a₂jme₁juig₅₄ jniá₂ dsa₂ la₂: “Ma₂rē₂'én₄ bá₄ dsáu'₂”, o₃ a₂jme₁juig₅₄ 'e₂ jniá₂: “Nau₂, ñi₄?” 6 Dse₃ jaun₂. La₂ jmo₅₄ jniá₂ jaun₂ le₃ñi'₅₄ 'nia'₂ a₂'io₅ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂qui₃'éin₂ dsáu₁ dsa₂.

Jaun₂ guē₄ ca₂juá'₂ ca₂tsí'₃ dsa₂ 'lian'₂:

—Nau₂, quion₂ tsi₁jein₁ quiáng'₂, guan'₂ ja₁quiáng'₂.

7 Jaun₂ ca₂nau₂ bá₄ dsa₂ 'éi₂, ca₂ñái'₃ ja₁quió'₄. 8 Jme₁ca₂jág₃ dsa₂ a₂ca₂lē₃ jaun₂, ca₂i₃gó'₃ dsí₅, jaun₂ ca₂jme₃juin'₂ Diú₄ ne₄ 'uig₅₄ ia₁ a₂ma₂cuē₃ bí₂ jaun₂ ma₂cuē'₃ jan₂ dsa₂ mi₂güig₃.

Ca₂tē'₃ Jesús Mateo

(Marcos 2:13-17; Lucas 5:27-32)

9 Ca₂o₃'ín₃ bá₄ Jesús ja₁jme₁'ein₅₄ jaun₂. Ja₁ñó₄ jaun₂, ca₂jín₂ jan₂ dsa₂ i₂chen₂ Mateo, guá₅ caun₂ dsi₂néi₂ cán₂ 'lia'₅₄ o₄quió'₄ dsi₂tan₅₄. Jaun₂ ca₂juá'₂ Jesús ca₂tsí'₃ 'éi₂:

—'Éin₃ jniá₂.

Jaun₂ ca₂nau₂ bá₄ Tē₅₄, ca₂jme₃quiong'₅₄.

10 Ca₂lē₃ jme₁ma₂'en₅₄ Jesús guē'₅ dsi₂néi₂ quió'₅ Tē₅₄, ca₂dsi₃lén₂ juin₅ guē₄ dsa₂ i₂cán₂ cu₄ riin'₅₄, dsa₂ “i₂le₁cán'₄ dso₄” sián'₂ guē₄ ně₃, ca₂i₃toin'₅₄ i₁guē'₂ quiain'₅₄ Jesús, quiain'₅₄ dsa₂ i₂ma₂quiain'₅₄ ně₃. 11 Dsa₂ fariseos ně₃, jme₁ca₂jág₃ a₂nē₅, jaun₂ ca₂ñí'₃ dsa₂ quián₅ Jesús:

—¿A₂ lia'₂ guē'₅ tē₅ quián'₂ 'nia'₂ co₂lē₅ quian'₅₄ dsa₂ i₂cán₂ 'lia'₅₄ quián₅ dsi₂tan₅₄, dsa₂ i₂le₁cán'₄ dso₄ ně₃?

12 Ca₂nág₂ Jesús jág₁ jaun₂, jaun₂ ca₂juá'₂:

—On₃jua'₅₄ dsa₂ i₂qui₂le₁'ág₄ dse₃ dsí₅ i₂'nió'₅ tē₅mí₅ quió'₅; tē₂le₃ ja₁con₂ dsa₂ i₂le₁dso'₅₄ bá₄ 'nió'₅ quió'₅. 13 O₂nó'₅ 'nia'₂ o₂jme₁tin₅ 'e₂ jein₅ jág₁ la₂ tio'₅₄ ne₄ Si₂: “A₂'nio₃ jniá₂ dsiá'₁ 'nia'₂ ñéi₂ 'au'₂ dsa₂ mi₂güig₃ ríng'₂, on₃jua'₅₄ rē'₂ a₂jñia'₅₄ qui₁jen'₄ 'nia'₂ 'e₂ qui₁jen'₄ ne₃.”* Ia₁ tsá₃ ta₁ jaun₂ guio₃ jniá₂ jua'₅₄ a₂tē₄ dsa₂ dsen₃; a₂tē₄ dsa₂ i₂le₁cán'₄ dso₄ bá₄ jniá₂ guio₃.

Ca₂ñí'₃ dsa₂ Jesús jui₁lia'₂ jág₁ a₂jme₂'in₅₄ dsa₂

(Marcos 2:18-22; Lucas 5:33-39)

14 Jaun₂ ca₂dsi₃lén₂ dsa₂ i₂jme₁i₂nio₄ quian'₅₄ Juan₅₄ i₂chon₅ dsa₂ jmi₂g₂ ca₂jme₃quiáin₃ ne₄ Jesús, jaun₂ ca₂ñag₃:

—¿A₂ lia'₂ jme₂'in₅₄ bá₄ dsa₂ fariseos, le₂jaun₂ guē'₂ jnia'₅₄ ně₃, la₁ dsa₂ i₂quian'₅₄ 'ne₂ guē'₂ tsá₃ jme₂'in₅₄?

15 Jaun₂ ca₂ñag₃ Jesús:

—¿Lé₂ le₃tón'₃ 'lia'₂ dsí₅ jui₁lia'₂ dsa₂ i₂té₁ ja₁niog₅ jmi₂g₄ ja₁jen'₂ gu₂ dsa₂, chi₂jua'₂ jaun₂ bá₄ guá₅ guē'₂ dsa₂ ñe'₂ i₂jen'₂ gu₂? Já₅ jmi₂g₄ jē₁tsá₃ ma₃dsa₂ i₂jen'₂ gu₂ 'éi₂ chan₂ lé₂; jaun₂ guē₄ tóin'₃ jme₃'in₅₄.

16 'Ma₁ tsá₃ 'ein₂ tin₂ tióng₅ tsi₁'mí'₂ gui'₅₄ quian'₅₄ 'nau₅₄ tsi₁'mí'₂ 'mí₂. Ia₁ dsán'₅ tsi₁'mí'₂ 'mí₂, jaun₂ juē'₂ guē₄ ja₁gag₂ lē₂. 17 Ján₃ bá₄ le₂jaun₂ tsá₃ tia'₂ dsa₂ vino 'mí₂ 'ñió'₃ ni₁lau₂ gui'₅₄, ia₁ ne'₂. Nē₅ bá₄ téin₃ vino, ton'₂ dsi₃'én₂ ni₁lau₂ ně₃

* 9:13 Oseas 6:6.

nějua'₂ ca₂jmo₃ dsa₂ le₂jaun₂. Jaun₂ lë₃, 'ŋi₀'₃ lau₂ 'mí₂ bá₄ 'nió'₅ tia'₃ dsa₂ vino 'mí₂, ia₁jaun₂ le₃tin₃ bá₄ lé₂ 'í₁.

Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús
(*Marcos 5:21-43; Lucas 8:40-56*)

¹⁸ Të₃ 'en₅₄ Jesús dsia₂₃ jág₁, jme₁ca₂dsi₀g₃ jan₂ i₂niog₅ gu₂ guá'₅ sinagoga. Ca₂chi₃jné₃ ne₄ Jesús, jaun₂ ca₂juá'₂:

—Lia'₂ ca₂jon₃† jan₂ chi'₂ dsa₂ mí₂ quiáng₃. La₁ nējua'₂ gog'₅₄ 'ne₂ quian'₅₄ jniá₂ o₁quiog'₂ gog'₂ ne₄ quió'₅, le₃chain₂ bá₄ táng₃.

¹⁹ Jaun₂ ca₂nau₂ Jesús, jaun₂ ca₂ŋó₃ quiaín'₅₄ dsa₂ 'éi₂, lia'₂ jma₃quiaín'₅₄ dsa₂ i₂ma₂ja₂lén₂ quiong'₅₄. ²⁰ Të₃jë₄ jaun₂, ŋó₃ jan₂ dsa₂ mí₂ i₂dso'₅₄ ma₂guia₃-tín₂ ŋi₂ a₂tiin₂. Ca₂jme₃quiaín₃ të₂le₃ chi₁co'₅₄ quió'₅ Jesús, jaun₂ ca₂ní'₂ chei'₅₄ tsin'₅₄ 'éi₂. ²¹ Ia₁ líin₂: “Tsá₃ nag₅₄ nējua'₂ jnia'₅₄ níg'₄ ca₂juig₄ tsin'₅₄, jnia₃ quió₃.”

²² Jaun₂ ca₂jén'₃ Jesús, ca₂jín₂ 'io₅₄, jaun₂ ca₂juá'₂:

—Jmo₄ lián'₂ 'au'₂, jón₃. Ma₂'lóng'₂ bá₄, ia₁ 'éng'₂.

Dsi₂jui₅ le₂jaun₂ bá₄ ca₂jŋia₃ co₂ŋei'₅₄ quió'₅.

²³ Jme₁ca₂dsi₀g₃ Jesús ja₁quió'₄ dsa₂ juig₅₄ sinagoga 'éi₂, jaun₂ ca₂jág₃ ma₂tion'₅₄ dsa₂ i₂jmo₅ son₅₄, ma₂tion'₅₄ dsa₂ juin₅ go₂'í₃ ně₃, qui'₂-o₂₃. ²⁴ Jaun₂ ca₂juá'₂:

—'Uín'₂ 'nia'₂ ja₁lá₃; tsá₃ rë₂jon₅₄ i₂bë'₅₄ ně₅. Jnia'₅₄ lia'₂ a₂rë₂güín₃ bá₄.

La₁ jnia'₅₄ ca₂ŋág₂ bá₄ dsa₂. ²⁵ Jme₁ma₂'uin'₂ dsa₂, jaun₂ ca₂'í₃ Jesús dsi₂néi₂, ca₂jŋa'₃ mi₂gu₂ i₂bë'₅₄, jaun₂ ca₂nau₂ bá₄ 'éi₂. ²⁶ Ca₂le₂con₂ juig₂ tio'₅₄ 'uë₃ jaun₂, ca₂i₃'ág₃ jág₁ a₂ca₂lë₃ jaun₂.

Ca₂jme₃'lión₂ Jesús on₃ dsa₂ ten₄

²⁷ Jme₁o₂'ín₃ Jesús ja₁jaun₂, ca₂'ein₃ on₃ dsa₂ ten₄, ja₂lén₂ të₂ tiá₂:

—i₂Dsia₄ ŋéi₂ 'au'₂ jnia'₅₄, 'ne₂ tsi₁jon₂ David!

²⁸ Jme₁ca₂'í₃ Jesús dsi₂néi₂, ca₂jme₃quián₃ dsa₂ ten₄ 'éi₂ cau₅ quió'₅. Jaun₂ ca₂ŋag₃ Jesús:

—¿'Én'₂ 'nia'₂ a₂lé₂ le₃jme₁'lio₅₄ jniá₂?

Jaun₂ ca₂ŋag₃:

—'Éin₂ bá₄ jnia'₅₄, Te₁gui'₅₄.

²⁹ Jaun₂ ca₂ní'₃ Jesús gu₂ jme₁ne₁₂ jaun₂ ca₂juá'₂:

—Jui₁le₅₄ bá₄ con'₂ lë₅ 'én'₂ 'nia'₂.

³⁰ Jaun₂ ca₂lág₃ bá₄ mi₂ne₄ dsa₂ 'éi₂. Jaun₂ ca₂jmo₃ Jesús 'éi'₃ ca₂juá'₂:

—Të₃ŋi'₅₄ 'nia'₂ jnag₅₄ tsá₃ 'ein₂ jui₁le₂ŋi₅ a₂në₅.

³¹ La₁ 'éi₂ ně₃, jme₁ca₂'uin₂ jaun₂, ca₂dsia₃ ca₂le₂con₂ ja₁tén₄ 'uë₃ jaun₂ 'e₂ a₂ca₂jmo₃ Jesús.

Ca₂jme₃'lión₂ Jesús jan₂ dsa₂ con₄

³² Jme₁ma₂'uin₂ dsa₂ i₂jme₁ten₄ 'éi₂, ca₂o₃lén₂ i₂sián'₂ táng₃ jniai₂₃ jan₂ dsa₂ con₄ i₂'en₅₄ jme₂dsí₂ je₂na'₅₄. ³³ Dsi₂jui₅ jme₁ca₂dsen₅ Jesús je₂na'₅₄, jaun₂ ca₂jme₃lióg₃ dsa₂ con₄ 'éi₂ ca₂dsia₃ jág₁. Dsa₂ juin₅ i₂jme₁tion'₅₄ ca₂të₂ne₅₄, ca₂i₃gó'₃ dsí₅, jaun₂ ca₂dsia₃:

—Ca₂le₂con₂ 'uë₃ Israel la₂, tsá₃ 'ein₂ ma₂ca₂jág₃ a₂le₂në₅.

³⁴ La₁ dsa₂ fariseos guë'₂ ně₃, ca₂juá'₂:

—Të₂le₃ quian'₅₄ jui₅bí₂ quió'₅ 'ŋiog₅ juig₅₄ je₂na'₅₄ bá₄, jmo₅ i₂në₅ 'uíin'₂ je₂na'₅₄.

Dsia₅ Jesús ŋéi₂ dsí₅ dsa₂

† 9:18 o₃, “ma₂i₁jón₂”, lé₂ le₃jein₃ jág₁.

³⁵ Ca₂η₃ Jesús ca₂le₂con₂ juig₂ ca'₅₄, ca₂le₂con₂ juig₂ pí'₁ ně₃, jme₂t_{in}₂₃ dsa₂ dsi₂néi₂ guá'₅ sinagogas. Jme'₁ě₂ jág₁ dse₃ ju₁lia'₂ ja₁gon₂ Diú₄. Jme₁jme₂'lióin₂ dsa₂ ca₂le₃jě₃ ne₅₄ dso₄, quian'₅₄ ca₂le₃jě₃ jm_iuig₅ a₂jme₁le₁quian₅ dsa₂.
³⁶ Jme₁ca₂j_{in}₂ dsa₂, ca₂tá'₂ ηéi₂ dsí₅, ia₁ jme₁chain₂ o₂i₁ dsi₅ ca₂lia'₂ ma₂ja₂'ú'₃ dsí₅ chain₂, ně₂jag₄ bá₄ já'₂ cha'₂ i₂tsá₃ chan₂ jmo₃ 'í₁. ³⁷ Jaun₂ ně₃ ca₂tsí'₃ dsa₂ i₂jme₁quian'₅₄:

—Dsón'₂ bá₄ dsau₅ 'lióng₂ a₂ca₂rau₂, la₁ tsá₃ ju_{in}₅ dsa₂ i₂jmo₅ ta₁ ja₁nau₂.
³⁸ Jaun₂ lě₃, mi₄ 'nia'₂ ne₄ juig₅₄ ja₁nau₂ a₂chein₃ guě₄ ju_{in}₅ dsa₂ i₂jmo₃ ta₁ ja₁nau₂ quió'₅.

10

*Ca₂quión'₂ Jesús guia₃-tín₂ dsa₂ jě₄ quió'₅ dsa₂ quiáin₅
 (Marcos 3:13-19; Lucas 6:12-16)*

¹ Jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂cuě₃ bí'₃ 'éi'₃ a₂'u_{in}₁'₂ jme₂dsí₂ 'lin'₅₄, a₂qui₂jme₃'lióin₂ ca₂le₃jě₃ ne₅₄ dso₄ a₂nio_g₅ lín₅ dsa₂, ca₂le₃jě₃ jm_iuig₅ ně₃.

² Le₂la₂ bá₄ chen₂ ta₁guia₃-tín₂ dsa₂ i₂ca₂quión'₂ Jesús 'éi₂ quiáin₅: Si₂mu₅₄, i₁tě'₂ dsa₂ Pe₄; quian'₅₄ Drě₄ r_{in}₅₄; Jacobo* quian'₅₄ Juan₅₄ r_{in}₅₄, ja₁ηí'₄ Zebedeo; ³ Fe₂li₄ quian'₅₄ Bartolomé; To₁má₄ ně₃ quian'₅₄ Tě₅₄ i₂jme₁cán₂ 'lia'₅₄ a₂ca₂tín₂ dsi₂tan₅₄; Jacobo i₂lín₅ ja₁ηí'₄ Alfeo; Tadeo ně₃; ⁴ Si₂mu₅₄ ně₃ i₂tě'₂ dsa₂ cananista; † Judas Iscariote ně₃, i₂ca₂j_{in}₂ Jesús.

*Ca₂chen₃ Jesús dsa₂ guia₃-tín₂ quiáin₅ a₂ca₂i'₁ě₄ jág₁ dse₃
 (Marcos 6:7-13; Lucas 9:1-6)*

⁵ Dsa₂ guia₃-tín₂ ně₅ bá₄ ca₂chen₃ Jesús jme₁ma₂ně₂cuě₃ jág₁ la₂:
 —Tsá₃ o₁nó'₅ 'nia'₂ ju_i₅ 'uě₃ go₄ dsi₂nau₂, on₃ guě'₂ o₂ton'₅₄ 'nia'₂ 'i₁caun₂ juig₂ a₂tén₅ 'uě₃ Samaria. ⁶ Ja₁jaun₂ bá₄ o₂nó'₅ 'nia'₂ ja₁tion'₅₄ dsa₂ i₂lín₅ co₂'nió'₄ já'₂ cha'₂ i₂ma₂i₂cón'₅ i₂chan₂ juig₂ Israel. ⁷ O₂nó'₅ 'nia'₂ qui₂o₂'ě₃ jág₁ dse₃ la₂ chei'₅₄ 'nia'₂ dsa₂, ma₂ja₂quián₃ 'éi'₃ quió'₅ Diú₄. ⁸ O₂jmo₄ 'nia'₂ le₁j_{in}₃ dsa₂ i₂lín₅ 'mé'₅ 'iog₅; ca₂le₃j_{in}₃ guě'₂ i₂lín₅ dso₄ siá'₂ ně₃, o₂jme₁'lióin₅₄; o₂jme₁jen'₅₄ 'nia'₂ 'lag₄; o₂'u_{in}₅₄ 'nia'₂ je₂na'₅₄ quió'₅ dsa₂ ně₃. Jaun₂ le₂ně₅ ju_ilia'₂ ně₂gue'₅₄ 'nia'₂ bí₂ la₂ on₃jua'₅₄ a₂cha₂ 'lia'₅₄, le₂ně₅ o₂jmo₄ 'nia'₂ ján₃, o₂cuě'₅₄ dsa₂ bí₂ tsá₃ 'lia'₅₄ cán'₁. ⁹ Tsá₃ 'e₂ cán'₁ 'nia'₂, ju_ilia'₂ a₂'nió'₅ le₂'i₄ ju_i₅, on₃ guě'₂ cu₄nióg₄, on₃ guě'₂ cu₄tiog₂, on₃ guě'₂ ηí₁ guéin₂ tē₂lau₂ quiáng'₂, ¹⁰ on₃ guě'₂ tē₂'mi'₂ jua'₅₄ a₂to'₅₄ lio₅₄ cán'₁. Jmá'₃ co₂dsán'₃ tsín'₂ bá₄ 'nia'₂ cán'₁, tsá₃ cán'₁ 'nia'₂ lau₂ ton₂ tag'₅₄ a₂ηag₅₄ guě₄ con'₂ a₂ma₂le₁ton₅ tag'₅₄, on₃ guě'₂ 'ma₂'i₅₄; ia₁ ju_ilia'₂ dsa₂ i₂jmo₅ ta₁, ca₂t_{in}₂ bá₄ gue₃ má₃ quió'₅.

¹¹ 'Jě₁ma₂ca₂dsi₃nó'₅ 'nia'₂ lia'₂ caun₂ juig₂ ca'₅₄ o₃ juig₂ pí'₁ 'e₂, ja₁jaun₂ j_{in}ia₄ 'nia'₂ ja₁quió'₄ dsa₂ i₂léi₄ dsen₃ 'ua₁ dsí₅, quió'₅ 'éi₂ tión'₂ 'nia'₂ ca₂lia'₂ ca₂tě₂ jmig₄ i₁'u_{ing}₃ táng₃. ¹² 'Jě₁ma₂tě₂ rē₁tóng'₁ dsi₂néi₂ quió'₅, cu_{in}₅₄ 'nia'₂ Diú₄ jua'₅₄ 'nia'₂: “Ju_i'ei₅ bá₄ tei₄ dsi₂néi₂ la₂.” ¹³ Ně₁jua'₂ dsa₂ dsi₂néi₂ jaun₂ léi₄ gue₂₃ bá₄ lia'₂ i₁rě₂ jág₁, jág₁ quián'₂ 'nia'₂ a₂cu_{in}₅ Diú₄, ju_itě₂'ηiá₄ bá₄ 'ei₅ tei₄ ja₁con₂ dsa₂ 'éi₂ dsi₂néi₂ jaun₂. La₁ ně₁jua'₂ léi₄ tsá₃ dse₃ le₁'ág₄ dsí₅ dsa₂ gue₂₃ jág₁ quián'₂ 'nia'₂, ju_itě₂'ηiá₄ bá₄ jág₁ 'ei₅ tei₄ jaun₂ ja₁con₂ 'nia'₂ guiong'₅₄. ¹⁴ Ně₁jua'₂ cha₂ ja₁lin₅₄ tsá₃ 'nio₃ dsa₂ guein₃ 'nia'₂, on₃ guě'₂ 'nio₃ nag₃ jág₁ quián'₂ 'nia'₂ ně₃, co₂ηei'₅₄ 'u_{in}₂ 'nia'₂ dsi₂néi₂ jaun₂, o₃ juig₂ jaun₂, séi'₃ 'nia'₂ 'liog₂ tag'₅₄. ¹⁵ Ia₁ a₂dsi₂jó'₃

* **10:2** Jacobo: ján₃ bá₄ chein₂ Santiago. † **10:4** cananista: partido quió'₅ dsa₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quoin₃ le₃on₃ Si₂mu₅₄ 'éi₂, ia₁ ηí₄ lě₃ mei'₂ tsá₃ ca₂ne₅₄ a₂chein₂.

juá'₅ jniá₂, jē₁ma₂tē₂ rē₁qui₃dsi₅ Diú₄ 'éi'₃, 'ñio₅ guē₄ uig₅ gue₃ dsa₂ juig₂ jaun₂ con'₂ guē₄ dsa₂ i₂jme₁chan₂ Sodoma quian'₅₄ Gomorra. †

Qui₂co₃'ein₃ dsa₂

(Marcos 13:9-13; Lucas 21:12-17)

16 'Tsín₂ jniá₂ 'nia'₂ jaun₂, a₂línḡ'₅ nē₂jag₄ bá₄ já'₂ cha'₂ jin₄ co₂'nió'₄ já'₂ tsau₂ dsí₅. Jmo₄ 'nia'₂ jaun₂ a₂línḡ'₅ dsa₂ i₂'io₅ mai₅₄ juīlia'₂ dsi₂mi'₂, ton'₂ 'ua₁ 'au'₂ 'nia'₂ juīlia'₂ lín₅ i₁ju₂. 17 Rē₂ján'₁ 'nia'₂ jaun₂ ia₁ qui₃jáng'₂ dsa₂ ne₄ dsi₂tan₅₄, qui₃bóg₂ dsa₂ nē₃ dsi₂néi₂ guá'₅ sinagogas. 18 Lia'₂ ne₄ dsi₄má'₂ lia'₂ ne₄ rag₅₄ nē₃, dsi₁jñia₃ dsa₂ 'nia'₂ 'uig₅₄ quió₃ jniá₂; jaun₂ le₂nē₅ bá₄ lé₂ le₃o₁jang'₄ 'nia'₂ jáḡ₁ dsau₅ ne₄ 'éi₂, quian'₅₄ ja₁con₂ dsi₂nau₂ sián'₂ nē₃. 19 La₁ jē₁ma₂tē₂ rē₁qui₃jáng'₂ dsa₂ ne₄ta₁, tsá₃ lē₁jmo₂ 'nia'₂ 'i₅ 'au'₂ 'e₂ jua'₅₄ o₃ 'a₂ lia'₂ ñag'₅₄; ia₁ jē₁ma₂tē₂ rē₁jua'₅₄ 'nia'₂ jáḡ₁, Diú₄ bá₄ cuē₃ jáḡ₁ a₂ñi'₅₄ 'nia'₂ 'a₂ lia'₂ ñag'₅₄ juig'₅₄ dsa₂. 20 Ia₁ on₃jua'₅₄ guion'₅₄ 'nia'₂ jua'₅₄ jáḡ₁; 'ñiog₅ bá₄ Jme₂dsi₂ quián₅ Néi'₅ 'nia'₂ juá'₂ juī tē₂'au'₂.

21 'Ia₁ lé₂ táng₃, juīlia'₂ rin'₅₄ dsa₂ qui₃jín'₂ riin'₅₄ jaun₂ jñag'₃ dsa₂, juīlia'₂ jmei₂ guē'₂ dsa₂ qui₃jín'₂ chi'₂ quiáin₅; chi'₂ guē'₂ nē₃ qui₃nú₃ 'nei₂ jmái'₃ chog₅₄-jmei₂, qui₃jáng'₂ a₂jme₃dsiog₅ dsa₂. 22 Ca₂le₃jín₃ juīlia'₂ dsa₂ mi₂güíḡ₃ jme₃ñiai₅₄ 'nia'₂ 'uig₅₄ quió₃ jniá₂; la₁ia₁ juīlia'₂ i₂tión₂ tiá₂ ca₂tē₂ jē₁ca₂tó'₂, i₂'éi₂ bá₄ i₂lión₂. 23 Jē₁ma₂qui₂co₃'ein₃ dsa₂ juīlia'₂ caun₂ juig₂, cuing₅ 'nia'₂ juī juig₂ siá'₂ táng₃; a₂dsi₂jó'₃ juá'₅ jniá₂, tē₃ tsá₃ ma₂lē₅ quen'₄ 'nia'₂ i₁niog'₄ ca₂le₃jē₃ juig₂ ja₁tén₄ 'uē₃ Israel, a₂guan'₂ táng₃ Jaun₅ dsa₂ mi₂güíḡ₃.

24 'Juīlia'₂ jan₂ i₂jme₂tin₅, tsá₃ juīn'₂ con'₂ guē₄ tē₅ quiáin₅; ján₃ bá₄ le₂jaun₂ juīlia'₂ jan₂ dsa₂ i₂jme₂ti₃, tsá₃ juīn'₂ con'₂ guē₄ juig₅₄. 25 Tió'₅ juīlia'₂ i₂jme₂tin₅ lēin₂ juīlia'₂ lín₅ tē₅ quiáin₅; juīlia'₂ dsa₂ i₂jme₂ti₃ guē'₂ nē₃, dsi₁lén₂ juīlia'₂ lín₅ juig₅₄. Chi₂jua'₂ 'ñiog₅ dsa₂ juīn'₂ caun₂ dsi₂néi₂ ma₂quion₅ dsa₂ Be'elzebú, i'ē₂ guē₄ bá₄ 'in₃ dsa₂, juīlia'₂ i₂tion'₅₄ dsi₂néi₂ quió'₅!

'Ein₂ 'nió'₅ jme₃gan₃ dsa₂

(Lucas 12:2-7)

26 'Uig₅₄ jaun₂, tsá₃ lē₁jmo₂ 'nia'₂ gang'₃ dsa₂ mi₂güíḡ₃. Ia₁ 'i₁caun₂ juīlia'₂ a₂rē₂jlē₅ tsá₃ cha₂ jua'₅₄ a₂tsá₃ le₃jniá₂, ján₃ bá₄ le₂jaun₂ juīlia'₂ a₂rē₂'ma₄ tsá₃ cha₂ jua'₅₄ a₂tsá₃ le₃ñi₅ dsa₂. 27 Juīlia'₂ a₂juig₂ jniá₂ 'nia'₂ la₂ jē₄ tē₃co'₅₄, jua'₅₄ 'nia'₂ tē₃jin₄ dsa₂ juīn₅; ján₃ bá₄ le₂jaun₂ juīlia'₂ a₂juig₂ jniá₂ 'nia'₂ con'₂ tei₄, jua'₅₄ 'nia'₂ co₂mi'₅₄ juīlia'₂ ja₁ñei₅. 28 Tsá₃ lē₁jmo₂ 'nia'₂ gang'₃ quian'₅₄ i₂jñi'₃ ni₁ñi₅, la₁ tē₂'au'₂ 'nia'₂ tsá₃ 'e₂ lé₂ le₃jmo₃; i₂'éi₂ bá₄ ca₂tín'₂ 'nia'₂ jme₁gang'₃ juīlia'₂ i₂lé₂ le₃jñi'₃ ni₁ñi₅ quian'₅₄ guē'₂ tē₂'au'₂ 'nia'₂ a₂jeng'₃ ja₁'lig'₅₄.

29 '¿Tsa₁ 'ni₅ dsa₂ on₃ i₁tan₅ pí'₁ quian'₅₄ caun₂ ñi₁ guéin₂? La₁ 'i₁jan₂ i₁tan₅ tsá₃ tián'₃ 'uē₃ jua'₅₄ tsá₃ ñi₅ Néi'₅ 'nia'₂. 30 Ia₁ le₂jñiog₅ ni₁jñi₂ dsei'₂ 'nia'₂ le₁'í₁ je₂liá'₂ mi'₂ tí₅ ján₃. 31 Tsá₃ lē₁jmo₂ 'nia'₂ gang'₃, ia₁ 'ñio₅ lín₃ guē₄ quen'₄ 'nia'₂ lia'₂ con'₂ guē₄ juīn₅ lín₃ i₁tan₅.

Juīlia'₂ i₂jme₂jnia₅ a₂cuīn₂₃ Jesucristo jin₄ dsa₂ mi₂güíḡ₃

(Lucas 12:8-9)

32 'Juīlia'₂ i₂jme₂jnia₅ tē₂le₃ quió₃ jniá₂ jin₄ dsa₂ mi₂güíḡ₃, ján₃ bá₄ le₂jaun₂ jniá₂ nē₃ jme₁jniag₅ tē₂le₃ quió'₅ 'éi₂ ne₄ Ne'₃ i₂guá₅ guei'₅₄ i₂juig₃; 33 la₁ juīlia'₂ i₂jme₂jnia₅ a₂tsá₃ cuig₂₃ jniá₂ jin₄ dsa₂ mi₂güíḡ₃, ján₃ bá₄ le₂jaun₂ jme₁jnia₅ jniá₂ a₂tsá₃ cuīn₅ ne₄ Ne'₃ i₂guá₅ guei'₅₄ i₂juig₃.

† 10:15 Sodoma quian'₅₄ Gomorra: 'Í₂ Génesis 18 - 19.

Jesús bá₄ i₂'uin₄ a₂lě₂ le₁dson'₅₄ dsa₂
(Lucas 12:51-53; 14:26-27)

³⁴ 'Tsá₃ o₁len'₂ 'nia'₂ jua'₅₄ a₂guio₃ jniá₂ a₂i₃'ei₃ tei₄ mi₂güí₃; ia₁ tsá₃ ta₁ jaun₂ guio₃ jniá₂ a₂i₃'ei₃ tei₄. Mi'₅₄ 'nei₂ bá₄ a₂quian₄ jniá₂. ³⁵ A₂jaun₂ bá₄ guio₃ jniá₂ a₂i₃dsia₃ mi'₅₄ dsi₂néi₂:
Chi'₂ jme₃'ñiai₅₄ jmei₂,
chi'₂ ja₁míg₄ dsa₂ ně₃
jme₃'ñiai₅₄ chog₅₄;
i₂lín₅ mi₂lo₅₄ ně₃
tóin'₃ mi'₅₄ quian'₅₄ ma₂chog₅₄.

³⁶ Dsa₂ i₂lín₅ jmei₂ dsi₂néi₂
qui₂jme₃'iog₅₄ chi'₂ quiáin₅.§

³⁷ 'Jui₁lia'₂ i₂'nio₃ guě₄ 'ñio₅ lín₃ chog₅₄-jmei₂ lia'₂ con'₂ guě₄ jniá₂, tsá₃ ca₂tín₂ lén₂ dsa₂ quiáng₃; le₂ně₅ bá₄ ján₃, jui₁lia'₂ i₂'nio₃ 'ñio₅ lín₃ guě₄ ja₁ñi'₅₄ o₃ ja₁míg₄ 'e₂, lia'₂ con'₂ guě₄ jniá₂, tsá₃ ca₂tín₂ lén₂ dsa₂ quiáng₃; ³⁸ jui₁lia'₂ i₂tsá₃ ca₂'ág₂ caun₂ dsí₅ ca₂join₃ chi₂jua'₂ ca₂join₃, * a₂jiá₃ chi₁co'₅₄ quió₃, tsá₃ ca₂tín₂ lén₂ dsa₂ quiáng₃. ³⁹ Jui₁lia'₂ i₂ñí₄ lě₃ 'nio₃ lí'₂ le₃chain₂ dse₃, dsi₃'én₂ quió'₅; ján₃ bá₄ le₂ně₅, jui₁lia'₂ i₂ca₂guen₃ 'mú₃ o₄quió₃ jniá₂, lí'₂ bá₄.

Co₂'nió'₄ 'lian'₅₄ dsa₂
(Marcos 9:41)

⁴⁰ 'Jui₁lia'₂ i₂guen₅ 'nia'₂, guei₂₃ jniá₂; jui₁lia'₂ i₂guei₅ jniá₂ guein₂₃ i₂ca₂chei₃ jniá₂ ně₃. ⁴¹ I₂guen₅ jui₁lia'₂ jan₂ dsa₂ i₂'ě₂ jág₁ o₄quió'₄ Diú₄ ia₁ a₂lín₅ i₂chen₄ quián₅ Diú₄, co₂jaun₂ bá₄ 'lia'₅₄ gue₃ ján₃ jui₁lia'₂ 'lian'₅₄ jan₂ i₂'ě₂ jág₁ quián₅ Diú₄. Le₂ně₅ bá₄ ján₃, jui₁lia'₂ i₂guen₅ jan₂ dsa₂ dsen₃ ia₁ lín₅ dsa₂ dsen₃, gue₃ 'liain'₅₄ ján₃ con'₂ 'lia'₅₄ a₂ca₂tín₂ jan₂ dsa₂ dsen₃. ⁴² Jui₁'ein₂ guě₃ dsa₂ i₂cuě₅ caun₂ vaso jmíg₂ güí₂, cuě'₅ jan₂ dsa₂ me'₂ le₂ně₅ quiáng₃ 'uig₅₄ ia₁ a₂'ein₂₃ jniá₂, a₂dsi₂jó'₃ juá'₅, tion₅₄ bá₄ gue₃ 'liain'₅₄.

11

Dsa₂ i₂chen₄ quián₅ Juan₅₄ i₂chon₅ dsa₂ jmíg₂
(Lucas 7:18-35)

¹ Jme₁ca₂dsan₃ cuě₅ Jesús jág₁ ně₅ cuě'₅ chi'₂ dsi₂guia₃-tín₂ quiáin₅, ca₂o₃'iin₃ táng₃ ja₁jaun₂, ca₂'í₃ jui₅ ca₂i₁'ě₄ jág₁, i₂jme₁tín₂₃ dsa₂ juig₂ tio'₅₄ con'₂ ma₂quián₅ jaun₂.

² Juan₅₄ ně₃, tē₃ 'ein₅₄ né'₃ 'má₃, ca₂rě₃ñi₅ 'a₂ lia'₂ lě₅ jmo₅ I₂rě₂'ín₁ quián₅ Diú₄. Jaun₂ ca₂chein₃ i₂lín₅₄ dsa₂ i₂jme₁quian'₅₄ ³ a₂ca₂i₁ñag₁₂:

—¿'Ne₂ lín₅ dsa₂ i₂lě₅ jág₁ jiá₃, o₃ jñia₄ jnia'₅₄ i₂sián'₂ 'e₂?

⁴ Jaun₂ ca₂ñag₃ Jesús:

—O₂nó'₅ 'nia'₂ o₂chei'₅₄ Juan₅₄ 'e₂ a₂tě₅ ne'₅₄ 'nia'₂ la₂, 'e₂ a₂nag'₂ 'nia'₂ ně₃.

⁵ O₂dsia₄ 'nia'₂ 'a₂ lia'₂ lě₅ qui₂jág₅ dsa₂ ten₄; dsa₂ i₂jme₁quian'₅₄ guě'₂ ně₃, ma₂i₂nioi₅₄ rě'₂ táng₃; dsa₂ i₂jme₁lín₄ 'mé'₅ 'iog₅ ma₂le₁jín₃ táng₃ dso₄ a₂jme₁lín₄; dsa₂ i₂jme₁guin₄ guě'₂ ně₃ ma₂nag₂₃; dsa₂ i₂ma₂dsan₃, jein'₅₄ táng₃; ja₁con₂ dsa₂ te₂ñé₂ ně₃ dsi₂'ag₅ jág₁ dse₃ la₂ a₂lión₂ dsa₂. ⁶ 'E₂ guě₄ dsen₃ dsa₂ i₂tsá₃ 'ag₅ caun₂-tín₃ dsí₅ ja₁con₂ jniá₂.

⁷ Jme₁ma₂lén₃ dsa₂ 'éi₂, jaun₂ ca₂jme₃lióg₃ Jesús ca₂tsí'₃ dsa₂ a₂'iin₂₃ Juan₅₄:

—¿'E₂ jme₁lín'₂ 'nia'₂ jme₁tě₃ ne'₅₄ lia'₂ con'₂ jme₁i₁nóg'₄ 'uě₃ quein₂ co₂'ñiog₅ jaun₂? ¿O₃ bá₄ jme₁lín'₂ 'nia'₂ a₂jme₁jñg'₄ jan₂ dsa₂ i₂lín₅ jui₁lia'₂ lě₅ ca₂'nau₂

§ 10:36 Miqueas 7:6. * 10:38 lit. "i₂tsá, cán₂ cróg₄ quió'₅."

ni₁'ma₂ ta₅ a₂lë₁ qui₂ bí₂ dsí₂ jui₅ la₂ jui₅ nē₅? ⁸ Chi₂ jua'₂ tsá₃ le₂ jaun₂ nē₃, ¿'e₂ guē'₂ ca₂i jag'₄ 'nia'₂? ¿O₃ bá₄ a₂jme₁ lín'₂ 'nia'₂ a₂jme₁ jing'₄ jan₂ dsa₂ i₂ qui'₂ tsin'₅₄ jlá'₁? La₁ on₃ jua'₅₄ le₂ jaun₂. Ia₁ jui₁ lia'₂ dsa₂ i₂ qui'₅ tsin'₅₄ jlá'₁, i₂ tón'₅ dsi₂ néi₂ quió'₅ rag₅₄ bá₄ i₂ le₂ 'éi₂. ⁹ ¿'E₂ guē'₂ ca₂i jag'₄ 'nia'₂ jaun₂ nē₃? ¿O₃ bá₄ jan₂ dsa₂ i₂ 'ě₂ jág₁ quián₅ Diú₄ 'e₂? Dsón'₂ bá₄ jaun₂ juá'₅ jniá₂. I₂ lín₅ tson₂ guē'₄ jan₂ dsa₂ i₂ 'ě₂ jág₁ quián₅ Diú₄ bá₄ 'éi₂. ¹⁰ Juan₅₄ 'éi₂ bá₄ i₂ 'in₅ Si₂ quió'₅ Diú₄ ja₁ juá'₂: Tsing₅₄ jan₂ dsa₂ quiáng₃ ne₄ jui₅ quiáng'₂, jón₃,

a₂ dsi₃ can₅ jág₁, jmo₃ co₂ jnia₅₄ jui₅.*

¹¹ A₂ dsi₂ jó'₃ juíg₂ jniá₂ 'nia'₂, 'i₁ jan₂ dsa₂ i₂ ma₂ can₅ dsa₂ m'í₂ i₂ chan₂ mi₂ güig₃, tsá₃ 'ein₂ ma₂ lín₅ i₂ juin'₂ guē'₄ i₂ 'ě₂ jág₁ o₄ quió'₄ Diú₄, lia'₂ con'₂ guē'₄ Juan₅₄ i₂ chon₅ dsa₂ jmig₂. La₁ ia₁, i₂ lín₅ i₂ me'₂ guē'₄ ja₁ gon₂ Diú₄, i₂ 'éi₂ bá₄ lín₅ i₂ juin'₂ guē'₄ lia'₂ con'₂ guē'₄ Juan₅₄ 'éi₂. ¹² Ca₂ le₃ ca₂ guan₃ Juan₅₄ i₂ chon₅ dsa₂ jmig₂, ca₂ tē₂ jmig₄ nē₃, con'₂ 'i₄ jui₅ bá₄ ma₂ já₅ tiá₂ ja₁ gon₂ Diú₄. Jaun₂ dsa₂ con'₂ i₂ tiá₂ dsí₅ bá₄ chan'₂ tiá₂ jui₅ jaun₂. † ¹³ Ca₂ le₃ jín₃ dsa₂ i₂ jme₁ 'ě₂ jág₁ quián₅ Diú₄, quian'₅₄ 'Éi'₃ quió'₅ Moisés nē₃, a₂ jnia'₅₄ con'₂ ca₂ 'ě₂ jág₁ ja₁ gon₂ Diú₄ bá₄ jaun₂, ca₂ lia'₂ ca₂ tē₂ jmig₄ jme₁ ca₂ guan₃ Juan₅₄. ¹⁴ Ján₃ bá₄ chi₂ jua'₂ 'niog'₂ 'nia'₂ guéi'₁ jág₁ la₂, Juan₅₄ 'éi₂ bá₄ i₂ ca₂ jme₃ ti₃ jág₁ a₂ lē₅ a₂ jme₁ jiá₃ Elías. ¹⁵ Ju₁ i₁ lia'₂ i₂ le₁ dsi₅₄ rē₂ gua₄, ju₁ nei₅₄.

¹⁶ ¿'E₂ quian'₅₄ lé₂ le₃ quing₄ a₂ lín₅ dsa₂ i₂ chan₂ jmig₄ nē₃? Lín₅ jui₁ lia'₂ lín₅ i₂ bē'₅₄ i₂ tion'₅₄ co₅ jē₄ 'ma'₅₄, tióin'₅₄ co₂ mi'₅₄ qui₂ guió'₅ tsí'₅ riin'₅₄:

¹⁷ Nē₂ jéi₄ jnia'₅₄ te₁ fi₁ o₄ quián'₂ 'nia'₂,

la₁ tsá₃ nē₂ dsián'₃ guē'₂ 'nia'₂;

ján₃ guē'₂ nē₂ jmó₁ jnia'₅₄ son₅₄ quió'₅ 'lag₄

a₂ ta'₂ 'lia'₂ dsí₅ dsa₂,

la₁ tsá₃ ca₂ tá'₂ guē'₂ qui'₂ 'au'₂ 'nia'₂.

¹⁸ Ia₁ ca₂ guan₃ Juan₅₄, i₂ tsá₃ 'e₂ 'lióng₂ jme₁ guē'₅ on₃ guē'₂ 'e₂ jme₁ 'ín'₂ nē₃, jaun₂ ca₂ ag₃ dsa₂ a₂ 'ein₅₄ je₂ na'₅₄. ¹⁹ Ca₂ guan₃ guē'₂ táng₃ Jaun₅ dsa₂ mi₂ güig₃ i₂ guē'₅ i₂ 'ín'₂, ag₅ táng₃ dsa₂ a₂ lín₅ jlé₂ 'ís quian'₅₄ má₄ jmíg₃, a₂ lín₅ a₂ mei₅₄ quián₅ dsa₂ cha₂ dsáu₁, quian'₅₄ dsa₂ i₂ cán₂ 'lia'₅₄ quián₅ dsi₂ tan₅₄ nē₃. La₁ tion₅₄ bá₄ le₃ lí'₄ dsa₂ a₂ dsau₅ jág₁ a₂ njí'₂ dsí₅ Diú₄, 'uig₅₄ ia₁ njí'₂ bá₄ dsí₅ dsa₂ i₂ gue₅ jág₁ nē₅.

Juig₂ jē₁ tsá₃ ne'₅₄ dsa₂

(Lucas 10:13-15)

²⁰ Jaun₂ nē₃, ca₂ jme₃ lióg₃ Jesús qui₂ ca₂ jéin₂ dsa₂ ja₁ 'lióng₂ guē'₄ léi₄ juē'₂ ma₂ qui₂ ma₂ jmo₃, ia₁ tsá₃ ma₂ jéin'₃ dsa₂ dsí₅. Jaun₂ ca₂ juá'₂:

²¹ —'E₂ guē'₄ juíg'₂ 'nia'₂ dsa₂ juig₂ Corazín! 'E₂ guē'₄ juíg'₂ 'nia'₂ i₂ chan₂ Betsaida! Ia₁ jua'₅₄ mei'₂ guē'₃ jniá₂ ma₂ jmo₃ léi₄ juē'₂ nē₅ jē₄ juig₂ Tiro quian'₅₄ juig₂ Sidón jui₁ lia'₂ a₂ ma₂ jmo₃ jniá₂ jē₄ quián'₂ 'nia'₂, líg'₂ bá₄ tsá₃ ma₂ ca₂ jéin'₃ dsa₂ 'éi₂ dsí₅, jme₁ cuē₃ léi₄ a₂ qui'₂ dsí₅ jme₁ i₁ nioi₅₄ le₁ qui'₂ 'mi'₂ taun₅ qui₂ le₁ séin₅ ti₁ juá₃ nē₃. ²² La₁ juíg₂ jniá₂ 'nia'₂, jmig₄ i₁ qui₃ dsi₅ Diú₄ 'éi'₃, ja₂ lín₃ guē'₄ tson₂ uig₅ a₂ guéi'₁ 'nia'₂ con'₂ guē'₄ dsa₂ i₂ jme₁ chan₂ Tiro quian'₅₄ Sidón. ²³ 'Nia'₂ guē'₂ dsa₂ i₂ chan₂ juig₂ Capernaum, ¿lín'₂ 'nia'₂ a₂ uig'₅₄ guei'₅₄ lín₃? On₃ jua'₅₄ le₂ jaun₂. Tē₂ ja₁ jī'₂ lín₃ ja₁ tion'₅₄ 'lag₄ † bá₄ sén'₂ 'nia'₂. Ia₁ jua'₂ mei'₂ guē'₃ jniá₂ ca₂ jmo₃ léi₄ juē'₂ jē₄ juig₂ Sodoma jui₁ lia'₂ a₂ ma₂ ca₂ jmo₃ jniá₂ jē₄ quián'₂ 'nia'₂, a₂ niog₅ bá₄ juig₂ jaun₂ ca₂ tē₂ jmig₄ nē₃. ²⁴ Jaun₂ juá'₅ jniá₂, jmig₄ jē₁ ma₂ tē₂ rē₁ qui₃ dsi₅ Diú₄ 'éi'₃, 'ñio₅ guē'₄ uig₅ guéi'₁ 'nia'₂ con'₂ guē'₄ dsa₂ i₂ jme₁ chan₂ juig₂ Sodoma.

* **11:10** Malaquías 3:1. † **11:12** o₃, "ca₂ tē₃ jmig₄ nē₃, ma₂ já₅ ja₁ gon₂ Diú₄ nē₂ jag₄ bá₄ a₂ lē₂ 'nei₂. Jaun₂ dsa₂ i₂ con'₂ qui₂ jmo₂₃ 'nei₂ nē₃, 'nio₃ join₅₄ jui₁ lia'₂ dsa₂ i₂ i₂ nio₄ jui₅ jaun₂." ‡ **11:23** griego: hades, co₂ nió'₄ a₂ juá'₂, ja₁ quió'₄ 'lag₄.

Ja₁jñia₅ dsa₂ i₂ma₂'ú'₃
(Lucas 10:21-22)

²⁵ Jm_{ig}₄ jaun₂ ca₂juá'₂ Jesús:

—Jme₁juín'₁ jniá'₂ ne₂, Tia₅₄, i₂lín'₅ juig₅₄ gua'₅₄ 'uë'₃ quian'₅₄ guei'₅₄ i₂juig₃, ia₁ ca₂'ma'₅₄ a₂në₅ ja₁con₂ dsa₂ i₂tin₂ si₂, i₂ñí'₂ dsí'₅, a₂ma₂ca₂jme₁jniag'₂ ja₁con₂ dsa₂ i₂lín₅ lia'₂ lín₅ guein₂, i₂tsá'₃ 'e₂ cuí'₅. ²⁶ Dsón'₂ bá₄ jaun₂, Tia₅₄, ia₁ le₂në₅ ca₂rë'₃ ñió'₃ 'au'₂.

²⁷ Jaun₂ ca₂tsí'₃ dsa₂:

—O_{gu}₃ jniá'₂ ma₂ca₂dsia₃ Ne'₃ ca₂le₃jě₃. 'I₁jan₂ tsá'₃ 'ein₂ cuin₅ Ja₁ñi'₅₄ Diú'₄ 'a₂ lia'₂ tē₃dsón'₂ lín₅, jñia'₅₄ lia'₂ 'ñiog₅ bá₄ Jmei₂; ján₃ bá₄ 'i₁jan₂ tsá'₃ 'ein₂ cuin₅ Jmei₂ 'a₂ lia'₂ tē₃dsón'₂ lín₅, jñia'₅₄ lia'₂ 'ñiog₅ bá₄ Ja₁ñi'₅₄ táng₃, ján₃ bá₄ jme₃jñiai₂₃ ja₁con₂ i₂'nio₃ le₃ñi₅. ²⁸ I₂nó'₅ 'nia'₂ ja₁con₂ jniá'₂, ca₂le₃jín'₃ 'nia'₂ i₂qui₂ma₂'ú'₃ dsí'₅, i₂qui₂le₁quian₅ guei₂, jaun₂ cuë₅₄ jniá'₂ ja₁jan'₄ 'nia'₂. ²⁹ Gue₄ 'nia'₂ ta₁ quió'₃ a₂cuë₅ jniá'₂ 'nia'₂, jme₁tin₅ 'nia'₂ jmó'₂ ján₃, 'a₂ lia'₂ lín₅ jniá'₂, ia₁ juin'₂ dsi₃ lín₅, meg'₂ bá₄ lë₅ dsi₃; jaun₂ le₂në₅ bá₄ dsi₁nó'₅ 'nia'₂ dsiang'₂ ja₁jñia₃ tē₂'au'₂. ³⁰ Ia₁ ta₁ a₂cuë₅ jniá'₂ 'nia'₂, on₃jua'₅₄ a₂'ua'₂ ta₁; ján₃ bá₄ le₂jaun₂ on₃jua'₅₄ a₂guei₂ cán'₁ 'nia'₂ a₂cuë₅ jniá'₂ 'nia'₂.

12

Jesús bá₄ i₂quian₅ 'éi'₃ ne₄ quió'₅ jmig₄ sa₅₄
(Marcos 2:23-28; Lucas 6:1-5)

¹ Jm_{ig}₄ jaun₂ ca₂ñi₃ Jesús ja₁lë₄ ja₁nau₂ quió'₅ dsa₂ caun₂ jmig₄ sa₅₄. Dsa₂ i₂quian'₅₄ në₃ ca₂tá'₂ i₁cón'₅, jaun₂ qui₂ca₂gág₃ mí'₂ trigo, jaun₂ ca₂guë'₃.

² Jme₁ca₂jág₂ dsa₂ fairseos, jaun₂ ca₂o₃lén₂ ca₂tsí'₃ Jesús:

—Jag₄ 'a₂ lia'₂ tion'₅₄ dsa₂ quiáng'₂ jmo₂₃ ta₁ a₂tsá'₃ 'i₄ 'éi'₃ jmo₃ dsa₂ jmig₄ sa₅₄.

³ Jaun₂ ca₂ñag₃ Jesús:

—¿Tsa₁ ma₂ca₂'í'₂ 'nia'₂ ne₄ Si₂ 'a₂ lia'₂ lë₅ ca₂jmo₃ David co₂ráun₂ jme₁ca₂lë₃ i₁cón'₅ quian'₅₄ rñin'₅₄? ⁴ Ca₂'í₃ dsi₂néi₂ quió'₅ Diú'₄, ca₂guë'₃ i₁ñí'₄ jñió₅, a₂tsá'₃ jme₁'i₄ 'éi'₃ guë'₃, a₂'i₄ 'éi'₃ guë'₃ jmá'₃ jme₂dsa₂. ⁵ ¿O₃ tsa₁ ma₂ca₂'í'₂ 'nia'₂ ne₄ Si₂ 'Éi'₃ quió'₅ Moisés, ju₁lia'₂ jme₂dsa₂ tsá'₃ jme₂gó'₃ jmig₄ sa₅₄? La₁ tsá'₃ 'ein₂ bón'₂ guë'₂ dso₄ 'éi₂ në₃. ⁶ Juig₂ jniá'₂ 'nia'₂, ja₁lá₃ chén'₅ jan₂ i₂juin'₂ guë'₄ con'₂ guë'₄ guá'₅ templo. ⁷ Jua'₅₄ mei'₂ guë'₃ ma₂ñí'₂ 'nia'₂ 'e₂ jein₅ jág₁ la₂: “A₂'nio₃ jniá'₂ a₂dsiá'₁ 'nia'₂ ñéi₂ 'au'₂, on₃jua'₅₄ rë'₂ a₂jñia'₅₄ qui₁jen'₅₄ 'nia'₂ 'e₂ qui₁jen'₅₄ ne₃”,* tsá'₃ jua'₅₄ jme₁bong'₅₄ dso₄ dsa₂ i₂tsá'₃ 'e₂ dso₄ rñin₂. ⁸ Ia₁ le₂në₅ jaun₂, jniá'₂, Jaun₅ dsa₂ mi₂güig₃, jmo₂₃ 'éi'₃ ju₁lia'₂ jmig₄ sa₅₄.

Jan₂ dsa₂ jle₅ caun₂ gu₂
(Marcos 3:1-6; Lucas 6:6-11)

⁹ Ca₂o₃'ín₃ bá₄ Jesús ja₁jaun₂, jaun₂ ca₂'í₃ táng₃ dsi₂néi₂ guá'₅ sinagoga.

¹⁰ Ja₁jaun₂ jme₁'en₅₄ jan₂ dsa₂ i₂jle₅ caun₂ mi₂gu₂. Dsa₂ fariseos në₃ jme₁'nio₃ 'no'₂ ju₁ bóin'₂ dso₄ Jesús, jaun₂ ca₂ñag₃:

—¿'I₄ 'éi'₃ jme₃lión₂ dsa₂ jan₂ dsa₂ dso'₅₄ jme₁jmig₄ sa₅₄?

¹¹ Jaun₂ ca₂ñag₃ Jesús:

—¿'Ein₂ 'nia'₂, i₂'ñio₅ jan₂ já'₂ cha'₂, në₁jua'₂ ca₂bain₃ siá'₅ ju₁lia'₂ caun₂ jmig₄ sa₅₄, tsa₁ dsó₅ dsi₃dsein₂₃ já'₂ quiáin₅? ¹² ¡'È₂ guë'₄ bá₄ quen₅ jan₂ dsa₂ con'₂ guë'₄ jan₂ já'₂ cha'₂! Jaun₂ lë₃, 'i₄ bá₄ 'éi'₃ jmo₃ dsa₂ a₂dse₃ ju₁lia'₂ jmig₄ sa₅₄.

¹³ Jaun₂ guë'₄ ca₂tsí'₃ dsa₂ dso'₅₄ 'éi₂:

—Nei'₅₄ gog'₂.

* 12:7 Oseas 6:6.

Jaun₂ ca₂néi'₃ 'éi₂ gu₂, ca₂jñia₃ quió'₅, jaun₂ ca₂lë₃ co₂rë₂ quian'₅₄ a₂caun₂.
 14 Ca₂'uin₂ bá₄ dsa₂ fariseos 'éi₂ ně₃, jaun₂ ca₂jmo₃ jág₁ a₂jñi'₃ Jesús.

Ju₁lia'₂ dsa₂ i₂ca₂quión'₂ Diú₄ a₂jme₃ti₃ ta₁ ne₅₄, jág₁ a₂ca₂'ě₂ dsa₂ i₂ca₂juá'₂ o₄quió'₄ Diú₄

15 Jme₁ca₂rë₃ñi₅ Jesús jág₁ jaun₂, ca₂o₃'íin₃ bá₄. Jaun₂ juin₅ lin₃ dsa₂ i₃lén₂ chi₁co'₅₄ quió'₅ 'ein₂₃. Jme₁jme₂'lión₂ Jesús ca₂le₃jín₃ dsa₂ i₂le₁dso'₅₄, 16 jaun₂ ca₂juá'₂ a₂tsá₃ 'e₂ dsia₃ dsa₂ jua'₅₄ a₂'ag₃ 'ein₂ lín₅. 17 Le₂në₅ bá₄ ca₂lë₃ ia₁jaun₂ le₃ti₃ jág₁ a₂ca₂'ě₂ Isaías, dsa₂ i₂jme₁'ě₂ jág₁ quián₅ Diú₄, jme₁ca₂juá'₂ le₂la₂:

18 I₂la₂ bá₄ dsa₂ i₂jme₃ti₃ ta₁ ne₃,
 i₂ma₂ca₂quiong'₅₄, i₂'nióg₃ guě₄ lin₃,
 jaun₂ 'io'₂ jéin₅ jniá₂ quiain'₅₄.

Tón'₁ jniá₂ Jme₂dsí₂ quiáng₃ tē₂dsí₅,
 jaun₂ jme₃jniai₂₃ ca₂le₃jě₃ juig₂
 jin₄ dsi₂nau₂ 'ě₃ jui₅ dsau₅ tē₃dsón'₂.

19 Tsá₃ quein₅ náu₃, on₃ guě'₂ guió'₃,
 on₃ guě'₂ né'₂ jág₁ quió'₅ jě₄ calle,

20 Lia'₂ 'i₁ca₂tag₄ ni₁'ma₂ ta₅ tsá₃ jio₃,
 on₃ guě'₂ ei₃ ni₁mecha a₂ca₂juig₄ 'ia₂ guě₄ jme₁ñi₁.

Jmo₃ le₂në₅ ca₂lia'₂ ca₂tió'₃
 a₂lí'₂ a₂dsi₂ten₅₄ dsón'₂.

21 Jaun₂ caun₂ ja₁con₂ 'éi₂ bá₄
 'ag₃ dsa₂ caun₂ dsí₅
 ca₂le₃jín₃ dsa₂ i₂chan₂ ca₂le₃jě₃ juig₂.†

*Juá'₂ dsa₂ a₂'io₅ Jesús juí₅bí₂ quió'₅ Be'elzebú
 (Marcos 3:19-30; Lucas 11:14-23, 12:10)*

22 Jaun₂ ca₂o₃jñia₃ dsa₂ ja₁coin₂ jan₂ dsa₂ ten₄ i₂con₄ ně₃ i₂jme₁'en₅₄ jan₂ jme₂dsí₂ je₂na'₅₄. Jesús ně₃ ca₂jme₃'lió₂, ca₂jág₃ táng₃ dse₃, ca₂dsia₃ dse₃ jág₁ ně₃.

23 Ca₂i₃gó'₃ dsí₅ ca₂le₃jín₃ dsa₂, jaun₂ ca₂juá'₂:

—¿On₁jua'₅₄ i₂në₅ lín₅ tsi₁jon₂ David?

24 La₁ jme₁ca₂nág₂ dsa₂ fariseos jág₁ jaun₂, ca₂dsia₃ jág₁ quian'₅₄ r'in'₅₄:
 —A₂'uin'₂ i₂në₅ je₂na'₅₄ quió'₅ dsa₂ tē₂le₃ quian'₅₄ juí₅bí₂ quió'₅ Be'elzebú, juig₅₄ je₂na'₅₄ bá₄.

25 La₁ i₂ñi₅ rē₂ bá₄ Jesús 'e₂ dsi₂jio₅ dsí₅ dsa₂ 'éi₂, jaun₂ ca₂juá'₂:
 —Juí₅lia'₂ dsi₂tan₅₄ tion'₅₄ le₁dsoin'₅₄, nió'₅ m'i'₅₄, tsá₃ uě₂ tió'₅ jua'₅₄ tsá₃ dsi₃'én₂ 'éi'₃ quió'₅. Le₂në₅ bá₄ ján₃ juí₅lia'₂ dsa₂ caun₂ dsi₂néi₂, ně₁jua'₂ lě₅ le₁dsoin'₅₄, niog₅ m'i'₅₄, ján₃ bá₄ tsá₃ uě₂ tió'₅. 26 Já₃ bá₄ le₂në₅, ně₁jua'₂ ca₂jmo₃ Satanás m'i'₅₄ dsein₂₃ jan₂ i₂quiáin₅ 'ñiog₅, co₂'nió'₄ 'ñiog₅ bá₄ jmo₂₃ le₁dsoin'₅₄. ¿A₂ lia'₂ lě₂ le₃'io₃ guě₄ bí₂ 'éi'₃ quió'₅, chi₂jua'₂ le₂jaun₂? 27 Chi₂jua'₂ jniá₂ 'u'ing'₅₄ je₂na'₅₄ quian'₅₄ bí₂ quió'₅ Be'elzebú juí₅lia'₂ juá'₂ 'nia'₂, ¿'ein₂ bá₄ guě'₂ cuě₅ bí₂ cuě'₅ dsa₂ quián'₂ 'nia'₂ a₂'u'ín'₂ je₂na'₅₄ jaun₂ ně₃? 'Uig₅₄ jaun₂, guion₅₄ bá₄ dsa₂ quiáng'₂ jme₃li₅₄ a₂lín'₅ 'nia'₂ guiong'₅₄. 28 La₁ jniá₂ ně₃ ně₂'u'ing'₅₄ je₂na'₅₄ tē₂le₃ quian'₅₄ bí₂ quió'₅ Jme₂dsí₂ quián₅ Diú₄. Jaun₂ ně₃ le₂në₅ bá₄ cuě₅ jniá₂ léi₄ a₂ma₂gua₅ 'éi'₃ quió'₅ Diú₄ ja₁con₂ 'nia'₂.

29 'Jaun₂ ně₃, ¿'a₂ lia'₂ lě₂ le₃'i₂ jan₂ dsa₂ dsi₂néi₂ quió'₅ juí₅lia'₂ jan₂ dsa₂ i₂'uan'₂, a₂jñiá'₃ a₂te₁'i₁ quió'₅, chi₂jua'₂ le₂'uig₅₄ tsá₃ ma₂në₂'nei'₂ de'₂ dsa₂? Jñia'₅₄ lia'₂ le₂jaun₂ bá₄ lě₂ le₃jñiá'₃ a₂cha₂ quió'₅.

30 'I₂tsá₃ tión₂ le₃quió₃ jniá₂, dsa₂ i₂'iog₅₄ jniá₂ bá₄ 'éi₂; le₂jaun₂ guě'₂ i₂tsá₃ quian'₅₄ jniá₂ cág'₅, jñia'₅₄ jmo₂₃ tsi₁rē₂ja₅₄ bá₄. 31 Juig₂ jniá₂ 'nia'₂ jaun₂ ně₃,

† 12:21 Isaías 42:1-4.

a₂lé₃ le₃'én₂ bá₄ ca₂le₃jě₃ dsá_{u1} dsa₂, ca₂le₃jě₃ 'e₂ a₂'lig'₅₄ juá'₂ ně₃. La₁ ně₁juá'₂ ca₂'iin₃ 'lig'₅₄ Jme₂dsí₂ quián₅ Diú₄, a₂ně₅ guě₄ tsá₃ ma₃o₂'én₂ dso₄ cha₂. ³² La₁ ně₁juá'₂ chan₂ i₂ca₂'in₃ 'lig'₅₄ Jaun₅ dsa₂ mi₂güig₃, lé₂ bá₄ le₂'én₂ dsá_{u1}; la₁ jui₁lia'₂ i₂'in₅ 'lig'₅₄ Jme₂dsí₂ Jnió₅, tsá₃ ma₃o₂'én₂ dso₄ cha₂ quió'₅, mi₂güig₃ la₂, on₃ guě'₂ mi₂güig₃ caun₂ ně₃.

Tě₂le₃ 'a₂ lia'₂ lě₅ mīg₂ a₂'ag₅ bá₄ ni₁'ma₂, jáng'₅ léi₄
(Lucas 6:43-45)

³³ 'Chi₂juá'₂ jmo'₂ 'nia'₂ a₂le₃dse₃ ni₁'ma₂, mīg₂ dse₃ bá₄ 'ag₃; la₁ chi₂juá'₂ jmo'₂ 'nia'₂ a₂le₃'lig'₅₄ ni₁'ma₂, mīg₂ 'lig'₅₄ bá₄ 'ag₃ ján₃. 'Uig'₅₄ jaun₂, tě₂le₃ quian'₅₄ mīg₂ a₂'ag₅ bá₄ ni₁'ma₂, jáng'₅ léi₄ chi₂juá'₂ dse₃ o₃ a₂'lig'₅₄ 'e₂. ³⁴ i'Nia'₂ tsi₁jon₂ dsi₂mi'₂! ċ'A₂ bá₄ lia'₂ lé₂ le₃dsiá'₁ 'nia'₂ jág₁ dse₃, ton'₂ 'lin'₅₄ bá₄ guě'₂ 'nia'₂ guiong'₅₄? Ia₁ lia'₂ con'₂ lě₅ a₂'lióng₂ ŋag₅₄ cha₂ tě₂dsí₅ dsa₂, a₂jaun₂ bá₄ 'uě₂ mi₂'o₅₄. ³⁵ Jui₁lia'₂ dsa₂ dsen₃, jág₁ dse₃ bá₄ dsia₂₃, ia₁ jmá'₃ lia'₂ a₂dse₃ bá₄ rě₂'ma₄ tě₂dsí₅; le₂ně₅ bá₄ jui₁lia'₂ dsa₂ 'lin'₅₄, jág₁ 'lig'₅₄ bá₄ dsia₂₃, ia₁ jmá'₃ lia'₂ a₂'lig'₅₄ bá₄ rě₂'ma₄ tě₂dsí₅. ³⁶ Jaun₂ juá'₅ jniá₂, jáng'₃ bá₄ dsa₂ mi₂güig₃ cuenta quió'₅ jě₁ma₂tě₂ jmi₄ i₁con₂ Diú₄ 'í₁, qui₃dsi₂₃ 'éi'₃ ne₄ ca₂le₃jě₃ jág₁ a₂tsá₃ ta₁ tí₄. ³⁷ Ia₁ tě₂le₃ 'a₂ lia'₂ lě₅ jág₁ quián'₂ bá₄ 'nia'₂, jióg'₂ 'í₁, ring'₂ o₃ tsá₃ ring'₂.

Mi₅ dsa₂ fariseos a₂jmo₃ Jesús caun₂ léi₄ juě'₂
(Marcos 8:12; Lucas 11:29-32)

³⁸ Jaun₂ ně₃ i₂lin₅₄ dsa₂ fariseos quian'₅₄ tě₅juá'₅ ca₂tsí'₃ Jesús:
—Tě₅, 'niog₂ jnia'₅₄ jag₅₄ caun₂ léi₄ juě'₂ a₂jmó'₂ 'ne₂.

³⁹ Jaun₂ ca₂ŋag₃ Jesús:

—Tsi₁jon₂ dsa₂ 'lin'₅₄ i₂tsá₃ nag₃ la₂ mi₂₃ a₂jmo₅₄ jniá₂ caun₂ léi₄ juě'₂. La₁ tsá₃ ma₃'e₂ léi₄ lé₂ le₃cuě₅₄ jniá₂ ja₁con'₂ 'nia'₂, jnia'₅₄ lia'₂ con'₂ léi₄ jui₁lia'₂ a₂ca₂₃ŋí₂ Jonás i₂jme₁'ě₂ jág₁ o₄quió'₄ Diú₄ bá₄. ⁴⁰ Ia₁ jui₁lia'₂ ca₂'í₃ Jonás 'ni₅ jmi₄, 'ni₅ nei₅ tě₂dsí₅ já'₂ jmi₄ pan₅₄ 'éi₂, le₂jaun₂ bá₄ 'í₂ Jaun₅ dsa₂ mi₂güig₃ né'₃ 'uě₃ 'ni₅ jmi₄, 'ni₅ nei₅. ⁴¹ Jmi₄ jě₁ma₂tě₂ rě₁con₂ Diú₄ 'í₁, dsa₂ i₂jme₁chan₂ juig₂ ciudad Nínive, dsa₂ 'éi₂ bá₄ ná_{u3} qui₃dsi₂₃ 'éi'₃ ján₃ ja₁con'₂ 'nia'₂ dsa₂ chang'₂ jmi₄ ně₃. Ia₁ dsa₂ 'éi₂ ca₂jéin'₃ dsí₅ lia'₂ con'₂ jme₁ca₂'ě₂ Jonás jág₁ quió'₅ Diú₄. La₁ ně₃ ně₃ la₂ chén'₅ jan₂ i₂juin'₂ guě₄ lia'₂ con'₂ guě₄ Jonás 'éi₂. ⁴² 'To₅₄ rag₅₄ i₂jme₁gon₂ 'uě₃ tě₂le₃ sur, ján₃ bá₄ ná_{u3} 'éi₂ jmi₄ i₁qui₃dsi₅ Diú₄ 'éi'₃, ján₃ guě'₂ 'liog'₃ 'éi₂ 'liain'₃ 'nia'₂ i₂chang'₂ jmi₄ ně₃. Ia₁ 'éi₂ ně₃ ca₂já₃ uíng₂ lin₃ ca₂'í₃ jui₅ a₂ca₂o₃néi₃ jág₁ quió'₅ Salomón 'a₂ lia'₂ jme₁ŋí'₂ dsí₅ 'éi₂ a₂ŋí₄ lě₃ jme₁tin₂; † la₁ ně₃ ně₃, la₂ chén'₅ jan₂ i₂juin'₂ guě₄ con'₂ guě₄ Salomón 'éi₂.

Jme₂dsí₂ 'lin'₅₄ i₂jón'₂ táng₃
(Lucas 11:24-26)

⁴³ 'Jě₁ma₂o₂'ín₃ jan₂ jme₂dsí₂ 'lin'₅₄ quió'₅ jan₂ dsa₂, jaun₂ dsi₂ŋí₃ le₂tan₅₄ ja₁quein₂ 'no'₂ ja₁ŋia₃. Ně₁juá'₂ tsá₃ ca₂dsó'₂ ja₁ŋia₃ ně₃, jaun₂ 'no'₂ táng₃ dsí₅:
⁴⁴ “Nég'₄ táng₃ dsi₂néi₂ quió'₃ ja₁ca₂o₃'íng₃.” Jě₁ma₂ca₂dsiáin'₃ jaun₂, dsain'₂ táng₃ dsa₂ 'éi₂ lín₅ co₂'nió'₄ bá₄ caun₂ dsi₂néi₂ a₂rě₂jě₄, rě₂'ia'₅₄, rě₂ chí'₅. ⁴⁵ Jaun₂ ně₃ o₂'iin₅₄ táng₃ dsó₅ chi₂liain'₂ con'₂ guě₄ guion₃ jme₂dsí₂ 'lin'₅₄ rin'₅₄ i₂lě₁ŋio₅ guě₄ con'₂ guě₄ ŋiog₅. Dsi₂lein₅ dsi₂tian'₂ tě₂dsí₅ dsa₂ 'éi₂. Jaun₂ dsa₂ 'éi₂ ně₃, dsióg₄ lėin₂ le₃'lín₅₄ guě₄ lin₃ guě₄ con'₂ guě₄ jme₁lín₄ le₂'uig₅₄. § Le₂ně₅ bá₄ dsi₂ŋí₂ tsi₁jon₂ 'lin'₅₄ i₂chan₂ rě₂ně₃.

† 12:42 'í₂ 1 Reyes 10; 2 Crónicas 9:1-12. § 12:45 'Nio'₂ ja₁ton₅ 2 Pedro 2:20.

Chi' rin' ⁵⁴ Jesús quian' ⁵⁴ chog' ⁵⁴
(Marcos 3:31-35; Lucas 8:19-21)

⁴⁶ Të₃ 'en₅₄ Jesús dsia₂₃ jág₁ tsí'₅ dsa₂, jme₁ca₂dsi₃lén₂ chi'₂ riin'₅₄ quian'₅₄ chog'₅₄ ně₃. Ca₁'né₄ bá₄ ca₂tián'₂ a₂'nio₃ dsia₃ jág₁ quian'₅₄ Jesús. ⁴⁷ Jaun₂ ca₂i₁con₂ jan₂ jág₁, ca₂juá'₂:

—Chog'₂ quian'₅₄ chi'₂ ríng'₂ tián'₅ ca₁'né₄, a₂'nio₃ dsia₃ jág₁ quian'₅₄ 'ne₂.*

⁴⁸ Jaun₂ ca₂ḡag₃ Jesús:

—¿'Ein₂ 'éi₂ cha₃ jniá₂, 'ein₂ 'éi₂ rín'₃ jniá₂ ně₃?

⁴⁹ Jaun₂ ně₃ ca₂'iin₃ chi'₂ dsi₂guia₃-tín₂ quián₅, jaun₂ ca₂juá'₂:

—I₂la₂ bá₄ lín₅ co₂'nió'₄ cha₃ jniá₂, quian'₅₄ ríng'₃ ně₃, ⁵⁰ Ia₁ jui₁'ein₂ guě₃ i₂jmo₅ a₂'ḡio₂ dsí₅ Ne'₃ jniá₂ i₂guá₅ guei'₅₄ i₂juí₃, i₂'éi₂ bá₄ lín₅ jui₁lia'₂ dsó₂ ríng'₃, 'io₅₄ ríng'₃, cha₃ ně₃.

13

Jág₁ a₂jáng'₅ léi₄ jui₁lia'₂ dsa₂ i₂séi₂ míg₂ jon₂
(Marcos 4:1-9; Lucas 8:4-8)

¹ Jmíg₄ jaun₂ ca₂o₃'ín₃ Jesús dsi₂néi₂ ja₁jme₁'ein₅₄, ca₂ḡó₃ ca₂i₁gua₂ chei'₅₄ jmi₁'ḡí'₄. ² Ia₁ ca₂ḡi'₂ táng₃ juin₅ lín₃ dsa₂ le₃lág'₃ quió'₅ ja₁guá₄, jaun₂ ca₂'í₃ 'ḡió'₃ tsi₁mu₅, jaun₂ ca₂guá₂. Jaun₂ dsa₂ guě'₂ ně₃ ca₂tóin'₂ ca₂le₃jín₃ chei'₅₄ jmíg₂.

³ Jaun₂ ně₃ ca₂jme₃tín₂₃ dsa₂ 'lióng₂ lín₃ jág₁ të₂le₃ quian'₅₄ jág₁ a₂jáng'₅ léi₄.

Ca₂juá'₂:

—Jan₂ dsa₂ ca₂ḡe₄ ja₁nau₂ ca₂i₁séi₄ míg₂ jon₂; ⁴ jme₁ma₂'ein₅₄ séi₂ ně₃, a₂lín₅₄ míg₂ jon₂ ca₂i₃ga'₅₄ le₂'i₄ jui₅, jaun₂ ně₃ i₁tan₅ bá₄ ca₂o₃lén₂ ca₂cág'₃. ⁵ A₂lín₅₄ guě'₂ míg₂ jon₂ ca₂i₃to'₅₄ jě₄ ni₁cang₁, ja₁tsá₃ lín₄ gua'₅₄ lě₅. A₂jaun₂ ně₃ tsá₃ uě₂ ca₂rě₃'ag₄ ca₂'ia₂, ia₁ tsá₃ jí'₂ gua'₅₄ ja₁i₃to'₅₄. ⁶ La₁ jme₁ca₂tě₂ 'iog₂, ca₂rě₃juing₅, ca₂cáu₂ bá₄ a₂jaun₂, ia₁ tsá₃ jmú₄ 'lióng₂ jme₁ma₂cha₂. ⁷ A₂lín₅₄ guě'₂ i₃ga'₅₄ ja₁lě₄ ni₁taun₅. Jme₁ca₂i₃cón₃ ni₁taun₅ ně₃, ca₂jlě₃ bá₄ jon₂ jaun₂ táng₃. ⁸ La₁ a₂lín₅₄ guě'₂ ně₃ ca₂tín₂ ja₁'o'₅₄ 'uě₃; a₂jaun₂ ca₂rau₂ dse₃; a₂lín₅₄ míg₂ jon₂ ca₂'ág₂ jma₃cáun₃ 'ḡiá₂-láu₂ míg₂ lia'₂ ca₂míg₂ jon₂ a₂i₃jnia₄; a₂lín₅₄ guě'₂ jma₃'nag'₂ ne₂guióg₂ míg₂, a₂lín₅₄ guě'₂ jma₃guióg₂-guiá₂ míg₂. ⁹ Chi₂jua'₂ 'ein₂ 'nia'₂ i₂dsi₅₄ rě₂gua₄, nei₂ 'nia'₂.

Ta₁ quí'₅ jág₁ a₂jáng'₅ léi₄
(Marcos 4:10-12; Lucas 8:9-10)

¹⁰ Jaun₂ ca₂jme₃quián₃ chi'₂ dsi₂guia₃-tín₂ con₂ Jesús, jaun₂ ca₂ḡag₃:

—¿'E₂ lě₃ jme₂tíng'₁ dsa₂ jmá'₃ lia'₂ quian'₅₄ jág₁ a₂jáng'₅ léi₄?

¹¹ Jaun₂ ně₃ ca₂ḡag₃ Jesús:

—Diú₄ bá₄ jmo₅ a₂rě₃ḡí'₂ 'au'₂ 'nia'₂ jág₁ rě₂'ma₄ jui₁lia'₂ 'a₂ lia'₂ lě₅ ja₁goin₂ guei'₅₄ i₂juí₃. La₁ ja₁con₂ dsa₂ ně₅ ně₃, tsá₃ le₂jaun₂. ¹² Ia₁ jui₁lia'₂ dsa₂ i₂ḡí'₂ dse₃, Diú₄ bá₄ jmo₃ le₃ḡí'₂ guě₄ 'lióng₂, jaun₂ dsi₁lén₂ lén₂ dsa₂ i₂niog₅ dsi₄. La₁ jui₁lia'₂ i₂tsá₃ 'nio₃ le₃ḡí'₂ ně₃, Diú₄ bá₄ jmo₃ co₂dsia₅ tsá₃ le₃ḡí'₂ co₂ḡei'₅₄. ¹³ 'Uí₅₄ jaun₂ bá₄ a₂jme₂tín₂ jniá₂ dsa₂ të₂le₃ quian'₅₄ jág₁ a₂jáng'₅ léi₄:

Ia₁jaun₂ i₂jág₃,

la₁ tsá₃ le₃lí'₄ 'e₂ a₂ně₂jág₃;

i₂ně₂néi₂ guě'₂ ně₃,

la₁ tsá₃ ca₂rě₃lí'₄ 'e₂ a₂ně₂néi₂,

on₃ guě₄ ca₂ḡí'₂.

* **12:47** A₂lín₅₄ chog'₅₄ si₂ tsá₃ chi₁ton₅

14 Jaun₂ le₂nē₅ rē₂ti₃ tē₂le₃ quió'₅ dsa₂ nē₅ jui₁lia'₂ ca₂juá'₂ Isaías i₂ca₂'ē₂ jág₁ quián₅ Diú₄:

Dsón'₂ bá₄ nág'₁ 'nia'₂,

la₁ tsá₃ le₃ñí'₂ 'e₂ a₂nág'₁;

Caun₂ qui₁jag'₅₄ 'nia'₂ ně₃,

la₁ tsá₃ le₃len'₅₄ 'nia'₂.

15 Ia₁ a₂ma₂'ua'₂ dsi₄ bá₄ dsa₂ la₂,

ja₂lag₃ bá₄ nag₂₃,

nē₂jag₄ bá₄ i₂ma₂rē₂jni₅ rē₂gua₄;

ján₃ bá₄ le₂nē₅, nē₂jag₄ bá₄ a₂tsá₃ jniá₂ mi₂ne₅₄,

ia₁jaun₂ tsá₃ jág₃ quian'₅₄ mi₂ne₅₄,

on₃ guē'₂ nag₃ quian'₅₄ rē₂gua₅₄,

on₃ guē'₄ le₃ñí'₂ dsí₅,

ia₁jaun₂ tsá₃ jén'₃ dsí₅ ja₁con₂ jniá₂

ia₁jaun₂ jme₁'lioin₁₂ jniá₂.*

16 'La₁ 'e₂ guē'₄ dsen'₃ 'nia'₂ ia₁ jniá₂ mi₂ne'₅₄, nag'₂ bá₄ 'nia'₂ ně₃ quian'₅₄ rē₂guá'₂. 17 A₂dsi₂jó'₃ juíg₂ jniá₂ 'nia'₂, juin₅ dsa₂ i₂jme'₁ē₂ jág₁ quián₅ Diú₄ ma₂líg'₂, juin₅ dsa₂ dsen₃, jme₁'nio₃ tē₃ ne₅₄ a₂jág'₂ 'nia'₂ rē₂nē₃, la₁ tsá₃ ca₂jág₃; jme₁'nio₃ nag₃ ně₃ jui₁lia'₂ a₂nag'₂ 'nia'₂ rē₂nē₃, la₁ tsá₃ ca₂nág₂.

Juá'₂ Jesús tsí'₅ dsa₂ lia'₂ tí₅ jág₁ 'e₂ jág₁ dsau₅ jáng'₅ jui₁lia'₂ jág₁ quió'₅ dsa₂ i₂séi₂ mi₂jon₂

(Marcos 4:13-20; Lucas 8:11-15)

18 'Nei₂ 'nia'₂ jaun₂, 'e₂ jág₁ dsau₅ jáng'₅ jui₁lia'₂ jág₁ quió'₅ dsa₂ i₂séi₂ míg₂ jon₂. 19 Jui₁lia'₂ dsa₂ i₂nag₅ jág₁ dse₃ a₂jás₅ guei'₅₄ i₂juíg₃ ja₁gon₂ Diú₄, nē₂jua'₂ tsá₃ ñí'₂, lín₅ jui₁lia'₂ míg₂ jon₂ a₂ca₂séi'₂ dsi₂jui₅. I₂sē₃dsen₃ bá₄ ja₂ ja₁coin₂, jaun₂ jniá'₂ táng₃ jág₁ dse₃ a₂jme₁ma₂jnia₄ tē₂dsí₅. 20 Míg₂ jon₂ a₂ca₂séi'₂ guē'₂ jē₄ ni₁cang₁, lē₅ jui₁lia'₂ lín₅ dsa₂ i₂gue₅ 'ñio₂ dsí₅ jág₁ dse₃ a₂nag₂₃, 21 la₁ia₁ tsá₃ cha₂ guē'₂ jē₄dsi₃'má₂ jmú₄ né'₃ 'uē₃, tsá₃ uē₂ tíó'₅; jaun₂ jē₁ma₂jás₅ o₂i₁ dsi₅ a₂dsi₂ñí₂ 'e₂ dsi₂ñí₂, o₃ qui₂co₂'ein₅ dsa₂ o₄quió'₄ jág₁ quió'₅ Diú₄, guein₂₃ tí₂ bá₄ táng₃ jág₁. 22 Jui₁lia'₂ míg₂ jon₂ a₂i₃ga'₅₄ jē₄ ni₁taun₅ guē'₂ táng₃, jáng'₅ jág₁ dsau₅ jui₁lia'₂ dsa₂ i₂nag₅ jág₁ dse₃, la₁ia₁ 'ñio₅ lin₃ guē'₄ 'i₅ dsí₅ o₂me'₅₄ dsi₅ a₂cha₂ mi₂güí'₃ la₂, a₂'ín₅ dsí₅ a₂le₃cha₂ cu₄ a₂le₃chain₂ dse₃ ně₃, a₂nē₅ bá₄ a₂jme₂gau₅ táng₃ quió'₅. Ca₂le₃jē₃ a₂nē₅ jlē₂ bá₄ táng₃ jág₁ dse₃ a₂jme₁ma₂nág₂, jaun₂ tsá₃ ma₂'e₂ a₂dse₃ ráu₃ ja₁con₂ dsa₂ 'éi₂. 23 La₁ jui₁lia'₂ míg₂ jon₂ a₂ca₂séi'₂ ja₁dse₃ gua'₅₄, jáng'₅ táng₃ jág₁ dsau₅ tē₂le₃ ja₁con₂ dsa₂ i₂nag₅ jág₁, ton'₂ ñí'₂ ně₃; jaun₂ jmá'₃ lia'₂ ca₂ne₅₄ a₂dse₃ bá₄ rau₂ ja₁coin₂. I₂lín₅₄ guē'₂ dsa₂ 'éi₂ tē₂le₃ quian'₅₄ a₂dse₃ rē₂jniá₂ a₂jmo₂₃, lín₅ jui₁lia'₂ lē₅ lia'₂ ca₂cho'₅₄ míg₂ a₂ca₂i₃jnia₄, rau₂ caun₂ 'ñiá₂-láu₂ míg₂ lia'₂ ca₂míg₂; i₂lín₅₄ guē'₂ jma₃'nag'₂ co₂ne₂guió₂; i₂lín₅₄ guē'₂ jma₃guió₂-guiá₂ míg₂.

Jág₁ a₂jáng'₅ léi₄ jui₁lia'₂ ni₁nau₂ 'lig'₅₄ a₂ca₂'ia₂ jē₄ trigo

24 Ca₂juá'₂ Jesús táng₃ ca₂tsí'₃ dsa₂ caun₂ jág₁ a₂jáng'₅ léi₄ siá'₂:

—A₂lē₅ guei'₅₄ i₂juíg₃ ja₁gon₂ Diú₄ lia'₂ lín₅ jan₂ dsa₂ i₂ca₂séi₂ ca₂ne₅₄ míg₂ jon₂ dse₃ 'uē₃ quió'₅; 25 la₁ caun₂ 'uē₂ jme₁ma₂le₁güín₃ dsa₂ le₃jín₃, ca₂guan₃ jan₂ dsa₂ 'lín'₅₄ i₂'iog₅₄ ca₂jmo₃ uig₅ dsí₅ ca₂guia'₃ jon₂ ni₁nau₂ 'lig'₅₄ jē₄ trigo, jaun₂ ca₂ñái'₃ táng₃. 26 Jme₁ca₂i₃cón₃ trigo, jme₁ma₂tio'₅₄ mí'₂ ně₃, jē₄ jaun₂ ca₂'ia₂ ni₁nau₂ 'lig'₅₄ ján₃. 27 Jaun₂ ně₃, dsa₂ i₂jme₂ti₃ ta₁ ne₄ juig₅₄ ja₁nau₂, ca₂i₁con₂ jág₁ ne₄ juig₅₄,

* 13:15 Isaías 6:9-10.

ca₂juá'₂: “Gui'₅₄, ¿on₁jua'₅₄ jmá'₃ ca₂ne₅₄ míg₂ jon₃ dse₃ ca₂jñí'₂ ja₁nau₂ quiáng'₂ jme₁ca₂jñí'₂? ¿'A₂ guë'₂ lia'₂ ca₂lë₃ a₂ca₂'ia₂ ni₁nau₂ 'lig'₅₄ jaun₂ në₃?” ²⁸ Jaun₂ ca₂ñag₃ dsa₂juig'₅₄: “An₁jan₂ dsa₂'lin'₅₄ i₂'iog₅₄ bá₄ ca₂jmo₃ a₂në₅.” Jaun₂ ca₂ñag₃ dsa₂ i₂jme₂tí₃ ta₁ ne₅₄: “¿Tsa₁'niog'₂ jua'₅₄ co₂dsia₅ dsi₁gué₁ jnia'₅₄ ni₁nau₂ 'lig'₅₄ jaun₂?” ²⁹ Jaun₂ ca₂ñag₃ táng₃ 'éi₂, ca₂juá'₂: “Jan₂'ón₄. Tió'₅ bá₄. Ia₁ con'₂ tsá₃ ñó₅ në₃ jua'₂ le₂jio₅ tag₄ trigo dse₃ bá₄ ca₂cang₅. ³⁰ Ja₂lin₃ guë'₄ dse₃ ju₁le₁dsi₅₄ me'₂ jaun₂, ju₁dsi₂cón₃ bá₄ co₂lë₅, ca₂lia'₂ ca₂të₂ jmig₄ i₁ráu₃; jaun₂ guë'₄ tsing₅₄ dsa₂ a₂dsi₃cang₅₄ de'₂ le₂'uig₅₄ ni₁nau₂ 'lig'₅₄, jaun₂ cág'₃ jmá'₃ co₂dsong'₅₄ ia₁jaun₂ 'nei₃, dsi'₂, jaun₂ guë'₄ cág'₃ trigo tó'₃ caun₂ ja₁tó'₃ dsi₂né₂ quió'₃.”

Jág₁ a₂jáng'₅ léi₄ ju₁lia'₂ míg₂ jon₂ quió'₅ ni₁'ma₂ mostaza
(*Marcos 4:30-32; Lucas 13:18-19*)

³¹ Ca₂dsia₃ Jesús ján₃ caun₂ jág₁ a₂jáng'₅ léi₄ le₂la₂:

—Ja₁gon₂ Diú₄ guei'₅₄ i₂juig'₃, lë₅ ju₁lia'₂ lë₅ míg₂ jon₂ quió'₅ ni₁'ma₂ mostaza† a₂ca₂jné₂ jan₂ dsa₂ ja₁nau₂ quió'₅. ³² Dsón'₂ míg₂ jon₂ jaun₂ lë₅ míg₂ a₂pí'₁ tei₄ guë'₄ 'ñio₅ lin₃ lia'₂ con'₂ guë'₄ míg₂ jon₂ siá'₂; la₁ia₁ jë₁ma₂ca₂i₃cón₃ në₃, lë₂ caun₂ ni₁'ma₂ pa₁ guë'₄ lia'₂ con'₂ guë'₄ rin'₅₄ a₂cha₂ ja₁nau₂ quió'₅, ca₂të₂ i₁tan₅ lë₂ le₃tain'₃ gu'₂ nei'₅₄.

Jág₁ jáng'₅ léi₄ ju₁lia'₂ 'a₂ lia'₂ rón'₂ i₁ñí'₄
(*Lucas 13:20-21*)

³³ Ca₂dsia₃ Jesús jág₁ a₂jáng'₅ léi₄ le₂la₂ táng₃:

—Lë₅ guei'₅₄ i₂juig'₃ ja₁gon₂ Diú₄, ju₁lia'₂ lë₅ levadura a₂co₂güin'₂ jan₂ 'io₅₄ quian'₅₄ 'ni₅ tio'₅₄ ñí₁ ca'₅₄† ti₁ju₁ harina, ia₁jaun₂ ron'₂ dse₃ ca₂le₃jë₃ ti₁can₁.

Ta₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús
(*Marcos 4:33-34*)

³⁴ Ca₂le₃jë₃ jág₁ la₂ ca₂juá'₂ Jesús ca₂tsí'₃ dsa₂ të₂le₃ quian'₅₄ jág₁ a₂jáng'₅ léi₄; 'i₁co₂ráun₂ tsá₃ jme₁jme₂tag₂₃ jua'₅₄ tsá₃ të₂le₃ quian'₅₄ jág₁ a₂jáng'₅ léi₄. ³⁵ Le₂në₅ ca₂jmo₃ ia₁jaun₂ le₃tí₃ jág₁ a₂jme₁ma₂rë₂'ë₂ quió'₅ dsa₂ i₂jme₁'ë₂ jág₁ quián₅ Diú₄ ma₂líg'₂ jme₁ca₂juá'₂:

'Uë'₅₄ jniá₂ jág₁ 'o₃
të₂le₃ quian'₅₄ jág₁ a₂jáng'₅ léi₄;
dsia₅₄ jniá₂ jág₁ a₂tsá₃ ma₂ca₂rë₃jniá₂
ca₂le₃ ca₂jmo₃ Diú₄ mi₂güig₃. §

Dsia₅ Jesús lia'₂ tí₅ jág₁ 'e₂ jág₁ dsau₅ jáng'₅ ju₁lia'₂ ni₁nau₂ 'lig'₅₄ a₂ca₂'ia₂ jë₄ trigo

³⁶ Jaun₂ në₃, ca₂o₃'ín₃ Jesús jin₄ dsa₂ ju₁n₅ ja₁jme₁'ein₅₄ jaun₂ ca₂'í₃ táng₃ caun₂ dsi₂né₂. Jaun₂ ca₂o₃lén₂ táng₃ chí'₂ dsi₂guia₃-tín₂ ja₁coin₂, ca₂juá'₂:

—Dsia₄ lia'₂ tí₅ jág₁ 'e₂ jág₁ dsau₅ jáng'₅ ju₁lia'₂ jág₁ quió'₅ ni₁nau₂ 'lig'₅₄ a₂ca₂'ia₂ jë₄ trigo.

³⁷ Jaun₂ ca₂ñag₃ Jesús:

—Dsa₂ i₂ñi₅ séi₂ míg₂ jon₂ dse₃, Jaun₅ dsa₂ mi₂güig₃ bá₄ 'éi₂; ³⁸ ja₁nau₂ guë'₂ lë₅ co₂'nió'₄ mi₂güig₃ la₂. Jon₂ dse₃ guë'₂ në₃, co₂'nió'₄ lín₅ chí'₂-guein₂ i₂tion'₅₄ 'éi'₃ quió'₅ Diú₄. Ni₁nau₂ 'lig'₅₄ guë'₂ në₃, co₂'nió'₄ dsa₂ i₂tion'₅₄ ju₁'éi'₃ quió'₅ i₂së₃dsen₃. ³⁹ Dsa₂ 'lin'₅₄ i₂'iog₅₄ i₂ca₂jné₂ jon₂ ni₁nau₂ 'lig'₅₄, i₂së₃dsen₃ bá₄ 'éi₂. I₁ráu₃ guë'₂ në₃, lë₅ jmig₄ jë₁ca₂tó'₂; i₂ja₃lén₂ ja₃cag'₅₄ guë'₄ në₃, ángeles quián₅ bá₄ Diú₄. ⁴⁰ Jaun₂, ju₁lia'₂ cág'₅ dsa₂ ni₁nau₂ 'lig'₅₄, a₂tó'₅ dsi₂si₂, le₂në₅ bá₄ lë₂ ján₃ jmig₄ jë₁ca₂tó'₂ mi₂güig₃ la₂. ⁴¹ Chen₃ Jaun₅ dsa₂ mi₂güig₃ ángeles quián₅

† **13:31** mostaza: On₃jua'₅₄ mi₁ján'₅ a₂cuí'₅ dsa₂ go₂ jniog₄; caun₂ ni₁'ma₂ dsón'₂ jaun₂ a₂të₂ të₅si₃ Brassica nigra. † **13:33** griego: “ni₅ tio'₅₄ ñí₁ sata”, a₂tio'₅₄ con'₂ 22 litros le₂caun₂ ñí₁. § **13:35** Salmo 78:2.

ia₁jaun₂ 'uín'₂ jë₄ quió'₅ dsa₂ quiáin₅ ca₂le₃jín₃ i₂jmo₅ qui₂sén'₂ rin'₅₄ a₂'no₂₃
dso₄, ca₂le₃jín₃ guë₄ i₂ca₂rë₃chán₃ i₂tsá₃ ca₂tí₂ jui₅ 'lig'₅₄. ⁴² Jaun₂ to'₂ ja₁néi'₅
tsi'₄ si₂, ja₁tóin'₃ qui'₂-o₂₃, qui₃quíg'₃ jan₅₄ ně₃. ⁴³ Jaun₂, dsa₂ dsen₃ quián₅ Diú₄
guë'₂ dsi₃lein₅ dsi₃tiain'₂ ja₁jniai₅₄ tág₅ jui₁lia'₂ jniá₂ 'iog₂ ja₁jmo₅ Diú₄ Jmei₂ 'éi'₃.
Chi₂jua'₂ 'ein₂ 'nia'₂ i₂dsi₅₄ rë₂gua₄, rë₂ nei₂ 'nia'₂.

Jág₁ a₂jáng'₅ léi₄ jui₁lia'₂ caun₂ a₂quen₅ guë₄ 'ñio₅ lín₃ a₂rë₂'ma₄

⁴⁴ 'Guei'₅₄ i₂juíg₃ ja₁gon₂ Diú₄ ján₃ bá₄ lë₅ jui₁lia'₂ caun₂ a₂quen₅ 'ñio₅ lín₃
a₂rë₂'ma₄ rë₂'o₅ né₃ 'uë₃. La₁ jui₁lia'₂ jan₂ dsa₂ i₂dso'₂ ně₃, ja₁jaun₂ bá₄ 'ma₂₃
táng₃; ia₁ a₂ñí₄ lë₃ 'io'₂ jén'₅, jaun₂ dsáin'₅ dsi₂'nág₂ ca₂le₃jë₃ 'e₂ a₂cha₂ quió'₅, jaun₂
lá₅ 'uë₃ jaun₂.

Jág₁ a₂jáng'₅ léi₄ jui₁lia'₂ míg₂ perla a₂quen₅ lín₃

⁴⁵ 'Ján₃ bá₄ lë₅ guei'₅₄ i₂juíg₃ ja₁gon₂ Diú₄ jui₁lia'₂ lín₅ jan₂ dsa₂ i₂ñi₅ 'no'₂ perlas
jlá'₁ ia₁jaun₂ jmo₃ 'ma'₅₄. ⁴⁶ Jë₁ma₂ca₂dsó'₂ ca₂míg₂ a₂quen₅ lín₃, dsáin'₅ dsi₂'nág₂
ca₂le₃jë₃ 'e₂ a₂cha₂ quió'₅, jaun₂ lá₅ míg₂ jlá'₁ jaun₂.

Jág₁ a₂jáng'₅ léi₄ jui₁lia'₂ tsi₁'má₅

⁴⁷ 'Ján₃ bá₄ le₂jaun₂ lë₅ guei'₅₄ i₂juíg₃ ja₁gon₂ Diú₄ jui₁lia'₂ lë₅ caun₂ tsi₁'má₅
a₂táun₂ dsa₂ ne₄ jmi₁ñí'₄ jaun₂ 'uín'₂ ca₂le₃jín₃ ne₅₄ já'₂. ⁴⁸ Jë₁ma₂ca₂rin₅ tsi₁'má₅,
dsa₂ ně₃ 'ín₅ tē₂le₃ chei'₅₄ jmi₁ñí'₄; jaun₂ quióin'₂ jmá'₃ lia'₂ ju₄ dsen₃ caun₂
ja₁to'₂, jaun₂ guaiin'₂ bá₄ jui₁lia'₂ já'₂ i₂tsá₃ dsen₃. ⁴⁹ 'Ján₃ bá₄ le₂jaun₂ lë₂ jmíg₄
jë₁ca₂tó'₂ mi₂güí₃ la₂: 'uín₃ ángeles ja₃jmó₂ jma₃quén₅ dsa₂ 'lín'₅₄ jë₄ quió'₅ dsa₂
dsen₃ ⁵⁰ jaun₂ toin'₂ i₂'lín'₅₄ ja₁néi'₅ tsi'₄ si₂ ja₁dsi₃toin'₅₄ qui'₂-o₂₃ qui₃quíg'₃ jan₅₄
ně₃.”

Jui₁lia'₂ cu₄nióg₄ 'mí₂ quian'₅₄ cu₄nióg₄ gui'₅₄

⁵¹ Jaun₂ ca₂ñí'₃ Jesús chi'₂ dsi₂guia₃-tín₂ quiáin₅:

—¿ñíg'₂ 'nia'₂ ca₂le₃jë₃ jág₁ a₂juá'₅ jniá₂ ně₅?

Jaun₂ ca₂ñag₃:

—Nág'₂ bá₄ jnia'₅₄.

⁵² Jaun₂ ca₂juá'₂ Jesús ně₃:

—Jui₁lia'₂ jan₂ tē₅juá'₅ i₂ma₂ca₂jme₃tín₅ 'a₂ lia'₂ lë₅ guei'₅₄ i₂juíg₃ ja₁gon₂ Diú₄,
lín₅ jui₁lia'₂ lín₅ jan₂ juíg₅₄ tsi₁'né₅ i₂'uë'₅ a₂quen₅ a₂te₁'i₁ le₁'ma₁ dsi₂néi₂ quió'₅,
lia'₂ cosas 'mí₂ lia'₂ cosas gui'₅₄ ně₃.

*'En₅₄ Jesús jë₄ juíg₂ Nazaret
(Marcos 6:1-6; Lucas 4:16-30)*

⁵³ Jme₁ca₂dsan₃ jme₂tín₅ Jesús dsa₂ jág₁ a₂jáng'₅ léi₄ ně₅, ca₂o₃'ín₃ bá₄ ja₁jaun₂,
ñái'₃ juíg₂ go₅₄. ⁵⁴ Jme₁ca₂dsiáin'₃ jaun₂ ně₃, ca₂jme₃lióg₃ ca₂jme₃tiin₂₃ dsa₂ jág₁
dse₃ quió'₅ Diú₄ dsi₂néi₂ guá'₅ sinagoga quió'₅ dsa₂ ja₁jaun₂, jaun₂ dsa₂ ně₃,
ca₂i₃gó'₃ dsí₅ jág₁ a₂ca₂nág₂, jaun₂ ca₂dsia₃:

—¿A₂já'₄ ca₂i₂jme₁tín₅ i₂në₅ jág₁ a₂ñí₄ lë₃ tñin₂₃ ně₅? ¿'A₂ bá₄ lia'₂ 'io₂₃ bí₂ a₂tiin₂
jmo₃ o₂dsain₂ ně₃? ⁵⁵ ¿On₁jua'₅₄ i₂në₅ ja₁ñi'₅₄ tē₅'má₃? ¿On₁jua'₅₄ chog₅₄ i₂chen₂
María? ¿On₁jua'₅₄ i₂në₅ i₂lín₅ rin'₅₄ Santiago* quian'₅₄ Së₄, Si₂mu₅₄, Judas ně₃?
⁵⁶ ¿On₁jua'₅₄ jë₄ quián₂ jniog₄ la₂ tián'₅ 'io₅₄ riin'₅₄ ně₃? ¿'A₂ bá₄ já'₄ já₅ a₂ñí₄ lë₃
cuí'₅ i₂në₅ ca₂le₃jë₃ jág₁ a₂tiin₂ ně₅?

⁵⁷ Jaun₂ tsá₃ dse₃ ca₂tín₂ dsa₂ jág₁ jaun₂ quió'₅, tsá₃ jui₅ ca₂tón'₃ dsa₂. La₁
ca₂juá'₂ Jesús:

* 13:55 Santiago: ján₃ bá₄ chein₂ Jacobo.

—Ca₂le₂con₂ bá₄ juig₂ siá'₂ jme₂gan₃ dsa₂ jui₁lia'₂ jan₂ dsa₂ i₂'ě₂ jág₁ quián₅ Diú₄; njia'₅₄ lia'₂ dsa₂ go₅₄ bá₄, tsá₃ jei₅₄, quian'₅₄ dsa₂ dsi₂néi₂ quió'₅ 'ñiog₅ ně₃.

⁵⁸ Jaun₂ tsá₃ ma₃léi₄ juë'₂ lin₅₄ ca₂jmo₃ ja₁jaun₂, ia₁ tsá₃ guë'₂ 'én₂ dsa₂.

14

Ca₂jon₃ Juan₅₄ i₂chon₅ dsa₂ jmig₂
(*Marcos 6:14-29; Lucas 9:7-9*)

¹ Jmig₄ jaun₂ Herodes, i₂jme₁lín₄ dsi₄má'₂ 'uë₃ Galilea, ca₂rë₃ñi₅ jág₁ a₂ñi₅ Jesús le₂con₂ jaun₂. ² Jaun₂ dsia₂₃ tsí'₅ dsa₂ i₂jme₂ti₃ ta₁ ne₅₄:

—Juan₅₄ i₂chon₅ dsa₂ jmig₂ bá₄ ně₅ ñi₅; ma₂ca₂jei₅₄ táng₃. 'Uig₅₄ jaun₂ 'io₂₃ jui₅bí₂ a₂jmo₂₃ léi₄ juë'₂.

³ Ia₁ le₂ñjá₅ ma₂ca₂ñja'₃ dsa₂ Juan₅₄ 'éi'₃ quió'₅ Herodes, ca₂'nei'₂, ca₂to'₂ dsa₂ né'₃ 'má₃ ně₃. Ca₂jmo₃ le₂ně₅ 'uig₅₄ quió'₄ 'io₅₄ Herodías i₂jme₁lě₄ dsa₂ mí₂ quián₅ Fe₂li₄ riin'₅₄. ⁴ Ia₁ 'lióng₂ ráun₂ ma₂qui₂ma₂juá'₂ Juan₅₄ ma₂qui₂ma₂tsí'₃ Herodes: “Tsá₃ 'i₄ 'éi'₃ cáng'₄ 'io₅₄ ně₅.”

⁵ 'Uig₅₄ jág₁ jaun₂, jme₁'nio₃ Herodes ññi'₃ Juan₅₄, la₁ tsá₃ tiá₂ dsí₅, ia₁ jme₁gain₃ dsa₂; ia₁ ca₂le₃jín₃ bá₄ dsa₂ jme₁'éin₂ a₂lín₅ Juan₅₄ jan₂ dsa₂ i₂'ě₂ jág₁ quián₅ Diú₄. ⁶ La₁ caun₂ jmig₄ ně₃, jme₁ca₂dsí'₃ Herodes ñi₂, ca₂o₃'ín₃ ja₁míg₄ 'io₅₄ Herodías, ca₂dsáin₂ jin₄ dsa₂ i₂té₁ jmig₄. A₂ně₅ ně₃ ca₂tě₂ dsí₅ 'ñiog₅ lin₃ Herodes, ⁷ ca₂lia'₂ ca₂cuë₃ jág₁ quió'₅, ca₂le₃jě₃ 'iin₂₃ Diú₄ a₂cuë₃ 'e₂ caun₂ a₂mi₃ 'io₅₄ bē'₅₄ 'éi₂. ⁸ Jaun₂ ně₃, jme₁ma₂ně₂tio'₂ chog₅₄ jág₁, ñó₃, ca₂juá'₂:

—Cuë₄ mi₂dsi₄ Juan₅₄ i₂chon₅ dsa₂ jmig₂, tē₂ně₃, 'i₄ 'ñió'₃ uing₅.*

⁹ Jaun₂ ca₂tá'₂ 'lia'₂ dsí₅ rag₅₄ jme₁ca₂nág₂ le₂ně₅, la₁ tsá₃ ma₃'e₂ ñi₅ jmo₃, ia₁ ma₂ně₂cuë₃ jág₁ quió'₅ a₂'iin₂₃ Diú₄, tē₃nag₅ dsa₂ i₂tion'₅₄ dsi₂néi₂ ja₁niog₅ jmig₄. ¹⁰ Jaun₂ lě₃, ca₂jmo₃ 'éi'₃ a₂ca₂i₁qui'₂ dsa₂ mi₂dsi₄ Juan₅₄ dsi₂néi₂ tsi₁'né₅ 'má₃. ¹¹ Dsi₂jui₅ jaun₂ bá₄ ca₂o₃can₅ dsa₂ mi₂dsi₄ Juan₅₄ rē₂'i₄ 'ñió'₃ uing₅, † jaun₂ ca₂cuë'₃ 'io₅₄ bē'₅₄ 'éi₂, jaun₂ 'éi₂ ně₃ ca₂i₁con₂ ne₄ chog₅₄.

¹² Jme₁co₂lág₂ jaun₂ ně₃, ca₂o₃lén₂ dsa₂ i₂jme₁quian'₅₄ Juan₅₄, jaun₂ ca₂tág₃ 'lag₄ 'éi₂ ca₂i₁ó₄. Jaun₂ guë'₄ ca₂i₁lein₅₄ ca₂i₁chi'₄ Jesús.

Ca₂jme₃tan₅₄ Jesús 'ñiá₂ mei₅ dsa₂
(*Marcos 6:30-44; Lucas 9:10-17; Juan 6:1-14*)

¹³ Jme₁ca₂rë₃ñi₅ Jesús jág₁ ně₅, ca₂o₃'iin₃ ja₁jme₁'ein₅₄, ca₂'í₃ 'ñió'₃ caun₂ tsi₁mu₅, a₂jme₁i₂'i₅ caun₂ ja₁co₂'ñiog₅. La₁ juin₅ dsa₂ juig₂ te₁'i₁ con₂ ma₂quián₅ jaun₂ ca₂rë₃ñi₅, jaun₂ ca₂'uin₂, ca₂i₁lein₅₄ ca₂i₁'ein₂₃ Jesús jui₅ tag₅₄.

¹⁴ Jme₁ca₂dsi₃óg₃ Jesús le₂'ño'₅₄ jmig₂, ca₂jág₃ juin₅ lin₃ dsa₂ ma₂ti₃ón₂ le₁ñiog₅. Jaun₂ ca₂dsia₃ néi₂ dsí₅ dsa₂ 'éi₂, ca₂jme₃'lióin₂ dsa₂ i₂jme₁qui₂le₁dso'₅₄ quián₅ dsa₂. ¹⁵ Tě₂le₃ ca₂'láu₂ jaun₂, ca₂o₃lén₂ chi'₂ dsi₂guia₃-tín₂ ca₂juá'₂ ca₂tsí'₃ Jesús:

—Ca₂'láu₂ bá₄ la₂, ton'₂ caun₂ ja₁co₂'ñiog₅ bá₄ la₂ ja₁tsá₃ 'ein₂ tián'₅. 'Ei'₂ jág₁ dsa₂ ia₁jaun₂ dsi₃lén₂ le₂con₂ juig₂ ma₂quián₅ ně₅, qui₂dsi₃lia₅ ca₂la₂ a₂guë'₃.

¹⁶ Jaun₂ ca₂ñag₃ Jesús:

—Tsá₃ tion₅₄; cuë'₅₄ 'nia'₂ dsa₂ guiong'₅₄ a₂guë'₃.

¹⁷ Jaun₂ ca₂ñag₃ chi'₂ dsi₂guia₃-tín₂:

—Tsá₃ 'e₂ a₂siá'₂ cha₂ ja₁lá₃, njia'₅₄ lia'₂ 'ñiá₂ i₁ñí'₄ bá₄, quian'₅₄ on₃ i₁ju₁.

¹⁸ Jaun₂ ca₂juá'₂ táng₃ Jesús:

—O₂quian₂ 'nia'₂ ja₁lá₃.

* **14:8** lit. “rě₂dsí₂ ne₄ caun₂ ni₁ñí₁ charola.” † **14:11** lit. “rě₂dsí₂ ne₄ caun₂ ni₁ñí₁ charola.”

19 Jaun₂ ně₃, ca₂tsí'₃ dsa₂ a₂tiain'₃ ne₄ 'uě₃. Jaun₂ ca₂jña'₃ ta₁'ñiá₂ i₁ñí'₄ quian'₅₄ le₃on₃ i₁ju₁, jaun₂ ca₂chóg'₃ ne₅₄ guei'₅₄ i₂juíg₃, ca₂cuě'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁ñí'₄, ca₂cuě'₃ chi'₂ dsi₂guia₃-tín₂. Jaun₂ 'éi₂ guě'₄ ně₃ ca₂dsi₀'₃ jñ₄ dsa₂. 20 Ca₂le₃jín₃ bá₄ dsa₂ ca₂guě'₃ ca₂lia'₂ ca₂'ág'₃ dsí₅. Jme₁ca₂lě₃ guě'₅, jaun₂ ca₂cág'₃ bá₄ guě₄ guia₃-tín₂ tsi₁mi'₂ 'nau₅₄ a₂ca₂chóng₃. 21 Dsa₂ i₂ca₂guě'₃ 'éi₂ jme₁tén₄ 'ñiá₂ mei₅ jmá'₃ lia'₂ dsa₂ ñe'₂, i₂sián'₂ bá₄ dsa₂ mí₂, chi'₂ ně₃.

*Ca₂ñi₃ Jesús ne₄ jmi₁ñí'₄
(Marcos 6:45-52; Juan 6:16-21)*

22 Dsi₂jui₅ jme₁ca₂lě₃ jaun₂, ca₂jmo₃ Jesús 'éi'₃ a₂tón'₃ chi'₂ dsi₂guia₃-tín₂ 'ñi₀'₃ tsi₁mu₅, a₂ñí₃ de'₂ 'éi₂ jmi₂ le₁jñiá₄ lia'₂ con'₂ guě₄ 'ñiog₅ a₂dsi₃lein₃, tē₁lia'₂ 'í₂ 'ñiog₅ 'ág'₅ jág₁ dsa₂. 23 Jme₁ca₂lě₃ 'ág'₅ jág₁ dsa₂, ca₂ñó₃ jui₅ má'₂ i₁chi₂i₁lein'₄ Diú₄. Ca₂tó'₂ nei₂ jme₁ca₂tó'₂, jaun₂ bá₄ 'ein₅₄ 'ñiog₅. 24 Tsi₁mu₅ a₂tion'₅₄ chi'₂ dsi₂guia₃-tín₂ ně₃, jme₁ma₂dsi₀'₃ dsi₂jo₂ jmi₁ñí'₄. Jmi₂ ně₃, qui₂jñá'₅ tiá₂ lin₃ dso'₂ tsi₁mu₅, ia₁ 'ei₅ tiá₂ dsí₂ 'liog'₂ le₃ca'₃. 25 Le₁né₃ tē₂le₃ ca₂jñia₃ jaun₂, ca₂jme₃quián₃ Jesús ja₁ñáu'₄ tsi₁mu₅ tioin'₅₄. 26 Jaun₂ ně₃ jme₁ca₂jág₂ chi'₂ dsi₂guia₃-tín₂ jóin'₅ ñi₂3 ne₄ jmi₁ñí'₄, ca₂juin'₂ ca₂tóin'₂ co₂mi'₅₄ ca₂guió'₃ ca₂juá'₂:

—jme₂dsí₂ 'lin'₅₄† bá₄ ó₃!

27 La₁ dsi₂jui₅ bá₄ ca₂juá'₂ Jesús ně₃:

—jDsiá₄ 'nia'₂ tiá₂ 'au'₂! jñiá₂ bá₄ la₂; tsá₃ lē₁juín'₂ 'nia'₂!

28 Jaun₂ Pe₄ ně₃ ca₂ñag₃:

—Te₁gui'₅₄, chi₂juá'₂ 'ne₂ ně₅, jmo₄ 'éi'₃ a₂nei₅₄ ñi₅₄ ne₄ jmi₂ a₂dsi₀'₄ tē₂ ja₁chéng'₄ ně₅.

29 —Ñia₅ jaun₂ —ca₂juá'₂.

Jaun₂ ca₂si₀'₃ Pe₄ 'ñi₀'₃ tsi₁mu₅, ca₂ñi₃ ne₄ jmi₂ jme₁ñó₄ ja₁chén'₄ Jesús. 30 La₁ jme₁ca₂tón'₃ jui₅ ca₂jág₃ 'a₂ lia'₂ 'ei₅ tiá₂ dsí₂, ca₂ja₃gó'₃ dsí₅, jaun₂ guě₄ ca₂rē₃lióg₃ ca₂i₃óin'₅ jmi₂. Ca₂guió'₃ tiá₂, ca₂juá'₂:

—jLi₀₄ jñiá₂, Te₁gui'₅₄!

31 Dsi₂jui₅ jaun₂ ca₂néi'₃ Jesús gu₂, ca₂tñin₂ quió'₅ Pe₄, jaun₂ juá'₂:

—i'E₂ guě₄ ca₂juig'₄ 'én'₂ 'ne₂! ¿E₂ lē₃ ně₂ 'éi'₂ caun₂-tñin₃ 'au'₂?

32 Jme₁ca₂i₃toin'₅₄ 'ñi₀'₃ tsi₁mu₅, ca₂'ág₂ táng₃ tei₄ dsí₂. 33 Jaun₂ i₂jme₁tion'₅₄ 'ñi₀'₃ tsi₁mu₅ ca₂jmo₃ i₁'áin₃ ne₄ Jesús, ca₂jme₃juag'₂. Jaun₂ ca₂juá'₂:

—Dsón'₂ bá₄ líng'₅ Ja₁ñi'₅₄ Diú₄.

*Ca₂jme₃'lión₂ Jesús dsa₂ dso'₅₄ 'uě₃ Genesaret
(Marcos 6:53-56)*

34 A₂ca₂'ain₂ jmi₂ jaun₂, ca₂dsi₃lein₃ 'uě₃ Genesaret. 35 Dsa₂ chan₂ ja₁jaun₂ ně₃, jme₁ca₂rē₃cuin₂₃ Jesús, jaun₂ ca₂i₁nioi₁₂ ca₂i₁can₅ jág₁ ca₂le₃jě₃ juig₂ te₁'i₁ le₃lág'₃ jaun₂, jaun₂ ca₂o₃jñia₃ dsa₂ ca₂le₃jín₃ dsa₂ i₂jme₁le₁dso'₅₄ ja₁'en₅₄ Jesús. 36 Jaun₂ ca₂mi₃ tsá₃ a₂ñag₅₄ o₁jñia₅₄ 'ág₃ tag₄ tsin'₅₄ bá₄ cuě₃ jmi₂ ní'₃ dsa₂ i₂le₁dso'₅₄; jaun₂ ně₃, ca₂le₃jín₃ dsa₂ dso'₅₄ i₂qui₂ca₂ní'₃ tsin'₅₄ Jesús, ca₂'lóin₂ co₂ñei'₅₄ dso₄ a₂jme₁lín₄.

15

*Jme₂tag₅ Jesús jui₁lia'₂ 'e₂ jaun₂ a₂jmo₅ a₂rē₂'ñio₅ dsa₂
(Marcos 7:1-23)*

1 Jaun₂ ně₃ ca₂o₃lén₂ i₂lin₅₄ dsa₂ fariseos quian'₅₄ tē₅juá'₅ i₂ja₂lén₂ Jerusalén, ca₂jme₃quián₃ ja₁con₂ Jesús, jaun₂ ca₂ñag₃:

† 14:26 griego: fantasma.

2 —¿'E₂ lë₃ tsá₃ jme₂ti₃ dsa₂ i₂quiang' ₅₄ tag₄ 'éi' ₃ a₂chí' ₅ quió' ₅ dsa₂ can' ₅₄? Tsá₃ rang₂₃ gu₂ né' ₃ gué₄ a₂gué' ₃.

3 Jaun₂ ca₂ŋag₃ Jesús:

—'Nia' ₂ gué' ₂ ně₃, ¿'E₂ lë₃ qui₂tsó' ₂ 'nia' ₂ 'éi' ₃ quió' ₅ Diú₄ a₂jme₂tí' ₁ 'nia' ₂ jmá' ₃ lia' ₂ tag₄ quián' ₂ 'nia' ₂ guiong' ₅₄? 4 Ia₁ ca₂juá' ₂ Diú₄: “Jme₁gan₃ 'nia' ₂ chog' ₂-ŋéi' ₅.”* Ján₃ bá₄ ca₂juá' ₂: “I₂të' ₂on' ₂ jmei₂, o₃ i₂të' ₃on' ₂ chog₅₄, ca₂tíin₂ jóin₂.”† 5 La₁ 'nia' ₂ ně₃ jme₂tíng' ₁ dsa₂, ně₁'ein₂ cha₂ quió' ₅ a₂lé₂ le₃jme₃oin' ₅₄ chog₅₄-jmei₂, la₁ lag₃ ně₁ca₂tsí' ₃ dsa₂ chog₅₄-jmei₂: “A₂ma₂rë₂jen' ₅₄ ne₄ Diú₄ bá₄ a₂jaun₂”, 6 jaun₂ ně₃, jme₂tín' ₂ 'nia' ₂ dsa₂ 'éi' ₃ a₂tsá₃ ma₃tion' ₅₄ 'nió' ₅ jme₃on' ₅₄ dsa₂ chog₅₄-jmei₂. O₄quió' ₄ tag₄ quián' ₂ 'nia' ₂ guiong' ₅₄ bá₄ ma₂ja₂nó' ₅ 'nia' ₂ jmo' ₂ tsá₃ ma₃'e₂ quen' ₅ 'éi' ₃ quió' ₅ Diú₄. 7 ¡'Nia' ₂ dsa₂ i₂lë₁jmo₅-dsáu₅ o₁ne₁ a₂jmo' ₂ 'nia' ₂ a₂jme₂juíng' ₁ Diú₄ quian' ₅₄ tag₄ quiáng' ₂ ja₂nóg' ₅! Dsón' ₂ bá₄ dsau₅ a₂ca₂juá' ₂ Isaías i₂jme₁'ě₂ jág₁ quián' ₅ Diú₄, jme₁ca₂tíong₃ ne₄ si₂, 'in₂₃ 'nia' ₂, jme₁ca₂juá' ₂:

8 Dsa₂ juíg' ₂ la₂ jme₂juag' ₂ jniá₂
jmá' ₃ lia' ₂ quian' ₅₄ mi₂'o₅₄ bá₄,
la₁ia₁ uíng' ₂ bá₄ 'i₄ dsí' ₅
ja₁con₂ jniá₂.

9 La₁ tsá₃ 'e₂ ta₁ tí₄ a₂jme₂juag' ₂,
ia₁ jág₁ a₂jme₂tag₂₃
jmá' ₃ 'éi' ₃ quió' ₅ dsa₂ mi₂güíng' ₃ bá₄ jaun₂.‡

10 Jaun₂ ca₂të' ₃ Jesús dsa₂ juin' ₅ i₂ma₂quian' ₅₄ a₂jme₃quián' ₃ 'éi' ₂ ja₁coin₂, jaun₂ ca₂juá' ₂:

—Rë₂ nei₂ 'nia' ₂ a₂la₂; ju₁le₂ŋí' ₂ 'nia' ₂: 11 Ju₁lia' ₂ a₂dsi₂to' ₅₄ ju₁ mi₂'o₄ dsa₂, on₃jua' ₅₄ a₂jaun₂ jmo₅ a₂rë' ₃iog' ₅ jme₂dsí₂ quió' ₅ dsa₂. Ca₂le₃jě₃ a₂'uë₂ ju₁ mi₂'o₄ dsa₂, a₂jaun₂ bá₄ jmo₅ a₂rë' ₃iog' ₅ jme₂dsí₂ quió' ₅ dsa₂.

12 Jaun₂ ca₂jme₃quián' ₃ chí' ₂ dsi₂guia₃-tín' ₂, jaun₂ ca₂juá' ₂:

—¿Tsa₁ ŋi' ₅₄, 'ŋio₅ lín' ₃ tsá₃ dse₃ ca₂tín' ₂ dsa₂ fariseos jág₁ a₂në₂chei' ₅₄?

13 La₁ ca₂ŋag₃ Jesús:

—Ca₂le₃jě₃ ni₁'ma₂ a₂tsá₃ ca₂chéin' ₃ Ne' ₃ jniá₂ i₂guá₅ guei' ₅₄ i₂juíng' ₃, guéi' ₃ le₂jiog' ₅ jmú₄. 14 O₁lë₄ me' ₂; ia₁ dsa₂ ten₄ bá₄ ně₅ quian' ₅ ne₄ ju₁.§ Ia₁ ně₁jua' ₂ jan₂ dsa₂ ten₄ jniai' ₂₃ dsa₂ ten₄ riin' ₅₄, le₃oin' ₃ bá₄ tsi₃séin' ₂ siá₅.

15 Jaun₂ ca₂juá' ₂ Pe₄ ca₂tsí' ₃ Jesús:

—Jua' ₅₄ 'e₂ jág₁ dsau₅ jáng' ₅ jág₁ ně₅.

16 Jaun₂ ca₂ŋag₃ Jesús:

—¿Ján₃ bá₄ tsá₃ ŋí' ₂ 'au' ₂ 'nia' ₂? 17 Ia₁, ¿tsa₁ ŋí' ₂ 'nia' ₂, ju₁lia' ₂ ca₂le₃jě₃ a₂dsi₂to' ₅₄ ju₁ rë' ₂o₄ dsa₂, dsi₂lé₂ rë' ₂tú' ₅ bá₄ dsa₂, cang₂jaun₂ 'uë₂ táng' ₃? 18 La₁ ju₁lia' ₂ a₂'uë₂ ju₁ mi₂'o₄ dsa₂, a₂jaun₂ a₂jás₅ tē₂dsí₅ bá₄ dsa₂. A₂jaun₂ bá₄ jmo₅ a₂rë' ₃iog' ₅ jme₂dsí₂ quió' ₅ dsa₂. 19 Ia₁ tē₂dsí₅ bá₄ dsa₂ já₅ ca₂le₃jě₃ a₂'lig' ₅₄ a₂dsi₂jiog' ₅ dsí₅: ju₁lia' ₂ a₂jme₂dsian' ₅ dsa₂ dsa₂ mi₂güíng' ₃ riin' ₅₄: ju₁lia' ₂ a₂nió' ₅ dsa₂ jág₁ quian' ₅₄ dsa₂ i₂tsá₃ lín' ₅ dsi₂i₂gu₂, ju₁lia' ₂ a₂lë₁i₂nio₄ dsa₂ tiáin' ₅, tsá₃ gu₂le₁jen' ₂; ju₁lia' ₂ a₂'ang' ₅ dsa₂; ju₁lia' ₂ a₂nau₂ dsa₂ a₂jáng' ₅ jág₁ dsau₅ a₂jmo₂₃ tē₂jiin' ₁; ju₁lia' ₂ a₂jmo₅ dsa₂ a₂lë₁bóin' ₂ dso₄ riin' ₅₄ ně₃. 20 Ca₂le₃jě₃ a₂në₅ bá₄ jmo₅ a₂rë' ₃iog' ₅ jme₂dsí₂ quió' ₅ dsa₂; la₁ a₂gué' ₅ dsa₂ tē₃ tsá₃ ma₂në₂jme₃ti₃ 'éi' ₃ tag₄ a₂chí' ₅ a₂rang₂₃ gu₂, on₃jua' ₅₄ a₂jaun₂ jmo₅ a₂rë' ₂ŋio₅ dsa₂.

* 15:4 Éxodo 20:12; Deuteronomio 5:16. † 15:4 Éxodo 21:17; Levítico 20:9. ‡ 15:9 Isaías 29:13.

§ 15:14 A₂lín₅₄ chog₅₄ si₂juá' ₂: “ia₁ i₂jnia₅ dsa₂ ten₄ bá₄ ně₅.”

*Jan₂ i₁ná₃ i₂ca₂rë₃'én₂ të₂le₃ quió'₅ Jesús
(Marcos 7:24-30)*

21 O₂'ín₃ bá₄ Jesús ja₁jaun₂, ca₂ñó₃ táng₃ jui₅ juig₂ Tiro quian'₅₄ Sidón.

22 Ja₁jaun₂ jan₂ 'io₅₄ cananea i₂guá₅ jë₄ juig₂ jaun₂, ca₂guain₃ con₂ Jesús 'o₂₃ co₂mí'₅₄, juá'₂ tiá₂:

—i₁Te₁gui'₅₄, jaun₅ David, dsia₄ ñéi₂ 'au'₂ jniá₂! Jan₂ chi'₂ ja₁míg₄ jniá₂ 'en₅₄ jan₂ jme₂dsí₂ je₂na'₅₄ të₂dsí₅, 'ñio₅ lín₃ ñág₅ uig₅.

23 La₁ tsá₃ 'e₂ ca₂ñag₃ Jesús 'i₁caun₂. Jaun₂ o₃lén₂ chi'₂ dsí₂guia₃-tín₂ quiáin₅, jaun₂ ca₂juá'₂:

—Chei'₅₄ i₂në₅ jui₁dsiain'₅₄, ia₁ já₅ guió'₅ co₂mí'₅₄ chi₁co'₅₄ quián₂ jniog₄.

24 Jaun₂ ca₂ñag₃ Jesús ca₂tsí'₃ 'io₅₄ 'éi₂:

—Ca₂chei₃ Diú₄ jniá₂ a₂guio₃ jmá'₃ lia'₂ ca₂ne₅₄ o₄quió'₄ já'₂ cha'₂ i₂ma₂i₂cón'₅ chan₂ juig₂ Israel.

25 La₁ caun₂ já₅ bá₄ 'io₅₄ 'éi₂, ca₂chi₃jnë₃ ne₄ Jesús, ca₂juá'₂:

—i₁Te₁gui'₅₄, jme₁'o₄ jniá₂!

26 Jaun₂ ca₂ñag₃ Jesús:

—Tsá₃ dsí₂ten₅₄ jua'₅₄ a₂jñiá'₄ jniá₂ i₁ñí'₄ quió'₅ chi'₂-guein₂ a₂cuë'₄ dsí₂jí'₅₄.

27 Jaun₂ ca₂ñag₃ táng₃ 'io₅₄:

—Dsón'₂ bá₄ dsau₅, Te₁gui'₅₄; la₁ cág'₅ bá₄ dsí₂jí'₅₄ ni₁jne₁ a₂tsi₂séi'₂ ne₄ mesa ja₁guë'₅ juig₅₄.

28 Jaun₂ ca₂ñag₃ táng₃ Jesús:

—i₁E₂ guë'₄ tson₂ 'én'₂ 'ne₂, dsa₂ mí₂! Jui₁le₅₄ bá₄ lia'₂ con'₂ lë₅ a₂mí'₂ në₅.

Dsí₂jui₅ le₂jaun₂ bá₄ ca₂'lón₂ chi'₂ ja₁míg₄ 'io₅₄ 'éi₂.

Ca₂jme₃'lión₂ Jesús juin₅ dsa₂ dso'₅₄

29 O₂'ín₃ bá₄ táng₃ Jesús ja₁jaun₂, jaun₂ ca₂ñi₃ jui₅ chei'₅₄ jmi₁ñí'₄ Galilea; jaun₂ ca₂uig₂ jui₅ ne₄ má'₂, jaun₂ ca₂guá₂ jme₁dsióg₃. 30 Juin₅ dsa₂ ca₂dsi₃lén₂ táng₃ cau₅ quió'₅ ja₁jaun₂, le₁jñiá'₂₃ dsa₂ guian'₅₄, dsa₂ i₂le₁já'₂ gu₂-tag₄, dsa₂ ten₄, dsa₂ con₄, juin₅ guë'₄ dsa₂ sián'₂ i₂jme₁le₁dso'₅₄ në₃. Qui₂ca₂dsiog₃ ja₁chén'₄ Jesús, jaun₂ ca₂jme₃'lió₂ 'éi₂. 31 Jaun₂ guë'₄ ca₂i₂gó'₃ dsí₅ dsa₂ jme₁ca₂të₂ ne₅₄ ma₂dsia₅ jág₁ dsa₂ i₂jme₁con₄, ma₂i₂nio₄ dsa₂ i₂jme₁quile₁já'₂ quió'₅, quian'₅₄ dsa₂ guian'₅₄ në₃; dsa₂ ten₄ në₃ qui₂ca₂jág₃. Jaun₂ ca₂tón'₂ dsa₂ ca₂jme₃juin'₂ Diú₄ quián₅ dsa₂ Israel.

*Ca₂jme₃tan₅₄ Jesús quén₂ mei₅ dsa₂
(Marcos 8:1-10)*

32 Jaun₂ ca₂të'₃ Jesús chi'₂ dsí₂guia₃-tín₂ quiáin₅, jaun₂ ca₂juá'₂:

—'Ñio₅ ñéi₂ dsí₃ jing₅₄ dsa₂ në₅, ia₁ ma₂'ni₅ jmíg₄ tioin'₅₄ ja₁lá₃ quian'₅₄ jniá₂, 'i₁ca₂juig₄ tsá₃ 'e₂ cha₂ a₂guë'₃ ja₁lá₃. Jaun₂ në₃, tsá₃ 'nio₃ jniá₂ dsí₂ain'₅₄ të₃ tsá₃ ma₂në₂guë'₃, ia₁ con'₂ tsá₃ ñó₅ në₁ca₂'uáin₂ le₂'i₄ jui₅.

33 Jaun₂ ca₂juá'₂ chi'₂ dsí₂guia₃-tín₂ quiáin₅:

—¿A₂já'₄ lé₂ dsí₁liá₄ i₁ñí'₄ ja₁co₂'ñiog₅ la₂ a₂guë'₃ dsa₂ juin₅ në₅?

34 Jaun₂ ca₂ñag₃ Jesús ca₂ñí'₃ chi'₂ dsí₂guia₃-tín₂:

—¿Je₂liá'₂ i₁ñí'₄ 'i₄ guë'₄ quián'₂ 'nia'₂?

Jaun₂ ca₂ñag₃ 'éi₂:

—Guio₃ i₁ñí'₄ bá₄ 'i₄, quian'₅₄ guë'₂ on₃-ún₂ ju₄ pí'₁.

35 Jaun₂ ca₂jmo₃ 'éi'₃ a₂tian'₃ dsa₂ 'uë₃, 36 jaun₂ ca₂jña'₃ ta₁guio₃ i₁ñí'₄ quian'₅₄ i₁ju₁ në₃, ca₂cuë'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁ñí'₄, ca₂cuë'₃ chi'₂ dsí₂guia₃-tín₂ quiáin₅, jaun₂ 'éi₂ guë'₄ në₃ ca₂dsió'₃ jin₄ dsa₂.

37 Ca₂le₃jín₃ bá₄ dsa₂ 'éi₂ ca₂guë'₃ ca₂lia'₂ ca₂'ág'₃ dsí₅. Jaun₂ ca₂cág'₃ chi'₂

dsi₂guia₃-tín₂ guio₃ tsi₁mi₂' jmá'₃ ni₁jne₁ a₂ca₂chóng₃. ³⁸ Dsa₂ i₂ca₂gué'₃ 'éi₂ jme₁lě₂ quén₂ mei₅ jmá'₃ dsa₂ ŋe'₂, i₂sián'₂ bá₄ dsa₂ mí₂ quian'₅₄ chi'₂ ně₃. ³⁹ Jme₁ca₂lě₃ jaun₂, ca₂'ág'₃ Jesús jág₁ dsa₂, jaun₂ ca₂'í₃ 'ŋió'₃ tsi₁mu₅ a₂ŋó₃ juí₅ jě₄ juig₂ Magadán.*

16

Dsa₂ fariseos quian'₅₄ dsa₂ saduceos mi₂₃ ne₄ Jesús a₂jmo₃ 'éi₂ caun₂ léi₄ jué'₂
(Marcos 8:11-13; Lucas 12:54-56)

¹ Dsa₂ fariseos quian'₅₄ dsa₂ saduceos i₁lein₅₄ i₁jün₅₄ Jesús, ia₁ a₂'no'₂ juí₅ 'a₂ lia'₂ tian'₃ Jesús quian'₅₄ jág₁; jaun₂ ca₂mi₃ a₂jmo₃ 'éi₂ caun₂ léi₄ a₂já₅ guei'₅₄ i₂juíg₃.

² La₁ ca₂ŋag₃ Jesús:

—['Nia'₂ tĩng'₂ jág'₁ tē₂le₃ ca₂'láu₂ jme₁lin₅₄, juá'₂ 'nia'₂: “Dse₃ bá₄ 'ei₅ táng₃ 'ióg₃, ia₁ guéin₂ bá₄ jniá₂ guei'₅₄ mi₂₃güig₃.” ³ Ján₃ bá₄ juá'₂ 'nia'₂ jme₁lin₅₄ juí₁lia'₂ tē₃ o₃'iog₂, “Tiá'₃ jmí₅ ně₃, ia₁ guéin₂ jniá₂ jnei₅ tio'₅₄ guei'₅₄.” ŋi'₅₄ bá₄ 'nia'₂ 'a₂ lia'₂ jua'₅₄ 'e₂ jein₅ jág₁ 'a₂ lia'₂ jniá₂ guei'₅₄, jnia'₅₄ lia'₂ 'e₂ a₂tē₅ ne'₅₄ 'nia'₂ jmig₄ ně₃ bá₄, tsá₃ ŋi'₅₄ 'nia'₂ 'e₂ jein₅ jág₁.]* ⁴ Tsi₁jon₂ dsa₂ 'lin'₅₄ i₂tsá₃ nag₃ la₂, mi₂₃ a₂jmo₅₄ jniá₂ caun₂ léi₄ a₂o₂dsang₂. La₁ 'i₁caun₂ léi₄ siá'₂ tsá₃ 'e₂ ŋe'₂ 'nia'₂, jnia'₅₄ lia'₂ caun₂ léi₄ juí₁lia'₂ a₂ca₂i₃ŋí₂ Jonás bá₄.

Jaun₂ ca₂tén₂ bá₄ Jesús dsa₂ 'éi₂, ca₂ŋái'₃.

Levadura quió'₅ dsa₂ fariseos
(Marcos 8:14-21)

⁵ Jme₁ca₂'an₂ chi'₂ dsi₂guia₃-tín₂ jmi₁ŋí'₄, ca₂dsáu'₃ dsí₅ tsá₃ 'e₂ i₁ŋí'₄ le₁quian₅ gué'₃. ⁶ Jaun₂ ca₂juá'₂ Jesús:

—Jmo₄ 'nia'₂ 'í₁ jaun₂ tsá₃ le₃tĩn'₂ 'nia'₂ juá'₅ a₂jme₂tag₅ dsa₂ fariseos, dsa₂ saduceos ně₃. Ia₁ juá'₅ quió'₅ lě₅ lia'₂ lě₅ juí₁ levadura.

⁷ Jaun₂ ca₂dsia₃ chi'₂ dsi₂guia₃-tín₂ jág₁ tsí'₅ riin'₅₄:

—Ia₁ tsá₃ i₁ŋí'₄ le₁quian₁ bá₄ jniog₄, jaun₂ bá₄ juá'₂ le₂ně₅.

⁸ La₁ ca₂rě₃lí'₄ bá₄ Jesús 'e₂ jág₁ dsia₂₃, jaun₂ ca₂juá'₂:

—¿'E₂ lě₃ juá'₂ 'nia'₂ tsá₃ le₁quian'₄ i₁ŋí'₄? ¡'E₂ gué₄ ca₂juig₄ 'én'₂ 'nia'₂! ⁹ ¿'E₂? ¿Tsa₁ ma₂ca₂rě₃ŋí'₂ 'nia'₂? ¿Tsa₁ ma₃dsá₂ 'au'₂ 'nia'₂ lia'₂ con'₂ ca₂dsio'₄ jniá₂ 'ŋiá₂ i₁ŋí'₄ ca₂lin₅ quió'₅ 'ŋiá₂ mei₅ dsa₂, on₃ gué'₂ dsá₂ 'au'₂ 'nia'₂ je₂liá'₂ tsi₁mi₂ 'nau₅₄ a₂ca₂cag'₅₄ táng₃ 'nia'₂? ¹⁰ ¿On₃ gué'₂ dsá₂ 'au'₂ 'nia'₂ lia'₂ con'₂ ca₂dsio'₄ jniá₂ guio₃ i₁ŋí'₄ ca₂lin₅ quió'₅ quén₂ mei₅ dsa₂, on₃ gué'₂ dsá₂ 'au'₂ 'nia'₂ je₂liá'₂ tsi₁mi₂ 'nau₅₄ a₂ca₂chóng₂ a₂ca₂cag'₅₄ 'nia'₂ ně₃? ¹¹ ¿'A₂ bá₄ lia'₂ ŋí₄ tsá₃ rě₂len'₅₄ 'nia'₂? On₃ jua'₅₄ i₁ŋí'₄ 'ě₅ jniá₂ jme₁ně₂juá'₃ jmo₄ 'nia'₂ 'í₁ quian'₅₄ levadura quió'₅ dsa₂ fariseos quian'₅₄ dsa₂ saduceos.

¹² Jaun₂ gué₄ ca₂ŋí'₂ dsí₅ 'éi₂ a₂'ě₅ Jesús jaun₂, on₃ jua'₅₄ a₂ca₂tĩn₂ jmo₃ 'í₁ juí₁lia'₂ juí₁ levadura a₂cón'₂ dsa₂ i₁ŋí'₄, a₂ca₂tĩn₂ jmo₃ 'í₁ 'a₂ lia'₂ lě₅ juá'₅ a₂jme₂tag₅ dsa₂ fariseos quian'₅₄ dsa₂ saduceos bá₄.

Ca₂juá'₂ Pe₄ lia'₂ tí₅ jág₁ dsau₅ a₂lín₅ Jesús dsa₂ I₂rě₂'in₁ quián₅ Diú₄
(Marcos 8:27-30; Lucas 9:18-21)

¹³ Jme₁ca₂dsióg₃ Jesús ma₂quián₅ juig₂ Cesarea ja₁tén₄ Filipino, jaun₂ ca₂ŋí'₃ chi'₂ dsi₂guia₃-tín₂ quiáin₅:

—¿'Ein₂ lín₅ Jaun₅ dsa₂ mi₂₃güig₃, juá'₂ dsa₂?

¹⁴ Jaun₂ ca₂ŋag₃ 'éi₂:

* **15:39** o₃, Magdala, ja₁chan₂ María Magdalena. * **16:3** A₂lin₅₄ chog₅₄ si₂gui'₅₄ gué₄ tsá₃ chi₁ton₅ jág₁ a₂tio'₅₄ 'ŋió'₃ corchetes [le₂la₂].

—I₂lin₅₄ dsa₂ juá'₂ a₂ling'₅ Juan₅₄ i₂chon₅ dsa₂ jmig₂; i₂sián'₂ guë'₂ juá'₂ a₂ling'₅ Elías; i₂lin₅₄ guë'₂ juá'₂ táng₃ a₂ling'₅ Jeremías, o₃ jan₂ i₂sián'₂ i₂já₅ 'ë₂ jág₁ quió'₅ Diú₄.

15 Jaun₂ ca₂ɲag₃ Jesús:

—¿'Nia'₂ guë'₂ në₃? ¿'E₂ juá'₂ 'nia'₂ 'ein₂ lín₅ jniá'?

16 Jaun₂ ca₂ɲag₃ Si₂mu₅₄ Pe₄:

—'Ne₂ ling'₅ dsa₂ I₂rë₂'ín₁, Ja₁ɲi'₅₄ Diú₄ jén'₃.

17 Jaun₂ ca₂ɲag₃ Jesús:

—'E₂ guë'₄ dsen'₃ 'ne₂, Si₂mu₅₄, ja₁ɲi'₅₄ Jonás, ia₁ 'i₁jan₂ dsa₂ mi₂güig₃ tsá₃ në₂jme₃jnia₅ ne'₅₄ a₂në₅, jɲia'₅₄ lia'₂ Ne'₃ jniá₂ i₂guá₅ i₂juig₃ bá₄. 18 Jaun₂ juá'₅ jniá₂ juig₂ 'ne₂, a₂ma₂cheng'₂ Pedro, † jaun₂ ne₄ ni₁'lau₂ la₂† jmóg'₄ jniá₂ guá'₅ quió₃, jaun₂ ca₂lia'₂ jɲia'₅₄ i₂'io₅ bí₂ 'mú₃ tsá₃ le₃qui'₅₄ jmig₄ jua'₅₄ a₂tió'₃ quiong'₅₄ quian'₅₄ mai₅₄ quió'₅. 19 Jaun₂ o₄gog'₂ 'ne₂ dsia₅₄ jniá₂ jág₁ dse₃ quió₃ a₂lë₅ co₂'nió'₄ ɲí llave a₂niá₃ ja₁dsi₃tion'₅₄ dsa₂ ja₁gon₂ Diú₄. Ca₂le₃jë₃ 'e₂ a₂tsá₃ cuë'₂ 'ne₂ jmig₄ ne₄ gua'₅₄ 'uë₃ la₂ lia'₂ con'₂ lë₅ jág₁ quió₃, ján₃ bá₄ le₂jaun₂ tsá₃ lé₂ guei'₅₄ i₂juig₃; ján₃ bá₄ le₂jaun₂ jui₁lia'₂ a₂cuë'₂ 'ne₂ jmig₄ gua'₅₄ 'uë₃ la₂ lia'₂ con'₂ lë₅ jág₁ quió₃, a₂jaun₂ bá₄ lé₂ guei'₅₄ i₂juig₃ ján₃.

20 Jaun₂ ca₂tsí'₃ chi'₂ dsi₂guia₃-tín₂ quiáin₅ a₂tsá₃ 'ein₂ tsí'₃ 'i₁jan₂ a₂lín₅ I₂rë₂'ín₁ quián₅ Diú₄.

Ca₂'ë₂ Jesús jág₁ a₂jóin₂

(Marcos 8:31–9:1; Lucas 9:22-27)

21 Të₂le₃ ne₄ jui₅ ja₁ɲó₄ jaun₂, ca₂jme₃lióg₃ Jesús ca₂'ë₂ jág₁ ca₂tsí'₃ chi'₂ dsi₂guia₃-tín₂ quiáin₅, a₂tion₅₄ dsó₃ jui₅ Jerusalén, ja₁dsi₃ɲí₂ 'lióng₂ ne₅₄ jmi₁uig₅ a₂jmóg'₂ dsa₂ can'₅₄ quián₅ guá'₅, quian'₅₄ juig₅₄ jme₂dsa₂, të₅juá'₅ në₃. Jaun₂ ca₂juá'₂ a₂jɲag'₃ dsa₂, la₁ a₂'ni₅ jmig₄ jaun₂, jein'₅₄ bá₄ táng₃.

22 Jaun₂ Pe₄ në₃ ca₂jio₃ le₃cau₅, jaun₂ ca₂jme₃lióg₃ a₂të₂néi'₂ a₂jme₁jnéi₂ jui₅, ca₂juá'₂:

—i₁Tsá₃ o₁le₅₄ le₂në₅, Te₁gui'₅₄! i₀líg'₂ bá₄ tsá₃ jui₁dsi₂ɲí'₂ 'ne₂ le₂në₅!

23 La₁ Jesús në₃, ca₂jéin'₃ le₂ca'₃, jaun₂ ca₂juá'₂ ca₂tsí'₃ Pe₄:

—i₁Jɲiag'₃ cau₅ quió₃, Satanás! Jɲia'₅₄ jni'₂ bá₄ 'ne₂ jui₅ quió₃, ia₁ tsá₃ le₂jaun₂ dsi₂jio₅ 'au'₂ jui₁lia'₂ dsi₂jio₅ dsí₅ Diú₄. Ia₁ lia'₂ dsi₂jio₅ dsí₅ dsa₂ mi₂güig₃ bá₄ dsi₂jio₅ 'au'₂.

24 Jaun₂ ca₂juá'₂ Jesús ca₂tsí'₃ ca₂le₃jín₃ chi'₂ dsi₂guia₃-tín₂ quiáin₅:

—Chi₂jua'₂ 'ein₂ 'nio₃ 'éin₃ jniá₂, co₂dsia₅ jui₁dsi₂'én₂ dsí₅ guoin₅₄, jui₁jmo₁₂ co₂jɲiai₅₄ a₂jóin₂, § jui₁jia₂ chi₁co'₅₄ quió₃. 25 Ia₁ jui₁'ein₂ guë'₃ i₂tsá₃ 'nio₃ jón₂ ia₁ a₂'ín₅ dsí₅ le₃chain₂ dse₃ mi₂güig₃ la₂, dsi₂'én₂ quió'₅. La₁ jui₁'ein₂ guë'₃ i₂tén'₂ dsí₅ gue₃ 'mú₃ 'uig₅₄ quió₃ jniá₂, le₃chain₂ dse₃ mi₂güig₃ caun₂. 26 Ia₁, ¿'e₂ bá₄ ta₁jmo₃ a₂lí'₂ dsa₂ 'ɲio₅ lín₃ ne₄ gua'₅₄ 'uë₃ la₂, në₁jua'₂ dsi₃'én₂ bá₄ guë'₂ jme₂dsí₂ quió'₅ mi₂güig₃ caun₂? ¿O₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tén'₄ jme₂dsí₂ quió'₅?

27 Ia₁ Jaun₅ dsa₂ mi₂güig₃ jnió'₂ quian'₅₄ jui₅bí₂ jlá'₁ quió'₅ Jmei₂, quian'₅₄ ángeles quiáin₅, ja₃qui₅ 'lian'₅₄ dsa₂ 'a₂ con'₂ jɲia'₅₄ niog₅ ca₂jmo₃. 28 A₂dsi₂jó'₃ juá'₅ jniá₂ juig₂ 'nia'₂, chan₂ i₂lin₅₄ jui₁lia'₂ i₂tion'₅₄ ja₁lá₃ tsá₃ dsián₃ ca₂lia'₂ ca₂të₂ ne₅₄ jín₂ Jaun₅ dsa₂ mi₂güig₃ a₂jnió'₂ lín₅ rag₅₄ a₂qui₃dsi₂₃ 'éi'₃.

† 16:18 griego: Petros, co₂'nió'₄ le₃jua'₅₄ ni₁cang₁. ‡ 16:18 'Nio'₂ ja₁ton₅ 1 Pedro 2:7. § 16:24 lit. "jui₁quian₅₄ cróg₄ quió'₅."

17

Ca₂rě₃tsín₃ 'a₂ lia₂ jniá₂ Jesús
(Marcos 9:2-13; Lucas 9:28-36)

¹ Jñé₂ jmig₄ cang₂ jaun₂, ca₂jñia₃ Jesús Pe₄, Jacobo,* quian'₅₄ Juan₅₄ rin'₅₄ Jacobo ně₃, ca₂l₃léin₂ con'₂ guioin₅₄ caun₂ má'₂ ñei₅. ² Ja₁jaun₂ ca₂rě₃tsín₃ 'a₂ lia₂ jniá₂ Jesús tē₃ jág₅ 'éi₂. Ne₄ Jesús ca₂jñia₃ tág₅ ju₁lia₂ jniá₂ 'iog₂; tsin'₅₄ guě'₂ ně₃ ca₂jñia₃ tiog₂ jau₂ ca₂lia₂ tág₅ lin₃. ³ Jaun₂ dsi₂jui₅ jaun₂ ca₂jñia₃ Moisés quian'₅₄ Elías, tióin₂ dsia₂₃ jág₁ quiaín'₅₄ Jesús. ⁴ Jaun₂ ca₂juá'₂ Pe₄ ca₂tsí'₃ Jesús:

—Te₁gui'₅₄, i'e₂ guě'₄ dse₃ lia₂ tio'₅₄ jniog₄ ja₁lá!₃ Chi₂jua'₂ niog'₂, jmo₅₄ jniá₂ 'ni₅ tsi'₁io₅ láu₃: caun₂ quiáng'₂, caun₂ quió'₅ Moisés, caun₂ guě'₂ quió'₅ Elías ně₃.

⁵ Tě₃jě₄ dsia₅ Pe₄ jág₁ jaun₂, ca₂lioín₂ caun₂ jnei₅ tág₅; jaun₂ jě₄ jnei₅ jaun₂ ca₂né'₂ jág₁ a₂juá'₂:

—I₂la₂ bá₄ jón₃ quiáng₃, i₂ñí₄ lě₃ 'nióg₃ guě'₄ lin₃. 'E₂ bá₄ 'ñio₂ dsi₃ quiaín'₅₄. Nei₂ 'nia'₂ jág₁ quió'₅.

⁶ Jme₁ca₂nág₂ chi'₂ dsi₂guia₃-tín₂ jág₁ jaun₂, ca₂rě₃gó'₅ ca₂le₃jě₃ ca₂l₃gain'₅₄ 'uě₃ le₁'éin₂, ⁷ Jaun₂ ca₂guán'₃ táng₃ Jesús cau₅ quió'₅, ca₂jñau'₃, jaun₂ ca₂juá'₂:

—Nau₂ 'nia'₂; Tsá₃ lě₁jmo₂ 'nia'₂ gang'₃.

⁸ Jaun₂ jme₁ca₂jág₃ táng₃, tsá₃ ma₂'ein₂ i₂sián'₂ ca₂jñin₂; jñia'₅₄ lia₂ 'ñiog₅ bá₄ Jesús ma₂chéin'₅.

⁹ Jme₁ja₂lein₃ sióin₅ táng₃ má'₂ jaun₂, ca₂jmo₃ Jesús 'éi'₃, ca₂juá'₂:

—Tsá₃ 'ein₂ juig'₅₄ 'nia'₂ a₂ně₂jag'₅₄ 'nia'₂ ně₅, ca₂lia₂ ca₂tě₂ jmig₄ jě₁ma₂ca₂jen'₅₄ táng₃ Jaun₅ dsa₂ mi₂güig₃ ne₄ 'mú₃.

¹⁰ Jaun₂ ca₂ñag₃ chi'₂ dsi₂guia₃-tín₂ ca₂ñi'₃ Jesús:

—Chi₂jua'₂ le₂ně₅, ¿'E₂ lě₃ juá'₂ tě₅juá'₅, Elías bá₄ i₂jiá₃ le₂'uig₅₄?

¹¹ Jaun₂ ca₂ñag₃ Jesús:

—Dsón'₂ Elías bá₄ jiá₃ le₂'uig₅₄, jaun₂ 'éi₂ bá₄ jme₂rě₃ ca₂le₃jě₃. ¹² La₁ juá'₅ jniá₂, i₂ma₂guan₅ bá₄ Elías, la₁ tsá₃ 'ein₂ ca₂rě₃cuig₅. Jaun₂ qui₂ca₂jmog'₂ dsa₂ lia₂ lě₂ dsi₅ ca₂le₃jě₃ guě'₄ 'a₂ lia₂ 'nio₃ jmóg'₂. Ján₃ bá₄ le₂ně₅, Jaun₅ dsa₂ mi₂güig₃ dsi₃ñi₂ uig₅ o₄gú₃ dsa₂ 'éi₂.

¹³ Jaun₂ guě'₄ ca₂rě₃lí'₄ chi'₂ dsi₂guia₃-tín₂, Juan₅₄ i₂ca₂chon₃ dsa₂ jmig₂ bá₄ 'in₅ Jesús, a₂juá'₂ le₂jaun₂.

Ca₂jme₃'lión₂ Jesús jan₂ chi'₂ i₂'en₅₄ jme₂dsí₂ 'lin'₅₄ dsí₅
(Marcos 9:14-29; Lucas 9:37-43)

¹⁴ Jme₁ca₂dsi₃lein₃ ja₁tion'₅₄ dsa₂ juin₅, jaun₂ ca₂jme₃quián₃ jan₂ dsa₂ ja₁chén'₄ Jesús, jaun₂ ca₂chi₃jñé₃ ne₅₄, jaun₂ ca₂juá'₂:

¹⁵ —Te₁gui'₅₄, dsia₄ ñéi₂ 'au'₂ chi'₂ quiáng₃, 'ñio₅ lin₃ ñág₅ uig₅ lín₅ dso₄ 'ei₂; 'lióng₂ ráun₂ ma₂ca₂táin'₂ dsi₂si₂, dsi₂jmig₂ ně₃. ¹⁶ Ma₂i₁jñiai₅₄ jniá₂ ne₄ chi'₂ dsi₂guia₃-tín₂ quiáng'₂, la₁ tsá₃ ca₂tió'₃ jme₃'lió₂.

¹⁷ Jaun₂ ca₂ñag₃ Jesús:

—i'En₁ jmá'₃ tsá₃ 'e₂ 'én'₂ 'nia'₂! ¿Je₂liá'₂ jmig₄ jmá'₃ 'nió'₅ 'ú₄ quian'₅₄ 'nia'₂? ¿Je₂liá'₂ jmig₄ jmá'₃ 'nió'₅ jmo₅₄ tió'₅ dsi₃ quian'₅₄ 'nia'₂? I₂jñia₅ chi'₂ ja₁lá₃.

¹⁸ Jaun₂ ca₂jí₂ Jesús ca₂jéin₂ je₂na'₅₄. Jaun₂ ca₂o₃'íin₃ tě₂dsí₅ chi'₂ 'éi₂, jaun₂ guě'₄ ně₃ ca₂'lóin₂ dsi₂jui₅ le₂jaun₂.

¹⁹ Jme₁co₂lág₂ jaun₂ ca₂dsia₃ chi'₂ dsi₂guia₃-tín₂ jág₁ quian'₅₄ Jesús jě₄ con'₂ guioin₅₄, jaun₂ ca₂ñi'₃ 'éi₂:

—¿'E₂ 'uig₅₄ tsá₃ ca₂tián₃ jnia'₅₄ dsén₄ i₂'lin'₅₄?

²⁰ Jaun₂ ca₂ñag₃ Jesús:

* 17:1 ján₃ bá₄ chein₂ Santiago.

—Ne₄ ia₁ a₂ñí₄ lë₃ ca₂juig₄ 'én'₂ bá₄ 'nia'₂. A₂dsi₂jó'₃ juá'₅ jniá₂, jua'₅₄ mei'₂ guë'₃ 'én'₂ 'nia'₂, tsá₃ a₂nag₅₄ o₁jñia'₅₄ con'₂ tí₅ ca₂míg₂ mi₂jon₂ mostaza,† lé₂ le₃jme₁juig'₅₄ 'nia'₂ jui₁lia'₂ má'₂ ó₃: “Jñiag'₃ ja₁në₅, gua₂ të₂le₃ ca₂taun₂”; má'₂ jaun₂ në₃ jñiog'₃ ja₁'ë'₂ 'nia'₂. 'I₁caun₂ tsá₃ 'e₂ cha₂ jua'₅₄ a₂tsá₃ lé₂ le₃jmó'₂ 'nia'₂ jua'₅₄ mei'₂ guë'₃ le₂jaun₂.†

*Ca₂'ë₂ táng₃ Jesús jág₁ a₂jóin₂
(Marcos 9:30-32; Lucas 9:43-45)*

²² Të₁lia'₂ i₂nioi₅₄ co₂lë₅ le₂con₂ ja₁tén₄ 'uë'₃ Galilea, jaun₂ ca₂juá'₂ táng₃ Jesús a₂jáng'₂ dsa₂ jñin'₂ Jaun₅ dsa₂ mi₂güí₃ o₄gú₃ dsa₂ mi₂güí₃. ²³ Jaun₂ jñag'₃ dsa₂, la₁ a₂'ni₅ jmig₄ jaun₂, jein'₅₄ bá₄ táng₃. Ca₂tá'₂ 'lia'₂ bá₄ dsí₅ chi'₂ dsi₂guia₃-tín₂ jme₁ca₂nág₂ jág₁ jaun₂.

Ca₂quí₃ 'lia'₅₄ ja₁con₂ dsi₂tan₅₄ quián₅ guá'₅

²⁴ Jme₁ca₂dsi₂óg₃ Jesús juig₂ Capernaum quiaín'₅₄ chi'₂ dsi₂guia₃-tín₂, jaun₂ ca₂o₃lén₂ dsa₂ i₂cág'₅ jma₃tín₃ 'éi'₃ cu₄ dracma a₂'nió'₅ quió'₅ guá'₅ templo, jaun₂ dsa₂ 'éi₂ ca₂jme₃quiaín₃ con₂ Pe₄, ca₂ñag₃:

—¿Tsa₁ qui₅ të₅ quián'₂ 'nia'₂ 'lia'₅₄ quió'₅ guá'₅?

²⁵ Jaun₂ ca₂ñag₃ Pe₄:

—Ján₅. Qui₅ bá₄.

Jme₁ca₂'i₃ Pe₄ dsi₂néi₂, jaun₂ 'ñiog₅ Jesús de'₂ jñiá₅ ca₂juá'₂ ca₂tsí'₃ Pe₄:

—¿'A₂ lia'₂ lín'₂ 'ne₂, Si₂mu₅₄? Ju₁lia'₂ jan₂ rag₅₄ dsa₂ mi₂güí₃, ¿'Ein₂ quió'₅ mi₂33 'lia'₅₄? ¿Quió'₅ dsa₂ go₅₄, o₃ quió'₅ jmá'₃ dsi₂nau₂ 'e₂?

²⁶ Jaun₂ ca₂ñag₃ Pe₄:

—Quió'₅ dsi₂nau₂ bá₄.

Jaun₂ ca₂juá'₂ táng₃ Jesús ca₂tsí'₃ 'éi₂:

—Tsá₃ ca₂tín₂ dsa₂ go₅₄ qui₃ jaun₂ në₃. ²⁷ La₁, jaun₂ tsá₃ tiin₃ 'lig'₅₄, gua₂ o₂'éi₂ mi₂cu₄ dsi₂jmig₂, O₂dsen₅₄ i₁ju₁ i₂nág'₃ le₂'uig₅₄ mi₂cu₄. Mi₂'o₄ i₁ju₁ 'éi₂, dsiang'₂ caun₂ cu₄ 'ua'₂. A₂jaun₂ qui'₅₄ quián₂ jniog₄ le₃ó₃.

18

*'Ein₂ lín₅ i₂dsen₅₄ guë₄ ja₁gon₂ Diú₄
(Marcos 9:33-37; Lucas 9:46-48)*

¹ Ján₃ bá₄ jmig₄ jaun₂ táng₃ ca₂jme₃quiaín₃ chi'₂ dsi₂guia₃-tín₂ con₂ Jesús jaun₂ ca₂ñag₃:

—¿'Ein₂ lín₅ i₂dsen₅₄ guë₄ guei'₅₄ i₂juí₃ ja₁gon₂ Diú₄?

² Jaun₂ ca₂të'₃ Jesús jan₂ i₂bë'₅₄, jaun₂ ca₂chei'₃ dsi₂jō₂ ja₁tiáin'₄, ³ jaun₂ ca₂juá'₂:

—A₂dsi₂jó'₃ juí₂ jniá₂ 'nia'₂, në₁jua'₂ tsá₃ ca₂jme₁tsín'₄ 'nia'₂ 'au'₂, a₂lén₂'lia'₂ lín₅ jan₂ i₂bë'₅₄, o₁líg'₂ jmig₄ tsá₃ lé₂ le₃dsi₁no'₃ 'nia'₂ guei'₅₄ i₂juí₃. ⁴ Jaun₂ në₃, i₂'éi₂ bá₄ i₂lén₂ i₂dsen₅₄ guë₄ guei'₅₄ i₂juí₃ jui₁lia'₂ i₂jmo₅ me'₂ lia'₂ lín₅ chi'₂ bë'₅₄ la₂. ⁵ Con'₂ siá'₂ táng₃, jui₁lia'₂ dsa₂ i₂guen₅ jan₂ guein₂ o₄quió₃ jniá₂ jui₁lia'₂ i₂la₂, jniá₂ bá₄ guei₂₃.

*A₂go'₂ tsí₃sén'₂ dsa₂ dso₄
(Marcos 9:42-48; Lucas 17:1-2)*

⁶ Jui₁'ein₂ guë₃ i₂jmo₅ tsí₂sén'₂ jui₁lia'₂ chi'₂ bë'₅₄ i₂le₂la₂ i₂'én₂ të₂le₃ quió₃ jniá₂, ja₂lín₃ guë₄ co₂ñei'₅₄ dse₃ tón₂ dsa₂ ne₄ jmi₁ñí'₄ rë₂quein₅ ca₂míg₂ ni₁to₂ dsi₂lag₅₄.

† 17:20 mostaza: On₃jua'₅₄ mi₁ján₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ bá₄ jaun₂ a₂të'₂ të₅sí₃ Brassica nigra. ‡ 17:20 A₂lín₅₄ chog₅₄ si₂ chi₁ton₅ versículo 21 bá₄ ján₃, a₂juá'₂ le₂la₂: “La₁ jui₁lia'₂ i₂'lín'₅₄ le₂në₅, tsá₃ o₂'iin₅ në₁jua'₂ tsá₃ chi₂lén'₂ dsa₂ Diú₄, a₂jme₂'iin₅₄.”

7 i'E₂ guě₄ juí₂ dsa₂ mi₂güí₃ ia₁ tsá₃ caun₂ a₂ja₂lé₂ ja₁coin₂ a₂jmo₅ a₂tsi₂séin'₂!
La₁ le₂jaun₂ dsón'₂ dsi₃ñi₂ bá₄, la₁ 'e₂ guě₄ juí₂ jui₁lia'₂ dsa₂ i₂ton'₂ jág₁ rin'₅₄
jaun₂ jén'₃ dsí₅ 'éi₂ a₂'no₃ dso₄.

8 'Uig₅₄ jaun₂, chi₂jua'₂ mi₂gog'₂ o₃ mi₂tag'₅₄ 'e₂, jmo₅ a₂tang'₂ dso₄, co₂dsia₅
dse₃ 'nia₄, tong₂ uing₂; ia₁ ja₂lin₃ guě₄ dse₃ a₂dsiáng'₄ ja₁le₃chang'₂ co₂tan₅₄
a₂rě₂'liáng'₃, con'₂ guě₄ a₂jme₁o₁'ú'₃ a₂rě₂'ñia₅gog'₂-tag'₅₄ dsi₂si₂ja₁tsá₃ ton₅ jmig₄
éi₃. 9 Nē₁jua'₂ mi₂ne'₅₄ jmo₅ a₂tang'₂ dso₄, dsi₄ ján₃, tong₂ uing₂; ia₁ ja₂lin₃ guě₄
dse₃ a₂dsiáng'₄ ja₁le₃chang'₂ co₂tan₅₄ a₂teng'₅₄ ca₂míg₂ mi₂ne'₅₄, lia'₂ con'₂ guě₄
a₂jme₁gog'₅₄ a₂rě₂'ñia₅ ta₁tin₃ mīg₂ mi₂ne'₅₄ dsi₂si₂ guio₃-juí₃.

Jág₁ a₂jáng'₅ léi₄ jui₁lia'₂ jan₂ já'₂ cha'₂ i₂ca₂i₃cón'₅
(Lucas 15:3-7)

10 'Tsá₃ jmo₂ 'nia'₂ jua'₅₄ a₂tsá₃ jen'₅₄ jui₁lia'₂ jan₂ chi'₂ bē'₅₄ le₂la₂. Ia₁ juí₂ jniá₂
'nia'₂, ia₁ ángeles i₂jmo₅ 'í₁ quiáin₅ co₂tan₅₄ bá₄ jñin₂ Ñe'₃ i₂guá₅ guei'₅₄ i₂juí₃. *

12 '¿A₂ lia'₂ lín'₂ 'nia'₂? Jua'₅₄ mei'₂ guě₃ jan₂ dsa₂ 'ñio₅ caun₂ 'ñiá₂-lón₂ já'₂ cha'₂,
nē₁jua'₂ ca₂i₃cón'₅ jan₂, ¿tsa₁ ja₁jaun₂ chein'₂ ne₄ dsi₂con'₂ i₂quéin'₂ co₂ne₂guión₂
rě₂dsí₂ guia₃-né₂ (99) con'₂ i₂te₂ 'éi₂, jaun₂ dsó₅ táng₃ dsi₂'niai'₂ i₂tsá₃ chan₂
'éi₂? 13 Jē₁ma₂ca₂dsáu'₂ ně₃, a₂dsi₂jó'₃ juá'₅ jniá₂, 'ñio₅ lín₃ guě₄ 'io'₂ jmo₂₃
o₄quió'₄ i₂jan₂ 'éi₂ con'₂ guě₄ i₂quéin'₂ co₂ne₂guióg₂ rě₂dsí₂ guia₃-né₂ i₂tsá₃ i₂cón'₅.
14 Le₂nē₅ bá₄ ján₃, Nēi'₅ 'nia'₂ i₂guá₅ guei'₅₄ i₂juí₃ tsá₃ 'nio₃ jua'₅₄ dsi₃cón'₅ ca₂lia'₂
'i₁jan₂ i₂lín₅ guein₂ bē'₅₄ jui₁lia'₂ i₂la₂.

A₂ lia'₂ 'nió'₅ 'én₂ dsa₂ dsáu₁ rin'₅₄
(Lucas 17:3)

15 'Chi₂jua'₂ 'e₂ caun₂ a₂ca₂jmóg'₂ jan₂ ríng'₂, dsia₄ de'₂ 'nia'₂ jág₁ ja₁con'₂
guióng'₅₄, ja₁jaun₂ jme₁jniag'₂ ne₅₄ 'e₂ a₂ca₂jmóg'₂. Nē₁jua'₂ ca₂tón'₃ jui₅ jág₁
quiáng'₂, ja₁jaun₂ ca₂dsan₃ bá₄ mi'₅₄, ca₂lě₃ bá₄ táng₃ ríng'₂ quiain'₅₄. 16 La₁
nē₁jua'₂ tsá₃ ca₂tón'₃ jui₅ jág₁ quiáng'₂ ně₃, te'₂ on₃-ún₂ dsa₂ sián'₂ ia₁jaun₂
“ca₂le₃jě₃ 'e₂ niog₅ lé₂ jióg'₂ 'í₁ quián'₅₄ on₃-ún₂ dsa₂ i₂jáng'₃ jág₁ dsau₅, nē₁jua'₂ tí₅
jág₁ jaun₂.”† 17 Nē₁jua'₂ tsá₃ ca₂tón'₃ jui₅ jág₁ quió'₅ dsa₂ 'éi₂, chei'₅₄ guá'₅; nē₁jua'₂
tsá₃ ca₂tón'₃ jui₅ on₃ guě'₂ jág₁ quió'₅ guá'₅ ně₃, tē₂le₃ ja₁ñó₄ jaun₂, jmo₄ 'au'₂ jñin'₅₄
lia'₂ ja₁jing'₄ jan₂ dsi₂nau₂, o₃ jui₁lia'₂ jan₂ i₂cág'₅ cu₄ a₂ca₂tín₂ dsi₂tan₅₄ 'e₂.

18 'A₂ dsi₂jó'₃ juí₂ jniá₂ 'nia'₂, ca₂le₃jě₃ 'e₂ a₂tsá₃ cuē'₂ 'nia'₂ jmig₄ ne₄ gua'₅₄ 'uē₃
la₂, lia'₂ con'₂ lě₅ jág₁ quió₃, ján₃ bá₄ tsá₃ lé₂ guei'₅₄ i₂juí₃; ján₃ bá₄ le₂jaun₂ jui₁lia'₂
a₂cuē'₂ 'nia'₂ jmig₄ ne₄ gua'₅₄ 'uē₃ la₂, lia'₂ con'₂ lě₅ jág₁ quió₃, a₂jaun₂ bá₄ lé₂
guei'₅₄ i₂juí₃.

19 'Ján₃ bá₄ juá'₅ jniá₂, nē₁jua'₂ on₃ 'nia'₂ jmo'₂ caun₂ jág₁ ne₄ gua'₅₄ 'uē₃ la₂,
a₂mí'₁ 'nia'₂ 'e₂ a₂'niog'₂ mí'₁, cuē₃ bá₄ Ñe'₃ jniá₂ i₂guá₅ guei'₅₄ i₂juí₃. 20 Ia₁
jē₁le₁ñi'₂ on₃-ún₂ o₄quió₃ jniá₂, jē₄ jaun₂ bá₄ 'eng₅₄.

21 Jaun₂ Pe₄ ně₃ ca₂ñag₃:

—Te₁gui'₅₄, ¿con'₂ je₂liá'₂ ráun₂ 'nió'₅ 'én₄ jniá₂ dsáu₁ ríng'₃ nē₁jua'₂ 'e₂ caun₂
a₂ca₂jmóg'₂? ¿'A₂ lia'₂? ¿Guió₃ ráun₂?

22 Jaun₂ ca₂ñag₃ Jesús:

—Ma₁ tsá₃ juá'₅ jniá₂ jñia'₅₄ guio₃ ráun₂. Ta₁'nag'₂ co₂ne₂guióg₂ rě₂dsí₂ guia₃
ráun₂ a₂jma₃guio₃ (70 X 7 = 490)‡ bá₄ juá'₅ jniá₂.

Jág₁ a₂jáng'₅ léi₄ jui₁lia'₂ jan₂ dsa₂ i₂tsá₃ ca₂'én₂ dsáu₁ rin'₅₄

* 18:10 A₂lin₅₄ chog₅₄ si₂ chi₁ton₅ versículo 11 a₂juá'₂ le₂la₂: “Ta₁ jaun₂ bá₄ já₅ Jaun₅ dsa₂ mi₂güí₃,
a₂ja₂'niai'₂ dsa₂ i₂ma₂i₂cón'₅.” † 18:16 Deuteronomio 19:15. ‡ 18:22 o₃, “ta₁'nag'₂ co₂ne₂guióg₂
rě₂dsí₂ guia₃-guio₃ (77) ráun₂”.

23 'Uig⁵⁴ jaun₂, lě₅ guei'⁵⁴ i₂juíg₃ jui₁lia'₂ lín₅ jan₂ rag⁵⁴ i₂ca₂mág₃ cuentas quió'⁵ ca₂le₃jín₃ dsa₂ i₂jme₂ti₃ ta₁ ne⁵⁴. 24 Jaun₂ jme₁ma₂jme₂lióg₃ chein'₂ cuentas, jme₁ca₂dsi₃lén₂ dsa₂ le₁jñai₂₃ jan₂ dsa₂ i₂rín₅ guia₃ mei₅ talentos. 25 La₁, ia₁ tsá₃ 'e₂ cha₂ quian'⁵⁴ a₂quí₃, jaun₂ ca₂jmo₃ rag⁵⁴ 'éi'₃ a₂dsi₃'ni₄ dsa₂ 'éi₂ lia'₂ jma₃quian'⁵⁴ 'io⁵⁴ quiáin₅, chi'₂ quiáin₅ ně₃, ca₂le₃jě₃ 'e₂ a₂jme₁cha₂ quió'⁵ ně₃, ia₁jaun₂ le₂jaun₂ jme₁dsian₅ a₂rín₂. 26 La₁ dsa₂ 'éi₂ ně₃, ca₂já₃ ca₂chi₃jnë₃ ne₄ rag⁵⁴ juig⁵⁴, jaun₂ ca₂mi₃ tion⁵⁴ ca₂juá'₂: “Gui'⁵⁴ quiáng₃, jmo₄ juin'₂ 'au'₂ quian'⁵⁴ jniá₂, a₂quí₄ bá₄ jniá₂ quiáng'₂, ca₂le₃jě₃.” 27 Jaun₂ juig⁵⁴ ně₃ ca₂dsia₃ bá₄ nēi₂ dsi₅ ja₁coin₂, jaun₂ ca₂'éin₂ bá₄ ca₂le₃jě₃ a₂jme₁rín₂, jaun₂ ca₂lió₂ bá₄.

28 'La₁ dsi₂jui₅ jme₁o₂'ín₃ jaun₂ ně₃, ca₂jein'₂ jan₂ dsa₂ i₂jme₂ti₃ rín'⁵⁴ i₂rín₂ caun₂ 'ñiá₂-lá_u cu₄ denarios quió'⁵. Jaun₂ ca₂tín₂ dsi₂lag₄ rín'⁵⁴, ca₂gü'₃ tiá₂, ca₂juá'₂: “i₂Qui₄ a₂rín'₂ quió'³!” 29 Jaun₂ rín'⁵⁴ 'éi₂ ně₃ ca₂chi₃jnë₃ ne⁵⁴, jaun₂ ca₂mi₃ tion⁵⁴ ca₂juá'₂: “Jmo₄ juin'₂ 'au'₂ quian'⁵⁴ jniá₂, a₂quí₄ bá₄ jniá₂ quiáng'₂, ca₂le₃jě₃.” 30 La₁ i₂jan₂ ně₃ tsá₃ ca₂gue₃, jaun₂ jui₅ 'né₅ 'má₃ bá₄ ca₂i₂tio'₂. Ca₂lia'₂ jaun₂ ca₂'mag'₂ dsi₅ ca₂lia'₂ ca₂quí₃ rín'⁵⁴ ca₂le₃jě₃. 31 Jaun₂ jme₁ca₂jág₃ rín'⁵⁴ i₂jme₂ti₃ ta₁ sián'₂, ca₂tá'₂ 'lia'₂ dsi₅, jaun₂ ca₂i₁con₂ jág₁ ne₄ juig⁵⁴ ca₂i₁jua'₄ ca₂le₃jě₃ a₂ca₂lě₃ jaun₂. 32 Jaun₂ ca₂jmo₃ juig⁵⁴ 'éi'₃ ca₂i₁quiong⁵⁴ táng₃ dsa₂, jaun₂ ca₂tě₃ juig⁵⁴ dsi₂néi₂ quió'⁵, jaun₂ ca₂juá'₂: “Ne₂ i₂jme₂ti₃ ta₁ ne₃, i'₂e₂ guě₄ 'ñio₅ 'lin'⁵⁴ 'ne₂ ca₂'uín'₂! Jua'₂ ně₂'én₃ bá₄ jniá₂ ca₂le₃jě₃ a₂jme₁rín'₂ quió'³, ia₁ ně₂mi'⁵⁴ tion⁵⁴-jan₃. 33 ĸTsa₁ dse₃ jua'⁵⁴ le₂jaun₂ bá₄ ně₂dsia'⁵⁴ nēi₂ 'au'₂ rín'₂, jui₁lia'₂ ně₂dsia₃ jniá₂ nēi₂ dsi₃ 'ñiag'₂?” 34 Tě₃ ma₂'ne₂ jaun₂ juig⁵⁴, ca₂jín'₂ dsa₂ 'éi₂ o₄gú₃ dsa₂ i₂niog⁵ ne₄ 'né₅ 'má₃, ca₂jmo₃ ca₂lia'₂ ca₂quí₃ jě₂ a₂jme₁rín₂.

35 Jaun₂ ca₂juá'₂ Jesús guě₄ ně₃:

—Ján₃ bá₄ le₂ně₅ jmo₃ Ne'₃ jniá₂ i₂guá₅ guei'⁵⁴ i₂juíg₃ quian'⁵⁴ 'nia'₂ le₂jang'₂ le₂jang'₂ ně₂jua'₂ tsá₃ ca₂'én'₃ 'nia'₂ ca₂le₃jě₃ 'au'₂ dsáu₁ rín'₂.

19

*Jme₂tag₅ Jesús jui₁lia'₂ 'a₂ lia'₂ lě₅ a₂tén₂ dsa₂ dsi₂i₂gu₂
(Marcos 10:1-12; Lucas 16:18)*

1 Jme₁ca₂dsan₃ juá'₂ Jesús jág₁ ně₅, jaun₂ ca₂o₃'ín₃ 'uě₃ Galilea, jaun₂ ca₂dsióg₃ tē₂le₃ quióng₄ Cuá₃ Jordán. 2 Juin₅ lín₃ dsa₂ ca₂jme₃quiong'⁵⁴, jaun₂ ca₂jme₃'lióin₂ dsa₂ i₂qui₂le₁dso'⁵⁴.

3 Jaun₂ ně₃, i₂lín⁵⁴ dsa₂ fariseos ca₂jme₃quiáin₃ con₂ Jesús a₂jñia'⁵⁴ con'₂ cáun₂ táu₂. Jaun₂ ca₂ñag₃:

—ĸ₁₄ 'éi'₃ a₂tén₂ dsa₂ dsi₂i₂gu₂ ne₄ 'uig⁵⁴ ně₁'e₂ caun₂ a₂lě₃?

4 Jaun₂ ca₂ñag₃ Jesús:

—ĸTsa₁ ma₂ca₂'í'₂ 'nia'₂ ne₄ Si₂, ja₁juá'₂ i₂ca₂jmo'₂ dsa₂ mi₂güí'₃ le₂ne₁: “Ca₂jmoí'₂ dsa₂ ñe'₂ dsa₂ mí₂ ně₃?”* 5 Ca₂juá'₂ ně₃: “Uig⁵⁴ jaun₂ ca₂tín₂ dsa₂ ñe'₂ tén₂ chog⁵⁴-jmei₂ jaun₂ con'₂ tiain'₃ quian'⁵⁴ dsi₂i₂gu₂, jaun₂ jě₁le₃oin₃ lén₂ caun₂ bá₄ ni₁ñí₅.”† 6 Jaun₂ dsióg₄ lén₂ jan₂ bá₄, tsá₃ ma₃lě₂ oin₃. Jaun₂ tsá₃ 'i₄ 'éi'₃ jua'⁵⁴ jmo₃ dsa₂ mi₂güí'₃ jma₃quén₅ a₂ma₂ca₂dsia₃ Diú₄ rě₂.

7 Jaun₂ ca₂ñag₃ táng₃ dsa₂ fariseos:

—ĸ₁₂ E₂ guě'₂ lě₃ ně₃ ca₂jmo₃ Moisés 'éi'₃ a₂lě₂ le₃jmo₃ dsa₂ ñe'₂ caun₂ si₂ tē₃ron⁵⁴ cuě'₃ 'io⁵⁴ ja₁juá'₂ a₂tén₂ rín'⁵⁴, jaun₂ guě₄ ma₂lě₂ dsei₂₃?

8 Jaun₂ ca₂juá'₂ Jesús:

—Uig⁵⁴ ia₁ a₂ñí₄ tsá₃ nág'₁ 'nia'₂ guiong'⁵⁴ bá₄ jaun₂ ca₂cuě₃ 'éi₂ jmi₄ a₂tén₂ dsa₂ dsi₂i₂gu₂; la₁ lia'₂ con'₂ le₂'uig⁵⁴ tsá₃ le₂ně₅ jme₁lě₄. 9 La₁ jniá₂ juá'⁵, jui₁'ein₂

* 19:4 Génesis 1:27; 5:2. † 19:5 Génesis 2:24.

guë₃ i₂lë₁tén₂ dsi₂i₂gu₂, on₃jua'₅₄ a₂cha₂lë₃, në₁jua'₂ on₃guë'₂ jua'₅₄ ia₁ a₂nió'₅ jág₁ quian'₅₄ i₂sián'₂; në₁jua'₂ jë₁ma₂ca₂lë₃ jaun₂, cáin₂ táng₃ 'io₅₄ sián'₂, 'no₂₃ dso₄ ne₄ Diú₄; ján₃ bá₄ le₂në₅ quian'₅₄ dsa₂ ñe'₂ i₂jén'₂ gu₂ quian'₅₄ jan₂ 'io₅₄ i₂ma₂téi₂ dsa₂ në₃, ján₃ bá₄ le₂jaun₂ 'no₂₃ dso₄ ne₄ Diú₄.

10 Jaun₂ lë₃, ca₂juá'₂ chi'₂ dsi₂guia₃-tín₂ quiáin₅:

—Në₁jua'₂ le₂në₅ cha₂ o₂me'₅₄ dsi₅ quió'₅ dsa₂ ñe'₂ dsa₂ mí₂, ç₂tsa₁ dse₃ jua'₅₄ a₂tsá₃ jéin'₂ co₂ñei'₅₄ gu₂?

11 Jaun₂ ca₂juá'₂ táng₃ Jesús:

—Tsá₃ ca₂le₃jín₃ lé₂ le₃ñí'₂ dsi₅ jua'₅₄ lé₂ le₃jmo₃ le₂në₅; jñia'₅₄ lia'₂ i₂ma₂cuë₃ Diú₄ bí₂ a₂le₃ñí'₂. **12** 'Lióng₂ bá₄ 'uig₅₄ cha₂ a₂tsá₃ le₃jén'₂ dsa₂ ñe'₂ i₂lín₅₄ gu₂; ia₁ i₂lín₅₄ le₂jaun₂ ma₂lín₅ lia'₂ con'₂ jme₁ca₂rë₃cháin₃ a₂tsá₃ lé₂ le₃jéin'₂ gu₂; i₂lín₅₄ guë'₂ në₃, ia₁ a₂ma₂ca₂jmo₂' dsa₂ mi₂güig₃ riin'₅₄ té'₃; i₂lín₅₄ guë'₂ në₃, ia₁ a₂co₂ñei'₅₄ ma₂quí'₃ dsi₅ a₂tsá₃ jéin'₂ gu₂ ne₄ o₄quió'₄ ja₁gon₂ Diú₄. Jui₁lia'₂ i₂tió'₅ jme₃tí₃ jág₁ la₂, jui₁jmo₁₂.

Ca₂jme₃gon'₅₄ Jesús chi'₂-guein₂

(Marcos 10:13-16; Lucas 18:15-17)

13 Jaun₂ ca₂o₃jñia₃ i₂lín₅₄ dsa₂ ca₂o₃jñia₃ guein₂ quiáin₅ ne₄ Jesús ia₁jaun₂ qui₃ní'₂ gu₂, tsí'₃ Diú₄ o₄quió'₄ në₃. La₁ chi'₂ dsi₂guia₃-tín₂ në₃ ca₂jéin₂ dsa₂. **14** La₁ Jesús në₃, ca₂juá'₂:

—Cuë'₄ 'nia'₂ jmig₄ jui₁ja₂lén₂ chi'₂-guein₂ cong₂; tsá₃ lë₁jmo₂ 'nia'₂ le₂në₅ jua'₅₄ jñig'₅₄, ia₁ jui₁lia'₂ i₂le₂në₅ bá₄ guë'₂ i₂ca₂tín₂ ja₁gon₂ Diú₄.

15 Jme₁ca₂lë₃ chi₂lái'₂ le₂jan₂ le₂jan₂ guein₂ a₂jme₂gu'₅₄, ca₂ñái'₃ bá₄ jaun₂.

Jan₂ dsó₂ chi'₂ cha₂ cu₄ ca₂dsia₃ jág₁ quiáin'₅₄ Jesús

(Marcos 10:17-31; Lucas 18:18-30)

16 Jan₂ dsó₂ chi'₂ ca₂jme₃quián₃ con₂ Jesús, jaun₂ ca₂ñag₃:

—Të₅ dsen₃, ç'₂e₂ jmo₅₄ jniá₂† ia₁jaun₂ léi₂ ja₁le₃chang₂ co₂tan₅₄?

17 Jaun₂ ca₂juá'₂ Jesús:

—ç'₂E₂ lë₃ té'₅ jniá₂ dsen₃?§ Jñia'₅₄ lia'₂ jan₂ bá₄ i₂chan₂ i₂lín₅ i₂dsen₃, i₂'éi₂ lín₅ Diú₄. La₁ në₁jua'₂ 'niog'₂ 'ú'₄ ja₁le₃chang'₂ co₂tan₅₄, jme₁ti₁ 'éi'₃ quió'₅ Diú₄.

18 Jaun₂ ca₂ñag₃ táng₃ dsó₂ 'éi₂:

—ç'₂E₂ 'éi'₃?

Jaun₂ ca₂ñag₃ táng₃ Jesús:

—Tsá₃ jñig'₄ dsa₂ mi₂güig₃ ríng'₂; tsá₃ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; tsá₃ 'áng'₁ a₂cha₂ quió'₅ ríng'₂; tsá₃ jmó'₂ jua'₅₄ jang'₅₄ jág₁ të₂jág₁ a₂jmag'₅₄ ríng'₂; **19** a₂jme₁gang'₃ chog'₂-ñéi'₅; * a₂jme₁'nióg'₄ dsa₂ mi₂güig₃ ríng'₂ jui₁lia'₂ 'nióg'₃ 'ñiag'₂ në₃.†

20 Jaun₂ ca₂ñag₃ táng₃ dsó₂ 'éi₂ ca₂tsí'₃ Jesús:

—Ca₂le₃jë₃ a₂në₅ ma₂guio₃ jme₂tí₂. ç'₂E₂ guë'₄ a₂siá'₂ 'nió'₅ jmo₅₄?

21 Jaun₂ ca₂ñag₃ táng₃ Jesús:

—Në₁jua'₂ 'niog'₂ léng'₂ jan₂ dsa₂ i₂rë₂ 'ñia₅ të₂le₃ quió'₅ jme₂dsí₂, guan'₂ o₂'nag₄ ca₂le₃jë₃ a₂cha₂ quiáng'₂, jaun₂ o₂dsio'₅₄ ja₁con₂ dsa₂ te₂ñé₂, jaun₂ le₂në₅ le₃cha₂ a₂jlá'₁ quiáng'₂ guei'₅₄ i₂juíg₃; jaun₂ guë'₄ ñe'₅₄ quian'₅₄ jniá₂.

22 La₁ jme₁ca₂nág₂ dsó₂ jág₁ në₅, ca₂ñái'₃ 'lia'₂ dsi₅, ia₁ 'ñio₅ lín₃ jme₁cha₂ cu₄.

23 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

† **19:16** o₃, “Të₅, ç'₂e₂ a₂dse₃ a₂jmo₅₄ jniá₂...” § **19:17** o₃, “ç'₂E₂ lë₃ ñag'₅₄ jniá₂ jui₁lia'₂ a₂dse₃?” * **19:19** Éxodo 20:12-16; Deuteronomio 5:16-20. † **19:19** Levítico 19:18.

—A₂dsi₂jó₃ juí₂ jniá₂ 'nia'₂, 'e₂ gué₄ quian₅ ta₁ quió'₅ jan₂ dsa₂ cha₂ cu₄ a₂'í₂ guei'₅₄ i₂juí₃ ja₁gon₂ Diú₄. ²⁴ Juá'₅ jniá₂, tsá₃ gué₄ 'e₂ ta₁ quian₅ a₂lé₂ le₃ñí₃ jan₂ já'₂ camello jui₅ tau₂ mi₂cu₄, lia'₂ con'₂ gué₄ jan₂ dsa₂ cha₂ cu₄ a₂'í₂ ja₁gon₂ Diú₄.

²⁵ Jme₁ca₂nág₂ chi'₂ dsi₂guia₃-tín₂ quiáin₅ jág₁ në₅, 'ñio₅ lin₃ ca₂i₃gó'₃ dsí₅, jaun₂ qui₂ca₂ñí'₃ riin'₅₄ con'₂ guoin₅₄:

—¿I₂'ein₂ bá₄ gué'₂ jaun₂ në₃ i₂lé₂ le₃tín'₄?

²⁶ Jaun₂ ca₂jág₃ Jesús ca₂jíin₂ 'éi₂, jaun₂ ca₂juá'₂:

—Dsón'₂ bá₄ jaun₂, të₂le₃ quió'₅ dsa₂ mi₂güig₃ o₁líg'₂ tsá₃ lé₂ le₃lé₂. La₁ të₂le₃ quió'₅ Diú₄, ca₂le₃jě₃ bá₄ lé₂ le₃lé₂.

²⁷ Jaun₂ ca₂juá'₂ Pe₄ në₃:

—Te₁gui'₅₄, ca₂le₃jě₃ 'e₂ a₂jme₁cha₂ quián₂ jnia'₅₄ ma₂ca₂tén'₃ dsi₅ jnia'₅₄ ma₂qui₂ca₂tí₄ ia₁ a₂'én₅ jnia'₅₄ 'ne₂. ¿'E₂ a₂tag₃ jnia'₅₄ në₃?

²⁸ Jaun₂ ca₂ñag₃ Jesús ca₂juá'₂:

—A₂dsi₂jó₃ juá'₅ jniá₂ juí₂ 'nia'₂, jë₁ma₂ca₂të₂ jmíg₄ i₁le₃'mag'₂ ca₂le₃jě₃ 'a₂ lia'₂ niog₅ lë₅ mi₂güig₃, jë₁ma₂ca₂të₂ rë₁guá₃ Jaun₅ dsa₂ mi₂güig₃ ne₄ta₁ jlá'₁ quió'₅, jaun₂ 'nia'₂ në₃ i₂ma₂ja₂nóg'₅ quiong'₅₄ jniá₂, nio₃ gog'₂ 'nia'₂ jma₃caún₃ ta₁ a₂tiáng'₄ jmó'₂ gong'₂ qui₁dsí'₂ 'éi'₃ ta₁guia₃-tín₂ nió'₃ dsa₂ juí₂ tsi₁jon₂ Israel.

²⁹ Ján₃ bá₄ le₂jaun₂ ján₃, ca₂le₃jín₃ i₂ma₂ca₂tén'₃ dsí₅ dsi₂néi₂ quió'₅, i₂ma₂ca₂tén'₃ dsí₅ chi'₂ rin'₅₄, o₃ chog₅₄-jmei₂, o₃ dsa₂ mí₂ quiáin₅, o₃ chi'₂ quiáin₅, i₂ca₂tén'₃ dsí₅ ca₂tí₂ ja₁nau₂ quió'₅ në₃, 'uig₅₄ quió₃ jniá₂, ia₁ gue₃ caun₂ 'ñiá₂-láu₂ ñag₅₄ gué₄ lia'₂ con'₂ gué₄ a₂ma₂ca₂tí₂, ton'₂ gue₃ ján₃ a₂le₃chain₂ co₂tan₅₄. ³⁰ La₁ rë₂në₃ juin₅ lin₃ i₂lín₅ i₂quen₅, la₁ jmíg₄ jaun₂ léin₂ dsa₂ të₂le₃ jë₁ca₂tó'₂; le₂jaun₂ bá₄ ján₃ jui₁lia'₂ i₂tsá₃ 'e₂ quen₅ rë₂në₃ lia'₂ con'₂ niog₅ lín₂ dsa₂ mi₂güig₃, léin₂ i₂le₂'uig₅₄.

20

Jág₁ jáng'₅ léi₄ jui₁lia'₂ dsa₂ i₂jmo₅ ta₁ caun₂ ja₁nau₂

¹ 'Lë₅ guei'₅₄ i₂juí₃ ja₁gon₂ Diú₄ jui₁lia'₂ jan₂ dsa₂ juig₅₄ ja₁nau₂ i₂o₂'in₅ të₃ o₃'iog₂, ca₂i₁tioin₁₂ dsa₂ i₂jmo₃ ta₁ ja₁nau₂ quió'₅ ja₁nia₄ cho'₅₄ uing₂ uvas.

² Ca₂lí'₃ bá₄ jág₁ quian'₅₄ dsa₂ i₂jmo₃ ta₁ a₂'liain'₅₄ jma₃ca₂'éi'₃ cu₄ denario lia'₂ co₂jmíg₄, jaun₂ ca₂chein₃ dsa₂ 'éi₂ jui₅ ja₁nau₂ quió'₅. ³ Jme₁co₂lág₂ jaun₂ o₂'iin₃

táng₃ con'₂ hora ñí₁ ñi₃ të₂le₃ o₃'iog₂,* jaun₂ ca₂jín₂ dsa₂ sián'₂ i₂tión₂ jin₅₄ jë₄ 'ma'₅₄. ⁴ Jaun₂ ca₂tsí'₃ dsa₂ 'éi₂: “O₂nó'₅ 'nia'₂ ján₃ o₂jmo₄ ta₁ ja₁nau₂ quió'₃, qui₄

bá₄ jniá₂ 'liang'₅₄ 'nia'₂ con'₂ dsi₂ten₅₄.” Jaun₂ i₃lén₂ bá₄ dsa₂ 'éi₂. ⁵ Jaun₂ o₂'iin₃

táng₃ con'₂ dsi₂ñí'₃,† con'₂ siá'₂ hora ñí₁ 'ni₅ të₂le₃ ca₂'láu₂ në₃;‡ le₂jaun₂ bá₄ ca₂jmo₃ ján₃. ⁶ Con'₂ siá'₂ o₂'iin₃ bá₄ gué₄ con'₂ hora ñí₁ 'ñiá₂ të₂le₃ ca₂'láu₂,§ ñó₃

jui₅ jë₄ 'ma'₅₄, jaun₂ ca₂dsáin'₂ táng₃ dsa₂ i₂jín₅₄ tión₂. Jaun₂ ca₂tsí'₃ 'éi₂: “¿'E₂ lë₃ tión'₂ 'nia'₂ ja₁lá₃ ta₁ne₁jmíg₄ tsá₃ 'e₂ ta₁ jmo'₂?” ⁷ Jaun₂ ca₂ñag₃ dsa₂ 'éi₂ ca₂juá'₂:

“Ia₁ 'i₁jan₂ tsá₃ 'ein₂ tio₅.” Jaun₂ ca₂ñag₃ dsa₂ juig₅₄ ja₁nau₂ ca₂juá'₂: “O₂nó'₅ 'nia'₂

ján₃, o₂jmo₄ ta₁ ja₁nau₂ quió'₃; qui₄ bá₄ jniá₂ 'lian'₅₄ 'nia'₂ con'₂ dsi₂ten₅₄.”

⁸ Jme₁ca₂nei₂ jmíg₄ jaun₂, ca₂juá'₂ juig₅₄ ja₁nau₂ ca₂tsí'₃ dsa₂ i₂niog₅ ne₄ i₂te₂né'₂ dsa₂ ta₁: “Te'₂ dsa₂ i₂ma₂në₂jmo₃ ta₁, jaun₂ qui'₅₄ 'liain'₅₄. Jme₁lióg₄

de'₂ jñiá₅ quian'₅₄ dsa₂ i₂në₂tión'₂ jë₁ca₂tó'₂, jaun₂ dsian₅ quian'₅₄ i₂në₂tión'₂ le₂'uig₅₄.” ⁹ Jaun₂ dsi₃lén₂ dsa₂ i₂ca₂tón'₂ ca₂jmo₃ ta₁ hora ñí₁ 'ñiá₂ të₂le₃ ca₂'láu₂, jaun₂ le₂jain₂ le₂jain₂ ca₂gue₃ 'liain'₅₄ jma₃ca₂'éi'₃ cu₄ denario. ¹⁰ Jme₁co₂lág₂ jaun₂, ca₂tín₂ dsa₂ i₂ca₂i₃ton'₅₄ le₂'uig₅₄, i₃jio₅ dsí₅ a₂jme₁gue₃ gué₄ ñag₅₄ 'liain'₅₄;

* 20:3 lit. “hora 'ni₅.” † 20:5 lit. “hora jñéi₂.” ‡ 20:5 lit. “hora ñi₃.” § 20:6 lit. “hora guia₃-cáun₃.”

la₁ co₂rē₂ bá₄ 'liain'₅₄ ca₂gue₃ jma₃ca₂'éi'₃ cu₄ denario le₂jain₂ le₂jain₂. ¹¹ La₁ jme₁ma₂nē₂gue₃ 'liain'₅₄, i₃lén₂ i₃chog'₄ dso₄ ne₄ juig'₅₄, ¹² jaun₂ ca₂juá'₂: “Dsa₂ i₂o₃lén₂ jē₁ca₂tó'₂, caun₂ hora bá₄ nē₂tióin'₂ nē₂jmo₃ ta₁; co₂jaun₂ bá₄ 'liain'₅₄ nē₂gue₃ ján₃ con'₂ 'liog'₅₄ jnia'₅₄ i₂nē₂tió'₄ nē₂jmo₃ ta₁ ta₁ne₁jmi_g₄ nē₂ḡag₅₄ 'iog₂ dséi₂ 'ḡio₅ lín₃.” ¹³ La₁ ca₂ḡag₃ juig'₅₄ ca₂tsí'₃ jan₂: “A₂mei₅₄ quiáng₃, tsá₃ 'e₂ jua'₅₄ a₂tsá₃ dsi₂ten₅₄ jmo₅ jniá₂ ja₁cong'₂. ¿Tsa₁ ca₂lě₃ jág₁ a₂'liang'₅₄ ca₂'éi'₃ cu₄ denario guē'₂? ¹⁴ Ju₁le₂'ḡio₂ 'au'₂ con'₂ ma₂'liang'₅₄ nē₅, guan'₂ quiáng'₂. Nē₁jua'₂ jniá₂ le₂nē₅ ca₂lě₃ dsi₃ quiá₄ 'lian'₅₄ dsa₂ i₂nē₂tong₅₄ jē₁ca₂tó'₂ con'₂ 'lian'₅₄ 'ne₂, ¹⁵ ¿o₃ tsa₁ ca₂tín₂ jniá₂ jmo₅₄ quian'₅₄ cu₄ quió₃ 'a₂ lia'₂ jnia'₅₄ 'nio₃ jmo₅₄? ¿o₃ ja₂ uig'₅ 'au'₂ 'e₂, ia₁ a₂'ua₁ dsi₃?”

¹⁶ 'Jaun₂ nē₃ ju₁lia'₂ dsa₂ i₂lín₅ tē₂le₃ jē₁ca₂tó'₂ rē₂nē₃, lén₂ i₂le₂'uig'₅₄ jmi_g₄ jaun₂; le₂nē₅ bá₄ ján₃, ju₁lia'₂ i₂lín₅ i₂le₂'uig'₅₄ rē₂nē₃, lén₂ dsa₂ tē₂le₃ jē₁ca₂tó'₂.

*Con'₂ siá'₂ táng₃ ca₂'ě₂ Jesús jág₁ a₂jóin₂
(Marcos 10:32-34; Lucas 18:31-34)*

¹⁷ Jme₁ma₂'en₅₄ Jesús ju₁ uig'₂ tso₄ a₂dsióg₄ Jerusalén, jaun₂ ca₂tě'₃ cau₅ chi'₂ dsi₂guia₃-tín₂ quiáin₅, jaun₂ ca₂juá'₂:

¹⁸ —Ju₁lia'₂ jág'₂ 'nia'₂, tio'₅₄ jniog₄ ju₁ tso₄ la₂ a₂dsi₁náu₅ Jerusalén. Ja₁jaun₂ jáng'₂ dsa₂ jín'₂ Jaun₅ dsa₂ mi₂güig₃ o₄gú₃ juig'₅₄ jme₂dsa₂, ne₄ tē₅juá'₅ nē₃; 'éi₂ gué₄ nē₃ cuē₃ 'éi'₃ a₂jḡag'₃ dsa₂. ¹⁹ Jáng'₂ dsa₂ nē₃ o₄gú₃ dsi₂nau₂ ia₁jaun₂ jmóg'₂ burlas, qui₃bóg₂ dsa₂, jaun₂ gué₄ tioin₃ cróg₄ jḡag'₃; la₁ a₂'ni₅ jmi_g₄ jaun₂, jein'₅₄ le₃chain₂ bá₄ táng₃.

*Ju₁lia'₂ a₂ca₂mi₃ chog₅₄ Jacobo quian'₅₄ Juan₅₄
(Marcos 10:35-45)*

²⁰ Jaun₂ ca₂jme₃quián₃ chog₅₄ Jacobo quian'₅₄ Juan₅₄, ja₁ḡi'₅₄ Zebedeo, ja₁'en₅₄ Jesús. Jaun₂ ca₂chi₃jné₃ ca₂mi₃ a₂jmo₃ 'éi₂ dse₃ dsí₅. ²¹ Jaun₂ ca₂ḡag₃ Jesús:

—¿'E₂ 'niog'₂ 'ne₂?

Jaun₂ ca₂ḡag₃ chog₅₄ chi'₂ 'éi₂:

—¿Tsa₁ cuē'₁ jmi_g₄ a₂tian'₃ jma₃jan₂ chi'₂ quiáng₃ cong'₂, jē₁ma₂tě₂ rē₁ne'₅₄ gong'₂ ne₄ta₁ quiáng'₂, jan₂ tē₂le₃ gog'₂ ne₁, jan₂ guē'₂ tē₂le₃ gog'₂ jen₅?

²² La₁ Jesús nē₃ ca₂ḡag₃:

—Tsá₃ ḡi'₅₄ 'nia'₂ 'e₂ a₂mi'₂. ¿Tian'₃ 'nia'₂ dsi₃ḡig'₂ ca₂le₃jě₃ ju₁lia'₂ a₂dsi₃ḡi'₂ jniá₂ guē'₂?”*

Jaun₂ ca₂ḡag₃ 'éi₂:

—Tián₂ bá₄ jnia'₅₄.

²³ Jaun₂ ca₂juá'₂ táng₃ Jesús:

—Dsón'₂ bá₄ jaun₂ dsi₃ḡi'₂ 'nia'₂ ju₁lia'₂ 'a₂ lia'₂ niog₅ dsi₃ḡi'₂ jniá₂,† la₁ ju₁lia'₂ a₂juá'₂ 'nia'₂ nē₅ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuē₅₄ a₂jaun₂. Ja₁jaun₂ ma₂jmo₃ Ne'₃ jniá₂ co₂jnia₅₄ a₂tian'₃ con'₂ i₂ca₂tín₂ bá₄.

²⁴ Riin'₅₄ i₂guian₃ gué₄ 'éi₂ nē₃ ca₂rě₃ 'néi₃ quian'₅₄ i₂on₃ 'éi₂ jme₁ca₂nág₂ jág₁ jaun₂. ²⁵ La₁ ca₂tě₃ Jesús, jaun₂ ca₂juá'₂:

—ḡi'₅₄ bá₄ 'nia'₂, ju₁lia'₂ dsi₂tan₅₄ dsa₂ can'₅₄ i₂tián'₅ gon₂ ca₂le₃jě₃ juig₂,‡ qui₂toin'₂ dsa₂ 'éi'₃ bēn₂. Le₂jaun₂ bá₄ jmo₅ ju₁lia'₂ dsi₂tan₅₄ i₂sion₅ gué₄, tián'₅ goin₂ jmo₂₃ 'éi'₃. ²⁶ La₁ jḡn'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tíin₂ jme₃ti₃ ta₁ ne₄ riin'₅₄; ²⁷ chi₂jua'₂ 'ein₂ 'nia'₂ 'nio₃ cán₂ ne₄ ju₁, 'nió'₅ jme₃ti₃ ne₄ ca₂le₃jín₃ dsa₂. ²⁸ Ia₁ le₂nē₅ bá₄ Jaun₅ dsa₂ mi₂güig₃, tsá₃ ta₁ jaun₂

* **20:22** A₂lín₅₄ chog₅₄ si₂juá'₂ le₂la₂ ján₃: “¿Tian'₃ 'nia'₂ cán'₁ o₂i₁ dsi₅ ju₁lia'₂ o₂i₁ dsi₅ a₂can₅₄ jniá₂?”

† **20:23** A₂lín₅₄ chog₅₄ si₂juá'₂ le₂la₂ ján₃: “ján₃ bá₄ cán'₁ 'nia'₂ o₂i₁ dsi₅ ju₁lia'₂ o₂i₁ dsi₅ can₅₄ jniá₂.”

‡ **20:25** o₃, “i₂tián'₅ gon₂ jḡn₄ dsi₂nau₂.”

já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃
co₂'nió'₄ 'lia'₅₄ ia₁jaun₂ t'ín'₄ juin₅.

Ca₂jme₃'lión₂ Jesús on₃ dsa₂ ten₄

(Marcos 10:46-52; Lucas 18:35-43)

²⁹ Jme₁ma₂tioin'₅₄ jui₅ 'u₁in₂ juig₂ Jericó, juin₅ dsa₂ ja₁jaun₂ ca₂jme₃quian'₅₄
Jesús. ³⁰ Jui₅ ja₁ñó₄ jaun₂, jme₁tián'₄ on₃ dsa₂ ten₄ cau₅ jui₅. Dsa₂ 'éi₂ ně₃
jme₁ca₂nág₂ a₂ñó₅ Jesús cau₅ jaun₂, ca₂juá'₂ tiá₂:

—i₁Te₁gui'₅₄, tsi₁jon₂ David, dsia₄ n'ei₂ 'au'₂ jnia'₅₄!

³¹ Jaun₂ ca₂jí₂ bá₄ dsa₂ ia₁jaun₂ dsi₃lén₂ tei₄. La₁ t'ē₂le₃ i₂jui'₂ guē₄ co₂mí'₅₄
ca₂tóin'₂ bá₄, ca₂juá'₂:

—i₁Te₁gui'₅₄, tsi₁jon₂ David, dsia₄ n'ei₂ 'au'₂ jnia'₅₄!

³² Jme₁ca₂nág₂ Jesús, jaun₂ ca₂nau₂, jaun₂ ca₂tē'₃ le₃on₃ dsa₂ 'éi₂, jaun₂ ca₂ñag₃:

—¿E₂ 'niog'₂ 'nia'₂ jmo₅₄ jniá₂ o₄quian'₂ 'nia'₂?

³³ Jaun₂ ca₂ñag₃ dsa₂ 'éi₂:

—Te₁gui'₅₄, a₂jnia₅₄ mi₂ne₄ bá₄ jnia'₅₄ 'niog₂.

³⁴ Jaun₂ ca₂dsia₃ bá₄ Jesús n'ei₂ dsí₅, jaun₂ ca₂tí₂ gu₂ jme₁ne₁ dsa₂ 'éi₂. Jaun₂
dsi₂jui₅ le₂jaun₂ ca₂jnia₃ jme₁ne₁ dsa₂, jaun₂ i₃lén₂ bá₄ jaun₂ ca₂jme₃quian'₅₄
Jesús.

21

Ca₂'í₃ Jesús jē₄ juig₂ Jerusalén

(Marcos 11:1-11; Lucas 19:28-40; Juan 12:12-19)

¹ Jme₁ma₂quian'₅₄ dsi₁lén₂ Jerusalén, dsi₃lén₂ quian'₅₄ juig₂ Betfagé a₂niog₅
cau₅ Má'₂ Olivos, ja₁jaun₂ ca₂chen₃ Jesús on₃ chi'₂ dsi₂guia₃-t'ín₂ quian'₅₄,
² ca₂juá'₂:

—O₂nó'₅ 'nia'₂ juig₂ pí'₁ niog₅ t'ē₂le₃ ne₄ jui₅ ja₁dsau₅₄ ně₅. Ja₁jaun₂ dsian'₂ 'nia'₂
jan₂ i₂bú'₄ mí₂ rē₂'ñe'₅₄, chéin'₅ quian'₅₄ guein₂ quian'₅₄. O₂chein'₅₄ 'nia'₂ jaun₂
tē'₅₄ ja₁lá₃. ³ Nē₂jua'₂ 'ein₂ ñag₅ 'e₂ lē₃ tsiin'₅₄, jaun₂ juig'₅₄ 'nia'₂: “Te₁gui'₅₄ bá₄
'nio₃ ca₂tiá₂.” Jaun₂ ně₃ cón'₅ bá₄ cuag₃.

⁴ Ca₂lē₃ le₂nē₅ ia₁jaun₂ le₃ti₃ jág₁ a₂ca₂tó'₂ ne₄ si₂ dsa₂ i₂jme₁'ē₂ jág₁ quian'₅₄ Diú₄
ma₂líg'₂, jme₁ca₂juá'₂:

⁵ Chei'₅₄ dsa₂ juig₂ i₂tián'₅ Sión:

“Jag₄, ně₅ jón'₅ Rag₅₄ quian'₂ 'nia'₂ ja₁cong'₂,

a₂lín₅ jan₂ dsa₂ me'₂, tsá₃ jláin'₁,

jóin'₅ co₂dsin₅₄ jan₂ bú'₄,

jóin'₅ quian'₅₄ jaun₅ já'₂ i₂cán₂ lio₅₄ bá₄”.*

⁶ Jaun₂ ca₂i₃lén₂ bá₄ i₂on₃ 'éi₂, ca₂jmo₃ bá₄ con'₂ lē₅ jág₁ a₂ca₂cuē₃ Jesús. ⁷ Jaun₂
ca₂i₁te₂ bú'₄ lia'₂ jma₃quian'₅₄ guein₂ quian'₅₄, ca₂i₁jio₃ ja₁'en₅₄ Jesús. Jaun₂
ca₂jlág₂ ni₁tsin'₅₄ mi₂ca'₄ já'₂, jaun₂ guē₄ ca₂co₃dsag₅₄ Jesús. ⁸ Jaun₂ dsa₂ juin₅
i₂quian'₅₄ ně₃ i₂jñiá₅ le₃ne₄ jui₅ qui₂ca₂néi'₃ 'mi'₂ le₂'i₄ jui₅ ja₁ñí₃ Jesús; i₂lín₅₄
guē'₂ qui₂ca₂'nia₃ mog'₅₄ 'ma₂tsín₅, qui₂ca₂jó₃ dsi₂jui₅. ⁹ Dsa₂ i₂i₃lén₂ le₃ne₄ jui₅,
quian'₅₄ i₂ja₂lén₂ le₃chi₁co'₅₄ ně₃, qui₂ca₂tóin'₂ co₂mí'₅₄ ca₂juá'₂:

i₂jui₁le₂juin'₂† bá₄ tsi₁jon₂ David!

i₂jui₁le₂jñi₃ó₃ bá₄ i₂nē₅ i₂já₅ o₄quió'₄ Te₁gui'₅₄!‡

i₂jui₁le₂juin'₂ bá₄ i₂guá₅ guei'₅₄ i₂juig₃!

* **21:5** Zacarías 9:9. † **21:9** lit. “Hosana”, a₂jjein₅ jág₁ quian'₅₄ jág₁ jmei₅ arameo: “Lio₄ jnia'₅₄”, co₂'nió'₄
a₂quimí₅ dsa₂ ne₄ Diú₄ a₂jiá₃ i₂rē₂'ín₁ quian'₅₄; la₁ cang₂ jaun₂ táng₃ ca₂jjein₃ jág₁ a₂jme₂juin'₂ dsa₂ jan₂ dsa₂.
Ján₃ bá₄ le₂nē₅. ‡ **21:9** Salmo 118:26.

10 Jme₁ca₂'í₃ Jesús jë₄ juig₂ Jerusalén, jaun₂ qui₂ca₂tón'₂ go₂'i₃ dsa₂ juig₂, juin₅ i₂qui₂ca₂ñag₃:

—¿Ein₂ bá₄ nē₅?

11 Jaun₂ qui₂ca₂ñag₃ dsa₂ juin₅ i₂quian'₅₄ Jesús, ca₂juá'₂:

—Jesús bá₄ la₂, dsa₂ i₂'ë₂ jág₁ quián₅ Diú₄, i₂chan₂ juig₂ Nazaret ja₁tén₄ Galilea.

*Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Marcos 11:15-19; Lucas 19:45-48; Juan 2:13-22)*

12 Ca₂dsióg₃ Jesús jme₁ca₂dsióg₃ i₁dsi₅ guá'₅ templo, jaun₂ qui₂ca₂'uín'₂ ca₂le₃jín₃ dsa₂ i₂jme₁ma₂tion'₅₄ dsia₅ 'ma'₅₄ i₁dsi₅ guá'₅, dsa₂ i₂'nag₅, i₂qui₂lá₅ nē₃, qui₂ca₂jéin'₃ ni₁mesa ja₁jme₁jmo'₂ dsa₂ ta₁ jme₂tsiin₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂; 13 jaun₂ ca₂juá'₂:

—Ne₄ Si₂juá'₂: “Né₅ quió₃ lē₅ ca₂ne₅₄ 'né₅ ja₁tē₁ja₂lén₂ dsa₂ ja₂chi'₅₄ Diú₄”; § la₁ 'nia'₂ nē₃ ma₂jmo'₅₄ nē₂jag₄ bá₄ tē₂'lau₂ quió'₅ dsa₂ 'ang₂.*

14 Jaun₂ ca₂jme₃quián₃ i₂lin₅₄ dsa₂ ten₄ quian'₅₄ dsa₂ guian'₅₄ nē₃ con₂ Jesús i₁dsi₅ guá'₅, jaun₂ ca₂jme₃'lióin₂ bá₄ dsa₂ 'éi₂. 15 La₁ jme₁ca₂jág₃ juig₅₄ jme₂dsa₂ quian'₅₄ tē₅juá'₅ léi₄ jlá'₁ a₂ca₂jmo₃ Jesús jaun₂, ton'₂ ia₁ ca₂nág₂ nē₃ tion'₅₄ chi'₂ co₂mi'₅₄ qui₂guió'₅ i₁dsi₅ guá'₅, a₂juá'₂: “¡Jui₁le₂juin'₂ tsi₁jon₂ David!”, jaun₂ ca₂rē₃'néi₃. 16 Jaun₂ ca₂juá'₂ ca₂tsí'₃ Jesús:

—¿Tsa₁ nag'₂ 'e₂ juá'₂ chi'₂?

Jaun₂ ca₂ñag₃ Jesús:

—Ján₅, nag₅ bá₄ jniá₂. Ia₁, ¿tsa₁ ma₂'í'₂ 'nia'₂ ne₄ Si₂ ja₁juá'₂:

Te₁gui'₅₄, 'ne₂ bá₄ ma₂ca₂jmo'₅₄

'e₂ a₂'uē₂ mi₂'o₄ chi'₂ bē'₅₄

quian'₅₄ mi₂'o₄ guein₂ tei₄ i₂guén'₅ dsi'₅₄,

'uē₂ jág₁ a₂jme₂juin'₂ 'ne₂?†

17 Jaun₂ ca₂o₃'iin₃ bá₄ ja₁tion'₅₄ 'éi₂, jaun₂ ca₂ñái'₃ táng₃ juig₂ Betania. Ja₁jaun₂ ca₂ñia₂ caun₂ nei₅.

*Ca₂juá'₂ Jesús caun₂ jág₁ a₂ca₂cuē'₃ uig₅ caun₂ ni₁'ma₂ higuera a₂tsá₃ mīg₂ cha₂
(Marcos 11:12-14, 20—26)*

18 Jme₁nia₃ jaun₂, jme₁ma₂tioin'₅₄ jui₅ a₂ilein₃ táng₃ jui₅ jë₄ juig₂ Jerusalén. Jesús nē₃ ca₂tá'₂ i₁cón'₅. 19 Jaun₂ ca₂jág₃ caun₂ ni₁'ma₂ higuera a₂dsi₅₄ cau₅ jui₅, jaun₂ ca₂jme₃quiáin₃ 'uig₅₄, la₁ tsá₃ 'e₂ mīg₂ ca₂dsó'₂ guē'₂ guei'₅₄ ni₁'ma₂; ñia'₅₄ lia'₂ jmá'₃ mog'₅₄ bá₄ cha₂. Jaun₂ nē₃ ca₂juá'₂ Jesús ca₂tsí'₃ ni₁'ma₂:

—¡Lia'₂ o₁líg'₂ jmīg₄, tsá₃ ma₃jui₁'ag₅₄ mīg₂ quiáng'₂!

Dsi₂jui₅ jaun₂ bá₄ ca₂rē₃quéin₃ ni₁'ma₂ jaun₂. 20 Jme₁ca₂tē₂ ne₄ chi'₂ dsi₂guia₃-tín₂ a₂ca₂lë₃ jaun₂, ca₂i₃gó'₃ dsí₅, jaun₂ ca₂ñí'₃ Jesús:

—¿A₂ bá₄ lia'₂ con'₂ tan₅₄ lia'₂ dsi₂jui₅ ca₂rē₃quéin₃ ni₁'ma₂ nē₅?

21 Jaun₂ ca₂ñag₃ Jesús:

—A₂dsi₂jó'₃ juig₂ jniá₂ 'nia'₂, nē₂jua'₂ tsá₃ ca₂'éi'₂ 'nia'₂ caun₂-tín₃ 'au'₂ lia'₂ 'éng'₂, on₃jua'₅₄ jmá'₃ jui₁lia'₂ a₂nē₂jmo₃ jniá₂ quian'₅₄ ni₁'ma₂ higuera nē₅, lé₂ le₃jmo'₂ 'nia'₂, ia₁ lé₂ le₃jua'₅₄ 'nia'₂ ján₃ juig'₅₄ ni₁má'₂ ó₃: “Jñiag'₃ ja₁nē₅, o₃ o₂'ú₅ jm₁ñí'₄”, le₂jaun₂ dsón'₂ lé₂ bá₄. 22 Le₂jaun₂ bá₄ ján₃ ca₂le₃jé₃ 'e₂ a₂mi'₂ 'nia'₂ jme₁mi'₂ ne₄ Diú₄, nē₂jua'₂ 'én'₂ tē₃dsón'₂ 'nia'₂, guéi'₁ bá₄ 'nia'₂.

Jesús bá₄ i₂'io₅ 'éi'₃

(Marcos 11:27-33; Lucas 20:1-8)

²³ Jaun₂ ca₂'í₃ táng₃ Jesús i₁dsi₅ guá'₅ templo, jaun₂ tē₁lia'₂ 'ein₅₄ jme₂tiin₂₃ dsa₂, jaun₂ ca₂jme₃quián₃ juig₅₄ jme₂dsa₂ quian'₅₄ i₂lín₅ dsa₂ can'₅₄ quián₅ dsa₂ juig₂, con₂ Jesús, jaun₂ ca₂ṅag₃:

—¿'E₂ ta₁ lín'₅ 'ne₂, 'e₂ lē₃ jmo'₂ ca₂le₃jě₃ 'e₂ a₂jmo'₂ ṅi'₂? ¿'Ein₂ ca₂cuē₃ bí₂ 'éi'₃ nē₅?

²⁴ Jaun₂ ca₂ṅag₃ Jesús:

—Ján₃ bá₄ ṅag₄ jniá₂ caun₂ 'nia'₂: nē₁jua'₂ ca₂ṅag'₅₄ 'nia'₂ lia'₂ tí₅, jaun₂ guē₄ juá'₄ jniá₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ a₂jmo₂₃. ²⁵ Jui₁lia'₂ a₂ca₂chon₃ Juan₅₄ jmig₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güig₃ 'e₂?

Jaun₂ ca₂dsia₃ dsa₂ can'₅₄ jág₁ con'₂ guioin₅₄, ca₂juá'₂:

—Nē₁jua'₂ ca₂chei₅₄ jniog₄ 'éi'₃ quió'₅ Diú₄ bá₄ jaun₂, nē₃ cón'₅ bá₄ ṅag₃: “¿'E₂ lē₃ tsá₃ ca₂rē₃'én'₂ 'nia'₂ jág₁ quió'₅ 'éi'₂?” ²⁶ La₁ nē₁jua'₂ ca₂ṅag₄ guē'₂ jniog₄ 'éi'₃ quió'₅ dsa₂ mi₂güig₃ nē₃, le₃'ne₂ dsa₂ juig₂ quian'₅₄ jniog₄, ia₁ ca₂le₃jín₃ bá₄ dsa₂ jmo₂₃ dsí₅ a₂jme₁lín₄ Juan₅₄ jan₂ dsa₂ i₂ca₂'é₂ jág₁ quián₅ Diú₄. ²⁷ Jaun₂ nē₃, ca₂ṅag₃ dsa₂ can'₅₄ 'éi₂ ca₂tsí'₃ Jesús:

—Tsá₃ a₂jaun₂ ne₄ jnia'₅₄ 'ein₂ ca₂chen₃ 'éi₂.

Jaun₂ nē₃, ca₂ṅag₃ Jesús:

—Ján₃ bá₄ le₂nē₅ tsá₃ juá'₄ jniá₂ 'ein₂ cuē₅ bí₂ a₂jmo₂₃ ca₂le₃jě₃ a₂jmo₂₃ ṅi₂₃.

Jág₁ jáng'₅ léi₄ jui₁lia'₂ on₃ ja₁ṅi'₅₄ jan₂ dsa₂

²⁸ Jaun₂ ca₂juá'₂ Jesús ca₂tsí'₃ dsa₂ 'éi₂:

—¿'A₂ lia'₂ lín'₂ 'nia'₂ jui₁lia'₂ jág₁ la₂? Jan₂ dsa₂ jme₁chan₂ on₃ ja₁ṅi'₅₄. Jaun₂ ca₂tsí'₃ chi'₂ quián₅ i₂lín₅ i₂juin'₂ guē₄: “Jón₃, gua₂ o₂jmo₄ ta₁ ja₁nau₂ quián₂ jmig₄ nē₃.” ²⁹ Jaun₂ ca₂ṅag₃ chi'₂ quián₅: “¡Tsá₃ nei₅₄!” La₁ jme₁co₂lág₂ jaun₂ ca₂jme₃tsiin₃ 'a₂ lia'₂ dsí₂jio₃ dsí₅, jaun₂ ṅó₃ bá₄ i₁jmo₅₄ ta₁. ³⁰ Jaun₂ ca₂ṅe₄ táng₃ jmei₂ i₁chi'₄ chi'₂ jan₂ quián₅. Ján₃ bá₄ le₂jaun₂ ca₂tsí'₃ 'éi₂. I₂'éi₂ nē₃ ca₂ṅag₃: “Nei₅₄ bá₄ jniá₂, tia₅₄, i₁jmo₃ ta₁.” La₁ tsá₃ ṅei₅₄ guē'₂ jaun₂ nē₃. ³¹ Jē₄ le₃oin₃ le₂jaun₂, ¿'ein₂ ca₂jmo₃ a₂'ṅio₂ dsí₅ jmei₂?

Jaun₂ ca₂ṅag₃:

—Chi'₂ i₂le₂'uig₅₄ bá₄.

Jaun₂ ca₂juá'₂ Jesús:

—A₂dsi₂jó'₃ juig₂ jniá₂ 'nia'₂, dsa₂ i₂cán₂ 'lia'₅₄ quián₅ dsí₂tan₅₄, o₃ jui₁lia'₂ 'io₅₄ i₂'nag₅ quió'₅ nē₃, i₂le₂'éi₂ bá₄ tiá₂ le₂'uig₅₄ dsí₃ton'₅₄ ja₁gon₂ Diú₄ lia'₂ con'₂ guē₄ 'nia'₂. ³² Ia₁ lia'₂ con'₂ jme₁guan₃ Juan₅₄ i₂chon₅ dsa₂ jmig₂, ca₂jme₃jniai₂₃ ja₁con'₂ 'nia'₂ 'a₂ lia'₂ dsón'₂ ca₂tíng'₂ 'nia'₂ tiáng'₄. La₁ tsá₃ a₂jaun₂ ca₂rē₃'én'₂ 'nia'₂. Ia₁ a₂dsau₅ bá₄ jui₁lia'₂ dsa₂ i₂cán₂ 'lia'₅₄ quián₅ dsí₂tan₅₄, quian'₅₄ 'io₅₄ i₂'nag₅ quió'₅ nē₃, ca₂rē₃'éin₂ jág₁ quió'₅ Juan₅₄. La₁ a₂dsau₅ bá₄ o₁jnia'₅₄ a₂ca₂tě₂ ne'₅₄ 'nia'₂ jaun₂, tsá₃ ca₂tá'₂ jén₂ 'au'₂ 'nia'₂, on₃ guē'₂ ca₂rē₃'éng'₂.

Jág₁ jáng'₅ léi₄ jui₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂

(Marcos 12:1-12; Lucas 20:9-19)

³³ 'Nei₂ 'nia'₂ jág₁ a₂jáng'₅ léi₄ siá'₂ la₂: Jan₂ dsa₂ ca₂chéin'₃ cho'₅₄ uing₂ uvas ja₁nau₂ quió'₅. Jaun₂ ca₂jmo₃ jní₁ le₃lág'₃; ca₂jmo₃ co₂jnia₅₄ ja₁jlein'₃ míg₂ nē₃; caun₂ guē'₂ tsi'₁né₅ ṅei₅ ca₂chi'₃ ja₁guá₃ jmo₃ 'í₁. Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, jaun₂ ca₂ṅó₃ bá₄ 'ṅiog₅ i₁ṅi₂ juig₂ siá'₂. ³⁴ Jme₁ca₂tě₂ jein₂ a₂ca₂rau₂ míg₂, jaun₂ dsa₂ juig₅₄ ja₁nau₂ ca₂chein₃ co₂nió'₃ dsa₂ mozo quián₅, a₂jme₁i₂mí₃ a₂jáng'₃ dsa₂ i₂niog₅ gu₂ ja₁nau₂ ca₂dsio₄ míg₂ con'₂ a₂ca₂tín₂ juig₅₄. ³⁵ La₁ dsa₂ i₂tion'₅₄ jmó'₂ ta₁ ja₁nau₂ nē₃, ca₂jṅai'₃ bá₄ dsa₂ mozo i₂chen₄ quián₅ juig₅₄. Ca₂cuē'₃ bá₄ jan₂ tioen'₅₄; jan₂ guē'₂ ca₂jṅi'₃; jan₂ guē'₂ ca₂cuē'₃ quian'₅₄

ni₁cang₁. ³⁶ La₁ juig₅₄ ja₁nau₂ ně₃, juin₅ guě₄ i₂ca₂chein₃ cang₂ jaun₂ con'₂ guě₄ le₂'uig₅₄; la₁ dsa₂ 'lin'₅₄ i₂tion'₅₄ jmo₅ ta₁ ja₁nau₂ ně₃, le₂jaun₂ bá₄ qui₂ca₂jmaí'₂ ca₂le₃jín₃ dsa₂ mozo i₂chen₄ 'éi₂.

³⁷ 'La₁ jē₁ca₂tó'₂ ně₃, dsa₂ juig₅₄ ja₁nau₂ ca₂chein₃ ja₁ŋi'₅₄, ia₁ lín₂: “Jme₃go₃ dsa₂ jme₃gain₃ chi'₂ quiáng₃.” ³⁸ La₁ jme₁ca₂jág₃ dsa₂ i₂jmo₅ ta₁ ja₁nau₂ ca₂jín₂ ja₁ŋi'₅₄ dsa₂ juig₅₄ ca₂dsióg₃, jaun₂ ca₂dsia₃ jág₁ tíoín'₅₄: “I₂ně₅ bá₄ tin₃ ja₁nau₂ la₂ cang₂; ně₃ o₁ŋjǐ'₄ jniog₄ ia₁jaun₂ jniog₄ bá₄ lé₂ quián₂.” ³⁹ Le₂jaun₂ bá₄ ca₂jmo₃. Ca₂jŋai'₃ bá₄ 'éi₂ tíoín'₅₄, jaun₂ ca₂dsei₂₃ le₃co'₅₄ jnǐ₁; ja₁jaun₂ ca₂jŋag'₃.

⁴⁰ 'Jaun₂ ně₃, jē₁ma₂tě₂ jmǐg₄ rē₁ŋjǐó'₂ dsa₂ juig₅₄ ja₁nau₂, ħ'e₂ lín'₂ 'nia'₂ jmo₃ quian'₅₄ dsa₂ i₂jmó'₂ ta₁ ja₁nau₂ 'éi₂?

⁴¹ Jaun₂ ca₂jag₃ dsa₂ 'éi₂:

—A₂jme₃dsiain₂₃ dsa₂ 'lin'₅₄ 'éi₂ ca₂lia'₂ tsá₃ ŋéi₂ dsǐ₅, jaun₂ cuě'₃ dsa₂ sián'₂ ja₁nau₂ con'₂ i₂léi₄ jáng'₃ ca₂dsio₄ con'₂ ca₂tíin₂ jē₁ma₂tě₂ jein₂ a₂ráu₃.

⁴² Jaun₂ ně₃, ca₂juá'₂ Jesús ca₂tsǐ'₃ dsa₂:

—ħTsa₁ ma₂'í'₂ 'nia'₂ ne₄ Si₂ ja₁juá'₂:

Ni₁cang₁ a₂tsá₃ ca₂rě₃jǐ'₅₄ tē₅'ia'₂,
ca₂dsióg₃ ca₂lě₃ ni₁cang₁ a₂dsen₅₄ guě₄
tē₁ron₅₄ qui'₅₄ 'ia'₂;
a₂ca₂jmo₃ Te₁gui'₅₄ bá₄ jaun₂,
jaun₂ 'ŋio₅ lín₃ bá₄ jlá'₁, lág₂ jniog₄?‡

⁴³ 'Uig₅₄ jaun₂ juǐg₂ jniá'₂ 'nia'₂, co₂dsia₅ jŋiá'₂ Diú₄ o₄gog'₂ 'nia'₂ 'éi'₃ quió'₅, o₄gú₃ i₂sián'₂ bá₄ dsia₃ con'₂ i₂léi₄ jáng'₃ a₂ráu₃. ⁴⁴ La₁ juǐ₁lia'₂ ni₁cang₁ la₂ ně₃, juǐ₁'ein₂ guě₃ i₂ca₂tán'₂ ne₄, lé₂ le₁juǐg₁ le₁dsog'₅₄ quió'₅; o₃ ně₁juá'₂ ca₂jlín₃, lé₂ ti₁liog₂ quió'₅. §

⁴⁵ Jme₁ca₂nág₂ juǐg₅₄ jme₂dsa₂ quian'₅₄ dsa₂ fariseos jág₁ a₂jáng'₅ léi₄ ně₅, ca₂rě₃lí'₄ bá₄ guioin₅₄ a₂'in₅ 'éi₂ bá₄ Jesús. ⁴⁶ Jaun₂ jme₁'nio₃ jme₁tsáun'₂, la₁ ca₂rě₃gain₃ bá₄ dsa₂ juin₅ i₂quian'₅₄ Jesús, ia₁ ca₂le₃jín₃ bá₄ dsa₂ jmo₂₃ dsǐ₅ a₂lín₅ 'éi₂ jan₂ i₂'ě₂ jág₁ quián₅ Diú₄ bá₄.

22

*Jág₁ jáng'₅ léi₄ juǐ₁lia'₂ ja₁niog₅ jmǐg₄ a₂ca₂jen'₂ gu₂ dsa₂
(Lucas 14:15-24)*

¹ Ca₂jme₃lióg₃ táng₃ Jesús ca₂tsǐ'₃ dsa₂ tē₂le₃ quian'₅₄ jág₁ a₂jáng'₅ léi₄, le₂la₂:

² —Lě₅ guei'₅₄ i₂juǐg₃ ja₁gon₂ Diú₄ juǐ₁lia'₂ jan₂ rag₅₄ i₂ca₂jmo₃ co₂jŋia₅₄ caun₂ má₃ a₂ca₂jmo₃ jmǐg₄ ja₁jen'₂ gu₂ chi'₂ ja₁ŋi'₅₄. ³ Jaun₂ ca₂chein₃ dsa₂ i₂jme₂ti₃ ta₁ ne₅₄ a₂dsi₃quiáin₂ dsa₂ i₂ma₂lě₅ jág₁ ja₃lén₂ ja₃guě'₃. La₁ dsa₂ 'éi₂ ně₃ tsá₃ ma₃ca₂gue₃ ja₃lén₂. ⁴ Jaun₂ ca₂chein₃ táng₃ i₂sián'₂, jaun₂ ca₂tsǐ'₃ 'éi₂: “Chei'₅₄ 'nia'₂ dsa₂ i₂ma₂lě₅ jág₁ ja₃lén₂ jmǐg₄, ma₂lě₅ bá₄ co₂jŋia₅₄ má₃. Ca₂jme₁dsiang₂₃ bá₄ ca₁juǐ₅ 'on'₅₄ quiáng₃; ma₂lě₅ bá₄ co₂jŋia₅₄ ca₂le₃jě₃. Jaun₂ juǐ₁ja₂lén₂ bá₄ jmǐg₄ quió'₅ chi'₂ quiáng₃.” ⁵ La₁ tsá₃ juǐ₅ ca₂tón'₃ dsa₂ i₂jme₁ma₂lě₅ jág₁ rē₂té₄ 'éi₂. Juǐ₅ siá'₂ bá₄ i₃lén₂: jan₂ ŋó₃ juǐ₅ ja₁nau₂ quió'₅ bá₄; jan₂ guě'₂ ŋó₃ i₃dsiá₃ 'ma'₅₄. ⁶ Rin'₅₄ dsa₂ 'éi₂ ně₃, ca₂jŋai'₃ bá₄ dsa₂ i₂jme₂ti₃ ta₁ ne₄ rag₅₄ 'éi₂, ca₂cuě₃, ca₂jme₃dsiog₂₃ bá₄. ⁷ Jaun₂ ně₃, ca₂rě₃'né₃ rag₅₄ 'ŋio₅ lín₃, jaun₂ ca₂chein₃ 'lióg₂ quiáin₅ ca₂i₁jme₁dsiain₂₃ dsa₂ 'éi₂ qui₂ca₂i₁dsǐ'₄ 'lióg₂ 'né₅, co₂dsia₅ ca₂'éin₂ go₄ dsa₂ 'éi₂. ⁸ Jaun₂ ca₂juá'₂ rag₅₄ ca₂tsǐ'₃ dsa₂ i₂jme₂ti₃ ne₅₄: “Ca₂le₃jě₃ ma₂lě₅ co₂jŋia₅₄ a₂jen'₂ gu₂ chi'₂ quiáng₃ a₂nio₃ jmǐg₄, la₁ dsa₂ i₂jme₁lě₄ jág₁ rē₂té₄ 'éi₂, tsá₃ ma₃ca₂tíin₂ ja₃lén₂. ⁹ O₂nó'₅ 'nia'₂ ně₃, o₂nau₂ jē₄ calle juě'₂ ja₁i₂nio₄ guě₄ dsa₂

‡ 21:42 Salmo 118:22-23. § 21:44 A₂lín₅₄ chog₅₄ si₂ tsá₃ rē₂ton₅ versículo 44.

juin₅, o₂chei'₅₄ ca₂le₃jín₃ dsa₂ i₂jeng'₂ jui₁ja₂lén₂ jmig₄ jë₁jen'₂ gu₂ chi'₂ quiáng₃.”
 10 Jaun₂ ca₂'uin₂ bá₄ dsa₂ 'éi₂ ně₃ ca₂i₁lein₅₄ jë₄ calle, jaun₂ chi₂ca₂liain'₃ ca₂le₃jín₃ dsa₂ i₂ca₂jein'₂ lia'₂ dsa₂ dsen₃ lia'₂ dsa₂ 'lin'₅₄ ně₃; jaun₂ ca₂can'₂ bá₄ dsi₂néi₂ ca₂lë₃, quian'₅₄ dsa₂ 'éi₂.

11 'Jaun₂ guë₄ ca₂'í₃ rag₅₄ dsi₂néi₂ ca₂i₁jün₁₂ dsa₂ i₂tion'₅₄ 'éi₂, jaun₂ ca₂jün₂ jan₂ i₂'en₅₄ jë₄ jaun₂, tsá₃ jme₁rë₂lin₅₄ jua'₅₄ a₂qui'₂ 'mi'₂ a₂quí'₅ dsa₂ dsi₂lén₂ ja₁niog₅ jmig₄ jen'₂ gu₂ dsa₂. 12 Jaun₂ ca₂tsí'₃ dsa₂ 'éi₂, ca₂juá'₂: “A₂mei₅₄, ¿'a₂ bá₄ lia'₂ ně₂'ú'₃ 'ne₂ ja₁lá₃ tē₃ tsá₃ rë₂ling'₅₄ con'₂ dsi₂ten₅₄ a₂gog'₅₄ ja₁niog₅ jmig₄ jen'₂ gu₂ dsa₂?” Jaun₂ tei₄ bá₄ ca₂nau₂ dsa₂ 'éi₂, tsá₃ 'e₂ ŋi₅ ŋag₃. 13 Jaun₂ bá₄ ca₂juá'₂ rag₅₄ ca₂tsí'₃ dsa₂ i₂tion'₅₄ jme₂ti₃ ne₄ mesa: “Quéin₂ 'nia'₂ gu₂-tag₄ i₂në₅, dsein₅₄ ca₁'né₄, qui₂dsin₅ 'nia'₂ güig₂, 'liain'₅₄ jë₄ qui₁né'₃ ja₁qui'₂-o₃, qui₃quí'₃ jan₅₄.”
 14 Ia₁ juin₅ lin₃ dsa₂ i₂rë₂té₄, la₁ me'₂ bá₄ i₂rë₂quion'₅₄.

*Jág₁ jui₁lia'₂ 'lia'₅₄ a₂ca₂tín₂ dsi₂tan₅₄
 (Marcos 12:13-17; Lucas 20:20-26)*

15 Jme₁co₂lág₂ jaun₂ ca₂len₃ dsa₂ fariseos ca₂i₁jmo₅₄ jág₁ 'a₂ lia'₂ join₅₄ Jesús jui₁lia'₂ bá₄ 'ñiá₃ ca₂jon₄ jág₁ 'lia'₂, ia₁jaun₂ cuin₃ jmig₄ a₂bóg'₂ dso₄. 16 Jaun₂ ca₂chein₃ táng₃ i₂lin₅₄ dsa₂ quiáin₅ quian'₅₄ i₂lin₅₄ dsa₂ i₂quian'₅₄ Herodes, a₂ca₂i₁chi'₄ Jesús:

—Të₅, ne₄ bá₄ jnia'₅₄, a₂dsón'₂ bá₄ juá'₂ 'ne₂ lia'₂ tí₅ jág₁, qui₂jme₂tíng'₁ dsa₂ jui₅ dse₃ quió'₅ Diú₄, jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsi₅ 'e₂ a₂'ag₅ dsa₂, ia₁ tsá₃ gang'₃ jmag'₅₄ jui₁lia'₂ dsa₂ dsen₅₄ ně₃. 17 Jaun₂ 'niog₂ jnia'₅₄ jua'₅₄ 'ne₂ 'a₂ lia'₂ dsi₂jio₅ 'au'₂: ¿Dsióg₅ guë'₂ jua'₅₄ a₂caun₂ qui₅₄ 'lia'₅₄ a₂ca₂tín₂ dsi₂tan₅₄ César? ¿'Nió'₅ qui₅₄, o₃ tsá₃ qui₅₄ 'e₂?

18 La₁ ca₂rë₃lí'₄ bá₄ Jesús a₂dsi₂jio₅ dsi₅ dsa₂ 'éi₂ 'lig'₅₄, jaun₂ ca₂juá'₂:

—i'Nia'₂ dsa₂ i₂lë₁co₂jmo₅ o₁ne₁! ¿'E₂ lë₃ 'niog'₂ 'nia'₂ jo'₅₄ jniá₂ jui₁lia'₂ tsán'₂ dsa₂ jan₂ já'₂ quian'₅₄ liá₂? 19 'Ë₄ de'₂ 'nia'₂ caun₂ cu₄ 'ua'₂ jui₁lia'₂ a₂quí₅ dsa₂ 'lia'₅₄ a₂ca₂tín₂ dsi₂tan₅₄.

Jaun₂ ca₂o₃can₅ dsa₂ caun₂ cu₄ denario. 20 Jme₁ma₂në₂jág₃ Jesús, jaun₂ ca₂ñí'₃ dsa₂ 'éi₂:

—¿'Ein₂ dsi₂ne₄ chi₁ton₅ ja₁lá₃? ¿'Ein₂ guë'₂ quió'₅ letra ně₃?

21 Jaun₂ ca₂ŋag₃:

—Quió'₅ gui'₅₄ emperador César.

Jaun₂ ca₂juá'₂ táng₃ Jesús:

—Jang'₅₄ guë'₂ 'nia'₂ jaun₂ ne₄ César con'₂ a₂ca₂tín₂ César; ne₄ Diú₄ ně₃ jang'₅₄ 'nia'₂ con'₂ a₂ca₂tín₂ Diú₄.

22 Dsa₂ 'éi₂ ně₃, jme₁ca₂nág₂ jág₁ ně₅, ca₂i₃gó'₃ dsi₅. Ca₂tén₂ bá₄ ca₂juë'₂ Jesús, ca₂i₃lein₃ bá₄.

*Ca₂ŋag₃ dsa₂ saduceos jui₁lia'₂ a₂jen'₅₄ 'lag₄
 (Marcos 12:18-27; Lucas 20:27-40)*

23 Jmig₄ jaun₂ ca₂o₃lén₂ i₂lin₅₄ dsa₂ saduceos ca₂o₃jün₅₄ Jesús. Ia₁ tsá₃ 'én₂ dsa₂ 'éi₂ a₂jen'₅₄ táng₃ dsa₂ jë₁ma₂dsain₃. Jaun₂ jág₁ ně₅ ca₂ñí'₃ Jesús ca₂juá'₂:

24 —Të₅, le₂la₂ ca₂juá'₂ Moisés: ně₁jua'₂ ca₂jon₃ jan₂ dsa₂ ŋe'₂ tē₃ tsá₃ ca₂can₃ 'io₅₄ quiáin₅ guein₂, tion₅₄ 'nió'₅ jén'₂ gu₂ dsó₂ rñ'₅₄ dsa₂ ŋe'₂ i₂ca₂jon₃ quian'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂ 'lag₄ rñ'₅₄.

25 Dse₃ jaun₂. Jë₄ quián₂ jnia'₅₄ la₂, jme₁chan₂ guion₃ dsa₂ ŋe'₂ i₂lín₅ rñ'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄, tē₃ tsá₃ guein₂ ca₂can₃ 'io₅₄ quiáin₅. Jaun₂ ca₂të₁'ñiá₄ bá₄ 'io₅₄ 'nág₂ 'éi₂ o₄gú₃ dsó₂ rñ'₅₄ i₂jë₁ca₂të₂ on₃. 26 La₁ ján₃ bá₄ le₂jaun₂ ca₂i₃ñí₂, ca₂join₃ bá₄ ján₃. Jaun₂ ca₂guá₂ táng₃ 'io₅₄ 'éi₂ quian'₅₄

i₂jē₁ca₂tě₂ ún₂ dsó₂; ján₃ bá₄ le₂jaun₂ ca₂lě₃ quian'₅₄ 'éi₂. Jaun₂ le₂ně₅ bá₄ ca₂lě₃ quian'₅₄ ta₁guion₃ dsó₂ 'éi₂ con'₂ i₂jme₁lě₄ rín'₅₄, ca₂dsain₃ bá₄ tě₃ tsá₃ guein₂ ca₂can₃ 'io₅₄. ²⁷ Jaun₂ ca₂jon₃ bá₄ 'io₅₄ jme₁ca₂jon₃ ně₃.

²⁸ Jaun₂ ně₃, jmig₄ jē₁ma₂tě₂ rē₁jen'₅₄ 'lag₄, ě₁ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē'₂ dsa₂ ŋe'₂ ca₂guá₂ quian'₅₄.

²⁹ Jaun₂ ca₂ŋag₃ Jesús:

—Tsá₃ le₂jaun₂ lia'₂ ŋí'₂ 'au'₂ 'nia'₂, ia₁ tsá₃ cuin'₂ 'nia'₂ 'a₂ lia'₂ juá'₂ Si₂, on₃ guē'₂ cuin'₂ 'nia'₂ 'a₂ lia'₂ lě₅ jui₅bí₂ quió'₅ Diú₄ ně₃. ³⁰ Jē₁ma₂tě₂ jmig₄ a₂jen'₅₄ 'lag₄, on₃jua'₅₄ a₂le₃chain₂ jua'₅₄ a₂qui₃jéin'₂ guě₄ gu₂, on₃ guē'₂ ně₅ tóin'₃ guě₄ jua'₅₄ a₂qui₃cuin₃ chi'₂ quián₅ a₂jéin'₂ gu₂, ia₁ i₂lén₂ jui₁lia'₂ lín₅ ángeles i₂tion'₅₄ guei'₅₄ i₂juíg₃ bá₄ 'éi₂ jmig₄ jaun₂. ³¹ La₁ jui₁lia'₂ a₂jen'₅₄ táng₃ 'lag₄, ě₁tsa₁ ma₂'í'₂ 'nia'₂ ne₄ Si₂ jui₁lia'₂ a₂ca₂juá'₂ 'ŋiog₅ Diú₄ jme₁ca₂juá'₂: ³² “Jniá₂ bá₄ lín₅ Diú₄ quián₅ Abraham, quián₅ Isaac, quián₅ Jacob ně₃?”* A₂lín₅ Diú₄ quián₅ dsa₂ jén'₃ bá₄, on₃jua'₅₄ rē'₂ Diú₄ quián₅ 'lag₄.

³³ Jme₁ca₂nág₂ dsa₂ jág₁ ně₅, ca₂i₃gó'₃ dsí₅ 'a₂ lia'₂ jme₂tag₅ Jesús.

'Éi'₃ Juá'₅ a₂dsen₅₄ guě₄ quió'₅ Diú₄

(Marcos 12:28-34; Lucas 10:25-28)

³⁴ Jme₁ca₂rě₃ŋi₅ dsa₂ fariseos ca₂lí'₃ bá₄ táng₃ Jesús jág₁ a₂ca₂tsín₂ quian'₅₄ dsa₂ saduceos, jaun₂ ca₂ŋi'₂ ca₂jmo₃ jág₁. ³⁵ Jaun₂ jan₂ riin'₅₄ i₂lín₅ tě₅juá'₅, jme₁nio₃ jme₁jo₅₄ quian'₅₄ jág₁, jaun₂ ca₂ŋí'₃ Jesús:

³⁶ —Tě₅, ě₁e₂ 'Éi'₃ Juá'₅ a₂dsen₅₄ guě₄ con'₂ guě₄ ca₂le₃jě₃ Si₂ 'Éi'₃ quió'₅ Diú₄?

³⁷ Jaun₂ ca₂ŋag₃ Jesús:

—“Jme₁'nió₄ Te₁gui'₅₄ Diú₄ quiáng'₂, ca₂le₃jě₃ 'au'₂, ca₂le₃jě₃ jme₂dsí₂ quiáng'₂, ca₂le₃jě₃ 'a₂ lia'₂ ŋiog₅ ŋí'₂ dsei'₂.”† ³⁸ A₂ně₅ bá₄ 'Éi'₃ Juá'₅ a₂le₂'uig₅₄ a₂dsen₅₄ guě₄ con'₂ guě₄ ca₂le₃jě₃. ³⁹ Jē₁ca₂tě₂ tīn₃ 'Éi'₃ ně₃, mei'₂ tsá₃ co₂rě₂ quian'₅₄ a₂le₂'uig₅₄: “Jme₁'nió₄ dsa₂ mi₂güíg₃ ríng'₂ jui₁lia'₂ 'nióg'₃ 'ŋiag'₂.”‡ ⁴⁰ Tīn₃ 'éi'₃ ně₅ bá₄ lě₅ 'uig₅₄ cho'₅₄ ca₂le₃jě₃ 'Éi'₃ quió'₅ Moisés quian'₅₄ ca₂le₃jě₃ jág₁ a₂ca₂'ě₂ dsa₂ i₂chen₄ quián₅ Diú₄ ma₂líg'₂.

ě₁Ein₂ tsi₁jon₂ quián₅ lín₅ I₂rě₂'ín₁ quián₅ Diú₄?

(Marcos 12:35-37; Lucas 20:41-44)

⁴¹ Tě₃ tion'₅₄ dsa₂ fariseos le₁ŋi'₂, ⁴² jaun₂ ca₂ŋag₃ Jesús ca₂juá'₂:

—ě₁A₂ lia'₂ lín'₂ 'nia'₂? ě₁Ein₂ tsi₁jon₂ quián₅ lín₅ I₂rě₂'ín₁ quián₅ Diú₄?

—Tsi₁jon₂ David —ca₂ŋag₃ dsa₂ 'éi₂.

⁴³ Jaun₂ ca₂juá'₂ táng₃ Jesús:

—ě₁A₂ lia'₂ jaun₂? Ia₁ 'ŋiog₅ bá₄ guē'₂ David ca₂juá'₂ lia'₂ con'₂ jme₁ca₂'í₃ jme₂dsí₂ Jŋió₅ tě₂dsí₅, ca₂tě₃ “Te₁gui'₅₄.” ě₁A₂ lia'₂ lě₅ jaun₂? Ia₁ 'ŋiog₅ bá₄ guē'₂ David ca₂juá'₂:

⁴⁴ Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tě₂le₃ gu₃ ne₁,

ca₂lia'₂ ca₂tě₂ jmig₄

a₂tón'₁ jniá₂ dsa₂ i₂'iog₅₄ o₄tag'₄.”§

⁴⁵ ě₁A₂ bá₄ lia'₂ lě₅ a₂lín₅ tsi₁jon₂ David, ton'₂ 'ŋiog₅ bá₄ guē'₂ David ca₂tě₃ “Te₁gui'₅₄ quiáng₃?”

⁴⁶ Jaun₂ tě₂le₃ ne₄ jui₅ guě₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ŋag₃ guě₄ 'e₂ ŋag₃.

* 22:32 Éxodo 3:6. † 22:37 Deuteronomio 6:5. ‡ 22:39 Levítico 19:18. § 22:44 Salmo 110:1.

23

*Chóg'₅ Jesús dso₄ juá'₂ 'a₂ lia'₂ niog₅ lín₅ dsa₂ fariseos quian'₅₄ tē₅ juá'₅ ně₃
(Marcos 12:38-40; Lucas 11:37-54; 20:45-47)*

1 Jaun₂ ně₃ ca₂ton₃ Jesús jág₁ ca₂tsí'₃ dsa₂ juin₅ i₂quian'₅₄, ca₂tsí'₃ chi'₂ dsi₂guia₃-tín₂ quiáin₅ ně₃, ca₂juá'₂:

2 —Dsa₂ fariseos quian'₅₄ tē₅ juá'₅ ně₃, tiáin'₅ ta₁ a₂jme₁lín₄ Moisés. 3 Jaun₂ lē₃ ca₂tín'₂ 'nia'₂ nág'₁ gau₂ jág₁ quió'₅, jme₁ti'₄ 'nia'₂ 'e₂ a₂te₂néi'₂. La₁ tsá₃ can₂ 'nia'₂ jui₅ jua'₅₄ a₂jmó'₂ jui₁lia'₂ a₂jmo₂₃ guioin'₅₄, ia₁ jui₁lia'₂ jme₂tag₂₃, tsá₃ jme₂ti₃ guioin'₅₄; tē₂le₃ siá'₂ bá₄ jmo₂₃ dsó₅. 4 Qui₂'nei₂ lio₅₄ guei₂ 'nio₅ lín₃ qui₂dsi₂₃ mi₂ca'₄ dsa₂, la₁ guioin'₅₄ ně₃ ca₂lia'₂ jñia'₅₄ caun₂ chi₁gú₃ bá₄ tsá₃ 'nio₃ tí₂ jua'₅₄ a₂jme₃'o₅₄ cán₂. 5 Ca₂le₃jē₃ 'e₂ a₂jmo₂₃, jmo₂₃ a₂jñia'₅₄ con'₂ 'nio₃ jág₂ dsa₂ bá₄. Ia₁ tñ₂ dsí₅ i₃quian'₅₄ le₁ton₅ jma₃ca₂tsín'₅ tsi₁'mi'₂ 'í₂ le₂con₂ chi₁qui₃ quian'₅₄ mi₂cu₅ ně₃ qui₂le₁ton₅ 'éi'₃ quió'₅ Diú₄;* a₂ta₁ dsí₅ i₂nioi₅₄ le₁qui'₂ tsi₁'mi'₂ chen'₅₄ jang₄ qui₂le₁'ág₄ a₂lē₅ lí₁ ca'₅₄ a₃tag₄. 6 'Nio₅ tē₅ dsí₅ qui₂dsi₂toin'₅₄ jmá'₃ lia'₂ ja₁jlá'₁ bá₄ ja₁qui₂dsi₂guē'₃, qui₂dsi₂tiaín'₂ ja₁dsen'₅₄ guē₄ jui₁lia'₂ dsi₂néi₂ guá'₅ sinagoga ně₃. 7 Ton'₂ 'nio₅ tē₅ dsí₅ qui₃cuag₃ dsa₂ Diú₄ jē₄ 'ma'₅₄, qui₃tē₂ dsa₂ “tē₅”† ně₃.

8 'La₁ 'nia'₂ ně₃, tsá₃ ca₂tíng'₂ jua'₅₄ tē₂ dsa₂ “tē₅”, ia₁ ca₂le₃jín'₃ bá₄ 'nia'₂ lē₅ ríng'₂; ia₁ jan₂ bá₄ Tē₅ quián'₂ 'nia'₂ chan₂. 9 Tsá₃ tē'₅₄ 'nia'₂ “tia₅₄” 'i₁jan₂ dsa₂ mi₂güig₃, ia₁ jan₂ bá₄ Néi'₅ 'nia'₂ i₂chan₂, i₂guá₅ guei'₅₄ i₂juig₃. 10 Tsá₃ cuē'₁ 'nia'₂ jmig₄ a₂tē₂ dsa₂ 'nia'₂ guiong'₅₄ a₂líng'₅ juig₅₄ dsa₂, ia₁ jan₂ I₂rē'ín₁ quián₅ Diú₄ bá₄ i₂lín₅ juig'₂ 'nia'₂. 11 Jui₁lia'₂ i₂jme₃ti₃ ta₁ ne₄ rin'₅₄, i₂'éi₂ bá₄ i₂juin'₂ guē₄. 12 Ia₁ jui₁lia'₂ i₂jme₂can'₅₄ guion'₅₄ jin₄ rin'₅₄, tē₂le₃ sióin₂, lé₂ mei'₂; la₁ jui₁lia'₂ i₂jmo₅ me'₂ jin₄ rin'₅₄, i₂'éi₂ bá₄ lén₂ i₂juin'₂ guē₄ con'₂ guē₄ ca₂le₃jín'₃.

13 'i'₂E₂ guē₄ juig'₂ 'nia'₂ tē₅ juá'₅, 'nia'₂ dsa₂ fariseos ně₃, i₂lē₁jmo₅-dsá₅ o₁ne₁! Ia₁ jnág'₂ 'nia'₂ o₄né₄ guei'₅₄ i₂juig₃ ja₁gon₂ Diú₄, tsá₃ cuē'₂ 'nia'₂ jmig₄ tón'₃ i₂sián'₂. Ia₁ on₃ guē'₂ tón'₂ 'nia'₂ guiong'₅₄, on₃ guē'₂ cuē'₂ 'nia'₂ jui₅ tón'₃ jui₁lia'₂ i₂'nio₃ tón'₃.‡

15 'i'₂E₂ guē₄ juig'₂ 'nia'₂ tē₅ juá'₅, 'nia'₂ dsa₂ fariseos ně₃, i₂lē₁jmo₅-dsá₅ o₁ne₁! Ia₁ qui₂i₂nio'₄ 'nia'₂ ca₂le₂con₂ mi₂güig₃ qui₁'ang'₄ jm₁ñí'₄, a₂qui₂jme₂tíng'₁ dsa₂ lia'₂ lē₅ 'én'₂ 'nia'₂ guiong'₅₄. Jē₁ma₂ca₂jon'₃ 'nia'₂ dsa₂ a₂dsi₂lín₂ jui₅ quiáng'₂, qui₂jme₂tín'₁ 'nia'₂ a₂jñia'₅₄ con'₂ a₂jme₃'lín'₅₄ guē₄ lia'₂ con'₂ guē₄ guion'₅₄ 'nia'₂.

16 'i'₂E₂ guē₄ juig'₂ 'nia'₂, dsa₂ ten₄ i₂quian₅ ne₄ jui₅! Ia₁ juá'₂ 'nia'₂ jme₂tíng'₁ dsa₂: “Nē₁jua'₂ 'ein₂ ca₂cuē₃ jág₁ quió'₅ 'ē₂₃ guá'₅, tsá₃ 'e₂ quen₅ jág₁ jaun₂; la₁ nē₁jua'₂ ca₂'ē₃ cu₄nióg₄ a₂te'₁ guá'₅, a₂jaun₂ guē₄ dsón'₂ quen₅ jág₁ quió'₅”, tion₅₄ 'nió'₅ jme₃ti₃ jág₁ a₂nē₂cuē₃. 17 'i'₂Nia'₂ dsa₂ ten₄, dsa₂ co₄! ¿'E₂ a₂quen₅ guē₄ 'nio₅ lín₃? ¿Cu₄nióg₄, o₃ guá'₅ ja₁rē₂jñió₃ cu₄nióg₄ jaun₂ 'e₂? 18 Juá'₂ 'nia'₂ ján₃: “Nē₁jua'₂ 'ein₂ cuē₅ jág₁ quió'₅ a₂'ē₂₃ ne₄chei₂, ján₃ bá₄ tsá₃ 'e₂ quen₅ jág₁ jaun₂; la₁ nē₁jua'₂ ca₂'iin₃ já'₂ i₂rē₂jen'₅₄ ne₄ ne₄chei₂, jaun₂ guē₄ dsón'₂ tion₅₄ 'nió'₅ jme₃ti₃ jág₁ quió'₅.” 19 'i'₂Nia'₂ dsa₂ ten₄! ¿'E₂ jaun₂ a₂lē₅ a₂dsen'₅₄ guē₄? ¿Já'₂ i₂rē₂jen'₅₄ ne₄ Diú₄, o₃ ne₄chei₂ a₂rē₂jñió₃ já'₂ 'éi₂ 'e₂? 20 Jaun₂ lē₃, jui₁lia'₂ jme₁cuē₅ dsa₂ jág₁ quió'₅ a₂'ē₂₃ ne₄chei₂, on₃jua'₅₄ jmá'₃ ne₄chei₂ 'ē₂₃; a₂'ē₂₃ ca₂le₃jē₃ 'e₂ a₂te'₁ i₁ ne₄chei₂ bá₄ jaun₂. 21 Le₂ně₅ bá₄ ján₃, jui₁lia'₂ i₂'ē₅ guá'₅, on₃jua'₅₄ jmá'₃ ca₂ne₅₄ guá'₅ 'ē₂₃, a₂'iin₂₃ le₂jio₅ Diú₄ i₂guá₅ dsi₂néi₂ jaun₂ bá₄. 22 Ján₃ bá₄ le₂ně₅ jui₁lia'₂

* 23:5 'Nio'₂ ja₁ton₅ Deuteronomio 6:4-9. † 23:7 o₃, Rabbí. ‡ 23:13 A₂lín₅₄ chog₅₄ si₂ chi₁ton₅ versículo 14 ján₃, a₂juá'₂ le₂la₂: “'i'₂E₂ guē₄ juig'₂ 'nia'₂ tē₅ juá'₅, 'nia'₂ dsa₂ fariseos ně₃, i₂lē₁jmo₅-dsá₅ o₁ne₁! Ia₁ ja₂nó'₅ 'nia'₂ qui₂jñiá'₂ 'ne₄ 'io₅₄ 'nág₂, jaun₂ jmo'₂ 'nia'₂ chi₂leng'₅₄ Diú₄ uē₂ lín₃, ia₁ jaun₂ tsá₃ 'ein₂ le₃l'₄. 'Uig₅₄ jaun₂ ja₂lín₃ guē₄ 'nio₅ uig₅ guéi'₁ 'nia'₂.

i₂'ë₅ guei'₅₄ i₂juíg₃, a₂ma₂në₂'ë₃ le₂jiog₅ ne₄ta₁ quió'₅ Diú₄, ton'₂ a₂ma₂në₂'iin₃ le₂jiog₅ 'ñiog₅ Diú₄ i₂guá₅ ne₄ta₁ jaun₂ bá₄ ján₃.

23 'i'E₂ gué₄ juíg'₂ 'nia'₂ tē₃juá'₅, 'nia'₂ dsa₂ fariseos ně₃, i₂lë₁jmo₅-dsáu₅ o₁ne₁! Ia₁ qui₂jáng'₂ 'nia'₂ caun₂ qui'₅₄ a₂guia₃ quió'₅ mi₁'au₂ mi₂juig₂, jui₁lia'₂ menta, anís, quian'₅₄ qui₂má₃ ně₃. La₁ tsá₃ tón'₂ guë'₂ 'nia'₂ jui₅ 'Éi'₃ Juá'₅ a₂dsen₅₄ gué₄ quió'₅ Diú₄ ron₅, jui₁lia'₂ ja₁juá'₂ a₂'nió'₅ jmo₃ dsa₂ a₂dse₃, a₂dsia₃ dsa₂ ñé₂ dsí₅ dsa₂ mi₂güig₃ riin'₅₄, a₂jmo₃ dsa₂ tí₅ jág₁ quió'₅ quian'₅₄ riin'₅₄. A₂në₅ bá₄ a₂dsen₅₄ gué₄ a₂ca₂tín'₂ 'nia'₂ jmó'₂, la₁ on₃juá'₅₄ a₂tsá₃ ma₃jme₁ti'₄ 'nia'₂ 'Éi'₃. 24 'i'Nia'₂ dsa₂ ten₄ i₂quian₅ ne₄ jui₅! Qui₁ñi'₄ 'nia'₂ quió'₅ i₁lu₂ pí'₁, la₁ ní'₅ bá₄ guë'₂ 'nia'₂ guiong'₅₄ jui₁lia'₂ já'₂ camello.

25 'i'E₂ gué₄ juíg'₂ 'nia'₂ tē₃juá'₅, 'nia'₂ dsa₂ fariseos ně₃, i₂lë₁jmo₅-dsáu₅ o₁ne₁! Ia₁ lín'₅ 'nia'₂ jui₁lia'₂ lë₅ ni₁vaso, ni₁uñg₅ ně₃, qui₁rñn'₄ 'nia'₂ jmá'₃ lia'₂ le₃co'₅₄. La₁ tē₂le₃ jui₅ tē₂'au'₂ 'nia'₂, qui₂rē₂can'₂ ca₂le₃jě₃ ne₅₄ a₂'lig'₅₄ a₂qui₂dsi₂ñia₅ 'au'₂ 'nia'₂, 'niog'₂ 'nia'₂ jua'₅₄ jmá'₃ lia'₂ guiong'₅₄ bá₄ qui₂le₃cha₂ quiáng'₂; qui₂ja₂nó'₅ 'nia'₂ 'ang'₂ quió'₅ dsa₂. 26 'i'Nia'₂ dsa₂ fariseos ten₄! Rang₂ 'nia'₂ de'₂ jñiá'₅ le₃'ñió'₂ ni₁vaso quian'₅₄ ni₁uñg₅, jaun₂ gué₄ lé₂ le₁jě₃ le₂tan₅₄ le₃co'₅₄ ně₃.

27 'i'E₂ gué₄ juíg'₂ 'nia'₂ tē₃juá'₅, 'nia'₂ dsa₂ fariseos ně₃, i₂lë₁jmo₅-dsáu₅ o₁ne₁! Ia₁ lín'₅ 'nia'₂ jui₁lia'₂ lë₅ tau₂ 'ñio₅ a₂jñia'₅₄ con'₂ jniá'₂ tiog₂, jniá'₂ jlá'₁ jmá'₃ lia'₂ le₃co'₅₄ bá₄, la₁ le₃'ñió'₂ qui₂rē₂can'₂ ni₁mu₅, chí'₅ ma₂'lig'₅₄. 28 Le₂në₅ bá₄ lín'₅ 'nia'₂; 'e₂ gué₄ dsen'₃ 'nia'₂ jniág'₂ jmá'₃ lia'₂ le₃co'₅₄ tē₃jě₄ jág₅ dsa₂, la₁ tē₂'au'₂ guë'₂ 'nia'₂ qui₂rē₂can'₂ ca₂le₃jě₃ ne₅₄ a₂'lig'₅₄, a₂jmo₂ dsáu'₂ 'nia'₂ o₁ne₁ 'e₂ a₂jmo₂.

29 'i'E₂ gué₄ juíg'₂ 'nia'₂ tē₃juá'₅, 'nia'₂ dsa₂ fariseos ně₃, i₂lë₁jmo₅-dsáu₅ o₁ne₁! Ia₁ qui₂jmóg'₂ 'nia'₂ tau₂ 'ñio₅ quió'₅ dsa₂ i₂ca₂'ě₂ jág₁ quián₅ Diú₄ ma₂líg'₂, qui₂jmóg'₂ 'nia'₂ jlá'₁ qui₂rē₂lag₄ jui₁lia'₂ ja₁le₁'on₅ dsa₂ dsen₃ i₂ma₂dsan₃. 30 Jaun₂ jag'₅₄ 'nia'₂: “Jua'₅₄ mei'₂ bá₄ ca₂rē₃chóng₃ jniog₄ jmi₄ jaun₂ lia'₂ con'₂ jme₁chan₂ dsa₂ can'₅₄ quián₂ ma₂líg'₂, tsá₃ jme₁jme₁quian'₅₄ jniog₄ lia'₂ con'₂ jme₁ca₂jmo₃ a₂ca₂i₃'o₅₄ jmi₂ 'an₅₄ dsa₂ i₂chen₄ 'éi₂ quián₅ Diú₄.” 31 Jaun₂ le₂në₅, quian'₅₄ jág₁ quián'₂ 'nia'₂ guiong'₅₄, jáng'₂ 'nia'₂ jág₁ dsau₅ a₂lín'₅ tsí₁jon₂ dsa₂ i₂ca₂jme₃dsian₅ dsa₂ i₂ma₂chen₃ Diú₄. 32 Jaun₂ ně₃, jme₁'ñia₅ 'nia'₂ dso₄ a₂ca₂jme₃lióg₃ dsa₂ can'₅₄ quián'₂ 'nia'₂.

33 'j'já'₂ 'lín'₅₄! 'i'Tsi₁jon₂ dsí₂mi'₂! 'i'A₂ bá₄ lia'₂ le₃lon'₅₄ 'nia'₂ 'éi'₃ uig₅ a₂já₅ ja₁con'₂ 'nia'₂ a₂dsi₁no₃g'₃ guio₃-juíg₃? 34 'Uig₅₄ jaun₂, tsin₅₄ jniá'₂ ja₁con'₂ 'nia'₂ dsa₂ i₂'ě₂ jág₁ o₄quió'₃, dsa₂ i₂ñí'₂ niog₅ dsi₄, i₂lín₅ tē₅ ně₃. I₂lín₅₄ 'éi₂ jme₁dsian'₂ bá₄ 'nia'₂, i₂lín₅₄ guë'₂ qui₁tóin'₄ 'nia'₂ cróg₄. I₂sián'₂ guë'₂ ně₃ qui₁cuë'₅₄ 'nia'₂ dsi₂néi₂ guá'₅ sinagogas quiáng'₂, qui₂co₁'éin'₄ 'nia'₂ ně₃ le₂'í₁ juig₂. 35 Jaun₂ lë₃, 'nia'₂ bá₄ le₁cáng'₄ jmi₄ ca₂le₃jín₃ dsa₂ dsen₃ i₂qui₂ma₂dsan₃ mi₂güig₃, ca₂tē₂ jmi₄ Abel i₂jme₁lín₄ dsa₂ dsen₃, ca₂tē₂ jmi₄ Zacarías ja₁ñi'₅₄ Berequíás, i₂ca₂jñí'₃ 'nia'₂ i₁dsi₅ guá'₅ jě₄ ja₁lě₄ ja₁jñió₅ quian'₅₄ ja₁chí'₄ ne₄chei₂. 36 A₂dsi₂jó'₃ juíg₂ jniá'₂ 'nia'₂, dsa₂ chan₂ jmi₄ ně₃ bá₄ rē₂cán'₄ ca₂le₃jě₃ dso₄ jaun₂.

*'O₅ Jesús o₄quió'₄ juig₂ Jerusalén
(Lucas 13:34-35)*

37 'i'Nia'₂ dsa₂ juig₂ Jerusalén! 'i'Nia'₂ dsa₂ juig₂ Jerusalén, 'nia'₂ i₂jme₂dsiáng'₁ dsa₂ i₂'ě₂ jág₁ quián₅ Diú₄, 'nia'₂ i₂qui₂jñag'₅₄ cang₄ dsa₂ i₂chen₅ Diú₄ jñn'₄ 'nia'₂! 'i'Lióng₂ ráun₂ jme₁'ín₅ dsí₃ jme₁chi₁liang'₂ guein₂ dsa₂ juig₂ quiáng'₂, jui₁lia'₂ jmo₅ i₁tsín'₃ a₂chi₂lain'₂ guein₂ quián₅ to'₂ né'₃ tsí₁rē₂cu₅, la₁ guion'₅₄ 'nia'₂ tsá₃ ca₂gue'₅₄! 38 Jag₄ jaun₂, dsi₂néi₂ quiáng'₂ ně₃ tē₃'ñiá₄, tē₃tsi'₅₄ tei₄, tsá₃ 'ein₂ chan₂

lé₂. ³⁹ Ia₁ juá'₅ jniá'₂, tsá₃ ma₃la₂ jag'₅₄ 'nia'₂ jniá'₂, ca₂lia'₂ ca₂tě₂ jmig₄ jē₁ma₂tě₂ rē₁jua'₅₄ 'nia'₂: “Ju₁le₂jñi₃ó₃ bá₄ i₂ně₅ i₂jón'₅ o₄quió'₄ Te₁gui'₅₄.”Š

24

Ca₂'ě₂ Jesús jág₁ a₂dsi₃'én₂ bá₄ guá'₅ templo
(*Marcos 13:1-2; Lucas 21:5-6*)

¹ Jaun₂ ca₂o₃ín₃ Jesús i₁dsi₅ guá'₅ templo ja₁jme₁'ein₅₄. Jme₁ma₂'ein₅₄ jui₅ñái'₅, ca₂jme₃quián₃ chi'₂ dsi₂guia₃-tín₂ quiáin₅ tě₂, ca₂juá'₂:

—Jag₄ 'a₂ lia'₂ lě₅ guá'₅.

² La₁ jaun₂ ca₂ñag₃ Jesús:

—¿Jág'₂ 'nia'₂ ca₂le₃jě₃ a₂ně₅? A₂dsi₂jó'₃ juíg₂ jniá'₂ 'nia'₂, já₅ jmig₄ lia'₂ 'i₁ca₂míg₂ ni₁cang₁ tsá₃ ma₃'e₂ jua'₅₄ a₂le₁juí₄ guě₄ lé₂ quian'₅₄ rin'₅₄. Ca₂le₃jě₃ bá₄ 'én₂.

Léi₄ a₂lé₂ jmig₄ jē₁ca₂tó'₂
(*Marcos 13:3-23; Lucas 21:7-24; 17:22-24*)

³ Jme₁ca₂dsi₃óg₃ Jesús Má'₂ Olivos; ja₁jaun₂ ca₂guá'₂. Jaun₂ ca₂i₁len₅₄ chi'₂ dsi₂guia₃-tín₂ con'₂ jē₄ jmá'₃ guioin₅₄, ca₂níi'₃ Jesús:

—'Niog₂ jnia'₅₄ le₃ne₄ líg'₂ lé₂ a₂juá'₂ 'ne₂ ně₅. ¿'E₂ léi₄ lé₂ jē₁ma₂tě₂ rē₁ñeg'₅₄ táng₃? ¿'E₂ bá₄ léi₄ lé₂ jē₁ma₂tě₂ rē₁tě₅₄ jmig₄ jaun₂?

⁴ Jaun₂ ca₂ñag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅. ⁵ Ia₁ ju₁n₅ i₂tě₁i₃nio₄ a₂juá'₂ i₂nio₅₄ o₄quió₃ jniá'₂, juá'₂: “Jniá'₂ bá₄ líng₅ I₂rě₂'ín₁ quián₅ Diú₄”; jaun₂ ju₁n₅ dsa₂ i₂qui₂jme₃gain₂₃. ⁶ Jē₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó'₂ 'nia'₂ gang'₃, ia₁ le₂jaun₂ dsón'₂ lé₂ bá₄. La₁ 'nió'₅ bá₄ guě₄ a₂ñí₂ jein₂ jaun₂. ⁷ Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juig₂ nación; dsi₂tan₅₄ guě'₂ ně₃ qui₃tóin'₃ mi'₅₄ quín'₂ quian'₅₄ dsi₂tan₅₄ riin'₅₄ i₂chan₂ juig₂ síá'₂. Jaun₂ guě₄ ně₃ 'lióng₂ ja₁qui₂i₂nio₄ dsa₂ 'oin₅₄ lé₂, ton'₂ 'lióng₂ ja₁qui₂dsi₃bi₅₄ 'uě₃ ně₃. ⁸ Ca₂le₃jě₃ a₂ně₅ lé₂ a₂le₂'uig₅₄ jmi₁uig₅ ju₁lia'₂ jan₂ 'io₅₄ i₂rě₂chan₂ guein₂ quián₅.

⁹ 'Jaun₂ guě₄ ně₃, qui₃jín'₂ dsa₂ 'nia'₂ ne₄ dsi₂tan₅₄ ia₁jaun₂ cuě₃ dsa₂ uig₅, jaun₂ guě₄ jme₃dsian₅ dsa₂ 'nia'₂. Le₂con₂ mi₂güig₃ bá₄ jme₃'ñia₅₄ dsa₂ 'nia'₂ 'uig₅₄ quió₃ jniá'₂. ¹⁰ Jmig₄ jaun₂, ju₁n₅ dsa₂ i₂tí₂ jui₅ quió'₅ Diú₄ a₂jme₁'ein₂, qui₂jme₃'ñia₅₄ bá₄ riin'₅₄, qui₃jáng'₂ ně₃. ¹¹ Ju₁n₅ dsa₂ le₃chan₂ i₂'ě₂ jág₁ i₂ju₁gan₂, jaun₂ ju₁n₅ dsa₂ i₂jme₃gain₂₃. ¹² 'Uig₅₄ ia₁ a₂ñí₄ lě₃ ju₁si ñag₅₄ le₃'lín'₅₄ dsa₂, co₂dsia₅ le₃güig'₂ bá₄ 'a₂ lia'₂ jme₁'nio₃ dsa₂ riin'₅₄ le₂jain₂ le₂jain₂. ¹³ La₁ ju₁lia'₂ i₂náu₃ tiá₂ tě₂ jē₁ca₂tó'₂, 'éi₂ bá₄ líón₂. ¹⁴ Jág₁ dse₃ la₂ ju₁lia'₂ 'a₂ lia'₂ lě₅ ja₁gon₂ Diú₄ qui₂dsi₃'ag₅ ta₁caun₂ mi₂güig₃, ia₁jaun₂ le₃ñi₅ ca₂le₃jě₃ juig₂ te₁'i₁ gua'₅₄ 'uě₃ jág₁ dse₃ jaun₂; jaun₂ guě₄ ně₃ tě₅₄ jmig₄ jē₁ca₂tó'₂.

¹⁵ 'Jaun₂ ně₃, já₅ jmig₄ a₂tě₅₄ ne'₅₄ 'nia'₂ a₂náu₃ jan₂ dsa₂ i₂'lín'₅₄ guě₄ lín₃, a₂jme₃'ióg₃ ja₁jñi₃ó₅, a₂le₃ti₃ jág₁ a₂ca₂'ě₂ Daniel i₂jme₁'ě₂ jág₁ quián₅ Diú₄,* (jaun₂ ju₁le₂ñí'₂ bá₄ i₂'i₅ si₂ la₂), ¹⁶ jaun₂ ně₃, dsa₂ i₂tián'₅ le₂tan₅₄ 'uě₃ Judea, ju₁cuíng₁₂ ju₁ má'₂. ¹⁷ Ju₁lia'₂ i₂'en₅₄ guei'₅₄ 'ne₄, tsá₃ ma₃ju₁sióin₄ jua'₅₄ a₂'uě'₃ 'e₂ 'uě'₃ dsi₂néi₂ quió'₅; ¹⁸ ju₁lia'₂ i₂'en₅₄ ja₁nau₂ quió'₅ táng₃, tsá₃ ma₃ju₁jñioi'₅₄ jua'₅₄ a₂ja₃quián₂ tsi₁'mi'₂ dsiog₂ quió'₅. ¹⁹ Ju₁g₂ bá₄ ju₁lia'₂ dsa₂ mí₂ i₂le₁quian₅ guein₂, ju₁lia'₂ i₂le₁jñia₅ guein₂ i₂'ín'₂ dsi'₅₄ ně₃, jmig₄ jaun₂! ²⁰ Mi₄ 'nia'₂ ne₄ Diú₄ ia₁jaun₂ tsá₃ o₁le₅₄ jua'₅₄ a₂cuíng'₂ 'nia'₂ jein₂ güig₂, on₃ guě'₂ jmig₄ sa₅₄ ně₃. ²¹ Ia₁ juá'₅ jniá'₂, caun₂ o₂i₁ dsi₅ lín₃ a₂le₃chan₂ dsa₂ jmig₄ jaun₂, caun₂ jmi₁uig₅ a₂tsá₃ ma₂ca₂rě₃chá₃ ca₂le₃ ca₂nio₃ mi₂güig₃, on₃ guě'₂ ma₃niog₅ jmig₄ jua'₅₄ a₂le₃cha₂

Š 23:39 Salmo 118:26. * 24:15 'Í₂ Daniel 9:27; 11:31; 12:11.

guě₄ cang₂. ²² Jua'₅₄ mei'₂ guě₃ Diú₄ tsá₃ ma₂ca₂jme₃tě₃ jmig₄ jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ guě₃ tsá₃ le₂jaun₂. La₁ o₄quió'₄ i₂rě₂quion'₅₄ quián₅, jme₃tě₃ bá₄ jmig₄ jaun₂.

²³ 'Ně₁jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “¡Jag₄ 'nia'₂! ¡La₂ bá₄ chén'₅ I₂rě₂'ín₁ quián₅ Diú₄!” o₃ ně₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en'₅₄ 'nia'₂ jág₁ jaun₂. ²⁴ Ia₁ juin₅ dsa₂ i₂juigan₂ ja₃lén₂ a₂juá'₂ a₂lín₅ I₂rě₂'ín₁ quián₅ Diú₄, a₂juá'₂ ně₃ a₂lín₅ dsa₂ i₂'ě₂ jág₁ quián₅ Diú₄; 'lióng₂ léi₄ juě'₂ a₂o₂dsain₂ jmo₃ a₂jme₃gain₂₃ dsa₂. Jua'₅₄ mei'₂ guě₃ lé₂, ca₂tě₂ dsa₂ i₂quion'₅₄ quián₅ Diú₄ jme₃gain₂₃. ²⁵ Jaun₂ ně₅ ma₂ně₂juíg₂ jniá₂ 'nia'₂ tě₃jniá₅. ²⁶ Jaun₂ ně₃, ně₁jua'₂ 'ein₂ ca₂tsí'₃ 'nia'₂: “Ní₂ 'nia'₂, jó₄ 'ein₅₄ ja₁lě₄ 'uě₃ quein₂ co₂'ņiog₅”, tsá₃ lě₁o₂nó'₅ 'nia'₂ ja₁jaun₂; o₃ ně₁jua'₂ 'ein₂ ca₂juá'₂: “Ní₂ 'nia'₂, ja₁lá₃ rě₂'mai₅₄ dsi₂néi₂”, tsá₃ juile₂'én'₂ 'nia'₂. ²⁷ Ia₁ juilia'₂ jme₁lě₂ si₁ņí'₃ ca₂taun₂ ca₂taun₂, le₂jaun₂ bá₄ lé₂ jě₁ma₂tě₂ rě₁guan'₂ Jaun₅ dsa₂ mi₂güig₃. ²⁸ Ia₁ juilia'₂ ja₁ron₅ 'lag₄, ja₁jaun₂ bá₄ ŋi'₂ i₁tú₃ tsin'₅₄.

A₂ lia'₂ guan'₂ Jaun₅ dsa₂ mi₂güig₃

(Marcos 13:24-37; Lucas 21:25-33; 17:26-30, 34—36)

²⁹ 'Dsi₂jui₅ jě₁ma₂ca₂ņag₅ jmig₄ o₂i₁ dsi₅ jaun₂,
'iog₂ ně₃ co₂dsia₅ le₃lia'₂,
tsi'₂ ně₃ tsá₃ ma₃tág₅ jnia₅₄;
nei₅ guě'₂ ně₃ qui₂tsi₃séi'₂,
ca₂le₃jě₃ guě'₄ 'e₂ bí₂ cha₂ guei'₅₄ mi₂güig₃
qui₃guan'₃.†

³⁰ 'Tě₃jě₄ jaun₂ guě'₄ ně₃, le₃jniá₂ guei'₅₄ dsi₂güig₂ léi₄ quió'₅ Jaun₅ dsa₂ mi₂güig₃, ca₂le₃jě₃ juig₂ te₁'i₁ le₂con₂ mi₂güig₃ tóin'₃ qui₃'-o₃. Jín₂ Jaun₅ dsa₂ mi₂güig₃, guain'₂ guei'₅₄ jě₄ jnei₅ quian'₅₄ ca₂le₃jě₃ juibí₂ a₂'io₂₃ jláin'₁. ³¹ Jaun₂ qui₃chein₃ ángeles quián₅ jěi₂ ŋi₂ trompeta tiá₂ lin₃ a₂tě₂ dsa₂ i₂quion'₅₄ quián₅ i₂chan₂ ca₂le₃jě₃ juig₂ te₁'i₁ ta₁caun₂ mi₂güig₃.

³² 'Jme₁tin₅ 'nia'₂, juile₂ņí'₂ 'au'₂ jág₁ a₂jáng₅ léi₄ juilia'₂ ni₁'ma₂ a₂'ag₅ míg₂ higos: jme₁chéi'₂ gu'₂ nei'₅₄, a₂ja₂'ņiog₃ mog₅₄, ŋi'₅₄ 'nia'₂ a₂ma₂ja₂quián₃ jein₂ 'iog₂ bá₄ jaun₂. ³³ Le₂ně₅ bá₄ 'nia'₂ jaun₂ ně₃, jě₁ma₂tě₅ ne'₅₄ a₂lě₂ ca₂le₃jě₃ a₂ně₅, juile₂ņi'₅₄ bá₄ 'nia'₂ a₂ma₂ja₂quián₃, ně₂jag₄ bá₄ i₂ma₂chén'₅ o₄'né₄ bá₄ 'éi₂. ³⁴ A₂dsi₂jó'₃ juá'₅ jniá₂ juig₂ 'nia'₂, tsá₃ dsi₃ņí₂ tsi₁jon₂ la₂,† ca₂lia'₂ ca₂lě₃ ca₂le₃jě₃ a₂ně₅. ³⁵ Já₅ jmig₄, guei'₅₄ dsi₂güig₂ quian'₅₄ mi₂güig₃ la₂ ŋag₅, la₁ jág₁ quió₃ o₁líg'₂ tsá₃ ŋag₅ jua'₅₄ a₂tsá₃ le₃ti₃.

³⁶ 'La₁ 'i₁jan₂ tsá₃ 'ein₂ņi₅ 'e₂ 'i₁ó'₄, 'e₂ hora lé₂ a₂jaun₂, on₃ guě'₂ ángeles i₂tion'₅₄ guei'₅₄ i₂juig₃, on₃ guě'₂ 'ņiog₅ Ja₁ņi'₅₄ Diú₄. § Jnia'₅₄ lia'₂ 'ņiog₅ bá₄ Diú₄ Jmei₂ņi₅.

³⁷ 'Ia₁ juilia'₂ ca₂lě₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ ján₃ jě₁ma₂tě₂ rě₁guan'₂ Jaun₅ dsa₂ mi₂güig₃. ³⁸ Ia₁ jmig₄ jaun₂, né'₃ a₂can'₂ mi₂güig₃ quian'₅₄ jmig₂, jme₁chan₂ dsa₂ qui₂guě'₅, qui₂'ín'₂, qui₂jéin'₂ gu₂, qui₂cui_{in}₂₃ ja₁míg₄ jme₁jéin'₂ gu₂ ně₃, ca₂lia'₂ ca₂tě₂ jmig₄ jme₁ca₂'í₃ Noé 'ņió'₃ ni₁barco; ³⁹ la₁ con'₂ tsá₃ 'ein₂ rě₁ján₁ jme₁ca₂dság'₃ jmig₂ ca₂jio₃ quió'₅ ca₂le₃jín₃. Le₂jaun₂ bá₄ lé₂ táng₃ jě₁ma₂tě₂ rě₁guan'₂ Jaun₅ dsa₂ mi₂güig₃. ⁴⁰ Jmig₄ jaun₂, on₃ dsa₂ ŋe'₂ tion'₅₄ ja₁nau₂; jan₂ i₂dsán'₃, jan₂ guě'₂ i₂tě₃ 'ņiá₄. ⁴¹ On₃ guě'₂ dsa₂ mí₂ tioen'₅₄ éi'₅ ne₄ ni₁to₂; jan₂ i₂dsán'₃, jan₂ guě'₂ i₂tě₃ 'ņiá₄.

† 24:29 Isaiás 13:10; 34:4. ‡ 24:34 o₃, “né'₃ a₂dsián₃, dsa₂ i₂lín₅, raza la₂.” § 24:36 A₂lin₅₄ chog₅₄ si₂ tsá₃ chi₁ton₅ “on₃, guě'₂ 'ņiog₅ Ja₁ņi'₅₄ Diú₄.”

42 'Jme₁jnio₂ 'nia'₂ ne'₅₄ jaun₂, ia₁ tsá₃ ŋi'₅₄ 'nia'₂ 'e₂ hora jnió'₂ juig'₂. 43 La₁ ju₁le₂ŋi'₂ 'au'₂ 'nia'₂ a₂la₂: jua'₅₄ mei'₂ guě₃ ŋi₅ dsa₂ juig'₅₄ caun₂ dsi₂néi₂ 'e₂ hora jiá₃ dsa₂ 'ang₂ tē₂le₃ ca₂nei₂, jme₃jnio₅₄ ne₅₄, tsá₃ cuě₃ jmig₄ a₂'í₂ dsa₂, 'ang₃ dsi₂néi₂ quió'₅. 44 Le₂nē₅ bá₄ 'nia'₂, rē₂ján'₁ 'nia'₂ chang'₂; ia₁ con'₂ tsá₃ ŋi'₅₄ bá₄ 'nia'₂ guan'₂ Jaun₅ dsa₂ mi₂güig₃.

Dsa₂ dsen₃ i₂jme₂ti₃, quian'₅₄ dsa₂ i₂tsá₃ jme₂ti₃
(Lucas 12:41-48)

45 'ĉ'Ein₂ dsa₂ i₂ŋi'₂ dsi₅ jme₂ti₃ con'₂ dsi₂ten₅₄ ne₄ juig'₅₄? Juig'₅₄ ně₃ ca₂dsia₃ o₄gú₃ 'éi₂ dsi₂néi₂ quió'₅ lia'₂ jma₃quian'₅₄ ca₂le₃jín₃ riin'₅₄ i₂jme₂ti₃, a₂ŋi'₃ riin'₅₄ jē₁ma₂tē₂ hora a₂guě'₃. 46 'E₂ guě₄ dsen₃ 'éi₂ jē₁ma₂tē₂ rē₁jo₅₄ juig'₅₄ jē₁ma₂guáin'₅ jme₂ti₃ bá₄ ta₁ a₂chéin'₅. 47 A₂dsi₂jó'₃ juá'₅ jniá₂, cuě₃ juig'₅₄ ta₁ a₂nio₃ ne₅₄ ca₂le₃jě₃ 'e₂ a₂cha₂ quió'₅. 48 La₁ jua'₅₄ mei'₂ guě₃ dsa₂ i₂jme₂ti₃ lín₅ jan₂ dsa₂ 'lín'₅₄ i₂tsá₃ tón'₂ ju₁ ta₁ a₂chéin'₅, ia₁ lín₂, “i₂le₃'in₄ bá₄ juig'₃”, 49 jaun₂ jme₂lióg₃ qui₂cuě'₅ bá₄ riin'₅₄, dsó₂ qui₂dsi₂guě'₃ qui₂dsi₂én'₃ quian'₅₄ dsa₂ 'en₅ ně₃. 50 La₁ caun₂ jmig₄ con'₂ tsá₃ rē₂ján₁, caun₂ hora con'₂ tsá₃ lí₄ bá₄, dsián'₄ juig'₅₄. 51 Juig'₅₄ ně₃ cuě₃ uig₅, * 'liog'₃ ja₁jaun₂ bá₄ ján₃, ja₁ca₂tín₂ dsi₁len₅ i₂lě₁jmo₅-dsá_{u5} o₁ne₁, ja₁qui'₂-o₃, qui₃quí₃'₃ jan₅₄.

25

Jág₁ jáng'₅ léi₄ ju₁lia'₂ guian₃ chi'₂ dsa₂ mi₄

1 'Jmig₄ jaun₂ ju₁lia'₂ ja₁gon₂ Diú₄, lé₂ ju₁lia'₂ ca₂jmo₃ guian₃ chi'₂ dsa₂ mi₄ jme₁ca₂can₃ ni₁tsí₅ le₁guí'₂ si₂ quió'₅. Ca₂i₃lén₂ ca₂i₁jme₁jein'₂ dsa₂ ŋe'₂ i₂jen'₂ gu₂. 2 'Njá₂ chi'₂ dsa₂ mi₄ 'éi₂ jme₁coin₅₄; 'ŋiá₂ guě'₂ i₂'ŋio₄, i₂dse₃ niog₅ dsi₄. 3 Dsa₂ mi₄ i₂co₄ 'éi₂ ně₃, jmá'₃ ni₁tsí₅ chi₁guí'₂ si₂ bá₄ ca₂can₃; tsá₃ ca₂can₃ guě'₂ ni₁dsig₁ a₂'a₄ aceite. 4 La₁ dsa₂ mi₄ i₂niog₅ dse₃ dsi₄ ně₃ ca₂jmo₃ co₂ŋia₅₄ quió'₅, jme₁le₁quian₅ ni₁tsí₅ le₁guí'₂ si₂, ton'₂ jme₁le₁quian₅ rē₂tsón₂ aceite 'a₄ ni₁dsig₁. 5 La₁ ca₂rē₃'in₄ bá₄ guě'₂ dsa₂ ŋe'₂ i₂lě₅ jág₁ jen'₂ gu₂, jaun₂ le₃jín₃ bá₄ dsa₂ mí₂ 'éi₂ ně₃ ca₂tá'₂ i₁güin₃, jaun₂ ca₂güin₂ bá₄. 6 Jaun₂ jme₁ca₂tē₂ dsi₃nei₅, ca₂né'₂ tiá₂ i₁juá'₄ dsa₂: “i₁Nē₅ jón'₅ dsa₂ ŋe'₂ i₂jen'₂ gu₂! i₁'Uin'₂ 'nia'₂ o₂jme₁jein'₂!” 7 Jaun₂ qui₂ca₂nau₂ ca₂le₃jín₃, ca₂jmo₃ dse₃ mecha tsí₅ quió'₅. 8 Jaun₂ ca₂juá'₂ dsa₂ mí₂ i₂'ŋiá₂ i₂co₄ 'éi₂ ca₂tsí'₃ riin'₅₄ i₂'ŋio₄: “Cuě'₁ 'nia'₂ ca₂juig'₄ aceite quiáng'₂, ia₁ ma₂i₁ei₃ si₂ tsí₅ quián₂ jnia'₅₄.” 9 La₁ ca₂ŋag₃ dsa₂ mí₂ i₂'ŋio₄: “Jan₂'ón₄. Ia₁ con'₂ tsá₃ ŋó₅ ně₁jua'₂ tsá₃ ca₂tín'₂ quián₂ jnia'₅₄ guio₅₄, on₃ guě'₂ quián'₂ 'nia'₂ tín'₂ ně₃. Co₂ŋei'₅₄ guě₄ dse₃ o₂nó'₅ 'nia'₂ guiong'₅₄ o₂liá₃ quiáng'₂ ja₁'nag₅ dsa₂.” 10 La₁ tē₁lia'₂ i₂lén₂ 'éi₂ i₂lia₅ aceite, tē₃jě₄ jaun₂ ca₂guán'₃ dsa₂ ŋe'₂ i₂lě₅ jág₁ jen'₂ gu₂. Dsa₂ mí₂ i₂tián'₅ lě₅ co₂ŋia₅₄ ca₂i₃toin'₅₄ bá₄ co₂lě₅ quiong'₅₄ i₁guě'₂ ja₁niog₅ jmig₄ a₂jen'₂ gu₂ dsa₂. Jaun₂ ca₂jnág₃ o₄'né₄ jme₁ca₂jnág₃. 11 Jme₁co₂lág₂ jaun₂, o₃len₅ i₂'ŋiá₂ 'éi₂, jaun₂ ca₂tóin'₂ ca₂tě₃, ca₂juá'₂: “i₁Te₁gui'₅₄, Te₁gui'₅₄! i₁Nia₄ o₄'né₄ jaun₂ tió'₄ jnia'₅₄!” 12 La₁ jaun₂ ca₂ŋag₃ dsa₂ ŋe'₂: “A₂dsi₂jó'₃ juá'₅, tsá₃ cúing₅ 'ein₂'nia'₂.”

13 'Jaun₂ le₂nē₅, chan'₂ 'nia'₂ co₂ŋiag'₅₄, ia₁ tsá₃ ŋi'₅₄ 'nia'₂ 'e₂ 'ió'₄, 'e₂ hora guan'₂ Jaun₅ dsa₂ mi₂güig₃.

Jág₁ jáng'₅ léi₄ ju₁lia'₂ 'a₂ lia'₂ lě₅ ca₂jmo₃ ún₂ dsa₂ quian'₅₄ a₂ca₂dsia₃ juig'₅₄ o₄gú₃
(Lucas 19:11-27)

14 'Con'₂ siá'₂ lě₅ ja₁gon₂ Diú₄ ju₁lia'₂ jan₂ dsa₂ i₂'en₅₄ ju₁ dsó₃ dsi₃ŋi'₃ úing₂ juig'₂ siá'₂. Jaun₂ ca₂tě'₃ dsa₂ i₂jme₁jme₂ti₃ ta₁ ne₅₄, jaun₂ o₄gú₃ 'éi₂ ca₂dsia₃ cu₄. 15 Jan₂

* 24:51 lit. “dsia₃ juig'₅₄ le₁juig₁ le₁dsog'₅₄ quió'₅.”

i₂ca₂cuë'₃ 'ñiá₂ mei₅ 'éi'₃ cu₄ talentos; jan₂ guë'₂ i₂ca₂cuë'₃ tin₃ mei₅, jan₂ guë'₂ caun₂ mei₅. Ca₂cuë'₃ le₂jan₂ dsa₂ 'éi'₂ 'a₂ con'₂ jñia'₅₄ qui'₅₄ jmig₄. Jaun₂ guë'₄ ñó₃ i₁ñi₃. ¹⁶ Dsa₂ i₂ca₂gue₃ 'ñiá₂ mei₅ 'éi'₃ cu₄ ně₃, ca₂jmóí'₂ ta₁ cu₄ jaun₂, jaun₂ ca₂lí'₃ con'₂ guë'₄ 'ñiá₂ mei₅ jmá'₃ a₂dsí₂. ¹⁷ Ján₃ bá₄ le₂jaun₂ ca₂jmo₃ i₂ca₂gue₃ tin₃ mei₅, ca₂lí'₃ con'₂ guë'₄ tin₃ mei₅ táng₃ a₂të₁dsi₅₄. ¹⁸ La₁ dsa₂ i₂ca₂gue₃ caun₂ mei₅ ně₃, ca₂'ma₃ bá₄ a₂caun₂ mei₅ a₂ca₂cuë₃ juig₅₄, ca₂i₁'ó₄ né'₃ 'uë₃.

¹⁹ 'Uë₂ lin₃ bá₄ i₁ñi₂ juig₅₄ ně₃; la₁ ca₂guáin'₃ jme₁ca₂guáin'₃ cang₂. Jaun₂ ca₂cáun₃ 'í₁ ca₂chein'₃ cuentas quió'₅ dsa₂ i₂jme₂ti₃ i₂ca₂cuë'₃ cu₄. ²⁰ Jaun₂ ca₂dsióg₃ i₂le₂'uig₅₄ i₂ca₂gue₃ 'ñiá₂ mei₅, jaun₂ ca₂jín'₂ juig₅₄ con'₂ guë'₄ 'ñiá₂ mei₅ a₂të₁dsi₅₄ a₂ca₂lí'₃, jaun₂ juá'₂ tsí'₃ juig₅₄: “Te₁gui'₅₄, ca₂cuë'₅₄ 'ne₂ 'ñiá₂ mei₅; jag₄, la₂ ron₅ con'₂ guë'₄ 'ñiá₂ mei₅ táng₃ a₂ca₂lág₃.” ²¹ Jaun₂ ca₂juá'₂ juig₅₄: “Ñio₅ dse₃ ca₂jmo'₅₄. Líng'₅ bá₄ jan₂ dsa₂ dsen₃ i₂ca₂rë₃ti'₅₄; ca₂rë₃teng'₅₄ bá₄ quian'₅₄ a₂ca₂juig₄ a₂ca₂dsia₃ jniá₂ gog'₂, ně₃ ně₃ 'lióng₂ guë'₄ a₂dsia₅₄ jniá₂ gog'₂. 'Ú₅ dsi₂néi₂, o₁quián₁ o₂'ñió₃ dsi₅ co₂dsia₅.” ²² Jme₁co₂lág₂ jaun₂ ca₂dsióg₃ i₂ca₂gue₃ tin₃ mei₅, jaun₂ ca₂juá'₂: “Te₁gui'₅₄, ca₂cuë'₅₄ 'ne₂ tin₃ mei₅; jag₄, la₂ ron₅ con'₂ guë'₄ tin₃ mei₅ táng₃ a₂ca₂lág₃.” ²³ Jaun₂ ca₂juá'₂ juig₅₄, “Ñio₅ dse₃ ca₂jmo'₅₄. Líng'₅ bá₄ jan₂ dsa₂ dsen₃ i₂ca₂rë₃ti'₅₄; ca₂rë₃teng'₅₄ bá₄ quian'₅₄ a₂ca₂juig₄ a₂ca₂dsia₃ jniá₂ gog'₂, ně₃ ně₃ 'lióng₂ guë'₄ a₂dsia₅₄ jniá₂ gog'₂. 'Ú₅ dsi₂néi₂, o₁quián₁ o₂'ñió₃ dsi₅ co₂dsia₅.”

²⁴ 'La₁ jme₁ca₂dsióg₃ i₂ca₂gue₃ caun₂ mei₅, ca₂juá'₂ tsí'₅ juig₅₄: “Te₁gui'₅₄, guion₄ jniá₂ a₂líng'₅ jan₂ dsa₂ i₂tsá₃ 'e₂ ñéi₂ dsí₅, 'aun'₂ ja₁tsá₃ 'e₂ ca₂jñí'₂, ton'₂ cag'₅₄ ja₁tsá₃ 'e₂ ca₂séi'₃. ²⁵ 'Uig₅₄ jaun₂ ca₂rë₃gó₅ jniá₂, ca₂i₁'ó₄ bá₄ jniá₂ cu₄ quiáng'₂ né'₃ 'uë₃. La₁, la₂ bá₄ ron₅ quiáng'₂.” ²⁶ Jaun₂ ca₂ñag₃ juig₅₄: “i₂Dsa₂ 'lin'₅₄ juí'₅! 'An₁, ñi'₅₄ bá₄ jaun₂ ně₃ a₂'on₂₃ ja₁tsá₃ 'e₂ ca₂jan₃, ton'₂ cag'₅₄ ja₁tsá₃ 'e₂ ca₂séi'₃. ²⁷ 'Uig₅₄ jaun₂, jua'₅₄ banco bá₄ co₂ñei'₅₄ ca₂i₁tió'₂ cu₄ quió₃, ia₁jaun₂ jme₁guéi'₄ cu₄ quió₃ jë₁ma₂guáng'₃ lia'₂ jma₃quian'₅₄ a₂të₁dsi₅₄. ²⁸ Jniá'₃ 'nia'₂ a₂caun₂ mei₅ chan'₂ i₂ně₅ jaun₂ ně₃, o₂cuë'₅₄ i₂chan'₂ guia₃ mei₅. ²⁹ Ia₁ jui₁lia'₂ i₂ma₂le₁'io₅ 'lióng₂, të₂le₃ 'lióng₂ guë'₄ ñei₂ bá₄, ia₁jaun₂ le₃cha₂ quió'₅ lia'₂ qui₂rë₂tsón₂; la₁ jui₁lia'₂ i₂tsá₃ 'e₂ le₁'io₅, le₂jio₅ a₂ca₂juig₄ a₂ma₂le₁'io₂₃, co₂dsia₅ jñia'₃ bá₄. ³⁰ Jaun₂ dsa₂ i₂tsá₃ ta₁ tén₄ la₂, dsein₅₄ ca₁'né₄ tío_{in}'₂ 'nia'₂ jë₄ qui₁né'₃, ja₁qui'₂-o₃ quíg'₃ jan₅₄ ně₃.”

Jë₁ma₂të₂ rë₁të₃dsi₅₄ 'éi'₃ ja₁con₂ dsa₂ mi₂güig₃.

³¹ 'Jë₁ma₂të₂ rë₁guan'₂ Jaun₅ dsa₂ mi₂güig₃ a₂lín₅ rag₅₄ jlán'₁ lin₃, a₂qui₂le₁lio₃ ángeles quián₅, jaun₂ guë'₄ guá₃ ne₄ta₁ quió'₅ a₂'uain'₂ lin₃, ³² jaun₂ ñi'₂ ne₅₄ ca₂le₃jín₃ dsa₂ chan₂ juig₂ ca₂le₂con₂ mi₂güig₃. Jaun₂ guë'₄ ně₃ jmo₃ jma₃quén₅ con'₂ ca₂tín₂ le₂jan₂ le₂jan₂ dsa₂ quian'₅₄ riin'₅₄, jui₁lia'₂ jmo₅ dsa₂ i₂jmo₅ 'í₁ já'₂ cha'₂, jmo₂₃ jma₃quén₅ já'₂ cha'₂ quian'₅₄ chein₄ lau₂. ³³ Të₂le₃ gu₂ ne₁ quió'₅, chein'₃ já'₂ cha'₂; chein₄ lau₂ guë'₂ të₂le₃ gu₂ jen₅. ³⁴ Jaun₂ ně₃, juá'₂ Rag₅₄ tsí'₅ i₂tión₂ të₂le₃ gu₂ ne₁: “I₂no'₄ 'nia'₂ i₂ma₂rë₂gon'₅₄ quián₅ Ne'₃; gue₄ 'nia'₂ a₂ca₂tíng'₂ ja₁gon₂ Diú₄, ja₁ma₂lë₅ co₂jñia₅₄ quián'₂ 'nia'₂ ca₂le₃ ca₂nio₃ mi₂güig₃. ³⁵ Ia₁ ca₂ñi₃ jniá₂ 'ong₅₄, 'nia'₂ bá₄ i₂ca₂cuë'₅₄ a₂ca₂guë'₃; ca₂ñi₃ a₂rë₂quein₂ dsi₃ i₁gui'₄ jmig₂, 'nia'₂ bá₄ i₂ca₂cuë'₅₄ jmig₂ ca₂gui'₃; ca₂ñi₃ jniá₂ 'no₂₃ ja₁jan₁₂, 'nia'₂ bá₄ i₂ca₂cuë'₅₄ dsi₂néi₂ quiáng'₂ ca₂jan₅₄. ³⁶ Ca₂ñi₃ jniá₂ 'in₂ tsín'₅, 'nia'₂ bá₄ i₂ca₂cuë'₅₄ tsín'₅ ca₂quí'₃; ca₂tsán₂ dsong₅₄, 'nia'₂ bá₄ i₂ca₂jmo'₅₄ 'í₁; ca₂i₁'ú₄ né'₃ 'má₃, ca₂i₁jag₄ bá₄ 'nia'₂.” ³⁷ Jaun₂ ně₃, ñag₃ dsa₂ dsen₃ 'éi'₂: “Te₁gui'₅₄, ¿líg'₂ bá₄ jaun₂ ca₂né₄ jnia'₅₄ 'ne₂ a₂ñi'₂ i₁cuang'₃ jaun₂ ca₂cuë'₁ jnia'₅₄ a₂ca₂qué'₂? ¿O₃ líg'₂ jaun₂ ca₂né₄ jnia'₅₄ 'ne₂ a₂ñi'₂ rë₂quein₂ 'au'₂, jaun₂ ca₂cuë'₁ jnia'₅₄ jmig₂ ca₂'én'₂?”

38 ¿O₃ líg'₂ jaun₂ ca₂né₄ jnia'₅₄ 'ne₂ a₂ŋi'₂ 'náu'₂ ja₁jan'₄, jaun₂ jnia'₅₄ bá₄ ca₂cuě'₁ dsi₂néi₂ ca₂jnia'₅₄, o₃ ca₂ŋi'₅₄ 'in₂ tsín'₂, jaun₂ jnia'₅₄ bá₄ ca₂cuě'₁? 39 ¿O₃ líg'₂ jaun₂ ca₂né₄ jnia'₅₄ 'ne₂ a₂rong'₂ dsong'₅₄ o₃ lia'₂ con'₂ ca₂'ú'₃ né'₃ 'má₃, jaun₂ ca₂i₁jag'₅₄ jnia'₅₄?" 40 Jaun₂ ně₃, ŋag₃ Rag₅₄: "A₂dsi₂jó'₃ juá'₅ jniá'₂, ca₂le₃jě₃ a₂dse₃ a₂'ua₁ 'au'₂ 'nia'₂ ca₂jmo'₅₄ ja₁con₂ le₂jan₂ le₂jan₂ ríng'₃ la₂ i₂jín₂ dsa₂ mi₂güig₃ 'uin₃, o₄quió₃ jniá'₂ bá₄ a₂ca₂jmo'₅₄ 'nia'₂."

41 'Jaun₂ juá'₂ táng₃ Rag₅₄ tsí'₃ i₂tión₂ tē₂le₃ gu₂ jen₅: "Jnia'₃ 'nia'₂ ja₁con₂ jniá'₂, 'nia'₂ i₂tiong'₅₄ 'éi'₃ o₁nóg'₅ dsi₂si₂ ja₁tsá₃ ton₅ jmi₃g₄ éi₃, ja₁lě₄ co₂jnia'₅₄ quió'₅ i₂sě₃dsen₃ quian'₅₄ ángeles quiáin₅. 42 Ia₁ ca₂ŋi₃ jniá'₂ i₁cón₅, 'nia'₂ ně₃ tsá₃ 'e₂ ca₂cuě'₅₄ a₂guě'₅₄; ca₂ŋi₃ rē₂quein₂ dsi₃ i₁gui'₄ jmi₃g₂, tsá₃ 'e₂ jmi₃g₂ ca₂cuě'₅₄ 'nia'₂. 43 Ca₂ŋi₃ jniá'₂ 'no₂₃ ja₁jan₁₂, tsá₃ ja₁ca₂cuě'₅₄ 'nia'₂ jan₅₄. Ca₂ŋi₃ 'in₂ tsín'₅, tsá₃ 'e₂ tsín'₅ ca₂cuě'₅₄ 'nia'₂. Ca₂tsán₁₂ dsong₅₄, jme₁ca₂'ú'₃ né'₃ 'má₃ ně₃, tsá₃ ca₂i₁jag'₄ 'nia'₂." 44 Jaun₂ ně₃, ŋag₃ dsa₂ 'éi₂: "Te₁gui'₅₄, ¿líg'₂ bá₄ jaun₂ ca₂né₄ jnia'₅₄ 'ne₂ a₂ŋi'₂ i₁cuang'₃, o₃ rē₂quein₂ 'au'₂ o₃ ca₂ŋi'₅₄ 'náu'₂ ja₁jan'₄, o₃ ca₂ŋi'₅₄ tsá₃ tsín'₂ cha₂ qui'₅₄, o₃ jme₁ca₂rě₃dsong'₅₄, o₃ lia'₂ con'₂ ca₂'ú'₃ né'₃ 'má₃, tsá₃ ca₂jme₁o₁ jnia'₅₄?" 45 Jaun₂ ŋag₃ Rag₅₄: "A₂dsi₂jó'₃ juá'₅ jniá'₂, ca₂le₃jě₃ a₂dse₃ a₂tsá₃ ca₂jmo'₅₄ 'nia'₂ ja₁con₂ le₂jan₂ le₂jan₂ ríng'₃ la₂ i₂jín₂ dsa₂ mi₂güig₃ 'uin₃, o₄quió₃ jniá'₂ bá₄ tsá₃ 'e₂ ca₂jmo'₅₄ 'nia'₂." 46 Jaun₂ dsa₂ 'éi₂ dsi₃léin₂ ja₁dsi₃ŋag₅₄ uig₅ co₂tan₅₄, la₁ dsa₂ dsen₃ ně₃, dsi₃lein₅ ja₁le₃chain₂ co₂tan₅₄.

26

*Ca₂quin'₃ dsa₂ jág₁ a₂tsáin'₂ Jesús
(Marcos 14:1-2; Lucas 22:1-2; Juan 11:45-53)*

1 Jme₁ca₂dsan₃ juá'₂ Jesús ca₂le₃jě₃ jág₁ ně₅, jaun₂ ca₂tsí'₃ chi'₂ dsi₂guia₃-tín₂:
2 —Ma₂ŋi'₅₄ 'nia'₂ jaun₂, a₂tín₃ jmi₃g₄ ně₃ te₅₄ Jmi₃g₄ Tē₂'in₅₄, ja₁jáng'₂ dsa₂ jín'₂ Jaun₅ dsa₂ mi₂güig₃ a₂tion₃ ne₄ cróg₄.

3 Jaun₂ ně₃, juig₅₄ jme₂dsa₂, quian'₅₄ tē₅juá'₅, dsa₂ can'₅₄ quián₅ dsa₂ judíos ně₃, ca₂ŋi'₂ i₁dsi₅ ne₄ta₁ quió'₅ i₂lín₅ jme₂dsa₂ dsen₅₄, i₂chen₂ Caifás. 4 Ja₁jaun₂ ca₂quin₃ jág₁ quió'₅ a₂jmo₃ tē₂le₃ quian'₅₄ caun₂ mai₅₄ ia₁jaun₂ cuin₃ jmi₃g₄ tsáun'₂, jaun₂ jŋang'₃. 5 Jaun₂ tioen'₅₄ ca₂dsia₃ jág₁ ca₂juá'₂:

—La₁ tsá₃ 'nió'₅ jmó₁ jniog₄ tē₃ niog₅ jmi₃g₄, jme₁né₄, ia₁ con'₂ tsá₃ ŋó₅ ně₁juá'₂ ca₂tó'₂ dsa₂ juig₂ mi'₅₄.

*Jan₂ 'io₅₄ ca₂tsín₂ Jesús no'₅₄ mi₂juig₂
(Marcos 14:3-9; Juan 12:1-8)*

6 Lia'₂ con'₂ 'en₅₄ guě₄ Jesús juig₂ Betania ja₁quió'₄ i₂tě'₂ dsa₂ Si₂mu₅₄ 'mé'₅ 'iog₅, 7 jaun₂ ca₂dsióg₃ jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄. Jme₁ma₂guá₅ Jesús ne₄ mesa guě'₅, jaun₂ ca₂'ág₂ 'io₅₄ 'éi₂ no'₅₄ mi₂juig₂ mi₂dsi₄ Jesús. 8 Jme₁ca₂jág₃ chi'₂ dsi₂guia₃-tín₂ a₂jaun₂, tsá₃ dse₃ ca₂tín₂, jaun₂ ca₂tsí'₃ rín'₅₄ tioen'₅₄:

—Tsá₃ ne₄ 'e₂ lě₃ ně₂'éin₂ a₂ně₅. 9 Jua'₅₄ co₂ŋei'₅₄ bá₄ ně₂'nag₃ ia₁jaun₂ jme₁jme₂'oin₅₄ dsa₂ te₂ŋé₂.

10 Jme₁ca₂nág₂ Jesús jág₁ a₂dsia₂₃ tioen'₅₄, jaun₂ ca₂juá'₂:
—¿'E₂ lě₃ cuě'₂ 'nia'₂ o₂me'₅₄ dsi₅ 'io₅₄ la₂? A₂ně₂jmóg'₂ la₂ caun₂ a₂dse₃ bá₄.
11 Ca₂le₃jě₃ jmi₃g₄ bá₄ i₂nio₄ dsa₂ te₂ŋé₂ jín'₄ 'nia'₂, la₁ jniá'₂ ně₃ tsá₃ ma₃uě₂ 'en₅₄ jniá'₂ quian'₅₄ 'nia'₂. 12 Ju₁lia'₂ no'₅₄ mi₂juig₂ a₂ně₂tsáng₂ ni₁ŋi₃, jua'₂ a₂ma₂ně₂jmóg'₂ co₂jnia₅₄ jē₁ma₂tě₂ rē₁ong₃ bá₄. 13 A₂dsi₂jó'₃ juig₂ jniá'₂ 'nia'₂, ca₂le₂con₂ mi₂güig₃ ja₁'ě₂ dsa₂ jág₁ dse₃ quió₃, ján₃ bá₄ le₂jaun₂ dsiog'₂ dsi₅ dsa₂ 'iin₃ 'io₅₄ ně₅.

*Jmo₅ Judas caun₂ jág₁ a₂'ni₂₃ Jesús
(Marcos 14:10-11; Lucas 22:3-6)*

14 Jaun₂ ně₃, jan₂ i₂lín₅ dsa₂ guia₃-tín₂, i₂chen₂ Judas Iscariote, ňei₅₄ i₁dsia₂ jág₁ quian'₅₄ juig₅₄ jme₂dsa₂, 15 jaun₂ ca₂i₁jua'₄:

—¿Je₂liá'₂ cuě'₁ 'nia'₂ ně₁jua'₂ jin'₄ jniá'₂ Jesús o₄gog'₂?

Jaun₂ ně₃, ca₂quí₃ juig₅₄ jme₂dsa₂ guióg₂-guiá'₂ 'éi'₃ cu₄tiog₂. 16 Jaun₂ ně₃ tē₃ne₄ jui₅ ja₁ŋó₄ jaun₂, ca₂'náu'₃ Judas dsí₅ 'a₂ lia'₂ cu_{in}₃ jmig₄ jín'₂ Jesús.

Má₃ jē₁ca₂tó'₂ quió'₅ Te₁gui'₅₄

(Marcos 14:12-25; Lucas 22:7-23; Juan 13:21-30; 1 Corintios 11:23—26)

17 Jmig₄ le₂'uig₅₄ a₂niog₅ Jmig₄ Tē₂'in₅₄ a₂guě'₅ dsa₂ i₁ŋí'₄ a₂tsá₃ quian'₅₄ levadura, chi'₂ dsig₂guia₃-tín₂ ně₃ ca₂jme₃quiáin₃ ja₁con₂ Jesús ca₂ŋag₃:

—¿A₂já'₄ 'niog'₂ dsí₁jmó₁ jnia'₅₄ co₂jŋia₅₄ má₃ Jmig₄ Tē₂'in₅₄ quiáng'₂?

18 Jaun₂ ca₂juá'₂ Jesús:

—O₂nó'₅ 'nia'₂ jē₄ juig₂, ja₁quió'₄ jan₂ dsa₂, jaun₂ juig'₅₄ 'nia'₂: “Le₂la₂ juá'₂ tē₅: Ma₂ja₂quián₃ hora quió'₃, jaun₂ ja₁quiáng'₂ i₁guě'₃ Jmig₄ Tē₂'in₅₄ co₂lē₅ quian'₅₄ chi'₂ dsig₂guia₃-tín₂ quiáng₃.”

19 Jaun₂ ně₃ i₃lén₂ bá₄ chi'₂ dsig₂guia₃-tín₂, jaun₂ ca₂jmo₃ con'₂ lē₅ jág₁ ca₂juá'₂ Jesús. Jaun₂ ca₂tóin'₂ ca₂jmo₃ co₂jŋia₅₄ a₂guě'₃ Jmig₄ Tē₂'in₅₄ ja₁jaun₂.

20 Jme₁ca₂nei₂ jaun₂, jme₁ma₂guá₅ Jesús ne₄ mesa co₂lē₅ quiain'₅₄ ta₁guia₃-tín₂ chi'₂ dsig₂guia₃-tín₂ quiáin₅. 21 Tē₃jē₄ tiáin'₄ guě'₅ jaun₂, ca₂juá'₂ Jesús:

—A₂dsí₂jó'₃ juá'₅ jniá'₂, jan'₂ 'nia'₂ i₂'en₅₄ jē₄ la₂ bá₄ i₂jáng'₂ jniá'₂.

22 Jaun₂ ně₃ ca₂tá'₂ 'lia'₂ dsí₅ 'ŋio₅ lín₃ bá₄ tiáin'₅, jaun₂ ca₂jme₃lióg₃ ca₂ŋí'₃ Jesús le₂jain₂ le₂jain₂ ca₂juá'₂:

—Te₁gui'₅₄, ¿On₁jua'₅₄ jniá'₂ 'ág'₅?

23 Jaun₂ ca₂ŋag₃ Jesús:

—I₂tiá'₂ gu₂ co₂lē₅ 'ŋió'₃ uing₅ quian'₅₄ jniá'₂, i₂'éi₂ bá₄ i₂jáng'₂. 24 Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ jui₅ lia'₂ con'₂ lē₅ juá'₂ ne₄ Si₂; la₁ i₁e₂ guě₄ juig₂ dsa₂ i₂jáng'₂! Dse₃ quió'₅ jua'₅₄ co₂ŋei₅₄ bá₄ tsá₃ ca₂rē₃cháin₃.

25 Jaun₂ ně₃ Judas, dsa₂ i₂ma₂lě₂ dsí₅ jáng'₂, ca₂juá'₂:

—Tē₅, ¿On₁ jniá'₂ bá₄ 'ág'₅ 'ne₂?

Jaun₂ ca₂ŋag₃ Jesús:

—'Ŋiag'₂ bá₄ ma₂ně₂jua'₅₄.

26 Tē₁lia'₂ tiáin'₅ guě'₅, ca₂jŋa'₃ Jesús i₁ŋí'₄, ca₂cuě'₃ ti₁'mag'₄ Diú₄, jaun₂ guě₄ ca₂dsioin₃, ca₂cuě'₃ chi'₂ dsig₂guia₃-tín₂ quiáin₅, jaun₂ ca₂juá'₂:

—Qué'₂ 'nia'₂, ia₁ ŋi₃ bá₄ jniá'₂ i₁ŋí'₄ la₂.

27 Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuě'₃ ti₁'mag'₄ Diú₄, jaun₂ guě₄ ca₂cuě'₃ chi'₂ dsig₂guia₃-tín₂, jaun₂ ca₂juá'₂:

—'Én'₂ 'nia'₂ ca₂le₃jíng'₃ a₂la₂, 28 ia₁ jmi₃ bá₄ jniá'₂ la₂, a₂lí'₅₄ jág₁ 'mí₂ a₂tē₃ron₅₄,* a₂niog₅ dsí₃'o₅₄ o₄quió'₄ juin₅ dsa₂, ia₁jaun₂ 'én₂ dsáu₁. 29 Dsón'₂ juá'₅ jniá'₂, tsá₃ ma₃líg'₂ jmig₄ jua'₅₄ a₂gui'₅₄ guě₄ táng₃ vino ca₂lia'₂ ca₂tē₂ jmig₄ i₁gui'₄ táng₃ caun₂ vino 'mí₂ co₂lē₅ quian'₅₄ 'nia'₂ ja₁gon₂ Ŋe'₃.

Ca₂juá'₂ Jesús a₂tsá₃ tion₃ Pe₄ a₂cuig₂₃

(Marcos 14:26-31; Lucas 22:31-34; Juan 13:36-38)

30 Jme₁ca₂lě₃ 'ē₂₃ jme₂juin'₂ Diú₄, jaun₂ guě₄ i₃lén₂ jui₅ Má'₂ Olivos. 31 Jaun₂ ca₂juá'₂ Jesús ca₂tsí'₃ chi'₂ dsig₂guia₃-tín₂:

* 26:28 'Nio'₂ ja₁ton₅ Éxodo 24:8; Hebreos 10:29; 13:20.

—Ca₂le₃jín'₃ bá₄ 'nia'₂ tiá'₃ jén'₂ 'au'₂ o₄quió₃ jniá'₂ a₂'uë₂ nē₃, 'ág'₁ 'nia'₂ caun₂-tín₃ 'au'₂; ia₁ rē₂ton₅ ne₄ Si₂, juá'₂: “Jñí'₄ jniá'₂ dsa₂ i₂jñia₅ já'₂ cha'₂, jaun₂ já'₂ cha'₂ nē₃ dsi₃lén₂ tsi₁rē₂jain₅₄.”† ³² La₁ can₂g₂ jē₁ma₂ca₂jeng'₅₄ táng₃, nei₅₄ jniá'₂ jñiág₅ ju₅ Galilea lia'₂ con'₂ guē₄ 'nia'₂.

³³ Jaun₂ nē₃ ca₂ṇag₃ Pe₄:

—O₁jñia'₅₄ la₂ ca₂'ág₂ caun₂-tín₃ dsi₅ ca₂le₃jín'₃ ríng'₃, la₁ jniá'₂, o₁líg'₂ jmíg₄ tsá₃ 'ag₅₄ caun₂-tín₃ dsi₃.

³⁴ Jaun₂ ca₂juá'₂ Jesús:

—A₂dsi₂jó'₃ juá'₅ jniá'₂, a₂'uë₂ nē₃, né'₃ a₂'o₃ tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cui_g'₂ jniá'₂.

³⁵ Jaun₂ ca₂ṇag₃ táng₃ Pe₄:

—O₁jñia'₅₄ la₂ ca₂dsau₃ jniog₄ co₂lë₅, o₁líg'₂ jmíg₄ jua'₅₄ a₂tsá₃ 'ín₄ jniá'₂ 'ne₂.

Le₂jaun₂ bá₄ ca₂juá'₂ ca₂le₃jín'₃ riin'₅₄ ján₃.

*Ca₂chi₃lén'₂ Jesús Diú₄ caun₂ja₁chei₂ Getsemani
(Marcos 14:32-42; Lucas 22:39-46)*

³⁶ Jaun₂ ca₂dsióg₃ Jesús jme₁ca₂dsióg₃ quiain'₅₄ chi'₂ dsi₂guia₃-tín₂ quiain₅ caun₂ja₁chei₂ Getsemani, jaun₂ ca₂juá'₂:

—Ja₁lá₃ tián'₂ 'nia'₂ tē₁lia'₂ nei₅₄ jó₄ i₁chi₁leng'₄ Diú₄.

³⁷ Jaun₂ ca₂jñiai₃ Pe₄, quian'₅₄ le₃on₃ ja₁ñi'₅₄ Zebedeo, jaun₂ Jesús nē₃ ca₂tá'₂ quian₅ o₂i₁ dsi₅ 'ñio₅ lin₃. ³⁸ Jaun₂ ca₂juá'₂ ca₂tsí'₃ i₂ún₂ i₂quiain'₅₄:

—'Nio₅ lin₃ quian₅₄ o₂i₁ dsi₅, ca₂lia'₂ jmá'₃ le₃jóng₂ tē₂nē₃. Ja₁lá₃ tián'₂ 'nia'₂, jme₁jnio₂ 'nia'₂ ne'₅₄, jme₁quiong'₅₄ jniá'₂.

³⁹ Ca₂juig₄ bá₄ ca₂ṇó₃ guē₄ ne₄ju₅. Ja₁jaun₂ ca₂lia'₂ ca₂i₃'ín₃ chi₁'in₅ ne₅₄ ca₂tē₂ 'uë₃, ca₂mi₃ ca₂tsí'₃ Diú₄, ca₂juá'₂:

—Tia₅₄ quiáng₃, jua'₅₄ mei'₂ bá₄ lé₂ le₃lé₂, lio₄ jniá'₂ jm₁uig₅ la₂. La₁ tsá₃ ju₁le₅₄ con'₂ 'nio₃ jniá'₂, ju₁le₅₄ bá₄ a₂'ñio₂ 'au'₂ 'ne₂.

⁴⁰ Jaun₂ nē₃, ca₂nau₂ Jesús, jaun₂ ca₂ñái'₃ ja₁tián'₄ i₂ún₂ i₂quiain'₅₄, la₁ ma₂le₁güin₃ bá₄ guē'₂ 'éi₂ tián'₅; jaun₂ ca₂tē'₃ Pe₄, ca₂juá'₂:

—¿Tsa₁ ma₃tian'₃ guē₄ 'nia'₂ jua'₅₄ caun₂ hora bá₄ jme₁jnio₂ guē₄ 'nia'₂ ne'₅₄ quian'₅₄ jniá'₂? ⁴¹ Jme₁jnio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsi₃sén'₂ 'nia'₂. Dsón'₂ bá₄ jaun₂ 'ñio₂ bá₄ dsi₅ jme₂dsi₂ quián'₂ 'nia'₂, la₁ ni₁ñi'₁ guion'₅₄ bá₄ 'nia'₂ 'uan₅₄.

⁴² A₂ca₂tē₂ tin₃ ráun₂ ṇó₃ táng₃ i₁chi'₄ Diú₄ le₂la₂:

—Tia₅₄ quiáng₃, chi₂jua'₂ tsá₃ lé₂ jua'₅₄ a₂tsá₃ jme₁ṇag₅₄ jniá'₂ uig₅ la₂, ju₁le₅₄ bá₄ a₂'ñio₂ 'au'₂ 'ne₂.

⁴³ Jaun₂ ca₂guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güin₃ bá₄ táng₃ 'éi₂ tián'₅, ia₁ a₂ñí₄ lē₃ ma₂i₁güin₃. ⁴⁴ Jaun₂ ṇó₃ bá₄ táng₃ jē₁ca₂tē₂ 'ni₅ ráun₂, a₂chi₂i₁lein'₄ Diú₄; ján₃ bá₄ le₂jaun₂ ca₂juá'₂ tsí'₅ Diú₄. ⁴⁵ Jaun₂ guáin'₃ nē₃ ja₁tián'₄ chi'₂ dsi₂guia₃-tín₂, jaun₂ ca₂juá'₂:

—¿E₂? ¿Lia'₂ ma₂tián'₅ jaun₂ bá₄ 'nia'₂ le₁güing'₃? Ní₂ 'nia'₂, ca₂tē₂ bá₄ hora nē₃. Ma₂rē₂jñin'₅₄ bá₄ Jaun₅ dsa₂ mi₂güig₃ o₄gú₃ dsa₂ i₂le₁cán'₄ dso₄. ⁴⁶ Nau₂ 'nia'₂ nē₃, ma₃; ia₁ nē₅ ma₂já₅ i₂jáng'₂.

*Ma₂le₁te₂ dsa₂ Jesús
(Marcos 14:43-50; Lucas 22:47-53; Juan 18:2-11)*

⁴⁷ Tē₂jē₄ dsia₂₃ jág₁ jaun₂, jme₁ca₂dsióg₃ Judas, i₂lín₅ jan₂ dsa₂ i₂guia₃-tín₂. Juin₅ lin₃ dsa₂ i₂ja₂lén₂ quiong'₅₄ qui₂le₁quian₅ ñi₁tág₂, i₂le₁quian₅ ni₁'ma₂ nē₃, i₂chen₄ quián₅ juig₅₄ jme₂dsa₂ quian'₅₄ dsi₂gui'₅₄ can'₅₄ quián₅ dsa₂ juig₂. ⁴⁸ Jaun₂

† 26:31 Zacarías 13:7.

Judas ně₃, ia₁ ma₂ca₂jmo₃ bá₄ jág₁ le₂jñiá₅ 'e₂ léi₄ jmo₃ jē₁ma₂tě₂ rē₁jáng'₂, jme₁ma₂juá'₂:

—I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂.

49 Jaun₂ dsi₂jui₅ jme₁dsi₂óg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—¡Siang'₃, tě₅!

Jaun₂ ca₂chen'₃ rē₂jú'₅ Jesús.

50 Jaun₂ ca₂jéin'₃ Jesús jág₁ quió'₅, ca₂juá'₂:

—A₂mei₅₄, ¿'E₂ ta₁ ñi'₂?

Jaun₂ guě₄ ca₂jme₃quián₃ ca₂le₃jín₃ dsa₂ ca₂jñai'₃ Jesús, jaun₂ ca₂tág₃.

51 Tě₃jě₄ jaun₂, jan₂ dsa₂ i₂jme₁quian'₅₄ Jesús ca₂dsi₂ ñi₁tág₂, ca₂ti₃ caun₂ rē₂gua₄ dsa₂ i₂jme₂ti₃ quián₅ jme₂dsa₂ dsen₅₄. 52 Jaun₂ ca₂juá'₂ Jesús:

—Tiá₃ tág₃ ñi₁tág₂ quiáng'₂ ja₁jme₁'i₄. Ia₁ ca₂le₃jín₃ i₂quín'₂ quian'₅₄ ñi₁tág₂, ján₃ bá₄ quian'₅₄ ñi₁tág₂ dsián₃. 53 ¿'E₂ líng'₂? ¿A₁tsá₃ lé₂ le₃jme₁mi₁₂ ne₄ Ñe'₃, a₂chein₃ ja₁cong₂ guia₃-tín₂ mei₅ ángeles quiáin₅? 54 La₁ jua'₅₄ mei'₂ guě₃ le₂jaun₂, ¿'A₂ bá₄ lia'₂ le₃ti₃ jág₁ a₂tio'₅₄ ne₄ Si₂ ja₁juá'₂ a₂dsi₃ñíg₂ le₂la₂?

55 Jaun₂ juá'₂ Jesús tsí'₅ dsa₂:

—¿'E₂? ¿Ja₁nó'₅ 'nia'₂ le₁quian'₅₄ ñi₁tág₂, ni₁'ma₂, ja₂chong'₂ jniá₂, ně₂jag₄ bá₄ líng₅ dsa₂ 'ang₂? Jua'₂ ca₂le₃jě₃ jmig₄ bá₄ 'eng₅₄ jme₁tíng₂ dsa₂ jin'₄ 'nia'₂ i₁dsi₅ guá'₅ templo, tsá₃ ma₂chong'₂ guě'₂ 'nia'₂ ja₁jaun₂. 56 La₁ ca₂le₃jě₃ a₂lě₂ la₂ rē₂ti₃ jág₁ quió'₅ dsa₂ i₂jme₁'ě₂ jág₁ quián₅ Diú₄ ma₂líg'₂.

Jaun₂ guě₄ qui₂ca₂cuíng₃ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

Dsián'₃ Jesús ne₄ dsi₂tan₅₄ quián₅ guá'₅

(Marcos 14:53-65; Lucas 22:54-71; Juan 18:12-24)

57 Jaun₂ dsa₂ i₂ca₂i₁chan'₅₄ Jesús ca₂i₁jo₅₄ ne₄ Caifás, i₂lín₅ jme₂dsa₂ dsen₅₄. Ja₁jaun₂ ma₂le₁ñi'₂ tě₅juá'₅ quian'₅₄ guě₄ dsa₂ can'₅₄. 58 Pe₄ ně₃ ca₂ñó₃ uíng₂ tě₂quín₃ 'ein₂₃ Jesús ca₂tě₂ i₁dsi₅ quió'₅ jme₂dsa₂ dsen₅₄. Ja₁jaun₂ ca₂'í₃ ca₂guá'₂ quiain₅₄ 'lióg₂, ia₁ 'nio₃ tě₅ ne₅₄ 'a₂ lia'₂ jñiá'₅₄ dsióg₄ quian'₅₄ Jesús.

59 Jaun₂ juig'₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ ně₃, qui₂ca₂'náu'₃ jui₅ 'a₂ lia'₂ jme₃cáin'₂ Jesús dso₄ quian'₅₄ jág₁ tě₂jág₁ ia₁jaun₂ jñag'₃. 60 La₁ tsá₃ dso'₂ guě'₂ 'a₂ lia'₂ jme₃cáu'₂, o₁jñiá'₅₄ juin₅ i₂qui₂ca₂nau₂ jmo₂₃ jág₁ tě₂jág₁. Dsi₃lén₂ jme₁dsi₃lén₂ on₃ dsa₂, 61 jaun₂ ca₂juá'₂:

—I₂ně₅ ma₂ca₂juá'₂, “Qui'₅₄ jniá₂ jmig₄ lé₂ le₃'éng₄ guá'₅ templo quió'₅ Diú₄, quian'₅₄ 'ni₅ jmig₄ bá₄ lé₂ le₃jmóg'₄ tág₃.”

62 Jaun₂ ca₂nau₂ jme₂dsa₂ dsen₅₄, jaun₂ ca₂tsí'₃ Jesús:

—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ ně₅ a₂jáng'₅ dsa₂ a₂rē₂cáng'₄?

63 La₁ tei₄ bá₄ ca₂nau₂ Jesús. Jaun₂ ca₂ñag₃ tág₃ jme₂dsa₂ dsen₅₄, ca₂juá'₂:

—Dsi₅₄ jniá₂ 'éi'₃ a₂jua'₅₄ 'íng'₅ Diú₄ jén'₃ ne₄ jnia'₅₄, chi₂jua'₂ tě₃dsón'₂ líng'₅ Ja₁ñi'₅₄ Diú₄, I₂rē₂'ín₁ quiáin₅.

64 Jaun₂ ca₂ñag₃ Jesús:

—Ján₅, jniá₂ bá₄ 'éi₂, ju₁lia'₂ i₁juá'₂ 'ne₂ ně₅. La₁ juá'₅ jniá₂ juíng₂ 'nia'₂ ján₃, ca₂le₃jíng'₃, a₂já₅ jmig₄ a₂jag'₅₄ 'nia'₂ jing'₅₄ Jaun₅ dsa₂ mi₂güig₃ guá'₃ tě₂le₃ gu₂ ne₁ Diú₄ i₂'uan'₂ guě₄ lín₃, a₂jñi₁ó'₂ jě₄ jnei₅ guei'₅₄ dsi₂güig₂ ně₃.

65 Jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ñiog₅, † jaun₂ ca₂juá'₂:

—i'₂E₂ guě₄ 'ñio₅ 'líg'₅₄ juá'₂ i₂ně₅ 'ín₂₃ Diú₄ quian'₅₄ jág₁ ně₅ quió'₅! ¿'E₂ guě₄ jmá'₃ jág₁ 'lióng₂ 'niog₂ jniog₄ jua'₅₄ a₂jáng'₅ guě₄ dsa₂ sián'₂ jág₁ dsau'₅?

† 26:65 Jme₁chi'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'₅₄ cuě₂₃ léi₄ jē₁ma₂'í₅ 'nei₂ dsí₅, o₃ jme₁'i₄ qui'₂ dsí₅.

Ma₂nē₂nei'₂ bá₄ 'nia'₂ guiong'₅₄ jág₁ 'lig'₅₄ a₂ma₂nē₂juá'₂ i₂nē₅ 'iin₂₃ Diú₄. ⁶⁶ ¿'A₂ lia'₂ lín'₂ 'nia'₂?

Jaun₂ ca₂juá'₂ ca₂le₃jíin₃ tioen'₅₄:

—I₂ca₂tín₂ jón₂ bá₄ nē₅.

⁶⁷ Jaun₂ qui₂ca₂'héi₃ dsa₂ ds₂i₂ne₄ Jesús tioen'₅₄, tsá₃ caun₂ a₂qui₂ca₂jmóg'₂. I₂lín₅₄ gué'₂ qui₂ca₂quein₃ tioen'₅₄, ⁶⁸ jaun₂ ca₂juá'₂:

—'Ne₂ gué'₂ i₂juá'₂ líng'₅ I₂rē₂'ín₁ quián₅ Diú₄: ¡Dsi₄ jág₁ jua'₅₄ 'ein₂ nē₂quein₃ quiáng'₂!

Tsá₃ ca₂tion₃ Pe₄ a₂cu₂in₂₃ Jesús

(Marcos 14:66-72; Lucas 22:56-62; Juan 18:15-27)

⁶⁹ Tě₃jě₄ jaun₂ jme₁guá₄ Pe₄ i₁dsi₅; jaun₂ ca₂dsióg₃ jan₂ 'io₅₄ i₂jme₂ti₃ ta₁ ja₁jaun₂, jaun₂ ca₂tsí'₃ Pe₄:

—¿Ján₃ gué'₂ jme₁quian'₄ 'ne₂ Jesús i₂chan₂ Galilea?

⁷⁰ La₁ jin₄ dsa₂ ja₁guá₄ jaun₂ tsá₃ ca₂tioen₃, jaun₂ ca₂juá'₂:

—Tsá₃ guion₅₄ 'e₂ a₂juá'₂ 'ne₂ nē₅.

⁷¹ Ca₂nau₂ Pe₄ η₅ tē₂le₃ o₄'né₄, jaun₂ ca₂jág₂ táng₃ jan₂ 'io₅₄ sián'₂. 'Éi₂ ně₃ ca₂tsí'₃ dsa₂ i₂tion'₅₄:

—I₂jme₁quian'₅₄ Jesús Nazareno bá₄ nē₅.

⁷² La₁ jme₁ca₂nág₂ Pe₄, tsá₃ ca₂tioen₃ táng₃ jě₃ 'iin₂₃ Diú₄, ca₂juá'₂:

—¡Tsá₃ dsa₂ 'éi₂ cuín₅ jniá'₂!

⁷³ Jme₁co₂lág₂ jaun₂, ca₂jme₃quián₃ dsa₂ i₂tion'₅₄ con₂ Pe₄, jaun₂ ca₂juá'₂:

—Tě₃dsón'₂ bá₄ líng'₅ jan₂ rin'₅₄ 'éi₂, ia₁ nē₅ rě₂jniág'₂ 'a₂ lia'₂ né'₂ jag'₅₄.

⁷⁴ Jaun₂ ně₃, Pe₄ ca₂'iin₃ Diú₄ ca₂mi₃ a₂dsi₃ñí₂ 'e₂ ds₂i₃ñí₂, ca₂juá'₂:

—¡Tsá₃ dsa₂ 'éi₂ cuín₅ jniá'₂!

Tě₃jě₄ jaun₂ ca₂'o₃ jan₂ tē₁guí₄ dsó₂. ⁷⁵ Jaun₂ gué₄ ně₃ ca₂dsáu'₃ dsí₅ Pe₄ a₂ca₂juá'₂ Jesús le₂jñiá₃: “Né'₃ a₂'o₃ tē₁guí₄ dsó₂; hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jaun₂ gué₄ o₂'ín₃ Pe₄ tē₂le₃ ca₁'né₄, ca₂tá'₂ qui'₂ dsí₅, ca₂'o₃ 'nio₅ lín₃.

27

Ca₂jín'₂ dsa₂ Jesús o₄gú₃ Pilato

(Marcos 15:1; Lucas 23:1-2; Juan 18:28-32)

¹ Jme₁jnia₃ jaun₂, ca₂le₃jín₃ juig₅₄ jme₂dsa₂ quian'₅₄ gui'₅₄ can'₅₄ quián₅ dsa₂ juig₂ ca₂jmo₃ caun₂ jág₁ a₂jñi'₃ Jesús. ² Qui₂ca₂'néi₂ tioen'₅₄, jaun₂ ca₂tág₃ ca₂i₁jang'₂ ne₄ Dsi₄má'₂ Poncio Pilato.

Ca₂jon₃ Judas

(Hechos 1:18-19)

³ Jme₁ma₂tě₅ ne₄ Judas i₂ca₂'nag₃, a₂ma₂nē₂dsí₃ dsa₂ 'éi'₃ a₂jñi'₃ Jesús, jaun₂ ca₂tá'₂ qui'₂ dsí₅. Jaun₂ ca₂i₁con₂ táng₃ ta₁guiog₃-guiá'₂ 'éi'₃ cu₄tiog₂ jaun₂, ca₂jíin'₃ juig₅₄ jme₂dsa₂ quian'₅₄ gui'₅₄ can'₅₄. ⁴ Jaun₂ ca₂juá'₂:

—Ma₂nē₂'no₃ jniá₂ dso₄, ia₁ nē₂jñing'₅₄ ne₄ 'mú₃ jan₂ i₂tsá₃ dso₄ rin₂.

La₁ ca₂ñag₃ dsa₂ 'éi₂:

—Tsá₃ 'e₂ a₂jaun₂ dsan₂ ds₂i₅ jnia'₅₄. A₂ca₂tín'₂ 'ne₂ bá₄ jaun₂.

⁵ Con'₂ ca₂i₁guia'₂ jaun₂ bá₄ Judas cu₄ jaun₂ ds₂i₂néi₂ ja₁jñi₅ guá'₅ templo, jaun₂ ca₂'o₃ 'iin₃ ca₂i₁tiá₄ ché₂ ds₂i₂lag₅₄ ca₂jñi'₃ 'ñiog₅. ⁶ Juig₅₄ jme₂dsa₂ ně₃ ca₂i₁cag'₂ cu₄ jaun₂, jaun₂ ca₂juá'₂:

—Tsá₃ 'i₄ 'éi'₃ ds₂i₃to'₅₄ cu₄ la₂ 'ñi₃o'₃ gu₅ ja₁tio'₅₄ cu₄ qui₅o'₅ guá'₅, ia₁ cu₄ a₂ca₂quín₂ jmi₂ bá₄ la₂.

7 Jaun₂ ca₂jmo₃ caun₂ jág₁ a₂lá₃ caun₂ 'uë₃ quian'₅₄ cu₄ jaun₂ quió'₅ jan₂ dsa₂ i₂jme₁jmo₅ ni₁dsig₁ gua'₅₄, ja₁jmo₃ 'uë₃ ja₁'óin₂ jmá'₃ lia'₂ dsi₂nau₂. 8 'Uig₅₄ jaun₂ chei₂ ja₁jaun₂ ca₂të₂ jmig₄ në₃, 'Uë₃ Jmi₂. 9 Le₂në₅ ca₂rë₃ti₃ jág₁ a₂ca₂juá'₂ Jeremías, dsa₂ i₂jme₁'ë₂ jág₁ quián₅ Diú₄ ma₂líg'₂, jme₁ca₂juá'₂: “Ca₂can₃ dsa₂ guióg₂-guiá₂ cu₄tiog₂, con'₂ 'ma'₅₄ a₂ca₂dsi₂ dsa₂ juig₂ Israel quió'₅ 'éi₂. 10 Quian'₅₄ cu₄ jaun₂ ca₂lá₃ caun₂ 'uë₃ quió'₅ dsa₂ i₂jmo₅ ni₁dsig₁, lia'₂ con'₂ lë₅ 'éi'₃ quió'₅ Te₁gui'₅₄.”*

Chén'₅ Jesús ne₄ Pilato

(Marcos 15:2-5; Lucas 23:3-5; Juan 18:33-38)

11 Të₁lia'₂ jaun₂, chén'₅ Jesús ne₄ dsi₄má'₂, jaun₂ 'éi₂ në₃ ca₂ḡag₃:

—¿Dson'₂ líng'₅ Rag₅₄ quián₅ dsa₂ judíos?

Jaun₂ ca₂ḡag₃ Jesús:

—Le₂në₅ bá₄, ju₁lia'₂ juá'₂ 'ne₂ në₅.

12 Jaun₂ caun₂ qui₂ca₂'nag₃ bá₄ juig₅₄ jme₂dsa₂ quian'₅₄ gui'₅₄ can'₅₄ tiain'₅₄. La₁ tsá₃ ma₃'e₂ ca₂ḡag₃ Jesús. 13 Jaun₂ ca₂juá'₂ Pilato:

—¿Tsa₁ nag'₂ ca₂le₃jě₃ 'e₂ i₁juá'₄ dsa₂ në₅ 'ni₂₃ 'ne₂?

14 La₁ tsá₃ ma₃'e₂ ca₂ḡag₃ Jesús 'i₁caun₂; jaun₂ ca₂i₃gó'₃ dsí₅ Pilato.

Ca₂o₃'ág₃ 'éi'₃ a₂jón₂ Jesús

(Marcos 15:6-20; Lucas 23:13-25; Juan 18:38 — 19:16)

15 Jm₁ig₄ jaun₂ jme₁chí'₄ tag₄ quió'₅ dsi₄má'₂ a₂lióin₂ ca₂le₃jě₃ ḡi₂, jan₂ dsa₂ i₂'en₅₄ né'₃ 'má₃, jme₁të₅ Jm₁ig₄ Të₂'in₅₄, 'ein₂ ca₂'in₃ dsa₂ juig₂ i₂lión₂. 16 Jm₁ig₄ jaun₂ jme₁rë₂jní₅ jan₂ dsa₂ i₂chen₂ Barrabás, ca₂le₂con₂ bá₄ 'ei₅ jág₁ quió'₅ a₂'lin'₅₄. 17 Të₃jë₄ le₁ḡi'₂ dsa₂ jaun₂, ca₂ḡag₃ Pilato ca₂ḡí'₃ dsa₂ juig₂:

—¿I₂'ein₂ 'niog'₂ 'nia'₂ lon₄ jniá₂ quián₅ 'nia'₂? ¿Barrabás, o₃ Jesús i₂të'₂ dsa₂ I₂rë₂'in₁ quián₅ Diú₄ 'e₂?

18 Ia₁ ca₂rë₃lí₄ bá₄ Pilato 'ḡiog₅, a₂'iog₅₄ uig₅ dsí₅ bá₄ dsa₂ ca₂jín'₂ Jesús ne₅₄.

19 Të₁lia'₂ guá₅ Pilato ne₄ta₁ quió'₅, ja₁qui₂dsi₂₃ 'éi'₃, të₃jë₄ jaun₂ ca₂chen₃ 'io₅₄ quián₅ jág₁ ne₅₄ a₂ca₂juá'₂: “Tsá₃ lë₁tián₅ 'ne₂ cuente quió'₅ dsa₂ i₂tsá₃ 'e₂ rin₂ në₅. Ia₁ 'ḡio₅ gau₂ qui₂chóg₂ i₃ḡig₂ ca₂néi₃ o₄quió'₄.”

20 La₁ juig₅₄ jme₂dsa₂ quian'₅₄ gui'₅₄ can'₅₄ në₃, ca₂toin'₂ jág₁ dsa₂ juig₂ ia₁jaun₂ mi₃ dsa₂ tsí'₃ Pilato a₂lióin₂ Barrabás bá₄, jaun₂ jḡi'₃ bá₄ Jesús. 21 Jaun₂ ca₂juá'₂ Pilato ca₂tsí'₃ dsa₂:

—¿I₂'ein₂ dsa₂ on₃ la₂ 'niog'₂ 'nia'₂ lon₄ jniá₂?

Jaun₂ ca₂ḡag₃ dsa₂ juig₂ tiain'₅₄:

—Barrabás bá₄.

22 Jaun₂ ca₂ḡag₃ táng₃ Pilato ca₂ḡí'₃ dsa₂ juig₂:

—¿'E₂ guë'₂ 'niog'₂ 'nia'₂ jmo₅₄ jniá₂ quian'₅₄ Jesús i₂të'₂ dsa₂ I₂rë₂'in₁ quián₅ Diú₄?

Jaun₂ ca₂ḡag₃ co₂dsia₅ ca₂le₃jín₃ tiain'₅₄:

—¡Tióin₃ cróg₄!

23 Jaun₂ ca₂ḡag₃ táng₃ Pilato:

—¿'E₂ 'uig₅₄ në₃? ¿'E₂ guë'₂ dso₄ ma₂'náu₂?

La₁ tē₂le₃ i₂juí'₂ guë'₄ co₂mi'₅₄ ca₂tóin'₂, ca₂juá'₂:

—¡Tióin₃ cróg₄!

24 La₁ ca₂rë₃lí₄ bá₄ Pilato tsá₃ 'e₂ ta₁ jmo₃ jág₁ quió'₅, ia₁ tē₂le₃ 'ḡio₅ lin₃ guë'₄ juí₁si co₂mi'₅₄ ca₂tóin'₂. Jaun₂ lë₃, ca₂chein₃ jan₂ dsa₂ i₁quian₅₄ jmig₂, jaun₂ ca₂rang₃ gu₂ tē₃ne₄ dsa₂ juig₂, jaun₂ ca₂juá'₂:

* 27:10 Jeremías 32:6-9; Zacarías 11:12-13.

—Tsá₃ 'e₂ rē₃cán'₄ jniá₂ jmi₄ dsa₂ nē₅; guion'₅₄ bá₄ 'nia'₂ rē₂cáng'₄ nē₁'e₂ ca₂jmaí'₅₄.

²⁵ Jaun₂ ca₂ḡag₃ ca₂le₃jín₃ dsa₂ juig₂ tioen'₅₄:

—jmi₄ 'mú₃ quió'₅ i₂nē₅, juí₁ dsi₂ḡag₂ jnia'₅₄ 'e₂ dsi₃ḡág₂, quian'₅₄ tsi₁jon₂ quián₂ jnia'₅₄ i₂nē₃ gué₄ tē₁ja₃lén₂!

²⁶ Jaun₂ ca₂lión₂ bá₄ Pilato Barrabás i₂mi₅ dsa₂ lión₂; jaun₂ ca₂jmo₃ 'éi'₃ a₂bán₂ dsa₂ Jesús, jaun₂ gué₄ ca₂jáng'₂ o₄gú₃ dsa₂ juig₂ jaun₂ tion₃ cróg₄.

²⁷ Jme₁co₂lág₂ jaun₂, 'lióg₂ quián₅ dsi₄má'₂ ca₂jḡiai₃ Jesús juí₅ i₁dsi₅ ne₄ta₁ jaun₂. Jaun₂ ca₂ḡi'₂ ca₂le₃jín₃ 'lióg₂ le₃lág'₃ quió'₅ Jesús. ²⁸ Jaun₂ gué₄ ca₂dsi₂ tsin'₅₄ Jesús, ca₂quei'₃ caun₂ tsi₁'mi'₂ guéin₂ 'ui'₃, † ²⁹ jaun₂ ca₂jmo₃ caun₂ corona quian'₅₄ chi₁uíng₃ taun₅, ca₂tó'₂ mi₂dsi₄ Jesús. Ca₂chong'₂ ca₂'nau₅₄ gué₂ ni₁'ma₂ ta₅ gu₂ ne₁. Jaun₂ gué₄ ca₂chi₃jné₃ ne₄ Jesús tioen'₅₄, a₂lē₁qui₂co₂jmo₃g'₂, ca₂juá'₂:

—jSian'₃ 'ne₂, Rag₅₄ quián₅ dsa₂ judíos!

³⁰ Ján₃ qui₂ca₂'ḡéi₂ dsa₂, qui₂ca₂bá₂ dsa₂ mi₂dsi₅₄ quian'₅₄ ni₁'ma₂ a₂ca₂chong'₃ jaun₂. ³¹ Jme₁ca₂lē₃ a₂lē₁co₂jmo₃g'₂ jaun₂, ca₂dsei₂₃ táng₃ tsi₁'mi'₂ 'ui'₃ a₂jme₁ca₂quei'₃, jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ gué₄ ca₂jio₃g₃ ca₂tē₂ ja₁tē₃toin₅₄ cróg₄.

Ca₂tion₃ dsa₂ cróg₄ Jesús

(Marcos 15:21-32; Lucas 23:26-43; Juan 19:17-27)

³² A₂ca₂'uiin₂ jaun₂, ca₂jein'₂ jan₂ dsa₂ i₂chan₂ Cirene, i₂chen₂ Si₂mu₅₄. Jaun₂ ca₂chi₃quián₂ jmi₃g₄ 'éi₂ a₂cán₂ cróg₄.

³³ Jaun₂ ca₂dsi₃lén₂ jme₁dsi₃lén₂ caun₂ ja₁chei₂ Gólgota, co₂'nió'₄ ja₁tē'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. ³⁴ Ja₁jaun₂ ca₂jén'₃ dsa₂ ne₄ Jesús vino a₂rē₃cón'₅ quian'₅₄ dsí'₁ já'₂; † la₁ dsi₂juí₅ jme₁ca₂tí₂ Jesús 'o₅₄, tsá₃ ma₃ca₂'in'₃.

³⁵ Jme₁ca₂lē₃ tion₂₃ cróg₄, 'lióg₂ nē₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂. § ³⁶ Ja₁jaun₂ ca₂tián'₂ jmo₂₃ 'í₁. ³⁷ Dsi₄ cróg₄ ca₂tióng₃ dsa₂ letra ja₁juá'₂ 'e₂ dso₄ a₂bóin'₂ Jesús, a₂juá'₂ le₂la₂: “I₂LA₂ BÁ₄ JESÚS, I₂LIN₅ RAG₅₄ QUIÁN₅ DSA₂ JUDÍOS”.

³⁸ Ján₃ bá₄ ca₂tioen₃ gué₄ on₃ dsa₂ 'ang₂ co₂lē₅ quiong'₅₄, jan₂ tē₂le₃ gu₂ ne₁, jan₂ gué₂ tē₂le₃ gu₂ jen₅. ³⁹ Jaun₂ ca₂le₃jín₃ dsa₂ i₂qui₂ca₂ḡí₃ juí₅ jaun₂ qui₂ca₂jnaú'₂ jág₁ uig₅, qui₂bí₂ dsi₅₄, ⁴⁰ ca₂juá'₂:

—'Ne₂ gué₂ i₂juá'₂ a₂'éng'₄ guá'₅, con'₂ siá'₂ tìng'₂ jmog'₅₄ táng₃ quian'₅₄ 'ni₅ jmi₃g₄, nē₃ nē₃, lion₄ 'ḡiag'₂. Sión₅ ja₁tong'₂ nē₅, chi₂jua'₂ dsón'₂ 'ne₂ líng'₅ Ja₁ḡi'₅₄ Diú₄.

⁴¹ Ján₃ bá₄ le₂jaun₂ a₂lē₁qui₂co₂jmo₃g'₂ juig₅₄ jme₂dsa₂ quian'₅₄ tē₅juá'₅, gui'₅₄ can'₅₄ nē₃, dsia₂₃ jág₁ qui₂tsí'₅ riin'₅₄, juá'₂:

⁴² —Ca₂lión₂ bá₄ i₂sián'₂, la₁ 'ḡiog₅ bá₄ tsá₃ lé₂ le₃lión₂. Chi₂jua'₂ i₂nē₅ lín₅ Rag₅₄ quián₅ dsa₂ juig₂ Israel, juí₁sióin₄ cróg₄ ia₁jaun₂ bá₄ le₃'éin₂ jniog₄ le₃quió'₅.

⁴³ I₂nē₅ gué₂ juá'₂ 'ei₅ caun₂ dsí₅ ne₄ Diú₄; nē₃ nē₃ 'éi₂ juí₁lio₅₄ chi₂jua'₂ tē₃dsón'₂ bá₄ 'nioi₃ i₂nē₅; ia₁ 'ḡiog₅ gué₂ ma₂juá'₂ lín₅ Ja₁ḡi'₅₄ Diú₄.

⁴⁴ Le₂jio₃g₅ dsa₂ 'ang₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Marcos 15:33-41; Lucas 23:44-49; Juan 19:28-30)

† 27:28 Guéin₂ 'ui'₃ jme₁jniá₂ tsin'₅₄ rag₅₄ jme₁qui₅' jmi₃g₄ jaun₂. † 27:34 co₂'nió'₄ caun₂ mí₅ a₂jḡia₃ uig₅ quió'₅ dsa₂. § 27:35 A₂lín₅₄ chog₅₄ si₂ a₂ca₂lē₃ gué₄ cang₂ juá'₂ le₂la₂ ján₃: “Le₂nē₅ ca₂lē₃ ca₂rē₃ti₃ jág₁ a₂ca₂juá'₂ dsa₂ i₂'ē₂ jág₁ quián₅ Diú₄ ma₂líg'₂ ja₁juá'₂: ‘Ca₂dsión'₂ dsa₂ ni₁tsin'₅; ca₂co₃ dsa₂ o₁ne₄ 'ein₂ lí'₂ 'mi'₂ quió₃.’” Salmo 22:18.

45 Jme₁ca₂tě₂ dsi₂ŋí₃, * ca₂'ág₂ nei₂ le₂tan₅₄ le₂con₂ 'uě₃ jaun₂ ca₂lia'₂ ca₂tě₂ hora ŋí₁ 'ni₅† tē₂le₃ ca₂'láu₂. 46 Hora jaun₂, ca₂'ŋia₂ guě₄ Jesús, jág₁ ca₂juá'₂ tiá₂:
—Elí, Elí, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lē₃ ma₂ně₂téi'₃ jniá₂?‡

47 I₂lin₅₄ dsa₂ i₂jme₁tió₂n₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—Nei₂ 'nia'₂. Elías, i₂jme₁'ě₂ jág₁ quián₅ Diú₄ ma₂líg'₂, tē'₂.

48 Jaun₂ dsi₂jui₅ le₂jaun₂ ŋó₃ jan₂ co₂chi'₅₄ i₁quian₅₄ caun₂ ni₁jaun₂ guion₅ jmig₂. Jaun₂ ca₂guioin₃ vino dsi'₃, jaun₂ ca₂chi₃dsí₂ nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ín'₂. 49 La₁ ca₂juá'₂ riin'₅₄:

—Tsá₃ lein'₅₄; o₁ne₄ chi₂jua'₂ jiá₃ Elías ja₃lio₅₄ quió'₅.

50 Con'₂ bá₄ ca₂'ŋióg₂ guě₄ Jesús tiá₂ lin₃, jaun₂ guě₄ ca₂jáng'₃ jme₂dsí₂ quió'₅. 51 Hora jaun₂ dé₄ dsón'₂ co₂dsia₅ ca₂chen₃ ca₂tě₂ guei'₅₄ ca₂tě₂ 'uě₃ ca₂lě₃ tin₃ tsín'₅ tsi₁'mi'₂ pa₁ a₂jme₁'ei₅ dsi₂néi₂ guá'₅ templo. 'Uě₃ guě'₂ ně₃ ca₂i₁bi₅₄, ni₁'lau₂ a₂te₁'i₁ ja₁jaun₂ qui₂ca₂dsón₂; 52 tau₂ 'ŋio₅ ně₃ qui₂ca₂niá₃ ca₂lě₃; ján₃ bá₄ qui₂ca₂jen'₅₄ juin₅ 'lag₄ jŋió₅ quián₅ Diú₄ i₂ma₂dsan₃ le₂jniá₅. 53 Qui₂ca₂'ui₂tau₂ 'ŋio₅; ca₂i₃toin'₅₄ Jerusalén ciudad jŋió₅ jme₁ca₂jen'₅₄ Jesús, ton'₂ ca₂jme₃jniai₂₃ ně₃ ne₄ juin₅ dsa₂.

54 Jaun₂ juig₅₄ 'lióg₂ quian'₅₄ guě₄ dsa₂ i₂jme₁quian'₅₄ jmo₂₃ 'í₁ Jesús, jme₁ma₂tě₅ ne₅₄ dsi₂bi₅₄ 'uě₃ ma₂lě₂ ca₂le₃jě₃ guě₄ 'e₂ a₂ca₂lě₃ jaun₂, jaun₂ guě₄ ca₂rě₃gó'₅ 'ŋio₅ lin₃; jaun₂ guě₄ ca₂juá'₂:

—Tě₃dsón'₂ bá₄ jme₁lín₄ i₂ně₅ Ja₁ŋi'₅₄ Diú₄.

55 Jme₁tion'₅₄ juin₅ 'io₅₄ ja₁jaun₂ jág₅, tió₂n₂ uíng₂. 'Éi₂ ma₂ja₂lén₂ jme₂ti₃ ne₄ Jesús le₂tan₅₄ 'uě₃ Galilea. 56 Jín₄ 'io₅₄ 'éi₂ jme₁en₅₄ María i₂chan₂ Magdala, quian'₅₄ María chog₅₄ Jacobo quian'₅₄ Sě₄; quian'₅₄ chog₅₄ chi'₂ quián₅ Zebedeo.

Ca₂'on₃ Jesús

(Marcos 15:42-47; Lucas 23:50-56; Juan 19:38-42)

57 Jme₁ca₂tó'₂ nei₂ jmig₄ jaun₂, guan₃ jan₂ dsa₂ cha₂ cu₄ i₂chen₂ José, i₂chan₂ juig₂ Arimatea, ia₁ ján₃ bá₄ ca₂rě₃'éin₂ le₃quió'₅ Jesús. 58 'Éi₂ ně₃, ŋei₅₄ i₂jiin₁₂ Pilato, ca₂i₁mi'₄ 'lag₄ Jesús. Jaun₂ ca₂jmo₃ Pilato 'éi'₃ a₂jáng'₂ dsa₂. 59 Jaun₂ ně₃ ca₂tág₃ Sě₄, ca₂lio₃ rě₂ quian'₅₄ caun₂ tsi₁'mi'₂ le₁jě₃. 60 Jaun₂ ca₂i₁tio'₂ 'ŋió'₃ caun₂ tau₂ 'ŋio₅ 'mí₂ quió'₅ 'ŋiog₅, a₂jme₁ma₂guéi₃ dso'₂ ni₁'lau₂. Jaun₂ ca₂jŋiói'₃ ca₂míg₂ ni₁cang₁ li'₂ pa₁, ca₂jlě₂ 'o₄ tau₂ 'ŋio₅, jaun₂ guě₄ ca₂ŋái'₃. 61 La₁ María i₂chan₂ Magdala quian'₅₄ María jan₂ 'éi₂, jaun₂ bá₄ jme₁tiáin'₄ tē₂le₃ ja₁jniá₂ o₄'né₄ tau₂ 'ŋio₅.

Jmo₅ 'lióg₂ 'í₁ tau₂ 'ŋio₅

62 Jme₁jnia₃ táng₃ jaun₂, co₂'nió'₄ jme₁ca₂dsan₃ tion'₅₄ dsa₂ jmo₂₃ co₂jnia₅₄ a₂'nió'₅ quió'₅ jmig₄, jaun₂ ca₂i₁len₅₄ juig₅₄ jme₂dsa₂ quian'₅₄ dsa₂ fariseos ně₃ ca₂ŋi'₂ ne₄ Pilato, 63 ca₂i₁jua'₄:

—Gui'₅₄, dsáu'₅ dsi₅ jnia'₅₄, a₂ca₂juá'₂ tē₂jág₁ 'éi₂ lia'₂ con'₂ jme₁chain₂ guě₄, a₂jein'₅₄ táng₃ a₂'ni₅ jmig₄. 64 'Uig₅₄ jaun₂, chen₅ 'lióg₂ ju₁dsi₂jmo₂ 'í₁ tau₂ 'ŋio₅ ca₂lia'₂ ca₂tě₂ jmig₄ 'ni₅, ia₁ con'₂ tsá₃ ŋó₅ ně₁jua'₂ ja₂lén₂ dsa₂ i₂jme₁quian'₅₄ tē₂, jaun₂ táun₂ jág₁ cang₂, lé₂ le₃juá'₂: “Ma₂ca₂jein'₅₄ bá₄ táng₃.” Ia₁ ně₁jua'₂ ca₂lě₃ le₂jaun₂, ja₂lin₃ guě₄ juě'₂ lé₂ jág₁ tē₂jág₁ jē₁ca₂tó'₂ ně₅, con'₂ guě₄ jág₁ tē₂jág₁ le₂'uig₅₄.

65 Jaun₂ ca₂juá'₂ Pilato:

—Ně₅ tió₂n₂ co₂'nió'₃ i₂ně₅. O₂nó'₅ 'nia'₂ quian'₅₄, o₂jmo₄ 'nia'₂ 'í₁ 'a₂ con'₂ jŋia'₅₄ tian'₃ 'nia'₂ jmó'₂.

* 27:45 lit. “hora jŋéi₂.” † 27:45 lit. “hora ŋi₃.” ‡ 27:46 Salmo 22:1.

⁶⁶Jaun₂ ca₂i₃léin₂ jaun₂ ně₃, i₁jmo₅₄ 'í₁ dse₃ lin₃ tau₂ 'nio₅, ca₂tióng₃ caun₂ sello dso₂ ni₁cang₁ a₂chi₁jni₅, jaun₂ ca₂chein₃ co₂nió₃ 'lióg₂ i₂jmo₃ 'í₁.

28

Jmíg₄ a₂ca₂jen₅₄ Jesús

(Marcos 16:1-8; Lucas 24:1-12; Juan 20:1-10)

¹Ca₂ñí₂ bá₄ jmíg₄ sa₅₄. Jaun₂ ně₃, tē₂le₃ ca₂jnia₃ jmíg₄ le₂'uig₅₄ semana, ca₂ñe₄ María i₂chan₂ Magdala quiain₅₄ María jan₂; ca₂i₁lein₅₄ i₁jag₅₄ tau₂ 'nio₅ quió₅ Jesús. ²Con₂ tsá₃ rē₂jáin₁ dsi₂jui₅ le₂jaun₂ ca₂i₁bi₅₄ 'uē₃ tiá₂ lin₃ ia₁ a₂ca₂sión₃ guei₅₄ i₂juíg₃ jan₂ ángel quián₅ Te₁gui₅₄. Ca₂tē₁tsin₅₄ o₄'né₄ tau₂ 'nio₅, ca₂mói₂ ni₁cang₁ a₂jme₁chi₁jni₅, jaun₂ ca₂guá₂ ne₄ jaun₂. ³Ca₂lia₂ 'tág₅ 'nio₅ lin₃ jniá₂ jui₁lia₂ 'tág₅ si₁ñí₃. Tsin₅₄ a₂qui₂ 'guē₂ tiog₂ jau₂ lin₃. ⁴Jme₁ca₂jág₂ 'lióg₂ i₂tion₅₄ jmo₅ 'í₁, ca₂rē₃gó₅ 'nio₅ lin₃ ca₂jlein₃ ně₂jag₄ bá₄ tsá₃ dsi₅ chan₂ ca₂jen₃. ⁵Jaun₂ ca₂juá₂ 'ángel ca₂tsí₃ 'io₅₄:

—Tsá₃ jmo₂ 'nia₂ gang₃. Ia₁ guion₄ jniá₂ a₂'na₂ Jesús i₂ca₂tion₃ dsa₂ cróg₄ bá₄ 'nia₂ i₂niog₅₄. ⁶Tsá₃ 'éi₂ ma₃chan₂ ja₁lá₃; ma₂ca₂jein₅₄ bá₄ tág₃ jui₁lia₂ 'lě₅ ca₂juá₂ 'nio₅. La₂ i₂jag₄ de₂ 'nia₂ ja₁jme₁rē₂quiain₂₃. ⁷O₂nó₅ 'nia₂ i₂ñáu₂ 'o₂chei₅₄ chi₂ dsi₂guia₃-tín₂ quiáin₅ a₂ma₂ca₂jein₅₄ tág₃ ne₄ 'mú₃; ma₂'ein₅₄ jui₅ ñó₅ jniá₅ lia₂ con₂ 'guē₄ 'nia₂ jui₅ Galilea. Ja₁jaun₂ o₁jñin₄ 'nia₂. Jág₁ ně₅ ma₂ně₂juíg₂ 'nia₂.

⁸Jaun₂ ně₃ ca₂'uin₂ 'io₅₄ i₂ñáu₂, tē₃ ma₂gó₅, ton₂ 'jén₅ rē₂ 'io₂ 'ján₃. Jaun₂ ca₂i₃lein₃ co₂chi₅₄ i₁con₂ jág₁ ne₄ dsa₂ guia₃-tín₂. ⁹Tē₃jē₄ i₂lein₃ jaun₂, con₂ tsá₃ jáin₅ ca₂jme₃jnia₅ Jesús ne₅₄, ca₂juá₂:

—iSiang₃!

Jaun₂ ně₃ ca₂jme₃quiáin₃ con₂ Jesús, ca₂chi₃jnë₃ ca₂jmo₃ i₁'áin₃ ca₂tē₂ 'uē₃, ca₂quí₃ cu₅ tag₄ Jesús. ¹⁰Jesús ně₃ ca₂juá₂:

—Tsá₃ lē₁jmo₂ 'nia₂ gang₃. O₂nó₅ 'nia₂ o₂con₄ jág₁ ne₄ ríng₃ o₂chei₅₄ 'nia₂ jui₁dsi₂lein₅ jui₅ Galilea, jaun₂ ja₁jaun₂ jág₂ jniá₂.

Jág₁ a₂ca₂dsia₃ 'lióg₂

¹¹Tē₁lia₂ i₂len₃ 'io₅₄ 'éi₂ i₂con₃ jág₁, i₂lin₅₄ 'lióg₂ i₂jme₁jmo₅ 'í₁ i₃lein₃ jē₄ juíg₂ i₁con₂ jág₁ ne₄ juíg₅₄ jme₂dsa₂ ca₂i₁jua₄ ca₂le₃jě₃ 'a₂ lia₂ niog₅ ca₂lě₃. ¹²Juíg₅₄ jme₂dsa₂ ně₃ ca₂ñí₂ 'quian₅₄ gui₅₄ can₅₄ ca₂jmo₃ jág₁, jaun₂ ca₂cué₃ 'lióng₂ cu₄ 'lióg₂ 'éi₂, ¹³ca₂juá₂:

—Le₂la₂ dsiá₁ 'nia₂ juíg₅₄ dsa₂: tē₁lia₂ jme₁rē₂güín₃ 'nia₂ a₂'uē₂ ca₂dsi₃lén₂ dsa₂ i₂jme₁quiain₅₄, jaun₂ ca₂tág₃ 'lag₄. ¹⁴Ně₁jua₂ ca₂rē₃ñi₅ dsi₄má₂ jág₁ ně₅, la₂ bá₄ ne₄ jnia₅₄ 'a₂ lia₂ jme₁'uan₅₄ dsi₅ ia₁jaun₂ tsá₃ cán₁ 'nia₂ o₂i₁ dsi₅. ¹⁵Jaun₂ ca₂gue₃ bá₄ 'lióg₂ cu₄, jaun₂ le₂jaun₂ bá₄ ca₂jmo₃ con₂ lě₅ jág₁ ca₂to₂ dsa₂ 'éi₂. Jaun₂ le₂ně₅ bá₄ jág₁ 'ei₅ ca₂le₂con₂ le₁ñi₅ dsa₂ judíos ca₂tē₂ jmíg₄ ně₃.

Ca₂chen₃ Jesús chi₂ dsi₂guia₃-tín₂ a₂dsi₃ 'ě₃ jág₁

(Marcos 16:14-18; Lucas 24:36-49; Juan 20:19-23; Hechos 1:6-8)

¹⁶Jaun₂ ně₃ i₃len₃ bá₄ ta₁guia₃-ján₃ chi₂ dsi₂guia₃-tín₂ jui₅ Galilea, ca₂i₃léin₂ ja₁lě₄ caun₂ má₂, lia₂ con₂ lě₅ ma₂ca₂juá₂ Jesús le₂jñiá₅. ¹⁷Jaun₂ dsi₂jui₅ jme₁ca₂jñin₂ Jesús, ca₂chi₃jnë₃ ca₂jmo₃ i₁'áin₃, la₁ i₂lin₅₄ ně₃ tsá₃ caun₂ jme₁ma₂le₁ág₄ dsi₅. ¹⁸Jaun₂ ca₂jme₃quián₂ Jesús ja₁tióin₂, jaun₂ ca₂juá₂:

—Ca₂le₃jě₃ bí₂ 'éi₃ lia₂ guei₅₄ i₂juíg₃ lia₂ ne₄ gua₅₄ 'uē₃ ně₃ ma₂ca₂ñig₂. ¹⁹Jaun₂ lě₃, o₂nó₅ 'nia₂ ně₃ ca₂le₂con₂ mi₂güíg₃, o₂jme₁tñin₅ 'nia₂ dsa₂ a₂léin₂ dsa₂ quiáng₃, o₂qui₂o₂chon₄ 'nia₂ dsa₂ jmíg₂, lia₂ con₂ lě₅ 'éi₃ quió₅ Ne₃, quian₅₄

lia'₂ con'₂ lě₅ 'éi'₃ quió'₅ Ja₁ŋi'₅₄, * quian'₅₄ lia'₂ con'₂ lě₅ 'éi'₃ quió'₅ Jme₂dsí₂
 Jŋiós, ²⁰ o₂jme₁tiin₅ 'nia'₂ a₂nag₃ gau₂ ca₂le₃jě₃ 'éi'₃ a₂ma₂cuě₃ jniá₂ 'nia'₂. Jaun₂
 ŋi'₅₄ 'nia'₂ ně₃, la₂ bá₄ 'eng₅₄ quian'₅₄ 'nia'₂ ca₂le₃jě₃ jmig₄, ca₂lia'₂ ca₂ŋia₅ jmig₄
 jě₁ca₂tó'₂.
 Co₂ně₅.

* 28:19 'Nio'₂ ja₁ton₅ Romanos 6:3; 1 Corintios 1:13; Gálatas 3:27.

Já_{g1} Dse₃ quió'₅ Diú₄ a₂ca₂tó'₂ San Marcos ne₄ Si₂

*'Ē₂ Juan₅₄ já_{g1} quió'₅ Diú₄ caun₂ 'uē₃ co₂'ηiog₅
(Mateo 3:1-12; Lucas 3:1-9, 15—17; Juan 1:19-28)*

¹ Le₂la₂ bá₄ ca₂rē₃lióg₃ já_{g1} dse₃ quió'₅ Jesucristo, Ja₁ηi'₅₄ Diú₄. *

² Jui₁lia'₂ lē₅ tio'₅₄ ne₄ si₂ quió'₅ dsa₂ i₂jme₁'ē₂ já_{g1} quián₂ Diú₄ ma₂líg'₂, ja₁juá'₂ le₂la₂:

Tsing₅₄ jan₂ dsa₂ quiáng₃
ne₄ jui₅ quiáng'₂, jón₃,

a₂dsi₃can₅ já_{g1} dse₃ jin₄ dsa₂ mi₂güí₃,
jaun₂ jmo₃ co₂jñia₅₄ jui₅ quiáng'₂. †

³ Jaun₂ né'₂ 'ē₂ dsa₂ 'éi₂ já_{g1} co₂mi'₅₄
caun₂ 'uē₃ quein₂ co₂'ηiog₅, jaun₂ i₂'éi₂ juá'₂:

“Jmo₄ 'nia'₂ co₂jñia₅₄
jui₅ quió'₅ Te₁gui'₅₄ i₂jiá₃.

Nia₄ 'nia'₂ caun₂ jui₅ co₂dsau₅.” †

⁴ Jaun₂ le₂la₂ ca₂rē₃ti₃ já_{g1} nē₅: Ca₂guan₃ Juan₅₄ caun₂ ja₁lē₄ 'uē₃ co₂'ηiog₅ ca₂choin₃ jmig₂ dsa₂, qui₂ca₂'ē₂ já_{g1} a₂tsón₃ dsa₂ jmig₂, jē₁ma₂ca₂dsi₃quén'₅ dsí₅ ia₁jaun₂ le₃'én₂ dsáu₁. ⁵ Jaun₂ ca₂le₃jín₃ dsa₂ chan₂ juig₂ Judea quian'₅₄ dsa₂ i₂chan₂ Jerusalén nē₃, ca₂i₁lein₅₄ ja₁jme₁'en₅₄ Juan₅₄. Qui₂ca₂jmo₃ dsa₂ qui₂ñi₃ quió'₅ ca₂le₃jē₃ dsáu₁. Jaun₂ guē₄ ca₂cho₃ Juan₅₄ jmig₂ § Cuá₃ Jordán.

⁶ Ni₁tsin'₅₄ Juan₅₄ 'éi₂ jme₁lē₄ quian'₅₄ ni₁jñi₁ já'₂ camello. A₂jme₁jén'₅ tú'₅ guē'₂ nē₃, lo₄ já'₂. Má₃ a₂jme₁guē'₅ guē'₂, jmá'₃ i₁ni'₂ tia₄ quian'₅₄ jmi₁tá'₄ cha₂ ja₁nau₂.

⁷ Caun₂ ca₂ñi₃ bá₄ 'ē₂ já_{g1} dse₃, juá'₂:

—I₂jiá₃ chi₁co'₅₄ quió₃, i₂'éi₂ bá₄ i₂'uan'₂ i₂tin₂ guē₄ lia'₂ con'₂ guē₄ jniá₂, ca₂lia'₂ jñia'₅₄ lau₂ ton₅ tag₅₄ tsá₃ ca₂tíng₂ tsi'₅₄. ⁸ Jniá₂ nē₂tiáng₃ 'nia'₂ jmig₂; la₁ 'éi₂ guē'₂ nē₃ tióg₂ Jme₂dsí₂ Jñió₅.

*Ca₂chon₃ Juan₅₄ jmig₂ Jesús
(Mateo 3:13-17; Lucas 3:21-22)*

⁹ Jmig₄ jaun₂ o₂'ín₃ Jesús juig₂ Nazaret, ja₁tén₄ Galilea. Nó₃ ja₁'en₅₄ Juan₅₄. Ja₁jaun₂ ca₂cho₃ Juan₅₄ jmig₂ ca₂choin₃ Jesús* Cuá₃ Jordán. ¹⁰ Jaun₂ dsí₂juí₅ jme₁ca₂'ηio₂ Jesús ne₄ jmig₂, ca₂jág₃ ca₂niá₃ dsí₄ mi₂güí₃. Jaun₂ ca₂sión₃ Jme₂dsí₂ quián₅ Diú₄ i₂lín₅ lia'₂ lín₅ jan₂ i₁ju₂, ne₄ quió'₅. ¹¹ Jaun₂ ca₂né'₂ já_{g1} a₂já₅ guei'₅₄ i₂juí₃ a₂juá'₂:

—'Ne₂ bá₄ líng'₅ jón₃ quiáng₃, i₂ñí₄ lē₃ 'nióg₃ guē₄ lín₃; 'E₂ bá₄ 'ηio₂ dsí₃ quian'₅₄ 'ne₂.

*Ca₂caun₃ i₂sē₃dsen₃ táu₂ quió'₅ Jesús
(Mateo 4:1-11; Lucas 4:1-13)*

¹² Dsi₂juí₅ jaun₂ ca₂jio₃ Jme₂dsí₂ quián₅ Diú₄ caun₂ jui₅ 'uē₃ co₂'ηiog₅. ¹³ Jaun₂ ja₁jaun₂ ca₂'í₃ tē₂láu₃ jmig₄ ia₁jaun₂ cáun₂ táu₂ i₂sē₃dsen₃. Ja₁jaun₂ jme₁tion'₅₄ já'₂ tsau₂ dsí₅. La₁ ca₂o₃lén₂ ángeles ca₂jme₃'o₅₄.

*Ca₂jme₃lióg₃ Jesús jme₂tin₂₃ dsa₂ já_{g1} dse₃
(Mateo 4:12-17; Lucas 4:14-15)*

* **1:1** A₂lín₅₄ chog₅₄ si₂ tsá₃ chi₁ton₅ “Ja₁ηi'₅₄ Diú₄.” † **1:2** Malaquías 3:1. ‡ **1:3** Isaías 40:3. § **1:5** lit. “ca₂tióg₃ Juan₅₄ jmig₂” * **1:9** lit. “ca₂tióg₃ Juan₅₄ ca₂tián₂ jmig₂ Jesús.”

14 Jme₁ma₂ca₂ton' ₂ dsa₂ Juan₅₄ né' ₃ 'má₃, Jesús ně₃ ca₂ņei₅₄ jui₅ Galilea i₁'ě₄ jág₁ dse₃ quió' ₅ Diú₄, 15 juá' ₂ ŋi₂₃:

—Ca₂dsin₃ jmig₄ a₂ja₂quián₃ a₂jme₃gón₃ Diú₄. Jaun₂ lě₃ jui₁dsi₂quén' ₅ 'au' ₂, jui₁le₂'én' ₂ 'nia' ₂ jág₁ dse₃.

Ca₂tě' ₃ Jesús quén' ₂ dsa₂ i₂jme₁tion' ₅₄ tsán' ₂ ju₄
(Mateo 4:18-22; Lucas 5:1-11)

16 Co₂ráun₂ ca₂ņi₅ Jesús chei' ₅₄ jmi₁ņi' ₄ Galilea. Ja₁jaun₂ ca₂jín₂ Si₂mu₅₄ quiain' ₅₄ Drě₄ riin' ₅₄. Jme₁tiain' ₅₄ táun₂ 'má₅ dsi₂jmig₂, ia₁ jme₁lín₄ dsa₂ i₂jmo₅ ta₁ tsán' ₂ ju₄. 17 Jaun₂ ca₂juá' ₂ Jesús:

—I₂nó' ₅ 'nia' ₂, jme₁quiong' ₅₄ jniá₂, jaun₂ cuě₅₄ ta₁ a₂chi₁liang' ₂ dsa₂ mi₂güig₃, jui₁lia' ₂ chi₁lián' ₁ 'nia' ₂ ju₄.

18 Jaun₂ dsi₂jui₅ bá₄ i₃lén₂ quiong' ₅₄; ja₁jaun₂ ca₂dsia₃ bá₄ tsi₁'má₅ quió' ₅.

19 Me' ₂ bá₄ ja₁i₃lén₂ guě₄ jme₁ca₂jín₂ i₂chen₂ Jacobo quiain' ₅₄ Juan₅₄ riin' ₅₄, ja₁ņi' ₅₄ Zebedeo. Jme₁tiain' ₅₄ 'ņió' ₃ tsi₁mu₅ jmóg' ₅ 'má₅ quió' ₅. 20 Dsi₂jui₅ ca₂tě' ₃ i₂'éi₂ ján₃; ca₂tén₂ bá₄ guě' ₂ 'éi₂ ně₃ Zebedeo jme₁'ņió' ₃ tsi₁mu₅ quian' ₅₄ mozo quián₅.

Jan₂ dsa₂ i₂jme₁'en' ₅₄ jme₂dsí₂ 'lín' ₅₄ tě₂dsí₅
(Lucas 4:31-37)

21 Jaun₂ dsi₃lén₂ jui₂ Capernaum. Caun₂ jmig₄ sa₅₄, ca₂'í₃ Jesús guá' ₅ sinagoga. Jaun₂ ca₂jme₃lióg₃ ca₂jme₃tiin₂₃ dsa₂ jág₁ dse₃. 22 Ca₂le₃jín₃ i₂ca₂nág₂ ně₃ ca₂i₃gó' ₃ dsí₅ jág₁ quió' ₅, ia₁ ca₂jme₃tag₂₃ jui₁lia' ₂ jě₁jme₂tag₅ jan₂ i₂'io₅ 'éi' ₃, on₃jua' ₅₄ rě' ₂ jui₁lia' ₂ jme₂tag₅ tě₅juá' ₅. 23 Jě₄ jaun₂ ca₂dsióg₃ jan₂ dsa₂ i₂'en₅₄ jme₂dsí₂ 'lín' ₅₄, ca₂juá' ₂ guió' ₅ tiá₂:

24 —ġ'E₂ lě₃ tián' ₅ 'ne₂ Jesús Nazarenof† jě₄ quián₂ jnia' ₅₄? A₂ņia' ₅₄ 'niog' ₂ 'éng' ₄ jnia' ₅₄ bá₄ 'ne₂ ŋe' ₃. Guion₄ jniá₂ 'ein₂ líng' ₅. 'Ne₂ líng' ₅ dsa₂ jnió₅ quián₅ Diú₄.

25 Jaun₂ ca₂jén₂ Jesús i₂'lín' ₅₄ i₂'en₅₄ tě₂dsí₅ dsa₂ 'éi₂, ca₂juá' ₂:

—Tei₄ jmo₄. Jú₅ quió' ₅ dsa₂ ně₅.

26 Jaun₂ ca₂jmo₃ i₂'lín' ₅₄ ca₂ba₂ca₂lín' ₂ dsa₂ 'éi₂ 'uě₃, ca₂guió' ₃ tiá₂. Jaun₂ guě₄ o₂'iín₃ jaun₂ ně₃. 27 Jaun₂ ca₂le₃jín₃ dsa₂ i₂ca₂tě₂ ne₄ ca₂i₃gó' ₃ dsí₅, qui₂ca₂ņi' ₃ riin' ₅₄, ca₂juá' ₂:

—ġ'E₂ bá₄ ně₅? ġ'An₁ a₂ně₅ bá₄ juá' ₅ 'mí₂? i'io₅ 'éi' ₃ i₂ně₅ ca₂tě₂ ne₄ quió' ₅ i₂'lín' ₅₄, jaun₂ 'éi₂ ně₃ nag₂₃ gau₂ jág₁ quió' ₅!

28 Jaun₂ dsi₂jui₅ bá₄ ca₂i₃'ág₃ jág₁ quió' ₅ ca₂le₂con₂ ja₁tén₄ Galilea.

Ca₂jme₃'lión₂ Jesús ma₂chog' ₅₄ Si₂mu₅₄
(Mateo 8:14-15; Lucas 4:38-39)

29 Jaun₂ dsi₂jui₅ jme₁ca₂'uín₂ guá' ₅, ca₂ņó₃ quiain' ₅₄ Jacobo, Juan₅₄ ně₃, ja₁quió' ₄ Si₂mu₅₄ quian' ₅₄ Drě₄. 30 Ma₂chog' ₅₄ Si₂mu₅₄ ně₃ jme₁roin₂₃ dso' ₅₄, 'i₄ dséi₂. Jaun₂ dsi₂jui₅ ca₂'in₃ dsa₂ dsa₂ dso' ₅₄ 'éi₂ ca₂tsí' ₃ Jesús. 31 Jaun₂ ně₃ ca₂jme₃quián₃ con₂ dsa₂ dso' ₅₄, ca₂ņa' ₃ gu₂, ca₂chó' ₂ jaun₂ ně₃. Jaun₂ dsi₂jui₅ bá₄ ca₂o₃'ág₃ dséi₂ dsa₂. Jaun₂ 'io₅₄ 'éi₂ ně₃ ca₂jme₃lióg₃ ca₂jme₃ti₃ ta₁ ne₄ 'éi₂ tiain' ₅₄.

Ca₂jme₃'lión₂ Jesús juin' ₅₄ dsa₂ dso' ₅₄
(Mateo 8:16-17; Lucas 4:40-41)

32 Jme₁ma₂riin₂ 'iog₂ jmig₄ jaun₂, ca₂o₃ņia₃ dsa₂ ne₅₄ ca₂le₃jín₃ dsa₂ dso' ₅₄, dsa₂ i₂tion' ₅₄ jme₂dsí₂ je₂na' ₅₄ ně₃. 33 Ca₂le₃jín₃ dsa₂ jui₂ bá₄ ca₂ņi' ₂ o₄'né₄. 34 Jaun₂ Jesús ně₃ ca₂jme₃'lión₂ dsa₂ ca₂le₃jě₃ ne₅₄ dso₄ a₂jme₁lín₄. Qui₂ca₂'uín' ₂ rě' ₂

† 1:24 o₃, "i₂chan₂ Nazaret."

juin₅ je₂na'₅₄ ně₃. La₁ tsá₃ ma₃ca₂cuě₃ Jesús jmig₄ jua'₅₄ a₂juá'₂ guě₄ je₂na'₅₄ jág₁, ia₁ ŋi₅ bá₄ je₂na'₅₄ 'ein₂ 'éi₂.

*Ca₂'ě₂ Jesús jág₁ dse₃ dsi₂néi₂ guá'₅ sinagogas le₂tan₅₄ juig₂ ja₁tén₄ Galilea
(Lucas 4:42-44)*

³⁵ Le₁né₃ guě₄ jme₁jnia₃ jaun₂, ca₂nau₂ Jesús o₂'ín₃ 'ni'₂ juig₂, caun₂ ja₁lě₄ co₂'ŋiog₅, i₁chi'₄ Diú₄. ³⁶ Jaun₂ ŋó₃ Si₂mu₅₄ quiaín'₅₄ riín'₅₄ i₁'niong'₂. ³⁷ Jme₁ca₂dsáu'₂ ně₃, ca₂juá'₂:

—Ca₂le₃jín₃ dsa₂ i₂nioi₅₄ 'nai'₂ 'ne₂.

³⁸ La₁ Jesús ně₃ ca₂ŋag₃:

—Ma₃dsau₅₄ dsi₂i₁nio₁ le₂tan₅₄ juig₂ ma₂quián₅ ně₅, dsi₁'ě₄ jág₁ dse₃, ia₁ ta₁ jaun₂ bá₄ guio₃ jniá₂.

³⁹ Jaun₂ le₂ně₅ ca₂i₁ŋi₂ Jesús le₂tan₅₄ juig₂ tio'₅₄ ja₁tén₄ 'uě₃ Galilea, qui₂i₁'ě₄ jág₁ dse₃ dsi₂néi₂ guá'₅ sinagogas le₂caun₂ juig₂. Qui₂ca₂'u₁in'₂ je₂na'₅₄ tē₂dsí₅ dsa₂ ně₃.

*Ca₂jme₃'lión₂ Jesús dsa₂ i₂lín₅ 'mé'₅ 'iog₅
(Mateo 8:1-4; Lucas 5:12-16)*

⁴⁰ Ca₂guan₃ jan₂ dsa₂ dso'₅₄ i₂lín₅ 'mé'₅ 'iog₅ coin₂. Jaun₂ ca₂chi₃jné₃ ne₅₄, ca₂juá'₂:

—Chi₂jua'₂ 'ŋio₂ 'au'₂, jŋia'₅₄ lia'₂ 'ne₂ bá₄ qui'₅₄ jmig₄ jmó'₂ le₁jě₃ quió₃.

⁴¹ Jaun₂ ca₂dsia₃ Jesús ŋéi₂ dsí₅ dsa₂ 'éi₂, ca₂néi'₃ gu₂ ca₂ní'₂ quió'₅, jaun₂ ca₂juá'₂:

—'Ŋio₂ bá₄ dsí₃. Jui₁le₅₄ le₁jě₃ quiáng'₂.

⁴² Dsi₂jui₅ le₂jaun₂ ca₂jŋia'₃ 'mé'₅ 'iog₅, ca₂'lón₂ dsa₂ 'éi₂. ⁴³ Jaun₂ ca₂dsióg'₂, ca₂juá'₂:

⁴⁴ —La₁ tē₃ŋi'₅₄ tsá₃ 'ein₂ i₂juig'₂ 'i₁jan₂. Jŋia'₅₄ gua₂ o₂jme₁jnia₅ ne₄ jme₂dsa₂, o₂jen'₅₄ ne₄ Diú₄ o₂jmo₄ con'₂ lě₅ 'Éi'₃ quió'₅ Moisés,† o₂jang'₅₄ jág₁ dsau₅ jŋ₄ dsa₂ juig₂ a₂ma₂'lóng'₂.

⁴⁵ La₁ dsa₂ 'éi₂ ně₃ tē₂le₃ i₂jui'₂ guě₄ ca₂dsia₃ bá₄ jme₁o₂'ín₃, qui₂ca₂'ě₂ jág₁ ca₂le₂con₂. 'Uig₅₄ jaun₂ tsá₃ ma₃lě₂ 'Í₂ Jesús jě₄ juig₂ tē₃ jág₅ dsa₂; jmá'₃ lia'₂ ja₁co₂'ŋiog₅ bá₄ jme₁jŋia₂₃. La₁ tion₅₄ bá₄ jme₁dsi₂lén₂ dsa₂ coin₂ i₂ja₂lén₂ ca₂le₂con₂ jaun₂.

2

*Ca₂jme₃'lión₂ Jesús jan₂ dsa₂ i₂rě₂já'₃ quió'₅
(Mateo 9:1-8; Lucas 5:17-26)*

¹ Cang₂ jaun₂ ca₂'í₃ táng₃ Jesús jě₄ juig₂ Capernaum. Jaun₂ ca₂rě₃ŋi₅ dsa₂ a₂ma₂dsiáin'₃, ² Jaun₂ dsi₂jui₅ bá₄ ca₂ŋi'₂ dsa₂ juin₅ lín₃, ca₂lia'₂ jŋia'₅₄ tsá₃ ma₃tě₂ ja₁'ein'₄ dsi₂néi₂, le₂tan₅₄ o₄'né₄ ně₃. Jaun₂ ca₂ton₃ jág₁ dse₃ ca₂tsí'₃ dsa₂. ³ Jaun₂ ca₂dsi₃lén₂ co₂nió'₃; jě₄ jaun₂ i₃lén₂ quén₂ le₁jŋia₂₃ jan₂ dsa₂ i₂rě₂já'₃ quió'₅. ⁴ Ia₁ tsá₃ lé₂ ŋí₃ tē₂ dsi₂néi₂ ja₁'en₅₄ Jesús, ia₁ juin₅ dsa₂ tion'₅₄, jaun₂ jui₅ co'₅₄ tsí₁'né₅ bá₄ ca₂niá₃ caun₂ tau₂ pa₁, co₂dsau₅ ja₁chén'₄ Jesús. Jui₅ jaun₂ ca₂sióin₂ dsa₂ 'lian'₂ 'éi₂, dsiin₂ caun₂ tsí₁jéin₁. ⁵ Jme₁ca₂rě₃lí'₄ Jesús 'a₂ lia'₂ 'én₂ dsa₂ 'éi₂, jaun₂ ca₂tsí'₃ dsa₂ 'lian'₂:

—Jón₃, ma₂rě₂'én₄ bá₄ dsáu'₂.

⁶ Jaun₂ i₂lín₅₄ tē₅juá'₅ i₂jme₁tián'₄ jě₄ jaun₂, ca₂i₃jog₅ dsí₅: ⁷ “¿'E₂ lě₃ juá'₂ i₂ně₅ le₂ně₅? A₂'in₅ 'lig'₅₄ Diú₄ bá₄ i₂ně₅. 'I₁jan₂ tsá₃ 'ein₂ lé₂ le₃'én₂ dsáu₁ dsa₂, jŋia'₅₄

† 1:44 'Éi'₃ quió'₅ Moisés: 'Í₂ Levítico 14.

lia'₂ jan₂ Diú₄ bá₄.” 8 La₁ ma₂ŋi₅ bá₄ Jesús dsi₂jui₅ a₂ dsi₂jioḡ₅ dsi₅ dsa₂ 'éi₂ tiáin'₅, jaun₂ ca₂juá'₂:

—¿'E₂ lē₃ dsi₂jioḡ₅ 'au'₂ 'nia'₂ le₂nē₅? 9 ¿'E₂ a₂quian₅ guě₄ ta₁, a₂juig₅ jniá₂ dsa₂ 'lian'₂ nē₅: “Ma₂rē₂'én₄ dsáu'₂”, o₃ a₂juig₅ 'e₂ jniá₂: “Nau₂ guan'₂ ŋi₄ quion₂ tsi₁jein₁ quiáng'₂?” 10 La₁, ia₁jaun₂ le₃ŋi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂lé₂ le₃'éin₂ dsáu₁ dsa₂ —jaun₂ ca₂tsí'₃ dsa₂ 'lian'₂ 'éi₂:

11 —'Ne₂ juig₂ jniá₂, nau₂ quion₂ tsi₁jein₁ quiáng'₂, guan'₂.

12 Jaun₂ ca₂nau₂ 'éi₂, ca₂cáun₃ tsi₁jein₁ quió'₅, tē₃ jáḡ₅ dsa₂. Jaun₂ ca₂i₃ḡó'₃ dsi₅ ca₂le₃jín₃, qui₂jme₂juin'₂ Diú₄, tsí'₅ riin'₅₄:

—'I₁co₂ráun₂ tsá₃ 'ein₂ ma₂jág₃ jniog₄ le₂nē₅.

Ca₂tē'₃ Jesús Levi

(Mateo 9:9-13; Lucas 5:27-32)

13 Con'₂ siá'₂ táng₃ ca₂ŋó₃ Jesús chei'₅₄ jmi₁ŋi'₄. Jaun₂ dsi₃lén₂ dsa₂ juin₅ ca₂ŋi'₂. Jaun₂ qui₂ca₂jme₃tag₅ Jesús jáḡ₁ dse₃. 14 Jme₁ca₂ŋi₅ ja₁jaun₂, ca₂jín₂ Levi* ja₁ŋi'₅₄ Alfeo, guá₅ 'éi₂ gue₂₃ 'lia'₅₄ a₂ca₂tín₂ dsi₂tan₅₄ romano. Jaun₂ ca₂juá'₂ Jesús:

—Jme₁quiong'₅₄ jniá₂.

Jaun₂ ca₂nau₂ 'éi₂, ca₂ŋó₃ quiong'₅₄.

15 Jme₁ma₂'en₅₄ Jesús guě'₅ ja₁quió'₄ Levi; ja₁jaun₂ jme₁le₁ŋi'₂ juin₅ dsa₂ i₂cán₂ 'lia'₅₄ quián₅ dsi₂tan₅₄ ján₃, quian'₅₄ dsa₂ sián'₂ “i₂le₁cán'₄ dso₄” nē₃, tiáin'₅ co₂lē₅ guě'₅ quian'₅₄ Jesús quian'₅₄ dsa₂ quián₅, ia₁ i₂juin₅ lin₃ i₂le₂'éi₂ ma₂quiain'₅₄ ŋi₂₃.

16 Jaun₂ jme₁ca₂jág₃ tē₅juá'₅ quián₅ dsa₂ fariseos a₂guě'₅ Jesús co₂lē₅ quian'₅₄ dsa₂ le₂'éi₂, jaun₂ ca₂tsí'₃ dsa₂ quián₅ Jesús:

—¿'A₂ bá₄ lia'₂ guě'₅ tē₅ quián'₂ 'nia'₂ quian'₅₄ dsa₂ 'lin'₅₄ i₂le₁cán'₄ dso₄, quian'₅₄ i₂cán₂ 'lia'₅₄ quián₅ dsi₂tan₅₄ nē₃? 17 Jaun₂ jme₁ca₂nág₂ Jesús jáḡ₁ nē₅, jaun₂ ca₂ŋag₃:

—Tsá₃ tē₅mí₅ 'nió'₅ quió'₅ dsa₂ dsen₃ i₂tsá₃ le₁dso'₅₄, jŋia'₅₄ lia'₂ dsa₂ i₂le₁dso'₅₄ bá₄ 'nió'₅ tē₅mí₅ quió'₅. Ia₁ tsá₃ ta₁ jaun₂ guio₃ jniá₂ a₂tē₄ dsa₂ dsen₃, a₂tē₄ dsa₂ i₂qui₂le₁cán'₄ dso₄ bá₄ jniá₂ guio₃.

Ca₂ŋi'₃ dsa₂ Jesús ju₁lia'₂ jáḡ₁ a₂jme₂'in₅₄ dsa₂

(Mateo 9:14-17; Lucas 5:33-39)

18 Co₂ráun₂ dsa₂ i₂jme₁i₂nio₄ quian'₅₄ Juan₅₄, quian'₅₄ dsa₂ i₂tén₅ le₃quió'₅ dsa₂ fariseos nē₃, jme₁jme₂'in₅₄. Jaun₂ dsi₃lén₂ i₂lin₅₄ ca₂ŋi'₃ Jesús:

—¿'E₂ 'uig₅₄ jme₂'in₅₄ dsa₂ i₂i₂nio₄ quian'₅₄ Juan₅₄, dsa₂ quián₅ fariseos nē₃, ton'₂ tsá₃ jme₂'in₅₄ guě'₂ dsa₂ quián'₂ 'ne₂?

19 Jaun₂ ca₂ŋag₃ Jesús:

—¿Lé₂ le₃jme₃'in₅₄ ju₁lia'₂ dsa₂ i₂té₄ ja₁niog₅ jmiḡ₄ ja₁jen'₂ gu₂ dsa₂, tē₁lia'₂ quiong'₅₄ dsa₂ ŋe'₂ i₂jén'₂ gu₂? Ma₁ tsá₃ le₂jaun₂ jmo₅ dsa₂, tē₁lia'₂ quiong'₅₄ 'éi₂.

20 La₁ jiá₃ caun₂ jmiḡ₄ a₂jŋia'₃ dsa₂ i₂jén'₂ gu₂ 'éi₂. Jaun₂ guě₄ lé₂ le₃jme₃'in₅₄.

21 'Ma₁ tsá₃ jmo₅ dsa₂ jua'₅₄ a₂tíong₅ quian'₅₄ 'nau₅₄ 'mi'₂ 'mí₂ tsi₁'mi'₂ gui'₅₄, ia₁ dsáu'₅ tsi₁'mi'₂ 'mí₂ jē₁ma₂ŋi₂. Jaun₂ juē'₂ guě₄ jē₁gag₂ lē₂ tsi₁'mi'₂ gui'₅₄. 22 On₃ guě₄ jmo₅ dsa₂ jua'₅₄ a₂tia'₂ vino 'mí₂ 'ŋiό'₃ ni₁lau₂ gui'₅₄. Ia₁ guéi₃ ni₁lau₂ gui'₅₄ quian'₅₄ dsiό'₁ vino 'mí₂. Dsi₂'éin₂ bá₄ vino, lia'₂ ni₁lau₂ nē₃. Jaun₂ 'ŋiό'₃ ni₁lau₂ 'mí₂ bá₄ 'nió'₅ tia'₃ dsa₂ vino 'mí₂ ia₁jaun₂ tsá₃ dsi₃'éin₂.

Ca₂gáḡ₃ dsa₂ quián₅ Jesús mí'₂ trigo jmiḡ₄ sa₅₄

(Mateo 12:1-8; Lucas 6:1-5)

* 2:14 Levi i₂tē'₂ Mateo ján₃.

23 Caun₂ jmig₄ sa₅₄ ca₂ñi₅ Jesús quiain'₅₄ dsa₂ quiáin₅ caun₂ ja₁nau₂ ja₁jnia₄ trigo. Dsa₂ i₂jme₁quiain'₅₄ ně₃ ca₂jme₃lióg₃ qui₂ca₂gág₃ mí'₂ trigo jme₁ca₂ñi₅ ja₁jaun₂. 24 Jaun₂ ně₃, ca₂juá'₂ dsa₂ fariseos:

—¿'E₂ lě₃ jmo₅ dsa₂ i₂quiang'₅₄ ta₁ a₂tsá₃ 'i₄ 'éi'₃ jmo₃ jmig₄ sa₅₄?

25 Jaun₂ ca₂ñag₃ Jesús:

—¿Tsa₁ ma₂'í'₂ 'nia'₂ 'i₁cón'₂ a₂ca₂jmo₃ David ma₂líg'₂ quian'₅₄ riin'₅₄ lia'₂ con'₂ jme₁ca₂rě₃ 'ín₂ quió'₅, a₂ca₂lě₃ i₁cón'₅?† 26 Ca₂'í₃ David dsi₂néi₂ quió'₅ Diú₄, lia'₂ con'₂ jme₁lín₄ Abiatar juig₅₄ jme₂dsa₂. Ca₂guě'₃ i₁ñí'₄ jñi₅ a₂'i₄ 'éi'₃ a₂guě'₅ jmá'₃ jme₂dsa₂. Jaun₂ ca₂cuě'₃ dsa₂ i₂jme₁quiain'₅₄ ně₃.

27 Ján₃ bá₄ ca₂juá'₂ Jesús ca₂tsí'₃ dsa₂:

—O₄quió'₄ dsa₂ mi₂güig₃ bá₄ ca₂lě₃ jmig₄ sa₅₄, on₃jua'₅₄ rě'₂ o₄quió'₄ jmig₄ sa₅₄ ca₂jmó'₂ Diú₄ dsa₂ mi₂güig₃. 28 Jaun₂ lě₃, Jaun₅ dsa₂ mi₂güig₃ bá₄ i₂'io₅ 'éi'₃ ne₄ quió'₅ jmig₄ sa₅₄.

3

*Jan₂ dsa₂ i₂'lia'₂ caun₂ mi₂gu₂
(Mateo 12:9-14; Lucas 6:6-11)*

1 Con'₂ siá'₂ táng₃ ca₂'í₃ Jesús guá'₅ sinagoga. Ja₁jaun₂ jme₁'en₅₄ jan₂ dsa₂ i₂'lia'₂ caun₂ mi₂gu₂. 2 Jaun₂ ca₂tiog₃ dsa₂ ca₂tiaín₃ Jesús, o₁ne₄ chi₂jua'₂ jme₃'lióin₂ dsa₂ 'éi₂, tě₃ jmig₄ sa₅₄, ia₁jaun₂ chain₂ bí₂ a₂bóin'₂ dso₄ Jesús. 3 Jaun₂ ca₂tsí'₃ Jesús dsa₂ i₂'lia'₂ mi₂gu₂:

—Nia₅, dsi₂jo₂ la₂ nau₂.

4 Jaun₂ ca₂ñag₃ Jesús ca₂ñi'₃ dsa₂ i₂tion'₅₄ jág₅:

—Jui₁lia'₂ jmig₄ sa₅₄, ¿'e₂ 'i₄ 'éi'₃ jmo₃ dsa₂? ¿A₁dse₃, o₃ a₂'lig'₅₄ 'e₂? ¿A₂lión₂ dsa₂ jme₂dsí₂ riin'₅₄, o₃ a₂jñi'₃ dsa₂ riin'₅₄ 'e₂?

Jaun₂ jñia'₅₄ lě₂tión₂ tei₄ le₂jaun₂ bá₄ dsa₂. 5 Jaun₂ 'ne₂ Jesús ca₂jíin₂ dsa₂ i₂tion'₅₄, co₂'na₂ guě'₂ qui'₂ dsí₅, ia₁ a₂ñí₄ lě₃ tsá₃ ñí'₂ dsí₅ dsa₂. Jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃ 'éi₂ gu₂; ca₂lág₃ bá₄ jaun₂ ně₃. 6 Dsi₂jui₅ le₂jaun₂ ca₂'uin₂ dsa₂ fariseos ca₂i₁jmo₅₄ jág₁ quian'₅₄ dsa₂ quián₅ Herodes a₂jñi'₃ Jesús.

Jui₅ dsa₂ tion'₅₄ chei'₅₄ jmig₂

7 Jaun₂ ca₂ñó₃ táng₃ Jesús jui₅ chei'₅₄ jmi₁ñí'₄ quian'₅₄ dsa₂ i₂quiain'₅₄. Jaun₂ juin₅ lín₃ dsa₂ chan₂ Galilea ca₂jme₃quiong'₅₄ ně₃. 8 Jme₁ca₂rě₃ñi₅ dsa₂ ca₂le₃jě₃ 'e₂ a₂niog₅ lě₂ a₂jmo₅ Jesús, ca₂o₃lén₂ juin₅ lín₃ dsa₂ chan₂ Judea, dsa₂ chan₂ Jerusalén, dsa₂ chan₂ Idumea, dsa₂ chan₂ le₂'ño'₅₄ Cuá₃ Jordán, dsa₂ chan₂ Tiro, dsa₂ chan₂ Sidón ně₃, a₂ca₂o₃jñi₅₄ Jesús. 9 Jaun₂ ca₂tsí'₃ Jesús dsa₂ quiáin₅, a₂jmo₃ co₂jñia₅₄ caun₂ tsi₁mu₅, ia₁ con'₂ tsá₃ ñó₅ ně₁jua'₂ ca₂quín'₃ jin₄ dsa₂. 10 Ia₁ juin₅ lín₃ dsa₂ dso'₅₄ ma₂ca₂jme₃'lióin₂ le₂jñiá₅. Jaun₂ ně₃, ca₂le₃jín₃ dsa₂ dso'₅₄ tióin'₅₄ co₂'liain'₂ riin'₅₄ ca₂lia'₂ qui₂co₂dsi_{in}₅₄ Jesús, ia₁ a₂'nio₃ qui₃ñí'₃ quió'₅. 11 Jme₁ca₂jág₂ jme₂dsí₂ 'lín'₅₄ i₂tion'₅₄ tě₂dsí₅ dsa₂, jaun₂ ca₂chi₃ñé₃, tióin'₅₄ co₂mi'₅₄, juá'₂:

—i'Ne₂ líng'₅ Ja₁ñi'₅₄ Diú₄!

12 Jaun₂ lě₃ ca₂jmo₃ Jesús 'éi'₃ a₂tsá₃ jme₃jniog₂₃.

*Ca₂quión'₂ Jesús chi'₂ dsi₂guia₃-tín₂
(Mateo 10:1-4; Lucas 6:12-16)*

† 2:25 'Nio'₂ ja₁ton₅ 1 Samuel 21:6.

13 Cang₂ jaun₂ ca₂l₃l₃éin₂ caun₂ ja₁l₄ dsi₂con₂. Ja₁jaun₂ ca₂qui₂ón₂ Jesús dsa₂ i₂'nioi₃ jme₃quiong₅₄. Jaun₂ ca₂o₃lén₂ 'éi₂ ja₁chéin₄. 14 Jaun₂ ca₂'iin₃ guia₃-tín₂ dsa₂ 'éi₂, ia₁jaun₂ jme₃quiong₅₄ ton₂ ia₁jaun₂ chei₃ a₂dsi₃lén₂ 'éi₂ a₂qui₂dsi₃'ě₃ jág₁, 15 ia₁jaun₂ 'io₃ 'éi₂ bí₂ ján₃* a₂le₃'u₁in₂ je₂na₅₄ dsí₅ dsa₂. 16 I₂la₂ bá₄ dsa₂ i₂guia₃-tín₂ i₂ca₂'in₃ Jesús: Si₂mu₅₄ i₂tě₂ Jesús Pe₄; 17 Le₂on₃ ja₁ñi₅₄ Zebedeo: Jacobo quian₅₄ Juan₅₄, i₂ca₂tě₃ Jesús Boanerges, co₂'nió₄ a₂juá₂, jaun₅ ñí₃; 18 Drě₄, Fe₂li₄, Bartolomé, Tě₅₄, To₁má₄ ně₃; Jacobo ja₁ñi₅₄ Alfeo. Tadeo, Si₂mu₅₄ i₂lín₅ cananista;† 19 Judas Iscariote ně₃, dsa₂ i₂ca₂jín₂ Jesús.

*Juá₂ dsa₂ a₂'io₅ Jesús jui₅bí₂ quió₅ Be'elzebú
(Mateo 12:22-32; Lucas 11:14-23; 12:10)*

Jaun₂ ca₂dsián₃ Jesús jme₁ca₂dsián₃ caun₂ dsi₂néi₂. 20 Con₂ guě₂ siá₂, ca₂ñi₂ táng₃ dsa₂ ju₁n₅ lín₃, jñia₅₄ tsá₃ jñi₅₄ guě₃ quia₁in₅₄ chí₂ dsi₂guia₃-tín₂. 21 Jme₁ca₂rě₃ñi₅ o₁r₁in₅₄, jaun₂ ca₂o₃lén₂ a₂jme₁tsáun₂ tē₂, ia₁ 'ei₅ jág₁ a₂lě₁ma₂tě₂ i₂₃ ñi₂₃.

22 Ján₃ bá₄ le₂jaun₂ tē₅juá₅ i₂ja₂lén₂ Jerusalén, ca₂juá₂:

—Quian₅ dsa₂ ně₅ Be'elzebú, i₂lín₅ juig₅₄ je₂na₅₄. A₂jaun₂ bá₄ qui₅₄ jmig₄ 'u₁in₂ je₂na₅₄ tion₅₄ dsí₅ dsa₂.

23 Jaun₂ lě₃ ca₂tě₃ Jesús tē₅juá₅ 'éi₂, jaun₂ ca₂juá₂ tē₂le₃ quian₅₄ jág₁ a₂jáng₅ léi₄:

—¿'A₂ lia₂ le₃lé₂ jua₅₄ jmo₃ Satanás a₂dsein₂₃ 'ñiog₅ quió₅ dsa₂? 24 Nē₁jua₂ co₂nió₃ dsi₂tan₅₄ ca₂nió₃ mī₅₄ quia₁in₅₄ rīn₅₄, dsi₂tan₅₄ 'éi₂ tsá₃ uě₂ lé₂ le₃tóin₃.

25 Nē₁jua₂ dsa₂ dsi₂néi₂ tío₁n₅₄ mī₅₄ quīn₂, ján₃ bá₄ le₂jaun₂ tsá₃ uě₂ tió₅.

26 Nē₁jua₂ ca₂dsia₃ Satanás 'nei₂ a₂jmo₃ le₂dsoin₅₄ 'ñiog₅, ján₃ bá₄ le₂jaun₂ tsá₃ uě₂ 'oin₅₄ bí₂ quió₅; ja₁jaun₂ ca₂dsan₃ bá₄ quió₅ nē₁jua₂ le₂jaun₂.

27 'I₁jan₂ tsá₃ 'ein₂ lé₂ le₃í₂ tion₅₄ dsi₂néi₂ quió₅ ju₁lia₂ jan₂ dsa₂ 'uan₂, jua₅₄ a₂jñiá₂ dsa₂ a₂te₁'i₁ quió₅, jñia₅₄ lia₂ a₂'nei₂ bá₄ de₂ jñiá₅ dsa₂. Jaun₂ bá₄ lé₂ le₃jñia₃ a₂cha₂ quió₅.

28 'A₂dsi₂jó₃ juá₅ jniá₂, a₂lé₂ le₃'én₂ ca₂le₃jě₃ bá₄ dsá₁ dsa₂, ca₂le₃jě₃ 'e₂ a₂'lig₅₄ juá₂ ně₃. 29 La₁ nē₁jua₂ ca₂juá₂ 'lig₅₄ 'iin₂₃ Jme₂dsi₂ Jñi₅, tsá₃ ma₃a₁jaun₂ lé₂ le₃'én₂ dsá₁. A₂rě₂cáin₄ ca₂le₃jě₃ jmig₄ chain₂ bá₄ jaun₂.

30 Le₂ně₅ ca₂juá₂ ia₁ dsia₅ dsa₂ 'ag₂₃ 'ein₅₄ jme₂dsí₂ 'lín₅₄.

*Chí₂ rīn₅₄ Jesús quian₅₄ chog₅₄
(Mateo 12:46-50; Lucas 8:19-21)*

31 Jaun₂ ca₂dsi₃lén₂ chí₂ rīn₅₄ Jesús, quian₅₄ chog₅₄ ně₃. La₁ ca₁'né₄ bá₄ ca₂tóin₂. Jaun₂ ca₂chein₃ jág₁ a₂tě₂ Jesús. 32 Jaun₂ ca₂juá₂ dsa₂ i₂jme₁tián₄ cau₅ quió₅ Jesús:

—Chog₂ quian₅₄ chí₂ ríng₂, ně₅ tián₅ ca₁'né₄, a₂'nai₂ 'ne₂.

33 Jaun₂ ca₂ñag₃:

—¿'Ein₂ 'éi₂ lín₅ cha₃ jniá₂, rín₃ jniá₂ ně₃?

34 Jaun₂ ca₂jín₂ dsa₂ i₂tián₅ cau₅ quió₅, jaun₂ ca₂juá₂:

—jag₄! I₂la₂ bá₄ lín₅ cha₃, ríng₃ ně₃. 35 Ia₁ ju₁'ein₂ guě₃ i₂jmo₅ a₂'ñio₂ dsí₅ Diú₄, i₂'éi₂ bá₄ lín₅ ju₁lia₂ ríng₃, cha₃ ně₃.

4

*Jág₁ jáng₅ léi₄ ju₁lia₂ dsa₂ i₂séi₂ mīg₂ jon₂
(Mateo 13:1-9; Lucas 8:4-8)*

* 3:15 A₂lín₅₄ chog₅₄ si₂ juá₂ ján₃: “a₂jme₃'lióin₂ dsa₂ dso₅₄.” † 3:18 cananista: partido quió₅ dsa₂ i₂'nio₃ táun₂ 'uě₃ 'éi₃ quió₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ñí₄ lě₃ mei₂ tsá₃ ca₂ne₅₄ a₂chein₂.

1 Con₂ siá'₂ táng₃, co₂ráun₂ ca₂jme₃lióg₃ Jesús ca₂jme₃t̄in₂₃ dsa₂ chei'₅₄ jmi₁ñí'₄. Ia₁ juin₅ lin₃ dsa₂ ca₂lë₃ ně₃ ca₂ñí'₂ ja₁chén'₄, jaun₂ ca₂í₃ 'ñió'₃ tsi₁mu₅ 'ei₅ chei'₅₄ jmíg₂; jaun₂ ja₁jaun₂ ca₂guá'₂. Dsa₂ guë'₂ ně₃ ca₂tóin'₂ chei'₅₄ jmíg₂. 2 'Lióng₂ jág₁ dse₃ ca₂jme₃tag₂₃ tē₂le₃ quian'₅₄ jág₁ a₂jáng'₅ léi₄. Jē₄ juá'₅ quió'₅ a₂jme₂tag₂₃, ca₂juá'₂:

3 —Nei₂ 'nia'₂: Jan₂ dsa₂ ca₂ñe₄ ja₁nau₂ ca₂i₁séi₄ mīg₂ jon₂. 4 Jme₁ma₂'ein₅₄ séi₂ ně₃, a₂lin₅₄ mīg₂ jon₂ i₂ga'₅₄ le₂'i₄ jui₅. I₁tan₅ bá₄ ca₂dsi₃lén₂ ca₂cág'₃ a₂jaun₂. 5 A₂lin₅₄ guë'₂ mīg₂ jon₂ táng₃, ca₂l₃to'₅₄ jē₄ ni₁cang₁, ja₁tsá₃ gua'₅₄ lin₄ cha₂. A₂jaun₂ ně₃ tsá₃ uē₂ ca₂rē₃'ag₄, ca₂'ia₂, ia₁ tsá₃ ji'₂ gua'₅₄ ja₁i₃to'₅₄. 6 La₁ jme₁ca₂jnióg₃ 'iog₂ ně₃, ca₂rē₃juing₅ ca₂rē₃quén₃ bá₄, ia₁ tsá₃ jmú₄ 'lióng₂ jme₁cha₂. 7 A₂lin₅₄ guë'₂ ca₂séi'₂ ja₁lē₄ ni₁taun₅. Jme₁ca₂i₃cón₃ ni₁taun₅ ně₃, ca₂jlē₃ bá₄ a₂jaun₂, tsá₃ 'e₂ ca₂rau₂. 8 La₁ a₂lin₅₄ guë'₂ ně₃ ca₂tín₂ ja₁dse₃ 'uē₃. A₂jaun₂ ca₂rau₂ bá₄ dse₃. A₂lin₅₄ ca₂'ág₂ jma₃guióg₂-guiá₂ mīg₂, lia'₂ ca₂mīg₂ jon₂. A₂lin₅₄ guë'₂ jma₃'nag'₂ ne₂guióg₂ mīg₂; a₂lin₅₄ guë'₂ jma₃caun₂ 'ñiá₂-láu₂ mīg₂.

9 Jaun₂ ně₃, ca₂juá'₂ Jesús:

—Ca₂le₃jín'₃ 'nia'₂ i₂le₁dsi₅₄ rē₂gua₄, rē₂ nei₂ 'nia'₂.

Ta₁ qui'₅ jág₁ a₂jáng'₅ léi₄
(Mateo 13:10-17; Lucas 8:9-10)

10 Jme₁ma₂i₂len₃ dsa₂, jme₁ma₂tē₁'ñiá₄ quiain'₅₄ chi'₂ dsi₂guia₃-tín₂, quiain'₅₄ i₂lin₅₄ guë'₄ dsa₂ sián'₂, jaun₂ ca₂ñag₃ 'éi₂ 'e₂ jág₁ dsau₅ jáng'₅ jág₁ jaun₂. 11 Jaun₂ ca₂juá'₂ Jesús:

—Diú₄ bá₄ jmo₅ a₂rē₂ñí'₂ 'au'₂ 'nia'₂ jág₁ a₂rē₂'ma₄ 'a₂ lia'₂ lē₅ ja₁goin₂, la₁ dsa₂ i₂tsá₃ i₂nió₄ quian'₅₄ jniá₂ ně₃, 'nió'₅ juá'₂ dsa₂ tē₂le₃ quian'₅₄ jág₁ a₂jáng'₅ léi₄:

12 ia₁jaun₂ i₂nē₂jág₃,
la₁ tsá₃ ca₂rē₃lí'₄ 'e₂ nē₂jág₃.

I₂nē₂néi₂ ně₃,
la₁ tsá₃ ca₂rē₃lí'₄ 'e₂ nē₂néi₂,
on₃ guë'₂ ca₂ñí'₂;

con'₂ tsá₃ ñó₅ nē₁ca₂jéin'₃ dsí₅,
ia₁jaun₂ jme₁'lioin₁₂ jniá₂.*

Juá'₂ Jesús 'e₂ jág₁ dsau₅ jein₅ jág₁ jui₁lia'₂ dsa₂ i₂séi₂ mīg₂ jon₂
(Mateo 13:18-23; Lucas 8:11-15)

13 Ca₂juá'₂ ján₃:

—¿Tsa₁ ñí'₂ 'nia'₂ jág₁ a₂jáng'₅ léi₄ ně₅? ¿'A₂ bá₄ guë'₂ lé₂ le₃ñí'₂ 'nia'₂ jui₁lia'₂ jág₁ a₂jáng'₅ léi₄ siá'₂? 14 Jui₁lia'₂ lín₅ dsa₂ i₂séi₂ mīg₂ jon₂, le₂jaun₂ bá₄ lín₅ jui₁lia'₂ dsa₂ i₂'ē₂ jág₁ dse₃ quió'₅ Diú₄. 15 I₂lin₅₄ dsa₂ lín₅ jui₁lia'₂ mīg₂ jon₂ a₂i₃ga'₅₄ le₂'i₄ jui₅. Nag₂₃ jág₁ dse₃, la₁ dsi₂jui₅ jaun₂ ja₂ Satanás jniá'₂ jág₁ a₂ma₂jnia₄ tē₂dsí₅ dsa₂. 16 I₂lin₅₄ guë'₂ dsa₂ lín₅ jui₁lia'₂ lē₅ mīg₂ jon₂ a₂i₃ga'₅₄ jē₄ ni₁cang₁. Nag₂₃, gue₂₃ jág₁ a₂'ñio₂ dsí₅. 17 La₁ia₁ tsá₃ uē₂ tió'₅, ia₁ tsá₃ lín₄ jmú₄ cha₂ jua'₅₄ a₂chan'₂ tiá₂ jág₁. Jaun₂ jē₁ma₂ca₂can₃ o₂i₁ dsí₅, a₂co₂'ein₅ dsa₂ 'uig₅₄ jág₁ dse₃, dsi₂jui₅ bá₄ tí₂ táng₃ jág₁. 18 I₂sián'₂ guë'₂ ně₃ lín₅ co₂'nió'₄ mīg₂ jon₂ a₂i₃ga'₅₄ jē₄ ni₁taun₅. Nag₂₃ jág₁ dse₃, 19 la₁ 'ñio₅ guë'₄ 'i₅ dsí₅ o₂me'₅₄ dsi₅ a₂cha₂ mi₂güí₃ la₂; ne₄ 'uig₅₄ ia₁ a₂'ín₅ dsí₅ jui₅ ja₁le₃cha₂ cu₄, ja₁nē₅ bá₄ ja₁rē₂gain₂ táng₃; tsá₃ caun₂ a₂'ín₅ dsí₅. Ca₂le₃jē₃ a₂jaun₂ ně₃ jmo₅ jlē₅ jág₁ dse₃, tsá₃ ma₃cuē₂₃ jmíg₄ a₂ráu₃. 20 La₁ i₂lin₅₄ guë'₄ ně₃ nag₂₃, gue₂₃ bá₄ jág₁, chan'₂ tiá₂. Lín₅ jui₁lia'₂ lē₅ mīg₂ jon₂ a₂i₃ga'₅₄

* 4:12 Isaías 6:9-10.

ja₁dse₃ gua'₅₄. 'Lióng₂ rau₂. I₂lín₅₄ guè'₂ lín₅ co₂'nió'₄ míg₂ a₂qui₂ca₂'ág₂ guióg₂-guiá₂; i₂lín₅₄ guè'₂ co₂'nió'₄ a₂qui₂ca₂'ág₂ 'nag'₂ ne₂guióg₂, o₃ caun₂ 'ñiá₂-láu₂ míg₂ lia'₂ ca₂míg₂ míg₂ jon₂ a₂i₃jnia₄.

Jág₁ jáng'₅ léi₄ jui₁lia'₂ ni₁tsí₅ chi₁guí'₂ si₂
(Lucas 8:16-18)

²¹ Jaun₂ ca₂juá'₂ táng₃ Jesús:

—Në₁jua'₂ quian₅ dsa₂ caun₂ ni₁tsí₅ a₂guí'₂ si₂, ¿'a₂ chi'₃? ¿né'₃ tsi₁mi'₂, o₃ né'₃ tsi₁cama? Jan₂'ón₄. A₂'ag₅ guei'₅₄ bá₄ dsa₂ si₂. ²² Ia₁ 'i₁caun₂ cosa tsá₃ cha₂ jua'₅₄ a₂lín₂ dsa₂ rē₂'ma₄, a₂tsá₃ le₃jniá₂; tion₅₄ bá₄ rē₂jniá₂. Ján₃ guè'₂ 'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ñi₅; tion₅₄ bá₄ rē₂ñi₅ dsa₂. ²³ Chi₂jua'₂ 'ein₂ dsi₅₄ rē₂gua₄, jui₁nei₅₄ rē₂.

²⁴ Con'₂ siá'₂ táng₃ ca₂juá'₂ Jesús:

—Tion'₂ 'nia'₂ jui₅ 'e₂ a₂nag'₂. Quian'₅₄ 'éi'₃ a₂cau'₂ 'nia'₂ guiong'₅₄, 'éi'₃ jaun₂ bá₄ quióg₃ Diú₄ quián'₂ 'nia'₂ ján₃, jñia'₅₄ të₂le₃ lě₅ gué₄. ²⁵ Ia₁ jui₁lia'₂ dsa₂ i₂ñio₂ dsí₅ le₃ñi'₂, Diú₄ bá₄ jmo₃ le₃ñi'₂ gué₄ dse₃. La₁ i₂tsá₃ 'nio₃ le₃ñi'₂ ně₃, Diú₄ bá₄ jmo₃ a₂tsá₃ ma₃le₃ñi'₂ co₂ñei'₅₄.†

Jág₁ jáng'₅ léi₄ jui₁lia'₂ 'a₂ lia'₂ 'ia₂ míg₂ jon₂

²⁶ Jaun₂ ca₂juá'₂ Jesús:

—Le₂jaun₂ bá₄ lě₅ ja₁gon₂ Diú₄, jui₁lia'₂ lě₅ quian'₅₄ dsa₂ i₂jne₅ 'e₂ jne₂₃. ²⁷ Jë₁ma₂ca₂'ia₂, qui₂dsi₂cón₃ a₂jaun₂. La₁ jui₁lia'₂ dsa₂ i₂jne₅ 'éi₂ ně₃, o₁jñia'₅₄ a₂'uë₂-jmi₂ güin₂, nau₂ ně₃, la₁ tsá₃ jaun₂ ñi₅ 'a₂ lia'₂ lě₂ a₂dsi₂cón₃. ²⁸ 'Uë₃ bá₄ lia'₂ lě₅, jaun₂ bá₄ rau₂. Le₂'uig₅₄, tag₄ de'₂ jñiá₅ 'ia₂; ñó₅ jaun₂ 'ia₂ ni₁la₁, lě₂ ni₁guein₂. Nó₅ jaun₂ lě₂ ni₁cuig₂ lá₅ ně₃. ²⁹ Jë₁ma₂ca₂ron₂, jaun₂ gué₄ dsi₂'áun₂ dsa₂; ia₁ ca₂tě₂ jmig₄ a₂ca₂rau₂.‡

Jág₁ jáng'₅ léi₄ jui₁lia'₂ míg₂ jon₂ quió'₅ ni₁'ma₂ mostaza
(Mateo 13:31-32; Lucas 13:18-19)

³⁰ Con'₂ siá'₂ táng₃ ca₂juá'₂ Jesús.

—¿'A₂ lia'₂ lě₅ ja₁gon₂ Diú₄, o₃ 'e₂ quian'₅₄ lé₂ le₃quin₃? ³¹ Lě₅ jui₁lia'₂ lě₅ míg₂ ni₁'ma₂ mostaza. Š Míg₂ jon₂ jaun₂ lě₅ a₂pí'₁ gué₄ 'ñio₅ lín₃, lia'₂ con'₂ gué₄ ca₂le₃jě₃ jon₂ a₂jne₅ dsa₂. ³² Jë₁ma₂ca₂i₃jnia₄ ně₃, dsi₂cón₃ dsiog₅ lě₂ caun₂ ni₁'ma₂ pa₁, ca₂lia'₂ qui₂rě₂já₂ ni₁gu'₂ quió'₅. Jaun₂ tian'₅ i₁tan₅ ja₁lě₄ 'en'₂ quió'₅.

Ta₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús
(Mateo 13:34-35)

³³ Ca₂jme₃tín₅ Jesús dsa₂ jág₁ dse₃ të₂le₃ quian'₅₄ 'lióng₂ jág₁ a₂jáng'₅ léi₄ le₂ně₅. ³⁴ 'I₁caun₂ jág₁ tsá₃ jme₁cuë₂₃ jua'₅₄ tsá₃ të₂le₃ quian'₅₄ jág₁ a₂jáng'₅ léi₄. La₁ jë₁ma₂të₁ñiá₄ con'₂ guoin₅₄ quiain'₅₄ chi'₂ dsi₂guia₃-tín₂ quiáin₅, jme₁juá'₂ lia'₂ rě₂jíá₃ jág₁.

Ca₂jmo₃ Jesús ca₂'ág₂ tei₄ jmi₁ñi'₄, ca₂jñia'₃ dsí₂ ně₃
(Mateo 8:23-27; Lucas 8:22-25)

³⁵ Le₃ca₂nei₂ jmig₄ jaun₂ ca₂tsí'₃ chi'₂ dsi₂guia₃-tín₂ quiáin₅:

—Ma₃ le₃'ño'₅₄ jmi₁ñi'₄ le₃ó₃.

³⁶ Tion'₅₄ jaun₂ dsa₂ chei'₅₄ jmi₁ñi'₄, ca₂ñó₃ Jesús ca₂jio₃ chi'₂ dsi₂guia₃-tín₂ 'ñió'₃ tsi₁mu₅ ja₁jme₁'ein₅₄ táun₂ jág₁. Ján₃ bá₄ i₂lě₂ gué₄ tsi₁mu₅ siá'₂ quiong'₅₄,

† 4:25 lit. “Ia₁ jui₁lia'₂ dsa₂ i₂cha₂ quió'₅, ñei₂; la₁ i₂tsá₃ cha₂ quió'₅ ně₃, le₂jio₅ a₂cha₂ quió'₅, jñia'₃.”

‡ 4:29 lit. “'Uë₃ bá₄ lia'₂ lě₅, jaun₂ bá₄ rau₂. Le₂'uig₅₄, tag₄ de'₂ jñiá₅ 'ia₂; ñó₅ jaun₂ 'ia₂ mí'₂. Nó₅ jaun₂ tó'₅ míg₂ mí'₂ trigo. Jë₁ma₂ca₂ron₂, jaun₂ gué₄ dsi₂cag'₅₄ dsa₂ quian'₅₄ ñi₁ hoz; ca₂tě₂ jmig₄ a₂ca₂rau₂.” Š 4:31 mostaza: On₃jua'₅₄ mi₂jáng'₅ a₂cuí'₅ dsa₂ go₄ jnio₄; caun₂ ni₁'ma₂ dsón'₂ jaun₂ a₂tě₂ të₂sí₃ Brassica nigra.

tion'₅₄ dsa₂. ³⁷ Jme₁co₂lág₂ jaun₂ ca₂'ág₂ dsí₂ tiá₂ lin₃, jaun₂ qui₂ca₂jná'₃ jmig₂ 'ñio₅ lin₃ ca₂lia'₂ ca₂i₃'a₄ jmig₂ 'ñió'₃ tsí₁mu₅, jñia'₅₄ mei'₂ tsá₃ ca₂can'₂.

³⁸ Jme₁rē₂güin₃ bá₄ Jesús ñó₃ le₃chi₁co'₅₄ rē₂dsin₅ 'mi'₂ dsi₅₄. Jaun₂ ca₂ñei₃ dsa₂, ca₂juá'₂:

—iTē₅! ¿Tsa₁ dsan₂ 'au'₂ jua'₂ dsi₃'éin₂ jnia'₅₄ ja₁lá₃?

³⁹ Ca₂nau₂ Jesús jaun₂ ně₃, ca₂jéin₂ dsí₂, ca₂jéin₂ jmi₁ñí'₄ ně₃, ca₂juá'₂:

—iJme₁'ua₅₄! iTei₄ jmo₄!

Jaun₂ dsi₂jui₅ jaun₂ bá₄ ca₂'ág₂ táng₃ tei₄ jmi₁ñí'₄, dsí₂ ně₃ ca₂jñia'₃. ⁴⁰ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—¿E₂ lē₃ ñí₄ 'ñio₅ gan'₃ 'nia'₂? ¿A₂ bá₄ lia'₂ ñí₄ tsá₃ rē₂'én'₂ 'nia'₂?

⁴¹ Jaun₂ i₃gó'₃ dsí₅ 'ñio₅ lin₃, qui₂ca₂tsí'₃ riin'₅₄:

—¿Ein₂ bá₄ lín₅ i₂nē₅ ca₂tē₂ jmi₁ñí'₄, ca₂tē₂ dsí₂ ně₃ qui₂nag₅ gau₂ jág₁ quió'₅?

5

Jan₂ dsa₂ i₂'en₅₄ jme₂dsí₂ 'lin'₅₄

(Mateo 8:28-34; Lucas 8:26-39)

¹ Jaun₂ dsi₃léin₂ jme₁dsi₃léin₂ 'ño'₅₄ jmi₁ñí'₄, go₄ dsa₂ Gadarenos.* ² Jaun₂ dsi₂jui₅ jme₁ca₂o₃'ín₃ Jesús 'ñió'₃ tsí₁mu₅, dsióg₃ jan₂ dsa₂ i₂o₂'ín₃ ja₁le₁on₅ 'lag₄, dsa₂ i₂'en₅₄ jme₂dsí₂ 'lin'₅₄ dsí₅. ³ Jme₁guá₄ dsa₂ 'éi₂ jē₄ tau₂ 'ñio₅; jaun₂ tsá₃ ma₃'ein₂ jme₁qui'₅₄ jmig₄ tió'₅ 'nei'₂ quian'₅₄ ñí₁ cadena, ⁴ ia₁ 'lióng₂ ráun₂ jme₁ma₂'nei'₂ dsa₂ le₂jñiá₅, jme₁ma₂tó'₂ dsa₂ cadena mi₂tag₅₄, mi₂gu₂ ně₃. La₁ jē₂ bá₄ jñia'₅₄ ma₂gág₃; ma₂jui₃ ni₁ñí₁ jme₁chi₁quí'₅ mi₂tag₅₄ ně₃. Jaun₂ 'i₁jan₂ tsá₃ ma₃'ein₂ jme₁tio₃. ⁵ Jaun₂ ně₃, jme₁i₂ñi₅₄ lia'₂ 'uē₂-jmi₂ dsi₂guio'₂ ja₁le₁on₅ 'lag₄ lia'₂ jui₅ má'₂ ně₃, qui₂jmaí'₂ uig₅ 'ñio₅ qui₂uig₂ quió'₅ quian'₅₄ ni₁cang₁. ⁶ La₁ jme₁ca₂jñin₂ Jesús já₅ uing₂, ñó₃ jaun₂ ně₃ co₂chi'₅₄ le₃ne₄ ja₁ñó₄ Jesús, jaun₂ ca₂chi₃ñé₃. ⁷ Jaun₂ ca₂'í₃ co₂mi'₅₄ ca₂juá'₂:

—¿E₂ lē₃ tián'₅ 'ne₂ jē₄ quió₃ jniá₂, 'ne₂ Jesús Ja₁ñi'₅₄ Diú₄ juin'₂? Ca₂Diú₄, jnag₅₄, mi₅ jniá₂ ne'₅₄ tsá₃ lē₁'ē₅ uig₅.

⁸ Ca₂juá'₂ le₂nē₅, ia₁ jme₁ma₂nē₂chí'₃ Jesús jme₂dsí₂ 'lin'₅₄, ca₂juá'₂: “iJú₅ quió'₅ dsa₂ ně₅, 'ne₂ jme₂dsí₂ 'lin'₅₄!”

⁹ Jaun₂ ca₂ñag₃ Jesús:

—¿A₂ lia'₂ cheng'₂?

Jaun₂ ca₂ñag₃:

—Juin₅† bá₄ cheng₂, ia₁ a₂juag₅ jnia'₅₄ lē₂.

¹⁰ Jaun₂ ca₂mi₃ tion₅₄-jan₃ ne₄ Jesús a₂tsá₃ chein₂ jme₂dsí₂ 'lin'₅₄ ja₁siá'₂. ¹¹ Ia₁ jme₁tion₅₄ juin₅ i₁ñí₅, guē'₅ quián₅ 'uig₅₄ má'₂, ¹² jaun₂ qui₂ca₂mi₃ i₂'lin'₅₄ ne₄ Jesús, ca₂juá'₂:

—Chei₅ jnia'₅₄ ja₁tion₅₄ i₁ñí₅, jaun₂ dsi₁tió'₄ jnia'₅₄ quió'₅ 'éi₂.

¹³ Jaun₂ ca₂cuē₃ bá₄ Jesús jmig₄. Jaun₂ ca₂'u_{in}₂ ca₂i₃léin₂ i₃toin₅₄ quió'₅ i₁ñí₅. Jme₁lē₂ con'₂ tin₃ mei₅ i₁ñí₅ jme₁tion₅₄. Ca₂le₃jñin₃ 'éi₂ ca₂i₁noi₁₂ co₂chi'₅₄ cuing₂₃ ca₂sein₃ siá₅ i₃toin₅₄ jmi₁ñí'₄, ca₂dsain₃.

¹⁴ Jaun₂ ca₂i₃len₃ dsa₂ i₂jme₁jmo₅ 'í₁ cuing₂₃ ca₂i₁chi'₄ dsa₂ jē₄ juig₂, quian'₅₄ i₂tion₅₄ ja₁nau₂ ně₃. Jaun₂ i₃lén₂ dsa₂ i₁jag₅₄ 'e₂ ca₂lē₃ ja₁jaun₂. ¹⁵ Jme₁ca₂o₃léin₂ ja₁'en₅₄ Jesús, ca₂jñin₂ dsa₂ i₂jme₁tion₅₄ juin₅ jme₂dsí₂ je₂na'₅₄ quió'₅. Jaun₂ ma₂guá₅ ma₂qui'₂ tsin'₅₄, ma₂'en₅₄ bá₄ dsí₅. Tioin₅₄ ca₂jág₂ dsi₂gó'₃ dsí₅. ¹⁶ Jaun₂ dsa₂ i₂ca₂jág₃ ca₂dsia₃ 'e₂ ca₂lē₃ quian'₅₄ dsa₂ i₂jme₁tion₅₄ je₂na'₅₄ quió'₅, 'e₂ ca₂lē₃ quian'₅₄ i₁ñí₅ ně₃. ¹⁷ Jaun₂ ca₂jme₃lióg₃ qui₂ca₂mi₃ tion₅₄ ne₄ Jesús a₂o₃'iin₅ 'uē₃ gO₅₄.

* **5:1** A₂lin₅₄ chog₅₄ si₂juá'₂: “uē₃ Gerasa.” † **5:9** griego: legión

18 Jme₁ma₂ηó₅ Jesús 'í₂ tsi₁mu₅, jaun₂ jme₁mi₅ dsa₂ i₂jme₁tion'₅₄ je₂na'₅₄ quió'₅, jme₁mi₂₃ jág₁ ne₄ Jesús a₂dsó₃ quiong'₅₄. 19 La₁ tsá₃ ca₂cuë₃ 'éi₂ jmig₄. Jaun₂ ca₂tsí'₃ dsa₂ 'éi₂:

—Guan'₂ ja₁quiáng'₂, ja₁tián'₄ ríng'₂, o₂dsia₄ ca₂le₃jě₃ 'e₂ nē₂jmo₃ Te₁gui'₅₄ o₄quiáng'₂, 'a₂lia'₂ nē₂dsia₃ ηéi₂ dsí'₅.

20 Jaun₂ ηá'₃ bá₄ dsa₂ 'éi₂ dsi₂néi₂ quió'₅, jaun₂ ca₂jme₃lióg₃ ca₂i₁dsia₂ jē₄ juig₂ tén₅ Decápolis ca₂le₃jě₃ 'e₂ ca₂jmo₃ Jesús o₄quió'₄. Ca₂le₃jín₃ dsa₂ i₂ca₂nág₂ ca₂i₃gó'₃ dsí'₅.

*Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús
(Mateo 9:18-26; Lucas 8:40-56)*

21 Jme₁ca₂dsián'₃ táng₃ Jesús le₃ηó'₅₄ jmi₁ηí'₄ quian'₅₄ tsi₁mu₅, juin₅ lin₃ dsa₂ i₂ca₂dsi₃lén₂ táng₃ jme₁dsián'₃. Tē₁lia'₂ 'ηi₂₃ chei'₅₄ jmig₂, 22 jaun₂ ca₂dsióg₃ jan₂ dsa₂ i₂niog₅ gu₂ guá'₅ sinagoga, i₂chen₂ Jairo. Jme₁ca₂jín₂ Jesús, jaun₂ ca₂chi₃jné₃ ne₄ 'éi₂. 23 Ca₂mi₃ ca₂juá'₂:

—Ma₂i₁jón₂ jan₂ chi'₂ quiáng₃. ¿Tsa₁ gog'₅₄ o₁jín₁ o₁quiog'₂ gog'₂ ne₄ quió'₅, jaun₂ 'lióin₂, le₃chain₂?

24 Jaun₂ ně₃ ca₂ηó₃ Jesús quiong'₅₄; juin₅ lin₃ guě₄ dsa₂ sián'₂ i₃lén₂ ca₂lia'₂ co₂'liain'₂ bá₄ Jesús. 25 Jē₄ jaun₂, ηó₃ jan₂ 'io₅₄ i₂ma₂tě₂ guia₃-tín₂ ηi₂ a₂dso'₅₄ a₂tiin₂. 26 'Lióng₂ a₂ma₂i₃ηí₂ o₄gú₃ juin₅ tē₅mí₅; jme₁ma₂'éin₂ ca₂le₃jě₃ cu₄ a₂jme₁cha₂ quió'₅. La₁ tsá₃ 'e₂ ta₁ jmo₃, ia₁ tē₂le₃ ca₂i₃ja₃ bá₄ quió'₅. 27 La₁ jme₁ca₂nág₂ a₂'in₅ dsa₂ Jesús, jaun₂ ηó₃ ca₂jme₃quiáin₃ le₃ja₁ηó₄ 'éi₂, jín₄ dsa₂. Jme₁ca₂dsióg₃ cau₅ quió'₅ Jesús ně₃, jaun₂ ca₂ní'₃ ni₁tsin'₅₄ 'éi₂. 28 Ia₁ lín₂: “Tsá₃ a₂nag₅₄ a₂jñia'₅₄ níg'₄ ca₂juig₄ tsin'₅₄, jñia₃ quió'₃.” 29 Co₂tan₅₄ dsi₂jui₅ le₂jaun₂ bá₄ ca₂'ná₂ tein₂₃ jmi₂, ca₂rě₃lí'₄ ca₂'lóin₂ dso₄ quió'₅. 30 Jaun₂ dsi₂jui₅ bá₄ ca₂rě₃lí'₄ Jesús a₂o₃'ág₃ bí₂ quió'₅. Jaun₂ ca₂jéin'₃ jín₄ dsa₂, ca₂ηag₃:

—¿'Ein₂ bá₄ nē₂ní'₃ tsín'₅?

31 Jaun₂ ca₂ηag₃ chi'₂ dsi₂guia₃-tín₂ quiáin₅:

—Jua'₂ jág'₂ bá₄ 'ne₂ 'a₂lia'₂ co₂'liog'₂ dsa₂ ja₂lén₂. ¿'E₂ lē₃ juá'₂ “ein₂ nē₂ní'₃ quió'₃?”

32 La₁ qui₂ja₂né₂ Jesús jín₄ dsa₂ a₂'nai'₂ 'ein₂ nē₂ní'₃ quió'₅. 33 'Io₅₄ 'éi₂ ně₃ ma₂jlein₂₃ bá₄ chéin'₅ gó'₅, ia₁ ηi₅ bá₄ 'e₂ ma₂i₃ηí₂. Ca₂ηó₃ co₂ηei'₅₄ ne₄ Jesús, ca₂chi₃jné₃, ca₂juá'₂ ca₂le₃jě₃ lia'₂ tí₅ jág₁ dsón'₂. 34 Jesús ně₃ ca₂juá'₂:

—Jón₃, ia₁ 'éng'₂, ca₂'lóng'₂ bá₄. Guan'₂ tei₄ quiáng'₂. Co₂nē₅ ca₂jñia₃ dso₄ quiáng'₂.

35 Tē₃ dsia₅ bá₄ guě₄ Jesús jág₁ jaun₂ jme₁ca₂dsi₃lén₂ dsa₂ i₂tion'₅₄ ja₁quió'₄ Jairo i₂lín₅ ta₁ quió'₅ guá'₅ 'éi₂. Jaun₂ ca₂juá'₂ tsí₅ Jairo:

—Ma₂ca₂jón₃ bá₄ ja₁míg'₄. ¿'E₂ ta₁ ma₂cuë'₂ o₂me'₅₄ dsi₅ tē₅?

36 La₁ tsá₃ ca₂tón'₃ Jesús jui₅ jág₁ quió'₅ dsa₂ 'éi₂, jaun₂ ca₂tsí'₃ Jairo:

—Tsá₃ lē₁jmo₂ gang'₃; jñia'₅₄ lia'₂ 'én₃ bá₄.

37 Tsá₃ ca₂cuë₃ jmig₄ Jesús a₂dsi₃lén₂ juin₅ dsa₂ quiong'₅₄. Jñia'₅₄ lia'₂ Pe₄, Jacobo, quian'₅₄ Juan₅₄ riin'₅₄ bá₄ i₃lén₂. 38 Jme₁ca₂dsi₃lén₂ ja₁quió'₄ Jairo, ca₂jág₃ tion'₅₄ dsa₂ go₂'i₃ qui'₂-o₂₃ co₂mi'₅₄, 'lia'₂ dsí'₅. 39 Ca₂'í₃ Jesús dsi₂néi₂, ca₂juá'₂:

—¿'E₂ lē₃ ηí₄ lē₃ tó'₂ 'nia'₂ mi'₅₄, 'au'₂ 'nia'₂ le₂nē₅? Tsá₃ rē₂jón₅₄ guein₂ ně₅. Jñia'₅₄ lia'₂ a₂rē₂güin₃ bá₄.

40 La₁ njia'₅₄ ca₂ñi'₂ bá₄ dsa₂ Jesús toin'₅₄. Jaun₂ ně₃ ca₂'uín'₂ Jesús ca₂le₃jín₃ dsa₂ 'éi₂ ca₁'né₄. Jaun₂ ca₂njai₃ chog₅₄jmei₂ 'lag₄, dsa₂ ún₂ i₂jme₁quian'₅₄ ně₃. Ca₂i₃toin'₅₄ ja₁rē₂quian₅ guein₂ 'lag₄. 41 Jaun₂ ca₂nja'₃ gu₂ i₂bē'₅₄, jaun₂ ca₂juá'₂: —Talita, cumi —co₂'nió'₄ a₂juá'₂: 'Io₅₄ bē'₅₄, 'ne₂ juig₂ jniá₂, nau₂.

42 Dsi₂jui₅ le₂jaun₂ bá₄ ca₂nau₂, ca₂ñi₃. Jme₁ma₂'ein₅₄ guia₃-tín₂ ñi₂. Jaun₂ ca₂i₃gó'₃ dsi₅ toin'₅₄. 43 La₁ Jesús ně₃ ca₂jmo₃ 'éi'₃ a₂tsá₃ 'ein₂ tsí'₃ 'i₁jan₂. Jaun₂ ca₂juá'₂ a₂cuē₃ dsa₂ a₂guē'₃ i₂bē'₅₄ 'éi₂.

6

*Ca₂dsián'₃ Jesús juig₂ Nazaret go₅₄ ja₁tsá₃ ca₂guei₃ dsa₂
(Mateo 13:53-58; Lucas 4:16-30)*

1 Jaun₂ ca₂o₃'ín₃ bá₄ Jesús ja₁jaun₂. Jaun₂ ca₂dsián'₃ táng₃ juig₂ go₅₄ quian'₅₄ chi'₂ dsi₂guia₃-tín₂ quián₅. 2 Jme₁ca₂tē₂ jmig₄ sa₅₄, jaun₂ ca₂jme₃lióg₃ ca₂jme₃tín₂₃ dsa₂ dsi₂néi₂ guá'₅ sinagoga. Juin₅ bá₄ dsa₂ i₂ca₂nág₂ dsi₂gó'₃ dsi₅, jaun₂ ca₂tsí'₃ riin'₅₄:

—¿A₂já'₄ ca₂i₁jme₁tín₅ i₂nē₅ jág₁ ca'₅₄ a₂juá'₂ ně₅? ¿I₂'e₂ bá₄ jág₁ a₂ñi'₂ dsi₅ a₂ma₂ñi₂ ně₅, ca₂tē₂ léi₄ juē'₂ ně₃ tiin₂ jmo₃? 3 ¿On₁jua'₅₄ i₂nē₅ tē₅'má₃ ja₁ñi'₅₄ María, dsó₂ rin'₅₄ Jacobo, quian'₅₄ José, quian'₅₄ Judas, quian'₅₄ Si₂mu₅₄ ně₃? Nē₅ bá₄ tián'₅ 'io₅₄ riin'₅₄ ja₁lá₃ ján₃.

Jaun₂ tsá₃ ca₂rē₃jei₅₄ dsa₂ ja₁jaun₂. 4 Jaun₂ ca₂juá'₂ Jesús:

—Ca₂le₂con₂ bá₄ ja₁siá'₂ guen₅ dsa₂ dsa₂ i₂'ě₂ jág₁ quián₅ Diú₄. Jñia'₅₄ lia'₂ dsa₂ go₅₄ bá₄ tsá₃ guei₅, on₃ guē'₂ o₁riin'₅₄, on₃ guē'₂ riin'₅₄ dsi₂néi₂ ně₃.

5 Jaun₂ tsá₃ 'lióng₂ léi₄ juē'₂ lé₂ le₃jmo₃ juig₂ go₅₄. Jñia'₅₄ lia'₂ i₂lin₅₄ bá₄ dsa₂ dso'₅₄ ca₂dsia₃ gu₂, jaun₂ ca₂jme₃'lió₂. 6 Jaun₂ i₃gó'₃ dsi₅ ia₁ a₂ñi₄ lē₃ tsá₃ 'e₂ 'én₂ dsa₂.

*Ca₂chen₃ Jesús dsa₂ guia₃-tín₂ quián₅ ca₂i₁'ě₄ jág₁ dse₃ juig₂ siá'₂
(Mateo 10:5-15; Lucas 9:1-6)*

7 Jaun₂ ca₂tē₃ chi'₂ dsi₂guia₃-tín₂, jaun₂ ca₂chei₃ jma₃on₃ jma₃on₃. Ca₂cuē₃ bí₂ 'éi'₃ a₂'uín'₂ 'éi₂ jme₂dsí₂ 'lin'₅₄ quió'₅ dsa₂. 8 Jaun₂ ca₂tsí'₃ 'éi₂ a₂tsá₃ 'e₂ cán₂ 'i₁caun₂ le₁'i₄ jui₅, njia'₅₄ lia'₂ jma₃cáun₃ 'ma₂'i₅₄ bá₄. 'Icaun₂ a₂siá'₂ tsá₃ cán₂, on₃ guē'₂ tē₂'mí'₂, on₃ guē'₂ i₁ñi'₄, on₃ guē'₂ cu₄ 'ñió'₃ ni₁lau₂ le₁jén'₅ tú'₅ ně₃. 9 Jñia'₅₄ lia'₂ jma₃co₂dsán'₃ ni₁lau₂ con'₂ a₂ma₂le₁ton₅ tag₅₄ bá₄ cán₂, ton₂ tsá₃ cán₂ tin₃ dsán'₃ tsin'₅₄ ně₃. 10 Jaun₂ ca₂juá'₂ ně₃:

—Jē₁ma₂tē₂ rē₁tón'₄ 'nia'₂ lia'₂ caun₂ dsi₂néi₂ quió'₅ dsa₂ ja₁o₁nóg'₅, ja₁jaun₂ njia₄ 'nia'₂ ca₂lia'₂ ca₂tē₂ jmig₄ i₁'uín'₃ 'nia'₂ táng₃ juig₂ jaun₂. 11 Nē₁jua'₂ cha₂ ja₁lin₅₄ tsá₃ guei₅ dsa₂, on₃ guē'₂ 'nio₃ dsa₂ nag₃ jág₁ quián'₂ 'nia'₂, 'uín'₂ 'nia'₂ ja₁jaun₂, séi'₄ 'nia'₂ 'liog₂ tag'₅₄ co₂'nió'₄ jmó'₂ 'nia'₂ léi₄ co₂jaun₂ ma₂le₁cán'₄ dsa₂ 'éi₂ guoin₅₄.*

12 Jaun₂ ca₂'uín₂ bá₄ chi'₂ dsi₂guia₃-tín₂ ně₃, ca₂i₃léin₂ ca₂i₁'ě₄ jág₁ a₂dsi₃quén'₅ dsi₅ dsa₂. 13 Jaun₂ qui₂ca₂'uín'₂ juin₅ je₂na'₅₄, qui₂ca₂tsiín₂ no'₅₄ juin₅ dsa₂ dso'₅₄, qui₂ca₂jme₃'lóin₂ dsa₂ ně₃.

*Ca₂jon₃ Juan₅₄ i₂chon₅ dsa₂ jmig₂
(Mateo 14:1-12; Lucas 9:7-9)*

14 Ca₂rē₃ñi₅ Rag₅₄ Herodes jág₁ a₂'ei₅ quió'₅ Jesús, ia₁ ca₂le₂con₂ bá₄ ma₂le₁ñi₅ dsa₂ 'e₂ a₂jmo₅ Jesús ñi₂₃. Jaun₂ juá'₂ Rag₅₄ Herodes:

* 6:11 A₂lin₅₄ chog₅₄ si₂juá'₂ le₂la₂ján₃: “A₂dsi₂jó'₃ juá'₅ jniá₂, jē₁ma₂tē₂ jmig₄ i₁qui₂dsi₅ Diú₄ 'éi'₃, tsá₃ jua'₅₄ ñi₄ uig₅ gue₃ dsa₂ jme₃chan₂ Sodoma quian'₅₄ Gomorra, con'₂ guē₄ dsa₂ i₂tsá₃ guen₅ 'nia'₂.”

—Ma₂ca₂jen'₅₄ Juan₅₄, dsa₂ i₂jme₁chon₅ dsa₂ jmi_g₂; 'uig₅₄ jaun₂ qui'₅₄ jmi_g₄ jmo₂₃ 'e₂ a₂jmo₂₃.

¹⁵ I₂lin₅₄ guë'₂ dsia₅ táng₃:

—Elías bá₄ 'éi₂ η₅.

La₁ i₂sián'₂ guë'₂ juá'₂:

—Jan₂ i₂chen₄ quián₅ Diú₄ bá₄ 'éi₂, ju₁lia'₂ dsa₂ i₂jme₁'ë₂ jág₁ quián₅ Diú₄ ma₂líg'₂.

¹⁶ Jme₁ca₂nág₂ Rag₅₄ Herodes, jaun₂ ca₂juá'₂:

—Juan₅₄ bá₄ nē₅ η₅, i₂ca₂'nia₃ dsa₂ dsi₂lag₄, 'éi'₃ quió₃ jniá₂. Ma₂ca₂jein'₅₄ táng₃.

¹⁷ Ia₁ 'ηiog₅ bá₄ Herodes ma₂jmo₅ 'éi'₃ le₂jñiá₅ a₂ca₂i₁chan'₅₄ dsa₂ Juan₅₄ ca₂i₁tio'₂ né'₃ 'má₃ rē₂'ñei'₅₄ 'uig₅₄ quió'₅ 'io₅₄ Herodías i₂lín₅ dsi₂i₂gu₂ Fe₂li₄ rñin'₅₄. La₁ Herodes nē₃ ma₂jmo₂₃ quián₅. ¹⁸ Ia₁ jme₁ma₂qui₂ma₂juá'₂ Juan₅₄ tsí'₅ Herodes:

—Tsá₃ 'i₄ 'éi'₃ jmó'₂ quiáng'₂, 'io₅₄ quián₅ dsó₂ ríng'₂.

¹⁹ 'Uig₅₄ jaun₂ jme₁'i₄ 'nei₂ dsí'₅ 'io₅₄ Herodías jñin₂ Juan₅₄. Jaun₂ jme₁'nio₃ jñag'₃, la₁ tsá₃ ca₂dsó'₂ ju₁lia'₂ jmo₃. ²⁰ Ia₁ jme₁η₅ bá₄ Rag₅₄ Herodes a₂lín₅ Juan₅₄ dsa₂ dsen₃, jaun₂ jme₁jme₂go₃ bá₄; jaun₂ jme₁jmo₂₃ 'í₁. Lia'₂ con'₂ jme₁nag₂₃ jág₁ quió'₅ Juan₅₄, jme₁tē₂tsin'₅₄ tsá₃ 'e₂ η₅ jmo₃, la₁ 'ηio₂ bá₄ dsí'₅ jme₁nag₂₃. ²¹ La₁ ca₂cuin₃ jmi_g₄ nē₃ jme₁ca₂jmo₃ Herodes jmi_g₄ a₂ca₂dsí'₃ η₂: ca₂jmo₃ má₃, ca₂tē'₃ dsa₂ can'₅₄ con'₂ dsa₂ i₂jmo₅ 'éi'₃ juig₂, i₂lín₅ juig₅₄ 'lióg₂ quián₅ nē₃, ca₂le₃jín₃ guë'₄ con'₂ dsa₂ dsen₅₄ quián₅ juig₂ ja₁tén₄ Galilea. ²² Jaun₂ ca₂guan₃ ja₁míg₄ Herodías ja₁niog₅ jmi_g₄, jaun₂ ca₂dsáin₂. A₂jaun₂ ca₂tē₂ dsí'₅ Rag₅₄ Herodes, ca₂le₃jín₃ dsa₂ i₂té₄ i₂tion'₅₄ guë'₅ quiain'₅₄ nē₃. Jaun₂ ca₂juá'₂ rag₅₄ ca₂tsí'₃ 'io₅₄ bē'₅₄ 'éi₂:

—Mi₄ ca₂le₃jē₃ 'e₂ 'niog'₂, jaun₂ cuë'₅₄ jniá₂.

²³ Jaun₂ ca₂cuë'₃ jág₁ quió'₅ ca₂le₃jē₃ ca₂'iin₃ Diú₄, ca₂juá'₂:

—Chi₂jua'₂ 'e₂ caun₂ a₂mí'₁ 'ne₂, cuë'₅₄ bá₄ jniá₂, jñia'₅₄ ca₂dsio₄ 'uë₃ ja₁gong₂.

²⁴ Jaun₂ ca₂o₃'ín₃ 'io₅₄ bē'₅₄ 'éi₂ ca₂i₁ñag₁₂ chog₅₄, ca₂i₁jua'₄:

—¿'E₂ mi₅₄ jniá₂, mag₅₄?

Jaun₂ ca₂juá'₂ chog₅₄:

—Mi₄ mi₂dsi₄ Juan₅₄ i₂chon₅ dsa₂ jmi_g₂.

²⁵ Jaun₂ ca₂'í₃ táng₃ 'éi₂ dsi₂ju₁ia'₅ ja₁guá₄ rag₅₄, jaun₂ ca₂juá'₂:

—'Nio₃ cuë'₁ tē₂nē₃ mi₂dsi₄ Juan₅₄ i₂chon₅ dsa₂ jmi_g₂, a₂'i₄ 'ñio'₃ uing₅.†

²⁶ Jme₁ca₂nág₂ rag₅₄ jág₁ nē₅, ca₂jén₂ dsí'₅. La₁ tsá₃ a₂η₅ jmo₃, ia₁ ma₂nē₂cuë'₃ jág₁ quió'₅ le₂jñiá₅ a₂cuë'₃ chi₂jua'₂ 'e₂ 'nio₃ 'io₅₄ 'éi₂, ton'₂ ia₁ ma₂nē₂néi₂ a₂mei₅₄ quián₅ i₂tián'₅. ²⁷ Jaun₂ dsi₂ju₁ia'₅ jaun₂ ca₂chein₃ jan₂ 'lióg₂ a₂dsi₃quián₂ mi₂dsi₄ Juan₅₄. ²⁸ Jaun₂ ca₂ñó₃ 'lióg₂ ju₁ia'₅ 'ñio'₃ 'né₅ 'má₃, jaun₂ ca₂i₁qui'₂ dsi₂lag₄ Juan₅₄, jaun₂ quián₅ rē₂'i₄ 'ñio'₃ uing₅, ca₂cuë'₃ 'io₅₄ 'éi₂. Jaun₂ 'io₅₄ nē₃ ca₂gue₃, jaun₂ ca₂i₁cuë'₂ táng₃ chog₅₄.

²⁹ Jme₁ca₂rē₃η₅ dsa₂ i₂jme₁quian'₅₄ Juan₅₄, jaun₂ ca₂o₃léin₂, ca₂tág₃ 'lag₄, jaun₂ ca₂i₁'ó₄.

Ca₂jme₃tan₅₄ Jesús 'ñiá₂ mei₅ dsa₂

(Mateo 14:13-21; Lucas 9:10-17; Juan 6:1-14)

³⁰ Cang₂ jaun₂ ca₂o₃len₃ dsa₂ i₂chen₄† 'éi₂, ca₂ñi₁'₂ táng₃ quiain'₅₄ Jesús, jaun₂ ca₂dsia₃ 'e₂ niog₅ ca₂jmo₃ ja₁i₁lein₅₄, 'a₂ lia'₂ i₂ca₂jme₁tñin₂₃ dsa₂. ³¹ Jaun₂ ca₂juá'₂ Jesús:

† 6:25 lit. "rē₂dsí₂ ne₄ caun₂ ñi₁ñi₁ charola." ‡ 6:30 griego: apóstolous.

—I₂nó'₅ 'nia'₂ con'₂ guiong'₅₄ caun₂ ja₁co₂'ñiog₅, i₂jñia₄ ca₂tiá'₂.

Ia₁ juin₅ lin₃ dsa₂ i₂o₂lén₂, lia'₂ i₂dsi₂len₃ ně₃, ca₂lia'₂ jñia'₅₄ tsá₃ cuin₅ jmig₄ gué'₃. ³²Jaun₂ ně₃ ca₂tóin'₂ tsi₁mu₅ ca₂i₃lén₂ caun₂ ja₁lě₄ co₂'ñiog₅ con'₂ guioin₅₄. ³³Jaun₂ qui₂ca₂'uin₂ dsa₂ le₂caun₂ le₂caun₂ juig₂, i₃lén₂ co₂chi'₅₄ jui₅ tag₅₄ a₂'ein₂₃ Jesús. Jaun₂ jñiá'₅ bá₄ dsi₃lén₂ lia'₂ con'₂ gué'₄ 'éi₂. ³⁴Jme₁ca₂sión₃ Jesús 'ñió'₃ tsi₁mu₅, ca₂jñin₂ juin₅ lin₃ dsa₂, ma₂tion'₅₄ le₁jñiog₅, ca₂tá'₂ ñéi₂ dsí₅ dsa₂ 'éi₂, ia₁ i₂nio₄ dsa₂ lia'₂ jě₁i₂nio₄ já'₂ cha'₂ i₂tsá₃ juig₅₄ chan₂, jiog₃, jmo₃ 'í₁. Jaun₂ ca₂jme₃lióg₃ ca₂jme₃tiin₂₃ dsa₂ 'lióng₂ lin₃ jág₁. ³⁵Jme₁ca₂'láu₂ jaun₂ ca₂o₃lén₂ chi'₂ dsi₂guia₃-tín₂ quiáin₅, jaun₂ ca₂juá'₂:

—Caun₂ ja₁co₂'ñiog₅ bá₄ la₂, ton'₂ ca₂'láu₂ gué'₄ má'₃. ³⁶'Ei'₂ jág₁ dsa₂, ia₁jaun₂ dsi₃lein₅ dsi₃'nióg₂ a₂gué'₃ lia'₂ con'₂ juig₂ ja₁nau₂ ma₂quián₅ ně₅.

³⁷Jaun₂ ca₂ñag₃ Jesús:

—Cué'₅₄ 'nia'₂ dsa₂ a₂gué'₃.

Jaun₂ ca₂ñag₃ táng₃ 'éi₂:

—¿Lé₂ le₃dsi₁liá₄ tin₃ 'ñiá₂-láu₂ 'éi'₃ denario i₁ñí'₄ ia₁jaun₂ dsio'₂ a₂gué'₃ dsa₂?

³⁸Jaun₂ ca₂juá'₂ táng₃ Jesús:

—O₂jag₄ 'nia'₂ je₂liá'₂ i₁ñí'₄ 'i₄ quián'₂ 'nia'₂.

Jaun₂ ca₂i₁jag₅₄ 'éi₂ jaun₂ ně₃, jaun₂ ca₂o₃lén₂ táng₃, ca₂juá'₂:

—'Ñiá₂ i₁ñí'₄ bá₄ 'i₄, on₃ gué'₂ i₁ju₁.

³⁹Jaun₂ ca₂chein₃ jág₁ a₂tian'₃ dsa₂ jma₃co₂nió'₃ ne₄ ñi₂ma'₂ rě'₂, ⁴⁰jaun₂ ca₂tián'₂ dsa₂ jma₃co₂nió'₃ ja₁lě₂ caun₂ 'ñiá₂-lón₂, i₂ca₂tián'₂ jma₃co₂nió'₃ jma₃tě₂lón₃-guián₂ ně₃. ⁴¹Jaun₂ ně₃ ca₂jña'₃ Jesús le₃'ñiá₂ i₁ñí'₄, le₃on₃ gué'₂ i₁ju₁ ně₃, ca₂jág₃ guei'₅₄ i₂juíg₃, ca₂cué'₃ ti₁'mag'₄ Diú₄. Jaun₂ ca₂jmo₃ le₁'nau₅₄ i₁ñí'₄, jaun₂ gué'₄ ca₂cué'₃ chi'₂ dsi₂guia₃-tín₂ quiáin₅, ia₁jaun₂ dsia₃ 'éi₂ ne₄ dsa₂. Ján₃ gué'₂ ca₂jmo₃ dsióg₁ quió'₅ i₁ju₁ on₃ 'éi₂, ca₂cué'₃ ca₂le₃jín₃. ⁴²Jaun₂ le₃jín₃ dsa₂ ca₂gué'₃ ca₂lia'₂ ca₂rě₃tain₅₄. ⁴³Jaun₂ ca₂cág'₃ bá₄ gué'₄ dsa₂ guia₃-tín₂ tsi₁mí'₂ 'nau₅₄ i₁ñí'₄, a₂ca₂chóng₃ quió'₅ i₁ju₁ ně₃. ⁴⁴'Ñiá₂ mei₅ jme₁lě₂ ca₂le₃jín₃ dsa₂ ñe'₂ i₂ca₂gué'₃ 'éi₂.

Ca₂ñi₃ Jesús ne₄ jmí₁ñí'₄

(Mateo 14:22-27; Juan 6:16-21)

⁴⁵Jaun₂ dsi₂jui₅ le₂jaun₂ ca₂jmo₃ Jesús 'éi'₃ a₂i₃ton'₅₄ chi'₂ dsi₂guia₃-tín₂ quiáin₅ 'ñió'₃ tsi₁mu₅, jaun₂ jñiá'₅ de'₂ 'éi₂ ñi₃ jmig₂ con'₂ gué'₄ 'ñiog₅, a₂dsi₁lén₂ Betsaida, tē₁lia'₂ 'í₁ gué'₄ 'ñiog₅ 'ág'₃ jág₁ dsa₂. ⁴⁶Jme₁ma₂ca₂lě₃ 'ág'₅ jág₁ dsa₂, ca₂ñó₃ jaun₂ ně₃ jui₅ má'₂ i₁chi₂i₁lein'₁ Diú₄. ⁴⁷Jaun₂ con'₂ ca₂tó'₂ nei₂ dé₄, ma₂ñó₅ tsi₁mu₅ dsi₂jo₂ jmí₁ñí'₄, 'ñiog₅ gué'₂ Jesús jaun₂ bá₄ 'ein₅₄ 'uě₃. ⁴⁸Jaun₂ ca₂jág₃ Jesús 'ñio₅ cán₂ ta₁ tióin'₅₄ a₂jéin₂₃ ñi₁'ma₂ a₂gag₂ jmig₂, ia₁ 'liog'₂ dsí₂ le₂ca'₃. Jaun₂ con'₂ le₁né₃ tē₂le₃ ca₂jñia₃, ca₂jme₃quián₃ Jesús ñi₂₃ ne₄ jmig₂ ja₁ñó₄ tsi₁mu₅. Jaun₂ ca₂jmo₃ ně₂jag₄ bá₄ i₂jme₁ma₂ñi₃ co₂dsau₅ ja₁tion'₅₄ 'éi₂. ⁴⁹Jme₁ca₂jág₂ jóin'₅ ñi₂₃ ne₄ jmí₁ñí'₄, dsa₂ 'lin'₅₄ Š bá₄ 'éi₂ lín₂, jaun₂ ca₂tóin'₂ co₂mí'₅₄ ca₂guió'₃, ⁵⁰ia₁ ca₂le₃jín₃ bá₄ ca₂rě₃gó'₅ 'ñio₅ lin₃ jme₁ca₂jág₂. La₁ dsi₂jui₅ bá₄ ca₂juá'₂ Jesús:

—i₁Tiá₂ dsia₄ 'nia'₂ 'au'₂; jñiá₂ bá₄ la₂, tsá₃ lě₁jmo₂ 'nia'₂ gang'₃!

⁵¹Jaun₂ ca₂uíg₂ 'ñió'₃ tsi₁mu₅ ja₁tion'₅₄ 'éi₂. Jaun₂ ca₂'ág₂ táng₃ tei₄ ca₂jñia'₃ dsí₂, jaun₂ i₃gó'₃ dsí₅ 'éi₂ 'ñio₅ lin₃. ⁵²Ia₁ tsá₃ 'e₂ ca₂ñi'₂ dsí₅ dsa₂ 'éi₂ jui₁lia'₂ léi₄ jué'₂ a₂ma₂ně₂jág₃ jmo₅ Jesús quian'₅₄ i₁ñí'₄, ně₂jag₄ bá₄ cha₂ a₂jmo₅ jnág₅ a₂tsá₃ rě₂ñí'₂.

Ca₂jme₃'lión₂ Jesús dsa₂ dso'₅₄ 'uě₃ Genesaret
(Mateo 14:34-36)

⁵³ Jme₁ca₂'ain₂ jmig₂, ca₂dsiléin₂ 'uë₃ Genesaret. Ja₁jaun₂ ca₂'néi₂ tsi₁mu₅ chei'₅₄ jmig₂. ⁵⁴ Dsi₂jui₅ jme₁ca₂'uin₂ tsi₁mu₅, co₂tan₅₄ lia'₂ ca₂rë₃cuin₅ bá₄ dsa₂ Jesús. ⁵⁵ Jaun₂ ca₂i₁nioi₁₂ co₂chi'₅₄ le₂tan₅₄ juig₂ te₁'i₁ ma₂quián₅ jaun₂. Jaun₂ ca₂i₁quian₅₄ dsa₂ dsa₂ i₂le₁dso'₅₄ quian'₅₄ tsi₁jein₁ 'a₂ guë₃ já'₄ 'en₅₄ Jesús. ⁵⁶ Ca₂le₂con₂ ja₁jme₁ñi₅ Jesús, jë₁ma₂'í₅ jë₄ juig₂, jë₄ ciudad, o₃ le₂'i₄ jui₅ ja₁ñó₄ 'e₂, jme₁qui₂dsi₂jñia₃ dsa₂ dsa₂ dso'₅₄, qui₂ca₂dsiog₃ ja₁niog₅ 'ma'₅₄. Qui₂ca₂mi₃ dsa₂ tsá₃ a₂nag₅₄ o₁jñia'₅₄ a₃tag₄ tsin'₅₄ bá₄ cuë₃ jmig₄ a₂nñi'₃. Jaun₂ ca₂le₃jín₃ dsa₂ dso'₅₄ i₂qui₂ca₂ní'₃ tsin'₅₄ Jesús, qui₂ca₂'lóin₂.

7

Jme₂tag₅ Jesús jui₁lia'₂ 'e₂ jaun₂ a₂jmo₅ a₂rë₂'ñio₅ dsa₂
(Mateo 15:1-20)

¹ Jaun₂ në₃ dsa₂ fariseos quian'₅₄ i₂lin₅₄ të₅juá'₅ i₂ja₂lén₂ Jerusalén, ca₂o₃léin₂ ca₂ñi'₂ ja₁'en₅₄ Jesús. ² Ca₂jág₃ dsa₂ 'éi₂ ca₂jín₂ i₂lin₅₄ chi'₂ dsi₂guia₃-tín₂ a₂guë'₅ të₃ tsá₃ “le₁jë₃” gu₂, tsá₃ jme₂ti₃ jua'₅₄ a₂rang₂₃ lia'₂ con'₂ lë₅ 'éi'₃. * ³ (Ia₁ ca₂le₃jín₃ dsa₂ fariseos, quian'₅₄ ca₂le₃jín₃ dsa₂ chan₂ Judea në₃, jme₂ti₃ lia'₂ con'₂ lë₅ tag₄ chí'₅ quió'₅ dsa₂ can'₅₄, a₂tsá₃ guë'₃ në₁jua'₂ tsá₃ ma₂në₂rang₃ 'lióng₂ ráun₂ gu₂. ⁴ Jë₁ma₂o₃lein₃ 'ma'₅₄, tsá₃ guë'₃ në₁jua'₂ tsá₃ ma₂në₂jme₃ti₃ con'₂ tag₄ chí'₅ a₂rang₃ quió'₅. Jaun₂ 'lióng₂ bá₄ guë'₄ tag₄ siá'₂ a₂jme₂ti₃ dsa₂ jui₁lia'₂ a₂rang₅ dsa₂ ni₁vaso, jui₁lia'₂ a₂rang₅ dsa₂ ni₁taza, ni₁dsig₁, tsi₁cama në₃.)† ⁵ Jaun₂ në₃ ca₂ñag₃ dsa₂ fariseos quian'₅₄ të₅juá'₅, ca₂ñi'₃ Jesús:

—¿'E₂ lë₃ tsá₃ jme₂ti₃ chi'₂ dsi₂guia₃-tín₂ quiáng'₂ tag₄ chí'₅ quió'₅ dsa₂ can'₅₄? Guë'₅ bá₄ të₃ tsá₃ ma₂në₂rang₃ gu₂.

⁶ Jaun₂ ca₂ñag₃ 'éi₂:

—Dsón'₂ bá₄ dsau₅ ca₂juá'₂ Isaías ca₂'iin₃ 'nia'₂ dsa₂ i₂lë₁jmo₅-dsáu₅ o₁ne₁, jui₁lia'₂ tio'₅₄ ne₄ Si₂:

Dsa₂ juig₂ la₂ jme₂juag'₂ jniá₂

jma'₃ lia'₂ quian'₅₄ mi₂'o₅₄ bá₄,

la₁ia₁ uíng₂ bá₄ 'i₄ dsí₅ ja₁con₂ jniá₂.

⁷ La₁ tsá₃ 'e₂ ta₁ tí₄ a₂jme₂juag'₂,

ia₁ jág₁ a₂jme₂tag₂₃,

'éi'₃ a₂lë₁lë₅ quió'₅ dsa₂ mi₂güí₃ bá₄. ‡

⁸ Ia₁ co₂dsia₅ ma₂ca₂tí'₃ bá₄ 'nia'₂ 'éi'₃ quió'₅ Diú₄, a₂ma₂ja₂nóg'₅ chan'₅₄ tiá₂ 'éi'₃ tag₄ quió'₅ dsa₂ mi₂güí₃. §

⁹ Ca₂juá'₂ ján₃:

—'Ñio₅ tin'₂ 'nia'₂ jmo'₂ cau₅ 'éi'₃ quió'₅ Diú₄, a₂jme₂tí'₁ 'nia'₂ tag₄ quián'₂ 'nia'₂ guiong'₅₄. ¹⁰ Ia₁ ca₂juá'₂ Moisés a₂jme₃gan₃ dsa₂ chog₅₄-jmei₂. * Jaun₂ juá'₂, chi₂jua'₂ 'ein₂ ca₂juá'₂ uig₅ ne₄ chog₅₄-jmei₂, jui₁join₅₄. † ¹¹ La₁ 'nia'₂ në₃ juá'₂ a₂lë₂

le₃juá'₂ dsa₂ tsí'₃ chog₅₄-jmei₂: “Tsá₃ 'nia'₂ lé₂ le₃jme₁'ong₁₂, ia₁ ca₂le₃jë₃ a₂cha₂ quió'₃ a₂lë₅ Corbán”, (co₂'nió'₄ a₂juá'₂, a₂ma₂lë₅ quió'₅ Diú₄ bá₄). ¹² Në₁jua'₂ le₂në₅

jaun₂ tsá₃ ma₃cuë'₂ 'nia'₂ jmig₄ a₂jme₃'on₅₄ guë'₄ dsa₂ chog₅₄-jmei₂. ¹³ Jaun₂ le₂në₅ bá₄ tsá₃ ma₃'e₂ quen₅ jág₁ quió'₅ Diú₄, jmo'₂ 'nia'₂, të₂le₃ quian'₅₄ tag₄

a₂chí'₅, a₂ca₂ñag₃ dsa₂ can'₅₄ quiáng'₂. 'Lióng₂ bá₄ guë'₄ a₂siá'₂ jmo'₂ 'nia'₂.

¹⁴ Jaun₂ ca₂të'₃ Jesús dsa₂, ca₂juá'₂:

* **7:2** A₂lin₅₄ chog₅₄ si₂juá'₂ le₂la₂ján₃: “jaun₂ lë₃ ca₂chi₂ca₂'ag₃.” † **7:4** A₂lin₅₄ chog₅₄ si₂juá'₂: “ni₁taza, ni₁dsig₁, ni₁ñi₁ në₃.” ‡ **7:7** Isaías 29:13. § **7:8** A₂lin₅₄ chog₅₄ si₂juá'₂ ján₃: “jui₁lia'₂ a₂qui₂rang₂ 'nia'₂ ni₁dsig₁, ni₁vaso a₂'ág'₂ jmig₂, ca₂le₃jë₃ guë'₄ 'e₂ cosa a₂qui₂jmo'₂ 'nia'₂ në₃.” * **7:10** Éxodo 20:12; Deuteronomio 5:56. † **7:10** Éxodo 21:17; Levítico 20:9.

—Nei₂ 'nia'₂ dse₃ ca₂le₃jíng'₃ a₂juá'₄ jniá'₂ la₂. ¹⁵ I₁caun₂ a₂dsi₂to'₅₄ quió'₅ dsa₂, on₃jua'₅₄ a₂jaun₂ jmo₅ a₂rë₂'iog₅ jme₂dsi₂ quió'₅. Cosa a₂'uë₂ dsí₅ dsa₂ guioin₅₄, a₂jaun₂ bá₄ jmo₅ a₂rë₂'iog₅ jme₂dsi₂.[†]

¹⁷ Jme₁o₂'ín₃ jin₄ dsa₂, nái'₃ dsi₂néi₂, jaun₂ ca₂ηag₃ chi'₂ dsi₂guia₃-tín₂ quiáin₅ 'e₂ jág₁ dsau₅ jáng'₅ jág₁ ca₂cué'₃ dsa₂ jaun₂. ¹⁸ Jaun₂ ca₂juá'₂:

—¿Ján₃ bá₄ tsá₃ nái'₂ 'nia'₂ a₂juá'₅ jniá'₂? Ca₂le₃jě₃ 'e₂ a₂guë'₅ dsa₂, on₃jua'₅₄ a₂jaun₂ jmo₅ a₂rë₂'iog₅ jme₂dsi₂. ¹⁹ Ia₁ on₃jua'₅₄ dsí₅ dsa₂ dsi₂to'₅₄ a₂guë'₅. Rë₂tú'₅ bá₄ dsa₂ dsi₂to'₅₄ a₂jaun₂. Cang₂ jaun₂ dsi₂'uë'₅₄ táng₃ dsa₂ ca₁'né₄.

(Ca₂'ë₃ co₂'nió'₄ a₂le₁jě₃ ca₂le₃jě₃ bá₄ má₃, jme₁ca₂juá'₂ le₂në₅). ²⁰ Ca₂juá'₂ ján₃:

—Ca₂le₃jě₃ a₂'uë₂ dsí₅ dsa₂, a₂jaun₂ bá₄ a₂jmo₅ a₂rë₂'iog₅ jme₂dsi₂. ²¹ Të₂dsí₅ bá₄ dsa₂ 'uë₂ ca₂le₃jě₃ ne₅₄ a₂'lig'₅₄: ju₁lia'₂ a₂lë₅ dsí₅ dsa₂ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂; a₂'ang₅ dsa₂; a₂jme₂dsian₅ dsa₂ riin'₅₄; ²² a₂'ín₅ dsí₅ dsa₂ jmo₃ quió'₅ a₂cha₂ quió'₅ riin'₅₄; 'e₂ caun₂ a₂tsá₃ dsi₂ten₅₄ jmái'₂ riin'₅₄; a₂qui₂jme₂gain₂₃ riin'₅₄; a₂jmo₂₃ o₂guí'₃ 'lig'₅₄, a₂jmo₂₃ uig₅ dsí₅, a₂qui₂chi₂'ín₅ dsa₂ riin'₅₄; a₂jme₂róin₂ jmái'₂ dsa₂; ca₂le₃jě₃ guë'₄ 'e₂ a₂tsá₃ 'en₅₄ dsí₅ dsa₂ lín₅. ²³ Ca₂le₃jě₃ a₂në₅, të₂dsí₅ bá₄ dsa₂ lë₂, a₂në₅ bá₄ a₂jmo₅ a₂rë₂'iog₅ jme₂dsi₂ quió'₅ dsa₂.

Jan₂ i₁náu₃ i₂ca₂rë₃'én₂ të₂le₃ quió'₅ Jesús

(Mateo 15:21-28)

²⁴ A₂'ein₅₄ ja₁jaun₂, ca₂o₃'ín₃ ηó₃ 'uë₃ ma₂quián₅ juig₂ Tiro.Š Jaun₂ ca₂'í₃ con'₂ të₃co'₅₄ bá₄ dsi₂néi₂ quió'₅ dsa₂ ja₁jaun₂. La₁ tion₅₄ bá₄ ca₂rë₃lí'₄ dsa₂, tsá₃ ma₃ca₂cuin₃ jmig₄ a₂'mai₃. ²⁵ Dsi₂ju₁is jaun₂ ca₂nág₂ chog₅₄ jan₂ 'io₅₄ bë'₅₄ i₂'en₅₄ jme₂dsi₂ 'lin'₅₄. Ca₂dsió₃, jaun₂ ca₂chi₃jné₃ ne₄ Jesús. ²⁶ 'Éi₂ jme₁lín₄ jan₂ 'io₅₄ griega, i₂chan₂ Sirofenicia. Jaun₂ ca₂mi₃ ca₂tsí'₃ 'éi₂ a₂dsi₃dsein₂₃ je₂na'₅₄ quió'₅ chi'₂ quiáin₅. ²⁷ Jaun₂ ca₂ηag₃ Jesús:

—Ju₁le₂tan₅₄ de'₂ jniá'₅ chi'₂ quiáng₃; ia₁ tsá₃ dsi₂ten₅₄ jua'₅₄ a₂jniá'₄ jniá'₂ i₁ηí'₄ quió'₅ chi'₂, a₂ton₅₄ ne₄ dsi₂ji'₅₄.

²⁸ Jaun₂ ca₂ηag₃ táng₃ 'io₅₄ 'éi₂:

—Dsón'₂ bá₄ dsau₅, Te₁gui'₅₄, la₁ia₁ le₂jio₅ dsi₂ji'₅₄ bá₄ guë'₅ né'₃ ni₁mesa 'nau₅₄ a₂tsi₂séi'₂ guein₂.

²⁹ Jaun₂ ca₂ηag₃ táng₃:

—Dse₃ në₂ηag'₅₄. Ma₂lë₂ guang'₅₄. Ma₂o₂'ín₃ bá₄ je₂na'₅₄ i₂jme₁'en₅₄ të₂dsí₅ chi'₂ quiáng'₂.

³⁰ Jaun₂ ca₂ηái'₃ bá₄; jme₁dsiáin'₃, ca₂jín₂ ja₁míg₄ roin₂₃ tei₄ ne₄ tsi₁cama, ma₂o₂'ín₃ bá₄ je₂na'₅₄ të₂dsí₅.

Ca₂jme₃'lión₂ Jesús jan₂ dsa₂ güin₄ i₂tsá₃ lín₄ lé₂ dsia₃ jág₁

³¹ Ca₂o₃'ín₃ táng₃ Jesús juig₂ Tiro, ca₂ηí₃ ju₁is juig₂ Sidón, jaun₂ ca₂dsió₃ chei'₅₄ jmi₁ηí'₄ Galilea, jaun₂ ca₂'í₃ 'uë₃ Decápolis. ³² Ja₁jaun₂ ca₂o₃ηia₃ dsa₂ jan₂ dsa₂ i₂tsá₃ lín₄ lé₂ dsia₃ jág₁. Jaun₂ ca₂mi₃ dsa₂ a₂quió₃ Jesús gu₂ ne₄ quió'₅ dsa₂ 'éi₂. ³³ Jaun₂ ca₂jio₃ Jesús ca₂ηiai₃ dsa₂ 'éi₂ caun₂ ja₁co₂ηio₅, jaun₂ ja₁jaun₂ ca₂tiá₂ chi₁gú₃ rë₂gua₄ dsa₂ 'éi₂, jaun₂ ca₂'ηéi₃ chi₁gú₃, jaun₂ ca₂nii'₂ le₁tsi'₂ dsa₂ 'éi₂. ³⁴ Jaun₂ ca₂chóg'₃ ne₅₄ guei'₅₄ i₂juíg₃, ca₂choin₃ dsí₅, jaun₂ ca₂juá'₂:

—¡Efata! —co₂'nió'₄ a₂juá'₂: ¡Nia₄!

³⁵ Jme₁ma₂në₂juá'₂ le₂në₅, ca₂niá₃ rë₂gua₄ mi₂'o₄ dsa₂ 'éi₂ në₃, ca₂'lóin₂, ca₂dsia₃ dse₃ jág₁. ³⁶ Jaun₂ ca₂juá'₂ Jesús ca₂tsí'₃ ca₂le₃jín₃ dsa₂ i₂jme₁tion'₅₄ a₂tsá₃

[†] **7:15** A₂lín₅₄ chog₅₄ si₂ chi₁ton₅ versículo 16 bá₄ ján₃, a₂juá'₂: “Ca₂le₃jín'₃ 'nia'₂ i₂le₁dsi₅₄ rë₂gua₄, nei₂ 'nia'₂.” **§ 7:24** A₂lín₅₄ chog₅₄ si₂ juá'₂ ján₃: “quian'₅₄ Sidón.”

'ein₂ tsí'₃. La₁ tē₂le₃ i₂jui'₂ guē'₄ ca₂dsia₃ bá₄ dsa₂. ³⁷Jaun₂ 'ñio₅ lin₃ ca₂i₃gó'₃ dsí'₅ dsa₂ jme₁ca₂rē₃ñi₅. Jaun₂ qui₂ca₂dsia₃ dsa₂:

—Dse₃ bá₄ ca₂le₃jě'₃ a₂jmo₂₃. Jmo₂₃ a₂nag₅ dsa₂ i₂gün₄, lia'₂ dsa₂ i₂con₄ ně₃, lé₂ le₃dsia₃ jág₁.

8

Ca₂jme₃tan₅₄ Jesús quén₂ mei₅ dsa₂
(Mateo 15:32-39)

¹Jmí₄ jaun₂ ca₂ñi'₂ juin₅ lin₃ dsa₂. Ia₁ tsá₃ ma₃'e₂ cha₂guē'₃, jaun₂ ca₂tē'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

²—Néi₂ dsi₂jing₅₄ dsa₂ ně₅, ia₁ ma₂'ni₅ jmí₄ tioin'₅₄ ja₁lá₃ quiong'₅₄, tsá₃ ma₃'e₂ cha₂guē'₃. ³Nē₁juá'₂ dsiain'₅₄ guē'₂ jniá'₂ quió'₅ tē₃ tsá₃ ma₂nē₂guē'₃, 'uáin₂ bá₄ le₂'i₄ jui₅, ia₁ uíng₂ bá₄ ja₂lén₂ i₂lin₅₄ ně₅.

⁴Jaun₂ ca₂ñag₃ chi'₂ dsi₂guia₃-tín₂ quiáin₅:
—¿A₂já'₄ bá₄ lé₂le₃dsi'₁nió₂ ca₂le₃jě'₃ i₁ñi'₄ a₂'nió'₅ le₂tan₅₄ dsa₂ ně₅ ja₁co₂'ñiog₅ la₂?

⁵Jaun₂ ca₂ñag₃ táng₃ Jesús:
—¿Je₂liá'₂ i₁ñi'₄ 'i₄ quián'₂ 'nia'₂?
—Guio₃ bá₄ —ca₂ñag₃.

⁶Jaun₂ ca₂jmo₃ Jesús 'éi'₃ a₂tian'₃ dsa₂ ca₂le₃jín₃ 'uē₃. Jme₁ma₂chan'₂ le₂guio₃ i₁ñi'₄, ca₂cuē'₃ ti₁'mag'₄ Diú₄, jaun₂ ca₂jmo₃ le₁'nau₅₄, jaun₂ guē'₄ ca₂cuē'₃ chi'₂ dsi₂guia₃-tín₂ quiáin₅, ia₁jaun₂ 'éi₂ dsia₃ ne₄ dsa₂. Jaun₂ le₂jaun₂ bá₄ ca₂jmo₃.

⁷Jme₁tion'₅₄ on₃-ún₂ i₁ju₁ pí'₁, jaun₂ ca₂jme₃jñi₃ quió'₅ 'éi₂ ján₃, jaun₂ ca₂jmo₃ 'éi'₃ a₂dsión'₂ 'éi₂. ⁸Jaun₂ qui₂ca₂guē'₃ ca₂le₃jín₃ dsa₂ ca₂lia'₂ ca₂rē₃tain₅₄. Jme₁ca₂lē₃ jaun₂, ca₂cág'₃ dsa₂ guio₃ tsi₁mi'₂ 'nau₅₄ a₂ca₂chóng₃. ⁹Ca₂le₃jín₃ dsa₂ 'éi₂ jme₁lé₂ con'₂ quén₂ mei₅. Jaun₂ guē'₄ qui₂ca₂'ág'₃ jág₁ dsa₂. ¹⁰Dsi₂jui₅ le₂jaun₂ ca₂'í₃ táng₃ 'ñió'₃ tsi₁mu₅ quiain'₅₄ chi'₂ dsi₂guia₃-tín₂ quiáin₅, ca₂dsi₃léin₂ 'uē₃ Dalmanuta.

Mi₅ dsa₂ fariseos a₂jmo₃ Jesús caun₂ léi₄ jué'₂
(Mateo 16:1-4; Lucas 12:54-56)

¹¹Jaun₂ ca₂o₃lén₂ dsa₂ fariseos ca₂jme₃lióg₃ ca₂tsiin₂ quiong'₅₄, a₂mi₂₃ jmo₃ 'éi₂ caun₂ léi₄ jué'₂ a₂já₅ guei'₅₄ i₂juíg₃. ¹²Jaun₂ ca₂chon₃ Jesús dsí'₅ 'ñio₅ lin₃, jaun₂ ca₂juá'₂:

—¿'E₂ bá₄ lē₃ 'nio₃ dsa₂ chan₂ jmí₄ ně₃ a₂jmo₅₄ jniá'₂ léi₄? A₂dsi₂jó'₃ juíg₂ jniá'₂ 'nia'₂, tsá₃ léi₄ jaun₂ le₃guéi'₁ 'nia'₂.

¹³Tión₂ jaun₂ bá₄ dsa₂ 'éi₂, ca₂'í₃ táng₃ 'ñió'₃ tsi₁mu₅ ca₂ñó₃ le₃'ño'₅₄ jmi₁ñi'₄ le₃ó₃.

Levadura quió'₅ dsa₂ fariseos
(Mateo 16:5-12)

¹⁴Ca₂'en₃ dsí'₅ chi'₂ dsi₂guia₃-tín₂ cán₂ a₂guē'₃, jñia'₅₄ lia'₂ caun₂ i₁ñi'₄ bá₄ quian₅ i₃léin₂ 'ñió'₃ tsi₁mu₅. ¹⁵Jaun₂ ti₁ca₂néi'₂ Jesús jág₁, ca₂juá'₂:

—Tē₃ñi'₅₄ quián'₂ 'nia'₂ quian'₅₄ juá'₅ quió'₅ dsa₂ fariseos, quian'₅₄ jág₁ quió'₅ Herodes ně₃. Ia₁ lē₅ lia'₂ lē₅ jui₁ levadura.

¹⁶Jaun₂ ca₂dsia₃ chi'₂ dsi₂guia₃-tín₂ quian'₅₄ rñin'₅₄:
—'An₁ juá'₂ le₂nē₅ ia₁ tsá₃ i₁ñi'₄ cha₂ quián'₂ jniog₄.

¹⁷Ca₂rē₃lí'₄ bá₄ Jesús jág₁ a₂dsia₅ 'éi₂ i₃léin₂, jaun₂ ca₂juá'₂:
—¿'E₂ lē₃ juá'₂ 'nia'₂ a₂tsá₃ i₁ñi'₄ cha₂ quián'₂ 'nia'₂? ¿'E₂ lē₃ ñi₄ tsá₃ rē₂ñi'₂ 'nia'₂? ¿O₃ a₂tsá₃ len'₅₄ 'e₂ 'nia'₂, o₃ a₂cang₄ dsei'₂ 'e₂ 'nia'₂? ¹⁸¿O₃ bá₄ a₂lē₁tio'₅₄ mi₂ne'₅₄ 'e₂ 'nia'₂, la₁ tsá₃ jniag'₃? ¿O₃ bá₄ a₂lē₁le₁dsi₅₄ bá₄ rē₂guá'₂ 'nia'₂, la₁ tsá₃ nag'₂

guë'₂ 'nia'₂? ¿O₃ bá₄ tsá₃ ma₃ dsá₂ 'e₂ 'au'₂ 'nia'₂? 19 Lia'₂ con'₂ jme₁ ca₂ dsio'₄ jniá₂
 quian'₅₄ 'ñiá₂ i₁ ñí'₄ bá₄ ca₂ lin₅ ca₂ guë'₃ con'₂ 'ñiá₂ mei₅ dsa₂, ¿je₂ liá'₂ mi'₂ ca₂ lë₃
 ni₁ 'nau₅₄ a₂ ca₂ chónḡ₃ guë₄ ca₂ cag'₅₄ 'nia'₂?

Jaun₂ ca₂ ñag₃ 'éi₂:

—Guia₃-tín₂.

20 Con'₂ siá'₂ táng₃, lia'₂ con'₂ jme₁ ca₂ dsio'₄ jniá₂ guio₃ i₁ ñí'₄ ca₂ lin₅ ca₂ guë'₃
 quén₂ mei₅ dsa₂, ¿je₂ liá'₂ mi'₂ 'nau₅₄ a₂ ca₂ chónḡ₃ ca₂ cag'₅₄ guë₄ táng₃ 'nia'₂?

Jaun₂ ca₂ ñag₃ táng₃ 'éi₂:

—Guio₃.

21 Jaun₂ ca₂ juá'₂ táng₃:

—¿Tsa₁ rë₂ len'₅₄ bá₄ guë₄ 'nia'₂ jaun₂?

Ca₂ jme₃ 'lión₂ Jesús jan₂ dsa₂ ten₄ juig₂ Betsaida

22 Jaun₂ dsi₃ léin₂ juig₂ Betsaida. Jaun₂ ca₂ o₃ ñia₃ dsa₂ jan₂ dsa₂ ten₄, jaun₂
 ca₂ mi₃ dsa₂ a₂ téi₂ gu₂. 23 Jaun₂ ně₃ ca₂ ña'₃ gu₂ dsa₂ ten₄ 'éi₂, ca₂ jioḡ₃ juí₅ 'ni'₂
 juig₂. Jaun₂ ja jaun₂ ca₂ tsáng₂ jmi₁ 'ě'₅ quió'₅, jme₁ ne₁ dsa₂ 'éi₂, ca₂ téi₂ gu₂, jaun₂
 ca₂ ñag₃ chi₂ juá'₂ ma₂ lé₂ jág₃. 24 Jaun₂ ca₂ chónḡ'₃ ne₅₄ ca₂ jág₃, jaun₂ ca₂ juá'₂:

—Jin₄ jniá₂ dsa₂ i₂ ñio₄, i₂ jniá₂ lia'₂ jniá₂ ni₁ 'ma₂.

25 Con'₂ siá'₂ ca₂ tí₂ táng₃ Jesús gu₂ jme₁ ne₁ dsa₂ 'éi₂, jaun₂ guë₄ ca₂ jág₃ i₁ ca'₅₄
 mi₂ ne₅₄, jaun₂ guë₄ ca₂ rë₃ jniá₂ dse₃ jme₁ ne₁₂, ca₂ lóin₂. 26 Jaun₂ ca₂ dsióḡ'₂ Jesús
 co₂ dsau₅ ja quió'₄, ca₂ juá'₂:

—Tsá₃ 'ú₅ jë₄ juig₂ tē₃ jág₅ dsa₂.

Ca₂ cuë₃ Pe₄ jág₁ dsau₅ a₂ lín₅ Jesús I₂ rë₂ 'ín₁ quián₅ Diú₄ (Mateo 16:13-20; Lucas 9:18-21)

27 Cang₂ jaun₂ ca₂ ñó₃ Jesús quiain'₅₄ chi'₂ dsi₂ guia₃-tín₂ quián₅ le₂ tan₅₄ juig₂
 Cesarea ja₁ tén₄ Filipino. Jaun₂ le₂ i₄ juí₅ ja₁ i₃ léin₂, ca₂ ñag₃ Jesús ca₂ ñí'₃ chi'₂
 dsi₂ guia₃-tín₂:

—¿Ein₂ lín₅ jniá₂, juá'₂ dsa₂?

28 Jaun₂ ca₂ ñag₃ chi'₂ dsi₂ guia₃-tín₂:

—I₂ lín₅₄ dsa₂ juá'₂ a₂ línḡ'₅ Juan₅₄ i₂ jme₁ chon₅ dsa₂ jmiḡ₂. I₂ lín₅₄ guë'₂ juá'₂
 a₂ línḡ'₅ Elías. I₂ lín₅₄ guë'₂ juá'₂ táng₃ a₂ línḡ'₅ jan₂ i₂ sián'₂ i₂ chen₄ quián₅ Diú₄.

29 Jaun₂ ca₂ ñag₃ táng₃:

—¿'Nia'₂ guë'₂ ně₃? ¿'E₂ juá'₂ 'nia'₂ 'ein₂ lín₅ jniá₂?

Jaun₂ ca₂ ñag₃ Pe₄:

—'Ne₂ línḡ'₅ I₂ rë₂ 'ín₁ quián₅ Diú₄.

30 Jaun₂ ca₂ jmo₃ Jesús 'éi'₃ a₂ tsá₃ dsia₃ tsí'₃ 'i₁ jan₂ jua'₅₄ a₂ ag₃.

Ca₂ 'ě₂ Jesús jág₁ a₂ jóin₂ (Mateo 16:21-38; Lucas 9:22-27)

31 Jaun₂ ně₃ ca₂ jme₃ lióḡ₃ Jesús ca₂ 'ě₂ jág₁ ca₂ tsí'₃ chi'₂ dsi₂ guia₃-tín₂, a₂ ca₂ tín₂
 Jaun₅ dsa₂ mi₂ güig₃ dsi₃ ñí'₂ 'liónḡ₂ uig₅, a₂ tsá₃ le₃ jei₅₄ dsa₂ can'₅₄ quián₅ guá'₅,
 juig₅₄ jme₂ dsa₂, tē₅ juá'₅ ně₃. Ca₂ le₃ jín₃ quiñ'₃ jág₁ a₂ ñag'₃. La₁ jein'₅₄ bá₄ táng₃
 a₂ 'ni₅ jmiḡ₄ jaun₂. 32 Ca₂ juá'₂ lia'₂ rë₂ jiá₃ jág₁. Jaun₂ Pe₄ ně₃ ca₂ jioḡ₃ le₂ cau₅, jaun₂
 ca₂ jme₃ lióḡ₃ ca₂ ti₂ ca₂ néi'₂ a₂ jme₁ jnéi₂ juí₅.

33 Jaun₂ ca₂ jén'₃ Jesús ca₂ jín₂ ca₂ le₃ jín₃ chi'₂ dsi₂ guia₃-tín₂, jaun₂ ca₂ jén₂ Pe₄
 ca₂ juá'₂:

—jñiag'₃ cau₅ quió₃, 'ne₂ Satanás! Ia₁ tsá₃ dsi₂ jioḡ₅ 'au'₂ juí₁ lia'₂ dsi₂ jioḡ₅ dsí₅
 Diú₄; lia'₂ dsi₂ jioḡ₅ dsí₅ dsa₂ mi₂ güig₃ bá₄ dsi₂ jioḡ₅ 'au'₂.

34 Jaun₂ ca₂ tē'₃ Jesús chi'₂ dsi₂ guia₃-tín₂, ca₂ le₃ jín₃ guë₄ dsa₂ i₂ jme₁ tion'₅₄ ně₃.
 Jaun₂ ca₂ juá'₂:

—Chi₂jua'₂ 'ein₂ 'nio₃ 'ein₃ jniá'₂, co₂dsia₅ jui₁dsi₂'én₂ dsí₅ guioin₅₄, jui₁jmo₁₂ co₂jñiai₅₄ a₂jóin₂,* jui₁'ein₁₂. ³⁵ Ia₁ jui₁'ein₂ gué₃ i₂tsá₃ 'nio₃ jón₂ ia₁ 'ín₅ dsí₅ le₃chain₂ dse₃ mi₂güig₃ la₂, dsi₃'én₂ quió'₅. La₁ jui₁'ein₂ gué₄ i₂tén'₂ dsí₅ gue₃ 'mú₃ 'uig₅₄ quió₃ jniá'₂, 'uig₅₄ quió'₄ jág₁ dse₃ ně₃, tñin'₄, le₃chain₂ dse₃ mi₂güig₃ caun₂. ³⁶ ¿'E₂ bá₄ ta₁ jmo₃ a₂lí'₂ dsa₂ 'ñio₅ lin₃ ne₄ gua'₅₄ 'uē₃ la₂, ně₃jua'₂ dsi₃'én₂ bá₄ guē'₂ jme₂dsi₂ quió'₅ mi₂güig₃ caun₂? ³⁷ ¿O₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tñin'₄ jme₂dsi₂ quió'₅? ³⁸ Ia₁ jui₁'ein₂ gué₃ i₂gui'₅₄ jmóg'₂ jniá'₂, quian'₅₄ jág₁ dse₃ quió'₃, tē₃jñin₄ dsa₂ i₂qui₂rē₂cán'₄ dso₄ i₂tsá₃ ne'₅₄ chan₂ jmig₄ ně₃, ján₃ bá₄ le₂jaun₂ Jaun₅ dsa₂ mi₂güig₃ gui'₅₄ jmóg'₂ jē₁ma₂tē₂ rē₁guain'₂ quian'₅₄ ángeles jñio₅ quian'₅₄ ca₂le₃jē₃ bí₂ jlá'₁ quió'₅ jmei₂.

9

¹ Jaun₂ ca₂tsí'₃ dsa₂ le₂la₂ ján₃:

—A₂dsi₂jó'₃ juá'₅ jniá'₂, ia₁ chan₂ i₂lin₅₄ 'nia'₂ i₂tión₂ ja₁lá₃ i₂tsá₃ tñin₅₄ dsián₃ né'₃ a₂tē₅₄ ne₅₄ a₂guá₂ jmig₄ a₂jme₃gón₃ Diú₄ quian'₅₄ jui₅bí₂ quió'₅.

*Ca₂rē₃tsín₃ Jesús lia'₂ jniái₂
(Mateo 17:1-13; Lucas 9:28-36)*

² Jñé₂ jmig₄ cang₂ jaun₂ ca₂jñia₃ Jesús Pe₄, Jacobo, Juan₅₄ ně₃, jaun₂ ca₂i₃léin₂ con'₂ guioin₅₄ jui₅ caun₂ má'₂ ñei₅, Ja₁jaun₂ ca₂jme₃tsín₃ Jesús lia'₂ jniái₂ tē₃ jág₅ riin'₅₄. ³ Jaun₂ ni₁tsin'₅₄ ca₂jñia₃ tág₅ co₂'né'₅ tiog₂ jau₂ ca₂lia'₂ 'i₁jan₂ dsa₂ chan₂ mi₂güig₃ tsá₃ tñin₂ rang₃ 'mi'₂ a₂jñia₅₄ tiog₂ le₂jaun₂. ⁴ Jaun₂ ca₂jág₃ ca₂jñia₃ coin₂, Elías quian'₅₄ Moisés, tióin₂ dsia₂₃ jág₁ quian'₅₄ Jesús. ⁵ Jaun₂ ně₃ ca₂juá'₂ Pe₄ ca₂tsí'₃ Jesús:

—Tē₅, i'₂ gué₄ dse₃ lia'₂ tio'₅₄ jniog₄ ja₁lá₃! Ně₃ o₁jmog'₅₄ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guē'₂ quió'₅ Elías ně₃.

⁶ (On₃jua'₅₄ jaun₂ ca₂rē₃lí'₄ rē'₂ Pe₄ 'e₂ a₂ca₂ñiai₂, tē₂ i₂₃ le₂jaun₂, ia₁ a₂gó'₅ 'ñio₅ lin₃ tióin'₅₄). ⁷ Tē₃jē₄ jaun₂ ně₃ ca₂'ág₂ jnei₅ ja₁tióin'₅₄, ca₂lioin₂. Jaun₂ jē₄ jnei₅ jaun₂ ca₂né'₂ jág₁ a₂ca₂juá'₂:

—I₂la₂ bá₄ jón₃ quiáng₃, i₂'nióg₃ gué₄ lin₃. Nei₂ 'nia'₂ jág₁ quió'₅.

⁸ Dsi₂jui₅ le₂jaun₂ jme₁ca₂jág₃ táng₃, tsá₃ ma₃'ein₂ chan₂, jñia'₅₄ lia'₂ jan₂ 'ñiog₅ bá₄ Jesús quiong'₅₄ gué₄.

⁹ Jme₁ma₂tióin'₅₄ jui₅ ja₂lein₃ sióin₅ má'₂, jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂ 'e₂ a₂ca₂jág₃ jaun₂, a₂jmo₃ tei₄ ca₂lia'₂ ca₂jen'₅₄ táng₃ Jaun₅ dsa₂ mi₂güig₃ ne₄ 'mú₃.

¹⁰ Jaun₂ ně₃ tei₄ bá₄ ca₂jmo₃, tsá₃ 'ein₂ ca₂tsí'₃, jñia'₅₄ lia'₂ qui₂ca₂ñí'₃ riin'₅₄ 'e₂ jein₅ jág₁ jaun₂ a₂jein'₅₄ ne₄ 'mú₃. ¹¹ Jaun₂ ca₂ñí'₃ Jesús:

—¿'E₂ lē₃ juá'₂ tē₅juá'₅, Elías bá₄ i₂ca₂tñin₂ jiá₃ le₂'uig₅₄?

¹² Jaun₂ ca₂ñag₃:

—Dsón'₂ bá₄ jaun₂ Elías bá₄ i₂jiá₃ le₂'uig₅₄, a₂jmóg'₃ ca₂le₃jē₃. ¿'E₂ guē'₂ lē₃ jaun₂ chi₁ton₅ ne₄ Si₂ a₂ca₂tñin₂ Jaun₅ dsa₂ mi₂güig₃ a₂tsá₃ caun₂ dsi₃jñi₂, tsá₃ guei₃ dsa₂, 'liog'₃ dsa₂ 'uē₃ co₂ñí'₂? ¹³ La₁ jniá'₂ juá'₅, i₂ma₂guan₅ bá₄ Elías, qui₂ca₂jmóg'₂ dsa₂ ca₂lia'₂ lē₂ dsí₅, lia'₂ con'₂ lē₅ chi₁ton₅ ne₄ Si₂.

*Ca₂jme₃'lión₂ Jesús jan₂ chi'₂ i₂jme₁'en₅₄ i₂'lin'₅₄ tē₂dsí₅
(Mateo 17:14-21; Lucas 9:37-43)*

¹⁴ Jme₁co₂lág₂ jaun₂, ca₂dsi₃lein₃ ja₁tion'₅₄ riin'₅₄. Jaun₂ ca₂jñin₂ juin₅ dsa₂ sián'₂ tion'₅₄ le₃lág₃ jaun₂. Tion'₅₄ tē₅juá'₅ ně₃, tñin₂₃ quian'₅₄ 'éi₂. ¹⁵ Jaun₂

* 8:34 lit. “jui₁,quian₅₄ cróg₄ quió'₅.”

dsi₂jui₅ jme₁ca₂jág₃ dsa₂ ca₂le₃jín₃ ca₂jín₂ Jesús, ca₂i₃gó'₃ dsí₅ 'ñio₅ lín₃, jaun₂ i₃lén₂ i₁cuag₃ Diú₄. ¹⁶ Jaun₂ ca₂ñag₃ Jesús:

—¿E₂ jág₁ tsi₂jín'₂ 'nia'₂ quian'₅₄ dsa₂ nē₅?

¹⁷ Jaun₂ ca₂ñag₃ jan₂ dsa₂ i₂'en₅₄ jē₄ jaun₂:

—Tē₅, la₂ jñiag₅₄ chi'₂ quiáng₃ a₂'ein₅₄ jme₂dsí₂ 'lín'₅₄ i₂tsá₃ cuē₅ jmíg₄ dsia₃ chi'₂ jág₁. ¹⁸ Chi₂jua'₂ 'a₂ guē'₂ já'₄ jmóg'₂, jmo₂₃ tón₂ 'uē₃. Qui₂'uē'₅ chi'₂ jan₅ mi₂'o₅₄, qui₂qui₂'₂ mi₂jan₅₄ nē₃. Jmo₂₃ a₂rē₂'uá'₃ rē₂ju₂' quió'₅ nē₃. Jaun₂ jme₁ma₂nē₂juí₂ jniá₂ dsa₂ i₂quiang'₅₄ a₂jme₁dsein₂₃ i₂'lín'₅₄, la₁ tsá₃ tió'₅, juá'₂.

¹⁹ Jaun₂ ca₂ñag₃ Jesús:

—i'En₁ jmá'₃ tsá₃ 'e₂ 'én'₂ 'nia'₂ dsa₂ chan₂ jmíg₄ nē₃! ¿Je₂liá'₂ jmíg₄ jmá'₃ 'nió'₅ jmo₅₄ jniá₂ tió₅ dsí₃ ñi₅₄ quian'₅₄ 'nia'₂? O₂quian₅ 'nia'₂.

²⁰ Jaun₂ ca₂i₁quian₅₄ dsa₂ chi'₂ ca₂o₃jio₃g₃ ne₅₄. Jaun₂ dsi₂jui₅ jme₁ca₂jág₃ i₂'lín'₅₄ ca₂jín₂ Jesús, ca₂jmo₃ táng₃ i₃'ín₃ i₂bē'₅₄ qui₂ca₂ba₂ca₂lín'₂ 'uē₃, 'uē'₅ jan₅ mi₂'o₅₄. ²¹ Jaun₂ ca₂ñi'₃ jmei₂ chi'₂:

—¿Jma₂je₂liá'₂ jmíg₄ jén'₅ le₂nē₅?

Jaun₂ ca₂ñag₃:

—Lia'₂ con'₂ bin'₅₄ bá₄ i₂nē₅. ²² Lióng₂ ráun₂ ma₂jmo₃ a₂'nio₃ 'í₂ né'₃ si₂, 'nio₃ 'í₂ né'₃ jmíg₃ nē₃, a₂jmóg'₂ i₂'lín'₅₄ a₂'nio₃ jñag'₃. La₁ nē₁jua'₂ cha₂ a₂lé₂ le₃jmó'₂, dsia₄ ñéi₂ 'au'₂ jnia'₅₄.

²³ Jaun₂ ca₂juá'₂ Jesús:

—¿A₂ bá₄ lia'₂ jaun₂ “chi₂jua'₂ cha₂ a₂lé₂?” Lé₂ bá₄, quió'₅ ca₂le₃jín₃ i₂'én₂.

²⁴ Dsi₂jui₅ le₂jaun₂ ca₂ñag₃ jmei₂ i₂bē'₅₄ ca₂juá'₂ tiá₂:

—i'Én₂ bá₄ jniá₂! ¡Jme₁'o₁ jaun₂ le₃'éng₂ gué₄!

²⁵ Jme₁ca₂jág₃ Jesús caun₂ qui₂ca₂ñi'₂ juin₅ lín₃ gué₄ dsa₂, jaun₂ gué₄ ca₂jéin₂ i₂'lín'₅₄, ca₂juá'₂:

—Jú₅ ja₁nē₅, 'ne₂ jme₂dsí₂ i₂jmo'₂ con₄ güin₄ chi'₂. Ca₂lia'₂ o₁líg'₂ jmíg₄ tsá₃ ma₃'ú'₄ ja₁nē₅, ia₁ jniá₂ juá'₅.

²⁶ Jaun₂ jme₁ca₂o₃'ín₃ i₂'lín'₅₄, ca₂jmo₃ gué₄ cón'₂ ca₂guió'₃ chi'₂ 'éi₂, ca₂i₃'ín₃, ca₂ba₂ca₂lín'₂ 'uē₃, ca₂quiog₂ tsá₃ lí'₄. “Ca₂join₃ bá₄”, ca₂juá'₂ mei'₂ tsá₃ ca₂le₃jín₃ dsa₂ i₂ca₂jág₂. ²⁷ Jaun₂ ca₂'ín₃ Jesús mi₂gu₂, ca₂chó'₂, jaun₂ ca₂nau₂ chi'₂.

²⁸ Jaun₂ jme₁ma₂'ís Jesús caun₂ dsi₂néi₂, ja₁jaun₂ ca₂ñag₃ chi'₂ dsi₂guia₃-tín₂ con'₂ guioin₅₄:

—¿E₂ 'uig₅₄ tsá₃ ca₂tián₃ jnia'₅₄ a₂dsén₄ i₂'lín'₅₄?

²⁹ Jaun₂ ca₂ñag₃ Jesús:

—Jme₂dsí₂ 'lín'₅₄ i₂le₂nē₅ lé₂ le₃'uín₃ jmá'₃ lia'₂ quian'₅₄ a₂chi₂lén'₂ dsa₂ Diú₄.*

Ca₂'ě₂ táng₃ Jesús jág₁ a₂jóin₂

(Mateo 17:22-23; Lucas 9:43-45)

³⁰ Jme₁ca₂'uín₂ juig₂ jaun₂, ca₂i₃lein₃ táng₃, ca₂ñi₅ jui₅ 'uē₃ Galilea, tsá₃ jme₁'nio₃ Jesús le₃ñi₅ dsa₂, ³¹ ia₁ jme₁jme₂tiin₂₃ chi'₂ dsi₂guia₃-tín₂, ca₂juá'₂:

—Ja₂quián₃ jmíg₄ a₂jáng'₂ dsa₂ jín'₂ Jaun₅ dsa₂ mi₂güí₃ o₄gú₃ dsa₂ i₂'iog₅₄ jaun₂ jñag'₃ dsa₂. La₁ a₂'ni₅ jmíg₄, jein'₅₄ bá₄ táng₃.

³² La₁ chi'₂ dsi₂guia₃-tín₂ nē₃, tsá₃ ca₂ñi'₂ 'e₂ jein₅ jág₁ a₂juá'₂ le₂jaun₂, ton'₂ tsá₃ ma₃ca₂tiá₃ dsí₅ jua'₅₄ a₂ñag₃ gué₄ 'e₂ ñag₃.

Tsin₅ chi'₂ dsi₂guia₃-tín₂ 'ein₂ bá₄ i₂lín₅ i₂dsen₅₄ gué₄ con'₂ quian₅₄ riin'₅₄

(Mateo 18:1-5; Lucas 9:46-48)

* **9:29** A₂lín₅₄ chog₅₄ si₂ juá'₂: “a₂chi₂lén'₂ dsa₂ Diú₄, a₂jme₂'iín₅₄ nē₃.”

33 Jaun₂ ca₂dsi₃léin₂ juig₂ Capernaum. Jme₁ma₂tiáin'₅ dsi₂néi₂, jaun₂ ca₂ñí'₃ Jesús chi'₂ dsi₂guia₃-tín₂, ca₂juá'₂:

—¿'E₂ jág₁ tsín'₂ 'nia'₂ ja₂nóg'₅ le₂'i₄ jui₅?

34 La₁ tei₄ bá₄ ca₂tiáin'₂, tsá₃ 'e₂ ca₂ñag₃, ia₁ le₂'i₄ jui₅ ja₂lein₃ tsin₂₃ 'ein₂ dsón'₂ i₂lén₂ i₂dsen₅₄ guě₄ jě₄ quió'₅ riin'₅₄. 35 Jaun₂ ca₂guá₂ Jesús, jaun₂ ca₂tě'₃ ta₁guia₃-tín₂ 'éi₂, jaun₂ ca₂juá'₂:

—Chi₂jua'₂ 'ein₂ 'nia'₂ 'nio₃ lén₂ i₂le₂'uig₅₄, cán₂ ne₄ jui₅, 'nió'₅ lén₂ i₂jě₁ca₂tó'₂ quió'₅ ca₂le₃jín₃, jme₂ti₃ ta₁ ne₄ ca₂le₃jín₃ riin'₅₄.

36 Jaun₂ ně₃ ca₂cain₃ jan₂ guein₂ quián₅ dsa₂, jaun₂ ca₂dsiain₃ 'éi₂ jě₄ quió'₅, jaun₂ ca₂ñau'₃, ca₂juá'₂:

37 —Jui₁ 'ein₂ guě₃ i₂guen₅ jan₂ guein₂ bě'₅₄ le₂la₂ o₄quió₃ jniá₂, jniá₂ bá₄ guei₂₃. I₂guei₅ jniá₂, on₃jua'₅₄ jmá'₃ jniá₂ guei₂₃. Guein₂₃ le₂jio₅ i₂ca₂chei₃ jniá₂.

"I₂tsá₃ 'iog₅₄ jniog₄, tě₂le₃ quián₂ jniog₄ bá₄ chéin'₅"

(Mateo 10:42; Lucas 9:49-50)

38 Jaun₂ ca₂juá'₂ Juan₅₄:

—Tě₅, ně₂jín₄ jnia'₅₄ jan₂ dsa₂ i₂ně₂'uín'₂ je₂na'₅₄ quian'₅₄ bí₂ 'éi'₃ quiáng'₂. Tsá₃ ma₃ně₂cuě₁ jnia'₅₄ jmig₄ jua'₅₄ a₂jmo₃ guě₄ le₂jaun₂, ia₁ tsá₃ ñi₂₃ guě'₂ quian'₅₄ jniog₄.

39 Jaun₂ ca₂juá'₂ Jesús:

—Tsá₃ jmó'₂ 'nia'₂ le₂jaun₂, jua'₅₄ a₂jñig'₅₄. Ia₁ 'i₁jan₂ tsá₃ jmo₅ caun₂ ta₁ juě'₂ lia'₂ con'₂ lě₅ 'éi'₃ quió₃ jniá₂, jua'₅₄ a₂lě₂ le₃dsia₃ 'ag₃ 'lig'₅₄ dsi₂jui₅ le₂jaun₂. 40 Ia₁ jui₁ 'ein₂ guě₃ jui₁lia'₂ i₂tsá₃ 'iog₅₄ jniog₄, i₂tión₂ tě₂le₃ quián₂ jniog₄ bá₄ 'éi₂. 41 Ia₁ ně₂jua'₂ 'ein₂ ca₂cuě'₃ 'nia'₂ tsá₃ a₂lěi'₂ o₁jnia'₅₄ caun₂ vaso jmig₂ bá₄, ia₁ a₂tén'₅ 'nia'₂ tě₂le₃ quió'₅ I₂rě₂'ín₁ quián₅ Diú₄, a₂dsi₂jó'₃ juá'₅ jniá₂, lí'₂ bá₄ 'liain'₅₄.

A₂go'₂ tsí₃sén'₂ dsa₂ dso₄

(Mateo 18:6-9; Lucas 17:1-2)

42 'Jui₁ 'ein₂ guě₃ i₂jmo₅ tsí₂sén'₂ dso₄ jui₁lia'₂ i₂me'₂ le₂la₂ i₂én₂ tě₂le₃ quió₃ jniá₂, ja₂lin₃ guě₄ dse₃ co₂ñei'₅₄ jua'₅₄ a₂tón₂ dsa₂ ne₄ jmi₁ñí'₄ rě₂quein₅ ca₂míg₂ ni₁to₂ dsi₂lag₅₄. 43 Ně₁jua'₂ mi₂gog'₂ jmo₅ a₂tang'₂ dso₄, co₂ñei'₅₄ guě₄ dse₃ 'nia₄, ia₁ ja₂lin₃ guě₄ dse₃ dsiáng'₄ 'nau₅₄ caun₂ gog'₂ ja₁le₃chang'₂ co₂tan₅₄, con'₂ guě₄ a₂jme₁dsiáng'₄ guio₃-juíg₃ a₂rě₂'ñia₅ ta₁tin₃ gog'₂ ja₁tsá₃ líg'₂ jmig₄ éi₃ si₂. † 45 Ně₁jua'₂ mi₂tag'₅₄ jmo₅ a₂tang'₂ dso₄, 'nia₄ ján₃, ia₁ ja₂lin₃ guě₄ dse₃ dsiáng'₄ guiang'₅₄ ja₁le₃chang'₂ co₂tan₅₄, lia'₂ con'₂ guě₄ a₂jme₁dsiáng'₄ a₂rě₂'ñia₅ le₃tin₃ tag'₅₄ guio₃-juíg₃, ja₁tsá₃ líg'₂ jmig₄ éi₃ si₂. † 47 Chi₂jua'₂ mi₂ne'₅₄ jmo₅ a₂tang'₂ dso₄, co₂ñei'₅₄ guě₄ dse₃ dsi₄ ján₃, ia₁ ja₂lin₃ guě₄ dse₃ a₂dsiáng'₄ a₂teng'₅₄ ca₂míg₂ mi₂ne'₅₄ ja₁gon₂ Diú₄, lia'₂ con'₂ guě₄ a₂jme₁dsiáng'₄ a₂rě₂'ñia₅ ta₁tin₃ mi₂ne'₅₄ guio₃-juíg₃:

48 ja₁tsá₃ líg'₂ jmig₄ dsián₃ i₁ja'₅₄,

on₃ guě'₂ si₂ éi₃ ně₃. Š

49 'Ia₁ ca₂le₃jín₃ bá₄ 'nió'₅ lě₂ 'í₁ tě₂le₃ quian'₅₄ uig₅ a₂lě₅ lia'₂ lě₅ si₂. * 50 Dse₃ bá₄ tsi₁ñi₁ tě₂lia'₂ ñi'₅₄ la₁ ně₂jua'₂ ca₂'en₃ ñi'₅₄ tsi₁ñi₁ ně₃, ¿'A₂ bá₄ lia'₂ lě₂ le₃lei₂ táng₃? Jaun₂ jui₁len'₅₄ bá₄ 'nia'₂ jui₁lia'₂ lě₅ tsi₁ñi₁. Jui₁le₂chan'₂ bá₄ 'nia'₂ 'ei₅ tei₄ quian'₅₄ ríng'₂ le₂jang'₂ le₂jang'₂.

† 9:43 A₂lin₅₄ chog₅₄ si₂ chi₁ton₅ versículo 44, ja₁juá'₂ co₂rě₂ quian'₅₄ versículo 48. † 9:45 A₂lin₅₄ chog₅₄ si₂ chi₁ton₅ versículo 46, ja₁juá'₂ co₂rě₂ quian'₅₄ versículo 48. Š 9:48 Isaías 66:24. * 9:49 lit. "Ia₁ ca₂le₃jín₃ 'nió'₅ le₃ñi'₅₄ quió'₅ quian'₅₄ si₂." 'Nio'₂ ja₁ton₅ 1 Pedro 1:7; 4:12.

10

Jme₂tag₅ Jesús jui₁lia'₂ 'a₂lia'₂ lë₃ a₂tén₂ dsa₂ dsi₂i₂gu₂
(Mateo 19:1-12; Lucas 16:18)

¹ Jaun₂ ca₂o₃ín₃ Jesús juig₂ Capernaum ja₁jme₁'ein₅₄, ca₂ηó₃ táng₃ ja₁tén₄ Judea quian'₅₄ jui₅ 'uë₃ tē₂le₃ 'ηo'₅₄ Cuá₃ Jordán. Ja₁jaun₂ ca₂o₃lén₂ táng₃ dsa₂ juin₅ ja₁'ein₅₄. Con'₂ siá'₂ táng₃ ca₂jmo₃ jui₁lia'₂ jmo₂₃ tián₂, ca₂jme₃tiin₂₃ dsa₂.

² Jaun₂ ca₂dsi₃lén₂ i₂lin₅₄ dsa₂ fariseos, ca₂ηí'₃ Jesús a₂jnia'₅₄ con'₂ 'nio₃ cáun₂ táu₂ chi₂jua'₂ 'i₄ 'éi'₃ a₂tén₂ dsa₂ dsa₂ mí₂ quiáin₅. ³ Jaun₂ ca₂ηag₃ 'éi₂:

—¿'E₂ 'éi'₃ ca₂cuë₃ Moisés guë'₂?

⁴ Jaun₂ ca₂ηag₃ táng₃ dsa₂ 'éi₂:

—Ca₂cuë₃ Moisés jág₁ a₂lé₂ le₃jmo₃ dsa₂ ηe'₂ caun₂ si₂ tē₃ron₅₄, jaun₂ guë₄ ma₂lé₂ dsei₂₃.

⁵ Jaun₂ ca₂ηag₃ Jesús:

—'Uig₅₄ ia₁ a₂ηí₄ tsá₃ nág₁ 'nia'₂ guiong'₅₄ bá₄ ca₂cuë₃ Moisés 'éi'₃ jaun₂, ⁶ La₁ le₂'uig₅₄ lia'₂ con'₂ jme₁ca₂dsia₃ Diú₄ mi₂güig₃, “ca₂jmoí'₂ dsa₂ ηe'₂, dsa₂ mí₂”.

⁷ “'Uig₅₄ jaun₂ ně₃ dsa₂ ηe'₂, ca₂tiin₂ tēin₂ chog₅₄-jmei₂, con'₂ tiain'₃ quiaín₅₄ dsa₂ mí₂ quiáin₅. ⁸ Jaun₂ jē₁le₃oin₃ lēin₂ caun₂ bá₄ ni₁ηí₅.”* Jaun₂ dsióg₄ lé₂ co₂'nió'₄ jan₂ dsa₂ bá₄, tsá₃ ma₂lě₂ oin₃. ⁹ Jaun₂ tsá₃ 'i₄ 'éi'₃ jua'₅₄ dsa₂ mi₂güig₃ a₂jmo₃ jma₃quén₅ a₂ma₂dsia₃ Diú₄ rē₂.

¹⁰ Jme₁ma₂tióin₅₄ táng₃ dsi₂néi₂, ca₂ηag₃ chi'₂ dsi₂guia₃-tín₂ ca₂ηí'₃ Jesús jág₁ ně₅. ¹¹ Jaun₂ ca₂juá'₂ Jesús:

—Dsa₂ i₂tén₂ 'io₅₄ quián₅, a₂guá₃ táng₃ quiaín₅₄ i₂sián'₂, 'no₂₃ dso₄ ja₁con₂ 'io₅₄ quiáin₅ i₂le₂'uig₅₄. ¹² Con'₂ guë'₂ siá'₂ táng₃ ně₁jua'₂ tén₂ 'io₅₄ dsi₂i₂gu₂ a₂guá₃ táng₃ quiaín₅₄ dsa₂ ηe'₂ sián'₂, ján₃ bá₄ le₂jaun₂ 'no₂₃ dso₄ ja₁con₂ dsi₂i₂gu₂.

Ca₂jme₃gon'₅₄ Jesús chi'₂-guein₂

(Mateo 19:13-15; Lucas 18:15-17)

¹³ Jaun₂ ca₂dsi₃lén₂ dsa₂ le₁jniai₂₃ chi'₂ quiáin₅ ja₁guá₄ Jesús, ia₁jaun₂ qui₃téi₂ Jesús gu₂. La₁ chi'₂ dsi₂guia₃-tín₂ ně₃ ca₂jí₂. ¹⁴ Jme₁ca₂jág₃ Jesús, jaun₂ ca₂i₃méi'₂ dsí₅ quian'₅₄ chi'₂ dsi₂guia₃-tín₂, jaun₂ ca₂juá'₂:

—Cuë₄ 'nia'₂ jmig₄ jui₁ja₂lén₂ chi'₂-guein₂ cong₂. Tsá₃ jmó₁ 'nia'₂ le₂ně₅ jua'₅₄ a₂jni₃g'₅₄, ia₁ jui₁lia'₂ i₂le₂la₂ bá₄ guë'₂ i₂dsi₂len₅ ja₁gon₂ Diú₄. ¹⁵ A₂dsi₂jó'₃ juíg₂ jniá₂ 'nia'₂, ia₁ jui₁'ein₂ guë₃ i₂tsá₃ gue₅ 'éi'₃ quió'₅ Diú₄, jui₁lia'₂ gue₅ jan₂ i₂bě'₅₄, o₁líg'₂ tsá₃ dsi₁lein₅ ja₁gon₂ Diú₄.

¹⁶ Jaun₂ qui₂ca₂ηai'₃ guein₂ 'ein₅₄, ca₂quiog₂ gu₂ ne₄ quió'₅, ca₂jme₃jñi₃ó₃.

Jan₂ dsó₂ chi'₂ cha₂cu₄ ca₂dsia₃ jág₁ quiaín₅₄ Jesús

(Mateo 19:16-30; Lucas 18:18-30)

¹⁷ Jme₁ma₂'en₅₄ Jesús jui₅ ηó₅ táng₃, jaun₂ já₃ jan₂ dsó₂ co₂chi'₅₄ ca₂jme₃jein'₂ ca₂chi₃jnë₃ ne₅₄. Jaun₂ ca₂ηag₃:

—Tē₅ dsen₃, ¿'e₂ 'nió'₅ jmo₅₄ jniá₂ ia₁jaun₂ ting₅₄ ja₁le₃chang₂ co₂tan₅₄?

¹⁸ Jaun₂ ca₂ηag₃ Jesús:

—¿'E₂ lë₃ quiong'₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jñia'₅₄ lia'₂ jan₂ Diú₄ bá₄. ¹⁹ Cuing'₂ bá₄ 'Éi'₃ Juá'₅ quió'₅ Diú₄, ja₁juá'₂ tsá₃ jme₁dsiang'₂ dsa₂ mi₂güig₃ ríng'₂; on₃ guë'₂ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; on₃ guë'₂ 'áng'₁. Tsá₃ jmó₁ jua'₅₄ jang'₅₄ jág₁ tē₂jág₁; tsá₃ jme₁gan₅ dsa₂ jua'₅₄ a₂jñiá'₄ a₂cha₂ quió'₅; a₂jme₁gang'₃ chog'₂-ñéi'₅ ně₃.†

²⁰ Ca₂ηag₃ táng₃ dsa₂ 'éi₂:

—Tē₅, ca₂le₃jě₃ a₂ně₅, lia'₂ con'₂ bin'₅₄ bá₄ jniá₂ jme₂tí₁.

* **10:8** Génesis 2:24. † **10:19** Éxodo 20:12-6; Deuteronomio 5:16-20.

21 Jaun₂ ca₂jág₂ Jesús n_{éi}₂ dsí₅, ca₂juá'₂:

—Caun₂ gué₄ a₂'nió'₅ quiáng'₂. Guan'₂ o₂'nag₄ ca₂le₃jě₃ a₂cha₂ quiáng'₂, o₂dsio'₅₄ cu₄ jaun₂ o₂cuë'₅₄ dsa₂ tē₂n_é₂. Jaun₂ gué₄ le₃cha₂ a₂jlá'₁ quiáng'₂ guei'₅₄ i₂juíg₃. Jaun₂ gué₄ n_{ia}₅, 'éin₃.†

22 Jaun₂ ca₂tá'₂ jén₂ dsí₅ dsa₂ 'éi₂ jme₁ca₂nág₂ le₂n_é₅; nái'₅ bá₄ jaun₂ 'lia'₂ dsí₅, ia₁ 'n_{io}₅ lin₃ jme₁cha₂ cu₄.

23 Jaun₂ ca₂jén'₃ Jesús qui₂ca₂jín₂ chi'₂ dsí₂guia₃-tín₂ quiáin₅. Jaun₂ ca₂juá'₂:

—i'E₂ gué₄ 'n_{io}₅ quian₅ ta₁ quió'₅ dsa₂ cha₂ cu₄ a₂tín'₄ ja₁gon₂ Diú₄!

24 Jaun₂ i₃gó'₃ dsí₅ chi'₂ dsí₂guia₃-tín₂ jág₁ jaun₂, la₁ ca₂juá'₂ táng₃ Jesús:

—'Nia'₂ jón₃, i'e₂ bá₄ 'n_{io}₅ quian₅ ta₁ a₂dsi₁len₅ dsa₂ ja₁gon₂ Diú₄!§ 25 Tsá₃ gué₄ 'e₂ ta₁ quian₅ a₂lé₂ le₃n_é₅ jan₂ já'₂ camello jui₅ tau₂ mi₂cu₄, con'₂ gué₄ dsa₂ cha₂ cu₄ a₂'í₂ ja₁gon₂ Diú₄.

26 Jme₁ca₂nág₂ chi'₂ dsí₂guia₃-tín₂ a₂n_é₅, i₃gó'₃ dsí₅ 'n_{io}₅ lin₃. Qui₂ca₂n_é₅ riin'₅₄:

—¿I₂'ein₂ bá₄ gué'₂ jaun₂ n_é₃ i₂lé₂ le₃tín'₄?

27 Jaun₂ ca₂jág₂ Jesús, jaun₂ ca₂juá'₂:

—Dsón'₂ bá₄ jaun₂, tē₂le₃ quió'₅ dsa₂ mi₂güí₃, o₁líg'₂ tsá₃ lé₂ le₃lé₂. La₁ tē₂le₃ quió'₅ Diú₄, ca₂le₃jě₃ bá₄ lé₂ le₃lé₂.

28 Pe₄ n_é₃ ca₂jme₃lióg₃ ca₂juá'₂:

—Te₁gui'₅₄, ca₂le₃jě₃ 'e₂ a₂jme₁cha₂ quián₂ jnia'₅₄, ma₂ca₂tén'₂ dsí₅ jnia'₅₄ ma₂qui₂ma₂tí₄, ia₁ a₂'én₅ jnia'₅₄ 'ne₂.

29 Jaun₂ ca₂nag₃ Jesús:

—A₂dsi₂jó'₃ juá'₅ jniá₂ juíg₂ 'nia'₂, ca₂le₃jín₃ i₂táun₂ 'ne₄, i₂tén₂ rin'₅₄, chog₅₄-jmei₂, chi'₂ quiáin₅, i₂tí₂ ja₁nau₂ quió'₅, 'uig₅₄ quió'₃ jniá₂, quian'₅₄ 'uig₅₄ quió'₄ jág₁ dse₃ n_é₃, 30 gue₃ mi₂güí₃ la₂ 'lióng₂ gué₄ 'né₅, juin₅ gué₄ riin'₅₄, juin₅ gué₄ chog₅₄, juin₅ gué₄ chi'₂-guein₂ quiáin₅ n_é₃ le₃chan₂; ton'₂ 'lióng₂ gué₄ ja₁nau₂ quió'₅ le₃cha₂, o₁jnia'₅₄ la₂ chain₂ mi'₅₄ co₂'ein₅ dsa₂. La₁ia₁ gue₃ ja₁le₃chain₂ co₂tan₅₄ mi₂güí₃ caun₂. 31 La₁ rē₂n_é₃, juin₅ i₂lín₅ i₂quen₅, la₁ jmíg₄ jaun₂ léin₂ dsa₂ tē₂le₃ jē₁ca₂tó'₂; le₂jaun₂ bá₄ ján₃, jui₁lia'₂ i₂tsá₃ 'e₂ quen₅ rē₂n_é₃ lia'₂ con'₂ niog₅ lín₂ dsa₂ mi₂güí₃, léin₂ i₂le₂'uig₅₄.

*Con'₂ siá'₂ táng₃ ca₂'ě₂ Jesús jág₁ a₂jóin₂
(Mateo 20:17-19; Lucas 18:31-34)*

32 Tiain'₅₄ jui₅ uíg₂ tso₄ a₂dsi₁léin₂ Jerusalén. Jesús n_é₃ n_ó₃ dsí₂jniá'₄ ne₄ jui₅. Chi'₂ dsí₂guia₃-tín₂ gué'₂ i₂léin₂ dsí₂gó'₃ dsí₅. Ca₂le₃jín₃ gué₄ dsa₂ i₂jme₁quian'₅₄ n_é₃ i₂léin₂ gó'₅. Jaun₂ n_é₃ ca₂tě'₃ Jesús le₃cau₅ jui₅ jmá'₃ dsí₂guia₃-tín₂, jaun₂ ja₁jaun₂ ca₂juá'₂ 'e₂ niog₅ dsí₃n_é₂, 33 ca₂juá'₂:

—Ní₂ 'nia'₂ jaun₂, tio'₅₄ jniog₄ jui₅ uig₂ tso₄ a₂dsi₁náu₅ Jerusalén. Ja₁jaun₂ jín'₂ dsa₂ Jaun₅ dsa₂ mi₂güí₃ o₄gú₃ juig₅₄ jme₂dsa₂, ne₄ tē₅juá'₅ n_é₃. I₂'éi₂ dsí₃ 'éi'₃ a₂jrag'₃ dsa₂, jaun₂ jáng'₂ dsa₂ o₄gú₃ dsí₂nau₂ n_é₃. 34 'Éi₂ n_é₃ a₂lē₁qui₃jmóg'₂, qui₃cuē₃, qui₃'n_é₂ dsa₂ n_é₃. Jaun₂ gué₄ jrag'₃. La₁ a₂'n_é₅ jmíg₄, jein'₅₄ bá₄ táng₃.

*A₂ca₂mi₃ Jacobo quian'₅₄ Juan₅₄
(Mateo 20:20-28)*

35 Jaun₂ n_é₃, Jacobo quian'₅₄ Juan₅₄, le₃on₃ ja₁n_é₅₄ Zebedeo, ca₂jme₃quiáin₃ ja₁chén'₄ Jesús, jaun₂ ca₂juá'₂:

—Tē₅, 'niog₂ jnia'₅₄ jmó'₂ 'ne₂ dse₃ 'au'₂ a₂jmó'₂ jui₁'e₂ caun₂ a₂mí₁ jnia'₅₄.

36 Jaun₂ ca₂juá'₂ Jesús:

† 10:21 A₂lin₅₄ chog₅₄ si₂ juá'₂: “Jm₀ co₂jrag'₅₄ a₂jóng'₂,” (lit. quian₂ cróg₄ quiáng'₂), “éin₃ jniá₂.”

§ 10:24 Cha₂ a₂lin₅₄ chog₅₄ si₂ a₂juá'₂ le₂la₂: “a₂dsi₁len₅ dsa₂ cha₂ cu₄ ja₁gon₂ Diú₄.”

—¿'E₂ 'niog'₂ 'nia'₂ jmo₅₄ jniá₂ guè'₂?

³⁷ Jaun₂ ca₂juá'₂ táng₃ 'éi₂:

—Jmó'₂ 'io₄ jnia'₅₄ jma₃jáu₃ lia'₂ ca₂ton₂ cau₅ quiáng'₂ jē₁ma₂tě₂ rē₁ne'₅₄ jláng'₁ ne₄ta₁ quiáng'₂.

³⁸ Jaun₂ ca₂ḡag₃ Jesús:

—Tsá₃ a₂jaun₂ ḡi'₅₄ 'nia'₂ a₂mí'₂. ¿Tián'₃ 'nia'₂ dsi₃ḡí'₂ ca₂le₃jě₃ jui₁lia'₂ a₂dsi₃ḡí'₂ jniá₂ guè'₂? ¿Tián'₃ 'nia'₂ cán'₁ o₂i₁ dsi₅ jui₁lia'₂ o₂i₁ dsi₅ can₅₄ jniá₂?

³⁹ Jaun₂ ca₂ḡag₃ táng₃ 'éi₂:

—Tián₂ bá₄ jnia'₅₄.

Ca₂juá'₂ táng₃ Jesús:

—Dsón'₂ bá₄ jaun₂ dsi₃ḡí'₂ 'nia'₂ 'e₂ niog₅ dsi₃ḡí'₂ jniá₂. Ján₃ bá₄ cán'₁ 'nia'₂ o₂i₁ dsi₅ jui₁lia'₂ o₂i₁ dsi₅ can₅₄ jniá₂. ⁴⁰ La₁ jui₁lia'₂ a₂juá'₂ 'nia'₂ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuē₅₄ a₂jaun₂. Ja₁jaun₂ lě₅ co₂jnia₅₄ a₂tian'₃ con'₂ i₂ca₂tín₂ bá₄.

⁴¹ Riin'₅₄ i₂ḡuián₃ guē₄ 'éi₂ ně₃, ca₂rē₃'néi₃ quian'₅₄ Jacobo quian'₅₄ Juan₅₄, jme₁ca₂nág₂ juá'₂ 'éi₂ le₂ně₅. ⁴² Jaun₂ ca₂tě₃ Jesús cau₅ quió'₅ ca₂tě'₃ 'éi₂ ca₂le₃jín₃. Jaun₂ ca₂juá'₂:

—Ni'₅₄ bá₄ 'nia'₂ jui₁lia'₂ dsa₂ can'₅₄ i₂tián'₅ gon₂ juig₂ go₄ dsi₂nau₂, i₂jín₂ dsa₂ co₂'nió'₄ dsi₂tan₅₄ quiáin₅, qui₂toin'₂ dsa₂ 'éi'₃ bēn₂. Le₂jaun₂ bá₄, jui₁lia'₂ dsi₂tan₅₄ i₂sion₅ guē₄ quiáin₅ ně₃, tián'₅ goin₂ jmo₂₃ 'éi'₃. ⁴³ La₁ jin'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tíin₂ jme₃ti₃ ta₁ ne₄ riin'₅₄; ⁴⁴ chi₂jua'₂ 'ein₂ 'nia'₂ 'nio₃ cán₂ ne₄ juí₅, 'nió'₅ jme₃ti₃ ne₄ ca₂le₃jín₃ dsa₂. ⁴⁵ Ia₁ le₂ně₅ bá₄ Jaun₅ dsa₂ mi₂ḡüig₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús jan₂ dsa₂ ten₄ i₂chen₂ Bartimeo

(Mateo 20:29-34; Lucas 18:35-43)

⁴⁶ Dsi₃lén₂ juig₂ Jericó. Jme₁o₂'iin₃ juig₂ jaun₂ quiain'₅₄ chi'₂ dsi₂ḡuia₃-tín₂ quiáin₅, juin₅ guē₄ dsa₂ sián'₂ ně₃ quiong'₅₄, jaun₂ jan₂ dsa₂ ten₄ i₂chen₂ Bartimeo, (co₂'nió'₄ le₃jua'₅₄ ja₁ḡi'₅₄ Timeo), guá₅ 'éi₂ cau₅ juí₅ mi₂₃ a₂jme₃'o₅₄ dsa₂ cu₄. ⁴⁷ Jme₁ca₂nág₂ juá'₂ dsa₂ ḡó₅ Jesús i₂chan₂ Nazaret cau₅ jaun₂, jaun₂ ca₂'í₃ co₂mi'₅₄ tě'₂ Jesús:

—¡Jesús, tsi₁jon₂ David, dsia₄ ḡéi₂ 'au'₂ jniá₂!

⁴⁸ Jaun₂ ca₂jí₂ bá₄ dsa₂ ia₁jaun₂ dsó₃ tei₄. La₁ tě₂le₃ i₂juí'₂ guē₄ co₂mi'₅₄ ca₂'í₃ bá₄, ca₂juá'₂:

—¡Tsi₁jon₂ David, dsia₄ ḡéi₂ 'au'₂ jniá₂!

⁴⁹ Jaun₂ ca₂nau₂ Jesús jme₁ca₂nág₂, jaun₂ ca₂tsí'₃ dsa₂ i₂quiain'₅₄:

—Te'₂ 'nia'₂ o₁jia₂ ja₁lá₃.

Jaun₂ ca₂tě₃ dsa₂, ca₂juá'₂:

—Jmo₄ 'io'₂. Nau₂, ia₁ ó₃ tě₂.

⁵⁰ Jaun₂ ca₂ton₃ cau₅ 'mí'₂ dsió₂ jme₁chi₁bóin'₅, jaun₂ con'₂ ca₂nau₂ jaun₂ bá₄ co₂chi'₅₄, ca₂ḡó₃ ja₁chén'₄ Jesús.

⁵¹ Jaun₂ ca₂ḡag₃ 'éi₂:

—¿'E₂ 'niog'₂ jmo₅₄ jniá₂ o₄quiáng'₂?

Jaun₂ ca₂ḡag₃ táng₃ dsa₂ ten₄:

—Tě₅, a₂jnia₅₄ jme₁ne₃ bá₄ jniá₂ 'nio₃.

⁵² Jaun₂ ca₂juá'₂ Jesús:

—Ma₂lé₂ guang'₅₄. Ma₂'lóng'₂ ia₁ 'éng'₂ bá₄.

Dsi₂juí₅ jaun₂ bá₄ ca₂jnia₃ mi₂ne₄ dsa₂ 'éi₂. Jaun₂ ca₂ḡó₃ quiain'₅₄ Jesús.

11

Ca'í Jesús jë₄ juig₂ Jerusalén

(Mateo 21:1-11; Lucas 19:28-40; Juan 12:12-19)

¹ Jme₁ma₂quián₅ dsi₁lén₂ Jerusalén, dsi₃lén₂ quián₅ juig₂ Betfagé quian'₅₄ juig₂ Betania në₃, a₂niog₅ cau₅ Má'₂ Olivos. Ja₁jaun₂ ca₂chen₃ Jesús on₃ dsa₂ i₂guia₃-tín₂ quiáin₅, ² ca₂juá'₂:

—O₂nó'₅ 'nia'₂ juig₂ pí'₁ niog₅ të₂le₃ ne₄ jui₅ ja₁dsau₅₄ në₅. Jë₁ma₂ca₂dsi₃nó'₅ 'nia'₂ ja₁jaun₂, dsian'₂ 'nia'₂ jan₂ bú'₄ 'mí₂ i₂rë₂'ñe'₅₄ i₂tsá₃ 'ein₂ ma₂co₁dsag₅₄. O₂chein'₅₄ 'nia'₂ jaun₂ të'₅₄ ja₁lá₃. ³ Në₁jua'₂ 'ein₂ ca₂juá'₂: “¿'E₂ lë₃ jmo'₂ 'nia'₂ le₂në₅?” jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂, la₁ në₃ cón'₅ bá₄ jáng'₂ táng₃.”

⁴ Jaun₂ i₃lén₂ dsa₂ 'éi₂. Jme₁ca₂dsi₃lén₂ ja₁chén'₄ bú'₄ rë₂'ñe'₅₄ jë₄ calle cau₅ o₄'né₄ quió'₅ dsa₂, jaun₂ ca₂chéi'₂ jaun₂ në₃. ⁵ Jaun₂ ca₂juá'₂ i₂lín₅₄ dsa₂ i₂ca₂jág₃, i₂tión₂ cau₅ jaun₂:

—¿'E₂ jmo'₂ 'nia'₂ ja₁në₅? ¿'E₂ lë₃ tsing'₅₄ bú'₄?

⁶ Jaun₂ ca₂jéin'₃ bá₄ guë'₂ 'éi₂ jág₁ lia'₂ lë₅ jág₁ ca₂cuë₃ Jesús. Jaun₂ ca₂cuë₃ bá₄ dsa₂ jmig₄ të₂ já'₂. ⁷ Jaun₂ jme₁o₃lein₃ te₂ bú'₄, ca₂i₁jio₃ ja₁'en₅₄ Jesús, jaun₂ ca₂jmo₃ dse₃ qui₂ca₂jlag₂ 'mi'₂ mi₂ca'₄ já'₂. Jaun₂ guë'₄ ca₂co₃dsag₅₄ Jesús. ⁸ Juin₅ dsa₂ qui₂ca₂néi'₃ 'mi'₂ le₂'i₄ jui₅ ja₁ñi₃ Jesús. I₂lín₅₄ guë'₂ ca₂dsia₃ gu'₂-nei'₅₄ 'ma₂ a₂ca₂i₁'niai₁₂ ja₁nau₂.

⁹ Jaun₂ dsa₂ i₂i₂lén₂ le₃ne₄ jui₅ quian'₅₄ i₂ja₂lén₂ le₃chi₁co'₅₄ në₃, qui₂ca₂tóin'₂ co₂mi'₅₄, ca₂juá'₂:

—jui₁le₂juin'₂ bá₄ i₂në₅! jui₁le₂jñió₃ bá₄ i₂në₅ i₂já₅ o₄quió'₄ Te₁gui'₅₄!†

¹⁰ jui₁le₂jñió₃ bá₄ 'éi'₃ a₂já₅ quió'₅ jmei₂ jniog₄ David në₃! jui₁le₂juin'₂ bá₄ i₂guá₅ guei'₅₄ i₂juig₃!

¹¹ Jme₁ca₂'í₃ Jesús juig₂ Jerusalén, jaun₂ ca₂'í₃ i₁dsi₅ guá'₅ templo. Jme₁ma₂në₂jág₃ 'a₂ lia'₂ lë₅ ja₁jaun₂, ca₂o₃'iin₃, ca₂ñái'₃ táng₃ jui₅ Betania quian'₅₄ ca₂le₃jín₃ chi'₂ dsi₂guia₃-tín₂ quiáin₅, ia₁ ma₂ca₂'láu₂.

Ca₂juá'₂ Jesús jág₁ uig₅ ca₂tsí'₃ ni₁'ma₂ higuera a₂tsá₃ míg₂ cha₂

(Mateo 21:18-19)

¹² Jme₁jnia₃ jaun₂, con'₂ ma₂'uín₂ táng₃ juig₂ Betania, ca₂tá'₂ i₁cón'₅ Jesús. ¹³ Jaun₂ ca₂jág₃ të₂ uíng₂ caun₂ ni₁'ma₂ higuera, lia'₂ rë₂can'₂ mog'₅₄ jniá₂ chí'₅. Jaun₂ ñó₃ 'uig₅₄ ja₁dsi₅₄, ia₁ lín₂ jme₁dsio'₂ míg₂. La₁ jme₁dsióg₃ në₃, jmá'₃ mog'₅₄ bá₄ cha₂, ia₁ on₃jua'₅₄ jein₂ a₂'ag₅ míg₂ higos jaun₂. ¹⁴ Jaun₂ në₃ ca₂juá'₂ Jesús ca₂tsí'₃ ni₁'ma₂:

—jui₁le₅₄ ca₂lia'₂ o₁líg'₂ jmig₄ tsá₃ ma₃'ein₂ guë'₃ co₂ñei'₅₄ míg₂ quiáng'₂.

Ca₂nág₂ bá₄ chi'₂ dsi₂guia₃-tín₂ jme₁ca₂juá'₂ le₂në₅.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅

(Mateo 21:12-17; Lucas 19:45-48; Juan 2:13-22)

¹⁵ Jme₁ca₂dsi₃lén₂ táng₃ juig₂ Jerusalén, ca₂'í₃ Jesús i₁dsi₅ guá'₅ templo, ca₂jme₃lióg₃ ca₂'uín'₂ ca₂le₃jín₃ dsa₂ i₂jme₁tion'₅₄ 'nag₅, i₂lá₅ në₃. Jaun₂ qui₂ca₂jéin'₃ ni₁mesa jme₁jmó'₂ dsa₂ ta₁ ja₁jme₂tsiin₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂; ¹⁶ tsá₃ ma₃ca₂cuë₃ jmig₄ jua'₅₄ a₂dsi₃can₅ guë'₄ dsa₂ lio₄ quió'₅ i₁dsi₅ guá'₅.

¹⁷ Jaun₂ ca₂jme₃tiin₂₃ dsa₂ 'éi₂, ca₂juá'₂:

* **11:9** lit. “Hosana”, a₂jein₅ jág₁ quian'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jíá₃ i₂rë₂'ín₁ quiáin₅; la₁ cang₂ jaun₂ táng₃ ca₂jein₅ jág₁ a₂jme₂juin'₂ dsa₂ jan₂ dsa₂. † **11:9** Salmo 118:25-26.

—Ne₄ Si₂ juá'₂: “Né₅ quió'₃ lě₅ ca₂ne₅₄ 'né₅ ja₁chi₂lén'₂ dsa₂ Diú₄, dsa₂ chan₂ ca₂le₃jě₃ juig₂.” † La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂. §
 18 Jaun₂ juig₅₄ jme₂dsa₂ quian'₅₄ tē₅juá'₅ ně₃ ca₂nág₂ jág₁ ně₅. Jaun₂ ca₂jme₃lióg₃ ca₂'náu'₃ jui₅ 'a₂ lia'₂ jñag'₃, ia₁ gó'₅ con'₂ tsá₃ nō₅ ně₁juá'₂ 'éi₂ bá₄ jme₃gón₃ lé₂, ia₁ juin₅ lín₃ dsa₂ nag₅ dsi₂gó'₃ dsi₅ jág₁ a₂jme₂tag₅ Jesús. 19 Tē₂le₃ ca₂nei₂ jmig₄ jaun₂, ca₂'uin₂* juig₂ jaun₂.

Ca₂rě₃quén₃ ni₁'ma₂ higuera
 (Mateo 21:20-22)

20 Jme₁nia₃ jaun₂, ca₂ñi₅ táng₃ jui₅ ja₁dsi₅₄ ni₁'ma₂ higuera. Jaun₂ ca₂jág₃ co₂dsia₅ ma₂quein₂ ca₂tē₂ cho'₅₄. 21 Jaun₂ ca₂dsáu'₃ dsi₅ Pe₄, jaun₂ ca₂tsí'₃ Jesús:
 —Tē₅, jag₄ ni₁'ma₂ a₂ca₂chei'₅₄ uig₅. Co₂dsia₅ ma₂ca₂rě₃quén₃.

22 Jaun₂ ca₂ñag₃ Jesús ca₂tsí'₃ dsa₂:

—'Én₃ 'nia'₂ tē₂le₃ quió'₅ Diú₄. 23 A₂dsi₂jó'₃ juíg₂ jniá₂ 'nia'₂, ju₁'ein₂ guě₃ juá'₂ tsí'₃ ni₁má'₂ ně₅: “Jñag'₃ ja₁ně₅, o₂'ú₅ jm₁ñí'₄”, le₂jaun₂ dsón'₂ le₃ti₃ bá₄, ně₁juá'₂ tsá₃ ca₂'ág₂ caun₂-tín₃ dsi₅. 24 Jaun₂ lě₃, juá'₅ jniá₂, ju₁'e₂ guě₃ a₂mi'₂ 'nia'₂ jme₁chi₂leng'₅₄ Diú₄, ně₁juá'₂ jmo'₂ 'nia'₂ 'au'₂ ně₂jag₄ bá₄ a₂ma₂ně₂gue'₅₄ 'e₂ a₂mi'₂, le₂jaun₂ dsón'₂ le₃ti₃ bá₄ ja₁con'₂ 'nia'₂. 25 Jē₁ma₂tē₂ rē₁náu'₁ 'nia'₂ chi₁leng'₄ Diú₄, ně₁juá'₂ cha₂ 'nei₂ 'au'₂ 'nia'₂ ja₁con₂ ríng'₂, 'én₃ 'nia'₂ dsáu₁ ríng'₂, ia₁jaun₂ bá₄ Néi'₅ 'nia'₂ i₂guá₅ guei'₅₄ i₂juíg₃ 'éin₂ dsáu'₂ 'nia'₂ guiong'₅₄. †

Jesús bá₄ i₂'io₅ 'éi'₃
 (Mateo 21:23-27; Lucas 20:1-8)

27 Ca₂dsi₃lén₂ táng₃ juig₂ Jerusalén. Jaun₂ jme₁ma₂ñi₅ Jesús i₁dsi₅ guá'₅ tem- plo, jaun₂ ca₂jme₃quián₃ juig₅₄ jme₂dsa₂, tē₅juá'₅, dsi₂gui'₅₄ can'₅₄ ně₃. 28 Jaun₂ ca₂ñag₃ dsa₂ 'éi₂ ca₂ñi'₃ Jesús:

—¿'E₂ ta₁ lín'₅ 'ne₂ a₂jmo'₂ ca₂le₃jě₃ 'e₂ a₂jmo'₂ ñi'₂? ¿'Ein₂ cuē₅ bí₂ 'éi'₃ a₂jmo'₂ le₂ně₅?

29 Jaun₂ ca₂ñag₃ Jesús:

—Ján₃ bá₄ ñag₄ jniá₂ caun₂ 'nia'₂. Ně₁juá'₂ ca₂ñag₅₄ 'nia'₂ lia'₂ tí₅, jaun₂ guě₄ juá'₄ jniá₂ 'ein₂ cuē₅ bí₂ a₂jmo₂₃ ca₂le₃jě₃ a₂jmo₂₃. 30 Ju₁lia'₂ a₂ca₂chon₃ Juan₅₄ jmig₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güig₃ 'e₂? Ñag₄ 'nia'₂.

31 Jaun₂ ca₂dsia₃ dsa₂ can'₅₄ jág₁ con'₂ guoin₅₄, ca₂juá'₂:

—Ně₁juá'₂ ca₂chei'₅₄ jniog₄ 'éi'₃ quió'₅ Diú₄ bá₄, ně₃ cón'₅ bá₄ ñag₃: “¿'E₂ lě₃ tsá₃ ca₂rě₃'én'₂ 'nia'₂ jág₁ quió'₅ 'éi'₂?” 32 ¿La₁ ně₁juá'₂ ca₂chei'₅₄ jniog₄ 'éi'₃ quió'₅ dsa₂ mi₂güig₃ bá₄...?

La₁ ca₂rě₃gain₃ ca₂le₃jín₃ dsa₂ i₂quian'₅₄ Jesús. Ia₁ ca₂le₃jín₃ dsa₂ jme₁'éin₂ a₂jme₁lín₄ Juan₅₄ tē₃dsón'₂ jan₂ dsa₂ i₂'ě₂ jág₁ quián₅ Diú₄. 33 Jaun₂ ca₂ñag₃ dsa₂ can'₅₄ ca₂tsí'₃ Jesús:

—Tsá₃ a₂jaun₂ ne₄ jnia'₅₄.

Jaun₂ ca₂ñag₃ táng₃ Jesús:

—Ján₃ bá₄ tsá₃ juá'₄ jniá₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃ ñi₂₃.

12

Jág₁ jáng'₅ léi₄ ju₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂
 (Mateo 21:33-46; Lucas 20:9-19)

† 11:17 Isaiás 56:7. § 11:17 Jeremías 7:11. * 11:19 A₂lín₅₄ chog₅₄ si₂ juá'₂: “ca₂o₃'ín₃,” † 11:25 A₂lín₅₄ chog₅₄ si₂ chi₁ton₅ versículo 26 ján₃, a₂juá'₂ le₂la₂: “Ia₁ ně₁juá'₂ tsá₃ 'én'₅ 'nia'₂ dsáu₁ ríng'₂, ján₃ bá₄ le₂jaun₂ tsá₃ 'én₂ Néi'₅ 'nia'₂ i₂guá₅ guei'₅₄ i₂juíg₃ dsáu'₂ 'nia'₂ guiong'₅₄”.

1 Jaun₂ ca₂jme₃lióg₃ Jesús ca₂juá'₂ quian'₅₄ jág₁ a₂jáng'₅ léi₄. Ca₂juá'₂:

—Jme₁chan₂ jan₂ dsa₂ ca₂chéin'₃ uing₂ a₂'ag₅ míg₂ uvas ja₁nau₂ quió'₅. Jaun₂ ca₂jmo₃ jní₁ le₃lág'₃. Jaun₂ ca₂jmo₃ co₂jñia₅₄ ja₁jlein'₃ míg₂. Jaun₂ ca₂chi'₃ caun₂ tsi₁'né₅ ñei₅ ja₁guá₃ jmo₃ 'í₁.

Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, Jaun₂ ca₂ñó₃ bá₄ 'ñiog₅ i₂ñí₃ juig₂ siá'₂. ² Jme₁ca₂tě₂ jein₂ a₂ca₂rau₂ míg₂, jaun₂ ca₂chen₃ dsa₂ juig₅₄ ja₁nau₂ jan₂ dsa₂ mozo quiáin₅ a₂jme₁i₂mí₃ a₂jáng'₃ dsa₂ ca₂dsio₄ míg₂ con'₂ a₂ca₂tín₂ dsa₂ juig₅₄. ³ Dsa₂ jmó'₂ ta₁ ja₁nau₂ ně₃, 'nió'₄ a₂jme₁cuě₃ a₂mi₅ dsa₂ 'éi₂, ca₂jñau'₃, ca₂cuě'₃ dsa₂ 'éi₂ tioen'₅₄, ca₂dsióg'₂ bá₄, tsá₃ 'e₂ ca₂jáng'₃ a₂jme₁mi₅ 'éi₂. ⁴ Dsa₂ juig₅₄ ja₁nau₂ ně₃ ca₂chein₃ táng₃ jan₂ dsa₂ mozo sián'₂. I₂'éi₂ ně₃, ca₂cuí'₂ mi₂dsi₅₄, ca₂jmóg'₂ dsa₂ 'éi₂, jě₂ bá₄ ca₂tě₂ca₂'o'₂. ⁵ Jaun₂ dsa₂ juig₅₄ ja₁nau₂ ně₃ ca₂chein₃ bá₄ guě₄ jan₂ dsa₂ sián'₂ táng₃, la₁ i₂'éi₂ guě₄ ně₃ ca₂jñi'₃. Juin₅ guě₄ i₂sián'₂ ca₂i₁len₅₄ ján₃. I₂lin₅₄ 'éi₂ qui₂ca₂cuě'₃, i₂lin₅₄ guě'₂ ca₂jme₃dsiain₂₃ tioen'₅₄.

⁶ 'Dsa₂ juig₅₄ ja₁nau₂ ně₃ jme₁chan₂ guě₄ jan₂ ja₁ñi'₅₄ i₂jme₁'nioi₃ guě₄ lin₃. Jaun₂ ca₂chein₃ 'éi₂, ia₁ lín₂: “Jme₃gan₃ dsa₂ chi'₂ quiáng₃.” ⁷ La₁ dsa₂ tion'₅₄ ja₁nau₂ ně₃, ca₂dsia₃: “I₂ně₅ bá₄ tin₃ ja₁nau₂ la₂ cang₂; ně₃ o₁jñi'₄ jniog₄, ia₁ jaun₂ jniog₄ bá₄ lé₂ quián₂”. ⁸ Jaun₂ le₂ jaun₂ bá₄ ca₂jmo₃. Ca₂jñi'₃ bá₄ 'éi₂ tioen'₅₄. Jaun₂ ca₂dsei₂₃ le₃co'₅₄ jní₁.

⁹ 'Jaun₂, ¿'e₂ jmo₃ dsa₂ juig₅₄ ja₁nau₂? Jñiói'₂ jme₃dsiain₂₃ ca₂le₃jín₃ dsa₂ i₂tion'₅₄ jmó'₂ ta₁ ja₁nau₂ quió'₅, jaun₂ dsia₃ gu₂ dsa₂ sián'₂ táng₃.

¹⁰ '¿Tsa₁ ma₂'í'₂ 'nia'₂ Si₂ ja₁juá'₂:
Ni₁cang₁ a₂tsá₃ ca₂rě₃jí'₅₄ tē₅'ia'₂,
ca₂dsióg₃ ca₂lě₃ ni₁cang₁ a₂dsen₅₄ guě₄
a₂tě₁ron₅₄ qui'₅₄ 'ia'₂;

¹¹ con'₂ ně₅ lě₅ ca₂jmo₃ Te₁gui'₅₄,
jaun₂ 'ñio₅ lin₃ bá₄ jlá'₁, lág₂ jniog₄?*

¹² Jaun₂ jme₁'no'₂ dsa₂ jui₅ a₂jme₁tsáun'₂, ia₁ ca₂rě₃lí'₄ bá₄ guioin₅₄ a₂juá'₂ Jesús jág₁ jáng'₅ léi₄ ně₅ a₂'iin₂₃ 'éi₂ bá₄. La₁ ca₂rě₃gain₃ bá₄ dsa₂ juin₅ i₂quian'₅₄ Jesús. Jaun₂ i₂lein₃ bá₄, tsá₃ ma₃ca₂jñau'₃.

*Jág₁ jui₁lia'₂ 'lia'₅₄ a₂ca₂tín₂ dsit₂tan₅₄
(Mateo 22:15-22; Lucas 20:20-26)*

¹³ Jaun₂ ca₂chen₃ dsa₂ can'₅₄ i₂lin₅₄ dsa₂ fariseos, quian'₅₄ i₂lin₅₄ dsa₂ quián₅ Rag₅₄ Herodes a₂dsi₃chi'₅₄ 'e₂ dsí₃chi'₅₄ Jesús, ia₁ jaun₂ cuin₅ jmag₄ jo₅₄ jui₁lia'₂ bá₄ 'ñiái₃ ca₂jon₄ jág₁ 'lia'₂. ¹⁴ Jaun₂ ca₂o₃lén₂ ca₂juá'₂:

—Tě₅, ne₄ bá₄ jnia'₅₄ a₂dsón'₂ bá₄ juá'₂ 'ne₂ lia'₂ tí₅ jág₁. Jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsí₅ 'e₂ 'ag₅ dsa₂, ia₁ tsá₃ gang'₃ jmag'₅₄ jui₁lia'₂ dsa₂ dsen₅₄ ně₃. Caun₂ qui₂jme₂tíng'₁ bá₄ dsa₂ jui₅ quió'₅ Diú₄. ¿'l₄ 'éi'₃ qui₅₄ 'lia'₅₄ a₂ca₂tín₂ dsit₂tan₅₄ César? ¿'Nió'₅ qui₅₄ o₃ tsá₃ qui₅₄ 'e₂?

¹⁵ La₁ ñi₅ rě₂ bá₄ Jesús a₂lě₁i₂nio₄ juá'₂ o₁ne₁ bá₄ dsa₂ 'éi₂. Jaun₂ ca₂juá'₂:
—¿'E₂ lě₃ cáun'₂ 'nia'₂ táu₂ jniá'₂? O₂quian₂ de'₂ 'nia'₂ caun₂ cu₄ denario jaun₂ jág₄ jniá'₂.

¹⁶ Jaun₂ ca₂i₁quian₅₄ dsa₂. Jaun₂ jme₁ca₂jág₃ Jesús, jaun₂ ca₂ñag₃:
—¿'Ein₂ dsí₂ne₄ chi₁ton₅ ja₁lá₃? ¿'Ein₂ quió'₅ letra ně₃?
Jaun₂ ca₂ñag₃:

—Quió'₅ gui'₅₄ emperador César bá₄.

¹⁷ Jaun₂ ca₂juá'₂ táng₃ Jesús:

* 12:11 Salmo 118:22-23.

—Jang' ⁵⁴ 'nia' ₂ ne ₄ César con' ₂ a₂ca₂tín₂ César; ne ₄ Diú₄ ně₃ jang' ⁵⁴ 'nia' ₂ con' ₂ a₂ca₂tín₂ Diú₄.

Jaun₂ ca₂i₃gó' ₃ dsí₅ jín₂ 'éi₂.

Ca₂ḡag₃ dsa₂ saduceos jui₁lia' ₂ a₂jen' ₅₄ 'lag₄

(Mateo 22:23-33; Lucas 20:27-40)

¹⁸ Jaun₂ ca₂o₃lén₂ i₂lín₅₄ dsa₂ saduceos ca₂o₃jín₅₄ Jesús. Ia₁ tsá₃ 'én₂ dsa₂ 'éi₂ a₂jen' ₅₄ táng₃ dsa₂ jē₁ma₂dsain₃. Jaun₂ ca₂tsí' ₃ Jesús:

¹⁹ —Tē₅, ca₂quiog₂ Moisés si₂ a₂juá' ₂, ně₃juá' ₂ ca₂jon₃ jan₂ dsa₂ ḡe' ₂ tē₃ tsá₃ ca₂can₃ 'io₅₄ quiáin₅ guein₂, tion' ₅₄ 'nió' ₅ jén' ₂ gu₂ dsó₂ rín' ₅₄ dsa₂ ḡe' ₂ i₂ca₂jon₃ quiain' ₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió' ₄ tsí₁jon₂ 'lag₄ rín' ₅₄.†

²⁰ 'Ia₁ jme₁chan₂ guion₃ dsa₂ ḡe' ₂ i₂lín₅ jmá' ₃ lia' ₂ rín' ₅₄. Ca₂jen' ₂ gu₂ i₂le₂'uig₅₄, la₁ ca₂join₃ bá₄ tē₃ tsá₃ guein₂ ca₂can₃ 'io₅₄ quiáin₅. ²¹ Jaun₂ ca₂jen' ₂ táng₃ gu₂ 'io₅₄ 'nág₂ 'éi₂ quiain' ₅₄ jē₁ca₂tē₂ on₃. Ján₃ bá₄ le₂jaun₂ ca₂jon₃ táng₃ dsó₂ 'éi₂, tsá₃ guein₂ ca₂can₃ 'io₅₄. Ján₃ bá₄ le₂jaun₂ ca₂lē₃ quian' ₅₄ jē₁ca₂tē₂ ún₂. ²² Le₂jaun₂ bá₄ ca₂lē₃ quian' ₅₄ ta₁guion₃ dsa₂ ḡe' ₂ con' ₂ i₂jme₁lē₄ rín' ₅₄: ca₂dsain₃ bá₄ tē₃ tsá₃ guein₂ ca₂can₃ 'io₅₄ 'i₁jan₂ quiain' ₅₄ 'i₁jan₂ dsó₂ 'éi₂. Jaun₂ ca₂jon₃ 'io₅₄ jme₁ca₂join₃ ně₃. ²³ Jaun₂ ně₃, jmig₄ jē₁ma₂tē₂ rē₁jen' ₅₄ 'lag₄, ċ'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē' ₂ dsa₂ ḡe' ₂ ca₂guá₂ quiain' ₅₄.

²⁴ Jaun₂ ca₂ḡag₃ Jesús:

—'E₂ guē₄ tsá₃ rē₂ ḡí' ₂ 'au' ₂ 'nia' ₂, ia₁ a₂tsá₃ cuin' ₂ 'nia' ₂ 'a₂lia' ₂ juá' ₂ Si₂, on₃ guē' ₂ cuin' ₂ 'nia' ₂ 'a₂lia' ₂ lē₅ jui₅bí₂ quió' ₅ Diú₄. ²⁵ Jē₁ma₂tē₂ jmig₄ a₂jen' ₅₄ 'lag₄, on₃juá' ₅₄ a₂le₃chain₂ juá' ₅₄ a₂qui₃jéin' ₂ guē₄ gu₂, on₃ guē' ₂ ně₅ tóin' ₃ guē₄ juá' ₅₄ a₂qui₃cuin₃ chí' ₂ quiáin₅ a₂jéin' ₂ gu₂, ia₁ i₂lén₂ jui₁lia' ₂ lín₅ ángeles i₂tion' ₅₄ guei' ₅₄ i₂juig₃ bá₄ 'éi₂ jmig₄ jaun₂. ²⁶ La₁ jui₁lia' ₂ a₂jen' ₅₄ táng₃ 'lag₄, ċtsa₁ ma₂'í' ₂ 'nia' ₂ Si₂ quió' ₅ Moisés jui₁lia' ₂ ja₁juá' ₂ 'ē₂₃ ni₁'ma₂ taun₅, ja₁ca₂juá' ₂ Diú₄ ca₂tsí' ₃ Moisés: “Jniá₂ bá₄ líng₅ Diú₄ quián₅ Abraham, quián₅ Isaac, quián₅ Jacob ně₃?”† ²⁷ A₂lín₅ Diú₄ quian₅ dsa₂ jén' ₃ bá₄, on₃juá' ₅₄ rē' ₂ Diú₄ quián₅ 'lag₄. Jaun₂ 'ḡio₅ lín₃ tsá₃ rē₂ ḡí' ₂ 'au' ₂ 'nia' ₂.

'Éi' ₃ Juá' ₅ a₂dsen₅₄ guē₄ quió' ₅ Diú₄

(Mateo 22:34-40)

²⁸ Jaun₂ ca₂guan₃ jan₂ tē₅juá' ₅, ca₂nág₂ jág₁ a₂tsin₅ Jesús quian' ₅₄ dsa₂, ca₂rē₃lí' ₄ bá₄ a₂ca₂ḡag₃ Jesús lia' ₂ tí₅ jág₁. Jaun₂ ca₂ḡag₃:

—ċ'E₂ 'Éi' ₃ Juá' ₅ a₂le₂'uig₅₄ a₂lē₅ a₂dsen₅₄ guē₄ con' ₂ guē₄ ca₂le₃jē₃ juá' ₅?

²⁹ Jaun₂ ca₂ḡag₃ Jesús:

—'Éi' ₃ Juá' ₅ le₂'uig₅₄ con' ₂ guē₄ ca₂le₃jē₃, juá' ₂: “Nei₂ 'nia' ₂ dsa₂ chan₂ juig₂ Israel. Jan₂ Te₁gui' ₅₄ bá₄ lín₅ Diú₄ quián₂ jniog₄. ³⁰ Jme₁'nió₄ 'nia' ₂ Te₁gui' ₅₄ Diú₄ quiáng' ₂ ca₂le₃jē₃ 'au' ₂, ca₂le₃jē₃ jme₂dsí₂ quiáng' ₂, ca₂le₃jē₃ 'a₂lia' ₂ ḡí' ₂ dsei' ₂, ca₂le₃jē₃ bí₂ quiáng' ₂.”§ ³¹ Jē₁ca₂tē₂ tín₃ juá' ₅ ně₃ juá' ₂: “A₂jme₁'nióg' ₄ dsa₂ mi₂güig₃ ríng' ₂ jui₁lia' ₂ 'niog' ₂ 'ḡiag' ₂.”* Jñia' ₅₄ lia' ₂ a₂tín₃ ně₅ bá₄ juá' ₅ a₂lē₅ a₂dsen₅₄ guē₄ con' ₂ guē₄ ca₂le₃jē₃ 'Éi' ₃ Juá' ₅ quió' ₅ Diú₄.

³² Jaun₂ ca₂ḡag₃ tē₅juá' ₅ 'éi₂:

—Tē₅, 'ḡio₅ dse₃ lia' ₂ ně₂ḡag' ₅₄; a₂dsón' ₂ bá₄ dsau₅ jan₂ bá₄ Diú₄ i₂chan₂, tsá₃ ma₃'ein₂ diú₄ sián' ₂ chan₂. ³³ A₂jaun₂ bá₄ a₂dsen₅₄ guē₄ a₂jme₃'nio₃ dsa₂ Diú₄ ca₂le₃jē₃ dsí₅, ca₂le₃jē₃ jme₂dsí₂, ca₂le₃jē₃ bí₂ quió' ₅; a₂jme₃'nio₃ dsa₂ rín' ₅₄

† 12:19 'Nio' ₂ ja₁ton₅ Deuteronomio 25:5-6. ‡ 12:26 Éxodo 3:6. § 12:30 Deuteronomio 6:4-5.

* 12:31 Levítico 19:18.

ju₁lia'₂ 'nioi₃ 'ñiog₅. A₂jaun₂ bá₄ a₂quen₅ guě₄ con'₂ guě₄ ca₂le₃jě₃ 'e₂ niog₅ jén'₅ dsa₂ ne₄ Diú₄, o₃ 'e₂ a₂qui₂dsí'₂ dsa₂ ne₄chei₂ ně₃.

³⁴ Jaun₂ jme₁ca₂nág₂ Jesús ca₂ñag₃ bá₄ dsa₂ 'éi₂ a₂ñí'₂ dse₃ dsí₅, jaun₂ ca₂juá'₂:
—Tsá₃ uíng₂ ñí'₂ ja₁gon₂ Diú₄.

Jaun₂ tē₂le₃ ne₄ ju₁is guě₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ñág₃ guě₄ 'e₂ ñag₃.

¿Ein₂ tsi₁jon₂ quián₅ lín₅ I₂rě₂'ín₁ quián₅ Diú₄?

(Mateo 22:41-46; Lucas 20:41-44)

³⁵ Jaun₂ ca₂jéin'₃ Jesús jág₁ jě₄ jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂:

—¿A₂ lia'₂ lě₅ juá'₂ tē₅juá'₅ a₂lín₅ tsi₁jon₂ David I₂rě₂'ín₁ quián₅ Diú₄, ³⁶ ton'₂ 'ñiog₅ bá₄ guě'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ Jñió₅ tē₂dsí₅:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

ca₂lia'₂ ca₂tě₂ jmig₄

a₂tón'₁ jniá₂ dsa₂ i₂'iog₅₄ o₄tag'₄”?†

³⁷ ¿A₂ bá₄ lia'₂ lě₅ jaun₂ a₂lín₅ tsi₁jon₂ David, ton'₂ 'ñiog₅ bá₄ guě'₂ David ca₂tě₃ “Te₁gui'₅₄ quiáng?”

Ca₂le₃jín₃ dsa₂ juin₅ 'éi₂ jme₁nag₂₃ 'ñio₂ dsí₅ jág₁ quió'₅.

Chóg'₅ Jesús dso₄ juá'₂ 'a₂ lia'₂ niog₅ lín₅ tē₅juá'₅

(Mateo 23:1-36; Lucas 11:37-54; 20:45-47)

³⁸ Tě₃jě₄ jme₂tiin₂₃ dsa₂, ca₂juá'₂:

—Ní₂ 'nia'₂, jmo₄ 'nia'₂ 'í₁ tsá₃ i₂can₂ 'nia'₂ ju₁is ju₁lia'₂ niog₅ lín₅ tē₅juá'₅. Ia₁ tē₅ dsí₅ i₂nioi₅₄ le₁qui'₂ 'mi'₂ chen'₅₄ jang₄, ton'₂ tē₅ dsí₅ qui₂cuag₃ dsa₂ Diú₄ jě₄ 'ma'₅₄, ³⁹ ton'₂ jmá'₃ lia'₂ ja₁dsen₅₄ bá₄ qui₂dsi₂tiain'₂ ju₁lia'₂ dsi₂néi₂ guá'₅ sinagoga, ton'₂ jmá'₃ lia'₂ ja₁dsen₅₄ bá₄ dsi₂toin'₅₄ ja₁dsi₂guě'₃ ju₁lia'₂ ja₁niog₅ jmig₄. ⁴⁰ Qui₂jñiá'₂ 'ne₄ 'io₅₄ 'nág₂ ně₃, jaun₂ a₂jñia'₅₄ con'₂ 'ma₂₃ jlě₅ a₂jmo₂₃ jaun₂, chi₂lén'₂ Diú₄ uě₂ lín₃ tē₃jín₄ dsa₂. La₁ 'e₂ guě₄ uig₅ cuě₃ Diú₄ quió'₅ i₂le₂'éi₂.

Ca₂tó'₂ 'io₅₄ 'nág₂ te₂ñé₂ cu₄ quió'₅

(Lucas 21:1-4)

⁴¹ Co₂ráun₂ guá'₅ Jesús i₁dsi₅ guá'₅ cau₅ tsi₁gu₅ ja₁tó'₅ dsa₂ cu₄ ofrenda. Jaun₂ guá'₅ jín₂ dsa₂ i₂dsi₂lén₂ dsi₂tio'₂ cu₄ 'ñió'₃ tsi₁gu₅. Jaun₂ ně₃, juin₅ dsa₂ cha₂ cu₄ dsi₂lén₂ dsi₂tio'₂ 'lióng₂ cu₄. ⁴² La₁ tē₃jě₄ jaun₂ ca₂dsióg₃ jan₂ 'io₅₄ 'nág₂ te₂ñé₂. Jaun₂ ca₂tó'₂ tñ₃ ñí₁ guéin₂.† ⁴³ Jaun₂ ca₂tě₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

—A₂dsi₂jó'₃ juí₂g₂ jniá₂ 'nia'₂, 'lióng₂ guě₄ ně₂tió'₂ 'io₅₄ 'nág₂ te₂ñé₂ ně₅, lia'₂ con'₂ guě₄ ca₂le₃jín₃ i₂ma₂ně₂tió'₂ 'ñió'₃ tsi₁gu₅. ⁴⁴ Ia₁ 'éi₂ ně₃ cu₄ a₂ma₂qui₂rě₂tsón₂ bá₄ jaun₂ quió'₅ cuě₂₃. 'Io₅₄ 'nág₂ ně₅ ně₃, ca₂le₃jě₃ bá₄ ně₂cuě₃, con'₂ a₂jme₁ron₅ quió'₅, 'nió'₄ a₂jme₁lá₃ a₂guě'₃.

13

Ca₂'ě₂ Jesús jág₁ a₂dsi₃'én₂ bá₄ guá'₅ templo

(Mateo 24:1-2; Lucas 21:5-6)

¹ Con'₂ jme₁ma₂'ein₅₄ ju₁is o₂'iin₅ i₁dsi₅ guá'₅, jaun₂ ca₂juá'₂ jan₂ chi'₂ dsi₂guia₃-tín₂ quiáin₅:

—i₂Tě₅, jag₄ 'e₂ guě₄ jlá'₁ ni₁cang₁ a₂le₁ju₁á₄ a₂lě₅ guá'₅!

† 12:36 Salmo 110:1. ‡ 12:42 lit. “tñ₃ ñí₁ lepta.”

2 Jaun₂ ca₂ŋag₃ Jesús:

—ǂág'₂ 'né₅ ca'₅₄ a₂te'₁ i₁ nē₅? Já₅ caun₂ jmig₄, 'i₁ca₂míg₂ ni₁cang₁ tsá₃ ma₃'e₂ le₁juí₄ lé₂.

Léi₄ a₂lé₂ jmig₄ jē, ca₂tó'₂

(Mateo 24:3-28; Lucas 21:7-24; 17:22-24)

3 Jme₁ca₂dsióg₃ Jesús má'₂ Olivos a₂chí'₅ quióng₄ guá'₅, ja₁jaun₂ ca₂guá'₂. Jaun₂ ca₂guan₃ Pe₄, Jacobo, quiain'₅₄ Juan₅₄, Dré₄ ně₃, ca₂tsí'₃ Jesús con'₂ jē₄ tē₃co'₅₄:

4 —Jua'₅₄ líg'₂ bá₄ le₃ti₃ a₂juá'₂ 'ne₂ nē₅. 'Niog₂ jnia'₅₄ le₃ne₄. ǂ'E₂ léi₄ a₂lé₂ né'₃ a₂tē₅₄ jmig₄ jaun₂?

5 Jaun₂ ca₂ŋag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅. 6 Ia₁ juin₅ i₂tē₁i₃nio₄ a₂juá'₂ i₂nioi₅₄ o₄quió₃ jniá'₂, juá'₂: “Jniá'₂ bá₄ líng₅ 'éi₂,” jaun₂ juin₅ dsa₂ i₂qui₂jme₃gain₂₃.

7 'Jē₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó₁ 'nia'₂ gang'₃, ia₁ le₂jaun₂ dsón'₂ lé₂ bá₄. La₁ on₃jua'₅₄ jmig₄ jē₁ca₂tó'₂ jaun₂.

8 Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juig₂ nación; dsi₂tan₅₄ guē'₂ ně₃ qui₃tóin'₃ mi'₅₄ quín'₂ quian'₅₄ dsi₂tan₅₄ riin'₅₄ i₂chan₂ juig₂ siá'₂. 'Lióng₂ ja₁qui₂dsi₃bi₅₄ 'uē₃ lé₂, ton'₂ le₃cha₂ 'lióng₂ ja₁qui₂i₂nio₄ dsa₂ 'oin₅₄. A₂le₂'uig₅₄ jmi₁uig₅ bá₄ guē₄ ně₅, ju₁lia'₂ jan₂ 'io₅₄ i₂rē₂chan₂ guein₂ quián₅.

9 'Rē₂ján'₁ 'nia'₂ chang'₂, ia₁ qui₃jín'₂ dsa₂ 'nia'₂ ne₄ dsi₂tan₅₄ quián₅ guá'₅ ia₁jaun₂ bóg₂ dsa₂ dsi₂né₁2 guá'₅ sinagogas. Jaun₂ dsi₁nó'₅ 'nia'₂ tē₃ne₄ dsi₄má'₂, ne₄ rag₅₄ ně₃, 'uig₅₄ quió₃ jniá'₂; ja₁jaun₂ o₁jang'₄ 'nia'₂ jág₁ dsau₅. 10 Jág₁ quió'₅ Diú₄ de'₂ jniá'₅ 'nió'₅ dsi₃'ag₅ le₂con₂ mi₂güig₃. 11 Jē₁ma₂tē₂ rē₁qui₃tē₂ dsa₂ 'nia'₂ a₂dsi₁jó₂ ne₄ dsi₂tan₅₄, tsá₃ jmó'₂ 'nia'₂ 'i₅ 'au'₂ tē₃jniá'₅ 'e₂ ŋag'₅₄. La₁ ŋag₄ bá₄ 'nia'₂ con'₂ jág₁ a₂ma₂ca₂ŋi'₂ 'nia'₂ hora jaun₂, ia₁ on₃jua'₅₄ guion'₅₄ 'nia'₂ a₂ŋag'₅₄ jág₁ jaun₂; Jme₂dsi₂ Jnió₅ bá₄ i₂jmo₃. 12 Ia₁ tón'₃ dsa₂ qui₃jín'₂ riin'₅₄ jmig₄ jaun₂, jaun₂ ŋag'₃ dsa₂; ju₁lia'₂ jmei₂ qui₃jín'₂ chi'₂ quián₅. Chi'₂ guē'₂ ně₃, jme₃'ŋiai₅₄ chog₅₄-jmei₂; chan₂ guē'₂ i₂qui₂jme₃dsian₅ chog₅₄-jmei₂ ně₃. 13 Ca₂le₃jín₃ dsa₂ jme₃'ŋia₅₄ 'nia'₂ 'uig₅₄ quió₃ jniá'₂, la₁ ju₁lia'₂ i₂tió'₃ náu₃ tiá₂ tē₂ jē₁ca₂tó'₂, tīn'₄ bá₄.

14 'Jaun₂ ně₃, já₅ jmig₄ a₂tē₅₄ ne'₅₄ 'nia'₂ a₂náu₃ jan₂ dsa₂ i₂ju₁si 'lin'₅₄ ja₁tsá₃ 'i₄ 'éi'₃ náu₃,* —jaun₂ ju₁le₂ŋí'₂ bá₄ i₂'i₅ si₂ la₂—; jaun₂ ně₃, dsa₂ i₂tián'₅ le₂tan₅₄ 'uē₃ Judea, ju₁cuing₁₂ ju₁ má'₂. 15 Ju₁lia'₂ i₂'en₅₄ guei'₅₄ 'ne₄, tsá₃ ju₁sióin₄ jua'₅₄ a₂'uē'₃ 'e₂ 'uē'₃ dsi₂néi₂ quió'₅; 16 ju₁lia'₂ i₂'en₅₄ ja₁nau₂ quió'₅ táng₃, tsá₃ ma₃ju₁jñioi'₅₄ jua'₅₄ a₂ja₃quián₂ tsi₁'mi₂ dsióg₂ quió'₅. 17 ju₁g₂ bá₄ ju₁lia'₂ dsa₂ mí₂ i₂le₁quian₅ guein₂, ju₁lia'₂ i₂chan₂ guein₂ bē'₅₄ i₂'ín'₂ dsi'₅₄ quió'₅ ně₃, jmig₄ jaun₂! 18 Mi₄ 'nia'₂ ne₄ Diú₄ tsá₃ ju₁dsi₂ŋí'₂ 'nia'₂ a₂jaun₂ ju₁lia'₂ jein₂ güig₂. 19 Ia₁ juá'₅ jniá'₂, caun₂ o₂i₁ dsi₅ lin₃ a₂le₃chan₂ dsa₂ jmig₄ jaun₂, caun₂ jmi₁uig₅ a₂tsá₃ ma₂ca₂rē₃chá₃ ca₂le₃ ca₂nio₃ mi₂güig₃, on₃ guē'₂ ma₃niog₅ jmig₄ jua'₅₄ a₂le₃cha₂ guē₄ cang₂. 20 Jua'₅₄ mei'₂ guē₃ Te₁gui'₅₄ tsá₃ ma₂ca₂jme₃tē₃ jmig₄ jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ guē₃ tsá₃ le₂jaun₂. La₁ ma₂ca₂jme₃tē₃ bá₄ jmig₄ jaun₂ o₄quió'₄ i₂quion'₅₄ quián₅.

21 'Nē₂jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “ǂag₄ 'nia'₂! La₂ bá₄ chén'₅ I₂rē₂'ín₁ quián₅ Diú₄”, o₃ ně₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en₅₄ 'nia'₂ jág₁ jaun₂. 22 Ia₁ juin₅ dsa₂ i₂jme₃gau₅ ja₃lén₂ a₂juá'₂ lín₅ I₂rē₂'ín₁ quián₅ Diú₄, a₂juá'₂ ně₃ a₂lín₅ dsa₂ i₂'ē₂ jág₁ quián₅ Diú₄; 'lióng₂ léi₄ juē'₂ a₂o₂dsain₂

* 13:14 'Nio'₂ ja₁ton₅ Daniel 9:27; 11:31; 12:11.

jmo₃ a₂jme₃gain₂₃ dsa₂. Jua'₅₄ mei'₂ guě₃ lé₂, ca₂tě₂ dsa₂ i₂quion'₅₄ quián₅ Diú₄ jme₃gain₂₃. ²³ La₁ chan'₂ 'nia'₂ rě₂jáng'₁, † jaun₂ le₂ně₅ ma₂ně₂juig₂ jniá'₂ 'nia'₂ ca₂le₃jě₃ tě₃jniá'₅.

A₂ lia'₂ guan'₂ Jaun₅ dsa₂ mi₂güig₃
(Mateo 24:29-35, 42—44; Lucas 21:25-36)

²⁴ Jě₁ma₂ca₂ŋag₅ jmig₄ o₂i₁ dsi₅ jaun₂,
'iog₂ ně₃ co₂dsia₅ le₃lia'₂,
tsi'₂ ně₃ tsá₃ ma₃tág₅ jnia₅₄;

²⁵ Nei₅ guě'₂ ně₃ qui₂tsi₃séi'₂, †
ca₂le₃jě₃ guě'₄ 'e₂ bí₂ cha₂ guei'₅₄ mi₂güig₃
qui₃guan'₃, §

²⁶ 'Tě₃jě₄ jaun₂ guě'₄ ně₃, jín₂ dsa₂ Jaun₅ dsa₂ mi₂güig₃, jnióí'₂ guei'₅₄ jě₄ jnei₅ quian'₅₄ ca₂le₃jě₃ jui₅bí₂ a₂'io₂₃ jláin'₁. ²⁷ Jaun₂ qui₃chein₃ ángeles quián₅, a₂tě₂ dsa₂ i₂quion'₅₄ quián₅ i₂chan₂ ca₂le₃jě₃ juig₂ te₁'i₁ ca₂taun₂ ca₂taun₂ mi₂güig₃.

²⁸ 'Jme₁tin₅ 'nia'₂, jui₁le₂ŋí'₂ 'au'₂ jág₁ a₂jáng'₅ léi₄ jui₁lia'₂ ni₁'ma₂ a₂'ag₅ míg₂ higos; jme₁chéi'₂ gu'₂-nei'₅₄, qui₂ja₂'iá₃ mog'₅₄ ně₃, ŋi'₅₄ bá₄ 'nia'₂ a₂ma₂ja₂quián₃ jein₂ 'iog₂ bá₄ jaun₂. ²⁹ Le₂ně₅ bá₄ 'nia'₂ jaun₂ ně₃, jě₁ma₂tě₅ ne'₅₄ a₂lě₂ ca₂le₃jě₃ a₂ně₅, jui₁le₂ŋi'₅₄ bá₄ 'nia'₂ a₂ma₂ja₂quián₃, ně₂jag₄ bá₄ i₂ma₂chén'₅ o₄'né₄ bá₄ 'éi₂. ³⁰ A₂dsi₂jó'₃ juá'₅ jniá'₂ juig₂ 'nia'₂, tsá₃ dsi₃ŋí₂ tsi₁jon₂ la₂, * ca₂lia'₂ ca₂lě₃ ca₂le₃jě₃ a₂ně₅. ³¹ Jaun₂ já₅ jmig₄, guei'₅₄ dsi₂güig₂ quian'₅₄ mi₂güig₃ la₂ ŋag₅, la₁ jág₁ quió₃, o₁líg'₂ jmig₄ tsá₃ ŋag₅ jua'₅₄ a₂tsá₃ le₃ti₃.

³² 'La₁ 'i₁jan₂ tsá₃ 'ein₂ŋi₅ 'e₂ 'ió'₄, 'e₂ hora lé₂ a₂jaun₂, on₃ guě'₂ ángeles i₂tion'₅₄ guei'₅₄ i₂juig₃, on₃ guě'₂ 'ŋiog₅ Ja₁ŋi'₅₄ Diú₄. Jnia'₅₄ lia'₂ 'ŋiog₅ bá₄ Diú₄ Jmei₂ ŋi₅.

³³ 'Chan'₂ 'nia'₂ rě₂jáng'₁, jme₁ŋnio₂ 'nia'₂ ne'₅₄, ia₁ tsá₃ ŋi'₅₄ 'nia'₂ 'e₂ jmig₄ lé₂. ³⁴ Lé₂ jui₁lia'₂ jan₂ dsa₂ i₂o₂'in₅ dsi₂néi₂ quió'₅, dsó₅ dsi₂ŋí₃ uing₂; dsia₂₃ gu₂ dsa₂ i₂jme₂ti₃ ne₅₄ dsi₂néi₂ quió'₅, le₂jan₂ le₂jan₂ 'éi₂ jma₃quén₅ ta₁ cuě'₅ con'₂ ca₂tiin₂, tsí'₅ mozo i₂jmo₅ 'í₁ o₄'né₄ a₂chain₂ rě₂jáin₁. ³⁵ Jaun₂ le₂ně₅ bá₄ 'nia'₂ ján₃, rě₂jáng'₁ 'nia'₂ chang'₂, ia₁ tsá₃ ŋi'₅₄ 'nia'₂ 'e₂ 'ió'₄ guan'₂ dsa₂ i₂quió'₅ dsi₂néi₂, tě₂le₃ ca₂nei₂, o₃ dsi₃nei₅, o₃ jě₁ma₂ca₂'o₃ i₁tú₃, o₃ tě₂le₃ ca₂jnia₃ 'e₂, ³⁶ ia₁ con'₂ tsá₃ ŋó₅ ně₁jua'₂ ca₂guáin'₃ co₂tiá₂, jo₅₄ rě₂güín'₃ 'nia'₂. ³⁷ Jaun₂ jág₁ a₂juig₂ jniá'₂ 'nia'₂ la₂, juig₂ ca₂le₃jín₃: “iChan'₂ 'nia'₂ rě₂jáng'₁!”

14

Ca₂quin'₃ dsa₂ jág₁ a₂tsáin'₂ Jesús
(Mateo 26:1-5; Lucas 22:1-2; Juan 11:45-53)

¹ Tin₃ jmig₄ né'₃ a₂tě₅₄ Jmig₄ Tě₂'in₅₄, a₂guě'₅ dsa₂ i₁ŋí'₄ 'ua'₂ a₂tsá₃ jui₁ levadura quian'₅₄, jaun₂ juig₅₄ jme₂dsa₂, tě₅juá'₅ ně₃ ca₂'náu'₃ jui₅ 'a₂ lia'₂ tsáin'₂ Jesús quian'₅₄ caun₂ mai₅₄, jaun₂ jŋag'₃. ² Jaun₂ ca₂dsia₃ jág₁, juá'₂:

—La₁ tsá₃ 'nió'₅ jmó₁ jniog₄ tě₃ niog₅ jmig₄, jme₁né₄, ia₁ con'₂ tsá₃ ŋó₅ ně₁jua'₂ ca₂tó'₂ dsa₂ juig₂ mi'₅₄.

Jan'₂ 'io₅₄ ca₂tsáin₂ no'₅₄ mi₂juig₂ Jesús
(Mateo 26:6-13; Juan 12:1-8)

³ Lia'₂ con'₂ 'ein₅₄ guě'₄ juig₂ Betania ja₁quió'₄ i₂tě'₂ dsa₂ Si₂mu₅₄ 'Mé'₅ 'Iog₅, jaun₂ ca₂dsióg₃ jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄, a₂lě₅ jmá'₃

† 13:23 o₃, “ŋí₂ 'nia'₂”. † 13:25 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsi₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. § 13:25 Isaías 13:10; 34:4. * 13:30 o₃, “né'₃ a₂dsián₃ dsa₂ i₂lín₅ raza la₂.”

no' ⁵⁴ quió' ⁵ mi' ¹ au' ² nardo. Jaun' ² ca' ² niá' ³ ni' ¹ tsí' ⁵, jaun' ² ca' ² ág' ² no' ⁵⁴ mi' ² dsi' ⁴ Jesús.

⁴ Jaun' ² i' ² lin' ⁵⁴ dsa' ² i' ² tion' ⁵⁴ ja' ¹ jaun' ², dséin' ² ca' ² t'ín' ², jaun' ² ca' ² dsia' ³:

—Tsá' ³ ne' ⁴ 'e' ² lē' ³ nē' ² éin' ² no' ⁵⁴ mi' ² juig' ² quió' ⁵. ⁵ Jua' ⁵⁴ co' ² nei' ⁵⁴ bá' ⁴ nē' ² nag' ³ quian' ⁵⁴ 'ni' ⁵ 'ñiá' ² -láu' ² 'éi' ³ cu' ⁴ denario, jaun' ² jme' ¹ jme' ² oin' ⁵⁴ dsa' ² te' ² ñé' ².

Jaun' ² ca' ² dséin' ³ quian' ⁵⁴ 'io' ⁵⁴ 'éi' ².

⁶ Jaun' ² ca' ² juá' ² Jesús:

—Tsá' ³ lē' ¹ lein' ⁵⁴. ¿'E' ² lē' ³ cuē' ² 'nia' ² o' ² me' ⁵⁴ dsi' ⁵? A' ² nē' ² jmóg' ² nē' ⁵, caun' ² a' ² dse' ³ bá' ⁴ nē' ⁵. ⁷ Ca' ² le' ³ jē' ³ jmig' ⁴ bá' ⁴ i' ² nio' ⁴ dsa' ² te' ² ñé' ² jin' ⁴ 'nia' ²; lé' ² bá' ⁴ jme' ¹ oin' ¹, chi' ² jua' ² líg' ² 'niog' ² 'nia' ² jme' ¹ oin' ¹. La' ¹ jniá' ² nē' ³ tsá' ³ ma' ³ uē' ² 'en' ⁵⁴ jniá' ² quian' ⁵⁴ 'nia' ². ⁸ 'Io' ⁵⁴ nē' ⁵, nē' ² jmo' ³ 'a' ² con' ² jñia' ⁵⁴ le' ³ qui' ⁵⁴ jmig' ⁴ jmo' ³. Ma' ² nē' ² tsáng' ² tē' ² jñiá' ⁵ no' ⁵⁴ mi' ² juig' ² quió' ³, ma' ² nē' ² jmóg' ² co' ² jñia' ⁵⁴ jē' ¹ ma' ² tē' ² rē' ¹ ong' ³. ⁹ A' ² dsi' ² jó' ³ juig' ² jniá' ² 'nia' ², ca' ² le' ² con' ² mi' ² güig' ³ ja' ¹ 'ē' ² dsa' ² jág' ¹ dse' ³ quió' ³, ján' ³ bá' ⁴ le' ² jaun' ² dsiog' ² dsí' ⁵ dsa' ² 'iin' ³ 'io' ⁵⁴ nē' ⁵.

Jmo' ⁵ Judas caun' ² jág' ¹ a' ² 'ni' ²³ Jesús

(Mateo 26:14-16; Lucas 22:3-6)

¹⁰ Jaun' ² nē' ³ Judas Iscariote i' ² jme' ¹ lin' ⁴ jan' ² chi' ² dsi' ² guia' ³ -tín' ² quián' ⁵ Jesús, ñei' ⁵⁴ i' ² dsia' ² jág' ¹ quian' ⁵⁴ juig' ⁵⁴ jme' ² dsa' ² a' ² jáng' ². ¹¹ Jaun' ² 'io' ² jmo' ⁵ dsa' ² can' ⁵⁴ jme' ¹ ca' ² nág' ², jaun' ² ca' ² jén' ³ cu' ⁴. Jaun' ² guē' ⁴ nē' ³ ca' ² 'náu' ³ Judas dsí' ⁵ 'a' ² lia' ² cuin' ⁵ jmig' ⁴ a' ² jñin' ² Jesús, jaun' ² tsáun' ² dsa' ².

Má' ³ jē' ¹ ca' ² tó' ² quió' ⁵ Te' ¹ gui' ⁵⁴

1 Corintios 11:23-26)

¹² Jmíg' ⁴ le' ² uig' ⁵⁴ a' ² niog' ⁵ Jmíg' ⁴ Tē' ² in' ⁵⁴ a' ² guē' ⁵ dsa' ² i' ² ñí' ⁴ a' ² tsá' ³ quian' ⁵⁴ levadura, jmíg' ⁴ a' ² jme' ¹ jme' ² dsian' ⁵ dsa' ² j' ² cha' ² quián' ⁵ jmíg' ⁴, jaun' ² ca' ² ñag' ³ chi' ² dsi' ² guia' ³ -tín' ² ca' ² jñi' ³ Jesús:

—¿A' ² j' ⁴ 'niog' ² dsi' ¹ jmó' ¹ jnia' ⁵⁴ co' ² jñia' ⁵⁴ má' ³ Jmíg' ⁴ Tē' ² in' ⁵⁴ quiáng' ²?

¹³ Jaun' ² ca' ² chein' ³ on' ³ chi' ² dsi' ² guia' ³ -tín' ² quián' ⁵, ca' ² juá' ²:

—O' ² n' ⁵ 'nia' ² jē' ⁴ juig' ². Ja' ¹ jaun' ² jen' ² 'nia' ² jan' ² dsa' ² ñe' ² i' ² quion' ² jmíg' ² quian' ⁵⁴ ni' ¹ dsig' ¹. Jaun' ² o' ¹ 'én' ³ 'nia' ² dsa' ² 'éi' ². ¹⁴ Dsi' ² néi' ² ja' ¹ 'í' ² 'éi' ², juig' ⁵⁴ dsa' ² juig' ⁵⁴ dsi' ² néi' ²: “Le' ² la' ² juá' ² tē' ⁵, ¿Na' ² dsi' ² néi' ² ja' ¹ guē' ⁴ Jmíg' ⁴ Tē' ² in' ⁵⁴ co' ² lē' ⁵ quian' ⁵⁴ chi' ² dsi' ² guia' ³ -tín' ² quiáng' ³?” ¹⁵ Jaun' ² 'éi' ² nē' ³, 'ē' ³ caun' ² dsi' ² néi' ² juē' ² ja' ¹ lē' ⁴ guei' ⁵⁴ a' ² ma' ² lē' ⁵ co' ² jñia' ⁵⁴. Ja' ¹ jaun' ² o' ² jmo' ⁴ 'nia' ² co' ² jñia' ⁵⁴ má' ³ que' ⁵⁴ jniog' ⁴.

¹⁶ Jaun' ² ca' ² i' ³ lén' ² bá' ⁴ dsa' ² on' ³ 'éi' ². Jme' ¹ ca' ² dsi' ³ lén' ² jē' ⁴ juig' ² nē' ³, ca' ² dsó' ² lia' ² con' ² lē' ⁵ jág' ¹ ca' ² juá' ² Jesús. Jaun' ² ja' ¹ jaun' ² ca' ² jmo' ³ co' ² jñia' ⁵⁴ má' ³ a' ² guē' ³ Jmíg' ⁴ Tē' ² in' ⁵⁴.

¹⁷ Jme' ¹ ca' ² nei' ² jaun' ², ca' ² dsiog' ³ Jesús quian' ⁵⁴ ta' ¹ guia' ³ -tín' ² chi' ² dsi' ² guia' ³ -tín' ².

¹⁸ Jme' ¹ ma' ² tián' ⁵ guē' ⁵, jaun' ² ca' ² juá' ² Jesús:

—A' ² dsi' ² j' ³ juá' ⁵ jniá' ² la' ², jan' ² 'nia' ² i' ² guē' ⁵ jniá' ² co' ² lē' ⁵ quiang' ⁵⁴ bá' ⁴ i' ² jang' ² jniá' ².

¹⁹ Jaun' ² nē' ³ ca' ² tá' ² 'lia' ² dsí' ⁵ 'ñio' ⁵ lin' ³ tián' ⁵, jaun' ² ca' ² jme' ³ liog' ³ ca' ² jñi' ³ Jesús le' ² jain' ² le' ² jain' ², ca' ² juá' ²:

—¿On' ¹ jua' ⁵⁴ jniá' ² 'ág' ⁵?

²⁰ Jaun' ² ca' ² ñag' ³ Jesús:

—Jan' ² 'nia' ² i' ² lē' ² guia' ³ -tíng' ² i' ² tiá' ² mi' ² gu' ² co' ² lē' ⁵ 'ñió' ³ uing' ⁵ quian' ⁵⁴ jniá' ².

²¹ Dsón' ² bá' ⁴ dsau' ⁵ Jaun' ⁵ dsa' ² mi' ² güig' ³ 'ein' ⁵⁴ jui' ⁵ dsó' ³ lia' ² con' ² lē' ⁵ juá' ² ne' ⁴ Si' ²; la' ¹ 'e' ² guē' ⁴ juig' ² dsa' ² i' ² jáng' ²! Jme' ¹ dse' ³ quió' ⁵ jua' ⁵⁴ co' ² nei' ⁵⁴ bá' ⁴ tsá' ³ ca' ² rē' ³ cháin' ³.

²² Tē' ² lia' ² tián' ⁵ guē' ⁵, ca' ² jña' ³ Jesús i' ² ñí' ⁴, ca' ² cuē' ³ ti' ¹ mag' ⁴ Diú' ⁴, jaun' ² guē' ⁴ nē' ³ ca' ² dsioin' ³, ca' ² cuē' ³ chi' ² dsi' ² guia' ³ -tín' ² quián' ⁵. Jaun' ² ca' ² juá' ²:

—Qué'₂ 'nia'₂, ia₁ n̄i₃ bá₄ jniá₂ i₁n̄j'₄ la₂.

23 Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuě'₃ ti₁'mag'₄ Diú₄, jaun₂ guě₄ ca₂cuě'₃ chi'₂ dsi₂guia₃-tin₂. Jaun₂ ca₂le₃jín₃ bá₄ ca₂'in'₃. 24 Ca₂juá'₂ Jesús:

—Jm̄i₃ bá₄ jniá₂ la₂, a₂li'₅₄ jág₁ 'm̄i₂ a₂tē₃ron₅₄,* a₂niog₅ dsi₃'o₅₄ o₄quió'₄ juin₅ dsa₂. 25 Dsón'₂ juá'₅ jniá₂, tsá₃ ma líg'₂ jmiḡ₄ jua'₅₄ a₂gui'₅₄ guě₄ táng₃ vino ca₂lia'₂ ca₂tē₂ jmiḡ₄ i₁gui'₄ táng₃ caun₂ vino 'm̄i₂ co₂lē₅ quiang'₅₄ 'nia'₂ ja₁gon₂ Diú₄.

Ca₂juá'₂ Jesús a₂tsá₃ tion₃ Pe₄ a₂cuḡ₂₃
(Mateo 26:30-35; Lucas 22:31-34; Juan 13:36-38)

26 Jme₁ca₂lē₃ 'ē₂₃ jme₂juin'₂ Diú₄, jaun₂ guě₄ i₃lén₂ juī₅ Má'₂ Olivos. 27 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tin₂:

—Ca₂le₃jín'₃ bá₄ 'nia'₂ tiá'₃ jén₂ 'au'₂, 'ág'₁ 'nia'₂ caun₂-tin₃ 'au'₂; ia₁ rē₂ton₅ ne₄ Si₂ ja₁juá'₂: “Jn̄j'₄ jniá₂ dsa₂ i₂jn̄ia₅ já'₂ cha'₂, jaun₂ já'₂ cha'₂ ně₃ dsi₃lén₂ tsīrē₂jain₅₄.”† 28 La₁ cang₂ jē₁ma₂ca₂jeng'₅₄ táng₃, nei₅₄ jniá₂ jn̄iḡ₅ juī₅ Galilea lia'₂ con'₂ guě₄ 'nia'₂.

29 Jaun₂ ně₃ ca₂ḡag₃ Pe₄:

—O₁jn̄ia'₅₄ la₂ ca₂'ág₂ caun₂-tin₃ dsi₅ ca₂le₃jín₃ ríng'₃, la₁ jniá₂, o₁líg'₂ jmiḡ₄ tsá₃ 'ag₅₄ caun₂-tin₃ dsi₃.

30 Jaun₂ ca₂juá'₂ Jesús:

—A₂dsi₂jó'₃ juá'₅ jniá₂, a₂'uē₂ ně₃, né'₃ a₂'ó₃ jē₁ca₂tē₂ tin₃ ráun₂† tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'nī₅ ráun₂ a₂cuḡ'₂ jniá₂.

31 Jaun₂ ca₂ḡag₃ táng₃ Pe₄:

—O₁jn̄ia'₅₄ la₂ ca₂dsau₃ jniog₄ co₂lē₅, o₁líg'₂ jmiḡ₄ jua'₅₄ a₂tsá₃ 'ín₄ jniá₂ 'ne₂. Le₂jaun₂ bá₄ ca₂juá'₂ ca₂le₃jín₃ riin'₅₄ ján₃.

Ca₂chi₃lén'₂ Jesús Diú₄ caun₂ ja₁chei₂ Getsemaní
(Mateo 26:36-46; Lucas 22:39-46)

32 Jaun₂ ca₂dsi₃lén₂ caun₂ ja₁chei₂ Getsemaní. Jaun₂ ca₂juá'₂ ca₂tsí'₃ chi'₂ dsi₂guia₃-tin₂:

—Ja₁lá₃ tián'₂ 'nia'₂, tē₁lia'₂ i₁chi₁leng'₄ Diú₄.

33 Jaun₂ ca₂jn̄iaḡ₃ Pe₄, Jacobo, Juan₅₄ ně₃. Jaun₂ ca₂rē₃lióg₃ ca₂tá'₂ quian₅ o₂l₁ dsi₅ 'nio₅ lín₃. 34 Jaun₂ ca₂juá'₂ ca₂tsí'₃ i₂ún₂ i₂quian'₅₄:

—'Nio₅ lín₃ quian₅₄ o₂l₁ dsi₅, ca₂lia'₂ jmá'₃ le₃jóng₂ tē₂ně₃. Ja₁lá₃ tián'₂ 'nia'₂ jme₁jn̄io₂ 'nia'₂ ne'₅₄.

35 Ca₂juḡ₄ bá₄ ca₂ḡó₃ guě₄ ne₄ juī₅. Ja₁jaun₂ ca₂tón₂ tē₂ 'uē₃, ca₂mi₃ ca₂tsí'₃ Diú₄, jua'₅₄ lé₂ bá₄ le₃lé₂ a₂tsá₃ dsi₃n̄j̄i₂ uig₅ 'e₂ niog₅ dsi₃n̄j̄i₂ hora jaun₂. 36 Tē₃jē₄ chi₂lén'₂ Diú₄, ca₂juá'₂:

—Abba, Š Tia₅₄ quiáng₃, ca₂le₃jē₃ bá₄ lé₂ le₃jmó'₂ 'ne₂. Lio₄ jniá₂ 'e₂ a₂dsi₃n̄j̄i₂ ně₃. La₁ tsá₃ juī₁le₅₄ con'₂ 'nio₃ jniá₂; juī₁le₅₄ bá₄ a₂'n̄io₂ 'au'₂ 'ne₂.

37 Jaun₂ ca₂dsiáin'₃ táng₃ ja₁tián'₄ 'éi₂, la₁ le₁gūin₃ bá₄ 'éi₂ tián'₅ ně₃. Jaun₂ ca₂tē'₃ Pe₄, ca₂juá'₂:

—¿Rē₁gūin'₃ bá₄ 'ne₂, Si₂mu₅₄? ¿Tsa₁ tiang'₃ jua'₅₄ caun₂ hora bá₄ jme₁jniog'₂ guě₄ ne'₅₄? 38 Jme₁jn̄io₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsī₃sén'₂ 'nia'₂ dso₄. Dsón'₂ bá₄ 'nio₂ dsi₅ jme₂dsi₂ quián'₂ 'nia'₂, la₁ ni₁n̄i'₁ guion'₅₄ bá₄ 'nia'₂ 'uan₅₄.

* 14:24 'Nio'₂ ja₁ton₅ Éxodo 24:8; Jeremías 31:31-34; Hebreos 10:29; 13:20. † 14:27 Zacarías 13:7.

† 14:30 A₂lín₅₄ chog₅₄ si₂ tsá₃ chi₁ton₅ “jē₁ca₂tē₂ tin₃ ráun₂.” § 14:36 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

39 Jaun₂ n₃ó₃ bá₄ táng₃ i₁chi₂i₁lein'₄ Diú₄. Ján₃ bá₄ jág₁ le₂jaun₂ ca₂juá'₂ táng₃.
40 Jaun₂ guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güín₃ bá₄ táng₃ 'éi₂ tián'₅,
ia₁ a₂ñí₄ lē₃ 'ñio₅ lín₃ ma₂i₁güín₃. Jaun₂ tsá₃ 'e₂ ñi₅ ñag₃. 41 Jaun₂ jme₁dsiáin'₃
táng₃ ja₁tián'₄ 'éi₂ jē₁ca₂tē₂ 'nag'₂ ráun₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güíng'₃? Co₂nē₅ bá₄ ně₃. Ca₂tē₂ bá₄
hora ně₃. Ní₂'nia'₂. Ma₂rē₂jín'₅₄ bá₄ Jaun₅ dsa₂ mi₂güíng₃ o₄gú₃ dsa₂ i₂le₁cán'₄ dso₄.
42 Nau₂ 'nia'₂ ně₃, ma₃, ia₁ ně₅ ma₂já₅ i₂jáng'₂.

Ma₂le₁te₂ dsa₂ Jesús

(Mateo 26:47-56; Lucas 22:47-53; Juan 18:2-11)

43 Dsi₂jui₅ tē₃jē₄ dsia₂₃ jág₁ jaun₂, ca₂dsi₃óg₃ Judas, i₂lín₅ jan₂ dsa₂ i₂guia₃-tín₂.
Jui₅ lín₃ dsa₂ i₂ja₂lén₂ quiong'₅₄ qui₂le₁quian₅ ñi₁tág₂, i₂le₁quian₅ ni₁'ma₂ ně₃,
i₂chen₄ quián₅ jui₅g₅₄ jme₂dsa₂, quian'₅₄ tē₅juá'₅, ca₂le₃jín₃ guē₄ dsi₂gui'₅₄ can'₅₄
ně₃. 44 Jaun₂ Judas ně₃, ia₁ ma₂ca₂jmo₃ bá₄ jág₁ le₂jñiá'₅ 'e₂ léi₄ jmo₃ jē₁ma₂tē₂
rē₁jáng'₂, jme₁ma₂juá'₂: “I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂, jaun₂ tē'₅₄
'nia'₂, lē₅ 'í₁.”

45 Jaun₂ dsi₂jui₅ jme₁dsi₃óg₃ Judas, ca₂jme₃quiáin₃ con₂ Jesús, jaun₂ ca₂juá'₂:
—jTē₅! —Jaun₂ ca₂chen'₃ quió'₅. 46 Jaun₂ dsi₂jui₅ le₂jaun₂ ca₂jñau'₃ dsa₂,
ca₂tág₃.

47 La₁ jan₂ i₂jme₁chén'₄ cau₅ ně₃, ca₂dsi₂ ñi₁tág₂, ca₂ti₃ caun₂ rē₂gua₄ dsa₂
i₂jme₂ti₃ quián₅ jme₂dsa₂ dsen₅₄. 48 Jaun₂ ca₂juá'₂ Jesús ca₂tsí'₃ dsa₂:

—¿Dsa₂ 'ang₂ líng₅, 'e₂ ja₂nó'₅ 'nia'₂ le₁quian'₄ ñi₁tág₂, 'ma₂ ně₃, a₂tē'₅₄ jniá'₂?
49 Jua'₂ ca₂le₃jē₃ jmi₃g₄ bá₄ 'eng₅₄ jin'₄ 'nia'₂, jme₂tíng₁ dsa₂ i₁dsi₅ guá'₅, tsá₃
ma₂ca₂chong'₂ guē'₂ 'nia'₂ ja₁jaun₂. La₁ lē₂ le₂nē₅, ia₁jaun₂ le₃ti₃ con'₂ lē₅ juá'₂
ne₄ Si₂.

50 Jaun₂ qui₂ca₂cuíng₃ bá₄ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

Ds₂o₂ i₂ca₂cuíng₃ tē₃rē₂ñí₅

51 Tē₃jē₄ jaun₂, n₃ó₃ jan₂ ds₂o₂ rē₂bóin'₅ caun₂ tsi₁'mi'₂ tió₃g₃, 'ein₂₃ Jesús. 52 Jaun₂
jme₁ca₂jñau'₃ dsa₂, la₁ ca₂lóin₂ bá₄, jmá'₃ tsi₁'mi'₂ bá₄ ca₂lí'₃ dsa₂. Jaun₂ ñái'₃ bá₄
tē₃ rē₂ñí₅.

Ma₂chén'₅ Jesús ne₄ dsi₂tan₅₄ quián₅ guá'₅

(Mateo 26:57-68; Lucas 22:54-55, 63—71; Juan 18:12-14, 19—24)

53 Jaun₂ ca₂tág₃ dsa₂ Jesús i₁jo₅₄ ne₄ jme₂dsa₂ dsen₅₄, jaun₂ ca₂ñi'₂ ca₂le₃jín₃
jui₅g₅₄ jme₂dsa₂, quian'₅₄ dsi₂gui'₅₄ can'₅₄, tē₅juá'₅ ně₃. 54 Pe₄ ně₃ ca₂ñó₃ uíng₂
tē₂quíin₃ 'ein₂₃ Jesús ca₂tē₂ i₁dsi₅ quió'₅ jme₂dsa₂ dsen₅₄. Ja₁jaun₂ ca₂guá'₂ cau₅
si₂ quiain'₅₄ 'lió₂g₂, ca₂jme₃dsioin'₂.

55 Jaun₂ jui₅g₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ ně₃,
qui₂ca₂'náu'₃ jui₅ 'a₂ lia'₂ bóin'₂ dso₄ Jesús ia₁jaun₂ jñag'₃. La₁ tsá₃ dso'₂ guē'₂
jui₅ 'e₂ dso₄ jme₃cáu'₂, 56 ia₁ jui₅ i₂qui₂ca₂jmo₃ jág₁ tē₂jág₁ a₂bóin'₂ dso₄ Jesús,
la₁ tsá₃ tē₃tsi'₅₄ guē'₂ jág₁ quió'₅ tíoín'₅₄. 57 Jaun₂ i₂lín₅₄ ně₃ qui₂ca₂nau₂ ca₂jmo₃
jág₁ tē₂jág₁ a₂'ni₂₃ Jesús, ca₂juá'₂:

58 —Ma₂néi₁ jnia'₅₄ juá'₂ i₂nē₅: “A₂'éng₄ guá'₅ templo a₂ca₂jmo₃ dsa₂ mi₂güíng₃,
jaun₂ quian'₅₄ 'ni₅ jmi₃g₄ jmóg'₄ táng₃ 'ñio₃ caun₂ guá'₅ siá'₂, on₃jua'₅₄ lia'₂ lē₅ guá'₅
ně₅ a₂ca₂jmo₃ dsa₂ mi₂güíng₃.”

59 On₃ guē'₂ quian'₅₄ jág₁ jaun₂ ca₂lí'₃ jág₁ rē₂.

60 Jaun₂ ca₂nau₂ jme₂dsa₂ dsen₅₄ tē₃jē₄ tíoín'₅₄ jaun₂, jaun₂ ca₂ñí'₃ Jesús
ca₂juá'₂:

—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ ně₅ jme₂cáu'₂ dsa₂ quiang'₂?

61 La₁ tei₄ bá₄ ca₂nau₂ Jesús, tsá₃ ma₃'e₂ ca₂ɲag₃. Con'₂ siá'₂ ca₂ɲag₃ táng₃ jme₂dsa₂ dsen₅₄, ca₂juá'₂:

—¿Dsón'₂ 'ne₂ líng'₅ dsa₂ I₂rē₂ 'ín₁, Ja₁ɲi'₅₄ I₂jɲi₅ó₅?

62 Jaun₂ guě₄ ca₂ɲag₃ Jesús:

—Ján₅, jniá₂ bá₄ líng₅. Ján₃ bá₄ tē₃ ne'₅₄ 'nia'₂ jē₁ma₂tē₂ rē₁guá₃ Jaun₅ dsa₂ mi₂güí₃ tē₂le₃ gu₂ ne₁ quió'₅ i₂'uan'₂, jaun₂ ján₃ bá₄ jag'₅₄ 'nia'₂ jē₁ma₂tē₂ rē₁jɲi₅ó₅'₂ táng₃ jē₄ jnei₅ guei'₅₄.

63 Jaun₂ jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ɲiog₅, * jaun₂ ca₂juá'₂:

—¿'E₂ guě₄ jmá'₃ jág₁ 'lióng₂ 'niog₂ jniog₄ jua'₅₄ a₂jáng'₃ guě₄ dsa₂ sián'₂ jág₁ dsau₅? 64 Ma₂nē₂nei'₂ bá₄ 'nia'₂ guiong'₅₄ a₂ma₂nē₂juá'₂ i₂nē₅ 'iin₂₃ Diú₄. ¿'A₂ lia'₂ juá'₂ 'nia'₂?

Jaun₂ ca₂le₃jín₃ dsa₂ ca₂juá'₂ tioin'₅₄, ca₂tíin₂ jóin₂ bá₄.

65 Jaun₂ ca₂jme₃lióg₃ i₂lín₅₄ qui₂ca₂'ɲéi₃ quió'₅ Jesús, qui₂ca₂lio₃ dsa₂ dsine₅₄, jaun₂ qui₂ca₂jno₂ ně₃ tioin'₅₄, jaun₂ juá'₂:

—¿Dsi₄ jág₁ jua'₅₄ 'ein₂ nē₂quein₃ quiáng'₂!

Chi'₂ 'i'₅₄ quián₅ guá'₅ ně₃, ján₃ bá₄ qui₂ca₂cuē₃ ja'₂ tioin'₅₄.

Tsá₃ ca₂tion₃ Pe₄ a₂cuin₂₃ Jesús

(Mateo 26:69-75; Lucas 22:56-62; Juan 18:15-18, 25—29)

66 I₁dsi₅ ca₁'né₄ 'uē₃ bá₄ jme₁guá₄ Pe₄. Jaun₂ ca₂dsióg₃ jan₂ 'io₅₄ i₂jme₂ti₃ ta₁ ne₄ jme₂dsa₂ dsen₅₄, 67 jaun₂ ca₂jín₂ Pe₄ guá₅ jme₂dsioin'₂, jaun₂ ca₂jág₂ 'io₅₄ tiá₂, ca₂juá'₂:

—¿Ján₃ guě'₂ jme₁quian'₄ 'ne₂ Jesús Nazareno ó₃?

68 La₁ tsá₃ ca₂tion₃ Pe₄.

—Tsá₃ guion₅₄, on₃ guě₄ ɲíg'₂ 'e₂ a₂juá'₂ 'ne₂.

Jaun₂ ca₂nau₂ Pe₄ ca₂o₃'ín₃ ca₂i₁nau₂ tē₂le₃ ca₁'né₄ ja₁lē₄ corredor. Tē₃jē₄ jaun₂ ca₂'o₃ tē₁guí₄ dsó₂. 69 Con'₂ siá'₂ ca₂jág₃ táng₃ 'io₅₄ ca₂jín₂ Pe₄, jaun₂ ca₂juá'₂ ca₂tsí'₃ dsa₂:

—Jan₂ rin'₅₄ 'éi₂ bá₄ ně₅.

70 La₁ ján₃ bá₄ le₂jaun₂ tsá₃ ca₂tion₃ Pe₄. Jme₁co₂lág₂ jaun₂, dsa₂ i₂tián'₅ quian'₅₄ Pe₄ ca₂juá'₂:

—Dsón'₂ rin'₅₄ 'éi₂ bá₄ líng'₅, ia₁ ján₃ bá₄ Galilea chang'₂.

71 Jaun₂ ně₃, Pe₄ ca₂'iin₃ Diú₄ ca₂mi₃ a₂dsi₃ɲí₂ 'e₂ dsi₃ɲí₂, ca₂juá'₂:

—¿Tsá₃ cuíng₅ dsa₂ i₂'ín₅ 'nia'₂!

72 Dsi₂jui₅ jaun₂ ca₂'o₃ táng₃ tē₁guí₄ dsó₂ a₂ca₂tē₂ tin₃ ráun₂. Jaun₂ guě₄ ně₃ ca₂dsáu'₃ dsí₅ Pe₄ a₂ca₂juá'₂ Jesús le₂jɲiá₅: “Né'₃ a₂'o₃ jē₁ca₂tē₂ tin₃ ráun₂ tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jme₁ca₂dsáu'₃ dsí₅ jág₁ ně₅, jaun₂ guě₄ ca₂'o₃ 'ɲio₅ lín₃.

15

Chén'₅ Jesús ne₄ Pilato

(Mateo 27:1-2, 11—14; Lucas 23:1-5; Juan 18:28-38)

1 Dsi₂jui₅ jme₁nia₃ táng₃ jaun₂, ca₂ɲi'₂ juig₅₄ jme₂dsa₂ quian'₅₄ dsi₂gui'₅₄ can'₅₄, quian'₅₄ ca₂le₃jín₃ tē₅juá'₅, ca₂le₃jín₃ guě₄ i₂lín₅ dsi₂tan₅₄ quián₅ guá'₅ ně₃. Qui₂ca₂ɲí'₃ rin'₅₄ ca₂jmo₃ caun₂ jág₁. Ca₂'néi'₂ Jesús tioin'₅₄, jaun₂ ca₂i₁jio₃ ne₄ Pilato. 2 Jaun₂ ca₂ɲag₃ Pilato:

* 14:63 Jme₁chí'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'₅₄ cuē₂₃ léi₄ jē₁ma₂'í₅ 'nei₂ dsí₅, o₃ jme₁'i₄ qui'₂ dsí₅.

—¿Dson'₂ líng'₅ Rag₅₄ quián₅ dsa₂ judíos?

Jaun₂ ca₂ṅag₃ Jesús:

—Le₂nē₅ bá₄, jui₁lia'₂ juá'₂ 'ne₂ nē₅.

³ Jaun₂ caun₂ qui₂ca₂'nag₃ guě₄ juig₅₄ jme₂dsa₂ 'lióng₂ ne₅₄ dso₄ ca₂bóin'₂ Jesús.

⁴ Jaun₂ con'₂ siá'₂ táng₃ ca₂ṅag₃ Pilato ca₂ṅí'₃ Jesús, ca₂juá'₂:

—¿Tsa₁ a₂ṅag'₅₄? Nē₅ bá₄ nag'₂ 'ṅiag'₂ 'lióng₂ dso₄ a₂bóg'₂ dsa₂.

⁵ La₁ tsá₃ ma'₃e₂ ca₂ṅag₃ Jesús 'i₁caun₂. Jaun₂ jě₃ ca₂l₃gó'₃ dsí₅ Pilato.

Ca₂o₃'áq₃ 'éi'₃ a₂jón₂ Jesús

(Mateo 27:15-31; Lucas 23:13-25; Juan 18:38--19:16)

⁶ Jmíg₄ jaun₂ jme₁chí'₄ tag₄ a₂lión₂ ca₂le₃jě₃ ṅi₂ jan₂ dsa₂ i₂'en₅₄ né'₃ 'má₃, jme₁tē₅ Jmíg₄ Tē₂'in₅₄, 'ein₂ ca₂'in₃ dsa₂ juig₂ i₂lión₂. ⁷ Jaun₂ jme₁'en₅₄ né'₃ 'má₃ jan₂ dsa₂ i₂chen₂ Barrabás, quian'₅₄ dsa₂ i₂ma₂ca₂jme₃dsian₅ dsa₂ jme₁ca₂nau₂ 'nei₂. ⁸ Jaun₂ ca₂mi₃ dsa₂ juig₂ ca₂tsí'₃ Pilato a₂jmo₃ con'₂ lě₅ tag₄ chí'₅. ⁹ Jaun₂ ca₂ṅag₃ Pilato ca₂tsí'₃ dsa₂ juig₂:

—¿'Niog'₂ 'nia'₂ lon₄ jniá₂ Rag₅₄ quián₅ dsa₂ judíos?

¹⁰ Ia₁ ca₂rě₃lí'₄ bá₄ Pilato 'ṅiog₅ a₂'iog₅₄ uig₅ dsí₅ bá₄ juig₅₄ jme₂dsa₂ ca₂jín'₂ Jesús ne₅₄. ¹¹ La₁ juig₅₄ jme₂dsa₂ nē₃ ca₂toin'₂ jág₁ dsa₂, jaun₂ tóin'₃ co₂mi'₅₄ a₂mi₃ lión₂ Barrabás bá₄. ¹² Jaun₂ ca₂ṅag₃ táng₃ Pilato ca₂tsí'₃ dsa₂ juig₂:

—¿'E₂ guě'₂ 'niog'₂ 'nia'₂ jmo₅₄ jniá₂ quian'₅₄ i₂tē'₂ 'nia'₂ rag₅₄ quiáng'₂?

¹³ Jaun₂ ca₂ṅag₃ dsa₂ juig₂ co₂mi'₅₄ tóin'₅₄, ca₂juá'₂:

—¡Tióin₃ cróg₄!

¹⁴ Jaun₂ ca₂juá'₂ táng₃ Pilato:

—¿'E₂ 'uig₅₄? ¿'E₂ guě'₂ dso₄ ma₂'náu₂?

La₁ tē₂le₃ i₂jui'₂ guě₄ co₂mi'₅₄ ca₂tóin'₂, ca₂juá'₂:

—¡Tióin₃ cróg₄!

¹⁵ La₁ Pilato nē₃, ia₁jaun₂ dsi₃lén₂ dsa₂ tei₄, ca₂lión₂ bá₄ Barrabás i₂mi₅ dsa₂ lión₂. Jme₁ma₂nē₂dsí₃ Pilato 'éi'₃ a₂bán₂ dsa₂ Jesús, jaun₂ ca₂jáng'₂ o₄gú₃ dsa₂ juig₂ jaun₂ tion₃ cróg₄.

¹⁶ Jaun₂ ca₂tág₃ 'lióg₂ Jesús tē₂le₃ i₁dsi₅ ne₄ta₁, (co₂'nió'₄ caun₂ ja₁chei₂ Praetorio), jaun₂ ca₂ṅí'₂ 'lióg₂ ca₂le₃jín₃ riin'₅₄. ¹⁷ Jaun₂ ca₂quei'₃ dsa₂ caun₂ capa 'ui'₃, * jaun₂ ca₂jmo₃ caun₂ corona quian'₅₄ chi₁uíng₃ taun₅, ca₂tó'₂ mi₂dsi₄ Jesús.

¹⁸ Jaun₂ ca₂jme₃lióg₃ qui₂ca₂cuag₃ Diú₄ tóin'₅₄, ca₂juá'₂:

—¡Sian'₃ 'ne₂ Rag₅₄ quián₅ dsa₂ judíos!

¹⁹ Jaun₂ qui₂ca₂bá₂ mi₂dsi₄ Jesús quian'₅₄ ni₁'ma₂ ta₅, qui₂ca₂'ṅéi₂ nē₃ tóin'₅₄, qui₂ca₂chi₃jné₃ nē₃, a₂jme₂juag'₂. ²⁰ Jme₁ca₂lě₃ a₂lě₁co₂jmóg'₂ jaun₂, ca₂dsein₂₃ táng₃ Jesús tsi₁'mi'₂ 'ui'₃ a₂jme₁ca₂quei'₃. Jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guě₄ ca₂ṅiaí₃ Jesús a₂dsi₃tion₃ cróg₄.

Ca₂tion₃ dsa₂ cróg₄ Jesús

(Mateo 27:32-44; Lucas 23:26-43; Juan 19:17-27)

²¹ Jaun₂ ca₂chi₃quiáin₂ jmíg₄ jan₂ dsa₂ i₂'en₅₄ jui₅ jón'₅ ja₁nau₂, i₂chen₂ Si₂mu₅₄ i₂chan₂ juig₂ Cirene, i₂lín₅ jmei₂ Alejandro quian'₅₄ Rufo, a₂cán₂ 'éi₂ cróg₄ quió'₅ Jesús.

²² Jaun₂ ca₂ṅia₃ dsa₂ Jesús caun₂ ja₁chei₂ Gólgota, (co₂'nió'₄ jein₅ jág₁ chei₂ Dsi₂con'₂ Ni₁mu₅ Mi₂dsi₄ 'Lag₄.) ²³ Jaun₂ ca₂jén'₃ ne₄ Jesús vino a₂rě₂cón'₅ quian'₅₄ mirra, la₁ tsá₃ ca₂gue₃ 'éi₂. ²⁴ Jaun₂ guě₄ ca₂tion₃ cróg₄. Dsi₂'lióg₂ guě'₂ nē₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂.

* 15:17 Color 'ui'₃ jui₁lia'₂ 'mi'₂ a₂qui'₅₄ rag₅₄.

25 Con₂ hora η₁ η₃ tē₂ o₃ 'iog₂, † ca₂tion₃ dsa₂ cróg₄. 26 Jaun₂ ca₂tióng₃ letra dsi₄ cróg₄ co₂'nió₄ a₂juá'₂ 'e₂ dso₄ a₂bóin'₂ Jesús, a₂juá'₂: “RAG₅₄ QUIÁN₅ DSA₂ JUDÍOS.” 27 Ján₃ bá₄ ca₂tioin₃ guě₄ on₃ dsa₂ 'ang₂ co₂lě₅ quiong'₅₄, jan₂ tē₂le₃ gu₂ ne₁, jan₂ guě'₂ tē₂le₃ gu₂ jen₅. †

29 Jaun₂ ca₂le₃jín₃ dsa₂ i₂qui₂ca₂η₃ jui₅ jaun₂ qui₂ca₂jnáu'₂ jág₁ uig₅, qui₂bí₂ dsi₅₄, ca₂juá'₂:

—Ia₁, ζon₁ 'ne₂ i₂juá'₂ a₂'éng'₄ guá'₅ con₂ siá'₂ ting'₂ jmog'₅₄ táng₃ quian'₅₄ 'ni₅ jmig₄? 30 Nē₃ ně₃, lion₄ 'ηiag'₂, ja₁tong'₂ ně₅.

31 Ján₃ bá₄ le₂jaun₂ a₂lě₁qui₂co₂jmóg'₂ jui₅₄ jme₂dsa₂, quian'₅₄ tē₂juá'₅, dsia₂₃ jág₁ qui₂tsí'₅ riin'₅₄, juá'₂:

—Ca₂lión₂ bá₄ i₂sián'₂, la₁ 'ηiog₅ bá₄ tsá₃ lé₂le₃lión₃. 32 Jui₁sión₄ cróg₄ I₂rē₂'ín₁ quián₅ Diú₄ ně₅, i₂juá'₂ lín₅ Rag₅₄ quián₅ dsa₂ jui₂g₂ Israel, ia₁jaun₂ tē₅₄ ne₄ jniog₄, ia₁jaun₂ le₃'éin₂.

Le₂jio₅ dsa₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Mateo 27:45-56; Lucas 23:44-49; Juan 19:28-30)

33 Jme₁ca₂tē₂ dsi₃η₁'₃, Š ca₂'ág₂ nei₂ le₂con₂ 'uě₃ jaun₂, ca₂lia'₂ ca₂tē₂ hora η₁ 'ni₅ tē₂le₃ ca₂'láu₂. * 34 Hora jaun₂, ca₂'ηia₂ guě₄ Jesús jág₁, ca₂juá'₂ tiá₂:

—Eloi, Eloi, ζlama sabactani? —co₂'nió₄ a₂juá'₂: Diú₄ quiáng₃, Diú₄ quiáng₃, ζ'e₂ lě₃ ma₂ně₂téi'₃ jniá₂? †

35 I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—iNei₂! Elías i₂jme₁'ě₂ jág₁ quián₅ Diú₄ ma₂líg'₂ tē'₂.

36 Jaun₂ ně₃ ηó₃ jan₂ co₂chi'₅₄ i₁quian₅₄ caun₂ ni₁jau₂ guion₅ jmig₂. Jaun₂ ca₂guioin₃ vino dsi'₃. Jaun₂ ca₂chi₃dsí₂ nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ín₂. Jaun₂ juá'₂:

—O₁ne₄ chi₂jua'₂ jiá₃ Elías jaun₂ sió₂ quió'₅.

37 Cón₂ bá₄ ca₂'ηióg₂ guě₄ Jesús tiá₂ lín₃, co₂tan₅₄ ca₂join₃. 38 Hora jaun₂ dé₄ dsón'₂ co₂dsia₅ ca₂chen₃ ca₂tē₂ guei'₅₄ ca₂tē₂ 'uě₃ ca₂lě₃ tin₃ tsín'₅ tsi₁'mí'₂ pa₁ a₂jme₁'ei₅ dsi₂néi₂ guá'₅ templo. 39 Jaun₂ jui₅₄ 'lióg₂ i₂jme₁chén'₄ cau₅ cróg₄, jme₁ca₂jág₃ 'a₂ lia'₂ ca₂jon₃ Jesús, jaun₂ ca₂juá'₂:

—Tě₃dsón'₂ bá₄ jme₁lín₄ dsa₂ ně₅ Ja₁ηi'₅₄ Diú₄.

40 Jaun₂ bá₄ jme₁tión₂ i₂lín₅₄ 'io₅₄, jág₅ uing₂ ján₃. Jē₄ jaun₂ jme₁chén'₄ María chan₂ Magdala, quian'₅₄ María chog₅₄ i₂chen₂ José, quian'₅₄ i₂chen₂ Jacobo † i₂lín₅ i₂me'₂ guě₄, quian'₅₄ guě₄ jan₂ i₂chen₂ Salomé. 41 'Io₅₄ 'éi₂ ma₂ja₂lén₂ le₂tan₅₄ 'uě₃ Galilea jme₂ti₃ ne₄ Jesús. Ju_{in}₅ bá₄ guě₄ 'io₅₄ sián'₂ i₂ma₂ja₂lén₂ 'ein₂₃ Jesús tē₂ Jerusalén.

Ca₂'on₃ Jesús

(Mateo 27:57-61; Lucas 23:50-56; Juan 19:38-42)

42 Jme₁ca₂tó'₂ nei₂ jmig₄ jaun₂, tion'₅₄ dsa₂ jmo₂₃ co₂jñia₅₄ jui₁lia'₂ 'ióg₃ jmig₄ jñiós. 43 Jaun₂ ca₂dsióg₃ José i₂chan₂ Arimatea, i₂lín₅ jan₂ dsa₂ dsen₅₄ i₂quian'₅₄ dsi₂tan₅₄ quián₅ guá'₅. Ia₁ 'éi₂ ján₃ jme₁chi₁jñia₂₃ a₂'ín₂ dsí₅ a₂guá'₂ 'éi'₃ quió'₅ Diú₄. Jaun₂ ca₂dsia₃ tiá₂ dsí₅ ně₃, ηó₃ ja₁con₂ Pilato, ca₂i₂mí₁₂ 'lag₄ Jesús. 44 Jaun₂ ca₂i₃gó'₃ dsí₅ Pilato jme₁ca₂nág₂ a₂ma₂jon₅ Jesús, jaun₂ ca₂tē'₃ jui₅₄ 'lióg₂ ca₂ηag₃ chi₂jua'₂ dsón'₂ ma₂join₂₃. 45 Jme₁ca₂rě₃ηi₅ ca₂juá'₂ 'lióg₂, “Dsón'₂ bá₄ le₂jaun₂

† 15:25 lit. “hora 'ni₅.” † 15:27 A₂lín₅₄ chog₅₄ si₂ chi₁ton₅ versículo 28, a₂juá'₂ le₂la₂: “Jaun₂ le₂jaun₂ ca₂rě₃ti₃, con₂ lě₅ juá'₂ Si₂ quió'₅ Diú₄: ‘A₂jmá'₂ dsa₂ 'éi₂ jui₁lia'₂ jē₁jmái'₂ dsa₂ i₂rin₂ dso₄.”’” Isaías 53:12. § 15:33 lit. “hora jñéi₂.” * 15:33 lit. “hora ηi₃.” † 15:34 Salmo 22:1. † 15:40 o₃, Santiago.

ma₂ca₂lě₃”, jaun₂ ca₂jín₂ 'lag₄ o₄gú₃ Sě₄ 'éi₂. ⁴⁶ Jaun₂ Sě₄ ně₃ ca₂i₁lia₅ 'mi₂ tióg₃; quian₅₄ a₂jaun₂ ca₂lioin₃ 'lag₄ Jesús jme₁ca₂sió₂ cróg₄. Jaun₂ ca₂to₂ 'ñió₃ tau₂ 'ñio₅ a₂jme₁ma₂lě₅ dso₂ 'ni₁'lau₂. Jaun₂ ca₂mói₂ ca₂míg₂ ni₁cang₁ 'í₂ pa₁, ca₂jne₃ 'o₄ tau₂ 'ñio₅. ⁴⁷ Jaun₂ María i₂chan₂ Magdala quian₅₄ María chog₅₄ José, ca₂tě₂ ne₅₄ ja₁ca₂'on₃ Jesús.

16

Ca₂jen₅₄ Jesús

(Mateo 28:1-10; Lucas 24:1-12; Juan 20:1-10)

¹ Le₃ca₂gú₃ jmi₄g₄ ñjió₅, jaun₂ María i₂chan₂ Magdala quian₅₄ María chog₅₄ Jacobo, * quian₅₄ guě₄ jan₂ i₂chen₂ Salomé, ca₂i₁lia₅ no₅₄ mi₂juig₂ a₂jme₁dsi₃tsáng₃ ni₁ñi₁ 'lag₄ Jesús. ² Jaun₂ le₁ně₃ guě₄ jme₁ñia₃ jmi₄g₄ le₂'uig₅₄ semana, ca₂i₃lěin₂ ja₁chi₁'on₅ Jesús, ca₂dsi₃lěin₂ con₂ ma₂'en₅ ca₂la₂ 'iog₂. ³ Jaun₂ dsia₂₃ jág₁:

—¿Ein₂ jme₃'o₅₄ jniog₄ mói₂ cau₅ ni₁cang₁ a₂chi₁ñi₅ 'o₄ tau₂ 'ñio₅?

⁴ La₁ jme₁ca₂jág₃ ně₃, jua₂ ma₂rě₂mu₅, cau₅ bá₄ ma₂chí₅. Ia₁ a₂jme₁pa₁ lin₃ bá₄ ni₁cang₁. ⁵ Jaun₂ ca₂i₃toin₅₄ 'ñió₃, jaun₂ ca₂jín₂ jan₂ dsa₂ chi₂ i₂qui₂ 'mi₂ chen₅₄ tiog₂, guá₅ tě₂le₃ gu₂ ne₁ ja₁i₃lěin₂ jaun₂. Jaun₂ ca₂i₃gó₃ dsí₅ 'io₅₄ ně₃. ⁶ La₁ ca₂juá₂ dsa₂ 'éi₂:

—Tsá₃ ju₁dsi₂gó₃ 'au₂ 'nia₂. A₂'na₂ Jesús bá₄ 'nia₂ i₂niog₅₄ i₂ca₂jon₃ ca₂tion₃ dsa₂ cróg₄. La₁ ma₂ca₂jein₅₄ bá₄. Tsá₃ 'éi₂ chan₂ ja₁lá₃. Ně₅ jag₄ 'nia₂ ja₁ca₂quio₅ dsa₂. ⁷ Jaun₂ o₂nó₅ 'nia₂ o₂chei₅₄ chi₂ dsí₂guia₃-tín₂ quiáin₅, Pe₄ ně₃, a₂ma₂'ein₅₄ ju₁ñó₅ ñjiá₅ lia₂ con₂ guě₄ 'nia₂ ju₁ Galilea. Ja₁jaun₂ o₁jín₄ 'nia₂ con₂ lě₅ jág₁ quió₅ ma₂ca₂juá₂.

⁸ Jaun₂ ca₂'uín₂ tau₂ 'ñio₅ i₃lein₃ cuing₂₃, dsí₂gó₃ dsí₅ jlein₂₃. Tsá₃ 'ein₂ ca₂tsí₃ le₂'i₄ ju₁, ia₁ a₂gó₅ bá₄ i₃lein₃.

Ca₂jme₃ñia₅ Jesús ne₄ dsa₂ quiáin₅†

(Juan 20:11-18)

⁹ Jaun₂ tě₂le₃ o₂'iog₂ jmi₄g₄ le₂'uig₅₄ a₂ca₂rě₃lióg₃ semana a₂ca₂jein₅₄ jaun₂, ca₂jme₃ñia₂₃ le₂'uig₅₄ ne₄ María chan₂ Magdala, i₂ca₂'uín₂ Jesús guion₃ je₂na₅₄ quió₅ le₂ñjiá₅. ¹⁰ Jaun₂ 'éi₂ ně₃ ca₂i₁chi₄ dsa₂ i₂jme₁quian₅₄ Jesús. 'Éi₂ ně₃, tain₅₄ 'lia₂ dsí₅, qui₂'o₂₃ bá₄. ¹¹ Jme₁ca₂nág₂ juá₂ 'io₅₄ a₂ma₂chan₂ táng₃ Jesús, ia₁ ma₂ně₂jág₂ 'io₅₄, la₁ tsá₃ 'ein₂ ca₂rě₃ 'én₂ guě₂ jág₁ jaun₂.

Ca₂jme₃ñia₅ Jesús ne₄ on₃ dsa₂ quiáin₅

(Lucas 24:13-35)

¹² Cang₂ jaun₂ táng₃ ca₂jme₃ñia₅ Jesús le₂siá₂ ne₄ on₃ dsa₂ 'éi₂ quiáin₅, ja₁jme₁i₂noi₅₄ ja₁nau₂. ¹³ Jaun₂ ca₂i₃lein₃ táng₃ ca₂i₁chi₄ riin₅₄. Ján₃ bá₄ le₂jaun₂ tsá₃ 'ein₂ riin₅₄ ca₂rě₃ 'én₂ jág₁ a₂dsia₅ 'éi₂.

Ca₂chen₃ Jesús chi₂ dsí₂guia₃-tín₂ i₂lě₂ guě₄

(Mateo 28:16-20; Lucas 24:36-49; Juan 20:19:23)

¹⁴ Cang₂ guě₄ jaun₂ ca₂jme₃ñia₅ Jesús jin₄ ta₁guia₃-ján₃ con₂ i₂jme₁tén₄ guě₅. Jaun₂ ca₂jí₂ ia₁ 'e₂ lě₃ ñi₄ lě₃ cang₄ dsí₅₄, tsá₃ 'éin₂ a₂juá₂ riin₅₄ i₂ma₂ca₂tě₂ ne₄ a₂ma₂ca₂jein₅₄ táng₃.

¹⁵ Jaun₂ ca₂juá₂ ca₂tsí₃ dsa₂ 'éi₂:

—O₂nó₅ 'nia₂ le₂con₂ mi₂güig₃, o₂'ě₃ jin₄ ca₂le₃jín₃ dsa₂ jág₁ dse₃. ¹⁶ I₂'én₂, i₂ñó₂ jmi₄g₄ ně₃, lióin₂, tíin₄ bá₄. I₂tsá₃ 'én₂ ně₃, le₃chain₂ tain₅₄ 'éi₃ a₂dsi₃'éin₂.

¹⁷ Jaun₂ léi₄ la₂ jme₃quian₅₄ dsa₂ 'én₂. Tě₂le₃ quian₅₄ bí₂ 'éi₃ quió₃ ñjiá₂, 'uín₂

* **16:1** o₃, Santiago. † **16:8** Chog₅₄ si₂ a₂lě₅ gui₅₄ guě₄ tsá₃ le₁ton₅ versículos 9-20.

je₂na'₅₄, ton'₂ dsia₃ dsa₂ jág₁ jmei₅ 'mí₂ ně₃. ¹⁸ Nĕ₁jua'₂ 'ein₂ ca₂jŋa'₃ dsi₂mi'₂, o₃ 'ein₂ ca₂'in'₃ mí₅ 'lig'₅₄, la₁ tsá₃ 'e₂ jén'₄. Qui₂quiog₃ gu₂ ne₄ quió'₅ dsa₂ dso'₅₄, jaun₂ 'lión₂ bá₄ dsa₂.

Ca₂uíg₂ Jesús guei'₅₄ i₂juig₃

(Lucas 24:50-53; Hechos 1:6-11)

¹⁹ Jme₁ma₂lĕ₅ juá₂ Te₁gui'₅₄ Jesús le₂nĕ₅, jaun₂ guĕ₄ ca₂roin'₂ ŋái'₃ guei'₅₄ i₂juig₃, jaun₂ ca₂guá₂ tĕ₂le₃ gu₂ ne₁ quió'₅ Diú₄. ²⁰ Cang₂ jaun₂, dsa₂ i₂jme₁quiain'₅₄ ně₃, ca₂'uin₂ i₁lein₅₄ ca₂le₂con₂ juig₂ i₁'ĕ₄ jág₁. Jaun₂ 'ŋiog₅ bá₄ Te₁gui'₅₄ Jesús ca₂cuĕ₃ bí₂, ca₂jmo₃ léi₄ a₂dsón'₂ dsau₅ jág₁ quió'₅, tĕ₂le₃ quian'₅₄ ca₂le₃jĕ₃ léi₄ juĕ'₂ a₂qui₂ca₂jmo₃ dsa₂ quiáin₅.

Co₂nĕ₅.

Jág₁ Dse₃ quió'₅ Diú₄ a₂ca₂tó'₂ San Lucas ne₄ Si₂

Jág₁ a₂ca₂rë₃lió₃ Si₂ a₂ca₂jmo₃ San Lucas

¹ Juin₅ bá₄ dsa₂ i₂qui₂ca₂nio₃ ne₄ ca₂can₃ ta₁ ca₂tó'₂ ne₄ si₂ ca₂le₃jě₃ jág₁ 'a₂ lia'₂ dsón'₂ niog₅ ca₂lě₃ jě₄ quián₂ jnia'₅₄, ² lia'₂ con'₂ lě₅ ca₂jme₃tag₅ dsa₂ i₂ca₂tě₂ ne₄ lia'₂ con'₂ le₂'uig₅₄ jme₁ca₂rë₃lió₃, ton'₂ ca₂jme₃'o₅₄ ca₂'ě₂ jág₁ dse₃. ³ Ján₃ bá₄ le₂jaun₂, jniá₂ ně₃ ma₂cáun₃ 'í₁ dse₃ lín₃ 'a₂ lia'₂ ma₂já₅ jě₁le₂'uig₅₄, jaun₂ bá₄ líng₂ dsi₂ten₅₄ a₂tó'₄ ne₄ si₂ la₂ ca₂le₃jě₃ lia'₂ con'₂ lě₅, a₂tsíng₂ ne'₅₄ 'ne₂, gui'₅₄ Teófilo,* ⁴ ia₁jaun₂ ŋi'₅₄ dse₃ a₂dsón'₂ tí₅ jág₁ a₂ma₂ca₂rë₃tíng'₃.

'Ě₂ jág₁ ángel quián₅ Diú₄ a₂le₃chan₂ Juan₅₄ i₂chon₃ dsa₂ jmig₂

⁵ Jmig₂ lia'₂ con'₂ jme₁lín₄ Herodes rag₅₄ 'uě₃ Judea, jme₁chan₂ jan₂ jme₂dsa₂ i₂jme₁chen₂ Zacarías, i₂jme₁tén₄ le₃quió'₅ co₂nió'₃ jme₂dsa₂ quián₅ Abías. Dsa₂ mí₂ quián₅ jme₂dsa₂ 'éi₂ ně₃ jme₁chen₂ Elisabet, i₂jme₁lín₄ tsi₁jon₂ quián₅ jme₂dsa₂ Aarón. ⁶ Le₃oin₃ jme₁lín₄ dsa₂ dsen₃ le₃ne₄ Diú₄, jme₁jme₂tí₃ 'éi'₃ quió'₅ Te₁gui'₅₄. A₂chain₂ le₂jaun₂ ně₃, tsá₃ 'ein₂ qui₂le₃bóg'₂ dso₄ jua'₅₄ 'e₂ dso₄ le₃bóg'₂. ⁷ La₁ 'i₁jan₂ guein₂ tsá₃ i₂ma₂ca₂rë₃chán₃ quián₅, ia₁ jme₁lín₄ Elisabet jan₂ 'io₅₄ quen₂. Jme₁ma₂cain'₅₄ ma₂guein'₂ 'ŋio₅ lín₃ jain₂ jain₂.

⁸ Co₂ráun₂, ca₂lě₃ jme₁ca₂tě₂ jmig₄ a₂tín₅₄ jme₂dsa₂ i₂quian'₅₄ Zacarías a₂jme₃tí₃ ta₁ a₂tíóin₂ ne₄ Diú₄, ⁹ a₂jmo₃ lia'₂ con'₂ lě₅ tag₄ chí'₅ quió'₅ jme₂dsa₂. Tě₃jě₄ jmig₄ jaun₂, ca₂o₃ág₃ jág₁ ca₂tín₂ Zacarías, a₂'í₂ dsi₂néi₂ ja₁ŋi₅ quió'₅ Te₁gui'₅₄ a₂dsí'₂ chen₂. ¹⁰ Tě₃lia'₂ 'ein₅₄ dsí'₂ chen₂ ne₄chei₂ ně₃, dsa₂ juig₂ guě'₂ le₃ca₁'né₄ bá₄ le₁ŋi'₂ chi₂lén'₂ Diú₄.

¹¹ Tě₃jě₄ jaun₂ ca₂jme₃jnia₅ jan₂ ángel quián₅ Te₁gui'₅₄ ne₄ Zacarías tē₂le₃ gu₂ ne₁ ja₁lě₄ ne₄chei₂. ¹² Jme₁ca₂jág₂ Zacarías, ca₂ja₃gó'₃ dsí'₅ 'ŋio₅ lín₃, ca₂lia'₂ tsá₃ a₂ŋi₅ jmo₃ ca₂jén'₃. ¹³ La₁ ca₂juá'₂ ángel:

—Zacarías, tsá₃ lě₁jmo₂ gang'₃, ia₁ ma₂nág₂ Diú₄ jág₁ quiáng'₂ a₂chi₁lein'₅₄, jaun₂ le₃chan₂ jan₂ guein₂ dsa₂ ŋe'₂ quián₅ Elisabet dsa₂ mí₂ quiáng'₂. Guein₂ 'éi₂ quiang'₅₄ Juan₅₄. ¹⁴ Jmó'₂ 'io'₂ le₃chang'₂, o₂'ŋi₃ o₂jnia₃ 'au'₂ ně₃, ján₃ bá₄ juin₅ i₂tě₃ dsí'₅ jě₁ma₂chain₂. ¹⁵ Ia₁ lén₂ dsa₂ juin'₂ le₃ne₄ Te₁gui'₅₄. Tsá₃ vino 'ín'₂, on₃ guě'₂ ti₁jmíg₃ ně₃; Jme₂dsí₂ ŋi₅ bá₄ ma₂rë₂rín₅ tē₂dsí'₅ né'₃ a₂le₃chain₂. ¹⁶ Co₃jéin'₂ juin₅ lín₃ dsa₂ juig₂ Israel le₃quió'₅ Te₁gui'₅₄ Diú₄ quián₅. ¹⁷ 'Éi₂ i₂já₅ ne₄ juí₅ quió'₅ Te₁gui'₅₄, 'ein₅₄ jme₂dsí'₂, ton'₂ 'io₂₃ juí₅bí₂ juí₁lia'₂ a₂jme₁'io₅ Elías, a₂jme₃dsiain₁₂ mí₅₄ ja₁con₂ dsa₂, quian'₅₄ chi'₂-guein₂ quián₅, a₂co₃jéin'₂ juí₁lia'₂ i₂tsá₃ ne'₅₄, jme₃tag₂₃ le₃tíin₂ le₃ŋí'₂ a₂dse₃. Le₂ně₅ jmo₃ co₂jnia₅₄ dsa₂ ia₁jaun₂ guein₃ Te₁gui'₅₄.

¹⁸ Jaun₂ ca₂ŋag₃ Zacarías ca₂ŋí'₃ ángel:

—'A₂ bá₄ lia'₂ lé₂ le₃guion₅₄ jniá₂ a₂tí₅ dsón'₂ jág₁ ně₅? Ia₁ dsa₂ ma₂guen'₂ bá₄ jniá₂, le₂jaun₂ guě'₂ dsa₂ mí₂ quiáng₃ i₂ma₂dsi₁juin₅₄ ŋi₂ ján₃.

¹⁹ Jaun₂ ca₂ŋag₃ táng₃ ángel:

—Gabriel bá₄ jniá₂, chéng'₅ le₃ne₄ Diú₄. A₂cheng₅₄ bá₄ guio₃ a₂juá'₄ jág₁ dse₃ la₂ ne'₅₄. ²⁰ La₁ tē₂ně₃, cóng'₂, tsá₃ ma₃jág₁ le₃dsiá'₁ ca₂lia'₂ ca₂lě₃ le₂ně₅, 'uig₅₄ ia₁ a₂tsá₃ 'éng'₂ jág₁ quió₃ a₂le₃tí₃ jě₁ma₂dsin₃ jmig₄ jaun₂.

* 1:3 o₃, “ne₂ i₂'nióg'₃ Diú₄.”

21 Dsa₂ juig₂ ně₃, le₁jñia₂₃ a₂o₃'in₅ Zacarías, dsi₂gó'₃ dsí₅ ia₁ a₂ca₂rě₃'in₄ 'éi₂.
 22 Jme₁ca₂o₃'iin₃ ně₃, la₁ tsá₃ ma₃jág₁ le₂dsia₃, jaun₂ ca₂rě₃lí'₄ bá₄ dsa₂, cha₂ a₂ca₂jág₃ dsi₂néi₂ guá'₅ templo. A₂jñia'₅₄ qui₂bí₂ gu₂ bá₄ jmo₂₃ léi₄, ia₁ ma₂coin₅₄.
 23 Jme₁ca₂dsin₃ jmig₄ a₂jme₃ti₃ ta₁ jaun₂, jaun₂ ñái'₃ bá₄ ja₁quió'₄. 24 Cang₂ jaun₂ ně₃, ca₂can₃ Elisabet dsa₂ mí₂ quiáin₅ guein₂. Tě₁lia'₂ jaun₂, tei₄ bá₄ ca₂'í₃ dsi₂néi₂ quió'₅ con'₂ 'ñiá₂ tsi'₂. 'Ein₅₄ qui₂dsi₂jñia₅ dsí₅, lín₂: 25 “Co₂ně₅ ca₂rě₃'ñi₃o₃ dsí₅ Te₁gui'₅₄ a₂lín₅ le₂la₂, ia₁jaun₂ tsá₃ ma₂'ag₃ dsa₂ 'lig'₅₄.”

Ě₂ jág₁ jan₂ ángel quián₅ Diú₄ a₂le₃chan₂ Jesús

26 Jñéi₂ tsi'₂ ma₂ne₁ñó₄ a₂quian₅ Elisabet guein₂; Diú₄ ně₃ ca₂chein₃ táng₃ ángel Gabriel caun₂ juig₂ ja₁tén₄ Galilea ja₁chei₂ Nazaret, 27 a₂ca₂i₁jme₁jñia₂₃ ne₄ jan₂ dsa₂ mi₄ i₂jme₁ma₂li'₅₄ jág₁ a₂jéin'₂ gu₂ quian'₅₄ i₂chen₂ José, jan₂ dsa₂ tsi₁jon₂ Rag₅₄ David. Dsa₂ mi₄ 'éi₂ jme₁chen₂ María. 28 Jaun₂ ně₃, ca₂'í₃ ángel dsi₂néi₂ ja₁'en₅₄ María, jaun₂ ca₂juá'₂:

—iSiang'₃ María! i'E₂ guě₄ dsen'₃ 'ne₂, ia₁ quiong'₅₄ Te₁gui'₅₄!†

29 La₁ jme₁ca₂nág₂ María jág₁ ně₅, 'ñio₅ lín₃ ca₂i₃gó'₃ dsí₅, jaun₂ ca₂'náu'₃ dsí₅ 'e₂ bá₄ jein₅ jág₁ jaun₂. 30 Jaun₂ ca₂juá'₂ táng₃ ángel:

—Tsá₃ lě₁jmo₂ gang'₃, María, ia₁ a₂dse₃ dsí₅ Diú₄ jmo₂₃ ja₁cong'₂. 31 Ní₂, 'í₂ jan₂ guein₂ tě₂'au'₂; le₃chan₂ jan₂ guein₂ dsa₂ ñe'₂ quiáng'₂, jaun₂ quiain'₅₄ JESÚS. 32 'Ní₂o₅ juin'₂ lén₂; quiong₃ dsa₂ a₂lín₅ Ja₁ñi'₅₄ Diú₄ i₂guá'₅ guei'₅₄ lín₃. Te₁gui'₅₄ Diú₄ ně₃, dsiog₃ ne₄ta₁ quió'₅ David jme₂gui'₂. 33 Jaun₂ jme₃góin₃ con'₂ tan₅₄ ne₄ chi'₂ dsio₄ Jacob, jaun₂ tsá₃ ma₃líg'₂ jmig₄ dsi₃ñí₂ 'éi'₃ quió'₅.

34 Jaun₂ ca₂ñag₃ María ca₂ñii'₃ ángel:

—¿A₂ bá₄ lia'₂ lé₂ a₂ně₅? Ia₁ tsá₃ dsa₂ ñe'₂ cúing₅.

35 Jaun₂ ca₂ñag₃ ángel:

—Jme₂dsí₂ Jñi₃o₅ bá₄ jmo₃ a₂lé₂ le₂jaun₂ ja₁cong'₂; jui₅bí₂ quió'₅ Te₁gui'₅₄ i₂guá'₅ guei'₅₄ bá₄ lio₃ 'én'₁ quió'₅. Jaun₂ lě₃, guein₂ jñi₃o₅ i₂le₃chan₂ 'éi₂, quiong₃ dsa₂ Ja₁ñi'₅₄ Diú₄.‡ 36 Ján₃ bá₄ le₂ně₅ Elisabet ríng'₂, o₁jñia'₅₄ ma₂guein'₂, ma₂tě₂ jñéi₂ tsi'₂ a₂quiain₂₃ guein₂, jaun₂ le₂ně₅ bá₄ le₃chan₂ jan₂ guein₂ quián₅ i₂tě'₂ dsa₂ 'io₅₄ quen₂. 37 Ia₁ 'i₁caun₂ tsá₃ 'e₂ cha₂ jua'₅₄ a₂tsá₃ qui'₅₄ jmig₄ Diú₄.

38 Jaun₂ ca₂juá'₂ María:

—Ní₂, dsa₂ i₂jme₂ti₃ ta₁ ne₄ Te₁gui'₅₄ bá₄ jniá₂; jui₁le₅₄ ja₁cong₂ con'₂ lě₅ jág₁ quiáng'₂.

Jaun₂ ca₂ñá'₃ ángel ja₁coin₂.

Ca₂i₁jag₅₄ María ja₁quió'₄ Elisabet

39 Tě₃jě₄ jmig₄ jaun₂, ca₂ñó₃ María tě₂le₃ dséi₂ jui₅ juig₂ niog₅ má'₂ ja₁tén₄ Judea. 40 Jaun₂ jme₁ca₂dsi₃óg₃, ca₂'í₃ dsi₂néi₂ quió'₅ Zacarías, ca₂cuiin₃ Diú₄ Elisabet. 41 Jme₁ca₂nág₂ Elisabet a₂cuag₅ María Diú₄, dsi₂jui₅ jaun₂ bá₄ ca₂jín'₂ guein₂ tě₂dsí₅, jaun₂ ca₂rě₃cain'₂ Jme₂dsí₂ Jñi₃o₅. 42 Jaun₂ ca₂'í₃ co₂mi'₅₄, juá'₂:

—i'E₂ guě₄ 'ñio₅ jme₂gu'₅₄ Diú₄ 'ne₂, lia'₂ con'₂ guě₄ 'i₁jan₂ dsa₂ mí₂ sián'₂, le₂jaun₂ guě'₂ guein₂ quiáng'₂ ně₃! 43 ¿I₂'ein₂ bá₄ jniá₂, já₅ chog₅₄ Te₁gui'₅₄ quiáng₃ ja₂jag₅₄? 44 Ia₁ dsi₂jui₅ jme₁ně₂cuag'₅₄ Diú₄, ca₂jín'₂ 'io'₂ jén'₅ guein₂ quiáng₃ tě₂dsi₃. 45 i'E₂ guě₄ dsen'₃ 'ne₂ a₂ca₂rě₃'éng'₂, ia₁ le₃ti₃ ja₁cong'₂ a₂ma₂juá'₂ Te₁gui'₅₄!

46 Jaun₂ María ně₃, ca₂juá'₂:
 Jme₂juin'₂ tě₂dsi₃ Te₁gui'₅₄.

† 1:28 A₂lín₅₄ chog₅₄ si₂ juá'₂ ján₃: “Ma₂jme₂gu'₅₄ Diú₄ jme₂gon'₅₄ 'ne₂ con'₂ guě₄ ca₂le₃jín₃ dsa₂ mí₂.”

‡ 1:35 o₃, “Jaun₂ ně₃, guein₂ i₂le₃chan₂ 'éi₂ quiong₃ dsa₂ guein₂ jñi₃o₅.”

- 47 Jme₂dsí₂ quió₃ ně₃, 'io'₂ jén'₅
le₃quió'₅ Diú₄ quiáng₃ i₂lió₂.
- 48 Ia₁ Diú₄ ca₂jéin'₃ ne₅₄ ja₁con₂ jniá₂
dsi₂ņég₂ i₂jme₂ti₃ quiáin₅.
Jaun₂ ně₃, le₂tan₅₄ le₃ne₄ jui₅ ja₁ņó₄,
tě₂ dsa₂ líng₅ i₂rě₂gon'₅₄ quián₅ Diú₄.
- 49 Ia₁ 'e₂ guě₄ 'uan'₂ Diú₄,
ia₁ ca₂jmo₃ caun₂ a₂juě'₂ ja₁cong₂;
i'e₂ guě₄ jnió₅ a₂chein₂!
- 50 Co₂tan₅₄ bá₄ ňéi₂ dsí₅
le₂tan₅₄ tsi₁jon₂ dsa₂ i₂jme₂go₃.
- 51 Quian'₅₄ gu₂ bén₂, ca₂jmo₃ caun₂ a₂juě'₂
a₂tsá₃ 'ein₂ qui'₅₄ jmig₄.
Ia₁ co₂ņei'₅₄ ca₂guiain'₃ 'uě₃
dsa₂ i₂con'₂ ňí'₂ dsí₅ guion₅₄ jmo₂₃ táin'₅.
- 52 Ca₂'liain'₃ cau₅ i₂jme₁tián'₄ can'₅₄,
a₂ca₂dsiain₃ táng₃ i₂jmo₅ me'₂.
- 53 Dsa₂ i₂jme₁chan₂ 'on₄,
ca₂jme₃tau₅₄ quian'₅₄ a₂dse₃.
I₂ņí₄ jme₁chan₂ dse₃ guě'₂,
ca₂'uág'₂ ca₂chei'₃ lín₃.
- 54 Ca₂jme₃'oin₅₄ dsa₂ juig₂ Israel i₂jme₂ti₃ quiáin₅,
ca₂dsia₃ ňéi₂ dsí₅ ca₂dsáu'₃ dsí₅
- 55 con'₂ lě₅ jág₁ quió'₅
ca₂tsí'₃ Abraham jme₂gui'₂ jniog₄
quian'₅₄ ca₂le₃jín₃ tsi₁jon₂ quiáin₅ co₂tan₅₄.
- 56 Con'₂ 'ni₅ tsi'₂ ca₂dsin₃ ca₂'í₃ María ja₁quió'₄ Elisabet. Cang₂ jaun₂ ňái'₃ táng₃
ja₁quió'₄.

Ca₂rě₃chán₃ Juan₅₄ i₂chon₅ dsa₂ jmig₂

57 Cang₂ jaun₂ ca₂dsin₃ jmig₄ a₂le₃chan₂ guein₂ quián₅ Elisabet, jaun₂
ca₂rě₃chán₃ jan₂ guein₂ dsa₂ ňe'₂ quiáin₅. 58 Jaun₂ ca₂rě₃ņi₅ o₁rín'₅₄, quian'₅₄
dsa₂ i₂tián'₅ cau₅ quió'₅ ně₃, 'a₂ lia'₂ ca₂jmo₃ Te₁gui'₅₄ dse₃ dsí₅ ja₁con₂ 'éi₂. Jaun₂
ca₂jmo₃ 'io'₂ quiong'₅₄.

59 Jaun₂ ca₂lě₃ ně₃, jme₁ca₂tě₂ jnia₃ jmig₄, ca₂o₃lén₂ dsa₂ ca₂ti₃ lo₄ guein₂, jaun₂
jme₁'nio₃ quiong₃ Zacarías lia'₂ chen₂ jmei₂. 60 La₁ ca₂juá'₂ chog₅₄ guein₂:
—Jan₂'ón₄. Juan₅₄ bá₄ le₃chein₂.

61 Jaun₂ ca₂ņag₃ táng₃ dsa₂:

—'I₁jan₂ o₁rín'₂ tsá₃ i₂chen₂ le₂ně₅, jme₁né₄.

62 Jaun₂ ca₂jmo₃ dsa₂ léi₄ quian'₅₄ gu₂ a₂ca₂tsí'₃ jmei₂ guein₂ 'a₂ guě'₂ lia'₂
'nio₃ 'éi₂ le₃chen₂ guein₂. 63 Jaun₂ ca₂mi₃ 'éi₂ ca₂'nau₅₄ jau₅₄ 'ma₂, jaun₂ ne₄
jaun₂ ca₂tióng₃: “Juan₅₄ bá₄ chein₂.” Jaun₂ ca₂l₃gó'₃ dsí₅ ca₂le₃jín₃ tióin'₅₄.

64 Dsi₂jui₅ jaun₂ ca₂ján₃ mi₂'o₄ Zacarías, ca₂'ág₂ 'ua₁ táng₃ le₁tsi'₂, ca₂dsia₃ jág₁,
ca₂jme₃juin'₂ Diú₄. 65 Jaun₂ ca₂l₃gó'₃ dsí₅ ca₂le₃jín₃ dsa₂ i₂tián'₅ cau₅, jaun₂
le₂tan₅₄ juig₂ te₁'i₁ 'uě₃ má'₂ ja₁tén₄ Judea ně₃, ca₂l₃'ag₅₄ jág₁ ca₂le₃jě₃ a₂ca₂lě₃
jaun₂. 66 Dsa₂ i₂qui₂ca₂rě₃ņi₅ a₂jaun₂ ně₃, jme₁'nio'₂ dsí₅ i₂gú'₃ jág₁ ně₅, qui₂ņí'₅
le₂jan₂ le₂jan₂ dsia₂₃: “¿'E₂ bá₄ lén₂ guein₂ 'éi₂?” Ia₁ dsón'₂ bá₄ dsau₅ léi₄
jme₁quiong'₅₄ Te₁gui'₅₄ guein₂ 'éi₂.

Le₂la₂ canto a₂ca₂jme₃juin'₂ Zacarías Diú₄

67 Zacarías jmei₂ guein₂ ně₃, rě₂cain'₂ Jme₂dsí₂ Jñió₅, qui₂ca₂'ě₃ jág₁ ca₂cuě₃ Diú₄, ca₂juá'₂:

68 Jui₁le₂juin'₂ Te₁gui'₅₄ Diú₄
quián₅ dsa₂ juig₂ Israel,
ia₁ ma₂guain₂₃ jě₄ quián₂ jniog₄
dsa₂ juig₂ quián₅, ma₂ca₂lió₂.

69 Ma₂ca₂cuag₃ jniog₄ jan₂ i₂'uan'₂ lín₃
i₂lín₅ lia'₂ lě₅ caun₂ mi₁juí₁,
jan₂ i₂já₅ jě₄ tsi₁jon₂ David i₂ca₂jme₃ti₃ ta₁ ne₅₄,
a₂ja₂lioin₅₄ dsa₂ quián₅.

70 Le₂ně₅ jág₁ quió'₅ ca₂cuě₃ ca₃ma₂líg'₂,
ca₂juá'₂ tě₂le₃ quian'₅₄ dsa₂ i₂jme₁'ě₂ jág₁,
i₂jme₁lě₄ 'í₁ quián₅,

71 jme₁ca₂juá'₂ a₂lió₂ o₄gú₃ dsa₂ i₂'iog₅₄,
i₂uig₅ dsí₅ jág₂ ně₃,

72 ja₁juá'₂ ně₃ a₂tiá'₃ ñéi₂ dsí₅
ja₁con₂ dsa₂ can'₅₄ quián₂,
ja₁juá'₂ ně₃ dsiog'₂ dsí₅ jág₁ jñió₅ quió'₅ ron₅.

73 A₂ně₅ bá₄ jág₁ jaun₂ ca₂quiog₂
jme₁ca₂'iin₃ 'ñiog₅
ca₂tsí'₃ Abraham jme₂gui'₂ jniog₄:

74 a₂ca₂juá'₂ a₂lió₂ o₄gú₃ dsa₂ i₂'iog₅₄,
ia₁jaun₂ dsiá₁ tiá₂ dsi₅ jme₁ti₁ ne₅₄,

75 ia₁jaun₂ le₂chong₂ rě₂ le₃ne₅₄, lě₅ 'í₁,
ca₂le₃jě₃ jmig₄ chong₂.

76 Jaun₂ tě₂le₃ ja₁con'₂ 'ne₂ guë'₂, jón₃,
tě₂ dsa₂ a₂lín'₅ jan₂ i₂'ě₂ jág₁ quián₅ Diú₄
i₂guá₅ guei'₅₄ lín₃,

ia₁gog'₅₄ ne₄ jui₅ quió'₅ Te₁gui'₅₄
a₂jmo'₂ co₂jñia₅₄ jui₅ quió'₅.

77 'Ne₂ bá₄ o₁jmo'₄ a₂le₃cuí'₅ dsa₂ juig₂ quián₅
'e₂ jaun₂ a₂lión₂ dsa₂,
tě₂le₃ quian'₅₄ a₂'én₂ dsáu₁.

78 Ia₁ ñéi₂ bá₄ dsí₅ Diú₄ quián₂ jniog₄.

Jaun₂ lě₃, tě₂ guei'₅₄ i₂juíg₃ bá₄
chein₂₃ caun₂ si₂,

ně₂jag₄ bá₄ ca₂jnia₃ caun₂ jmig₄ 'mí₂

79 ja₁con₂ dsa₂ i₂tián'₅ jě₄ qui₁né'₃,
ja₁'ei₅ 'én'₁ 'mú₃ ně₃,
a₂jio₃ jniog₄ caun₂ jui₅ ja₁'ag₃ tei₄.

80 Caun₂ ca₂i₃cón₃ bá₄ guein₂ 'éi₂, caun₂ rě₂'uain'₂ bá₄ tě₂le₃ jui₅ jme₂dsí₂ ně₃;
ca₂guá₂ caun₂ ja₁lě₄ 'uě₃ quein₂ co₂'ñiog₅, ca₂lia'₂ ca₂tě₂ jmig₄ a₂ca₂jme₃jñiai₂₃
jñi₄ dsa₂ juig₂ Israel.

2

Ca₂rě₃chán₃ Jesús (Mateo 1:18-25)

1 Jaun₂ ca₂lě₃ ně₃ jmig₄ jaun₂ ca₂jmo₃ 'éi'₃ gui'₅₄ Emperador Augusto, a₂cho₃
si₂ tioin₃ ca₂le₃jín₃ dsa₂ ta₁caun₂ mi₂güig₃. 2 (Jě₁le₂'uig₅₄ si₂ ně₅ ca₂cho₃ dsa₂

lia'₂ con'₂ jme₁lín₄ Cirenio dsi₄má'₂ 'uë₃ Siria.) ³ Jaun₂ jma₃quén₅ ca₂tín₂ dsa₂ ca₂le₃jín₃ dsi₃lein₃ juig₂ go₅₄, a₂qui₂dsi₃tioin₃ si₂.

⁴ Jaun₂ ca₂'í₃ José jui₅ ca₂o₃'íin₃ juig₂ Nazaret ja₁tén₄ 'uë₃ Galilea, ca₂njái'₃ jui₅ 'uë₃ Judea a₂dsiáin'₄ Belén, go₄ David, ia₁ dsa₂ tsi₁jon₂ David bá₄ jme₁lín₄ José. ⁵ Ca₂i₁tioin₃ si₂ ja₁jaun₂ quian'₅₄ María i₂ma₂li'₅₄ jág₁ jéin'₂ gu₂ quian'₅₄; ma₂quian'₂₃ bá₄ guein₂ ηi₂₃. ⁶ Ca₂lë₃ në₃, con'₂ ma₂tioin'₅₄ ja₁jaun₂, ca₂dsin₃ jmig₄ a₂le₃chan₂ guein₂ quiáin₅. ⁷ Ja₁jaun₂ ca₂rë₃chán₃ guein₂ ne₅₄ 'éi₂ quiáin₅, 'ein₅₄ ca₂lio₃ 'mi'₂, ca₂quio₂₃ 'ñió'₃ tsi₁gu₅ ja₁guë'₅ já'₂, 'uig₅₄ ia₁ a₂tsá₃ ma₃ja₁ca₂tín₂ dsi₂néi₂ ja₁siá'₂ ja₁jñia₃.

Ca₂jme₃jnia₅ ángel ne₄ dsa₂ i₂jmo₅ 'í₁ já'₂ cha'₂

⁸ 'Uë₃ jaun₂ jme₁tion'₅₄ jñia₅ ja₁nau₂ co₂nió'₃ dsa₂ i₂jmo₅ 'í₁ já'₂ cha'₂ quián₅, a₂'uë₂ jaun₂. ⁹ Ca₂jme₃jnia₅ jan₂ ángel quián₅ Te₁gui'₅₄ ne₅₄, ca₂jnia₃ co₂tág₅ co₂'né'₅ quió'₅ Te₁gui'₅₄ le₃lág'₃ ja₁tioin'₅₄, jaun₂ ca₂rë₃gó'₅ 'ñio₅ lín₃. ¹⁰ La₁ ca₂juá'₂ ángel:

—Tsá₃ jmo₂ 'nia'₂ gang'₃. Ní₂, a₂i₃'ë₃ jág₁ dse₃ bá₄ jniá₂ guio₃, caun₂ jág₁ quió'₅ ca₂le₃jín₃ dsa₂, já₃ cán₂ o₂'ñió₃ dsi₅. ¹¹ Ia₁ jmig₄ në₃, ca₂rë₃chan₂ o₄quián'₂ 'nia'₂ juig₂ go₄ David, jan₂ i₂lió₂, i₂lín₅ Te₁gui'₅₄ I₂rë₂'ín₁ quián₅ Diú₄. ¹² Quian'₅₄ léi₄ la₂ o₁quion'₂ 'nia'₂ 'í₁: dsian'₂ 'nia'₂ guein₂ rë₂bón'₅ 'mi'₂, rë₂quian'₂₃ 'ñió'₃ tsi₁gu₅ ja₁guë'₅ já'₂.

¹³ Dsi₂jui₅ con'₂ tsá₃ jáin₅, ca₂jín₂ juin₅ lín₃ ángeles sián'₂ con₂ ángel 'éi₂, ca₂tóin'₂ jme₂juin'₂ Diú₄ ca₂juá'₂:

¹⁴ jui₁le₂juin'₂ Diú₄ guei'₅₄ i₂juig₃!

Ne₄ gua'₅₄ 'uë₃ në₃,

jui₁'ei₅ tei₄ ja₁con₂ dsa₂ mi₂güig₃

i₂ma₂dsia₅ Diú₄ dse₃ dsí₅ o₄quió'₄.

¹⁵ Ca₂lë₃ në₃, jme₁ma₂i₃len₃ ángeles guei'₅₄ i₂juig₃, jaun₂ ca₂jme₃lióg₃ dsa₂ i₂jmo₅ 'í₁ já'₂ cha'₂ 'éi₂ qui₂ca₂tsí'₃ rñin'₅₄:

—Ma₃ jniog₄ jui₅ Belén, ma₃ dsi₁jag₅₄ a₂ca₂lë₃ ja₁jaun₂, con'₂ lë₅ jág₁ ma₂në₂'ë₂ Te₁gui'₅₄.

¹⁶ Ca₂i₃lén₂ jaun₂ në₃ tē₂le₃ dséi₂. Dsón'₂ rē₂ ja₁jaun₂ ca₂dsáin'₂ María quian'₅₄ José, guein₂ në₃ rē₂quian'₂₃ 'ñió'₃ gu₅ ja₁guë'₅ já'₂. ¹⁷ Jme₁ca₂jág₂, jaun₂ guë₄ ca₂dsia₃ 'a₂ lia'₂ lë₅ jág₁ a₂ca₂nág₂, a₂ca₂'ë₂ ángel a₂'íin₂₃ guein₂, ¹⁸ jaun₂ ca₂i₃gó'₃ dsí₅ ca₂le₃jín₃ dsa₂ i₂ca₂nág₂ jág₁ a₂dsia₅ dsa₂ i₂quián₅ já'₂ cha'₂ 'éi₂. ¹⁹ La₁ María në₃, 'no'₂ bá₄ dsí₅ ca₂le₃jē₃, 'e₂ jein₅ a₂lë₂ jaun₂. ²⁰ Dsa₂ i₂jmo₅ 'í₁ já'₂ cha'₂ në₃, ca₂i₃lein₃ bá₄ táng₃ qui₂jme₂juin'₂ Diú₄, qui₂cuë₂₃ ti₁'mag'₄ o₄quió'₄ ca₂le₃jē₃ a₂ca₂tē₂ ne₅₄ quian'₅₄ a₂qui₂ca₂nág₂. Ia₁ ca₂le₃jē₃ bá₄ ca₂rë₃ti₃ con'₂ lë₅ ca₂juá'₂ ángel.

Ca₂i₂jme₃jniai₂₃ guein₂ Jesús guá'₅

²¹ Jme₁ca₂dsin₃ jñia₃ jmig₄, ca₂ti₃ dsa₂ lo₄ guein₂, jaun₂ ca₂quiong₃ JESÚS* lia'₂ con'₂ lë₅ ca₂juá'₂ ángel ca₂tsí'₃ María né'₃ a₂caún₂.

²² Jme₁ca₂dsin₃ jmig₄ a₂'i₄ 'éi'₃ jmo₃ le₁jín₃ a₂jme₂ti₃ lia'₂ con'₂ lë₅ 'Éi'₃ quió'₅ Moisés, ca₂i₁lein₅₄ Jerusalén jñiai₂₃ guein₂ i₁jein'₅₄ ne₄ Te₁gui'₅₄. ²³ Ca₂jmo₃ le₂në₅ ia₁ ton₅ ne₄ Si₂ quió'₅ Te₁gui'₅₄: “Ca₂le₃jín₃ guein₂ dsa₂ ηe'₂ i₂ne₅₄ i₂le₃chan₂, lén₂ i₂lë₅ 'í₁ quián₅ Te₁gui'₅₄.”† ²⁴ Ja₁jaun₂ ca₂jén'₃ ján₃ con'₂ lë₅ juá'₂ 'éi'₃ quió'₅ Te₁gui'₅₄: “On₃ i₁ju₂, o₃ co₂dsán'₃ i₁ju₂ bē₂ 'e₂.”‡

* 2:21 Lia'₂ chen₂ Jesús (hebreo: Yeshua) jein₅ jág₁ “Lió₂ bá₄ Te₁gui'₅₄.” † 2:23 Éxodo 13:2. ‡ 2:24 Levítico 5:11; 12:8.

25 Jmīg₄ jaun₂, jme₁chan₂ jan₂ dsa₂ jē₄ juīg₂ Jerusalén i₂jme₁chen₂ Simeón. Jme₁lín₄ jan₂ dsa₂ dsen₃ lín₃, i₂jme₁jme₂gan₃ Diú₄; jme₁chain₂ chi₁jñia₂₃ a₂guán₂ i₂cuē₃ lián'₂ quió'₅ dsa₂ juīg₂ Israel. Jme₁quiong'₅₄ Jme₂dsí₂ Jñió₅; 26 'éi₂ bá₄ ma₂ca₂'ě₂ jág₁ ne₅₄ a₂tsá₃ jóin₂ ca₂lia'₂ ca₂jín₂ de'₂ I₂rē₂'ín₁ quián₅ Te₁gui'₅₄. 27 Jmīg₄ jaun₂ ñó₃ jiog₅ Jme₂dsí₂ Jñió₅ jui₅ guá'₅ templo. Ja₁jaun₂ jme₁'ein₅₄ ně₃ jme₁ca₂dsi₃lén₂ chog₅₄-jmei₂ guein₂ Jesús, jñia₂₃ guein₂ a₂jmo₃ quiong'₅₄ con'₂ lě₅ tag₄ chí'₅ a₂quí'₅ 'Éi'₃. 28 Jaun₂ ca₂jñau'₃ Simeón ca₂jñai'₃ guein₂, ca₂jme₃juin'₂ Diú₄, ca₂juá'₂:

29 Nē₃ guē₄ ně₃, 'ne₂ juīg₃ quiáng₃,

ma₂lé₂ dsiang'₅₄ tei₄

dsa₂ i₂jme₂ti₃ ne'₅₄,

lia'₂ con'₂ lě₅ jág₁ quiáng'₂.

30 Ia₁ la₂ ca₂tě₂ ne₃ i₂ma₂cheng'₂ lió₂,

31 i₂ma₂jmo'₅₄ co₂jñia₅₄ quián₅ ca₂le₃jě₃ juīg₂ nación.

32 I₂la₂ bá₄ i₂lín₅ si₂

i₂jmo₃ tág₅ ja₁con₂ dsi₂nau₂;

i₂la₂ bá₄ i₂lín₅ dsa₂ i₂chi'₃ jlá'₁

juīg₂ Israel quiáng'₂.

33 Ca₂i₃gó'₃ dsí₅ bá₄ José quian'₅₄ chog₅₄ guein₂, o₄quió'₄ jág₁ a₂ca₂juá'₂ Simeón jaun₂, 'iin₂₃ guein₂. 34 Jaun₂ ca₂jme₃gu'₅₄ Simeón quió'₅, jaun₂ ca₂juá'₂ ca₂tsí'₃ María chog₅₄ guein₂:

—Ní₂, 'en₅₄ jui₅ guein₂ la₂ já₅, jmo₃ a₂dsi₃gan'₅₄ 'uē₃ juin₅ dsa₂ juīg₂ Israel, o₃ tē₂le₃ ron'₂ juin₅ 'e₂. Já₅ lín₅ caun₂ léi₄ quió'₅ i₂'ag₃ i₂ná_{u3} quen₅ i₂le₃'iog₅₄.

35 Le₂nē₅ bá₄ jióg'₃ 'í₁ le₃jniá₂ 'a₂ lia'₂ dsi₂jiog₅ dsí₅ dsa₂ le₂jan₂ le₂jan₂. La₁ tē₂le₃ ja₁cong'₂ ně₃, dsi₃ñíg'₂ ně₂jag₄ bá₄ caun₂ ñi₁tág₂ dsi₂tia₃ tē₂'au'₂.

36 Ján₃ bá₄ jaun₂ jme₁'en₅₄ jan₂ guiong'₂ i₂chen₂ Ana, ja₁míg₄ Fanuel, dsa₂ tsi₁jon₂ Aser. 'Éi₂ ně₃ jme₁'ě₂ jág₁ o₄quió'₄ Diú₄ ján₃. Jme₁ma₂guein'₂. Mei'₂ bá₄ lia'₂ con'₂ ca₂jen'₂ gu₂. Guio₃ ñi₂ bá₄ ca₂rē₃quiain'₅₄ dsa₂ ñe'₂ quián₅. 37 Quén'₂ ne₂guióg₂ rē₂dsí₂ quén₂ (84) ñi₂ a₂ca₂rē₃'nñi₂. Š Guiong'₂ 'éi₂ ně₃ jme₁'ein₅₄ tián₂ i₁dsi₅guá'₅. 'Uē₂-jmi₂ bá₄ jme₁jme₂ti₃ ne₄ Te₁gui'₅₄ chi₁lén'₂ Diú₄ a₂jme₂'iin₅₄ ně₃.

38 Hora jaun₂ dé₄ ca₂dsió₃ ja₁tión₂ dsa₂, ca₂cuē'₃ ti₁'mag'₄ Diú₄, ca₂dsia₃ jág₁ 'iin₂₃ guein₂ tsí'₅ ca₂le₃jín₃ dsa₂ i₂tion'₅₄ i₂le₁jñia₅ a₂lión₂ dsa₂ juīg₂ Jerusalén.

Ca₂i₃lein₃ táng₃ Nazaret

39 Jaun₂ ně₃ jme₁ma₂ca₂lě₃ jmo₂₃ ca₂le₃jě₃ con'₂ lě₅ ta₁ qui'₅ 'Éi'₃ quió'₅ Te₁gui'₅₄, jaun₂ ca₂i₃lein₃ jui₅ 'uē₃ Galilea, ja₁niog₅ Nazaret, juīg₂ go₅₄. 40 Guein₂ ně₃, caun₂ ca₂i₃juin'₂ bá₄, caun₂ ca₂rē₃'uáin'₃ ně₃, ton'₂ 'ñio₅ lín₃ ñi₅, Diú₄ bá₄ jme₁jme₂gu'₅₄.

Lia'₂ con'₂ me'₂ Jesús ca₂dsió₃ i₁dsi₅ guá'₅

41 Ca₂le₃jě₃ ñi₂ jme₁dsi₂lén₂ chog₅₄-jmei₂ Jmīg₄ Tē₂'iin₅₄ a₂tě₅ Jerusalén.

42 Jme₁ca₂dsí'₃ Jesús guia₃-tín₂ ñi₂, ca₂i₃lén₂ táng₃ co₂dsia₅ jui₅ Jerusalén. Ia₁ le₂jaun₂ tin₂ dsa₂ ca₂le₃jě₃ ñi₂ dsi₃lén₂ jmīg₄ jaun₂. 43 Jme₁ca₂gú'₃ jmīg₄, ca₂i₃lein₃ táng₃. Tsá₃ ca₂rē₃lí'₄ chog₅₄-jmei₂ jñia'₅₄ jaun₂ bá₄ tē₁'ñia₄ Jesús Jerusalén, 44 ia₁ lín₂ ma₂ñái'₅ bá₄ quiain'₅₄ dsa₂ sián'₂. Caun₂ jmīg₄ ma₂ne₁ñó₄ tioen'₅₄ jui₅ i₃lein₃ jme₁ca₂'nau'₂ jin₄ o₁rñin'₅₄, jin₄ dsa₂ i₂cuin₂₃ ně₃. 45 La₁ tsá₃ ca₂dsá'₂. Jaun₂ ca₂jén'₃ táng₃ jui₅ ca₂i₃lén₂ Jerusalén ca₂i₁'niog'₂ ja₁jaun₂.

46 A₂'ni₅ jmīg₄ jaun₂ jme₁ca₂dsá'₂ i₁dsi₅ guá'₅, guá'₅ jin₄ tē₅juá'₅, nag₂₃ jág₁, ñag₂₃ ñi'₅ 'éi₂ ně₃. 47 Jaun₂ ca₂i₃gó'₃ dsí₅ ca₂le₃jín₃ i₂tion'₅₄ nag₅ jág₁ quió'₅, ia₁

§ 2:37 o₃, “Ma₂'ein₅₄ quén'₂ ne₂guióg₂ rē₂dsí₂ quén₂ (84) ñi₂.”

'ŋio₅ lín₃ ŋi₅ 'a₂ lia₂ qui₂jéin₃ jág₁ quió₅ dsa₂ 'éi₂. ⁴⁸ Jme₁ca₂jág₂ chog₅₄-jmei₂, ca₂i₃gó₃ dsí₅, jaun₂ ca₂juá₂ chog₅₄:

—Jón₃, ¿'e₂ lē₃ jmog₅₄ le₂nē₅? Nēi₅, jniá₂ nē₃, ma₂nē₂i₁nio₁ 'i₅ dsi₅ 'niog₂ jnia₅₄.

⁴⁹ Jaun₂ ca₂ŋag₃ Jesús:

—¿'E₂ lē₃ 'nau₂ 'nia₂ jniá₂? ¿Tsa₁ ŋi₅₄ 'nia₂ a₂ca₂tíng₂ 'ú₄ ta₁ quió₅ Nē₃?

⁵⁰ La₁ tsá₃ ca₂ŋí₂ dsí₅ 'éi₂ 'e₂ jein₅ jág₁ jaun₂.

⁵¹ Jaun₂ ca₂jóin₃ bá₄ quiain₅₄ chog₅₄-jmei₂ jui₅ Nazaret. Caun₂ bá₄ ne₅₄ ca₂le₃jě₃ a₂tē₂néi₂ chog₅₄-jmei₂. La₁ tei₄ bá₄ 'ma₅ chog₅₄ dsí₅ ca₂le₃jě₃ a₂jaun₂.

⁵² Jaun₂ caun₂ ca₂i₃juin₂ bá₄ Jesús, rē₂ niog₅ dsi₅₄, rē₂ chéin₅ le₃ne₄ Diú₄, lia₂ le₃ne₄ dsa₂ nē₃.

3

*'Ē₂ Juan₅₄ i₂chon₅ dsa₂ jmig₂ jág₁ caun₂ 'uē₃ quein₂ co₂'ŋiog₅
(Mateo 3:1-12; Marcos 1:18; Juan 1:19-28)*

¹ Ŋi₂ guia₃-'ŋiá₂ lia₂ con₂ jme₁lín₄ emperador Tiberio, jmig₄ lia₂ con₂ jme₁lín₄ táng₃ Poncio Pilato dsi₄má₂ 'uē₃ Judea; Herodes guē₂ jme₁lín₄ rag₅₄ i₂jmo₅ 'éi₃ 'uē₃ Galilea; Felipe riin₅₄ guē₂ jme₁lín₄ dsi₄má₂ le₂tan₅₄ juig₂ Iturea quian₅₄ Traconite; Lisantias nē₃ jme₁lín₄ dsi₄má₂ quián₅ Abilinia. ² Ján₃ bá₄ jmig₄ jaun₂ jme₁lín₄ jme₂dsa₂ dsen₅₄ Anás quian₅₄ Caifás. Con₂ jmig₄ jaun₂ dé₄ nē₃, ca₂tē₃ Diú₄ ca₂tē₃ Juan₅₄, ja₁ŋi₅₄ Zacarías, 'uē₃ co₂'ŋiog₅ ja₁jme₁guá₄.

³ Juan₅₄ nē₃ ca₂ŋi₃ le₂tan₅₄ juig₂ te₁'i₁ ma₂quián₅ Cuá₃ Jordán, qui₂tsí₅ dsa₂ a₂'nió₅ tsóin₃ jmig₂, cuē₃ léi₄ a₂ma₂ca₂dsi₃quén₅ dsí₅ ia₁jaun₂ le₃'én₂ Diú₄ dsáu₁.

⁴ Le₂nē₅ bá₄ ca₂lē₃ ca₂rē₃ti₃ con₂ lē₅ jág₁ a₂ca₂tó₂ Isaías ne₄ si₂, i₂jme₁'ē₂ jág₁ o₄quió₄ Diú₄, a₂ca₂juá₂:

Nag₃ dsa₂ co₂mi₅₄ jág₁

caun₂ 'uē₃ co₂'ŋiog₅, a₂juá₂:

Jmo₄ 'nia₂ co₂jnia₅₄ jui₅ quió₅ Te₁gui₅₄;

Nia₄ 'nia₂ caun₂ jui₅ co₂dsau₅.

⁵ Ca₂le₃jě₃ ji₅₄ siá₅ 'nió₅ le₃can₂,
ca₂le₃jě₃ dsí₂con₂, má₂, 'nió₅ 'ag₃ co₂rē₂;
Ca₂le₃jě₃ jui₅ qui₂rē₂guion₂, 'nió₅ lé₂ co₂dsau₅,
jui₅ a₂qui₂le₁quin₅₄, 'nió₅ lei₂.

⁶ Ca₂le₃jín₃ dsa₂ mi₂güí₃ bá₄ jág₃
'a₂ lia₂ lē₅ a₂jmo₃ Diú₄ lió₂.*

⁷ Jaun₂ ca₂'uin₂ dsa₂ quió₅, ca₂o₃lén₂ mi₂₃ cho₃ Juan₅₄ jmig₂, † jaun₂ ca₂juá₂ 'éi₂:

—i'Nia₂ tsi₁jon₂ dsi₂mi₂! ¿'Ein₂ bá₄ nē₂chí₃ 'nia₂ a₂cuíng₂ long₅₄ uig₅ a₂ja₂quián₃? ⁸ Cuē₄ 'nia₂ léi₄ jaun₂ a₂tē₃dsón₂ ma₂ca₂dsi₃quén₅ 'au₂. 'A₃ lē₁jui₁dsi₂jnia₅ 'au₂ 'nia₂ jua₅₄ a₂jua₅₄: “Lág₅ jnia₅₄ tsi₁jon₂ Abraham”; ia₁ jniá₂ juá₅, Diú₄ qui₅₄ jmig₄ jmo₃ ca₂tē₂ ni₁cang₁ tio₅₄ la₂, lé₂ le₃jmó₁ 'chi₂-guein₂ quián₅ Abraham. ⁹ Ia₁ ma₂lē₅ co₂jnia₅₄ ŋi₁dsi₁ a₂qui₃uín₂ ni₁'ma₂. Ca₂le₃jě₃ 'ma₂ a₂tsá₃ dse₃ míg₂ 'ag₅, uín₂ dsi₃to₅₄ si₂.

¹⁰ Jaun₂ ca₂ŋag₃ dsa₂:

—¿'E₂ bá₄ le₃jmó₁ jnia₅₄ jaun₂ nē₃?

¹¹ Jaun₂ ca₂ŋag₃ táng₃:

—I₂cha₂ tin₃ dsán₃ tsin₅₄, jui₁cuē₄ co₂dsán₃ i₂tsá₃ cha₂ quió₅; le₂jaun₂ guē₂ jui₁lia₂ i₂cha₂ a₂guē₃, jui₁jme₂'oin₅₄ jui₁lia₂ i₂tsá₃ cha₂ quió₅.

* **3:6** Isaías 40:3-5. † **3:7** lit. “tióg₂ Juan₅₄ jmig₂.”

12 Ca₂O₃lén₂ i₂lín₅₄ i₂cán₂ 'lia'₅₄ quián₅ dsi₂tan₅₄ ně₃, a₂'nio₃ tsóin₃ jmig₂, jaun₂ ca₂tsí'₃ Juan₅₄:

—Tě₅, ě₂ bá₄ lé₂ le₃jmó₁ jnia'₅₄?

13 Jaun₂ ca₂jéin'₃ táng₃ 'éi₂ jág₁:

—Tsá₃ jmó'₂ 'nia'₂ jua'₅₄ a₂cán'₁ ηag₅₄ guě₄ 'lia'₅₄ quió'₅ dsa₂, jua'₅₄ a₂dsi₁juin'₅₄ con'₂ 'éi'₃ qui'₅ si₂.

14 Ca₂O₃lén₂ i₂lín₅₄ 'lióg₂ ně₃, ca₂ηag₃:

—Jnia'₅₄ guě'₂ ně₃; ě₂E₂ bá₄ ca₂tág₂ jnia'₅₄ jmó'?

Jaun₂ ca₂ηag₃:

—Tsá₃ qui₁quiang'₄ dsa₂ juě'₅, jua'₅₄ a₂qui₁jñiá'₄ 'e₂ qui₁jñiá'₄ quió'₅, on₃ guě'₂ qui₁'nig'₄ dsa₂ jua'₅₄ a₂lë₁qui₁'ní'₄. Ju₁le₂ηio₂ bá₄ 'au'₂ 'nia'₂ ján₃, con'₂ ma₂tí₅ 'liang'₅₄.

15 La₁ dsa₂ ně₃, tsá₃ tei₄ le₁'ág₄ dsí₅ tíoin'₅₄, le₁jñia₂₃ le₃ηi₅ chi₂jua'₂ Juan₅₄ 'éi₂ bá₄ lín₅ I₂rě₂'ín₁ quián₅ Diú₄. 16 Jaun₂ ca₂juá'₂ Juan₅₄ 'ηiog₅, ca₂tsí'₃ ca₂le₃jín₃:

—Jniá₂ ně₂tiáng₃ 'nia'₂ jmig₂; la₁ i₂já₅ chi₂quín₃ ně₅, tióg₂ Jme₂dsí₂ Jñió₅, jě₄ si₂ ně₃. 'Éi₂ bá₄ i₂'uan'₂ guě₄ lia'₂ con'₂ guě₄ jniá₂, ca₂lia'₂ jñiá'₅₄ lau₂ ton₅ tag₅₄ bá₄ tsá₃ ca₂tíng₂ tsí'₅₄. 17 Ma₂chi₁chan'₂ si₂jmu₂ a₂jme₂dse₃ mig₂ trigo. Cág'₃ dse₃ lín₃, con'₂ dsia₃ jmá'₃ a₂dse₃, 'ma₃ dsi₂néi₂. Dsí'₂ bá₄ jme₁qui₅ dsi₂si₂ ja₁tsá₃ líg'₂ jmig₄ éi₃.

18 Jaun₂ le₂ně₅ bá₄, 'lióng₂ jág₁ dse₃ siá'₂ ca₂to'₂ Juan₅₄, ca₂jme₃tiin₂₃ dsa₂ jág₁ dse₃.

19 Já₃ bá₄ ca₂jéin₂ Rag₅₄ Herodes, ia₁ a₂jme₁ma₂guá'₅ 'éi₂ quian'₅₄ 'io₅₄ Herodías dsa₂ mí₂ quián₅ riin'₅₄, † ne₄ 'lióng₂ guě₄ a₂'lig'₅₄ siá'₂ a₂jme₁jmo₅-dsáu₅ Herodes; 20 la₁ tē₂le₃ ηag₅₄ guě₄ ca₂jme₃ja₃: né'₃ 'má₃ bá₄ ca₂tiáin₂ Juan₅₄.

Ca₂chon₃ Juan₅₄ jmig₂ Jesús

(Mateo 3:13-17; Marcos 1:9-11)

21 Jme₁ma₂ca₂lě₃ choin₂₃ Š jmig₂ ca₂le₃jín₃ dsa₂, jme₁ma₂ně₂chon₃a Jesús jmig₂, a₂ma₂chéin'₅ chi₂lén'₂ Diú₄ ně₃. Tě₃jě₄ jaun₂ ca₂niá₃ dsi₄ i₂juíg₃. 22 Ca₂sión₃ Jme₂dsí₂ Jñió₅ chi₁dsáin₃ jniá₂ lia'₂ jniá₂ jan₂ i₁ju₂, ne₄ quió'₅. Jaun₂ ca₂né'₂ jág₁ a₂já₅ guei'₅₄ i₂juíg₃ a₂juá'₂:

—'Ne₂ bá₄ líng'₅ jón₃ quiáng₃ i₂'nióg₃ guě₄ lín₃; 'ηio₂ bá₄ dsi₃ 'ηio₅ lín₃ jing₅₄ 'ne₂.*

Dsa₂ can'₅₄ quián₅ Jesús i₂qui₂ma₂ηí₂ ma₂dsi₃jo₃

(Mateo 1:1-17)

23 Con'₂ guióg₂-guiá₂ ηi₂ bá₄ jme₁ma₂'en₅₄ Jesús lia'₂ con'₂ jme₁ca₂jme₃lióg₃ ca₂jme₃tiin₂₃ dsa₂ jág₁ dse₃. Dsa₂ ně₃, jmo₂₃ dsí₅ a₂lín₅ 'éi₂ ja₁ηi'₅₄ Sě₄.

Jaun₂ Sě₄ 'éi₂ ca₂já₃ ca₂lín₃ ja₁ηi'₅₄ Elí.

24 Elí 'éi₂ guě'₂ ně₃ ca₂já₃ ca₂lín₃ ja₁ηi'₅₄ Matat;

Matat 'éi₂ guě'₂ ně₃ ca₂já₃ ca₂lín₃ ja₁ηi'₅₄ Leví

i₂jme₁lín₄ ja₁ηi'₅₄ Melqui;

Melqui ně₃ jme₁lín₄ chi'₂ quián₅ Jana,

i₂jme₁lín₄ chi'₂ quián₅ José;

25 José ně₅ ně₃ ca₂já₃ ca₂lín₃ chi'₂ quián₅ Matatías;

Matatías guě'₂ ně₃ ca₂já₃ ca₂lín₃ ja₁ηi'₅₄ Amós;

Amós jme₁lín₄ ja₁ηi'₅₄ Nahum;

Nahum guě'₂ jme₁lín₄ ja₁ηi'₅₄ Esli,

† 3:19 A₂lín₅₄ chog₅₄ si₂: “Felipe riin'₅₄.” Š 3:21 lit. “tiáin₂.” * 3:22 A₂lín₅₄ chog₅₄ si₂ tsá₃ chi₁ton₅ “i₂'nióg₃ guě₄ lín₃”, a₂chi₁ton₅ táng₃ “jmig₄ ně₃ ca₂lín₃ ηéi'₅.”

i₂jme₁lín₄ chi'₂ quián₅ Nagai
 26 i₂jme₁lín₄ chi'₂ quián₅ Ma'at;
 Ma'at guë'₂ ca₂já₃ ca₂liin₃ ja₁ñi'₅₄ Matatías;
 Matatías guë'₂ ca₂já₃ ca₂liin₃ chi'₂ quián₅ Semei;
 Semei 'éi₂ ně₃ ca₂já₃ ca₂liin₃ ja₁ñi'₅₄ i₂chen₂ José;
 José guë'₂ ně₃ ca₂já₃ ca₂liin₃ ja₁ñi'₅₄ Judá;
 27 Judá 'éi₂ guë'₂ ně₃ ca₂já₃ ca₂liin₃ ja₁ñi'₅₄ Joana;
 Joana 'éi₂ guë'₂ ně₃
 ca₂já₃ ca₂liin₃ chi'₂ quián₅ i₂jme₁chen₂ Resa;
 Resa guë'₂ ně₃
 ca₂já₃ ca₂liin₃ ja₁ñi'₅₄ i₂chen₂ Zorobabel;
 Zorobabel guë'₂ ně₃
 ca₂já₃ ca₂liin₃ chi'₂ quián₅ i₂jme₁chen₂ Salatiel,
 i₂jme₁lín₄ ja₁ñi'₅₄ Neri,
 28 i₂jme₁lín₄ ja₁ñi'₅₄ Melqui,
 i₂jme₁lín₄ ja₁ñi'₅₄ Adi,
 i₂jme₁lín₄ chi'₂ quián₅ i₂chen₂ Cosam,
 i₂jme₁lín₄ chi'₂ quián₅ Elmodam,
 i₂jme₁lín₄ chi'₂ quián₅ i₂jme₁chen₂ Er,
 29 i₂jme₁lín₄ chi'₂ quián₅ Josué;
 Josué ně₃ ca₂já₃ ca₂liin₃ ja₁ñi'₅₄ Eliezer;
 Eliezer guë'₂ ně₃ ca₂já₃ ca₂liin₃ ja₁ñi'₅₄ Jorim,
 i₂jme₁lín₄ ja₁ñi'₅₄ Matat;
 30 Matat guë'₂ ně₃ ca₂já₃ ca₂liin₃ ja₁ñi'₅₄ Leví;
 Leví guë'₂ ně₃ ca₂já₃ ca₂liin₃ ja₁ñi'₅₄ Simeón;
 Simeón guë'₂ ně₃ ca₂já₃ ca₂liin₃ ja₁ñi'₅₄ Judá;
 Judá guë'₂ ně₃ ca₂já₃ ca₂liin₃ ja₁ñi'₅₄ José;
 José 'éi₂ guë'₂ ně₃ ca₂já₃ ca₂liin₃ ja₁ñi'₅₄ Jonán;
 Jonán 'éi₂ guë'₂ ně₃ ca₂já₃ ca₂liin₃ ja₁ñi'₅₄ Eliaquim;
 31 Eliaquim guë'₂ ca₂já₃ ca₂liin₃ ja₁ñi'₅₄ Melea;
 Melea guë'₂ ca₂já₃ ca₂liin₃ ja₁ñi'₅₄ Mainán;
 Mainán guë'₂ ca₂já₃ ca₂liin₃ ja₁ñi'₅₄ Matata;
 Matata guë'₂ ně₃ ca₂já₃ ca₂liin₃ ja₁ñi'₅₄ Natán;
 32 Natán guë'₂ ca₂já₃ ca₂liin₃ ja₁ñi'₅₄ David;
 David 'éi₂ guë'₂ ně₃ ca₂já₃ ca₂liin₃ ja₁ñi'₅₄ Isái;
 Isái guë'₂ ně₃ ca₂já₃ ca₂liin₃ ja₁ñi'₅₄ Obed;
 Obed guë'₂ ca₂já₃ ca₂liin₃ ja₁ñi'₅₄ Bo'oz;
 Bo'oz guë'₂ ca₂já₃ ca₂liin₃ ja₁ñi'₅₄ Salmón;
 Salmón guë'₂ ca₂já₃ ca₂liin₃ ja₁ñi'₅₄ Na'asón;
 33 Na'asón guë'₂ ně₃ ca₂já₃ ca₂liin₃ ja₁ñi'₅₄ Aminadab;
 Aminadab guë'₂ ca₂já₃ ca₂liin₃ ja₁ñi'₅₄ Aram;
 Aram guë'₂ ně₃ ca₂já₃ ca₂liin₃ ja₁ñi'₅₄ Esrom;
 Esrom guë'₂ ca₂já₃ ca₂liin₃ ja₁ñi'₅₄ Fares;
 Fares guë'₂ ně₃ ca₂já₃ ca₂liin₃ ja₁ñi'₅₄ Judá;
 34 Judá guë'₂ ně₃ ca₂já₃ ca₂liin₃ ja₁ñi'₅₄ Jacob;
 Jacob guë'₂ ně₃ ca₂já₃ ca₂liin₃ ja₁ñi'₅₄ Isaac;
 Isaac guë'₂ ně₃ ca₂já₃ ca₂liin₃ ja₁ñi'₅₄ Abraham;
 Abraham guë'₂ ně₃ ca₂já₃ ca₂liin₃ ja₁ñi'₅₄ Taré;
 Taré guë'₂ ně₃ ca₂já₃ ca₂liin₃ ja₁ñi'₅₄ Nacor;
 35 Nacor guë'₂ ca₂já₃ ca₂liin₃ ja₁ñi'₅₄ Serug;

Serug guè'² ca₂já₃ ca₂liin₃ ja₁ñi'⁵⁴ Ragau;
 Ragau guè'² ca₂já₃ ca₂liin₃ ja₁ñi'⁵⁴ Peleg;
 Peleg guè'² ně₃ ca₂já₃ ca₂liin₃ ja₁ñi'⁵⁴ Heber;
 Heber guè'² ca₂já₃ ca₂liin₃ ja₁ñi'⁵⁴ Sala;
³⁶ Sala guè'² ca₂já₃ ca₂liin₃ ja₁ñi'⁵⁴ Cainán;
 Cainán guè'² ca₂já₃ ca₂liin₃ ja₁ñi'⁵⁴ Arfaxad;
 Arfaxad guè'² ca₂já₃ ca₂liin₃ ja₁ñi'⁵⁴ Sem;
 Sem guè'² ca₂já₃ ca₂liin₃ ja₁ñi'⁵⁴ Noé;
 Noé guè'² ca₂já₃ ca₂liin₃ ja₁ñi'⁵⁴ Lamec;
³⁷ Lamec guè'² ně₃ ca₂já₃ ca₂liin₃ ja₁ñi'⁵⁴ Matusalén;
 Matusalén guè'² ně₃ ca₂já₃ ca₂liin₃ ja₁ñi'⁵⁴ Enoc;
 Enoc guè'² ně₃ ca₂já₃ ca₂liin₃ ja₁ñi'⁵⁴ Jared;
 Jared guè'² ně₃ ca₂já₃ ca₂liin₃ ja₁ñi'⁵⁴ Mahalale'el;
 Mahalale'el guè'² ně₃ ca₂já₃ ca₂liin₃ ja₁ñi'⁵⁴ Cainán;
³⁸ Cainán guè'² ně₃ ca₂já₃ ca₂liin₃ ja₁ñi'⁵⁴ Enós;
 Enós guè'² ně₃ ca₂já₃ ca₂liin₃ ja₁ñi'⁵⁴ Set;
 Set guè'² ně₃ ca₂já₃ ca₂liin₃ ja₁ñi'⁵⁴ Adán;
 Adán guè'² ně₃ ca₂já₃ ca₂liin₃ co₂'nió'⁴ ja₁ñi'⁵⁴ Diú⁴.

4

*Ca₂caun₃ i₂sě₃dsen₃ táu₂ quió'₅ Jesús
 (Mateo 4:1-11; Marcos 1:12-13)*

¹ Jaun₂ Jesús ně₃, ma₂rě₂rřin₅ Jme₂dsí₂ Jñi₅, ca₂o₃'i_{in}₃ Cuá₃ Jordán.
 Ca₂jio₃ Jme₂dsí₂ caun₂ 'uě₃ quein₂ co₂'ñiog₅. ² Ja₁jaun₂ ca₂i₁'i₅ tē₂láu₃ jmig₄,
 ia₁jaun₂ cáun₂ táu₂ i₂sě₃dsen₃. Tsá₃ 'e₂ ca₂guě'₃ 'i₁ca₂juig₄ tē₂lia'₂ jmig₄ jaun₂.
 Jme₁ca₂dsan₃ jaun₂, jaun₂ guě'₄ ma₂i₁cón'₅ 'ñio₅ lin₃. ³ Jaun₂ ca₂juá'₂ i₂sě₃dsen₃:
 —Chi₂jua'₂ dsón'₂ líng'₅ Ja₁ñi'⁵⁴ Diú⁴, jmo₄ jui₁le₅₄ i₁ñí'₄ ni₁cang₁ ně₅.

⁴ Jaun₂ ca₂ñag₃ Jesús:

—Chi₁ton₅ ne₄ Si₂: “On₃jua'⁵⁴ jmá'₃ quian'⁵⁴ i₁ñí'₄ le₃tan⁵⁴ dsa₂ mi₂güig₃
 le₃chain₂.”* †

⁵ Jaun₂ ca₂jio₃ táng₃ i₂sě₃dsen₃ caun₂ má'₂ ja₁ñei₅. Ja₁jaun₂ ca₂'ě₃ ca₂tiá₂ tei₄
 ca₂le₃jě₃ juig₂ te₁'i₁ gua'⁵⁴ 'uě₃. ⁶ Jaun₂ ca₂juá'₂:

—Gog'₂ 'ne₂ bá₄ dsia⁵⁴ jniá₂ ca₂le₃jě₃ juig₂ ně₅; 'ne₂ bá₄ gong'₂ lé₂, 'ó'₄ bí₂,
 qui₂jme₃juag'₂ dsa₂. Ia₁ a₂niog₅ ne₃ jniá₂ bá₄ ně₅, ton'₂ lé₂ le₃cuě'₄ jniá₂ 'ein₂ 'nio₃
 cuě'₄. ⁷ Jaun₂ a₂lé₂ quiáng'₂ ně₁jua'₂ ca₂chi₁jne'₄ ne₃ jme₁juag'₂.

⁸ Jaun₂ ca₂ñag₃ Jesús:

—Ne₄ Si₂† quió'₅ Diú⁴ chi₁ton₅: “Jme₁gan₃ 'nia'₂ Te₁gui'⁵⁴ Diú⁴ quiáng'₂; ne₄
 jan₂ 'éi₂ bá₄ ca₂tín'₂ 'nia'₂ jme₁ti₄.”§

⁹ Cang₂ jaun₂ ca₂jio₃ táng₃ i₂sě₃dsen₃ juig₂ Jerusalén, jaun₂ ca₂i₁chei'₂ caun₂
 ja₁lě₄ ja₁ñei₅ guě'₄ ne₄ ni₁'ia'₂ guá'₅ templo, jaun₂ ca₂juá'₂:

—Chi₂jua'₂ 'ne₂ líng'₅ Ja₁ñi'⁵⁴ Diú⁴, tian'⁵⁴ ca₂tě₂ 'uě₃; ¹⁰ ia₁ chi₁ton₅ ne₄ Si₂:
 Dsiog₃ Diú⁴ o₄gú₃ ángeles quiáin₅,

jaun₂ jmo₃ 'í;

¹¹ guéi'₂ quian'⁵⁴ gu₂

ia₁jaun₂ tsá₃ jéng'₂ uig₅ nióg'₃ ni₁cang₁.*

¹² Jaun₂ ca₂ñag₃ Jesús:

—Ján₃ bá₄ juá'₂ ne₄ si₂: “Tsá₃ tang'⁵⁴ Te₁gui'⁵⁴ Diú⁴ quiáng'₂.”†

* **4:4** Deuteronomio 8:3. † **4:4** A₂lin₅₄ chog₅₄ si₂ juá'₂ ján₃: “a₂'nió'₅ le₂chain₂ nag₃ jág₁ quió'₅ Diú⁴
 ně₃.” † **4:8** A₂lin₅₄ chog₅₄ si₂ juá'₂ le₂la₂ ján₃: “Jñiag'₃ cau₅ quió'₃ 'ne₂ Satanás, ia, ne₄ Si₂.” § **4:8**
 Deuteronomio 6:13. * **4:11** Salmo 91:11-12. † **4:12** Deuteronomio 6:16.

13 Jme₁ca₂dsan₃ ca₂le₃jě₃ a₂nio₅ ca₂juá'₂ i₂sě₃dsen₃ a₂cáun₂ táu₂ jaun₂, jaun₂ ca₂i₃u₁in₂ co₂'na₂, nē₁jua'₂ líg'₂ ca₂cuin₃ táng₃ jmig₄.

Ca₂jme₃lióg₃ Jesús ca₂jme₃tag₂₃ 'uě₃ Galilea
(Mateo 4:12-17; Marcos 1:14-15)

14 Ca₂ňá'₃ táng₃ Jesús ju_i₅ 'uě₃ Galilea rě₂can'₂ Jme₂dsí₂ Jňió₅ tē₂dsí₅. Le₂con₂ juig₂ te₁'i₁ ma₂quián₅ jaun₂, ca₂i₃'ag₅₄ jág₁ 'ag₅ dsa₂. 15 Ca₂i₁jme₁tiin₂₃ dsa₂ le₂tan₅₄ guá'₅ sinagogas quió'₅ dsa₂, jaun₂ ca₂le₃jín₃ bá₄ dsa₂ jme₁jme₂juag'₂.

Dsián'₃ táng₃ juig₂ Nazaret
(Mateo 13:53-58; Marcos 6:1-6)

16 Jaun₂ ca₂ňái'₃ ju_i₅ Nazaret, ja₁ca₂i₃juin'₂. Caun₂ jmig₄ sa₅₄ ca₂'í₃ dsi₂néi₂ guá'₅ sinagoga, ia₁ le₂jaun₂ tiin₂. Jaun₂ ca₂nau₂ a₂'i₃ Si₂. 17 Jaun₂ ca₂cuě₃ dsa₂ si₂ rě₂bin₅ quió'₅ Isaías i₂jme₁'ě₂ jág₁ o₄quió'₄ Diú₄. Jme₁ma₂ně₂néi'₃ si₂, jaun₂ ca₂dsó'₂ ja₁chi₁ton₅ le₂la₂:

18 Dsín₂ Jme₂dsí₂ quián₅ Te₁gui'₅₄ ne₄ quió'₃,
ia₁ ma₂ca₂'ag₃ jniá₂
a₂i₁'ě₃ jág₁ dse₃ jin₄ dsa₂ dsi₂ňé₂.

Ca₂chei₃ a₂i₁'ě₃ jág₁ a₂lión₂ dsa₂ i₂qui₂le₁jní₅,
ton'₂ ján₃ guě'₂ jmo₅₄ jnia₅₄ jme₁ne₁ dsa₂ i₂ten₄;
qui₁long₁₂ dsa₂ i₂qui₂dsi₂ňí₂ uig₅ qui₂jmóg'₂ dsa₂;

19 a₂'ě₄ jmig₄ dse₃ a₂lió₂ Te₁gui'₅₄. †

20 Jaun₂ ca₂b₁in₂ táng₃ si₂; ca₂j₁in'₃ dsa₂ i₂jme₂'o₅₄, jaun₂ ca₂guá'₂ táng₃. Ia₁ jaun₂ bá₄ tion'₅₄ dsa₂ ca₂le₃jín₃ le₁ňi'₂, jág₂. 21 Jaun₂ ca₂jme₃lióg₃ Jesús ca₂juá'₂:
—Jmig₄ nē₃ ca₂tě₂ ne'₅₄ 'nia'₂ ca₂rě₃ti₃ a₂juá'₂ Si₂ nē₅.

22 Ca₂le₃jín₃ bá₄ dsa₂ 'iin₂₃ dse₃ Jesús, dsi₂gó'₃ dsí₅ ca₂le₃jě₃ jág₁ jlá'₁ a₂'uě'₂ 'o₅₄.
Jaun₂ qui₂ca₂ňí'₃ riin'₅₄:

—¿On₁jua'₅₄ i₂ně₅ 'éi₂ i₂lín₅ ja₁ňi'₅₄ Sě₄?

23 Jaun₂ ca₂juá'₂ Jesús:

—A₂dsi₂jó'₃ já₅ jmig₄ le₃jua'₅₄ 'nia'₂ juig'₅₄ jniá₂ quió₃ § la₂: “Ne₂ tē₅mí₅ jma'₅₄ m₁í₅ 'ňiag'₂.” Le₃jua'₅₄ 'nia'₂ nē₃: “A₂ca₂rě₃ne₄ jnia'₅₄ a₂ca₂jmo'₅₄ Capernaum, ma₂ně₃ jmo₄ ja₁lá₃ go'₅₄ ján₃.”

24 Caun₂ ca₂juá'₂ bá₄:

—A₂tě₃dsón'₂ juá'₅ jniá₂ juig₂ 'nia'₂, 'i₁jan₂ dsa₂ i₂'ě₂ jág₁ quián₅ Diú₄, tsá₃ a₁jaun₂ jua'₅₄ a₂guei₃ dsa₂ dse₃ go₅₄. 25 Tý₅ bá₄ jág₁ quió₃ a₂juá'₅ la₂, juin₅ dsa₂ m₁í₂ 'nág₂ i₂jme₁chan₂ Israel jmig₄ lia'₂ con'₂ jme₁chan₂ Elías i₂jme₁'ě₂ jág₁ o₄quió'₄ Diú₄, lia'₂ con'₂ ca₂rě₃'ín₃ 'ňio₅ lín₃ a₂guě'₃ dsa₂ ta₁caun₂ juig₂ nación, ia₁ tsá₃ ma₃jm₁í₅ ca₂tang₂ 'ni₅ ňi₂ tē₂ ca₂dsio₄. 26 La₁ ca₂lia'₂ quió'₅ 'i₁jan₂ 'io₅₄ 'nág₂ i₂jme₁chan₂ Israel, tsá₃ ca₂ňe₄ Elías, jnia'₅₄ lia'₂ quió'₅ jan₂ i₁ná₃ i₂jme₁guá₄ Sarepta* a₂nio₅ quián₅ ciudad Sidón bá₄. 27 Já₁n₃ bá₄ le₂jaun₂ jme₁chan₂ juin₅ dsa₂ i₂jme₁lín₄ 'mé₅ 'iog₅ juig₂ Israel, lia'₂ con'₂ jmig₄ ca₂ňi₃ Eliseo i₂jme₁'ě₂ jág₁ o₄quió'₄ Diú₄ ján₃. La₁ ca₂lia'₂ 'i₁jan₂ i₂'éi₂ tsá₃ ca₂'lón₂, jnia'₅₄ lia'₂ jan₂ i₂jme₁chen₂ Na'amán† i₂jme₁chan₂ 'uě₃ Siria bá₄.

28 Jme₁ca₂nág₂ dsa₂ jág₁ nē₅, ca₂le₃jín₃ con'₂ i₂tion'₅₄ guá'₅ sinagoga ca₂rě₃'néi₃ 'lig'₅₄. 29 Qui₂ca₂nau₂ tioin'₅₄, ca₂dsei₂₃ juig₂, ca₂i₃lén₂ le₁jiog₂₃ ca₂tě₂ ne₄ má'₂

† 4:19 Isaías 61:1-2. § 4:23 quió₃: Já₁g₁, quió'₅ dsa₂ Jen'₅₄, co₂'nió'₄ le₃jua'₅₄, caun₂ já₁g₁ a₂ňí₂ dsí₅ a₂ca₂quiog₂ dsa₂ can'₅₄, a₂dsia₅ dsa₂. * 4:26 'Nio'₂ ja₁ton₅ 1 Reyes 17:7-24. † 4:27 Na'amán: 'Í₂ 2 Reyes 5.

ja₁lě₄ ni₁'lau₂ dsio'₅₄ juig₂, ia₁ a₂jme₁dsi₂jio₃ dsí₅ jme₁tón₂ ja₁jaun₂. ³⁰ La₁ con'₂ ca₂ŋi₅ bá₄ 'éi₂ jě₄ quió'₅, ca₂lón₂ ŋái'₅.

Jan₂ dsa₂ i₂jme₁'en₅₄ jme₂dsí₂ 'lin'₅₄
(Marcos 1:21-28)

³¹ Jaun₂ ca₂ŋó₃ Jesús juig₂ Capernaum, caun₂ juig₂ tén₅ 'uě₃ Galilea. Ja₁jaun₂ ca₂jme₃tin₂₃ dsa₂ jme₁jmig₄ sa₅₄. ³² 'Ŋio₅ lin₃ dsi₂gó₃ dsí₅ dsa₂ quian'₅₄ jág₁ quió'₅, ia₁ a₂'io₂₃ 'éi'₃ dsón'₂ bá₄ a₂jme₂tag₂₃. ³³ Dsi₂néi₂ guá'₅ sinagoga ja₁tioin'₅₄ jaun₂, jme₁'en₅₄ jan₂ dsa₂ i₂'en₅₄ jme₂dsí₂ je₂na'₅₄ tē₂dsí₅. Jaun₂ ca₂guió'₃ 'éi₂, ca₂juá'₂:

³⁴ —i'₂Ne₂ ně₃! ħ'₂E₂ lě₃ tiáng'₅ jě₄ quián₂ jnia'₅₄, 'ne₂ Jesús Nazareno?† ħA₂i₃'éin'₃ jnia'₅₄ bá₄ 'ne₂ ŋe'₃? Guion₄ jniá₂ 'ein₂ líng'₅: 'ne₂ líng'₅ I₂ŋjó₅ quián₅ Diú₄.

³⁵ Jaun₂ ca₂jí₂ Jesús, ca₂juá'₂:

—i₂Tei₄ jmo₄; tén₃ dsa₂ ně₅!

Jaun₂ je₂na'₅₄ ně₃, ca₂tón₂ 'uě₃ tē₃ jág₅ ca₂le₃jín₃, jaun₂ guě₄ ca₂o₃'ín₃, la₁ tsá₃ 'e₂ uig₅ ca₂jmóg'₂. ³⁶ Jaun₂ ca₂ja₃gó₃ dsí₅ ca₂le₃jín₃, jaun₂ ca₂dsia₃ jág₁ jin₄ riin'₅₄, ca₂juá'₂:

—ħ'₂E₂ bá₄ jág₁ ně₅? I₂ně₅ 'io₂₃ bí₂ jmo₂₃ 'éi'₃ lia'₂ ma₂'uin₂ bá₄ jme₂dsí₂ 'lin'₅₄ jě₁ma₂ca₂juá'₂.

³⁷ A₂jaun₂ ně₃, ca₂i₃'ag₅₄ jág₁ le₂con₂ juig₂ te₁'i₁ ma₂quián₅ jaun₂.

Ca₂jme₃'lión₂ Jesús ma₂chog₅₄ Si₂mu₅₄ Pe₄
(Mateo 8:14-15; Marcos 1:29-31)

³⁸ A₂ca₂o₃'ín₃ Jesús guá'₅ sinagoga jaun₂, ca₂ŋó₃ ja₁quió'₄ Si₂mu₅₄. Ja₁jaun₂ jme₁rě₂quian₅ ma₂chog₅₄ 'éi₂ dso'₅₄ 'i₄ dséi₂ 'ŋio₅ lin₃. Jaun₂ ca₂mi₃ dsa₂ ne₅₄ o₄quió'₄ dsa₂ dso'₅₄. ³⁹ Jaun₂ ca₂jme₃quián₃ cau₅ quió'₅ dsa₂ dso'₅₄, ca₂jéin₂ dso₄ dséi₂. Jaun₂ ca₂o₃'ág₃ dséi₂. Dsi₂jui₅ le₂jaun₂ bá₄ ca₂nau₂ dsa₂ i₂jme₁dso'₅₄, ca₂jme₃tí₃ ne₄ dsa₂ i₂tion'₅₄.

Ca₂jme₃'lión₂ Jesús juin₅ dsa₂ dso'₅₄
(Mateo 8:16-17; Marcos 1:32-34)

⁴⁰ Tē₂le₃ ca₂nei₂ jmig₄ jaun₂, ca₂le₃jín₃ dsa₂ i₂chan₂ dsa₂ dso'₅₄ quián₅ jui₁'e₂ guě₃ dso₄ lín₅, ca₂o₃jio₃ dsa₂ ne₅₄. Jaun₂ qui₂ca₂téin₂ gu₂ le₂jan₂ le₂jan₂ dsa₂ dso'₅₄, ca₂jme₃lió₂. ⁴¹ Juin₅ bá₄ jme₂dsí₂ je₂na'₅₄ qui₂ca₂'uín₂ quió'₅ dsa₂, qui₂guió'₅ juá'₂:

—i'₂Ne₂ líng'₅ Ja₁ŋi'₅₄ Diú₄!

La₁ Jesús ně₃, ca₂jí₂ bá₄, tsá₃ ca₂cuě₃ jmig₄ jua'₅₄ a₂juá'₂ guě₄, ia₁ a₂ŋi₅ rě₂ bá₄ je₂na'₅₄ a₂lín₅ 'éi₂ I₂rě₂'ín₁ quián₅ Diú₄.

Ca₂ton₃ Jesús jág₁ 'uě₃ Galilea
(Marcos 1:35-39)

⁴² Jme₁jnia₃ jaun₂, ca₂o₃'ín₃ Jesús ŋó₃ caun₂ ja₁lě₄ co₂'ŋiog₅. La₁ ca₂le₃jín₃ dsa₂ ca₂i₁niói₁₂ ca₂'nau'₂. Jaun₂ ně₃ jme₁ca₂dsáu'₂, jme₁jnéi₂ jui₅ tsá₃ jme₁cuě₂₃ jmig₄ dsáin'₃. ⁴³ Jaun₂ ca₂juá'₂ Jesús:

—Ca₂tín₂ jniá₂ qui₂i'₁ě₃ jág₁ jui₁lia'₂ ja₁gon₂ Diú₄, le₂tan₅₄ juig₂ ja₁siá'₂, ia₁ ta₁ ně₅ chen₄ bá₄ jniá₂ guio₃.

⁴⁴ Jaun₂ le₂ně₅ bá₄ ca₂ŋi₃ Jesús ca₂'ě₂ jág₁ le₂con₂ guá'₅ sinagogas a₂te₁'i₁ ja₁tén₄ Judea.Š

† 4:34 o₃, “i₂chan₂ Nazaret.” Š 4:44 A₂lin₅₄ chog₅₄ si₂juá'₂: “Galilea.”

5

Ca₂jmo₃ Jesús ca₂jon₃ dsa₂ ju₄
(Mateo 4:18-22; Marcos 1:16-20)

¹ Ca₂lë₃ co₂ráun₂ jme₁'en₅₄ Jesús chei₅₄ Jm_iñí₄ Genesaret.* Të₃jë₄ jaun₂ ca₂ñi₂ ju_in₅ lín₃ dsa₂, ca₂lia₂' co₂'liog₂' bá₄ tío_in₅₄, ia₁ 'nio₃ nag₃ já_g₁ quió₅ Diú₄.
² Jaun₂ ca₂jág₃ Jesús tin₃ tsi₁mu₅ a₂le₁jë₁, le₁'ág₄ chei₅₄ jmig₂, ia₁ dsa₂ i₂tsán₂' ju₄ jme₁ma₂sióin₃ i₂ráng₃ 'má₅ quió₅.
³ Jaun₂ ca₂'í₃ Jesús caun₂ tsi₁mu₅ jaun₂, a₂lë₅ quió₅ Si₂mu₅₄. Jaun₂ ca₂mi₃ a₂jio_g₃ 'éi₂ ca₂juig₄ guë₄ le₃ne₄ jmig₂. Jaun₂ ca₂guá₂ 'ñi₃ tsi₁mu₅, jaun₂ ja₁jaun₂ ca₂jme₃lióg₃ ca₂jme₃tín₂₃ dsa₂.
⁴ Jme₁ca₂dsan₃ cuë₂₃ já_g₁, ca₂tsí₃ Si₂mu₅₄:

—Jñio_g₅₄ mu₅ quiáng₂' le₃ja₁jí₂ guë₄. Ja₁në₅ tío_{ng}₂ 'má₅ quiáng₂', jaun₂ lén₂' 'nia₂' ju₄.

⁵ Jaun₂ ca₂ñag₃ Si₂mu₅₄:

—Të₅, la₂ tio₅₄' bá₄ jnia₅₄' ta₁jma₃ nei₅ ca₂néi₃, tsá₃ 'ein₂ já₂' ma₂lag₅ jnia₅₄'; la₁ i₁tion₃ caun₂ ia₁ a₂juá₂' 'ne₂.

⁶ Jme₁ca₂jmo₃ le₂jaun₂, ca₂lia₂' ju_in₅ lín₃ ju₄ i₃ton₅₄, jnia₅₄' mei₂ tsá₃ ca₂gag₂ bá₄ 'má₅ quió₅ tío_in₅₄.
⁷ Jaun₂ ca₂bí₂ gu₂ ca₂të₃ rñin₅₄' i₂jme₁tion₅₄' tsi₁mu₅ caun₂, ia₁jaun₂ ja₃lén₂ jme₃'o₅₄. Jme₁o₃lén₂' 'éi₂ në₃, ca₂jme₃cain₂' ta₁tín₃ tsi₁mu₅, jnia₅₄' mei₂ tsá₃ ca₂i₃guein₅₄' bá₄ tío_in₅₄.
⁸ Jme₁ca₂jág₃ Si₂mu₅₄ në₅, ca₂ñó₃ ca₂chi₃ñé₃, ne₄ Jesús, ca₂juá₂':

—Jnia₃' cau₅ quió₃, Te₁gui₅₄', ia₁ dsa₂ cha₂ dsá_u₁ bá₄ jniá₂.

⁹ Ia₁ dsi₂gó₃' dsí₅ Si₂mu₅₄ quian₅₄' rñin₅₄', ia₁ a₂ñí₄ lë₃ 'ñio₅ ju_in₅ ju₄ i₂ca₂join₃.

¹⁰ Ján₃ bá₄ le₂jaun₂ Jacobo quian₅₄' Juan₅₄ i₂lín₅ ja₁ñi₅₄' Zebedeo, ia₁ co₂dsia₅ jme₁i₂noi₅₄ quian₅₄' Si₂mu₅₄ tsáin₂' ju₄. La₁ Jesús në₃ ca₂juá₂' ca₂tsí₃ Si₂mu₅₄:

—Tsá₃ jmo₂ gang₃'. Ia₁ të₂le₃ ne₄ jui₅ ja₁dsau₅₄ në₅, ñí₁ jmag₅₄' dsa₂ mi₂güig₃ ju_ilia₂' jmag₂' ju₄.

¹¹ Jme₁ma₂në₂jñióg₃' tsi₁mu₅ quió₅' le₃ja₁quein₂ chei₅₄' jmig₂, ja₁jaun₂ ca₂dsia₃ jë₂, ca₂i₃lén₂ bá₄ quian₅₄' 'éi₂.

Ca₂jme₃'lión₂ Jesús jan₂ dsa₂ i₂lín₅ 'mé₅ 'iog₅
(Mateo 8:1-4; Marcos 1:40-45)

¹² Co₂ráun₂ jme₁'en₅₄ Jesús caun₂ juig₂, jaun₂ ca₂dsióg₃ jan₂ dsa₂ dso₅₄' i₂lín₅ 'mé₅ 'iog₅, ta₁jain₂. Jme₁ca₂jñin₂ Jesús, ca₂tóin₂ të₂rë₃' éin₂' uë₃, ca₂mi₃ tion₅₄-jan₃, ca₂juá₂':

—Te₁gui₅₄', chi₂jua₂' 'niog₂', jnia₅₄' lia₂' 'ne₂ bá₄ qui₅₄' jmig₄ chi₅₄ dso₄ a₂lín_g₅.

¹³ Jaun₂ ca₂néi₃' gu₂, ca₂ñí₃' quió₅' dsa₂ dso₅₄', ca₂juá₂':

—'Nio₃ jniá₂. Jmo₅₄' bá₄ le₁jíng₃.

Dsi₂jui₅ jme₁ca₂juá₂' jaun₂, ca₂jñia₃' 'mé₅ 'iog₅ a₂jme₁lín₄.
¹⁴ Jaun₂ ca₂jmo₃ Jesús 'éi₃' a₂tsá₃ 'ein₂ tsí₃' 'i₁jan₂. Jnia₅₄' lia₂' ca₂juá₂':

—La₁ gua₂ o₂jme₁jnia₅ ne₄ jme₂dsa₂, o₄quió₄' a₂ma₂le₁jíng₃', o₂jmo₄ o₂jen₅₄ ne₄ Diú₄ con₂' lë₅ 'Éi₃' quió₅ Moisés,† co₂'nió₄' a₂jang₅₄' já_g₁ dsau₅ jin₄ dsa₂.

¹⁵ La₁ të₂le₃ lë₅ guë₄ ca₂i₃'ag₅₄' bá₄ já_g₁ ca₂le₂con₂ a₂'in₅ dsa₂ Jesús. Jaun₂ i₂juin₅ lín₃ dsa₂ i₂jme₁të₁ja₂lén₂ ñi₂' ja₂néi₃ já_g₁, i₂'nio₃ 'lión₂ në₃ 'e₂ caun₂ jm_iui_g₅ chain₂.
¹⁶ La₁ jme₁dsi₂u_in₃ bá₄ 'ni₂' juig₂ ja₁con₂' ñio_g₅, chi₃lén₂' Diú₄.

Ca₂jme₃'lión₂ Jesús jan₂ dsa₂ 'lian₂
(Mateo 9:1-8; Marcos 2:1-12)

* 5:1 Ján₃ bá₄ chei₂ "Jm_iñí₄' Galilea." † 5:14 'Í₂ Levítico 14.

17 Ca₂lë₃ co₂ráun₂ jme₁'en₅₄ Jesús jme₂t_{in}₂₃ dsa₂. Le₂con₂ jaun₂, jme₁tíán'₄ i₂l_{in}₅₄ dsa₂ fariseos, tē₅juá'₅ ně₃, i₂ja₂lén₂ le₂con₂ 'uē₃ Galilea, Judea, juig₂ Jerusalén ně₃. Ia₁ jui₅bí₂ quió'₅ Te₁gui'₅₄ bá₄ jme₁'io₅ Jesús, a₂jme₂'lióin₂ dsa₂. 18 Tē₃jē₄ jaun₂, ca₂dsi₃lén₂ dsa₂ le₁jñai₂₃ jan₂ dsa₂ 'lian'₂, dsín₂ ne₄ tsi₁jein₁. Jme₁'no'₂ jui₅ dsi₃toin'₅₄ dsi₂néi₂, jme₁dsi₃quio₂₃ ne₄ Jesús. 19 Ia₁ tsá₃ ca₂dsó'₂ 'a₂ lia'₂ dsi₃toin'₅₄, ia₁ a₂ñí₄ lë₃ juin₅ dsa₂ tion'₅₄, jaun₂ ca₂uig₂ le₃co'₅₄ tsi₁'né₅. Jaun₂ ca₂niá₃ jē₄ gua'₅₄ lag₁, jaun₂ ca₂sió₂ lia'₂ jma₃quian'₅₄ tsi₁jein₁, dsi₂jo₂ jaun₂, ne₄ Jesús. 20 Jme₁ca₂jág₃ Jesús a₂'én₂ dsa₂ 'éi₂ 'ñio₅ l_{in}₃, jaun₂ ca₂juá'₂:

—'Ne₂ dsa₂, ma₂rē₂'én₄ bá₄ dsáu'₂.

21 Jaun₂ ně₃ ca₂jme₃lióg₃ tē₅juá'₅ quian'₅₄ dsa₂ fariseos ně₃ ca₂i₃jñia₅ dsí₅: “¿I₂'ein₂ bá₄ ně₅ jmái'₂ mi'₅₄ Diú₄ a₂juá'₂ le₂ně₅? 'I₁jan₂ tsá₃ 'ein₂ lé₂ le₃'én₂ dsáu₁ dsa₂, jñia'₅₄ lia'₂ Diú₄ bá₄.” 22 La₁ a₂lí₄ rē₂ bá₄ Jesús 'e₂ a₂qui₂dsi₂jñia₅ dsí₅ dsa₂ 'éi₂, jaun₂ ca₂juá'₂:

—¿'E₂ bá₄ lë₃ dsi₂jio₅ 'au'₂ 'nia'₂ le₂ně₅? 23 ¿'E₂ a₂'ua₁ guē₄ ta₁, a₂juá'₄ jniá₂ juig₅₄ dsa₂ la₂: “Ma₂rē₂'én₄ dsáu'₂”, o₃ a₂juig₅₄ 'e₂ jniá₂: “Nau₂, ñí₄”? 24 Ia₁ dse₃ jaun₂. La₂ jmo₅₄ jniá₂ ia₁jaun₂ le₃ñi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂qui₃'éin₂ dsáu₁ dsa₂.

Jaun₂ guē₄ ca₂tsí'₃ dsa₂ 'lian'₂:

—'Ne₂ juig₂ jniá₂, nau₂, quion₂ tsi₁jein₁ quiáng'₂, guan'₂.

25 Dsi₂jui₅ jaun₂ tē₃ jág₅ ca₂le₃jín₃, ca₂nau₂ ca₂cáun₃ tsi₁jein₁ quió'₅ ca₂ñá'₃ jme₂juin'₂ Diú₄. 26 Jaun₂ ca₂i₃gó'₃ dsí₅ ca₂le₃jín₃, ca₂jme₃juin'₂ Diú₄ ně₃. Jaun₂ tē₃jē₄ dsi₂gó'₃ dsí₅ jaun₂, qui₂ca₂tsí'₃ riin'₅₄:

—Jmíg₄ ně₃ ca₂tē₂ ne₄ jniog₄ a₂dsi₂gó'₃ dsí₅.

Ca₂tē'₃ Jesús Leví

(Mateo 9:9-13; Marcos 2:13-17)

27 Cang₂ jaun₂ ca₂o₃'iin₃ táng₃. Ja₁ñó₄ jaun₂, ca₂jín₂ jan₂ i₂chen₂ Leví i₂cán₂ 'lia'₅₄ a₂ca₂tín₂ dsi₂tan₅₄, guá₅ ja₁dsi₂qui₅ dsa₂ 'lia'₅₄. Jaun₂ ca₂juá'₂ Jesús:

—Ñia₅ chi₁co'₅₄ quió'₃.

28 Ja₁jaun₂ ca₂dsia₃ jē₂, ca₂nau₂ ñó₃ quiong'₅₄.

29 Ca₂i₁jmo₅₄ Leví caun₂ má₃ pa₁ dsi₂néi₂ quió'₅ o₄quió'₄ Jesús, jaun₂ ca₂ñi'₂ juin₅ dsa₂ i₂cán₂ 'lia'₅₄ riin'₅₄. Juin₅ bá₄ dsa₂ sián'₂ ně₃ qui₂ca₂guē'₃ quian'₅₄.

30 La₁ dsa₂ fariseos quian'₅₄ tē₅juá'₅ quiáin₅, chi₂ca₂'iin₃ dsa₂ i₂ma₂quian'₅₄ Jesús, ca₂juá'₂:

—¿'E₂ lë₃ qui₂quē'₂ qui₂'ág'₂ 'nia'₂ co₂dsia₅ quian'₅₄ dsa₂ i₂cán₂ 'lia'₅₄ ně₅, dsa₂ i₂le₁cán'₄ dso₄ ně₃?

31 Jaun₂ ca₂ñag₃ Jesús:

—Ma₁ tsá₃ tē₅mí₅ 'nió'₅ quió'₅ dsa₂ i₂le₁'ág₄ dse₃ dsí₅; dsa₂ i₂le₁dso'₅₄ bá₄ 'nió'₅ quió'₅. 32 Tsá₃ ta₁ jaun₂ guio₃ jniá₂ a₂tē₄ dsa₂ dsen₃; a₂tē₄ dsa₂ i₂le₁cán'₄ dso₄ bá₄ jniá₂ guio₃, ia₁jaun₂ dsi₁quén'₅ dsí₅.

Ca₂ñí'₃ dsa₂ Jesús ju₁lia'₂ a₂jme₂'in₅₄ dsa₂

(Mateo 9:14-17; Marcos 2:18-22)

33 Jaun₂ dsa₂ 'éi₂ ně₃ ca₂tsí'₃ Jesús:

—¿'A₂ guē'₂ lia'₂ i₂gú'₃ jme₂'in₅₄ dsa₂ i₂quian'₅₄ Juan₅₄, jē₂ qui₂tsí'₅ Diú₄, le₂jaun₂ bá₄ dsa₂ quián₅ fariseos ně₃, la₁ dsa₂ quiáng'₂, guē'₅ 'in'₂ bá₄?

34 Jaun₂ ca₂jéin'₃ Jesús jág₁:

—¿Lé₂ le₃chi₁quian'₄ 'nia'₂ jmíg₄ jme₃'in₅₄ ju₁lia'₂ dsa₂ i₂té₄ ja₁jen'₂ gu₂ dsa₂, chi₂juá'₂ jaun₂ bá₄ guá₅ guē'₂ dsa₂ ñe'₂ i₂jen'₂ gu₂? 35 La₁ já₅ jmíg₄ jē₁ma₂jñia'₃ dsa₂ ñe'₂ 'éi₂; jmíg₄ jaun₂ guē₄ ma₂lé₂ jme₃'iin₅₄.

³⁶ Ján₃ bá₄ ca₂juá'₂ Jesús jág₁ jáng'₅ léi₄ la₂:

—Ma₁ tsá₃ 'ein₂ dsa₂ tíong₅ 'nau₅₄ 'mi'₂ 'mí₂ tsi'₁ 'mi'₂ gui'₅₄. Ia₁ në₁jua'₂ ca₂jmo₃ le₂jaun₂, a₂ñia'₅₄ guéi₃ bá₄ caun₂ caun₂, ton'₂ tsá₃ ma₃rë₂ quín₅ tsi'₁ 'mi'₂ gui'₅₄ quian'₅₄ 'nau₅₄ 'mí₂. ³⁷ Ján₃ guë'₂ tsá₃ tia'₂ dsa₂ vino 'mí₂ ni₁lau₂ gui'₅₄, ia₁ në₁jua'₂ ca₂jmo₃ dsa₂ le₂jaun₂, a₂ne'₂ bá₄ ni₁lau₂ gui'₅₄ quian'₅₄ dsió'₁ vino 'mí₂; téin₃ bá₄ vino, ton'₂ dsi₃'én₂ ni₁lau₂ gui'₅₄ ně₃. ³⁸ Jaun₂ lë₃, lau₂ 'mí₂ bá₄ 'nió'₅ tia'₃ dsa₂ vino 'mí₂, ia₁jaun₂ rë₂ lé₂ 'í₁ le₃tín₃. ³⁹ Ján₃ bá₄ le₂jaun₂ ju₁lia'₂ i₂ma₂'ín'₅ vino gui'₅₄ a₂ma₂ron₂, tsá₃ jiá₃ dsí₅ 'ín'₂ vino 'mí₂ a₂të₂ca₂jlen'₃. “Ia₁ tió'₅ a₂gui'₅₄” bá₄ juá'₂.

6

Guén₂ dsa₂ quián₅ Jesús míg₂ trigo caun₂ jmíg₄ sa₅₄
(Mateo 12:1-8; Marcos 2:23-28)

¹ Caun₂ jmíg₄ sa₅₄, ca₂ñi₅ Jesús caun₂ ja₁nau₂ ja₁ñia₄ trigo. Jaun₂ ca₂gág₃ dsa₂ i₂quian'₅₄ mí₂ trigo, qui₂ca₂guéin₂ ca₂guë'₃. ² Jaun₂ jme₁ca₂jág₂ i₂lín₅₄ dsa₂ fariseos, jaun₂ ca₂juá'₂:

—¿E₂ lë₃ jmo'₂ 'nia'₂ a₂tsá₃ 'i₄ 'éi'₃ jmo₃ dsa₂ jme₁jmíg₄ sa₅₄?

Jaun₂ ca₂ñag₃ Jesús:

³ —¿Tsa₁ ma₂'í'₂ 'nia'₂ ja₁juá'₂ a₂ca₂jmo₃ David quian'₅₄ riin'₅₄ jme₁ca₂tá'₂ i₁cón'₅? ⁴ Ca₂'í₃ dsi₂néi₂ quió'₅ Diú₄ ca₂can₃ i₁ñí'₄ ñjió₅ a₂'i₄ 'éi'₃ a₂guë'₃ jmá'₃ jme₂dsa₂. Ca₂guë'₃, ca₂cuë'₃ riin'₅₄ i₂jme₁quian'₅₄ ně₃.

⁵ Ca₂juá'₂ Jesús ján₃:

—Jaun₅ dsa₂ mi₂güig₃ bá₄ i₂quian'₅ 'éi'₃ ne₄ quió'₅ jmíg₄ sa₅₄.

Dsa₂ i₂rë₂já'₃ caun₂ gu₂
(Mateo 12:9-14; Marcos 3:1-6)

⁶ Co₂ráun₂ táng₃ caun₂ jmíg₄ sa₅₄ ca₂lë₃, ca₂'í₃ Jesús guá'₅ sinagoga, ca₂jme₃tín₂₃ dsa₂. Jë₄ jaun₂ jme₁'en₅₄ jan₂ dsa₂ i₂rë₂já'₃ gu₂ ne₁. ⁷ Ca₂tioğ₃ dsa₂ fariseos quian'₅₄ të₅juá'₅ chi₂juá'₂ jme₃'lióin₂ 'éi₂ të₃ jmíg₄ sa₅₄, ia₁ jme₁'no'₂ juí₅ 'a₂ lia'₂ jmo₃ dsáu₁ 'éi₂. ⁸ La₁ a₂ñi₅ rë₂ bá₄ Jesús 'e₂ a₂dsi₂jioğ₅ dsí₅ dsa₂ 'éi₂ tióin₂, jaun₂ ca₂tsí'₃ dsa₂ i₂rë₂já'₃ gu₂:

—Nau₂, ñia₅ dsi₂jo₂ la₂.

Ca₂nau₂ bá₄ dsa₂ 'éi₂ ca₂ño₃. ⁹ Jaun₂ ca₂tsí'₃ Jesús dsa₂ i₂tióin₂ jág₅:

—La₂ ñag₄ jniá₂ caun₂ 'nia'₂: ¿E₂ 'i₄ 'éi'₃ jmo₃ dsa₂ juí₁lia'₂ jme₁jmíg₄ sa₅₄? ¿A₁dse₃, o₃ a₂'lig'₅₄ 'e₂? ¿A₂lióin₂ dsa₂ mi₂güig₃ riin'₅₄, o₃ a₂ñag₃ 'e₂?

¹⁰ Jaun₂ ca₂jín₂ ca₂le₃jín₃ dsa₂ i₂tióin₂ le₃lág₃ quió'₅, jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃. Dsi₂juí₅ jaun₂ bá₄ ca₂lág₃ gu₂. ¹¹ La₁ ca₂rë₃'né₃ bá₄ dsa₂ jain₂ jain₂ tióin'₅₄, ca₂jme₃lióğ₃ ca₂tsí'₃ riin'₅₄ 'e₂ jmái'₂ Jesús.

Ca₂quión'₂ Jesús guia₃-tín₂ dsa₂ i₂chein₃ 'a₂ guë₃ já'₄ chei₃
(Mateo 10:1-4; Marcos 3:13-19)

¹² Ca₂lë₃ të₃jë₄ jmíg₄ jaun₂, ca₂ño₃ Jesús juí₅ caun₂ má'₂ a₂chi₂i₁lein'₄ Diú₄. Të₂jma₃nei₅ bá₄ ca₂ñi₅ chi₂lén'₂ Diú₄. ¹³ Jme₁ñia₃ táng₃ jaun₂, ca₂të'₃ dsa₂ i₂quian'₅₄, jaun₂ ca₂quión'₂ guia₃-tín₂ 'éi₂. I₂'éi₂ ně₃ ca₂quian₃, i₂chen₄ quiáin₅.*

¹⁴ Le₂la₂ jme₁chein₂: Si₂mu₅₄ i₂ca₂quian₃ Pe₄; Dré₄ rin'₅₄ Si₂mu₅₄; Jacobob quian'₅₄ Juan₅₄ ně₃; Fe₂li₄, Bartolomé, ¹⁵ Të₅₄, To₁má₄, Jacobo† i₂lín₅ ja₁ñi'₅₄

* 6:13 griego: apóstolous (dsa₂ i₂chen₄). † 6:15 o₃, Santiago.

Alfeo; Si₂mu₅₄ i₂lín₅ cananista. †¹⁶ Judas rín₅₄ Jacobo; quian₅₄ Judas Iscariote Š i₂ca₂dsióg₃ ca₂'ni₃ Jesús cang₂.

Jme₂tín₅ Jesús juín₅ lín₃ dsa₂
(Mateo 4:23-25)

¹⁷ Jme₁ca₂sióin₃ má'₂ jaun₂, quian₅₄ 'éi₂, jaun₂ ca₂nau₂ caun₂ ja₁lě₄ ja₁jo₂. Ja₁jaun₂ ně₃ jme₁ma₂le₁ñi'₂ juín₅ lín₃ dsa₂ i₂chan₂ ta₁caun₂ 'uě₃ Judea, i₂ja₂lén₂ Jerusalén, ca₂le₃jě₃ juig₂ te₁'i₁ le₂tan₅₄ chei'₅₄ jmi₁ñi'₄ ja₁niog₅ juig₂ Tiro quian₅₄ Sidón ně₃, ¹⁸ ia₁ 'nio₃ dsa₂ nag₃ jág₁ quió'₅ Jesús, ton'₂ ia₁ 'nio₃ 'lióin₂ 'e₂ caun₂ dso₄ niog₅ líin₅. Le₂jaun₂ guě'₂ dsa₂ i₂chan₂ uig₅ co₂jmóg'₂ jme₂dsí₂ 'lin'₅₄, ja₁jaun₂ qui₂ca₂'lóin₂ bá₄ ján₃. ¹⁹ Qui₂ca₂'náu'₃ juí₅ a₂ñí'₃ quió'₅ Jesús, ia₁ jme₁'io₅ 'éi₂ bí₂ a₂jme₁jme₂'lióin₂ ca₂le₃jín₃.

Jui₁lia'₂ a₂dse₃, quian'₅₄ a₂tsá₃ dse₃ lia'₂ chan₂ dsa₂
(Mateo 5:1-12)

²⁰ Jaun₂ ca₂jín₂ ca₂le₃jín₃ i₂ma₂quian₅₄, jaun₂ ca₂juá'₂:
—'E₂ guě₄ dsen'₃ 'nia'₂ dsa₂ i₂chang'₂ njég'₂ le₃ne₄ Diú₄, ia₁ 'nia'₂ bá₄ ca₂tíng'₂ ja₁goin₂.

²¹ "E₂ guě₄ dsen'₃ 'nia'₂ i₂chang'₂ 'ong'₅₄ rě₂ně₃, ia₁ 'ág'₄ bá₄ 'au'₂. Dsen'₃ 'nia'₂ i₂qui'₂'o₅ jmig₄ ně₃, ia₁ njág'₄ bá₄ 'nia'₂.

²² "E₂ guě₄ dsen'₃ 'nia'₂ jě₁ma₂ca₂jme₃'iog₅₄ dsa₂, a₂'uág'₂, jě₁ma₂tě₂ rě₁tě₃'o'₂, quiong₃ dsa₂ a₂'ling'₅₄ o₄quió'₄ Jaun₅ dsa₂ mi₂güig₃.

²³ 'Jmo₄ 'nia'₂ 'io'₂ 'ñio₅ lín₃, quian₂ 'nia'₂ o₂'ñió₃ 'au'₂ jě₁ma₂tě₂ jmig₄ jaun₂, ia₁ le₂ně₅ bá₄ guéi'₁ 'nia'₂ juě'₂ 'liang'₅₄ guei'₅₄ i₂juíg₃. Ia₁ le₂ně₅ bá₄ ma₂jmo₃ dsa₂ can'₅₄ quiáin₅ ca₃ma₂líg'₂ ma₂jmaí'₂ dsa₂ i₂jme₁'ě₂ jág₁ quián₅ Diú₄.

²⁴ 'La₁ 'e₂ guě₄ juíg'₂ 'nia'₂ dsa₂ cha₂cu₄, ia₁ ma₂gue'₅₄ bá₄ 'nia'₂ liang'₅₄.

²⁵ "E₂ guě₄ juíg'₂ 'nia'₂ i₂chang'₂ qui₂le₁'ág'₃ 'au'₂, ia₁ já₅ jmig₄ jě₁le₃chang'₂ 'ong'₅₄. 'E₂ guě₄ juíg'₂ 'nia'₂ i₂chan₂ co₂ñág₂ jmig₄ ně₃, ia₁ já₅ bá₄ jmig₄ jě₁tóng'₁ 'lia'₂ 'au'₂ qui'₁'áu'₂.

²⁶ 'Juíg'₂ bá₄ 'nia'₂ jě₁ma₂tě₂ rě₁qui₃'ag₃ dsa₂ dse₃, ia₁ le₂ně₅ bá₄ ca₂jmo₃ dsa₂ can'₅₄ quiáin₅, ca₂'iin₃ dse₃ dsa₂ juí₁gan₂ i₂jme₁'ě₂ jág₁ ma₂líg'₂.

A₂jme₃'nio₃ dsa₂ jui₁lia'₂ dsa₂ i₂'iog₅₄
(Mateo 5:38-48; 7:12)

²⁷ 'La₁ 'nia'₂ dsa₂ i₂nag₅, juá'₅ jniá₂: Jme₁'nió₄ 'nia'₂ dsa₂ i₂'iog₅₄, jmo₄ a₂dse₃ ja₁con₂ dsa₂ i₂ja₂uin₅₄ dsí₅ jág₂. ²⁸ Caun₂ dse₃ bá₄ qui₁'íng'₄ i₂'ag₅ 'lig'₅₄; chi₁len'₅₄ 'nia'₂ Diú₄ o₄quió'₄ i₂lě₁co₂jmóg'₂. ²⁹ Chi₂juá'₂ 'ein₂ ca₂jnáu₃ ca₂ton₂ rě₂jog'₂, jein'₅₄ le₃ca₂ton₂ táng₃ o₁jnáu₄; chi₂juá'₂ 'ein₂ ca₂ñjá'₂ 'mi'₂ dsiog₂ quiáng'₂, le₂jiog₅ tsíng'₂ a₂qui'₅₄ cuě'₅₄ ján₃, o₁quion₂. ³⁰ Juí₁'ein₂ guě₃ mi₅'e₂ mi₂₃, cuě'₅₄; chi₂juá'₂ 'e₂ caun₂ a₂ñjá'₂ quiáng'₂, tsá₃ ma₃mag'₅₄. ³¹ Jui₁lia'₂ a₂'niog'₂ 'nia'₂ jmo₃ dsa₂ ja₁cong'₂, le₂jaun₂ jmo₄ 'nia'₂ ja₁coin₂.

³² 'Ia₁ ně₁juá'₂ 'nióg'₃ jmá'₃ lia'₂ dsa₂ i₂'nio₃ 'nia'₂ quiong'₅₄, ċ'_{e2} ti₁'mag'₄ ca₂tíng'₂ ně₁juá'₂ le₂jaun₂? Ia₁ ján₃ bá₄ le₂ně₅ jmo₅ jui₁lia'₂ dsa₂ i₂'no₅ dso₄. ³³ Ia₁ chi₂juá'₂ jmo'₂ 'nia'₂ dse₃ jmá'₃ lia'₂ ne₄ dsa₂ i₂jmo₅ dse₃ ja₁cong'₂, ċ'_{e2} ti₁'mag'₄ ca₂tíng'₂ ně₁juá'₂ le₂jaun₂? Ia₁ le₂ně₅ bá₄ tion'₅₄ dsa₂ i₂'no₅ dso₄ ján₃. ³⁴ Ně₁juá'₂ qui₂dsi'₂ 'nia'₂ jmá'₃ lia'₂ le₃quió'₅ i₂lín₂ 'nia'₂ le₃qui'₅₄ jmig₄ jéin'₃ quiáng'₂, ċ'_{e2} ti₁'mag'₄ ca₂tíng'₂ ně₁juá'₂ le₂jaun₂? Ia₁ le₂ně₅ bá₄ tion'₅₄ guě'₂ dsa₂ i₂'no₅ dso₄ ján₃, qui₂dsi₂ quió'₅ rín₅₄ jain₂ jain₂, ia₁jaun₂ qui₃gue₃ quió'₅ rín₅₄. ³⁵ La₁ 'nia'₂

† **6:15** griego: Celotes, co₂'nió'₄ dsa₂ i₂nau₂ quen₅; jan₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ñí₄ lě₃ mei'₂ tsá₃ ca₂ne₅₄ a₂chein₂. **Š 6:16** o₃, Judas i₂chan₂ Cariot; o₃ Judas i₂tě₂jín₁.

ně₃, jme₁'nió₄ i₂'iog₅₄, jmo₄ a₂dse₃ ja₁coin₂; dsi₄'nia'₂ quió'₅, tsá₃ jmo₄'nia'₂ jua'₅₄ a₂ŋí₄'i₅'au'₂ a₂jaun₂. Jaun₂ le₂ně₅ bá₄ guéi'₁'nia'₂ juè'₂'liang'₅₄, ton'₂ léng'₂ chi'₂-guein₂ quián₅ Diú₄ i₂guá₅ guei'₅₄. Ia₁ i₂'ua₁ dsí₅'éi₂ ján₃ ja₁con₂ dsa₂'lin'₅₄, i₂ŋia'₅₄ ti₁'mag'₄ tsá₃ cuë₂₃. ³⁶ Jui₁len'₅₄'nia'₂ dsa₂ ŋéi₂ dsí₅, jui₁lia'₂ ŋéi₂ dsí₅ Diú₄ N'éi'₅.

Tsá₃ lë₁caun₂'nia'₂ 'í₁ quió'₅ ríng'₂
(Mateo 7:1-5)

³⁷ 'Tsá₃ lë₁caun₂'nia'₂ 'í₁ ja₁con₂ ríng'₂, jaun₂ tsá₃ con₂ Diú₄ 'í₁ ja₁con₂'nia'₂ guiong'₅₄. Tsá₃ 'lián'₅'nia'₂ ríng'₂ jaun₂ tsá₃ 'liog'₃ Diú₄ guion'₅₄'nia'₂ ján₃. 'Én₃'nia'₂ dsáu₁ ríng'₂, jaun₂ bá₄'én₂ Diú₄ dsáu'₂'nia'₂ guiong'₅₄. ³⁸ Qui₂jme₁'on₁'nia'₂ ríng'₂, jaun₂ bá₄ jme₃'o₅₄ Diú₄'nia'₂, cuë₃ caun₂'éi'₃ tí₅, a₂tó'₅ tiá₂, a₂qui₂rë'₂ŋiá'₄ rë₂ lín₃, ca₂lia'₂ tsá₃ ma₃to'₂ ja₁'éi'₄ jmo₃, tó'₃ tē₂jmu₂ quián'₂'nia'₂. Ia₁ 'éi'₃ jaun₂ bá₄ to'₂ Diú₄ jui₁lia'₂ lë₅'éi'₃ a₂dsián'₅'nia'₂ ríng'₂ guiong'₅₄.

³⁹ Jaun₂ ca₂cuë₃ Jesús jág₁ jáng'₅ léi₄ la₂:

—¿Lé₂ le₃ŋia₃ dsa₂ ten₄ jan₂ dsa₂ ten₄ riin'₅₄ a₂'ë₃ jui₅? ¿Tsa₁ tsi₃séin'₂ jua'₅₄ jui₁lia'₂ caun₂ siá₅? ⁴⁰ 'I₁jan₂ jui₁lia'₂ i₂'i₅ si₂ tsá₃ lín₅ jua'₅₄ a₂juiin'₂ guë₄ con'₂ guë₄ tē₅ quián₅; ca₂lia'₂ ca₂dsó'₃ si₂ quió'₅, jaun₂ guë₄ lé₂ le₃dsióg₄ léin₂ con'₂ lín₅ tē₅ quián₅.

⁴¹ ¿'A₂ bá₄ lia'₂ ŋiá'₄'ne₂ jme₁qui₅ pí'₁ a₂'i₄ jme₁ne₁ ríng'₂, ton'₂ tsá₃ leng'₅₄ a₂'i₄ ni₁'ma₂ chá₅ jme₁ne₄'ŋiag'₂? ⁴² ¿'A₂ bá₄ lia'₂ tiá₂'au'₂ jui₅'ríng'₂: “Rin'₅₄ ŋiog₄, cuë₄ jmi₄ o₁dsi₁₂ jme₁qui₅ pí'₁ a₂'i₄ jme₁ne₄”? j'Ne₂ dsa₂ i₂lë₁jmo₅-dsáu₅ o₁ne₁! Dsi₄ de'₂ ŋiá₅ ni₁'ma₂ chá₅ a₂'i₄ jme₁ne₄'ŋiag'₂, jaun₂ guë₄ le₃jag'₅₄ rë₂ dsí'₁ qui₅ pí'₁ a₂'i₄ jme₁ne₁ ríng'₂.

Të₂le₃'a₂ lia'₂ lë₅ míg₂ a₂'ag₅ bá₄ ni₁'ma₂, jáng'₅ léi₄
(Mateo 7:17-20; 12:34-35)

⁴³ 'Tsá₃ cha₂ ni₁'ma₂ dse₃ jua'₅₄ a₂lé₂ le₃'ag₃ míg₂ 'lig'₅₄; ján₃ guë'₂ le₂jaun₂ tsá₃ cha₂ ni₁'ma₂ 'lig'₅₄ jua'₅₄ lé₂ le₃'ag₃ míg₂ dse₃. ⁴⁴ Le₂caun₂ le₂caun₂ bá₄ ni₁'ma₂ jau'₂ 'í₁ tē₂le₃'a₂ lia'₂ lë₅ míg₂ a₂'ag₅: ma₁ tsá₃ quin₅ dsa₂ míg₂ higos jui₁lia'₂ ni₁'ma₂ taun₅ chei₅₄, on₃ guë'₂ lé₂ le₃cág'₃ dsa₂ míg₂ uvas jui₁lia'₂ chi₁úing₃ taun₅. ⁴⁵ Já₃ bá₄ le₂ně₅ dsa₂ ně₃. Jui₁lia'₂ dsa₂ dsen₃, lia'₂ con'₂ lë₅ a₂dse₃ a₂ma₂rë'₂ma₄ tē₂dsí₅, jmo₂₃ a₂dse₃; dsa₂ i₂'lin'₅₄ ně₃, lia'₂ con'₂ lë₅ a₂'lig'₅₄ a₂ma₂rë'₂ma₄ tē₂dsí₅, jmo₂₃ a₂'lig'₅₄. Ia₁ lia'₂ con'₂ lë₅ a₂'lióng₂ ŋag₅₄ cha₂ tē₂dsí₅ dsa₂, a₂jaun₂ bá₄ 'uë₂ mi₂'o₅₄.

Tin₃ né₃ 'uig₅₄ cha₂
(Mateo 7:24-27)

⁴⁶ ¿'E₂ bá₄ lë₃ tē'₅'nia'₂ jniá₂, “Te₁gui'₅₄, Te₁gui'₅₄”, ton'₂ tsá₃ jmo₂'guë'₂'nia'₂ a₂juá'₅? ⁴⁷ Le₂jan₂ le₂jan₂ i₂tē₁ja₂lén₂ ne₃, i₂ja₂néi₃ jág₁ quió₃, ton'₂ ne'₅₄ ně₃, la₂ 'iin₄'a₂ lia'₂ lín₅: ⁴⁸ lín₅ jui₁lia'₂ jan₂ dsa₂ i₂ca₂jmo₃'né₅, ca₂guéi₃'ei₄ de'₂ ŋiá₅ ca₂lia'₂ ca₂tē₂ ne₄ ni₁'lau₂. Ne₄ jaun₂ ca₂jme₃lióg₃ 'uig₅₄'ia'₂. Jme₁ca₂juë'₂ jmi₂, ca₂dság'₃ jmi₂ tiá₂'ei₅ dso'₂ tsi₁'né₅ jaun₂. La₁ ca₂lia'₂ ŋiá₅₄ tsá₃ ca₂'ŋiá'₂, ia₁ rë₂ jme₁.lë₄. ⁴⁹ La₁ jui₁lia'₂ i₂nag₅ jág₁ quió₃, ton'₂ tsá₃ nei'₅₄ guë'₂ ně₃, lín₅ jui₁lia'₂ lín₅ dsa₂ i₂ca₂chi'₃'ne₄ ŋiá₅₄ dsí₂ ne₄'uë₃ bá₄, tsá₃ 'uig₅₄'ia'₂ ca₂jmo₃. Jme₁ca₂dság'₃ tiá₂'ei₅ jmi₂ dso'₂ tsi₁'né₅ jaun₂, ca₂qui'₃ bá₄, co₂ŋei'₅₄ ca₂'en₃.

7

Ca₂jme₃'lión₂ Jesús jan₂ dsa₂ mozo quián₅ jui₅₄'lióg₂ romano
(Mateo 8:5-13)

1 Jme₁ca₂dsan₃ cuë₂₃ jág₁ le₂në₅, ca₂le₃jín₃ bá₄ dsa₂ qui₂ca₂nág₂, jaun₂ ca₂ñó₃ juí₅ juíg₂ Capernaum. 2 Ja₁jaun₂ jme₁guá₄ jan₂ juíg₅₄ 'lióg₂ romano i₂jme₁'ñio₅ jan₂ dsa₂ i₂jme₁jme₂ti₃ ne₅₄, i₂jme₁'nioi₃ lin₃. 'Éi₂ ně₃ jme₁dso'₅₄ jme₁ma₂rë₂quiain₂₃ jóin₂. 3 Jme₁ca₂rë₃ñi₅ juíg₅₄ 'lióg₂ a₂'in₅ dsa₂ Jesús, jaun₂ ca₂chein₃ jan₂-on₃ dsa₂ can'₅₄ quián₅ dsa₂ judíos a₂i₂lén₂ a₂i₁mi₂ ne₄ Jesús a₂jiá₃ jme₃'lióin₂ dsa₂ mozo quiáin₅. 4 Jme₁dsi₃lén₂ ja₁'en₅₄ Jesús, ca₂mi₃ tion₅₄-jan₃, ca₂juá'₂:

—Ca₂tín₂ bá₄ gui'₅₄ juíg₅₄ 'lióg₂ 'éi₂ a₂jme₁'oin'₄, 5 ia₁ 'ñio₅ lin₃ bá₄ 'nioi₃ dsa₂ juíg₂ go₄ jniog₄. Ia₁ 'éi₂ bá₄ ca₂jmo₃ 'éi'₃ a₂ca₂lág₃ guá'₅ sinagoga quián₂ jnia'₅₄.

6 Jaun₂ ca₂ñó₃ bá₄ guë'₂ Jesús quián'₅₄ 'éi₂. La₁ jme₁ma₂ja₂quián₃ dsi₁lén₂ dsi₂néi₂ jme₁ca₂chen₃ táng₃ gui'₅₄ juíg₅₄ 'lióg₂ jan₂-on₃ a₂mei₅₄ quiáin₅, a₂quián₅ jág₁ a₂juá'₂:

—Te₁gui'₅₄, tsá₃ cán'₁ ta₁ jua'₅₄ a₂gog'₅₄ të₂ ja₁quió₃, ia₁ tsá₃ ca₂tíng₂ jua'₅₄ a₂o₁'ú'₃ dsi₂néi₂ quió₃. 7 'Uí₅₄ jaun₂ i₂jio₅ dsi₃, ç₂'éin₂ bá₄ jniá₂ jua'₅₄ nei₅₄ 'ñio₃ të₂ ja₁cong'₂? La₁ tió'₅ jua'₅₄ ca₂jon₄ bá₄ jág₁ quiáng'₂ të₂në₅, ia₁jaun₂ jnia₃ dso'₅₄ mozo quiáng₃. 8 Ia₁ le₂në₅ bá₄ jniá₂ 'ñio₃ chéng'₅ jme₂ti₅₄ ne₄ juíg₃, ján₃ bá₄ niog₅ gu₃ 'lióg₂ i₂te₂neg'₄. Në₁jua'₂ ca₂juíg₂ jniá₂, “Gua₂ jó₄”, ja₁jaun₂ dsó₃ bá₄; në₁jua'₂ ca₂juíg₂ “Ñia₅ ja₁lá₃”, jiá₃ bá₄. Ján₃ guë'₂ le₂jaun₂ në₁ca₂juíg₂ “O₂jmo₄ a₂la₂ a₂ó₃”, a₂jaun₂ dsi₃jmó₂ bá₄.

9 Jme₁ca₂nág₂ Jesús jág₁ në₅, ca₂i₃gó'₃ dsí₅ o₄quió'₄ dsa₂ 'éi₂, jaun₂ ca₂jéin'₃ ca₂jín₂ dsa₂ i₂quiain'₅₄, jaun₂ ca₂juá'₂:

—Të₃dsón'₂ bá₄, ca₂lia'₂ 'i₁jan₂ dsa₂ chan₂ Israel tsá₃ ma₂ca₂dsán'₂ jniá₂ i₂'én₂ lia'₂ 'én₂ dsa₂ në₅.

10 Jme₁ca₂dsi₃len₃ dsa₂ i₂chen₄ 'éi₂ dsi₂néi₂, ma₂ca₂'lón₂ bá₄ dsa₂ mozo i₂jme₁dso'₅₄.

Ca₂jme₃jen'₅₄ Jesús ja₁ñi'₅₄ jan₂ 'io₅₄ 'nág₂

11 Cang₂ jaun₂ ca₂ñó₃ táng₃ Jesús caun₂ juíg₂ ja₁chei₂ Nain, jaun₂ ca₂jme₃quiain'₅₄ chi'₂ dsi₂guia₃-tín₂ quiáin₅, i₃lén₂ quián'₅₄ juin₅ guë'₄ dsa₂ sián'₂ ně₃. 12 Jme₁ja₂quián₃ dsió₄ ja₁dsi₂ton'₅₄ dsa₂ o₄'né₄ juíg₂, ca₂jág₃ ca₂'uin₂ dsa₂ i₃'óin₃ jan₂ 'lag₄, i₂jan₂ tan₅₄ 'éi₂ ja₁ñi'₅₄ jan₂ 'io₅₄ 'nág₂. Juin₅ lin₃ bá₄ dsa₂ juíg₂ i₂jme₁quiong'₅₄ i₃'o₃. 13 Ca₂tá'₂ ñéi₂ dsí₅ Te₁gui'₅₄ jme₁ca₂jág₂, jaun₂ ca₂juá'₂:

—Tsá₃ 'au₂.

14 Jaun₂ ca₂jme₃quiáin₃ ca₂ñi'₃ tsi₁gu₅. Ca₂jnia₃ bá₄ guë'₂ dsa₂ i₂jme₁le₁te₂, jaun₂ ca₂juá'₂ Jesús ca₂tsí'₃ 'lag₄:

—i'₂Ne₂ juíg₂ jniá₂ chi'₂, nau₂!

15 Jaun₂ ně₃ ca₂guá'₂ 'lag₄, ca₂jme₃lióg₃ ca₂dsia₃ jág₁, jaun₂ ca₂jáng'₂ Jesús ne₄ chog₅₄. 16 Jme₁ca₂të₂ ne₄ dsa₂ a₂ca₂lë₃ jaun₂, ca₂i₃gó'₃ dsí₅ ca₂le₃jín₃, jaun₂ ca₂jme₃juin'₂ Diú₄, ca₂juá'₂:

—Ma₂ca₂rë₃jniá₂ jan₂ dsa₂ juin'₂ i₂'ë₂ jág₁ quián₅ Diú₄ jë₄ quián₂ jniog₄.

Juá'₂ ně₃:

—Ma₂guan₅ Diú₄ a₂jme₃'oin'₅₄ dsa₂ juíg₂ quiáin₅.

17 Le₂con₂ ja₁tén₄ 'uë₃ Judea, le₂con₂ ma₂quián₅ jaun₂ ně₃, qui₂ca₂rë₃ñi₅ dsa₂ a₂ca₂jmo₃ Jesús jaun₂.

Dsa₂ i₂ca₂chen₃ Juan₅₄ i₂chon₅ dsa₂ jmíg₂

(Mateo 11:2-19)

18 Ca₂rë₃ñi₅ Juan₅₄ ca₂le₃jë₃ a₂jaun₂, ia₁ ca₂dsia₃ dsa₂ i₂jme₁quiain'₅₄. Jaun₂ ca₂të'₃ on₃ dsa₂ 'éi₂, 19 jaun₂ ca₂chei₃ ne₄ Te₁gui'₅₄ a₂dsi₃ñag₅₄ chi₂jua'₂ të₃dsón'₂ lín₅ dsa₂ i₂lë₅ jág₁ jiá₃, o₃ jñiai₃ i₂sián'₂ 'e₂. 20 Jaun₂ dsa₂ 'éi₂ ně₃, ca₂jme₃quiáin₃ con₂ Jesús jaun₂ ca₂juá'₂:

—Juan₅₄ i₂chon₅ dsa₂ jmig₂ nē₂chei₃ jnia'₅₄ a₂ηag₄ 'ne₂ chi₂jua'₂ tē₃dsón'₂ líng'₅ i₂lě₅ jág₁ jiá₃, ¿o₃ jñia₄ jnia'₅₄ i₂sián'₂ 'e₂?

²¹ Tē₃jē₄ jaun₂, ca₂jme₃lión₂ Jesús juin₅ lin₃ dsa₂ i₂jme₁le₁dso'₅₄, ca₂le₃jē₃ ne₅₄ jmi₁uig₅ a₂jme₁le₁quian₅ dsa₂; lia'₂ jme₂dsí₂ 'lin'₅₄ nē₃ qui₂ca₂'u₁in'₂; qui₂ca₂j móg'₃ jme₁ne₁ dsa₂ i₂jme₁ten₄. ²² Jaun₂ guē₄ ca₂jéin'₃ jág₁ quió'₅ 'éi₂, ca₂juá'₂:

—O₂nó'₅ 'nia'₂ o₂dsia₄ o₂chei'₅₄ Juan₅₄ 'e₂ ca₂tē₂ ne'₅₄, 'e₂ a₂qui₂nē₂nei'₂ nē₃. Qui₂jág₅ ju₁lia'₂ dsa₂ ten₄; tē₁i₂nio₄ táng₃ dsa₂ i₂tsá₃ lé₂ jme₁i₂nio₄; tē₂tsin'₅₄ le₁jín₃ i₂jme₁lín₄ 'mé'₅ 'iog₅; qui₂nag₅ táng₃ dsa₂ i₂jme₁guin₄ nē₃; le₂jaun₂ guē'₂ 'lag₄ nē₃ qui₂jein'₅₄ táng₃; ja₁con₂ dsa₂ dsi₂hē₂ dsi₂'ag₅ jág₁ dse₃ a₂lión₂ dsa₂. ²³ 'E₂ guē₄ dsen₃ dsa₂ i₂tsá₃ 'ag₅ caun₂-tin₃ dsí₅ o₄quió₃ jniá₂.

²⁴ Jme₁ma₂lén₃ dsa₂ i₂ca₂chen₃ Juan₅₄ 'éi₂, jaun₂ ca₂jme₃lióg₃ Jesús ca₂tsí'₃ dsa₂ a₂'iin₂₃ Juan₅₄, ca₂juá'₂:

—¿'E₂ ca₂i₁jag'₄ 'nia'₂ lia'₂ con'₂ i₁nóg'₄ 'uē₃ quein₂ co₂ηiog₅ jaun₂? ¿O₃ bá₄ ca₂jag'₅₄ 'nia'₂ ca₂'nau₂ ni₁'ma₂ ta₅ a₂lě₁qui₂bí₂ dsí₂ ja₁jaun₂? ²⁵ Chi₂jua'₂ on₃ jaun₂, ¿'e₂ guē'₂ ca₂i₁jag'₄ 'nia'₂? ¿O₃ bá₄ ca₂jing'₅₄ jan₂ dsa₂ i₂qui'₂ tsin'₅₄ jlá'₁ 'e₂? La₁ on₃ le₂jaun₂. Ia₁ ηi'₅₄ bá₄ 'nia'₂, ca₂le₃jín₃ dsa₂ i₂tē₁i₂nio₄ jlán'₁ i₂qui₂cuē'₅ o₂ηió₃ o₂jñia₃ dsi₅, i₂tion'₅₄ ju₁lia'₂ dsi₂néi₂ quió'₅ rag₅₄ bá₄ i₂le₂'éi₂. ²⁶ Jaun₂ nē₃, ¿'e₂ guē'₂ ca₂i₁jag'₄ 'nia'₂? ¿O₃ bá₄ jan₂ dsa₂ i₂'ě₂ jág₁ quián₅ Diú₄ 'e₂ ca₂j'in'₅₄ 'nia'₂? Dsón'₂ bá₄ jaun₂. Jan₂ i₂lín₅ i₂juin'₂ guē₄ lia'₂ con'₂ guē₄ jan₂ i₂'ě₂ jág₁ quián₅ Diú₄ bá₄ ca₂i₁j'in'₄ 'nia'₂, juá'₅ jniá₂. ²⁷ Juan₅₄ bá₄ 'éi₂ i₂'in₅ Si₂ quió'₅ Diú₄ ja₁juá'₂: Tsing₅₄ jan₂ dsa₂ quiáng₃ ne₄ ju₁ quiáng'₂, jón₃,

a₂dsi₃can₅ jág₁, jmo₃ co₂jñia₅₄ ju₁5.*

²⁸ Juá'₅ jniá₂ juí₂ 'nia'₂, ca₂lia'₂ 'i₁jan₂ dsa₂ tsá₃ ma₂ca₂rē₃chán₃ i₂juin'₂ guē₄ lia'₂ con'₂ guē₄ Juan₅₄. La₁, i₂lín₅ i₂me'₂ guē₄ ja₁gon₂ Diú₄, i₂'éi₂ lín₅ i₂juin'₂ guē₄ lia'₂ con'₂ guē₄ 'éi₂.

²⁹ (Ca₂le₃jín₃ dsa₂ i₂ca₂nág₂, lia'₂ dsa₂ i₂cán₂ 'lia'₅₄ nē₃, jme₁ca₂jñói₂ jmig₂ ca₂cho₃ Juan₅₄, le₂nē₅ bá₄ ca₂jme₃jñiai₂₃, Diú₄ bá₄ i₂lín₅ i₂qui₂dsi₅ 'éi'₃ tí₅. ³⁰ La₁ dsa₂ fariseos quian'₅₄ tē₅juá'₅ nē₃, tsá₃ ca₂gue₃ cho₃ Juan₅₄ jmig₂; le₂nē₅ bá₄ a₂ca₂rē₃jñiai₂ ján₃ a₂tsá₃ ji'₅₄ a₂jme₁'nio₃ Diú₄ jmo₃ quiong'₅₄.)

³¹ —¿'A₂ lia'₂ le₃jua'₅₄ lín₅ dsa₂ i₂chan₂ jmig₄ nē₃? ¿'E₂ bá₄ quian'₅₄ le₃quing₄ lín₅? ³² Lín₅ ju₁lia'₂ lín₅ i₂bē'₅₄ i₂tón'₅ qui₂guió'₅ jmái'₂ r'in'₅₄ jē₄ 'ma'₅₄, juá'₂: Nē₂jéi₄ jnia'₅₄ te₁fí₁ o₄quián'₂ 'nia'₂,

la₁ tsá₃ nē₂dsián'₃ 'nia'₂;

ján₃ guē'₂ nē₂j mó₁ jnia'₅₄ son₅₄ quió'₅ 'lag₄

la₁ tsá₃ ca₂tá'₂ guē'₂ 'lia'₂ 'au'₂ 'nia'₂.

³³ 'Ia₁ ca₂guan₃ Juan₅₄ i₂chon₅ dsa₂ jmig₂, i₂tsá₃ jme₁guē'₅ i₁ñí'₄, on₃ guē'₂ vino jme₁'ín'₂ nē₃, ca₂'in'₅₄ 'nia'₂ a₂'ein₅₄ jme₂dsí₂ je₂na'₅₄. ³⁴ Ca₂guan₃ guē'₂ táng₃ Jaun₅ dsa₂ mi₂güig₃ i₂tin₂ guē'₅, 'ín'₂ nē₃; la₁ 'nia'₂ juá'₂ 'ín'₅ a₂lín₅ jlé₂ 'í₅, má₄ jmig₃ nē₃, a₂lín₅ a₂mei₅₄ quián₅ dsa₂ cha₂ dsáu₁, quian'₅₄ dsa₂ i₂cán₂ 'lia'₅₄ quián₅ dsi₂tan₅₄ nē₃. ³⁵ Rē₂jniá₂ bá₄ a₂ñí₄ lē₃ ñí'₂ dsí₅ Diú₄, a₂tin₂, tē₂le₃ quian'₅₄ 'a₂ lia'₂ lē₅ jmo₅ chi'₂-guein₂ quiáin₅.

'En₅₄ Jesús dsi₂néi₂ quió'₅ Si₂mu₅₄ dsa₂ i₂lín₅ fariseo

³⁶ Jaun₂ ca₂tē₃ jan₂ dsa₂ fariseo ca₂tē₃ Jesús a₂i₁guē'₂ dsi₂néi₂ quió'₅. Ca₂'í₃ bá₄ guē'₂ Jesús dsi₂néi₂ quió'₅ dsa₂ fariseo 'éi₂ jme₁dsióg₃, jaun₂ ca₂guá₂ ne₄ mesa. ³⁷ Tē₃jē₄ jaun₂, ca₂dsióg₃ jan₂ 'io₅₄ i₂'no₅ dso₄ i₂jme₁ñi₅ juig₂ jaun₂, ia₁ jme₁ca₂rē₃ñi₅ a₂'en₅₄ Jesús guē'₅ dsi₂néi₂ quió'₅ dsa₂ fariseo 'éi₂. Jaun₂

* 7:27 Malaquías 3:1.

ca₂dsióg₃ quian₅ caun₂ ni₁tsí₅ pí₁ jlá₁ a₂lě₅ quian₅₄ alabastro, a₂a₄ no₅₄ mi₂juig₂. ³⁸ Ca₂guá₂ 'o₂₃ cau₅ ja₁tióng₂ tag₄ Jesús, ca₂jme₃lióg₃ 'ág₂ jmi₂g₂ 'ei₅ jme₁ne₁₂ co₅₄ tag₄ 'éi₂. Jaun₂ ca₂jme₃quéin₃ táng₃ quian₅₄ jñi₂ dsi₅₄, jaun₂ ca₂chen₃, jaun₂ ca₂tsáng₂ no₅₄ mi₂juig₂. ³⁹ Jme₁ca₂jág₃ dsa₂ fariseo i₂quió₅ dsi₂néi₂, ca₂i₃jiog₅ dsí₅: “Jua₅₄ mei₂ guě₃ tē₃dsón₂ dsa₂ nē₅ lín₅ jan₂ i₂ě₂ jág₁ quián₅ Diú₄, jme₁le₃lí₄ 'a₂ lia₂ lín₅ dsa₂ i₂ní₅ quió₅. Ia₁ jan₂ 'io₅₄ i₂'no₅ dso₄ bá₄ nē₅.” ⁴⁰ Jaun₂ ca₂juá₂ Jesús ca₂tsí₃ 'éi₂:

—Si₂mu₅₄, cha₂ caun₂ jág₁ a₂'nio₃ juig₅₄ 'ne₂.

—Jua₅₄ 'ne₂, Tē₅ —ca₂ηag₃.

⁴¹ Jaun₂ ca₂juá₂:

—On₃ dsa₂ jme₁le₃rín₃ cu₄ quió₅ jan₂ dsa₂ i₂tín₂ jme₁dsi₂ cu₄. Jan₂ jme₁rín₂ ca₂jau₅₄ mei₅ 'éi₃ cu₄ denarios, jan₂ guě₂ jme₁rín₂ tē₂láu₃-guiá₃. ⁴² Ca₂'én₂ bá₄ guě₂ dsa₂ juig₅₄ cu₄ dsáu₁ jē₁le₃oin₃ le₂jaun₂, ia₁ tsá₃ guě₂ qui₅₄ jmi₂g₄ jáng₃. Jaun₂ tsá₃ ma₃tion₅₄ ca₂mág₃ cú₁. Jaun₂ nē₃, ħ₂'ein₂ i₂on₃ 'éi₂ i₂'nio₃ guě₄?

⁴³ Ca₂ηag₃ táng₃ Si₂mu₅₄:

—Dsa₂ i₂jme₁rín₂ guě₄ 'lióng₂, lín₂ jniá₂.

—Dsau₅ bá₄ le₂nē₅ —ca₂ηag₃ Jesús. ⁴⁴ Jaun₂ ca₂jñin₂ táng₃ 'io₅₄, ca₂tsí₃ táng₃ Si₂mu₅₄:

—ħ₂jing₄ dsa₂ mí₂ la₂? Jme₁nē₂'ú₃ dsi₂néi₂ quiáng₂, tsá₃ jmi₂g₂ nē₂cuě₅₄ a₂jñi₃ tag₃; la₁ 'io₅₄ la₂ nē₃ ma₂nē₂rang₃ tag₃ quian₅₄ jmi₂g₂ 'ei₅ jme₁ne₁₂, ton₂ ma₂nē₂chí₃ táng₃ quian₅₄ jñi₂ dsi₅₄. ⁴⁵ Ján₃ bá₄ le₂jaun₂, tsá₃ nē₂chen₅₄ quió₃ jme₁guang₁₂. 'Io₅₄ la₂ guě₂ nē₃, ca₂lia₂ tsá₃ 'na₂ bá₄ caun₂ chen₂ tag₃. ⁴⁶ Tsá₃ no₅₄ ma₂nē₂'ág₂ jua₅₄ a₂ma₂nē₂tsáng₃ dsi₃; la₁ 'io₅₄ la₂ guě₂ nē₃, ma₂nē₂'ág₂ no₅₄ mi₂juig₂ tag₃. ⁴⁷ 'Uig₅₄ nē₅ nē₃ juá₅ jniá₂ ia₁ a₂ñí₄ lē₃ 'lióng₂ dso₄ jme₁rē₂cáin₄, la₁ ma₂rē₂'én₄, a₂jaun₂ bá₄ lē₃ ñí₄ lē₃ cuě₂₃ léi₄ a₂'nio₃. La₁ ju₁lia₂ dsa₂ i₂ca₂juig₄ bá₄ dsáu₁ rē₂'én₄, me₂ bá₄ cuě₂₃ léi₄ a₂'nio₃.

⁴⁸ Jaun₂ guě₄ ca₂juá₂ ca₂tsí₃ 'io₅₄:

—Ca₂le₃jě₃ bá₄ dsáu₂ ma₂rē₂'én₄.

⁴⁹ Ca₂le₃jín₃ guě₄ dsa₂ sián₂ i₂jme₁tián₄ ne₄ mesa quiaín₅₄, ca₂dsia₃ tsí₅ riín₅₄:

—ħ₂'ein₂ bá₄ nē₅, ca₂tē₂ dsáu₁ dsa₂ qui₂'éin₂?

⁵⁰ La₁ Jesús nē₃, ca₂tsí₃ dsa₂ mí₂ 'éi₂:

—Ia₁ a₂'éng₂, ma₂ca₂lóng₂ nē₃. Guan₂ tei₄ quiáng₂.

8

Dsa₂ mí₂ i₂jme₁i₂'nio₄ jme₂'on₅₄ Jesús

¹ Cang₂ jaun₂, ca₂i₁ñi₂ Jesús le₂tan₅₄ juig₂ ca₅₄, le₂tan₅₄ juig₂ pí₁ nē₃, qui₂i₁jme₁tiín₂₃ dsa₂ jág₁ dse₃ ju₁lia₂ ja₁gon₂ Diú₄. Jme₁quiaín₅₄ bá₄ chí₂ dsi₂guia₃-tín₂. ² Ján₃ guě₂ jme₁quiaín₅₄ dsa₂ mí₂ i₂ma₂ca₂'uín₂ jme₂dsí₂ 'lín₅₄ quió₅, i₂ma₂ca₂jme₃'lióin₂ dso₄ a₂jme₁lín₄ nē₃. Jín₄ 'éi₂ jme₁ñi₅ jan₂ i₂chen₂ María i₂tě₂ Magdalena,* i₂ma₂'uín₂ Jesús guion₃ je₂na₅₄ tē₂dsí₅; ³ ján₃ bá₄ jme₁ñi₅ i₂chen₂ Juana i₂lín₅ dsa₂ mí₂ quián₅ Cuza, dsa₂ i₂niog₅ ne₄ 'e₂ a₂cha₂ quió₅ Herodes; ján₃ bá₄ jme₁ñi₅ i₂chen₂ Susana; i₂juin₅ bá₄ i₂sián₂ guě₄ i₂jme₁i₂'nio₄ quiong₅₄, jme₁jme₂'o₅₄ quian₅₄ 'e₂ a₂cha₂ quió₅.

Jág₁ jáng₅ léi₄ ju₁lia₂ dsa₂ i₂séi₂ mǐ₂ jon₂

(Mateo 13:1-9; Marcos 4:1-9)

⁴ Lióng₂ juig₂ ja₁jme₁tón₅ dsa₂ ju₁ dsi₂léin₂ dsi₂jñin₅₄ Jesús. Jē₁ma₂le₁ñi₂ dsa₂ juin₅ nē₃, jaun₂ ca₂dsia₃ jág₁ jáng₅ léi₄ la₂, ca₂juá₂:

* 8:2 o₃, “i₂chan₂ Magdala.”

5 —Jan₂ dsa₂ ca₂ŋe₄ ja₁nau₂ ca₂i₁séi₄ míg₂ jon₂. Jme₁ma₂'ein₅₄ séi₂ ně₃, a₂lín₅₄ míg₂ i₂ga'₅₄ le₂'i₄ jui₅ qui₂ca₂tsó'₃ dsa₂; i₁tan₅ guë'₂ ně₃ ca₂guë'₃ ca₂dsio₄.
6 Ca₂dsio₄ guë'₂ ně₃ ca₂i₃to'₅₄ jë₄ ni₁cang; jme₁ca₂'ia₂, ca₂rë₃quëin₃ bá₄ ia₁ tsá₃ gua'₅₄ cha₂ jua'₅₄ a₂güig'₂. 7 Ca₂dsio₄ guë'₂ ca₂séi'₂ jë₄ ni₁taun₅. La₁ ni₁taun₅ bá₄ tiá₂ ca₂jo₃ jme₁ca₂'ia₂. 8 La₁ ca₂dsio₄ guë'₂ ně₃ ca₂tín₂ ja₁dse₃ gua'₅₄; a₂jaun₂ ca₂i₃cón₃, ca₂rau₂ dse₃ lín₃, caun₂ 'ñiá₂-láu₂ míg₂ lia'₂ ca₂míg₂ jon₂ a₂ca₂séi₂.

Jme₁ma₂lë₅ jme₂tag₂₃ le₂në₅, ca₂juá'₂ tiá₂:

—Chi₂jua'₂ 'ein₂ 'nia'₂ dsi₅₄ rë₂gua₄, nei₂ 'nia'₂ rë₂.

Ta₁ qui'₅ jág₁ a₂jáng'₅ léi₄

(Mateo 13:10-17; Marcos 4:10-12)

9 Jaun₂ ca₂ŋag₃ chi'₂ dsi₂guia₃-tín₂ 'e₂ bá₄ jein₅ jág₁ a₂cuë₂₃ jaun₂. Jaun₂ ca₂juá'₂ Jesús:

10 —Diú₄ bá₄ jmo₅ a₂rë₂ñí'₂ 'au'₂ 'nia'₂ jág₁ a₂rë₂'ma₄ quió'₅, 'a₂ lia'₂ lë₅ ja₁goin₂.

La₁ dsa₂ sián'₂ ně₃, juí'₂ jniá₂ tē₂le₃ quian'₅₄ jág₁ jáng'₅ léi₄, ia₁jaun₂:

I₂në₂jág₃, la₁ tsá₃ le₃lí'₄ 'e₂ në₂jág₃;

i₂në₂néi₂ ně₃, la₁ tsá₃ le₃lí'₄ 'e₂ në₂néi₂,

on₃ guë'₂ le₃ñí'₂.†

Juá'₂ Jesús 'e₂ jág₁ dsau₅ jein₅ jág₁ ju₁lia'₂ dsa₂ i₂séi₂ míg₂ jon₂

(Mateo 13:18-23; Marcos 4:13-20)

11 'A₂la₂ bá₄ jein₅ jág₁ a₂jáng'₅ léi₄: A₂lë₅ co₂'nió'₄ míg₂ jon₂, jág₁ dse₃ quió'₅ bá₄ Diú₄ jaun₂. 12 Ju₁lia'₂ ca₂dsio₄ míg₂ jon₂ a₂i₃ga'₅₄ le₂'i₄ jui₅ guë'₂ ně₃, le₂jaun₂ lín₅ jui₁lia'₂ ca₂dsion₄ dsa₂ i₂nag₅ jág₁ dse₃; la₁ i₂së₃dse₃ guë'₂ ně₃, ja₂jñiá'₃ jág₁ dse₃ jme₁ma₂'i₄ dsí₅, ia₁jaun₂ tsá₃ ma₃le₃'éin₂ jua'₅₄ a₂lióin₂. 13 Co₂'nió'₄ míg₂ jon₂ a₂i₃to'₅₄ jë₄ ni₁cang₁ guë'₂ ně₃, co₂'nió'₄ lín₅ ju₁lia'₂ dsa₂ i₂guen₅ 'ñio₂ dsí₅ jág₁ dse₃ jë₁ma₂ca₂nág₂. La₁ cang₂ jaun₂ tsá₃ tiá₂ tióin₂; lín₅ në₂jag₄ bá₄ a₂tsá₃ jmú₄ cha₂ jui₅ jme₂dsí₂ quió'₅. Co₂'na₂ bá₄ rë₂'éin₂, ia₁ jë₁ma₂ca₂i₃ñí'₂ 'e₂ caun₂ jui₅bí₂ a₂caun₂ táu₂, dsi₂lein₅ táng₃ le₃ca'₃, tí₂ jág₁. 14 Co₂'nió'₄ jon₂ a₂ca₂séi'₂ jë₄ ni₁taun₅ guë'₂ ně₃, co₂'nió'₄ lín₅ ju₁lia'₂ dsa₂ i₂nag₅ jág₁, la₁ tē₂le₃ ne₄ jui₅ ja₁i₂léin₂ jaun₂, tē₂ ca₂juig₄ bá₄ jme₂gain₂₃ dsí₅ a₂jo₅ bí₂ a₂quian₅ o₂me'₅₄ dsí₅, a₂ja₂ dsí₅ le₃cha₂ cu₄ 'lióng₂, a₂'nio₃ cuë'₅ o₂'ñió₃ o₂jñia₃ dsí₅; i₂në₅ ně₃ lín₅ co₂'nió'₄ míg₂ a₂tsá₃ ma₃lé₂ rón₃. 15 La₁ ca₂dsio₄ míg₂ jon₂ a₂ca₂séi'₂ ja₁dse₃ gua'₅₄, co₂'nió'₄ lín₅ ju₁lia'₂ dsa₂ i₂dse₃ dsí₅ i₂caun₂ ne'₅₄, tsán'₂ tiá₂ jág₁ a₂nag₂₃, caun₂ juin'₂ bá₄ dsí₅, 'lióng₂ a₂dse₃ rë₂jñiá₂ a₂jmo₂₃ chain₂.

Jág₁ jáng'₅ léi₄ ju₁lia'₂ ni₁tsí₅ chi₁guí'₂ si₂

(Marcos 4:21-25)

16 "I₁jan₂ dsa₂ tsá₃ guí'₅ si₂ caun₂ ni₁tsí₅, jua'₅₄ a₂jlë₂ o₃ a₂chi'₂ né'₃ tsi₁cama 'e₂. A₂'ag₅ guei'₅₄ bá₄ dsa₂ si₂, ia₁jaun₂ jniá₂ quió'₅ i₂dsi₂ton'₅₄. 17 Ján₃ bá₄ le₂jaun₂, 'i₁caun₂ a₂rë₂'ma₄ jlë₅ cha₂ jua'₅₄ a₂lín₂ dsa₂ a₂tsá₃ le₃jñiá₂; tion₅₄ bá₄ rë₂jñiá₂. Ján₃ guë'₂ le₂jaun₂ 'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ñi₅: tion₅₄ bá₄ rë₂ñi₅ dsa₂.

18 'Quion₂ de'₂ 'nia'₂ 'í₁ rë₂ jaun₂, 'a₂ lia'₂ lë₅ nag'₂, ia₁ ju₁lia'₂ i₂ma₂ñí'₂, Diú₄ bá₄ jmo₅ a₂le₃ñí'₂ guë'₄. La₁ ju₁lia'₂ i₂tsá₃ 'nio₃ le₃ñí'₂ guë'₂ ně₃, ca₂të₂ a₂jme₁ma₂ñí'₂, lín₂, jñia'₃.

Chi'₂ rin'₅₄ Jesús, quian'₅₄ chog₅₄

(Mateo 12:46-50; Marcos 3:31-35)

† 8:10 Isaías 6:9.

19 Jaun₂ ca₂dsi₃lén₂ chi'₂ rin'₅₄ Jesús quian'₅₄ chog₅₄, jme₁'nio₃ jme₁ñí₃ ca₂të₂ ja₁'en₅₄ 'éi₂, la₁ tsá₃ lé₂, ia₁ juin₅ lin₃ dsa₂ tion'₅₄. 20 Jaun₂ jan₂ dsa₂ sián'₂ bá₄ ca₂ñag₃ jág₁ ca₂juá'₂:

—Chog'₂ quian'₅₄ chi'₂ ríng'₂ në₅ tióin₂ ca₁'né₄, 'nio₃ jíin₂ 'ne₂.

21 Jaun₂ ca₂ñag₃:

—Dsa₂ i₂ñag₅ jág₁ quió'₅ Diú₄, ton'₂ jme₂ti₃, 'éi₂ bá₄ lín₅ cha₃, ríng'₃ në₃.

*Ca₂jmo₃ Jesús ca₂'ág₂ tei₄ jm_iñí'₄, ca₂jñia'₃ dsí₂ në₃
(Mateo 8:23-27; Marcos 4:35-41)*

22 Co₂ráun₂ ca₂'í₃ Jesús caun₂ tsi₁mu₅, jaun₂ ca₂tsí'₃ chi'₂ dsi₂guia₃-tín₂ quiáin₅:
—Ma₃dsau₅₄ quióng₄ le₃ca₂taun₂.

Jaun₂ ca₂i₃lén₂ bá₄. 23 Të₁lia'₂ tióin'₅₄ 'ain₂₃ jm_iñí'₄, la₁ 'éi₂ në₃ ca₂güin₂ bá₄. Të₃jë₄ jaun₂ ca₂'ág₂ dsí₂ tiá₂ lin₃ ne₄ jmig₂. Ca₂rë₃lióg₃ i₃'a₄ jmig₂ 'ñió'₃ tsi₁mu₅, ca₂lia'₂ ma₂lé₂ dsi₃guein'₅₄ bá₄, go'₂ lin₃ tióin'₅₄. 24 Jaun₂ ca₂i₁ñei₂₃ Jesús, ca₂juá'₂:
—i₂Të₅! i₂Të₅! i₂Dsi₃'éin₂ jniog₄!

Jaun₂ ca₂nau₂ bá₄ guë'₂ Jesús ca₂të₂ ca₂jéin₂ dsí₂, a₂jna'₅ jmig₂ në₃. Dsi₂jui₅ le₂jaun₂ bá₄ ca₂të₁tsi'₅₄ táng₃ tei₄. 25 Jaun₂ tsí'₅ chi'₂ dsi₂guia₃-tín₂:

—¿'A₂ ñó₅ a₂'én'₂ 'nia'₂?

Ca₂lia'₂ lë₁quian₅ juë'₅ lin₃ bá₄ tióin'₅₄ dsi₂gó'₃ dsí₅, dsia₂₃ tsí'₅ rin'₅₄:

—¿'Ein₂ bá₄ lín₅ dsa₂ në₅, tiin₂ jmo₃ 'éi'₃ tsí'₅ të₂ dsí₂, jmig₂ në₃, ne'₅₄ a₂juá'₂?

*Dsa₂ chan₂ Gerasa i₂tion'₅₄ jme₂dsí₂ 'lin'₅₄
(Mateo 8:28-34; Marcos 5:1-20)*

26 Jaun₂ guë'₄ ca₂dsi₃lén₂ 'uë₃ Gerasa† a₂ron₅ le₃'ño'₅₄ jmig₂ ja₁ron₅ 'uë₃ Galilea. 27 Jme₁ca₂o₂'ín₃ Jesús a₂të₁tsin'₅₄ 'uë₃, jaun₂ ca₂jme₃quián₃ jan₂ dsa₂ juig₂ jaun₂ cau₅ quió'₅. Dsa₂ 'éi₂ në₃, líg'₂ bá₄ qui₂ca₂jo₃ jme₂dsí₂ je₂na'₅₄. Líg'₂ bá₄ ñi₂₃ tsá₃ ma₂tsin'₅₄ qui'₅, on₃ guë'₂ ma₃jua'₅₄ a₂guá₅ dsi₂néi₂; tau₂ 'ño₅ quió'₅ 'lag₄ bá₄ jme₁ma₂guá₅. 28 Jme₁ca₂jíin₂ Jesús, jaun₂ ca₂guió'₃ co₂mí'₅₄, ca₂chi₃jné₃ ne₄ 'éi₂, ca₂juá'₂ tiá₂ lin₃:

—¿'E₂ bá₄ lë₃ ñe'₃ i₃tiáng'₃ jë₄ quián'₂ jniá₂, 'ne₂ Jesús Ja₁ñi'₅₄ Diú₄ i₂guá₅ guei'₅₄ lin₃? Mí₂₃ jniá₂ ne'₅₄, tsá₃ cuë₂ uig₅.

29 Ca₂juá'₂ le₂në₅ ia₁ jme₁ma₂në₂jmo₃ Jesús 'éi'₃ a₂o₃'ín₅ jme₂dsí₂ 'lin'₅₄ quió'₅. 'Lióng₂ ráun₂ bá₄ le₂jñiá₅ jme₁ma₂ca₂jñau'₃ i₂'lin'₅₄. Jaun₂ o₁jñia'₅₄ ma₂qui₂ma₂'néi₂ dsa₂ m₂gu₂ m₂tag₅₄ quian'₅₄ ñi₁ cadenas ia₁jaun₂ lé₂ 'í₁, la₁ ca₂le₃jë₃ bá₄ jme₁gág₅. Jme₁'liog'₂ je₂na'₅₄ a₂jme₁dsi₂ñí₃ uíng₂ gua'₅₄ quein₂ ja₁co₂'ñiog₅.

30 Jaun₂ ca₂ñag₃ Jesús:

—¿'A₂ bá₄ lia'₂ cheng'₂?

Jaun₂ ca₂ñag₃:

—Juin₅§ bá₄ cheng₂.

Le₂në₅ ca₂juá'₂ chein₂ ia₁ a₂juin₅ je₂na'₅₄ i₂jme₁tion'₅₄ quió'₅.

31 Jaun₂ jme₂dsí₂ 'éi₂ në₃ qui₂ca₂m₃ tion'₅₄ ne₄ Jesús ia₁jaun₂ tsá₃ guiog'₃ 'éi₂ ca₂të₂ ja₁ca₂jein₃ chi₁dsio₅₄. 32 Jaun₂ jme₁tion'₅₄ juin₅ i₁ñí₅ caun₂ dsi₂con'₂. Jaun₂ ca₂m₃ jme₂dsí₂ a₂cuë₃ Jesús jmig₄ a₂dsi₃toin'₅₄ quió'₅ i₁ñí₅. Jaun₂ ca₂cuë₃ bá₄ guë'₂ Jesús jmig₄. 33 Jaun₂ qui₂ca₂'uin₂ bá₄ je₂na'₅₄ quió'₅ dsa₂ 'éi₂; ca₂i₃lén₂ i₃toin'₅₄ quió'₅ i₁ñí₅. Ca₂le₃jín₃ i₁ñí₅ 'éi₂ në₃ ca₂i₁nio₁₂ co₂'ei₅ 'lig'₅₄, qui₂ca₂sein'₃ tsag₂ siá₅ ca₂séin'₂ të₂ dsi₂jmig₂. Ja₁jaun₂ ca₂dsain₃ ca₂'in'₃ jmig₂.

34 Jme₁ca₂të₂ ne₄ dsa₂ i₂jme₁jmo₅ 'í₁ i₁ñí₅ 'e₂ ca₂lë₃, ca₂i₃lein₃ ca₂cuíng₃ ca₂i₁dsia₂ jë₄ juig₂, ja₁nau₂ në₃. 35 Jaun₂ ca₂i₁len₅₄ dsa₂ juig₂ i₁jag₅₄ a₂ca₂lë₃

† 8:26 A₂lin₅₄ chog₅₄ si₂juá'₂: “Gadara”; a₂siá'₂ guë'₂ në₃, juá'₂: “Gergesa”; ján₃ bá₄ le₂në₅ § 8:30 griego: legión.

ja₁jaun₂. Jme₁ca₂dsi₃lén₂ ja₁'en₅₄ Jesús, ca₂jín₂ dsa₂ i₂ma₂'uin₂ je₂na₅₄ tē₂dsí₅. Jaun₂ ma₂guá₅ con₂ Jesús ma₂qui₂' tsin₅₄, ma₂'en₅₄ bá₄ dsí₅. Jaun₂ ca₂i₃gó₃ dsí₅ dsa₂ jme₁ca₂jág₂. ³⁶ Dsa₂ i₂ca₂tě₂ ne₄ a₂ca₂lě₃ jaun₂, ca₂dsia₃ ca₂tsí₃ táng₃ i₂ca₂dsi₃lén₂ 'éi₂ 'a₂ lia₂' ca₂'lón₂ dsa₂ i₂jme₁tion₅₄ je₂na₅₄ tē₂dsí₅. ³⁷ Jaun₂ ně₃, ca₂le₃jín₃ bá₄ dsa₂ chan₂ le₃lág₃ jui₂' uě₃ Gerasa ca₂tsí₃ Jesús a₂o₃'iin₅ ja₁jaun₂, ia₁ 'nio₅ lin₃ tē₂tsí₅₄ go₂'i₃ tion₅₄ dsa₂. Jaun₂ ca₂ňá₃ bá₄ 'éi₂ ca₂'í₃ táng₃ tsi₁mu₅. ³⁸ Dsa₂ i₂ca₂'uin₂ jme₂dsí₂ je₂na₅₄ quió₅ ně₃, jme₁mi₂₃ ne₄ Jesús a₂jme₁dsó₃ quiong₅₄. La₁ 'éi₂ ně₃ ca₂jmo₃ 'éi₃ a₂jňia₃ bá₄, ca₂juá₂:

³⁹—Guan₂ bá₄ quiáng₂, o₂dsia₄ ca₂le₃jě₃ 'e₂ ně₂jmo₃ Diú₄ ja₁cong₂.

Ca₂ňá₃ bá₄ guě₂ dsa₂ 'éi₂ quió₅, ca₂i₁dsia₂ le₂tan₅₄ jě₄ jui₂' e₂ ca₂jmo₃ Jesús quiong₅₄.

Ja₁míg₄ Jairo, quian₅₄ 'io₅₄ i₂ca₂ňí₃ tsin₅₄ Jesús
(Mateo 9:18-26; Marcos 5:21-43)

⁴⁰ Jme₁ca₂dsián₃ táng₃ Jesús le₃'ňo₅₄ jmi₂, qui₂ca₂guei₃ dsa₂ a₂'ňio₂ dsí₅, ia₁ ca₂le₃jín₃ bá₄ jme₁ma₂le₁jňiog₂₃ tioin₅₄. ⁴¹ Tě₃jě₄ jaun₂, ca₂dsióg₃ jan₂ dsa₂ i₂chen₂ Jairo, i₂niog₅ gu₂ guá₅ sinagoga. Dsa₂ 'éi₂ ně₃ ca₂chi₃jnë₃ ne₄ Jesús jme₁dsióg₃, ca₂mi₃ tion₅₄-jan₃ ia₁jaun₂ dsó₃ ja₁quió₄. ⁴² Ia₁ jme₁chan₂ jan₂ tan₅₄ ja₁míg₄, i₂jme₁ma₂'en₅₄ con₂ guia₃-tín₂ ňi₂, i₂jme₁ma₂i₁jón₂. Jme₁ma₂'en₅₄ Jesús jui₅ ňó₃ ja₁quió₄ 'éi₂, ju₁n₅ lin₃ dsa₂ i₂i₃lén₂ quiong₅₄, lia₂' qui₂rě₂quín₅ bá₄ Jesús ňó₃.

⁴³ Jě₄ jaun₂, ňó₃ jan₂ dsa₂ mί₂ i₂dso₅₄ ma₂guia₃-tín₂ ňi₂ a₂tiin₂, * la₁ ca₂lia₂' i₁jan₂ tsá₃ 'ein₂ ma₂ca₂tió₃ jme₃'lió₂.

⁴⁴ 'Io₅₄ 'éi₂ ně₃ ca₂jme₃quiáin₃ tē₂le₃ chi₁co₅₄ quió₅ Jesús. Jaun₂ ca₂ňí₃ chei₅₄ tsin₅₄ 'éi₂. Co₂tan₅₄ dsi₂jui₅ le₂jaun₂ bá₄ ca₂quion₂ jmi₂ 'ain₅₄.

⁴⁵ Jaun₂ ca₂juá₂ Jesús:

—¿'Ein₂ ně₂ňí₃ quió₃?

Ca₂le₃jín₃ bá₄ dsa₂ ňag₂₃ juá₂ tsá₃ ňi₅.

Jaun₂ ca₂juá₂ Pe₄:†

—Tě₅, jág₂ bá₄ 'ne₂ chi₁quí₅ co₂'liog₂ dsa₂ ca₂taun₂ ca₂taun₂ ja₂ná₅.

⁴⁶ La₁ caun₂ ca₂juá₂ bá₄ Jesús:

—Chan₂ i₂ně₂ňí₃ quió₃, ia₁ ca₂rě₃léi₄ jniá₂ o₂'ág₃ bí₂ quió₃.

⁴⁷ 'Io₅₄ ně₃, jme₁ca₂rě₃lí₄ a₂tsá₃ ma₃lé₂ jua₅₄ a₂'mai₃, já₃ jlein₂₃, ca₂chi₃jnë₃ ne₄ 'éi₂. Tě₃ jág₅ ca₂le₃jín₃ dsa₂ ca₂juá₂ lia₂ tí₅ jág₁ 'e₂ 'uig₅₄ ca₂ňí₃ quió₅ 'éi₂, ton₂ ca₂jáng₃ jág₁ dsau₅ a₂ca₂'lón₂ dsi₂jui₅ le₂jaun₂.

⁴⁸ Jaun₂ ca₂juá₂ Jesús:

—Jón₃, ne₄ ia₁ a₂'éng₂, ca₂'lóng₂ bá₄. Guan₂ tei₄ quiáng₂.

⁴⁹ Tě₃jě₄ juá₂ jág₁ jaun₂ jme₁ca₂dsióg₃ jan₂ dsa₂ i₂chen₄ dsi₂néi₂ quió₅ i₂niog₅ gu₂ guá₅, ca₂juá₂:

—Ma₂jón₅ bá₄ chi₂ quiáng₂. 'A₃ ma₃cuě₂ ta₁ Tě₅.

⁵⁰ La₁ ca₂ňág₂ bá₄ Jesús, jaun₂ ca₂juá₂:

—Tsá₃ lě₁jmo₂ 'lia₂ 'au₂. Jňia₅₄ con₂ 'én₃ bá₄, jaun₂ ně₃ jag₅₄ i₂'lión₂ bá₄ chi₂ quiáng₂.

⁵¹ Jme₁ca₂dsióg₃ dsi₂néi₂, tsá₃ ca₂cuě₃ jmi₂ jua₅₄ dsi₃ton₅₄ 'i₁jan₂ i₂sián₂, jňia₅₄ lia₂ Pe₄, Juan₅₄, Jacobo† ně₃, quian₅₄ jma₃' chog₅₄-jmei₂ chi₂ 'éi₂ bá₄ i₃ton₅₄. ⁵² Jaun₂ qui₂'-o₅ bá₄ dsa₂ qui₂ dsí₅ lin₃ tioin₅₄, o₄quió₄ chi₂. Jaun₂ ca₂juá₂ Jesús:

* **8:43** A₂lin₅₄ chog₅₄ si₂juá₂ ján₃: “Jme₁ma₂'éin₂ ca₂le₃jě₃ cu₄ a₂jme₁cha₂ quió₅ quian₅₄ tē₅mí₅.” † **8:45** A₂lin₅₄ chog₅₄ si₂juá₂ ján₃: “Pe₄ quian₅₄ riin₅₄.” † **8:51** o₃, Santiago.

—Tsá₃ 'au₂ 'nia'₂; on₃jua'₅₄ i₂rē₂jon₅₄ nē₅. Jñia'₅₄ lia'₂ a₂rē₂güin₃ bá₄.

⁵³ La₁ jñia'₅₄ ca₂ñi₂ bá₄ 'éi₂ tioen'₅₄, ia₁ ñi₅ rē₂ bá₄ a₂jme₁ma₂rē₂jon₅₄ dsón'₂ bá₄ chi'₂.

⁵⁴ Jaun₂ ca₂tñin₂ gu₂ chi'₂ 'éi₂, ca₂juá'₂ tiá₂:

—jón₃, nau₂!

⁵⁵ Ca₂gú'₃ táng₃ jme₂dsí₂ quió'₅; dsí₂jui₅ jaun₂ bá₄ ca₂nau₂. Jaun₂ ca₂jmo₃ Jesús 'éi'₃ a₂cuē₃ dsa₂ a₂guē'₃. ⁵⁶ Jaun₂ dsí₂gó'₃ dsí₅ 'ñio₅ lin₃ chog₅₄-jmei₂. La₁ Jesús nē₃ ca₂juá'₂ a₂tsá₃ 'ein₂ tsí'₃ 'i₁jan₂ a₂ca₂lē₃ jaun₂.

9

Ca₂chen₃ Jesús chi'₂ dsí₂guia₃-tñ₂
(Mateo 10:5-15; Marcos 6:7-13)

¹ Ca₂ñí'₂ Jesús chi'₂ dsí₂guia₃-tñ₂ quiáin₅ ca₂cuē₃ jui₅bí₂ a₂'io₃ 'éi'₃ ne₄ quió'₅ ca₂le₃jín₃ jme₂dsí₂ je₂na'₅₄, a₂lé₂ qui₂jme₃'lióin₂ dsa₂ jui₁'e₂ guē₃ dso₄ niog₅ lín₅.

² Ca₂chei₃ a₂dsí₃'é₃ jág₁ jui₁lia'₂ ja₁gon₂ Diú₄, a₂dsí₃jme₁'lióin₅₄ dsa₂ i₂le₁dso'₅₄.

³ Jaun₂ ca₂juá'₂:

—Tsá₃ 'e₂ cán'₁ 'nia'₂ 'i₁caun₂ le₂'i₄ jui₅, on₃ guē'₂ 'ma₂'i₅₄, on₃ guē'₂ tsi₁na'₅₄ on₃ guē'₂ i₁ñí'₄, on₃ guē'₂ cu₄, on₃ guē'₂ tsín'₂ 'nia'₂ siá'₂ cán'₁. ⁴ Le₂caun₂ dsí₂néi₂ ja₁dsí₁nó'₅ 'nia'₂, ja₁jaun₂ jan'₄ 'nia'₂ ca₂lia'₂ ca₂tē₂ jmig₄ a₂o₁nog'₄ táng₃.

⁵ Le₂caun₂ juig₂ ja₁tsá₃ guei₅ dsa₂, co₂dsia₅ 'uín'₂ 'nia'₂ juig₂ jaun₂, séi'₃ 'nia'₂ 'liog₂ tag'₅₄, a₂jmó'₂ léi₄ a₂tsá₃ ma₃'e₂ 'uín'₄ 'nia'₂ quiáin'₅₄.

⁶ Jaun₂ qui₂ca₂'uín₂ bá₄ chi'₂ dsí₂guia₃-tñ₂, ca₂l₃léin₂ le₂tan₅₄ juig₂ i₁'é₄ jág₁ dse₃, i₁jme₁'lióin₂₃ dsa₂ nē₃.

Ca₂jon₃ Juan₅₄ i₂chon₅ dsa₂ jmig₂
(Mateo 14:1-12; Marcos 6:14-29)

⁷ Jaun₂ ca₂rē₃ñi₅ Rag₅₄ * Herodes ca₂le₃jě₃ 'e₂ niog₅ lē₂. La₁ tsá₃ caun₂ a₂i₃jiog₅ dsí₅, ia₁ dsia₅ i₂lín₅₄, Juan₅₄ bá₄ 'éi₂ ñi₅ a₂ma₂ca₂jein'₅₄ táng₃. ⁸ I₂lín₅₄ guē'₂ dsia₅ a₂ma₂ca₂jme₃jñia₅ Elías; i₂sián'₂ guē'₂ dsia₅ a₂ma₂ca₂jen'₅₄ táng₃ jan₂ i₂jme₁'é₂ jág₁ quián₅ Diú₄ ma₂líg'₂. ⁹ La₁ Rag₅₄ Herodes 'ñiog₅ guē'₂ nē₃ juá'₂:

—Jua'₂ jniá'₂ 'ñi₃o₃ ca₂jmo₃ 'éi'₃ a₂ca₂quí'₃ dsa₂ dsí₂lag₄ 'éi₂. ¿'Ein₂ guē'₂ nē₅, tsá₃ caun₂ jág₁ guion₁₂ a₂jmo₂₃?

Jaun₂ Herodes nē₃ jme₁'no'₂ jui₅ a₂jme₃jein'₂.

Ca₂jme₃tan₅₄ Jesús 'ñiá₂ mei₅ dsa₂
(Mateo 14:13-21; Marcos 6:30-44; Juan 6:1-14)

¹⁰ Jme₁ca₂o₃len₃ dsa₂ i₂chen₄ quiáin₅ 'éi₂, jaun₂ ca₂dsia₃ ca₂tsí'₃ Jesús 'e₂ niog₅ ca₂jmo₃ ja₁i₁lein₅₄. Jaun₂ ca₂jiog₃ Jesús a₂i₃léin₂ con'₂ guioin₅₄ caun₂ juig₂ ja₁chei₂ Betsaida. ¹¹ La₁ tion₅₄ bá₄ ca₂i₃lén₂ dsa₂ sián'₂ jme₁ca₂rē₃ñi₅; ca₂guei₃ bá₄ guē'₂ Jesús qui₂ca₂jme₃tag₂₃ jág₁ jui₁lia'₂ ja₁gon₂ Diú₄ ca₂jme₃'lióin₂ dsa₂ i₂jme₁le₁dso'₅₄ nē₃.

¹² Tē₂le₃ ca₂'láu₂ jmig₄ jaun₂, ca₂o₃lén₂ chi'₂ dsí₂guia₃-tñ₂ ca₂tsí'₃ Jesús:

—'Ei'₂ jág₁ dsa₂, ia₁jaun₂ dsí₃lein₅ dsí₃'nió₂g₂ a₂guē'₃, jui₁dsí₂'nio'₂ ja₁jñia₃ le₂con₂ juig₂ pí'₁ ma₂quián₅ nē₅, ia₁ tsá₃ 'e₂ cha₂ ja₁lá₃.

¹³ La₁ Jesús guē'₂ nē₃ ca₂juá'₂:

—Cuē'₅₄ 'nia'₂ dsa₂ a₂guē'₃.

Jaun₂ ca₂ñag₃ 'éi₂ táng₃:

—Tsá₃ 'e₂ cha₂ jua'₅₄ a₂le₃cue₅₄ jñia'₅₄ dsa₂, jñia'₅₄ lia'₂ 'ñiá₂ i₁ñí'₄ bá₄ 'i₄; quian'₅₄ on₃ i₁ju₁, jñia'₅₄ lia'₂ nē₃jua'₂ dsí₁liá₄ má₃ con'₂ tñ'₂ guē'₃ ca₂le₃jín₃.

* 9:7 griego: tetrarca (i₂gon₂ jmo₅ 'éi'₃ 'uē₃ Galilea).

14 Con'₂ 'ñiá₂ mei₅ dsa₂ 'éi₂ jme₁lě₂, jmá'₃ dsa₂ ñe'₂.

Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—Chei'₅₄ 'nia'₂ dsa₂ jui₁tiain'₄ jui₁jmo₁₂ jma₃tě₂lón₃-guián₂ lia'₂ co₂niói'₃.

15 Jaun₂ ca₂jmo₃ bá₄ guë'₂ 'éi₂ 'éi'₃ a₂tian'₃ dsa₂. 16 Jaun₂ ca₂tín₂ Jesús ta₁'ñiá₂ i₁ñí'₄, le₃on₃ i₁ju₁ ně₃. Ca₂chóg'₃ ne₅₄ jui₅ guei'₅₄ i₂juíg₃, ca₂jme₃jñiói₃ a₂jaun₂. Jaun₂ guë'₄ ca₂'niai₃, ca₂cuë'₃ chi'₂ dsi₂guia₃-tín₂. 'Éi₂ guë'₂ ně₃ ca₂dsiói'₃ jin₄ dsa₂. 17 Ca₂le₃jín₃ bá₄ ca₂guë'₃ ca₂lia'₂ ca₂'ág'₃ dsí₅. Jme₁ca₂lě₃ jaun₂, guia₃-tín₂ tsi₁mí'₂ tá₁ ca₂cág'₃ dsa₂ jmá'₃ 'nau₅₄ a₂ca₂chóng₃.

Ca₂juá'₂ Pe₄ lia'₂ tí₅ jág₁ a₂lín₅ Jesús I₂rě'₂ín₁ quián₅ Diú₄

(Mateo 16:13-19; Marcos 8:27-29)

18 Co₂ráun₂ 'en₅₄ Jesús 'ñiog₅ chi₂lén'₂ Diú₄, i₂jme₁quiain'₅₄ bá₄ chi'₂ dsi₂guia₃-tín₂, jaun₂ ca₂ñag₃ Jesús:

—¿'E₂ 'ag₅ dsa₂ jniá₂? ¿'Ein₂ lín₅ jniá₂, dsia₅ dsa₂?

19 Jaun₂ ca₂ñag₃ chi'₂ dsi₂guia₃-tín₂:

—I₂lín₅₄ dsa₂ dsia₅ a₂lín'₅ Juan₅₄ i₂chon₅ dsa₂ jmig₂; i₂lín₅₄ guë'₂ dsia₅ a₂lín'₅ Elías; i₂lín₅₄ guë'₂ dsia₅ táng₃ a₂lín'₅ i₂sián'₂ i₂jme₁'ě₂ jág₁ quián₅ Diú₄, a₂ca₂jein'₅₄ táng₃.

20 Jaun₂ ca₂ñag₃ Jesús:

—¿'Nia'₂ guë'₂ ně₃? ¿'E₂ guë'₂ juá'₂ 'nia'₂ 'ein₂ lín₅ jniá₂?

Jaun₂ ca₂ñag₃ Pe₄:

—'Ne₂ lín'₅ I₂rě'₂ín₁ quián₅ Diú₄.

'Ě₂ Jesús jág₁ a₂jóin₂

(Mateo 16:20-28; Marcos 8:30--9:1)

21 Jaun₂ ca₂juá'₂ Jesús a₂jmo₃ tei₄, a₂tsá₃ 'ein₂ tsí'₃ jág₁ jaun₂. 22 Jaun₂ ca₂juá'₂ ně₃:

—Co₂ně₅ 'en₅₄ 'éi'₃ Jaun₅ dsa₂ mi₂güíg₃ a₂dsi₃ñí₂ uig₅ 'ñio₅ lín₃; jme₃'iog₅₄ dsi₂gui'₅₄ can'₅₄, lia'₂ juig₅₄ jme₂dsa₂, tě₅juá'₅ ně₃. Quin'₃ dsa₂ jág₁ a₂ñag'₃, la₁ jein'₅₄ bá₄ táng₃ a₂'ni₅ jmig₄ jaun₂.

23 Jaun₂ ca₂tsí'₃ ca₂le₃jín₃:

—Ně₁jua'₂ chan₂ i₂'nio₃ jiá₃ chi₁co'₅₄ quió₃, co₂dsia₅ jui₁dsi₂'éñ₂ dsí₅ 'ñiog₅, jui₁'ei₅₄ bá₄ caun₂ dsí₅ ca₂le₃jě₃ jmig₄ o₁ñia'₅₄ ca₂join₃,† jui₁jia₂ chi₁co'₅₄ quió₃.

24 Ia₁ jui₁lia'₂ dsa₂ i₂'nio₃ le₃chan₂ dse₃ mi₂güíg₃ la₂, dsi₃'éñ₂ quió'₅; la₁ jui₁lia'₂ dsa₂ i₂qui'₃ dsí₅ jui₁dsi₂ñí₂ 'e₂ dsi₃ñí₂ o₄quió₃ jniá₂, lí'₂, tíin'₄ bá₄. 25 Ia₁ ¿'e₂ bá₄ ta₁ jmo₃ a₂lí'₄ dsa₂ ca₂le₃jě₃ a₂cha₂ ne₄ gua'₅₄ 'uë₃ la₂, ně₁jua'₂ dsi₃'éñ₂ bá₄ guë'₂? 26 Ia₁ ně₁'ein₂ gui'₅₄ jén'₅ o₄quió₃ jniá₂ quian'₅₄ o₄quió'₄ jág₁ quió₃, ján₃ bá₄ le₂jaun₂ le₃gui'₅₄ Jaun₅ dsa₂ mi₂güíg₃ 'ag₃ jě₁ma₂tě₂ rě₁ñiói'₂ ma₂lín₅ Rag₅₄ jlán'₁ jui₁lia'₂ jlán'₁ Jmei₂, quian'₅₄ ángeles ñjiói₅ quiáin₅. 27 A₂dsi₂jói'₃ juíg₂ jniá₂ 'nia'₂, chan₂ bá₄ 'nia'₂ i₂lín₅₄ i₂tión₂ jě₄ la₂, i₂tsá₃ dsián₃ ca₂lia'₂ ca₂tě₂ ne₅₄ bí₂ 'éi'₃ quió'₅ Diú₄.

Ca₂rě₃tsín₃ Jesús lia'₂ jniái₂

(Mateo 17:1-8; Marcos 9:2-8)

28 Con'₂ ñjia₃ jmig₄ cang₂ a₂ca₂juá'₂ Jesús le₂ně₅, ca₂ñó₃ jui₅ má'₂ i₁chi₁lein'₄ Diú₄, jme₁quiain'₅₄ Pe₄, Jacobo, Juan₅₄ ně₃. 29 Tě₃jě₄ chi₂lén'₂ Diú₄, ca₂rě₃tsín₃ lia'₂ jniái₂. Tsín'₅₄ ně₃ ca₂rě₃tsín₃ ca₂jnia₃ tiog₂ jau₂, ca₂lia'₂ tág₅ 'ñio₅ lín₃. 30 Tě₃jě₄ jaun₂, ca₂jnia₃ on₃ dsa₂, dsia₂₃ jág₁ quian'₅₄ Jesús. Moisés quian'₅₄ Elías bá₄ 'éi₂.

† 9:23 lit. “jui₁quian₅₄ cróg, quió'₅ ca₂le₃jě₃ jmig₄.”

31 Ca₂lia'₂ co₂tág₅ co₂'né'₅ bá₄ ca₂jniai₃, tióin₂ dsia₂₃ a₂nio₅ lé₂, 'mú₃ a₂gue₃ jë₄ juig₂ Jerusalén, a₂le₃ti₃ 'éi'₃ a₂'ein₅₄. 32 Të₃ ma₃i₁güin₃ 'nio₅ lin₃ bá₄ Pe₄ quiain'₅₄ r'in'₅₄, ca₂jme₃jnio₅₄ ne₅₄ ca₂j'in₂ Jesús jniá'₂ co₂tág₅ quian'₅₄ dsa₂ on₃ i₂quian'₅₄.

33 Jme₁ma₂i₂uín₃ dsa₂ 'éi₂ cau₅ quió'₅, jaun₂ ca₂juá'₂ Pe₄ ca₂tsí'₃ Jesús:

—Të₅, i'e₂ guë₄ dse₃ lia'₂ tio'₅₄ jniog₄ ja₁lá₃! Në₃ o₁jmó₁ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guë'₂ quió'₅ Elías në₃.

La₁ a₂lë₁ca₂juá'₂ bá₄ Pe₄, on₃jua'₅₄ jaun₂ lí'₄ a₂të₂'i₂₃ le₂jaun₂.

34 Të₃ dsia₂₃ jág₁ le₂jaun₂, jme₁gua₃ jnei₅ ca₂jlin₃, jaun₂ guë₄ ca₂ja₃gó'₃ tióin'₅₄ jme₁ca₂i₃'én₂ 'éi₂ jë₄ jnei₅. 35 Jë₄ jnei₅ jaun₂ ca₂'né'₂ jág₁, ca₂juá'₂:

—I₂la₂ bá₄ jón₃ I₂rë₂'ín₁ quiáng₃. Nei₂ 'nia'₂ jág₁ quió'₅.

36 Jme₁ma₂në₂'né₂ jág₁ jaun₂, jua'₂ 'nio₅ bá₄ Jesús ma₂chéin'₅ jme₁ca₂jág₃. La₁ jmig₄ jaun₂, tei₄ bá₄ ca₂jmo₃ tsá₃ 'ein₂ ca₂tsí'₃ 'i₁jan₂ a₂ca₂të₂ ne₅₄ jaun₂.

Ca₂jme₃'lión₂ Jesús jan₂ chi'₂ i₂jme₁'en₅₄ jme₂dsí₂ 'lin'₅₄

(Mateo 17:14-21; Marcos 9:14-29)

37 Jme₁jnia₃, ca₂sióin₃ táng₃ má'₂ jaun₂, con'₂ guë'₂ juin₅ lin₃ dsa₂ ca₂jme₃jein'₂.

38 Të₃ jin₄ dsa₂ jaun₂, ca₂juá'₂ tiá₂ jan₂ dsa₂ ca₂tsí'₃ Jesús:

—Të₅, jmo₄ dse₃ 'au'₂, jin₄ co₂nio₄ chi'₂ quiáng₃, i₂jan₂ la₂ bá₄ la₂ quiáng₃ chan₂. 39 Jme₂dsí₂ 'lin'₅₄ bá₄ i₂co₂jmóg'₂ guió'₅ co₂tiá₂ jén'₅ dso₄ 'ei₂, qui₂'uë'₅ jan₅ mi₂'o₅₄. I₂'lin'₅₄ në₃, jmóg'₂, ca₂lia'₂ jaun₂ guë₄ téi₂ ca₂lia'₂ ma₂jén'₃ uig₅ 'nio₅ lin₃.

40 Jme₁ma₂në₂juí₂ chi'₂ dsí₂guia₃-tín₂ quiáng'₂ a₂jme₁dsei₂₃, la₁ tsá₃ ca₂tió'₃.

41 Jaun₂ ca₂juá'₂ Jesús:

—i'En₁ jmá'₃ 'nia'₂ dsa₂ chan₂ jmig₄ në₃ tsá₃ 'e₂ 'éng'₂! ¿Je₂liá'₂ jmig₄ jmá'₃ 'nió'₅ jmo₅₄ tió'₅ dsí₃ jin'₄ 'nia'₂? Nj₅₄ chi'₂ quiáng'₂ le₃la₂.

42 La₁ jme₁ma₂hó₅ chi'₂ le₃ne₄ Jesús, i₃'in₃ táng₃ ca₂tón₂ jme₂dsí₂ je₂na'₅₄ qui₂ca₂ba₂lág'₂. La₁ dsí₂juí₅ le₂jaun₂ ca₂jí₂ Jesús ca₂jéin₂ i₂'lin'₅₄, ca₂jme₃'lióin₂ chi'₂. Jaun₂ ca₂jáng'₂ ne₄ jmei₂.

43 A₂jaun₂ në₃, ca₂i₃gó'₃ dsí₅ ca₂le₃jín₃ 'a₂ lia'₂ juin'₂ Diú₄.

Ca₂'ë₂ táng₃ Jesús jág₁ a₂jóin₂

(Mateo 17:22-23; Marcos 9:30-32)

Të₃ tion'₅₄ dsa₂ dsí₂gó'₃ dsí₅ a₂jmo₅ Jesús, jaun₂ ca₂juá'₂ ca₂tsí'₃ dsa₂ guia₃-tín₂ quiáin₅:

44 —Rë₂ nei₂ 'nia'₂ jág₁ quió'₃ la₂: nj₅₄ ta₁ ja₁dsau₅₄ në₅, jáng'₂ dsa₂ quió'₅ Jaun₅ dsa₂ mi₂güí₃ o₄gú₃ dsa₂.

45 La₁ jág₁ jaun₂ në₃, tsá₃ ca₂ñí'₂ dsí₅ chi'₂ dsí₂guia₃-tín₂, ia₁ tsá₃ jme₁ma₂'i₄ 'éi'₃ a₂le₃ñí'₂. Jaun₂ tsá₃ ca₂tiá₂ dsí₅ a₂ñí'₃ Jesús 'e₂ 'nio₃ juá'₂ quian'₅₄ jág₁ jaun₂.

¿'Ein₂ lín₅ i₂dsen₅₄ guë₄?

(Mateo 18:1-5; Marcos 9:33-37)

46 Jaun₂ ca₂tsín₂ chi'₂ dsí₂guia₃-tín₂ con'₂ guioin₅₄, ne₄ juí₁lia'₂ 'ein₂ i₂lén₂ i₂dsen₅₄ guë₄ jë₄ quió'₅. 47 La₁ jme₁ca₂rë₃lí'₄ Jesús 'e₂ a₂dsia₂₃, jaun₂ ca₂cain₃ jan₂ guein₂ ca₂dsiog₃ cau₅ quió'₅. 48 Jaun₂ ca₂juá'₂:

—Juí₁lia'₂ dsa₂ i₂guen₅ guein₂ la₂ o₄quió'₃ jniá₂, guei₂₃ jniá₂; juí₁lia'₂ dsa₂ i₂guei₅ jniá₂, ján₃ guë'₂ guein₂₃ i₂ca₂chei₃. Ia₁ juí₁lia'₂ i₂jmo₅ me'₂ guë₄ jë₄ ca₂le₃jín'₃ 'nia'₂, i₂'éi₂ bá₄ i₂lín₅ i₂dsen₅₄ guë₄.

I₂tsá₃ 'iog₅₄ jniog₄, i₂quian'₅₄ jniog₄ bá₄ 'éi₂

(Marcos 9:38-40)

49 Jaun₂ në₃ ca₂juá'₂ Juan₅₄:

—Të₅, ma₂jin₄ jnia'₅₄ jan₂ dsa₂ 'uín'₂ jme₂dsí₂ je₂na'₅₄ quian'₅₄ bí₂ 'éi'₃ a₂'ó'₅ 'ne₂. Tsá₃ ma₃ca₂cuë'₅₄ jnia'₅₄ jmig₄, ia₁ tsá₃ guë'₂ η₂₃ quian'₅₄ jniog₄.

⁵⁰ La₁ Jesús nē₃ ca₂juá'₂:

—Tsá₃ jmó'₂ 'nia'₂ le₂jaun₂ a₂jni_g'₅₄. Ia₁ jui₁lia'₂ dsa₂ i₂tsá₃ 'iog'₅₄, të₂le₃ quián₂ jniog₄ bá₄ tión₂ i₂le₂'éi₂.

I₃jen₅₄ Jacobo quian'₅₄ Juan₅₄ ca₂jí₂ Jesús

⁵¹ Jme₁ma₂ja₂quián₃ të₅₄ jmig₄ a₂dsán'₃ táng₃ Jesús guei'₅₄ i₂juí_g'₃, ca₂'ág₂ caun₂ dsí₅ ca₂'í₃ jui₅ a₂dsió_g'₄ Jerusalén. ⁵² Ca₂chein₃ dsa₂ i₃lén₂ ne₄ jui₅ i₃jmó₂ co₂jnia₅₄ ja₁jnia₃ caun₂ juig₂ pí'₁ niog₅ 'uë'₃ Samaria. ⁵³ La₁ tsá₃ ca₂guen₃ dsa₂ Jesús ja₁jaun₂, ia₁ ca₂rë₃lí'₄ a₂'ein₅₄ jui₅ nó₅ jui₅ Jerusalén bá₄. ⁵⁴ Jaun₂ nē₃, jme₁ca₂rë₃η₁₅ Jacobo quian'₅₄ Juan₅₄ a₂tsá₃ guei₅ dsa₂, jaun₂ ca₂juá'₂:

—Te₁gui'₅₄, ζtsa₁ dse₃ jmó₁ jniog₄ 'éi'₃ a₂sió₃ si₂ guei'₅₄ i₂juí_g'₃ ia₁jaun₂ 'én₂ juig₂ la₂?†

⁵⁵ Jaun₂ ca₂jén'₃ Jesús ca₂jí₂. §

⁵⁶ Jaun₂ ca₂i₃lén₂ bá₄ táng₃ juig₂ siá'₂.

Dsa₂ i₂jme₁'nio₃ jme₃quian'₅₄ Jesús

(Mateo 8:19-22)

⁵⁷ Ja₁i₃lén₂ jaun₂, ca₂juá'₂ jan₂ dsa₂:

—Te₁gui'₅₄, 'nio₃ jniá₂ jme₁quion₁ 'ne₂ le₂con₂ ja₁gog'₅₄.

⁵⁸ Jaun₂ ca₂ηag₃ táng₃ Jesús:

—Jui₁lia'₂ i₂güi₅, i₂'io₅ to₄ bá₄ 'éi₂; já₃ bá₄ le₂jaun₂ jui₁lia'₂ i₁tan₅ i₂i₂nio₄ guei'₅₄, tio'₅₄ tsag₄ bá₄ 'éi₂ já₃. La₁ Jaun₅ dsa₂ mi₂güig₃ nē₃ tsá₃ ja₁cha₂ quió'₅, jua'₅₄ ja₁lé₂ le₃jnia₃.

⁵⁹ Jaun₂ ca₂tsí'₃ i₂sián'₂:

—Nia₅ quian'₅₄ jniá₂.

La₁ ca₂ηag₃ 'éi₂:

—Te₁gui'₅₄, * jui₁i₁'óng₃ de'₂ ηe'₃.

⁶⁰ Jaun₂ ca₂ηag₃ táng₃ Jesús:

—Jui₁dsi₂'ón₃ 'lag₄, 'lag₄ riin'₅₄. La₁ 'ne₂, juí_g'₂ jniá₂, gua₂ o₂'ë₃ já_g'₁ jui₁lia'₂ 'a₂ lia'₂ lë₅ ja₁gon₂ Diú₄.

⁶¹ Jaun₂ ca₂juá'₂ táng₃ jan₂:

—Te₁gui'₅₄, 'nio₃ jniá₂ nei₅₄ quian'₅₄ 'ne₂, la₁ jui₁i₁'éi'₃ de'₂ já_g'₁ i₂chan₂ quió₃.

⁶² La₁ Jesús nē₃ ca₂juá'₂:

—Dsa₂ i₂ma₂nē₂ 'éi₂ caun₂ dsí₅ a₂jme₃quiong'₅₄, nē₁jua'₂ ca₂'ág₂ caun₂-tín₃ dsí₅, lín₅ lia'₂ lín₅ jan₂ i₂jme₂lióg₃ quiá'₂ 'uë₃, jéin'₅ le₃ca'₃. Tsá₃ ta₁ tén₄ dsa₂ i₂le₂'éi₂ le₃ja₁gon₂ Diú₄.

10

Chen₅ Jesús 'nag'₂ ne₂guión₂ rë₂dsí₂ guian₃ dsa₂

¹ Cang₂ jaun₂ ca₂quión'₂ Te₁gui'₅₄ 'nag'₂ ne₂guión₂ rë₂dsí₂ guian₃ (70) dsa₂ sián'₂. * Jaun₂ qui₂ca₂chein₃ jma₃on₃ jma₃on₃ 'éi₂ i₃lén₂ ne₄ jui₅ quió'₅, ca₂le₃jë₃ juig₂ ja₁'ein₅₄ jui₅ dsió_g'₄.

² Ca₂tsí'₃ 'éi₂:

† **9:54** A₂lin₅₄ chog₅₄ si₂juá'₂ já₃: “jui₁lia'₂ ca₂jmo₃ Elías.” § **9:55** A₂lin₅₄ chog₅₄ si₂juá'₂ já₃: “ca₂juá'₂: —Tsá₃ len'₅₄ 'nia'₂ guiong'₅₄ 'ein₂ jme₂dsí₂ ca₂jo₃ 'nia'₂. Ia₁ tsá₃ ta₁ jaun₂ já₅ Jaun₅ dsa₂ mi₂güig₃ a₂'éin₂ dsa₂, të₂le₃ a₂lió₂ bá₄.” * **9:59** A₂lin₅₄ chog₅₄ si₂ tsá₃ chi₁ton₅ já_g'₁ “Te₁gui'₅₄.” * **10:1** A₂lin₅₄ chog₅₄ si₂ chi₁ton₅ “nag'₂ ne₂guión₂ rë₂dsí₂ guia₃-tín₂ (72) dsa₂ sián'₂.”

—Juin₅ lin₃ bá₄ dsa₂ 'nio₃ gue₃ jág₁ quió'₅ Diú₄; lě₅ ně₂jag₄ bá₄ 'lióng₂ lin₃ a₂ca₂rau₂, la₁ dsa₂ i₂jmo₃ ta₁ bá₄ tsá₃ juin₅ chan₂. Jaun₂ lě₃, mi₄ 'nia'₂ chei'₅₄ Juig₅₄ ja₁nau₂ jui₁chein₁₂ dsa₂ i₂jmo₃ ta₁ cág'₃. ³ Jag₄ 'nia'₂ jaun₂, 'nia'₂ tsín₂ jniá₂ o₁nóg'₅ líng'₅ co₂'nió'₄ guein₂ já'₂ cha'₂ jin₄ dsig₂ náu₂. ⁴ Tsá₃ tsi₁na'₅₄ cán'₁ 'nia'₂, on₃ guè'₂ lau₂ tó'₅ cu₄, on₃ guè'₂ lau₂ ton₅ tag'₄ 'nia'₂ siá'₂ cán'₁. Tsá₃ jme₁'ag'₄ 'nia'₂ le₂'i₄ jui₅ jua'₅₄ a₂dsiá'₁ 'nia'₂ jág₁ uě₂ quian'₅₄ dsa₂. ⁵ Jě₁ma₂tě₂ rě₁tón'₂ 'nia'₂ dsi₂néi₂ quió'₅ dsa₂ ja₁jan'₄, cuin₅₄ de'₂ 'nia'₂ dsa₂ Diú₄ juig'₅₄ le₂la₂: “Jui₁'ei₅ bá₄ tei₄ tion'₄ 'nia'₂ dsi₂néi₂ la₂.” ⁶ Chi₂jua'₂ dsa₂ i₂quió'₅ dsi₂néi₂ jaun₂ 'ua₁ bá₄ dsí₅, tě₃'ñiá₄ bá₄ jág₁ a₂'ei₅ tei₄ quián'₂ 'nia'₂ ja₁coin₂. La₁ ně₁jua'₂ tsá₃ le₂jaun₂, tě₃'ñiá₄ bá₄ táng₃ ja₁con'₂ 'nia'₂ guiong'₅₄ jág₁ a₂'ei₅ tei₄ jaun₂. ⁷ Caun₂ bá₄ ja₁o₁jñia'₄ 'nia'₂, qué'₂, 'én'₂ 'nia'₂ 'e₂ caun₂ a₂niog₅ cuě₅ dsa₂; ia₁ a₂co₂jaun₂ ca₂tín₂ bá₄ dsa₂ 'liain'₅₄ ta₁ quió'₅. Jaun₂ tsá₃ i₁nio'₄ 'nia'₂ le₂'í₁ 'né₅. ⁸ Jě₁ma₂dsi₃nóg'₅ le₂caun₂ juig₂ ja₁guei₅ dsa₂, qué'₂ 'nia'₂ jui₁'e₂ guě₃ a₂cuě₅ dsa₂. ⁹ Jme₁'lion₅₄ 'nia'₂ dsa₂ dso'₅₄ i₂chan₂ ja₁jaun₂, chei'₅₄: “Ma₂ja₂quián₃ bí₂ 'éi₂ quió'₅ Diú₄ ja₁con'₂ 'nia'₂.” ¹⁰ La₁ ně₁jua'₂ ca₂dsi₃nó'₅ 'nia'₂ caun₂ juig₂ ja₁tsá₃ guei₅ dsa₂, 'uin'₂ 'nia'₂ jě₄ calles, chei'₅₄: ¹¹ “Le₂jiog₅ 'liog₂ te₁'i₁ go'₄ 'nia'₂, a₂qui₂ca₂quen'₂ tag₄ jnia'₅₄, la₂ séi'₄ jnia'₅₄, a₂jmo₁ léi₄ tsá₃ ma₃'e₂ 'uag₄ jnia'₅₄ quian'₅₄ 'nia'₂. La₁ dsá₂ 'au'₂ 'nia'₂ jmo₄, ma₂ja₂quián₃ bí₂ 'éi₃ quió'₅ Diú₄ ja₁cong'₂.” ¹² Juá'₅ jniá₂ juig₂ 'nia'₂, 'ñio₅ lin₃ guě₄ uig₅ a₂'ě₂ Diú₄ jmi₄g₄ jaun₂ ja₁con₂ dsa₂ 'éi₂, lia'₂ con'₂ guě₄ dsa₂ juig₂ Sodoma.

Juig₂ ja₁tsá₃ ne'₅₄ dsa₂
(Mateo 11:20-24)

¹³ 'i'E₂ guě₄ juig'₂ 'nia'₂ dsa₂ juig₂ Corazín! 'i'E₂ guě₄ juig'₂ 'nia'₂ dsa₂ juig₂ Betsaida! Ia₁ jua'₅₄ mei'₂ guě₃ ca₂le₃jín₃ dsa₂ chan₂ Tiro quian'₅₄ Sidón ca₂tě₂ ne₅₄ jui₁lia'₂ jui₅bí₂ juě'₂ a₂niog₅ lě₂ jě₄ quián'₂ 'nia'₂ jmi₄g₄ ně₃, líg'₂ bá₄ tsá₃ ma₂quí'₂ 'mi'₂ taun₅ jme₁tian'₃ jě₄ jua₂ ně₃, jme₁jmo₃ léi₄ a₂ca₂dsi₃quén'₅ dsí₅. ¹⁴ La₁ jě₁ma₂tě₂ rě₁qui₃dsi₅ Diú₄ 'éi'₃, 'ñio₅ lin₃ guě₄ 'ñio₅ uig₅ guéi'₁ 'nia'₂ con'₂ guě₄ uig₅ a₂ca₂gue₃ dsa₂ i₂chan₂ Tiro quian'₅₄ Sidón. ¹⁵ 'Ne₂ guè'₂ juig₂ Capernaum, ¿a₁rong'₂ ñei₅ tě₂ guei'₅₄ i₂juig₃, líng'₂? 'En₁ bá₄ 'ne₂ sióng'₃ ca₂tě₂ ja₁ca₂tín₂ 'lag₄.†

¹⁶ 'Dsa₂ i₂nag₅ jág₁ quián'₂ 'nia'₂, jág₁ quió₃ jniá₂ bá₄ nag₂₃. Dsa₂ i₂tsá₃ guen₅ 'nia'₂, jniá₂ bá₄ a₂tsá₃ guei₂₃. I₂tsá₃ guei₅ jniá₂, ján₃ bá₄ le₂jaun₂ tsá₃ guein₂₃ i₂ca₂chei₃ jniá₂.

Ca₂dsi₃len₃ táng₃ i₂'nag'₂ ne₂guión₂ rě₂dsí₂ guian₃

¹⁷ Ca₂o₃len₃ táng₃ 'io'₂ jén'₅ ta₁'nag'₂ ne₂guión₂ rě₂dsí₂ guian₃ (70)‡ dsa₂ 'éi₂, jaun₂ dsia₂₃, juá'₂:

—Te₁gui'₅₄, ca₂lia'₂ jiog₅ je₂na'₅₄ bá₄ nag₅ gau₂ jág₁ quián₂ jnia'₅₄ jě₁ma₂ca₂'ín₂ jnia'₅₄ 'ne₂.

¹⁸ Jaun₂ ca₂ñag₃ Jesús:

—Ján₅. Ma₁ jág₅ bá₄ jniá₂ jme₁ca₂tán'₂ Satanás guei'₅₄ i₂juig₃ lia'₂ ja₁ta'₂ caun₂ si₁ñí'₃. § ¹⁹ 'Éi'₃ jaun₂ bá₄ ma₂cuě₃ jniá₂ 'nia'₂ a₂'ó'₅ 'nia'₂ bí₂ 'éi'₃ a₂lé₂ le₃qui₁tsong'₅₄ dsi₂mi'₂, i₁'né₅ ně₃, a₂tiang'₃ ne₄ ca₂le₃jě₃ jui₅bí₂ a₂gu₂dsí₂ i₂'io'₅₄, ca₂lia'₂ jñia'₅₄ tsá₃ 'e₂ jén'₄ 'nia'₂ guiong'₅₄. ²⁰ La₁ tsá₃ jmo₂ 'nia'₂ 'io'₂ ia₁ a₂nag₅ gau₂ jme₂dsí₂ 'lín'₅₄ jág₁ quián'₂ 'nia'₂. A₂jaun₂ bá₄ jmo₄ 'nia'₂ 'io'₂ ia₁ a₂ma₂le₁tong'₂ ne₄ si₂ guei'₅₄ i₂juig₃.

† **10:15** griego: hades, co₂'nió'₄ a₂juá'₂, ja₁quió'₄ 'lag₄. ‡ **10:17** A₂lin₅₄ chog₅₄ si₂ chi₁ton₅ “ta₁'nag'₂ ne₂guión₂ rě₂dsí₂ guian₃-tín₂ (72).” § **10:18** 'Nio'₂ ja₁ton₅ Isaías 14:12-15; Apocalipsis 9:1; 12:9.

Jmei₂ quian'₅₄ Ja₁ñi'₅₄
(Mateo 11:25-27; 13:16-17)

21 Hora jaun₂, ca₂jmo₃ Jme₂dsí₂ Jñi₅o₂ a₂'io'₂ jén'₅ lín₃ Jesús, jaun₂ ca₂juá'₂:

—Jme₂juín'₁ jniá'₂ 'ne₂, Tia₅₄, Juig₅₄ guei'₅₄ i₂juíg₃, gua'₅₄ 'uë₃ ně₃, ia₁ ma₂ca₂'ma'₅₄ a₂në₅ ja₁con₂ dsa₂ i₂ñí₄ tin₂ si₂, i₂ñí'₂ dsí₅ ně₃, a₂ma₂ca₂jme₁jniag'₂ le₃ja₁con₂ dsa₂ i₂lín₅ lia'₂ lín₅ guein₂ i₂tsá₃ 'e₂ cuí'₅. Dsón'₂ bá₄ jaun₂, Tia₅₄ quiáng₃, ia₁ le₂në₅ 'ñio₂ 'au'₂.

22 Jaun₂ ca₂jén'₃ Jesús, ca₂juá'₂:*

—Ne'₃ jniá'₂ ma₂dsia₃ o₄gu₃ ca₂le₃jě₃. Jaun₂ 'i₁jan₂ tsá₃ 'ein₂ cuín₅ 'ein₂ 'éi₂ i₂lín₅ Ja₁ñi'₅₄, jñia'₅₄ lia'₂ 'ñiog₅ bá₄ Jmei₂. Ján₃ guë'₂ le₂jaun₂, 'i₁jan₂ tsá₃ 'ein₂ cuín₅ 'ein₂ 'éi₂ lín₅ Jmei₂, jñia'₅₄ lia'₂ Ja₁ñi'₅₄ bá₄ i₂cuig₅, jaun₂ jme₂jniog₂₃ ne₄ dsa₂ i₂'ñio₂ dsí₅ Ja₁ñi'₅₄ jme₂jniog₂₃.

23 Jaun₂ ca₂jéin'₃, ca₂tsí'₃ jmá'₃ chi'₂ dsi₂guia₃-tín₂ guoin₅₄:

—'E₂ guë'₄ dsen₃ dsa₂ i₂të₅ ne₄ juí₁lia'₂ a₂niog₅ jág'₂ 'nia'₂, ²⁴ia₁ a₂dsi₂jó'₃ juá'₅ jniá'₂, juín₅ rag₅₄ ma₂líg'₂, lia'₂ dsa₂ i₂jme₁'ě₂ jág₁ quián₅ Diú₄ ně₃, jme₁'ín₅ dsí₅ jme₁të₃ ne₅₄ juí₁lia'₂ a₂niog₅ tē₅ ne'₅₄ 'nia'₂ rē₂ně₃, la₁ tsá₃ ca₂jág₃. Ján₃ bá₄ jme₁'ín₅ dsí₅ nag₃ juí₁lia'₂ a₂niog₅ nag'₂ 'nia'₂ jmig₄ ně₃, la₁ tsá₃ ca₂nág₂.

Jág₁ jáng'₅ léi₄: a₂dse₃ ca₂jmo₃ jan₂ dsa₂ chan₂ Samaria

25 Co₂ráun₂ ca₂nau₂ jan₂ tē₅juá'₅, a₂jñia'₅₄ con'₂ cáun₂ táu₂ bá₄ ca₂ñag₃:

—Të₅, ¿'e₂ 'nió'₅ jmo₅₄ jniá'₂, ia₁jaun₂ ting₅₄ ja₁le₃chang₂ co₂tan₅₄?

26 Jaun₂ ca₂ñag₃ Jesús:

—¿'E₂ 'éi'₃ tio'₅₄ ne₄ Si₂ guë'₂? ¿'A₂ lia'₂ ñí'₂ 'au'₂ a₂'i'₂?

27 Jaun₂ ca₂ñag₃ táng₃ tē₅juá'₅ 'éi₂:

—“Jme₁'nió₄ Te₁gui'₅₄ Diú₄ quiáng'₂ ca₂le₃jě₃ 'au'₂, ca₂le₃jě₃ jme₂dsí₂, ca₂le₃jě₃ juí₅bí₂, quian'₅₄ ca₂le₃jě₃ a₂ñí'₂ dsei'₂ ně₃, † ján₃ guë'₂ le₂jaun₂ jme₁'nióg'₄ dsa₂ mi₂güig₃ ríng'₂ juí₁lia'₂ 'nióg'₃ 'ñiag'₂.” †

28 Jaun₂ ca₂ñag₃ táng₃ Jesús:

—Dse₃ lín₃ bá₄ ně₂ñag'₅₄. Nē₁juá'₂ ca₂jmo'₅₄ le₂në₅, léng'₂ bá₄ ja₁le₃chang'₂ co₂tan₅₄.

29 La₁ tē₅ 'éi₂ jme₁'nio₃ chein'₃ dse₃, jaun₂ ca₂tsí'₃ Jesús:

—¿'Ein₂ 'éi₂ dsa₂ mi₂güig₃ ríng'₃?

30 Jaun₂ ca₂ñag₃ Jesús ma₂tē₂chan'₂ jág₁ jaun₂, ca₂juá'₂:

—Jan₂ dsa₂ jme₁'en₅₄ juí₅ o₂'íin₃ Jerusalén ca₂sióin₃ a₂dsióg₄ juig₂ Jericó. Dsa₂ 'ang₂ bá₄ ca₂jo₃ ca₂chei'₃ lín₃, ca₂cuë₃ dsa₂ 'ñio₅ lín₃ jñia'₅₄ mei'₂ tsá₃ ca₂jñag'₃. Jaun₂ guë'₄ ca₂i₃lein₅. ³¹Jë₂ lia'₂ juí₅ jaun₂ 'en₅₄ juí₅ já₅ jan₂ jme₂dsa₂. La₁ con'₂ ca₂quiá₂ cau₅ bá₄ ca₂ñii₅ jme₁ca₂jág₂. ³²Ján₃ bá₄ ca₂jág₃ táng₃ jan₂ dsa₂ i₂lín₅ tsi₁jon₂ Leví, con'₂ ca₂quiá₂ cau₅ bá₄ ján₃, ca₂ñii₅. ³³La₁ jan₂ dsa₂ i₂chan₂ Samaria 'ein₅₄ juí₅, ca₂dsióg₃ ja₁ron₅ dsa₂ dso'₅₄, ca₂tá'₂ néi₂ dsí₅ jme₁ca₂jág₂. ³⁴Jaun₂ ca₂jme₃quiáin₃ cau₅ quió'₅, ca₂'ág₂ aceite quian'₅₄ vino ja₁rē₂cuí'₃, ca₂lio₃. Jaun₂ ca₂tág₃ co₁lag₁ bú'₄ quiáin₅, ca₂jio₃ caun₂ 'né₅ ja₁jñia₅ dsa₂. Ja₁jaun₂ ca₂jmo₃ 'í₁. ³⁵Jme₁jnia₃ jaun₂, ca₂dsi₂ tin₃ cu₄ 'ua'₂ ca₂cuë'₃ dsa₂ juig₅₄ dsi₂néi₂, ca₂juá'₂: “Jmo₄ co₂nio₄ 'í₁ dsa₂ ně₅. Nē₁juá'₂ 'e₂ ca₂'éng'₃ guë'₄ quiáng'₂, la₂ bá₄ jáng'₄ jē₁ma₂guióng'₃.” Nē₃ ně₃ jaun₂. ³⁶¿'Ein₂ dsa₂ i₂ún₂ 'éi₂ líng'₂ ca₂jmo₃ dsí₅ a₂lín₅ dsa₂ mi₂güig₃ rin'₅₄ dsa₂ i₂ca₂jmá'₂ dsa₂ 'ang₂?

37 Jaun₂ ca₂ñag₃ táng₃ tē₅juá'₅:

—I₂ca₂tá'₂ néi₂ dsí₅ dsa₂ 'éi₂.

* 10:22 A₂lín₅₄ chog₅₄ si₂ tsá₃ chi₁ton₅ “jaun₂ ca₂jén'₃ Jesús, ca₂juá'₂.” † 10:27 Deuteronomio 6:5.

† 10:27 Levítico 19:18.

Jaun₂ ca₂ŋag₃ táng₃ Jesús:
—Guan'₂, le₂ně₅ jmo₄ 'ne₂ ján₃.

Ca₂dsióg₃ Jesús dsi₂néi₂ quió'₅ Marta quian'₅₄ María

³⁸ Con'₂ tioen'₅₄ juí₅, ca₂'í₃ Jesús caun₂ juí₂ pí'₁. Ja₁ jaun₂ ca₂guei₃ jan₂ dsa₂ mí₂ i₂chen₂ Marta dsi₂néi₂ quió'₅. ³⁹ 'Éi₂ ně₃ jme₁chan₂ jan₂ riin'₅₄ i₂chen₂ María. 'Éi₂ ně₃ tei₄ bá₄ ca₂guá₂ cau₅ mi₂tag₄ Te₁gui'₅₄, nag₂₃ jág₁ a₂juá'₂ 'éi₂. ⁴⁰ Marta guě'₂ ně₃ 'ein₅₄ tsá₃ rě₂jñin₅₄ jmo₂₃ ta₁ a₂cha₂ dsi₂néi₂, jaun₂ guain₃ o₃chi'₅₄ Jesús, ca₂juá'₂:

—Te₁gui'₅₄, ζtsa₁ dsan₂ 'au'₂ a₂tsá₃ 'e₂ jme₂'o₅₄ 'io₅₄ ríng'₃? 'Nió₃ bá₄ 'eng₅₄ tsá₃ rě₂jñing₅₄ jme₂ti₅₄. Chei'₅₄ juí₁jme₂'o₅₄.

⁴¹ Jaun₂ ca₂ŋag₃ Te₁gui'₅₄:

—Marta, Marta, jág₅ bá₄ jniá₂ 'ñio₅ tsá₃ rě₂jñing'₅₄ 'eng'₅₄ dsan₂ 'au'₂ 'lióng₂ ta₁ a₂jmo'₂. ⁴² La₁ caun₂ bá₄ a₂dsen₅₄ guě₄ a₂ca₂tín₂ dsa₂ nag₃. María ríng'₂ ně₃, ně₂quió'₃ a₂dse₃ guě₄, jaun₂ 'i₁jan₂ tsá₃ 'ein₂ le₃jñiá'₂ a₂ma₂ně₂quió'₃.

11

Jme₂tag₅ Jesús 'a₂ lia'₂ chi₃lén'₂ dsa₂ Diú₄
(Mateo 6:9-15; 7:7-11)

¹ Co₂ráun₂ jme₁'en₅₄ Jesús chi₂lén'₂ Diú₄. Jme₁ca₂lě₃ jaun₂, ca₂juá'₂ chi'₂ dsi₂guia₃-tín₂ quiáin₅:

—Te₁gui'₅₄, jme₁tag₅ 'a₂ lia'₂ chi₂lén'₄ jnia'₅₄ Diú₄, juí₁lia'₂ ca₂jme₃tag₅ Juan₅₄ ca₂jme₃tñin₂₃ dsa₂ quiáin₅.

² Jaun₂ ca₂juá'₂:

—Le₂la₂ jua'₅₄ 'nia'₂ jě₁ma₂tě₂ rě₁chi₁leng'₄ Diú₄:

Tia₅₄, 'ne₂ i₂ñéi'₂ guei'₅₄ i₂juí₃*

juí₁jme₂gó'₃ dsa₂ a₂rě₂jñió₄ a₂cheng'₂.

Juí₁le₅₄ bá₄ 'éi'₃ quiáng'₂,

Juí₁le₅₄ bá₄ a₂'ñio₂ 'au'₂ 'ne₂, ne₄ gua'₅₄ 'uě₃,

juí₁lia'₂ lě₂ guei'₅₄ i₂juí₃.†

³ Cuě₄ a₂'nió'₅ que₅₄ jnia'₅₄ jmig₄ ně₃.

⁴ 'Én₃ dsáu₁ jnia'₅₄,

juí₁lia'₂ 'én₅ jnia'₅₄ dsáu₁ rin'₅₄.

'A₃ cuě₂ jmig₄ jiá₃ juí₅bí₂ a₂caun₂ táu₂,

tě₂le₃ lió₄ bá₄ o₄gú₃ i₂sě₃dsen₃.‡

⁵ Ca₂juá'₂ Jesús ně₃:

—Jua'₅₄ mei'₂ guě₃ le₃jua'₅₄, chan₂ jan₂ 'nia'₂ i₂dsióg₄ a₂'uě₂ quió'₅ a₂mei₅₄ quián₅, tě₂, juá'₂: “Jmo₄ dse₃ 'au'₂ rin'₅₄ jniog₄, dsi₄ 'ni₅ i₁ñí'₄. ⁶ Ia₁ lia'₂ guan₅ quió'₃ jan₂ a₂mei₅₄ quiáng₃ 'ein₅₄ juí₅; ia₁ tsá₃ 'e₂ cha₂ 'i₁caun₂ quió'₃ a₂le₃cuě₄.” ⁷ Dsa₂ dsi₂néi₂ ně₃ lé₂ le₃ŋag₃ tě₃ rě₂quiain₂₃: “Tsá₃ cuě₂ o₂me'₅₄ dsi₅, ia₁ ma₂chi₁jnág₅ o₄'né₄ quió'₃; chi'₂-guein₂ quiáng₃ ně₃ ma₂tián'₅ le₁güin₃. Jaun₂ tsá₃ lé₂ no₅₄ jua'₅₄ cuě₅₄ a₂mi'₂.” ⁸ Jaun₂ juá'₅ jniá₂, tion₅₄ bá₄ náu₃ cuě₃ ca₂le₃jě₃ 'e₂ a₂mi₅ 'éi₂, on₃jua'₅₄ jmo₃ ia₁ lě₅ a₂mei₅₄, tě₂le₃ 'uig₅₄ ia₁ a₂ñí₄ lě₃ tion₅₄ mi₃ bá₄. ⁹ Jaun₂ le₂ně₅ bá₄ juí₂ jniá₂ 'nia'₂: Mi₄ 'nia'₂, jaun₂ ñeg'₂ bá₄; 'niai'₂ 'nia'₂, jaun₂ dsian'₂; quein₄ 'nia'₂ o₄'né₄ tě₃, jaun₂ niá₂. ¹⁰ Ia₁ juí₁lia'₂ i₂mi₅ 'e₂ mi₅, gue₂₃. Le₂jaun₂ juí₁lia'₂ i₂'no'₂ 'e₂ 'no'₂, dso'₂ bá₄. Le₂jaun₂ guě'₂ quió'₅ juí₁lia'₂ i₂tě₂, niá₂ bá₄ o₄'né₄.

* **11:2** A₂lin₅₄ chog₅₄ si₂ tsá₃ chi₁ton₅ “ne₂ i₂ñéi'₂ guei'₅₄ i₂juí₃.” † **11:2** A₂lin₅₄ chog₅₄ si₂ tsá₃ chi₁ton₅ “juí₁le₅₄ bá₄ 'éi'₃ quiáng'₂, juí₁le₅₄ bá₄ a₂'ñio₂ 'au'₂ 'ne₂ ne₄ gua'₅₄ 'uě₃, juí₁lia'₂ lě₂ guei'₅₄ i₂juí₃.” ‡ **11:4** A₂lin₅₄ chog₅₄ si₂ tsá₃ chi₁ton₅ “tě₂le₃ lió₄ bá₄ o₄gú₃ i₂sě₃dsen₃.”

11 'O₃ bá₄ chan₂ i₂lin₅₄ 'nia'₂ jmo₅, jë₁ma₂ca₂mi₃ guein₂ quiáng'₂ i₁ñí'₄, ¿cuë'₂ 'nia'₂ ca₂míg₂ ni₁cang?_? O₃ në₁jua'₂ ca₂mi₃ jan₂ i₁ju₁, ¿cuíin'₅ 'nia'₂ jan₂ dsi₂mi'₂?
 12 O₃ jë₁ma₂ca₂mi₃ ca₂míg₂ mi₂jlag₂, ¿o₃ bá₄ cuíin'₅ jan₂ i₁'né₅ 'e₂? 13 Chi₂jua'₂ 'nia'₂ dsa₂ mi₂güí₃ i₂'nau'₂ dso₄ chang'₂, ting'₂ cuë'₂ bá₄ chi'₂-guein₂ quiáng'₂ a₂dse₃, ¡'ë₂ guë'₄ bá₄ Nëi'₅ 'nia'₂ i₂guá₅ guei'₅₄ cuíin₃ Jme₂dsí₂ Jñi₀ quiáin₅ quió'₅ ca₂le₃jín₃ i₂mi₅!

Juá'₂ dsa₂ a₂'io₅ Jesús jui₅bí₂ quió'₅ Be'elzebú
 (Mateo 12:22-30; Marcos 3:19-27)

14 Co₂ráun₂ táng₃ jme₁'en₅₄ Jesús dsein₂₃ jan₂ jme₂dsí₂ je₂na'₅₄ i₂jmo₅ a₂tsá₃ lé₂ dsia₃ dsa₂ jág₁. Jme₁ca₂o₃'ín₃ je₂na'₅₄ quió'₅ dsa₂, jaun₂ guë'₄ ca₂dsia₃ táng₃ dsa₂ 'éi₂ jág₁. Jaun₂ ca₂i₃gó'₃ dsí₅ dsa₂ tioen'₅₄. 15 La₁ i₂lin₅₄ guë'₂ ca₂dsia₃ 'iin₂₃ Jesús:
 —Qui'₅₄ i₂në₅ jmí₄ 'uíin'₂ je₂na'₅₄ quian'₅₄ jui₅bí₂ quió'₅ Be'elzebú, i₂lín₅ juig₅₄ je₂na'₅₄.

16 I₂lin₅₄ guë'₂ në₃, a₂jñia'₅₄ con'₂ cáun₂ táu₂ bá₄ jme₁mi₂₃ a₂jme₁jmo₃ Jesús a₂sió₃ caun₂ léi₄ guei'₅₄ i₂juí₃. 17 La₁ a₂ñi₅ rë₂ bá₄ Jesús 'a₂ lia'₂ dsi₂jio₅ dsí₅ dsa₂ 'éi₂. Jaun₂ lë₃ ca₂juá'₂:

—Jui₁lia'₂ caun₂ juig₂ nación, tioen'₅₄ mi'₅₄ guioin₅₄, tioen'₅₄ le₁dsoin₅₄, dsi₃'én₂ bá₄ juig₂ jaun₂. Le₂jaun₂ guë'₂ jui₁lia'₂ caun₂ dsi₂néi₂ tion'₅₄ dsa₂ le₁dsoin₅₄ tsá₃ caun₂ jág₁ 'ei₅, ján₃ bá₄ dsi₃'én₂ dsi₂néi₂ jaun₂. 18 Le₂në₅ bá₄ ján₃, në₁jua'₂ ca₂lë₃ le₁dso'₅₄ jui₅bí₂ quió'₅ i₂së₃dsen₃, ¿'a₂ guë'₂ lia'₂ lé₂ le₃qui'₅₄ guë'₄ jmí₄ jio₃ ne₄ta₁ quió'₅? Juá'₅ jniá₂ le₂në₅ ia₁ juá'₂ 'nia'₂, quian'₅₄ bí₂ quió'₅ Be'elzebú bá₄ a₂'uin'₄ jniá₂ je₂na'₅₄. 19 La₁ chi₂jua'₂ le₂jaun₂ 'uíin'₄ jniá₂ quian'₅₄ bí₂ quió'₅ Be'elzebú, ¿'ein₂ guë'₂ quió'₅ bí₂ quian₅ i₂quian'₅₄ 'nia'₂ a₂lé₂ le₃'uág'₂ ján₃? Jaun₂ jui₁lia'₂ lë₅ jmo₅ dsa₂ 'éi₂ bá₄ jióg'₂ 'í₁ a₂tsá₃ tí₅ jág₁ quián'₂ 'nia'₂. 20 La₁ chi₂jua'₂ jaun₂ quian'₅₄ jui₅bí₂ a₂tin₂ Diú₄ lon₄ jniá₂ dsa₂ o₄gú₃ je₂na'₅₄, jaun₂ le₂në₅ bá₄ jau'₂ jág₁ dsau₅ a₂ma₂gua₅ bí₂ 'éi'₃ quió'₅ Diú₄ ja₁con'₂ 'nia'₂.

21 'Jui₁lia'₂ jan₂ dsa₂ 'uan'₂ chain₂ rë₂jáin₁, 'io₂₃ ca₂le₃jë₃ a₂'nió'₅ quió'₅ jmo₃ 'nei₂, jaun₂ lë₅ 'í₁ ca₂le₃jë₃ 'e₂ tio'₅₄ dsi₂néi₂. 22 La₁ në₁ca₂já₃ jan₂ i₂'uan'₂ guë'₄ lia'₂ con'₂ guë'₄ 'ñiog₅ 'éi₂, në₁ca₂jo₃ në₃, i₂'éi₂ guë'₂ në₃ jñiá'₂ ca₂le₃jë₃ a₂ñí₄ lë₃ bein'₂ jmo₂₃ a₂'uain'₂. Jaun₂ jmo₂₃ dsió₂ ca₂le₃jë₃ a₂ca₂lí₃.

23 'Jui₁lia'₂ dsa₂ i₂tsá₃ chén'₅ le₃quió₃ jniá₂, i₂'iog₅₄ bá₄ 'éi₂. Jui₁lia'₂ i₂tsá₃ cág'₅ co₂lë₅ quian'₅₄ jniá₂, jñia'₅₄ jmo₅ tsi₁rë₂ja₅₄.

Jme₂dsí₂ 'lín'₅₄ i₂dsián'₅ táng₃
 (Mateo 12:43-45)

24 'Jui₁lia'₂ jan₂ jme₂dsí₂ 'lín'₅₄ i₂o₂'ín₅ quió'₅ dsa₂, dsi₂ñí₃ le₂tan₅₄ ja₁quein₂ dsi₂'nio'₂ ja₁jñia₃. Në₁jua'₂ tsá₃ dso'₂ ja₁'í₂ në₃, 'no'₂ dsí₅: “Nég'₄ táng₃ dsi₂néi₂ quió₃ ja₁o₂'íng₃.” 25 Jë₁ma₂dsián'₃, jein'₂ táng₃ dsa₂ 'éi₂ ma₂lín₅ co₂'nió'₄ bá₄ caun₂ dsi₂néi₂ a₂chí'₅ rë₂, rë₂'ia'₅₄, rë₂lag₄ në₃. 26 Jaun₂ dsó₅ táng₃ dsi₂quiáin₂ guë'₄ guion₃ jme₂dsí₂ i₂'lín'₅₄ guë'₄ lia'₂ 'ñiog₅, jaun₂ dsi₂tiain'₂ ca₂le₃jín₃ të₂dsí₅ dsa₂ 'éi₂. Jaun₂ dsa₂ 'éi₂ në₃ 'ñio₅ lín₃ guë'₄ le₃'lín'₅₄ dsió₄ lia'₂ con'₂ guë'₄ jme₁lín₄ le₂jñiá₅. §

'A₂ lia'₂ 'nió'₅ jmo₃ dsa₂ ia₁jaun₂ le₃chain₂ dse₃

27 Të₃ 'en₅₄ Jesús dsia₂₃ le₂në₅, ca₂juá'₂ tiá₂ jan₂ dsa₂ mí₂ të₃jín₄ dsa₂:

—¡'E₂ guë'₄ dsen₃ dsa₂ mí₂ i₂ca₂caun₃ 'ne₂, i₂ca₂'éin'₃ dsi'₅₄ quió'₅!

28 Jaun₂ ca₂ñag₃:

¡Të₂le₃ ja₂lín₃ guë'₄ dsen₃ dsa₂ i₂nag₅ 'e₂ juá'₂ Diú₄, ton'₂ jme₂ti₃!

*Léi₄ a₂lín₅ Jonás**(Mateo 12:38-42; Marcos 8:12)*

²⁹ Caun₂ qui₂ñi'₂ bá₄ dsa₂ ja₁chén'₄ Jesús, jaun₂ 'éi₂ ně₃ ca₂jme₃lióg₃ ca₂juá'₂:
—'Nio₅ lín₃ ma₂'lín'₅₄ dsa₂ rē₂ně₃, mi₂₃ a₂jmo₅₄ jniá'₂ léi₄ juē'₂. La₁ tsá₃ ma₂'e₂
léi₄ jua'₅₄ a₂jmo₄ guě₄ jniá'₂, jnia'₅₄ lia'₂ caun₂ léi₄ a₂ca₂lě₃ quian'₅₄ Jonás bá₄.
³⁰ Ia₁ le₂ně₅ jui₁lia'₂ Jonás ca₂lín₃ caun₂ léi₄ tē₂le₃ ja₁con₂ dsa₂ i₂jme₁chan₂ Nínive
jmig₄ jaun₂, le₂ně₅ bá₄ ján₃, Jaun₅ dsa₂ mi₂güig₃ léin₂ caun₂ léi₄ a₂jáng'₃ jág₁ dsau₅
ja₁con₂ dsa₂ i₂chan₂ jmig₄ ně₃. ³¹ Jē₁ma₂tē₂ rē₁qui₃dsi₅ Diú₄ 'éi'₃, náu₃ 'io₅₄ rag₅₄
i₂jme₁chan₂ tē₂le₃ sur, jein'₅₄ quian'₅₄ dsa₂ ñe'₂ i₂chan₂ jmig₄ ně₃. 'A₂ lia'₂ niog₅
ca₂jmo₃ 'éi₂, jióg'₂ 'í₁ a₂rē₂cán'₄ dsa₂. Ia₁ 'io₅₄ 'éi₂ ca₂'í₃ jui₅ ca₂já₃ uing₂ lín₃ guain₃
ca₂o₃néi₃ jág₁ ca'₅₄, ca₂o₃dso₅₄ dsí₅ 'a₂ lia'₂ niog₅ dsi₄ Salomón. La₁ ně₃ ně₃, la₂
chén'₅ jan₂ i₂juin'₂ guě₄ lia'₂ Salomón. ³² Ján₃ bá₄ náu₃ i₂jme₁chan₂ Nínive, jein'₅₄
quian'₅₄ dsa₂ ñe'₂ i₂chan₂ jmig₄ ně₃, jē₁ma₂tē₂ rē₁qui₃dsi₅ Diú₄ 'éi'₃. 'A₂ lia'₂ niog₅
ca₂jmo₃ 'éi₂ ma₂líg'₂ jióg'₂ 'í₁ a₂rē₂cán'₄ dsa₂ jmig₄ ně₃. Ia₁ 'éi₂ ca₂jme₃tsin₃ dsí₅
jme₁ca₂'ě₂ Jonás jág₁ quió'₅ Diú₄. La₁ ně₃ ně₃, la₂ chén'₅ jan₂ i₂juin'₂ guě₄ lia'₂
Jonás.

*Dsa₂ i₂lín₅ lia'₂ lě₅ caun₂ si₂**(Mateo 5:15; 6:22-23)*

³³ 'I₁jan₂ dsa₂ tsá₃ guí'₅ caun₂ si₂ ni₁tsí₅ jua'₅₄ chi'₃ ja₁chi₁quion'₅₄. * A₂'ag₅
guei'₅₄ bá₄ dsa₂ si₂, ia₁jaun₂ jág₃ dsa₂ i₂dsi₃ton'₅₄ dsi₂néi₂. ³⁴ Jme₁ne₁ dsa₂ lě₅
co₂'nió'₄ caun₂ ni₁tsí₅ a₂guí'₂ si₂ quió'₅ ni₁ñi₁ dsa₂. Chi₂jua'₂ dse₃ jme₁ne'₄,
ta₁jang'₂ bá₄ tág₅ si₂ quiáng'₂. La₁ ně₁jua'₂ tsá₃ dse₃, ta₁jang'₂ bá₄ chéng'₅ qui₁né'₃.
³⁵ Tě₃ñi'₅₄ 'nia'₂ jaun₂, ia₁ con'₂ tsá₃ ñó₅ ně₁jua'₂ si₂ quiáng'₂ tsá₃ jniá'₂. ³⁶ Chi₂jua'₂
ta₁jang'₂ tág₅ bá₄ si₂ quiáng'₂, tsá₃ qui₁né'₃ lě₅. Jniág'₂ bá₄ lia'₂ ja₁jniá'₂ tág₅ caun₂
si₂.

*Jme₂caun'₂ Jesús quió'₅ dsa₂ fariseos quian'₅₄ tē₅juá'₅**(Mateo 23:1-36; Marcos 12:38-40; Lucas 20:45-47)*

³⁷ Jme₁ca₂dsan₃ cuě₂₃ jág₁, ca₂tág₃ jan₂ dsa₂ fariseo a₂i₃guě'₃ quiong'₅₄.
Jme₁ca₂dsióg₃ dsi₂néi₂ ca₂guá₂. ³⁸ Dsa₂ fariseo 'éi₂ ně₃, i₃gó'₃ dsí₅ ia₁ tsá₃
ca₂jme₃ti₃ Jesús con'₂ lě₅ tag₄ a₂chí'₅, a₂rang₃ gu₂ né'₃ a₂guě'₃. ³⁹ La₁ Te₁gui'₅₄
ně₃, ca₂juá'₂:

—'Nia'₂ dsa₂ fariseos líng'₅ lia'₂ lě₅ ni₁vaso, ni₁uing₅, a₂jñia'₅₄ le₁jě₃ jmá'₃
le₃co'₅₄, la₁ tē₂le₃ jui₅ jme₂dsi₂ quiáng'₂, qui₂rē₂can'₂ ca₂le₃jě₃ a₂'líg'₅₄ a₂jmo'₂: tsá₃
mag'₂ 'au'₂ 'nia'₂ ma₂qui₂ma₂'ang'₂ quió'₅ dsa₂. ⁴⁰ 'i₂E₂ bá₄ tsá₃ ñí'₂ 'au'₂ 'nia'₂!
¿On₁jua'₅₄ i₂ca₂jmo₃ le₃co'₅₄, ca₂jmo₃ le₃'ñió'₂ ján₃? ⁴¹ Ja₂lín₃ guě₄ dsióg₅ jen'₅₄ de'₂
'nia'₂ a₂te₁'i₁ quiáng'₂, jaun₂ guě₄ lé₂ le₃tě₃tsin'₅₄ 'nia'₂ le₁jíng'₃ le₃ja₁con₂ Diú₄.

⁴² 'i₂E₂ guě₄ juíg'₂ 'nia'₂ dsa₂ fariseos! Ia₁ a₂jme₂tí'₁ 'nia'₂ jmo'₂, cuě'₂ Diú₄ caun₂
qui'₅₄ a₂guia₃ a₂'i₄ 'éi'₃ cuě'₅₄, ca₂lia'₂ ca₂le₃jě₃ ne₅₄ ma₁'au₂ a₂lě₂ ma₂juig₂ má₃
bá₄ jáng'₄ 'nia'₂. La₁ con'₂ ma₂ñi'₅₄ bá₄ 'nia'₂ jui₅ dse₃ tē₃dsón'₂ ja₁'ñio₂ dsí₅ Diú₄,
ja₁jme₁jme₁'nió'₄ 'nia'₂ Diú₄: a₂ně₅ bá₄ a₂dsen₅₄ guě₄ a₂ca₂tín'₂ 'nia'₂ jmó'₂, la₁
on₃jua'₅₄ a₂tsá₃ ma₃jme₁tí'₄ 'nia'₂ 'éi'₃.

⁴³ 'Juíg'₂ 'nia'₂ dsa₂ fariseos! Ia₁ 'ñio₅ lín₃ tē₅ 'au'₂ a₂tiáng'₄ jláng'₁ ja₁dsen₅₄
guě₄ jui₁lia'₂ dsi₂néi₂ guá'₅ sinagogas. Ján₃ bá₄ tē₅ 'au'₂ 'nia'₂ qui₃cuag₃ dsa₂ Diú₄
jui₁lia'₂ jē₄ 'ma'₅₄ a₂jme₂go₃ dsa₂ 'ñio₅ lín₃.

⁴⁴ 'i₂E₂ guě₄ juíg'₂ 'nia'₂!† Ia₁ líng'₅ jui₁lia'₂ lě₅ tau₂ 'ñio₅ a₂tsá₃ léi₄ cha₂. Dsa₂ ně₃
qui₂ñi₅ ne₄, tē₃ tsá₃ ñi₅.”

* **11:33** A₂lín₅₄ chog₅₄ si₂ juá'₂ ján₃: “on₃ guě'₂ né₃ tsi₁gu₅.” † **11:44** A₂lín₅₄ chog₅₄ si₂ chi₁ton₅ ján₃:
“'nia'₂ tē₅juá'₅, 'nia'₂ dsa₂ fariseos ně₃ a₂lě₁jmo'₂ góg'₂ a₂o₁ne₁.”

45 Jaun₂ ca₂ŋag₃ jan₂ tē₅juá'₅:

—Tē₅, a₂juá'₂ 'ne₂ nē₅, a₂tē₂'ó'₁ jnia'₅₄ bá₄ 'ne₂.

46 Jaun₂ ca₂ŋag₃ Jesús:

—j₁uíg'₂ 'nia'₂ tē₅juá'₅! Ia₁ quian'₄ 'nia'₂ lio₅₄ guei₂ i₂sián'₂, la₁ guion'₅₄ 'nia'₂ ně₃, ca₂lia'₂ jnia'₅₄ gog'₂ tsá₃ 'niog'₂ tí₄.

47 'j₁uíg'₂ 'nia'₂! Ia₁ qui₂chog'₂ 'nia'₂ ni₁'ia'₂ jlá'₁ quió'₅ 'lag₄ i₂jme₁'ě₂ jág₁ quió'₅ Diú₄, ton'₂ dsa₂ can'₅₄ quián'₂ 'nia'₂ guiong'₅₄ qui₂ca₂jme₃dsiog₂₃. 48 Jaun₂ ně₃, lia'₂ lě₅ jmo'₂ 'nia'₂, cuē'₂ léi₄ co₂'nió'₄ caun₂ bá₄ 'ei₅ jág₁ 'nia'₂ quian'₅₄ dsa₂ can'₅₄ quiáng'₂. Ia₁ dsa₂ can'₅₄ ca₂jme₃dsiog₂₃; 'nia'₂ guē'₂ ma₂ja₂nióg'₅ chog'₂ ni₁'ia'₂.

49 'Jaun₂ lě₃ Diú₄, ia₁ a₂tin₂ a₂ma₂ŋi₅ bá₄ a₂lé₂, ca₂juá'₂: “Qui₁tsing₅₄ dsa₂ i₂dsi₃can₅ i₂dsi₃'ě₃ jág₁ quió'₃. I₂lin₅₄ 'éi₂ jme₃dsian₅ dsa₂; i₂lin₅₄ guē'₂ qui₃'ein₃.”

50 Jaun₂ ně₃ ca₂tē₂ dsa₂ chan₂ jmig₄ ně₃ bá₄ rē₂cán'₄ 'mú₃ quió'₅ ca₂le₃jín₃ dsa₂ i₂'ě₂ jág₁ i₂ma₂dsan₃ ca₂le₃ ca₂nio₃ mi₂güig₃. 51 Ca₂lia'₂ con'₂ jme₁ca₂jon₃ Abel, ca₂tē₂ jmig₄ i₁ca₂jon₃ Zacarías i₂ca₂ŋi'₃ dsa₂ jē₄ ja₁lě₄ ne₄chei₂ quian'₅₄ ja₁jñi₅, dsa₂ chan₂ jmig₄ ně₃ bá₄, juá'₅ jniá₂, qui₃ 'mú₃ quió'₅ ca₂le₃jín₃ dsa₂ i₂ma₂dsan₃ 'éi₂.

52 'i₂E₂ guē₄ juíg'₂ 'nia'₂ tē₅juá'₅! Ia₁ 'nia'₂ bá₄ ma₂rē₂'móg'₄ jág₁ quió'₅ Diú₄ a₂lě₅ co₂'nió'₄ ŋí₁ llave quió'₅ o₄'né₄ ja₁jme₁le₃tin₂, le₃ŋí'₂ dsa₂. On₃ guē'₂ guion'₅₄ 'nia'₂ tóng'₄, on₃ guē'₂ cuē'₂ 'nia'₂ jmig₄ dsi₃ton'₅₄ i₂'nio₃ tón'₃.

53 Jme₁ca₂dsan₃ juá'₂ Jesús le₂nē₅, ca₂rē₃'né₃ 'lig'₅₄ dsa₂ fariseos, tē₅juá'₅ ně₃. Jaun₂ ca₂jme₃lióg₃ jmóg'₂ mi₅₄, tsá₃ caun₂ a₂qui₂ca₂ŋag₃, a₂jme₁jmo₂₃ tion₅₄ lia'₂ jme₁jéin'₃ 'éi₂ jág₁. 54 Ia₁ jme₁'nio₃ jo₅₄ jua'₅₄ ca₂jon₄ bá₄ jág₁ 'lia'₂ jme₁'ŋiá₃ 'éi₂.

12

Ca₂jme₃tag₅ Jesús a₂tsá₃ jmo₃ dsa₂ a₂jnia'₅₄ con'₂ dse₃ le₁'ág₄ o₁ne₁

1 Tē₃jē₄ jaun₂, tē₂le₃ mei₅ bá₄ dsa₂ i₂ca₂ŋi'₂, ca₂lia'₂ qui₂co₂'liain'₂ rñin'₅₄. Jaun₂ Jesús ně₃ jniá₅ de'₂ dsa₂ i₂quiai'₅₄ bá₄ ca₂tsí'₃:

—Tē₃ŋi'₅₄ 'nia'₂ quian'₅₄ jui₅ lia'₂ lě₅ quian₅ dsa₂ fariseos* co₂'nió'₄ i₂lě₁jmo₅-dsá₅ o₁ne₁. 2 Ia₁ 'i₁caun₂ a₂rē₂'ma₄ jua'₅₄ lín₂ dsa₂ a₂tsá₃ le₃jniá₂, tion₅₄ bá₄ rē₂jniá₂; ján₃ bá₄ tsá₃ cha₂ 'i₁caun₂ a₂rē₂jlě₅ jua'₅₄ lín₂ dsa₂ a₂tsá₃ 'ein₂ le₃ŋi₅, tion₅₄ bá₄ rē₃ŋi₅ dsa₂. 3 Jaun₂ ně₃, ca₂le₃jě₃ 'e₂ a₂dsia₅ dsa₂ jē₄ qui₁'né₃, jiá₃ bá₄ le₃ja₁jniá₂ si₂. Le₂jaun₂ jui₁lia'₂ jág₁ a₂dsia₅ dsa₂ jē₄ tē₃co'₅₄ a₂quile₁jnág₅ 'né₅, a₂dsi₃'ag₅ bá₄ jaun₂.†

I₂'ein₂ ca₂tín₂ dsa₂ jme₃gain₃

(Mateo 10:28-31)

4 "Nia'₂ a₂mei₅₄ quiáng₃, juíg₂ jniá₂ 'nia'₂, tsá₃ jmo₂ 'nia'₂ gang'₃ i₂jme₂dsian₅ ni₁ŋí₅, ia₁ tsá₃ ma₃a₂siá'₂ jua'₅₄ a₂'io₂₃ guē₄ bí₂ jmo₃. 5 Jaun₂ la₂ juá'₅ jniá₂ 'ein₂ dsón'₂ i₂ca₂tín'₂ 'nia'₂ jme₁gang'₃: i₂'éi₂ bá₄ jme₁gan'₃ 'nia'₂ jmo₄ i₂'io₅ bí₂, jme₃dsiog₂₃, ton'₂ 'io₂₃ bí₂ 'liog'₃ ja₁'lig'₅₄ ján₃. 6 ¿Tsa₁ 'ni₅ dsa₂ 'ŋiá₂ i₁tan₅ tei₄ quian'₅₄ tin₃ ŋí₁ guéin₂? La₁ 'i₁jan₂ 'éi₂ tsá₃ dsi₂'én₂ dsí₅ Diú₄. 7 Jag₄ 'nia'₂ jaun₂, 'ŋio₅ lín₃ guē₄ dsan₂ dsí₅ Diú₄ 'nia'₂, le₂jio₅ ŋi₂ dsei'₂ 'nia'₂, ma₂ŋi₅ bá₄ Diú₄ je₂liá'₂ mi₂ tí₅. Jaun₂ tsá₃ jmo₂ 'nia'₂ gang'₃, ia₁ 'ŋio₅ guē₄ quen'₄ 'nia'₂ lia'₂ con'₂ guē₄ juin₅ i₁tan₅.

Dsa₂ i₂jme₂jnia₅ cui₂₃ Jesús

(Matt 10:32-33; 12:32; 10:19-20)

* 12:1 lit. “levadura quió'₅ dsa₂ fariseos.” † 12:3 lit. “a₂táun₂ dsa₂ jág₁ tióin₂ guei'₅₄ 'né₅ bá₄ a₂jaun₂.”

8 'Juá'₅ jniá₂, ca₂le₃jín₃ i₂jme₂jnia₅ ja₁con₂ dsa₂ mi₂güig₃ a₂cuig₂₃ jniá₂, ján₃ bá₄ le₂jaun₂ Jaun₅ dsa₂ mi₂güig₃ 'ag₃ jme₃jniog₂₃ a₂cuig₂₃ ja₁con₂ ca₂le₃jín₃ ángeles quián₅ Diú₄. 9 La₁ jui₁lia'₂ i₂tsá₃ 'ag₅ a₂cuig₂₃ jniá₂ ja₁con₂ dsa₂ mi₂güig₃, ján₃ bá₄ le₂jaun₂ tsá₃ 'iin₄ jniá₂ a₂cuín₅ ja₁con₂ ángeles quián₅ Diú₄. 10 Ia₁ jui₁'ein₂ guē₃ i₂'in₅ 'lig'₅₄ Jaun₅ dsa₂ mi₂güig₃, cha₂ bá₄ o₂'én₂ dso₄ quió'₅. La₁ jui₁lia'₂ i₂juá'₂ 'lig'₅₄ 'iin₂₃ Jme₂dsí₂ Jñió₅, tsá₃ ma₃o₂'én₂ dso₄ cha₂. 11 Jē₁ma₂ca₂jñia₃ dsa₂ 'nia'₂ ne₄ dsi₂tan₅₄ quián₅ guá'₅, o₃ jē₁ma₂ca₂jñiog₃ ne₄ i₂con₂ 'í₁, ne₄ dsa₂ i₂qui₂dsi₅ 'éi'₃ ně₃, tsá₃ jmó'₂ 'nia'₂ 'i₅ 'au'₂ jua'₅₄ tsá₃ ñi'₅₄ 'a₂lia'₂ ñag'₅₄, 'o₃ 'e₂juig'₅₄. 12 Ia₁ 'ñiog₅ bá₄ Jme₂dsí₂ Jñió₅ jme₃tag₂₃ 'e₂ a₂ca₂tín'₂ 'nia'₂ ñag'₅₄, jē₁ma₂ca₂tē₂ hora jaun₂.

Go'₂ ně₁'ein₂ ca₂dsia₃ le₁má'₂ 'ñio₅ lín₃ jmo₃ dsí₅ jmá'₃ quió'₅ 'ñiog₅

13 Jan₂ dsa₂ i₂jme₁'en₅₄ jē₄ jaun₂ ně₃, ca₂tsí'₃ Jesús:

—Tē₅, chei'₅₄ co₂nio₄ dsó₂ ríng'₃ jui₁cuē₁₂ con'₂ a₂ca₂tíng₂ a₂cha₂ quió'₅ 'lag₄ ñe'₃.

14 Jaun₂ ca₂ñag₃ Jesús:

—'Ne₂ dsa₂, ¿'ein₂ ca₂dsiog₃ jniá₂ a₂lín₅ jan₂ i₂dsió'₅ 'e₂ a₂ca₂tín'₂ 'nia'₂?

15 Ján₃ bá₄ ca₂juá'₂:

—Tē₃ñi'₅₄ 'nia'₂ tsá₃ i₂jmo₂ jua'₅₄ a₂ñí₄ lē₃ 'ín₅ 'au'₂ a₂le₃cha₂ quiáng'₂. Ia₁ on₃jua'₅₄ jmá'₃ a₂ñí₄ cha₂ quió'₅ dsa₂ le₃chain₂.

16 Jaun₂ ca₂tsí'₃ táng₃ dsa₂ jág₁ jáng'₅ léi₄ la₂:

—Jme₁chan₂ jan₂ dsa₂ i₂jme₁cha₂ cu₄ 'ñio₅ lín₃. 'Lióng₂ lín₃ jme₁rau₂ quió'₅.

17 Jaun₂ ca₂i₃jñiog₅ dsí₅: “¿'E₂ bá₄ jmo₅₄ jniá₂ ně₃? Tsá₃ ma₃cha₂ ja₁tó'₄ a₂ca₂rau₂ quió'₃.” 18 Jaun₂ ca₂i₃jñiog₅ dsí₅: “Le₂la₂ jmo₅₄. Qui'₄ tsi'io₅ a₂tíong₂ ně₅, jaun₂ jmo₅₄ a₂ca'₅₄ guē₄. Jaun₂ ja₁jaun₂ tó'₄ trigo, quian'₅₄ ca₂le₃jē₃ guē₄ a₂cha₂ quió'₃.

19 Jaun₂ guē₄ 'náu'₄ dsi₃: 'Lióng₂ ma₂niog₅ le₁má'₂, ma₂len₅ 'lióng₂ ñi; ma₂lé₂ jan₅₄, gua₅₄ tei₄, guē'₅₄, gu'₅₄, cuē₄ o₂'ñió₃ o₂jñia₃ dsi₃.” La₁ Diú₄ ně₃ ca₂juá'₂ ca₂tsí'₃ dsa₂ 'éi₂: 20 “'E₂ guē₄ con'₅₄ 'ne₂ lín₅! Jua'₂ a₂'uē₂ ně₃ mág₄ jniá₂ 'mú₃ quiáng'₂. Ca₂le₃jē₃ a₂ma₂dsia'₅₄ 'ne₂ rē₂, ¿'ein₂ bá₄ quió'₅ lé₂?” 21 Le₂ně₅ dsi₂ñí₂ jui₁lia'₂ dsa₂ i₂dsia₅ le₁má'₂ jmá'₃ quió'₅ 'ñiog₅, la₁ tē₂tsiín'₅₄ lín₃ le₃ja₁con₂ Diú₄.

I₂jmo₅ 'í₁ bá₄ Diú₄ chi'₂-guein₂ quiáin₅

(Mateo 6:25-34)

22 Jme₁ca₂dsan₃ jaun₂, ca₂tsí'₃ táng₃ chi'₂ dsi₂guia₃-tín₂ quiáin₅:

—Juig₂ jniá₂ 'nia'₂, tsá₃ jmo₂ 'nia'₂ jua'₅₄ a₂ñí₄ dsan₂ 'au'₂ 'e₂ a₂quē'₅₄ tē₂lia'₂ chang'₂, on₃ guē'₂ o₄quió'₄ ni₁ñi'₁, jua'₅₄ dsan₂ 'au'₂ 'e₂ qui'₅₄. 23 Ia₁ jme₂dsí₂ bá₄ a₂quen₅ guē₄ lia'₂ con'₂ guē₄ má₃. Ján₃ guē'₂ le₂jaun₂ ni₁ñi₁ bá₄ dsa₂ a₂quen₅ guē₄ lia'₂ con'₂ guē₄ 'mí'₂. 24 Ní₂ de'₂ 'nia'₂ jui₁lia'₂ i₁qui₂lia'₂. Tsá₃ 'e₂ jne₂₃, on₃ guē'₂ 'e₂ cha₂ a₂le₃rau₂ quió'₅, on₃ guē'₂ 'io₅ chí'₅ quió'₅. Diú₄ bá₄ i₂jme₂tau₅₄. jJaun₂ 'ñio₅ lín₃ guē₄ bá₄ quen'₄ 'nia'₂ lia'₂ con'₂ guē₄ i₁tan₅ 'éi₂! 25 ¿I₂'ein₂ 'nia'₂ i₂lé₂ le₃jmo₃ le₃chain₂ guē₄ uē₂, † ne₄ ia₁ a₂ñí₄ lē₃ 'i₅ 'au'₂ 'nia'₂ chang'₂? 26 Chi₂jua'₂ tsá₃ quin'₅₄ 'nia'₂ jmi₄ quian'₅₄ a₂ca₂juig₄ ně₅, ¿'e₂ guē'₂ lē₃ ñí₄ dsan₂ 'au'₂ 'nia'₂ quian'₅₄ a₂siá'₂? 27 Ní₂ de'₂ 'nia'₂ ján₃ 'a₂lia'₂ qui₂dsi₂cón₃ lí₁. Tsá₃ tsi₁ñi₅ lé₂ tsé'₃, on₃ guē'₂ lé₂ ta₃. Jaun₂ juig₂ jniá₂ 'nia'₂, ca₂lia'₂ jñia'₅₄ Rag₅₄ Salomón, quian'₅₄ ca₂le₃jē₃ a₂jlá'₁ a₂jme₁cha₂ quió'₅, tsá₃ ca₂rē₃jláin'₁ bá₄ guē₄ jui₁lia'₂ jlá'₁ lí₁. 28 Chi₂jua'₂ le₂ně₅ chí'₅ Diú₄ jlá'₁ nau₂ a₂cha₂ 'ña₁, a₂jñia'₅₄ jniá₂ jlá'₁ ca₂tiá₂ co₂lág₂, ia₁ jui₁la₂ 'ióg₃ dsí'₂ dsa₂, 'ē₂ guē₄ bá₄ 'nia'₂, dsa₂ i₂'én₂ ca₂juig₄, jmo₃ bá₄ Diú₄ 'í₁. 29 Jaun₂ juá'₅ jniá₂, tsá₃ i₁niog'₄ jua'₅₄ a₂ñí₄ dsan₂ 'au'₂ 'e₂ quē'₅₄ 'ag'₅₄. Tsá₃ can₂ 'nia'₂ o₂i₁

† 12:25 o₃, “I₂'ein₂ 'nia'₂ i₂lé₂ le₃jmo₃ a₂dsi₃cóin, guē₄ caun₂ lē₂.”

dsi₅ quian'₅₄ a₂jaun₂, ³⁰ ia₁ jmá'₃ a₂ně₅ bá₄ a₂ñí₄ lě₃ 'nio'₃ dsi₂nau₂. Ia₁ i₂ñi₅ bá₄ Néi'₅ a₂'nió'₅ ca₂le₃jě₃ a₂ně₅ quián'₂ 'nia'₂. ³¹ La₁ 'nio'₂ de'₂ jñiá'₅ 'nia'₂ ja₁goin₂, jaun₂ ca₂le₃jě₃ a₂ně₅ tē₁ja₃lé₂ a₂ma₂ñag₅₄ cuē₃.

A₂quen₅ lin₃ a₂cha₂ quió'₅ dsa₂ guei'₅₄ i₂juíg₃
(Mateo 6:19-21)

³² 'Nia'₂ já'₂ cha'₂ quiáng₃, tsá₃ lě₁jmo₂ 'nia'₂ gang'₃, o₁jñia'₅₄ la₂ tsá₃ juin'₅ 'nia'₂, la₁ 'ñio₂ dsí₅ Néi'₅ cuē₃ ja₁goin₂. ³³ 'Nag₄ 'nia'₂ a₂cha₂ quiáng'₂; jme₂'on₅₄ i₂te₂ñé₂. Jñia'₅₄ lia'₂ le₂ně₅ bá₄ dsióg₄, tē₃ron₅₄ tē₂'mí'₂ a₂tsá₃ ton₅ jmig₄ le₃'áu₂ quián'₂ 'nia'₂; caun₂ a₂quen₅ lin₃ 'ó'₄ 'nia'₂ quiáng'₂ guei'₅₄ i₂juíg₃ a₂tsá₃ ton₅ jmig₄ dsiá₃, ja₁tsá₃ líg'₂ jmig₄ dsióg₄ 'ang₂, on₃ guē'₂ i₁tsan'₅₄ lé₂ le₃'én₂. ³⁴ Ia₁ jui₁lia'₂ ja₁rē₂'mú'₄ 'nia'₂ quiáng'₂, ja₁jaun₂ bá₄ 'i₄ 'au'₂.

'Nió'₅ bá₄ a₂chan₂ dsa₂ rē₂ján₁

³⁵ 'Rē₂ján'₁ 'nia'₂ chang'₂, le₁ling'₄, le₁guí'₂ si₂ tsí₅ quiáng'₂. ³⁶ Jui₁len'₅₄ 'nia'₂ nē₂jag₄ bá₄ dsa₂ i₂chi₁jñia₅ guan'₂ juig₅₄ ñó₃ ja₁niog₅ jmig₄. Rē₂ján'₁ 'nia'₂ chang'₂, ia₁jaun₂ lé₂ le₃na'₅₄ 'nia'₂ dsi₂jui₅ jē₁ma₂tē₂ rē₁guán'₃ quein₃ o₄'né₄. ³⁷ 'E₂ guē'₄ dsen₃ dsa₂ i₂le₁ne₅₄ jē₁ma₂ca₂guán'₃ juig₅₄. A₂dsi₂jó'₃ juá'₅ jniá₂, 'ñiog₅ bá₄ 'éi₂ dsiog₃ ne₄ mesa, ton'₂ quí'₃ 'mí'₂ a₂jme₂ti₃ ñág₃ má₃. ³⁸ 'E₂ guē'₄ dsen₃ dsa₂ i₂tion'₅₄ le₁ne₅₄ jē₁ma₂ca₂jo₃ juig₅₄ o₁jñia'₅₄ la₂ ca₂guán'₃ a₂'uē₂ dsi₃nei₅, o₃ ma₂ca₂ñí₂ dsi₃nei₅ 'e₂. ³⁹ La₁ jui₁le₂ñi'₅₄ 'nia'₂ a₂la₂ ján₃, jua'₅₄ mei'₂ guē'₃ ñi₅ dsa₂ quió'₅ dsi₂néi₂ 'e₂ hora jiá₃ dsa₂ 'ang₂, guá₃ rē₂nei₅₄, jmo₂₃ 'í₁, tsá₃ cuē₃ jmig₄ 'í₂ dsa₂ 'éi₂, 'ang₃. ⁴⁰ Le₂ně₅ bá₄ 'nia'₂ ján₃, rē₂jáng'₁ chang'₂, ia₁ con'₂ tsá₃ 'ein₂ lín₂ bá₄, tē₃tsin'₅₄ Jaun₅ dsa₂ mi₂güig₃.

Jui₁lia'₂ dsa₂ i₂tsá₃ rē₂ti'₅₄ ta₁ quió'₅
(Mateo 24:45-51)

⁴¹ Jaun₂ ně₃ ca₂ñag₃ Pe₄:

—Te₁gui'₅₄, ¿a₁ně₂chei'₅₄ jmá'₃ jnia'₅₄ jág₁ jáng'₅ léi₄ ně₅, o₃ a₂ně₂chei'₅₄ ca₂le₃jín₃ 'e₂?

⁴² Jaun₂ ca₂juá'₂ Te₁gui'₅₄:

—¿I₂'ein₂ 'éi₂, lín'₂ 'nia'₂, lín₅ dsa₂ dsen₃ i₂rē₂ti'₅₄, niog₅ dsi₄, i₂ca₂dsiog₃ juig₅₄ niog₃ ne₅₄ jmo₃ ta₁ dsi₂néi₂, a₂ag'₃ ñi'₃ dsa₂ hora ca₂tín₂? ⁴³ 'E₂ guē'₄ dsen₃ dsa₂ i₂niog₅ ne₄, i₂jo₅ juig₅₄ jme₂ti₃ bá₄ ta₁ quió'₅, i₁guain'₂. ⁴⁴ A₂dsi₂jó'₃ juá'₅ jniá₂, dsiog₃ juig₅₄ a₂niog₃ ne₅₄ ca₂le₃jě₃ a₂cha₂ quió'₅. ⁴⁵ La₁ nē₁jua'₂ lín₂ dsa₂ i₂niog₅ ne₄ 'éi₂, le₃'ag₄ bá₄ guan'₂ juig₅₄, chi₂jua'₂ ca₂jme₃lióg₃ ca₂jmái'₂ uig₅ dsa₂ ñe'₂, dsa₂ mí₂ ně₃ i₂jme₂ti₃ ta₁, ton'₂ 'ñiog₅ guē'₂ ca₂'í₃ guē'₅, 'ín'₂, ca₂rē₃'ein₅ bá₄ 'ñiog₅, ⁴⁶ la₁ con'₂ tsá₃ jáin₅, con'₂ caun₂ hora a₂tsá₃ ñi₅ bá₄ guan'₂ juig₅₄; uig₅ gau₂ 'ñio₅ lín₃ bá₄ cuē₃ 'éi₂, co₂jaun₂ bá₄ uig₅ gue₃ con'₂ lě₅ tñ₃ dsa₂ i₂tsá₃ 'én₂.

⁴⁷ 'Jui₁lia'₂ dsa₂ i₂ñi₅ 'e₂ 'nio₃ juig₅₄, la₁ tsá₃ 'e₂ co₂jñia₅₄ jmo₂₃, on₃ guē'₂ jme₂ti₃ a₂juá'₂ 'éi₂, cán₂ uig₅ dsi₃bain₅₄ ca₂lia'₂ ton₅ 'mí₅ 'lióng₂ lín₃ ni₁ñi₁₂. ⁴⁸ La₁ jui₁lia'₂ i₂tsá₃ 'e₂ ca₂rē₃ñi₅ ton'₂ jmo₅-dsáu₅ cosa a₂ca₂tín₂ gue₃ uig₅, tsá₃ lín₅₄ 'lióng₂ 'mí₅ cán₂. Jui₁lia'₂ dsa₂ i₂'lióng₂ tē₂no₄ gu₂ a₂ca₂tín₂ jme₃ti₃, ján₃ bá₄ 'lióng₂ a₂mág₃ juig₅₄. Ján₃ guē'₂ le₂jaun₂ jui₁lia'₂ i₂ma₂dsia₅ dsa₂ 'lióng₂ ne₅₄, 'lióng₂ guē'₄ a₂chi₃quióng₂ dsa₂ jmig₄ jáng'₃.

Jesús bá₄ 'uñ₄ a₂lě₂ le₁dson'₅₄ dsa₂
(Mateo 10:34-36)

⁴⁹ 'A₂i₃'ing₅₄ si₂ mi₂güig₃ la₂ bá₄ jniá₂ guio₃. ¡'E₂ guē'₄ 'ín₅ dsi₃, jua'₅₄ ma₂cau₂ bá₄ co₂ñei'₅₄ tē₂ně₃! ⁵⁰ La₁ tion₅₄ niog₅ tiáng₄ jui₅ ja₁dsi₃ñíg₂ mí'₅₄ 'ñio₅ lín₃. Jaun₂, ¡'e₂ guē'₄ 'ñio₅ o₂i₁ dsi₅ chang₂, ca₂lia'₂ ca₂rē₃ti₃ ta₁ a₂guio₃! ⁵¹ ¿Lín'₂ 'nia'₂ a₂guio₃

jniá₂ i₃'ei₃ tei₄ mi₂güí₃ la₂? On₃jua'₅₄ le₂jaun₂. A₂i₃jmo₃ le₁dson'₅₄ dsa₂ bá₄ jniá₂ guio₃. ⁵² Ia₁ tē₂le₃ ne₄ jui₅ ja₁dsau₅₄ nē₅, jui₁lia'₂ caun₂ dsi₂néi₂ ja₁lě₂ 'ñiá₂ dsa₂, lé₂ le₁dson'₅₄, ⁵³ ún₂ jme₃'ñiai₅₄ on₃; i₂on₃ jme₃'ñiai₅₄ i₂ún₂ táng₃; jui₁lia'₂ jmei₂ dsa₂ tóin'₃ mi'₅₄ quian'₅₄ ja₁ñi'₅₄, ja₁ñi'₅₄ guē'₂ 'í₂ mi'₅₄ quian'₅₄ jmei₂; jui₁lia'₂ chog₅₄ tóin'₃ mi'₅₄ quian'₅₄ ja₁míg₄, ja₁míg₄ guē'₂ 'í₂ mi'₅₄ quian'₅₄ chog₅₄. Jui₁lia'₂ i₂lín₅ ma₂chog₅₄ dsa₂, tóin'₃ mi'₅₄ quian'₅₄ lo₅₄, jui₁lia'₂ mi₂lo₅₄ 'í₂ mi'₅₄ quian'₅₄ ma₂chog₅₄.

Jui₁lia'₂ jme₁cha₂ léi₄ guei'₅₄
(Mateo 16:1-4; Marcos 8:11-13)

⁵⁴ Ján₃ bá₄ ca₂tsí'₃ dsa₂:

—Jme₁caun'₂ 'nia'₂ 'í₁ guei'₅₄ jme₁tsau₂ jnei₅ le₃ja₁rín₂ 'iog₂, jag'₄ 'nia'₂, jiá₃ jmí₅, dsón'₂ bá₄ le₂jaun₂ lě₂. ⁵⁵ Jaun₂ jme₁ja₂ dsí₂ tē₂le₃ sur, jag'₄ 'nia'₂ dséi₃ 'iog₂ nē₃. Jaun₂ dsón'₂ bá₄ le₂jaun₂ lě₂ ján₃. ⁵⁶ i'Nia'₂ dsa₂ i₂jñia'₅₄ dse₃ le₁ág₄ o₁ne₁! Ní'₅₄ 'nia'₂ 'a₂ lia'₂ jua'₅₄ 'e₂ niog₅ tē₅ ne'₅₄ 'nia'₂ guei'₅₄, quian'₅₄ 'e₂ lě₂ ne₄ gua'₅₄ 'uē₃. ħ'A₂ bá₄ lia'₂ tsá₃ tñ'₂ 'nia'₂ caun'₅₄ 'í₁ léi₄ a₂ma₂cha₂ rē₂nē₃?

Jme₁jen'₂ jág₁ quian'₅₄ dsa₂ i₂'iog₅₄
(Mateo 5:25-26)

⁵⁷ ħ'E₂ lě₃ tsá₃ cáun'₂ 'nia'₂ 'í₁ jē₄ quiáng'₂ guiong'₅₄ a₂dsi₂ten₅₄ jmó'₂? ⁵⁸ Jē₁ma₂'eng'₅₄ jui₅ dsióg'₄ ne₄ dsi₂tan₅₄ quian'₅₄ dsa₂ i₂'nag₅, jme₁jen'₂ 'nia'₂ jág₁ le₂'i₄ jui₅ jme₁dsian₅ mi'₅₄ a₂chang'₂ quian'₅₄. Ia₁ con'₂ tsá₃ ñó₅ nē₁jua'₂ ca₂tsag'₂ tē₃ne₄ dsi₂tan₅₄ i₂qui₂dsi₅ 'éi'₃. 'Éi₂ nē₃ jáng'₃ ne₄ 'lióg₂; 'lióg₂ guē₄ nē₃ to'₂ né'₃ 'má₃. ⁵⁹ Juá'₅ jniá₂, o₁líg'₂ tsá₃ o₃'ing'₂ ja₁jaun₂ ca₂lia'₂ ca₂qui'₅₄ jē₁ca₂tó'₂ ñí₁ guéin₂ a₂ring'₂.

13

A₂quen₅ lín₃ bá₄ a₂dsi₂quén'₅ dsí₅ dsa₂

¹ Jmíg₄ jaun₂ i₂lín₅₄ dsa₂ i₂jme₁tion'₅₄ guē₄ ca₂dsia₃ ca₂tsí'₃ Jesús 'a₂ lia'₂ ca₂jme₃dsian₅ Pilato i₂lín₅₄ dsa₂ chan₂ Galilea. Ca₂cóin'₂ jmí₄ dsa₂ 'éi₂ quian'₅₄ jmí₄ já'₂ i₂ca₂jme₃dsian₅ dsa₂ i₂jéin'₂ ne₄ Diú₄.

² Jaun₂ ca₂juá'₂ Jesús nē₃:

—ħLín'₂ 'nia'₂ nē₃, dsa₂ chan₂ Galilea 'éi₂ ca₂i₃ñí₂ le₂jaun₂ ia₁ 'lióng₂ guē₄ dso₄ jme₁le₁cán'₄ lia'₂ con'₂ guē₄ dsa₂ go₅₄? ³ Juá'₅ jniá₂, on₃jua'₅₄ le₂jaun₂; ia₁ le₂nē₅ bá₄ 'nia'₂ ján₃, nē₁jua'₂ tsá₃ ca₂dsi₃quén'₅ 'au'₂, dsiáng'₃ ján₃. ⁴ ħOn₃ bá₄ lín'₂ 'nia'₂, 'ñio₅ lín₃ guē₄ jme₁le₁cán'₄ dso₄ dsa₂ i₂guia₃-jñiá₂ i₂ca₂dsan₃ 'éi₂, lia'₂ con'₂ ca₂qui'₃ ni₁'ia'₂ ñei₅ ja₁chei₂ Siloé, lia'₂ con'₂ guē₄ ca₂le₃jín₃ i₂tián'₅ Jerusalén? ⁵ Juá'₅ jniá₂, on₃jua'₅₄ le₂jaun₂; ia₁ ján₃ bá₄ le₂nē₅ 'nia'₂, nē₁jua'₂ tsá₃ ca₂dsi₃quén'₅ 'au'₂, dsiáng'₃ bá₄ ján₃.

Jág₁ jáng'₅ léi₄ quió'₅ ni₁'ma₂ higuera a₂tsá₃ míg₂ 'ag₅

⁶ Jaun₂ ca₂juá'₂ táng₃ Jesús jág₁ jáng'₅ léi₄ la₂:

—Jan₂ dsa₂ jme₁jnia₄ caun₂ 'ma₂ a₂'ag₅ míg₂ higo ja₁nau₂ quió'₅, jaun₂ ca₂i₁jag₅₄ chi₂jua'₂ ma₂le₁ág₄ míg₂. Tsá₃ míg₂ cha₂ guē'₂ nē₃, jme₁dsióg₃. ⁷ Jaun₂ ca₂tsí'₃ dsa₂ i₂jmo₅ 'í₁ ja₁nau₂ jaun₂: “Ma₂'ni₅ ñi₂ guio₂₃ i₂jág₃ ni₁'ma₂ nē₅ chi₂jua'₂ le₁ág₄ míg₂, la₁ caun₂ tsá₃ míg₂ cha₂ bá₄ lia'₂ co₂ráun₂ guio₅₄. Qui'₅₄ co₂ñei'₅₄. Tsá₃ ta₁ jmo₃ jñia'₅₄ jme₂dsiá₃ 'o'₅₄ 'uē₃ bá₄.” ⁸ La₁ dsa₂ i₂jmo₅ 'í₁ ja₁nau₂ 'éi₂ nē₃ ca₂ñag₃: “Te₁gui'₅₄, cuē₄ jmíg₄ o₁dsi₅₄ guē₄ caun₂ ñi₂ la₂; jmo₅₄ dse₃ le₃lág'₃, tó'₄ 'míg₄ já'₂ nē₃, ⁹ o₁ne₄ chi₂jua'₂ 'ag₃ míg₂ ñi₂ caun₂. Nē₁jua'₂ tsá₃ 'e₂ míg₂ cha₂ i₁jáun₃, jaun₂ guē₄ uín'₂.”

Ca₂jme₃'lión₂ Jesús jan₂ 'io₅₄ i₂jme₁quin'₅₄ mi₂ca'₅₄ caun₂ jmig₄ sa₅₄

10 Caun₂ sa₅₄, jme₁'en₅₄ Jesús jme₂tiin₂₃ dsa₂ dsi₂néi₂ guá'₅ sinagoga.

11 Ja₁jaun₂ jme₁'en₅₄ jan₂ 'io₅₄ i₂ma₂guia₃-jniá₂ ni₂ dso'₅₄. Ca₂jmóg'₂ jme₂dsí₂ 'lin'₅₄ rē₂guen'₂ mi₂ca'₅₄, jme₁ni₂₃ tsá₃ lé₂ néi'₃ rē₂.

12 Jme₁ca₂jág₂ Jesús, jaun₂ ca₂tē₃, jaun₂ ca₂juá'₂:

—'Io₅₄, ma₂ca₂'lóng'₂ bá₄ dso₄ a₂jme₁lín'₄.

13 Jaun₂ ca₂té₂ gu₂. Dsi₂jui₅ le₂jaun₂ bá₄ ca₂néi'₃ mi₂ca'₅₄ 'io₅₄, jaun₂ ca₂jme₃juin'₂ Diú₄.

14 La₁ dsa₂ i₂niog₅ ne₄ guá'₅ sinagoga, ca₂rē₃'néi₃ quian'₅₄ Jesús ia₁ ca₂jme₃'lióin₂ dsa₂ 'éi₂ tē₃ jmig₄ sa₅₄. Jaun₂ ca₂tsí'₃ dsa₂ i₂tion'₅₄:

—Jnéi₂ jmig₄ bá₄ ca₂tín₂ dsa₂ jmo₃ ta₁; jui₁ja₂lén₂ 'ein₂ 'nio₃ 'lión₂ jē₄ semana, on₃jua'₅₄ rē'₂ jme₁sa₅₄.

15 Jaun₂ ca₂ḡag₃ Te₁gui'₅₄ ca₂tsí'₃ 'éi₂:

—'Nia'₂ dsa₂ i₂jnia'₅₄ dse₃ le₁'ág₄ o₁ne₁! ¿Tsa₁ 'ein₂ 'nia'₂ chén'₂ ca₁jui₅ o₃ bú'₄ quián₅ jua'₅₄ tsá₃ dsi₃jio₃ dsi₃'ein'₅₄ jmig₂ o₁jnia'₅₄ lē₅ sa₅₄? 16 Ia₁ dsa₂ mí₂ la₂, i₂lín₅ jan₂ tsi₁jon₂ Abraham; i₂sē₃dsen₃ jme₁ma₂'nei'₂ ma₂guia₃-jniá₂ ni₂. Jaun₂ ně₃, ¿tsa₁ ca₂tín₂ chein'₂ ján₃ jnia'₅₄ tē₃ jmig₄ sa₅₄?

17 Jme₁ca₂juá'₂ Jesús le₂nē₅, ca₂rē₃gui'₅₄ bá₄, ca₂le₃jín₃ con'₂ dsa₂ i₂'iog₅₄. La₁ 'io'₂ jén'₅ tē₅ dsí₅ bá₄ dsa₂ i₂tion'₅₄, ca₂le₃jē₃ a₂jlá'₁ jmo₅ 'éi₂.

Jág₁ jáng'₅ léi₄ jui₁lia'₂ mí₂g₂ jon₂ quió'₅ ni₁'ma₂ mostaza
(Mateo 13:31-32; Marcos 4:30-32)

18 Ca₂juá'₂ ně₃:

—¿'A₂ lia'₂ le₃juá'₄ lē₅ ja₁gon₂ Diú₄? ¿'E₂ quian'₅₄ lé₂ le₃quín'₄? 19 Lē₅ jui₁lia'₂ mí₂g₂ jon₂ ni₁'ma₂ mostaza* a₂ca₂jne₃ jan₂ dsa₂ ja₁nau₂ quió'₅. Jaun₂ ca₂i₃cón₃ ca₂dsió₃ ca₂lē₃ caun₂ ni₁'ma₂ pa₁; i₁tan₅ ně₃ ca₂tó'₂ tsag₅₄ gu₂ nei'₅₄ jaun₂.

Jág₁ jáng'₅ léi₄ jui₁lia'₂ 'a₂ lia'₂ ron'₂ i₁ni'₄
(Mateo 13:33)

20 Ca₂juá'₂ Jesús le₂la₂ ján₃:

—¿'E₂ quian'₅₄ lé₂ le₃quín'₄ lē₅ ja₁gon₂ Diú₄? 21 Lē₅ jui₁lia'₂ lē₅ levadura a₂co₂güin'₂ jan₂ 'io₅₄ jē₄ 'ni₅ tio'₅₄ 'ma₂† ti₁can₁ i₁ni'₄. Quian'₅₄ co₁séin'₄ levadura bá₄ guion'₂ ca₂le₃jē₃ ti₁can₁.

Jág₁ jáng'₅ léi₄ quió'₅ o₄'né₄ dsag₂
(Mateo 7:13-14, 21—23)

22 Lia'₂ con'₂ ma₂'ein₅₄ jui₅ a₂dsió₄ Jerusalén, qui₂ca₂i₁jme₁tiin₂₃ guē₄ dsa₂ le₂tan₅₄ juig₂ te₁'i₁ ja₁ca₂ni₅.

23 Jaun₂ ca₂ḡag₃ jan₂ dsa₂:

—Te₁gui'₅₄, ¿me'₂ bá₄ dsa₂ i₂tín'₅?

Jaun₂ ca₂ḡag₃:

24 —Quen'₂ 'nia'₂ bí₂ tióng'₂ jui₅ o₄'né₄ dsag₂; ia₁ juá'₅ jniá₂, juin₅ i₂'nio₃ tón'₃, la₁ tsá₃ le₃qui'₅₄ jmig₄. 25 Ia₁ con'₂ tsá₃ ḡo₅ jē₁ma₂tē₂ rē₁ná₃ juig₅₄ dsi₂néi₂, jnéi₃ o₄'né₄, 'nia'₂ ně₃ i₂tē₃tsing'₅₄ le₃ca₁'né₄, jme₁lióg'₄ to'₅₄ mi'₅₄ tē'₄: “i₁Te₁gui'₅₄! Nia₄ o₄'né₄, tió'₄ jnia'₅₄.” ‘Éi₂ ně₃ ḡag₃: “Tsá₃ cuín₅ jniá₂ 'nia'₂; tsá₃ guion'₅₄ a₂já'₄ ja₂nó'₅ 'nia'₂.” 26 Jaun₂ guē₄ jme₁lióg'₄ 'nia'₂ jua'₅₄: “Jnia'₅₄ bá₄ la₂ i₂ma₂que₅₄ ma₂'ne'₅₄ co₂lē₅ quian'₅₄ 'ne₂; jua'₂ 'ne₂ bá₄ guē'₂ ca₂jme₁tag'₂ jnia'₅₄ jin₄ juin₅ dsa₂.” 27 Jaun₂ dsa₂ juig₅₄ dsi₂néi₂ ně₃, ḡag₃: “Ma₂nē₂juá'₃ jniá₂ tsá₃ guion'₅₄ i₂'ein₂ 'nia'₂.”

* 13:19 mostaza: On₃jua'₅₄ mi₁jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ bá₄ jaun₂ a₂chei₂ Brassica nigra. † 13:21 griego: sata, (caun₂ tio'₅₄ 'éi'₃ 'ma₂ jaun₂ 'éi₄ con'₂ 22 litros.)

Cau₅ njia'₃ 'nia'₂ ca₂le₃jíng'₃ i₂jmo₅ dsó'₅ a₂'lig'₅₄.” 28 Ja₁jaun₂ qui₂o₁'o'₄ o₁quíg'₃ 'nia'₂ jan'₅₄, jē₁ma₂tē₂ rē₁jíng'₅₄ Abraham, Isaac, Jacob, quian'₅₄ ca₂le₃jín₃ guē'₄ dsa₂ i₂jme₁'ē₂ jág₁ quián₅ Diú₄, tióin'₅₄ ja₁gon₂ Diú₄, la₁ 'nia'₂ guē'₂ nē₃, dsi₃gang'₅₄ uíng₂. 29 Ia₁ qui₂ja₃len₅ i₂chan₂ ca₂taun₂ ca₂taun₂ mi₂güíng'₃ ja₃tiaín'₂ guē'₃ co₂dsia₅ ja₁gon₂ Diú₄. 30 La₁ lé₂, chan₂ i₂lin₅₄ i₂tióin₂ le₃jē₁ca₂tó'₂, tē₃tsin'₅₄ le₃ne₄ jui₅; i₂tióin₂ le₃ne₄ jui₅ rē₂nē₃ guē'₂ nē₃, tē₃tsin'₅₄ le₃jē₁ca₂tó'₂.

Ca₂'o₃ Jesús o₄quíó'₄ dsa₂juíng'₂ Jerusalén

(Mateo 23:37-39)

31 Hora jaun₂ dé₄ dsi₃lén₂ i₂lin₅₄ dsa₂ fariseos, ca₂juá'₂:

—Co₂ñei'₅₄ dse₃ jú₅ ja₁lá₃, quian₂ jui₅ quiáng'₂, ia₁ 'nio₃ Herodes jñag'₃.

32 Jaun₂ ca₂ñag₃ táng₃ Jesús:

—O₂nó'₅ 'nia'₂, o₂chei'₅₄ dsi₂ma₂jág₂† 'éi₂: “Ní₂, la₂ bá₄ 'ú₄, nē₃, 'ióg₃ nē₃; nē₃ bá₄ guē'₄ 'uíng'₅₄ jme₂dsí₂ je₂na'₅₄ quió'₅ dsa₂, nē₃ guē'₄ qui₂jme₁'lióng₅₄ dsa₂. 'Íóg₃ caun₂ guē'₄ 'ñia₅ quió₃.” 33 A₂caun₂ jmo₅₄ bá₄ jniá₂ ta₁ a₂ca₂tíng₂ jmo₅₄ tē₁lia'₂ chang₂, ia₁ tsá₃ lé₂ le₃jón₂ jan₂ dsa₂ i₂'ē₂ jág₁ quián₅ Diú₄ uíng₂ ja₁lē₄ juíng₂ Jerusalén. 34 ¡'Nia'₂ dsa₂ juíng₂ Jerusalén! ¡'Nia'₂ dsa₂ juíng₂ Jerusalén, 'nia'₂ i₂jme₂dsiáng'₁ dsa₂ i₂'ē₂ jág₁ quián₅ Diú₄, 'nia'₂ i₂qui₂jñag'₅₄ cang₄ dsa₂ i₂chen₅ Diú₄ jin'₄ 'nia'₂! ¡'Lióng₂ ráun₂ jme₁'ín₅ dsi₃ jme₁chi₁liang'₂ chi₂-guein₂ juíng₂ la₂ quiáng'₂, ju₁lia'₂ jmo₅ i₁tsín₃ a₂chi₂lain'₂ guein₂ quiáin₅ to'₂ né₃ tsi₁rē₂cu₅, la₁ guion'₅₄ 'nia'₂ tsá₃ ca₂gue'₅₄! 35 Ní₂ nē₃, tē₃tsi'₅₄ chi₁güíng'₂ dsi₂néi₂ quiáng'₂. Juá'₅ jniá₂, o₁líg'₂ tsá₃ ma₃jag'₅₄ jniá₂, ca₂lia'₂ ca₂tē₂ jmi₄g₄ ja₁jua'₅₄ 'nia'₂: “Ju₁le₂jñi₃o₃ i₂nē₅ i₂já₅ o₄quíó'₄ Te₁gui'₅₄.”

14

Ca₂jme₃'lión₂ Jesús jan₂ dsa₂ i₂jme₁guion₂

1 Co₂ráun₂ guē'₂ ca₂lē₃ táng₃ caun₂ jmi₄g₄ sa₅₄ a₂ca₂ñó₃ Jesús i₃guē'₃ ja₁quíó'₄ jan₂ dsa₂ dsen₅₄ quián₅ dsa₂ fariseos; i₂lin₅₄ guē'₂ dsa₂ fariseos sián'₂ a₂jñia'₅₄ tiog₂₃ bá₄ tióin'₅₄.

2 Ja₁jaun₂ jme₁'en₅₄ jan₂ dsa₂ dso'₅₄ i₂guion₂.

3 Jaun₂ ca₂ñag₃ Jesús ca₂tsí'₃ tē₅juá'₅ quian'₅₄ dsa₂ fariseos, ca₂juá'₂:

—¿'I₄ 'éi'₃, o₃ tsá₃ 'i₄ 'éi'₃ jme₃'lión₂ dsa₂ dsa₂ dso'₅₄ jme₁jmi₄g₄ sa₅₄?

4 La₁ tei₄ bá₄ i₃lén₂, tsá₃ 'e₂ ñi₅ ñag₃. Jaun₂ ca₂jñai'₃ dsa₂ dso'₅₄, ca₂jme₃'lió₂. Jaun₂ ca₂dsióg'₂ quió'₅.

5 Jaun₂ ca₂juá'₂ ca₂tsí'₃ 'éi₂:

—¿I₂'ein₂ 'nia'₂, tsá₃ dsi₃dsen₅ dsi₂jui₅ chi'₂ quián₅, * o₃ jan₂ ca₁jui₅ 'e₂ nē₁jua'₂ ca₂táin'₂ né₃ táu₃ jñia'₅₄ tē₃ jmi₄g₄ sa₅₄?

6 La₁ tsá₃ ca₂tió'₃ ñag₃ jág₁ nē₅.

Tsá₃ dsióg₅ jua'₅₄ quió'₃ dsa₂ 'ma₂si₅₄ ja₁dsen₅₄ guē'₄

7 Jme₁ca₂tē₂ ne₄ Jesús 'a₂ lia'₂ quió'₅ dsa₂ i₂té₄ jmá'₃ lia'₂ ja₁dsen₅₄ guē'₄ ja₁tiaín'₂, jaun₂ ca₂cuē₃ jág₁ a₂jáng'₅ léi₄ la₂:

8 —Nē₁jua'₂ 'ein₂ tē₂ ja₁niog₅ jmi₄g₄ jen'₂ gu₂ dsa₂, tsá₃ ne'₅₄ ju₁lia'₂ ja₁dsen₅₄, ia₁ con'₂ tsá₃ ñó₅ nē₁jua'₂ ca₂dsióg₃ jan₂ i₂dsen₅₄ guē'₄ lia'₂ 'ne₂. 9 Ia₁ ¿'e₂ bá₄ lé₂ nē₁jua'₂ dsa₂ i₂nē₂tē₂ le₂on₃ 'nia'₂ juá'₂: “I₂la₂ cuē'₅₄ ja₁ñéi'₂”? Jaun₂ tē₃ ma₂gueng'₅₄ bá₄ gog'₅₄ o₁né₂ tē₂ jē₁ca₂tó'₂. 10 La₁ juá'₅ jniá₂, chi₂jua'₂ líg'₂ nē₁'ein₂ ca₂tē₃, tē₂le₃ jē₁ca₂tó'₂ bá₄ ne'₅₄, ia₁jaun₂ dsa₂ i₂nē₂tē₂ lé₂ le₃juá'₂: “A₂mei₅₄ quiáng₃, ja₁dsen₅₄ guē'₄ la₂ i₂né₂.” Jaun₂ le₂nē₅ bá₄ jme₃juag'₂ dsa₂ i₂quē'₂

† 13:32 lit. “dsi₂güí₅”, co₂'nió'₄ le₃jua'₅₄, dsa₂ i₂'io₅ mai₅₄. “dsi₃dsen₅ bú'₄ quián₅.”

* 14:5 Cha₂ a₂lin₅₄ chog₅₄ si₂ a₂juá'₂:

quiang' 54. 11 Ia₁ jui₁lia' 2 dsa₂ i₂jme₂can' 54 guion₅₄, sióin₃ të₂le₃ jë₁ca₂tó' 2; dsa₂ i₂jmo₅ me' 2 guë' 2 ně₃, roin' 2 guei' 54.

12 Jaun₂ ca₂tsí' 3 ján₃, dsa₂ i₂ca₂të₃ 'éi₂:

—Jë₁ma₂të₂ rë₁'niog' 2 jmó' 2 caun₂ má₃ a₂ŋig' 54 dsa₂, tsá₃ të' 54 jui₁lia' 2 dsa₂ a₂mei₅₄ quiáng' 2, on₃ guë' 2 jui₁lia' 2 i₂lín₅ o₁rín₂, on₃ guë' 2 jui₁lia' 2 i₂cha₂ cu₄ tián' 5 cau₅ quiáng' 2 ně₃. Ia₁ con' 2 tsá₃ ŋó₅, dsa₂ le₂'éi₂, lé₂ le₃të₂, a₂jéin' 3 táng₃ quiáng' 2. 13 Jaun₂ ně₃, ně₁jua' 2 'niog' 2 jmó' 2 caun₂ jmig₄, te' 2 jmá' 3 lia' 2 dsa₂ te₂ŋé₂, dsa₂ 'lian' 2, dsa₂ ten₄, dsa₂ guian' 54 ně₃. 14 Jaun₂ le₂ně₅ bá₄ le₃chang' 2 dse₃. Ia₁ dsa₂ 'éi₂ ně₃, tsá₃ qui' 54 jmig₄ le₃jéin' 3 quiáng' 2, la₁ i₁jáun₃ bá₄ tít₄ quiáng' 2, i₁jen' 54 ca₂le₃jín₃ dsa₂ dsen₃.

Jág₁ jáng' 5 léi₄ jui₁lia' 2 dsa₂ i₂té₄ ja₁niog₅ jmig₄
(Mateo 22:1-10)

15 Jan₂ dsa₂ i₂jme₁guá₄ cau₅ i₂ca₂nág₂ jág₁ ně₅, ca₂tsí' 3 Jesús:

—E₂ guë₄ dsen₃ i₂tian' 3 guë' 3 † ja₁gon₂ Diú₄.

16 Jaun₂ ca₂juá' 2 Jesús:

—Jme₁chan₂ jan₂ dsa₂ i₂ca₂cuë₃ caun₂ má₃ pa₁, jaun₂ ca₂të' 3 juin₅ dsa₂. 17 Jme₁ca₂të₂ hora a₂nio₃ jmig₄ ně₃, ca₂chein₃ dsa₂ i₂jme₂ti₃ ta₁ ne₅₄, i₁chi' 4 dsa₂ i₂ma₂lě₅ jág₁ dsi₁lén₂: “I₂nó' 5 'nia' 2, ia₁ ma₂lě₅ co₂ŋia₅₄ ca₂le₃jě₃.” 18 La₁ ca₂le₃jín₃ bá₄ ca₂juá' 2 tsá₃ jiin₅₄. I₂le' 2 uig₅₄ ca₂ŋag₃: “Caun₂ 'uë₃ lia' 2 ně₂lá₂; ja₁jaun₂ nei₅₄ i₁jág₃. 'Én₃ dso₄ quió₃ tsá₃ lé₂ nei₅₄.” 19 I₂sián' 2 guë' 2 táng₃ ca₂juá' 2: “N₁íá₂ dsán' 3 ca₁jui₅ i₂quia' 2 'uë₃ i₂të₂ca₂láng₂, i₂'éi₂ nei₅₄ i₁quió₃ 'í₁ chi₂jua' 2 ma₂téin₅ jmo₃ ta₁. 'Én₃ dso₄ quió₃ tsá₃ lé₂ nei₅₄.” 20 I₂sián' 2 guë' 2 ca₂juá' 2 táng₃: “Gu₃ lia' 2 ně₂jeng' 54; jaun₂ lě₃, tsá₃ lé₂ nei₅₄.” 21 Jaun₂ jme₁dsián' 3 mozo 'éi₂ ca₂jmóg' 3 jág₁ ne₄ juig₅₄, jaun₂ ca₂rě₃'né₃ bá₄ juig₅₄. Jaun₂ ca₂juá' 2 tsí' 5 táng₃ mozo 'éi₂: “Co₂chi' 54 o₂ŋi₄ jë₄ calles, le₂tan₅₄ ja₁le₁ŋi' 2 dsa₂ juin₅ jë₄ juig₂, qui₂o₂quian₅ dsa₂ te₂ŋé₂, dsa₂ 'lian' 2, i₂guian' 54, i₂ten₄ ně₃.” 22 Jme₁co₂lág₂ jaun₂, ca₂juá' 2 dsa₂ mozo 'éi₂: “Gui' 54, ma₂ně₂jmo₃ con' 2 lě₅ ně₂jua' 54. Jo₂ bá₄ guë₄ dsi₂néi₂.” 23 Jaun₂ ca₂juá' 2 táng₃ juig₅₄: “Gua₂ táng₃ jë₄ calles le₂tan₅₄ ja₁lě₄ o₄jui₅, o₂quian₅ tion₅₄ dsa₂ i₂jeng' 2, jaun₂ can' 2 dsi₂néi₂ quió₃. 24 Ia₁ le₂ně₅ bá₄ juá' 5 jniá₂, 'i₁jan₂ i₂jme₁lě₄ jág₁ ca₂të₃ le₂'uig₅₄ 'éi₂, tsá₃ quein' 3 jë₄ jmig₄ quió₃.”

'Ni₀5 bá' 4 'ua' 2 ta₁ a₂jme₃quian' 54 dsa₂ Te₁gui' 54
(Mateo 10:37-38)

25 Juin₅ lín₃ dsa₂ i₂jme₁ma₂quian' 54 Jesús. Jaun₂ ca₂jéin' 3 ca₂juá' 2:

26 —Chi₂jua' 2 'ein₂ 'ei₅ dsí₅ jme₃quiong' 54 jniá₂, ně₁jua' 2 tsá₃ ca₂tén' 3 dsí₅ téin₂ jmei₂, chog₅₄, dsa₂ mí₂ quiáin₅, chi' 2-guein₂ quiáin₅, ca₂le₃jín₃ guë₄ o₁rín' 54 ně₃; ně₁jua' 2 tsá₃ ca₂tén' 3 dsí₅ le₂jjiog₅ jme₂dsí₂ quió' 5 ně₃, tsá₃ lé₂ le₃léin₂ dsa₂ quiáng₃. 27 Jua' 54 'ein₂ tsá₃ ca₂tén' 3 dsí₅ gue₃ 'mú₃, † jiá₅ chi₁co' 54 quió' 5, tsá₃ lé₂ le₃léin₂ dsa₂ quiáng₃. 28 Jua' 54 mei' 2 guë₃ chan₂ jan' 2 'nia' 2 i₂'nio₃ chi' 3 caun₂ ni' 1'ia' 2 ŋei₅, ¿on₁ ŋjiá₅ de' 2 con' 2 'í₁ chi₂jua' 2 ma₂len₅ cu₄ quió' 5 ca₂lia' 2 a₂'ió' 4 a₂jaun₂? 29 Ia₁ ně₁jua' 2 tsá₃ le₂jaun₂, jme₃lióg₃ 'uig₅₄ 'ia' 2, tsá₃ tió' 5 guë' 2 jme' 3'ió' 3, ca₂le₃jín₃ dsa₂ i₂jág₃ a₂jaun₂, a₂lě₁co₂jmóg' 2 co₃ŋág₂ bá₄. 30 Dsia₃: “Dsa₂ ně₅ con' 2 ŋnia' 54 ca₂jme₃lióg₃ 'uig₅₄, la₁ tsá₃ guë' 2 qui' 54 jmig₄ jme' 3'ió' 3.” 31 O₃ jui₁lia' 2 jan₂ rag₅₄ guë' 2, i₂jmo₃ 'nei₂ quian' 54 jan₂ rag₅₄ sián' 2, ¿tsa₁ ŋjiá₅ de' 2 guá₃ con' 2 'í₁ chi₂jua' 2 tió' 5 quian' 54 guian₃ mei₅ 'lióg₂ quiáin₅, dsí₃quín' 2 quian' 54 guió₂ mei₅? 32 Chi₂jua' 2 ma₂lí' 4, tsá₃ tió' 5 ně₃, të₁lia' 2 úing₂ guë₄ já₅ rag₅₄ jan₂, chein₃ dsa₂ i₂quian₅ jág₁ a₂mi₂₃

† 14:15 lit. “guë' 3, i,ŋí' 4.” ‡ 14:27 lit. “tsá, cán₂ cróg₄ quió' 5.”

dsian₅ co₂nei'₅₄ mi'₅₄. ³³ Le₂ně₅ bá₄ chi₂'ein₂ 'nia'₂ i₂tsá₃ ca₂tén'₃ dsí₅ tí₂ ca₂le₃jě₃ a₂cha₂ quió'₅, tsá₃ lé₂ le₃lén₂ dsa₂ quiáng₃.

Jág₁ jáng'₅ léi₄ ju₁lia'₂ 'a₂ lia'₂ lě₅ tsi₁ŋi₁
(Mateo 5:13; Marcos 9:50)

³⁴ (Ju₁lia'₂ dsa₂ i₂quian'₅₄ jniá₂ lín₅ ju₁lia'₂ lě₅ tsi₁ŋi₁.) A₂dse₃ bá₄ tsi₁ŋi₁ tē₁lia'₂ ŋi'₅₄. La₁ ně₁juá'₂ ca₂'en₃ ŋi'₅₄ ně₃, ħ₂'a₂ bá₄ lia'₂ lé₂ le₃lei₂ táng₃? ³⁵ Tsá₃ ma₃'e₂ ta₁ tí₄, on₃ guē'₂ lé₂ le₃lé₂ gua'₅₄, on₃ guē'₂ ma₂tí₅ ta₁ juá'₅₄ a₂le₃lé₂ ca₂bě'₅₄ 'o'₅₄. Ŋŋia'₅₄ lia'₂ a₂dsi₃ga'₅₄ uíng₂ bá₄. I₂dsi₅₄ gua₄, rē₂ ju₁nei₅₄.

15

Jág₁ jáng'₅ léi₄ ju₁lia'₂ jan₂ já'₂ cha'₂ i₂ca₂i₃cón'₅
(Mateo 18:10-14)

¹ Ca₂le₃jín₃ dsa₂ i₂cán₂ 'lia'₅₄ quián₅ dsi₂tan₅₄, quian'₅₄ guē₄ dsa₂ i₂le₁cán'₄ dso₄ sián'₂, ca₂o₃lén₂ ja₁'en₅₄ Jesús, a₂o₃néi₃.

² Uíng₅₄ jaun₂, dsa₂ fariseos quian'₅₄ tē₅juá'₅ ca₂chi₂ca₂'in₃ Jesús. Ca₂juá'₂:
—Dsa₂ ně₅ qui₂guein₂₃ bá₄ dsa₂ i₂le₁cán'₄ dso₄, guē'₅ co₂lě₅ quiong'₅₄.

³ Jaun₂ lě₃ ca₂juá'₂ Jesús jág₁ jáng'₅ léi₄ la₂:

⁴ —ħ₂'i₂'ein₂ 'nia'₂, ju₁lia'₂ i₂'ŋio₅ caun₂ 'ŋiá₂-lón₂ já'₂ cha'₂, ně₁juá'₂ ca₂i₃cón'₅ jan₂, tsa₁ ja₁co₂'ŋiog₅ jaun₂ toin'₂ i₂quén'₂ ne₂guión₂ rē₂dsí₂ guia₃-né₂ (99) con'₂ i₂te₂, dsó₃ táng₃ dsi₂juí₅, dsi₂'niai'₂ i₂jan₂ i₂i₃cón'₅ 'éi₂, 'nau'₂ ca₂lia'₂ ca₂dsáu'₂? ⁵ Jě₁ma₂ca₂dsáu'₂ ně₃, tē₂ juí₅ co₁dsi₁₂, jón'₅ táng₃ 'io'₂ jén'₅. ⁶ Jě₁ma₂dsiáin'₃ dsi₂néi₂ ně₃, ŋí'₂ ca₂le₃jín₃ a₂mei₅₄ quián₅, quian'₅₄ guē₄ dsa₂ i₂tián'₅ cau₅ quió'₅. Jaun₂ juá'₂: “Ně₃ o₁tió'₄, jmó₁ 'io'₂ quian'₅₄ jniá₂, ia₁ dsán'₅ bá₄ já'₂ cha'₂ i₂jme₁ma₂i₂cón'₅ quiáng₃.” ⁷ Juá'₅ jniá₂, 'ŋio₅ lín₃ guē₄ bá₄ cha₂ o₂'ŋi₃ dsi₅ guei'₅₄ i₂juí₃ o₄quió'₄ jan₂ dsa₂ i₂rē₂cán'₄ dso₄, i₂dsi₂quén'₅ dsí₅, lia'₂ con'₂ guē₄ o₄quió'₄ i₂quén'₂ ne₂guión₂ rē₂dsí₂ guia₃-né₂ (99) dsa₂ “dsen₃” i₂tsá₃ 'e₂ 'nió'₅ jme₃tsín₃ dsí₅.

Jág₁ jáng'₅ léi₄ ju₁lia'₂ caun₂ cu₄ 'ua'₂ a₂i₃có'₅

⁸ 'O₃ ju₁lia'₂ jan₂ dsa₂ mí₂ i₂'io₅ guia₃ cu₄ 'ua'₂,* ně₁juá'₂ ca₂i₃có'₅ caun₂, ħ₂tsa₁ téi₂ si₂, 'iá'₂ dse₃ lín₃ dsi₂néi₂, 'no'₂ ca₂lia'₂ ca₂dsó'₂? ⁹ Jě₁ma₂ca₂dsó'₂ ně₃, jmó₂₃ 'io'₂, ŋí'₂ 'io₅₄ a₂mei₅₄ quián₅, i₂tián'₅ cau₅ quió'₅ ně₃, jaun₂ juá'₂: “Ně₃ o₁jmó₁ 'io'₂ quian'₅₄ jniá₂, ia₁ dsó'₅ bá₄ cu₄ a₂jme₁ma₂i₂ág₃ quió₃.” ¹⁰ Jaun₂ le₂ně₅ bá₄ juí₃ jniá₂ 'nia'₂, chan₂ o₂'ŋi₃ o₂ŋia₃ dsi₅ ángeles quián₅ Diú₄ o₄quió'₄ jan₂ dsa₂ i₂rē₂cán'₄ dso₄, i₂ma₂ca₂dsi₃quén'₅ dsí₅.

Jág₁ jáng'₅ léi₄ ju₁lia'₂ jan₂ dsó₂ i₂ca₂dsián'₃ táng₃ quió'₅ jmei₂

¹¹ Ca₂juá'₂ Jesús ján₃:

—Jan₂ dsa₂ jme₁chan₂ on₃ ja₁ŋi'₅₄. ¹² I₂lín₅ i₂me'₂ guē₄ ca₂tsí'₃ jmei₂: “Tia₅₄, cuē₄ ca₂dsio₄ cu₄ quiáng'₂ con'₂ ca₂tíng₂.” Jaun₂ jmei₂ ně₃ ca₂dsi₃'₃ 'e₂ a₂cha₂ quió'₅, jma₃quén₅ ca₂cuē'₃ chi'₂ quián₅ con'₂ ca₂tín₂. ¹³ Mei'₂ bá₄ cang₂ jaun₂, dsó₂ i₂me'₂ guē₄ qui₂ca₂'nag₃ a₂jme₁ma₂lě₅ quió'₅. Quian'₅₄ cu₄ jaun₂ ca₂'í₃ juí₅ i₁ŋi₂ uíng₂ caun₂ 'uē₃ siá'₂. Ja₁ jaun₂ ca₂'i₁éin₄ jě₂ cu₄ quió'₅, tsá₃ 'en₅₄ dsí₅ ca₂rě₃cháin₃. ¹⁴ Jme₁ma₂dsó'₃ jě₂ cu₄ ně₃, 'ŋio₅ lín₃ ca₂rě₃'ín₃ a₂guē'₃ dsa₂ juí₂ jaun₂. 'Éi₂ ně₃ ma₂ŋi₂₃ 'oin₅₄. ¹⁵ Jaun₂ ŋó₃ i₃'nió₂ ta₁ a₂jmo₃ quió'₅ dsa₂ juí₂ jaun₂. Jaun₂ dsa₂ 'éi₂ ně₃ ca₂chei₃ ja₁nau₂ quió'₅ a₂ŋi₃ i₁ŋí₅. ¹⁶ Jě₁ma₂tě₂ rē₁guē'₃ i₁ŋí₅, ca₂lia'₂ ma₂le₃guē'₃ 'ŋiog₅ cuá'₁ tsi₁rě₂jnei₂ a₂guē'₅ já'₂, la₁ 'i₁jan₂ tsá₃ 'ein₂ ca₂cuē₃ a₂guē'₅. ¹⁷ Jaun₂ ca₂i₃ŋia₅ dsí₅: “ħ₂Tē₁lia'₂ juín₅ mozos i₂'ŋio₅ ŋe'₃, cha₂

* 15:8 griego: dracma (co₂'nió'₄ 'lian'₅₄ dsa₂ co₂jmig₄ ta₁).

qui₂rē₂tsón₂ a₂guē'₅, jniá'₂ ně₃ ja₁lá₃ jñí'₅ dsi₃ 'ong₅₄! 18 'Ag₅₄ caun₂ dsi₃, nég'₄ táng₃ dsi₂néi₂ quió'₅ ŋe'₃. Juig₅₄ le₂la₂: Tia₅₄ quiáng₃, 'e₂ guē'₄ jué'₂ dso₄ ca₂'no₃ ne₄ Diú₄ quian'₅₄ ja₁cong'₂; 19 jñia'₅₄ tsá₃ ma₃ca₂tíng₂ a₂tě'₄ jniá'₂ jón₃. La₁ jag₄ jniá'₂ lia'₂ ja₁jing'₅₄ jan₂ dsa₂ i₂tion₄ quiáng'₂ bá₄. 20 Jaun₂ ca₂nau₂ ca₂'í₃ juí₅ jóin'₃ táng₃ quió'₅ jmei₂. La₁ uíng₂ bá₄ guē'₄ jóin'₅, jme₁ca₂jág₂ jmei₂. Ca₂tá'₂ ŋéi₂ dsí₅, ca₂ŋó₃ co₂chí'₅₄, ca₂cág'₃ cu₅ ca₂chen'₃ quió'₅ 'io'₂ jén'₅. 21 Jaun₂ guē'₄ ca₂juá'₂ ja₁ñi'₅₄: “Tia₅₄ quiáng₃, 'e₂ guē'₄ jué'₂ dso₄ ca₂'no₃ ne₄ Diú₄ quian'₅₄ ja₁cong'₂; jñia'₅₄ tsá₃ ma₃ca₂tíng₂ a₂tě'₄ jniá'₂ jón₃.”† 22 La₁ jmei₂ ně₃, ca₂tsí'₃ dsa₂ i₂jme₂ti₃ ta₁ tion'₅₄ quiáin₅: “iMa₂ně₃ co₂chí'₅₄! O₂dsi₄ 'mi'₂ a₂lě₅ a₂dse₃ guē'₄, queng'₅₄ chí'₂ quiáng₃; caun₂ gué'₂ anillo₂ tio'₂ chí₁gú₃. Co₂dsán'₃ gué'₂ ni₁lau₂ to'₅₄ 'nia'₂ tag₅₄; 23 Jaun₂ o₁te'₄ 'nia'₂ ca₁juí₅ i₂ma₂'on'₅₄ chén'₅, jaun₂ jñí'₄ 'nia'₂. iJaun₂ que₅₄, tió'₄ jmó'₁ 'io'₂! 24 Ia₁ chí'₂ ně₅ quiáng₃, ně₂jag₄ i₂jme₁ma₂jon₅ bá₄ ně₅, la₁ chain₂ bá₄; jme₁ca₂i₃cóin'₅, la₁ ma₂dsáin'₅ bá₄.” Jaun₂ ca₂jme₃lióg₃ jmig₄ tioin'₅₄.

25 'Tē₁lia'₂ jaun₂, chí'₂ ja₁ñi'₅₄ i₂lín₅ i₂juin'₂ guē'₄, jme₁'ein₅₄ ja₁nau₂. Jme₁ma₂ja₂quián₃ guain'₂ dsi₂néi₂, ca₂nág₂ i₁niog₅ son₅₄ i₁dsan₅ dsa₂. 26 Jaun₂ ca₂tě'₃ jan₂ dsó₂ ca₂ŋag₃ 'e₂ niog₅ lě₂. 27 Jaun₂ juá'₂ 'éi₂: “Dsó₂ ríng'₂ bá₄ guán'₅, jaun₂ ŋéi'₅ ně₃ ně₂jmo₃ 'éi'₃ ně₂jñi'₃ dsa₂ ca₁juí₅ i₂jme₁chén'₄ 'on'₅₄, ia₁ guáin'₅, dsein₃ bá₄, tsá₃ 'e₂ lín₅.” 28 La₁ ca₂rě₃'né₃ bá₄ riin'₅₄ i₂juin'₂ 'éi₂. Tsá₃ 'nio₃ 'í₂ dsi₂néi₂; jaun₂ ca₂o₃'ín₃ jmei₂, ca₂juá'₂ jág₁ 'ua₁. 29 La₁ 'éi₂ ně₃ ca₂ŋag₃ ca₂tsí'₃ jmei₂: “Ca₂le₃jě₃ ŋi₂ ma₂guio₃ gua₅₄ jme₃tí₂ ta₁ ne'₅₄, tsá₃ líg'₂ jua'₅₄ ma₂jmo₃ tsá₃ nag₅₄ ja₁cong'₂. Ca₂lia'₂ jñia'₅₄ jan₂ chein₂ lau₂ bá₄ tsá₃ ma₂cuag'₅₄ jniá'₂ jua'₅₄ jmo₅₄ jmig₄ quian'₅₄ a₂mei₅₄ quiáng₃. 30 Ně₃ guē'₄ títng'₂ jmó'₂ jmig₄ ia₁ guán'₅ ja₁ñi'₄ ně₅, i₂lě₁qui₂i₁'én₄ cu₄ quiáng'₂, qui₂i₁ñi₂ lia'₂ lě₂ dsí₅ quian'₅₄ 'io₅₄ ga₂. Ně₃ ně₃, jmig₄ jmo'₂ o₄quió'₄, jñí'₅ ca₁juí₅ i₂'on'₅₄ guē'₄ jme₁chén'₄.” 31 Jaun₂ ca₂ŋag₃ jmei₂: “Jón₃, ma₁ co₂tan₅₄ bá₄ ŋéi'₂ 'ne₂ quian'₅₄ jniá'₂; a₂quián'₂ 'ne₂ bá₄ ca₂le₃jě₃ a₂cha₂ quió₃. 32 La₁ ně₃ ně₃ co₂ně₅ ca₂tág₂ jmó'₁ jmig₄, quián₁ o₂'ñió₃ dsi₅, ia₁ guán'₅ ríng'₂, ně₂jag₄ i₂jme₁ma₂jon₅, la₁ ně₃ ma₂chain₂ bá₄ táng₃; jme₁ca₂i₃cóin'₅, la₁ ma₂dsáin'₅ bá₄.”

16

Jág₁ jáng'₅ léi₄ juí₁lia'₂ jan₂ dsa₂ i₂tsá₃ ca₂rě₃ti'₅₄

1 Ca₂juá'₂ Jesús ján₃ ca₂tsí'₃ dsa₂ i₂quiain'₅₄:

—Jme₁chan₂ jan₂ dsa₂ cha₂ cu₄ jme₁ 'ñioi₂₃ jan₂ dsa₂ i₂niog₅ gu₂ dsi₂néi₂ quió'₅; la₁ ca₂i₁dsia₂ jan₂ dso₄, ia₁ juá'₂ a₂lě₁jme₁qui₂'én₂ 'éi₂ a₂cha₂ quió'₅ juig₅₄. 2 Jaun₂ ca₂tě₃ juig₅₄ ca₂juá'₂: “¿L₂'e₂ bá₄ jág₁ ně₅ nag₂₃ quián'₂ 'ne₂? Jang'₅₄ cuentas quiáng'₂, ta₁ a₂lín'₅, ia₁ ja₁lá₃ jñia'₃ ta₁ a₂niog₅ gog'₂.” 3 Jaun₂ dsa₂ 'éi₂ ně₃ ca₂'náu'₃ dsí₅: “¿E₂ bá₄ jmo₅₄ jniá'₂? Jñiá'₂ juig₃ ta₁ quió₃. Tsá₃ béng₂ jua'₅₄ jmo₅₄ ta₁ ja₁nau₂, ján₃ gué'₂ gui'₄ jniá'₂ jua'₅₄ a₂lě₁mi₁₂ jme₃'o₅₄ dsa₂. 4 Ma₂guion₄ 'a₂ lia'₂ jmo₅₄ ia₁ jaun₂ guei₃ dsa₂ sián'₂ dsi₂néi₂ quió'₅ jě₁ma₂tě₁tsing'₅₄ tsá₃ ta₁ cha₂ jmo₅₄.” 5 Jaun₂ ca₂tě'₃ tě₃ qui₂ján₃ dsa₂ i₂jme₁le₁rín₃ quió'₅ juig₅₄. I₂le₂'uig₅₄ ca₂tsí'₃: “¿Je₂liá'₂ ríng'₂ quió'₅ gui'₅₄?” 6 Jaun₂ ca₂juá'₂ 'éi₂: “Caun₂ 'ñiá₂-láu₂ ba₂rig₅₄ * no'₅₄.” Jaun₂ juá'₂: “La₂ ron₅ si₂ ja₁ton₅ con'₂ a₂ríng'₂. Né₂, ma₂ně₃ jmo₄ táng₃ caun₂ a₂siá'₂, tió'₃ jñia'₅₄ tē₂láu₃-guiá'₂ bá₄ taun'₅₄ a₂le₃ríng'₂.” 7 Jaun₂ ca₂tsí'₃ táng₃ jan₂ i₂sián'₂: “Ne₂ gué'₂, ¿je₂liá'₂ ríng'₂?” Jaun₂ juá'₂: “Caun₂ mei₅ 'ma₂ cuig₂.”† Jaun₂ ca₂ŋag₃: “Jón'₅ si₂ ja₁ton₅ a₂ríng'₂; jmo₄ táng₃ caun₂ a₂siá'₂

† 15:21 A₂lín₅₄ chog₅₄ si₂ chí₁ton₅ le₂la₂ ján₃: “La₁ jag₄ jniá'₂ lia'₂ ja₁jing'₅₄ jan₂ dsa₂ i₂tion₄ quiáng'₂ bá₄.”

* 16:6 lit. “caun₂ 'ñiá₂-láu₂ batous”, (caun₂ 'éi'₃ a₂jme₁'io₅ dsa₂, a₂'a₄ con'₂ 37 litros le₂caun₂). † 16:7 lit. “caun₂ 'ñiá₂-láu₂ korous mīg₂ trigo”, (caun₂ 'éi'₃ a₂'éi₄ con'₂ gua₃ 'ma₂ le₂caun₂).

tió³ quén² co₂ne₂guió₂ bá₄ taun⁵⁴.” ⁸ Juig⁵⁴ ně³, rē₂ bá₄ ca₂'iin₃ dsa₂ i₂tsá₃ ca₂rē₃ti⁵⁴ 'éi₂, ia₁ 'ñioi⁵⁴ ca₂jmo₃. Ia₁ ja₂lin₃ guě₄ bá₄ 'ñio⁵⁴ jui₁lia² dsa₂ mi₂güig₃ jmig₄ ně³, lia² con² guě₄ chi²-guein₂ i₂l₂nio₄ ja₁jniá₂ si₂. ⁹ Jaun₂ juig₂ jniá² 'nia², 'nio² 'nia² jui₅ 'a₂ lia² léng² a₂mei⁵⁴ quian⁵⁴ cu₄ cha₂ mi₂güig₃ 'lig⁵⁴ la₂, ia₁jaun₂ jē₁ma₂ca₂dsa₃ cu₄, chan₂ bá₄ i₂le₃guéi² 'nia² ja₁o₁tiáng² dse₃ co₂tan⁵⁴. ¹⁰ Jui₁lia² i₂rē₂ti⁵⁴ rē₂ quian⁵⁴ ca₂juig₄ a₂tē₂no₄ gu₂, ján₃ bá₄ le₂jaun₂ rē₂ti⁵⁴ quian⁵⁴ 'lióng₂. Le₂jaun₂ guě² jui₁lia² dsa₂ i₂tsá₃ rē₂ti⁵⁴ quian⁵⁴ ca₂juig₄, ján₃ bá₄ le₂jaun₂ tsá₃ rē₂ti⁵⁴ quian⁵⁴ 'lióng₂. ¹¹ Jaun₂ ně³, ně₁jua² tsá₃ rē₂ten⁵⁴ 'nia² quian⁵⁴ cu₄ cha₂ mi₂güig₃ 'lig⁵⁴ la₂, ħ₂'ein₂ bá₄ i₂lé₂ le₃ág₃ caun₂ dsí₅ ja₁con² 'nia² quian⁵⁴ a₂lě₅ a₂quen₅ tē₃dsón²? ¹² Ně₁jua² tsá₃ rē₂ten⁵⁴ 'nia² quian⁵⁴ a₂lě₅ quió⁵ dsa₂ sián², ħ₂'ein₂ bá₄ dsia₃ gog² 'nia² jui₁lia² a₂ca₂tín² 'nia² guiong⁵⁴? ¹³ 'I₁jan₂ dsa₂ i₂ma₂'lian⁵⁴ tsá₃ lé₂ le₃jme₃ti₃ ta₁ ne₄ on₃ juig⁵⁴. Ia₁ jme₃'ñiai⁵⁴ jan₂, jan₂ guě² jme₃'nioi₃; o₃ jme₂gain₃ jan₂, jan₂ guě² tsá₃ jui₅ toin². Tsá₃ 'ein₂ 'nia² lé₂ le₃jme₃ti₃ lia² ne₄ Diú₄, lia² ne₄ Cu₄ ně³.

¹⁴ Dsa₂ fariseos ně³, jme₁tioin⁵⁴ 'nag₂₃ jē₂ jág₁ ně⁵. Jaun₂ jñia⁵⁴ ca₂ñág₂ 'nei₂ bá₄ jme₁ca₂nág₂, ia₁ lín₅ dsa₂ i₂ñí₄ dsí⁵⁴ cu₄.

¹⁵ Jaun₂ ca₂juá² Jesús:

—'Nia² jmo² a₂dseng³ tē₃ne₄ dsa₂, la₁ cui⁵ bá₄ Diú₄ dse₃ 'a₂ lia² lě₅ 'au² 'nia². Ia₁ jui₁lia² i₂jmo₅ dsí₅ a₂ñí₄ lě₃ dsein⁵⁴ 'ñio₅ quein₅, a₂jaun₂ 'io⁵⁴ Diú₄.

'Éi³ Juá⁵, quian⁵⁴ ja₁gon₂ Diú₄

¹⁶ Jme₁ron⁵ 'Éi³ Juá⁵, quian⁵⁴ Si₂ quió⁵ dsa₂ i₂jme₁ 'ě₂ jág₁ quián₅ Diú₄, ca₂lia² ca₂tē₂ jmig₄ a₂jme₁chan₂ Juan⁵⁴. Ca₂le₃jaun₂ qui₂dsi₂'ag₅ jág₁ jui₁lia² ja₁gon₂ Diú₄; ma₂ja₂lén₂ ca₂le₃jín₃ dsa₂ qui₂quín⁵ bí₂ a₂tóin³. ¹⁷ Tsá₃ guě₄ 'e₂ ta₁ quian₅ a₂dsi₃ñí₂ dsí₁ guei⁵⁴ quian⁵⁴ gua⁵⁴ 'uě₃, lia² con² guě₄ dsí₃'én₂ caun₂ léi₄ pí¹ a₂le₁ton₅ 'Éi³, jua⁵⁴ a₂tsá₃ le₃ti₃.

*Jme₂tag₅ Jesús 'a₂ lia² lě₅ jui₁lia² a₂tén₂ dsa₂ dsí₂i₂gu₂
(Mateo 19:1-12; Marcos 10:1-12)*

¹⁸ 'Ně₁jua² jan₂ dsa₂ ñe² ca₂téin₂ dsa₂ mí₂ quiáin₅, a₂jéin² táng₃ gu₂ quian⁵⁴ i₂sián², 'no₂₃ dso₄. Ján₃ guě² le₂jaun₂ ně₁jua² dsa₂ ñe² ca₂cain₃ dsa₂ mí₂ i₂ma₂téi₂ dsí₂i₂gu₂, ján₃ bá₄ co₂jaun₂ 'no₂₃ dso₄ ján₃.

Jan₂ dsa₂ cha₂ cu₄, quian⁵⁴ Lázaro

¹⁹ Jme₁chan₂ jan₂ dsa₂ cha₂ cu₄ i₂jme₁quí⁵ jmá³ tsin⁵⁴ jlá¹, quian⁵⁴ 'mí² 'ui³ a₂chein⁵⁴ ta₁jain₂, ně³. Le₂'o₃ jmig₄ bá₄ jme₁cuě⁵ o₂'ñio₃ o₂ñia₃ dsí₅, jme₁jmo₂₃ jmig₄ jlá¹. ²⁰ Jme₁chan₂ táng₃ jan₂ dsa₂ te₂ñé₂ i₂jme₁chen₂ Lázaro, † i₂dso⁵⁴ jme₁qui₂rē₂can² 'mé⁵ ni₁ñi₁₂. Jme₁dsi₂dsi_{og}₃ dsa₂ o₄'né₄ quió⁵ dsa₂ cha₂ cu₄. ²¹ Dsa₂ te₂ñé₂ 'éi₂ ně³ jme₁'nio₃ jme₃tain⁵⁴ quian⁵⁴ a₂tsi₂séi² ne₄ mesa. Ca₂tē₂ dsí₂jí⁵⁴ jme₁ja₂lén₂ ja₂'lí³ ne₄ 'mé⁵ quió⁵. ²² Cang₂ jaun₂ ca₂jon₃ bá₄ dsa₂ dsí₂ñé₂ 'éi₂, ca₂tág₃ ángeles ja₁con₂ Abraham. Cang₂, ca₂jon₃ bá₄ dsa₂ cha₂ cu₄ 'éi₂ ján₃. Ca₂'ó₂ bá₄ dsa₂ ně³. ²³ Jme₁ma₂'ein⁵⁴ ñág₅ uig₅ ja₁dsi₂len₅ 'lag₄, § ca₂chóg³ ne₅₄ ca₂jín₂ uíng₂ Abraham quian⁵⁴ Lázaro cau₅ quió⁵. ²⁴ Jaun₂ ca₂guió³ co₂mí⁵⁴ ca₂juá²: “Tia⁵⁴ Abraham, dsia₄ ñéi₂ 'au² jniá₂, chen₅ Lázaro ně₅ jui₁tia⁵⁴ chi₁gú₃ né³ jmíg₃, jui₁jia₂ jme₃güig² le₁tsi³. Ia₁ 'ñio₅ lin₃ uig₅ ñag⁵⁴ 'eng⁵⁴ jē₄ si₂ la₂.” ²⁵ Jaun₂ ca₂ñag₃ Abraham: “Jón₃, dsá₂ 'au² jmo₄, ca₂gue⁵⁴ bá₄ 'ne₂ a₂dse₃ tē₁lia² ca₂rē₃cháng³. Lázaro la₂ ně³, tsá₃ 'e₂ dse₃ ca₂rē₃cháin₃. Jaun₂ rē₂ně³ ně³ gue₂₃ lián² chain₂ dse₃ ja₁lá₃. 'Ne₂ guě² ma₂ñag⁵⁴ uig₅ ja₁ně⁵. ²⁶ Ton² jí⁵⁴ ñei₅ lin₃

† 16:20 Lia² chen₂ Lázaro jein₅ jág₁, dsa₂ i₂jme₂'o₅₄ Diú₄. § 16:23 griego: hades, co₂'nió⁴ a₂juá², ja, quió⁴ 'lag₄.

lě₅ jě₄ quián₂ jniog₄, jaun₂ tsá₃ 'ein₂ lé₂ le₃ŋí₃ tē₂le₃ nē₅, on₃ guē'₂ i₂tion'₅₄ ja₁nē₅ lé₂ ŋí₃ le₃la₂.” ²⁷ Jaun₂ ca₂ŋag₃ táng₃: “Mí₅ jniá₂ ne'₅₄ jaun₂, tia₅₄, a₂dsiang'₅₄ i₂nē₅ dsi₃con₅₄ jág₁ dsau₅ dsi₂néi₂ quió'₅ ŋe'₃, ²⁸ ia₁ 'ŋiá₂ chí'₂ ríng'₃ i₂chan₂ guē'₄, ia₁jaun₂ tsá₃ ja₃ŋag₅₄ uig₅ ja₁lá₃.” ²⁹ Jaun₂ ca₂ŋag₃ táng₃ Abraham: “I₂ma₂rón'₅ si₂ bá₄ ó₃ ca₂quiog₂ Moisés quian'₅₄ dsa₂ i₂jme₁'ě₂ jág₁. ¡Jui₁tion'₅₄ jui₅ a₂juá'₂ 'éi₂!” ³⁰ Jaun₂ ca₂ŋag₃ táng₃: “Jan₂'ón₄, tia₅₄ Abraham, ia₁ nē₁ca₂dsián'₂ jan₂ 'lag₄ dsi₁con₃ jág₁, dsi₃quén'₅ bá₄ dsí₅.” ³¹ La₁ ca₂ŋag₃ táng₃ 'éi₂: “Chi₂jua'₂ tsá₃ nag₅ gau₂ a₂juá'₂ Moisés, quian'₅₄ dsa₂ i₂jme₁'ě₂ jág₁ quián₅ Diú₄ nē₃, ján₃ bá₄ le₂jaun₂ tsá₃ 'e₂ gau₂ nag₃ o₁ŋia'₅₄ la₂ ca₂jen'₅₄ jan₂ 'lag₄ dsi₁con₃ jág₁.”

17

A₂go'₂ nē₁jua'₂ 'ein₂ ca₂tian'₃ dso₄
(Mateo 18:6-7, 21—22; Marcos 9:42)

¹ Ca₂juá'₂ Jesús ca₂tsí'₃ dsa₂ i₂quiain'₅₄:

—Tion₅₄ niog₅ le₃cha₂ bá₄ a₂jmo₃ a₂qui₃nió₃ dsa₂. ¡La₁ 'e₂ guē'₄ juig₂ jui₁lia'₂ dsa₂ i₂'uin₄ a₂dsi₂gan'₅₄ riin'₅₄! ² Ja₂lin₃ guē'₄ dse₃ jua'₅₄ tón₂ dsa₂ ne₄ jmi₁ŋí'₄ chí₁quein₅ ni₁to₂ dsi₂lag₅₄, lia'₂ con'₂ guē'₄ jmo₃ tián'₃ dso₄ jan₂ dsa₂ dsi₂ŋé₂ la₂.

³ Tē₃ŋi'₅₄ 'nia'₂ jaun₂.

'Chi₂jua'₂ 'ein₂ ríng'₂ jmóg'₂ mi'₅₄, jéin₃. Nē₁jua'₂ ca₂jme₃tsiín₃ dsí₅, 'én₃ dsáu₁.

⁴ O₁ŋia'₅₄ guio₃ ráun₂ nē₂jmóg'₂ mi'₅₄ co₂jmi₄, nē₁jua'₂ guio₃ ráun₂ ca₂já₃ ne'₅₄, juá'₂: “Tsá₃ ma₃jmo₅₄”, 'én₃ dsáu₁.

Bí₂ a₂'io₅ a₂'én₂ dsa₂

⁵ Ca₂juá'₂ chí'₂ dsi₂guia₃-tín₂ ca₂tsí'₃ Te₁gui'₅₄:

—Jmo₄ jui₁le₂ 'éin₂ guē'₄ jnia'₅₄.

⁶ Jaun₂ ca₂ŋag₃ táng₃ Te₁gui'₅₄:

—Tsá₃ a₂nag₅₄ ŋia'₅₄ con'₂ tí₅ ca₂míg₂ mi₂jon₂ quió'₅ ni₁'ma₂ mostaza* bá₄ 'én'₂ 'nia'₂, lé₂ le₂juig'₅₄ ni₁'ma₂ sicómoro† chí'₅ nē₅, “ŋiag'₃ ja₁nē₅, o₂nau₂ ne₄ jmi₁ŋí'₄”, le₂jaun₂ dsón'₂ lé₂ bá₄.

'A₂ ca₂tín₂ jmo₃ dsa₂ i₂jme₂ti

⁷ 'Jua'₅₄ mei'₂ guē'₃ jan'₂ 'nia'₂ chan₂ jan₂ dsa₂ i₂jmo₅ ta₁ ja₁nau₂ quió'₅, o₃ jmo₂₃ 'í₂já'₂ cha'₂ 'e₂, jua'₅₄ mei'₂ guē'₃ ma₂guáin'₅ ja₁nau₂, ¿o₃ bá₄ juig'₂ 'nia'₂: “Ŋi₅₄ i₂né₂ jaun₂ quē'₅₄”? ⁸ Ma₁ tsá₃ le₂jaun₂. ¿o₃ juig'₂ le₂la₂ 'e₂: “jmo₄ co₂ŋia₅₄ a₂guē'₅₄, jmo₄ co₂ŋia₅₄ quiáng'₂, jaun₂ ŋag'₅₄ dsiá'₁ quió₃. Ca₂lia'₂ jē₁ma₂ca₂lě₃ guē'₂, gui'₂ nē₃, jaun₂ guē'₄ quē'₅₄, 'ag'₅₄ 'ne₂”? ⁹ ¿Cuē'₅ ti₁'mag'₄ dsa₂ 'éi₂ ia₁ jme₃ti₃ con'₂ lě₅ a₂tē₁néi₂? Jan₂'ón₄. ¹⁰ Le₂nē₅ bá₄ 'nia'₂ ján₃, jē₁ma₂ca₂lě₃ jmo₂ ca₂le₃jě₃ a₂juá'₂ Diú₄, ca₂tín'₂ 'nia'₂ jua'₅₄: “Tsá₃ 'e₂ ta₁ téi₄ ŋia'₅₄ ja₁cong'₂, ia₁ tsá₃ 'e₂ ŋag₅₄ jua'₅₄ nē₂jmó₁ jnia'₅₄, ŋia'₅₄ con'₂ a₂ca₂tág₂ jnia'₅₄ jmó₁ bá₄ nē₂jmó₁.”

Ca₂jme₃'lión₂ Jesús guian₃ dsa₂ i₂jme₁lín₄ 'mé'₅ 'iog₅

¹¹ Con'₂ siá'₂, ca₂'í₃ táng₃ Jesús jui₅ a₂dsióg₄ Jerusalén, qui₂ca₂ŋi₅ le₂tan₅₄ 'uē₃ Samaria quian'₅₄ Galilea.

¹² Jme₁ca₂dsióg₃ caun₂ juig₂ bē'₅₄, ca₂jme₃jein'₂ guian₃ dsa₂ i₂le₁dso'₅₄ lín₅ 'mé'₅ 'iog₅, la₁ uíng₂ bá₄ ca₂nau₂ ja₁chén'₄ Jesús. ¹³ Ca₂juá'₂ tiá₂:

—¡Jesús, Tē₅, dsia₄ ŋéi₂ 'au'₂ jnia'₅₄!

¹⁴ Jme₁ca₂jág₂ Jesús, ca₂juá'₂:

—O₂nó'₅ 'nia'₂ o₂jme₁ŋia₅ ne₄ jme₂dsa₂.

* **17:6** mostaza: On₃jua'₅₄ mi₁jáng'₅ a₂cuí'₅ dsa₂go₄ jniog₄; caun₂ ni₁'ma₂ dsón'₂ jaun₂ a₂tē'₂ tē₅sí₃ Brassica nigra. † **17:6** sicómoro: mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14.

Jë₄ i₂lëin₂ jaun₂ bá₄, ca₂jñia₃ 'mé'₅ a₂jme₁lín₄.

15 Jaun₂ ně₃ jan₂ 'éi₂, jme₁ca₂rë₃lí'₄ ca₂jñia₃ dso'₅₄, ca₂jéin'₃ táng₃ ne₅₄, jme₂juin'₂ Diú₄ co₂mí'₅₄.

16 Ca₂tóin₂ 'uë'₃ cau₅ mi₂tag₄ Jesús, cuë'₂₃ ti₁'mag'₄. Jan₂ dsa₂ chan₂ Samaria bá₄ 'éi₂.

17 Jaun₂ ca₂juá'₂ Jesús:

—¿On₁jua'₅₄ guian₃ lë₂ i₂ca₂'lón₂? ¿Na₅ guë'₂ i₂ñi₃ 'éi₂? 18 ¿Jan₂ dsi₂nau₂ la₂ bá₄ i₂jón'₅ jme₂juin'₂ Diú₄?

19 Jaun₂ ca₂tsí'₃ dsa₂ 'éi₂:

—Nau₂, guan'₂ quiáng'₂. Ca₂'lóng'₂ ia₁ 'éng'₂ bá₄.

*A₂ lia'₂ lé₂ i₁guá'₂ 'éi'₃ quió'₅ Diú₄
(Mateo 24:23-28, 36—41)*

20 Jaun₂ ca₂ñag₃ dsa₂ fariseos ca₂ñi'₃ Jesús líg'₂ guá₂ jmig₄ a₂le₃gon₂ Diú₄. Jaun₂ ca₂ñag₃ 'éi₂:

—On₃jua'₅₄ a₂cha₂ léi₄ a₂rë₂jniá₂ guá'₂ 'éi'₃ quió'₅ Diú₄. 21 Jaun₂ tsá₃ 'ein₂ lé₂ le₃juá'₂, jua'₅₄ “ñí₂ ja₁lá₃ já₅”, o₃ “jó₄ já₅.” Ia₁ a₂ma₂'i₄ bá₄ 'éi'₃ quió'₅ Diú₄ jin'₄ 'nia'₂.

22 Jaun₂ ca₂tsí'₃ táng₃ chi'₂ dsi₂guia₃-tín₂:

—Já₅ jmig₄ ja₁lé₂ 'au'₂ 'nia'₂ 'niog'₂ jag'₅₄ jmig₄ a₂le₃gon₂ Jaun₅ dsa₂ mi₂güig₃, la₁ tsá₃ jaun₂ tē₅₄ ne'₅₄ 'nia'₂. 23 Ia₁ já₅ jmig₄ i₁tsí'₃ dsa₂ 'nia'₂: “ñí₂ ja₁lá₃ já₅”, o₃ “jó₄ já₅.” La₁ tsá₃ o₁nó'₅ 'nia'₂, on₃ guë'₂ ju₁le₂'én₂ 'nia'₂ quió'₅ i₂juá'₂ le₂nē₅. 24 Ia₁ ju₁lia'₂ tē₂tsi'₅₄ si₁ñí'₃ ca₂taun₂ ca₂taun₂ guei'₅₄ mi₂güig₃, le₂jaun₂ bá₄ lé₂ jē₁ma₂tē₂ rē₁tē₃tsin'₅₄ Jaun₅ dsa₂ mi₂güig₃. 25 La₁ jñiá₅ de'₂ ca₂tín₂ nág₃ uig₅ 'ñio₅ lín₃, jme₃'iog₅₄ dsa₂ chan₂ jmig₄ ně₃. 26 Ia₁ ju₁lia'₂ ca₂lë₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ táng₃ jmig₄ quió'₅ Jaun₅ dsa₂ mi₂güig₃. 27 Ia₁ jme₁tion'₅₄ dsa₂ 'éi₂ jmig₄ jaun₂ qui₂guë'₅, qui₂'ín₂ ně₃, jme₁qui₂jéin'₂ gu₂, qui₂cu₁in₂₃ chi'₂ quián₅ a₂jéin'₂ gu₂, ca₂lia'₂ jme₁ca₂dsióg₃ jmig₄ i₁ca₂'í₃ Noé 'ñió'₃ ni₁barco, a₂ca₂can'₂ rē'₂ jmig₂ ta₁caun₂ mi₂güig₃, ca₂i₃'én₂ ca₂le₃jín₃. 28 Le₂nē₅ bá₄ ca₂lë₃ ján₃ jmig₄ quió'₅ Lot. Jme₁tion'₅₄ dsa₂ qui₂guë'₅, qui₂'ín₂, i₂tion'₅₄ qui₂lá₅, qui₂'nag₂₃, qui₂jne₂₃ 'e₂ qui₂jne₂₃, qui₂jmóg'₅ 'ne₄ ně₃. 29 La₁ jme₁ca₂dsióg₃ jmig₄ a₂o₂'ín₃ Lot juig₂ Sodoma, a₂ca₂tang₂ rē'₂ si₂, ca₂séi'₂ ni₁cang₁ azufre le₁guí'₂ si₂ guei'₅₄, ca₂i₃'én₂ táng₃ ca₂le₃jín₃. 30 Le₂jaun₂ bá₄ lé₂ táng₃ jmig₄ i₁jme₃jñia₅ Jaun₅ dsa₂ mi₂güig₃. 31 Jmig₄ jaun₂, chi₂jua'₂ 'ein₂ 'en₅₄ co'₅₄ 'ne₄, ju₁te₁'i₁ bá₄ 'e₂ te₁'i₁ dsi₂néi₂ quió'₅, tsá₃ o₁sióin₄ jua'₅₄ a₂'uë'₃ a₂jaun₂. Ján₃ bá₄ le₂jaun₂ ju₁lia'₂ i₂'en₅₄ ja₁nau₂, tsá₃ ma₃o₁jñioi'₅₄ jua'₅₄ a₂ja₃quián₂ 'e₂ ja₃quián₂ a₂cha₂ quió'₅. 32 Dsá₂ 'au'₂ 'nia'₂ jmo₄ 'e₂ ca₂i₃ñí'₂ 'io₅₄ quián₅ Lot. 33 Ia₁ ju₁lia'₂ dsa₂ i₂'nio₃ le₃chan₂ dse₃, dsi₃'én₂ quió'₅; la₁ ju₁lia'₂ dsa₂ i₂dsi₃'én₂ quió'₅, le₃chain₂ bá₄ dse₃.

34 'Juá'₅ jñiá₂, 'uë'₂ jaun₂, on₃ dsa₂ i₂tián'₅ caun₂ tsi₁cama; jan₂ i₂dsi₃lén₃, jan₂ guë'₂ i₂tē₃'ñiá₄. 35 Ján₃ guë'₂ le₂jaun₂, on₃ dsa₂ m₁'i₂ i₂tion'₅₄ 'éi'₅ co₂lë₅; jan₂ i₂dsi₃lén₃, jan₂ guë'₂ i₂tē₃'ñiá₄.†

37 Jaun₂ ca₂ñag₃ dsa₂:

—¿A₂já'₄ bá₄ lé₂ a₂nē₅, Te₁gui'₅₄?

Jaun₂ ca₂ñag₃ táng₃ 'éi₂:

—Ju₁lia'₂ ja₁ron₅ ni₁ñi₁ 'lag₄, ja₁jaun₂ ñi'₂ i₁tú₃ tsin'₅₄.

† 17:35 Chog₅₄ si₂ a₂gui'₅₄ guë'₄, tsá₃ chi₁ton₅ versículo 36 a₂juá'₂: “On₃ dsa₂ ñe'₂ i₂tion'₅₄ jmo₅ ta₁ ja₁nau₂; jan₂ i₂dsi₃lén₃, i₂jan₂ guë'₂ i₂tē₃'ñiá₄.”

18

Jág₁ jáng₅ léi₄ ju₁lia₂ jan₂ 'io₅₄ 'nág₂ quian₅₄ jan₂ juě₄

¹ Ca₂juá'₂ Jesús caun₂ jág₁ a₂jáng'₅ léi₄, a₂ca₂jme₃tín₂₃ dsa₂ a₂ca₂tín₂ chi₃lín'₂ Diú₄ tián₂, tsá₃ o₁'ú'₄ dsí₅.

² Ca₂juá'₂ le₂la₂:

—Caun₂ juig₂ jme₁guá₄ jan₂ juě₄ i₂tsá₃ Diú₄ gan₃, on₃ guě'₂ dsan₂ dsí₅ dsa₂ mi₂güig₃ ně₃. ³ Ján₃ bá₄ juig₂ jaun₂ jme₁chan₂ jan₂ 'io₅₄ 'nág₂ i₂jme₁ja₂ i₂gú'₃ ja₃jín₅₄ juě₄ 'éi₂, jme₁ja₂jua₅₄: “Jme₁rě₂ jág₁ quió₃, qui₂dsi₅ 'éi'₃ quió'₅ dsa₂ i₂jmóg'₂ jniá₂.” ⁴ Uě₂ bá₄ tsá₃ ju₁tón'₂ 'éi₂ jua₅₄ jme₃rě₃. La₁ cang₂ bá₄ ca₂i₃jñia₅ dsí₅: “O₁jñia₅₄ la₂ tsá₃ Diú₄ gáng₅, on₃ guě'₂ dsa₂ mi₂güig₃ dsan₂ dsí₃ ně₃, ⁵ la₁ia₁ 'uig₅₄ a₂ñí₄ lě₃ cuě₅ o₂me₅₄ dsí₃ 'io₅₄ 'nág₂ ně₅, qui₁dsi₅ jniá₂ co₂ñei₅₄ 'éi'₃ o₄quió'₄, con'₂ tsá₃ ñó₅ ně₁jua₂ caun₂ le₂ně₅ ñi₃, jmo₃ dsí₃mé'₂ dsí₃.”

⁶ Jaun₂ ca₂juá'₂ Te₁gui'₅₄:

—Ñí₂ rě₂ a₂juá'₂ juě₄ 'lín'₅₄ 'éi₂. ⁷ ¿Tsa₁ lín'₂ 'nia'₂, jme₃rě₃ bá₄ Diú₄ 'e₂ a₂mi₅ dsa₂ i₂rě₂quion'₅₄ quiáin₅ i₂qui'₂- 'áu'₂ ca₂nei₂ ca₂jñia₃? ¿Tsa₁ lín'₂ 'nia'₂ caun₂ juin'₂ dsí₅ bá₄ quiong'₅₄? ⁸ Juig₂ jniá₂ 'nia'₂, dsí₂ju₁ bá₄ qui₃dsi₅ Diú₄ 'éi'₃ o₄quió'₄ i₂mi₅. La₁, jě₁ma₂tě₂ rě₁guan₂ Jaun₅ dsa₂ mi₂güig₃, ¿dsiain'₂ bá₄ guě₄ dsa₂ 'én₂ ne₄ gua₅₄ 'uě₃?

Jág₁ jáng₅ léi₄ ju₁lia₂ on₃ dsa₂: jan₂ dsa₂ fariseo, jan₂ guě'₂ dsa₂ i₂mi₅ 'lia'₅₄ a₂ca₂tín₂ dsí₂tan₅₄

⁹ Ca₂juá'₂ Jesús caun₂ jág₁ jáng'₅ léi₄ a₂ca₂tín₂ con'₂ i₂lín₂ lín₅ dsa₂ dsen₃, tsá₃ dsá₅ dsí₅ riin'₅₄ sián'₂. Ca₂juá'₂:

¹⁰ —On₃ dsa₂ ca₂i₃lén₂ guá'₅ templo i₁chi₂i₁lein'₄ Diú₄. Jan₂ 'éi₂ jme₁lín₄ fariseo, jan₂ guě'₂ i₂jme₁lín₄ ta₁ i₂mi₅ 'lia'₅₄ a₂ca₂tín₂ dsí₂tan₅₄. ¹¹ Dsa₂ fariseo ně₃, tě₃ chéin'₅ bá₄ chi₂lí'₂ con'₂ 'ñiog₅, ca₂juá'₂ le₂la₂: “Cuě₅ jniá₂ ti₁'mag'₄, 'ne₂ Diú₄ quiáng₃, ia₁ tsá₃ líng₅ ju₁lia₂ lín₅ i₂lín₅₄: i₂qui₂'ang₅, i₂tsá₃ dse₃ jmo₅ ja₁con₂ rin'₅₄, i₂nió'₅ jág₁ quian'₅₄ dsa₂ i₂tsá₃ lín₅ dsí₂i₂gu₂, ca₂lia'₂ jñia₅₄ lia'₂ lín₅ dsa₂ i₂mi₅ 'lia'₅₄ ně₅, tsá₃ líng₅. ¹² Jme₂ 'ing₅₄ ně₃ tñ₃ ráun₂ lia'₂ caun₂ semana, ton'₂ cuě₅ bá₄ jniá₂ caun₂ qui'₅₄ a₂guia₃ quió₃, jě₂ con'₂ a₂lág₂.” ¹³ La₁ dsa₂ i₂mi₅ 'lia'₅₄ 'éi₂ guě'₂ ně₃, uíng₂ bá₄ chéin'₅, ca₂lia'₂ jñia₅₄ ne₅₄ bá₄ tsá₃ tiá₂ dsí₅ chóg'₃ guei'₅₄. Jñia₅₄ con'₂ qui₂quein₂₃ le₁dsí₅ bá₄ chéin'₅, juá'₂: “Diú₄ quiáng₃, dsia₄ néi₂ 'au'₂ jniá₂ ia₁ rě₂cáng'₄ dso.” ¹⁴ Jaun₂ juig₂ jniá₂ 'nia'₂, dsa₂ i₂mi₅ 'lia'₅₄, 'éi₂ bá₄ tiá₂ rě₂ tě₁tsin'₅₄ ne₄ Diú₄ ñái'₅ quió'₅, lia'₂ con'₂ guě₄ i₂jan₂. Ia₁ ca₂le₃jín₃ i₂jme₂can'₅₄ guion₅₄, sióin₃; la₁ i₂jmo₅ me'₂ guě'₂ ně₃, roin'₂ guei'₅₄.

Ca₂jme₃gon'₅₄ Jesús chi'₂-guein₂

(Mateo 19:13-15; Marcos 10:13-16)

¹⁵ Co₂ráun₂ guě'₂, qui₂ca₂o₃jñia₃ dsa₂ guein₂ quiáin₅ ne₄ Jesús, ia₁jaun₂ qui₃téi₂ gu₂. La₁ ca₂jí₂ bá₄ chi'₂ dsí₂guia₃-tín₂ jme₁ca₂jág₂.

¹⁶ Jaun₂ ca₂tě₃ Jesús guein₂, jaun₂ ca₂tsí'₃ chi'₂ dsí₂guia₃-tín₂:

—Cuě₄ 'nia'₂ jmig₄ ja₃lén₂ chi'₂-guein₂ ja₁cong₂; tsá₃ lě₁jñi'₅₄ ju₁i₅. Ia₁ ju₁lia₂ i₂le₂ně₅ bá₄ guě'₂ i₂tñ₃ ja₁gon₂ Diú₄. ¹⁷ A₂dsi₂jó'₃ juig₂ jniá₂ 'nia'₂, dsa₂ i₂tsá₃ gue₅ ja₁gon₂ Diú₄ ju₁lia₂ gue₅ jan₂ i₂bě'₅₄, o₁líg'₂ jmig₄ tsá₃ 'í₂ ja₁jaun₂.

Jan₂ dsó₂ chi'₂ i₂cha₂ cu₄ ca₂dsia₃ jág₁ quian'₅₄ Jesús

(Mateo 19:16-30; Marcos 10:17-31)

¹⁸ Jan₂ i₂lín₅ dsa₂ dsen₅₄ ca₂ñí'₃ Jesús:

—Tě₅ dsen₃, ¿'e₂ bá₄ 'nió'₅ jmo₅₄ jniá₂ ia₁jaun₂ ting₅₄ ja₁le₃chang₂ co₂tan₅₄?

19 Jaun₂ ca₂ŋag₃ Jesús:

—ǂ'E₂ lë₃ quiong'₅₄ jniá₂ a₂dseng? 'I₁jan₂ i₂dsen₃ tsá₃ chan₂, jnia'₅₄ lia'₂ jan₂ Diú₄ bá₄. 20 Ting'₂ bá₄ 'Éi'₃ Juá'₅: “Tsá₃ nióg'₄ jág₁ quian'₅₄ dsa₂ i₂tsá₃ lín₅ ds_{i2}i₂gog'₂; tsá₃ jñíg'₄ dsa₂ mi₂güüg₃ ríng'₂; tsá₃ 'áng'₁; tsá₃ jmó'₂ dsáu₁ ríng'₂ quian'₅₄ jág₁ të₂jág₁; jme₁gang'₃ chog'₂-ŋéi'₅.”

21 Ca₂ŋag₃ 'éi₂:

—Lia'₂ con'₂ bin'₅₄ bá₄ jniá₂ ma₂guio₃ jme₂tí₁ ca₂le₃jě₃ 'éi'₃ nē₅.

22 Jme₁ca₂nág₂ Jesús a₂nē₅, jaun₂ ca₂juá'₂:

—'Nió'₅ bá₄ gué₄ caun₂ quiáng'₂: 'nag₄ ca₂le₃jě₃ a₂cha₂ quiáng'₂. Jaun₂ dsio'₅₄ quió'₅ dsa₂ te₂ŋé₂. Jaun₂ gué₄ le₃cha₂ 'lióng₂ quiáng'₂ guei'₅₄ i₂juíg₃. Jaun₂ ŋia₅ chi₁co'₅₄ quió₃ o₁ló₄.

23 La₁ jme₁ca₂nág₂ dsa₂ 'éi₂ jág₁ nē₅, ca₂tá'₂ 'lia'₂ dsí₅ 'ŋio₅ lín₃, ia₁ 'ŋio₅ lín₃ jme₁cha₂ cu₄.

24 Jme₁ca₂jág₂ Jesús, ca₂juá'₂:*

—ǂ'E₂ gué₄ quian₅ ta₁ a₂tón'₃ dsa₂ cha₂ cu₄ ja₁gon₂ Diú₄! 25 Ja₂lín₃ gué₄ tsá₃ ta₁ quian₅ a₂lé₂ le₃ŋi₅ jan₂ camello jui₅ tau₂ mi₂cu₄, lia'₂ con'₂ gué₄ jan₂ dsa₂ cha₂ cu₄ ŋi₅ 'í₂ ja₁gon₂ Diú₄.

26 Jme₁ca₂nág₂ dsa₂ i₂tión₂ jë₄ jaun₂, ca₂juá'₂:

—ǂI₂'ein₂ bá₄ gué'₂ i₂tín'₄ jaun₂?

27 Jaun₂ ca₂juá'₂ táng₃:

—Ca₂le₃jě₃ a₂tsá₃ qui'₅₄ jmig₄ dsa₂ mi₂güüg₃ jmo₃, Diú₄ lé₂ le₃jmo₃.

28 Jaun₂ ca₂juá'₂ Pe₄:

—Te₁gui'₅₄, ma₁ jnia'₅₄ ma₂ca₂tí₄ ca₂le₃jě₃ a₂jme₁cha₂ quián₂, a₂ma₂ja₂náu₅ 'én₅ 'ne₂.

29 Jaun₂ ca₂ŋag₃ táng₃:

—A₂dsi₂jó'₃ juíg₂ jniá₂ 'nia'₂, 'i₁jan₂ tsá₃ jua'₅₄ a₂lë₁táun₂ 'ne₄, téin₂ chog₅₄-jmei₂, o₁r_iin'₅₄, dsa₂ m_i2, chi'₂-guein₂ quiáin₅ nē₃, o₄quió'₄ ja₁gon₂ Diú₄, 30 jua'₅₄ tsá₃ gue₃ tson₂ gué₄ ne₄ gua'₅₄ 'uë₃ la₂, ton'₂ le₃chain₂ dse₃ co₂tan₅₄ mi₂güüg₃ caun₂.

*Con'₂ siá'₂ táng₃ ca₂'ě₂ Jesús jág₁ a₂jóin₂
(Mateo 20:17-19; Marcos 10:32-34)*

31 Jaun₂ ca₂tě'₃ Jesús cau₅ jmá'₃ lia'₂ chi'₂ ds_{i2}guia₃-tín₂ quiáin₅, jaun₂ ca₂juá'₂:

—Nē₃ gué₄ nē₃ ca₂tě₂ jmig₄ a₂dsau₅₄ juig₂ Jerusalén, ja₁niog₅ le₃ti₃ ca₂le₃jě₃ con'₂ lë₅ ca₂tó'₂ dsa₂ i₂'ě₂ jág₁ quián₅ Diú₄ ne₄ si₂, a₂'iin₂₃ Jaun₅ dsa₂ mi₂güüg₃.

32 Jáng'₂ dsa₂ o₄gú₃ ds_{i2}nau₂, ja₁lë₁co₃jmóg'₂ dsa₂, qui₃tě₃'o'₂ dsa₂, a₂qui₃'ŋéi₂ dsa₂ nē₃. 33 Jaun₂ jë₁ma₂ca₂lë₃ bóg₂, jaun₂ gué₄ jñag'₃. La₁ jë₁ma₂ca₂tě₂ 'ni₅ jmig₄, jein'₅₄ bá₄ táng₃.

34 La₁ 'éi₂ nē₃, tsá₃ 'e₂ ca₂ŋí'₂ 'i₁caun₂ jág₁ nē₅, ia₁ lë₅ jág₁ a₂rë₂'ma₄ bá₄ gué₄ ja₁coin₂, tsá₃ jein₅ dsí₅ 'e₂ jaun₂.

*Ca₂jme₃'lión₂ Jesús jan₂ dsa₂ ten₄ juig₂ Jericó
(Mateo 20:29-34; Marcos 10:46-52)*

35 Con'₂ jme₁ma₂ja₂quián₃ dsio₄ Jesús juig₂ Jericó, jme₁guá₄ jan₂ dsa₂ ten₄ cau₅ jui₅, mi₂₃ a₂jme₃'o₅₄ dsa₂ cu₄.

36 Jme₁ca₂nág₂ a₂qui₂ca₂ŋi₅ juin₅ dsa₂, jaun₂ ca₂ŋag₃ 'e₂ niog₅ lë₂.

37 Jaun₂ ca₂juá'₂ dsa₂:

—Jesús chan₂ Nazaret bá₄ nē₅ já₅.

38 Jaun₂ 'éi₂ nē₃ ca₂juá'₂ tiá₂ ca₂tsí'₃ Jesús:

—ǂJesús, tsi₁jon₂ David, dsia₄ ŋéi₂ 'au'₂ jniá₂!

* 18:24 A₂lín₅₄ chog₅ si₂ juá'₂: “jme₁ca₂jág₃ Jesús chén'₅ dsa₂ 'éi₂ 'lia'₂ dsí₅, ca₂juá'₂.”

39 Ca₂jí₂ bá₄ dsa₂ i₂ja₂lén₂ ne₄ jui₅ ia₁jaun₂ jmo₃ tei₄, la₁ tē₂le₃ lē₅ guē₄ qui₂ca₂'áu'₂ bá₄ 'ein₅₄, ca₂juá'₂:

—i'Ne₂ tsi₁jon₂ David, dsia₄ nēi₂ 'au'₂ jniá'₂!

40 Ca₂nau₂ Jesús, jaun₂ ca₂jmo₃ 'éi'₃ a₂dsi₃qui₂ón₂ dsa₂. Jme₁ca₂dsi₂óg₃ cau₅ quió'₅, jaun₂ ca₂ḡag₃ Jesús:

41 —¿'E₂ 'niog'₂ jmo₅₄ jniá'₂ quiáng'₂?

Jaun₂ ca₂juá'₂:

—Te₁gui'₅₄, a₂jnia₅₄ jme₁ne₃ bá₄ jniá'₂ 'nio₃.

42 Jaun₂ ca₂juá'₂ Jesús:

—i'Gue₄, ju₁jnia₅₄ quiáng'₂! Ma₂ca₂'lóng'₂ bá₄, ia₁ 'éng'₂.

43 Dsi₂ju₁ jaun₂ bá₄ ca₂jnia₃ mi₂ne₅₄. Jaun₂ ca₂ḡó₃ chi₁co'₅₄ quió'₅, jme₂ju₁in'₂ Diú₄. Ca₂le₃jín₃ bá₄ dsa₂ i₂ca₂tē₂ ne₄ a₂ca₂lē₃ jaun₂ ca₂jme₃ju₁in'₂ Diú₄ ján₃.

19

Jesús quian'₅₄ Zaqueo

1 Ca₂'í₃ Jesús juig₂ Jericó. Jaun₂ jme₁ma₂ḡó₅ jē₄ juig₂, ²ja₁jaun₂ jme₁chan₂ jan₂ dsa₂ cha₂ cu₄ i₂chen₂ Zaqueo, i₂lín₅ dsa₂ ju₁in'₂ quián₅ dsa₂ i₂cán₂ 'lia'₅₄ quián₅ dsi₂tan₅₄.

3 'Éi₂ ně₃, jme₁'no'₂ ju₁jín₂ 'ein₂ 'éi₂ Jesús. La₁ tsá₃ lé₂, ia₁ a₂ḡí₄ lē₃ ju₁in₅ dsa₂ tion'₅₄. Ia₁ jan₂ dsa₂ 'on'₂ bá₄ 'éi₂.

4 Jaun₂ ca₂ḡó₃ co₂chi'₅₄ le₃ne₄ jui₅, ca₂uí₂ guei'₅₄ caun₂ ni₁'ma₂ sicómoro,* ia₁ 'nio₃ jín₂ Jesús, ia₁ ju₁ jaun₂ jme₁ḡí₃.

5 Jme₁ca₂dsi₂óg₃ Jesús, jaun₂ ca₂jág₃ guei'₅₄, jaun₂ ca₂juá'₂:

—Zaqueo, ma₂nē₃ sión₅, ia₁ ja₁quiáng'₂ ca₂tíng₂ i₁jnia₁₂ ně₃.

6 Jaun₂ ca₂sióin₃ co₂chi'₅₄, ca₂guei₃ 'io'₂ jén'₅.

7 Jme₁ca₂jág₃ dsa₂, jaun₂ ca₂chi₂ca₂'ag₃ ca₂juá'₂:

—Dsi₂néi₂ quió'₅ jan₂ dsa₂ cha₂ dsáu₁ bá₄ ḡó₅ i₂jnia₅₄.

8 Zaqueo ně₃, jme₁ca₂nau₂ ne₅₄ jaun₂ ca₂tsí'₃ Te₁gui'₅₄:

—Te₁gui'₅₄, dsio'₄ jniá'₂ ca₂dsio₄ a₂cha₂ quió₃, cué₄ dsa₂ te₂ḡé₂. Ján₃ guē'₂ le₂jaun₂ chi₂jua'₂ 'ein₂ quió'₅ ma₂'ang₃ a₂ju₁gang₂, jín'₅₄ táng₃ jniá'₂ quén₂ ráun₂ lē₅ guē₄ co₂jaun₂.

9 Jaun₂ ca₂juá'₂ Jesús:

—Jmig₄ ně₃ ca₂lón₂ dsa₂ dsi₂néi₂ la₂. Ia₁ ján₃ bá₄ lín₅ tsi₁jon₂ quián₅ Abraham.

10 Ta₁ ně₅ já₅ bá₄ Jaun₅ dsa₂ mi₂ḡüig₃, a₂ja₂'niai'₂ a₂ja₂lioin₅₄ dsa₂ i₂ma₂i₂cón'₅.

Jág₁ jáng'₅ léi₄ ju₁lia'₂ guia₃ 'éi'₃ cu₄ 'ua'₂

(Mateo 25:14-30)

11 Tē₃ tion'₅₄ dsa₂ nag₂₃ jág₁ jaun₂, jaun₂ ca₂juá'₂ táng₃ caun₂ jág₁ jáng'₅ léi₄, ia₁ ma₂quián₅ bá₄ dsi₂óg₄ Jerusalén, ton'₂ ia₁ lín₂ dsa₂ le₃jniá'₂ dsi₂ju₁ jaun₂ 'éi'₃ quió'₅ Diú₄. 12 Jaun₂ ně₃ ca₂juá'₂:

—Jme₁chan₂ jan₂ dsa₂ i₂lín₅ tsi₁jon₂ dsa₂ jlán'₁. Ca₂ḡó₃ caun₂ juig₂ uíng₂ ja₁'ag₃ dsa₂ a₂lén₂ rag₅₄, jaun₂ guē₄ jnió'₂ táng₃. 13 La₁ né'₃ a₂o₃'in₅, ca₂tē'₃ guian₃ dsa₂ i₂jme₂ti₃ ta₁ ne₅₄. Jaun₂ le₂jan₂ le₂jan₂ 'éi₂ ca₂cué'₃ jma₃cáun₃ cu₄ 'ua'₂ a₂chei₂ mina.† Jaun₂ ca₂juá'₂: “Jmo₄ 'nia'₂ ta₁ cu₄ ně₅ qui₁dsag'₂ 'nia'₂ ca₂lia'₂ ca₂tē₂ jmig₄ i₁guang'₂ táng₃.” 14 La₁ dsa₂ go₅₄ ně₃ ca₂rē'₃ iog₅₄, ca₂chein₃ co₂nió'₃ dsa₂ ca₂i₁chi'₄ dsa₂ ja₁jaun₂: “Tsá₃ 'niog₂ jnia'₅₄ jme₃gón₃ i₂nē₅ jē₄ quián₂.” 15 La₁ tion₅₄ bá₄ ca₂lín₃ 'éi₂ rag₅₄. Jme₁ca₂guáin'₃ táng₃ go₅₄, jaun₂ ca₂tē'₃ dsa₂ i₂jme₂ti₃ quián₅ i₂ca₂cué'₃ cu₄ 'éi₂, ia₁ 'nio₃ con₂ 'í₁ jma₃je₂liá'₂ tí₅ a₂ma₂tē₁dsi₅₄ quió'₅

* 19:4 sicómoro: mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14. † 19:13 mina: co₂'nió'₄ 'lian'₅₄ dsa₂ con₂ 'ni₅ tsi'₂ ta₁.

le₂jain₂ le₂jain₂. 16 Jaun₂ ca₂dsióg₃ i₂le₂'uig₅₄, ca₂juá'₂: “Gui'₅₄, con'₂ guě₄ guia₃ co₂jaun₂ ma₂tē₁dsi₅₄ cu₄ mina quiáng'₂.” 17 Jaun₂ ca₂tsí'₃ 'éi₂: “E₂ guě₄ dse₃, téng'₅ bá₄ ta₁; ca₂jme₁ti'₄ bá₄ dse₃ quian'₅₄ a₂ca₂juig₄ a₂ca₂dsia₃ jniá₂ gog'₂. Nē₃ nē₃ dsia₄ jniá₂ gog'₂ a₂jmó'₂ 'éi'₃ ne₄ guia₃ juig₂.” 18 Jaun₂ ca₂guan₃ táng₃ i₂ca₂tē₂ on₃, ca₂juá'₂: “Gui'₅₄, 'ñiá₂ guě₄ co₂jaun₂ ma₂tē₁dsi₅₄ cu₄ mina jaun₂ quiáng'₂.” 19 Le₂jaun₂ bá₄ ca₂tsí'₃ i₂'éi₂ ján₃: “Ne₂ guě'₂ jmó'₂ 'éi'₃ ne₄ 'ñiá₂ juig₂.” 20 Jaun₂ ca₂já₃ táng₃ jan₂ ca₂juá'₂: “La₂ bá₄ ron₅ cu₄ quiáng'₂, gui'₅₄. Ca₂'ma₃ bá₄ jniá₂ dsí₅ pe₁guí₄. 21 A₂gán₅ 'ne₂ bá₄ jniá₂, ia₁ guion₅₄ líng'₅ dsa₂ tsau₂ dsí₅, tē₂le₃ dséi₂ mág'₂ quiáng'₂. Ia₁ cáun'₂ ja₁tsá₃ 'e₂ ca₂qui₁dsag'₂ 'ñiag'₂, ton'₂ cag'₅₄ ja₁tsá₃ 'e₂ ca₂jñi'₂.” 22 Jaun₂ ca₂ñag₃ táng₃ 'éi₂: “i'E₂ bá₄ tsá₃ ta₁ téng'₄! Lia'₂ con'₂ lě₅ jág₁ quiáng'₂ qui₁dsi₅ jniá₂ 'éi'₃. Chi₂jua'₂ ma₂ñi'₅₄ líng'₅ dsa₂ i₂tsau₂ dsí₅, cáun₄ a₂tsá₃ 'e₂ ca₂qui₁dsag'₂ 'ñió₃, ton'₂ cag'₅₄ ja₁tsá₃ 'e₂ ca₂jan₃, 23 i'E₂ 'uig₅₄ tsá₃ ca₂i₁tio'₂ banco cu₄ quió₃ jaun₂ nē₃, ia₁jaun₂ jē₁ma₂guáng'₅ la₂, jme₁guéi'₄ lia'₂ jma₃quian'₅₄ a₂tē₁dsi₅₄?” 24 Jaun₂ ca₂tsí'₃ i₂jme₁tión₂ cau₅: “'ñiá'₃ 'nia'₂ cu₄ mina a₂chan'₂ i₂nē₅. Cuē'₅₄ i₂'io₅ guia₃.” 25 Jaun₂ ca₂juá'₂ 'éi₂: “Gui'₅₄, ma₁ ma₂'io₅ bá₄ i₂nē₅ guia₃ minas.” 26 Jaun₂ ca₂ñag₃ rag₅₄: “A₂dsi₂jó'₃ juí₂ jniá₂ 'nia'₂, ca₂le₃jín₃ jui₁lia'₂ i₂ma₂le₁'io₅, ñei₂ guě₄; la₁ i₂tsá₃ 'e₂ qui₁dsag'₂, ca₂tē₂ a₂jme₁ma₂niog₅ gu₂, co₂ñei'₅₄ jñia'₃. 27 La₁, jui₁lia'₂ dsa₂ i₂'iog₅₄ i₂tsá₃ 'ñio₂ dsí₅ gua₅₄ jmo₅₄ 'éi'₃ ja₁coin₂, o₂quian₅ 'nia'₂ ja₁lá₃, jaun₂ jme₁dsian'₂ 'nia'₂ ne₃.”

Ca₂dsióg₃ Jesús juig₂ Jerusalén

(Mateo 21:1-11; Marcos 11:1-11; Juan 12:12-19)

28 Jme₁ca₂dsan₃ tsí'₅ dsa₂ le₂nē₅, ca₂'ág₂ táng₃ ne₅₄ jui₅, ca₂uí₂ tso₄ a₂dsióg₄ Jerusalén.

29 Jme₁ma₂ja₂quián₃ dsióg₄ juig₂ Betfagé quian'₅₄ Betania, a₂te₁'i₁ cau₅ má'₂ chei₂ Olivos, ja₁jaun₂ ca₂chein₃ on₃ chi'₂ dsi₂guia₃-tín₂ quiain₅. 30 Ca₂juá'₂:

—O₂nó'₅ 'nia'₂ juig₂ niog₅ 'ño'₅₄ ó₃. Jē₁ma₂ca₂dsi₃nóg'₅, dsian'₂ 'nia'₂ jan₂ bú'₄ chéin'₅ rē₂'ñe'₅₄, i₂tsá₃ 'ein₂ ma₂co₁dsag₅₄. Chein'₅₄ 'nia'₂ jaun₂ tē'₅₄ ja₁lá₃.

31 Nē₁jua'₂ 'ein₂ ca₂ñag₃ 'e₂ lē₃ tsin'₅₄, jaun₂ juig'₅₄: “Ia₁ 'nió'₅ quió'₅ Te₁gui'₅₄.”

32 Ca₂i₃lén₂ bá₄ guě'₂ i₂chen₄ 'éi₂ nē₃. Ca₂lē₃ rē'₂ lia'₂ con'₂ lě₅ jág₁ jaun₂.

33 Jme₁ma₂tioin'₅₄ chéin'₂ bú'₄, ca₂juá'₂ juig₅₄ já'₂:

—i'E₂ 'uig₅₄ tsin'₅₄ 'nia'₂ bú'₄?

34 Jaun₂ ca₂ñag₃:

—Ia₁ 'nió'₅ quió'₅ Te₁gui'₅₄.

35 Jaun₂ ja₂lein₃ bá₄ te₂ ja₁'en₅₄ Jesús. Qui₂ca₂dsia₃ tsi₁'mi'₂ mi₂ca'₄ dsí₂bú'₄, jaun₂ guě₄ ca₂dsian₃ Jesús guei'₅₄.

36 Le₃ne₄ jui₅ ja₁ñó₄ Jesús, qui₂ca₂já₃ dsa₂ 'mi'₂ le₂'i₄ jui₅.

37 Con'₂ jme₁ma₂ja₂quián₃ jein₅₄ Má'₂ Olivos, ca₂jme₃lióg₃ ca₂le₃jín₃ dsa₂ i₂quiain'₅₄ ca₂tóin'₂ co₂mi'₅₄ jmo₂₃ 'io'₂ jme₂juin'₂ Diú₄ nē₃, o₄quió'₄ ca₂le₃jě₃ jui₅bí₂ a₂ma₂jmo₃ Jesús, a₂qui₂ma₂tē₂ ne₅₄.

38 Ca₂juá'₂:

—jui₁le₂juin'₂ bá₄ Rag₅₄ nē₅ i₂já₅ o₄quió'₄ Te₁gui'₅₄! jui₁'ei₅ bá₄ tei₄ guei'₅₄ i₂juí₃! jui₁le₂juin'₂ bá₄ Diú₄ le₂tan₅₄ ja₁ñei₅ nē₃!

39 I₂lin₅₄ dsa₂ fariseos i₂tion'₅₄ jē₄ jaun₂ ca₂juá'₂:

—Tē₅, jén₃ dsa₂ i₂quiáng'₅₄.

40 Jaun₂ ca₂ñag₃ Jesús:

—Juí₂ jniá₂ 'nia'₂, jua'₅₄ mei'₂ guě₃ dsí₂lén₂ i₂nē₅ tei₄, ni₁cang₁ guě'₂ tó'₃ mi'₅₄.

41 Jme₁ma₂ja₂quián₃ dsióg₄ 'ni'₂ juig₂ Jerusalén, ca₂'o₃ o₄quió'₄ dsa₂ juig₂, 42 ca₂juá'₂:

—jui₁lia'₂ bá₄ ñi'₂ 'au'₂ 'nia'₂ jmig₄ ně₃ a₂dse₃ já₅ jin'₄ 'nia'₂ a₂jme₁le₃chang'₂ 'ag₃ tei₄! La₁ rē₂'ma₄ jlē₅ le₃ja₁cong'₂. ⁴³ Ia₁ jiá₃ jmig₄ ja₁tsá₃ ma₃'e₂ ñi'₅₄ 'nia'₂ jmó'₂. Ia₁ cho₃ dsa₂ i₂'iog₅₄ caun₂ ni₁'ia'₂ le₃lág'₃ quián'₂ 'nia'₂, a₂jē₃li'₅₄, qui₃tiog₃ dsa₂ ně₃ le₂tan₅₄ ja₁lě₄ o₄jui₅. ⁴⁴ Jnáu'₂ dsa₂ 'uē₃ 'nia'₂, jme₃dsiog₂₃ lia'₂ jma₃quian'₅₄ chi'₂-guein₂ quiáng'₂. 'Ica₂míg₂ cang₄ tsá₃ ma₃'e₂ le₁juí₄ lé₂ ja₁lá₃. Ia₁ tsá₃ ca₂rē₃len'₄ 'nia'₂ lia'₂ con'₂ jmig₄ jme₁'nio₃ Diú₄ jme₃gu'₅₄.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Mateo 21:12-17; Marcos 11:15-19; Juan 2:13-22)

⁴⁵ Jaun₂ ca₂'í₃ Jesús i₁dsi₅ guá'₅ templo, ca₂jme₃lióg₃ qui₂ca₂'uín'₂ dsa₂ i₂jme₁ma₂tion'₅₄ 'nag₅† ja₁jaun₂. ⁴⁶ Ca₂juá'₂:

—Ne₄ Si₂ juá'₂: “Né₅ quió₃ lé₂ ca₂ne₅₄ 'né₅ ja₁chi₂lén'₂ dsa₂ Diú₄.”§ La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂.*

⁴⁷ Ca₂le₃jě₃ jmig₄ bá₄ jme₁jme₂tin₅ Jesús dsa₂ i₁dsi₅ guá'₅. La₁ juig₅₄ jme₂dsa₂ quian'₅₄ tē₃juá'₅, dsa₂ can'₅₄ quián₅ juig₂ ně₃, caun₂ 'no'₂ juí₅ 'a₂ lia'₂ jñag'₃.

⁴⁸ La₁ tsá₃ dso'₂ guē'₂ jui₅ 'a₂ lia'₂ jmo₃, ia₁ ca₂le₃jín₃ bá₄ dsa₂ i₂tion'₅₄, nag₂₃ tei₄ lín₃.

20

A₂'io₅ Jesús 'éi'₃

(Mateo 21:23-27; Marcos 11:27-33)

¹ Co₂ráu₂ jme₁ma₂'en₅₄ Jesús jme₂tin₂₃ dsa₂ já₃ dse₃ i₁dsi₅ guá'₅ templo, jme₁ca₂dsi₃lén₂ juig₅₄ jme₂dsa₂, tē₃juá'₅, quian'₅₄ gui'₅₄ can'₅₄ ně₃. ² Ca₂juá'₂:

—Jmo₄ já₃ 'e₂ ta₁ líng'₅. ¿Ein₂ ca₂cuē₃ bí₂ 'éi'₃ a₂jmo'₂ le₂ně₅?

³ Jaun₂ ca₂ñag₃ Jesús, ca₂juá'₂:

—Ján₃ bá₄ ñag₄ jniá₂ caun₂ já₃ 'nia'₂: ⁴ ¿Ein₂ ca₂chen₃ Juan₅₄ a₂o₃choin₃ dsa₂ jmig₂? ¿Ca₂chei₃ Diú₄, o₃ ca₂chei₃ dsa₂ mi₂güí₃ 'e₂? Ñag₄ de'₂ 'nia'₂ a₂ně₅.

⁵ Jaun₂ ca₂dsia₃ já₃ guoin₅₄, ca₂juá'₂:

—Nē₁juá'₂ ca₂chei₅₄ jniog₄ i₂chen₄ quián₅ Diú₄ bá₄ 'éi₂, ně₃ cón'₅ bá₄ juá'₂: “¿E₂ guē'₂ lē₃ tsá₃ ca₂rē₃'én'₂ 'nia'₂ já₃ quió'₅?” ⁶ Nē₁juá'₂ ca₂ñag₄ guē'₂ jniog₄ dsa₂ bá₄ i₂ca₂chen₃ 'éi₂, ně₃ cón'₅ bá₄ ca₂le₃jín₃ dsa₂ juig₂ qui₃dsag₅ cang₄. Ia₁ 'én₂ dsón'₂ bá₄ dsa₂ juig₂ a₂jme₁lín₄ Juan₅₄ jan₂ i₂'ě₂ já₃ quián₅ Diú₄.

⁷ Jaun₂ ca₂ñag₃:

—Tsá₃ a₂jaun₂ ne₄ jnia'₅₄.

⁸ Jaun₂ ca₂juá'₂ Jesús:

—Ján₃ bá₄ le₂ně₅ tsá₃ juá'₄ jniá₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃.

Jág₁ jáng'₅ léi₄ juí₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂

(Mateo 21:33-44; Marcos 12:1-11)

⁹ Jaun₂ ca₂jme₃lióg₃ táng₃ Jesús ca₂tsí'₃ dsa₂ juig₂ caun₂ já₃ jáng'₅ léi₄ la₂, ca₂juá'₂:

—Jme₁chan₂ jan₂ dsa₂ i₂ca₂jmo₃ caun₂ ja₁nau₂ ca₂chéin'₃ uing₂ mīg₂ uvas. Cang₂ jaun₂ ca₂o₃'íin₃ bá₄ ca₂ñó₃ uē₂ ja₁siá'₂. Gu₂ dsa₂ sián'₂ bá₄ ca₂dsia₃ ja₁nau₂ quió'₅. ¹⁰ Jme₁ca₂tē₂jain₂ a₂ca₂rau₂ ja₁nau₂, ca₂chein₃ jan₂ dsa₂ i₂jme₂ti₃ quián₅, a₂i₁mag₂₃ con'₂ a₂ca₂tín₂ ne₄ dsa₂ i₂jmo₅ ta₁ ja₁nau₂ 'éi₂. La₁ jē₂ bá₄ ca₂cuē₃ tioin'₅₄, ca₂dsióg'₂ lín₃. ¹¹ Jaun₂ dsa₂ juig₅₄ ja₁nau₂, ca₂chein₃ táng₃ jan₂ i₂sián'₂, la₁ le₂jaun₂ bá₄ ca₂jmóg'₂ táng₃: jnia'₅₄ ca₂tē₂ca₂'o'₂ bá₄ ca₂cuē₃ tioin'₅₄, ca₂dsióg'₂

† 19:45 A₂lín₅₄ chog₅₄ si₂: “i₂jme₁ma₂tion'₅₄ 'nag₅, lá₅ ja₁jaun₂.”

§ 19:46 Isaías 56:7. * 19:46

Jeremías 7:11.

lín₃ táng₃. ¹² Jē₁ca₂tě₂ 'nag'₂, ca₂chein₃ táng₃ jan₂ i₂sián'₂. La₁ ján₃ bá₄ le₂jaun₂ qui₂ca₂jómó'₂ uig₅, ca₂dsei₂₃ tíoín'₅₄.

¹³ 'Jaun₂ ca₂juá'₂ juig₅₄ ja₁nau₂: “¿'E₂ jmo₅₄ jniá₂ ně₃? Chi'₂ quiáng₃ i₂'nióg₃ guě₄ lin₃ tsing₅₄. 'An₁ jme₃gain₃ bá₄ i₂ně₅.” ¹⁴ La₁ jme₁ca₂jág₂ i₂tion'₅₄ jmo₅ ta₁, ca₂quiín'₃ jág₁, ca₂juá'₂: “I₂ně₅ bá₄ tin₃ a₂la₂ cang₂. Ně₃ o₁jñí'₄ jniog₄, ia₁jaun₂ jniog₄ bá₄ lé₂ quián₂.” ¹⁵ Jaun₂ ca₂dsei₂₃ ca₂i₁jñag'₂ 'ni'₂ ja₁nau₂. ¿'E₂ bá₄ jmo₃ dsa₂ i₂quió'₅ ja₁nau₂ ně₃, quian'₅₄ dsa₂ 'éi₂? ¹⁶ Guain'₂ jme₃dsiain₂₃ dsa₂ i₂tion'₅₄ ja₁nau₂. O₄gú₃ i₂sián'₂ bá₄ ñág₃ ja₁nau₂ quió'₅.

Jme₁ca₂nág₂ dsa₂ jág₁ ně₅, ca₂juá'₂:

—i₁Tsá₃ jui₁le₅₄ le₂ně₅!

¹⁷ Jaun₂ ca₂jág₂ Jesús, jaun₂ ca₂juá'₂:

—¿'E₂ guě'₂ 'nió'₄ jein₅ jág₁ ja₁juá'₂ ne₄ Si₂?

Ni₁cang₁ a₂tsá₃ ca₂rě₃ji'₅₄ tē₅'ia'₂,

ca₂dsióg₃ ca₂lě₃ ni₁cang₁ a₂dsen₅₄ guě₄

tē₁ron₅₄ qui'₅₄ 'ia'₂.*

¹⁸ Ca₂le₃jín₃ i₂tsi₃sén'₂ ne₄ ni₁cang₁ jaun₂ lé₂ le₁juig₁ le₁dsog'₅₄ quió'₅; ně₁jua'₂ ni₁cang₁ guě'₂ ně₃ ca₂tá'₂ ne₄ quió'₅, lé₂ 'liog₂.

¹⁹ Dsi₂jui₅ jaun₂ jme₁'nio₃ juig₅₄ jme₂dsa₂, tē₅juá'₅ ně₃, jme₁tsáun'₂, ia₁ ca₂rě₃lí'₄ a₂'in₅ 'éi₂ bá₄ Jesús, a₂ca₂juá'₂ jág₁ jáng'₅ léi₄ jaun₂. † La₁ dsa₂ juig₂ bá₄ ca₂rě₃gain₃.

Jág₁ ju₁lia'₂ 'lia'₅₄ a₂ca₂tín₂ dsi₂tan₅₄

(Mateo 21:45-46; 22:15-22; Marcos 12:12-17)

²⁰ Cón'₂ ca₂chein₃ dsa₂ i₂jñia'₅₄ con'₂ tiog₅, tsá₃ jme₂li₅₄, jmo₂₃ a₂lín₅ dsa₂ dsen₃, jme₁'no'₂ jui₅ 'a₂ lia'₂ jme₁jo₁₂ jua'₅₄ ca₂jon₄ bá₄ jág₁ 'lia'₂ jme₁'ñiá₃ Jesús. Jaun₂ jme₁dsi₁jáng'₂ ne₄ bí₂ 'éi'₃ a₂'io₅ dsi₄má'₂. ²¹ Jaun₂ ca₂ñí'₃ Jesús jág₁ la₂:

—Tē₅, ne₄ jnia'₅₄ dsón'₂ bá₄ lia'₂ tí₅ jág₁ jme₂tíng'₁ dsa₂, tsá₃ jua'₅₄ jma₃quén₅

jíng'₅₄ dsa₂; jme₂tíng'₁ dsa₂ con'₂ lě₅ jui₅ tí₅ quió'₅ Diú₄. ²² Jua'₅₄: ¿'I₄ 'éi'₃ qui₅₄ 'lia'₅₄ quió'₅ dsi₂tan₅₄ César, o₃ tsá₃ qui₅₄ 'e₂?

²³ La₁ ca₂rě₃lí'₄ bá₄ Jesús mai₅₄ quió'₅ dsa₂ 'éi₂. Jaun₂ ca₂ñag₃: ‡

²⁴ —'Ē₄ de'₂ 'nia'₂ caun₂ cu₄ 'ua'₂. § ¿'Ein₂ quió'₅ nió'₄ chi₁ton₅? ¿'A₂ lia'₂ chein₂ juá'₂ letras tio'₅₄ ně₅?

²⁵ —Quió'₅ gui'₅₄ emperador César bá₄ —juá'₂ jaun₂ ně₃.

Jaun₂ guě₄ ca₂juá'₂ Jesús:

—Jang'₅₄ guě'₂ 'nia'₂ jaun₂ ně₃, ne₄ César con'₂ a₂ca₂tín₂ César; ne₄ Diú₄ ně₃ jang'₅₄ 'nia'₂ con'₂ a₂ca₂tín₂ Diú₄.

²⁶ Jaun₂ tsá₃ ca₂tió'₃ jua'₅₄ a₂jo₅₄ quian'₅₄ jág₁ tē₃jě₄ jág₅ dsa₂ jaun₂. Tē₂le₃ ca₂i₃gó'₃ dsí₅ bá₄ jág₁ a₂ca₂jéin'₃ Jesús; tei₄ bá₄ co₂ñei'₅₄ ca₂i₃lén₂.

Ca₂ñag₃ dsa₂ saduceos jui₁lia'₂ a₂jen'₅₄ 'lag₄

(Mateo 22:23-33; Marcos 12:18-27)

²⁷ Jaun₂ ca₂jme₃quián₃ i₂lín₅₄ dsa₂ saduceos, i₂jme₂tag₅ a₂tsá₃ jen'₅₄ 'lag₄, ca₂o₃ñag₅₄:

²⁸ —Tē₅, ca₂quiog₂ Moisés si₂ a₂juá'₂, ně₁jua'₂ ca₂jon₃ jan₂ dsa₂ ñe'₂ tē₃ tsá₃ ca₂can₃ 'io₅₄ quiáin₅ guein₂, tion₅₄ 'nió'₅ jén'₂ gu₂ dsó₂ rín'₅₄ dsa₂ ñe'₂ i₂ca₂jon₃ quian'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsí₁jon₂ 'lag₄ rín'₅₄. ²⁹ Jaun₂ ně₃, jme₁chan₂ guion₃ dsa₂ ñe'₂ i₂jme₁lě₄ rín'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄ tē₃ tsá₃ guein₂ ca₂can₃ 'io₅₄ quiáin₅. ³⁰ Jaun₂ ca₂caun₃

* **20:17** Salmo 118:22. † **20:19** 'Nio'₂ ja₁ton₅ Isaías 5:7. ‡ **20:23** A₂lín₅₄ chog₅₄ si₂ chi₁ton₅ ján₃: “¿'E₂ lě₃ cáun'₂ táu₂ 'nia'₂ jniá₂?” § **20:24** griego: denario.

táng₃ i₂ca₂tě₂ on₃, * 31 le₂jaun₂ bá₄ i₂ca₂tě₂ ún₂ ně₃, ca₂cain₃ 'io₅₄ 'éi₂. Le₂jaun₂ bá₄ ca₂lě₃ quian'₅₄ ta₁guion₃. Ca₂dsain₃ bá₄; 'i₁jan₂ guein₂ tsá₃ ca₂can₃ 'io₅₄. 32 Jě₁ca₂tó'₂, ca₂jon₃ bá₄ 'io₅₄ ján₃. 33 Jaun₂ ně₃, jmig₄ jě₁ma₂tě₂ rě₁jen'₅₄ 'lag₄, ĉ₁'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ gué'₂ dsa₂ ŋe'₂ i₂ca₂guá₂ quiaín'₅₄.

34 Jaun₂ ca₂ŋag₃ Jesús:

—Dsa₂ i₂chan₂ ne₄ gua'₅₄ 'uě₃ jmig₄ ně₃, tioin'₅₄ qui₂jéin'₂ gu₂, qui₂jéin'₂ gu₂ chi'₂ quiáin₅ ně₃. 35 La₁ i₂ca₂tín₂ tín'₄ ja₁tian'₃ mi₂güig₃ caun₂, i₂tín₅₄ jen'₅₄ ja₁jme₁rě₂'lin₅₄, ja₁jaun₂ gué'₄ tsá₃ ma₃'ein₂ jén'₂ gu₂, on₃ gué'₄ qui₂jéin'₂ gué'₄ gu₂ chi'₂ quiáin₅. 36 Ia₁ tsá₃ ma₂'ein₂ lé₂ dsián₃. Ja₁jaun₂ ma₂lén₂ jui₁lia'₂ lín₅ ángeles, lén₂ jaun₅ Diú₄, ia₁ ma₂ca₂rě₃cháin₃ táng₃. 37 La₁ jui₁lia'₂ a₂jen'₅₄ 'lag₄, ca₂tě₂ Moisés ca₂cuě₃ léi₄ jme₁ca₂tó'₂ ne₄ Si₂ a₂ca₂lě₃ quian'₅₄ ni₁'ma₂ taun₅, ja₁juá'₂ 'iin₂₃ Te₁gui'₅₄: “Diú₄ quián₅ Abraham, Diú₄ quián₅ Isaac, Diú₄ quián₅ Jacob.” 38 Jaun₂ ně₃ tsá₃ lín₅ Diú₄ quián₅ 'lag₄; Diú₄ quián₅ dsa₂ i₂jén'₃ bá₄ lín₅, ia₁ o₄quió'₄ 'éi₂ bá₄ chan₂ le₃jín₃.

39 Jaun₂ ca₂ŋag₃ i₂lín₅₄ tě₅juá'₅:

—Tě₅, 'ŋio₅ jlá'₁ jág₁ quiáng'₂.

40 Tsá₃ ma₃ca₂tiá₃ dsí₅ jua'₅₄ a₂ŋag₃ gué'₄ e₂ ŋag₃.

ĉ₁'Ein₂ tsi₁jon₂ quián₅ lín₅ I₂rě₂'in₁ quián₅ Diú₄?
(Mateo 22:41-46; Marcos 12:35-37)

41 Ca₂juá'₂ Jesús ca₂tsí'₃ dsa₂:

—ĉ₁'A₂ lia'₂ lě₅ ně₃ a₂juá'₂ dsa₂ a₂lín₅ tsi₁jon₂ David I₂rě₂'in₁ quián₅ Diú₄? 42 Jua'₂ 'ŋiog₅ bá₄ gué'₂ David ca₂tión₃ ne₄ si₂ Salmos, ca₂juá'₂:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tě₂le₃ gu₃ ne₁,

43 ca₂lia'₂ ca₂tě₂ jmig₄

a₂tón'₄ jniá₂ dsa₂ i₂'iog₅₄ o₄tag'₄.”†

44 Chi₂jua'₂ le₂ně₅ juá'₂ David tě₂ Te₁gui'₅₄, ĉ₁'a₂ bá₄ lia'₂ lě₅ jaun₂ a₂juá'₂ lín₅ jaun₅ 'éi₂?

Jme₂caun'₂ Jesús quió'₅ tě₅juá'₅

(Mateo 23:1-36; Marcos 12:38-40; Lucas 11:37-54)

45 Tě₃ nag₅ ca₂le₃jín₃ dsa₂ i₂tion'₅₄, ca₂tsí'₃ dsa₂ i₂quiaín'₅₄ le₂la₂:

46 —Te₁ŋi'₅₄ 'nia'₂ quian'₅₄ tě₅juá'₅, ia₁ 'ŋio₅ 'ŋio₂ dsí₅ i₂nioi₅₄ jláin'₁ le₁qui'₂ tsi₁'mi'₂ chen'₅₄ jang₄; tě₅ dsí₅ qui₂cuag₃ dsa₂ Diú₄ jui₁lia'₂ jě₄ 'ma'₅₄, jmá'₃ lia'₂ ne₄ 'ma₂si₅₄ dsen₅₄ bá₄ 'no'₂ tian'₃ jui₁lia'₂ dsi₂néi₂ guá'₅ sinagogas; le₂jaun₂ bá₄ 'no'₂ ja₁jme₂juag'₂ dsa₂ jui₁lia'₂ ja₁nio₅ jmig₄ ně₃. 47 Qui₂jniá'₂ 'ne₄ 'io₅₄ 'nág₂; a₂tsá₃ jme₂li₅₄ jmo₂₃ chi₂lén₂ Diú₄ uě₂. Tson₂ gué'₄ uig₅ 'ě₂ Diú₄ quió'₅ i₂le₂ně₅.

21

Ca₂tó'₂ 'io₅₄ 'nág₂ te₂ŋé₂ cu₄ quió'₅

(Marcos 12:41-44)

1 Jaun₂ ca₂chóg'₃ Jesús ne₅₄, ca₂jín₂ dsa₂ cha₂ cu₄ i₂dsi₂lén₂ dsi₂tio'₂ cu₄ 'ŋió'₃ tsi₁gu₅ ja₁tio'₅₄ ofrendas.

2 Jaun₂ ca₂jín₂ táng₃ jan₂ 'io₅₄ 'nág₂ te₂ŋé₂ ca₂tó'₂ tin₃ ŋí₁ guéin₂. * 3 Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, 'lióng₂ gué'₄ ně₂tió'₂ 'io₅₄ 'nág₂ te₂ŋé₂ ně₅ lia'₂ con'₂ gué'₄ ca₂le₃jín₃ i₂ma₂ně₂tió'₂. 4 Ia₁ 'éi₂ ně₃, cu₄ a₂ma₂qui₂rě₂tsón₂ bá₄ jaun₂ quió'₅

* 20:30 A₂lín₅₄ chog₅₄ si₂: “ca₂caun₃ táng₃ i₂ca₂tě₂ on₃, la₁ ján₃ bá₄ le₂jaun₂ ca₂join₃, tsá₃ guein₂ ca₂can₃ 'io₅₄.” † 20:43 Salmo 110:1. * 21:2 lit. “tin₃ ŋí₁ lepta.”

cuë₂₃; dsa₂ mí₂ ně₅ ně₃, ně₂cuë₃ ca₂le₃jě₃ a₂jme₁ron₅ quió'₅ bá₄, 'nió'₄ a₂jme₁lá₃ a₂guë'₃.

A₂dsi₃'én₂ bá₄ guá'₅, jág₁ 'ě₂ Jesús
(Mateo 24:1-2; Marcos 13:1-2)

⁵ I₂lin₅₄ dsa₂ jme₁tióin₂ dsia₂₃ jág₁ a₂ja₂né₂ guá'₅ templo, ia₁ a₂ñi₄ lě₃ jlá'₁ ni₁cang₁ a₂le₁juí₄, ca₂le₃jě₃ guë'₄ a₂jlá'₁ tio'₅₄ a₂qui₂ma₂cuë₃ dsa₂ co₂'nió'₄ ofrendas. Jaun₂ ca₂juá'₂ Jesús:

⁶ —Ca₂le₃jě₃ a₂jág'₂ 'nia'₂ tióng'₂ ně₅, já₅ caun₂ jmig₄ jě₁dsi₃'én₂, tsá₃ ma₃'e₂ ni₁cang₁ te₂'ñiá₄ jua'₅₄ a₂le₁juí₄ guë'₄ lé₂.

Léi₄ a₂le₃cha₂ jmig₄ jě₁ca₂tó'₂
(Mateo 24:3-28; Marcos 13:3-23)

⁷ Jaun₂ ca₂ñag₃ dsa₂ ně₃:

—Tě₅, ě₁g'₂ jaun₂ lé₂ a₂ně₅? ě₁E₂ bá₄ léi₄ le₃cha₂ jě₁ma₂ja₂quián₃ lé₂ a₂jaun₂?

⁸ Jaun₂ ca₂ñag₃:

—Jmo₄ 'nia'₄ 'í₁ tsá₃ i₂cuín₅ 'nia'₂ jua'₅₄ a₂jme₃gau₅ dsa₂. Ia₁ i₂juin₅ lin₃ i₂tě₁i₃nio₄ i₂juá'₂ i₂nioi₅₄ o₄quió₃ jniá₂, a₂juá'₂ ně₃: “Jniá₂ bá₄ 'éi₂”; juá'₂ ján₃: “Ma₂ja₂quián₃ jmig₄ jaun₂”. La₁ tsá₃ i₂o₂nó'₅ 'nia'₂ chi₁co'₅₄ quió'₅. ⁹ Ia₁ jě₁ma₂ca₂nei'₂ 'nia'₂ 'ei₅ jág₁ a₂nio₃ 'nei₂, tón'₃ dsa₂ mi'₅₄ ně₃, tsá₃ tón'₁ 'nia'₂ go₂'i₃, ia₁ le₂jaun₂ de'₂ jñiá₅ ca₂tín₂ lé₂ bá₄, la₁ on₃jua'₅₄ a₂ma₂dsian₅ dsi₂jui₅ jaun₂.

¹⁰ Jaun₂ ca₂tsi'₃ táng₃ dsa₂:

—Qui₂nio₃ 'nei₂ jui₁lia'₂ caun₂ juig₂, qui₂quín'₂ quian'₅₄ juig₂ siá'₂; jme₃'uán'₃ dsa₂ ca₂taun₂ ca₂taun₂. ¹¹ Qui₂dsi₃bi₅₄ 'uë₃ tiá₂, jiá₃ 'on₅₄ dsa₂ ca₂le₂con₂, 'í₂ jmi₁uig₅ ně₃; jniá₅₄ gau₂ dsi₁ guei'₅₄, 'lióng₂ léi₄ ca'₅₄ qui₂le₃jniá₂. ¹² La₁ né'₃ a₂lé₂ ca₂le₃jě₃ a₂ně₅, qui₃tsán'₂ dsa₂ 'nia'₂ qui₂co₃'ein₃ dsa₂. Dsi₁jang'₂ dsa₂ o₄gú₃ dsi₂tan₅₄ quián₅ guá'₅ sinagoga, jaun₂ guë'₄ to'₂ né'₃ 'má₃. Dsi₁jó₂ ne₄ rag₅₄ ne₄ dsi₄má'₂ ně₃ 'uig₅₄ quió₃ jniá₂. ¹³ Ja₁jaun₂ cuín₃ jmig₄ a₂jang'₅₄ 'nia'₂ jág₁ dsau₅ a₂'ág'₄ jniá₂. ¹⁴ 'Éi₂ 'nia'₂ caun₂ 'au'₂, tsá₃ 'náu'₂ 'nia'₂ 'au'₂ tě₃jñiá₅ 'a₂ lia'₂ long'₅₄, ¹⁵ ia₁ 'ñi₃ bá₄ jniá₂ cuë'₅₄ jág₁ a₂tíng'₂ a₂ñi'₅₄ 'nia'₂ 'a₂ lia'₂ ñag'₅₄, ca₂lia'₂ jñiá₅₄ tsá₃ ma₃'e₂ ñi₅ ñag₃ ca₂le₃jín₃ dsa₂ i₂'iog₅₄ 'éi₂. ¹⁶ Ca₂tě₂ chog'₂-ñéi'₅ 'nia'₂ qui₃jáng'₂, ca₂tě₂ chi'₂ ríng'₂, o₁ríng'₂, a₂mei₅₄ quiáng'₂ ně₃. I₂lin₅₄ 'nia'₂ jme₃dsiog₅ dsa₂. ¹⁷ Ca₂le₂con₂ bá₄ jme₃'ñiá₅₄ dsa₂ 'nia'₂ o₄quió₃ jniá₂. ¹⁸ La₁ tsá₃ can₂ 'nia'₂ o₂i₁ dsi₅, ia₁ ca₂lia'₂ jñiá₅₄ 'i₁ca₂mi'₂ jñi₂ dsei'₂ 'nia'₂ tsá₃ dsi₃'én₂. ¹⁹ Ně₁jua'₂ ca₂nau'₂ 'nia'₂ tiá₂, dsi₁no'₃ 'nia'₂ tín'₄ jme₂dsi₂ quiáng'₂.

²⁰ 'Jě₁ma₂ca₂jag'₅₄ 'nia'₂ ma₂le₁lio₃ 'lióg₂ le₃lág'₃ juig₂ Jerusalén, jaun₂ guë'₄ le₃len'₅₄ 'nia'₂ ma₂ja₂quián₃ 'én₂. ²¹ Dsa₂ i₂tián'₅ 'uë₃ Judea jmig₄ jaun₂, jui₁cuing₁₂ le₃má'₂; i₂tián'₅ jě₄ juig₂ guë'₂ ně₃, jui₁'uín₂; jui₁lia'₂ i₂tion'₅₄ ja₁nau₂ guë'₂, tsá₃ ma₃jui₁ja₁lein₅. ²² Ia₁ lé₂ jmig₄ a₂le₃chan₂ dsa₂ gue₃ jmi₁uig₅ 'ñio₅ lin₃, a₂le₃ti₃ ca₂le₃jě₃ lia'₂ con'₂ lě₅ juá'₂ ne₄ Si₂. ²³ 'Juig₂ jui₁lia'₂ dsa₂ mí₂ i₂le₁quian₅ guein₂, jui₁lia'₂ i₂chan₂ guein₂ bě'₅₄ i₂'ín'₂ dsi'₅₄ quió'₅ ně₃, jmig₄ jaun₂! Ia₁ go₂'i₃ 'ñio₅ lin₃ tě₃tsi'₅₄ gua'₅₄ 'uë₃, a₂le₃jniá₂ a₂'ne₂ Diú₄ ne₄ quió'₅ dsa₂ juig₂ la₂; ²⁴ ia₁ dsi₃gan'₅₄ i₂dsián₃ quian'₅₄ ñi₁tág₂; i₂lin₅₄ guë'₂ qui₃tě₂ dsa₂ le₁'ñei'₅₄ ca₂le₂con₂ go₄ dsi₂nau₂. Co₂dsia₅ qui₃tsó'₃ dsi₂nau₂ juig₂ Jerusalén, ca₂lia'₂ ca₂dsin₃ jmig₄ quió'₅ dsi₂nau₂ a₂'i₄ 'éi'₃ tóin'₃ goin₂.

'A₂ lia'₂ lé₂ i₁jñi₃o'₂ Jaun₅ dsa₂ mi₂güig₃
(Mateo 24:29-35, 42—44; Marcos 13:24-37)

²⁵ 'Jmig₄ jaun₂ lé₂ léi₄ tě₂le₃ quian'₅₄ 'iog₂, tsi'₂, nei₅ ně₃. Ta₁caun₂ gua'₅₄ 'uë₃ tón'₃ dsa₂ tiá'₃ qui'₂ dsi₅, tsá₃ a₂ñi₅ jmo₃, jmi₁ñi'₄ guë'₂ ně₃ lé₂ gau₂ qui₃jná'₃.

²⁶ Tón'₃ dsa₂ qui₃nei'₂ a₂le₃gó'₃, 'i₅ dsi₅ ne₄ ca₂le₃jě₃ 'e₂ niog₅ lé₂ mi₂güig₃. Ia₁

ca₂tē₂ jui₅bí₂ a₂cha₂ guei'₅₄ mi₂güig₃ qui₃guian'₃. 27 Jaun₂ guē₄ jín₂ dsa₂ Jaun₅ dsa₂ mi₂güig₃ jiá₃ jē₄ jnei₅ a₂'uain'₂ a₂jláin'₁ 'ñio₅ lin₃. 28 Jē₁ma₂ca₂rē₃lióg₃ lē₂ a₂nē₅, quen'₂ 'nia'₂ bí₂, 'a₃ jlian₅₄ 'nia'₂, † ia₁ ja₃ quián₂ jmig₄ a₂lión'₂ 'nia'₂ co₂ñei'₅₄.

29 Jaun₂ ca₂juá'₂ táng₃ caun₂ jág₁ jáng'₅ léi₄ la₂:

—Ní₂ 'nia'₂ ju₁lia'₂ lē₂ quian'₅₄ ni₁'ma₂ higuera, jui₁'e₂ guē₃ ni₁'ma₂ siá'₂ nē₃; 30 jē₁ma₂ca₂ne'₅₄ mog'₅₄, cáun'₂ 'nia'₂ 'í₂ guiong'₅₄ a₂ja₂quián₃ jein₂ 'iog₂ bá₄ jaun₂. 31 Ján₃ bá₄ le₂nē₅, jē₁ma₂tē₂ ne'₅₄ 'nia'₂ lē₂ ca₂le₃jē₃ a₂nē₅, le₃ñi'₅₄ 'nia'₂ a₂ma₂ja₂quián₃ le₃gon₂ Diú₄. 32 A₂dsi₂jó'₃ juá'₅ jniá₂ juig₂ 'nia'₂, tsá₃ dsi₃ñí₂ tsi₁jon₂ jmig₄ nē₃, † ca₂lia'₂ ca₂lē₃ ca₂le₃jē₃ a₂nē₅. 33 Dsi₃ñí₂ guei'₅₄ mi₂güig₃ quian'₅₄ gua'₅₄ 'uē₃, la₁ jág₁ quió₃ nē₃, o₁líg'₂ tsá₃ dsi₃ñí₂ jua'₅₄ tsá₃ le₃ti₃.

34 'Tē₃ñi'₅₄ 'nia'₂, tsá₃ i₂jme₂cán'₁ táng₃ 'nia'₂ 'au'₂ a₂i₂niog'₅₄ dsing'₅₄ le₁'eng'₅, tsá₃ caun₂ a₂'i₅ 'au'₂ a₂chang'₂ mi₂güig₃ la₂, con'₂ tsá₃ ñó₅ nē₁jua'₂ ca₂jo₃ jmig₄ jaun₂ 'nia'₂ co₂tiá₂. 35 Ju₁lia'₂ ja₁ta'₂ caun₂ tsi₁liá₂ bá₄ lē₂ jmig₄ jaun₂ ne₄ quió'₅ ca₂le₃jín₃ dsa₂ i₂tián'₅ ne₄ gua'₅₄ 'uē₃. 36 Jaun₂ chan'₂ 'nia'₂ rē₂jáng'₁, chi₁leng'₄ Diú₄ ca₂le₃jē₃ jmig₄, ia₁jaun₂ bá₄ quin'₅₄ 'nia'₂ jmig₄ lióng'₂ ne₄ ca₂le₃jē₃ a₂niog₅ lē₂ nē₅, ia₁jaun₂ dsi₁no₅g'₅ tē₃tsing'₅₄ ne₄ Jaun₅ dsa₂ mi₂güig₃.

37 Ca₂le₃jē₃ jmig₄ bá₄ jme₁jme₂tag₂₃ i₁dsi₅ guá'₅ templo, jē₁ma₂ca₂nei₂ dsó₅ dsi₂jñia₅₄ má'₂ ja₁chei₂ Olivos.

38 Ca₂le₃jín₃ bá₄ dsa₂ jme₁ja₂léin₂ tē₂ o₃'iog₂ i₁dsi₅ guá'₅ a₂ja₂néi₃ jág₁ a₂cuē₂₃.

22

Ca₂jmo₃ dsa₂ jág₁ a₂tsáin'₂ Jesús

(Mateo 26:1-5, 14—16; Marcos 14:1-2, 10—11; Juan 11:45-53)

1 Jme₁ma₂ja₂quián₃ jmig₄ quió'₅ i₁ñí'₄ a₂tsá₃ levadura rē₂jñia₅, a₂chei₂ Jmig₄ Tē₂'in₅₄. 2 Jaun₂ qui₂ca₂'náu'₃ dsí₅ juig₅₄ jme₂dsa₂, tē₅juá'₅ nē₃, 'a₂ lia'₂ cuin₃ jmig₄ jñag'₃, ia₁ a₂gain₃ dsa₂ juig₂ bá₄.

3 Jaun₂ ca₂'í₃ Satanás dsí₅ Judas, i₂tē'₂ Iscariote, i₂jme₁lín₄ jan₂ dsa₂ i₂guia₃-tín₂.

4 Judas 'éi₂ nē₃ ca₂ñei₅₄ ca₂i₁jmo₅₄ jág₁ quian'₅₄ juig₅₄ jme₂dsa₂, quian'₅₄ i₂lín₅ 'lióg₂ dsen₅₄ quián₅ guá'₅ templo nē₃, 'a₂ lia'₂ jáng'₂ jñin'₂ Jesús o₄gú₃.

5 Jaun₂ 'io'₂ jén'₅ bá₄ dsa₂ 'éi₂, ca₂jmo₃ jág₁ a₂cuē₃ cu₄.

6 Jaun₂ ca₂cuē₃ Judas jág₁ quió'₅. Jaun₂ ca₂'náu'₃ dsí₅ 'a₂ lia'₂ jáu₂ jui₅ a₂jáng'₂ con'₂ jme₁tsá₃ juin₅ dsa₂ ma₃quiain'₅₄.

Má₃ jē₁ca₂tó'₂ quió'₅ Te₁gui'₅₄

(Mateo 26:17-29; Marcos 14:12-25; Juan 13:21-30; 1 Corintios 11:23-26)

7 Ca₂tē₂ jme₁ca₂tē₂ jmig₄ quió'₅ i₁ñí'₄ a₂tsá₃ levadura rē₂jñia₅, con'₂ ca₂tín₂ dsa₂ jme₂dsiain₂₃ guein₂ já'₂ cha'₂ quián₅ Jmig₄ Tē₂'in₅₄.

8 Jaun₂ ca₂chen₃ Jesús Pe₄ quian'₅₄ Juan₅₄, ca₂juá'₂:

—O₂no₅' 'nia'₂ o₂jmo₄ co₂jñia₅₄ má₃ quián₂ jniog₄ a₂que₅₄ Jmig₄ Tē₂'in₅₄.

9 Jaun₂ ca₂ñag₃ 'éi₂:

—¿A₂já'₄ 'niog'₂ dsi₁jmó₁ jnia'₅₄ co₂jñia₅₄?

10 Jaun₂ ca₂juá'₂:

—Jē₁ma₂dsi₃no₅' 'nia'₂ jē₄ juig₂, jme₃jein'₂ jan₂ dsa₂ ñe'₂ i₂ñá'₅ quion₂ caun₂ ni₁dsig₁ 'a₄ jmig₂. O₁'éin'₃ 'nia'₂ ca₂tē₂ dsi₂néi₂ ja₁'í₂. 11 Jaun₂ juig₅₄ 'nia'₂ dsa₂ juig₅₄ dsi₂néi₂: “Le₂la₂ juá'₂ Tē₅ tsí'₅ 'ne₂: ¿Na₂ bá₄ dsi₂néi₂ ja₁guē'₅₄ má₃ quió'₅

† 21:28 lit. “nau₂ 'nia'₂ chog'₅₄ ne'₅₄.” ‡ 21:32 o₃, “né'₃ a₂dsián₃ dsa₂ i₂lín₅ raza la₂.”

Jmíg₄ Të₂'in₅₄ quiang'₅₄ chi'₂ dsi₂guia₃-tín₂ quiáng₃?" 12 Jaun₂ 'ë₃ caun₂ ja₁lë₄ dsi₂néi₂ juë'₂ guei'₅₄ ja₁ma₂lë₅ co₂jñia₅₄ quió'₅. Ja₁jaun₂ jmo₄ co₂jñia₅₄.

13 Jaun₂ ca₂i₃lén₂ bá₄ 'éi₂ ně₃. Ca₂lë₃ rë'₂ lia'₂ con'₂ lë₅ jág₁ jaun₂. Ja₁jaun₂ ca₂jmo₃ má₃ quió'₅ jmíg₄.

14 Jme₁ca₂të₂ hora jaun₂, ca₂guá₂ Jesús ne₄ mesa, quiain'₅₄ chi'₂ dsi₂guia₃-tín₂* quiáin₅. 15 Jaun₂ ca₂tsí'₃ 'éi₂:

—i₁líg'₂ bá₄ 'ín₅ dsi₃ guë'₅₄ má₃ Jmíg₄ Të₂'in₅₄ la₂ quian'₅₄ 'nia'₂, né'₃ a₂dsi₃ñíg₂ uig₅! 16 Ia₁ juá'₅ jniá₂ juíg₂ 'nia'₂, tsá₃ ma₃líg'₂ jmíg₄ jua'₅₄ guë'₅₄ guë'₄ má₃ le₂la₂ ca₂lia'₂ ca₂të₂ jmíg₄ i₁le₃ti₃ ja₁gon₂ Diú₄.

17 Jaun₂ ca₂tín₂ copa, ca₂cuë'₃ ti₁'mag'₄ Diú₄, jaun₂ ca₂juá'₂:

—Ján'₅ 'nia'₂ a₂la₂; jmo₄ dsió_g₁ jñ₄ ríng'₂. 18 Ia₁ juá'₅ jniá₂, tsá₃ ma₃líg'₂ jmíg₄ jua'₅₄ a₂gui'₅₄ guë'₄ jmi'₅₄ míg₂ uvas le₂la₂, ca₂lia'₂ ca₂të₂ jmíg₄ i₁le₃ti₃ ja₁gon₂ Diú₄.

19 Jaun₂ ca₂tín₂ táng₃ caun₂ i₁ñí'₄, ca₂cuë'₃ ti₁'mag'₄ Diú₄. Jaun₂ ca₂'niai₃ ca₂cuë'₃ 'éi₂, ca₂juá'₂:

—Ñi₃ bá₄ jniá₂ i₁ñí'₄ la₂, a₂ma₂rë₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂.†

20 Ján₃ bá₄ le₂në₅, jme₁ma₂ca₂lë₃ guë'₅ i₁ñí'₄, ca₂can₃ táng₃ copa, jaun₂ ca₂juá'₂:

—A₂'a₄ copa la₂, lë₅ jág₁ 'mí₂ a₂të₃ron₅₄, a₂li'₅₄ të₂le₃ quian'₅₄ jmi₃ a₂dsi₃'o₅₄ o₄quián'₂ 'nia'₂.‡

21 'La₁ ně₃ ně₃, ne₄ mesa la₂ guá₅ quian'₅₄ jniá₂ i₂jang'₂. 22 Dsón'₂ bá₄ 'en₅₄ juí₅ Jaun₅ dsa₂ mi₂güí₃ dsió_g₄ ja₁'ein₅₄ 'éi'₃ dsió_g₄, la₁ i₁'e₂ guë'₄ juíg₂ dsa₂ i₂jang'₂!

23 Jaun₂ ca₂jme₃lió₃ tsi₂ca₂jñin₂ quiain'₅₄ rñin'₅₄, 'ein₂ bá₄ 'éi₂ i₂jmo₃ le₂jaun₂.

Ca₂tsíin₂ o₄quió'₄ 'ein₂ i₂lén₂ i₂dsen₅₄ guë'₄

24 Ján₃ bá₄ ca₂lë₃ mi'₅₄ jë₄ quió'₅, ne₄ 'uig₅₄ 'ein₂ 'éi₂ i₂lén₂ i₂dsen₅₄ guë'₄.

25 Jaun₂ ca₂juá'₂ Jesús:

—Ca₂le₃jñ₃ rag₅₄ quián₅ dsi₂nau₂, tian'₂₃ goin₂ jmo₂₃ 'éi'₃ lia'₂ lë₂ dsí₅. Le₂jaun₂ guë'₂ i₂le₁'io₅ 'éi'₃ i₂le₁'ín₁ quiáin₅, 'ag₅ dsa₂ a₂lín₅ dsa₂ i₂jmo₅ a₂dse₃.

26 La₁ tsá₃ le₂jaun₂ lé₂ quian'₅₄ 'nia'₂. Jui₁lia'₂ i₂can'₅₄ jë₄ quián'₂ 'nia'₂, jui₁jmo₁₂ mei'₂. Le₂jaun₂ guë'₂ i₂cán₂ ne₄ juí₅, jui₁jmo₁₂ ně₂jag₄ bá₄ i₂jme₂ti₃. 27 Jaun₂ ně₃, ¿'ein₂ i₂dsen₅₄ guë'₄; i₂guá₅ ne₄ mesa, o₃ i₂dsia₅ má₃ 'e₂? ¿'On₁ i₂guá₅ ne₄ mesa bá₄?

La₁ jniá₂ 'eng₅₄ jë₄ quián'₂ 'nia'₂, líng₅ jan₂ i₂jme₂ti₃. 28 'Nia'₂ guë'₂ líng'₅ i₂ma₂ja₂nóg'₅ quiong'₅₄ jniá₂ jë₄ uig₅ a₂qui₂ma₂i₂ñíg₂.

29 'Uig₅₄ ně₅ ně₃, dsián₄ jniá₂ 'nia'₂ ja₁o₁tiáng'₂ gong'₂, jui₁lia'₂ ma₂dsiog₃ Ne'₃ jniá₂, 30 ia₁jaun₂ o₁qué'₂ o₁'én'₂ 'nia'₂ ne₄ mesa quió₃ ja₁gong₂, ja₁jaun₂ o₁tián'₂ 'nia'₂ ne₄ta₁ a₂qui₁dsi'₂

'éi'₃ quió'₅ ta₁guia₃-tín₂ nió'₃ tsi₁jon₂ dsa₂ juíg₂ Israel.

Ñi₅ bá₄ Jesús a₂tsá₃ tion₃ Pe₄ a₂cuig₂₃

(Mateo 26:31-35; Marcos 14:27-31; Juan 13:36-38)

31 Ján₃ bá₄ ca₂juá'₂ Te₁gui'₅₄:

—Si₂mu₅₄, Si₂mu₅₄ —ca₂tsí'₃ Pe₄—, i₂së₃dsen₃ ma₂në₂mag₃ 'ñiá'₂ 'nia'₂ lia'₂ ja₁'ñiá'₂ dsa₂ trigo, 32 la₁ jniá₂ ma₂në₂mi₃ o₄quián'₂ 'ne₂, ia₁jaun₂ tsá₃ dsiá₃ éi₃ a₂'éng'₂. 'Ne₂ ně₃, jë₁ma₂ca₂jéin'₃ táng₃ 'au'₂, cuë'₅₄ bí₂ ríng'₂.

33 Jaun₂ 'éi₂ ně₃ ca₂ñag₃:

—Te₁gui'₅₄, caun₂ bá₄ ma₂'ei₅ dsi₃ i₁'ú₃ né'₃ 'má₃ co₂lë₅ quian'₅₄ 'ne₂, o₁jñia'₅₄ 'mú₃ ca₂quín₂.

* 22:14 griego: apóstolous (dsa₂ i₂chen₄). † 22:19 A₂lín₅₄ chog₅₄ si₂ tsá₃ chi₁ton₅ “a₂ma₂rë₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂”, on₃ guë'₂ versículo 20. ‡ 22:20 'Nio'₂ ja₁ton₅ Éxodo 24:8.

34 Jaun₂ ca₂ŋag₃ Jesús:

—Pe₄, jniá₂ guë'₂ juá'₅, tsá₃ 'o₃ tē₁guí₄ dsó₂ nē₃, ca₂lia'₂ ma₂nē₂jua'₅₄ 'ne₂ 'ni₅ ráun₂ a₂tsá₃ tóng'₄ a₂cuig'₂ jniá₂.

Ma₂ja₂quián₃ hora gue₃ Jesús uig₅

35 Jaun₂ ca₂juá'₂:

—Lia'₂ con'₂ ca₂tsíng₂ 'nia'₂, lia'₂ con'₂ tsá₃ tsi₁na'₅₄ jme₁le₁quian'₄, on₃ guë'₂ tē₂lau₂, on₃ guë'₂ ni₁lau₂ ton₅ tag'₅₄ nē₃, ¿cha₁ a₂ca₂rē₃'nió'₅ quián'₂ 'nia'₂?

'Éi₂ nē₃, ca₂ŋag₃:

—I₁caun₂ tsá₃ ca₂rē₃'nió'₅.

36 Jaun₂ ca₂juá'₂ táng₃:

—Nē₃ guë'₄ nē₃ i₂'io₅ tsi₁na'₅₄, tē₂lau₂ nē₃ jui₁quian₅₄. I₂tsá₃ 'io₅ ŋi₁tág₂ nē₃, o₁'nag₁₂ mi₂dsióg₂ quió'₅ ia₁jaun₂ lá₃ ŋi₁tág₂. 37 Ia₁ juá'₅ jniá₂, tion₅₄ niog₅ le₃ti₃ ja₁con₂ jniá₂ ja₁juá'₂ ne₄ Si₂ le₂la₂: “Nó₃ jē₄ quió'₅ dsa₂ i₂le₁cán'₄ dso₄, ia₁ ca₂jmo₃ dsa₂ dsí₅ nē₂jag₄ bá₄ a₂rē₂cáin'₄ dso₄ ján₃.”§ Ia₁ ca₂le₃jē₃ a₂niog₅ juá'₂ ne₄ Si₂ a₂'ag₂₃ jniá₂, tion₅₄ niog₅ le₃ti₃.

38 Jaun₂ ca₂juá'₂ 'éi₂:

—Te₁gui'₅₄, la₂ tiá'₅ tin₃ ŋi₁tág₂.

Jaun₂ ca₂ŋag₃ táng₃:

—Tió'₅ bá₄ nē₅.

Ca₂chi₂lén'₂ Jesús Diú₄ caun₂ ja₁chei₂ Getsemani
(Mateo 26:36-46; Marcos 14:32-42)

39 Jaun₂ guë'₄ nē₃ o₂'ín₃ ŋó₃ jui₅ Má'₂ Olivos, ia₁ le₂jaun₂ tin₂ bá₄. Jaun₂ ca₂i₃lén₂ chi'₂ dsi₂guia₃-tín₂ quiong'₅₄.

40 Jme₁ca₂dsióg₃ ja₁jaun₂, jaun₂ ca₂juá'₂:

—Chi₁len'₅₄ 'nia'₂ Diú₄ ia₁jaun₂ tsá₃ jo₅₄ jui₅bí₂ a₂cáun₂ táu₂.

41 Jaun₂ ca₂ŋó₃ Jesús 'ŋiog₅ uíng₂ con'₂ ja₁tág'₅ ca₂míg₂ ni₁cang₁ a₂táun₂ dsa₂. Ja₁jaun₂ ca₂chi₃jné₃ ca₂chi₃lén'₂ Diú₄.

42 Ca₂juá'₂:

—Tia₅₄, ¿tsa₁ cuin₅ jmíg₄ ŋjiá'₄ uig₅ dsi₃ŋíg₂ la₂? La₁ia₁, jui₁le₅₄ bá₄ a₂'ŋio₂ 'au'₂ 'ne₂, on₃juá'₅₄ con'₂ 'nio₃ jniá₂.

43 Jaun₂ ca₂jme₃nia₅ jan₂ ángel ne₅₄, i₂ca₂sión₃ jui₅guei'₅₄ i₂juíg₃, a₂ca₂cuë₃ bí₂.

44 Hora jaun₂ ca₂ŋág₃ uig₅ 'ŋio₅ lín₃, jaun₂ tē₂le₃ lē₅ guë'₄ ca₂chi₃lén'₂ Diú₄; ca₂tein₃ jme₁dsiog₂ nē₂jag₄ bá₄ jmi₂ qui₂ca₂dsá₂ tē₂ 'uë₃.*

45 Jme₁ca₂nau₂ ja₁chi₂lén'₂ Diú₄ jaun₂, guáin'₃ ja₁tián'₄ chi'₂ dsi₂guia₃-tín₂. La₁ le₁güín₃ bá₄ 'éi₂ tián'₅ ca₂jo₃, 'uig₅₄ ia₁ a₂ŋí₄ lē₃ 'lia'₂ dsí₅.

46 Jaun₂ ca₂juá'₂:

—¿'E₂ lē₃ le₁güín'₃ 'nia'₂ tiáng'₅? Nau₂, chi₁len'₅₄ 'nia'₂ Diú₄ ia₁jaun₂ tsá₃ jo₃ jui₅bí₂ a₂cáun₂ táu₂.

Ma₂le₁te₂ dsa₂ Jesús

(Mateo 26:47-56; Marcos 14:43-50; Juan 18:2-11)

47 Tē₃jē₄ juá'₂ Jesús jaun₂, jme₁ca₂dsi₃lén₂ juin₅ dsa₂. Jaun₂ ca₂dsióg₃ i₂tē'₂ dsa₂ Judas, i₂jme₁lín₄ jan₂ chi'₂ dsi₂guia₃-tín₂, quian₅ ne₄ jui₅. Jaun₂ ca₂jme₃quiáin₃ con₂ Jesús a₂jme₁chen'₃† quió'₅.

48 La₁ ca₂juá'₂ Jesús:

—Judas, ¿'e₂? ¿Le₁nē₅ bá₄ jing'₅₄ Jaun₅ dsa₂ mi₂güíg₃, a₂chén'₁ quió'₅?

49 Jme₁ca₂jág₃ i₂quian'₅₄ Jesús a₂lē₂ jaun₂, ca₂juá'₂:

§ 22:37 Isaías 53:12. * 22:44 A₂lín₅₄ chog₅₄ si₂ tsá₃ chi₁ton₅ versículos 43 quian'₅₄ 44. † 22:47 Jme₁tin₂ quió'₅ dsa₂ judíos a₂chen'₂ jú'₅ riin'₅₄ jē₁cuag₃ Diú₄.

—Te₁gui'₅₄, ¿qui'₅₄ jnia'₅₄ quian'₅₄ ηi₁tág₂?
 50 Jan₂ 'éi₂ ně₃ ca₂quí'₃ quió'₅ i₂jme₂ti₃ ta₁ quián₅ jme₂dsa₂ dsen₅₄, ca₂jñiá'₂ rē₂gua₅₄ ne₁.

51 Jaun₂ ca₂juá'₂ Jesús:

—A₃ ma₃jmai'₅₄.

Jaun₂ ca₂chóng'₃ táng₃ rē₂gua₄ 'éi₂, ca₂jme₃lió₂. 52 Jaun₂ ca₂tsí'₃ juig₅₄ jme₂dsa₂, 'i'₅₄ guá'₅, gui'₅₄ can'₅₄ ně₃ i₂dsi₃lén₂ tsáun'₂:

—¿E₂? ¿Jui₁lia'₂ jē₁tsán'₂ dsa₂ 'ang₂ ja₂nóg'₅ qui₁le₁quian'₄ ηi₁tág₂, 'ma₂ ně₃?

53 Líg'₂ bá₄ 'eng₅₄ tián₂ quian'₅₄ 'nia'₂ i₁dsi₅ guá'₅, tsá₃ ma₂chong'₂ 'nia'₂ ja₁jaun₂. La₁ ně₃ gué₄, 'au'₂ 'nia'₂ bí₂ tiá₂ 'au'₂ jmó'₂, ně₃ lia'₂ chí'₅ qui₁né'₃.

Tsá₃ tion₅ Pe₄ a₂cuin₂₃ Jesús

(Mateo 26:57-58, 69—75; Marcos 14:53-54, 66—72; Juan 18:12-18, 25—27)

54 Jme₁ma₂nē₂chóng'₂, ca₂tág₃ jui₅ ja₁quió'₄ jme₂dsa₂ dsen₅₄. La₁ Pe₄ ně₃, uíng₂ bá₄ tē₂quiin₃ ηó₃ 'ein₂₃.

55 Dsa₂ 'éi₂ ně₃, ca₂dsia₃ si₂ i₁dsi₅, ca₂tián'₂ le₃lág'₃ cau₅ si₂; jē₄ jaun₂ ca₂guá₂ Pe₄ ján₃.

56 Tē₃jē₄ jaun₂, ca₂rē₃lí'₄ jan₂ 'io₅₄ i₂jme₂ti₃ ta₁ ja₁jaun₂, a₂guá₅ Pe₄ cau₅ si₂. Caun₂ ca₂jág₂ tiá₂, ca₂juá'₂:

—Ján₃ bá₄ jme₁quian'₅₄ i₂nē₅.

57 La₁ 'éi₂ ně₃, tsá₃ ca₂tioin₃, ca₂juá'₂:

—Tsá₃ 'éi₂ cuín₅ jniá₂, 'ne₂ 'io₅₄.

58 Jme₁co₂lág₂ jaun₂, ca₂guan₃ táng₃ jan₂, ca₂jág₂, jaun₂ ca₂juá'₂:

—Jme₁quian'₅₄ 'ne₂ ján₃, ¿lia'₅₄?

—Jan₂ón₄. Tsá₃ dsa₂ 'éi₂ jme₁quian'₄ jniá₂, 'ne₂.

59 Con'₂ caun₂ hora cang₂ jaun₂, tion₅₄ bá₄ tsá₃ jme₁cán₂ jan₂ jág₁, ca₂juá'₂:

—Tē₃dsón'₂ jan₂ i₂jme₁quian'₅₄ bá₄ ně₅, ia₁ Galilea bá₄ ja₁chain₂.

60 Jaun₂ ca₂juá'₂ táng₃ Pe₄:

—Tē₃dsón'₂ rē₂ juá'₅ jniá₂ la₂, ca₂lia'₂ jñia'₅₄ tsá₃ cuíng₅ 'ein₂ 'éi₂ 'ín'₅ 'nia'₂.

Tē₃jē₄ dsia₂₃ jág₁ jaun₂ jme₁ca₂'o₃ tē₁guí₄ dsó₂. 61 Jaun₂ ca₂jén'₃ Te₁gui'₅₄ ca₂jín₂ Pe₄, ca₂jmo₃ a₂dsiog'₂ dsí₅ 'éi₂ 'e₂ a₂ma₂nē₂juá'₂ le₂jñiá₅: “Tsá₃ 'o₃ tē₁guí₄ dsó₂ ně₃, ca₂lia'₂ ma₂nē₂juá'₅₄ 'ne₂ 'ni₅ ráun₂, a₂tsá₃ tóng'₄ a₂cuig'₂ jniá₂.”

62 Jaun₂ ca₂o₃ 'ín₃ ca₂tá'₂ qui'₂ dsí₅, ca₂'o₃ 'ηio₅ lín₃. †

A₂lē₁qui₂co₂jmá'₂ dsa₂ Jesús

(Mateo 26:67-68; Marcos 14:65)

63 Dsa₂ i₂niog₅ jmo₅ 'í₁ Jesús ně₃, a₂lē₁qui₂co₂jmóg'₂ tioin'₅₄, ca₂cuē₃ ně₃.

64 Ca₂'néi₂ jme₁ne₁ Jesús, qui₂ca₂quein₃ dsí₂ne₅₄ § jaun₂ ca₂juá'₂:

—i₂Dsi₄ jág₁ 'ein₂ ně₂quein₃ quiáng'₂!

65 'Lióng₂ lín₃ bá₄ ca₂juá'₂ tioin'₅₄, a₂tē₂'o'₂.

Ca₂chen'₃ dsa₂ Jesús ne₄ dsí₂tan₅₄ quián₅ guá'₅

(Mateo 26:59-66; Marcos 14:55-64; Juan 18:19-24)

66 Jme₁jñia₃ jaun₂, qui₂ca₂ñi'₂ ca₂le₃jñ₃ gui'₅₄ can'₅₄ quián₅ dsa₂ judíos, juig₅₄ jme₂dsa₂, tē₃juá'₅ ně₃. Jme₁ma₂le₁ñi'₂, ca₂dsi₁jñia₃ dsa₂ Jesús ne₅₄. Jaun₂ ca₂ñag₃:

67 —¿Dsón'₂ 'ne₂ líng'₅ I₂rē₂'ín₁ quián₅ Diú₄?

Jaun₂ ca₂ñag₃:

—O₁jñia'₅₄ ca₂juá'₃ jniá₂, jniá₂ 'éi₂, a₂dsón'₂ tsá₃ le₃'én'₂ bá₄ 'nia'₂. 68 Nē₁juá'₂ ca₂ñag₄ jniá₂ 'e₂ ca₂ñag₅₄ ne'₅₄ 'nia'₂, a₂dsón'₂ on₃juá'₅₄ a₂jaun₂ jein'₅₄ 'nia'₂ jág₁

† 22:62 A₂lín₅₄ chog₅₄ si₂ tsá₃ chi₁ton₅ versículo 62.

§ 22:64 A₂lín₅₄ chog₅₄ si₂ tsá₃ chi₁ton₅

“qui₂ca₂quein₃ dsí₂ne₅₄.”

quió₃. * 69 La₁ ně₃ ně₃, tē₂le₃ ne₄ ju_{i5} ja₁ŋó₄ ně₅, guá₃ Jaun₅ dsa₂ mi₂güí₃, tē₂le₃ gu₂ ne₁ Diú₄ i₂'uan'₂ guě₄ lín₃.

70 Jaun₂ ca₂ŋag₃ ca₂le₃jín₃:

—¿Ia₁ 'ne₂ bá₄ líng'₅ Ja₁ŋi'₅₄ Diú₄, jaun₂?

—Jniá₂ bá₄ líng₅, ju_{i1}lia'₂ ma₂ně₂jua'₅₄ 'nia'₂ ně₅.

71 Jaun₂ ca₂juá'₂ tíoín'₅₄:

—¿Ein₂ guě₄ jmá'₃ dsa₂ 'niog₂ jniog₄ jáng'₃ jág₁ dsau₅? Jua'₂ jniog₄ guio₅₄ ma₂ně₂néi₁ jág₁ a₂ma₂ně₂'uě'₃ i₂ně₅ 'ŋiog₅ mi₂'o₅₄ chéin'₅.

23

Ca₂dsián'₃ Jesús ne₄ Pilato

(Mateo 27:1-2, 11—14; Marcos 15:1-5; Juan 18:28-38)

1 Jaun₂ qui₂ca₂nau₂ ca₂le₃jín₃ ca₂jŋiai₃ Jesús ne₄ Pilato.

2 Ja₁jaun₂ guě₄ ca₂'náu'₃ dsáu₁ Jesús, ca₂juá'₂:

—Ca₂jón₃ jnia'₅₄ dsa₂ la₂ jme₁'ein₅₄ dsia₂₃ mi₅₄ jín₄ dsa₂ juig₂ quián₂ jnia'₅₄. Ni₂₃ tóin'₂ dsa₂ jág₁ a₂tsá₃ ma₂'ein₂ qui₃ 'lia'₅₄ a₂ca₂tín₂ César; a₂jme₂tiin₂₃ dsa₂ juá'₂ a₂lín₅ I₂rē₂'ín₁ quián₅ Diú₄, co₂'nió'₄ a₂lín₅ rag₅₄.

3 Jaun₂ ca₂ŋag₃ Pilato:

—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ŋag₃ Jesús:

—Le₂ně₅ bá₄, ju_{i1}lia'₂ juá'₂ 'ne₂ ně₅.

4 Jaun₂ ca₂juá'₂ táng₃ Pilato ca₂tsí'₃ juig₅₄ jme₂dsa₂, quian'₅₄ dsa₂ juig₂:

—Tsá₃ 'e₂ dsáu₁ dsa₂ ně₅ dso'₂ jniá₂ 'i₁caun₂.

5 La₁ tē₂le₃ lě₅ guě₄ co₂mi'₅₄ ca₂tóin'₂, ca₂juá'₂:

—La₁ 'ŋio₅ lín₃ dsia₂₃ mi₅₄ ŋi₂₃, jme₂tiin₂₃ dsa₂ ta₁caun₂ 'uě₃ Judea. Ca₂jme₃lióg₃ Galilea, rē₂ně₃ guě'₂ ma₂ŋi₂₃ ja₁lá₃ jmo₂₃ le₂jaun₂.

Ca₂dsián'₂ Pilato Jesús ne₄ Herodes

6 Jme₁ca₂nág₂ Pilato a₂ně₅, jaun₂ ca₂ŋag₃ chi₂jua'₂ 'uě₃ Galilea chan₂ dsa₂ 'éi₂.

7 Jme₁ca₂rē₃ŋi₅ ně₃, a₂lín₅ Jesús dsa₂ chan₂ tē₂le₃ 'uě₃ ja₁niog₅ gu₂ Herodes, jaun₂ ca₂dsióg'₂ ne₄ 'éi₂. Ia₁ jme₁ŋi₂₃ juig₂ Jerusalén jmi₄ jaun₂.

8 'Io'₂ jén'₅ bá₄ Rag₅₄ Herodes jme₁ca₂jín₂ Jesús, ia₁ líg'₂ bá₄ 'ín₅ dsí₅ jág₂, ia₁ jme₁ma₂nág₂ bá₄ 'ei₅ jág₁ a₂'in₅ dsa₂ 'éi₂. Ia₁ jme₁'ín₂ dsí₅ jág₃ 'e₂ caun₂ o₂dsain₂ jmo₃.

9 'Lióng₂ a₂qui₂ca₂ŋi'₃ Jesús, la₁ tsá₃ ma₂'e₂ ca₂ŋag₃ 'éi₂ 'i₁caun₂.

10 Ja₁jaun₂ jme₁tión₂ juig₅₄ jme₂dsa₂ quian'₅₄ tē₅juá'₅ ně₃, caun₂ qui₂ca₂'náu'₃ tion₅₄ dsáu₁ 'éi₂.

11 Jaun₂ Herodes ně₃, quian'₅₄ 'lióg₂ quiáin₅, lē₁qui₂ca₂j móg'₂ tíoín'₅₄, ca₂quei'₃ 'mi'₂ jlá'₁, jaun₂ ca₂dsióg'₂ bá₄ táng₃ ne₄ Pilato.

12 Jmi₄ jaun₂ bá₄ ca₂jmo₃ Pilato a₂mei₅₄ quian'₅₄ Herodes, ia₁ jme₁le₁'ŋiai₁₂ riin'₅₄ le₂jniá₅.

Ca₂o₃'ág₃ 'éi'₃ a₂jón₂ Jesús

(Mateo 27:15-26; Marcos 15:6-15; Juan 18:39-19:16)

13 Jaun₂ ca₂ŋi'₂ Pilato juig₅₄ jme₂dsa₂, quian'₅₄ i₂lín₅ ta₁, quian'₅₄ dsa₂ juig₂ ně₃.

14 Jaun₂ ca₂tsí'₃ dsa₂:

—O₂jón₅₄ 'nia'₂ ne₃ dsa₂ la₂, ia₁ juá'₂ 'nia'₂ a₂dsia₂₃ mi₅₄ jín₄ dsa₂. Tē₃ ne₅₄ 'nia'₂ ma₂qui₂ně₂ŋag₄ jniá₂, tsá₃ 'e₂ dsáu₁ dso'₂ jniá₂ 'i₁caun₂, lia'₂ con'₂ lě₅ dso₄ a₂jme₂cain'₅₄ 'nia'₂. 15 On₃ guě'₂ Herodes ca₂dsó'₂, jaun₂ la₂ bá₄ ca₂dsióg'₂ táng₃.

* 22:68 A₂lín₅₄ chog₅₄ si₂juá'₂ ján₃: “on, guě'₂ jaun₂ a₂lo'₅₄ 'nia'₂.”

Jaun₂ 'i₁caun₂ tsá₃ 'e₂ cha₂ jua'₅₄ ca₂tíin₂ gue₃ 'mú₃. ¹⁶ La₁ jmo₅₄ 'éi'₃ a₂bóg₂ dsa₂, jaun₂ gué₄ loin₅₄.

¹⁷ Jme₁jmi_g₄ tē₂'in₅₄, jme₁chí'₄ tag₄ quió'₅ Pilato jme₁lióin₂ jan₂ dsa₂ 'né₅ 'má₃, jme₁chei'₂ le₃jín₄ dsa₂.*

¹⁸ La₁ dsa₂ juig₂ ně₃ co₂nei'₅₄ ca₂le₃jín₃ ca₂tóin'₂ co₂mi'₅₄ ca₂juá'₂:

—i₁Cau₅ jniá'₃ i₂ně₅! i₁Barrabás bá₄ lion₄ quián₂ jnia'₅₄!

¹⁹ Barrabás 'éi₂ ca₂to'₂ dsa₂ né₃ 'má₃ 'uig₅₄ ia₁ ca₂dsia₃ caun₂ mi'₅₄ jē₄ juig₂, ton'₂ ia₁ jme₁ma₂jñi'₃ dsa₂ ně₃.

²⁰ Jme₁'nio₃ bá₄ Pilato jme₁lióin₂ Jesús, jaun₂ jme₁ca₂tsí'₃ bá₄ gué₄ dsa₂. ²¹ La₁ tē₂le₃ lē₅ gué₄ co₂mi'₅₄ ca₂tón'₂ bá₄ dsa₂, guió'₅ juá'₂:

—i₁Tióin₃ cróg₄! i₁Tióin₃ cróg₄!

²² Jē₁ñó₄ 'ni₅ ráun₂ ca₂juá'₂ táng₃ Pilato tsí'₅ dsa₂:

—¿'E₂ gué'₂ 'lig'₅₄ ma₂jmo₃? Tsá₃ 'e₂ dsáu₁ i₂ně₅ dso'₂ jniá₂ jua'₅₄ a₂ca₂tíin₂ jóin₂. Jmo₅₄ jniá₂ 'éi'₃ a₂bóg₂ dsa₂ jaun₂ gué₄ loin₅₄.

²³ La₁ tion₅₄ ca₂mi₃ dsa₂ tíoin'₅₄ co₂mi'₅₄ a₂tion₃ cróg₄. Ca₂lē₃ rē'₂ con'₂ lē₅ 'ín₅ dsí₅ dsa₂ juig₂ lé₂.

²⁴ Jaun₂ co₂nei'₅₄ me'₂ ca₂jmo₃ Pilato 'éi'₃ a₂lé₂ con'₂ lē₅ mi₅ dsa₂.

²⁵ Jaun₂ ca₂lióin₂ bá₄ dsa₂ i₂jme₁'en₅₄ né₃ 'má₃, i₂jme₁ma₂dsia₃ mi'₅₄, i₂ma₂jñi'₃ dsa₂ ně₃. Jaun₂ ca₂jáng'₂ ca₂jín'₂ Jesús o₄gú₃ dsa₂ juig₂ o₁jmo₁₂ quiong'₅₄ con'₂ 'ín₅ dsí₅ jmo₃.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Juan 19:17-27)

²⁶ Con'₂ ma₂tioin'₅₄ juí₅ jñiai₂₃ Jesús ja₁dsi₃tion₃ cróg₄, ca₂chi₃quiáin₂ tion₅₄ jan₂ dsa₂ chan₂ 'uē₃ Cirene, i₂chen₂ Si₂mu₅₄, i₂'en₅₄ juí₅ jón'₅ ja₁nau₂, a₂cán₂ cróg₄ dsó₃ le₃chi₁co'₅₄ quió'₅ Jesús.

²⁷ Juí₅ lin₃ bá₄ dsa₂ juig₂ i₃lén₂ 'ein₂₃, dsa₂ mí₂ ně₃ i₃lén₂ qui'₂-o₂₃ 'lia'₂ dsí₅ qui'₂-óin'₂ Jesús.

²⁸ Jaun₂ ca₂jén'₃ Jesús, ca₂juá'₂:

—'Nia'₂ dsa₂ mí₂ chan₂ Jerusalén, 'a₃ ma₃'au₂ 'nia'₂ o₄quió₃ jniá₂. 'O₄ bá₄ 'nia'₂ o₄quiáng'₂ guiong'₅₄, o₄quió'₄ chí'₂-guein₂ quiáng'₂ ně₃. ²⁹ Ia₁ já₅ jmi_g₄ jē₁juá'₂ dsa₂: “'E₂ gué₄ dsen₃ juí₁lia'₂ dsa₂ mí₂ i₂tsá₃ lé₂ cán₂ guein₂; 'e₂ gué₄ dsen₃ juí₁lia'₂ dsa₂ i₂tsá₃ guein₂ ca₂'í₃ tē₂dsí₅, on₃ gué'₂ dsi'₅₄ quió'₅ ca₂guén'₃ guein₂ ně₃.” ³⁰ Jmi_g₄ jaun₂ jme₃lióg₃ dsa₂ tsí'₃ ni₁má'₂: “Lá'₃ ne₄ quián₂ jnia'₅₄”, juá'₂ ně₃ tsí'₃ dsi₂con'₂: “Mog₅₄ jnia'₅₄.” ³¹ Ia₁ chí₂jua'₂ le₂la₂ jmo₅ dsa₂ jmái'₂ i₂tsá₃ ca₂tín₂ gue₃ uig₅, ¿'ē₂ gué₄ bá₄ dsi₃ní₂ i₂ca₂tín₂ dsón'₂?†

³² Ján₃ bá₄ jme₁le₁jñiai₂₃ gué₄ on₃ dsa₂ i₂le₂cán'₄ dso₄, a₂jme₂dsiog₂₃ co₂lē₅ quian'₅₄ Jesús.

³³ Jme₁ca₂dsi₃lén₂ ja₁tē'₂ dsa₂ Dsi₂con'₂ Ni₁mu₅ Mi₂dsi₄ 'Lag₄,‡ ja₁jaun₂ ca₂tion₃ cróg₄ quian'₅₄ le₃on₃ dsa₂ 'lin'₅₄ 'éi₂, jan₂ tē₂le₃ gu₂ ne₁, jan₂ gué'₂ tē₂le₃ gu₂ jen₅.

³⁴ [Jaun₂ ca₂juá'₂ Jesús:

—Tia₅₄, 'én₃ dsáu₁, ia₁ tsá₃ ñi₅ a₂jmo₂₃.]§

Jaun₂ ca₂co₃ dsi₂'lióg₂ ca₂tóin'₂ ca₂jmo₃ le₁dso'₅₄ ni₁tsin'₅₄ Jesús.*

* **23:17** A₂lin₅₄ chog₅₄ si₂ tsá₃ chí₁ton₅ versículo 17. † **23:31** lit. “ia₁ chí₂jua'₂ ni₁'ma₂ rē'₂ co₂jmo₅ dsa₂ le₂ně₅, ¿'ē₂ gué₄ bá₄ lé₂ quian'₅₄ ni₁'ma₂ quein₂?” ‡ **23:33** ja₁chei₂ “Gólgota” quian'₅₄ arameo; quian'₅₄ latín gué'₂, chei₂ “Calvario.” § **23:34** A₂lin₅₄ chog₅₄ si₂ tsá₃ chí₁ton₅ jág₁ ně₅. * **23:34** 'Nio'₂ ja₁ton₅ Salmo 22:18.

³⁵ Jaun₂ jme₁tión₂ dsa₂ juig₂ cau₅, jág₅. Dsi₂tan₅₄ ně₃ jme₁tión₂, qui₂co₂jmóg'₂ burlas, ca₂juá'₂:

—Qui₂ma₂lióin₂ i₂sián'₂; ně₃ ně₃, ju₁lioin₅₄ 'ŋiog₅ chi₂jua'₂ dsi₂jó'₃ lín₅ I₂rě₂'ín₁ rě₂quion'₅₄ quián₅ Diú₄.

³⁶ Dsi₂'lióg₂ ně₃ ca₂jmóg'₂ burlas ca₂jme₃quián₃ ca₂jén'₃ vino jen'₂, ³⁷ ca₂juá'₂:

—Chi₂jua'₂ líng'₅ Rag₅₄ quián₅ dsa₂ judíos, lion₄ 'ŋiag'₂.

³⁸ Jaun₂ ca₂tióng₃ dsa₂ letras dsi₄ cróg₄ tio'₅₄ 'ni₅ ně₃ jág₁ jmei₅: griego, latín, hebreo ně₃, co₂'nió'₄ a₂juá'₂: “RAG₅₄ QUIÁN₅ DSA₂ JUDÍOS BÁ₄ LA₂.”

³⁹ Jan₂ i₂rě₂cán'₄ dso₄ i₂jme₁rě₂ton₅ cau₅ quió'₅ ca₂tě₂ca₂'o'₂, ca₂juá'₂:

—¿On₁ 'ne₂ líng'₅ I₂rě₂'ín₁ quián₅ Diú₄? Ma₂ně₃ lion₄ 'ŋiag'₂, jaun₂ lo'₅₄ jnia'₅₄ ně₃.

⁴⁰ La₁ ca₂jí₂ bá₄ riin'₅₄ ca₂juá'₂:

—¿En₁ jmá'₃ tsá₃ gan'₃ 'ne₂ Diú₄? Jua'₂ uig₅ le₂ně₅ bá₄ guei'₂ ján₃, ⁴¹ La₁ jniog₄ a₂ca₂tág₂ dsón'₂ guei₂ uig₅ la₂, lia'₂ con'₂ lě₅ a₂ma₂jmó₁; la₁ dsa₂ la₂ ně₃, 'i₁caun₂ tsá₃ 'e₂ riin₂.

⁴² Jaun₂ ca₂juá'₂:

—Jesús, ju₁dsiog'₂ bá₄ 'au'₂ jniá₂, jě₁ma₂dsiáng'₃ ja₁gong'₂.

⁴³ Jaun₂ ca₂ŋag₃ Jesús:

—A₂dsi₂jó'₃ juig₂ jniá₂ 'ne₂, jmig₄ ně₃ tě₃tsing'₅₄ quian'₅₄ jniá₂ Ja₁jlá'₁.†

Ca₂jón₃ Jesús

(Mateo 27:45-56; Marcos 15:33-41; Juan 19:28-30)

⁴⁴ Con'₂ dsi₃ní'₃, † tě₁tsi'₅₄ qui₁né'₃ ta₁caun₂ gua'₅₄ 'uě₃, ca₂lia'₂ ca₂tě₂ hora ŋí₁ 'ni₅ § le₃ca₂'láu₂.

⁴⁵ 'Iog₂ co₂dsia₅ ca₂rě₃liá'₃; tsí₁'mi'₂ cortina a₂jme₁'ei₅ dsi₂néi₂ guá'₅ templo, co₂dsia₅ ca₂chen₃ ca₂lě₃ tin₃ dso'₅₄ jo₂.

⁴⁶ Hora jaun₂, ca₂guió'₃ Jesús, ca₂juá'₂:

—i₁Tia₅₄ quiáng₃, o₄gog'₂ 'ne₂ dsia₅₄ jme₂dsí₂ quió'₃!

Caun₂ jaun₂ bá₄ a₂ca₂juá'₂ guě₄, co₂tan₅₄ ca₂join₃.

⁴⁷ Jme₁ca₂jág₃ juig₅₄ 'lióg₂ a₂ca₂lě₃ jaun₂, ca₂jme₃juin'₂ Diú₄, ca₂juá'₂:

—Dsón'₂ bá₄ tsá₃ 'e₂ jme₁riin₂ dsa₂ la₂.

⁴⁸ Ca₂le₃jín₃ bá₄ dsa₂ i₂jme₁tion'₅₄ i₂ca₂jág₃ a₂ca₂lě₃ jaun₂, ca₂i₁lein₃ quein₂₃ dsi₅.*

⁴⁹ Ca₂le₃jín₃ dsa₂ i₂jme₁cuin₅ Jesús quian'₅₄ dsa₂ mí₂ i₂jme₁ma₂quiong'₅₄ tě₂ Galilea, jme₁tióin₂ uíng₂ jág₅ ca₂le₃jě₃ a₂ně₅.

Ca₂'on₃ Jesús

(Mateo 27:57-61; Marcos 15:42-47; Juan 19:38-42)

⁵⁰ La₁ ca₂lě₃ ně₃, jan₂ dsa₂ i₂chen₂ José, i₂jme₁quen'₅₄ lín₅ ta₁ jin₄ dsi₂tan₅₄ quián₅ guá'₅, jme₁lín₄ dsa₂ dsen₃ i₂'ua₁ dsi₅. ⁵¹ Sě₄ 'éi₂ ně₃, i₂chan₂ juig₂ Arimatea ja₁tén₄ Judea, tsá₃ ca₂rě₃'ŋi₃ó₃ dsi₅ lia'₂ niog₅ ca₂jmo₃ dsi₂tan₅₄ riin'₅₄, ia₁ jme₁chi₁jnia₂₃ le₃gon₂ Diú₄.

⁵² Jaun₂ ca₂ŋei₅₄ ně₃ i₁mi₂ jág₁ ne₄ Pilato a₂dsi₃sioin₅₄ 'lag₄ Jesús cróg₄ a₂dsi₃'ó₃.

⁵³ Jme₁ca₂sió₂, ca₂lio₃ caun₂ 'mi'₂ tióg₃. Jaun₂ ca₂i₁quio₂₃ 'ŋi₃ó₃ tau₂ 'ŋio₅ a₂jme₁ma₂lě₅ ca₂jmo₃ dsa₂ dsi₅ ni₁'lau₂, ja₁tsá₃ 'ein₂ 'lag₄ ma₂'í₅.

⁵⁴ Ia₁ jmig₄ jaun₂ tion'₅₄ dsa₂ jmo₂₃ co₂jnia₅₄ a₂'nió'₅ quió'₅ jmig₄ sa₅₄ a₂jě₁ca₂jnia₃ jaun₂.

⁵⁵ La₁ dsa₂ mí₂ i₂ma₂ja₂lén₂ quian'₅₄ Jesús tě₂ Galilea, ca₂o₃lėin₂ ca₂jág₃ 'a₂ lia'₂ ca₂quion₅ dsa₂ 'lag₄ né'₃ táu₂.

† 23:43 griego: paradeiso (Paraíso). ‡ 23:44 lit. “hora ŋjé₂.” § 23:44 lit. “hora ŋj₃.” * 23:48 Co₂'nió'₄ a₂jmo₂₃ léi₄ a₂qui₂ dsi₅.

⁵⁶ Jme₁ca₂dsi₃lein₃ quió'₅, ca₂jmo₃ co₂jñia₅₄ no'₅₄ mi₂juig₂ quian'₅₄ guě₄ ma₁'au₂ ně₃, a₂dsi₃tsiin₅₄ Jesús.

Jme₁ca₂jñia₃ sa₅₄ jaun₂, ca₂tiáin'₂ ca₂jñia₃ lia'₂ con'₂ lě₅ 'Éi'₃.

24

Ca₂jen'₅₄ táng₃ Jesús

(Mateo 28:1-10; Marcos 16:1-8; Juan 20:1-10)

¹ Jě₁le₂'uig₅₄ jmig₄ semana, ca₂i₃lén₂ táng₃ dsa₂ mí₂ tē₂ o₃'iog₂ lin₃, i₁jag₅₄ tau₂ 'ñio₅ le₁quian'₅ no'₅₄ mi₂juig₂ a₂jme₁ma₂lě₅ co₂jñia₅₄ quió'₅; [lě₂ bá₄ guě₄ dsa₂ mí₂ sián'₂ i₂ca₂jme₃quiong'₅₄].* ² Jme₁ca₂dsi₃lén₂ ja₁jaun₂, jua'₂ cau₅ bá₄ ma₂i₂mu₃ ni₁cang₁ a₂jme₁rě₂jñi₅ tau₂ 'ñio₅. ³ Jaun₂ ca₂l₃toin'₅₄, la₁ tsá₃ ma₃ni₁ñi₁ 'lag₄ [Te₁gui'₅₄ Jesús]† ca₂dsó'₂ ja₁jaun₂. ⁴ [Jaun₂ ca₂lě₃],‡ tē₃ tióin₂ dsi₂gó'₃ dsí₅ jaun₂, tsá₃ a₂ñi₅ jmo₃, jme₁ca₂jín₂ on₃ dsa₂ i₂qui'₂ tsin'₅₄ tág₅, tión₂ cau₅ quió'₅.

⁵ Tē₃ ma₂gó'₅ jaun₂, ca₂'iin₃ ne₅₄ tē₂ 'uě₃. Jaun₂ ca₂juá'₂ dsa₂ 'éi₂:

—¿'E₂ lě₃ 'na'₂ 'nia'₂ jan₂ i₂jén'₃ jin₄ 'lag₄? ⁶ Tsá₃ 'éi₂ chan₂ ja₁lá₃. Ma₂ca₂jein'₅₄ bá₄. Jui₁dsiog'₂ 'au'₂ 'nia'₂ a₂ca₂juá'₂ lia'₂ con'₂ jme₁ñi₂₃ Galilea, ⁷ jme₁ca₂juá'₂ a₂ca₂tín₂ Jaun₅ dsa₂ mi₂güig₃ jáng'₂ dsa₂ o₄gú₃ dsa₂ 'lin'₅₄, a₂tion₃ dsa₂ cróg₄, la₁ a₂'ni₅ jmig₄ jaun₂ jein'₅₄ táng₃.

⁸ Jaun₂ guě₄ ca₂dsáu'₃ dsí₅ 'io₅₄ jág₁ jaun₂ quió'₅ Jesús. ⁹ Jme₁dsi₃lein₃ jaun₂, ca₂dsia₃ ca₂tsí'₃ ta₁guia₃-ján₃ chi'₂ dsi₂guia₃-tín₂ i₂jme₁lě₂ guě₄, ca₂tsí'₃ ca₂le₃jín₃ guě₄ dsa₂ sián'₂ ně₃. ¹⁰ Dsa₂ mí₂ i₂jme₁quion₂ jág₁ ně₅ ne₄ chi'₂ dsi₂guia₃-tín₂: María i₂chan₂ Magdala, Juana, María chog₅₄ Jacobo, quian'₅₄ guě₄ dsa₂ mí₂ sián'₂.

¹¹ La₁ jme₁ca₂nág₂ chi'₂ dsi₂guia₃-tín₂ jág₁ ně₅, a₂lě₁tē₂'i₅ bá₄ 'io₅₄ 'éi₂, lín₂, jaun₂ tsá₃ ca₂rě₃'éin₂.

¹² La₁ Pe₄ ně₃, ca₂o₃'iin₃ ñó₃ co₂chi'₅₄ ca₂i₁jag₅₄ dsi₂néi₂ tau₂ 'ñio₅. Jaun₂ jmá'₃ tsi₁'mi'₂ tióg₃ bá₄ ca₂jág₃ niog₅. Ca₂ñái'₃ bá₄ táng₃ jaun₂ ně₃, dsi₂gó'₃ dsí₅ 'e₂ ca₂lě₃.

A₂ca₂lě₃ dsi₂jui₅ ja₁ñó₄ juig₂ Emaús

(Marcos 16:12-13)

¹³ Jmig₄ jaun₂ dé₄, on₃ dsa₂ 'éi₂ tióin'₅₄ jui₅ i₃lén₂ jui₅ juig₂ ja₁tě'₂ dsa₂ Emaús, a₂niog₅ con'₂ guia₃-cáun₃ kilómetros ja₁niog₅ Jerusalén. ¹⁴ Jaun₂ dé₄ tsí'₅ riin'₅₄ i₃lén₂ ca₂le₃jě₃ 'e₂niog₅ ca₂lě₃. ¹⁵ Tē₃ dsia₂₃ i₃lén₂ jaun₂, ca₂jme₃quián₃ Jesús ñó₃ quiong'₅₄. ¹⁶ La₁ jui₁'a₂ guě₃ la₂ jág₂ i₃lén₂, cha₂ a₂jmo₅ a₂tsá₃ rě₂cuig₂₃ 'ein₂ 'éi₂.

¹⁷ Jaun₂ ca₂ñag₃ Jesús:

—¿'E₂ bá₄ jág₁ dsia'₂ 'nia'₂ ja₂nóg'₅?

Jaun₂ ca₂nau₂ ca₂tiá₂ tei₄, le₁'ág₄ 'lia'₂ dsí₅ bá₄. ¹⁸ Jaun₂ ca₂ñag₃ jan₂ i₂chen₂ Cleofas:

—¿On₁ bá₄ jan'₂ 'ne₂ líng'₅ dsa₂ i₂lia'₂ tē₁tsin'₅₄ guan₅ Jerusalén, jaun₂ tsá₃ ñi'₅₄ 'e₂niog₅ ca₂lě₃ dsióg₂-jo₃ ně₅?

¹⁹ Jaun₂ ca₂ñag₃:

—¿'E₂ ca₂lě₃ guě'₂?

Jaun₂ ca₂ñag₃ táng₃:

—A₂ca₂lě₃ quian'₅₄ Jesús i₂chan₂ Nazaret, i₂jme₁lín₄ jan₂ i₂jme₁'ě₂ jág₁ quián₅ Diú₄, i₂'uan'₂ tē₂le₃ quian'₅₄ ca₂le₃jě₃ a₂niog₅ ca₂jmo₃, i₂'uan'₂ tē₂le₃ quian'₅₄ jág₁ a₂ca₂jme₃tag₂₃, lia'₂ le₃ne₄ Diú₄ lia'₂ le₃ne₄ dsa₂ mi₂güig₃ ně₃; ²⁰ 'a₂ lia'₂ ca₂jáng'₂ juig₅₄ jme₂dsa₂ quian'₅₄ dsi₂tan₅₄ quián₂ jnia'₅₄, ca₂dsi₂ 'éi'₃ ca₂ñag₃ tióin'₅₄,

* **24:1** A₂lin₅₄ chog₅₄ si₂ tsá₃ le₁ton₅ jág₁ ně₅. † **24:3** A₂lin₅₄ chog₅₄ si₂ tsá₃ le₁ton₅ jág₁ ně₅. ‡ **24:4** A₂lin₅₄ chog₅₄ si₂ tsá₃ le₁ton₅ jág₁ ně₅.

ca₂tion₃ cróg₄. ²¹ Jnia'₅₄ jme'₁ín₂ dsi₅ chong₂, a₂lág₂ jnia'₅₄ 'éi₂ bá₄ lín₅ i₂jme'₁lión₂ juig₂ Israel. La₁ ně₃ ně₃, ma₂'ni₅ jmi₄ ca₂lě₃ le₂ně₅. ²² I₂lin₅₄ dsa₂ mí₂ i₂tion'₅₄ jě₄ quián₂ jnia'₅₄ ma₂ně₂quiong₃ jnia'₅₄ juě'₅, ia₁ ma₃i₁jag₅₄ tē₂ o₃'iog₂ ma₂'míg₂ tau₂'ñio₅, juá'₂. ²³ Tsá₃ ni₁ñi₁ 'lag₄ dsó'₅, A₂jaun₂ bá₄ dsia₂₃ o₃lein₃ a₂ně₂jme₃jnia₅ ángeles ne₅₄, a₂ně₂juá'₂ i₂chan₂ bá₄ 'éi₂. ²⁴ Jaun₂ ně₃, ma₂i₁len₅₄ i₂lin₅₄ rín'₅₄ jnia'₅₄ ma₂i₁jag₅₄ tau₂'ñio₅. Jua'₂ dsón'₂ bá₄ dsau₅ con'₂ lě₅ jág₁ jmóg'₅ dsa₂ mí₂ 'éi₂, la₁ 'éi₂ guě'₂ ně₃ tsá₃ ně₂jín₂, juá'₂.

²⁵ Jaun₂ ca₂ñag₃ Jesús ca₂tsí'₃ 'éi₂:

—i'En₁ jmá'₃ tsá₃ 'e₂ ca₂ñí'₂ 'au'₂ 'nia'₂! ¿Líg'₂ bá₄ le₃'én'₂ 'nia'₂ ca₂le₃jě₃ a₂nio₅ ca₂juá'₂ dsa₂ i₂jme'₁ě₂ jág₁ quián₅ Diú'? ²⁶ Ia₁ ¿on₁ le₂jaun₂ 'i₄ 'éi'₃ ca₂tín₂ I₂rě₂'ín₁ quián₅ Diú', dsi₃ñí₂ ca₂le₃jě₃ a₂ně₅ de'₂ jniá₅, jaun₂ guě₄ dsiáin'₄ ja₁le₃juin'₂ táng₃?

²⁷ Jaun₂ qui₂ca₂juá'₂ 'a₂ lia'₂ niog₅ juá'₂ ne₄ Si₂ quió'₅ Diú'; ca₂jme₃lióg₃ de'₂ jniá₅ ja₁juá'₂ ne₄ si₂ quió'₅ Moisés, ñó₃ ca₂'ě₃ le₂tan₅₄ si₂ quió'₅ dsa₂ i₂jme'₁ě₂ jág₁ quián₅ Diú', ja₁juá'₂ 'iin₂₃ 'éi₂ 'ñiog₅.

²⁸ Jaun₂ ja₂quián₃ dsi₁lén₂ juig₂ pí'₁ ja₁tioin'₅₄ jui₅ dsi₁lén₂. La₁ dsa₂ 'éi₂ con'₂ jme₁ma₂ñó₅ co₂dsau₅ bá₄ ca₂jmo₃.

²⁹ La₁ i₂on₃ 'éi₂ ně₃ ca₂chi₃quióng₂ jmi₄ a₂jnia₃, ca₂juá'₂:

—Ně₃ o₁jnia₁ quian'₅₄ jnia'₅₄, ia₁ ca₂rín₂ bá₄ 'iog₂, ca₂'láu₂ ca₂nei₂ bá₄ la₂.

Jaun₂ ca₂'í₃ dsi₂néi₂ ja₁jnia₃ quian'₅₄ 'éi₂.

³⁰ Jaun₂ ca₂lě₃, jme₁ma₂guá₅ ne₄ mesa quian'₅₄ 'éi₂, ca₂can₃ i₁ñí'₄, ca₂jme₃jñio₃, jaun₂ guě₄ ca₂'niai₃ ca₂cuě'₃ le₃on₃ i₂quiain'₅₄.

³¹ Tě₃jě₄ jaun₂ ně₂jag₄ a₂jaun₂ guě₄ ca₂niá₃ jme₁ne₁₂ lín₂, jaun₂ guě₄ ca₂rě₃cuig₂₃. La₁ dsi₂jui₅ jaun₂ ca₂i₃cóin'₅ tě₃ ne₅₄.

³² Jaun₂ guě₄ ca₂dsia₃ jág₁ guioin'₅₄:

—Dsón'₂ bá₄ lia'₂ tio'₅₄ jui₅ ja₂náu₅, ca₂lě₃ dsi₅ néi₁ ca₂le₃jě₃ 'e₂ niog₅ ně₂juá'₂ ně₂jme₃ñí'₂ dsi₅ jniog₄ a₂juá'₂ Si₂.

³³ Dsi₂jui₅ le₂jaun₂ bá₄ ca₂tóin'₂ táng₃ jui₅ ja₂lein₃ Jerusalén. Jme₁o₃lein₃ jaun₂, tion'₅₄ ta₁guia₃-ján₃ chi'₂ dsi₂guia₃-tín₂ i₂lě₂ guě₄, le₁ñí'₂ quian'₅₄ guě₄ dsa₂ sián'₂.

³⁴ Jaun₂ juá'₂ 'éi₂ tioin'₅₄:

—Tě₃dsón'₂ bá₄ ma₂ca₂jen'₅₄ Te₁gui'₅₄. Ia₁ ma₂ně₂jme₃jniai₂₃ ne₄ Si₂mu₅₄.

³⁵ Jaun₂ guě₄ ca₂jmóg'₃ táng₃ i₂on₃ 'éi₂ jág₁ 'a₂ lia'₂ ca₂lě₃ le₂'i₄ jui₅, 'a₂ lia'₂ ca₂rě₃cuig₂₃ con'₂ jme₁ca₂'niai₃ i₁ñí'₄.

Ca₂jme₃jnia₅ Jesús jě₄ quió'₅ chi'₂ dsi₂guia₃-tín₂

(Mateo 28:16-20; Marcos 16:14-18; Juan 20:19-23)

³⁶ Tě₃ tioin'₅₄ dsia₂₃ jág₁ jaun₂, jme₁ca₂jme₃jnia₅ Jesús ca₂nau₂ jě₄ quió'₅. §

³⁷ Ca₂i₃gó'₃ dsi₅ tioin'₅₄, lín₂ jan₂ jme₂dsí₂ bá₄ 'éi₂ ñi₅.

³⁸ Jaun₂ ca₂juá'₂:

—¿'E₂ lě₃ ñí₄ lě₃ tion'₅₄ 'nia'₂ chí'₅ go₂'i₃? ¿'E₂ lě₃ ñí₄ 'lióng₂ a₂'náu'₂ 'nia'₂ 'au'₂?

³⁹ La₂ jag₄ 'nia'₂ o₄gu₃ o₄tag₃. Jniá₂ bá₄ la₂. I₂nó'₅ 'nia'₂ i₂níg'₃ quió'₃ i₂jag₄ 'nia'₂. Jan₂ jme₂dsí₂, on₃juá'₅₄ i₂ton₅ ñí₅ on₃ i₂'en₅₄ mu₅, jui₁lia'₂ jág'₂ 'nia'₂ lín₅ jniá₂.

⁴⁰ Tě₃ juá'₂ le₂ně₅, qui₂ca₂'ě₃ o₄gú₃ o₄tag₁₂ ně₃.

⁴¹ Tě₃ tioin'₅₄ jaun₂ dsi₂gó'₃ dsi₅ tsá₃ 'éin₂ o₄quió'₄ a₂ñí₄ lě₃ 'io'₂ jén'₅, jme₁ca₂juá'₂ Jesús:

—¿Cha₁ a₂le₃que₅₄ ca₂la₂ ja₁lá₃?

§ 24:36 A₂lin₅₄ chog₅₄ si₂ juá'₂ ján₃: “co₂tan₅₄ ca₂cuag₃ Diú', ca₂juá'₂: —Siang'₃. Jui₁'ei₅ bá₄ tei₄ tion'₅₄ 'nia'₂.”

⁴² Jaun₂ ca₂o₃can₅ ca₂'nau₅₄ quió'₅ i₁ju₁ cui₂ ne₄ si₂, [quian'₅₄ guë'₂ ca₂jne₄ ni₁tá'₅ cui_{ng5}].*

⁴³ Jaun₂ ca₂gue₃ ca₂guë'₃ guá'₅ tē₃ne₄ ca₂le₃jín₃.

⁴⁴ Jaun₂ ca₂juá'₂ ně₃:

—Ma₁ ca₂juá'₃ jniá₂ le₂jniá₅ lia'₂ con'₂ jme₁ñi₂₃ jín'₄ 'nia'₂, a₂tion₅₄ le₃ti₃ ca₂le₃jě₃ lia'₂ con'₂ lě₅ tio'₅₄ ne₄ Si₂ 'Éi'₃ quió'₅ Moisés, ne₄ Si₂ quió'₅ dsa₂ i₂jme₁'ě₂ jág₁ quián₅ Diú₄, ne₄ Salmos ně₃, ja₁'ag₂₃ jniá₂.

⁴⁵ Jaun₂ guë'₄ ca₂jme₃ñi'₂ dsí₅ 'éi₂ a₂juá'₂ Si₂, ⁴⁶ jaun₂ ca₂juá'₂:

—Le₂ně₅ bá₄ tio'₅₄ ne₄ Si₂: a₂tion₅₄ bá₄ dsi₃ñí₂ uig₅ I₂rě₂'ín₁ quián₅ Diú₄, la₁ jein'₅₄ bá₄ táng₃ a₂'ni₅ jmig₄; ⁴⁷ a₂tion₅₄ dsi₃'ag₅ jág₁ ně₃, a₂'nió'₅ qui₂dsi₃quén'₅ dsí₅ dsa₂ ia₁jaun₂ bá₄ lé₂ le₃'én₂ dsáu₁. Jág₁ ně₅ dsó₃ qui₂rě₂'ě₂ o₄quió₃, ne₄ ca₂le₃jín₃ i₂chan₂ gua'₅₄ 'uë₃, la₁ Jerusalén de'₂ jniá₅ ja₁le₃lióg₃. ⁴⁸ 'Nia'₂ ně₃ i₂qui₂ca₂tě₂ ne'₅₄ ca₂le₃jě₃ a₂niog₅ ca₂lě₃, qui₂o₁jang'₄ 'nia'₂ jág₁ dsau₅. ⁴⁹ Jaun₂ ně₃, tsin₅₄ jniá₂ i₂ma₂lě₅ jág₁ chen₃ Ñe'₃. La₁ jniá₄ guë'₄ 'nia'₂ juig₂ la₂, ca₂lia'₂ ca₂lě₃ le₁lin'₄ 'nia'₂ quian'₅₄ jui₅bí₂ a₂sió₃ guei'₅₄.

Ca₂uig₂ Jesús guei'₅₄ i₂juig₃
(Marcos 16:19-20)

⁵⁰ Jaun₂ ca₂jniai₃ chi'₂ dsi₂guia₃-tín₂ tē₂ juig₂ Betania, jaun₂ ca₂cho₃ gu₂ ne₄ quió'₅ ca₂le₃jín₃, ca₂jme₃gu'₅₄. ⁵¹ Ca₂lě₃ ně₃, tē₃jě₄ jme₂gu'₅₄ jaun₂, ca₂i₃uíin₂.†

⁵² 'Éi₂ ně₃, ja₂lein₃ bá₄ táng₃ Jerusalén, jmo₂₃ 'io'₂ 'ñio₅ lin₃, ⁵³ le₃ó₃ jmig₄ bá₄ jme₁ñi'₂ i₁dsi₅ guá'₅ jme₂juin'₂ Diú₄.

Co₂ně₅.

* **24:42** A₂lin₅₄ chog₅₄ si₂ tsá, chi,ton, jág, ně₅.
i₂juig₃.”

† **24:51** A₂lin₅₄ chog₅₄ si₂ juá'₂ ján₃: “ca₂ñái'₃ guei'₅₄

Jág₁ Dse₃ quió'₅ Diú₄ a₂ca₂tó'₂ San Juan₅₄ ne₄ Si₂

Jág₁ quió'₅ Diú₄ a₂lín₅ dsa₂ mi₂güig₃

¹ Lia'₂ con'₂ le₂'uig₅₄ jme₁ca₂rë₃lióg₃, jme₁ma₂chan₂ i₂té'₂ Jág₁; jaun₂ i₂'éi₂ i₂lín₅ Jág₁ ně₃, jme₁'ein₅₄ quian'₅₄ Diú₄; Diú₄ bá₄ jme₁lín₄ ján₃. ² Jaun₂ lia'₂ con'₂ le₂'uig₅₄, 'éi₂ ně₃, jme₁'ein₅₄ quian'₅₄ Diú₄. ³ Të₂le₃ quian'₅₄ 'éi₂ bá₄, ca₂lë₃ ca₂le₃jë₃ 'e₂ a₂cha₂; ca₂lia'₂ 'i₁caun₂ tsá₃ ca₂rë₃chá₃ jua'₅₄ tsá₃ ca₂jmo₃ 'éi₂.

⁴ Ja₁con₂ 'éi₂ bá₄ já₅ bí₂ a₂le₃chan₂ dsa₂; bí₂ jaun₂ ně₃, lë₅ Si₂ a₂tág₅ ja₁con₂ dsa₂ mi₂güig₃. ⁵ Tág₅ Si₂ jaun₂ jë₄ qui₁né'₃, la₁ qui₁né'₃ ně₃, tsá₃ ma₂ca₂tió'₃.

⁶ Ca₂rë₃chán₃ jan₂ dsa₂ i₂chen₄ quián₅ Diú₄, i₂chen₂ Juan₅₄. ⁷ Ca₂guain₃ ca₂jang'₃ jág₁ dsau₅ të₂le₃ quió'₅ 'éi₂ i₂lín₅ Si₂, ia₁jaun₂ të₂le₃ quian'₅₄ jág₁ dsau₅ a₂jang'₅ ně₅, le₃'én₂ ca₂le₃jín₃ dsa₂.

⁸ On₃jua'₅₄ Juan₅₄ 'éi₂ i₂jme₁lín₄ Si₂; jñia'₅₄ con'₂ i₂jang'₅ jág₁ dsau₅ bá₄ jme₁lín₄, ju₁lia'₂ le₃quió'₅ Si₂.

⁹ Jme₁ma₂guán₂ i₂lín₅ Si₂ të₃dsón'₂, a₂tág₃ ja₁con₂ le₂jan₂ le₂jan₂ dsa₂ mi₂güig₃.

¹⁰ I₂'éi₂ i₂lín₅ Jág₁ jme₁'ein₅₄ mi₂güig₃; jaun₂, o₁jñia'₅₄ ca₂lë₃ mi₂güig₃ të₂le₃ quian'₅₄ 'éi₂, tsá₃ ca₂rë₃cuig₅ dsa₂ mi₂güig₃.

¹¹ Guain₃ jñ₄ dsa₂ go₅₄, la₁ dsa₂ go₅₄ ně₃, tsá₃ ca₂guei₃.

¹² La₁ia₁ i₂con'₂ ca₂guei₃, i₂ca₂rë₃'én₂ të₂le₃ quió'₅, dsa₂ 'éi₂ ně₃ ca₂cuë'₃ bí₂ a₂lén₂ chi'₂-guein₂ quián₅ Diú₄.

¹³ Ju₁lia'₂ chi'₂-guein₂ 'éi₂, on₃jua'₅₄ ca₂rë₃chán₃ lia'₂ con'₂ lë₅ jmi₄ dsa₂ mi₂güig₃, on₃ guë'₂ lia'₂ con'₂ lë₅ dsí₅ dsa₂ mi₂güig₃, on₃ guë'₂ lia'₂ con'₂ lë₅ dsí₅ jan₂ dsa₂ ñe'₂, ton'₂ ca₂rë₃chán₃ le₃quió'₅ Diú₄ bá₄.

¹⁴ I₂'éi₂ ně₃ i₂lín₅ Jág₁, ca₂can₃ ñi₄ dsa₂ mi₂güig₃, ca₂guá₂ jë₄ quián₂ jniog₄. Jñia'₅₄ ně₃ ma₂ca₂jag₅₄ a₂co₂'né'₅ quió'₅, co₂'nió'₄ a₂co₂'né'₅ quió'₅ jan₂ tan₅₄ Ja₁ñi'₅₄ Diú₄, i₂já₅ ja₁con₂ Jmei₂, rë₂rín₅ a₂dse₃ dsí₅, a₂rë₂ti'₅₄ ně₃.

¹⁵ Ca₂jang'₃ Juan₅₄ jág₁ dsau₅ të₂le₃ quió'₅ 'éi₂, ca₂juá'₂ tiá₂:

—I₂la₂ bá₄ 'éi₂ i₂lín₅ jniá₂, lia'₂ con'₂ jme₁ca₂juá'₃: “I₂já₅ cang₂ guë'₄ con'₂ guë'₄ jniá₂, dsein₅₄ guë'₄ con'₂ guë'₄ jniá₂, ia₁ jme₁ma₂chain₂ jñiá₅ guë'₄ con'₂ guë'₄ jniá₂.”

¹⁶ Ca₂le₃jág₃ bá₄ jniog₄ ma₂qui₂ma₂guéi₂ a₂tson₂ a₂dse₃ dsí₅ 'éi₂, caun₂ qui₂jme₂gu'₅₄ bá₄ Diú₄ jniog₄ lia'₂ i₂gú'₃.

¹⁷ Ca₂ñag₂ jniog₄ Si₂ 'Éi'₃ të₂le₃ quian'₅₄ Moisés, la₁ia₁ të₂le₃ quian'₅₄ Jesucristo bá₄ ca₂já₃ a₂dse₃ dsí₅ Diú₄, ca₂rë₃ti₃ jág₁ dsau₅ ně₃.

¹⁸ Lia'₂ 'i₁jan₂ tsá₃ 'ein₂ ma₂jín₂ Diú₄ lia'₂ 'i₁cón'₂; la₁ia₁ Ja₁ñi'₅₄ i₂jan₂ tan₅₄ 'éi₂ quián₅, i₂'en₅₄ ja₁con₂ Jmei₂, i₂'éi₂ bá₄ ma₂jmo₃ jág₁ dsau₅ 'a₂ lia'₂ lín₅ Diú₄.

Jáng'₅ jág₁ dsau₅ Juan₅₄ i₂chon₅ dsa₂ jmi₂g₂, ju₁lia'₂ i₂'ein₂ 'éi₂ Jesucristo (Mateo 3:11-12; Marcos 1:7-8; Lucas 3:15-17)

¹⁹ Jaun₂ le₂la₂ jág₁ a₂ca₂jang'₃ Juan₅₄ jme₁ca₂chen₃ dsa₂ can'₅₄ quián₅ dsa₂ judíos i₂tion'₅₄ Jerusalén ca₂chein₃ jme₂dsa₂ quian'₅₄ levitas ne₄ Juan₅₄, a₂i₁ñag₁₂ i₂'ein₂ 'éi₂.

²⁰ 'Éi₂ ně₃ ca₂jmo₃ jág₁ lia'₂ rë₂jíá₃, ca₂juá'₂:

—On₃jua'₅₄ jniá₂ líng₅ I₂rë₂'ín₁ quián₅ Diú₄.

²¹ Jaun₂ ca₂ñag₃ táng₃ dsa₂:

—¿'Ein₂ 'ne₂ jaun₂? ¿'Ne₂ líng₅ Elías i₂jme₁'ë₂ jág₁ o₄quió'₄ Diú₄?

Jaun₂ ca₂juá'₂ Juan₅₄:

—On₃jua'₅₄ 'éi₂ jniá'₂.

Dsi₂jui'₅ le₂jaun₂ bá₄ ca₂ɲag₃ táng₃ dsa₂:

—¿On₃ bá₄ 'ne₂ líng'₅ i₂'ě₂ jág₁ 'éi₂, i₂lě₅ jág₁ jiá'₃?

Jaun₂ ca₂ɲag₃ Juan₅₄:

—Jan₂'ón₄.

²² Jaun₂ bá₄ ca₂juá'₂ dsa₂ ca₂tsí'₃ Juan₅₄:

—¿'Ein₂ lín'₅ 'ne₂, jaun₂ ně₃? Jua'₅₄, ia₁jaun₂ dsi₁con₁ jnia'₅₄ jág₁ dsau₅ ne₄ dsa₂ i₂ca₂chei₃. ¿'Ein₂ juá'₂ 'ne₂ líng'₅?

²³ Jaun₂ ca₂ɲag₃ Juan₅₄:

—Jniá'₂ bá₄ líng₅ i₂'éi₂ i₂juá'₂ jág₁ tiá'₂ caun₂ 'uě₃ quein₂ co₂ɲiog₅ i₁juá'₄: “Nia'₂ caun₂ jui₅ co₂dsau₅ quió'₅ Te₁gui'₅₄.”*

²⁴ Dsa₂ i₂i₁len₅₄ i₁dsia₂ jág₁ quian'₅₄ Juan₅₄, dsa₂ i₂chen₄ quián₅ dsa₂ fariseos bá₄ 'éi₂, ²⁵ jaun₂ ca₂ɲag₃ ca₂ɲí'₃ táng₃ Juan₅₄:

—Chi₂jua'₂ on₃jua'₅₄ 'ne₂ líng'₅ I₂rě₂'ín₁ quián₅ Diú₄, on₃ guě'₂ Elías, on₃ guě'₂ jan₂ i₂'ě₂ jág₁ o₄quió'₄ Diú₄ ně₃, ¿'e₂ ta₁ 'eng'₅₄ tsóng'₅ dsa₂ jmig₂?†

²⁶ Jaun₂ ca₂juá'₂ Juan₅₄:

—Jniá'₂ tiáng₅ dsa₂ jmig₂; la₁ia₁ jin₄ 'nia'₂ chan₂ jan₂ i₂tsá₃ cuin'₂ 'nia'₂. ²⁷ Já₅ jan₂ cang₂ guě₄ con'₂ guě₄ jniá'₂, on₃jua'₅₄ 'ein₂ lín₅ jniá'₂ jua'₅₄ ca₂ting₂ tsi'₅₄ lau₂ ton₅ tag₅₄.

²⁸ Ca₂le₃jě₃ a₂la₂ ca₂lě₃ caun₂ ja₁chei₂ Betania, † a₂niog₅ tē₂le₃ ja₁ia₂ 'iog₂ tē₂le₃ quióng₄ Cuá₃ Jordán, ja₁jme₁'en₅₄ Juan₅₄ choin₂₃ dsa₂ jmig₂. §

Jesús i₂lín₅ Guein₂ Já'₂ Cha'₂ quián₅ Diú₄

²⁹ Jme₁jnia₃ jaun₂, ca₂jin₂ Juan₅₄ Jesús a₂já₅ ja₂quiain₃ ja₁chéin'₄, jaun₂ ca₂juá'₂:

—Jag₄ 'nia'₂, i₂ně₅ bá₄ Guein₂ Já'₂ Cha'₂ quián₅ Diú₄, i₂jniá'₂ dsau₁ dsa₂ mi₂güig₃.

³⁰ I₂ně₅ bá₄ 'éi₂ i₂'ín₅ jniá'₂, lia'₂ con'₂ jme₁ca₂juá'₃: “I₂já₅ cang₂ guě₄ con'₂ guě₄ jniá'₂, dsein₅₄ guě₄ con'₂ guě₄ jniá'₂, ia₁ jme₁ma₂chain₂ jniá'₅ guě₄ con'₂ guě₄ jniá'₂.”

³¹ Lia'₂ jnia'₅₄ 'ɲi₃, tsá₃ jme₁guion₅₄ 'ein₂ 'éi₂; la₁ia₁ chóng₅ dsa₂ jmig₂ ma₂guio₃,* ia₁jaun₂ le₃cuig₅ dsa₂ juig₂ Israel 'ein₂ 'éi₂.

³² Ján₃ bá₄ ca₂jáng'₃ Juan₅₄ jág₁ dsau₅ la₂, ca₂juá'₂:

—Ca₂jin₄ jniá'₂ Jme₂dsí₂ Jɲi₅ ca₂sióin₃ gwei'₅₄ i₂juig₃ i₂jniá'₂ lia'₂ jniá'₂ jan₂ i₁ju₂, ca₂tē₁gua₁ ne₄ quió'₅ 'éi₂. ³³ Tsá₃ jme₁ma₂guion₄ bá₄ guě₄ jniá'₂ i₂'ein₂ 'éi₂; la₁ia₁ i₂ca₂chei₃ jniá'₂ a₂chóng₄ dsa₂ jmig₂, † ca₂tság₃ jniá'₂: “Jē₁ma₂ca₂jing'₅₄ Jme₂dsí₂ sióin₅ ne₄ quió'₅ jan₂ dsa₂ ɲe'₂, i₂'éi₂ bá₄ qui₃tián₂ dsa₂ Jme₂dsí₂ Jɲi₅.”

³⁴ Ma₂ca₂jjin₅₄ bá₄ jniá'₂, jaun₂ jáng'₅ jniá'₂ jág₁ dsau₅, a₂lín₅ 'éi₂ Ja₁ɲi'₅₄ Diú₄.

I₂le₂'uig₅₄ dsa₂ guia₃-tín₂ quián₅ Jesús

³⁵ Jme₁jnia₃ jaun₂, jme₁'en₅₄ táng₃ Juan₅₄ ja₁jaun₂ quian'₅₄ guě₄ on₃ dsa₂ i₂i₂nio₄ quiain'₅₄.

³⁶ Jaun₂ jme₁ca₂jág₃ Juan₅₄ ca₂ɲi₅ Jesús, jaun₂ ca₂juá'₂:

—Jag₄ 'nia'₂, i₂ně₅ bá₄ Guein₂ Já'₂ Cha'₂ quián₅ Diú₄.

³⁷ Jaun₂ ca₂nág₂ le₃on₃ dsa₂ 'éi₂ a₂ca₂juá'₂, jaun₂ i₃lén₂ chi₁co'₅₄ quió'₅ Jesús.

³⁸ Jaun₂ ně₃ ca₂jén'₃ Jesús tē₂le₃ ca'₃, ca₂jín₂ dsa₂ i₂i₃lén₂ chi₁co'₅₄ quió'₅, jaun₂ ca₂juá'₂ ca₂tsí'₃ 'éi₂:

* **1:23** Isaías 40:3. † **1:25** lit. “¿'e₂ ta₁ 'eng'₅₄ tiáng'₅ dsa₂ jmig₂?” ‡ **1:28** A₂lín₅₄ chog₅₄ si₂: “Betábara.” Juig₂ Betania siá'₂ cau₅ Cuá₃ Jordán, uing₂ ja₁niog₅ Jerusalén; on₃jua'₅₄ Betania ja₁jme₁guá₄ Lázaro quiain'₅₄ 'io₅₄ riin'₅₄. § **1:28** lit. “ja₁jme₁'en₅₄ Juan₅₄ tián₂ dsa₂ jmig₂.” * **1:31** lit. “la₁ia₁ tiáng₅ dsa₂ jmig₂ ma₂guio₃.” † **1:33** lit. “la₁ia₁ i₂ca₂chei₃ jniá'₂ a₂tiáng₄ dsa₂ jmig₂.”

—¿'E₂ 'náu'₂ 'nia'₂?

Jaun₂ ca₂juá'₂ dsa₂ 'éi₂ ca₂tsí'₃ Jesús:

—Rabbí—co₂'nió'₄ le₃jua'₅₄: Të₅—, ¿Já'₄ ηéi'₂ 'ne₂?

³⁹ Jaun₂ ca₂ηag₃ Jesús:

—I₂nó'₅ 'nia'₂ i₂jag₄.

Jaun₂ i₃lén₂ i₁jag₅₄ já'₄ guá'₅ Jesús, jaun₂ quian'₅₄ 'éi₂ bá₄ ca₂tóin'₂ tē₁lia'₂ ca₂'láu₂ jmig₄ jaun₂; ia₁ jme₁ma₂ca₂tē₂ con'₂ hora ηí₁ quén₂ tē₂le₃ ca₂'láu₂.[‡]

⁴⁰ Jan₂ i₂on₃ 'éi₂ i₂ca₂nág₂ a₂ca₂juá'₂ Juan₅₄, i₂i₃lén₂ chi₁co'₅₄ quió'₅ Jesús, jme₁chen₂ Drě₄ i₂lín₅ rin'₅₄ Si₂mu₅₄ i₂tě'₂ dsa₂ Pe₄.

⁴¹ Dsi₂jui₅ né'₃ guě₄ jaun₂ bá₄ ηe₄ Drě₄, i₁'nai'₂ Si₂mu₅₄ rin'₅₄, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ Mesías, (co₂'nió'₄ le₃jua'₅₄, dsa₂ I₂rě₂'ín₁ quián₅ Diú₄).

⁴² Jaun₂ i₁ηia₃ Drě₄, Si₂mu₅₄ rin'₅₄ ja₁'en₅₄ Jesús, jaun₂ jme₁ca₂jág₂ Jesús ně₃, ca₂juá'₂:

—'Ne₂ líng'₅ Si₂mu₅₄, ja₁ηi'₅₄ Jonás. La₁ia₁ le₃cheng'₂ Cefas.

Lia'₂ chen₂ Cefas ně₅, co₂'nió'₄ le₃jua'₅₄ Pe₄. §

Tě'₂ Jesús Felipe quian'₅₄ Natanael

⁴³ Jme₁jnia₃ jaun₂, ca₂lě₃ dsí₅ Jesús dsó₃ 'uě₃ Galilea, jaun₂ ca₂dsáin'₂ Felipe, jaun₂ ca₂juá'₂ ca₂tsí'₃ 'éi₂:

—Jme₁quiong'₅₄ jniá₂.

⁴⁴ Felipe 'éi₂ ně₃, jme₁chain₂ juig₂ Betsaida, ján₃ bá₄ ja₁jme₁chan₂ Drě₄ quian'₅₄ Pe₄ ně₃.

⁴⁵ Fe₂li₄ 'éi₂ ně₃, ηei₅₄ i₁'nai'₂ Natanael, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ dsa₂ 'éi₂ i₂'in₅ Moisés ne₄ Si₂ 'Éi'₃, i₂'in₅ dsa₂ i₂'ě₂ jág₁ quián₅ Diú₄ ně₃. Jesús bá₄ 'éi₂, ja₁ηi'₅₄ José, i₂chan₂ juig₂ Nazaret.

⁴⁶ Jaun₂ ca₂juá'₂ Natanael:

—¿Lé₂ le₃o₃'ag₅ caun₂ a₂dse₃ juig₂ Nazaret?

Jaun₂ ca₂ηag₃ Fe₂li₄:

—Nia₅ de'₂ i₂jag₄.

⁴⁷ Jaun₂ jme₁ca₂jág₃ Jesús a₂ma₂ja₂quián₃ Natanael, ca₂juá'₂:

—La₂ dé₄ dsón'₂ já₅ jan₂ dsa₂ israelita tē₃dsón'₂, i₂tsá₃ cha₂ mai₅₄ ja₁con₂.

⁴⁸ Jaun₂ ca₂ηag₃ Natanael ca₂ηí'₃ Jesús:

—¿'A₂ lia'₂ cui₂g'₂ jniá₂?

Jaun₂ ca₂juá'₂ Jesús:

—Jniá₂ ně₂jing₅₄ 'ne₂ jniá₅, né'₃ guě₄ a₂dsi₃té₂ Fe₂li₄, lia'₂ con'₂ jme₁ηéi'₂ né'₃ ni₁'ma₂ higuera.

⁴⁹ Jaun₂ ně₃ ca₂juá'₂ Natanael ca₂tsí'₃ Jesús:

—Të₅, 'ne₂ bá₄ líng'₅ Ja₁ηi'₅₄ Diú₄; 'ne₂ bá₄ líng'₅ Rag₅₄ quián₅ dsa₂ juig₂ Israel.

⁵⁰ Jaun₂ ca₂ηag₃ Jesús ca₂tsí'₃ 'éi₂:

—¿A₁jaun₂ 'éng'₂ ia₁ ně₂juá'₃ a₂ně₂jín₄ jniá₂ 'ne₂, ηéi'₂ né'₃ ni₁'ma₂ higuera? La₁ia₁ ně₃ guě₄ tē₃ ne'₅₄ 'líong₂ léi₄ juě'₂ guě₄ con'₂ guě₄ a₂la₂.

⁵¹ Já₃ bá₄ ca₂juá'₂ Jesús:

—A₂dsi₂jó'₃ juig₂ jniá₂ 'nia'₂, jag'₅₄ 'nia'₂ rě₂na₄ guei'₅₄ i₂juig₃, jin'₅₄ 'nia'₂ ángeles quián₅ Diú₄ ně₃, qui₂tsau₂ qui₂tsi₂sioin₂ ne₄ Jaun₅ dsa₂ mi₂güig₃.

‡ 1:39 lit. “hora guia₃.” § 1:42 Co₂'nió'₄ le₃jua'₅₄, “Ni₁cang₁.” Le₂ně₅ juá'₂ jág₁ “Cefas” quian'₅₄ jág₁ jmei₅ arameo; co₂jaun₂ juá'₂ “Petros” (ja₁jás₃ jág₁ piedra, Pedro ně₃) quian'₅₄ jág₁ jmei₅ griego.

2

Ca₂jen' gu₂ dsa₂ jë₄ juig₂ Caná juig₂ tén₅ Galilea

¹ 'Ni₅ jmig₄ cang₂ guë₄ jaun₂, ca₂nio₃ jmig₄ ca₂jen' gu₂ dsa₂ jë₄ juig₂ Caná, a₂niog₅ 'uë₃ Galilea. Ja₁jaun₂ jme₁'en₅₄ chog₅₄ Jesús ně₃; ² já₃ bá₄ ca₂tě₃ dsa₂ Jesús quiain'₅₄ dsa₂ i₂quiain'₅₄, ja₁jen'₂ gu₂ dsa₂ jaun₂.

³ Jme₁ca₂dsa₃ vino, jaun₂ ca₂juá'₂ chog₅₄ Jesús ca₂tsí'₃ 'éi₂:

—Tsá₃ ma₃cha₂ vino quió'₅ dsa₂ tioin'₅₄.

⁴ La₁ ca₂ŋag₃ Jesús:

—'Io₅₄, ċ'e₂ lë₃ juig'₂ jniá₂ a₂ně₅? Ia₁ tsá₃ ma₂tě₂ guë₄ hora quió₃.

⁵ La₁ ca₂juá'₂ chog₅₄ ca₂tsí'₃ dsa₂ i₂tion'₅₄ tia'₅:

—Jmo₄ 'nia'₂ chi₂'e₂ juá'₂ i₂ně₅.

⁶ Jme₁tióng₂ ja₁jaun₂ jñéi₂ tí'₂ cang₄, ju₁lia'₂ a₂jme₁jmó'₂ dsa₂ judíos ta₁ a₂jme₁qui₂jmo₂₃ le₁jín₃, con'₂ lë₅ tag₄ jme₁chí'₄ quió'₅. Lia'₂ caun₂ ni₁tí'₂ cang₄ jaun₂ 'a₄ con'₂ tē₂láu₃-guiá'₂, o₃ caun₂ 'ñiá₂-láu₂ litro jmig₂.

⁷ Jaun₂ ca₂juá'₂ Jesús ca₂tsí'₃ dsa₂ i₂tia'₅:

—Jme₁can'₂ 'nia'₂ ni₁tí'₂ tióng₂ la₂ quian'₅₄ jmig₂.

Ca₂jme₃can'₂ bá₄ guë'₂ dsa₂ lia'₂ ca₂rín₅ rē₂ lín₃. ⁸ Jaun₂ ca₂juá'₂ Jesús ca₂tsí'₃ dsa₂ 'éi₂:

—Ně₃ ně₃, dsen₅₄ ca₂juig₄, o₂can₄ ne₄ dsa₂ i₂niog₅ ne₄ jmig₄.

Jaun₂ i₁can₅ dsa₂.

⁹ Dsa₂ i₂niog₅ ne₄ jmig₄ jaun₂, ca₂tí₂ 'o₅₄ jmig₂ a₂ca₂lë₃ vino jaun₂, tē₃ tsá₃ ŋi₅ a₂já'₄ já₃; jñia'₅₄ lia'₂ dsa₂ i₂ca₂dsen₅ jmig₂ bá₄ jme₁ŋi₅. Jaun₂ ně₃ ca₂tě₃ dsa₂ i₂niog₅ ne₄ jmig₄, ca₂tě'₃ dsa₂ ŋe'₂ i₂jen'₂ gu₂, ¹⁰ jaun₂ ca₂tsí'₃ 'éi₂:

—Ca₂le₃jín₃ bá₄ dsa₂ tiin₂₃ tia'₃ le₂'uig₅₄ vino dse₃, jaun₂ jë₁ma₂le₁'en₅ dsa₂, jaun₂ guë₄ tia'₃ vino ga₂. La₁ 'ne₂ ně₃ ně₂'ma'₅₄ vino dse₃ ca₂tě₂ jë₁ca₂tó'₂.

¹¹ Jë₄ juig₂ Caná a₂tén₅ 'uë₃ Galilea jaun₂, ca₂jmo₃ Jesús léi₄ juë'₂ le₂'uig₅₄. Le₂ně₅ ca₂jme₃jñiai₂₃ 'ein₂ lín₅ tē₂le₃ quian'₅₄ ju₁bí₂ quió'₅, jaun₂ ca₂rē₃'én₂ chi'₂ ds₂guia₃-tín₂ quiáin₅.

¹² Cang₂ guë₄ jaun₂ ca₂ŋó₃ jë₄ juig₂ Capernaum, lia'₂ jma₃quiain'₅₄ chog₅₄, rín'₅₄, chi'₂ ds₂guia₃-tín₂ quiáin₅ ně₃; ja₁jaun₂ ca₂tóin'₂ tin₃-'ni₅ jmig₄.

Ca₂chí₃ Jesús i₁dsi₅ guá'₅

(Mateo 21:12-13; Marcos 11:15-18; Lucas 19:45-46)

¹³ Jme₁ma₂ja₂quián₃ Jmig₄ Të₂'in₅₄ quió'₅ dsa₂ judíos, jaun₂ ca₂uig₂ Jesús ju₁Jerusalén.

¹⁴ Ja₁jaun₂ ca₂dsáin'₂ i₁dsi₅ guá'₅ templo dsa₂ i₂'ni₅ ca₁ju₁, i₂'ni₅ já'₂ cha'₂, i₂'ni₅ i₁ju₂ ně₃, quian'₅₄ dsa₂ i₂qui₂jme₂tsín₃ cu₄ quió'₅ dsa₂.

¹⁵ Jme₁ca₂jág₃ Jesús a₂jaun₂, ca₂jmo₃ caun₂ látigo a₂lë₅ quian'₅₄ tsí'₁nei₅₄, jaun₂ ca₂'uín'₂ ca₁'né₄ ca₂le₃jín₃ i₂tion'₅₄ i₁dsi₅ lia'₂ jma₃quiain'₅₄ já'₂ cha'₂ quiáin₅, ca₁ju₁ ně₃. Ca₂jein₃ 'uë₃ cu₄ quió'₅ dsa₂ i₂jme₂tsín₃ cu₄, qui₂ca₂jeín'₃ ni₁mesa ně₃.

¹⁶ Jaun₂ ca₂tsí'₃ i₂'ni₅ i₁ju₂:

—i'Uë'₅₄ 'nia'₂ ca₂le₃jě₃ a₂ně₅ ja₁láš!₃ !Tsá₃ lë₁jmo₂ 'nia'₂ ja₁'ma'₅₄ ja₁quió'₄ Ne'₃!

¹⁷ Jaun₂ ca₂dsáu'₃ dsí₅ dsa₂ i₂jme₁quiain'₅₄, a₂chi₁ton₅ ne₄ Si₂ le₂la₂:

Në₂jag₄ bá₄ a₂ca₂cóng₂ 'uig₅₄ ia₁ a₂ŋí₄ lë₃ dsí'₅ dsí₃

o₄quió'₄ ds₂néi₂ quiáng'₂.*

¹⁸ Jaun₂ ně₃ ca₂ŋag₃ dsa₂ judíos ca₂ŋí'₃ Jesús:

—ċ'E₂ léi₄ le'₂ jnia'₅₄ a₂jáng'₅ já₁ dsau₅ a₂ca₂tín'₂ 'ne₂ jmó'₂ le₂ně₅?

¹⁹ Jaun₂ ca₂ŋag₃ Jesús:

* 2:17 Salmo 69:9

—'Én₂ 'nia'₂ guá'₅ la₂, jaun₂ tsi'₅₄ táng₃ jniá'₂ quian'₅₄ 'ni₅ jmig₄.

²⁰ Jaun₂ ně₃ ca₂juá'₂ dsa₂ judíos ca₂tsí'₃ Jesús:

—Të₂láu₃-jn₂éi₂ ηi₂ ca₂rë₃'ín₅ dsa₂ jme₁ca₂chi'₃ guá'₅ la₂. ¿'En₁ jmá'₃ jaun₂, lé₂ le₃jmog'₅₄ tsi'₅₄ quian'₅₄ 'ni₅ jmig₄?

²¹ La₁ia₁ guá'₅ a₂'ë₅ Jesús jaun₂, ni₁ηi₄ 'ηiog₅ bá₄ Jesús 'ë₂₃.

²² Jaun₂ lë₃, lia'₂ con'₂ jme₁ca₂jen'₅₄ Jesús a₂jme₁rë₂'liin₅₄, ca₂dsáu'₃ dsí₅ chi'₂ dsí₂guia₃-tín₂ quiáin₅ jág₁ jaun₂. Jaun₂ ca₂rë₃'éin₂ jág₁ a₂juá'₂ ne₄ Si₂ quió'₅ Diú₄, quian'₅₄ jág₁ a₂jme₁ca₂juá'₂ Jesús jaun₂.

I₂cuin₅ bá₄ Jesús ca₂le₃jín₃ dsa₂

²³ Lia'₂ con'₂ jme₁'en₅₄ Jesús Jerusalén Jmig₄ Të₂'in₅₄, ca₂rë₃'én₂ juin₅ lín₃ dsa₂ tē₂le₃ quió'₅ Jesús, jme₁ca₂jág₃ léi₄ a₂ma₂qui₂ma₂jmo₃.

²⁴ La₁ tsá₃ jme₁'én₂ Jesús quió'₅ dsa₂ 'éi₂, ia₁ i₂cuin₂₃ bá₄ ca₂le₃jín₃ dsa₂, 'a₂ lia'₂ lë₅ tē₂dsí₅.

²⁵ Tsá₃ 'e₂ ca₂rë₃'nió'₅ quió'₅, jua'₅₄ a₂jáng'₃ dsa₂ jág₁ dsau₅ ju₁lia'₂ quió'₅ 'i₁jan₂, ia₁ ma₂ηi₅ rë₂ bá₄ Jesús 'e₂ a₂qui₂dsi₂ηia₅ dsí₅ dsa₂ mi₂güig₃.

3

Jme₂tag₅ Jesús jme₂tün₂₃ Nicodemo

¹ Jme₁chan₂ jan₂ dsa₂ fariseo i₂jme₁chen₂ Nicodemo, i₂jme₁lín₄ jan₂ dsa₂ dsen₅₄ quián₅ dsa₂ judíos.

² Ne₄ 'éi₂ ca₂i₁jin₁₂ Jesús tē₂le₃ ca₂nei₂, jaun₂ ca₂juá'₂ ca₂tsí'₃ Jesús:

—Të₅, ne₄ bá₄ jnia'₅₄ a₂lín'₅ 'ne₂ jan₂ tē₅ i₂chen₄ quián₅ Diú₄, ia₁ ca₂lia'₂ 'i₁jan₂ tsá₃ lé₂ le₃jmo₃ léi₄ juë'₂ le₂në₅, ju₁lia'₂ jmo'₂ 'ne₂, jua'₅₄ tsá₃ quiong'₅₄ Diú₄.

³ Jaun₂ ně₃ ca₂juá'₂ Jesús ca₂tsí'₃ Nicodemo:

—A₂dsi₂jó'₃ juig₂ jniá'₂ 'ne₂, ju₁lia'₂ i₂tsá₃ rë₂chan₂ táng₃ dsa₂, tsá₃ lé₂ le₃jág₃ ja₁gon₂ Diú₄.

⁴ Jaun₂ ca₂ηag₃ Nicodemo:

—¿'A₂ bá₄ lia'₂ lé₂ le₃chan₂ táng₃, jan₂ dsa₂ ma₂juin'₂? ¿Lé₂ le₃'í₂ táng₃ né'₃ tē₂dsí₅ chog₅₄, jaun₂ le₃chain₂ táng₃?

⁵ Jaun₂ ca₂ηag₃ Jesús:

—A₂dsi₂jó'₃ juig₂ jniá'₂ 'ne₂, ju₁lia'₂ i₂tsá₃ rë₂chan₂ le₃quió'₅ jmig₂, quian'₅₄ le₃quió'₅ Jme₂dsí₂, tsá₃ lé₂ le₃'í₂ ja₁gon₂ Diú₄. ⁶ Ju₁lia'₂ i₂rë₂chan₂ le₃quió'₅ ni₁ηí₅, jan₂ dsa₂ ni₁ηí₅ bá₄ 'éi₂; ju₁lia'₂ i₂rë₂chan₂ le₃quió'₅ Jme₂dsí₂, jan₂ dsa₂ i₂gu₂dsí₂ bá₄ lín₅ 'éi₂. ⁷ Tsá₃ ju₁dsi₂gó'₃ 'au'₂ 'ne₂ a₂juá'₅ jniá₂: “Tion₅₄ bá₄ le₃chan₂ 'nia'₂ táng₃.” ⁸ 'Ag₅ dsí₂ ju₁'a₂guë₃ já₄ 'nio₃ 'ag₃; nag'₂ bá₄ 'ne₂ m₁'₅₄ a₂lë₂, la₁ia₁ tsá₃ ηi'₅₄ a₂já'₄ já₅, on₃ guë'₂ a₂já'₄ dsó₃. Ján₃ bá₄ le₂në₅ lín₅ ca₂le₃jín₃ i₂rë₂chan₂ le₃quió'₅ Jme₂dsí₂.

⁹ Jaun₂ ně₃ ca₂ηag₃ táng₃ Nicodemo:

—¿'A₂ bá₄ lia'₂ lé₂ le₃lé₂ a₂juá'₂ 'ne₂ në₅?

¹⁰ Jaun₂ ca₂ηag₃ Jesús:

—¿'Ne₂ guë'₂ lín₅ jan₂ tē₅ quián₅ dsa₂ juig₂ Israel, ton'₂ tsá₃ ηí'₂ bá₄ guë'₄ 'au'₂ jág₁ në₅? ¹¹ A₂dsi₂jó'₃ juig₂ jniá'₂ 'ne₂, ju₁lia'₂ a₂ma₂tag₂ bá₄ jnia'₅₄, dsia₂; ján₃ bá₄ jang'₂ jnia'₅₄ jág₁ dsau₅ ju₁lia'₂ a₂ma₂tē₂ ne₄ jnia'₅₄. La₁ 'nia'₂ ně₃ tsá₃ gue'₂ jág₁ dsau₅ a₂jang'₂ jnia'₅₄. ¹² Chi₂jua'₂ ma₂në₂juá'₃ jniá₂ a₂'ë₂₃ ju₁lia'₂ a₂cha₂ mi₂güig₃ la₂, ton'₂ tsá₃ 'én'₂ bá₄ guë'₂ 'nia'₂, ¿'a₂ bá₄ guë'₂ lia'₂ le₃'én'₂ 'nia'₂ jág₁ quió₃ në₁ca₂juá'₃ jniá₂ ca₂juig₂ 'nia'₂ a₂'ë₂₃ ju₁lia'₂ a₂cha₂ guei'₅₄ i₂juig₃?

13 'Ca₂lia'₂ 'i₁jan₂ tsá₃ 'ein₂ ma₂uíg₂ guei'₅₄ i₂juíg₃, jñia'₅₄ lia'₂ 'éi₂ i₂ca₂sión₃ guei'₅₄ i₂juíg₃; co₂'nió'₄ 'ñiog₅ Jaun₅ dsa₂ mi₂güí₃. * 14 Jui₁lia'₂ ca₂chón'₂ Moisés dsi₂mi'₂ guei'₅₄ ja₁lě₄ 'uě₃ quein₂ co₂'ñiog₅ jaun₂, ján₃ bá₄ le₂jaun₂ 'i₄ 'éi'₃ chón'₂ dsa₂ guei'₅₄ Jaun₅ dsa₂ mi₂güí₃, 15 ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, le₃chain₂ co₂tan₅₄.

'Nio₃ Diú₄ dsa₂ mi₂güí₃

16 'Jaun₂, 'uíg₅₄ ia₁ a₂ñí₄ lě₃ ca₂rě₃'nio₃ Diú₄ ca₂rě₃'nioi₃ dsa₂ mi₂güí₃, ca₂cuin₃ Ja₁ñi'₅₄ i₂jan₂ tan₅₄ quiáin₅, ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, tsá₃ dsi₃'éin₂, ton'₂ le₃chain₂ bá₄ co₂tan₅₄. 17 Ia₁ on₃jua'₅₄ jaun₂ ca₂chei₃ Diú₄ ca₂chein₃ Ja₁ñi'₅₄ mi₂güí₃ a₂qui₃'ě₂ uig₅ ja₁con₂ dsa₂ mi₂güí₃; a₂jaun₂ bá₄ ca₂chei₃ ia₁jaun₂ líón₂ dsa₂ mi₂güí₃ tē₂le₃ quian'₅₄ 'éi₂. 18 Jui₁lia'₂ dsa₂ i₂'én₂ tē₂le₃ quió'₅ 'éi₂, tsá₃ rē₂'ě₂ uig₅ ja₁coin₂; la₁ia₁ jui₁lia'₂ i₂tsá₃ 'én₂ guē₂ 'ně₃, ma₂rē₂'ě₂ uig₅ ja₁coin₂, 'uíg₅₄ ia₁ a₂tsá₃ 'éin₂ tē₂le₃ quió'₅ Ja₁ñi'₅₄ i₂jan₂ tan₅₄ quián₅ Diú₄. 19 A₂la₂ bá₄ uig₅ a₂rē₂'ě₂ jaun₂: a₂ma₂gua₅ si₂ ja₁con₂ dsa₂ mi₂güí₃, la₁ ca₂rě₃'nio₃ guē₄ dsa₂ jē₄ qui₁né'₃ lia'₂ con'₂ guē₄ ja₁tág₅ si₂, ia₁ a₂'lig'₅₄ bá₄ jme₂jmo₂₃-dsáu₅. 20 Ca₂le₃jín₃ dsa₂ i₂jmo₅ a₂'lig'₅₄, 'io'₅₄ si₂, jaun₂ tsá₃ jme₂quiáin₃ ja₁tág₅ si₂, ia₁jaun₂ tsá₃ le₃jniá₂ a₂'lig'₅₄ a₂jmo₂₃-dsáu₅. 21 La₁ia₁ jui₁lia'₂ dsa₂ i₂chan₂ caun₂ jui₅ co₂dsau₅, jme₂quiáin₃ ja₁tág₅ si₂, ia₁jaun₂ le₃jniá₂, le₃quió'₅ Diú₄ bá₄ já₅ a₂dse₃ a₂jmo₅ 'éi₂.

Jáng'₅ táng₃ jág₁ dsau₅ Juan₅₄ i₂chon₅ dsa₂ jmíg₂ jui₁lia'₂ 'ein₂ 'éi₂ Jesús

22 Cang₂ jaun₂, ñó₃ Jesús jui₅ 'uě₃ Judea quiain'₅₄ chi'₂ dsi₂guia₃-tín₂ quiáin₅, jaun₂ ja₁jaun₂ ca₂'í₃ ca₂la₂ uě₂ quiain'₅₄ 'éi₂, qui₂choin₂₃ jmíg₂ dsa₂. †

23 Ján₃ bá₄ le₂jaun₂ jme₁'en₅₄ Juan₅₄ ně₃, choin₂₃ jmíg₂ dsa₂, ‡ caun₂ ja₁chei₂ Enón, ma₂quián₅ Salim, ia₁ ja₁jaun₂ jme₁cha₂ 'líóng₂ jmíg₂; jaun₂ jme₁ja₂lén₂ dsa₂ ia₁jaun₂ qui₃cho₃ Juan₅₄ jmíg₂. §

24 (A₂la₂ ca₂lě₃ né'₃ guē₄ a₂ton'₂ dsa₂ Juan₅₄ né'₃ 'má₃.)

25 Jaun₂ ně₃, i₂lin₅₄ dsa₂ i₂quian'₅₄ Juan₅₄ ca₂tsín₂ quian'₅₄ jan₂ dsa₂ judío ne₄ jág₁ jui₁lia'₂ a₂jmo₅ dsa₂ le₁jín₃.

26 Jaun₂ i₃lén₂ i₁chi'₄ Juan₅₄:

—Tē₅, dsa₂ i₂jme₁'en₅₄ quian'₅₄ 'ne₂ tē₂le₃ ja₁'ia₂ 'iog₂ tē₂le₃ quióng₄ Cuá₃ Jordán, dsa₂ i₂'ín₅ 'ne₂ 'éi₂, jē₂ bá₄ choin₂₃ jmíg₂ dsa₂, * jaun₂ ca₂le₃jín₃ bá₄ dsa₂ dsi₂lén₂ ja₁coin₂.

27 Jaun₂ ca₂ñag₃ Juan₅₄:

—Ca₂lia'₂ 'i₁caun₂ tsá₃ 'e₂ lé₂ le₃cha₂ quió'₅ dsa₂ jua'₅₄ tsá₃ ñei₂ guei'₅₄ i₂juíg₃. 28 Ca₂nei'₂ bá₄ 'nia'₂ guiong'₅₄ jme₁ca₂juá'₃: “On₃jua'₅₄ jniá₂ líng₅ I₂rē₂'ín₁ quián₅ Diú₄; jan₂ dsa₂ i₂chen₄ ne₄ jui₅ quió'₅ 'éi₂ bá₄ líng₅.” 29 I₂ca₂tín₂ dsa₂ ñe'₂ i₂jen'₂ gu₂ bá₄, dsa₂ mí₂ i₂jen'₂ gu₂ quiain'₅₄. Jaun₂ dsa₂ a₂mei₅₄ quián₅ dsa₂ ñe'₂ ně₃, chi₁jñia₁ nag₂₃. Jaun₂ 'io'₂ jén'₅ jē₁ma₂nág₂ jág₁ quió'₅ 'éi₂. Ján₃ bá₄ le₂jaun₂ jniá₂ ně₃, rē₂'ñia₅ a₂'io'₂ jén'₅ dsi₃.

Jui₁lia'₂ i₂já₅ guei'₅₄ i₂juíg₃

30 "Éi₂ ca₂tín₂ le₃dsein₅₄ guē₄; jniá₂ guē'₂ ca₂tíng₂ le₃meg'₂. 31 Jui₁lia'₂ i₂já₅ jui₅ guei'₅₄ i₂juíg₃, dsen₅₄ guē₄ ne₄ quió'₅ ca₂le₃jín₃. Jui₁lia'₂ i₂já₅ gua'₅₄ 'uě₃, jan₂ i₂chan₂ gua'₅₄ 'uě₃ bá₄ 'éi₂. Jaun₂ dsia₂₃ jui₁lia'₂ a₂quió'₅ gua'₅₄ 'uě₃. La₁ia₁ jui₁lia'₂ i₂já₅ guei'₅₄ i₂juíg₃, dsen₅₄ guē₄ ne₄ quió'₅ ca₂le₃jín₃. 32 Jáng'₅ 'éi₂ jág₁ dsau₅ jui₁lia'₂ a₂ma₂tě₂ ne₅₄, jui₁lia'₂ a₂ma₂nág₂ ně₃; la₁ 'i₁jan₂ tsá₃ 'ein₂ tón'₂ jui₅ jág₁ dsau₅

* 3:13 A₂lin₅₄ chog₅₄ si₂juá'₂ ján₃: “i₂'en₅₄ guei'₅₄ i₂juíg₃.” † 3:22 lit. “qui₂tián₂ dsa₂ jmíg₂.” ‡ 3:23 lit. “tián₂ dsa₂ jmíg₂.” § 3:23 lit. “ia₁jaun₂ qui₃tióg₃ Juan₅₄ jmíg₂.” * 3:26 lit. “jē₂ bá₄ tián₂ dsa₂ jmíg₂.”

a₂jáng' ₅ 'éi₂. ³³ La₁ia₁ jui₁lia' ₂ i₂tón' ₂ jui₅, ma₂cáun' ₅ 'í₁ a₂dsón' ₂ bá₄ tí₅ jág₁ a₂juá' ₂ Diú₄; ³⁴ ia₁ i₂ca₂chen₃ Diú₄ ně₃, dsa₂₃ jág₁ quió' ₅ Diú₄, ia₁ cu₁n₅ Diú₄ Jme₂dsí₂ quiáin₅ ca₂lia' ₂ tsá₃ niog₅ 'éi' ₃. ³⁵ A₂'nio₃ Diú₄ Jmei₂ 'nioi₃ Ja₁ñi' ₅₄, jaun₂ o₄gú₃ 'éi₂ ma₂dsia₃ ca₂le₃jě₃. ³⁶ Jui₁lia' ₂ i₂'én₂ tē₂le₃ quió' ₅ Ja₁ñi' ₅₄ Diú₄, le₃chain₂ bá₄ co₂tan₅₄; la₁ jui₁lia' ₂ i₂tsá₃ ne' ₅₄ le₃quió' ₅ Ja₁ñi' ₅₄ Diú₄, tsá₃ tē₃ ne₅₄ a₂le₃chain₂ rē₂'ñiai₂₃, ton' ₂ tē₂le₃ tē₃gua₄ 'nei₂ dsí₅ Diú₄ ja₁coin₂.

4

Dsia₅ Jesús jág₁ quian' ₅₄ jan₂ 'io₅₄ i₂chan₂ Samaria

¹ Jme₁ca₂rē₃ñi₅ Te₁gui' ₅₄ a₂ma₂nág₂ dsa₂ fariseos jág₁, 'ñio₅ lín₃ guē₄ juin₅ dsa₂ i₂ma₂quian' ₅₄ Jesús, qui₂ma₂cho₃ jmig₂ * lia' ₂ con' ₂ guē₄ Juan₅₄; ² (o₁ñia' ₅₄ on₃jua' ₅₄ 'ñiog₅ Jesús choin₂₃ jmig₂ dsa₂, † ñña' ₅₄ lia' ₂ chi' ₂ dsi₂guia₃-tín₂ quiáin₅ bá₄), ³ jaun₂ ca₂o₃'ín₃ 'uē₃ Judea, a₂ñá' ₃ táng₃ ju₅ 'uē₃ Galilea. ⁴ Ja₁tioin' ₅₄ ju₅ jaun₂, ca₂tíin₂ ñí₃ 'uē₃ Samaria. ⁵ Jaun₂ ně₃ ca₂dsi₃léin₂ caun₂ juig₂ ja₁tén₄ Samaria a₂chei₂ Sicar, ma₂quián₅ ca₂jne₄ 'uē₃ a₂jme₁ca₂cuē₃ Jacob ma₂líg' ₂ ca₂cuē' ₃ ja₁ñi' ₅₄ i₂chen₂ Sě₄.

⁶ Ja₁jaun₂ jme₁dsi₅₄ caun₂ tau₂ pozo a₂tě' ₂ dsa₂ a₂quió' ₅ Jacob. Jaun₂ ca₂guá₂ Jesús cau₅, ia₁ a₂ca₂'ú' ₃ 'ein₅₄ ju₅. Jme₁ma₂ca₂tě₂ con' ₂ dsi₂ñí' ₃ jaun₂.

⁷ Tē₃ guá₅ jaun₂ ca₂dsió₃ jan₂ 'io₅₄ i₂chan₂ Samaria a₂i₃dsein₂₃ jmig₂ pozo jaun₂. Jaun₂ ca₂juá' ₂ Jesús ca₂tsí' ₃ 'io₅₄ 'éi₂:

—Cuē₄ ca₂juig₄ jmig₂ gui' ₅₄.

⁸ Tē₃lia' ₂ jaun₂, i₁len₅₄ jě₄ juig₂ chi' ₂ dsi₂guia₃-tín₂, i₁lia₅ má₃ a₂guē' ₃.

⁹ Jaun₂ ně₃ ca₂juá' ₂ 'io₅₄ chan₂ Samaria 'éi₂ ca₂tsí' ₃ Jesús:

—¿'A₂ lia' ₂ lě₅ jaun₂, 'ne₂ jan₂ dsa₂ i₂lín₅ judío, mi' ₂ jmig₂ ne₃ jniá₂, jan₂ 'io₅₄ chan₂ Samaria?

(Ia₁ tsá₃ jág₁ 'ei₅ dsa₂ judíos quian' ₅₄ dsa₂ chan₂ Samaria.) †

¹⁰ Jaun₂ ně₃ ca₂ñag₃ Jesús:

—Jua' ₅₄ mei' ₂ guē₃ ñi' ₅₄ 'ne₂ 'e₂ jaun₂ a₂cuē₅ Diú₄, quian' ₅₄ 'ein₂ i₂mi₅ jmig₂ ne' ₅₄, jme₁mi' ₂ ne₃ jniá₂, jaun₂ jniá₂ ně₃ cuē₅₄ jmig₂ jén' ₃.

¹¹ Jaun₂ ca₂juá' ₂ 'io₅₄ ca₂tsí' ₃ Jesús:

—Gui' ₅₄, tsá₃ ñí₁ cubeta cha₂ quiáng' ₂ a₂dséng' ₄ jmig₂, ton' ₂ a₂ji' ₂ bá₄ tau₂ pozo. ¿'A₂ guē' ₂ já' ₄ cán' ₁ jmig₂ jén' ₃ a₂cuē' ₂ jniá₂? ¹² ¿'E₂, 'ne₂ líng' ₅ i₂juin' ₂ guē₄ con' ₂ guē₄ 'lag₄ jmei₂ jniog₄ Jacob, i₂ca₂cuē₃ pozo la₂? Jme₁cán₂ 'éi₂ jmig₂ a₂'ín' ₂ 'ñiog₅ quian' ₅₄ chi' ₂ quiáin₅, quian' ₅₄ já' ₂ quiáin₅ ně₃.

¹³ Jaun₂ ca₂ñag₃ Jesús:

—Ca₂le₃jín₃ jui₁lia' ₂ dsa₂ i₂'ín' ₂ jmig₂ la₂, lé₂ táng₃ dsí₅ i₁'ín' ₂ jmig₂; ¹⁴ la₁ia₁ jui₁lia' ₂ i₂'ín' ₂ jmig₂ a₂cuē₄ jniá₂, lia' ₂ o₁líg' ₂ jmig₄ tsá₃ ma₃lé₂ dsí₅ i₁'ín' ₂ jmig₂. Ia₁ jui₁lia' ₂ jmig₂ a₂cuē₄ jniá₂, lé₂ ně₂jag₄ bá₄ caun₂ o₄tu₁ jmig₂ tē₂le₃ quió' ₅, a₂qui₃'iá₃ jmig₂ a₂gu₂dsí₂ a₂jmo₃ a₂le₃chain₂ co₂tan₅₄.

¹⁵ Jaun₂ ně₃ ca₂juá' ₂ 'io₅₄ ca₂tsí' ₃ Jesús:

—Gui' ₅₄, cuē₄ jmig₂ a₂'ě' ₂ ně₅, ia₁jaun₂ tsá₃ ma₃le₃quein₂ dsi₃, on₃ guē' ₂ caun₂ guio₅₄ guē₄ ca₂tě₂ la₂ i₁dséng₃ jmig₂.

¹⁶ Jaun₂ ca₂juá' ₂ Jesús:

—Guan' ₂ o₂te' ₂ dsi₂i₂gog' ₂, jaun₂ ñe' ₅₄ táng₃ ja₁lá₃.

¹⁷ Jaun₂ ca₂ñag₃ 'io₅₄ 'éi₂:

—Tsá₃ dsi₂i₂gu₃ jniá₂ chan₂.

* **4:1** lit. “qui₂ma₂tióg₃ jmig₂.” † **4:2** lit. “tiáin₂ dsa₂ jmig₂.” ‡ **4:9** o₃, “tsá₃ jmó' ₂ dsa₂ judíos ta₁ jui₁lia' ₂ ni₁uings₅ a₂jmó' ₂ dsa₂ chan₂ Samaria ta₁.”

Jaun₂ ně₃ ca₂juá'₂ Jesús:

—Tí₅ bá₄ jág₁ quiáng'₂ a₂ně₂jua'₅₄, a₂tsá₃ chan₂ dsí₂i₂gog'₂; ¹⁸ ia₁ 'nía₂ dsí₂i₂gog'₂ i₂ma₂ca₂né'₂ quiang'₅₄, jaun₂ i₂ñéi'₂ quiang'₅₄ rě₂ně₃ ján₃, on₃jua'₅₄ dsí₂i₂gog'₂ 'éi₂. Dsón'₂ bá₄ tí₅ jág₁ quiáng'₂ a₂ně₂jua'₅₄.

¹⁹ Jme₁ca₂nág₂ 'io₅₄ jág₁ ně₅, ca₂juá'₂ ca₂tsí'₃ Jesús:

—Te₁gui'₅₄, dsón'₂ bá₄ lín'₅ 'ne₂ jan₂ dsa₂ i₂'ě₂ jág₁ quián₅ Diú₄, lín₂ jniá₂. ²⁰ Ja₁chí'₄ má'₂ la₂ ca₂jme₃juin'₂ dsa₂ can'₅₄ quián₂ jnia'₅₄ ca₂jme₃juin'₂ Diú₄ ma₂líg'₂, la₁ia₁ 'nia'₂ i₂lín'₅ dsa₂ judíos ně₃, juá'₂ Jerusalén bá₄ ja₁ca₂tín₂ dsa₂ jme₃juin'₂ Diú₄.

²¹ Jaun₂ ca₂ḡag₃ Jesús:

—Ju₁le₂'éng'₂ bá₄ a₂juá'₅ jniá₂: já₅ caun₂ jmig₄ a₂jme₃juin'₂ 'nia'₂ Diú₄, on₃jua'₅₄ i₁nóg'₅ má'₂ la₂, on₃ guě'₂ o₁nó'₅ 'nia'₂ Jerusalén. ²² 'Nia'₂ jme₂juíng'₁ tē₃ tsá₃ ŋi'₅₄ 'ein₂ jme₂juíng'₁; a₂dsau₅ bá₄ jnia'₅₄, ne₄ jnia'₅₄ 'éin₂ i₂jme₃juin'₂; ia₁ tē₂le₃ quió'₅ dsa₂ judíos bá₄ já₅ jág₁ a₂lión₂ dsa₂. ²³ La₁ já₅ hora, ton'₂ ma₂tē₂ dsón'₂, a₂jme₃juin'₂ dsa₂ Jmei₂, ju₁lia'₂ dsa₂ i₂jme₂juag'₂ tē₃dsón'₂, jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ jág₁ dsau₅. Ia₁ i₂le₂'éi₂ bá₄ 'na'₂ Jmei₂ jme₃juag'₂. ²⁴ A₂lín₅ Diú₄ jme₂dsí₂; jaun₂ ju₁lia'₂ i₂jme₂juag'₂, ca₂tín₂ jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ jág₁ dsau₅.

²⁵ Jaun₂ ca₂juá'₂ 'io₅₄:

—Guion₄ jniá₂ a₂jiá₃ Mesías, (i₂tē'₂ dsa₂ I₂rě₂'ín₁ quián₅ Diú₄). Jē₁ma₂guain₂₃, jaun₂ guě'₄ juá'₂ ca₂le₃jě₃ lia'₂ rě₂jiá₃.

²⁶ Jaun₂ ca₂juá'₂ Jesús:

—Jniá₂ bá₄ 'éi₂, i₂dsia₅ jág₁ quian'₅₄ 'ne₂.

²⁷ Tē₁lia'₂ jaun₂, ca₂o₃len₃ chi'₂ dsí₂guia₃-tín₂ quián₅, jaun₂ ca₂i₃gó'₃ dsí₅ jme₁ca₂jág₃ a₂dsia₅ Jesús jág₁ quian'₅₄ jan₂ 'io₅₄. La₁ia₁ lia'₂ 'i₁jan₂ tsá₃ ca₂tiá₂ dsí₅ ḡag₃ 'e₂ 'no'₂, 'e₂ jág₁ dsia₂₃ quian'₅₄ 'io₅₄ 'éi₂.

²⁸ Jaun₂, ja₁jaun₂ ca₂chi'₃ 'io₅₄ nī₁dsig₁ quió'₅, jaun₂ ḡái'₃ jē₄ juig₂, jaun₂ ca₂juá'₂ ca₂tsí'₃ dsa₂:

²⁹ —I₂nó'₅ 'nia'₂ i₂jín₄ jan₂ dsa₂ ḡe'₂ i₂ma₂ně₂juá'₂ ca₂le₃jě₃ 'e₂ a₂ma₂jmo₃ jniá₂. ¿On₁jua'₅₄ mei'₂ tsá₃ 'éi₂ lín₅ I₂rě₂'ín₁ quián₅ Diú₄?

³⁰ Jaun₂ ně₃ ca₂'uin₂ dsa₂ jē₄ juig₂ ca₂i₃lén₂ ja₁guá₄ Jesús.

³¹ Tē₁lia'₂ jaun₂, ca₂chi₃quióng₂ jmig₄ chi'₂ dsí₂guia₃-tín₂ chi₂quián₂ jmig₄ Jesús a₂guě'₃, juá'₂:

—Tē₅, qué'₂ ca₂la₂.

³² Jaun₂ ca₂juá'₂ Jesús:

—Cha₂ caun₂ má₃ a₂guě'₅₄ jniá₂, a₂tsá₃ cuin'₂ 'nia'₂.

³³ Jaun₂ ně₃ qui₂ca₂ḡí'₃ chi'₂ dsí₂guia₃-tín₂ riin'₅₄, jain₂ jain₂:

—¿On₃ bá₄ chan₂ jan₂ i₂ma₂o₃can₅ má₃ a₂guě'₃?

³⁴ La₁ ca₂juá'₂ Jesús ca₂tsí'₃ 'éi₂:

—A₂jaun₂ bá₄ má₃ quió'₃ jniá₂, a₂jmo₅₄ 'éi'₃ a₂'ḡio₂ dsí₅ i₂ca₂chei₃, a₂jme₁'ḡiag₅ ta₁ quió'₅ ně₃. ³⁵ ¿'On₁ juá'₂ guě'₂ 'nia'₂: “Ei₅ bá₄ guě'₄ quén₂ tsí'₂ a₂ráu₃”? La₁ia₁ jniá₂ juig₂ 'nia'₂, jag₄ 'a₂ lia'₂ ma₂tion'₅₄ dsa₂ le₁ḡnia₂₃, ně₂jag₄ bá₄ a₂le₁chein'₂ ja₁nau₂ ca₂ron₂, ma₂lé₂ bá₄ cág'₃. ³⁶ Ju₁lia'₂ dsa₂ i₂jmo₅ ta₁ ja₁nau₂ ně₃ gue₂₃ 'liain'₅₄. Ju₁lia'₂ a₂ráu₃, a₂cág'₃ ja₁nau₂ jaun₂, a₂jiog₃ co₂tan₅₄ bá₄ jaun₂, ia₁jaun₂ co₂lě₅ bá₄ jmo₃ 'io'₂, lia'₂ dsa₂ i₂jne₅, lia'₂ dsa₂ i₂cág'₅ ně₃. ³⁷ Le₂ně₅ dsón'₂ bá₄ quió₃§ a₂dsia₅ dsa₂: “Jan₂ i₂jne₅, i₂sián'₂ i₂cág'₅.” ³⁸ Jniá₂ ma₂tsíng₂ 'nia'₂

§ 4:37 quio:; Jág₁, quió'₅ dsa₂ Jen'₅₄, co₂'nió'₄ le₃jua'₅₄, caun₂ jág₁ a₂ḡí'₂ dsí₅ a₂ca₂quio₂ dsa₂ can'₅₄, a₂dsia₅ dsa₂.

a₂o₁cag⁴ ja₁tsá₃ ta₁ ma₂jmo⁵⁴ 'nia'₂ guiong⁵⁴, ta₁ ma₂jmo₃ i₂sián'₂; jaun₂ 'nia'₂ ně₃ ca₂ling'₃ ta₁ quió'₅ dsa₂ 'éi₂.

³⁹ Juin₅ dsa₂ i₂chan₂ Samaria i₂tián'₅ juig₂ jaun₂ ca₂rě₃'éin₂ tē₂le₃ quió'₅ Jesús jme₁ca₂nág₂ jág₁ dsau₅ a₂ca₂jáng'₃ 'io₅₄, jme₁ca₂juá'₂: “Ně₂juá'₂ 'éi₂ ca₂le₃jě₃ 'e₂ a₂ma₂jmo₃ jniá₂.”

⁴⁰ 'Uig⁵⁴ jaun₂ ně₃, jme₁ca₂o₃lén₂ dsa₂ chan₂ Samaria, ca₂chi₃quiáin₂ jmig₄ Jesús a₂jme₁jñia₃ 'éi₂ quiong⁵⁴, Jaun₂ ca₂jñia₃ Jesús tin₃ jmig₄ ja₁jaun₂.

⁴¹ Jaun₂ tē₂le₃ juin₅ guě₄ dsa₂ ca₂rě₃'éin₂ jme₁ca₂nág₂ jág₁ a₂juá'₂ 'ñiog₅ Jesús.

⁴² Jaun₂ ca₂juá'₂ dsa₂ ca₂tsí'₃ 'io₅₄:

—Ně₃ guě₄ ně₃ 'éin₂ jniá'₅₄, on₃jua'₅₄ 'uig⁵⁴ jág₁ a₂ca₂jua'₅₄ 'ne₂, ia₁ a₂ma₂ně₂néi₁ jniá'₅₄ guio₅₄ jág₁ quió'₅, jaun₂ ne₄ jniá'₅₄, tē₃dsón'₂ bá₄ 'éi₂ lín₅ dsa₂ i₂lión₂ dsa₂ mi₂güig₃.*

Ca₂jme₃'lión₂ Jesús jan₂ ja₁ñi'₅₄ jan₂ dsa₂ dsen₅₄ quián₅ dsi₂tan₅₄

⁴³ Jme₁ca₂dsan₃ tin₃ jmig₄ jaun₂, ca₂o₃'ín₃ ja₁jaun₂, ca₂'í₃ jui₅ ñái'₃ jui₅ 'uě₃ Galilea.

⁴⁴ Ia₁ jui₁lia'₂ ca₂juá'₂ 'ñiog₅ Jesús, jui₁lia'₂ jan₂ dsa₂ i₂'ě₂ jág₁ o₄quió'₄ Diú₄, tsá₃ jme₂go₃ dsa₂ juig₂ go₅₄.

⁴⁵ Jme₁ca₂dsián'₃ 'uě₃ Galilea ně₃, ca₂guei₃ bá₄ dsa₂ dse₃ ja₁jaun₂, ia₁ jme₁ma₂ca₂jág₃ bá₄ ca₂le₃jě₃ 'e₂ a₂ca₂jmo₃ Jesús juig₂ Jerusalén jme₁ca₂tě₂ Jmig₄ Tě₂'in₅₄, ia₁ ján₃ bá₄ jme₁i₁len₅₄ 'éi₂ jmig₄.

⁴⁶ Jaun₂ ně₃, ca₂dsióg₃ táng₃ juig₂ Caná a₂tén₅ 'uě₃ Galilea ja₁ca₂jme₃tsiín₃ jmig₂ ca₂jmo₃ vino. Ja₁jaun₂ jme₁'en₅₄ jan₂ dsa₂ i₂jme₂ti₃ ta₁ ne₄ rag₅₄, i₂chan₂ jan₂ chi'₂ dso'₅₄ quiáin₅, jě₄ juig₂ Capernaum.

⁴⁷ Jme₁ca₂rě₃ñi₅ dsa₂ 'éi₂ a₂ma₂ñi₅ Jesús 'uě₃ Galilea, 'ein₅₄ jui₅ a₂o₂'ín₃ 'uě₃ Judea, jaun₂ ñei₅₄ ca₂i₁jñi₁₂ Jesús, jaun₂ ca₂chi₃quióng₂ jmig₄ tion₅₄-jan₃ a₂dsó₃ 'éi₂ ja₁quió'₄ a₂jme₃'lión₂ ja₁ñi'₅₄ i₂ron₅ ma₂i₁jón₂.

⁴⁸ Jaun₂ ně₃ ca₂juá'₂ Jesús:

—Tsá₃ 'én'₂ 'nia'₂ ně₁jua'₂ tsá₃ ca₂jag'₅₄ léi₄ juě'₂ a₂dsi₂gó'₃ 'au'₂.

⁴⁹ Jaun₂ ca₂juá'₂ dsa₂ i₂jme₂ti₃ ta₁ ne₄ rag₅₄ 'éi₂:

—Te₁gui⁵⁴, i₂ñáu'₂ uě₃ ñia₅, né'₃ guě₄ a₂jón₂ chi'₂ quiáng₃.

⁵⁰ Jaun₂ ně₃ ca₂juá'₂ Jesús:

—Guan'₂ bá₄ quiáng'₂; ia₁ i₂chan₂ bá₄ chi'₂ quiáng'₂.

Ca₂rě₃'éin₂ bá₄ dsa₂ jág₁ a₂ca₂juá'₂ Jesús, jaun₂ ca₂ñái'₃.

⁵¹ Jaun₂ jme₁ma₂'ein₅₄ jui₅ dsián'₂, jaun₂ ca₂jme₃jein'₂ dsa₂ i₂jme₂ti₃ ta₁ ne₅₄, jaun₂ ca₂juá'₂ 'éi₂:

—I₂chan₂ bá₄ chi'₂ quiáng'₂.

⁵² Jaun₂ ca₂ñag₃ 'e₂ hora ca₂tág'₃ dsí₅. Jaun₂ ca₂juá'₂ dsa₂ 'éi₂:

—Dsióg₂ con'₂ hora ñi₁ caun₂ tē₂le₃ ca₂'láu₂, † ca₂jñia₃ dséi₂ a₂jme₁'i₁.

⁵³ Jaun₂ ca₂rě₃lí₄ jmei₂ chi'₂ 'éi₂, hora jaun₂ dé₄ ca₂juá'₂ Jesús: “I₂chan₂ bá₄ chi'₂ quiáng'₂.” Jaun₂ ca₂rě₃'éin₂ dsa₂ 'éi₂, quiain'₅₄ ta₁jñi₂ dsa₂ dsi₂néi₂ quió'₅.

⁵⁴ A₂ně₅ jě₁ca₂tě₂ táng₃ léi₄ juě'₂ a₂ca₂jmo₃ Jesús, jme₁ca₂o₃'ín₃ Judea, jme₁guáin'₃ Galilea.

5

Ca₂jme₃'lión₂ Jesús jan₂ dsa₂ 'lian'₂ i₂ron₅ cau₅ Dsiog₅ Betesda

¹ Cang₂ jaun₂ ca₂jmo₃ dsa₂ judíos caun₂ jmig₄, jaun₂ ca₂uíg₂ táng₃ Jesús jui₅ Jerusalén.

* **4:42** A₂lín₅₄ chog₅₄ si₂: “Tě₃dsón'₂ bá₄ 'éi₂ lín₅ I₂rě₂'ín₁, quián₅ Diú₄, i₂lión₂ dsa₂ mi₂güig₃.” † **4:52** lit. “hora guio₃.”

² Jë₄ juig₂ Jerusalén jaun₂, cau₅ ja₁lë₄ caun₂ o₄'né₄ a₂chei₂ quió'₅ Já'₂ Cha'₂, niog₅ caun₂ dsiog₅ a₂chei₂ Betesda* quian'₅₄ jág₁ arameo, ja₁lë₄ 'ñiá'₂ corredor.

³ Ja₁jaun₂ jme₁tián'₄ 'uë₃ juin₅ dsa₂ i₂qui₂le₁dso'₅₄, jë₃ dsa₂ ten₄, dsa₂ guian'₅₄ quian'₅₄ dsa₂ 'lian'₂ ně₃, a₂chi₁jñia₂₃ a₂qui₃jě'₂ jmig₂. ⁴ Ia₁ jme₁lin₅₄, sión₅ jan₂ ángel quián₅ Te₁gui'₅₄ ja₁niog₅ dsiog₅ jaun₂, jaun₂ jmo₂₃ qui₂jě'₂ jmig₂. Jaun₂ ju₁lia'₂ dsa₂ dso'₅₄ i₂í₂ le₂'uig₅₄ jmig₂ jë₁ma₂i₂bi₅₄, jme₁jñia₅ quió'₅, chi₂jua'₂ 'e₂ dso₄ jme₁lin₄.†

⁵ Ja₁jaun₂ jme₁ron₅ jan₂ dsa₂ dso'₅₄, jme₁ma₂tě₂ guióg₂-guiá'₂-jñiá'₂ ñi₂ roin₂₃ dso'₅₄.

⁶ Jme₁ca₂jág₃ Jesús ron₅ dsa₂ dso'₅₄ ja₁jaun₂, jaun₂ jme₁ca₂rë₃lí'₄ ma₂líg'₂ bá₄ lín₅ le₂jaun₂, ca₂ñag₃:

—¿'Niog'₂ 'lióng'₂?

⁷ Jaun₂ ca₂ñag₃ dsa₂ dso'₅₄:

—Gui'₅₄, tsá₃ 'ein₂ chan₂ to'₂ jniá'₂ 'ñió'₃ dsiog₅ jë₁ma₂tě₂ rë₁qui₃jě'₂ jmig₂. Lia'₂ co₂ráun₂ 'nio₃ 'ú₄, i₂sián'₂ bá₄ sión₅ le₂'uig₅₄.

⁸ Jaun₂ ca₂juá'₂ Jesús:

—Nau₂, chog'₅₄ tsi₁jein₁ quiáng'₂, ñi₄ ně₃.

⁹ Dsi₂jui₅ le₂jaun₂ bá₄ ca₂jñia₃ quió'₅ dsa₂ 'éi₂. Ca₂chóg'₃ tsi₁jein₁ quió'₅, jaun₂ ca₂jme₃lióg₃ ca₂ñi₃. A₂jaun₂ ca₂lë₃ caun₂ jmig₄ sa₅₄.

¹⁰ Jaun₂ ca₂juá'₂ dsa₂ judíos ca₂tsí'₃ dsa₂ i₂ca₂'lón₂ 'éi₂:

—Jmig₄ sa₅₄ bá₄ ně₃; tsá₃ 'i₄ 'éi'₃ caun'₅₄ tsi₁jein₁ quiáng'₂ jmig₄ ně₃.

¹¹ Jaun₂ ca₂ñag₃ dsa₂ 'éi₂:

—I₂në₂jme₃'lió₂ jniá'₂, në₂juá'₂: “Chog'₅₄ tsi₁jein₁ quiáng'₂, ñi₄ ně₃.”

¹² Jaun₂ ně₃ ca₂ñag₃ táng₃ dsa₂ 'éi₂:

—¿'Ein₂ 'éi₂ në₂juá'₂ a₂caun'₅₄ tsi₁jein₁ quiáng'₂, a₂ñí'₂ ně₃?

¹³ La₁ tsá₃ ñi₅ 'ein₂ 'éi₂ i₂në₂jme₃'lió₂ quió'₅, ia₁ jme₁ma₂i₂cón'₅ Jesús jin₄ dsa₂ juin₅ i₂jme₁tion'₅₄ ja₁jaun₂.

¹⁴ Cang₂ jaun₂ ca₂jen'₂ Jesús ca₂jein'₂ dsa₂ 'éi₂ i₁dsi₅ guá'₅ templo, jaun₂ ca₂juá'₂:

—Jag₄ de'₂, ně₃ lia'₂ ma₂'lóng'₂, tsá₃ ma₃lë₁'nau₂ dso₄, ia₁jaun₂ tsá₃ dsi₃ñíg'₂ caun₂ jmi₁uig₅ 'ñio₅ guě₄ con'₂ guě₄ a₂jme₁lín'₄ le₂jñiá'₅.

¹⁵ Jaun₂ ñá'₃ bá₄ dsa₂ 'éi₂, jaun₂ ca₂i₁chi'₄ dsa₂ judíos, Jesús bá₄ 'éi₂ i₂ca₂jme₃'lió₂ quió'₅.

¹⁶ 'Uig₅₄ jaun₂ qui₂ca₂co₃'ein₃ dsa₂ judíos quió'₅ Jesús,‡ ia₁ jme₁tin₂ Jesús jme₁jmo₂₃ le₂në₅ jmig₄ sa₅₄.

¹⁷ La₁ ca₂juá'₂ Jesús ca₂tsí'₃ dsa₂ judíos:

—Lia'₂ jmo₅ jaun₂ Ñe'₃ ta₁ jñia'₅₄ jmig₄ ně₃; ján₃ bá₄ le₂jaun₂ jmo₅ jniá'₂ ta₁.

¹⁸ 'Uig₅₄ jaun₂, tē₂le₃ i₂jui'₂ guě₄ jme₁'nio₃ jñag'₃ dsa₂ judíos, ia₁ on₃jua'₅₄ jmá'₃ 'éi'₃ jmig₄ sa₅₄ jmo₂₃ cau₅, ján₃ bá₄ ca₂tē₂ jmo₂₃ a₂lín₅ co₂rri₂ quian'₅₄ Diú₄, ia₁ a₂juá'₂ Diú₄ bá₄ lín₅ Jmei₂.

'Éi'₃ a₂ron₅ quió'₅ Ja₁ñi'₅₄ Diú₄.

¹⁹ Jaun₂ ně₃ ca₂juá'₂ Jesús ca₂tsí'₃ dsa₂ judíos:

—A₂dsi₂jó'₃ juig₂ jniá'₂ 'nia'₂, tsá₃ 'e₂ lé₂ le₃jmo₃ Ja₁ñi'₅₄ 'i₁caun₂ 'ñiog₅; a₂jaun₂ bá₄ jmo₂₃ ju₁lia'₂ a₂jág₅ jmo₅ Jmei₂. Ju₁lia'₂ 'e₂ ta₁ a₂jmo₅ Jmei₂, a₂jaun₂ bá₄ jmo₅ Ja₁ñi'₅₄ ján₃. ²⁰ Ia₁ 'nio₃ Jmei₂ 'nioi₃ Ja₁ñi'₅₄, jaun₂ 'ë₂₃ 'ě'₅ Ja₁ñi'₅₄ ca₂le₃jě'₃ 'e₂ a₂jmo₂₃. Tē₂le₃ lë₅ guě₄ juě'₂ ta₁ qui₃'ě₃, con'₂ guě₄ a₂le₂la₂, ia₁jaun₂ qui₂dsi₃gó'₃

* 5:2 A₂lin₅₄ chog₅₄ si₂: “Betzata”; a₂siá'₂ ně₃: “Betsaida.” † 5:4 Chog₅₄ si₂ a₂dse₃ guě₄ tsá₃ chi₁ton₅ versículo 4. ‡ 5:16 A₂lin₅₄ chog₅₄ si₂ a₂me'₂ guě₄ juá'₂ ján₃: “a₂jme₁'nio₃ jñag'₃.”

'au'₂ 'nia'₂. 21 Ia₁, jui₁lia'₂ jme₂jen'₅₄ Jmei₂ jme₂jein'₅₄ 'lag₄, cuë₂₃ jme₂dsi₂ a₂le₃chain₂, já₃n₃ bá₄ le₂jaun₂ cuë₅ Ja₁ñi'₅₄ jme₂dsi₂ cuë'₅ jui₁lia'₂ i₂'nio₃ cuë'₃. 22 Já₃n₃ guë'₂, tsá₃ con₂ Jmei₂ 'í₁ quió'₅ 'i₁jan₂; o₄gú₃ Ja₁ñi'₅₄ bá₄ ma₂dsia₃ ca₂le₃jě₃ 'éi'₃ a₂con₂ 'í₁, 23 ia₁jaun₂ jme₃go₃ ca₂le₃jín₃ dsa₂ jme₃gain₃ Ja₁ñi'₅₄, jui₁lia'₂ jme₂gain₃ Jmei₂. Jui₁lia'₂ i₂tsá₃ jme₂gan₃ Ja₁ñi'₅₄, tsá₃ jme₂gain₃ Jmei₂ i₂ca₂chei₃.

24 'A₂dsi₂jó'₃ juíg₂ jniá₂ 'nia'₂: jui₁lia'₂ i₂nag₅ i₂tón'₂ jui₅ jág₁ quió₃, ton'₂ 'éin₂ tē₂le₃ quió'₅ i₂ca₂chei₃, le₃chain₂ bá₄ co₂tan₅₄. Tsá₃ 'í₁ jióg'₂ ja₁coin₂, ia₁ ma₂ca₂ñi₅ ne₄ 'mú₃, ma₂ca₂dsióg₃ ja₁le₃chain₂ co₂tan₅₄. 25 A₂dsi₂jó'₃ juíg₂ jniá₂ 'nia'₂, já₅ jmi₄g₄ ton'₂ ma₂tē₂ dsón'₂, jē₁ma₂tē₂ rē₁nag₃ 'lag₄ jág₁ quió'₅ Ja₁ñi'₅₄ Diú₄. Jui₁lia'₂ i₂ne'₅₄ ně₃, le₃chain₂ bá₄. 26 Ia₁ jui₁lia'₂ 'io₅ bí₂ Jmei₂ a₂le₃chain₂ 'ñiog₅, já₃n₃ bá₄ le₂ně₅ ma₂cuë'₃ Ja₁ñi'₅₄ jui₅bí₂ a₂le₃chain₂ 'ñiog₅. 27 Já₃n₃ bá₄ ma₂cuë₃ jui₅bí₂ a₂con₂ 'í₁ qui₃dsi₂₃ 'éi'₃, ia₁ lín₅ Jaun₅ dsa₂ mi₂güí₃. 28 Tsá₃ lē₁jui₁dsi₂gó'₃ 'au'₂ 'nia'₂ jág₁ a₂ně₂juá'₃ jniá₂ la₂, ia₁ já₅ hora a₂nag₃ ca₂le₃jín₃ dsa₂ i₂le₁'on₅ tau₂ 'ñio₅, jág₁ quió'₅, 29 jaun₂ 'uín₃ ja₁jaun₂. Jui₁lia'₂ i₂ca₂jmo₃ a₂dsi₂ten₅₄, jein'₅₄ a₂dsi₂lein₅ ja₁le₃chain₂ co₂tan₅₄; la₁ia₁ jui₁lia'₂ i₂ca₂jmo₃ a₂'lig'₅₄, jein'₅₄ a₂tē₃dsi₅₄ 'éi'₃ ja₁coin₂.

Jau'₂ 'í₁ a₂dsón'₂ 'io₅ Jesús bí₂

30 'Tsá₃ 'e₂ lé₂ le₃jmo₅₄ jniá₂ jua'₅₄ a₂jmo₅₄ con'₂ tñng₂ 'ñio₃. Qui₂dsi₂ jniá₂ 'éi'₃ lia'₂ con'₂ lē₅ jág₁ a₂nég'₄ ja₁con₂ Ne'₃, jaun₂ dsi₂ten₅₄ bá₄ 'éi'₃ a₂qui₂dsi₂ jniá₂, ia₁ tsá₃ a₂jaun₂ jmo₅ jniá₂ lia'₂ con'₂ lē₅ a₂'ñio₂ dsi₃ 'ñio₃; a₂jaun₂ bá₄ jmo₅ jniá₂ lia'₂ con'₂ lē₅ a₂'ñio₂ dsi₅ 'éi₂ i₂ca₂chei₃ jniá₂. 31 Nē₁jua'₂ jáng'₅ jniá₂ jág₁ dsau₅ ja₁cong₂ 'ñio₃, jág₁ jaun₂ a₂jáng'₅, tsá₃ quen₅. 32 La₁ia₁ chan₂ guë₄ jan₂ i₂sián'₂ i₂jáng'₅ jág₁ dsau₅ tē₂le₃ quió₃ jniá₂, jaun₂ guion₄ jniá₂ jui₁lia'₂ a₂juá'₂ 'éi₂ 'ag₂₃ jniá₂, tí₅ bá₄ jág₁ a₂jáng'₅. 33 Ca₂chen'₂ 'nia'₂ dsa₂ a₂ca₂i₁ñag₁₂ ne₄ Juan₅₄, jaun₂ dsón'₂ tí₅ bá₄ jág₁ dsau₅ a₂ca₂jáng'₃ 'éi₂. 34 La₁ia₁ on₃jua'₅₄ jaun₂ chén'₅ jniá₂ rē₂ ia₁ a₂jáng'₅ dsa₂ mi₂güí₃ jág₁ dsau₅ tē₂le₃ quió₃ jniá₂; a₂jaun₂ bá₄ juíg₂ jniá₂ 'nia'₂ jág₁ la₂ ia₁jaun₂ lé₂ le₃lión'₂ 'nia'₂. 35 Jme₁lín₄ Juan₅₄ ně₂jag₄ caun₂ si₂ ni₁tsí₅ a₂cau₂ a₂tág₅. Jaun₂ 'nia'₂ ně₃, jme₁ma₂'éi'₂ caun₂ 'au'₂ a₂jmo'₂ co₂'na₂ 'io'₂ ja₁tág₅ si₂ quió'₅. 36 La₁ia₁ jniá₂ ně₃, 'ñio₅₄ jan₂ i₂jáng'₅ jág₁ dsau₅ i₂juin'₂ guë₄ lia'₂ con'₂ guë₄ Juan₅₄. Ia₁ jui₁lia'₂ léi₄ a₂jmo₅ jniá₂, a₂jaun₂ ca₂cuë₃ Ne'₃ a₂jmo₅₄. A₂jaun₂ bá₄ jáng'₅ jág₁ dsau₅ a₂dsón'₂ bá₄ ca₂chei₃ Ne'₃. 37 Já₃n₃ bá₄ le₂jaun₂, 'ñiog₅ bá₄ Ne'₃ jniá₂ i₂ca₂chei₃, jáng'₅ 'éi₂ jág₁ dsau₅ tē₂le₃ quió₃ jniá₂. 'Nia'₂ ně₃, lia'₂ 'i₁cón'₂ tsá₃ ma₂nei'₂ 'nia'₂ jág₁ quió'₅, on₃ guë'₂ ma₂jin'₅₄ 'nia'₂ 'a₂ lia'₂ lín₅, 38 on₃ guë'₂ ma₂tē₂gua₁ jág₁ quió'₅ tē₂'au'₂, ia₁ tsá₃ 'én'₂ 'nia'₂ tē₂le₃ quió'₅ 'ñiog₅ i₂ca₂chein₃. 39 A₂'í'₂ 'nia'₂ Si₂ quió'₅ Diú₄ ca₂lia'₂ dsen₅₄ 'au'₂, ia₁ lín'₂ 'nia'₂ a₂le₃chan₂ 'nia'₂ co₂tan₅₄ tē₂le₃ quián'₅₄ Si₂ jaun₂. Si₂ jaun₂ bá₄ jáng'₅ jág₁ dsau₅ 'ag₂₃ jniá₂. 40 Jaun₂ 'nia'₂ ně₃, tsá₃ 'ñiog'₂ i₁nóg'₅ ne₃ jniá₂ ia₁jaun₂ le₃chan'₂ 'nia'₂.

41 'Tsá₃ gue₅ jniá₂ a₂jme₂juag'₂ dsa₂ mi₂güí₃. 42 La₁ cuín₅ jniá₂ 'nia'₂, jaun₂ guion₄ jniá₂ a₂tsá₃ jaun₂ le₁'i₁ tē₂'au'₂ 'nia'₂ a₂niog₅ dsí₅ Diú₄ a₂'nioi₃ 'nia'₂. 43 O₄quió'₄ Ne'₃ bá₄ jniá₂ guio₃, 'nia'₂ guë'₂ tsá₃ guéi'₅ jniá₂; la₁ia₁ ně₁jua'₂ ca₂já₃ jan₂ o₄quió'₄ 'ñiog₅, i₂'éi₂ bá₄ guén'₄ 'nia'₂. 44 ¿'A₂ lia'₂ lé₂ le₃'én'₂ 'nia'₂, chi₂jua'₂ jaun₂ 'náu'₂ a₂tíong'₂ rē₂ quiang'₅₄ ríng'₂, tsá₃ guë'₂ 'náu'₂ 'nia'₂ a₂qui₁náu'₂ rē₂ quiang'₅₄ Diú₄? 45 Tsá₃ o₁len'₂ 'nia'₂ jua'₅₄ a₂'nág₄ jniá₂ ne₄ Ne'₃; chan₂ jan₂ i₂'nag₅: Moisés bá₄ 'éi₂. Le₃quió'₅ 'éi₂ bá₄ 'ín₂ 'au'₂ 'nia'₂. 46 Ia₁ jua'₅₄ mei'₂ guë₃ ca₂rē₃'éng'₂ jág₁ quió'₅ Moisés, já₃n₃ bá₄ le₂jaun₂ jme₁le₃'éng'₂ jág₁ quió₃, ia₁ jniá₂ bá₄ ca₂'ag₃ Moisés ne₄ Si₂. 47 La₁ chi₂jua'₂ tsá₃ 'én'₂ guë'₂ 'nia'₂ jág₁ a₂ca₂tó'₂ 'éi₂ ne₄ Si₂, ¿'a₂ guë'₂ lia'₂ lé₂ le₃'én'₂ 'nia'₂ jág₁ a₂juá'₅ jniá₂?

6

Ca₂η₃ Jesús 'ñiá₂ mei₅ dsa₂

(Mateo 14:13-21; Marcos 6:30-44; Lucas 9:10-17)

¹ Cang₂ jaun₂ ca₂η₃ Jesús tē₂le₃ quióng₄ ca₂taun₂ jmi₁ñí₄ Galilea, (a₂chei₂ jmi₁ñí₄ Tiberias). ² Jaun₂ ca₂l₃lén₂ juín₅ lín₃ dsa₂ chi₁co'₅₄ quió'₅, ia₁ ma₂jág₃ léi₄ jué'₂ a₂ma₂jmo₃, a₂qui₂ma₂ca₂jme₂'lióin₂ dsa₂ i₂jme₁le₁dso'₅₄. ³ Jaun₂ ně₃ ca₂uíg₂ Jesús caun₂ má'₂, jaun₂ ca₂guá₂ ja₁jaun₂ quiain'₅₄ chi'₂ dsi₂guia₃-tín₂ quiáin₅.

⁴ Jmíg₄ jaun₂, jme₁ma₂ja₂quián₃ Jmíg₄ Tē₂'in₅₄, co₂'nió'₄ jmíg₄ quió'₅ dsa₂ judíos.

⁵ Jme₁ca₂jág₃ Jesús ca₂jín₂ juín₅ lín₃ dsa₂ i₂ja₂lén₂, jaun₂ ca₂juá'₂ ca₂tsí'₃ Felipe:
—¿A₂já'₄ dsi₁liá₄ má₃ a₂gué'₃ ca₂le₃jín₃ dsa₂ ně₅?

⁶ A₂jaun₂ bá₄ ca₂juá'₂ Jesús le₂ně₅ o₁ne₄ 'e₂ jme₁ηag₃ Fe₂li₄, ia₁ jme₁ma₂ηi₅ rē₂ bá₄ Jesús 'ñiog₅ 'e₂ a₂jmo₃.

⁷ Jaun₂ ně₃ ca₂ηag₃ Fe₂li₄:
—Tín₃ 'ñiá₂-láu₂ denario i₁ñí₄ tsá₃ len₅ bá₄ gué₄ a₂ηe₂ jma₃ca₂juíg₄ le₂jan₂ le₂jan₂ dsa₂.

⁸ Jaun₂ ně₃ ca₂ηag₃ gué₄ jan₂ chi'₂ dsi₂guia₃-tín₂ quián₅ Jesús, i₂jme₁chen₂ Drē₄ rin'₅₄ Si₂mu₅₄ Pe₄:

⁹ —Jē₄ la₂ 'en₅₄ jan₂ i₂bē'₅₄ i₂quian₅ 'ñiá₂ i₁ñí₄ cebada, quian'₅₄ gué'₂ on₃ ju₄; la₁ia₁, ¿'e₂ bá₄ cha₂ 'e₂ jaun₂, ja₁con₂ dsa₂ juín₅ le₂ně₅?

¹⁰ Jaun₂ ně₃ ca₂juá'₂ Jesús:

—Chei'₅₄ dsa₂ ca₂le₃jín₃ ju₁tiain'₂₃.

'Lióng₂ ηi₂ma'₂ jme₁cha₂ ja₁jaun₂, jaun₂ ca₂tián'₂ dsa₂ ηe'₂, i₂jme₁lē₂ con'₂ 'ñiá₂ mei₅ dsa₂.

¹¹ Jaun₂ ně₃ ca₂can₃ Jesús i₁ñí₄, jaun₂ jme₁ma₂ně₂cué'₃ ti₁'mag'₄ Diú₄, qui₂ca₂dsi₃'₃ ca₂cué'₃ ca₂le₃jín₃ dsa₂ i₂jme₁tián'₄ ja₁jaun₂. * Ján₃ bá₄ le₂jaun₂ ca₂jmo₃ quian'₅₄ dsi₂ju₄ 'éi₂, ca₂cué'₃ ca₂le₃jín₃ dsa₂ 'a₂ con'₂ ηnia'₅₄ 'nio₃.

¹² Jaun₂ jme₁ma₂lí'₃ dsa₂ gué'₅, ca₂juá'₂ Jesús ca₂tsí'₃ chi'₂ dsi₂guia₃-tín₂:

—Cag'₅₄ 'nia'₂ ni₁jne₁ i₁ñí₄ a₂ca₂chóng₃, ia₁jaun₂ tsá₃ 'e₂ dsi₃'én₂.

¹³ Jaun₂ ca₂cág'₃, jaun₂ ca₂jme₃cain'₂ guia₃-tín₂ tsi₁mi'₂ tá₂, quian'₅₄ ni₁jne₁ a₂ca₂chóng₃ a₂'ñiá₂ i₁ñí₄ cebada jaun₂.

¹⁴ Jaun₂ ně₃, jme₁ca₂jág₃ dsa₂ léi₄ a₂ca₂jmo₃ Jesús, ca₂juá'₂:

—Dsón'₂ bá₄ lín₅ dsa₂ ně₅ dsa₂ i₂'é₂ jág₁ quián₅ Diú₄, i₂lē₅ jág₁ jiá₃ mi₂güí₃.

¹⁵ La₁ ca₂rē₃lí'₄ bá₄ Jesús a₂'nio₃ dsa₂ jme₁tē₂ tion₅₄, a₂jme₁jmói'₂ 'éi₂ rag₅₄, jaun₂ ca₂ñái'₃ bá₄ táng₃ ca₂'í₃ má'₂ con'₂ 'ñiog₅.

Ca₂η₃ Jesús ne₄ jmíg₂ jmi₁ñí₄

(Mateo 14:22-27; Marcos 6:45-52)

¹⁶ Jme₁ca₂nei₂ jaun₂, ca₂sión₃ chi'₂ dsi₂guia₃-tín₂ quiáin₅ ca₂tē₂ jmi₁ñí₄.

¹⁷ Jaun₂ ca₂tóin'₂ 'ñi₃ caun₂ tsi₁mu₅, jaun₂ ca₂jme₃lióg₃ ca₂'ain₃ jmi₁ñí₄ a₂dsi₃lén₂ Capernaum. Jme₁ma₂tó'₂ nei₂ bá₄ jaun₂, tsá₃ jme₁ma₂quiong'₅₄ bá₄ gué₄ Jesús.

¹⁸ Jaun₂ ca₂rē₃lióg₃ ca₂'ág₂ dsí₂ tiá₂ lín₃, jaun₂ qui₂ca₂ron'₂ jmi₁ñí₄.

¹⁹ Jme₁ma₂'ain₂ con'₂ 'ñiá₂-jnéi₂ kilómetros, jaun₂ ca₂jág₃ a₂ja₂quián₃ Jesús cau₅ tsi₁mu₅, a₂ηi₂₃ ne₄ jmíg₂; jaun₂ ca₂rē₃gó'₅ 'ñio₅ lín₃.

²⁰ La₁ia₁ ca₂juá'₂ Jesús:

—Jniá₂ bá₄ la₂; tsá₃ lē₁jmo₂ 'nia'₂ gang'₃!

* **6:11** A₂lín₅₄ chog₅₄ si₂ a₂me'₂ gué₄ juá'₂: “jme₁ma₂ně₂cué'₃ ti₁'mag'₄ Diú₄, jaun₂ ca₂cué'₃ chi'₂ dsi₂guia₃-tín₂, jaun₂ chi'₂ dsi₂guia₃-tín₂ ně₃ qui₂ca₂dsi₃'₃ ca₂cué'₃ ca₂le₃jín₃ dsa₂.”

21 Jaun₂ ně₃ ca₂lia'₂ 'io'₂ jén'₅ bá₄ ca₂guein₃† Jesús 'ñió'₃ tsi₁mu₅, jaun₂ quian'₅₄ ca₂tiá₂ co₂lág₂ bá₄ ca₂dsilén₂ chei'₅₄ 'uë₃ ja₁jme₁tioin'₅₄ ju₁₅ i₃lén₂.

'Nau'₂ dsa'₂ 'nai'₂ Jesús

22 Jme₁ca₂jnia₃ jaun₂, ca₂rë₃lí'₄ dsa₂ i₂të₁'ñiá'₄ të₂le₃ quióng₄ ca₂taun₂ jmi₁ñí'₄, a₂jme₁chí'₄ caun₂ tan₅₄ tsi₁mu₅ ja₁jaun₂, ton'₂ tsá₃ ca₂'í₃ Jesús 'ñió'₃ jaun₂ quian'₅₄ chi'₂ dsi₂guia₃-tín₂; guion₅₄ bá₄ chi'₂ dsi₂guia₃-tín₂ i₃lén₂.

23 La₁ të₁lia'₂ jaun₂, o₃lé₂ tsi₁mu₅ siá'₂ a₂ja₂lei₃ juig₂ Tiberias, ca₂o₃lé₂ quián₅ ja₁ca₂guë'₃ i₁ñí'₄ le₂ñiá'₅ jme₁ca₂lë₃ cuë'₅ Te₁gui'₅₄ ti₁'mag'₄ Diú₄.‡

24 Jaun₂ ně₃, jme₁ca₂rë₃lí'₄ dsa₂ a₂tsá₃ Jesús chan₂ ja₁jaun₂, on₃ guë'₂ chi'₂ dsi₂guia₃-tín₂ quián₅, ca₂i₃toin'₅₄ 'ñió'₃ tsi₁mu₅, ca₂i₃lén₂ ju₁₅ Capernaum ca₂i₁'niog'₂.

Jesús bá₄ lín₅ i₁ñí'₄ a₂le₃chan₂ dsa₂ co₂tan₅₄

25 Jme₁ca₂dsilén₂ dsa₂ të₂le₃ quióng₄ ca₂taun₂ jmi₁ñí'₄, ca₂dsáin'₂ Jesús, jaun₂ ca₂ñag₃:

—Të₅, ¿líg'₂ guang'₃ ja₁lá₃?

26 La₁ia₁ ca₂ñag₃ Jesús ca₂tsí'₃ dsa₂ 'éi₂:

—A₂dsi₂jó'₃ juig₂ jniá'₂ 'nia'₂, a₂'nau'₂ jniá'₂ i₂niog'₅₄, ia₁ ca₂qué'₂ 'nia'₂ lia'₂ 'ág'₃ 'au'₂ i₁ñí'₄, on₃jua'₅₄ rë'₂ ia₁ a₂ca₂rë₃ñí'₂ 'nia'₂ léi₄ jaun₂. 27 Tsá₃ lë₂jmo₂ 'nia'₂ ta₁ o₄quió'₄ má₃ a₂jnia'₅₄ con'₂ dsi₃'én₂, të₂le₃ o₄quió'₄ má₃ a₂jio₅ co₂tan₅₄ bá₄ jmo₄ 'nia'₂ ta₁, a₂cuë'₅ Jaun₅ dsa₂ mi₂güig₃. Ia₁ ne₄ 'éi₂ ma₂tióng₃ 'ñiog₅ bá₄ Diú₄ Jme₁ léi₄ quió'₅.

28 Jaun₂ ně₃ ca₂ñag₃ dsa₂:

—¿'E₂ 'nió'₅ jmó'₁ jnia'₅₄ ia₁jaun₂ lé₂ le₃jmó'₁ jnia'₅₄ ta₁ a₂'nio₃ Diú₄ jmó'?

29 Jaun₂ ca₂ñag₃ Jesús:

—A₂la₂ bá₄ ta₁ quió'₅ Diú₄: a₂le₃'én'₂ 'nia'₂ të₂le₃ quió'₅ i₂chen₄ quián₅.

30 Jaun₂ ně₃ ca₂ñag₃ dsa₂:

—¿'E₂ léi₄ lé₂ le₃'é'₂ jnia'₅₄, ia₁jaun₂ jag₅₄ jnia'₅₄ jaun₂ le₃'éin₂ jnia'₅₄ quiáng'₂? ¿'E₂ léi₄ jmó'₂? 31 Dsa₂ can'₅₄ quián₂ jnia'₅₄ ma₂líg'₂, ca₂guë'₃ i₁ñí'₄ maná, lia'₂ con'₂ jme₁tioin'₅₄ 'uë₃ quein₂ co₂'ñiog₅ jaun₂, ju₁lia'₂ juá'₂ ne₄ Si₂ quió'₅ Diú₄: “Ca₂cuë'₃ Moisés ca₂guë'₃ 'éi₂ i₁ñí'₄ a₂ca₂já₃ guei'₅₄ i₂juig₃.”§

32 Jaun₂ ca₂ñag₃ Jesús:

—A₂dsi₂jó'₃ juig₂ jniá'₂ 'nia'₂: on₃jua'₅₄ Moisés i₂ca₂cuë'₃ i₁ñí'₄ a₂já₅ guei'₅₄ i₂juig₃; Ne'₃ bá₄ jniá'₂ i₂cuë'₅ 'nia'₂ i₁ñí'₄ të₂dsón'₂ a₂já₅ guei'₅₄ i₂juig₃. 33 Ia₁ ju₁lia'₂ i₁ñí'₄ a₂já₅ ja₁con₂ Diú₄, i₂'éi₂ bá₄ lín₅, i₂ca₂sión₃ guei'₅₄ i₂juig₃, i₂jmo₅ a₂le₃chan₂ dsa₂ co₂tan₅₄.

34 Jaun₂ ně₃ ca₂juá'₂ dsa₂ ca₂tsí'₃ Jesús:

—Te₁gui'₅₄, cuë'₄ lia'₂ o₂jmi₄g₄ i₁ñí'₄ a₂'ë'₂ 'ne₂ ně₅.

35 Jaun₂ ca₂juá'₂ Jesús:

—Jniá'₂ bá₄ lín₅ i₁ñí'₄ a₂jmo₅ a₂le₃chan₂ dsa₂. Ju₁lia'₂ i₂ja₂ ja₁con₂ jniá'₂, lia'₂ o₁líg'₂ jmi₄g₄ tsá₃ ma₃lé₂ i₁cón'₅; ján₃ bá₄ le₂jaun₂ ju₁lia'₂ i₂'én₂ të₂le₃ quió'₃ jniá'₂, lia'₂ o₁líg'₂ jmi₄g₄ tsá₃ ma₃le₃quein₂ dsí₅. 36 La₁ ju₁lia'₂ ma₂në₂juig₂ jniá'₂ 'nia'₂, tsá₃ 'én'₂ 'nia'₂ o₁jnia'₅₄ ma₂në₂jag₅₄ 'nia'₂ jniá'₂. 37 Ca₂le₃jín₃ ju₁lia'₂ dsa₂ i₂cuin₅ Ne'₃ cui₂₃g₂₃ jniá'₂, ja₃lén₂ ja₁con₂ jniá'₂; jaun₂ ju₁lia'₂ i₂ja₂ ja₁con₂ jniá'₂, lia'₂ o₁'e₂ guë'₃ tsá₃ dséin₄ jniá'₂. 38 Ia₁ on₃jua'₅₄ jaun₂ guio₃ jniá'₂ ca₂sióng₃ guei'₅₄ i₂juig₃ jua'₅₄ a₂jmo₅₄ a₂'ñio₂ dsi₃ 'ñió₃; a₂jaun₂ bá₄ guio₃ a₂jmo₅₄ a₂'ñio₂ dsí₅ i₂ca₂chei₃.

† 6:21 o₃, “jme₁guein₃.” ‡ 6:23 A₂lín₅₄ chog₅₄ si₂ tsá₃ chi₁ton₅ “jme₁ca₂lë₃ cuë'₅ Te₁gui'₅₄ ti₁'mag'₄ Diú₄.” § 6:31 Éxodo 16:4; Nehemías 9:15; Salmo 78:24-25.

³⁹ A₂la₂ bá₄ a₂'ñio₂ dsí₅ i₂ca₂chei₃; a₂tsá₃ qui₂dsi₃cón'₅ 'i₁jan₂ i₂ma₂cuin₃ 'éi₂ jniá₂, tē₂le₃ a₂jme₁jjein'₅₄ bá₄ jniá₂ jmi₃g₄ jē₁ca₂tó'₂. ⁴⁰ A₂la₂ bá₄ a₂'ñio₂ dsí₅ Ñe'₃: ju₁lia'₂ ca₂le₃jín₃ i₂jín₂ Ja₁ñi'₅₄ ton'₂ 'éin₂ tē₂le₃ quió'₅, ju₁le₂chain₂ co₂tan₅₄, jaun₂ jniá₂ ně₃ jme₁jjein'₅₄ jmi₃g₄ jē₁ca₂tó'₂.

⁴¹ Quian'₅₄ jág₁ ně₅ ca₂jme₃lióg₃ dsa₂ judíos qui₂ca₂dsia₃ guioin₅₄, ca₂chi₃'iin₃ Jesús ia₁ jme₁ma₂nē₂juá'₂: “Jniá₂ bá₄ líng₅ i₁ñí'₄ i₂ca₂sión₃ guei'₅₄ i₂juíg₃.”

⁴² Jaun₂ ca₂juá'₂:

—¿On₃jua'₅₄ i₂nē₅ Jesús ja₁ñi'₅₄ Sē₄? I₂cuin₅ bá₄ jniog₄ chog₅₄-jmei₂ i₂nē₅. ¿'A₂ guē'₂ lia'₂ juá'₂ a₂ca₂sióin₃ guei'₅₄ i₂juíg₃?

⁴³ Jaun₂ ně₃ ca₂juá'₂ Jesús:

—Tsá₃ lē₁ma₃chi₂'ág₅ 'nia'₂. ⁴⁴ Lia'₂ 'i₁jan₂ tsá₃ lé₂ jiá₃ ja₁con₂ jniá₂, jua'₅₄ tsá₃ o₂jiog₃ Ñe'₃ i₂ca₂chei₃; jaun₂ jniá₂ jme₁jjein'₅₄ jmi₃g₄ jē₁ca₂tó'₂. ⁴⁵ Le₂la₂ ca₂tó'₂ ne₄ Si₂ dsa₂ i₂jme₁'ē₂ jág₁ o₄quió'₄ Diú₄: “Diú₄ bá₄ jme₃tag₅ jme₃tiin₂₃ ca₂le₃jín₃ dsa₂.”* Jaun₂ ca₂le₃jín₃ ju₁lia'₂ i₂nag₅ jág₁ quió'₅ Ñe'₃, ton'₂ qui₂rē₂tiin₂ 'e₂ a₂jmo₅ 'éi₂, ja₃lén₂ bá₄ ja₁con₂ jniá₂. ⁴⁶ On₃jua'₅₄ rē'₂ ia₁ 'ein₂ ma₂jín₂ Jmei₂. Jñia'₅₄ lia'₂ i₂ca₂já₃ ja₁con₂ Diú₄; i₂'éi₂ bá₄ ma₂jín₂ Jmei₂. ⁴⁷ A₂dsón'₂ juíg₂ jniá₂ 'nia'₂, ju₁lia'₂ i₂'én₂, † le₃chain₂ co₂tan₅₄. ⁴⁸ Jniá₂ bá₄ líng₅ i₁ñí'₄ a₂jmo₅ a₂le₃chan₂ dsa₂. ⁴⁹ Qui₂ca₂guē'₃ dsa₂ can'₅₄ quián'₂ 'nia'₂ i₁ñí'₄ maná, lia'₂ con'₂ jme₁tioin'₅₄ 'uē₃ quein₂ co₂'ñiog₅ jaun₂, la₁ ca₂dsain₃ bá₄. ⁵⁰ A₂la₂ bá₄ lē₅ i₁ñí'₄ a₂ca₂sió₃ guei'₅₄ i₂juíg₃ ia₁jaun₂ nē₂juá'₂ 'ein₂ ca₂guē'₃, tsá₃ dsiáin₃. ⁵¹ Jniá₂ bá₄ líng₅ i₁ñí'₄ jén'₃ i₂ca₂sión₃ guei'₅₄ i₂juíg₃ jaun₂; ju₁lia'₂ i₂guē'₅ i₁ñí'₄ la₂, le₃chain₂ co₂tan₅₄. I₁ñí'₄ ju₁lia'₂ a₂juá'₅ jniá₂ cuē₅₄, ni₁ñi₃ 'ñió₃ bá₄ jniá₂ 'ē₂₃, a₂jáng'₄ jniá₂ ia₁jaun₂ le₃chan₂ dsa₂ mi₂güí₃.

⁵² Jaun₂ ně₃ qui₂ca₂chen₃ dsa₂ judíos guioin₅₄, a₂juá'₂:

—¿'A₂ lia'₂ lé₂ le₃cuē₃ i₂nē₅ ñi₅₄ 'ñiog₅ a₂que₅₄ jniog₄?

⁵³ Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, nē₁jua'₂ tsá₃ ca₂qué'₂ 'nia'₂ ñi₄ Jaun₅ dsa₂ mi₂güí₃, nē₁jua'₂ tsá₃ ca₂'én'₂ 'nia'₂ jmi₂ 'ain₅₄ ně₃, tsá₃ jén'₃ 'nia'₂ tē₁lia'₂ chang'₂. ⁵⁴ Ju₁lia'₂ i₂guē'₅ ñi₃ jniá₂, ton'₂ 'ín'₂ jmi₃ jniá₂ ně₃, le₃chain₂ bá₄ co₂tan₅₄; jaun₂ jniá₂ jme₁jjein'₅₄ jmi₃g₄ jē₁ca₂tó'₂. ⁵⁵ Ia₁ ni₁ñi₃ jniá₂ bá₄ lē₅ má₃ a₂tí₅ dsón'₂; ján₃ bá₄ le₂jaun₂ jmi₃ jniá₂ lē₅ jmi₃g₂ a₂'ág'₃ dsí₅ tē₃dsón'₂. ⁵⁶ Ju₁lia'₂ i₂guē'₅ ñi₃ jniá₂, ton'₂ 'ín'₂ jmi₃ jniá₂ ně₃, tē₂'ñiai₅₄ le₃quió₃ jniá₂; jniá₂ guē'₂ le₃quió'₅ 'éi₂. ⁵⁷ Ju₁lia'₂ ca₂chei₃ Ñe'₃ jén'₃ ca₂chei₃ jniá₂, jaun₂ chan₂ jniá₂ 'uig₅₄ quió'₅ 'éi₂, ján₃ bá₄ le₂jaun₂, ju₁lia'₂ i₂guē'₅ quió₃ jniá₂, le₃chain₂ 'uig₅₄ quió₃ jniá₂. ⁵⁸ A₂la₂ bá₄ 'ē₂₃ i₁ñí'₄ i₂ca₂sión₃ guei'₅₄ i₂juíg₃. Qui₂ca₂guē'₃ dsa₂ can'₅₄ quián'₂ 'nia'₂ i₁ñí'₄ maná, la₁ ca₂dsain₃; la₁ ju₁lia'₂ i₂guē'₅ i₁ñí'₄ la₂, le₃chain₂ bá₄ co₂tan₅₄.

⁵⁹ Jág₁ ně₅ ca₂juá'₂ Jesús tē₁lia'₂ ca₂jme₃tag₂₃ dsi₂néi₂ guá'₅ sinagoga jē₄ juíg₂ Capernaum.

Jág₁ a₂le₃chan₂ dsa₂ co₂tan₅₄

⁶⁰ Jme₁ca₂nág₂ dsa₂ jág₁ jaun₂ a₂jme₂tag₅ Jesús, ju₁n₅ dsa₂ i₂quian'₅₄ Jesús ca₂juá'₂:

—Jág₁ a₂juá'₂ ně₅ 'ñio₅ lin₃ juí'₅, quian₅ ta₁ guéi₁. ¿'Ein₂ bá₄ lé₂ le₃tón'₂ juí₅ quió'₅?

⁶¹ Jaun₂ ně₃ ca₂rē₃lí'₄ Jesús 'e₂ jág₁ chen₅ dsa₂ tioin'₅₄, o₄quió'₄ jág₁ jaun₂, jaun₂ ca₂juá'₂:

* **6:45** Isaías 54:13. † **6:47** A₂lin₅₄ chog₅₄ si₂juá'₂: “i₂'én₂ tē₂le₃ quió₃ jniá₂.”

—¿O₃ bá₄ tsá₃ dse₃ ca₂tín'₂ 'nia'₂ jág₁ ně₅? ⁶² ¿'E₂ bá₄ lé₂ jaun₂ ně₁jua'₂ ca₂jing'₅₄ 'nia'₂ Jaun₅ dsa₂ mi₂güig₃ a₂uig₂ táng₃ ja₁jme₁'ein₅₄ le₂jníá'₅? ⁶³ Jme₂dsí₂ bá₄ i₂jmo₅ a₂chan₂ dsa₂; ju₁lia'₂ ni₁ñi₁ dsa₂ ně₃, tsá₃ ta₁ tí₄. La₁ jág₁ a₂ma₂ně₂juig₂ jniá'₂ 'nia'₂, a₂gu₂dsí₂ bá₄ jaun₂, ton'₂ jmo₅ a₂chan₂ dsa₂. ⁶⁴ La₁ tion'₅₄ bá₄ guě₄ i₂lin₅₄ 'nia'₂ i₂tsá₃ 'én₂.
Ia₁ jme₁ma₂ñi₅ bá₄ Jesús lia'₂ con'₂ le₂'uig₅₄ i₂'ein₂ 'éi₂ tsá₃ 'én₂, i₂'ein₂ guě'₂ i₂jáng'₂ cang₂.

⁶⁵ Jaun₂ ca₂juá'₂:

—'Uig₅₄ jaun₂ ma₂ně₂juig₂ jniá'₂ 'nia'₂, lia'₂ 'i₁jan₂ tsá₃ lé₂ jíá'₃ ja₁con₂ jniá'₂ jua'₅₄ tsá₃ o₂jio₃ Ñe'₃.

⁶⁶ Ca₂le₃jaun₂, ju₁n₅ dsa₂ i₂jme₁i₂nio₄ quiain'₅₄ Jesús ca₂i₃u₁n₂ cau₅, tsá₃ ma₃jme₁i₂nio₅₄ quiain'₅₄ 'éi₂.

⁶⁷ Jaun₂ ně₃ ca₂ñag₃ Jesús ca₂ñi'₃ chi'₂ dsi₂guia₃-tín'₂:

—¿O₃ bá₄ 'niog'₂ 'nia'₂ o₁nog'₁ ján₃?

⁶⁸ La₁ ca₂ñag₃ Si₂mu₅₄ Pe₄:

—Te₁gui'₅₄, ¿ne₄ 'ein₂ lé₂ dsi₁náu₄ jnia'₅₄? Ia₁ 'ne₂ bá₄ 'au'₂ jág₁ a₂le₃chong₂ jnia'₅₄ co₂tan₅₄. ⁶⁹ Ma₂ca₂rě₃ 'éin₂ bá₄ jnia'₅₄, jaun₂ ne₄ jnia'₅₄, 'ne₂ bá₄ líng'₅ I₂jñi_ó₅ quián₅ Diú₄.[†]

⁷⁰ Jaun₂ ca₂ñag₃ Jesús:

—¿On₁jua'₅₄ jniá'₂ ca₂quiong'₅₄ 'nia'₂ ta₁guia₃-tín'₂? La₁ia₁, jan₂ i₂'en₅₄ jě₄ quián'₂ 'nia'₂ lín₅ i₂'lín'₅₄.

⁷¹ (A₂ca₂juá'₂ Jesús le₂ně₅ a₂'in₂₃ Judas bá₄, ja₁ñi'₅₄ Si₂mu₅₄ Iscariote, § ia₁ Judas bá₄ i₂jáng'₂ quió'₅, o₁jñia'₅₄ lín₅ jan₂ dsa₂ guia₃-tín₂.)

7

Tsá₃ 'én₂ rñ'₅₄ Jesús jág₁ quió'₅

¹ Cang₂ jaun₂, ca₂ñi₃ Jesús 'uě₃ Galilea; a₂tsá₃ 'nio₃ dsi₃ñi₃ jě₄ 'uě₃ Judea, ia₁ ja₁jaun₂ jme₁'nio₃ dsa₂ judíos jñag'₃.

² La₁ia₁ jme₁ma₂ja₂quián₃ Jm_{ig}₄ quió'₅ Tsi₁'io₅ Láu₃, jm_{ig}₄ quió'₅ dsa₂ judíos, ³ jaun₂ ca₂juá'₂ rñ'₅₄ Jesús:

—Tsá₃ lě₁jan₁ ja₁lá₃; gua₂ ju₁ Judea, ia₁jaun₂ jág₃ dsa₂ i₂quiang'₅₄ léi₄ a₂jmo'₂.

⁴ Ia₁ ju₁lia'₂ i₂'nio₃ a₂le₃cuig₅ dsa₂ quió'₅, tsá₃ jmo₂₃ ju₁lia'₂ a₂tñi₂₃ jě₄ chi₁'ma₁. Chi₂jua'₂ dsón'₂ jmo'₂ léi₄ le₂ně₅, jmo₄ tě₃ jág₅ dsa₂ ju₁n₅.

⁵ Ia₁ ca₂lia'₂ jñia'₅₄ rñ'₅₄ bá₄ Jesús tsá₃ jme₁'éin₂ le₃quió'₅.

⁶ Jaun₂ ně₃, ca₂juá'₂ Jesús ca₂tsí'₃ rñ'₅₄:

—Tsá₃ ma₂tě₂ bá₄ guě₄ hora quió₃ jniá'₂, la₁ia₁ tě₂le₃ quián'₂ 'nia'₂, jua'₅₄ 'e₂ guě₃ hora bá₄ dse₃. ⁷ Tsá₃ lé₂ le₃jme₃'iog₅₄ dsa₂ mi₂güig₃ jme₃ñiai₅₄ 'nia'₂; la₁ia₁ 'iog₅₄ bá₄ jniá'₂, 'uig₅₄ ia₁ a₂jáng'₅ jniá'₂ jág₁ dsau₅ ja₁con₂ 'éi₂, a₂'lig'₅₄ bá₄ a₂jmo₂₃-dsá_u₅. ⁸ O₂nó'₅ 'nia'₂ guiong'₅₄ jm_{ig}₄; tsá₃ nei₅₄ jniá'₂, ia₁ tsá₃ ma₂dsin₃ guě₄ hora quió₃.

⁹ Jme₁ma₂ně₂chí'₃ rñ'₅₄ le₂ně₅, ca₂jñia₃ jě₄ 'uě₃ Galilea.

Nó₃ Jesús Jm_{ig}₄ quió'₅ Tsi₁'io₅ Láu₃

¹⁰ La₁ cang₂ guě₄ jaun₂, jme₁ma₂lén₂ rñ'₅₄ Jesús, ján₃ bá₄ ca₂ñó₃ 'éi₂ jm_{ig}₄ jaun₂, o₁jñia'₅₄ ca₂ñó₃ tě₃ tsá₃ jme₂li₅₄ jñ₄ dsa₂ ju₁n₅. Mei'₂ tsá₃ con'₂ tě₃co'₅₄ bá₄ ñó₃.

¹¹ Jaun₂ lě₃, ca₂i₁nio₁ dsa₂ judíos 'nai'₂ Jesús ja₁niog₅ jm_{ig}₄, jaun₂ juá'₂:

[†] **6:69** A₂lin₅₄ chog₅₄ si₂ juá'₂: “Ne₂ bá₄ líng'₅ I₂rě₂'in₁ quián₅ Diú₄; 'ne₂ bá₄ líng'₅ Ja₁ñi'₅₄ Diú₄ jén'₃.”

§ **6:71** A₂lin₅₄ chog₅₄ si₂ juá'₂: “Judas Iscariote, ja₁ñi'₅₄ Si₂mu₅₄.”

—¿A₂já'₄ 'en₅₄ dsa₂ 'éi₂?

¹² Jin₄ dsa₂ guë'₂, juin₅ i₂dsia₅ tē₂'ua₁ jin₄ riin'₅₄ a₂'iin₂₃ 'éi₂. I₂lin₅₄ juá'₂: “Dsa₂ dsen₃ bá₄ 'éi₂”, la₁ i₂sián'₂ guë'₂ juá'₂: “On₃jua'₅₄ dsa₂ dsen₃ 'éi₂, ia₁ jme₂gain₂₃ dsa₂.”

¹³ La₁ia₁ lia'₂ 'i₁jan₂ tsá₃ ca₂dsia₃ lia'₂ rē₂jiá₃ jág₁ a₂'iin₂₃ 'éi₂, ia₁ a₂gain₃ dsa₂ judíos.

¹⁴ Con'₂ tin₃ dso'₅₄ jmi₄g₄ jme₁ma₂tē₂, jaun₂ ca₂'í₃ Jesús i₁dsi₅ guá'₅ templo, jaun₂ ca₂jme₃lióg₃ ca₂jme₃tiin₂₃ dsa₂.

¹⁵ Jaun₂ ca₂i₃gó'₃ dsí₅ dsa₂ judíos jaun₂ ca₂juá'₂:

—¿'A₂ lia'₂ ŋí₄ lē₃ ma₂tin₂ si₂ i₂nē₅ tē₃ tsá₃ si₂ ca₂'í₂?

¹⁶ Jaun₂ ca₂ŋag₃ Jesús:

—Ju₁lia'₂ a₂jme₂tág₂ jniá₂ la₂, on₃jua'₅₄ jág₁ quió₃ 'ñi₃ juá'₅; jág₁ quió'₅ i₂ca₂chei₃ bá₄ la₂. ¹⁷ Chi₂jua'₂ 'ein₂ jan₂ ma₂'ei₅ dsí₅ jmo₃ a₂'ñio₂ dsí₅ Diú₄, le₃ñi₅ bá₄ 'éi₂ 'a₂ lia'₂ lē₅ jág₁ a₂jme₂tág₂ jniá₂, chi₂jua'₂ já₅ ja₁con₂ Diú₄, o₃ chi₂jua'₂ dsia₂₃ 'a₂con₂ ting₂ 'ñi₃. ¹⁸ Ju₁lia'₂ i₂dsia₅ o₄quió'₄ 'ñiog₅, jmo₂₃ le₂jaun₂ ia₁jaun₂ jme₃juag'₂ dsa₂. La₁ ju₁lia'₂ i₂'no₂ a₂le₃juin'₂ i₂ca₂chei₃, i₂tē₃dsón'₂ bá₄ 'éi₂; 'i₁caun₂ a₂'lig'₅₄ tsá₃ cha₂ ja₁coin₂.

¹⁹ '¿On₁jua'₅₄ Moisés ca₂cuē₃ 'Éi'₃ ca₂cuē'₃ 'nia'₂? La₁ia₁, ca₂lia'₂ 'i₁jan'₂ 'nia'₂ tsá₃ jme₂tí'₁ Si₂ 'Éi'₃. ¿'E₂ lē₃ 'nio₂g'₂ 'nia'₂ jñág'₄ jniá₂?

²⁰ Jaun₂ ca₂ŋag₃ dsa₂:

—'En₅₄ je₂na'₅₄ tē₂'au'₂; ¿'ein₂ 'nio₃ jñi'₃ 'ne₂?

²¹ Jaun₂ ca₂juá'₂ Jesús:

—Caun₂ léi₄ ca₂jmo₃ jniá₂ jmi₄g₄ sa₅₄, jaun₂ ca₂i₃gó'₃ 'au'₂ 'nia'₂ ca₂le₃jíng'₃. ²² Jaun₂ ně₃, ca₂jmo₃ Moisés 'éi'₃ a₂ti₃ dsa₂ ni₁lo₁, (la₁ia₁ on₃jua'₅₄ Moisés i₂ca₂jme₃lióg₃; dsa₂ can'₅₄ bá₄ ca₂jme₃lióg₃ ma₂líg'₂). 'Uig₅₄ jaun₂ ti'₂ 'nia'₂ ni₁lo₄ guein₂, o₁jñiá'₅₄ tē₃ lē₅ jmi₄g₄ sa₅₄. ²³ Dse₃ bá₄ jaun₂, chi₂jua'₂ jaun₂ ti'₂ 'nia'₂ ni₁lo₄ guein₂ jmi₄g₄ sa₅₄ ia₁jaun₂ tsá₃ dsó₃ 'uē₃ 'Éi'₃ quió'₅ Moisés, ¿'e₂ lē₃ 'ne'₂ 'nia'₂ quian'₅₄ jniá₂, ia₁ ca₂jme₁lion₁₂ jan₂ dsa₂ ta₁jain₂, tē₃ jmi₄g₄ sa₅₄? ²⁴ Tsá₃ lē₁caun₂ 'nia'₂ 'í₁ a₂jñiá'₅₄ con₂ jniá₂ le₃co'₅₄. Quion₂ bá₄ 'nia'₂ 'í₁ con₂ dsi₂ten₅₄.

Dsia₅ Jesús a₂juá'₂ a₂já'₄ já₅

²⁵ Jaun₂ ně₃ ca₂jme₃lióg₃ qui₂ca₂ŋag₃ i₂lin₅₄ dsa₂ chan₂ Jerusalén qui₂ca₂ñi'₃ riin'₅₄:

—¿On₁jua'₅₄ i₂nē₅ 'na'₂ dsa₂ a₂jñag'₃ i₂nioi₅₄? ²⁶ Ó₃ bá₄ guë'₂ 'ein₅₄ dsia₂₃ lia'₂ rē₂jiá₃ jág₁ jin₄ dsa₂ juin₅, tsá₃ 'ein₂ juá'₂ 'i₁caun₂ quió'₅. ¿O₃ bá₄ dsón'₂ ma₂ca₂rē₃ñi₅ dsí₂tan₅₄, a₂lín₅ dsa₂ ně₅ I₂rē₂'ín₁ quián₅ Diú₄? ²⁷ La₁ ne₄ bá₄ jniog₄ a₂já'₄ já₅ i₂nē₅; a₂dsau₅, jē₁ma₂tē₂ rē₁jiá₃ I₂rē₂'ín₁ quián₅ Diú₄, lia'₂ 'i₁jan₂ tsá₃ le₃ñi₅ a₂já'₄ já₅.

²⁸ Jaun₂ lē₃, tē₁lia'₂ 'en₅₄ Jesús jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂ tiá₂:

—i₁Cuig'₂ bá₄ 'nia'₂ jniá₂, jaun₂ ŋi'₅₄ bá₄ 'nia'₂ 'a₂ guë'₂ guio₃ jniá₂! La₁ on₃jua'₅₄ o₄quió₃ 'ñi₃ guio₃; tē₂le₃ o₄quió'₄ i₂ca₂chei₃ i₂tē₃dsón'₂ bá₄ guang₃. I₂'éi₂ guë'₂, tsá₃ cuin'₂ 'nia'₂. ²⁹ La₁ia₁ jniá₂ cuin₅, ia₁ ja₁con₂ 'éi₂ bá₄ guio₃, jaun₂ 'éi₂ bá₄ ca₂chei₃.

³⁰ Jaun₂ ně₃, jme₁'nio₃ dsa₂ jme₁tsáun'₂; la₁ lia'₂ 'i₁jan₂ tsá₃ ca₂téi₂ gu₂, ia₁ tsá₃ jme₁ma₂tē₂ bá₄ gué₄ hora quió'₅.

³¹ La₁ia₁ juin₅ dsa₂ 'éi₂ ca₂rē₃'én₂ jág₁ quió'₅, jaun₂ juá'₂:

—Jē₁ma₂tē₂ rē₁jiá₃ I₂rē₂'ín₁ quián₅ Diú₄, ¿O₃ bá₄ le₃qui'₅₄ jmi₄g₄ jmo₃ léi₄ a₂juē'₂ gué₄ lia'₂ con₂ gué₄ a₂jmo₅ i₂nē₅?*

* 7:31 'Nio'₂ ja₁ton₅ Isaías 35:5-6.

Ca₂chen₃ dsa₂ fariseos chi' ₂ 'i' ₅₄ quián₅ guá' ₅ a₂tsáin' ₂ Jesús

³² Ca₂nág₂ bá₄ dsa₂ fariseos jág₁ a₂ca₂juá' ₂ dsa₂ a₂'iin₂₃ Jesús; jaun₂ dsa₂ fariseos 'éi₂ quaiin' ₅₄ juig₅₄ jme₂dsa₂, ca₂chein₃ chi' ₂ 'i' ₅₄ quián₅ guá' ₅ a₂tsáin' ₂ Jesús jaun₂ tē₂. ³³ Jaun₂ ně₃ ca₂juá' ₂ Jesús:

—Me' ₂ bá₄ jmig₄ 'ú₄ jniá₂ jin' ₂ 'nia' ₂, jaun₂ guě₄ nég' ₄ táng₃ ja₁con₂ i₂ca₂chei₃.

³⁴ 'Nau' ₅₄ 'nia' ₂ jniá₂ i₁niog' ₄, la₁ia₁ tsá₃ dsiog' ₂ 'nia' ₂; ia₁ tsá₃ lé₂ o₁nó' ₅ 'nia' ₂ ja₁nég' ₄.

³⁵ Jaun₂ ně₃, ca₂jme₃lióg₃ dsa₂ judíos qui₂ca₂ñí' ₃ ríin' ₅₄:

—¿A₂já' ₄ ds₂jio₅ ds' ₅ i₂ně₅ dsó₃, a₂tsá₃ dsiain' ₂ jniog' ₄? ¿On₃ bá₄ dsó₃ jin₄ dsa₂ go₄ jniog' ₄ i₂tián' ₅ ts₁rē₂jan' ₅₄ jin₄ dsa₂ griegos, ia₁jaun₂ jme₃tiin₂₃ dsa₂ griegos?

³⁶ ¿'E₂ jein₅ jág₁ a₂ně₂juá' ₂ ně₅: “'Nau' ₅₄ 'nia' ₂ jniá₂ i₁niog' ₄, la₁ia₁ tsá₃ dsiog' ₂ 'nia' ₂, ia₁ tsá₃ lé₂ o₁nó' ₅ 'nia' ₂ ja₁nég' ₄”?

Ju₁lia' ₂ caun₂ jmig₂ cuá' ₃ jén' ₃

³⁷ Jmig₄ juē' ₂ dé₄ dsón' ₂ jē₁ca₂tó' ₂ quió' ₅ jmig₄, ca₂nau₂ Jesús, jaun₂ ca₂juá' ₂ tiá₂:

—Nē₁juá' ₂ 'ein₂ rē₂quein₂ ds' ₅, ju₁lia' ₂ ja₁con₂ jniá₂, ju₁'en' ₅₄ jmig₂. ³⁸ Ju₁lia' ₂ juá' ₂ Si₂, ju₁lia' ₂ dsa₂ i₂'én₂ tē₂le₃ quió₃ jniá₂, 'iá₃ tē₂ts' ₅ ně₂jag₄ bá₄ jmig₂ cuá₃ a₂jén' ₃.†

³⁹ La₁ a₂juá' ₂ le₂ně₅ a₂'iin₂₃ Jme₂ds' ₂ Jnió₅ i₂jme₁ma' ₂ i₄ 'éi' ₃ guen₃ dsa₂ i₂'én₂ tē₂le₃ quió' ₅; ia₁ tsá₃ jme₁ma₂guan₅ bá₄ guě₄ Jme₂ds' ₂, ia₁ tsá₃ guě₄ jme₁ma₂ca₂rē₃juin' ₂ Jesús.

Ca₂lě₃ le₁dson' ₅₄ dsa₂

⁴⁰ I₂lin₅₄ dsa₂ i₂jme₁tion' ₅₄ ja₁jaun₂, jme₁ca₂nág₂ a₂juá' ₂ Jesús, ca₂juá' ₂:

—Dsón' ₂ bá₄ i₂ně₅ dsa₂ i₂'ě₂ jág₁ quián₅ Diú₄ i₂lě₅ jág₁ jiá₃ 'éi₂.

⁴¹ I₂lin₅₄ guē' ₂ juá' ₂:

—I₂rē₂'ín₁ quián₅ Diú₄ bá₄ ně₅.

La₁ia₁ i₂sián' ₂ guē' ₂ ca₂juá' ₂:

—¿'A₂ bá₄ lia' ₂ lé₂ le₃chan₂ Galilea I₂rē₂'ín₁ quián₅ Diú₄? ⁴² ¿Tsa₁ juá' ₂ Si₂, ts₁jon₂ Rag₅₄ David bá₄ tion' ₅₄ lén₂ I₂rē₂'ín₁ quián₅ Diú₄, jaun₂ jē₄ juig₂ Belén bá₄ le₃chain₂, juig₂ go₄ David 'niog' ₅?

⁴³ Jaun₂ ně₃, le₁dson' ₅₄ bá₄ dsa₂ ca₂lě₃ o₄quió' ₄ Jesús.

⁴⁴ Jme₁'nio₃ i₂lin₅₄ tsáun' ₂, la₁ ca₂lia' ₂ 'i₁jan₂ tsá₃ 'ein₂ ca₂téi₂ gu₂.

Tsá' ₃ 'én₂ dsa₂ can' ₅₄ tē₂le₃ quió' ₅ Jesús

⁴⁵ Jaun₂ ca₂dsi₃len₃ táng₃ chi' ₂ 'i' ₅₄ quián₅ guá' ₅ ja₁jme₁tion' ₅₄ juig₅₄ jme₂dsa₂ quian' ₅₄ dsa₂ fariseos, jaun₂ ca₂ñag₃ 'éi₂ ca₂ñí' ₃ chi' ₂ 'i' ₅₄:

—¿'E₂ 'uig₅₄ tsá₃ ně₂te' ₅₄ 'nia' ₂ 'éi₂?

⁴⁶ Jaun₂ ca₂ñag₃ chi' ₂ 'i' ₅₄:

—iLia' ₂ 'i₁cón' ₂ tsá₃ 'ein₂ dsa₂ ma₂juá' ₂ jág₁ ju₁lia' ₂ juá' ₂ dsa₂ 'éi₂!

⁴⁷ Jaun₂ ně₃ ca₂juá' ₂ dsa₂ fariseos:

—¿O₃ bá₄ ma₂jme₃gau₅ dsa₂ 'éi₂ quián' ₂ 'nia' ₂ ján₃? ⁴⁸ 'I₁jan₂ dsa₂ can' ₅₄ juig₅₄ jniog₄, on₃ guē' ₂ dsa₂ fariseos, tsá₃ ma₂ca₂rē₃'én₂ le₃quió' ₅ 'éi₂, jme₁né₄. ⁴⁹ La₁ dsa₂ lē₁dsa₂ i₂tion' ₅₄ ně₅, tsá₃ cuí' ₅ Si₂ 'Éi' ₃. Ma₂tion' ₅₄ ne₄ jm₁uig₅ a₂ma₂rē₂'ě₂ ja₁coin₂.‡

⁵⁰ Jin₄ dsa₂ fariseos 'éi₂ jme₁'en₅₄ Nicodemo, i₂jme₁ma₂ñe₄ i₁jin₅₄ Jesús le₂jniá₅. § 'Éi₂ ně₃ ca₂ñag₃:

† 7:38 'Nio' ₂ ja₁ton₅ Isaías 44:3; 55:1. ‡ 7:49 'Nio' ₂ ja₁ton₅ Deuteronomio 27:14-26. § 7:50 A₂lin₅₄ chog₅₄ si₂ juá' ₂: “i₁jin₅₄ Jesús a₂'uē₂ jaun₂.”

51 —Jui₁lia'₂ con'₂ lě₅ juá'₂ Si₂ 'Éi'₃ quián₂, ¿lé₂ le₃qui₁dsi₅ 'éi'₃ ja₁con₂ jan₂ dsa₂, tē₃ tsá₃ ma₂nē₂néi₂ jág₁ quió'₅, a₂juá'₂ 'e₂ a₂ma₂jmo₃?

52 Jaun₂ ně₃ ca₂ŋag₃ riin'₅₄:

—¿Ján₃ bá₄ lín'₅ 'ne₂ jan₂ dsa₂ i₂chan₂ Galilea? 'Í₂ dse₃ ne₄ Si₂, jaun₂ jag'₅₄, lia'₂ 'i₁jan₂ dsa₂ i₂ě₂ jág₁ quián₅ Diú₄ tsá₃ já₅ 'uē₃ Galilea.*

53 Jaun₂ guě₄ i₃len₃ le₂jan₂ le₂jan₂ dsa₂ ja₁quió'₄.

8

Jan₂ 'io₅₄ i₂ca₂tán'₂ dso₄

1 La₁ ca₂ŋó₃ bá₄ Jesús jui₅ Má'₂ Olivos. 2 Jme₁jnia₃ jaun₂ táng₃, ca₂guáin'₃ i₁dsi₅ guá'₅ templo. Ja₁jaun₂ ca₂jme₃quián₃ ca₂le₃jín₃ dsa₂. Jaun₂ ca₂guá'₂ Jesús, jaun₂ ca₂jme₃lióg₃ jme₂tiin₂₃ dsa₂. 3 Jaun₂ ně₃, ca₂o₃jñia₃ tē₅juá'₅ quian'₅₄ dsa₂ fairseos ca₂o₃jñia₃ jan₂ 'io₅₄ i₂ca₂join₃ jme₁'ein₅₄ quian'₅₄ dsa₂ ŋe'₂. Jaun₂ ca₂chei'₃ dsi₂jo₂ jē₄ quió'₅ dsa₂ i₂tion'₅₄ ja₁jaun₂.

4 Jaun₂ ca₂juá'₂ ca₂tsí'₃ Jesús:

—Tē₅, ca₂jón₂ 'io₅₄ la₂ nió'₅ jág₁ quian'₅₄ dsa₂ ŋe'₂ on₃jua'₅₄ dsi₂i₂gu₂. 5 Nē₃ ně₃, ne₄ Si₂ 'Éi'₃, juá'₂ Moisés a₂jñí'₄ jnia'₅₄ jan₂ 'io₅₄ le₂la₂, a₂qui₁dsi₅ jnia'₅₄ cang₄. ¿'Ne₂ guě'₂, 'a₂ lia'₂ juá'₂?

6 Ca₂juá'₂ dsa₂ le₂nē₅ ia₁ a₂cáin₂ táu₂ Jesús, ia₁jaun₂ cuin₃ jmig₄ bóg'₂ dso₄. La₁ ca₂guá'₂ Jesús i₁sióg'₅ 'uē₃, jaun₂ ca₂jme₃lióg₃ ca₂jmóg'₃ letras ne₄ 'uē₃ quian'₅₄ nei'₅₄ chi₁gú₃.

7 La₁ caun₂ tiin'₅₄ qui₂ŋag₂₃ qui₂ŋí'₂ Jesús, jaun₂ ca₂nau₂, ca₂juá'₂ ca₂tsí'₃ dsa₂:

—Chi₂jua'₂ 'ein₂ jan₂ 'nia'₂ i₂tsá₃ dso₄ rē₂cán'₄, o₁tion₅₄ le₂'uig₅₄ ca₂míg₂ ni₁cang₁ jui₁qui₁'₅₄ quió'₅ 'io₅₄.

8 Jaun₂ ca₂guá'₂ táng₃ i₁sióg'₅ 'uē₃, jmóg'₅ letras a₂tsáng₂ 'uē₃.

9 La₁ jme₁ca₂nág₂ dsa₂ jág₁ a₂ca₂juá'₂ Jesús, * jaun₂ ca₂jme₃lióg₃ qui₂ca₂'u_{in}₂ bá₄ le₂jain₂ le₂jain₂, jñiá'₅ de'₂ dsa₂ i₂ma₂guen'₂ ca₂'u_{in}₂ ne₄ jui₅. Jaun₂ jme₁ma₂ca₂'u_{in}₂ ca₂le₃jín₃ dsa₂, 'ŋiog₅ bá₄ Jesús tē₁tsin'₅₄ quian'₅₄ 'io₅₄ 'éi₂, i₂chén'₅ dsi₂jo₂ jaun₂.

10 Jaun₂ ně₃ ca₂nau₂ Jesús, † jaun₂ ca₂juá'₂ ca₂tsí'₃ 'io₅₄:

—'Io₅₄, ¿na₅ dsa₂? † ¿Tsa₁ 'ein₂ nē₂ 'ě₂ uig₅?

11 Jaun₂ ca₂juá'₂ 'io₅₄:

—Jan₂'ón₄. Lia'₂ 'i₁jan₂ dsa₂, Te₁gui'₅₄.

Jaun₂ ně₃ ca₂juá'₂ Jesús:

—On₃ guě'₂ jniá'₂ 'ě₄ uig₅ quiáng'₂; guan'₂ ně₃, la₁ tsá₃ ma₃lě₁'nau₂ dso₄.

Lín₅ Jesús si₂ a₂tág₅ quió'₅ dsa₂ mi₂güí₃

12 Ca₂juá'₂ táng₃ Jesús tsí'₅ dsa₂, a₂juá'₂:

—Jniá'₂ líng₅ si₂ i₂jmo₅ tág₅ jui₅ quió'₅ dsa₂ mi₂güí₃; jui₁lia'₂ i₂'ein₅ jniá'₂, lia'₂ o₁líg'₂ tsá₃ ma₃ŋi₃ jē₄ qui₁né'₃, ton'₂ qui₃'io₃ si₂ a₂jmo₅ a₂chain₂.

13 Jaun₂ ně₃ ca₂juá'₂ dsa₂ fariseos ca₂tsí'₃ Jesús:

—'Ne₂ jáng'₂ jág₁ dsau₅ tē₂le₃ quián'₂ 'ŋiag'₂; 'uig₅₄ jaun₂ tsá₃ quen₅ jág₁ quiáng'₂ a₂jáng'₂.

14 Jaun₂ ca₂ŋag₃ Jesús ca₂tsí'₃ dsa₂:

* 7:52 Ne₄ chog₅₄ si₂ a₂gui'₅₄ guě₄, tsá₃ le₁ton₅ Juan 7:53–8:11. * 8:9 A₂lin₅₄ chog₅₄ si₂ juá'₂ ján₃: “ca₂jéin'₃ o₂gui'₃ ia₁ rē₂cán'₄ dso₄ guioin₅₄.” † 8:10 A₂lin₅₄ chog₅₄ si₂ juá'₂ ján₃: “ia₁ tsá₃ ca₂jág₃ jua'₅₄ tión₂ guě₄ i₂sián'₂, jñia'₅₄ lia'₂ 'io₅₄ 'éi₂.” ‡ 8:10 A₂lin₅₄ chog₅₄ si₂ juá'₂ ján₃: “i₂'nag₅ quiáng'₂.”

—Ju₁lia'₂ a₂juá'₅ jniá'₂, quen'₅ bá'₄, o₁jnia'₅₄ 'ñi₃ jniá'₂ jáng'₅ jág₁ dsau'₅ tē₂le₃ quió'₃ 'ñi₃. Ia₁ guion'₄ bá'₄ jniá'₂ a₂já'₄ guio'₃, a₂já'₄ nég'₄ ně₃; la₁ia₁ 'nia'₂ ně₃, tsá'₃ ñi'₅₄ 'nia'₂ a₂já'₄ guio'₃, on₃ guē'₂ a₂já'₄ nég'₄. ¹⁵ 'Nia'₂ guē'₂ cáun'₂ 'í₁ lia'₂ con'₂ lē₅ 'éi'₃ quió'₅ dsa₂ mi₂güig'₃. Jniá'₂ ně₃ tsá'₃ 'í₁ cáun'₅ jniá'₂ jua'₅₄ a₂qui₂dsí'₂ 'éi'₃ ja₁con₂ 'i₁jan₂. ¹⁶ La₁ia₁ chi₂jua'₂ cáun'₅ jniá'₂ 'í₁, dse₃ dsi₂ten₅₄ bá'₄ 'éi'₃ a₂qui₂dsí'₂ jniá'₂, ia₁ on₃jua'₅₄ jniá'₂ 'ñi₃ cáun'₅ 'í₁; qui₂dsí'₂ jniá'₂ 'éi'₃ co₂lē₅ quiang'₅₄ i₂ca₂chei₃ bá'₄. ¹⁷ Já₃ bá'₄ ca₂tē₂ ne₄ Si₂ 'Éi'₃ quián'₂ 'nia'₂, rē₂ton₅ juá'₂, ně₁jua'₂ on₃ dsa₂ lē₂ i₂jáng'₅ jág₁ dsau'₅, a₂quen'₅ bá'₄ jág₁ quió'₅. ¹⁸ Jniá'₂ líng'₅ i₂jáng'₅ jág₁ dsau'₅ tē₂le₃ quió'₃ 'ñi₃; Ne'₃ jniá'₂ i₂ca₂chei₃ guē'₂, lín'₅ táng₃ jan₂ i₂jáng'₅ jág₁ dsau'₅.

¹⁹ Jaun₂ ně₃ ca₂ḡag₃ dsa₂ fariseos ca₂ñi'₃ Jesús:

—¿Na₅ ñéi'₅ 'ne₂?

Jaun₂ ca₂ḡag₃ Jesús:

—Tsá'₃ cui₂g'₂ 'nia'₂ jniá'₂, on₃ guē'₂ Ne'₃ jniá'₂ cui₂n'₂ 'nia'₂; jua'₅₄ mei'₂ guē'₃ cui₂g'₂ 'nia'₂ jniá'₂, já₃ bá'₄ jme₁le₃cui₂n'₂ 'nia'₂ Ne'₃.

²⁰ Ca₂juá'₂ Jesús le₂nē₅ tē₁lia'₂ jme₁ein₅₄ jme₂tiin₂₃ dsa₂ i₁dsi₅ guá'₅ templo, cau₅ ja₁jme₁tióng₂ tsi₁gu₅ quió'₅ cu₄ guá'₅. La₁ia₁, lia'₂ 'i₁jan₂ tsá'₃ 'ein₂ ca₂jḡau'₃, ia₁ tsá'₃ jme₁ma₂tē₂ bá'₄ guē'₄ hora quió'₅.

“Ju₁lia'₂ ja₁né'₄ jniá'₂, tsá'₃ lé₂ o₁no'₅ 'nia'₂”

²¹ Con'₂ siá'₂ táng₃ ca₂juá'₂ Jesús ca₂tsí'₃ dsa₂:

—Né'₄ jniá'₂; jaun₂ 'nia'₂ guē'₂, 'náu'₂ jniá'₂ i₁niog'₄, la₁ia₁ dsián'₃ 'nia'₂ tē₃ rē₂cán'₄ 'nia'₂ dsáu'₂; ja₁né'₄ jniá'₂, tsá'₃ lé₂ o₁no'₅ 'nia'₂.

²² Jaun₂ ně₃ ca₂juá'₂ dsa₂ judíos:

—¿O₃ bá'₄ a₂jñi'₃ 'e₂ 'ñiog₅, jaun₂ guē'₂ juá'₂ tsá'₃ lé₂ dsi₁ná₄ jniog₄ ja₁dsáin'₃?

²³ Jaun₂ ca₂juá'₂ Jesús:

—Dsa₂ chan₂ gua'₅₄ 'uē₃ la₂ bá'₄ lín'₅ 'nia'₂; jniá'₂ ně₃, líng'₅ i₂chan₂ guei'₅₄. Dsa₂ i₂tén₅ mi₂güig'₃ la₂ bá'₄ lín'₅ 'nia'₂; jniá'₂ ně₃ tsá'₃ téng₅ mi₂güig'₃ la₂. ²⁴ 'Uig₅₄ jaun₂ bá'₄ ně₂juig'₂ jniá'₂ 'nia'₂ a₂dsiáng'₃ tē₃ rē₂cáng'₄ jaun₂ dsáu'₂. Ia₁ chi₂jua'₂ tsá'₃ 'én'₂ 'nia'₂, jniá'₂ bá'₄ líng'₅ 'éi₂, § dsiáng'₃ 'nia'₂ qui₂rē₂cáng'₄ dsáu'₂.

²⁵ Jaun₂ ně₃ ca₂ḡag₃ dsa₂ judíos ca₂ñi'₃ Jesús:

—¿Ein₂ bá'₄ lín'₅ 'ne₂?

Jaun₂ ca₂ḡag₃ Jesús:

—Le₂jaun₂ ju₁lia'₂ ma₂qui₂ma₂juig'₂ jniá'₂ 'nia'₂ ca₃le₂'uig₅₄.^{*} ²⁶ 'Lióng₂ bá'₄ 'uig₅₄ cha₂ a₂le₃juá'₄ jniá'₂ a₂qui₁dsi₅ jniá'₂ 'éi'₃ ja₁con'₂ 'nia'₂. La₁ tí₅ bá'₄ jág₁ quió'₅ i₂ca₂chei₃. Jaun₂ jniá'₂ ně₃, jág₁ a₂ma₂nag₃ ja₁coin₂, a₂jaun₂ bá'₄ juig'₂ jniá'₂ dsa₂ mi₂güig'₃.

²⁷ La₁ tsá'₃ ca₂rē₃ñi'₂ dsa₂, a₂jme₁juá'₂ Jesús tsí'₅ dsa₂ 'éi₂, a₂'in₂₃ Jmei₂.

²⁸ 'Uig₅₄ jaun₂ ca₂juá'₂ Jesús:

—Jē₁ma₂tē₂ rē₁chóng'₄ 'nia'₂ Jaun₅ dsa₂ mi₂güig'₃, jaun₂ guē'₄ le₃ñi'₅₄ 'nia'₂ a₂lín₅ jniá'₂ 'éi₂; † le₃ñi'₅₄ 'nia'₂, a₂tsá'₃ jmo₅ jniá'₂ 'i₁caun₂ tē₂le₃ o₄quió'₃ 'ñi₃, jñia'₅₄ lia'₂ a₂jaun₂ bá'₄ juá'₅ jniá'₂ ju₁lia'₂ a₂ma₂ca₂jme₃tag₅ Ne'₃. ²⁹ Ia₁ i₂ca₂chei₃ 'ein₅₄ quián'₅₄ jniá'₂, tsá'₃ jua'₅₄ ma₂téin₂ jniá'₂ 'ñi₃, ia₁ lia'₂ co₂tan₅₄ bá'₄ jmo₅ jniá'₂ a₂'ñio₂ dsí'₅ 'éi₂.

³⁰ Lia'₂ jme₁juá'₂ Jesús jág₁ ně₅, juin₅ lín₃ dsa₂ ca₂rē₃'én₂ le₃quió'₅.

Chi'₂-guein₂ quián₅ Diú₄, quián₅₄ dsa₂ i₂qui₂le₁'ñe₅₄ 'uig₅₄ dsáu₁

³¹ Jaun₂ ně₃ ca₂juá'₂ Jesús ca₂tsí'₃ dsa₂ judíos i₂ca₂rē₃'én₂ le₃quió'₅:

§ 8:24 o₃, “jniá'₂ bá'₄ líng₅.” * 8:25 o₃, “¿E₂ jaun₂ ma₂qui₂ma₂juig'₂ jniá'₂ 'nia'₂ ca₃le₂'uig₅₄?” † 8:28 o₃, “le₃ñi'₅₄ 'nia'₂, jniá'₂ líng₅.”

—Ně₁jua₂ tē₁'ñiá'₄ 'nia'₂ le₃quió'₅ jág₁ quió'₃, dsón'₂ bá₄ lín'₅ 'nia'₂ dsa₂ i₂quian'₅₄ jniá'₂; ³² jaun₂ le₃cuin'₂ 'nia'₂ jág₁ dsau₅, jaun₂ jág₁ dsau₅ ně₃, jmo₃ qui₃chen'₂ 'nia'₂.

³³ Jaun₂ ca₂ḡag₃ dsa₂ 'éi₂ ca₂tsí'₃ Jesús:

—Lág₅ jnia'₅₄ dsa₂ tsi₁jon₂ Abraham, jaun₂ lia'₂ 'i₁cón'₂ tsá₃ ma₂lag₃ jnia'₅₄ dsa₂ i₂le₁'ñe'₅₄ ne₄ 'i₁jan₂. ¿'A₂ guē'₂ lia'₂ juá'₂ 'ne₂ jaun₂ a₂qui₃chei'₂ jnia'₅₄?

³⁴ Jaun₂ ca₂juá'₂ Jesús:

—A₂dsi₂jó'₃ juíg₂ jniá'₂ 'nia'₂, jui₁lia'₂ ca₂le₃jín₃ dsa₂ i₂'no₅ dso₄, quile₁'ñe'₅₄ ne₄ dsau₁. ³⁵ Jui₁lia'₂ jan₂ dsa₂ i₂chi₁'ñe'₅₄ ně₃, tsá₃ jua'₅₄ tē₃'ñiá'₄ co₂tan₅₄ dsi₂néi₂ quió'₅ juíg₅₄; la₁ia₁ chi'₂ ja₁ñi'₅₄ ně₃, co₂tan₅₄ bá₄ téin₅ dsi₂néi₂ jaun₂. ³⁶ Jaun₂ ně₃, chi₂jua'₂ ca₂chéi'₂ Ja₁ñi'₅₄ ca₂chéin'₂ 'nia'₂, jaun₂ bá₄ lén'₂ 'nia'₂ dsa₂ i₂le₁tsin'₁ tē₃dsón'₂. ³⁷ Ma₂guion₄ bá₄ jniá'₂ jaun₂ a₂lín'₅ 'nia'₂ tsi₁jon₂ Abraham; la₁ia₁ 'niog'₂ 'nia'₂ jnág'₄ jniá'₂, ia₁ a₂tsá₃ guei'₂ 'nia'₂ 'e₂ a₂juá'₅ jniá'₂. ³⁸ Jniá'₂ ně₃ juá'₅ juíg₂ 'nia'₂ jui₁lia'₂ 'e₂ a₂ma₂jág₃ ja₁con₂ Ñe'₃; 'nia'₂ ně₃, jmo'₂ 'e₂ a₂ma₂nei'₂ 'nia'₂ ja₁con₂ ñe'₅.

³⁹ Jaun₂ ca₂ḡag₃ dsa₂ 'éi₂ ca₂tsí'₃ Jesús:

—Abraham bá₄ jme₁lín₄ jmei₂ jnia'₅₄ ma₂líg'₂.

La₁ ca₂juá'₂ Jesús ca₂tsí'₃ dsa₂ 'éi₂:

—Jua'₅₄ mei'₂ guē₃ lín'₅ 'nia'₂ chi'₂-guein₂ quián₅ Abraham, jaun₂ jme₁jmó'₂ 'nia'₂ jui₁lia'₂ a₂ca₂jmo₃ 'éi₂. ⁴⁰ La₁ia₁ 'nia'₂ ně₃ 'niog'₂ jnág'₄ jniá'₂, o₁jñia'₅₄ ma₂ně₂juíg₂ jniá'₂ 'nia'₂ jág₁ tí₅ tē₃dsón'₂ a₂ma₂ca₂jme₃tag₅ Diú₄ jniá'₂. Tsá₃ le₂ně₅ ca₂jmo₃ Abraham. ⁴¹ 'Nia'₂ ně₃, le₂jaun₂ bá₄ jmo'₂ jui₁lia'₂ jmo₅ ñe'₅.

Jaun₂ ně₃ ca₂juá'₂ dsa₂ 'éi₂:

—La₁ on₃jua'₅₄ jnia'₅₄ lág₅ guein₂ i₂lě₁chan₂; jan₂ bá₄ jmei₂ jnia'₅₄ chan₂: i₂'éi₂ lín₅ Diú₄.

⁴² Jaun₂ ně₃ ca₂juá'₂ Jesús:

—Jua'₅₄ mei'₂ guē₃ tē₃dsón'₂ Diú₄ lín₅ ñe'₅ 'nia'₂, jme₁jme₁'nió'₄ bá₄ 'nia'₂ jniá'₂, ia₁ ja₁con₂ Diú₄ bá₄ 'uín₂ jniá'₂; jaun₂ la₂ ma₂guio₃. On₃jua'₅₄ o₄quió'₃ 'ñi₃o₃ guio₃; o₄quió'₄ i₂ca₂chei₃ bá₄ jniá'₂ guio₃. ⁴³ ¿'E₂ lě₃ tsá₃ lé₂ le₃ñi'₂ 'nia'₂ jág₁ a₂juá'₅ jniá'₂? 'Uig₅₄ ia₁ a₂tsá₃ tian'₃ 'nia'₂ nág'₁ jág₁ a₂'ě₅ jniá'₂. ⁴⁴ 'Nia'₂ bá₄ rē'₂ tēng'₅ le₃quió'₅ i₂sē₃dsen₃ ñe'₅ 'nia'₂. Jaun₂ 'ín₅ 'au'₂ jmó'₂ 'e₂ a₂'ñio₂ dsí₅ 'éi₂. Lia'₂ con'₂ le₂'uig₅₄ bá₄ jaun₂ lín₅ jan₂ i₂jme₂dsian₅ dsa₂. Tsá₃ le₃quió'₅ jág₁ dsau₅ chéin'₅, ia₁ 'i₁ca₂míg₂ jág₁ dsau₅ tsá₃ cha₂ ja₁coin₂. Jē₁ma₂ca₂juá'₂ jág₁ tē₂jág₁, juá'₂ bá₄ jui₁lia'₂ tīn₂ 'ñiog₅, ia₁ i₂tē₂jín₁ bá₄ 'éi₂, jaun₂ lín₅ jmei₂ dsa₂ tē₂jín₁. ⁴⁵ La₁ia₁, 'uig₅₄ ia₁ a₂juá'₅ jniá'₂ jág₁ dsau₅ ně₃, tsá₃ 'éng'₂ jág₁ quió'₃. ⁴⁶ ¿I₂'ein₂ 'nia'₂ qui'₅₄ jmíg₄ cáun₂ 'í₁ a₂rīn₂ jniá'₂ dso₄? Chi₂jua'₂ juá'₅ jniá'₂ jág₁ dsau₅, ¿'E₂ lě₃ tsá₃ 'én'₂ 'nia'₂ jág₁ quió'₃? ⁴⁷ Jui₁lia'₂ i₂tén₅ le₃quió'₅ Diú₄, nag₂₃ jág₁ quió'₅ Diú₄. 'Uig₅₄ jaun₂ bá₄ tsá₃ nag'₂ 'nia'₂ jág₁: ia₁ tsá₃ tén'₅ 'nia'₂ le₃quió'₅ Diú₄.

Né'₃ guē₄ a₂le₃chan₂ Abraham, jme₁ma₂chan₂ bá₄ Te₁gui'₅₄

⁴⁸ Jaun₂ ně₃ ca₂ḡag₃ dsa₂ judíos ca₂ñi'₃ Jesús:

—¿Tsa₁ dsau₅ jág₁ a₂jua'₂ jnia'₅₄, dsa₂ chan₂ Samaria bá₄ lín'₅ 'ne₂; a₂'en₅₄ jan₂ je₂na'₅₄ tē₂'au'₂ ně₃?

⁴⁹ Jaun₂ ca₂ḡag₃ Jesús:

—Lia'₂ 'i₁jan₂ je₂na'₅₄ tsá₃ 'en₅₄ tē₂dsi₃. A₂jaun₂ bá₄ jmo₅ jniá'₂ a₂jme₂juín'₁ jniá'₂ Ñe'₃; 'nia'₂ guē'₂, tsá₃ jme₂go'₃ jniá'₂. ⁵⁰ Tsá₃ a₂jaun₂ 'náu'₅ jniá'₂ a₂jme₃juag'₂ dsa₂, la₁ chan₂ jan₂ i₂'no'₂ a₂jme₃juag'₂ dsa₂ jniá'₂, ton'₂ 'éi₂ bá₄ con₂ jág₁ dsau₅.

⁵¹ A₂dsi₂jó'₃ juíg₂ jniá'₂ 'nia'₂, chi₂jua'₂ 'ein₂ dsa₂ i₂tón'₂ jui₅ jág₁ quió'₃, lia'₂ o₁líg'₂ jmíg₄ tsá₃ dsi₃ñi₅₄ 'mú₃.

⁵² Jaun₂ ně₃ ca₂ŋag₃ dsa₂ judíos:

—Ně₃ guě₄ dsón'₂ jag₂ jnia'₅₄ a₂'en₅₄ jan₂ je₂'na'₅₄ tē₂'au'₂. Ia₁ ma₂ca₂jon₃ Abraham lia'₂ jma₃quian'₅₄ dsa₂ i₂qui₂ca₂'ē₂ jág₁ quián₅ Diú₄; 'ne₂ guē'₂ juá'₂: “Jui₁lia'₂ i₂tón'₂ jui₅ jág₁ quió₃, tsá₃ líg'₂ dsi₃ŋi₅₄ 'mú₃.” ⁵³ ¿O₃ bá₄ 'ŋio₅ lín₃ guě₄ juin'₂ 'ne₂ lia'₂ con'₂ guě₄ Abraham 'lag₄ jmei₂ jnia'₅₄? Ca₂jon₃ bá₄ 'éi₂, ján₃ bá₄ le₂jaun₂ qui₂ca₂dsan₃ dsa₂ i₂jme₁'ē₂ jág₁ quián₅ Diú₄. ¿'Ein₂ lín'₂ 'ne₂ líng'₅?

⁵⁴ Jaun₂ ca₂ŋag₃ Jesús:

—Chi₂jua'₂ 'ŋio₃ jniá₂ jme₂juíng'₂, tsá₃ 'e₂ quen₅ a₂jaun₂. La₁ia₁ jui₁lia'₂ i₂jme₂juag'₂ jniá₂, Ŋe'₃ bá₄ jniá₂ 'éi₂, i₂'ín'₅ 'nia'₂ lín₅ Diú₄ quiáng'₂. ⁵⁵ O₁ŋia'₅₄ tsá₃ cuín'₂ 'nia'₂ 'éi₂, la₁ cuín₅ bá₄ jniá₂ 'éi₂. Jua'₅₄ mei'₂ guě₃ juá'₅ jniá₂ a₂tsá₃ cuín₅, jme₁lén₂ jniá₂ jan₂ i₂tē₂jín₁ jui₁lia'₂ lín'₅ 'nia'₂. La₁ia₁ dsón'₂ bá₄ cuín₅ jniá₂ 'éi₂, jaun₂ tón'₅ bá₄ jniá₂ jui₅ jág₁ quió'₅. ⁵⁶ Ca₂jmo₃ 'io'₂ Abraham, 'lag₄ ŋéi'₅ 'nia'₂, ia₁ jme₁'ín₂ dsí₅ jág₃ jmíg₄ i₁guan₃ jniá₂; jaun₂ ca₂jág₃, jaun₂ 'ŋio₅ lín₃ 'io'₂ ca₂jén'₃.

⁵⁷ Jaun₂ ně₃ ca₂juá'₂ dsa₂ judíos ca₂tsí'₃ Jesús:

—Tsá₃ ma₂'eng'₅₄ bá₄ guě₄ tē₂láu₃-guiá₂ ŋi₂. ¿'A₂ guē'₂ lia'₂ juá'₂ 'ne₂ a₂ma₂jing'₅₄ 'lag₄ Abraham?

⁵⁸ Jaun₂ ca₂ŋag₃ Jesús:

—A₂dsi₂jó'₃ juig₂ jniá₂ 'nia'₂, né'₃ guě₄ a₂le₃chan₂ Abraham, jniá₂ líng₅.[†]

⁵⁹ Jaun₂ ně₃ qui₂ca₂ŋa'₃ cang₄ a₂jme₁qui'₃ quió'₅. La₁ ca₂'ma₃ bá₄ Jesús, jaun₂ o₂'ín₃ i₁dsi₅ guá'₅ templo. §

9

Ca₂jme₃'lión₂ Jesús jan₂ dsa₂ i₂ten₄ ca₂rē₃chán₃

¹ Jme₁ca₂ŋi₅ jaun₂, ca₂jín₂ jan₂ dsa₂ i₂ten₄ ca₂rē₃chán₃. ² Jaun₂ ca₂ŋag₃ chi'₂ dsí₂guia₃-tín₂ quiáin₅:

—Tē₅, ¿'ein₂ bá₄ ca₂'náu₂ dso₄? ¿Dsa₂ la₂, o₃ chog₅₄-jmei₂ 'e₂, a₂ca₂rē₃chán₃ tein₅₄?

³ Jaun₂ ca₂juá'₂ Jesús:

—On₃jua'₅₄ 'uig₅₄ dsáu₂ 'ŋiog₅, on₃ guē'₂ 'uig₅₄ dsáu₁ chog₅₄-jmei₂; a₂jaun₂ bá₄ ca₂lě₃ ia₁jaun₂ le₃jniá₂ juí₅bí₂ quió'₅ Diú₄ ja₁coin₂. ⁴ Ca₂tág₂ jniog₄ jmó₁ ta₁* quió'₅ i₂ca₂chei₃ jniá₂ tē₂lia'₂ jniá₂ guě₄; ia₁ ma₂ja₂quián₃ néi₃, jē₁tsá₃ ma₃'ein₂ lé₂ le₃jmo₃ ta₁. ⁵ Tē₂lia'₂ 'en₅₄ jniá₂ mi₂güig₃ la₂, líng₅ si₂ a₂tág₅ ja₁con₂ dsa₂ mi₂güig₃.

⁶ Jme₁ca₂dsan₃ juá'₂ le₂ně₅, jaun₂ ca₂'ŋéi₃ 'uē₃, ca₂jmo₃ ca₂juig₄ jein₂ quian'₅₄ jmi₁'é'₅ quió'₅, jaun₂ ca₂tsáng₂ jme₁ne₁ dsa₂ ten₄. ⁷ Jaun₂ ca₂juá'₂ ca₂tsí'₃ dsa₂ 'éi₂:

—Gua₂ o₂rang₂ quiáng'₂ Dsiog₅ Siloé —co₂'nió'₄ le₃jua'₅₄ jág₁, I₂chen₄, a₂chei₂ dsiog₅ jaun₂.

Jaun₂ ca₂ŋó₃ i₁rang₂ quió'₅, jaun₂ jme₁guáin'₃ táng₃ jaun₂, ma₂jág₅ bá₄.

⁸ Jaun₂ qui₂ca₂ŋag₃ dsa₂ i₂tián'₅ cau₅ quió'₅, quian'₅₄ dsa₂ i₂jme₁ma₂ca₂jág₂ mi₅ 'éi₂ cu₄ le₂jniá₅, ca₂juá'₂:

—¿On₁jua'₅₄ dsa₂ ně₅ 'éi₂ i₂jme₁gua₂ mi₅ a₂jme₃'o₅₄ dsa₂ cu₄?

⁹ I₂lín₅₄ juá'₂:

—'Éi₂ bá₄ ně₅.

I₂sián'₂ guē'₂ juá'₂:

—On₃jua'₅₄ 'éi₂ ně₅, la₁ia₁ mei'₂ tsá₃ le₂jaun₂ jniá₂.

La₁ ca₂juá'₂ dsa₂ 'éi₂ 'ŋiog₅:

—Jniá₂ bá₄ 'éi₂.

[†] **8:58** Jág₁ “jniá₂ líng₅” co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14. § **8:59** A₂lín₅₄ chog₅₄ si₂ juá'₂ ján₃: “jaun₂ ca₂ŋi₅ jin₄ dsa₂ 'éi₂, ca₂ŋái'₃.” * **9:4** A₂lín₅₄ chog₅₄ si₂: Ca₂tín₂ jniá₂ jmo₅₄ ta₁.

10 Jaun₂ ně₃ ca₂ŋag₃ dsa₂ ca₂ŋí'₃ 'éi₂:
—¿'A₂ guë'₂ lia'₂ lë₃ ca₂jnióg₃ jme₁ne'₄ 'ne₂?

11 Jaun₂ ca₂ŋag₃ dsa₂ 'éi₂:

—Dsa₂ i₂tě'₂ dsa₂ Jesús ně₂jmo₃ ti₁jéin₃, jaun₂ ně₂tsáng₂ jme₁ne₃ jniá₂, jaun₂ ně₂juá'₂ tság₅ jniá₂: “Gua₂ Dsiog₅ Siloé, o₂rang₂ quiáng'₂.” Jaun₂ ŋe₄ jniá₂, jaun₂ jme₁ca₂lë₃ rang₂₃ quió₃, co₂tan₅₄ lia'₂ ně₂jág₃.

12 Jaun₂ ca₂ŋag₃ dsa₂ ca₂ŋí'₃ dsa₂ i₂jme₁ten₄ 'éi₂:

—¿Na₅ dsa₂ 'éi₂?

Jaun₂ ca₂juá'₂:

—Tsá₃ guion₄ jniá₂.

Ca₂ŋag₃ dsa₂ fariseos jág₁ dsau₅ ne₄ dsa₂ i₂jme₁ten₄ i₂ca₂jme₃'lió₂ Jesús

13 Jaun₂ ně₃ ca₂i₁ŋia₃ dsa₂ ne₄ dsa₂ fariseos dsa₂ i₂jme₁ten₄ 'éi₂.

14 La₁ jmíg₄ lia'₂ con'₂ jme₁ca₂jmo₃ Jesús ti₁jéin₃ a₂ca₂tsáng₂ mi₂ne₄ dsa₂ i₂jme₁ten₄ 'éi₂, jaun₂ dé₄ jmíg₄ sa₅₄ bá₄ jaun₂. 15 Jaun₂ ca₂ŋag₃ táng₃ dsa₂ fariseos ca₂ŋí'₃ dsa₂ 'éi₂, 'a₂ bá₄ lia'₂ jaun₂ ma₂lé₂ jág₃. Jaun₂ ca₂juá'₂ dsa₂ i₂jme₁ten₄ 'éi₂:
—Ně₂tsáng₂ ti₁jéin₃ jme₁ne₃ jniá₂, jaun₂ ně₂rang₃ jniá₂ quió₃, jaun₂ lë₃ ma₂jág₅ jniá₂.

16 Jaun₂ ně₃ ca₂juá'₂ i₂lin₅₄ dsa₂ fariseos:

—Dsa₂ i₂ně₂jmo₃ a₂ně₅, on₃jua'₅₄ dsa₂ quián₅ Diú₄ 'éi₂, ia₁ tsá₃ jme₂gó'₃ jmíg₄ sa₅₄.

La₁ i₂lin₅₄ guë'₂ juá'₂:

—¿'A₂ lia'₂ lé₂ le₃jmo₃ jan₂ dsa₂ i₂cha₂ dsáu₁ léi₄ juë'₂ le₂ně₅?

Jaun₂ lë₃ ca₂lë₃ le₁dson'₅₄ dsa₂.

17 Jaun₂ ca₂ŋag₃ táng₃ dsa₂ ca₂ŋí'₃ dsa₂ i₂jme₁ten₄ 'éi₂:

—¿'E₂ guë'₂ juá'₂ 'ne₂ lín₅, ia₁ jme₁ne'₄ 'ne₂ bá₄ ně₂niá₃?

Jaun₂ ca₂ŋag₃ dsa₂ 'éi₂:

—A₂lín₅ jan₂ dsa₂ i₂'ě₂ jág₁ quián₅ Diú₄ bá₄.

18 La₁ dsa₂ judíos ně₃, tsá₃ jme₁'éin₂ bá₄ guë'₄ a₂dsón'₂ jme₁ten₄ dsa₂ 'éi₂, ton'₂ ca₂tíin'₃ jme₁ne₁₂, ca₂lia'₂ ca₂tě'₃ chog₅₄-jmei₂ dsa₂ 'éi₂.

19 Jaun₂ ca₂ŋag₃ dsa₂ fariseos ca₂ŋí'₃ chog₅₄-jmei₂ 'éi₂:

—¿Chi'₂ ja₂ŋí'₂ 'nia'₂ la₂, i₂juá'₂ 'nia'₂ i₂ten₄ ca₂rë₃chán₃? ¿'A₂ guë'₂ lia'₂ ma₂jág₅ ně₃?

20 Jaun₂ ca₂ŋag₃ chog₅₄-jmei₂:

—Ne₄ bá₄ jniá'₅₄, chi'₂ quián₂ bá₄ jniá'₅₄ ně₅, i₂ca₂rë₃chán₃ ten₄; 21 la₁ tsá₃ ne₄ jniá'₅₄ 'a₂ guë'₂ lia'₂ ně₃ ma₂lé₂ jág₃, on₃ guë'₂ ne₄ jniá'₅₄ 'ein₂ ca₂jmo₃ ca₂ŋia₃ mi₂ne₅₄. Nag₄ caun₂ 'nia'₂ guiong'₅₄; i₂ma₂juin'₂ bá₄ ně₅, jaun₂ lé₂ bá₄ juá'₂ 'ŋiog₅ 'a₂lia'₂ ca₂lë₃.

22 Ca₂juá'₂ chog₅₄-jmei₂ le₂ně₅ 'uig₅₄ ia₁ a₂gó'₅ gain₃ dsa₂ judíos, ia₁ jme₁ma₂ca₂jmo₃ 'éi₂ caun₂ jág₁ a₂'uág'₂ 'uín'₂ dsa₂ ja₁le₁toin₂₃ ne₄ si₂ guá'₅ sinagoga juí'₁ein₂ guë'₃ i₂juá'₂, Jesús bá₄ lín₅ I₂rë₂'ín₁ quián₅ Diú₄. 23 'Uig₅₄ jaun₂ bá₄ ca₂juá'₂ chog₅₄-jmei₂: “Nag₄ caun₂ 'nia'₂ guiong'₅₄, i₂ma₂juin'₂ bá₄ ně₅.”

24 Jaun₂ bá₄ ca₂tě₃ táng₃ dsa₂ judíos ca₂tě'₃ dsa₂ i₂jme₁ten₄ 'éi₂, jë₁ca₂tě₂ táng₃ ráun₂, jaun₂ ca₂juá'₂:

—Jua'₅₄ jág₁ dsau₅ tē₃dsón'₂ ne₄ Diú₄;† ne₄ bá₄ jniá'₅₄ jan₂ dsa₂ i₂cha₂ dsáu₁ bá₄ 'éi₂.

25 Jaun₂ ně₃ ca₂ŋag₃ dsa₂ 'éi₂:

—Tsá₃ a₂jaun₂ guion₄ jniá₂ jua'₅₄ jan₂ dsa₂ cha₂ dsáu₁ 'éi₂, o₃ tsá₃ dsáu₁ cha₂ 'e₂. Jŋia'₅₄ lia'₂ a₂jaun₂ bá₄ guion₅₄, a₂jme₁ten₄ bá₄ jniá₂, la₁ ně₃ ma₂lé₂ bá₄ jág₄.

† 9:24 lit. “jme₁juin'₂ Diú₄”, co₂'nió'₄ quián'₅₄ jág₁, ně₅ jme₁jmo₅ dsí₂tan₅₄ 'éi'₃ ja₁con₂ dsa₂, a₂juá'₂ tion₅₄ jág₁ tí₅ dsón'₂. 'Nio'₂ ja₁ton₅ Josué 7:19, Mateo 26:63.

26 Jaun₂ ca₂ηag₃ táng₃ dsa₂ fariseos:

—¿'E₂ ca₂jmo₃ quiáng'₂? ¿'A₂ lia'₂ ca₂jmo₃ dsa₂ 'éi₂ a₂ca₂jnia₃ mi₂ne'₅₄?

27 Jaun₂ ca₂ηag₃ dsa₂ 'éi₂:

—Ma₂nē₂juá'₃ guē'₂ jniá₂. Tsá₃ tón'₂ guē'₂ 'nia'₂ jui₅ 'e₂juá'₅ jniá₂. ¿'E₂ lē₃ 'niog'₂ 'nia'₂ nág'₂ táng₃? ¿O₃ bá₄ ján₃ guē'₂ 'niog'₂ 'nia'₂ le₃'éng'₂ le₃quió'₅ 'éi₂?

28 Jaun₂ qui₂ca₂jnú'₂ dsa₂ jág₁ uig₅, jaun₂ ca₂juá'₂:

—Ne₂ 'éng'₂ le₃quió'₅ dsa₂ 'éi₂, la₁ia₁ jnia'₅₄ guē'₂ 'éin₂ le₃quió'₅ Moisés. 29 Ne₄ jnia'₅₄, a₂ca₂dsia₃ Diú₄ jág₁ quian'₅₄ Moisés, la₁ dsa₂ 'éi₂ guē'₂ ně₃, tsá₃ ne₄ a₂já'₄ já₅.

30 Jaun₂ ca₂ηag₃ dsa₂ 'éi₂ ně₃ ca₂juá'₂:

—iDón'₂ bá₄ jaun₂ dsi₂gó'₃ dsi₅ a₂jaun₂: a₂tsá₃ ηi'₅₄ 'nia'₂ a₂já'₄ já₅, ton'₂ ca₂jme₃jnio₅ jme₁ne₃! 31 Ma₂ne₄ rē₂ bá₄ jniog₄ jaun₂, a₂tsá₃ nag₅ Diú₄ jág₁ quió'₅ dsa₂ i₂cha₂ dsáu₁; jmá'₃ lia'₂ jág₁ quió'₅ dsa₂ i₂jme₂gan₃ Diú₄, i₂qui₂jmo₅ a₂'ηio₂ dsí₅ 'éi₂: quió'₅ 'éi₂ bá₄ nag₂₃. 32 Lia'₂ 'i₁cón'₂ tsá₃ 'ein₂ ma₂nág₂ ca₂le₂jniá₅ jua'₅₄ chan₂ dsa₂ i₂lé₂ le₃jme₃'lión₂ jan₂ dsa₂ i₂ten₄ ca₂rē₃chán₃. 33 Jua'₅₄ mei'₂ guē₃ tsá₃ já₅ dsa₂ 'éi₂ ja₁con₂ Diú₄, tsá₃ 'e₂ lé₂ jme₁jmo₃.

34 Jaun₂ ně₃ ca₂ηag₃ dsa₂ fariseos:

—Co₂ηei'₅₄ bá₄ ne₄ dsáu'₂ ca₂rē₃cháng'₃. ¿I₂'ein₂ bá₄ lín'₅ 'ne₂ jaun₂ jme₁tag'₅ jnia'₅₄?

Jaun₂ ca₂dsei₅ dsa₂.

Jui'lia'₂ dsa₂ ten₄ tē₂le₃ gu₂dsí₂

35 Jaun₂ ca₂rē₃ηi₅ Jesús jág₁ a₂ca₂dse₅ dsa₂ ca₂dsein₂₃ dsa₂ i₂jme₁ten₄ 'éi₂. Jaun₂ jme₁ca₂jein'₂, ca₂juá'₂:

—¿'Én'₂ 'ne₂ tē₂le₃ quió'₅ Jaun₅ dsa₂ mi₂güí₃? †

36 Jaun₂ ca₂juá'₂ dsa₂ 'éi₂:

—Gui'₅₄, ¿i₂'ein₂ bá₄ 'éi₂, ia₁jaun₂ lé₂ le₃'én₂ jniá₂ le₃quió'₅?

37 Jaun₂ ca₂ηag₃ Jesús:

—Ma₂nē₂jii₅ bá₄, jaun₂ jniá₂ bá₄ 'éi₂ i₂dsia'₂ jág₁ quiang'₅₄.

38 Jaun₂ bá₄ ca₂chi₃jné₃ dsa₂ 'éi₂ ne₄ Jesús, jaun₂ ca₂juá'₂:

—'Én₂ bá₄ jniá₂, Te₁gui'₅₄.

39 Jaun₂ ca₂juá'₂ Jesús:

—A₂qui₁dsi₅ 'éi'₃ bá₄ jniá₂ guio₃ mi₂güí₃ la₂, ia₁jaun₂ jág₃ jui'lia'₂ dsa₂ ten₄, ton'₂ ia₁jaun₂ le₃ten₄ jui'lia'₂ dsa₂ i₂jág₅.

40 Jaun₂ qui₂ca₂nág₂ jág₁ jaun₂ i₂lín₅ dsa₂ fariseos i₂jme₁tion'₅₄ quian'₅₄ Jesús, jaun₂ ca₂ηag₃:

—¿O₃ bá₄ dsa₂ ten₄ lág₅ jnia'₅₄ ján₃?

41 Jaun₂ ca₂ηag₃ Jesús:

—Jua'₅₄ mei'₂ guē₃ lín'₅ 'nia'₂ dsa₂ ten₄, tsá₃ dso₄ jme₁qui₂le₃cán'₂ 'nia'₂. La₁ia₁, 'uig₅ ia₁ a₂juá'₂ 'nia'₂, “ne₄ jnia'₅₄”, jaun₂ tē₂'ηiá₄ dsáu'₂ 'nia'₂.

10

Jág₁ jág₅ léi₄ jui'lia'₂ dsa₂ i₂jmo₅ 'í₁ já₂ cha'₂

1 'A₂dsi₂jó'₃ juí₂ jniá₂ 'nia'₂, jui'lia'₂ i₂tsá₃ tón'₅ tē₂le₃ jui₅ o₄'né₄ tsi₁jní₂ ja₁tion'₅₄ já₂ cha'₂, a₂uig₂ jui₅ siá'₂, dsa₂ 'ang₂ bá₄ 'éi₂. 2 La₁ia₁ jui'lia'₂ i₂ 'í₁ tē₂le₃ o₄'né₄, dsa₂ i₂jmo₅ 'í₁ já₂ cha'₂ bá₄ 'éi₂. 3 O₄quió'₄ 'éi₂ bá₄ niá₅ dsa₂ i₂jmo₅ 'í₁ o₄'né₄, jaun₂ já₂ cha'₂ ně₃, rē₂cuí'₅ jág₁ quió'₅ 'éi₂. Jaun₂ tē₂ já₂ cha'₂ quiáin₅ 'ηiog₅ lia'₂ chein₂, jaun₂ 'uág'₂. 4 Jē₁ma₂ca₂lē₃ 'uín'₂ ca₂le₃jín₃ con'₂ i₂quiáin₅ 'ηiog₅, jaun₂ cán₂ ne₄

† 9:35 A₂lín₅ chog₅ si₂juá'₂: “¿'Én'₂ 'ne₂ tē₂le₃ quió'₅ Ja,ηi'₅₄ Diú₄?”

juí₅, dsó₅ ne₄ já'₂ cha'₂. Já'₂ cha'₂ ně₃ dsi₂léin₂ chi₁co'₅₄ quió'₅, ia₁ rē₂cuí'₅ bá₄ já_{g1} quió'₅. ⁵ La₁ tsá₃ 'ein₂₃ juí₁lia'₂ dsa₂ i₂tsá₃ cuiin₂₃; tē₂le₃ cuiing₂₃ bá₄ ja₁con₂ 'éi₂, ia₁ tsá₃ cuí'₅ já_{g1} quió'₅ dsa₂ sián'₂.

⁶ Ca₂juá'₂ Jesús já_{g1} a₂jáng'₅ léi₄ ně₅, la₁ tsá₃ ca₂rē₃ŋí'₂ dsa₂, 'e₂ jein₅ já_{g1} jaun₂ a₂juá'₂.

Jan₂ Jesús i₂dse_{n3} i₂jmo₅ 'í₁ já'₂ cha'₂

⁷ Jaun₂ ně₃ ca₂juá'₂ táng₃ Jesús ca₂tsí'₃ dsa₂:

—A₂dsi₂jó'₃ juí_{g2} jniá₂ 'nia'₂, jniá₂ bá₄ líng₅ o₄'né₄ juí₅ ja₁dsi₂ton'₅₄ já'₂ cha'₂.

⁸ Ca₂le₃jín₃ i₂ma₂o₃lén₂ jniá₅ guě₄ con'₂ guě₄ jniá₂, dsa₂ 'ang₂ bá₄ 'éi₂; la₁ já'₂ cha'₂ ně₃, tsá₃ juí₅ ca₂ton'₂ quió'₅. ⁹ Jniá₂ líng₅ o₄'né₄; juí₁lia'₂ i₂tón'₅ juí₅ le₃quió₃, tíin'₄ bá₄. Jaun₂ qui₃dsi₃toin'₅₄, qui₃uíin₃, jaun₂ dsio'₂ bá₄ ŋi₂ma'₂ a₂guě'₃.

¹⁰ 'Dsa₂ 'ang₂ ně₃, jmá'₃ ta₁ jaun₂ bá₄ ja₂: a₂'ang₃, a₂jme₃dsiog₂₃, a₂qui₃'éin₂ ně₃; jniá₂ ně₃ guio₃ ia₁jaun₂ le₃chain₂, a₂le₃chain₂ qui₂rē₂tsón₂. ¹¹ Jniá₂ bá₄ líng₅ juí_{g54} dse_{n3} i₂jmo₅ 'í₁ já'₂ cha'₂. * Guen₅ 'mú₃ juí_{g54} dse_{n3} o₄quió'₄ já'₂ cha'₂; ¹² la₁ juí₁lia'₂ dsa₂ i₂jmo₅ ta₁ a₂'liain'₅₄, jē₁ma₂ca₂jág₃ já₅ dsi₂ji'₅₄ ná_{u2}, téin₂ bá₄ já'₂ cha'₂ jaun₂ cuiing₂₃ bá₄ 'ŋiog₅, ia₁ on₃jua'₅₄ juí_{g54} i₂quián₅ já'₂ cha'₂ 'éi₂. Jaun₂ dsi₂ji'₅₄ ná_{u2} ně₃, tsáin'₂ já'₂ cha'₂, jaun₂ jmo₂₃ le₁jan₅₄ já'₂. ¹³ Dsa₂ 'éi₂ ně₃, cuiing₂₃ ia₁ a₂'liain'₅₄ bá₄ jmo₂₃ 'í₁; tsá₃ dsan₂ dsí₅ já'₂. ¹⁴ Jniá₂ bá₄ líng₅ juí_{g54} dse_{n3}; i₂cuín₅ bá₄ jniá₂ já'₂ cha'₂ quiáng₃; 'éi₂ ně₃ cui_{g23} jniá₂. ¹⁵ Le₂jaun₂ juí₁lia'₂ cui_{g5} Ŋe'₃ jniá₂, ján₃ bá₄ cuín₅ jniá₂ 'éi₂ ně₃. Guén₅ jniá₂ 'mú₃ o₄quió'₄ já'₂ cha'₂ quiáng₃. ¹⁶ Já_{n3} bá₄ tion'₅₄ já'₂ cha'₂ sián'₂ quiáng₃ i₂tsá₃ tion'₅₄ 'ŋió'₃ jní₁la₂; já_{n3} bá₄ ca₂tín₂ jniá₂ i₁te₁ 'éi₂. Já_{n3} bá₄ le₃ne'₅₄ 'éi₂ já_{g1} quió₃, jaun₂ co₂nió'₃ bá₄ lé₂, jan₂ guě'₂ juí_{g54}.

¹⁷ "Uí_{g54} jaun₂ bá₄ 'nio₃ Ŋe'₃ jniá₂: ia₁ jáng'₅ jme₂dsí₂ quió₃, † ia₁jaun₂ tíng'₄ táng₃. ¹⁸ Lia'₂ 'i₁jan₂ tsá₃ jniá'₂ jme₂dsí₂ a₂chan₂ jniá₂, ia₁ jáng'₅ bá₄ jniá₂ jme₂dsí₂ a₂chang₂ a₂'ŋio₂ dsi₃ 'ŋió₃. Jniá₂ bá₄ 'o₂₃ bí₂ jáng'₅, jaun₂ 'o₂₃ bí₂ tíng'₄ táng₃. 'Éi'₃ ně₅ ca₂ŋig₂ ja₁con₂ Ŋe'₃.

¹⁹ Jaun₂ ca₂lě₃ le₁dson'₅₄ táng₃ dsa₂ judíos, jme₁ca₂nág₂ já_{g1} ně₅.

²⁰ Juí_{n5} i₂'éi₂ juá'₂:

—I₂'en₅₄ jan₂ jme₂dsí₂ je₂na'₅₄ tē₂dsí₅ bá₄ ně₅, tē₂'i₂₃ a₂ŋái₅ ně₃. ¿E₂ lě₃ tón'₂ 'nia'₂ juí₅ já_{g1} quió'₅?

²¹ La₁ i₂lín₅₄ guě'₂ juá'₂:

—On₃jua'₅₄ já_{g1} quió'₅ jan₂ i₂'en₅₄ je₂na'₅₄ tē₂dsí₅ ně₅. ¿Lé₂ le₃jmo₃ je₂na'₅₄ a₂jág₃ juí₁lia'₂ dsa₂ ten₄?

Tsá₃ ca₂guen₃ dsa₂ judíos Jesús

²² Jmí_{g4} jaun₂, jme₁tion'₅₄ dsa₂ juí_{g2} Jerusalén jmo₂₃ Jmí_{g4} quió'₅ Si₂. Jein₂ güí_{g2} jme₁lě₄, ²³ jaun₂ jme₁i₂ŋi₅₄ Jesús i₁dsi₅ guá'₅ templo ja₁lě₄ corredor a₂chei₂ Quió'₅ Salomón, ²⁴ jaun₂ qui₂ca₂o₃lio₃ dsa₂ judíos quió'₅, jaun₂ ca₂juá'₂:

—¿A₂ con'₂ jmó'₂ 'ne₂ 'ag₃ guě₄ caun₂-tín₃ dsi₅ jnia'₅₄? Chi₂jua'₂ dsón'₂ lín'₅ 'ne₂ I₂rē₂'ín₁ quián₅ Diú₄, co₂ŋei'₅₄ jua'₅₄ rē₂jíá₃ já_{g1}.

²⁵ Jaun₂ ca₂ŋag₃ Jesús:

—Ma₂ně₂juá'₃ bá₄ jniá₂, la₁ tsá₃ ca₂rē₃'én'₂ guě'₂ 'nia'₂. Qui₂jáng'₅ bá₄ já_{g1} dsau₅ o₄quió₃, léi₄ a₂jmo₅ jniá₂; ²⁶ la₁ tsá₃ 'én'₂ 'nia'₂, ia₁ tsá₃ lín'₅ 'nia'₂ já'₂ cha'₂ quiáng₃. ²⁷ Ne'₅₄ bá₄ já'₂ cha'₂ quiáng₃ já_{g1} quió₃; i₂cui_{g5} bá₄ 'éi₂ jniá₂, jaun₂ ja₂'ein₂₃ chi₁co'₅₄ quió₃. ²⁸ Cuě₅ jniá₂ jme₂dsí₂ a₂le₃chain₂ co₂tan₅₄, jaun₂ lia'₂ o₁líg'₂ jmí_{g4} tsá₃ dsián₃, on₃ guě₄ lia'₂ 'i₁jan₂ tsá₃ lé₂ le₃jníái'₂ 'éi₂ o₄gu₃ jniá₂.

* **10:11** 'Í₂ Ezequiel 34. † **10:17** 'Nio'₂ ja₁ton₅ Juan 19:30.

29 Ne'3 jniá2, i2ma2cuag3 'éi2, lín5 i2juin'2 gué4 lia'2 con'2 gué4 ca2le3jín3; jaun2 lia'2 'i1jan2 tsá3 lé2 jnióg'2 o4gú3 Ne'3. 30 Jniá2 quian'54 Ne'3, ca2ne54 bá4 lág5 jnia'54.

31 Jaun2 ně3 ca2nja'3 táng3 dsa2 judíos ni1cang1 a2qui'3 quió'5. 32 Jaun2 ca2juá'2 Jesús:

—Lióng2 lín3 léi4 dse3 ma'ě3 jniá2 'nia'2 tële3 quian'54 juí5bí2 quió'5 Ne'3; ¿o4quió'4 'e2 caun2 a2ma2jmo3 jniá2 jaun2, a2qui1jnau'54 'nia'2 jniá2 ni1cang1?

33 Jaun2 ca2nja3 dsa2 judíos:

—Tsá3 o4quió'4 léi4 dse3 qui1jna'54 jnia'54 'ne2 ni1cang1; a2jaun2 bá4 ia1 a2'ing'5 'lig'54 Diú4, a2jmo'2 'ne2 a2líng'5 Diú4, ton'2 jan2 dsa2 mi2güig3 bá4 líng'5.

34 Jaun2 ně3 ca2juá'2 Jesús tsí'5 dsa2 judíos:

—¿Tsa1 chi1ton5 ne4 Si2 'Éi'2 quián'2 'nia'2: “A2ma2juá'3 jniá2, a2lín'5 'nia'2 diú4”?† 35 Chi2jua'2 ca2të'3 “diú4” dsa2 i2ca2ñi2 jág1 quió'5 Diú4, (jaun2 tsá3 lé2 jua'54 tsá3 le3ti3 Si2); 36 'ë2 gué4 bá4 'éi2 i2ca2jmo3 Diú4 rë2tson4, i2ca2chein3 mi2güig3. ¿'Nia'2 juig'2 'ing'5 'lig'54 Diú4 ia1 jniá2 ně2juá'3 a2líng5 Jañi'54 Diú4?

37 Chi2jua'2 tsá3 jmo5 jniá2 ta1 quió'5 Ne'3, tsá3 juí1le2'én'2 'nia'2 le3quió3 jniá2.

38 La1 chi2jua'2 jmo5 gué'2 jniá2, juí1'a2 gué3 la2 tsá3 'én'2 'nia'2 tële3 quió3 jniá2, juí1le2'én'2 bá4 'nia'2 tële3 quió'5 ta1 a2jmo5 jniá2, ia1jaun2 le3ñi'54 bá4, ia1jaun2 le3ñi'2 'au'2 'nia'2, § a2'en54 Ne'3 ja1cong2, le2jaun2 gué'2 táng3, a2'en54 jniá2 ja1con2 Ne'3.

39 Jaun2 jme1'nio3 táng3 dsa2 jme1tsáun'2, la1 ca2lón2 bá4 o4gú3 'éi2.

40 Jaun2 ně3, ñó3 táng3 Jesús të2le3 quióng4 Cuá3 Jordán, jaun2 ca2jnía3 ja1jaun2 ja1jme1'en54 Juan54 le2jnía5 choín23 jmig2 dsa2.* 41 Juin5 lín3 dsa2 ca2i1len54 i1jag54, qui2ca2juá'2:

—Të3dsón'2 bá4, o1jnía'54 tsá3 'e2 léi4 juë'2 ca2jmo3 Juan54, la1 ca2le3jë3 'e2 a2ca2juá'2 a2'iin23 dsa2 ně5, dsau5 bá4.

42 Ja1jaun2 ca2rë3 'én2 juin5 dsa2 le3quió'5 Jesús.

11

Ca2jon3 Lázaro

1 Jme1chan2 jan2 dsa2 dso'54 i2jme1chen2 Lázaro, i2jme1chan2 juig2 Betania, juig2 ja1guá4 María quian'54 'io54 riin'54 i2chen2 Marta.

2 María ně5 ně3 i2riin'54 Si1Lia1 dsa2 dso'54, 'éi2 bá4 i2ca2'ág2 no'54 mi2juig2 mi2tag4 Te1gui'54 jaun2 ca2chí3, ca2jme3quéin3 quian'54 jñi2 dsi54.

3 Jaun2 ně3, ca2chen3 le3on3 'io54 jág1 ne4 Jesús:

—Te1gui'54, a2ron5 dso'54 dsa2 i2'nio4 quiáng'2.

4 Jaun2 jme1ca2nág2 Jesús, ca2juá'2:

—On3jua'54 dso4 a2jiog5 juí5 'mú3 jaun2; të2le3 ia1jaun2 le3juin'2 Diú4 bá4, le2jaun2 gué'2 Ja1ñi'54 Diú4 ján3 le3juin'2 të2le3 quian'54 dso4 jaun2.

5 Jesús ně3, jme1'nioi3 'ñio5 lín3 Marta quian'54 'io54 riin'54, quian'54 Si1Lia1.

6 Jaun2 lë3, jme1ca2juá'2 dsa2 a2dso'54 Si1Lia1, ca2jnía3 gué4 tñ3 jmig4 ja1jme1'ein54 jaun2. 7 Cang2 jaun2, ca2juá'2 ca2tsí'3 chi'2 dsi2guia3-tñ2 quiáins:

—Ma3dsau54 táng3 juí5 Judea.

8 Jaun2 ně3, ca2juá'2 chi'2 dsi2guia3-tñ2:

—Të5, i1jáun3 ně5 cón'5 jme1'nio3 dsa2 judíos jme1qui3jnáu'2 cang4; ¿con'2 gué'2 lia'2 'niog'2 gog'54 táng3 ja1jaun2?

9 Jaun2 ca2nja3 Jesús:

† 10:34 Salmo 82:6. § 10:38 A2lín54 chog54 si2 juá'2: “ia1jaun2 le3'én'2 'nia'2.” * 10:40 lit. “tiáin2 dsa2 jmig2”

—¿On₁ dsón'₂ quian₅ guia₃-tín'₂ horas caun₂ jmíg₄? Nē₁jua'₂ i₂nio₄ dsa₂ a₂jmí₂, tsá₃ qui₂niói₅, ia₁ jág₅ si₂ a₂tág₅ ja₁con₂ dsa₂ mi₂güí₃; ¹⁰ la₁ nē₁jua'₂ i₂nio₄ dsa₂ jē₄ qui₁né'₃ qui₂niói₅ ia₁ tsá₃ si₂ cha₂ ja₁coin₂.

¹¹ Cang₂ jme₁ma₂nē₂juá'₂ le₂nē₅, jaun₂ ca₂juá'₂:

—Ma₂ca₂güin₂ bá₄ Si₁Lia₁ a₂mei₅₄ quián₂ jniog₄; la₁ nei₅₄ jniá₂ i₁nei₁₂.

¹² Jaun₂ nē₃ ca₂juá'₂ chi'₂ dsi₂guia₃-tín'₂:

—Te₁gui'₅₄, chi₂jua'₂ ma₂ca₂güin₂, co₂'nió'₄ jñia₃ bá₄ quió'₅.

¹³ La₁ a₂jaun₂ bá₄ jme₁'nio₃ Jesús juá'₂ a₂jme₁ma₂jon₅ bá₄ 'éi₂; la₁ jaun₂ bá₄ lín₂ chi'₂ dsi₂guia₃-tín'₂ a₂'ē₅ Jesús ju₁lia'₂ a₂güin₂ dsa₂ jē₁ma₂ca₂nei₂.

¹⁴ Jaun₂ nē₃ ca₂juá'₂ Jesús lia'₂ rē₂jia₃ jág₁:

—Ma₂ca₂jon₃ bá₄ Si₁Lia₁. ¹⁵ Jéin₅ jniá₂ 'io'₂ o₄quián'₂ 'nia'₂, a₂tsá₃ jme₁'eng₅₄ ja₁jaun₂, ia₁jaun₂ le₃'én'₂ 'nia'₂. La₁ ma₃dsau₅₄ ma₃dsi₁jñin₅₄.

¹⁶ Jaun₂ nē₃ ca₂juá'₂ To₁má₄ i₂tē'₂ dsa₂ Dsa₂ Tsín'₅₄, ca₂tsí'₃ chi'₂ dsi₂guia₃-tín'₂ riin'₅₄:

—Ján₃ guē'₂ dsau₅₄ jniog₄, ia₁jaun₂ dsióg₃ co₂lē₅ quian'₅₄ i₂nē₅.

Jesús bá₄ i₂jmo₅ a₂jen'₅₄ dsa₂, i₂cuē₅ jme₂dsí₂ a₂le₃chan₂ dsa₂

¹⁷ Jme₁ma₂tē₂ quén₂ jmíg₄ 'en₅₄ Si₁Lia₁ tau₂ 'ñio₅, jme₁dsióg₃.

¹⁸ Juíg₂ Betania jaun₂, jme₁niog₅ cau₅ ma₂quián₅ Jerusalén con'₂ tñ₃ kilómetros tē₂ ca₂jau₅₄.

¹⁹ Jaun₂ ca₂i₁len₅₄ juin₅ dsa₂ judíos ca₂i₁jñin₁₂ Marta quian'₅₄ María riin'₅₄, ca₂i₁jmo₅₄ lián'₂ dsí₅ 'éi₂, ia₁ ca₂jon₃ Si₁Lia₁ riin'₅₄.

²⁰ Jaun₂ Marta nē₃, jme₂ca₂rē₃ñi₅ a₂ma₂já₅ Jesús, jaun₂ ca₂o₃'iñ₃ ca₂i₁jme₁jein'₂. La₁ María nē₃ ca₂jñia₃ bá₄ dsi₂néi₂.

²¹ Jaun₂ ca₂juá'₂ Marta ca₂tsí'₃ Jesús:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃. ²² La₁ia₁ guion₄ jniá₂, o₁jñia'₅₄ con'₂ lē₅ la₂, chi₂jua'₂ 'e₂ a₂mi'₂ 'ne₂ ja₁con₂ Diú₄, cuē₃ bá₄ 'éi₂.

²³ Jaun₂ ca₂juá'₂ Jesús:

—Le₃chan₂ bá₄ táng₃ ríng'₂.

²⁴ Jaun₂ ca₂juá'₂ Marta:

—Guion₄ bá₄ jniá₂ a₂le₃chain₂ táng₃ jē₁ma₂tē₂ rē₁jein'₅₄ jin₄ 'lag₄, jmíg₄ jē₁ca₂tó'₂.

²⁵ Jaun₂ nē₃ ca₂juá'₂ Jesús:

—Jniá₂ bá₄ líng₅ i₂jmo₅ a₂jen'₅₄ dsa₂, i₂cuē₅ jme₂dsí₂ a₂le₃chan₂ dsa₂ nē₃. Ju₁lia'₂ i₂'én₂ tē₂le₃ quió₃ jniá₂, o₁jñia'₅₄ ma₂join₂₃, le₃chain₂ bá₄; ²⁶ jaun₂ chi₂jua'₂ 'ein₂ i₂chan₂ guē₄, nē₁jua'₂ ca₂rē₃'éin₂ tē₂le₃ quió₃ jniá₂, lia'₂ o₁líg'₂ jmíg₄ tsá₃ jóin₂. ¿'Éng'₂ jág₁ nē₅?

²⁷ Jaun₂ ca₂juá'₂ Marta:

—Ján₅, Te₁gui'₅₄. Ma₂ca₂rē₃'én₂ bá₄ jniá₂ a₂lín'₅ 'ne₂ Ja₁ñi'₅₄ Diú₄ I₂rē₂'ín₁ quiáin₅, i₂lē₅ jág₁ jiá₃ mi₂güí₃.

Ca₂'o₃ Jesús cau₅ tau₂ 'ñio₅ quió'₅ Si₁Lia₁

²⁸ Jme₁ca₂lē₃ juá'₂ Marta jág₁ nē₅, náí'₃ i₁te'₂ María riin'₅₄; jaun₂ ca₂juá'₂ jág₁ con'₂ tē₃co'₅₄:

—La₂ ma₂'en₅₄ tē₅, jaun₂ 'ne₂ tē'₂.

²⁹ Dsi₂ju₁ jme₁ca₂nág₂ María jág₁ nē₅, ca₂nau₂, jaun₂ ñó₃ i₁jñin₂₃ Jesús.

³⁰ Tsá₃ jme₁ma₂dsióg₃ guē₄ Jesús tē₃jē₄ juíg₂; jaun₂ bá₄ jme₁'ein₅₄ ja₁ca₂jein'₂ Marta.

31 Dsa₂ judíos i₂tion'₅₄ dsi₂néi₂ i₂cuë₅ lián'₂ dsi₅ ně₃, jme₁ca₂jág₃ ca₂nau₂ María ca₂o₃'i_{in}₃ co₂chi'₅₄, ca₂i₃lén₂ chi₁co'₅₄ quió'₅, ia₁ a₂lín₂ ηó₅ 'éi₂ tau₂ 'ηio₅ a₂i₂'áu₂ ja₁jaun₂.

32 Jaun₂ ně₃, jme₁ca₂dsióg₃ María ja₁jme₁'en₅₄ Jesús, ca₂chi₃jnë₃ ne₄ 'éi₂,* jaun₂ ca₂juá'₂:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃.

33 Jme₁ca₂jág₃ Jesús 'a₂lia'₂ jme₁'o₅ María, 'a₂lia'₂ jme₁tion'₅₄ guë'₂ dsa₂ judíos 'o₂₃ ně₃, i₂ja₂lén₂ quiain'₅₄, jaun₂ ca₂'ηia₃ i₃mé'₂ dsí₅, ca₂'í₃ qui'₂ dsí₅ ně₃. 34 Jaun₂ ca₂ηag₃:

—¿A₂já'₄ ca₂i₁'óin'₄ 'nia'₂?

Jaun₂ ca₂juá'₂ dsa₂:

—Te₁gui'₅₄, ηia₅ i₂jag₄.

35 Jaun₂ ca₂'o₃ Jesús.

36 Jaun₂ ně₃ ca₂juá'₂ dsa₂ judíos:

—Jag₄ de'₂ 'a₂lia'₂ jme₁'nioi₃ 'éi₂.

37 La₁ ca₂juá'₂ i₂lín₅₄:

—¿Tsa₁ cha₂ lé₂ le₃jme₁jmo₃ i₂ně₅ i₂ca₂jme₃'lión₂ dsa₂ ten₄ 'éi₂, ia₁jaun₂ tsá₃ jme₁jón₂ guë'₂ dsó₂ rín'₅₄ 'io₅₄ ně₅?

Ca₂jen'₅₄ Si₁Lia₁

38 Con'₂ siá'₂ táng₃ ca₂'ηia₃ Jesús a₂i₃mé'₂ dsí₅ lia'₂ con'₂ ca₂dsióg₃ ja₁dsi₅₄ tau₂ 'ηio₅. Caun₂ tsi₁tě₂ 'lau₂ bá₄ jme₁lě₄ a₂jaun₂, jme₁chí'₄ ca₂míg₂ ni₁cang₁ a₂rě₂jlě₅ o₄'né₄.

39 Jaun₂ ca₂juá'₂ Jesús:

—Jniá'₃ ni₁cang₁ ně₅.

Jaun₂ ca₂juá'₂ Marta rín'₅₄ 'lag₄ ca₂tsí'₃ Jesús:

—Te₁gui'₅₄, mei'₂ tsá₃ ma₂ja₂ ma₂'lig'₅₄ quió'₅, ia₁ ma₂tě₂ quén₂ jmíg₄ ca₂join₃.

40 La₁ ca₂juá'₂ Jesús:

—¿Tsa₁ ně₂juá'₃ jniá₂, ně₁jua'₂ 'éng'₂, jag'₅₄ ju₁í₅bí₂ jlá'₁ quió'₅ Diú₄?

41 Jaun₂ ně₃ ca₂jniá'₂ dsa₂ ni₁cang₁. Jaun₂ ca₂chóg'₃ Jesús ne₅₄, ca₂juá'₂:

—Tia₅₄, cuë₅ jniá₂ ti₁'mag'₄ 'ne₂ ia₁ ma₂nei'₂ bá₄ jág₁ quió₃. 42 A₂guion₄ bá₄ jniá₂, a₂nag'₂ co₂tan₅₄. La₁ ně₂juá'₃ le₂ně₅ o₄quió'₄ dsa₂ i₂tion'₅₄ ja₁lá₃, ia₁jaun₂ le₃'éin₂ a₂ca₂chei'₂ jniá₂.

43 Jme₁ca₂lě₃ juá'₂ le₂ně₅, ca₂juá'₂ tiá₂:

—¡Lázaro! ¡jú₅ ja₁ně₅!

44 Jaun₂ o₂'ín₃ 'lag₄ ja₁jaun₂ qui₂rě₂quein₅ gu₂-tag₅₄ quian'₅₄ 'nau₅₄ tsín'₅ tsi₁'mí'₂ jang₄. Dsi₂ne₅₄ ně₃ jme₁chi₁quein₅ quian'₅₄ tsi₁'mí'₂ tióg₃. Jaun₂ ca₂juá'₂ Jesús ca₂tsí'₃ dsa₂:

—Chi'₅₄ quió'₅, cuë₄ jmíg₄ ju₁dsiain'₅₄.

Ca₂jmo₃ dsa₂ caun₂ jág₁ a₂tsáin'₂ Jesús

(Mateo 26:1-5; Marcos 14:1-2; Lucas 22:1-2)

45 Jaun₂ ně₃, ju₁n₅ dsa₂ judíos 'éi₂, i₂ca₂i₁len₅₄ quiain'₅₄ María, i₂qui₂ca₂tě₂ ne₄ 'e₂ a₂ca₂jmo₃ Jesús jaun₂, ca₂rě₃'éin₂ tě₂le₃ quió'₅ 'éi₂.

46 La₁ i₂lín₅₄ guë'₂ ně₃ ca₂i₁lein₅₄ ja₁con₂ dsa₂ fariseos, ca₂i₁jua'₄ 'e₂ a₂ca₂jmo₃ Jesús.

47 Jaun₂ ně₃, ca₂ηi'₂ dsa₂ fariseos quiain'₅₄ juig₅₄ jme₂dsa₂, quiain'₅₄ dsi₂tan₅₄ quián₅ guá'₅, jaun₂ ca₂juá'₂:

—¿'E₂ bá₄ jmó₁ jniog₄? Ia₁ ně₅ bá₄ ηi₅ dsa₂ 'éi₂ jmo₂₃ 'lióng₂ léi₄ juë'₂. 48 Chi₂jua'₂ caun₂ cuë₂ jniog₄ jmíg₄ jmo₃ lia'₂ ma₂jmo₂₃ ně₅, le₃'én₂ bá₄ ca₂le₃jín₃ dsa₂ tě₂le₃

* 11:32 lit. "ca₂tóin₂ 'uë₃, cau₅ mi₂tag₄ 'éi₂." 'Nio'₂ ja₂ton₅, Apocalipsis 4:10.

quió'₅; jaun₂ qui₂ja_lén₂ dsa₂ romanos qui₃'éin₂ ja₁jñiós quián₂ jniog₄ la₂, lia'₂ jma₃quian'₅₄ juig₂ nación quián₂ ně₃.

49 La₁ jan₂ dsa₂ 'éi₂, i₂chen₂ Caifás, i₂jme_lín₄ jme₂dsa₂ dsen₅₄ ηi₂ jaun₂, ca₂juá'₂:

—Tsá₃ 'e₂ cuin'₂ 'nia'₂ 'i₁caun₂, 50 on₃ guë'₂ len'₅₄ 'nia'₂, a₂jmo₅ bá₄ quián₂ jniog₄, † a₂jón₂ jan₂ dsa₂ o₄quió'₄ ca₂le₃jín₃, ia₁jaun₂ tsá₃ dsi₃'éin₂ ta₁caun₂ juig₂.

51 La₁ on₃jua'₅₄ con'₂ tin₂ 'ñiog₅ Caifás ca₂juá'₂ le₂ně₅; a₂jaun₂ bá₄ ca₂juá'₂ le₂ně₅ ia₁ a₂jme_lín₄ jme₂dsa₂ dsen₅₄ ηi₂ jaun₂: ca₂'ě₂ jág₁ o₄quió'₄ Diú₄, a₂'i₄ 'éi'₃ jón₂ Jesús o₄quió'₄ dsa₂ juig₂ judíos.

52 La₁ on₃jua'₅₄ rē'₂ jmá'₃ o₄quió'₄ dsa₂ juig₂ judíos, ján₃ bá₄ ia₁jaun₂ chi₃loin'₃ jmó'₂ ca₂ne₅₄ ca₂le₃jín₃ chi'₂-guein₂ quián₅ Diú₄ i₂qui₂nio₄ tsi₁rē₂jan₅₄ ně₃.

53 Jaun₂ ně₃, ca₂le₃ jmig₄ jaun₂, ca₂jmo₃ jág₁ dsi₂tan₅₄ quián₅ dsa₂ judíos a₂jñi'₃ Jesús.

54 'Uig₅₄ jaun₂ tsá₃ ma₃jme₁ñi₅ Jesús dsi₁ne₁ jin₄ dsa₂ judíos, tē₂le₃ ca₂o₃'ín₃ bá₄ ja₁jaun₂. Jaun₂ ηó₃ caun₂ 'uë₃ ma₂quián₅ ja₁lě₄ 'uë₃ quein₂ co₂'ñiog₅, caun₂ juig₂ a₂chei₂ Efraín. Ja₁jaun₂ ca₂jñia₃ quiaín'₅₄ chi'₂ dsi₂guia₃-tín₂.

55 Jme₁ma₂ja₂quián₃ Jmig₄ Tē₂'in₅₄ quió'₅ dsa₂ judíos. Jaun₂ juin₅ bá₄ dsa₂ ca₂'uin₂ juig₂ gu'₂, qui₂ca₂uig₂ jui₅ Jerusalén né'₃ a₂tē₅₄ Jmig₄ Tē₂'in₅₄, ia₁jaun₂ qui₃jmo₃ le₁jín₃.

56 Jaun₂ jme₁i₂nio₄ dsa₂ 'nai'₂ Jesús, jaun₂ qui₂ñi'₂ riin'₅₄ tióin₂ i₁dsi₅ guá'₅ templo:

—¿A₂ lia'₂ lín'₂ 'nia'₂? ¿Jiá₃ jmig₄, o₃ bá₄ tsá₃ jiá₃ 'e₂?

57 Jme₁ma₂ca₂cuë₃ 'éi'₃ dsa₂ fariseos quiaín'₅₄ juig₅₄ jme₂dsa₂ ně₃, jme₁ma₂juá'₂, ně₁jua'₂ 'ein₂ ca₂rē₃ñi₅ a₂já'₄ 'en₅₄ Jesús, jui₁jmo₁₂ jág₁ ia₁jaun₂ cuin₃ jmig₄ tsáun'₂.

12

*Jan₂ 'io₅₄ ca₂tsín₂ no'₅₄ mi₂juig₂ Jesús
(Mateo 26:6-13; Marcos 14:3-9)*

1 Jñéi₂ jmig₄ né'₃ a₂tē₅₄ Jmig₄ Tē₂'in₅₄, ηó₃ Jesús juí₅ Betania ja₁jme₁chan₂ Lázaró, dsa₂ i₂ca₂jme₃jen'₅₄ Jesús jme₁rē₂'lín₄ 'éi₂.

2 Ja₁jaun₂ ca₂jmo₃ dsa₂ caun₂ má₃ o₄quió'₄ Jesús, a₂jme₂juag'₂. Ca₂tia'₃ Marta má₃; Si₁Lia₁ guë'₂ jme_lín₄ jan₂ dsa₂ i₂tián'₅ ne₄ mesa guë'₅ co₂lě₅ quiaín'₅₄ Jesús.

3 Jaun₂ ně₃ ca₂can₃ María con'₂ mei'₂ tsá₃ ca₂'nau₅₄ litro no'₅₄ mi₂juig₂ nardo, a₂quen₅ 'mu'₅₄ 'ñio₅ lín₃, jaun₂ ca₂tsáng₂ mi₂tag₄ Jesús, jaun₂ ca₂chí₃ quian'₅₄ jñi₂ dsi₅₄. Ta₁caun₂ dsi₂néi₂ qui₂ca₂can'₂ dsió'₁ mi₂juig₂.

4 Jaun₂ ně₃, ca₂juá'₂ Judas Iscariote,* i₂jme_lín₄ jan₂ dsa₂ guia₃-tín₂ quián₅ Jesús, i₂'éi₂ dé₄ i₂jáng'₂ quió'₅ Jesús, ca₂juá'₂:

5 —¿'E₂ 'uig₅₄ tsá₃ ca₂i₃'nag₄ co₂ñei'₅₄ no'₅₄ mi₂juig₂ ně₅ quian'₅₄ 'ni₅ 'ñiá₂-láu₂ 'éi'₃ cu₄ denario, a₂jme₁jme₁'on₁ dsa₂ te₂ñé₂?

6 La₁ on₃jua'₅₄ jaun₂ ca₂juá'₂ Judas le₂ně₅ jua'₅₄ a₂dsón'₂ dsan₂ dsí₅ ja₁con₂ dsa₂ te₂ñé₂; a₂jaun₂ bá₄ ca₂juá'₂ le₂ně₅ ia₁ a₂jme_lín₄ jan₂ dsa₂ 'ang₂ bá₄, ton'₂ jme₁niog₅ gu₂ tsi₁tē₂lau₂ ja₁jme₁tó'₅ cu₄, jaun₂ jme₁cán₂ a₂jme₁tio'₅₄ 'ñiós'₃.

7 Jaun₂ ně₃ ca₂juá'₂ Jesús ca₂tsí'₃ Judas:

—Tsá₃ lě₄lein'₅₄; ta₁ jaun₂ bá₄ ca₂'ma₃ a₂ně₅, jaun₂ ma₂lě₅ co₂jñia₅₄ jmig₄ jē₁ma₂tē₂ rē₁'on₃ jniá₂. 8 Ca₂le₃jě₃ jmig₄ bá₄ i₂nio₄ dsa₂ te₂ñé₂ jin'₄ 'nia'₂, la₁ jniá₂ ně₃ tsá₃ ma₃uë₂ 'en₅₄ jniá₂ quian'₅₄ 'nia'₂.

† 11:50 A₂lín₅₄ chog₅₄ si₂ juá'₂: “a₂jmo₅ bá₄ quián'₂ 'nia'₂.”
“ja₁ñi'₅₄ Si₂mu₅₄.”

* 12:4 A₂lín₅₄ chog₅₄ si₂ juá'₂ bá₄ ján₃:

Ca₂jmo₃ dsa₂ caun₂ jág₁ a₂jñi'3 Lázaro

⁹ Jaun₂ ně₃, ca₂rě₃ñi₅ juin₅ dsa₂ judíos a₂'en₅₄ Jesús jě₄ juig₂ Betania, jaun₂ i₁lein₅₄ ja₁jaun₂, on₃jua'₅₄ jmá'₃ ca₂ne₅₄ a₂i₁jñin₁₂ Jesús, ján₃ bá₄ ca₂i₁jñin₁₂ Si₁Lia₁ i₂ca₂jme₃jen'₅₄ Jesús jme₁rě₂'liin₅₄.

¹⁰ Jaun₂ ně₃, ca₂jmo₃ juig₅₄ jme₂dsa₂ caun₂ jág₁ a₂jñi'3 Si₁Lia₁ ján₃, ¹¹ ia₁ o₄quió'₄ 'éi₂ bá₄ juin₅ dsa₂ ma₂i₂uñin₂ ja₁con₂ dsa₂ judíos, a₂rě₂'éin₂ tē₂le₃ quió'₅ Jesús.

Ca₂dsióg₃ Jesús Jerusalén

(Mateo 21:1-11; Marcos 11:1-11; Lucas 19:28-40)

¹² Jme₁jnia₃ jaun₂, ca₂dsi₃lén₂ juin₅ lin₃ dsa₂ Jerusalén, ja₁niog₃ jmig₄. Jaun₂ jme₁ca₂rě₃ñi₅ a₂dsióg₄ Jesús jě₄ juig₄ Jerusalén, ¹³ ca₂can₃ mog'₅₄ 'ma₂tsín₅, jaun₂ ca₂'uñin₂ ca₂i₁jñiai₅₄ Jesús, jaun₂ qui₂ca₂juá'₂ tiá₂:

—Ju₁le₂juin'₂ bá₄ i₂ně₅!† Ju₁le₂jñi₃ i₂já₅ o₄quió'₄ Te₁gui'₅₄!‡ Ju₁le₂jñi₃ Rag₅₄ quián₅ Israel!

¹⁴ Ca₂dsán'₂ Jesús jan₂ i₂bú'₄ 'mí₂, jaun₂ ca₂co₃dsiin₅₄ já'₂, ju₁lia'₂ chi₁ton₅ ne₄ Si₂:

¹⁵ Tsá₃ lě₁jmo₂ gang'₃,
'nia'₂ dsa₂ chan₂ ciudad Sión:
jag₄, já₅ Rag₅₄ quiáng'₂,
co₂dsiin₅₄ jan₂ bú'₄.§

¹⁶ Tsá₃ a₂jaun₂ ca₂rě₃ñi'₂ dsí₅ chi'₂ dsi₂guia₃-tín₂ le₂'uig₅₄; la₁ia₁ cang₂ jaun₂, jme₁ma₂ca₂lě₃ rě₂juin'₂ Jesús, jaun₂ bá₄ ca₂dsáu'₃ dsí₅ guioin₅₄ jág₁ ně₅ a₂tio'₅₄ ne₄ Si₂ a₂'iin₂₃ 'éi₂. Ca₂dsáu'₃ dsí₅ ján₃, dsau₅ bá₄ le₂jaun₂ ca₂jmo₃ dsa₂ juig₂ ja₁con₂ Jesús.

¹⁷ Qui₂ca₂jáng'₃ jág₁ dsau₅ dsa₂ juin₅ i₂jme₁quian'₅₄ Jesús lia'₂ con'₂ jme₁ca₂tě'₃ Si₁Lia₁ né'₃ tau₂ 'ñio₅, jme₁ca₂jme₃jen'₅₄ 'éi₂ jme₁rě₂'liin₅₄. ¹⁸ Uig₅₄ jaun₂ bá₄ ca₂'uin₂ dsa₂ juin₅, a₂ca₂i₁jñiai₁₂ Jesús, ia₁ ca₂rě₃ñi₅ a₂ca₂jmo₃ 'éi₂ léi₄ juě'₂ jaun₂.

¹⁹ Jaun₂ ně₃ ca₂juá'₂ dsa₂ fariseos qui₂ca₂tsí'₃ riin'₅₄:
—Ně₅ bá₄ jág'₂ 'nia'₂, tsá₃ 'e₂ qui'₅₄ 'nia'₂ jmig₄ jmó'₂ 'i₁caun₂. Jag₄ de'₂ 'nia'₂, ma₂i₂lén₂ ta₁caun₂ mi₂güig₃ le₃quió'₅ i₂ně₅.

I₂lin₅₄ dsa₂ griegos 'nai'₂ Jesús

²⁰ Jin₄ dsa₂ i₂i₁len₅₄ Jerusalén i₂jme₂juin'₂ Diú₄ ja₁niog₅ jmig₄, jme₁tion'₅₄ i₂lin₅₄ dsa₂ griegos. ²¹ Dsa₂ 'éi₂ ně₃, ca₂jme₃quiáin₃ ja₁con₂ Felipe i₂chan₂ juig₂ Betsaida, ja₁niog₅ 'uě₃ Galilea, jaun₂ ca₂mi₃ ne₄ 'éi₂, ca₂juá'₂:

—Gui'₅₄, 'niog₂ jnia'₅₄ né₄ Jesús.

²² Jaun₂ ŋe₄ Fe₂li₄ ca₂i₁chi'₄ Drě₄; jaun₂ le₂oin₃ ca₂i₁dsia₂ a₂ca₂i₁chi'₄ Jesús.

²³ Jaun₂ ně₃ ca₂ŋag₃ Jesús:
—Ma₂ca₂tě₂ hora a₂le₃juin'₂ Jaun₅ dsa₂ mi₂güig₃. ²⁴ A₂dsi₂jó'₃ juig₂ jniá₂ 'nia'₂, ně₃ jua'₂ tsá₃ tiá'₃ né'₃ 'uě₃ ju₁lia'₂ ca₂míg₂ mi₂cuig₂, * a₂dsi₃'én₂ ně₃, a₂lě₁tě₂ron₅₄ 'ñiog₅; la₁ia₁ ně₃ jua'₂ ca₂jon₃ ně₃, 'lióng₂ rau₂. ²⁵ Ju₁lia'₂ i₂ñí₄ lě₃ 'nio₃ jme₂dsi₂ a₂chain₂, dsi₂'én₂ bá₄ jme₂dsi₂ jaun₂; la₁ia₁ ju₁lia'₂ i₂tén'₂ dsí₅ jme₂dsi₂ quió'₅ a₂chain₂ mi₂güig₃ la₂, a₂lé₂ quió'₅ bá₄ co₂tan₅₄. ²⁶ Ju₁lia'₂ i₂jme₂ti₃ ta₁ ne₃ jniá₂, 'nió'₅ jiá₃ chi₁co'₅₄ quió₃ jniá₂, jaun₂ ju₁lia'₂ ja₁'en₅₄ jniá₂, ján₃ bá₄ ja₁jaun₂ 'en₅₄ guě'₂ i₂jme₂ti₃ ta₁ ne₃. Jaun₂ ju₁lia'₂ i₂jme₂ti₃ ta₁ ne₃, guéi'₂ bá₄ ŋe'₃ rě₂.

Ca₂'ě₂ Jesús jág₁ a₂jóin₂

† 12:13 lit. “Hosana”, co₂'nió'₄ le₃jua'₅₄: “i₁Li₄ jmig₄ ně₃!” A₂jme₁juá'₂ dsa₂ le₂ně₅ tsí'₅ Diú₄, qui₂mi₂₃ a₂jiá₃ dsa₂ i₂rě₂'in₁ quiáin₅. ‡ 12:13 Salmo 118:25-26. § 12:15 Zacarías 9:9. * 12:24 lit. “trigo.”

27 "Ñio₅ lín₃ quian₄ jniá₂ o₂i dsi₅. ¿'E₂ bá juá'₄ jniá₂? ¿Juá'₄ 'e₂: "Tia₅₄, lio₄ jniá₂ 'e₂ niog₅ a₂qui₂dsi₃ñí₂ jniá₂ hora la₂?" La₁ on₃jua'₅₄ le₂jaun₂, ia₁ ta₁ jaun₂ guio₃ guè'₂ jniá₂ hora la₂. 28 Tia₅₄ jme₁jnia₅ 'a₂ lia'₂ jláng'₁.

Jaun₂ ně₃ ca₂né'₂ caun₂ jág₁ guei'₅₄ mi₂güí₃ a₂ca₂juá'₂:

—Ma₂ca₂jme₁jnia₅ bá₄ jniá₂, jaun₂ con'₂ siá'₂ jme₁jnia₅ táng₃.

29 Jme₁ca₂nág₂ dsa₂ juin₅ i₂jme₁tión₂ cau₅ jaun₂, ca₂juá'₂:

—Ní'₃ bá₄ ně₂quiá'₃.

La₁ i₂sián'₂ guè'₂ juá'₂:

—Jan₂ ángel bá₄ ně₂juá'₂ jág₁ quió'₅.

30 Jaun₂ ně₃ ca₂juá'₂ Jesús ca₂tsí'₃ dsa₂:

—On₃jua'₅₄ o₄quió₃ jniá₂ a₂ca₂né'₂ jág₁ ně₅; o₄quián'₂ 'nia'₂ bá₄ a₂ca₂né'₂. 31 Ně₃ guè'₄ ně₃ ca₂tě₂ jmig₄ a₂tě₃dsi₅₄ 'éi'₃ mi₂güí₃ la₂; ně₃ guè'₄ dsein₂₃ i₂gon₂ mi₂güí₃ la₂. 32 Jaun₂ jniá₂ ně₃, jē₁ma₂ca₂chó'₂ dsa₂ guei'₅₄ gua'₅₄ 'uē₃, jme₁quián₄ jniá₂ ca₂le₃jín₃ ja₁cong₂.

33 Ca₂juá'₂ le₂ně₅ a₂'ě₂₃ 'e₂ ne₅₄ 'mú₃ dsi₃ñí₂.

34 Jaun₂ ca₂ñag₃ dsa₂:

—Ma₂néi₂ jnia'₅₄ a₂'i₅ dsa₂ ne₄ Si₂ 'Éi'₃ a₂juá'₂ a₂le₃chan₂ I₂rē₂'ín₁ quián₅ Diú₄ co₂tan₅₄. ¿'A₂ guè'₂ lia'₂ juá'₂ 'ne₂ tion₅₄ chón'₂ dsa₂ Jaun₅ dsa₂ mi₂güí₃? ¿'Ein₂ 'éi₂ i₂lín₅ Jaun₅ dsa₂ mi₂güí₃?

35 Jaun₂ ně₃ ca₂juá'₂ Jesús:

—Jnia'₅₄ lia'₂ co₂'na₂ bá₄ tág₅ guè'₄ si₂ jin'₄ 'nia'₂. La₁ i₂nio'₄ 'nia'₂ tē₁lia'₂ tág₅ si₂, con'₂ tsá₃ ñó₅ ně₁jua'₂ ca₂tó'₂ nei₂. Ia₁ jui₁lia'₂ dsa₂ i₂ñi₅ jē₄ qui₁né'₃, tsá₃ ñi₅ 'a₂ jui₅ dsó₃. 36 Jui₁le₂'én'₂ 'nia'₂ le₃quió'₅ si₂, tē₁lia'₂ cha₂ si₂ jin'₄ 'nia'₂, ia₁jaun₂ lén'₂ 'nia'₂ dsa₂ quián₅ si₂.

Jme₁ca₂dsan₃ juá'₂ Jesús le₂ně₅, ñái'₃, jaun₂ ca₂'mai₃ ja₁con₂ dsa₂ 'éi₂.

'E₂ lē₃ tsá₃ jme₁'én₂ dsa₂ judíos le₃quió'₅ Jesús

37 La₁ jui₁'a₂ guè'₃ la₂ ca₂jmo₃ Jesús 'lióng₂ léi₄ ne₄ dsa₂ 'éi₂, tsá₃ ca₂rē₃'én₂ bá₄ guè'₄ dsa₂ 'éi₂ le₃quió'₅. 38 Le₂ně₅ ca₂rē₃ti₃ jág₁ a₂ca₂'ě₂ Isaías o₄quió'₄ Diú₄, jme₁ca₂juá'₂:

Te₁gui'₅₄, ¿'ein₂ ma₂ca₂rē₃'én₂ jág₁ a₂'ě₅ jniog₄?

¿Ja₁con₂ 'ein₂ ma₂ca₂jme₁jnia₅ Te₁gui'₅₄

jui₅bí₂ quió'₅?†

39 'Uig₅₄ jaun₂ tsá₃ lé₂ le₃'én₂ dsa₂ 'éi₂, ia₁ con'₂ siá'₂ ca₂juá'₂ táng₃ Isaías:

40 "Ma₂ca₂jmo₃ Diú₄ a₂tén₂ dsa₂ 'éi₂,

a₂ca₂lē₃ cang₄ dsi₅₄ ně₃,

ia₁jaun₂ tsá₃ jág₃ quian'₅₄ mi₂ne₅₄,

on₃ guè'₂ le₂ñí'₂ tē₂le₃ tē₂dsí₅,

on₃ guè'₂ qui₃jéin'₃ dsí₅,

ia₁jaun₂ jme₁'lioin₁₂ jniá₂."‡

41 Ca₂juá'₂ Isaías le₂ně₅ ia₁ ca₂jág₃ le₂jniá₅ jui₅bí₂ jlá'₁ quió'₅ Jesús, jaun₂ ca₂dsia₃'iin₂₃ 'éi₂.

42 La₁la₁ tion₅₄ bá₄ ca₂rē₃'én₂ dsa₂, le₂jio₅ bá₄ i₂lín₅₄ dsa₂ can'₅₄. La₁ tsá₃ ca₂jmo₃ jág₁, ia₁ a₂gó'₅ gain₃ dsa₂ fariseos, con'₂ tsá₃ ñó₅ ně₁jua'₂ ca₂'uág'₂ dsa₂ quió'₅, ja₁le₁toin₂₃ ne₄ si₂ guá'₅ sinagoga.

43 Ia₁ a₂'nio₃ guè'₄ tē₃tsiin'₅₄ dse₃ quian'₅₄ dsa₂ mi₂güí₃, lia'₂ con'₂ guè'₄ a₂jme₁tē₃tsiin'₅₄ dse₃ quian'₅₄ Diú₄.

Jág₁ quió'₅ Jesús bá₄ a₂qui₃dsi₅ 'éi'₃ ja₁con₂ dsa₂ mi₂güí₃

† 12:38 Isaías 53:1. ‡ 12:40 Isaías 6:10.

44 Ca₂juá'₂ Jesús jág₁ tiá'₂:

—Ju₁lia'₂ i₂'én₂ të₂le₃ quió'₃ jniá'₂, on₃jua'₅₄ jmá'₃ le₃quió'₃ jniá'₂ 'éin₂; ján₃ bá₄ 'éin₂ le₃quió'₅ Ne'₃ i₂ca₂chei₃ jniá'₂. 45 Ju₁lia'₂ i₂jág₂ jniá'₂, j₁in₂ i₂ca₂chei₃ jniá'₂. 46 Ma₂guan₅ jniá'₂ mi₂güig₃ la₂, a₂ling₅ si₂, ia₁jaun₂ i₂'én₂ të₂le₃ quió'₃ jniá'₂, tsá₃ të₃'ñiá'₄ jë₄ qui₁né'₃. 47 Jaun₂ chi₂jua'₂ 'ein₂ i₂nag₅ jág₁ quió'₃, la₁ tsá₃ guë'₂ tón'₂ jui₅, on₃jua'₅₄ jniá'₂ qui₁dsi₅ 'éi'₃ quió'₅ 'éi₂; ia₁ on₃jua'₅₄ ta₁ jaun₂ guio₃ jniá'₂ a₂qui₁dsi₅ 'éi'₃ ja₁con₂ dsa₂ mi₂güig₃; të₂le₃ a₂loin₅₄ bá₄ jniá'₂. 48 Ju₁lia'₂ i₂tsá₃ jëi₅₄ jniá'₂, on₃ guë'₂ tón'₂ jui₅ jág₁ quió'₃, cha₂ bá₄ caun₂ a₂qui₁dsi₅ 'éi'₃ quió'₅. Jág₁ a₂ma₂qui₂ma₂juá'₃ bá₄ jniá'₂, a₂jaun₂ bá₄ qui₁dsi₅ 'éi'₃ quió'₅, jmig₄ jë₁ca₂tó'₂. 49 Ia₁ on₃jua'₅₄ o₄quió'₃ 'ñi₃ ma₂qui₂ma₂juá'₃; Ne'₃ jniá'₂ i₂ca₂chei₃ bá₄ ma₂ca₂cuë₃ 'éi'₃ ju₁e₂ a₂juá'₅ jniá'₂ quian'₅₄ e₂ a₂jme₂tíng₂ dsa₂. 50 Jaun₂ guion₄ jniá'₂, a₂jio₅ 'éi'₃ quió'₅ Ne'₃ jui₅ ja₁le₃chan₂ dsa₂ co₂tan₅₄; jaun₂ lë₃, jág₁ a₂juá'₅ jniá'₂, juá'₅ lia'₂ con'₂ lë₅ 'éi'₃ ca₂cuë₃ Ne'₃.

13

Ca₂rín'₃ Jesús mi₂tag₄ chi'₂ dsi₂guia₃-tín₂ quiáin₅

1 Ca₂jui₄ jme₁nió'₅ guë₄ a₂të₅₄ Jm₁g₄ Të₂'in₅₄. Jme₁ma₂ñi₅ bá₄ Jesús a₂ma₂ca₂të₂ hora a₂o₃'iin₅ mi₂güig₃ la₂ a₂dsáin'₃ táng₃ ja₁con₂ Jmei₂. Lia'₂ co₂tan₅₄ bá₄ ca₂jme₃'nio₃ 'éi₂ dsa₂ quiáin₅ i₂jme₁tion'₅₄ mi₂güig₃; la₁ në₃ në₃, ca₂jme₃jñiai₂₃ 'a₂ con'₂ ca₂dsi₃og₃ ca₂rë₃'nioi₃ 'éi₂.*

2 Jme₁ma₂lë₅ má₃ të₂le₃ ca₂nei₂, jaun₂ jme₁ma₂jmo₃ i₂së₃dsen₃ a₂i₂jio₅ dsí₅ Judas Iscariote, ja₁ñi'₅₄ Si₂mu₅₄, a₂j₁in'₂ Jesús. 3 Jme₁ma₂ñi₅ bá₄ Jesús a₂ma₂ca₂dsia₃ Jmei₂ ca₂le₃jë₃ o₄gú₃; jme₁ma₂ñi₅ bá₄ ján₃ a₂já₅ ja₁con₂ Di₄, jaun₂ ja₁con₂ Di₄ bá₄ dsáin'₃ táng₃. 4 Jaun₂ lë₃, lia'₂ con'₂ jme₁tiáin'₄ guë'₅, ca₂nau₂ ja₁jme₁guá₄, jaun₂ ca₂dsia₃ cau₅ tsin'₅₄ a₂jme₁qui'₂ të₂le₃ co'₅₄, jaun₂ ca₂jén'₃ caun₂ 'mi'₂ toalla o₄'ñei'₂.

5 Jaun₂ në₃ ca₂tia'₃ jmig₂ 'ñi₃ caun₂ ni₁'í₅, jaun₂ ca₂jme₃lióg₃ ca₂rang₃ mi₂tag₄ chi'₂ dsi₂guia₃-tín₂. Jaun₂ ca₂jme₃quéin'₂ quian'₅₄ ts₁'mi'₂ toalla a₂jme₁chi₁jén'₅ o₄'ñei'₂.

6 Jaun₂ jme₁ca₂dsi₃og₃ ja₁con₂ Si₂mu₅₄ Pe₄, ca₂juá'₂ 'éi₂ ca₂tsí'₃ Jesús:

—Te₁gui'₅₄, ¿'ne₂ ráng'₂ tag₃ jniá'₂?

7 Jaun₂ ca₂ñag₃ Jesús:

—Tsá₃ ñí'₂ guë₄ 'au'₂ 'ne₂ 'e₂ a₂jmo₅ jniá'₂ në₃, la₁ cang₂ guë₄ le₃ñíg'₂.

8 La₁ ca₂juá'₂ Pe₄:

—Lia'₂ o₁líg'₂ co₂ñí₂ tsá₃ ráng'₂ 'ne₂ tag₃ jniá'₂.

Jaun₂ ca₂juá'₂ Jesús:

—Në₁jua'₂ tsá₃ ca₂rang₃ jniá'₂ quiáng'₂, tsá₃ quen'₅₄ 'ne₂ ja₁con₂ jniá'₂.

9 Jaun₂ në₃ ca₂juá'₂ Si₂mu₅₄ Pe₄:

—Chi₂jua'₂ le₂jaun₂, Te₁gui'₅₄, on₃jua'₅₄ jmá'₃ mi₂tag₃ ráng'₂; ján₃ bá₄ rang₄ mi₂gu₃ quian'₅₄ mi₂dsi₃.

10 La₁ ca₂juá'₂ Jesús:

—Ju₁lia'₂ i₂lia'₂ ca₂lë₃ ló'₅, jmá'₃ mi₂tag₅₄ bá₄ 'nió'₅ rin'₂, ia₁ ma₂le₁j₁in₃ bá₄ ta₁jain₂. Ma₂le₁j₁in'₃ bá₄ 'nia'₂, la₁ia₁ on₃jua'₅₄ ca₂le₃jíng'₃.

11 Ca₂juá'₂: “Tsá₃ le₁j₁in'₃ 'nia'₂ le₃jíng'₃”, ia₁ ma₂ñi₅ bá₄ i₂'ein₂ i₂jáng'₂ quió'₅.

12 Jme₁ca₂lë₃ rang₅ Jesús mi₂tag₄ chi'₂ dsi₂guia₃-tín₂, jaun₂ ca₂quí'₂ táng₃ ni₁tsin'₅₄ le₃co'₅₄, jaun₂ ca₂guá₂ táng₃ ne₄ mesa. Jaun₂ ca₂juá'₂ ca₂tsí'₃ chi'₂ dsi₂guia₃-tín₂:

* 13:1 o₃, “në₃ në₃, ca₂rë₃'nioi₃ ca₂të₂ jë₁ca₂tó'₂.”

—¿ñí'₂ 'nia'₂ 'e₂ a₂nē₂jmo₃ jniá₂ quián'₂ 'nia'₂? 13 Ág'₅ 'nia'₂ jniá₂ Tē₅, quian'₅₄ Te₁gui'₅₄. Tí₅ bá₄ jág₁ quián'₂ 'nia'₂, ia₁ dsón'₂ bá₄ le₂jaun₂ líng₅. 14 Jaun₂ ně₃, chí₂jua'₂ le₂ně₅ jniá₂ i₂líng₅ Tē₅ quian'₅₄ Juig'₂ 'nia'₂, ně₂rang₃ mi₂tag'₅₄ 'nia'₂, ján₃ bá₄ le₂jaun₂ 'nió'₅ jmó'₂ 'nia'₂: a₂qui₁ráng'₂ mi₂tag₄ ríng'₂ le₂jang'₂ le₂jang'₂. 15 Ia₁ ma₂ně₂can₃ jniá₂ caun₂ juí₅, ia₁jaun₂ jmó'₂ 'nia'₂ le₂jaun₂, juí₁lia'₂ ma₂ně₂jmo₃ jniá₂ ja₁con'₂ 'nia'₂. 16 A₂dsi₂jó'₃ juíg₂ jniá₂ 'nia'₂, lia'₂ 'i₁jan₂ dsa₂ i₂jme₂ti₃ ta₁, tsá₃ juíin'₂ guě₄ con'₂ guě₄ juig₅₄; ján₃ bá₄ lia'₂ 'i₁jan₂ dsa₂ i₂chen₄, tsá₃ juíin'₅₄ guě₄ lia'₂ con'₂ guě₄ dsa₂ i₂chei₅. 17 Chí₂jua'₂ ñí'₂ 'au'₂ 'nia'₂ a₂ně₅, 'e₂ bá₄ dsen'₃ 'nia'₂ chí₂jua'₂ le₂jaun₂ qui₂jmo'₂.

18 'On₃jua'₅₄ ca₂le₃jín'₃ 'nia'₂ 'ín₅ jniá₂; guion₄ bá₄ jniá₂ i₂ein₂ 'éi₂ i₂ma₂ca₂quiong'₅₄. La₁ia₁, 'nió'₅ le₃ti₃ lia'₂ con'₂ juá'₂ ne₄ Si₂: “Juí₁lia'₂ i₂guě'₅ co₂lē₅ quian'₅₄ jniá₂, ca₂nau₂ quen₅ tē₂le₃ ja₁con₂ jniá₂.”† 19 Jaun₂ juíg₂ jniá₂ 'nia'₂ ně₃, tē₃jniá₅, ia₁jaun₂ jē₁ma₂tē₂ rē₁lé₂, le₃én'₂ 'nia'₂, jniá₂ bá₄ líng₅ 'éi₂.‡ 20 A₂dsi₂jó'₃ juíg₂ jniá₂ 'nia'₂, juí₁lia'₂ i₂guen₅ dsa₂ i₂chen₄ quián₃ jniá₂, guei₂₂₃ jniá₂, jaun₂ juí₁lia'₂ i₂guei₅ jniá₂ guein₂₃ i₂ca₂chei₃ jniá₂.

Ca₂juá'₂ Jesús a₂jáng'₂ Judas quió'₅

(Mateo 26:20-25; Marcos 14:17-21; Lucas 22:21-23)

21 Jme₁ca₂lē₃ juá'₂ jág₁ ně₅, ca₂can₃ o₂i₁ dsi₅ ca₂tē₂ jme₂dsi₂, jaun₂ ca₂jáng'₃ jág₁ dsau₅ lia'₂ rē₂jiá₃ jág₁, ca₂juá'₂:

—A₂dsi₂jó'₃ juíg₂ jniá₂ 'nia'₂, jan₂ 'nia'₂ jáng'₂ jniá₂.

22 Jaun₂ ně₃ qui₂ca₂jín₂ chí'₂ dsi₂guia₃-tín₂ riin'₅₄ le₂jain₂ le₂jain₂, i₂gó'₃ dsí₅ 'nio₃ le₃ñi₅ 'ein₂ bá₄ 'ín₅ Jesús.

23 Jan₂ chí'₂ dsi₂guia₃-tín₂ i₂ñí₄ lē₃ jme₁'nio₃ Jesús, jme₁guá₄ le₃jén'₃ quió'₅.

24 Jaun₂ ca₂jmo₃ Si₂mu₅₄ Pe₄ caun₂ léi₄ ne₄ 'éi₂, ca₂juá'₂:

—Chei'₅₄ 'ein₂ bá₄ 'ín₂₃.

25 Jaun₂ ně₃ ca₂jme₃quián₃ 'éi₂ tē₂cau₅ guě₄ quió'₅ Jesús, jaun₂ ca₂ñag₃:

—Te₁gui'₅₄, ¿'ein₂ 'éi₂?

26 Jaun₂ ca₂ñag₃ Jesús:

—I₂'éi₂ bá₄ i₂cuě₄ jniá₂ ca₂jne₄ i₁ñí'₄ la₂, jē₁ma₂ca₂tiá₃ ni₁uing₅.

Jaun₂ ně₃, jme₁ma₂ně₂tiá₂ i₁ñí'₄, jaun₂ ca₂cuě'₃ Judas Iscariote, ja₁ñi'₅₄ Si₂mu₅₄.

27 Jaun₂ dsi₂juí₅ le₂jaun₂ jme₁ca₂gue₃ Judas i₁ñí'₄ jaun₂, ca₂'í₃ i₂sē₃dsen₃ tē₂dsí₅. Jaun₂ ně₃ ca₂juá'₂ Jesús:

—A₂jaun₂ a₂niog₅ 'au'₂ jmó'₂, jmo₄ ně₃ cón'₅.

28 La₁ lia'₂ 'i₁jan₂ i₂tián'₅ guě'₅ ne₄ mesa tsá₃ ca₂rē₃ñí'₂ 'e₂ 'uig₅₄ ca₂juá'₂ Jesús ca₂tsí'₃ Judas le₂jaun₂.

29 Ia₁ jme₁niog₅ gu₂ Judas 'éi₂ ni₁lau₂ tio'₅₄ cu₄; jaun₂ ca₂lín₃ i₂lín₅₄, a₂ca₂juá'₂ Jesús tsí'₅ 'éi₂ a₂cha₂ jme₁lá₃ quió'₅ jmíg₄, o₃ jme₃'oin₅₄ ca₂la₂ cu₄ dsa₂ te₂ñé₂ 'e₂.

30 Jaun₂ dsi₂juí₅ jme₁ma₂ně₂gue₃ 'éi₂ i₁ñí'₄, o₂'ín₃. Jme₁ma₂ca₂nei₂ bá₄ le₂jaun₂.

Caun₂ 'éi'₃ 'mí₂

31 Jme₁ma₂o₂'ín₃ Judas jaun₂, ca₂juá'₂ Jesús:

—Nē₃ ně₃, jē₁ma₂le₃jniá₂ juí₅bí₂ jlá'₁ quió'₅ Jaun₅ dsa₂ mi₂güig₃; ján₃ bá₄ le₃jniá₂ juí₅bí₂ quió'₅ Diú₄, ja₁con₂ 'éi₂. 32 Chí₂jua'₂ le₃jnia₅ juí₅bí₂ quió'₅ Diú₄ ja₁con₂ 'éi₂, § Diú₄ ně₃, jme₃jnia₅ juí₅bí₂ jlá'₁ quió'₅ Ja₁ñi'₅₄ ja₁con₂ 'ñiog₅, ton'₂

† 13:18 Salmo 41:9. ‡ 13:19 o₃, “jniá₂ líng₅” co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14, Isaías 43:10, Juan 8:58. § 13:32 A₂lín₅₄ chog₅₄ si₂, tsá₃ juá'₂ con'₂ táng₃: “chí₂jua'₂ le₃jnia₅, juí₅bí₂ quió'₅, Diú₄, ja₁con₂ 'éi₂.”

jme₃jniai₂₃ ŋi'₅₄ ta₁. ³³ 'Nia'₂ chi'₂-guein₂ quiáng₃, tsá₃ ma₂uě₂ 'en'₅₄ jniá₂ jin'₄ 'nia'₂. Qui'₁'nau'₅₄ 'nia'₂ jniá₂; la₁ jui'₁lia'₂ ma₂ca₂juig'₂ jniá₂ dsa₂ judíos, ján₃ bá₄ le₂jaun₂ juig'₂ jniá₂ 'nia'₂ ně₃: tsá₃ lé₂ o₁nó'₅ 'nia'₂ ja₁né'₄ jniá₂. ³⁴ Caun₂ 'éi'₃ 'mí'₂ la₂ cuě₄ jniá₂ 'nia'₂: a₂jme₁'nió'₄ 'nia'₂ ríng'₂ le₂jang'₂ le₂jang'₂. Jui'₁lia'₂ ca₂jme₁'nió'₄ jniá₂ 'nia'₂, 'nia'₂ ně₃ 'nió'₅ jme₁'nió'₄ 'nia'₂ ríng'₂. ³⁵ Le₂ně₅ bá₄ le₃ŋi₅ ca₂le₃jín₃ dsa₂ a₂lín'₅ 'nia'₂ dsa₂ i₂ma₂ca₂rě₃tín₃ quiáng₃: ně₁jua'₂ caun₂ qui₂ca₂jme₁'nió'₄ 'nia'₂ ríng'₂ le₂jang'₂ le₂jang'₂.

Ca₂juá'₂ Jesús a₂tsá₃ tion₃ Pe₄ a₂cuig'₂₃
(Mateo 26:31-35; Marcos 14:27-31; Lucas 22:31-34)

³⁶ Jaun₂ ca₂ŋag₃ Si₂mu₅₄ Pe₄ ca₂ŋi'₃ Jesús:

—Te₁gui'₅₄, ¿a₂já'₄ guang'₅₄?

Jaun₂ ca₂ŋag₃ Jesús:

—Ja₁né'₄ jniá₂, tsá₃ lé₂ le₃'éin'₄. La₁ 'éin'₄ bá₄ 'nia'₂ cang₂.

³⁷ Jaun₂ ně₃ ca₂juá'₂ Pe₄ ca₂tsí'₃ Jesús:

—Te₁gui'₅₄, ¿'e₂ lě₃ tsá₃ lé₂ le₃'éin'₄ jniá₂ tē₂ně₃? Ma₂chan₂ co₂jŋia₅₄ bá₄ jniá₂ a₂gue₅₄ 'mú₃ o₄quián'₂ 'ne₂.

³⁸ Jaun₂ ca₂ŋag₃ Jesús:

—¿Dsón'₂ ma₂'ei₅ caun₂ 'au'₂ a₂gue'₂ 'mú₃ o₄quió₃ jniá₂? A₂dsi₂jó'₃ juig'₂ jniá₂ 'ne₂, né'₃ guě₄ a₂'o₃ tē₁guí₄ dsó₂, hora jaun₂ dé₄ tsá₃ tón'₄ 'ne₂ a₂cuig'₂ jniá₂, ta₁'ni₅ ráun₂.

14

Jesús bá₄ lín₅ jui₅ a₂dsi₁len₃ dsa₂ ja₁con₂ Jmei₂

¹ 'Tsá₃ lě₁can₂ 'nia'₂ o₂i₁ 'au'₂. Jui'₁lia'₂ 'én'₂ 'nia'₂ tē₂le₃ quió'₅ Diú₄, ján₃ bá₄ le₂jaun₂ jui₁le₂'én'₂ 'nia'₂ tē₂le₃ quió₃ jniá₂. ² Ja₁quió'₄ Ne'₃, 'lióng₂ dsi₂néi₂ cha₂ a₂jo₂; jua'₅₄ mei'₂ guě₃ tsá₃ le₂jaun₂ ně₃, ¿lín'₂ 'nia'₂ a₂jme₁juig'₅₄ jniá₂ 'nia'₂ a₂nég'₄ i₁jmo₃ co₂jŋia₅₄ dsi₂néi₂ quián'₂ 'nia'₂?* ³ Cang₂ jě₁ma₂dsián'₃ jniá₂, jě₁ma₂ca₂lě₃ jmo₂₃ co₂jŋia₅₄ ja₁o₁tió'n'₂ 'nia'₂, jaun₂ bá₄ guio₅₄ táng₃ a₂i₁te₁₂ 'nia'₂ ja₁cong₂, ia₁jaun₂ ja₁i₁'ú₃ jniá₂, ján₃ bá₄ lé₂ o₁tió'n'₂ 'nia'₂. ⁴ ŋi'₅₄ bá₄ 'nia'₂ a₂já'₄ né'₄ jniá₂; cui'n'₂ bá₄ 'nia'₂ jui₅ ně₃.

⁵ Jaun₂ ca₂juá'₂ To₁má₄:

—Te₁gui'₅₄, tsá₃ ne₄ jnia'₅₄ a₂já'₄ guang'₅₄; ¿'a₂ guě'₂ lia'₂ le₃cuag₅ jnia'₅₄ jui₅?

⁶ Jaun₂ ca₂ŋag₃ Jesús:

—Jniá₂ bá₄ lín₅ jui₅, ján₃ bá₄ lín₅ jág₁ dsau₅, ján₃ bá₄ lín₅ i₂jmo₅ a₂le₃chan₂ dsa₂. 'I₁jan₂ tsá₃ dsióg₄ ja₁con₂ Ne'₃ jua'₅₄ tsá₃ tē₂le₃ quian'₅₄ jniá₂. ⁷ Jua'₅₄ mei'₂ guě₃ dsón'₂ ŋi'₅₄ 'nia'₂ 'ein₂ lín₅ jniá₂, ján₃ bá₄ jme₁le₃cui'n'₂ 'nia'₂ Ne'₃ ján₃; † jaun₂ ně₃ ně₃, tē₂le₃ ne₄ jui₅, le₃cui'n'₂ 'nia'₂, ton'₂ ma₂jii'n'₅₄ 'nia'₂.

⁸ Jaun₂ ně₃ ca₂juá'₂ Fe₂li₄ ca₂tsí'₃ Jesús:

—Te₁gui'₅₄, cuě₄ jmig₄ a₂jŋ₄ jnia'₅₄ Néi'₅, jaun₂ co₂jaun₂ guě₄ dsáu₅ dsí₅ jnia'₅₄.

⁹ Jaun₂ ca₂ŋag₃ Jesús:

—¿Tsa₁ cuig'₂ 'ne₂ jniá₂ Fe₂li₄, o₁jŋia'₅₄ ma₂ŋó₅ jmig₄ 'en'₅₄ jniá₂ quian'₅₄ 'nia'₂? Chi₂jua'₂ 'ein₂ dsa₂ ma₂jág₂ jniá₂, ján₃ bá₄ ma₂jŋi'n₂ Ne'₃. ¿'A₂ bá₄ lia'₂ juá'₂ 'ne₂: “Cuě₄ jmig₄ a₂jŋ₄ jnia'₅₄ Néi'₅”? ¹⁰ ¿Tsa₁ 'én'₂ 'ne₂ a₂'en'₅₄ jniá₂ ja₁con₂ Ne'₃, ton'₂ 'en'₅₄ guě'₂ Ne'₃ táng₃ ja₁con₂ jniá₂? Jui'₁lia'₂ jág₁ a₂juig'₂ jniá₂ 'nia'₂, tsá₃ juá'₅ jniá₂ o₄quió₃ 'ŋi₃. Tē₂le₃, Ne'₃ jniá₂ i₂tē₁'ŋiá₄ ja₁con₂ jniá₂, i₂'éi₂ bá₄ jmo₅ ta₁ quió'₅. ¹¹ Jui₁le₂'én'₂ bá₄ 'nia'₂ a₂juá'₅ jniá₂, a₂'eng₅₄ ja₁con₂ Ne'₃, a₂'en'₅₄ guě'₂ Ne'₃ ja₁con₂

* **14:2** o₃, “jua'₅₄ mei'₂ guě₃ tsá₃ le₂jaun₂ ně₃, jme₁juig'₅₄ guě'₂ jniá₂ 'nia'₂. Nég'₄ i₁jmo₃ co₂jŋia₅₄ dsi₂néi₂ quián'₂ 'nia'₂.” † **14:7** A₂lín₅₄ chog₅₄ si₂juá'₂: “chi₂jua'₂ dsón'₂ ma₂cuig'₂ 'nia'₂ jniá₂, le₃cui'n'₂ 'nia'₂ Ne'₃.”

jniá₂; o₃ ně₁jua'₂ tsá₃ le₂jaun₂, jmá'₃ lia'₂ të₂le₃ quian'₅₄ léi₄ a₂jmo₂₃, jui₁le₂'én'₂ 'nia'₂. ¹² A₂dsi₂jó'₃ juí₂g₂ jniá'₂ 'nia'₂, jui₁lia'₂ i₂'én₂ le₃quió₃ jniá₂, já₃n₃ bá₄ jmo₃ jui₁lia'₂ a₂jmo₅ jniá₂; jaun₂ të₂le₃ 'ŋio₅ gué₄ juè'₂ a₂jmo₃, ia₁ nég'₄ ja₁con₂ 'Ŋe'₃. ¹³ Jaun₂ chi₂jua'₂ 'e₂ a₂mi₂' 'nia'₂ lia'₂ con'₂ lě₅ 'éi'₃ quió₃ jniá₂, jmo₅₄ bá₄ jniá₂, ia₁jaun₂ le₃juin'₂ Jmei₂ o₄quió'₄ Ja₁ŋi'₅₄. ¹⁴ Lé₂ bá₄ mí'₁ 'nia'₂ lia'₂ con'₂ lě₅ 'éi'₃ quió₃ jniá₂, chi₂jua'₂ 'e₂ caun₂ a₂'niog'₂ 'nia'₂, jaun₂ jmo₅₄ bá₄ jniá₂.

Ca₂cuë₃ Jesús jág₁ quió'₅ a₂chein₃ Jme₂dsí₂ Jŋió₅

¹⁵ 'Chi₂jua'₂ 'niog'₃ 'nia'₂ jniá₂, nei₂ gau₂ 'éi'₃ quió₃. ¹⁶ Jaun₂ mi₅₄ jniá₂ ne₄ 'Ŋe'₃ a₂cui_{in}₃ jan₂ i₂sián'₂ i₂cuë'₃ bí₂ 'au'₂ 'nia'₂, ia₁jaun₂ 'í₂ 'éi₂ co₂tan₅₄ quian'₅₄ 'nia'₂. ¹⁷ Jme₂dsí₂ quió'₅ jág₁ tí₅ bá₄ 'éi₂. Tsá₃ lé₂ le₃guei₃ dsa₂ mi₂güí₃, ia₁ tsá₃ jág₂, on₃ gué'₂ cui₂₃ cui_{in}₂₃ 'éi₂. La₁ 'nia'₂ ně₃, ma₂cui_{in}'₂ bá₄ 'nia'₂, ia₁ guá₅ ja₁con'₂ 'nia'₂, ton'₂ të₃'ŋiá₄ le₃quían'₂ 'nia'₂. ¹⁸ On₃jua'₅₄ a₂tén₄ jniá₂ 'nia'₂ co₂ŋei'₅₄ ně₂jag₄ bá₄ chi'₂ 'nág₂. Guio₅₄ bá₄ táng₃ ja₁con'₂ 'nia'₂. ¹⁹ Tsá₃ ma₃uě₂ jág₂ dsa₂ mi₂güí₃ jniá₂, la₁ia₁ jag'₅₄ bá₄ 'nia'₂. 'Uí₅₄ ia₁ a₂chan₂ jniá₂, le₃chang'₂ bá₄ 'nia'₂. ²⁰ Jmí₄ jaun₂ le₃len'₅₄ 'nia'₂ a₂'en₅₄ jniá₂ ja₁con₂ 'Ŋe'₃, 'nia'₂ gué'₂ tiong'₅₄ ja₁con₂ jniá₂, jaun₂ jniá₂ gué'₂ ně₃ 'eng₅₄ ja₁con'₂ 'nia'₂. ²¹ Jui₁lia'₂ i₂gue₅, i₂né'₂ 'éi'₃ quió₃, 'éi₂ bá₄ i₂tě₃dsón'₂ 'nio₃ jniá₂. Jui₁lia'₂ i₂'nio₃ jniá₂ ně₃, jme₃'nio₃ 'Ŋe'₃. Já₃n₃ bá₄ le₂jaun₂ jniá₂ jme₁'nió₄, jaun₂ jme₁jnia₅ jniá₂ ja₁coin₂.

²² Jaun₂ ca₂juá'₂ Judas, (on₃jua'₅₄ Iscariote):

—Te₁gui'₅₄, ċ'₂ lě₃ ja₁con₂ jnia'₅₄ jme₁jnag'₅, on₃jua'₅₄ rě'₂ ja₁con₂ dsa₂ mi₂güí₃?

²³ Jaun₂ ca₂ŋag₃ Jesús:

—Jui₁lia'₂ i₂'nio₃ jniá₂, tón'₂ bá₄ jui₅ jág₁ quió₃; jaun₂ jme₃'nio₃ 'Ŋe'₃ jme₃'nioi₃ 'éi₂, jaun₂ qui₂ja₁ná_u₄ jnia'₅₄ ja₁coin₂ ja₁'io₁ quian'₅₄ 'éi₂. ²⁴ Jui₁lia'₂ i₂tsá₃ 'nio₃ jniá₂, tsá₃ tón'₂ jui₅ jág₁ quió₃. Jág₁ a₂nag'₂ 'nia'₂ la₂, on₃jua'₅₄ a₂quió₃, a₂quió'₅ 'Ŋe'₃ i₂ca₂chei₃ bá₄.

²⁵ 'Ca₂le₃jě₃ a₂la₂juá'₅ jniá₂ juí₂g₂ 'nia'₂ të₁lia'₂ 'eng₅₄ gué₄ quian'₅₄ 'nia'₂; ²⁶ la₁ia₁ i₂cuë₃ bí₂ 'au'₂ 'nia'₂ 'éi₂, i₂lín₅ Jme₂dsí₂ Jŋió₅, i₂chen₃ 'Ŋe'₃ o₄quió₃ jniá₂, 'éi₂ bá₄ jme₃tag₅ jme₃tí_{in}₂₃ 'nia'₂, jaun₂ jmo₃ a₂qui₃dsiog'₂ 'au'₂ 'nia'₂ ca₂le₃jě₃ 'e₂ a₂ma₂qui₂ma₂juí₂g₂ jniá₂ 'nia'₂.

²⁷ 'Ág'₅ jniá₂ jág₁ a₂jmo₃ 'ag₃ tei₄ ja₁con'₂ 'nia'₃. A₂tei₄ a₂'ei₅ ja₁con₂ jniá₂, a₂jaun₂ bá₄ cuë₅ jniá₂ 'nia'₂. La₁ on₃jua'₅₄ lia'₂ cuë₅ dsa₂ mi₂güí₃, cuë₅ jniá₂ 'nia'₂. Tsá₃ lě₁can₂ 'nia'₂ o₂i₁ dsi₅, on₃ gué'₂ jmó'₂ 'nia'₂ gang'₃. ²⁸ Ma₂qui₂ma₂nei'₂ 'nia'₂ a₂juá'₅ jniá₂: a₂nég'₄, jaun₂ guio₅₄ táng₃ ja₁con'₂ 'nia'₂. Ně₁jua'₂ të₃dsón'₂ 'niog'₃ 'nia'₂ jniá₂, jme₁jmó'₂ 'nia'₂ 'io'₂ jme₁ca₂rě₃ŋi'₅₄ 'nia'₂ a₂né'₄ jniá₂ ja₁con₂ 'Ŋe'₃, ia₁ i₂juin'₂ gué₄ 'éi₂ lia'₂ con'₂ gué₄ jniá₂. ²⁹ Jaun₂ ma₂juí₂g₂ jniá₂ 'nia'₂ a₂la₂ të₃jniá₅, ia₁jaun₂ le₃'én'₂ 'nia'₂ jě₁ma₂tě₂ rě₁lé₂ a₂jaun₂.

³⁰ 'Tsá₃ ma₂'lióng₂ jág₁ dsia₅₄ jniá₂ quian'₅₄ 'nia'₂; ia₁ ma₂já₅ i₂gon₂ mi₂güí₃ la₂, o₁ŋia'₅₄ tsá₃ 'e₂ jui₅bí₂ 'io₅ 'éi₂ ja₁con₂ jniá₂. ³¹ La₁ia₁ 'nió'₅ le₃ŋi₅ dsa₂ mi₂güí₃, a₂'nió₃ jniá₂ 'Ŋe'₃, jaun₂ lia'₂ con'₂ lě₅ 'éi'₃ a₂ma₂cuë₃ 'Ŋe'₃ jniá₂, a₂jaun₂ bá₄ jmo₅ jniá₂.

'Nau₂ 'nia'₂. Ma₃dsau'₅₄ jniog₄ ja₁lá₃.

15

Cho'₅₄ chi₁uíng₃ uvas, quian'₅₄ gu'₂ nei'₅₄ quió'₅

¹ 'Jniá₂ líng₅ cho'₅₄ ni₁uíng₂ uvas, ja₁já₅ bí₂ dsón'₂. 'Ŋe'₃ gué'₂ lín₅ i₂jmo₅ 'í₁ ja₁nau₂. ² 'Jniá₂ 'éi₂ ca₂le₃jě₃ ni₁gu'₂ quió₃ a₂tsá₃ mí₂g₂ 'ag₅; la₁ia₁ qui₂jí'₅ qui₂'u_{in}₂₃ ni₁gu'₂ a₂'ag₅ mí₂g₂, ia₁jaun₂ ráu₃ gué₄ 'lióng₂. ³ Ma₂le₁jín'₃ bá₄ 'nia'₂ të₂le₃ quian'₅₄

jág₁ a₂qui₂ma₂juíg₂ jniá₂ 'nia'₂. ⁴ Caun₂ jui₁tē₂'ñiá'₄ bá₄ 'nia'₂ ja₁con₂ jniá₂, jui₁lia'₂ tē₂'ñiá'₄ jniá₂ ja₁con₂ 'nia'₂. 'I₁caun₂ ni₁gu'₂ tsá₃ lé₂ le₃'ag₃ míg₂ con₂ 'ñiog₅ le₂jaun₂, nē₁jua'₂ tsá₃ rē₂tsán'₂ quián'₅₄ cho'₅₄; ján₃ bá₄ le₂jaun₂ jui₁lia'₂ 'nia'₂ nē₃, tsá₃ 'e₂ lé₂ le₃ráu₃ quián'₂ 'nia'₂ nē₁jua'₂ tsá₃ tē₂'ñiág'₄ ja₁con₂ jniá₂.

⁵ 'Jniá₂ líng₅ cho'₅₄; 'nia'₂ guē'₂ líng₅ gu'₂ nei'₅₄. Jui₁lia'₂ dsa₂ i₂tē₂'ñiá'₄ rē₂tsán'₂ quián'₅₄ jniá₂, jui₁lia'₂ tē₂'ñiá'₄ jniá₂ ja₁con₂ 'éi'₂, 'lióng₂ ráu₃ quió'₅. Ia₁ 'i₁caun₂ tsá₃ 'e₂ lé₂ le₃jmó'₂ 'nia'₂ jua'₅₄ tsá₃ quióng'₅₄ jniá₂. ⁶ Jui₁lia'₂ i₂tsá₃ tē₂'ñiá'₄ ja₁con₂ jniá₂, lín₅ nē₂jag₄ bá₄ caun₂ ni₁gu'₂ a₂dsi₂guia'₂ dsa₂ cau₅, jaun₂ rē₂quein₂. Ni₁gu'₂ le₂nē₅ qui₂cág'₅ dsa₂, qui₂tó'₅ dsa₂ dsi₂si₂, jaun₂ cau₂.

⁷ 'Chi₂jua'₂ tē₂'ñiá'₄ 'nia'₂ ja₁con₂ jniá₂, ton'₂ tē₂'ñiá'₄ jág₁ quió'₃ ja₁con₂ 'nia'₂, jaun₂ mi₄ 'nia'₂ chi₂jua'₂ 'e₂ caun₂ 'niog'₂, jaun₂ guéi'₁ bá₄ 'nia'₂. ⁸ Le₂la₂ bá₄ rē₂juin'₂ Ne'₃; a₂qui₂ráu₂ 'lióng₂ 'e₂ a₂jmo'₂ 'nia'₂. * Le₂nē₅ jme₂jniá'₂ 'nia'₂ a₂líng'₅ dsa₂ i₂ca₂rē₃tín₃ quián₃ jniá₂. ⁹ Jui₁lia'₂ 'nio₃ Ne'₃ jniá₂, ján₃ bá₄ le₂jaun₂ 'nió₃ jniá₂ 'nia'₂; caun₂ jui₁i₂nio₄ bá₄ 'nia'₂ jui₅ a₂'nió₃ jniá₂ 'nia'₂. ¹⁰ Nē₁jua'₂ caun₂ né'₂ 'nia'₂ gau₂ 'éi'₃ quió'₃, le₂nē₅ tē₃'ñiá'₄ 'nia'₂ jui₅ a₂'nió₃ jniá₂ 'nia'₂, jui₁lia'₂ caun₂ nag₅ jniá₂ gau₂ 'éi'₃ quió'₅ Ne'₃, ton'₂ tē₂'ñiá'₄ jniá₂ jui₅ a₂'nió₃ 'éi'₂ jniá₂.

¹¹ 'Jág₁ nē₅ ma₂nē₂juíg₂ jniá₂ 'nia'₂ ia₁jaun₂ a₂ñi₄ lē₃ jéin₅ jniá₂ 'io'₂, cuē₄ jniá₂ 'nia'₂, ia₁jaun₂ le₃'ñiá₅ bá₄ a₂jén'₂ 'nia'₂ 'io'₂. ¹² A₂la₂ bá₄ 'éi'₃ quió'₃; a₂jme₁'nió'₄ 'nia'₂ ríng'₂ le₂jang'₂ le₂jang'₂, jui₁lia'₂ ma₂ca₂jme₁'nió₄ jniá₂ 'nia'₂. ¹³ 'I₁jan₂ tsá₃ lé₂ le₃'nio₃ guē₄ lín₃ rín'₅₄, lia'₂ con₂ guē₄ i₂guein₅ 'mú₃ o₄quió'₄ a₂mei₅₄ quiáin₅. ¹⁴ 'Nia'₂ bá₄ líng'₅ dsa₂ a₂mei₅₄ quiáng₃ chi₂jua'₂ jmo'₂ 'nia'₂ 'e₂ te₂nei'₄ jniá₂. ¹⁵ Tsá₃ ma₃tē₅ jniá₂ 'nia'₂ dsa₂ i₂jme₂ti₃ ne₃, ia₁ tsá₃ ñi₅ jui₁lia'₂ jan₂ dsa₂ i₂jme₂ti₃ ta₁, 'e₂ a₂jmo₅ juíg₅₄. Tē₅ jniá₂ a₂mei₅₄ quiáng₃ bá₄ 'nia'₂, ia₁ ma₂ca₂jme₁jnia₅ bá₄ jniá₂ ja₁con₂ 'nia'₂, ca₂le₃jě₃ 'e₂ a₂ma₂ca₂juá'₂ Ne'₃. ¹⁶ On₃jua'₅₄ 'nia'₂ ca₂quío'₅₄ jniá₂; jniá₂ bá₄ ma₂quion'₄ 'nia'₂, jaun₂ ma₂ca₂dsia₃ jniá₂ gog'₂ 'nia'₂ a₂o₁nó'₅ 'nia'₂ a₂qui₂rau₂ 'lióng₂ quián'₂ 'nia'₂ a₂jio₃g₃ uē₂. Jaun₂ le₂nē₅ cuē₃ Ne'₃ jniá₂ cuē'₃ 'nia'₂ chi₂'e₂ caun₂ a₂mí'₁ 'nia'₂ lia'₂ con₂ lē₅ 'éi'₃ quió'₃ jniá₂. ¹⁷ A₂la₂ bá₄ 'éi'₃ quió'₃ jaun₂ nē₃; a₂jme₁'nió'₄ 'nia'₂ ríng'₂ le₂jang'₂ le₂jang'₂.

Tog₅₄ dsa₂ mi₂güig₃ 'ñiai₅₄ Jesús quián'₅₄ dsa₂ quiáin₅

¹⁸ 'Chi₂jua'₂ 'iog₅₄ dsa₂ mi₂güig₃ quián'₂ 'nia'₂, jui₁le₂ñi'₅₄ 'nia'₂, jniá₂ bá₄ ca₂rē₃'iog₅₄ dsa₂ le₂'uig₅₄. ¹⁹ Jua'₅₄ mei'₂ guē₃ lín'₅ 'nia'₂ dsa₂ i₂tén₅ mi₂güig₃, jme₁jme₃'nio₃ bá₄ dsa₂ mi₂güig₃ jui₁lia'₂ 'nioi₃ dsa₂ quiáin₅. La₁ 'uig₅₄ ia₁ a₂tsá₃ tén'₅ 'nia'₂ mi₂güig₃, ton'₂ ma₂quion'₄ jniá₂ 'nia'₂ jin₄ dsa₂ mi₂güig₃; 'uig₅₄ jaun₂ nē₃, 'ñiai₅₄ 'nia'₂. ²⁰ Dsá₂ 'au'₂ 'nia'₂ jmo₄, jág₁ a₂ma₂juíg₂ jniá₂ 'nia'₂: "Lia'₂ 'i₁jan₂ dsa₂ i₂jme₂ti₃ ta₁, tsá₃ juin'₂ guē₄ con₂ guē₄ juíg₅₄". Chi₂jua'₂ ma₂qui₂ca₂co₃'ein₃ dsa₂ jniá₂, ján₃ bá₄ le₂jaun₂ qui₃co₃'en₃ dsa₂ 'nia'₂; chi₂jua'₂ ma₂tón'₂ dsa₂ jui₅ jág₁ a₂ma₂ca₂jme₁tiin₅ jniá₂, ján₃ bá₄ le₂jaun₂ qui₃tón'₂ dsa₂ jui₅ jág₁ quián'₂ 'nia'₂. ²¹ La₁ ca₂le₃jě₃ a₂nē₅ dsi₃ñí'₂ 'nia'₂ qui₃co₃jmóg'₂ dsa₂ 'uig₅₄ quió'₃ jniá₂, ia₁ tsá₃ cuiin₂₃ i₂ca₂chei₃ jniá₂.

²² 'Tsá₃ jme₁le₃cáin'₄ jua'₅₄ mei'₂ guē₃ tsá₃ guan₃ jniá₂ a₂o₂juá'₃ ja₁con₂ 'éi'₂; la₁ nē₃ nē₃, tsá₃ ma₃'e₂ lé₂ le₃juá'₂ jua'₅₄ tsá₃ ñi₅. ²³ Ia₁ jui₁lia'₂ i₂'iog₅₄ jniá₂, ján₃ bá₄ 'ñiai₅₄ Ne'₃ jniá₂. ²⁴ Tsá₃ jme₁le₃cáin'₄ jua'₅₄ mei'₂ tsá₃ léi₄ jaun₂ ca₂jmo₃ jniá₂ jin₄ dsa₂ 'éi'₂ a₂tsá₃ 'ein₂ sián'₂ ma₂jmo₃; la₁ia₁ o₁ñia'₅₄ la₂ ma₂ca₂jág₃ bá₄ léi₄ jaun₂, tion₅₄ bá₄ 'iog₅₄ dsa₂ jniá₂, lia'₂ Ne'₃ nē₃, 'ñiai₅₄. ²⁵ La₁ia₁ qui₂lē₂ ia₁jaun₂ le₃ti₃ jág₁ a₂tio'₅₄ ne₄ Si₂ 'Éi'₃ quió'₅ a₂juá'₂: "Ca₂rē₃'iog₅₄ dsa₂ tē₃ tsá₃ 'e₂ cha₂ lē₃."†

²⁶ 'La₁ia₁ jē₁ma₂tē₂ rē₁jiá₃ i₂cuē₃ bí₂'au'₂ 'nia'₂, i₂tsin₅₄ jniá₂ ja₁con₂ 'nia'₂ i₂jiá₃ tē₂le₃ ja₁guá₄ Ne'₃: Jme₂dsí₂ tí₅ dsón'₂ i₂o₂'in₅ ja₁con₂ Ne'₃, i₂'éi'₂ bá₄ jáng'₃ jág₁

* 15:8 'Nio'₂ ja₁ton₅ Isaías 61:3. † 15:25 Salmo 35:19; 69:4.

dsau₅ tē₂le₃ quió₃ jniá₂. ²⁷ Ján₃ bá₄ le₂jaun₂ 'nió'₅ jang'₅₄ 'nia'₂ jág₁ dsau₅, ia₁ ca₂le₃'uig'₅₄ bá₄ ma₂qui₂ma₂tió₂' 'nia'₂ quian'₅₄ jniá₂.

16

¹ Le₂nē₅ juíg₂ jniá₂ 'nia'₂ ia₁jaun₂ tsá₃ qui₃dsi₃uín'₂ 'nia'₂ a₂'éng'₂. ² Qui₃'uág'₂ dsa₂'uín'₂ 'nia'₂ ja₁lē₁tong'₂ ne₄ si₂ guá'₅ sinagoga, ca₂le₃jě₃ já₅ caun₂ jmig₄, lín₂ ju₁lia'₂ i₂jme₃dsiog₅ 'nia'₂, a₂jén'₃ ta₁ jaun₂ quió'₅ ne₄ Diú₄. ³ Ca₂le₃jě₃ a₂nē₅ jmo₃* ia₁ tsá₃ ma₂ca₂rē₃cuín₂₃ Ne'₃, on₃ guè'₂ jniá₂ ma₂ca₂rē₃cuig₂₃. ⁴ Jaun₂ juíg₂ jniá₂ 'nia'₂ le₂nē₅ ia₁jaun₂ jē₁ma₂tě₂ rē₁tē₅₄ jmig₄ jaun₂, dsiog'₂ 'au'₂ 'nia'₂ a₂ca₂juíg₂ jniá₂ 'nia'₂ jág₁ la₂.

Ta₁ a₂jmo₅ Jme₂dsí₂ Jñió₅

'Tsá₃ ca₂juá'₃ jniá₂ le₂nē₅ lia'₂ con'₂ le₂'uig'₅₄, ia₁ jme₁'en₅₄ bá₄ jniá₂ quian'₅₄ 'nia'₂. ⁵ La₁ia₁ nē₃ nē₃, ma₂nég'₄ i₁'ú₃ quiang'₅₄ i₂ca₂chei₃; jaun₂ lia'₂ 'i₁jan'₂ 'nia'₂ tsá₃ 'ein₂ ηag₅: “¿A₂já'₄ guang'₅₄?” ⁶ La₁ qui₂ca₂tá'₂ qui'₂ 'au'₂ 'nia'₂ 'uig'₅₄ ia₁ a₂nē₂juíg₂ jniá₂ 'nia'₂ a₂nē₅. ⁷ La₁ jág₁ dsau₅ bá₄ juíg₂ jniá₂ 'nia'₂: tē₂le₃ a₂dse₃ quián'₂ 'nia'₂ bá₄ a₂nē'₄ jniá₂. Ia₁ nē₃ja'₂ tsá₃ ca₂ηá'₃ jniá₂, tsá₃ jiá₃ i₂cuē₃ bí₂ 'au'₂ 'nia'₂; la₁ia₁ chi₂juá'₂ né'₄ jniá₂ nē₃, tsin₅₄ jniá₂ 'éi₂ ja₁con'₂ 'nia'₂. ⁸ Jē₁ma₂tě₂ rē₁jiá₃ 'éi₂, jme₃jniai₂₃ a₂rē₂gan₂ dsa₂ mi₂güig₃ cuente quió'₅ dsáu₁, quió'₅ ju₁dse₃, quió'₅ a₂jáu'₅ 'í₁ ja₁coin₂ nē₃. ⁹ Cuente quió'₅ dsáu₁, 'uig'₅₄ ia₁ a₂tsá₃ 'éin₂ le₃quió₃ jniá₂; ¹⁰ cuente quió'₅ ju₁dse₃, ia₁ a₂nég'₄ ja₁con₂ Ne'₃, jaun₂ tsá₃ ma₃jniá₂ jag'₅₄ 'nia'₂; ¹¹ ján₃ bá₄ cuente quió'₅ a₂jáu'₅ 'í₁, ia₁ ma₂jáu'₅ 'í₁ ja₁con₂ i₂'éi₂ i₂gon₂ mi₂güig₃ la₂.

¹² "Lióng₂ bá₄ jág₁ cha₂ guē₄ a₂juig₅₄ jniá₂ 'nia'₂, la₁ia₁ tsá₃ qui'₅₄ 'nia'₂ jmig₄ le₃ñig'₂ jē₂ nē₃. ¹³ La₁ jē₁ma₂tě₂ rē₁jiá₃ Jme₂dsí₂ tí₅ dsón'₂, i₂'éi₂ bá₄ jiog₃ 'nia'₂ ju₁dse₃ a₂tí₅ jág₁; ia₁ tsá₃ a₂jaun₂ juá'₂ 'éi₂ o₄quió'₄ 'ñiog₅; a₂jaun₂ bá₄ juá'₂ ca₂le₃jě₃ a₂nag₃, ton'₂ 'é₂ jág₁ ju₁lia'₂ 'e₂ niog₅ lé₂. ¹⁴ Jme₃juag'₂ 'éi₂ jniá₂, ia₁ ñei₂ ju₁lia'₂ a₂lě₅ quió₃ jniá₂, jaun₂ 'éi₂ nē₃, jmo₃ jág₁ ja₁con'₂ 'nia'₂. ¹⁵ Ca₂le₃jě₃ a₂cha₂ quió'₅ Ne'₃, ján₃ bá₄ lě₅ quió₃ jniá₂; jaun₂ bá₄ lě₃ nē₂juá'₃ jniá₂ a₂ñe₂ 'éi₂ ju₁lia'₂ a₂lě₅ quió₃ jniá₂, jaun₂ jmo₃ jág₁ ja₁con'₂ 'nia'₂.

Ju₁lia'₂ a₂'lia'₂ dsí₅ dsa₂ le₃tsín₃ a₂lě₂ a₂qui₃jmo₃ 'io'₂

¹⁶ 'Ñi'₅₄ ta₁, tsá₃ ma₃jag'₅₄ guē₄ 'nia'₂ jniá₂; la₁ ñi'₅₄ ta₁ bá₄, jag'₅₄ táng₃ jniá₂, ia₁ né'₄ jniá₂ ja₁con₂ Ne'₃.†

¹⁷ Jaun₂ nē₃, qui₂ca₂ηag₃ i₂lín₅₄ chi'₂ dsi₂guia₃-tín₂ quiáin₅ ca₂ñii'₃ riin'₅₄ le₂jain₂ le₂jain₂:

—¿I₂'e₂ 'nio₃ juá'₂ a₂juá'₂ tság₅ jniog₄ le₂nē₅: “Ñi'₅₄ ta₁, tsá₃ ma₃jag'₅₄ guē₄ 'nia'₂ jniá₂; la₁ ñi'₅₄ ta₁ bá₄, jag'₅₄ táng₃ jniá₂, ia₁ né'₄ jniá₂ ja₁con₂ Ne'₃”? ¹⁸ ¿I₂'e₂ 'nio₃ juá'₂: “Ñi'₅₄ ta₁”? Tsá₃ ne₄ i₂'e₂ jaun₂ 'ē₂₃.

¹⁹ Jaun₂ ca₂rē₃lí'₄ Jesús i₂'e₂ 'nio₃ ηag₃ tioen'₅₄, jaun₂ ca₂juá'₂:

—¿A₁qui₂ñi'₄ 'nia'₂ ríng'₂ 'uig'₅₄ ia₁ a₂nē₂juá'₃ jniá₂: “Ñi'₅₄ ta₁, tsá₃ ma₃jag'₅₄ guē₄ 'nia'₂ jniá₂; la₁ ñi'₅₄ ta₁ bá₄, jag'₅₄ táng₃ jniá₂”? ²⁰ A₂dsi₂jó'₃ juíg₂ jniá₂ 'nia'₂, a₂tóng'₂ 'nia'₂ qui₁'áu'₂, a₂'lia'₂ 'au'₂ nē₃, tē₁lia'₂ jmo₃ dsa₂ mi₂güig₃ 'io'₂. La₁ia₁ le₃tsín₃ bá₄ a₂'lia'₂ 'au'₂ 'nia'₂ jaun₂ a₂qui₃jmó'₂ táng₃ 'io'₂. ²¹ Ju₁lia'₂ lín₅ jan₂ 'io₅₄ jē₁rē₂chan₂ guein₂ quiain₅, 'lia'₂ dsí₅ ia₁ ma₂ca₂tě₂ hora quió'₅; la₁ cang₂ jē₁ma₂ca₂rē₃chán₃ guein₂ quiain₅, tsá₃ ma₃dsau'₂ dsí₅ a₂ca₂rē₃quí'₃ quió'₅, ia₁ a₂ñí₄ lě₃ 'io'₂ jén'₅, ia₁ a₂ca₂rē₃chán₃ jan₂ guein₂ mi₂güig₃ la₂. ²² Ján₃ bá₄ le₂jaun₂

* **16:3** A₂lín₅₄ chog₅₄ si₂: “jmo₃ jmái'₂ 'nia'₂.” † **16:16** A₂lín₅₄ chog₅₄ si₂ tsá₃ le₁ton₅ jág₁: “ia₁ né'₄ jniá₂ ja₁con₂ Ne'₃.”

'nia'₂ nē₃; 'lia'₂ 'au'₂ 'nia'₂ rē₂nē₃, la₁ jing₅₄ bá₄ táng₃ 'nia'₂, jaun₂ guē₄ nē₃ jmó'₂
'nia'₂ 'io'₂ tē₂'au'₂, a₂'lio'₂ jén'₂ 'nia'₂ jaun₂ ca₂lia'₂ 'i₁jan₂ tsá₃ 'ein₂ lé₂ le₃jñiá'₂.

23 'Jmīg₄ jaun₂ tsá₃ ma₃'e₂ qui₁nag'₁ 'nia'₂ jniá₂ 'i₁caun₂. A₂dsi₂jó'₃ juíg₂ jniá₂
'nia'₂, chi₂jua'₂ 'e₂ a₂mi'₂ 'nia'₂ lia'₂ con'₂ lē₅ 'éi'₃ quió₃ jniá₂, cuē₃ bá₄ Nē'₃.

24 Ca₂lia'₂ jñió₄ jmīg₄ nē₃, tsá₃ 'e₂ ma₂mi'₅₄ 'nia'₂ 'i₁caun₂ lia'₂ con'₂ lē₅ 'éi'₃ quió₃.
Mi₄ 'nia'₂, jaun₂ guéi'₁ 'nia'₂, ia₁jaun₂ le₃'ñia₅ a₂o₂'ñió₃ o₂jñia₃ 'au'₂.

Jesucristo bá₄ ca₂tió'₃ mi₂güig₃ la₂

25 'Jág₁ la₂ ma₂nē₂juíg₂ jniá₂ 'nia'₂ quian'₅₄ jág₁ a₂jáng'₅ léi₄. La₁ jiá₃ hora a₂tsá₃
ma₃juig₅₄ jniá₂ 'nia'₂ quian'₅₄ jág₁ a₂jáng'₅ léi₄; lia'₂ rē₂jiá₃ jág₁ bá₄ juá'₄ jniá₂ juig₅₄
'nia'₂ a₂'ing₄ Nē'₃. 26 Jmīg₄ jaun₂ mí'₁ 'nia'₂ ne₄ Nē'₃ lia'₂ con'₂ lē₅ 'éi'₃ quió₃ jniá₂.
Tsá₃ ma₃tion₅₄ juá'₄ jniá₂ a₂mi'₅₄ jniá₂ ne₄ Nē'₃ o₄quián'₂ 'nia'₂, 27 ia₁ ñiog₅ bá₄ Nē'₃
'nioi₃ 'nia'₂, ia₁ 'nióg'₃ 'nia'₂ jniá₂, ia₁ ma₂ca₂rē₃'én'₂ 'nia'₂ a₂guio₃ jniá₂ ja₁con₂
Diú₄. 28 Ca₂o₃'ín₃ jniá₂ ja₁con₂ Nē'₃ a₂ca₂guang₃ mi₂güig₃ la₂; la₁ia₁ nē₃ nē₃ o₃'ing₅
mi₂güig₃ la₂, jaun₂ nég'₄ táng₃ ja₁con₂ Nē'₃.

29 Jaun₂ ca₂juá'₂ chi'₂ dsi₂guia₃-tín₂ quiáin₅:

—Nē₃ guē₄ nē₃ juá'₂ 'ne₂ lia'₂ rē₂jiá₃ jág₁; on₃jua'₅₄ quian'₅₄ jág₁ a₂jáng'₅ léi₄.

30 Nē₃ guē₄ nē₃ ma₂ne₄ jnia'₅₄ a₂ñi'₅₄ bá₄ 'ne₂ ca₂le₃jē₃, jaun₂ tsá₃ 'e₂ 'nió'₅ quiáng'₂
jua'₅₄ tsá₃ ñi'₅₄ 'e₂ qui₃nag₃ dsa₂ qui₃ñi'₃ 'ne₂. 'Uig₅₄ jaun₂ 'éin₂ jnia'₅₄ a₂ñe'₃ 'ne₂
ja₁con₂ Diú₄.

31 Jaun₂ ca₂nag₃ Jesús:

—¿Dsón'₂ jua'₅₄, nē₃ guē₄ 'én'₂ 'nia'₂? 32 ¡Jag₄ 'nia'₂! Ma₂ja₂quián₃ hora, ton'₂
tē₂nē₃ dsón'₂ bá₄, a₂cuíng'₂ 'nia'₂ lé₂, a₂o₁nog'₄ tsi₁rē₂jang'₅₄ le₂jang'₂ le₂jang'₂
o₁nog'₄ jma₃quén₅ quiáng'₂; jaun₂ téi'₄ 'nia'₂ jniá₂ tē₃tsing'₅₄ 'ñió₃ lé₂. La₁ia₁ tsá₃
'ñió₃ jniá₂ tē₃tsing'₅₄, ia₁ quiong'₅₄ bá₄ Nē'₃ jniá₂. 33 Juíg₂ jniá₂ 'nia'₂ le₃jē₃ a₂la₂,
ia₁jaun₂ 'ag₃ tei₄ 'au'₂ 'nia'₂ le₃quió₃ jniá₂. Mi₂güig₃ la₂ tion₅₄ rē'₂ qui₁cán'₂ 'nia'₂
qui'₂ 'au'₂; la₁ia₁ tiá₂ dsia₄ 'nia'₂ 'au'₂, ia₁ ma₂ca₂tió₃ bá₄ jniá₂ ja₁con₂ mi₂güig₃ la₂.

17

Ca₂chi₃lén'₂ Jesús Diú₄ Jmei₂ o₄quió'₄ chi'₂ dsi₂guia₃-tín₂ quiáin₅

1 Jme₁ma₂ca₂juá'₂ Jesús le₂nē₅, ca₂chóg'₃ ne₅₄ guei'₅₄ i₂juíg₃, jaun₂ ca₂juá'₂:

—Tia₅₄, ma₂tē₂ hora quió₃. Jme₁jnia₅ 'a₂ lia'₂ jlán'₁ ja₂ñi'₂, ia₁jaun₂ jme₃jnia₅
ja₂ñi'₂ 'a₂ lia'₂ jlán'₁ 'ne₂. 2 Ia₁ ma₂ca₂cuē'₅₄ 'éi₂ 'éi'₃ ne₄ quió'₅ ca₂le₃jín₃ dsa₂,
ia₁jaun₂ jmo₃ a₂le₃chan₂ co₂tan₅₄ ca₂le₃jín₃ i₂ma₂cuin'₅₄. 3 A₂la₂ lē₅ a₂chan₂
dsa₂ co₂tan₅₄: a₂le₃cuin₅ dsa₂ 'ne₂ i₂lín'₅ i₂jan₂ tan₅₄ Diú₄ tē₃dsón'₂, a₂le₃cuin₂₃
Jesucristo nē₃ i₂ca₂chen'₂ 'ne₂.

4 'Ma₂ca₂jme₁jnia₅ jniá₂ ne₄ gua'₅₄ 'uē₃ la₂ 'a₂ lia'₂ jlán'₁ 'ne₂, ia₁
ma₂ca₂jme₁'ñia₅ jniá₂ ta₁ a₂ca₂cuē'₅₄ jmo₅₄. 5 Nē₃ nē₃, jaun₂, Tia₅₄, jmo₄
jlán'₁ jniá₂ ja₁cong'₂, ju₁lia'₂ jme₁lín₄ jniá₂ ja₁cong'₂ lia'₂ con'₂ né'₃ guē₄ a₂nio₃
mi₂güig₃.

6 'Ma₂ca₂jme₁jnia₅ jniá₂ ne₄ dsa₂ i₂ca₂cuag'₅₄ jniá₂ jin₄ dsa₂ mi₂güig₃, i₂'ein₂
lín'₅ 'ne₂, I₂quiáng'₂ bá₄ jme₁lín₄, jaun₂ ma₂ca₂cuag'₅₄ jniá₂; ma₂qui₂ca₂'í₃ tē₂dsí₅
'éi₂ jág₁ quiáng'₂. 7 Ma₂ca₂rē₃ñi₅ 'éi₂, ca₂le₃jē₃ a₂ca₂cuē'₅₄ jniá₂ já₅ ja₁con'₂ 'ne₂;
8 ia₁ ma₂ca₂cuē₃ bá₄ jniá₂ jág₁ jaun₂ a₂ca₂cuē'₅₄ 'ne₂ jniá₂, jaun₂ ca₂gue₃ bá₄ 'éi₂
nē₃. Ma₂ca₂rē₃ñi₅ lia'₂ con'₂ tí₅ jág₁, ja₁con'₂ 'ne₂ bá₄ o₂'ín₃ jniá₂, ton'₂ ca₂rē₃'én₂
a₂ca₂chei'₂ 'ne₂ jniá₂.

9 'O₄quió'₄ 'éi₂ bá₄ mi₅ jniá₂, on₃jua'₅₄ o₄quió'₄ dsa₂ mi₂güig₃. O₄quió'₄ dsa₂
i₂ca₂cuag'₅₄ bá₄ mi₅ jniá₂, ia₁ i₂quiáng'₂ 'ne₂ bá₄ 'éi₂. 10 Ia₁ ca₂le₃jín₃ dsa₂ quiáng₃,

ján₃ bá₄ quiáng'₂ 'éi₂; ton'₂ ca₂le₃jín₃ dsa₂ quiáng'₂ ně₃, i₂quiáng₃ bá₄ 'éi₂ ján₃, jaun₂ rē₂jniá₂ a₂jlán'₁ jniá₂ tē₂le₃ quian'₅₄ 'éi₂.

11 'Tsá₃ ma₃jan₄ jniá₂ mi₂güig₃ la₂; la₁ia₁ 'éi₂ ně₃ tē₂'ñiá₄ mi₂güig₃, jaun₂ nég'₄ ja₁con'₂ 'ne₂. Tia₅₄ Jñi₃ó₅, jmo₄ 'í₁ 'éi₂ i₂ma₂cuag'₅₄ quian'₅₄ jui₅bí₂ a₂lín'₅,* ia₁jaun₂ ca₂ne₅₄ bá₄ léin₂ co₂tan₅₄, jui₁lia'₂ lág₅jniog₄. 12 Lia'₂ con'₂ jme₁'en₅₄ jniá₂ quiang'₅₄ 'éi₂ mi₂güig₃ la₂, † ma₂qui₂ma₂jmo₃ jniá₂ 'í₁ i₂ma₂cuag'₅₄ quian'₅₄ jui₅bí₂ a₂lín'₅, ‡ Ma₂qui₂ma₂jmo₃ jniá₂ 'í₁, jaun₂ lia'₂ 'i₁jan₂ 'éi₂ tsá₃ ca₂i₃cón'₅, jñia'₅₄ lia'₂ jan₂ bá₄ i₂'i₄ 'éi'₃ dsi₃'én₂, ia₁jaun₂ le₃ti₃ Si₂.

13 'Ně₃ ně₃, nég'₄ ja₁cong'₂; la₁ia₁ tē₁lia'₂ 'eng₅₄ guē₄ mi₂güig₃, juá'₅ jniá₂ jág₁ la₂ ia₁jaun₂ le₃'ñia₅ ja₁con₂ 'éi₂ a₂'io'₂ jéin₅ jniá₂. 14 Ma₂ca₂cuē₃ bá₄ jniá₂ jág₁ quiáng'₂, la₁ia₁ dsa₂ mi₂güig₃ ně₃, 'iog₅₄ quió'₅, ia₁ tsá₃ tén₅ 'éi₂ mi₂güig₃, jui₁lia'₂ jniá₂ ně₃, tsá₃ téng₅ mi₂güig₃. 15 On₃jua'₅₄ rē'₂ mi₅ jniá₂ jua'₅₄ a₂'u_{in}'₅₄ mi₂güig₃, a₂jaun₂ bá₄ mi₅ jniá₂ a₂jmo'₂ 'í₁ ia₁jaun₂ tsá₃ jo₃ i₂sē₃dsen₃. 16 Tsá₃ mi₂güig₃ téin₅, jui₁lia'₂ jniá₂ ně₃, tsá₃ téng₅ mi₂güig₃. 17 Chon₄ dsa₂ 'éi₂ tē₂le₃ quian'₅₄ jág₁ tí₅; ia₁ jág₁ quiáng'₂ bá₄ lē₅ jág₁ tí₅. 18 Jui₁lia'₂ ca₂chei'₂ 'ne₂ jniá₂ jin₄ dsa₂ mi₂güig₃, ján₃ bá₄ le₂jaun₂ tsin₅₄ jniá₂ 'éi₂ jin₄ dsa₂ mi₂güig₃. § 19 O₄quió'₄ 'éi₂ bá₄ tsón₄ jniá₂ 'ñio₃, ia₁jaun₂ ján₃ bá₄ le₂jaun₂ 'éi₂ ně₃, lé₂ rē₂tsoin₅₄ le₃quió'₅ jág₁ tí₅.

20 'La₁ia₁ on₃jua'₅₄ jmá'₃ o₄quió'₄ 'éi₂ mi₅ jniá₂; ján₃ bá₄ le₂jio₅ o₄quió'₄ i₂le₃'én₂ le₃quió₃, tē₂le₃ quian'₅₄ jág₁ quió'₅, 21 ia₁jaun₂ léin₂ ca₂ne₅₄ ca₂le₃jín₃, jui₁lia'₂ 'ne₂, Tia₅₄, 'eng'₅₄ ja₁con₂ jniá₂, ton'₂ 'en₅₄ guē'₂ jniá₂ ja₁con₂ 'ne₂, ia₁jaun₂ 'éi₂ ně₃, dsi₃toin'₅₄ ja₁con₂ jniog₄, ia₁jaun₂ quile₃'én₂ dsa₂ mi₂güig₃ a₂ca₂chei'₂ jniá₂. 22 Ma₂ca₂cuē₃ jniá₂ 'éi₂ a₂jlá'₁ quió₃ a₂ca₂cuē'₅₄ 'ne₂ jniá₂, ia₁jaun₂ lén₂ 'éi₂ ca₂ne₅₄, jui₁lia'₂ lág₅ jniog₄ ca₂ne₅₄ ján₃. 23 Jniá₂ le₃quió'₅ 'éi₂, 'ne₂ guē'₂ le₃quió₃ jniá₂, ia₁jaun₂ le₃'ñia₅ 'éi₂ a₂léin₂ ca₂ne₅₄, ia₁jaun₂ le₃ñi₅ dsa₂ mi₂güig₃ a₂ca₂chei'₂ jniá₂, ton'₂ ca₂jme₁'nióg'₄ 'éi₂ jui₁lia'₂ ca₂jme₁'nióg'₄ jniá₂.

24 'Tia₅₄, 'nio₃ jniá₂ a₂dsi₃ton'₅₄ 'éi₂ i₂ca₂cuag'₅₄ ja₁cong₂, ia₁jaun₂ tē₃ ne₅₄ a₂jlá'₁ quió₃ a₂ca₂cuē'₅₄ 'ne₂, ia₁ ca₂jme₁'nió'₄ 'ne₂ jniá₂, né'₃ guē₄ a₂nio₃ mi₂güig₃. 25 Tia₅₄ i₂dsen₃ guē₄ lín₃, tsá₃ cu_{in}₅ dsa₂ mi₂güig₃ 'ne₂, la₁ia₁ jniá₂ cuíng₅ 'ne₂, jaun₂ ma₂ñi₅ bá₄ dsa₂ la₂ quiáng'₂ a₂ca₂chei'₂ 'ne₂ jniá₂. 26 Ma₂ca₂jme₁jñia₅ jniá₂ ja₁con₂ 'éi₂ 'ein₂ lín'₅ 'ne₂, jaun₂ caun₂ jme₁jñia₅ bá₄ jniá₂ 'ne₂, ia₁jaun₂ jui₁lia'₂ a₂'nióg'₃ 'ne₂ jniá₂ tē₃'ñiá₄ ja₁con₂ 'éi₂, ton'₂ 'ú₄ jniá₂ ja₁coin₂.

18

Ca₂ñja'₃ dsa₂ Jesús

(Mateo 26:47-56; Marcos 14:43-50; Lucas 22:47-53)

1 Jme₁ma₂ca₂dsan₃ juá'₂ Jesús le₂ně₅, ca₂o₃'ín₃ quiain'₅₄ chi'₂ dsi₂guia₃-tín₂, qui₂ca₂'ain₃ Ji'₅₄ Jma₃ Cedrón. Le₂quióng₄ ja₁jaun₂, jme₁cha₂ caun₂ ja₁jme₁cha₂ ni₁'ma₂ 'ag₅ míg₂, ja₁ca₂'í₃ Jesús quiain'₅₄ chi'₂ dsi₂guia₃-tín₂ quiáin₅. 2 Ján₃ bá₄ le₂jaun₂ Judas i₂jme₁ma₂'en₅₄ jui₅ jáng'₂ quió'₅, jme₁ma₂cuí'₅ bá₄ ja₁jaun₂, ia₁ 'lióng₂ ráun₂ ca₂ñi'₂ Jesús ja₁jaun₂ quiain'₅₄ chi'₂ dsi₂guia₃-tín₂ quiáin₅. 3 Jaun₂ lē₃ ca₂dsióg₃ Judas ja₁jaun₂ quiain'₅₄ co₂nió'₃ 'lióg₂, quiain'₅₄ co₂nió'₃ guē'₂ chi'₂ 'í'₅₄ quián₅ guá'₅, i₂chen₄ quián₅ juig₅₄ jme₂dsa₂ quian'₅₄ dsa₂ fariseos ně₃. Ca₂dsi₃lén₂ dsa₂ 'éi₂ quile₁quian₅ ñi₁tág₂, ni₁'ma₂, quian'₅₄ si₂ ni₁tsí₅, ni₁qui₂

* 17:11 A₂lín₅₄ chog₅₄ si₂: “jmo₄ 'í₁ 'éi₂ quian'₅₄ jui₅bí₂ a₂lín'₅, a₂ma₂jmo'₅₄ a₂lín₅ jniá₂ ján₃.” † 17:12 A₂lín₅₄ chog₅₄ si₂ tsá₃ chi₁ton₅: “mi₂güig₃ la₂.” ‡ 17:12 A₂lín₅₄ chog₅₄ si₂: “ma₂qui₂ma₂jmo₃ jniá₂ 'í₁ quian'₅₄ jui₅bí₂ a₂lín'₅, a₂ma₂jmo'₅₄ a₂lín₅ jniá₂ ján₃.” § 17:18 'Nio'₂ ja₁ton₅ Juan 20:21.

a₂le₁guí'₃ si₂ ně₃. ⁴ La₁ia₁ Jesús ně₃, jme₁ma₂η₁₅ bá₄ ca₂le₃jě₃ 'e₂ a₂dsi₃η₁₂, jaun₂ o₂'i_{in}₃ ja₁jaun₂ ca₂i₁jme₁jein'₂ dsa₂, jaun₂ ca₂η₁'₃ dsa₂ 'éi₂:

—¿I₂'ein₂ 'nag'₂ 'nia'₂?

⁵ Jaun₂ ca₂ηag₃ dsa₂ 'éi₂:

—Jesús i₂chan₂ Nazaret bá₄ 'nia'₂ jnia'₅₄.

Jaun₂ ca₂ηag₃ Jesús:

—Jniá₂ bá₄ 'éi₂.

Jaun₂ bá₄ jme₁chén'₄ Judas i₂jáng'₂ quió'₅, quiain'₅₄ dsa₂ 'éi₂.

⁶ Jaun₂ jme₁ca₂juá'₂ Jesús ca₂tsí'₃ dsa₂: “Jniá₂ bá₄ 'éi₂”, jaun₂ i₃lén₂ le₃ca'₃ i₃gain'₅₄ 'uě₃.

⁷ Jaun₂ ně₃ ca₂ηag₃ táng₃ Jesús ca₂η₁'₃ dsa₂ 'éi₂:

—¿I₂'ein₂ 'nag'₂ 'nia'₂?

Jaun₂ ca₂ηag₃ táng₃ dsa₂:

—Jesús i₂chan₂ Nazaret bá₄.

⁸ Jaun₂ ca₂ηag₃ táng₃ Jesús:

—Ma₂ně₂juíg₂ jniá₂ 'nia'₂, jniá₂ bá₄ líng₅ 'éi₂. * Chi₂jua'₂ jniá₂ 'nau'₂ 'nia'₂, cuě₄ jmíg₄ ju₁i₁dsi₂len₅ bá₄ i₂la₂.

⁹ A₂la₂ ca₂lě₃ ia₁jaun₂ le₃ti₃ lia'₂ con'₂ lě₅ a₂jme₁ca₂juá'₂ Jesús tsí'₅ Jmei₂: “Ju₁lia'₂ i₂ca₂cuag'₅₄ 'ne₂ jniá₂, tsá₃ 'ein₂ ca₂i₃cón'₅ 'i₁jan₂.”

¹⁰ Jaun₂ ně₃ jme₁quian₅ Si₂mu₅₄ Pe₄ η₁tág₂, jaun₂ ca₂dsí₃ ca₂quí'₃ rě₂gua₄ ne₁ quió'₅ jan₂ dsa₂ i₂jme₁chen₂ Malco, i₂jme₂ti₃ ta₁ ne₄ jme₂dsa₂ dsen₅₄.

¹¹ La₁ ca₂juá'₂ Jesús ca₂tsí'₃ Pe₄:

—Tio'₂ táng₃ η₁tág₂ ja₁jme₁'i₄. ¿'E₂ lín'₂ 'ne₂ a₂tsá₃ ca₂tín₂ jniá₂ dsi₃η₁g₂ a₂ma₂juá'₂ Ne'₃?†

Nó₃ Jesús ne₄ jme₂dsa₂ dsen₅₄

(Mateo 26:57-58; Marcos 14:53-54; Lucas 22:54)

¹² Jaun₂ ně₃ ca₂η₁au'₃ co₂nió'₃ 'lióg₂ lia'₂ jma₃quiain'₅₄ juíg₅₄, quiain'₅₄ chi'₂ 'i'₅₄ quián₅ guá'₅ ně₃, ca₂η₁ai'₃ Jesús, jaun₂ qui₂ca₂'nei'₂ ně₃. ¹³ Jaun₂ ca₂i₁jio₃ le₂'uig₅₄ ja₁quió'₄ Anás. Anás 'éi₂ ně₃ jme₁lín₄ dsi₂jmei₂ Caifás, i₂jme₁lín₄ ta₁ jme₂dsa₂ dsen₅₄ η₁jaun₂.

¹⁴ Caifás 'éi₂ ně₃ i₂jme₁ca₂juá'₂ ca₂tsí'₃ dsa₂ judíos, a₂jmo₅ jón₂ jan₂ dsa₂ o₄quió'₄ dsa₂ juíg₂.‡

Tsá₃ ca₂tion₃ Pe₄ a₂cu₁in₂₃ Jesús

(Mateo 26:69-70; Marcos 14:66-68; Lucas 22:55-57)

¹⁵ Jaun₂ ca₂ηó₃ Si₂mu₅₄ Pe₄ quiain'₅₄ guě₄ jan₂ dsa₂ i₂guia₃-tín₂ sián'₂ ně₃, chi₁co'₅₄ quió'₅ Jesús. Dsa₂ guia₃-tín₂ jan₂ 'éi₂ ně₃ jme₁cuig₅ bá₄ jme₂dsa₂ dsen₅₄ quió'₅, jaun₂ bá₄ ca₂'í₃ co₂lě₅ quiain'₅₄ Jesús i₁dsi₅ quió'₅ jme₂dsa₂ dsen₅₄. ¹⁶ La₁ Pe₄ ně₃, jaun₂ bá₄ ca₂nau₂ o₄'né₄ tē₂le₃ ca₁'né₄. 'Uig₅₄ jaun₂ ca₂o₃'ín₃ dsa₂ guia₃-tín₂ i₂ma₂cuig₅ jme₂dsa₂ dsen₅₄ quió'₅, jaun₂ ca₂juá'₂ ca₂tsí'₃ 'io₅₄ i₂niog₅ ne₄ o₄'né₄, jaun₂ ca₂η₁i₂ Pe₄ tē₂le₃ dsi₂néi₂.

¹⁷ Jaun₂ ně₃ ca₂ηag₃ 'io₅₄ i₂jmo₅ 'í₁ o₄'né₄ ca₂η₁'₃ Pe₄:

—On₃jua'₅₄ 'ne₂ líng'₅ jan₂ i₂ca₂rě₃tín₃ quián₅ dsa₂ ně₅, ¿lia'₅₄?

Jaun₂ ca₂juá'₂:

—Jan₂'ón₄, on₃jua'₅₄ jniá₂ 'éi₂.

* **18:8** lit. “Jniá₂ líng₅”, co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14. † **18:11** lit. “¿'E₂ lín'₂ 'ne₂ a₂tsá₃, guí'₅₄ jniá₂ tion₅₄ jmíg₂ dsi'₃ a₂ma₂cuě₃ Ne'₃?” ‡ **18:14** Juan 11:50.

18 Ja₁jaun₂ jme₁tió_{n2} dsa₂ i₂jme₂ti₃ ta₁, quiain'₅₄ chi'₂ 'i'₅₄ quián₅ guá'₅. Jme₁ma₂ca₂dsia₃ ca₂jo'₅₄ si₂, ia₁ a₂jme₁güig₂, jaun₂ tióin₂ qui₂jme₂dsioin'₂. Ján₃ bá₄ jê₄ jaun₂ jme₁chén'₄ Pe₄ jme₂dsioin'₂.

Chén'₅ Jesús ne₄ jme₂dsa₂ dsen₅₄

(Mateo 26:59-66; Marcos 14:55-64; Lucas 22:66-71)

19 Jaun₂ ca₂ηag₃ jme₂dsa₂ dsen₅₄ ca₂ηíi'₃ Jesús cuente quió'₅ chi'₂ dsi₂guia₃-tín₂ quiáin₅, cuente quió'₅ juí₁lia'₂ jág₁ a₂jme₂tag₂₃ ně₃.

20 Jaun₂ ca₂ηag₃ Jesús:

—Ma₂qui₂ma₂juá'₃ bá₄ jniá₂ lia'₂ rē₂jiá₃ jág₁ tē₃ne₄ ca₂le₃jín₃ dsa₂; jme₁qui₂jme₁tín₂ jniá₂ tián₂ dsa₂ dsi₂néi₂ guá'₅ sinagoga quian'₅₄ i₁dsi₅ guá'₅ templo ně₃, ja₁qui₂ηi'₂ ca₂le₃jín₃ dsa₂ judíos. Tsá₃ 'e₂ jág₁ ma₂juá'₃ jniá₂ 'i₁caun₂ tē₃ chi₁'ma₁. 21 ¿'E₂ 'uig₅₄ ηag'₅₄ 'ne₂ jniá₂ jaun₂? Nj'₅₄ juí₁lia'₂ dsa₂ i₂qui₂ma₂nág₂ jág₁ quió'₃, 'e₂ ma₂juíg₂ jniá₂. Jag₄ de'₂, i₂ηi₅ bá₄ 'éi₂ juí₁lia'₂ i₂'e₂ jág₁ a₂ma₂juá'₃ jniá₂.

22 Jme₁ca₂juá'₂ Jesús le₂nē₅, jan₂ chi'₂ 'i'₅₄ quián₅ guá'₅ i₂jme₁chén'₄ cau₅, ca₂quein₃ dsi₂ne₄ Jesús, jaun₂ ca₂juá'₂:

—¿Le₁nē₅ bá₄ ηag'₅₄ 'ne₂ ne₄ jme₂dsa₂ dsen₅₄?

23 Jaun₂ ca₂ηag₃ Jesús:

—Chi₂jua'₂ 'lig'₅₄ ně₂juá'₃ jniá₂, jua'₅₄, jme₁jnia₅ chi₂jua'₂ já'₄ ca₂'lian'₂ jniá₂ jaun₂. La₁ chi₂jua'₂ dsau₅ bá₄ jág₁ a₂nē₂juá'₃, ¿'e₂ guē'₂ lē₃ quein'₂ quió'₃?

24 Jaun₂ ně₃ ca₂chei₃ Anás ca₂chein₃ Jesús chi₁'nej'₅₄ ne₄ Caifás, i₂lín₅ jme₂dsa₂ dsen₅₄.

Con'₂ siá'₂ táng₃ tsá₃ ca₂tion₃ Pe₄ a₂cuin₂₃ Jesús

(Mateo 26:71-75; Marcos 14:69-72; Lucas 22:58-62)

25 Tē₁lia'₂ jaun₂ ně₃, jaun₂ bá₄ chén'₅ Pe₄ jme₂dsioin'₂ cau₅ si₂, jaun₂ ca₂ηag₃ dsa₂ ca₂ηíi'₃ Pe₄:

—¿On₁jua'₅₄ 'ne₂ líng'₅ jan₂ i₂ca₂rē₃tín₃ quián₅ dsa₂ ně₅?

Tsá₃ ca₂tion₃ Pe₄ jaun₂, ca₂juá'₂:

—Jan₂'ón₄. On₃jua'₅₄ jniá₂ 'éi₂.

26 Jaun₂ ně₃ ca₂ηag₃ jan₂ i₂jme₂ti₃ ta₁ ne₄ jme₂dsa₂ dsen₅₄, i₂lín₅ jan₂ o₁rín₅₄ dsa₂ i₂ca₂quí'₃ Pe₄ rē₂gua₄, ca₂juá'₂:

—¿Tsa₁ ně₂jín₄ jniá₂ 'ne₂ ja₁cha₂ ni₁'ma₂ jaun₂, co₂lē₅ quian'₅₄ 'éi₂?

27 Jaun₂ con'₂ siá'₂ táng₃ tsá₃ ca₂tion₃ Pe₄ a₂cuin₂₃ Jesús. Jaun₂ lia'₂ ma₂tē₂dsi₅₄ jaun₂, ca₂'o₃ tē₁guí₄ dsó₂.

Chén'₅ Jesús ne₄ Dsi₄má'₂ Pilato

(Mateo 27:1-2, 11—14; Marcos 15:1-5; Lucas 23:1-5)

28 Jaun₂ ně₃ ca₂dsen₅ dsa₂ Jesús ja₁quió'₄ Caifás ca₂1₁jio₃ tē₂ ne₄ta₁ quió'₅ dsi₄má'₂. Jme₁ma₂jnia₃ mi₂güig₃, jaun₂ tsá₃ ca₂tón'₂ dsa₂ judíos dsi₂néi₂ ne₄ta₁ quió'₅ dsi₄má'₂, ia₁jaun₂ tsá₃ le₃'iog₅ quió'₅, ia₁ 'nio₃ jme₁guē'₃ má₃ quió'₅ Jmíg₄ Tē₂'in₅₄.

29 'Uig₅₄ jaun₂ ně₃ ca₂o₃'ín₃ Pilato 'ηiog₅ ja₁tion'₅₄ 'éi₂, jaun₂ ca₂juá'₂:

—¿'E₂ dso₄ bon'₄ 'nia'₂ dsa₂ la₂?

30 Jaun₂ ca₂ηag₃ dsa₂:

—Jua'₅₄ mei'₂ guē₃ tsá₃ rín₅ dsa₂ ně₅ dso₄, tsá₃ o₄gog'₂ 'ne₂ jme₁jín₅₄ jnia'₅₄.

31 Jaun₂ ně₃ ca₂juá'₂ Pilato ca₂tsí'₃ dsa₂:

—Te₅₄ 'nia'₂ jaun₂, qui₂dsi₅ 'nia'₂ 'éi'₃ quió'₅ lia'₂ con'₂ lē₅ 'Éi'₃ quián'₂ 'nia'₂ guiong'₅₄.

Jaun₂ ca₂ηag₃ dsa₂ judíos:

—La₁ia₁ tsá₃ 'i₄ 'éi₃ a₂ŋí₄ jnia'₅₄ jan₂ dsa₂.

³² Le₂ně₅ ca₂rě₃ti₃ jág₁ a₂ca₂juá'₂ Jesús 'e₂ ne₅₄ 'mú₃ a₂dsi₃ŋí₂.

³³ Jaun₂ ca₂'í₃ táng₃ Pilato tē₂le₃ dsi₂néi₂ ne₄ta₁ quió'₅, jaun₂ ca₂tě'₃ Jesús jaun₂ ca₂ŋí'₃ 'éi₂:

—¿Lín'₅ 'ne₂ Rag₅₄ quián₅ dsa₂ judíos?

³⁴ Jaun₂ ca₂ŋag₃ Jesús:

—¿A₂ŋag'₅₄ 'a₂ con'₂ dsi₂jiog₅ 'au'₂ 'ŋiag'₂ a₂juá'₂ ně₅, o₃ chan₂ i₂sián'₂ a₂ma₂juá'₂ 'ag₂₃ jniá'₂?

³⁵ Jaun₂ ca₂ŋag₃ Pilato:

—¿O₃ bá₄ dsa₂ judío lín₅ jniá'₂? Dsa₂ juig₂ quiáng'₂, quian'₅₄ juig₅₄ jme₂dsa₂ bá₄ ně₂jáng'₂ quiáng'₂ o₄gu₃ jniá'₂. ¿'E₂ ma₂jmo'₅₄?

³⁶ Jaun₂ ně₃ ca₂ŋag₃ Jesús:

—On₃jua'₅₄ mi₂güig₃ la₂ ja₁gon₂ jniá'₂. Jua'₅₄ mei'₂ guě₃ mi₂güig₃ la₂ ja₁gon₂ jniá'₂, jme₁ná_{u3} 'nei₂ bá₄ dsa₂ i₂quiong'₅₄ jniá'₂ ia₁jaun₂ tsá₃ jme₁jáng'₂ dsa₂ ne₄ dsa₂ judíos. La₁ on₃jua'₅₄ ja₁lá₃ ja₁gon₂ jniá'₂.

³⁷ Jaun₂ ně₃ ca₂juá'₂ Pilato ca₂tsí'₃ Jesús:

—¿Dsón'₂ bá₄ lín'₅ 'ne₂ rag₅₄ jaun₂ ně₃?

Jaun₂ ca₂ŋag₃ Jesús:

—Dsau₅ bá₄ juá'₂ 'ne₂, a₂lín₅ jniá'₂ rag₅₄. Ta₁ jaun₂ ca₂rě₃cháng₃, ta₁ jaun₂ guang₃ mi₂güig₃, ia₁jaun₂ jáng'₄ jág₁ dsau₅ o₄quió'₄ jág₁ tí₅. Ca₂le₃jín₃ i₂tión₂ le₃quió'₅ jág₁ tí₅, nag₂₃ jág₁ quió'₃.

³⁸ Jaun₂ ca₂juá'₂ Pilato ca₂tsí'₃ Jesús:

—¿I₂'e₂ jaun₂ jág₁ tí₅?

Ca₂o₃'ág₃ 'éi₃ a₂jón₂ Jesús

(Mateo 27:15-31; Marcos 15:6-20; Lucas 23:13-25)

Jme₁ca₂dsan₃ juá'₂ Pilato le₂ně₅, ca₂o₃'ín₃ táng₃, ca₂dsia₃ táng₃ jág₁ quian'₅₄ dsa₂ judíos. Jaun₂ ca₂juá'₂:

—Tsá₃ dso₄ dso'₂ jniá'₂ ja₁con₂ dsa₂ la₂. ³⁹ La₁ chí'₅ caun₂ tag₄ quián'₂ 'nia'₂ a₂tén₅ jniá'₂ jan₂ dsa₂ ja₁con'₂ 'nia'₂ jme₁tě₅ Jmíg₄ Tě₂'ín₅₄. ¿'Nio_g'₂ 'nia'₂ jaun₂ a₂tén₄ jniá'₂ Rag₅₄ quián₅ dsa₂ judíos?

⁴⁰ Jaun₂ ně₃, ca₂tóin'₂ co₂mi'₅₄ ca₂juá'₂:

—¡On₃jua'₅₄ i₂ně₅! ¡Barrabás bá₄ tén₃!

Barrabás 'éi₂ ně₃, jme₁lín₄ ja₁con₂ dsa₂ 'ang₂ i₂ca₂nau₂ 'nei₂.§

19

¹ Jaun₂ ně₃ ca₂jmo₃ Pilato 'éi₃ a₂ca₂i₁ban₅ dsa₂ Jesús quian'₅₄ tsi₁'nei₅₄ a₂co₂taun₅. ² Jaun₂ ca₂jmo₃ 'lióg₂ caun₂ ni₁tsag₂ corona a₂lě₅ jméi₁ ni₁uing₂ taun₅, jaun₂ ca₂tó'₂ mi₂dsi₄ Jesús. Jaun₂ ca₂quen'₃ dsa₂ Jesús caun₂ tsi₁'mi'₂ chen'₅₄ a₂jniá'₂ 'ui'₃ guéin₂. ³ Jaun₂ ně₃ qui₂ca₂jme₃quián₃ ja₁con₂ 'éi₂, a₂juá'₂:

—¡Sian'₃ 'ne₂, Rag₅₄ quián₅ dsa₂ judíos!

Jaun₂ qui₂ca₂quein₃ dsi₂ne₄ Jesús.

⁴ Jaun₂ ně₃ o₂'ín₃ táng₃ Pilato, jaun₂ ca₂juá'₂ ca₂tsí'₃ dsa₂:

—Nei₂ 'nia'₂, dséin₄ jniá'₂ ja₁lá₃ le₃ja₁con'₂ 'nia'₂, ia₁jaun₂ le₃len'₅₄ 'nia'₂ ca₂lia'₂ 'i₁caun₂ dso₄ tsá₃ dso'₂ jniá'₂ ja₁coin₂.

⁵ Jaun₂ o₂'ín₃ Jesús, 'i₄ dsi₅₄ corona lě₅ ni₁uing₂ taun₅, ján₃ bá₄ qui'₂ tsi₁'mi'₂ chen'₅₄ 'ui'₃ jaun₂. Jaun₂ ně₃ ca₂juá'₂ Pilato ca₂tsí'₃ dsa₂:

—¡jín₄ 'nia'₂ dsa₂!

§ 18:40 'Nio'₂ ja₁ton₅ Marcos 15:7.

6 Jaun₂ jme₁qui₂ca₂jág₂ juig₅₄ jme₂dsa₂ quian'₅₄ chi'₂ 'i'₅₄ quián₅ guá'₅ ně₃, jaun₂ ca₂jme₃lióg₃ qui₂ca₂tóin'₂ co₂mi'₅₄, ca₂juá'₂:

—¡Tióin₃ cróg₄! ¡Tióin₃ cróg₄!

Jaun₂ ca₂juá'₂ Pilato:

—Te₅₄ 'nia'₂ jaun₂, tióin₃ 'nia'₂ cróg₄ guiong'₅₄, ia₁ jniá₂ ně₃, 'i₁caun₂ dso₄ tsá₃ dso'₂ jniá₂ ja₁coin₂.

7 La₁ia₁ ca₂ηag₃ dsa₂ judíos:

—Ron₅ caun₂ 'éi'₃ quián₂ jnia'₅₄, jaun₂ lia'₂ con'₂ lě₅ juá'₂ 'éi'₃ jaun₂, a₂'nió'₅ jóin₂ bá₄; ia₁ a₂jmo₂₃ a₂lín₅ Ja₁ηi'₅₄ Diú₄.

8 Jme₁ca₂nág₂ Pilato jág₁ ně₅, 'ηio₅ lín₃ guě₄ ca₂i₃gó'₃ dsí₅. 9 Jaun₂ ca₂'í₃ táng₃ tē₂le₃ dsi₂néi₂ ne₄ta₁ quió'₅, jaun₂ ca₂ηag₃ ca₂ηí'₃ Jesús:

—¿A₂já'₄ chan'₂ 'ne₂?

La₁ tsá₃ 'e₂ ca₂ηag₃ Jesús, 'i₁caun₂. 10 Jaun₂ ně₃, ca₂juá'₂ Pilato:

—¿Tsa₁ ηag'₅₄ 'ne₂ jág₁ quió'₃ jniá'₂? ¿Tsa₁ ηi'₅₄ 'ne₂ jaun₂ a₂'o₂ jniá₂ jui₅bí₂ a₂jmo₅₄ 'éi'₃ a₂tion₃ dsa₂ cróg₄ 'ne₂, ján₃ bá₄ le₂jaun₂ guě'₂ ján₃, a₂'o₂ jniá₂ jui₅bí₂ a₂long₅₄ 'ne₂?

11 Jaun₂ ca₂ηag₃ Jesús:

—Ca₂lia'₂ 'i₁caun₂ jui₅bí₂ tsá₃ 'au'₂ 'ne₂ ja₁con₂ jniá₂, jua'₅₄ tsá₃ Diú₄ ca₂cuě₃. 'Uig₅₄ jaun₂, jui₁lia'₂ i₂ně₂jáng'₂ jniá₂ ne'₅₄ 'ne₂, 'ηio₅ lín₃ guě₄ juě'₂ dso₄ rě₂cáin'₄ con'₂ guě₄ 'ne₂.

12 Ca₂le₃ jaun₂ ca₂'náu'₃ dsí₅ Pilato 'a₂ lia'₂ cuin₅ jmig₄ a₂jme₁lióin₂ Jesús; la₁ dsa₂ judíos ně₃ qui₂ca₂tóin'₂ co₂mi'₅₄ ca₂juá'₂:

—¡Ně₁jua'₂ ca₂lioin'₅₄, tsá₃ líng'₅ a₂mei₅₄ quián₅ dsi₂tan₅₄ emperador! ¡la₁ ně₁jua'₂ 'ein₂ jmo₅ lín₅ rag₅₄, lín₅ jan₂ dsa₂ i₂'ηia₅₄ emperador!

13 Jaun₂ ně₃ jme₁ca₂nág₂ Pilato jág₁ jaun₂, ca₂dsein₂₃ Jesús. Jaun₂ ca₂guá₂ ne₄ta₁ ja₁qui₂dsi₂₃ 'éi'₃; ja₁jaun₂ ja₁chei₂ Gabata quian'₅₄ jág₁ jmei₅ hebreo, co₂'nió'₄ a₂juá'₂, ja₁lě₄ 'uě₃ cang₄. 14 Jme₁lě₄ jmig₄ a₂jmo₅ dsa₂ co₂ηia₅₄ Jmig₄ Tě₂'in₅₄; jme₁ma₂tě₂ con'₂ dsi₂ηí'₃; jaun₂ ca₂juá'₂ Pilato ca₂tsí'₃ dsa₂ judíos:

—¡Jin₄ 'nia'₂ rag₅₄ quiáng'₂!

15 La₁ ca₂tóin'₂ co₂mi'₅₄ ca₂juá'₂:

—¡Cau₅ ηiai'₃! ¡Cau₅ ηiai'₃! ¡Tióin₃ cróg₄!

Jaun₂ ca₂juá'₂ Pilato:

—¿A₁'niog'₂ 'nia'₂ tóng₄ cróg₄ rag₅₄ quián'₂ 'nia'₂?

La₁ qui₂ca₂ηag₃ juig₅₄ jme₂dsa₂ ca₂juá'₂:

—Tsá₃ rag₅₄ sián'₂ chan₂ quián₂ jnia'₅₄, ηia'₅₄ lia'₂ jan₂ emperador bá₄.

16 Jaun₂ bá₄ ca₂jáng'₂ Pilato ca₂jin'₂ Jesús ia₁jaun₂ tio₃ dsa₂ ne₄ cróg₄. Jaun₂ ca₂tág₃ dsa₂.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Lucas 23:26-43)

17 O₂'ín₃ Jesús jaun₂, quian₅ cróg₄ quió'₅, a₂ηó₃ jui₅ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. Quian'₅₄ jág₁ jmei₅ arameo guě'₂, chei₂ Gólgota. 18 Ja₁jaun₂ ca₂tion₃ dsa₂ ne₄ cróg₄, ján₃ bá₄ ca₂tion₃ guě₄ dsa₂ on₃ dsa₂ sián'₂ co₂lě₅ quian'₅₄ Jesús, jma₃jan₂ lia'₂ ca₂ton₂ quió'₅; 'ηiog₅ guě'₂ Jesús tē₁toin₅₄ dsi₂jo₂.

19 Jaun₂ ca₂tióng₃ Pilato letras dsi₄ cróg₄ co₂'nió'₄ a₂juá'₂: “JESÚS CHAN₂ NAZARET, RAG₅₄ QUIÁN₅ DSA₂ JUDÍOS.”

20 Jaun₂ juin₅ dsa₂ judíos ca₂'í₂ letras jaun₂, ia₁ ma₂quián₅ chei'₅₄ juig₂ ciudad bá₄ ja₁ca₂tion₃ dsa₂ cróg₄ Jesús jaun₂. Jme₁chi₁ton₅ letras jaun₂ quian'₅₄ jág₁ jmei₅ hebreo, griego, quian'₅₄ jág₁ jmei₅ latín ně₃. 21 'Uig₅₄ jaun₂, ca₂juá'₂ juig₅₄ jme₂dsa₂ quian'₅₄ dsa₂ judíos, ca₂tsí'₃ Pilato:

—Tsá₃ lē₁taun₂ “Rag₅₄ quián₅ dsa₂ judíos”; ja₂lin₃ guē₄ dse₃ taun₅₄ “I₂juá'₂ a₂lín₅ Rag₅₄ quián₅ dsa₂ judíos.”

²² La₁ ca₂ḡag₃ Pilato:

—Jui₁lia'₂ a₂ma₂nē₂táun₂ jniá₂, co₂nē₅ ma₂nē₂táun₂.

²³ Jme₁ma₂ca₂lē₃ tion₅ 'lióg₂ Jesús ne₄ cróg₄, jaun₂ ca₂can₃ tsi₁'mi'₂ quió'₅ Jesús, jaun₂ ca₂jmo₃ quén₂ dso'₅₄, jma₃jan₂ 'lióg₂ lia'₂ ca₂dso'₅₄. Ján₃ bá₄ le₂jaun₂ ca₂can₃ ni₁tsin'₅₄ Jesús. La₁ ni₁tsin'₅₄ nē₃, tsá₃ jme₁rē₂'me₅; jme₁lē₄ caun₂ 'mi'₂ con'₂ lē₅ ca₂ta₃ dsa₂, ta₁caun₂.

²⁴ Jaun₂ ca₂juá'₂ 'lióg₂ ca₂tsí'₃ riin'₅₄:

—Co₂ḡei'₅₄ tió'₅ tsá₃ guéi₃. Nē₃ i₁cáu₂ co₂ḡei'₅₄ dsí₂ suerte, o₁ne₄ 'ein₂ tin₅₄.

Jaun₂ le₂nē₅ ca₂rē₃ti₃ jág₁ a₂rē₂ton₅ ne₄ Si₂ a₂juá'₂:

Qui₂ca₂dsión'₂ dsa₂ tsín'₅ jniá₂ quiain'₅₄ riin'₅₄,

ca₂co₃ ca₂dsi₂ suerte o₁ne₄ 'ein₂ tin₅₄.*

Le₂nē₅ bá₄ ca₂jmo₃ 'lióg₂ 'éi₂ tioin'₅₄.

²⁵ La₁ chog₅₄ Jesús nē₃, jaun₂ bá₄ jme₁chéin'₄ cau₅ cróg₄, lia'₂ jma₃quian'₅₄ 'io₅₄ riin'₅₄, quiain'₅₄ María quián₅ Cleofas, quian'₅₄ María chan₂ Magdala nē₃.

²⁶ Jme₁ca₂jín₂ Jesús chog₅₄, quiain'₅₄ chi'₂ dsi₂guia₃-tín₂ i₂ḡí₄ lē₃ jme₁'nioi₃ 'éi₂, chéin'₅ cau₅, jaun₂ ca₂juá'₂ ca₂tsí'₃ chog₅₄:

—'Io₅₄, nē₅ chén'₅ ja₂ḡí'₂.

²⁷ Jaun₂ guē₄ ca₂juá'₂ ca₂tsí'₃ dsi₂guia₃-tín₂ 'éi₂:

—Nē₅ chén'₅ chog'₂.

Ca₂le₃ jmig₄ jaun₂, ca₂guei₃ chi'₂ dsi₂guia₃-tín₂ 'éi₂ ca₂guein₃ María dsi₂néi₂ quió'₅.

Ca₂jon₃ Jesús

(Mateo 27:45-56; Marcos 15:33-41; Lucas 23:44-49)

²⁸ Cang₂ guē₄ jaun₂ nē₃, ia₁ jme₁ma₂ḡi₅ bá₄ Jesús a₂ma₂ca₂rē₃'ḡia₅ ca₂le₃jē₃, ia₁jaun₂ le₃ti₃ jág₁ tio'₅₄ ne₄ Si₂, ca₂juá'₂:

—Jmig₂ i₁ḡui'₁ jniá₂.

²⁹ Jē₄ jaun₂ jme₁chí'₄ caun₂ ni₁dsig₁ a₂'a₄ jmig₂ dsi'₃, jaun₂ ca₂tiá₂ dsa₂ caun₂ ni₁jau₂ 'ḡió'₃, ca₂ḡuioin₃ quian'₅₄ jmig₂ dsi'₃ jaun₂. Jaun₂ ca₂chi₃dsí₂ dsa₂ nei'₅₄ caun₂ ni₁'ma₂ hisopo jaun₂ ca₂chóg'₃ dsa₂ tē₂ mi₂'o₄ Jesús. ³⁰ Jme₁ma₂nē₂'én'₂ jmig₂ dsi'₃ jaun₂, jaun₂ ca₂juá'₂:

—Ma₂ca₂lē₃.

Jaun₂ nē₃ ca₂sióg₂ mi₂dsi₅₄, ca₂jáng'₃ jme₂dsí₂ quió'₅.

Ca₂'ág'₂ 'lióg₂ ḡi₁chen'₂ quió'₅ mi₂dsi₂con₂ Jesús

³¹ Jme₁lē₄ jmig₄ a₂jmo₅ dsa₂ co₂ḡḡia₅₄ Jmig₄ Tē₂'in₅₄, jaun₂ tsá₃ 'nio₃ dsa₂ judíos jua'₅₄ lia'₂ ma₂le₁ton₅ jaun₂ ni₁ḡi₁₂ dso'₂ cróg₄ jmig₄ sa₅₄, ia₁ jmig₄ juē'₂ lin₃ bá₄ sa₅₄ jaun₂. 'Uig₅₄ jaun₂ nē₃ ca₂mi₃ ne₄ Pilato a₂chein₃ 'lióg₂ a₂qui₂dsi₃jio₅₄ dsi₂tag₄ 'éi₂, jaun₂ guē₄ tē₂. ³² Jaun₂ nē₃ ca₂i₁len₅₄ 'lióg₂ ca₂i₁jio₂ dsi₂tag₄ i₂le₂'uig₅₄; ján₃ bá₄ le₂jaun₂ ca₂jmo₃ quian'₅₄ i₂jan₂ i₂chi₁ton₅ cróg₄ con₂ Jesús. ³³ La₁ jme₁ca₂jme₃quián₃ con₂ Jesús, ca₂jág₃ jme₁ma₂join₂₃ bá₄; 'uig₅₄ jaun₂ nē₃ tsá₃ ma₂ca₂jió₃ dsi₂tag₄ 'éi₂. ³⁴ La₁ ca₂'ág'₂ jan₂ 'lióg₂ mi₂dsi₁con₂ Jesús quian'₅₄ ḡi₁chen'₂ quió'₅, jaun₂ dsi₂jui₅ le₂jaun₂ ca₂'io₂ jmi₂ quian'₅₄ jmig₂. ³⁵ Jan₂ dsa₂ i₂ca₂tē₂ ne₄ i₂jáng'₅ jág₁ dsau₅ la₂; ton'₂ tí₅ bá₄ jág₁ dsau₅ a₂jáng'₅. Ján₃ bá₄ ḡi₅ dsa₂ 'éi₂ a₂juá'₂ jág₁ tí₅ tē₃dsón'₂, ia₁jaun₂ le₃'én'₂ 'nia'₂ ján₃. ³⁶ Ia₁ a₂ca₂lē₃ la₂, ca₂lē₃ ia₁jaun₂ le₃ti₃ jág₁ a₂rē₂ton₅ ne₄ Si₂ a₂juá'₂: “Lia'₂ 'i₁caun₂ mu₄ 'éi₂ tsá₃ qui₃jio₃ dsa₂.”† ³⁷ Le₂jaun₂ guē'₂ táng₃ juá'₂ ne₄ Si₂ ja₁siá'₂: “Jág₂ dsa₂ jín₂ 'éi₂ i₂ca₂'ág'₂ dsa₂ quió'₅.”‡

* 19:24 Salmo 22:18. † 19:36 Éxodo 12:46; Números 9:12; Salmo 34:20. ‡ 19:37 Zacarías 12:10.

*Ca₂'on₃ Jesús**(Mateo 27:57-61; Marcos 15:42-47; Lucas 23:50-56)*

³⁸ Cang₂ guë₄ jaun₂ ně₃, ca₂mi₃ jan₂ dsa₂ i₂chen₂ José, i₂chan₂ jui₂g₂ Arimatea, i₂jme₁lín₄ jan₂ dsa₂ i₂quián₅ Jesús, la₁ia₁ jme₁'éin₂ con₂ tē₃co₅ bá₄, ia₁ a₂gain₃ dsa₂ judíos; ca₂mi₃ Sě₄ 'éi₂ ne₄ Dsi₄má₂ Pilato a₂con₂ ni₁ñi₁ 'lag₄ Jesús. Ca₂cuë₃ bá₄ Pilato jmig₄, jaun₂ ñe₄ Sě₄ ca₂i₁sioin₅ 'lag₄, jaun₂ ca₂tág₃. ³⁹ Ján₃ bá₄ ca₂dsióg₃ Nicodemo i₂jme₁ca₂i₁dsia₂ jág₁ le₂jñiá₅ quian₅ Jesús a₂'uë₂. Jme₁quian₅ 'éi₂ con₂ guióg₂-guiá₂ kilos mirra quian₅ áloes a₂ma₂rë₂güin₅. ⁴⁰ Jaun₂ ca₂tág₃ Sě₄ quian₅ Nicodemo ca₂tág₃ 'lag₄ ca₂lio₃ quian₅ tsi₁'mi₂ tióg₃ lia₂ jma₃quian₅ mi₂ro₂ jaun₂, lia₂ jme₁lě₄ tag₄ chí₅ quió₅ dsa₂ judíos a₂jme₁óin₂ 'lag₄. ⁴¹ Cau₅ ja₁ca₂tion₃ dsa₂ cróg₄ Jesús, jme₁lě₄ caun₂ ja₁cha₂ ni₁'ma₂ a₂'ag₅ mīg₂. Jaun₂ jě₄ jaun₂ jme₁dsi₅₄ caun₂ tau₂ 'ñio₅ 'mí₂ ja₁tsá₃ 'ein₂ jme₁ma₂ton₂ dsa₂ 'i₁jan₂ 'lag₄. ⁴² Jaun₂ 'uig₅₄ ia₁ a₂jme₁lě₄ jmig₄ a₂jmo₃ dsa₂ judíos co₂jñia₅₄ quió₅, ton₂ 'uig₅₄ ia₁ a₂jme₁lě₄ ma₂quián₅ jaun₂ tau₂ 'ñio₅, jaun₂ ja₁jaun₂ ca₂quio₅ Sě₄ quian₅ Nicodemo ca₂quioin₂₃ Jesús.

20*Ca₂jen₅₄ Jesús**(Mateo 28:1-10; Marcos 16:1-8; Lucas 24:1-12)*

¹ Jě₁le₂'uig₅₄ jmig₄ semana, ñe₄ María chan₂ Magdala ja₁dsi₅₄ tau₂ 'ñio₅, tē₂ o₃'iog₂ tē₃ qui₁né₃ guë₄ le₂jaun₂. Jaun₂ ca₂jág₃, jme₁ma₂rë₃jñia₅₄ bá₄ ni₁cang₁ 'o₄ tau₂ 'ñio₅ jme₁dsióg₃. ² Jaun₂ ně₃ ca₂ñái₃ co₂chi₅₄ ja₁jme₁'en₅₄ Si₂mu₅₄ Pe₄ quian₅ chí₂ dsi₂guia₃-tín₂ jan₂ i₂ñí₄ lě₃ jme₁'nio₃ Jesús 'éi₂, jaun₂ ca₂juá₂:
—Ma₂ně₂dsen₅ dsa₂ Te₁gui₅₄ dsi₂néi₂ tau₂ 'ñio₅ ja₁jme₁roin₂₃, jaun₂ tsá₃ ne₄ a₂já₄ ně₂quio₅ dsa₂.

³ Jaun₂ ně₃ Pe₄ quian₅ chí₂ dsi₂guia₃-tín₂ jan₂ 'éi₂ ca₂'uüin₂ jaun₂ i₃lėin₂ ja₁dsi₅₄ tau₂ 'ñio₅. ⁴ Le₃oin₃ bá₄ i₃lėin₂ co₂lě₅ co₂'ei₅; la₁ i₂jan₂ 'éi₂ ca₂ñi₃ guë₄ co₂chi₅₄ con₂ guë₄ Pe₄, jaun₂ jñiá₅ bá₄ ca₂dsióg₃ ja₁dsi₅₄ tau₂ 'ñio₅. ⁵ Jaun₂ ca₂jmo₃ i₁jñin₂ ca₂ñe₃ ne₅₄, jaun₂ ca₂jág₃, jaun₂ bá₄ jme₁niog₅ tsi₁'mi₂ tióg₃, la₁ia₁ tsá₃ ca₂'i₃ dsi₂néi₂. ⁶ Jaun₂ guë₄ ca₂dsióg₃ Si₂mu₅₄ Pe₄ chí₁co₅₄ quió₅, jaun₂ ca₂'i₃ dsi₂néi₂ tau₂ 'ñio₅. Jaun₂ ca₂jág₃ 'éi₂ tsi₁'mi₂ tióg₃: jaun₂ bá₄ jme₁niog₅ ja₁jaun₂; ⁷ ján₃ bá₄ ca₂jág₃ pe₁guí₄ a₂ca₂lio₃ mi₂dsi₄ Jesús. La₁ tsá₃ jme₁ron₅ co₂lě₅ quian₅ tsi₁'mi₂ tióg₃ jaun₂; cau₅ bá₄ jme₁ron₅ jme₁rë₂jon₅. ⁸ Jaun₂ bá₄ ca₂'i₃ chí₂ dsi₂guia₃-tín₂ jan₂ 'éi₂, i₂dsióg₃ le₂'uig₅₄; ca₂tě₂ ne₅₄, jaun₂ ca₂rë₃'éin₂. ⁹ (Ia₁ tsá₃ jme₁ma₂ñí₂ guë₄ dsi₅ jág₁ a₂chi₁ton₅ ne₄ Si₂, a₂tion₅₄ niog₅ jen₅₄ Jesús jñ₄ 'lag₄.)

¹⁰ Jaun₂ ně₃, i₂len₃ bá₄ táng₃ chí₂ dsi₂guia₃-tín₂ 'éi₂ quió₅.

*Ca₂jme₃jñia₅ Jesús ne₄ María chan₂ Magdala**(Marcos 16:9-11)*

¹¹ La₁ jaun₂ bá₄ jme₁chén₄ María ca₁'né₄ tau₂ 'ñio₅, 'o₂₃. Tě₁lia₂ 'o₂₃ jaun₂, ca₂jmo₃ i₁jñin₂ a₂ca₂jág₃ tē₂le₃ 'ñio₃ tau₂ 'ñio₅, ¹² jaun₂ ca₂jñin₂ on₃ ángeles i₂le₁qui₂ 'mi₂ tiog₂, tiáin₅ jě₄ jme₁ron₅ ni₁ñi₁ Jesús; jan₂ jme₁guá₄ tē₂le₃ ja₁lě₄ chí₁gui₂, i₂jan₂ guë₂ ja₁jme₁lě₄ a₃tag₅.

¹³ Jaun₂ ca₂ñag₃ ángeles ca₂ñí₃ María:

—'Io₅₄, ¿'e₂ lě₃ 'au₂?

Jaun₂ ca₂ñag₃:

—Ia₁ ma₂ně₂te₃ bá₄ dsa₂ Te₁gui₅₄ quiáng₃, jaun₂ tsá₃ guion₄ jñiá₂ a₂já₄ ně₂quio₅ dsa₂.

14 Jë₂ bá₄ ca₂'ñiai₂ jág₁ nē₅, jme₁ca₂jén'₃, jaun₂ ca₂jín₂ Jesús jme₁chéin'₄; la₁ tsá₃ jaun₂ jme₁ñi₅, Jesús bá₄ 'éi₂.

15 Jaun₂ nē₃ ca₂ñag₃ Jesús:

—'Io₅₄, ¿'e₂ lē₃ 'au'₂ 'ne₂? ¿L₂'ein₂ 'nag'₂?

Jaun₂, ia₁ a₂lín₂ María a₂lín₅ 'éi₂ dsa₂ i₂jmo₅ 'í₁ 'uē₃ jaun₂, jaun₂ ca₂juá'₂:

—Gui'₅₄, chi₂jua'₂ 'ne₂ ne₂te'₅₄, jua'₅₄ a₂já'₄ nē₂quoin'₂, ia₁jaun₂ tē₅₄ jniá₂.

16 Jaun₂ ca₂juá'₂ Jesús:

—¡María!

Jaun₂ ca₂jén'₃ María jaun₂ ca₂juá'₂ quian'₅₄ jág₁ jmei₅ hebreo:

—¡Raboni! —co₂'nió'₄ a₂juá'₂: Tē₅ quiáng₃.

17 Jaun₂ ca₂juá'₂ Jesús:

—Tsá₃ lē₂jmá'₂ quió₃, ia₁ tsá₃ ma₂uíg₂ guē₄ jniá₂ ja₁con₂ Ne'₃. La₁ guan'₂ o₂chei'₅₄ rín'₃ jniá₂, a₂uíg₂ jniá₂ ja₁con₂ Ne'₃, ja₁con₂ Nēi'₅ 'nia'₂ nē₃, ja₁con₂ Diú₄ quiáng₃, ja₁con₂ Diú₄ quián'₂ 'nia'₂ nē₃.

18 Jaun₂ bá₄ ñó₃ María chan₂ Magdala 'éi₂ ca₂i₁chi'₄ chi'₂ dsi₂guia₃-tín₂ a₂jme₁ma₂nē₂jín₂ Te₁gui'₅₄, a₂jme₁ma₂nē₂juá'₂ 'éi₂ jág₁ jaun₂.

Ca₂jme₃jnia₅, Jesús ne₄ chi'₂ dsi₂guia₃-tín₂

(Mateo 28:16-20; Marcos 16:14-18; Lucas 24:36-49)

19 Jme₁ca₂nei₂ jē₁le₂'uig₅₄ jmig₄ semana jaun₂ nē₃, jme₁tion'₅₄ chi'₂ dsi₂guia₃-tín₂ le₁ñi'₂, qui₂le₁jnág₅ 'né₅ ja₁tioin'₅₄, ia₁ a₂gain₃ dsa₂ judíos. Jaun₂ ca₂'í₃ Jesús, jaun₂ ca₂nau₂ dsi₂jo₂ quió'₅ 'éi₂, jaun₂ ca₂juá'₂:

—Jui₁'ei₅ tei₄ 'au'₂ 'nia'₂.

20 Jme₁ma₂ca₂juá'₂ le₂nē₅, ca₂'ē₃ mi₂gu₂ quian'₅₄ mi₂dsi₁coin₂. Jaun₂ ca₂jmo₃ 'io'₂ chi'₂ dsi₂guia₃-tín₂ jme₁ca₂jín₂ Te₁gui'₅₄.

21 Jaun₂ ca₂juá'₂ táng₃ Jesús:

—Jui₁'ei₅ tei₄ 'au'₂ 'nia'₂. Jui₁lia'₂ ca₂chei₃ Ne'₃ jniá₂, ján₃ bá₄ le₂jaun₂ tsin₅₄ jniá₂ 'nia'₂.*

22 Jaun₂ nē₃ ca₂jéi₂ dsí₂ ne₄ quió'₅ dsa₂ 'éi₂, jaun₂ ca₂juá'₂:

—Guen'₅₄ 'nia'₂ Jme₂dsí₂ Jñiós. 23 Chi₂jua'₂ 'ein₂ i₂ca₂'én'₃ 'nia'₂ dsáu₁, ma₂qui₂ca₂i₃'én₂ bá₄ dsáu₁ 'éi₂; chi₂jua'₂ 'ein₂ tsá₃ ca₂'én'₃ 'nia'₂ dsáu₁, tē₃ñiá₄ dsáu₁ ja₁coin₂.

Jág₅ To₁má₄ jín₂ Te₁gui'₅₄ a₂ma₂ca₂jein'₅₄

24 La₁ To₁má₄ nē₃, jan₂ chi'₂ dsi₂guia₃-tín₂ i₂tē'₂ dsa₂ Dsa₂ Tsin'₅₄, tsá₃ jme₁'ein₅₄ jē₄ quió'₅ riin'₅₄ lia'₂ con'₂ jme₁dsióg₃ Jesús. 25 Jaun₂ lē₃, jme₁ca₂juá'₂ chi'₂ dsi₂guia₃-tín₂ riin'₅₄:

—Ma₂nē₂jín₄ jnia'₅₄ Te₁gui'₅₄.

La₁ To₁má₄ nē₃ ca₂juá'₂:

—Nē₂jua'₂ tsá₃ ca₂jág₃ jniá₂ léi₄ mi₂gu₂ ja₁ca₂i₃ba₅₄ mi₂ñí₁, ca₂lia'₂ ca₂tiá₃ chi₁gu₃ tau₂ a₂ca₂lē₃ quian'₅₄ mi₂ñí₁, ca₂lia'₂ ca₂tiá₃ mi₂gu₃ mi₂dsi₁coin₂, tsá₃ le₃'éng₂.

26 Jñia₃ jmig₄ cang₂ guē₄ jaun₂, jme₁le₁ñi'₂ táng₃ chi'₂ dsi₂guia₃-tín₂ quiáin₅ caun₂ dsi₂néi₂, le₂jaun₂ guē₄ nē₃ jme₁'en₅₄ To₁má₄ jē₄ quió'₅ 'éi₂. Jaun₂ nē₃, o₁jñia'₅₄ qui₂le₁jnág₅ 'né₅ ja₁tioin'₅₄, ca₂'í₃ Jesús, ca₂nau₂ dsi₂jo₂ quió'₅ 'éi₂, jaun₂ ca₂juá'₂:

—Jui₁'ei₅ tei₄ 'au'₂ 'nia'₂.

27 Jaun₂ nē₃ ca₂juá'₂ ca₂tsí'₃ To₁má₄:

* 20:21 'Nio'₂ ja₁ton₅ Juan 17:18.

—'Nia₅ i₂tio'₂ chi₁gog'₂ ja₁lá₃, jag₄ mi₂gu₃; i₂tio'₂ gog'₂ mi₂dsi₁cong₂. Tsá₃ lë₁jmo₂ a₂tsá₃ 'éng'₂, ju₁le₂'éng'₂ bá₄.

28 Jaun₂ ně₃ ca₂ḡag₃ To₁má₄:

—i₁Te₁gui'₅₄ quiáng₃, Diú₄ quiáng₃ ně₃!

29 Jaun₂ ca₂juá'₂ Jesús:

—Ně₃ guě₄ 'éng'₂ 'uig₅₄ ia₁ a₂ně₂jag'₅₄ jniá₂. 'E₂ guě₄ dsen₃ ju₁lia'₂ dsa₂ i₂tsá₃ ca₂jág₂, la₁ 'éin₂ bá₄.

Ta₁ a₂quí'₅ si₂ la₂

30 Jaun₂ ně₃, 'líong₂ bá₄ léi₄ juě'₂ siá'₂ ca₂jmo₃ Jesús ne₄ chi'₂ dsi₂guia₃-tín₂ quiáin₅ a₂tsá₃ tio'₅₄ ne₄ si₂ la₂. 31 La₁ia₁ qui₂rě₂ton₅ a₂la₂, ia₁jaun₂ le₃'én'₂ 'nia'₂ a₂lín₅ Jesús I₂rě₂'ín₁ quián₅ Diú₄, ton'₂ lín₅ Ja₁ḡi'₅₄ Diú₄, ia₁jaun₂ jě₁ma₂qui₂ca₂rě₃'én'₂ 'nia'₂, le₃chan'₂ bá₄ 'nia'₂ co₂tan₅₄ le₃quió'₅ 'éi₂.

21

Ca₂jme₃jnia₅ Jesús ne₄ guion₃ chi'₂ dsi₂guia₃-tín₂ quiáin₅

1 Cang₂ guě₄ jaun₂, ca₂jme₃jnia₅ táng₃ Jesús ne₄ chi'₂ dsi₂guia₃-tín₂ quiáin₅ chei'₅₄ Jmi₁ḡi'₄ Tiberias.* Le₂la₂ bá₄ ca₂lě₃:

2 Jme₁tion'₅₄ co₂lě₅ Si₂mu₅₄ Pe₄; To₁má₄, i₂tě'₂ dsa₂ Dsa₂ Tsin'₅₄; Natanael i₂chan₂ juig₂ Caná ja₁tén₄ 'uě₃ Galilea; le₃on₃ ja₁ḡi'₅₄ Zebedeo ně₃; quiain'₅₄ on₃ guě₄ chi'₂ dsi₂guia₃-tín₂ sián'₂ quián₅ Jesús. 3 Jaun₂ ca₂juá'₂ Si₂mu₅₄ Pe₄:

—Nei₅₄ i₁cháng'₃ ju₄.

Jaun₂ ca₂ḡag₃ 'éi₂:

—Ján₃ bá₄ dsau₅₄ jnia'₅₄ quian'₅₄ 'ne₂.

Jaun₂ i₃lén₂, ca₂uíg₂ 'ḡió'₃ caun₂ tsi₁mu₅, la₁ a₂'uě₂ jaun₂ tsá₃ ju₄ ca₂join₃ 'i₁jan₂.

4 Jme₁ca₂jnia₃ táng₃ jaun₂, jaun₂ jme₁chén'₄ Jesús chei'₅₄ jmi₁ḡi'₄, la₁ tsá₃ jaun₂ ḡi₅ chi'₂ dsi₂guia₃-tín₂ jnia'₅₄ Jesús bá₄ 'éi₂. 5 Jaun₂ ně₃ ca₂juá'₂ Jesús:

—'Nia'₂ chi'₂, ḡtsa₁ ju₄ chan₂ quián'₂ 'nia'₂?

Jaun₂ ca₂ḡag₃ 'éi₂:

—Lia'₂ 'i₁jan₂.

6 Jaun₂ ně₃ ca₂juá'₂ Jesús:

—Tiong₂ 'nia'₂ 'má₅ quiáng'₂ tē₂le₃ gu₂ ne₁ tsi₁mu₅, jaun₂ join'₅₄ 'nia'₂.

Jaun₂ le₂jaun₂ bá₄ ca₂jmo₃. Jme₁co₂lág₂ jaun₂ tioen'₅₄ tsá₃ lé₂ dsí₃ tsi₁'má₅ dsi₂jmi₂g₂, ia₁ a₂ḡí₄ lě₃ juin₅ i₁ju₁ jme₁tion'₅₄ 'ḡió'₃.

7 Jaun₂ ně₃ ca₂juá'₂ chi'₂ dsi₂guia₃-tín₂ i₂jme₁'nio₃ Jesús guě₄ lin₃, ca₂tsí'₃ Pe₄:

—i₁Te₁gui'₅₄ bá₄ ó₃!

Jě₂ bá₄ con'₂ ca₂nág₂ Si₂mu₅₄ Pe₄, Te₁gui'₅₄ bá₄ 'éi₂, ca₂quí'₂ tsin'₅₄ jang₄ le₃co'₅₄ (ia₁ jme₁ma₂ně₂jniá'₂ a₂jme₁jmo₃ ta₁) jaun₂ ca₂tiáin₂ dsi₂jmi₂g₂. 8 Chi'₂ dsi₂guia₃-tín₂ riin'₅₄ guě'₂ ně₃, ca₂dsi₃lein₃ bá₄ tē₂ chei'₅₄ jmi₁ḡi'₄ quian'₅₄ tsi₁mu₅ qui₂tsi₂cuín'₅ tsi₁'má₅, ca₂lia'₂ rě₂can'₂ ju₄. Ia₁ tsá₃ uíng₂ jme₁tioen'₅₄ ja₁lě₄ chei'₅₄ jmi₁ḡi'₄: con'₂ caun₂ 'ḡiá₂-láu₂ metros bá₄ jme₁tí₄. 9 Jme₁ca₂sióin₃ 'uě₃ ně₃, ca₂jág₃ a₂ma₂niog₅ si₂ tá₃, ján₃ bá₄ jme₁ma₂dsín₂ jan₂ ju₄ ne₄ si₂; ján₃ bá₄ jme₁te₁'i₁ i₁ḡi'₄ ně₃.

10 Jaun₂ ca₂juá'₂ Jesús:

—Jḡia₅ jan₂-on₃ ju₄ i₂lia'₂ ně₂chan'₂ 'nia'₂.

* 21:1 o₃, Jmi₁ḡi'₄ Galilea.

11 Jaun₂ ca₂uíg₂ Si₂mu₅₄ Pe₄ guei'₅₄ tsi₁mu₅. Jaun₂ ca₂tsé'₃ tsi₁'má₅ ca₂tě₂ chei'₅₄ jmig₂ lia'₂ rě₂can'₂ tion'₅₄ ju₄ ca₁can'₅₄. Con'₂ caun₂ 'ñiá₂-lón₂ rě₂dsí₂ tē₂láu₃-guia₃-ún₂ (153) ju₄ jme₁tion'₅₄. La₁ o₁jñia'₅₄ la₂ ju₅ ju₄ jme₁tion'₅₄, tsá₃ ca₂gag₂ bá₄ guě₄ tsi₁'má₅. 12 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—I₂nó'₅ 'nia'₂ i₂qué'₂ má₃ tē₂ o₃'iog₂.

Jaun₂ lia'₂ 'i₁jan₂ chi'₂ dsi₂guia₃-tín₂ tsá₃ tiá₂ dsí₅ ñag₃ i₂'ein₂ 'éi₂, ia₁ ñi₅ bá₄ jaun₂ Te₁gui'₅₄ bá₄ 'éi₂. 13 Jaun₂ ně₃ ca₂jme₃quián₃ Jesús, ca₂can₃ i₁ñi'₄, jaun₂ ca₂cué'₃ chi'₂ dsi₂guia₃-tín₂. Ján₃ bá₄ le₂jaun₂ ca₂jmo₃ quian'₅₄ ju₄. 14 A₂ně₅ jē₁ca₂tě₂ 'nag'₂ ráun₂ a₂ca₂jme₃nia₅ Jesús ne₄ chi'₂ dsi₂guia₃-tín₂ quián₅ cang₂ jme₁ca₂jein'₅₄ ja₁jme₁rě₂ 'lin₅₄.

Dsia₅ Jesús jág₁ quian'₅₄ Si₂mu₅₄ Pe₄

15 Cang₂ jme₁ca₂lě₃ guě'₅ má₃ tē₂ o₃'iog₂, ca₂ñag₃ Jesús ca₂ñi'₃ Si₂mu₅₄ Pe₄:

—Si₂mu₅₄, ja₁ñi'₅₄ Juan₅₄, † ¿dsau₅ 'nióg'₃ jniá₂ lia'₂ con'₂ guě₄ dsa₂ tión₂ la₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂, a₂'nió₃ jniá₂ 'ne₂.

Jaun₂ ca₂juá'₂ Jesús:

—Jme₁tan₅₄ guein₂ já'₂ cha'₂ quiáng₃ jaun₂.

16 Jaun₂ ca₂ñag₃ táng₃ Jesús jē₁ca₂tě₂ táng₃ ráun₂:

—Si₂mu₅₄, ja₁ñi'₅₄ Juan₅₄, ¿'nióg'₃ ‡ jniá₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂ a₂'nió₃ jniá₂ 'ne₂.

Jaun₂ ca₂juá'₂ Jesús:

—Jmo₄ 'í₁ já'₂ cha'₂ bē'₅₄ quiáng₃ jaun₂.

17 Jaun₂ ca₂ñag₃ táng₃ Jesús jē₁ca₂tě₂ 'nag'₂ ráun₂:

—Si₂mu₅₄, ja₁ñi'₅₄ Juan₅₄, ¿'nióg'₃ jniá₂?

Jaun₂ ca₂'í₃ qui'₂ dsí₅ Pe₄ ia₁ ca₂ñag₃ Jesús jē₁ca₂tě₂ 'nag'₂ ráun₂, “¿'nióg'₃ jniá₂?” Jaun₂ ca₂juá'₂:

—Te₁gui'₅₄, ca₂le₃jě₃ bá₄ ñi'₅₄ 'ne₂. Ñi'₅₄ bá₄ 'ne₂ jaun₂ a₂'nió₃ § jniá₂ 'ne₂.

Jaun₂ ca₂juá'₂ Jesús:

—Jme₁tan₅₄ já'₂ cha'₂ bē'₅₄ quiáng₃ jaun₂. 18 A₂dsi₂jó'₃ juá'₅ jniá₂, lia'₂ con'₂ jme₁líng'₄ guě₄ dsa₂ chi'₂, jme₁tíng'₂ jme₁quí'₂ tsíng'₂, jaun₂ jme₁góg'₂ a₂já'₄ 'niog'₂ gog'₅₄; la₁ia₁ jē₁ma₂líng'₅ jan₂ dsa₂ ma₂guen'₂, jaun₂ nei'₅₄ gog'₂, jaun₂ i₂sián'₂ bá₄ quei'₃ tsíng'₂, jaun₂ dsi₃jio₃ ja₁tsá₃ 'niog'₂ gog'₅₄.

19 Jme₁ca₂juá'₂ Jesús le₂ně₅, ca₂jmo₃ jág₁ a₂'ě₂₃ 'e₂ ne₅₄ 'mú₃ a₂'i₄ 'éi'₃ dsi₃ñi'₂ Pe₄, a₂jme₃jniá₂₃ a₂jlán'₁ Diú₄. Jaun₂ ca₂juá'₂ táng₃ ca₂tsí'₃ Pe₄:

—i'Éin₃ jniá₂!

Chi'₂ dsi₂guia₃-tín₂ i₂'nió₄ guě₄ quián₅ Jesús

20 Jme₁ca₂jén'₃ Pe₄ le₃ca'₃, ca₂jág₃ já₅ chi₁co'₅₄ quió'₅, chi'₂ dsi₂guia₃-tín₂ i₂'nio₃ Jesús guě₄ lin₃; chi'₂ dsi₂guia₃-tín₂ 'éi₂ i₂jme₁guá₄ cau₅ le₃jén'₃ quió'₅ Jesús ja₁ca₂guě'₃ má₃ tē₂le₃ ca₂nei₂, ján₃ bá₄ 'éi₂ i₂ca₂ñag₃ ca₂ñi'₃ Jesús, jme₁ca₂juá'₂: “Te₁gui'₅₄, ¿i₂'ein₂ 'éi₂ i₂jáng'₂ quiáng'₂?” 21 Jaun₂ jme₁ca₂jág₃ Pe₄ ca₂jín₂ 'éi₂, ca₂ñag₃ ca₂ñi'₃ Jesús:

—Te₁gui'₅₄, i₂la₂ guě'₂: ¿'e₂ jén'₄?

22 Jaun₂ ca₂ñag₃ Jesús:

† 21:15 o₃, ja₁ñi'₅₄ Jonás. ‡ 21:16 griego: W0Iagapeo (ju₁lia'₂ 'a₂ lia'₂ 'nio₃ Diú₄ dsa₂ mi₂güí₃).

§ 21:17 griego: W0Ifileo (ju₁lia'₂ 'a₂ lia'₂ 'nio₃ dsa₂ mi₂güí₃, rin'₅₄ a₂mei₅₄ quián₅).

—Chi₂jua'₂ 'nio₃ jniá₂ a₂chan₂ i₂ně₅ ca₂lia'₂ jě₁ma₂guión'₃ táng₃ jniá₂, ħ'e₂ bá₄ 'uig₅₄ 'ne₂ 'i₅ 'au'₂? La₁ia₁ 'ne₂ 'éin₃ jniá₂.

²³ Jaun₂ ně₃ ca₂i₃ag₅₄ jág₁ ně₅ jin₄ riin'₅₄ a₂tsá₃ jón₂ chi'₂ dsi₂guia₃-tín₂ 'éi₂. La₁ia₁ on₃jua'₅₄ jaun₂ ca₂juá'₂ Jesús a₂tsá₃ jón₂ 'éi₂; a₂jaun₂ bá₄ ca₂juá'₂: “Chi₂jua'₂ 'nio₃ jniá₂ a₂chan₂ i₂ně₅ ca₂lia'₂ jě₁ma₂guión'₃ jniá₂ táng₃, ħ'e₂ bá₄ 'uig₅₄ 'ne₂ 'i₅ 'au'₂?”

²⁴ Chi'₂ dsi₂guia₃-tín₂ 'éi₂ bá₄ la₂, i₂jáng'₅ jág₁ dsau₅ 'a₂ lia'₂ ca₂lě₃, i₂ca₂tó'₂ jág₁ la₂ ne₄ si₂ ně₃. Jaun₂ ne₄ bá₄ jniog₄, a₂tí₅ bá₄ jág₁ dsau₅ a₂jáng'₅ 'éi₂.

²⁵ Ján₃ bá₄ cha₂ 'lióng₂ a₂siá'₂ a₂ca₂jmo₃ Jesús; jua'₅₄ mei'₂ guě₃ dsi₃to'₅₄ ne₄ si₂ le₂caun₂ le₂caun₂, ca₂lia'₂ jñia'₅₄ ta₁caun₂ mi₂güí₃ bá₄ tsá₃ jme'₁ 'éi'₄ si₂ jua'₅₄ ca₂'uě'₃ dsa₂, lín₂ jniá₂.*

Co₂ně₅.

* **21:25** A₂lín₅₄ chog₅₄ si₂juá'₂ ján₃: “A₂meí₃.”

Le₂ la₂ ca₂ jmo₃ dsa₂ i₂ chen₄ quián₅ Jesús

Jág₁ a₂ cuë₄ a₂ chen₃ Diú₄ Jme₂ dsí₂ Jñió₅

¹ Ne₄ si₂ a₂ ca₂ jmo₃ jniá₂ le₂ 'uig₅₄, gui₅₄ Teófilo,* ca₂ juá'₃ jniá₂ ca₂ le₃ jě₃ a₂ ca₂ jmo₃ Jesús ca₂ le₃ ca₂ jme₂ lióg₃ ca₂ jme₃ tag₂₃, ² ca₂ lia'₂ ca₂ tě₂ jmi_g₄ a₂ ca₂ ñá'₃ guei'₅₄ i₂ juíg₃. Né'₃ a₂ dsáin'₃ guei'₅₄ i₂ juíg₃, ca₂ quióin'₂ dsi₂ guia₃-tín₂ i₂ chen₄† quiáin₅, ca₂ chei₃ dsi₂ 'ě₂ jág₁. Jaun₂ ca₂ cuë₃ jág₁ tē₂ le₃ quián₅₄ Jme₂ dsí₂ Jñió₅, ca₂ le₃ jě₃ 'e₂ 'nió'₅ jmo₃ chi'₂ dsi₂ guia₃-tín₂ 'éi₂. ³ Cang₂ jme₁ ca₂ join₃, jme₁ ma₂ jein'₅₄ táng₃, ca₂ ñi₃ tē₂ láu₃ jmi_g₄ qui₂ jme₂ jniái₂₃ qui₂ cuë'₅ jág₁ dsau₅ chi'₂ dsi₂ guia₃-tín₂ a₂ tē₃ dsón'₂ bá₄ chain₂ ma₂ jein'₅₄ táng₃; jaun₂ qui₂ ca₂ dsia₃ jág₁ quiáin₅₄ 'éi₂ ju₁ lia'₂ 'a₂ lia'₂ lē₅ ja₁ gon₂ Diú₄.

⁴ Jme₁ en₅₄ guë₄ Jesús quiáin₅₄ chi'₂ dsi₂ guia₃-tín₂ quiáin₅, jaun₂ ca₂ juá'₂ ca₂ tsí'₃ 'éi₂ a₂ tsá₃ dsi₃ lein₃ dsi₂ jui₅ juig₂ Jerusalén. Jaun₂ ca₂ juá'₂:

—Jñia₄ 'nia'₂, ju₁ le₂ ti₃ de'₂ jág₁ quió'₅ Ne'₃ a₂ ma₂ juig₂ 'nia'₂. ⁵ Dsau₅ bá₄ ca₂ tióg₃ Juan₅₄ ca₂ tián₂ jmi_g₂ dsa₂, la₁ 'nia'₂ guë'₂ né₃ tióg₂ Diú₄ Jme₂ dsí₂ Jñió₅, tē₃ jē₄ la₂.

Ca₂ ñá'₃ Jesús guei'₅₄ i₂ juíg₃

(Marcos 16:19; Lucas 24:50-53)

⁶ Co₂ ráun₂ tion'₅₄ chi'₂ dsi₂ guia₃-tín₂ le₂ ñi'₂ ja₁ en₅₄ Jesús, jaun₂ ca₂ ñi'₃ Jesús: —Te₁ gui₅₄, ¿ma₂ tē₂ ja₁ jmó'₂ 'ne₂ a₂ lión₂ dsa₂ juig₂ Israel?

⁷ Jaun₂ ca₂ ñag₃ Jesús:

—Tsá₃ ca₂ tñ'₂ 'nia'₂ le₃ ñi'₅₄ 'a₂ lia'₂ jmo₃ Diú₄ Jme₂ 'éi'₃ ca₂ le₃ jě₃ 'e₂ 'ió'₄, 'e₂ jmi_g₄ né₃. 'Ñiog₅ bá₄ Diú₄ Jme₂ ñi₅ a₂ jaun₂. ⁸ Jē₁ ma₂ ca₂ guen'₅₄ 'nia'₂ Jme₂ dsí₂ quián₅ Diú₄, guéi'₁ 'nia'₂ ju₁ bí₂, jaun₂ qui₂ o₁ nóg'₅ qui₂ o₁ 'ě'₃ jág₁ dsau₅ quió₃ juig₂ Jerusalén, le₂ tan₅₄ juig₂ 'uë₃ Judea, 'uë₃ Samaria, ca₂ le₃ jě₃ juig₂ ta₁ caun₂ mi₂ güig₃ né₃.

⁹ Jme₁ ma₂ dsan₃ juá'₂ Jesús le₂ nē₅, ca₂ uig₂ ju₁ guei'₅₄ i₂ juíg₃, ca₂ ñá'₃ ca₂ lioin₂ jnei₅. ¹⁰ Tē₃ tión₂ jaun₂ chi'₂ dsi₂ guia₃-tín₂ jág₅ guei'₅₄ jme₁ ñá'₃ Jesús, con'₂ tsá₃ jáin₅ jme₁ ca₂ jñin₂ on₃ dsa₂ le₂ qui'₂ 'mi₂ tiog₂ jau₂, tión₂ cau₅ quió'₅. ¹¹ Jaun₂ ca₂ juá'₂ dsa₂ on₃ 'éi₂:

—'Nia'₂ dsa₂ chan₂ Galilea, tsá₃ ma₃ ta₁ jmo₃ tión₂ guë₄ 'nia'₂ uë₂ jág'₂ guei'₅₄. 'Ñiog₅ Jesús nē₅ i₂ ñá'₅ guei'₅₄ i₂ juíg₃ tē₃ jin'₄ 'nia'₂, le₂ nē₅ bá₄ jiá₃ táng₃ jē₁ ma₂ tē₂ rē₁ jiá₃, ju₁ lia'₂ nē₂ jin'₅₄ 'nia'₂ ñá'₅ nē₅.

Ca₂ quión'₂ dsa₂ Matías a₂ jmo₃ ta₁ a₂ jme₁ lín₄ Judas

¹² Jaun₂ né₃ ca₂ 'uain₂ má'₂ ja₁ chei₂ Olivos, ca₂ o₃ lein₃ táng₃ juig₂ Jerusalén, a₂ niog₅ uing₂ con'₂ ja₁ 'i₄ 'éi'₃ i₃ nio₄ dsa₂ jme₁ jmi_g₄ sa₅₄.† ¹³ Jme₁ ca₂ o₃ lein₃ Jerusalén jaun₂, ca₂ uig₂ cuarto guei'₅₄ ja₁ ca₂ ñia₃. Dsa₂ 'éi₂ jme₁ chein₂ Pe₄, Jacobo, Juan₅₄, Dré₄, Fe₂ li₄, To₁ má₄, Bartolomé, Tē₅₄, Jacobo ja₁ ñi'₅₄ Alfeo, Si₂ mu₅₄ i₂ lín₅ cananista, § quián₅₄ Judas rin'₅₄ Jacobo. ¹⁴ Ca₂ le₃ jñin₃ le₂ jaun₂ jme₁ ñi'₂ i₂ gú'₃ co₂ lē₅ quiáin₅₄ o₁ rin'₅₄ Jesús, María chog₅₄ Jesús, ca₂ le₃ jñin₃ guë₄ 'io₅₄ sián'₂ né₃, a₂ jme₁ tsí'₅ Diú₄.

¹⁵ Co₂ ráun₂ jme₁ lē₂ con'₂ caun₂ 'ñiá₂-lón₂ rē₂ dsí₂ guión₂ (120) dsa₂ 'én₂ i₂ jme₁ le₁ ñi'₂. Jaun₂ ca₂ nau₂ Pe₄ tē₃ jē₄ jaun₂, jaun₂ ca₂ juá'₂ ca₂ tsí'₃ dsa₂:

* **1:1** Teófilo: o₃, “ne₂ i₂ 'nió'₃ Diú₄.” † **1:2** griego: apóstolous. ‡ **1:12** Con'₂ tí₅ caun₂ kilómetro. § **1:13** griego: celotes, co₂ 'nió'₄ dsa₂ i₂ nau₂ quen₅; jan₂ i₂ 'nio₃ táun₂ 'uë₃ 'éi'₃ quió'₅ Roma. Jma₃ quén₅ ca₂ quioin₃ le₃ on₃ Si₂ mu₅₄ 'éi₂, ia₁ ñi₄ lē₃ me₁ tsá₃ ca₂ ne₅₄ a₂ chein₂.

16 —Rin'⁵⁴ jniog⁴, co₂në⁵ lë⁵ Si₂, tion⁵⁴ ca₂rë₃ti₃ jág₁ a₂ma₂'ë₂ Jme₂dsí₂ quián⁵ Diú₄ tē₂le₃ quian'⁵⁴ 'lag₄ David, a₂ca₂'iin₃ Judas i₂ca₂jñia₃ dsa₂ i₂ca₂l₁te₂ Jesús chi₁'ñei'². 17 I₂jme₁quian'⁵⁴ bá₄ jniog₄ 'éi₂, jme₁lë₄ rin'⁵⁴ jniog₄, i₂jme₁jmo₅ ta₁ le₂la₂ bá₄ 'éi₂ ján₃. 18 La₁ quian'⁵⁴ cu₄ 'li_g'⁵⁴ a₂ca₂lí₃ Judas a₂ca₂'ni₃ Jesús, ca₂lá₃ 'uë₃. 'Uë₃ jaun₂ ca₂jmo₃ ca₂táin'² tē₃ chi₁jñin₂, qui₂ca₂'uë₂ ca₂le₃jë₃ a₂jme₁tio'⁵⁴ tú⁵. 19 Jme₁ca₂rë₃ñi₅ dsa₂ juig₂ Jerusalén, ca₂të'³ 'uë₃ jaun₂ Acéldama, co₂'nió'⁴ a₂juá'²: 'Uë₃ Jmi₂, quian'⁵⁴ jág₁ jmei₅ quió'⁵. 20 Ia₁ le₂la₂ juá'² ne₄ Si₂ Salmos: Jui₁të₂tsi'⁵⁴ 'ñiog₅ 'né₅ quió'⁵,

ia₁ 'i₁jan₂ tsá₃ 'ein₂ le₃tian'³.*

Ján₃ guë'² juá'² táng₃:

Dsa₂ sián'² jui₁jmo₅₄ ta₁ a₂jme₁lín₄.†

21 'Chan₂ bá₄ dsa₂ jë₄ la₂ quián₂ jniog₄ dsa₂ i₂ma₂ca₂jme₃quiong'⁵⁴ ca₂le₃jë₃ jmig₄ lia'² con'² jme₁quian'⁵⁴ jniog₄ Te₁gui'⁵⁴ Jesús, 22 ca₂le₃ ca₂jñó₂ Jesús jmig₂ a₂ca₂cho₃ Juan⁵⁴, ca₂lia'² jme₁ca₂uí_g Jesús guei'⁵⁴ i₂juí_g³. Jaun₂ tion⁵⁴ 'nió'⁵ dsa₂ 'éi₂, jme₃quiong'⁵⁴ jniog₄, jaun₂ ján_g'³ jág₁ dsau₅ a₂ca₂jen'⁵⁴ táng₃ Jesús.

23 Jaun₂ ca₂jmo₃ jág₁ ca₂'iin₃ jan₂ i₂chen₂ José i₂të'² Barsabás i₂të'² Justo në₃, quian'⁵⁴ jan₂ i₂chen₂ Matías. 24 Jaun₂ ca₂tsí'³ Diú₄ ca₂le₃jñin₃, ca₂juá'² le₂la₂:

—Te₁gui'⁵⁴, 'ne₂ bá₄ i₂cuíng'² tē₂dsí₅ ca₂le₃jín₃ dsa₂, 'in⁵⁴ jnia'⁵⁴ 'ein₂ dsa₂ on₃ la₂ i₂ma₂quion'⁵⁴ 'ne₂, 25 ia₁jaun₂ jmo₃ ta₁ léin₂ chi'² dsi₂guia₃-tín₂ quiáng'² a₂jme₁lín₄ Judas, 'uig⁵⁴ dsá₁ ca₂i₃'éin₂, ca₂ñái'³ ja₁ca₂tíin₂.

26 Jaun₂ ca₂tóin'² ca₂co₃, ca₂dsi₂ jág₁. Jaun₂ i₂chen₂ Matías bá₄ ca₂tín₂ ta₁ jaun₂. Dsi₂jui₅ le₂jaun₂ bá₄ ca₂jme₃quiain'⁵⁴ dsa₂ guia₃-ján₃ i₂jme₁lë₂ guë₄ dsi₂guia₃-tín₂ i₂chen₄ quián⁵ Jesús.

2

Jme₁guan₃ Jme₂dsí₂ quián₅ Diú₄

1 Jme₁ca₂të₂ Jmí_g⁴ Të₂láu₃-guiá₂, caun₂ bá₄ ja₁jme₁tion'⁵⁴ le₁ñi'² ca₂le₃jín₃ dsa₂ i₂'én₂. 2 Con'² tsá₃ ján₅ jme₁ca₂nág₂, ca₂lë₃ gau₂ ca₂jan₃ guei'⁵⁴ lia'² lë₅ jë₁'ei₅ dsí₂ tiá₂ lín₃ ca₂lë₃, ca₂né'² ta₁caun₂ dsi₂néi₂ ja₁jme₁tion'⁵⁴ dsa₂. 3 Jaun₂ co₂tan⁵⁴ dsi₂jui₅ le₂jaun₂ qui₂ca₂séi'² tsi'⁴ si₂ qui₂të₁tsi'⁵⁴ ne₄ quió'⁵ dsa₂ 'éi₂, le₂jain₂ le₂jain₂. 4 Jaun₂ ca₂le₃jñin₃ qui₂ca₂cain'² quian'⁵⁴ Jme₂dsí₂ Jñió₅. Jaun₂ ca₂jme₃lió_g³ dsa₂ qui₂ca₂dsia₃ jág₁ jmei₅ siá'², lia'² con'² lë₅ ca₂cuë₃ Jme₂dsí₂ a₂juá'² dsa₂.

5 Jmí_g⁴ jaun₂ jme₁tion'⁵⁴ dsa₂ judíos juig₂ Jerusalén, i₂ja₂lén₂ ta₁caun₂ mi₂güí_g³, a₂jme₁ti₃ con'² tag₄ chí'⁵ quió'⁵. 6 Jme₁ca₂nág₂ mi'⁵⁴ a₂ca₂lë₃ jaun₂, qui₂ca₂ñi'² dsa₂, tsá₃ caun₂ ca₂i₃jio_g⁵ dsí₅, ia₁ ca₂le₃jín₃ bá₄ dsa₂ 'éi₂ jma₃quén⁵ qui₂ca₂nág₂ jág₁ jmei₅ quió'⁵ a₂qui₂ca₂dsia₃ dsa₂ i₂tion'⁵⁴ 'éi₂. 7 Jaun₂ dsi₃gó'³ dsí₅ 'ñio₅ lín₃, qui₂ca₂dsia₃ jág₁ guioin⁵⁴ quiain'⁵⁴ rñin'⁵⁴, ca₂juá'²:

—¿On₁jua'⁵⁴ dsa₂ chan₂ Galilea ca₂le₃jín₃ dsa₂ i₂dsia₅ jág₁ në₅? 8 ¿'A₂ bá₄ lia'² né'² dsia₂₃ jág₁ jmei₅ quió'⁵ juig₂ go₄ jniog₄ le₂jau₂ le₂jau₂? 9 Dsa₂ i₂tion'⁵⁴ ja₁lá₃ i₂chan₂ juig₂ Partia, dsa₂ chan₂ Media, dsa₂ chan₂ Elam, dsa₂ chan₂ Mesopotamia, i₂chan₂ Judea, i₂chan₂ Capadocia, dsa₂ chan₂ Ponto, dsa₂ chan₂ 'uë₃ Asia, 10 dsa₂ chan₂ Frigia quian'⁵⁴ Panfilia, dsa₂ ja₂lén₂ 'uë₃ Egipto quian'⁵⁴ juig₂ 'uë₃ Africa* a₂niog₅ uíng₂ con'² guë₄ Cirene. Ján₃ bá₄ tion'⁵⁴ dsa₂ chan₂ Roma i₂ma₂tían'⁵ ja₁lá₃. I₂lín⁵⁴ 'éi₂ jme₁ma₂lín⁵ judíos; i₂lín⁵⁴ guë'² ma₂gue₃ juá'⁵ quió'⁵ dsa₂ judíos. 11 Ján₃ bá₄ tion'⁵⁴ dsa₂ chan₂ 'uë₃ Creta, dsa₂ chan₂ Arabia në₃.

* 1:20 Salmo 69:25. † 1:20 Salmo 109:8. * 2:10 griego: Libia.

La₁ ca₂le₃jág₃ bá₄ jniog₄ néi₁ quian'₅₄ jág₁ jmei₅ quián₂ a₂dsia₅ dsa₂ nē₅ ca₂le₃jě₃
a₂jlá'₁ a₂'io'₂ a₂jmo₅ Diú₄.

12 Jaun₂ 'ñio₅ dsi₂gó'₃ dsi₅ dsa₂, tsá₃ caun₂ qui₂ca₂'ág₂ dsi₅. Jñia'₅₄ qui₂ñi'₅
riin'₅₄:

—¿E₂ 'nió'₄ juá'₂ ca₂le₃jě₃ a₂nē₅?

13 I₂lin₅₄ guē'₂ tsá₃ 'éin₂, jñia'₅₄ qui₂jmo₅g'₂ burlas, jaun₂ ca₂juá'₂:

—I₂le₁'en₅ bá₄ i₂nē₅.

Jág₁ a₂ca₂juá'₂ Pe₄ ca₂tsí'₃ dsa₂

14 Jaun₂ ca₂nau₂ Pe₄ jē₄ jme₁guá₄ quiaín'₅₄ guē₄ guia₃-ján₃ chi'₂ dsi₂guia₃-tín₂
riin'₅₄. Jaun₂ ca₂juá'₂ tiá₂ ca₂tsí'₃ dsa₂:

—'Nia'₂ dsa₂ chan₂ Judea quian'₅₄ ca₂le₃jíng'₃ i₂tián'₅ Jerusalén nē₃, ju₁le₂ñi'₅₄
'nia'₂ jág₁ la₂. Nei₂ 'nia'₂ dse₃ a₂juá'₄ jniá₂ la₂. 15 Tsá₃ le₁'en₅ dsa₂ la₂ ju₁lia'₂ lín'₂
'nia'₂, ia₁ con'₂ hora ñi₁ ñi₃ tē₂ o₃'iog₂† bá₄ guē₄ la₂. 16 Tē₂le₃ a₂rē₂ti₃ con'₂ lē₅ jág₁
a₂ca₂'ě₂ Joel ma₂líg'₂, lia'₂ con'₂ jme₁ca₂juá'₂:

17 Jē₁ca₂tó'₂ jmig₄, juá'₂ Diú₄,

tsing₅₄ Jme₂dsí₂ quiáng₃ jaun₂ sióin₃

ne₄ quió'₅ ca₂le₃jín₃ dsa₂ mi₂güí₃.

Ja₂ñi'₂ 'nia'₂, ja₁míg'₄ nē₃

qui₃dsia₃ o₄quió₃ jniá₂.

Dsó₂ chi'₂ quián'₂ 'nia'₂ nē₃

a₂lē₁qui₃jág₃ 'e₂ qui₃jág₃,

dsi₂gui'₅₄ can'₅₄ guē'₂ qui₃qui₃.

18 Jmig₄ jaun₂, qui₁'íng₄ Jme₂dsí₂ quiáng₃

ne₄ quió'₅ dsa₂ ñe'₂, dsa₂ mí₂ nē₃

i₂jme₂ti₃ ta₁ ne₃,

jaun₂ guē₄ qui₃dsia₃ o₄quió₃ jniá₂.

19 Dsi₁ guei'₅₄ guē'₂ qui₁'é₄ jniá₂ dsa₂

cosas a₂dsi₃gó'₃ dsi₅.

Ne₄ gua'₅₄ 'uē₃ guē'₂

jmo₅₄ jniá₂ lé₂ léi₄,

ju₁lia'₂ jmí₂, si₂, jnei₅ lē₅ jme₁ñi₁ nē₃.

20 'Iog₂ guē'₂ co₂dsia₅ le₃lia'₂.

Tsi'₂ guē'₂ lé₂ guéin₂ lia'₂ lē₅ jmí₂.

Ca₂le₃jě₃ a₂nē₅ lé₂ né'₃ guē₄

a₂guá₂ jmig₄ quió'₅ Te₁gui'₅₄.

Jmig₄ jaun₂ lé₂ caun₂ jmig₄ juē'₂ a₂gau₂.

21 Jaun₂ ca₂le₃jín₃ dsa₂ i₂mi₅ chi₂lén'₂ Te₁gui'₅₄,

lióin₂ bá₄.‡

22 "Nia'₂ dsa₂ chan₂ Israel, nei₂ 'nia'₂ ca₂le₃jě₃ a₂juá'₄ jniá₂ la₂. Jesús chan₂
Nazaret dsa₂ dsen₃ quián₅ Diú₄, i₂ca₂cué'₃ 'éi'₃ ca₂chein₃ jin'₄ 'nia'₂. Ca₂jmo₃
Diú₄ ca₂le₃jě₃ léi₄ juē'₂, ca₂le₃jě₃ 'e₂ dsi₂gó'₃ dsi₅ dsa₂, qui₂ca₂jmo₃ tē₂le₃ quian'₅₄
Jesús jin'₄ 'nia'₂. A₂ñi'₅₄ rē₂ bá₄ 'nia'₂ jaun₂. 23 La₁ jme₁ca₂jáng'₂ dsa₂ o₄gog'₂ 'nia'₂
con'₂ jme₁ma₂lē₅ jág₁ quió'₅ Diú₄ a₂ma₂ñi₅ le₂jñiá₅, 'nia'₂ nē₃ ca₂chang'₂ i₂'éi₂,
ca₂te'₅₄ chi₁ñei₂₃, ca₂l₁jñin'₅₄ 'nia'₂ o₄gú₃ dsa₂ 'lín'₅₄ i₂tsá₃ ñéi₂ dsi₅. Jaun₂ ca₂jñag'₃
ca₂tion₃ cróg₄. 24 La₁ Diú₄ ca₂jme₃jein'₅₄ táng₃, ca₂lió₂ ne₄ 'mú₃. Ia₁ tsá₃ lé₂ jua'₅₄
a₂tē₃roin₅₄ a₂rē₃join₅ co₂tan₅₄ jin₄ 'lag₄. 25 Ia₁ ca₂juá'₂ 'lag₄ Rag₅₄ David a₂'iin₂₃
Jesús, ca₂juá'₂:

Ia₁ jin₄ bá₄ jniá₂ tián₂ Te₁gui'₅₄

† 2:15 lit. "hora 'ni₅." ‡ 2:21 Joel 2:28-32.

- cau₅ quió₃.
 'Éi₂ bá₄ guá₅ tē₂le₃ gu₃ ne₁,
 ia₁jaun₂ 'i₁jan₂ tsá₃ 'ein₂ lé₂ jmóg'₂ jleng₃,
 'i₅ dsi₃.
 26 Jaun₂ lē₃, 'ηio₅ lín₃ ca₂jmo₃ jniá₂ 'io'₂,
 jaun₂ ca₂juá'₃ quian'₅₄ le₁tsí'₃
 jág₁ a₂jéin₅ lián'₂.
 Jaun₂ lē₃ tsá₃ 'i₅ dsi₃ jē₁ma₂ca₂jon₃ ni₁ηi₃.
 27 Ia₁ tsá₃ cuē'₁ jmīg₄ a₂jηia₃ jme₂dsí₂ quiáng₃
 ja₁tion'₅₄ 'lag₄, §
 on₃ guē'₂ cuē'₁ jmīg₄ a₂siá'₃ ni₁ηi₃ jniá₂,
 dsa₂ jηió₅ quiáng'₂ i₂'nió'₃.
 28 Ca₂'ē'₅₄ ca₂jme₁tag'₂ juí₅ ja₁tín'₄ jme₂dsí₂ quiáng₃.
 Jaun₂ jmó'₂ jéin₄ lián'₂ jē₁ma₂'eng₅₄ ja₁cong'₂.
 29 'Rin'₅₄ jniog₄, léi₄ dsón'₂ bá₄ ca₂jon₃ tsi₁jon₂ jmei₂ jniog₄ David, jaun₂
 ca₂'oin₃. Nē₅ bá₄ chí'₅ guē'₂ tau₂ 'ηio₅ quió'₅ quian'₅₄ jniog₄ rē₂nē₃. 30 La₁ David
 'éi₂ jme₁lín₄ jan₂ i₂jme₁'ē₂ jág₁ quián₅ Diú₄, jaun₂ jme₁ηi₅ rē₂ a₂ca₂cuē₃ Diú₄ jág₁
 'iin₂₃ 'ηiog₅, a₂le₃chan₂ jē₄ quió'₅ ja₁ηi'₅₄ chí'₂ dsio₅₄, jan₂ i₂lín₅ I₂rē₂'ín₁ quián₅
 Diú₄. Jaun₂ i₂'éi₂ guá₃ goin₃ ne₄ ne₄ta₁ ja₁jme₁guá₄ 'ηiog₅ David. 31 Co₂'nió'₄
 a₂ma₂jág₂ bá₄ David le₂jηiá₅, ca₂juá'₂ a₂jen'₅₄ I₂rē₂'ín₁ quián₅ Diú₄. Jaun₂ ca₂juá'₂
 ján₃ a₂tsá₃ jηia₃ jme₂dsí₂ quió'₅ jin₄ 'lag₄, † on₃ guē'₂ dsi₃'én₂ ni₁ηi₁₂ jua'₅₄ a₂siá'₃.
 32 Ia₁ Diú₄ bá₄ ca₂jmo₃ ca₂jen'₅₄ táng₃ 'ηiog₅ Jesús 'éi₂. Ca₂le₃jág₃ bá₄ jnia'₅₄
 ca₂tē₂ ne₄, jaun₂ lē₃ cuē₂ jág₁ dsau₅. 33 Jaun₂ ca₂chó'₂ Diú₄ quian'₅₄ gu₂ ne₁,
 ca₂jme₃juag'₂. Jaun₂ Diú₄ Jmei₂ ca₂cuin₃ Jme₂dsí₂ quián₅ ca₂cuin₃ Jesús, lia'₂
 con'₂ lē₅ jág₁ quió'₅ ma₂cuē₃. Jaun₂ ca₂le₃jē₃ a₂nē₅ a₂ma₂jag'₅₄ a₂ma₂nei'₂ 'nia'₂,
 já₅ ne₄ 'éi₂ bá₄. 34 Ia₁ on₃jua'₅₄ David ca₂uíg₂ guei'₅₄ i₂juíg₃, ia₁ 'ηiog₅ David
 ca₂juá'₃:
 Ca₂juá'₂ Diú₄ ca₂tsí'₃ Te₁gui'₅₄ quiáng₃:
 “Né₂ con₂ jniá₂ tē₂le₃ gu₃ ne₁,
 35 ca₂lia'₂ ca₂tē₂ jmīg₄
 a₂tón'₁ jniá₂ dsa₂ i₂'iog₅₄ o₄tag'₄.” ‡
 36 Juí₁le₂ηi₅ rē₂ ca₂le₃jín₃ dsa₂ chan₂ juíg₂ Israel, jaun₂ tsá₃ juí₁'ei₅₄ caun₂-tín₃
 dsi₅, ia₁ 'ηiog₅ Jesús 'éi₂ bá₄, i₂ca₂tió'n'₃ 'nia'₂ cróg₄, Diú₄ nē₃ ma₂jmo₃ ma₂lín₅ lia'₂
 Te₁gui'₅₄ lia'₂ rē₂ I₂rē₂'ín₁ quián₅.
 37 Jme₁ca₂nág₂ dsa₂ le₂nē₅ tióin'₅₄, qui₂ca₂tá'₂ 'lia'₂ dsí₅ 'ηio₅ lín₃. Jaun₂ ca₂ηí'₃
 Pe₄ quiaín'₅₄ chí'₂ dsi₂guia₃-tín₂ riin'₅₄ ca₂juá'₂:
 —Rin'₅₄ jniog₄, ¿'e₂ 'nió'₅ jmó₁ jnia'₅₄?
 38 Jaun₂ ca₂ηag₃ Pe₄:
 —Jme₁tsín₄ 'nia'₂ 'au'₂, jen'₄ 'nia'₂ tē₂le₃ quió'₅ Diú₄, chon₅₄ 'nia'₂ jmīg₂ le₂jang'₂
 le₂jang'₂ lia'₂ con'₂ lē₅ 'éi'₃ quió'₅ Jesús, cuē'₅₄ léi₄ a₂qui₂ma₂'én₂ dsáu'₂ 'nia'₂.
 Jaun₂ guē₄ cuin₃ Diú₄ Jme₂dsí₂ Jηió₅ quián₅. 39 Já₁g₁ nē₅ ca₂cuē₃ Diú₄ quián'₂ 'nia'₂
 ca₂le₃jíng'₃, ca₂le₃jín₃ chí'₂-guein₂ quián'₂ 'nia'₂ nē₃, quian'₅₄ ca₂le₃jín₃ guē₄ dsa₂
 i₂chan₂ uíng₂. Já₁g₁ nē₅ quió'₅ ca₂le₃jín₃ dsa₂ i₂'nio₃ Te₁gui'₅₄ Diú₄ quián₂ jniog₄
 tē₂.
 40 Quian'₅₄ já₁g₁ la₂, quian'₅₄ 'lióng₂ guē₄ já₁g₁ siá'₂, ca₂juá'₂ Pe₄ tion₅₄ ca₂tsí'₃
 dsa₂:
 —Lion₄ 'nia'₂ jin₄ dsa₂ i₂ma₂i₂cón'₅ rē₂nē₃.

§ 2:27 Salmo 16:18-11. * 2:28 Salmo 16:18-11. † 2:31 griego: hades, co₂'nió'₄ a₂juá'₂, ja₁quió'₄
 'lag₄. ‡ 2:35 Salmo 110:1.

41 Jaun₂ ca₂le₃jín₃ i₂ca₂tón₃' jui₅ ca₂nág₂ jág₁ dse₃ ca₂juá'₂ Pe₄, qui₂ca₂jñó₂ jmig₂. Jmig₄ jaun₂ con'₂ 'ni₅ mei₅ dsa₂ i₃ton'₅₄ të₂le₃ jin₄ dsa₂ i₂ma'_{én₂} të₂le₃ quió'₅ Jesucristo. 42 Ca₂le₃jín₃ dsa₂ ca₂jña'₃ tiá₂ ca₂le₃jě₃ jág₁ a₂jme₂tag₅ chi'₂ dsi₂guia₃-tín₂. Caun₂ bá₄ jág₁ quió'₅ ca₂jmo₃ ca₂le₃jín₃, chi₂lén'₂ Diú₄, qui₂tóin'₅ co₂lě₅, jmo₂₃ dsóg₁ i₁ñí'₄.

A₂ lia'₂ jme₁chan₂ dsa₂ le₂'uig₅₄ i₂'én₂ jág₁ dse₃

43 'Ñio₅ i₂gó'₃ dsí₅ dsa₂ ca₂le₃jě₃ léi₄ a₂qui₂ca₂jmo₃ Diú₄ të₂le₃ quian'₅₄ dsi₂guia₃-tín₂ i₂chen₄ § quiáin₅. 44 Ca₂le₃jín₃ dsa₂ i₂ma'_{én₂}, caun₂ bá₄ jág₁ 'ei₅ quió'₅, jaun₂ ca₂le₃jě₃ a₂jme₁cha₂ quió'₅, jme₁lě₄ quió'₅ ca₂le₃jín₃ riin'₅₄. 45 Ca₂le₃jě₃ 'e₂ cosa cha₂ quió'₅, qui₂ca₂'nag₃, jaun₂ jme₁qui₂dsió'₅ cu₄ jaun₂ 'ein₂ riin'₅₄ 'nió'₅ quió'₅. 46 Ca₂le₃jě₃ jmig₄ jme₁ñi'₂ i₁dsi₅ guá'₅ templo. Dsi₂néi₂ quió'₅ ně₃, jme₁dsió'₅ i₁ñí'₄ jme₁guě'₅ co₂dsia₅, ca₂le₃jín₃ jmo₂₃ 'io'₂, caun₂ bá₄ 'ei₅ dsí₅. 47 Ca₂le₃jín₃ jme₁cuě'₅ ti₁'mag'₄ Diú₄, jaun₂ ca₂le₃jín₃ dsa₂ sián'₂ jme₁'nioi₃ dsa₂ 'éi₂. Jaun₂ ca₂le₃jě₃ jmig₄ bá₄ jmo₅ Te₁gui'₅₄ caun₂ dsi₂juin₂ dsa₂ i₂lón₂.

3

Ca₂'lón₂ jan₂ dsa₂ 'lian'

1 Co₂ráun₂ dsióg₃ Pe₄ quiaín'₅₄ Juan₅₄ guá'₅ templo con'₂ hora ñí₁ 'ni₅ të₂le₃ ca₂'láu₂,* ia₁ hora jaun₂ jme₁ñi'₂ dsa₂ tián₂ chi₂lén'₂ Diú₄. 2 Ca₂le₃jě₃ jmig₄ jme₁dsi₂jña₃ dsa₂ jan₂ dsa₂ 'lian'₂ i₂tsá₃ lé₂ ñi₃, le₂jaun₂ jme₁ma₂lín₅ lia'₂ con'₂ jme₁ca₂rě₃cháin₃, jme₁dsi₃jio₃ dsa₂ o₄'né₄ i₁dsi₅ guá'₅, ja₁tě'₂ dsa₂ o₄'né₄ Jlá'₁. Ja₁jaun₂ jme₁qui₂mi₅ dsa₂ 'éi₂ cu₄ quió'₅ dsa₂ i₂dsi₂lén₂ guá'₅. 3 Jme₁ca₂jág₃ dsa₂ dso'₅₄ 'éi₂ ca₂ñó₃ Pe₄ quiaín'₅₄ Juan₅₄ a₂dsi₃toin'₅₄ i₁dsi₅ guá'₅, jaun₂ ca₂mi₃ cu₄ quió'₅ dsa₂ on₃ 'éi₂. 4 Jaun₂ ca₂nau₂ Pe₄, Juan₅₄ ně₃, ca₂jín₂ dsa₂ 'éi₂. Jaun₂ ca₂juá'₂ Pe₄:

—Dse₃ jag₄ jnia'₅₄.

5 Jaun₂ guá'₅ dsa₂ 'éi₂ qui₂jín₂ Pe₄ quian'₅₄ Juan₅₄, ia₁ lín₂ cuě₃ dsa₂ ca₂la₂ cu₄.

6 La₁ jaun₂ ca₂juá'₂ Pe₄:

—Tsá₃ cu₄tiog₂, on₃ guě'₂ cu₄nióg₄ cha₂ quió₃ cuě₅₄. La₁ con'₂ a₂cha₂ quió₃, cuě₅₄. Quian'₅₄ 'éi'₃ quió'₅ Jesucristo chan₂ Nazaret, nau₂, ñi₄.

7 Jaun₂ ca₂jña'₃ Pe₄ mi₂gu₂ ne₁ dsa₂ 'éi₂, ca₂jme₃'o₅₄ ca₂chó'₂. Dsi₂jui₅ le₂jaun₂ ca₂rě₃bén₂ mi₂tag₄ dsa₂ 'éi₂. 8 Jaun₂ ca₂ráun₂ ca₂nau₂ jaun₂ ca₂jme₃lióg₃ ca₂ñi₃. Jaun₂ ca₂'í₃ i₁dsi₅ guá'₅ quiaín'₅₄ dsa₂ on₃ 'éi₂, qui₂ca₂ñi₃ qui₂ca₂ráun₂ qui₂ca₂cuě'₃ ti₁'mag'₄ Diú₄. 9 Ca₂le₃jín₃ dsa₂ i₂tion'₅₄ ja₁jaun₂, ca₂jín₂ dsa₂ 'éi₂ ñi₂₃ cuě'₅ ti₁'mag'₄ Diú₄. 10 Jaun₂ dsi₂gó'₃ dsí₅ 'ñio₅ lín₃, ia₁ ma₂ñi₂₃. Ma₂cuin₂₃ bá₄ dsa₂ 'éi₂ i₂gua₂ tián₂ o₄'né₄ chei₂ Jlá'₁ qui₂mi₂₃ cu₄.

Jág₁ ca₂ton₃ Pe₄ corredor ja₁tě'₂ dsa₂ quió'₅ Salomón

11 Caun₂ 'en₅₄ le₂jaun₂ bá₄ dsa₂ i₂jme₁'lian'₂ 'éi₂ quiaín'₅₄, tsá₃ téin₂ Pe₄, Juan₅₄ ně₃. Jaun₂ ca₂i₃lén₂ co₂chi'₅₄ juin₅ dsa₂ dsi₂gó'₃ dsí₅ ca₂ton₂ guá'₅ ja₁chei₂ Corredor quió'₅ Salomón, ja₁jme₁'en₅₄ Pe₄ quiaín'₅₄ Juan₅₄ ně₃. 12 Jme₁ca₂jág₃ Pe₄ le₁ñi'₂ dsa₂ juin₅, jaun₂ ca₂juá'₂ ca₂tsí'₃ dsa₂ 'éi₂:

—'Nia'₂ dsa₂ juig₂ chan₂ Israel, ¿'E₂ lě₃ ñí₄ dsi₂gó'₃ 'au'₂ 'nia'₂? ¿'E₂ lě₃ jag'₅₄ 'nia'₂ jnia'₅₄ le₂ně₅? On₃jua'₅₄ bí₂ a₂tag₂ jnia'₅₄ guio₅₄ a₂ca₂'lón₂ dsa₂ ně₅ a₂ma₂lé₂ ñi₃, jua'₅₄ a₂lág₅ jnia'₅₄ dsa₂ o₂dsan₂. 13 La₁ia₁ Diú₄ quián₅ tsi₁jon₂ jme₁ jniog₄ Abraham, Isaac, Jacob ně₃, Diú₄ 'éi₂ ca₂jme₃juin₂ 'ñio₅ lín₃ Jesús ja₁ñi'₅₄, i₂ca₂jín'₅₄ 'nia'₂ ne₄ dsi₂tan₅₄. Jme₁'nio₃ guě₄ Dsi₄má'₂ Pilato jme₁lió₂, la₁ tsá₃

§ 2:43 griego: apóstolous. * 3:1 lit. "hora ñi₃."

ca₂gue'₅₄ 'nia'₂. ¹⁴ Nió'₄ jme₁lon'₄ 'nia'₂ dsa₂ jnió₅ i₂tsá₃ 'e₂ dso₄ rin₂ 'éi₂, jē₂ bá₄ dsa₂ i₂ma₂jñi'₃ dsa₂ ca₂mi'₅₄ 'nia'₂ lión₂. ¹⁵ Jaun₂ le₂nē₅ ca₂jñi'₃ 'nia'₂ dsa₂ i₂cuē₅ jme₂dsí₂. La₁ Diú₄ ca₂jme₃jein'₅₄ táng₃ jin₄ 'lag₄, jaun₂ ca₂le₃jē₃ a₂nē₅ ca₂tē₂ ne₄ jnia'₅₄. ¹⁶ Quian'₅₄ bí₂ quió'₅ 'ñiog₅ Jesús 'éi₂ ca₂lión₂ dsa₂ i₂cuin'₂ 'nia'₂ i₂jñin'₄ 'nia'₂ nē₅, ia₁ a₂'éin₂ jnia'₅₄ tē₂le₃ quió'₅ Jesús. 'Éi₂ bá₄ nē₂cuē₃ bí₂ quió'₅ dsa₂ nē₅, jaun₂ ca₂lón₂, co₂ñei'₅₄, ju₁lia'₂ jñin'₅₄ 'nia'₂ nē₅.

¹⁷ 'Guion₄ bá₄ jniá₂ dse₃, rin'₅₄ jniog₄, a₂ca₂jmo'₅₄ 'nia'₂ caun₂ jág₁ quian'₅₄ dsa₂ can'₅₄ quián'₂ 'nia'₂, a₂ca₂jñi'₃ 'nia'₂ Jesús, ca₂jmo'₅₄ 'nia'₂ le₂jaun₂ ia₁ a₂tsá₃ ñi'₅₄ bá₄ 'nia'₂ 'e₂ jmo'₂. ¹⁸ La₁ ca₂rē₃ti₃ jág₁ a₂ma₂'ē₂ Diú₄ le₂jñiá₅ tē₂le₃ quian'₅₄ dsa₂ i₂jme₁'ē₂ jág₁ quiáin₅, a₂tion₅₄ ñág₃ uig₅ dsa₂ I₂rē₂'ín₁ quiáin₅. ¹⁹ Jaun₂ nē₃, jme₁tsín₄ 'nia'₂ 'au'₂, jen'₅₄ 'nia'₂ tē₂le₃ quió'₅ Diú₄, ia₁jaun₂ 'én₂ dsáu'₂ 'nia'₂. Jaun₂ bá₄ jiá₃ jmig₄ cuē₃ Te₁gui'₅₄ a₂le₃güin'₂ jme₂dsí₂ quián'₂ 'nia'₂, ²⁰ a₂chein₃ táng₃ Jesús i₂lín₅ I₂rē₂'ín₁ quián₅ Diú₄, i₂ma₂lē₅ jág₁ le₂jñiá₅ jiá₃ quián'₂ 'nia'₂, ²¹ o₁jñia'₅₄ la₂ rē₂nē₃ tion₅₄ 'nió'₅ guá₃ Jesús guei'₅₄ i₂juíg₃ ca₂lia'₂ ca₂jmo₃ Diú₄ rē₂ ca₂le₃jē₃ lia'₂ con'₂ lē₅ jág₁ ma₂'ē₂ dsa₂ jnió₅ quiáin₅ ma₂líg'₂. ²² Le₂la₂ ca₂juá'₂ 'lag₄ Moisés ca₂tsí'₃ dsa₂ quián₂ jniog₄ ma₂dsi₃jo₃: “A₂chen₃ Te₁gui'₅₄ Diú₄ jan₂ dsa₂ i₂'ē₂ jág₁ quiáin₅, i₂lín₅ dsa₂ go'₄ 'nia'₂ guiong'₅₄, ju₁lia'₂ ca₂chei₃ jniá₂. Jaun₂ tón'₂ 'nia'₂ jui₅ jme₁tí'₄ 'nia'₂ ca₂le₃jē₃ con'₂ 'éi'₃ a₂jmo₃ 'éi₂. ²³ Ia₁ ca₂le₃jín₃ i₂tsá₃ jui₅ tón'₂ jág₁ quió'₅ dsa₂ i₂chen₄ quiáin₅ 'éi₂, dsí₃'éin₂, 'uúin₃ juig₂ Israel.”† ²⁴ Jaun₂ le₂nē₅ ca₂'ē₂ Samuel jág₁ le₂'uig₅₄, ca₂le₃jín₃ guē₄ dsa₂ i₂jme₁'ē₂ jág₁ quián₅ Diú₄ i₂ca₂o₃lén₂ cang₂ guē₄ jaun₂, qui₂ca₂juá'₂ lia'₂ lé₂ jmig₄ nē₃. ²⁵ Jág₁ a₂ca₂cuē₃ Diú₄ tē₂le₃ quian'₅₄ dsa₂ i₂jme₁'ē₂ jág₁ quiáin₅, ca₂cuē'₃ 'nia'₂ bá₄. A₂dse₃ quián'₂ 'nia'₂ bá₄ ca₂jmo₃ Diú₄ caun₂ jág₁ quian'₅₄ dsa₂ can'₅₄ quián₂ jniog₄ ma₂líg'₂, ju₁lia'₂ ca₂tsí'₃ Abraham: “Ca₂le₃jín₃ chi'₂-guein₂ dsa₂ mi₂güig₃ le₃chain₂ dse₃ tē₂le₃ quian'₅₄ chi'₂ dsió'₂.”‡ ²⁶ Lia'₂ con'₂ jme₁ca₂chón'₂ § Diú₄ Ja₁ñi'₅₄, ca₂chein₃ le₂'uig₅₄ jin'₄ 'nia'₂, ia₁jaun₂ jme₃gu'₅₄, ia₁jaun₂ tí'₄ 'nia'₂ le₂jang'₂ le₂jang'₂ ca₂le₃jē₃ dso₄ qui₂'nau'₂ 'nia'₂.

4

Pe₄ quiain'₅₄ Juan₅₄ tióin₂ ne₄ dsi₂tan₅₄

¹ Pe₄ quian'₅₄ Juan₅₄ tsá₃ ma₂dsan₃ bá₄ guē₄ tsí'₅ dsa₂ jág₁, jme₁ca₂dsi₃lén₂ jme₂dsa₂ quiain'₅₄ juig₅₄ chi'₂ 'í'₅₄ quián₅ guá'₅, dsa₂ saduceos nē₃. ² Le₁'néi₃ 'ñiog₅ lín₃, ia₁ jme₂tin₅ 'éi₂ dsa₂ a₂jen'₅₄ dsa₂ jin₄ 'lag₄ ju₁lia'₂ ca₂lē₃ léi₄ ca₂jen'₅₄ Jesús. ³ Jaun₂ ca₂jñau'₃ chi'₂ 'í'₅₄ ca₂tág₃ ca₂i₁tio'₂ né'₃ 'má₃ ca₂tē₂ jme₁jnia₃, ia₁ ca₂'láu₂ bá₄ jmig₄ jaun₂. ⁴ La₁ juin₅ bá₄ dsa₂ i₂ca₂nág₂ ca₂rē₃'éin₂ jág₁. Con'₂ 'ñiá₂ mei₅ dsa₂ i₂ca₂rē₃'én₂ 'éi₂, jme₁ca₂caun₂ dsa₂ 'í'₁ jmá'₃ dsa₂ ñe'₂.

⁵ Jme₁jnia₃ jaun₂, ca₂ñi'₂ ca₂le₃jín₃ dsa₂ dsen₅₄ i₂jmo₅ 'éi'₃ quián₅ dsa₂ judíos, dsí₂gui'₅₄ can'₅₄, tē₅juá'₅ nē₃. ⁶ Ján₃ bá₄ jaun₂ jme₁'en₅₄ Anás i₂lín₅ jme₂dsa₂ dsen₅₄, Caifás, Juan₅₄, Alejandro nē₃, ca₂le₃jín₃ guē₄ i₂lín₅ o₁rin'₅₄ jme₂dsa₂ dsen₅₄. ⁷ Jme₁ma₂le₁ñi'₂ jñin₂, jaun₂ guē₄ ca₂i₁dsein₂₃ Pe₄ quian'₅₄ Juan₅₄, jaun₂ ca₂chei'₃ dsi₂jo₂ ja₁le₁ñi'₂ jaun₂. Jaun₂ ca₂ñag₃:

—¿'Ein₂ ca₂cuē₃ 'éi'₃, o₃ 'ein₂ ca₂cuē₃ jág₁ a₂i₂nio'₄ 'nia'₂ jme₂tíng'₁ dsa₂, a₂jmo'₂ 'nia'₂ 'e₂ jmo'₂ i₂niog'₅₄?

⁸ Jaun₂ ca₂juá'₂ Pe₄, rē₂rin₅ Jme₂dsí₂ Jnió₅ tē₂dsí₅, ca₂tsí'₃ dsa₂ i₂le₁ñi'₂ 'éi₂:

—'Nia'₂ dsa₂ dsen₅₄ quián₅ juig₂, 'nia'₂ dsa₂ can'₅₄ quián₅ juig₂ Israel nē₃:

⁹ Chi₂jua'₂ a₂jaun₂ ñag'₅₄ 'nia'₂ ia₁ ca₂jmo₁ jnia'₅₄ caun₂ a₂dse₃ quió'₅ jan₂ dsa₂

† 3:23 Deuteronomio 18:15,18-19. ‡ 3:25 Génesis 22:18; 26:4. § 3:26 o₃, “jme₁ca₂jme₃jen'₅₄.”

dso'⁵⁴ i₂tsá₃ lé₂ jme₁ñi₃, chi₂jua'² 'niog'² 'nia'² le₃ñi'⁵⁴ 'a₂ lia'² ca₂lë₃ a₂ca₂'lón₂,
 10 ju₁le₃ñi'⁵⁴ bá₄ 'nia'², ju₁le₃ñi'⁵⁴ bá₄ ca₂le₃jín₃ dsa₂ juig₂ Israel në₃, a₂chén'⁵ dsa₂
 në₅ jin'⁴ 'nia'² ca₂'lón₂ quian'⁵⁴ bí₂ quió'⁵ Jesucristo chan₂ Nazaret i₂ca₂tión'³
 'nia'² cróg₄, i₂ca₂jme₁jen'⁵⁴ táng₃ Diú₄ jin'⁴ 'lag₄. 11 Jesús 'éi₂:

lín₅ ni₁cang₁ a₂tsá₃ jen'⁵⁴ 'nia'²,

i₂lín'⁵ të₅ i₂chi'⁵ tsi₁'né₅,

la₁ ca₂dsióg₃ ca₂lë₃ ni₁cang₁ a₂dsen⁵⁴ gué₄.*

12 Ia₁ 'i₁jan₂ i₂sián'² tsá₃ chan₂ i₂le₃lón₂ dsa₂. Ia₁ 'i₁jan₂ i₂sián'² tsá₃ ca₂cuin₃ Diú₄
 ne₄ gua'⁵⁴ 'uë₃ la₂, a₂lé₂ 'ín₄ jniog₄ a₂mí₁ ne₄ Diú₄ ia₁jaun₂ tág'⁴ guei'⁵⁴ i₂juig₃,
 jñia'⁵⁴ lia'² jan₂ Jesús bá₄.

13 Jme₁ca₂jág₃ dsa₂ can'⁵⁴ dsi₂gó'³ dsí₅ ca₂jín₂ Pe₄ quian'⁵⁴ Juan⁵⁴ 'a₂ lia'² tiá₂
 dsí₅ 'éi₂ ñag₂₃ ne₅₄ le₂jaun₂, jaun₂ ca₂rë₃lí'⁴ a₂lín₅ 'éi₂ dsa₂ tsá₃ lín₄ quen₅, i₂tsá₃ lín₄
 si₂ cuí'⁵ në₃, jaun₂ gué₄ ca₂rë₃cuin₂₃ a₂lín₅ 'éi₂ dsa₂ i₂jme₁i₂nio₄ quian'⁵⁴ Jesús.

14 Ia₁ jaun₂ bá₄ jme₁chén'⁴ dsa₂ i₂ca₂'lón₂ 'éi₂ jë₄ jaun₂, jaun₂ lë₃ tsá₃ cuin₅ jmig₄
 jua'⁵⁴ a₂juá'² dsa₂ can'⁵⁴ a₂tsá₃ dsau₅. 15 Jaun₂ ca₂'uín'² bá₄ Pe₄ quian'⁵⁴ Juan⁵⁴ jë₄
 jaun₂, jaun₂ ca₂jmo₃ jág₁ guoin⁵⁴ 'a₂ lia'² jmo₃. 16 Ca₂dsia₃ jág₁, juá'²:

—¿'A₂ lia'² jmó₁ quian'⁵⁴ dsa₂ në₅ jaun₂? Ia₁ ca₂le₃jín₃ bá₄ dsa₂ juig₂ Jerusalén
 ma₂le₁ñi₅ a₂jmo₅ i₂në₅ léi₄ jué'², jaun₂ tsá₃ lé₂ jua'⁵⁴ a₂jua'⁵⁴ jniog₄ a₂tsá₃ dsau₅.

17 La₁ ia₁jaun₂ tsá₃ ma₃caun₂ qui₃dsi₃'ag₅ jág₁ jin'⁴ dsa₂ juig₂, 'nió'⁵ quian'⁵⁴ jniog₄
 jué'⁵ ia₁jaun₂ tsá₃ ma₃i₃nioi⁵⁴ qui₃'in₃ gué₄ Jesús a₂tsí'³ dsa₂ le₃ne₄ jui₅ ja₁dsau⁵⁴
 në₅.

18 Jaun₂ ca₂të₃ dsa₂ i₂le₁ñi'² 'éi₂ ca₂të'³ táng₃ Pe₄ quian'⁵⁴ Juan⁵⁴, jaun₂ ca₂jmo₃
 'éi'³ ca₂tsí'³ dsa₂ on₃ 'éi₂, a₂tsá₃ ma₃dsia₃ co₂ñei'⁵⁴ on₃ gué'² jme₁tin₂₃ dsa₂ a₂'in₂₃
 Jesús. 19 La₁ jaun₂ ca₂ñag₃ Pe₄ quian'⁵⁴ Juan⁵⁴ ca₂juá'²:

—'Nio'⁴ 'nia'² 'au'² chi₂jua'² 'ñio₅ gué₄ dse₃ jniá₂ ne₄ Diú₄, a₂néi₁ jnia'⁵⁴ gau₂ jág₁
 quián'² 'nia'², 'nió'⁴ a₂jme₁néi₁ jnia'⁵⁴ gau₂ jág₁ quió'⁵ Diú₄. 20 La₁ jnia'⁵⁴ në₃ tsá₃
 lé₂ tí₄ a₂dsiá₁ ca₂le₃jë₃ a₂ma₂jag⁵⁴, a₂ma₂néi₁ në₃.

21 Jaun₂ ca₂quiong₃ dsi₂tan⁵⁴ jué'⁵, la₁ ca₂lió₂ bá₄ jaun₂ në₃. Ia₁ tsá₃ ca₂dsó'²
 'a₂ lia'² 'ë₂ uig₅, ia₁ ca₂le₃jín₃ bá₄ dsa₂ ma₂qui₂cué'³ ti₁'mag'⁴ Diú₄ a₂ca₂të₂ ne₅₄
 a₂ca₂lë₃ jaun₂. 22 Jaun₂ dsa₂ ñe'² i₂ca₂'lón₂ 'éi₂ quian'⁵⁴ léi₄ a₂dsi₂gó'³ dsi₅,
 jme₁'ein⁵⁴ lë₅ gué₄ të₂láu₃ ñi₂.

Ca₂mi₃ dsa₂ 'én₂ a₂cuë₃ gué₄ Diú₄ bí₂ quió'⁵

23 Jme₁ma₂lón₂ Pe₄ quian'⁵⁴ Juan⁵⁴, ca₂i₃lén₂ ja₁tion'⁵⁴ riin'⁵⁴, jaun₂ ca₂dsia₃
 ca₂le₃jë₃ 'e₂ ca₂juá'² juig₅₄ jme₂dsa₂ quian'⁵⁴ dsi₂gui'⁵⁴ can'⁵⁴ a₂ca₂tsí'³ 'éi₂.

24 Jme₁ca₂ñag₂ jág₁ jaun₂, ca₂le₃jín₃ ca₂mi₃ co₂lë₅ ca₂tsí'³ Diú₄ ca₂juá'²:

—Te₁gui'⁵⁴ quián₂ jniog₄, 'ne₂ bá₄ lín'⁵ Diú₄ i₂ca₂jmo'⁵⁴ guei'⁵⁴ i₂juig₃, quian'⁵⁴
 gua'⁵⁴ 'uë₃, jmí₁ñi'⁴ në₃, ca₂le₃jë₃ gué₄ 'e₂ a₂cha₂. 25 'Ne₂ bá₄ ca₂jua'⁵⁴ quian'⁵⁴
 Jme₂dsí₂ jñi₅ quiáng'², jme₁ca₂juá'² 'lag₄ David dsa₂ quiáng'²:

¿'E₂ lë₃ tion'⁵⁴ dsi₂nau₂ co₂mi'⁵⁴?

¿'E₂ lë₃ dsi₂jio₅ dsi₅ dsa₂ chan₂ mi₂güig₃

ca₂le₃jë₃ ne₅₄ a₂'lig'⁵⁴ a₂tsá₃ ta₁ tí₄?

26 Ca₂le₃jín₃ rag⁵⁴ ne₄ gua'⁵⁴ 'uë₃

qui₂ca₂quiin'² jág₁;

Ca₂le₃jín₃ dsi₂tan⁵⁴ quián₅ juig₂

qui₂ca₂nau₂ 'nei₂ ja₁con₂ Te₁gui'⁵⁴,

ja₁con₂ I₂rë₂'ín₁ quiáin₅ në₃.†

* 4:11 Salmo 118:22. † 4:26 Salmo 2:1-2.

27 'Dsau₅ dsón'₂ bá₄ ca₂jmo₃ caun₂ jág₁ Rag₅₄ Herodes quian'₅₄ Dsi₄ má'₂ Poncio Pilato juig₂ la₂ quian'₅₄ dsi₂ nau₂, dsa₂ israelitas ně₃. Ca₂ quin'₃ jág₁ ca₂jme₃ 'ñiai₅₄ Jesús Ja₂ ñí'₂ jñió₅ i₂ rē₂ 'ín₁ quiáng'₂. 28 Quian'₅₄ a₂ ně₅, ca₂jme₃ ti₃ dsa₂ can'₅₄ 'éi₂ ca₂ le₃ jě₃ a₂ 'i₄ 'éi'₃ niog₅ lé₂. 29 Jaun₂ ně₃ Te₁ gui'₅₄, jag₄ a₂ quiong₅ dsa₂ juě'₅ jnia'₅₄. Cuē₄ bí₂ jnia'₅₄ dsa₂ quiáng'₂ ia₁ jaun₂ tián₂ qui₂ jme₁ tin₅ guě'₄ jnia'₅₄ dsa₂ jág₁ quiáng'₂, tsá₃ jui₁ le₂ go₃. 30 Cuē₄ bí₂ quiáng'₂ a₂ lé₂ jme₁ lion₅₄ jnia'₅₄ dsa₂ dso'₅₄, a₂ lé₂ jmó₁ léi₄ dsi₂ gó'₃ dsi₅ quian'₅₄ bí₂ 'éi'₃ quió'₅ Jesús, dsa₂ jñió₅ i₂ jme₂ ti₃ quiáng'₂.

31 Jme₁ ca₂ dsan₃ chi₂ léin'₂ Diú₄ le₂ ně₅, ca₂ i₁ bi₅₄ ja₁ tioin'₅₄, jaun₂ ca₂ le₃ jín₃ qui₂ ca₂ cain'₂ Jme₂ dsí₂ Jñió₅. Jaun₂ tsá₃ ma₃ juě'₅ 'i₄ dsí₅ qui₂ ca₂ 'ě₂ jág₁ dse₃ quió'₅ Diú₄.

Ca₂ le₃ jě₃ 'e₂ cha₂ jme₁ lě₄ quió'₅ ca₂ le₃ jín₃

32 Ca₂ le₃ jín₃ dsa₂ i₂ ma₂ 'én₂, caun₂ bá₄ a₂ dsi₂ jiog₅ dsí₅, caun₂ bá₄ 'ei₅ jme₂ dsí₂ quió'₅ ca₂ le₃ jín₃. 'I₁ jan₂ tsá₃ jua'₅₄ a₂ jmo₂₃ quió'₅ 'ñiog₅ 'e₂ caun₂ a₂ cha₂ quió'₅. Jmo₂₃ bá₄ dsí₅ a₂ quió'₅ co₂ dsia₅ quian'₅₄ riin'₅₄ ca₂ le₃ jě₃ 'e₂ a₂ cha₂ quió'₅.

33 Caun₂ ca₂ 'ág₂ tiá₂ dsí₅ qui₂ ca₂ cuē₃ jág₁ dsau₅ dsi₂ gua₃-tín₂ i₂ chen₄ † quián₅ Diú₄ 'éi₂, 'a₂ lia'₂ ca₂ jen'₅₄ Te₁ gui'₅₄ Jesús. Jaun₂ caun₂ qui₂ ca₂ cuē₃ Diú₄ bí₂ 'ñiog₅ lin₃ quió'₅ ca₂ le₃ jín₃ dsa₂ i₂ 'én₂. 34 'I₁ jan₂ tsá₃ 'ein₂ jua'₅₄ cha₂ qui₂ ca₂ rě₃ 'nió'₅ quió'₅, ia₁ dsa₂ i₂ cha₂ 'uě₃, o₃ i₂ tióng₂ 'né₅ quió'₅ ně₃, qui₂ ca₂ 'nag₃. 35 Jaun₂ ca₂ o₃ can₅ cu₄ jaun₂, ca₂ jín₃ dsa₂ gua₃-tín₂ i₂ chen₄ quián₅ Jesús 'éi₂, jaun₂ ca₂ dsíó'₃ ca₂ cuē'₃ le₂ jan₂ le₂ jan₂ 'a₂ con'₂ 'nió'₅ quió'₅. 36 Jme₁ chan₂ jin₄ dsa₂ 'éi₂ jan₂ dsa₂ levita i₂ jme₁ chen₂ José i₂ chan₂ Chipre. Dsa₂ i₂ chen₄ ně₃ ca₂ quian₃ Sě₄ 'éi₂ Bernabé, co₂ 'nió'₄ a₂ juá'₂ dsa₂ i₂ jmo₅ lián'₂, i₂ jme₂ 'o₅₄. § 37 Bernabé 'éi₂ ca₂ 'nag₃ caun₂ 'uě₃ quió'₅ a₂ jme₁ cha₂. Ca₂ le₃ jě₃ cu₄ jaun₂ ca₂ o₃ can₅ ca₂ cuē'₃ dsa₂ gua₃-tín₂.

5

Dso₄ a₂ ca₂ 'nú₂ Ananías quian'₅₄ Safira

1 La₁ jan₂ dsa₂ sián'₂ i₂ jme₁ chen₂ Ananías quian'₅₄ Safira 'io₅₄ quián₅, ca₂ 'nag₃ caun₂ 'uě₃ quió'₅. 2 Dsa₂ ñe'₂ 'éi₂ ca₂ 'ma₃ ca₂ dsio₄ cu₄ jaun₂ 'ñiog₅, jaun₂ ca₂ dsio₄ bá₄ ca₂ i₁ cuē'₂ dsa₂ gua₃-tín₂ i₂ chen₄ * quián₅ Jesús, lia'₂ jag₄ bá₄ a₂ i₁ can₅ ta₁ jě₂. Ján₃ bá₄ ñi₅ 'io₅₄ quián₅. 3 Jaun₂ ca₂ juá'₂ Pe₄ ca₂ tsí'₃ Ananías:

—¿'E₂ lě₃ ca₂ 'í₃ Satanás tē₂ 'au'₂ jaun₂ jmo'₂ jág₁ tē₂ jág₁ ne₄ Jme₂ dsí₂ Jñió₅, a₂ ca₂ 'ma'₅₄ ca₂ dsio₄ cu₄ a₂ ca₂ qui₃ dsa₂ 'lia'₅₄ 'uě₃ quiáng'₂? 4 ¿On₁ jua'₅₄ quiáng'₂ 'uě₃ a₂ ně₂ 'nag'₅₄? ¿On₁ jua'₅₄ quiáng'₂ cu₄ jaun₂ ně₃? ¿'E₂ lě₃ ca₂ i₃ jiog₅ 'au'₂ jmó'₂ le₂ ně₅? Diú₄ bá₄ ně₂ chei'₅₄ 'ne₂ jág₁ tē₂ jág₁, on₃ jua'₅₄ dsa₂ mi₂ güig₃.

5 Dsi₂ jui₅ jme₁ ně₂ néi₂ Ananías le₂ ně₅, ca₂ quian'₃ ca₂ join₃. Jaun₂ ca₂ le₃ jín₃ dsa₂ i₂ ca₂ rě₃ ñi₅ a₂ ca₂ lě₃ le₂ jaun₂ ca₂ rě₃ gó'₅ 'ñiog₅ lin₃. 6 Jaun₂ ca₂ o₃ lén₂ on₃-ún₂ chi'₂ dsa₂ ñe'₂, ca₂ lió₃ 'mi'₂ ni₁ ñi₁₂, jaun₂ ca₂ i₁ 'ó₄.

7 Tsá₃ jaun₂ ñi₅ 'io₅₄ quián₅ Ananías a₂ ca₂ lě₃ le₂ jaun₂, jaun₂ ca₂ dsíó₃ con'₂ 'ni₅ hora cang₂ jaun₂. 8 Jaun₂ ca₂ ñag₃ Pe₄ ca₂ ñí'₃ 'io₅₄:

—Jua'₅₄ dsón'₂. ¿'Ma'₅₄ jaun₂ ně₂ 'nag'₅₄ 'nia'₂ 'uě₃ con'₂ lě₅ jág₁ juá'₂ 'nia'₂?

Jaun₂ ca₂ ñag₃ 'io₅₄:

—Ján₅. 'Ma'₅₄ jaun₂ dsón'₂ bá₄ i₂ 'nag₄.

9 Jaun₂ ca₂ juá'₂ táng₃ Pe₄:

—¿'E₂ lě₃ ně₂ jmo'₅₄ 'nia'₂ caun₂ jág₁ a₂ cáng'₄ táu₂ Jme₂ dsí₂ quián₅ Te₁ gui'₅₄? Ca₁ 'né₄ ně₅ ma₂ ja len₃ táng₃ dsa₂ i₂ ma₃ i₁ 'ón₄ dsi₂ i₂ gog'₂. Ně₃ guě₄ tē₂ táng₃ 'ne₂.

† 4:33 griego: apóstolous. § 4:36 lit. "jaun₅ lián'₂." * 5:2 griego: apóstolous.

10 Dsi₂jui₅ le₂jaun₂ ca₂quin₃ 'io₅₄ ca₂join₃ ja₁chén₄ Pe₄ jaun₂. Jme₁ca₂i₃ton₅₄ chi₂ dsa₂ ñe₂ 'éi₂, ma₂jon₅ bá₄ 'io₅₄, jaun₂ ca₂tág₃ táng₃ jaun₂ ca₂i₁'ó₄ cau₅ ja₁rë₂'on₅ dsi₂i₂gu₂. 11 Jaun₂ ca₂rë₃gó₅ 'ñio₅ lin₃ ca₂le₃jín₃ dsa₂ 'én₂ i₂lín₅ guá₅, ca₂le₃jín₃ guë₄ dsa₂ sián₂ i₂ca₂rë₃ñi₅ a₂ca₂lë₃ jaun₂.

Lióng₂ léi₄ juë₂ a₂dsi₂gó₃ dsi₅ në₃, ca₂lë₃

12 Quian₅₄ bí₂ quió₅ Diú₄ ca₂jmo₃ dsa₂ i₂chen₄ quián₅ Jesús 'lióng₂ léi₄ juë₂ a₂dsi₂gó₃ dsi₅ jin₄ dsa₂. Jaun₂ jme₁ñi₂ dsa₂ i₁dsi₅ guá₅ templo ja₁lë₄ corredor ja₁të₂ dsa₂ quió₅ Salomón. 13 I₁jan₂ tsá₃ ca₂tiá₂ dsi₅ jme₃quiain₅₄ dsa₂ i₂én₂ 'éi₂, la₁ jme₁jme₂go₃ bá₄. 14 La₁ jin₅ bá₄ dsa₂ ñe₂, lia₂ dsa₂ mí₂ në₃, ca₂rë₃'én₂ të₂le₃ quió₅ Te₁gui₅₄. 15 Ca₂lia₂ jme₁dsi₂jñiai₃ jë₄ calle dsa₂ dso₅₄ tián₅ ne₄ cama, ne₄ tsi₁jin₁ në₃, ia₁jaun₂ tsá₃ a₂nag₅₄ jñia₅₄ 'én₁ quió₅ bá₄ Pe₄ të₅₄ quió₅ i₂lín₅₄ dsa₂ dso₅₄ 'éi₂. 16 Ján₃ bá₄ ca₂o₃lén₂ jin₅ dsa₂ chan₂ juig₂ ma₂quián₅ Jerusalén, le₁jñiai₂₃ dsa₂ le₁dso₅₄, dsa₂ i₂tion₅₄ jme₂dsi₂ 'lin₅₄ të₂dsi₅ në₃, ca₂o₃lén₂. Jaun₂ ca₂le₃jín₃ dsa₂ 'éi₂ qui₂ca₂'lóin₂.

Ca₂co₃'ein₃ dsa₂ quió₅ Pe₄ quián₅₄ Juan₅₄

17 Jaun₂ ca₂rë₃'iog₅₄ 'ñio₅ lin₃ jme₂dsa₂ dsen₅₄, quiain₅₄ riin₅₄ i₂jme₁lín₄ saduceos. 18 Jaun₂ ca₂jñai₃ dsa₂ i₂chen₄ quián₅ Jesús, ca₂i₁tio₂ 'né₅ 'má₃. 19 La₁ a₂'uë₂ jaun₂, ca₂ñe₄ jan₂ ángel quián₅ Te₁gui₅₄ ca₂niá₃ 'né₅ 'má₃, ca₂'uñin₂ dsa₂ i₂chen₄ 'éi₂, ca₂juá₂:

20—O₂nó₅ 'nia₂ i₁dsi₅ guá₅ templo, o₂nau₂ o₂chei₅₄ 'nia₂ dsa₂ jág₁ dse₃ quió₅ Jui₅ 'mí₂ la₂.

21 Jme₁ca₂nág₂ jág₁ në₅, të₃ o₃'iog₂ jme₁jnia₃ jaun₂ ca₂i₁lein₅₄ guá₅ ca₂i₁jme₁tñin₂₃ dsa₂.

Jmig₄ jaun₂ ca₂të₃ jme₂dsa₂ dsen₅₄ ca₂ñi₂ dsi₂tan₅₄ quián₅ guá₅, jaun₂ ca₂jmo₃ 'éi₃ i₁të₂ dsa₂ i₂chen₄ quián₅ Jesús i₂tion₅₄ 'né₅ 'má₃ 'éi₂. 22 La₁ jme₁ca₂dsi₃lén₂ 'lióg₂† 'né₅ 'má₃, tsá₃ ma₃dsa₂ i₂jme₁tion₅₄ chan₂. Jaun₂ ca₂i₃lein₃ táng₃ i₁con₂ jág₁, 23 juá₂:

—Jme₁chi₁jnág₅ dse₃ bá₄ o₄'né₄ 'né₅ 'má₃, jme₁tión₂ bá₄ guë₂ 'lióg₂ jmo₂₃ 'í₁ cau₅ o₄'né₄ në₃. La₁ jme₁në₂tió₄ jnia₅₄ dsi₂néi₂, tsá₃ ma₃dsa₂ i₂jme₁tion₅₄ chan₂ 'i₁jan₂.

24 Jme₁ca₂nág₂ juig₅₄ jme₂dsa₂, juig₅₄ chi₂ 'i₅₄ quián₅ guá₅ në₃, jaun₂ dsi₂gó₃ dsi₅ qui₂ca₂ñi₃ riin₅₄ 'a₂ dsi₁quén₅ ca₂le₃jë₃ a₂në₅. 25 Jaun₂ ca₂dsióg₃ jan₂ dsa₂ quián₅ jág₁, jaun₂ ca₂juá₂:

—Dsa₂ i₂ca₂jne₅₄ 'nia₂ 'né₅ 'má₃, ó₃ bá₄ ma₂tióin₂ i₁dsi₅ guá₅ jme₁tñin₂₃ dsa₂.

26 Jaun₂ në₃ ca₂i₃lén₂ chi₂ 'i₅₄ quiain₅₄ juig₅₄ quián₅, jaun₂ ca₂i₁chong₅₄ táng₃ lia₂ 'i₄ rë₂ jág₁. Tsá₃ uig₅ ca₂j móg₂, ia₁ gó₅ qui₃jnú₂ cang₄ dsa₂ i₂le₁ñi₂ ja₁jaun₂. 27 Jme₁ca₂dsi₃lein₃ le₁te₂ dsa₂ 'éi₂, jaun₂ ca₂chei₃ dsi₂jo₂ ja₁le₁ñi₂ dsi₂tan₅₄ quián₅ guá₅. Jaun₂ ca₂juá₂ jme₂dsa₂ dsen₅₄ ca₂tsí₃ dsa₂ 'éi₂:

28—Ca₂jne₅₄ jnia₅₄ co₂ñei₅₄ a₂tsá₃ ma₃jme₁tñin₅ 'nia₂ dsa₂, jua₅₄ a₂'ín₄ guë₄ 'nia₂ Jesús 'éi₂. ¿'E₂ ma₂jmo₅₄ guë₂ 'nia₂? Caun₂ qui₂jme₂tñin₁ 'nia₂ dsa₂, tsá₃ jág₁ cán₁, ca₂lia₂ ta₁caun₂ juig₂ Jerusalén ma₂rë₂rin₅ quián₅₄ jág₁ a₂jme₂tñin₁ 'nia₂. A₂'niog₂ 'nia₂ bog₅₄ jnia₅₄ dso₄ a₂ca₂jon₃ dsa₂ 'éi₂.

29 Jaun₂ ca₂ñag₃ Pe₄ quiain₅₄ dsa₂ i₂chen₄ riin₅₄:

—'Nio₅ guë₄ dsen₅₄ ta₁ jme₁ti₁ jnia₅₄ 'éi₃ quió₅ Diú₄, con₂ guë₄ 'éi₃ quió₅ dsa₂ mi₂güig₃. 30 Diú₄ quián₅ dsa₂ can₅₄ quián₂ jniog₄ ma₂líg₂, Diú₄ 'éi₂ bá₄ ca₂jme₃jen₅₄ Jesús i₂ca₂jñi₃ 'nia₂ ca₂tióin₃ cróg₄. 31 Diú₄ në₃ ma₂ca₂chó₂ guei₅₄,

† 5:22 o₃, chi₂ 'i₅₄ quián₅ guá₅.

jaun₂ ma₂guá₅ cau₅ quió'₅ tē₂le₃ gu₂ ne₁, jaun₂ ma₂dsiog₃ a₂lén₂ juig₅₄ jniog₄ i₂lió₂, ia₁jaun₂ cuin₃ jmig₄ jme₃tsín₃ dsí₅ dsa₂ juig₂ Israel ia₁jaun₂ 'én₂ dsá_{u1}.
 32 Ca₂le₃jág₃ bá₄ jnia'₅₄ ca₂tē₂ ne₄ a₂nē₅, ján₃ bá₄ jáng'₅ jág₁ dsau₅ Jme₂dsí₂ Jnió₅ i₂ma₂cuin₃ Diú₄ quió'₅ dsa₂ i₂nag₅ gau₂ jme₂ti₃ jág₁ quió'₅.

33 Ca₂rē₃'né₃ 'nio₅ lín₃ dsa₂ can'₅₄ jme₁ca₂nág₂ le₂nē₅, a₂'nio₃ jme₁jme₃dsiain₂₃ dsa₂ i₂chen₄ quián₅ Jesús 'éi₂. 34 La₁ jē₄ quió'₅ dsí₂tan₅₄ jaun₂, jme₁'en₅₄ jan₂ dsa₂ fariseo i₂jme₁chen₂ Gamaliel, dsa₂ i₂lín₅ tē₅juá'₅, jaun₂ jme₁jme₂go₃ dsa₂ 'nio₅ lín₃. Jaun₂ ca₂nau₂ dsa₂ 'éi₂ jē₄ quió'₅ dsí₂tan₅₄, ca₂mí₃ a₂'uín'₂ ca₂tiá₂ dsa₂ i₂chen₄ 'éi₂. 35 Jme₁ca₂'uin₂ 'éi₂, jaun₂ ca₂juá'₂ Gamaliel ca₂tsí'₃ dsí₂tan₅₄:

—'Nia'₂ dsa₂ chan₂ juig₂ Israel, jmo₄ 'nia'₂ 'í₁ a₂jma'₅₄ 'nia'₂ dsa₂ nē₅. 36 Dsá₂ 'au'₂ 'nia'₂ jmo₄ a₂ca₂lē₃, ma₂ḡó₃ ca₂la₂ 'líong₂ ḡi₂, ca₂nau₂ Teudas a₂juá'₂ a₂lín₅ dsa₂ 'uan'₂ dsa₂ dsen₅₄. Jaun₂ ca₂jme₃quiong'₅₄ con'₂ quén₂ 'niá₂-lón₂ dsa₂ ḡe'₂. La₁ jme₁ca₂jḡag'₃ dsa₂, ca₂le₃jín₃ dsa₂ i₂jme₁quiain'₅₄ nē₃ ca₂l₃lén₂ jma₃quén₅. 37 Cang₂ jaun₂, jmig₄ jme₁ca₂tion₃ dsa₂ si₂, ca₂nau₂ Judas i₂chan₂ Galilea. Ján₃ bá₄ le₂jaun₂ juin₅ dsa₂ ca₂jme₃quiong'₅₄ quió'₅. La₁ ján₃ bá₄ ca₂jḡag'₃ dsa₂. Ca₂le₃jín₃ bá₄ dsa₂ i₂jme₁quiain'₅₄ nē₃ ca₂l₃lén₂ tsí₁rē₂jain₅₄ táng₃ jme₁ma₂jon₅ 'éi₂. 38 Jaun₂ lē₃, tsá₃ 'e₂ jmag'₅₄ dsa₂ nē₅, tsá₃ lē₁tón'₂ 'nia'₂ mí₅₄ quiain'₅₄. Ia₁ nē₁juá'₂ jág₁ nē₅ lē₅ cosa quió'₅ dsa₂ mi₂güig₃, a₂lē₁dsí₃'én₂ bá₄ nē₅. 39 La₁ia₁ nē₁juá'₂ lē₅ cosa quió'₅ Diú₄, tsá₃ a₁jaun₂ le₃qui'₅₄ 'nia'₂ jmig₄ a₂'éng'₄. Jaun₂ 'í₁ jmo₄ ia₁ con'₂ tsá₃ ḡó₅ nē₁juá'₂ quián₅₄ Diú₄ quín'₂ 'nia'₂.

40 Jaun₂ ca₂nág₂ jág₁ jaun₂ ca₂le₃jín₃. Jaun₂ ca₂tē₃ táng₃ dsa₂ i₂chen₄ quián₅ Jesús 'éi₂. Jaun₂ ca₂jmo₃ dsí₂tan₅₄ 'éi'₃ a₂bóg₂ dsa₂. Jaun₂ ca₂jné₃ táng₃ tsá₃ cuē₂₃ jmig₄ jua'₅₄ a₂'ē₂ guē₄ dsa₂ 'éi₂ jág₁ a₂'iin₂₃ Jesús. Jaun₂ ca₂lió₂ bá₄ jaun₂ nē₃. 41 Jme₁ca₂'uin₂ dsa₂ i₂chen₄ quián₅ Jesús 'éi₂, jin₄ dsí₂tan₅₄, jmo₂₃ 'io'₂, ia₁ ca₂cuē₃ Diú₄ jmig₄ ca₂i₃ḡí₂ o₂guí'₃ o₄quió'₄ Jesús. 42 Jaun₂ caun₂ ca₂i₁nioi₁₂ bá₄ jme₂tin₂₃ dsa₂ jág₁ dse₃ quió'₅ Jesucristo ca₂le₃jē₃ jmig₄, lia'₂ i₁dsí₅ guá'₅ templo, lia'₂ dsí₂néi₂ quió'₅ dsa₂ nē₃.

6

Ca₂'nai'₂ guion₃ dsa₂ i₂jme₃'o₅₄ *

1 Jmig₄ jaun₂ caun₂ dsí₂juín₂ bá₄ dsa₂ i₂'én₂. Jaun₂ dsa₂ i₂dsia₅ jág₁ jmei₅ griego ca₂jí₂ ca₂tsí'₃ dsa₂ i₂dsia₅ jág₁ jmei₅ arameo. Ca₂juá'₂ 'in₂₃ 'io₅₄ 'nág₂ chan₂ quián₅ tsá₃ lín₄ dse₃ jme₁cué'₅ dsa₂ jui₁lia'₂ 'e₂ má₃ dsíó'₅ ca₂le₃jē₃ jmig₄.

2 Jaun₂ ta₁guia₃-tín₂ dsa₂ i₂chen₄† quián₅ Jesús ca₂ḡí'₂ ca₂le₃jín₃ dsa₂ i₂'én₂, jaun₂ ca₂juá'₂:

—Tsá₃ dse₃ jua'₅₄ a₂tí₅ jnia'₅₄ a₂'ē₄ jnia'₅₄ jág₁ quió'₅ Diú₄ a₂jme₁ti₁ jnia'₅₄ ne₄ mesas a₂dsio'₅₄ jnia'₅₄ má₃. 3 Jaun₂ lē₃ rín₅₄ jniog₄, 'in₅₄ 'nia'₂ guion₃ dsa₂ tē₃jín'₄ 'nia'₂, i₂'ei₅ jág₁ a₂'en₅₄ dsí₅, a₂rē₂rín₅ Jme₂dsí₂ Jnió₅ tē₂dsí₅, jaun₂ cuē'₅₄ 'nia'₂ ta₁ nē₅. 4 Jnia'₅₄ guē'₂ caun₂ qui₁chei₅₄ Diú₄, caun₂ qui₂jme₁tin₅ jnia'₅₄ dsa₂ jág₁ quió'₅ Diú₄.

5 Jaun₂ ca₂le₃jín₃ dsa₂ ca₂tē₂ dsí₅ a₂nē₅, jaun₂ ca₂quióin'₂ dsa₂ i₂chen₂ Esteban i₂'én₂ 'nio₅ lín₃, i₂rē₂rín₅ Jme₂dsí₂ Jnió₅ tē₂dsí₅; Fe₂li₄ nē₃, Prócoro, Nicanor, Timón, Parmenas, Nicolás nē₃ i₂lín₅ jan₂ dsa₂ chan₂ Antioquía i₂jme₁ma₂gue₃ le₂jḡiá₅ 'Éi'₃ Juá'₅ quió'₅ dsa₂ judíos. 6 Jaun₂ ca₂o₃jḡia₃ dsa₂ dsa₂ guion₃ i₂ca₂'iin₃ 'éi₂ ja₁tió₂ dsa₂ guia₃-tín₂, jaun₂ qui₂ca₂quiog₂ gu₂ ne₄ quió'₅ dsa₂ guion₃ 'éi₂, ca₂chi₃lén'₂ Diú₄.

* 6: o₃, diáconos. 'Nio'₂ ja₁ton₅, Hechos 21:8; Filipenses 1:1. † 6:2 griego: apóstolous.

7 Jaun₂ caun₂ ca₂i₃'ág₃ jág₁ quió'₅ Te₁gui'₅₄ jë₄ juig₂ Jerusalén, jaun₂ caun₂ ca₂i₃juin₂ bá₄ dsa₂ i₂ca₂rë₃'én₂, ca₂të₂ i₂jme₁lín₄ jme₂dsa₂ quián₅ dsa₂ judíos ca₂guein₃ jág₁, ca₂rë₃'én₂ juin₅.

Ca₂jña'₃ dsa₂ Esteban

8 Esteban, dsa₂ i₂'ñio₅ lín₃ ma₂cuë₃ Diú₄ jui₅bí₂, ma₂jme₂'o₅₄ në₃, i₂'éi₂ jme₁jmo₂₃ 'lióng₂ léi₄ dsi₂gó'₃ dsi₅ jin₄ dsa₂ juig₂. 9 Jaun₂ i₂lín₅₄ dsa₂ quián₅ guá'₅ sinagoga i₂jme₁té'₂ dsa₂ Libertinos, quiaín₅₄ i₂lín₅₄ dsa₂ chan₂ Cirene, i₂lín₅₄ i₂chan₂ Alejandría, i₂chan₂ Cilicia, i₂chan₂ juig₂ ja₁tén₄ 'uë₃ Asia në₃, ca₂jme₃lióg₃ ca₂tsín₂ quian'₅₄ Té₂. 10 La₁ tsá₃ ca₂tio₃, ia₁ a₂niog₅ dsi₄'éi₂, tñin₂'a₂ lia'₂ ñag₃, ia₁ jme₂dsí₂ Jñi₅ bá₄ cuë₅ bí₂. 11 Jaun₂ ca₂lái₂ dsa₂ i₂jáng'₃ jág₁ të₂jág₁, a₂juá'₂ a₂ma₂ñág₂ juá'₂ Té₂ 'iin₂₃ 'lig'₅₄ Moisés, 'iin₂₃ 'lig'₅₄ Diú₄ në₃. 12 Jaun₂ le₂jaun₂ ca₂tóin'₂ co₂mí'₅₄ jin₄ dsa₂ juig₂ quian'₅₄ dsi₂gui'₅₄ can'₅₄, të₅juá'₅ në₃, ca₂jmaí'₂ mi'₅₄ Té₂, ca₂jñau'₃, ca₂i₁jo₅₄ ne₄ dsi₂tan₅₄ quián₅ guá'₅. 13 Jaun₂ ca₂'nai'₂ ján₃ dsa₂ i₂jmo₃ jág₁ të₂jág₁ a₂'ni₃ Té₂. Jaun₂ ca₂juá'₂:

—Dsa₂ në₅ caun₂ qui₂juá'₂ 'lig'₅₄ 'ë₂₃ guá'₅ jñi₅, 'ë₂₃ 'Éi'₃ Juá'₅ në₃. 14 Ján₃ bá₄ ma₂ca₂néi₁ jnia'₅₄ juá'₂ i₂në₅ a₂'én₂ Jesús chan₂ Nazaret guá'₅ a₂jme₃tsín₃ tag₄ chí'₅ ca₂quiog₂ Moisés.

15 Jaun₂ dsi₂tan₅₄ quiaín₅₄ ca₂le₃jín₃ guë₄ dsa₂ i₂jme₁tion'₅₄ le₁ñi'₂ ja₁jaun₂, ca₂jñin₂ Té₂, a₂ma₂jniá₂ dsi₂ne₄ 'éi₂ lia'₂ jniá₂ jan₂ ángel.

7

Jág₁ ca₂ton₃ Esteban

1 Jaun₂ ca₂ñag₃ jme₂dsa₂ dsen₅₄ ca₂ñii'₃ Té₂:
—¿Dsón'₂ dsau₅ ca₂le₃jé₃ a₂juá'₂ dsa₂ në₅?

2 Jaun₂ ca₂ñag₃ 'éi₂:

—Rin'₅₄ jniog₄, 'nia'₂ dsa₂ can'₅₄ quián₂ në₃, nei₂ 'nia'₂ a₂juá'₄ jniá₂ la₂. Diú₄ 'uan'₂ quián₂ jniog₄ ca₂jme₃jñiá₂₃ ne₄ jmei₂ jniog₄ Abraham lia'₂ con'₂ jme₁'ein₅₄ 'uë₃ Mesopotamia né'₃ a₂dsi₃guá₃ juig₂ Harán. 3 Jaun₂ ca₂juá'₂ Diú₄:
“Tí₃ 'uë₃ quiáng'₂, tén₃ ca₂le₃jín₃ o₁ríng'₂, gua₂ jui₅ 'uë₃ ja₁i₁'ë₃ jniá₂.”*

4 Jaun₂ ca₂ñó₃ Abraham ca₂o₃'iin₃ 'uë₃ Caldea jaun₂, ca₂i₁gua₂ juig₂ Harán. Cang₂ jaun₂ ca₂jon₃ bá₄ jmei₂. Jaun₂ Diú₄ bá₄ ca₂o₃jñiá₃ Abraham 'uë₃ la₂ ja₁tián'₄ 'nia'₂ rë₂në₃. 5 La₁ tsá₃ jua'₅₄ 'e₂ ca₂cuë₃ Diú₄ 'uë₃ la₂, on₃ guë'₂ ja₁chi'₃ caun₂ tag₅₄ jua'₅₄ ca₂cuë₃. La₁ ca₂cuë₃ bá₄ Diú₄ jág₁ quió'₅ a₂cuë₃ 'uë₃ la₂, a₂jmo₃ le₃cha₂ quió'₅ chi'₂ quián₅ bá₄ Abraham jë₁ma₂join₂₃, o₁jñiá'₅₄ guë'₂ jmíg₄ jaun₂ tsá₃ chi'₂ quián₅ Abraham jme₁chan₂ 'i₁jan₂. 6 Jaun₂ ca₂juá'₂ Diú₄ ján₃, ca₂le₃jín₃ chi'₂ dsio₄ Abraham tain'₃ ju₁lia'₂ ja₁tián'₄ dsi₂nau₂ caun₂ 'uë₃ a₂tsá₃ cuí'₅, qui₃ñág₃ uig₅ con'₂ quén₂ 'ñiá₂-láu₂ ñi₂ a₂lë₁jmo₃ ta₁ jme₂ti₃ ta₁ ne₄ dsa₂. 7 La₁ ján₃ bá₄ ca₂juá'₂ Diú₄ ca₂tsí'₃ Abraham: “Jniá₂ bá₄ 'ë₄ uig₅ ne₄ juig₂ i₂jma'₂ dsa₂ quiáng₃ i₂tion'₅₄ i₂lë₁jme₂ti₃ ta₁ ne₅₄. Cang₂ jaun₂ guion₅₄ dsa₂ juig₂ quiáng₃ 'uüin₃ juig₂ jaun₂, jaun₂ ja₃lén₂ jme₃ti₃ ta₁ ne₃ ja₁lá₃.”† 8 Ján₃ bá₄ ca₂jmo₃ Diú₄ caun₂ jág₁ quian'₅₄ Abraham, a₂ti₃ ni₁lo₁ ta₁jín₂ chi'₂ dsa₂ ñe'₂ tsi₁jon₂ quián₅, a₂li'₅₄ jág₁ a₂të₃ron₅₄. 'Uig₅₄ jaun₂, jme₁ca₂rë₃chán₃ ja₁ñi'₅₄ i₂ca₂rë₃chén₃ Isaac, ca₂ti₃ Abraham ni₁lo₁ Isaac jme₁ma₂'ein₅₄ jñiá₃ jmíg₄. Ján₃ bá₄ le₂jaun₂ ca₂jmo₃ Isaac quian'₅₄ Jacob ja₁ñi'₅₄. Ján₃ bá₄ le₂jaun₂ ca₂jmo₃ Jacob quian'₅₄ ta₁guia₃-tín₂ ja₁ñi'₅₄ i₂ca₂lín₃ jmei₂ ta₁guia₃-tín₂ juig₂ ja₁tén₄ Israel.

9 Ca₂le₃jín₃ chi'₂ ja₁ñi'₅₄ Jacob i₂jme₁lín₄ jmei₂ jniog₄ ma₂líg'₂ 'éi₂, ca₂i₃uig₅₄ dsi₅ jín₂ Së₄ riin'₅₄. Jaun₂ ca₂'ni₃ 'éi₂ jaun₂ ca₂tág₃ dsa₂ ca₂të₂ 'uë₃ Egipto. La₁ Diú₄

* 7:3 Génesis 12:1. † 7:7 Génesis 15:13-14.

bá₄ ca₂jmo₃ 'í₁ quió'₅ Sě₄, ¹⁰ qui₂ca₂lió₂ ca₂le₃jě₃ 'e₂ ca₂i₃ñí₂ ca₂jmo₃ ca₂rě₃ñí'₂ dsí₅ 'ñio₅ lin₃. Ján₃ bá₄ ca₂jmo₃ Diú₄ a₂chéin'₅ dse₃ quian'₅₄ i₂tě'₂ dsa₂ Faraón, i₂lín₅ rag₅₄ quián₅ 'uě₃ Egipto. Rag₅₄ 'éi₂ ca₂'in₃ Sě₄ a₂lėin₂ dsi₄má'₂ 'uě₃ Egipto. Ján₃ bá₄ ca₂jmo₃ a₂nio₃ ne₄ 'éi₂ dsi₂néi₂ quió'₅.

¹¹ 'Cang₂ jaun₂ ca₂gua₃ ñi₂ a₂ca₂ñág₃ uig₅ 'ñio₅ lin₃ a₂ca₂rě₃'ín₃ a₂guě'₃ dsa₂ ta₁caun₂ 'uě₃ Egipto quian'₅₄ 'uě₃ Cana'án. Jaun₂ ca₂le₃jín₃ jmei₂ jniog₄ ma₂líg'₂ tsá₃ ma₃'e₂ jnio'₂ a₂guě'₃. ¹² Jme₁ca₂rě₃ñi₅ Jacob a₂cha₂ trigo 'uě₃ Egipto, jaun₂ ca₂chein₃ chi'₂ ja₁ñi'₅₄ ja₁jaun₂, i₂ca₂lin₃ jmei₂ jniog₄ ma₂líg'₂. A₂jaun₂ guě₄ le₂'uig₅₄ ca₂i₁lein₅₄. ¹³ Jme₁ca₂tě₂ tin₃ ráun₂ i₁len₅₄ rin'₅₄ Sě₄ 'uě₃ Egipto, jaun₂ ca₂jmo₃ Sě₄ a₂ca₂rě₃ñi₅ a₂lě₅ riin'₅₄ dsa₂ 'éi₂. Jaun₂ guě₄ ca₂rě₃ñi₅ rag₅₄ quián₅ Egipto 'e₂ tsi₁jon₂ lín₅ Sě₄. ¹⁴ Jaun₂ guě₄ ca₂tsí'₃ Sě₄ dsó₂ riin'₅₄ a₂dsi₃quián₂ gui'₅₄ Jacob jmei₂, quian'₅₄ ca₂le₃jín₃ o₁riin'₅₄ i₂jme₁lě₂ 'nag'₂ ne₂guióg₂ rě₂dsí₂ guia₃- 'ñiá₂ (75) dsa₂. ¹⁵ Le₂jaun₂ ca₂lě₃ a₂ca₂ñó₃ Jacob ca₂i₁gua₂ 'uě₃ Egipto. Ja₁jaun₂ ca₂join₃ cang₂ jaun₂. Jaun₂ ja₁jaun₂ bá₄ qui₂ca₂dsan₃ chi'₂ quián₅ i₂'nió'₄ jmei₂ jniog₄ ma₂líg'₂. ¹⁶ Ni₁mu₁₂ ca₂o₃con₃ dsa₂ cang₂ jaun₂ ja₁chei₂ Siquem. Ca₂o₃'ó₃ tau₂ 'ñio₅ a₂ca₂lá₃ Abraham quió'₅ tsi₁jon₂ chi'₂ quián₅ Hamor ja₁chei₂ Siquem jaun₂, quian'₅₄ caun₂ 'ma'₅₄ a₂ca₂lí'₃.

¹⁷ 'Jme₁ja₂quián₃ jmi₄g₄ le₃ti₃ jág₁ ca₂cuě₃ Diú₄ 'iin₂₃ 'ñiog₅ ca₂cuě'₃ Abraham, ca₂i₃juín₂ 'ñio₅ lin₃ dsa₂ israelitas 'uě₃ Egipto. ¹⁸ Jaun₂ ca₂guá₂ jan₂ rag₅₄ i₂tsá₃ cuin₅ Sě₄, ca₂jme₃lióg₃ jmo₂₃ 'éi'₃ 'uě₃ Egipto. ¹⁹ Rag₅₄ 'éi₂ ca₂jme₃gain₂₃ dsa₂ go₄ jniog₄, ca₂jmái'₂ dsa₂ can'₅₄ quián₂ jniog₄ ca₂jmo₃ 'éi₂ tion₅₄ a₂tėin₂ guein₂ dsa₂ ñe'₂ i₂tě₂ca₂rě₃chán₃, ia₁jaun₂ dsiáin₃.

²⁰ 'Jmi₄g₄ jaun₂ ca₂rě₃chán₃ Moisés. Guein₂ 'éi₂ ca₂tě₂ dsí₅ Diú₄, jaun₂ ca₂jme₃juag'₂ chog₅₄-jmei₂ 'ni₅ tsi'₂ dsi₂néi₂ quió'₅. ²¹ Jme₁ca₂tě₂ jmi₄g₄ a₂tóin₂ guein₂ 'éi₂, jaun₂ ja₁míg₄ 'ñiog₅ rag₅₄ quián₅ Egipto ca₂tág₃ ca₂jme₃juag'₂ co₂'nió'₄ ja₁ñi'₅₄ 'ñiog₅. ²² 'Uig₅₄ jaun₂, ca₂rě₃lín₃ Moisés ca₂le₃jě₃ a₂ñi₅ dsa₂ chan₂ Egipto, jaun₂ ca₂rě₃'uáin'₃, 'ñio₅ lin₃ ñi₅ 'e₂ jág₁ dsia₃, ñi₅ a₂ca₂jmo₃ ně₃.

²³ 'Jme₁ma₂'ein₅₄ tē₂láu₃ ñi₂, jaun₂ ca₂ñe₄ Moisés ca₂i₁jiin₁₂ dsa₂ go₅₄ dsa₂ israelitas. ²⁴ Ja₁jaun₂ ca₂jíin₂ jan₂ dsa₂ chan₂ Egipto jmái'₂ uig₅ cuě'₅ jan₂ dsa₂ go₅₄. Jaun₂ ca₂nau₂ Moisés 'nei₂ quian'₅₄ i₂cuě'₅ riin'₅₄, ca₂jñi'₃ dsa₂ 'éi₂, ca₂lióin₂ dsa₂ go₅₄. ²⁵ Ia₁ ca₂i₃jio₅ dsí₅ jaun₂ le₃lí'₄ dsa₂ israelitas riin'₅₄, a₂jmo₃ Diú₄ lió₂ tē₂le₃ quian'₅₄ 'éi₂. La₁ tsá₃ ca₂rě₃lí'₄ guě'₂ dsa₂. ²⁶ Jme₁ñia₃ jaun₂, ca₂jen'₂ Moisés on₃ dsa₂ israelitas i₁tion'₅₄ quín'₂. Jaun₂ jme₁'nio₃ Moisés dsioin₃ mi'₅₄. Jaun₂ ca₂juá'₂: “Rín'₂ bá₄ 'nia'₂. ¿'E₂ lě₃ qui₂jma'₅₄ 'nia'₂ uig₅ le₂jang'₂ le₂jang'?”

²⁷ 'Jaun₂ i₂jme₁'en₅₄ cuě'₅ rin'₅₄ ca₂'liain'₃ Moisés cau₅, jaun₂ ca₂juá'₂: “¿'Ein₂ ca₂cuě'₃ 'ne₂ ta₁ lín₅ dsi₂tan₅₄ i₂qui₂dsi₅ 'éi'₃ ja₁con₂ ñia'₅₄? ²⁸ ¿'Niog'₂ jñág'₄ jniá₂ ján₃ jui₁lia'₂ ca₂jñíg'₃ dsióg₂ dsa₂ chan₂ Egipto 'éi₂?”[†] ²⁹ Jme₁ca₂nág₂ Moisés le₂ně₅, co₂tan₅₄ ca₂cuing₃ ca₂ñó₃ jui₅ 'uě₃ ja₁chei₂ Madián. Ja₁jaun₂ ca₂i₁gua₂ co₂'nió'₄ a₂lín₅ dsi₂nau₂. Ja₁jaun₂ ca₂rě₃chán₃ on₃ chi'₂ quián₅.

³⁰ 'Tē₂láu₃ ñi₂ cang₂ jaun₂, caun₂ ja₁lě₄ 'uě₃ quein₂ quián₅ má'₂ ja₁chei₂ Sinaí, ja₁jaun₂ ca₂jme₃ñia₅ jan₂ ángel jě₄ si₂ chi₁guí'₂ caun₂ ni₁'ma₂ taun₅ a₂cau₂. ³¹ Jaun₂ ca₂i₃gó'₃ dsí₅ Moisés jme₁ca₂jág₃ a₂ně₅, jaun₂ jme₁ca₂jme₃quián₃ guě₄ ia₁ 'nio₃ jme₁jág₃ guě₄ dse₃. Tě₃jě₄ ñó₃ jaun₂ jme₁ca₂nág₂ jág₁ quió'₅ Te₁gui'₅₄ a₂ca₂juá'₂: ³² “Jniá₂ bá₄ lín₅ Diú₄ quián₅ dsa₂ quiáng'₂ ma₂líg'₂, Diú₄ quián₅ Abraham, quián₅ Isaac, quián₅ Jacob ně₃.”[§] Jaun₂ ca₂jme₃lióg₃ ca₂jlen₃ Moisés ca₂rě₃gó'₅ 'ñio₅ lin₃, tsá₃ ma₃tiá₂ dsí₅ jág₃.

† 7:28 Éxodo 2:14. § 7:32 Éxodo 3:6.

33 'Jaun₂ ca₂juá'₂ táng₃ Te₁gui'₅₄: “Jniá'₃ lau₂ ton₅ tag'₅₄, ia₁ 'uë₃ jnió₅ bá₄ ja₁chéng'₄ ně₅. 34 Jág₅ bá₄ jniá₂ a₂chan₂ uig₅ dsa₂ quiáng₃ 'uë₃ Egipto, qui₂nag₅ bá₄ jniá₂ a₂qui'₂-o₂₃. Jaun₂ lë₃ ca₂sióng₃ ia₁ a₂loin₅₄. Nia₅, ia₁jaun₂ tsag₅₄ jniá₂ guang'₅₄ jui₅ Egipto”.*

35 'O₁jnia'₅₄ la₂ tsá₃ jme₁'nio₃ dsa₂ go₄ Moisés le₂jniá₅, ia₁ ca₂juá'₂: “¿'Ein₂ ca₂'in₃ 'ne₂ a₂lín'₅ dsi₂tan₅₄ i₂qui₂dsi₅ 'éi'₃ ja₁con₂ jnia'₅₄?” la₁ Diú₄ ně₃ ca₂chein₃ Moisés a₂lín₅ co₂'nió'₄ dsi₂tan₅₄ i₂lió₂, tē₂le₃ quian'₅₄ ángel i₂ca₂jme₃jnia₅ jē₄ ni₁'ma₂ taun₅ jaun₂. 36 Moisés bá₄ dsa₂ i₂ca₂'uín'₂ dsa₂ can'₅₄ quián₂ jniog₄ ma₂líg'₂ 'uë₃ Egipto i₂qui₂ca₂jmo₃ ján₃ 'lióng₂ léi₄ juë'₂ a₂dsi₂gó'₃ dsi₅ ně₃. Léi₄ jaun₂ ca₂jmo₃ Moisés 'uë₃ jaun₂, quian'₅₄ ne₄ Jmi₁ñí'₄ Guéin₂, † quian'₅₄ 'uë₃ quein₂ co₂'niog₅ ja₁ca₂i₁nioi₁₂ tē₂láu₃ ñi₂. 37 Jaun₂ 'niog₅ Moisés 'éi₂ bá₄ ca₂tsí'₃ dsa₂ israelitas: “A₂chen₃ Diú₄ jan₂ dsa₂ i₂'ě₂ jág₁ quián₅, i₂lín₅ dsa₂ go₄ 'nia'₂ guiong'₅₄, ju₁lia'₂ ca₂chei₃ jniá₂. Jaun₂ tón'₂ 'nia'₂ ju₁ jág₁ quió'₅ 'éi₂.” ‡ 38 Ján₃ bá₄ Moisés 'éi₂ jme₁'en₅₄ quian'₅₄ dsa₂ juig₂ 'uë₃ quein₂ co₂'niog₅ jaun₂. Jme₁'ein₅₄ quian'₅₄ ángel i₂ca₂juá'₂ jág₁ má'₂ Sinaí. Ján₃ bá₄ jme₁'ein₅₄ quian'₅₄ 'lag₄ tsí₁jon₂ jmei₂ jniog₄. Moisés 'éi₂ bá₄ ján₃ i₂ca₂gue₃ jág₁ ca'₅₄, jaun₂ guë₄ ca₂ñág₃ tē₂le₃ quián₂ jniog₄ táng₃.

39 'La₁ dsa₂ quián₂ jniog₄ ma₂líg'₂ ně₃, tsá₃ ma₃ca₂jme₃ti₃, tsá₃ ma₃ca₂nág₂ gau₂ jág₁ quió'₅ Moisés. Ca₂chei'₃ cau₅, jme₁'nio₃ jme₁dsi₃lein₃ táng₃ jui₅ 'uë₃ Egipto. 40 Jaun₂ ně₃ ca₂tsí'₃ Aarón₅ ca₂juá'₂: “'Niog₂ jnia'₅₄ jmog'₅₄ diú₄ dsa₂ lag₄ i₂dsi₃lén₂ ne₄ jui₅ quián₂ jniog₄. Ia₁ tsá₃ ne₄ 'e₂ ca₂jén'₃ Moisés 'éi₂ i₂ca₂'uág'₂ jniog₄ 'uë₃ Egipto.”* 41 Jaun₂ ca₂jmoí'₂ jan₂ guein₂ ca₁ju₁ co₂'nió'₄ i₂lín₅ diú₄, qui₂ca₂jme₃dsiain₂₃ já'₂ quián₅ qui₂ca₂cuin₃ diú₄ lag₄ 'éi₂. Jaun₂ ca₂jmo₃ 'io'₂ quian'₅₄ a₂ca₂jmo₃ quian'₅₄ gu₂ guoin₅₄. 42 Jaun₂ co₂ñei'₅₄ ca₂jmo₃ Diú₄ cau₅, tsá₃ ma₃ca₂jme₃quian'₅₄ dsa₂ 'éi₂, ju₁jmo₁₂ bá₄ con'₂ tiin₂ guoin₅₄. Jaun₂ ca₂jme₃lióg₃ dsa₂ 'éi₂ ca₂chi₂ca₂lén'₂ nei₅ a₂le₁'ág₄ † guei'₅₄. Ia₁ le₂nē₅ rē₂ton₅ ne₄ Si₂ a₂ca₂jmo₃ dsa₂ i₂jme₁'ě₂ jág₁ quián₅ Diú₄ ma₂líg'₂:

'Nia'₂ dsa₂ chan₂ Israel, ¿'e₂ lín'₂ 'nia'₂?

¿Ca₂jme₁dsian'₅ 'nia'₂ já'₂

ca₂dsia'₅₄ ca₂jen'₅₄ 'nia'₂ ne₃ jniá₂

lia'₂ con'₂ jme₁quian'₅₄ jniá₂ 'nia'₂

tē₂láu₃ ñi₂ 'uë₃ quein₂ co₂'niog₅ jaun₂?

43 On₃jua'₅₄ le₂jaun₂.

Ia₁ guá'₅ chéi₂ quió'₅ diú₄ Moloc bá₄ ca₂quian'₂ 'nia'₂

quian'₅₄ nei₅ diú₄ Renfán, †

nió'₄ a₂qui₂ca₂jmo'₅₄ 'nia'₂ guiong'₅₄,

a₂jaun₂ bá₄ ca₂chi₂ca₂len'₄ 'nia'₂.

'Uig₅₄ jaun₂, 'uín'₄ jniá₂ 'nia'₂ 'uë₃ quiáng'₂,

tsag₅₄ jniá₂ tē₂le₃ ó₃ guë₄ ja₁niog₅ 'uë₃ Babilonia. §

44 'Uë₃ quein₂ jaun₂, dsa₂ can'₅₄ quián₂ jniog₄ ma₂líg'₂ jme₁quian₅ guá'₅ tabernáculo ja₁jme₁rē₂'ma₄ ni₁cang₁ a₂le₁ton₅ ta₁guia₃ 'Éi'₃ Juá'₅. Guá'₅ tabernáculo jaun₂ ca₂lë₃ con'₂ lë₅ jág₁ ca₂cuë₃ Diú₄ ca₂cuë'₃ Moisés, jme₁ca₂'ë₃ Diú₄ nió'₄ le₂jniá₅ 'a₂ lia'₂ lé₂. 45 Dsa₂ quián₂ jniog₄ ma₂líg'₂ ca₂gue₃ guá'₅ jaun₂ co₂'nió'₄ ca₂ñág₃ dsa₂ can'₅₄ quián₅. Jaun₂ dsa₂ i₂jme₁quian'₅₄ Josué ně₃ ca₂caún₃

* 7:34 Éxodo 3:5,7,8,10. † 7:36 Ján₃ bá₄ chei₃ Jmi₁ñí'₄ 'Ma₂ta₅. ‡ 7:37 Deuteronomio 18:15. § 7:40 Jme₁lín₄ Aarón rin'₅₄ Moisés. 'Nio'₂ ja₁ton₅ Éxodo 4:14. * 7:40 Éxodo 32:1. † 7:42 nei₅: Lia'₂ chi₁ton₅ ne₄ Si₂ quió'₅ Diú₄, lë₅ caun₂ cosa a₂tsá₃ 'i₄ jme₂dsi₂. ‡ 7:43 Renfán: co₂'nió'₄ a₂jme₁tē₂ dsa₂ egipcios planeta Saturno, ca₂jme₃juag'₂ dsa₂. § 7:43 Amós 5:25-27.

lia₂ con₂ jme₁ca₂lí₃ 'uë₃ quió₅ dsa₂ juig₂ siá₂, i₂ca₂'uín₂ Diú₄ ia₁jaun₂ cha₂ ja₁tian₃ 'éi₂. Le₂jaun₂ ca₂lë₃ ca₂lia₂ ca₂të₂ jmig₄ a₂ca₂rë₃chán₃ David. ⁴⁶ Ca₂jmo₃ Diú₄ dse₃ dsí₅ ja₁con₂ Rag₅₄ David, jaun₂ 'éi₂ në₃ jme₁'nio₃ jmóg₃ caun₂ ja₁guá₃ Diú₄ quián₅ Jacob. ⁴⁷ La₁ Salomón bá₄ i₂ca₂chi₃ 'né₅ quió₅ Diú₄.

⁴⁸ 'La₁ Diú₄ i₂juin₂ guë₄ lin₃ tsá₃ guá₅ dsi₂néi₂ guá₅ a₂jmóg₅ dsa₂ mi₂güig₃. Ju₁lia₂ ca₂juá₂ Diú₄ të₂le₃ quian₅₄ dsa₂ i₂jme₁'ë₂ jág₁ quián₅ ma₂líg₂:

⁴⁹ Guei₅₄ i₂juig₃ bá₄ ja₁gua₁₂
ja₁lë₄ ne₄ta₁ quió₃,
gua₅₄ 'uë₃ në₃ ju₁lia₂ ja₁tióng₂ tag₃.
¿'E₂ bá₄ 'né₅ jmó₂ 'nia₂ quió₃? juá₂ Te₁gui₅₄,
¿O₃ já₄ bá₄ lé₂ le₃jan₄ jniá₂?

⁵⁰ ¿On₁ jniá₂ bá₄ ca₂jmo₃ quian₅₄ gu₃-tag₃
ca₂le₃jë₃ 'e₂ a₂cha₂?*

⁵¹ (Jaun₂ caun₂ ca₂juá₂ bá₄ Té₂ tsí₅ dsa₂):

—'Nia₂ në₃, lia₂ ma₂ja₂nó₅ jaun₂ bá₄ 'nia₂ cang₄ dsei₂, jaun₂ lë₅ rë₂guá₄ 'nia₂ quian₅₄ të₂'au₂ ju₁lia₂ dsa₂ i₂tsá₃ cuin₅ Diú₄.† Caun₂ 'nia₂ co₂tan₅₄ bá₄ 'nia₂ Jme₂dsí₂ Jnió₅. I₂co₂rin₂ bá₄ 'nia₂ quiang₅₄ dsa₂ can₅₄ quiáng₂ ma₂líg₂.
⁵² ¿'Ein₂ dsa₂ i₂jme₁'ë₂ jág₁ quián₅ Diú₄ jua₅₄ i₂tsá₃ ca₂jmá₂ dsa₂ can₅₄ quián₂ 'nia₂ ma₂líg₂? Qui₂ca₂jme₃dsiain₂₃ bá₄ dsa₂ i₂qui₂ca₂'ë₂ jág₁ le₂jniá₅ ca₂'iin₃ jan₂ i₂dsen₃ lin₃, i₂jjiá₃. La₁ jme₁guan₃ i₂'éi₂ në₃, ca₂jjin₅₄ 'nia₂ jaun₂ ca₂jñí₃. ⁵³ 'Nia₂ guë₂ i₂ca₂gue₅₄ 'Éi₃ Juá₅ të₂le₃ quian₅₄ ángeles, tsá₃ jme₂tí₁ guë₂ 'nia₂ 'Éi₃ jaun₂.

Ca₂jon₃ Té₂

⁵⁴ Jme₁ca₂nág₂ jág₁ a₂ca₂juá₂ Té₂ jaun₂, ca₂rë₃'néi₃ 'nio₅ lin₃ ca₂lia₂ qui₂ca₂qui₂g₂ mi₂jan₅₄ a₂'niai₅₄ Té₂. ⁵⁵ La₁ Té₂ në₃, rë₂rin₅ Jme₂dsí₂ Jnió₅ të₂dsí₅, ca₂chóg₃ ne₅₄ guei₅₄ i₂juig₃ jaun₂ ca₂jág₃ a₂co₂tág₅ co₂'né₅ quió₅ Diú₄, jaun₂ ca₂jjin₂ Jesús chéin₅ të₂le₃ gu₂ ne₁ quió₅ Diú₄ Jmei₂. ⁵⁶ Jaun₂ ca₂juá₂ táng₃ Té₂:

—iJag₄! —juá₂— Jág₅ jniá₂ rë₂na₄ guei₅₄ i₂juig₃. Jin₄ jniá₂ Jaun₅ dsa₂ mi₂güig₃ 'ein₅₄ të₂le₃ gu₂ ne₁ quió₅ Diú₄.

⁵⁷ La₁ dsa₂ 'éi₂ qui₂ca₂jne₃ rë₂gua₅₄, tsá₃ 'nio₃ nag₃, qui₂ca₂tóin₂ co₂mi₅₄ ca₂guió₃ jmái₂ Té₂. ⁵⁸ Jaun₂ ca₂dsei₂₃ 'ni₂ juig₂. Jaun₂ ja₁jaun₂ ca₂jñag₃ quian₅₄ cang₄. Jaun₂ dsa₂ i₂qui₂ca₂jnaú₂ cang₄ në₃ ca₂dsia₃ ni₁tsin₅₄ o₄gú₃ jan₂ dsó₂ chi₂ i₂jme₁chen₂ Saulo.

⁵⁹ Të₁lia₂ tióin₅₄ qui₂cuë₅ Té₂ cang₄, jaun₂ ca₂mi₃ Té₂ ca₂tsí₃ Diú₄ ca₂juá₂:

—Te₁gui₅₄ Jesús, guen₅₄ jme₂dsí₂ quió₃.

⁶⁰ Jaun₂ guë₄ ca₂chi₃jné₃, jaun₂ ca₂guió₃ tiá₂ ca₂juá₂:

—Te₁gui₅₄, tsá₃ jme₁cain₅₄ dso₄ la₂.

Jme₁ca₂lë₃ juá₂ le₂në₅, ca₂join₃ jaun₂ në₃.

8

Co₂'en₅ Saulo dsa₂ i₂ma₂'én₂

¹ Jaun₂ caun₂ bá₄ 'ei₅ jág₁ quió₅ Saulo a₂ca₂jñí₃ dsa₂ Té₂. Dsi₂jui₅ jmig₄ jaun₂ bá₄, ca₂jme₃lióg₃ dsa₂ qui₂co₂'ein₃ 'nio₅ lin₃ ta₁caun₂ nió₃ dsa₂ i₂lín₅ guá₅ jë₄ juig₂ Jerusalén. Ca₂le₃jín₃ dsa₂ 'éi₂ ca₂i₃lén₂ tsi₁rë₂jain₅₄ le₂tan₅₄ 'uë₃ Judea quian₅₄ Samaria. Jnia₅₄ lia₂ dsa₂ guia₃-tín₂ i₂chen₄ quián₅ Jesús bá₄ ca₂jñia₃ guë₄ juig₂ Jerusalén. ² I₂lín₅₄ dsa₂ dsen₃ i₂'nio₃ Diú₄ ca₂'óin₂ Té₂, qui₂ca₂'o₃ 'nio₅

* **7:50** Isaías 66:1-2. † **7:51** lit. “ju₁lia₂ dsa₂ i₂tsá₃ lo₄ rë₂uing₄.”

lin₃ o₄quió'₄ 'éi₂. ³ Tē₁lia'₂ jaun₂, i₂ñi₅₄ Saulo quiain'₅₄ riin'₅₄ qui₂co₂'ein₂₃ dsa₂ i₂'én₂, qui₂dsi₂toin'₅₄ tē₂ dsi₂néi₂ qui₂'uñin'₂ dsa₂ tsi₁cuñin'₂, lia'₂ dsa₂ ñe'₂ lia'₂ dsa₂ mĩ₂, qui₂tē₂ a₂to'₂ 'né₅ 'má₃.

Ca₂'ē₂ dsa₂ jág₁ dse₃ juig₂ Samaria

⁴ La₁ ca₂le₃jín₃ dsa₂ i₂ca₂'uin₂ juig₂ Jerusalén, ca₂le₃jē₃ ja₁ca₂i₁lein₅₄ qui₂ca₂'ē₂ jág₁ dse₃. ⁵ Jan₂ 'éi₂, i₂chen₂ Fe₂li₄, ca₂ñó₃ caun₂ juig₂ ja₁tén₄ 'uē₃ Samaria ca₂dsia₃ jág₁ tsí'₅ dsa₂ ja₁jaun₂, 'in₂₃ Cristo.* ⁶ Jaun₂ jme₁ñi'₂ dsa₂ jmo₂₃ tei₄ ca₂le₃jín₃, tē₅ dsí₅ nag₂₃ jág₁ a₂juá'₂ Fe₂li₄, ia₁ ján₃ bá₄ ca₂jág₃ dsa₂ léi₄ dsi₂gó'₃ dsí₅ a₂jme₁jmo₅ 'éi₂. ⁷ Ia₁ juñ₅ i₂tion'₅₄ jme₂dsí₂ 'lin'₅₄ tē₂dsí₅ qui₂ca₂'lón₂. Ca₂le₃jín₃ jme₂dsí₂ 'lin'₅₄ 'éi₂ qui₂ca₂'uñin₂ qui₂guió'₅. Ján₃ bá₄ juñ₅ dsa₂ 'lian'₂, dsa₂ guian'₅₄ nē₃, qui₂ca₂'lón₂. ⁸ 'Uig₅₄ jaun₂ 'ñio₅ 'io'₂ ca₂jmo₃ dsa₂ juig₂ jaun₂.

⁹ Juig₂ jaun₂ jme₁chan₂ jan₂ dsa₂ i₂jme₁chen₂ Si₂mu₅₄, i₂jme₁jmo₅ ta₁ a₂chan₂ dsí₅ le₂jñiá₅, jme₁jme₂gain₂₃ dsa₂ juig₂ Samaria, a₂juá'₂ a₂lin₅ dsa₂ dsen₅₄.

¹⁰ Ca₂le₃jín₃ dsa₂, lia'₂ dsa₂ can'₅₄ lia'₂ chi'₂ nē₃, jme₁nag₂₃ tē₅ dsí₅ jág₁ quió'₅, qui₂dsia₂₃:

—Dsa₂ nē₅ tñin₂ quian'₅₄ juñ₅bí₂ quió'₅ Diú₄.

¹¹ Jme₁tón'₂ dsa₂ juñ₅ jág₁ quió'₅ gui'₅₄ 'éi₂, ia₁ ma₂líg'₂ bá₄ ma₂jás qui₂jme₂gain₂₃ dsa₂ quian'₅₄ bí₂ a₂chan₂ dsí₅.

¹² La₁ dsi₂juñ₅ jme₁ca₂rē₃'én₂ dsa₂ jág₁ dse₃ quió'₅ Jesucristo a₂ca₂'ē₂ Fe₂li₄ juñ₅lia'₂ ja₁gon₂ Diú₄, jaun₂ qui₂ca₂ñó₂ dsa₂ jmig₂ lia'₂ dsa₂ ñe'₂ lia'₂ dsa₂ mĩ₂. ¹³ Ján₃ bá₄ ca₂rē₃'én₂ 'ñiog₅ Si₂mu₅₄ 'éi₂, ca₂ñó₂ jmig₂ ján₃. Jaun₂ guē₄ ca₂jme₃lióg₃ ca₂jme₃quian'₅₄ Fe₂li₄, qui₂jág₅ dsi₂gó'₃ dsí₅ léi₄ juē'₂ a₂jmo₅ 'éi₂.

¹⁴ Jme₁ca₂rē₃ñi₅ dsa₂ i₂chen₄ quián₅ Jesús i₂tion'₅₄ Jerusalén, a₂ma₂'én₂ dsa₂ chan₂ 'uē₃ Samaria jág₁ quió'₅ Diú₄, jaun₂ ca₂chein₃ ja₁jaun₂ Pe₄ quian'₅₄ Juan₅₄.

¹⁵ Jme₁ca₂dsi₃lén₂ 'éi₂ 'uē₃ Samaria, jaun₂ ca₂mĩ₃ ca₂tsí'₃ Diú₄ o₄quió'₄ dsa₂ i₂ma₂'én₂ ja₁jaun₂, ia₁ jaun₂ guen₃ dsa₂ 'éi₂ Jme₂dsí₂ Jñi₅ ján₃. ¹⁶ Ia₁ 'i₁jan₂ dsa₂ 'éi₂ tsá₃ Jme₂dsí₂ Jñi₅ ma₂guan₅ guē₄ ne₄ quió'₅. Jñia'₅₄ con'₂ ma₂ñó₂ jmig₂ bá₄ lia'₂ con'₂ lē₅ 'éi'₃ quió'₅ Te₁gui'₅₄ Jesús. ¹⁷ Jaun₂ nē₃ Pe₄ quiain'₅₄ Juan₅₄ qui₂ca₂quiog₂ gu₂ ne₄ quió'₅ dsa₂ 'éi₂, jaun₂ guē₄ ca₂guein₃ Jme₂dsí₂ Jñi₅.

¹⁸ Jme₁ca₂jág₃ Si₂mu₅₄ a₂ca₂sión₃ Jme₂dsí₂ Jñi₅ jme₁ca₂quiog₂ dsa₂ i₂chen₄ 'éi₂ gu₂ ne₄ quió'₅ dsa₂, jaun₂ ca₂jen'₂ cu₄, ¹⁹ ca₂juá'₂:

—Cuē₄ jñiá₂ ján₃ juñ₅lia'₂ bí₂ a₂tñin'₂ 'nia'₂ nē₅, ia₁ jaun₂ lé₂ le₃jmo₅₄ jñiá₂ ján₃ a₂guen₃ dsa₂ Jme₂dsí₂ Jñi₅ jē₁ma₂ca₂co₃ gu₃ ne₄ quió'₅ chi₂jua'₂ 'ein₂.

²⁰ Jaun₂ ca₂ñag₃ Pe₄ ca₂tsí'₃ dsa₂ 'éi₂:

—Juñ₅dsi₂'éng'₂ co₂dsia₅ quian'₅₄ cú'₂ ia₁ 'e₂ lē₃ dsi₂jio₅ 'au'₂ le₂nē₅, a₂lín₂'₂ a₂lé₂ lá₃ dsa₂ quian'₅₄ cu₄ bí₂ a₂cuē₅ Diú₄. ²¹ Tsá₃ ca₂tñin'₂ 'ne₂ a₂nē₅, ia₁ tsá₃ dse₃ 'ei₅ 'au'₂ ne₄ Diú₄. ²² Co₂dsia₅ tí₃ ca₂le₃jē₃ a₂'lig'₅₄ a₂dsi₂jio₅ 'au'₂ nē₅. Mĩ₄ ne₄ Te₁gui'₅₄ chi₂jua'₂ 'éin₂ dsáu'₂ 'e₂ lē₃ dsi₂jio₅ 'au'₂ le₂nē₅. ²³ Ia₁ léi₄ jñiá₂ rē₂riñ₅ cosa 'lig'₅₄ tē₂'au'₂; quian'₅₄ dsáu'₂ nē₅ jmo₅ chi₁'ñeg'₂.

²⁴ Jaun₂ nē₃, ca₂ñag₃ Si₂mu₅₄:

—Mĩ₄ 'nia'₂ chei'₅₄ Te₁gui'₅₄ o₄quió₃, ia₁ jaun₂ tsá₃ juñ₅dsi₂ñig₂ a₂ma₂nē₂jua'₅₄ 'nia'₂ nē₅.

²⁵ Jme₁ca₂dsan₃ jáng'₅ Pe₄ quian'₅₄ Juan₅₄ jág₁ dsau₅ a₂dsia₂₃ jág₁ quió'₅ Diú₄, jaun₂ guē₄ ca₂i₁lein₃ juñ₅ Jerusalén. Le₂'i₄ juñ₅ ja₁i₁lein₃ jaun₂, qui₂ca₂'ē₂ guē₄ jág₁ dse₃ a₂lión₂ dsa₂ le₂tan₅₄ juig₂ ja₁tén₄ 'uē₃ Samaria.

Fe₂li₄ quian'₅₄ dsa₂ chan₂ Etiopía

²⁶ Cang₂ jaun₂, ca₂juá'₂ jan₂ ángel quián₅ Te₁gui'₅₄ ca₂tsí'₃ Fe₂li₄:

* 8:5 o₃, i₂rē₂'ín₁ quián₅ Diú₄.

—Nau₂, gua₂ jui₅ ja₁'uin₂ dsa₂ Jerusalén a₂dsióg₄ 'uë₃ Gaza.

Jui₅ jaun₂ dsó₅ jë₄ 'uë₃ quein₂. ²⁷ Jaun₂ ca₂nau₂ Fe₂li₄ ca₂ηó₃. Le₂'i₄ jui₅ ja₁ηó₃ jaun₂, ca₂jein₂ jan₂ dsa₂ chan₂ Etiopía, i₂jme₁lín₄ jan₂ dsa₂ eunuco, dsa₂ dsen₅₄ i₂niog₅ gu₂ cu₄ quió'₅ 'io₅₄ Candace i₂gon₂ 'uë₃ Etiopía. Dsa₂ 'éi₂ ηei₅₄ i₁chi₂i₁lein'₄ Diú₄ juig₂ Jerusalén. ²⁸ Ma₂'ein₅₄ jui₅ ηái'₄ juig₂ go₅₄ guá₅ ne₄ carroza quió'₅, 'i₂₃ Si₂ quió'₅ Isaías i₂jme₁'ë₂ jág₁ quió'₅ Diú₄ ma₂líg'₂. ²⁹ Jaun₂ ca₂juá'₂ Jme₂dsí₂ quián₅ Diú₄ ca₂tsí'₃ Fe₂li₄:

—Gua₂ le₃jén'₃ cau₅ carro në₅.

³⁰ Ca₂dsióg₃ Fe₂li₄ cau₅, jaun₂ ca₂nág₂ i₁'i₅ dsa₂ 'éi₂ Si₂ quió'₅ Isaías. Jaun₂ ca₂ηag₃ Fe₂li₄:

—¿'Níg'₂ 'e₂ juá'₂ si₂ a₂'i₂?

³¹ Jaun₂ ca₂ηag₃ táng₃ dsa₂ 'éi₂:

—¿'A₂ bá₄ lia'₂ le₃ηí'₂ jniá'₂? Tsá₃ guë'₂ 'ein₂ chan₂ i₂juá'₂ 'e₂ jein₅ jág₁ a₂juá'₂ si₂ la₂.

Jaun₂ ca₂tsí'₃ Fe₂li₄ a₂uig₂ 'éi₂ guei'₅₄ a₂guá₃ co₂lë₅ quiong'₅₄.

³² Jme₁'i₅ dsa₂ 'éi₂ Si₂ quió'₅ Diú₄ ja₁juá'₂ le₂la₂:

Ca₂jio₃ dsa₂ i₁ηag'₂ jui₁lia'₂ ηηí'₅ dsa₂ já'₂ cha'₂.

Ján₃ guë'₂ jui₁lia'₂ tsá₃ guió'₅ guein₂ já'₂ cha'₂

të₁lia'₂ chéi₅ dsa₂ ηηí₁,

ján₃ bá₄ le₂jaun₂ tsá₃ 'e₂ ca₂juá'₂ i₂'éi₂.

³³ Ca₂cuë₃ dsa₂ o₂guí'₃,

tsá₃ 'éi₃ rë₂ ca₂të₁dsi₅₄ quió'₅;

chi'₂ tsi₁jon₂ quián₅ guë'₂ në₃,

¿'ein₂ bá₄ lé₂ le₃dsia₃ 'iin₃ chi'₂ dsio₅₄?

ton'₂ ca₂ηióg'₂ bá₄ guë'₂ dsa₂

ne₄ gua'₅₄ 'uë₃ la₂.†

³⁴ Jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Jmo₄ dse₃ 'au'₂, jua'₅₄ 'e₂ jein₅ jág₁ a₂juá'₂ si₂ la₂. ¿'Ein₂ 'in₅ dsa₂ quián₅ Diú₄ i₂ca₂jmo₃ si₂ la₂? ¿'A₂ 'iin₂₃ 'ηiog₅, o₃ a₂ 'iin₂₃ i₂sián'₂ 'e₂?

³⁵ Jaun₂ ca₂jme₃lióg₃ Fe₂li₄ ca₂juá'₂ 'e₂ juá'₂ ne₄ Si₂ ja₁jme₁'i₅ dsa₂ dsen₅₄ 'éi₂, qui₂ca₂cuë₃ jág₁ dse₃ 'iin₂₃ Jesús. ³⁶ Jme₁ca₂dsi₃léin₂ caun₂ ja₁cha₂ jmig₂, jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Cha₂ jmig₂ ja₁lá₃. ¿Cha₁ 'e₂ lë₃ jua'₅₄ tsá₃ lé₂ tsón₄ jniá'₂ jmig₂?

³⁷ Jaun₂ ca₂juá'₂ Fe₂li₄:

—Chi₂jua'₂ 'éng'₂ dsón'₂ ca₂le₃jë₃ 'au'₂, lé₂ bá₄.

Jaun₂ ca₂ηag₃ táng₃ dsa₂:

—'Én₂ bá₄ jniá'₂ a₂lín₅ Jesucristo Ja₁ηi'₅₄ Diú₄.‡

³⁸ Jaun₂ ca₂jmo₃ 'éi₃ ca₂ηia₃ carroza quió'₅. Jaun₂ ca₂sióin₃ le₂oin₃ chei'₅₄ jmig₂, jaun₂ ca₂cho₃ Fe₂li₄ jmig₂ § quió'₅ dsa₂ 'éi₂. ³⁹ Jme₁ca₂'uin₂ jmig₂, jaun₂ Jme₂dsí₂ quián₅ Te₁gui'₅₄ ca₂tág₃ Fe₂li₄, jaun₂ dsitán₅₄ 'éi₂ tsá₃ ma₃ca₂jág₂ mei'₂. La₁ 'io'₂ bá₄ jmo₂₃ le₂'i₄ jui₅ ja₁ηái'₄. ⁴⁰ Fe₂li₄ në₃ ma₂'ein₅₄ caun₂ juig₂ ja₁chei₂ Azoto, jaun₂ le₂tan₅₄ guë'₂ juig₂ te₁'i₁ ja₁jaun₂ ca₂ηei₅₄ qui₂ca₂'ë₂ jág₁ dse₃ a₂lión₂ dsa₂, ca₂lia'₂ ca₂dsióg₃ ca₂të₂ juig₂ Cesarea.

9

Ca₂jme₃tsín₃ Saulo dsí₅
(Hechos 22:6-16; 26:12-18)

† 8:33 Isaías 53:7-8. ‡ 8:37 A₂lin₅₄ chog₅₄ si₂ tsá₃ chi₁ton₅ versículo 37. § 8:38 lit. "ca₂tióg₃ Fe₂li₄ jmig₂."

1 Të₁lia'₂ jaun₂, dsa₂ i₂chen₂ Saulo caun₂ qui₂quiain₂₃ juě'₅ a₂'nio₃ jme₃ dsiáin₃ dsa₂ i₂'én₂ jág₁ quió'₅ Te₁gui'₅₄. Jaun₂ lě₃, ca₂ñei₅₄ i₁j₂₃ jme₂ dsa₂ dsen₅₄.
2 Ca₂mi₃ ne₄ 'éi₂ caun₂ si₂ a₂cuě₃ bí₂ a₂dsó₃ guá'₅ sinagogas quió'₅ dsa₂ juig₂ Damasco a₂ dsi₃'niai'₂ dsa₂ i₂tion'₅₄ tē₂le₃ quió'₅ Jui₅ quió'₅ Te₁gui'₅₄. Jme₁'nio₃ Saulo dsi₃te₅₄ dsa₂ chi₁'ñei'₂ ca₂tē₂ Jerusalén, lia'₂ dsa₂ ñe'₂ lia'₂ dsa₂ mí₂. 3 La₁ jme₁ja₂quián₃ dsióg₄ juig₂ Damasco, con'₂ tsá₃ jáin₅ jme₁ca₂tág₃ caun₂ si₂ tág₅ jmá'₅ ne₄ quió'₅. Si₂ jaun₂ a₂já₃ jui₅ guei'₅₄ i₂juig₃. 4 Co₂tan₅₄ ca₂quin'₃ Saulo, jaun₂ ca₂nág₂ juá'₂ jág₁ jē₄ si₂ jaun₂:

—Saulo, Saulo, ¿'e₂ lě₃ co₂'éin'₅ jniá'₂?

5 Jaun₂ ca₂ñag₃ Saulo:

—¿'Ein₂ 'ne₂, gui'₅₄?

Jaun₂ ca₂ñag₃ táng₃ jág₁ né'₂ jē₄ si₂:

—Jesús bá₄ jniá'₂ i₂co₂'én'₅ 'ne₂ ñi'₂. Jñia'₅₄ jmag'₅₄ uig₅ 'ñiag'₂ bá₄ jmo'₂ jui₁lia'₂ jmo₅ ca₁jui₅ jē₁ma₂jnú₃ ni₁'ma₂chen'₂.

6 Jaun₂ ca₂jlen₃ Saulo, ca₂rě₃gó'₅, ca₂juá'₂:

—Te₁gui'₅₄, ¿'e₂ 'niog'₂ 'ne₂ jmo₅₄ jniá'₂?

Jaun₂ ca₂ñag₃ táng₃ Te₁gui'₅₄:

—Nau₂, 'ú₅ juig₂ Damasco. Jē₁ma₂dsióg'₃, ja₁jaun₂ bá₄ juá'₂ dsa₂ 'e₂ jmó'₂.

7 Dsa₂ i₂jme₁quian'₅₄ Saulo ně₃, 'ñio₅ lin₃ ca₂rě₃gó'₅, ia₁ ca₂nág₂ jág₁ a₂juá'₂ jē₄ si₂ jaun₂, ton'₂ 'i₁jan₂ guě'₂ tsá₃ 'ein₂ ca₂j₂₃. 8 Jaun₂ ca₂nau₂ Saulo, la₁ jme₁ca₂nau₂ jaun₂, tsá₃ ma₃lé₂ jág₃, tsá₃ ma₃jniá'₂ mi₂ne₅₄. Dsa₂ i₂jme₁quiain'₅₄ bá₄ ca₂tág₃ le₁chan'₂ gu₂, ca₂jio₃ tē₂ juig₂ Damasco. 9 Ja₁jaun₂ ca₂'í₃ tein₅₄ 'ni₅ jmig₄, tsá₃ 'e₂ ca₂guě'₃, on₃ guě'₂ 'e₂ ca₂'in'₃ 'i₁caun₂.

10 Juig₂ Damasco jaun₂, jme₁guá'₄ jan₂ dsa₂ i₂'én₂ i₂jme₁chen₂ Ananías. I₂'éi₂ ca₂jén'₃ ca₂j₂₃ Te₁gui'₅₄ i₂ca₂juá'₂:

—¡Ananías!

Jaun₂ ca₂ñag₃ 'éi₂:

—Ja₁lá₃ bá₄ 'eng₅₄, Te₁gui'₅₄.

11 Jaun₂ ca₂juá'₂ táng₃ Te₁gui'₅₄:

—Nau₂, gua₂ calle chei₂ Co₂dsau₅ ja₁quió'₄ dsa₂ chen₂ Judas. Ja₁jaun₂ o₂'nia'₂ jan₂ dsa₂ chan₂ Tarso i₂chen₂ Saulo, i₂'en₅₄ chilén'₂ Diú₄ con'₂ lě₅ la₂. 12 Ia₁ ma₂qui₃ a₂ma₂j₂₃ jan₂ dsa₂ i₂chen₂ Ananías ca₂'í₃ ca₂quiog₂ gu₂ ne₄ quió'₅ ia₁jaun₂ jnia₃ táng₃ mi₂ne₅₄.

13 Jme₁ca₂nág₂ Ananías le₂ně₅, jaun₂ ca₂juá'₂:

—Te₁gui'₅₄, juin₅ dsa₂ ma₂tság₃ jniá'₂ ca₂le₃jě₃ 'e₂ 'lig'₅₄ a₂jmo₅ dsa₂ 'éi₂ a₂jmái'₂ dsa₂ chan₂ Jerusalén i₂'én₂ jág₁ quiáng'₂. 14 Ta₁ jaun₂ já₅ 'éi₂ ja₁lá₃ quian'₅₄ 'éi'₃ quió'₅ juig₅₄ jme₂ dsa₂ ia₁jaun₂ tē₂ le₁'ñe₅ ca₂le₃j₂₃ dsa₂ quiáng'₂ i₂'in₅ 'ne₂.

15 La₁ jaun₂ ca₂juá'₂ táng₃ Te₁gui'₅₄:

—La₁ gua₂, ia₁ i₂ma₂quion'₄ jniá'₂ 'éi₂ ia₁ 'nio₃ jniá'₂ dsó₃ qui₂ dsi₃'ag₃ jniá'₂ lia'₂ j₂₃ dsi₂nau₂ lia'₂ ne₄ rag₅₄ quián₅, j₂₃ dsa₂ israelitas ně₃. 16 Ia₁ jniá'₂ bá₄ 'é₄ 'a₂ lia'₂ tion₅₄ niog₅ ñág₃ uig₅ 'ñio₅ lin₃ o₄quió₃ jniá'₂.

17 Jaun₂ guě₄ ñó₃ Ananías ja₁chí'₄ tsi₁'né₅ ja₁jme₁'en₅₄ Saulo. Ca₂'í₃ dsi₂néi₂, ca₂quiog₂ gu₂ ne₄ quió'₅ Saulo, jaun₂ ca₂juá'₂:

—Saulo rin'₅₄ jniog₄, Te₁gui'₅₄ Jesús i₂ca₂jeng'₂ le₂'i₄ jui₅ lia'₂ con'₂ ñe'₃, ně₂chei₃ jniá'₂ ia₁jaun₂ jnia₅₄ táng₃ mi₂ne'₅₄, jaun₂ guéng'₄ Jme₂dsí₂ Jñió₅ ně₃.

18 Co₂tan₅₄ dsi₂jui₅ jaun₂ qui₂ca₂séi'₂ jui₁lia'₂ tsi₁ mi₂ne₄ Saulo, co₂tan₅₄ ca₂jág₃ táng₃. Jaun₂ guě₄ ca₂nau₂ Saulo, ca₂i₁choin₃ jmig₂. 19 Jaun₂ ca₂guě'₃, ca₂t₂₃in'₃ táng₃ bí₂. Jaun₂ ca₂'í₃ bá₄ guě₄ tin₃'ni₅ jmig₄ quiain'₅₄ dsa₂ 'én₂ i₂jme₁tián'₄ juig₂ Damasco jaun₂.

Ca₂'é₂ Saulo jág₁ dse₃ juig₂ Damasco

20 Dsi₂jui₅ bá₄ ca₂jme₃lióg₃ Saulo ca₂nei₅₄ guá'₅ sinagogas ca₂i₁jme₁tiin₂₃ dsa₂ a₂juá'₂ a₂lín₅ Jesús Ja₁ñi'₅₄ Diú₄. 21 Ca₂le₃jín₃ dsa₂ i₂ca₂nág₂ ca₂l₃gó'₃ dsí₅, qui₂ca₂dsia₃:

—¿On₃jua'₅₄ dsa₂ në₅ i₂ñí₄ lë₃ jme₁ñi₅ juig₂ Jerusalén qui₂co₂'ein₂₃ dsa₂ i₂'én₂ le₃quió'₅ Jesús? ¿On₃jua'₅₄ i₂në₅ 'ñiog₅ i₂ma₂guan₅ ja₁lá₃ a₂qui₂të₂ le₁'ñe₅ dsa₂ jaun₂ qui₂dsi₂jang'₅₄ o₄gú₃ juig₅₄ jme₂dsa₂?

22 La₁ të₂le₃ lë₅ guë₄ ca₂'ág₂ tiá₂ dsí₅ Saulo, qui₂ca₂'ë₂ jág₁ a₂lín₅ dsón'₂ Jesús I₂rë₂'ín₁ quián₅ Diú₄. Ca₂lia'₂ ca₂i₃cón'₅ dsí₅ dsa₂ judíos i₂jme₁tián'₄ juig₂ Damasco ia₁ ca₂'ë₂ Saulo jág₁ le₂jaun₂.

Ca₂lón₂ Saulo o₄gú₃ dsa₂ judíos

23 'Lióng₂ jmi₄ cang₂ jaun₂, ca₂jmo₃ dsa₂ judíos caun₂ jág₁ a₂jme₁ñi'₃ Saulo. 24 A₂jmi₂ a₂'uë₂ qui₂ca₂jñiai₃ Saulo o₄'né₄ o₄jui₅ juig₂ jaun₂, ia₁jaun₂ jñag'₃. La₁ ca₂rë₃ñi₅ bá₄ Saulo. 25 Jaun₂ dsa₂ 'én₂ riin'₅₄ në₃, ca₂to'₂ 'ñió'₃ caun₂ tsi₁mi'₂ pa₁, jaun₂ a₂'uë₂ ca₂sióin₂ 'éi₂ jui₅ ne₄ ni₁'ia'₂ a₂jme₁lé₄ le₃lág'₃ juig₂. Jaun₂ le₂në₅ ca₂lón₂.

Ma₂'en₅₄ táng₃ Saulo juig₂ Jerusalén

26 Jme₁dsián'₃ Saulo Jerusalén, jme₁'nio₃ jme₃quiain'₅₄ dsi₂jui₅ dsa₂ 'én₂ ja₁jaun₂. La₁ ca₂le₃jín₃ dsa₂ 'éi₂ në₃ ca₂rë₃gain₃ 'éi₂, ia₁ tsá₃ jaun₂ líin₂ a₂ma₂'én₂ Saulo jág₁ dse₃. 27 La₁ia₁ dsa₂ i₂chen₂ Bernabé ca₂jio₃ ne₄ dsa₂ guia₃-tín₂ i₂chen₄ 'éi₂. Jaun₂ ca₂dsia₃ 'a₂ lia'₂ ca₂lë₃ a₂ca₂jme₃jein'₂ Te₁gui'₅₄ le₂'i₄ jui₅, 'e₂ jág₁ a₂ca₂juá'₂ në₃, 'a₂ lia'₂ ca₂dsia₃ Saulo ján₃ tiá₂ dsí₅ juig₂ Damasco ca₂'ë₂ jág₁ 'iin₂₃ Jesús. 28 Jaun₂ bá₄ ca₂'í₃ Saulo juig₂ Jerusalén ca₂jme₃quiain'₅₄ dsa₂ 'éi₂. 29 Caun₂ ca₂dsia₃ tiá₂ dsí₅ bá₄ qui₂ca₂'ë₂ jág₁ 'iin₂₃ Te₁gui'₅₄ qui₂ca₂dsia₃ jág₁ qui₂ca₂tsiin₂ quian'₅₄ dsa₂ judíos i₂dsia₅ jág₁ jmei₅ griego. La₁ dsa₂ 'éi₂ në₃ caun₂ 'nio₃ jme₁ñi'₃ bá₄ Saulo. 30 Jme₁ca₂rë₃lí₄ rin'₅₄ Saulo a₂jaun₂, jaun₂ ca₂jio₃ jui₅ juig₂ Cesarea. A₂'ein₅₄ guë₄ ja₁jaun₂ ca₂dsióg'₂ riin'₅₄ juig₂ go₅₄ ja₁chei₂ Tarso.

31 Jaun₂ ca₂le₃jín₃ guá'₅, dsa₂ i₂'én₂, le₂tan₅₄ ja₁tén₄ 'uë₃ Judea, Galilea, Samaria në₃, tei₄ bá₄ 'ei₅ tion'₅₄ dsa₂, caun₂ ca₂rë₃béin₂ ján₃. Jme₁jme₂gain₃ bá₄ Te₁gui'₅₄ tioen'₅₄. Quian'₅₄ bí₂ quió'₅ Jme₂dsí₂ Jñió₅, caun₂ qui₂ca₂juín₂ bá₄ dsa₂ i₂'én₂.

Ca₂'lón₂ dsa₂ chen₂ Eneas

32 Lia'₂ con'₂ ñi₅ Pe₄ qui₂dsi₂jñin₅₄ riin'₅₄, ca₂i₁jñin₁₂ ján₃ dsa₂ i₂ma₂'én₂ jág₁ dse₃ i₂jme₁tián'₄ juig₂ ja₁chei₂ Lida. 33 Ja₁jaun₂ ca₂jñin₂ jan₂ dsa₂ 'lian'₂ i₂jme₁chen₂ Eneas i₂ma₂të₂ jñia₃ ñi₂ ron₅, ia₁ tsá₃ lé₂ ñi₃. 34 Jaun₂ ca₂juá'₂ Pe₄ ca₂tsí'₃ dsa₂ 'éi₂: —Eneas, Jesucristo jme₂'lió₂. Nau₂, jmo₄ dse₃ tsi₁cama quiáng'₂.

Jaun₂ dsi₂jui₅ le₂jaun₂ ca₂nau₂ Eneas. 35 Jaun₂ ca₂le₃jín₃ dsa₂ i₂tián'₅ Lida quian'₅₄ juig₂ Sarón ca₂jág₃ a₂ca₂'lón₂ 'éi₂, jaun₂ ca₂jéin'₃ le₃quió'₅ Te₁gui'₅₄.

Ca₂jen'₅₄ 'io₅₄ Dorcas

36 Jmi₄ jaun₂ jme₁chan₂ jan₂ 'io₅₄ i₂'én₂ jë₄ juig₂ Jope i₂jme₁chen₂ Tabita. Quian'₅₄ jág₁ jmei₅ griego jme₁të'₂ dsa₂ Dorcas. 'Io₅₄ 'éi₂ lia'₂ con'₂ chain₂ jme₁jmo₂₃ dse₃ jme₂'oin₅₄ dsa₂ te₂ñé₂. 37 Të₃jë₄ jmi₄ jaun₂, ca₂rë₃dso'₅₄ Dorcas, ca₂join₃ bá₄ jaun₂ në₃. Cang₂ jme₁ca₂lë₃ sei₅ dsa₂, jaun₂ ca₂i₁quío₂₃ caun₂ dsi₂néi₂ jë₄ca₂të₂ tin₃ juín₃. 38 Juig₂ Jope ma₂quián₅ bá₄ ja₁niog₅ juig₂ Lida ja₁'en₅₄ Pe₄. Jaun₂ jme₁ca₂rë₃ñi₅ dsa₂ 'én₂ a₂'en₅₄ Pe₄ ja₁jaun₂, jaun₂ ca₂chein₃ on₃ riin'₅₄ ca₂i₁te'₂ 'éi₂:

—Ñia₅ të₂në₃ cón'₅ jui₅ Jope.

39 Jaun₂ ñó₃ Pe₄ co₂lë₅ quiain'₅₄ dsa₂ 'éi₂. Jme₁ca₂dsióg₃, ca₂i₁jio₃ dsa₂ ja₁rë₂quian₅ 'lag₄. Ja₁jaun₂ tion'₅₄ le₁ñi'₂ ca₂le₃jín₃ 'io₅₄ 'nág₂ qui'₂-o₂₃, qui₂ca₂'ë'₃

Pe₄ 'mi'₂ tsin'₅₄ dsa₂, ta₁ a₂jme₁jmo₅ Dorcas lia'₂ con'₂ chain₂. ⁴⁰ Jaun₂ ca₂jmo₃ Pe₄ 'éi'₃ ca₂'uin₂ dsa₂ dsi₂néi₂ ja₁rē₂quian₅ 'lag₄. Jaun₂ ca₂chi₃jné₃ ca₂chi₃lén'₂ Diú₄. Jaun₂ guě₄ ca₂jín₂ 'lag₄, ca₂juá'₂:

—Tabita, nau₂.

Dsi₂jui₅ jaun₂ ca₂ján₃ 'io₅₄ jme₁ne₁₂. Jme₁ca₂jín₂ Pe₄, ca₂guá₂ 'io₅₄ jaun₂ ně₃. ⁴¹ Jaun₂ ca₂jna'₃ Pe₄ mi₂gu₂ 'io₅₄, ca₂chó'₂. Jaun₂ ca₂tě'₃ táng₃ Pe₄ riin'₅₄, 'io₅₄ 'nág₂ ně₃, jaun₂ ca₂jín'₂ 'io₅₄ 'éi₂, la₁ ma₂jein'₅₄ bá₄. ⁴² Ta₁caun₂ juig₂ Jope ca₂i₃'ág₃ jág₁ a₂ca₂lě₃ le₂jaun₂. Jaun₂ juin₅ lín₃ dsa₂ ca₂rě₃'én₂ jág₁ quió'₅ Te₁gui'₅₄. ⁴³ Ca₂'í₃ bá₄ guě₄ Pe₄ 'lióng₂ jmig₄ jaun₂ ja₁quió'₄ jan₂ dsa₂ i₂chen₂ Si₂mu₅₄ i₂jme₂dse₃ lo₄ já'₂.

10

Pe₄ quian'₅₄ Cornelio

¹ Juig₂ Cesarea jme₁chan₂ jan₂ dsa₂ i₂jme₁chen₂ Cornelio, i₂jme₁lín₄ juig₅₄ co₂nió'₃ 'lióg₂ i₂tě'₂ dsa₂ i₂chan₂ Italia. ² Juig₅₄ 'lióg₂ 'éi₂ jme₁jme₂gain₃ Diú₄ co₂lě₅ quian'₅₄ dsa₂ dsi₂néi₂ quió'₅. Ján₃ bá₄ jme₁dsi₁'₅ cu₄ jme₁jme₂'oin₅₄ dsa₂ judíos. Ca₂le₃jě₃ jmig₄ ně₃, jme₁chi₁lén'₂ Diú₄. ³ Co₂ráun₂ con'₂ hora nj₁ 'ni₅ le₃ca₂'láu₂,* a₂lě₁ca₂jén'₃ ca₂jág₃ ca₂jín₂ jan₂ ángel quián₅ Diú₄ ca₂'í₃ dsi₂néi₂ ja₁'ein₅₄. Jaun₂ ca₂juá'₂ ángel:

—iCornelio!

⁴ Jaun₂ ca₂jág₃ Cornelio gó'₅ 'nio₅ lín₃ ca₂jín₂ ángel. Jaun₂ ca₂ṇag₃ ca₂juá'₂:

—¿'E₂ lě₅, gui'₅₄?

Jaun₂ guě₄ ca₂juá'₂ ángel:

—A₂ṇag₅ bá₄ Diú₄ a₂juig'₂ a₂chi₂lein'₅₄. Jág₅ bá₄ a₂jmo'₂ dse₃ 'au'₂ jme₂'ong'₅₄ dsa₂ te₂ṇé₂. ⁵ Jaun₂ lě₃ chen₅ dsa₂ juig₂ Jope dsi₃quián₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃. ⁶ I₂'en₅₄ ja₁quió'₄ Si₂mu₅₄ sián'₂ i₂jmo₅ dse₃ lo₄ já'₂, i₂chí'₅ 'ne₄ chei'₅₄ jmi₁ni₁'₄.

⁷ Jme₁ma₂já'₅ ángel, jaun₂ ca₂tě'₃ Cornelio on₃ dsa₂ mozo quián₅, jan₂ guě'₂ 'lióg₂, dsa₂ jme₂ti₃ i₂jme₂gan₃ Diú₄ ján₃. ⁸ Jaun₂ ca₂dsia₃ Cornelio ca₂tsí'₃ dsa₂ a₂ca₂jén'₃, jaun₂ ca₂chein₃ dsa₂ jui₅ juig₂ Jope.

⁹ Jme₁jnia₃ jaun₂, ca₂l₃lén₂ dsa₂ 'éi₂. Pe₄ ně₃ ca₂uíg₂ le₃co'₅₄ tsi₁'né₅ con'₂ dsi₃ni₁'₃† a₂chi₃lén'₂ Diú₄. ¹⁰ I₁cón'₅ 'nio₅ lín₃. Tě₁lia'₂ jmo₅ dsa₂ má₃ ně₃, jaun₂ a₂lě₁ca₂jén'₃ ca₂jág₃ Pe₄ ¹¹ ca₂niá₃ guei'₅₄ i₂juig₃. Jaun₂ ca₂sió₃ ju₁lia'₂ caun₂ tsi₁'mi'₂ pa₁ a₂rě₂quein₅ ta₁quén₂ qui'₅₄. ¹² 'Nió'₃ jaun₂, jme₁tion'₅₄ ca₂le₃jín₃ ne₅₄ já'₂: já'₂ cha₂ quén₂ mi₂tag₄, já'₂ i₂tsě'₅ quió'₅, já'₂ i₂'in₅ guei'₅₄ ně₃. ¹³ Jaun₂ ca₂nág₂ Pe₄ jág₁ ca₂juá'₂:

—Nau₂ Pe₄, jme₁dsian₅ já'₂, quíng'₄.

¹⁴ Jaun₂ ca₂ṇag₃ Pe₄:

—Jan₂'ón₄, Te₁gui'₅₄. Ia₁ 'i₁co₂ráun₂ tsá₃ ma₂ca₂guě'₃ jniá₂ ni₁ni₁ já'₂ a₂jmo₅ a₂rě₂'nio₅ dsa₂.

¹⁵ Jaun₂ ca₂ṇag₃ táng₃ jág₁ a₂juá'₂:

—Tsá₃ lě₁juá'₂ 'ne₂ 'lig'₅₄ cosa a₂ma₂jmo₃ Diú₄ le₁jě₃.

¹⁶ 'Ni₅ ráun₂ ca₂lě₃ le₂jaun₂, jaun₂ guě₄ ca₂ṇáu'₃ táng₃ tsi₁'mi'₂ jui₅ guei'₅₄. ¹⁷ Tě₁lia'₂ guá₅ Pe₄ 'no'₂ dsí₅ 'e₂ léi₄ jáng'₅ a₂ca₂jág₃ jaun₂, jme₁ca₂dsi₃lén₂ dsa₂ i₂chen₄ quián₅ Cornelio o₄'né₄ quió'₅ Si₂mu₅₄, a₂ṇag₂₃ a₂já'₄ chí'₅ 'ne₄ Si₂mu₅₄.

¹⁸ Jme₁ca₂dsi₃lén₂ dsa₂ 'éi₂, ca₂ṇag₃ juá'₂ tiá₂ chi₂jua'₂ 'en₅₄ ja₁jaun₂ jan₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃. ¹⁹ Tě₁lia'₂ jaun₂ caun₂ qui₂'no'₂ dsí₅ Pe₄ a₂ca₂jág₃, jaun₂ ca₂juá'₂ Jme₂dsí₂ Jnió₅:

* **10:3** lit. “hora nj₃.” † **10:9** lit. “hora jnéi₂.”

—Jag₄; ún₂ dsa₂ o₂lén₂ 'nau'₂. ²⁰ Nau₂, sión₅, gua₂ quiain'₅₄, tsá₃ lë₁jmo₂ 'i₅ 'au'₂ jua'₅₄ líng'₂ a₂tsá₃ tí₅ jág₁, ia₁ jniá₂ bá₄ nē₂tsín₂.

²¹ Jaun₂ ca₂sión₃ Pe₄ ca₂i₁jín₁₂ dsa₂ i₂chen₄ quián₅ Cornelio, jaun₂ ca₂juá'₂ Pe₄:

—Jniá₂ bá₄ 'éi₂ i₂'na'₂ 'nia'₂. ¿Cha₁ ta₁ ja₂nó'₅ 'nia'₂?

²² Jaun₂ ca₂ḡag₃ táng₃ dsa₂:

—Gui'₅₄ juig'₅₄ 'lióg₂ Cornelio bá₄ ca₂chei₃ jnia'₅₄ ja₂náu₅. Dsa₂ dsen₃ bá₄ 'éi₂, i₂jme₂gan₃ Diú₄; 'nio₃ dsa₂ judíos 'ḡio₅ lín₃, jme₂go₃ ně₃. Jan₂ ángel i₂chen₄ quián₅ Diú₄ ca₂juá'₂ a₂tě'₂ 'ne₂ ja₁quió'₄ jaun₂ nag₃ 'e₂ jág₁ cuē'₅₄.

²³ Jaun₂ ca₂juá'₂ Pe₄ tón'₃ dsa₂ 'éi₂ dsi₂néi₂, jaun₂ ja₁jaun₂ ca₂jña₃ dsa₂ 'éi₂ quiain'₅₄ Pe₄ a₂'uē₂ jaun₂. Jme₁jnia₃ jaun₂ guē₄ ca₂ḡó₃ Pe₄ quiain'₅₄ dsa₂ 'éi₂. Ca₂jme₃quiong'₅₄ guē₄ i₂lín₅₄ dsa₂ riin'₅₄ i₂jme₁'én₂ i₂jme₁tián'₄ juig₂ Jope.

²⁴ Jme₁jnia₃ jaun₂ guē₄ táng₃, ca₂dsi₃lén₂ juig₂ Cesarea ja₁guá₄ Cornelio. 'Éi₂ guē'₂ ně₃ jme₁ma₂chi₁jḡiog₂₃ quiain'₅₄ co₂hió'₃ o₁riin'₅₄ a₂mei₅₄ quián₅ i₂jein'₂ 'ḡio₅ lín₃ quiain'₅₄ ně₃, i₂ca₂tě'₃.

²⁵ Jme₁ca₂dsióg₃ Pe₄ o₄'né₄, co₂tan₅₄ ca₂o₃'ín₃ Cornelio ca₂guei₃, ca₂chi₃jné₃ ne₄ 'éi₂, ca₂jme₃juag'₂. ²⁶ La₁ Pe₄ ně₃ ca₂chó'₂, ca₂juá'₂:

—Nau₂, ia₁ dsa₂ mi₂güig₃ bá₄ jniá₂, jui₁lia'₂ 'ne₂ ján₃.

²⁷ Tě₃ dsia₅ jág₁ Pe₄ quiong'₅₄, ca₂'í₃ dsi₂néi₂, jaun₂ ca₂jág₃ juin₅ bá₄ dsa₂ ma₂le₁ḡi'₂ dsi₂néi₂. ²⁸ Jaun₂ ca₂juá'₂ Pe₄ ca₂tsí'₃ dsa₂:

—Ni'₅₄ bá₄ 'nia'₂ jaun₂ tsá₃ cuē₅ jmig₄ 'Éi'₃ Juá'₅ quió'₅ dsa₂ judíos jua'₅₄ a₂ḡi'₂ quiain'₅₄ dsi₂nau₂, on₃ guē'₂ lé₂ ḡi'₃ dsi₂néi₂ quió'₅. La₁ Diú₄ ma₂'ě₃ a₂tsá₃ tě₄ jniá₂ 'i₁jan₂ dsa₂ tsá₃ le₁jín₃. ²⁹ Jaun₂ lě₃ dsi₂jui₅ bá₄ guio₃ jme₁ca₂dsi₃lén₂ dsa₂ quiáng'₂, tě₂. Tsá₃ ně₂jan₅₄ uē₂. Jaun₂ jme₁'nio₃ le₃guion₅₄ 'e₂ lě₃, 'e₂ ta₁ ně₂tě'₂.

³⁰ Jaun₂ ca₂ḡag₃ Cornelio:

—Ma₂quén₂ jmig₄, con'₂ hora la₂ jme₁'eng₅₄ dsi₂néi₂ la₂ quió'₃, jme₁jme₂'ing₅₄, tsá₃ ca₂guē'₃. Jme₁'eng₅₄ chi₁leng'₄ Diú₄ tě₂le₃ ca₂'láu₂. Jaun₂ a₂lě₁ca₂jéin₃ ca₂jḡing₅₄ jan₂ dsa₂ qui'₂ 'mi'₂ tiog₂ jau₂. ³¹ Jaun₂ ca₂juá'₂ ca₂tság₃ jniá₂: “Cornelio, a₂nág₅ bá₄ Diú₄ a₂juig'₂. Jág₅ bá₄ a₂jmo'₂ dse₃ 'au'₂ jme₂'ong'₅₄ dsa₂ te₂ḡé₂. ³² Jaun₂ lě₃, chen₅ dsa₂ juig₂ Jope dsi₃quián₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃. I₂'en₅₄ ja₁quió'₄ Si₂mu₅₄ sián'₂ i₂jmo₅ dse₃ lo₄ já'₂, i₂chí'₅ 'ne₄ chei'₅₄ jmi₁ḡi'₄. Jě₁ma₂guain₂₃, dsia₃ jág₁ quiain'₅₄ 'ne₂.” ³³ Jaun₂ bá₄ lě₃ ca₂tsíng₂ dsa₂ dsi₂jui₅ a₂i₁'niai'₂ 'ne₂ ně₃. Dse₃ bá₄ lia'₂ ně₂jmo'₅₄ ḡe'₃. Jaun₂ lě₃ tio'₅₄ jnia'₅₄ ca₂le₃jág₃ le₁ḡag'₂ ne₄ Diú₄ ia₁ 'niog₂ jnia'₅₄ néi₁ jág₁ a₂ma₂cuē₃ Te₁gui'₅₄ a₂juig'₅₄ jnia'₅₄.

Jág₁ a₂ca₂ton₃ Pe₄ dsi₂néi₂ quió'₅ Cornelio

³⁴ Jaun₂ ca₂jme₃lióg₃ Pe₄ ca₂juá'₂ ca₂tsí'₃ dsa₂:

—Ně₃ guē₄ dsón'₂ ma₂ḡi'₂ jniá₂, tsá₃ jma₃quén₅ jín₂ Diú₄ dsa₂ mi₂güig₃. ³⁵ Ia₁ ca₂le₃jě₃ juig₂ ja₁jme₂gan₃ dsa₂ Diú₄, nag₅ dsa₂ gau₂ jág₁ quió'₅, jmo₂₃ dse₃ ně₃, dsa₂ le₂'éi₂ bá₄ guén'₂ Diú₄. ³⁶ Ca₂juá'₂ Diú₄ ca₂tsí'₃ tsi₁jon₂ quián₅ Israel, ca₂'ě₂ jág₁ a₂tian'₃ dsa₂ tei₄ tě₂le₃ quiain'₅₄ Jesucristo i₂lín₅ Te₁gui'₅₄ quián₅ ca₂le₃jín₃.

³⁷ Ni'₅₄ rě₂ bá₄ 'nia'₂ 'e₂ ca₂lě₃ ta₁caun₂ juig₂ go₄ dsa₂ judíos, a₂ca₂jme₃lióg₃ 'uē₃ Galilea, cang₂ jme₁ma₂'ě₂ Juan₅₄ jág₁, ca₂choin₃ dsa₂ jmig₂ ně₃. ³⁸ Ni'₅₄ bá₄ 'nia'₂ 'a₂ lia'₂ ca₂cuē₃ Diú₄ ca₂cuē₃ Jesús chan₂ Nazaret ju₅bí₂ quió'₅ Jme₂dsi₂

Jḡi₅; 'a₂ lia'₂ ca₂ḡi₃ jmo₂₃ dse₃, jme₂'lióin₂ ca₂le₃jín₃ dsa₂ i₂jme₁chan₂ jmi₁ui₅ jmóg'₂ i₂sě₃dse₃. Ca₂le₃jě₃ a₂ně₅ ca₂jmo₃ ia₁ jme₁quiain'₅₄ Diú₄. ³⁹ Ca₂tě₂ ne₄ jnia'₅₄ ca₂le₃jě₃ a₂ně₅ a₂ca₂jmo₃ Jesús, lia'₂ jě₄ juig₂ Jerusalén, lia'₂ le₂tan₅₄ ja₁tián'₄ dsa₂ chan₂ Judea. Cang₂ jaun₂ ca₂jḡag'₃ dsa₂ ca₂tion₃ cróg₄. ⁴⁰ La₁ jě₁ca₂tě₂ 'ni₅ jmig₄, ca₂jme₃jein'₅₄ táng₃ Diú₄ Jme₂, ca₂jmo₃ ca₂jme₃jnia₅ 'éi₂ jín₄

jnia'₅₄. ⁴¹ Tsá₃ ca₂jme₃jniai₂₃ jín₄ ca₂le₃jín₃ dsa₂. Jmá'₃ lia'₂ jě₄ quián₂ jnia'₅₄ bá₄

con'₂ dsa₂ i₂ca₂quióin'₂ le₂jñiá₅ i₁të₃ ne₄. Ca₂que₅₄ guë₄ jnia'₅₄ co₂lë₅ quiain'₅₄ jme₁ma₂jein'₅₄ táng₃ jin₄ 'lag₄. 42 Jaun₂ ca₂jmo₃ 'éi'₃ a₂qui₂dsi₁'ë₄ jnia'₅₄ jág₁, a₂dsi₁jang'₅₄ jág₁ dsau₅ jin₄ dsa₂: Diú₄ ma₂dsiain₃ Jesús a₂qui₃dsi₅ 'éi'₃ quió'₅ dsa₂ i₂chan₂, quió'₅ i₂ma₂dsan₃ ně₃. 43 Ján₃ bá₄ le₂ně₅ jáng'₅ jág₁ dsau₅ ca₂le₃jín₃ dsa₂ i₂jme₁'ë₂ jág₁ quiáin₅, a₂qui₃'én₂ Diú₄ dsau₁ ca₂le₃jín₃ dsa₂ i₂'én₂ jág₁ quió'₅.

Ca₂guei₃ dsi₂nau₂ ca₂guein₃ Jme₂dsí₂ Jñiό₅

44 Të₃jë₄ 'ë₂ guë₄ Pe₄ jág₁, jme₁ca₂sión₃ Jme₂dsí₂ Jñiό₅ ne₄ quió'₅ ca₂le₃jín₃ dsa₂ i₂tion'₅₄ nag₅ jág₁. 45 Dsa₂ judíos† i₂jme₁'én₂ i₂ca₂o₃lén₂ quián'₅₄ Pe₄, tióin₂ jág₅ dsi₂gó'₃ dsí₅, ia₁ ján₃ guë'₂ ca₂guen₃ dsi₂nau₂ Jme₂dsí₂ Jñiό₅. 46 Ia₁ nag₂₃ dsia₅ dsa₂ jág₁ jmei₅ siá'₂, jme₂juin'₂ Diú₄. 47 Jaun₂ ca₂juá'₂ Pe₄:

—¿Lé₂ le₃jua'₅₄ tsá₃ jmig₂ lé₂ tsón₃ dsa₂ ně₅, ton'₂ ma₂ně₂guein₃ bá₄ guë'₂ Jme₂dsí₂ Jñiό₅, co₂rë₂ bá₄ juí₁lia'₂ jniog₄?

48 Jaun₂ ca₂jmo₃ 'éi'₃ a₂tsón₃ dsa₂ 'éi₂jmig₂, lia'₂ con'₂ lë₅ 'éi'₃ quió'₅ Jesucristo. Jme₁co₂lág₂ jaun₂, ca₂mi₃ dsa₂ ca₂tsí'₃ Pe₄ a₂jñia₃ guë₄ tin₃-ni₅ jmig₄ quiong'₅₄.

11

Jág₁ ca₂'ë₂ Pe₄ jin₄ dsa₂ 'én₂ juig₂ Jerusalén

1 Ca₂rë₃ñi₅ jág₁ dsa₂ i₂chen₄ quián₅ Jesús, quiain'₅₄ riin'₅₄ i₂tion'₅₄ Judea, a₂ma₂ca₂rë₃'én₂ dsi₂nau₂ jág₁ quió'₅ Diú₄ ján₃. 2 Jme₁ca₂dsián'₃ táng₃ Pe₄ juig₂ Jerusalén, jaun₂ ca₂le₃jín₃ dsa₂ judíos i₂'én₂ ca₂jí₂ quió'₅ 3 ca₂juá'₂:

—¿E₂ lë₃ ñeg'₅₄ ja₁con₂ dsi₂nau₂* i₁que'₅₄ quiain'₅₄ ně₃?

4 Jaun₂ ca₂juá'₂ Pe₄ ca₂tsí'₃ dsa₂ ca₂le₃jë₃ 'a₂ lia'₂ ca₂lë₃, ca₂juá'₂:

5 —Juig₂ Jope bá₄ jme₁'eng₅₄, chi₁leng'₄ Diú₄. Të₃jë₄ jaun₂, ca₂jéin₃ ca₂jág₃ juí₁lia'₂ caun₂ tsi₁'mi'₂ tióg₃ pa₁ a₂rë₂quein₅ le₃quén₂ qui'₅₄, ca₂sió₃ juí₅ guei'₅₄, ca₂të₂ cau₅ quió₃. 6 Jme₁ca₂jág₃ jniá₂ dse₃ 'e₂ tio'₅₄ 'ñiό'₃, jua'₂ ca₂le₃jín₃ ne₄ já'₂ bá₄ tion'₅₄: já'₂ cha₂ quén₂ mi₂tag₄, já'₂ tsáu₂ dsí₅, já'₂ i₂tsé'₅ quió'₅, já'₂ i₂'in₅ guei'₅₄ ně₃. 7 Jaun₂ ca₂nag₃ jág₁ a₂ca₂juá'₂ ca₂tság₃ jniá₂: “Nau₂ Pe₄, jme₁dsian₅ já'₂, quíng'₄.” 8 Jaun₂ ca₂ñag₄ jniá₂: “Jan₂'ón₄, Te₁gui'₅₄. Ia₁ 'i₁co₂ráun₂ tsá₃ ma₂'ís 'o₃ 'i₁caun₂ a₂'lig'₅₄ a₂jmo₅ a₂rë₂'ñiό₅ dsa₂.” 9 Jaun₂ ca₂ñag₃ táng₃ jág₁ a₂já₅ guei'₅₄, ca₂juá'₂: “Juí₁lia'₂ a₂ma₂jmo₃ Diú₄ le₁jë₃, tsá₃ lë₁juá'₂ 'ne₂ 'lig'₅₄.” 10 'Ni₅ ráun₂ ca₂lë₃ le₂jaun₂, jaun₂ guë₄ ca₂ñau'₃ táng₃ ca₂le₃jë₃ juí₅ guei'₅₄. 11 Të₃jë₄ jaun₂ ca₂dsi₁lén₂ ún₂ dsa₂ 'né₅ ja₁jme₁'eng₅₄, i₂chen₄ quián₅ dsa₂ chan₂ Cesarea a₂'nau'₂ jniá₂. 12 Jaun₂ Jme₂dsí₂ quián₅ bá₄ Diú₄ ca₂chei₃ ca₂ñó₃ quiang'₅₄ dsa₂ 'éi₂, caun₂ bá₄ 'ei₅ dsi₃ ñó₃. Ján₃ bá₄ i₁len₅₄ jñé₂ rin'₅₄ jniog₄ la₂ quiong'₅₄ jniá₂. Jaun₂ ca₂tió'₄ jnia'₅₄ ca₂le₃jág₃ dsi₂néi₂ quió'₅ dsa₂ chan₂ Cesarea 'éi₂.

13 Dsa₂ 'éi₂ ca₂dsia₃ ca₂tság₃ jnia'₅₄ 'a₂ lia'₂ ca₂jín₂ jan₂ ángel jme₁chén'₄ dsi₂néi₂ quió'₅ i₂ca₂juá'₂: “Chen₅ dsa₂ juig₂ Jope a₂dsi₃quiáin₂ Si₂mu₅₄ i₂të'₂ dsa₂ Pe₄ ján₃.

14 Dsa₂ 'éi₂ juá'₂ 'a₂ lia'₂ jmó'₂, ia₁jaun₂ líong'₂, quiang'₅₄ dsa₂ dsi₂néi₂ quiáng'₂.

15 Jme₁ca₂jme₁lióg₄ jniá₂ juig₂ jág₁, jaun₂ ca₂sión₃ Jme₂dsí₂ Jñiό₅ ne₄ quió'₅ dsa₂ 'éi₂, juí₁lia'₂ ca₂guain₃ ne₄ quián₂ jniog₄ le₂'ui₅g₅₄. 16 Jaun₂ guë₄ ca₂dsáu'₃ dsí₃ a₂ma₂ca₂juá'₂ Te₁gui'₅₄ le₂jñiá₅: “Dsau₅ bá₄ ca₂tióg₃ Juan₅₄ ca₂tiáin₂ jmig₂ dsa₂, la₁'nia'₂ guë'₂ ně₃ tióg₂ Diú₄ Jme₂dsí₂ Jñiό₅.”† 17 Jaun₂ chi₂jua'₂ co₂rë₂ bá₄ ca₂cuë₃ Diú₄ ca₂cuë'₃ dsa₂ 'éi₂ juí₁lia'₂ a₂ma₂cuë₃ jniog₄ i₂ma₂'én₂ tē₂le₃ quió'₅ Te₁gui'₅₄ Jesucristo, ¿i₂'ein₂ bá₄ jniá₂ jua'₅₄ jniá₂ jniog₄ 'éi'₃ quió'₅ Diú₄?

18 Jme₁ca₂nág₂ dsa₂ jág₁ ně₅, tei₄ bá₄ ca₂jmo₃. Jaun₂ ca₂jme₃juin'₂ Diú₄, ca₂tsí'₃ rin'₅₄:

† 10:45 lit. “dsa₂ i₂rë₂uing₄ lo₄.” * 11:3 lit. “ja₁con₂ dsa₂ i₂tsá₃ lo₄ rë₂uing₄.” † 11:16 Hechos 1:5.

—ján₃ gué₄ ma₂cuë₃ Diú₄ jmig₄ quió'₅ dsi₂nau₂, a₂jme₂tsiin₃ dsi₅ ia₁jaun₂ tñin'₄ le₃chain₂ co₂tan₅₄!

Dsa₂ 'én₂ i₂chan₂ juig₂ Antioquía

¹⁹ Lia'₂ con'₂ jme₁ca₂jñi'₃ dsa₂ Esteban, caun₂ qui₂ca₂co₃'ein₃ bá₄ dsa₂ quió'₅ ca₂le₃jñ₃ dsa₂ i₂'én₂. Jaun₂ tion₅₄ bá₄ ca₂cuing₃ ca₂i₃léin₂ ca₂të₂ Fenicia, Chipre, Antioquía ně₃. La₁ jmá'₃ dsa₂ judíos bá₄ ca₂cuë'₃ jág₁ dse₃. ²⁰ La₁ i₂lin₅₄ dsa₂ 'én₂ i₂chan₂ Chipre quian'₅₄ Cirene ca₂dsi₃léin₂ juig₂ Antioquía ca₂dsia₃ jág₁ quian'₅₄ dsa₂ chan₂ Grecia, ca₂'ě₂ jág₁ dse₃ ca₂'in₃ Te₁gui'₅₄ Jesús. ²¹ Ca₂jme₃'on₅₄ Te₁gui'₅₄ dsa₂ 'éi₂ ja₁jaun₂ quian'₅₄ bí₂ quió'₅, jaun₂ lë₃ juin₅ lin₃ dsa₂ ca₂jéin'₃ le₃quió'₅ Te₁gui'₅₄.

²² Jme₁ca₂rë₃ñi₅ dsa₂ 'én₂ i₂tion'₅₄ Jerusalén, jaun₂ ca₂chein₃ Bernabé ca₂të₂ Antioquía. ²³ Jme₁ca₂dsi₃óg₃ Bernabé ja₁jaun₂, jaun₂ ca₂jág₃ a₂dse₃ dsi₅ Diú₄ a₂ca₂jmo₃ ja₁con₂ dsa₂ 'éi₂, jaun₂ lë₃ ca₂jmo₃ 'io'₂. Jaun₂ ca₂toin'₂ dsa₂ jág₁ dsia₃ tiá₂ dsi₅, tsán'₂ tiá₂ jág₁ 'ein₃ Te₁gui'₅₄. ²⁴ Ia₁ dsa₂ dsen₃ bá₄ jme₁lin₄ Bernabé, jme₁rë₂rñ₅ Jme₂dsi₂ Jñi₅ tē₂dsi₅, jme₁'éin₂ 'ñio₅ lin₃. Jaun₂ le₂në₅ juin₅ dsa₂ ca₂jén'₃ tē₂le₃ ja₁con₂ Te₁gui'₅₄.

²⁵ Cang₂ jaun₂ ca₂ñó₃ Bernabé juig₂ Tarso a₂ca₂i₁'niai'₂ Saulo. Jme₁ca₂dsáin'₂ 'éi₂, jaun₂ ca₂tág₃ juig₂ Antioquía. ²⁶ Ja₁jaun₂ ca₂tóin'₂ caun₂ ñi₂ quian'₅₄ dsa₂ i₂'én₂ ja₁jaun₂, qui₂ca₂jme₃tñin₂₃ juin₅ lin₃ dsa₂. Juig₂ Antioquía jaun₂ bá₄ ja₁le₂'uig₅₄ ca₂quiong₃ dsa₂ ca₂quiain₃ dsa₂ i₂'én₂ “cristianos”.

²⁷ Jmig₄ jaun₂, i₂lin₅₄ dsa₂ i₂jme₁cuë₅ jág₁ dse₃ a₂ma₂gue₃ quió'₅ Diú₄ ca₂'uñin₂ juig₂ Jerusalén ca₂i₁lein₅₄ Antioquía. ²⁸ Jan₂ i₂chen₂ Agabo ca₂nau₂ jin₄ rñin'₅₄. Jaun₂ quian'₅₄ bí₂ quió'₅ Jme₂dsi₂ Jñi₅, ca₂'ě₂ jág₁ a₂le₃'in₂ a₂guë'₃ dsa₂ ta₁caun₂ mi₂güig₃. Jaun₂ le₂jaun₂ ca₂rë₃ti₃ ně₃ jmig₄ lia'₂ con'₂ jme₁guá₄ gui'₅₄ emperador Claudio. ²⁹ Jaun₂ ca₂le₃jñ₃ dsa₂ 'én₂ i₂chan₂ Antioquía ca₂jmo₃ caun₂ jág₁ ca₂jme₃'oin₅₄ rñin'₅₄ i₂jme₁tián'₄ Judea, 'a₂ con'₂ jñia'₅₄ qui'₅₄ jmig₄ cuë₃ le₂jain₂ le₂jain₂. ³⁰ Jaun₂ le₂në₅ ca₂jmo₃. Ca₂chein₃ cu₄ ne₄ dsa₂ can'₅₄† quián₅ dsa₂ 'én₂, ca₂i₁can₅ Bernabé quian'₅₄ Saulo.

12

Ca₂jon₃ Jacobo, Pe₄ guë'₂ ca₂jné₂ dsa₂ 'né₅ 'má₃

¹ Jmig₄ jaun₂ ca₂jme₃lióg₃ Rag₅₄ Herodes qui₂ca₂jmái'₂ dsa₂ i₂'én₂. ² Ca₂jmo₃ 'éi'₃ ca₂jñi'₃ dsa₂ Jacobo rñin'₅₄ Juan₅₄, quian'₅₄ ñi₁tág₂. ³ Jme₁ca₂jág₃ Herodes a₂ca₂të₂ dsi₅ dsa₂ judíos, jaun₂ ca₂jmo₃ táng₃ 'éi'₃ ca₂jña'₃ dsa₂ Pe₄ ján₃. Ca₂le₃jë₃ a₂në₅ ca₂lë₃ lia'₂ con'₂ jmo₅ dsa₂ jmig₄ a₂guë'₅ dsa₂ i₁ñi'₄ 'ua'₂ a₂tsá₃ levadura quian'₅₄. ⁴ Jme₁ma₂në₂chán'₂ dsa₂ Pe₄, jaun₂ ca₂jmo₃ Herodes 'éi'₃ ca₂to'₂ 'né₅ 'má₃, jaun₂ ca₂tón'₂ quén₂ nió'₃ 'lióg₂ i₂lë₂ jma₃quén₂ le₂caun₂ nió'₃, qui₂ca₂jmo₃ 'í₁ Pe₄. Jme₁dsi₂jjiog₅ dsi₅ Herodes jme₁dsei₂₃ tē₃jin₄ dsa₂ juig₂ jē₁ma₂ca₂ñi₂ Jmig₄ Tē₂'in₅₄. ⁵ Jaun₂ le₂në₅ 'en₅₄ Pe₄ né'₃ 'má₃, lë₅ 'í₁ dse₃ lin₃. La₁ dsa₂ rñin'₅₄ ně₃ caun₂ chi₂léin'₂ Diú₄ bá₄ tñoin'₅₄ mi₂₃ 'ñio₅ lin₃ o₄quió'₄ 'éi₂.

Ca₂lión₂ Diú₄ Pe₄ 'né₅ 'má₃

⁶ Caun₂ 'uë₂, ju₁lia'₂ 'ióg₃ jme₁ma₂lë₅ jág₁ jme₁dsei₅ Herodes jin₄ dsa₂ juig₂, a₂'uë₂ jaun₂ jme₁rë₂quian₅ Pe₄ rë₂güñ₃ rë₂'ñei₂₃ dse₃ lin₃ quian'₅₄ tñin₃ cadenas jë₄ quió'₅ on₃ 'lióg₂. 'Lióg₂ sián'₂ guë'₂ jme₁tion'₅₄ o₄'né₄ jmo₂₃ 'í₁ 'né₅ 'má₃. ⁷ Të₃jë₄ jaun₂, ca₂jme₃jñia₅ jan₂ ángel quián₅ Te₁gui'₅₄, jaun₂ ca₂tág₃ si₂ ta₁caun₂ dsi₂néi₂ 'né₅ 'má₃. Jaun₂ ca₂quén'₃ ángel dsi₂con₂ Pe₄ a₂ca₂ñei₃. Jaun₂ ca₂juá'₂:

—Nau₂ tē₂në₃ cón'₅.

† 11:30 griego: presbíteros.

Jaun₂ ca₂seí'₂ 'uë₃ ni₁ñí₁ cadenas a₂jme₁tio'₅₄ gu₂ Pe₄. ⁸ Jaun₂ ca₂juá'₂ táng₃ ángel:

—Dse₃ 'ñéi₂ tog'₂, tio'₂ lau₂ tag'₅₄.

Jme₁ca₂lë₃ jmo₅ Pe₄ a₂jaun₂, jaun₂ ca₂juá'₂ táng₃ ángel:

—Qui'₂ 'mí'₂ dsiog₂ quiáng'₂, 'éin₃ jniá₂.

⁹ Jaun₂ ca₂o₃'ín₃ Pe₄ chi₁co'₅₄ quió'₅ ángel. Tsá₃ jaun₂ ñi₅ chi₂jua'₂ dsón'₂ dsi₂jó'₃ a₂ca₂jmo₃ ángel le₂jaun₂, ia₁ a₂lë₁ca₂jág₃ bá₄ líin₂. ¹⁰ Jaun₂ ca₂ñi₅ ja₁le₂'uig₅₄ tion'₅₄ 'lióg₂, ja₁ca₂të₂ táng₃ në₃. Jme₁ca₂dsi₃lén₂ o₄'né₄ a₂lë₅ quian'₅₄ ni₁ñí₁, ja₁'uin₂ dsa₂ jë₄ calle, a₂lë₁ca₂niá₃ 'ñiog₅ bá₄ o₄'né₄. Ca₂'uin₂ bá₄ jaun₂ në₃. Jme₁ma₂i₂nioi₅₄ caun₂ calle, jaun₂ ca₂ñá'₃ ángel 'éi₂, ca₂téin₂ Pe₄. ¹¹ Jaun₂ gué₄ ca₂rë₃lí'₄ Pe₄, ca₂juá'₂:

—Në₃ gué₄ dsón'₂ guion₄ jniá₂ a₂në₂chen₃ Te₁gui'₅₄ ángel quián₅ a₂në₂lió₂ ja₁con₂ Herodes, ca₂le₃jë₃ gué₄ 'e₂ jme₁'nio₃ dsa₂ judíos jmóg'₂.

¹² Të₃ dsi₂jio₅ dsi₅ le₂jaun₂ Pe₄, ca₂ñó₃ jui₅ ja₁quió'₄ María chog₅₄ Juan₅₄ i₂chen₂ Marcos ján₃. Ja₁jaun₂ jme₁tion'₅₄ dsa₂ le₁ñi'₂ chilén'₂ Diú₄.

¹³ Jme₁ca₂quein₃ Pe₄ o₄'né₄ i₁dsi₅, jaun₂ ca₂o₃'ín₃ jan₂ 'io₅₄ bë'₅₄ i₂chen₂ Rode i₃jág₂ 'ein₂ të₂. ¹⁴ La₁ jme₁ca₂nág₂, ca₂rë₃cuí'₅ jág₁ quió'₅ Pe₄ në₃, jaun₂ tsá₃ ca₂niá₃ dsi₂jui₅, ia₁ ñí₄ lë₃ ca₂jmo₃ 'io'₂. Jaun₂ ca₂ñái'₃ bá₄ táng₃ dsi₂néi₂ i₁con₂ jág₁, Pe₄ bá₄ 'éi₂ ca₂dsióg₃. ¹⁵ Jaun₂ ca₂juá'₂ dsa₂ ca₂tsí'₃ 'io₅₄ bë'₅₄ 'éi₂:

—i₂A₂lë₁të₂'í'₂ bá₄ 'ne₂!

La₁ caun₂ ca₂juá'₂ bá₄ 'io₅₄, a₂dsón'₂ bá₄ 'éi₂. Jaun₂ ca₂ñag₃ táng₃ dsa₂, ca₂juá'₂:

—¿'A₂ bá₄ lia'₂ jaun₂? On₃jua'₅₄ 'éi₂ në₅. 'In₁ ángel quián₅ bá₄ në₅.

¹⁶ Të₁lia'₂ jaun₂, caun₂ i₁të₅₄ bá₄ Pe₄ o₄'né₄ i₁chéin'₄. Jme₁ca₂niá₃, ca₂jín₂ Pe₄, jaun₂ ca₂i₃gó'₃ dsi₅. ¹⁷ La₁ jaun₂ ca₂jmo₃ 'éi₂ léi₄ quian'₅₄ mi₂gu₂ a₂ca₂juá'₂ a₂jmo₃ dsa₂ tei₄. Jaun₂ ca₂dsia₃ 'a₂ lia'₂ ca₂lë₃ ca₂jmo₃ Te₁gui'₅₄ a₂ca₂i₁dsei₂₃ 'né₅ 'má₃. Jaun₂ ca₂juá'₂:

—O₂dsia₄ 'nia'₂ o₂chei'₅₄ Jacobo, * ca₂le₃jín₃ gué₄ rín'₅₄ jniog₄.

Jaun₂ ca₂o₃'ín₃ táng₃, ca₂ñó₃ ja₁siá'₂.

¹⁸ Jme₁nia₃ jaun₂, ca₂tón'₂ 'lióg₂ go₂'i₃, ia₁ tsá₃ ñi₅ 'e₂ ca₂lë₃ quian'₅₄ Pe₄. ¹⁹ Jaun₂ Herodes ca₂chein₃ dsa₂ dsi₃'niog'₂. La₁ia₁ tsá₃ ma₃ca₂dsáu'₂. Jaun₂ jme₁ca₂cáun₂ jág₁ dsau₅ quió'₅ 'lióg₂ i₂jme₁jmo₅ 'í₁ 'éi₂, ca₂jmo₃ 'éi'₃ ca₂jme₃dsiog₅ dsa₂. Cang₂ jaun₂, ca₂o₃'ín₃ Herodes 'uë₃ Judea, jaun₂ ca₂ñó₃ ca₂i₁gua₂ Cesarea.

Ca₂jon₃ Herodes

²⁰ Jme₁'ne₂ Herodes quian'₅₄ dsa₂ i₂jme₁tián'₄ Tiro quian'₅₄ Sidón. La₁ dsa₂ 'éi₂ në₃ ca₂jmo₃ caun₂ jág₁ ca₂i₁lein₅₄ ca₂jme₁jniái₂₃ ne₅₄. Ca₂jme₃'uáin₂ dsi₅ jan₂ i₂chen₂ Blasto a₂jmo₃ dse₃ dsi₅. Jme₁lín₄ Blasto jan₂ dsi₂tan₅₄ juin'₂ quián₅ Rag₅₄ Herodes. Ca₂nau₂ ne₄ jág₁, ca₂mi₃ dsian₅ mi'₅₄. Ia₁ juig₂ go₄ rag₅₄ bá₄ jme₁rau₂ a₂gué'₅ dsa₂ chan₂ Tiro quian'₅₄ Sidón. ²¹ Herodes në₃ ca₂të₃, ca₂tióng₃ caun₂ jmig₄ a₂chi₁jniog₂₃ dsi₁lén₂ dsa₂. Jme₁ca₂të₂ jmig₄ jaun₂, ca₂quí'₂ Herodes tsin'₅₄ a₂rë₂liin₅₄ a₂lín₅ rag₅₄, jaun₂ ca₂i₁gua₂ ne₄ ne₄ta₁ quió'₅, jaun₂ ca₂ton₃ jág₁. ²² Jaun₂ ca₂jme₃lióg₃ dsa₂ juig₂ qui₂ca₂guió'₃ ca₂juá'₂:

—i₂juá'₂ në₅, on₃jua'₅₄ dsa₂ mi₂güig₃! Jan₂ diú₄ bá₄ në₅.

²³ Co₂tan₅₄ dsi₂jui₅ le₂jaun₂ ca₂jmo₃ ángel i₂chen₄ quián₅ Te₁gui'₅₄ a₂ca₂rë₃dso'₅₄ Herodes, ia₁ ca₂cuë₃ jmig₄ a₂jme₃juag'₂ dsa₂ 'ñiog₅, 'nió'₄ a₂jme₁jme₃juin'₂ Diú₄. Ca₂join₃ bá₄ jaun₂ në₃, ca₂dsó'₃ i₁ja'₅₄ quió'₅.

* **12:17** o₃, Santiago. Rín'₅₄ Jesús. I₂sián'₂ bá₄ Jacobo rín'₅₄ Juan₅₄ (ja₁ñi'₅₄ Zebedeo) i₂ca₂ñag₃, Herodes, Hechos 12:1.

24 La₁ jág₁ dse₃ quió'₅ Te₁gui'₅₄ ně₃ caun₂ ca₂i₃'ág₃ bá₄, qui₂ca₂'ě₂ dsa₂ 'lióng₂ juig₂.

25 Jme₁ca₂lě₃ ta₁ jaun₂ quió'₅ Bernabé quian'₅₄ Saulo, jaun₂ ca₂'u_{in}₂ Jerusalén ca₂i₃lein₃† njiai₂₃ i₂jme₁chen₂ Juan₅₄ i₂jme₁tě'₂ dsa₂ Marcos ján₃.

13

Ca₂jme₃lióg₃ Bernabé quian'₅₄ Saulo ca₂jmo₃ ta₁ a₂'ě₂ jág₁ dse₃

1 Co₂nió'₃ dsa₂ i₂'én₂ jág₁ quió'₅ Jesús, i₂jme₁tián'₄ juig₂ Antioquía, jme₁chan₂ dsa₂ i₂jme₁'ě₂ jág₁ quiáin₅, tě₅ ně₃, ju₁lia'₂ Bernabé quian'₅₄ Si₂mu₅₄ (i₂tě'₂ dsa₂ dsa₂ lia'₂); Lucio i₂chan₂ Cirene; Manaén ně₃ (i₂co₂lě₅ ca₂can'₅₄ quian'₅₄ Herodes i₂lín₅ dsi₄má'₂ 'uě₃ Galilea);* quian'₅₄ Saulo ně₃. 2 Co₂ráun₂ tioin'₅₄ le₁ñi'₂ jme₂juin'₂ Te₁gui'₅₄, a₂jme₂'iin₅₄, jaun₂ ca₂juá'₂ Jme₂dsí₂ Jñi₅:

—Con'₂ chén'₂ 'nia'₂ Bernabé quian'₅₄ Saulo, ia₁jaun₂ dsi₃jmo₂ ta₁ a₂ma₂tě₃ jniá₂ jmo₃.

3 Jaun₂ jme₁ca₂lě₃ chi₂lén'₂ Diú₄, a₂jme₂'iin₅₄ ně₃, qui₂ca₂quiog₂ gu₂ ne₄ quió'₅ dsa₂ 'éi₂, jaun₂ guě₄ qui₂ca₂'ág'₃ jág₁ riin'₅₄.

Dsa₂ i₂chen₄ quián₅ Jesús 'ě₂ jág₁ tě₂ Chipre

4 Jaun₂ ca₂chei₃ Jme₂dsí₂ Jñi₅ ca₂chein₃ Bernabé quian'₅₄ Saulo a₂ca₂i₃lén₂ ju₁ Seleucia. Ja₁jaun₂ ca₂tóin'₂ ni₁barco a₂ca₂i₃lén₂ caun₂ 'uě₃ a₂niog₅ jě₄ jmi₁ñi'₄, ja₁chei₂ Chipre. 5 Jme₁ca₂dsi₃lén₂ ja₁jaun₂, caun₂ juig₂ a₂niog₅ chei'₅₄ jmi₁ñi'₄ ja₁tě'₂ dsa₂ Salamina, ja₁jaun₂ ca₂jme₃lióg₃ qui₂ca₂'ě'₃ dsa₂ jág₁ dse₃ quió'₅ Te₁gui'₅₄ dsi₂néi₂ guá'₅ sinagogas quió'₅ dsa₂ judíos. Jme₁quian'₅₄ bá₄ Juan₅₄ ján₃ i₂lín₅ dsa₂ i₂jme₂'o₅₄ quió'₅.

6 Ca₂i₃noi₂ ta₁caun₂ 'uě₃ jaun₂, ca₂dsi₃lén₂ caun₂ juig₂ ja₁tě'₂ dsa₂ Pafos. Ja₁jaun₂ ca₂jein'₂ jan₂ dsa₂ judío, jan₂ dsa₂ i₂chan₂ dsi₅, i₂tin₂ jág₁ tě₂jág₁, a₂jme₁jme₂gain₂₃ dsa₂ a₂juá'₂ a₂lín₅ jan₂ i₂'ě₂ jág₁ quián₅ Diú₄. Dsa₂ 'éi₂ jme₁tě'₂ dsa₂ Barjesús.† 7 Jme₁ quian'₅₄ dsi₄má'₂ i₂chen₂ Sergio Paulo. Dsi₄má'₂ 'éi₂ jme₁lín₄ jan₂ dsa₂ i₂niog₅ dsi₄ 'ñio₅ lín₃. Co₂ráun₂ ca₂tě'₃ Bernabé quian'₅₄ Saulo, ia₁ a₂'nio₃ nag₃ jág₁ dse₃ quió'₅ Diú₄. 8 La₁ Barjesús 'éi₂ ně₃, i₂tě'₂ dsa₂ Elimas ján₃, tsá₃ jme₁'nio₃ a₂le₃'én₂ dsi₄má'₂. Jaun₂ jme₁jiné₅ ju₁. 9 Jaun₂ Saulo, i₂tě'₂ dsa₂ Pablo ján₃, rě₂rín₅ Jme₂dsí₂ Jñi₅ tě₂dsí₅, ca₂jín₂ tiá₂ dsa₂ 'éi₂, 10 jaun₂ ca₂juá'₂:

—i'Ne₂ dsa₂ tě₂jág₁, dsa₂ quián₅ i₂sě₃dsen₃, i₂'io'₅₄ ca₂le₃jě₃ cosa dse₃! ě₂E₂ lě₃ qui₁jñig'₄ ju₁ co₂dsau₅ quió'₅ Te₁gui'₅₄? 11 Tě₂ně₃ cón'₅ 'ě₂ Te₁gui'₅₄ jmi₁ui₅ quiáng'₂, co₂dsia₅ téng'₂, co₂'na₂ tsá₃ ma₃lě₂ jag'₅₄ si₂ quió'₅ 'iog₂.

Dsi₂ju₁ jaun₂ ca₂téin₂ co₂dsia₅, qui₁né'₃ ca₂jén'₃. Jaun₂ jme₁'nai'₂ jan₂ i₂tě₂ tsán'₂ gu₂. 12 Jme₁ca₂jág₃ gui'₅₄ dsi₄má'₂ a₂ca₂lě₃ jaun₂, ca₂rě₃'éin₂ ca₂nág₂ dsi₂gó'₃ dsí₅ jág₁ dse₃ quió'₅ Te₁gui'₅₄.

Pablo quian'₅₄ Bernabé tioin'₅₄ Antioquía ja₁tén₄ Pisidia

13 Ca₂'í₃ Pablo quian'₅₄ riin'₅₄ 'ñi₅ ni₁barco juig₂ Pafos, ca₂i₃lén₂ ju₁ Perge, juig₂ tén₅ 'uě₃ Panfilia. Ca₂tén₂ Juan₅₄ riin'₅₄ ja₁jaun₂, jaun₂ ca₂ñái'₃ ju₁ Jerusalén. 14 Ca₂'uin₂ riin'₅₄ Perge ca₂dsi₃lén₂ táng₃ Antioquía, juig₂ tén₅ 'uě₃ Pisidia. Jaun₂ ca₂i₃toin'₅₄ guá'₅ sinagoga caun₂ jmig₄ sa₅₄, jaun₂ ca₂tián'₂ dsi₂néi₂. 15 Jme₁ma₂ca₂lě₃ 'i₅ dsa₂ Si₂ 'Éi'₃ quió'₅ Diú₄ quian'₅₄ Si₂ a₂ca₂jmo₃ dsa₂ i₂jme₁'ě₂ jág₁ ma₂líg'₂ ně₃, jaun₂ ca₂chen₃ jág₁ dsa₂ can'₅₄ quián₅ guá'₅ sinagoga, ca₂juá'₂:

† 12:25 A₂lín₅₄ chog₅₄ si₂: “jaun₂ ca₂i₃lein₃, Jerusalén.” * 13:1 griego: Herodes tetrarca. † 13:6 Barjesús: a₂jein₅ jág₁ “ja₁,ñi'₅₄ Jesús” quian'₅₄ jág₁ jme₁, arameo.

—Rin' ⁵⁴ jniog₄, chi₂ jua' ₂ cha₂ jág₁ dse₃ quián' ₂ 'nia' ₂ a₂cuë' ⁵⁴ dsa₂, lé₂ bá₄ jua' ⁵⁴ 'nia' ₂.

¹⁶ Jaun₂ ca₂nau₂ Pa₄ ca₂jmo₃ léi₄ quian' ⁵⁴ gu₂ a₂mi₂₃ a₂jmo₃ dsa₂ tei₄, jaun₂ ca₂juá' ₂:

—Nei₂ 'nia' ₂ dsa₂ israelitas, 'nia' ₂ guë₄ dsa₂ sián' ₂ i₂gan₃ Diú₄: ¹⁷ Diú₄ quián₂ jniog₄ dsa₂ lág₅ juig₂ Israel ca₂quióin' ₂ dsa₂ can' ⁵⁴ quián₂ jniog₄ ma₂líg' ₂. Ca₂jmo₃ Diú₄ ca₂i₃juín₂ dsa₂ 'éi₂ lia' ₂ con' ₂ jme₁tián' ₄ 'uë₃ Egipto a₂lín₅ dsi₂nau₂. Cang₂ jaun₂ ca₂lë₃ caun₂ juig₂ pa₁. Diú₄ në₃ ca₂lió₂ quian' ⁵⁴ bí₂ quió' ₅, ca₂'uág' ₂ 'uë₃ jaun₂. ¹⁸ Ca₂jme₃juin' ₂ Diú₄ dsi₅ quiong' ⁵⁴ † tē₂láu₃ ηi₂ tē₂lia' ₂ jme₁inói₅₄ gua' ⁵⁴ quein₂, ¹⁹ ca₂'éin₂ guio₃ juig₂ go₄ dsa₂ i₂jme₁tián' ₄ 'uë₃ Cana'án, 'uë₃ jaun₂ në₃ ca₂cuë' ₃ dsa₂ can' ⁵⁴ quián₂ jniog₄ i₂jme₁chan₂ ma₂líg' ₂.

²⁰ 'Cang₂ jaun₂ ca₂dsin₃ con' ₂ quén₂ 'ñiá₂-láu₂ rē₂dsí₂ tē₂láu₃-guiá₂ (450) ηi₂, ca₂qui₃dsi₅ Diú₄ 'éi' ₃ jin₄ dsa₂ 'éi₂ tē₂le₃ quian' ⁵⁴ juë₄ ca₂lia' ₂ ca₂tē₂ jmi₄ a₂ca₂rē₃chán₃ Samuel i₂qui₂ca₂'ē₂ jág₁ quió' ₅ Diú₄ cang₂ jaun₂. ²¹ Jaun₂ ca₂mi₃ jan₂ rag₅₄. Jaun₂ Diú₄ në₃ ca₂cuin₃ Saúl ja₁ηi' ⁵⁴ Cis, tsi₁jon₂ Benjamín; ca₂jmo₃ 'éi' ₃ con' ₂ tē₂láu₃ ηi₂. ²² Cang₂ jaun₂ ca₂jñiá' ₂ Diú₄ ta₁ quió' ₅ Saúl a₂jme₁lín₄. Jaun₂ David bá₄ ca₂chein' ₃ ca₂lín₃ rag₅₄. Jaun₂ ca₂juá' ₂ Diú₄ 'iin₂₃ Rag₅₄ David: “Ca₂dsó' ₂ jniá₂ ja₁con₂ David ja₁ηi' ⁵⁴ Isaí, a₂lín₅ jan₂ dsa₂ i₂lë₅ dsi₅ lia' ₂ lë₅ dsi₃ jniá₂, jan₂ dsa₂ i₂jmo₃ a₂'ñio₂ dsi₃.”

²³ 'Jaun₂ në₃ rin' ⁵⁴ jniog₄, jan₂ chi' ₂ dsio₄ David 'éi₂ bá₄ lín₅ Jesús i₂ca₂chen₃ Diú₄ a₂lióin₂ dsa₂ juig₂ Israel lia' ₂ con' ₂ lë₅ jág₁ quió' ₅ ma₂cuë₃ le₂jñiá₅. ²⁴ Né' ₃ a₂guán₂ Jesús, ca₂'ë₂ Juan⁵⁴ jág₁ ca₂tsí' ₃ ca₂le₃jín₃ dsa₂ Israel a₂'nió' ₅ qui₃choin₃ jmi₄, dsi₃quén' ₅ dsi₅ në₃. ²⁵ Jaun₂ ca₂juá' ₂ Juan⁵⁴ jme₁ja₂quián₃ jóin₂: “On₃jua' ⁵⁴ 'éi₂ jniá₂ jui₁lia' ₂ dsi₂jio₅ 'au' ₂ 'nia' ₂ lín₅ jniá₂. La₁ i₂já₅ chi₁co' ⁵⁴ quió₃ në₃, 'éi₂ bá₄ i₂'uan' ₂ guë₄ lia' ₂ con' ₂ guë₄ jniá₂, ca₂lia' ₂ jñia' ⁵⁴ lau₂ ton₅ tag₅₄ bá₄ tsá₃ ca₂tíng₂ tsi' ⁵⁴ quió' ₅.” §

²⁶ 'Rin' ⁵⁴ jniog₄, ca₂le₃jín' ₃ guë₄ 'nia' ₂ i₂lín₅ chi' ₂ dsio₄ Abraham, quian' ⁵⁴ ca₂le₃jín₃ guë₄ 'ein₂ chan₂ quián' ₂ 'nia' ₂ i₂jme₂gan₃ Diú₄: a₂quián' ₂ 'nia' ₂ bá₄ jág₁ dse₃ la₂ a₂ca₂'ë₂ Diú₄ a₂lión₂ dsa₂. ²⁷ Dsa₂ i₂jme₁tián' ₄ Jerusalén quian' ⁵⁴ dsa₂ can' ⁵⁴ quián₅, tsá₃ ca₂rē₃ηi₅ 'ein₂ 'éi₂ jme₁chen₂ Jesús, on₃ guë₄ ca₂rē₃ηi' ₂ jág₁ a₂qui₂ca₂'ë₂ dsa₂ i₂chen₄ quián₅ Diú₄ le₂jñiá₅. Jaun₂ lë₃, jág₁ jaun₂ a₂'i₂₃ ne₄ Si₂ ca₂le₃jë₃ jmi₄ sa₅₄ ca₂jme₃ti₃ guioin₅₄ jme₁ca₂jmo₃ 'éi' ₃ a₂jñi' ₃ Jesús. ²⁸ 'I₁caun₂ dsáu₁ Jesús tsá₃ 'e₂ ca₂dsó' ₂ dsa₂ jua' ⁵⁴ a₂'i₄ 'éi' ₃ a₂jñag' ₃, la₁ tion₅₄ bá₄ ca₂mi₃ dsa₂ jág₁ ne₄ Pilato a₂jmo₃ 'éi₂ 'éi' ₃ a₂jñag' ₃. ²⁹ Jaun₂ në₃ jme₁ma₂lë₅ 'a₂ con' ₂ lë₅ juá' ₂ ne₄ Si₂ quió' ₅ Diú₄ a₂'iin₂₃ Jesús, jaun₂ ca₂sió₂ dsa₂ ne₄ cróg₄, jaun₂ ca₂i₁'ó₄. ³⁰ La₁ Diú₄ në₃, ca₂jme₃jein' ⁵⁴ táng₃ jin₄ 'lag₄. ³¹ 'Lióng₂ jmi₄ bá₄ qui₂ca₂jme₃jnia₅ Jesús ne₄ dsa₂ i₂jme₁quiain' ⁵⁴ lia' ₂ con' ₂ jme₁ca₂ñó₃ tē₂ Galilea ca₂dsió₃ tē₂ Jerusalén. Jaun₂ në₃ dsa₂ 'éi₂ bá₄ i₂jáng' ₅ jág₁ dsau₅ tsi' ₅ dsa₂ rē₂në₃.

³² 'Jaun₂ le₂në₅ bá₄ a₂cuë₂ jniá' ⁵⁴ jág₁ dse₃ 'nia' ₂, jág₁ a₂ca₂cuë₃ Diú₄ ca₂cuë' ₃ dsa₂ quián₂ jniog₄ ma₂líg' ₂ jaun₂, ³³ ma₂ca₂rē₃ti' ⁵⁴ Diú₄ ja₁con₂ jniog₄ i₂lág₅ chi' ₂-guein₂ quián₅ dsa₂ 'éi₂, jme₁ca₂jme₃jein' ⁵⁴ Jesús con' ₂ lë₅ jág₁ tio' ⁵⁴ jë₁ca₂tē₂ tin₃ Salmo, a₂juá' ₂:

'Ne₂ líng' ₅ jón₃ quiáng₃;

jmi₄ në₃, ca₂lín₃ jniá₂ ηéi' ₅ 'ne₂.*

³⁴ 'Ca₂juá' ₂ Diú₄ le₂jñiá₅ a₂jme₃jein' ⁵⁴ jin₄ 'lag₄ ia₁jaun₂ tsá₃ dsi₃'én₂ quió' ₅. Jui₁lia' ₂ juá' ₂ ne₄ Si₂ quió' ₅ Diú₄:
Ján₃ bá₄ cuë₄ jniá₂ 'nia' ₂

† 13:18 A₂lín₅₄ chog₅₄ si₂juá' ₂: “ca₂jmo₃ Diú₄ 'i₁ quió' ₅.” § 13:25 Mateo 3:11. * 13:33 Salmo 2:7.

ca₂le₃jě₃ 'e₂ cosa dse₃
 a₂jme₁ti₁ jág₁ quió₃ a₂ca₂cuě₃ David.†
 35 'Jaun₂ lě₃, ján₃ guě₂ juá₂ ne₄ Si₂ Salmos ja₁siá₂ táng₃:
 Tsá₃ cuě₁ jmig₄

a₂dsi₃guí₂ quió₅ dsa₂ jnió₅ 'éi₂ quiáng₂
 i₂jme₂ti₃ ta₁ ne₅₄.‡
 36 'David ně₃ ca₂jme₃ti₃ bá₄ jág₁ ne₄ dsa₂ quiáin₅ tē₁lia₂ ca₂rě₃cháin₃ jmig₄
 jaun₂, ju₁lia₂ 'éi₃ ca₂juá₂ Diú₄. La₁ ca₂jon₃ bá₄ David ně₃, jaun₂ ca₂i₁'ó₄ dsa₂
 ja₁le₁'on₅ dsa₂ can₅₄ quiáin₅, ca₂siá₃ bá₄ ni₁ni₁ 'éi₂ ně₃. 37 La₁ ni₁ni₁ Jesús ně₃,
 i₂ca₂jme₃jen₅₄ Diú₄, tsá₃ 'e₂ ca₂'en₃.

38 'Jaun₂ ně₃ ri₁'ni₅₄ jniog₄, tion₅₄ 'nió₅ le₃ni₅₄ 'nia₂ jág₁ a₂'ě₅ jniá₂: tē₂le₃
 quian₅₄ Jesús bá₄ dsón₂ 'én₂ dsáu₂ 'nia₂. 39 Tē₂le₃ quian₅₄ 'éi₂, ca₂le₃jín₃ i₂'én₂
 tē₂le₃ quió₅, rě₂'én₄ ca₂le₃jě₃ dsáu₁ a₂tsá₃ o₂'én₂ dso₄ cha₂ quián₂ 'nia₂ tē₂le₃
 quian₅₄ 'Éi₃ quió₅ Moisés. 40 'Í₁ jmo₄ 'nia₂, ia₁jaun₂ tsá₃ dsi₃ni₂ 'nia₂ ju₁lia₂
 juá₂ dsa₂ i₂jme₁'ě₂ jág₁ quián₅ Diú₄, jme₁ca₂juá₂ ne₄ Si₂:

41 Jag₄ 'nia₂ dsa₂ i₂táun₂ 'lig₅₄,
 ju₁dsi₂gó₃ 'au₂, ju₁dsian₂ 'nia₂.
 Ia₁ jniá₂ i₂lín₅ Diú₄ jmo₅₄ léi₄ juě₂
 jmig₄ tē₁lia₂ chan₂ 'nia₂.
 La₁ léi₄ jaun₂, 'i₁jan₂ 'nia₂ tsá₃ le₃'én₂,
 o₁jnia₅₄ 'a₂ guě₂ lia₂ chan₂ i₂dsia₃.§

42 Jme₁ca₂o₃ín₃ Pa₄ quiain₅₄ ri₁ni₅₄ guá₅ sinagoga quió₅ dsa₂ judíos,
 jaun₂ ca₂mi₃ dsa₂* a₂ja₃lén₂ táng₃ 'éi₂ jmig₄ sa₅₄ caun₂ a₂ja₃'ě₂ jág₁ jaun₂.
 43 Jme₁ca₂dsan₃ le₁ni₂ dsa₂ dsi₂néi₂ guá₅, jaun₂ ju₁ni₅ lín₃ dsa₂ judíos quian₅₄
 dsa₂ i₂ma₂gue₃ i₂ma₂tió₂ tiá₂ juá₅ quió₅ dsa₂ judíos, ca₂'ein₃ Pa₄ quiain₅₄
 Bernabé, ca₂jme₃quiong₅₄. Jaun₂ ca₂juá₂ dsa₂ i₂chen₄ quián₅ Jesús 'éi₂ ca₂tsí₃
 dsa₂ ca₂cuě₃ bí₂ a₂tion₅₄ 'nió₅ tsán₂ tiá₂ jág₁ dse₃ quió₅ Diú₄ i₂'ua₁ dsí₅.

44 Caun₂ semana cang₂ jaun₂, jme₁ca₂tě₂ táng₃ jmig₄ sa₅₄, jaun₂ qui₂ca₂ni₂
 mei₂ tsá₃ ca₂le₃jín₃ dsa₂ juig₂ a₂ca₂o₃néi₃ jág₁ quió₅ Diú₄. 45 La₁ jme₁ca₂jág₃
 dsa₂ judíos ju₁ni₅ lín₃ dsa₂ tion₅₄, jaun₂ ca₂rě₃ 'néi₃ a₂dsí₅ 'nio₅ lín₃, tē₂le₃ jen₅ bá₄
 qui₂ca₂ni₂ jág₁ a₂juá₂ Pa₄, qui₂ca₂jnaú₂ jág₁ uig₅ ně₃.

46 Jaun₂ ca₂juá₂ Pa₄ quian₅₄ Bernabé, ca₂dsia₃ tiá₂ dsí₅ ca₂tsí₃ dsa₂:
 —Tion₅₄ 'nió₅ jniá₅ de₂ jin₄ 'nia₂ con₂ dsa₂ i₂lín₅ judíos, ca₂tág₂ jnia₅₄ 'ě₄ jág₁
 dse₃ quió₅ Diú₄. La₁ tsá₃ guě₂ 'niog₂ 'nia₂ guéi₁, jaun₂ ma₂léi₄ bá₄ a₂tsá₃ lé₂ tín₄
 'nia₂ guei₅₄ i₂juíg₃. Jaun₂ lě₃, dsi₁ná₄ jnia₅₄ ja₁con₂ dsi₂nau₂. 47 Ia₁ le₂ně₅ bá₄
 'éi₃ ca₂cuě₃ Te₁gui₅₄ jme₁ca₂juá₂:

Ju₁lia₂ si₂ bá₄ lín₅ 'ne₂
 i₂ca₂dsiáng₃ quió₅ dsi₂nau₂,
 ia₁jaun₂ 'ě₅₄ dsa₂ chan₂ ta₁caun₂ mi₂güíg₃
 ju₁ja₁tín₄ dsa₂.†

48 Jme₁ca₂nág₂ dsi₂nau₂ jág₁ ně₅, qui₂ca₂jmo₃ 'io₂, qui₂ca₂dsia₃, dsón₂ bá₄ dse₃
 jág₁ quió₅ Te₁gui₅₄. Jaun₂ ca₂rě₃'én₂ ca₂le₃jín₃ i₂con₂ 'i₄ 'éi₃ tín₄ ja₁le₃chain₂
 co₂tan₅₄. 49 Jaun₂ le₂ně₅ ca₂i₃'ág₃ jág₁ dse₃ quió₅ Te₁gui₅₄ ta₁caun₂ 'uě₃ jaun₂.
 50 La₁ dsa₂ judíos ně₃ ca₂jmo₃ jág₁ quian₅₄ i₂lín₅₄ 'io₅₄ dsen₃ i₂jme₂go₃ dsa₂
 juig₂, quian₅₄ i₂lín₅₄ dsa₂ can₅₄ ně₃, ia₁jaun₂ jme₃'iog₅₄ jme₃'niai₅₄ Pa₄ quiain₅₄
 Bernabé. Jaun₂ le₂ně₅ bá₄ ca₂jme₃lióg₃ ca₂jmo₃ jág₁ a₂qui₂ca₂co₃'ein₃ Pa₄

† 13:34 Isaías 55:3. ‡ 13:35 Salmo 16:10. § 13:41 Habacuc 1:5. * 13:42 A₂lín₅₄ chog₅₄ si₂:
 “ca₂mi₃ dsi₂nau₂.” † 13:47 Isaías 49:6.

quian'⁵⁴ Bernabé ca₂lia'² ca₂'uin₂ 'éi₂ juig₂ jaun₂. ⁵¹ Jaun₂ 'éi₂ ně₃ qui₂ca₂séi'² 'liog₂ mi₂tag⁵⁴. † Ca₂'uin₂ bá₄ jaun₂, ca₂i₃léin₂ jui₅ Iconio. ⁵² La₁ ca₂le₃jín₃ dsa₂ i₂ca₂rě₃'én₂ ně₃, 'io'² jmo₂₃, rě₂rín₅ Jme₂dsí₂ Jñió₅ tē₂dsí₅.

14

Pablo quian'⁵⁴ Bernabé tíoin'⁵⁴ juig₂ Iconio

¹ Ca₂'í₃ Pablo co₂lě₅ quian'⁵⁴ Bernabé dsi₂něi₂ guá'⁵ sinagoga quió'⁵ dsa₂ judíos juig₂ Iconio. Ja₁jaun₂ ca₂jme₃tin₂₃ táng₃ dsa₂ jág₁ dse₃ quió'⁵ Diú₄. Juin₅ bá₄ dsa₂ ca₂rě₃'én₂, lia'² dsa₂ judíos lia'² dsi₂nau₂ ně₃. ² La₁ dsa₂ judíos i₂tsá₃ 'én₂ ně₃, ca₂tsí'³ dsi₂nau₂ a₂chi₃'iin₃ 'lig'⁵⁴ dsa₂ i₂'én₂. ³ Jaun₂ lě₃, uě₂ bá₄ ca₂'í₃ Pa₄ quian'⁵⁴ Bernabé. Ca₂dsia₃ tiá₂ dsí₅ quian'⁵⁴ bí₂ quió'⁵ Te₁gui'⁵⁴, qui₂ca₂'ě₂ jág₁; jaun₂ Diú₄ ně₃ ca₂cuě₃ bí₂ ca₂jmo₃ 'éi₂ léi₄ juě'² a₂dsi₃gó'³ dsi₅, ia₁jaun₂ le₃lí'⁴ dsa₂, jág₁ dsau₅ a₂dse₃ dsí₅ Diú₄ bá₄ 'ě₂ 'éi₂. ⁴ La₁ dsa₂ juig₂ 'éi₂ jme₁lě₄ le₁dson'⁵⁴ i₂jme₁tión₂ le₃quió'⁵ dsa₂ judíos, i₂jme₁tión₂ le₃quió'⁵ dsa₂ i₂chen₄ quián₅ Jesús 'éi₂ ně₃.

⁵ Jaun₂ ca₂jmo₃ caun₂ jág₁ dsa₂ judíos quian'⁵⁴ dsi₂nau₂, quian'⁵⁴ dsi₂tan⁵⁴, a₂tsí'³ jág₁ uig₅ dsa₂ 'éi₂, a₂qui₃jnaú'² cang₄ ně₃. ⁶ La₁ jme₁ca₂rě₃ñi₅ Pa₄ quian'⁵⁴ Bernabé, ca₂cuing₃ jui₅ Listra, jui₅ Derbe ně₃, tin₃ juig₂ ja₁tén₄ Licaonia, ca₂i₁nioi₁₂ le₂tan⁵⁴ 'uě₃ jaun₂, ⁷ qui₂jme₂tin₂₃ dsa₂ jág₁ dse₃ a₂lión₂ dsa₂.

Ca₂cuě₃ dsa₂ cang₄ ca₂cuě'³ Pablo juig₂ Listra

⁸ Juig₂ Listra jme₁chan₂ jan₂ dsa₂ i₂tsá₃ lé₂ ñi₃. Lia'² jaun₂ lín₅, lia'² con'² jme₁ca₂rě₃cháin₃, guá'⁵ ja₁jaun₂, 'i₁cón'² tsá₃ ma₂ca₂ñi₃ ca₂le₃jě₃ jmig₄ a₂chain₂. ⁹ Ca₂nág₂ dsa₂ 'éi₂ jág₁ a₂ca₂dsia₃ Pa₄. Jaun₂ Pa₄ ně₃ ca₂jág₃ tiá₂ ca₂jín₂ dsa₂ 'éi₂, jaun₂ ca₂rě₃lí'⁴ Pa₄ a₂'én₂ dsa₂ 'éi₂ a₂lé₂ 'lióin₂. ¹⁰ Jaun₂ ca₂juá'² tiá₂ ca₂tsí'³ dsa₂ 'éi₂:

—Rě₂ nau₂. Co₂dsau₅ chí'² mi₂tag'⁵⁴.

Jaun₂ dsi₂jui₅ ca₂ráun₂ ca₂nau₂ dsa₂ 'éi₂, ca₂jme₃lióg₃ ca₂ñi₃. ¹¹ Jme₁ca₂jág₃ dsa₂ a₂ca₂jmo₃ Pa₄ jaun₂, ca₂tóin'² co₂mí'⁵⁴, ca₂guió'³ quian'⁵⁴ jág₁ jme₁quió'⁵ dsa₂ chan₂ Licaonia, ca₂juá'²:

—i₁Diú₄ i₂lín₅ dsa₂ ca₂sión₃ jě₄ quián₂ jniog₄!

¹² Juá'² dsa₂ a₂lín₅ Bernabé diú₄ Júpiter, Pa₄ guě'² lín₅ diú₄ Mercurio* ia₁ 'éi₂ bá₄ i₂juá'² guě₄ jág₁. ¹³ Jaun₂ jme₁chí'⁴ guá'⁵ quió'⁵ diú₄ Júpiter ja₁dsi₁lén₂ dsa₂ juig₂ jaun₂. Dsa₂ i₂lín₅ jme₂dsa₂ quián₅ Júpiter ca₂dsióg₃ quian'⁵⁴ juin₅ dsa₂ le₁jñai₂₃ ca₁jui₅ le₁quian₅ lí₁ ně₃, a₂jme₁'nio₃ jme₃dsiain₂₃ ca₁jui₅ a₂jme₁jéin'² ne₄ Pa₄ quian'⁵⁴ Bernabé. ¹⁴ La₁ jme₁ca₂rě₃lí'⁴ Pa₄ quian'⁵⁴ Bernabé i₂chen₄ quián₅ Jesús, a₂ma₂tion'⁵⁴ dsa₂ jmo₂₃ le₂jaun₂, jaun₂ ca₂jme₃lióg₃ ca₂gág₃ tsin'⁵⁴. † Jaun₂ ca₂tóin'² jin₄ dsa₂ ca₂guió'³ ca₂juá'²:

¹⁵ —i₁Nei₂ 'nia'²! ¿'E₂ lě₃ jmo'² 'nia'² le₂ně₅? Dsa₂ mi₂güig₃ bá₄ jnia'⁵⁴, jui₁lia'² 'nia'². A₂le₁quian₁ jág₁ dse₃ bá₄ jnia'⁵⁴ ja₂náu₅, a₂chei₅₄ 'nia'² a₂jñiá'⁴ 'nia'² ca₂le₃jě₃ a₂ně₅ a₂tsá₃ 'e₂ ta₁ tí₄, a₂jen'⁵⁴ 'nia'² tē₂le₃ quió'⁵ Diú₄ jén'³ i₂ca₂jmo₃ guei'⁵⁴ i₂juig₃, gua'⁵⁴ 'uě₃, jmi₁ñi'⁴ ně₃, ca₂le₃jě₃ guě₄ 'e₂ a₂cha₂ ja₁jaun₂. ¹⁶ 'Niog₅ Diú₄ ca₂cuě₃ jmig₄ ma₂líg'² ca₂cuě'³ ca₂le₃jín₃ dsa₂ chan₂ gua'⁵⁴ 'uě₃ a₂jmo₃ con'² lě₂ dsí₅ guoin⁵⁴. ¹⁷ La₁ Diú₄ ca₂'ě'³ dsa₂ 'ein₂ lín₅, ca₂jmo₃ bá₄ léi₄ tē₂le₃ quian'⁵⁴ ca₂le₃jě₃ a₂dse₃ a₂qui₂ca₂jmo₃. 'Éi₂ bá₄ jmo₅ a₂tang₂ jmí₅ ia₁jaun₂ qui₃ráu₃ ca₂le₃jě₃ a₂qui₂guě'³ dsa₂. 'Éi₂ bá₄ jmo₅ a₂le₁'ág₄ dse₃ dsí₅ dsa₂.

† **13:51** Co₂'nió'⁴ a₂ca₂jmo₃ léi₄, guion⁵⁴ bá₄ dsa₂ juig₂ ma₂rě₂cáin'⁴ ia₁ tsá₃ ca₂gue₃ jág₁ quió'⁵ Diú₄. 'Nio'² ja₁ton₅ Marcos 6:11, Lucas 9:5, 10:11, Hechos 18:6. * **14:12** griego: Hermes. † **14:14** ca₂gág₃ tsin'⁵⁴: le₂jaun₂ jme₁jmo₅ dsa₂ léi₄ chi₂juá'² 'e₂ tsá₃ tē₅ dsí₅.

18 Ja₂lag₃ le₂jaun₂ bá₄ ca₂tió'₃ ca₂jme₃'uáin₂ dsí₅ dsa₂, a₂tsá₃ ma₃qui₃jéin'₂ já'₂ ne₅₄.

19 Jaun₂ ca₂dsi₃lén₂ i₂lín₅₄ dsa₂ judíos i₂chan₂ Antioquía, quian'₅₄ i₂chan₂ Iconio, qui₂ca₂toin'₂ jág₁ dsa₂, ca₂jmo₃ jág₁. Jaun₂ ca₂cuě'₃ cang₄ Pa₄, ca₂tsi₂cuang'₂ tē₂'ni'₂ juig₂, a₂ma₂nē₂jag'₃ bá₄ lín₂. 20 La₁ jme₁ca₂ñi'₂ dsa₂ i₂én₂ riin'₅₄ ja₁rē₂quiain₂₃, ca₂nau₂ Pa₄, ca₂ñó₃ táng₃ jui₅ jē₄ juig₂. Jme₁jnia₃ jaun₂ guě₄, ca₂o₃íin₃ juig₂ jaun₂ quiain'₅₄ Bernabé, ca₂l₃lén₂ jui₅ Derbe.

21 Juin₅ dsa₂ chan₂ juig₂ Derbe ca₂rē₃'éin₂ jme₁ca₂nág₂ ca₂'ě₂ dsa₂ 'éi₂ jág₁ dse₃ a₂tín'₄ dsa₂. Jaun₂ ca₂'u₂in₂ ja₁jaun₂, ca₂i₃lén₂ táng₃ jui₅ Listra, jui₅ Iconio nē₃, a₂ca₂dsi₃lén₂ táng₃ Antioquía. 22 Le₂tan₅₄ juig₂ ja₁jaun₂ qui₂ca₂cuě'₃ bí₂ dsa₂ i₂én₂. Qui₂ca₂toin'₂ jág₁ dsa₂ a₂'nió'₅ tsán'₂ dsa₂ tiá₂ jág₁ dse₃. Ca₂juá'₂:

—Tion₅₄ 'nió'₅ ñag'₅₄ de'₂ 'nia'₂ jmi₁uig₅ mi₂güig₃ la₂, né'₃ guě₄ a₂dsi₁no'₃ 'nia'₂ ja₁gon₂ Diú₄.

23 Ján₃ bá₄ ca₂'in₃ dsa₂ dsa₂ can'₅₄† lia'₂ caun₂ guá'₅. Jaun₂ cang₂ jme₁ca₂lē₃ chi₂lén'₂ dsa₂ Diú₄, a₂jme₂'in₅₄ nē₃, ca₂dsiain₃ riin'₅₄ i₂én₂ 'éi₂ o₄gú₃ Te₁gui'₅₄, ia₁ tē₂le₃ quió'₅ Te₁gui'₅₄ bá₄ ma₂'én₂ dsa₂.

Pa₄ quian'₅₄ Bernabé ca₂i₃lein₃ táng₃ Antioquía ja₁tén₄ Siria

24 Cang₂ jaun₂ ca₂ñi₃ jui₅ 'uē₃ Pisidia, jaun₂ ca₂dsi₃lén₂ 'uē₃ Panfilia.

25 Qui₂ca₂'ě₂ jág₁ juig₂ Perge, jaun₂ ca₂i₃lén₂ juig₂ Atalia. 26 Ja₁jaun₂ ca₂tóin'₂ ni₁barco a₂ca₂i₃lein₃ táng₃ Antioquía, juig₂ ja₁ca₂jáng'₂ dsa₂ riin'₅₄ o₄gú₃ Diú₄ le₂jñiá₅, a₂jmo₃ ta₁, co₂'nió'₄ ta₁ a₂ma₂ca₂lē₃ jmo₂₃. 27 Jme₁ca₂dsi₃lein₃ Antioquía, ca₂ñi₃'i₂ ca₂le₃jín₃ riin'₅₄. Jaun₂ ca₂dsia₃ ca₂le₃jē₃ 'e₂ ca₂jmo₃ Diú₄ quiong'₅₄, 'a₂ lia'₂ ca₂niá₃ Diú₄ jui₅ quió'₅ dsí₂nau₂, ia₁jaun₂ le₃'én₂ 'éi₂ ján₃. 28 Jaun₂ uē₂ bá₄ ca₂'í₃ Pa₄ ja₁jaun₂, Bernabé nē₃ quiain'₅₄ dsa₂ i₂én₂.

15

Ca₂ñi'₂ riin'₅₄ Jerusalén

1 Jmí₄ jaun₂ i₂lín₅₄ dsa₂ chan₂ Judea ca₂dsi₃lén₂ juig₂ Antioquía, ca₂jme₃lióg₃ ca₂jme₃tíin₂₃ riin'₅₄ ja₁jaun₂, nē₁jua'₂ tsá₃ ti₅ dsa₂ ni₁lo₁ dsa₂ ñe'₂ lia'₂ con'₂ lē₅ Si₂ 'Éi'₃ quió'₅ Moisés, tsá₃ lé₂ tíin'₄. 2 Pablo quian'₅₄ Bernabé ca₂tsíin₂ 'ñio₅ lín₃ quian'₅₄ dsa₂ 'éi₂. Jaun₂ ca₂'in₃ dsa₂ Pa₄ quian'₅₄ Bernabé, quiain'₅₄ i₂lín₅₄ guě₄ dsa₂ sián'₂ nē₃, a₂dsi₃lén₂ Jerusalén a₂jme₃rē₃ jág₁ jaun₂ quiain'₅₄ dsa₂ riin'₅₄ i₂chen₄* quián₅ Jesús quian'₅₄ dsa₂ can'₅₄† quián₅ dsa₂ 'én₂.

3 Co₂nió'₃ dsa₂ i₂én₂ juig₂ Antioquía ca₂'ág'₃ jág₁ riin'₅₄ i₂ca₂'in₃ 'éi₂, jaun₂ 'éi₂ nē₃ ca₂i₁noi₁₂ 'uē₃ Fenicia quian'₅₄ 'uē₃ Samaria. Ja₁jaun₂ ca₂dsia₃ 'a₂ lia'₂ ca₂rē₃'én₂ dsí₂nau₂. Jaun₂ lē₃, 'ñio₅ lín₃ 'io'₂ ca₂jmo₃ dsa₂ riin'₅₄ jme₁ca₂rē₃ñi₅.

4 Jme₁ca₂dsióg₃ Pa₄ quiain'₅₄ Bernabé juig₂ Jerusalén, ca₂guei₃ ca₂le₃jín₃ dsa₂ 'én₂ ja₁jaun₂, dsa₂ riin'₅₄ i₂chen₄ quián₅ Jesús, dsa₂ can'₅₄ quián₅ dsa₂ 'én₂ nē₃. Jaun₂ ca₂dsia₃ Pa₄ quian'₅₄ Bernabé ca₂tsí'₃ riin'₅₄ 'a₂ lia'₂ ma₂jmo₃ Diú₄ quiong'₅₄.

5 La₁ qui₂ca₂nau₂ i₂lín₅₄ dsa₂ fariseos i₂ma₂'én₂, jaun₂ ca₂juá'₂:

—Ca₂tín₂ dsí₂nau₂ ti₃ dsa₂ ni₁lo₁₂, jaun₂ 'nió'₅ nag₃ a₂jme₃ti₃ Si₂ 'Éi'₃ quió'₅ Moisés.

6 Jaun₂ ca₂ñi'₂ dsa₂ i₂chen₄ quián₅ Jesús, quian'₅₄ dsa₂ can'₅₄ nē₃, ia₁jaun₂ 'no'₂ dsí₅ 'a₂ lia'₂ jmo₃ jui₁lia'₂ jág₁ jaun₂. 7 Jme₁ma₂nē₂dsia₃ jág₁ 'ñio₅ lín₃, ca₂nau₂ Pedro jaun₂ ca₂juá'₂:

—Rin'₅₄ jniog₄, ñi'₅₄ bá₄ 'nia'₂ jaun₂, jniá₂ dsa₂ i₂ca₂quión'₂ Diú₄ jin'₄ 'nia'₂ ma₂i₁jáun₃, ia₁jaun₂ cuě₄ jniá₂ jág₁ dse₃ dsí₂nau₂, ia₁jaun₂ le₃'éin₂. 8 Jaun₂ Diú₄

† 14:23 griego: presbíteros. * 15:2 griego: apóstolous. † 15:2 griego: presbíteros.

ně₃, i₂cuí'₅ dsí'₅ dsa₂, ca₂jmo₃ léi₄ a₂guei₃ bá₄, ca₂cuin₃ Jme₂dsí'₂ Jñi₅o₅ quiáin₅, ca₂cuin₃ dsa₂ 'éi₂ jui₁lia'₂ ma₂cuag₃ jniog₄. ⁹ Tsá₃ jma₃quén₅ 'nio₃ Diú₄ jniog₄ quian'₅₄ dsa₂ 'éi₂, ia₁ ján₃ bá₄ ca₂rang₃ jme₂dsí'₂ quió'₅ dsa₂ 'éi₂ ia₁ ca₂rě₃'éin₂. ¹⁰ Jaun₂ ně₃, ċ'₂ e₂ lě₃ dsi₂jniog₅ 'au'₂ 'nia'₂ a₂tsá₃ dsau₅ a₂ma₂jmo₃ Diú₄? ċ'₂ E₂ lě₃ lín'₂ 'nia'₂ a₂tion₅₄ 'nió'₅ jme₃ti₃ dsa₂ i₂én₂ 'éi₂ Si₂ 'Éi'₃, ton'₂ ca₂lia'₂ jñia'₅₄ dsa₂ can'₅₄ quián₂ jniog₄ tsá₃ ca₂tió'₃ jme₃ti₃, on₃ guě'₂ jniog₄ tián₂ jme₃ti₁? ¹¹ La₁ ne₄ jniog₄, a₂dse₃ dsí'₅ Te₁gui'₅₄ Jesús bá₄ a₂tág'₄, co₂rě₂ quian'₅₄ dsa₂ 'éi₂.

¹² Jaun₂ ca₂jmo₃ dsa₂ tei₄, jaun₂ ca₂nág₂ tē₁lia'₂ ca₂juá'₂ Bernabé quian'₅₄ Pablo ca₂le₃jě₃ léi₄ juě'₂ a₂ma₂jmo₃ Diú₄ tē₂le₃ quiong'₅₄, jin₄ dsi₂nau₂.

¹³ Jme₁ca₂dsan₃ juá'₂ 'éi₂, jaun₂ ca₂juá'₂ táng₃ Jacobo:

—Rin'₅₄ jniog₄, nei₂ 'nia'₂ a₂juá'₄ jniá₂: ¹⁴ Ma₂ně₂dsia₃ Si₂mu₅₄ Pe₄ 'a₂ lia'₂ ca₂jmo₃ Diú₄ dse₃ dsí'₅ jě₁le₂'uig₅₄ tē₂le₃ quió'₅ dsi₂nau₂, 'a₂ lia'₂ ca₂quióin'₂ ján₃ jin₄ dsa₂ 'éi₂, co₂nió'₃ dsa₂ i₂lén₂ dsa₂ quiáin₅ 'ñiog₅. ¹⁵ Le₂ně₅ bá₄ lě₅ jág₁ quió'₅ dsa₂ i₂jme₁'ě₂ jág₁ quián₅ Diú₄, jui₁lia'₂ ca₂tióng₃ ne₄ Si₂:

¹⁶ Guio₅₄ táng₃ cang₂, jaun₂ jmóg'₄ táng₃ ne₄ta₁

quió'₅ Rag₅₄ David a₂ma₂qui'₃;

tsi'₅₄ táng₃ ni₁cang₁ a₂ma₂gon₃ quió'₅,

¹⁷ ia₁jaun₂ ca₂le₃jín₃ dsi₂nau₂ 'nai'₂ Te₁gui'₅₄,

ca₂le₃jě₃ juig₂ ně₃,

dsa₂ i₂chen₂ dsa₂ quián₅ Diú₄.

¹⁸ Le₂ně₅ bá₄ juá'₂ Te₁gui'₅₄

i₂jmo₅ ca₂le₃jě₃ a₂ně₅,

a₂ma₂cuí'₅ dsa₂ ca₃ma₂líg'₂ †

¹⁹ 'Jaun₂ ně₃ lín₂ jniá₂ —juá'₂ Jacobo—, tsá₃ dse₃ cue₅₄ jniog₄ o₂me'₅₄ dsi₅ dsi₂nau₂ i₂ma₂jén'₂ tē₂le₃ quió'₅ Diú₄. ²⁰ Tió'₅ me'₂ a₂jñia'₅₄ jmó₁ jniog₄ caun₂ si₂ a₂chei₅₄ jniog₄ a₂tsá₃ ma₃guě'₃ má₃ a₂tsá₃ dsi₂ten₅₄ guě'₃ jui₁lia'₂ a₂dsia₅ dsa₂ ne₄ ne₄chei₂ quió'₅ diú₄ lag₄. Dse₃ chei₅₄ jniog₄ a₂tsá₃ nió'₃ jág₁ quian'₅₄ dsa₂ i₂tsá₃ lín₅ dsi₂gu₂, on₃ guě'₂ guě'₃ má₃ a₂tsá₃ dsi₂ten₅₄ guě'₃ dsa₂ judíos, jui₁lia'₂ já'₂ i₂güi'₅ dsa₂ dsi₂lag₄, on₃ guě'₂ jmi₄ já'₂ ně₃. ²¹ Ia₁ ma₂líg'₂ bá₄ ma₂tu₁ja₂lén₂ dsa₂ qui₂'ě₂ 'Éi'₃ Juá'₅ quió'₅ Moisés le₂caun₂ le₂caun₂ juig₂, qui₂'i₂₃ dsi₂néi₂ guá'₅ sinagogas ca₂le₃jě₃ jmig₄ sa₅₄.

²² Jaun₂ ně₃, ca₂tē₁gua₁ jág₁ quió'₅ dsa₂ i₂chen₄ quián₅ Jesús, quian'₅₄ dsa₂ can'₅₄, ca₂le₃jín₃ guě₄ dsa₂ i₂lín₅ guá'₅ a₂'i_{in}₃ i₂lín₅₄ jě₄ quió'₅ rin'₅₄, i₂chein₃ quian'₅₄ Pablo, Bernabé ně₃, ju₁₅ Antioquía. Jaun₂ ca₂'i_{in}₃ dsa₂ Judas i₂chen₂ Barsabás ján₃, quian'₅₄ i₂chen₂ Silas i₂lín₅ dsa₂ i₂quian₅ ne₄ ju₁₅ jě₄ quió'₅ dsa₂ i₂én₂. ²³ Jaun₂ quian'₅₄ 'éi₂ ca₂chein₃ si₂ carta a₂juá'₂ le₂la₂:

Jnia'₅₄ con'₂ lág₅ dsa₂ chen₄ quián₅ Jesús, quian'₅₄ dsa₂ can'₅₄ quián₂ jnia'₅₄, ca₂le₃jín₃ guě₄ rin'₅₄ jnia'₅₄ i₂én₂, chen₄ jnia'₅₄ si₂ la₂ ne'₅₄ 'nia'₂ dsi₂nau₂ rin'₅₄ jniog₄ i₂tián'₅ juig₂ Antioquía, quian'₅₄ i₂tián'₅ 'uě₃ Siria, quian'₅₄ i₂tián'₅ 'uě₃ Cilicia ně₃. Cuín₅ jnia'₅₄ Diú₄ 'nia'₂.

²⁴ Ma₂ca₂rě₃ne₄ jnia'₅₄ jág₁ a₂i₁len₅₄ i₂lín₅₄ dsa₂ chan₂ ja₁lá₃, on₃ jua'₅₄ i₂chen₄ quián₂ jnia'₅₄. Ma₂dsi₃lén₂ cuě'₅ o₂me'₅₄ dsi₅ 'nia'₂ quian'₅₄ jág₁ quió'₅ a₂tsí'₅ 'nia'₂ a₂tion₅₄ 'nió'₅ ti₃ dsa₂ ni₁lo₁ dsa₂ ñe'₂, a₂jme₁ti'₄ 'nia'₂ 'Éi'₃ quió'₅ Moisés ně₃. ²⁵ 'Uig₅₄ jaun₂, ca₂jmó₁ jnia'₅₄ caun₂ jág₁, ca₂'ín₄ jnia'₅₄ rin'₅₄ jě₄ quián₂ jnia'₅₄ a₂dsi₃lén₂ co₂lě₅ quiain'₅₄ Bernabé quian'₅₄ Pa₄ i₂'nio₄ lín₃ quián₂ jnia'₅₄, a₂dsi₃jñin₅₄ 'nia'₂. Ia₁ le₂jaun₂ bá₄ dse₃, lág₂ jnia'₅₄. ²⁶ Ma₂le₁'ág₄ caun₂ dsi₅ gue₃ 'mú₃ o₁quió'₄ Te₁gui'₅₄ Jesucristo quián₂ jniog₄. ²⁷ Jaun₂ chen₄ jnia'₅₄ Judas

† 15:18 Amós 9:11-12.

quian'54 Silas ně3, jaun2 i2ně5 bá4 juá'2 quian'54 jág1 tio'54 'o54 ca2le3jě3 a2jua'2 jnia'54 la2, 28 Jaun2 ně3, Jme2dsí2 Jñiós bá4 ca2jme3'o54 a2'nio'54 jnia'54 dsi5, jaun2 dse3 bá4 lág2 jnia'54 a2tsá3 cuë54 jnia'54 'nia'2 'éi'3 guei2, jnia'54 lia'2 jmá'3 lia'2 a2léi4 'nió'5 quián'2 'nia'2 la2: 29 A2tsá3 quë'54 'nia'2 niñi5 a2ma2dsia3 dsa2 ne4 ne4chei2 quió'5 diú4 lag4; ján3 bá4 tsá3 quë'54 'nia'2 jmi4 já'2, on3 guë'2 niñi1 já'2 i2dsan2 i2güi'5 dsa2 dsi2lag4. Tsá3 nió'4 'nia'2 jág1 quian'54 dsa2 i2tsá3 lín5 dsi2i2gog'2. Nē1jua'2 ca2jme1ti'4 'nia'2 jág1 la2, dse3 bá4 le3chan'2 'nia'2.

Co2ně5 bá4 jág1.

30 Jaun2 ně3, le2ně5 bá4 ca2tón'2 'éi2 jui5, ca2i3léin2 jui5 Antioquía. Jaun2 ca2ñi'2 dsa2 i2'én2 ja1jaun2. Jaun2 ca2jín'3 dsa2 si2 carta a2jme1quian5. 31 Jme1ca2'í2 riin'54 si2, qui2ca2jmo3 'io'2 o1quió'4 jág1 a2cuë5 lián'2 dsí5 jaun2. 32 Ia1 Judas quian'54 Silas, i2jme1'ě2 jág1 a2cuë5 Diú4 ján3, ca2cuë3 'lióng2 jág1 dse3 a2ca2jmo3 ca2'ág2 dse3 dsí5 riin'54, 'ñio5 lín3 ca2cuë3 bí2 ně3, quian'54 jág1 quió'5. 33 Jme1ma2tě2 'lióng2 jmi'4 tioen'54 ja1jaun2, ca2dsióg'2 táng3 dsa2 caun2 tei4 ja1con2 riin'54 i2ca2chei3. § 35 La1 ca2jñia3 Pa4 quian'54 Bernabé juig2 Antioquía, qui2jme2tiin23 dsa2, quiaín'54 juin5 guë4 i2sián'2, qui2'ě'5 dsa2 jág1 dse3 quió'5 Te1gui'54.

Ca2ñó3 Pa4 ca2i'ě4 jág1 jě1ca2tě2 tñ3 ráun2

36 Cang2 jaun2, ca2juá'2 Pa4 ca2tsí'3 Bernabé:

—Dsau54 táng3 dsi1jin1 rin'54 ca2le3jě3 juig2 ja1ma2ca2i'ě'54 dsa2 jág1 dse3 quió'5 Te1gui'54, dsi1jag54 ně1jua'2 'a2 lia'2 chain2.

37 Bernabé ně3 jme1'nio3 jñiai3 Juan54, i2chen2 Marcos ján3. 38 La1 Pa4 guë'2 ně3 tsá3 ca2gue3 jiog3, ia1 ca2téi2 bá4 'éi2 lia'2 con'2 jme1i1noi12 'uë3 Panfilia,* tsá3 ma3ca2jme3quiong'54 jua'54 a2jme3'o54. 39 Jaun2 ca2tsiin2 'ñio5 lín3, ca2lia'2 ca2i3léin2 jma3quén5. Jaun2 Bernabé bá4 ca2jñia3 Marcos, ca2tón'2 ni1barco, ca2i3léin2 jui5 Chipre. 40 Pa4 guë'2 ca2quióin'2 Silas. Jme1ma2ně2jáng'2 riin'54 o4gú3 Te1gui'54 i2'nio3, jaun2 qui2ca2'ág'3 jág1 riin'54, ca2i3léin2. 41 Jaun2 ca2iñi12 le2tan54 'uë3 Siria quian'54 Cilicia, qui2i1cuë'2 bí2 riin'54 i2tián'5 ja1jaun2.

16

Ca2jme3quiong'54 Timoteo ca2jme3quiaín'54 Pa4 quian'54 Silas

1 Ca2dsióg3 Pa4 quian'54 Silas juig2 Derbe, juig2 Listra ně3. Ja1jaun2 ca2jein'2 jan2 dsa2 'én2 i2chen2 Timoteo. Chog54 Timoteo 'éi2 jme1lín4 'io54 judía i2ma2'én2 jág1 dse3. Jmei2 guë'2 jme1lín4 jan2 griego. 2 Jaun2 dsa2 i2'én2 i2jme1tián'4 Listra quian'54 Iconio, dse3 bá4 jme1'ag23. 3 Jaun2 'nio3 Pa4 jiog3 quiong'54, jaun2 ca2ti3 ni1lo1 'éi2,* ia1jaun2 tsá3 jén'4 'lig'54 dsa2 judíos i2tián'5 ja1jaun2. Ia1 ma2ñi5 bá4 ca2le3jín3 dsa2, a2lín5 griego jmei2 'éi2. 4 Ca2le3jě3 juig2 ja1ca2ñi3, qui2ca2jme3jein'2 riin'54 ca2cuë3 'éi'3 con'2 lě5 jág1 quió'5 dsa2 i2chen4 quián5 Jesús, jág1 quió'5 dsa2 can'54 i2tián'5 Jerusalén ně3. 5 Jaun2 ně3, ca2le3jín3 dsa2 i2lín5 guá'5, ca2jñi'3 tiá2 jág1 dse3 a2'éin2, jaun2 le2o3 jmi'4 bá4 ca2i3juin2.

Ca2qui3 Pablo a2ca2jín2 jan2 dsa2 chan2 Macedonia

6 Tsá3 ca2cuë3 Jme2dsí2 Jñiós jmi'4 a2'ě2 dsa2 jág1 dse3 'uë3 Asia. Jaun2 lě3 ca2i1lein54 ca2iñi12 le2tan54 'uë3 Frigia quian'54 'uë3 Galacia. 7 Jaun2 ca2dsi3léin2 ja1jén2 'uë3 Misia. Ja1jaun2 jme1'nio3 jme1dsi3léin2 'uë3 Bitinia. La1 tsá3 ca2cuë3 jmi'4 Jme2dsí2 quián5 Jesús dsi3léin2 ja1jaun2. 8 Jaun2 con'2 ca2ñi3 bá4 'uë3 Misia, ca2dsi3léin2 'o4 jmi1ñi'4 ja1chei2 Troas. 9 Ja1jaun2 ca2qui3 Pa4 a2'uë2 jaun2

§ 15:33 A2lín54 chog54 si2 chi1ton5 versículo 34: “La1 Silas ně3, ca2dsia3 dsí5 jñia3.” * 15:38 'Nio'2 ja1ton5 Hechos 13:15. * 16:3 o3, “ca2jmo3, a2ca2ti3, dsa2 ni1lo1 'éi2.”

a₂ca₂j_{ii}n₂ jan₂ dsa₂ chan₂ 'uë₃ Macedonia, a₂chéin'₅ m_i2₂₃, a₂juá'₂: “N_i5₄ jui₅ 'uë₃ Macedonia i₂jme₁'o₁ jnia'₅₄.” ¹⁰ Dsi₂jui₅ jme₁ca₂qui₃ Pa₄ le_në₅, jaun₂ ca₂jmo₁ jnia'₅₄ co₂jnia₅₄ a₂dsi₁náu₄ jui₅ Macedonia. Ia₁ dsón'₂ lág₂ jnia'₅₄ a₂të₂ Diú₄ ja₁jaun₂ a₂dsi₁'ë₄ jnia'₅₄ jág₁ dse₃.†

Pa₄ quian'₅₄ Silas tioen'₅₄ juig₂ Filipos

¹¹ Ca₂tió'₄ jnia'₅₄ 'ñi₁'₃ ni₁barco juig₂ Troas. Ca₂i₃náu₅ jnia'₅₄ co₂dsau₅ jui₅ 'uë₃ Samotracia a₂niog₅ jë₄ jmi₁ñi'₄. Jme₁jniá₃ jaun₂, ca₂dsi₃náu₅ jnia'₅₄ Neápolis. ¹² Tio'₅₄ jnia'₅₄ ja₁jaun₂, i₂náu₅ táng₃ ja₁chei₂ Filipos. Ja₁jaun₂ lé₅ caun₂ colonia romana ja₁lé₄ juig₂ dsen₅₄ guë₄ quió'₅ dsa₂ chan₂ 'uë₃ Macedonia. Ja₁jaun₂ ca₂tió'₄ jnia'₅₄ tin₃'ni₅ jmi₁g₄. ¹³ Caun₂ jmi₁g₄ sa₅₄ ca₂i₁náu₄ jui₅ 'ni'₂ juig₂, cau₅ chei'₅₄ cuá₃, caun₂ ja₁jme₁lé₄ ja₁dsi₂lén₂ dsa₂ a₂chi₂lén'₂ Diú₄. Ja₁jaun₂ ca₂'io₄ jnia'₅₄, ca₂jme₁tin₅ jnia'₅₄ 'io₅₄ i₂ca₂ñi'₂, jág₁ dse₃ quió'₅ Diú₄. ¹⁴ Jan₂ 'io₅₄ i₂jme₁'en₅₄ jë₄ jaun₂ i₂chen₂ Lidia i₂chan₂ juig₂ Tiatira, jme₁lín₄ dsa₂ i₂'nag₅ 'mi'₂ 'ui'₃ jlá'₁. 'Io₅₄ 'éi₂, jme₁jme₂juin'₂ Diú₄. Jaun₂ ca₂jmo₃ Te₁gui'₅₄ ca₂lë₃ dsí₅ 'io₅₄ 'éi₂ a₂nag₃ a₂tón'₂ jui₅ a₂juá'₂ Pa₄. ¹⁵ Jaun₂ ca₂jñói₂ jmi₁g₂ co₂dsia₅ quian'₅₄ ca₂le₃jín₃ dsa₂ dsi₂néi₂ quió'₅. Jme₁co₂lág₂ jaun₂, ca₂mi₃ tság₅ jnia'₅₄:

—Chi₂jua'₂ jmo'₂ 'nia'₂ 'au'₂ a₂lín₅ jniá₂ të₃dsón'₂ dsa₂ i₂'én₂ jág₁ quió'₅ Te₁gui'₅₄, i₂nó'₅ 'nia'₂ ja₁quió₃ i₁jñia'₄.

Jaun₂ ca₂juá'₂ tion₅₄ a₂ca₂jñia₄ jnia'₅₄.

¹⁶ Co₂ráun₂ ca₂lë₃, lia'₂ con'₂ jme₁i₃náu₅ jnia'₅₄ ja₁chi₂lén'₂ dsa₂ Diú₄, ca₂jen'₂ jnia'₅₄ jan₂ 'io₅₄ chi'₂ i₂jme₁'en₅₄ jme₂dsí₂ 'lín'₅₄ të₃dsí₅, i₂dsi₂ jág₁.† 'Io₅₄ 'éi₂ a₂lë₃jmo₂₃ bá₄ ta₁, ia₁ juig₅₄ bá₄ jme₁cán₂ cu₄ a₂jme₁lí'₂ a₂dsi₂ jág₁. ¹⁷ 'Io₅₄ chi'₂ 'éi₂ ca₂'ein₃ Pa₄, ca₂'ein₃ jnia'₅₄ në₃, ca₂quió'₃ ca₂tsí'₃ dsa₂ i₂jme₁tion'₅₄:

—Dsa₂ në₅ i₂jme₂ti₃ ta₁ ne₄ Diú₄ juin'₂ guë₄. Jaun₂ 'ë₂ jág₁ tsí'₅ 'nia'₂ 'a₂ lia'₂ lé₂ líón'₂ 'nia'₂.

¹⁸ 'Lióng₂ jmi₁g₄ ca₂jmo₃ le₂jaun₂. Ca₂lë₃ jme₁ca₂lë₃ ca₂i₃mé'₂ dsí₅ Pa₄. Jaun₂ ca₂jí₂, ca₂juá'₂ ca₂tsí'₃ jme₂dsí₂ 'lín'₅₄ i₂jme₁'en₅₄ quió'₅ 'io₅₄ 'éi₂:

—Quian'₅₄ bí₂ 'éi'₃ quió'₅ Jesucristo, jmo₅₄ jniá₂ 'éi'₃, jú₅ quió'₅ 'io₅₄ në₅.

Jaun₂ co₂tan₅₄ dsi₂jui₅ jaun₂, ca₂o₃'ín₃ jme₂dsí₂ 'lín'₅₄ ca₂téin₂ 'io₅₄.

¹⁹ Jme₁ca₂rë₃lí'₄ dsa₂ juig₅₄ 'io₅₄ 'éi₂, a₂tsá₃ ma₃cuin₅ jmi₁g₄ a₂lí'₂ guë₄ cu₄ quiaín'₅₄ 'éi₂, jaun₂ ca₂jñai'₃ Pa₄ quian'₅₄ Silas, ca₂tág₃ jui₅ 'ma'₅₄ ne₄ dsi₂tan₅₄.

²⁰ Jaun₂ ca₂i₁jo₅₄ ja₁tián'₄ juë₄, jaun₂ ca₂juá'₂:

—Dsa₂ la₂, i₂lín₅ judíos, i₂nioi₅₄ tsi₂jñin₂₃ dsa₂ juig₂ go₄ jniog₄. ²¹ Qui₂'ë'₅ jme₂tiin₂₃ dsa₂ tag₄ a₂tsá₃ dsi₂ten₅₄ guéi₁ jniog₄, on₃ guë'₂ dsi₂ten₅₄ jua'₅₄ a₂jmo₁, ia₁ dsa₂ romanos bá₄ lág₅.

²² Jaun₂ ca₂nau₂ dsa₂ juig₂ 'nei₂ ca₂jmaí'₂ Pa₄ quian'₅₄ Silas. Jaun₂ ca₂dsi₂tan₅₄ a₂dsi₂uig₅ ni₁tsin'₅₄, jaun₂ ca₂jmo₃ 'éi'₃ a₂bóg₂ në₃ quian'₅₄ ni₁'ma₂.

²³ Jme₁ma₂dsan₃ bóg₂ 'ñio₅ lín₃, jaun₂ guë₄ ca₂to'₂ né₃ 'má₃. Ca₂jmo₃ 'éi'₃ a₂jmo₃ dsa₂ i₂niog₅ gu₂ 'né₅ 'má₃ 'í₁ dse₃ lín₃. ²⁴ Dsa₂ 'éi₂ në₃, jme₁ca₂ñi₂ 'éi'₃ jaun₂, ca₂i₁tio'₂ ca₂të₂ quióng₄ tsi₁'né₅ 'má₃, le₁tia₃ mi₂tag₅₄ 'ñi₁'₃ tau₂ ni₁'ma₂.

²⁵ La₁ con'₂ dsi₃nei₅ jme₁ca₂'ë₃ Pa₄ alabanzas quiaín'₅₄ Silas qui₂ca₂tsí'₃ Diú₄, qui₂ca₂nág₂ bá₄ dsa₂ sián'₂ i₂tion'₅₄ 'né₅ 'má₃. ²⁶ Të₃jë₄ jaun₂, con'₂ tsá₃ ján₅ dsa₂, ca₂i₁bi₅₄ 'uë₃ tiá₂ lín₃, ca₂lia'₂ qui₂ca₂jë'₂ 'uig₅₄ ni₁'ia₂ tsi₁'né₅ 'má₃, qui₂ca₂niá₃ ca₂le₃jë₃ o₄'né₄, qui₂ca₂gag₂ ñi₁ cadenas a₂jme₁le₁'ñe'₅₄ ca₂le₃jín₃ dsa₂ i₂jme₁tion'₅₄ 'ñi₁'₃. ²⁷ Jme₁ca₂ñé₃ dsa₂ i₂jmo₅ 'í₁, ca₂jág₃ ma₂le₁na₁ jë₂ o₄'né₄

† **16:10** Ja₁lá₃ ca₂jme₃lióg₃ Lucas ca₂jme₃quiaín'₅₄ Pa₄ quian'₅₄ riin'₅₄ ja₁jme₁i₂nioi₅₄. Ja₁lá₃ ca₂jme₃lióg₃ juá'₂ “jniá'₅₄” lia'₂ con'₂ jme₁ca₂jmo₃, Si₂ Hechos la₂. † **16:16** lit. “jan₂ 'io₅₄ chi'₂ i₂jme₁jio₃, jme₂dsí₂ quió'₅ dsi₂mi'₂ cua₁ pithón.”

'né₅ 'má₃, jaun₂ ca₂dsi₂ ŋi₁tág₂ quió'₅ a₂jme₁ŋi₁'₃ 'ŋiog₅. Ia₁ líin₂ ma₂ca₂lón₂ jín₂ bá₄ i₂le₁jní₅ né'₃ 'má₃. ²⁸ La₁ dsi₂jui₅ ca₂guió'₃ Pa₄ ca₂juá'₂:

—Tsá₃ lē₁jmag'₅₄ uig₅ 'ŋiag'₂, ia₁ la₂ bá₄ tio'₅₄ jnia'₅₄ ca₂le₃jág₃.

²⁹ Jaun₂ ca₂mi₃ dsa₂ 'éi₂ si₂, jaun₂ ca₂'í₃ co₂chi'₅₄ dsi₂néi₂ tē₃ gó'₅ jlein₂₃ ŋó₃ ca₂chi₃jné₃ ne₄ Pa₄ quiain'₅₄ Silas. ³⁰ Jaun₂ ca₂'uág'₂ tē₂ca₁'né₄, jaun₂ ca₂ŋag₃:

—'Nia'₂ dsa₂, ħ'e₂ 'nió'₅ jmo₅₄ jniá₂ ia₁ jaun₂ lión₂ jniá₂?

³¹ Jaun₂ ca₂juá'₂ 'éi₂:

—'Én₃ tē₂le₃ quió'₅ Te₁gui'₅₄ Jesucristo, jaun₂ bá₄ tíng'₄, quiang'₅₄ ca₂le₃jín₃ dsa₂ dsi₂néi₂ quiáng'₂.

³² Jaun₂ ca₂cuē₃ Pa₄ quiain'₅₄ Silas jág₁ dse₃ quió'₅ Te₁gui'₅₄ ca₂cuē'₃ dsa₂ 'éi₂ quiain'₅₄ ca₂le₃jín₃ dsa₂ i₂tián'₅ dsi₂néi₂ quió'₅. ³³ Hora jaun₂ a₂'uē₂, dsa₂ i₂niog₅ gu₂ 'né₅ 'má₃ 'éi₂ qui₂ca₂rín'₃ ja₁qui₂le₁cuí'₃ quió'₅ Pa₄ quiain'₅₄ Silas. Jaun₂ 'éi₂ quiain'₅₄ ca₂le₃jín₃ dsa₂ dsi₂néi₂ quió'₅, ca₂ŋó₂ jmi₂g₂. ³⁴ Jme₁co₂lág₂ jaun₂, ca₂tág₃ ja₁quió'₄, ca₂i₁cuē₂ a₂guē'₃. Jaun₂ 'io'₂ jmo₂₃ ca₂le₃jín₃, ia₁ ca₂rē₃'éin₂ jág₁ quió'₅ Diú₄.

³⁵ Jme₁jnia₃ jaun₂, ca₂chen₃ juē₄ chi'₂ 'i'₅₄ a₂ca₂i₁chi'₄ dsa₂ i₂niog₅ gu₂ 'né₅ 'má₃, a₂lióin₂ dsa₂ 'éi₂. ³⁶ Jaun₂ ca₂juá'₂ dsa₂ i₂niog₅ gu₂ 'né₅ 'má₃ ca₂tsí'₃ Pa₄:

—Ma₂ŋi₂g₂ 'éi'₃ quió'₅ juē₄ a₂long₅₄ 'nia'₂. Jaun₂ ma₂lé₂ o₁no'₄ 'nia'₂ tei₄ quiáng'₂.

³⁷ Jaun₂ ca₂juá'₂ Pa₄ ca₂tsí'₃ chi'₂ 'i'₅₄:

—Ca₂chóng'₂ dsa₂ jnia'₅₄, qui₂ca₂bóg₂ tē₃jín₄ dsa₂ juin₅ tē₃ tsá₃ ca₂caún₃ de'₂ jág₁ dsau₅ quián₂ jnia'₅₄ i₂lág₅ dsa₂ tén₅ juig₂ Roma. Jaun₂ guē₄ ca₂to'₂ né'₃ 'má₃. ħNē₃ ně₃ 'nio₃ lió₂ jnia'₅₄ con'₂ tē₃co'₅₄? Tsá₃ le₂jaun₂. Jui₁ja₂léin₂ guioin₅₄ jui₁ja₂'uag'₅₄, jui₁lia'₂ ca₂to'₂.

³⁸ Jaun₂ guē₄ ca₂i₁con₂ chi'₂ 'i'₅₄ jág₁ jaun₂ ne₄ juē₄, jaun₂ ca₂rē₃gó'₅ jme₁ca₂rē₃ŋi₅ a₂lín₅ Pa₄ quiain'₅₄ Silas dsa₂ tén₅ Roma. ³⁹ Jaun₂ ca₂i₁len₅₄ dsi₂tan₅₄ ca₂i₁mi₂ o₂'én₂ dso₄ ne₄ Pa₄ quiain'₅₄ Silas. Ca₂'uág'₂ bá₄ jaun₂ ně₃, jaun₂ ca₂juá'₂ a₂'uín₃ 'éi₂ juig₂ jaun₂. ⁴⁰ Jme₁ma₂'uin₂ 'éi₂ 'né₅ 'má₃, ca₂i₁lein₃ ja₁quió'₄ 'io₅₄ Lidia. Jme₁ca₂ŋi₁'₂ quiain'₅₄ riin'₅₄, qui₂ca₂cuē₃ bí₂ ně₃, jaun₂ guē₄ ca₂'uin₂ ja₁jaun₂, ca₂i₁lein₅₄ guē₄ juig₂ siá'₂.

17

Ca₂lē₃ mi'₅₄ juig₂ Tesalónica

¹ Jui₅ ja₁ca₂ŋe₄ Pa₄ quiain'₅₄ Silas jaun₂, ca₂i₁ŋi₁₂ juig₂ Anfípolis quiain'₅₄ juig₂ Apolonia ně₃. Jaun₂ ca₂dsi₃léin₂ juig₂ chei₂ Tesalónica. Ja₁jaun₂ jme₁chi'₄ guá'₅ sinagoga quió'₅ dsa₂ judíos. ² Pa₄ ně₃, ia₁ le₂jaun₂ tñ₂ quió'₅, ca₂ŋei₅₄ guá'₅. Tē₁lia'₂ ca₂'í₃ tñ₃-ni₅ semana ja₁jaun₂, qui₂ca₂dsia₃ jág₁ quiain'₅₄ dsa₂ ca₂le₃jē₃ jmi₂g₄ sa₅₄, jui₁lia'₂ jág₁ a₂juá'₂ ne₄ Si₂. ³ Qui₂ca₂cuē₃ jág₁ dsau₅ 'a₂ lia'₂ dsón'₂ 'i₄ 'éi'₃ ne₄ Si₂ quió'₅ Diú₄ a₂juá'₂ a₂tion₅₄ ŋág₃ uig₅ I₂rē₂'ín₁ quián₅ Diú₄, jaun₂ cang₂ jē₁ma₂join₂₃, a₂tion₅₄ niog₅ jein'₅₄ táng₃. Jaun₂ caun₂ ca₂juá'₂ bá₄:

—Jesús i₂'ín₅ jniá₂, jág₁ a₂'ē₅ juig₂ 'nia'₂, I₂rē₂'ín₁ quián₅ Diú₄ bá₄ 'éi₂.

⁴ Jaun₂ ca₂rē₃'én₂ i₂lín₅₄ dsa₂ judíos, ca₂jme₃quiain'₅₄ Pa₄ quiain'₅₄ Silas. Ján₃ bá₄ ca₂rē₃'én₂ juin₅ dsa₂ griegos i₂jme₁jme₁juin'₂ Diú₄, ca₂rē₃'én₂ juin₅ 'io₅₄ dsen₅₄ ně₃. ⁵ La₁ dsa₂ judíos i₂tsá₃ 'én₂ ně₃, ca₂rē₃'néi₃ a₂dsí'₅. Jaun₂ ca₂jme₃quiain'₅₄ co₂nió'₃ dsa₂ juí'₅ i₂lē₁jme₁nio₄ tsi₁jñ₁ jē₄ calle. Ca₂quin'₃ jág₁ quió'₅, ca₂i₁nioi₁₂ ca₂tó'₂ mi'₅₄, tsi₂jñ₂₃ dsa₂ juig₂. Jaun₂ ca₂i₁toin'₁ tion₅₄-jan₃ ja₁quió'₄ Jasón, a₂jme₁'nio₃ dsein₂₃ Pa₄ quiain'₅₄ Silas, a₂jme₁tē₂ 'éi₂ jñ₄ dsa₂ juig₂. ⁶ Ia₁ tsá₃ ca₂dsáin'₂ 'éi₂ ja₁jaun₂, Jasón bá₄ qui₂ca₂tsi₃cuin'₂ quiain'₅₄ guē₄ riin'₅₄ i₂'én₂,

jaun₂ ca₂tág₃ jui₅ ne₄ta₁, ca₂i₁jang'₂ ne₄ dsi₂tan₅₄, jaun₂ ca₂juá'₂ ca₂lia'₂ guió'₅ tioen'₅₄:

—I₂la₂ bá₄ dsa₂ i₂ñí₄ lë₃ ma₂jmo₃ tsá₃ ma₃caun₂ 'ei₅ jág₁, qui₂ma₂jéin'₂ dsa₂ ta₁caun₂ mi₂güí₃. Le₂jaun₂ bá₄ 'nio₃ jmo₃ ja₁lá₃ ján₃, ta₁ jaun₂ bá₄ ja₂léin₂.
7 Jasón la₂ në₂cuë₃ jmig₄ në₂jñia₃ dsa₂ 'éi₂ ja₁quió'₄. Ca₂le₃jín₃ 'éi₂ jmo₂₃ a₂tsá₃ dsi₂ten₅₄ jmo₃ lia'₂ con'₂ lë₅ 'éi'₃ quió'₅ gui'₅₄ emperador. Ia₁ i₂nioi₅₄ tsí'₅ dsa₂ a₂chan₂ guë₄ jan₂ rag₅₄ sián'₂, jan₂ i₂chen₂ Jesús.

8 Jme₁ca₂nág₂ dsa₂ le₂në₅, ca₂tóin'₂ go₂'i₃ quian'₅₄ dsi₂tan₅₄. 9 La₁ Jasón quian'₅₄ riin'₅₄ ca₂quí₃ cu₄ ne₄ dsi₂tan₅₄, jaun₂ guë₄ ca₂lió₂ dsa₂.

Pablo quian'₅₄ Silas tioen'₅₄ juig₂ Berea

10 Dsi₂jui₅ le₂jaun₂ ca₂jmo₃ riin'₅₄ a₂ñó₃ Pa₄ quian'₅₄ Silas të₃ a₂'uë₂ jui₅ Berea. Jme₁ca₂dsi₃léin₂ ja₁jaun₂, i₁lein₅₄ dsi₂jui₅ dsi₂néi₂ guá'₅ sinagoga quió'₅ dsa₂ judíos. 11 Dsa₂ judíos i₂jme₁tián'₄ ja₁jaun₂ jme₁dsein₃ con'₂ guë₄ dsa₂ juig₂ Tesalónica. Lia'₂ 'i₄ rë₂ jág₁ bá₄ ca₂gue₃ jág₁ dse₃ quió'₅ Diú₄. Jaun₂ ca₂le₃jë₃ jmig₄ bá₄ jme₁'no'₂ ne₄ Si₂ quió'₅ Diú₄, ia₁ 'nio₃ le₃ñi₅ chi₂jua'₂ dsón'₂ bá₄ le₂jaun₂ lë₅ jág₁ a₂cuë₅ Pa₄ quian'₅₄ Silas. 12 Juin₅ bá₄ dsa₂ judíos 'éi₂ ca₂rë₃'én₂. Ján₃ bá₄ le₂jaun₂ juin₅ dsa₂ griegos, lia'₂ dsa₂ ñe'₂ lia'₂ 'io₅₄ dsen₅₄ në₃. 13 La₁ jme₁ca₂rë₃ñi₅ dsa₂ chan₂ Tesalónica a₂'en₅₄ Pa₄ 'ë'₅ dsa₂ jág₁ dse₃ quió'₅ Diú₄ juig₂ Berea ján₃, jaun₂ ca₂i₃léin₂ ja₁jaun₂, ca₂chi₂ca₂jain₃ dsa₂. 14 La₁ co₂tan₅₄ ca₂chei₃ riin'₅₄ ca₂chein₃ Pa₄ chei'₅₄ jmi₁ñí'₄. Ca₂jñia₃ bá₄ Silas quian'₅₄ Timoteo juig₂ Berea. 15 Ca₂i₁jio₃ dsa₂ i₂jme₁quian'₅₄ Pa₄ ca₂i₁jñiai₃ 'éi₂ ca₂të₂ juig₂ Atenas. Jaun₂ ca₂i₃lein₃ táng₃ le₁quion₂ jág₁ quió'₅ Pa₄ a₂jíá₃ Silas quian'₅₄ Timoteo a₂dsi₃jme₃quiong'₅₄ dsi₂jui₅.

En₅₄ Pablo juig₂ Atenas

16 Të₂lia'₂ 'en₅₄ Pa₄ chi₁jñiai₂₃ Silas quian'₅₄ Timoteo juig₂ Atenas, tsá₃ dse₃ 'ei₅ dsí₅, ia₁ ca₂jín₂ juin₅ lin₃ diú₄ lag₄ tión₂ le₂tan₅₄ jë₄ juig₂. 17 Jaun₂ ca₂i₁'ë₄ jág₁ dse₃ dsi₂néi₂ guá'₅ sinagoga, ca₂tsí'₃ dsa₂ judíos, dsa₂ sián'₂ në₃ i₂jme₂juin'₂ Diú₄ të₃dsón'₂. Ca₂le₃jë₃ jmig₄ në₃, qui₂ca₂'ë₂ Pa₄ jág₁ dse₃ jë₄ 'ma'₅₄ ca₂tsí'₃ ca₂le₃jín₃ dsa₂ i₂jme₁jein'₂ ja₁jaun₂. 18 I₂lin₅₄ dsa₂ i₂jme₁jme₂tag₅ si₂ quió'₅ dsa₂ i₂të'₂ dsa₂ epicúreos, i₂lin₅₄ guë'₂ i₂jme₁jme₂tag₅ si₂ quió'₅ i₂të'₂ dsa₂ estoicos, dsa₂ 'éi₂ ca₂jme₃lióg₃ ca₂dsia₃ jág₁ quian'₅₄ Pa₄. I₂lin₅₄ guë'₂ dsia₅ tsí'₅ riin'₅₄:

—Tsá₃ ne₄ 'e₂ bá₄ jág₁ quian'₅₄ i₁ten'₅₄ në₅ a₂juá'₂ tság₃ jnio₄.

I₂lin₅₄ guë'₂ juá'₂ táng₃:

—Mei'₂ tsá₃ i₂'ë₂ jág₁ quió'₅ diú₄ sián'₂ i₂quián₅ dsi₂nau₂ bá₄ në₅.

Jaun₂ bá₄ juá'₂ le₂jaun₂, ia₁ 'en₅₄ Pa₄ 'ë₂ jág₁ dse₃ quió'₅ Jesús, 'a₂ lia'₂ ca₂jein'₅₄ táng₃. 19 Jaun₂ ca₂jñiai₃ Pa₄ caun₂ ja₁chei₂ Areópago. Jme₁ca₂dsi₃léin₂ ja₁jaun₂, ca₂ñí'₃ Pa₄ ca₂juá'₂:

—¿Lé₂ le₃ne₄ jnia'₅₄ 'e₂ jág₁ 'mí₂ dsia'₂ a₂jme₂tág'₂? 20 'Niog₂ jnia'₅₄ le₃ne₄ 'e₂ jein₅ jág₁ a₁juá'₂ 'ne₂ në₅. Ja₂lin₃ guë₄ siá'₂ né'₂.

21 Ia₁ ca₂le₃jín₃ bá₄ dsa₂ chan₂ Atenas, quian'₅₄ dsi₂nau₂ i₂jme₁tián'₄ ja₁jaun₂, jmá'₃ a₂jaun₂ bá₄ jme₁tiin₂ qui₂jmo₂₃: qui₂nag₂₃, qui₂dsia₂₃ në₃, jmá'₃ ca₂ne₅₄ jág₁ 'mí₂ a₂cha₂.

22 Jaun₂ ca₂nau₂ Pa₄ dsi₂jo₂ ja₁le₁ñí'₂ dsa₂ jaun₂, jaun₂ ca₂juá'₂:

—'Nia'₂ dsa₂ chan₂ Atenas, jág₅ jniá'₂ 'ñio₅ 'én'₂ 'nia'₂ tē₂le₃ quió'₅ diú₄ lag₄ quián'₂ 'nia'₂. 23 Ia₁ lia'₂ con'₂ ca₂ñi₅ jniá'₂ ca₂jág₃ ja₁chi₁len'₄ 'nia'₂ diú₄ lag₄ quiáng'₂, ca₂jág₃ caun₂ ja₁lë₄ ne₄chei₂ le₁ton₅ letras la₂, a₂juá'₂: “QUIÓ'₅ DIÚ₄ I₂TSÁ₃ CUI₅ DSA₂.” Ia₁ dse₃ bá₄ guë'₂ jaun₂. Diú₄ 'éi₂ i₂chi₁len'₄ 'nia'₂, Diú₄ i₂tsá₃ cuin'₂ 'nia'₂, i₂'éi₂ bá₄ 'ín₄ jniá'₂, jág₁ quió'₅ 'éi₂ bá₄ 'ë₅ jniá'₂, juig₂ 'nia'₂.

24 'Diú₄ 'éi₂ i₂ca₂jmo₃ mi₂güig₃, ca₂jmo₃ ca₂le₃jě₃ 'e₂ a₂cha₂ ja₁jaun₂, 'éi₂ bá₄ quió₅ guei₅₄ mi₂güig₃ quian₅₄ gua₅₄ 'uë₃ ně₃. La₁ tsá₃ guá₅ dsi₂néi₂ guá₅ a₂jmo₅ dsa₂ mi₂güig₃, 25 on₃ guë₂ chi₁quian₁₂ jmig₄ jua₅₄ a₂'nió₅ jmo₃ dsa₂ 'e₂ jmo₃ quió₅. Ia₁ 'njog₅ bá₄ Diú₄ jmo₂₃ cuë₂₃ jme₂dsi₂ quián₂ jniog₄, jmo₂₃ dsi₂ a₂quian₂ jniog₄, ca₂jmo₃ ca₂le₃jě₃ guë₄ 'e₂ a₂cha₂.

26 'Quian₅₄ ca₂cho₅₄ dsa₂ bá₄ ca₂jmo₃ ca₂le₃jě₃ juig₂, ia₁jaun₂ tian₃ ta₁caun₂ mi₂güig₃. Jaun₂ ca₂jmo₃ Diú₄ 'éi₃ ca₂'ě₃ ja₁tian₃ dsa₂ ně₃, 'a₂ con₂ uë₂ 'io₃ bí₂ le₂caun₂ le₂caun₂ juig₂, 27 ia₁jaun₂ 'nai₂ Diú₄, a₂jñia₅₄ chi₂lá₂ quian₅₄ gu₂, con₂ tsá₃ njó₅ ně₁ca₂dsáú₂, o₁jñia₅₄ la₂ tsá₃ uíng₂ guá₅ Diú₄ ja₁con₂ jniog₄ le₂jau₂ le₂jau₂. 28 Ia₁ a₂chan₂ Diú₄ bá₄ a₂chong₂ jniog₄ a₂i₂nio₄ jniog₄ ně₃.* Ju₁lia₂ ma₂ca₂juá₂ i₂lín₅₄ dsa₂ poetas quián₂ 'nia₂ ján₃, jme₁ca₂juá₂: “Chi₂-guein₂ quián₅ Diú₄ bá₄ lág₅ jniog₄.” 29 Chi₂jua₂ lág₅ jniog₄ chi₂-guein₂ quián₅ Diú₄, jaun₂ tsá₃ dse₃ jua₅₄ a₂jmo₁ jniog₄ dsi₅ a₂lín₅ Diú₄ ju₁lia₂ lě₅ caun₂ nió₄ dsa₂ lag₄ cu₄nió₄, on₃ guë₂ cu₄tiog₂, on₃ guë₂ ni₁cang₁ a₂tin₂ dsa₂ jmo₂₃ con₂ lě₅ dsi₂jniog₅ dsi₅ guioin₅₄. 30 Tsá₃ lín₄ ca₂tón₃ Diú₄ ju₁ 'a₂ lia₂ ca₂jmo₃ dsa₂ ma₂líg₂, ia₁ tsá₃ 'e₂ njí₅ dsa₂. La₁ rě₂ně₃ ně₃, jmo₅ Diú₄ 'éi₃ quió₅ dsa₂ chan₂ ta₁caun₂ mi₂güig₃ a₂'nió₅ dsi₃quén₅ dsi₅. 31 Ia₁ ma₂lě₅ 'éi₃ quió₅ Diú₄ a₂já₅ caun₂ jmig₄ jě₁qui₃ dsi₂₃ 'éi₃ rě₂ con₂ dsi₂ten₅₄ quió₅ dsa₂ mi₂güig₃, tě₂le₃ quian₅₄ jan₂ dsa₂ i₂ca₂quióin₂ quián₅. Jaun₂ ma₂ca₂jmo₃ léi₄ lia₂ con₂ jme₁ca₂jme₃jein₅₄ 'éi₂ jin₄ 'lag₄.

32 Jme₁ca₂nág₂ dsa₂ ca₂juá₂ Pa₄ a₂jen₅₄ 'lag₄, i₂lín₅₄ dsa₂ jñia₅₄ ca₂nág₂ bá₄. I₂lín₅₄ guë₂ ca₂juá₂:

—Ně₅ néi₁ táng₃ jnia₅₄ caun₂ jmig₄ siá₂ quiáng₂.

33 Jaun₂ ca₂o₂ 'ín₃ bá₄ Pa₄ jě₄ jaun₂.

34 La₁ i₂lín₅₄ dsa₂ ca₂rě₃ 'éin₂ bá₄, jaun₂ ca₂'ein₃ 'éi₂. Jě₄ jaun₂ jme₁'en₅₄ i₂chen₂ Dionisio i₂lín₅ rin₅₄ dsi₂tan₅₄ quián₅ Areópago; jan₂ guë₂ 'io₅₄ ně₃ i₂chen₂ Dámaris; lě₂ bá₄ guë₄ dsa₂ i₂quiong₅₄.

18

'En₅₄ Pablo juig₂ Corinto

1 Cang₂ jaun₂ ca₂o₃ 'ín₃ Pa₄ juig₂ Atenas, ca₂njó₃ ju₁ Corinto. 2 Ja₁jaun₂ ca₂jein₂ jan₂ dsa₂ judío i₂chen₂ Aquila i₂chan₂ 'uë₃ Ponto. Jme₁guá₄ 'uë₃ Italia le₃jñiá₅, la₁ ca₂jmo₃ 'éi₃ gui₅₄ emperador Claudio a₂ca₂'u₁in₂ ca₂le₃jín₃ dsa₂ judíos i₂jme₁tián₄ juig₂ Roma. 'Uig₅₄ jaun₂ ca₂o₃ 'ín₃ quian₅₄ Priscila 'io₅₄ quián₅, a₂ma₂tián₅ juig₂ Corinto. Jme₁ca₂dsióg₃ Pa₄ ca₂i₁jñin₁₂ dsa₂ 'éi₂, 3 jaun₂ ca₂'í₃ ja₁quió₄, ca₂jmo₃ ta₁ co₂lě₅ quiong₅₄, ia₁ ján₃ bá₄ tiin₂ 'me₃ tsi₁'mi₂ a₂jmo₅ dsa₂ tsi₁'né₅. 4 Jaun₂ ca₂le₃jě₃ jmig₄ sa₅₄, jme₁dsó₅ Pa₄ guá₅ sinagoga a₂jme₂tiin₂₃ dsa₂ jág₁ dse₃, a₂jme₁jme₂'uáin₂ dsi₅ dsa₂, lia₂ dsa₂ judíos lia₂ dsi₂nau₂ ně₃. 5 Jme₁dsióg₃ Timoteo quian₅₄ Silas a₂ca₂'u₁in₂ Macedonia, a₂dsi₃lén₂ tě₂ ja₁'en₅₄ Pa₄, jaun₂ guë₄ ca₂'ě₂ Pa₄ dsen₅₄ dsi₅ jág₁ quió₅ Diú₄. Jaun₂ guë₄ ca₂tsí₃ dsa₂ judíos a₂lín₅ Jesús dsa₂ I₂rě₂ 'ín₁ quián₅ Diú₄. 6 La₁ dsa₂ ně₃, 'io₅₄ ca₂tiin₂ jág₁ jaun₂, jaun₂ ca₂jme₃lióg₃ qui₂ca₂jñái₂ jág₁ uig₅ Pa₄. 'Éi₂ ně₃ qui₂ca₂séi₂ 'liog₂ ni₁tsin₅₄, jaun₂ ca₂tsí₃ dsa₂:

—Guion₅₄ bá₄ 'nia₂ le₁cáng₄ a₂dsián₃ 'nia₂ lia₂ jma₃quian₅₄ dsáú₂. Tsá₃ ma₃'e₂ le₁cán₄ jniá₂. Le₃ne₄ ju₁ ně₃ nei₅₄ ja₁con₂ dsi₂nau₂.

7 Ca₂o₃ 'ín₃ bá₄ Pa₄ dsi₂néi₂ guá₅ sinagoga jaun₂ ně₃. Ca₂njó₃ ja₁quió₄ jan₂ dsa₂ i₂chen₂ Justo i₂jme₁jme₂juin₂ Diú₄. Justo 'éi₂ ně₃, jme₁guá₄ cau₅ guá₅.

* 17:28 lit. “a₂chong₂, a₂i₂nio₄ jniog₄, a₂'l₄ jme₂dsi₂ jniog₄.”

⁸ Dsa₂ i₂jme₁lín₄ dsa₂ dsen₅₄ quián₅ guá'₅, dsa₂ i₂chen₂ Crispo, ca₂rē₃'éin₂ tē₂le₃ quió'₅ Te₁gui'₅₄, co₂dsia₅ quián'₅₄ dsa₂ dsi₂néi₂ quió'₅. Juin₅ bá₄ dsa₂ chan₂ Corinto ca₂rē₃'én₂ jág₁ dse₃ jme₁ca₂nág₂, jaun₂ qui₂ca₂choin₃ jmig₂. ⁹ Caun₂ a₂'uē₂, a₂lē₁ca₂jén'₃ Pa₄ ca₂jín₂ Te₁gui'₅₄, a₂juá'₂:

—Tsá₃ lē₁jmo₂ gang'₃ a₂'ě'₄ jág₁. Caun₂ dsia₄ bá₄, tsá₃ lē₁jmo₂ tei₄. ¹⁰ Ia₁ quián'₅₄ bá₄ jniá₂'ne₂; 'i₁jan₂ tsá₃ téi₂ gu₂jua'₅₄ a₂jmóg'₂ uig₅. Ia₁ juin₅ dsa₂ chan₂ juig₂ la₂ i₂le₃'én₂ quiáng₃.

¹¹ Caun₂ ŋi₂ tē₂ ca₂'nau₅₄ ca₂'í₃ Pa₄ juig₂ Corinto, qui₂ca₂jme₃tin₂₃ dsa₂ jág₁ quió'₅ Diú₄.

¹² La₁ jmig₄ jaun₂ ca₂lin₃ dsi₄má'₂ 'uē₃ Acaya jan₂ dsa₂ i₂chen₂ Galión. Jaun₂ ca₂ŋi'₂ dsa₂ judíos i₂'ŋia₅₄ Pa₄, ca₂tág₃ jui₅ ne₄ta₁. ¹³ Jaun₂ ca₂juá'₂ ca₂tsí'₃ dsi₄má'₂ 'éi₂:

—Le₂siá'₂ bá₄ jme₂tag₅ i₂nē₅, toin'₂ jág₁ dsa₂, a₂jme₃juin'₂ Diú₄ on₃jua'₅₄ lia'₂ con'₂ lē₅ 'Éi'₃.

¹⁴ Jē₁jme₁ma₂ŋag₃ Pa₄, jme₁ca₂juá'₂ Dsi₄má'₂ Galión ca₂tsí'₃ dsa₂ judíos:

—Jua'₅₄ mei'₂ guē₃ dso₄juē'₂ ca₂rē₃cán'₂ dsa₂ nē₅, jme₁jmo₅₄ bá₄ jniá₂juin'₂ dsi₃a₂jme₁nag₅₄ jág₁ quián'₂ 'nia'₂. ¹⁵ La₁ tsá₃ le₂jaun₂. Chi₂jua'₂ 'uig₅₄ jág₁ 'éi'₃ juá'₅ siá'₂ quián'₂ 'nia'₂ guiong'₅₄, tsá₃ 'éi'₃ qui₁dsi₅ jniá₂. Jme₁rē₂ bá₄ 'nia'₂ guiong'₅₄ quiáng'₂.

¹⁶ Jaun₂ ca₂'uág'₂ ca₂'uíin'₂ 'éi₂ ne₄ta₁ jaun₂. ¹⁷ Jaun₂ ca₂ŋau'₃ ca₂le₃jín₃ dsa₂ griegos ca₂ŋai'₃ Sóstenes i₂lín₅ juig₅₄ quián₅ guá'₅ sinagoga, qui₂ca₂bóg₂ tē₃ jág₅ dsi₄má'₂. La₁ tsá₃ ma₃a₂jaun₂ dsan₂ dsi₅ gui'₅₄ Galión, 'i₁caun₂.

Ca₂jón'₃ táng₃ Pablo juig₂ Antioquía, jaun₂ ca₂ŋó₃ táng₃ ca₂i'₂ 'ě₄ jág₁ dse₃ jē₁ca₂tē₂ 'nag'₂ ráun₂

¹⁸ Uē₂ bá₄ guē₄ ca₂ŋia₃ Pa₄ jē₄ juig₂ Corinto. Cang₂ guē₄ jaun₂ ca₂'ág'₃ jág₁ riin'₅₄. Jme₁ma₂tioin'₅₄ juig₂ Cencrea nē₃, ca₂chéi₃ Pa₄ dsi₅₄ ca₂jmo₃ léi₄ a₂ca₂jme₃ti₃ jág₁ a₂ma₂cuē'₃ Diú₄ le₂jniá₅. Jaun₂ ca₂'í₃ ni₁barco ca₂ŋó₃ jui₅ ja₁tén₄ Siria quiain'₅₄ Priscila, Aquila nē₃. ¹⁹ Jme₁ca₂dsi₃lén₂ juig₂ Efeso, ca₂tén₂ Pa₄ Priscila quián'₅₄ Aquila, ca₂ŋó₃ jui₅ guá'₅ sinagoga ca₂i₁dsia₂ jág₁ quián'₅₄ dsa₂ judíos i₂jme₁tion'₅₄ le₁ŋi'₂. ²⁰ Jme₁ca₂juá'₂ guē₄ dsa₂ ja₁jaun₂ a₂jme₁ŋia₃ guē₄ uē₂ Pa₄, la₁ tsá₃ ma₃ca₂gue₃ 'éi₂. ²¹ Jaun₂ ca₂'ág'₃ jág₁ jin₄ riin'₅₄, ca₂juá'₂:

—Tion₅₄ niog₅ nēg'₄ Jerusalén i₁jmo₃ jmig₄ a₂já₅. La₁ guáng₂ bá₄ táng₃ i₁jing₁₂ 'nia'₂ nē₁jua'₂ 'nio₃ Diú₄.

Jaun₂ ca₂'í₃ ni₁barco ca₂o₃'iin₃ juig₂ Efeso. ²² Jme₁ca₂dsióg₃ Cesarea, ca₂ŋe₄ Pa₄ i₁cuin₃ Diú₄ riin'₅₄ i₂tián'₅ Jerusalén. Jaun₂ ca₂ŋái'₃ táng₃ jui₅ Antioquía. ²³ Jme₁ma₂ne₁ŋó₄ jmig₄ 'ein₅₄ ja₁jaun₂, ca₂ŋei₅₄ táng₃ ca₂i₁ŋi₂ le₂caun₂ le₂caun₂ juig₂ ja₁tén₄ 'uē₃ Galacia quián'₅₄ Frigia, qui₂ca₂cuē'₃ bí₂ ca₂le₃jín₃ dsa₂ i₂'én₂ riin'₅₄.

Ca₂'ě₂ Apolos jág₁ dse₃ juig₂ Efeso

²⁴ Jmig₄ jaun₂ ca₂dsióg₃ Efeso jan₂ dsa₂ judío i₂chen₂ Apolos, dsa₂ chan₂ juig₂ Alejandría. 'Nio₅ lin₃ jme₁tin₂ dsa₂ 'éi₂ 'ě₂ jág₁ quió'₅ Diú₄, dse₃ jme₁cuí'₅ Si₂ quió'₅ Diú₄. ²⁵ Jme₁ma₂ŋi₅ Apolos 'éi₂ 'a₂ lia'₂ lē₅ jui₅ quió'₅ Te₁gui'₅₄. Jaun₂ 'ŋio₂ dsi₅ qui₂ca₂dsia₃ jág₁ qui₂ca₂jme₂tin₂₃ dsa₂ co₂rē₂ jág₁ quió'₅ Jesús, ton'₂ jmá'₃ jŋia'₅₄ a₂jaun₂ bá₄ jme₁ŋi₅ Apolos 'a₂ lia'₂ jme₁jme₂tag₅ Juan₅₄ jui₁lia'₂ a₂choin₂₃ dsa₂ jmig₂. ²⁶ Ca₂jme₃lióg₃ Apolos ca₂juá'₂ dsi₂néi₂ guá'₅ sinagoga ca₂tsí'₃ dsa₂, ca₂dsia₃ tiá₂ dsi₅; la₁ jme₁ca₂nág₂ Priscila quián'₅₄ Aquila, ca₂tē'₃ Apolos cau₅, ca₂jme₃tag₂₃ guē₄ rē₂ 'a₂ lia'₂ lē₅ jui₅ quió'₅ Diú₄. ²⁷ Jaun₂ nē₃, lia'₂ con'₂ jme₁'nio₃ Apolos jme₁ŋi₃ jui₅ Acaya, ca₂cuē₃ riin'₅₄ bí₂, ca₂chein₃ si₂ carta ne₄ dsa₂ 'én₂ i₂tián'₅ ja₁jaun₂, a₂guein₃ 'éi₂. Jme₁ca₂dsióg₃ Apolos 'uē₃ Acaya, ca₂jme₃'oin₅₄

'ŋio₅ dsa₂ 'én₂ i₂tián'₅ ja₁jaun₂. Ia₁ a₂dse₃ dsí₅ Diú₄ ca₂jmo₃ a₂ca₂rë₃'én₂ dsa₂ 'éi₂.
²⁸ Jaun₂ qui₂ca₂tsín₂ quian'₅₄ dsa₂ judíos, jaun₂ ca₂lí'₃ bá₄ Apolos ne₄ ja₁tsin₂₃
 jaun₂, tē₃ jág₅ ca₂le₃jín₃ dsa₂. Ia₁ lia'₂ con'₂ lē₅ Si₂ quió'₅ Diú₄ bá₄ ca₂'ē'₃ dsa₂ 'éi₂,
 a₂dsón'₂ bá₄ lín₅ Jesús I₂rē₂'ín₁ quián₅ Diú₄.

19

'En₅₄ Pablo juig₂ Efeso

¹ Tē₁lia'₂ 'en₅₄ Apolos juig₂ Corinto, Pa₄ guē'₂ ca₂ŋí₃ le₂tan₅₄ juí₅ má'₂
 a₂ca₂dsióg₃ Efeso. Ja₁jaun₂ ca₂jein'₂ i₂lín₅₄ dsa₂ 'én₂. ² Jaun₂ ca₂ŋag₃ 'éi₂ ca₂ŋí'₃
 dsa₂ ca₂juá'₂:

—¿Ca₂guen'₅₄ 'nia'₂ Jme₂dsí₂ Jŋiós lia'₂ con'₂ jme₁ca₂rë₃'én'₂ 'nia'₂ jág₁ dse₃?
 Jaun₂ ca₂ŋag₃ dsa₂:

—Ca₂lia'₂ jŋia'₅₄ tsá₃ ma₂ne₄ jnia'₅₄ jua'₅₄ chan₂ jan₂ Jme₂dsí₂ Jŋiós.

³ Jaun₂ ca₂ŋag₃ táng₃ Pa₄:

—¿'A₂ guē'₂ lia'₂ ca₂jŋó'₂ 'nia'₂ jmig₂?

Ca₂ŋag₃ táng₃ dsa₂:

—Juí₁lia'₂ ca₂jme₃tag₅ Juan₅₄ bá₄.

⁴ Ca₂juá'₂ Pa₄:

—Jme₁chon₅ Juan₅₄ jmig₂ dsa₂ co₂'nió'₄ léi₄ a₂jme₃tsín₃ dsa₂ dsí₅. La₁ jme₁juá'₂
 ján₃, a₂'nió'₅ le₃'én₂ dsa₂ le₃quió'₅ i₂jíá₃ chi₁quín₃, a₂'iin₂₃ Jesucristo.

⁵ Jme₁ma₂nē₂néi₂ dsa₂ le₂nē₅, qui₂ca₂choin₃ jmig₂ lia'₂ con'₂ lē₅ 'éi'₃ quió'₅
 Te₁gui'₅₄ Jesús. ⁶ Jaun₂ jme₁ca₂quiog₂ Pa₄ gu₂ ne₄ quió'₅ dsa₂ 'éi₂, dsí₂juí₅ le₂jaun₂
 ca₂guan₃ Jme₂dsí₂ Jŋiós ca₂'í₃ tē₂dsí₅ dsa₂. Jaun₂ qui₂ca₂dsia₃ dsa₂ jág₁ jmei₅ siá'₂,
 qui₂ca₂juá'₂ jág₁ a₂ca₂cuē₃ Diú₄ nē₃. ⁷ Con'₂ guia₃-tín₂ dsa₂ jme₁lē₂ le₃jín₃.

⁸ Con'₂ 'ni₅ tsí'₂ ca₂dsin₃ a₂jme₁dsó₅ Pa₄ guá'₅ sinagoga ca₂dsia₃ tiá₂ dsí₅
 ca₂jme₃tín₂₃ dsa₂ qui₂co₂jéin'₂ dsa₂ tē₂le₃ ja₁gon₂ Diú₄. ⁹ La₁ i₂lín₅₄ dsa₂ ca₂jmo₃
 'ua'₂ dsí₅, tsá₃ ca₂rë₃'éin₂. Jŋia'₅₄ qui₂ca₂ton₃ 'lig'₅₄ bá₄ Juí₅ quió'₅ Te₁gui'₅₄ jín₄
 dsa₂. Jaun₂ ca₂té'₃ Pa₄ co₂nió'₃ jmá'₃ dsa₂ i₂'én₂ ca₂'u₁in₂ ja₁jaun₂ ca₂i₃léin₂ caun₂
 escuela ja₁tē'₂ quió'₅ Tirano ja₁táun₂ dsa₂ jág₁. Ja₁jaun₂ ca₂i₁jme₃tín₂₃ dsa₂
 ca₂le₃o₃ jmig₄. ¹⁰ Ca₂dsin₃ tin₃ ŋi₂ ca₂'í₃ ja₁jaun₂, jaun₂ le₃jín₃ dsa₂ i₂jme₁tián'₄
 'lióng₂ juig₂ ja₁tén₄ Asia ca₂nág₂ jág₁ quió'₅ Te₁gui'₅₄ Jesús lia'₂ dsa₂ judíos lia'₂
 dsa₂ griegos nē₃. ¹¹ Jaun₂ 'lióng₂ léi₄ juē'₂ ca₂jmo₃ Diú₄ tē₂le₃ quian'₅₄ Pa₄,
¹² le₂jio₅ ni₁tsin'₅₄ dsa₂, o₃ pe₁guí₄ 'e₂ a₂qui₂ca₂ní'₃ quió'₅, jme₁qui₂dsi₂con₃
 dsa₂ ja₁con₂ dsa₂ dso'₅₄, qui₂ca₂'lón₂ dsa₂ 'e₂ caun₂ dso₄ niog₅ lín₅, qui₂ca₂'u₁in₂
 jme₂dsí₂ 'lín'₅₄ quió'₅ dsa₂ nē₃.

¹³ La₁ i₂lín₅₄ dsa₂ judíos i₂jme₁i₂nio₄ jmo₂₃ 'u₁in'₂ jme₂dsí₂ 'lín'₅₄ quió'₅ dsa₂,*
 dsa₂ 'éi₂ jme₁'nio₃ jme₁'in₃ Te₁gui'₅₄ Jesús juí₁lia'₂ jē₁'u₁in'₂ jme₂dsí₂ 'lín'₅₄,
 ca₂juá'₂ tsí'₅ jme₂dsí₂ 'lín'₅₄:

—'Éi'₃ jmo₅ jniá₂ quian'₅₄ bí₂ 'éi'₃ quió'₅ Jesús i₂'in₅ Pa₄ nē₅, 'u₁in'₂ 'nia'₂.

¹⁴ Le₂jaun₂ jme₁jmo₅ ta₁guion₃ chi'₂ ja₁ŋi'₅₄ jan₂ dsa₂ judío i₂chen₂ Esceva,
 i₂jme₁lín₄ jan₂ juig₅₄ jme₂dsa₂. ¹⁵ La₁ jme₁ca₂jmo₃ le₂jaun₂, jaun₂ ca₂ŋag₃
 jme₂dsí₂ 'lín'₅₄:

—Cuín₅ bá₄ jniá₂ Jesús, ján₃ bá₄ guion₄ bá₄ jniá₂ 'ein₂ 'éi₂ Pa₄. La₁ 'nia'₂ nē₃,
 ¿'ein₂ bá₄ 'nia'₂ jmo₂ 'éi'₃ a₂jú₄ jniá₂?

¹⁶ Jaun₂ dsa₂ i₂jme₁'en₅₄ jme₂dsí₂ 'lín'₅₄ quió'₅, ca₂cuē₃ 'ŋio₅ lín₃ ca₂cuē'₃
 ca₂le₃jín₃ dsa₂ 'éi₂, ca₂lia'₂ ca₂i₃lein₃ cuing₂₃ le₁cuáin'₃ qui₂le₁cuáin'₂ nē₃. ¹⁷ Jaun₂

* **19:13** griego: exorkiston (exorcistas).

ca₂le₃jín₃ dsa₂ judíos, quian'₅₄ dsa₂ griegos ně₃, i₂jme₁tián'₄ juig₂ Efeso, ca₂rě₃gó'₅ 'ñio₅ lín₃ jme₁ca₂rě₃ñi₅. Jaun₂ ca₂rě₃juin'₂ Te₁gui'₅₄ Jesús 'ñio₅ lín₃.

¹⁸ Jaun₂ juin₅ dsa₂ i₂ca₂rě₃'én₂, ca₂dsi₃lén₂ ca₂jmo₃ qui₂ñi₃ quió'₅ ca₂le₃jě₃ a₂lig'₅₄ a₂qui₂ma₂jmo₃. ¹⁹ Jaun₂ juin₅ dsa₂ i₂jme₁jmo₅ ta₁ a₂chan₂ dsí₅ ně₃, ca₂i₁quian'₅₄ si₂lia'₂ quió'₅, jaun₂ ca₂dsí'₂ tē₃jág₅ dsa₂. Jme₁ca₂chen'₃ dsa₂ cuenta je₂liá'₂ dsin₅ 'i₄ 'ma'₅₄ le₃jě₃ si₂ jaun₂, ca₂dsióg₃ con'₂ tē₂láu₃-guiá'₂ mei₅ 'éi'₃ cu₄ tiog₂. ²⁰ Jaun₂ ně₃, quian'₅₄ bí₂ quió'₅ Te₁gui'₅₄ caun₂ ca₂i₃'ág₃ jág₁ quió'₅, caun₂ ca₂lí'₃ bá₄.

²¹ Cang₂ jaun₂ ca₂'ág₂ Pa₄ caun₂ dsí₅ a₂dsi₃jág₂ le₂tan₅₄ juig₂ ja₁tén₄ 'uē₃ Macedonia quian'₅₄ Acaya, lia'₂ ma₂ñó₅ jaun₂ tē₂ Jerusalén. Ján₃ bá₄ ca₂juá'₂ táng₃, jē₁ma₂ca₂dsióg₃ Jerusalén, a₂tion₅₄ dsó₃ ca₂tē₂ Roma ján₃. ²² Jaun₂ ca₂chein₃ on₃ dsa₂ i₂jme₂'o₅₄† quiáin₅: Timoteo, quian'₅₄ Erasto, a₂dsi₃lén₂ jui₅ Macedonia. Ca₂rě₃'iin₅₄ bá₄ guē₄ 'ñiog₅, 'uē₃ Asia.

Ca₂nio₃ mi'₅₄ juig₂ Efeso

²³ Jmig₄ jaun₂, 'ñio₅ lín₃ ca₂nio₃ mi'₅₄ o₄quió'₄ Jui₅ quió'₅ Te₁gui'₅₄. ²⁴ Ia₁ jan₂ dsa₂ i₂chen₂ Demetrio i₂jme₁lín₄ tē₅ñi₁ cu₄tiog₂, jme₁jmo₂₃ chéi₂ a₂rě₂lag₄ lia'₂ lē₅ guá'₅ ja₁chén'₄ 'io₅₄ diú₄ Diana.‡ 'Ñio₅ jme₁tin₂₃ cu₄ quian'₅₄ ta₁ jaun₂ quió'₅, quian'₅₄ tē₅ñi₁ riin'₅₄ i₂jmo₅ ta₁ le₂jaun₂. ²⁵ Jaun₂ Demetrio ně₃, ca₂ñi'₂ 'éi₂ quian'₅₄ guē₄ dsa₂ sián'₂ i₂jmo₅ ta₁ le₂jaun₂ ján₃. Jaun₂ ca₂juá'₂:

—'Nia'₂ dsa₂ riin'₅₄ jniog₄, ñi'₅₄ bá₄ 'nia'₂ rē₂, a₂chong₂ jniog₄ dse₃ quian'₅₄ ta₁ quián₂. ²⁶ Jaun₂ jág'₂ bá₄ 'nia'₂ a₂jmo₅ Pa₄ ñi₂₃ juá'₂ tsí'₅ dsa₂, a₂tsá₃ 'e₂ quen₅ diú₄ i₂jmó'₂ dsa₂ mi₂güig₃, ia₁ tsá₃ lín₅ diú₄, juá'₂. Jaun₂ juin₅ dsa₂ i₂ma₂ca₂rě₃'én₂ ně₃, on₃juá'₅₄ jmá'₃ juig₂ Efeso la₂, mei'₂ tsá₃ le₂tan₅₄ 'uē₃ Asia bá₄. ²⁷ Jaun₂ go'₂ tē₂le₃ quián₂ jniog₄, ia₁ dsi₃'én₂ ta₁ quián₂ lé₂. Ján₃ guē'₂ le₂jaun₂, tē₂le₃ quió'₅ guá'₅ quió'₅ diú₄ Diana juin'₂, go'₂ a₂dsi₃'én₂ ján₃. Ia₁ nē₁juá'₂ tsá₃ ma₂'nio₃ dsa₂, jaun₂ dsi₃'én₂ bá₄ bí₂ quió'₅ a₂lín₅ dsa₂ juin'₂. Ia₁ rē₂ně₃ ta₁caun₂ 'uē₃ Asia, ta₁caun₂ mi₂güig₃ ně₃ jme₂go₃ dsa₂ a₂jme₂juag'₂.

²⁸ Jme₁ca₂dsan₃ nag₅ dsa₂ le₂ně₅, ca₂rě₃'néi₃ 'ñio₅ lín₃, ca₂tóin'₂ ca₂guió'₃ ca₂juá'₂:

—i'Ñio₅ juin'₂ diú₄ Diana quián₅ dsa₂ juig₂ Efeso!

²⁹ Jaun₂ ca₂lě₃ mi'₅₄ quió'₅ ca₂le₃jín₃ dsa₂ juig₂ jaun₂. Jaun₂ le₃on₃ dsa₂ chan₂ Macedonia i₂chen₂ Gayo quian'₅₄ Aristarco i₂jme₁quian'₅₄ Pa₄, ca₂ñau'₃ ca₂i₃toin'₅₄ co₂dsia₅ ca₂tē₂ ja₁ñi'₂ § dsa₂ juig₂. ³⁰ Jaun₂ jme₁'nio₃ Pa₄ jme₁dsó₃ jin₄ dsa₂ juig₂ a₂jme₁dsi₃chi'₅₄ dsa₂. La₁ tsá₃ ca₂cuē₃ jmig₄ riin'₅₄ i₂'én₂. ³¹ I₂lín₅₄ dsa₂ dsen₅₄ quián₅ 'uē₃ Asia, i₂lín₅ dsa₂ a₂mei₅₄ quián₅ Pa₄, ján₃ bá₄ ca₂chein₃ jág₁ a₂tsá₃ dsi₂ten₅₄ jua'₅₄ a₂dsi₃'í₂ Pa₄ ja₁jaun₂. ³² Tē₁lia'₂ jaun₂ ně₃ ja₁tion'₅₄ dsa₂ juig₂ le₁ñi'₂ tíoin'₅₄ co₂mi'₅₄, lē₅ bá₄ qui₂juá'₂ jan₂-jan₂, tsá₃ caun₂ jág₁ 'ei₅, lē₅ guē₄ ca₂dsion₄ dsa₂ ñia'₅₄ tsá₃ ñi₅ 'e₂ lē₃ le₁ñi'₂. ³³ La₁ jē₄ jaun₂ jme₁tion'₅₄ bá₄ i₂lín₅₄ dsa₂ i₂ñi₅. Jaun₂ ca₂juá'₂ 'a₂ lia'₂ lē₅ ca₂tsí'₃ jan₂ i₂chen₂ Alejandro i₂jme₁ca₂'lian'₃ dsa₂ judíos a₂ca₂dsióg₃ tē₂ne₄ dsa₂ juig₂. Jaun₂ ca₂jmo₃ Alejandro léi₄ quian'₅₄ gu₂ a₂jme₁mi₂₃ a₂jmo₃ dsa₂ tei₄, ia₁ a₂jme₁'nio₃ juá'₂ jág₁ a₂jme₁tsí'₃ dsa₂ a₂jme₁lióin₂ dsa₂ on₃ i₂ca₂jña'₃ dsa₂ 'éi₂. ³⁴ La₁ jme₁ca₂rě₃lí'₄ dsa₂ a₂lín₅ Alejandro 'éi₂ jan₂ dsa₂ judío, jaun₂ ca₂tóin'₂ co₂mi'₅₄, con'₂ tin₃ hora qui₂guió'₅ ca₂juá'₂:

—i'Ñio₅ juin'₂ diú₄ Diana quián₅ dsa₂ juig₂ Efeso!

† 19:22 griego: diakonous. ‡ 19:24 griego: Artemis; (Diana chein₂ quian'₅₄ latín, jág₁ jmei₅ romano).

§ 19:29 griego: theatron (co₂'nió'₄ caun₂ estadio a₂lě₃ dso'₂ dsi₂con'₂).

³⁵ Jaun₂ dsa₂ i₂lín₅ tē₅sí₃ quián₅ dsa₂ juig₂ jaun₂, ca₂tió'₃ jme₁ca₂tió'₃, ca₂jmo₃ ca₂i₃lén₂ dsa₂ tei₄. Jaun₂ gué₄ ca₂juá'₂:

—'Nia'₂ dsa₂ chan₂ Efeso, ta₁caun₂ mi₂güig₃ bá₄ le₁ñi₅ dsa₂ a₂ca₂tín₂ dsa₂ juig₂ Efeso jmo₃ 'í₁ guá'₅ quió'₅ diú₄ juin'₂ Diana, ton'₂ jmo₃ 'í₁ nió'₄ quió'₅ a₂ca₂sió'₃ guei'₅₄ i₂juig₃.^{*} ³⁶ 'I₁jan₂ jua'₅₄ le₃juá'₂ a₂tsá₃ ñi₅. Jaun₂ tei₄ jmo₄ 'nia'₂, 'nio'₂ 'nia'₂ 'au'₂ dse₃, né'₃ gué₄ a₂jmo'₂ 'e₂ jmó'₂. ³⁷ Ia₁ dsa₂ i₂nē₂chan'₂ 'nia'₂, tsá₃ 'ang₂₃ a₂ca₂tín₂ guá'₅, on₃ gué₄ 'iin₂₃ 'lig'₅₄ diú₄ quián₂ jniog₄. ³⁸ Chi₂jua'₂ 'nio₃ Demetrio mi₃ dso₄, quiain'₅₄ ca₂le₃jín₃ i₂jmo₅ ta₁ quiain'₅₄, jaun₂ gué'₂ chan₂ dsi₂tan₅₄ ne₄ta₁ ja₁lě₂ dsi₃mi₃ dso₄. ³⁹ La₁ nē₁jua'₂ a₂mi'₂ 'nia'₂ lě₅ caun₂ dso₄ jué'₂ gué₄ con'₂ gué₄ a₂jaun₂, 'nió'₅ le₃rē₂ ne₄ dsi₂tan₅₄ jē₁ma₂le₁ñi'₂ dsa₂ juig₂. ⁴⁰ Ia₁ go'₂ quián₂ jniog₄ a₂jmo'₂ 'nia'₂ le₂nē₅, nē₁jua'₂ ca₂'nag₃ dsa₂ a₂ñí₄ lě₃ 'niog₂ mi'₅₄, juí₁lia'₂ mi'₅₄ a₂ca₂lě₃ nē₃. Ia₁ nē₁jua'₂ ca₂ñag₃ dsa₂ 'e₂ 'uig₅₄ ca₂lě₃ mi'₅₄ la₂, tsá₃ 'e₂ cha₂ le₃ñag₄.

⁴¹ Jme₁ma₂ca₂dsan₃ juá'₂ le₂nē₅, ca₂jme₃dsiain₂₃ bá₄ jág₁ a₂le₁ñi'₂ dsa₂. Jaun₂ ca₂dsiain'₂ bá₄ dsa₂, qui₂ca₂i₃lein₃ quió'₅.

20

Ca₂ñó₃ Pablo 'uē₃ Macedonia quian'₅₄ Grecia

¹ Jme₁ca₂dsan₃ mi'₅₄ jaun₂, qui₂ca₂tě'₃ Pa₄ le₃jín₃ dsa₂ 'én₂, qui₂ca₂cué'₃ bí₂. Jme₁ca₂lě₃ jaun₂, qui₂ca₂'ág'₃ jág₁ riin'₅₄. Jaun₂ gué₄ ca₂ñó₃ juí₅ Macedonia. ² Jaun₂ qui₂i₁jag₅₄ le₂tan₅₄ juig₂ te₁'i₁ ja₁jaun₂. Quian'₅₄ jág₁ quió'₅ qui₂i₁cué'₂ bí₂ riin'₅₄. Cang₂ gué₄ jaun₂ ca₂ñó₃ táng₃ juí₅ Grecia. ³ Ja₁jaun₂ ca₂'í₃ 'ni₅ tsi'₂. Jme₁ma₂'ein₅₄ juí₅ 'í₂ ni₁barco a₂dsó₃ juí₅ Siria, jme₁ca₂rē₃ñi₅ a₂ma₂jmo₅ dsa₂ judíos caun₂ jág₁ a₂tsáun'₂. Jaun₂ co₂ñei'₅₄ tsá₃ ma₃ca₂ñái'₃ juí₅ jaun₂. Ca₂ñái'₃ bá₄ táng₃ juí₅ 'uē₃ ca₂ñí₃ Macedonia. ⁴ Jaun₂ ca₂jme₃quiong'₅₄ dsa₂ le₂'i₄ juí₅ i₂chen₂ Sópater ja₁ñi'₅₄ Pirro,^{*} i₂chan₂ Berea, Aristarco quian'₅₄ Segundo i₂chan₂ Tesalónica, Gayo i₂chan₂ Derbe; Timoteo, Tíquico quian'₅₄ Trófimo nē₃ i₂chan₂ juig₂ gu'₂ ja₁tén₄ 'uē₃ Asia. ⁵ Jaun₂ nē₃, riin'₅₄ jniog₄ 'éi₂ ca₂i₃jñiái₄ ca₂i₃jñiog₁₂ juig₂ Troas. ⁶ Cang₂ jme₁ca₂gú'₃ jmig₄ a₂gué'₅ dsa₂ i₁ñí'₄ a₂tsá₃ levadura quian'₅₄, jaun₂ ca₂tió'₄ jnia'₅₄ ni₁barco ca₂'uag₂ Filipos. A₂'ñiá₂ jmig₄ jaun₂, ca₂join₃ jnia'₅₄ juig₂ Troas. Ja₁jaun₂ ca₂jñia₄ jnia'₅₄ guio₃ jmig₄.

'En₅₄ Pablo juig₂ Troas

⁷ Jmíg₄ jē₁le₂'uig₅₄ semana, ca₂ñag₂ jnia'₅₄ a₂ca₂dsiό'₄ i₁ñí'₄. Jaun₂ tē₃jē₄ jaun₂ ca₂jme₃tag₅ Pa₄ ca₂jme₃tiin₂₃ dsa₂. Caun₂ ca₂ton₃ jág₁ ca₂lia'₂ ca₂tě₂ dsi₃nei₅, ia₁ a₂ma₂'ein₅₄ juí₅ dsáin'₃ jē₁ma₂jnia₃ jaun₂. ⁸ Jme₁tió'₅₄ jnia'₅₄ le₁ñag'₂ caun₂ dsi₂néi₂ ja₁lě₄ guei'₅₄. 'Lióng₂ tsí₅ jme₁le₁'ág₄ le₁guí'₂ si₂. ⁹ Jan₂ gué'₂ dsó₂ jme₁guá₄ caun₂ o₄'né₄ tau₂ quei₂ i₂jme₁chen₂ Eutico. Ia₁ a₂ñí₄ lě₃ uē₂ qui₂ca₂dsia₃ Pa₄ jág₁, jaun₂ tsá₃ ma₃ca₂tió'₃ 'éi₂ a₂i₁güin₃. Jme₁ma₂rē₂güin₃ tsá₃ ma₃lí₄ jme₁ca₂táin'₂ ca₂tě₂ ja₁lě₄ 'ni₅ juín₃ guei'₅₄. Ma₂join₂₃ jme₁ca₂i₁cho'₄ dsa₂. ¹⁰ Jaun₂ ca₂sión₃ Pa₄ ján₃, ca₂jñai'₃ 'lag₄ ca₂quiog₂ ne₄ quió'₅, jaun₂ ca₂juá'₂ ca₂tsí'₃ riin'₅₄:

—Tsá₃ lě₁jmo₂ 'nia'₂ gang'₃, ia₁ 'i₄ bá₄ jme₂dsi₂ quió'₅ chi'₂.

¹¹ Jaun₂ nē₃ ca₂uig₂ táng₃ Pa₄ guei'₅₄. Jaun₂ ca₂dsiό'₃ i₁ñí'₄, ca₂gué'₃ bá₄ jaun₂ nē₃. Caun₂ ca₂dsia₃ bá₄ gué₄ Pa₄ jág₁ ca₂lia'₂ ca₂jnia₃. Ca₂ñái'₃ bá₄ jaun₂ nē₃.

¹² La₁ dsó₂ 'éi₂ nē₃, jéin'₃ bá₄ ca₂tág₃ dsa₂, jmo₅ dsa₂ 'io'₂ ca₂le₃jín₃.

Ca₂'uin₂ dsa₂ Troas, ca₂i₃lén₂ táng₃ juí₅ Mileto

* **19:35** A₂lin₅₄ chog₅₄ si₂: "a₂ca₂siό₃ ja₁con₂ diú₄ Júpiter." * **20:4** A₂lin₅₄ chog₅₄ si₂ tsá₃ chi₁ton₅ "ja₁ñi'₅₄ Pirro."

13 Ca₂i₃j_{ni}óg₄ bá₄ j_{nia}'₅₄ i₂náú₅ quian'₅₄ ni₁barco ca₂tē₂ Asón ca₂i_{te}₁ Pa₄, ia₁ j_{me}ma₂lě₅ jág₁ a₂'nio₃ dsó₃ 'ñiog₅ jui₅ tag₅₄. 14 J_{me}ca₂rě₃quian'₅₄ j_{nia}'₅₄ juig₂ Asón, ca₂'í₃ ni₁barco quian'₅₄ j_{nia}'₅₄ a₂ca₂i₃náú₅ jui₅ Mitilene. 15 Ca₂'uag₂ j_{nia}'₅₄ ja₁jaun₂. J_{me}j_{nia}₃ jaun₂, ca₂ñag₅₄ cau₅ ja₁tě₂ dsa₂ Quío, (a₂niog₅ jě₄ j_{mi}ñí'₄). Caun₂ j_{mi}g₄ cang₂ jaun₂, ca₂dsi₃náú₅ j_{nia}'₅₄ 'o₄ j_{mi}ñí'₄ ja₁chei₂ Samos. [Jaun₂ ca₂j_{nia}₁ j_{nia}'₅₄ juig₂ Trogilio].† J_{me}j_{nia}₃ jaun₂ guě₄ ca₂dsi₃náú₅ j_{nia}'₅₄ tē₂ juig₂ Mileto. 16 Jaun₂ le₂ně₅ ca₂lě₃, ia₁ tsá₃ 'nio₃ Pa₄ 'í₂ uě₂ 'uě₃ Asia, tsá₃ ma₃ca₂ñei₅₄ jui₅ Efeso. Ia₁ 'nio₃ dsáin'₄ ñi'₅₄ ta₁ jui₅ Jerusalén, a₂'nio₃ ñi₅ ja₁jaun₂ J_{mi}g₄ Tě₂láu₃-guiá₂ ně₁jua'₂ ca₂lě₃.

Ca₂ton₃ Pablo jág₁ j_{in}₄ dsa₂ can'₅₄ quián₅ r_{in}'₅₄ chan₂ Efeso

17 'En₅₄ Pa₄ juig₂ Mileto, jaun₂ ca₂ñí'₂ ca₂le₃jín₃ dsi₂gui'₅₄ can'₅₄ quián₅ r_{in}'₅₄ i₂chan₂ Efeso. 18 J_{me}ca₂dsi₃lén₂ dsa₂, jaun₂ ca₂juá'₂ Pa₄:

—Ñi'₅₄ bá₄ 'nia'₂ 'a₂ lia'₂ ma₂jmo₃ jniá₂ ca₂le₃ guang₃ le₂'uig₅₄ 'uě₃ Asia. 19 Ca₂le₃jě₃ j_{mi}g₄ bá₄ lia'₂ con'₂ ca₂'ú₃ j_{in}'₄ 'nia'₂, ca₂j_{me}ti₁₂ ta₁ ne₄ Te₁gui'₅₄. Tsá₃ ca₂j_{me}juing'₂ 'ñió₃. Tsá₃ caun₂ ca₂i₃ñig₂ 'uig₅₄ ca₂le₃jě₃ a₂j_{me}'nio₃ dsa₂ judíos j_{me}j_{mi}óg'₂. 20 La₁ on₃jua'₅₄ jaun₂ tsá₃ ma₃ca₂j_{me}ti₁₂ jniá₂ 'nia'₂ a₂dse₃ quián'₂ 'nia'₂, ca₂i₁'ě₄ j_{in}₄ dsa₂, ca₂ñeg₅₄ tē₂ dsi₂néi₂ quián'₂ 'nia'₂ ně₃. 21 Lia'₂ dsa₂ lín₅ judíos lia'₂ dsa₂ griegos ně₃, qui₂ma₂juig₂ jniá₂ a₂'nió'₅ j_{me}tsín₃ dsa₂ dsí₅ ne₄ Diú₄, a₂le₃'éin₂ tē₂le₃ quió'₅ Te₁gui'₅₄ Jesucristo quián₂ jniog₄. 22 Jaun₂ ně₃, ma₂'eng₅₄ jui₅ nei₅₄ jui₅ Jerusalén, ia₁ chi₂quióng₂ j_{mi}g₄ J_{me}dsí₂ quián₅ Diú₄. Tsá₃ a₂jaun₂ guion₅₄ 'e₂ dsi₃ñig₂ ja₁jaun₂. 23 J_{nia}'₅₄ lia'₂ jaun₂ bá₄ guion₅₄, ia₁ le₂caun₂ le₂caun₂ juig₂ ja₁ma₂ñeg₅₄, ma₂'ě₂ jág₁ J_{me}dsí₂ J_{ni}ó₅ a₂i₁ñag₁₂ uig₅, a₂to'₂ dsa₂ 'né₅ 'má₃ ně₃. 24 La₁ tsá₃ a₂jaun₂ 'i₅ dsi₃ jniá₂, o₁j_{nia}'₅₄ ca₂quín₂ 'mú₃ quió₃, ia₁jaun₂ bá₄ le₃tei₅₄ jniá₂ ta₁ a₂ma₂chei'₃ Te₁gui'₅₄ Jesús a₂jmo₅₄, a₂j_{me}ti₁₂ing₅ dsa₂ jág₁ dse₃ a₂'ua₁ dsí₅ Diú₄.

25 'Jaun₂ ně₃ dsón'₂ lín₂ jniá₂, 'nia'₂ r_{in}'₅₄ jniog₄ i₂ma₂nei'₂ jág₁ a₂ma₂qui₂ma₂'ě₃ jniá₂ ñi₂₃, o₁líg'₂ j_{mi}g₄ tsá₃ ma₃jag'₅₄ 'nia'₂ jniá₂ táng₃. 26 Jaun₂ lě₃ juig₂ jniá₂ 'nia'₂ tsá₃ ma₃'e₂ rě₂cán'₄ jniá₂ ja₁con₂ ca₂le₃jín₃ dsa₂, 27 ia₁ ma₂ca₂juig₂ bá₄ jniá₂ 'nia'₂ lia'₂ con'₂ lě₅ dsi₂jio₅ dsí₅ Diú₄ jmo₃, tsá₃ 'e₂ ca₂'ma₃ jniá₂ ja₁con'₂ 'nia'₂. 28 Jaun₂ ně₃, jmo₄ 'nia'₂ 'í₁ guiong'₅₄, jmo₄ 'í₁ ca₂le₃jín₃ dsa₂ ríng'₂ i₂'én₂ ně₃. Ia₁ o₄gog'₂ 'nia'₂ bá₄ ma₂dsiog₃ J_{me}dsí₂ J_{ni}ó₅ † a₂j_{mi}ó'₂ 'í₁ dsa₂ i₂lín₅ guá'₅ quián₅ Diú₄ i₂'lian'₅₄ tē₂le₃ quian'₅₄ j_{mi}ñi₂ 'an₅₄ 'ñiog₅ ja₁ñi'₅₄. 29 Guion₄ bá₄ jniá₂ a₂ja₁lén₂ dsa₂ sián'₂ jě₁ma₂ñag'₅, a₂'nio₃ 'éin₂ 'nia'₂ ca₂le₃jíng'₃, a₂jmo₃ jui₁lia'₂ jmo₅ dsi₂j_i'₅₄ náú₂ tsau₂ dsí₅, j_{me}dsiain₂₃ jui₁lia'₂ já'₂ cha'₂. 30 Náú₃ jě₄ quián'₂ 'nia'₂ guiong'₅₄ dsa₂ i₂j_{me}tag₅ le₃jen₅ ia₁jaun₂ 'ein₃ jui₅ quió'₅ 'éi₂ jui₁lia'₂ dsa₂ i₂ma₂'én₂ jág₁ dse₃. 31 Jaun₂ rě₂ján'₁ 'nia'₂, dsá₂ 'au'₂ 'nia'₂ jmo₄, ia₁ 'ni₅ ñi₂ ca₂dsin₃ ca₂cuě₃ 'nia'₂ jág₁ lia'₂ 'uě₂-j_{mi}₂, ca₂le₃jě₃ ca₂'o₃.

32 'Jaun₂ ně₃ r_{in}'₅₄ jniog₄, dsián₄ jniá₂ 'nia'₂ o₄gú₃ Diú₄, ne₄ jág₁ dse₃ quió'₅ a₂'ua₁ dsí₅, a₂lé₂ jmo₃ a₂'uan'₂ 'nia'₂, a₂lé₂ jmo₃ a₂ti₁₂'₅₄ 'nia'₂ a₂dse₃ a₂cha₂ quió'₅, jui₁lia'₂ a₂ti₁₂'₅₄ ca₂le₃jín₃ dsa₂ i₂lě₅ 'í₁ quián₅. 33 Tsá₃ 'e₂ ma₂ca₂rě₃ 'ín₂ dsi₃ a₂jmo₅₄ quió₃, jui₁lia'₂ a₂cha₂ quió'₅ i₂sián'₂, on₃ guě'₂ cu₄nióg₄, on₃ guě'₂ cu₄tiog₂, on₃ guě'₂ tsin'₅₄ ně₃. 34 Ñi'₅₄ bá₄ 'nia'₂ rě₂, tē₂le₃ ma₂jmo₃ bá₄ ta₁ 'ñió₃ quian'₅₄ gu₂-tag₃ ma₂'no₃ a₂'nió'₅ dsi₃ñig₂ quian'₅₄ i₂quiáng'₅₄. 35 Ca₂le₃o₃ j_{mi}g₄ bá₄ ma₂'ě₃ 'nia'₂ 'a₂ lia'₂ 'nió'₅ jmo₃ dsa₂ ta₁, a₂'nió'₅ j_{me}on₅₄ dsa₂ dsa₂ i₂'nió'₅ quió'₅. Dsá₂ 'au'₂ 'nia'₂ jmo₄ jág₁ quió'₅ Te₁gui'₅₄ Jesús, j_{me}ca₂juá'₂: “Ja₂lín₃ guě₄ dse₃ 'ei₅ dsí₅ dsa₂ i₂cuě₅, con'₂ guě₄ dsa₂ i₂gue₅.”

† 20:15 A₂lín₅₄ chog₅₄ si₂ tsá₃ le₁ton₅ jág₁ ně₅. ‡ 20:28 griego: (ma₂chei'₃ J_{me}dsí₂ J_{ni}ó₅ a₂lén'₂ 'nia'₂) epískopos (dsa₂ i₂con₂ 'í₁).

36 Jme₁ca₂dsan₃ juá'₂ Pa₄ le₂ně₅, ca₂chi₃jnë₃ quiaín'₅₄ ca₂le₃jín₃ dsa₂, ca₂chi₃lén'₂ Diú₄. 37 Ca₂le₃jín₃ qui₂ca₂'o₃, qui₂ca₂jñai'₃ Pa₄, ca₂chen'₃ quió'₅. 38 La₁ ja₂lin₃ guě₄ 'lia'₂ dsí₅ dsa₂ ca₂tóin'₂ jme₁ca₂juá'₂ Pa₄, ca₂lia'₂ o₁líg'₂ jmig₄ tsá₃ ma₃jín₂ guě₄ riin'₅₄. Jaun₂ ca₂jme₃quiong'₅₄ dsa₂, ca₂i₁join₅₄ Pa₄ tē₂ ja₁'ei₅ ni₁barco.

21

Ca₂ñá'₃ Pa₄ jui₅ Jerusalén

1 Jme₁ca₂tén'₂ dsí₅ jnia'₅₄ dsa₂ rin'₅₄, jaun₂ ca₂i₃náu₅ jui₅ ne₄ jmí₁ñí'₄ co₂dsau₅ tē₂ Cos (a₂niog₅ jē₄ jmí₁ñí'₄). Jme₁jnia₃ jaun₂ táng₃, ca₂ñag₅₄ ja₁chei₂ Rodas, jaun₂ guě₄ dsí₅náu₅ jnia'₅₄ juig₂ Pátara. 2 Juig₂ Pátara jaun₂, cane₅₄ táng₃ jnia'₅₄ caun₂ ni₁barco a₂ñó₃ jui₅ 'uě₃ Fenicia, jaun₂ ca₂tió'₄ jnia'₅₄, ca₂i₃náu₅ táng₃. 3 Jaun₂ ca₂ñag₅₄ jnia'₅₄ ja₁jniá₂ Chipre tē₂le₃ gu₂ jen₅, jaun₂ ca₂i₃náu₅ jnia'₅₄ tē₂ Siria. Jaun₂ ca₂dsióg₃ ni₁barco juig₂ Tiro, ia₁ i₁con₂ lio₅₄ ja₁jaun₂. Jaun₂ ca₂sió'₄ jnia'₅₄ ja₁jaun₂. 4 Jaun₂ ca₂jen'₂ jnia'₅₄ dsa₂ 'én₂ rin'₅₄ tián'₅ ja₁jaun₂. Jaun₂ ca₂tió'₄ jnia'₅₄ guio₃ jmig₄ quiaín'₅₄. Dsa₂ 'éi₂ ně₃, ca₂'ě₂ jág₁ a₂ca₂cuě₃ Jme₂dsí₂ Jñió₅, ca₂tsí'₃ Pa₄ a₂tsá₃ dsí₂ten₅₄ dsó₃ jui₅ Jerusalén. 5 Jme₁ca₂dsin₃ guio₃ jmig₄ tio'₅₄ jnia'₅₄ jaun₂, jaun₂ ca₂'uag₂ táng₃. Jaun₂ ca₂le₃jín₃ dsa₂ i₂'én₂, quiaín'₅₄ 'io₅₄ quiaín₅, chi'₂ quiaín₅ ně₃, ca₂jme₃quiong'₅₄ tē₂ 'ni'₂ juig₂, ca₂i₁jo₅₄ tē₂ chei'₅₄ jmí₁ñí'₄. Ja₁jaun₂ ca₂chi₁jne₁ jnia'₅₄ ca₂le₃jág₃, ca₂chi₁len'₄ jnia'₅₄ Diú₄. 6 Jaun₂ qui₂ca₂chan'₅₄ jnia'₅₄ rin'₅₄ ca₂'ei₅₄ jág₁. Jaun₂ guě₄ ca₂uig₅₄ jnia'₅₄ 'ñió'₃ ni₁barco. 'Éi₂ ně₃ ca₂i₃lein₃ bá₄ quió'₅.

7 Jme₁ca₂'uag₂ jnia'₅₄ juig₂ Tiro, ca₂i₃náu₅ jui₅ ne₄ jmí₁ñí'₄ a₂ca₂i₃náu₅ jui₅ Tolemaida. Ca₂cuin₅₄ jnia'₅₄ Diú₄ rin'₅₄ i₂tián'₅ ja₁jaun₂, ca₂jñia₄ jnia'₅₄ co₂jmig₄ quiaín'₅₄. 8 Jme₁jnia₃ jaun₂, ca₂le₃jág₃ con'₂ i₂quian'₅₄ Pa₄ ca₂'uag₂ ja₁jaun₂, ca₂dsi₃náu₅ juig₂ Cesarea. Ja₁jaun₂ ca₂i₁náu₄ jnia'₅₄ ja₁quió'₄ Felipe i₂'ě₂ jág₁ dse₃, i₂lín₅ jan₂ rin'₅₄ dsa₂ guion₃ i₂jme₂'o₅₄ * i₂ca₂quión'₂ dsa₂ le₂jñiá₅. 9 Felipe 'éi₂ jme₁chan₂ quén₂ ja₁míg₄ on₃jua'₅₄ i₂ma₂jen'₂ gu₂. 'Io₅₄ quén₂ 'éi₂ jme₁ě₂₃ 'ě₅ dsa₂ jág₁ a₂cuě₅ Diú₄. 10 Ma₂ne₁ñó₄ ca₂la₂ jmig₄ tio'₅₄ jnia'₅₄ jme₁ca₂dsióg₃ jan₂ dsa₂ i₂tě₂ dsa₂ Agabo, i₂'ě₂ jág₁ a₂cuě₅ Diú₄, a₂ca₂o₃jag₅₄ jnia'₅₄. 11 Jaun₂ jme₁ca₂guan₃ 'éi₂ ně₃, ca₂can₃ lau₂ jén'₅ tú'₅ Pa₄, jaun₂ qui₂ca₂'néi₂ mi₂tag₅₄ 'ñiog₅ quian'₅₄ mi₂gu₂ ně₃. Jaun₂ ca₂juá'₂:

—Le₂la₂ juá'₂ Jme₂dsí₂ Jñió₅: “Le₂la₂ jmo₃ dsa₂ judíos jē₄ juig₂ Jerusalén jmái'₂ dsa₂ i₂quió'₅ ni₁lau₂ la₂, jaun₂ jáng'₂ o₄gú₃ dsí₂nau₂.”

12 Jme₁ca₂néi₁ jnia'₅₄ le₂ně₅, jaun₂ ca₂mí₁ jnia'₅₄ quian'₅₄ dsa₂ chan₂ Cesarea ca₂chei₅₄ Pa₄ a₂tsá₃ ma₃dsó₃ Jerusalén. 13 La₁ jaun₂ ca₂ñag₃ Pa₄:

—¿'E₂ lē₃ qui'₂-au'₂ 'nia'₂, jmo'₂ 'nia'₂ 'ag₅ 'lia'₂ dsí₃? Ia₁ ma₂rě₂ján₁ bá₄ jniá₂, on₃jua'₅₄ jmá'₃ ca₂ne₅₄ a₂'nei₃ dsa₂. Ján₃ bá₄ ma₂'ei₅ caun₂ dsí₃ a₂jóng₂, jñag'₃ dsa₂ juig₂ Jerusalén, o₄quió'₄ Te₁gui'₅₄ Jesús.

14 Ia₁ tsá₃ jág₁ ca₂can₃ Pa₄ a₂ca₂chei₅₄ jnia'₅₄ a₂tsá₃ dsó₃, jaun₂ ca₂jmó₁ jnia'₅₄ tei₄ jme₁ma₂ně₂jua'₅₄:

—Jui₁le₅₄ bá₄ a₂'ñio₂ dsí₅ Te₁gui'₅₄ jaun₂.

15 Cang₂ jaun₂ ca₂jmó₁ jnia'₅₄ co₂jñia₅₄ quiaín₂, ca₂tió'₄ jui₅ i₃náu₅ jui₅ Jerusalén. 16 I₂lin₅₄ dsa₂ 'én₂ i₂chan₂ Cesarea ca₂jme₃quiong'₅₄. Jē₄ jaun₂ ñó₃ jan₂ dsa₂ i₂chen₂ Mnasón i₂chan₂ Chipre. Ma₂líg'₂ bá₄ ma₂já₅ dsa₂ 'éi₂ a₂lín₅ dsa₂ i₂'én₂. Ja₁quió'₄ 'éi₂ ca₂i₁jñia₄ jnia'₅₄ Jerusalén.

Ca₂i₁jñi₁ Pa₄ Jacobo

* 21:8 dsa₂ guion₃ i₂jme₂'o₅₄: 'Nio'₂ ja₁ton₅ Hechos 6:1-7; Filipenses 1:1.

17 Jme₁ca₂dsi₃ná₅jnia'₅₄ juig₂ Jerusalén, jaun₂ rin'₅₄ i₂tián'₅ ja₁jaun₂ ca₂guei₃ ca₂lia'₂ 'io'₂ jén'₅. 18 Jme₁jnia₃ jaun₂, η₃ Pa₄ quiaín'₅₄ jnia'₅₄ a₂ca₂i₁jín₁ jnia'₅₄ Jacobo. Ja₁quió'₄ 'éi₂ jme₁tion'₅₄ jin₂ gui'₅₄ can'₅₄.† 19 Jaun₂ qui₂ca₂cuag₃ Pa₄ Diú₄. Jaun₂ ca₂dsia₃ Pa₄ ca₂le₃jě₃ 'e₂ a₂ma₂jmo₃ Diú₄ jin₄ dsi₂nau₂ tē₂le₃ quian'₅₄ 'éi₂. 20 Jme₁ca₂nág₂ dsa₂ jág₁, jaun₂ ca₂jme₃juin'₂ Diú₄. Jaun₂ ca₂juá'₂ ca₂tsí'₃ Pa₄: —Dse₃ jaun₂ rin'₅₄ jniog₄, la₁ ηi'₅₄ bá₄ 'ne₂, tē₂le₃ mei₅ bá₄ dsa₂ judíos i₂ma₂'én₂. Ca₂le₃jín₃ 'éi₂ ně₃, dse₃ dsi₅ le₃quió'₅ 'Éi'₃ Juá'₅. 21 Jaun₂ ma₂juá'₂ dsa₂ a₂ηi'₂ 'ne₂ jme₂tín₁ dsa₂ judíos i₂tián'₅ go₄ dsi₂nau₂, a₂tsá₃ ma₃tón'₂ jui₅, tsá₃ ma₃jme₃ti₃ 'éi'₃ ca₂jmo₃ Moisés, a₂tsá₃ ma₃ti₃ dsa₂ ni₁lo₁ chi'₂ dsa₂ ηe'₂ quiaín₅, on₃ guē'₂ jmo₃ ju₁lia'₂ tag₄ chí'₅ quiaín₂ jniog₄. 22 ¿'E₂ lé₂ ně₃? Ia₁ tion₅₄ ja₁lén₂ dsa₂ a₂ηi'₂ jē₁ma₂ca₂rē₃ηi₅ a₂'eng'₅₄ ja₁lá₃.‡ 23 Co₂ηei'₅₄ guē₄ dse₃ jmó'₂ a₂juá'₅₄ jnia'₅₄ la₂: Chan₂ jē₄ la₂ quiaín₂ jnia'₅₄ quén₂ dsa₂ i₂tion₅₄ niog₅ jme₃ti₃ caun₂ jág₁ quió'₅ a₂ma₂cuē'₃ Diú₄. 24 Jñiai₅ ju₁dsi₂lén₂ quian'₅₄ 'ne₂, jmo₄ le₁jě₃ quiaín₂ quiaín₅₄. Jaun₂ 'ne₂ bá₄ qui'₅₄ 'lia'₅₄ ia₁jaun₂ ma₂lé₂ jme₃ti₃ a₂chéi₃ ηi₂ dsi₅₄, ia₁jaun₂ ca₂le₃jín₃ bá₄ dsa₂ le₃lí'₄ a₂tsá₃ dsau₅ jág₁ a₂dsia₅ dsa₂ a₂'iin₂₃ 'ne₂. Jaun₂ le₃ηi₅ dsa₂ a₂jme₂ti'₅₄ bá₄ 'ne₂ ján₃ con'₂ lē₅ 'Éi'₃ Juá'₅ quió'₅ Moisés.§ 25 La₁ ma₂ca₂chen₅₄ bá₄ jnia'₅₄ si₂ ne₄ dsi₂nau₂, a₂ca₂chei₅₄ jnia'₅₄ a₂tsá₃ lin₄ jmo₃ o₂i₁ dsi₅ quian'₅₄ 'Éi'₃ Juá'₅, * a₂ñia'₅₄ lia'₂ tsá₃ quíg'₃ ηi₄ já'₂ i₂ma₂cuin₃ dsa₂ diú₄ lag₄, on₃ guē'₂ guē'₃ jmi₂, on₃ guē'₂ ηi₄ já'₂ i₂güí'₃ dsa₂ dsi₂lag₄, tsá₃ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂ ně₃.

Ca₂ñja'₃ dsa₂ Pa₄ i₁dsi₅ guá'₅ templo

26 Jaun₂ ca₂ñja₃ bá₄ Pa₄ dsa₂ quén₂ 'éi₂. Jme₁jnia₃ jaun₂ ně₃, Pa₄ quiaín'₅₄ dsa₂ quén₂ 'éi₂ ca₂jmo₃ le₁jě₃ quió'₅. Jaun₂ ca₂í₃ i₁dsi₅ guá'₅ templo ca₂i₁ě₄ jág₁ i₂líg'₂ dsian₅ ta₁guio₃ jmig₄ a₂jmo₂₃ le₁jě₃ quió'₅, jē₁ma₂tě₂ rē₁dsín'₂ dsa₂ já'₂ ne₄ ne₄chei₂ o₄quió'₄ le₂jain₂ le₂jain₂.†

27 La₁ jme₁ja₂quiaín₃ dsin'₅₄ ta₁guio₃ jmig₄ jaun₂, jan₂-on₃ dsa₂ judíos i₂chan₂ 'uē₃ Asia ca₂o₃lén₂, jaun₂ ca₂jín₂ Pa₄ i₁dsi₅ guá'₅. I₂'éi₂ ca₂jmo₃ ca₂tón'₂ dsa₂ co₂mi'₅₄, jaun₂ ca₂ñja'₃ dsa₂ Pa₄. 28 Jaun₂ qui₂ca₂tóin'₂ ca₂guió'₃ ca₂juá'₂:

—i'Nia'₂ dsa₂ juig₂ Israel, jme₁'o₁ jnia'₅₄! I₂la₂ bá₄ dsa₂ i₂ηi₄ lē₃ ηi₅ ca₂le₃jě₃ juig₂ jme₂tín₂₃ dsa₂ jág₁ 'lig'₅₄ ja₁con₂ juig₂ go₄ jniog₄, a₂jme₂tín₂₃ dsa₂ a₂tsá₃ jme₃ti₃ dsa₂ 'Éi'₃ Juá'₅ quió'₅ Moisés, a₂tsá₃ 'e₂ quen₅ guá'₅ templo la₂ quiaín₂ jniog₄. Ně₃ ně₃, ma₂nē₂tióin'₂ i₂lín₅₄ dsa₂ griegos i₁dsi₅ guá'₅ templo, a₂ma₂nē₂jme₂ióg₃ ja₁ñi₅ la₂.

29 Juá'₂ le₂nē₅, ia₁ ma₂jág₂ dsa₂ le₂jñiá₅ ma₂jín₂ Trófimo i₂chan₂ Efeso a₂i₂ηi₅₄ quiaín'₅₄ Pa₄ jē₄ juig₂ Jerusalén, jaun₂ lín₂ a₂ma₂ñja₃ Pa₄ 'éi₂ i₁dsi₅ guá'₅.

30 Ta₁caun₂ juig₂ ca₂tón'₂ dsa₂ co₂mi'₅₄, jaun₂ ca₂o₃lén₂ dsa₂ co₂chi'₅₄. Jaun₂ ca₂ñja'₃ dsa₂ Pa₄ qui₂ca₂tsag'₂ tē₂le₃ ca₁'né₄ i₁dsi₅ guá'₅, jaun₂ ca₂jnéi₃ dsa₂ dsi₂jui₅ o₄'né₄. 31 Jme₁ma₂'nio₃ jme₁ñi₃ bá₄ Pa₄ jme₁ca₂dsióg₃ jág₁ ca₂rē₃ηi₅ juig₅₄ 'lióg₂ dse₃, ca₂le₃jín₃ bá₄ dsa₂ juig₂ Jerusalén tíoín'₅₄ co₂mi'₅₄. 32 Dsi₂jui₅ jaun₂ ca₂ñi₂ juig₅₄ 'lióg₂ quian'₅₄ ca₂le₃jín₃ 'lióg₂ quiaín₅, ca₂i₃lén₂ co₂'ei₅ ja₁tion'₅₄ dsa₂ co₂mi'₅₄. Jaun₂ dsi₂jui₅ jme₁ca₂jág₃ dsa₂ dsi₃lén₂ 'lióg₂ quiaín'₅₄ juig₅₄ 'lióg₂ dse₃, jaun₂ ca₂téin₂ bá₄ Pa₄, ia₁ jme₁tioín'₅₄ cuē₂₃. 33 Jaun₂ jme₁ca₂dsióg₃ juig₅₄ 'lióg₂ dse₃, ca₂ñjai'₃ Pa₄ ca₂jmo₃ 'éi'₃ ca₂'néi₂ 'lióg₂ quian'₅₄ tñ₃ ηi₁ cadenas. Jaun₂ guē₄ ca₂ñi₃ dsa₂ 'ein₂ 'éi₂ Pa₄, 'e₂ ca₂jmo₃. 34 Jaun₂

† 21:18 griego: presbíteros. ‡ 21:22 A₂lín₅₄ chog₅₄ si₂: “Ia₁ tion₅₄ bá₄ le₃ηi₅ dsa₂ a₂'eng'₅₄ ja₁lá₃.”

§ 21:24 Í₂ Números 6. 'Nio'₂ ja₁ton₅ Hechos 18:18. * 21:25 A₂lín₅₄ chog₅₄ si₂ tsá₃ chi₁ton₅ “a₂tsá₃ lín₄ jmo₃ o₂i₁ dsi₅ quian'₅₄ 'Éi'₃ Juá'₅.” † 21:26 Í₂ Números 6.

jma₃quén₅ qui₂ca₂guió'₃ dsa₂ juig₂ le₂jain₂ le₂jain₂. Ca₂lia'₂ njia'₅₄ tsá₃ ca₂ñí'₂ juig₅₄ 'lióg₂, ia₁ a₂ñí'₄ chí'₅ co₂mí'₅₄. Jaun₂ ca₂jmo₃ 'éi'₃ ca₂tág₃ dsa₂ Pa₄ jui₅ 'né₅ ja₁tion'₅₄ 'lióg₂. ³⁵ Jme₁ja₂quián₃ dsi₁len₃ dsa₂ ja₁lě₄ ni₁ta₅ 'né₅ ja₁tion'₅₄ 'lióg₂, jaun₂ ca₂jio₃ 'lióg₂ ca₂ñiai₃ Pa₄ jui₅ guei'₅₄ ia₁ a₂ñí'₄ 'ñio₅ lín₃ 'ne₂ dsa₂ juig₂. ³⁶ Ia₁ ca₂le₃jín₃ bá₄ dsa₂ juig₂ jme₁ja₂léin₂ chi₁co'₅₄ qui₂guió'₅ qui₂juá'₂:
—jui₁jon₅₄ i₂ně₅!

Ca₂ton₃ Pa₄ jág₁ a₂lión₂ 'ñio₅ ne₄ dsa₂ juig₂

³⁷ Jě₁jme₁ma₂to'₂ 'lióg₂ toin'₂ Pa₄ dsi₂néi₂ ne₄ta₁ quió'₅, jaun₂ ca₂juá'₂ Pa₄ ca₂tsí'₃ juig₅₄ 'lióg₂ dsen₅₄:

—¿Lé₂ le₃juá'₄ jniá₂ ca₂jon₄ jág₁?

Jaun₂ ca₂ñag₃ juig₅₄ 'lióg₂:

—¿Tin'₂ 'ne₂ dsiá'₁ jág₁ jmei₅ griego? ³⁸ Jaun₂, ¿on₃jua'₅₄ 'ne₂ líng'₅ dsa₂ egipcio i₂ca₂jmo₃ mí'₅₄ qui₂ca₂tsí₂jain₃ dsa₂ ma₂i₁jaun₃, ca₂'uín'₂ quén₂ mei₅ dsa₂ i₂ma₂ca₂jme₃dsian₅ dsa₂ jui₅ 'uě₃ quein₂?

³⁹ Jaun₂ ca₂juá'₂ táng₃ Pa₄:

—Dsa₂ judío bá₄ lín₅ jniá₂, i₂chan₂ juig₂ Tarso, caun₂ juig₂ dsen₅₄ tén₅ 'uě₃ Cilicia. La₁ jmo₄ dse₃ 'au'₂ cuě'₁ jmi₄ a₂juig₅₄ jniá₂ dsa₂ juig₂ jág₁.

⁴⁰ Ca₂cuě₃ bá₄ jmi₄ jaun₂ ně₃. Jaun₂ ca₂nau₂ Pa₄ ne₄ ni₁ta₅ jaun₂. Jaun₂ ca₂jmo₃ léi₄ quian'₅₄ gu₂ ca₂tsí'₃ dsa₂ a₂jmo₃ tei₄. Jme₁ma₂chí'₅ tei₄, jaun₂ ca₂jme₃lióg₃ ca₂juá'₂ jág₁ quian'₅₄ jág₁ jmei₅ hebreo, † ca₂tsí'₃ dsa₂:

22

¹—'Nia'₂ dsa₂ go₂ rin'₅₄ jniog₄, gui'₅₄ can'₅₄ ně₃, nei₂ de'₂ 'nia'₂ a₂juá'₄ jniá₂ juig₅₄ 'nia'₂ a₂jáng'₄ jág₁ dsau₅ quió₃.

² Tě₂le₃ tei₄ guě₄ ca₂i₃lén₂ dsa₂ jme₁ca₂nág₂ a₂juá'₂ Pa₄ quian'₅₄ jág₁ jmei₅ hebreo. * Jaun₂ caun₂ ca₂juá'₂ bá₄ 'éi₂:

³—Dsa₂ judío bá₄ lín₅ jniá₂. Juig₂ Tarso bá₄ chang₂, ja₁tén₄ 'uě₃ Cilicia. La₁ Jerusalén la₂ bá₄ ca₂i₃juing'₂. Ca₂'i₃ jniá₂ si₂ a₂ca₂jme₃tag₅ tě₅ Gamaliel. Co₂rě₂ bá₄ ca₂jme₃tag₂₃ con'₂ lě₅ Si₂ 'Éi'₃ quió'₅ dsa₂ quián₂ jniog₄ ma₂líg'₂. A₂dsen₅₄ dsi₃ jme₁líng₄ le₃quió'₅ Diú₄, ju₁lia'₂ jmo₂ 'nia'₂ ca₂le₃jíng'₃ rě₂ně₃. ⁴ Qui₂ca₂co₃'én₃ jniá₂ dsa₂ i₂tion'₅₄ jui₅ quió'₅ Te₁gui'₅₄ le₂jñiá₅, ca₂lia'₂ ca₂quín₂ 'mú₃ quió'₅. Qui₂ca₂toin'₂ 'né₅ 'má₃ lia'₂ dsa₂ ñe'₂ lia'₂ dsa₂ mí₂. ⁵ Lé₂ bá₄ jáng'₃ jág₁ dsau₅ jme₂dsa₂ dsen₅₄, ca₂le₃jín₃ guě₄ dsi₂gui'₅₄ can'₅₄ ně₃, ia₁ guioin₅₄ bá₄ ca₂jáng'₃ si₂ jniá₂ a₂ca₂chein₃ ne₄ riin'₅₄ i₂tián'₅ Damasco, ca₂jmo₃ 'éi'₃ a₂jme₁i₁chán'₃ jniá₂ ríng'₃ i₂tián'₅ ja₁jaun₂, a₂jme₁tě₁₂ le₁'ñei'₅₄ ia₁jaun₂ gue₃ uig₅ jě₄ juig₂ Jerusalén la₂.

*Ca₂dsia₃ Pa₄ 'a₂ lia'₂ jme₁ca₂jéin'₃ ca₂rě₃ 'éin₂ jág₁ dse₃
(Hechos 9:1-19; 26:12-18)*

⁶ 'La₁ia₁ lia'₂ con'₂ jme₁ñó₃ jniá₂ le₂'i₄ jui₅ né'₃ a₂dsióg₄ juig₂ Damasco, con'₂ dsi₂ñí'₃, con'₂ tsá₃ jáng₅ jme₁ca₂téng₃ caun₂ si₂ tág₅ jmá'₅ a₂já₃ jui₅ guei'₅₄ i₂juig₃.

⁷ Jaun₂ i₃íng₃ 'uě₃. Dsi₂jui₅ le₂jaun₂ ca₂nag₃ jág₁ a₂juá'₂: “Saulo, Saulo, ¿'e₂ lě₃ co₂'éin'₅ jniá₂?” ⁸ Jaun₂ ca₂ñag₄ jniá₂: “¿'Ein₂ 'ne₂ gui'₅₄?” Jaun₂ ca₂juá'₂ tság₅ jniá₂: “Jesús chan₂ Nazaret bá₄ jniá₂ i₂co₂'én'₅ 'ne₂.” ⁹ Ján₃ bá₄ ca₂jág₃ dsa₂ i₂jme₁quian'₅₄ jniá₂ si₂ jaun₂, jaun₂ ca₂rě₃gó'₅. La₁ tsá₃ ca₂nág₂ jág₁ quió'₅ i₂ca₂juá'₂ ca₂tság₃ jniá₂. ¹⁰ Jaun₂ ca₂ñag₄ jniá₂ jaun₂ ně₃: “Te₁gui'₅₄, ¿'e₂ 'nió'₅ jmo₅₄ jniá₂?” Jaun₂ ca₂juá'₂ Te₁gui'₅₄: “Nau₂, gua₂ jui₅ juig₂ Damasco. Ja₁jaun₂ juá'₂ dsa₂ ca₂le₃jě₃ 'e₂ 'nió'₅ jmó'₂.” ¹¹ Ia₁ co₂dsia₅ ca₂téng₂ bá₄ quian'₅₄ si₂, jaun₂

† 21:40 o₃, arameo. * 22:2 o₃, arameo.

dsa₂ i₂quiang' ₅₄ bá₄ ca₂jio₃ le₁chan' ₂ gu₃ a₂ca₂dsióg₃ tē₂ Damasco. ¹² Ja₁jaun₂ jme₁guá₄ jan₂ dsa₂ chen₂ Ananías, i₂jme₁jme₂ti₃ con' ₂ lě₅ Si₂ 'Éi' ₃ Juá' ₅ quió' ₅ Moisés, jaun₂ ca₂le₃jín₃ dsa₂ judíos i₂tián' ₅ Damasco ca₂juá' ₂ dse₃ 'iin₂₃ 'éi₂. ¹³ Jaun₂ ca₂dsióg₃ Ananías i₁jag₅₄ ja₁jme₁'eng₅₄. Jme₁ca₂dsióg₃, ca₂juá' ₂: “Saulo rin' ₅₄ jniog₄, guei' ₅₄ táng₃ jme₁ne' ₄.” Dsi₂jui₅ jaun₂ bá₄ ca₂lág₃ táng₃ míg₂ ne₃, jaun₂ ca₂jín₅₄ jaun₂ ně₃. ¹⁴ Jaun₂ ca₂tság₃ táng₃ jniá₂: “Diú₄ quián₅ dsa₂ can' ₅₄ quián₂ jniog₄ ma₂ca₂quióin' ₂ 'ne₂ le₂jniá₅, ia₁jaun₂ le₃cuing' ₂ 'e₂ jaun₂ a₂'nio₂ dsí₅, ia₁jaun₂ jing' ₅₄ i₂qui₂dsi₅ 'éi' ₃ rē₂ quiáin₅, ia₁jaun₂ nág' ₁ jág₁ quió' ₅ 'nio₅ a₂tio' ₅₄ mi₂o₅₄. ¹⁵ Jaun₂ 'ne₂ gog' ₅₄ a₂chi₂o₁'iin' ₃ o₁dsia' ₄ o₁chei' ₄ ca₂le₃jín₃ dsa₂ ca₂le₃jě₃ 'e₂ ma₂jag' ₅₄ 'e₂ qui₂ma₂hei' ₂ ně₃. ¹⁶ Jaun₂ ně₃, tsá₃ ma₃jme₁'ag₁₂. Nau₂, o₂chon₅₄ jmig₂, mi₄ ne₄ 'éi₂, ia₁jaun₂ jní₃ dsáu' ₂.”

Ca₂dsia₃ Pa₄ 'a₂ lia' ₂ ca₂lě₃ a₂chein' ₅₄ nei₅₄ ja₁con₂ dsí₂nau₂

¹⁷ 'Jme₁ca₂guáng' ₃ Jerusalén, ηeg₅₄ guá' ₅ templo i₂chi₁leng' ₄ Diú₄. Jaun₂ a₂lě₁ca₂jéin₃ ca₂jág₃, ¹⁸ ca₂jing₅₄ Te₁gui' ₅₄, jaun₂ ca₂juá' ₂: “I₂ñáu' ₂ jú₅ tē₂le₃ dséi₂ juig₂ Jerusalén, ia₁ tsá₃ tón' ₂ dsa₂ jui₅ jág₁ a₂juig' ₅₄ a₂'ág' ₄ jniá₂.” ¹⁹ Jaun₂ ca₂ηag₄ jniá₂ ca₂juig₂: “Te₁gui' ₅₄, ca₂le₃jín₃ bá₄ dsa₂ 'éi₂ le₁ηi₅ a₂jme₁ηi₅ jniá₂ a₂jme₁nei₂₃ ca₂le₃jě₃ guá' ₅ sinagogas a₂co₂'éng₅ qui₂cuě₅ ca₂le₃jín₃ dsa₂ i₂'én₂ jág₁ dse₃ quiáng' ₂, a₂jme₁i₂tioin' ₂ 'né₅ 'má₃. ²⁰ Jme₁ca₂jñi' ₃ dsa₂ Esteban, dsa₂ i₂jme₁jáng' ₅ jág₁ dsau₅ quiáng' ₂, jaun₂ bá₄ jme₁chén' ₄ jniá₂ ján₃, ia₁ jme₁lě₄ caun₂ jág₁ quió₃ quian' ₅₄ dsa₂ i₂ca₂jñi' ₃ 'éi₂. Jaun₂ ca₂jmo₃ jniá₂ 'í₁ ni₁tsin' ₅₄ dsa₂ i₂ca₂ηag' ₃.” ²¹ La₁ jaun₂ ca₂juá' ₂ Te₁gui' ₅₄ ca₂tság₃ jniá₂: “La₁ gua₂, ia₁ tsag₅₄ jniá₂ uing₂ quiáng' ₂, a₂o₁'ě' ₃ jág₁ ja₁con₂ dsí₂nau₂.”

Ma₂niog₅ ne₄ juig₅₄ 'lióg₂ bá₄ Pablo

²² Co₂jaun₂ bá₄ ca₂nág₂ dsa₂ juig₂. Jaun₂ ca₂jme₃lióg₃ ca₂tóin' ₂ co₂mi' ₅₄ ca₂guió' ₃ ca₂juá' ₂:

—jui₁jon₅₄ i₂ně₅! jtsá₃ ma₃'nió' ₅ le₃chain₂ guě'!

²³ Jaun₂ dsa₂ juig₂ ně₃, caun₂ qui₂ca₂tē₂ca₂'oin' ₂ bá₄ Pa₄, qui₂ca₂gág₃ tsin' ₅₄ tioin' ₅₄, † qui₂ca₂cho₃ dsa₂ 'liog₂ jui₅ guei' ₅₄. ²⁴ Jaun₂ ca₂jmo₃ juig₅₄ 'lióg₂ dsen₅₄ 'éi' ₃ ca₂toin' ₂ Pa₄ dsi₂néi₂ ja₁tion' ₅₄ dsi₂'lióg₂. Jaun₂ ca₂jmo₃ 'éi' ₃ a₂báin₂ Pa₄ ia₁jaun₂ jmo₃ jág₁ 'e₂ dso₄ riin₂, 'e₂ 'uig₅₄ ca₂rě₃'né₃ dsa₂ juig₂ quiong' ₅₄. ²⁵ La₁ jme₁ma₂rě₂'hei' ₅₄ a₂jme₁ma₂bóg₂ dsa₂, ca₂juá' ₂ Pa₄ ca₂tsí' ₃ jan₂ juig₅₄ 'lióg₂ i₂chén' ₅ cau₅:

—¿Ca₂tín' ₂ 'nia' ₂ báng' ₄ jan₂ dsa₂ i₂tén₅ Roma tē₃ tsá₃ ma₂ně₂quion' ₂ 'nia' ₂ jág₁ dsau₅ quió' ₅?

²⁶ Jme₁ca₂nág₂ juig₅₄ 'lióg₂ a₂ně₅, jaun₂ ca₂nei₅₄ i₁chi' ₂ juig₅₄ dsen₅₄ quiáin₅ ca₂juá' ₂:

—Tě₃ηi' ₅₄ quiáng' ₂ ně₁jua' ₂ 'e₂ ca₂jmag' ₅₄ dsa₂ ně₅, ia₁ dsa₂ tén₅ Roma bá₄ ně₅.

²⁷ Jaun₂ ca₂jme₃quián₃ juig₅₄ 'lióg₂ dsen₅₄ ja₁'en₅₄ Pa₄, jaun₂ ca₂ηag₃:

—¿Dsón' ₂ lín' ₅ 'ne₂ dsa₂ tén₅ Roma?

Jaun₂ ca₂ηag₃ táng₃ Pa₄:

—Ján₅.

²⁸ Jaun₂ ca₂juá' ₂ juig₅₄ 'lióg₂ jaun₂ ně₃:

—'Lióng₂ cu₄ ca₂quín₂ quió₃ a₂ca₂ling₃ dsa₂ tén₅ Roma.

Jaun₂ ca₂juá' ₂ táng₃ Pa₄:

—La₁ jniá₂ ně₃, a₂ma₂lín₅ bá₄ jniá₂ lia' ₂ con' ₂ ca₂rě₃cháng₃.

† 22:23 ca₂gág₃ tsin' ₅₄: Le₂jaun₂ jme₁jmo₅ dsa₂ léi₄ chi₂jua' ₂ 'e₂ tsá₃ tē₃ dsí₅.

29 Dsi₂jui₅ jme₁ca₂nág₂ dsa₂ i₂jme₁bán₂ Pa₄, jaun₂ ca₂l₃léin₂ cau₅, ján₃ bá₄ le₂jaun₂ juig₅₄ 'lióg₂ dsen₅₄ ně₃. Ia₁ jme₁ca₂rě₃ŋi₅ a₂lín₅ Pa₄ dsa₂ tén₅ Roma, ca₂rě₃gó'₅ bá₄ jaun₂ ně₃ ia₁ a₂ca₂'nei'₂ Pa₄.

Ma₂chén'₅ Pa₄ ne₄ dsi₂tan₅₄ quián₅ dsa₂judíos

30 Jme₁jnia₃ jaun₂, jme₁'nio₃ le₃ŋi₅ juig₅₄ 'lióg₂ dsen₅₄ 'e₂ 'uig₅₄ jme₁cuě'₅ dsa₂ judíos dso₄ Pa₄. Jaun₂ ca₂chén'₂ 'éi₂ ia₁ a₂jme₁chi₁'ŋei'₅₄ quian'₅₄ ni₁ŋí₁ cadenas. Jaun₂ ca₂jmo₃ 'éi'₃ a₂ŋi'₂ juig₅₄ jme₂dsa₂ quian'₅₄ ca₂le₃jín₃ dsi₂tan₅₄ quián₅ dsa₂ judíos. Jaun₂ guě₄ ca₂dsein₂₃ Pa₄ ca₂chei'₃ ne₄ dsa₂ 'éi₂.

23

1 Jme₁ma₂chén'₅ Pa₄ ne₄ dsi₂tan₅₄ quián₅ dsa₂ judíos, jaun₂ ca₂jín₂ ca₂le₃jín₃ dsa₂ can'₅₄ 'éi₂, jaun₂ ca₂juá'₂:

—Rin'₅₄ jniog₄, tei₄ bá₄ 'ei₅ dsi₃ ma₂guio₃, chang₂ tē₂ jmig₄ ně₃, ne₄ Diú₄.

2 Jaun₂ Ananías, i₂lín₅ jme₂dsa₂ dsen₅₄, ca₂tsí'₃ dsa₂ i₂jme₁tión₂ cau₅ quió'₅ Pa₄, a₂jnáu₃ mi₂'o₄ 'éi₂. 3 Jaun₂ ca₂ŋag₃ Pa₄ ca₂tsí'₃ jme₂dsa₂ dsen₅₄ 'éi₂:

—iDiú₄ jnáu₃ quiáng'₂ 'ŋiag'₂, 'ne₂ i₂lín'₅ lia'₂ lě₅ caun₂ ni₁'ia'₂ a₂jŋia'₅₄ jniá₂ tiog₂ tē₂le₃ co'₅₄! * Ć'Néi'₂ 'ne₂ ja₁ně₅ qui₂dsí'₁ 'éi'₃ ja₁con₂ jniá₂ con'₂ lě₅ Si₂ 'Éi'₃? ĆJaun₂ 'e₂ lě₃ jmo'₂ 'éi'₃ a₂cuě₃ dsa₂ jniá₂, ton'₂ tsá₃ le₂jaun₂ ta₁ qui'₅ Si₂ 'Éi'₃?

4 Jaun₂ ca₂ŋag₃ dsa₂ i₂tion'₅₄ guě₄ ja₁jaun₂:

—Ć'E₂ lě₃ ŋag'₅₄ le₂ně₅ ne₄ jme₂dsa₂ dsen₅₄ quián₅ Diú₄?

5 Ca₂ŋag₃ táng₃ Pa₄:

—Rin'₅₄ jniog₄, tsá₃ jaun₂ guion₅₄ a₂lín₅ jme₂dsa₂ dsen₅₄. Ia₁ juá'₂ ne₄ Si₂ quió'₅ Diú₄: “Tsá₃ chi₁'íng'₄ 'lig'₅₄ dsi₂tan₅₄ juig₂ go'₅₄.” †

6 Jaun₂ ca₂rě₃lí'₄ Pa₄, i₂lín₅₄ dsa₂ 'éi₂ lín₅ dsa₂ saduceos, i₂lín₅₄ guě'₂ lín₅ dsa₂ fariseos. Jaun₂ guě₄ ca₂juá'₂ Pa₄ tiá₂, ca₂tsí'₃ dsa₂:

—Rin'₅₄ jniog₄, dsa₂ fariseo bá₄ lín₅ jniá₂. Fariseos bá₄ jme₁lín₄ dsa₂ can'₅₄ quiáng₃ ně₃. 'Uig₅₄ ia₁ a₂'éng₂ jág₁ a₂jen'₅₄ táng₃ 'lag₄ bá₄ a₂'iog₅₄ dsa₂, a₂con₂ dsa₂ jág₁ dsau₅ chéng'₅ la₂.

7 Jme₁ca₂juá'₂ Pa₄ le₂ně₅, dsa₂ i₂lín₅ fariseos, quian'₅₄ dsa₂ i₂lín₅ saduceos ně₃, ca₂jme₁lióg₃ qui₂ca₂tsín₂ guioin₅₄, ca₂lě₃ le₁dsoin'₅₄. 8 Ia₁ dsa₂ saduceos, tsá₃ 'e₂ 'éin₂ a₂jen'₅₄ dsa₂ jě₁ma₂dsain₃, on₃ guě'₂ 'éin₂ a₂chan₂ ángeles, on₃ guě'₂ 'éin₂ a₂chan₂ jme₂dsí₂. La₁ dsa₂ fariseos guě'₂ ně₃, 'éin₂ bá₄ ca₂le₃jě₃ a₂jaun₂. 9 Jaun₂ ca₂tóin'₂ ca₂tsín₂ co₂mi'₅₄. Jaun₂ i₂lín₅₄ dsa₂ i₂lín₅ tě₅juá'₅ i₂tión₂ tē₂le₃ quió'₅ dsa₂ fariseos, ca₂nau₂ ca₂juá'₂:

—'I₁caun₂ 'lig'₅₄ tsá₃ 'e₂ ma₂jmo₃ dsa₂ ně₅. Ć'E₂ lé₂ chi₂jua'₂ dsón'₂ bá₄ ca₂juá'₂ jan₂ ángel, o₃ jan₂ jme₂dsí₂ 'e₂, ca₂tsí'₃ i₂ně₅?

10 Jaun₂ 'ŋio₅ ca₂tón'₂ dsa₂ ca₂tsín₂, ca₂lia'₂ ca₂rě₃gó'₅ juig₅₄ 'lióg₂ dsen₅₄ jme₁ca₂jág₃. Ia₁ ně₅ tsá₃ ma₂jmo₃ dsa₂ jma₃quén₅ quió'₅ Pa₄, lín₂. Jaun₂ ca₂jmo₃ 'éi'₃ ca₂o₃lén₂ 'lióg₂ ca₂dsein₂₃ Pa₄ jě₄ quió'₅ dsa₂, ca₂tág₃ ju₅ ne₄ta₁ ja₁tion'₅₄ 'lióg₂.

11 Jme₁ca₂tě₂ tin₃ nei₅ 'en₅₄ Pa₄ ja₁jaun₂, ‡ ca₂jme₃jnia₅ Te₁gui'₅₄ ne₅₄, jaun₂ ca₂juá'₂:

—Quen'₂ bí₂, Pa₄, ia₁ ju₁lia'₂ ma₂ně₂jang'₅₄ jág₁ dsau₅ ně₂'ag'₅₄ jniá₂ jě₄ juig₂ Jerusalén la₂, le₂ně₅ bá₄ o₁jang'₁ jág₁ dsau₅ o₁'ág'₃ jniá₂ jě₄ juig₂ Roma ján₃.

Ca₂jmo₃ dsa₂judíos jág₁ a₂jme₁jŋi'₃ Pa₄

* 23:3 ni₁'ia'₂ tiog₂: 'Nio'₂ ja₁ton₅ Mateo 23:27. † 23:5 Éxodo 22:28. ‡ 23:11 o₃, “A₂'uě₂ jmig₄ jaun₂.”

12 Jme₁jnia₃ jaun₂, ca₂jmo₃ jág₁ i₂lin₅₄ dsa₂ judíos a₂jñi'₃ Pa₄. Ca₂'iin₃ Diú₄ a₂ca₂juá'₂ a₂tsá₃ 'e₂ guě'₃, a₂tsá₃ 'e₂ 'ín'₂ ně₃, ca₂lia'₂ ca₂lē₃ a₂nio₅ dsí₅ jmo₃. 13 Jme₁lē₂ lě₅ guě₄ con'₂ tē₂lón₃ dsa₂ i₂jme₁ma₂lí'₅ jág₁ jmo₃ le₂jaun₂. 14 Jaun₂ ca₂i₁lein₅₄ i₁jñin₅₄ juig₅₄ jme₂dsa₂, ca₂le₃jín₃ guě₄ gui'₅₄ can'₅₄ quián₅ dsa₂ judíos ně₃, a₂ca₂i₁jua'₁:

—Jnia'₅₄ ma₂'ín₃ Diú₄ a₂tsá₃ 'e₂ tí₄ 'o₄, ca₂lia'₂ ma₂ně₂jñi'₄ jnia'₅₄ Pa₄. 15 Jaun₂ 'nia'₂ ně₃, quian'₅₄ ds₂tan₅₄ quián₅ guá'₅, o₂chei'₅₄ 'nia'₂ juig₅₄ 'lióg₂ a₂ja₂jñiai₃ Pa₄ ne'₅₄ 'nia'₂ 'ióg₃. A₂lē₁juig'₅₄ bá₄ 'nia'₂ a₂caun'₅₄ jág₁ dsau₅ co₂rē₂ quió'₅, ia₁jaun₂ bá₄ ja₃jio₃. Jaun₂ jnia'₅₄ guě'₂ ně₃, ma₂lág₅ co₂jñia₅₄ a₂jñi'₄ né'₃ a₂guáin₂ tē₂la₂.

16 La₁ ja₁ñi'₅₄ 'io₅₄ rin'₅₄ Pa₄ ca₂rě₃ñi₅ jág₁ jaun₂. Jaun₂ ca₂ñei₅₄ ne₄ta₁ quió'₅ 'lióg₂ ca₂i₁'ě₄ jág₁ ne₄ Pa₄. 17 Jaun₂ Pa₄ ně₃ ca₂tě'₃ jan₂ juig₅₄ 'lióg₂, jaun₂ ca₂juá'₂: —Jñia₅ chí'₂ la₂ ne₄ juig'₂ 'nia'₂, ia₁ cha₂ jág₁ quian₅ dsí₃'ě₃.

18 Jaun₂ ca₂ñe₄ 'éi₂ ca₂i₁jñiai₃ chí'₂, jaun₂ ca₂juá'₂:

—Pa₄ i₂lē₅ 'í₁ quián₅ 'lióg₂ ně₂té₂ jniá₂ a₂ně₂mi₃ a₂i₁jñiag₂ chí'₂ la₂, ia₁ cha₂ jág₁ quian₅ a₂'ě₂ ne'₅₄.

19 Jaun₂ ca₂jña'₃ juig₅₄ 'lióg₂ dsen₅₄ 'éi₂ mi₂gu₂ chí'₂ 'éi₂, con'₂ ca₂jio₃ cau₅, jaun₂ ca₂ñag₃:

—¿'E₂ jág₁ quian'₅₄ juig'₅₄ jniá'₂?

20 Jaun₂ ca₂ñag₃ chí'₂ 'éi₂:

—Ma₂ně₂jmo₃ dsa₂ judíos caun₂ jág₁ a₂mi₃ ne'₅₄ a₂o₁jñiag'₂ Pa₄ 'ióg₃ ne₄ ds₂tan₅₄ quián₅ dsa₂ judíos. A₂'nio₃ jme₃gain₂₃ 'ne₂ jmo₃ ně₂jag₄ bá₄ a₂con₂ ds₂tan₅₄ jág₁ dsau₅ quió'₅ 'éi₂. 21 La₁ tsá₃ o₁'eng'₅₄, ia₁ lě₅ guě₄ tē₂lón₃ dsa₂ quián₅ ma₂le₁'mai₅₄ cau₅ jui₅ le₁jñio₂₃. Ma₂'iin₃ Diú₄ a₂tsá₃ 'e₂ guě'₃, 'ín'₂, ca₂lia'₂ ca₂jñi'₃ Pa₄. Jñia'₅₄ lia'₂ a₂jaun₂ bá₄ le₁jñia₂₃ chí₂jua'₂ 'e₂ jág₁ juig'₅₄ 'ne₂.

22 Jaun₂ ca₂'ág'₃ jág₁ juig₅₄ dsen₅₄ 'éi₂, ca₂juá'₂ a₂tsá₃ 'ein₂ tsí'₃ jág₁ a₂ca₂dsia₃ jaun₂.

Ca₂dsián'₂ dsa₂ Pa₄ ne₄ Dsi₄má'₂ Félix

23 Jaun₂ ca₂tě'₃ juig₅₄ 'lióg₂ dsen₅₄ on₃ juig₅₄ 'lióg₂ quián₅, ca₂jmo₃ 'éi'₃ a₂jmo₃ 'éi₂ co₂jñia₅₄ tin₃ 'ñiá₂-lón₂ 'lióg₂ a₂dsi₃lén₂ jui₅ tag₅₄; 'nag'₂ ne₂guión₂ rē₂dsí₂ guian₃ guě'₂ (70) ds₂i₃lén₂ co₁dsin₅₄ cua₁, tin₃ 'ñia₂-lón₂ guě'₂ i₂cán₂ ní₁ chen'₂, a₂dsi₃lén₂ jui₅ Cesarea con'₂ hora ní₁ ñi₃ le₃ca₂nei₂. Š 24 Jaun₂ ca₂chein₃ jág₁ a₂jmo₃ dsa₂ co₂jñia₅₄ cua₁ i₂co₃dsin₅₄ Pa₄. Ca₂jmo₃ 'éi'₃ a₂jmo₃ dsa₂ 'í₁, ds₂i₃jóin₂ 'éi₂ o₄gú₃ Dsi₄má'₂ Félix tē₂dsein₃ jéin'₃ le₂jaun₂. 25 Jaun₂ quian'₅₄ dsa₂ i₂i₁jon₅₄ Pa₄, ca₂chen₃ juig₅₄ dsen₅₄ si₂ la₂ a₂juá'₂:

26 Jniá₂, Claudio Lisias, tsíng₂ si₂ la₂ ne'₅₄ 'ne₂, gui'₅₄ Dsi₄má'₂ juin'₂ Fé₁. Cuíng₅ Diú₄ 'ne₂. 27 Ca₂jñau'₃ dsa₂ judíos ca₂jñai'₃ dsa₂ ně₅, a₂jme₁jñag'₃. La₁ jme₁ca₂rě₃guion₅₄ a₂lín₅ dsa₂ tén₅ Roma, jaun₂ ca₂ñeg₅₄ i₁lioin₁₂ quian'₅₄ 'lióg₂ quiáng₃. 28 Ia₁ jme₁'nio₃ le₃guion₅₄ 'e₂ 'uig₅₄ 'nag₅ dsa₂, jaun₂ ca₂i₁jñiá'₂ ne₄ ds₂tan₅₄ quián₅. 29 Jaun₂ ca₂rě₃léi₄ jniá₂, 'uig₅₄ quió'₅ Si₂ 'Éi'₃ quió'₅ guion₅₄ bá₄ dsa₂, cuě'₅ i₂ně₅ dso₄. Jaun₂ tsá₃ cha₂ 'e₂ lě₃ jua'₅₄ a₂'i₄ 'éi'₃ a₂jñag'₃ dsa₂, on₃ guě'₂ ds₂ten₅₄ jua'₅₄ a₂'í₂ 'né₅ 'má₃ ně₃. 30 Jaun₂ jme₁ca₂rě₃guion₅₄ a₂ma₂jmo₃ dsa₂ judíos caun₂ jág₁ a₂jñag'₃, jaun₂ bá₄ lě₃ ds₂iain₄ jniá₂ o₄gog'₂ 'ne₂. Jaun₂ ma₂juig₂ bá₄ jniá₂ ján₃, dsa₂ i₂'nag₅ 'ni₅ i₂ně₅, a₂dsi₃lén₂ ne'₅₄ 'ne₂, a₂dsi₃can₅ dso₄ a₂bóin'₂ i₂ně₅. Co₂ně₅ bá₄.

31 Jaun₂ 'lióg₂ ně₃, con'₂ lě₅ 'éi'₃ ma₂ñi₂, ca₂dsein₂₃ Pa₄ ca₂tág₃ tē₃ 'uě₂ ca₂dsi₃lén₂ tē₂ juig₂ Antípatris. 32 Jme₁jnia₃ jaun₂, 'lióg₂ i₂i₃lén₂ jui₅ tag₄ ca₂jéin'₃ táng₃ jui₅, ja₂lein₃ táng₃. Jmá'₃ 'lióg₂ i₂co₁dsin₅₄ cua₁ bá₄ ca₂i₃lén₂ i₃jón₂ guě₄ Pa₄. 33 Jme₁ca₂dsi₃lén₂ tē₂ juig₂ Cesarea, jaun₂ ca₂jñin'₃ ds₂i₄má'₂ si₂ carta a₂quian₅.

Š 23:23 lit. “hora 'ni₅ a₂'uě₂.”

Ca₂jín'₂ Pa₄ ně₃. ³⁴ Jme₁ma₂ně₂'í₂ dsi₄má'₂ si₂, jaun₂ ca₂ŋí'₃ Pa₄ a₂já'₄ chain₂. Jme₁ca₂rě₃ŋi₅ a₂chan₂'éi₂ 'uě₃ Cilicia, ³⁵ jaun₂ ca₂juá'₂:

—Ně₅ nag₅₄ jág₁ quiáng'₂ jě₁ma₂o₂lén₂ dsa₂ i₂'nag₅ quiáng'₂.

Jaun₂ ca₂jmo₃ dsi₄má'₂ 'éi'₃ a₂jmo₃ 'lióg₂ 'í₁ Pa₄ dsi₂néi₂ ne₄ta₁ palacio quió'₅ Rag₅₄ Herodes.

24

Ca₂jáng'₃ Pa₄ jág₁ dsau₅ a₂lióin₂ 'ŋiog₅ ne₄ Dsi₄má'₂ Fé₁

¹ A₂'ŋiá₂ jmig₄ cang₂ jaun₂, ca₂dsióg₃ Ananías i₂lín₅ jme₂dsa₂ dsen₅₄, quiain'₅₄ i₂lín₅₄ gui'₅₄ can'₅₄ ně₃, quiain'₅₄ Tértulo i₂lín₅ i₂chén'₅ ne₄ jág₁ quiáin₅, ca₂dsi₃lén₂ Cesarea. Jaun₂ ca₂dsi₃lén₂ ne₄ dsi₄má'₂ a₂'ni₃ Pa₄. ² Jme₁ca₂i₁quian₅₄ dsa₂ Pa₄, jaun₂ ca₂jme₃lióg₃ Tértulo ca₂tsí'₃ dsi₄má'₂ a₂'ni₂₃ Pa₄, ca₂juá'₂:

—Ti₁'mag'₄ 'ne₂, tei₄ bá₄ 'ei₅ tio'₅₄ jnia'₅₄, jaun₂ dse₃ bá₄ lia'₂ con'₂ lě₅ 'éi'₃ quiáng'₂ a₂ting'₂. ³ Jaun₂ con'₂ lě₅ 'éi'₃ qui'₂ 'ne₂ bá₄ qui₂jmo₅ dsa₂, a₂jmo₂ jnia'₅₄ ján₃. Jaun₂ cuě₂ jnia'₅₄ ti₁'mag'₄ 'ne₂, Fé₁ juin'₂. ⁴ La₁ jaun₂ tsá₃ uě₂ jme₁'ag₁₂ jnia'₅₄ quiáng'₂, mi₂ jnia'₅₄ jmó'₂ dse₃ 'au'₂ a₂nág'₁ jág₁ quián₂ jnia'₅₄ a₂jua'₅₄. ⁵ Ma₂ne₅₄ jnia'₅₄ ca₂le₃jě₃ 'e₂ 'lig'₅₄ jmo₅ dsa₂ ně₅, ŋi₂₃ ca₂le₃jě₃ juig₂ qui₂dsiain₂₃ mi'₅₄ dsa₂ judíos qui₂jmo₃ le₁dson'₅₄ dsa₂. Jaun₂ i₂ně₅ bá₄ lín₅ jan₂ dsa₂ i₂quian₅ ne₄ juí₅ quió'₅ co₂nió'₃ dsa₂ i₂tě'₂ dsa₂ nazarenos. ⁶ Jme₁'nio₃ jme₁jme₂'ióg₃ guá'₅ templo quián₂ jnia'₅₄. Jaun₂ bá₄ lě₃ ca₂chain'₅₄ jnia'₅₄, [jme₁'niog₂ jme₁qui₂dsi₂ 'éi'₃ con'₂ lě₅ Si₂ 'Éi'₃ quián₂ jnia'₅₄. ⁷ La₁ jme₁ca₂'í₃ juig₅₄ 'lióg₂ Lisias, ca₂jŋiá'₂ Pa₄ jín₄ jnia'₅₄ quian'₅₄ bí₂ quió'₅ 'lióg₂ quiáin₅, a₂ca₂tág₃. ⁸ Ca₂juá'₂ Lisias 'éi₂ a₂'nió'₅ ja₃lén₂ dsa₂ i₂'nag₅ ne'₅₄ 'ne₂.]* Dse₃ ŋag'₅₄ 'ne₂ 'ŋiag'₂ ia₁jaun₂ le₃ŋi'₅₄ lia'₂ tí₅ jág₁ 'e₂ lě₃ 'ní₅ jnia'₅₄.

⁹ Jaun₂ ca₂le₃jín₃ guě₄ dsa₂ judíos i₂jme₁tión₂ ja₁jaun₂ ca₂juá'₂ a₂dsón'₂ dsau₅ bá₄ jág₁ ně₅. ¹⁰ Jaun₂ ca₂jmo₃ léi₄ dsi₄má'₂ ca₂tsí'₃ Pa₄ a₂juá'₂ 'éi₂ jág₁. Jaun₂ ca₂juá'₂ 'éi₂ jaun₂ ně₃:

—A₂'ŋio₂ dsi₃ jáng'₄ jág₁ dsau₅ a₂long₅₄ 'ŋió₃ ne'₅₄ 'ne₂, ia₁ guion₅₄ bá₄ jaun₂ a₂lín'₅ dsi₂tan₅₄ ma₂ne₁ŋó₄ ŋi₂ a₂qui₂dsí'₁ 'éi'₃ quió'₅ ta₁caun₂ 'uě₃ la₂. ¹¹ Lé₂ bá₄ le₃caun'₅₄ jág₁ dsau₅, mei'₂ tsá₃ guia₃-tín₂ jmig₄ bá₄ ma₂tě₂ a₂guang₃ Jerusalén a₂chi₁leng'₄ Diú₄. ¹² Tsá₃ jua'₅₄ ca₂jmo₃ dsa₂ a₂tsing₂ quian'₅₄ dsa₂, on₃ guě'₂ jua'₅₄ a₂qui₂dsia₂₃ mi'₅₄ i₂dsi₅ guá'₅ templo, on₃ guě'₂ dsi₂néi₂ guá'₅ sinagogas, on₃ guě'₂ jě₄ juig₂. ¹³ Tsá₃ qui'₅₄ jmig₄ i₂ně₅ jme₃jniai₂₃ ca₂le₃jě₃ a₂'nag₂₃. ¹⁴ La₁ a₂juá'₅ jniá₂ ne'₅₄, a₂jme₂ti₅₄ ne₄ Diú₄ quián₅ dsa₂ can'₅₄, con'₂ lě₅ juí₅ a₂juá'₂ i₂ně₅ a₂tsá₃ dsau₅. Ia₁ 'éng₂ ca₂le₃jě₃ a₂tio'₅₄ ne₄ Si₂ 'Éi'₃ quian'₅₄ Si₂ quió'₅ dsa₂ i₂jme₁'ě₂ jág₁ quián₅ Diú₄ ně₃. ¹⁵ Le₂jaun₂ bá₄ 'éng₂ le₃quió'₅ Diú₄, juí₁lia'₂ 'éin₂ guoin₅₄ bá₄ ján₃, ia₁ 'éng₂ a₂qui₂jen'₅₄ 'lag₄, lia'₂ dsa₂ dsen₃ lia'₂ dsa₂ 'lín'₅₄ ně₃. ¹⁶ 'Uig₅₄ jaun₂, le₃jě₃ jmig₄ bá₄ quín'₅ jniá₂ bí₂ a₂tsá₃ 'e₂ dsi₃ŋi₅ dsi₃, lia'₂ ne₄ Diú₄ lia'₂ ne₄ dsa₂ mi₂güig₃ ně₃.

¹⁷ 'Jme₁ca₂dsin₃ tin₃-ni₅ ŋi₂ a₂ŋi₂₃ juig₂ siá'₂, ca₂guáng'₃ táng₃ Jerusalén a₂jme₁ong₁₂ dsa₂ te₂ŋé₂, a₂dsing'₄ já'₂ ne₄ ne₄chei₂ ně₃. ¹⁸ A₂jaun₂ bá₄ 'eng₅₄ jmo₂₃ i₂dsi₅ guá'₅ templo jme₁ma₂ně₂jmo₃ le₃jě₃ quió'₃ lia'₂ con'₂ lě₅ tag₄ chí'₅ quián₂ jnia'₅₄. La₁ on₃jua'₅₄ a₂jme₁tion₅₄ dsa₂ juin₅, on₃ guě'₂ jua'₅₄ ca₂dsia₃ jniá₂ mi'₅₄. Jaun₂ ca₂dsi₃lén₂ i₂lín₅₄ dsa₂ judíos i₂ja₂lén₂ juig₂ siá'₂ ja₁tén₄ 'uě₃ Asia. I₂'éi₂ bá₄ ca₂jmo₃ 'eng₅₄ i₂dsi₅ guá'₅ templo. ¹⁹ I₂'éi₂ bá₄ 'nió'₅ ja₃lén₂ ja₁lá₃ ia₁jaun₂ 'nag₃ chi₂jua'₂ cha₂ a₂'nag₃ jniá₂. ²⁰ Ně₁jua'₂ tsá₃ a₂cha₂ 'nag₃ 'éi₂, jaun₂ juí₁'nag₅₄ i₂tión₂ ně₅ chi₂jua'₂ cha₂ dso₄ ca₂'no₃ ja₁con₂ dsi₂tan₅₄ quián₅ dsa₂ judíos. ²¹ O₃

* 24:8 A₂lín₅₄ chog₅₄ si₂ tsá₃ le₁ton₅ jág₁ a₂tio'₅₄ 'ŋió₃ corchetes [le₂la₂].

'uig₅₄ jaun₂ 'e₂, ia₁ a₂'én₂ jniá₂ a₂jen'₅₄ 'lag₄, jui₁lia'₂ ca₂juá'₃ jniá₂ tiá₂ ca₂juíg₂ 'éi₂ lia'₂ con'₂ jme₁'eng₅₄ jë₄ quió'₅, ca₂juíg₂: “A₂cáun'₂ 'nia'₂ jág₁ dsau₅ quió₃ jniá₂, ia₁ a₂'éng₂ a₂jen'₅₄ 'lag₄.”

²² Jme₁ca₂nag₂ gui'₅₄ Dsi₄má'₂ Fé₁ le₂në₅, jaun₂ tsá₃ ma₃'e₂ ca₂jme₃rë₃. Ia₁ jme₁ma₂ñi₅ rë₂ bá₄ i₂'e₂ jaun₂ a₂të'₂ dsa₂ “Jui₅”. Jaun₂ ca₂juá'₂:

—Në₅ bá₄ jme₁rë₂ jniá₂ jág₁ në₅ quián'₂ 'nia'₂, jë₁ma₂guan₅ juig₅₄ 'lióg₂ dsen₅₄ Lisias.

²³ Jaun₂ ca₂jmo₃ gui'₅₄ dsi₄má'₂ 'éi'₃ ca₂tsí'₃ juig₅₄ 'lióg₂ quián₅ a₂toin'₂ Pa₄ né'₃ 'má₃. La₁ ca₂cuë₃ bá₄ jmig₄ lé₂ bá₄ dsi₃jag₅₄ a₂mei₅₄ quián₅ Pa₄ a₂jme₃'o₅₄ në₁jua'₂ 'e₂ ca₂rë₃'nió'₅ quió'₅.

²⁴ Jme₁ca₂dsin₃ tin₃-ni₅ jmig₄ cang₂ jaun₂, ca₂dsióg₃ táng₃ Fé₁ quiain'₅₄ 'io₅₄ quián₅ i₂chen₂ Drusila, i₂lín₅ judía. Jaun₂ ca₂jmo₃ Fé₁ 'éi'₃ ca₂i₁quian₅₄ dsa₂ Pa₄, jaun₂ ca₂nág₂ të₁lia'₂ ca₂dsia₃ 'éi' jui₁lia'₂ 'a₂ lia'₂ lë₅ a₂'éin₂ të₂le₃ quió'₅ Cristo Jesús. ²⁵ La₁ jme₁ca₂dsia₃ Pa₄ a₂'nió'₅ cán₂ dsa₂ caun₂ jui₅ co₂dsau₅, a₂'nió'₅ jme₃'uán₂ dsa₂ dsí₅ 'ñiog₅; jme₁ca₂dsia₃ Pa₄ ajá₅ caun₂ jmig₄ a₂con₂ Diú₄ jág₁ dsau₅ quió'₅ le₂jan₂ le₂jan₂ dsa₂, jaun₂ guë₄ ca₂rë₃gó'₅ gui'₅₄ Fé₁. Jaun₂ ca₂juá'₂:

—Dse₃ bá₄ quang'₂ táng₃ ja₁jme₁'eng'₅₄. Në₅ bá₄ tē₄ táng₃ jmig₄ siá'₂ jë₁ma₂jing₅₄.

²⁶ Jme₁'ín₂ dsí₅ Fé₁ a₂jme₁jén'₃ Pa₄ cu₄ ia₁jaun₂ jme₁lió₂. Jaun₂ 'lióng₂ ráun₂ jme₁ca₂të₃ a₂dsia₂₃ jág₁ quiong'₅₄. ²⁷ Tin₃ ñi₂ ca₂ñí₂ le₂jaun₂ jme₁ca₂o₃'ín₃ gui'₅₄ Fé₁ ta₁ a₂jme₁lín₄, a₂ca₂'í₃ táng₃ Porcio Festo. Jaun₂ lia'₂ ma₂'en₅₄ jaun₂ bá₄ Pa₄ né'₃ 'má₃ ca₂jmo₃ Fé₁, ia₁jaun₂ të₃tsiin'₅₄ dse₃ quian'₅₄ dsa₂ judíos.

25

Ca₂ñe₄ Pa₄ ne₄ Dsi₄má'₂ Festo

¹ Ma₂'ni₅ jmig₄ a₂ca₂gue₃ Festo ta₁ dsi₄má'₂, ca₂'uüin₂ juig₂ Cesarea ca₂uüig₂ juig₂ Jerusalén. ² Ja₁jaun₂ ca₂jmo₃ jme₂dsa₂ dsen₅₄ quiain'₅₄ ca₂le₃jín₃ juig₅₄ jme₂dsa₂ quián₅ dsa₂ judíos, ca₂mi₃ dso₄ ne₄ Festo a₂'niü₂₃ Pa₄. ³ Ján₃ bá₄ ca₂mi₃ a₂jmo₃ 'éi₂ dse₃ dsí₅, a₂jmo₃ 'éi'₃ a₂dsi₃quián₂ dsa₂ Pa₄ a₂dsi₃jó₂ juig₂ Jerusalén. Ia₁ a₂jme₁ma₂li'₅₄ jág₁ a₂jme₁ñi₁'₃ Pa₄ le₂'i₄ jui₅. ⁴ La₁ jaun₂ ca₂ñag₃ Festo a₂'ein₅₄ jui₅ dsáin'₃ ñi'₅₄ ta₁ të₂ juig₂ Cesarea ja₁'en₅₄ Pa₄ né'₃ 'má₃. ⁵ Jaun₂ ca₂juá'₂:

—Jui₁ja₂lén₂ dsa₂ i₂lín₅ ta₁ quián'₂ 'nia'₂ quian'₅₄ jniá₂ jui₅ Cesarea, jui₁'nag₁₂ ja₁jaun₂ chi₂jua'₂ cha₂ a₂rñin₂.

⁶ Jñia'₅₄ con'₂ jñia₃ o₃ guia₃ jmig₄ bá₄ ca₂'í₃ Festo Jerusalén, jaun₂ ca₂ñái'₃ Cesarea. Jme₁jñia₃ táng₃ jaun₂, ca₂i₁gua₂ ne₄ta₁ ja₁qui₂dsi₂₃ 'éi'₃, jaun₂ ca₂jmo₃ 'éi'₃ a₂ca₂i₁quian₅₄ dsa₂ Pa₄. ⁷ Jme₁ca₂'í₃ Pa₄ dsi₂néi₂ ne₄ta₁, jaun₂ ca₂jme₃quián₃ dsa₂ judíos i₂ja₂lén₂ juig₂ Jerusalén. Jaun₂ 'lióng₂ ne₅₄ dso₄ juë'₂ qui₂ca₂bóin'₂ Pa₄. La₁ tsá₃ ca₂tió'₃ jme₃jñiai₂₃ a₂dsón'₂ dsau₅ ca₂le₃jë₃ dso₄ a₂bóg'₂ jaun₂. ⁸ Jaun₂ ca₂jáng'₃ Pa₄ jág₁ dsau₅ a₂lióin₂ 'ñiog₅, ca₂juá'₂:

—I₁caun₂ dso₄ në₅ tsá₃ ma₂'no₃ jniá₂, on₃ guë'₂ jua'₅₄ a₂tsá₃ ma₂ca₂rë₃tei₅₄ con'₂ lë₅ Si₂ 'Éi'₃ quió'₅ dsa₂ judíos, on₃ guë'₂ le₃quió'₅ guá'₅ templo jua'₅₄ a₂ma₂'no₃ dso₄, on₃ guë'₂ jua'₅₄ a₂cha₂ dso₄ ma₂ca₂táng'₂ ja₁con₂ gui'₅₄ emperador romano.

⁹ La₁ia₁ jme₁'nio₃ Festo të₃tsiin'₅₄ rë₂ quian'₅₄ dsa₂ judíos, jaun₂ ca₂ñí'₃ Pa₄:

—¿'Niog'₂ quang'₅₄ të₂ juig₂ Jerusalén ia₁jaun₂ ja₁jaun₂ jme₁rë₂ jniá₂ quiáng'₂?

¹⁰ Jaun₂ ca₂ñag₃ Pa₄:

—Jaun₂ guë'₂ ma₂chén'₅ jniá₂ ja₁lá₃ caun₂ ne₄ta₁ ja₁tén₄ gui'₅₄ emperador romano ja₁dsi₂ten₅₄ qui₃dsi₅ dsa₂ 'éi'₃ quió₃. Ia₁ rë₂ bá₄ ñi'₅₄ 'ne₂, tsá₃ 'e₂ dso₄ rñin₂ jniá₂ ja₁con₂ dsa₂ judíos. ¹¹ Chi₂jua'₂ cha₂ guë'₂ dso₄ a₂ma₂'no₃, a₂ca₂tíng₂

jóng₂, jaun₂ guén₄ bá₄ jniá₂ 'mú₃ quió₃. La₁ chi₂jua' tsá₃ dsau₅ dso₄ a₂bóg' dsa₂ nē₅, jaun₂ 'i₁jan₂ tsá₃ 'ein₂ ca₂tín₂ jua' a₂jáng' jniá₂ o₄gú₃ dsa₂ 'éi₂. Jaun₂ mi₅ jniá₂ nég' ne₄ gui' emperador, ia₁jaun₂ 'éi₂ qui₃dsi₅ 'éi' ja₁cong₂.

¹² Jme₁ca₂lë₃ dsia₅ Festo jág₁ quian' dsa₂ i₂to' jág₁ dse₃ quiáin₅, jaun₂ ca₂juá' ca₂tsí' Pa₄:

—Ia₁ ma₂nē₂mi' guang' ne₄ gui' emperador, ne₄ 'éi₂ guang' guè' jaun₂.

Ma₂chén' Pa₄ ne₄ Rag₅₄ Agripa

¹³ Tin₃-ni₅ jmig₄ cang₂ jaun₂, ca₂dsióg₃ Rag₅₄ Agripa quian' Berenice ca₂i₁lein₅₄ juig₂ Cesarea i₁cuin₃ Diú₄ Festo. ¹⁴ Ca₂tóin' bá₄ tin₃-ni₅ jmig₄ ja₁jaun₂, jaun₂ ca₂dsia₃ Festo ca₂tsí' Rag₅₄ Agripa jág₁ jaun₂ quió' Pa₄. Jaun₂ ca₂juá':

—'En₅₄ jan₂ dsa₂ 'né₅ 'má₃ ja₁lá₃, i₂ca₂ton' Fé₁. ¹⁵ Lia' con' jme₁en₅₄ jniá₂ juig₂ Jerusalén, ca₂mi₃ dso₄ ne₃ jniá₂ juig₅₄ jme₂dsa₂ quián₅ dsa₂ judíos, dsa₂ can' quiáin₅ nē₃, a₂'ni₂₃ dsa₂ 'éi₂, a₂jme₁mi₂₃ jme₁qui₃dsi₅ jniá₂ 'éi' quió'₅, a₂'é₄ uig₅ nē₃. ¹⁶ Jaun₂ bá₄ lë₃ ca₂ηag₄ jniá₂ ca₂juig₂: “Tsá₃ le₂jaun₂ tin₂ quió'₅ dsi₂tan₅₄ romano jua' qui₃dsi₅ 'éi' quió'₅ jan₂ dsa₂, tē₃ tsá₃ ma₂nē₂jín₂ dsa₂ i₂qui₂'nag₅ quió'₅, tē₃ tsá₃ ma₂cuin₅ jmig₄ lióin₃ 'e₂ dso₄ bóg' dsa₂.” ¹⁷ Jaun₂ lë₃, jme₁ca₂o₃lén₂ ja₁lá₃, dsi₂jui₅ bá₄ ca₂i₁gua₂ ne₄ta₁ quió₃ jme₁jnia₃ jaun₂, jaun₂ ca₂jmo₃ 'éi' ca₂i₁quian' dsa₂ dsa₂ 'éi₂. ¹⁸ La₁ jme₁ca₂o₃lén₂ dsa₂ i₂'nag₅, tsá₃ 'e₂ dso₄ ca₂bóg' dsa₂ ju₁lia' dso₄ jme₁lín₂ jniá₂ a₂jme₁bóg'. ¹⁹ Jnia' lia' a₂jaun₂ bá₄ 'ni₂₃ 'éi₂ lia' con' lë₅ 'Éi' Juá' quió'₅, ia₁ a₂juá' 'iin₂₃ jan₂ i₂chen₂ Jesús i₂ca₂jon₃, jaun₂ juá' Pa₄ i₂chan₂ bá₄ 'éi₂. ²⁰ Ia₁ tsá₃ guion' a₂ lia' jme₁rē₂ jág₁ jaun₂, jaun₂ bá₄ lë₃ ca₂juig₂ Pa₄ chi₂jua' 'nio₃ dsó₃ ju₁ Jerusalén, ia₁jaun₂ qui₃dsi₅ dsa₂ 'éi' ja₁jaun₂. ²¹ La₁ 'ηiog₅ nē₃ ca₂mi₃ a₂qui₃dsi₅ 'éi' gui' emperador Augusto, jaun₂ bá₄ lë₃ ca₂jmo₃ jniá₂ 'éi' lia' ma₂'ein₅₄ nē₅ 'né₅ 'má₃, ca₂lia' ca₂cuin₃ jmig₄ a₂tsin' ne₄ gui' emperador.

²² Jaun₂ ca₂juá' gui' Agripa ca₂tsí' Festo:

—Ján₃ bá₄ 'nio₃ jniá₂ nag₅₄ jág₁ quió'₅ dsa₂ 'éi₂.

Jaun₂ ca₂ηag₃ táng₃ Festo:

—'Ióg₃ nág' jág₁ quió'₅.

²³ Jaun₂ jme₁jnia₃ jaun₂, ca₂dsióg₃ gui' Agripa quian' Berenice. 'Nio₅ lín₃ jlá' ca₂i₃toin' dsi₂néi₂. Ca₂dsi₃lén₂ juig₅₄ 'lióg₂ dsen₅₄, ca₂le₃jín₃ dsa₂ dsen₅₄ quián₅ juig₂ ca₂dsi₃lén₂. Jaun₂ ca₂jmo₃ Festo 'éi' a₂ca₂i₁quian' dsa₂ Pa₄. ²⁴ Jaun₂ ca₂juá':

—'Ne₂ Rag₅₄ Agripa, ca₂le₃jín' 'nia' dsa₂ i₂le₁ηi' ja₁lá₃ quian' jnia' la₂ chén' dsa₂ la₂. Juin₅ dsa₂ judíos i₂chan₂ juig₂ Jerusalén, dsa₂ chan₂ juig₂ Cesarea ja₁lá₃ nē₃, 'ni₂₃ dsa₂ la₂. Jaun₂ ca₂le₃jé₃ jmig₄ tsá₃ cán₂ jág₁, a₂mi₂₃ jón₂ i₂nē₅.

²⁵ La₁ con' lín₂ jniá₂, tsá₃ 'e₂ dso₄ riin₂ jua' a₂dsi₂ten₅₄ jóin₂. Ton' mi₂₃ táng₃ 'ηiog₅ a₂dsáin' ne₄ gui' emperador Augusto, jaun₂ lë₃ ma₂i₂ηiog₅ dsi₃ dsian' co₂ηei' ne₄ 'éi₂. ²⁶ Ia₁ tsá₃ guion' 'e₂ jág₁ dsón' tó' ne₄ si₂ a₂juig₅₄ gui' emperador a₂'nig₄ i₂nē₅. Jaun₂ bá₄ lë₃ i₂ηiái₂ ne' 'nia', la₁ 'ηio₅ dsen₅₄ gué₄ le₂'uig₅₄ ne' ne₂ gui' Rag₅₄ Agripa, ia₁jaun₂ caun' jág₁ dsau₅ quió'₅, ia₁jaun₂ cha₂ a₂tó' ne₄ si₂ 'e₂ a₂rē₂cáin'. ²⁷ Ia₁ tsá₃ dse₃ jniá₂, lín₂ jniá₂, jua' a₂dsiang' jan₂ dsa₂ chi₁'ηei' jua' a₂tsá₃ juig₅₄ 'e₂ lë₃ 'nag₅ dsa₂.

26

Ca₂jáng' Pablo jág₁ dsau₅ quió'₅ ne₄ Rag₅₄ Agripa

¹ Jaun₂ ca₂juá' Rag₅₄ Agripa ca₂tsí' Pa₄:

—Lé₂ bá₄ jua'₅₄ jág₁ a₂jang'₅₄ jág₁ dsau₅ o₄ quiáng'₂ 'ñiag'₂.

Jaun₂ ca₂chóg'₃ Pa₄ gu₂ ca₂jme₃lióg₃ ca₂juá'₂ le₂la₂:

² —Jmo₅ jniá₂ dsí₃, 'e₂ bá₄ dsen₃ jniá₂, a₂ma₂chéng'₅ ne'₅₄ 'ne₂ Rag₅₄ Agripa, a₂long₅₄, juig₅₄ 'ne₂ 'a₂lia'₂ lě₅ ca₂le₃jě₃ dso₄ a₂bóg'₂ dsa₂ judíos jniá₂. ³ Ia₁ ma₂ñi'₅₄ bá₄ 'ne₂ co₂rě₂ 'a₂lia'₂ lě₅ tag₄ a₂chí'₅ quián₂ jnia'₅₄ dsa₂ judíos, quian'₅₄ jág₁ a₂tság₂ jnia'₅₄ jin₄ rin'₅₄ ně₃. Jaun₂ lě₅ mī₅ jniá₂ ne'₅₄ a₂jmo'₂ juin'₂ 'au'₂ a₂nág'₁ jág₁ quió₃.

Ca₂dsia₃ Pablo, le₂la₂ bá₄ jme₁lín₄ né'₃ a₂jéin'₃ le₃quió'₅ Te,gui'₅₄

⁴ 'Ca₂le₃jín₃ bá₄ dsa₂ judíos le₁ñi₅ 'a₂lia'₂ jme₁jmo₅ jniá₂ juig₂ go₃ quian'₅₄ jě₄ juig₂ Jerusalén ně₃. Jaun₂ le₁ñi₅ bá₄ dsa₂ 'a₂lia'₂ jme₁ñi₅ jniá₂ lia'₂ bñing'₅₄. ⁵ Le₁ñi₅ 'éi₂ ján₃, jaun₂ lé₂ bá₄ jáng₃ jág₁ dsau₅ ně₃ jua'₂ 'nio₃, lia'₂ con'₂ jme₁i₃juing'₂ bá₄, ma₂lín₅ bá₄ jniá₂ dsa₂ fariseo. Jaun₂ jnia'₅₄ i₂jme₁lág₄ fariseos jme₁jme₂tí₁ gué₄ 'ñio₅ lín₃ juá'₅ quián₂. ⁶ Ia₁ a₂'éng₂ a₂jme₃jen'₅₄ Diú₄ 'lag₄, jui₁lia'₂ lě₅ jág₁ quió'₅ ca₂cué'₃ gui'₅₄ can'₅₄ quián₂ jnia'₅₄ ma₂líg'₂, 'uig₅₄ jaun₂ bá₄ a₂chéng'₅ ja₁lág₃, a₂con₂ dsa₂ jág₁ dsau₅ quió₃. ⁷ Ta₁guia₃-tín₂ bá₄ cho'₅₄ tsí₁jon₂ dsa₂ juig₂ jnia'₅₄ jme₁juin'₂ Diú₄, jaun₂ lia'₂ 'uě₂-jmi₂ bá₄ jme₂tí₃ ta₁ ne₄ Diú₄ ia₁ le₁ín₂ dsí₅ a₂jme₂tí₃ Diú₄ jág₁ jaun₂ quió'₅ ca₂cué₃. 'Uig₅₄ jaun₂ bá₄ ně₃, 'ne₂ gui'₅₄ Rag₅₄ Agripa, 'uig₅₄ ia₁ a₂ín₂ dsí₃ jniá₂ le₂jaun₂ bá₄, a₂'nag₅ dsa₂ judíos jniá₂. ⁸ 'Ķ₂ 'uig₅₄ jmo'₂ 'nia'₂ 'au'₂ a₂tság₃ qui'₅₄ Diú₄ jmi₃g₄ jme₃jein'₅₄ 'lag₄?

Ca₂dsia₃ Pa₄ 'a₂lia'₂ qui₂ca₂co₃'ein₃ quió'₅ dsa₂ quián₅ Jesús

⁹ 'Jniá₂ 'ñi₃, jme₁dsí₂jio₅ dsí₃ le₂ñiá₅ jme₁jmo₅₄ 'lióng₂ ne₅₄ cosas a₂jme₁mag'₅₄ dsa₂ quián₅ Jesús chan₂ Nazaret. ¹⁰ Jaun₂ le₂ně₅ ca₂jmo₃ jě₄ juig₂ Jerusalén. Quian'₅₄ 'éi'₃ ca₂cué₃ juig₅₄ jme₂dsa₂, qui₂ca₂tong'₂ 'né₅ 'má₃ juin₅ lín₃ dsa₂ 'én₂.* Caun₂ bá₄ jág₁ jme₁lě₄ quió₃ quian'₅₄ dsa₂ i₂ca₂jme₃dsian₅ i₂lín₅₄ dsa₂ i₂'én₂ 'éi₂. ¹¹ 'Lióng₂ ráun₂ qui₂ca₂'ě₃ jniá₂ uig₅, ia₁jaun₂ jmo₃ tion₅₄ a₂tí₂ a₂'éin₂. Le₂jaun₂ bá₄ qui₂ca₂jmo₃ jniá₂ le₂tan₅₄ guá'₅ sinagogas, ca₂lia'₂ ca₂i₁'éin₄ le₂tan₅₄ juig₂ go₄ dsa₂ sián'₂ ně₃, ia₁ 'ñio₅ lín₃ jme₁ñiai₅₄ jniá₂.

*Ca₂dsia₃ táng₃ Pa₄ 'a₂lia'₂ ca₂lě₃ a₂ca₂jéin'₃
(Hechos 9:1-19; 22:6-16)*

¹² 'Ta₁ jaun₂ jme₁ñó₃ jniá₂ jui₅ Damasco ca₂chei₃ dsa₂ quian'₅₄ bí₂ 'éi'₃ ca₂cué₃ juig₅₄ jme₂dsa₂ a₂jme₁i₂cháng'₃ dsa₂ 'én₂ i₂jme₁tion'₅₄ ja₁jaun₂. ¹³ La₁ lia'₂ con'₂ jme₁ñó₃ le₂'i₄ jui₅, 'ne₂ gui'₅₄ rag₅₄, con'₂ dsí₃ñi'₃ bá₄ jaun₂, ca₂jág₃ jniá₂ caun₂ si₂ a₂já₃ jui₅ guei'₅₄ i₂juig₃, ca₂tág₃ le₃lág'₃ quió₃, quian'₅₄ dsa₂ i₂jme₁quiang'₅₄. 'Ñio₅ lín₃ gué₄ tág₅ con'₂ gué₄ 'iog₂. ¹⁴ Jaun₂ ca₂le₃jág₃ bá₄ jnia'₅₄ i₂gau'₅₄ 'uě₃ dsí₂jui₅ le₂jaun₂. Jaun₂ ca₂nag₃ caun₂ jág₁ ca₂juá'₂ dsa₂ quian'₅₄ jág₁ jmei₅ hebreo:† “Saulo, Saulo, Ķ'e₂ lě₃ co₂'éin'₅ jniá₂? A₂ñia'₅₄ jmag'₅₄ uig₅ 'ñiag'₂ bá₄, jmo'₂ jui₁lia'₂ jmo₅ ca₁jui₅ quia'₂ 'uě₃ a₂jnaú₅ nei'₅₄ ni₁'ma₂ chen'₂.” ¹⁵ Jaun₂ ca₂ñag₄ jniá₂: “Ķ'Ein₂ bá₄ 'ne₂, gui'₅₄?” Jaun₂ ca₂ñag₃ táng₃: “Jesús bá₄ jniá₂ i₂co₂'én'₅ 'ne₂. ¹⁶ La₁ nau₂, chí'₂ tag'₅₄, ia₁ ně₂jme₁jniag₅ ne'₅₄ 'ne₂, ia₁ 'nio₃ jme₁tí₄ ta₁ ne₃, ia₁jaun₂ jang'₅₄ jág₁ dsau₅ 'e₂ ně₂jag'₅₄ ně₃, quian'₅₄ a₂jag'₅₄ gué₄ cang₂ a₂jme₁jnia₅ jniá₂. ¹⁷ Tsín₅₄ jniá₂ 'ne₂, jaun₂ gog'₅₄ ja₁con₂ dsí₂nau₂, jaun₂ jmo₅₄ bá₄ jniá₂ 'í₁ 'ne₂ ia₁jaun₂ tsá₃ jmóg'₂ dsa₂ juig₂, on₃ gué'₂ dsí₂nau₂ ně₃. ¹⁸ Jaun₂ jui₅ ja₁con₂ dsa₂ 'éi₂ tsín₅₄ jniá₂ 'ne₂, ia₁jaun₂ le₃jnio₂ ne₄ dsa₂, ia₁jaun₂ 'uín₃ jě₄ qui₁né'₃, qui₃jéin'₃ ne₅₄ ja₁tág₅ si₂; ia₁jaun₂ tsá₃ lě₅ jua'₅₄ tioin'₅₄ gué₄ 'éi'₃ quió'₅ Satanás, ia₁jaun₂ dsí₁lein₃ ja₁con₂ Diú₄, dsí₃'én₂ bá₄ dsá_{u1}, ia₁jaun₂ gue₃ jui₁lia'₂ a₂ca₂tín₂ dsa₂ i₂lě₅ 'í₁ quián₅ Diú₄, 'uig₅₄ ia₁ a₂'éin₂ le₃quió₃ jniá₂.”

* 26:10 lit. “juin₅ lín₃ dsa₂ jñi₃.” † 26:14 o₃, arameo.

Ca₂jme₃ti₃ Pa₄ a₂ca₂jág₃ jaun₂

19 'Jaun₂ le₂nē₅ bá₄, 'ne₂ gui'₅₄ Rag₅₄ Agripa, tsá₃ jua'₅₄ a₂tsá₃ ca₂jme₁ti₁₂ con'₂ lē₅ a₂ca₂jág₃ a₂já₃ guei'₅₄. 20 Jaun₂ lē₃, jē₄ juig₂ Damasco ca₂'ē₃ le₂'uig₅₄ jág₁ dse₃. Jaun₂ guē₄ ca₂neg₅₄ jui₅ Jerusalén, le₂tan₅₄ juig₂ ja₁tén₄ 'uē₃ Judea nē₃. Ján₃ bá₄ ca₂neg₅₄ jin₄ dsi₂nau₂, ca₂i₁chei₁₂ a₂'nió'₅ dsi₃quén'₅ dsí₅, jéin'₃ le₃quió'₅ Diú₄, a₂jme₃li₅₄ a₂ma₂ca₂rē₃tsín₃ dsí₅ tē₂le₃ quian'₅₄ ca₂le₃jē₃ a₂jmo₂₃. 21 'Uig₅₄ jaun₂ bá₄ a₂ca₂jnau'₃ dsa₂ judíos jniá₂ i₁dsi₅ guá'₅ templo a₂jme₁'nio₃ jme₁jñag'₃. 22 La₁ Diú₄ bá₄ jme₂'o₅₄ cuē₂₃ bí₂ a₂chan'₅₄ tiá₂ jág₁ quió'₅ ca₂tē₂ jmig₄ nē₃, qui₂jáng'₅ jág₁ dsau₅ a₂juig₂ lia'₂ dsa₂ dsen₅₄ lia'₂ dsa₂ lē₁dsa₂ nē₃. 'Icaun₂ jág₁ siá'₂ tsá₃ juig₂ jniá₂ dsa₂, jñia'₅₄ con'₂ lē₅ jág₁ ca₂juá'₂ dsa₂ i₂jme₁'ē₂ jág₁ quián₅ Diú₄ ma₂líg'₂, quian'₅₄ a₂ca₂juá'₂ Moisés, jme₁ca₂juá'₂ ca₂le₃jē₃ 'e₂ niog₅ lé₂, 23 co₂'nió'₄ a₂tion₅₄ 'nió'₅ njág₃ uig₅ Irē₂'ín₁ quián₅ Diú₄; jaun₂ 'éi₂ bá₄ lén₂ i₂le₂'uig₅₄ i₂jen'₅₄ jin₄ 'lag₄, ia₁jaun₂ dsi₃'ē₃ jág₁ dse₃ a₂lión₂ dsa₂, jui₁lia'₂ caun₂ si₂ a₂tág₅ lia'₂ jin₄ dsa₂ juig₂ quián₂ jnia'₅₄, lia'₂ jin₄ dsi₂nau₂ nē₃.

Ca₂jmo₃ Pa₄ bí₂ a₂jme₁le₂'én₂ Rag₅₄ Agripa tē₂le₃ quió'₅ Jesús

24 Jme₁ca₂juá'₂ Pa₄ jág₁ jaun₂ a₂jme₁lión₂ 'njog₅ ne₄ dsi₂tan₅₄, jaun₂ ca₂guió'₃ Dsi₄má'₂ Festo ca₂juá'₂:

—i₂lē₁tē₂'i'₂ bá₄ 'ne₂, Pa₄! Ia₁ a₂nj₄ lē₃ 'i'₂ si₂, jaun₂ ma₂ca₂rē₃njág'₅.

25 Jaun₂ ca₂nag₃ táng₃ Pa₄:

—Tsá₃ njá₅ jniá₂, 'ne₂ gui'₅₄ Dsi₄má'₂ Festo. Jág₁ dsau₅ dsón'₂ bá₄ a₂juá'₅ jniá₂ la₂. 26 La₂ bá₄ guá'₅ gui'₅₄ Rag₅₄ Agripa i₂cuí'₅ dse₃ 'a₂ lia'₂ lē₅ jág₁ nē₅. A₂jaun₂ bá₄ lē₃ tiá₂ dsi₃ a₂juá'₅ ne₅₄, ia₁ dsón'₂ nj₅ ca₂le₃jē₃ jág₁ nē₅, ia₁ on₃jua'₅₄ a₂ca₂lē₃ caun₂ ja₁quióng₄ con'₂ tē₃co'₅₄. 27 ¿'Én'₂ 'ne₂ gui'₅₄ Rag₅₄ Agripa jág₁ a₂ca₂juá'₂ dsa₂ i₂jme₁'ē₂ jág₁ quián₅ Diú₄? Guion₄ bá₄ jniá₂ a₂'én'₂ 'ne₂.

28 Jaun₂ ca₂nag₃ Rag₅₄ Agripa:

—Ca₂juig₄ mei'₂ tsá₃ jme₂'uang'₅₄ dsi₃ a₂léng₂ jan₂ dsa₂ cristiano.

29 Jaun₂ ca₂juá'₂ táng₃ Pa₄:

—Chi₂jua'₂ ca₂juig₄ o₃ tsá₃ ca₂juig₄ 'e₂, 'e₂ guē₄ dse₃ nē₃ jua'₂ jmo₃ Diú₄ on₃jua'₅₄ jmá'₃ 'ne₂, ján₃ bá₄ le₂jaun₂ ca₂le₃jín₃ dsa₂ i₂nag₅ jág₁ quió₃ nē₃, a₂lén₂ jui₁lia'₂ lín₅ jniá₂, o₁jñia'₅₄ guē₄ on₃jua'₅₄ quian'₅₄ ni₁nj₁ cadena jui₁lia'₂ chén'₅ jniá₂ la₂.

30 Jme₁ma₂ca₂lē₃ juá'₂ Pa₄ le₂jaun₂, ca₂nau₂ Rag₅₄ Agripa quian'₅₄ Dsi₄má'₂ Festo, 'io₅₄ Berenice nē₃, ca₂'uin₂ co₂lē₅ quian'₅₄ ca₂le₃jín₃ guē₄ dsa₂ i₂jme₁tion'₅₄. 31 Con'₂ ca₂i₃lén₂ cau₅, ca₂i₁dsia₂ 'a₂ lia'₂ jmo₃ jág₁ jaun₂ quió'₅ Pa₄, jaun₂ ca₂juá'₂ ca₂tsí'₃ riin'₅₄:

—'Ica₂juig₄ tsá₃ 'e₂ ma₂jmo₃ dsa₂ nē₅, jua'₅₄ a₂ca₂tín₂ 'i₄ 'éi'₃ jóin₂, on₃ guē'₂ jua'₅₄ a₂dsi₂ten₅₄ 'ein₅₄ né'₃ 'má₃ nē₃.

32 Jaun₂ ca₂juá'₂ Rag₅₄ Agripa ca₂tsí'₃ Dsi₄má'₂ Festo:

—Jme₁lé₂ bá₄ jme₁lión₂ dsa₂ nē₅, jua'₅₄ mei'₂ guē₃ tsá₃ ca₂mi₃ 'njog₅ a₂jme₃rē₃ gui'₅₄ emperador jág₁ quió'₅.

27*Ca₂dsián'₂ dsa₂ Pa₄ jui₅ Roma*

1 Jme₁ca₂jmo₃ dsa₂ jág₁ a₂chei₃ jnia'₅₄ jui₅ 'uē₃ Italia, jaun₂ Pa₄ quian'₅₄ guē₄ dsa₂ i₂le₁'ne'₅₄ riin'₅₄ ca₂jáng'₂ dsa₂ o₄gú₃ jan₂ juig₅₄ 'lióg₂ i₂chen₂ Julio, i₂tén₅ tē₂le₃ quió'₅ co₂nió'₃ 'lióg₂ i₂tē'₂ dsa₂ quián₅ Augusto. 2 Jaun₂ ca₂tió'₄ jnia'₅₄ caun₂ ni₁barco a₂já₃ jui₅ 'o₄ jmi₁nj₁'₄ ja₁chei₂ Adramitio a₂jme₁ma₂chí'₅ dsáu'₃ jui₅ 'o₄ jmi₁nj₁'₄ a₂niog₅ 'uē₃ Asia. Jme₁quian'₅₄ jnia'₅₄ Aristarco dsa₂ chan₂ Tesalónica, juig₂ tén₅ 'uē₃ Macedonia. 3 Jme₁jnia₃ táng₃ jaun₂, ca₂dsi₃ná₅ jnia'₅₄ 'o₄ jmi₁nj₁'₄

juig₂ Sidón. Ja₁jaun₂ ca₂dsia₃ néi₂ dsí₅ Julio ja₁con₂ Pa₄, ca₂cuë₃ bá₄ jmig₄ ca₂i₁jiin₁₂ a₂mei₅₄ quián₅, ia₁jaun₂ jme₃'o₅₄ 'éi₂ 'e₂ a₂'nió₅ 'quíó₅. ⁴ Jme₁ca₂'uag₂ jnia'₅₄ juig₂ Sidón, ca₂i₃náu₅ jnia'₅₄ jui₅ ja₁jniá₂ Chipre të₂le₃ gu₂ jen₅, ia₁ të₂le₃ siá'₂ bá₄ jme₁'ei₅ dsí₂. ⁵ Jaun₂ ca₂ḡag₅₄ jnia'₅₄ jmi₁ḡí'₄ chei'₅₄ 'uë₃ Cilicia quian'₅₄ Panfilia. Jaun₂ dsi₃náu₅ jnia'₅₄ ja₁chei₂ Mira, juig₂ tén₅ 'uë₃ Licia.

⁶ Ja₁jaun₂ ca₂dsó'₂ juig₅₄ 'lióg₂ caun₂ ni₁barco já₃ juig₂ Alejandría, a₂ma₂'i₄ jui₅ dsáu'₅ jui₅ Italia. Jaun₂ ca₂jmo₃ 'éi'₃ ca₂tió'₄ jnia'₅₄ ni₁barco, jaun₂ ca₂i₃náu₅ táng₃. ⁷ 'Lióng₂ jmig₄ ca₂tió'₄ jnia'₅₄ ni₁barco, ia₁ a₂i₃náu₅ të₂'ua₁. Jaun₂ të₃ quian₅ ta₁ le₂jaun₂ bá₄ dsi₃náu₅ ja₁chei₂ Gnido. Ia₁ lia'₂ ma₂'ei₅ jaun₂ bá₄ dsí₂ le₃siá'₂, jaun₂ ca₂ḡag₅₄ jnia'₅₄ cau₅ ja₁chei₂ Salmón, ca₂i₁jein'₅₄ le₃ja₁chei₂ Creta, 'uë₃ 'i₄ jë₄ jmi₁ḡí'₄. ⁸ Jaun₂ të₃ quian₅ ta₁ le₂jaun₂ bá₄ ca₂dsi₃náu₅ jnia'₅₄ ja₁të'₂ dsa₂ 'O₄ Jmi₁ḡí'₄ Dse₃, ja₁ma₂quián₅ juig₂ Lasea.

⁹ 'Lióng₂ jmig₄ ca₂rë'₃ag₄ jnia'₅₄. Ma₂të₂ jein₂ a₂ma₂go'₂ i₃nio₄ dsa₂ jui₅ ne₄ jmi₁ḡí'₄, ia₁ a₂ma₂ja₂quián₃ jein₂ güig₂. Jaun₂ lë₃, jme₁ca₂juá'₂ Pa₄ ca₂tsí'₃ dsa₂:

¹⁰ —'Nia'₂ dsa₂, jág₅ jniá₂ 'ḡio₅ ma₂go'₂ quián₂ jniog₄ të₂le₃ ja₁dsau₅₄ në₅, ia₁ dsi₃'én₂ ni₁barco, lio₅₄ në₃, ca₂të₂ guio₅₄ jniog₄ go'₂ dsióg₃ në₁jua'₂ 'e₂ ca₂lë₃.

¹¹ La₁ juig₅₄ 'lióg₂ në₃, tsá₃ jui₅ ca₂tón'₃ jág₁ jaun₂ quió'₅ Pa₄. Ca₂tón'₃ bá₄ jui₅ jág₁ quió'₅ dsa₂ juig₅₄ ni₁barco quian'₅₄ dsa₂ i₂quian₄ ni₁barco në₃. ¹² Ia₁ tsá₃ dse₃ 'o₄ jmi₁ḡí'₄ jaun₂ jua'₅₄ a₂jḡia₃ dsa₂ jein₂ güig₂ ja₁jaun₂, jaun₂ mei'₂ tsá₃ ca₂le₃jín₃ dsa₂ ca₂jmo₃ jág₁ a₂jme₁dsi₁náu₄ jui₅ ja₁täg'₄ juig₂ Fenice, caun₂ 'o₄ jmi₁ḡí'₄ quió'₅ Creta ja₁jniá₂ të₂le₃ noroeste quian'₅₄ të₂le₃ suroeste, ia₁jaun₂ dsi₁jḡia₁ jnia'₅₄ ja₁jaun₂ të₂lia'₂ ḡag₅ jein₂ güig₂.

Ca₂'ág₂ dsí₂ tiá₂ lín₃ ne₄ jmi₁ḡí'₄

¹³ Jaun₂ ca₂jme₃lióg₃ ca₂'ág₂ dsí₂ 'ua₁ a₂já₃ të₂le₃ sur. Jaun₂ caun₂ lé₂ dsi₃lén₂ bá₄ lín₂. Jaun₂ ca₂'u_{in}₂ jaun₂ në₃, ca₂i₃lén₂ jui₅ ma₂quián₅ chei'₅₄ 'uë₃ Creta.

¹⁴ La₁ jme₁co₂lág₂ jaun₂, ca₂já₃ dsí₂ tiá₂ lín₃ a₂chei₂ Nordecete ca₂të₂ ni₁barco.

¹⁵ Jaun₂ ca₂jio₃ dsí₂ le₃siá'₂ quió'₅ ni₁barco, ia₁ tsá₃ ma₃lé₂ jua'₅₄ dsau₅₄ jnia'₅₄ co₂dsau₅, jaun₂ co₂ḡei'₅₄ ca₂cuë₁ jnia'₅₄ jmig₄ a₂jio₃ dsí₂. ¹⁶ Jaun₂ ca₂ḡag₅₄ jnia'₅₄ le₃co'₅₄ caun₂ 'uë₃ pí'₁ ja₁chei₂ Cauda* a₂niog₅ jë₄ jmi₁ḡí'₄. Ja₁jaun₂ tsá₃ lín₄ ma₃'ei₅ dsí₂ tiá₂, jaun₂ të₃ quian₅ ta₁ le₂jaun₂, ja₂lág₃ bá₄ ca₂tián₃ jnia'₅₄ a₂ca₂quiong₅₄ táng₃ tsi₁mu₅ a₂jme₁le₁'in₁ le₃chi₁co'₅₄. ¹⁷ Jme₁ca₂lë₃ ca₂tó'₂ dsa₂ tsi₁mu₅ guei'₅₄ 'ḡió'₃ ni₁barco, jaun₂ qui₂ca₂'néi₂ dsa₂ dse₃ ni₁barco quian'₅₄ tsi₁'nei₅₄ ia₁jaun₂ jmo₃ bën₂ guë₄. Jaun₂ ia₁ jme₁gó'₅ dsa₂ a₂'i₂ ni₁barco ne₄ ti₁tsag₁ ja₁të'₂ dsa₂ Sirte, jaun₂ ca₂sió₂ tsi₁'mi'₂ quió'₅ ni₁barco, jaun₂ ca₂cuë₃ jmig₄ a₂jio₃ dsí₂. ¹⁸ Jme₁jnia₃ jaun₂, ia₁ tiá₂ bá₄ guë₄ 'ei₅ dsí₂, jaun₂ ca₂jme₃lióg₃ qui₂ca₂tó'₂ lio₅₄ ne₄ jmi₁ḡí'₄. ¹⁹ Jme₁ca₂të₂ 'ni₅ jmig₄, jaun₂ guio₅₄ jnia'₅₄ quian'₅₄ gu₂ qui₂ca₂tio'₅₄ dsi₂jmig₂ le₂jio₅ a₂jmo'₂ ta₁ ni₁barco 'ḡio₅. ²⁰ 'Lióng₂ jmig₄ tsá₃ ma₃ca₂jnia₃ 'io₂, on₃ guë'₂ nei₅ në₃. Tsá₃ ma₃lág₂ jnia'₅₄ jua'₅₄ a₂täg'₄ guë₄, ia₁ a₂ḡí₄ lë₃ tiá₂ jme₁'ei₅ dsí₂.

²¹ Ia₁ ma₂ne₁ḡó₄ 'lióng₂ jmig₄ tsá₃ ma₃'ein₂ jnia'₅₄ guë'₅, jaun₂ ca₂nau₂ Pa₄ jë₄ quió'₅ dsa₂ 'éi₂, jaun₂ ca₂juá'₂:

—'Nia'₂ dsa₂, dse₃ jua'₅₄ co₂ḡei'₅₄ ca₂tion'₂ bá₄ 'nia'₂ jui₅ jág₁ quió₃ a₂tsá₃ jme₁'uág₃ Creta. Jnia'₅₄ ca₂i₃'én₂ bá₄ quián₂, ton'₂ ca₂ḡag₅₄ rë'₂ uig₅ në₃. ²² La₁ në₃ në₃, quen'₂ 'nia'₂ bí₂, ia₁ 'i₁jan'₂ 'nia'₂ tsá₃ 'ein₂ dsián₃, o₁jḡia'₅₄ dsi₃'én₂ ni₁barco.

²³ Ia₁ a₂'uë₂ la₂ në₂jme₃jnia₅ jan₂ ángel ne₃, i₂chen₄ quián₅ Diú₄ i₂jme₂tí₁ jniá₂ ne₅₄. ²⁴ Jaun₂ në₂juá'₂ ángel në₂chéi₃ jniá₂: “Tsá₃ lë₁jmo₂ gang'₃ Pa₄, ia₁ tion₅₄ niog₅ bá₄ gog'₅₄ a₂jme₁jniag'₂ ne₄ gui'₅₄ emperador romano. 'Uig₅₄ quián'₂ 'ne₂ bá₄ a₂lión₂ Diú₄ ca₂le₃jín₃ dsa₂ i₂quiang'₅₄ 'ḡió'₃ barco, tsá₃ ma₃dsián₃.” ²⁵ Jaun₂

* 27:16 A₂lín₅₄ chog₅₄ si₂: “Clauda.”

lë₃, 'nia'₂ rin'₅₄ jniog₄, quen'₂ 'nia'₂ bí₂, tsá₃ jmo₂ 'nia'₂ o_{2i} dsi₅. Ia₁ dsón'₂ bá₄ 'én₂ jniá₂ të₂le₃ quió'₅ Diú₄ a₂tion₅₄ jmo₃ con'₂ lë₅ jág₁ a₂në₂juá'₂ ángel në₂chéi₂ jniá₂.

²⁶ La₁ tion₅₄ niog₅ dsi₁tió'₄ bá₄ jniog₄ caun₂ 'uë₃ dsi₂jo₂ jmi₁ñí'₄.

²⁷ Caun₂ 'uë₂ jme₁ma₂të₂ tin₃ semanas a₂tio'₅₄ jnia'₅₄ jui₅, lia'₂ ma₂jio₅ jaun₂ bá₄ dsí₂ ne₄ jmi₁ñí'₄ Adria,† jme₁ca₂rë₃lí'₄ dsa₂ i₂quian₅ ni₁barco con'₂ dsi₃nei₅ jaun₂, a₂ja₂quián₃ dsi₁lén₂ 'uë₃. ²⁸ Jaun₂ ca₂can₃ dsa₂ 'éi'₃ 'a₂ con'₂ jì'₂ guë₄ jmi₂g₂. Jme₁ca₂jág₃ dsa₂, con'₂ guióg₂-guiá₂-jñéi₂ (36) metros bá₄ jì'₂ guë₄. Ca₂jui₄ guë₄ le₃cau₅ jaun₂ ca₂can₃ táng₃ dsa₂ 'éi'₃. Jme₁ca₂jág₃ táng₃, guióg₂-guió₃ (27) metros bá₄ tí₅ guë₄ jì'₂. ²⁹ Ia₁ a₂gó'₅ dsa₂ jná'₃ ni₁barco con'₂ tiá₂ dso'₂ ni₁cang₁ 'lau₂, jaun₂ ca₂sió₂ le₃chi₁co'₅₄ ni₁barco quén₂ ni₁ñí'₁ 'lá'₁ guei₂ quian'₅₄ tsi₁'nei₅₄ jui₅ né'₃ jmi₁ñí'₄. Të₃ tion'₅₄ dsa₂ gó'₅ le₂jaun₂, qui₂ca₂chi₃lén'₂ Diú₄ a₂jnia₃. ³⁰ Të₁lia'₂ jaun₂, jme₁ma₂dsi₂jio₅ dsi₅ dsa₂ i₂quian₅ ni₁barco a₂jme₁cuíng₃. Qui₂ca₂sió₂ tsi₁mu₅ ne₄ jmi₁ñí'₄, a₂jmo₂₃ jui₁lia'₂ a₂tioin'₅₄ tó'₅ ni₁ñí'₁ guei₂ të₂le₃ ne₄ ni₁barco. ³¹ La₁ jaun₂ ca₂juá'₂ Pa₄ ca₂tsí'₃ jui₅ 'lióg₂ quian'₅₄ ca₂le₃jín₃ guë₄ 'lióg₂ në₃, ca₂juá'₂:

—Në₁jua'₂ tsá₃ jnia₅ i₂në₅ 'ñió'₃ ni₁barco, tsá₃ jaun₂ lión'₂ 'nia'₂.

³² Jaun₂ qui₂ca₂ti₃ 'lióg₂ 'nei₅₄ a₂jme₁chi₁quian₅ tsi₁mu₅, ca₂tá'₂ jaun₂ në₃ ne₄ jmi₂g₂.

³³ Të₂ o₃'iog₂ lin₃, ca₂juá'₂ Pa₄ ca₂tsí'₃ ca₂le₃jín₃ dsa₂ a₂'nió'₅ guë'₃. Jaun₂ ca₂juá'₂:

—Ma₂të₂ tin₃ semanas a₂tsá₃ ma₂güin'₂ 'nia'₂ on₃ guë'₂ ma₂quë'₂. ³⁴ Jaun₂ lë₃ juá'₅ jniá₂, qué'₂ 'nia'₂ ca₂la₂. Tion₅₄ 'nió'₅ quë'₅₄ 'nia'₂ ia₁jaun₂ bá₄ lión'₂ 'nia'₂. 'I₁jan₂ jniog₄ tsá₃ 'ein₂ dsi₂'én₂ ja₁lá₃. Ca₂lia'₂ jnia'₅₄ ca₂mi'₂ jñi₂ dsi₄ jniog₄ tsá₃ 'e₂ dsi₃'én₂.

³⁵ Dsi₂jui₅ jme₁ca₂juá'₂ Pa₄ le₂në₅, ca₂can₃ i₁ñí'₄ jaun₂ ca₂cuë'₃ ti₁'mag'₄ Diú₄ të₃ jág₅ dsa₂ ca₂le₃jín₃. Jaun₂ ca₂dsion₃ Pa₄ i₁ñí'₄ ca₂guë'₃ jaun₂ në₃. ³⁶ Jaun₂ ca₂le₃jín₃ dsa₂ ca₂tíin'₃ táng₃ bí₂ jme₁ma₂në₂guë'₃. ³⁷ Ca₂le₃jág₃ jnia'₅₄ con'₂ jme₁tio'₅₄ ni₁barco jme₁téi₄ tin₃ 'ñiá₂-lón₂ rë₂dsí₂ 'nag'₂ co₂ne₂guióg₂ rë₂dsí₂ guia₃-jñé₂ (276) dsa₂. ³⁸ Jme₁ca₂lí'₃ guë'₅ dsa₂ con'₂ jme₁'nio₃, jaun₂ ca₂guia'₃ lió₅₄ trigo ne₄ jmi₁ñí'₄ ia₁jaun₂ sión'₂ guë₄ guei₂ ni₁barco.

Ca₂i₃quen'₅₄ ni₁barco né'₃ jmi₁ñí'₄

³⁹ Jme₁jnia₃ jaun₂, dsa₂ i₂quian₅ ni₁barco tsá₃ ca₂rë₃cuí'₅ 'uë₃ jaun₂. La₁ jaun₂ ca₂jág₃ caun₂ dsiog₅ jmi₁ñí'₄ a₂niog₅ jë₄ 'uë₃, ja₁'ei₅ tei₄ guë₄ jmi₂g₂. Chei'₅₄ jaun₂ tio'₅₄ 'lióng₂ ti₁tsag₁ ja₁lé₄ jo₂ guë₄. Jaun₂ ca₂'náu'₃ dsi₅ chi₂jua'₂ lé₂ jnióg'₃ ni₁barco ca₂të₂ jaun₂. ⁴⁰ Jaun₂ ca₂ti₃ 'nei₅₄ a₂jme₁le₁quian₅ ni₁ñí'₁ 'lá'₁. Né'₃ jmi₁ñí'₄ jaun₂ bá₄ ca₂tí₂ dsa₂ ni₁ñí'₁ jaun₂. Qui₂ca₂jiá'₂ dsa₂ 'ma₂ a₂jmo₅ dsó₃ ni₁barco 'a₂ jui₅ 'nio₃ dsa₂. Jaun₂ ca₂chóg'₃ tsi₁'mi'₂ le₃ne₄ jui₅ quió'₅ ni₁barco, ia₁jaun₂ të₃ dsi₂. Jaun₂ dsi₂jui₅ bá₄ ca₂jme₃lióg₃ ca₂ñi₃ ni₁barco ca₂jme₃quián₃ le₃chei'₅₄ 'uë₃ ja₁lé₄ ti₁tsag₁. ⁴¹ La₁ jui₅ ja₁ñó₃ ni₁barco jaun₂ ca₂dsi₃quén'₅ caun₂ ja₁lé₄ tin₃ ne₅₄ la'₅₄ ja₁'ei₅ tiá₂ jmi₂g₂. Të₂le₃ ja₁lé₄ le₃ne₄ jui₅ quió'₅ ni₁barco ca₂i₃'ó'₅ jë₄ ti₁tsag₁, ca₂quí'₃ tiá₂ lin₃, ca₂lia'₂ tsá₃ ma₃ca₂tio'₃ dsa₂ dsi₃. Jaun₂ le₃ja₁lé₄ le₃chi₁co'₅₄, qui₂ca₂juin₃, ia₁ a₂ñí'₄ lë₃ tiá₂ qui₂jná'₅ jmi₁ñí'₄. ⁴² Jme₁'nio₃ 'lióg₂ jme₃dsiain₂₃ dsa₂ i₂niog₅ gu₂ 'éi₂ ia₁jaun₂ tsá₃ lióin₂ jë₁ma₂qui₂ca₂'ain₂ jmi₂g₂. ⁴³ La₁ tsá₃ ca₂cuë₃ jmi₂g₄ jui₅g₅₄, ia₁ 'nio₃ lióin₂ Pa₄. Jaun₂ ca₂jmo₃ 'éi'₃ ca₂tsí'₃ ca₂le₃jín₃ dsa₂ i₂tin₂ qui₃dsi₅ jmi₂g₂, jui₁tioin'₅₄ jmi₂g₂ le₂'uig₅₄ ia₁jaun₂ tíin'₄ 'uë₃; ⁴⁴ dsa₂ sián'₂ guë₄ në₃, jui₁'ain₅₄ jmi₂g₂ le₁chan'₂ jau₅₄ 'ma₂, o₃ ni₁'nau₅₄ quió'₅ ni₁barco 'e₂. Le₂jaun₂ bá₄ ca₂lë₃ qui₂ca₂ló₂ jnia'₅₄ a₂ca₂tág'₃ táng₃ 'uë₃.

† 27:27 o₃, "Jmi₁ñí'₄ Mediterráneo."

28

'En₅₄ Pablo 'uë₃ Malta a₂nio₅ jë₄ jmi₁ñí₄'

¹ Jme₁ma₂ca₂ló₂ jnia'₅₄ ca₂le₃jág₃, jaun₂ guë₄ ca₂rë₃ne₄ jnia'₅₄ a₂chei₂ Malta 'uë₃ jaun₂, a₂nio₅ jë₄ jmi₁ñí₄. ² Dsa₂ chan₂ ja₁jaun₂ ca₂jmo₃ bá₄ dse₃ dsí₅ ja₁con₂ jnia'₅₄. Ca₂dsia₃ dsa₂ si₂ pa₁ jaun₂ ca₂të₃ jnia'₅₄ a₂jme₁dsion'₂, ia₁ a₂ñí₄ lë₃ güig₂, dsó₅ jmí₅ në₃. ³ Pa₄ guë'₂ në₃ qui₂ca₂cág'₃ ni₁'ma₂ quein₂. Lia'₂ con'₂ jme₁'ein₅₄ tó'₅ dsi₂si₂, con'₂ tsá₃ jáin₅ ca₂o₃'ín₃ jan₂ dsi₂mí'₂ a₂cuing₂₃ jme₁ca₂'ë'₂ dséi₂ quió'₅, ca₂chi₃dséin₂ mi₂gu₂ Pa₄. ⁴ Jme₁ca₂jág₃ dsa₂ chan₂ ja₁jaun₂ 'en₅₄ dsi₂mí'₂ chi₁dsein₅₄ mi₂gu₂ 'éi₂, qui₂ca₂dsia₃ jág₁ guioin₅₄ qui₂ca₂tsí'₃ riin'₅₄:

—I₂ma₂jñi'₃ dsa₂ bá₄ dsa₂ në₅. O₁jñia'₅₄ la₂ ca₂lón₂ ne₄ jmi₁ñí₄, la₁ tsá₃ 'i₄ 'éi'₃ a₂le₃chain₂ guë₄.

⁵ La₁ qui₂ca₂bí₂ Pa₄ mi₂gu₂ jaun₂ në₃, ca₂tán'₂ dsi₂mí'₂ dsi₂si₂. La₁ tsá₃ 'e₂ ca₂jén'₃ Pa₄ 'i₁ca₂juig₄. ⁶ Ca₂le₃jín₃ dsa₂ jme₁le₁jñia₂₃ guióng₃ dsi₂juí₅ quió'₅ Pa₄, o₃ jme₁dsi₃'iin₅ 'e₂, jón₂ dsi₂juí₅. La₁ jme₁co₂lág₂ jaun₂, ia₁ ca₂jág₃ tsá₃ 'e₂ i₁jén'₄ guë'₂ Pa₄, jaun₂ ca₂i₃jio₅ dsí₅ të₂le₃ siá'₂, qui₂ca₂tsí'₃ riin'₅₄ a₂lín₅ Pa₄ jan₂ diú₄.

⁷ Cau₅ jaun₂ jme₁ron₅ 'uë₃ quió'₅ dsa₂ dsen₅₄ quián₅ dsa₂ chan₂ ja₁jaun₂, dsa₂ i₂chen₂ Publio. Ca₂jmo₃ dse₃ dsí₅ ca₂ag'₃ jnia'₅₄, 'ni₅ jmig₄ ca₂tág₃ jnia'₅₄ ja₁quió'₄.

⁸ Jmei₂ Publio 'éi₂ jme₁ron₅ dso'₅₄ 'i₄ dséi₂, a₂tag₂₃ jmi₂ në₃. Pa₄ në₃ ca₂ñei₅₄ ca₂i₁jñin₁₂ dsa₂ dso'₅₄ 'éi₂. Jme₁ma₂në₂chi₃lén'₂ Diú₄, jaun₂ guë₄ ca₂quiog₂ gu₂ ne₄ quió'₅ dsa₂ dso'₅₄, ca₂jme₃'lió₂. ⁹ Jme₁ca₂lë₃ le₂jaun₂, caun₂ ca₂dsi₃lén₂ bá₄ dsa₂ dso'₅₄ sián'₂ i₂chan₂ 'uë₃ jaun₂, caun₂ ca₂jme₃'lió₂ bá₄ guë'₂ Pa₄. ¹⁰ 'Io'₂ ca₂jmo₃ dsa₂ quian'₅₄ jnia'₅₄. Jaun₂ ca₂cuë₃ dsa₂ ca₂le₃jë₃ 'e₂ 'nió'₅ quián₂ jnia'₅₄ jë₁ma₂të₂ rë₁tió'₄ táng₃ jnia'₅₄ juí₅.

Ca₂dsió₃ Pa₄ jë₄ juig₂ Roma

¹¹ Cang₂ jme₁ma₂ca₂ñí₂ 'ni₅ tsí'₂, jaun₂ ca₂tió'₄ táng₃ jnia'₅₄ caun₂ ni₁barco a₂jme₁chí'₄ ja₁jaun₂ të₂lia'₂ jein₂ güig₂. Ni₁barco jaun₂ ca₂já₃ juig₂ Alejandría. Guei'₅₄ ni₁barco jaun₂ jme₁tióng₂ nió'₅ quió'₅ diú₄ Cástor quian'₅₄ diú₄ Pólux.*

¹² Ca₂dsi₃náu₅ jnia'₅₄ 'o₄ jmi₁ñí₄ juig₂ chei₂ Siracusa. Ja₁jaun₂ ca₂jñia₄ jnia'₅₄ 'ni₅ jmig₄. ¹³ Ca₂'uag₂ jnia'₅₄ ja₁jaun₂, ca₂i₁ñag₅₄ jnia'₅₄ quián₅ chei'₅₄ 'uë₃ ca₂lia'₂ ca₂dsi₃náu₅ të₂ ja₁chei₂ Regio. Jme₁jñia₃ jaun₂, ca₂'ág₂ dsí₂ a₂já₅ të₂le₃ sur. Jë₁ca₂të₂ tin₃ jmig₄ guë₄ ca₂dsi₃náu₅ jnia'₅₄ ca₂të₂ juig₂ Puteoli. ¹⁴ Ja₁jaun₂ ca₂jen'₂ jnia'₅₄ i₂lín₅₄ dsa₂ rin'₅₄ i₂én₂. I₂'éi₂ ca₂të₃ jnia'₅₄ ca₂i₁jñia₁ jë₄ quió'₅

caun₂ semana. Jaun₂ guë₄ ca₂i₃náu₅ jnia'₅₄ juí₅ Roma. ¹⁵ Ca₂le₃jín₃ dsa₂ rin'₅₄ i₂tián'₅ Roma jme₁ma₂le₁ñi₅ a₂dsi₁náu₅ jnia'₅₄. Jaun₂ i₁lein₅₄ i₁jñiog₁₂ le₂'i₄ juí₅ ca₂të₂ ja₁chei₂ Foro de Apio quian'₅₄ ja₁të'₂ dsa₂ Las Tres Tabernas. Jme₁ca₂jág₃ Pa₄ ca₂jñin₂ dsa₂ 'éi₂, jaun₂ ca₂cuë'₃ ti₁'mag'₄ Diú₄ ca₂tiin₂ táng₃ bí₂ ca₂lág₃ dsí₅.

¹⁶ Jme₁ca₂dsi₃náu₅ jnia'₅₄ Roma, [ja₁jaun₂ guë₄ ca₂jáng'₂ juig₅₄ 'lióg₂ ca₂jñin'₂ ne₄ juig₅₄ 'lióg₂ i₂jmo₅ 'í₁ ja₁jaun₂ ca₂le₃jín₃ dsa₂ i₂jñia₁₂₃ i₂nio₅ gu₂. La₁]† Pa₄ në₃ ca₂cuë₃ juig₅₄ 'lióg₂ jmig₄ a₂guá₃ 'éi₂ ja₁siá'₂ con'₂ 'ñiog₅ quian'₅₄ jan₂ 'lióg₂ i₂jmo₃ 'í₁ quió'₅.

Ca₂'ë₂ Pa₄ jág₁ dse₃ juig₂ Roma

¹⁷ 'Ni₅ jmig₄ cang₂ jme₁ca₂dsió₃ Pa₄ juig₂ Roma, ca₂të'₃ ca₂le₃jín₃ dsa₂ dsen₅₄ quián₅ dsa₂ judíos juig₂ jaun₂. Jme₁ma₂le₁ñi'₂ dsa₂, jaun₂ ca₂juá'₂ Pa₄:

—Rin'₅₄ jniog₄, o₁jñia'₅₄ guë₄ tsá₃ 'e₂ ma₂ca₂jmo₃ jniá₂ ja₁con₂ dsa₂ judíos, on₃ guë'₂ jua'₅₄ cha₂ a₂ma₂ca₂jmo₃ quian'₅₄ tag₄ chí'₅ quió'₅ dsa₂ quián₂ jniog₄

* **28:11** griego: Dioskouri, co₂'nió'₄ le₃juá'₅₄ on₃ dsa₂ tsin'₅₄ i₂lín₅ ja₁ñi'₅₄ diú₄ Zeus quian'₅₄ Leda. Co₂'nió'₄ diú₄, patrón quián₅ ni₁barco. † **28:16** A₂lín₅₄ chog₅₄ si₂ tsá₃ le₁ton₅ jág₁ a₂tio'₅₄ 'ñió'₃ corchetes [le₂la₂].

ma₂líg'₂, tion₅₄ bá₄ a₂lë₁ca₂jáng'₂ dsa₂ jniá₂ chi₁'ñeg₂₃ o₄gú₃ dsa₂ romanos.
 18 Jaun₂ jme₁ca₂ñag₃ dsa₂, tsá₃ 'e₂ dsá_{u5} jniá₂ ca₂dsó'₂, jua'₅₄ a₂'i₄ 'éi'₃ jóng₂. Jaun₂
 jme₁'nio₃ jme₁lió₂. 19 La₁ dsa₂ judíos tsá₃ cán₂ jág₁. Jaun₂ bá₄ lë₃ ca₂mi₃ jniá₂
 a₂'nio₃ jme₃rë₃ gui'₅₄ emperador, on₃jua'₅₄ ia₁ a₂cha₂ dso₄ jme₂cán'₂ jniá₂ dsa₂
 go₃. 20 'Uig₅₄ jaun₂ bá₄ në₂të₃ jniá₂, ia₁ a₂'nio₃ jing₅₄ 'nia'₂, a₂'nio₃ dsia₅₄ jág₁
 quian'₅₄ 'nia'₂. Ia₁ 'uig₅₄ jág₁ quió'₅ Diú₄ a₂'éin₂ jniog₄ con'₂ dsa₂ lág₅ israelitas,
 'uig₅₄ a₂'in₂ dsí₅ jniog₄ a₂jme₃ti₃ Diú₄ jág₁ quió'₅ a₂ma₂cuë₃, 'uig₅₄ jaun₂ bá₄
 chi₁'ñe'₅₄ jniá₂ ni₁ñí₁ cadena la₂.

21 Jaun₂ ca₂ñag₃ dsa₂ ca₂tsí'₃ Pa₄:

—Tsá₃ 'e₂ si₂ ma₂ca₂gú'₃ ne₄ jnia'₅₄, quió'₅ dsa₂ chan₂ Judea, a₂'in₂₃ 'ne₂. On₃
 guë'₂ 'i₁jan₂ dsa₂ rin'₅₄ jniog₄ dsa₂ judíos i₂ja₁lén₂ ja₁jaun₂ jua'₅₄ a₂ma₂juá'₂ 'in₂₃
 'ne₂ 'lig'₅₄. 22 'Niog₂ jnia'₅₄ néi₁ 'a₂ guë'₂ lia'₂ lë₅ jág₁ quián'₂ 'ne₂ chi₂jua'₂ 'a₂ lia'₂
 líng'₂. Ia₁ ne₄ bá₄ jnia'₅₄ jág₁, ta₁caun₂ mi₂güí₃ bá₄ dsia₅ dsa₂ tsá₃ tē₅ dsí₅ jág₁
 'mi₂ nē₅ a₂'én'₂ 'nia'₂.

23 Jaun₂ nē₃, ca₂jmo₃ dsa₂ jág₁ ca₂tióng₃ caun₂ jmig₄. Jmig₄ jaun₂ nē₃
 ca₂dsi₃lén₂ juin₅ dsa₂ ja₁'en₅₄ Pa₄. Jaun₂ ca₂jme₂lióg₃ ca₂'é'₃ dsa₂ tē₃ o₃'iog₂ jág₁
 jui₁lia'₂ ja₁gon₂ Diú₄, qui₂ca₂dsia₃ ca₂lia'₂ ca₂jén₃ 'iog₂ tē₂le₃ ca₂'lá_{u2}. Tē₂le₃
 quian'₅₄ 'Éi'₃ Juá'₅ quió'₅ Moisés, quian'₅₄ ca₂le₃jë₃ guë'₄ Si₂ quió'₅ dsa₂ i₂jme₁'ë₂
 jág₁ quián₅ Diú₄ nē₃, qui₂ca₂cuë'₃ dsa₂ jág₁ dsau₅ ia₁jaun₂ le₃'én₂ dsa₂ 'éi₂ tē₂le₃
 quió'₅ Jesús. 24 I₂lin₅₄ dsa₂ ca₂gue₃ bá₄ jág₁ a₂ca₂juá'₂ Pa₄ jaun₂, ca₂rë₃'éin₂ bá₄.
 I₂lin₅₄ guë'₂ tsá₃ ca₂rë₃'én₂, tsá₃ 'nio₃. 25 Ia₁ tsá₃ caun₂ jág₁ 'ei₅ quió'₅, i₂lin₅₄
 ca₂jme₃lióg₃ ca₂'u_{in2} bá₄ i₃lein₃. Jaun₂ ca₂juá'₂ Pa₄ ca₂tsí'₃ dsa₂ 'éi₂:

—Rë₂ bá₄ jui₁lia'₂ ca₂juá'₂ Jme₂dsí₂ Jñi₀₅ ca₂tsí'₃ dsa₂ quián₂ jniog₄ ma₂líg'₂
 tē₂le₃ quian'₅₄ Isaías, i₂jme₁'ë₂ jág₁ o₄quió'₄ Diú₄, jme₁ca₂juá'₂:

26 Gua₂ o₂chei'₅₄ dsa₂ juig₂ nē₅ le₂la₂:

“Dsón'₂ qui₁nág'₁ bá₄ 'nia'₂,

la₁ tsá₃ le₃ñí'₂ 'nia'₂.

Jag'₅₄ bá₄ 'nia'₂,

la₁ tsá₃ le₃len'₄ 'nia'₂.”

27 Ia₁ a₂ma₂'ua'₂ dsí₅ bá₄ dsa₂ la₂,

ja₂lag₃ bá₄ nag₂₃,

në₂jag₄ bá₄ i₂ma₂rë₂jni₅ rë₂gua₄;

ján₃ bá₄ le₂në₅, në₂jag₄ bá₄ a₂tsá₃ jniá₂ mi₂ne₅₄,

ia₁jaun₂ tsá₃ jág₃ quian'₅₄ mi₂ne₅₄,

on₃ guë'₂ nag₃ quian'₅₄ rë₂gua₅₄,

on₃ guë'₄ le₃ñí'₂ dsí₅,

ia₁jaun₂ tsá₃ jén'₃ dsí₅ ja₁con₂ jniá₂

ia₁jaun₂ jme₁'lioin₁₂ jniá₂. †

28 'Dsá₂ 'au'₂ 'nia'₂ jmo₄ —ca₂juá'₂ Pa₄—, jág₁ dse₃ la₂ a₂lión₂ dsa₂, a₂jén'₂ Diú₄
 le₃ne₄ jui₅ quió'₅ dsí₂nau₂. 'Éi₂ nē₃, tón'₃ bá₄ jui₅. 29 Jme₁ca₂lë₃ juá'₂ Pa₄ le₂në₅,
 ca₂i₃len₃ dsa₂ judíos tsiin₂₃ 'ñio₅ lin₃ quian'₅₄ riin'₅₄. §

30 Tin₃ ñi₂ lia'₂ tí₅ ca₂guá₂ Pa₄ 'né₅ ja₁quí₅ 'lia'₅₄. Ja₁jaun₂ ca₂guein₃ ca₂le₃jín₃
 dsa₂ i₂jme₁dsi₂lén₂ dsí₂jag₅₄. 31 Jaun₂ ca₂jme₃tiin₂₃ dsa₂ qui₂ca₂'ë₂ jág₁ 'a₂ lia'₂
 lë₅ ja₁gon₂ Diú₄. Ca₂jme₃tiin₂₃ bá₄ dsa₂ jág₁ quió'₅ Te₁gui'₅₄ Jesucristo. Ja₁jaun₂
 ca₂'í₃ tei₄, tsá₃ 'ein₂ ca₂jné₃ jui₅ a₂'ë₂ Pa₄ jág₁ dse₃.

Co₂në₅.

† 28:27 Isaías 6:9-10. § 28:29 A₂lin₅₄ chog₅₄ si₂ tsá₃ chi₁ton₅ versículo 29.

Si₂ carta a₂ ca₂ jmo₃ San Pablo ne₄ dsa₂ ROMANOS

Jmo₅ Pa₄ si₂ a₂chein₃ ne₄ Guá'₅ i₂chan₂ Roma

¹ Jniá₂ Pa₄, líng₅ dsa₂ i₂jme₂ti₃ ne₄ Jesucristo; Diú₄ ca₂të₃ jniá₂, jaun₂ ca₂chei'₃ a₂lén₂ dsa₂ i₂chen₄ quiáin₅ ia₁jaun₂ qui₁'ë₄ jág₁ dse₃ quió'₅.

² Ca₂'ë₂ Diú₄ jág₁ dse₃ në₅ ca₂tó'₂ ne₄ Si₂ jnió₅ quió'₅ ma₂líg'₂, ca₂cuë₃ të₂le₃ quian'₅₄ dsa₂ i₂jme₁'ë₂ jág₁ quiáin₅, ³ a₂'in₂₃ ja₁ñi'₅₄, i₂jme₁lín₄ tsi₁jon₂ David lia'₂ con'₂ lín₅ dsa₂ mi₂güig₃; ⁴ lia'₂ con'₂ lë₅ Jme₂dsí₂ Jnió₅ në₃ ca₂jme₃jnia₅ a₂lín₅ 'éi₂ Ja₁ñi'₅₄ Diú₄ jme₁ca₂jein'₅₄ táng₃ jin₄ 'lag₄, quian'₅₄ jui₅bí₂ quió'₅, a₂'uain'₂. Jesucristo Te₁gui'₅₄ quián₂ jniog₄ bá₄ 'éi₂. ⁵ Të₂le₃ quian'₅₄ Jesucristo, ton'₂ o₄quió'₄ 'éi₂ bá₄, ma₂jmo₃ Diú₄ dse₃ dsí₅ ja₁con₂ jnia'₅₄, jaun₂ ca₂chei₃ jin₄ dsí₂nau₂ ia₁jaun₂ le₃chan₂ dsa₂ ca₂le₂con₂ juig₂ i₂jme₂ti₃ jág₁ quió'₅, ia₁ a₂'éin₂. ⁶ Jin₄ dsa₂ 'éi₂ tián'₅ 'nia'₂ i₂ma₂të'₃ Diú₄ ján₃, a₂lén'₂ 'nia'₂ i₂quián₅ Jesucristo.

⁷ Jaun₂ tsíng₂ si₂ la₂ ne'₅₄ ca₂le₃jín'₃ 'nia'₂ i₂tián'₅ jë₄ juig₂ Roma, i₂lín₅ i₂'nio₃ Diú₄, jaun₂ ma₂të₂₃ a₂le₃chan'₂ 'nia'₂ líng'₅ dsa₂ i₂lë₅ 'í₁ i₂ma₂quiáin₅. Jui₁jme₂gu'₅₄ bá₄ Diú₄ jui₁le₂chan'₂ bá₄ 'nia'₂ dse₃, jui₁'ag₅₄ bá₄ tei₄ o₄quió'₄ Diú₄ Jmei₂ jniog₄, o₄quió'₄ Te₁gui'₅₄ Jesucristo në₃.

'Nio₃ Pa₄ dsí₃jág₂ juig₂ Roma

⁸ Jë₁le₂'uig₅₄, të₂le₃ quian'₅₄ Jesucristo cuë₅ ti₁'mag'₄ Diú₄ quiáng₃ o₄quián'₂ 'nia'₂ ca₂le₃jíng'₃, ia₁ ca₂le₂con₂ bá₄ 'ei₅ jág₁ dsia₅ dsa₂ 'a₂ lia'₂ 'én'₂ 'nia'₂. ⁹ Jaun₂ Diú₄, i₂jme₂tí₁ jniá₂ ne₄ ca₂le₃jë₃ jme₂dsí₂ quió₃, a₂qui₂'ë₅ jág₁ dse₃ quió'₅ Ja₁ñi'₅₄, 'éi₂ bá₄ i₂lín₅ i₂jáng'₅ jág₁ dsau₅ 'a₂ lia'₂ dsau'₂ dsí₃ 'nia'₂ ca₂le₃jë₃ jë₁chi₂lén'₂ jniá₂ Diú₄. ¹⁰ Co₂tan₅₄ bá₄ mi₅ jniá₂ ne₄ Diú₄ jui₁le₅₄ bá₄ 'a₂ lia'₂ 'ñio₂ dsí₅, 'a₂ lia'₂ lé₂ a₂cuín₃ jmig₄, ca₂lia'₂ ca₂lë₃ a₂nei₅₄ i₁jíng₁₂ 'nia'₂. ¹¹ Ia₁ 'ín₅ dsí₃ i₁jíng₁₂ 'nia'₂, ton'₂ 'nio₃ jme₁'ong₁₂ 'e₂ caun₂ 'nió'₅ jme₁'ong₁₂ 'nia'₂ të₂le₃ quió'₅ jme₂dsí₂, ia₁jaun₂ le₃náu'₁ guë₄ 'nia'₂ tiá₂; ¹² co₂'nió'₄ le₃jua'₅₄, ia₁jaun₂ lé₂ le₃cuë₅₄ lián'₂ rin'₅₄ le₂jau₂ le₂jau₂ quian'₅₄ a₂'éin₂ jui₁lia'₂ 'én'₂ 'nia'₂ jui₁lia'₂ 'én₂ jniá₂ ján₃.

¹³ Rin'₅₄ jniog₄, 'nio₃ le₃ñi'₅₄ 'nia'₂ 'lióng₂ ráun₂ bá₄ ma₂lë₅ dsí₃ a₂'nio₃ nei₅₄ i₁jíng₁₂ 'nia'₂, la₁ ca₂lia'₂ jñia'₅₄ rë₂në₃ tsá₃ ma₂lë₅, ia₁ ma₂rë₂jñi₅ jui₅. 'Nio₃ nei₅₄ ia₁jaun₂ chi₁lo'₂ a₂ma₂rau₂ quió'₅ Jme₂dsí₂ jë₄ quián'₂ 'nia'₂, jui₁lia'₂ ma₂cag'₄ jniá₂ ján₃ juig₂ siá'₂, go₄ dsí₂nau₂ sián'₂ ján₃. ¹⁴ Ia₁ jniá₂ bá₄ niog₅ ne₃ ca₂tíng₂ quian'₅₄ ca₂le₃jín₃, jui₁lín₄ dsa₂ 'e₂ lín₅, dsa₂ griego, o₃ dsí₂nau₂ 'e₂, dsa₂ i₂ñí'₂ dsí₅, o₃ dsa₂ co₄ 'e₂; ¹⁵ jaun₂ le₂në₅ bá₄ 'ín₅ dsí₃ a₂qui₂i₁'ë₃ jág₁ dse₃ ja₁con₂ dsa₂ juig₂ go'₄ 'nia'₂ i₂chan₂ Roma ján₃.

Bí₂ a₂'io₅ jág₁ dse₃

¹⁶ Ia₁ tsá₃ 'e₂ o₂guí'₃ jéin₅ jniá₂ quian'₅₄ jág₁ dse₃, ia₁ jui₅bí₂ quió'₅ Diú₄ bá₄ në₅ a₂lión₂ ca₂le₃jín₃ i₂'én₂: quió'₅ dsa₂ judíos de'₂ le₂'uig₅₄, ján₃ bá₄ le₂jaun₂ quió'₅ dsí₂nau₂. ¹⁷ Ia₁ jág₁ dse₃ la₂ jáng'₅ jág₁ dsau₅ 'a₂ lia'₂ chei'₂ Diú₄ jui₅ co₂rë₂, jui₅ ja₁ma₂dsan₃ dsáu₁ dsa₂, jui₅ a₂jme₂lióg₃ a₂'én₂ dsa₂, ton'₂ a₂'én₂ dsa₂ ca₂lia'₂ jë₁ca₂tó'₂. Le₂në₅ juá'₂ ne₄ Si₂: “Dsa₂ i₂ñi₅ jui₅ co₂rë₂ ia₁ a₂'éin₂, 'éi₂ bá₄ le₃chan₂.”*

A₂ma₂rë₂cán'₄ dsa₂ mi₂güig₃ guioin₅₄

¹⁸ A₂juá'₅ jniá₂ le₂në₅, ia₁ a₂ne₄ bá₄ jniog₄ jaun₂, caun₂ jme₂jnia₅ Diú₄ a₂'nei₂ të₂ ja₁guá₄ guei'₅₄ i₂juí₃ ja₁con₂ dsa₂ i₂tsá₃ Diú₄ cuín₅, ja₁con₂ dsa₂ i₂tsá₃ tion'₅₄

* 1:17 Habacuc 2:4.

jui₅ co₂dsau₅, dsa₂ i₂jnéi₅ jui₅ quió'₅ jág₁ dsau₅ tē₂le₃ quian'₅₄ jui₅ 'lig'₅₄ ja₁i₂nioi₅₄.
19 Ia₁ rē₂jniá₂ rē₂ bá₄ ca₂le₃jě₃ a₂ŋi₅ dsa₂ 'a₂ lia'₂ lín₅ Diú₄, ia₁ a₂ma₂ca₂jme₃jniai₂₃
tē₂le₃ quian'₅₄ a₂ma₂jmo₃, **20** ia₁ ca₂le₃jě₃ a₂tsá₃ rē₂jniá₂ quió'₅ Diú₄, lé₂ le₃cuí'₅
dsa₂ tē₂le₃ quian'₅₄ ca₂le₃jě₃ a₂ma₂jmo₃; ma₂ca₂rē₃jniá₂ dse₃ lin₃ bá₄, ca₂le₃
ca₂jmo₃ Diú₄ mi₂güig₃ a₂lín₅ dsón'₂ Diú₄, ton'₂ a₂'io₂₃ jui₅bí₂ co₂tan₅₄ bá₄; jaun₂
le₂nē₅ bá₄ tsá₃ ma₂'e₂ lé₂ le₃juá'₂ dsa₂ jua'₅₄ a₂tsá₃ ŋi₅. **21** Ia₁ o₁ŋia'₅₄ ŋi₅ le₂nē₅
a₂chan₂ Diú₄, la₁ tsá₃ ma₂ca₂jme₃juag'₂ lia'₂ con'₂ lě₅ ca₂tín₂ Diú₄ le₃juin'₂,
on₃ guē'₂ ma₂cuē'₃ Diú₄ ti₁'mag'₄. Jē₂ bá₄ ma₂ja₂lén₂ qui₂'no'₂ dsí₅ a₂tsá₃ ta₁
tí₄; tsá₃ tē₂tsi'₅₄ dsí₅, jaun₂ ma₂tē₁'ŋiá₄ jē₄ qui₁'né'₃. **22** Jui₁'a₂ guē₃ la₂ juá'₂
a₂lín₅ dsa₂ i₂cuí'₅, a₂tín₂ a₂ŋi₅, la₁ dsa₂ co₄ bá₄ ca₂lín₃ jē₁ca₂tó'₂. **23** Jaun₂ ně₃,
'nió'₄ a₂jme₁jme₃juin'₂ Diú₄ i₂tsá₃ ton₄ jmig₄ jón₂, ma₂ca₂jme₃tsín₃ bá₄ a₂co₂tág₅
co₂'né'₅ quió'₄ Diú₄ quian'₅₄ nió'₄ quió'₅ dsa₂ mi₂güig₃ i₂dsan₂, jui₁lia'₂ nió'₄
quió'₅ já'₂ i₂'in₅, já'₂ i₂tsé'₅ quió'₅, já'₂ i₂lě₂ quén₂ mi₂tag₄ ně₃.

24 'Uig₅₄ ně₅ ně₃ co₂dsia₅ ma₂jáng'₄ Diú₄ jui₅ 'lig'₅₄ a₂'ín₅ dsí₅ a₂tsá₃ le₁jě₃,
ia₁jaun₂ caun₂ i₃nioi₅₄ jmo₂₃-dsáu₅ cosa a₂o₂guí'₃ a₂jmái'₅ ni₁ŋi₁₂ quiain'₅₄
riin'₅₄ le₂jain₂ le₂jain₂, **25** ia₁ ca₂jme₃tsín₃† jág₁ dsau₅ quió'₅ Diú₄ quian'₅₄
jág₁ tē₂jág₁; jaun₂ ma₂ja₂lén₂ jme₂gó'₃ jme₂juin'₂ cosas a₂ca₂jmo₃ Diú₄, 'nió'₄
a₂jme₁jme₃juin'₂ Diú₄ 'ŋiog₅, i₂ca₂tín₂ dsón'₂ a₂jme₃juag'₂ dsa₂ co₂tan₅₄. ¡Le₂nē₅
dsón'₂ bá₄! A₂méi₃.

26 'Uig₅₄ ně₅ co₂dsia₅ ma₂jáng'₂ jui₅ ja₁cuē'₅ o₂'ŋió₃ o₂ŋia₃ dsí₅ a₂lě₅ o₂guí'₃, ia₁
ca₂le₂ŋiog₅ dsa₂ mí₂ quiáin₅ bá₄ ca₂jme₃tsín₃ 'a₂ lia'₂ i₂nioi₅₄, a₂tsá₃ ma₁i₂nioi₅₄
lia'₂ con'₂ dsi₂ten₅₄ 'i₄ 'éi'₃ i₃nio₄ lia'₂ dsa₂ mí₂ dsa₂ ŋe'₂. **27** Ján₃ bá₄ guē'₂
le₂jaun₂ dsa₂ ŋe'₂ ma₂ca₂tí₂ bá₄ 'a₂ lia'₂ 'i₄ 'éi'₃ le₃chain₂ tiain'₃ quiain'₅₄ dsa₂ mí₂;
ma₂ja₂lén₂ chóg'₅ dséi₂ quiain'₅₄ dsa₂ ŋe'₂ riin'₅₄, jmo₂₃-dsáu₅ a₂o₂guí'₃ le₂jain₂
le₂jain₂, jaun₂ gue₂₃ uig₅ guoin₅₄ a₂ca₂tín₂ o₄quió'₄ jui₅ ja₁ca₂quiá'₂ cau₅.

28 Jaun₂, 'uig₅₄ ia₁ a₂lín₂ a₂tsá₃ 'e₂ quen₅ Diú₄, tsá₃ toin'₂ jui₅ 'éi₂, jaun₂ co₂dsia₅
ma₂jáng'₂ Diú₄ jui₅ ja₁dsi₂qui₂dsi₃ŋiog₅ dsí₅ a₂'lig'₅₄, a₂dsi₂qui₂dsi₃cóin'₅ a₂'liain'₂,
a₂jmo₃ a₂tsá₃ dsi₂ten₅₄. **29** Ca₂lia'₂ qui₂rē₂riin₅ ca₂le₃jě₃ ne₅₄ cosa 'lig'₅₄ jme₂dsí₂
quió'₅, qui₂'no₂₃ dso₄, jmá'₃ guoin₅₄ bá₄ 'nio₃ jme₁'ŋi₃, a₂qui₂'no'₂ dsí₅ 'a₂
lia'₂ 'ě'₃ uig₅ riin'₅₄. Rē₂can'₂ dsí₅ a₂uig₅ dsí₅ jín₂ riin'₅₄, a₂jme₂dsiain₂₃ riin'₅₄,
a₂lě₂qui₂dsia₂₃ mi'₅₄, a₂qui₂jme₂gain₂₃ riin'₅₄, tsá₃ dsau₅ jág₁ quian₅, 'ŋio₅ 'ŋio₄
dsa₂, a₂co₂jmo₅ dsa₂ jág₁ tē₂jág₁ jē₄ tē₃co'₅₄. **30** Ján₃ bá₄ le₂jaun₂ a₂lě₁chi₂'ag₅
dsa₂, 'ŋiai₅₄ bá₄ Diú₄, a₂lě₁co₂jmái'₂ riin'₅₄, a₂jme₂rón₂ guoin₅₄, dsia₂₃ jág₁ tá'₅,
a₂qui₂'no'₂ dsí₅ 'a₂ lia'₂ jmo₃ a₂'lig'₅₄, on₃ guē'₂ jmá'₃ jme₂gain₃ chog₅₄-jmei₂;
31 tsá₃ tē₂tsi'₅₄ dsí₅ ně₃, on₃ guē'₂ jua'₅₄ jme₃ti₃ 'e₂ caun₂ jág₁ cuē₂₃ a₂jmo₃; tsá₃
'ein₂ 'iin₂₃ 'i₁jan₂, tsá₃ tin₂ dsí₅ 'éin₂ dso₄ quió'₅ riin'₅₄, on₃ guē'₂ ŋéi₂ dsí₅. **32** I₂ŋi₅
rē₂ bá₄ dsa₂ 'éi₂ 'a₂ lia'₂ lě₅ 'éi'₃ ma₂quí'₃ Diú₄, ia₁ ca₂le₃jín₃ i₂jmo₅ le₂nē₅ ca₂tín₂
dsiáin₃ bá₄; la₁ jui₁'e₂ guē₃ ŋi₅ a₂jaun₂, on₃jua'₅₄ jmá'₃ guoin₅₄ caun₂ qui₂jmo₂₃,
tē₂le₃ tē₅ dsí₅ bá₄ a₂jmo₅ i₂sián'₂ ján₃.

2

Diú₄ bá₄ con₂ 'í₁ co₂rē₂ 'a₂ lia'₂ con₂ lě₅ dsón'₂

1 Jaun₂ ně₃, tsá₃ 'e₂ lé₂ le₃jua'₅₄ 'ne₂ jua'₅₄ a₂tsá₃ 'e₂ dso₄ ríng'₂, 'ne₂ guē'₂ i₂con₂
'í₁ ja₁con₂ i₂sián'₂, tsá₃ a₂nag₅₄ jui₁'ein₂ guē₃ líng'₅. Ia₁ ně₁jua'₂ cáun'₂ 'í₁ ja₁con₂
ríng'₂, jaun₂ co₂'nió'₄ ma₂qui₂dsí₁ 'éi'₃ ja₁con₂ 'ŋiag'₂, ton'₂ ján₃ bá₄ le₂jaun₂
jmo₂ 'ne₂ 'ŋiag'₂ a₂cáun'₂ 'í₁ jaun₂. **2** Ia₁ ne₄ bá₄ jniog₄ jaun₂, Diú₄ bá₄ i₂con₂ 'í₁

† **1:25** 'Nió'₂ ja₁ton₅ Jeremías 2.11.

rë₂ 'a₂ lia'₂ con'₂ lë₅ dsón'₂, ja₁con₂ dsa₂ i₂jmo₅ le₂në₅. ³ Jaun₂ 'ne₂ në₃ i₂caun'₂ 'í₁ ja₁con₂ i₂sián'₂ ton'₂ a₂le₂jaun₂ bá₄ guë'₂ jmo'₂ 'ñiag'₂, ¿'e₂ líng'₂? ¿A₂líong'₂ jë₁ma₂të₂ rë₁con₂ Diú₄ 'í₁ ja₁cong'₂? ⁴ ¿O₃ bá₄ tsá₃ dsáu₅ 'au'₂ ia₁ a₂ñí₄ lë₃ dse₃ 'ua₁ dsí₅ Diú₄, a₂jmo₂₃ tíó'₃ dsí₅, a₂jme₂juin'₂ dsí₅ në₃? ¿Tsa₁ len'₅₄ 'ne₂, ta₁ a₂quí₅ a₂dse₃ dsí₅ Diú₄ a₂jaun₂ bá₄ jio₂₃ a₂dsi₃quén'₅ 'au'₂? ⁵ La₁ 'ñio₅ 'ua'₂ 'au'₂ tsá₃ 'niog'₂ jme₁tsíng'₄ 'au'₂; 'uig₅₄ jaun₂ në₃ caun₂ jme₁juí'₁ bá₄ a₂jme₂'ne₅₄ Diú₄ ne₄ quiáng'₂ 'ñiag'₂ a₂ting'₃ jmig₄ jaun₂ jë₁ma₂të₂ rë₁jme₃jniai₂₃ a₂'nei₂, jë₁qui₃dsi₂₃ 'éi'₃ co₂rë₂. ⁶ Ia₁ jma₃quén₅ qui₃ bá₄ Diú₄ 'lian'₅₄ le₂jan₂ le₂jan₂ 'a₂ lia'₂ con'₂ lë₅ a₂ma₂ca₂jmo₃. * ⁷ Juí₁lia'₂ dsa₂ i₂jmo₅ tíó'₃ dsí₅ jmo₂₃ a₂dse₃, a₂qui₂'no'₂ a₂co₂tág₅ co₂'né₅, ton'₂ 'no'₂ juí₅ 'a₂ lia'₂ jme₃gu'₅₄ Diú₄ quian'₅₄ caun₂ a₂dse₃, ton'₂ 'no'₂ juí₅ a₂tsá₃ dsiáin₃, 'éi₂ bá₄ cuë'₃ Diú₄ a₂le₃chain₂ co₂tan₅₄. ⁸ La₁ quian'₅₄ a₂'nei₂ cuë'₃ uig₅ ca₂le₃jín₃ i₂dsia₅ mi'₅₄, i₂tsá₃ 'nio₃ cán₂ caun₂ juí₅ a₂nag₃ gau₂ jág₁ tí₅, i₂jmá'₃ juí₅ 'lig'₅₄ bá₄ 'nio₃ cán₂. ⁹ Le₃cha₂ uig₅ o₂i₁ dsi₅ quió'₅ ca₂le₃jín₃ i₂jmo₅ a₂'lig'₅₄, jë₁le₂'uig₅₄ të₂le₃ quió'₅ dsa₂ judíos, ján₃ guë'₂ le₂jaun₂ le₂ja₁con₂ dsi₂nau₂. ¹⁰ La₁ ja₁con₂ le₂jan₂ le₂jan₂ i₂jmo₅ a₂dse₃, cuë₃ Diú₄ a₂co₂tág₅ co₂'né₅, ton'₂ cuë₃ caun₂ a₂dse₃, jmo₃ 'ei₅ tei₄, jë₁le₂'uig₅₄ quió'₅ dsa₂ judíos, ján₃ guë'₂ le₂jaun₂ le₂ja₁con₂ dsi₂nau₂.

¹¹ Ia₁ tsá₃ jma₃quén₅ jín₂ Diú₄ dsa₂ lia'₂ ca₂ton₂ ca₂ton₂; ¹² ia₁ ca₂le₃jín₃ i₂'no₅ dso₄ i₂tsá₃ ca₂tín₂ 'Éi'₃ quió'₅ Moisés, dsiáin₃ të₃ tsá₃ 'Éi'₃ jaun₂ ca₂tín₂; la₁ ján₃ guë'₂ le₂jaun₂ dsa₂ i₂'no₅ dso₄ në₁jua'₂ ron₅ bá₄ 'Éi'₃ quió'₅ Moisés në₃, të₃dsi₅₄ bá₄ 'éi'₃ quió'₅, jióg'₂ 'í₁ lia'₂ con'₂ lë₅ 'Éi'₃ jaun₂. ¹³ Ia₁ on₃jua'₅₄ dsa₂ i₂nag₅ 'Éi'₃ i₂jín₂ Diú₄ a₂lín₅ dsa₂ i₂jme₂ti₃; dsa₂ i₂jmo₅ lia'₂ con'₂ lë₅ 'Éi'₃ bá₄, i₂'éi₂ bá₄ i₂jín₂ Diú₄ a₂lín₅ dsa₂ i₂jme₂ti₃. ¹⁴ Ia₁ juí₁lia'₂ dsi₂nau₂ në₃, i₂tsá₃ 'Éi'₃ cha₂ ja₁coin₂, la₁ në₁jua'₂ chain₂ juí₅ a₂jme₂ti₃ con'₂ jaun₂ ma₂tin₂ dsí₅, guion₅₄ bá₄ dsa₂ 'éi₂ ñi₅ të₂dsí₅ 'a₂ lia'₂ lë₅ 'Éi'₃ quió'₅ Diú₄, o₁jñia'₅₄ tsá₃ a₂jaun₂ ron₅ quió'₅. ¹⁵ Ia₁ cuë₂₃ léi₄ 'a₂ lia'₂ lë₅ chain₂, a₂rë₂ton₅ të₂dsí₅ ta₁ a₂quí₅ 'Éi'₃. Jaun₂ të₂dsí₅ guoin₅₄ bá₄ jáng'₅ jág₁ dsau₅ o₄quió'₄, jaun₂ tsá₃ quín₅ 'a₂ lia'₂ dsi₂jio₅ dsí₅ guoin₅₄; a₂lín₅₄ jáng'₂, a₂lín₅₄ guë'₂ të₂le₃ lió₂. ¹⁶ Le₂në₅ bá₄ lé₂ jë₁ma₂të₂ jmig₄ jaun₂ a₂con₂ Diú₄ 'í₁ ca₂le₃jë₃ a₂'ma₄ jlë₅ quió'₅ ca₂le₃jín₃ dsa₂, të₂le₃ quian'₅₄ Jesucristo, lia'₂ con'₂ lë₅ jág₁ dse₃ a₂qui₂'ë₅ jniá₂.

Dsa₂ judíos, quian'₅₄ 'Éi'₃ quió'₅ Moisés

¹⁷ La₁ chi₂jua'₂ lín₅ 'ne₂ dsa₂ judío jaun₂ dsia'₂ a₂chéng'₅ tiá₂ quian'₅₄ 'Éi'₃ quió'₅ Moisés, jaun₂ jmo'₂ táng'₅ ia₁ a₂cuíng'₂ Diú₄; ¹⁸ chi₂jua'₂ ma₂ca₂jme₃tín₅ dsa₂ 'ne₂ 'a₂ lia'₂ lë₅ 'Éi'₃, jaun₂ ñi'₅₄ 'a₂ lia'₂ 'nio₃ Diú₄, ton'₂ ting'₂ caun'₅₄ 'í₁ 'a₂ lia'₂ lë₅ a₂dse₃; ¹⁹ jaun₂ chi₂jua'₂ të₃dsón'₂ líng'₂ a₂ting'₂ jang'₅₄ dsa₂ ten₄, chi₂jua'₂ ñi'₅₄ 'a₂ lia'₂ téi'₄ si₂ ja₁con₂ dsa₂ i₂l₂nio₄ jë₄ qui₁né₃, ²⁰ chi₂jua'₂ ñi'₅₄ 'a₂ lia'₂ jme₁rë₂ juí₅ a₂quian₅ dsa₂ co₄, chi₂jua'₂ ñi'₅₄ 'a₂ lia'₂ cuë'₅₄ jág₁ i₂'nió'₄ i₂lín₅ chi'₂, ia₁ a₂ron₅ 'Éi'₃ ja₁cong'₂, a₂tén₅ ne₄ 'Éi'₃ 'a₂ lia'₂ 'nió'₅ le₃ñi₅ dsa₂, 'a₂ lia'₂ lë₅ jág₁ dsau₅; ²¹ 'ne₂ guë'₂ i₂jme₂ting'₂ i₂sián'₂, ¿'e₂ guë'₂ 'uig₅₄ tsá₃ jme₂ting'₁ guë'₂ 'ñiag'₂? Chi₂jua'₂ 'ne₂ guë'₂ 'ë₅ jág₁ a₂tsá₃ ca₂tín₂ dsa₂ 'ang₃, ¿tsa₁ 'ang'₂ 'ñiag'₂? ²² Chi₂jua'₂ 'ne₂ juá'₂ tsá₃ ca₂tín₂ dsa₂ nió'₃ jág₁ quian'₅₄ i₂tsá₃ lë₅ dsi₂l₂gu₂, ¿tsa₁ nióg'₅ guë'₂ 'ne₂ jág₁ jaun₂ 'ñiag'₂? Chi₂jua'₂ 'ne₂ 'ñio₅ lín₃ 'ñiag'₅₄ diú₄ lag₄, ¿tsa₁ 'ang'₂ 'ne₂ a₂quen₅ a₂te₁'í₁ dsi₂néi₂ 'né₅ quió'₅? ²³ 'Ne₂ guë'₂ i₂jmo'₂ táng'₅ ja₁con₂ 'Éi'₃, ¿tsa₁ 'lig'₅₄ tsíng'₂ Diú₄ ia₁ tsá₃ jme₂tí'₁ 'Éi'₃ jaun₂? ²⁴ Ia₁ juí₁lia'₂ juá'₂ ne₄ Si₂: 'Ag₅ dsi₂nau₂ 'iin₂₃ 'lig'₅₄ Diú₄

* 2:6 'Nio'₂ ja₁ton₅, Salmo 62:12; Proverbios 24:12.

'uig₅₄ quián'₂ 'nia'₂.†

²⁵ Dsón'₂ bá₄ dsau₅ quen₅ a₂ti₃ dsa₂ lo₅₄ në₁jua'₂ jme₂ti₃ 'Éi'₃ quió'₅ Moisés, la₁ në₁jua'₂ tsá₃ jme₂ti₃ dsa₂ ně₃, tsá₃ 'e₂ ta₁ jmo₃, në₂jag₄ bá₄ a₂tsá₃ 'e₂ rē₂uing₄ bá₄ quió'₅. ²⁶ Jui₁lia'₂ dsa₂ i₂tsá₃ 'e₂ ma₂rē₂uing₄ quió'₅, la₁ në₁jua'₂ jme₂ti₃ 'e₂ ta₁ qui'₅ 'Éi'₃, co₂jaun₂ bá₄ jín₂ Diú₄ dsa₂ 'éi₂ në₂jag₄ bá₄ i₂ma₂rē₂uing₄ quió'₅ o₁jnia'₅₄ tsá₃ ma₂rē₂uing₄. ²⁷ Dsa₂ i₂tsá₃ 'e₂ rē₂uing₄ lo₄, la₁ në₁jua'₂ jme₂ti₃ 'a₂ lia'₂ juá'₂ 'Éi'₃, i₂'éi₂ bá₄ chen'₅ Diú₄ ne₄ jui₅ a₂con₂ 'í₁ ja₁con'₂ 'ne₂, ia₁ tsá₃ jme₂tí'₁, jui₁'e₂ guě₃ ron₅ Si₂ tio'₅₄ 'Éi'₃ quiáng'₂, jui₁'e₂ guě₃ rē₂uing₄ quiáng'₂ ně₃. ²⁸ Ia₁ jui₁lia'₂ jan₂ dsa₂ i₂lín₅ judío dsón'₂, on₃jua'₅₄ rē'₂ jnia'₅₄ lín₅ dsa₂ léi₄ jmá'₃ le₃co'₅₄, on₃ guē'₂ le₂jaun₂ jui₁lia'₂ ta₁ dsón'₂ a₂quí'₅ a₂qui₂rē₂uing₄ lo₄ dsa₂, on₃jua'₅₄ jnia'₅₄ rē₂uing₄ lín₅ léi₄ jmá'₃ le₃co'₅₄ ni₁ñí₅. ²⁹ Tē₂le₃ a₂ca₂tín₂ bá₄ dsa₂ jmo₃, a₂lín₅ tē₃dsón'₂ dsa₂ judío, a₂lín₅ ca₂tē₂ dsí₅; ján₃ guē'₂ le₂jaun₂ jui₁lia'₂ a₂lín₅ dsa₂ léi₄ a₂rē₂uing₄ quió'₅, a₂lě₅ ca₂tē₂ dsí₅ bá₄ dsa₂; ton'₂ a₂gu₂dsí₂ bá₄ a₂jaun₂, on₃jua'₅₄ jmá'₃ lia'₂ con'₂ le₁ton₅ ne₄ Si₂ 'Éi'₃. Dsa₂ i₂lín₅ le₂ně₅ chéin'₅ rē₂ quián'₅₄ Diú₄, on₃jua'₅₄ rē'₂ quiain'₅₄ dsa₂ mi₂güí₃.

3

¹ Jaun₂ ně₃, ¿'e₂ ta₁ jmo₅ a₂quen₅ guě₄ a₂lín₅ dsa₂ dsa₂ judío? ¿O₃ 'e₂ ta₁ jmo₅ a₂lín₅ dsa₂ léi₄ a₂rē₂uing₄ ni₁lo₁₂? ² 'Lióng₂ bá₄ 'uig₅₄ cha₂. Jē₁le₂'uig₅₄, ca₂dsia₃ Diú₄ jág₁ dse₃ quió'₅ o₄gú₃ dsa₂ judíos. ³ ¿La₁ 'e₂ bá₄ lé₂ ně₃ në₁jua'₂ chan₂ i₂lín₅₄ i₂tsá₃ ca₂rē₃ti'₅₄?* ¿O₃ bá₄ lín'₂ 'nia'₂ ján₃ a₂tsá₃ le₃tí'₅₄ Diú₄ jág₁ quió'₅ ia₁ a₂tsá₃ ca₂rē₃ti'₅₄ dsa₂ 'éi₂? ⁴ ¿Dsón'₂ bá₄ tsá₃ le₂jaun₂! Jui₁le₂lei₅₄ bá₄ jniog₄, Diú₄ ně₃ jmo₃ bá₄ ca₂le₃jě₃ lia'₂ con'₂ lě₅ jág₁ tí₅ quió'₅, jui₁'e₂ guě₃ ca₂le₃jín₃ dsa₂ tsá₃ tí₅ jág₁ quió'₅; ia₁ ne₄ Si₂ juá'₂:

ia₁jaun₂ le₃lí'₄ dsa₂ a₂lín₅ i₂dsen₃

jui₁lia'₂ jē₁dsia'₂ jág₁,

ia₁jaun₂ bá₄ léng'₂

jē₁ma₂tē₂ rē₁con₂ dsa₂ 'í₁ ja₁cong'₂.†

⁵ La₁ në₁jua'₂ tí₅ ta₁ dsá₁ jniog₄ a₂rē₂jniá₂ Diú₄ a₂lín₅ i₂dsen₃, ¿'e₂ le₃jua'₅₄ jniog₄ ně₃? ¿'An₁ tsá₃ rē₂ qui₃dsí₅ Diú₄ 'éi'₃ në₁jua'₂ ca₂rē₃'néi₃ 'ě₂ uig₅ ja₁con₂ jniog₄? (A₂lě₁juá'₅ jniá₂ lia'₂ jē₁juá'₂ dsa₂ mi₂güí₃ bá₄.) ⁶ ¿Dsón'₂ bá₄ on₃jua'₅₄ le₂ně₅! Ia₁ jua'₅₄ mei'₂ guě₃ tsá₃ rē₂ qui₂dsí₅ Diú₄ 'éi'₃, ¿'a₂ bá₄ lia'₂ le₃con₂ 'í₁ ja₁con₂ dsa₂ mi₂güí₃?

⁷ La₁ në₁jua'₂ jág₁ tē₂jág₁ quió'₃ tí₅ ta₁ ia₁jaun₂ lě₅ a₂rē₂jniá₂ guě₄ jág₁ dsau₅ quió'₅ Diú₄ ia₁jaun₂ tē₂le₃ dse₃ guě₄ chéin'₅, ¿'e₂ lě₃ qui₂dsí₅ Diú₄ 'éi'₃ a₂rín₂ jniá₂ dso₄? ⁸ ¿Ja₁lín₃ guě₄ dse₃ jua'₅₄ caun₂ a₂jmo₅₄ a₂'lig'₅₄, ia₁jaun₂ jiá₃ a₂dse₃? A₂le₂ně₅ bá₄ chi₂'ag₅ i₂lín₅₄ 'ag₂₃ jnia'₅₄ a₂jme₂tín₂ jnia'₅₄ dsa₂. La₁ gue₃ bá₄ uig₅ dsa₂ i₂dsí₂jio₃ dsí₅ le₂ně₅ 'a₂ con'₂ ca₂tín₂.

Ca₂le₃jág₃ bá₄ jniog₄ rē₂cáu'₄ dso₄

⁹ ¿'E₂ jaun₂ ně₃? ¿A₂dse₃ guě₄ tíóng₂ jnia'₅₄ dsa₂ judíos? ¿Dsau₅ bá₄ on₃jua'₅₄ le₂jaun₂! Ia₁ ma₂tē₂tsi'₅₄ jág₁, co₂jaun₂ bá₄ dsa₂ judíos con'₂ dsí₂nau₂, caun₂ bá₄ jui₅ tioin'₅₄ 'uig₅₄ dsá₁. ¹⁰ Lě₅ jui₁lia'₂ juá'₂ ne₄ Si₂:

Ca₂lia'₂ 'i₁jan₂ dsa₂ tsá₃ chan₂

i₂jme₂ti₃ 'Éi'₃ quió'₅ Diú₄,

ca₂lia'₂ 'i₁jan₂ tsá₃ chan₂;

¹¹ tsá₃ i₂chan₂ jua'₅₄ i₂ñí'₂ dsí₅,

† 2:24 Isaías 52:5; Ezequiel 36:22. * 3:3 o₃, "i₂tsá₃ ca₂rē₃'én₂." † 3:4 Salmo 51:4.

- 'i₁jan₂ tsá₃ chan₂ jua'₅₄ i₂'nio₃ 'na'₂ Diú₄.
 12 Ca₂le₃jín₃ bá₄ ma₂i₂nio₄ cau₅ jui₅ ma₂i₂cóin'₅,
 co₂dsia₅ bá₄ ma₂i₃léin₂ jui₅ ja₁tsá₃ ta₁ tí₄.
 Tsá₃ 'ein₂ chan₂ ca₂lia'₂ 'i₁jan₂
 jua'₅₄ i₂qui₂jmo₅ a₂dse₃,
 ca₂lia'₂ 'i₁jan₂ tsá₃ chan₂. †
 13 'Ué'₅ jág₁ 'lig'₅₄ le₂'o₅₄
 jui₁lia'₂ ja₂ dsí₂ 'lig'₅₄ a₂'uě'₅ tau₂ 'ŋio₅ a₂rě₂na₄;
 quian'₅₄ le₁tsi'₂ jmo₂₃ a₂jui₁gain₂. §
 Nė₂jag₄ bá₄ náu₁ dsi₂mi'₂ 'a₄ mi₂'o₅₄;
 14 Jmá'₃ caun₂ a₂jaun₂ bá₄ juá'₂ dsa₂,
 a₂uig₅ dsí₅, a₂jme₃dsi'₃ ja₁con₂ riin'₅₄; †
 15 Ma₂ně₃ bá₄ i₂ŋi₂₃ cán₂ tag₅₄
 a₂dsi₃jme₁dsiain₂₃ riin'₅₄.
 16 Léi₄ jě₁ca₂ŋi₅ ca₂quiog₂ caun₂ jui₅ a₂o₂i₁ dsi₅,
 ja₁i₃'én₂ 'a₂ lia'₂ chan₂ dsa₂;
 17 ia₁ tsá₃ cuí'₅ dsa₂ 'éi₂ jui₅ 'ei₅ tei₄; †
 18 Tsá₃ a₂jaun₂ dsi₂jio₅ dsí₅
 jua'₅₄ a₂gain₃ Diú₄. §
 19 A₂ne₄ bá₄ jniog₄, ca₂le₃jě₃ jág₁ a₂tio'₅₄ ne₄ Si₂ 'Éi'₃ quió'₅ Diú₄, a₂juá'₂
 tsí'₅ ca₂le₃jín₃ i₂ca₂tín₂ 'Éi'₃ jaun₂, ia₁jaun₂ jmo₃ tei₄ mi₂'o₄ ca₂le₃jín₃, ia₁jaun₂
 ca₂le₃jín₃ dsa₂ mi₂güig₃ tē₃tsiin'₅₄ rě₂cáin'₄ ne₄ Diú₄. 20 Ia₁ ca₂lia'₂ 'i₁jan₂ tsá₃ 'ein₂
 jín₂ Diú₄ a₂tsá₃ dso₄ rě₂cáin'₄ jua'₅₄ a₂jme₃ti₃ a₂juá'₂ 'Éi'₃, ia₁ 'ŋiog₅ bá₄ 'Éi'₃ qui'₅
 ta₁ a₂le₃ne₄ jniog₄ a₂lág₅ dsa₂ cha₂ dsá_{u1}.

A₂lión₂ dsa₂ tē₂le₃ a₂ŋia'₅₄ quian'₅₄ a₂'éin₂ bá₄

- 21 La₁ ně₃ ně₃, ma₂ca₂jme₃nia₅ bá₄ Diú₄ jui₅ a₂tsá₃ ma₃dso₄ rě₂cáu'₄ jniog₄,
 on₃jua'₅₄ tē₂le₃ quian'₅₄ Si₂ 'Éi'₃, jui₁'e₂ guě₃ jáng'₅ jág₁ dsau₅ jui₅ jaun₂ a₂juá'₂
 ne₄ Si₂ tio'₅₄ 'Éi'₃, quian'₅₄ Si₂ a₂qui₂ca₂jmo₃ dsa₂ i₂jme₁'ě₂ jág₁ quián₅ Diú₄ ně₃.
 22 Jáng'₅ jág₁ dsau₅ jui₅ dse₃ quió'₅ Diú₄ a₂tsá₃ dso₄ rě₂cán'₄ dsa₂, ŋia'₅₄ lia'₂ tē₂le₃
 quian'₅₄ a₂'éin₂ tē₂le₃ quió'₅ Jesucristo; tsá₃ jma₃quén₅ jmo₂₃ ja₁con₂ jui₁'ein₂
 guě₃; 23 ia₁ ca₂le₃jín₃ bá₄ ma₂qui₂ma₂'náu₂ dso₄, jaun₂ uíng₂ lín₃ bá₄ tióin₂
 ja₁qui₂tág₅ co₂'né'₅ quió'₅ Diú₄. 24 La₁ Diú₄ ně₃, ia₁ a₂'ua₁ dsí₅ bá₄ 'ě₂ jág₁ a₂tsá₃
 dso₄ rě₂cáin'₄, on₃jua'₅₄ a₂'nió'₅ qui₃ 'lia'₅₄. A₂lě₁lió₂ bá₄ tē₂le₃ quian'₅₄ Cristo
 Jesús i₂ca₂quí₃ o₄quió'₄ dsá_{u1} dsa₂. 25 Ca₂chen'₃ Diú₄ ja₁ŋi'₅₄ ia₁jaun₂ dsian₅
 dsá_{u1} dsa₂ mi₂güig₃ quian'₅₄ jmi₂ 'ain₅₄ a₂ca₂tein₃. A₂lě₁gue₅ bá₄ dsa₂ a₂jaun₂
 jmá'₃ tē₂le₃ quian'₅₄ a₂'éin₂. Le₂ně₅ ca₂rě₃jniá₂ Diú₄ i₂lín₅ i₂qui₃dsi₅ 'éi'₃ rě₂,
 ia₁ a₂ma₂ca₂jme₃juin'₂ dsí₅ a₂ma₂ca₂ŋág₃ bá₄ dsá_{u1} dsa₂ a₂jme₁'no₂₃ ma₂líg'₂.
 26 Le₂ně₅ ca₂jmo₃ Diú₄ a₂ca₂jme₃jniai₂₃ a₂rě₂ qui₃dsi₂₃ 'éi'₃, a₂ca₂jme₃jniai₂₃
 a₂jjin₂ dsa₂ i₂'én₂ tē₂le₃ quió'₅ Jesús ně₂jag₄ bá₄ a₂ca₂jme₃ti₃.
 27 ĸ'E₂ bá₄ ca₂lě₃ jaun₂ ně₃ quian'₅₄ a₂jmo₅ dsa₂ táin'₅? Co₂dsia₅ tē₂tsi'₅₄ cau₅
 bá₄ a₂jaun₂. ĸ'E₂ 'uig₅₄? ĸ'An₁ 'uig₅₄ a₂jme₃ti₃ dsa₂ 'Éi'₃? Jan₂'ón₄. 'Uig₅₄ ia₁ a₂'én₂
 bá₄ dsa₂. 28 Ma₂ně₂quiong₅₄ bá₄ jniog₄ 'í₁ jaun₂ ně₃, a₂jín₂ Diú₄ dsa₂ ně₂jag₄ bá₄
 a₂ca₂jme₃ti₃, 'uig₅₄ ia₁ a₂'éin₂, jaun₂ tsá₃ 'e₂ 'í₁ con₂ guě₄ jua'₅₄ a₂ca₂jme₃ti₃ o₃ tsá₃
 ca₂jme₃ti₃ 'e₂, con₂ lě₅ 'Éi'₃.

† 3:12 Salmo 14:1-3; 53:1-3; Eclesiastés 7:20. § 3:13 Salmo 5:9. * 3:13 Salmo 140:3. † 3:14 Salmo 10:7. † 3:17 Isaías 59:7-8. § 3:18 Salmo 36:1.

29 ¿O₃ bá₄ lín₅ Diú₄ ca₂ne₅₄ jmá'₃ i₂quián₅ dsa₂ judíos? ¿On₁jua'₅₄ i₂quián₅ ds_{i2}nau₂ján₃? Ján₅. I₂quián₅ 'éi₂ bá₄ján₃,³⁰ ia₁ jan₂ tan₅₄ bá₄ Diú₄ chan₂; jaun₂ 'éi₂ bá₄ jág₃ jín₂ dsa₂ i₂rē₂uīng₄ ni₁lo₁ nē₂jag₄ bá₄ a₂ca₂jme₂ti₃, 'uīg₅₄ ia₁ a₂'éin₂; ján₃ bá₄ le₂jaun₂ jág₃ jín₂ dsa₂ i₂tsá₃ rē₂uīng₄ ni₁lo₁ nē₂jag₄ bá₄ a₂ca₂jme₃ti₃, o₄quió'₄ a₂'éin₂.³¹ ¿'E₂ jua'₂ jniog₄ jaun₂ nē₃? ¿A₂tsá₃ ta₁ tí₄ 'Éi'₃ ia₁ a₂'éin₂ jniog₄? ¡Dsón'₂ tsá₃ le₂jaun₂! 'Nió'₄ tē₂le₃ cuē₂ bá₄ jniog₄ bí₂ a₂quen₅ 'Éi'₃.

4

'A₂ lia'₂ tē₂tsin'₅₄ Abraham ne₄ Diú₄

1 ¿'E₂ lé₂ le₃jua'₅₄ jniog₄ jaun₂ nē₃? ¿'E₂ ca₂dsó'₂ Abraham dsa₂ juin'₂ quián₂ jnia'₅₄ ma₂líg'₂, lia'₂ jme₁lín₄ dsa₂ mi₂güí'₃? 2 Jua'₅₄ mei'₂ guē₃ Diú₄ ca₂chi'₃ jág₁ jua'₅₄ a₂dsen₃ 'éi₂ tē₂le₃ quian'₅₄ 'e₂ a₂ca₂jmo₃, jua'₅₄ a₂ca₂jme₃ti₃ 'Éi'₃, jaun₂ jme₁cha₂ jui₅ a₂jme₁jmo₃ róin₂. La₁ on₃jua'₅₄ ne₄ Diú₄. 3 Jaun₂, ¿'e₂ juá'₂ ne₄ Si₂? “Ca₂rē₃'én₂ bá₄ Abraham jág₁ ca₂cuē₃ Diú₄; jaun₂ 'uīg₅₄ ia₁ a₂ca₂rē₃'éin₂ jaun₂ nē₃, ca₂guéi'₂ Diú₄ nē₂jag₄ bá₄ a₂ca₂jme₃ti₃.”* 4 Jaun₂ nē₃, jui₁lia'₂ jan₂ dsa₂ i₂jme₂ti₃ ta₁ quió'₅ jan₂ juīg₅₄, cu₄ a₂lí'₂ jaun₂ quió'₅, on₃jua'₅₄ a₂lē₁cuē₃ juīg₅₄, ia₁ a₂ma₂rīn₂₃ quió'₅ 'éi₂ 'lia'₅₄ ta₁ quió'₅. 5 La₁ nē₁jua'₂ 'ein₂ tē₂tsá₃ 'e₂ jmo₂₃, 'éin₂ a₂guén'₅ Diú₄ dsa₂ i₂cha₂ dsáu₁, Diú₄ guéi'₂ quió'₅ nē₂jag₄ bá₄ dsa₂ dsen₃, o₄quió'₄ a₂'éin₂. 6 'Njog₅ bá₄ David juá'₂ a₂dsen₃ jui₁lia'₂ dsa₂ i₂guéi'₂ Diú₄ nē₂jag₄ bá₄ a₂tsá₃ ma₂'e₂ dsáu₁ cha₂, tsá₃ 'e₂ 'í₁ con₂ Diú₄ 'a₂ lia'₂ ca₂jme₃ti₃. 7 Ca₂juá'₂ David:

'E₂ guē₄ dsen₃ jui₁lia'₂ dsa₂ i₂ca₂'én₂ Diú₄ dsáu₁,
i₂ca₂jlē₂ Diú₄ dso₄ a₂ca₂'náu₂.

8 'E₂ guē₄ dsen₃ dsa₂ i₂ca₂jmo₃ Te₁gui'₅₄ dsí₅

a₂tsá₃ dso₄ rīn₂.†

9 A₂dse₃ nē₅ nē₃, ¿a₁dse₃ jmá'₃ lia'₂ ca₂ne₅₄ quió'₅ dsa₂ i₂rē₂uīng₄ ni₁lo₁, o₃ bá₄ le₂jio₅ a₂dse₃ quió'₅ i₂tsá₃ 'e₂ rē₂uīng₄ quió'₅ bá₄ ján₃? Ma₂nē₂jua'₅₄ jnia'₅₄ a₂ca₂guén'₂ Diú₄ Abraham nē₂jag₄ bá₄ a₂ca₂jme₃ti₃ 'éi'₃, 'uīg₅₄ ia₁ a₂'éin₂. 10 ¿'A₂ lia'₂ jme₁lín₄ Abraham lia'₂ con'₂ ca₂guéi'₂ jaun₂? ¿Ca₂guéi'₂ cang₂ lia'₂ con'₂ jme₁ma₂ti₃ Abraham quió'₅, o₃ le₂jñiá'₅ 'e₂? Le₂jñiá'₅ bá₄, on₃jua'₅₄ cang₂. 11 Cang₂ jaun₂ bá₄ ca₂gue₃ Abraham 'éi'₃ jaun₂ a₂ti₃ ni₁lo₁₂, a₂lín₅ léi₄ co₂'nió'₄ caun₂ sello quió'₅ Diú₄ a₂ma₂guéi'₂, nē₂jag₄ bá₄ dsa₂ i₂ca₂jme₃ti₃, 'uīg₅₄ ia₁ a₂'éin₂. Le₂nē₅ bá₄ ca₂dsióg₃ Abraham a₂ca₂līn₃ cho'₅₄ ca₂le₃jín₃ i₂'én₂ ján₃, o₁jñia'₅₄ tsá₃ ma₂gue₃ 'éi'₃ jaun₂ a₂uīng₃ quió'₅. Jaun₂ le₂nē₅ bá₄ guén'₂ Diú₄ ján₃ dsa₂ tsi₁jon₂ 'éi₂ nē₂jag₄ bá₄ a₂līn₅ dsa₂ i₂ca₂jme₃ti₃. 12 Dsau₅ bá₄ a₂lín₅ Abraham cho'₅₄ ca₂le₃jín₃ i₂ma₂gue₃ 'éi'₃ jaun₂ a₂uīng₃ quió'₅, la₁ on₃jua'₅₄ jmá'₃ 'uīg₅₄ ia₁ a₂rē₂uīng₄ quió'₅; ján₃ bá₄ 'uīg₅₄ ia₁ a₂quian₅ jui₅ a₂'éin₂ jaun₂, jui₁lia'₂ ca₂can₃ Abraham jmei₂ jnia'₅₄ lia'₂ con'₂ tsá₃ ma₂uīng₂ quió'₅.

Tē₂le₃ quian'₅₄ a₂'én₂ bá₄ dsa₂ jme₃ti₃ Diú₄ jág₁ quió'₅ a₂ma₂cuē₃

13 Jaun₂ ca₂cuē₃ Diú₄ jág₁ quió'₅ ca₂cuē'₃ Abraham quian'₅₄ chi'₂-guein₂ quián₅, a₂gue₃ gua'₅₄ 'uē₃ a₂cuē₃ Diú₄; la₁ on₃jua'₅₄ ia₁ a₂ca₂jme₃ti₃ Abraham 'Éi'₃, tē₂le₃ ia₁ a₂caun₂ 'éin₂ jág₁ a₂cuē₅ Diú₄, ton'₂ ca₂guéi'₂ Diú₄ nē₂jag₄ bá₄ a₂ca₂jme₃ti₃ 'Éi'₃. 14 Jua'₅₄ mei'₂ guē₃ jmá'₃ i₂jme₂ti₃ 'Éi'₃ bá₄ gue₅ a₂dse₃ a₂cuē₅ Diú₄ cuē'₅ chi'₂-guein₂ quián₅, jaun₂ tsá₃ ma₃'e₂ ta₁ tí₄ a₂'én₂ dsa₂, ton'₂ ján₃ guē'₂ le₂jaun₂ jág₁ a₂cuē₄ quió'₅ Diú₄ tsá₃ ma₃quen₅. 15 Ia₁ jui₅ a₂'ne₂ Diú₄ bá₄ jio₅ 'Éi'₃, la₁ ja₁tsá₃ 'Éi'₃ ca₂tín₂, tsá₃ 'ein₂ ds_{i2}juin₅₄ ja₁jaun₂.

* 4:3 Génesis 15:6. Ján₃ bá₄ le₂nē₅. † 4:8 Salmo 32:1-2.

16 'Uig⁵⁴ jaun₂, o₄quió'₄ a₂'én₂ dsa₂ cué'₅ Diú₄ a₂dse₃ cué'₅ chi'₂-guein₂ quiáin₅, ia₁jaun₂ chi'₃ tiá₂ jág₁ a₂cué'₄ ne₄ a₂'ua₁ dsí'₅, ia₁jaun₂ dsón'₂ jaun₂ bá₄ jág₁ a₂gue₃ ca₂le₃jín₃ tsi₁jon₂ Abraham, on₃jua'₅₄ jmá'₃ quió'₅ dsa₂ i₂qui₂rē₂ti'₅₄ 'Éi'₃; quió'₅ ca₂le₃jín₃ i₂'én₂ bá₄ ján₃ jui₁lia'₂ jme₁'én₂ Abraham. Jaun₂ 'éi₂ bá₄ já₅ co₂'nió'₄ lín₅ jmei₂ jniog₄ ca₂le₃jág₃. 17 Jui₁lia'₂ juá'₂ ne₄ Si₂: “Ne₂ ma₂tsín'₂ jniá₂ a₂líng'₅ cho'₅₄ dsa₂ chan₂ 'lióng₂ juig₂ nación.” † Jaun₂ 'éi₂ bá₄ i₂lín₅ jmei₂ jniog₄ ne₄ Diú₄, ton'₂ ca₂'éin₃ jág₁ quió'₅ Diú₄ 'éi₂ i₂ton'₂ jme₂dsí₂ dsa₂ i₂ma₂dsan₃, ján₃ gué'₂ tē'₂ a₂tsá₃ ma₂cha₂ nē₂jag₄ bá₄ a₂ma₂cha₂.

18 Jui₁'e₂ gué'₃ tsá₃ ma₃'e₂ jmi₄g₄ jme₁ma₃cha₂ ja₁con₂ Abraham lia'₂ con'₂ lē₅ lín₅ dsa₂ mi₂güig₃, tē₂le₃ ia₁ a₂ca₂rē₃'éin₂ jág₁ quió'₅ Diú₄, ca₂dsióg₃ “a₂lín₅ jmei₂ dsa₂ chan₂ 'lióng₂ juig₂”, lia'₂ con'₂ lē₅ ca₂juá'₂ Diú₄: “co₂nē₅ tén₅ chi'₂-guein₂ dsió'₂ lé₂.” §

19 Jui₁'e₂ gué'₃ jme₁ma₂'en₅₄ Abraham con'₂ 'ñiá₂-láu₂ ñi₂, lí'₄ bá₄ 'ñiog₅ a₂ma₂guen'₂ ni₁ñi₁₂, ján₃ gué'₂ le₂jaun₂ Sara quiáin₅ nē₃ co₂nē₅ a₂ma₂chain₂ dsiáin₃ bá₄, tsá₃ ma₃'ein₂ guein₂ lé₂ le₃cáin₂, la₁ tsá₃ ca₂'uáin₂ quian'₅₄ jág₁ a₂ma₂chan'₂. 20 Tsá₃ ca₂'ág₂ caun₂-tin₃ dsí'₅ jua'₅₄ a₂tsá₃ 'éin₂ jág₁ a₂ca₂cué'₃ Diú₄, tē₂le₃ ca₂i₃tsón₂ bá₄ bí₂ a₂'éin₂, ton'₂ ca₂jme₃juin'₂ Diú₄, 21 caun₂ bá₄ 'ei₅ dsí'₅ a₂'io₅ Diú₄ jui₅bí₂ a₂jme₃ti₃ jág₁ quió'₅ a₂ca₂cué'₃. 22 'Uig⁵⁴ jaun₂ ca₂guéi'₂ Diú₄ nē₂jag₄ dsa₂ i₂ca₂jme₃ti₃.

23 Jág₁ nē₅, “a₂ca₂guéi'₂ Diú₄”, ca₂i₃to'₅₄ ne₄ si₂, on₃jua'₅₄ a₂'iin₂₃ jmá'₃ Abraham; 24 a₂'ag₂₃ jniog₄ bá₄ ján₃. 'Uig⁵⁴ ia₁ a₂'éin₂ jniog₄, guéi'₂ Diú₄ a₂lág₅ jniog₄ nē₂jag₄ bá₄ dsa₂ dsen₃ i₂ca₂jme₃ti₃ con'₂ i₂'én₂ tē₂le₃ quió'₅ Diú₄ i₂ca₂jme₃jen'₅₄ Jesús jin₄ 'lag₄. Jesús bá₄ i₂lín₅ Te₁gui'₅₄ quián₂ jniog₄, 25 i₂ca₂jín'₂ dsa₂ a₂jóin₂ ne₄ 'uig⁵⁴ dsáu₁ jniog₄, con'₂ siá'₂ ca₂jein'₅₄ táng₃ ia₁jaun₂ guéi'₂ Diú₄ jniog₄ nē₂jag₄ dsa₂ dsen₃ i₂ca₂jme₃ti₃.

5

Lé₂ le₃chong₂ jniog₄ 'ei₅ tei₄ quian'₅₄ Diú₄

1 Le₂nē₅ jaun₂, ia₁ a₂ma₂'é₂ Diú₄ jág₁ a₂tsá₃ 'e₂ dso₄ rē₂cáu'₄ jniog₄, 'uig⁵⁴ ia₁ a₂'éin₂, ma₂chong₂ jniog₄ 'ei₅ tei₄ quiáin'₅₄, tē₂le₃ quian'₅₄ Te₁gui'₅₄ Jesucristo quián₂. 2 Ia₁ tē₂le₃ quian'₅₄ Cristo 'éi₂ bá₄ ma₂i₁to'₅₄ jniog₄ ja₁jme₂gu'₅₄ Diú₄ ia₁ a₂'ua₁ dsí'₅, tē₂le₃ ia₁ a₂'éin₂. Ja₁dse₃ nē₅ nē₃, tíong₂ jniog₄ tiá₂ 'io'₂ jein₂, ia₁ 'ín₂ dsí'₅ jniog₄ a₂dsón'₂ jme₁quian'₅₄ Diú₄ jē₄ co₂tág₅ co₂'né'₅ quió'₅. 3 On₃ rē'₂ jua'₅₄ jmá'₃ a₂nē₅; jmo₂ jniog₄ 'io'₂ ne₄ o₂i₁ dsí'₅ a₂qui₂dsi₂ñág₂; ia₁ ne₄ jniog₄, quian'₅₄ o₂i₁ dsí'₅ bá₄ qui₂rē₂juin'₂ dsí'₅ jniog₄. 4 A₂juin'₂ dsí'₅ jniog₄ jaun₂, jmo₅ a₂chei'₂ rē₂ jniog₄ 'a₂ lia'₂ lág₅; a₂tíong₂ jniog₄ rē₂ jaun₂ nē₃, jmo₅ a₂'ín₂ dsí'₅ jniog₄ jmi₄g₄ a₂le₃ti₃. 5 Jmi₄g₄ a₂'ín₂ dsí'₅ jniog₄ jaun₂, tsá₃ lé₂ le₃jmo₃ jua'₅₄ jéin₂ jniog₄ o₂guí'₃, ia₁ 'ñiog₅ Diú₄ ma₂ca₂jme₃cain'₂ jme₂dsí₂ quián₂ jniog₄ ia₁ a₂ñí₄ lē₃ 'nio₃ jniog₄, tē₂le₃ quian'₅₄ Jme₂dsí₂ Jñió₅ i₂ma₂cuin₃.

6 Ia₁ lia'₂ con'₂ jme₁lág₄ jniog₄ dsa₂ mi₂güig₃ 'uan₅₄ i₂tsá₃ cha₂ jui₅ 'a₂ lia'₂ lion₄ guio₅₄, la₁ jme₁ca₂tē₂ jmi₄g₄ a₂ca₂tíong₃ Diú₄, jaun₂ ca₂jon₃ bá₄ I₂rē₂'ín₁ quiáin₅ o₄quió'₄ dsa₂ i₂tsá₃ Diú₄ cuin₅. 7 A₂quian₅ ta₁ lín₃ bá₄ jua'₅₄ mei'₂ gué'₃ jan₂ dsa₂ lé₂ le₃guein₃ 'mú₃ o₄quió'₄ jan₂ dsa₂ mi₂güig₃ riin'₅₄, ca₂lia'₂ ññia'₅₄ o₄quió'₄ jan₂ dsa₂ i₂jmo₅ rē₂; 'an₁ mei'₂ tsá₃ chan₂ jan₂ i₂lé₂ le₃tiá₂ dsí'₅ guen₃ 'mú₃ o₄quió'₄ jan₂ dsa₂ i₂dse₃ dsí'₅ dsón'₂. 8 La₁ ma₂ca₂cué'₃ bá₄ Diú₄ léi₄ a₂dsón'₂ 'nio₃ jniog₄, ia₁ a₂ca₂jon₃ Cristo 'uig⁵⁴ quián₂, lia'₂ con'₂ jme₁lág₄ gué'₄ dsa₂ cha₂ dsáu₁. 9 A₂jaun₂ nē₃, 'uig⁵⁴ ia₁ a₂ma₂'é₂ Diú₄ jág₁ tē₂le₃ quian'₅₄ jmi₄ Cristo a₂ca₂tang₂, a₂tsá₃ ma₂dso₄

† 4:17 Génesis 17:5. § 4:18 Génesis 15:5.

rag₂, jaun₂ tē₂le₃ i₂jui' guē₄ lió₂ jniog₄ tē₂le₃ quian' 'éi₂ a₂gau₂ a₂'ne₂ Diú₄ a₂jiá₃ jē₁ca₂tó' ¹⁰ Ia₁ chi₂jua' ma₂ca₂'ág₂ Diú₄ caun₂ jág₁ quian' ₅₄ jniog₄ tē₂le₃ quian' ₅₄ 'mú₃ a₂ca₂i₃ñí₂ Ja₁ñi' ₅₄ lia' ₂ con' ₂ jme₁lág₄ guē₄ jniog₄ dsa₂ i₂'ñia₅₄ 'éi₂, ján₃ bá₄ le₂jaun₂ tē₂le₃ i₂jui' guē₄ lió₂ jniog₄ 'uig₅₄ ia₁ a₂chain₂, nē₃ lia' ₂ ma₂'ei₅ caun₂ jág₁ quian' ₅₄. ¹¹ Ia₁ on₃ guē' ₂ jua' ₅₄ jmá' ₃ a₂nē₅, ia₁ chong₂ jniog₄ jme₁'ñi₄ dsi₅ ján₃ le₃quió' ₅ Diú₄ tē₂le₃ quian' ₅₄ Te₁gui' ₅₄ Jesucristo, ia₁ tē₂le₃ quian' ₅₄ Cristo bá₄ ca₂dsi₃ná_u₅ jniog₄ 'ei₅ caun₂ jág₁ quian' ₅₄ Diú₄.

Adán quian' ₅₄ Cristo

¹² Le₂nē₅ jaun₂, jui₁lia' ₂ tē₂le₃ quian' ₅₄ jan₂ dsa₂ ca₂rē₃chá₃ dsá_u₁ dsa₂ mi₂güig₃, 'uig₅₄ nē₅ bá₄ ca₂já₃ 'mú₃, le₂nē₅ bá₄ ján₃ ca₂ñag₅ 'mú₃ ja₁con₂ ca₂le₃jín₃ dsa₂ mi₂güig₃, ia₁ ca₂le₃jín₃ bá₄ ca₂'ná_u₂ dso₄. ¹³ Le₂ñiá₅, lia' ₂ con' ₂ tsá₃ 'Éi' ₃ jme₁ma₂ron₅, ma₂qui₂'no₅ bá₄ dsa₂ dso₄ mi₂güig₃, la₁ tsá₃ lé₂ le₃jió₂ 'í₁ 'e₂ a₂rín₂ dsa₂ ja₁tsá₃ 'éi' ₃ cha₂. ¹⁴ La₁ ca₂le₃ jme₁chan₂ Adán, ca₂lia' ₂ ca₂tē₂ jmi₂g₄ a₂jme₁chan₂ Moisés, ca₂'io₃ 'mú₃ jui₅bí₂ ne₄ quió' ₅ dsa₂ i₂qui₂ca₂'ná_u₂ dso₄, o₁ñia' ₅₄ dsá_u₁ dsa₂ jaun₂ on₃jua' ₅₄ a₂ca₂i₃juin₅₄ dsa₂ caun₂ 'éi' ₃ jui₁lia' ₂ ca₂jmo₃ Adán; jme₁lín₄ Adán co₂'nió' ₄ caun₂ nió' ₄ quió' ₅ i₂jiá₃ chi₁quín₃.

¹⁵ La₁ dsá_u₁ Adán nē₃, tsá₃ lé₂ le₃quín₃ quian' ₅₄ a₂lē₁cuē₅ Diú₄ jniog₄. Ia₁ jui₁lia' ₂ o₄quió' ₄ dsá_u₁ jan₂ dsa₂, juin₅ i₂ca₂dsan₃, ján₃ bá₄ le₂jaun₂ tē₂le₃ lē₅ guē₄ a₂'ua₁ dsí₅ Diú₄ a₂lió₂ a₂lē₁ma₂cuē' ₃ co₂ñí₂ dsa₂ juin₅ tē₂le₃ quian' ₅₄ jan₂ tan₅₄ dsa₂ i₂'ua₁ dsí₅. Dsa₂ 'éi₂ lín₅ Jesucristo. ¹⁶ Dso₄ a₂ca₂'ná_u₂ jan₂ dsa₂ tsá₃ lé₂ le₃quín₃ quian' ₅₄ a₂lió₂ Diú₄ a₂cuē₂₃ jniog₄; ia₁ jme₁ca₂caun₂ Diú₄ 'í₁ dso₄ a₂ca₂rē₃cán' ₂ jan₂ dsa₂, jaun₂ ca₂já₃ jui₅ a₂ca₂qui₃dsi₅ Diú₄ 'éi' ₃ ja₁con₂ dsa₂ mi₂güig₃; la₁ jui₁lia' ₂ a₂lión₂ dsa₂ nē₃, a₂lē₁ 'ē₂ Diú₄ co₂ñí₂ bá₄ jág₁ a₂tsá₃ 'e₂ dso₄ rín₂ dsa₂, jui₁'a₂ guē₃ la₂ qui₂ma₂'ná_u₂ 'lióng₂ dso₄. ¹⁷ Chi₂jua' ₂ ca₂'io₃ bí₂ 'mú₃ ne₄ ca₂le₃jín₃ dsa₂ o₄quió' ₄ dsá_u₁ jan₂ dsa₂, tē₂le₃ i₂jui' guē₄ 'ñio₅ tson₂ a₂'ua₁ dsí₅ Diú₄ ja₁con₂ dsa₂ i₂guén' ₂ nē₂jag₄ bá₄ a₂tsá₃ 'e₂ dso₄ rín₂, a₂'io₂₃ bí₂ a₂le₃chain₂ dse₃ tē₂le₃ quian' ₅₄ jan₂ dsa₂, i₂lín₅ Jesucristo.

¹⁸ Jaun₂ lē₃, jui₁lia' ₂ dsá_u₁ Adán ca₂chein' ₃ ca₂le₃jín₃ dsa₂ jui₅ ja₁'ē₃ Diú₄ uig₅, le₂nē₅ bá₄ ján₃, ta₁ a₂quí' ₅ a₂dse₃ a₂ca₂jmo₃ Jesucristo ca₂cain₃ ca₂le₃jín₃ dsa₂ jui₅ ja₁lé₂ le₃chain₂ dse₃, ja₁guéi' ₂ Diú₄ nē₂jag₄ bá₄ a₂tsá₃ 'e₂ dso₄ rín₂. ¹⁹ Co₂'nió' ₄ le₃jua' ₅₄, ia₁ jui₁lia' ₂ tsá₃ gau₂ ca₂nág₂ jan₂ dsa₂ 'éi₂, jaun₂ juin₅ i₂ca₂rē₃chá₃ dsá_u₁, ján₃ bá₄ le₂nē₅, 'uig₅₄ ia₁ a₂ca₂nág₂ gau₂ jan₂ tan₅₄ dsa₂, jaun₂ juin₅ i₂guén' ₂ Diú₄ nē₂jag₄ bá₄ i₂ca₂jme₃ti₃.

²⁰ Ca₂tē₁ron₅₄ 'Éi' ₃ ia₁jaun₂ dsi₃juin₅₄ guē₄ dso₄; la₁ ja₁'ñio₅ lín₃ guē₄ ca₂i₁juin₅₄ dso₄, jaun₂ 'ñio₅ lín₃ guē₄ ca₂jmo₃ Diú₄ ca₂i₃tsón₂ a₂'ua₁ dsí₅. ²¹ Jaun₂ le₂nē₅ bá₄ jui₁lia' ₂ ca₂tín₂ bí₂ dso₄ jui₅ a₂quian₅ 'mú₃, le₂nē₅ bá₄ ján₃ ca₂'io₃ bí₂ a₂'ua₁ dsí₅ Diú₄ a₂jág₂ jniog₄ nē₂jag₄ bá₄ dsa₂ i₂ca₂jme₃ti₃, a₂cuē₃ a₂le₃chong₂ jniog₄ dse₃ co₂tan₅₄ tē₂le₃ quian' ₅₄ Te₁gui' ₅₄ Jesucristo quián₂ jniog₄.

6

Ma₂dsau₃ tē₂le₃ quió' ₅ dsá_u₁, la₁ chong₂ le₃quió' ₅ Cristo

¹ ¿'E₂ jua' ₅₄ jniog₄ jaun₂ nē₃? ¿A₁caun₂ dse₃ 'nió₂ bá₄ jniog₄ dso₄ ia₁jaun₂ caun₂ dsi₃tsón₃ a₂'ua₁ dsí₅ Diú₄ quian' ₅₄ jniog₄? ² ¿Dsón' ₂ bá₄ on₃jua' ₅₄ le₂nē₅! Ia₁ ma₂ca₂dsau₃ bá₄ jniog₄ le₃quió' ₅ dsá_u₁; ¿'a₂ bá₄ lia' ₂ lé₂ jaun₂ nē₃ jua' ₅₄ a₂caun₂ chong₂ jniog₄ le₃quió' ₅ dsá_u₁? ³ ¿Tsa₁ ñi' ₅₄ 'nia' ₂, lia' ₂ con' ₂ jme₁ca₂tió' ₄ jniog₄ jmi₂g₂ le₃quió' ₅ Cristo Jesús, ca₂tió' ₄ jniog₄ 'mú₃ quió' ₅? ⁴ Ia₁ jme₁ca₂tió' ₄ jniog₄ jmi₂g₂, co₂'nió' ₄ bá₄ ja₁jaun₂ ca₂'o₃ jniog₄ co₂lē₅ quian' ₅₄ Cristo nē₂jag₄

bá₄ a₂ca₂dsau₃, ia₁jaun₂ jein'₅₄ táng₃ a₂le₃chong₂ caun₂ jme₂dsí₂ 'mí₂, juí₁lia'₂ ca₂jen'₅₄ Cristo a₂jme₁rē₂join₅₄, tē₂le₃ quian'₅₄ juí₅bí₂ jlá'₁ quió'₅ Jmei₂.

⁵ Ia₁ chi₂jua'₂ ca₂jme₁quiain'₅₄ jniog₄ ne₄ 'mú₃ quió'₅, ján₃ bá₄ le₂jaun₂ tion₅₄ bá₄ jme₁quiain'₅₄ jē₁ma₂ca₂jein'₅₄ jniog₄ juí₁lia'₂ ca₂jen'₅₄ 'éi₂. ⁶ Ne₄ bá₄ jniog₄, lia'₂ con'₂ lē₅ jme₁lág₄ le₂jñiá₅, ne₄ cróg₄ bá₄ ca₂ñó₃ a₂jaun₂ co₂lē₅ quian'₅₄ Cristo, ia₁jaun₂ dsí₃ 'én₂ juí₅bí₂ a₂'io₅ dsáu₁ ne₄ ni₁ñi₁ jniog₄, ia₁jaun₂ tsá₃ ma₃lē₅ jua'₅₄ a₂qui₂rē₂'ñei'₅₄ guē₄ a₂chong₂ qui₂jme₂tí₁ ta₁ ne₄ dsáu₁, nē₂jag₄ bá₄ ne₄ jan₂ juí₅g₅₄ jniog₄. ⁷ Ia₁ juí₁lia'₂ i₂ma₂jon₅, tsá₃ ma₂'e₂ rē₂'ñei'₅₄, ma₂lón₂ bá₄ ne₄ dsáu₁. ⁸ Chi₂jua'₂ ma₂ca₂dsau₃ jniog₄ quian'₅₄ Cristo, ján₃ bá₄ le₂jaun₂ 'éin₂ a₂le₃chong₂ quian'₅₄ 'éi₂, ⁹ ia₁ ne₄ bá₄ jniog₄, con'₂ jme₁ca₂jen'₅₄ Cristo ne₄ 'mú₃, o₁líg'₂ jmi₅g₄ tsá₃ ma₃lē₂ le₃jóin₂; tsá₃ ma₂'e₂ juí₅bí₂ 'io₅ 'mú₃ ne₄ quió'₅ 'éi₂. ¹⁰ Ia₁ jme₁ca₂jon₃ Cristo, co₂ráun₂ bá₄ ca₂join₃ 'uig₅₄ dsáu₁ dsa₂; la₁ nē₃ lia'₂ ma₂chain₂, chain₂ le₃quió'₅ Diú₄. ¹¹ Le₂nē₅ bá₄ 'nia'₂ ján₃, jmo₄ bá₄ 'nia'₂ 'au'₂ a₂ma₂dsang'₃ tē₂le₃ quió'₅ dso₄, la₁ chan'₂ bá₄ 'nia'₂ le₃quió'₅ Diú₄ tē₂le₃ quian'₅₄ Cristo Jesús.

¹² A₂jaun₂ nē₃, 'a₃ cuē₂ 'nia'₂ jmi₅g₄ jua'₅₄ a₂'io₃ guē₄ juí₅bí₂ dsáu₁ ne₄ ni₁ñi₁ 'nia'₂ a₂siá'₃, a₂qui₂chi₃quióng₂ jmi₅g₄ a₂jme₁ti'₄ 'nia'₂ a₂mi₅ ni₁ñi₁. ¹³ 'A₃ qui₁jñ'₅₄ 'nia'₂ a₂tén₅ ni₁ñi₁ jua'₅₄ a₂'no₃ guē₄ dso₄, co₂'nió'₄ a₂jmo'₂ ta₁ a₂jmo₃ a₂'lig'₅₄. Tē₂le₃ ne₄ Diú₄ bá₄ jñ'₅₄ 'nia'₂ a₂lín'₅ co₂'nió'₄ dsa₂ i₂ma₂dsan₃, i₂ma₂jen'₅₄ táng₃. Jang'₅₄ 'nia'₂ a₂tén₅ ni₁ñi₁ le₃ja₁con₂ Diú₄, co₂'nió'₄ a₂jmo'₂ ta₁ a₂jmo₃ jmá'₃ a₂dse₃. ¹⁴ Ia₁ tsá₃ 'io₃ guē₄ bí₂ dsáu₁ ne₄ quián'₂ 'nia'₂ nē₂jag₄ bá₄ jan₂ juí₅g₅₄ 'nia'₂, ia₁ tsá₃ o₄gú₃ 'Éi'₃ tion'₅₄ 'nia'₂; tē₂le₃ o₄gú₃ a₂'ua₁ dsí₅ Diú₄ bá₄ tion'₅₄ 'nia'₂.

¹⁵ ¿'E₂ bá₄ jaun₂ nē₃? ¿A₁caun₂ 'nió₁g₁ dso₄ bá₄ ia₁ tsá₃ o₄gú₃ 'Éi'₃ tio'₅₄ jniog₄, ia₁ ja₁'ua₁ dsí₅ Diú₄ bá₄ tíong₂? ¿Dson'₂ bá₄ on₃jua'₅₄ le₂nē₅! ¹⁶ ¿Tsa₁ ñi'₅₄ 'nia'₂, nē₁jua'₂ ca₂jñ'₅₄ 'nia'₂ guiong'₅₄ o₄gú₃ jan₂ juí₅g₅₄ a₂jme₁ti'₄ ta₁ ne₅₄, ma₂lín'₅ jan₂ i₂ma₂chi₁'ñe'₅₄ i₂quián₅ dsa₂ 'éi₂? Ján₃ bá₄ le₂jaun₂, nē₁jua'₂ ca₂jñ'₅₄ 'nia'₂ guiong'₅₄ ne₄ dsáu₁, dsáu₁ jaun₂ i₂ma₂lín₅ juí₅g₅₄ 'nia'₂, jio₅ juí₅ 'mú₃; o₃ nē₁jua'₂ ca₂jñ'₅₄ 'nia'₂ ne₄ a₂nág'₁ gau₂ jág₁ quió'₅ Diú₄, a₂jaun₂ bá₄ i₂ma₂lín₅ juí₅g₅₄ 'nia'₂, jio₅ juí₅ co₂dsau₅. ¹⁷ Juí₁'e₂ guē₃ jme₁rē₂qui₂rē₂'ñe'₂ 'nia'₂ le₂jñiá₅ ne₄ dsáu₁, la₁ rē₂nē₃ nē₃, ti₁'mag'₄ Diú₄, ma₂nei'₂ bá₄ 'nia'₂ gau₂ ca₂le₃jē₃ jme₂dsí₂ quiáng'₂ jág₁ quen₅ a₂ma₂rē₂jñ'₅₄ 'nia'₂, a₂jme₂tíng'₂. ¹⁸ Jaun₂ nē₃ ma₂lón'₂ 'nia'₂ o₄gú₃ dsáu₁, ma₂tion'₅₄ bá₄ 'nia'₂ o₄gú₃ juí₅ co₂dsau₅. ¹⁹ (Juá'₅ jniá₂ juí₂g₂ 'nia'₂ lia'₂ con'₂ lē₅ jág₁ dsia₅ dsa₂ mi₂güí₃, ia₁ dsón'₂ bá₄ quian₅ ta₁ le₃ñi'₂ 'au'₂ 'nia'₂ dse₃ ia₁ tē₂le₃ a₂lín'₅ 'nia'₂ dsa₂ mi₂güí₃.) Ia₁ le₂jaun₂ bá₄ ján₃ juí₁lia'₂ qui₂ca₂jñ'₅₄ 'nia'₂ le₂jñiá₅ a₂tén₅ ni₁ñi₁ juí₅ ja₁tsá₃ nág'₂ gau₂, ja₁ca₂jme₁ti'₄ 'nia'₂ ta₁ ne₄ ca₂le₃jē₃ ne₅₄ a₂'lig'₅₄, le₂nē₅ bá₄ guē'₂ jang'₅₄ táng₃ 'nia'₂ a₂tén₅ ni₁ñi₁ ja₁jme₁ti'₄ ta₁ ne₄ juí₅ jñi₅ ja₁caun₂ le₃dsen'₃ 'nia'₂.

²⁰ Lia'₂ con'₂ jme₁lín'₄ guē₄ dsa₂ i₂qui₂rē₂'ñe'₅₄ le₃quió'₅ dsáu₁, tsá₃ jme₁rē₂'ñeg'₅₄ jua'₅₄ a₂jme₂ti'₄ guē₄ 'nia'₂ ta₁ ne₄ juí₅ co₂dsau₅. ²¹ La₁ ¿'e₂ bá₄ a₂dse₃ ca₂lín'₃ 'nia'₂ ca₂le₃jē₃ a₂jaun₂, a₂caun₂ lē₁o₂guí'₃ quián'₂ 'nia'₂ rē₂nē₃? Ia₁ jmá'₃ lia'₂ ca₂ne₅₄ a₂dsi₅g₄ ne₄ juí₅ 'mú₃ bá₄ a₂jaun₂. ²² La₁ rē₂nē₃ nē₃, ma₂lón'₂ 'nia'₂ juí₅ ja₁jme₁qui₂rē₂'ñe'₅₄ 'nia'₂ 'nau'₂ dso₄, ma₂i₂ton'₅₄ 'nia'₂ juí₅ ja₁jme₁ti'₄ ta₁ ne₄ Diú₄, jaun₂ lén'₂ 'nia'₂ juí₅ jñi₅ ja₁caun₂ le₃dsen'₃ 'nia'₂, juí₅ ja₁dsi₅g₄ a₂le₃chan'₂ 'nia'₂ dse₃ co₂tan₅₄. ²³ Ia₁ jñia'₅₄ lia'₂ 'mú₃ bá₄ lí'₂ dsa₂ co₂'nió'₄ 'lia'₅₄ dsáu₁, la₁ a₂lē₁cuē₅ bá₄ Diú₄ a₂le₃chan₂ dsa₂ dse₃ co₂tan₅₄ tē₂le₃ quian'₅₄ Cristo Jesús i₂lín₅ Te₁gui'₅₄ quián₂ jniog₄.

7

Caun₂ jág₁ a₂jáng'₅ léi₄ a₂jau'₂ juí₁lia'₂ ja₁con₂ dsa₂ i₂rē₂jen'₂ gu₂

¹ Rin' ₅₄ jniog₄, 'nia' ₂ dsa₂ i₂cuí' ₅ 'a₂ lia' ₂ juá' ₂ ne₄ Si₂ 'Éi' ₃, ¿tsa₁ ŋi' ₅₄ 'nia' ₂ a₂io₅ bí₂ 'Éi' ₃ ja₁con₂ jan₂ dsa₂ jmá' ₃ të₁lia' ₂ chain₂? ² Ju₁lia' ₂ jan₂ dsa₂ mí₂ i₂chan₂ dsi₂i₂gu₂, co₂'nió' ₄ a₂chi' ₁nei' ₅₄ bá₄ quiaín' ₅₄ dsi₂i₂gu₂ lia' ₂ con' ₂ lě₅ ne₄ Si₂ 'Éi' ₃, të₁lia' ₂ chan₂ dsa₂ ŋe' ₂. La₁ nē₁juá' ₂ ca₂jon₃ dsi₂i₂gu₂ ně₃, ca₂tsin' ₂ bá₄ dsa₂ mí₂ 'éi₂ të₂le₃ quió' ₅ 'éi' ₃ a₂jme₁le₁quian' ₅ quió' ₅ quiaín' ₅₄ dsi₂i₂gu₂. ³ Nē₁juá' ₂ ca₂guá₂ 'io₅₄ quiaín' ₅₄ dsa₂ ŋe' ₂ sián' ₂ të₃ chan₂ dsi₂i₂gu₂, dso₄ bá₄ 'no₂₃; la₁ nē₁juá' ₂ ca₂jon₃ dsi₂i₂gu₂ ně₃, ca₂tsin' ₂ bá₄ 'io₅₄ të₂le₃ quió' ₅ 'éi' ₃, ma₂lé₂ bá₄ jéin' ₂ táng₃ gu₂ quiaín' ₅₄ dsa₂ ŋe' ₂ sián' ₂, tsá₃ ma₃dso₄ 'no₂₃.

⁴ Le₂ně₅ bá₄ ján₃, 'nia' ₂ rin' ₅₄ jniog₄, ma₂dsan' ₃ 'nia' ₂ le₃quió' ₅ 'Éi' ₃ të₂le₃ quian' ₅₄ ŋi₄ Cristo, ia₁jaun₂ téng' ₄ ja₁con₂ i₂sián' ₂: ja₁con₂ 'éi₂ i₂ca₂jen' ₅₄ táng₃ ne₄ 'mú₃. Le₂ně₅ ca₂lě₃ ia₁jaun₂ le₃chong₂ jniog₄ téi₅ ta₁ ne₄ Diú₄. ⁵ Ia₁ lia' ₂ con' ₂ jme₁chong₂ jniog₄ lia' ₂ jme₁jio₅ ni₁ŋi₁ jniog₄, ta₁ jaun₂ ca₂quí' ₃ 'Éi' ₃ a₂ca₂ŋei₃ ju₁ ni₁ŋi₁ jniog₄ a₂ca₂lě₃ dsi₅ jmó' ₄ a₂'lig' ₅₄, ca₂quí' ₃ ta₁ a₂ca₂i₁jo₅₄ ne₄ 'mú₃. ⁶ La₁ rě₂ně₃ ně₃, ma₂dsau₃ le₃quió' ₅ Si₂ 'Éi' ₃ a₂jme₁jio₅ jme₁le' ₁ŋei' ₅₄, a₂jme₁ti₁ ne₄ Diú₄ ju₁ 'mí₂ quió' ₅ Jme₂dsí₂ quiaín₅. Jaun₂ tsá₃ ma₃tio' ₅₄ jniog₄ le' ₁ŋei' ₅₄ ne₄ 'Éi' ₃ a₂chi₁ton₅ ne₄ si₂.

Dso₄ a₂'i₄ ja₁con₂ jniá₂

⁷ ¿E₂ jua' ₅₄ jniog₄ jaun₂ ně₃? ¿A₂lě₅ dso₄ bá₄ 'Éi' ₃ jaun₂? ¡Dsón' ₂ bá₄ on₃jua' ₅₄ le₂jaun₂! La₁ jniá₂ ně₃ tsá₃ ca₂rě₃guion₅₄ 'e₂ jaun₂ dsáu₅, jua' ₅₄ mei' ₂ guě₃ tsá₃ 'Éi' ₃ ron₅. Co₂'nió' ₄ le₃jua' ₅₄, tsá₃ 'e₂ ca₂rě₃guion₅₄, ju₁lia' ₂ a₂'ín₅ dsi₃ a₂cha₂ quió' ₅ i₂sián' ₂, jua' ₅₄ mei' ₂ guě₃ tsá₃ a₂juá' ₂ 'Éi' ₃ ne₄ Si₂: “Tsá₃ lě₁jmo₂ 'ín₅ 'au' ₂ a₂quió' ₅ dsa₂ sián' ₂.”*

⁸ La₁ dsáu₁ ně₃ ca₂jme₃'ŋi₁ó' ₃ bá₄ jág₁ ně₅; 'ŋiog₅ bá₄ 'Éi' ₃ ca₂cuě₃ jmig₄ ca₂ŋei₃ të₂dsi₃ ca₂le₃jě₃ ne₅₄ a₂'ín₅ dsi₃ a₂cha₂ quió' ₅ i₂sián' ₂. Ia₁ ju₁lia' ₂ ja₁tsá₃ 'Éi' ₃ ron₅, tsá₃ léi₄ jniá₂ a₂cha₂ dsáu₅. ⁹ Já₁n₃ bá₄ jme₁chang₂ caun₂ jmig₄ lia' ₂ con' ₂ tsá₃ 'Éi' ₃ quió' ₅ Moisés ma₂ca₂tíng₂. La₁ jme₁ca₂já₃ 'Éi' ₃, co₂'nió' ₄ a₂ca₂jen' ₅₄ bá₄ táng₃ dsáu₁; jniá₂ guě' ₂, co₂'nió' ₄ a₂ca₂jong₃. ¹⁰ Le₂ně₅ bá₄ ca₂lě₃ quian' ₅₄ 'ŋiog₅ 'Éi' ₃ jaun₂; 'nió' ₄ a₂jme₁cuě₃ bí₂ a₂le₃chan₂ jniá₂, të₂le₃ ca₂jio₃ ju₁ 'mú₃ bá₄ a₂jaun₂. ¹¹ Ia₁ dsáu₁ ně₃, ca₂jme₃'ŋi₁ó' ₃ bá₄ ne₄ 'Éi' ₃ ja₁con₂ jniá₂, ca₂jme₃gau₂₃. Jaun₂ quian' ₅₄ 'ŋiog₅ bá₄ 'Éi' ₃, ca₂cuě₃ 'mú₃.

¹² Jaun₂ ně₃, a₂jŋi₁ó₅ bá₄ Si₂ 'Éi' ₃; já₁n₃ guě' ₂ le₂jaun₂ ca₂le₃jě₃ 'éi' ₃ tio' ₅₄, a₂jŋi₁ó₅, con₂ 'í₁ con' ₂ dsi₂ten₅₄, a₂dse₃ lin₃ bá₄ a₂jaun₂. ¹³ ¿E₂ bá₄ jaun₂ ně₃? ¿Ju₁lia' ₂ a₂dse₃ jaun₂ ca₂lě₃ 'mú₃ ja₁con₂ jniá₂? ¡Dsón' ₂ on₃jua' ₅₄ jaun₂! 'Uig₅₄ dsáu₅ bá₄ jniá₂ jaun₂, ca₂jio₃ ju₁ 'mú₃, le₂ně₅ ca₂cuě₃ léi₄ a₂lě₅ dso₄ a₂jaun₂ a₂jme₁jmo₅ jniá₂; ca₂jmo₃ të₂le₃ quian' ₅₄ a₂dse₃, jaun₂ le₂ně₅ ca₂jme₃jnia₅ 'Éi' ₃ 'e₂ a₂lě₅ a₂ju₁si 'lig' ₅₄ a₂lě₅ dsáu₁.

¹⁴ Ne₄ bá₄ jniog₄ jaun₂ a₂lě₅ a₂gu₂dsí₂ bá₄ 'Éi' ₃, la₁ dsa₂ ni₁ŋi₅ bá₄ jniá₂; co₂'nió' ₄ a₂rě₂'ni₅₄ bá₄ jniá₂ ne₄ dso₄. ¹⁵ Ia₁ tsá₃ ŋi' ₂ dsi₃ 'e₂ lě₃ jmo₂₃ 'e₂ jmo₂₃, ia₁ tsá₃ lé₂ jmo₅₄ a₂'ín₅ dsi₃ jmo₅₄, ia₁ ca₂le₃jě₃ a₂'io₄ jniá₂ a₂tsá₃ 'nio₃ jmo₅₄, a₂jaun₂ dé₄ dsón' ₂ jmo₂₃. ¹⁶ Ia₁ chi₂juá' ₂ jmo₅ jniá₂ a₂tsá₃ të₅ dsi₃ jmo₅₄, jaun₂ jmo₅ jniá₂ dsi₃ a₂dse₃ bá₄ 'Éi' ₃. ¹⁷ Le₂ně₅ bá₄ jaun₂, on₃jua' ₅₄ jniá₂ 'ŋi₁ó' ₃ 'no₂₃ dso₄; dsáu₅ jniá₂ a₂'i₄ të₂dsi₃ bá₄, a₂jaun₂ bá₄ jmo₅. ¹⁸ Ia₁ guion₄ jniá₂, 'i₁caun₂ a₂dse₃ tsá₃ cha₂ të₂dsi₃ jniá₂, co₂'nió' ₄ le₃jua' ₅₄ lia' ₂ con' ₂ líng₅ dsa₂ ni₁ŋi₅, ia₁ 'ín₅ bá₄ dsi₃ jmo₅₄ a₂dse₃, la₁ tsá₃ qui' ₅₄ jmig₄ jmo₅₄. ¹⁹ Tsá₃ qui₂jmo₅ jniá₂ a₂dse₃ a₂'nio₃ jmo₅₄; caun₂ jmo₅ bá₄ jniá₂ a₂'lig' ₅₄ a₂tsá₃ 'nio₃ jmo₅₄. ²⁰ Jaun₂ ně₃, chi₂juá' ₂ jmo₅ jniá₂ a₂tsá₃ të₅ dsi₃

* 7:7 Éxodo 20:17; Deuteronomio 5:21.

jmo₅₄, on₃jua'₅₄ jniá₂ 'ñi₃o₃ jmo₂₃ a₂jaun₂; dsá₅ jniá₂ a₂'i₄ tē₂dsi₃ bá₄, a₂jaun₂ bá₄ jmo₅.

²¹ Jaun₂ ma₂ca₂rē₃lé₄, cha₂ caun₂ 'éi'₃; jē₁ma₂tē₂ rē₁'nio₃ jmo₅₄ a₂dse₃, jñia'₅₄ lia'₂ a₂'lig'₅₄ bá₄ cha₂ ja₁cong₂. ²² Né'₃ jme₂dsí₂ quió₃, tē₅ bá₄ dsi₃ 'Éi'₃ quió'₅ Diú₄; ²³ la₁ jág₅ jniá₂ ja₁con₂ a₂tén₅ ni₁ñi₃, cha₂ caun₂ 'éi'₃ siá'₂ a₂jmo₅ 'nei₂ quian'₅₄ 'éi'₃ 'a₂ lia'₂ dsi₂jio₅ dsi₃, a₂tē₂ chi₁'ñeg'₁ ne₄ 'éi'₃ quió'₅ dso₄ a₂jmo₅ ta₁ ja₁con₂ a₂tén₅ ni₁ñi₃.

²⁴ ¡'E₂ guē₄ juí₂ jniá₂! ¿'Ein₂ bá₄ jiá₃ lió₂ ne₄ ni₁ñi₃ a₂jio₅ 'mú₃ la₂? ²⁵ Ti₁'mag'₄ Diú₄, cha₂ bá₄ jui₅ 'a₂ lia'₂ lé₂ tē₂le₃ quian'₅₄ Te₁gui'₅₄ Jesucristo quián₂ jniog₄.

Jaun₂ ně₃, 'ñi₃o₃ bá₄ jniá₂ quian'₅₄ 'a₂ lia'₂ dsi₂jio₅ dsi₃, jme₂tí₁ ta₁ ne₄ 'Éi'₃ quió'₅ Diú₄, la₁ lia'₂ con'₂ líng₅ dsa₂ ni₁ñi₃, jme₁tí₁ jniá₂ ne₄ 'éi'₃ quió'₅ dso₄.

8

'A₂ lia'₂ chan₂ dsa₂ con'₂ lē₅ jio₅ Jme₂dsí₂ quián₅ Diú₄

¹ Nē₃ ně₃ jaun₂, tsá₃ ma₂'e₂ uig₅ 'ě₂ Diú₄ ne₄ quió'₅ dsa₂ i₂ma₂'ei₅ caun₂ jág₁ quian'₅₄ Cristo Jesús.* ² Ia₁ bí₂ a₂'io₅ 'éi'₃ quió'₅ Jme₂dsí₂ ma₂cuē₅ jmig₄ a₂chan₂ jniá₂ tē₂le₃ quian'₅₄ Cristo Jesús, ia₁ ma₂ca₂lió₂ jniá₂ ne₄ 'éi'₃ quió'₅ dso₄, quió'₅ 'mú₃ ně₃. ³ Ia₁ ma₂ca₂jmo₃ Diú₄ a₂tsá₃ ca₂qui'₅₄ jmig₄ Si₂ 'Éi'₃ jmo₃ ia₁ ca₂'uán₂ bá₄ 'Éi'₃ 'uig₅₄ dsáu₁ dsa₂ ni₁ñi₃: ca₂chein₃ ja₁ñi'₅₄ 'ñio₅ o₄quió'₄ dsáu₁ dsa₂; ca₂jmo₃ a₂lín₅ 'éi₂ dsa₂ chi₁dsáin₃ lia'₂ lín₅ dsa₂ mi₂güí₃ i₂'no₅ dso₄, jaun₂ le₂nē₅ bá₄ ca₂'ě₂ uig₅ ne₄ dso₄, ia₁ a₂lín₅ dsa₂ chi₁dsáin₃. ⁴ Le₂nē₅ ca₂jmo₃ ia₁ jaun₂ le₃ti₃ 'Éi'₃ a₂con₂ 'í₁ con'₂ dsi₂ten₅₄, ja₁con₂ jniog₄, i₂i₂nio₄, on₃jua'₅₄ lia'₂ con'₂ lē₅ jio₅ ni₁ñi₁₂, i₂i₂nio₄ lia'₂ con'₂ lē₅ jio₅ Jme₂dsí₂ bá₄.

⁵ Ia₁ dsa₂ i₂chan₂ lia'₂ con'₂ lē₅ jio₅ ni₁ñi₁ qui₂dsi₂jio₅ dsí₅ jui₅ quió'₅ ni₁ñi₅, la₁ jui₁lia'₂ dsa₂ i₂ma₂chan₂ lia'₂ con'₂ lē₅ jio₅ Jme₂dsí₂ quián₅ Diú₄, qui₂dsi₂jio₅ dsí₅ a₂quió'₅ jme₂dsí₂ bá₄. ⁶ Ia₁ jui₁lia'₂ a₂qui₂dsi₂jio₅ dsí₅ dsa₂ jui₅ quió'₅ ni₁ñi₅, a₂lē₅ 'mú₃ bá₄ jaun₂; la₁ jui₁lia'₂ a₂qui₂dsi₂jio₅ dsí₅ dsa₂ le₃quió'₅ Jme₂dsí₂ quián₅ Diú₄, a₂jaun₂ bá₄ jmo₅ a₂le₃chan₂ dsa₂ dse₃, a₂'ag₃ tei₄ dsí₅ dsa₂ ně₃. ⁷ Ia₁ jui₁lia'₂ i₂qui₂dsi₂jio₅ dsí₅ jui₅ quió'₅ ni₁ñi₅, i₂'ña₅₄ Diú₄ bá₄ i₂le₂'éi₂, ia₁ tsá₃ 'nio₃, on₃ guē'₂ lé₂ jme₃ti₃ 'Éi'₃ quió'₅ Diú₄. ⁸ 'Uig₅₄ jaun₂ bá₄, jui₁lia'₂ i₂i₂nio₄ lia'₂ con'₂ jio₅ ni₁ñi₁₂, tsá₃ lé₂ le₃jmo₃ a₂tē₅ dsí₅ Diú₄.

⁹ La₁ jui₁lia'₂ 'nia'₂ ně₃, tsá₃ ma₃i₂nio'₅₄ 'nia'₂ lia'₂ con'₂ jio₅ ni₁ñi₅, ia₁ ma₂quian'₅₄ bá₄ 'nia'₂ Jme₂dsí₂, ně₁jua'₂ guá₅ Jme₂dsí₂ quián₅ Diú₄ tē₂'au'₂ 'nia'₂. Ia₁ jui₁lia'₂ dsa₂ i₂tsá₃ 'en₅₄ Jme₂dsí₂ quián₅ Cristo tē₂dsí₅, tsá₃ lín₅ i₂quián₅ 'éi₂. ¹⁰ La₁ ně₁jua'₂ 'en₅₄ Cristo tē₂'au'₂ 'nia'₂, jaun₂ chan₂ bá₄ jme₂dsí₂ quián₂ 'nia'₂ 'uig₅₄ ia₁ a₂ma₂jín₂ Diú₄ 'nia'₂ ně₂jag₄ bá₄ a₂ma₂jme₂tí'₂ 'nia'₂, o₁jñia'₅₄ 'io₅ 'mú₃ ni₁ñi'₁ 'nia'₂ o₄quió'₄ dso₄. ¹¹ Chi₂jua'₂ chan₂ ja₁con'₂ 'nia'₂ Jme₂dsí₂ quián₅ i₂ca₂jme₃jen'₅₄ Cristo Jesús ne₄ 'mú₃, 'ñio₅ bá₄ 'éi₂ cuē₃ jme₂dsí₂ 'mí₂ ne₄ ni₁ñi'₁ 'nia'₂ a₂ca₂tín₂ 'mú₃, tē₂le₃ quian'₅₄ Jme₂dsí₂ quián₅ Diú₄ i₂guá₅ tē₂'au'₂ 'nia'₂.

¹² Le₂nē₅ bá₄ jaun₂, 'nia'₂ rin'₅₄ jniog₄, cha₂ a₂ca₂tág₂ jniog₄ jmó₁, la₁ on₃jua'₅₄ rē'₂ ne₄ ni₁ñi₅ jua'₅₄ a₂'nió'₅ le₃chong₂ jniog₄ 'io₄ táng₃ lia'₂ con'₂ lē₅ mi₅ ni₁ñi₁.

¹³ Ia₁ ně₁jua'₂ chan'₂ 'nia'₂ lia'₂ con'₂ mi₅ ni₁ñi'₁, dsían'₃ bá₄ 'nia'₂; la₁ ně₁jua'₂ tē₂le₃ quian'₅₄ Jme₂dsí₂, jñi'₅ 'nia'₂ a₂jmo₅ ni₁ñi'₁, jaun₂ le₃chan'₂ bá₄ 'nia'₂.

¹⁴ Ia₁ ca₂le₃jín₃ dsa₂ i₂i₂nio₄ lia'₂ con'₂ lē₅ jio₅ Jme₂dsí₂ quián₅ Diú₄, lín₅ chi'₂-guein₂ quián₅ Diú₄. ¹⁵ Ia₁ Jme₂dsí₂ i₂ma₂guen'₅₄ 'nia'₂ on₃jua'₅₄ i₂lín₅

* **8:1** A₂lín₅₄ chog₅₄ si₂ a₂ca₂lē₃ cang₂ guē₄, juá'₂ le₂la₂ ján₃: “i₂i₂nio₄, on₃jua'₅₄ lia'₂ con'₂ lē₅ jio₅ ni₁ñi₁₂, i₂i₂nio₄ lia'₂ con'₂ lē₅ jio₅ Jme₂dsí₂ bá₄.”

jme₂dsí₂ i₂qui₃'nei'₂ táng₃ jua'₅₄ a₂jmo₃ a₂le₃gan'₃ táng₃ 'nia'₂. Jme₂dsí₂ 'éi₂ bá₄ i₂ma₂guen'₅₄ 'nia'₂ i₂jmo₃ a₂lén'₂ 'nia'₂ chi'₂-guein₂ quián₅ Diú₄. Jme₁jua'₂ jniog₄ të₂le₃ quian'₅₄ 'éi₂: “iAbba!† iTia₅₄ quiáng₃!”¹⁶ jaun₂ 'ñiog₅ bá₄ Jme₂dsí₂ në₅ jme₂quian'₅₄ jme₂dsí₂ quián₂ jniog₄, jáng'₅ jág₁ dsau₅ juá'₂ a₂ma₂lág₅ jniog₄ chi'₂-guein₂ quián₅ Diú₄.¹⁷ Jaun₂ chi₂jua'₂ lág₅ jniog₄ ja₁ñi'₅₄, ján₃ bá₄ ca₂tág₂ jniog₄ guéi₁ a₂dse₃ a₂ma₂lě₅ jág₁ cuě₃ Diú₄ a₂cuě'₃ chi'₂-guein₂ quián₅; guéi₁ jniog₄ a₂ně₅ co₂lě₅ quian'₅₄ Cristo, chi₂jua'₂ quein'₅₄ jniog₄ quian'₅₄ jmi₁uig₅ quió'₅ ia₁jaun₂ quein'₅₄ jniog₄ cang₂jě₄ co₂tág₅ co₂'né'₅ quió'₅.

¹⁸ Ia₁ lín₂ jniá₂ on₃jua'₅₄ cha₂ 'e₂ uig₅ a₂ñag₄ jniog₄ rě₂ně₃ on₃jua'₅₄ a₂quin₃ quian'₅₄ a₂co₂tág₅ co₂'né'₅ a₂jiá₃ a₂le₃jniá₂ ja₁con₂ jniog₄.¹⁹ Ia₁ ma₂chi₁jnia₅ chi₁quian'₅₄ jmi₄ ca₂le₃jě₃ a₂ca₂jmo₃ Diú₄, a₂'ín₅ dsí₅ jmi₄ jě₁ma₂tě₂ rě₁le₃jniá₂ chi'₂-guein₂ quián₅ Diú₄.²⁰ Ia₁ ca₂le₃jě₃ a₂ca₂jmo₃ Diú₄ në₃ ma₂qui₂le₁'ñei'₅₄ ne₄ juí₅ ja₁tsá₃ ta₁ tí₄, on₃jua'₅₄ ia₁ a₂ca₂rě₃'ñi₃ó₃ dsí₅ guoin₅₄, ia₁ le₂jaun₂ 'éi'₃ ca₂jmo₃ Diú₄ 'ñiog₅ bá₄. A₂'ín₂ dsí₅ ca₂le₃jě₃ a₂ně₅,²¹ jmi₄ a₂li₂ó₂ Diú₄ a₂qui₂chi₁'ñei'₅₄ ne₄ juí₅ a₂siá'₃ quió'₅, ia₁jaun₂ jme₃quian'₅₄ chi'₂-guein₂ quián₅ Diú₄ jě₄ co₂tág₅ co₂'né'₅ juí₁lia'₂ i₂ma₂qui₂ca₂lón₂.²² Ia₁ ne₄ bá₄ jniog₄, ca₂lia'₂ jni₃ó₃ jmi₄ në₃, ca₂le₃jě₃ a₂ca₂jmo₃ Diú₄, qui₂'ñi₂ó₂ qui₂'ñia₂₃ co₂lě₅ chain₂ uig₅.²³ On₃jua'₅₄ jmá'₃ a₂jaun₂; ján₃ bá₄ le₂jaun₂ jniog₄ në₃, i₂'io₅ a₂le₂'uig₅₄ a₂ca₂ráu₃ quió'₅ Jme₂dsí₂, qui₂'ñi₂ó₂ qui₂'ñia₂ të₂dsí₅ jniog₄ të₁lia'₂ chi₁jnia₁ a₂'ín₅ dsí₅ jmi₄ jaun₂, a₂jme₃jnia₅ a₂lág₅ jniog₄ chi'₂-guein₂ quián₅ Diú₄, jmi₄ a₂li₂ó₂ ni₁ñi₁ jniog₄ la₂.²⁴ Ia₁ të₂le₃ quian'₅₄ jmi₄ a₂'ín₂ dsí₅ jniog₄ në₅ bá₄ ca₂li₂ó₂; la₁ në₁jua'₂ ma₂jág₅ dsa₂ a₂'ín₂ dsí₅, on₃jua'₅₄ ma₃le₃'ín₂ dsí₅ dsa₂ juí₁lia'₂ a₂ma₂jág₅, tsá₃ ma₃tion₅₄ 'nió'₅ 'ín₂ dsí₅.²⁵ La₁ në₁jua'₂ 'ín₂ dsí₅ jniog₄ caun₂ a₂tsá₃ ma₂ne₅₄, juin'₂ bá₄ dsí₅ jnia₄ a₂'ín₂ dsí₅.

²⁶ Já₃ bá₄ le₂ně₅ jme₂'o₅₄ Jme₂dsí₂ quián₅ Diú₄ a₂'uan₅₄ dsí₅ jniog₄. Ia₁ tsá₃ tag₂ chilén₄ Diú₄ 'a₂ con'₂ dsí₂ten₅₄, la₁ 'ñiog₅ bá₄ Jme₂dsí₂ Jñi₃ó₃ në₃ mi₂₃ ne₄ Diú₄ o₄quián₂ jniog₄, ca₂le₃jě₃ qui₂'ñi₂ó₂ qui₂'ñia₃ on₃jua'₅₄ a₂lě₂ le₃'ñi₃ó₃ jniog₄ quian'₅₄ jág₁.²⁷ La₁ Diú₄ në₃ i₂tě₂li₅ të₂dsí₅ dsa₂ mi₂güig₃, 'éi₂ bá₄ ñi₅ 'e₂ 'nio₃ Jme₂dsí₂ 'éi₂ juá'₂; ia₁ mi₅ Jme₂dsí₂ Jñi₃ó₃ lia'₂ con'₂ lě₅ 'ñi₂ó₂ dsí₅ Diú₄, o₄quió'₄ dsa₂ jñi₃ó₃ quián₅.

Tě₂le₃ ñag₅₄ guě₄ léi₂ jniog₄

²⁸ Ne₄ bá₄ jniog₄, Diú₄ bá₄ i₂jmo₅ ne₄ ca₂le₃jě₃, a₂dse₃ quió'₅ dsa₂ i₂'nio₃ Diú₄, quió'₅ dsa₂ i₂ma₂tě'₃ Diú₄ lia'₂ con'₂ lě₅ ma₂i₂jniog₅ dsí₅ jmo₃.²⁹ Ia₁ i₂ma₂cuig₅ Diú₄ ca₂le₃jñiá₅, já₃ bá₄ ca₂chei'₃ ca₂'iin₃ 'éi₂ a₂lěin₂ juí₁lia'₂ lín₅ Ja₁ñi'₅₄, ia₁jaun₂ lén₂ Ja₁ñi'₅₄ i₂le₂ne₁ jě₄ quió'₅ riin'₅₄ i₂juin₅.³⁰ Dsa₂ i₂con'₂ ma₂ca₂chen'₃ Diú₄ lia'₂ ca₂le₃jñiá₅, ca₂tě'₃ 'éi₂ já₃; dsa₂ i₂con'₂ ca₂tě'₃ 'éi₂ në₃, já₃ bá₄ ca₂jág₂ në₂jag₄ a₂tsá₃ 'e₂ dso₄ riin₂; dsa₂ i₂con'₂ ca₂jág₂ Diú₄ a₂tsá₃ 'e₂ dso₄ riin₂ në₃, já₃ bá₄ ca₂jme₃jláin₁.

³¹ ¿'E₂ le₃jua'₅₄ jniog₄ në₃, quian'₅₄ a₂ně₅? Chi₂jua'₂ chén'₅ Diú₄ ne₄ jág₁ quián₂ jniog₄, ¿'ein₂ bá₄ qui'₅₄ jmi₄ jmóg'₂ jniog₄?³² Tsá₃ ca₂jmo₃ Diú₄ jua'₅₄ tsá₃ jme₁cuin₂₃ Ja₁ñi'₅₄ 'ñiog₅, të₂le₃ ca₂jáng'₂ bá₄, ca₂ñó₃ 'éi₂ ne₄ 'mú₃ o₄quián₂ jniog₄; ¿'a₂ bá₄ lia'₂ jua'₅₄ a₂tsá₃ cuě₃ jniog₄ já₃ co₂dsia₅ quian'₅₄ 'éi₂ ca₂le₃jě₃?³³ ¿'Ein₂ bá₄ lě₂ le₃'ni₃ dsa₂ i₂ma₂qui₂ón₂ Diú₄? Ton'₂ 'ñiog₅ bá₄ Diú₄ juá'₂ a₂tsá₃ 'e₂ riin₂.³⁴ ¿'Ein₂ i₂lě₂ le₃'ě₂ uig₅? Ia₁ Cristo Jesús bá₄ i₂ca₂jon₃; të₂le₃ lě₅ bá₄ guě₄, a₂ca₂jein'₅₄ táng₃, ton'₂ ma₂guá₅ le₃gu₂ ne₁ quió'₅ Diú₄, mi₂₃ o₄quián₂ jniog₄.³⁵ ¿'Ein₂ bá₄ i₂lě₂ 'liog'₃ jniog₄ cau₅ ne₄ a₂'nio₃ Cristo? ¿O₃ bá₄ qui'₅₄ jmi₄ juí₁lia'₂ caun₂ jmi₁uig₅, o₃ juí₁lia'₂ caun₂ o₂i₁ dsí₅, o₃ jmi₄ juí₁lia'₂ a₂co₂'ein₅ dsa₂, o₃ jmi₄

† 8:15 Abba: co₂'nió'₄ le₃jua'₅₄; “Tia₅₄” quian'₅₄ jág₁ jmei₅ arameo.

jui₁lia'₂ jme'₁in₂ a₂que₅₄, o₃ ia₁ a₂tsá₃ cha₂ a₂qui'₅₄ 'e₂ jniog₄, o₃ 'e₂ caun₂ a₂gau₂ cha₂, o₃ a₂go₃ jniog₄ a₂jme₃dsiog₅ dsa₂ quian'₅₄ ŋi₁tág₂? ³⁶ Jui₁lia'₂ rē₂ton₅ ne₄ Si₂: O₄quián'₂ 'ne₂ bá₄ guei₂ jnia'₅₄ 'mú₃ co₂tan₅₄.

Jmo₅ dsa₂ dsí₅ a₂lág₅ jnia'₅₄

nē₂jag₄ bá₄ já'₂ cha'₂

i₂ma₂le₁te₂ dsa₂ a₂jme₃dsiog₂₃.†

³⁷ La₁ jē₄ ca₂le₃jē₃ a₂nē₅, tson₂ guē₄ léi₂ tián₂ jniog₄ tē₂le₃ quian'₅₄ 'éi₂ i₂ma₂ca₂rē₃'nio₃ quián₂ jniog₄. ³⁸ Ia₁ caun₂ bá₄ 'ei₅ dsí₃, 'i₁caun₂ tsá₃ 'e₂ lé₂ le'₃liog'₃ cau₅ ne₄ a₂'nio₃ Diú₄ jniog₄. Tsá₃ qui'₅₄ jmig₄ 'mú₃, on₃ guē'₂ a₂chong₂, on₃ guē'₂ ángeles, on₃ guē'₂ dsí₂tan₅₄ quián₅ jme₂dsí₂, on₃ guē'₂ a₂cha₂ rē₂nē₃, on₃ guē'₂ a₂cha₂ jmig₄ ne₄ jui₅ nē₃, on₃ guē₄ jui₅bí₂, ³⁹ on₃ guē'₂ i₂tion'₅₄ ja₁ŋei₅ lín₃, on₃ guē'₂ i₂tion'₅₄ ja₁'uin₃ lín₃, on₃ guē'₂ jui₁'e₂ guē₃ a₂siá'₂ a₂ca₂jmo₃ Diú₄, jua'₅₄ le₃qui'₅₄ jmig₄ jmo₃ jua'₅₄ a₂tsá₃ ma₃jme₃'nio₃ Diú₄ jniog₄, tē₂le₃ quian'₅₄ Cristo Jesús Te₁gui'₅₄ quián₂ jniog₄.

9

Ma₂quión'₂ Diú₄ dsa₂ juig₂ Israel

¹ Jág₁ tí₅ dsón'₂ bá₄ juá'₅ jniá₂ le₃quió'₅ Cristo la₂, tsá₃ jme₂gau₅₄ jniá₂; tē₂dsí₃ jniá₂ jniog₅ Jme₂dsí₂ Jnió₅ juá'₂ tság₅ jniá₂ a₂dsón'₂ bá₄ dsau₅; ² 'ŋio₅ lín₃ chang₂ go₂'i₃ qui'₂ dsí₃ co₂tan₅₄, ³ ia₁ ca₂tē₂ 'ŋió₃ jniá₂ jme₁'nio₃ jua'₅₄ dsí₃ 'éng₁, rē₂'na₄ jág₁ ja₁con₂ Cristo jua'₅₄ mei'₂ guē₃ le₂jaun₂, o₄quió'₄ ríng'₃ dsa₂ go₃ jniá₂ le₃quió'₅ ni₁ŋí₅. ⁴ 'Éi₂ bá₄ i₂lín₅ dsa₂ tsi₁jon₂ Israel;* 'éi₂ bá₄ i₂lín₅ dsa₂ i₂ca₂guéi'₂ Diú₄ a₂lín₅ chi'₂-guein₂ quián₅; 'éi₂ bá₄ i₂ca₂tē₂ ne₄ a₂tág₅ co₂'né₅ quió'₅ Diú₄; 'éi₂ bá₄ i₂ca₂lí₃ jág₁ quian'₅₄ Diú₄; 'éi₂ bá₄ i₂ca₂gue₃ Si₂ 'Éi'₃ ca₂cuē₃ Diú₄; 'éi₂ bá₄ i₂ca₂tín₂ jme₃ti₃ a₂qui₂jén'₃ ne₄ Diú₄; 'éi₂ bá₄ i₂ca₂cuē₃ Diú₄ jág₁ quió'₅ nē₃. ⁵ 'Éi₂ bá₄ i₂lín₅ tsi₁jon₂ dsa₂ can'₅₄ quián₂ jnia'₅₄ ma₂líg'₂. Jaun₂ tē₂le₃ quian'₅₄ tsi₁jon₂ 'éi₂ nē₃, ca₂guan₃ l₂rē₂'ín₁ quián₅ Diú₄ chi₁dsáin₃, i₂lín₅ Diú₄ ne₄ quió'₅ ca₂le₃jē₃, i₂jme₃juin'₂ dsa₂ co₂tan₅₄, a₂méi₃.

⁶ On₃jua'₅₄ rē₂ a₂tsá₃ ca₂rē₃ti₃ jág₁ a₂rē₂cuē₄ quió'₅ Diú₄, ia₁ tsá₃ ca₂le₃jín₃ dsa₂ tsi₁jon₂ Israel lín₅ tē₃dsón'₂ dsa₂ i₂tén₅ juig₂ Israel. ⁷ On₃ guē'₂ lín₅ ca₂le₃jín₃ dsa₂ tsi₁jon₂ Abraham tē₃dsón'₂ chi'₂-guein₂ quián₅ 'éi₂; ia₁ jme₁ca₂juá'₂ Diú₄ ca₂tsí'₃ Abraham: “Tē₂le₃ quian'₅₄ Isaac bá₄ ja₃lén₂ tsi₁jong'₂.”† ⁸ Jág₁ nē₅, jein₅ jág₁, on₃jua'₅₄ chi'₂ dsio₄ le₃quió'₅ ni₁ŋí₅ i₂lín₅ chi'₂-guein₂ quián₅ Diú₄; ton'₂ con'₂ i₂lín₅ guein₂ i₂ca₂rē₃chán₃ lia'₂ con'₂ lē₅ jág₁ quió'₅ Diú₄ a₂jme₁ma₂cuē₃, jmá'₃ i₂'éi₂ bá₄ i₂jín₂ Diú₄ i₂lín₅ tē₃dsón'₂ tsi₁jon₂ Abraham. ⁹ Ia₁ jág₁ quió'₅ Diú₄ a₂ca₂cuē₃ Abraham, a₂la₂ bá₄ jaun₂: “Jein₂ rē₂nē₃ ŋi₂ caun₂, guio₅₄ jniá₂, jaun₂ le₃chan₂ jan₂ guein₂ quián₅ Sara.”‡ ¹⁰ On₃jua'₅₄ jmá'₃ a₂jaun₂. Qui₂ca₂can₃ Rebeca guein₂ quian'₅₄ jan₂ dsa₂ ŋe'₂ i₂lín₅ Isaac jmei₂ jnia'₅₄. ¹¹ La₁ tsá₃ jme₁ma₂ca₂rē₃chán₃ guein₂ quián₅ i₁Bé'₄, on₃ guē'₂ a₂'lig'₅₄ a₂dse₃ jme₁ma₂tiin₂ jmo₃, jme₁ca₂jmo₃ Diú₄ jág₁, ia₁jaun₂ tē₃'ŋiá₄ a₂ca₂tín₂ Diú₄ qui₃quió'₂ lia'₂ con'₂ lē₅ niog₅ dsí₅; ¹² on₃jua'₅₄ 'uig₅₄ ia₁ a₂jme₂ti₃ dsa₂, tē₂le₃ 'uig₅₄ ia₁ a₂tē₂ Diú₄; ca₂juá'₂ Diú₄ ca₂tsí'₃ i₁Bé'₄: “I₂lín₅ i₂juin'₂ jme₃ti₃ ne₄ i₂me'₂.”§ ¹³ Jui₁lia'₂ chi₁ton₅ ne₄ Si₂: “Ca₂quio'₄ jniá₂ ca₂jme₁gu'₅₄ quió'₅ Jacob, lē₅ guē₄ con'₂ guē₄ Esaú.”*

¹⁴ ¿'E₂ bá₄ le₃jua'₅₄ nē₃? ¿On₃ bá₄ tsá₃ rē₂ qui₂dsí₅ Diú₄ 'éi'₃? ¡Dsón'₂ on₃jua'₅₄ le₂jaun₂! ¹⁵ Ia₁ ca₂tsí'₃ Moisés:

† 8:36 Salmo 44:22. * 9:4 Israel: co₂'nió'₄ le₃jua'₅₄, Jacob. Génesis 35:10. † 9:7 Génesis 21:12.

‡ 9:9 Génesis 18:10,14. § 9:12 Génesis 25:23. * 9:13 Malaquías 1:2-3; lit. “Ca₂jme₁'nió'₄ jniá₂ Jacob, Esaú guē'₂ ca₂jme₁'ŋiá₅₄.”

Dsia₅₄ jniá₂ ηéi₂ dsi₃

ja₁con₂ i₂'nio₃ jniá₂ dsia₅₄ ηéi₂ dsi₃ quiain'₅₄;
ján₃ bá₄ jmo₅₄ jniá₂ 'ua₁ dsi₃

ja₁con₂ i₂'nio₃ jniá₂ jmo₅₄ 'ua₁ dsi₃ quiain'₅₄.†

16 Le₂nē₅ bá₄ jaun₂, on₃jua'₅₄ rē'₂ ia₁ 'nio₃ jan₂ dsa₂, o₃ a₂quín'₃ bí₂ 'e₂; ton'₂ ia₁ a₂ηéi₂ dsí₅ Diú₄ bá₄. 17 Ia₁ chi₁ton₅ ne₄ Si₂ 'a₂ lia'₂ ca₂juá'₂ Diú₄ ca₂tsí'₃ Faraón:† “Ta₁ jaun₂ tē₃dsón'₂ bá₄ ca₂tság'₂ jniá₂ a₂léng'₂ rag₅₄, ia₁jaun₂ jme₁jnia₅ jniá₂ jui₅bí₂ quió₃ tē₂le₃ quian'₅₄ 'ne₂, ia₁jaun₂ guē₄ le₃ηi₅ dsa₂ ta₁caun₂ gua'₅₄ 'uē₃ 'a₂ lia'₂ lín₅ jniá₂.” § 18 Jaun₂ lē₃, ca₂tín₂ Diú₄ dsia₃ ηéi₂ dsí₅ ja₁con₂ chi₂'ein₂ 'nio₃, ton'₂ ján₃ guē'₂ jme₃'ua'₂ dsí₅ chi₂'ein₂ 'nio₃ jme₃'ua'₂ dsí₅. 19 La₁ jaun₂, lé₂ jua'₅₄ juig'₅₄ jniá₂: “Chi₂jua'₂ le₂nē₅, ¿'e₂ lē₃ cuē'₅ Diú₄ dso₄ dsa₂, jaun₂ nē₃? Ia₁, ¿'ein₂ bá₄ qui'₅₄ jmi₂g₃ jné₃ a₂niog₅ dsí₅ Diú₄ jmo₃?” 20 ¡La₁ 'ne₂ nē₃! ¿L₂'ein₂ bá₄ lín'₅ 'ne₂ dsa₂ mi₂güí₃, jua'₅₄ a₂tsíng'₄ quian'₅₄ Diú₄? ¿O₃ bá₄ lé₂ le₃juá'₂ jui₁lia'₂ ni₁tí'₂ gua'₅₄, tsí'₃ i₂ca₂jmo₃: “¿'E₂ lē₃ ca₂jmog'₅₄ jniá₂ le₂la₂?”* 21 Jui₁lia'₂ jan₂ tē₅ i₂jmo₅ tí'₂: ¿Tsa₁ ca₂tín₂ 'uē'₃ quian'₅₄ ca₂bē'₅₄ ti₁jein₂ caun₂ ni₁tí'₂ a₂jmo'₂ dsa₂ ta₁ jmá'₃ lia'₂ a₂jlá'₁, caun₂ guē'₂ a₂jmo'₂ dsa₂ ta₁ lia'₂ 'ei₅ ne₅₄ cosa?†

22 ¿'E₂ guē'₂ lé₂ le₃jua'₅₄ 'ne₂ chi₂jua'₂ 'nio₃ Diú₄ jme₃jnia₅ a₂'nei₂, jme₃jnia₅ jui₅bí₂ quió'₅ nē₃, la₁ ca₂jmo₃ tió'₃ ca₂jme₃juin'₃ dsí₅ 'nio₅ lín₃ quiain'₅₄ dsa₂ i₂jme₁ca₂tín₂ gue₃ uig₅ i₂jme₁'i₄ 'éi'₃ dsi₃'én₂? 23 ¿'E₂ guē'₂ chi₂jua'₂ ca₂jmo₃ Diú₄ le₂jaun₂, ia₁jaun₂ qui₃le₃ηi₅ dsa₂ a₂jláin'₁ a₂'uain'₂, a₂jme₂jnia₂₃ a₂ηéi₂ dsí₅ ja₁con₂ dsa₂ i₂ca₂jmoí'₂ co₂jnia₅₄ tē₃jniá₅, ia₁jaun₂ tiin₅₄ jē₁tág₅ co₂'né₅ quió'₅? 24 Jniog₄ bá₄ 'éi₂ i₂ca₂tē'₃ Diú₄, on₃jua'₅₄ jmá'₃ jē₄ quió'₅ dsa₂ judíos; ján₃ bá₄ ca₂tē'₃ dsa₂ jē₄ quió'₅ dsí₂nau₂. 25 Jui₁lia'₂ juá'₂ ne₄ si₂ quió'₅ Oseas:

Dsa₂ i₂tsá₃ jme₁lín₄ dsa₂ juig₂ quiáng₃,
ca₂tē₃ dsa₂ juig₂ quiáng₃;
ján₃ guē'₂ co₂'nió'₄ 'io₅₄ i₂tsá₃ jme₁'nióg₃,
ca₂tē₃ bá₄ jniá₂ a₂niói₃ guē₄ lín₃.†

26 Ján₃ bá₄ juá'₂:
Co₂dsau₅ jaun₂ ja₁jme₁juá'₂ dsa₂
a₂tsá₃ lín'₅ 'nia'₂ dsa₂ quiáng₃,
ja₁jaun₂ nág'₁ 'nia'₂ a₂tē₂ dsa₂
a₂lín'₅ chi₂'guein₂ quián₅ Diú₄ jén'₃. §

27 La₁ tē₂le₃ quió'₅ dsa₂ israelitas nē₃, ca₂juá'₂ Isaiás a₂dsen₅₄ dsí₅: “Jui₁'a₂ guē₃ la₂ juin₅ lín₃ tsi₁jon₂ dsa₂ juig₂ Israel téin₅ jui₁lia'₂ tí₅ ti₁tsag₁ cha₂ chei'₅₄ jmi₁ní'₄, la₁ me'₂ co₂ηí₂ bá₄ dsa₂ i₂juin₅ 'éi₂ tín'₄. 28 Ia₁ qui₃dsí₅ bá₄ Diú₄ 'éi'₃ ne₄ gua'₅₄ 'uē₃, jme₃ti₃ ca₂le₃jē₃ co₂ηei'₅₄.”* 29 Jui₁lia'₂ ca₂juá'₂ 'ηiog₅ Isaiás le₂jniá₅:

Jua'₅₄ mei'₂ guē₃ Te₁gui'₅₄ Juig₅₄ 'Lióg₂
tsá₃ ca₂dsiain₃ tsi₁jon₂ dsa₂ go₂ jniog₄,
le₂jaun₂ bá₄ jme₁dsi₁ηág₂ jniog₄

jui₁lia'₂ ca₂i₃ηí₂ dsa₂ juig₂ Sodoma quian'₅₄ Gomorra.†

Dsa₂ judíos quian'₅₄ jág₁ dse₃

30 ¿'E₂ le₃jua'₅₄ jniog₄ jaun₂ nē₃? Jui₁lia'₂ dsí₂nau₂ i₂tsá₃ jme₁'no'₂ jui₅ ja₁guei₃ Diú₄ nē₂jag₄ bá₄ a₂tsá₃ 'e₂ dso₄ riin₂, 'éi₂ bá₄ ma₂lí'₂ jui₅ jaun₂, caun₂ jui₅ ja₁guéi'₂ Diú₄ nē₂jag₄ bá₄ a₂ca₂jme₃ti₃, tē₂le₃ a₂jnia'₅₄ con'₂ a₂'éin₂ bá₄. 31 La₁ dsa₂ juig₂

† 9:15 Éxodo 33:19. † 9:17 Faraón: co₂'nió'₄ le₃jua'₅₄, rag₅₄ quián₅ 'uē₃ Egipto. § 9:17 Éxodo 9:16.

* 9:20 Isaiás 29:16; 45:9. † 9:21 'Nio'₂ ja₁ton₅ 2 Timoteo 2:20. † 9:25 Oseas 2:23. § 9:26 Oseas 1:10. * 9:28 Isaiás 10:22-23. † 9:29 Isaiás 1:9.

Israel guë'₂ ně₃, i₂jme₁tion'₅₄ 'Éi'₃ ia₁jaun₂ jme₁guéi'₂ Diú₄ 'uig'₅₄ ia₁ a₂jme₂ti₃, lín₂, tsá₃ ca₂tió'₃ jme₃ti₃ 'Éi'₃ jaun₂. 32 ¿'E₂ lě₃? Ia₁ jme₁'no'₂ jui₅ ja₁guéi'₂ Diú₄ jaun₂, on₃jua'₅₄ tē₂le₃ quian'₅₄ a₂'éin₂, tē₂le₃ quian'₅₄ a₂jme₁jmo₂₃ guioin'₅₄ bá₄. 'Uig'₅₄ jaun₂ qui₂ca₂nió'₃ bá₄ quian'₅₄ “Nī₁cang₁ a₂nió'₅ dsa₂.” 33 Jui₁lia'₂ rē₂ton₅ ne₄ Si₂:
 Ní₂ de'₂ 'nia'₂, tsin'₅₄ jniá₂ jan₂ jē₄ jui₂ Sión
 i₂lén₂ ně₂jag₄ ni₁cang₁ a₂qui₂nió'₅ dsa₂,
 ján₃ guë'₂ co₂'nió'₄ ni₁'lau₂
 a₂jmo₃ dsi₂gan'₅₄ dsa₂;
 jaun₂ jui₁lia'₂ i₂'éin₂ le₃quió'₅ 'éi₂,
 tsá₃ dsi₁ñi₂ o₂guí'₃. †

10

1 Rin'₅₄ jniog₄, a₂'ín₅ dsi₃ 'ñio₅ lín₃, a₂chi₂leng'₅₄ Diú₄ o₄quió'₄ dsa₂ israelitas, ia₁jaun₂ tíin'₄ bá₄. 2 Ia₁ jáng'₅ bá₄ jniá₂ jág₁ dsau₅ ja₁coin₂, a₂dsen'₅₄ dsi₅ le₃quió'₅ Diú₄, la₁ia₁ on₃jua'₅₄ jaun₂ ñi'₂ dsi₅. 3 'Uig'₅₄ ia₁ a₂tsá₃ ca₂tón'₃ jui₅ 'a₂ lia'₂ lě₅ jaun₂ a₂guéi'₂ Diú₄, jaun₂ qui₂'no'₂ jui₅ quió'₅ guioin'₅₄ bá₄, tsá₃ ca₂jme₃gó'₃ jui₅ a₂ca₂cuë₃ Diú₄. 4 Ia₁ ca₂jme₃'ñia₅ I₂rē₂'ín₁ quián₅ Diú₄ 'Éi'₃, ia₁jaun₂ guéi'₂ Diú₄ chi₂jua'₂ 'ein₂ i₂'éin₂, ně₂jag₄ bá₄ a₂ma₂can₃ caun₂ jui₅ co₂dsau₅.

5 Ia₁ jui₁lia'₂ a₂guéi'₂ Diú₄ quió'₅ dsa₂ ia₁ a₂ca₂jme₃ti₃ 'Éi'₃, juá'₂ Moisés ne₄ Si₂: “Nē₁jua'₂ ca₂can₃ dsa₂ caun₂ jui₅ co₂dsau₅ lia'₂ con'₂ lě₅ chi₂quióng₂ jmig₄ Si₂ 'Éi'₃, tē₂le₃ quian'₅₄ 'Éi'₃ jaun₂ le₃chain₂.”* 6 La₁ jui₁lia'₂ jui₅ co₂dsau₅ a₂já₅ 'uig'₅₄ ia₁ a₂'éin₂ dsa₂, juá'₂ Si₂ le₂la₂: “Tsá₃ jua'₅₄ 'ne₂ tē₂le₃ jui₅ 'au'₂: ¿'Ein₂ bá₄ lé₂ le₃uig₂ guei'₅₄ i₂juig₃?† —co₂'nió'₄ le₃jua'₅₄, ia₁jaun₂ sión₂ I₂rē₂'ín₁ quián₅ Diú₄ ja₁con₂ jniog₄—; 7 on₃ guë'₂ jua'₅₄ 'ne₂ ján₃: “¿'Ein₂ bá₄ lé₂ le₃sión₃ ca₂tē₂ ja₁ca₂jein₃ chi₁dsio₅₄?”† —co₂'nió'₄ le₃jua'₅₄, ia₁jaun₂ chíin'₂ táng₃ I₂rē₂'ín₁ quián₅ Diú₄, jin₄ 'lag₄. 8 ¿La₁ 'e₂ bá₄ guë'₂ juá'₂ Si₂? Cong'₂ bá₄ 'nia'₂ 'ei₅ jág₁ la₂,

'i₄ mi₂'o'₅₄, quian'₅₄ jui₅ tē₂'au'₂, §
 co₂'nió'₄ le₃jua'₅₄, jág₁ ně₅ bá₄ lě₅ jág₁ a₂'éin₂ dsa₂ a₂qui₂'ě₅ jnia'₅₄ dsa₂: 9 Chi₂jua'₂ jmo'₂ jág₁ quian'₅₄ mi₂'o'₅₄ a₂lín₅ Jesús Te₁gui'₅₄, ján₃ guë'₂ chi₂jua'₂ 'éng'₂ jui₅ tē₂'au'₂ a₂ca₂jme₃jein'₅₄ táng₃ Diú₄ a₂jme₁rē₂'lín'₅₄, tíng'₄ bá₄. 10 Ia₁ tē₂le₃ jui₅ tē₂dsi₅ bá₄ dsa₂ rē₂'éin₂, ia₁jaun₂ guéi'₂ Diú₄ ně₂jag₄ bá₄ a₂ca₂jme₃ti₃; ján₃ guë'₂ le₂jaun₂ tē₂le₃ quian'₅₄ 'o₄ dsa₂ jmo₂₃ jág₁ ia₁jaun₂ tíin'₄ bá₄.

11 Ne₄ Si₂ juá'₂: “Jui₁lia'₂ i₂'éin₂ le₃quió'₅ 'éi₂, tsá₃ dsi₁ñi₂ o₂guí'₃.”* 12 Tsá₃ jma₃quén₅ jág₂ Diú₄ jín₂ dsa₂ judíos quian'₅₄ guë'₂ dsa₂ griegos; ia₁ 'ñiog₅ bá₄ 'éi₂ lín₅ Te₁gui'₅₄ quián₅ ca₂le₃jín₃, ján₃ guë'₂ jme₂gu'₅₄ cuë₂₃ ca₂lia'₂ 'lióng₂ a₂dse₃ quió'₅, cuë'₅ ca₂le₃jín₃ i₂chi₂léi'₂. 13 Ia₁ juá'₂ le₂la₂: “Ca₂le₃jín₃ i₂chi₂lí'₂ ne₄ Te₁gui'₅₄, tíin'₄ bá₄.”† 14 La₁, ¿'A₂ bá₄ lia'₂ lé₂ chi₃lí'₂ ne₄ jan₂ i₂tsá₃ ma₂ca₂rē₃'éin₂ le₃quió'₅? Jáñ₃ guë'₂, ¿'a₂ bá₄ lia'₂ le₃'éin₂ dsa₂ le₃quió'₅ ně₁jua'₂ tsá₃ ma₂nág₂ guë'₂ 'ag₅ dsa₂ 'iin₂₃ 'éi₂? ¿'A₂ guë'₂ lia'₂ lé₂ nag₃ dsa₂ ně₁jua'₂ tsá₃ 'ein₂ chan₂ i₂'ě₂ jág₁ dse₃? 15 ¿'A₂ bá₄ lia'₂ lé₂ dsi₁lén₂ i₂'ě₂ jág₁ dse₃ ně₁jua'₂ tsá₃ 'ein₂ chei₅? Jui₁lia'₂ ma₂rē₂ton₅ ne₄ Si₂: “'i'E₂ guë₄ jlá'₁ gu₂-tag₄ i₂quian'₅ jág₁ dse₃!”†

16 La₁ tsá₃ ca₂le₃jín₃ dsa₂ ca₂tón'₃ jui₅ jág₁ dse₃. Jui₁lia'₂ ca₂juá'₂ táng₃ Isaías: “¿Te₁gui'₅₄ 'ein₂ bá₄ i₂ma₂ca₂rē₃'éin₂ jág₁ a₂ca₂'ě₂ jniog₄?”§ 17 Le₂ně₅ bá₄ jaun₂,

† 9:33 Isaías 8:14; 28:16. * 10:5 Levítico 18:5. † 10:6 Deuteronomio 30:12. † 10:7 Deuteronomio 30:13. § 10:8 Deuteronomio 30:14. * 10:11 Isaías 28:16. † 10:13 Joel 2:32. † 10:15 Isaías 52:7. § 10:16 Isaías 53:1.

ju₁lia'₂ a₂én₂ dsa₂, lě₅ tē₂le₃ quian'₅₄ a₂nag₅ dsa₂; a₂nag₅ dsa₂ jaun₂, lě₅ tē₂le₃ quian'₅₄ jág₁ quió'₅ I₂rē₂'ín₁ quián₅ Diú₄.

¹⁸ La₁ ηag₄ jniá₂, ¿O₃ bá₄ tsá₃ ca₂nág₂ dsa₂ jág₁ dse₃? ¡Ma₁ tē₃dsón'₂ bá₄ ca₂nág₂! Ia₁ juá'₂ Si₂:

Ta₁caun₂ gua'₅₄ 'uē₃ bá₄ ca₂dsia₃ dsa₂;
ca₂le₂con₂ quióng₄ mi₂güig₃ bá₄
ma₂ca₂i₃'ág₃ jág₁ quió'₅.*

¹⁹ La₁ ηag₄ táng₃ jniá₂, ¿O₃ bá₄ a₂tsá₃ ma₂ca₂rē₃lí'₄ 'e₂ dsa₂ juig₂ Israel? Ia₁ jē₁le₂'uig₅₄, juá'₂ Moisés:

Jmo₅₄ jniá₂ a₂lén'₂ 'nia'₂ dsa₂ i₂dsí'₅
ja₁con₂ dsa₂ i₂tsá₃ juig₂ nación lín₅;
ján₃ bá₄ jmo₅₄ jniá₂ le₃'ne'₂ 'nia'₂
o₄quió'₄ caun₂ juig₂ i₂tsá₃ ηí'₂ dsí₅.†

²⁰ Con'₂ siá'₂, tiá₂ dsí₅ Isaías a₂juá'₂, o₄quió'₄ Diú₄:

Dsa₂ i₂tsá₃ jme₁'nau'₂ jniá₂,
ca₂dsáu'₂ bá₄;
ca₂jme₁jnia₅ jniá₂
ja₁con₂ dsa₂ i₂tsá₃ jme₁ηag₅ jniá₂.‡

²¹ La₁ia₁ dsa₂ israelitas bá₄ jme₁tsí'₅ Isaías, jme₁ca₂juá'₂: “Tē₁ne₁ jmig₄ bá₄ jme₁chén'₄ jniá₂ chi₁jan₁₂ cu₃ ja₁con₂ juig₂ cang₄ mi₂dsi₄ i₂tsá₃ ne'₅₄.”§

11

Dsa₂ Israel i₂tín'₄

¹ Jaun₂ ně₃ ηag₄ jniá₂, ¿O₃ bá₄ ma₂chen'₃ cau₅ Diú₄ dsa₂ juig₂ Israel quiáin₅? ¡On₃jua'₅₄ le₂jaun₂! Ia₁ 'ηió₃ bá₄ jniá₂ líng₅ jan₂ dsa₂ israelita, jan₂ chí'₂ dsio₄ Abraham, jan₂ tsí₁jon₂ Benjamín. ² Ca₂le₂jniá₅ ma₂líg'₂ lín₃ bá₄ ca₂quión'₂ Diú₄ dsa₂ juig₂ quiáin₅; jaun₂ rē₂ně₃ ně₃ tsá₃ jua'₅₄ ma₂ca₂téi₂. ¿Tsa₁ ηí'₅₄ 'nia'₂ 'a₂ lia'₂ juá'₂ ne₄ Si₂ ja₁'in₂₃ Elías, 'a₂ lia'₂ ca₂chi₃lén'₂ Diú₄ a₂ca₂'ni₃ dsa₂ Israel? Ca₂juá'₂: ³ “Te₁gui'₅₄, ma₂ca₂jme₃dsian₅ bá₄ dsa₂, dsa₂ i₂jme₁'ě₂ jág₁ quiáng'₂, ma₂qui₂ma₂'éin₂ ne₄chei₂ quiáng'₂ ně₃; jnia'₅₄ lia'₂ jan₂ jniá₂ bá₄ chang₂ guē₄, qui₂co₂'ein₅ dsa₂, ján₃ guē'₂ 'nio₃ ηag₃.”*

⁴ Jaun₂, ¿'E₂ jág₁ ca₂jéin'₃ Diú₄? “Ma₂ca₂tsón₃ jniá₂ guion₃ mei₅ dsa₂ tē₂le₃ quió₃ i₂tsá₃ ma₂qui₂ca₂jón'₂ mi₂jne₄ ne₄ Ba'al.”† ⁵ Jaun₂ le₂ně₅ bá₄ ján₃ rē₂tsón₂ ca₂dsion₄ dsa₂ 'éi₂ rē₂ně₃, jaun₂ Diú₄ ně₃ tē₂le₃ ia₁ a₂'ua₁ dsí₅ ma₂quióin'₂ 'éi₂.

⁶ Chi₂jua'₂ tē₂le₃ ia₁ a₂'ua₁ dsí₅ Diú₄, on₃jua'₅₄ jaun₂ ia₁ a₂jmo₅ dsa₂ 'e₂ jmo₂₃. Ia₁ jua'₅₄ mei'₂ guē₃ le₂ně₅ ně₃, tsá₃ le₃jua'₅₄ jua'₅₄ a₂'ua₁ dsí₅ Diú₄. ⁷ ¿'E₂ jaun₂ ně₃? Tsá₃ ca₂tió'₃ dsa₂ juig₂ Israel dsio'₂ a₂jme₁'no'₂, la₁ dsa₂ i₂ca₂quión'₂ Diú₄ 'ηiog₅ bá₄ ca₂dsáu'₂. I₂sián'₂ guē'₂ qui₂ca₂rē₃'uá'₃ dsí₅, ⁸ ju₁lia'₂ juá'₂ ne₄ Si₂:

Ca₂jmo₃ Diú₄ a₂le₃tín₄ dsa₂ 'éi₂ le₃quió'₅ jme₂dsí₂;

ca₂cuē₃ mi₂ne₅₄ a₂tsá₃ jniá₂,
ca₂cuē₃ rē₂gua₅₄ a₂tsá₃ nag₅,
le₂jnió₄ jmig₄ ně₃.‡

⁹ Já₃ bá₄ ca₂juá'₂ David:
Ca₂le₃jé₃ a₂i₂tsón₃ jme₁cha₂ quió'₅
ju₁le₅₄ co₂'nió'₄ tsí₁liá₂ o₃ 'má₅ 'e₂,
ia₁jaun₂ qui₃nió₃, gue₃ 'liain'₅₄.

* **10:18** Salmo 19:4. † **10:19** Deuteronomio 32:21. ‡ **10:20** Isaías 65:1. § **10:21** Isaías 65:2.

* **11:3** 1 Reyes 19:10,14. † **11:4** 1 Reyes 19:18. ‡ **11:8** Deuteronomio 29:4; Isaías 19:10.

10 Jui₁le₅₄ tsá₃ jnió'₅ mi₂ne₅₄
 jui₁guen'₅₄ mi₂ca'₅₄ co₂ŋei'₅₄.§

Dsi₂nau₂ i₂tín'₄

11 Ŋag₅ jniá₂ ně₃, ħ₀₃ bá₄ co₂ŋei'₅₄ con'₂ ca₂sén'₂ jaun₂ bá₄ dsa₂ judíos jme₁ca₂nió'₃? ¡On₃jua'₅₄ le₂jaun₂! Tě₂le₃ jen₅ bá₄, jme₁ca₂i₃lén₂ dsa₂ judíos ca₂i₁juin₅₄, ca₂jmo₃ Diú₄ a₂ca₂dsó'₂ dsi₂nau₂ jui₅ ja₁tín'₄, ia₁jaun₂ le₃dsí'₅ 'éi₂.

12 La₁ chi₂jua'₂ a₂ca₂i₁juin₅₄ 'éi₂ jaun₂, ca₂dsióg₃ tě₂le₃ dse₃ bá₄ o₄quió'₄ dsa₂ mi₂güig₃, ján₃ bá₄ chi₂jua'₂ a₂ca₂i₃én₂ quió'₅ 'éi₂, ca₂dsióg₃ a₂tě₂dsi₅₄ quió'₅ dsi₂nau₂, i'_{e2} guě₄ dse₃ lé₂, jě₁ma₂ca₂rě₃ŋia₅ táng₃ 'éi₂!

13 La₁ a₂juá'₅ jniá₂ juig₂ 'nia'₂ i₂lín'₅ dsi₂nau₂: Ia₁ dsón'₂ lín₅ jniá₂ jan₂ dsa₂ i₂chen₄ ja₁con₂ dsi₂nau₂, jmo₅ jniá₂ dsi₃ 'ŋio₅ lín₃ dsen₅₄ ta₁ quió'₃, 14 con'₂ tsá₃ ŋó₅ ně₁jua'₂ ca₂rě₃dsí'₅ dsa₂ go₃ jniá₂ ja₁con'₂ 'nia'₂, jaun₂ lé₂ líón₂ i₂lín₅₄ 'éi₂.

15 Chi₂jua'₂ jme₁ca₂téi₂ Diú₄ quió'₅ dsa₂ judíos, ca₂lí'₃ dsa₂ mi₂güig₃ a₂ca₂ág₂ caun₂ jág₁ quian'₅₄ Diú₄, ħ'_{e2} bá₄ lé₂ jaun₂ ně₃ jě₁ma₂tě₂ rě₁guéi'₂ Diú₄ quió'₅ dsa₂ 'éi₂? Lé₂ co₂'nió'₄ ca₂gue₃ táng₃ jme₂dsí₂ dsa₂ i₂jme₁ma₂rě₂'lín₄.

16 Chi₂jua'₂ lě₅ 'í₁ ju₁lia'₂ i₁ŋí'₄ a₂le₂'uig₅₄ a₂jén'₅ dsa₂ ne₄ Diú₄, ján₃ bá₄ le₂jaun₂ lě₅ 'í₁ ta₁jě₂ ti₁can₁; ján₃ bá₄ chi₂jua'₂ lě₅ 'í₁ le₃quió'₅ Diú₄ ju₁lia'₂ jmú₄ caun₂ ni₁'ma₂, ján₃ bá₄ le₂jaun₂ lě₅ 'í₁ ni₁gu'₂ nei'₅₄ ni₁'ma₂ ján₃.

17 Dsa₂ judíos i₂ca₂téi₂ Diú₄ 'éi₂ ně₃, lín₅ co₂'nió'₄ gu'₂-nei'₅₄ ni₁'ma₂ olivo a₂chein'₅₄, a₂ca₂uín'₂ a₂lín₅₄ ni₁gu'₂; ně₃ ně₃, chi₂jua'₂ lín'₅ 'ne₂ jan₂ dsi₂nau₂ i₂ma₂rě₂'líón₅, ně₂jag₄ bá₄ caun₂ ni₁gu'₂ olivo a₂cha₂ ja₁nau₂, ma₂qui₂ma₂guión'₃ jmi'₅₄ ni₁'ma₂ olivo a₂qui₂jme₂tan₅₄ ni₁gu'₂, 18 tsá₃ jmó'₂ táng'₅ ja₁con₂ ni₁gu'₂ siá'₂. Chi₂jua'₂ le₂jaun₂ jmó'₂, dsá₂ 'au'₂ jmo₄, on₃jua'₅₄ 'ne₂ jme₂tang'₅₄ jmú₄; jmú₄ bá₄ jme₂tau₅₄ 'ne₂.

19 Mei'₂ tsá₃ le₃ŋag'₅₄ 'ne₂, jaun₂ ně₃: “Ján₅, dsau₅ bá₄ ně₅. La₁ia₁ a₂ca₂uín'₂ ni₁gu'₂ jaun₂ ia₁jaun₂ lén₂ jniá₂ jan₂ i₂rě₂'líón₅ ja₁jme₁ca₂tín₂.” 20 Dse₃, la₁ ca₂uín'₂ ni₁gu'₂ jaun₂ 'uig₅₄ ia₁ a₂tsá₃ jme₁'éin₂, la₁ 'ne₂ guě'₂ ně₃ tě₂ŋiág'₄ 'uig₅₄ ia₁ a₂'éng'₂. Le₂ně₅ bá₄ jaun₂, jui₁le₁gan'₃ 'nia'₂, tsá₃ lě₁jmo₂ róng'₂. 21 Ia₁ chi₂jua'₂ tsá₃ ca₂dsia₃ Diú₄ ŋéi₂ dsí₅ ja₁con₂ ni₁gu'₂ quió'₅ tě₃dsón'₂ ni₁'ma₂ jaun₂, ján₃ bá₄ le₂jaun₂ tsá₃ dsia₃ ŋéi₂ dsí₅ ja₁con'₂ 'ne₂ ján₃.

22 Jag₄ jaun₂, 'e₂ guě₄ dsen₃ Diú₄, la₁ ján₃ bá₄ rě₂ qui₂dsi₂₃ 'éi'₃. Ia₁ ma₂qui₂dsi₂₃ 'éi'₃ ja₁con₂ i₂ma₂ca₂sén'₂, la₁ dsein₃ bá₄ quian'₅₄ 'ne₂, chi₂jua'₂ caun₂ náu'₁ tiá₂ jui₅ ja₁'ua₁ dsí₅ Diú₄. Ia₁ ně₁jua'₂ tsá₃ le₂jaun₂, ján₃ bá₄ quén'₂ 'ne₂.

23 Ju₁lia'₂ 'éi₂ ně₃, ně₁jua'₂ ca₂rě₃'éin₂ táng₃, lé₂ bá₄ le₃'líóin₃. Ia₁ 'io₅ Diú₄ bí₂ chóng'₃ táng₃. 24 Ia₁ ně₁jua'₂ 'ne₂, jan₂ dsi₂nau₂, co₂'nió'₄ caun₂ ni₁gu'₂ nau₂, ca₂queng'₃ dse₃ quian'₅₄ ni₁'ma₂ olivo a₂chein'₅₄, o₁ŋia'₅₄ líng'₅ ni₁gu'₂ ni₁'ma₂ siá'₂, i'_{e2} guě₄ tson₂ lé₂ le₃quen'₃ 'éi₂, i₂lín₅ co₂'nió'₄ ni₁gu'₂ a₂caun₂ ne₅₄ quian'₅₄ ni₁'ma₂ olivo jaun₂!

A₂tín'₄ dsa₂ juig₂ Israel

25 Rin'₅₄ jniog₄, tsá₃ 'nio₃ jniá₂ jua'₅₄ tsá₃ ŋi'₅₄ 'nia'₂ jág₁ a₂jme₁rě₂'ma₄ la₂, con'₂ tsá₃ ŋó₅ ně₁jua'₂ ca₂jmo₅₄ 'nia'₂ róng'₂ quian'₅₄ a₂ŋí'₂ 'au'₂ 'nia'₂ guiong'₅₄. Ju₁lia'₂ ma₂jmo₃ i₂lín₅₄ dsa₂ juig₂ Israel, ca₂rě₃'uá'₃ dsí₅, ca₂lia'₂ ca₂rě₃ŋia₅ dsi₂nau₂ i₂con'₂ ca₂tín₂ tón'₃. 26 Jaun₂ guě₄ líón₂ ca₂le₃jín₃ dsa₂ juig₂ Israel, ia₁ juá'₂ ne₄ Si₂:

O₃'in₅ dsa₂ i₂lió₂ juig₂ Sió'n,*

co₂dsia₅ ŋiá'₂ a₂tsá₃ dse₃ jmo₅ tsi₁jon₂ Jacob.

§ 11:10 Salmo 69:22-23. * 11:26 Sió'n: co₂'nió'₄ le₃jua'₅₄, juig₂ Jerusalén.

27 Jaun₂ a₂la₂ bá₄ jág₁ quió₃ jmo₅₄ quiang'₅₄ dsa₂ 'éi₂:

jë₁ma₂të₂ rë₁'éng₄ dsáu₁.†

28 Jui₁lia'₂ të₂le₃ quian'₅₄ jág₁ dse₃ a₂lión₂ dsa₂, lín₅ co₂'nió'₄ dsa₂ i₂'ña₅₄ Diú₄, o₄quián'₂ 'nia'₂; la₁ lia'₂ ma₂'nio₃ jaun₂ bá₄ Diú₄ quió'₅ dsa₂ 'éi₂, ia₁ a₂ca₂quióin'₂ dsa₂ can'₅₄ quiáin₅ ma₂líg'₂. 29 Ia₁ tsá₃ dsí₂quén'₅ dsí₅ Diú₄ jui₁lia'₂ a₂cuë₂₃, on₃ guë'₂ jui₁lia'₂ a₂të₂. 30 Jui₁lia'₂ 'nia'₂ ně₃, i₂tsá₃ jme₁ne'₅₄ ja₁con₂ Diú₄ le₂jñiá₅, ma₂ca₂tín'₂ 'nia'₂ a₂ñéi₂ dsí₅ Diú₄ rë₂ně₃, 'uig₅₄ ia₁ a₂tsá₃ ne'₅₄ dsa₂ 'éi₂, 31 ján₃ bá₄ le₂ně₅ tsá₃ ne'₅₄ dsa₂ 'éi₂ rë₂ně₃, ia₁jaun₂ të₂le₃ quian'₅₄ a₂ñéi₂ dsí₅ Diú₄ a₂ca₂tín'₂ 'nia'₂, tiin₅₄ ján₃ a₂ñéi₂ dsí₅ Diú₄. 32 Ia₁ Diú₄ ně₃ co₂rë₂ bá₄ 'iin₃ dsa₂ a₂tsá₃ ne'₅₄ dsa₂ le₂jain₂ le₂jain₂, ia₁jaun₂ co₂dsia₅ bá₄ dsia₃ ñéi₂ dsí₅ ja₁con₂ ca₂le₃jín₃.

33 ¡'E₂ guë'₄ 'ñio₅ 'ei₄ lë₅ ca₂le₃jë₃ a₂jlá'₁ cha₂ quió'₅ Diú₄,

ca₂le₃jë₃ a₂ñí'₂ dsí₅, a₂ñi₅ ně₃!

Ca₂lia'₂ tsá₃ lé₂ le₃quiong₅₄ 'í₁ a₂niog₅ dsí₅,

on₃ guë'₂ lé₂ le₃ñág'₂ dsí₅ jui₅ quió'₅.

34 “¿'Ein₂ bá₄ cui'₅ 'e₂ dsí₂jio₅ dsí₅ Te₁gui'₅₄,

o₃ 'ein₂ i₂ma₂tió'₃ cuë₃ jág₁ dse₃ cuë'₃ 'éi₂?”‡

35 “¿'Ein₂ bá₄ ca₂cuë'₃ 'e₂ ca₂cuë'₃ 'éi₂ le₂'uig₅₄

ia₁jaun₂ jéin'₃ qui₃ quió'₅?”§

36 Ia₁ ca₂le₃jë₃ a₂niog₅ cha₂, ca₂lë₃

ja₁con₂ 'éi₂, të₂le₃ quian'₅₄ 'éi₂, o₄quió'₄ 'éi₂ ně₃.

¡Jui₁jme₂juag'₂ bá₄ dsa₂ co₂tan₅₄! A₂méi₃.

12

'A₂ lia'₂ i₂nio₄ dsa₂ i₂rë₂tson₄ quián₅ Diú₄

1 Le₂ně₅ bá₄ jaun₂ rin'₅₄ jniog₄, të₂le₃ quian'₅₄ a₂ñéi₂ dsí₅ Diú₄, mi₅ jniá₂ ne'₅₄ 'nia'₂, co₂dsia₅ jin'₄ 'nia'₂ ni₁ñi'₁ guiong'₅₄, co₂'nió'₄ a₂rë₂jeng'₅₄ le₁jén'₃ ne₄ Diú₄, a₂rë₂tson₅₄, a₂'ñio₂ dsí₅ Diú₄, a₂dsi₂ten₅₄ jme₁ti'₄ ne₅₄. 2 Tsá₃ i₁nio₄ 'nia'₂ lia'₂ con'₂ lë₅ i₂nio₄ dsa₂ mi₂güig₃ la₂. Të₂le₃ cuë₄ jmig₄ a₂jme₃tsín₃ Diú₄ 'a₂ lia'₂ qui₂dsi₂jñia₅ 'au'₂ 'nia'₂, ia₁jaun₂ bá₄ quile₃'mag'₂ táng₃ 'au'₂, ia₁jaun₂ lé₂ le₃caun'₅₄ 'nia'₂ 'í₁ 'a₂ lia'₂ lë₅ a₂'ñio₂ dsí₅ Diú₄, a₂dse₃, a₂të₅ dsí₅, a₂rë₂'ña₅ ně₃.

3 Ia₁ o₄quió'₄ a₂'ua₁ dsí₅ Diú₄ a₂ma₂dsia₃ gu₃ jniá₂, juig₂ jniá₂ le₂jan'₂ le₂jan'₂ 'nia'₂; tsá₃ lë₁jui₁qui₂dsi₂jñia₅ 'au'₂ a₂lín₅' dseng'₅₄ ñag₅₄ guë'₄ con'₂ ca₂tín'₂ 'nia'₂ dsí₃jñia₅ 'au'₂; të₂le₃ jui₁qui₂dsi₃jio₅ bá₄ 'au'₂ a₂'en₅₄ 'au'₂ 'nia'₂, 'a₂ con'₂ tí₅ ma₂ca₂rë₃'én'₂ 'nia'₂ a₂ma₂cuë₃ Diú₄. 4 Ia₁ le₂ně₅ jui₁lia'₂ lë₅ caun₂ ni₁ñi'₁ jniog₄ le₂jau₂ le₂jau₂, 'lóng₂ a₂chei₂ le₂caun₂ le₂caun₂ a₂tén₅ quió'₅, tsá₃ ca₂ne₅₄ ta₁ jme₂ti₃, 5 le₂ně₅ bá₄ jniog₄ ján₃, jui₁'a₂ guë'₃ la₂ juag₅ jniog₄, caun₂ bá₄ ni₁ñi₁₂ jniog₄ lág₅ le₃quió'₅ Cristo, téi₅ jniog₄ le₂jau₂ le₂jau₂ quian'₅₄ rin'₅₄.

6 Jma₃quén₅ bá₄ qui₂'au₂ jniog₄ bí₂, lia'₂ con'₂ lë₅ ma₂cuë₃ Diú₄ a₂'ua₁ dsí₅. Jaun₂ ca₂tág₂ jniog₄ jmo₄ ta₁ jui₅bí₂ a₂ma₂cuë₃. Jui₁lia'₂ dsa₂ i₂ma₂cuë₃ Diú₄ bí₂ a₂tiin₂ a₂'ë₂ jág₁ dse₃ a₂gue₂₃ quió'₅ Diú₄, jui₁'ë₅₄ bá₄ jág₁ 'a₂ con'₂ tí₅ a₂'éin₂; 7 jui₁lia'₂ i₂ma₂cuë'₃ jui₅bí₂ jme₃'o₅₄, jui₁jme₂'o₅₄; jui₁lia'₂ i₂'io₅ bí₂ jme₃tag₂₃, jui₁jme₂tiin₂₃ bá₄ dsa₂; 8 jui₁lia'₂ i₂tin₂ jmo₃ lián'₂ dsí₅ i₂sián'₂, ca₂tiin₂ bá₄ jmo₃ le₂jaun₂; jui₁lia'₂ i₂jmo₅ dsióg₁, jui₁cuë₁₂ a₂'ua₁ dsí₅, on₃jua'₅₄ rë'₂ cha₂ a₂'ín₂ dsí₅ 'ñiog₅; jui₁lia'₂ i₂quian₅ ne₄ jui₅, jui₁jmo₁₂ bá₄ a₂dsen₅₄ dsí₅; jui₁lia'₂ i₂dsia₅ ñéi₂ dsí₅, jui₁jmo₁₂ bá₄ quian'₅₄ o₂'ñio₃ o₂jñia₃ dsí₅.

'A₂ lia'₂ ca₂tín₂ le₃chan₂ dsa₂ quián₅ Cristo

† 11:27 Isaías 59:20-21; 27:9. ‡ 11:34 Isaías 40:13. § 11:35 Job 41:11.

9 Jui₁le₂chan₂ 'nia₂ tē₃dsón₂ bá₄ a₂'nió₃ 'nia₂ ríng₂ le₂jang₂ le₂jang₂. Co₂dsia₅ jmo₄ 'nia₂ 'ñiag₅₄ co₂ñei₅₄ a₂'lig₅₄; chan₂ bá₄ 'nia₂ tiá₂ jui₁lia₂ a₂dse₃.
10 Jme₁'nió₄ 'nia₂ ríng₂ a₂'ñio₂ 'au₂; jmo₄ 'nia₂ a₂dsen₅₄ gué₄ ríng₂ le₂jang₂ le₂jang₂.*

11 Tsá₃ jmo₂ 'nia₂ juíng₅, 'ag₃ caun₂-tín₃ 'au₂, tē₂le₃ jme₁ti₁ne₄ Te₁gui₅₄ ca₂lia₂ dsen₅₄ jme₂dsí₂ quiáng₂.

12 Jui₁chan₂ 'nia₂ o₂jñia₃ 'au₂, ia₁ ma₂lě₅ bá₄ co₂jñia₅₄ a₂'ín₂ 'au₂ 'nia₂. Jmo₄ 'nia₂ juin₂ 'au₂ jmi₄g₄ jme₁chan₂ 'nia₂ o₂i₁ dsi₅. O₁nió₄ bá₄ 'nia₂ co₂tan₅₄ a₂chi₂leng₅₄ Diú₄.

13 Jme₁'on₁ 'nia₂ dsa₂ 'én₂ ríng₂ chi₂jua₂ 'e₂ niog₅ cha₂ a₂'nió₅ quió₅. Dse₃ guen₅₄ 'nia₂ jui₁lia₂ 'ein₂ niog₅ qui₂dsi₂jag₅₄ 'nia₂.

14 Jme₁gu₅₄ bá₄ 'nia₂ jui₁lia₂ i₂jmo₅g₂. Jua₅₄ bá₄ 'nia₂ jág₁ dse₃ on₃jua₅₄ jág₁ uig₅.

15 Jmo₄ 'nia₂ 'io₂ quian₅₄ jui₁lia₂ i₂jmo₅ 'io₂; ján₃ gué₂ qui₂'-o₄ 'nia₂ quian₅₄ i₂'o₅.

16 Jui₁le₂chan₂ bá₄ 'nia₂ a₂jeng₂ le₂jang₂ le₂jang₂. Tsá₃ jmo₂ 'nia₂ róng₂, co₂rín₂ bá₄ 'nia₂ jmo₄ quiang₅₄ dsa₂ te₂ñé₂. Tsá₃ lě₁jmo₂ 'nia₂ jua₅₄ a₂ñí₄ lě₃ cuíng₂.

17 Tsá₃ jein₅₄ 'nia₂ 'lig₅₄ quian₅₄ a₂'lig₅₄. Quen₂ 'nia₂ bí₂ jmó₂ con₂ dsi₂ten₅₄ ja₁tě₃ ne₄ ca₂le₃jín₃. 18 Jmo₄ 'nia₂ bí₂, 'a₂ con₂ ca₂tíng₂, 'a₂ con₂ ja₁qui₅₄ 'nia₂ jmi₄g₄, 'nau₅₄ 'nia₂ jui₅ ja₁'ag₃ tei₄ quian₅₄ ca₂le₃jín₃. 19 Rín₅₄ jniog₄, tsá₃ lě₁jen₅₄ 'nia₂ guiong₅₄ jui₁lia₂ quió₅ i₂jmo₅g₂, tē₂le₃ dsia₄ 'nia₂ o₄gú₃ Diú₄ a₂jaun₂. Ia₁ ma₂rě₂ton₅ ne₄ Si₂: “Jniá₂ bá₄ ca₂tíng₂ jein₅₄ uig₅; jniá₂ bá₄ qui₄, juá₂ Te₁gui₅₄.”†

20 La₁: “Chi₂jua₂ i₁cón₅ jui₁lia₂ dsa₂ i₂'iog₅₄, cué₅₄ bá₄ 'nia₂ a₂gué₃. Chi₂jua₂ ñi₂₃ rě₂quein₂ dsí₅, cué₅₄ a₂'ín₂. Ia₁ jě₁ma₂ca₂jmo₅₄ le₂ně₅, jmai₅₄ tsáu₃ dséi₂ dsi₂ne₅₄, ‡ jéin₄ o₂guí₃.” § 21 Tsá₃ cuín₅ jmi₄g₄ jua₅₄ a₂jo₃ a₂'lig₅₄; tē₂le₃ quen₂ bí₂, tión₃ 'uě₃ a₂'lig₅₄ tē₂le₃ quian₅₄ a₂dse₃.

13

1 Ca₂le₃jín₃ bá₄ ca₂tín₂ tón₃ 'éi₃ quió₅ dsi₂tan₅₄ i₂gon₂. Ia₁ 'i₁jan₂ dsi₂tan₅₄ i₂chan₂, jua₅₄ tsá₃ ca₂chei₃ Diú₄. Jaun₂ ca₂le₃jín₃ dsi₂tan₅₄ i₂chan₂ ně₃, i₂dsián₁ quián₅ Diú₄ bá₄ 'éi₂. 2 Jaun₂ le₂ně₅, jui₁lia₂ i₂nau₂ quen₅ ja₁con₂ dsi₂tan₅₄, nau₂ quein₂₃ ja₁con₂ i₂dsián₁ quián₅ Diú₄ bá₄. Jaun₂ gue₃ uig₅ jui₁lia₂ i₂jmo₅ le₂jaun₂. 3 Ia₁ tsá₃ ta₁ jaun₂ dsián₁ dsi₂tan₅₄ a₂jmo₃ gó₅ jui₁lia₂ i₂jmo₅ a₂dse₃; a₂jmo₃ gó₅ dsa₂ i₂jmo₅-dsá₅ a₂'lig₅₄ bá₄. ¿'Niog₂ 'ne₂ le₃chang₂ a₂tsá₃ gang₃ dsi₂tan₅₄? Jmo₄ bá₄ a₂dse₃, jaun₂ con₂ 'í₁ dsi₂tan₅₄ ja₁cong₂, a₂líng₅ dsa₂ dsen₃. 4 Ia₁ ta₁ jaun₂ tián₅ jme₂ti₃ ne₄ Diú₄ bá₄, a₂dse₃ quiáng₂. La₁ ně₁jua₂ ca₂jmo₅₄ a₂'lig₅₄ ně₃, ca₂tíng₂ le₃gang₃, ia₁ on₃jua₅₄ a₂lě₁lě₄ 'io₅ dsi₂tan₅₄ 'éi₃ a₂chain₂ bí₂ cuě₃ uig₅. Jan₂ i₂jme₂ti₃ ne₄ Diú₄ bá₄ 'éi₂, a₂'ě₂ uig₅ ja₁con₂ dsa₂ i₂jmo₅ a₂'lig₅₄. 5 Jaun₂ lě₃, tion₅₄ bá₄ 'nió₅ tón₃ dsa₂ 'éi₃ quió₅ dsi₂tan₅₄, on₃jua₅₄ rě₂ a₂jñia₅₄ ia₁jaun₂ tsá₃ gue₃ uig₅; tē₂le₃ ia₁ a₂lě₅ dsí₅ le₂jaun₂ jmo₂₃ a₂dse₃. 6 'Uig₅₄ ně₅ bá₄ qui₂' 'nia₂ 'lia₅₄ a₂ca₂tín₂ dsi₂tan₅₄, ia₁ ca₂ne₅₄ jme₂ti₃ dsi₂tan₅₄ ta₁ a₂lín₅ ne₄ Diú₄.

7 Cué₅₄ bá₄ 'nia₂ dsa₂ 'e₂ niog₅ qui₂ca₂tín₂. Chi₂jua₂ ca₂tín₂ dsi₂tan₅₄ 'lia₅₄, qui₄ 'lia₅₄; chi₂jua₂ ca₂tín₂ mi₃ cu₄ te₁'éng₂, cué₅₄ cu₄ jaun₂; chi₂jua₂ 'ein₂ ca₂tín₂ jme₃go₃ dsa₂, jme₁gan₃ bá₄ 'éi₂; chi₂jua₂ 'ein₂ ca₂tín₂ jme₃juag₂ dsa₂, jme₁juin₂ bá₄. 8 Ja₁con₂ 'i₁jan₂ tsá₃ jui₁le₅₄ jua₅₄ cha₂ a₂qui₂le₂rín₂ 'nia₂ uě₂,

* 12:10 o₃, “jme₁li₅₄ tē₃jñiá₅ a₂jme₂gan₃ 'nia₂ ríng₂ le₂jang₂ le₂jang₂.” † 12:19 Deuteronomio 32:35.

‡ 12:20 lit. “jmó₂ nió₃ ni₁ta₂ le₁guí₂ si₂ ne₄ mi₂dsi₅₄.” § 12:20 Proverbios 25:21-22.

jñia'⁵⁴ lia'² a₂qui₂le₂ring'² a₂'nióg'³ ríng'² le₂jang'² le₂jang'² bá₄; ia₁ jui₁lia'² i₂'nio₃ dsa₂ mi₂güí₃ rín'⁵⁴, ma₂ca₂jme₃ti₃ 'Éi'³ quió'⁵ Diú₄. ⁹ Juá'² 'Éi'³ quió'⁵ Diú₄: “Tsá₃ nióg'⁴ jág₁ quian'⁵⁴ i₂tsá₃ lín₅ dsi₂i₂gog'²; tsá₃ jñí₄g'⁴ dsa₂ mi₂güí₃ ríng'²; tsá₃ 'áng'¹; tsá₃ jmó'² jág₁ të₂jág₁; tsá₃ jmó'² 'ín₅ 'au'² a₂quió'⁵ i₂sián'².”* 'Éi'³ nē₅ quian'⁵⁴ guē₄ ca₂le₃jě₃ 'éi'³ siá'² ně₃, qui₂rē₂tan⁵⁴ quian'⁵⁴ jág₁ la₂: “Jme₁'nió₄ dsa₂ mi₂güí₃ ríng'² jui₁lia'² 'nióg'³ 'ñiag'².”†

¹⁰ Jui₁lia'² dsa₂ i₂'nio₃ dsa₂ mi₂güí₃ rín'⁵⁴, tsá₃ 'e₂ 'lig'⁵⁴ jmo₂₃ ja₁coin₂. Le₂nē₅ bá₄ jaun₂ ja₁'nio₃ dsa₂ ríin'⁵⁴, co₂'nió'⁴ ca₂rē₃ti₃ bá₄ 'Éi'³ qui'⁵ Si₂.

¹¹ Jē₄ ca₂le₃jě₃ a₂nē₅ ně₃, jmo₄ a₂ñí'² 'au'² jui₁lia'² jmí₄ chong₂ rē₂nē₃, a₂ma₂ca₂tě₂ hora a₂ñé₂i₂ jniog₄ jē₄ le₁guá₃. Ia₁ jē₁lió₂ jniog₄ caun₂ ma₂ja₂quián₃ co₂ñí₂ bá₄ rē₂nē₃ lia'² con'² guē₄ jme₁ca₂rē₃'éin₂ jniog₄ le₂'uig'⁵⁴. ¹² Jui₁lia'² jē₄ 'uē₂ la₂ caun₂ qui₂dsi₂juin⁵⁴ bá₄; caun₂ ma₂ja₂quián₃ jnia₅₄ bá₄. 'Uig'⁵⁴ jaun₂ bá₄ ca₂tág₂ jniog₄ tí₄ a₂tsá₃ ma₃jmó'¹ jui₁lia'² a₂lě₂jē₄ qui₁né'³, a₂quián₁ qui'⁵⁴ ca₂le₃jě₃ a₂'nió'⁵ quián₂, a₂jmo₅ 'í₁, a₂i₁'nio₁ jui₁lia'² 'lióg₂ i₂'nio₄ jē₄ jniá₂ si₂. ¹³ Jui₁'nio₁ jniog₄ lia'² con'² dsi₂ten⁵⁴, jui₁lia'² i₂'nio₄ dsa₂ a₂jmí₂. Tsá₃ ma₃'nió'⁵ le₃chong₂ i₁'nio₁ le₁'ein₅, on₃ guē'² o₂'ñió₃ o₂jñia₃ dsi₅, on₃ guē'² nió'⁴ jniog₄ jág₁ quian'⁵⁴ i₂tsá₃ lín₅ dsi₂i₂gu₂ jniog₄, on₃ guē'² jmó'¹ a₂tsá₃ dsi₂ten⁵⁴, on₃ guē'² dsiá₁ mi'⁵⁴, on₃ guē'² qui₁jñ₁ uin₅ dsi₅ rín'⁵⁴ ně₃. ¹⁴ Tē₂le₃ qui'² 'nia'² co₂'nió'⁴ a₂qui₂rē₂lión'³ 'nia'² lě₅ 'í₁ të₂le₃ quian'⁵⁴ 'ñiog₅ Te₁gui'⁵⁴ Jesucristo, tsá₃ ma₃jui₁dsi₂jio₅ guē'⁴ 'au'² 'a₂lia'² mag'² dsí₅ a₂mi₅ ni₁ñi'¹ 'nia'².

14

Tsá₃ chi₂'íng'⁴ uig₅ ríng'²

¹ Chi₂jua'² chan₂ dsa₂ 'uan⁵⁴ të₂le₃ quian'⁵⁴ a₂'éin₂, qui₁guein⁵⁴ 'nia'², la₁ on₃jua'⁵⁴ ia₁jaun₂ qui₁tsín'² 'nia'² 'a₂lia'² lě₅ ñí'². ² Chan₂ i₂lín⁵⁴ i₂'én₂ a₂lě₂ le₃guē'³ ca₂le₃jě₃ jui₁'e₂ guē'³, ton'² chan₂ guē'² táng₃ i₂lín⁵⁴ i₂'uan⁵⁴ dsí₅ 'a₂lia'² 'éin₂, i₂guē'⁵ jmá'³ lia'² ca₂ne⁵⁴ mi₂ján'⁵. ³ Jaun₂ lě₃ i₂guē'⁵ lia'² 'ei₅ ne₄ ně₃, tsá₃ ca₂tíin₂ jmo₃ jua'⁵⁴ tsá₃ jein⁵⁴ i₂tín₂ dsí₅ guē'⁵ jmá'³ lia'² a₂lín⁵⁴ má₃; ton'² ján₃ guē'² le₂jaun₂ jui₁lia'² i₂tsá₃ guē'⁵ le₃jě₃, tsá₃ lě₁o₁quion₂ 'í₁ ja₁con₂ dsa₂ i₂guē'⁵ le₃jě₃. Ia₁ ján₃ bá₄ ca₂guéi'² Diú₄ quió'⁵ dsa₂ 'éi₂.

⁴ 'Ne₂ guē'², ħ₂'ein₂ bá₄ líng'⁵ jua'⁵⁴ a₂caun'⁵⁴ 'í₁ ja₁con₂ dsa₂ i₂jme₂ti₃ ne₄ i₂sián'²? Ia₁ jui₁g'⁵⁴ bá₄ 'éi₂ i₂niog₅ ne₄ con₂ 'í₁ chi₂jua'² chén'⁵ 'éi₂ rē₂, o₃ të₁tsin'⁵⁴ 'lig'⁵⁴ 'e₂. Jaun₂ të₃tsin'⁵⁴ bá₄ rē₂, ia₁ i₂qui'⁵⁴ jmí₄ Te₁gui'⁵⁴ jmo₃ a₂tě₃tsin'⁵⁴ dsa₂ 'éi₂.

⁵ Chan₂ guē'² i₂lín⁵⁴ táng₃ i₂jmo₅ dsí₅, 'ñio₅ guē'⁴ quen₅ a₂lín⁵⁴ jmí₄ lia'² con'² guē'⁴ jmí₄ siá'²; chan₂ guē'² i₂lín⁵⁴ i₂'én₂ jmo₂₃ dsí₅ a₂co₂rē₂ bá₄ ca₂le₃jě₃ jmí₄. Le₂jan₂ le₂jan₂ 'nió'⁵ jmo₃ 'ei₅ caun₂ dsí₅ lia'² con'² lě₅ dsi₂jñia₅ dsí₅ 'ñiog₅. ⁶ Jui₁lia'² dsa₂ i₂jme₂gó'³ caun₂ jmí₄, le₃quió'⁵ Te₁gui'⁵⁴ bá₄ jme₂gó'³ jmí₄ jaun₂. Le₂nē₅ bá₄ jui₁lia'² dsa₂ i₂guē'⁵ lia'² 'ei₅ ne₄ má₃, guē'⁵ le₃quió'⁵ Te₁gui'⁵⁴, ia₁ cuē'⁵ ti₁'mag'⁴ Diú₄. Ján₃ bá₄ le₂nē₅ quian'⁵⁴ jui₁lia'² i₂tsá₃ guē'⁵ lia'² 'ei₅ ne₄ má₃, le₃quió'⁵ Te₁gui'⁵⁴ bá₄ tsá₃ guē'⁵; ján₃ bá₄ cuē'⁵ ti₁'mag'⁴ Diú₄.

⁷ Ia₁ 'i₁jan₂ jniog₄ tsá₃ lě₂ le₃chong₂ le₃quián₂ guio⁵⁴, on₃ guē'² lě₂ le₃dsióg₃ le₃quián₂ guio⁵⁴ ně₃. ⁸ Ia₁ të₁lia'² chong₂ jniog₄, chong₂ le₃quió'⁵ Te₁gui'⁵⁴ bá₄, ně₃ jua'² ca₂dsau₃ guē'² ně₃, dsióg₃ le₃quió'⁵ Te₁gui'⁵⁴ bá₄ ján₃. Le₂nē₅ bá₄, të₁lia'² chong₂ o₃ jē₁ma₂dsau₃ 'e₂, lág₅ i₂quián₅ Te₁gui'⁵⁴ bá₄. ⁹ 'Uig'⁵⁴ jaun₂ ca₂jon₃ Cristo, ton'² ca₂jein⁵⁴ táng₃: ia₁jaun₂ lén₂ Te₁gui'⁵⁴ quián₅ dsa₂ i₂ma₂dsan₃, lia'² dsa₂ i₂chan₂ ně₃.

* **13:9** Éxodo 20:13-15,17; Deuteronomio 5:17-19,21. † **13:9** Levítico 19:18.

10 La₁ 'ne₂ ně₃, ě₂ 'uig₅₄ cáun₂ 'í₁ ja₁ con₂ ríng₂? ě₀ 'e₂ lě₃ jing₅₄ sion₅ ríng₂?
Ia₁ ca₂le₃jág₃ bá₄ jniog₄ dsi₁no₃ dsi₂jme₁jnia₅ ne₄ Diú₄ ia₁jaun₂ con₂ 'éi₂ 'í₁ quián₂.

11 Ia₁ ne₄ Si₂ juá₂:

Jui₁lia₂ a₂dsón₂ dsau₅ bá₄ a₂chan₂ jniá₂,

juá₂ Te₁gui₅₄,

le₂ně₅ bá₄ dsau₅ dsón₂,

ca₂le₃jín₃ bá₄ qui₃jóin₂ jne₅₄ ne₃ jniá₂,

jaun₂ ca₂le₃jín₃ bá₄ jmo₃ jág₁ quian₅₄ mi₂'o₅₄

le₃ne₄ Diú₄.*

12 Le₂ně₅ bá₄ jaun₂, le₂jau₂ le₂jau₂ bá₄ jniog₄ dsi₁jang₅₄ jág₁ dsau₅ quián₂ ne₄ Diú₄.

Tsá₃ jmó₂ jua₅₄ qui₂nió₃ ríng₂

13 Jaun₂ lě₃, tsá₃ ma₃jua₅₄ qui₁quiong₅₄ jniog₄ 'í₁ le₂jau₂ le₂jau₂ ja₁con₂ rin₅₄.
Tě₂le₃ jmo₄ 'nia₂ 'í₁, jmo₄ co₂ŋei₅₄ tsá₃ 'e₂ jmó₂ 'i₁caun₂ jua₅₄ a₂qui₂nió₃ ríng₂.

14 Guion₄ bá₄ jniá₂, 'ei₅ caun₂ dsi₃ le₃quió₅ Te₁gui₅₄, 'i₁caun₂ tsá₃ cha₂ jua₅₄ tsá₃
le₁jě₃ con₂ lě₅ 'ŋiog₅. La₁ ně₁jua₂ chan₂ jan₂ jmo₂₃ dsí₅, cha₂ caun₂ a₂tsá₃ le₁jě₃,

le₃quió₅ 'ŋiog₅ bá₄, tsá₃ le₁jě₃. 15 Ně₁jua₂ ca₂jén₃ qui₂ dsí₅ ríng₂ o₄quió₄ a₂quě₂
'ne₂, tsá₃ ma₃jmo₂ a₂'nióg₃ ríng₂. Tsá₃ jmo₂ jua₅₄ cuě₁ jui₅ o₄quió₄ a₂quě₂,

a₂dsi₂én₂ jan₂ ríng₂, ia₁ ca₂jon₃ Cristo o₄quió₄ 'éi₂ ján₃. 16 Tsá₃ cuě₂ 'nia₂ jui₅
jua₅₄ a₂quid₃sia₃ dsa₂ 'lig₅₄ 'ě₃ jui₁lia₂ a₂jmo₂ 'au₂ a₂dse₃. 17 Ia₁ jui₁lia₂ ja₁gon₂

Diú₄, tsá₃ lin₄ quen₅ jui₁lia₂ a₂guě₅ dsa₂, a₂qui₂'ín₂ dsa₂ ně₃; a₂jaun₂ bá₄ a₂quen₅
guě₄ lin₃: a₂guéi₂ Diú₄ jniog₄ ně₂jag₄ bá₄ a₂tsá₃ 'e₂ dso₄ rag₂, a₂chong₂ jniog₄ tei₄

o₂'ŋió₃ o₂'ŋia₃ dsi₅ tě₂le₃ quian₅₄ Jme₂dsí₂ Jníó₅. 18 Ia₁ jui₁lia₂ i₂jmeti₃ ta₁ ne₄
Cristo le₂ně₅, jmo₂₃ a₂'ŋio₂ dsí₅ Diú₄, ton₂ dse₃ 'ag₅ táng₃ dsa₂ mi₂güig₃.

19 Le₂ně₅ bá₄ jaun₂, caun₂ jui₁'niog₅₄ jniog₄ jmá₃ lia₂ a₂cuě₅ jui₅ ja₁'ag₃ tei₄,
a₂jme₂'o₅₄ dsi₃cau₅₄ jniog₄ tě₂le₃ jui₅ jme₂dsí₂. 20 Tsá₃ lě₁én₅ 'ne₂ ta₁ quió₅ Diú₄

o₄quió₄ má₃. Dsón₂ bá₄ jaun₂, a₂le₁jě₃ ca₂le₃jě₃ a₂niog₅ guě₅ dsa₂. La₁ tsá₃
dse₃ ně₁jua₂ o₄quió₄ a₂quě₂ 'ne₂, tián₂ dso₄ ríng₂. 21 Ja₂lin₃ guě₄ dse₃ a₂tsá₃

quíg₂ ŋí₅, on₃ guě₂ 'ag₅₄ vino, on₃ guě₂ jmó₂ jui₁'e₂ guě₃ a₂lé₂ le₃qui₂nió₃ ríng₂.
22 Jui₁lia₂ a₂'én₂ 'ne₂, a₂'én₂ 'ne₂ 'ŋiag₂ bá₄ jaun₂ tě₂le₃ ne₄ Diú₄. i₁'E₂ guě₄ dse₃

jui₁lia₂ dsa₂ i₂con₂ 'í₁ ja₁con₂ 'ŋiog₅, i₂tsá₃ qui₂dsi₂jni₅ dsí₅ o₄quió₄ a₂cuě₂₃ jmi₂g₄
'ŋiog₅! 23 La₁ jui₁lia₂ dsa₂ i₂guě₅, i₂'ei₅ caun₂-tin₃ dsí₅, ma₂gue₃ uig₅, ia₁ tsá₃

ca₂guě₃ tě₂le₃ quian₅₄ a₂'éin₂. Ia₁ ca₂le₃jě₃ a₂jmo₅ dsa₂ a₂tsá₃ lě₅ tě₂le₃ quian₅₄
a₂'éin₂, dso₄ bá₄ jaun₂.

15

Jmo₄ a₂'ŋio₂ dsí₅ dsa₂ mi₂güig₃ ríng₂, on₃jua₅₄ rě₂ jmá₃ a₂tě₅ 'au₂ 'ŋiag₂

1 Jniog₄ i₂tióng₂ tiá₂ a₂'éin₂, ca₂tág₂ guéi₁ co₂'nió₄ caun₂ lio₅₄ quián₂, 'a₂ lia₂
qui₂ŋí₂ dsí₅ dsa₂ i₂'uan₅₄ 'a₂ lia₂ 'éin₂, jaun₂ tsá₃ 'nió₅ jmó₁ con₂ a₂tě₅ dsi₅ guio₅₄.

2 Le₂jau₂ le₂jau₂ bá₄ jniog₄ ca₂tág₂ jmó₁ a₂tě₅ dsí₅ dsa₂ mi₂güig₃ rin₅₄, a₂jmó₁ a₂lě₅
a₂dse₃ ja₁coin₂, jui₁lia₂ jui₅ ja₁lé₂ qui₂dsi₃cóin₃ le₃quió₅ jme₂dsí₂. 3 Ia₁ ca₂lia₂

jnia₅₄ 'ŋiog₅ Cristo tsá₃ ca₂jmo₃ a₂tě₅ dsí₅ 'ŋiog₅. Tě₂le₃ ca₂i₃ŋí₂ jui₁lia₂ juá₂ ne₄
Si₂:

Ca₂le₃jě₃ jág₁ uig₅ a₂jme₁tsí₅ dsa₂ 'nia₂,

ne₃ jniá₂ bá₄ ca₂tě₁tsí₅₄.*

4 Ia₁ ca₂le₃jě₃ con₂ lě₅ jág₁ a₂ca₂i₃to₅₄ ne₄ Si₂, a₂ca₂i₃to₅₄ ia₁jaun₂ jme₁tag₅
jniog₄ rě₂ně₃, ia₁jaun₂ caun₂ chong₂ jniog₄ 'ín₂ dsi₅ le₃quió₅ Diú₄, tě₂le₃ quian₅₄

* 14:11 Isaiás 49:18; 45:23. * 15:3 Salmo 69:9.

a₂juin'₂ dsi₅, a₂lě₂ lián'₂ dsi₅ a₂cuē₅ jág₁ a₂já₅ ne₄ Si₂ jaun₂. ⁵ Ju₁jme₂'o₅₄ bá₄ Diú₄, i₂jmo₅ a₂juin'₂ dsi₅ dsa₂, i₂cuē₅ lián'₂ ně₃, ju₁jme₂'oin₅₄ 'nia'₂ a₂tiáng'₄ a₂jen'₂ 'nia'₂ le₂jang'₂ le₂jang'₂ con'₂ lě₅ i₂nio'₅₄ 'nia'₂ ju₁quió'₅ Cristo Jesús, † ⁶ ia₁jaun₂ ca₂le₃jín'₃ 'nia'₂ co₂dsia₅, caun₂ bá₄ jág₁, jme₁juin'₂ 'nia'₂ Diú₄ Jmei₂ Te₁gui'₅₄ Jesucristo quián₂.

Dsi₂'ag₅ jág₁ dse₃ ja₁ con₂ dsi₂ nau₂

⁷ Le₂ně₅ jaun₂, qui₂guen₅₄ 'nia'₂ ríng'₂ le₂jang'₂ le₂jang'₂ ju₁lia'₂ ca₂guéi'₂ Cristo guio₅₄ jniog₄, ia₁jaun₂ le₃juin'₂ Diú₄. ⁸ Ia₁ a₂juá'₅ jniá₂ juíg₂ 'nia'₂, ca₂guan₃ l₂rě₂'ín₁ quián₅ Diú₄, ca₂jme₃ti₃ ja₁ con₂ jnia'₅₄ con'₂ lág₅ dsa₂ judíos, † ia₁jaun₂ le₃ti₃ jág₁ ron₅ a₂ca₂η₂ dsa₂ can'₅₄ quián₂ jnia'₅₄ ma₂líg'₂. Jaun₂ le₂ně₅ bá₄ ca₂rě₃jniá₂ ně₃ i₂rě₂ti'₅₄ bá₄ Diú₄ jág₁ a₂cuē₂₃. ⁹ Guain₃ ján₃ ia₁jaun₂ jme₃juag'₂ dsi₂nau₂ jme₃juin'₂ Diú₄ i₂ηéi₂ dsi₅, ju₁lia'₂ rě₂ton₅ ne₄ Si₂: 'Uig₅₄ jaun₂ jme₁juin'₂ jniá₂ 'ne₂ jin₄ dsi₂nau₂;

'ě₅₄ jniá₂ ne'₅₄ 'ne₂ a₂jme₁juag'₂. §

¹⁰ Con'₂ siá'₂ juá'₂ táng₃:

Jmo₄ 'io'₂, 'nia'₂ dsi₂nau₂,

quian'₅₄ dsa₂ juig₂ quián₅. *

¹¹ Ja₁siá'₂ táng₃ juá'₂:

Jme₁juin'₂ 'nia'₂ Te₁gui'₅₄,

'nia'₂ ca₂le₃jín₃ dsi₂nau₂,

ju₁jme₂juag'₂ bá₄ ca₂le₃jě₃ juig₂. †

¹² Ján₃ bá₄ juá'₂ Isaías:

'Nio₂ tsin₅ cho'₅₄ Isaí,

jaun₂ náu₃ jan₂ i₂qui₃ dsi₅ 'éi'₃ ja₁ con₂ dsi₂nau₂;

le₃quió'₅ 'éi'₂ bá₄ qui₃le₃'ín₂ dsi₅

le₂caun₂ le₂caun₂ juig₂. †

¹³ Jaun₂ Diú₄, i₂jmo₅ 'ei₅ caun₂ dsi₅ a₂'ín₂ dsi₅ jniog₄, ju₁jme₂cain'₂ bá₄ 'au'₂ 'nia'₂, a₂chang'₂ jmó'₂ 'nia'₂ 'io'₂, 'ag₃ tei₄ a₂'éng'₂ le₃quió'₅, ia₁jaun₂ rě₂tsón₂ a₂le₁'ág₄ caun₂ 'au'₂ a₂'ín₂ 'au'₂ 'nia'₂ quian'₅₄ ju₁bí₂ quió'₅ Jme₂dsí₂ Jnió₅.

¹⁴ Caun₂ bá₄ 'ei₅ dsi₃ jniá₂, rin'₅₄ jniog₄, ma₂qui₂le₁rin₅ 'au'₂ 'nia'₂ a₂ηéi₂ 'au'₂ ríng'₂, ton'₂ qui₂le₁rin₅ 'au'₂ 'nia'₂ a₂tin'₂ 'nia'₂, jaun₂ qui'₅₄ 'nia'₂ jmig₄ tóng'₄ jág₁ ríng'₂ le₂jang'₂ le₂jang'₂. ¹⁵ A₂tiá₂ dsi₃ jniá₂ ma₂ně₂juá'₃ ja₁lin₅₄, ma₂ně₂tó'₃ jniá₂ jág₁ ne₄ si₂ la₂ ne'₅₄ 'nia'₂, ia₁jaun₂ tsá₃ dsi₃'én₂ 'au'₂ 'nia'₂. A₂'ua₁ dsi₅ bá₄ Diú₄ ma₂dsia₃ gu₃ ta₁ la₂, ¹⁶ a₂jme₂tí₁ ne₄ Jesucristo jě₄ quió'₅ dsi₂nau₂, a₂qui₂jen'₄ jniá₂ ne'₅₄ 'nia'₂ jág₁ dse₃ a₂lión₂ dsa₂, ia₁jaun₂ lé₂ qui₁jen'₄ 'nia'₂ i₂líg'₅ dsi₂nau₂, le₃ne₄ Diú₄, ně₂jag₄ bá₄ caun₂ a₂rě₂jen'₅₄ a₂guéi'₃, co₂'nió'₄ dsa₂ i₂ma₂rě₂tsón₄, ca₂jmo₃ Jme₂dsí₂ Jnió₅.

¹⁷ Jaun₂ lě₃, jmo₅ jniá₂ táng'₅ le₃quió'₅ Cristo Jesús, quian'₅₄ ta₁ a₂jmo₅ jniá₂ ne₄ Diú₄; ¹⁸ on₃jua'₅₄ rě'₂ a₂tiá₂ dsi₃ jniá₂ le₃juá'₄ lě₅ guě₄ lia'₂ con'₂ guě₄ ju₁lia'₂ a₂ma₂qui₂ma₂jmo₃ Cristo tě₂le₃ quian'₅₄ jniá₂, a₂tsin'₅₄ jniá₂ dsi₂nau₂ ne₄ ju₁is, quian'₅₄ jág₁ quió'₃, quian'₅₄ ta₁ quió'₃ ně₃, a₂le₃ne'₅₄ 'éi'₂ ne₄ Diú₄. ¹⁹ A₂lě₅ ta₁ ně₅ tě₂le₃ quian'₅₄ ju₁isbí₂ a₂'io₅ léi₄ juě'₂ a₂dsi₂gó'₃ dsi₅ dsa₂, tě₂le₃ quian'₅₄ ju₁isbí₂ quió'₅ Jme₂dsí₂ Jnió₅ ně₃. Le₂ně₅ bá₄ ma₂ca₂jme₁ηiag₂₃ ta₁ ma₂qui₂ma₂'ě₃ jág₁ dse₃ quió'₅ Cristo, ca₂jme₁lióg₄ jniá₂ juig₂ Jerusalén, jaun₂ guě₄ ηeg₅₄ ta₁caun₂ ju₁is le₃lág'₃, ca₂lia'₂ ca₂dsióg₃ tě₂ 'uě₃ Ilírico. ²⁰ Le₂ně₅ bá₄ ma₂ca₂jmo₃ dsen₅₄

† 15:5 'Nio'₂ ja₁ton₅ Filipenses 2:5. † 15:8 lit. "dsa₂ i₂rě₂uig₄ quió'₅," § 15:9 2 Samuel 22:50; Salmo 18:49. * 15:10 Deuteronomio 32:43. † 15:11 Salmo 117:1. † 15:12 Isaías 11:10.

dsi₃ ma₂qui₂ma₂'ě₃ jág₁ le₂tan₅₄ juig₂ ja₁'i₁cón₂ tsá₃ jme₁ma₂nág₂ dsa₂ a₂'in₅ dsa₂
Cristo, ia₁jaun₂ tsá₃ cho₅₄ jniá₂ ta₁ ne₄ 'uig₅₄ 'ia₂ a₂ma₂ca₂jme₃lióg₃ i₂sián₂. ²¹ La₁
ju₁lia₂ juá₂ ne₄ Si₂:

Jág₃ dsa₂ jín₃ 'éi₂

i₂tsá₃ jme₁ma₂gú₃ jág₁ quió₅;

jaun₂ le₃ñí₂ dsí₅

ju₁lia₂ i₂tsá₃ jme₁ma₂nág₂ a₂'in₅ 'éi₂. §

Dsi₂jio₅ dsí₅ Pa₄ dsó₃ ju₁ Roma

²² Uig₅₄ nē₅ ca₂jní₃ jniá₂ ju₁ lióng₂ ráun₂ lia₂ con₂ jme₁'nio₃ jme₁i₁jing₁₂ 'nia₂.
²³ La₁ nē₃ guē₂ lia₂ tsá₃ ma₃cha₂ ja₁jmo₅₄ ta₁ le₂tan₅₄ juig₂ te₁'i₁ le₃la₂, jaun₂
ma₂ne₁ñó₄ bá₄ 'lióng₂ ñi₂ jme₁'ín₅ dsi₃ jme₁nei₅₄ i₁jing₁₂ 'nia₂, ²⁴ 'ín₂ dsi₃ jniá₂
ñig₅₄ ju₁ ja₁tion₅₄ 'nia₂ jē₁ma₂tē₂ rē₁nei₅₄ ju₁ España, ia₁jaun₂ lé₂ le₃tsag₅₄
ne₄ ju₁ jaun₂, cang₂ jē₁ma₂ca₂mag₂ dsi₃ jing₅₄ 'nia₂. ²⁵ La₁ rē₂nē₃ nē₃, 'eng₅₄
ju₁ nei₅₄ ju₁ Jerusalén, a₂jme₁ti₁ jniá₂ ta₁ ja₁con₂ dsa₂ quián₅ Diú₄ ja₁jaun₂.
²⁶ Ia₁ i₂chan₂ Macedonia quian₅₄ i₂chan₂ Acaya nē₃, ca₂jmo₃ dsí₅ ca₂cág₃ cu₄
a₂chein₃ ne₄ rín₅₄ jniog₄ i₂tē₂ñé₂ i₂chan₂ juig₂ Jerusalén. ²⁷ A₂'ñio₂ dsí₅ ca₂jmo₃
le₂jaun₂, ia₁ dsau₅ bá₄ jaun₂ rín₂ le₃quió₅ 'éi₂. Ia₁ chi₂jua₂ ma₂qui₂ma₂quen₅₄
dsi₂nau₂ a₂gu₂dsi₂ a₂ca₂cuē₃ dsa₂ judíos, ján₃ bá₄ le₂jaun₂ ca₂tñin₂ jme₃'o₅₄
quian₅₄ a₂'nió₅ le₃quió₅ ni₁ñí₅. ²⁸ Jaun₂ le₂nē₅, jē₁ma₂ca₂dsan₃ jáng₅ jniá₂ ne₅₄
a₂ma₂ca₂cág₃ dsa₂ jaun₂, jaun₂ guē₄ 'ú₄ ju₁ a₂nei₅₄ ju₁ España, a₂i₁jing₁₂ 'nia₂
lia₂ ma₂'eng₅₄ ju₁. ²⁹ Jaun₂ caun₂ bá₄ 'ei₅ dsi₃, a₂jme₃gu₅₄ bá₄ Cristo lia₂ rē₂'ñia₅
jē₁ma₂tē₂ rē₁dsióg₄ jniá₂ a₂i₁jing₁₂ 'nia₂.

³⁰ Rín₅₄ jniog₄, mi₅ jniá₂ ja₁con₂ 'nia₂ lia₂ con₂ lē₅ 'éi₃ quió₅ Te₁gui₅₄
Jesucristo quián₂ jniog₄, ton₂ ia₁ a₂cuē₅ Jme₂dsí₂ bí₂, a₂jme₁'nió₄ jniog₄
rín₅₄: a₂jme₁quiong₅₄ 'nia₂ jniá₂, ne₄ 'nei₂ a₂chéng₅, a₂chi₁len₄ 'nia₂ Diú₄
o₄quió₃. ³¹ Mi₄ 'nia₂ ne₄ Diú₄ ju₁lio₅₄ jniá₂ o₄gú₃ dsa₂ i₂tsá₃ 'én₂ i₂chan₂ Judea,
le₂jaun₂ guē₂ ján₃ ju₁gue₅₄ bá₄ rín₅₄ jniog₄ juig₂ Jerusalén caun₂ dse₃ a₂i₁can₁₂
a₂jme₁'oin₁₂, ³² ia₁jaun₂ chi₂jua₂ 'nio₃ Diú₄ a₂dsióg₄ jniá₂, i₁jing₁₂ 'nia₂ a₂'io₂
jmo₂₃, a₂tág₄ jme₂dsí₂ quió₃ co₂dsia₅ quian₅₄ 'nia₂.

³³ Ju₁quiong₅₄ bá₄ Diú₄ i₂jmo₅ 'ei₅ tei₄, ca₂le₃jín₃ 'nia₂. A₂mei₃.

16

Cuin₂₃ Diú₄ le₂jan₂ le₂jan₂

¹ Jme₂jnia₄ jniá₂ 'io₅₄ rín₅₄ jniog₄ Febe, i₂ma₂já₅ jme₂ti₃ ja₁con₂ guá₅ chan₂
Cencrea. ² Guein₅₄ bá₄ dse₃ o₄quió₄ Te₁gui₅₄, jmo₄ bá₄ con₂ dsi₂ten₅₄ jmo₃
dsa₂ ja₁con₂ rín₅₄ i₂'én₂, * ján₃ guē₂ jme₁'oin₁₂ quian₅₄ ju₁'e₂ guē₃ a₂ca₂rē₃'nió₃
quió₅, ia₁ ma₂ca₂jme₃'o₅₄ bá₄ 'éi₂ 'ñiog₅ ma₂ca₂jme₃'oin₅₄ ju₁n₅, ján₃ guē₂
le₂jaun₂ ma₂ca₂jme₃'o₅₄ jniá₂.

³ Cuin₅₄ Diú₄ Priscila† quian₅₄ Aquila, i₂lín₅ i₂quian₅₄ jniá₂ jē₄ ta₁ a₂niog₅
quió₅ Cristo Jesús. ⁴ 'Éi₂ bá₄ ca₂jmo₃ tén₂ dsí₅ o₄quió₃ jniá₂, o₁jnia₅₄ ca₂quí₃ dsa₂
dsi₂lag₅₄. Jaun₂ cuē₅ jniá₂ ti₁'mag₄ 'éi₂. On₃ jua₅₄ jmá₃ jniá₂; ca₂le₃jín₃ dsi₂nau₂
i₂'én₂ cuē₂₃ ti₁'mag₄ ján₃.

⁵ Nē₅ i₂cuíng₅ Diú₄ ján₃ dsa₂ rín₅₄ jniog₄ i₂ñí₂ dsi₂néi₂ quió₅ Priscila quian₅₄
Aquila nē₃. Cuin₅₄ Diú₄ Epeneto a₂mei₅₄ quiáng₃, dsa₂ i₂le₂'uig₅₄ i₂ca₂rē₃'én₂
le₃quió₅ Cristo 'uē₃ Acaya. †

⁶ Cuin₅₄ co₂nio₄ Diú₄ María, ia₁ 'ñio₅ lín₃ ma₂jmo₃ ta₁ o₄quián₂ 'nia₂.

§ 15:21 Isaías 52:15. * 16:2 lit. "dsa₂jñió₅." † 16:3 griego: Prisca. ‡ 16:5 griego: Asia.

7 Cuin₅₄ co₂nio₄ Diú₄ Andrónico quian'₅₄ Junias, dsa₂ go₃ jniá₂ i₂quiang'₅₄ ca₂'ú₃ né₃ 'má₃; co₂'nió₄ dsa₂ i₂lén₄ i₂cuig₅ guě₄ dsa₂ i₂chen₄ quián₅ Te₁gui'₅₄, co₂'nió₄ dsa₂ i₂jme₁ma₂tion'₅₄ le₃quió'₅ Cristo le₂jniá₅ guě₄ con'₂ guě₄ jniá₂.

8 Cuin₅₄ Diú₄ Amplias, jan₂ i₂'nió₃ jniá₂ le₃quió'₅ Te₁gui'₅₄.

9 Cuin₅₄ co₂nio₄ Diú₄ ján₃ Urbano, dsa₂ i₂quian'₅₄ jniog₄ jmo₂ ta₁ quió'₅ Cristo Jesús, quian'₅₄ Estaquis ně₃ i₂lín₅ a₂mei₅₄ quiáng₃ i₂'nióg₃ guě₄ lín₃.

10 Cuin₅₄ Diú₄ Apeles, i₂ma₂já₅ cuě₂₃ léi₄ a₂ñi₂₃ le₃quió'₅ Cristo, le₂jaun₂ bá₄ jmo₄ co₂nio₄ quian'₅₄ ca₂le₃jín₃ i₂chan₂ dsi₂néi₂ quió'₅ Aristóbulo ján₃.

11 Cuin₅₄ Diú₄ Herodión, dsa₂ go₃ jniá₂, quian'₅₄ guě'₂ dsa₂ familia quián₅ Narciso i₂'én₂ le₃quió'₅ Te₁gui'₅₄.

12 Cuin₅₄ bá₄ co₂nio₄ Diú₄ Trifena quian'₅₄ Trifosa ně₃, on₃ dsa₂ mí₂ i₂jmo₅ ta₁ quió'₅ Te₁gui'₅₄, quian'₅₄ guě'₂ 'io₅₄ rín'₅₄ jniog₄ Pérsida i₂'nió₄ guě₄ lín₃, i₂ñí₄ ma₂jmo₃ ta₁ quió'₅ Te₁gui'₅₄ ján₃.

13 Cuin₅₄ bá₄ Diú₄ Rufo i₂lín₅ dsa₂ i₂ma₂quion'₅₄ quián₅ Te₁gui'₅₄, quian'₅₄ chog₅₄, i₂jing₅₄ ně₂jag₄ bá₄ cha₃ ján₃.

14 Cuin₅₄ Diú₄ Asíncrito, Flegonte, quian'₅₄ guě'₂ Hermas, Patrobas, Hermes ně₃, quian'₅₄ guě'₂ dsa₂ rín'₅₄ jniog₄ i₂quian'₅₄ ně₃.

15 Cuin₅₄ 'nia'₂ Diú₄ ján₃ i₂chen₂ Filólogo quian'₅₄ Julia, Nereo ně₃, quian'₅₄ 'io₅₄ rín'₅₄; cuin₅₄ 'nia'₂ Diú₄ Olimpas quian'₅₄ guě'₂ ca₂le₃jín₃ rín'₅₄ jniog₄ i₂'én₂ § i₂tion'₅₄ quian'₅₄.

16 Cuin₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁ * 'nia'₂ quió'₅ ríng'₂, a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂. Ca₂le₃jín₃ bá₄ guá'₅ quián₅ Cristo dsiáin'₂ jág₁ a₂cuin₂₃ Diú₄ 'nia'₂.

17 Rín'₅₄ jniog₄, mi₅ jniá₂ ne'₅₄ 'nia'₂, rě₂ de'₂ quion₂ 'nia'₂ 'í₁, 'ein₂ dsia₅ mi'₅₄ jmo₅ le₁dson'₅₄ guá'₅, 'ein₂ chi'₅ jui₅ a₂qui₂nió₃ dsa₂, a₂tsá₃ dsi₂ten₅₄ lia'₂ con'₂ lě₅ jág₁ a₂ma₂ca₂rě₃tín'₃ 'nia'₂. Jaun₂ co₂dsia₅ chén'₂ 'nia'₂ cau₅ i₂jmo₅ le₂jaun₂.

18 Ia₁ on₃jua'₅₄ dsa₂ i₂jme₂ti₃ ne₄ Te₁gui'₅₄ Jesucristo i₂le₂'éi₂; con'₂ njia'₅₄ jme₂ti₃ ne₄ a₂mi₅ ni₁ñi₁ guoin₅₄ bá₄, qui₂jme₂gain₂₃ dsí₅ jui₁lia'₂ dsa₂ i₂tsá₃ lín₄ ñí'₂ dsí₅, quian'₅₄ jág₁ 'ua₁, jág₁ rau₂ ně₃.

19 Ca₂le₃jín₃ bá₄ dsa₂ le₁ñi₅ 'a₂ lia'₂ ma₂ja₂nó'₅ 'nia'₂ a₂neg'₅₄, jaun₂ 'io'₂ jmo₅ jniá₂ o₄quián'₂ 'nia'₂. La₁ia₁ 'nio₃ jniá₂ a₂lén'₂ 'nia'₂ 'ñiog'₅₄ le₃quió'₅ a₂dse₃, ján₃ bá₄ le₂ně₅ a₂lég'₂ dsa₂ i₂tsá₃ 'e₂ dsi₂jnia₅ dsí₅ ne₄ a₂'lig'₅₄. 20 Jaun₂ Diú₄ i₂jmo₅ 'ei₅ tei₄, ñi'₅₄ ta₁ jlein'₃ i₂sě₃dse₃ o₄tag'₄ 'nia'₂. Jui₁'ei₅ bá₄ a₂dse₃ dsí₅ Te₁gui'₅₄ Jesús quián₂ jniog₄ ja₁con'₂ 'nia'₂.

21 Timoteo, i₂quian'₄ jniá₂ jmo₂₃ ta₁, dsiáin'₂ jág₁ a₂cuin₂₃ Diú₄ 'nia'₂; le₂jaun₂ bá₄ ján₃ Lucio quian'₅₄ Jasón, Sosípater, i₂lín₅ dsa₂ go₃ jniá₂.

22 Jniá₂ Tercio i₂tó'₃ jág₁ la₂ ne₄ si₂, ján₃ bá₄ cuin₅ jniá₂ Diú₄ 'nia'₂ o₄quió'₄ Te₁gui'₅₄.

23 Gayo ně₃ dsiáin'₂ jág₁ a₂cuin₂₃ Diú₄ 'nia'₂. Dsi₂néi₂ quió'₅ 'éi₂ bá₄ 'eng₅₄. Ján₃ bá₄ cuě₂₃ dsi₂néi₂ quió'₅ cuě'₅ ca₂le₃jín₃ dsa₂ quián₅ guá'₅. Erasto dsa₂ i₂niog₅ gu₂ cu₄ quió'₅ dsa₂ jui₂g₂ ně₃, dsiáin'₂ jág₁ a₂cuin₂₃ Diú₄ 'nia'₂ ján₃; i₂chen₂ Cuarto rín'₅₄ jniog₄ ně₃.

24 Jui₁jme₂gu'₅₄ bá₄ Te₁gui'₅₄ Jesucristo 'nia'₂ ca₂le₃jíng'₃, A₂méi₃. †

'Ág'₃ jág₁ Pa₄ a₂jme₂juin'₂ Diú₄

25 Ně₃ ně₃, jui₁jme₂juin'₂ jniog₄ Diú₄. 'Éi₂ bá₄ lé₂ le₃jmo₃ a₂náu'₁ 'nia'₂ tiá₂ lia'₂ con'₂ lě₅ jág₁ dse₃ quió'₅ Cristo a₂'ě₅ jniá₂, lia'₂ con'₂ lě₅ ca₂jme₃jnia₅ Diú₄ jág₁

§ 16:15 lit. "dsa₂ jnió₅." * 16:16 Caun₂ tag₄ a₂jme₁chí'₄ lia'₂ con'₂ ca₂jmo₃ Pa₄ si₂ la₂. † 16:24 Chog₅₄ si₂ a₂dse₃ guě₄ tsá₃ chi₁ton₅

quió' a₂jme₁rë₂'ma₄ca₃ma₂líg' ₂lin₃. ²⁶Diú₄i₂chan₂co₂tan₅₄'éi₂bá₄ca₂jmo₃'éi'₃
a₂jmo₃jág₁dsa₂i₂chen₄quiáin₅ma₂líg'₂,jág₁a₂ca₂tó'₂'éi₂ne₄Si₂,ia₁jaun₂le₃η₅
dsa₂chan₂ca₂le₃jě₃juig₂nación,ia₁jaun₂le₃'éin₂jág₁jaun₂,le₃nei'₅₄ně₃.

²⁷¡Diú₄i₂jan₂tan₅₄,i₂tin₂,i₂η₅,jui₁le₂juin'₂bá₄tě₂le₃quian'₅₄Jesucristo
ca₂lia'₂co₂tan₅₄!A₂méi₃.
Co₂ně₅.

Si carta le 'uig⁵⁴ a ca²jmo³ San Pablo ne⁴ dsa² CORINTIOS

Jmo⁵ Pa⁴ si le 'uig⁵⁴ a²chein² ne⁴ Guá'⁵ i²chan² juig² Corinto

¹ Jniá² Pa⁴, co²nē⁵ ca²rē³ 'ñi³ó³ dsí⁵ Diú⁴, ca²tē³ 'éi² a²léng² dsa² i²chen⁴ quián⁵ Te¹gui⁵⁴ Jesucristo; jnia'⁵⁴ co²dsia⁵ quian'⁵⁴ Sóstenes rin'⁵⁴ jniog⁴, ² jmo²³ si carta la² a²dsian'⁴ ja¹con² guá'⁵ quián⁵ Diú⁴, dsa² chan² juig² Corinto, dsa² i²ma²tē⁵ Diú⁴ a²lén² dsa² i²le³chan² lē⁵ 'í¹ le³quió'⁵ Cristo Jesús; co²dsia⁵ bá⁴ quian'⁵⁴ ca²le³jín³ i²jme²juin'² Te¹gui⁵⁴ Jesucristo ca²le²con² mi²güig³, a²lín⁵ 'éi² Te¹gui⁵⁴ quián⁵, ju¹lia'² quián² jniog⁴ táng³: ³ Ju¹chan'² bá⁴ 'nia'² 'ei⁵ tei⁴, ju¹jme²gu'⁵⁴ bá⁴ Diú⁴ i²lín⁵ jme² jniog⁴, ju¹jme²gu'⁵⁴ Te¹gui⁵⁴ Jesucristo ján³.

Jme²gu'⁵⁴ Diú⁴ tē²le³ quian'⁵⁴ Cristo

⁴ Ca²le³o³ jmi⁴ bá⁴ cuē⁵ jniá² ti¹'mag'⁴ Diú⁴ o⁴quián'² 'nia'², ia¹ ca²jme³gu'⁵⁴ bá⁴ Diú⁴ tē²le³ quian'⁵⁴ Cristo Jesús. ⁵ Tē²le³ ia¹ a²chan'² 'nia'² le³quió'⁵ Cristo, Diú⁴ bá⁴ ma²ca²jme³'o⁵⁴ 'nia'² ca²le³jē³ ne⁵⁴ a²dse³ quió'⁵, ju¹lia'² jág¹ a²'ñia'² 'nia'², ju¹lia'² ca²le³jē³ a²tin'² 'nia'² nē³. ⁶ Le²nē⁵ bá⁴ ca²le³jē³ 'e² niog⁵ ca²jme¹tag⁵ jnia'⁵⁴ tē²le³ quió'⁵ Cristo, ma²ca²rē³ti³ bá⁴ tē²le³ quian'⁵⁴ 'nia'². ⁷ Jaun² lē³, tsá³ ma³'e² 'nió'⁵ quián'² 'nia'² jua'⁵⁴ a²cuē³ Diú⁴ caun² bí² a²gu²dsí², tē²lia'² jan'⁵⁴ 'nia'² a²'ín² 'au'² a²jme³jnia⁵ Te¹gui⁵⁴ Jesucristo quián² jniog⁴, ⁸ 'Éi² bá⁴ jme³'o⁵⁴ náu'¹ 'nia'² tiá² ca²tē² jmi⁴ jē¹ca²tó'², ia¹ jaun² tsá³ 'e² dso⁴ rin'² 'nia'² jē¹ma²ca²tē² jmi⁴ quió'⁵ Te¹gui⁵⁴ Jesucristo. ⁹ I²jme³ti³ bá⁴ Diú⁴ ca²le³jē³ jág¹ quió'⁵; 'éi² bá⁴ ma²ca²tē³ 'nia'² 'ag³ caun² jág¹ quian'⁵⁴ Jesucristo ja¹ñi'⁵⁴, Te¹gui⁵⁴ quián².

A²tsi²jín⁵ dsa² dsia²³ mi'⁵⁴ jmo²³ le, dsain'⁵⁴

¹⁰ Rin'⁵⁴ jniog⁴, mi⁵ jniá² ja¹con'² 'nia'² quian'⁵⁴ 'éi'³ quió'⁵ Jesucristo Te¹gui⁵⁴ quián², 'éi² 'nia'² caun² jág¹, tsá³ dsia² 'nia'² mi'⁵⁴ a²jmo² le¹dsong'⁵⁴. Tē²le³ ca²tin'² bá⁴ 'nia'² tóng'⁴ 'ei⁵ caun² jág¹ jen'² 'nia'², ju¹lia'² 'a² lia'² ñí² 'nia'², a²dsi²jio⁵ 'au'² nē³. ¹¹ Juig² jniá² 'nia'² le²nē⁵, rin'⁵⁴ jniog⁴, ia¹ ca²rē³chá³ jág¹ juá'² dsa² familia quián⁵ Cloé, 'a² lia'² lē⁵ tion'⁵⁴ 'nia'², a²niog⁵ mi'⁵⁴ jin'⁴ 'nia'². ¹² Co²'nió'⁴ le³jua'⁵⁴ jág¹, jma³quén⁵ bá⁴ ma²lē⁵ jag'⁵⁴ 'nia'² tiong'⁵⁴. I²lín⁵⁴ ma²juá'²: “I²quián⁵ Pa⁴ bá⁴ jniá²”; i²lín⁵⁴ guē'² juá'² táng³: “Jniá² guē'² líng⁵ i²quián⁵ Pe⁴”; sián'² guē'² juá'² táng³: “Jniá² guē'² líng⁵ dsa² i²quián⁵ Apolos”; i²lín⁵⁴ guē'² juá'² táng³: “Jniá² guē'² líng⁵ i²quián⁵ Cristo.” ¹³ ¿O³ bá⁴ le¹dso'⁴ ma²i²lé² quió'⁵ Cristo nē¹jua'² le²jaun²? ¿O³ bá⁴ Pa⁴ i²ca²tē¹ton⁵⁴ cróg⁴ o⁴quián'² 'nia'²? Le²jaun² guē'² ján³, ¿O³ bá⁴ lia'² con'² lē⁵ 'éi'³ quió'⁵ Pa⁴ ca²jñó'² 'nia'² jmi⁴?* ¹⁴ Ti¹'mag'⁴ Diú⁴ tsá³ jniá² ca²chóng³ jmi⁴† 'i¹jan'² 'nia'², ñia'⁵⁴ lia'² Crispo quian'⁵⁴ Gayo, ¹⁵ con'² tsá³ lē⁵ jua'⁵⁴ a²dsia³ dsa² a²ca²chóin³ jniá² jmi⁴† lia'² con'² lē⁵ 'éi'³ quió³. ¹⁶ (Ñia'⁵⁴ lia'² familia quián⁵ Estéfanos bá⁴ ján³, dsá² dsí³ ca²chón³ jniá² jmi⁴. Jaun² tsá³ ma³dsá² dsí³ jua'⁵⁴ chan² guē'⁴ i²sián'² ca²chón³ jniá² jmi⁴.)§ ¹⁷ Ia¹ tsá³ ta¹ jaun² ca²chei³ Cristo jniá² jua'⁵⁴ a²tsón⁴ jniá² jmi⁴ dsa², * con'² ñia'⁵⁴ lia'² a²qui¹'ē⁴ jág¹ a²tin'⁴ dsa² bá⁴, on³jua'⁵⁴ qui¹ton¹ jág¹ jua'⁵⁴ a²jmo⁵⁴ a²ñi⁴ ting², con'² tsá³ lē⁵ jua'⁵⁴ a²tsá³ ta¹ tí⁴ a²ca²guen³ Cristo 'mú³ ne⁴ cróg⁴.

Cristo i²lín⁵ bí² quió'⁵ Diú⁴

* **1:13** lit. “ca²i³tian³ 'nia'² jmi⁴.” † **1:14** lit. “ca²tióg³ jmi⁴.” ‡ **1:15** lit. “a²ca²tiáin³ jniá² jmi⁴.”
§ **1:16** lit. “ca²tián³ jniá² jmi⁴.” * **1:17** lit. “a²tián⁴ jniá² jmi⁴ dsa².”

18 Jág₁ dse₃ la₂, 'a₂ lia'₂ ca₂jon₃ Cristo ne₄ cróg₄, lě₅ jág₁ co₄ tē₂le₃ ja₁con₂ dsa₂ i₂tion'₅₄ jui₅ dsi₃'én₂. La₁ tē₂le₃ quián₂ jniog₄ i₂tio'₅₄ jui₅ a₂tág'₄, lě₅ jui₅bí₂ quió'₅ Diú₄. 19 Ia₁ jui₁lia'₂ juá'₂ ne₄ Si₂:

Co₂dsia₅'én₄ jniá'₂ jui₁lia'₂ a₂tin₂ dsa₂

i₂ñí₄ lě₃ ñi₅ jmo₅,

ján₃ guē'₂ jmo₅₄ cau₅ jág₁ a₂ñí'₂ dsi₅

dsa₂ i₂jmo₅ a₂ñí₄ lě₃ 'ñioi₅₄.†

20 ¿E₂ bá₄ ta₁ tén₄ jui₁lia'₂ dsa₂ i₂ñí₄ tin₂ ně₃, jui₁lia'₂ tē₅, o₃ jui₁lia'₂ dsa₂ i₂ñí₄ ñi₅ dsia₃ ca₂le₃jě₃ 'a₂ lia'₂ niog₅ lě₅ mi₂güig₃ la₂? Ia₁ ca₂le₃jě₃ 'e₂ niog₅ ñí'₂ dsa₂ mi₂güig₃ la₂, 'ñiog₅ bá₄ Diú₄ ma₂jmo₃ jág₁ jaun₂ a₂tsá₃ ta₁ tí₄. 21 Ia₁ jui₁lia'₂ ca₂'náu'₃ dsi₅ Diú₄ jmo₃, tsá₃ ca₂rě₃cuig₅ dsa₂ mi₂güig₃ tē₂le₃ quian'₅₄ jág₁ a₂ñí'₂ dsi₅ guioin₅₄, a₂jaun₂ bá₄ ca₂rě₃'ñió₃ dsi₅ Diú₄ a₂lióin₂ dsa₂ i₂'én₂ jág₁ quió'₅, tē₂le₃ quian'₅₄ jág₁ a₂ca₂'ě₂ dsa₂, caun₂ jág₁ a₂jmo₅ dsa₂ mi₂güig₃ dsi₅ caun₂ jág₁ co₄.

22 Jui₁lia'₂ dsa₂ judíos ně₃, 'nio₃ tē₃ ne₅₄ léi₄ juē'₂, dsa₂ griego ně₃ 'no'₂ jág₁ a₂le₃ñí'₂ dsi₅, 23 la₁ia₁ jnia'₅₄ ně₃, qui₂'ě₅ jág₁ 'ín₅ jnia'₅₄ Cristo i₂ca₂jon₃ tē₁ton₅₄ cróg₄. Jág₁ ně₅ ně₃, lě₅ caun₂ a₂jnág₅ jui₅ ja₁jme₁rě₂'én₂ dsa₂ judíos, ján₃ bá₄ lě₅ caun₂ jág₁ co₄ tē₂le₃ quió'₅ dsi₂nau₂. 24 La₁ tē₂le₃ quió'₅ dsa₂ i₂ma₂tē₅ Diú₄, lia'₂ dsa₂ judíos lia'₂ dsa₂ griegos táng₃, 'ín₅ jnia'₅₄ Cristo i₂lín₅ jui₅bí₂ quió'₅ Diú₄, i₂lín₅ jág₁ a₂ñí'₂ dsi₅ Diú₄ ně₃. 25 Ia₁ co₂'nió'₄ jág₁ co₄ quió'₅ Diú₄, juá'₂ dsa₂ mi₂güig₃, jág₁ ně₅ bá₄ a₂lě₅ a₂dse₅₄ quen₅ guē₄ lia'₂ con'₂ guē₄ jág₁ a₂ñí'₂ dsi₅ dsa₂ mi₂güig₃. Ján₃ bá₄ jui₁lia'₂ a₂jmo₅ dsa₂ dsi₅ a₂'uan₅₄ quió'₅ Diú₄, a₂jaun₂ guē₄ dsón'₂ a₂'io₅ guē₄ bí₂ lia'₂ con'₂ guē₄ bí₂ quió'₅ dsa₂ mi₂güig₃.

26 Rin'₅₄ jniog₄, ca₂tin'₂ bá₄ 'nia'₂ 'nau'₅₄ 'au'₂ 'a₂ lia'₂ ca₂tē₃ Diú₄ 'nia'₂. Tsá₃ juin'₅ 'nia'₂ i₂tin₂ ñi₅ lia'₂ con'₂ lě₅ ñi₅ dsa₂ mi₂güig₃; ján₃ guē₄ tsá₃ juin'₅ 'nia'₂ 'au'₂ bí₂; tsá₃ juin'₅ 'nia'₂ ca₂rě₃chán'₃ jui₁lia'₂ familia dse₅₄ ně₃. 27 La₁ia₁ ma₂quió'₂ Diú₄ jág₁ a₂jmo₅ dsa₂ mi₂güig₃ dsi₅ jág₁ co₄, a₂jmo₃ a₂tē₃tsin'₅₄ o₂guí'₃ dsa₂ i₂lín₂ ñí'₂ guē₄ dsi₅. Ján₃ bá₄ ma₂quió'₂ Diú₄ jág₁ a₂jmo₅ dsa₂ mi₂güig₃ dsi₅ jág₁ 'uan₅₄, a₂jmo₃ a₂tē₃tsin'₅₄ o₂guí'₃ jui₁lia'₂ dsa₂ i₂lín₂ a₂'uain'₂. 28 Ma₂quió'n'₂ Diú₄ jui₁lia'₂ dsa₂ i₂jín₂ dsa₂ mi₂güig₃ i₂tsá₃ 'e₂ quen₅, i₂sion₅ guē₄, i₂tsá₃ 'e₂ lín₅, a₂tón₂ 'uē₃ jui₁lia'₂ i₂ñí₄ lě₃ dse₅₄ lín₂, 29 ia₁jaun₂ tsá₃ 'ein₂ lé₂ dsia₃ jág₁ tá'₅ le₃ne₄ Diú₄. 30 'Niog₅ bá₄ Diú₄ ma₂jmo₃ a₂tion'₅₄ 'nia'₂ le₃quió'₅ Cristo Jesús, i₂ma₂lín₅ i₂ñí'₂ dsi₅ quián₅ Diú₄ o₄quián₂ jniog₄. Co₂'nió'₄ le₃jua'₅₄, tē₂le₃ quian'₅₄ Cristo bá₄ ma₂guei₃ Diú₄ jniog₄ ně₂jag₄ bá₄ a₂tsá₃ 'e₂ dso₄ rag₂; tē₂le₃ quian'₅₄ Cristo bá₄ jág₂ Diú₄ jniog₄ dsa₂ le₁jín₃ i₂lě₅ 'í₁ quián₅; tē₂le₃ quian'₅₄ Cristo bá₄ ján₃, ca₂'ág₂ táng₃ caun₂ jág₁ quián₂ jniog₄ quian'₅₄ Diú₄. 31 Jaun₂ lě₃, jui₁lia'₂ juá'₂ ne₄ Si₂, "Jui₁lia'₂ dsa₂ i₂dsia₅ jág₁ tá'₅, jui₁dsia₁₂ jág₁ tá'₅ le₃quió'₅ Te₁gui'₅₄."‡

2

Jág₁ quió'₅ Cristo, a₂ca₂ñó₃, ne₄ cróg₄

1 Rin'₅₄ jniog₄, lia'₂ con'₂ ñeg₅₄ ja₁con'₂ 'nia'₂, i₁chei₁₂ 'nia'₂ jág₁ tí₅ la₂ quió'₅ Diú₄, tsá₃ jaun₂ ca₂jmo₃ jua'₅₄ ca₂juig'₂ 'nia'₂ jág₁ ca'₅₄ jui₁lia'₂ jmo₅ dsa₂ i₂ñí₄ tin₂. 2 Lia'₂ con'₂ jme₁'eng₅₄ quiang'₅₄ 'nia'₂, tsá₃ 'e₂ jág₁ siá'₂ jme₁'nio₃ le₃guion₅₄, jñia'₅₄ lia'₂ ca₂ne₅₄ jág₁ quió'₅ Cristo bá₄, i₂tē₁ton₅₄ cróg₄. 3 Ca₂dsióg₃ jniá'₂ ja₁con'₂ 'nia'₂ a₂lín₅ jan₂ dsa₂ 'uan₅₄, gó'₅, jleng₂₃ 'ñio₅ lín₃. 4 Lia'₂ jme₁ca₂jme₁ting₂₃ 'nia'₂ jág₁ dse₃, tsá₃ ca₂jmo₃ jág₁ jui₁lia'₂ jmo₅ dsa₂ i₂tin₂; jmá'₃ lia'₂ quian'₅₄ jág₁ a₂jme₂jnia₅

† 1:19 Isaías 29:14. ‡ 1:31 Jeremías 9:24.

jui₅bí₂ quió'₅ Jme₂dsí₂ Jníó₅ bá₄ ca₂'ě₂ jniá₂ jág₁, ⁵ ia₁jaun₂ tē₂le₃ quian'₅₄ jui₅bí₂ quió'₅ Diú₄ bá₄ lě₅ a₂'én'₂ 'nia'₂, on₃jua'₅₄ lia'₂ con'₂ lě₅ tin₂ dsa₂ mi₂güig₃.

Jme₂jnia₅ Diú₄ ja, con₂ dsa₂ mi₂güig₃ tē₂le₃ quian'₅₄ Jme₂dsí₂ quiáin₅

⁶ La₁ia₁ dsia₂ bá₄ jnia'₅₄ jág₁ ca'₅₄ a₂tag₂ a₂ne₄ jin₄ rin'₅₄ i₂ma₂ron₂, la₁ on₃jua'₅₄ jág₁ ca'₅₄ a₂cha₂ mi₂güig₃ la₂, on₃ quē'₂ jág₁ ca'₅₄ quió'₅ dsa₂ i₂gon₂ mi₂güig₃ la₂, i₂qui₂dsi₃ñí₂. ⁷ Tē₂le₃ jág₁ a₂jme₁rē₂'ma₄ quió'₅ Diú₄ la₂ bá₄ 'ě₅ jnia'₅₄, qui₂chei₂ jnia'₅₄ dsa₂ ca₂le₃jě₃ a₂niog₅ dsí₅ Diú₄ jmo₃ a₂jlá'₁ o₄quián₂ jniog₄ né'₃ guě₄ a₂nio₃ mi₂güig₃. ⁸ Ca₂lia'₂ 'i₁jan₂ dsa₂ can'₅₄ i₂qui₂dsi₅ 'éi'₃ mi₂güig₃ la₂ ma₂ca₂rē₃ñí'₂ jág₁ la₂; ia₁ jua'₅₄ mei'₂ guě₃ ca₂rē₃ñí'₂, tsá₃ jme₁tioin₃ ne₄ cróg₄ Te₁gui'₅₄ 'uan'₂ quián₂. ⁹ La₁ia₁, jui₁lia'₂ juá'₂ ne₄ Si₂:

Tsá₃ ne₄ dsa₂ ma₂tě₂,

on₃ guě'₂ ma₂nág₂,

on₃ guě'₂ ma₂i₂jio₅ dsí₅ dsa₂

a₂ma₂jmo₃ Diú₄ co₂jñia₅₄ quió'₅ dsa₂ i₂'nio₃.*

¹⁰ La₁ tē₂le₃ quian'₅₄ Jme₂dsí₂ quiáin₅, Diú₄ bá₄ ma₂ca₂jme₃jnia₅ a₂jaun₂ ja₁con₂jniog₄. Ia₁ Jme₂dsí₂ 'éi₂ bá₄ téi₂ si₂ jág₁ juě'₂ a₂niog₅ cha₂ quió'₅ Diú₄ 'ñiog₅.

¹¹ Tē₂le₃ jin₄ dsa₂ mi₂güig₃ guoin₅₄ guě'₂ ně₃, ¿ein₂ bá₄ qui'₅₄ jmig₄ le₃ñi₅ 'e₂ dsí₂jio₅ dsí₅ riin'₅₄, jñia'₅₄ lia'₂ jme₂dsí₂ quió'₅ 'ñiog₅ bá₄ dsa₂ a₂'i₄ tē₂dsí₅ ñi₅? Le₂jaun₂ bá₄ lě₅ le₃quió'₅ Diú₄. 'I₁jan₂ tsá₃ 'ein₂ ma₂ca₂rē₃ñi₅ 'a₂ lia'₂ dsí₂jio₅ dsí₅ Diú₄; jñia'₅₄ lia'₂ 'ñiog₅ bá₄ Jme₂dsí₂ ñi₅. ¹² Tsá₃ jme₂dsí₂ quián₅ mi₂güig₃ la₂ ma₂guén₄ jniog₄; Jme₂dsí₂ a₂já₅ ja₁con₂ Diú₄ bá₄ i₂ma₂ca₂guén₄ jniog₄, ia₁jaun₂ le₃ñí'₂ dsí₅ jniog₄ ca₂le₃jě₃ 'e₂ a₂ma₂cuě₃ Diú₄ jniog₄ ia₁ a₂'ua₁ dsí₅. ¹³ Jniog₄ ně₃, le₂ně₅ lě₅ ca₂le₃jě₃ jág₁ a₂dsia₂ jniog₄ con'₂ lě₅ ma₂ca₂jme₃tag₅ Jme₂dsí₂ quián₅ Diú₄, on₃jua'₅₄ con'₂ lě₅ jág₁ a₂ñí'₂ dsí₅ dsa₂ mi₂güig₃. Le₂ně₅ bá₄ jme₂jniá₁ jnia'₅₄ jág₁ a₂gu₂dsí₂ qui₂chei₂ jnia'₅₄ dsa₂ i₂gu₂dsí₂.†

¹⁴ Jui₁lia'₂ dsa₂ i₂tsá₃ lín₅ i₂gu₂dsí₂ ně₃, tsá₃ guein₂₃ jág₁ quió'₅ Jme₂dsí₂, ia₁ lě₅ jág₁ co₄ bá₄ la₂ le₃quió'₅ 'éi₂. Tsá₃ lé₂ le₃ñí'₂, ia₁ ca₂le₃jě₃ a₂ně₅ qui₃jio₂' 'í₁ tē₂le₃ quian'₅₄ Jme₂dsí₂ bá₄. ¹⁵ La₁ dsa₂ i₂gu₂dsí₂ ně₃, qui₂con₂ 'í₁ le₃jě₃, la₁ia₁ 'i₁jan₂ tsá₃ lé₂ le₃con₂ 'í₁ ja₁coin₂. ¹⁶ Ia₁:

¿Ein₂ bá₄ 'éi₂ i₂ñi₅

'a₂ lia'₂ dsí₂jio₅ dsí₅ Te₁gui'₅₄,

jua'₅₄ lé₂ le₃jme₃tiin₂₃ 'éi₂?†

La₁ jniog₄ ně₃ dsí₂jio₅ dsí₅ jui₁lia'₂ dsí₂jio₅ dsí₅ Cristo.

3

Rin'₅₄ jniog₄ i₂jmo₅ ta₁ jme₂ti₃ ne₄ Diú₄

¹ Rin'₅₄ jniog₄, tsá₃ ca₂lě₃ jua'₅₄ juig₅₄ 'nia'₂ jui₁lia'₂ 'nia'₂ dsa₂ i₂jio₅ con'₂ lě₅ Jme₂dsí₂, tē₂le₃ jui₁lia'₂ 'nia'₂ dsa₂ i₂jio₅ con'₂ lě₅ ni₁ñi₁ bá₄ ca₂juig₂ jniá₂ 'nia'₂, ně₂jag₄ bá₄ guein₂ le₃quió'₅ Cristo. ² Jmá'₃ lia'₂ jág₁ a₂tsá₃ juí'₅ bá₄ ma₂ca₂jme₁tin₅ jniá₂ 'nia'₂, ně₂jag₄ bá₄ guein₂ bē'₅₄ i₂'ín'₂ dsi'₅₄ i₂tsá₃ ma₂lé₂ guě'₃ má₃ bēn₂. Dsón'₂ bá₄ jaun₂, tsá₃ ma₂lé₂ nág'₁ 'nia'₂ jág₁ bēn₂. ³ Ia₁ lia'₂ lín₅ dsa₂ i₂jio₅ con'₂ lě₅ ni₁ñi₁ bá₄ guě₄ lín₅ 'nia'₂. Ia₁ tē₁lia'₂ tion'₅₄ 'nia'₂ le₂jaun₂ a₂ui₅ 'au'₂ 'nia'₂, a₂qui₂tsín'₂ 'nia'₂ ně₃, ¿Tsa₁ i₂nio'₅₄ 'nia'₂ con'₂ jio₅ ni₁ñi₁? ¿Tsa₁ i₂nio'₅₄ 'nia'₂ jui₁lia'₂ i₂nio₅ dsa₂ mi₂güig₃? ⁴ Ia₁ chi₂jua'₂ chan₂ jan₂ i₂juá'₂: “Dsa₂

* 2:9 Isaías 64:4. † 2:13 o₃, “qui₂chei₂ jnia'₅₄ dsa₂ a₂gu₂dsí₂.” ‡ 2:16 Isaías 40:13.

quián₅ Pa₄ bá₄ jniá₂”; i₂lin₅₄ guë'₂ dsia₅ táng₃, juá'₂: “Jniá₂ guë'₂ líng₅ dsa₂ quián₅ Apolos”, ζon₁jua'₅₄ lia'₂ lín₅ dsa₂ mi₂güig₃ bá₄ lín₅ 'nia'₂?

⁵ Jaun₂ ně₃, ζ'ein₂ 'éi₂ Apolos? Le₂jaun₂ guë'₂ ζ'ein₂ 'éi₂ Pa₄? Jnia'₅₄ lia'₂ dsa₂ i₂jme₂ti₃ ta₁ ne₄ Diú₄ bá₄ lág₅ jnia'₅₄ i₂l₂nio₄ jme₂tín₁ dsa₂ ju₁lia'₂ ca₂lě₃ jme₁ca₂rě₃'én'₂ 'nia'₂ tē₂le₃ quió'₅ Te₁gui'₅₄. Le₂jau₂ le₂jau₂ jnia'₅₄ ma₂ja₂náu₅ jmo₂ ta₁ con'₂ lě₅ ma₂cuē₃ Te₁gui'₅₄. ⁶ Jnia'₅₄ con'₂ ca₂jan₃ jon₂ bá₄ jniá₂; Apolos guë'₂ ca₂séi₂ jmig₂. La₁ia₁ 'ñiog₅ bá₄ Diú₄ ca₂jmo₃ ca₂i₃cón₃. ⁷ Jaun₂ ně₃, dsa₂ i₂jne₅, quian'₅₄ guë'₂ i₂séi₂ jmig₂, tsá₃ 'e₂ tñ₂ 'éi₂; jnia'₅₄ lia'₂ 'ñiog₅ bá₄ Diú₄ jmo₂₃ a₂dsi₂cón₃. ⁸ Ju₁lia'₂ dsa₂ i₂jne₅ quian'₅₄ guë'₂ dsa₂ i₂séi₂ jmig₂, co₂rě₂ bá₄ téin₅ ta₁. Jaun₂ le₂jaun₂ bá₄ gue₃ 'liain'₅₄ le₂jain₂ le₂jain₂ lia'₂ con'₂ lě₅ ta₁ quió'₅. ⁹ Jme₁tí₁ jnia'₅₄ ne₄ Diú₄ quian'₅₄ rñ'₅₄ jmo₂ ta₁; 'nia'₂ bá₄ líng'₅ co₂'nió'₄ 'uē₃ ja₁nau₂ ja₁lě₂ ta₁. O₃ lé₂ le₃jua'₅₄ ján₃, lín₅ 'nia'₂ ně₂jag₄ caun₂ 'né₅ a₂chí'₅ quió'₅ Diú₄. ¹⁰ 'Uig₅₄ ia₁ a₂'ua₁ dsí₅ Diú₄, ca₂cuē₃ ta₁ a₂tsi'₅₄ 'uig₅₄ 'ia'₂, co₂'nió'₄ jan₂ tē₅'ia'₂ bá₄ líng₅. I₂sián'₂ guë'₂ táng₃ ju₁i₂₃ ne₄ jaun₂. Le₂jan₂ le₂jan₂ i₂ju₁i₅ ně₃, ca₂tñ₂ con₂ 'í₁ rē₂ chi₂jua'₂ rē₂ bá₄ ju₁i₂₃ tñoin'₅₄. ¹¹ Ia₁ 'i₁jan₂ tsá₃ ma₃'ein₂ lé₂ chí'₃ 'uig₅₄ siá'₂, jnia'₅₄ lia'₂ con'₂ caun₂ a₂ma₂chí'₅ bá₄; a₂jaun₂ lín₅ Cristo 'ñiog₅. ¹² Ně₃ ně₃, ju₁lia'₂ ja₁ju₁i₅ dsa₂ ne₄ 'uig₅₄ jaun₂ quian'₅₄ cu₄nióg₄, cu₄tñog₂, quian'₅₄ ni₁cang₁ tág₅ jlá'₁, o₃ ju₁lia'₂ ja₁ju₁i₅ 'e₂ dsa₂ quian'₅₄ jau₅₄ 'ma₂ o₃ quian'₅₄ ni₁ñei₂, ni₁'ma₂ ta₅ ně₃, ¹³ tion₅₄ bá₄ le₃jniá₂ ta₁ quió'₅ le₂jan₂ le₂jan₂. Jm₁g₄ i₁jáun₃, si₂ bá₄ jme₃jnia₅ a₂jaun₂, jióg'₂ 'í₁ ně₃ 'a₂ lia'₂ lě₅ ta₁ quió'₅ le₂jan₂ le₂jan₂. ¹⁴ Chi₂jua'₂ ca₂jiog₃ a₂ca₂chí'₃ dsa₂ jaun₂, gue₃ bá₄ 'liain'₅₄; ¹⁵ la₁ ně₁jua'₂ ca₂cáu₂ ně₃, dsí₃'én₂ bá₄ quió'₅. La₁ jnia'₅₄ con'₂ lióin₂ jmá'₃ 'ñiog₅, ně₂jag₄ bá₄ jan₂ dsa₂ i₂ja₂lag₃ ca₂lón₂ ne₄ si₂ bá₄ lě₂.

¹⁶ ζTsa₁ ñi'₅₄ 'nia'₂, guion'₅₄ bá₄ 'nia'₂ líng'₅ guá'₅ quió'₅ Diú₄, ton'₂ guá'₅ Jme₂dsí₂ quián₅ Diú₄ tē₂'au'₂ 'nia'₂? ¹⁷ Ně₁jua'₂ 'ein₂ ca₂'én₂ guá'₅ quió'₅ Diú₄, Diú₄ ně₃ co₂dsia₅ 'éin₂ dsa₂ 'éi₂. Ia₁ i₂jñiós₅ bá₄ guá'₅ quián₅ Diú₄, jaun₂ guion'₅₄ bá₄ 'nia'₂ líng'₅ guá'₅.

¹⁸ 'I₁jan'₂ 'nia'₂ tsá₃ 'ein₂ ju₁i₁le₂gan₂. Chi₂jua'₂ chan₂ i₂lín₂ 'ñio₅ lín₃ ñí'₂ dsí₅ lia'₂ con'₂ lě₅ ñí'₂ dsí₅ dsa₂ mi₂güig₃, ju₁jmo₁₂ co₂dsia₅ ne₂jag₄ bá₄ a₂tsá₃ 'e₂ ñi₅, ia₁jaun₂ guē₄ dsióg₄ lēin₂ tē₃dsón'₂ dsa₂ i₂tñ₂ i₂ñi₅. ¹⁹ Ia₁ ca₂le₃jě₃ a₂ñi₄ 'ñio₅ tñ₂ dsa₂ mi₂güig₃, ca₂le₃jě₃ a₂jaun₂ tsá₃ 'e₂ quen₅ le₃ne₄ Diú₄. Ia₁ ne₄ Si₂ juá'₂: “Diú₄ join₂₃ dsa₂ jē₄ mai₅₄ quió'₅ guioin₅₄.”* ²⁰ Juá'₂ ne₄ Si₂ ján₃: “I₂ñi₅ bá₄ Te₁gui'₅₄ 'a₂ lia'₂ qui₂dsi₂jiog₅ dsí₅ dsa₂ i₂tñ₂, a₂tsá₃ 'e₂ ta₁ tí.”† ²¹ Jaun₂ lě₃, 'i₁jan₂ tsá₃ ju₁dsia₁₂ jág₁ tá'₅ le₃quió'₅ dsa₂ mi₂güig₃. Ia₁ a₂ca₂tñ'₂ 'nia'₂ bá₄ ca₂le₃jě₃ a₂cha₂. ²² Pa₄, Apolos, Pe₄, ‡ mi₂güig₃ a₂chong₂ jniog₄, 'mú₃, jm₁g₄ rē₂ně₃, ju₁la₂ jm₁g₄ 'ióg₃ ně₃: ca₂le₃jě₃ bá₄ ně₅ lě₅ quián'₂ 'nia'₂. ²³ Le₂jaun₂ guë'₂ ján₃, i₂quián₅ Cristo bá₄ 'nia'₂; Cristo guë'₂ lín₅ i₂quián₅ Diú₄.

4

Ta₁ a₂ca₂tñ₂ dsa₂ i₂chen₄ quián₅ Cristo

¹ Jaun₂ bá₄ ně₃, con'₂ jnia'₅₄ dsa₂ i₂jme₂ti₃ ta₁ ne₄ Cristo bá₄ ca₂tñ₂ dsa₂ jág₂ jnia'₅₄, a₂niog₅ ne₄ jnia'₅₄ jág₁ a₂jme₁rē₂'ma₄ quió'₅ Diú₄. ² Con'₂ siá'₂ táng₃, chi₂jua'₂ le₂ně₅, jaun₂ bá₄ tion₅₄ ca₂tñ₂ ju₁lia'₂ dsa₂ i₂niog₅ gu₂ ta₁ le₂'éi₂, jme₃ti₃ quian'₅₄ ta₁ a₂ca₂ñi₂. ³ Tē₂le₃ quió'₃ jniá₂ ně₃, tsá₃ a₂nag₅₄ jaun₂ ně₁jua'₂ ca₂quion'₂ 'nia'₂ 'í₁ le₃ja₁cong₂, o₃ ně₁jua'₂ ca₂cáun₃ 'í₁ dsí₂tan₅₄ dsa₂ mi₂güig₃ 'e₂. Ca₂lia'₂ jnia'₅₄ 'ñiós₃, tsá₃ cáun₅ 'í₁ le₃ja₁cong₂ 'ñiós₃. ⁴ 'I₁caun₂ tsá₃ 'e₂ dsí₂jñi₅

* 3:19 Job 5:13. † 3:20 Salmo 94:11. ‡ 3:22 griego: Cefas.

dsi₃. La₁ on₃jua'₅₄ le₂nē₅ o₂'ag₅ jág₁ a₂tsá₃ 'e₂ rē₂cáng'₄. 'Njog₅ bá₄ Te₁gui'₅₄ i₂con₂ 'í₁ quió₃. ⁵ Jaun₂ tsá₃ lē₁caun₂ de'₂ 'nia'₂ 'í₁ tē₃jñiá₅. Jē₁ma₂guán'₅ Te₁gui'₅₄, téi₂ si₂ ne₄ a₂rē₂'ma₄ a₂jmo₅-dsáu₅ dsa₂ jē₄ qui₁né'₃; jme₃jñiai₂₃ ca₂le₃jē₃ a₂niog₅ qui₂dsi₂jñia₅ dsí₅ dsa₂. Jaun₂ guē₄ gue₃ dsa₂ 'liain'₅₄ a₂cuē₃ Diú₄ a₂'ñio₂ dsí₅ quió'₅ le₂jain₂ le₂jain₂.

⁶ Rin'₅₄ jniog₄, a₂dse₃ quián'₂ bá₄ 'nia'₂ juá'₅ jniá₂ ca₂le₃jē₃ a₂nē₅, a₂'íng₅ Apolos quian'₅₄ guē'₂ 'ñio₃ jniá₂. Juá'₅ le₂nē₅ ia₁jaun₂ tē₂le₃ quian'₅₄ jág₁ jáng'₅ léi₄ nē₅ quián₂ jnia'₅₄, le₃tin'₂ 'nia'₂, a₂tsá₃ jmó'₂ 'nia'₂ ñag₅₄ guē₄ con'₂ lē₅ juá'₂ ne₄ Si₂, con'₂ tsá₃ ñó₅ nē₁jua'₂ ca₂jmo'₅₄ 'nia'₂ rón'₂ o₄quió'₄ jan₂, a₂jin'₅₄ 'nia'₂ sion₅ i₂sián'₂. ⁷ ¿'Ein₂ 'éi₂ 'ag₅ 'ne₂ a₂dseng'₃ guē₄ lia'₂ con'₂ guē₄ ríng'₂? ¿'E₂ bá₄ bí₂ 'au'₂ jua'₅₄ tsá₃ ma₂cuē₃ Diú₄ nē₃? ¿'E₂ guē'₂ lē₃ dsia'₂ jág₁ tá'₅ nē₂jag₄ bá₄ a₂ca₂jñag'₂ 'ñiag'₂ a₂cha₂ quiáng'₂ jmo'₂?

⁸ Jmo'₂ 'nia'₂ 'au'₂ 'ñio₅ lín₃ dse₃ ma₂chang'₂; ma₂cha₂ quián'₂ 'nia'₂ ca₂le₃jē₃. Ma₂jmo'₂ 'nia'₂ 'au'₂ ma₂tiáng'₅ can'₅₄ bá₄ 'nia'₂, tsá₃ ma₃quiong'₅₄ jnia'₅₄. ¡Jua'₅₄ mei'₂ guē₃ dsón'₂ dsi₂jó'₃ ma₂gon'₂ 'nia'! Jaun₂ bá₄ jme₁lé₂ gon₂ jnia'₅₄ co₂lē₅ quian'₅₄ 'nia'₂ jua'₅₄ mei'₂ guē₃ le₂jaun₂. ⁹ Ia₁ lín₂ jniá₂, lia'₂ lē₅ bá₄ tē₂le₃ jē₁ca₂tó'₂ bá₄ ma₂chei'₃ Diú₄ con'₂ jnia'₅₄ i₂lág₅ dsa₂ i₂chen₄ quiáin₅, a₂jág₂ dsa₂ lia'₂ ja₁jín₂ dsa₂ i₂ma₂'í₄ 'éi'₃ dsián₃. Ma₂ja₂lén₂ dsa₂ jág₂ jnia'₅₄ nē₂jag₄ a₂lē₁'io'₂ tē₅ dsí₅ jág₃ ca₂lē₃jín₃ i₂chan₂, lia'₂ dsa₂ mi₂güig₃ lia'₂ ángeles nē₃. ¹⁰ Dsa₂ co₄ bá₄ 'ag₅ dsa₂ jnia'₅₄ o₄quió'₄ Cristo; 'nia'₂ guē'₂ ma₂jmo'₂ 'ñio₅ lín₃ ma₂ñi'₂ 'au'₂ jui₁lia'₂ tē₂le₃ quió'₅ Cristo. Ma₂jmo'₂ 'nia'₂ 'ñio₅ lín₃ tiá₂ ma₂tióng'₂; jnia'₅₄ guē'₂ jag'₅₄ táng₃ nē₂jag₄ dsa₂ 'uan₅₄. Jme₂gan₃ dsa₂ 'nia'₂; jnia'₅₄ guē'₂ nē₃ tsá₃ jei₅₄ dsa₂. ¹¹ Ca₂lia'₂ jñió₂ jmig₄ nē₃, ja₂náu₅ jnia'₅₄ a₂'ong₄, qui₂rē₂quein₂ dsi₅, tsá₃ cha₂ a₂qui'₅₄, tsá₃ dsi₂néi₂ cha₂ 'io₁ jnia'₅₄. Dsa₂ guē'₂, con'₂ lē₁co₂j móg'₂. ¹² Ja₂náu₅ jnia'₅₄ jmo₂ ta₁ quian'₅₄ gu₂-tag₄ guio₅₄. Jui₁lia'₂ jme₁tē₂'o'₂ dsa₂, caun₂ jág₁ dse₃ bá₄ qui₁jein'₄ jniá₂ quió'₅. Jui₁lia'₂ jme₁co₂'ein₅ dsa₂, la₁ jmo₂ bá₄ jnia'₅₄ tió'₃ dsi₅. ¹³ Chan₂ guē'₂ dsa₂ i₂dsia₅ 'ag₅ 'lig'₅₄, la₁ caun₂ jág₁ dse₃ bá₄ cuē'₂ táng₃ jnia'₅₄. Jág₂ dsa₂ nē₂jag₄ ti₁'ñe'₅₄ a₂tsá₃ ta₁ tí₄, nē₂jag₄ bá₄ jme₁qui₅ quió'₅ dsa₂ mi₂güig₃ nē₃, ca₂lia'₂ jñió₂ jmig₄ nē₃.

¹⁴ On₃jua'₅₄ ia₁jaun₂ cán'₁ 'nia'₂ o₂guí'₃ tó'₅ jniá₂ jág₁ la₂ ne₄ si₂. A₂jaun₂ bá₄ jmo₂₃ jág₁ tē₃jñiá₅ ja₁cong'₂, nē₂jag₄ bá₄ chi'₂-guein₂ quiáng₃ i₂'nióg₃ guē₄ lín₃. ¹⁵ Ia₁ o₁jñia'₅₄ guia₃ mei₅ tē₅ ca₂rē₃chán₃ i₂jme₃tag₅ 'nia'₂ le₃quió'₅ Cristo, la₁ tsá₃ juin₅ ñéi'₅ 'nia'₂ chan₂. Ia₁ le₃quió'₅ Cristo Jesús, tē₂le₃ quian'₅₄ jág₁ dse₃ quió'₅, ca₂lín₃ jniá₂ ñéi'₅ 'nia'₂. ¹⁶ Jaun₂ lē₃, mi₅ jniá₂ ja₁con'₂ 'nia'₂, jaun₂ tón'₂ 'nia'₂ ju₁i₅ i₁nió'₄ 'nia'₂ ja₁ma₂ñi₃ jniá₂.

¹⁷ 'Uig₅₄ jaun₂ bá₄ tsín₂ jniá₂ Timoteo, i₂jmo₅ jniá₂ dsi₃ co₂'nió'₄ guein₂ quiáng₃ i₂'nióg₃ guē₄ lín₃, i₂rē₂ti'₅₄ le₃ja₁con₂ Te₁gui'₅₄. 'Éi₂ bá₄ jmo₃ dsiog'₂ 'au'₂ 'nia'₂ 'a₂ lia'₂ lē₅ chan₂ jniá₂ a₂'éng₂ le₃quió'₅ Cristo, lia'₂ con'₂ lē₅ jme₂tíng₁ guá'₅ ca₂le₂con₂ ja₁siá'₂. ¹⁸ I₂lín₅₄ 'nia'₂ ma₂l₂niog'₅₄ jmo'₂ 'nia'₂ róng'₂, a₂lín₂ 'nia'₂ a₂tsá₃ ma₃dsióg₄ jniá₂ i₁jíng₁₂ 'nia'₂. ¹⁹ La₁ ñi'₅₄ ta₁ la₂ bá₄ 'nio₃ dsióg₄ i₁jág₃ nē₁jua'₂ ca₂cuē₃ Te₁gui'₅₄ jmig₄. Jm₁g₄ jaun₂ le₃guion₅₄ jniá₂, on₃jua'₅₄ jmá'₃ jág₁ tá'₅ a₂dsia₅ dsa₂ jin'₄ 'nia'₂ tioin'₅₄, le₃guion₅₄ jniá₂ ján₃ 'a₂ con'₂ bí₂ 'io₂₃. ²⁰ Ia₁ jui₁lia'₂ ja₁gon₂ Diú₄, on₃jua'₅₄ a₂jñia'₅₄ dsi₂lé₂ jmá'₃ jág₁; a₂quian'₅₄ jui₁bí₂ bá₄ ján₃. ²¹ ¿'E₂ 'niog'₂ 'nia'₂: a₂'í₁'ē₃ jniá₂ uig₅ jē₁ma₂dsióg₃, o₃ a₂dsióg₄ jniá₂ caun₂ dse₃ a₂'nió₃ jniá₂ 'nia'₂ a₂'ua₁ dsi₃ 'e₂?

5

Jau'₂ 'í₁ quió'₅ jan₂ dsa₂ i₂ca₂'nú₂ dso₄

1 'E₂ ca₂rē₃chá₃ já₃g₁, a₂chan₂ jan₂ jin₄ 'nia'₂ 'no₂₃ dso₄, a₂jmo₂₃ a₂lě₅ quián₅ bá₄ dsa₂ mí₂ quián₅ jmei₂. Caun₂ dso₄ ca₂lia'₂ jnia'₅₄ dsa₂ i₂tsá₃ cuin₅ Diú₄ bá₄ gué₄ tsá₃ jmo₂₃ le₂ně₅. 2 jmo'₂ gué₄ 'nia'₂ 'au'₂ a₂tiong'₅₄ dse₃ jmo'₂ róng'₂ tiong'₅₄! i'Nió'₄ jme₁tón'₂ 'nia'₂ qui'₁-'áu'₂ 'lia'₂ 'au'₂! Dsa₂ i₂ca₂'náu₂ dso₄ ně₅ ca₂tín₂ o₃ 'iin₅ bá₄ jin₄ 'nia'₂ ně₅. 3 O₁jnia'₅₄ tsá₃ quian'₅₄ jniá₂ 'nia'₂ dsi₁ne₁, la₁ 'eng₅₄ bá₄ ja₁ně₅ quian'₅₄ 'nia'₂ tē₂le₃ quian'₅₄ jme₂dsí₂; ma₂caun₃ jniá₂ 'í₁ ja₁con₂ dsa₂ i₂ca₂jmo₃ le₂ně₅, ně₂jag₄ bá₄ a₂chéng'₅ 'nió₃ tē₃dsón'₂. 4 Tión'₂ 'nia'₂ long'₂ o₄quió'₄ Te₁gui'₅₄ Jesús, a₂'en₅₄ jniá₂ tē₂le₃ quian'₅₄ jme₂dsí₂ quió₃, quian'₅₄ jui₁bí₂ quió'₅ Te₁gui'₅₄ Jesús, 5 a₂jin₅₄ 'nia'₂ dsa₂ 'éi₂ o₄gú₃ Satanás, ia₁jaun₂ qui₂dsi₃'én₂ ni₁ni₁₂, ia₁jaun₂ tín'₂ jme₂dsí₂ quió'₅ jmig₄ i₁jáun₃ quió'₅ Te₁gui'₅₄.

6 Tsá₃ dse₃ a₂dsia'₂ 'nia'₂ já₃g₁ tá'₅. ¿Tsa₁ ni'₅₄ 'nia'₂, “Quian'₅₄ ca₂juig₄ bá₄ levadura guion'₂ ta₁jě₂ ti₁can₁”? 7 Jniá'₃ 'nia'₂ levadura gui'₅₄, ia₁jaun₂ lén'₂ 'nia'₂ co₂'nió'₄ ca₂míg₂ ti₁can₁ a₂tsá₃ levadura quian'₅₄, jui₁lia'₂ tē₃dsón'₂ lín'₅ 'nia'₂. Ia₁ 'niog₅ bá₄ Cristo ca₂join₃ nó₃ a₂rē₂jein'₅₄ ne₄ Diú₄ o₄quián₂ jniog₄; a₂lín₅ já'₂ cha'₂ i₂ca₂jon₃ Jmig₄ Tē₂'in₅₄ quián₂. 8 Jaun₂ lě₃, jme₁go₃ jniog₄ Jmig₄ jaun₂, on₃jua'₅₄ quian'₅₄ levadura gui'₅₄, on₃ gué'₂ quian'₅₄ a₂'lig'₅₄ qui₂dsi₂jnia₅ dsi₅ jniog₄ ja₁con₂ rin'₅₄, on₃ gué'₂ jmó₁ uig₅ dsi₅ ja₁con₂ rin'₅₄; tē₂le₃ jme₁go₃ jniog₄ quian'₅₄ já₃g₁ tí₅ dsi₂jó'₃.

9 Ne₄ si₂ carta quió₃ a₂ca₂tsíng₂ ne'₅₄ 'nia'₂ le₂jniá₅, ca₂juá'₃ a₂tsá₃ jme₁quian'₅₄ 'nia'₂ dsa₂ i₂nió'₅ já₃g₁ quian'₅₄ dsa₂ i₂tsá₃ lě₅ dsi₂i₂gu₂. 10 On₃jua'₅₄ jaun₂ rē'₂ juá'₅ jniá₂ a₂qui₂dsi₃uín'₃ 'nia'₂ co₂dsia₅ co₂nei'₅₄ ja₁con₂ dsa₂ i₂'no₅ dso₄, ja₁con₂ dsa₂ i₂'ua'₂ dsi₅, dsa₂ i₂'ang₅, dsa₂ i₂qui₂jme₂juin'₂ diú₄ lag₄ ně₃. Ia₁ co₂nei'₅₄ jme₁'uín'₃ 'nia'₂ mi₂güig₃ la₂, jua'₅₄ mei'₂ gué₃ le₂jaun₂. 11 Ala₂ bá₄ juá'₅, a₂tsá₃ dsi₂ten₅₄ jme₁jen'₂ 'nia'₂ 'niog₅ lín₃ 'ei₅ caun₂ já₃g₁ quian'₅₄ jan₂ i₂jmo₅ a₂lín₅ jan₂ rin'₅₄ jniog₄, chi₂jua'₂ ján₃ gué'₂ nió'₅ já₃g₁ quian'₅₄ i₂tsá₃ lě₅ dsi₂i₂gu₂, chi₂jua'₂ 'ua'₂ dsi₅, chi₂jua'₂ jme₂juin'₂ diú₄ lag₄, chi₂jua'₂ qui₂juá'₂ já₃g₁ uig₅, chi₂jua'₂ qui₂i₂niog₅₄ le₁'ein₅, chi₂jua'₂ qui₂'ang₂₃ ně₃. On₃ gué'₂ ca₂tín'₂ 'nia'₂ quē'₅₄ quian'₅₄ dsa₂ le₂'éi₂. 12 Tsá₃ ca₂tín₂ jniá₂ cáun₄ 'í₁ ja₁con₂ dsa₂ i₂tsá₃ quiong'₅₄ jniog₄. Diú₄ bá₄ i₂con₂ 'í₁ ja₁con₂ dsa₂ 'éi₂. 13 La₁ia₁ 'nia'₂, ca₂tíng'₂ caun'₅₄ 'í₁ jmá'₃ lia'₂ dsa₂ i₂quiong'₅₄ jniog₄. Jaun₂ ně₃: “Dsen₅₄ 'nia'₂ cau₅ dsa₂ 'lín'₅₄ i₂'en₅₄ jin₄ 'nia'₂.”*

6

Mi'₅₄ a₂cha₂ jin₄ dsa₂ 'én₂ 'ni₂₃ riin'₅₄ ne₄ dsi₂tan₅₄ i₂tsá₃ 'én₂

1 Jui₁lia'₂ jme₁chan₂ 'ein₂ 'nia'₂ 'nio₃ dsia₃ dso₄ 'ni₃ rin'₅₄, ¿a₂ bá₄ lia'₂ tiá₂ 'au'₂ o₁dsia'₄ dso₄ ne₄ jui₁lia'₂ dsa₂ i₂tsá₃ Diú₄ cuin₅, 'nió'₄ a₂jme₁juig'₅₄ 'nia'₂ dsa₂ quián₅ Diú₄? 2 ¿Tsa₁ ni'₅₄ 'nia'₂ jua'₂ dsa₂ juig₂ quián₅ Diú₄ bá₄ gué'₂ i₂con₂ 'í₁ quió'₅ dsa₂ mi₂güig₃? Chi₂jua'₂ 'nia'₂ i₂cáun'₂ 'í₁ quió'₅ dsa₂ mi₂güig₃ ně₃, ¿'en₁ jmá'₃ gué'₂ tsá₃ 'ein₂ i₂tín₂ chan₂ i₂lé₂ jme₃rě₃ jui₁lia'₂ mi'₅₄ me'₂? 3 ¿Tsa₁ ni'₅₄ 'nia'₂ jua'₂ le₂jio₅ ángeles bá₄ quiong₅₄ jniog₄ 'í₁ quió'₅? i'Ě₂ gué₄ bá₄ jaun₂ ca₂tág₂ jniog₄ jme₁rē₂ 'e₂ caun₂ o₂me'₅₄ dsi₅ rē₂cha₂ ne₄ gua'₅₄ 'uē₃ la₂! 4 Chi₂jua'₂ 'e₂ caun₂ mi'₅₄ cha₂ quián'₂ 'nia'₂, rin'₅₄ jniog₄, ¿'e₂ lě₃ o₂nó'₅ 'nia'₂ o₂dsia'₅₄ dso₄ ne₄ dsa₂ i₂tsá₃ 'e₂ quen₅ le₃quió'₅ guá'₅? 5 Juá'₅ jniá₂ le₂ně₅ ia₁jaun₂ le₃guen'₅₄ 'nia'₂ ca₂la₂. ¿O₃ bá₄ 'i₁jan₂ jmá'₃ tsá₃ 'ein₂ chan₂ jin₄ 'nia'₂ i₂qui'₅₄ jmig₄ jme₃rě₃ mi'₅₄ a₂niog₅ jin₄ rin'₅₄? 6 ¿Rē₂ gué₄ dsióg₅, lín'₂ 'nia'₂, jui₁lia'₂ jan₂ rin'₅₄ jniog₄ dsi₂dsiá₃ dso₄ ne₄ dsa₂ i₂tsá₃ 'én₂?

7 Chi₂jua'₂ ma₂tion'₅₄ 'nia'₂ mi'₅₄ jin₄ 'nia'₂, co₂dsia₅ ma₂tán'₂ bá₄ 'nia'₂ já₃g₁ chi₂jua'₂ le₂jaun₂. ¿Tsa₁ dse₃ gué₄ jmo₃ dsa₂ co₂nei'₅₄ tió'₃ dsi₅ a₂caun₂ lě₁dsi₂ni₂

* 5:13 Deuteronomio 17:7; 19:19; 21:21,24; 24:7.

jmóg'₂ riin'₅₄? ¿Tsa₁ dse₃ guě₄ guén₄ jniog₄ juí'ang₁₂ 'e₂ 'ang₃ quián₂? ⁸ La₁ 'nia'₂ ně₃, jmag'₅₄ dsa₂, 'ang'₂ quió'₅ dsa₂; ca₂tē₂ ja₁con₂ rín'₂ 'nia'₂ guiong'₅₄ jmo'₂ le₂ně₅. ⁹ ¿O₃ bá₄ tsá₃ ŋi'₅₄ 'nia'₂, tsá₃ ja₁gon₂ Diú₄ ca₂tín₂ dsa₂ i₂tsá₃ cuín₅ Diú₄? Tsá₃ cuín₅ 'nia'₂ jmig₄ jua'₅₄ a₂le₃gang'₂, ia₁ juí'lia'₂ dsa₂ i₂i₂nio₄ nió'₅ jág₁ quian'₅₄ dsa₂ i₂tsá₃ lě₅ dsi₂i₂gu₂, juí'lia'₂ dsa₂ i₂qui₂jme₂juin'₂ diú₄ lag₄, juí'lia'₂ dsa₂ ŋe'₂ i₂dsi₂jnia₅ dsí₅ lia'₂ dsi₂jnia₅ dsí₅ 'io₅₄, * juí'lia'₂ dsa₂ ŋe'₂ i₂nió'₅ jág₁ quian'₅₄ dsa₂ ŋe'₂ riin'₅₄, ¹⁰ juí'lia'₂ dsa₂ 'ang₂, dsa₂ i₂'ua'₂ dsí₅, dsa₂ i₂i₂nio₄ 'en₅, dsa₂ i₂i₂nio₄ qui₂dsia₂₃ jág₁ tē₂jág₁, dsa₂ i₂lí'₂ cu₄ tē₂le₃ quian'₅₄ a₂'ŋoi₅₄ jme₂gain₂₃ riin'₅₄: dsa₂ le₂'ei₂ ně₃, tsá₃ ca₂tín₂ ja₁gon₂ Diú₄. ¹¹ Le₂ně₅ bá₄ jme₁chan'₂ i₂lín₅₄ 'nia'₂ le₂jñiá₅. La₁ 'ŋiog₅ bá₄ Diú₄ ma₂qui₂ca₂rín'₃ jme₂dsí₂ quián'₂ 'nia'₂, malě₅ 'í₁ quiáin₅, ca₂guei₃ Diú₄ 'nia'₂ ně₂jag₄ bá₄ a₂tsá₃ 'e₂ dso₄ rín'₂ 'nia'₂, tē₂le₃ quian'₅₄ Te₁gui'₅₄ Jesús, quian'₅₄ guě'₂ Jme₂dsí₂ quián₅ Diú₄ quián₂.

A₂'nió'₅ jmo₃ dsa₂ 'í₁ ni₁ŋi₁₂

¹² Chan₂ dsa₂ i₂juá'₂: “I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃.” Dsón'₂ bá₄ dsau₅, la₁ tsá₃ jua'₅₄ ca₂le₃jě₃ jaun₂ jme₂'o₅₄. Dsau₅ bá₄ “I₄ 'éi'₃ le₃jmo₅₄ jniá₂ ca₂le₃jě₃ 'e₂ 'nio₃ jmo₅₄”, la₁ia₁ tsá₃ cuín₄ jniá₂ jmig₄ jua'₅₄ co₂dsia₅ jin'₄ jniá₂ co₂ŋei'₅₄ ne₄ 'i₁caun₂. ¹³ Dsau₅ bá₄ juí'lia'₂ juá'₂ dsa₂: “Lě₅ má₃ o₄quió'₄ rē₂tú'₅ dsa₂; rē₂tú'₅ guě'₂ dsa₂ lě₅ o₄quió'₄ má₃.” La₁ já₅ jmig₄ a₂'é₂ Diú₄ ta₁tín₃. La₁ tsá₃ ta₁ jaun₂ qui'₅ ni₁ŋi₁₂ jua'₅₄ a₂'no₃ dsa₂ dso₄ quian'₅₄ i₂sián'₂. Ta₁ a₂qui'₅ ni₁ŋi₁₂, a₂jme₃ti₃ ta₁ ne₄ Te₁gui'₅₄ bá₄ jaun₂; jaun₂ Te₁gui'₅₄ ně₃ i₂cuē₅ bí₂ quió'₅ ni₁ŋi₁₂. ¹⁴ Ia₁ juí'lia'₂ ca₂jme₃jen'₅₄ Diú₄ Te₁gui'₅₄ quian'₅₄ juí'bi₂ quió'₅, le₂jaun₂ bá₄ jmo₃ a₂jein'₅₄ guě'₂ jniog₄ ján₃.

¹⁵ ¿Tsa₁ ŋi'₅₄ 'nia'₂ jaun₂ a₂tén₅ tē₂le₃ quió'₅ Cristo bá₄ ni₁ŋi'₁ 'nia'₂? ¿On₃ bá₄ lé₂ le₃tion₄ jniog₄ juí'lia'₂ a₂tén₅ ni₁ŋi₁ Cristo le₃ja₁con₂ juí'lia'₂ jan₂ 'io₅₄ i₂'nag₅ quió'₅? ¿Tsá₃ juí'le₅₄ bá₄ le₂jaun₂! ¹⁶ ¿Tsa₁ ŋi'₅₄ 'nia'₂, juí'lia'₂ jan₂ dsa₂ ŋe'₂ i₂nió'₅ jág₁ quian'₅₄ jan₂ 'io₅₄ i₂'nag₅ quió'₅, co₂'nió'₄ caun₂ ni₁ŋi'₅ bá₄ lě₅ jē₁le₃oin₃ le₂jaun₂? Ia₁ ne₄ Si₂ juá'₂: “Co₂'nió'₄ caun₂ ni₁ŋi'₅ lé₂ le₃oin₃ le₂jaun₂.”† ¹⁷ La₁ juí'lia'₂ jan₂ dsa₂ i₂rē₂quian'₅₄ Te₁gui'₅₄, co₂'nió'₄ jan₂ jme₂dsí₂ bá₄ lé₂ quian'₅₄.

¹⁸ Cuīng₄ 'nia'₂ ja₁con₂ a₂'lig'₅₄ juí'lia'₂ a₂qui'no₅ dsa₂ dso₄ quian'₅₄ i₂sián'₂. Juí'e₂ guě₃ dso₄ siá'₂ a₂'no₅ dsa₂, 'no₂₃ le₃co'₅₄ ni₁ŋi₁₂ bá₄. La₁ juí'lia'₂ dsa₂ i₂nió'₅ jág₁ quian'₅₄ i₂tsá₃ lín₅ dsi₂i₂gu₂, 'no₂₃ dso₄ ja₁con₂ ni₁ŋi₁ 'ŋiog₅ bá₄. ¹⁹ ¿Tsa₁ ŋi'₅₄ 'nia'₂ a₂lě₅ ni₁ŋi'₁ 'nia'₂ caun₂ guá'₅ ja₁'en₅₄ Jme₂dsí₂ Jñió₅ i₂ma₂cuin₃ Diú₄? Jaun₂ tsá₃ lě₅ jua'₅₄ a₂tén'₅ guion'₅₄ 'nia'₂; ²⁰ ia₁ i₂ma₂ca₂lán₂ 'mu'₅₄ lín₃ Diú₄ 'nia'₂. Jaun₂ bá₄ lě₃ ca₂tín'₂ 'nia'₂ jme₁gan'₃ Diú₄ tē₂le₃ quian'₅₄ ni₁ŋi'₁ 'nia'₂.

7

A₂to'₂ jág₁ dse₃ tē₂le₃ quió'₅ juí'lia'₂ dsa₂ i₂jén'₂ gu₂

¹ La₂ jein'₄ jniá₂ jág₁ quián'₂ 'nia'₂ a₂juá'₂ 'nia'₂ ne₄ si₂ a₂ca₂chen'₂ 'nia'₂ ne₃. ² Dsón'₂ bá₄ dse₃ jua'₅₄ mei'₂ guě₃ co₂ŋei'₅₄ tsá₃ jén'₂ dsa₂ ŋe'₂ gu₂; la₁ 'uig₅₄ ia₁ ŋí₄ lě₃ qui₂i₂nio₄ dsa₂ jmo₂₃ 'lig'₅₄ jmig₄ ně₃, jaun₂ bá₄ lě₃ co₂ŋei'₅₄ juí'jen'₅₄ bá₄ dsa₂ mí₂ dsa₂ ŋe'₂ gu₂, juí'le₂chan₂ bá₄ dsi₂i₂gu₂ le₂jain₂ le₂jain₂. ³ Dsa₂ ŋe'₂ guě'₂ ně₃ ca₂tín₂ jme₃ti₃ ca₂le₃jě₃ con'₂ a₂ca₂tín₂ jme₃ti₃ le₃ja₁con₂ dsa₂ mí₂ quiáin₅; le₂jaun₂ guě'₂ dsa₂ mí₂ ně₃ ca₂tín₂ jme₃ti₃ táng₃ le₃ja₁con₂ dsi₂i₂gu₂ ca₂le₃jě₃ con'₂ a₂ca₂tín₂ jme₃ti₃. ⁴ On₃jua'₅₄ a₂ca₂tín₂ 'ŋiog₅ dsa₂ mí₂ ni₁ŋi₁₂ 'ŋio'₂; a₂ca₂tín₂ dsa₂ ŋe'₂ quiáin₅ bá₄ ján₃. Já₃ guě'₂ le₂jaun₂ dsa₂ ŋe'₂ táng₃, on₃jua'₅₄ a₂ca₂tín₂ 'ŋiog₅ 'éi₂ ni₁ŋi₁₂; a₂ca₂tín₂ dsa₂ mí₂ quiáin₅ bá₄ ján₃. ⁵ Tsá₃ lě₁jmo₂ 'nia'₂ jua'₅₄

* 6:9 o₃, “dsa₂ ŋe'₂ i₂'nag₅ quió'₅.” † 6:16 Génesis 2:24.

a₂tsá₃ guéin'₄ le₂jang'₂ le₂jang'₂, jñia'₅₄ lia'₂ chi₂jua'₂ 'niog'₂ jmó'₂ 'nia'₂ caun₂ jág₁
a₂tsá₃ tiáng'₄ 'nia'₂ co₂lě₅ tin₃-ni₅ jmig₄ ia₁ a₂'niog'₂ jmó'₂ ca₂ne₅₄ chi₁lěng'₄ Diú₄,
jme₂'ing'₄ tē₁lia'₂ jmig₄ jaun₂. Jē₁ma₂ca₂ñí₂ jmig₄ jaun₂, tián'₂ táng₃ 'nia'₂. Ia₁
con'₂ tsá₃ ñó₅ nē₁ca₂cáun₃ táu₂ i₂sē₃dsen₃ nē₁jua'₂ tsá₃ ca₂tió'₃ 'au'₂ 'nia'₂.

⁶ Ca₂le₃jě₃ a₂juá'₅ jniá'₂ nē₅ cuē₅ jniá'₂ 'nia'₂ jmig₄, on₃jua'₅₄ rē'₂ a₂ton'₂ jniá'₂
'nia'₂ caun₂ 'éi'₃. ⁷ Con'₂ juá'₅ jniá'₂ 'ñio₃, 'nio₃ jniá'₂ jua'₅₄ ca₂le₃jín₃ bá₄ dsa₂ ñe'₂
lín₅ lia'₂ lín₅ 'ñio₃; la₁ con'₂ nē₅ tin₂ Diú₄ jma₃quén₅ ma₂cuē'₃ dsa₂ 'a₂ lia'₂ niog₅
lín₅ dsa₂ le₂jain₂ le₂jain₂.

⁸ Ju₁lia'₂ dsa₂ i₂tsá₃ gu₂ le₁jen'₂, ju₁lia'₂ dsa₂ m₁i₂ i₂ma₂n₁i₂ nē₃, juá'₅ jniá'₂ 'e₂
guē₄ dse₃ jua'₅₄ co₂ñei'₅₄ bá₄ tsá₃ ma₃jéin'₂ gu₂, tiain'₃ ju₁lia'₂ chan₂ jniá'₂ tsá₃ 'ein₂
gua₅₄ quiang'₅₄. ⁹ La₁ia₁ nē₁jua'₂ tsá₃ qui'₅₄ jmig₄ jmo₃ tió'₃ dsí₅ nē₃, ju₁jein'₅₄ gu₂,
ia₁ ja₂lín₃ guē₄ dse₃ bá₄ jéin'₂ co₂ñei'₅₄ gu₂, lia'₂ con'₂ guē₄ a₂ñí₄ dsín'₂ 'ñiog₅.

¹⁰ La₁ juá'₅ jniá'₂ ju₁g₂ ca₂le₃jín₃ ju₁lia'₂ i₂ma₂tián'₅ le₁jen'₂ gu₂, tsá₃ ma₃o₁tein₅₄
rín'₅₄ le₂jain₂ le₂jain₂. 'Éi'₃ nē₅ on₃jua'₅₄ 'éi'₃ quió₃ jniá'₂ 'ñio₃; 'éi'₃ quió'₅ Te₁gui'₅₄
'ñiog₅ bá₄ nē₅. ¹¹ La₁ nē₁jua'₂ chan₂ jan₂ dsa₂ m₁i₂ ca₂téin₂ dsí₂i₂gu₂, ju₁gua₂ bá₄
tei₄ 'ñiog₅; o₃ ju₁'ei'₅₄ bá₄ táng₃ caun₂ jág₁ quian'₅₄ dsí₂i₂gu₂ 'e₂. Le₂nē₅ bá₄ ju₁lia'₂
dsa₂ ñe'₂ táng₃, tsá₃ 'nió'₅ téin₂ dsa₂ m₁i₂ quián₅.

¹² Ju₁g₂ jniá'₂ ju₁lia'₂ i₂sián'₂, (jág₁ quió₃ 'ñio₃, on₃jua'₅₄ 'éi'₃ quió'₅ Te₁gui'₅₄):
Chi₂jua'₂ tsá₃ 'én₂ dsa₂ m₁i₂ quián₅ ju₁lia'₂ jan₂ dsa₂ 'én₂ rín'₅₄ jniog₄, la₁ nē₁jua'₂
'ñio₂ bá₄ dsí₅ dsa₂ m₁i₂ 'éi₂ guá₅ quiong'₅₄, tsá₃ 'nió'₅ téi₂ rín'₅₄ jniog₄ 'éi₂. ¹³ O₃
chi₂jua'₂ dsa₂ ñe'₂ i₂tsá₃ 'én₂ lín₅ dsí₂i₂gu₂ jan₂ dsa₂ m₁i₂ i₂'én₂, la₁ nē₁jua'₂ 'ñio₂ bá₄
dsí₅ guá₅ quiain'₅₄ dsa₂ m₁i₂ 'éi₂, ján₃ bá₄ tsá₃ ca₂tín₂ dsa₂ m₁i₂ téi₂ ján₃. ¹⁴ Ia₁ ju₁lia'₂
dsí₂i₂gu₂ i₂tsá₃ 'én₂ nē₃, ma₃jmo₅ bá₄ Diú₄ a₂lě₅ 'í₁ tē₂le₃ quian'₅₄ dsa₂ m₁i₂; dsa₂ m₁i₂
i₂tsá₃ 'én₂ nē₃, lě₅ bá₄ 'í₁ quián₅ Diú₄ tē₂le₃ quian'₅₄ dsa₂ ñe'₂ i₂'én₂ rín'₅₄ jniog₄.
Jua'₅₄ mei'₂ tsá₃ le₂jaun₂, 'uín₂ chi'₂-guein₂ quián'₂ 'nia'₂ tsá₃ le₁jín₃. La₁ia₁, lia'₂
con'₂ tí₅ jág₁, ma₂jñio₅ bá₄ 'éi₂. ¹⁵ La₁ ju₁lia'₂ dsa₂ ñe'₂ o₃ dsa₂ m₁i₂ i₂tsá₃ 'én₂ nē₃,
chi₂jua'₂ tion₅₄ 'nio₃ téin₂ rín'₅₄, ju₁tein₅₄ rín'₅₄. Tsá₃ lě₅ jua'₅₄ rē₂jñág₅ ju₁quió'₅
dsa₂ i₂'én₂ rín'₅₄ chi₂jua'₂ le₂jaun₂. * Ia₁ ma₂tē₃ Diú₄ jniog₄ a₂le₃chong₂ le₁'ág₄ tei₄
dsí₅. ¹⁶ Ia₁, ĉ₂'a₂ lia'₂ ñi'₅₄ 'ne₂ dsa₂ m₁i₂, jua'₅₄ lé₂ long'₅₄ dsí₂i₂gog'₂? Le₂jaun₂ guē'₂
'ne₂ dsa₂ ñe'₂, ĉ₂'a₂ bá₄ lia'₂ ñi'₅₄ jua'₅₄ lé₂ long'₅₄ dsa₂ m₁i₂ quiáng'₂?

¹⁷ Jñia'₅₄ lia'₂ ju₁i₂nió₄ dsa₂ le₂jain₂ le₂jain₂ ju₁lia'₂ niog₅ lě₅ ju₁ma₂chei'₃
Te₁gui'₅₄, lia'₂ con'₂ lě₅ ma₂tē₅ Diú₄. 'Éi'₃ nē₅ cuē₅ jniá'₂ ca₂le₃jín₃ guá'₅.

¹⁸ Chi₂jua'₂ i₂lín₅₄ ma₂le₁u₁ng₁ lo₄ lia'₂ con'₂ jme₁ca₂rē₃'éin₂ ca₂tē₃ Te₁gui'₅₄, tsá₃
ju₁jme₂tsín₃ léi₄ jaun₂. O₃ chi₂jua'₂ 'ein₂ ca₂rē₃'én₂ le₃quió'₅ Te₁gui'₅₄ tē₃ tsá₃
rē₂u₁ng₄ quió'₅, tsá₃ ju₁guein₁₂ u₁ng₃ quió'₅. ¹⁹ Ia₁ tsá₃ 'e₂ dsen₅₄ ta₁ jua'₅₄
rē₂u₁ng₄ o₃ tsá₃ rē₂u₁ng₄ quió'₅ dsa₂ te₁i₂nió₅₄. A₂jme₃ti₃ 'éi'₃ quió'₅ Diú₄ bá₄ dsa₂
dsen₅₄ ta₁. ²⁰ Le₂jan₂ le₂jan₂ bá₄ dsa₂ ca₂tín₂ le₃chain₂ lia'₂ con'₂ lín₅ 'ñiog₅ lia'₂
con'₂ jme₁ca₂tē₃ Te₁gui'₅₄. ²¹ Chi₂jua'₂ jme₁lín₄ dsa₂ i₂jme₂ti₃ a₂tsá₃ 'liang'₅₄, lia'₂
con'₂ jme₁ca₂tē₃ Te₁gui'₅₄, tsá₃ jmo₂ 'is 'au'₂ a₂jaun₂; la₁ chi₂jua'₂ ca₂cu₁n₃ jmig₄
a₂tsá₃ ma₃lěng'₂ dsa₂ i₂jme₂ti₃ ta₁, ja₂lín₃ guē₄ dse₃ quió'₅₄ ju₁jaun₂. ²² Ju₁lia'₂
dsa₂ i₂jme₁lín₄ i₂jme₂ti₃ ta₁ ne₄ dsa₂ lia'₂ con'₂ jme₁ca₂tē₃ Te₁gui'₅₄, la₁ rē₂nē₃ nē₃
ma₂lín₅ dsa₂ i₂jme₂ti₃ le₃ja₁con₂ Te₁gui'₅₄. Ján₃ bá₄ guē'₂ le₂jaun₂ ju₁lia'₂ dsa₂
i₂tsá₃ 'ein₂ ne₄ jme₁jme₂ti₃ lia'₂ con'₂ jme₁ca₂tē₃ Te₁gui'₅₄ la₁ rē₂nē₃ guē'₂ nē₃,
ma₂lín₅ dsa₂ i₂jme₂ti₃ ta₁ ne₄ Cristo. ²³ I₂ca₂quín₁ 'mu'₅₄ lín₃ bá₄ 'nia'₂ ca₂láu₂
Cristo. Jaun₂ tsá₃ ma₃cuín₅ 'nia'₂ jmig₄ jua'₅₄ a₂jme₁ti₄ guē₄ ne₄ dsa₂ m₁i₂güig₃.

* 7:15 lit. "Tsá₃ chi₁'ñe'₅₄ dsa₂ i₂'én₂ rín'₅₄ chi₂jua'₂ le₂jaun₂."

24 Le₂nē₅ bá₄ jaun₂, 'nia'₂ rin'₅₄ jniog₄, jui₁tión'₂ bá₄ 'nia'₂ lia'₂ jme₁líng'₄ lia'₂ con'₂ jme₁ca₂tē₃ Diú₄ 'nia'₂.

25 Nē₃ nē₃, jui₁lia'₂ dsa₂ mi₄ i₂tsá₃ dsa₂ ŋe'₂ ma₂jio₅, tsá₃ 'e₂ 'éi'₃ ma₂ŋi₂ jniá₂ ja₁con₂ Te₁gui'₅₄. La₂ cuē₅₄ jniá₂ jág₁ lia'₂ con'₂ ŋí'₂ dsi₃, co₂'nió'₄ jan₂ i₂tí₅ jág₁ quió'₅ ia₁ a₂ŋéi₂ dsi₅ Te₁gui'₅₄. 26 Jaun₂ líng₂, ja₂lín₃ guē₄ dse₃ jua'₅₄ co₂ŋei'₅₄ guē₄ jui₁chan'₂ bá₄ 'nia'₂ 'a₂ lia'₂ lē₅ chang'₂, 'uig'₅₄ ia₁ 'ŋio₅ lín₃ cha₂ o₂me'₅₄ dsi₅ jmig₄ rē₂nē₃. 27 Chi₂jua'₂ ma₂jen'₂ gog'₂, tsá₃ jmó'₂ 'au'₂ jua'₅₄ téng'₄ ríng'₂. Chi₂jua'₂ tsá₃ ma₂jen'₂ guē'₂ gog'₂, tsá₃ lē₁'nág'₂ dsa₂ mí₂ i₂ne'₅₄ quiang'₅₄. 28 La₁ nē₁jua'₂ ca₂jen'₂ guē'₂ gog'₂, on₃jua'₅₄ 'e₂ dso₄ jaun₂. Le₂jaun₂ bá₄ ján₃ jui₁lia'₂ dsa₂ mi₄, chi₂jua'₂ ca₂jéin'₂ gu₂, on₃jua'₅₄ 'e₂ dso₄ jaun₂ ján₃. La₁ ŋjia'₅₄ lia'₂ a₂jaun₂ bá₄ juá'₅ jniá₂, le₃chain₂ quian₅ o₂me'₅₄ dsi₅ mi₂güig₃ la₂. A₂jaun₂ tsá₃ jme₁'nio₃ jniá₂ dsi₂ŋí'₂ 'nia'₂.

29 A₂la₂ bá₄ 'nio₃ jniá₂ juá'₄, rin'₅₄ jniog₄. Tsá₃ ma₂uē₂ le₃'ag₄ a₂dsióg₄ Jmíg₄ quió'₅ Te₁gui'₅₄. 'Uig'₅₄ jaun₂, juíg₂ jniá₂ 'nia': nē₃ tē₂le₃ ne₄ jui₅, ca₂le₃jín₃ i₂ma₂tían'₅ quian'₅₄ dsa₂ mí₂, jui₁le₂chain₂ nē₂jag₄ bá₄ a₂tsá₃ dsa₂ mí₂ quiáin₅ chan₂. 30 Jui₁lia'₂ dsa₂ i₂chan₂ qui₂le₁qui'₂ dsi₅, jui₁jmo₁₂ bá₄ dsi₅ nē₂jag₄ bá₄ a₂tsá₃ 'e₂ o₂i₁ dsi₅ chain₂. Le₂jaun₂ guē'₂ jui₁lia'₂ dsa₂ i₂jmo₅ 'io'₂, ca₂tín₂ bá₄ jmo₃ nē₂jag₄ bá₄ a₂tsá₃ dse₃ chain₂. Le₂jaun₂ guē'₂ ján₃ jui₁lia'₂ dsa₂ i₂qui₂lá₅ 'e₂ lá₅, jui₁jmo₁₂ bá₄ dsi₅ nē₂jag₄ bá₄ on₃jua'₅₄ a₂quió'₅ 'e₂ ma₂lá₃. 31 Le₂jaun₂ guē'₂ jui₁lia'₂ dsa₂ i₂jmó'₂ ta₁ a₂cha₂ mi₂güig₃ la₂, jui₁jmo₁₂ bá₄ dsi₅ nē₂jag₄ bá₄ a₂tsá₃ chi₂quiain₂₃ jmig₄ a₂jaun₂. Ia₁ ma₂ja₂quián₃ dsi₃ŋí'₂ bá₄ lia'₂ lē₅ mi₂güig₃ la₂.

32 Jaun₂ 'nio₃ jniá₂ tsá₃ tón'₂ 'nia'₂ qui₂le₁quian'₄ 'nia'₂ o₂i₁ dsi₅. Ia₁ jui₁lia'₂ jan₂ dsa₂ ŋe'₂ i₂con'₂ 'ŋio'₂ i₂tsá₃ dsa₂ mí₂ quian'₅₄, 'i₅ dsi₅ tē₂le₃ quió'₅ Te₁gui'₅₄, ton'₂ jmo₂₃ bá₄ a₂'ŋio₂ dsi₅ 'éi₂. 33 Ia₁ jui₁lia'₂ dsa₂ i₂jen'₂ gu₂ nē₃, 'ŋio₅ lín₃ guē₄ dsan₂ dsi₅ jui₁lia'₂ 'e₂ a₂niog₅ cha₂ mi₂güig₃, 'a₂ lia'₂ jmo₃ a₂'ŋio₂ dsi₅ 'io'₅₄ quiáin₅. 34 Jma₃quén₅ bá₄ dsi₂jio₅ dsi₅. Jui₁lia'₂ jan₂ 'io'₅₄ i₂tsá₃ gu₂ ma₂rē₂jen'₂, o₃ jan₂ dsa₂ mi₄ 'e₂, 'ŋio₅ guē₄ dsan₂ dsi₅ tē₂le₃ o₄quió'₄ Te₁gui'₅₄, a₂'nio₃ lén₂ 'í₁ le₃ja₁con₂ Diú₄, lia'₂ le₃quió'₅ ni₁ŋi₁₂, lia'₂ le₃quió'₅ jme₂dsí₂ nē₃. La₁ jui₁lia'₂ dsa₂ mí₂ i₂ma₂chan₂ dsi₂i₂gu₂ guē'₂ nē₃, 'ŋio₅ lín₃ guē₄ dsan₂ dsi₅ jui₁lia'₂ 'e₂ niog₅ cha₂ mi₂güig₃, 'a₂ lia'₂ jmo₃ a₂'ŋio₂ dsi₅ dsa₂ ŋe'₂ quiáin₅.

35 A₂dse₃ quián'₂ bá₄ 'nia'₂ juá'₅ jniá₂ le₂nē₅, on₃jua'₅₄ rē'₂ a₂jni₄ jniá₂ quián'₂ 'nia'₂, tē₂le₃ ia₁jaun₂ le₃chan'₂ 'nia'₂ lia'₂ con'₂ dsi₂ten₅₄, ia₁jaun₂ lé₂ jang'₅₄ 'nia'₂ 'au'₂ ne₄ Te₁gui'₅₄ tē₃ tsá₃ jnág₅ cha₂.

36 La₁ chi₂jua'₂ 'ein₂ chan₂ jan₂ dsa₂ mi₄ i₂jme₁ma₂li'₅₄ jág₁ a₂jéin'₂ gu₂ quiain'₅₄, ton'₂ ma₂ca₂ŋi₂ jmig₄ i₁jéin'₂ gu₂, chi₂jua'₂ lín₂ a₂tsá₃ jmo₂₃ lia'₂ dsi₂ten₅₄ ja₁con₂ 'éi₂, chi₂jua'₂ le₂jaun₂ dsi₂ten₅₄ lé₂ a₂jéin'₂ gu₂, jui₁jmo₁₂ bá₄ 'a₂ lia'₂ 'ŋio₂ dsi₅; lé₂ bá₄ qui₂jéin'₂ gu₂, ia₁ on₃jua'₅₄ 'e₂ dso₄ jaun₂. 37 La₁ jui₁lia'₂ dsa₂ i₂ma₂'ei₅ caun₂ dsi₅, on₃jua'₅₄ a₂'nió'₅ 'ein₂ qui₂chi₂quióng₂ jmig₄, tē₂le₃ qui'₅₄ jmig₄ jmo₃ 'í₁ 'ŋiog₅, a₂dse₃ bá₄ jaun₂. 38 Jaun₂ le₂nē₅ bá₄, jui₁lia'₂ dsa₂ i₂jén'₂ gu₂, a₂dse₃ bá₄ jmo₂₃; la₁ia₁ jui₁lia'₂ i₂tsá₃ jén'₂ gu₂ ja₂lín₃ guē₄ dse₃ jmo₂₃.†

39 'I₄ 'éi'₃ jio₃ dsa₂ mí₂ ŋjiai₃ dsi₂i₂gu₂ 'a₂ con'₂ ŋjia'₅₄ jmig₄ chan₂ 'éi₂. Nē₁ca₂jon₃ dsi₂i₂gu₂ guē'₂ nē₃, jaun₂ guē₄ le₃jín₅₄ guá₃ táng₃ jéin'₂ gu₂ chi₂jua'₂ 'ein₂ quiain'₅₄

† 7:38 o₃, "La₁ chi₂jua'₂ 'ein₂ chan₂ jan₂ ja₁míg₄ i₂jē₁ca₂ŋi₅ ŋi₂ a₂jéin'₂ gu₂, chi₂jua'₂ le₂jaun₂ lín₂ dsa₂ a₂dsi₂ten₅₄ guē₄, jui₁jmo₅₄ bá₄ 'a₂ lia'₂ 'ŋio₂ dsi₅, lé₂ bá₄ cui₃ŋi₃ ja₁míg₄ a₂jéin'₂ gu₂, ia₁ on₃jua'₅₄ 'e₂ dso₄ jaun₂. La₁ nē₁jua'₂ chan₂ guē'₂ i₂lín₂ on₃jua'₅₄ a₂'nió'₅ 'ein₂ qui₂chi₂quióng₂ jmig₄, 'nio₃ a₂tsá₃ gu₂ jén'₂ bá₄ ja₁míg₄, caun₂ bá₄ 'ei₅ dsi₅ a₂tē₃gua₄ ja₁míg₄ le₂jaun₂ tē₃ tsá₃ gu₂ jéin'₂, a₂dse₃ bá₄ jaun₂. Jaun₂ le₂nē₅ bá₄, 'ein₂ qui₂cui₃ŋi₃ ja₁míg₄ qui₂jen₂ gu₂, a₂dse₃ bá₄ jmo₂₃. Le₂jaun₂ guē'₂ jui₁lia'₂ i₂tsá₃ cui₃ŋi₃ ja₁míg₄ a₂jen'₂ gu₂, ja₂lín₃ guē₄ dse₃ bá₄ ján₃."

'nio₃, la₁ lë₃ jua'₅₄ lín₅ dsa₂ 'én₂ 'éi₂. ⁴⁰ La₁ ja₂ lín₃ guë₄ dse₃ le₃ chain₂ jua'₅₄ co₂ nei'₅₄ tsá₃ ma₃ gu₂ jéin'₂ táng₃. Le₂ në₅ con'₂ lín₂ jniá₂ bá₄. Qui₂ dsi₂ jiog₅ dsi₃ con'₂ lë₅ jiog₅ Jme₂ dsi₂ quián₅ Diú₄ bá₄, lín₂ jniá₂.

8

Jui₁ lia'₂ ñi₄ já'₂ a₂ qui₂ rë₂ jen'₅₄ ne₄ diú₄ lag₄

¹ La₂ juá'₄ táng₃ jui₁ lia'₂ cuente quió'₅ ñi₄ já'₂ a₂ qui₂ jén'₅ dsa₂ ne₄ diú₄ lag₄. Dsón'₂ bá₄ jaun₂ cha₂ a₂ ne₄ jniog₄, ca₂ le₃ jág₃. Jui₁ lia'₂ a₂ ñi₅ dsa₂ në₃, a₂ jaun₂ bá₄ jmo₅ a₂ róin₂; la₁ jui₁ lia'₂ a₂ 'nio₃ dsa₂ rin'₅₄, a₂ jaun₂ bá₄ jmo₅ a₂ dsi₂ cóin₃.

² Chi₂ jua'₂ chan₂ i₂ juá'₂ ma₂ tin₂, tsá₃ bá₄ guë₄ 'e₂ ma₂ tin₂ lia'₂ con'₂ dsi₂ ten₅₄ le₃ tin₂. ³ Chi₂ jua'₂ 'ein₂ tē₃ dsón'₂ 'nioi₃ Diú₄, i₂ cuin₅ bá₄ Diú₄ dsa₂ le₂ 'éi₂.

⁴ Jaun₂ në₃, jág₁ jui₁ lia'₂ a₂ qui₂ g'₂ dsa₂ ñi₅ a₂ ma₂ tē₁ no₁ nē₂ jén'₃ dsa₂ ne₄ diú₄ lag₄: ne₄ bá₄ jniog₄ jaun₂, 'i₁ caun₂ tsá₃ 'e₂ quen₅ jui₁ lia'₂ diú₄ lag₄ ne₄ gua'₅₄ 'uë₃ la₂, ia₁ jñia'₅₄ lia'₂ jan₂ bá₄ Diú₄ chan₂. ⁵ Jui₁ 'a₂ guë₃ la₂ chan₂ i₂ tē₂ dsa₂ diú₄ guei'₅₄ i₂ juí₃ quian'₅₄ ne₄ gua'₅₄ 'uë₃, (ia₁ tē₃ dsón'₂ lë₅ le₂ jaun₂ në₃, a₂ niog₅ chan₂ juin₅ "diú₄", ján₃ guë'₂ le₂ jaun₂ juin₅ i₂ gon₂ ján₃), ⁶ la₁ tē₂ le₃ quián₂ jniog₄ në₃, jñia'₅₄ lia'₂ jan₂ bá₄ Diú₄ chan₂, i₂ lín₅ Jmei₂ jniog₄, i₂ ca₂ jmo₃ ca₂ le₃ jě₃ 'e₂ niog₅ cha₂. Le₂ jaun₂ guë'₂ jniog₄ në₃ chong₂ o₄ quió'₄ 'éi₂. Jñia'₅₄ lia'₂ jan₂ tan₅₄ bá₄ i₂ gon₂, i₂ lín₅ Jesucristo. Tē₂ le₃ ne₄ o₄ quió'₄ 'éi₂ bá₄ ca₂ lë₃ ca₂ le₃ jě₃ a₂ cha₂, ca₂ tē₂ jniog₄ guio₅₄ në₃, chong₂ tē₂ le₃ quian'₅₄ 'éi₂.

⁷ La₁ tsá₃ ca₂ le₃ jín₃ ñi₅ a₂ në₅. I₂ chan₂ bá₄ guë₄ i₂ qui₂ ma₂ tin₂ dsi₅ jme₂ gain₃ diú₄ lag₄, jmo₂₃ bá₄ guë₄ dsi₅ jui₁ lia'₂ jme₁ qui₂ g'₂ ñi₅ a₂ ma₂ jáu'₅ ne₄ diú₄ lag₄, 'uig₅₄ ia₁ a₂ 'uan₅₄ jme₂ dsi₂ quió'₅, tsá₃ caun₂ a₂ qui₂ dsi₂ jein₃ dsi₅, ma₂ ca₂ rë₃ 'iog₅ bá₄ jme₂ dsi₂ quió'₅. ⁸ Dsón'₂ bá₄, on₃ jua'₅₄ o₄ quió'₄ má₃ náu₂ jniog₄ rē₂ ne₄ Diú₄. Ia₁ on₃ jua'₅₄ a₂ náu₂ rē₂ guë₄ ne₄ 'éi₂, nē₁ jua'₂ ca₂ que₅₄, on₃ guë'₂ jua'₅₄ a₂ tsá₃ rē₂ tióg₂ nē₁ jua'₂ tsá₃ ca₂ que₅₄ guë'₂ táng₃. ⁹ La₁ ia₁ jag₄ de'₂ 'nia'₂, ia₁ con'₂ tsá₃ ño₅ nē₁ qui₂ ca₂ sēn'₂ jui₁ lia'₂ i₂ 'uan₅₄, 'uig₅₄ ia₁ a₂ rē₂ na₄ jui₅ quián'₂ 'nia'₂ a₂ lē₂ le₃ quio'₅₄. ¹⁰ Chi₂ jua'₂ ñi'₅₄ 'ne₂ rē₂ 'a₂ lia'₂ dsi₂ ten₅₄ jmó'₂, nē₁ jua'₂ ca₂ jág₂ jan₂ rin'₅₄ i₂ 'uan₅₄, i₂ tsá₃ lín₄ rē₂ ñi'₂ dsi₅, a₂ ñéi'₂ qué'₂ ja₁ tión₂ diú₄ lag₄, ¿'e₂ bá₄ lē₂ nē₁ jua'₂ ca₂ tiá₂ dsi₅ 'éi₂ guë'₃ a₂ ma₂ rē₂ jen'₅₄ ne₄ diú₄ lag₄? ¹¹ O₄ quió'₄ a₂ ñi'₅₄ 'ne₂ jaun₂, dsi₃ 'én₂ ríng'₂ i₂ 'uan₅₄ guë₄ në₃. Ca₂ jon₃ Cristo o₄ quió'₄ 'éi₂ bá₄ ján₃. ¹² Ia₁ nē₁ jua'₂ jmo'₂ 'nia'₂ a₂ tsá₃ caun₂ a₂ qui₂ dsi₂ jein₃ dsi₅ ríng'₂ i₂ 'uan₅₄, 'nau'₂ 'nia'₂ dso₄ tē₂ le₃ ne₄ Cristo. ¹³ Jaun₂ lë₃, chi₂ jua'₂ léi₄ 'ñi₃ ó₃ bá₄ jniá₂ jmo₂₃ a₂ tan'₂ dso₄ ríng'₃ o₄ quió'₄ 'e₂ a₂ guë'₂, ja₂ lín₃ guë₄ dse₃ o₁ líg'₂ jmig₄ tsá₃ ma₃ qui₂ g'₅₄ ñi₅, ia₁ jaun₂ tsá₃ ma₃ tiáin'₃ dso₄.

9

Jui₁ lia'₂ a₂ ca₂ tín₂ jan₂ dsa₂ i₂ chen₄ quián₅ Jesús

¹ Dsón'₂ bá₄ rē₂ na₄ jui₅ a₂ ca₂ tín₂ ca₂ le₃ jě₃ con'₂ lë₅ ca₂ tín₂ ia₁ lín₅ dsa₂ i₂ chen₄, ia₁ ma₂ ca₂ jing₅₄ bá₄ Jesús i₂ lín₅ Te₁ gui'₅₄ quián₂. Guion'₅₄ bá₄ 'nia'₂ në₃, lín₅ co₂ 'nió'₄ ta₁ a₂ rē₂ jniá₂ quió'₃, tē₂ le₃ quió'₅ Te₁ gui'₅₄. ² An₁ chan₂ bá₄ i₂ lín₅₄ jmo₅ dsi₅ a₂ tsá₃ lín₅ jniá₂ dsa₂ i₂ chen₄ quián₅ Te₁ gui'₅₄. La₁ 'nia'₂ në₃, ca₂ tín'₂ bá₄ 'nia'₂ jmó'₂ 'au'₂, le₂ nē₅ lín₅, ia₁ 'nia'₂ bá₄ lín₅ i₂ jáng'₅ léi₄ ta₁ quió'₃, a₂ tē₃ dsón'₂ lín₅ jan₂ dsa₂ i₂ chen₄ quián₅ Te₁ gui'₅₄.

³ Jui₁ lia'₂ dsa₂ i₂ con₂ 'í₁ ja₁ con₂ jniá₂, le₂ la₂ bá₄ lë₅ jág₁ a₂ jein'₅₄ jniá₂ quió'₅: ⁴ ¿O₃ bá₄ tsá₃ ca₂ tín₂ jniá₂ gue₅₄ ca₂ le₃ jě₃ 'e₂ cuë₅ dsa₂ a₂ guë'₅₄, o₃ 'e₂ cuë₅ dsa₂ a₂ gui'₅₄ ján₃? ⁵ ¿O₃ bá₄ tsá₃ ca₂ tág₂ jnia'₅₄ jniá₂ jan₂ dsa₂ mí₂ i₂ 'én₂ i₂ jen'₄ jnia'₅₄ gu₂

quian'54, juí1lia'2 jmo5 dsa2 i2chen4 sián'2 quian'54 guè'2 chi'2 rin'54 Te1gui'54 'ñiog5, juí1lia'2 chan2 Pe4* ně3? 6 ¿O3 bá4 lín'2 'nia'2, jñia'54 lia'2 jniá2 quian'54 Bernabé ca2tág2 jmó1 ta1 a2'nióg2 a2dsi3ñág2? 7 ¿Ein2 bá4 'lióg2 jme2ti3 chi2jua'2 'ñiog5 bá4 qui3 'liain'54 a2dsi2ñí2? ¿I2'ein2 bá4 'éi2 i2chéin'5 ni1uñg2 uvas jua'54 tsá3 guè'3 guè'2 míg2 jaun2? O3 juí1lia'2 dsa2 i2jmo5 ta1 jme2can'54 chein4 lau2, ¿Ján3 guè'2 tsá3 lé2 le3'ín'2 dsí'1 já'2? 8 Tsá3 o1len'2 'nia'2 jua'54 jniá2 a2lë1juá'5 con'2 lë2 dsí3 'ñió3; ján3 bá4 le2ně5 juá'2 ne4 Si2 'Éi'3. 9 Ia1 chi1ton5 ne4 Si2 'Éi'3 quió'5 Moisés le2la2: "Tsá3 tó'2 'nia'2 'nei54 mi2'o4 ca1juí5 i2jmo5 ta1 i2Chén2 míg2 trigo."† ¿A2'is dsí5 Diú4 ca1juí5 a2juá'2 le2jaun2? 10 ¿O3 a2juá'2 o4quián2 jniog4 bá4? Dsón'2 bá4 o4quián2 jniog4 bá4 ca2l3to'54 'éi'3 ně5 ne4 Si2. Ia1 le2jaun2 bá4 lë5 juí1lia'2 dsa2 i2quia'2 'uè3 quian'54 guè'2 dsa2 i2cág'5 míg2 trigo. Tsá3 a1jaun2 jua'54 a2lë1jmo5 dsa2 'éi2 ta1 a2jmo23, jua'54 tsá3 'ín2 dsí5 a2ca2tín2 a2cág'3 jaun2. 11 Jaun2 le2ně5, chi2jua'2 jaun2 ma2ñí1 jniá'54 jë4 quián'2 'nia'2 caun2 jon2 a2gu2dsí2, ¿a1lín3 'ñio5 lín'2 'nia'2 jua'54 a2cag'4 ca2la2 ja1con'2 'nia'2 juí1lia'2 a2dsi3ñág2 jniá'54 tē1lia'2 chong2? 12 Chi2jua'2 ca2tín2 dsa2 sián'2 a2jme'oin'4 'nia'2, 'ë2 guè4 bá4 ca2tág2 jniá'54.

La1 tsá3 'e2 ma2ca2chi1quian1 jniá'54 'nia'2 jmig4 jua'54 a2mi2 a2ca2tág2 jniá'54 jaun2. Ma2jmó1 bá4 jniá'54 tió'3 dsí5 ca2le3jë3 ia1jaun2 tsá3 lë5 jua'54 cha2 jnág5 a2qui2dsi3'ag5 jág1 dse3 quió'5 Cristo. 13 ¿Tsa1 ñi'54 'nia'2, juí1lia'2 dsa2 i2niog5 ne4 a2ñió5 dsi2néi2 guá'5, guè'5 juí1lia'2 a2cha2 dsi2néi2 guá'5; juí1lia'2 dsa2 i2tion'54 qui2jme2ti3 ne4chei2 ně3, ján3 guè'2 quein'54 gue23 a2jén'5 ne4chei2? 14 Ján3 bá4 le2jaun2 ca2jmo3 Te1gui'54 'éi'3, juí1lia'2 dsa2 i2i2nio4 qui'2'ë2 jág1 dse3, quian'54 ta1 jaun2 le3chain2. 15 La1 jniá2 ně3, tsá3 'e2 ma2ca2chi1quian1 jniá2 jmig4 'nia'2 jua'54 a2tion54 lé2 a2ca2tíng2. On3 guè'2 jua'54 jaun2 jmo5 jniá2 si2 la2 ne'54 'nia'2 jua'54 a2'ín2 dsí3 a2jmó'2 le2jaun2 quian'54 jniá2. ¡Të2le3 quió3 jniá2, ja2lín3 guè4 dse3 jua'54 jóng2, lia'2 con'2 guè4 ně1jua'2 'ein2 jné5 juí5 a2tsá3 ma3jme1ti12 guè4 ta1 quió3 a2jmo23 täng'5!

16 La1ia1, juí1lia'2 jme'ë5 jniá2 jág1 dse3, tsá3 ca2tín2 jniá2 dsia54 jág1 tá'5, ia1 tion54 'nió'5 ca2tíng2 bá4 qui'ë4 dsa2 jág1 dse3. ¡'E2 guè4 juí2 jniá2 ně1jua'2 tsá3 ma3ca2'ë3 jniá2 jág1 dse3! 17 Ia1 ně1jua'2 'ë5 jniá2 jág1 dse3 a2'ñio2 dsi3 'ñió3, gue54 bá4 'liang'54. La1 ně1jua'2 tsá3 jmo23 a2'ñio2 dsi3 'ñió3, a2lë1jme2tí1 bá4 jniá2 ta1 a2niog5 gu3 jmo54. 18 ¿Na5 bá4 'lian'54 jniá2 jaun2 ně3? A2jaun2 bá4 'lian'54 jniá2: a2lé2 qui'ë4 jniá2 jág1 dse3 ja1con2 dsa2, a2tsá3 'lia'54 can54, on3jua'54 chi1quiang12 jmig4 gue54 a2ca2tíng2.

19 O1jñia'54 la2 jin54 jniá2, on3jua'54 chan2 'ein2 ne4 jme2tí1, la1 jmo54 jniá2 dsí3 ně2jag4 bá4 i2ma2rë2'ñe'54 jniá2 quián5 ca2le3jín3, ia1jaun2 lé2 le3léi2 guè4 juin5 dsa2 të2le3 quió'5 Cristo. 20 Juí1lia'2 jme'eng54 quiang'54 dsa2 judíos, jmo23 dsí3 ně2jag4 bá4 líng5 co'nió'4 jan2 dsa2 judío, ia1jaun2 cuin3 jmig4 a2jóin4 jniá2. Juí1lia'2 ja1con2 dsa2 i2tion'54 'Éi'3 quió'5 Moisés, jmo54 jniá2 dsí3 ně2jag4 bá4 a2'eng54 'Éi'3, ia1jaun2 jón4 jniá2 juí1lia'2 i2tion'54 'Éi'3, (O1jñia'54 la2 tsá3 'Éi'3 jaun2 'eng54 tē3dsón'2). 21 Të2le3 quió'5 guè'2 juí1lia'2 dsa2 i2tsá3 tion'54 'Éi'3 ně3, ján3 bá4 co2ring2 quian'54 dsa2 'éi2 jmo23 dsí3, ia1jaun2 jóng4 juí1lia'2 dsa2 i2tsá3 tion'54 'Éi'3, (O1jñia'54 la2 tsá3 lon4 jniá2 ne4 'Éi'3 quió'5 Diú4, a2'eng54 bá4 'éi'3 quió'5 Cristo). 22 Juí1lia'2 ja1con2 dsa2 'uan54 i2tsá3 lín4 ma2'én2 rë2, ján3 bá4 le2jaun2 jmo23 dsí3 líng5, ia1jaun2 jóng4 juí1lia'2 i2'uan54. Ja1con2 ca2le3jín3 dsa2 ma2jmo3 jniá2 dsí3 a2co2ring2 quian'54 ca2lë3jín3, ia1jaun2 cuin3 jmig4 a2lé2 le3lión2 i2lín54. 23 Ca2le3jë3

* 9:5 griego: Cefas. † 9:9 Deuteronomio 25:4.

a₂nē₅ jmo₅ jniá₂ o₄quió'₄ jág₁ dse₃, ia₁jaun₂ bá₄ quen'₅₄ jniá₂ tē₂le₃ quian'₅₄ jág₁ dse₃.

²⁴ ¿Tsa₁ ŋi'₅₄ 'nia'₂ ju₁lia'₂ dsa₂ i₂i₂nio₄ co₂chi'₅₄ jme₁co₂₃, ca₂le₃jín₃ bá₄ 'éi₂ i₂nioi₅₄, la₁ i₂jan₂ tan₅₄ ju₁lia'₂ i₂lí'₂ bá₄, gue₅ premio? Le₂jaun₂ bá₄ 'nia'₂ ján₃, quen'₂ bí₂ o₂nóg'₅ co₂chi'₅₄ ia₁jaun₂ guéi'₁ 'nia'₂ premio. ²⁵ Ca₂le₃jín₃ dsa₂ i₂jme₂tín₅ ia₁ cha₂ ja₁lě₄ jág₁ a₂dsi₃cáu₂, jmo₂₃ 'í₁ 'ŋiog₅, ia₁jaun₂ bá₄ lí'₂ caun₂ corona a₂jio₅ co₂'na₂. La₁ jnio₄ nē₃ quen'₂ bí₂ léi₂ caun₂ corona a₂jio₅ co₂tan₅₄ bá₄. ²⁶ Jaun₂ le₂nē₅, 'ŋió₃ jniá₂ nē₃, on₃jua'₅₄ a₂lě₁i₂ŋi₄ jniá₂ co₂chi'₅₄; jaun₂ jme₁quín'₂ jniá₂, on₃jua'₅₄ a₂lě₁dsi₂dsi₂ ja'₂. ²⁷ Tē₂le₃ jma'₄ cuē₅ uig₅ ŋi₃ 'ŋió₃, nē₂jag₄ bá₄ a₂rě₂'ŋe'₅₄, con'₂ tsá₃ ŋó₅ nē₁jua'₂ tē₁tsing'₄ 'lig'₅₄ 'ŋió₃, lia'₂ con'₂ jme₁ca₂jme₁ting₅ i₂sián'₂.

10

To'₂ jág₁ a₂tsá₃ jme₃gan₃ dsa₂ diú₄ lag₄

¹ Tsá₃ 'nio₃ jniá₂ jua'₅₄ a₂tsá₃ ŋi'₅₄ 'nia'₂ rin'₅₄ jnio₄, a₂jme₁tion'₅₄ dsa₂ can'₅₄ quián₂ jnia'₅₄ ma₂líg'₂ né'₃ jnei₅, jaun₂ guē₄ ca₂ŋi₃ ca₂le₃jín₃ Jm₁ŋi'₄ Guéin₂. ² Ca₂tón'₂ dsa₂ co₂lě₅ ca₂le₃jín₃ quiain'₅₄ Moisés jē₄ jnei₅ quian'₅₄ jē₄ jm₁ŋi'₄ nē₃. ³ Le₂jaun₂ bá₄ ján₃, ca₂guē'₃ co₂dsia₅ ca₂le₃jín₃ má₃ a₂gu₂dsí₂; ⁴ ca₂'in'₃ jmig₂ a₂gu₂dsí₂ ján₃. Ia₁ ca₂'in'₃ jmig₂ a₂ca₂'ia₂ dso'₂ ni₁'lau₂ a₂gu₂dsí₂ jaun₂ a₂ca₂jme₃quiong'₅₄ ca₂le₃jě₃ jmig₄ tioin'₅₄ ju₁5. Ni₁'lau₂ jaun₂ nē₃, Cristo bá₄ 'éi₂. ⁵ La₁ia₁, mei'₂ tsá₃ le₃jín₃ dsa₂ 'éi₂ nē₃, tsá₃ ca₂jmo₃ a₂'ŋio₂ dsí₅ Diú₄. Jaun₂ ne₄ 'uig₅₄ jaun₂, qui₂i₃ga'₅₄ ni₁ŋi₁₂ 'uē₃ quein₂ co₂'ŋiog₅ jaun₂.

⁶ Ca₂le₃jě₃ a₂nē₅ ca₂lě₃ ia₁jaun₂ lě₅ caun₂ jág₁ a₂jáng'₅ léi₄ quián₂ jnio₄ jmig₄ nē₃, ia₁jaun₂ tsá₃ jmó₁ jnio₄ 'ín₅ dsí₅ ja₁con₂ a₂'lig'₅₄, ju₁lia'₂ ca₂jmo₃ dsa₂ 'éi₂ 'ín₅ dsí₅. ⁷ Jaun₂ juí₂ jniá₂ 'nia'₂, tsá₃ jme₁gan'₃ 'nia'₂ diú₄ lag₄, ju₁lia'₂ ca₂jmo₃ i₂lín₅₄ dsa₂ 'éi₂; ju₁lia'₂ juá'₂ ne₄ Si₂: “Ca₂tián'₂ dsa₂ ca₂guē'₃ qui₂ca₂'in'₃ nē₃, jaun₂ guē₄ qui₂ca₂nau₂, ca₂co₃.”* ⁸ Tsá₃ ca₂tág₂ jnio₄ 'nió₃ dso₄ jua'₅₄ nió'₄ jnio₄ jág₁ quian'₅₄ ju₁'ein₂ guē₃, ju₁lia'₂ ca₂jmo₃ i₂lín₅₄ dsa₂ 'éi₂. Ne₄ 'uig₅₄ jaun₂, quian'₅₄ co₂jmig₄ ca₂dsan₃ con'₂ guióg₂-ni₅ mei₅ dsa₂ 'éi₂. ⁹ On₃ guē'₂ ca₂tág₂ jnio₄ a₂quiong₅₄ táu₂ Te₁gui'₅₄ ju₁lia'₂ ca₂jmo₃ i₂lín₅₄ dsa₂ 'éi₂, jaun₂ qui₂ca₂dsain₃, qui₂ca₂cag'₂ dsí₂mi'₂. ¹⁰ On₃ guē'₂ chi₁'ín₄ 'nia'₂ uig₅ Diú₄, ju₁lia'₂ ca₂jmo₃ i₂lín₅₄ dsa₂ 'éi₂, jaun₂ ca₂chen₃ Diú₄ ángel i₂quian₅ 'mú₃, ca₂jme₃dsiain₂₃ dsa₂ 'éi₂.

¹¹ Le₂nē₅ bá₄ ca₂i₃ŋi₂ dsa₂ 'éi₂, ia₁jaun₂ jióg'₂ 'í₁ lě₅ léi₄; ca₂ito'₅₄ ne₄ Si₂ co₂'nió'₄ caun₂ jág₁ a₂i₂'ag₅₄ tē₃jniá₅, ia₁jaun₂ dsio₂g'₂ dsí₅ jnio₄ jmig₄ nē₃, ia₁ ma₂ja₂quián₃ bá₄ le₃'ŋia₅ jmig₄ a₂le₂i₃ a₂lě₅ dsí₅ Diú₄ jmo₃ ja₁con₂ jnio₄. ¹² Le₂nē₅ bá₄, chi₂jua'₂ 'ein₂ lín₂ chéin'₅ tiá₂ a₂'éin₂, ju₁jmo₁₂ 'í₁ ia₁jaun₂ tsá₃ tián'₃. ¹³ Tsá₃ 'e₂ táu₂ ma₂i₂ŋi'₂ 'nia'₂, jŋia'₅₄ lia'₂ a₂qui₂dsi₂ŋi₂ dsa₂ m₁i₂güí₃. La₁ i₂rě₂ti'₅₄ bá₄ Diú₄, tsá₃ cuē₃ jmig₄ jua'₅₄ ŋi₄ a₂qui₂dsi₁juin₅₄ 'a₂ con'₂ jŋia'₅₄ tiang'₃. Tē₂le₃ 'ŋiog₅ bá₄ Diú₄ jmo₃ caun₂ ju₁5 'a₂ lia'₂ lě₂ jmó'₂ a₂tiang'₃, ju₁'e₂ guē₃ caun₂ táu₂ já₅.

¹⁴ Jaun₂ juí₂ jniá₂ 'nia'₂ rin'₅₄ jnio₄, quiá₂ 'nia'₂ cau₅ ja₁jme₂juin'₂ dsa₂ diú₄ lag₄. ¹⁵ Juí₂ jniá₂ 'nia'₂ dsa₂ i₂ŋi'₂ dsí₅: quion₂ de'₂ 'nia'₂ caun₂ 'í₁ a₂juá'₅. ¹⁶ Ju₁lia'₂ jme₁quian'₅₄ jnio₄ rin'₅₄, 'ne'₂ jnio₄ a₂'a₄ copa jnió₅, cuē₂ ti₁'mag'₄ Diú₄: ¿on₁jua'₅₄ a₂quein'₄ jnio₄ jm₁4 Cristo? Le₂jaun₂ bá₄ ján₃ ju₁lia'₂ jme₁quian'₅₄ jnio₄ rin'₅₄ jmo₂ dsio₂g₁ i₁ŋi'₄: ¿on₁jua'₅₄ a₂quein'₄ jnio₄ ni₁ŋi₁ Cristo? ¹⁷ Ju₁lia'₂ caun₂ bá₄ i₁ŋi'₄ lě₅, ján₃ bá₄ le₂jaun₂ jnio₄ nē₃, o₁jŋia'₅₄ la₂ juag₅ jnio₄ lě₂, la₁ caun₂ bá₄ ni₁ŋi'₅ lág₅ jnio₄, ia₁ caun₂ i₁ŋi'₄ bá₄ que₂ jnio₄.

* 10:7 Éxodo 32:6.

18 Quion₂ de₂ 'nia'₂ 'í₁ 'a₂ lia'₂ lě₅ juig₂ Israel: ¿Tsa₁ lín'₂ 'nia'₂, jñia'₅₄ dsa₂ i₂guě'₅ má₃ ñi₄ já'₂ a₂qui₂rě₂jen'₅₄ ne₄chei₂, le₂jaun₂ bá₄ quein'₅₄ guioin₅₄ ne₄chei₂ jaun₂? 19 Tsá₃ juí₂ jniá₂ 'nia'₂ jua'₅₄ a₂cha₂ bí₂ 'io₅ diú₄ lag₄, on₃ guě'₂ le₂jaun₂ ñi₅ a₂te₁'i₁ ne₅₄. 20 Tě₂le₃ juá'₅ jniá₂, jme₁jén'₅ dsa₂ 'e₂ qui₂jén'₅ ne₄ 'éi₂, qui₂jén'₅ dsa₂ a₂jaun₂ ne₄ je₂na'₅₄, on₃jua'₅₄ rě'₂ ne₄ Diú₄ tě₃dsón'₂. Jaun₂ tsá₃ 'nio₃ jniá₂ jua'₅₄ quen'₅₄ 'nia'₂ quian'₅₄ je₂na'₅₄. 21 Tsá₃ lé₂ 'ag'₅₄ 'nia'₂ copa quió'₅ Te₁gui'₅₄, chi₂jua'₂ ján₃ guě'₂ 'ag'₅₄ táng₃ copa quió'₅ je₂na'₅₄. On₃ guě'₂ lé₂ quen'₅₄ 'nia'₂ ne₄ mesa quió'₅ Te₁gui'₅₄, chi₂jua'₂ ján₃ guě'₂ quen'₅₄ táng₃ 'nia'₂ ne₄ mesa quió'₅ je₂na'₅₄.

22 ¿'E₂ lé₂ ně₃? ¿O₃ bá₄ lé₂ le₃jmo₁ jniog₄ ia₁jaun₂ le₃dsí'₅ Te₁gui'₅₄ o₄quián₂ jniog₄? ¿O₃ bá₄ 'uau'₂ guě₄ jniog₄ lia'₂ con'₂ guě₄ 'éi₂?

'A₂ con'₂ jñia'₅₄ cuě₂₃ jmi₄g₄ ia₁ a₂lág₅ jniog₄ dsa₂ quián₅ Cristo

23 Dsón'₂ bá₄ dsau₅: “I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃”, la₁ tsá₃ jua'₅₄ ca₂le₃jě₃ a₂jaun₂ jme₂'o₅₄; dsau₅ bá₄: “I₄ 'éi'₃ le₃jmo₃ dsa₂ ca₂le₃jě₃ 'e₂ 'nio₃ jmo₃”, la₁ia₁ tsá₃ jua'₅₄ ca₂le₃jě₃ a₂jaun₂ jmo₃ a₂dsi₃cón₃ dsa₂ tě₂le₃ quió'₅ jme₂dsí₂. 24 'Nió'₅ bá₄ 'no'₂ dsa₂ jui₅ jmo₃ a₂dse₃ le₃ja₁con₂ riin'₅₄, on₃jua'₅₄ rě'₂ jmá'₃ lia'₂ a₂dse₃ ja₁coin₂ 'ñiog₅.

25 Qué'₂ bá₄ 'nia'₂ lia'₂ 'ei₅ ne₄ a₂dsi₂'nag₂ 'ma'₅₄, lě₃ jua'₅₄ tsá₃ 'e₂ cáun'₂ 'nia'₂ 'í₁ o₄quió'₄ a₂qui₂dsi₂jñi₅ 'au'₂ 'nia'₂. 26 Ia₁: “Gua'₅₄ 'uě₃, quian'₅₄ guě₄ ca₂le₃jě₃ 'e₂ niog₅ cha₂ ja₁jaun₂, a₂quió'₅ Te₁gui'₅₄ jě₂ bá₄ jaun₂.”†

27 Ně₁jua'₂ 'ein₂ dsa₂ i₂tsá₃ 'én₂ ca₂tě₃ 'nia'₂ a₂o₁qué'₂ ja₁quió'₄, ně₁jua'₂ 'niog'₂ 'nia'₂ o₁nóg'₅, jaun₂ qué'₂ bá₄ 'nia'₂ ca₂le₃jě₃ 'e₂ niog₅ dsia₃ dsa₂ ne'₅₄, lě₃ jua'₅₄ tsá₃ cáun'₂ 'í₁ o₄quió'₄ a₂qui₂dsi₂jñi₅ 'au'₂ 'nia'₂. 28 La₁ ně₁jua'₂ chan₂ guě'₂ 'ein₂ juá'₂: “Má₃ a₂quě'₂ 'nia'₂ ně₅ a₂ma₂jáu'₅ jme₁rě₂jen'₅₄ ne₄ diú₄ lag₄ bá₄ ně₅”, co₂dsia₅ tsá₃ ma₃quě'₂ 'nia'₂, o₄quió'₄ i₂juá'₂ le₂ně₅, ján₃ bá₄ o₄quió'₄ a₂qui₂dsi₂jñi₅ dsí₅ ně₃.† 29 A₂qui₂dsi₂jñi₅ dsí₅ dsa₂ 'éi₂ bá₄ guě'₂, on₃jua'₅₄ rě'₂ 'nia'₂.

La₁ chan₂ guě'₂ i₂le₃juá'₂ táng₃: “¿'E₂ 'uig₅₄ qui₂con₂ dsa₂ 'í₁ tě₂le₃ jui₅ a₂tsá₃ jnág₅ quió'₃, o₄quió'₄ 'a₂ lia'₂ niog₅ ñi'₂ dsí₅ i₂sián'₂?” 30 Chi₂jua'₂ cuě₅ jniá₂ ti₁'mag'₄ o₄quió'₄ caun₂ má₃ a₂quen'₅₄ jniá₂ jě₄ guě'₅ dsa₂, ¿'e₂ 'uig₅₄ chi₂'ag₅ dsa₂ o₄quió'₄ a₂guě'₂ jaun₂, chi₂jua'₂ cuě₅ ti₁'mag'₄ ně₃? 31 Jaun₂ lě₃, chi₂jua'₂ quě'₂, 'ag'₂, ján₃ guě'₂ le₂jaun₂ chi₂jua'₂ 'e₂ guě₄ niog₅ jmo'₂ 'nia'₂, jmo₄ bá₄ a₂jaun₂, la₁ jua'₅₄ le₃juin'₂ bá₄ Diú₄ le₃jě₃ a₂jaun₂. 32 La₁ tsá₃ cuě₂ 'nia'₂ jmi₄g₄ jua'₅₄ ja₁lé₂ tsi₃sén'₂ dsa₂ judíos, on₃ guě'₂ dsa₂ griegos, on₃ guě'₂ dsa₂ i₂tén₅ le₃quió'₅ guá'₅ quián₅ Diú₄ ně₃. 33 Jniá₂ 'ñió₃ ně₃ quín'₅ bí₂ jmo₂₃ a₂tě₅ dsí₅ ca₂le₃jín₃, tsá₃ jmo₅ jniá₂ dsí₃ a₂'náu'₅ jniá₂ a₂dse₃ le₃ja₁cong₂ 'ñió₃. Jmo₅ bá₄ jniá₂ a₂dse₃ le₃ja₁con₂ i₂sián'₂, ia₁jaun₂ lióin₂.

11

1 Quian₂ 'nia'₂ jui₅ a₂ca₂can₃ jniá₂, jui₁lia'₂ jniá₂ ně₃, quian₅₄ jui₅ a₂ca₂can₃ Cristo.

'A₂ lia'₂ dsi₂ten₅₄ jmo₃ dsa₂ mí₂ jme₁tioin'₅₄ culto

2 Rin'₅₄ jniog₄, a₂'ñio₂ dsí₃ lín₃ cuě₅ jniá₂ ti₁'mag'₄ 'nia'₂, 'uig₅₄ ia₁ a₂dsau'₂ bá₄ 'au'₂ jniá₂, ia₁ chan'₅₄ bá₄ 'nia'₂ tiá₂ jág₁ con'₂ lě₅ ma₂ca₂jme₁tin₅ jniá₂ 'nia'₂. 3 La₁ 'nio₃ jniá₂ a₂le₃ñi'₅₄ 'nia'₂: jui₁lia'₂ lín₅ Cristo mi₂dsi₄ le₂jan₂ le₂jan₂ dsa₂ ñe'₂, ján₃ guě'₂ le₂jaun₂ lín₅ dsa₂ ñe'₂ mi₂dsi₄ dsa₂ mí₂; jaun₂ lín₅ Diú₄ mi₂dsi₄ Cristo. 4 Jua'₅₄ mei'₂ guě₃ jan₂ dsa₂ ñe'₂ jlě₂ dsí₅₄ jme₁chi₂lén'₂ Diú₄ jě₁le₁ñi'₂ dsa₂, o₃ jme₁ñág₅ jág₁ a₂cuě₅ Diú₄, chein'₂₃ o₂guí'₃ mi₂dsi₅₄ chi₂jua'₂ le₂jaun₂. 5 La₁ chi₂jua'₂ jan₂

† 10:26 Salmo 24:1. † 10:28 A₂lín₅₄ chog₅₄ si₂juá'₂ ján₃: “Ia₁ gua'₅₄ 'uě₃, quian'₅₄ guě₄ ca₂le₃jě₃ 'e₂ niog₅ cha₂ ja₁jaun₂, a₂quió'₅ Te₁gui'₅₄ jě₂ bá₄ jaun₂.”

guë'₂ dsa₂ mí'₂ tsá₃ chi₁jlë'₅ dsi₅₄ jme₁chi₂lén'₂ Diú₄, o₃ jme₁ñág₅ jág₁ a₂cuë'₅ Diú₄, chein'₂₃ o₂guí'₃ mi₂dsi₅₄ chi₂jua'₂ le₂jaun₂ ján₃; co₂jaun₂ bá₄ dsióg₅ nē₂jag₄ bá₄ rē₂chei₄ jñi₂ dsi₅₄. ⁶ Chi₂jua'₂ tsá₃ 'nio₃ jui₁lia'₂ jan₂ dsa₂ mí'₂ jlë'₂ dsi₅₄, co₂ñei'₅₄ o₁chéi₄ jñi₂ dsi₅₄. La₁ chi₂jua'₂ caun₂ o₂guí'₃ jaun₂, a₂chéi₃ jan₂ dsa₂ mí'₂ jñi₂ dsi₅₄, o₃ a₂téi'₅ 'e₂, jui₁jlë'₅₄ bá₄ mi₂dsi₅₄. ⁷ Tsá₃ ca₂tín₂ dsa₂ ñe'₂ jlë'₂ dsi₅₄, ia₁ 'éi₂ bá₄ lín₅ co₂'nió'₄ nió'₄ quió'₅ Diú₄, i₂jme₂jnia₅ a₂jlá'₁ quió'₅ Diú₄. La₁ia₁ dsa₂ mí'₂ nē₃, lín₅ i₂jlán'₁ quián₅ dsa₂ ñe'₂. ⁸ Le₂'uig₅₄ lia'₂ con'₂ jme₁ca₂jmo'₂ Diú₄ dsa₂ ñe'₂, ma₁ on₃jua'₅₄ quió'₅ dsa₂ mí'₂ ca₂can₃ 'uig₅₄. Dsa₂ mí'₂ bá₄ 'éi₂ ca₂já₃ ca₂liin₃ quian'₅₄ ni₁ñi₁ dsa₂ ñe'₂. ⁹ O₄quió'₄ dsa₂ ñe'₂ bá₄ ca₂jmo'₂ Diú₄ dsa₂ mí'₂, jaun₂ on₃jua'₅₄ rē'₂ dsa₂ ñe'₂ ca₂liin₃ o₄quió'₄ dsa₂ mí'₂. ¹⁰ 'Uig₅₄ jaun₂ guë'₂ nē₃, o₄quió'₄ ángeles, ca₂tín₂ dsa₂ mí'₂ cán₂ caun₂ léi₄ ne₄ mi₂dsi₅₄, a₂'ein₅₄ 'éi'₃. ¹¹ La₁ tē₂le₃ quió'₅ Te₁gui'₅₄ nē₃, tsá₃ lé₂le₃chan₂ dsa₂ ñe'₂ jua'₅₄ mei'₂ guë'₃ tsá₃ dsa₂ mí'₂ chan₂. Le₂jaun₂ guë'₂ ján₃ tsá₃ lé₂le₃chan₂ dsa₂ mí'₂ jua'₅₄ mei'₂ guë'₃ tsá₃ dsa₂ ñe'₂ chan₂ táng₃. ¹² Ia₁ jui₁lia'₂ ca₂já₃ dsa₂ mí'₂ dsi₁con₂ dsa₂ ñe'₂, ján₃ bá₄ le₂jaun₂ guë'₂ nē₃ rē₂chan₂ dsa₂ ñe'₂ cáun₂ dsa₂ mí'₂. La₁ ja₂lé₂ ca₂le₃jē₃ ja₁con₂ Diú₄.

¹³ Quion₂ 'nia'₂ 'í₁ jin'₄ 'nia'₂ guiong'₅₄: ¿Dsi₁ten₅₄ chi₃lén'₂ dsa₂ mí'₂ Diú₄ jme₁le₁ñi'₂ 'nia'₂ tē₃ tsá₃ chi₁jlë'₅ mi₂dsi₅₄? ¹⁴ ¿Tsa₁ léi₄, tsa₁ jág'₂ 'nia'₂ 'a₂ lia'₂ lē₅ dsi₂ten₅₄ i₂nió₄ dsa₂, caun₂ o₂guí'₃ bá₄ jaun₂ quió'₅ jui₁lia'₂ jan₂ dsa₂ ñe'₂, chi₂jua'₂ quian₅ jñi₂ dsi₅₄ jang₄? ¹⁵ La₁ dsa₂ mí'₂ guë'₂ nē₃, jlá'₁ bá₄ tē₂le₃ quió'₅ 'éi₂ chi₂jua'₂ quian₅ jñi₂ dsi₅₄ jang₄. Ia₁ con'₂ jaun₂ ca₂ñi₂ jñi₂ dsi₅₄ jang₄ co₂'nió'₄ caun₂ 'mi'₂ 'ñiá'₂. ¹⁶ Chi₂jua'₂ chan₂ guë'₂ i₂'nio₃ tsin₃ quió'₅ jág₁ nē₅, jaun₂ juá'₅ jniá₂, ca₂lia'₂ jñiá'₅₄ jniá'₅₄ guio₅₄, on₃ guë'₂ 'i₁caun₂ guá'₅ quián₅ Diú₄, tsá₃ tag₄ siá'₂ chí'₅.

Ca₂i₁juin₅₄ ñag₅₄ ca₂guë'₃ dsa₂ ja₁jmo₅ Má₃ quió'₅ Te₁gui'₅₄

¹⁷ La₁ ne₄ si₂ la₂, 'éi'₃ a₂nē₃ guë'₄ jmo₅₄ jniá₂, tsá₃ lé₂ jua'₅₄ juá'₄ jniá₂ a₂dse₃ tion'₅₄ 'nia'₂. Ia₁ jmo'₂ 'nia'₂ dain₅₄ jme₁ñig'₂, 'nió'₄ a₂jme₁jmo'₂ 'nia'₂ a₂dse₃. ¹⁸ Jē₁le₂'uig₅₄ juá'₅ jniá₂, ma₂guion₅₄ jág₁ a₂jmo'₂ 'nia'₂ le₁dsong'₅₄, lia'₂ jme₁ñi'₂ 'nia'₂. Mei'₂ tsá₃ tí₅ bá₄ ca₂la₂ jág₁ nē₅, líng₂. ¹⁹ Dsón'₂ bá₄ jaun₂, tion₅₄ niog₅ qui₃jmo₃ dsa₂ jma₃quén₅ la₂-nē₅, ia₁jaun₂ le₃jniá₂ jin'₄ 'nia'₂ jui₁lia'₂ dsa₂ i₂ma₂guei₃ Diú₄. ²⁰ Jaun₂ lē₃, jme₁ñi'₂ 'nia'₂, tsá₃ ma₂lē₅ quió'₅ Te₁gui'₅₄, má₃ a₂quē'₂ 'nia'₂ jaun₂, ²¹ ia₁ jē₁ma₂ca₂tē₂ hora a₂quē'₅₄ 'nia'₂, jmo₅ dsa₂ i₂lin₅₄ jma₃quén₅ dsi₂jñiá₄ qui₂guē'₅. Chan₂ i₂lin₅₄ tion'₅₄ i₁cón'₅; tē₁lia'₂ tion'₅₄ i₂sián'₂ le₁'ein₅. ²² ¿Tsa₁ dsi₂néi₂ quián'₂ 'nia'₂ cha₂ ja₁lé₂ le₃qui₁quē'₅₄ qui₁'ag'₅₄ 'nia'₂ nē₃? ¿O₃ bá₄ ma₂jin'₅₄ 'nia'₂ sion₅ guá'₅ quián₅ Diú₄, ján₃ guë'₂ cuë'₂ 'nia'₂ o₂guí'₃ dsa₂ i₂tsá₃ 'e₂ cha₂ quió'₅? ¿'E₂ bá₄ juig₅₄ jniá₂ 'nia'₂? ¿A₁juá'₄ jniá₂ dse₃ lia'₂ tion'₅₄ 'nia'₂ ia₁ a₂jmo'₂ le₂jaun₂? ¿Dsón'₂ bá₄ tsá₃ le₂jaun₂!

Má₃ quió'₅ Te₁gui'₅₄

(Mateo 26:26-29; Marcos 14:22-25; Lucas 22:14-20)

²³ Ia₁ a₂ca₂ñi₂ bá₄ jniá₂ a₂ca₂jme₃tag₅ 'ñiog₅ Te₁gui'₅₄ a₂ma₂ca₂jme₁tin₅ guë'₂ jniá₂ 'nia'₂: lia'₂ con'₂ le₃ca₂nei₂ jmi₄ jme₁ca₂jáng'₂ dsa₂, ca₂can₃ i₁ñi'₄. ²⁴ Jme₁ma₂dsan₃ cuë'₅ ti₁'mag'₄ Diú₄, jaun₂ guë'₄ ca₂'niai₃ ca₂dsió'₃ i₁ñi'₄, jaun₂ ca₂juá'₂: “Qué'₂ 'nia'₂; a₂la₂ bá₄ ñi₃ a₂rē₂'na₄ o₄quián'₂ 'nia'₂. Jmo₄ 'nia'₂ le₂la₂ a₂dsiog'₂ 'au'₂ jniá₂.” ²⁵ Ján₃ bá₄ le₂nē₅, jme₁ma₂ca₂lē₃ guë'₅ i₁ñi'₄, ca₂can₃ táng₃ copa, jaun₂ ca₂juá'₂: “A₂'a₄ copa la₂, lē₅ jág₁ 'mí₂ a₂lí'₅₄ tē₂le₃ quian'₅₄ jmi₃. * Lia'₂ co₂ráun₂ 'ag'₅₄ 'nia'₂, jmo₄ 'nia'₂ a₂dsau'₂ 'au'₂ jniá₂.” ²⁶ Jaun₂ le₂nē₅ bá₄, lia'₂ co₂ráun₂ tón'₄ 'nia'₂ quē'₅₄ i₁ñi'₄, 'ag'₅₄ 'nia'₂ a₂'a₄ copa, qui₂'ē'₅ 'nia'₂ 'mú₃ quió'₅ Te₁gui'₅₄ ca₂lia'₂ ca₂tē₂ jmi₄ i₁guain'₂ táng₃.

* **11:25** 'Nio'₂ ja₁ton₅ Mateo 26:28; Éxodo 24:8; 1 Corintios 10:16.

'A₂ lia'₂ dsi₂ten₅₄ tón'₃ dsa₂ jmóg'₂ guë'₃ Má₃ quió'₅ Te₁gui'₅₄

27 Jaun₂ lë₃, chi₂jua'₂ 'ein₂ guë'₅ i₁ñí'₄, 'ín'₂ a₂'a₄ copa jaun₂, on₃jua'₅₄ ia₁ a₂léi₄ dsa₂ dsí₅, a₂rë₂cán'₄ bá₄ 'éi₂ le₃ja₁con₂ ñi₄ jmi₄ Te₁gui'₅₄. 28 'Uig₅₄ jaun₂ në₃, né'₃ a₂guë'₃ jan₂ dsa₂ i₁ñí'₄, né'₃ a₂'ín'₂ a₂'a₄ copa, ju₁i₁quion₂ 'í₁ ja₁con₂ 'ñiog₅. 29 Ia₁ në₁ca₂guë'₃ ca₂'in'₃, të₃ tsá₃ rë₂ñí'₂ dsí₅, tsá₃ rë₂cuí'₅ ñi₄ Te₁gui'₅₄, cuë'₅ uig₅ 'ñiog₅ bá₄ në₁ca₂guë'₃ ca₂'in'₃ le₂jaun₂. 30 Ne₄ 'uig₅₄ jaun₂, ju₁in₅ 'nia'₂ i₂le₁dso'₅₄, i₂'uan₅₄ në₃; i₂lin₅₄ guë'₂ ma₂qui₂ca₂dsain₃. 31 La₁ në₁jua'₂ ca₂quiong₅₄ jniog₄ 'í₁ dsi₅ guio₅₄, tsá₃ 'e₂ 'í₁ con₂ Te₁gui'₅₄ ja₁con₂ jniog₄. 32 Jme₁con₂ Te₁gui'₅₄ 'í₁ ja₁con₂ jniog₄, jme₂rë₃ ju₁i₅ quián₂ jniog₄, ia₁jaun₂ tsá₃ guéi₁ uig₅ co₂lë₅ quian'₅₄ dsa₂ mi₂güí₃.

33 Jaun₂ le₂në₅ bá₄, 'nia'₂ rín'₅₄ jniog₄, ju₁lia'₂ juá'₅ jniá₂ chi₂jua'₂ líg'₂ jme₁tón'₂ 'nia'₂ long'₂ quian'₅₄ ríng'₂ a₂jmog'₅₄ 'nia'₂ Má₃ quió'₅ Te₁gui'₅₄, jñia₄ 'nia'₂ ríng'₂ jang'₂ jang'₂ a₂quë'₅₄ co₂dsia₅. 34 Chi₂jua'₂ chan₂ jan₂ i₁cón'₅, ju₁i₁guë'₄ co₂ñei'₅₄ ja₁quió'₄, ia₁jaun₂ tsá₃ 'ë₂ Diú₄ uig₅ ju₁lia'₂ jë₁ñig'₂ 'nia'₂.

Ju₁lia'₂ jág₁ a₂'nió'₅ le₃rë₂, në₅ bá₄ jme₁rë₂ jniá₂ jë₁ma₂të₂ rë₁dsióg₄.

12

Ju₁lia'₂ ta₁ a₂tiñ₂ dsa₂ a₂cuë₅ Jme₂dsí₂ Jñió₅ cuë'₅ le₂jan₂ le₂jan₂ dsa₂

1 Në₃ në₃, rín'₅₄ jniog₄, ju₁lia'₂ të₂le₃ a₂gu₂dsí₂, tsá₃ 'nio₃ jniá₂ jua'₅₄ tsá₃ le₃ñi'₅₄ 'nia'₂.

2 Ma₂ñi'₅₄ bá₄ 'nia'₂, rín'₅₄ jniog₄, lia'₂ con₂ tsá₃ dsa₂ 'én₂ jme₁ma₂lín'₅ 'nia'₂, jme₁të₁i₂nió'₄ 'nia'₂ chi₁co'₅₄ quió'₅ dsa₂ lag₄, on₃ i₂lé₂ le₃juá'₂ jág₁. 3 Jaun₂ në₃, ju₁ig₅₄ jniá₂ 'nia'₂, 'i₁jan₂ dsa₂ i₂dsia₅ jág₁ lia'₂ con₂ jniog₅ Jme₂dsí₂ quián₅ Diú₄, tsá₃ juá'₂: “¡Ju₁dsi₂'én₂ Jesús!” Ján₃ guë'₂ le₂jaun₂, 'i₁jan₂ tsá₃ lé₂ le₃juá'₂: “¡Jesús bá₄ i₂lín₅ Te₁gui'₅₄!” chi₂jua'₂ tsá₃ Jme₂dsí₂ Jñió₅ jniog₅ guë'₂.

4 'Lióng₂ bá₄ ju₁i₅bí₂ cha₂ a₂lé₂ le₃ñe₂ dsa₂, la₁ia₁ jan₂ bá₄ Jme₂dsí₂ i₂cuë₅. 5 'Lióng₂ ne₅₄ bá₄ ta₁ a₂cha₂ a₂lé₂ jme₃ti₃ dsa₂, la₁ia₁ jan₂ tan₅₄ bá₄ Te₁gui'₅₄ chan₂. 6 Cha₂ 'lióng₂ ne₅₄ bá₄ ta₁ a₂lé₂ le₃jmo₃ dsa₂; jñia'₅₄ lia'₂ jan₂ bá₄ Diú₄ i₂jmo₅ ca₂le₃jë₃ ta₁ jaun₂ ja₁con₂ ca₂le₃jín₃ dsa₂.

7 Në₃ në₃, a₂dse₃ quió'₅ ca₂le₃jín₃ bá₄ a₂jme₂jnia₅ Diú₄ ju₁i₅bí₂ quió'₅ Jme₂dsí₂ ja₁con₂ le₂jan₂ le₂jan₂. 8 Të₂le₃ quian'₅₄ Jme₂dsí₂ bá₄ cuë₅ Diú₄ ju₁i₅bí₂ cuë'₅ ju₁lia'₂ jan₂ dsa₂ a₂lé₂ le₃cuë₃ jág₁ a₂ñí'₂ dsí₅. I₂sián'₂ guë'₂ në₃, ñei₂ bí₂ a₂tiñ₂ 'a₂ lia'₂ le₃ñi₅ caun₂ jág₁, të₂le₃ quian'₅₄ jan₂ Jme₂dsí₂ 'éi₂ bá₄. 9 Ju₁lia'₂ i₂sián'₂ guë'₂ në₃, rë₂'éin₂ 'ñio₅ lín₃, a₂jmo₅ 'ñiog₅ Jme₂dsí₂ 'éi₂ bá₄ ján₃. I₂sián'₂ guë'₂ qui'₅₄ jmig₄ a₂lé₂ le₃jme₃'lión₂ ju₁lia'₂ dsa₂ dso'₅₄ në₃, të₂le₃ quian'₅₄ jan₂ Jme₂dsí₂ 'éi₂. 10 I₂lin₅₄ guë'₂ tin₅ ju₁i₅bí₂ a₂jmo₃ léi₄ juë'₂; i₂lin₅₄ guë'₂ i₂lé₂ le₃'é₂ jág₁ a₂jme₂jnia₅ Diú₄ ne₅₄; i₂lin₅₄ guë'₂ ñei₂ bí₂ a₂tiñ₂ con₂ 'í₁ a₂rë₂lí'₄ dsí₅ jñi₄ jme₂dsí₂; i₂lin₅₄ guë'₂ ñei₂ bí₂ a₂lé₂ le₃dsia₃ jág₁ jmei₅ siá'₂; i₂lin₅₄ guë'₂ i₂qui'₅₄ jmig₄ a₂juá'₂ 'e₂ jein₅ jág₁ jmei₅ jaun₂. 11 Ca₂le₃jë₃ ju₁i₅bí₂ në₅, jan₂ Jme₂dsí₂ quián₅ Diú₄ bá₄ cuë₅ a₂tiñ₂ dsa₂ le₂jain₂ le₂jain₂, lia'₂ con₂ lë₅ 'ñio₂ dsí₅.

Ca₂le₃jág₃ bá₄ jniog₄ lág₅ co₂'nió'₄ caun₂ bá₄ ñí₅

12 Ia₁, ju₁lia'₂ lë₅ caun₂ ni₁ñi₁ dsa₂, 'lióng₂ a₂chei₂ le₂caun₂ le₂caun₂ a₂tén₅ quió'₅, la₁ caun₂ bá₄ ni₁ñi₁ lë₅; ján₃ bá₄ le₂jaun₂ lë₅ le₃quió'₅ Cristo. 13 Ia₁ ca₂le₃jág₃ bá₄ jniog₄, lia'₂ con₂ jme₁qui₂ca₂jñó₂* jmig₂, të₂le₃ quian'₅₄ jan₂ Jme₂dsí₂ 'éi₂ bá₄ ca₂jñó₂ jniog₄ jmig₂, ca₂lag₃ co₂'nió'₄ caun₂ ni₁ñi₅. Tsá₃ a₂lë₅ jaun₂ ju₁ila₂ a₂lág₅ jniog₄ dsa₂ judíos, o₃ dsa₂ griegos 'e₂; o₃ ju₁ila₂ lág₅ jniog₄

* 12:13 lit. “lia'₂ con₂ jme₁i₂tio_g, jmig₂.”

jui₁lia'₂ i₂jme₂ti₃ ta₁ ne₄ juig₅₄, o₃ dsa₂ i₂tsá₃ 'ein₂ ne₄ jua'₅₄ jme₂ti₃; ca₂le₃jág₃ bá₄ jniog₄ qui₂ca₂ηag₂ jan₂ Jme₂dsí₂ 'éi₂ i₂quein'₄ jniog₄, i₂'ne'₅₄ nē₂jag₄ bá₄ jmig₂.

¹⁴ Ia₁ tsá₃ lé₂ le₃jmo₁ jniog₄ dsi₅, jui₁lia'₂ caun₂ ni₁ηi₁ dsa₂ mi₂güig₃, jua'₅₄ cha₂ ca₂ne₅₄ a₂tén₅ quió'₅; ia₁ 'lióng₂ bá₄ a₂cha₂ chei₂ a₂tén₅ quió'₅. ¹⁵ Ia₁ jua'₅₄ mei'₂ guě₃ mi₂tag₄ dsa₂ lé₂ le₃juá'₂: “Uig₅₄ ia₁ tsá₃ mi₂gu₂ líng₅, jaun₂ tsá₃ ca₂ting₂ téng₃ ni₁ηí₅”, la₁ on₃jua'₅₄ jaun₂ tsá₃ téin₅ ni₁ηí₅. ¹⁶ O₃ jua'₅₄ mei'₂ guě₃ rē₂gua₄ dsa₂ lé₂ le₃juá'₂: “Ia₁ a₂tsá₃ líng₅ mi₂ne₄, jaun₂ tsá₃ téng₅ ni₁ηí₅”, la₁ on₃jua'₅₄ jaun₂ tsá₃ téin₅ ni₁ηí₅. ¹⁷ Jua'₅₄ mei'₂ guě₃ ta₁caun₂ ni₁ηi₁ dsa₂ ca₂lě₃ jmá'₃ mi₂ne₄ dsa₂, ¿'a₂ bá₄ lia'₂ lé₂ jme₁néi₁ jniog₄? O₃ jua'₅₄ mei'₂ guě₃ ta₁caun₂ ni₁ηi₁ dsa₂ ca₂lě₃ jmá'₃ rē₂gua₄ dsa₂, ¿'a₂ bá₄ lia'₂ lé₂ jme₁jén'₂ jniog₄? ¹⁸ La₁ 'niog₅ bá₄ Diú₄ ně₃, lia'₂ con'₂ lě₅ 'ηio₂ dsí₅, jma₃quén₅ qui₂ca₂jmo₃ ca₂tióng₃ lia'₂ ca₂ne₅₄ a₂cha₂ chei₂ quió'₅ dsa₂ con'₂ ja₁ca₂tín₂ ni₁ηi₁ dsa₂. ¹⁹ Jua'₅₄ mei'₂ guě₃ ca₂ne₅₄ lě₅ quió'₅ dsa₂, ¿'a₂ lia'₂ lé₂ le₃juá'₂ dsa₂ caun₂ ni₁ηi₁₂? ²⁰ La₁ lě₅ ně₃, jui₁'a₂ guě₃ la₂ lě₂ 'lióng₂ jma₃quén₅ a₂chei₂ quió'₅ dsa₂, caun₂ bá₄ ni₁ηi₁₂ lě₅.

²¹ Tsá₃ lé₂ le₃juá'₂ jme₁ne₁ dsa₂ tsí'₃ mi₂gu₂: “Tsá₃ 'ne₂ 'nió'₅ quió'₃.” Ján₃ bá₄ le₂ně₅, tsá₃ lé₂ le₃juá'₂ mi₂dsi₅₄ tsí'₃ mi₂tag₅₄: “Tsá₃ 'nia'₂ 'nió'₅ quió'₃.” ²² Tě₂le₃ 'ηio₅ guě₄ dsen₅₄ jui₁lia'₂ ja₁lín₂ dsa₂ a₂uan₅₄ quió'₅. ²³ Jui₁lia'₂ a₂tén₅ quián₂ jniog₄ ja₁tsá₃ lín₄ quen₅, lág₂ jniog₄, a₂jaun₂ bá₄ guě'₂ 'ηio₅ guě₄ dse₃ lio₂ jniog₄. Le₂jaun₂ bá₄ ján₃, jui₁lia'₂ ja₁tsá₃ lín₄ dsi₂ten₅₄ rē₂jniá₂ quián₂ jniog₄, ja₁le₂jaun₂ bá₄ guě'₂ jmo₂ jniog₄ 'í₁, ²⁴ la₁ ja₁dsi₂ten₅₄ rē₂jniá₂ guě'₂ ně₃, tsá₃ lín₄ 'nió'₅ lě₅ 'í₁. Le₂jaun₂ bá₄ ca₂jme₃'ηia₅ Diú₄ ni₁ηí₅, a₂ca₂jme₃dsen₅₄ jui₁lia'₂ ja₁tsá₃ lín₄ dsen₅₄ ²⁵ ia₁jaun₂ tsá₃ lé₂ le₁dso'₅₄ ni₁ηí₅, tě₂le₃ jui₁dsian₂ bá₄ dsí₅ o₄quió'₄ riin'₅₄ le₂jain₂ le₂jain₂. ²⁶ Chi₂jua'₂ cha₂ ja₁qui'₂ uig₅ quió'₅ dsa₂, ca₂le₃jě₃ guě₄ ja₁siá'₂ quió'₅ dsa₂ chain₂ uig₅ ján₃; chi₂jua'₂ cha₂ jui₁lia'₂ ja₁rē₂dsen₅₄ quió'₅ dsa₂, le₂ně₅ bá₄ ján₃ lě₂ 'io'₂ ca₂le₂con₂ quió'₅ dsa₂.

²⁷ Le₂ně₅ bá₄ jui₁lia'₂ 'nia'₂ ně₃: guion'₅₄ bá₄ 'nia'₂ caun₂ bá₄ ja₁téng'₄ ηi₄ Cristo; le₂jan'₂ le₂jan'₂ 'nia'₂, líng'₅ lia'₂ caun₂ ja₁tén₄ quió'₅. ²⁸ Le₂ně₅ bá₄ ján₃, jma₃quén₅ lě₅ bí₂ ma₂cuě₃ Diú₄ ma₂cuě'₃ le₂jan₂ le₂jan₂ dsa₂ i₂tén₅ guá'₅ quiáin₅. Jě₁le₂'uig₅₄ ca₂'iin₃ dsa₂ i₂chen₄ quiáin₅; jě₁ca₂tě₂ tīn₃, ca₂'iin₃ dsa₂ i₂'ě₂ jág₁ quiáin₅; jě₁ca₂tě₂ 'nag'₂, dsa₂ i₂jme₂tag₅ lín₅ tě₅; ηó₅ jaun₂, dsa₂ i₂'io₅ bí₂ jmo₃ léi₄ juě'₂; dsa₂ i₂qui'₅₄ jmig₄ jme₃'lióin₂ dsa₂ dso'₅₄; dsa₂ i₂jme₂'o₅₄ jme₂'oin₅₄ riin'₅₄; ηó₅ jaun₂, jui₁lia'₂ dsa₂ i₂cán₂ ne₄ jui₅; dsa₂ i₂dsia₅ 'lióng₂ ne₅₄ jág₁ jmei₅. ²⁹ Jaun₂ ně₃, ¿O₃ bá₄ ca₂le₃jín₃ lín₅ dsa₂ i₂chen₄ quián₅ Te₁gui'₅₄? ¿O₃ bá₄ ca₂le₃jín₃ 'ě₂ jág₁ a₂ηi₂ cuě₅ Diú₄? ¿Lín'₂ 'nia'₂ ca₂le₃jín₃ lín₅ tě₅ i₂jme₂tag₅? ¿O₃ bá₄ ca₂le₃jín₃ tīn₂ jmo₃ léi₄ juě'₂? ³⁰ ¿Lé₂ le₃jme₃'lió₂ ca₂le₃jín₃ jme₃'lióin₂ dsa₂ dso'₅₄? ¿O₃ bá₄ qui'₅₄ jmig₄ ca₂le₃jín₃ dsia₃ jág₁ jmei₅ siá'₂? ¿Ján₃ bá₄ lé₂ le₃juá'₂ ca₂le₃jín₃ 'e₂ jein₅ jág₁ jmei₅ jaun₂? Ma₁ tsá₃ le₂jaun₂. ³¹ Jmo₄ 'nia'₂ 'ín₅ 'au'₂ jui₅bí₂ a₂dsen₅₄ guě₄.

La₁ a₂ně₃ guě₄ 'ě₄ jniá₂ 'nia'₂ caun₂ jui₅ a₂dse₃ guě₄ lín₃.

13

Jui₁lia'₂ a₂jme₂'nio₃ dsa₂ riin'₅₄

¹ Jui₁'a₂ guě₃ la₂ ting₂ dsia₅₄ quián'₅₄ jág₁ jmei₅ quió'₅ dsa₂ mi₂güig₃ ríng'₃, o₃ jág₁ jmei₅ quió'₅ ángeles ně₃, la₁ nē₂jua'₂ tsá₃ jme₂'nióg₄ guě'₂ ríng'₃ ně₃, tsá₃ 'e₂ ta₁ jmo₃ a₂jmo₅ jniá₂ a₂dseng₃. Líng₅ nē₂jag₄ bá₄ caun₂ ηí₁ tě₂bong₅ a₂lě₁₂'ein₅₄, o₃ co₂'nió'₄ caun₂ ni₁ηi₁ tó'₅ mi'₅₄ bá₄. ² Jui₁la₂ qui'₅₄ jniá₂ jmig₄ a₂'ě₄ jág₁ a₂jme₂jnia₅ Diú₄, jui₁la₂ guion₄ jniá₂ jág₁ ca'₅₄ a₂jme₁rē₂'ma₄ le₂jniá₅, ján₃ bá₄ jui₁la₂ ηí'₂ dsí₃ jniá₂ ca₂le₃jě₃, jui₁la₂ 'éng₂ 'ηio₅ lín₃, ca₂lia'₂ qui'₅₄ jniá₂ jmig₄ le₃jniog'₅₄ ni₁má'₂

ně₃, la₁ ně₁jua'₂ tsá₃ jme₂'nióg₄ guë'₂ dsa₂ mi₂güig₃ ríng'₃ ně₃, tsá₃ 'e₂ ta₁ jmo₃ co₂ñí₂ quió₃ a₂jmo₂₃ a₂ting₂. ³ Ju₁la₂ qui₂ca₂dsio'₄ jniá₂ 'e₂ a₂cha₂ quió₃, quió'₅ dsa₂ ti₂ñé₂, o₁jñia'₅₄ la₂ ca₂cuíng₃ ni₁ñi₃ 'ñi₃ a₂dsi'₂, tsá₃ 'e₂ ta₁ 'i₄ co₂ñí₂ a₂jaun₂, ně₁jua'₂ tsá₃ jme₂'nióg₄ guë'₂ dsa₂ mi₂güig₃ ríng'₃.

⁴ Ju₁lia'₂ dsa₂ i₂tē₃dsón'₂ jme₂'nio₃ rín'₅₄, ju₁n'₂ dsí₅ lín₅; ton'₂ 'ua₁ dsí₅ ně₃; tsá₃ uig₅ dsí₅ quiain'₅₄ 'i₁jan₂, on₃ guë'₂ jmo₂₃ táin'₅ ja₁con₂ rín'₅₄; on₃ guë'₂ jmo₂₃ róin₂ ně₃. ⁵ Tsá₃ jmo₂₃ a₂tsá₃ dsi₂ten₅₄ jmo₃ ja₁con₂ rín'₅₄; tsá₃ 'no'₂ jmá'₃ lia'₂ con'₂ a₂dse₃ quió'₅ 'ñiog₅; tsá₃ con'₂ lē₁rē₂'nei₂, on₃ guë'₂ jmo₂₃ 'i₄ 'nei₂ dsí₅ ně₃. ⁶ Ju₁lia'₂ dsa₂ i₂jme₂'nio₃ rín'₅₄, tsá₃ jmo₂₃ tē₅ dsí₅ 'e₂ caun₂ 'lig'₅₄ ca₂jmo₃ i₂sián'₂, tē₂le₃ jmo₂₃ 'io'₂ ja₁con₂ jág₁ tí₅. ⁷ Ca₂le₃jě₃ bá₄ jlē₂; ca₂le₃jě₃ bá₄ a₂'éin₂ ja₁con₂ rín'₅₄; ca₂le₃jě₃ bá₄ 'ín₂ dsí₅ a₂dsi₃ñí₂ rín'₅₄ caun₂ dse₃; ca₂le₃jě₃ bá₄ jmo₂₃ tió'₅ dsí₅, nau₂ tiá₂.

⁸ Tsá₃ líg'₂ jmig₄ dsian₅ a₂jme₂'nio₃ dsa₂ rín'₅₄. Dsón'₂ bá₄ já₅ jmig₄ jē₁tsá₃ ma₃'ein₂ 'ě₂ jág₁ a₂ñi₂ cuë₅ Diú₄, jē₁tsá₃ ma₃dsia₃ dsa₂ jág₁ jmei₅ siá'₂, jē₁dsi₃ñí₂ le₃jě₃ a₂ñi₅ dsa₂ niog₅ dsi₅₄. ⁹ Ia₁ tsá₃ rē₂'ñia₅ a₂ne₄ jniog₄, jaun₂ tsá₃ rē₂'ñia₅ jág₁ a₂jme₂jnia₅ Diú₄ a₂qui₂'ě₅ jniog₄. ¹⁰ La₁ jē₁ma₂tē₂ jmig₄ a₂le₃'ñia₅ le₃jě₃, jaun₂ guë'₄ dsi₃'én₂ bá₄ ju₁lia'₂ a₂tsá₃ rē₂'ñia₅ jaun₂.

¹¹ Lia'₂ con'₂ jme₁lín₄ jniá₂ jan₂ chi'₂ bē'₅₄, jme₁dsia₅ jniá₂ jág₁ lia'₂ dsia₅ jan₂ chi'₂ bē'₅₄, jme₁dsi₂jio₅ dsi₃ jniá₂, lia'₂ dsi₂jio₅ dsí₅ jan₂ chi'₂ bē'₅₄, já₃ guë'₂ jme₁qui₂ñí'₂ dsi₃, lia'₂ ñí'₂ dsí₅ jan₂ chi'₂ bē'₅₄; la₁ jme₁ca₂lín₃ jniá₂ dsa₂ ju₁n'₂, ca₂dsia₃ jniá₂ cau₅ jē₂ a₂ca₂tín₂ quió'₅ chi'₂. ¹² Le₂jaun₂ bá₄ lē₅ ju₁lia'₂ jmig₄ ně₃: ne₂ jniog₄ ně₂jag₄ bá₄ caun₂ ni₁'i₂ a₂jniá₂ lian₂. La₁ já₅ bá₄ jmig₄ a₂ne₅₄ jniog₄ dsi₁ne₁ lia'₂ lē₅. Rē₂ně₃ ně₃, tsá₃ rē₂'ñia₅ a₂cuíng₅ jniá₂; la₁ já₅ bá₄ jmig₄ ja₁le₃cuíng₅ lia'₂ rē₂'ñia₅, ju₁lia'₂ cuíng₅ ñiog₅ Diú₄ jniá₂.

¹³ Jaun₂ ně₃, 'ni₅ a₂la₂ lē₂ a₂jio₅ guë'₄ uē₂: a₂'én₂ dsa₂; a₂'ín₂ dsí₅ dsa₂; a₂jme₂'nio₃ dsa₂ rín'₅₄. La₁ 'ñio₅ lín₃ guë'₄ dsen₅₄ a₂jaun₂ a₂jme₂'nio₃ dsa₂ rín'₅₄.*

14

Ju₁lia'₂ a₂dsia₅ dsa₂ jág₁ jmei₅ siá'₂

¹ Quen'₂ 'nia'₂ bí₂ a₂dsan₂ 'au'₂ jme₁'nió₄ 'nia'₂ ríng'₂, jaun₂ jmo₄ 'nia'₂ a₂'ín₅ 'au'₂ cuë₃ Diú₄ ju₁bi₂ a₂gu₂dsi₂, la₁ ja₂lín₃ guë'₄ dsen₅₄ a₂lé₂ le₃'ě'₄ 'nia'₂ jág₁ a₂jme₂jnia₅ Diú₄. ² Ia₁ ju₁lia'₂ dsa₂ i₂dsia₅ jág₁ jmei₅ siá'₂, tsí'₅ Diú₄ bá₄, on₃ju₁'₅₄ dsa₂ mi₂güig₃, ia₁ tsá₃ ñág'₂. Jág₁ rē₂'ma₄ bá₄ dsia₂₃, tē₂le₃ quió'₅ Jme₂dsi₂. ³ La₁ ju₁lia'₂ dsa₂ i₂'ě₂ jág₁ tsí'₅ dsa₂ mi₂güig₃, dsia₂₃ jág₁ a₂jme₃'o₅₄ a₂dsi₃cón₃ dsa₂ tē₂le₃ quió'₅ jme₂dsi₂, cuë'₅ bí₂ rín'₅₄, cuë₂₃ lián'₂ dsí₅ ně₃. ⁴ Ju₁lia'₂ dsa₂ i₂dsia₅ jág₁ jmei₅ siá'₂ ně₃, jñia'₅₄ jme₂'oin₅₄ 'ñiog₅ bá₄ a₂dsi₃cón₃, la₁ ju₁lia'₂ dsa₂ i₂'ě₂ jág₁ ně₃, jme₂'o₅₄ a₂qui₂dsi₃cón₃ guá'₅.

⁵ 'Nio₃ jniá₂ jua'₅₄ ta₁jín'₂ bá₄ 'nia'₂ tíng'₅₄ a₂lé₂ le₃dsiá'₁ 'nia'₂ jág₁ jmei₅ siá'₂. La₁ ja₂lín₃ guë'₄ dsen₅₄ jua'₅₄ 'ě'₄ 'nia'₂ jág₁ a₂cuë₅ Diú₄. Ia₁ ju₁lia'₂ dsa₂ i₂'ě₂ jág₁, dsen₅₄ guë'₄ lia'₂ con'₂ guë'₄ dsa₂ i₂dsia₅ jág₁ jmei₅ siá'₂, ně₁jua'₂ tsá₃ juá'₂ 'e₂ jein₅ jág₁, ia₁jaun₂ jme₃'o₅₄ a₂dsi₃cón₃ guá'₅. ⁶ Ně₃ ně₃, 'nia'₂ rín'₅₄ jniog₄, ju₁la₂ ca₂dsióg₃ jniá₂ ja₁con'₂ 'nia'₂, a₂jñia'₅₄ con'₂ i₁dsia₃ jniá₂ jág₁ jmei₅ siá'₂, ě'₂ bá₄ ta₁ tí₄ jág₁ jaun₂, ja₁con'₂ 'nia'₂, ně₁jua'₂ tsá₃ i₂quian₅₄ caun₂ jág₁ a₂jme₂jnia₅ Diú₄, o₃ jág₁ a₂guion₅₄ jniá₂, o₃ a₂'ě'₄ jniá₂, o₃ a₂jme₂tág₂ 'e₂?

⁷ Ju₁lia'₂ ni₁ñí₁ a₂tsá₃ jme₂dsi₂ 'i₄, ju₁lia'₂ te₁fí₁, o₃ caun₂ tsi₁ton₅* 'e₂, ě'₂ bá₄ lia'₂ lé₂ le₃ñi₅ dsa₂ chi₂jua'₂ 'e₂ son₅₄ jéi₂ dsa₂, o₃ tsá₃ 'e₂, chi₂jua'₂ tsá₃ jma₃quén₅

* **13:13** 'Nio'₂ ja₁ton₅ Colosenses 3:14. * **14:7** griego: kithara.

i₂'ein₅₄, cuē₅ léi₄ 'a₂ lia' '2 dsó₅? ⁸ Le₂jaun₂ bá₄ ján₃ jui₁lia' '2 ne₄ 'nei₂. Nē₁jua' '2 tsá₃ ca₂né' '2 rē₂ i₂'ein₅₄ jéi₂ dsa₂ ní₁ trompeta, ħ'ein₂ bá₄ jmo₃ co₂jnia₅₄ quió' '5 a₂qui_{in}' '2 ne₄ 'nei₂? ⁹ Le₂nē₅ bá₄ lē₅ jui₁lia' '2 quian' '54 'nia' '2 táng₃. Nē₁jua' '2 tsá₃ ca₂ñág' '2 jág₁ a₂'uē₂ mi₂'o' '54 'nia' '2, ħ'a₂ bá₄ lia' '2 lé₂ le₃ñi₅ dsa₂ 'e₂ juá' '2 'nia' '2? |A₂lē₁qui₂dsi₃dsi₂ dsi₃'én₂ jág₁ jaun₂ quiáng' '2! ¹⁰ Mei' '2 tsá₃ 'lióng₂ bá₄ jág₁ jmei₅ cha₂ mi₂gü₃; la₁ tsá₃ cha₂ caun₂ jua' '54 tsá₃ jág₁ jein₅. ¹¹ Ia₁ jua' '54 mei' '2 guē₃ jan₂ dsa₂ tság₃ jniá₂ quian' '54 jág₁ jmei₅ quió' '5 a₂tsá₃ ñíg' '2, co₂'nió' '4 dsi₂nau₂ bá₄ 'éi₂ le₃ja₁con₂ jniá₂; le₂jaun₂ bá₄ jniá₂ táng₃, líng₅ co₂'nió' '4 dsi₂nau₂ le₃ja₁con₂ 'éi₂. ¹² Le₂nē₅ bá₄ lē₅ jui₁lia' '2 quian' '54 'nia' '2 táng₃. Ia₁ a₂ñí₄ lē₃ 'ín₅ 'au' '2 'nia' '2 guéi' '1 a₂tíng' '54 jui₅bí₂ a₂gu₂dsi₂, quen' '2 'nia' '2 bí₂ a₂dsi₃tsón' '3 'nia' '2 quian' '54 jui₅bí₂ a₂jme' '2 o₅₄ a₂dsi₃cón₃ guá' '5.

¹³ 'Uig₅₄ jaun₂, jui₁lia' '2 i₂dsia₅ jág₁ jmei₅ siá' '2, jui₁mi₁₂ ne₄ Diú₄ a₂lé₂ le₃juá' '2 'e₂ jein₅ jág₁ jaun₂. ¹⁴ Jua' '54 mei' '2 guē₃ mi₅ jniá₂ ne₄ Diú₄ quian' '54 jág₁ jmei₅ siá' '2, jme₂dsi₂ quió₃ bá₄ chi₂lén' '2 Diú₄; la₁ a₂ñí' '2 dsi₃, tsá₃ 'e₂ ta₁ jmo₅. ¹⁵ ħ'A₂ bá₄ lia' '2 jmo₅₄ jniá₂ jaun₂ nē₃? Ca₂tíng₂ bá₄ chi₁leng' '4 Diú₄ jui₅ jme₂dsi₂ quió₃, la₁ ján₃ bá₄ ca₂tíng₂ chi₁leng' '4 Diú₄ a₂ñí' '2 dsi₃ nē₃. Le₂nē₅ bá₄ ján₃, ca₂tíng₂ 'ē₅₄ tē₂le₃ jui₅ jme₂dsi₂ quió₃, la₁ ján₃ bá₄ ca₂tíng₂ 'ē₅₄ a₂ñí' '2 dsi₃ nē₃. ¹⁶ Ia₁ chi₂jua' '2 jme₂juín' '2 'ne₂ Diú₄ jmá' '3 tē₂le₃ jui₅ jme₂dsi₂ quiáng' '2, ħ'a₂ bá₄ lia' '2 lé₂, le₃quió' '5 jui₁lia' '2 jan₂ dsa₂ lē₁dsa₂ i₂'en₅₄, i₂tsá₃ ñí' '2? ħ'A₂ lia' '2 lé₂ le₃juá' '2 a₂méi₃ jme₁cuē' '2 'ne₂ ti₁'mag' '4, chi₂jua' '2 ján₃ guē' '2 tsá₃ ñi₅ 'e₂ juá' '2 'ne₂? ¹⁷ Dsón' '2 bá₄ jaun₂ jlá' '1 a₂cuē' '2 'ne₂ ti₁'mag' '4, la₁ia₁ tsá₃ jme' '2 o₅₄ a₂jaun₂ a₂dsi₃cón₃ i₂sián' '2. ¹⁸ Cuē₅ jniá₂ ti₁'mag' '4 Diú₄ ia₁ a₂qui' '54 jniá₂ jmig₄ le₃dsia₅₄ guē₄ jág₁ jmei₅ siá' '2, lia' '2 con' '2 guē₄ ca₂le₃jín' '3 'nia' '2. ¹⁹ La₁ jui₁lia' '2 jme₁le₁ñí' '2 dsa₂, ja₂lín₃ guē₄ 'nio₃ juig₅₄ dsa₂ 'ñiá₂ jon₄ jág₁ a₂ñíg' '2, ia₁jaun₂ lé₂ jme₁tin₅ i₂sián' '2, lia' '2 con' '2 guē₄ a₂jme₁juig₅₄ dsa₂ guia₃ mei₅ jág₁ a₂tsá₃ 'ein₂ ñí' '2.

²⁰ 'Nia' '2 rin' '54 jniog₄, tsá₃ ma₃jui₁dsi₂jio₅ 'au' '2 'nia' '2 jui₁lia' '2 dsi₂jio₅ dsí₅ i₂bē' '54. Jmo₄ bá₄ a₂líng' '5 i₂bē' '54 tē₂le₃ ja₁con₂ a₂'lig' '54. La₁ jui₁qui₂le₂ñí' '2 'au' '2 'nia' '2 co₂'nió' '4 dsa₂ can' '54. ²¹ Juá' '2 bá₄ ne₄ Si₂:

Juig₅₄ jniá₂ dsa₂ juig₂ nación la₂

tē₂le₃ quian' '54 dsa₂ i₂dsia₅ jág₁ jmei₅ siá' '2,

le₃jui₅ mi₂'o₄ dsi₂nau₂ nē₃;

la₁ on₃ bá₄ guē' '2 le₂jaun₂ jua' '54 a₂qui₃tón' '2 dsa₂ ju₅ jág₁ quió₃,

juá' '2 Te₁gui' '54.†

²² Jaun₂ le₂nē₅ bá₄ lē₅ a₂dsia₅ dsa₂ jág₁ jmei₅ siá' '2. Quian' '54 jág₁ jmei₅ jaun₂ jáng' '5 caun₂ léi₄ tē₂le₃ ja₁con₂ dsa₂ i₂tsá₃ 'én₂, on₃jua' '54 rē' '2 le₃quió' '5 dsa₂ i₂'én₂. La₁ jui₁lia' '2 jme₁'ē₂ dsa₂ jág₁ a₂jme₂jnia₅ Diú₄, jág₁ le₂jaun₂ nē₃ jáng' '5 táng₃ caun₂ léi₄ le₃ja₁con₂ dsa₂ 'én₂ bá₄, on₃jua' '54 le₃ja₁con₂ dsa₂ i₂tsá₃ 'én₂. ²³ Jaun₂ le₂nē₅ bá₄, jme₁le₁ñí' '2 guá' '5, jua' '54 mei' '2 guē₃ ca₂le₃jín₃ dsia₂₃ jág₁ jmei₅ siá' '2, nē₁jua' '2 tē₃jē₄ jaun₂ ca₂dsi₃lén₂ jui₁lia' '2 dsa₂ i₂tsá₃ lín₄ ñi₅, o₃ i₂tsá₃ 'én₂ nē₃, ħ'tsa₁ lé₂ le₃juá' '2 'éi₂: “Dsa₂ ñá₅ bá₄ nē₅ tion' '54”, 'iin₃ 'nia' '2? ²⁴ La₁ nē₁jua' '2 ca₂dsi₃o₃ jan₂ dsa₂ i₂tsá₃ ma₂'én₂, o₃ i₂tsá₃ lín₄ ñi₅ 'e₂, tē₂lia' '2 tion' '54 ca₂le₃jín₃ 'ē₂ jág₁ a₂ma₂cuē₃ Diú₄, jaun₂ guē₄ le₃lí' '4 dsí₅ 'ñiog₅ 'a₂ lia' '2 chain₂ le₃jniá₂ dsá_{u1}, co₂'nió' '4 a₂con₂ 'í₁ jág₁ a₂nag₂₃ a₂'ē₂ dsa₂ ti₁oin' '54. ²⁵ Jaun₂ guē₄ le₃jniá₂ a₂rē₂'ma₄ jlē₅ a₂niog₅ dsí₅. Jaun₂ bá₄ chi₃jnë₃ jme₃juin' '2 Diú₄, ton' '2 juá' '2: “Tē₃dsón' '2 bá₄ 'en₅₄ Diú₄ jin' '4 'nia' '2”.

Jmo₄ bá₄ 'nia' '2 ca₂le₃jē₃ con' '2 dsi₂ten₅₄, dse₃ jniá₂

† 14:21 Isaías 28:11-12; Deuteronomio 28:49.

26 ¿E₂ bá₄ jaun₂ ně₃, rin'₅₄ jniog₄? Jë₁ma₂tě₂ rë₁tón'₄ 'nia'₂ long'₂, le₂jan'₂ le₂jan'₂ 'nia'₂ quian'₅₄ caun₂ salmo, o₃ caun₂ jág₁ a₂jme₂tág'₂ 'nia'₂, o₃ caun₂ jág₁ a₂jme₂jnia₅ Diú₄, o₃ caun₂ jág₁ a₂juá'₂ quian'₅₄ jág₁ jmei₅ siá'₂, o₃ caun₂ jág₁ dsau₅ jui₁lia'₂ 'e₂ jein₅ jág₁ jaun₂; la₁ jui₁le₅₄ ca₂le₃jě₃ a₂ně₅ o₄ quió'₄ a₂dsi₃cón₃ dsa₂ tě₂le₃ quió'₅ jme₂dsi₂. 27 Jë₁ma₂tě₂ rë₁dsia₃ 'ein₂ dsia₃ jág₁ jmei₅ siá'₂, jui₁dsia₁₂ on₃, chi₂jua'₂ ŋ₁₄ lě₃ ca₂juě'₃, ún₂ ŋ₁₄á'₄, tě₃ qui₂ján₃, jaun₂ 'nió'₅ le₃chan₂ jan₂ i₂juá'₂ 'e₂ jein₅ jág₁ jaun₂. 28 La₁ ně₁jua'₂ tsá₃ 'ein₂ chan₂ i₂lé₂ le₃juá'₂ 'e₂ jein₅ jág₁ jaun₂, co₂dsia₅ jui₁jmo₁₂ tei₄ dsi₂néi₂ guá'₅, jui₁dsia₁₂ tě₂dsi₅ 'niog₅, jui₁chi₂lén'₄ Diú₄.

29 Le₂ně₅ bá₄ ján₃ jui₁lia'₂ i₂ě₂ jág₁ a₂jme₂jnia₅ Diú₄: jui₁jua'₅₄ on₃-ún₂, la₁ ma₂tion'₅₄ i₂sián'₂ i₂con₂ 'í₁. 30 La₁ ně₁jua'₂ ca₂jme₂jnia₅ Diú₄ caun₂ jág₁ ne₄ jan₂ i₂guá₅ jě₄ le₁ŋi'₂ dsa₂ jaun₂, jui₁jmo₅₄ i₂le₂'uig₅₄ 'éi₂ tei₄. 31 Ia₁ lé₂ le₃'ě'₄ ca₂le₃jín'₃ 'nia'₂ jág₁ tě₃ qui₂jáng'₃, ia₁ jaun₂ ca₂le₃jín₃ qui₁le₃tiin₂, gue₃ lián'₂ dsi₅ ján₃. 32 Ca₂tín₂ dsa₂ i₂ě₂ jág₁ a₂cuě₅ Diú₄ a₂qui'₅₄ jmig₄ jme₃'uáin₂ jme₂dsi₂ quió'₅. 33 Ia₁ jmo₅ Diú₄ a₂'ei₅ tei₄, on₃jua'₅₄ rë'₂ a₂gó₂.

Jui₁lia'₂ lě₅ ca₂le₃jě₃ ja₁ŋi'₂ dsa₂ rin'₅₄ jniog₄, † 34 ca₂tín₂ bá₄ dsa₂ mí₂ jmo₃ tei₄ dsi₂néi₂ guá'₅. Tsá₃ 'i₄ 'éi'₃ táun₂ jág₁, tě₂le₃ ca₂tiin₂ nag₃ gau₂ bá₄, jui₁lia'₂ juá'₂ Si₂ 'Éi'₃. 35 Chi₂jua'₂ 'e₂ 'nio₃ le₃ŋi₅, ca₂tiin₂ ŋi'₃ dsi₂i₂gu₂ guioin₅₄, dsi₂néi₂ quió'₅. Ia₁ caun₂ o₂guí'₃ jaun₂, jua'₅₄ mei'₂ guě₃ dsa₂ mí₂ táun₂ jág₁ dsi₂néi₂ guá'₅.

36 ¿O₃ bá₄ ca₂rě₃lióg₃ jág₁ quió'₅ Diú₄ ja₁con'₂ 'nia'₂? ¿O₃ bá₄ jmá'₃ lia'₂ ja₁con'₂ 'nia'₂ ca₂dsióg₃ jág₁ dse₃? 37 Chi₂jua'₂ chan₂ jan₂ i₂lín₂ lín₅ jan₂ i₂ě₂ jág₁ a₂cuě₅ Diú₄, o₃ i₂'io₅ a₂tiin₂ caun₂ jui₅bí₂ a₂gu₂dsi₂, jui₁le₂ŋi₅ bá₄ rë₂jiá₃ jág₁ a₂tó'₅ jniá₂ ne₄ si₂la₂ a₂juíg₂ jniá₂ 'nia'₂, co₂ně₅ lě₅ 'éi'₃ quió'₅ Te₁gui'₅₄ bá₄. 38 Chi₂jua'₂ chan₂ guě'₂ i₂tsá₃ tón'₂ jui₅ jág₁ ně₅, tsá₃ ton'₅₄ 'nia'₂ jui₅ dsa₂ 'éi₂. Š

39 Le₂ně₅ bá₄ jaun₂ 'nia'₂ rin'₅₄ jniog₄, quen'₂ 'nia'₂ bí₂ a₂lé₂ le₃'ě'₄ 'nia'₂ jág₁ dse₃ a₂já₅ le₃ja₁con₂ Diú₄. Tsá₃ jmo₂ 'nia'₂ jua'₅₄ a₂tsá₃ cuě'₁ 'nia'₂ jmig₄ a₂dsia₃ dsa₂ jág₁ jmei₅ siá'₂. 40 La₁ia₁ jmo₄ 'nia'₂ ca₂le₃jě₃ lia'₂ con'₂ dsi₂ten₅₄, lia'₂ con'₂ lě₅ ca₂tiin₂ jmo₃ le₂jain₂ le₂jain₂.

15

Jui₁lia'₂ a₂ca₂jen'₅₄ Cristo

1 Ně₃ ně₃ rin'₅₄ jniog₄, jmo₅ jniá₂ a₂dsiog'₂ 'au'₂ 'nia'₂ 'a₂ lia'₂ lě₅ jág₁ dse₃ a₂ma₂ca₂'ě₃ jniá₂ jin'₄ 'nia'₂, a₂ma₂ca₂gue'₅₄ 'nia'₂, a₂tión'₂ 'nia'₂ tiá₂. 2 Tě₂le₃ quian'₅₄ jág₁ dse₃ la₂ bá₄ a₂lión'₂ 'nia'₂, chi₂jua'₂ chan'₅₄ 'nia'₂ tiá₂ jág₁ a₂ma₂ca₂'ě₃ jniá₂ 'nia'₂. Chi₂jua'₂ tsá₃ le₂jaun₂ ně₃, tsá₃ ta₁ tí₄ a₂ma₂ca₂rě₃'én'₂ 'nia'₂.

3 Jě₁le₂'uig₅₄ juá'₅, ca₂jáng'₃ jniá₂ jág₁ a₂ma₂ca₂ŋi₂ jniá₂: a₂ca₂jon₃ I₂rë'_{ín}₁ quián₅ Diú₄ 'uig₅₄ dsáu₁ jniog₄, lia'₂ con'₂ lě₅ juá'₂ ne₄ Si₂; 4 a₂ca₂'ó₂ dsa₂, a₂ca₂jein'₅₄ táng₃ ja₁ŋá'₄ 'ni₅ jmig₄, lia'₂ con'₂ lě₅ juá'₂ ne₄ Si₂ bá₄ ján₃; 5 a₂ca₂jme₂jniai₂₃ ne₄ Pe₄; * jaun₂ guě₄ ca₂jme₂jniai₂₃ ne₄ chi'₂ dsi₂guia₃-tín₂. 6 Cang₂ jaun₂, ca₂jág₂ co₂nio₄ lě₅ guě₄ ca₂jau₅₄ mei₅ dsa₂ rin'₅₄ jniog₄; mei'₂ tsá₃ ca₂le₃jín₃ bá₄ dsa₂ i₂ca₂jág₂ 'éi₂ chain₂ bá₄ guě₄ jmig₄ ně₃, o₁ŋia'₅₄ la₂ ma₂dsan₃ i₂lín₅₄. 7 Cang₂ jaun₂, ca₂jme₂jniai₂₃ ne₄ Jacobo, ŋó₅ jaun₂ ca₂jme₂jniai₂₃ ne₄ ca₂le₃jín₃ dsa₂ i₂chen₄ quián₅.

8 Jë₁ca₂tó'₂ guě₄ ně₃ ca₂jme₂jniai₂₃ ne₃ jniá₂, o₁ŋia'₅₄ jme₁lín₄ jniá₂ ně₂jag₄ bá₄ jan₂ i₂tsá₃ dse₃ ca₂rě₃chán₃. 9 Ia₁ lín₅ jniá₂ i₂'uin₃ guě₄ jui₁lia'₂ con'₂ guě₄ ca₂le₃jín₃ dsa₂ i₂chen₄ quián₅, ca₂lia'₂ ŋia'₅₄ tsá₃ ca₂tíng₂ a₂quiong₃ dsa₂ a₂lín₅ i₂chen₄ quián₅. Ia₁ qui₂ca₂co₃'éng₃ dsa₂ 'én₂ le₂ŋiá₅. 10 La₁ 'uig₅₄ ia₁ a₂'ua₁ dsi₅ bá₄

† 14:33 lit. “dsa₂ jnió₅.” Š 14:38 A₂lín₅₄ chog₅₄ si₂ juá'₂: “Chi₂jua'₂ chan₂ guě'₂ i₂tsá₃ tón'₂ jui₅ jág₁ ně₅, tsá₃ lě₅ jui₁tiain'₅₄ jui₅ guě'₂ jaun₂.” * 15:5 griego: Cefas.

Diú₄, lín₅ jniá₂ 'e₂ líng₅; jaun₂ jui₁lia'₂ a₂ca₂dsia₃ Diú₄ dse₃ dsí₅ ja₁cong₂, tsá₃ lě₅ jua'₅₄ a₂tsá₃ ta₁ tí₄. La₁ 'ñio₅ lín₃ guě₄ ma₂jmo₃ jniá₂ ta₁ lia'₂ con'₂ guě₄ ca₂le₃jín₃ i₂chen₄ quiáin₅; ton'₂ on₃jua'₅₄ ca₂jmo₃ jniá₂ 'ñio₃, a₂ma₂ca₂jme₃quiong'₅₄ a₂'ua₁ dsí₅ Diú₄ bá₄ ma₂guio₃. ¹¹ La₁ tsá₃ a₂lě₅ jaun₂ jua'₅₄ jniá₂, o₃ 'éi₂ 'e₂ ma₂jmo₃, la₁ caun₂ jág₁ la₂ bá₄ ma₂ja₂náu₅ jnia'₅₄ 'ě₅. Jág₁ nē₅ bá₄ a₂ma₂ca₂nei'₂ ca₂rě₃'én'₂ guě'₂ 'nia'₂.

Jui₁lia'₂ a₂já₅ caun₂ jmig₄ a₂jen'₅₄ 'lag₄

¹² La₁ chi₂jua'₂ ma₂qui₂rě₂ 'ě₂ jág₁ a₂ca₂jen'₅₄ bá₄ Cristo a₂jme₁rě₂ 'liin₅₄, ħ'₂ a₂ bá₄ lia'₂ lě₅ a₂juá'₂ 'nia'₂ i₂lín₅₄ a₂tsá₃ jen'₅₄ 'lag₄? ¹³ Nē₃ nē₃, chi₂jua'₂ tsá₃ jen'₅₄ 'lag₄, jaun₂ ca₂lia'₂ jñia'₅₄ Cristo tsá₃ rě₂jen'₅₄ chi₂jua'₂ le₂jaun₂; ¹⁴ jaun₂ chi₂jua'₂ tsá₃ ca₂jen'₅₄ guě'₂ Cristo, le₃jua'₅₄ tsá₃ ma₃'e₂ ta₁ tí₄ jág₁ a₂'ě₅ jnia'₅₄, jaun₂ tsá₃ ta₁ tí₄ a₂'én'₂ 'nia'₂. ¹⁵ Chi₂jua'₂ le₂nē₅, jnia'₅₄ nē₃ ma₂ja₂náu₅ jag'₅₄ 'nia'₂ a₂lág₅ dsa₂ tē₂jín₁, tsá₃ tí₅ jág₁ quián₂ jnia'₅₄ a₂'ín₅ jnia'₅₄ Diú₄. Ia₁ ma₂ja₂náu₅ jnia'₅₄ 'ín₅ Diú₄, a₂ca₂jme₃jein'₅₄ Cristo i₂tsá₃ rě₂jen'₅₄ chi₂jua'₂ tsá₃ dsau₅ jág₁ nē₃ a₂jen'₅₄ 'lag₄. ¹⁶ Chi₂jua'₂ le₂jaun₂ tsá₃ jen'₅₄ 'lag₄, le₂jaun₂ guě'₂ ján₃, on₃ guě'₂ Cristo 'ñiog₅ ca₂jein'₅₄ nē₃; ¹⁷ nē₁tsá₃ guě'₂ ca₂jen'₅₄ 'éi₂, tsá₃ 'e₂ ta₁ jmo₃ a₂'én'₂ 'nia'₂ le₃quió'₅ nē₃, jaun₂ lia'₂ ma₂le₁cán'₄ jaun₂ bá₄ 'nia'₂ dsáu'₂ nē₃. ¹⁸ Ján₃ guě'₂ le₂jaun₂, jui₁lia'₂ dsa₂ i₂ma₂dsan₃ le₃quió'₅ Cristo, i₂rě₂'én₄ bá₄ 'éi₂, chi₂jua'₂ le₂jaun₂. ¹⁹ Jaun₂ jniog₄ nē₃, chi₂jua'₂ a₂jñia'₅₄ 'ín₂ dsí₅ jniog₄ le₃quió'₅ Cristo jui₁lia'₂ jmig₄ tē₁lia'₂ chong₂ la₂, 'e₂ guě₄ juig₂ jniog₄ con'₂ guě₄ ca₂le₃jín₃ dsa₂.

²⁰ La₁ a₂tē₃dsón'₂ bá₄ dsau₅ a₂ca₂jen'₅₄ Cristo a₂jme₁rě₂ 'liin₅₄; lín₅ co₂'nió'₄ míg₂ le₂'uig₅₄ a₂'ag₅ a₂ro'₂ dsa₂, ia₁ lín₅ i₂le₂'uig₅₄ i₂ca₂jen'₅₄ jín₄ dsa₂ i₂ma₂dsan₃. ²¹ Le₂jaun₂ bá₄, jui₁lia'₂ 'uig₅₄ quió'₅ jan₂ dsa₂ ca₂'í₃ 'mú₃ mi₂güig₃, ján₃ bá₄ 'uig₅₄ quió'₅ jan₂ dsa₂ ca₂rě₃lióg₃ a₂jen'₅₄ 'lag₄. ²² Ia₁ jui₁lia'₂ lě₅ a₂dsan₂ ca₂le₃jín₃ ia₁ a₂lín₅ tsi₁jon₂ Adán, ján₃ bá₄ le₂nē₅ le₃chan₂ ca₂le₃jín₃ ia₁ a₂lín₅ i₂quián₅ Cristo, ²³ la₁ia₁ le₂jan₂ le₂jan₂ bá₄ 'a₂ lia'₂ lě₅ niog₅ tiin₃: Cristo le₂'uig₅₄, co₂'nió'₄ jon₂ le₂ne₁ a₂ráu₃; jaun₂ guě₄ 'éi₂, dsa₂ quián₅ Cristo, jē₁ma₂tě₂ rē₁guain'₂, ja₂te₅₄ 'éi₂ tē₂le₃ ja₁coin₂. ²⁴ Jaun₂ guě₄ nē₃, jiá₃ jmig₄ jē₁dsian₅ ca₂le₃jě₃, jē₁ma₂tě₂ rē₁jáng'₃ ta₁ a₂lín₅ a₂goin₂, ne₄ Diú₄ Jmei₂, cang₂ jē₁ma₂ca₂'éin₂ ca₂le₃jě₃ 'éi'₃, ca₂le₃jín₃ dsí₂tan₅₄, ca₂le₃jě₃ jui₁bí₂. ²⁵ Ia₁ tion₅₄ bá₄ ca₂tín₂ 'éi₂ goin₂, ca₂lia'₂ ca₂tě₂ jmig₄ i₁guian'₃ Diú₄ o₄tag₁₂ ca₂le₃jín₃ i₂'iog₅₄. ²⁶ Ia₁ i₂jē₁ca₂tó'₂ i₂'iog₅₄ i₂dsí₃'én₂, 'mú₃ bá₄ jaun₂. ²⁷ Ia₁ Diú₄ bá₄ "ma₂ca₂guiog'₃ o₄tag₄ 'éi₂ ca₂le₃jě₃ jui₁bí₂." † Nē₃ nē₃, jui₁lia'₂ jme₁juá'₂ Si₂ a₂ca₂guiog'₃ ca₂le₃jě₃, jaun₂ nág'₂ rē₂jiá₃, tsá₃ quen'₅₄ Diú₄ ñiog₅ jín₄ dsa₂ i₂le₁gan'₅₄ o₄tag₄ Cristo, ia₁ 'ñiog₅ bá₄ Diú₄ ca₂guiog'₃. ²⁸ Jē₁ma₂ca₂dsióg₃ jmig₄ jaun₂ a₂niog₅ ca₂le₃jě₃ o₄gú₃ Ja₁ñi'₅₄, jaun₂ guě₄ nē₃ 'ñiog₅ Ja₁ñi'₅₄ jín₂ 'táng₃ o₄gú₃ i₁ca₂guiog'₃ 'éi₂, ia₁ jaun₂ lén₂ Diú₄ juig₅₄ ca₂le₃jě₃, ne₄ ca₂le₃jě₃.

²⁹ Nē₃ nē₃, nē₁jua'₂ tsá₃ jen'₅₄ 'lag₄, ħ'₂ e₂ guě'₂ jmo₃ jui₁lia'₂ dsa₂ i₂jñó₂ jmig₂ o₄quió'₄ 'éi₂? Chi₂jua'₂ dsón'₂ rē'₂ dsau₅ a₂tsá₃ jen'₅₄ 'lag₄, ħ'₂ e₂ guě'₂ lě₃ jñó₂ dsa₂ jmig₂ o₄quió'₄? ³⁰ Jui₁lia'₂ jnia'₅₄ nē₃, ħ'₂ e₂ bá₄ ta₁ jmo₃ i₁nio₄ jnia'₅₄ 'ei₅ gau₂ co₂tan₅₄? ³¹ Le₂o₃ jmig₄ bá₄ gue₅ jniá₂ 'mú₃. Dsón'₂ bá₄ jaun₂, rñn'₅₄ jniog₄, jui₁lia'₂ dsón'₂ bá₄ jmo₅ jniá₂ 'táng'₅ o₄quián'₂ 'nia'₂ i₂'én₂ le₃quió'₅ Cristo Jesús, Te₁gui'₅₄ quián₂ jniog₂. ³² Chi₂jua'₂ ca₂quín'₂ jniá₂ quian'₅₄ dsa₂ tsau₂ dsí₅ i₂chan₂ juig₂ Efeso, con'₂ dsí₂jniog₅ dsí₅ dsa₂ mi₂güig₃, ħ'₂ e₂ a₂dsí₂ quió₃? Chi₂jua'₂ dsau₅ jaun₂ a₂tsá₃ jen'₅₄ 'lag₄,
jui₁que₅₄ jui₁'en'₅₄ jniog₄,
ia₁ con'₂ tsá₃ ñó₅ nē₁jua'₂
ca₂dsau₃ bá₄ jui₁la₂ 'ióg₃. †

† 15:27 Salmo 8:6. † 15:32 Isaías 22:13.

³³ Jaun₂ juí₂ jniá₂ 'nia'₂, tsá₃ lë₁jme₁ gan₅ 'nia'₂ 'au'₂. Tsá₃ i₂jmo₂ 'nia'₂ jui₁lia'₂ juá'₂ caun₂ já₁ a₂cha₂: “Jui₁lia'₂ dsa₂ i₂jme₂quian'₅₄ dsa₂ i₂con'₂ lë₁lín₄, dsi₃'én₂ tag₄ a₂dse₃ a₂'io₂₃.” ³⁴ Jaun₂ juá'₅ jniá₂, jme₁jnio₂ 'nia'₂ ne'₅₄, jen'₅₄ táng₃ 'nia'₂ jui₅ co₂dsau₅, tsá₃ ma₃'nau₂ 'nia'₂ dso₄. Ia₁ i₂chan₂ bá₄ i₂lín₅₄ 'nia'₂ i₂tsá₃ cuin₅ Diú₄. Juá'₅ jniá₂ le₂në₅ ia₁jaun₂ cán'₁ 'nia'₂ ca₂la₂ o₂guí'₃.

A₂ lia'₂ lé₂ a₂jen'₅₄ táng₃ 'lag₄

³⁵ Chan₂ bá₄ i₂le₃ñag₃: “¿'A₂ bá₄ lia'₂ lë₅ jaun₂ a₂jen'₅₄ 'lag₄? ¿'A₂ lia'₂ lín₅, 'a₂ lia'₂ lë₅ ni₁ñi₁₂ jë₁ma₂ja₂lein₃?” ³⁶ ¡Caun₂ já₁ co₄ bá₄ në₅! Ia₁ jui₁lia'₂ jme₁jne₅ dsa₂'e₂ jon₂ jne₂₃, tsá₃ 'ia₂ jua'₅₄ tsá₃ dsi₃'én₂ jon₂ a₂dsi₂jnia₄. ³⁷ Ia₁ jui₁lia'₂ jme₁jan'₂ 'e₂ jan'₂, on₃jua'₅₄ a₂jan'₂ tag₄ a₂lé₂ cang₂. Le₂jaun₂ lë₅ jui₁lia'₂ cui₂g₂, § jui₁'e₂ guë₃ jon₂ siá'₂ ján₃. ³⁸ Le₂jaun₂ bá₄ jmo₅ Diú₄: cuë₂₃ cho'₅₄ lia'₂ con'₂ lë₅ 'ñio₂ dsi₃; lia'₂ ca₂ne₅₄ mí₂g₂ 'io₂₃ cho'₅₄ con'₂ a₂ca₂tín₂. ³⁹ Le₂jaun₂ bá₄ lë₅ quian'₅₄ jui₁lia'₂ ni₁ñi₅: tsá₃ le₃jë₃ lë₅ co₂rë₂. Jma₃quén₅ bá₄ lë₅ ni₁ñi₁ dsa₂ mi₂gü₃g₃, quian'₅₄ ni₁ñi₁ já'₂ náu₂, jui₁lia'₂ quió'₅ i₁tan₅; jui₁lia'₂ guë'₂ quió'₅ i₁ju₁ ján₃. ⁴⁰ Le₂në₅ bá₄ lë₅ jui₁lia'₂ a₂cha₂ guei'₅₄ mi₂gü₃g₃, quian'₅₄ a₂cha₂ ne₄ gua'₅₄ 'uë₃. Tsá₃ co₂rë₂ jlá'₁ tág₅ a₂cha₂ guei'₅₄ quian'₅₄ a₂jlá'₁ a₂cha₂ ne₄ gua'₅₄ 'uë₃. ⁴¹ Le₂në₅ bá₄ siá'₂ tág₅ quió'₅ 'iog₂, quian'₅₄ tsí'₂, quian'₅₄ guë'₂ nei₅ táng₃. Ján'₃ bá₄ siá'₂ tág₅ nei₅ jë₄ rin'₅₄.*

⁴² Le₂në₅ bá₄ guë'₂ niog₅ lé₂ quian'₅₄ dsa₂, jë₁ma₂ca₂jein'₅₄. Dsi₃'o₃ caun₂ ni₁ñi₅ a₂niog₅ siá'₃; jaun₂ jen'₅₄ táng₃ caun₂ a₂tsá₃ ton₅ jmí₄g₄ siá'₃. ⁴³ Dsi₃'o₃ caun₂ ni₁ñi₅ co₂'nió'₄ a₂lë₅ o₂guí'₃; jaun₂ náu₃ caun₂ ni₁ñi₅ jlá'₁. Dsi₃'o₃ caun₂ ni₁ñi₅ 'uan₅₄; la₁ jen'₅₄ táng₃ caun₂ a₂bén₂. ⁴⁴ Dsi₃'o₃ caun₂ ni₁ñi₅ a₂lë₅ a₂ca₂tín₂ gua'₅₄ 'uë₃ la₂; jaun₂ guë₄ jen'₅₄ táng₃ caun₂ ni₁ñi₅ a₂gu₂dsí₂.

⁴⁵ Jaun₂ bá₄ lë₃ chi₁ton₅ ne₄ Si₂: “Ca₂lín₃ Adán le₂'uig₅₄ jan₂ dsa₂ i₂'i₄ jme₂dsí₂.”† La₁ i₂lín₅ Adán i₂co₂'nió'₄ jë₁ca₂tó'₂ guë'₂ në₃, ca₂lín₃ jan₂ jme₂dsí₂ i₂to'₂ jme₂dsí₂ jniog₄. ⁴⁶ La₁ on₃jua'₅₄ jme₂dsí₂ ca₂gua₃ de'₂ le₂'uig₅₄. A₂ca₂tín₂ gua'₅₄ 'uë₃ bá₄ ca₂lë₃ le₂'uig₅₄; cang₂ jaun₂ ca₂gua₃ a₂gu₂dsí₂. ⁴⁷ Dsa₂ i₂le₂ne₁ 'éi₂ jme₁lín₄ quian'₅₄ ti₁gua'₅₄ quió'₅ 'uë₃ la₂; i₂jë₁ca₂të₂ on₃ dsa₂ në₃, i₂ca₂já₃ guei'₅₄ i₂juí₃g₃ bá₄ 'éi₂. ⁴⁸ Ca₂le₃jín₃ dsa₂ i₂chan₂ ne₄ gua'₅₄ 'uë₃, lín₅ jui₁lia'₂ jme₁lín₄ dsa₂ i₂ca₂lín₃ quian'₅₄ ti₁gua'₅₄ 'éi₂; ján₃ bá₄ le₂jaun₂ lín₅ dsa₂ i₂tín₅ guei'₅₄ i₂juí₃g₃, jui₁lia'₂ lín₅ i₂ca₂já₃ guei'₅₄ i₂juí₃g₃. ⁴⁹ Jui₁lia'₂ quióng₂ jniog₄ quió'₅ dsa₂ i₂ca₂lín₃ quian'₅₄ ti₁gua'₅₄ 'éi₂, ján₃ bá₄ le₂në₅ quiong₅₄† jniog₄ lia'₂ jniá₂ i₂ca₂sión₃ guei'₅₄ i₂juí₃g₃.

⁵⁰ Juí₂g₂ jniá₂ 'nia'₂, rin'₅₄ jniog₄, tsá₃ ca₂tín₂ dsa₂ i₂quian₅ mu₅-ñi₅ ja₁gon₂ Diú₄; on₃ guë'₂ ca₂tín₂ jui₁lia'₂ a₂siá'₃, caun₂ ja₁tsá₃ ton₅ jmí₄g₄ siá'₃. ⁵¹ Nei₂ 'nia'₂. La₂ 'ë₄ jniá₂ caun₂ já₁ a₂jme₁rë₂'ma₄ le₂ñiá₅: tsá₃ dsióg₃ ca₂le₃jág₃. La₁ ca₂le₃jág₃ bá₄ jniog₄ le₂tság₃, ⁵² con'₂ tiá₂, në₂jag₄ bá₄ a₂'méi'₂ dsa₂ co₂ráun₂ jme₁ne₁₂, jë₁ma₂i₁'ein₅₄ ñi₂ trompeta jë₁ca₂tó'₂. Ia₁ dsi₃'ein₅₄ ñi₁ trompeta, jaun₂ guë₄ jen'₅₄ ca₂le₃jín₃ dsa₂ i₂ma₂dsan₃, jaun₂ guë₄ o₁líg'₂ jmí₄g₄ tsá₃ ma₃dsiáin₃. Jaun₂ jniog₄ ca₂le₃jág₃ në₃, quile₂tság₃. ⁵³ Ia₁ ca₂tín₂ quí'₃ a₂siá'₃ quian'₅₄ caun₂ a₂tsá₃ siá'₃; a₂quí'₃ a₂jón₂ quian'₅₄ caun₂ a₂tsá₃ líg'₂ jmí₄g₄ jón₂. ⁵⁴ Jë₁ma₂qui'₂ ni₁ñi₅ a₂siá'₃ la₂ quian'₅₄ a₂tsá₃ siá'₃, jë₁ma₂qui'₂ ni₁ñi₅ a₂jón₂ la₂ quian'₅₄ a₂tsá₃ líg'₂ jón₂, jaun₂ guë₄ le₂ti₃ já₁ la₂ a₂tio'₅₄ ne₄ Si₂:

Co₂dsia₅ ca₂lí'₃ co₂ñei'₅₄ Te₁gui'₅₄ ne₄ 'mú₃. §

⁵⁵ ¿A₂já'₄ bá₄ ñó₅ a₂jme₁lén'₂ 'ne₂, 'mú₃?

¿'E₂ bá₄ ca₂lë₃, 'ne₂ 'mú₃,

§ 15:37 lit. “trigo.” * 15:41 Co₂'nió'₄ le₃jua'₅₄, cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3, Romanos 1:25. † 15:45 Génesis 2:7. ‡ 15:49 A₂lín₅₄ chog₅₄ si₂ gui'₅₄ juá'₂: “jui₁quiong₅₄ jniog₄.” § 15:54 Isaías 25:8.

quian'₅₄ uig₅ a₂jme₁'ág'₁ jnia'₅₄?*
⁵⁶ Nē₃ nē₃, ju₁lia'₂ uig₅ a₂jme₁'ág'₁ 'mú₃ jniog₄, dsáu₁ bá₄ jniog₄ jaun₂; ju₁lia'₂ bí₂ a₂'io₅ dsáu₁ jniog₄, Si₂ 'Éi'₃ bá₄ jaun₂. ⁵⁷ iLa₁ ti₁'mag'₄ Diú₄ i₂cuē₅ bí₂ a₂lág₂ jniog₄ tē₂le₃ quian'₅₄ Te₁gui'₅₄ Jesucristo quián₂ jniog₄!

⁵⁸ Jaun₂ lē₃, 'nia'₂ rin'₅₄ jniog₄, i₂'nióg₃ guē₄ lín₃, nau₂ bá₄ 'nia'₂ tiá₂, tsá₃ cuín₅ 'nia'₂ jmig₄ jua'₅₄ 'ein₂ guē₃ jnióg'₂ 'nia'₂ cau₅; ju₁dsi₂tsón'₃ bá₄ 'nia'₂ quian'₅₄ ta₁ quió'₅ Te₁gui'₅₄. Ia₁ ma₂ñi'₅₄ bá₄ 'nia'₂ tsá₃ lē₅ jua'₅₄ a₂lē₁jmo'₂ can'₂ 'nia'₂ ta₁ le₃quió'₅ Te₁gui'₅₄.

16

Ca₂cág'₃ cu₄ a₂jme₃'oin'₅₄ rin'₅₄

¹ Nē₃ nē₃, tē₂le₃ quió'₅ guē₂ cu₄ a₂cag'₄ 'nia'₂ jme₁'ong'₁ rin'₅₄ i₂'én₂,* le₂jaun₂ bá₄ jmo₄ 'nia'₂ ján₃ con'₂ lē₅ jág₁ ma₂cuē₃ jniá₂ guá'₅ i₂chan₂ 'uē₃ Galacia.
² Le₂caun₂ do₂mei₅₄, † ca₂tín'₂ bá₄ 'nia'₂ le₂jang'₂ le₂jang'₂ cáu'₁ ca₂la₂ 'a₂ con'₂ tí₅ ca₂lín'₃. A₂jaun₂ con'₂ quiog₂ 'ma₄ 'nia'₂, ma₂lē₅ co₂jñia₅₄ ia₁jaun₂ tsá₃ lē₅ jua'₅₄ jaun₂ guē₄ cag'₅₄ 'nia'₂ jē₁ma₂dsióg₃ jniá₂. ³ Jaun₂ bá₄, jē₁ma₂tē₂ rē₁dsióg₄ jniá₂, jaun₂ le₃chen₄ dsa₂ rin'₅₄ i₂'ín'₄ 'nia'₂ guiong'₅₄, dsi₃lén₂ 'éi₂ juig₂ Jerusalén quian'₅₄ caun₂ si₂ a₂lé₂. Jaun₂ 'éi₂ bá₄ cán₂ cu₄ quián'₂ 'nia'₂ a₂cag'₅₄ nē₅ a₂jme₁'ong'₁ rin'₅₄ ja₁jaun₂. ⁴ Nē₁jua'₂ dsi₂ten₅₄ guē₂ nei₅₄ 'ñióg₃ nē₃, jme₃quiong'₅₄ 'éi₂.

Jmo₅ Pa₄ co₂jñia₅₄ a₂'i₂ ju₁i₅

⁵ Jē₁ma₂tē₂ rē₁nei₅₄ i₁ñig₁₂ le₂tan₅₄ 'uē₃ Macedonia, jaun₂ guē₄ dsióg₄ ja₁con'₂ 'nia'₂. ⁶ Con'₂ tsá₃ ñó₅ nē₁ca₂jan₄ ca₂la₂ uē₂, o₃ nē₁ca₂lē₃ ñig₅ le₂tan₅₄ jein₂ güig₂ quian'₅₄ 'nia'₂, ia₁jaun₂ lé₂ tsag'₅₄ 'nia'₂ ju₁i₅ chi₂jua'₂ ja₁ca₂tín'₂ jniá₂ nei₅₄. ⁷ Ia₁ tsá₃ 'nio₃ jniá₂ nei₅₄ tē₂nē₃, jua'₅₄ con'₂ ca₂ñig₅ bá₄ ja₁tion'₅₄ 'nia'₂. Jaun₂ 'ín₂ bá₄ dsi₃ jniá₂ i₁jñia₁₂ ca₂la₂ uē₂ quian'₅₄ 'nia'₂, nē₁jua'₂ ca₂cuē₃ Te₁gui'₅₄ jmig₄. ⁸ La₁ i₁jñia₁ jniá₂ juig₂ Efeso ca₂lia'₂ ca₂tē₂ Jm₁g₄ Tē₂láu₃-guiá₂. ⁹ Ia₁ 'ñio₅ bá₄ cuín₅ jmig₄ rē₂na₄ ju₁i₅ lé₂ le₃i₁jmo₃ ta₁ quió'₅ Te₁gui'₅₄, a₂léi₄ a₂tē₃dsi₅₄ dsón'₂; ton'₂ le₂jaun₂ bá₄ ju₁i₅ dsa₂ i₂náu₃ 'io'₅₄ táng₃.

¹⁰ Nē₁jua'₂ ca₂dsióg₃ Timoteo rin'₅₄ jniog₄, jag₄ 'nia'₂ jaun₂, jaun₂ tsá₃ lē₅ jua'₅₄ a₂gó'₅ 'ein₅₄ jē₄ quián'₂ 'nia'₂, ia₁ ma₂já₅ 'éi₂ jmo₂₃ ta₁ quió'₅ Te₁gui'₅₄, ju₁lia'₂ jniá₂ ján₃. ¹¹ Jaun₂ tsá₃ jmó'₂ 'nia'₂ 'au'₂ jua'₅₄ tsá₃ 'e₂ quein₅. Tē₂le₃ chéin'₂ 'nia'₂ ju₁i₅ a₂'ag₃ tei₄ dsí₅, ia₁jaun₂ jiá₃ ja₃jag₅₄ jniá₂. Ia₁ chi₁jain₁₂ jniá₂ quian'₅₄ rin'₅₄ jniog₄.

¹² Nē₃ nē₃, ju₁lia'₂ Apolos rin'₅₄ jniog₄, jme₁chi₂quian'₅₄ jniá₂ jmig₄ a₂dsó₃ quian'₅₄ rin'₅₄ jniog₄ dsi₁jñi₁₂ 'nia'₂. Co₂dsia₅ tsá₃ ca₂lē₃ dsí₅ dsó₃ rē₂nē₃, la₁ nē₅ bá₄ dsióg₄ líg'₂ ca₂cuín₃ jmig₄ dsó₃.

Jág₁ a₂'ág'₃ jág₁ jē,ca₂tó'₂

¹³ Jmo₄ 'í₁, nau₂ 'nia'₂ tiá₂ a₂'én'₂ 'nia'₂. Jmo₄ ma₂chang'₂ a₂lē₅ 'au'₂ ma₂ca₂cang'₅₄ ma₂ñi'₅₄, tión'₁ 'nia'₂ a₂'uang'₂. ¹⁴ Ca₂le₃jē₃ 'e₂ niog₅ jmo'₂ 'nia'₂ ja₁con₂ ríng'₂, jmo₄ léi₄ a₂'nióg'₃ tē₃dsón'₂ ríng'₂.

¹⁵ Nē₃ nē₃, ju₁lia'₂ ma₂ñi'₅₄ 'nia'₂, rin'₅₄ jniog₄: Estéfanos, quian'₅₄ dsa₂ dsi₂néi₂ quió'₅, ca₂lín₃ dsa₂ i₂le₂uig₅₄ i₂ca₂rē₃'én₂ jág₁ dse₃ 'uē₃ Acaya. Dsa₂ rin'₅₄ 'éi₂ nē₃ ma₂ja₂lén₂ ca₂ne₅₄ jme₁jme₂ti₃ ja₁con₂ rin'₅₄ jniog₄ dsa₂ 'én₂ ja₁jaun₂. Chi₂quian'₅₄ jniá₂ 'nia'₂ jmig₄ jaun₂ nē₃, ¹⁶ jme₁gan'₃ 'nia'₂ ju₁lia'₂ dsa₂ le₂'éi₂, quian'₅₄ guē₄ ca₂le₃jín₃ rin'₅₄ ju₁lia'₂ i₂jme₂'o₅₄ quian'₅₄ ta₁ le₂jaun₂. ¹⁷ 'Io'₂ jmo₅ jniá₂ nē₃, ia₁ ma₂guan₅ Estéfanos, Fortunato, quian'₅₄ Acaico; ma₂ca₂jme₃ñiai₂₃

* **15:55** o₃, “¿'E₂ bá₄ ca₂lē₃, 'ne₂ 'mú₃, quian'₅₄ uig₅ a₂jme₁'ág'₁ jnia'₅₄? ¿A₂já₄ bá₄ ñó₅ a₂jme₁lén'₂ 'ne₂, tau₂ 'ñio₅?” Oseas 13:14. * **16:1** lit. “dsa₂ jñióg₅.” † **16:2** lit. “jmig₄ le₂uig₅₄ quió'₅ semana.”

ju₁lia'₂ a₂jme'₁nió'₅ ja₁con₂ jniá'₂ 'uig'₅₄ ia₁ a₂tsá'₃ 'nia'₂ chan'₂ ja₁lá₃. ¹⁸ 'Éi'₂ bá₄ ma₂jmo₃ lián'₂ dsi'₃ tē₂le₃ jui₅ jme₂dsí'₂, le₂jaun₂ bá₄ ma₂qui₂ma₂jmo₃ lián'₂ 'au'₂ 'nia'₂ ján₃. Jaun₂ 'nió'₅ jme₁gan₃ jniog₄ dsa₂ le₂'éi'₂.

¹⁹ Ca₂le₃jín₃ guá'₅ ja₁tén₄ le₂tan₅₄ 'uë'₃ Asia, cui_{in}₂₃ Diú₄ 'nia'₂. Le₂jaun₂ bá₄ Aquila quian'₅₄ Priscila[†] ně₃, quian'₅₄ co₂nió'₃ dsa₂ rin'₅₄ i₂ŋi'₂ dsi₂néi₂ quió'₅ ně₃, cui_{in}₂₃ Diú₄ 'ŋio₅ lin₃ 'nia'₂, le₃quió'₅ Te₁gui'₅₄. ²⁰ Ca₂le₃jín₃ rin'₅₄ jniog₄ i₂tion'₅₄ ja₁lá₃, cui_{in}₂₃ Diú₄ 'nia'₂. Qui₁cui_{in}₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁ § jú'₅ ríng'₂, a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂.

²¹ Jniá'₂ Pa₄, cui_{ng}₅ Diú₄ 'nia'₂ ne₄ si₂ la₂, quian'₅₄ gu₃ 'nió'₃.*

²² Chi₂jua'₂ chan₂ jan₂ tsá'₃ 'nioi₃ Te₁gui'₅₄, co₂dsia₅ bá₄ ju₁dsi₂'éin₂. ŋiá'₅ 'ne₂, Te₁gui'₅₄!†

²³ Ju₁jme₂gu'₅₄ bá₄ Te₁gui'₅₄ Jesucristo i₂'ua₁ dsi'₅. ²⁴ Ca₂le₃jín₃ bá₄ 'nia'₂ 'nióg₃, le₃quió'₅ Te₁gui'₅₄ Cristo Jesús. A₂méi₃.†

Co₂ně₅.

† **16:19** griego: Prisca. § **16:20** Caun₂ tag₄ a₂jme₁chí'₄ lia'₂ con'₂ jme₁ca₂jmo₃ Pa₄ si₂ la₂. * **16:21** 'Nio'₂ ja₁ton₅ Gálatas 6:11; Colosenses 4:18; 2 Tesalonicenses 3:17; Filemón 19. † **16:22** griego: maranatha, jág₁ arameo a₂juá'₂ "Ŋiá'₅ 'ne₂, Te₁gui'₅₄." † **16:24** A₂lin₅₄ chog₅₄ si₂ tsá', chi₁ton₅ "A₂méi₃,"

Si₂ carta jē₁ca₂tē₂ tin₃ a₂ca₂jmo₃ San Pablo ne₄ dsa₂ CORINTIOS

Jmo₅ Pa₄ si₂ jē₁ca₂tē₂ tin₃ a₂chein₃ ne₄ Guá'₅ i₂chan₂ juig₂ Corinto

¹ Jniá₂ Pa₄, co₂nē₅ 'éi'₃ ca₂jmo₃ 'ñiog₅ Diú₄, a₂ling₅ jan₂ dsa₂ i₂chen₄ quián₅ Jesucristo, jmo₂₃ si₂ la₂ co₂lēs₅ quian'₅₄ rin'₅₄ jniog₄ Timoteo a₂dsian'₄ ne₄ guá'₅ quián₅ Diú₄ i₂chan₂ juig₂ Corinto, quian'₅₄ ca₂le₃jín₃ guē₄ dsa₂ sián'₂ i₂tén₅ le₃quió'₅ Diú₄* i₂chan₂ le₂tan₅₄ 'uē₃ Acaya. ² Jui₁jme₂gu'₅₄ bá₄ Diú₄ 'nia'₂; ju₁tion'₅₄ bá₄ 'nia'₂ le₁'ág₄ tei₄ jmo₅ Diú₄ Jmei₂ jniog₄, jmo₅ Te₁gui'₅₄ Jesucristo ně₃.

Ca₂ñág₃ uig₅ Pa₄

³ Jui₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ 'éi₂ bá₄ i₂lín₅ Tia₅₄ quián₂ i₂ñí₄ ñéi₂ dsí₅ jniog₄; i₂'éi₂ bá₄ Diú₄ i₂jmo₅ lián'₂ dsi₅ jniog₄ chong₂. ⁴ 'Éi₂ bá₄ i₂jmo₅ lián'₂ ja₁con₂ jniog₄ jē₄ ca₂le₃jě₃ 'e₂ o₂i₁ dsi₅ cha₂, le₂jaun₂ guē'₂ jniog₄ táng₃ lé₂ le₃jmo₁ lián'₂ dsí₅ jui₁lia'₂ i₂chan₂ o₂i₁ dsi₅ ñág₅ uig₅. Lé₂ le₃cuē₅₄ jniog₄ lián'₂ dsí₅ jui₁lia'₂ jmo₅ Diú₄ ja₁con₂ jniog₄ guio₅₄. ⁵ Ia₁ le₂nē₅ jui₁lia'₂ ñag₄ jniog₄ jmi₁uig₅ juē'₂ lín₃ a₂ca₂can₃ Cristo, ján₃ bá₄ le₂nē₅ táng₃ tē₂le₃ quian'₅₄ Jesucristo guéi'₁ jniog₄ lián'₂ a₂le₃chong₂ dse₃. ⁶ Jaun₂ ně₃, chi₂jua'₂ ñag₄ jnia'₅₄ uig₅ chong₂, le₂nē₅ le₃cha₂ lián'₂ ja₁con₂ 'nia'₂ jaun₂ líón'₂ 'nia'₂ ně₃; o₃ chi₂jua'₂ guei'₂ jnia'₅₄ lián'₂ 'e₂, ján₃ bá₄ le₃cha₂ lián'₂ ja₁con₂ 'nia'₂, jaun₂ lé₂ le₃jmo₁ 'tió'₃ 'au'₂ 'e₂ uig₅ cha₂, jui₁lia'₂ jmo₂ jnia'₅₄. ⁷ Caun₂ bá₄ le₁'ág₄ dsi₅ jnia'₅₄ le₃ja₁con₂ 'nia'₂ a₂jmo₁ 'tió'₃ 'au'₂ a₂líón'₂ 'nia'₂ ně₃. Ia₁ ne₄ bá₄ jniog₄, ně₁jua'₂ quen'₅₄ 'nia'₂ ñag'₅₄ uig₅ a₂ñag₄ jnia'₅₄, ján₃ bá₄ le₂nē₅ guéi'₁ 'nia'₂ lián'₂ a₂guéi'₁ jnia'₅₄ a₂cuē₃ Diú₄.

⁸ Chei₂ jnia'₅₄ 'nia'₂ le₂nē₅, rin'₅₄ jniog₄, ia₁ a₂niog₂ jnia'₅₄ a₂le₃ñi'₅₄ 'nia'₂ 'a₂lia'₂ lē₅ o₂me'₅₄ dsi₅ a₂ca₂quián₁ jnia'₅₄ le₂tan₅₄ juig₂ tio'₅₄ 'uē₃ Asia. 'Ñio₅ lín₃ bá₄ uig₅ ca₂ñag₄ jnia'₅₄; 'ñio₅ lín₃ guei'₂ ta₁ a₂tióng₂ jnia'₅₄, ca₂lia'₂ jnia'₅₄ mei'₂ tsá₃ ca₂'uá₂ co₂ñei'₅₄ a₂tsá₃ ma₃jme₁tián₂. ⁹ Con₂ siá'₂ lág₂ jnia'₅₄ a₂tsá₃ ma₃jmi₄ cha₂ quián₂ jnia'₅₄, ně₂jag₄ bá₄ a₂ma₂'i₄ 'éi'₃ dsió₃. La₁ tsá₃ a₂ñag₅₄, ia₁ ca₂le₃jě₃ a₂l₃ñág₂ jnia'₅₄ jaun₂ ca₂jmo₃ ta₁ a₂ca₂jme₁tin₅ jnia'₅₄ a₂'éin₂ le₃quió'₅ Diú₄, on₃jua'₅₄ le₂quián₂ jnia'₅₄ guio₅₄. Ia₁ i₂'éi₂ bá₄ lín₅ i₂jme₂jen'₅₄ 'lag₄. ¹⁰ Ia₁ ma₂lió₂ bá₄ Diú₄ ne₄ 'mú₃ gau₂ jaun₂, ton₂ caun₂ líó₂ bá₄ jui₁lia'₂ jmi₄ ně₃. Jaun₂ le₃ja₁con₂ 'éi₂ bá₄ ma₂'éi₁ jnia'₅₄ caun₂ dsi₅ a₂lió₂ ne₄ jui₅ ¹¹ chi₂jua'₂ jme₁'o'₁ 'nia'₂ chi₂leng'₅₄ Diú₄ o₄quián₂ jnia'₅₄. Chi₂jua'₂ juin₅ dsa₂ i₂mi₅ ne₄ Diú₄ o₄quián₂ jnia'₅₄, ján₃ bá₄ juin₅ dsa₂ i₂cuē'₃ ti₁'mag'₄ Diú₄ ne₄ ca₂le₃jě₃ a₂dse₃ a₂jme₃'o₅₄.†

'E₂ lē₃ tsá₃ ca₂ñe₄ Pa₄ juig₂ Corinto

¹² Cha₂ caun₂ cosa ja₂ tē₅ dsi₅ jnia'₅₄ ton₂ guio₅₄ jnia'₅₄ quiong₂ 'í₁ tē₂dsi₅, lei₅₄ jnia'₅₄ a₂lé₂ le₃jang'₅₄ jág₁ dsau₅ a₂chong₂ jmo₂ a₂dse₃ a₂tí₅ ne₄ gua'₅₄ 'uē₃ la₂, jui₁lia'₂ jme₂ti₃ Diú₄, la₁ 'ñio₅ lín₃ guē₄ le₃ja₂con₂ 'nia'₂. Ia₁ a₂'ua₁ dsí₅ bá₄ Diú₄, ma₂ca₂jme₃'o₅₄ a₂chong₂ jnia'₅₄ le₂nē₅; on₃jua'₅₄ ia₁ a₂tag₂ jnia'₅₄ guio₅₄. ¹³ Ca₂le₃jě₃ a₂jua'₂ jnia'₅₄ a₂tio'₅₄ ne₄ si₂ carta quián₂, tsá₃ 'e₂ a₂siá'₂ jua'₂ jnia'₅₄ jua'₅₄ a₂tsá₃ tin'₂ 'nia'₂ 'í'₄, o₃ a₂tsá₃ ñí'₂ 'nia'₂. ¹⁴ Jaun₂ 'ín₂ dsi₅ jnia'₅₄, jui₁lia'₂ ma₂ca₂rē₃ñig'₂ 'nia'₂ quián₂ jnia'₅₄ ja₁lín₅₄, ján₃ bá₄ le₂nē₅ le₃ñí'₂ 'nia'₂ lia'₂ rē₂'ñia₅, ia₁ jaun₂ lé₂ le₃dsiá'₁ 'nia'₂ jág₁ tá'₅ o₄quián₂ jnia'₅₄, ton₂ lé₂ le₃dsiá'₁

* 1:1 lit. "dsa₂ jnió₅." † 1:11 A₂lín₅₄ chog₅₄ si₂: "o₄quián₂ 'nia'₂."

jnia'⁵⁴ jág₁ tá'⁵ o₄quián'² 'nia'² ján₃, jë₁ma₂ca₂tě₂ jmig₄ quió'⁵ Jesús Te₁gui'⁵⁴ quián₂.

15 'Uig⁵⁴ ia₁ caun₂ bá₄ 'ei₅ dsi₃ ca₂le₃jě₃ a₂ně₅, jaun₂ jme₁líng₂ nei⁵⁴ i₁jíng₁₂ de'² jniá₅ 'nia'² a₂i₁jmo₃ lián'² 'au'² 'nia'² 'ñio₅ lín₃, ia₁ dsió₄ i₁jíng₁₂ 'nia'² ta₁tín₃ ráun₂. 16 Jme₁dsi₂jio₅ dsi₃ jme₁i₁ñig₁₂ ja₁tíon'⁵⁴ 'nia'² lia'² ma₂'eng⁵⁴ jui₅ guio₃ jui₅ Macedonia; jë₁ma₂tě₂ rë₁nég'⁴ táng₃, jaun₂ i₁jíng₁₂ táng₃ 'nia'². Ia₁ líng₂, 'nia'² bá₄ jme₁'o'₁ a₂lé₂ dsió₄ jniá₂ tē₂ Judea. 17 ¿O₃ bá₄ lín'² 'nia'² a₂'ei₅ caun₂-tín₃ dsi₃ a₂juá'⁵ le₂ně₅? ¿O₃ bá₄ lín'² 'nia'² a₂lě₅ jág₁ quió'³ lia'² lě₅ jág₁ quió'⁵ dsa₂ i₂tsá₃ 'én₂ i₂lë₁qui₂co₅ jág₁ quió'⁵, ně₃ rë'² juá'² "ján₅," ně₃ guë'² "jan₂'ón₄" táng₃? 18 Tí₅ bá₄ jág₁ quián₂ jnia'⁵⁴, jui₁lia'² tí₅ jág₁ quió'⁵ Diú₄; líg'² jmig₄ jua'⁵⁴ a₂lë₁cuë'² jnia'⁵⁴ jág₁ quián₂, jua'⁵⁴ a₂jua'² jnia'⁵⁴ "ján₅," con'² siá'² "jan₂'ón₄" táng₃. 19 Ia₁ Cristo Jesús i₂lín₅ Ja₁ñi'⁵⁴ Diú₄ i₂qui₂'ín₅ jnia'⁵⁴ i₂nio₄, chei₂ 'nia'² quian'⁵⁴ Silvano, † Timoteo ně₃, 'éi₂ ně₃ tsá₃ líg'² jmig₄ jua'⁵⁴ a₂lë₁qui₂ca₂co₃ jág₁ quió'⁵ jua'⁵⁴ ně₃ rë'² juá'² "ján₅," ně₃ cón'⁵ "jan₂'ón₄" táng₃. Të₂le₃ quian'⁵⁴ Cristo, a₂dsau₅ dsón'² bá₄ jág₁. 20 Ia₁ tē₂le₃ quian'⁵⁴ 'éi₂ bá₄ rë₂ti₃ ca₂le₃jě₃ jág₁ a₂cuë'²³ quió'⁵ Diú₄. Jaun₂ tē₂le₃ quian'⁵⁴ 'éi₂, jua'² jniog₄ a₂méi₃, ia₁ a₂dsau₅ dsón'². Jaun₂ le₂ně₅ lé₂le₃jme₁juin'² jniog₄ Diú₄. 21 Jaun₂ 'ñiog₅ bá₄ Diú₄ jmo₂₃ tē₂le₃ ja₁con₂ jnia'⁵⁴, quian'⁵⁴ guë'² le₃ja₁con₂ 'nia'² ně₃, a₂tióng₂ jniog₄ tiá₂ le₃quió'⁵ Cristo. 'Ñiog₅ bá₄ Diú₄ ma₂ca₂'ag₃ jniog₄ ně₃. 22 Ma₂ca₂jmo₂g'² jniog₄ léi₄ co₂'nió'⁴ quian'⁵⁴ sello quió'⁵, ton'² ma₂cuin₃ Jme₂dsi₂ Jñiós quiáin₅ tē₂dsi₅ jniog₄, ně₂jag₄ bá₄ cu₄ a₂ma₂ron₅ dsi₂jñiá₄, a₂ma₂lág₅ jniog₄ léi₄ a₂dsi₁no₃ jniog₄ dsi₁guëi₁ a₂cuë₃.

23 Chi₂jua'² tsá₃ ma₂ca₂lě₃ dsió₄ jui₂g₂ Corinto lia'² con'² lě₅ ma₂i₃jio₅ dsi₃, jág₅ bá₄ Diú₄ ia₁ tsá₃ 'nio₃ jniá₂ a₂cán'² 'nia'² o₂me'⁵⁴ dsi₅ a₂tsá₃ ca₂dsió₃; ia₁ ně₁jua'² tsá₃ le₂jaun₂, caun₂ bá₄ 'ei₅ dsi₃ o₁jñia'⁵⁴ 'mú₃ ca₂quín₂ quió'³. 24 On₃jua'⁵⁴ a₂'niog₂ jnia'⁵⁴ a₂jme₁gon₂ ne₄ 'a₂lia'² 'én'² 'nia'², ia₁ ma₂tión'² bá₄ 'nia'² tiá₂ a₂'éng'². Jñia'⁵⁴ lia'² 'niog₂ jnia'⁵⁴ jmó₁ ta₁ co₂dsia₅ quian'⁵⁴ 'nia'² ia₁jaun₂ le₃cha₂ guë'⁴ o₂'ñiós dsi₅ ja₁con₂ 'nia'², ia₁ o₄quió'⁴ a₂'én'² bá₄ 'nia'², tión'² 'nia'² tiá₂.

2

1 Jaun₂ ma₂ca₂dsia₃ jniá₂ dsi₃ a₂tsá₃ ma₃i₁jíng₁₂ táng₃ 'nia'² tē₃ 'lia'² dsi₃. 2 Ia₁ ně₁jua'² i₁jmo₃ 'lia'² 'au'² 'nia'² bá₄ jniá₂, ¿'ein₂ bá₄ i₂jmo₃ jéin₄ jniá₂ 'io'²? Jñia'⁵⁴ lia'² 'nia'² bá₄ i₂ma₂ně₂jmo₃ jniá₂ 'lia'² 'au'². 3 Jaun₂ lě₃, ca₂jmo₃ si₂ ca₂juá'³, ia₁ tsá₃ 'nio₃ jmó'² 'nia'² 'lia'² dsi₃ jë₁ma₂dsió₃, ia₁ 'nia'² dsón'² bá₄ ca₂tíng'² jmó'² a₂jéin₄ 'io'² jë₁ma₂dsió₃. Ia₁ caun₂ bá₄ 'ei₅ dsi₃ ja₁con₂ 'nia'² a₂dsió₄ 'ei₅ dse₃ dsi₃, le₂jaun₂ a₂'ei₅ rë'² 'au'² 'nia'² ján₃. 4 Ia₁ a₂jme₁quian₄ o₂i₁ dsi₅, tē₃ ca₂tán'² dsi₃, jme₁ca₂jmo₃ jniá₂ si₂ jaun₂, ca₂le₃jě₃ jme₁'o₅ jniá₂. La₁ on₃jua'⁵⁴ jaun₂ ca₂juá'³ ia₁jaun₂ tiá'³ 'lia'² 'au'² 'nia'² ján₃; tē₂le₃ ia₁jaun₂ le₃ñi'⁵⁴ 'nia'² 'a₂lia'² lě₅ dsi₃ a₂'nióg₃ 'nia'² 'ñio₅ lín₃.

Ca₂'én₂ dsá₁ ja₂ dsa₂ i₂ca₂'ná₂ dso₄

5 Ně₁jua'² chan₂ i₂ma₂jmo₃ a₂cha₂ o₂i₁ dsi₅, on₃jua'⁵⁴ jmá'³ ja₁con₂ jniá₂ ma₂jmo₃ quian⁵⁴ o₂i₁ dsi₅; le₂jio₅ ja₁con₂ 'nia'² bá₄ ca₂jmo₃ ca₂la₂ a₂ma₂ca₂quian'² 'nia'² o₂i₁ dsi₅ ca₂le₃jíng'³. A₂juá'⁵ jniá₂ "a₂ca₂jmo₃ ca₂la₂," ia₁jaun₂ tsá₃ lín₄ uig₅ tñ'⁵⁴ 'nia'² jág₁ ně₅. 6 Co₂'nió'⁴ uig₅ a₂ca₂cuë'⁵⁴ 'nia'² dsa₂ 'éi₂ jë₄ le₁ñi'² 'nia'² ca₂le₃jíng'³, tió'⁵ bá₄ co₂ně₅. 7 Ca₂tín'² bá₄ 'nia'² ně₃ jmó'² 'ua₁ 'au'² 'éng'⁴ dsá₁, jmó'² táng₃ 'nia'² lián'² dsi₅, ia₁ con₂ tsá₃ ñó₅ ně₁jua'² ca₂tán'² co₂ñei'⁵⁴ dsi₅. 8 Jaun₂ chi₂len'⁴ jniá₂ 'nia'² a₂jme₁jniag'² táng₃, a₂dsón'² 'niói'³ 'nia'². 9 'Uig⁵⁴ jaun₂ bá₄ ma₂juá'³ bá₄ jniá₂ le₂jñiá₅ quian'⁵⁴ si₂ a₂ma₂tsíng² ne'⁵⁴ 'nia'², a₂jñia'⁵⁴ con'² ca₂caún₃ 'í₁ bá₄ quián'² 'nia'² o₁ne₄ ně₁jua'² jmó'² dsón'² 'nia'²

† 1:19 Lia'² chen₂ Silvano co₂rë₂ quian'⁵⁴ Silas.

con'₂ lě₅ ca₂le₃jě₃ jág₁ a₂juá'₅ jniá₂. 10 Jaun₂ ně₃, jui'e₂ guě₃ 'a₂ lia'₂ lě₅ dsáu₁ rín'₂ 'nia'₂ a₂'éng'₄, ján₃ bá₄ le₂jaun₂ le₃jmo₅₄ jniá₂ dsi₃, 'én₄ bá₄ jniá₂ dsáu₁ dsa₂ 'éi₂. Ia₁ jui'lia'₂ dso₄ a₂ma₂'éñ₃ jniá₂, chi₂jua'₂ 'e₂ caun₂ dso₄ ma₂'éng₃, o₄quián'₂ 'nia'₂ bá₄ ma₂jmo₃, tē₃ne₄ Cristo. 11 Jmo₅ jniá₂ le₂ně₅ ia₁jaun₂ tsá₃ jo₃ i₂sě₃dsen₃, ia₁ a₂ne₄ rē₂ bá₄ jniog₄ 'a₂ lia'₂ lě₅ mai₅₄ 'io₅ 'éi₂.

Tsá₃ rē₂ jme₁ 'ei₅ dsí₅ Pa₄ juig₂ Troas

12 Jaun₂ jme₁ca₂dsióg₃ jniá₂ juig₂ Troas a₂'ě₄ jág₁ dse₃ quió'₅ Cristo, 'ñio₅ bá₄ jme₁rē₂na₄ jui₅ a₂jme₁jmo₅₄ ta₁ quió'₅ Te₁gui'₅₄ ja₁jaun₂. 13 La₁ tsá₃ tei₄ jme₁'ei₅ dsi₃, ia₁ tsá₃ ca₂dsáng'₂ Tito rín'₅₄ jniog₄. Ca₂'ág'₃ bá₄ jniá₂ jág₁ rín'₅₄ jniog₄ ja₁jaun₂, jaun₂ guě₄ guio₃ le₃'uě₃ Macedonia la₂.

A₂léi₂ jniog₄ quian'₅₄ Cristo

14 La₁ ti₁'mag'₄ Diú₄ ia₁ co₂tan₅₄ bá₄ jiog₂₃ jui₅ a₂léi₂ jniog₄ le₃quió'₅ Cristo Jesús, ia₁ tē₂le₃ quian'₅₄ jniog₄ bá₄ jme₂jniái₂₃ jág₁ dse₃ la₂ quió'₅, ia₁jaun₂ dsa₂ ně₃ le₃cuin₂₃ 'éi₂, co₂'nió'₄ a₂ja₂dsí₂ ma₂juig₂ ca₂le₂con₂. 15 Ia₁ jniog₄ bá₄ lág₅ co₂'nió'₄ chen₂ a₂cau₂ ja₂dsí₂ ma₂juig₂ ma₂ro₂ a₂jén'₅ Cristo ne₄ Diú₄, a₂qui₂dsi₂'ag₅ jē₄ quió'₅ dsa₂ i₂i₂nio₄ jui₅ a₂lióin₂, qui₂ja₂dsí₂ ján₃ jē₄ quió'₅ i₂dsi₂'éñ₂ ně₃. 16 Tē₂le₃ ja₁con₂ dsa₂ i₂dsi₂'éñ₂ ně₃, chen₂ la₂ lě₅ a₂ja₂dsí₂ 'lig'₅₄ a₂ma₂le₃dsiáin₃; la₁ tē₂le₃ quió'₅ dsa₂ i₂tín'₄ guē'₂ ně₃, lě₅ caun₂ cosa a₂ja₂ ma₂juig₂ ma₂ro₂ a₂tín'₂ jme₂dsi₂ quió'₅. ¿Ein₂ bá₄ 'éi₂ i₂qui'₅₄ jmig₄ quian'₅₄ ta₁ ně₅? 17 Jnia'₅₄ bá₄ 'éi₂ i₂qui'₅₄ jmig₄, ia₁ tsá₃ ta₁ jaun₂ i₂nio₄ jnia'₅₄ jua'₅₄ a₂jmó₁ 'ma'₅₄ jág₁ dse₃ quió'₅ Diú₄ jui'lia'₂ jmo₅ i₂lín₅₄. Tē₂le₃ jág₅ bá₄ Diú₄, chei₂ jnia'₅₄ dsa₂ lia'₂ tí₅ jág₁, lág₅ jnia'₅₄ dsa₂ quián₅ Diú₄ i₂juá'₂ o₄quió'₄ Cristo.

3

Jág₁ 'mí₂ a₂lí'₅₄ quian'₅₄ Diú₄

1 ¿O₃ bá₄ lín'₂ 'nia'₂ a₂jnía'₅₄ 'ín₅ dse₃ guio₅₄ bá₄ jnia'₅₄ jme₁jua'₂ le₂ně₅? ¿O₃ bá₄ 'niog'₂ 'nia'₂ a₂'ě₄ si₂ a₂jáng'₅ jág₁ dsau₅ o₃ a₂mí₁ 'e₂ jnia'₅₄ ne'₅₄ 'nia'₂ a₂cuē'₁ caun₂ si₂ jui'lia'₂ jmo₅ dsa₂ i₂lín₅₄? 2 Jnia'₅₄ lia'₂ guion'₅₄ bá₄ 'nia'₂ ma₂cuē'₂ jág₁ dsau₅ a₂ma₂léi₄ co₂'nió'₄ caun₂ si₂ tē₂dsi₅ jnia'₅₄ a₂lé₂ le₃con₂ dsa₂ sián'₂ 'í₁ co₂'nió'₄ a₂lé₂ le₃'í₃ dsa₂ ně₃. 3 Guion'₅₄ bá₄ 'nia'₂ líng'₅ co₂'nió'₄ caun₂ si₂ a₂ca₂jmo₃ Cristo 'ñiog₅, a₂ca₂dsia₃ gu₂ jnia'₅₄. Caun₂ si₂, on₃jua'₅₄ a₂léi₄ a₂qui₂rē₂tsáng₂ quian'₅₄ jmíjnē₂; lě₅ léi₄ tē₂le₃ quian'₅₄ Jme₂dsi₂ quián₅ Diú₄ i₂chan₂ dsón'₂. Lě₅ caun₂ si₂ carta, on₃jua'₅₄ a₂léi₄ rē₂ton₅ dso'₂ ni₁cang₁; lě₅ léi₄ jui₅ tē₂dsi₅ dsa₂ mi₂güig₃ bá₄.

4 Caun₂ bá₄ le₁'ág₄ dsi₅ jnia'₅₄ a₂'éin₂ jnia'₅₄ le₂ně₅ le₃ja₁con₂ Diú₄ tē₂le₃ quian'₅₄ Cristo. 5 On₃jua'₅₄ a₂tag₂ jnia'₅₄ guio₅₄ a₂jmo₂ 'e₂ jmo₂. Ca₂le₃jě₃ 'e₂ niog₅ jmo₂ jnia'₅₄, Diú₄ bá₄ jmo₅ a₂qui'₅₄ jnia'₅₄ jmig₄ quian'₅₄ ta₁ ně₅. 6 'Éi₂ bá₄ ma₂jmo₃ a₂qui'₅₄ jnia'₅₄ jmig₄ a₂i-quian₄ jnia'₅₄* jág₁ 'mí₂ a₂ma₂lí'₅₄ quian'₅₄ Diú₄: on₃jua'₅₄ tē₂le₃ quian'₅₄ 'éi'₃ a₂ton₅ ne₄ si₂; tē₂le₃ quian'₅₄ Jme₂dsi₂ quián₅ Diú₄ bá₄. Ta₁ a₂qui'₅ 'éi'₃ a₂rē₂ton₅ ne₄ si₂, a₂jiog₅ ne₄ 'mú₃ bá₄ jaun₂. La₁ Jme₂dsi₂ quián₅ Diú₄ guē'₂ ně₃ to'₂ jme₂dsi₂ a₂chan₂ dsa₂.

7 'Éi'₃ jaun₂ ca₂tíong₃ Diú₄ dso'₂ ni₁cang₁ jē₄ si₂ a₂tág₅ co₂'né'₅. Tsá₃ ma₃ca₂tió'₃ dsa₂ israelitas jág₃ uē₂ ne₄ Moisés, ia₁ a₂ñí₄ lě₃ co₂tág₅ co₂'né'₅ ca₂jnía₃, jui'e₂ guě₃ la₂ jē₁ca₂ag₂ si₂ jaun₂. La₁ chi₂jua'₂ le₂ně₅ 'ñio₅ jlá'₁ ca₂lě₃ jme₁ca₂lě₃ 'éi'₃ a₂tsá₃ jme₁'io₅ bí₂ jua'₅₄ a₂tsá₃ dsián₂ dsa₂ jaun₂, 8 i'ě₂ guě₄ dse₃ jlá'₁, jág₁ dse₃ a₂quian₅ Jme₂dsi₂ Jñio₅ a₂jmo₅ a₂chan₂ táng₃ dsa₂! 9 Co₂'nió'₄ le₃jua'₅₄, chi₂jua'₂ lág₂ jniog₄ a₂ñí₄ lě₃ jlá'₁ ca₂lě₃ 'a₂ lia'₂ ca₂cuē₃ Diú₄ 'Éi'₃ tē₂le₃ quian'₅₄ Moisés,

* 3:6 griego: diákonous (ministros).

'éi'₃ a₂jme₁bóg'₂ dso₄ jaun₂, i'è₂ guë₄ jlá'₁ ta₁b quián₂ jnia'₅₄ a₁quian₄ jnia'₅₄ jág₁ dse₃ a₂jme₂jnia₅ Diú₄ a₂tsá₃ ma₂dsáu₁ jniog₄ cha₂! 10 Ia₁ jui₁lia'₂ 'éi'₃ a₂jme₁jlá'₁ ma₂líg'₂, tsá₃ ma'e₂ quen₅ nē₁ma₂ca₂quin₃ quian'₅₄ jág₁ jlá'₁ guë₄ a₂cha₂ rē₂nē₃. 11 Chi₂jua'₂ lág₂ jniog₄ a₂ñí₄ lē₃ jme₁jlá'₁ ta₁b quió'₅ a₂tsá₃ uē₂ tió'₅ jaun₂, i'è₂ guë₄ 'ñio₅ jlá'₁ ta₁† quió'₅ jág₁ 'mí₂ a₂tsá₃ ma₂dsi₃ñí₂ o₁líg'₂! 12 'Uig₅₄ ia₁ caun₂ le'ág₄ dsi₅ jnia'₅₄ le₂nē₅, jua'₂ jnia'₅₄ co₂nei'₅₄ rē₂jiá₃ jág₁. 13 Tsá₃ jmo₂ jnia'₅₄ jui₁lia'₂ ca₂jmo₃ Moisés; ca₂jlē₂ 'éi₂ ne₅₄ quian'₅₄ 'mí₂ ia₁jaun₂ tsá₃ jág₃ dsa₂ israelitas 'a₂ lia'₂ 'éi₃ a₂co₂tág₅ jaun₂. 14 La₁ tsá₃ ca₂rē₃ñí₂ dsi₅ dsa₂ 'éi₂ nē₃, ia₁ cang₄ dsi₅₄. Ca₂lia'₂ jnió₄ jmiḡ₄ nē₃ 'i₅ dsa₂ Si₂ 'Éi'₃ a₂ron₅ ma₂líg'₂, lia'₂ ma₂lín₅ jaun₂ bá₄ 'éi₂, co₂'nió'₄ rē₂jlē₅ ne₅₄, a₂tsá₃ ñí'₂. Ia₁ jmá'₃ tē₂le₃ quian'₅₄ Cristo bá₄ lé₂ le₃jnia'₃ a₂jlē₅ a₂ñí'₂ dsi₅ dsa₂ jaun₂. 15 Ca₂lia'₂ jnió₄ jmiḡ₄ nē₃, jē₁ma₂tóin'₂ 'i₂₃ si₂ quió'₅ Moisés, jlín₅ ne₄ dsa₂, tsá₃ rē₂ñí'₂. 16 Ia₁ jui₁lia'₂ jan₂ dsa₂ i₂jén'₅ le₃quió'₅ Te₁gui'₅₄, jnia'₅ a₂jmo₅ a₂jlín₅ ne₄ dsa₂ jaun₂. 17 Te₁gui'₅₄ nē₃, ia₁ i₂lín₅ Jme₂dsi₂ bá₄ 'éi₂; ja₁'en₅₄ Jme₂dsi₂ quián₅ Te₁gui'₅₄, jui₁lia'₂ tē₂dsi₅ dsa₂ i₂'én₂, ja₁jaun₂ rē₂na₄ bá₄ jui₅. 18 Ia₁ ca₂le₃jág₃ jniog₄ tsá₃ ma₃le₁jlē₅ ne₄ jniog₄; lág₅ jniog₄ jui₁lia'₂ lē₅ ni₁i₂ a₂jniá₂ a₂co₂tág₅ co₂'né'₅ a₂jlán'₁ Te₁gui'₅₄. Le₂nē₅ bá₄ jniog₄ guio₅₄, caun₂ i₂ne₁ca₂lag₃ jniog₄ jui₁lia'₂ lín₅ Cristo 'ñiog₅, ia₁ lia'₂ caun₂ jmiḡ₄ caun₂ jmiḡ₄ bá₄ caun₂ i₂ne₁ca₂lag₃ jniog₄ jlán'₁ jui₁lia'₂ lín₅ 'éi₂. Ca₂le₃jē₃ a₂nē₅ jmo₅ Te₁gui'₅₄, i₂lín₅ Jme₂dsi₂.

4

1 'Uig₅₄ jaun₂, o₁líg'₂ jmiḡ₄ tsá₃ tián'₃ dsi₅ jnia'₅₄ dsa₂ i₂quian₅ jág₁ dse₃ quió'₅ Diú₄, ia₁ 'ñiog₅ bá₄ Diú₄ ca₂dsia₃ ñéi₂ dsi₅ ca₂dsia₃ gu₂ jnia'₅₄ ta₁ la₂. 2 Ma₂ca₂tí₄ jnia'₅₄ ca₂le₃jē₃ a₂'lig'₅₄ o₂guí'₃ a₂jmo₅-dsáu₅ dsa₂ jē₄ rē₂'ma; tsá₃ a₂nē₅ i₂nio₄ jnia'₅₄ quian'₅₄ mai₅₄ a₂qui₂jme₂gán₂ jnia'₅₄ dsa₂. On₃ guë'₂ jua'₅₄ jmo₂ jnia'₅₄ caun₂-tin₃ jág₁ jua'₅₄ a₂co₂güin'₄ jnia'₅₄ jág₁ dse₃ quió'₅ Diú₄. Jág₁ tí₅ dsón'₂ rē₂jiá₃ jág₁ bá₄ jme₂tín₁ jnia'₅₄ dsa₂, ne₄ Diú₄, ia₁jaun₂ le₃lí'₄ tē₂dsi₅ dsa₂ a₂dsau₅ bá₄ jág₁ a₂i₂quian₄ jnia'₅₄. 3 Nē₁jua'₂ rē₂jlē₅ jág₁ dse₃ a₂i₂quian₄ jnia'₅₄, rē₂jlē₅ ja₁con₂ dsa₂ i₂dsi₃'én₂ jme₂dsi₂ quió'₅ bá₄. 4 Ia₁ dsa₂ i₂le₂'éi₂ i₂tsá₃ 'én₂, co₂'nió'₄ a₂rē₂jlín₅ dsi₅, nē₂jag₄ bá₄ a₂tein₅₄, a₂jmo₅ diú₄ quián₅ dsa₂ mi₂güig₃ la₂, ia₁jaun₂ tsá₃ tág₃ si₂ a₂le₃ñí'₂ dsi₅ 'a₂ lia'₂ jlá'₁ jág₁ dse₃ quió'₅ Cristo i₂jlán'₁ lia'₂ lín₅ Diú₄ 'ñiog₅. 5 Ia₁ on₃jua'₅₄ guio₅₄ jnia'₅₄ 'ín₅ jē₁ma₂tē₂ rē₁'è₄ jág₁ dse₃; Cristo Jesús bá₄ 'ín₅ jnia'₅₄ a₂lín₅ Te₁gui'₅₄, a₂lág₅ jnia'₅₄ dsa₂ i₂jme₂ti₃ ta₁ ne'₅₄ 'nia'₂ ján₃ o₄quió'₄ Jesús. 6 Ia₁ 'ñiog₅ bá₄ Diú₄ ca₂juá'₂ jme₁ca₂jmo₃ mi₂güig₃: “Jui₁jnia₄ tág₅ jē₄ qui₁né'₃”.* Jaun₂ i₂'éi₂ bá₄ ma₂jmo₃ nē₃ a₂tág'₄ si₂ tē₂dsi₅ jnia'₅₄ ia₁jaun₂ jág₃ i₂sián'₂ si₂ jaun₂, ia₁jaun₂ le₃ñi₅ dsa₂ 'a₂ lia'₂ jlán'₁ Diú₄ tē₂le₃ ne₄ Jesucristo.

'A₂ lia'₂ 'nió'₅ le₃chan₂ dsa₂ ia₁ a₂'én₂

7 Ca₂le₃jē₃ a₂jlá'₁ a₂quen₅ 'ñio₅ lín₃ nē₅ nē₃, a₂quian₄ jnia'₅₄ a₂lág₅ lia'₂ lē₅ ca₂míg₂ ni₁tí'₂ tsá₃ quen₅, jē₁rē₂'ma₄ cosa a₂quen₅ 'ñio₅, ia₁jaun₂ le₃jniá₂ a₂já₅ ja₁con₂ Diú₄ bá₄ jui₅bí₂ juë'₂ lín₃ nē₅, on₃jua'₅₄ a₂'niog'₂ jnia'₅₄ dsi₅ guio₅₄. 8 Le₂nē₅ nē₃, jui₁'a₂ guë₃ la₂ tē₁ja₂lé₂ o₂me'₅₄ dsi₅ jē₁chong₂ jnia'₅₄, la₁ tsá₃ lē₅ jua'₅₄ a₂tsá₃ dsian₅. Ju₁'e₂ guë₃ já₅ caun₂ jui₅bí₂ a₂'is dsi₅ jnia'₅₄ chong₂, la₁ tsá₃ jua'₅₄ a₂ñí₄ quian₄ jnia'₅₄ o₂i₁ dsi₅. 9 Ju₁'e₂ guë₃ qui₂co₂'ein₅ dsa₂, la₁ tsá₃ guio₅₄ jnia'₅₄ tióng₂. Ju₁'e₂ guë₃ ca₂guiog'₃ dsa₂ 'uë₃, la₁ tsá₃ ca₂dsau₃ guë₄ jnia'₅₄. 10 Tē₁nio₄ jnia'₅₄ le₁quian₁ i₁gú'₃ 'mú₃ quió'₅ Jesús jui₅ ni₁ñi₁ jnia'₅₄, ia₁jaun₂ le₃jniá₂ jui₅ ni₁ñi₁ jnia'₅₄ ján₃ a₂chan₂ Jesús. 11 Ia₁ tē₁lia'₂ chong₂ jnia'₅₄ la₂, le₂o₃ jmiḡ₄ bá₄ go'₂

† 3:11 griego: diakonía (ministerio). * 4:6 Génesis 1:3.

a₂jme₃dsiog₅ dsa₂ o₄quió'₄ Jesús, ton'₂ ia₁jaun₂ le₃jniá₂ jui₅ ni₁ñi₁ jnia'₅₄ a₂siá'₃ la₂, a₂chan₂ bá₄ Jesús. ¹² Jaun₂ ně₃, 'uig₅₄ ia₁ a₂tio'₅₄ jnia'₅₄ jui₅ 'mú₃, 'nia'₂ ně₃ tiong'₅₄ jui₅ a₂le₃chan₂ jme₂dsí₂ quiáng'₂.

¹³ Le₂la₂ juá'₂ ne₄ Si₂: “Ca₂rě₃'éng₂, jaun₂ bá₄ lě₃ ca₂juá'₃.”† Le₂ně₅ bá₄ jnia'₅₄ ján₃, ia₁ a₂'i₄ jme₂dsí₂ i₂cuě₅ bí₂ a₂'éin₂, jaun₂ bá₄ lě₃ 'éin₂ jnia'₅₄, jaun₂ bá₄ lě₃ jua'₂ jnia'₅₄ ján₃. ¹⁴ Ia₁ ma₂ne₄ bá₄ jnia'₅₄, Diú₄ i₂ca₂jme₃jen'₅₄ Te₁gui'₅₄ Jesús a₂jme₁rě₂join₅₄, le₂jaun₂ bá₄ jme₃jein'₅₄ jnia'₅₄ ján₃, jui₁lia'₂ ca₂jme₃jein'₅₄ 'éi₂, tē₂ co₂dsia₅ quian'₅₄ 'nia'₂ ja₁coin₂. ¹⁵ A₂dse₃ o₄quián'₂ 'nia'₂ bá₄ ca₂le₃jě₃ a₂ma₂ca₂lě₃ ně₅, ia₁ ně₁jua'₂ le₂jaun₂ juin₅ guě₄ dsa₂ i₂tin₅ a₂'ua₁ dsí₅ Diú₄, le₂jaun₂ bá₄ ján₃ juin₅ guě₄ dsa₂ lě₂ i₂cuě₃ ti₁'mag'₄ qui₂le₃juin'₂ Diú₄.

¹⁶ Jaun₂, o₁líg'₂ jmig₄ tsá₃ qui₂'uán₂ dsi₅ jnia'₅₄. Tsá₃ a₂léi'₂ jaun₂ caun₂ ma₂ne₁ca₂dsa₃ bí₂ ni₁ñi₁ jnia'₅₄. La₁ jme₂dsí₂ quián₂ ně₃ caun₂ rě₂'mag'₄ bá₄ lia'₂ caun₂ jmig₄. ‡ ¹⁷ Ia₁ jmi₁uig₅ a₂ca₂juig₄ a₂dsi₂ñág₂ jnia'₅₄ rě₂ně₃, a₂ñi'₅₄ ta₁ dsi₃ñi₂, jmo₃ a₂tě₃dsi₅₄ a₂léi₂ ñag₅₄ guě₄ jnia'₅₄ ja₁jlá'₁ guě₄ 'ñio₅ lin₃ a₂jio₅ co₂tan₅₄. ¹⁸ Ia₁ tsá₃ jua'₅₄ tion'₂ jnia'₅₄ jui₅ caun₂ cosa a₂jniá₂; a₂jaun₂ bá₄ tion'₂ jnia'₅₄ jui₅ jui₁lia'₂ a₂tsá₃ jniá₂. Ia₁ ca₂le₃jě₃ a₂jniá₂, tsá₃ uě₂ jio₅. A₂dsau₅ bá₄ a₂tsá₃ jniá₂, a₂jaun₂ bá₄ a₂jio₅ co₂tan₅₄.

5

¹ Ia₁ ma₂ne₄ bá₄ jniog₄, jě₁ma₂ca₂dsau₃ ca₂'en₃ ni₁ñi₁ jniog₄ la₂, a₂lě₅ co₂'nió'₄ caun₂ 'né₅ quián₂ tē₁lia'₂ chong₂ mi₂güig₃ la₂, la₁ Diú₄ ně₃ cuě₃ caun₂ ja₁'io₁ guei'₅₄ i₂juig₃ ja₁lě₄ co₂'nió'₄ caun₂ 'né₅ a₂tsá₃ ma₃ton₅ jmig₄ dsi₃'én₂, on₃jua'₅₄ a₂ca₂jmo₃ dsa₂ mi₂güig₃. ² Dsón'₂ bá₄ tē₁lia'₂ chong₂ jniog₄ jui₅ ni₁ñi₅ la₂, ca₂le₃jě₃ chon₂ jniog₄ dsi₅, a₂'ín₅ dsi₅ dsi₁'io₁ 'né₅ quián₂ guei'₅₄ i₂juig₃, ³ ia₁jaun₂ jlě₂ quián₂ ně₂jag₄ bá₄ caun₂ 'mi'₂ a₂quei'₂ Te₁gui'₅₄ ia₁jaun₂ tsá₃ dsi₁no₃ rě₂ñág₅. ⁴ Tē₁lia'₂ chong₂ jniog₄ quian'₅₄ ni₁ñi₁ la₂, ca₂le₃jě₃ chon₂ jniog₂ dsi₅ a₂le₁quian₁ o₂i₁ dsi₅. On₃jua'₅₄ a₂'niog₂ jniog₄ a₂tsá₃ 'e₂ qui'₄ jniog₄; a₂jaun₂ bá₄ 'niog₂ jniog₄ a₂lió₃ co₂ñei'₅₄ ni₁ñi₁ a₂jón₂ la₂, quian'₅₄ ni₁ñi₁ 'mí₂ a₂le₃chan₂ co₂tan₅₄. ⁵ Diú₄ bá₄ dsón'₂ i₂ma₂jmo₃ co₂ñia₅₄ jniog₄ i₂ma₂cuin₃ Jme₂dsí₂ quián₅, a₂lě₅ léi₄ a₂jme₃ti₃ jág₁ quió'₅.

⁶ Le₂ně₅ jaun₂ le₁'ág₄ bá₄ caun₂ dsi₅ jniog₄ co₂tan₅₄, ia₁ ne₄ bá₄ jniog₄ jaun₂, tē₁lia'₂ chong₂ jui₅ ni₁ñi₁ la₂, tsá₃ 'io₄ 'né₅ ja₁guá₄ Te₁gui'₅₄. ⁷ La₁ i₂nio₄ jniog₄ ca₂le₃jág₃ a₂jñia'₅₄ con'₂ 'éin₂ bá₄, on₃jua'₅₄ con'₂ a₂tě₅ ne₄ jniog₄. ⁸ La₁ caun₂ bá₄ le₁'ág₄ dsi₅, lág₂ jniog₄ 'e₂ guě₄ dse₃ jua'₅₄ ně₃ bá₄ 'uág₃ dsi₂néi₂ tsi₁'né₅ ni₁ñi₁ la₂, a₂dsau'₅₄ dsi₁'io₁ quian'₅₄ Te₁gui'₅₄. ⁹ 'Uig₅₄ jaun₂, co₂tan₅₄ quen'₂ jniog₄ bí₂ jmo₂ a₂tě₅ dsi₅ Te₁gui'₅₄, tē₁lia'₂ chong₂ jui₅ ni₁ñi₁ la₂, o₃ ně₁tsá₃ ma₂chong₂ 'e₂. ¹⁰ Ia₁ le₃jág₃ bá₄ jniog₄ dsi₁no₃ ne₄ta₁ quió'₅ Cristo, ia₁jaun₂ gue₃ le₂jan₂ le₂jan₂ dsa₂ con'₂ ca₂tín₂, lia'₂ con'₂ lě₅ ca₂jmo₃ tē₁lia'₂ jme₁chain₂ jui₅ ni₁ñi₁₂, a₂dse₃, o₃ a₂'líg'₅₄ 'e₂.

Jág₁ dse₃ quió'₅ Diú₄ a₂'ag₃ tei₄ dsi₅ dsa₂

¹¹ 'Uig₅₄ ně₅, ia₁ a₂ne₄ jnia'₅₄ a₂ñi₄ lě₃ gau₂ lě₂ jě₁ma₂tión₂ dsa₂ ne₄ Te₁gui'₅₄, a₂quen'₂ jnia'₅₄ bí₂ chei₂ jnia'₅₄ dsa₂ jág₁ dsau₅ o₁ne₄ tsa₁ jiá'₂ dsi₅, gue₃ jág₁ dse₃. Jaun₂ ma₂ñi₅ bá₄ Diú₄ 'a₂ lia'₂ lě₅ chong₂ jnia'₅₄; jaun₂ 'ín₂ dsi₃ jniá₂ a₂ñi'₅₄ bá₄ 'nia'₂ tē₂'au'₂ ján₃. ¹² Tsá₃ o₁len'₂ 'nia'₂ jua'₅₄ 'niog₂ jnia'₅₄ 'ín₄ rě₂ guio₅₄. Jnia'₅₄ lia'₂ cuě₂ jnia'₅₄ jmig₄ a₂dsiá'₂ 'nia'₂ jág₁ tá'₅ o₄quián₂ jnia'₅₄, ton'₂ ia₁jaun₂ ñi'₅₄ 'nia'₂ 'a₂ lia'₂ ñag'₅₄ ne₄ jui₁lia'₂ dsa₂ i₂nio₃ dsia₃ jág₁ tá'₅, i₂jñia'₅₄ dse₃ le₁'ág₄

† 4:13 Salmo 116:10. ‡ 4:16 lit. “Tsá₃ a₂léi'₂ jaun₂ caun₂ ma₂ne₁ca₂dsa₃, quió'₅ dsa₂ le₂co'₅₄; la₁ dsa₂ le₂né'₃, ně₃ caun₂ rě₂'mag'₄ bá₄ lia'₂ caun₂ jmig₄.”

o₁ne₁, on₃jua'₅₄ rē'₂ a₂dsi₂jó'₃ le₁jě₃ jme₂dsí₂ quió'₅. ¹³ Ia₁ chi₂jua'₂ quiong₅ dsa₂ a₂lág₅ jnia'₅₄ dsa₂ nǎ₅, lē₁ o₄quió'₄ Diú₄ bá₄. La₁ chi₂jua'₂ tsá₃ lág₅ jnia'₅₄ dsa₂ nǎ₅ nē₃, a₂dse₃ quián'₂ 'nia'₂ bá₄ jaun₂. ¹⁴ Ia₁ a₂nǎ₄ lē₃ 'nio₃ Cristo jnia'₅₄, a₂jaun₂ tion₅₄ bá₄ ca₂tág₂ jnia'₅₄ jme₁'nió₄ dsa₂ mi₂güí₃ rǎn'₅₄ jui₁lia'₂ ca₂rē₃'nio₃ 'éi₂. Ia₁ caun₂ bá₄ 'éin₂ jnia'₅₄, jan₂ bá₄ i₂ca₂jon₃ o₄quió'₄ ca₂le₃jǎn₃; 'uig₅₄ jaun₂, nē₂jag₄ bá₄ a₂ma₂dsau₃ le₂jág₃. ¹⁵ Jan₂ Cristo bá₄ i₂ca₂jon₃ ne₄ o₄quió'₄ ca₂le₃jǎn₃, ia₁jaun₂ tsá₃ ma₃'nió'₅ le₃chain₂ jmá'₃ o₄quió'₄ guioin₅₄; jui₁le₂chain₂ bá₄ le₃quió'₅ i₂ca₂jon₃ o₄quió'₄, le₃quió'₅ i₂ca₂jen'₅₄ táng₃. ¹⁶ Jaun₂ tsá₃ ma₃'ein₂ jǎn₄ jnia'₅₄ nē₃ tē₂le₃ ne₄ jui₁lia'₂ con'₂ lē₅ jág₂ dsa₂ mi₂güí₃. Jui₁e₂ guē₃ le₂jǎiá₅ jme₁jǎn₄ jnia'₅₄ Cristo lia'₂ con'₂ lē₅ jág₂ dsa₂ mi₂güí₃, tsá₃ ma₃le₂jaun₂ jǎn₄ jnia'₅₄ 'éi₂. ¹⁷ Jaun₂ le₂nē₅, jui₁lia'₂ dsa₂ i₂ma₂chén'₅ le₃quió'₅ Cristo, jan₂ dsa₂ 'mǎ₂ bá₄ 'éi₂. Ca₂le₃jě₃ 'a₂ lia'₂ jme₁lē₄ le₂jǎiá₅, ca₂nǎ₂ bá₄ jaun₂. ¡Ma₂ca₂rē₃'mag'₄ bá₄ ca₂le₃jě₃!

¹⁸ Ca₂le₃jě₃ a₂nē₅, le₂nē₅ ma₂jmo₃ Diú₄ 'ñiog₅. Ca₂'ág₂ táng₃ caun₂ jág₁ quian'₅₄ jniog₄ tē₂le₃ quian'₅₄ Cristo. Jaun₂ 'éi₂ nē₃ ma₂cuē₃ ta₁ a₂jme₁tin₅ jnia'₅₄ dsa₂ 'a₂ lia'₂ 'nió'₅ jmo₃ 'ag₃ caun₂ jág₁ quian'₅₄ Diú₄. ¹⁹ Co₂'nió'₄ le₃jua'₅₄, tē₂le₃ quian'₅₄ Cristo bá₄ jme₁'ag₅ Diú₄ caun₂ jág₁ quian'₅₄ dsa₂ mi₂güí₃. Tē₂le₃ quian'₅₄ Cristo bá₄, jǎn₂ Diú₄ dsa₂ co₂'nió'₄ a₂tsá₃ ma₃'e₂ dso₄ rē₂cán'₄ dsa₂. Jaun₂ tē₂le₃ quian'₅₄ Cristo bá₄ ma₂dsia₃ gu₂ jnia'₅₄ nē₃ a₂qui₁'ē₄ jnia'₅₄ dsa₂ jág₁ dse₃ la₂, ia₁jaun₂ le₃jǎi₅ a₂tsá₃ ma₃mǎ'₅₄ cha₂ quian'₅₄ Diú₄. ²⁰ Jaun₂ le₂nē₅ bá₄ lē₅ 'a₂ lia'₂ tē₁nió₄ jnia'₅₄ i₂quian₄ jnia'₅₄ jág₁ o₄quió'₄ Cristo, ia₁ co₂'nió'₄ 'ñiog₅ bá₄ Diú₄ chi₂lén'₂ dsa₂ tē₂le₃ quian'₅₄ jnia'₅₄. Jaun₂ jnia'₅₄ nē₃, chi₂len'₄ jnia'₅₄ 'nia'₂* quian'₅₄ jág₁ 'éi'₃ quió'₅ Cristo: “Éi₂ 'nia'₂ caun₂ jág₁ quian'₅₄ Diú₄.” ²¹ 'I₁caun₂ dso₄ tsá₃ 'e₂ ca₂'náu₂ Cristo; la₁ 'uig₅₄ dsáu₁ jniog₄ bá₄ nē₃, ca₂'ē₃ Diú₄ uig₅ 'éi₂ nē₂jag₄ bá₄ a₂rē₂cán'₄ dso₄, ia₁jaun₂ jniog₄ nē₃ jē₁ma₂ca₂rē₃quian'₅₄ Cristo, 'ē₂ Diú₄ jág₁ a₂tsá₃ 'e₂ dso₄ rē₂cáu'₄.

6

¹ Jaun₂ le₂nē₅, jnia'₅₄ dsa₂ i₂jmo₂ ta₁ co₂lē₅ quian'₅₄ Te₁gui'₅₄, chi₂len'₄ jnia'₅₄ 'nia'₂ a₂tsá₃ i₂jmo₂ 'nia'₂ jua'₅₄ a₂tsá₃ ta₁ jmo₃ jág₁ a₂'ua₁ dsí₅ Diú₄ a₂ma₂gue'₅₄ 'nia'₂. ² Ia₁ le₂la₂juá'₂ Diú₄ ne₄ Si₂:
Ca₂rē₃chá₃ bá₄ jmǎ₄ a₂ca₂jmo₃ 'ua₁ dsí₃,
ca₂nag₃ jág₁ quián'₂ 'nia'₂;
jmǎ₄ a₂jme₁cuǎn₅ jmǎ₄ líón'₂ 'nia'₂
jme₁ca₂jme₁'o₁ jniá₂.*

Jaun₂ rē₂nē₃ bá₄ 'ē₂₃, cuǎn₅ jmǎ₄ a₂jmo₅ Diú₄ 'ua₁ dsí₅. Rē₂nē₃ bá₄ ján₃ cuǎn₅ jmǎ₄ a₂líón₂ dsa₂.

³ 'I₁caun₂ jnág₅ tsá₃ jmo₂ jnia'₅₄ ja₁con₂ dsa₂, ia₁jaun₂ tsá₃ táun₂ dsa₂ 'lig'₅₄ ta₁† quián₂ jnia'₅₄. ⁴ Tē₂le₃ 'niog₂ jnia'₅₄ cuē₅₄ léi₄ jē₄ ca₂le₃jě₃, a₂lág₅ tē₃dsón'₂ dsa₂ i₂jme₂ti₃ ta₁ ne₄ Diú₄: jē₄ a₂jmo₂ jnia'₅₄ tió'₅ dsí₅; jē₄ jmi₁uig₅ a₂nag₄ jnia'₅₄ jē₄ jme₁dsi₂nǎg₂ jnia'₅₄, a₂tsá₃ a₂ne₄ jnia'₅₄ jmó₁; jē₄ o₂i₁ dsí₅; ⁵ jē₄ qui₂bóg₂ dsa₂; jē₄ qui₂to'₂ dsa₂ né'₃ 'má₃; jē₄ mǎ'₅₄; jē₄ ta₁ 'ua'₂; jē₄ tsá₃ guag₂ jnia'₅₄; jē₄ jme₁'in₂ a₂que₅₄ jnia'₅₄; ⁶ jē₄ a₂le₁jě₃ jme₂dsí₂ quián₂ jnia'₅₄ nē₃; jē₄ jme₂juǎn'₁ dsí₅ ja₁con₂ rǎn'₅₄; jē₄ a₂'ua₁ dsí₅ jnia'₅₄; jē₄ a₂quiong'₅₄ jme₂dsí₂ Jñió₅; jē₄ a₂'nio₃ jnia'₅₄ rǎn'₅₄ tē₃dsón'₂; ⁷ jē₄ quian'₅₄ jág₁ dsau₅ tē₃dsón'₂; jē₄ quian'₅₄ jui₅bí₂ quió'₅ Diú₄; jē₄ quian'₅₄ jui₅ co₂dsau₅ a₂tsá₃ 'e₂ rē₂cáu'₄, quian'₅₄ a₂nē₅ líón₄ jnia'₅₄ co₂'nió'₄ nǎ₁ a₂chan'₂ jnia'₅₄ quian'₅₄ gu₂ ne₁ quian'₅₄ gu₂jen₅ nē₃; ⁸ tē₂le₃ quian'₅₄ a₂jme₂juag'₂

* 5:20 o₃, “chi₂lén'₄ jnia'₅₄ dsa₂.”

* 6:2 Isaías 49:8.

† 6:3 griego: diakonía (ministerio).

dsa₂; tē₂le₃ quian'₅₄ a₂chei'₂ dsa₂ 'lig'₅₄; tē₂le₃ quian'₅₄ jág₁ 'lig'₅₄ a₂qui'₂ag₅ dsa₂; tē₂le₃ quian'₅₄ jág₁ dse₃ a₂qui'₂ag₅ dsa₂ ně₃; a₂lág₅ jnia'₅₄ dsa₂ i₂tí₅ jág₁ quió'₅ jui'₁a₂ guě₃ la₂ quiong₅ dsa₂ jnia'₅₄ i₂tē₂jín₁; ⁹ ně₂jag₄ bá₄ i₂tsá₃ 'ein₂ cui₅, la₁ chan₂ bá₄ i₂cui₅ rē₂; ně₂jag₄ bá₄ a₂ma₂i₁dsióg₃ jnia'₅₄, la₁ jag₄! lia'₂ chong₂ jaun₂ bá₄ jnia'₅₄; qui₂jmóg'₂ dsa₂ uig₅, la₁ tsá₃ ca₂jme₃dsiog₂₃; co₂'nió'₄ a₂qui'₂ ds₅, ¹⁰ la₁ i₂gú'₃ bá₄ chong₂ jnia'₅₄ o₂'ñióg₃ ds₅; co₂'nió'₄ i₂tē₂ñé₂, la₁ jmo₂ jnia'₅₄ a₂le₃chan₂ dse₃ juin₅ i₂sián'₂; co₂'nió'₄ a₂tsá₃ 'e₂ cha₂ quián₂ jnia'₅₄, la₁ 'io₂ bá₄ jnia'₅₄ ca₂le₃jě₃.

¹¹ 'Nia'₂ rin'₅₄ jniog₄ i₂chan₂ juig₂ Corinto, ma₂ně₂jua'₅₄ jnia'₅₄ rē₂jiá₃ jág₁, ně₂jag₄ bá₄ a₂ma₂rē₂nia₅₄ jnia'₅₄ tē₂dsi₅ ja₁con'₂ 'nia'₂. ¹² 'Icaun₂ tsá₃ 'e₂ jnág₅ ma₂jmó₁ jnia'₅₄ ja₁con'₂ 'nia'₂; guion'₅₄ bá₄ 'nia'₂ jmo₂ qui₂nióg₅ tē₂'au'₂, jag₅ jnia'₅₄. ¹³ 'Nia'₂ ně₃, jein'₅₄ 'au'₂ tē₂le₃ ja₁con₂ jnia'₅₄: jaun₂ ně₃ chi₂len'₄ jnia'₅₄ 'nia'₂ ně₂jag₄ bá₄ co₂'nió'₄ ñéi'₅ 'nia'₂ a₂na'₅₄ 'nia'₂ tē₂'au'₂ ja₁con₂ jnia'₅₄.

Lág₅ jniog₄ guá'₅ quián₅ Diú₄ i₂chan₂ tē₃dsón'₂

¹⁴ Tsá₃ i₁nio'₄ 'nia'₂ jua'₅₄ a₂ling'₅₄ jág₁ quian'₅₄ dsa₂ i₂tsá₃ 'én₂. Ia₁ ně₁jua'₂ le₂jaun₂ ně₃, dsi₁nó'₅ 'nia'₂ léng'₂ ju₁lia'₂ on₃ dsi₂ca₁jui₅ i₂quia'₂ 'uě₃, i₂tsá₃ co₂rin₂.† Ia₁ tsá₃ a₁jaun₂ qui₃ ds₅ dsa₂ i₂quian₅ jui₅ dse₃ quian'₅₄ dsa₂ i₂quian₅ jui₅ 'lig'₅₄. Ján₃ guě'₂ le₂jaun₂, o₁líg'₂ jmig₄ tsá₃ lé₂ le₃jen'₂ ja₁tág₅ quian'₅₄ ju₁lia'₂ ja₁qui₁né'₃ táng₃. ¹⁵ ¿O₃ lín'₂ 'nia'₂, lé₂ le₃'ag₃ caun₂ jág₁ Cristo quian'₅₄ i₂sě₃dsen₃ táng₃? O₃, ¿'e₂ bá₄ quen'₅₄ ju₁lia'₂ jan₂ dsa₂ 'én₂ quian'₅₄ jan₂ i₂tsá₃ 'én₂? ¹⁶ ¿O₃ bá₄ lé₂ le₃'ag₃ caun₂ jág₁ guá'₅ quió'₅ Diú₄ quian'₅₄ diú₄ lag₄? Ia₁ guio₅₄ bá₄ jniog₄ lág₅ guá'₅ quió'₅ Diú₄ jén'₃. Lé₅ ju₁lia'₂ ca₂juá'₂ Diú₄ 'ñiog₅:

Gua₅₄ ñi₅₄ quiang'₅₄ dsa₂.

Jniá₂ bá₄ léng₂ Diú₄ quián₅.

Dsa₂ 'éi₂ guě'₂ lén₂ dsa₂ juig₂ quiáng₃.§

¹⁷ Jaun₂ lě₃:

Co₂dsia₅ 'uin'₂ 'nia'₂ jě₄ quió'₅ diú₄ lag₄ 'éi₂;

con'₂ nau₂ 'nia'₂, juá'₂ Te₁gui'₅₄;

Tsá₃ qui₂tí'₅ 'nia'₂ gog'₂ a₂tsá₃ le₁jě₃.

Jaun₂ bá₄ guen'₄ jniá₂ 'nia'₂,*

¹⁸ jaun₂ jan₂ jniá₂ bá₄ léng₂ ñéi'₅ 'nia'₂,

jaun₂ 'nia'₂ guě'₂ léng'₂ chi'₂-guein₂ quiáng₃.

juá'₂ Te₁gui'₅₄ i₂'uan'₂ guě₄ lín₃.†

7

¹ Le₂ně₅ bá₄, rin'₅₄ jniog₄, 'uig₅₄ ia₁ a₂ron₅ jág₁ a₂cuě₁ quió'₅ Diú₄ ja₁con₂ jniog₄, jaun₂ ca₂tág₂ jniog₄ chi₅₄ quián₂ ca₂le₃jě₃ a₂'lig'₅₄ a₂lé₂ le₃'iog₅ jme₂dsí₂ quián₂, le₂jaun₂ ni₁ñi₁ ně₃. Ju₁le₂chong₂ bá₄ co₂ñei'₅₄ dsa₂ i₂lě₅ 'í₁ i₂jme₂gan₃ Diú₄.

'A₂ lia'₂ ca₂rě₃tsín₃ dsí₅ dsa₂ Corintios, ca₂can₃ táng₃ ju₁ dse

² Jmo₄ 'nia'₂ 'au'₂ a₂jag'₅₄ dse₃ jnia'₅₄. Ia₁ tsá₃ 'e₂ 'lig'₅₄ ma₂jma'₅₄ 'i₁jan'₂ 'nia'₂, on₃ guě'₂ 'e₂ jág₁ ga₂ ma₂chéi₂ jnia'₅₄ 'i₁jan₂, on₃ guě'₂ jua'₅₄ ma₂ca₂jme₁gan₅ jnia'₅₄ 'i₁jan'₂ 'nia'₂ ně₃. ³ On₃jua'₅₄ a₂juá'₅ jniá₂ ia₁ a₂bong'₅₄ 'nia'₂ dso₄. Lia'₂ ma₂juá'₅ jaun₂ bá₄ jniá₂, jing₅₄ 'nia'₂ ca₂le₃jě₃ dsí₃, a₂'nió₃ jniá₂ 'nia'₂. Caun₂ bá₄ 'ei₅ dsí₃ chang₂ co₂lě₅ quiang'₅₄ 'nia'₂, o₃ dsióg₃ co₂lě₅ 'e₂. ⁴ Caun₂ bá₄ 'ei₅ dsí₃ jing₅₄ 'nia'₂, 'ñio₅ jmo₅ jniá₂ táng'₅ o₄quián'₂ 'nia'₂. Rē₂'ñia₅ a₂lián'₂ dsí₃, lia'₂ rē₂tsón₂ a₂'io₂ jéin₂ jniá₂, jě₄ ca₂le₃jě₃ o₂i₁ dsí₅ a₂chong₂ jnia'₅₄.

† **6:14** 'Nio'₂ ja₁ton₅ Deuteronomio 22:10. § **6:16** Levítico 26:12; Jeremías 32:38; Ezequiel 37:27.

* **6:17** Isaías 52:11; Ezequiel 20:34-41. † **6:18** 2 Samuel 7:14.

⁵ Ia₁ lia'₂ con'₂ jme₁o₃náu₅ jnia'₅₄ 'uë₃ Macedonia la₂, tsá₃ ma₂ca₂rë₃jag₅₄ 'i₁ca₂juig₄, ia₁ o₂me'₅₄ dsí₅ bá₄ ma₂ca₂rë₃chá₃ le₂con₂ të₂le₃ la₂: mí'₅₄ bá₄ ca₂já₃ le₃lág'₃ ja₁tio'₅₄ jnia'₅₄, ca₂le₃jě₃ ca₂'í₃ gó'₅ dsí₅ jnia'₅₄. ⁶ La₁ Diú₄ i₂jmóg'₅ táng₃ dsí₅ dsa₂ i₂'lia'₂ dsí₅, ca₂jmóg'₃ bá₄ táng₃ dsí₅ jnia'₅₄ jme₁ca₂guan₃ Tito, ⁷ ton'₂ 'éi₂ 'ñiog₅ guë'₂ ně₃, 'ñio₅ lin₃ 'ei₅ dsí₅ o₄quián'₂ 'nia'₂. 'Éi₂ bá₄ dsia₅ ně₃ tság₅ jnia'₅₄, 'ñio₅ 'ín₅ 'au'₂ jag'₅₄ jniá₂. Dsia₂₃ a₂qui'₂ 'au'₂. Dsia₂₃ ján₃ a₂tion'₅₄ 'nia'₂ dsen₅₄ 'au'₂ o₄quió₃ jniá₂. Jaun₂ bá₄ të₂le₃ lě₅ guë'₄ 'io'₂ jéin₅ jme₁ca₂rë₃guion₅₄.

⁸ Tsá₃ a₂nag₅₄ ca₂tió'n'₂ 'nia'₂ co₂'na₂ qui'₂ 'au'₂ quian'₅₄ si₂ carta a₂ca₂tsíng₂; la₁ tsá₃ dsí₂quén'₅ dsí₃ rë₂ně₃. Dsón'₂ bá₄ ca₂dsi₃quén'₅ dsí₃ co₂'na₂ le₂jñiá₅ ján₃ jme₁ca₂rë₃guion₅₄ o₄quió'₄ si₂ jaun₂, ca₂tió'n'₂ 'nia'₂ qui'₂ 'au'₂ co₂'na₂. ⁹ Jaun₂ ně₃ 'io'₂ jéin₅ bá₄ rë₂ně₃, on₃jua'₅₄ ia₁ a₂ca₂tió'n'₂ 'nia'₂ qui'₂ 'au'₂ jaun₂; a₂jaun₂ bá₄ ia₁ a₂ca₂rë₃tsín₃ bá₄ 'au'₂ 'nia'₂ ia₁ a₂ca₂tió'n'₂ 'nia'₂ qui'₂ 'au'₂. Ca₂quian'₂ 'nia'₂ o₂i₁ dsí₅ lia'₂ të₅ dsí₅ Diú₄. Jaun₂ tsá₃ le₃jua'₅₄ a₂ca₂jma'₅₄ jnia'₅₄ dain₅₄ 'nia'₂. ¹⁰ Ia₁ jui₁lia'₂ a₂qui'₂ dsí₅ dsa₂ 'a₂ con'₂ 'nio₃ Diú₄, a₂jaun₂ bá₄ jmo₅ a₂rë₂tsín₃ dsí₅ dsa₂, a₂jio₅ jui₅ a₂lión₂ dsa₂. Jaun₂ tsá₃ cha₂ 'e₂ lě₃ jua'₅₄ dsí₁quén'₅ dsí₅ dsa₂. La₁ ia₁ jui₁lia'₂ a₂qui'₂ dsí₅ dsa₂ lia'₂ con'₂ lě₅ a₂qui'₂ dsí₅ dsa₂ mi₂güig₃ ně₃, a₂jaun₂ bá₄ jio₅ jui₅ 'mú₃. ¹¹ Jag₄ 'nia'₂ jaun₂, a₂la₂ bá₄ a₂të₁dsi₅₄ quián'₂ 'nia'₂, ia₁ ca₂tió'n'₂ 'nia'₂ qui'₂ 'au'₂ jaun₂ lia'₂ con'₂ 'ñio₂ dsí₅ Diú₄: 'e₁ bá₄ chi₂quian'₁ 'nia'₂ jmig₄; 'e₁ bá₄ dsan₂ 'au'₂ jme₁rë'₂ a₂jaun₂ jě₄ quián'₂ 'nia'₂; 'e₁ bá₄ ca₂i₃mé'₂ 'au'₂ ne₄ dso₄ jaun₂; 'e₁ bá₄ ca₂já₃ gó'₅ 'au'₂ 'nia'₂; 'e₁ bá₄ 'ín₅ 'au'₂ 'nia'₂ guë'₄ lin₃; 'e₁ bá₄ dsen₅₄ 'au'₂ 'nia'₂ a₂jme₁'ě'₄ 'nia'₂ uig₅ ně₃. Jě₄ ca₂le₃jě₃ a₂ně₅ ma₂cuë'₅₄ bá₄ 'nia'₂ léi₄ a₂tsá₃ dso₄ rin'₂ 'nia'₂ a₂ca₂lě₃ le₂jaun₂. ¹² Lia'₂ con'₂ ca₂tsíng₂ si₂ carta jaun₂, on₃jua'₅₄ jaun₂ ca₂tsíng₂ o₄quió'₄ i₂ca₂jmo₃ 'lig'₅₄, on₃ guë'₂ o₄quió'₄ i₂ca₂i₃ñí₂ ně₃. A₂jaun₂ bá₄ ca₂tsíng₂ ia₁ jaun₂ le₂len'₄ 'nia'₂ të₂le₃ ne₄ Diú₄ a₂dsan₂ 'au'₂ o₄quián₂ jnia'₅₄. ¹³ Uig₅₄ jaun₂, 'io'₂ jein₂ bá₄ jnia'₅₄ ně₃, cha₂ lián'₂ dsí₅.

La₁ 'ñio₅ lin₃ guë'₄ 'io'₂ jmo₂ jnia'₅₄ jme₁guan₃ Tito, 'ei₅ dse₃ dsí₅ quion₂ jág₁ ia₁ ca₂le₃jín'₃ bá₄ 'nia'₂ ca₂jme₁'oin'₁, ca₂jmog'₅₄ dsí₅ të₁lia'₂ ca₂i₁'i₅ quian'₅₄ 'nia'₂. ¹⁴ Jaun₂ tsá₃ jua'₅₄ a₂lě₁ca₂juig₂ jág₁ tá'₅ jme₁ca₂juig₂ 'io'₂ jéin₅ o₄quián'₂ 'nia'₂. Tsá₃ o₂guí'₃ chén'₅ jniá₂. Ia₁ le₂ně₅ bá₄ jui₁lia'₂ dsau₅ ca₂le₃jě₃ jág₁ a₂ma₂ca₂chéi₂ jnia'₅₄ 'nia'₂, ján₃ bá₄ le₂jaun₂ ca₂le₃jě₃ jág₁ a₂ca₂chei₅₄ jnia'₅₄ Tito 'a₂ lia'₂ lě₅ tion'₅₄ 'nia'₂, ca₂rë₃ti₃ bá₄ lia'₂ lě₅ jaun₂. ¹⁵ Jaun₂ ně₃, të₂le₃ 'ñio₅ lin₃ guë'₄ 'nioi₃ 'nia'₂ ia₁ juá'₂ ca₂jmo'₅₄ bá₄ 'nia'₂ ca₂le₃jě₃ 'e₂ ca₂mi₃, ca₂jmo'₅₄ bá₄ 'nia'₂ 'ua₁ 'au'₂ ca₂guein'₅₄ bá₄ 'nia'₂ caun₂ dse₃ a₂gain'₃. ¹⁶ Jaun₂ të₅ bá₄ dsí₃; caun₂ bá₄ 'ei₅ dsí₃ quian'₅₄ 'nia'₂.

8

A₂cuë₃ dsa₂ 'e₂ cuë₃ 'a₂ con'₂ 'ñio₂ dsí₅

¹ Ně₃ ně₃, rin'₅₄ jniog₄, 'niog₂ jnia'₅₄ a₂le₃ñi'₅₄ 'nia'₂ 'a₂ lia'₂ ma₂ca₂rë₃jniá₂ a₂'ua₁ dsí₅ Diú₄ ja₁con₂ guá'₅ i₂chan₂ 'uë₃ Macedonia la₂.

² Jui₁ 'a₂ guë'₃ la₂ ma₂ja₂lěin₂ quian₅ o₂i₁ dsí₅, tsá₃ caun₂ táu₂ dsí₂ñí₂, la₁ dse₃ bá₄ chain₂ tei₄ bá₄ le₁'ág₄ dsí₅. Jui₁ 'e₂ guë'₃ la₂ te₂ñéi₂ chain₂, la₁ tson₂ guë'₄ a₂ma₂cuë₃ con'₂ 'ñio₂ dsí₅ con'₂ guë'₄ dsa₂ i₂cha₂ quió'₅. ³ Jniá₂ jáng'₅ jág₁ dsau₅, a₂tě₃dsón'₂ bá₄ ma₂cuë₃ 'a₂ con'₂ tió'₅, të₂le₃ lě₅ guë'₄ ma₂cuë₃ 'a₂ con'₂ cha₂ quió'₅, ia₁ a₂'ñio₂ dsí₅. ⁴ Ca₂tság₃ jnia'₅₄ tion₅₄-jan₃, a₂cuë₅₄ jnia'₅₄ jmig₄ a₂quein'₅₄ quian'₅₄ jnia'₅₄ ta₁ dse₃ a₂jme₁'on₁₂ dsa₂ quián₅ Diú₄. * ⁵ Tě₂le₃ lě₅ guë'₄ ca₂cuë₃ bá₄ lia'₂ con'₂ guë'₄ jme₁lág₂ jnia'₅₄. Jniá₅ de'₂ o₄gú₃ Te₁gui'₅₄ ca₂dsia₃, jaun₂ guë'₄ ca₂dsia₃ ne₄

* 8:4 lit. "dsa₂jñió₅."

jnia'⁵⁴, lia'² con'² 'nio'³ Diú⁴. ⁶ Jaun² ma²chi¹ca²len'⁴ jnia'⁵⁴ Tito jaun² jmo³ dse³ dsí⁵ a²jme³'ñia²³ ta¹ dse³ nē⁵ jin'⁴ 'nia'² 'uig⁵⁴ a²ma²'ei⁵ le²jñiá⁵ 'a² con'² ca²lě³ 'au'² 'nia'² jme¹'o'¹. ⁷ Ia¹ jui¹lia'² ma²dsi²jñiá'⁴ 'nia'² jē⁴ le²jě³: a²'én'² 'nia'², a²'ñia'² 'nia'² jág¹ dse³, a²ñi'² 'au'² 'nia'², a²dsen⁵⁴ 'au'², a²'nióg'³ jnia'⁵⁴ nē³; ján³ bá⁴ le²nē⁵ ca²tín'² 'nia'² dsi³jñiá'⁴ quian'⁵⁴ a²la², a²jmo'² 'ua¹ 'au'².

⁸ Tsá³ o¹len'² 'nia'² jua'⁵⁴ a²jmo⁵ jniá² 'éi'³ ja¹con'² 'nia'². Jñia'⁵⁴ lia'² 'nio'³ jniá² cáun⁴ 'í¹ tē²le³ quian'⁵⁴ a²dsen⁵⁴ dsí⁵ i²sián'² chi²jua'² dsón'² bá⁴ 'nióg'³ ríng'² ján³.

⁹ Ia¹ ma²ñi'⁵⁴ bá⁴ 'nia'² 'a² lia'² 'ua¹ dsí⁵ Te¹gui'⁵⁴ Jesucristo quián². O⁴quió'⁴ a²'noi³ 'nia'², ca²ñi³ te²ñé², o¹jñia'⁵⁴ la² jme¹chain² dse³, ia¹jaun² le³chan'² 'nia'² dse³ tē²le³ quian'⁵⁴ jui⁵ te²ñé² a²ca²can³ 'éi².

¹⁰ Cuē⁵ jniá² jág¹ dse³ a²juíg² 'nia'², jui¹lia'² jág¹ la², a²dse³ quián'² 'nia'² guiong'⁵⁴ bá⁴, ia¹ 'nia'² bá⁴ i²ca²jme¹lióg'⁴ ma²ca²ñi², a²ca²jme¹'o'¹ 'nia'², a²'ñio² 'au'² 'nia'² nē³; ¹¹ jaun² nē³ nē³, jme¹'ñia⁵ 'nia'² ta¹ jaun² a²ca²jme¹lióg'², ia¹jaun² le³ti³ a²'ñio² 'au'² 'nia'² jaun², lia'² con'² lě⁵ cha² quián'² 'nia'². ¹² Ia¹ jui¹lia'² a²cuē⁵ dsa² a²'ñio² dsí⁵ tē³dsón'² 'e² 'nio'³ cuē³ Diú⁴, a²le²jaun² bá⁴ gue⁵ Diú⁴ 'ñio² dsí⁵, lia'² con'² lě⁵ a²cha² quió'⁵ dsa², on³jua'⁵⁴ lia'² con'² lě⁵ a²tsá³ cha² quió'⁵.

¹³ On³jua'⁵⁴ a²jaun² guē² juá'⁵ jniá² ia¹jaun² tón'³ dsa² 'éi² a²rē²tsón² ñag⁵⁴ quió'⁵, ton'² tē²le³ ja¹con'² 'nia'² guiong'⁵⁴ guē² nē³ tsá³ cha² lé². ¹⁴ Tē²le³ ia¹jaun² dsióg⁴ co²rē² bá⁴ lě⁵ chan² dsa², 'nia'² cuē² 'e² niog⁵ tsá³ tén'² quió'⁵ ríng'² jmig⁴ nē³; jui¹la² 'ióg³ guē², 'éi² guē² ma²tión² jme³'o⁵⁴ cuē³ 'e² niog⁵ tsá³ tén'² quián'² 'nia'² táng³. Jaun² le²nē⁵ bá⁴ dsióg⁴ co²rē² bá⁴ lě⁵ chan² dsa². ¹⁵ Jaun² le²ti³ jui¹lia'² juá'² ne⁴ Si² quió'⁵ Diú⁴: "I²ca²ro'² 'lióng² tsá³ 'e² jua'⁵⁴ a²ca²chóng³ quió'⁵; le²jaun² guē² le²ja¹con² i²ca²ro'² me², tsá³ 'e² ca²lě³ jua'⁵⁴ a²tsá³ ca²tín'² quió'⁵."†

Tito quiain'⁵⁴ rín'⁵⁴

¹⁶ Ti¹ 'mag'⁴ Diú⁴ ca²jmo³ a²ca²lě³ dsí⁵ Tito a²ca²'i³ dsí⁵ 'nia'² 'ñio⁵ lín³, jui¹lia'² 'i⁵ dsí³ jniá². ¹⁷ Ia¹ dsi²jui⁵ bá⁴ ca²gue³ jme¹ca²ché² jnia'⁵⁴ dsó³, ton'² ia¹ dsan² bá⁴ dsí⁵ 'éi² 'ñio⁵ a²dsó³ dsi³jñi⁵⁴ 'nia'² a²'ñio² dsí⁵.

¹⁸ Jan² rín'⁵⁴ jniog⁴ i²'ei⁵ jág¹ dse³ quió'⁵ le²con² guá'⁵ Macedonia la², 'éi² chen⁵⁴ jnia'⁵⁴ dsó³ co²lě⁵ quiain'⁵⁴ Tito. ¹⁹ Rín'⁵⁴ i²'ín⁵ jnia'⁵⁴ nē⁵, ca²quión'² guá'⁵ a²jme³quiong'⁵⁴ jnia'⁵⁴ a²l¹nio¹ jmó¹ ta¹ dse³ a²jme¹'on¹ jnia'⁵⁴ rín'⁵⁴ ia¹jaun² le³jui² Te¹gui'⁵⁴, ton'² ia¹jaun² léi⁴ a²dsen⁵⁴ dsí⁵ jnia'⁵⁴ a²jme¹'on¹ rín'⁵⁴. † ²⁰ Tsá³ 'niog² jnia'⁵⁴ jua'⁵⁴ a²chi²'ag³ dsa² o⁴quió'⁴ cu⁴ a²rē²tsón² jaun² a²niog⁵ o⁴gu² jnia'⁵⁴. ²¹ 'Niog² jnia'⁵⁴ jmó¹ a²le²jě³ jme²dsí² quián² tē³ne⁴ dsa² lia'² quian'⁵⁴ tē³ne⁴ Te¹gui'⁵⁴ nē³.

²² Ján³ guē² chen⁵⁴ jnia'⁵⁴ jan² rín'⁵⁴ sián'² i²ma²cuē³ léi⁴ a²dsen⁵⁴ dsí⁵ 'ñio⁵ lín³. La¹ nē³ nē³ 'ñio⁵ lín³ guē⁴ jmo²³ a²dsen⁵⁴ dsí⁵ ia¹ a²ñi⁴ lě³ caun² 'ei⁵ dsí⁵ o⁴quián'² 'nia'². ²³ Tito nē³, lín⁵ jan² ríng'³ i²jmo⁵ ta¹ co²lě⁵ quian'⁵⁴ jniá² a²jme²ti³ ta¹ ne⁵⁴ 'nia'². Rín'⁵⁴ jniog⁴ i²quiain'⁵⁴ nē³, i²chen⁴ quián⁵ guá'⁵ i²l²nio⁴ cuē²³ léi⁴ a²jlán'¹ Cristo. ²⁴ Jaun² nē³, jme¹jnia⁵ ne⁴ dsa² nē⁵, lia'² le³ne⁴ ca²le³jín³ guá'⁵ nē³, qui¹jang'⁵⁴ 'nia'² léi⁴ a²dsón'² 'nióg'³ 'nia'² dsa² 'én² ríng'², qui¹jang'⁵⁴ léi⁴ ján³, 'e² 'uig⁵⁴ a²ñi⁴ lě³ dsia² jnia'⁵⁴ jág¹ tá⁵ 'ín⁵ 'nia'².

9

A²cág'³ dsa² cu⁴ a²jme³'oin⁵⁴ rín'⁵⁴ ja¹siá'²

¹ Jui¹lia'² cu⁴ a²jme²'on'⁵⁴ 'nia'² dsa² 'én² rín'⁵⁴, * tsá³ ma³tion⁵⁴ jua'⁵⁴ a²qui²juá'⁴ guē⁴ ne⁴ si². ² Ia¹ ma²guion⁵⁴ bá⁴ a²le¹'ág⁴ 'au'² 'nia'² a²jme¹'o'¹; o⁴quió'⁴

† 8:15 Éxodo 16:18. † 8:19 A²lín⁵⁴ chog⁵⁴ si²: "a²dsen⁵⁴ 'au'² 'nia'² a²jme¹'ong'¹ ríng'²." * 9:1 lit. "dsa² jñiós."

a₂nē₅ jmo₅ jniá₂ táng'₅ jn₄ dsa₂ chan₂ 'uē₃ Macedonia. Ia₁ ma₂ca₂ñi₂ bá₄ jme₁ma₂chan₂ co₂jñia₅₄ dsa₂ chan₂ 'uē₃ Acaya, ton'₂ mei'₂ tsá₃ ca₂le₃jín₃ bá₄ ca₂lě₃ dsí₅ jme₃o₅₄ o₄quió'₄ a₂dse_n₅₄ 'au'₂ 'nia'₂ jaun₂. ³ Ia₁jaun₂ tsá₃ lě₅ jua'₅₄ a₂lě₁ca₂cuē₃ jág₁ tá'₅ quió'₃, jaun₂ tsíng₂ rín'₅₄ la₂ dsi₃jág₂ ia₁ jág₁ jaun₂ ma₂lě₅, ma₂tión'₂ 'nia'₂ co₂jñia₅₄. ⁴ Ia₁ con'₂ tsá₃ ñó₅ nē₁ca₂i₃lén₂ i₂lín₅₄ rín'₅₄ i₂chan₂ Macedonia quian'₅₄ jniá₂, jaun₂ tsá₃ lé₂ jua'₅₄ caun₂ dé₄ o₂guí'₃ tsá₃ co₂jñia₅₄ 'nia'₂ chang'₂ jē₁ma₂ca₂dsi₃náu₅ jnia'₅₄. Le₂jio₅ jniá₂ chéng'₅ 'lig'₅₄ (le₂jaun₂ 'nia'₂ táng₃) ia₁ ma₂juí₂ jniá₂ dsa₂ 'ñio₅ dse_n'₃ 'nia'₂. ⁵ 'Uig₅₄ nē₅ ma₂mí₃ jniá₂ ja₁con₂ rín'₅₄ jniog₂, ia₁ 'nió'₅ bá₄ líng₂, ia₁jaun₂ dsi₃lén₂ dsi₃jñin₅₄ 'nia'₂ ia₁jaun₂ jme₃o₅₄ guē₄ rín'₅₄ cu₄, jág₁ a₂ma₂cuē'₅₄ 'nia'₂ quiáng'₂ le₂jñiá₅ a₂cuē'₁, ia₁jaun₂ ma₂lě₅ co₂jñia₅₄ 'a₂ con'₂ lě₅ 'ñio₂ 'au'₂ 'nia'₂, on₃jua'₅₄ ia₁ a₂chi₁quiong₅₄ jnia'₅₄ jmig₄.

⁶ Dsá₂ 'au'₂ 'nia'₂ jmo₄, jág₁ a₂juá'₄ la₂: juí₁lia'₂ dsa₂ i₂jne₅ me'₂, me'₂ bá₄ a₂ráu₃ quió'₅; juí₁lia'₂ dsa₂ i₂jne₅ 'lióng₂ guē'₂ nē₃, ján₃ bá₄ 'lióng₂ ráu₃ quió'₅. ⁷ Le₂jan₂ le₂jan₂ bá₄ ca₂tín₂ cuē₃ 'a₂ con'₂ ma₂ca₂lě₃ dsí₅ cuē₃, tsá₃ ca₂tín₂ dsa₂ cuē₃ jua'₅₄ a₂ma₂dsi₂mé'₃ dsí₅, on₃ guē'₂ ca₂tín₂ dsa₂ cuē₃ ia₁ a₂ma₂nē₂chi₃quióng₂ dsa₂ jmig₄ tion₅₄. Ia₁ Diú₄ 'nioi₃ dsa₂ i₂cuē₅ a₂'io'₂ jén'₅. ⁸ Diú₄ bá₄ i₂qui'₅₄ jmig₄ jme₃gu'₅₄ 'nia'₂ 'ñio₅ lín₃ ca₂lia'₂ qui₂rē₂tsón₂ quián'₂ 'nia'₂, ia₁jaun₂ le₃cha₂ ca₂le₃jě₃ a₂'nió'₅ quián'₂ 'nia'₂, ia₁jaun₂ rē₂tsón₂ lé₂ le₃jme₁'on'₁ 'nia'₂ ríng'₂ ca₂le₃jě₃ jmig₄, quian'₅₄ ca₂le₃jě₃ ne₅₄ ta₁ dse₃. ⁹ Jaun₂ le₃ti₃ a₂juá'₂ ne₄ Si₂: juí₁lia'₂ dsa₂ i₂jmo₅ dsióg₁,

cuē₂₃, jme₁'oin₅₄ dsa₂ i₂te₂ñé₂,

lia'₂ co₂tan₅₄ bá₄ dsiog'₂ dsí₅ dsa₂

ca₂le₃jě₃ ne₅₄ a₂dse₃ a₂'ua₁ dsí₅ ca₂jmo₃.†

¹⁰ 'Ñiog₅ bá₄ Diú₄ ca₂cuē₃ jon₂ a₂ca₂i₃jñia₄; ca₂jmo₃ ca₂rau₂ a₂quē'₅₄ 'nia'₂, ton'₂ jmo₃ ján₃ le₃cha₂ ca₂le₃jě₃ ne₅₄ a₂tsá₃ cha₂ quián'₂ 'nia'₂; jaun₂ le₃dse₃ ca₂le₃jě₃ 'e₂ a₂ján'₄ 'nia'₂ nē₃, jmo₃ qui₂dsi₃cón₃ dsi₃ca'₅₄, jmo₃ a₂caun₂ ráu₃ a₂'ua₁ 'au'₂ 'nia'₂ jmo₂. ¹¹ Le₂nē₅ bá₄ le₃chan'₂ 'nia'₂ dse₃ le₃cha₂ quián'₂ 'nia'₂, ia₁jaun₂ le₃cha₂ a₂lě₂ le₃jme₁'ong'₁ guē₄ juín₅ dsa₂ te₂ñé₂ jmó'₂ 'ua₁ 'au'₂. Le₂jaun₂ bá₄ le₃jme₁'ong'₁ 'nia'₂ rín'₅₄ jniog₄ tē₂le₃ quian'₅₄ jnia'₅₄, jaun₂ juín₅ i₂lě₂ dsí₅ cuē'₃ ti₁'mag'₄ Diú₄. ¹² Ta₁ a₂jme₂ti₄ jniog₄ ne₄ i₂sián'₂ jaun₂, jmo₅ ta₁ on₃jua'₅₄ jmá'₃ a₂jme₂o₅₄ cuē₃ a₂'nió'₅ quió'₅ rín'₅₄ jniog₄; ján₃ bá₄ jmo₅ ta₁ ia₁jaun₂ juín₅ i₂rē₂tsón₂ i₂cuē'₃ ti₁'mag'₄ Diú₄. ¹³ Tē₂le₃ quian'₅₄ ta₁ a₂jme₂ti₄ jniog₄ ne₄ rín'₅₄ ja₁siá'₂ nē₅, cuē₂ jniog₄ léi₄ a₂tē₃dsón'₂ bá₄ jme₂ti₅₄ 'nia'₂ jág₁ dse₃ quió'₅ Cristo a₂ma₂gue'₅₄ 'nia'₂, ia₁ a₂'ua₁ 'au'₂ ja₁con₂ ríng'₂, quian'₅₄ ja₁con₂ ca₂le₃jín₃. Le₂nē₅ bá₄ juín₅ dsa₂ i₂jme₃juín'₂ Diú₄. ¹⁴ Le₂nē₅ bá₄ lé₂ dsí₅ mí₃ ne₄ Diú₄ o₄quián'₂ 'nia'₂, ton'₂ 'ín₅ dsí₅ 'ñio₅ lín₃ o₄quián'₂ 'nia'₂, ia₁ ma₂rē₂jñiá₂ le₃ja₁con'₂ 'nia'₂ 'a₂ lia'₂ ma₂jmo₃ Diú₄ a₂'ua₁ 'au'₂ 'nia'₂. ¹⁵ ¡E₁ guē₄ ti₁'mag'₄ Diú₄ ia₁ ma₂cuag₃ jniog₄ i₂dse_n₃ i₂quen₅ guē₄ lín₃, ca₂lia'₂ tsá₃ ne₄ 'a₂ lia'₂ le₃jua'₅₄!

10

A₂quen₅ jág₁ quió'₅ Pa₄ ia₁ a₂lín₅ i₂chen₄ quián₅ Cristo

¹ Jniá₂ Pa₄, mí₂₃ juí₂ 'nia'₂ quian'₅₄ jág₁ 'ua₁, ia₁ a₂'ua₁ dsí₅ Cristo. Cha₂ jág₁ a₂líng₅ jan₂ dsa₂ i₂quian₅ jág₁ 'ua₁ jme₁'eng₅₄ jē₄ quián'₂ 'nia'₂, la₁ jē₁ma₂'eng₅₄ ja₁siá'₂ 'ñio₅ bá₄ ma₂bén₂ jág₁ quió'₃. ² Jaun₂ mí₅ jniá₂ ne'₅₄ 'nia'₂, tsá₃ jmo₂ jua'₅₄ a₂tion₅₄ 'nió'₅ jmo₅₄ tiá₂ dsi₃ jē₁ma₂dsióg₃, quian'₅₄ dsa₂ i₂bóg'₂ dso₄, a₂'ag₂₃ jniá₂ a₂jmo₂₃ lia'₂ jmo₅ dsa₂ mí₂güí₃. Ia₁ caun₂ bá₄ ma₂'ei₅ dsi₃ a₂dsia₅₄ jág₁ quian'₅₄

† 9:9 Salmo 112:9.

dsa₂ i₂le₂'éi₂. ³ Dsón'₂ bá₄ jaun₂ dsa₂ mi₂güig₃ bá₄ lág₅ jnia'₅₄ tē₁lia'₂ chong₂ la₂. La₁ tsá₃ cág'₂ jnia'₅₄ ju₁lia'₂ quín'₂ dsa₂ mi₂güig₃. ⁴ Ia₁ on₃jua'₅₄ quian'₅₄ ni₁ñí₁ cág'₂ jnia'₅₄, ju₁lia'₂ ni₁ñí₁ a₂qui₂jmo'₂ ta₁ dsa₂ mi₂güig₃, ju₁lia'₂ jē₁quín'₂ jmo₂₃ 'nei₂; quian'₅₄ bí₂ quió'₅ Diú₄ bá₄ cág'₂ jnia'₅₄, a₂jaun₂ bá₄ 'nió'₄ ñí₁ quián₂ jnia'₅₄ a₂'io₅ bí₂ quió'₅ Diú₄ a₂qui₂le₃juin₃ ca₂le₃jě₃ a₂bén₂ a₂niog₅ tíong₂ quió'₅ i₂sē₃dsen₃. ⁵ Le₂nē₅ bá₄ ma₂ja₂náu₅ jnia'₅₄ ma₂tián₃ ma₂jne₅₄ jnia'₅₄ ca₂le₃jě₃ 'e₂ niog₅ 'ag₅ dsa₂ ja₁con₂ Diú₄, ju₁lia'₂ dsa₂ i₂jmo₅ rón₂, i₂tsá₃ 'nio₃ le₃cuin₅ Diú₄. Ján₃ bá₄ le₁te₁ jnia'₅₄ le₁'ñe₅ ca₂le₃jě₃ a₂dsi₂jio₅ dsí₅ dsa₂, ia₁jaun₂ le₃néi'₂ nag₃ gau₂ jág₁ quió'₅ Cristo. ⁶ Lia'₂ ma₂tíong₂ jaun₂ bá₄ jnia'₅₄, le₃'ē₅₄ jnia'₅₄ uig₅ ca₂le₃jín₃ i₂tsá₃ jág₁ cán₂ i₂tsá₃ ne'₅₄. Le₂jaun₂ bá₄ lé₂ jē₁ma₂rē₂'ñia₅ a₂né'₂ 'nia'₂.

⁷ Caun'₅₄ 'nia'₂ 'í₁ a₂ma₂jniá₂ dsi₁ne₁, ju₁lia'₂ jág₁ a₂juá'₄ jniá₂ la₂: chi₂jua'₂ caun₂ 'ei₅ dsí₅ i₂lín₅₄ a₂lín₅ tē₃dsón'₂ i₂quián₅ Cristo, ca₂tíin₂ le₃ñi₅, jnia'₅₄ guē'₂ nē₃ dsón'₂ bá₄ lág₅ i₂quián₅ Cristo ján₃. ⁸ Mei'₂ tsá₃ lín'₂ 'nia'₂ a₂juá'₅ jniá₂ ñag₅₄ ju₁lia'₂ con₂ ta₁ a₂lág₅ jnia'₅₄. La₁ on₃jua'₅₄ a₂gui'₅₄ jniá₂ jág₁ a₂juá'₅, ia₁ a₂ca₂tín₂ bá₄ jniá₂ juá'₄, ia₁ 'ñiog₅ bá₄ Te₁gui'₅₄ ma₂cuē₃ 'éi'₃ a₂qui₂jme₁'an₂ 'au'₂ 'nia'₂ a₂dse₃ jmo₃ ta₁ a₂qui₂dsi₃cón₃ jme₂dsí₂ quián'₂ 'nia'₂. On₃jua'₅₄ rē'₂ tē₂le₃ a₂lé₂ tsí₁rē₂jan'₅₄ 'nia'₂. ⁹ Tsá₃ o₁len'₂ 'nia'₂ jua'₅₄ 'nio₃ jniá₂ quiang₅₄ juē'₅ 'nia'₂ quian'₅₄ si₂ a₂jmo₅ jniá₂. ¹⁰ Juá'₂ bá₄ i₂lín₅₄ 'ñio₅ bén₂ jág₁ quió'₃ tio'₅₄ ne₄ si₂, la₁ jan₂ dsa₂ 'uan₅₄ bá₄ líng₅ ju₁lia'₂ jme₁'eng₅₄ jē₄ quián'₂ 'nia'₂, jaun₂ lín₂ a₂tsá₃ lín₄ ta₁ tí₄ jág₁ quió'₃ a₂dsia₂₃ dsi₁ne₁. ¹¹ Ju₁le₂ñí'₂ bá₄ dsa₂ i₂le₂'éi₂, ju₁lia'₂ lē₅ jág₁ quián₂ jnia'₅₄ a₂tio'₅₄ ne₄ si₂, ju₁e₂ guē₃ úing₂ tio'₅₄ jnia'₅₄, le₂jaun₂ dsón'₂ jmo₂ bá₄ jnia'₅₄ jme₁tio'₅₄ quian'₅₄ 'nia'₂ ján₃.

¹² Ia₁ tsá₃ tiá₂ dsi₅ jnia'₅₄ 'ín₄ dse₃ guio₅₄, on₃ guē'₂ a₂quin₅₄ jnia'₅₄ quian'₅₄ i₂lín₅₄ i₂jme₂juin'₂ guioin₅₄ le₂jaun₂. La₁ 'éi₂ nē₃ jme₁con₂ 'í₁ chi₂jua'₂ co₂rñin₂, quín₂₃ guioin₅₄ quian'₅₄ rñin'₅₄, tsá₃ 'an₂ dsí₅ chain₂. ¹³ Jaun₂ tsá₃ dsiá₁ jnia'₅₄ jág₁ tá₅ ñag₅₄ guē₄ con₂ guē₄ ja₁ca₂tág₂. Con₂ jaun₂ bá₄ jmo₂ jnia'₅₄ con₂ lé₅ 'éi'₃ ca₂cuē₃ Diú₄ a₂jmo₁. Jaun₂ 'éi₂ bá₄ ca₂jmo₃ 'éi'₃ a₂dsi₁náu₅ jnia'₅₄ tē₂go₅₄ 'nia'₂. ¹⁴ Jaun₂ tsá₃ o₁len'₂ 'nia'₂ jua'₅₄ jnia'₅₄ i₂nió₄ tē₂ ja₁tsá₃ ma₃dsi₂ten₅₄ i₂nió₁. Le₂nē₅ jme₁lé₂ jua'₅₄ mei'₂ guē₃ tsá₃ ma₂ca₂dsi₃náu₅ jnia'₅₄ ca₂tē₂ ja₁tion'₅₄ 'nia'₂. Dsá₂ 'au'₂ 'nia'₂ jmo₄, jnia'₅₄ bá₄ i₂le₂'uig₅₄ i₂can₁ jág₁ dse₃ la₂ quió'₅ Cristo jin'₄ 'nia'₂. ¹⁵ Tsá₃ dsiá₁ jnia'₅₄ jág₁ tá₅ ñag₅₄ guē₄ quian'₅₄ ta₁ quió'₅ i₂sián'₂. Jnia'₅₄ lia'₂ a₂jaun₂ bá₄ 'ín₂ dsi₅ jnia'₅₄, jē₁ma₂'én'₂ guē₄ 'nia'₂, jaun₂ 'ag₃ caun₂ jág₁ quian'₅₄ 'nia'₂, ia₁jaun₂ lé₂ dsi₃cón₃ guē₄ ta₁ quián₂ jnia'₅₄, o₄quió'₄ Diú₄, ¹⁶ ia₁jaun₂ lé₂ le₃dsau₅₄ úing₂ a₂ñag₅₄ guē₄ ja₁tion'₅₄ 'nia'₂ qui₂dsi₁'ē₄ jág₁ dse₃. La₁ tsá₃ dsi₂jmo₁ jnia'₅₄ rón₂ quian'₅₄ ta₁ a₂ma₂niog₅ ma₂jmo₃ dsa₂ sián'₂.

¹⁷ La₁ ju₁lia'₂ juá'₂ ne₄ Si₂: “Ju₁lia'₂ dsa₂ i₂dsia₅ jág₁ tá₅, ju₁dsia₁₂ jág₁ tá₅ le₃quió'₅ Te₁gui'₅₄.”* ¹⁸ Ia₁ on₃jua'₅₄ dsa₂ i₂'in₅ dse₃ 'ñiog₅, chén'₅ dse₃, tē₂le₃ i₂'ín₁ dse₃ quió'₅ Te₁gui'₅₄ bá₄.

11

Juá'₂ Pa₄ 'in₂₃ dsa₂ i₂jme₂tag₅ jág₁ ju₁gain₂

¹ Jme₁'nio₃ jniá₂ jua'₅₄ jmo₁'₂ bá₄ 'nia'₂ tíó'₃ 'au'₂ quian'₅₄ jág₁ quió'₃ la₂, a₂nē₃ guē₄ juá'₄, a₂lé₅ lia'₂ lē₅ jág₁ quió'₅ dsa₂ i₂tsá₃ 'en₅₄ dsí₅. La₁ jmo₄ bá₄ 'nia'₂ juin'₂ 'au'₂. ² Ia₁ 'ñio₅ lín₃ dséi₅ jniá₂ quian'₅₄ 'nia'₂, a₂lé₅ dsi₃ dséi₅ o₄quió'₄ Diú₄. Ia₁ jniá₂ bá₄ ma₂ca₂jmo₃ jág₁ a₂jme₁jnia₅ jniá₂ 'nia'₂ co₂'nió'₄ dsa₂ dsen₃, i₂le₁jě₃ jme₂dsí₂ quió'₅, ne₄ Cristo, ju₁lia'₂ jan₂ jmei₂ chi'₂ dsa₂ mi₄ jme₂jniai₂₃ ja₁míg₄ ne₄ i₂lē₅ jág₁ i₂lé₂ dsi₂i₂gu₂. ³ La₁ gó₅ jniá₂ ia₁ con₂ tsá₃ ñó₅ nē₁ca₂rē₃gán'₃ 'nia'₂

* 10:17 Jeremías 9:24.

jme₃gau₅ dsa₂ quian'₅₄ mai₅₄ quió'₅, jui₁lia'₂ ca₂i_ηi'₂ Eva ca₂jme₃gau₅ dsi₂mi'₂, nē₁ca₂i₃uín₂ cau₅ 'a₂ lia'₂ dsi₂jio₅ 'au'₂ 'nia'₂, a₂qui₂le₁jě₃ 'au'₂, a₂rē₂teng'₅₄ le₃quió'₅ Cristo. ⁴ Ia₁ ma₂ja₂nó'₅ 'nia'₂ qui₂guéng'₅ rē₂ dsa₂ i₂tē₁ja₂lén₂ jme₂tag₅, la₁ le₂siá'₂ bá₄ 'i_{in}₂₃ Jesús, tsá₃ lě₅ jág₁ quió'₅ lia'₂ con'₂ lě₅ jág₁ a₂ma₂gue'₅₄ 'nia'₂ le₂jñiá'₅ quió'₅ Jesús. Jaun₂ le₂nē₅ bá₄ ma₂guen'₅₄ táng₃ 'nia'₂ jme₂dsi₂ sián'₂, on₃jua'₅₄ i₂quián₅ Diú₄ i₂jme₁ma₂guen'₅₄ 'nia'₂. ¡Dse₃ bá₄ jmo'₂ 'nia'₂ tió'₃ 'au'₂ quian'₅₄ jág₁ a₂rē₂tsín₄ guě₄, a₂tsá₃ lě₅ con'₂ lě₅ jág₁ dse₃ a₂lió₂ a₂jme₁ma₂nei'₂ 'nia'₂! ⁵ La₁ jniá'₂ nē₃, tsá₃ líng₂ jua'₅₄ a₂me'₂ guě₄ quen₅ jniá'₂, jua'₅₄ ca₂juig₄ guě₄, lia'₂ con'₂ guě₄ dsa₂ 'éi₂ i₂η₁₄ lě₃ jme₂can'₅₄ guion₅₄ a₂jmo₂₃ a₂lín₅ dsa₂ i₂chen₄ quián₅ Cristo. ⁶ O₁jñia'₅₄ tsá₃ lín₄ dse₃ 'ñiag₂ jág₁, la₁ tsá₃ 'e₂ lě₅; la₁ niog₅ bá₄ dsi₃. Ma₂ca₂jme₁jnia₅ bá₄ jniá'₂ ca₂le₃jě₃ ja₁con'₂ 'nia'₂.

⁷ ¿O₃ bá₄ lín'₂ 'nia'₂ a₂ca₂'no₃ jniá'₂ dso₄ ia₁ ca₂dsióg₃ ca₂jmo₃ meg'₂ a₂ca₂chon'₄ jniá'₂ 'nia'₂ jme₁ca₂'ě₃ jniá'₂ jág₁ dse₃ a₂lión'₂ 'nia'₂, ia₁ tsá₃ 'lia'₅₄ ca₂can₃ jniá'₂? ⁸ Guá'₅ ja₁siá'₂ bá₄ i₂ca₂jme₃'o₅₄, co₂'nió'₄ a₂ca₂can₃ jniá'₂ cu₄ quió'₅, ia₁jaun₂ le₃jmo'₂ ta₁ a₂le₃ti₃ ta₁ ja₁con'₂ 'nia'₂. ⁹ Lia'₂ con'₂ jme₁'eng₅₄ quian'₅₄ 'nia'₂, dsón'₂ bá₄ ca₂rē₃'nió'₅ quió'₃ le₂jaun₂, la₁ tsá₃ 'e₂ guei₂ ca₂cuě₃ jniá'₂ 'i₁jan'₂ 'nia'₂. Ia₁ dsa₂ rin'₅₄ jniog₄ i₂chan₂ Macedonia la₂ bá₄ ca₂l₁lein₅₄ juig₂ Corinto nē₅, ca₂i₁can₅ a₂tsá₃ cha₂ quió'₃ lia'₂ con'₂ jme₁chi₁quian₁₂ jniá'₂ jmig₄. Qui₂ca₂jmo₃ bá₄ jniá'₂ 'í₁ jaun₂ tsá₃ 'ein₂ 'nia'₂ cán'₁ guei₂ o₄quió'₃ jniá'₂, jaun₂ caun₂ jmo₅₄ bá₄ jniá'₂ 'í₁ jaun₂. ¹⁰ Jaun₂, o₄quió'₄ jág₁ tí₅ dsón'₂ quió'₅ Cristo a₂'i₄ dsi₃, juá'₅ jniá'₂, 'i₁jan₂ tsá₃ lě₂ jné₃ jua'₅₄ a₂tsá₃ lě₂ juá'₄ jniá'₂ con'₂ 'ñio₂ dsi₃ le₂tan₅₄ 'uě₃ Acaya. ¹¹ ¿'E₂ lě₃ juá'₅ jniá'₂ le₂nē₅, lín'₂ 'nia'₂? ¿O₃ bá₄ ia₁ a₂tsá₃ 'nió'₃ jniá'₂ 'nia'₂? Ñi₅ bá₄ Diú₄, a₂'nióg₃ bá₄ 'nia'₂.

¹² Jaun₂ caun₂ jmo₅₄ bá₄ jniá'₂ a₂ma₂guio₃ jmo₂₃, ia₁jaun₂ jni₃ jui₅ quió'₅ jui₁lia'₂ i₂i₂nio₄ nē₅ a₂'nio₃ dsia₃ jág₁ tá'₅ jmo₂₃ dsí₅ a₂lě₅ rē₂ ta₁ quió'₅, jui₁lia'₂ lě₅ ta₁ quián₂ jnia'₅₄. ¹³ Ia₁ dsa₂ i₂le₂'éi₂ nē₃ lín₅ dsa₂ i₂chen₄ i₂jui₁gan₂. A₂jmo₂₃ ta₁ a₂jñia'₅₄ jme₂gau₂₃, a₂qui₂jmói'₂ a₂jmo₂₃ lín₅ dsa₂ i₂chen₄ quián₅ Cristo. ¹⁴ On₃jua'₅₄ a₂dsi₂gó'₃ dsi₅, ia₁ le₂jio₅ 'ñio₅ i₂sě₃dsen₃ qui₂jmói'₂ a₂jmo₂₃ lín₅ jan₂ ángel i₂jniá'₂ tágs. ¹⁵ 'Uig₅₄ jaun₂ nē₃, le₂jaun₂ bá₄ lě₅ jui₁lia'₂ quian'₅₄ dsa₂ i₂jme₂ti₃ ta₁ ne₄ 'éi₂: qui₂jmói'₂ a₂jmo₂₃ lín₅ lia'₂ lín₅ i₂jme₂ti₃ ta₁ ne₄ a₂dse₃, con'₂ dsi₂ten₅₄. La₁ jē₁ca₂tó'₂ bá₄ dsi₃guéi₃ con'₂ lě₅ ca₂tín₂ co₂niog₅ lě₅ jmo₂₃.

'A₂ lia'₂ niog₅ lě₅ uig₅ ca₂ñag₃ Pa₄ ne₄ ia₁ a₂lín₅ dsa₂ i₂chen₄ quián₅ Cristo

¹⁶ Con'₂ siá'₂ juig₂ 'nia'₂: tsá₃ o₁len'₂ 'nia'₂ jua'₅₄ tē₃dsón'₂ líng₅ dsa₂ co₄. La₁ o₁jñia'₅₄ 'ein₂ guě'₂ jmo₅ dsí₅ a₂lín₅ le₂nē₅, la₁ guei₅₄ jniá'₂ nē₂jag₄ bá₄ a₂lín₅ dsa₂ co₄, ia₁jaun₂ lě₂ dsia₅₄ ca₂la₂ jág₁ tá'₅. ¹⁷ Jui₁lia'₂ juá'₅ jniá'₂, on₃jua'₅₄ lia'₂ con'₂ lě₅ 'nio₃ Te₁gui'₅₄, lia'₂ jē₁tē₂'i₅ jan₂ dsa₂ co₄ bá₄ juá'₅ jniá'₂, jmo₅₄ róng₂, co₂'nió'₄ caun₂ bá₄ 'ei₅ dsi₃. ¹⁸ Jui₁lia'₂ ju_{in}₅ lín₃ i₂chan₂ dsia₅ jág₁ tá'₅ quian'₅₄ cosa a₂cha₂ mi₂güig₃ la₂, ján₃ bá₄ le₂jaun₂ guě'₂, la₂ dsia₅₄ jniá'₂ jág₁ tá'₅. ¹⁹ 'Uig₅₄ ia₁ a₂ñag₅₄ ñi'₅₄ bá₄ 'nia'₂, jaun₂ 'ñio₂ bá₄ 'au'₂ 'nia'₂ jmo'₂ tió'₃ 'au'₂ quian'₅₄ dsa₂ co₄. ²⁰ Ia₁ jmo'₂ bá₄ 'nia'₂ tió'₃ 'au'₂ quian'₅₄ dsa₂ i₂chi₂quióng₂ jmig₄ tion₅₄-jan₃, dsa₂ i₂guě'₅ ta₁ 'ua'₂ quián'₂ 'nia'₂, dsa₂ i₂jo₅ quián'₂ 'nia'₂, dsa₂ i₂jmo₅ can'₅₄ ne₄ quián'₂ 'nia'₂, dsa₂ i₂qui₂jno₂ quián'₂ 'nia'₂ nē₃. ²¹ 'An₁ lín'₂ 'nia'₂ a₂lág₅ jnia'₅₄ dsa₂ 'uan₅₄ ia₁ a₂tsá₃ 'ein₂ jnia'₅₄ tiá₂ dsí₅ jmo₃ le₂nē₅ ja₁con'₂ 'nia'₂. 'An₁ le₃jéin₄ jniá'₂ o₂guí'₃ bá₄ ia₁ a₂juá'₅ a₂lín₅ dsa₂ 'uan₅₄.

La₁ chi₂jua'₂ tiá₂ bá₄ guě'₂ dsí₅ i₂sián'₂ dsia₃ jág₁ tá'₅, ján₃ bá₄ tiá₂ dsi₃ jniá'₂ jmo₅₄ le₂jaun₂. (La₁ juá'₅ jniá'₂ lia'₂ ja₁juá'₂ jan₂ dsa₂ co₄.) ²² ¿'E₂? ¿Jmá'₃ dsa₂ 'éi₂ bá₄ i₂tín₂ dsia₃ jág₁ jmei₅ hebreo? Ján₃ bá₄ tñ₂ jniá'₂ táng₃. ¿Jmá'₃ dsa₂ 'éi₂ bá₄ lín₅ dsa₂

israelitas? Ján₃ bá₄ 'éi₂ guë'₂ jniá₂ ján₃. ¿'E₂? ¿Jmá'₃ lia'₂ dsa₂ 'éi₂ bá₄ lín₅ tsi₁jon₂ Abraham? Ján₃ bá₄ 'éi₂ guë'₂ lín₅ jniá₂. ²³ ¿Jmá'₃ dsa₂ 'éi₂ lín₅ dsa₂ i₂jme₂ti₃ja₁con₂ Cristo? Tson₂ bá₄ guë'₄ lín₅ jniá₂, ia₁ 'ñio₅ lín₃ guë'₄ ma₂guio₃ jme₂ti₅₄ja₁con₂ Cristo lia'₂ con'₂ guë'₄ dsa₂ 'éi₂. (A₂lë₁juá'₅ bá₄ jniá₂, lia'₂ lë₁të₂'i₅ dsa₂ ñá₅.) Ia₁ tson₂ lín₃ guë'₂ ma₂guio₃ jmo₂₃ ta₁ jme₂ti₅₄; ia₁ 'lióng₂ guë'₄ 'mi₅ ma₂qui₂ma₂can₃ jniá₂ lia'₂ con'₂ guë'₄ dsa₂ 'éi₂; ma₂qui₂ma₂'ú₃ 'lióng₂ lín₃ ráun₂ né'₃ 'má₃ në₃; 'lióng₂ ráun₂ ma₂i₂ñig₂ñia'₅₄ mei'₂ tsá₃ ma₂jong₃. ²⁴ Con'₂ 'ñiá₂ ráun₂ ma₂ca₂bóg₂ dsa₂ judíos jmá'₃ guióg₂-guia₃-né₂ ráun₂ lia'₂ co₂ráun₂. * ²⁵ 'Nag'₂ ráun₂ guë'₂ ma₂bóg₂ dsa₂ quian'₅₄ ni₁'ma₂; co₂ráun₂ guë'₂ ca₂cuë₃ cang₄ tióin'₅₄. 'Nag'₂ ráun₂ guë'₂ ne₄ jmi₁ñí'₄ ca₂i₂ñig₂ ca₂'en₃ ni₁barco a₂jme₁'eng₅₄. Co₂ráun₂ guë'₂ ca₂ñig₅ co₂jmi₄ co₂nei₅ dsi₂jo₂ jmi₁ñí'₄ në₃. ²⁶ 'Lióng₂ ráun₂ dsi₂jui₅ ja₁ma₂qui₂i₂ñi₃, ma₂ca₂i₂ñig₂ a₂go'₂ ia₁ te₁'i₁ cuá₃, a₂go'₂ ia₁ a₂chan₂ dsa₂ 'ang₂, a₂go'₂ rë'₂ a₂jo₅₄ dsa₂ go₃, a₂go'₂ jo₅₄ dsi₂nau₂, a₂go'₂ rë'₂ 'eng₅₄ ciudad, a₂go'₂ jë₁ma₂ñig₅ má'₂ ja₁co₂ñiog₅, a₂go'₂ jë₁ma₂ñig₅ ne₄ jmi₁ñí'₄, a₂go'₂ rë'₂ quian'₅₄ dsa₂ i₂jui₁gan₂ i₂jmo₅ lín₅ rin'₅₄ jniog₄, ²⁷ jë₄ ta₁ 'ua'₂ lín₃, jë₄ ma₂ca₂'ú₃ lín₃, jë₄ jme₁tsá₃ güing₂₃, jë₄ i₁cón₅ rë₂quein₂ dsi₃, jë₄ jme₁'in₂ a₂tsá₃ cha₂ a₂guë'₅₄, jë₄ jein₂ güig₂, jë₄ a₂tsá₃ 'e₂ cha₂ qui'₄ në₃.

²⁸ Cha₂ guë'₄ caun₂ siá'₂ táng₃ a₂chang₂ ca₂le₃jë₃ jmi₄ a₂'i₅ dsi₃ o₄quió'₄ ca₂le₃jë₃ guá'₅. ²⁹ ¿'Ein₂ 'éi₂ i₂'uan₅₄, jniá₂ guë'₂ tsá₃ 'uang₅₄? ¿'Ein₂ 'éi₂ i₂ca₂tán'₂ dso₄ a₂'uin₄ i₂sián'₂, jniá₂ guë'₂ tsá₃ 'e₂ i₂mé'₂ dsi₃? ³⁰ Në₁juá'₂ ca₂tíng₂ dsia₅₄ jág₁ tá'₅, jaun₂ dsia₅₄ jniá₂ jág₁ tá'₅ të₂le₃ ne₄ ca₂le₃jë₃ a₂cuë₅ léi₄ a₂líng₅ jan₂ dsa₂ 'uan₅₄. ³¹ Diú₄ Jmei₂ Jesucristo Te₁gui'₅₄ quián₂ jniog₄ bá₄ i₂ca₂tín₂ jme₂juin'₂ dsa₂ co₂tan₅₄, 'éi₂ bá₄ ñi₅ a₂dsau₅ bá₄ jág₁ quió₃. ³² Lia'₂ con'₂ jme₁'eng₅₄ juig₂ Damasco, i₂lín₅ dsi₄má'₂ ja₁jaun₂ i₂jme₁jme₂ti₃ ne₄ Rag₅₄ Aretas, ca₂jmo₃ 'éi'₃ a₂ca₂jmo₃ dsa₂ 'í₁ o₄jui₅ ia₁ jme₁tsáun'₂ jme₁dsi₃tió₃ né'₃ 'má₃. ³³ La₁ jui₅ siá'₂ bá₄ ca₂sió₂ rin'₅₄ jniog₄, 'eng₅₄ 'ñió'₃ tsi₁mi'₂ ca₂sió₂ të₂'ua₁ jui₅ dso'₂ ni₁'ia'₂ a₂rë₂juí₄ le₃lág'₃ juig₂; le₂në₅ bá₄ ca₂lóng₂ o₄gú₃ 'éi₂.†

12

Jui₁lia'₂ a₂ma₂ca₂jme₃jnia₅ Te₁gui'₅₄

¹ Tion₅₄ caun₂ dsia₅₄ jniá₂ jág₁ tá'₅. Jui₁'e₂ guë'₃ tsá₃ ta₁ jmo₃, caun₂ juá'₄ jniá₂ jui₁lia'₂ a₂ca₂jéin₃ jniá₂ a₂ma₂jág₃, jui₁lia'₂ a₂ma₂ca₂jme₃jnia₅ Te₁gui'₅₄ në₃. ² Cúing₅ jan₂ dsa₂ i₂'ei₅ caun₂ jág₁ quian'₅₄ Cristo, ma₂guia₃-quén₂ ñi₂ ca₂uíg₂ jui₅ guei'₅₄ ca₂të₂ ja₁guá₄ Diú₄. * (A₂jaun₂ bá₄ tsá₃ guion₄ jniá₂ jua'₅₄ a₂ñe₄ lia'₂ jma₃quian'₅₄ ni₁ñi₁₂, o₃ jmá'₃ jme₂dsí₂ quió'₅ 'e₂. La₁ jñia'₅₄ lia'₂ 'ñiog₅ bá₄ Diú₄ ñi₅.) ³ La₁ guion₄ jniá₂, chan₂ jan₂, (jñia'₅₄ lia'₂ a₂jaun₂ bá₄ tsá₃ guion₄ jniá₂ chi₂jua'₂ ca₂ñei₅₄ chi₁dsáin₃, o₃ jmá'₃ jme₂dsí₂ quió'₅ 'e₂ ca₂dsióg'₃ ja₁jaun₂. Jñia'₅₄ lia'₂ 'ñiog₅ bá₄ Diú₄ ñi₅); ⁴ jan₂ i₂ca₂ron'₂ ca₂të₂ Ja₁jlá'₁† ja₁ca₂nág₂ jág₁ a₂tsá₃ lé₂ le₃jmog'₅₄ on₃ guë'₄ 'i₄ 'éi'₃ dsia₃ dsa₂ mi₂güig₃. ⁵ O₄quió'₄ jan₂ dsa₂ le₂'éi₂ bá₄ lé₂ dsia₅₄ jniá₂ jág₁ tá'₅, on₃jua'₅₄ o₄quió₃ 'ñió₃ jmo₂₃ táng₅, jñia'₅₄ lia'₂ o₄quió'₄ a₂'uan₅₄ bá₄ jniá₂. ⁶ O₁jñia'₅₄ la₂ 'nio₃ jniá₂ dsia₅₄ jág₁ tá'₅, on₃jua'₅₄ dsa₂ co₄ lín₅ jniá₂, ia₁ jág₁ tí₅ dsón'₂ bá₄ a₂juá'₅ jniá₂. La₁ cáun₄ bá₄ dsi₃ tsá₃ jmo₅₄ le₂jaun₂, ia₁jaun₂ tsá₃ le₃lín₂ dsa₂ jua'₅₄ jniá₂ líng₅ ñag₅₄ guë'₄ lia'₂ con'₂ niog₅ a₂ma₂nág₂ a₂qui₂ma₂të₂ ne₄ dsa₂ a₂jmo₅ jniá₂ 'e₂ jmo₂₃.

* **11:24** lit. "jmá'₃ të₂láu₃ ráun₂ tsá₃ tí₅ caun₂, lia'₂ co₂ráun₂." † **11:33** 'Nio'₂ ja₁ton₅ Hechos 9:25.

* **12:2** lit. "ca₂të₂ guei'₅₄ i₂juig₃ jë₁ca₂të₂ 'nag'₂." † **12:4** griego: paradeiso (Paraíso).

⁷Jág₁ a₂ca₂rē₃jniá₂ jaun₂ lē₅ caun₂ jág₁ jlá'₁ jmá'₅ a₂lé₂ le₃jme₁jmo₅₄ jniá₂ róng₂ jua'₅₄ mei'₂ guē₃ le₂jaun₂. La₁ ca₂jéin₃ uig₅ nē₂jag₄ bá₄ a₂i₃'i'₅₄ ni₁taun₅ ca₂lē₃ ni₁ñi₃, co₂'nió'₄ i₂chen₄ quián₅ i₂sē₃dsen₃ bá₄ caun₂ qui₂bóg₂, ia₁jaun₂ tsá₃ jmo₅₄ jniá₂ róng₂ i₁juin₅₄ ñag₅₄. ⁸Ni₅ ráun₂ ma₂ca₂chi₁len'₄ jniá₂ Te₁gui'₅₄ a₂jme₃'lió₂ jñiá'₄ jmi₁uig₅ a₂quian₅₄. ⁹La₁ ca₂juá'₂ Te₁gui'₅₄ tság₅ jniá₂: “Tió'₅ bá₄ a₂'ua₁ dsi₃ ja₁con'₂ 'ne₂, ia₁ rē₂'ñia₅ jui₅bí₂ quió₃ jui₁lia'₂ jme₁'uan₅₄ dsa₂.” Jaun₂ 'io'₂ jéin₅ bá₄ ia₁ a₂'uang₅₄, ia₁jaun₂ le₂jniá₂ jui₅bí₂ quió'₅ Cristo le₃ja₁con₂ jniá₂. ¹⁰Jaun₂ tē₅ bá₄ dsi₃ a₂'uang₅₄ quian'₅₄ ca₂le₃jē₃ a₂dsi₂ñig₂: a₂juá'₂ dsa₂ uig₅, quian'₅₄ guē₄ ca₂le₃jē₃ a₂chang₂, cha₂ a₂qui₂tsá₃ tín'₂ quió₃. A₂chang₂ a₂co₂'ein₅ dsa₂, ca₂le₃jē₃ guē₄ o₂i₁ dsi₅ a₂dsi₂ñig₂ o₄quió'₄ Cristo. Ia₁ jui₁lia'₂ jme₁'uang₅₄, tē₂le₃ 'uan'₂ bá₄ jniá₂ le₃ja₁con₂ Diú₄.

'Ni₅ lín₃ 'i₅ dsi₅ Pa₄ o₄quió'₄ guá'₅ chan₂juig₂ Corinto

¹¹Ma₂nē₂dsia₃ lia'₂ ja₁dsia₅ jan₂ dsa₂ co₄, ia₁ ma₂nē₂ 'íng₃ dse₃ 'ñió₃, la₁ guion'₅₄ bá₄ 'nia'₂ chi₂quiong'₅₄ jmig₄. Ia₁ 'nia'₂ bá₄ jme₁ca₂tíng'₂ jme₁'ág'₄ dse₃ jniá₂, ia₁ tsá₃ 'e₂ me'₂ quen₅ jniá₂ lia'₂ con'₂ guē₄ dsa₂ i₂chen₄ 'éi₂ i₂ñi₄ lē₃ jme₂can'₅₄ guion₅, jui₁'e₂ guē₃ tsá₃ 'e₂ quen₅ jniá₂. ¹²Dsón'₂ bá₄ ma₂ca₂rē₃jniá₂ léi₄ a₂lín₅ dsa₂ i₂chen₄ quián₅ Cristo jē₄ quián'₂ 'nia'₂, jē₄ ca₂le₃jē₃ a₂juin'₂ dsi₃: léi₄ a₂dsi₂gó'₃ dsi₅, quian'₅₄ jui₅bí₂ jlá'₁ nē₃. ¹³Tsá₃ sion₅ ma₂jñin₄ jniá₂ 'nia'₂ lia'₂ con'₂ guē₄ guá'₅ sián'₂, jñia'₅₄ lia'₂ jniá₂ 'ñió₃ tsá₃ 'e₂ guei₂ ma₂ca₂cuē₃ jniá₂ 'nia'₂. i'Én₃ 'nia'₂ dso₄ quió₃ chi₂jua'₂ tsá₃ dse₃ ca₂jmo₃ jniá₂ ja₁con'₂ 'nia'₂!

¹⁴Ma₂chang₂ bá₄ co₂jñiag₅₄ a₂dsi₂g₄ i₁jñing₁₂ 'nia'₂ jē₁ca₂tē₂ 'nag'₂ ráun₂, jaun₂ tsá₃ lē₅ jua'₅₄ a₂i₁cuē₃ 'nia'₂ guei₂. Ia₁ tsá₃ ta₁ jaun₂ ñi₅ jniá₂ jua'₅₄ a₂ 'ín₅ dsi₃ a₂cha₂ quián'₂ 'nia'₂; guion'₅₄ bá₄ 'nia'₂ 'nió₃ jniá₂. Ia₁ guion₅₄ bá₄ jui₁lia'₂ chog₅₄-jmei₂ chi'₂ ca₂tín₂ 'no₃ cu₄ a₂qui₂dsi₃ñi₂ quiain'₅₄ chi'₂-guein₂ quiáin₅, jaun₂ on₃jua'₅₄ rē₂ chi'₂ ca₂tín₂ 'no₃ a₂dsi₃ñi₂ quiain'₅₄ chog₅₄-jmei₂. ¹⁵Jaun₂ jniá₂ nē₃, 'ñio₂ bá₄ dsi₃ qui₁'éng₄ a₂cha₂ quió₃, ton'₂ 'ñio₂ bá₄ dsi₃ jme₁dsiang₅ dsi₃ o₄quió'₄ jme₂dsi₂ quián'₂ 'nia'₂. Chi₂jua'₂ jaun₂, ia₁ tē₂le₃ lē₅ guē₄ 'nió₃ jniá₂ 'nia'₂, ¿a₁tē₂le₃ me'₂ bá₄ 'nió'₃ 'nia'₂ jniá₂ jaun₂ nē₃?

¹⁶Jui₁'e₂ guē₃ dsau₅ a₂tsá₃ 'e₂ guei₂ ca₂cuē₃ jniá₂ 'nia'₂, la₁ 'ñio₄ bá₄ jniá₂, juá'₂ 'nia'₂, a₂ca₂jón₃ jniá₂ 'nia'₂ quian'₅₄ mai₅₄ quió₃. ¹⁷¿O₃ bá₄ lín'₂ 'nia'₂ a₂'lig'₅₄ ca₂lág₃ jniá₂ quian'₅₄ dsa₂ i₂ca₂tsíng₂ ne'₅₄ 'nia'₂? ¹⁸Ca₂mi₃ bá₄ jniá₂ ne₄ Tito a₂jmo₃ dse₃ dsi₅ a₂ca₂ñei₅₄ ja₁con'₂ 'nia'₂, ton'₂ ca₂tsín₂ jniá₂ ján₃ jan₂ rin'₅₄ jniog₄ i₂quiain'₅₄. Jaun₂, ¿O₃ bá₄ ca₂jme₃gau₅ 'éi₂? ¿O₃ bá₄ tsá₃ 'én'₂ 'e₂ 'nia'₂ a₂ma₂ja₂ná₅ jniá₂ co₂dsia₅ quiain'₅₄, jmo₂ ta₁ co₂rē₂ quiain'₅₄, ton'₂ jan₂ bá₄ Jme₂dsi₂ i₂quiong'₅₄ táng₃?

¹⁹An₁ mei'₂ tsá₃ caun₂ lín'₂ bá₄ guē₄ 'nia'₂ a₂jñia'₅₄ con'₂ 'niog₂ jniá₂ lion₄ guio₅₄ ne'₅₄ 'nia'₂. La₁ jág₅ bá₄ Diú₄ tsá₃ le₂jaun₂ dsi₂jio₅ dsi₅ jniá₂. Jág₁ tí₅ bá₄ chei₂ jniá₂ 'nia'₂ ne₄ Cristo. La₁ jē₄ ca₂le₃jē₃ a₂nē₅ a₂dse₃ ia₁jaun₂ qui₃dsi₂cón'₃ 'nia'₂ tē₂le₃ quió'₅ jme₂dsi₂, 'nia'₂ rin'₅₄ jniog₄ i₂'nió₃ guē₄ lín₃. ²⁰Ia₁ gó₅ jniá₂ con'₂ tsá₃ ñó₅ nē₁jua'₂ tsá₃ dse₃ tion'₅₄ 'nia'₂ lia'₂ con'₂ lē₅ 'nio₃ jniá₂, jē₄ma₂ca₂dsi₂g₃, ján₃ bá₄ le₂jaun₂ nē₁jua'₂ tsá₃ ca₂jein'₂ 'nia'₂ jniá₂ lia'₂ con'₂ 'niog₂ 'nia'₂ guē₂ táng₃. Ia₁ gó₅ jniá₂ nē₁jua'₂ tion'₅₄ 'nia'₂ a₂tsá₃ jen'₂ 'nia'₂ quian'₅₄ ríng'₂; nē₁jua'₂ tion'₅₄ 'nia'₂ uig₅ 'au'₂ jñing'₅₄ ríng'₂; nē₁jua'₂ ca₂rē₃'né₂ 'nia'₂ co₂tiá₂; nē₁jua'₂ 'ua'₂ 'au'₂ 'nia'₂ tiong'₅₄; nē₁jua'₂ qui₂tsín'₂ 'nia'₂ 'lig'₅₄ ríng'₂; nē₁jua'₂ qui₂chi₂'ín₅ 'nia'₂ ríng'₂; nē₁jua'₂ chan₂ i₂qui₂jmo₅ rón₂; nē₁jua'₂ tion'₅₄ 'nia'₂ mi'₅₄. ²¹Ján₃ bá₄ gó₅ jniá₂ nē₁jua'₂ ca₂jmo₃ Diú₄ a₂tē₂tsín'₅₄ jniá₂ o₂guí'₃ o₄quián'₂ 'nia'₂ jē₄ma₂dsi₂g₃; go'₂ le₃jñiá₃ tiá'₃ qui₂ dsi₃ 'o₅₄ o₄quió'₄ i₂ma₂qui₂ma₂ná₅ dso₄ le₂jñiá₅, ton'₂ tsá₃ 'e₂ ma₂ca₂dsi₃quén'₅ dsi₅ o₄quió'₄

a₂'lig'⁵⁴ a₂jmo₅-dsáu₅; a₂niói'⁵ jág₁ quiaín'⁵⁴ dsa₂ i₂tsá₃ lín₅ dsi₂i₂gu₂; ca₂le₃jě₃ guě₄ a₂'lig'⁵⁴ o₂guí'³ a₂qui₂ma₂jmo₃.

13

'Ág'⁵ Pa₄ jág₁ ton'² 'ě₂ guě₄ jág₁ těj₃ñiá₅

¹ A₂dsióg₅ 'nag'² ráun₂ a₂i₁jín₁₂ 'nia'² la₂. “Ca₂le₃jě₃ 'e₂ niog₅ lě₂ jióg'² 'í₁ těj₃le₃ quian'⁵⁴ on₃-ún₂ dsa₂ i₂jáng'³ jág₁ dsau₅.”* ² Ma₂ca₂'ě₃ jniá₂ jág₁ těj₃ñiá₅ ne₄ dsa₂ i₂jme₁tián'⁴ 'no₅ dso₄ le₂jñiá₅, ton'² ne₄ ca₂le₃jín₃ i₂sián'² ně₃, ján₃ bá₄ 'ě₅ jniá₂ jág₁ a₂'eng₅₄ uíng₂ ja₁con'² 'nia'², ju₁lia'² ca₂jmo₃ jniá₂ lia'² con'² ηeg₅₄ jě₁ca₂tě₂ tin₃ ráun₂ a₂i₁jíng₁₂ 'nia'²: ně₁jua'² con'² siá'² ca₂dsióg₃ jniá₂ a₂i₁jíng₁₂ 'nia'², jaun₂ tsá₃ ma₃jmo₅₄ jniá₂ ηéi₂ dsi₃ ně₁jua'² chan₂ guě₄ i₂tsá₃ ma₂dsi₂quén'⁴ dsí₅. ³ Le₂jaun₂ jmo₅₄ jniá₂ chi₂jua'² a₂jaun₂ 'niog'² 'nia'² a₂jáng'⁴ jniá₂ léi₄, a₂dsón'² bá₄ juá'² Cristo tsí'⁵ 'nia'² quian'⁵⁴ jág₁ a₂quian₄ jniá₂. Tsá₃ jua'⁵⁴ a₂lín₅ 'uain₅₄ ja₁con'² 'nia'²; 'nió'⁴ těj₃le₃ jme₂jnia₅ bá₄ 'éi₂ a₂'io₂₃ ju₁bí₂ jě₄ quián'² 'nia'². ⁴ Dsón'² bá₄ jaun₂ ca₂tion₃ cróg₄ dsa₂ ně₂jag₄ bá₄ a₂lín₅ jan₂ dsa₂ 'uan₅₄, la₁ rě₂ně₃ ně₃ chain₂ těj₃le₃ quian'⁵⁴ ju₁bí₂ quió'⁵ Diú₄. Le₂ně₅ bá₄ ju₁lia'² jnia'⁵⁴ táng₃, quian₄ ju₁ jaun₂ a₂jmo₂ jnia'⁵⁴ 'uan₅₄ o₄quió'⁴ 'éi₂, le₂jaun₂ bá₄ le₃chong₂ guě'² jnia'⁵⁴ ja₁con'² 'nia'² quian'⁵⁴ ju₁bí₂ quió'⁵ Diú₄.

⁵ Te₁li₁ 'nia'² ja₁con'² guiong'⁵⁴ chi₂jua'² dsón'² tión'² 'nia'² ju₁ quió'⁵ Te₁gui'⁵⁴. Quion₂ de'² 'nia'² caun₂ 'í₁ le₃ja₁con'² 'nia'² guiong'⁵⁴. ¿Tsa₁ len'⁴ 'nia'², a₂'en₅₄ bá₄ Jesucristo ja₁con'² 'nia'², jaun₂ bá₄ ně₁jua'² tsá₃ těj₃tsin'⁵⁴ 'nia'² 'lig'⁵⁴ ně₁ma₂ca₂quion'² 'nia'² 'í₁ jaun₂? ⁶ La₁ 'ín₂ dsi₃ jniá₂ le₃len'⁴ 'nia'² a₂tsá₃ le₂jaun₂ lág₅ jnia'⁵⁴ jua'⁵⁴ a₂tsá₃ dse₃ těj₃tsag'⁵⁴ jnia'⁵⁴ ně₁ma₂ca₂quion'² 'nia'² 'í₁, jua'⁵⁴ a₂tsá₃ dsau₅ a₂lág₅ jnia'⁵⁴ dsa₂ i₂chen₄ quián₅ Te₁gui'⁵⁴. ⁷ Qui₂mi₂ jnia'⁵⁴ chi₂len'⁴ Diú₄ o₄quián'² 'nia'² ia₁jaun₂ tsá₃ ma₃jmo₄-dsáu'⁴ 'nia'² a₂'lig'⁵⁴. On₃jua'⁵⁴ ia₁jaun₂ těj₃tsag'⁵⁴ jnia'⁵⁴ dse₃, těj₃le₃ ia₁jaun₂ jmó'² 'nia'² a₂dse₃, ju₁'e₂ guě₃ chan₂ i₂lín₂ a₂tsá₃ dse₃ těj₃tsag'⁵⁴ jnia'⁵⁴. ⁸ Ia₁ tsá₃ lé₂ náu₂ jnia'⁵⁴ quein₅ ja₁con₂ jág₁ tí₅, těj₃le₃ tióng₂ bá₄ jnia'⁵⁴ quian'⁵⁴ jág₁ tí₅. ⁹ Jaun₂ těj₃le₃ 'io'² bá₄ jmo₂ jnia'⁵⁴ jme₁lág₄ jnia'⁵⁴ dsa₂ 'uan₅₄, 'nia'² guě'² lín'⁵ dsa₂ 'uan'². A₂jaun₂ caun₂ chi₂len'⁴ bá₄ jnia'⁵⁴ Diú₄ ia₁jaun₂ len'² 'nia'² co₂ηei'⁵⁴. ¹⁰ Jaun₂ lě₃, jmo₂₃ si₂ carta la₂ tsíng₂ ne'⁵⁴ 'nia'² těj₃lia'² 'eng₅₄ uíng₂, ia₁jaun₂ tsá₃ 'nió'⁵ jua'⁵⁴ a₂jmo₅₄ jniá₂ tsau₂ dsi₃ jě₁ma₂dsióg₃, lia'² con'² lě₅ ta₁ a₂lín₅ a₂ca₂cuě₃ Te₁gui'⁵⁴, ia₁jaun₂ těj₃le₃ lei₂ bá₄ jme₂dsi₂ quián'² 'nia'², on₃jua'⁵⁴ těj₃le₃ quijě'².

¹¹ Ně₃ ně₃, rín'⁵⁴ jniog₄, caun₂ ju₁le₂chan'² bá₄ 'nia'² dse₃ qui₂jmo₂ 'nia'² 'io'². Jmog'⁵⁴ 'nia'² 'au'² o₄quió'⁴ jme₂dsi₂ quián'² 'nia'² ně₃; ju₁chan'² bá₄ 'nia'² rě₂ a₂'ei₅ caun₂ jág₁ quian'⁵⁴ ríng'². Jaun₂ Diú₄ i₂jmo₅ 'ei₅ tei₄ i₂'nio₃ 'nia'², 'éi₂ bá₄ jme₃quiong'⁵⁴ 'nia'² ca₂le₃jě₃ jmíg₄. ¹² Cu₁n₅₄ 'nia'² Diú₄ ríng'² le₂jang'² le₂jang'² a₂qui₁chén'¹ † 'nia'² quió'⁵ ríng'² a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'² quian'⁵⁴ ríng'². ¹³ Ca₂le₃jín₃ bá₄ rín'⁵⁴ jniog₄ † ja₁lá₃ dsiáin'² jág₁ a₂cu₁n₂₃ Diú₄ 'nia'².

¹⁴ Jaun₂ ju₁jme₂gu'⁵⁴ bá₄ Te₁gui'⁵⁴ Jesucristo; ju₁le₂jniá₂ jě₄ quián'² 'nia'² a₂'nio₃ Diú₄ 'nia'²; ju₁'ei₅ caun₂ jág₁ jín'⁴ 'nia'² quian'⁵⁴ Jme₂dsi₂ jñi₅. A₂méi₃. Co₂ně₅.

* **13:1** Deuteronomio 19:15. † **13:12** Caun₂ tag₄ a₂jme₁chí'⁴ lia'² con'² jme₁ca₂jmo₃ Pa₄ si₂ la₂.

‡ **13:13** lit. “dsa₂ jñi₅.”

Si₂ carta a₂ca₂jmo₃ San Pablo ne₄ dsa₂ GÁLATAS

Jmo₅ Pa₄ si₂ a₂chein₃ ne₄ Guá'₅ i₂chan₂ 'uë₃ Galacia

¹ Jniá₂ Pa₄, líng₅ i₂chen₄ quián₅ Te₁gui'₅₄ la₁ tsá₃ líng₅ i₂'ín₁ quián₅ dsa₂ mi₂güí₃, on₃ guë'₂ i₂chen₄ quián₅ dsa₂ mi₂güí₃ ně₃. Líng₅ jan₂ i₂'ín₁ quián₅ Jesucristo, quian'₅₄ Diú₄ Jmei₂ i₂ca₂jme₃jein'₅₄ ja₁jme₁rë₂'liin₅₄. ² Jniá₂, quian'₅₄ ca₂le₃jín₃ rin'₅₄ jniog₄ i₂quiang'₅₄, jmo₂ jnia'₅₄ si₂ carta la₂ a₂dsian'₅₄ jnia'₅₄ ja₁con₂ ca₂le₃jín₃ guá'₅ i₂chan₂ 'uë₃ Galacia. ³ Jui₁jme₂gu'₅₄ bá₄ Diú₄ 'nia'₂, jui₁jmo₅₄ bá₄ Diú₄ Jmei₂ quian'₅₄ Te₁gui'₅₄ Jesucristo ně₃, jui₁'ei₅ bá₄ tei₄ tion'₅₄ 'nia'₂. ⁴ Jesús 'éi₂ bá₄ ca₂gue₃ 'mú₃ 'uig₅₄ dsá_{u1} jniog₄, a₂lió₂ jë₄ mi₂güí₃ 'lig'₅₄ la₂, co₂jaun₂ ca₂rë₃'ñi₃ dsí₅ Diú₄ quián₂ i₂lín₅ jmei₂ jniog₄. ⁵ 'Éi₂ bá₄ jui₁le₂jui₁n'₂ co₂tan₅₄! A₂méi₃.

Tsá₃ ma₃jág₁ siá'₂ cha₂jua'₅₄ a₂lión₂ dsa₂

⁶ Dsi₂gó'₃ dsí₃ ia₁ ma₂'niog'₂ 'nia'₂ téng'₄ cón'₂ Diú₄ i₂ca₂të₃ 'nia'₂ të₂le₃ ia₁ a₂'ua₁ dsí₅ Cristo. Ia₁ a₂ma₂nag'₂ táng₃ 'nia'₂ jág₁ siá'₂. ⁷ On₃jua'₅₄ a₂dsi₂jó'₃ a₂cha₂ guë'₄ jág₁ dse₃ siá'₂ a₂lió₂. La₁ia₁ juá'₅ jniá₂, chan₂ i₂lín₅₄ i₂línio₄ jmo₅ a₂dsi₂cón'₅ 'au'₂ 'nia'₂. A₂'nio₃ jme₃tsi₁n₃ jág₁ dse₃ la₂ quió'₅ Cristo a₂tín'₄ dsa₂. ⁸ La₁ ně₁jua'₂ chan₂ i₂jme₂tín₅ 'nia'₂ caun₂ jág₁ a₂juá'₂ a₂tín'₄ dsa₂, la₁ ně₁jua'₂ tsá₃ lë₅ con'₂ lë₅ jág₁ a₂ma₂'ë₄ jnia'₅₄, dsa₂ 'éi₂ jui₁të₂tsin'₅₄ ná_{u3} a₂dsi₃'éin₂. Tsá₃ a₂nag₅₄ o₁jñia'₅₄ guio₅₄ jnia'₅₄, o₃ o₁jñia'₅₄ jan₂ ángel i₂já₅ guei'₅₄ i₂juí₃. ⁹ Jui₁lia'₂ ma₂jua'₅₄ jnia'₅₄ ně₅, juá'₄ táng₃ siá'₂: ně₁jua'₂ chan₂ i₂'ë₂ jág₁ a₂ma₂rë₂tsín₄, a₂tsá₃ lë₅ con'₂ lë₅ a₂ma₂gue'₅₄ 'nia'₂, dsa₂ 'éi₂ jui₁të₂tsi₁n'₅₄ ná_{u3} a₂dsi₃'éin₂. ¹⁰ ¿'E₂ lín'₂ 'nia'₂? ¿O₃ bá₄ a₂jme₂'uá₁ jniá₂ dsí₅ dsa₂ mi₂güí₃ con'₂ dsi₂ten₅₄? ¿O₃ bá₄ a₂jme₂'uá₁ jniá₂ dsí₅ Diú₄ 'e₂? ¿O₃ bá₄ jmo₅ jniá₂ a₂'ñio₂ dsí₅ dsa₂ mi₂güí₃ 'e₂? Tsá₃ ma₃le₃jua'₅₄ a₂líng₅ guë'₄ dsa₂ i₂jme₂ti₃ ja₁con₂ Cristo, jua'₅₄ mei'₂ guë'₃ le₂jaun₂.

A₂ lia'₂ ca₂lín₃ Pa₄ jan₂ i₂chen₄ quián₅ Jesús

¹¹ Jui₁le₂ñi'₅₄ 'nia'₂ rin'₅₄ jniog₄, jág₁ dse₃ a₂tín'₄ dsa₂ a₂qui₂'ë₅ jniá₂, on₃jua'₅₄ jág₁ a₂le₃jua'₅₄ a₂lë₁'no'₂ dsa₂ mi₂güí₃ dsí₅. ¹² On₃ guë'₂ jua'₅₄ a₂ca₂gue₃ jniá₂ quió'₅ 'i₁jan₂ dsa₂ mi₂güí₃, on₃ guë'₂ jua'₅₄ chan₂ dsa₂ i₂ca₂jme₃tag₅ jniá₂. 'Niog₅ bá₄ Te₁gui'₅₄ Jesucristo ca₂jme₃jniai₂₃ jág₁ ně₅ ja₁cong₂. ¹³ Ia₁ ma₂ca₂rë₃ñi'₅₄ bá₄ 'nia'₂ 'a₂ lia'₂ jme₁líng₄ le₂jñiá₅, lia'₂ con'₂ jme₁eng₅₄ guë'₄ juá'₅ quió'₅ dsa₂ judíos. Ma₂ñi'₅₄ bá₄ 'nia'₂ ně₃ a₂dséi₂ dsí₃ guë'₄ lín₃ ca₂'éng₃ dsa₂ quián₅ Diú₄, 'ñio₅ lín₃ jme₁quín'₅ jniá₂ bí₂ a₂co₂dsia₅ jme₁'éng₄ dsa₂ 'éi₂. ¹⁴ Ia₁ jniá₂ bá₄ i₂jme₁dsi₂jñiá₄ 'ñio₅ lín₃ guë'₄ con'₂ guë'₄ ca₂le₃jín₃ dsa₂ go₃ i₂co₂ríng₂ quiang'₅₄. Ia₁ jniá₂ 'ñio₅ lín₃ guë'₄ jme₁jme₂gó₁ jmo₂₃ 'í₁ tag₄ quió'₅ dsa₂ can'₅₄ quián₂ jnia'₅₄ ma₂líg'₂. ¹⁵ La₁ lia'₂ con'₂ né₃ a₂le₃chang₂, ca₂quió'₂ Diú₄. A₂'ua₁ dsí₅ guë'₄ lín₃ ca₂të₃ jniá₂. Ca₂rë₃'ñi₃ dsí₅, ¹⁶ ca₂jmo₃ ca₂rë₃cuíng₅ ca₂'iñ₃ Ja₁ñi'₅₄, ia₁jaun₂ qui₁'ë₄ jniá₂ jág₁ dse₃ quió'₅, jin₄ dsí₂nau₂. Jaun₂ tsá₃ jua'₅₄ ca₂ñeg₅₄ ca₂l₁'niag'₂ dsa₂ mi₂güí₃ i₂to'₂ jág₁, ¹⁷ on₃ guë'₂ ca₂ñeg₅₄ juig₂ Jerusalén jua'₅₄ ca₂i₁jñing₁₂ i₂ma₂lín₅ dsa₂ i₂chen₄ quián₅ Te₁gui'₅₄, i₂ma₂ja₂lén₂ jñiá₅ guë'₄ lia'₂ con'₂ guë'₄ jniá₂. Dsi₂jui₅ bá₄ ca₂ñeg₅₄ le₂'uig₅₄ jui₅ 'uë₃ Arabia. Cang₂ guë'₄ jaun₂ ca₂ñág'₃ jui₅ Damasco. ¹⁸ Jme₁ca₂dsin₃ 'ni₅ ñi₂ cang₂ jaun₂, jaun₂ guë'₄ ca₂ñeg₅₄ Jerusalén ca₂i₁dsia₂ jág₁

quian'⁵⁴ Pe⁴. * Ja₁jaun₂ ca₂jan₅₄ guia₃-ñiá₂ jmig₄. ¹⁹ La₁ 'i₁jan₂ i₂sián'₂ i₂lín₅ i₂chen₄ quián₅ Jesús tsá₃ ca₂jing₅₄, jñia'₅₄ lia'₂ jan₂ Jacobo dsó₂ rin'₅₄ Te₁gui'₅₄ bá₄. ²⁰ Jág₅ bá₄ Diú₄, jág₁ dsau₅ bá₄ tó'₅ ne₄ si₂ la₂, tsá₃ tē₂jing₁. ²¹ Cang₂ jaun₂ guē₄ ně₃, ca₂ñó₃ le₂tan₅₄ juig₂ ja₁tén₄ 'uē₃ Siria quian'₅₄ Cilicia. ²² Rin'₅₄ jniog₄ quián₅ guá'₅ chan₂ 'uē₃ Judea ně₃ i₂tión₂ le₃quió'₅ Cristo, tsá₃ jme₁ma₂cuig₂₃ dsi₁ne₁. ²³ Jñia'₅₄ lia'₂ jme₁ma₂nág₂ bá₄ dsia₅ rin'₅₄ jniog₄ 'ag₂₃ juá'₂: “Dsa₂ i₂jme₁co₂'ein₅ jniog₄ le₂jñiá₅, la₁ rē₂ně₃ ně₃ ma₂ñi₂₃ ján₃ 'ě₂ jág₁ a₂jme₁'nio₃ jme₁'éin₂ le₂jñiá₅.” ²⁴ Jaun₂ ca₂jme₃juin'₂ Diú₄ bá₄ o₄quió₃.

2

Dsa₂ i₂chen₄ sián'₂ guein₂₃ Pa₄

¹ Jme₁ca₂ñi₂ guia₃-quén₂ ñi₂ cang₂, jaun₂ guē₄ ca₂ñeg₅₄ táng₃ Jerusalén quiang'₅₄ Bernabé. Tito ně₃, ca₂jáng₂. ² Ca₂ñeg₅₄ ja₁jaun₂ ia₁ ca₂jme₃jñia₅ Diú₄ ne₃ a₂ca₂tíng₂ nei₅₄. Jaun₂ ca₂dsia₃ bá₄ jñiá₂ ne₄ dsa₂ i₂tián'₅ Jerusalén 'éi₂ jág₁ dse₃ ně₅ a₂'ě₅ jñiá₂ jin₄ dsi₂nau₂, la₁ jmá'₃ lia'₂ quian'₅₄ dsa₂ i₂lia'₂ lě₅ i₂quian₅ ne₄ jui₅ bá₄, jě₄ con'₂ jmá'₃ guio₅₄ bá₄ jñia'₅₄, ca₂dsiá₁ jág₁ ia₁jaun₂ tsá₃ lě₅ jua'₅₄ a₂lě₁ñi₅ jñiá₂ jmo₂₃ ta₁ a₂tsá₃ ta₁ tí₄. ³ Ca₂lia'₂ jñia'₅₄ Tito, i₂jme₁quian'₅₄ jñiá₂, tsá₃ ca₂chi₃quióng₂ dsa₂ jmig₄ jua'₅₄ a₂tion₅₄ jme₃ti₃ 'éi'₃ a₂jme₁ti₃ ni₁lo₁₂, o₁jñia'₅₄ jme₁lín₄ 'éi₂ griego. ⁴ Jág₁ ně₅ ca₂ñó₃ ia₁ i₂lín₅₄ dsa₂ i₂juigan₂ i₂juá'₂ lín₅ rin'₅₄ jniog₄, ca₂i₃toin'₅₄ con'₂ tē₃co'₅₄ jě₄ quián₂ jñia'₅₄, a₂jme₁'nio₃ tiog₃ con'₂ 'í₁ 'a₂lia'₂ lě₅ chong₂ jñia'₅₄ con'₂ dsa₂ ma₂lón₂ le₃quió'₅ Cristo Jesús, ia₁ tsá₃ ma₃tio'₅₄ jniog₄ 'éi'₃; la₁ 'éi₂ ně₃ jme₁'nio₃ jme₁to'₂ táng₃ 'éi'₃ guei₂ jaun₂. ⁵ La₁ tsá₃ 'ein₂ ca₂cuē₃ jñia'₅₄ jmig₄ jñia'₅₄ 'i₁ca₂tiá₂ tei₄ jua'₅₄ jme₃gau₅ 'éi₂, ia₁ 'niog₂ jñia'₅₄ a₂caun₂ o₁nóg'₅ cha₂ jág₁ dsau₅ ja₁con'₂ 'nia'₂ jág₁ dse₃ a₂lión₂ dsa₂.

⁶ Jui₁lia'₂ dsa₂ i₂lia'₂ lě₅ lín₅ dsa₂ dsen₅₄ i₂juá'₅ jñiá₂, (ton'₂ ján₃ bá₄ tsá₃ a₂jaun₂ tion₅₄ 'ín₅ dsi₃ le₃guion₅₄ 'a₂lia'₂ ma₂ja₂lén₂ 'éi₂ jmo₂₃ guoin₅₄. Ia₁ tsá₃ 'í₁ jaun₂ con₂ Diú₄ jua'₅₄ 'a₂lia'₂ jñiá₂ dsa₂), jui₁lia'₂ dsa₂ 'éi₂ ně₃, tsá₃ 'e₂ ñag₅₄ jua'₅₄ a₂ca₂jme₃tag₂₃ guē₄ con'₂ lě₅ jág₁ a₂'ě₅ jñiá₂. ⁷ Ia₁ tē₂le₃ ca₂rě₃lí₄ bá₄ guoin₅₄, co₂jaun₂ bá₄ ta₁ a₂ma₂cuē₃ Diú₄ a₂'ě₄ jñiá₂ jág₁ dse₃ jin₄ dsi₂nau₂, * jui₁lia'₂ lě₅ ta₁ ma₂dsia₃ gu₂ Pe₄ a₂'ě₂ jág₁ dse₃ jin₄ dsa₂ judíos.† ⁸ Jaun₂ Diú₄ i₂jan₂ tan₅₄ 'éi₂ bá₄ ca₂chein₃ guē'₂ Pe₄ a₂lín₅ 'éi₂ dsa₂ i₂chen₄ quián₅ tē₂le₃ jin₄ dsa₂ judíos, le₂jaun₂ bá₄ ca₂chei₃ guē'₂ jñiá₂ ján₃ a₂lín₅ i₂chen₄ quián₅ tē₂le₃ jin₄ dsi₂nau₂. ⁹ Jaun₂ lě₅, Jacobo, Pe₄,† quian'₅₄ Juan₅₄ ně₃, co₂'nió'₄ i₂lín₅ dsa₂ dsen₅₄ quián₅ guá'₅, ca₂rě₃lí₄ bá₄ guoin₅₄, 'ñiog₅ bá₄ Diú₄ ma₂cuē₃ ta₁ ně₅, jaun₂ ca₂cuē₃ gu₂ a₂ca₂jmo₃ léi₄, jñiá₂ quian'₅₄ Bernabé co₂'nió'₄ a₂'ei₅ caun₂ jág₁ quian'₅₄ a₂dsau₅₄ jñia'₅₄ dsi₁jmó₁ ta₁ ja₁con₂ dsi₂nau₂. Guoin₅₄ guē'₂ táng₃ dsi₂jmó₂ ta₁ jin₄ dsa₂ judíos. ¹⁰ Jñia'₅₄ lia'₂ a₂jaun₂ bá₄ jág₁ a₂ca₂cuē₃ a₂jmó₁ jñia'₅₄ dsiog'₂ dsi₅ dsa₂ te₂ñé₂, a₂ně₅ bá₄ guē'₂ a₂'ín₅ dsi₃ jñiá₂ quín'₅ jñiá₂ bí₂ jmo₂₃.

Ca₂jí₂ Pa₄ ca₂jéin₂ Pe₄ juig₂ Antioquía

¹¹ La₁ lia'₂ con'₂ ñe₄ Pe₄ juig₂ Antioquía, ca₂jéin₂ jñiá₂ dsi₁ne₁, 'uig₅₄ ia₁ a₂jmo₂₃ a₂tsá₃ dsi₂ten₅₄ jmo₃. ¹² Ia₁ le₂jñiá₅ jme₁guē'₅ co₂dsia₅ quian'₅₄ dsi₂nau₂; la₁ jme₁ca₂dsi₃lén₂ i₂chen₄ quián₅ Jacobo, jaun₂ guē₄ ca₂jme₃lióg₃ ca₂ñó₃ cau₅, tsá₃ ma₃ca₂guē'₃ quian'₅₄ dsa₂ 'éi₂, 'uig₅₄ ia₁ a₂gain₃ dsa₂ i₂ti₅ lo₄. ¹³ Jaun₂ dsa₂ judíos i₂én₂ sián'₂ ca₂jme₃quian'₅₄ bá₄ Pe₄ a₂lě₁co₂jmo₂₃ o₁ne₁ quiong'₅₄; ca₂lia'₂ le₂jñiog₅ Bernabé ca₂ñó₃ quiong'₅₄ ján₃. ¹⁴ La₁ jme₁ca₂jág₃ jñiá₂ tsá₃ jmo₂₃ lia'₂ con'₂ lě₅ tí₅ dsón'₂ juá'₂ jág₁ dse₃, jaun₂ ca₂juig₂ jñiá₂ Pe₄ tē₃nag₅ le₃jín₃ dsa₂:

* **1:18** griego: Cefas. * **2:7** lit. “jin₄ dsa₂ i₂tsá₃ lo₄ rē₂uig₄.” † **2:7** lit. “jin₄ dsa₂ i₂rě₂uig₄ lo₄”; ján₃, bá₄ † **2:9** griego: Cefas; ján₃, bá₄

—'Ne₂ guë'₂ líng'₅ jan₂ dsa₂ judío, le₂ jaun₂ bá₄ guë'₂ chang'₂ jmo'₂ lia'₂ lě₅ chan₂ dsi₂ nau₂, on₃ jua'₅₄ rě'₂ con'₂ lě₅ jme₁ jmó'₂ ia₁ a₂ líng'₅ dsa₂ judío, ¿'a₂ bá₄ lia'₂ jaun₂ chi₁ quiang'₅₄ jmig'₄ dsi₂ nau₂ a₂ le₃ chain₂ con'₂ lě₅ chan₂ dsa₂ judíos?

15 'Lág₅ jniog₄ judíos con'₂ lě₅ chong₂, —ca₂ juí₂ jniá₂ Pe₄—, on₃ jua'₅₄ rě'₂ jui₁ lia'₂ dsi₂ nau₂ i₂ qui₂ rě₂ cán'₄ dso₄. 16 Jaun₂, a₂ ne₄ bá₄ jniog₄, 'i₁ jan₂ tsá₃ 'ein₂ guén'₂ Diú₄ nē₂ jag₄ i₂ tsá₃ 'e₂ dso₄ rín₂, jua'₅₄ a₂ jme₃ ti₃ 'Éi'₃, jñia'₅₄ lia'₂ a₂ le₃ 'én₂ bá₄ dsa₂ tē₂ le₃ quió'₅ Jesucristo. 'Uig₅₄ jaun₂ ca₂ tē₂ jniog₄ ján₃ ma₂ ca₂ rē₃ 'éin₂ tē₂ le₃ quió'₅ Jesucristo ia₁ jaun₂ bá₄ guéi'₂ Diú₄ jniog₄ nē₂ jag₄ a₂ tsá₃ ma₃ 'e₂ dso₄ rē₂ cáu'₄, tē₂ le₃ a₂ jñia'₅₄ con'₂ 'éin₂ bá₄, on₃ jua'₅₄ rě'₂ a₂ 'nió'₅ jme₁ ti₁ ta₁ qui'₅ 'Éi'₃. Ia₁ 'i₁ jan₂ tsá₃ 'ein₂ chén'₅ rē₂ ne₄ Diú₄ tē₂ le₃ quian'₅₄ a₂ jme₂ ti₃ 'Éi'₃. 17 Nē₃ nē₃, chi₂ jua'₂ 'niog₂ jniog₄ tē₂ tsag'₅₄ dse₃ tē₂ le₃ ne₄ Diú₄, 'uig₅₄ ia₁ a₂ ma₂ tióng₂ le₃ quió'₅ Cristo, jaun₂ gué₄ ca₂ dsióg₃ rē₂ jniá₂ a₂ lág₅ jniog₄ dsa₂ i₂ qui₂ rē₂ cán'₄ dso₄ bá₄ ján₃, ¿on₁ bá₄ 'nió'₄ le₃ jua'₅₄ Cristo tē₂ le₃ cuē₅ bí₂ bá₄ jniog₄ a₂ caun₂ 'nióg₁ dso₄? ¡Dsón'₂ bá₄ on₃ jua'₅₄ le₂ jaun₂!

18 Ia₁ chi₂ jua'₂ co₂ dsia₅ ma₂ ca₂ 'éng₃ caun₂ cosa, con'₂ siá'₂ guë'₂ 'nio₃ chog'₅₄ táng₃, jaun₂ gué₄ dsón'₂ a₂ jme₂ jniá₁ 'ñió₃, a₂ ma₂ ca₂ i₁ juing₅₄ 'éi'₃. 19 Tsá₃ 'io₅ bí₂ 'Éi'₃ jua'₅₄ a₂ chei'₃ rē₂ ne₄ Diú₄. Jaun₂ nē₂ jag₄ bá₄ i₂ co₂ dsia₅ ma₂ jon₅ bá₄ jniá₂ tē₂ le₃ ne₄ 'Éi'₃ ia₁ jaun₂ le₃ chang₂ táng₃ tē₂ le₃ ne₄ Diú₄. 20 Jaun₂ co₂ 'nió'₄ ca₂ tē₁ ton₅₄ bá₄ jniá₂ co₂ lě₅ quian'₅₄ Cristo ne₄ cróg₄; jaun₂ on₃ jua'₅₄ 'ñió₃ jniá₂ chang₂; 'ñiog₅ bá₄ Cristo i₂ chan₂ jui₅ jme₂ dsí₂ quió₃. Lia'₂ con'₂ lě₅ chang₂ ni₁ ñí₅ la₂, chang₂ tē₂ le₃ a₂ jñia'₅₄ con'₂ 'éng₂ tē₂ le₃ quió'₅ Ja₁ ñi'₅₄ Diú₄, i₂ ca₂ rē₃ 'nio₃ jniá₂, ca₂ jñin'₂ 'ñiog₅ o₄ quió₃ jniá₂. 21 Jaun₂ tsá₃ 'nio₃ jniá₂ jua'₅₄ a₂ jmo₅₄ cau₅ a₂ 'ua₁ dsí₅ Diú₄; ia₁ jua'₅₄ mei'₂ gué₃ guion₅₄ dsa₂ lé₂ le₃ jmo₃ a₂ chein'₃ rē₂ ne₄ Diú₄ tē₂ le₃ quian'₅₄ a₂ jme₃ ti₃ 'Éi'₃, tsá₃ 'e₂ ta₁ tí₄ a₂ ca₂ jon₃ Cristo jua'₅₄ mei'₂ gué₃ le₂ jaun₂.

3

A₂ lia'₂ guén'₂ Diú₄ dsa₂

1 ¡'En₁ jmá'₃ tsá₃ rē₂ 'en₅₄ 'au'₂ 'nia'₂ dsa₂ gálatas! ¿'Ein₂ bá₄ je₂ na'₅₄ i₂ ca₂ jme₃ gau₅ 'nia'₂? Jua'₂ ma₂ ca₂ tē₂ bá₄ ne'₅₄ 'nia'₂ guiong'₅₄ a₂ ma₂ ca₂ jme₁ jnia₅ jnia'₅₄ tē₃ dsón'₂ 'ñiog₅ Jesucristo i₂ tē₁ ton₅₄ cróg₄. 2 Ñag₄ caun₂ 'nia'₂ a₂ juá'₄ la₂: ¿'A₂ lia'₂ ca₂ guen'₅₄ 'nia'₂ Jme₂ dsí₂ quián₅ Diú₄? ¿Ca₁ guein'₅₄ 'nia'₂ ia₁ a₂ ca₂ jme₁ ti'₄ ta₁ qui'₅ 'Éi'₃ quió'₅ Moisés? ¿O₃ bá₄ ca₂ guein'₅₄ 'nia'₂ jme₁ ca₂ rē₃ 'éng'₂ jág₁ a₂ ma₂ nei'₂ 'e₂ 'nia'₂? 3 ¿'A₂ bá₄ lia'₂ ñí₄ tsá₃ rē₂ 'en₅₄ 'au'₂ 'nia'₂? ¿O₃ bá₄ 'náu'₂ 'nia'₂ 'au'₂ a₂ jme₁ 'ñiag'₂ quian'₅₄ jui₅ bí₂ quiáng'₂ guiong'₅₄ a₂ ma₂ ca₂ jme₁ lióg'₄ quian'₅₄ Jme₂ dsí₂? 4 ¿O₃ bá₄ tsá₃ 'e₂ ta₁ tí₄ ca₂ le₃ jě₃ a₂ ma₂ ca₂ i₃ ñí'₂ 'nia'₂? Jui₁ le₅₄ bá₄ a₂ cha₂ ta₁ jmo₃ bá₄ ca₂ la₂ a₂ jaun₂. 5 Jē₁ ma₂ ca₂ cuin₃ Diú₄ Jme₂ dsí₂ quián₅ jmo₂₃ léi₄ juë'₂ jin'₄ 'nia'₂, ¿'e₂ lě₃ jmo₂₃? On₃ jua'₅₄ a₂ jaun₂ guë'₂ jmo₂₃ ia₁ a₂ jme₂ ti'₅₄ 'nia'₂ 'Éi'₃. A₂ jaun₂ bá₄ jmo₂₃ léi₄ juë'₂ tē₂ le₃ ia₁ a₂ ca₂ rē₃ 'én'₂ 'nia'₂ jág₁ a₂ ma₂ nei'₂ bá₄. 6 Ia₁ Abraham nē₃, ca₂ rē₃ 'éin₂ tē₂ le₃ quió'₅ Diú₄. A₂ ca₂ rē₃ 'éin₂ jaun₂, ca₂ guéi'₂ Diú₄ nē₂ jag₄ bá₄ i₂ ca₂ rē₃ ti'₅₄ 'éi'₃. * 7 'Uig₅₄ jaun₂ nē₃, ca₂ tín'₂ 'nia'₂ le₃ ñi'₅₄: jui₁ lia'₂ dsa₂ i₂ 'én₂, i₂ 'éi₂ bá₄ i₂ lín₅ tē₃ dsón'₂ co₂ 'nió'₄ tsi₁ jon₂ Abraham. 8 Ne₄ Si₂ gui'₅₄ jaun₂ ca₂ juá'₂ Diú₄ tē₂ jñiá₅ ca₂ tsí'₃ Abraham a₂ guein₃ le₂ jiog₅ dsi₂ nau₂ tē₂ le₃ jñia'₅₄ con'₂ le₃ 'éin₂ bá₄, co₂ 'nió'₄ nē₂ jag₄ bá₄ i₂ le₃ ti'₅₄ 'éi'₃, jme₁ ca₂ juá'₂ le₂ la₂: “Ca₂ le₃ jě₃ juig₂ te₁ 'i₁ gua'₅₄ 'uē₃ jme₁ gon'₅₄ jniá₂ tē₂ le₃ quian'₅₄ 'ne₂.”† 9 Jaun₂ le₂ nē₅ bá₄ nē₃, jui₁ lia'₂ dsa₂ i₂ 'én₂ nē₃, i₂ 'éi₂ bá₄ i₂ lín₅ dsa₂ i₂ rē₂ gon'₅₄ quián₅ Diú₄ co₂ dsia₅ quiain'₅₄ Abraham i₂ ca₂ rē₃ 'én₂ 'éi₂.

* 3:6 Génesis 15:6. † 3:8 Génesis 12:3; 18:18; 22:18.

10 Dsa₂ i₂jmo₅ dsí₅ a₂tioin'₅₄ 'Éi'₃ tióin₂ jui₅ 'éi'₃ a₂dsi₃'éin₂. Ia₁ juá'₂ ne₄ Si₂: “Ca₂le₃jín₃ i₂tsá₃ jme₂ti₃ ca₂le₃jě₃ 'éi'₃ a₂tio'₅₄ ne₄ Si₂ tióin'₅₄ 'éi'₃ a₂dsi₃'éin₂.” †
 11 Rě₂ bá₄ léi₄ jaun₂ ně₃, 'i₁jan₂ tsá₃ 'ein₂ lé₂ le₃náu₃ rě₂ ne₄ Diú₄ tě₂le₃ ia₁ a₂jme₃ti₃ 'Éi'₃. Ia₁ ne₄ Si₂ juá'₂: “Dsa₂ i₂guén'₂ Diú₄ co₂'nió'₄ i₂lín₅ i₂dsen₃, tě₂le₃ a₂jñia'₅₄ con'₂ a₂'éin₂ bá₄ le₃chain₂.” § 12 La₁ 'Éi'₃ Juá'₅ quió'₅ Moisés ně₃, on₃jua'₅₄ a₂cha₂ ja₁já₄ 'uig₅₄ a₂'én₂ dsa₂ jaun₂. Ia₁ tě₂le₃ le₂la₂ bá₄ juá'₂: “Dsa₂ i₂jmo₅ lia'₂ con'₂ lě₅ juá'₂ 'Éi'₃, quian'₅₄ 'Éi'₃ jaun₂ le₃chain₂.”* 13 Cristo ca₂quí₃ ca₂lió₂ jniog₄ uig₅ a₂jme₁ca₂tág₂ guéi₁ con'₂ lě₅ 'Éi'₃. Ia₁ ne₄ Si₂ juá'₂: “Ma₂rě₂'ě₂ uig₅ ja₁con₂ chi₂jua'₂ 'ein₂ i₂tě₂ton₅₄ guei'₅₄ 'ma₂.” † 14 Le₂ně₅ ca₂quí₃ ia₁jaun₂ a₂dse₃ jaun₂ a₂ca₂jme₃gon'₅₄ Diú₄ Abraham, ñag₅ le₃ja₁con₂ dsi₂hau₂ tě₂le₃ quian'₅₄ Cristo Jesús. Ca₂quí₃ ia₁jaun₂ guéi₁ jniog₄ ca₂le₃jág₃ tě₂le₃ ia₁ a₂'éin₂, guén₄ Jme₂dsi₂ Jñió₅ a₂ma₂juá'₂ cuin₃.

Ju₁lia'₂ 'Éi'₃ Juá'₅, quian'₅₄ jág₁ a₂ma₂cuě₃ Diú₄

15 Rin'₅₄ jniog₄, la₂ cuě₅₄ jniá₂ caun₂ jág₁ jáng'₅ léi₄ 'a₂ lia'₂ lě₅ jmo₅ dsa₂ mi₂güig₃: Jui₁lia'₂ jme₁quiog₂ dsa₂ caun₂ si₂ ja₁tio'₅₄ jág₁ a₂li'₅₄ jaun₂ tio'₅₄ firma quió'₅, jaun₂ 'i₁jan₂ tsá₃ 'ein₂ lé₂ le₃jmo₃ tsá₃ quen₅ si₂ jaun₂, on₃ guě'₂ ma₃lé₂ jua'₅₄ jmo₃ guě₄ ñag₅₄ 'i₁caun₂ con'₂ lě₅ jaun₂. 16 Jaun₂ le₂ně₅ ca₂cuě₃ Diú₄ jág₁ quió'₅ ca₂cuě'₃ Abraham quian'₅₄ chi'₂ dsio₄ 'éi₂. Ne₄ Si₂ quió'₅ tsá₃ juá'₂ jua'₅₄ a₂'iin₂₃ “juin₅ tsi₁jon₂” 'éi₂. Ca₂juá'₂ “tsi₁jon₂ quiáng'₂”, † 'iin₂₃ jan₂ dsa₂ bá₄. I₂jan₂ 'éi₂ lín₅ Cristo. 17 Le₂la₂ bá₄ 'ě₅ jniá₂: Ca₂jmo₃ Diú₄ caun₂ jág₁ quiain'₅₄ Abraham. Jaun₂ jme₁ca₂gua₃ 'Éi'₃ Juá'₅ ně₃, quén₂ 'ñiá₂-láu₂ rě₂dsi₂ guióg₂-guiá₂ (430) ñi₂ cang₂ jaun₂, la₁ tsá₃ le₃jua'₅₄ jua'₅₄ a₂tsá₃ quen₅ jág₁ a₂li'₅₄ Diú₄ quiain'₅₄ Abraham, on₃ guě'₂ le₃jua'₅₄ a₂tsá₃ jma₃quen₅ jág₁ ron₅ a₂rě₂cuě₁ quió'₅ Diú₄. 18 Ia₁ jua'₅₄ mei'₂ guě₃ lé₂ gue₃ dsa₂ a₂ca₂tíin₂ a₂cuě₃ Diú₄ tě₂le₃ ia₁ a₂jme₂ti₃ 'Éi'₃, jaun₂ tsá₃ ma₃le₃jua'₅₄ jua'₅₄ a₂gue₃ guě₄ dsa₂ tě₂le₃ ia₁ a₂ma₂cuě₃ Diú₄ jág₁ quió'₅. La₁ ca₂cuě₃ Diú₄ jág₁ quió'₅ ně₃ ca₂cuě'₃ Abraham a₂ca₂tíin₂ gue₃ a₂lě₁gue₃ co₂ñi₂ bá₄. 19 ĸ₂ ta₁ quí'₅ 'Éi'₃ Juá'₅ jaun₂ ně₃? Cang₂ jaun₂ bá₄ ca₂já₃, a₂quí'₃ ta₁ a₂'ě₃ 'a₂ lia'₂ lě₅ qui₂i₁juin₅₄ dsa₂ 'no₂₃ dso₄. 'Éi'₃ jaun₂ ca₂gua₃ ca₂lia'₂ ca₂guan₃ “tsi₁jon₂ i₂jan₂ i₂'iin₂₃ 'éi₂” con'₂ lě₅ jág₁ ma₂cuě₃ Diú₄. 'Éi'₃ jaun₂ ně₃, ca₂tě₁ron₅₄ tě₂le₃ quian'₅₄ ángel i₂ca₂'ě₂ jág₁. Ca₂tě₁tsin'₅₄ jan₂ dsa₂ i₂chén'₅ ne₄ jág₁. 20 La₁ jme₁ca₂dsia₃ Diú₄ jág₁ quiain'₅₄ Abraham le₂'uig₅₄, 'ñiog₅ bá₄ ca₂dsia₃ jág₁. Tsá₃ 'ein₂ sián'₂ ca₂nau₂ ne₄ jág₁. Ia₁ i₂jan₂ tan₅₄ 'éi₂ bá₄ Diú₄ i₂ca₂juá'₂ jme₁ca₂juá'₂.

Ta₁ a₂quí'₅ 'Éi'₃ Juá'₅

21 ĸ₀₃ bá₄ co₂'nió'₄ juá'₂ jaun₂ ně₃, a₂quí'₅ ta₁ 'Éi'₃ a₂'nio₃ 'éin₂ jág₁ a₂ma₂cuě₃ Diú₄? On₃jua'₅₄ le₂jaun₂. Jua'₅₄ mei'₂ guě₃ lé₂ le₃cuě₃ 'Éi'₃ Juá'₅ caun₂ jui₅ ja₁lé₂ le₃chan₂ jme₂dsi₂, jaun₂ bá₄ jme₁lé₂ le₃guen₃ Diú₄ dsa₂ tě₂le₃ quian'₅₄ a₂jme₃ti₃ dsa₂ 'Éi'₃ jaun₂. 22 La₁ lia'₂ con'₂ lě₅ juá'₂ ne₄ Si₂, ca₂le₃jín₃ bá₄ dsa₂ tióin'₅₄ le₁'ñei'₅₄ jui₅ ja₁'no₂₃ dso₄, ia₁jaun₂ tě₂le₃ a₂jñia'₅₄ con'₂ 'éin₂ bá₄ tě₂le₃ quió'₅ Jesucristo le₃gue₃ a₂ma₂juá'₂ Diú₄ cuě₃.

23 Né'₃ a₂guá₂ jág₁ a₂le₃'én₂ dsa₂ ně₃, jme₁tio'₅₄ jniog₄ le₁jnág₅ quian'₅₄ 'Éi'₃, co₂'nió'₄ a₂jme₁jmo₂₃ 'í₁ jniog₄, qui₂le₁jñia₁ a₂le₃jniá₂ a₂le₃'éin₂ jaun₂. 24 'Uig₅₄ jaun₂ bá₄ ně₃, 'Éi'₃ ca₂jme₃góin₃ ne₄ quián₂ jniog₄, ně₂jag₄ bá₄ jan₂ tě₅ i₂ca₂jjiog₃ ca₂tě₂ ja₁con₂ Cristo, ia₁jaun₂ jě₁ma₂ca₂rě₃'éin₂ tě₂le₃ quió'₅ 'éi₂, lé₂ le₃tě₃tsag'₅₄ jniog₄ rě₂ ne₄ Diú₄. 25 Jaun₂ rě₂ně₃ ně₃ ma₂gua₅ bá₄ a₂'éin₂ jniog₄, tsá₃ ma₃tio'₅₄ ne₄ 'Éi'₃ jua'₅₄ a₂jaun₂ a₂jjiog₅ guě₄ jniog₄, jmo₅ 'í₁. 26 A₂lín'₅ 'nia'₂ ca₂le₃jíng'₃

† 3:10 Deuteronomio 27:26. § 3:11 Habacuc 2:4. * 3:12 Levítico 18:5. † 3:13 Deuteronomio 21:23. † 3:16 Génesis 12:7; 13:15; 24:7.

chi²-guein² quián⁵ Diú⁴, tē²le³ ia¹ a²'én² 'nia² le³quió⁵ Cristo Jesús. ²⁷ Jaun² ca²le³jín³ 'nia² con² i²ma²tion⁵⁴ 'ei⁵ caun² jág¹ quian⁵⁴ Cristo lia² con² jme¹ca²jñóg² jmi²g², tión² 'nia² a²rē²jniág¹ rē²lín⁵⁴ nē²jag⁴ bá⁴ Cristo 'ñiog⁵. ²⁸ Tsá³ ma³jma³quén⁵ tión² dsa², tsá³ a²nag⁵⁴ o¹jñia⁵⁴ i²lín⁵ judíos, o³ griegos, on³ guē² i²lín⁵ dsa² i²jme²ti³ ta¹ ne⁴ juig⁵⁴, on³ guē² dsa² i²tsá³ 'ein² ne⁴ jme²ti³ nē³; dsa² ñe², o³ dsa² mí² 'e²; ia¹ i²co²rín² bá⁴ 'nia² le³quió⁵ Cristo Jesús. ²⁹ Chi²jua² tén⁵ 'nia² le³quió⁵ Cristo, jaun² guē⁴ lín⁵ dsa² tsi¹jon² Abraham, jaun² ca²tín² 'nia² guéi¹ a²lě⁵ jág¹ a²cuē³ Diú⁴.

4

¹ A²la² bá⁴ juá⁵ jniá²: Tē²lia² bin⁵⁴ guein², i²ca²tín² gue³ a²lě⁵ jág¹ a²cuē³ jmei², tsá³ jua⁵⁴ jma³quén⁵ lín⁵ quian⁵⁴ dsa² i²'lian⁵⁴ quián⁵ jmei², o¹jñia⁵⁴ a²dsau⁵ jan² i²'éi² bá⁴ quió⁵ ca²le³jě³. ² Chan² dsa² i²jmo⁵ 'í¹ nio⁵ gu² ca²le³jě³ a²cha² quió⁵ 'éi², ca²lia² ca²tě² jmi²g⁴ a²'ě⁵ jmei². ³ Jaun² le²ně⁵ bá⁴ lě⁵ quian⁵⁴ jniog⁴. Tē²lia² con² big⁵⁴, jme¹chong² jniog⁴ le¹ñei⁵⁴ ne⁴ 'éi³, tag⁴ a²jio⁵ bí² ja¹con² dsa² mi²güig³. ⁴ La¹ jme¹ca²dsin³ jmi²g⁴, ca²chen³ Diú⁴ Ja¹ñi⁵⁴, ca²rě³cháin³ ca²caun³ jan² dsa² mí² dsa² mi²güig³, ca²guain³ lín⁵ jan² dsa² i²rě²'en⁵⁴ ne⁴ 'Éi³ Juá⁵. ⁵ Le²ně⁵ bá⁴ guain³ a²quí³ a²lió² ca²le³jág³ jniog⁴ con² dsa² jme¹tio⁵⁴ 'Éi³ jaun², ia¹jaun² guéi² Diú⁴ jniog⁴ a²ma²lág⁵ chi²-guein² quián⁵. ⁶ Jaun², 'uig⁵⁴ ia¹ a²lín⁵ 'nia² chi²-guein² quián⁵ nē³, jaun² ca²chein³ Jme²dsí² quián⁵ Ja¹ñi⁵⁴ tē²dsi⁵ jniog⁴, jaun² Jme²dsí² nē³ juá²: “¡Abba!* ¡Tia⁵⁴ quiáng³!” ⁷ Le²ně⁵ jaun², tsá³ ma²lín⁵ 'ne² jan² i²chi¹'ñe⁵⁴ ne⁴ 'éi³; ma²lín⁵ jan² ja¹ñi⁵⁴ bá⁴. Jaun² chi²jua² lín⁵ jan² ja¹ñi⁵⁴, ján³ bá⁴ ma²lín⁵ jan² i²ca²tín² gue³ a²lě⁵ jág¹ cuē³.

T⁵ dsí⁵ Pa⁴ o⁴quió⁴ dsa² 'én²

⁸ Le²jñiá⁵, lia² con² tsá³ Diú⁴ jme¹ma²cuin² 'nia², jme¹tion⁵⁴ le¹ñeg⁵⁴ ja¹con² diú⁴ lag⁴ i²tě³dsón² on³jua⁵⁴ i²le³jua⁵⁴ diú⁴ dsón². ⁹ La¹ rē²ně³ nē³ ma²cuin² 'nia² Diú⁴, co²'nió⁴ juá⁵, ma²cuin⁵ Diú⁴ 'nia². Jaun² nē³, ¿'a² bá⁴ lia² lě⁵ a²o²no⁵⁴ táng³ 'nia² le³ca³ tsá³ caun² a²qui²'náu² 'au² a²tóng² táng³ ne⁴ 'éi³ tag⁴ 'uan⁵⁴ a²tsá³ ta¹ tí⁴? ¹⁰ Ia¹ jmo² bá⁴ guē⁴ 'nia² 'au² a²jme²jué¹ a²lín⁵⁴ jmi²g⁴, tsi², ñi², jein² nē³. ¹¹ 'Ñio⁵ dsí²gó³ dsí³ ia¹ con² tsá³ ñó⁵ nē¹jua² tsá³ 'e² ta¹ tí⁴ ta¹ a²ma²jmo³ jniá² jin⁴ 'nia².

¹² Rín⁵⁴ jniog⁴, chilén⁴ jniá² 'nia² jui¹lén⁵⁴ bá⁴ 'nia² lia² lín⁵ jniá², ia¹ jniá² ma²ca²jmo³ dsí³ ján³ a²lín⁵ lia² lín⁵ 'nia². Tsá³ 'e² jua⁵⁴ a²tsá³ dsi²ten⁵⁴ a²ma²jmog⁵⁴ 'nia². ¹³ Ia¹ ma²ñi⁵⁴ bá⁴ 'nia², lia² jme¹ca²'ě³ jniá² jág¹ dse³ a²lión² dsa² jin⁴ 'nia² le²'uig⁵⁴, ca²lě³ le²jaun² 'uig⁵⁴ caun² dso⁴ a²jme¹lín⁴. ¹⁴ Dso⁴ a²ca²jéin³ jniá² jaun² nē³ co²'nió⁴ a²ca²caun³ táu² Diú⁴ 'nia² bá⁴ jaun². La¹ on³jua⁵⁴ a²jaun² tsá³ ca²guei⁵⁴ 'nia² jua⁵⁴ a²tsá³ ca²rě³jei⁵⁴. Tē²le³ 'io² guē⁴ ca²guei⁵⁴ bá⁴ 'nia² jniá² nē²jag⁴ bá⁴ jan² ángel quián⁵ Diú⁴, nē²jag⁴ bá⁴ lín⁵ Cristo Jesús 'ñiog⁵. ¹⁵ ¿'E² bá⁴ ca²lě³ quian⁵⁴ a²ñí⁴ lě³ dse³ jme¹ca²'ág² 'au² 'nia² le²jaun²? Lé² le³juá⁴ jniá², jua⁵⁴ mei² guē³ lé², jme¹'uē⁴ 'nia² mí²g² ne⁵⁴ guiong⁵⁴, a²jme¹cuē¹ jniá². ¹⁶ Jaun² nē³, ¿on³ bá⁴ lín² 'nia² a²'iog⁵⁴ bá⁴ jniá² ia¹ a²juá⁵ lia² tí⁵ jág¹?

¹⁷ Dsa² 'éi² nē³, 'ñio⁵ dsen⁵⁴ dsí⁵ jmo²³ quian⁵⁴ 'nia², la¹ on³jua⁵⁴ a²dse³ dsón² lia² dsi²jio⁵ dsí⁵. A²'no² jui⁵ a²téi⁴ 'nia² jnia⁵⁴, ia¹jaun² le³dsen⁵⁴ 'au² a²'éin⁴ guioin⁵⁴. ¹⁸ A²dsón² a²dse³ bá⁴ jaun² a²cuē⁵ dsa² bí² rín⁵⁴, chi²jua² a²jaun² bá⁴ a²dse³ a²dsi²jio⁵ dsí⁵. La¹ jui¹jmo¹² le²jaun² co²tan⁵⁴, on³jua⁵⁴ rē² jmá³

* **4:6** Abba: co²'nió⁴ le³jua⁵⁴: “Tia⁵⁴” quian⁵⁴ jág¹, jmei⁵, arameo.

jme'en⁵⁴ jniá² quian'⁵⁴ 'nia'². ¹⁹ 'Nia'² chi'²-guein² quiáng³, con'² siá'² táng³ ma²ḡag⁵⁴ uig⁵ o⁴quián'² 'nia'², líng⁵ ně²jag⁴ bá⁴ jan² 'io⁵⁴ i²chan² uig⁵; caun² ḡag⁵⁴ uig⁵ le²ně⁵ bá⁴ ca²lia'² ca²lín'³ 'nia'² a²dsi²nóg'⁵ léng'² lia'² lín⁵ Cristo. ²⁰ ¡Jua'⁵⁴ mei'² bá⁴ lé²le³dsióg⁴ jniá² tē²ně³ ja¹con'² 'nia'², ia¹jaun² jme¹tsíng⁴ 'a²lia'² dsia⁵⁴ jág¹ quian'⁵⁴ 'nia'²! Ia¹ 'ḡio⁵ lín³ tsá³ guion⁵⁴ 'a²lia'² jmo⁵⁴ quian'⁵⁴ 'nia'².

Jág¹ jáng'⁵ léi⁴ jui¹lia'² Agar quian'⁵⁴ Sara

²¹ 'Nia'² con'² dsa² i²'niog'² tón'⁴ táng³ 'Éi'³ Juá'⁵, ḡag⁴ caun² 'nia'² a²juá'⁴ jniá² la²: ¿Tsa¹ ma²nei'² 'nia'² a²juá'² 'Éi'³ jaun²? ²² Ia¹ juá'² Si² 'iin²³ Abraham, 'éi² ně³ ca²rě³chán³ on³ ja¹ḡi'⁵⁴. Jan² i²ca²can³ dsa² mí² i²jme¹jme²ti³ ta¹ ne⁵⁴; jan² guē'² i²ca²can³ dsa² mí² quián⁵ dsón'² i²tsá³ 'ein² ne⁴ dsa² sián'² jme²ti³. ²³ Guein² i²ca²can³ dsa² mí² i²jme²ti³ ta¹ ne⁴ Abraham, ca²rě³chán³ con'² lě⁵ rě²chan² guein² lě¹guein², la¹ guein² i²ca²can³ dsa² mí² quián⁵ Abraham 'ḡiog⁵ ně³ ca²rě³chán³ a²ca²rě³ti³ jág¹ a²cuē¹ quió'⁵ Diú⁴. ²⁴ Jág¹ ně⁵, lě⁵ caun² jág¹ a²jáng'⁵ léi⁴. Le³on³ 'io⁵⁴ ně⁵ co²'nió'⁴ tin³ jág¹ a²lī'⁵⁴ Abraham quian'⁵⁴ Diú⁴. Caun² jág¹ ně⁵ lě⁵ co²'nió'⁴ Má'² Sinaí a²jáng'⁵ léi⁴ tē²le³ quió'⁵ Agar i²cán² guein² i²'i⁴ 'éi'³ jme³ti³ ta¹ ne⁴ dsa². ²⁵ Jaun² lín⁵ Agar co²'nió'⁴ Má'² Sinaí, a²chí'⁵ 'uē³ Arabia, a²lě⁵ caun² nió'⁴ quió'⁵ Jerusalén jmig⁴ ně³, ia¹ tion'⁵⁴ dsa² chan² ciudad jaun² jme²ti³ 'éi'³ co²dsia⁵ quian'⁵⁴ chi'²-guein² quián⁵. ²⁶ La¹ jui¹lia'² Jerusalén 'mí² quió'⁵ guei'⁵⁴ ně³, rě²na⁴ bá⁴ jui⁵; jaun² ja¹jaun² bá⁴ lě⁵ ně²jag⁴ bá⁴ chog⁵⁴ jniog⁴. ²⁷ Ia¹ ne⁴ Si² juá'²:

Quian² o²'ḡi³ dsí⁵, 'ne² 'io⁵⁴ quen²,

'ne² dsa² mí² i²tsá³ guein² ma²can⁵,

'ú⁵ co²mí⁵⁴ guio'⁵⁴ a²'io'² jéng'²,

'ne² i²tsá³ 'e² jme¹ma²cuíng'² 'e² jaun² a²chang'² uig⁵.

Ia¹ tē²le³ juin⁵ guē⁴ guein² le³chan² bá⁴

quió'⁵ dsa² mí² i²ca²téi² dsa²,

lia'² con'² guē⁴ dsa² mí² i²chan² dsí²i²gu².†

²⁸ Rin'⁵⁴ jniog⁴, lín'⁵ bá⁴ 'nia'² jui¹lia'² Isaac; lín'⁵ 'nia'² chi'²-guein² con'² lě⁵ jág¹ ca²cuē³ Diú⁴. ²⁹ Le²ně⁵ bá⁴ jui¹lia'² jmig⁴ jaun², ja¹ḡi'⁵⁴ i²ca²rě³chán³ con'² lě⁵ rě²chan² ca²le³jín³, qui²ca²co³'ein³ bá⁴ ja¹ḡi'⁵⁴ Abraham i²ca²rě³chán³ con'² ta¹ quió'⁵ jme²dsí², le²ně⁵ bá⁴ lě⁵ rě²ně³ ján³. ³⁰ ¿La¹ 'e² juá'² ne⁴ Si²? Juá'²: “Dsen⁵⁴ dsí²néi² 'io⁵⁴ i²jme²ti³ ta¹ ne'⁵⁴ ně⁵ lia'² jma³quian'⁵⁴ ja¹ḡi'⁵⁴, ia¹ lia'² o¹líg'² jmig⁴ jua'⁵⁴ ja¹ḡi'⁵⁴ 'io⁵⁴ 'lian'⁵⁴ ně⁵ ca²tín² tīn⁵⁴ a²dse³ a²ca²tín² ja¹ḡi'⁵⁴ 'io⁵⁴ i²jín⁵⁴.”‡ ³¹ Jaun² ně³, rin'⁵⁴ jniog⁴, tsá³ lág⁵ jniog⁴ chi'²-guein² quián⁵ 'io⁵⁴ i²co²'nió'⁴ chi¹'ḡe'⁵⁴ 'éi². Lág⁵ bá⁴ jniog⁴ chi'²-guein² quián⁵ 'io⁵⁴ i²jín⁵⁴ § bá⁴.

5

Tiá² nau² 'nia'² jui⁵ rě²na⁴

¹ Cristo ca²chéi'² jniog⁴, ia¹jaun² tsá³ ma³le³chong² jua'⁵⁴ a²le¹'ḡei'⁵⁴ guē⁴. Jaun² tiá² nau² 'nia'² jui⁵ rě²na⁴, tsá³ ma³tón'² 'nia'² táng³ uig⁵ 'éi'³ guei² co²'nió'⁴ a²jmo⁵ a²rě²'ḡe'⁵⁴ dsa². ² Jaun² rě² nei² 'nia'². Jniá² Pa⁴, juíg'² 'nia'²: Nē¹jua'² cuín'⁵ 'nia'² a²ti³ dsa² ni¹lo⁴, jaun² dsióg⁵ 'i¹ca²juig⁴ tsá³ 'e² ta¹ tén⁴ Cristo ja¹con'² 'nia'². ³ 'Nio³ jniá² juá'⁴ táng³: ně¹'ein² cuin⁵ a²ti³ dsa² ni¹lo¹², ca²tīn² jme³ti³ ca²le³jě³ 'éi'³ qui⁵ Si² quió'⁵ Moisés. ⁴ 'Nia'² i²'náu'² jui⁵ a²guéi'² Diú⁴ a²lín'⁵ dsa² dsen³ tē²le³ 'uig⁵⁴ ia¹ a²rě²ten'⁵⁴ 'nia'² 'Éi'³, ca²dsióg³ táng³ co²dsia⁵ ma²ca²'nia'⁵⁴ bá⁴ 'nia'² jág¹ quian'⁵⁴ Cristo; ma²i²uín'³ bá⁴ táng³ 'nia'² ja¹dsia⁵ Diú⁴ 'ua¹ dsí⁵ ja¹con'²

† 4:27 Isaías 54:1. ‡ 4:30 Génesis 21:10. § 4:31 o³, “'io⁵⁴ i²lon⁴.”

'nia'₂. ⁵ Ia₁ tē₂le₃ quian'₅₄ Jme₂dsí₂, tē₂le₃ jñia'₅₄ 'a₂ con'₂ 'éin₂ bá₄ jniog₄, chong₂ a₂'ín₂ dsí₅ le₁jñia₁ a₂já₅ caun₂ jmig₄ jē₁léi₂ dsón'₂ jniog₄ dsa₂ dsen₃. ⁶ Ia₁ nē₁jua'₂ chong₂ le₃ quió'₅ Cristo Jesús, tsá₃ 'e₂ ta₁ jmo₃ o₁jñia'₅₄ a₂rē₂uing₄ o₃ tsá₃ rē₂uing₄ 'e₂ lo₄ dsa₂. Ia₁ a₂le₃ 'éin₂ bá₄ tē₃dsón'₂ quen₅, a₂le₃jñiá₂ tē₂le₃ quian'₅₄ a₂jme₁'nió₄ jniog₄ rñn'₅₄. ⁷ Dse₃ bá₄ lia'₂ con'₂ jme₁ma₂ja₂nó'₅ 'nia'₂. ¿'Ein₂ bá₄ ca₂jmo₃ jnág₅ jui₅ jaun₂ tsá₃ ma₃nág'₁ gau₂ jág₁ a₂tí₅ dsón'₂? ⁸ On₃jua'₅₄ a₂jaun₂ a₂ma₂tē₅ Diú₄ 'nia'₂ jua'₅₄ a₂jmó'₂ le₂nē₅. ⁹ Lē₅ jui₁lia'₂ juá'₂ jág₁ quió'₅ dsa₂ ma₂líg'₂: “Quian'₅₄ ca₂jui₄ bá₄ jui₁ levadura, jmo₃ ta₁ guion'₂ ca₂le₃jě₃ ti₁can₁.” ¹⁰ Caun₂ bá₄ 'ei₅ dsí₃ tē₂le₃ ja₁con₂ Te₁gui'₅₄, a₂tsá₃ ma₃dsí₃jio₅ 'au'₂ 'nia'₂ le₂siá'₂; Diú₄ bá₄ 'ě₂ uig₅ quió'₅ dsa₂ i₂chi₂jan₅ chi₂nei₂₃ jág₁ jin'₄ 'nia'₂, tsá₃ a₂lě₅ jaun₂ jui₁'ein₂ guě₃. ¹¹ Tē₂le₃ quió'₃ guě'₂ rñn'₅₄ jniog₄, jua'₅₄ mei'₂ guě₃ ñi₅ jñiá₂ te₁neg'₅₄ dsa₂ a₂ti₃ lo₅₄, ¿'e₂ guě'₂ lē₃ qui₂co₂'ein₅ dsa₂ jñiá₂? Jág₁ dse₃ a₂rē₂'ě₂ quió'₅ Cristo a₂ca₂join₃ ne₄ cróg₄, tsá₃ 'lig'₅₄ jme₁tiñ₃ jua'₅₄ mei'₂ guě₃ le₂jaun₂. ¹² La₁ jui₁lia'₂ dsa₂ i₂cuē₅ o₂me'₅₄ dsí₅ 'nia'₂ a₂'ě₂₃ a₂ti₃ dsa₂ lo₅₄, jua'₅₄ co₂ñei'₅₄ bá₄ ti₃ quió'₅ guoin₅₄!

¹³ Ia₁ 'nia'₂, rñn'₅₄ jniog₄, ma₂ca₂rē₃té₄ a₂lén'₂ 'nia'₂ dsa₂ i₂i₂nio₄ lon₄. Jñia'₅₄ lia'₂ tsá₃ cuín₅ 'nia'₂ jmig₄ jua'₅₄ a₂jme₁ti'₄ guě₄ 'nia'₂ a₂mi₅ ni₁ñi'₁ ia₁ a₂lín'₅ dsa₂ i₂ma₂lón₂. Tē₂le₃ jme₁ti₁ 'nia'₂ ja₁con₂ ríng'₂ le₂jang'₂ le₂jang'₂, tē₂le₃ ia₁ a₂'nió'₃ 'nia'₂ ríng'₂. ¹⁴ Ia₁ quian'₅₄ ca₂jon₄ jág₁ bá₄ a₂rē₂'ñia₅ ca₂le₃jě₃ 'Éi'₃ Juá'₅: “Jme₁'nió₄ dsa₂ mi₂güig₃ ríng'₂ jui₁lia'₂ 'nió'₃ 'ñiag'₂.”* ¹⁵ La₁ nē₁jua'₂ tion'₅₄ 'nia'₂ quíng'₅ ríng'₂ quian'₅₄ i₂la₂ i₂ó₃, tē₃ñi'₅₄ quián'₂ 'nia'₂ ia₁ con'₂ tsá₃ ñó₅ nē₁jua'₂ guion'₅₄ bá₄ 'nia'₂ qui₂co₂dsí₃'éng'₅.

'A₂ lia'₂ le₃chan₂ dsa₂ tē₂le₃ quió'₅ Jme₂dsí₂ mi₂güig₃ la₂

¹⁶ A₂la₂ bá₄ a₂juíg₂ jñiá₂ 'nia'₂: Jui₁le₂chan'₂ bá₄ 'nia'₂ con'₂ lē₅ jio₅ Jme₂dsí₂, jaun₂ bá₄ dsióg₄ a₂tsá₃ ma₃jme₁ti'₄ 'nia'₂ a₂mi₅ ni₁ñi'₁. ¹⁷ Ia₁ ca₂le₃jě₃ a₂'ín₅ dsí₅ ni₁ñi'₁ dsa₂, 'io'₅₄ Jme₂dsí₂ quián₅ Diú₄. Ján₃ guě'₂ le₂jaun₂ a₂'ín₅ dsí₅ Jme₂dsí₂ 'io'₅₄ ni₁ñi'₁ táng₃. Tsá₃ jein'₂; lē₅ 'nei₂. 'Uig₅₄ jaun₂ bá₄ tsá₃ lé₂ le₃jmó'₂ 'nia'₂ a₂'niog'₂. ¹⁸ Ia₁ nē₁jua'₂ jio₅ Jme₂dsí₂, tsá₃ ma₃tiong'₅₄ 'Éi'₃ Juá'₅. ¹⁹ Ia₁ a₂rē₂jñiá₂ dse₃ bá₄ 'a₂ lia'₂ lē₅ chan₂ dsa₂ i₂i₂nio₄ con'₂ lē₅ 'ñio₂ dsí₅ ni₁ñi₁₂: nió'₅ jág₁ a₂tsá₃ dsi₂ten₅₄ nió'₃; i₂nioi₅₄ 'ñio₅ lē₁'ñioi₅ 'e₂ guě₃ a₂jmo₅-dsáu₅; tsá₃ con₂ dsí₅; ²⁰ qui₂jme₂gain₃ diú₄ lag₄; jmo₂₃ mí₅ a₂chan₂ dsí₅; † i₂'ñia₅₄ dsa₂ mi₂güig₃ rñn'₅₄; i₂qui₂tsin₅ quian'₅₄ rñn'₅₄; i₂dsí₅ 'uin₅ dsí₅; i₂caun₂ lē₁rē₂'ne₂; i₂'ě₂ a₂cha₂ quió'₅; i₂dsia₅ mi₅₄ jmo₅ le₁dson'₅₄ dsa₂; i₂jmo₅ jmá'₃ co₂nió'₃ quian'₅₄ rñn'₅₄; ²¹ i₂uig₅ dsí₅; [i₂jme₂dsian₅ rñn'₅₄]; † i₂i₂nio₄ lē₁'en₅; qui₂jmo₂₃ jmig₄ ja₁qui₂jmo₅-dsáu₅ a₂'lig'₅₄ nē₃. 'Lióng₂ bá₄ guě₄ a₂siá'₂ jmo₅ i₂lín₅₄ a₂mei'₂ tsá₃ co₂rē₂ ján₃. Jaun₂ 'ě₅ jñiá₂ jág₁ tē₃jñiá₅, jui₁lia'₂ ma₂juá'₃ jñiá₂ le₂jñiá₅ ma₂juíg₂ 'nia'₂, ca₂le₃jín₃ dsa₂ i₂qui₂jmo₅-dsáu₅ a₂nē₅ o₁líg'₂ jmig₄ tsá₃ tíñ'₄ ja₁gon₂ Diú₄. ²² La₁ le₂la₂ bá₄ chan₂ dsa₂ i₂jio₅ Jme₂dsí₂: A₂'nioi₃ rñn'₅₄; chain₂ o₂'ñio₃ dsí₅; tei₄ le₁'ág₄ dsí₅ nē₃, ton'₂ juñ'₂ dsí₅ lín₅; 'ñio₂ dsí₅ quian'₅₄ rñn'₅₄; jmo₂₃ a₂dse₃ dsí₅ ja₁con₂ rñn'₅₄ nē₃; tí₅ jág₁ quió'₅ nē₁'e₂ jág₁ jmo₂₃ quian'₅₄ rñn'₅₄. ²³ 'Ua₁ dsí₅ lín₅ ja₁con₂ rñn'₅₄; ñi₅ 'a₂ lia'₂ jme₃'uáin₂ dsí₅ 'ñiog₅ 'e₂ jme₁ja₂ dsí₅ jmo₃. 'I₁caun₂ 'éi'₃ tsá₃ cha₂ jua'₅₄ a₂lé₂ le₃'liog'₃ quió'₅ dsa₂ i₂chan₂ le₂nē₅. ²⁴ Ia₁ dsa₂ i₂ma₂lín₅ quián₅ Cristo, nē₂jag₄ bá₄ a₂ma₂ca₂l₃lé₂ ne₄ cróg₄ ca₂le₃jě₃ lia'₂ lē₅ jme₁lín₄ chain₂ mi₂güig₃, co₂dsia₅ quian'₅₄ a₂jme₁'ín₅ dsí₅, a₂jme₁qui₂dsí₂jio₅ dsí₅ jmo₃ nē₃. ²⁵ Le₂nē₅ chi₂jua'₂ chong₂ jniog₄ tē₂le₃ quian'₅₄ Jme₂dsí₂, ján₃ bá₄ jui₁i₁nio₁ jniog₄ lia'₂ jio₅

* 5:14 Levítico 19:18. † 5:20 griego: farmakeía. ‡ 5:21 A₂lín₅₄ chog₅₄ si₂ tsá₃ le₁ton₅ jág₁ nē₅.

Jme₂dsí₂. ²⁶Tsá₃ ca₂tág₂ jniog₄ jmó₁ táu'₅, on₃ guë'₂ dsiá₁ mi'₅₄ le₂jau₂ le₂jau₂, on₃ guë'₂ jmó₁ uig₅ dsi₅ quian'₅₄ rin'₅₄.

6

Jme₁'on₁'nia₂'ríng'₂ le₂jang'₂ le₂jang'₂

¹Rin'₅₄ jniog₄, nē₁'ein₂'nia₂ ca₂tán'₂ dso₄, 'nia₂' guë'₂ con'₂ i₂ma₂jniog₅ Jme₂dsí₂, ca₂tín'₂ 'nia₂ jme₁'oin'₁, ia₁ jaun₂ roin'₂ táng₃, jmó'₂ 'nia₂ 'ua₁ 'au'₂ ja₁coin₂. La₁ 'í₁ jmo₄, ia₁ con'₂ tsá₃ njó₅ nē₁le₂jniog₅ 'ñiag'₂ ca₂táng'₂ ján₃. ²Jme₁'on₁'nia₂'ríng'₂ le₂jang'₂ le₂jang'₂, chi₂jua'₂ 'e₂ caun₂ o₂me'₅₄ dsi₅ guei₂ quian₅ ríng'₂, ia₁ le₂nē₅ bá₄ le₃ten'₅₄ 'nia₂ 'éi'₃ a₂ca₂quiog₂ Cristo.* ³Ia₁ nē₁jua'₂ chan₂ 'ein₂ lín₂ tñin₂ jmo₂₃, nē₁jua'₂ tsá₃ 'e₂ ta₁ téin₄ guë'₂ nē₃, jme₂gain₂₃ 'ñiog₅. ⁴Le₂jan₂ le₂jan₂ bá₄ dsa₂ ca₂tñin₂ con₂ 'í₁ 'a₂ lia'₂ jñia'₅₄ ma₂lě₅ chain₂ guioin₅₄. Nē₁jua'₂ ca₂rě₃lí'₄ rē₂ ma₂chain₂, tióin₂ dse₃ guioin₅₄ bá₄, on₃jua'₅₄ jñia'₅₄ 'nio₃ chein'₃ dse₃ o₄quió'₄ i₂sián'₂. ⁵Ia₁ i₂jma₃quén₅ cán₂ guei₂ o₂me'₅₄ dsi₅ guion₅₄ bá₄ dsa₂ le₂jain₂ le₂jain₂.

⁶Jui₁lia'₂ dsa₂ i₂rě₂tñin₂ jág₁ quió'₅ Diú₄, ca₂tñin₂ jme₃'oin₅₄ tē₅ quián₅ quian'₅₄ ca₂le₃jě₃ ne₅₄ a₂dse₃ a₂cha₂ quió'₅. ⁷Tsá₃ lē₁jme₂gán₁ 'nia₂ 'au'₂ guiong'₅₄: ia₁ 'i₁jan₂ tsá₃ 'ein₂ lé₂ lē₁co₃jmá'₂ Diú₄, ia₁ chi₂jua'₂ 'e₂ caun₂ a₂jne₅ dsa₂, a₂jaun₂ bá₄ ráu₃ quió'₅. ⁸Jui₁lia'₂ jan₂ dsa₂ i₂jne₅ a₂'ín₅ dsi₅ ni₁ñi₁ 'ñiog₅, jui₅ ni₁ñi₁₂ jaun₂ bá₄ ro'₂ 'mú₃; la₁ dsa₂ i₂jne₅ tē₂le₃ quió'₅ Jme₂dsí₂, jui₅ Jme₂dsí₂ bá₄ ráu₃ quió'₅ ján₃ a₂le₃chain₂ co₂tan₅₄. ⁹Le₂nē₅ bá₄, tsá₃ lē₁o₁'ú'₄ dsi₅ jniog₄ a₂jmó₁ a₂dse₃; ia₁ nē₁jua'₂ tsá₃ ca₂'ág₂ caun₂-tñin₃ dsi₅ jniog₄, já₅ bá₄ jmig₄ tē₅₄ a₂ráu₃ quián₂. ¹⁰Jaun₂ lē₃, lia'₂ co₂ráun₂ lé₂ le₃jmó₁, o₁jmó₁ jniog₄ a₂dse₃ ja₁con₂ ca₂le₃jín₃, la₁ ja₂lñin₃ guë'₄ le₃ja₁con₂ rin'₅₄ jniog₄ i₂'én₂.

Ē₂ guë'₄ jág₁ tē₃jñiá₅, jē₁'ág'₅ jág₁

¹¹Jag₄ 'nia₂ quian'₅₄ letras ca₁ca'₅₄ jmo₂₃ quian'₅₄ gu₃ 'ñió₃, † si₂ a₂tsíng₂ ne'₅₄ 'nia₂. ¹²Dsa₂ i₂jñia'₅₄ 'nio₃ le₃jñiai₂ tióin₂ dse₃, chi₂quián₂ jmig₄ 'nia₂ a₂tí'₁ 'nia₂ lo'₅₄; jmo₂₃ le₂jaun₂ ia₁jaun₂ tsá₃ 'ein₂ co₃'ein₃ 'uig₅₄ ne₄ jág₁ quió'₅ cróg₄ quió'₅ Cristo. ¹³Ca₂lia'₂ jñia'₅₄ guion₅₄ dsa₂ i₂tñi₅ lo₄ 'éi₂, tsá₃ a₂jaun₂ jme₂tñi₃ a₂juá'₂ ca₂le₃jě₃ 'Éi'₃ Juá'₅ jaun₂. La₁ 'nio₃ nē₃ a₂tí'₁ 'nia₂ quiáng'₂, ia₁ jaun₂ le₃jmo₃ táin'₅ ja₁con₂ ni₁ñi₁ 'nia₂. ¹⁴La₁ jñiá₂ nē₃, o₁líg'₂ tsá₃ 'nio₃ jmo₅₄ táng'₅, jñia'₅₄ lia'₂ le₃quió'₅ 'mú₃ a₂ca₂lñi₃ñi₂ Te₁gui'₅₄ Jesucristo quián₂ jniog₄ ne₄ cróg₄ bá₄. Ia₁ 'uig₅₄ a₂ca₂jon₃ Cristo ne₄ cróg₄, ma₂ca₂ñi₂ bá₄ mi₂güig₃ ja₁con₂ jñiá₂; ján₃ guë'₂ le₂jaun₂ co₂'nió'₄ ma₂jon₅ bá₄ jñiá₂ tē₂le₃ ne₄ mi₂güig₃. ¹⁵Jaun₂ nē₃, 'i₁caun₂ tsá₃ 'e₂ quen₅ a₂rě₂uñg₄ o₃ a₂tsá₃ 'e₂ rě₂uñg₄ lo₄ dsa₂; la₁ a₂léi₂ jniog₄ dsa₂ i₂ma₂ca₂rě₃'mag'₂ tē₂dsi₅, a₂nē₅ bá₄ dsón'₂ a₂quen₅. ¹⁶Tē₂le₃ ja₁con₂ ca₂le₃jín₃ dsa₂ i₂lñio₄ lia'₂ con'₂ lě₅ jág₁ nē₅, jui₁le₁'ág₄ bá₄ tei₄ 'au'₂ 'nia₂, jui₁dsia₅₄ bá₄ Diú₄ ñeí₂ dsi₅ ja₁con₂ 'nia₂ i₂lñing'₅ tē₃dsón'₂ dsa₂ juig₂ quián₅. ¹⁷Nē₃ nē₃, tē₂le₃ ne₄ jui₅ ja₁dsau₅₄ nē₅, 'i₁jan₂ tsá₃ 'ein₂ jui₁cuë₅₄ o₂me'₅₄ dsi₃, ia₁ ma₂quian₄ bá₄ jñiá₂ 'ñió₃ léi₄ tio'₅₄ ni₁ñi₃ a₂jáng'₅ jág₁ dsau₅ a₂lñing₅ tē₃dsón'₂ jan₂ dsa₂ quián₅ Jesús.

¹⁸Jui₁jme₂gu'₅₄ bá₄ Te₁gui'₅₄ Jesucristo quián₂ jniog₄ jme₂dsí₂ quián'₂ 'nia₂, rin'₅₄ jniog₄. A₂méi₃.

Co₂nē₅.

* **6:2** 'Nio'₂ ja,ton₅ Juan 13:34.

† **6:11** 'Nio'₂ ja,ton₅ 1 Corintios 16:21; Colosenses 4:18; 2 Tesalonicenses 3:17; Filemón 19.

Si₂ carta a₂ca₂jmo₃ San Pablo ne₄ dsa₂ EFESIOS

Jmo₅ Pa₄ si₂ a₂chein₃ ne₄ Guá'₅ i₂chan₂ jui₂ Efeso

¹ Jniá₂, Pablo, co₂në₅ ca₂rë₃'ñi₃ó₃ dsí₅ Diú₄, líng₅ jan₂ i₂chen₄ quián₅ Jesucristo. Jmo₅ jniá₂ si₂ la₂ a₂tsíng₂ ja₁con'₂ 'nia'₂ i₂tén₅ le₃quió'₅ Diú₄* i₂chan₂ ciudad Efeso,† ja₁con₂ ca₂le₃jín₃ gué₄ i₂'én₂ le₃quió'₅ Cristo Jesús. ² Jui₁jme₂gu'₅₄ bá₄ Diú₄ Jme₂jniog₄, quian'₅₄ Te₁gui'₅₄ Jesucristo në₃. Jui₁jmo₁₂ bá₄ 'ei₅ tei₄ chan'₂ 'nia'₂.

'A₂ lia'₂ jme₂gu'₅₄ Diú₄ le₃quió'₅ jme₂dsí₂, o₄quió'₄ Cristo

³ Jui₁jme₂juin'₂ jniog₄ Diú₄ Jme₂ Jesucristo Te₁gui'₅₄ quián₂, ia₁ le₃quió'₅ Cristo bá₄ ma₂ca₂jme₃gu'₅₄ 'éi₂ jniog₄ 'ñio₅ lin₃ quian'₅₄ ca₂le₃jë₃ ne₅₄ a₂dse₃ a₂gu₂dsí₂ a₂já₅ guei'₅₄ i₂juí₃. ⁴ Lia'₂ con'₂ né'₃ a₂jmo₃ Diú₄ mi₂güí₃, ca₂quió'₂ jniog₄ a₂léi₂ dsa₂ i₂náu₁ le₃quió'₅ Cristo, ia₁jaun₂ le₃chong₂ le₃ne₅₄ lë₅ 'í₁ quián₅, tsá₃ ma₃'e₂ dsáu₁ jniog₄ cha₂. 'Uig₅₄ ia₁ a₂'nio₃ bá₄ jniog₄, ⁵ ca₂quió'₂ ca₂le₂jñiá₅, a₂guéi'₂ léi₂ jniog₂ chí₂-güeín₂ quián₅ të₂le₃ quian'₅₄ Jesucristo, lia'₂ con'₂ lë₅ ca₂i₃jio₅ dsí₅. Ia₁ le₂në₅ ca₂rë₃'ñi₃ó₃ dsí₅ 'ñiog₅. ⁶ 'Uig₅₄ në₅ në₃ jme₂juin'₁ jniog₄ Diú₄ ia₁ 'ua₁ dsí₅ 'ñio₅ lin₃, jaun₂ ca₂jme₃gu'₅₄ jniog₄ le₃quió'₅ Ja₁ñi'₅₄ i₂ñí₄ 'nioi₃ lin₃. ⁷ 'Éi₂ bá₄ ca₂quí₃ ca₂láu₂ jniog₄ të₂le₃ quian'₅₄ jmi₂ 'ain₅₄, ca₂'éin₂ dsáu₁ jniog₄ a₂jme₁le₁cáu'₄, të₂le₃ ia₁ a₂ñí₄ lë₃ 'ua₁ dsí₅. ⁸ A₂dse₃ dsí₅ lin₃ bá₄ Diú₄ ca₂jmo₃ a₂le₃ñí'₂ dsí₅ jniog₄ a₂le₃tag₂ ca₂le₃jë₃, ⁹ a₂ma₂ca₂jme₃jñiá₂₃ ja₁con₂ jniog₄ jág₁ quió'₅ a₂jme₁rë₂'ma₄, a₂i₃jio₅ dsí₅ jmo₃, lia'₂ con'₂ lë₅ ca₂rë₃'ñi₃ó₃ dsí₅ jmo₃ a₂dse₃ dsí₅. 'Ñiog₅ bá₄ Diú₄ ca₂lë₃ dsí₅ jmo₃ le₃quió'₅ Cristo. ¹⁰ Lia'₂ con'₂ lë₅ jág₁, jme₃tí₃ bá₄ lia'₂ tí₅ jág₁ quió'₅ jë₁ma₂ca₂të₂ jmi₄ a₂'i₄ 'éi'₃ dsia₃ o₄gú₃ Cristo a₂jmo₃ 'éi₂ 'éi'₃ lia'₂ guei'₅₄ i₂juí₃ lia'₂ ne₄ gua'₅₄ 'uë₃.

¹¹ Ján₃ bá₄ le₂në₅, a₂tióng₂ jñiá'₅₄ le₃quió'₅ Cristo, ca₂quió'₂ Diú₄ të₃jñiá₅ lia'₂ con'₂ lë₅ ta₁ quió'₅ a₂ma₂i₂jio₅ dsí₅ jmo₃ le₂jñiá₅. Ia₁ Diú₄ bá₄ i₂jmo₅ 'e₂ niog₅ lë₂, lia'₂ con'₂ lë₅ dsí₂jio₅ dsí₅ jmo₃. ¹² Le₂në₅ ma₂ca₂jmo₃ ia₁jaun₂ jñiá'₅₄ i₂le₂'uig₅₄ 'éi₁ caun₂ dsí₅ të₂le₃ quió'₅ Cristo, le₃chong₂ jñiá'₅₄ jmó₁ jué'₂ a₂co₂tág₅ quió'₅. ¹³ Ján₃ bá₄ le₂jaun₂ jme₁ca₂nei'₂ 'nia'₂ jág₁ tí₅, jme₁ca₂rë₃'ë₂ jág₁ a₂lión₂ dsa₂, jaun₂ ca₂rë₃'én'₂ bá₄ 'nia'₂. Jaun₂ ca₂jme₁quian'₄ bá₄ 'nia'₂ Cristo ca₂lin'₃ 'nia'₂ léi₄ a₂líng₅ i₂quián₅ Diú₄ të₂le₃ quian'₅₄ Jme₂dsí₂ Jñi₃ó₅ i₂ma₂lë₅ jág₁ cuin₃ Diú₄. ¹⁴ Jme₂dsí₂ Jñi₃ó₅ 'éi₂ bá₄ në₃ lín₅ co₂'nió'₄ caun₂ cu₄ a₂ma₂quiog₂ dsa₂ të₃jñiá₅ co₂'nió'₄ a₂ma₂lë₅ chí₁quian₅ quián₂ jniog₄ a₂të₃dsón'₂ guéi'₁ a₂ca₂tág₂ a₂cuë₃ Diú₄ jë₁ma₂ca₂'ñiá₅ a₂lióin₂ dsa₂ quián₅, ia₁jaun₂ jme₃jué'₂ dsa₂ a₂co₂tág₅ quió'₅.

Mi₅ Pa₄ ne₄ Diú₄ a₂jmo₃ a₂le₃ñí'₂ dsí₅ dsa₂ 'én₂

¹⁵ 'Uig₅₄ jaun₂ jñiá₂ në₃, jme₁ca₂rë₃guion₅₄ a₂'én'₂ 'nia'₂ të₂le₃ quió'₅ Te₁gui'₅₄ Jesús, con'₂ siá'₂ táng₃ ia₁ 'nió'₃ bá₄ 'nia'₂ ca₂le₃jín₃ i₂tén₅ le₃quió'₅ Diú₄, ¹⁶ jaun₂ në₃ ca₂le₃o₃ jmi₄ bá₄ tsá₃ lë₅ jua'₅₄ tsá₃ cuë₅ ti₁'mag'₄ o₄quián'₂ 'nia'₂, 'ín₅ jniá₂ 'nia'₂ ne₅₄. ¹⁷ Caun₂ qui₂mi₅ jniá₂ juí₂ Diú₄ quián₅ Te₁gui'₅₄ Jesucristo quián₂ jniog₄, i₂lín₅ Tia₅₄ juin'₂, ju₁jmo₁₂ bá₄ a₂lén'₂ 'nia'₂ dsa₂ i₂tin₂ i₂niog₅ dsí₄ të₂le₃ quió'₅ jme₂dsí₂, a₂le₃ñí'₂ 'au'₂ 'nia'₂ a₂jme₃jñiá₂₃ ia₁jaun₂ le₃cuin'₂ gué₄ 'nia'₂ dse₃. ¹⁸ Mi₅ jniá₂ ján₃, ju₁jme₂jnio₅₄ ne'₅₄ 'nia'₂, ia₁jaun₂ le₃ñi'₅₄ 'e₂ jaun₂ a₂le₁'ág₄ caun₂ 'au'₂ 'nia'₂ a₂ma₂të₂₃ a₂cuë₃; a₂quen₅ lin₃ bá₄ ca₂le₃jë₃ a₂jlá'₁

* **1:1** lit. "dsa₂ jñi₃ó₅." † **1:1** A₂lin₅₄ chog₅₄ si₂ tsá₃ chí₁ton₅ "ciudad Efeso."

a₂ca₂tín₂ dsa₂ i₂lě₅ 'í quiáin₅; † 19 mi₅ jniá₂ jui₁le₂ŋi₅₄ 'nia₂ ján₃, 'e₂ guě₄ tson₂ juě₂ bí₂ quió₅, a₂niog₅ jmo₂₃ le₃quián₂ jniog₄ i₂'éin₂. Jui₅bí₂ ně₅ ně₃ a₂le₂jaun₂ bá₄ ně₅ jui₁lia₂ a₂ca₂jme₃jnia₅ Diú₄ 20 jme₁ca₂jme₃jein₅₄ Cristo ja₁jme₁rě₂'lín₅₄ a₂ca₂dsiog₃ jaun₂ ně₃ le₃gu₂ ne₁ quió₅, guei₅₄ i₂juíg₃. 21 Ja₁jaun₂ ca₂dsiog₃ ca₂'ag₃ a₂lín₅ ta₁ juě₂ lín₃ a₂goin₂ ne₄ quió₅ ca₂le₃jě₃ 'éi₃, ne₄ quió₅ ca₂le₃jě₃ jui₅bí₂ a₂cha₂. 'Éi₂ bá₄ juin₂ ne₄ quió₅ ca₂le₃jín₃ dsi₂tan₅₄ i₂'uan₂ gon₂, ne₄ ca₂le₃jín₃ i₂juin₂ i₂lín₅ juig₅₄, ján₃ bá₄ 'éi₂ juin₂ ne₄ ca₂le₃jě₃ ne₅₄ ta₁ a₂lé₂ le₃lén₂ dsa₂, on₃jua₅₄ jmá₃ mi₂güig₃ la₂, ŋó₅ ně₅ jmo₂₃ 'éi₃ le₂tan₅₄ mi₂güig₃ caun₂. 22 O₄tag₄ Cristo bá₄ ca₂ton₂ Diú₄ ca₂le₃jín₃ i₂chan₂, ca₂le₃jě₃ a₂cha₂ ně₃, jaun₂ 'ŋiog₅ guě₂ Cristo ca₂'in₃ a₂lín₅ mi₂dsi₄ ne₄ ca₂le₃jě₃ le₃quió₅ guá₅ quiáin₅. 23 Jaun₂ guá₅ quiáin₅ ně₃, lě₅ co₂'nió₄ ni₁ŋi₁₂ 'ŋiog₅ a₂rě₂'ŋia₅ ta₁jain₂; jaun₂ Cristo 'ŋiog₅ bá₄ jme₃'ŋiai₂₃ ca₂le₃jě₃ guě₄ a₂'nió₅ ca₂le₂con₂.

2

Ca₂rě₃chóng₃ jniog₄ le₃quió₅ Cristo

1 'Nia₂ ně₃, jme₁tiong₅₄ le₂jniá₅ líng₅ 'lag₄ ne₄ 'uig₅₄ a₂jme₁niog₅₄ i₁juing₅₄, le₁cáng₄ dsáu₂, 2 lia₂ con₂ jme₁chang₂ tiong₅₄ 'éng₅ jui₅ con₂ lě₅ jiog₅ mi₂güig₃ la₂, jme₁jme₂tí₁ 'nia₂ con₂ lě₅ 'ŋio₂ dsí₅ jme₂dsí₂ i₂gon₂ ne₄ 'éi₃ a₂cha₂ jě₄ dsí₂, i₂jmo₅ ta₁ tě₂dsí₅ jaun₅ dsa₂ i₂tsá₃ ne₅₄, i₂tsá₃ gan₃ Diú₄. 3 Le₂ně₅ bá₄ jme₁i₂nio₄ jniog₄ ján₃, jmig₄ jaun₂, jme₁chong₂ jme₁jme₂tí₁ 'a₂ con₂ lě₂ dsi₄ guio₅₄, jme₁jme₂tí₁ a₂mi₅ ni₁ŋi₁₂. 'Uig₅₄ lia₂ con₂ lě₅ jme₁lág₄ jniog₄ jme₁ca₂tág₂ guéi₁ co₂rě₂ uig₅ gau₂ quió₅ Diú₄, jui₁lia₂ lě₅ tin₃ ca₂le₃jín₃ i₂sián₂. 4 La₁ Diú₄ ně₃, 'uig₅₄ ia₁ a₂ŋi₄ lě₃ ŋéi₂ dsí₅ bá₄, ca₂rě₃'nio₃ lín₃ jniog₄. 5 Ca₂to₂ jme₂dsí₂ ca₂jme₃jein₅₄ jniog₄ co₂lě₅ quian₅₄ Cristo, lia₂ con₂ jme₁lág₄ guě₄ jniog₄ 'lag₄ 'uig₅₄ dsáu₁. Ia₁ jmá₃ lia₂ quian₅₄ a₂'ua₁ dsí₅ Diú₄ 'ŋiog₅ bá₄ ma₂lón₂ 'nia₂. 6 Jaun₂ le₂ně₅ ca₂chó₂ co₂lě₅ quian₅₄ Cristo Jesús jaun₂ ma₂ca₂dsiog₃ co₂lě₅ quiong₅₄ guei₅₄ i₂juíg₃. Le₂ně₅ ma₂ca₂jmo₃ ca₂le₃jě₃, ne₄ 'uig₅₄ ia₁ a₂chong₂ jniog₄ rě₂ně₃ le₃quió₅ Cristo Jesús. 7 Le₂ně₅ ca₂cuě₃ léi₄ a₂'nio₃ jniog₄ 'ŋio₅ lín₃ ca₂le₃jě₃ jmig₄ ja₁já₄ ně₅, 'a₂ lia₂ ŋi₄ lě₃ tson₂ a₂'ua₁ dsí₅ a₂ca₂jmo₃ dse₃ dsí₅ ia₁ a₂chong₂ le₃quió₅ Cristo Jesús. 8 Ně₃ ně₃, tě₂le₃ ia₁ a₂'ua₁ dsí₅ bá₄ Diú₄ ma₂ca₂lón₂ 'nia₂, tě₂le₃ ia₁ a₂'éng₂. A₂ca₂lón₂ 'nia₂ ně₅ ně₃, on₃jua₅₄ ia₁ 'e₂ cha₂ tín₂ 'nia₂ jua₅₄ a₂ma₂jmo₅₄ guiong₅₄; a₂lě₁ca₂ŋi₂ bá₄ 'nia₂ ně₅ ca₂cuě₃ Diú₄. 9 On₃jua₅₄ tě₂le₃ quian₅₄ a₂jmo₅ dsa₂ guioin₅₄ ia₁jaun₂ 'i₁jan₂ tsá₃ 'ein₂ jmo₃ tán₅. 10 Ia₁ lág₅ bá₄ jniog₄ co₂'nió₄ ta₁ quió₅ Diú₄ 'ŋiog₅; ca₂zmóg₂ jniog₄ le₃quió₅ Cristo Jesús ia₁jaun₂ quián₁ jui₅ jmó₁ a₂dse₃, jui₅ a₂ma₂ca₂jmo₃ 'éi₂ co₂ŋia₅₄ a₂i₁nio₁.

'Ei₅ tei₄ dsí₅ jniog₄ le₃quió₅ Cristo

11 Le₂ně₅ bá₄, jui₁dsiog₂ 'au₂ 'nia₂ 'a₂ lia₂ jme₁líng₄ le₂jniá₅. 'Nia₂ con₂ i₂líng₅ dsi₂nau₂ i₂tsá₃ rě₂uing₄ lo₄, quiong₅ dsa₂ i₂rě₂uing₄ lo₄, (ta₁ jaun₂ a₂jmo₅ dsa₂ mi₂güig₃ quian₅₄ gu₂); 12 jui₁dsiog₂ 'au₂ 'nia₂: jmig₄ jaun₂ lia₂ con₂ jme₁chang₂ tsá₃ I₂rě₂'in₁ quián₅ Diú₄ jme₁chan₂ ja₁con₂ 'nia₂; úing₂ bá₄ jme₁tión₂ 'nia₂ ja₁lě₄ juig₂ Israel, tsá₃ jme₁cuin₂ 'nia₂ jág₁ a₂jme₁li₅₄ dsa₂ juig₂ quián₂ jnia₅₄ quian₅₄ Diú₄. Jme₁chan₂ 'nia₂ mi₂güig₃ la₂ tsá₃ Diú₄ chan₂ quián₂ 'nia₂ on₃ guě₂ jme₁cha₂ jmig₄ jua₅₄ a₂jme₁tín₄ 'nia₂. 13 La₁ rě₂ně₃ ně₃, ma₂quian₅₄ 'nia₂ Cristo Jesús, 'nia₂ i₂jme₁tióng₂ úing₂ le₂jniá₅. Quián₅ bá₄ ma₂tióng₂ rě₂ně₃ tě₂le₃ quian₅₄ jmi₂ 'an₅₄ Cristo. 14 Le₂ně₅ bá₄ ca₂dsiog₃:

† 1:18 lit. "a₂ca₂tín₂ dsa₂ jnió₅."

'ηiog₅ bá₄ Cristo i₂jmo₅ 'ei₅ tei₄ quián₂ jniog₄. 'Éi₂ bá₄ ca₂jmo₃ ně₃ ca₂chain'₃ co₂ηei'₅₄ jnia'₅₄ dsa₂ judíos quian'₅₄ 'nia'₂ dsi₂nau₂, caun₂ juig₂ bá₄ ca₂jmo₃, ca₂góin₂ bá₄ co₂'nió'₄ ni₁'ia'₂ a₂jme₁chí'₄ a₂jáng'₅ léi₄ a₂jme₁jmo₅ jma₃quén₅ jin₄ jniog₄. ¹⁵ Quian'₅₄ ni₁ηi₁₂ 'ηiog₅, ca₂jme₃dsiain₂₃ 'Éi'₃ Juá'₅ a₂jme₁tē₂néi'₂ chi₂quióng₂ jmig₄ jmá'₃ 'éi'₃. Ca₂lē₃ bá₄ ně₃ lia'₂ con'₂ lě₅ ca₂i₃jio₅ dsi₅, ca₂jmo₃ caun₂ juig₂ 'mí₂ quió'₅ 'ηiog₅, ca₂'ág₂ tei₄ quió'₅ dsa₂ le₃tin₃ juig₂. ¹⁶ Le₂ně₅ bá₄ ca₂dsióg₃ ca₂lē₃ co₂'nió'₃ dsa₂ jē₁ca₂le₃jin₃. Tē₂le₃ quian'₅₄ 'mú₃ quió'₅ ne₄ cróg₄, ca₂jme₃dsian₅ Cristo mi'₅₄ a₂jme₁nió'₅ le₃tin₃ juig₂, ca₂'ág₂ caun₂ jág₁ quian'₅₄ Diú₄. ¹⁷ Ca₂guan₃ Cristo quian'₅₄ jág₁ dse₃ a₂'ag₃ tei₄ quió'₅ ca₂le₃jin₃: le₃quián'₂ 'nia'₂ dsa₂ i₂jme₁tión₂ uing₂, lia'₂ le₃quián₂ jnia'₅₄ dsa₂ judíos i₂jme₁tio'₅₄ quián₅. ¹⁸ Jaun₂ tē₂le₃ quian'₅₄ Cristo, lé₂ le₃jme₁quián₄ jniog₄ ja₁con₂ Tia₅₄ quián₂ tē₂le₃ quian'₅₄ jan₂ Jme₂dsi₂, tsá₃ a₂nag₅₄ o₁jn_{1a}'₅₄ la₂ lág₅ jniog₄ dsa₂ judíos o₃ dsi₂nau₂ 'e₂. ¹⁹ 'Uig₅₄ ně₅, ma₂lín'₅ bá₄ 'nia'₂ co₂'nió'₄ dsa₂ i₂'én₂ rín'₅₄ jniog₄ i₂lē₅ 'í₁ quián₅ Diú₄;* tsá₃ ma₂lín'₅ 'nia'₂ dsi₂nau₂ jua'₅₄ tsá₃ cuin₅ jniog₄ rín'₅₄. Ma₂lín'₅ 'nia'₂ chi'₂-guein₂ quián₅ Diú₄ ně₃. ²⁰ Ca₂dsióg₃ lín'₅ 'nia'₂ co₂'nió'₄ caun₂ 'né₅ pa₁; lín'₅ 'nia'₂ ján₃ co₂'nió'₄ ni₁cang₁ a₂jui₅ dsa₂ ne₄ 'uig₅₄ 'ia'₂ a₂ca₂chi'₃ dsa₂ i₂chen₄ quián₅ Jesús, quian'₅₄ dsa₂ i₂jme₁'ě₂ jág₁ o₄quió'₄ Diú₄ ma₂líg'₂. 'Njog₅ guē'₂ Jesucristo lín₅ co₂'nió'₄ ni₁cang₁ a₂dsen₅₄ guē₄. ²¹ Le₃quió'₅ 'éi₂ ně₃, tsau₂ ta₁ ta₁caun₂ tsi₁'né₅, lě₂ rē₂juí₄ rē₂, ca₂lia'₂ ca₂dsióg₃ lé₂ caun₂ guá'₅ a₂lē₅ 'í₁ quió'₅ Te₁gui'₅₄. ²² Le₃quió'₅ 'éi₂ ně₃, 'nia'₂ bá₄ ján₃ lín'₅ co₂'nió'₄ ni₁cang₁ a₂caun₂ jui₅ ni₁'ia'₂, ca₂lia'₂ ca₂dsi₃nó'₅ 'nia'₂ léng'₂ caun₂ dsi₂néi₂ ja₁guá₄ Diú₄ a₂gu₂dsi₂.

3

A₂niog₅ gu₂ Pa₄ qui₃'ě₂ jág₁ dse₃ ja₁con₂ dsi₂nau₂

¹ 'Uig₅₄ ně₅ bá₄ ně₃, jniá₂ Pa₄, jme₂juing'₁ Diú₄, ton'₂ rē₂'eng₅₄ né₃ 'má₃ 'uig₅₄ quió'₄ Cristo Jesús a₂dse₃ o₄quián'₂ 'nia'₂ i₂lín'₅ dsi₂nau₂. ² Lín'₂ a₂ma₂le₁ηi'₅₄ dsón'₂ bá₄ 'nia'₂ a₂dse₃ dsi₅ Diú₄ ma₂ca₂dsia₃ gu₃ ta₁ la₂, a₂dse₃ o₄quián'₂ 'nia'₂. ³ Ma₂ca₂rē₃ηi'₅₄ bá₄ 'nia'₂ jág₁ a₂jme₁rē₂'ma₄ le₂jn_{1a}'₅, 'e₂ a₂niog₅ dsi₅ jmo₃; ca₂jmo₃ ca₂rē₃guion₅₄, jui₁lia'₂ ma₂juá'₃ ca₂jon₄ jág₁ ne₄ si₂ le₂jn_{1a}'₅. ⁴ Jē₁ma₂ca₂'í'₂ 'nia'₂ si₂ ně₅, le₃len'₅₄ 'nia'₂ a₂ma₂ηi'₂ dsi₃ jē₂ jág₁ a₂jme₁rē₂'ma₄ quió'₅ Cristo, ⁵ caun₂ jág₁ a₂tsá₃ 'ein₂ ca₂rē₃ηi₅ ca₃ma₂líg'₂, la₁ rē₂ně₃ ně₃ ma₂ca₂jme₃jnia₅ Jme₂dsi₂ quián₅ Diú₄ ja₁con₂ dsa₂ jnió₅ quián₅: dsa₂ i₂chen₄ quián₅ Jesús, quian'₅₄ ja₁con₂ dsa₂ i₂jme₁'ě₂ jág₁ o₄quió'₄ ně₃. ⁶ Jág₁ a₂ma₂ca₂rē₃jniá₂, a₂la₂ bá₄ jaun₂: tē₂le₃ quian'₅₄ jág₁ dse₃ a₂lión₂ dsa₂, tin₃ dsi₂nau₂ gue₃ a₂lē₅ jág₁ cuē₃ Diú₄ co₂rē₂ bá₄ quian'₅₄ a₂tin₃ dsa₂ judíos. Lín'₅ 'nia'₂ dsa₂ i₂tén₅ caun₂ bá₄ ηi₅, ján₃ guē'₂ tin₃ 'nia'₂ jág₁ a₂ron₅ cuē₁ quió'₅ Diú₄ le₃quió'₅ Cristo Jesús.

⁷ Jág₁ ně₅ ma₂chéng'₅ jmo₂₃ ta₁ a₂'ě₅ jág₁ dse₃, lia'₂ con'₂ lě₅ a₂lē₁ca₂cuē₃ Diú₄ a₂'ua₁ dsi₅, lia'₂ con'₂ lě₅ jmo₅ ta₁ jui₅bí₂ quió'₅. ⁸ O₁jn_{1a}'₅₄ la₂ lín₅ jniá₂ jan₂ i₂me'₂ guē₄ con'₂ guē₄ i₂tsá₃ 'e₂ quen₅ jē₄ quió'₅ ca₂le₃jin₃ i₂tén₅ le₃quió'₅ Diú₄,* la₁ 'éi₂ ma₂cuē₃ jniá₂ a₂dse₃ ně₅ a₂'ě₄ jág₁ jin₄ dsi₂nau₂, caun₂ jág₁ dse₃ a₂le₃chong₂ jniog₄ dse₃ guē₄ lin₃ a₂jme₃gu'₅₄ Cristo, ca₂lia'₂ tsá₃ lé₂ le₃jua'₅₄ a₂le₃ηi'₂ dsi₅ dsa₂. ⁹ Ma₂ca₂dsia₃ gu₃ ta₁ la₂ a₂jme₁jniag₅ ja₁con₂ ca₂le₃jin₃, jág₁ dse₃ a₂jme₁rē₂'ma₄, ca₂le₃ ca₂nio₃ mi₂güig₃, 'a₂ lia'₂ 'nio₃ Diú₄ lé₂. Ia₁ 'éi₂ bá₄ i₂ca₂jmo₃ ca₂le₃jě₃ 'e₂ a₂cha₂. ¹⁰ Ca₂i₃jio₅ dsi₅ jmo₃ tē₂le₃ quian'₅₄ dsa₂ quián₅, jui₁le₂ηi₅ ca₂le₃jin₃ i₂'io₅

* **2:19** lit. "dsa₂jnió₅." * **3:8** lit. "ca₂le₃jin₃ dsa₂jnió₅."

jui₅bí₂, i₂lín₅ ta₁ tion'₅₄ guei'₅₄, 'lióng₂ ne₅₄ 'ñio₅ lín₃ bá₄ a₂ñí'₂ dsí₅ Diú₄; **11** jaun₂ jui₁le₂ñi₅ bá₄, Diú₄ ca₂jmo₃ le₂ně₅ con'₂ lě₅ i₃jio₅ dsí₅ jmo₃ co₂tan₅₄ tē₂le₃ quian'₅₄ Te₁gui'₅₄ Jesucristo. **12** Tē₂le₃ quian'₅₄ Cristo cha₂ jui₅ quián₂ a₂lé₂ le₃jme₁quián₄ jnio₄ dsiá₁ tiá₂ dsi₅ ja₁con₂ Diú₄, caun₂ bá₄ le₁ág₄ dsi₅ 'uig₅₄ ia₁ a₂'éin₂ le₃quió'₅ 'éi₂. **13** Jaun₂ lě₃, chi₂len'₄ jniá'₂ 'nia'₂ a₂tsá₃ 'ág'₂ caun₂-tin₃ 'au'₂ 'uig₅₄ ia₁ a₂chang₂ ŋag₅₄ uig₅ o₄quián'₂ 'nia'₂, la₁ia₁ dse₃ tē₂le₃ ja₁con'₂ 'nia'₂, ia₁ le₂ně₅ bá₄ dsió₅ a₂le₃juin'₂ 'nia'₂.

A₂ lia'₂ tson₂ ca₂rě₃'nio₃ Cristo jnio₄

14 'Uig₅₄ ně₅ bá₄, no₂₃ chi₂jne₅₄ ne₄ Diú₄ Jmei₂ Te₁gui'₅₄ Jesucristo, **15** i₂lín₅ jmei₂ ca₂le₃jín₃ i₂chan₂ guei'₅₄ i₂juig₃ quian'₅₄ i₂chan₂ ne₄ gua'₅₄ 'uě₃. **16** Mi₅ jniá'₂ ne₄ Tia₅₄ a₂jmo₃ tē₂'au'₂ 'nia'₂, cuě₃ jui₅bí₂ bēn₂ jlá'₁ quió'₅ tē₂le₃ quian'₅₄ Jme₂dsí₂ quián₅, **17** ia₁jaun₂ tē₂le₃ jñia'₅₄ 'a₂ con'₂ 'én'₂ bá₄ 'nia'₂, jiá₃ Cristo ja₃guá₃ tē₂'au'₂ 'nia'₂. Le₂ně₅ jē₁ma₂tió₂ 'nia'₂ tiá₂ lé₂ co₂'nió'₄ qui₁le₁'má₂ jmú₄ jí'₂ lín₃, jme₁'nió'₄ 'nia'₂ ríng'₂. **18** Mi₅ jniá'₂ a₂lé₂ le₃ñí'₂ 'au'₂ 'nia'₂, quian'₅₄ ca₂le₃jín₃ con'₂ i₂ma₂lě₅ 'í₁ quián₅, † a₂juě'₂ lín₃, ton'₂ a₂cu₂ lín₃, ton'₂ a₂ñei₅ lín₃, a₂ji'₂ lín₃ bá₄, 'a₂ lia'₂ 'nio₃ Cristo jnio₄. **19** Mi₅ jniá'₂ ne₅₄, jui₁le₂cuin'₂ 'nia'₂ a₂ně₅ a₂lě₅ a₂juě'₂ lín₃, on₃jua'₅₄ ia₁ a₂le₃cuí'₅ le₃ñí'₂ dsí₅ dsa₂; mi₅ jniá'₂ ia₁jaun₂ le₂ně₅ tiáng'₄ le₃chang'₂ co₂ñei'₅₄ qui₂rě₂rín₅ tē₂'au'₂ ca₂le₃jě₃ 'a₂ lia'₂ lín₅ Diú₄. **20** Jaun₂ ně₃, jui₁le₂juin'₂ bá₄ Diú₄, i₂lé₂ le₃jmo₃ tson₂ guě₄ lia'₂ con'₂ guě₄ a₂mi₂ jnio₄, lia'₂ con'₂ guě₄ dsi₂jio₅ dsi₅ ně₃, tē₂le₃ quian'₅₄ bí₂ a₂jmo₂₃ ja₁con₂ jnio₄. **21** jui₁le₂juin'₂ bá₄ Diú₄ ja₁con₂ guá'₅ quián₅ tē₂le₃ quian'₅₄ Cristo Jesús, ca₂lia'₂ con'₂ tan₅₄ ca₂le₃jě₃ tsi₁jon₂ dsa₂ i₂ja₃lén₂ chi₁quín₃ ca₂le₃jě₃ ñi₂ co₂tan₅₄! A₂méi₃.

4

Chong₂ jnio₄ 'ei₅ caun₂ jág₁ tē₂le₃ quian'₅₄ Jme₂dsí₂

1 'Uig₅₄ ně₅ bá₄ ně₃, rě₂jní₅ né'₃ 'má₃ o₄quió'₄ Te₁gui'₅₄, chi₂len'₄ jniá'₂ 'nia'₂ a₂tiáng'₄ lia'₂ con'₂ dsi₂ten₅₄ ca₂tín₂ le₃chan₂ dsa₂ i₂té₄ quián₅ Diú₄, ia₁ a₂jaun₂ bá₄ ca₂tě'₃ 'nia'₂. **2** Jmo₄ 'nia'₂ meg'₂, 'ua₁ 'au'₂ quiang'₅₄ ríng'₂. Jmo₄ 'nia'₂ juin'₂ 'au'₂, tió'₃ 'au'₂ jmo₄ quiang'₅₄ ríng'₂ le₂jang'₂ le₂jang'₂ ia₁ a₂'nió₃ ríng'₂. **3** Dsen₅₄ 'au'₂ 'nia'₂ jmo₄ tióng'₅₄ 'ei₅ tián₂ caun₂ jág₁ tē₂le₃ quian'₅₄ Jme₂dsí₂ Jñi₅, co₂'nió'₄ bá₄ chan'₂ 'nia'₂ qui₂rě₂queng'₅₄ quian'₅₄ ríng'₂ 'ei₅ tei₄. **4** Lág₅ jnio₄ caun₂ bá₄ ñí₅ ta₁caun₂ nió'₃, ján₃ guě'₂ jan₂ bá₄ Jme₂dsí₂ táng₃, a₂tián'₄ 'nia'₂ le₂ně₅ bá₄ ma₂ca₂tě₃ Diú₄ caun₂ bá₄ jmi₄ a₂'ín₂ 'au'₂ 'nia'₂ chang'₂. **5** Jan₂ bá₄ Te₁gui'₅₄ i₂lín₅ juig₅₄ jnio₄ chan₂, caun₂ bá₄ a₂'éin₂ jnio₄, ján₃ guě'₂ ca₂le₃jág₃ bá₄ jnio₄ ca₂ñó₂ jmi₂ le₃quió'₅ jan₂ bá₄ Te₁gui'₅₄. **6** Jan₂ bá₄ Diú₄ chan₂ i₂lín₅ Tia₅₄ quián₂ jnio₄ ca₂le₃jág₃. 'Éi₂ bá₄ i₂niog₅ gu₂ jnio₄ ca₂le₃jág₃; 'éi₂ bá₄ i₂jmo₅ ta₁ ja₁con₂ jnio₄ ca₂le₃jág₃; 'ein₅₄ ja₁con₂ jnio₄ ca₂le₃jág₃ ně₃.

7 La₁ le₂jau₂ le₂jau₂ bá₄ jnio₄ jma₃quén₅ lě₅ bí₂ a₂ma₂ca₂ñag₂, lia'₂ con'₂ lě₅ ma₂ca₂dsi₃ Cristo quió'₅. **8** Jaun₂ lě₃ juá'₂ ne₄ Si₂:

Ca₂uig₂ guei'₅₄ i₂juig₃
te₂ le₁'ñe'₅₄ ca₂le₃jín₃ i₂ca₂lí'₃,
jaun₂ ca₂dsi₃ bí₂ jma₃quén₅
ca₂cuě'₃ dsa₂ mi₂güig₃.*

9 Jaun₂, ĸ'e₂ jág₁ dsau₅ jein₅ jág₁ "A₂ca₂uig₂" ně₅ ně₃? Jñia'₅₄ lia'₂ juá'₂ le₂'uig₅₄ ca₂sióin₃ ja₁lě₄ ja₁uin₃ guě₄ 'ñio₅ lín₃ ne₄ gua'₅₄ 'uě₃. **10** I₂ca₂sióin₃ 'éi₂ bá₄ ján₃, i₂ca₂uig₂ táng₃ ja₁lě₄ ja₁ñei₅ guě₄ guei'₅₄ i₂juig₃, ia₁jaun₂ jme₃cain'₂ ca₂le₂con₂

† **3:18** lit. "ca₂le₃jín₃ dsa₂ jñi₅." * **4:8** Salmo 68:18; 'Nió'₂ ja₁ton₅, Colosenses 2:15.

quian'⁵⁴ Jme₂dsí₂ quiáin⁵. ¹¹ Jaun₂ jma₃quén⁵ ca₂chein'³ dsa₂ quiáin⁵ ca₂cué₃ bí₂ ca₂cué'³ le₂jan₂ le₂jan₂; i₂lín⁵⁴ ca₂chein'³ a₂lén₂ i₂chen₄ quiáin⁵; i₂lín⁵⁴ guè'² ca₂ñi₂ bí₂ a₂lé₂ ñág₃ jág₁ a₂guéi'⁵ quió'⁵ Diú₄; i₂lín⁵⁴ guè'² ca₂cué'³ bí₂ a₂qui₂dsi₃'é₃ jág₁ dse₃ a₂lión₂ dsa₂; i₂lín⁵⁴ guè'² ca₂cué'³ bí₂ a₂lén₂ dsa₂ i₂'é₂ jág₁ i₂jme₂tin⁵ guá'⁵. ¹² Le₂nē₅ qui₂ca₂chein'³ dsa₂ guá'⁵ ia₁jaun₂ jmo₃ co₂ñia⁵⁴ dsa₂ quiáin⁵ a₂jme₃tí₃ ta₁ a₂'nio₃ 'éi₂ lé₂, ia₁jaun₂ caun₂ qui₂dsi₃cón₃ bá₄ ñi⁵⁴ 'ñiog⁵, ¹³ ca₂lia'² ca₂dsi₃náu⁵ 'ei₅ caun₂ jág₁ quian'⁵⁴ rin'⁵⁴, 'éin₂ rē₂, ñí'² dsi₅ le₃quió'⁵ Ja₁ñi'⁵⁴ Diú₄. Le₂nē₅ bá₄ dsi₁náu⁵ léi₂ dsa₂ i₂ma₂ca₂can'⁵⁴ co₂ñei'⁵⁴ lia'² con'² lē₅ lín⁵ Cristo 'ñiog⁵. ¹⁴ Jaun₂ tsá₃ ma₃léi₂ jniog₄ lia'² lín⁵ i₂bē'⁵⁴ i₂caun₂ lē₁qui₂rē₂gan₂ tsá₃ uin⁵ qui₂jme₂tsín₃; nē₂jag₄ bá₄ a₂qui₂tsag'² dsí₂ a₂caun₂ 'ñio₂ dsí₅ bá₄ jui₁'e₂ gué₃ a₂jme₂tag⁵ dsa₂, qui₂sē₂sein'² jē₁jme₂gau⁵ dsa₂ i₂ñí⁴ 'ñio₅ 'io₅ mai⁵⁴, 'nio₃ jiog₃ jui₅ jē₁tsá₃ dsau⁵. ¹⁵ Tē₂le₃ 'nió'⁵ dsiá₁ jniog₄ jág₁ tí₅ a₂'nio₃ jniog₄ rin'⁵⁴. Ca₂tág₂ bá₄ jniog₄ qui₂dsi₃cau'⁵⁴ ne₄ ca₂le₃jē₃ le₃quió'⁵ 'éi₂ i₂lín⁵ mi₂dsi₄ quián₂ jniog₄, le₃quió'⁵ Cristo bá₄ guè'². ¹⁶ Tē₂le₃ quian'⁵⁴ 'éi₂ qui₂dsi₃cau'⁵⁴ jniog₄ 'a₂ lia'² jme₁'nió₄ jniog₄ rin'⁵⁴. Lág₅ jniog₄ nē₂jag₄ bá₄ caun₂ ni₁ñí⁵ a₂qui₂rē₂tion'⁵⁴ rē₂ le₂caun₂ le₂caun₂ ja₁qui₂le₁chan'² quió'⁵ dsa₂, jma₃quén⁵ bá₄ lē₅ ta₁ quió'⁵ qui₂jme₂'on⁵⁴ rin'⁵⁴, ca₂lia'² ca₂i₃cón₃ rē₂, dse₃ le₁'ág₄ dsí₅, 'nioi₃ riin'⁵⁴ nē₃.

Jui₅ 'mí₂ le₃quió'⁵ Cristo

¹⁷ A₂la₂ bá₄, juá'⁵ jniá₂ chi₂quiang⁵⁴ jmig₄ 'nia'² o₄quió'⁴ Te₁gui'⁵⁴: tsá₃ ma₃jui₁le₂chan'² 'nia'² jui₁lia'² chan₂ dsa₂ i₂tsá₃ Diú₄ cuin⁵, ia₁ 'éi₂ nē₃ chain₂ lia'² con'² lē₅ niog₅ dsi₅₄ tsá₃ 'e₂ ta₁ tí₄. ¹⁸ 'Ñio₅ tē₂le₃ jen₅ bá₄ ma₂ñí'² dsí₅, uing₂ bá₄ chain₂ ja₁jme₁ca₂tín₂ le₃chain₂ le₃quió'⁵ Diú₄, ia₁ lín⁵ dsa₂ i₂co₂ñei'⁵⁴ tsá₃ 'e₂ tin₂ tsá₃ 'e₂ ñi₅ ia₁ a₂ma₂ca₂rē₃'uá'³ dsí₅. ¹⁹ Tsá₃ ma₃lí'⁴ 'e₂ jaun₂ o₂gui'³, co₂dsia₅ ma₂ca₂jín₂ bá₄ guioin⁵⁴ ne₄ ca₂le₃jē₃ jmá'³ lia'² a₂mi₅ ni₁ñi₁₂, caun₂ ma₂'ñio₂ dsí₅ bá₄ jmo₂₃ ca₂le₃jē₃ ne₅₄ a₂lē₁'iog⁵. ²⁰ La₁ 'nia'² nē₃, tsá₃ le₂nē₅ ca₂rē₃tíng'³ le₃quió'⁵ Cristo. ²¹ Ia₁ dsón'² bá₄ ma₂ca₂nei'² 'nia'² le₃quió'⁵ 'éi₂ lín₂ jniá₂, jaun₂ ca₂rē₃tíng'³ bá₄ lia'² con'² lē₅ ca₂jme₃tag⁵ 'éi₂, lia'² con'² lē₅ jág₁ tí₅ dsón'² a₂cha₂ ja₁con₂ Jesús. ²² Ca₂rē₃tíng'³ a₂co₂dsia₅ jniá'⁴ cau⁵ lia'² con'² lē₅ jme₁líng'⁴ le₂jniá₅, nē₂jag₄ bá₄ dsa₂ i₂co₂ñei'⁵⁴ jniá'² tsin'⁵⁴; a₂jme₁rē₂'én'⁴ ne₄ a₂jme₁qui₂rē₂gáng'³ ne₄ ca₂le₃jē₃ a₂jme₁'ín⁵ 'au'² 'nia'², con'² lē₅ jme₁chang'². ²³ Ca₂rē₃tíng'³, a₂ca₂tín'² 'nia'² jme₁'mag'² lia'² lē₅ dsi₂jio₅ 'au'². ²⁴ Ca₂rē₃tíng'³ a₂jmog'⁵⁴ le₁líng'⁴ a₂líng'⁵ nē₂jag₄ bá₄ jan₂ dsa₂ 'mí₂ i₂ca₂rē₃chán₃ lia'² con'² lē₅ 'nio₃ Diú₄, a₂lég'² dsa₂ dsen₃ dsón'² i₂jñio₅ quiáin⁵. ²⁵ Jaun₂ nē₃, jniá'³ 'nia'² cau⁵ jág₁ tē₂jág₁, le₂jang'² le₂jang'², dsia₄ 'nia'² jág₁ tí₅ quian'⁵⁴ dsa₂ mi₂güí₃ ríng'², ia₁ ca₂le₃jág₃ bá₄ jniog₄ téi₅ caun₂ ni₁ñí⁵. ²⁶ “Chi₂jua'² ca₂rē₃'né'³ 'nia'², tsá₃ lē₁'nau₂ 'nia'² dso₄”;† tsá₃ cuē₂ 'nia'² jmig₄ jua'⁵⁴ 'í₁ 'nei₂ 'au'² tē₂ne₁ jmig₄, ca₂lia'² jñia'⁵⁴ lia'² ca₂rin₂ 'iog₂; ²⁷ tsá₃ ná₂ 'nia'² jui₅ quió'⁵ i₂sē₃dsen₃. ²⁸ I₂jme₁'ang⁵ guè'², tsá₃ ma₃o₁'ang₁₂, tē₂le₃ jui₁jmo₁₂ ta₁ quian'⁵⁴ gu₂-tag⁵⁴ 'e₂ caun₂ ta₁ dse₃ cha₂, ia₁jaun₂ le₃cha₂ a₂lé₂ jme₃oin⁵⁴ ca₂la₂ dsa₂ i₂'nió'⁵ quió'⁵. ²⁹ Tsá₃ lē₁'uē'⁵⁴ 'nia'² jág₁ 'lig'⁵⁴ mi₂'o⁵⁴; jme₁tin⁵ 'nia'² dsiá'¹ jmá'³ lia'² jág₁ dse₃, ia₁ a₂nē₅ bá₄ jme₃'o₅₄ a₂qui₂dsi₃cón₃ ríng'² i₂'nió'⁵ quió'⁵ le₃quió'⁵ jme₂dsí₂, ton'² dse₃ quió'⁵ i₂nag⁵ nē₃. ³⁰ Tsá₃ jmo₂ 'nia'² jén₂ dsí₅ Jme₂dsí₂ Jnió₅ quián⁵ Diú₄, ia₁ tē₂le₃ quian'⁵⁴ 'éi₂ ma₂lín⁵ 'nia'² léi₄ i₂ma₂lē₅ 'í₁ quián⁵ Diú₄ ca₂lia'² ca₂tē₂ jmig₄ i₁lión'² 'nia'² co₂ñei'⁵⁴. ³¹ Co₂dsia₅ jniá'³ 'nia'² a₂dsi₃' cha₂ tē₂'au'², ca₂le₃jē₃ gué₄ a₂dsén'² 'nia'², 'nei₂ a₂'i₄ 'au'² nē₃; ca₂le₃jē₃ a₂co₂mi⁵⁴ co₂dsio⁵⁴ a₂'ne'² 'nia'², ca₂le₃jē₃ gué₄ jág₁ uig⁵ a₂qui₂'ín⁵ 'nia'² ríng'², ca₂le₃jē₃ ne₅₄ a₂'lig'⁵⁴ nē₃. ³² Tē₂le₃ jmo₄ 'nia'² a₂dse₃ ja₁con₂ ríng'² le₂jang'²

† 4:26 Salmo 4:4.

le₂jang' ₂, ju₁le₂cha₂ bá₄ a₂ŋé₂ 'au' ₂ 'nia' ₂, 'én₃ 'nia' ₂ dsáu₁ ríng' ₂ le₂jang' ₂ le₂jang' ₂ ju₁lia' ₂ ca₂'én₂ Diú₄ dsáu' ₂ 'nia' ₂ tē₂le₃ o₄quíó' ₄ Cristo.

5

'A₂ lia' ₂ 'nió' ₅ le₃chan₂ chi' ₂-guein₂ quián₅ Diú₄

¹ Ia₁ a₂lín' ₅ 'nia' ₂ chi' ₂-guein₂ i₂'nió₁ quián₅ Diú₄, quen' ₂ 'nia' ₂ bí₂ léng' ₂ lia' ₂ lín₅ 'Éi₂. ² Ju₁le₂chan' ₂ 'nia' ₂ 'nióg' ₃ ríng' ₂, ju₁lia' ₂ ca₂rē₃'nio₃ Cristo jniog₄ jaun₂ ca₂jín' ₂ o₄quíán₂ jniog₄ a₂lín' ₅ co₂'nió' ₄ já' ₂ cha' ₂ ŋó₃ rē₂jen' ₅₄ ne₄ Diú₄ jain₂ ma₂juig₂ ma₂ro₂. ³ Ia₁ ma₂lín' ₅ 'nia' ₂ i₂tén₅ le₃quíó' ₅ Diú₄, ca₂lia' ₂ jŋia' ₅₄ tsá₃ 'nió' ₅ le₃cha₂ jág₁ jín' ₄ 'nia' ₂ jua' ₅₄ chan₂ i₂'nió' ₅ jág₁ quian' ₅₄ dsa₂ i₂tsá₃ lín₅ dsi₂i₂gu₂, on₃ guē' ₂ 'i₁caun₂ a₂siá' ₂ a₂lē' ₁iog₅ nē₃, on₃ guē' ₂ ma' ₂'nió' ₅ le₃chan₂ guē₄ i₂'ua' ₂ dsí₅, ia₁ tsá₃ dsi₂ten₅₄ co₂ŋí₂ jua' ₅₄ dsa₂ i₂ma₂lē₅ 'í₁ quián₅ Diú₄ jmo₃ guē₄ le₂nē₅. ⁴ Tsá₃ lē₁dsia₂ 'nia' ₂ jág₁ 'lig' ₅₄, on₃ guē' ₂ jág₁ ga₂, on₃ guē' ₂ ju₁lia' ₂ jág₁ ŋág₄ lē₁'iog₅ nē₃. Ia₁ ca₂le₃jé₃ jág₁ le₂nē₅ tsá₃ dsi₂ten₅₄; ja₂lín₃ guē₄ dse₃ cuē' ₅₄ 'nia' ₂ ti'mag' ₄ Diú₄. ⁵ Tsá₃ ju₁dsi₂'én₂ 'au' ₂ 'nia' ₂ a₂la₂: 'i₁jan₂ ju₁lia' ₂ i₂'nió' ₅ jág₁ quian' ₅₄ i₂tsá₃ lín₅ dsi₂i₂gu₂, on₃ guē' ₂ 'i₁jan₂ ju₁lia' ₂ i₂jmo₅-dsáu₅ lē₁'iog₅, on₃ guē' ₂ ju₁lia' ₂ dsa₂ i₂'ua' ₂ dsí₅, (ia₁ i₂co₂rín₂ bá₄ dsa₂ i₂'ua' ₂ dsí₅ quian' ₅₄ ju₁lia' ₂ dsa₂ i₂jme₂juin' ₂ diú₄ lag₄), o₁líg' ₂ tsá₃ lé₂ le₃tin₃ ja₁gon₂ Cristo quian' ₅₄ Diú₄. ⁶ 'I₁jan₂ tsá₃ 'ein₂ ju₁jme₂gau₅ 'nia' ₂ quian' ₅₄ jág₁ a₂tsá₃ ta₁ tí₄, ia₁ 'uig₅₄ nē₅ bá₄ já₅ uig₅ gau₂ quió' ₅ Diú₄ ne₄ quió' ₅ jaun₅ dsa₂ i₂tsá₃ ne' ₅₄. ⁷ Jaun₂ 'nia' ₂ nē₃, co₂dsia₅ tsá₃ lē₁tóng' ₂ quian' ₅₄ dsa₂ le₂'éi₂. ⁸ Ia₁ le₂jniá₅ jme₁tén' ₄ 'nia' ₂ caun₂ mi₂güig₃ qui₁né' ₃, la₁ rē₂nē₃ nē₃, ma₂tén' ₅ 'nia' ₂ le₃quíó' ₅ Te₁gui' ₅₄ ja₁jniá₂ si₂. Ju₁le₂chan' ₂ 'nia' ₂ jaun₂, ju₁lia' ₂ ca₂tín₂ le₃chan₂ chi' ₂-guein₂ i₂tén₅ tē₂le₃ ja₁jniá₂ si₂. ⁹ Ia₁ ja₁jniá₂ si₂ nē₃, rē₂jniá₂ 'ua₁ dsí₅ dsa₂, tí₅ jág₁ quió' ₅ dsa₂, a₂rē₂chan₂ dsa₂ quian₅ caun₂ ju₁5 co₂dsau₅. ¹⁰ Dsen₅₄ jme₁tin₅ 'nia' ₂ 'au' ₂ jmó' ₂ na₅ a₂tē₅ dsí₅ Te₁gui' ₅₄. ¹¹ Tsá₃ quen' ₅₄ 'nia' ₂ jē₄ 'e₂ a₂tsá₃ ta₁ tí₄ a₂niog₅ jmo₅-dsáu₅ dsa₂ i₂tén₅ jē₄ qui₁né' ₃; ja₂lín₃ guē₄ dse₃ jme₁jnia₅ 'nia' ₂ a₂jaun₂ tē₂le₃ ja₁jniá₂ si₂. ¹² Ia₁ caun₂ lē₁o₂guí' ₃ bá₄, jua' ₅₄ la₂ dsia₃ dsa₂ a₂jmo₅ dsa₂ 'éi₂ jē₄ tē₃co' ₅₄. ¹³ La₁ ca₂le₃jé₃ bá₄ rē₂jniá₂ jē₁ma₂ca₂tág' ₃ si₂. ¹⁴ Ia₁ quian' ₅₄ si₂ bá₄ jmo₅ a₂rē₂jniá₂ ca₂le₃jé₃. 'Uig₅₄ jaun₂ guē' ₂ juá' ₂:

Jme₁jnio₂ ne' ₅₄, 'ne₂ i₂rē₂güín₃; nau₂, jú₅ jín₄ 'lag₄;

jaun₂ jmo₃ Cristo tág₅ si₂ quió' ₅ ja₁cong' ₂.

¹⁵ Jaun₂ lē₃, rē₂ de' ₂ quion₂ 'nia' ₂ 'í₁ 'a₂ lia' ₂ i₂niog' ₅₄. Jaun₂ tsá₃ ma₃i₁niog' ₄ ju₁lia' ₂ i₂nio₄ dsa₂ i₂tsá₃ 'e₂ ŋí' ₂ dsí₅; ju₁i₂nio' ₄ bá₄ 'nia' ₂ a₂lín' ₅ dsa₂ i₂tin₂, i₂ŋí' ₂ dsí₅. ¹⁶ Quen' ₂ 'nia' ₂ bí₂, nē₃ lia' ₂ cuin₅ jmig₄, a₂jmó' ₂ 'nia' ₂ a₂dse₃, ia₁ 'ŋio₅ ju₁si ma₂lín' ₅₄ dsa₂ jmig₄ rē₂nē₃. ¹⁷ Jaun₂ lē₃, tsá₃ jme₁con₅₄ 'nia' ₂ 'au' ₂; dsen₅₄ 'au' ₂ 'nia' ₂ jmo₄ ju₁le₂ŋíg' ₂ na₅ a₂'ŋio₂ dsí₅ Te₁gui' ₅₄. ¹⁸ Tsá₃ ju₁qui₂le₂'en' ₅ 'nia' ₂ quian' ₅₄ ti₁jmíg₃, ia₁ a₂nē₅ bá₄ jiog₅ ju₁5 ja₁dsi₂'én₂ dsa₂; tē₂le₃ ju₁jme₂can' ₂ 'nia' ₂ quian' ₅₄ Jme₂dsí₂ Jjió₅. ¹⁹ Dsia₄ 'nia' ₂ le₂jang' ₂ le₂jang' ₂ qui₁juig' ₅₄ ríng' ₂ quian' ₅₄ salmos, quian' ₅₄ himnos, quian' ₅₄ son₅₄ a₂gu₂dsí₂, 'è₄ 'nia' ₂ jmo₄ son₅₄ ju₁5 tē₂'au' ₂ a₂jme₁juing' ₂ Te₁gui' ₅₄. ²⁰ Ju₁i₂nio' ₄ bá₄ 'nia' ₂ co₂tan₅₄ cuē' ₅₄ ti'mag' ₄ Diú₄ i₂lín₅ Tia₅₄ quián₂ o₄quíó' ₄ ca₂le₃jé₃, lia' ₂ con' ₂ lē₅ bí₂ quió' ₅ Te₁gui' ₅₄ Jesucristo quián₂ jniog₄.

'A₂ lia' ₂ 'nió' ₅ le₃chan₂ dsa₂ 'én₂ ta₁caun₂ nió' ₃ lia' ₂ caun₂ dsi₂néi₂

²¹ Tión' ₂ 'nia' ₂ 'éi' ₃ quió' ₅ ríng' ₂ le₂jang' ₂ le₂jang' ₂, ia₁ a₂gan' ₃ 'nia' ₂ Cristo.*
²² 'Nia' ₂ dsa₂ mí₂, tión' ₂ 'nia' ₂ 'éi' ₃ quió' ₅ dsa₂ ŋe' ₂ quiáng' ₂, ju₁lia' ₂ tion' ₅₄ 'nia' ₂ 'éi' ₃

* 5:21 A₂lín₅₄ chog₅₄ si₂: "ia₁ a₂gan' ₃ 'nia' ₂ Diú₄."

quió' ₅ Te₁gui' ₅₄. ²³ Ia₁ dsa₂ ηe' ₂ bá₄ i₂lín₅ mi₂dsi₄ quián₅ 'io₅₄, jui₁lia' ₂ lín₅ Cristo mi₂dsi₄ quián₅ guá' ₅. Cristo bá₄ ján₃ i₂lín₅ i₂ma₂lió₂ quián₅ guá' ₅, ia₁ guá' ₅ guè' ₂ ně₃ lě₅ co₂'nió' ₄ ni₁ηi₁₂ 'ηiog₅. ²⁴ Le₂ně₅ jui₁lia' ₂ guá' ₅ tioin' ₅₄ 'éi' ₃ quió' ₅ Cristo, ján₃ bá₄ le₂ně₅ jui₁lia' ₂ dsa₂ mí₂ ca₂tíin₂ tóin' ₃ 'éi' ₃ quió' ₅ dsi₂i₂gu₂ jě₄ ca₂le₃jě₃. ²⁵ 'Nia' ₂ dsa₂ ηe' ₂ guè' ₂ ně₃, jme'nió₄ 'nia' ₂ dsa₂ mí₂ quiáng' ₂ jui₁lia' ₂ ca₂jmo₃ Cristo ca₂jme'niói₃ guá' ₅, ca₂le₃jě₃ ca₂guein₃ 'mú₃ o₄quió' ₄ 'éi₂. ²⁶ Le₂ně₅ ca₂jmo₃ ia₁jaun₂ ma₂lě₅ 'í₁ Guá' ₅ ca₂jme₃dse₃ ca₂ráng' ₂ ně₂jag₄ bá₄ quian' ₅₄ jmig₂ tē₂le₃ quian' ₅₄ jág₁ quió' ₅; ²⁷ ia₁jaun₂ jme₃jniog₂₃ chei' ₃ ne₅₄ 'ηiog₅ a₂lág₅ guá' ₅ i₂jlán' ₁ i₂tsá₃ rē₂'ηió₄ 'i₁caun₂, on₃ guè' ₂ cha₂ jua' ₅₄ ja₁lě₄ qui₂lě₁tsín' ₃ quió' ₅, on₃ guè' ₂ 'i₁caun₂ gué₄ jua' ₅₄ a₂siá' ₂ lě₅, jaun₂ dsióg₄ lín₅ caun₂ guá' ₅ i₂lě₅ 'í₁ quián₅ i₂dsen₃ gué₄ lín₃. ²⁸ Le₂ně₅ bá₄ ján₃, ca₂tín₂ dsa₂ ηe' ₂ jme'niói₃ dsa₂ mí₂ quián₅, jui₁lia' ₂ 'nio₃ ηi₅₄ 'ηiog₅. I₂'nio₃ dsa₂ mí₂ quián₅, 'niói₃ 'ηiog₅ bá₄ ján₃. ²⁹ Ia₁ 'i₁jan₂ tsá₃ jua' ₅₄ 'io' ₅₄ ni₁ηi₁₂ 'ηiog₅, tē₂le₃ jme₂tau₅₄, jmo₂₃ 'í₁, jui₁lia' ₂ jmo₅ Cristo ján₃ quian' ₅₄ guá' ₅, ³⁰ ia₁ le₂jau₂ le₂jau₂ jniog₄ téi₅ ni₁ηi₁ † 'éi₂. ³¹ “Jaun₂ bá₄ lě₃ ca₂tín₂ dsa₂ ηe' ₂ qui₃téin₂ chog₅₄-jmei₂, con' ₂ tiain' ₃ jme₃quian' ₅₄ dsa₂ mí₂ quián₅, ia₁jaun₂ dsióg₄ lén₂ caun₂ bá₄ ηi₅ jě₃le₃oin₃ le₂jaun₂.” † ³² Jág₁ ně₅ lě₅ caun₂ jág₁ jué' ₂ a₂ma₂ca₂rě₃jniá₂. La₁ juá' ₅ jniá₂ 'ing₅ Cristo quian' ₅₄ guá' ₅ quián₅. ³³ La₁ ně₃, le₂jan' ₂ le₂jan' ₂ 'nia' ₂ jme'nió₄ dsa₂ mí₂ quiáng' ₂, jui₁lia' ₂ 'nióg' ₃ guiong' ₅₄; ján₃ guè' ₂ le₂jaun₂ dsa₂ mí₂ ca₂tíin₂ jme₃gain₃ dsi₂i₂gu₂.

6

¹ 'Nia' ₂ i₂lín₅ chí' ₂, ca₂tíng' ₂ le₃quió' ₅ Te₁gui' ₅₄ nág' ₁ gau₂ 'e₂ te₂néi' ₂ chog' ₂- ηéi' ₅ 'nia' ₂, ia₁ le₂ně₅ bá₄ dse₃. ² Le₂la₂ juá' ₂ jě₁le₂'uig₅₄ 'éi' ₃ quió' ₅ Diú₄ ja₁juá' ₂ cha₂ a₂cuē₃: “Jme₁gan₃ 'nia' ₂ chog' ₂-ηéi' ₅, ³ ia₁jaun₂ bá₄ dse₃ le₃chang' ₂ ton' ₂ uě₂ le₃chang' ₂ ne₄ gua' ₅₄ 'uē₃.”* ⁴ 'Nia' ₂ guè' ₂ jmei₂ chí' ₂, tsá₃ jmag' ₅₄ chí' ₂ quiáng' ₂ jua' ₅₄ a₂lě₁jmai' ₅₄, ia₁jaun₂ tsá₃ uě₂ 'í₂ 'nei₂ dsi₅, tē₂le₃ 'nió' ₅ tsin' ₅₄ 'nia' ₂ caun₂ jui₅ rē₂, a₂jme₁tiin' ₅ le₃quió' ₅ Te₁gui' ₅₄. ⁵ 'Nia' ₂ guè' ₂ dsa₂ i₂jme₂ti₃ ta₁ ne₄ dsa₂, jme₁ti₁ 'nia' ₂ ta₁ a₂te₂néi' ₂ juig' ₂ 'nia' ₂ ne₄ gua' ₅₄ 'uē₃ la₂, jui₁le₂tin' ₂ 'au' ₂ 'nia' ₂ 'ei₅ gau₂ ton' ₂ tí₅ jág₁ quián' ₂ 'nia' ₂, jmo₄ 'nia' ₂ ně₂jag₄ bá₄ a₂jme₂tí' ₁ ta₁ ne₄ Cristo. ⁶ Jme₁ti₁ 'nia' ₂, on₃ jua' ₅₄ jma' ₃ lia' ₂ jme₁jág₅ jua' ₅₄ a₂'náu' ₂ 'nia' ₂ jui₅ a₂ηia' ₅₄ con' ₂ tíong' ₂ dse₃ quian' ₅₄; jmo₄ 'nia' ₂ a₂lín₅ i₂jme₂ti₃ ne₄ Cristo, jmo₄ 'nia' ₂ a₂'nio₃ Diú₄ ca₂le₃jě₃ 'au' ₂. ⁷ Jaun₂ 'ηio' ₂ 'au' ₂ 'nia' ₂ jme₁ti₁, co₂'nió' ₄ bá₄ a₂jme₂tí' ₁ ta₁ ne₄ Te₁gui' ₅₄; on₃ jua' ₅₄ rē' ₂ ne₄ dsa₂ mi₂güig₃. ⁸ Ia₁ ma₂ηi' ₅₄ bá₄ 'nia' ₂, cuē₃ Te₁gui' ₅₄ 'lian' ₅₄ dsa₂ ca₂le₃jín₃ lia' ₂ con' ₂ lě₅ a₂dse₃ a₂ma₂ca₂jmo₃, o₁ηia' ₅₄ dsa₂ i₂jme₂ti₃ ta₁ ne₄ juig₅₄, o₃ i₂tsá₃ 'ein' ₂ ne₄ jme₂ti₃ 'e₂.

⁹ 'Nia' ₂ guè' ₂ i₂lín₅ juig₅₄, le₂ně₅ bá₄ jmo₄ 'nia' ₂ ján₃ quian' ₅₄ dsa₂ i₂jme₂ti₃ ta₁ ne' ₅₄. Tsá₃ ma₃quian' ₅₄ 'nia' ₂ jué' ₅. Ia₁ ma₂ηi' ₅₄ bá₄ 'nia' ₂, jan₂ Juig' ₂ 'nia' ₂ chan₂, i₂guá₅ guei' ₅₄ i₂juig₃, i₂lín₅ Juig₅₄, lia' ₂ ne₄ 'nia' ₂, lia' ₂ ne₄ dsa₂ i₂jme₂ti₃ ne' ₅₄ 'nia' ₂. 'Éi₂ bá₄ tsá₃ jma₃quén₅ jín₂ dsa₂.

'E₂ quian' ₅₄ jmo₅ dsa₂ 'én₂ 'nei₂ a₂gu₂dsí₂

¹⁰ Ně₃ ně₃, jě₁ca₂tó' ₂ juá' ₅ jniá₂ juig' ₂ 'nia' ₂, rin' ₅₄ jniog₄: Nau₂ 'nia' ₂ tiá₂ le₃quió' ₅ Te₁gui' ₅₄, quian' ₅₄ jui₅bí₂ bēn₂ quió' ₅. ¹¹ Qui' ₂ 'nia' ₂ ca₂le₃jě₃ 'e₂ a₂cuē₅ Diú₄ le₁lín' ₄ 'nia' ₂ jmo₄, co₂'nió' ₄ bá₄ jan₂ 'lióg₂, ia₁jaun₂ bá₄ tian' ₃ 'nia' ₂ náu' ₁ tiá₂ ne₄ mai₅₄ quió' ₅ i₂sě₃dsen₃. ¹² Ia₁ on₃ jua' ₅₄ quian' ₅₄ dsa₂ mi₂güig₃ rin' ₅₄ jniog₄ cág' ₂; quian' ₅₄ i₂lín₅ co₂'nió' ₄ dsi₂tan₅₄ gu₂dsí₂, quian' ₅₄ jme₂dsí₂ i₂'io₅ jui₅bí₂, quian' ₅₄

† **5:30** A₂lín₅₄ chog₅₄ si₂: “quian' ₅₄ mu₅ 'ein₅₄ ně₃.” † **5:31** Génesis 2:24. * **6:3** Deuteronomio 5:16.

jme₂dsí₂ i₂gon₂ jmo₅ 'éi'₃ i₂jmo₅ qui₁né'₃ mi₂güig₃ la₂, quian'₅₄ guě₄ 'lióg₂ 'lín'₅₄ gu₂dsí₂ i₂i₂nio₄ gon₂ dsi₁güig₂ bá₄ cág'₂ jniog₄. ¹³ Jaun₂ lě₃, quian₂ le₁lín'₄ 'nia'₂ jmo₄ quian'₅₄ ca₂le₃jě₃ a₂le₃lon'₄ 'nia'₂ a₂cuě₅ Diú₄, ia₁jaun₂ bá₄ tian'₃ 'nia'₂ tíong'₂ tiá₂ jě₁ma₂tě₂ rě₁jmo₂g'₂ 'nei₂ i₂sě₃dsen₃, ia₁jaun₂ cang₂ jě₁ma₂ca₂lín'₃ 'nia'₂ 'nei₂ ně₃, lia₂ ma₂tión'₂ jaun₂ bá₄ 'nia'₂ tiá₂. ¹⁴ Nau₂ 'nia'₂ tiá₂ jaun₂ ně₃, co₂'nió'₄ a₂qui₂rě₂'ŋe'₅₄ tog'₂ quian'₅₄ jág₁ tí₅, a₂lě₅ co₂'nió'₄ lau₂ rě₂jén'₅ tog'₂ 'nia'₂, lě₅ 'í₁; quian₂ 'nia'₂ caun₂ jui₅ co₂dsau₅ a₂lě₅ 'í₁ le₁'au'₂ co₂'nió'₄ bá₄ jui₁lia'₂ jan₂ 'lióg₂ i₂rě₂lióg₃ ŋí₁ le₁dsí₅. ¹⁵ Chan'₂ 'nia'₂ rě₂jáng'₁ a₂'ě'₄ jág₁ dse₃ a₂'ag₃ tei₄ ja₁con₂ dsa₂, a₂lín'₅ ně₂jag₄ bá₄ jan₂ 'lióg₂ chén'₅ rě₂ján₁ rě₂lín'₅₄ ton₅ lau₂ tag₅₄. ¹⁶ Ne₄ ca₂le₃jě₃ a₂ně₅, jui₁le₂cha₂'én'₂ 'nia'₂ ia₁jaun₂ lě₅ ně₂jag₄ co₂'nió'₄ caun₂ ŋí₁ li'₂ a₂chan'₄ 'nia'₂ a₂rě₂quion'₅₄ 'nia'₂ a₂long'₅₄, co'₅₄ a₂jaun₂ qui₂éi₃ 'ma₂ chen'₂ le₁gui'₂ si₂ a₂qui₂jnaú'₂ i₂sě₃dsen₃ jnáí'₂ 'nia'₂. ¹⁷ Jui₅ ma₂lón'₂ 'nia'₂ chang'₂ ně₅, jui₁le₅₄ bá₄ jui₁lia'₂ lě₅ ŋí₁ 'i₄ dsi₄ 'lióg₂, lě₅ 'í₁; ton₂ quian₂ 'nia'₂ jág₁ quió'₅ Diú₄ a₂lě₅ ŋi₁tág₂ quió'₅ Jme₂dsí₂, a₂cuě'₅ 'nia'₂. ¹⁸ Chi₁len'₄ 'nia'₂ Diú₄ le₃quian'₅₄ Jme₂dsí₂, ca₂le₃jě₃ 'e₂ caun₂ a₂lě₅, ca₂le₃jě₃ ne₅₄ a₂mi'₂ 'nia'₂ juig'₂ Diú₄. 'Uig₅₄ ně₅ ně₃, chan'₂ 'nia'₂ rě₂jáng'₁ co₂tan₅₄ mi₄ 'nia'₂ o₄quió'₄ ca₂le₃jín₃ i₂ma₂tén₅ le₃quió'₅ Diú₄. ¹⁹ Chi₁len'₄ 'nia'₂ Diú₄ ján₃, o₄quió₃ jniá₂, ia₁jaun₂ bá₄ jmo₃ Diú₄ dsi₃ 'a₂ lia'₂ juá'₄ jág₁, jaun₂ nio₃ tiá₂ dsi₃ ně₃ a₂'ě'₄ jág₁ dse₃ a₂jme₁rě₂'ma₄ quió'₅ Diú₄. ²⁰ Diú₄ ma₂ca₂chei₃ jniá₂ a₂lín'₄ i₂chen₄ quiáin₅ quian₅₄ jág₁ dse₃; 'uig₅₄ ně₅ bá₄ ně₃ dseng₅₄ cadena 'eng₅₄. Chi₁len'₄ 'nia'₂ Diú₄ ia₁jaun₂ nio₃ tiá₂ dsi₃ 'ě'₄ jág₁ dse₃ la₂, lia'₂ con'₂ dsi₂ten₅₄ ca₂tíng₂ jmo₅₄.

Cuag₂₃ Diú₄ jě₁ca₂tó'₂

²¹ Tíquico, rín'₅₄ jniog₄ i₂'nióg₃ guě₄ lín₃, i₂jme₂ti₃ i₂jme₂'o₅₄ quian'₅₄ ta₁ quió'₅ Te₁gui'₅₄, 'éi₂ bá₄ quian₅ ca₂le₃jě₃ jág₁ tsí'₃ 'nia'₂ ia₁jaun₂ le₃ŋi'₅₄ 'nia'₂ 'a₂ lia'₂ lě₅ chang₂, quian'₅₄ 'e₂ a₂jmo₂₃ ně₃. ²² Jaun₂ bá₄ lě₃ tsín₂ jniá₂ ja₁tion'₅₄ 'nia'₂, ia₁jaun₂ le₃ŋi'₅₄ 'a₂ lia'₂ lě₅ chong₂ jnia'₅₄ ia₁jaun₂ cuě'₅₄ 'nia'₂ lián'₂ 'au'₂.

²³ Jui₁jmo₅₄ Diú₄ Tia₅₄ quián₂, quian'₅₄ Te₁gui'₅₄ Jesucristo ně₃, 'ei₅ tei₄ tiong'₅₄, 'nió'₃ 'nia'₂ ríng'₂, 'én'₂ 'nia'₂ ně₃.

²⁴ Jui₁jme₂gu'₅₄ bá₄ Diú₄ ca₂le₃jín₃ i₂tsá₃ líg'₂ jmíg₄ téi₂ i₂'nio₃ Te₁gui'₅₄ Jesucristo quián₂ jniog₄.

Co₂ně₅.

Si₂ carta a₂ ca₂ jmo₃ San Pablo ne₄ dsa₂ FILIPENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Filipos, tē₁lia'₂ 'ein₅₄ né'₃ 'má₃

¹ Jniá₂ Pa₄, quiang'₅₄ Timoteo, lág₅ jnia'₅₄ i₂jme₂ti₃ ta₁ ne₄ Jesucristo; jmo₂ jnia'₅₄ si₂ carta la₂ dsiang'₅₄ ja₁con₂ ca₂le₃jín₃ rin'₅₄ jniog₄ i₂tián'₅ Filipos i₂lě₅ 'í₁ quián₅ Cristo Jesús, ja₁con₂ dsa₂ i₂niog₅ ne₄ guá'₅, * quián'₅₄ ja₁con₂ dsa₂ i₂jme₂'o₅₄ † ně₃. ² Jui₁jme₂gu'₅₄ Diú₄, jui₁'ag₅₄ bá₄ tei₄ 'au'₂ 'nia'₂ jmo₃ Diú₄ Tia₅₄ quián₂ jniog₄, jmo₃ Te₁gui'₅₄ Jesucristo ně₃.

Chi₂lén'₂ Pa₄ Diú₄ o₄quió'₄ dsa₂ i₂'én₂

³ Cuě₅ ti₁'mag'₄ Diú₄ quiáng₃ lia'₂ co₂ráun₂ dsau'₂ dsi₃ 'nia'₂. ⁴ Lia'₂ co₂ráun₂ chi₂lén'₄ jniá₂ Diú₄, o₄quián'₂ 'nia'₂ ca₂le₃jíng'₃, co₂tan₅₄ lia'₂ 'io'₂ jéin₅, ⁵ ia₁ co₂dsia₅ bá₄ ma₂ja₂náu₅ jniog₄ quen'₂ bí₂ o₄quió'₄ jág₁ dse₃ ca₃le₃ jmíg₄ le₂'uig₅₄ ca₂lia'₂ jnió₂ jmíg₄ ně₃. ⁶ Caun₂ bá₄ 'ei₅ dsi₃ líng₂, Diú₄ bá₄ i₂ca₂jme₂lióg₃ jmo₂₃ ta₁ dse₃ ja₁con₂ 'nia'₂, jme₃ 'ñiai₂₃ ca₂lia'₂ ca₂tě₂ jmíg₄ quió'₄ Cristo Jesús.

⁷ Dsi₂ten₅₄ bá₄ 'ag₅₄ dsi₃ le₂ně₅ o₄quián'₂ 'nia'₂ ca₂le₃jíng'₃, ia₁ 'i₄ dsi₃ jniá₂ 'nia'₂. Ia₁ quián'₅₄ jniog₄ rin'₅₄ co₂dsia₅ bá₄ guei₂ jniog₄ a₂jme₂gu'₅₄ Diú₄, tsá₃ a₂nag₅₄ jaun₂ a₂'eng₅₄ né'₃ 'má₃, o₃ jnia'₅₄ ne₄ dsi₂tan₅₄ dsióg₄ jniá₂ ja₁lé₂ le₃long₅₄ jág₁ dse₃, ton'₂ lé₂ le₃jáng'₄ jág₁ dsau₅ a₂tě₃dsón'₂ bá₄ tí₅ jág₁. ⁸ I₂ñi₅ dsi₂jó'₃ bá₄ Diú₄ a₂ñí₄ lě₃ dsen₅₄ dsi₃ jniá₂ 'nia'₂ ca₂le₃jíng'₃, lia'₂ con₂ lě₅ ñí₄ lě₃ Cristo.

⁹ Le₂la₂ bá₄ chi₂lén'₄ jniá₂ Diú₄: a₂qui₂dsi₃jón₃ a₂jme₂'nió'₄ 'nia'₂ ríng'₂ 'ñio₅ lín₃, lia'₂ ma₂tě₂dsi₅₄ jaun₂ a₂qui₂rě₂ñí'₂ dsei'₂ 'nia'₂ a₂qui₂le₃quing'₅₄ 'nia'₂ jmíg₄, ¹⁰ ia₁jaun₂ lé₂ le₃caun'₅₄ 'í₁ 'e₂ jaun₂ a₂dsen₅₄ gué₄. Jaun₂ le₂ně₅ bá₄ le₃chan'₂ 'nia'₂ tsá₃ qui₂le₁'ióg₄ jme₂dsi₂ quián'₂ 'nia'₂, jua'₅₄ qui₂le₁cán'₄ 'nia'₂ dso₄ jě₁ma₂tě₂ rě₁tě₃ jmíg₄ quió'₄ Cristo. ¹¹ Le₂ně₅ bá₄ ján₃, lé₂ jui₅ a₂i₁nió'₄ 'nia'₂ a₂léi₄ a₂le₃jniá₂ ca₂le₃jě₃ ne₅₄ a₂dse₃ a₂niog₅ qui₂ma₂jmo'₅₄ 'nia'₂ tē₂le₃ quián'₅₄ Jesucristo. Ca₂le₃jě₃ a₂ně₅, Diú₄ bá₄ i₂gue₃ ti₁'mag'₄, qui₂le₃juin'₂ ně₃.

Tě₂le₃ quió'₃ jniá₂, o₄quió'₄ Cristo bá₄ chang₂

¹² Rin'₅₄ jniog₄, 'nio₃ jniá₂ le₃ñi'₅₄ 'nia'₂, ca₂le₃jě₃ a₂niog₅ ma₂i₃ñíg₂, tě₂le₃ lě₅ gué₄ dsón'₂ cuě₂₃ bí₂ a₂dsi₃'ag₅ jág₁ dse₃. ¹³ Le₂ně₅ bá₄ le₁ñi₅ ca₂le₃jín₃ 'lióg₂ i₂tion'₅₄ ne₄ta₁ quián'₅₄ ca₂le₃jín₃ gué₄ riin'₅₄ ně₃, a₂'eng₅₄ rě₂jníg₅ 'uig₅₄ ia₁ a₂'éng₂ le₃quió'₅ Cristo. ¹⁴ 'Uig₅₄ ia₁ a₂rě₂jníg₅ ně₃, mei'₂ tsá₃ ca₂le₃jín₃ bá₄ rin'₅₄ jniog₄ le₃quió'₅ Te₁gui'₅₄ ma₂qui₂ma₂tíin₂ bí₂ a₂'ě₂ jág₁ quió'₅ Diú₄ a₂tiá₂ dsí₅, tsá₃ 'e₂ gau₂ cha₂.

¹⁵ A₂dsau₅ bá₄ jaun₂ chan₂ i₂lín₅₄ dsia₂₃ 'iin₂₃ Cristo a₂uig₅ dsí₅, dsia₂₃ mi'₅₄, ton'₂ chan₂ gué'₂ i₂lín₅₄ dsia₂₃ a₂dse₃ dsí₅ 'iin₂₃ Cristo. ¹⁶⁻¹⁷ I₂le₂'éi₂ ně₃ jmo₂₃ ia₁ a₂'nio₃, ia₁ ñi₅ rě₂'eng₅₄ ja₁lá₃ 'uig₅₄ ia₁ a₂long₅₄ jág₁ dse₃. Dsa₂ i₂le₂ne₁ ně₃, dsia₂₃ 'iin₂₃ Cristo cha₂ a₂'ín₅ dsí₅ a₂ñia'₅₄ con₂ 'ín₂ dsí₅ le₃chain₂ dse₃ guioin₅₄ bá₄, on₃jua'₅₄ rě'₂ a₂tě₃dsón'₂ lě₅ dsí₅; a₂'nio₃ jmóg'₂ jniá₂ cuě₃ o₂me'₅₄ dsí₅ tē₁lia'₂ 'eng₅₄ rě₂jníg₅. ¹⁸ La₁ tsá₃ cha₂ 'e₂ a₂jaun₂. Jnia'₅₄ lia'₂ jui₁'ě₅₄ dsa₂ jág₁ quió'₅ Cristo, ca₂le₃jě₃ ne₅₄ 'a₂ lia'₂ jmo₃ dsa₂, jua'₅₄ a₂dse₃ dsí₅ o₃ a₂tsá₃ dse₃ dsí₅ 'e₂. Tion₅₄ bá₄ jéin₅ jniá₂ 'io'₂.

'A₂ con₂ dsón'₂ jmo₅₄ jniá₂ 'io'₂, ¹⁹ ia₁ guion₄ bá₄ jniá₂ jaun₂, quián'₅₄ ca₂le₃jě₃ a₂ně₅, o₃'ing₅ a₂lióng₂ con₂ dse₃, tě₂le₃ ia₁ a₂mí'₂ 'nia'₂ ne₄ Diú₄ o₄quió₃, tě₂le₃

* 1:1 griego: epískopos. † 1:1 griego: diákonous. 'Nio'₂ ja₁ton₅ Hechos 6:1-7; 21:8.

quian'54 bí2 a2cuë5 jme'054 Jme2dsí2 quián5 Jesucristo ně3. 20 Ia1 chi1jan1 jniá2 'in2 dsi3 a2tsá3 tē3tsing'54 o2guí'3 quian'54 'i1caun2, jaun2 tē2le3 lē5 guē4 'ag3 caun2 dsi3, ia1jaun2 le3jniá2 a2jlán'1 Cristo jui5 ni1ñi3 jniá2, o1jnia'54 la2 chang2, o3 jóng2 'e2. 21 Ia1 tē2le3 quió3 jniá2, o4quió'4 Cristo bá4 chang2, ján3 bá4 a2ca2lág3 co2'nió'4 a2tē1dsi54 nē1ca2jong3. 22 Ia1 nē1jua'2 caun2 chang2 'ñi3 ni1ñi5 la2, caun2 lé2 le3jmo54 bá4 ta1 a2dse3 o4quió'4 Te1gui'54. Jaun2 lē3 tsá3 guion4 jniá2 'e2 quió'54. 23 'Ñio5 juí'5 líng2 na5 bá4 jaun2 a2quo'4 jniá2 jē1le3tin3 le2nē5: tē2le3 ca2ton2, 'nio3 jua'54 jóng2 nég'4 i1gua3 quian'54 Cristo, a2nē5 bá4 ja2lin3 guē4 dse3 tē2le3 quió3 jniá2; 24 la1 tē2le3 ca2ton2 guē'2 ně3, 'ñio5 guē4 dsen54 ta1 ja1con'2 'nia'2, 'nió'5 le3chang2 'ñi3 ni1ñi5 la2. 25 Jaun2 caun2 bá4 'ei5 dsi3 líng2 le2nē5, jaun2 jan54 bá4 guē4 jniá2 quian'54 'nia'2, ia1jaun2 lé2 le3jme'1on1 jniá2 'nia'2 a2náu'1 tiá2 a2o1nóg'5 ne4 jui5 a2jmó'2 'nia'2 'io'2 guē4 a2'éng'2, 26 ia1jaun2 dsi3tsón3 a2jmó'2 'nia'2 'io'2 le3quió'5 Cristo Jesús o4quió3 jniá2, 'uig54 ia1 a2quian'4 jniá2 'nia'2.

27 Jnia'54 lia'2 cán2 'nia'2 caun2 jui5 con'2 dsi2ten54 lia'2 con'2 lē5 jág1 dse3 quió'5 Cristo. Le2nē5 jaun2, o1jnia'54 la2 ca2dsióg3 jniá2 i1jag12, o3 tsá3 ca2dsióg3, o3 chi2jua'2 tē2le3 ca2ñó3 guē4 uíng2 'e2, la1 'nio3 jniá2 dsi1lé2 jág1 le3guion54 a2chan'2 'nia'2 tíong'2 tiá2, 'ei5 caun2 jág1 le3quió'5 jme2dsí2, jme2'ñi3'4 'nia'2 ca2le3jng'3 co2dsia5 o4quió'4 jág1 dse3 a2'éin2 jniog4. 28 Tsá3 lē1can2 'nia'2 jué'5 'e2 qui2quiong5 jui1lia'2 dsa2 i2'io54 'nia'2. Ia1 a2nē5 jau'2 'í1 rē2 a2lén4 dsa2 'éi2 a2tioin'54 jui5 ja1dsi3'éin2; la1 le2jaun2 guē'2 ján3 jau'2 léi4 rē2 táng3 a2tion'54 'nia'2 jui5 ja1tng'4; a2nē5 bá4 a2já5 quió'5 Diú4. 29 Ia1 'uig54 quió'4 Cristo ca2ñi'2 'nia'2, on3jua'54 jmá'3 le3'éin'2 'nia'2 le3quió'5, ján3 guē'2 le2jaun2 ñag'54 uig5 o4quió'4, 30 ia1 co2rē2 bá4 'nei2 dsi2ñi'2 'nia'2 jui1lia'2 ma2tē2 ne'54 'nia'2 a2dsi2ñi'2 jniá2, con'2 siá'2 táng3 rē2ně3 rē2ñi'54 'nia'2 lia'2 ma2dsi2ñi'2 jaun2 bá4.

2

'A2 lia'2 ca2jmo3 Cristo sioin5, 'a2 lia'2 ca2rē3juin'2 táng3

1 Jaun2 le2nē5, chi2jua'2 qui2gue'2 'nia'2 lián'2 le3quió'5 Cristo, chi2jua'2 'a2 lia'2 'nio3 'éi2 'nia'2 qui2'ag23 bá4 dse3 'au'2, chi2jua'2 'ei5 caun2 jág1 quian'54 Jme2dsí2 quián5, chi2jua'2 cha2 a2'ua1 ñéi2 'au'2 'nia'2 ríng'2: 2 jme1'ñia5 'nia'2 o2'ñi3 dsi3 jniá2, a2tión'2 'nia'2 'ei5 caun2 jág1, quian'54 'nia'2 ríng'2 'nió'3 'nia'2, tē2le3 quian'54 jan2 Jme2dsí2, ca2ne54 bá4 ta1 tión'2 'nia'2. 3 'I1caun2 tsá3 lē1jmo2 'nia'2 jua'54 a2jnia'54 dse3 ja1con'2 'nia'2 guiong'54 on3 guē'2 jmo2 'nia'2 róng'2. Jmo4 bá4 'nia'2 meg'2, jmo4 'nia'2 'au'2 ja2lin3 guē4 dsen3 rín'2 'nia'2 con'2 guē4 guion'54 'nia'2. 4 'I1jan'2 'nia'2 tsá3 ca2ne54 'no'2 jua'54 a2jnia'54 con'2 dse3 ja1con'2 'nia'2 guiong'54, 'nio'2 bá4 'nia'2 a2dse3 quió'5 ja1con2 i2sián'2 ján3.

5 Jui1le54 bá4 'au'2 'nia'2 jui1lia'2 ca2lē3 dsí5 Cristo Jesús:

6 Ia1 o1jnia'54 la2 lín5 'éi2 nió'4 quió'5 Diú4,
on3jua'54 jaun2 ca2jmo3 dsí5 a2ca2tín2 tion54
a2lén2 co2rin2 quiain'54 Diú4,
7 tē2le3 ca2jmo3 bá4 'éi2 cau5 a2jme1tín2 ně3,
nē2jag4 bá4 a2tsá3 'e2 quein5,
ca2can3 jui5 ca2já3 a2lín5 dsa2 i2jme2ti3,
jme1ca2rē3cháin3 a2lín5 dsa2 mi2güí3.
8 Jme1ma2ca2rē3jniá2 a2lín5 dsa2 ně3,
ca2jmo3 mei'2.
Jaun2 guē4 ca2lin3 jan2 i2ca2rē3ne'54,
ca2jme3ti3 ně3,

ca₂le₃jě₃ ca₂guein₃ 'mú₃,
 ca₂lia' ₂ jnia' ₅₄ lia' ₂ ca₂dsióg₃ 'mú₃ tē₃toin₅₄ cróg₄.
 9 'Uig₅₄ jaun₂, Diú₄ ně₃, ja₂lin₃ guě₄ ŋei₅ ca₂jme₃juag' ₂,
 ján₃ guě' ₂ ca₂dsiog₃ a₂lín₅ ta₁ juě' ₂ a₂goin₂
 a₂quein₅ guě₄ 'ŋio₅ lin₃ con' ₂ guě₄ ca₂le₃jín₃,
 10 ia₁jaun₂ tē₂le₃ ne₄ 'éi' ₃ a₂gon₂ Jesús,
 ju₁chi₂jnë₃ ca₂le₃jín₃ i₂tion' ₅₄ guei' ₅₄ i₂juíg₃,
 quian' ₅₄ i₂tion' ₅₄ gua' ₅₄ 'uě₃,
 quian' ₅₄ i₂tion' ₅₄ le₃né' ₃ 'uě₃ ně₃;
 11 ia₁jaun₂ tion₃ ca₂le₃jě₃ le₁tsi' ₂ dsa₂
 a₂dsón' ₂ bá₄ lín₅ Jesucristo Te₁gui' ₅₄,
 jaun₂ le₂ně₅ le₃juin' ₂ Diú₄ Jmei₂.

Lín₅ dsa₂ quián₅ Cristo ně₂jag₄ bá₄ si₂ tē₂le₃ ja₁con₂ dsa₂ mi₂güig₃

12 'Uig₅₄ jaun₂ ně₃, 'nia' ₂ rín' ₅₄ jniog₄, ju₁lia' ₂ ma₂ja₂nóg' ₅ ma₂rē₂ten' ₅₄ tián₂
 'nia' ₂ lia' ₂ con' ₂ jme' ₁eng₅₄ quian' ₅₄ 'nia' ₂, tē₂le₃ 'ŋio₅ lin₃ guě₄ ca₂tín' ₂ 'nia' ₂
 nág' ₁ gau₂ rē₂ně₃, tē₁lia' ₂ 'eng₅₄ uíng₂. Jme₁le₅₄ bá₄ 'nia' ₂ guiong' ₅₄ ju₁lia' ₂ ta₁
 a₂ma₂lóng' ₂, jmo₂ 'nia' ₂ meg' ₂ 'ei₅ gau₂. 13 Ia₁ Diú₄ bá₄ i₂jmo₅ ta₁ ja₁con' ₂ 'nia' ₂,
 a₂qui₂lě₂ 'au' ₂ 'nia' ₂ a₂dse₃, a₂qui₂lě₂ ta₁ ján₃, lia' ₂ con' ₂ lě₅ a₂'ŋio₂ dsí₅.

14 Jmo₄ ca₂le₃jě₃, la₁ tsá₃ jmo₂ jua' ₅₄ tsá₃ dsáu₅ 'au' ₂ 'nia' ₂ ríng' ₂ a₂chi₂'iín' ₄ 'nia' ₂,
 on₃ guě' ₂ jmo₂ 'nia' ₂ mi' ₅₄, 15 ia₁jaun₂ bá₄ 'i₁jan₂ tsá₃ 'ein₂ le₃bóg' ₂ dso₄ on₃ guě' ₂
 jua' ₅₄ cha₂ a₂rē₂cán' ₄ 'nia' ₂, jmo₄ 'nia' ₂ a₂lín₅ 'chi' ₂-guein₂ quián₅ Diú₄ i₂tsá₃ 'e₂
 rē₂cán' ₄, i₂tsá₃ 'e₂ rē₂'ŋio₄ jē₄ quió' ₄ dsa₂ 'lín' ₅₄ i₂rē₂gán₃ dsí₅. 'Nia' ₂ bá₄ lín₅
 ju₁lia' ₂ nei₅, a₂jmo' ₂ tág₅ ne₄ quió' ₅ caun₂ mi₂güig₃ qui₁né' ₃, 16 ja₁o₂can' ₄ 'nia' ₂
 jág₁ dse₃ a₂le₃chan₂ dsa₂. Le₂ně₅, jē₁ma₂tē₂ rē₁guan' ₂ Cristo, lé₂ le₃jmo₅₄ jniá₂
 dsí₃ ně₂jag₄ a₂rē₃tan₅₄ jniá₂ o₄quián' ₂ 'nia' ₂, jē₁ma₂cha₂ caun₂ léi₄ a₂tsá₃ jua' ₅₄
 a₂lě₁ca₂ŋi₃ co₂chi' ₅₄, on₃ guě' ₂ jua' ₅₄ ca₂jmo₃ ta₁ a₂tsá₃ 'e₂ ta₁ tí₄. 17 La₁ ju₁'a₂
 guě₃ la₂ ca₂quíng₂ a₂lén₂ rē₂jeng' ₅₄ ne₄ Diú₄, o₄quió' ₄ a₂'én' ₂ 'nia' ₂, 'ŋio₅ lin₃ 'io' ₂
 jéin₅ jniá₂, quian' ₅₄ bá₄ jniog₄ rín' ₅₄ a₂jmo₁ 'io' ₂ ca₂le₃jág₃. 18 Jmo₄ 'nia' ₂ 'io' ₂ ján₃,
 jme₁quiong' ₅₄ bá₄ 'nia' ₂ jniá₂ a₂jéin' ₅ jniá₂ 'io' ₂.

Timoteo quian' ₅₄ Epafrodito

19 Nē₁jua' ₂ 'nio₃ Te₁gui' ₅₄ Jesús, 'ín₂ dsí₃ jniá₂ tsing₅₄ ŋi' ₅₄ ta₁ Timoteo dsí₃jiiin₅₄
 'nia' ₂, ia₁jaun₂ 'ŋio₅ lin₃ guě₄ 'io' ₂ jmo₅₄ jē₁ma₂ca₂rē₃guion₅₄ jniá₂ 'a₂ lia' ₂ chan' ₂
 'nia' ₂. 20 Ia₁ 'i₁jan₂ i₂sián' ₂ tsá₃ chan₂ i₂lě₅ dsí₂jio₅ dsí₅ co₂rē₂ ju₁lia' ₂ dsí₂jio₅
 dsí₃ jniá₂, jua' ₅₄ i₂'i₅ dsí₅ tē₃dsón' ₂ a₂dse₃ tē₂le₃ ja₁con' ₂ 'nia' ₂; 21 ia₁ ca₂le₃jín₃
 bá₄ dsa₂ 'no' ₂ a₂dse₃ quió' ₅ guoin₅₄, tsá₃ dsan₂ dsí₅ a₂'ín₅ dsí₅ ja₁con₂ Cristo
 Jesús. 22 La₁ ca₂le₃jín' ₃ bá₄ 'nia' ₂ ma₂ŋi' ₅₄ 'a₂ lia' ₂ ma₂ca₂jme₃jnia₅ Timoteo a₂tiin₂
 a₂ŋi₅ a₂ma₂ja₂náu₅ jnia' ₅₄ quian' ₅₄ a₂jme₂tí₁ a₂qui₂'ě₅ jág₁ dse₃, ma₂já₅ jme₂tí₃
 co₂lě₅ ne₄ Te₁gui' ₅₄ ju₁lia' ₂ jan₂ chi' ₂ i₂jme₂'on₅₄ jmei₂. 23 Le₂ně₅ 'ín₂ dsí₃ caun₂
 jmig₄ a₂tsiin₅₄ dsí₁jiiin₁₂ 'nia' ₂ jē₁ma₂ca₂rē₃guion₅₄ 'a₂ lia' ₂ lě₅ tē₂le₃ quió₃ ja₁lá₃.
 24 La₁ia₁ caun₂ bá₄ 'ei₅ dsí₃ ja₁con₂ Te₁gui' ₅₄, 'nio₃ bá₄ jniá₂ dsí₃og₄ ŋi' ₅₄ ta₁ i₁jing₁₂
 'nia' ₂.

25 La₁ tion₅₄ 'nió' ₅ ján₃, lín₂ jniá₂, dsiang' ₅₄ Epafrodito, i₂lín₅ i₂quiang' ₅₄ jmo₂₃
 ta₁ quen' ₂ jnia' ₅₄ bí₂ co₂dsia₅ quian' ₅₄, i₂ca₂chen' ₂ 'nia' ₂ guiong' ₅₄ o₃can₅ a₂'nió' ₅
 quió₃. 26 'Éi₂ ně₃ 'ŋio₅ lin₃ 'ín₅ dsí₅ jiiin₂ ca₂le₃jín' ₃ 'nia' ₂, 'ŋio₅ 'i₅ dsí₅ ia₁ ca₂rē₃ŋi' ₅₄
 bá₄ 'nia' ₂ a₂ca₂rē₃dso' ₅₄ 'éi₂. 27 Dsón' ₂ bá₄ jaun₂ ca₂rē₃dso' ₅₄, jnia' ₅₄ mei' ₂ tsá₃
 ca₂join₃; la₁ ca₂dsia₃ bá₄ Diú₄ ŋéi₂ dsí₅ quió' ₅, on₃jua' ₅₄ rē' ₂ jmá' ₃ ja₁con₂ 'éi₂,
 ia₁ ca₂dsia₃ bá₄ ŋéi₂ dsí₅ jniá₂ ně₃, ia₁jaun₂ tsá₃ ŋi₄ lě₃ 'lia' ₂ dsí₃ tsá₃ len₅ 'a₂

con'₂ ma₂chang₂ quian'₅₄ o₂i₁ dsi₅. 28 'Uig'₅₄ jaun₂ ně₃ 'ŋio'₅ guě₄ lě₂ dsi₃ dsiain'₅₄, ia₁jaun₂ jmó'₂ 'nia'₂ 'io'₂ jiiñ'₅₄ táng₃, ia₁jaun₂ tsá₃ ŋí₄ lě₃ chang₂ 'i₅ dsi₃. 29 Guein'₅₄ 'nia'₂ ca₂lia'₂ a₂'ŋio'₂ 'au'₂ guě₄ lín₃, a₂lín₅ 'éi₂ jan₂ rín'₂ 'nia'₂ tē₂le₃ ja₁con₂ Te₁gui'₅₄, jme₁gon'₃ bá₄ 'nia'₂ juí₁lia'₂ i₂lín₅ lia'₂ lín₅ 'éi₂; 30 ia₁ ca₂juig'₄ bá₄ mei'₂ tsá₃ ca₂join₃ 'uig'₅₄ ia₁ a₂jme₂ti₃ ta₁ ne₄ Cristo. Ca₂can₃ caun₂ juí₅ go'₂ ja₁lé₂ le₃quin₃ jme₂dsi₂ quió'₅ a₂jme₃'ŋiai₂₃ jme₃'o₅₄ a₂tsá₃ lě₂ le₃jme₁'o'₁ 'nia'₂.

3

Juí₅ a₂tē₃dsón'₂ dsau₅

1 Nē₃ ně₃, 'nia'₂ rín'₅₄ jniog₄, jmo₄ 'nia'₂ 'io'₂ le₃quió'₅ Te₁gui'₅₄. Tē₂le₃ ja₁con₂ jniá₂, 'i₁ca₂juig'₄ o₂me'₅₄ dsi₅ tsá₃ cha₂jua'₅₄ a₂juá'₄ táng₃ jniá₂ a₂ma₂juá'₃ ne₄ si₂, ia₁ con'₂ lě₅ co₂ŋia₅₄ tē₂le₃ ja₁con'₂ 'nia'₂.

2 Jmo₄ 'nia'₂ 'í₁ quian'₅₄ dsa₂ i₂chan₂ jmo₅ lín₅ lia'₂ lín₅ dsi₂ji'₅₄, i₂jmo₅ a₂'lig'₅₄, dsa₂ i₂qui₂ti₅ ni₁ŋí₁₂; 3 ia₁ jniog₄ bá₄ i₂tē₃dsón'₂ lág₅ dsa₂ co₂'nió'₄ i₂ma₂qui₂rē₂uing₄ lo₄, jniog₄ con'₂ i₂jme₂juín'₁ Diú₄ a₂gu₂dsi₂. Jaun₂ o₂'ŋio₃ o₂ŋia₃ dsi₅ jniog₄ ia₁ lág₅ i₂quián₅ Cristo Jesús, tsá₃ jaun₂ 'ín₂ dsi₅ jniog₄ juí₁lia'₂ a₂jmo₅ dsa₂ co'₅₄ ni₁ŋí₅, 4 o₁ŋia'₅₄ jniá₂ rē'₂ ján₃ jme₁ca₂tíng₂ jme₁jmo₁₂ 'ín₂ dsi₅ a₂ně₅.

Chi₂jua'₂ 'ein₂ lín₂ cha₂ 'uig'₅₄ a₂'ín₂ dsi₅ ni₁ŋí₅, tē₂le₃ lě₅ guě₄ tson₂ bí₂ chan₂ jniá₂ 'uig'₅₄ a₂jaun₂; 5 jme₁ca₂dsin₃ ŋia₃ jmig₄ lia'₂ con'₂ jme₁ca₂rē₃cháng₃ bá₄ ca₂ti₃ dsa₂ lo₃; ia₁ lín₅ dsa₂ tsi₁jon₂ israelitas, téng₅ le₃quió'₅ co₂nió'₃ dsa₂ quián₅ tsi₁jon₂ Benjamín; lín₅ hebreo ia₁ ja₁jaun₂ chang₂ lín₅ chi'₂ quián₅ dsa₂ hebreos. Fariseo bá₄ jme₁lín₄ lia'₂ con'₂ lě₅ jme₁ŋí'₂ dsi₃ Si₂ 'Éi'₃; 6 juí₁lia'₂ a₂dsen'₅₄ dsi₃ guě'₂, ca₂lia'₂ qui₂ca₂co₃'én₃ jniá₂ dsa₂ quián₅ guá'₅; ton'₂ lia'₂ con'₂ lě₅ jme₁chang₂ quian'₅₄ juí₅ dse₃ lia'₂ con'₂ lě₅ 'Éi'₃ Juá'₅, 'i₁jan₂ tsá₃ 'ein₂ lě₂ le₃jme₁bóg'₂ dso₄.

7 La₁ ca₂le₃jě₃ a₂ně₅ le₃jua'₅₄ jág₁ a₂tē₁dsi₅₄ le₃quió'₃ jniá₂, a₂jaun₂ jmo₅ jniá₂ dsi₃ a₂ma₂i₃'én₂ le₃quió'₅ Cristo. 8 Dsón'₂ bá₄ jaun₂, tē₂le₃ lě₅ guě₄ jmo₅ jniá₂ dsi₃ ně₂jag₄ bá₄ a₂ma₂i₂'én₂ ca₂le₃jě₃, ia₁ tsá₃ quin₅ 'a₂ con'₂ quen₅ a₂ma₂ca₂rē₃cuíng₅ Cristo Jesús Te₁gui'₅₄ quiáng₃. 'Uig'₅₄ quió'₄ Cristo bá₄ ma₂i₂'én₂ jě₂ a₂jaun₂ quió'₃. Jmo₅ jniá₂ dsi₃ ně₂jag₄ bá₄ jme₁qui₅ a₂jaun₂, ia₁ 'nio₃ jniá₂ léi₂ ja₁con₂ Cristo; 9 'nio₃ jniá₂ dsióg₄ ja₁con₂ 'éi₂, on₃jua'₅₄ a₂chang₂ quian'₅₄ juí₅ co₂dsau₅ a₂tíng₂ 'ŋio₃ lia'₂ con'₂ lě₅ 'Éi'₃ Juá'₅, tē₂le₃ ia₁ a₂quian₄ jniá₂ juí₅ co₂dsau₅ a₂cuē₅ Diú₄ cuē'₅ i₂'én₂ le₃quió'₅ Cristo. Co₂'nió'₄ le₃jua'₅₄, a₂chan₂ dsa₂ quian₅ caun₂ juí₅ co₂dsau₅ a₂já₅ le₃quió'₅ Diú₄ 'uig'₅₄ cho'₅₄ tē₂le₃ ia₁ a₂'én₂ bá₄ dsa₂. 10 A₂'nio₃ jniá₂ le₃cuíng₅ Cristo bá₄, 'nio₃ jniá₂ can₅₄ juí₅bí₂ a₂ca₂jein'₅₄; ján₃ guě'₂ can₅₄ juí₅ jmi₁uig'₅ a₂ca₂can₃ 'éi₂, ján₃ guě'₂ a₂dsióg₄ jniá₂ léng₂ juí₁lia'₂ jme₁lín₄ 'éi₂ lia'₂ con'₂ jme₁ca₂join₃, 11 ia₁jaun₂ caun₂ bá₄ 'ei₅ dsi₃ dsióg₄ jniá₂, chi₂jua'₂ lě₂, a₂jeng'₅₄ jín₄ 'lag₄.

Juí₅ ja₁ca₂tág₂ i₁no₁ ja₁lě₄ léi₄ dsi₁no₃

12 On₃jua'₅₄ guě'₂ a₂ma₂ca₂dsióg₃ jniá₂, on₃ guě'₂ ma₂ca₂rē₃'ŋia₅ quió'₃. La₁ caun₂ nei₅₄ bá₄ ne₄ juí₅ jme₁'ŋio'₄ a₂'ín₂ dsi₃, juí₁lia'₂ ca₂jme₃'ŋio'₃ Cristo jniá₂. 13 Rín'₅₄ jniog₄, tsá₃ jmo₅ jniá₂ dsi₃ jua'₅₄ a₂ma₂ca₂jme₁'ŋio'₄ jniá₂ a₂jaun₂. La₁ia₁ caun₂ la₂ bá₄ jmo₅ jniá₂: a₂qui₂dsi₃'én₂ dsi₃ a₂qui₂ma₂ŋí₂, a₂quin'₄ bí₂ a₂tió₄ nei₅₄ le₃ne₄ juí₅, 14 a₂dsióg₄ jniá₂ ja₁lě₄ léi₄ ja₁ca₂tíng₂ dsióg₄, ja₁i₁gue₃ jniá₂ premio a₂tē₂ Diú₄ cuē₃ guei'₅₄ i₂juig'₃ a₂cuē'₃ dsa₂ i₂tion'₅₄ le₃quió'₅ Cristo Jesús. 15 Ca₂le₃jág₃ bá₄ jniog₄ i₂ma₂le₁'ŋia₅ quián₂, ca₂tág₂ dsi₃ŋia₅ dsi₅ le₂jaun₂.

Nějua'₂ cha₂ ja₁lín₅₄ a₂ñí'₂ 'au'₂ 'nia'₂ le₂siá'₂, Diú₄ bá₄ jmo₃ jnio₂ ne'₅₄ 'nia'₂ a₂jaun₂ já₃. 16 Jñia'₅₄ lia'₂ ca₂tág₂ jniog₄ a₂i₁nio₁ lia'₂ ma₂ja₂nú₅.

17 Rin'₅₄ jniog₄, quian₂ 'nia'₂ jui₅ co₂lě₅ con'₂ lě₅ jui₅ ma₂guio₃ jniá₂, jag₄ 'nia'₂ rě₂ já₃ ja₁con₂ ca₂le₃jín₃ i₂ma₂chan₂ lia'₂ con'₂ lě₅ ma₂ca₂jme₁tin₅ jnia'₅₄ 'nia'₂.

18 Ia₁ jui₁lia'₂ ma₂ca₂juíg₂ jniá₂ 'nia'₂ 'lióng₂ ráun₂, con'₂ siá'₂ juá'₅ bá₄ guě₄ cón'₂ táng₃ ca₂le₃jě₃ dsá₂ jmig₂ jme₁ne₃, ia₁ juin₅ i₂chan₂ co₂'nió'₄ i₂'io'₅₄ a₂ca₂jmo₃ Cristo ne₄ cróg₄. 19 Jě₁ca₂tó'₂ dsi₁lein₃ ja₁dsi₃'éin₂. Ia₁ i₂co₂'nió'₄ i₂lín₅ diú₄ quiáin₅ co₂'nió'₄ a₂lag₃ nē₁rě₂can'₂ tú'₅ bá₄, 'ñio₅ róin₂ jmo₂₃ a₂'nió'₄ jme₁cán₂ o₂guí'₃. Jmá'₃ lia'₂ quió'₅ a₂cha₂ ne₄ gua'₅₄ 'uě₃ la₂ bá₄ dsi₂jio₅ dsí'₅. 20 La₁ jniog₄ ně₃ lág₅ dsa₂ i₂tén₅ guei'₅₄ i₂juíg₃, jñia'₅₄ lia'₂ a₂jaun₂ bá₄ le₁jñia₁ jniog₄ dsen₅₄ dsi₅ a₂jñio'₂ ja₁jaun₂ jan₂ i₂lió₂, i₂lín₅ Te₁gui'₅₄ Jesucristo. 21 'Éi₂ bá₄ jme₃tsín₃ ni₁ñi₁ jniog₄ a₂dsi₃'éin₂ la₂, ia₁jaun₂ lé₂ lia'₂ jlá'₁ ni₁ñi₁₂ 'ñiog₅. Jmo₃ bá₄ a₂jaun₂ tē₂le₃ quian'₅₄ bí₂ a₂'io₂₃ a₂tiin₂ dsia₃ o₄gú'₃ 'ñiog₅ ca₂le₃jě₃.

4

Jmo₄ 'nia'₂ 'io'₂ co₂tan₅₄ le₃quió'₅ Te₁gui'₅₄

1 Jaun₂ lě₃, rin'₅₄ jniog₄, 'nia'₂ i₂'nió₃ guě₄ lín₃, i₂ñí₄ lě₃ 'ín₅ dsi₃ jing₅₄; 'nia'₂ bá₄ líng'₅ a₂ñí₄ dse₃ 'ei₅ dsi₃, 'nia'₂ bá₄ líng'₅ co₂'nió'₄ premio quió'₅, jui₁chan'₂ bá₄ 'nia'₂ le₂nē₅ jaun₂ nē₃, tión'₂ 'nia'₂ tiá₂ le₃quió'₅ Te₁gui'₅₄.

2 Chi₂len'₄ jniá₂ Evodia quian'₅₄ Síntique já₃, jmo₄ 'nia'₂ caun₂ jág₁ jin₄ ríng'₂ o₄quió'₄ Te₁gui'₅₄. 3 Quian'₅₄ 'ne₂, rin'₅₄ jniog₄ i₂co₂dsia₅ jmo₂ ta₁, juíg₂ jniá₂ 'ne₂ a₂jme₁'ong'₁ dsa₂ mí₂ rin'₅₄ jniog₄ nē₅, ia₁ 'éi₂ ca₂quín'₃ bí₂ i₂quian'₄ jniá₂ jme₁ca₂'ě₃ jág₁ dse₃ a₂lión₂ dsa₂, quian'₅₄ Clemente nē₃ quian'₅₄ guě₄ rin'₅₄ sián'₂ ca₂jmo₃ ta₁ quian'₅₄ jniá₂. Ma₂le₁ton₅ lia'₂ chein₂ ne₄ si₂ a₂le₃chain₂ co₂tan₅₄.

4 'Io'₂ jmo₄ 'nia'₂ co₂tan₅₄ le₃quió'₅ Te₁gui'₅₄. Cón'₂ siá'₂ juá'₅ táng₃, 'io'₂ jmo₄ 'nia'₂! 5 Jui₁le₂jniá₂ a₂'ua₁ 'au'₂ 'nia'₂ jě₄ quió'₅ le₃jín₃ dsa₂, ia₁ ma₂ja₂quián₃ guan'₂ Te₁gui'₅₄.

6 Tsá₃ jmo'₂ 'nia'₂ 'i₅ 'au'₂ 'i₁caun₂. La₁ chi₂jua'₂ 'e₂ lě₅, chi₂len'₄ 'nia'₂ Diú₄; mi₄ 'nia'₂ ne₄ 'éi₂ ton'₂ já₃ guě'₂ cuě'₅₄ 'nia'₂ ti₁'mag'₄ 'éi₂. 7 Jaun₂ Diú₄ bá₄ jmo₃ 'í₁ jme₂dsí₂ quián'₂ 'nia'₂ quian'₅₄ a₂qui₂dsi₂jio₅ 'au'₂ 'nia'₂ nē₃, tē₂le₃ quian'₅₄ Cristo Jesús. Diú₄ bá₄ jmo₃ a₂'ag₃ tei₄ 'au'₂ 'nia'₂ ñag₅₄ guě₄ lín₃ con'₂ guě₄ a₂lě₂ le₃ñí'₂ dsa₂.

Jui₁dsi₂jio₅ 'au'₂ jmá'₃ a₂dse₃

8 Jaun₂ lě₃, rin'₅₄ jniog₄, jui₁dsi₂jio₅ 'au'₂ 'nia'₂ jui₁'e₂ a₂tí₅ dsón'₂, jui₁'e₂ a₂ca₂tín₂ jme₃gó'₃ dsa₂, jui₁'e₂ a₂dsi₂ten₅₄, jui₁'e₂ a₂le₁jě₃, jui₁'e₂ a₂'io'₂, jui₁'e₂ a₂quen₅ jág₁ dse₃; chi₂jua'₂ cha₂ a₂jlá'₁ a₂ca₂tín₂ 'ag₃ dse₃ jág₁, a₂jaun₂ bá₄ jui₁dsi₂jio₅ 'au'₂ 'nia'₂. 9 Jme₁dsau₅ 'nia'₂ caun₂ a₂ma₂gue'₅₄ 'nia'₂, a₂ma₂ca₂jme₁tag₅ a₂ma₂nei'₂ 'nia'₂ ma₂juá'₃ quian'₅₄ a₂qui₂ma₂tē₂ ne'₅₄ ma₂jag'₅₄ 'a₂ lia'₂ jmo₅ jniá₂: le₂jaun₂ jmo₄ 'nia'₂. Jaun₂ Diú₄ nē₃ i₂jmo₅ 'ag₅ tei₄ 'au'₂ 'nia'₂, 'ein₅₄ ja₁con'₂ 'nia'₂.

Cuě₅ Pa₄ ti₁'mag'₄ cuě'₅ dsa₂ Filipenses

10 'E₂ guě₄ tē₅ dsi₃ 'io'₂ jéin₅ guě₄ lín₃ le₃quió'₅ Te₁gui'₅₄ 'a₂ lia'₂ lě₃ a₂ca₂dsáu'₃ táng₃ 'au'₂ 'nia'₂ jniá₂. Tsá₃ 'nio₃ jniá₂ juá'₄ jua'₅₄ a₂ma₂i₂'én₂ 'au'₂ 'nia'₂ jniá₂, tē₂le₃ ia₁ a₂tsá₃ ma₂cuin₃ jmig₄ jme₁'o'₁ bá₄. 11 On₃jua'₅₄ rě'₂ juá'₅ jniá₂ ia₁ a₂ca₂rě₃'nió'₃ quió'₃; ia₁ jniá₂ nē₃ ma₂ca₂rě₃tín₃ bá₄ jniá₂ a₂'ei₅ dse₃ dsi₃ chi₂jua'₂ 'a₂ lia'₂ lě₅ a₂chang₂. 12 Ma₂guion₄ bá₄ jniá₂ 'a₂ lia'₂ lě₅ jme₁rě₂chang₂ te₂ñég₂, já₃ guě'₂ guion₄ jniá₂ 'a₂ lia'₂ lě₅ a₂qui₂rě₂tsón₂ quió'₃. Jaun₂ ma₂ca₂rě₃tíng₃ bá₄ a₂chéng'₅ tiá₂ jui₁lě₄ bá₄ 'a₂ lia'₂ lě₅ chang₂. Cha₂ jme₁lín₅₄ qui₂rě₂tang₅₄ dse₃ lín₃,

o₃ 'ong₅₄ 'e₂ jme₁lin₅₄. Cha₂ jme₁lin₅₄ qui₂rē₂tsón₂, o₃ a₂tsá₃ 'e₂ cha₂ mei' 'e₂.
13 Ca₂le₃jě₃ bá₄ qui' ₅₄ jniá₂ jmig₄ të₂le₃ quian' ₅₄ Cristo i₂cuē₅ bí₂. **14** La₁ia₁, dse₃
 bá₄ jaun₂ ca₂quen' ₄ 'nia' ₂ o₂i₁ dsi₅ a₂quian₄ jniá₂.

15 Jui₁lia' ₂ ma₂ŋi' ₅₄ 'nia' ₂, rin' ₅₄ jniog₄ i₂chan₂ juig₂ Filipos, lia' ₂ con' ₂
 jme₁ca₂jme₁lióg₄ jniá₂ ca₂ě₃ jág₁ dse₃ a₂lión₂ dsa₂, jme₁ca₂o₃'ín₃ jniá₂ 'uě₃ Mace-
 donia, 'i₁caun₂ guá' ₅ tsá₃ ca₂jme₃quen' ₄ të₂le₃ quian' ₅₄ cu₄; jŋia' ₅₄ lia' ₂ 'nia' ₂ bá₄.

16 Ia₁ lia' ₂ con' ₂ jme' ₁en₅₄ jniá₂ juig₂ Tesalónica, on₃jua' ₅₄ co₂ráun₂ ca₂jme' ₁o' ₁
 'nia' ₂ jniá₂, ca₂chen' ₂ 'nia' ₂ cu₄ 'uig₅₄ ia₁ a₂ca₂rě₃'nió' ₃ quió₃. **17** On₃jua' ₅₄ rě' ₂

a₂dsi₂jiog₅ dsi₃ a₂jŋia' ₅₄ caun₂ le₃cha₂ a₂ca₂tín₂ jniá₂ a₂qui₁gue₅₄; a₂jaun₂ bá₄
 'nio₃ jniá₂ a₂le₃cha₂ 'uig₅₄ a₂jme₃'mag' ₂ Diú₄ quián' ₂ 'nia' ₂. **18** La₁ ma₂gue₃ bá₄
 jniá₂ le₃jě₃, të₂le₃ lě₅ gué₄. Quian' ₅₄ a₂ca₂chen' ₂ 'nia' ₂ të₂le₃ quian' ₅₄ Epafrodito,

ma₂rē₂tsón₂ bá₄ quió₃. A₂ca₂chen' ₂ 'nia' ₂ jaun₂ quió₃, lě₅ jui₁lia' ₂ lě₅ caun₂
 a₂rě₂jen' ₅₄ ne₄ Diú₄ a₂ja₂ mi₂juig₂ a₂'ŋio₂ dsi₅ Diú₄ guéi' ₅. **19** Diú₄ quiáng₃ ně₃,

'éi₂ bá₄ cuē₃ ca₂le₃jě₃ a₂'nió' ₅ quián' ₂ 'nia' ₂ lia' ₂ con' ₂ lě₅ a₂ŋi₄ lě₃ jlá' ₁ a₂rē₂tsón₂
 quió' ₅, cuě' ₃ 'nia' ₂ të₂le₃ quian' ₅₄ Cristo Jesús. **20** jui₁jme₂juin' ₂ bá₄ dsa₂ Diú₄
 Jmei₂ jniog₄ ca₂lia' ₂ co₂tan₅₄! A₂méi₃.

21 Cuin₅₄ 'nia' ₂ Diú₄ o₄quió₃, ca₂le₃jín₃ i₂tén₅₄ le₃quió' ₅ Cristo Jesús. Dsa₂
 rin' ₅₄ * i₂quian' ₄ jniá₂ ně₃, cui₂in₂₃ Diú₄ 'nia' ₂. **22** Cuin₅ 'nia' ₂ Diú₄ ca₂le₃jín₃ dsa₂
 jŋió₅, la₁ia₁ ja₂lín₃ gué₄ dsen₅₄ cuag₅ Diú₄ dsa₂ i₂tián' ₅ dsi₂néi₂ quió' ₅ gui' ₅₄ rag₅₄
 emperador.

23 Jui₁jme₂gu' ₅₄ bá₄ Te₁gui' ₅₄ Jesucristo jme₂dsí₂ quián' ₂ 'nia' ₂. A₂méi₃.†
 Co₂ně₅.

* **4:21** lit. “dsa₂ jŋió₅.” † **4:23** A₂lin₅₄ chog₅₄ si₂ tsá₃ chi₁ton₅ “A₂méi₃.”

Si₂ carta a₂ca₂jmo₃ San Pablo ne₄ dsa₂ COLOSENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Colosas tē₁lia'₂ 'ein₅₄ né'₃ 'má₃

¹ Jniá₂, Pa₄, ia₁ co₂nē₅ 'nio₃ Diú₄ bá₄, líng₅ jan₂ i₂chen₄ quián₅ Jesucristo. Co₂lě₅ quiang'₅₄ rín'₅₄ jniog₄ Timoteo, ² jmo₂₃ si₂ carta la₂ a₂dsiang'₅₄ ne'₅₄ 'nia'₂ rín'₅₄ jniog₄ a₂ i₂chang'₂ juig₂ Colosas, dsa₂ i₂lě₅ 'í₁ i₂jme₂ti₃ ja₁con₂ Cristo:

Jui₁jme₂gu'₅₄ bá₄ Diú₄ i₂lín₅ Tia₅₄ quián₂, jui₁jmo₁₂ bá₄ 'ag₃ tei₄ tion'₅₄ 'nia'₂.

Mi₅ Pa₄ ne₄ Diú₄ o₄quió'₄ dsa₂ i₂'én₂

³ Cuē₂ jnia'₅₄ ti₁'mag'₄ Diú₄ Jmei₂ Jesucristo Te₁gui'₅₄ quián₂, co₂tan₅₄ bá₄ mi₂ jnia'₅₄ ne₅₄ o₄quián'₂ 'nia'₂. ⁴ Ia₁ ma₂ca₂rē₃ne₄ bá₄ jnia'₅₄ 'a₂ lia'₂ lě₅ a₂'én'₂ 'nia'₂ le₃quió'₅ Cristo Jesús, 'a₂ lia'₂ lě₅ 'nió'₃ 'nia'₂ ca₂le₃jín₃ i₂ma₂tén₅ le₃quió'₅ Diú₄,* ⁵ ia₁ cha₂ a₂'ín₂ 'au'₂ 'nia'₂ a₂ma₂rē₂'ma₄ a₂lě₂ quián'₂ 'nia'₂ guei'₅₄ i₂juig₃, jág₁ dse₃ a₂tí₅ a₂jme₁ma₂nei'₂ 'nia'₂ le₂jñiá₅, ⁶ a₂jme₁ma₂dsióg₃ ja₁con'₂ 'nia'₂. Ca₂le₂con₂ ta₁caun₂ mi₂güig₃, ma₂léi₄ ma₂rē₂rau₂ a₂rē₂'én₂ dsa₂, le₂jaun₂ qui₂dsi₂cón₃ jág₁. Lě₂ jui₁lia'₂ ma₂qui₂ma₂lě₅ quian'₅₄ 'nia'₂ ca₂le₃ jmi₄g₄ jme₁ca₂nei'₂ 'nia'₂ jág₁ dse₃ a₂lión₂ dsa₂, jme₁ca₂rē₃ñí'₂ 'au'₂ 'nia'₂ ně₃, 'a₂ lia'₂ lě₅ a₂tě₃dsón'₂ bá₄ dsau₅ 'ua₁ dsí₅ Diú₄. ⁷ A₂nē₅ ma₂ca₂rē₃tín'₃ 'nia'₂ ca₂jme₃tag₅ Epafras i₂'nióg₃ guē₄ lín₃, i₂ma₂já₅ co₂lě₅ quian'₅₄ jnia'₅₄ jme₂ti₃ ta₁ ne₄ Cristo. 'Éi₂ bá₄ chén'₅ ja₁con'₂ 'nia'₂ a₂lín₅ dsa₂ rē₂ti'₅₄ i₂jmo₅ ta₁ quió'₅ Cristo, o₄quián'₂ 'nia'₂. ⁸ 'Éi₂ bá₄ ma₂o₃can₅ jág₁ 'a₂ lia'₂ 'nió'₃ 'nia'₂ ríng'₂ le₃quió'₅ Jme₂dsí₂.

⁹ 'Uig₅₄ jaun₂, jnia'₅₄ ně₃, ca₂le₃ jmi₄g₄ jme₁ca₂rē₃ne₄ jnia'₅₄, ma₂ja₂náu₅ tsá₃ ma₂tí₄ jnia'₅₄ jua'₅₄ tsá₃ chilén'₄ jnia'₅₄ Diú₄ o₄quián'₂ 'nia'₂. Mi₂ jnia'₅₄ jui₁jmo₁₂ jui₁qui₂le₂'an₂ 'au'₂ ia₁jaun₂ qui₂le₃ñig'₂ le₃ñi'₅₄ 'nia'₂ le₃quió'₅ jme₂dsí₂, 'e₂ jaun₂ a₂'nio₃ 'éi₂, ¹⁰ ia₁jaun₂ bá₄ i₁nió'₄ 'nia'₂ con'₂ dsi₂ten₅₄ jmo₃ dsa₂ quián₅ Te₁gui'₅₄, lia'₂ con'₂ lě₅ 'ñio₂ dsí₅ 'éi₂. Jui₁le₂rau₂ bá₄ con'₂ dse₃ ca₂le₃jě₃ ne₅₄ a₂dse₃ jmo'₂ 'nia'₂, caun₂ dsi₁nó'₅ 'nia'₂ le₃cuing'₂ guē₄ dse₃ Diú₄. ¹¹ Mi₂ jnia'₅₄ ne₄ 'éi₂ a₂chein'₃ 'nia'₂ tiá₂ quian'₅₄ jui₅bí₂ 'uan'₂ quió'₅, ia₁jaun₂ bá₄ tian'₃ 'nia'₂ ca₂le₃jíng'₃ a₂tió'₃ 'au'₂, a₂juin'₂ 'au'₂, ton'₂ o₂'ñio₃ 'au'₂ ně₃. ¹² Mi₂ jnia'₅₄ ia₁jaun₂ bá₄ cuē'₅₄ 'nia'₂ ti₁'mag'₄ Tia₅₄, ia₁ ma₂jmo₃ a₂lén'₄ 'nia'₂ † dsa₂ i₂lě₅ 'í₁ † quián₅, i₂ca₂tín₂ le₃quen'₄ ja₁tág₅ si₂. ¹³ Ma₂ca₂lió₂ Diú₄ jniog₄ o₄gú₃ i₂gon₂ jě₄ qui₁né'₃, a₂ma₂ca₂dsiog₃ táng₃ ja₁gon₂ Ja₁ñi'₅₄ i₂ñí₄ lě₃ 'nioi₃. ¹⁴ 'Éi₂ † bá₄ ca₂lá₂u₂, ca₂'éin₂ dsáu₁ jniog₄.

'Éi₅ tei₄ quian'₅₄ Diú₄ o₄quió'₄ a₂ca₂jon₃ Cristo

¹⁵ 'Éi₂ bá₄ lín₅ nió'₄ quió'₅ Diú₄ i₂tsá₃ jniá₂; 'éi₂ bá₄ i₂ca₂tín₂ lén₂ gon₂ ne₄ ca₂le₃jě₃ a₂ca₂rē₃chá₃. ¹⁶ Tě₂le₃ quian'₅₄ 'éi₂ bá₄, ca₂jmo₃ Diú₄ ca₂le₃jě₃ 'e₂ a₂cha₂ guei'₅₄ i₂juig₃ quian'₅₄ gua'₅₄ 'uē₃, ca₂le₃jě₃ a₂jniá₂ quian'₅₄ guē₄ ca₂le₃jě₃ a₂tsá₃ jniá₂ ně₃: co₂'nió'₄ a₂ca₂jmóí'₂ ca₂le₃jín₃ i₂jmo₅ 'éi'₃, ca₂le₃jín₃ i₂'io₅ bí₂, ca₂le₃jín₃ i₂gon₂, ca₂le₃jín₃ i₂lín₅ ta₁ ně₃. Ca₂le₃jín₃ i₂ně₅ ca₂lín₃ tě₂le₃ quian'₅₄ 'éi₂, ton'₂ o₄quió'₄ 'éi₂ ně₃. ¹⁷ 'Éi₂ bá₄ i₂jme₁ma₂chan₂ lia'₂ con'₂ né'₃ guē₄ a₂le₃cha₂ ca₂le₃jě₃; 'éi₂ bá₄ jmo₅ a₂niog₅ lě₂ rē₂ ca₂le₃jě₃. ¹⁸ 'Éi₂ bá₄ lín₅ ján₃ mi₂dsi₄ ni₁ñi₁₂, co₂'nió'₄ le₃jua'₅₄ guá'₅ quián₅. 'Éi₂ bá₄ lín₅ i₂ca₂jme₃lióg₃ ca₂le₃jě₃; ton'₂ 'éi₂ bá₄ lín₅ ján₃ i₂le₂'uig₅₄ i₂ca₂jen'₅₄ jñ₄ 'lag₄, ia₁jaun₂ lén₂ 'éi₂ i₂dsen₅₄ guē₄ ne₄ quió'₅ ca₂le₃jě₃.

* **1:4** lit. “dsa₂ jñiós.” † **1:12** A₂lín₅₄ chog₅₄ si₂ juá'₂: “ma₂jmo₃ ma₂léi₄ jniog₄.” ‡ **1:12** lit. “dsa₂ jñiós.” § **1:14** A₂lín₅₄ chog₅₄ si₂ juá'₂: “Quián'₅₄ jmi₂ 'an₅₄ 'éi₂.”

19 Ia₁ ca₂rē₃'ñi₃ dsí₅ Diú₄ ca₂tē₁gua₁ tē₂le₃ ja₁con₂ 'éi₂ ca₂le₃jě₃ 'a₂ lia₂ lín₅ 'ñiog₅; 20 ca₂rē₃'ñi₃ dsí₅ já_n₃, tē₂le₃ quian₅₄ 'éi₂, ca₂'ág₂ táng₃ caun₂ jág₁ quian₅₄ 'ñiog₅, ca₂le₃jě₃ a₂cha₂: lia₂ ta₁caun₂ guei₅₄ mi₂güí₃ lia₂ quian₅₄ ne₄ gua₅₄ 'uě₃, ca₂jmo₃ ca₂'ág₂ táng₃ tei₄ tē₂le₃ quian₅₄ jmi₂ 'ain₅₄ a₂ca₂tein₃ ne₄ cróg₄.

21 'Nia₂ ně₃, tsá₃ jág₁ jme₁nióg₅ quian₅₄ Diú₄ le₂jñiá₅; tē₂le₃ jme₁'ñiai₅₄ bá₄ 'nia₂, jui₅ 'a₂ lia₂ jme₁qui₂dsi₂jio₅ 'au₂, jui₅ 'a₂ lia₂ jme₁jmo₂'-dsá_u₅ 'nia₂ ně₃. 22 La₁ rē₂ně₃ ně₃, ma₂ca₂jmo₃ Diú₄ ca₂'ág₂ táng₃ caun₂ jág₁ 'nia₂ quian₅₄, tē₂le₃ quian₅₄ 'mú₃ a₂ca₂can₃ Cristo jui₅ ñi₅₄. A₂ně₅ ca₂jmo₃ ia₁jaun₂ chein₃ 'nia₂ ne₅₄, jme₃jñiai₂₃ 'nia₂ dsa₂ i₂ma₂lě₅ 'í₁, * i₂tsá₃ ma₃'e₂ rē₂'ñi₄, on₃ guě₂ ma₂'e₂ dso₄ rñ₂ 'nia₂. 23 A₂jaun₂ chi₂jua₂ caun₂ náu₂ 'nia₂ tiá₂ a₂'éng₂, ně₂jag₄ quian₅₄ jmú₄ tio₅₄ 'ei₄; jaun₂ tsá₃ qui₂dsi₃mú₃ 'nia₂ cau₅ a₂'ín₂ 'au₂ tē₂le₃ quian₅₄ jág₁ dse₃ a₂ma₂nei₂ 'nia₂. Já_g₁ dse₃ ně₅ ma₂qui₂rē₂'ě₂ ne₄ le₂jan₂ le₂jan₂ i₂chan₂ ne₄ gua₅₄ 'uě₃. Jniá₂ Pa₄, jaun₂ ně₃, líng₅ jan₂ i₂qui₂jme₂'o₅₄ dsi₂'ě₃ já_g₁ jaun₂.

Jme₂ti₃ Pa₄ ja₁con₂ guá₅

24 Ně₃ ně₃ 'io₂ jéin₅ jě₄ dsi₂ñíg₂ uig₅ o₄quián₂ 'nia₂, ia₁ le₂la₂ bá₄ 'eng₅₄ jui₅ a₂jme₁'ñiag₅, quian₅₄ ñi₃ 'ñi₃ a₂'nió₅ guě₄ jui₁lia₂ jmi₁uig₅ a₂ca₂i₃ñí₂ Cristo o₄quió₄ guá₅ quián₅, a₂lě₅ ñi₅₄. 25 A₂ma₂ca₂dsi₃óg₃ jniá₂ a₂líng₅ jan₂ i₂jme₂ti₃ ja₁con₂ guá₅ já_n₃, con₂ lě₅ ca₂dsia₃ Diú₄ gu₃, a₂dse₃ quián₂ 'nia₂, a₂'ě₄ jniá₂ lia₂ qui₂rē₂'ñia₅ já_g₁ quió₅, 26 co₂'nió₄ le₃jua₅₄, já_g₁ a₂tsá₃ jme₁ca₂rē₃jniá₂ a₂jme₁rē₂'ma₄ quió₅ Diú₄ ca₂le₃ ma₂líg₂ lín₃ ma₂qui₂ma₂ñí₂ juin₅ lín₃ tsi₁jon₂ dsa₂ ně₃. La₁ rē₂ně₃ ma₂cuě₃ a₂le₃cuí₅ dsa₂ i₂lě₅ 'í₁† quián₅. 27 Ja₁con₂ dsa₂ quián₅ 'éi₂ bá₄ ca₂rē₃'ñi₃ dsí₅ Diú₄ ca₂jmo₃ a₂le₃cuí₅ dsi₂nau₂ 'e₂ jaun₂ a₂jlá₁ lín₃ já_g₁ a₂jme₁rē₂'ma₄ jaun₂; co₂'nió₄ le₃jua₅₄, 'en₅₄ bá₄ Cristo jě₄ quián₂ 'nia₂, 'éi₂ bá₄ lín₅ i₂'ín₂ 'au₂ ja₁dse₃ ja₁jlá₁ a₂guéi₁ 'nia₂. 28 Jnia₅₄ ně₃ qui₂'ě₅ já_g₁ a₂'ín₅ 'éi₂, le₂jan₂ le₂jan₂ dsa₂ qui₂tioin₂ jnia₅₄ já_g₁, le₂jan₂ le₂jan₂ bá₄ dsa₂ qui₂jme₂tiin₁ ia₁jaun₂ le₃ñí₂, ia₁jaun₂ lé₂ jme₁jnia₅ jnia₅₄ le₂jan₂ le₂jan₂ dsa₂ a₂ma₂lín₅ dsa₂ ma₂ron₂ le₃quió₅ Cristo. 29 'Uig₅₄ jaun₂ bá₄ ně₃, jmo₅ jniá₂ ta₁, quín₅ jniá₂ bí₂ lia₂ con₂ lě₅ ta₁ bēn₂ a₂jmo₅ 'éi₂ ja₁cong₂.

2

1 Ia₁ 'nio₃ jniá₂ jui₁le₃ñi₅₄ 'nia₂ 'a₂ lia₂ ñí₄ lě₃ quian₅₄ ta₁ a₂quíng₅ bí₂ o₄quián₂ 'nia₂, quian₅₄ o₄quió₄ i₂chan₂ juig₂ Laodicea, o₄quió₄ ca₂le₃jín₃ i₂tsá₃ cui₅ i₂tsá₃ já_g₂ dsi₁ne₁ ně₃. 2 Jmo₅ jniá₂ bí₂ le₂ně₅ ia₁jaun₂ qui₂le₁'ág₄ lián₂ dsí₅ 'éi₂, caun₂ 'ei₅ já_g₁ jme₁'nio₃ rñin₅₄; ia₁jaun₂ bá₄ 'io₃ a₂quen₅ lín₃ a₂le₂jaun₂ a₂caun₂ le₁'ág₄ dsí₅ ia₁ a₂qui₂ma₂'an₂ dsí₅; ton₂ ia₁jaun₂ le₃ñí₂ já_g₁ a₂rē₂'ma₄ quió₅ Diú₄. Já_g₁ jaun₂ ně₃, Cristo 'ñiog₅ bá₄ 'éi₂. * 3 Ia₁ tē₂le₃ ja₁con₂ 'éi₂ bá₄ qui₂rē₂'ma₄ jě₂ já_g₁ a₂quen₅ lín₃ a₂lé₂ le₃ñí₂ dsí₅ dsa₂, a₂lé₂ le₃ñi₅ dsa₂ ně₃. 4 A₂ně₅ juig₂ 'nia₂ ia₁jaun₂ 'i₁jan₂ tsá₃ 'ein₂ jui₁jme₂gau₅ 'nia₂ quian₅₄ já_g₁ a₂'io₂ quió₅. 5 Jaun₂ o₁jñia₅₄ la₂ tsá₃ quian₅₄ jniá₂ 'nia₂ dsi₁ne₁ 'ñi₃ dsón₂, la₁ 'eng₅₄ bá₄ quian₅₄ 'nia₂ tē₂le₃ quian₅₄ jme₂dsí₂, jmo₂₃ 'io₂, já_g₅ 'a₂ lia₂ tiong₅₄ rē₂ con₂ dsi₂ten₅₄, ton₂ tíong₂ bá₄ tiá₂ a₂'éng₂ le₃quió₅ Cristo. 6 Jaun₂ lě₃, le₂ně₅ jui₁lia₂ ca₂guen₅₄ 'nia₂ Cristo Jesús† a₂lín₅ juig₂ 'nia₂, caun₂ jui₁2nio₄ bá₄ 'nia₂ le₃quió₅ 'éi₂; 7 jui₁tē₂ton₅₄ bá₄ jmú₄ jui₅ jme₂dsí₂ quián₂ 'nia₂ tē₂le₃ quió₅ 'éi₂, jui₁qui₂dsi₂cón₃ bá₄ 'nia₂ le₃quió₅ 'éi₂ tē₂le₃ ia₁ a₂'éng₂, lia₂ con₂ lě₅ a₂ca₂rē₂tín₃ 'nia₂, a₂rē₂tsón₂ tē₂'au₂ a₂cuě₅₄ ti₁'mag₄ Diú₄.

* 1:22 lit. “dsa₂jñi₃ó₅.” † 1:26 lit. “dsa₂jñi₃ó₅.” * 2:2 A₂lín₅₄ chog₅₄ si₂: “já_g₁ a₂rē₂'ma₄ quió₅ Diú₄ Jme₂, quió₅ Cristo ně₃.” † 2:6 o₃, “Jesucristo.”

A₂le₃chan₂ dsa₂ caun₂ ju₁ 'm₁ le₃ quió' ⁵ Cristo

⁸ 'Í₁ jmo₄ 'nia'₂, ia₁ con'₂ tsá₃ ŋó₅ nē₁ca₂tág₃ dsa₂† tē₂le₃ quian'₅₄ jág₁ a₂ŋ₁nia'₅₄ ŋí'₂ dsí₅ dsa₂ mi₂güig₃, a₂jme₂gau₅, a₂tsá₃ ta₁ tí₄, lia'₂ con'₂ lē₅ tag₄ chí'₅ quió'₅ dsa₂, a₂cha₂ 'uig'₅₄ 'a₂ con'₂ ŋ₁nia'₅₄ lē₂ a₂cha₂ mi₂güig₃ la₂, on₃jua'₅₄ rē'₂ lia'₂ con'₂ lē₅ jág₁ quió'₅ Cristo. ⁹ Ia₁ ja₁con₂ Cristo bá₄ tē₁gua₁ chi₁dsáin₃ ca₂le₃jě₃ lia'₂ con'₂ lē₅ niog₅ lín₅ Diú₄. ¹⁰ Jaun₂ 'nia'₂ ně₃, ma₂le₁'ŋia'₅ 'nia'₂ le₃ quió'₅ 'éi'₂, i₂lín₅ co₂'nió'₄ mi₂dsi₄ ne₄ quió'₅ ca₂le₃jín₃ i₂gon₂, ca₂le₃jín₃ i₂jio₅ 'éi'₃ ján₃. ¹¹ Le₂jaun₂ bá₄ ján₃, ia₁ a₂quian'₅₄ 'nia'₂ Cristo, co₂'nió'₄ bá₄ ma₂qui₂rē₂u_{ing}₄ quián'₂ 'nia'₂, ma₂lē₅ léi₄. La₁ on₃jua'₅₄ rē'₂ lia'₂ lē₅ jmo₅ dsa₂ mi₂güig₃, tē₂le₃ a₂ma₂qui₂ma₂tí'₃ 'nia'₂ 'nau'₄ dso₄ lia'₂ 'ín₅ dsí₅ ni₁ŋí'₁; ma₂qui₂le₁lín'₅ 'nia'₂ léi₄ le₃ quió'₅ Cristo. ¹² Ia₁ lia'₂ con'₂ jme₁ca₂qui₂ca₂jŋó'₂ 'nia'₂ jmig₂, § nē₂jag₄ bá₄ ca₂i₃on'₃ 'nia'₂ co₂lē₅ quian'₅₄ Cristo, ján₃ guē'₂ le₂jaun₂ ca₂jen'₅₄ 'nia'₂ co₂lē₅ quian'₅₄ 'éi'₂, ia₁ ca₂rē₃'én'₂ 'nia'₂ ju₁i₅bí₂ quió'₅ Diú₄ a₂ca₂jme₃jein'₅₄ ja₁jme₁rē₂'lín₅₄. ¹³ Lia'₂ con'₂ jme₁rē₂'lín'₄ 'nia'₂ le₃ quió'₅ jme₂dsí₂, jme₁qui₂le₁cán'₂ jme₁qui₂le₁quian'₄ 'nia'₂ dsáu'₂, nē₂jag₄ bá₄ a₂tsá₃ jme₁rē₂u_{ing}₄ lo'₄ 'nia'₂ jme₁chang'₂; la₁ Diú₄ ně₃ ma₂to'₂ táng₃ jme₂dsí₂ 'nia'₂ co₂lē₅ quian'₅₄ Cristo, qui₂ca₂'éin₂ bá₄ jē₂ dsáu'₂ 'nia'₂. ¹⁴ Co₂dsia₅ ca₂'éin₂ bá₄ jág₁ a₂jme₁chi₁ton₅ ne₄ si₂ a₂jme₁ron₅ a₂jme₁juá'₂ a₂jme₁rag₂ jniog₄, Si₂ 'Éi'₃ jaun₂ a₂jme₁'liog'₅ jniog₄; ma₂ca₂ŋiá'₂ cau₅ co₂ŋei'₅₄, nē₂jag₄ bá₄ a₂ca₂i₃ba₅₄ mi₂ŋí₁ si₂ jaun₂ dso'₂ cróg₄. ¹⁵ Le₂nē₅ co₂dsia₅ ca₂chein'₃ 'u_{in}₃ jme₂dsí₂ i₂jme₁gon₂, i₂jme₁jio₅ 'éi'₃ ně₃, jaun₂ ca₂jio₃ cha₂ juíg₃ tē₃ jág₅ ca₂le₃jín₃ dsa₂, jme₁ca₂tió'₃ ca₂tian'₃ 'éi'₂ jág₁, ne₄ cróg₄.*

'Nio'₂ 'nia'₂ a₂cha₂ le₃ quió'₅ guei'₅₄ i₂juíg₃

¹⁶ Jaun₂ lē₃, 'i₁jan₂ tsá₃ 'ein₂ qui₂o₁'ag₅₄ 'nia'₂ o₄ quió'₄ 'e₂ má₃ qué'₂, o₃ ju₁lia'₂ 'e₂ qui₂'ág'₂ 'nia'₂, o₃ quian'₅₄ ju₁lia'₂ jmig₄ jme₁niog₅ jmig₄, o₃ ju₁lia'₂ jmig₄ tsi'₂ 'io'₅₄, † o₃ ju₁lia'₂ jmig₄ sa₅₄ ně₃. ¹⁷ Ca₂le₃jě₃ a₂nē₅, lē₅ co₂'nió'₄ caun₂ 'én'₁ quió'₅ a₂'i₄ 'éi'₃ jiá₃ bá₄ jaun₂, la₁ia₁ ju₁lia'₂ a₂tí₅ tē₃dsón'₂, Cristo bá₄ 'éi'₂. ¹⁸ Tsá₃ cuē₂ 'nia'₂ jmig₄ jua'₅₄ 'liog'₃ dsa₂ cau₅ 'nia'₂, ju₁lia'₂ dsa₂ i₂jmo₅ a₂lín₅ mei'₂, ton'₂ jme₂juin'₂ ángeles ně₃. Qui₂tián₂ 'ŋio₅ lín₃ a₂cha₂ tē₅ ne₅₄ a₂lē₁qui₂jág₅, † 'ŋio₅ jme₂cain'₅₄ jmo₂₃ róin₂ a₂qui₂ŋí'₂ dsí₅ guioin₅₄. ¹⁹ Dsa₂ i₂le₂'éi'₂ ně₃, tsá₃ chi₁chain'₅ le₃ quió'₅ Cristo, i₂lín₅ mi₂dsi₄ i₂jme₂tau₅₄ ca₂le₃jě₃ ja₁qui₂le₁tion'₅₄ quió'₅, jmo₂₃ qui₂dsi₂cón₃ ta₁caun₂ ni₁ŋí₁₂, lia'₂ con'₂ lē₅ 'ŋio₂ dsí₅ Diú₄.

²⁰ Chi₂jua'₂ jaun₂ ma₂dsan'₃ bá₄ 'nia'₂ quian'₅₄ Cristo, ja₁con₂ jág₁ le₂'uig'₅₄ lia'₂ ŋí'₂ dsí₅ dsa₂ mi₂güig₃, ¿'e₂ guē'₂ 'uig'₅₄ lē₃ ně₃, qui₂tián'₅ guē'₄ 'nia'₂ 'éi'₃ nē₂jag₄ a₂lín'₅ bá₄ guē'₄ 'nia'₂ dsa₂ mi₂güig₃? ²¹ Co₂'nió'₄ a₂juá'₂ 'éi'₃: “Tsá₃ i₂tí₅ gog'₂, tsá₃ i₂quē'₂ má₃ ó₃, tsá₃ i₂jmá'₂ a₂ó₃ ně₃.” ²² Ta₁jē₂ bá₄ a₂nē₅ dsiá₃ ju₁lia'₂ jē₁jmó'₂ ta₁. Tē₂le₃ ia₁ con'₂ lē₅ 'éi'₃ a₂jme₂tag₅ dsa₂ mi₂güig₃ bá₄ jaun₂. ²³ Jág₁ a₂le₃ŋí'₂ dsí₅, jág₁ le₂nē₅, lé₂ le₃lín₂ dsa₂, ia₁ qui₂chi₂quióng₂ jmig₄ 'ŋio₅ lín₃ a₂jmo₃ dsa₂ a₂ŋí₄ cui_{in}₂₃ Diú₄, a₂qui₂jmo₂₃ mei'₂, a₂qui₂cuē'₅ uig₅ ni₁ŋí₁₂ ně₃; la₁ 'i₁ca₂juig₄ tsá₃ 'e₂ ta₁ jmo₃ jua'₅₄ quian'₅₄ a₂nē₅ lé₂ le₃guia'₃ dsa₂ cau₅ a₂'ág'₄ dsí₅ a₂mi₅ ni₁ŋí₁₂.

3

¹ Le₂nē₅ bá₄ jaun₂, ia₁ a₂ma₂ca₂jen'₅₄ guē'₂ 'nia'₂ quian'₅₄ Cristo, 'nio'₂ 'nia'₂ jaun₂ a₂lē₅ le₃ quió'₅ guei'₅₄ i₂juíg₃, ja₁guá₄ Cristo tē₂le₃ gu₂ ne₁ quió'₅ Diú₄. ² Jmo₄ bá₄ 'nia'₂ 'i₅ 'au'₂ a₂ca₂tín₂ guei'₅₄ i₂juíg₃, on₃jua'₅₄ rē'₂ a₂ca₂tín₂ ne₄ gua'₅₄ 'uē₃.

† 2:8 o₃, “nē₁ca₂'ang₃ a₂'én'₂ 'nia'₂.” § 2:12 lit. “lia'₂ con'₂ jme₁ca₂i₃tian'₃ 'nia'₂ jmig₂.” * 2:15 'Nio'₂ ja₁ton₅ Efesios 4:8. † 2:16 lit. “tsi'₂ guen₂.” † 2:18 A₂lín₅₄ chog₅₄ si₂juá'₂: “qui₂tián₂ 'ŋio₅ lín₃ ju₁lia'₂ a₂tsá₃, ma₂jág₃.”

³Ia₁ ma₂dsan' ₃ bá 'nia' ₂, jaun₂ ma₂rë' ma₄ a₂chan' 'nia' ₂ quian' ₅₄ Cristo ja₁ con₂ Diú₄. ⁴Jë₁ ma₂të₂ rë₁ jme₃ jnia₅ Cristo në₃, i₂lín₅ i₂jmo₅ a₂chong₂ jniog₄, jaun₂ në₃, já_{n3} guë' ₂ le₂jaun₂ 'nia' ₂ le₃jniág' ₂ co₂lë₅ quian' ₅₄ jë₄ co₂tág₅ co₂'né' ₅ quió' ₅.

Jui₅ gui' ₅₄, quian' ₅₄ jui' ₅ mí₂

⁵Jaun₂ lë₃, co₂dsia₅ jmo₄ 'nia' ₂ ju₁dsian₂ gog' ₂-tag' ₅₄ a₂jmo₅-dsá_{u5} ju₁lia' ₂ a₂lë₂ gua' ₅₄ 'uë₃ la₂: ju₁lia' ₂ a₂nió' ₅ dsa₂ já_{g1} a₂tsá₃ dsi₂ten₅₄ nió' ₃; ju₁lia' ₂ a₂jmo₅ dsa₂ cosa lë' ₁iog₅, ju₁lia' ₂ a₂'ín₅ dsí₅ cosa 'lig' ₅₄, ju₁lia' ₂ a₂'ín₅ dsí₅ dsa₂ jme₃ 'ñi₁ó' ₃ a₂ca₂tín₂ i₂sián' ₂. Ia₁ a₂co₂jaun₂ bá₄ në₅ ju₁lia' ₂ a₂jme₂gan₃ dsa₂ diú₄ lag₄. ⁶Ia₁ 'uig' ₅₄ quió' ₄ a₂le₂në₅ bá₄ já₅ uig' ₅₄ gau₂ a₂'ë₂ Diú₄ ne₄ quió' ₅ jaun₅ dsa₂ i₂tsá₃ ne' ₅₄. *
⁷Jui₅ le₂në₅ jme₁nio' ₄ 'nia' ₂ lia' ₂ lë₅ jme₁chan' ₂ 'nia' ₂ le₂jniá₅. ⁸La₁ rë₂në₃ në₃, tí₃ ca₂le₃jë₃ a₂le₂në₅: ju₁lia' ₂ a₂'i₄ 'nei₂ 'au' ₂ 'nia' ₂, ju₁lia' ₂ a₂lë₁qui₂rë₂'neg' ₂, ju₁lia' ₂ a₂'lig' ₅₄ a₂qui₂dsi₂jnia₅ 'au' ₂ 'nia' ₂, ju₁lia' ₂ a₂'ín₅ 'nia' ₂ uig' ₅₄ ríng' ₂, ju₁lia' ₂ já_{g1} ga₂ a₂'uë₂ mí₂ 'o' ₅₄. ⁹Tsá₃ ma₃dsia₂ 'nia' ₂ já_{g1} tē₂jág₁ quian' ₅₄ rín' ₂ 'nia' ₂ le₂jang' ₂ le₂jang' ₂, ia₁ ma₂dsian' ₅₄ 'nia' ₂ cau₅ dsa₂ 'ón₅ 'a₂ lia' ₂ jme₁lín' ₄ 'nia' ₂ le₂jniá₅, quian' ₅₄ guë₄ ca₂le₃jë₃ a₂jme₁jmo₅-dsá_{u5}, ¹⁰co₂'nió' ₄ ma₂ca₂qui' ₂ táng₃ 'nia' ₂ caun₂ a₂'mí₂, co₂'nió' ₄ a₂lín₅ dsa₂ 'mí₂; a₂caun₂ qui₂rë₂'mag' ₂ 'nia' ₂, ia₁jaun₂ dsi₁nóg' ₅ ja₁le₃cuin' ₂ 'nia' ₂ dse₃ lín₃ Diú₄, ja₁le₃lén' ₂ 'nia' ₂ lia' ₂ lín₅ 'éi' ₂ca₂jmo' ₂ 'nia' ₂. ¹¹Ja₁jaun₂ tsá₃ 'ein₂ jmo₅ jma₃quén₅ ju₁lia' ₂ dsi₂nau₂ o₃ dsa₂ judíos 'e₂, ju₁lia' ₂ dsa₂ i₂rë₂uín₄ o₃ tsá₃ rë₂uín₄ quió' ₅ 'e₂, ju₁lia' ₂ dsa₂ i₂chan₂ uín₂, o₃ i₂chan₂ má' ₂ 'e₂, ju₁lia' ₂ dsa₂ i₂jme₂ti₃ ta₁ ne₄ juig' ₅₄, o₃ i₂tsá₃ 'ein₂ ne₄ jme₂ti₃; la₁ Cristo bá₄ quen₅ ne₄ ca₂le₃jë₃, ton' ₂ 'ein' ₅₄ ja₁con₂ ca₂le₃jín₃.

¹²Jaun₂ lë₃, rín' ₅₄ jniog₄, ju₁lia' ₂ ca₂tín₂ jmo₃ dsa₂ i₂ma₂qui₁ón' ₂ Diú₄, i₂ma₂lë₅ 'í₁ quiáin₅, i₂ñí₄ lë₃ 'nioi₃ 'éi₂: qui' ₂ 'nia' ₂ a₂rë₂lín₅ a₂ñéi₂ 'au' ₂, a₂'ua₁ 'au' ₂, a₂jmo' ₂ meg' ₂, a₂jme₁gan' ₃ 'nia' ₂ ríng' ₂, a₂juin' ₂ 'au' ₂ 'nia' ₂ në₃. ¹³Jmo₄ 'nia' ₂ tió' ₃ 'au' ₂ quian' ₅₄ ríng' ₂ le₂jang' ₂ le₂jang' ₂, ton' ₂ 'én₃ 'nia' ₂ dsá_{u1} ríng' ₂, në₁jua' ₂ chan₂ i₂dsia₅ dsá_{u1} rín' ₅₄. Ju₁lia' ₂ ca₂'én₂ Te₁gui' ₅₄ dsá_{u2} 'nia' ₂ guiong' ₅₄, le₂jaun₂ jmo₄ 'nia' ₂ já_{n3}. ¹⁴A₂dsen₅₄ guë₄ jë₄ ca₂le₃jë₃, qui' ₂ 'nia' ₂ quian' ₅₄ a₂jme₁'nió' ₄ 'nia' ₂ ríng' ₂, † a₂në₅ bá₄ jmo₃ 'ag₃ co₂dsia₅ caun₂ já_{g1} 'nia' ₂. ¹⁵Ju₁le₂gon₂ tē₂'au' ₂ 'nia' ₂ a₂'ei₅ tei₄ quió' ₅ Cristo, ‡ ia₁ ta₁ jaun₂ ma₂qui₂rë₂té₄ 'nia' ₂ a₂lén' ₂ caun₂ bá₄ ñí₅. Jaun₂ jmo₄ 'nia' ₂ 'au' ₂ cuë' ₅₄ ti₁'mag' ₄. ¹⁶Ju₁tē₂gua₄ tē₂'au' ₂ 'nia' ₂ lia' ₂ rë₂tsón₂ já_{g1} dse₃ quió' ₅ Cristo; quian' ₅₄ ca₂le₃jë₃ a₂ñí₂ dsí₅ Diú₄, jë₁jme₂tín' ₂ 'nia' ₂ ríng' ₂, jë₁qui₂ton' ₂ 'nia' ₂ já_{g1} ríng' ₂ tē₂le₃ quian' ₅₄ salmos, himnos, son₅₄ a₂gu₂dsí₂ në₃, a₂qui₁'ë' ₂ 'nia' ₂ a₂cuë' ₅₄ ti₁'mag' ₄ Diú₄ jui₅ tē₂'au' ₂ 'nia' ₂. ¹⁷Ju₁'e₂ guë₃ a₂jmo' ₂, o₃ 'e₂ já_{g1} dsiá' ₁ 'nia' ₂, jmo₄ 'nia' ₂ ca₂le₃jë₃ o₄quió' ₄ Te₁gui' ₅₄ Jesús, qui₁cuë' ₅₄ 'nia' ₂ ti₁'mag' ₄ Diú₄ Jme₂jniog₄ le₃quió' ₅ 'éi₂.

A₂ca₂tín₂ dsa₂ quián₅ Cristo jmo₃ quian' ₅₄ rín' ₅₄

¹⁸'Nia' ₂ dsa₂ mí₂ i₂chan₂ dsi₂i₂gu₂, tión' ₂ 'nia' ₂ 'éi' ₃ quió' ₅ dsa₂ ñe' ₂ quiáng' ₂, ju₁lia' ₂ dsi₂ten₅₄ ia₁ lín₅ dsa₂ 'én₂ le₃quió' ₅ Te₁gui' ₅₄. ¹⁹'Nia' ₂ guë' ₂ dsa₂ ñe' ₂ i₂chan₂ dsa₂ mí₂ quián₅, jme₁'nió' ₄ 'nia' ₂ dsa₂ mí₂ quiáng' ₂, tsá₃ jmo' ₂ 'nia' ₂ 'ua' ₂ 'au' ₂ ja₁coin₂. ²⁰'Nia' ₂ chi' ₂-guein₂, nei₂ 'nia' ₂ gau₂ já_{g1} quió' ₅ chog' ₂-ñéi' ₅ jë₄ le₃jë₃, ia₁ a₂në₅ bá₄ tē₅ dsí₅ Te₁gui' ₅₄. ²¹'Nia' ₂ guë' ₂ në₃, jmei₂ chi' ₂, tsá₃ tó' ₂ 'nia' ₂ 'nei₂ dsí₅ chi' ₂-guein₂ quián' ₂ 'nia' ₂, ia₁jaun₂ tsá₃ jén₂ dsí₅. ²²'Nia' ₂ dsa₂ i₂jme₂ti₃ ne₄ dsa₂, jme₁ti₁ 'nia' ₂ ca₂le₃jë₃ 'e₂ ta₁ ti₂néi' ₂ juig' ₂ i₂lín₅ juig' ₂ tē₂le₃ ne₄ gua' ₅₄ 'uë₃ la₂, on₃jua' ₅₄ jmá' ₃ jme₁jág₅ ia₁jaun₂ tē₃tsin' ₅₄ 'nia' ₂ dse₃ quian' ₅₄,

* **3:6** A₂lín₅₄ chog₅₄ si₂ tsá₃ chi₁ton₅ já_{g1}: “ne₄ quió' ₅ jaun₅ dsa₂ i₂tsá₃ ne' ₅₄.” † **3:14** 'Nio' ₂ ja₁ton₅ 1 Corintios 13:13. ‡ **3:15** o₃, “quió' ₅ Diú₄.”

la₁ jmo₄ bá₄ jui₅ të₂'au'₂ a₂tí₅ të₃dsón'₂, ia₁ të₂le₃ a₂gang'₃ Te₁gui'₅₄. ²³ Jui₁'e₂ gué₃ caun₂ a₂jmó'₂ 'nia'₂, jmo₄ 'nia'₂ a₂'ñio₂ 'au'₂ co₂'nió'₄ a₂jmo'₂ ta₁ le₃quió'₅ Te₁gui'₅₄, on₃jua'₅₄ le₃quió'₅ dsa₂. ²⁴ Ia₁ ma₂ñi'₅₄ bá₄ 'nia'₂, Te₁gui'₅₄ bá₄ cuë₃ 'liang'₅₄ a₂ma₂lě₅ jág₁ ca₂tíng'₂. Ia₁ ne₄ Te₁gui'₅₄ Cristo jme₂tí'₁ 'nia'₂ ta₁. ²⁵ La₁ jui₁lia'₂ i₂jmo₅-dsáu₅ a₂'lig'₅₄, gue₃ bá₄ 'liain'₅₄ lia'₂ con'₂ lě₅ 'lig'₅₄ a₂jmo₂₃. Ia₁ tsá₃ jma₃quén₅ jín₂ Diú₄ le₂jan₂ le₂jan₂ dsa₂.

4

¹ 'Nia'₂ dsa₂ i₂lín'₅ juig₅₄ quián₅ dsa₂, ca₂tín'₂ 'nia'₂ jmó'₂ lia'₂ con'₂ dsi₂ten₅₄, 'i'₅₄ jág₁ 'nia'₂ quiang'₅₄ dsa₂ i₂qui₂jme₂ti₃ ne'₅₄. Ju₁dsiog'₂ bá₄ 'au'₂ 'nia'₂ a₂chan₂jan₂ Juig'₂ 'nia'₂ ján₃ i₂guá₅ guei'₅₄ i₂juí₃.

² Caun₂ chi₂len'₄ 'nia'₂ Diú₄ a₂léi₄ rě₂jnio₄ ne'₅₄ 'nia'₂, cuë'₅₄ ti₁'mag'₄. ³ Mi₄ 'nia'₂ ne₄ Diú₄ o₄quián₂ jnia'₅₄ ján₃, ia₁jaun₂ bá₄ cuë₃ Te₁gui'₅₄ jui₅ rě₂na₄ jnia'₅₄ ia₁jaun₂ lé₂ le₃qui₁'ě₄ jág₁ dse₃ a₂qui₁chei₅₄ jnia'₅₄ dsa₂ jág₁ a₂rě₂'ma₄ quió'₅ Cristo; 'uig₅₄ jág₁ nē₅ bá₄ 'eng₅₄ rě₂jníg₅. ⁴ Chi₂len'₄ 'nia'₂ Diú₄ ia₁jaun₂ lé₂ le₃'ě₄ lia'₂ qui₂rě₂jiá₃ jág₁ lia'₂ con'₂ dsi₂ten₅₄ jmo₅₄.

⁵ Tián'₂ 'nia'₂ 'en₅₄ 'au'₂ jmo₄ quian'₅₄ jui₁lia'₂ dsa₂ i₂tsá₃ 'én₂, 'ñio'₄ 'nia'₂ jmo₄ a₂dse₃ jě₁cuin₅ jmig₄. ⁶ Jág₁ a₂dsia'₂ 'nia'₂ co₂tan₅₄ bá₄ ca₂tín'₂ 'nia'₂ dsiá'₁ a₂'ua₁ 'au'₂, jág₁ a₂'ñio₂ dsi₅ a₂ja₂ mi₂juig₂. Ca₂tín'₂ 'nia'₂ ján₃ le₃ñi'₅₄ 'a₂ lia'₂ qui₁jein'₄ jág₁ ja₁con₂ le₂jan₂ le₂jan₂ dsa₂.

Cuag₂₃ Diú₄ jě₁ca₂tó'₂

⁷ Tíquico rin'₅₄ jniog₄ i₂'nióg₃ gué₄ lín₃, i₂ma₂já₅ jme₂'o₅₄ qui₂rě₂ti'₅₄, jme₂ti₃ quian'₅₄ jniá₂ ne₄ Te₁gui'₅₄, 'éi₂ bá₄ dsia₃ ca₂le₃jě₃ 'a₂ lia'₂ lě₅ chang₂. ⁸ Uig₅₄ jaun₂ tsín₂ jniá₂ ja₁con'₂ 'nia'₂ ia₁jaun₂ dsia₃ 'a₂ lia'₂ chong₂ jnia'₅₄ ja₁lá₃, ton'₂ ia₁jaun₂ cué'₃ 'nia'₂ lián'₂; ⁹ quian'₅₄ Onésimo nē₃, jan₂ rin'₅₄ jniog₄ i₂rě₂ti'₅₄, i₂lín₅ jan₂ i₂quian'₄ 'nia'₂: i₂nē₅ bá₄ dsia₃ ca₂le₃jě₃ 'e₂ niog₅ lě₂ ja₁lá₃.

¹⁰ Aristarco, i₂quiong'₅₄ jniá₂ né₃ má₃, dsiáin'₂ jág₁ a₂cuin₂₃ Diú₄ 'nia'₂, ján₃ bá₄ le₂jaun₂ Marcos, i₂lín₅ chi'₂ rin'₅₄ * Bernabé. Tě₂le₃ quió'₅ Marcos 'éi₂ nē₃, ma₂gue'₅₄ bá₄ 'nia'₂ jág₁ 'a₂ lia'₂ jmó'₂; nē₁jua'₂ ca₂dsióg₃ dsi₁jín₁₂ 'nia'₂, guein₅₄ bá₄ 'nia'₂ dse₃. ¹¹ Ján₃ bá₄ cuag₅ Diú₄ i₂chen₂ Jesús i₂tě'₂ dsa₂ Justo ján₃. Jnia'₅₄ lia'₂ i₂nē₅ bá₄ lín₅ i₂ún₂ tan₅₄ i₂rě₂uñg₄ quió'₅, i₂jmo₅ ta₁ quian'₅₄ jniá₂ o₄quió'₄ ja₁gon₂ Diú₄, i₂ma₂ja₂lén₂ jmo₅ lián'₂ dsi₃. ¹² Epafras nē₃ jan₂ i₂lín₅ rín'₂ 'nia'₂, dsiáin'₂ jág₁ a₂cuin₂₃ Diú₄ 'nia'₂, jan₂ rin'₅₄ i₂jme₂ti₃ ne₄ Cristo Jesús. Co₂tan₅₄ bá₄ chi₂lén'₂ 'éi₂ Diú₄ 'ñio₅ lín₃ o₄quián'₂ 'nia'₂, ia₁jaun₂ tón'₂ 'nia'₂ rě₂'ñiag'₅, 'ei₅ caun₂ jág₁ 'nia'₂ jě₄ ca₂le₃jě₃ 'a₂ lia'₂ 'ñio₂ dsi₅ Diú₄. ¹³ Lé₂ jáng'₄ jniá₂ jág₁ dsau₅ 'a₂ lia'₂ ma₂já₅ 'éi₂ dsan₂ dsi₅ 'nia'₂, ján₃ bá₄ le₂jaun₂ o₄quió'₄ i₂tián'₅ juig₂ Laodicea quian'₅₄ gué'₂ i₂tián'₅ Hierápolis ján₃. ¹⁴ Lucas, i₂lín₅ të₅mí₅ i₂'nió₄ gué₄ lín₃, cuin₂₃ Diú₄ 'nia'₂; ján₃ gué'₂ le₂jaun₂ i₂tě'₂ Demas. ¹⁵ Cuin₅₄ 'nia'₂ Diú₄ rín'₅₄ i₂tián'₅ juig₂ Laodicea. Cuin₅₄ 'nia'₂ Diú₄ ján₃ 'io₅₄ Ninfas, quian'₅₄ co₂nió'₃ guá'₅ i₂ñi'₂ dsi₂néi₂ quió'₅ nē₃. ¹⁶ Jě₁ma₂ca₂'í'₂ 'nia'₂ si₂ la₂ jě₄ quián'₂ 'nia'₂, jaun₂ tsing'₅₄ 'nia'₂ guá'₅ chan₂ Laodicea ia₁jaun₂ 'i₃ táng₃ rín'₅₄ jniog₄ ja₁jaun₂; ton'₂ ján₃ gué'₂ 'í'₂ 'nia'₂ si₂ a₂ca₂dsióg₃ ne₄ i₂chan₂ Laodicea. ¹⁷ A₂la₂ chei'₅₄ Arquipo: "Tion'₂ ne₂ jui₅ ta₁ a₂ma₂gue'₅₄ a₂ma₂dsia₃ Te₁gui'₅₄ gog'₂, a₂jme₂ti'₄ rě₂."

¹⁸ Jniá₂ Pa₄, cúng₅ Diú₄ 'nia'₂ quian'₅₄ letra quió₃ 'ñió₃. † Ju₁dsiog'₂ bá₄ 'au'₂ 'nia'₂ a₂'eng₅₄ rě₂jníg₅. Ju₁jme₂gu'₅₄ bá₄ Diú₄ 'nia'₂. Co₂ně₅.

* **4:10** o₃, "primo." † **4:18** 'Nio'₂ ja₁ton₅ 1 Corintios 16:21; Gálatas 6:11; 2 Tesalonicenses 3:17; Filemón 19.

Si₂ carta le₂'uig₅₄ a ca₂jmo₃ San Pablo ne₄ dsa₂ TESALONICENSES

Pablo quiain'₅₄ riin'₅₄ jmo₂₃ si₂ a₂chein₃ ne₄ Guá'₅ i₂chan₂ juig₂ Tesalónica

¹ Jniá₂ Pa₄, quian'₅₄ Silvano,* Timoteo ně₃, jmo₂₃ si₂ la₂ a₂dsiang'₅₄ ne₄ dsa₂ i₂ma₂'én₂ le₃quió'₅ Jesús, i₂chan₂ juig₂ Tesalónica, dsa₂ i₂'ei₅ caun₂ jág₁ quian'₅₄ Diú₄, quian'₅₄ Te₁gui'₅₄ Jesucristo ně₃. Jui₁jme₂gu'₅₄ Diú₄ 'nia'₂. Jui₁'ei₅ bá₄ tei₄ tion'₅₄ 'nia'₂ quian'₅₄ 'éi'₃ quió'₅ Diú₄ Jmei₂ jniog₄, quian'₅₄ 'éi'₃ quió'₅ Te₁gui'₅₄ Jesucristo ně₃.

Cha₂ léi₄ ja₁con₂ dsa₂ chan₂ Tesalónica ia₁ a₂'éin₂

² Ca₂le₃jě₃ jmig₄ bá₄ cuě₂ jnia'₅₄ ti₁'mag'₄ Diú₄ o₄quián'₂ 'nia'₂ ca₂le₃jíng'₃. Jě₁ma₂tě₂ rě₁chi₁len'₄ jnia'₅₄ Diú₄, dsau'₂ bá₄ dsi₅ jnia'₅₄ 'nia'₂. ³ Dsau'₂ bá₄ dsi₅ jnia'₅₄ 'nia'₂ ne₄ Diú₄ Jmei₂ jniog₄, ia₁ 'ñio₅ lín₃ ma₂jmo'₅₄ 'nia'₂ ta₁ cha₂ léi₄ ja₁con'₂ 'nia'₂ ia₁ 'éng'₂, ia₁ 'ñio₅ lín₃ jme₂ti'₅₄ 'nia'₂ ta₁ ne₄ Te₁gui'₅₄ 'uig₅₄ ia₁ a₂'niói'₃ 'nia'₂. Jaun₂ caun₂ bá₄ le₁'ág₄ 'au'₂ 'nia'₂ a₂'ín₂ 'au'₂ le₃quió'₅ Te₁gui'₅₄ Jesucristo quián₂ jniog₄. ⁴ Rin'₅₄ jniog₄, 'nio₃ bá₄ Diú₄ 'nia'₂, ne₄ bá₄ jnia'₅₄ a₂ma₂quióin'₂ 'nia'₂. ⁵ Lia'₂ con'₂ jme₁ca₂jme₁tin₅ jnia'₅₄ 'nia'₂ jág₁ dse₃, on₃jua'₅₄ jmá'₃ quian'₅₄ jág₁ jaun₂ jme₁né₄. Ia₁ jme₁quian'₅₄ bá₄ jui₅bí₂ quió'₅ Jme₂dsí₂ Jñió₅ ján₃, ca₂'ě₄ jág₁ dse₃ la₂ jin'₄ 'nia'₂. Jaun₂ caun₂ bá₄ 'ei₅ dsi₅ jnia'₅₄ ia₁ Jme₂dsí₂ Jñió₅ bá₄ jmo₃ jme₃'uá₂ 'au'₂ 'nia'₂ a₂le₃'éng'₂. Nj'₅₄ bá₄ 'nia'₂ dse₃ 'a₂lia'₂ ca₂tió'₄ jnia'₅₄ jin'₄ 'nia'₂ a₂dse₃ quián'₂ bá₄ 'nia'₂ jaun₂.

⁶ 'Nia'₂ ně₃, ca₂quian'₂ 'nia'₂ jui₅ a₂ca₂quián₁ jnia'₅₄, a₂ca₂can₃ Te₁gui'₅₄ ně₃. Ca₂gue'₅₄ bá₄ 'nia'₂ a₂'ñio₂ 'au'₂ jág₁ dse₃. Chan'₂ bá₄ 'nia'₂ o₂'ñió₃ o₂jñia₃ 'au'₂ a₂jmo₅ Jme₂dsí₂ quián₅ Diú₄, tsá₃ a₂nag₅₄ jaun₂ ca₂quín₂ a₂ca₂lñí'₂ 'nia'₂ uig₅ 'ñio₅ lín₃ 'uig₅₄ jág₁ dse₃. ⁷ Jaun₂ le₂ně₅ bá₄ ca₂dsi₃nó'₅ 'nia'₂ ca₂cuě'₅₄ 'nia'₂ caun₂ jui₅ dse₃ jaun₂ ca₂caun₃ 'í₁ ca₂le₃jín₃ dsa₂ i₂'én₂ le₂tan₅₄ juig₂ te₁'i₁ 'uě₃ Macedonia quian'₅₄ le₂tan₅₄ 'uě₃ Acaya ně₃. ⁸ Jaun₂ le₂ně₅ ma₂ca₂'ě'₅₄ 'nia'₂ dsa₂ jág₁ dse₃ quió'₅ Te₁gui'₅₄, on₃jua'₅₄ jmá'₃ dsa₂ chan₂ Macedonia quian'₅₄ Acaya ma₂qui₂ma₂'ě'₅₄ 'nia'₂ jág₁, ia₁ ca₂le₂con₂ ja₁siá'₂ bá₄ ján₃ le₁ñi₅ dsa₂ a₂lín'₂ 'nia'₂ dsa₂ i₂'én₂ quián₅ Diú₄. Jaun₂ tsá₃ ma₃'e₂ jua'₅₄ 'nió'₅ guě₄ chei₅₄ jnia'₅₄ 'i₁caun₂ 'nia'₂. ⁹ Tě₂le₃ dsia₅ bá₄ 'éi₂ guioin₅₄ a₂ca₂guei'₅₄ 'nia'₂ dse₃ jnia'₅₄, dsia₂₃ 'a₂lia'₂ ca₂ti'₃ a₂jme₁'éng'₂ tě₂le₃ quió'₅ diú₄ lag₄, a₂ca₂rě₃'én'₂ 'nia'₂ tě₂le₃ quió'₅ Te₁gui'₅₄, ca₂jme₁ti'₄ ne₄ Diú₄ jén'₃ dsón'₂ i₂chan₂. ¹⁰ Dsia₂₃ bá₄ ján₃ 'a₂lia'₂ tion'₅₄ 'nia'₂ le₁jan'₄ a₂jñió'₂ táng₃ jui₅ guei'₅₄ i₂juíg₃ Jesús Ja₁ñi'₅₄ Diú₄ i₂ca₂jme₃jein'₅₄ jin'₄ lag₄. I₂'éi₂ bá₄ lió₂ jniog₄ ne₄ a₂'i₄ 'nei₂ dsí₅ Diú₄.

2

Ta₁ a₂ca₂jmo₃ Pablo juig₂ Tesalónica

¹ Ia₁ ñi'₅₄ bá₄ 'nia'₂ guiong'₅₄, rin'₅₄ jniog₄, tsá₃ jua'₅₄ a₂lě₁ca₂i₁náú₄ jnia'₅₄ ca₂i₁jin₁ 'nia'₂. ² Ia₁ ma₂ñi'₅₄ bá₄ 'nia'₂, tě₂le₃ ca₂jme₃'o₅₄ bá₄ Diú₄ ca₂nio₃ tiá₂ dsi₅, ca₂'ě₄ jnia'₅₄ ja₁con'₂ 'nia'₂ jág₁ dse₃ a₂lión₂ dsa₂, o₁jñia₅₄ ca₂jmóg'₂ dsa₂ ca₂tě₂ca₂'o₂ juig₂ Filipos le₂jñiá₅. ³ Ia₁ jág₁ a₂ca₂tion'₅₄ jnia'₅₄ 'nia'₂, on₃jua'₅₄ a₂já₃ 'uig₅₄ ia₁ a₂i₂gon₂ jnia'₅₄, on₃ guě'₂ o₄quió'₄ ia₁ a₂dsi₂jñia₅ dsi₅ a₂'lig'₅₄, on₃ guě'₂ jua'₅₄ ia₁ a₂jme₂gán₁ jnia'₅₄ 'nia'₂. ⁴ Tě₂le₃ ia₁ Diú₄ bá₄ ca₂caun₃ 'í₁ a₂jmo₂ jnia'₅₄, ca₂dsia₃ gu₂ jnia'₅₄ a₂qui₁'ě₄ jág₁ dse₃. Jaun₂ le₂ně₅ jui₁lia'₂ jág₁ a₂jua'₂ jnia'₅₄, on₃jua'₅₄ a₂jua'₂ ia₁jaun₂ 'ñio₂ dsí₅ dsa₂ mi₂güí₃, tě₂le₃ ia₁jaun₂ 'ñio₂ dsí₅ Diú₄

* 1:1 Lia₂ chen₂ Silvano, co₂rě₂ quian'₅₄ Silas.

bá₁ i₂ con₂ 'í₁ tē₂ dsi₅ jniog₄. ⁵ Ní₅₄ bá₄ 'nia'₂, 'i₁ cón'₂ tsá₃ jua'₅₄ ca₂ dsiá₁ jnia'₅₄ jág₁ rau₂, on₃ guē'₂ jua'₅₄ ca₂ 'má'₂ jnia'₅₄ jág₁ a₂ tsá₃ dsi₂ ten₅₄ 'má'₂ ia₁ jaun₂ lé₂ cu₄. Jág₅ bá₄ Diú₄ ca₂ le₃ jē₃ a₂ ca₂ jmó₁. ⁶ Tsá₃ a₂ jaun₂ 'niog₂ jnia'₅₄ jua'₅₄ a₂ jme₃ juag'₂ dsa₂ 'ñio₅ lín₃, on₃ guē'₂ 'nia'₂, on₃ guē'₂ dsa₂ sián'₂ ně₃, o₁ jñia'₅₄ jme₁ ca₂ tág₂ rē'₂ jnia'₅₄ jmó₁ 'éi'₃ jaun₂ ia₁ a₂ lág₅ dsa₂ i₂ chen₄ quián₅ Cristo. ⁷ Tē₂ le₃ ca₂ jmó₁ bá₄ jnia'₅₄ 'ua₁ dsi₅ ja₁ con₂ 'nia'₂, ju₁ lia'₂ lín₅ jan₂ chog₅₄ chi'₂, a₂ jme₂ cain'₅₄ chi'₂ quián₅ qui₂ jmo₂₃ 'í₁. ⁸ Jaun₂ lē₃ 'ñio₅ lín₃ ca₂ rē₃ 'nio₃ jnia'₅₄ 'nia'₂, ca₂ lia'₂ jñia'₅₄ on₃ jua'₅₄ jmá'₃ jág₁ dse₃ quió'₅ Diú₄ ně₅ ca₂ tág₂ jnia'₅₄ cuē₁, le₂ jiog₅ jme₂ dsi₂ quián₂ jnia'₅₄ 'ñio₂ dsi₅ cuē₁ ján₃. Ia₁ ma₂ dsi₂ nó'₅ 'nia'₂ léng'₂ dsa₂ i₂ 'nió₄ lín₃ quián₂ jnia'₅₄. ⁹ Jua'₂ jnia'₅₄ le₂ ně₅, rín₅₄ jniog₄, ia₁ jaun₂ dsá₂ bá₄ 'au'₂ 'nia'₂ 'a₂ lia'₂ ca₂ jmó₁ jnia'₅₄ ta₁ a₂ ca₂ lag₃ a₂ que₅₄. Lia'₂ 'uē₂ jmi₂ bá₄ qui₂ ca₂ jmó₁ jnia'₅₄ ta₁, ia₁ jaun₂ 'i₁ jan₂ 'nia'₂ tsá₃ jua'₅₄ 'ein₂ 'ñio₅ guei₂ ca₂ can₃ quian'₅₄ jnia'₅₄, tē₁ lia'₂ ca₂ tió'₄ ca₂ ě₄ jág₁ dse₃ quió'₅ Diú₄.

¹⁰ Ca₂ tē₂ bá₄ ne'₅₄ 'nia'₂, jág₅ bá₄ Diú₄ ján₃, ca₂ tió'₄ jnia'₅₄ quian'₅₄ 'nia'₂ dsa₂ i₂ 'én₂, a₂ lág₅ jnia'₅₄ dsa₂ jñió₅, dsa₂ dsen₃, i₂ tsá₃ 'ein₂ lé₂ le₃ bóg'₂ dso₄. ¹¹ Ní₅₄ bá₄ 'nia'₂ ján₃, ca₂ jmó₁ jnia'₅₄ jin'₄ 'nia'₂ ju₁ lia'₂ jmo₅ jan₂ jmei₂ dsa₂ jmái'₂ chi'₂ quián₅, qui₂ ca₂ cuē₅₄ jnia'₅₄ bí₂ 'nia'₂, ca₂ tion'₅₄ jnia'₅₄ jág₁ 'nia'₂ jaun₂ náu'₁ tiá₂ ju₁ dse₃. ¹² Jaun₂ qui₂ ma₂ chei₅₄ bá₄ jnia'₅₄ 'nia'₂ a₂ i₁ niog'₄ lia'₂ con₂ dsi₂ ten₅₄ i₂ nio₄ dsa₂ quián₅ Diú₄ i₂ tē₂ a₂ jme₁ quiain'₄ 'nia'₂ ja₁ jmo₂₃ 'éi'₃ guei'₅₄ i₂ juíg₃ ja₁ lē₄ co₂ tág₅ co₂ 'né'₅ quió'₅.

¹³ Jaun₂ lē₃, ca₂ le₃ jē₃ jmi₄ bá₄ cuē₂ jnia'₅₄ ti₁ 'mag'₄ Diú₄. Ia₁ le₂ 'uig₅₄ jme₁ ca₂ nei'₂ 'nia'₂ jág₁ dse₃ quió'₅ Diú₄ a₂ ca₂ jua'₅₄ jnia'₅₄, ca₂ gue'₅₄ bá₄ 'nia'₂ con₂ lē₅ jág₁ dse₃ quió'₅ Diú₄, on₃ jua'₅₄ con₂ lē₅ jág₁ quió'₅ dsa₂ mi₂ güíg₃. Ia₁ dsón'₂ bá₄ jág₁ dse₃ quió'₅ Diú₄ ně₅, a₂ jmo₃ lé₄ tē₂ 'au'₂ 'nia'₂ dsa₂ i₂ 'én₂. ¹⁴ Rín₅₄ jniog₄, lia'₂ con₂ ca₂ ñag'₅₄ 'nia'₂ uig₅ qui₂ ca₂ 'ein₃ dsa₂ go'₄ 'nia'₂, ca₂ i₃ ñí'₂ 'nia'₂ ju₁ lia'₂ ca₂ jmá'₂ dsa₂ guá'₅ quián₅ Diú₄ i₂ tián'₅ Judea i₂ ma₂ lín₅ quián₅ Cristo Jesús. Le₂ jaun₂ bá₄ ca₂ qui₂ co₂ 'ein₃ dsa₂ judíos dsa₂ go₅₄. ¹⁵ Dsa₂ judíos 'éi₂ bá₄ i₂ ca₂ jñi'₃ Te₁ gui₅₄ Jesús, i₂ ca₂ jme₃ dsian₅ dsa₂ i₂ chen₄ quián₅ Diú₄ ně₃. Jaun₂ ca₂ 'uág'₂ bá₄ jnia'₅₄. Tsá₃ 'nioi₃ Diú₄. 'Ñiai₅₄ bá₄ ca₂ le₃ jín₃ dsa₂. ¹⁶ Cha₂ jme₁ lín₅₄ 'niog₂ jnia'₅₄ chei₅₄ jág₁ dsi₂ nau₂, ia₁ jaun₂ lión₂ 'éi₂ ján₃. La₁ 'éi₂ bá₄ jné₅ ju₁. Jaun₂ le₂ ně₅ caun₂ dsi₂ juē'₂ bá₄ dsáu₁. Co₂ ñei₅₄ ma₂ já₅ a₂ 'i₄ 'nei₂ dsí₅ Diú₄ ja₁ coin₂.

Dsi₂ jiog₅ dsí₅ Pablo dsó₃ táng₃ ju₁ Tesalónica

¹⁷ Rín₅₄ jniog₄, lia'₂ con₂ jme₁ ca₂ tén₄ co₂ 'na₂ rín₅₄, o₁ jñia'₅₄ tsá₃ ně₅ jnia'₅₄ 'nia'₂, la₁ tion₅₄ bá₄ jme₁ dsau'₂ dsi₅ jnia'₅₄, 'ñio₅ lín₃ jme₁ 'niog₂ jnia'₅₄ dsau₅₄ táng₃ dsi₁ né₄ 'nia'₂. ¹⁸ Jaun₂ dsón'₂ bá₄ jme₁ 'niog₂ jnia'₅₄ dsau₅₄ dsi₁ jin₁ 'nia'₂. Jniá₂ Pa₄ 'lióng₂ ráun₂ jme₁ ca₂ quín₃ bí₂ a₂ nei₅₄. La₁ i₂ sē₃ dsen₃ bá₄ ca₂ jné₃ ju₁. ¹⁹ Jaun₂ ¿'e₂ jaun₂ a₂ 'ín₂ dsi₅ jnia'₅₄ chong₂, a₂ jmo₅ jnia'₅₄ 'io'₂, o₃ premio o₄ quió'₄ a₂ jmó₁ jnia'₅₄ táu'₅ jē₁ ma₂ tē₂ rē₁ guan'₂ Jesús Te₁ gui₅₄ quián₂? ¿On₁ jua'₅₄ o₄ quián'₂ 'nia'₂ bá₄? ²⁰ Uig₅₄ quián'₂ 'nia'₂ bá₄ ñí₄ 'io'₂ jein₅ jnia'₅₄; o₄ quián'₂ 'nia'₂ bá₄ jme₂ go₃ dsa₂ sián'₂ ně₃

3

¹ Jaun₂ ně₃, ia₁ tsá₃ ma₃ tián₂ jnia'₅₄, ca₂ rē₃ 'ñio₃ bá₄ dsi₅ jñia₁ guio₅₄ juig₂ Atenas. ² Jaun₂ ca₂ chen₅₄ jnia'₅₄ Timoteo rín₅₄ ca₂ i₁ jin₁₂ 'nia'₂, ia₁ i₂ ma₂ lín₅ quián₅ Diú₄ bá₄ 'éi₂, ia₁ jmo₂₃ ta₁ co₂ lē₅ quian'₅₄ jnia'₅₄ a₂ jme₂ tin₂₃ dsa₂ jág₁ dse₃ quió'₅ Cristo. Lé₂ le₃ juá'₂ 'éi₂ lia'₂ tí₅ jág₁ cuē'₃ bí₂ 'nia'₂ a₂ le₃ 'én'₂ guē₄ 'nia'₂, ³ ia₁ jaun₂ 'i₁ jan₂ 'nia'₂ tsá₃ dsi₃ lén₂ cau₅ 'uig₅₄ a₂ co₂ 'ein₅ dsa₂. Ia₁ ñi'₅₄ bá₄ 'nia'₂ guiong'₅₄, 'éi'₃ ně₅ tio'₅₄. ⁴ Lia'₂ con₂ jme₁ tio'₅₄ jnia'₅₄ quian'₅₄ 'nia'₂ le₂ jñiá₅, ca₂ jua'₅₄ jnia'₅₄ a₂ tion₅₄ niog₅ ñag₅₄ 'uig₅₄, jaun₂ le₂ jaun₂ ca₂ lē₃ ně₃, jaun₂ ma₂ ñi'₅₄

bá4 'nia'2. 5 Jaun2 lë3, ia1 tsá3 ma3tió5 'i5 dsi3, ca2tsing2 dsa2 ca2i1nag12 'a2 lia'2 lë5 ma2'én'2 'nia'2 tiong'54, ia1 con'2 tsá3 nio5 në1ca2'liog'3 i2së3dsen3 a2jmo'2 'nia'2 cosa 'lig'54. Tsá3 ma3ta1 tí4 ta1 quián2 jnia'54, jua'54 mei'2 guë3 le2jaun2.

6 La1 ma2guán'5 bá4 táng3 Timoteo juig2 Tesalónica, quion2 jág1 dse3 'én'2 bá4 'nia'2 jág1 quió'5 Diú4, 'nió'3 bá4 'nia'2 ríng'2 le2jang'2 le2jang'2. Juá'2 bá4 ján3, jmo'2 'nia'2 'io'2 a2dsau'2 'au'2 'nia'2 jnia'54 ca2le3jé3 jmig4, a2'ín5 'au'2 'nia'2 'nio5 lín3 jag'54 jnia'54, le2jaun2 bá4 jnia'54 ján3 ju1lia'2 'nia'2 'ín5 dsi5 jin4 'nia'2. 7 Jaun2 le2në5, rin'54 jniog4, të3jë4 uig5 chong2 'i5 dsi5 jnia'54, la1 ca2'ág2 lián'2 dsi5 jnia'54 jme1ca2rë3ne4 'a2 lia'2 lë5 a2'én'2 'nia'2. 8 'Io'2 jein5 jnia'54 chong2 jme1ca2rë3ne4 tión'2 bá4 'nia'2 tiá2 të2le3 quió'5 Te1gui'54. 9 Ca2lia'2 tsá3 ne4 jnia'54 'a2 lia'2 cuë54 ti1'mag'4 Diú4 con'2 dsi2ten54 o4quió'4 a2'io'2 jmo2 jnia'54 le3ne4 Diú4 quián2 o4quián'2 'nia'2. 10 Ca2le3jé3 dsi5 bá4 jnia'54 mi2lia'2 'uë2-jmi2 ne4 Diú4 a2cuë3 jmig4 dsi1jin1 'nia'2, jaun2 jme1'nia5 guë4 jnia'54 a2'nió'5 le3tin'2 guë4 'nia'2 a2le3'éng'2.

11 'Niog2 jnia'54, Diú4 Jmei2 'niog5 quian'54 Te1gui'54 Jesucristo, jme3'o54 cuë3 jmig4 dsi1nú5 dsi1jing54 'nia'2. 12 Ju1jmo54 bá4 Te1gui'54 ju1dsi2cón3 a2jme1'nió'4 guë4 'nia'2 ríng'2 le2jan'2 le2jan'2 'nia'2 quian'54 ca2le3jín3 guë4 ju1'ein2 guë3 dsa2 ju1lia'2 'nio3 jnia'54 'nia'2. 13 Ju1jmo54 bá4 Diú4 'ag3 tiá2 'au'2 'nia'2, lén'2 'nia'2 dsa2 i2ma2lë5 'í1 quiáin5 i2tsá3 ma3'e2 dsáu1 cha2 ne4 Diú4 Jmei2 jniog4 jë1ma2të2 rë1jnió'2 Te1gui'54 Jesús quian'54 ca2le3jín3 i2quiáin5.*

4

A2 lia'2 dsi2ten54 le3chan2 dsa2 con'2 'nio2 dsi5 Diú4

1 Në3 në3 rin'54 jniog4, mi2 jnia'54 ne'54 'nia'2 të2le3 o4quió'4 Te1gui'54 Jesús, a2i1nio'4 'nia'2 lia'2 con'2 'nio2 dsi5 Diú4, ju1lia'2 ca2jme1tag5 jnia'54. Le2jaun2 caun2 jmo4 'nia'2 ca2le3jé3 jmig4.

2 Ni'54 bá4 'nia'2 'a2 lia'2 lë5 jág1 ca2jme1tag5 jnia'54, 'éi'3 ca2cuë3 Te1gui'54 Jesús. 3 A2'nio3 Diú4 a2i1nio'4 'nia'2 líng'5 dsa2 i2ma2lë5 'í1 ca2ne54 i2ma2quiáin5 'niog5; 'i1jan2 tsá3 'ein2 ju1nió'4 jág1 a2tsá3 dsi2ten54 nió'3. 4 Ju1le2ni'54 'nia'2 le2jang'2 le2jang'2 'a2 lia'2 tiáng'4 quiang'54 dsa2 mí2 quiáng'2, lë5 'í1, jme1gain'3 'nia'2.* 5 On3jua'54 a2lë1qui2dsi2jein5 'au'2 'nia'2 'lig'54 ju1lia'2 jmo5 dsi2nau2 i2tsá3 Diú4 cuin5. 6 Jaun2 'i1jan2 tsá3 'ein2 ju1qui2dsi2juin54 jua'54 jme3gain23 rin'54, quian'54 'i1caun2. Ia1 Te1gui'54 bá4 jéin'3 uig5 ca2le3jé3 a2le2në5, ju1lia'2 ma2chei54 jnia'54 'nia'2 le2jniá5. 7 Ia1 on3jua'54 jaun2 ma2të5 Diú4 a2qui2dsi2jio5 dsi5 'lig'54; a2jaun2 bá4 ca2të3 a2le3chong2 jniog4 jnió5. 8 Jaun2 le2në5, ju1lia'2 i2tsá3 gue5 jág1 a2jme2tág1 jnia'54 la2, on3jua'54 dsa2 tsá3 guein23; Diú4 bá4 tsá3 guein23, i2ma2cuin3 Jme2dsi2 Jnió5 quiáin5.

9 Tsá3 'e2 tion54 'nió'5 jua'54 a2juá'4 jniá2 tó'4 ne4 si2la2, jua'54 a2juá'4 jniá2 'a2 lia'2 dsi2ten54 jme1'nió'4 'nia'2 dsa2 i2'én2 ríng'2. Ia1 ma2ca2jme3tag5 bá4 Diú4 'niog5 'a2 lia'2 jme1'nió'3 'nia'2 ríng'2 le2jang'2 le2jang'2. 10 Jaun2 le2në5 bá4 jmo'2 'nia'2 ja1con2 rín'2 'nia'2 i2'én2 i2tián'5 'uë3 Macedonia. La1 mi2 jnia'54 ja1con'2 'nia'2, rin'54 jniog4, caun2 ju1dsi2tsón3 bá4 a2'nióg'3 'nia'2 ríng'2. 11 Quen'2 'nia'2 bí2 tián'2 'nia'2 'ei5 tei4, jmo4 'nia'2 jmá'3 con'2 a2ca2tín'2 'nia'2 jmó'2 guiong'54, jmo4 'nia'2 ta1 quiáng'2 quian'54 gog'2-tag'54, ju1lia'2 qui2ma2jua'54 jnia'54 le2jniá5, 12 ia1jaun2 i1nio'4 'nia'2 caun2 ju15 a2jme3go3 dsa2 sián'2 i2tsá3 'én2, ia1jaun2 tsá3 lë5 jua'54 cha2 a2'nió'5 quián'2 'nia'2.

A2jnió'2 Te1gui'54

* 3:13 lit. "dsa2 jnió5, quiáin5." *

4:4 o3, "Ju1le2ni'54 'nia'2 le2jang'2 le2jang'2 'a2 lia'2 jme1'uang'54 ni1ni'1 guiong'54, lë5 'í1, con'2 dsi2ten54."

13 Rin'54 jniog4, tsá3 'niog2 jnia'54 jua'54 tsá3 ñi'54 'nia'2 'e2 lé2 quian'54 dsa2 'én2 i2ma2dsan3, ia1jaun2 tsá3 jmó'2 'nia'2 'lia'2 'au'2 jui1lia'2 'lia'2 dsí5 dsa2 i2tsá3 jmig4 cha2 quió'5 jua'54 tíin'4. 14 Jaun2 le2në5, jui1lia'2 'éin2 jniog4 a2ca2jon3 Jesús, a2ca2jein'54 táng3 në3, le2jaun2 bá4 'éin2 jniog4 ján3 a2jme3jen'54 Diú4 co2lë5 quian'54 Jesús dsa2 i2ca2dsan3 i2'én2 le3quió'5.

15 Jaun2 lë3 chei2 jnia'54 'nia'2 jui1lia'2 ca2jme3tag5 Te1gui'54, con'2 jniog4 i2chong2 ca2lia'2 ca2të2 jmig4 a2guan'2 Te1gui'54, 'i1jan2 tsá3 'ein2 jua'54 i2dsi3jñiá4 con'2 guë4 dsa2 i2ma2dsan3. 16 Ia1 'ñiog5 bá4 Te1gui'54 sióin3 guei'54 i2juig3 quió'3 tiá2 jmo3 'éi'3, quian'54 jág1 quió'5 ángel i2'uan'2 guë4, dsi3'ein54 ñi1 trompeta quió'5 Diú4 në3. Jaun2 guë4 ca2le3jín3 dsa2 i2'én2 le3quió'5 Cristo i2ma2dsan3, qui3jein'54 le2'ui54. 17 Jaun2 jniog4 i2chong2 guë4, i2të1'ñiá4 guë4 në3, chó'2 co2lë5 jë4 jnei5 quian'54 dsa2 i2ma2dsan3 'éi2, a2dsi2jme1jen'2 Te1gui'54 guei'54 dsi1guig2. Jaun2 le2në5 dsi1tió'4 co2tan54 quian'54 Te1gui'54. 18 Jaun2 lë3, cuë54 'nia'2 lián'2 ríng'2 quian'54 jág1 la2.

5

1 La1 tsá3 tion54 jua'54 a2juá'4 jniá2 tó'4 ne4 si2 'e2 'ió'4 'e2 jmig4 a2lé2 jaun2. 2 Jaun2 ma2le1ñi'54 bá4 'nia'2 dse3 guiong'54, jmig4 a2ñi3'2 Te1gui'54 con'2 tsá3 ján5 bá4 dsa2, jui1lia'2 ja1já4 jan2 dsa2 'ang2 caun2 'uë2. 3 Jë1ma2të2 rë1juá'2 dsa2: “Ca2le3jë3 lë5 'í1, tei4 bá4 'ei5”, të3jë4 jaun2 'én2 con'2 tiá2 ne4 quió'5 dsa2 'éi2. Lé2 jui1lia'2 ja1jén'5 'io54 i2quian5 guein2. Con'2 tsá3 rë2jain1 jë1ma2tá'2 qui'2 uig5 quió'5, tsá3 a1jaun2 a2lióin2 jua'54 a2tsá3 ñág3 jmi1uig5 jaun2. 4 La1 'nia'2 rin'54 jniog4, tsá3 tion'54 'nia'2 jë4 qui1né'3, jaun2 tsá3 lë5 jua'54 jo54 jmig4 jaun2 quián'2 'nia'2, jui1lia'2 ja1jo5 jan2 'ang2. 5 Ia1 ca2le3jín'3 bá4 'nia'2 líng'5 jaun5 quián5 ja1tág5 si2, quian'54 a2jmi2 në3. Tsá3 téi5 jniog4 a2'uë2, on3 guë'2 jë4 qui1né'3. 6 Jaun2 tsá3 'nió'5 guág3 jniog4 jui1lia'2 güin2 i2lín54. Le1jnio2 ne4 bá4 jniog4 'nió'5 jmó1, lei54, 'en54 dsi5. 7 A2'uë2 bá4 güin2 dsa2, ján3 guë'2 a2'uë2 bá4 'ín'2 dsa2 'en5. 8 La1 jniog4 në3, i2téi5 a2jmi2, 'nió'5 lei54, 'en54 dsi5. 'Nió'5 qui1jmó1 'í1 quian'54 a2'én2 quian'54 a2jme1'nió4 rin'54 në3, në2jag4 bá4 qui2rë2lió3 ñi1 le1dsi5, lë5 'í1; a2'ín2 dsi5 jniog4 a2tág'4 në3, lë5 co2'nió'4 ñi1 a2'i4 mi2dsi4 'lió2, lë5 'í1. 9 Ia1 on3jua'54 jaun2 ca2'ag3 Diú4 a2guéi1 jniog4 'nei2 a2'i4 dsí5; a2jaun2 bá4 ca2'ag3 a2lió2 jniog4 të2le3 quian'54 Te1gui'54 Jesucristo quián2. 10 O4quián2 jniog4 ca2join3 ia1jaun2 dsi1'io1 co2lë5 quian'54, të1lia'2 chong2, o3 jë1ma2dsau3 'e2.* 11 Jaun2 caun2 dsia4 'nia'2 tiá2 'au'2, cuë'54 bí2 ríng'2 le2jang'2 le2jang'2, jui1lia'2 ma2jmo'2 në5.

Ton'2 Pablo jág1 dsa2 rin'54

12 Rin'54 jniog4, mi2 jnia'54 a2jme3gang'3 dsa2 i2jmo5 ta1 jë4 quián'2 'nia'2, i2jio5 ne4 jui5 le3quió'5 Te1gui'54, i2to'2 jág1 dse3 në3. 13 Ca2tín'2 'nia'2 jme1gain'3 'ñio5 lín3, a2jme1'nió4 në3, o4quió'4 ta1 a2jmo23. Jui1'ei5 bá4 tei4 tion'54 'nia'2 le2jang'2 le2jang'2.

14 Ján3 guë'2 le2jaun2 rin'54 jniog4, jén3 'nia'2 dsa2 i2tsá3 ta1 'nio3 jmo3. Cuë'54 'nia'2 bí2 dsa2 i2tsá3 lín4 niog5 tiá2 dsí5, jme1'on1 'nia'2 dsa2 'uan54, jme1juñ'2 'nia'2 'au'2 quian'54 ca2le3jín3 ríng'2.

15 Jmo4 'nia'2 'í1, ia1jaun2 'i1jan2 tsá3 jéin'3 'lig'54 quió'5 i2jmóg'2 'lig'54. Të2le3 caun2 o2nó'5 bá4 'nia'2 jmo4 a2dse3 co2tan54 quian'54 rín'2 'nia'2 le2jang'2 le2jang'2 quian'54 guë4 ca2le3jín3 dsa2.

* 5:10 lit. “chi2jua'2 le2jnio2 ne4 jniog4, o3 le2guág3 'e2.”

16 Tián'₂ bá₄ 'nia'₂ 'io'₂ jéng'₂ co₂tan₅₄. 17 Chi₂len'₅₄ 'nia'₂ Diú₄ lia'₂ tsá₃ 'na₂. 18 Cuē'₅₄ 'nia'₂ ti₁'mag'₄ Diú₄ ne₄ ca₂le₃jě₃, ia₁ a₂nē₅ bá₄ 'ŋio₂ dsí₅ Diú₄ tē₂le₃ quián'₂ 'nia'₂ o₄quió'₄ Cristo Jesús.

19 Tsá₃ lē₁ag₂ 'nia'₂ si₂ quió'₅ Jme₂dsí₂ Jñio₅. 20 Nē₁jua'₂ 'ein₂ 'ě₂ jág₁ a₂guéí'₅ quió'₅ Diú₄, tsá₃ lē₁jmo₂ 'nia'₂ jua'₅₄ a₂tsá₃ jeng'₅₄. 21 Quion₂ de'₂ 'nia'₂ 'í₁ ca₂le₃jě₃ a₂nē₅, jaun₂ chan'₂ bá₄ 'nia'₂ jmá'₃ a₂dse₃. 22 Co₂dsia₅ jmo₄ 'nia'₂ cau₅ ca₂le₃jě₃ ne₅₄ a₂'lig'₅₄.

23 'Nio₅ Diú₄ i₂jmo₅ 'ei₅ tei₄, jui₁jmo₁₂ a₂lén'₂ 'nia'₂ dsa₂ jñio₅ co₂ŋei'₅₄; jui₁le₅₄ bá₄ 'í₁ 'nia'₂, ta₁jang'₂: lia'₂ jme₂dsí₂, lia'₂ 'au'₂, lia'₂ ŋi'₄ 'nia'₂; ia₁ jaun₂ tsá₃ 'ein₂ lé₂ le₃bóg'₂ dso₄ jē₁ma₂tē₂ rē₁guan'₂ Te₁gui'₅₄ Jesucristo quián₂. 24 I₂ma₂tē₃ quián'₂ 'nia'₂ tí₅ bá₄ jág₁ quió'₅, jaun₂ jme₃ti₃ bá₄ ca₂le₃jě₃ a₂nē₅.

'Ág'₅ jág₁ jē₁ca₂tó'₂

25 Rin'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄.

26 Cuin₅₄ Diú₄ ca₂le₃jín₃ rin'₅₄ a₂qui₁chén'₁† 'nia'₂ quió'₅ ríng'₂, a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂.

27 Mi₅ jniá₂, lia'₂ con'₂ lě₅ 'éi'₃ quió'₅ Te₁gui'₅₄, 'í₂ 'nia'₂ si₂ carta la₂ jin₄ ca₂le₃jín₃ rin'₅₄.

28 Jui₁jme₂gu'₅₄ Te₁gui'₅₄ Jesucristo quián₂ jniog₄ ca₂le₃jín'₃ 'nia'₂. Co₂nē₅.

† 5:26 Caun₂ tag₄ a₂jme₁chí'₄ lia'₂ con'₂ ca₂jmo₃ Pa₄ si₂ la₂.

Si₂ carta jē₁ca₂tē₂ tin₃ a₂ca₂jmo₃ San Pablo ne₄ dsa₂ TESALONICENSES

Pablo quiain'₅₄ riin'₅₄ jmo₂₃ si₂ a₂chein₃ ne₄ Guá'₅ i₂chan₂ juig₂ Tesalónica

¹ Jniá₂ Pa₄, quian'₅₄ Silvano, * quian'₅₄ Timoteo ně₃, dsian'₄ jnia'₅₄ si₂ la₂ ne'₅₄ 'nia'₂ rin'₅₄ jniog₄ i₂chan₂ juig₂ Tesalónica, 'nia'₂ dsa₂ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Te₁gui'₅₄ Jesucristo. ² Ju₁jme₂gu'₅₄ bá₄ Diú₄, ju₁jme₂gu'₅₄ Te₁gui'₅₄ Jesucristo ně₃, jmo₃ 'ua₁ dsí₅ ja₁con'₂ 'nia'₂, ju₁'ei₅ dse₃ 'au'₂, tiong'₅₄ 'ei₅ tei₄.

Ě₂ Diú₄ uig₅ ja₁con₂ dsa₂ i₂le₁cán'₄ dso₄ jē₁ma₂tē₂ rē₁guan'₂ táng₃ Cristo mi₂gúig₃

³ Rin'₅₄ jniog₄, ca₂le₃jě₃ jmig₄ bá₄ ca₂tág₂ jnia'₅₄ cuē'₅₄ ti₁'mag'₄ Diú₄ o₄quián'₂ 'nia'₂, ia₁ le₂jaun₂ bá₄ dse₃ dsióg₅, ia₁ caun₂ dsi₂cón'₃ bá₄ 'nia'₂ a₂rē₂'éng'₂ jág₁ quió'₅ Diú₄, caun₂ jme₂'nióg'₃ bá₄ 'nia'₂ ríng'₂ 'ñio₅ lín₃ le₂jang'₂ le₂jang'₂. ⁴ Jaun₂ lē₃, jmá'₃ lia'₂ jág₁ dse₃ bá₄ dsia₂ jnia'₅₄ 'ín₅ 'nia'₂ jin₄ guá'₅ quián₅ Diú₄, 'a₂ lia'₂ ma₂ca₂tian'₃ 'nia'₂ a₂ma₂ca₂jme₁juing'₂ 'au'₂ a₂'én'₂ 'nia'₂ ne₄ ca₂le₃jě₃ a₂co₂'ein₅ dsa₂, a₂qui₂jmóg'₂ dsa₂ ně₃. ⁵ Jaun₂ le₂ně₅ cuē₅ léi₄, con'₂ dsi₂ten₅₄ bá₄ qui₂dsi₅ Diú₄ 'éi'₃, ia₁jaun₂ lén'₂ 'nia'₂ dsa₂ i₂ca₂tín'₂ dsi₁niog'₃ ja₁gon₂ Diú₄; o₄quió'₄ a₂jaun₂ ñag'₅₄ 'nia'₂ uig₅.

⁶ Ján₃ bá₄ le₂jaun₂ dsi₂ten₅₄, Diú₄ bá₄ jme₃rě₃ cuē'₃ uig₅ a₂ca₂tín₂ dsa₂ i₂ma₂jmá'₂ 'nia'₂. ⁷ Jaun₂ 'nia'₂ dsa₂ i₂qui₂ma₂ñag'₅₄ uig₅, Diú₄ jmo₃ a₂'ag₃ tei₄ 'au'₂ 'nia'₂, a₂'ag₃ tei₄ dsi₅ jnia'₅₄ ján₃ jē₁ma₂tē₂ rē₁jñió'₂ Te₁gui'₅₄ Jesús ju₁i₅ guei'₅₄ i₂juig₃ jē₄ si₂ ca₂jo'₅₄, quiain'₅₄ ángeles i₂'uan'₂ quián₅. ⁸ Jñiói'₂ a₂cuē'₃ uig₅ dsa₂ i₂tsá₃ cuin₅ Diú₄, ia₁ on₃ guē'₂ ju₁i₅ ca₂tón'₃ jág₁ dse₃ quió'₅ Te₁gui'₅₄ Jesucristo. ⁹ Ca₂le₃jín₃ 'éi₂ gue₃ 'liain'₅₄ a₂dsi₃'éin₂ co₂ñei'₅₄, co₂dsia₅ jñiai'₃ ne₄ Te₁gui'₅₄, dsi₃toin'₅₄ uíng₂ ja₁tsá₃ ma₃'e₂ bí₂ jlá'₁ quió'₅ Diú₄ jniá₂. ¹⁰ Jm₁ig₄ jaun₂, jē₁ma₂tē₂ rē₁guan'₂ Te₁gui'₅₄, a₂jme₃juag'₂ ca₂le₃jín₃ dsa₂ i₂'én₂ quián₅,† jaun₂ dsa₂ i₂'én₂ ně₃ qui₂dsi₃gó'₃ dsí₅ jág₃ jín₂ Te₁gui'₅₄. Ján₃ bá₄ o₁ton'₄ 'nia'₂ ja₁jaun₂, ia₁ a₂ma₂ca₂rě₃'én'₂ 'nia'₂ jág₁ dsau₅ quián₂ jnia'₅₄.

¹¹ Uig₅₄ jaun₂ bá₄ ján₃, chilén₄ jnia'₅₄ Diú₄ ca₂le₃jě₃ jmig₄ o₄quián'₂ 'nia'₂, ju₁i₂ñio'₄ 'nia'₂ con'₂ dsi₂ten₅₄ i₃ñio₄ dsa₂ i₂ma₂tē₃ quián₅; ju₁i₂jme₂ti₃ tē₂le₃ quian'₅₄ bí₂ quió'₅ ca₂le₃jě₃ a₂dse₃ a₂'ñio₂ 'au'₂ 'nia'₂ jmó'₂, quian'₅₄ ca₂le₃jě₃ ta₁ a₂jmo'₂ 'nia'₂ ia₁ a₂'éng'₂. ¹² Jaun₂ le₂ně₅ bá₄ lé₂ le₂juin'₂ Te₁gui'₅₄ Jesucristo quián₂ ja₁con'₂ 'nia'₂, ján₃ bá₄ le₂jaun₂ 'nia'₂ ja₁con₂ 'éi₂, lia'₂ con'₂ lē₅ a₂'ua₁ dsí₅ Diú₄ quian'₅₄ Te₁gui'₅₄ Jesucristo.

2

Le₃jniá₂ jan₂ dsa₂ i₂tsá₃ 'e₂ 'éi'₃ gó'₅

¹ Jaun₂ ně₃, 'nia'₂ rin'₅₄ jniog₄, ju₁lia'₂ jē₁ma₂tē₂ rē₂guan'₂ Te₁gui'₅₄ Jesucristo, jē₁ma₂tē₂ rē₁tió'₄ lo'₂ quiain'₅₄, mi₂ jnia'₅₄ chei₂ 'nia'₂, rin'₅₄ jniog₄, ² a₂tsá₃ caun₂ lē₁jme₁tsín₄ 'nia'₂ a₂dsi₃jio₅ 'au'₂ le₂siá'₂, on₃ guē'₂ can₂ 'nia'₂ go₂'i₃, ně₁'e₂ guē₃ jág₁ a₂já₅ tē₂le₃ quian'₅₄ jan₂ jme₂dsí₂, on₃ guē'₂ jág₁ a₂dsia₅ dsa₂, on₃ guē'₂ ně₁'e₂ si₂ carta a₂chen₅ dsa₂ ne'₅₄ 'nia'₂ ně₂jag₄ bá₄ a₂jmo₂ jnia'₅₄, jē₁juá'₂ dsa₂ a₂ma₂ca₂tē₂* jmig₄ quió'₅ Te₁gui'₅₄. ³ Tsá₃ lē₁cuín₅ 'nia'₂ jmig₄ a₂jme₃gau₅ dsa₂. Ia₁ né'₃ a₂te₅₄ jmig₄ jaun₂, jmo₃ dsa₂ caun₂ jág₁ a₂jme₃'ñiai₅₄ Diú₄, jaun₂ le₃jniá₂

* **1:1** Lia'₂ chen₂ Silvano, co₂rē₂ quian'₅₄ Silas. † **1:10** lit. “dsa₂ jñió₅, quián₅.” * **2:2** o₃, “a₂ma₂ja₂quián₃.”

jan₂ dsa₂ i₂tsá₃ 'e₂ 'éi'₃ gó'₅ 'i₁caun₂, i₂ma₂'i₄ 'éi'₃ dsi₃'én₂. ⁴ Dsa₂ 'éi₂ náu₃ quein₅ ne₄ ca₂le₃jě₃ a₂jmo₅ dsa₂ dsí₅ lín₅ Diú₄, o₃ a₂jme₂juag'₂ dsa₂ 'e₂. Ca₂lia'₂ dsióg₄ guá₃ tē₂ dsi₂néi₂ guá'₅ templo quió'₅ Diú₄, a₂jmo₂₃ lín₅ Diú₄.

⁵ ¿Tsa₁ dsá₂ 'au'₂ 'nia'₂, lia'₂ con'₂ jme₁'eng₅₄ guě₄ quian'₅₄ 'nia'₂, ca₂juá'₃ jniá₂ le₃jě₃ a₂ně₅? ⁶ Jaun₂ ně₃ ma₂ŋi'₅₄ bá₄ 'nia'₂ 'ein₂ 'éi₂ i₂jné₅ jui₅, jaun₂ tsá₃ jme₃jniog₂₃ jniá₅ né'₃ a₂tě₅₄ jmig₄ quió'₅. ⁷ La₁ tion₅₄ bá₄ ma₂jmo₅ i₂'lin'₅₄ 'éi₂ bí₂ rē₂'ma₄ quió'₅ ia₁jaun₂ tsá₃ le₃ji'₅₄ dsa₂ 'éi'₃ quió'₅ Diú₄. Jnia'₅₄ lia'₂ chi₁jnia₂₃ a₂jnia'₃ i₂chén'₅ dsi₂jo₂ i₂jmo₅ jnág₅ jui₅. ⁸ Jaun₂ guě₄ jme₃jnia₅ dsa₂ 'lin'₅₄ 'éi₂. Jaun₂ Te₁gui'₅₄ Jesús ně₃ jŋag'₃ quian'₅₄ dsí₂ tio'₅₄ 'o₅₄, 'éin₂ 'éi₂ quian'₅₄ a₂co₂tág₅ co₂'né'₅ quió'₅ ně₃ jē₁jnió'₂. ⁹ Satanás bá₄ jmo₃ jiá₃ dsa₂ 'lin'₅₄ 'éi₂, ia₁ guáin₂ ján₃ quian₅ bí₂ a₂o₂dsain₂ jmo₃ léi₄ juē'₂ jme₃gau₂₃. ¹⁰ Ca₂le₃jě₃ ne₅₄ cosa 'lig'₅₄ jmo₃ a₂jme₃gain₂₃ dsa₂ i₂tion'₅₄ jui₅ dsi₃'én₂ ia₁ tsá₃ guě'₂ ca₂rē₃'nio₃ gue₃ jág₁ tí₅ dsón'₂ a₂jme₁lió₂. ¹¹ Jaun₂ bá₄ lě₃ cuě₃ Diú₄ jmig₄ a₂le₃gain₂, ia₁jaun₂ jui₁le₂'éin₂ co₂ŋei'₅₄ jág₁ tē₂jág₁, ¹² ia₁jaun₂ 'ē₂ Diú₄ uig₅ quió'₅ ca₂le₃jín₃ ia₁ tsá₃ guě'₂ ca₂rē₃'éin₂ jág₁ tí₅ dsón'₂, ia₁ ja₂lin₃ guě₄ tē₅ dsí₅ cosa 'lig'₅₄.

Dsa₂ i₂ma₂quion'₅₄ quián₅ Diú₄

¹³ La₁ jnia'₅₄ ně₃, ca₂le₃jě₃ jmig₄ bá₄ cuě₂ ti₁'mag'₄ Diú₄ o₄quián'₂ 'nia'₂, rin'₅₄ jniog₄, i₂'nió₄ quián₅ Te₁gui'₅₄. Jaun₂ lě₃ lia'₂ con'₂ jme₁ca₂rē₃lióg₃ jmig₄ bá₄ ca₂quión'₂ Diú₄ 'nia'₂ ia₁jaun₂ tín'₄ 'nia'₂, lén'₂ 'nia'₂ dsa₂ i₂le₃jě₃ tē₂dsí₅ tē₂le₃ quian'₅₄ Jme₂dsí₂ quián₅ Diú₄, tē₂le₃ quian'₅₄ jág₁ dsau₅ a₂ma₂'én'₂ 'nia'₂ ně₃. ¹⁴ Ta₁ jaun₂ ca₂tě₃ Diú₄ 'nia'₂ tē₂le₃ quian'₅₄ jág₁ dse₃ a₂ca₂jme₁tag₅ jnia'₅₄, ia₁jaun₂ dsi₁nó'₅ 'nia'₂ quen'₅₄ quiang'₅₄ a₂jlá'₁ a₂lín₅ Te₁gui'₅₄ Jesucristo quián₂ jniog₄.

¹⁵ Jaun₂ le₂ně₅, rin'₅₄ jniog₄, caun₂ 'éi₂ 'nia'₂ 'au'₂, chan'₂ tiá₂ jág₁, tsá₃ jui₁dsi₂'én₂ 'au'₂ 'nia'₂ jág₁ a₂qui₂ma₂cuě₁ jnia'₅₄, lia'₂ jág₁ quian'₅₄ si₂ cartas ně₃. ¹⁶ Jaun₂ 'ŋiog₅ Te₁gui'₅₄ Jesucristo quian'₅₄ Diú₄ Jme₂jniog₄, i₂ma₂jmo₃ 'ua₁ dsí₅ 'nio₃ jniog₄, cuě₂₃ lián'₂ co₂tan₅₄, cuě₂₃ a₂'ín₂ dsi₅ jniog₄ tág'₄ ně₃, ¹⁷ jui₁cuě'₄ bí₂ tē₂'au'₂ 'nia'₂ ia₁jaun₂ caun₂ bá₄ 'ag₃ 'au'₂ 'nia'₂, jē₁dsiá'₁ jág₁, jē₁jmó'₂ 'nia'₂ ca₂le₃jě₃ ne₅₄ a₂dse₃.

3

Chi₁len'₄ 'nia'₂ Diú₄ o₄quián₂ jnia'₅₄

¹ Jē₁ca₂tó'₂ rin'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄, ia₁jaun₂ ma₂ně₃ cón'₅ dsióg₄ jág₁ dse₃ quió'₅ Te₁gui'₅₄ ca₂le₃jě₃ juig₂. Jui₁gue₅₄ bá₄ dsa₂ 'ŋio₂ dsí₅ jui₁jme₂juē'₂ bá₄ dsa₂ jág₁ la₂ jui₁lia'₂ ca₂lě₃ quian'₅₄ 'nia'₂. ² Mi₄ 'nia'₂ o₄quián₂ jnia'₅₄ ján₃, ia₁jaun₂ lió₂ jnia'₅₄ o₄gú₃ dsa₂ 'lin'₅₄ i₂jmóg'₂ mi'₅₄, ia₁ tsá₃'én₂ ca₂le₃jín₃. ³ La₁ tí₅ bá₄ jág₁ quió'₅ Te₁gui'₅₄ quián'₂ 'nia'₂. Jmo₃ bá₄ 'ag₃ caun₂ 'au'₂ 'nia'₂ qui₂jmo₃ 'í₁, ia₁jaun₂ tsá₃ jmóg'₂ i₂sě₃dsen₃. ⁴ Caun₂ bá₄ 'ei₅ dsi₅ jnia'₅₄ tē₂le₃ quió'₅ Te₁qui'₅₄, a₂jmo₂ ton'₂ a₂jmó'₂ 'nia'₂ ně₃, ca₂le₃jě₃ 'e₂ a₂ma₂juá'₂ jnia'₅₄ jmó'₂ 'nia'₂. ⁵ Jui₁jio₅₄ bá₄ Te₁gui'₅₄ tē₂'au'₂ 'nia'₂ ja₁'nio₃ Diú₄, ja₁jme₁juin'₂ 'nia'₂ 'au'₂ jui₁lia'₂ juin'₂ dsí₅ Cristo ně₃.

Ca₂tín₂ bá₄ dsa₂ jmo₃ ta₁

⁶ Rin'₅₄ jniog₄, cuě₂ jnia'₅₄ 'éi'₃ tē₂le₃ o₄quió'₄ Te₁gui'₅₄ Jesucristo, jmo₄ 'nia'₄ cau₅ jui₁'ein₂ guě₃ rin'₅₄ jniog₄ juín'₅ jmo₃ ta₁ on₃ guě'₂ jmo₂₃ con'₂ lě₅ a₂ca₂jme₁tin₅ jnia'₅₄ 'nia'₂. ⁷ Jaun₂ ŋi'₅₄ bá₄ 'nia'₂ 'a₂ lia'₂ 'nió'₅ tiáng'₄ a₂jmó'₂ con'₂ lě₅ 'a₂ lia'₂ chong₂ jnia'₅₄. Tsá₃ jua'₅₄ a₂tsá₃ ca₂jmó₁ jnia'₅₄ ta₁ tē₂lia'₂ ca₂tió'₄ quian'₅₄ 'nia'₂, ⁸ on₃ guě'₂ jua'₅₄ ca₂que₅₄ jnia'₅₄ a₂lě₁ca₂que₅₄ quió'₅ rin'₅₄, jua'₅₄ tsá₃ ca₂qui₅₄. Tē₂le₃ qui₂ca₂jmó₁ bá₄ jnia'₅₄ ta₁ 'ŋio₅ lin₃ lia'₂ 'uě₂-jmi₂ ia₁jaun₂

tsá₃ cán'₁ 'nia'₂ guei₂ o₄ quián₂ jnia'₅₄. ⁹ On₃ jua'₅₄ ia₁ a₂ tsá₃ ca₂ tág₂ jnia'₅₄; a₂ jnia'₅₄ lia'₂ ca₂ quián₁ jnia'₅₄ caun₂ juí₅ ne₄ 'nia'₂, ia₁ jaun₂ 'nia'₂ ně₃ cán'₁ juí₅ jaun₂ a₂ ca₂ quián₁ jnia'₅₄. ¹⁰ Ia₁ lia'₂ con'₂ jme₁ tio'₅₄ jnia'₅₄ quian'₅₄ 'nia'₂, ca₂ cué'₁ 'éi'₃ la₂: Jui₁ lia'₂ dsa₂ i₂ juín'₅ jmo₃ ta₁, tsá₃ jui₁ guě'₄. ¹¹ Ma₂ ne₄ jnia'₅₄ dsia₅ dsa₂ tság₅ jnia'₅₄, chan₂ 'nia'₂ i₂ lin₅₄ tián'₅ tsá₃ ta₁ 'nio₃ jmo₃, 'nio₅ bá₄ tsá₃ jii₅₄ qui₂ tián₂ ja₁ tsá₃ ca₂ tii₂. ¹² Jaun₂ dsa₂ 'éi₂ ně₃ chei₂ jnia'₅₄ le₃ quió'₅ Te₁ gui'₅₄ Jesucristo quián₂, jui₁ jmo₁₂ ta₁ quió'₅ ia₁ jaun₂ cha₂ a₂ qui₂ dsi₃ ní₂.

¹³ Rín'₅₄ jniog₄, tsá₃ jmo₂ 'nia'₂ a₂ ca₂ 'ong'₃ jmo₂ cosa dse₃. ¹⁴ Chi₂ jua'₂ chan₂ i₂ tsá₃ tón'₂ juí₅ a₂ jua'₂ jnia'₅₄ ne₄ si₂ la₂, jag₄ 'nia'₂ 'ein₂ 'éi₂ jaun₂ tsá₃ ma₃ jme₁ quiain'₅₄ 'nia'₂, ia₁ jaun₂ le₃ gui'₅₄. ¹⁵ La₁ tsá₃ jme₁ 'niai'₅₄ 'nia'₂, tē₂ le₃ cué'₅₄ tioin'₂ 'nia'₂ jág₁ dse₃ co₂ 'nió'₄ ríng'₂.

Jui₁ jme₂ gu'₅₄ bá₄ Diú₄: Jág₁ jē₁ ca₂ tó'₂ quió'₅ Pa₄

¹⁶ 'Nio₅ Te₁ gui'₅₄ i₂ jmo₅ 'ag₅ tei₄ dsí₅ dsa₂, jui₁ jmo₁₂ le₁ 'ág₄ tei₄ 'au'₂ 'nia'₂ quian'₅₄ ca₂ le₃ jě₃ a₂ jmo'₂ 'nia'₂. Jui₁ 'en₅₄ bá₄ Diú₄ quian'₅₄ ca₂ le₃ jín'₃ 'nia'₂.

¹⁷ Jniá₂ Pa₄ jmo₂₃ si₂ la₂ quian'₅₄ gu₃* cúng₅ Diú₄ 'nia'₂, co₂ 'nió'₄ léi₄ a₂ tó'₅ jniá₂ ne₄ ca₂ le₃ jě₃ si₂ a₂ jmo₂₃. Le₂ la₂ lě₅ letra quió'₃. ¹⁸ Jui₁ jme₂ gu'₅₄ Te₁ gui'₅₄ Jesucristo quián₂ jniog₄ ca₂ le₃ jín'₃ 'nia'₂.

Co₂ ně₅.

* **3:17** 'Nio'₂ ja₁ ton₅ 1 Corintios 16:21; Gálatas 6:11; Colosenses 4:18; Filemón 19.

Si₂ carta le₂'uig₅₄ a ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

1 Jniá₂ Pa₄, líng₅ dsa₂ i₂chen₄ quián₅ Jesucristo, 'éi'₃ quió'₅ Diú₄ quián₂ jniog₄ i₂lió₂, quian'₅₄ Te₁gui'₅₄ Jesucristo i₂'in₂ dsi₅ jniog₄. 2 Jaun₂ jmo₂₃ si₂ la₂ tsíng₂ ne'₅₄ 'ne₂ Timoteo, 'ne₂ guë'₂ dsa₂ ma₂líng₅ co₂'nió'₄ jan₂ jón₃ quiáng₃ tē₃dsón'₂ ia₁ ca₂rē₃'éng'₂ jág₁ quió'₅ Diú₄. Jaun₂ 'nio₃ jui₁jme₂gu'₅₄ bá₄ Diú₄ 'ne₂. Jui₁jmo₅₄ bá₄ Diú₄ Jmei₂ jniog₄ quian'₅₄ Te₁gui'₅₄ Cristo Jesús quián₂ jniog₄ 'ua₁ nēi₂ dsi₅ ja₁cong'₂, a₂'ag₃ tei₄ 'au'₂ nē₃.

Toin'₂ dsa₂ jág₁ a₂tsá₃ tón'₃ jui₅ jág₁ a₂tsá₃ dsau₅

3 Jui₁lia'₂ ca₂juá'₃ jniá₂ né'₃ a₂nei₅₄ jui₅ 'uē₃ Macedonia, a₂jan'₅₄ jui₂ Efeso ia₁jaun₂ jui₂g'₅₄ dsa₂ i₂lin₅₄ a₂tsá₃ jme₃tag₂₃ juá'₅ a₂tsá₃ dsau₅, 4 on₃ guë'₂ tón'₃ jui₅ 'e₂ jág₁ a₂lē₁dsia₅ dsa₂, o₃ a₂'in₅ dsa₂ dsa₂ can'₅₄ i₂jme₁chan₂ ma₂líng'₂, jág₁ a₂tsá₃ líg'₂ jmi₂g₄ dsian₅. Jñia'₅₄ con'₂ dsio₂g₅ mi'₅₄ a₂tsin₅ dsa₂, 'nió'₄ a₂jme₁jme₃'o₅₄ a₂le₃tei₅₄ jniog₄ ta₁ quió'₅ Diú₄, a₂lē₂ tē₂le₃ quian'₅₄ a₂'én₂ dsa₂.

5 Jē₂ma₂le₁jē₃ tē₂dsi₅ jniog₄ guio₅₄, léi₄ bá₄ jniog₄ tē₂dsi₅ 'e₂ a₂dse₃ a₂ca₂tág₂ jniog₄ jmó₁, on₃juá'₅₄ a₂lē₁jmo₂ a₂'éin₂ nē₃, jaun₂ guë'₄ lé₂ le₃jiá₃ lé₂ tē₂dsi₅ jniog₄ a₂jme₁'nio₃ rin'₅₄ le₂jau₂ le₂jau₂. Ta₁ jaun₂ qui'₅ 'éi'₃ la₂. 6 Ia₁ i₂lin₅₄ dsa₂ ma₂i₂léin₂ tē₂le₃ cau₅ ma₂i₂coín'₅ jui₅ quian'₅₄ jág₁ a₂tsá₃ ta₁ tí₄. 7 'Nio₃ léin₂ tē₂juá'₅, la₁ jñia'₅₄ guioin₅₄ bá₄ tsá₃ jñi'₂ 'e₂ juá'₂ a₂jme₂tiin₂₃ dsa₂, ñag₅₄ rē'₂ 'ei₅ caun₂ dsi₅, nē₂jag₄ bá₄ a₂dsau₅ dsón'₂ a₂jme₂tag₂₃.

8 Ma₂ne₄ bá₄ jniog₄ a₂dse₃ bá₄ 'Éi'₃ nē₁juá'₂ ca₂jmó'₂ dsa₂ ta₁ con'₂ dsi₂ten₅₄. 9 Ma₂ne₄ jniog₄, 'i₁caun₂ 'éi'₃ tsá₃ ca₂quiog₂ Diú₄ quió'₅ dsa₂ dsen₃. O₄quió'₄ i₂jmo₅ 'lig'₅₄ bá₄ ca₂quiog₂ 'Éi'₃; o₄quió'₄ jui₁lia'₂ dsa₂ i₂tsá₃ nag₃, dsa₂ i₂'no₅ dso₄, dsa₂ i₂tsá₃ jme₂gan₃ Diú₄, i₂tsá₃ jme₂gó'₃ Juá'₅, dsa₂ i₂jme₂dsian₅ chog₅₄ jmei₂, quió'₅ ca₂le₃jín₃ dsa₂ i₂jme₂dsian₅ dsa₂ nē₃; 10 o₄quió'₄ jui₁lia'₂ dsa₂ i₂nió'₅ jág₁ a₂tsá₃ dsi₂ten₅₄ nió'₃, o₄quió'₄ jui₁lia'₂ dsa₂ ñe'₂ i₂nió'₅ jág₁ 'lig'₅₄ quian'₅₄ dsa₂ ñe'₂ rin'₅₄, o₄quió'₄ dsa₂ i₂'ang₅ 'in₅ dsa₂, o₄quió'₄ dsa₂ i₂jme₂gan₅ rin'₅₄, o₄quió'₄ dsa₂ i₂co₂jmo₅ jág₁ tē₂jág₁ 'in₂₃ Diú₄, o₄quió'₄ dsa₂ i₂jmo₅ jui₁'e₂ guë'₄ cosa a₂tsá₃ lē₅ con'₂ lē₅ juá'₅ dse₃. 11 Juá'₅ dse₃ la₂, co₂rē₂ bá₄ quín₅ quian'₅₄ jág₁ jlá'₁ a₂tín'₄ dsa₂, a₂ca₂dsia₃ Diú₄ Jñió₅ o₄gu₃ jniá₂.

Ia₁ 'ua₁ dsi₅ Diú₄ jaun₂ cuë₅ Pa₄ ti₁'mag'₄

12 Cuë₅ jniá₂ ti₁'mag'₄ Te₁gui'₅₄ Jesucristo quián₂ jniog₄, ia₁ qui₂ma₂cuë₃ bí₂ jmo₅ jniá₂ ta₁ la₂ quió'₅ a₂ma₂dsia₃ gu₃, ton'₂ ia₁ jág₂ bá₄ jniá₂ lia'₂ ja₁jñin₂ jan₂ dsa₂ i₂rē₂ti'₅₄. 13 Ca₂jmo₃ Cristo ca₂le₃jē₃ nē₅ ja₁con₂ jniá₂, o₁jñia'₅₄ jme₁dsia₅ jniá₂ 'lig'₅₄ jme₁'in₅ le₂jñiá₅, qui₂ca₂'éng₃ dsa₂ i₂jme₁quian'₅₄, qui₂ca₂jmai'₄ jniá₂ tsau₂ dsi₃ nē₃. La₁ ca₂dsia₃ Te₁gui'₅₄ nēi₂ dsi₅ ja₁con₂ jniá₂ ia₁ a₂tsá₃ jme₁guion₄ bá₄ jniá₂ 'e₂ jme₁jmo₂₃ lia'₂ con'₂ tsá₃ jme₁'éng₂. 14 Jaun₂ Te₁gui'₅₄ quián₂ jniog₄ 'ñio₅ lin₃ ca₂jmo₃ 'ua₁ dsi₅ ja₁cong₂, a₂ca₂rē₃'éng₂ le₃quió'₅ Cristo Jesús i₂'nio₃ guë'₄ lin₃.

15 Dsón'₂ dsau₅ bá₄ jág₁ la₂, jaun₂ ca₂le₃jín₃ 'nió'₅ le₃'én₂: Ta₁ jaun₂ guan₃ Cristo Jesús mi₂güig₃ la₂, a₂qui₃lióin₂ dsa₂ i₂le₁cán'₄ dso₄; jē₄ quió'₅ 'éi₂, jniá₂ líng₅ i₂le₂'uig₅₄ i₂rē₂cán'₄ guë'₄ dso₄. 16 La₁ Diú₄ ca₂dsia₃ nēi₂ dsi₅ jniá₂, ia₁jaun₂ lén₂ jniá₂ i₂jáng'₃ jág₁ dsau₅ 'a₂ lia'₂ dsia₅ Jesucristo nēi₂ dsi₅ lióin₂ dsa₂ i₂ñi₄ rin₂ dso₄.

Le₂jaun₂ bá₄ ma₂guio₃ jniá₂ quian₅₄ ne₄ jui₅ ia₁jaun₂ jág₃ ca₂le₃jín₃ dsa₂ i₂le₃'én₂ tē₂le₃ quió'₅ Jesucristo ia₁jaun₂ le₃chain₂ co₂tan₅₄. ¹⁷ Jaun₂ lē₃, le₃quió'₅ Rag₅₄ i₂chan₂ co₂tan₅₄, i₂tsá₃ líg'₂ jmíg₄ jón₂, on₃ guē'₂ jniái₂, i₂jan₂ tan₅₄ Diú₄ i₂ñí'₂ dsí₅: jui₁jme₂go₃ dsa₂, jui₁jme₂juag'₂ dsa₂ ca₂le₃jě₃ jmíg₄ ñi₂ a₂já₅. A₂méi₃.

¹⁸ Jaun₂ 'ne₂ Timoteo, jón₃ quiáng₃, 'éi'₃ la₂ dsia₅ jniá₂ gog'₂, lia'₂ con'₂ lě₅ jág₁ dse₃ a₂ca₂cuē₃ Jme₂dsí₂ Jñió₅ ca₂cuē'₃ dsa₂ rin'₅₄ jniog₄ i₂ca₂'ag₃ ca₂'iin₃ 'ne₂ le₂ñiá₅: jmo₄ dsen₅₄ 'au'₂ a₂náu'₁ tiá₂ a₂quíng'₄ ne₄ 'nei₂ a₂gu₂dsí₂, tē₂le₃ quian'₅₄ jág₁ a₂ca₂cuē₃ dsa₂ jaun₂: ¹⁹ a₂chan'₅₄ tiá₂ a₂'éng'₂, a₂tsá₃ 'e₂ 'lig'₅₄ qui₂dsí₂ñi₅ 'au'₂ nē₃. I₂lin₅₄ dsa₂, 'uig₅₄ ia₁ a₂ca₂dsia₃ cau₅ a₂nē₅ ca₂i₃'én₂ a₂'éin₂, nē₂jag₄ bá₄ caun₂ ni₁barco a₂ca₂lě₃ le₁juig₁ le₁dsog'₅₄ ne₄ jmi₁ñí'₄. ²⁰ Le₂nē₅ bá₄ ca₂i₃ñí'₂ Himeneo quian'₅₄ Alejandro i₂ma₂ca₂jín'₄ jniá₂ ja₁con₂ i₂sē₃dsen₃ ia₁jaun₂ le₃'en₅₄ dsí₅ a₂tsá₃ ma₃juá'₂ 'lig'₅₄ tē₃'oin'₂ Diú₄.

2

Cuē₂₃ jág₁ dsau₅ 'a₂ lia'₂ chi₃lén'₂ dsa₂ Diú₄

¹ Jē₁le₂'uig₅₄, chi₁quian₅₄ jniá₂ jmíg₄ a₂mí'₁ 'nia'₂ ne₄ Diú₄, a₂chi₁lein'₅₄ 'nia'₂, a₂cuē'₅₄ 'nia'₂ ti₁'mag'₄ nē₃, o₄quió'₄ ca₂le₃jín₃ dsa₂, ² o₄quió'₄ jui₁lia'₂ rag₅₄, o₄quió'₄ ca₂le₃jín₃ jui₁lia'₂ dsí₂tan₅₄, ia₁jaun₂ bá₄ lé₂ le₃'io₄ jniog₄ 'ei₅ tei₄ tsá₃ mi'₅₄ cha₂, ia₁jaun₂ chong₂ jniog₄ con'₂ dsí₂ten₅₄, le₁jě₃ jme₂dsí₂ quián₂ ne₄ ca₂le₃jě₃, le₃ne₄ Diú₄. ³ Ia₁ le₂nē₅ bá₄ dse₃, 'ñio₂ dsí₅ Diú₄ quián₂ jniog₄ i₂lió₂, ⁴ i₂'nio₃ lión₂ ca₂le₃jín₃ dsa₂, ton'₂ 'nio₃ a₂dsi₁lén₂ ja₁le₃ñí'₂ dsí₅ jág₁ tí₅. ⁵ Jan₂ bá₄ Diú₄ chan₂, ton'₂ jan₂ bá₄ dsa₂ chan₂ i₂ñág₅ jág₁, i₂chén'₅ jē₄ quió'₅ Diú₄ quian'₅₄ dsa₂ mi₂güig₃. Dsa₂ 'éi₂ lín₅ Cristo Jesús.* ⁶ 'Éi₂ nē₃ ca₂jín'₂ 'ñiog₅ ca₂quí₃ 'lia'₅₄ ia₁jaun₂ lión₂ ca₂le₃jín₃ dsa₂. Jág₁ dsau₅ nē₅ nē₃, ca₂rē₃ñi₅ dsa₂ jme₁ca₂tē₂ jmíg₄ a₂le₃ñi₅. ⁷ Ta₁ jaun₂ ca₂rē₃'ín₁ jniá₂ ia₁jaun₂ léng₂ jan₂ i₂'ě₂ jág₁, jan₂ i₂chen₄ quián₅ Jesús nē₃, jan₂ tē₅ i₂jme₂tin₅ dsí₂nau₂ jui₁lia'₂ 'a₂ lia'₂ lě₅ a₂'én₂ dsa₂, 'a₂ lia'₂ lě₅ jág₁ tí₅ nē₃. Jág₁ dsau₅ bá₄ a₂juá'₅,† tsá₃ tē₂jíng₁.

⁸ Jaun₂ 'nio₃ jniá₂ a₂chi₃lén'₂ dsa₂ Diú₄ ca₂le₂con₂, a₂qui₃chóg'₃ gu₂ qui₂le₁jě₃ tē₂dsí₅, on₃jua'₅₄ a₂'i₄ 'nei₂ dsí₅, on₃ guē'₂ a₂qui₂tsin₂₃ quian'₅₄ riin'₅₄. ⁹ 'Io₅₄ guē'₂ nē₃ 'nió'₅ qui'₃ tsin'₅₄ con'₂ dsí₂ten₅₄, dse₃ jniá₂, li'₅₄ quió'₅. Jui₁jmoi'₅₄ a₂rē₂lin₅₄, on₃jua'₅₄ quian'₅₄ a₂ñí₄ lē₃ jlá'₁ qui₂rē₂lag₄ dsí₅₄, on₃ guē'₂ quian'₅₄ cu₄nióg₄, on₃ guē'₂ quian'₅₄ míg₂ perlas a₂tó'₅ lag₅₄, on₃ guē'₂ quian'₅₄ tsin'₅₄ 'mu'₅₄ nē₃; ¹⁰ tē₂le₃ quian'₅₄ a₂dse₃ a₂qui₂jmo₂₃ bá₄ 'nió'₅ jmói'₂, jui₁lia'₂ ca₂tín₂ jmo₃ dsa₂ mí₂ i₂ma₂jín'₂ ja₁con₂ Diú₄. ¹¹ Dse₃ bá₄ tón'₃ 'io₅₄ tei₄, nag₃, gue₃ jág₁ quió'₅ Diú₄ a₂jme₂tag₅ dsa₂, a₂caun₂ nei'₅₄ jē₄ ca₂le₃jě₃. ¹² Tsá₃ cuē₅ jniá₂ jmíg₄ jua'₅₄ a₂jme₃tag₅ 'io₅₄, on₃ guē'₂ jua'₅₄ jmo₃ 'éi'₃ ja₁con₂ dsa₂ ñe'₂. Jñia'₅₄ lia'₂ 'nió'₅ jmo₃ tei₄ bá₄. ¹³ Ia₁ Adán bá₄ i₂le₂'uig₅₄ ca₂j mó'₂ Diú₄; cang₂ bá₄ ca₂j mói'₂ Eva. ¹⁴ Jaun₂ on₃jua'₅₄ Adán i₂ca₂rē₃gán₃; 'io₅₄ bá₄ i₂ca₂rē₃gán₃ jaun₂ ca₂táin'₂ dso₄. ¹⁵ La₁ ia₁, lión₂ bá₄ 'io₅₄ nē₁jua'₂ jme₂cain'₅₄ chi'₂-guein₂ quiáin₅, chi₂jua'₂ caun₂ 'éin₂ jág₁ quió'₅ Diú₄, caun₂ 'nioi₃ riin'₅₄, caun₂ chain₂ le₁jě₃ jme₂dsí₂ quió'₅, a₂li'₅₄ quió'₅ nē₃.

3

'A₂ lia'₂ ca₂tín₂ jmo₃ jui₁lia'₂ dsa₂ i₂cán₂ ne₄ jui₅ quián₅ guá'₅

¹ Dsón'₂ bá₄ dsau₅ jág₁ la₂: chi₂jua'₂ 'ein₂ 'nia'₂ 'nio₃ cán₂ ne₄ jui₅ jñia₃ rin'₅₄,* ta₁ dse₃ bá₄ jaun₂ 'ín₅ dsí₅. ² Jaun₂ lē₃ juá'₅ jniá₂, dsa₂ i₂chén'₅ ne₄ jui₅a tsá₃ 'nió'₅

* **2:5** o₃, "Jesucristo." † **2:7** A₂lin₅₄ chog₅₄ si₂juá'₂ján₃; "le₃quió'₅ Cristo." * **3:1** griego: epískopos.

jua' ₅₄ cha ₂ ja ₁ coin ₂ a ₂ lé ₂ le ₃ bó ₂ g' ₂ dsa ₂ dso ₄, jua' ₅₄ a ₂ ag ₃ 'lig' ₅₄. Ján ₃ guë' ₂, jan ₂ bá ₄ 'io ₅₄ quiáin ₅ i ₂ guá ₅ quiain' ₅₄; 'en ₅₄ dsí ₅ 'nió' ₅ lén ₂; li' ₅₄ quió' ₅, i ₂ nī ₅ con' ₂ dse ₃ jniá ₂, qui ₂ guein ₃ dsa ₂ dsi ₂ néi ₂ quió' ₅, qui' ₅₄ jmī ₄ jme ₃ tīn ₂₃ dsa ₂. ³ Tsá ₃ 'nió' ₅ nī ₃ 'ein ₅, on ₃ guë' ₂ qui' no ₃ mī' ₅₄, on ₃ guë' ₂ 'nió' ₅ jmo ₃ 'ín ₅ dsí ₅ jua' ₅₄ a ₂ lē ₁ 'nio ₃ lí' ₂ cu ₄ quió' ₅ dsa ₂. Tē ₂ le ₃ 'nió' ₅ nī ₃ caun ₂ tei ₄ jmo ₃ 'ua ₁ dsí ₅ quian' ₅₄ riin' ₅₄, tsá ₃ 'nió' ₅ jmo ₃ jua' ₅₄ a ₂ nī ₄ lē ₃ 'ín ₅ dsí ₅ cu ₄. ⁴ 'Nió' ₅ nī ₅ 'a ₂ lia' ₂ njiai ₃ dsa ₂ dsi ₂ néi ₂ quió' ₅, 'a ₂ lia' ₂ co ₂ jéin' ₂ chí' ₂ quiáin ₅ ia ₁ jaun ₂ bá ₄ jme ₂ go ₃ chí' ₂ quiáin ₅ ne ₄ ca ₂ le ₃ jē ₃. ⁵ Ia ₁ nē ₁ jua' ₂ tsá ₃ nī ₅ 'a ₂ lia' ₂ njiai ₃ dsa ₂ dsi ₂ néi ₂ quió' ₅ nē ₃, ¿'a ₂ bá ₄ lia' ₂ lé ₂ le ₃ jmo ₃ 'í ₁ guá' ₅ quián ₅ Diú ₄? ⁶ Tsá ₃ 'nió' ₅ cán ₂ ne ₄ jui ₅ quió' ₅ guá' ₅ jan ₂ i ₂ tē ₂ ca ₂ rē ₃ 'én ₂. Ia ₁ con' ₂ tsá ₃ nō ₅ nē ₁ jua' ₂ 'nō ₅ ca ₂ jmo ₃ rón ₂, tián' ₃ jui ₁ lia' ₂ ca ₂ tán' ₂ i ₂ sē ₃ dsen ₃. ⁷ Ján ₃ bá ₄ 'nió' ₅ 'ei ₅ jág ₁ dse ₃ quió' ₅ jin ₄ dsa ₂ i ₂ tsá ₃ 'én ₂, ia ₁ con' ₂ tsá ₃ nō ₅ nē ₁ ca ₂ tán' ₂ jág ₁ lia' ₂ chain ₂, a ₂ tián' ₂ tsi ₁ cá ₅ quió' ₅ i ₂ sē ₃ dsen ₃ nē ₃.

'A ₂ lia' ₂ 'nió' ₅ jmo ₃ dsa ₂ i ₂ jme' ₂ o ₅₄ quián ₅ guá' ₅

⁸ Le ₂ nē ₅ bá ₄ ján ₃, 'nió' ₅ jmo ₃ dsa ₂ i ₂ jme' ₂ o ₅₄ a quián ₅ guá' ₅, 'nió' ₅ lén ₂ dsa ₂ i ₂ en ₅₄ dsí ₅ ján ₃, i ₂ quian ₅ caun ₂ jui ₅ dse ₃. Tsá ₃ 'nió' ₅ lén ₂ dsa ₂ i ₂ lē ₁ qui ₂ co ₅ jág ₁ quió' ₅, on ₃ guë' ₂ 'nió' ₅ i ₃ nioi ₅₄ 'ein ₅, tsá ₃ 'nió' ₅ jmo ₃ 'ín ₅ dsí ₅ jua' ₅₄ a ₂ lē ₁ 'nio ₃ lí' ₂ cu ₄ quió' ₅ dsa ₂. ⁹ 'Nió' ₅ jmo ₃ 'í ₁ jág ₁ dse ₃ a ₂ rē ₂ 'ma ₄ quió' ₅ Diú ₄ a ₂ 'éin ₂ jniog ₄, a ₂ le ₁ jē ₃ tē ₂ dsí ₅. ¹⁰ 'Nió' ₅ con ₂ de' ₂ dsa ₂ 'í ₁ quió' ₅ ca ₂ le ₃ jín ₃ con' ₂ dsa ₂ i ₂ lén ₂ i ₂ jme' ₂ o ₅₄ nē ₁ jua' ₂ 'a ₂ lia' ₂ lín ₅. Nē ₁ jua' ₂ tsá ₃ 'e ₂ riin ₂, jaun ₂ guë ₄ dsi ₂ ten ₅₄ lén ₂ dsa ₂ i ₂ jme' ₂ o ₅₄ a quián ₅ guá' ₅. ¹¹ Jui ₁ lia' ₂ dsa ₂ mī ₂ guë' ₂ nē ₃, ján ₃ bá ₄ le ₂ jaun ₂ 'nió' ₅ li' ₅₄ quió' ₅, tsá ₃ 'nió' ₅ a ₂ lē ₁ bó ₂ g' ₂ dso ₄. 'Nió' ₅ 'en ₅₄ dsí ₅ lén ₂, rē ₂ ti' ₅₄ jē ₄ ca ₂ le ₃ jē ₃ nē ₃. ¹² I ₂ jme' ₂ o ₅₄ quián ₅ guá' ₅ a 'nió' ₅ jmo ₃ ján ₃, jan ₂ bá ₄ 'io ₅₄ quiáin ₅ i ₂ rē ₂ jen' ₂ gu ₂ quiáin ₅₄. Jaun ₂ 'nió' ₅ nī ₅ 'a ₂ lia' ₂ co ₂ jéin' ₂ con' ₂ dsi ₂ ten ₅₄ chí' ₂ quiáin ₅, quian' ₅₄ dsa ₂ dsi ₂ néi ₂ quió' ₅ nē ₃. ¹³ Ia ₁ jui ₁ lia' ₂ dsa ₂ i ₂ jme' ₂ o ₅₄ † i ₂ rē ₂ ti' ₅₄ dse ₃ ta ₁ quió' ₅ a ₂ lín ₅, lí' ₄ a ₂ ag ₃ dsa ₂ dse ₃ quió' ₅, ton' ₂ ján ₃ guë' ₂ caun ₂ guë ₄ 'ag ₃ dsí ₅ a ₂ dsia ₃ 'a ₂ lia' ₂ 'éin ₂ tē ₂ le ₃ quió' ₅ Cristo Jesús.

Le ₂ la ₂ lē ₅ jág ₁ quió' ₅ Diú ₄ a ₂ 'éin ₂ jniog ₄

¹⁴ 'In ₂ dsí ₃ jniá ₂ nei ₅₄ nī' ₅₄ ta ₁ i ₁ jing ₁₂ 'ne ₂. La ₁ né' ₃ a ₂ dsí ₃ o ₄, jmo ₂₃ si ₂ la ₂, ¹⁵ ia ₁ jaun ₂ nē ₁ jua' ₂ ca ₂ rē ₃ 'ing ₅₄, le ₃ nī' ₅₄ bá ₄ 'a ₂ lia' ₂ ca ₂ tín ₂ i ₃ nio ₄ dsa ₂ dsi ₂ néi ₂ quió' ₅ Diú ₄, i ₂ lín ₅ guá' ₅ quián ₅ Diú ₄ jén' ₃, co ₂ 'nió' ₄ 'ui ₅₄ 'ia' ₂, 'ma ₂ dsí ₅ nē ₃, quió' ₅ jág ₁ tí ₅. ¹⁶ Dsón' ₂ bá ₄ juë' ₂ juá' ₅ a ₂ 'éin ₂ jniog ₄, a ₂ jme ₁ rē ₂ 'ma ₄ le ₂ jniá ₅:
Ca ₂ guan ₃ Diú ₄ chí ₁ dsain ₂;

ca ₂ jme ₃ jniog ₅ Jme ₂ dsí ₂ a ₂ lín ₅ i ₂ dsen ₃;
ca ₂ jág ₂ ángeles;
ca ₂ rē ₃ 'é ₂ jág ₁, ca ₂ 'ag ₃ dsa ₂ jin ₄ dsi ₂ nau ₂;
ca ₂ rē ₃ 'én ₂ dsa ₂ mī ₂ gü ₃ jág ₁ quió' ₅;
ca ₂ guéi' ₂ táng ₃ Jmei ₂ guei' ₅₄ i ₂ ju ₃ jág ₃ nē ₃.

4

Dsa ₂ i ₂ dsí ₃ lén ₂ cau ₅, qui ₃ tī ₂ jág ₁ quió' ₅ Diú ₄

¹ Lia' ₂ tí ₅ jág ₁ dsón' ₂ bá ₄ ma ₂ ca ₂ juá' ₂ Jme ₂ dsí ₂ quián ₅ Diú ₄ 'a ₂ lia' ₂ lé ₂ jmī ₄ jē ₁ ca ₂ tó' ₂. I ₂ lín ₅₄ dsa ₂ dsi ₃ lén ₂ cau ₅, tī ₂ jág ₁ a ₂ 'éin ₂ jniog ₄, tón' ₂ jui ₅ jág ₁ quió' ₅ jme ₂ dsí ₂ i ₂ ju ₁ gan ₂, jág ₁ juá' ₅ a ₂ já ₅ quió' ₅ je ₂ na' ₅₄ nē ₃, ² a ₂ jme ₂ tag ₅ dsa ₂ i ₂ njia' ₅₄ qui ₂ le ₁ 'ág ₄ dse ₃ o ₁ ne ₁, i ₂ co ₂ jmo ₅ jág ₁ tē ₂ jág ₁, i ₂ tsá ₃ ma ₃ 'e ₂ qui ₂ dsí ₂ jni ₅ dsí ₅ ia ₁ ma ₂ lē ₅ dsí ₅ nē ₂ jag ₄ bá ₄ a ₂ ma ₂ cá ₂ quian' ₅₄ ni ₁ nī ₁ dséi ₂. ³ Jme ₃ tag ₂₃ a ₂ tsá ₃ ma ₃ jén' ₂ dsa ₂ gu ₂; a ₂ lín ₅₄ má ₃ guë' ₂ nē ₃ tsá ₃ ma ₃ cu ₃ jmī ₄ jua' ₅₄ a ₂ guë' ₃ guë ₄ dsa ₂, o ₁ njia' ₅₄

† 3:13 griego: diákonous.

ca₂jmo₃ Diú₄ ca₂le₃jě₃ ne₅₄ cosa ia₁jaun₂ guě₃ dsa₂ i₂'én₂ i₂cuí₅ jág₁ dsau₅, a₂cuě₃ ti₁'mag'₄ ně₃. ⁴ A₂dse₃ jě₂ bá₄ a₂ca₂jmo₃ Diú₄. Jaun₂ dse₃ bá₄ guéi₁ jniog₄ cuě₅₄ ti₁'mag'₄ Diú₄, tsá₃ 'nió'₅ jua'₅₄ a₂tsá₃ guéi₁. ⁵ Ia₁ ma₂ron₅ jág₁ quió'₅ Diú₄, juá'₂ a₂le₃jě₃ bá₄ jaun₂. Jme₂jnió₃ bá₄ Diú₄ jme₁cuě₅ dsa₂ ti₁'mag'₄.

Dsa₂ i₂jme₂ti₃ dse₃ ne₄ Jesucristo

⁶ Chi₂jua'₂ jme₂tíng'₁ dsa₂ rin'₅₄ jniog₄ le₂ně₅, léng'₂ dsa₂ dsen₃ i₂jme₂ti₃ ta₁ ne₄ Jesucristo. Qui₂rě₂tang'₅₄, rě₂bei'₂ 'au'₂ quian'₅₄ jág₁ quió'₅ Diú₄ a₂'éng'₂, juá'₅ dse₃ a₂chan'₅₄ ně₃. ⁷ La₁ tsá₃ lě₁tón'₂ jui₅ jág₁ co₄ a₂lě₁dsia₅ dsa₂ mi₂güig'₃, on₃ guě'₂ tón'₂ jui₅ cuentos a₂le₁dsia₅ guiong'₂ can'₅₄ ně₃. Caun₂ jme₁dsau₅ quiáng'₂ tē₂le₃ quió'₅ Diú₄. ⁸ Dsón'₂ a₂dse₃ bá₄ jaun₂ jme₂dsau₅ dsa₂ cho₅ dséi₂ ni₁ni₁₂ jui₁lia'₂ jme₁co₂₃. La₁ 'nio₅ lin₃ guě₄ dse₃ jme₃dsau₅ dsa₂ tē₂le₃ quió'₅ jme₂dsí₂ quió'₅ a₂'nioi₃ Diú₄. Ia₁ a₂ně₅ bá₄ cuě₃ a₂dse₃ quián₂ jniog₄ mi₂güig'₃ caun₂, on₃jua'₅₄ jmá'₃ ne₄ gua'₅₄ 'uě₃ la₂. ⁹ Ca₂le₃jín₃ bá₄ 'nió'₅ le₃'én₂ jág₁ la₂, ia₁ tē₃dsón'₂ bá₄ dsau₅. ¹⁰ A₂jaun₂ bá₄ lě₃ dsen₅₄ dsí₅ jmo₂ jniog₄ ta₁, qui₂jnaú'₂ dsa₂ jág₁ uig'₅, ia₁ ma₂ca₂'éi₁ jniog₄ caun₂ dsí₅ tē₂le₃ quió'₅ Diú₄ jén'₃ tē₃dsón'₂ i₂lín₅ i₂lió₂ quián₅ ca₂le₃jín₃ dsa₂, la₁ tē₂le₃ dsen₅₄ guě₄ quián₅ dsa₂ i₂'én₂.

¹¹ Jág₁ ně₅ ca₂tíng'₂ juig'₅₄ dsa₂, jme₁tin'₂ ně₃. ¹² Tsá₃ lě₁cuín₅ jmig₄ jua'₅₄ a₂tsá₃ jme₃go₃ dsa₂ ia₁ a₂meg'₂. Tē₂le₃ 'nio₅ lin₃ guě₄ ca₂tíng'₂ cán'₁ ne₄ jui₅ a₂jmó'₂ a₂dse₃ ia₁jaun₂ jág₃ ca₂le₃jín₃ dsa₂ i₂'én₂; ju₁lia'₂ 'a₂lia'₂ lě₅ jág₁ quiáng'₂, jme₁dsia'₂ jág₁, ju₁lia'₂ 'a₂lia'₂ chang'₂ ni'₂, ju₁lia'₂ 'a₂lia'₂ 'nió'₃ 'ne₂ dsa₂ ríng'₂, ju₁lia'₂ 'a₂lia'₂ 'éng'₂, ju₁lia'₂ 'a₂lia'₂ chang'₂ a₂le₁jě₃ tē₂'au'₂ ně₃. ¹³ Tē₂lia'₂ tsá₃ ma₂dsióg₃ jniá₂, 'í₁ Si₂ quió'₅ Diú₄ jin₄ dsa₂; tióin'₂ jág₁ dse₃ jme₁tin'₅ ně₃. ¹⁴ Tsá₃ ju₁dsi₂'én₂ 'au'₂ a₂ma₂cuě₃ Diú₄ a₂ma₂tíng'₂ a₂ca₂ni₂g'₂ tē₂le₃ quian'₅₄ dsa₂ can'₅₄ rin'₅₄ jniog₄ i₂ca₂quiog₂ gu₂ ne₄ quiáng'₂.

¹⁵ Dsen₅₄ 'au'₂ jmo₄ jme₁dsau₅ quiáng'₂ ca₂le₃jě₃ a₂ně₅, ia₁jaun₂ le₃lí'₄ dsa₂ a₂ma₂dsi₂jniág'₄ a₂tíng'₂. ¹⁶ Jmo₄ 'í₁ 'niag'₂, ján₃ guě'₂ le₂jaun₂ quian'₅₄ juá'₅ a₂jme₂tíng'₁ dsa₂. Caun₂ jmo₄ bá₄ a₂ně₅. Nē₁jua'₂ ca₂jme₁ti'₄ ca₂le₃jě₃ a₂ně₅, long'₅₄ 'niag'₂, ján₃ guě'₂ long'₅₄ ca₂le₃jín₃ i₂nag₅ jág₁ quiáng'₂.

5

'A₂lia'₂ 'nió'₅ jmo₃ jin₄ dsa₂ 'én₂ rin'₅₄

¹ Tsá₃ lě₁tē₂jén₅ ju₁lia'₂ dsa₂ ma₂guen'₂. Tē₂le₃ 'nió'₅ tióin'₂ jág₁, jmo₄ bá₄ 'au'₂ co₂'nió'₄ nēi'₅. Ján₃ guě'₂ le₂jaun₂ dsa₂ ne'₂ chi'₂, jmo₄ 'au'₂ jin₅₄ lia'₂ ja₁jíng'₅₄ ríng'₂. ² Ján₃ guě'₂ le₂jaun₂ ju₁lia'₂ dsa₂ mí₂ ma₂guen'₂ ně₃, jme₁'nió₄ ju₁lia'₂ 'nióg'₃ chog'₂. Le₂jaun₂ guě'₂ ju₁lia'₂ 'io₅₄ chi'₂, jin₅₄ jme₁'nió₄ ju₁lia'₂ ja₁'nióg'₃ 'io₅₄ ríng'₂ ján₃, a₂le₁jě₃ 'au'₂ co₂ne₁'₅₄.

³ Ju₁lia'₂ 'io₅₄ 'nág₂ guě'₂ ně₃, jme₁'oin₅₄ nē₁jua'₂ léi₄ a₂'nió'₅ dsón'₂ quió'₅. ⁴ La₁ nē₁jua'₂ jan₂ dsa₂ mí₂ 'nág₂ chan₂ chi'₂ quián₅ o₃ chi'₂ dsio₅₄ 'e₂, i₂'éi₂ bá₄ le₂'uig'₅₄ ca₂tín₂ jme₁tin₅ dsí₅ nio₃ ne₅₄ chog₅₄, a₂jéin'₅ dsí₅ jme₃'nioi₃ chog₅₄ ia₁ ma₂ca₂jme₃cau'₅₄. Ia₁ le₂ně₅ bá₄ dse₃, 'nio₂ dsí₅ Diú₄. ⁵ 'Io₅₄ 'nág₂ i₂tē₃dsón'₂ tsá₃ 'ein₂ chan₂ quián₅, caun₂ a₂jaun₂ bá₄ chain₂ 'ín₂ dsí₅ le₃quió'₅ Diú₄ bá₄, chi₂lén'₂ Diú₄ 'uě₂-jmi₂ mi₂₃ 'e₂ 'nió'₅ quió'₅. ⁶ La₁ nē₁jua'₂ 'io₅₄ 'nág₂ i₂lě₁ni₅ cuě'₅ o₂'nió₃ o₂jniá₃ dsí₅ 'niog₅ ně₃, co₂'nió'₄ 'lag₄ bá₄ 'éi₂ chan₂. ⁷ Jaun₂ ca₂le₃jě₃ a₂ně₅ chei'₅₄ dsa₂ jaun₂ tsá₃ 'e₂ cha₂ jua'₅₄ a₂cuín₃ jmig₄ 'ag₃ dsa₂ 'lig'₅₄. ⁸ Nē₁jua'₂ chan₂ i₂tsá₃ jui₅ tón'₂ 'e₂ ta₁ chain₂ quiain'₅₄ i₂chan₂ quián₅, la₁ 'nio₅ lin₃ guě₄ nē₁jua'₂ tsá₃ tóin'₂ jui₅ i₂chan₂ dsí₂néi₂ quió'₅ 'niog₅ ně₃, ma₂dsia₃ cau₅ a₂'éin₂; i₂le₂'éi₂ lín₅ tson₂ guě₄ lia'₂ dsa₂ i₂tsá₃ 'én₂.

9 'Nió'₅ tē₃ton₅₄ ne₄ si₂ jmá'₃ 'io₅₄ 'nág₂ i₂ma₂tion'₅₄ lě₅ guě₄ ma'₃nag'₂ ne₂guióg₂
 ŋi₂, i₂ma₂ŋia₃ jan₂ bá₄ dsi₂i₂gu₂. 10 'Nió'₄ dsa₂ i₂ma₂cuin₅ dsa₂ dse₃, a₂dsón'₂ bá₄
 dsein₃, dse₃ bá₄ ta₁ jē₁ma₂já₅, jui₁lia'₂ chi₂jua'₂ ma₂ca₂jme₃cain'₅₄ chi'₂-guein₂
 quiáin₅, chi₂jua'₂ ma₂qui₂ma₂cuē₃ bá₄ 'ŋio₂ dsí₅ dsi₂néi₂ quió'₅ ma₂qui₂ma₂ŋia₃
 dsa₂, chi₂jua'₂ ma₂ca₂jme₃ti₃ bá₄ ta₁ 'ŋio₂ dsí₅ ne₄ dsa₂ rin'₅₄ jniog₄ i₂'én₂, * tsá₃
 jmo₂₃ dsí₅ jua'₅₄ quein₅ guě₄ con'₂ guě₄ riin'₅₄, chi₂jua'₂ ma₂ca₂jme₃oin'₅₄ bá₄
 i₂chan₂ o₂i₁ dsi₅, chi₂jua'₂ ma₂jmo₃ ca₂le₃jě₃ ne₅₄ a₂dse₃ ně₃. 11 La₁ tsá₃ tē₃ton'₅₄
 ne₄ si₂ 'io₅₄ 'nág₂ i₂tion'₅₄ me'₂ guě₄ ŋi₂, ia₁ jē₁ma₂ca₂lě₃ dsí₅ 'ŋio₅ lin₃ guě₄ tón'₂
 jui₅ a₂mi₅ dsí₅ con'₂ guě₄ a₂jme₃ti₃ ta₁ a₂tióin₂ ne₄ Cristo, gu₂ bá₄ tiá₂ 'nio₃ jéin'₃
 táng₃. 12 Le₂ně₅ bá₄ rē₂cáin'₄ ia₁ tsá₃ ca₂rě₃ti'₅₄ jág₁ quió'₅ a₂ma₂cuē₃. 13 Ján₃
 guě'₂ con'₂ tsá₃ ŋó₅ ně₁jua'₂ ca₂rě₃tín₃ dsí₅ ŋia'₅₄ i₂nioi₅₄ tē₂juin₂ tsi₁jīn₁₂. Ján₃
 guě'₂ le₂jaun₂, on₃jua'₅₄ rē'₂ ŋia'₅₄ tīn₂ i₂nioi₅₄ tsi₁jīn₁₂, dsi₂léin₂ le₂'í₁ 'né₅ ton'₂
 qui₂i₂quian₅₄ jág₁ a₂la₂ a₂ó₃, qui₂tiáin₂ ja₁tsá₃ ca₂tīn₂. 14 Jaun₂ lě₃ 'nio₃ jniá₂
 co₂ŋei'₅₄ jén'₂ táng₃ gu₂ jui₁lia'₂ 'io₅₄ 'nág₂ chi'₂, jui₁le₂chan₂ chi'₂-guein₂ quiáin₅,
 jui₁lein₅₄ bá₄ dsa₂ i₂niog₅ gu₂ dsi₂néi₂. Jaun₂ tsá₃ cuin₃ jmīg₄ jmo₃ i₂sě₃dsen₃ lě₂
 dsí₅ dsa₂ 'ag₃ 'lig'₅₄. 15 Ia₁ i₂lin₅₄ ma₂i₂léin₂ cau₅, 'ein₂₃ Satanás.

16 Chi₂jua'₂ chan₂ rin'₅₄ jniog₄ dsa₂ ŋe'₂, o₃ dsa₂ mí₂ 'e₂, † chi₂jua'₂ chan₂ dsa₂
 'nág₂ quió'₅, ne₄ 'éi₂ nio₃ 'e₂ 'nió'₅ quió'₅ dsa₂ 'nág₂, ia₁jaun₂ tsá₃ ŋí₄ lě₃ guei₂ cán₂
 guá'₅, ia₁jaun₂ bá₄ cuin₃ jmīg₄ lě₂ le₃jme₃'o₅₄ guá'₅ jmá'₃ quió'₅ 'io₅₄ 'nág₂ i₂'nió'₅
 dsón'₂ quió'₅.

17 Dsa₂ can'₅₄ i₂jmo₅ 'éi'₃ dse₃ guá'₅, tīn₃ ráun₂ lě₅ guě₄ 'nió'₅ jme₃go₃ dsa₂, jág₂
 dsa₂ dse₃. La₁ 'ŋio₅ lin₃ guě₄ ca₂tīn₂ dsa₂ jīn₂ dse₃ jme₃'nioi₃ i₂jmo₅ ta₁ i₂cuē₅ jág₁
 jme₂tag₂₃. 18 Ia₁ ne₄ Si₂ quió'₅ Diú₄ juá'₂: “Tsá₃ lě₁tó'₂ 'nei₅₄ mi₂'o₄ ca₁jui₅ i₂jmo₅
 ta₁ qui₂tsó'₅ i₂'uíg₂ míg₂ trigo.” † Ján₃ guě'₂ le₂jaun₂ juá'₂ Si₂: “Ca₂tīn₂ bá₄ dsa₂
 i₂jmo₅ ta₁ gue₃ 'liain'₅₄.” §

19 Tsá₃ lě₁tón'₂ jui₅ ně₁jua'₂ chan₂ 'ein₂ dsia₅ dso₄ 'ni₂₃ jan₂ gui'₅₄ can'₅₄ ně₁jua'₂
 tsá₃ tión₂ on₃-ún₂ dsa₂ i₂jáng'₃ jág₁ dsau₅. * 20 La₁ jui₁lia'₂ dsa₂ i₂caun₂ 'no₅ dso₄,
 tē₂jéin₃ tē₃jē₄ ja₁le₁ŋi'₂ 'nia'₂ ca₂le₃jīng'₃, ia₁jaun₂ tē₃ ne₄ ca₂le₃jīn₃ jaun₂ le₃gó'₃
 ján₃. 21 O₄quió'₄ Diú₄, quian'₅₄ Te₁gui'₅₄ Jesucristo, quian'₅₄ ca₂le₃jīn₃ ángeles
 i₂ma₂quióin'₂, cuē₅ jniá₂ 'éi'₃ la₂ ia₁jaun₂ jme₁ti'₄ 'ne₂: Tsá₃ jmó'₂ jua'₅₄ a₂jīng'₅₄
 jma₃quén₅ rīng'₂ a₂jmó'₂ i₂lin₅₄ tē₁jéng'₄, i₂lin₅₄ guě'₂ tsá₃ tē₁jéng'₄. Co₂rē₂ bá₄
 tē₁jéng'₄ con'₂ i₂ca₂tīn₂ dsi₃jen₅₄. 22 Tsá₃ caun₂ lē₁ín₅† de'₂ tē₂le₃ dséi₂ dsa₂ i₂jioḡ₃
 cán₂ ne₄ jui₅ guá'₅, con'₂ tsá₃ ŋó₅ ně₁jua'₂ le₃jioḡ₄ 'ne₂ ca₂rě₃cáng'₂ dsáu₁ i₂sián'₂.
 Jmo₄ 'í₁ a₂chang'₂ le₁jě₃ tē₂'au'₂.

23 Ia₁ a₂rē₂dsong'₅₄ i₂gú'₃ ton₅ dso₄ tog'₂, tsá₃ ma'₃'nió'₅ 'ag'₅₄ jmá'₃ jmīg₂; 'én'₂
 ca₂la₂ vino ján₃.

24 Dso₄ a₂'no₅ dsa₂ i₂lin₅₄ a₂léi₄, jniá₂ dse₃ bá₄ né'₃ a₂dsi₁lein₃ ja₁jáng'₃ cuenta
 quió'₅. Quió'₅ i₂lin₅₄ guě'₂ tsá₃ léi₄ dsi₂jui₅. Cang₂ bá₄ rē₂léi₄. 25 Ján₃ guě'₂ le₂jaun₂,
 chi₂jua'₂ 'e₂ dse₃ jmo₅ dsa₂, rē₂léi₄, jniá₂ bá₄. O₁ŋia'₅₄ tsá₃ qui₂rē₂jniá₂ dsi₂jui₅,
 tion₅₄ bá₄ rē₂jniá₂ jui₁la₂ 'ióg₃.

6

1 Dsa₂ i₂jme₂ti₃ ta₁ ne₄ juig₅₄ 'nió'₅ jme₃gain₃ juig₅₄ ia₁jaun₂ tsá₃ chi₂'ag₃ dsa₂
 'lig'₅₄ 'iin₃ Diú₄, on₃ guě'₂ 'ě₃ dsa₂ 'lig'₅₄ 'e₂ jme₂tīn₁ jniog₄ dsa₂. 2 Chi₂jua'₂ chan₂
 juig₅₄ i₂'én₂ ně₃, tsá₃ jua'₅₄ jaun₂ 'nió'₅ jme₃go₃ dsa₂ me'₂ guě₄ ia₁ līn₅ dsa₂ 'én₂

* 5:10 lit. “chi₂jua'₂ ma₂qui₂ma₂rang₃ mi₂tag₄ dsa₂ ŋjió₅.” † 5:16 A₂lin₅₄ chog₅₄ si₂: “Chi₂jua'₂ chan₂
 dsa₂ mí₂ rin'₅₄ jniog₄.” ‡ 5:18 Deuteronomio 25:4. § 5:18 Lucas 10:7. * 5:19 'Nio'₂ ja₁ton₅
 Números 35:30, Deuteronomio 17:6. † 5:22 lit. “Tsá₃ caun₂ dsiá'₁ gog'₂ de'₂ tē₂le₃ dséi₂.”

rɪɪn'⁵⁴. Co₂rē₂ bá₄ 'nió'⁵ jme₃gan₃ dsa₂ rɪɪn'⁵⁴ con'² rɪɪn'⁵⁴ i₂'én₂ tē₂le₃ quió'⁵ Cristo. Tē₂le₃ 'nió'⁵ jme₃ti₃ guē₄ dsa₂ dse₃ ta₁ ne₁₂, ia₁ a₂lín₅ dsa₂ 'én₂ rɪɪn'⁵⁴ i₂'nió'⁴. Le₂nē₅ jme₁tɪn₅ dsa₂, tɔin'² jág₁ ně₃.

Ag₅ dsa₂ dse₃ dsí₅ jmo₂₃ 'io'² quian'⁵⁴ juá'⁵

³ Chi₂jua'² chan₂ i₂jme₂tag₅ le₂siá'², ton'² tsá₃ dsáu₅ dsí₅ jág₁ dse₃ quió'⁵ Te₁gui'⁵⁴ Jesucristo, on₃ guē₄ juá'⁵ quió'⁵ Diú₄ ně₃, ⁴a₂jñia'⁵⁴ con'² jme₂rón₂ 'ñiog₅ bá₄ dsa₂ 'éi₂, 'i₁ca₂juig₄ tsá₃ 'e₂ ñí'² dsí₅. Nē₂jag₄ bá₄ i₂dso'⁵⁴ bá₄ i₂le₂'éi₂, ia₁ a₂jñia'⁵⁴ 'nio₃ dsia₃ mɪ'⁵⁴ quian'⁵⁴ jág₁. 'Uig₅₄ jaun₂ ja₂ uig₅ dsí₅ dsa₂, qui₂tsin₅ dsa₂, qui₂jná'² dsa₂ jág₁ uig₅ rɪɪn'⁵⁴, tsá₃ 'e₂ dse₃ jín₂ dsa₂ rɪɪn'⁵⁴ ně₃. ⁵Lē₅ bá₄ caun₂ jñia'⁵⁴ niog₅ mɪ'⁵⁴ tsá₃ dsian₅ lē₅ jín₄ dsa₂ i₂tsá₃ dse₃ qui₂dsi₂jñiog₅ dsí₅. Tsá₃ ma₃'e₂ jág₁ dsau₅ cuí'⁵; lín₂ quian'⁵⁴ juá'⁵ a₂jme₂tag₂₃, a₂tē₃dsi₅₄ quió'⁵. [Co₂dsia₅ jñiag'³ cau₅, tsá₃ lē₁'ú₅ quian'⁵⁴ dsa₂ i₂le₂'éi₂.]* ⁶Dsau₅ bá₄ jaun₂ a₂quen₅ juá'⁵, la₁ia₁ a₂tē₁dsi₅₄ guē₄ lín₃ le₃quió'⁵ dsa₂ i₂le₁'ág₄ tei₄ dsí₅, i₂chan₂ ma₂dsáu₅ dsí₅ 'e₂ cha₂ quió'⁵. ⁷Ia₁ 'i₁caun₂ tsá₃ 'e₂ le₁quian₁ jñiog₄ ca₂o₃náu₅ mɪ₂güig₃ la₂, on₃ guē'² cha₂ jua'⁵⁴ a₂lé₂ le₃quiong₅₄ 'i₁caun₂ táng₃. ⁸Ia₁ nē₁jua'² cha₂ bá₄ a₂que₅₄, cha₂ bá₄ tsin'⁵⁴ jñiog₄ ně₃, co₂jaun₂ bá₄ guē'² jñia'⁵⁴ 'nió'⁵ le₃'éi₁ jñiog₄ tei₄ dsí₅ jmó₁ 'io'². ⁹La₁ jui₁lia'² dsa₂ i₂'ín₅ dsí₅ le₃cha₂ cu₄ ně₃, tsi₂séin'² dso₄, tsi₂séin'² 'ñio'³ tsi₁cág'⁵ quió'⁵ i₂sē₃dsen₃, ne₄ ca₂le₃jě₃ a₂'ín₅ dsí₅ a₂tsá₃ ta₁ tí₄, a₂jmóg'² dain₅₄, a₂dsi₂'éin₂ ně₃. ¹⁰Ia₁ a₂ñí₄ lē₃ 'ín₅ dsí₅ dsa₂ le₃cha₂ cu₄, 'uig₅₄ jaun₂ lé₂ le₃jñiog₃ ca₂le₃jě₃ ne₅₄ jui₅ 'lig'⁵⁴. Chan₂ i₂lín₅₄ ia₁ a₂'ín₅ dsí₅ a₂jaun₂, ma₂i₂léin₂ cau₅ jui₅ a₂jme₁'éin₂; a₂'uín₅₄ guoin₅₄ ma₂chain₂ jmi₁uig₅ 'ñio₅ lín₃.

Dsa₂ i₂quín'⁵ bí₂ ia₁ 'éin₂

¹¹La₁ 'ne₂, dsa₂ quián₅ Diú₄, co₂dsia₅ cuin'⁵⁴ ca₂le₃jě₃ a₂nē₅. Co₂dsia₅ ñi₄ bá₄ quian₂ caun₂ jui₅ co₂dsau₅, jme₁dsau₅ quiáng'² tē₂le₃ quió'⁵ Diú₄, caun₂ 'én₂ bá₄, chan'² tiá₂ jág₁, caun₂ jme₁'nió₄ ríng'², jme₁juin'² 'au'², jmo₄ meg'² ně₃. ¹²Quen'² bí₂ dse₃ o₄quió'⁴ jág₁ a₂'éin₂ jñiog₄, jui₁lia'² jan₂ 'lióg₂ quín'⁵ bí₂ ne₄ 'nei₂. Tio'² gog'² ja₁le₃chan₂ co₂tan₅₄ jme₂dsi₂ quiáng'², ia₁ ta₁ jaun₂ ca₂tē₃ Diú₄. Ia₁ dse₃ bá₄ ma₂ñe'³ jmo'² jín₄ dsa₂, a₂cuē'² léi₄ a₂'éng'². ¹³Nē₃ ně₃, jág₅ bá₄ Diú₄ i₂jmo₅ jén'³ ca₂le₃jín₃, jág₅ bá₄ Jesucristo ně₃ i₂ca₂jáng'³ dse₃ jág₁ dsau₅ ne₄ Poncio Pilato, juig₂ jniá₂ 'ne₂ ¹⁴a₂jme₁ti'⁴ 'éi'³ ně₅ tsá₃ qui₂rē₂'ióg₄ ia₁jaun₂ tsá₃ cuin₅ jmig₄ jua'⁵⁴ tē₃jí₂ dsa₂ ca₂lia'² ca₂tē₂ jmig₄ i₁guan'² Te₁gui'⁵⁴ Jesucristo quián₂. ¹⁵Jē₁ma₂ca₂tē₂ jmig₄ jaun₂, ia₁ jñia'⁵⁴ lia'² 'ñiog₅ bá₄ Te₁gui'⁵⁴ Diú₄ jmo₃. 'Ñiog₅ bá₄ lín₅ i₂jñio₅ i₂'uan'², i₂lín₅ Rag₅₄ quián₅ rag₅₄, Te₁gui'⁵⁴ quián₅ ca₂le₃jín₃ juig₅₄ can'⁵⁴ i₂chan₂ ne₄ gua'⁵⁴ 'uē₃ la₂. ¹⁶Jñia'⁵⁴ lia'² jan₂ 'éi₂ bá₄ i₂chan₂ i₂ca₂lia'² o₁líg'² jmig₄ tsá₃ jón₂, i₂chan₂ i₂guá₅ ja₁jniá₂ si₂ ja₁ca₂lia'² 'i₁jan₂ tsá₃ 'ein₂ qui'⁵⁴ jmig₄ jme₃quián₃, i₂tsá₃ 'ein₂ dsa₂ mɪ₂güig₃ ma₂jág₂, on₃ guē'² qui'⁵⁴ jmig₄ jág₂. ¡Ca₂tín₂ bá₄ Diú₄ ca₂le₃jě₃ bí₂! ¡Quió'⁵ 'éi₂ bá₄ jme₃juag'² dsa₂ co₂tan₅₄! ¡A₂méi₃! ¹⁷Jui₁lia'² i₂cha₂ cu₄ mɪ₂güig₃ la₂, chei'⁵⁴ tsá₃ lē₁jui₁jmo₁₂ róin₂, on₃ guē'² jui₁jmo₅₄ 'ín₂ dsí₅ le₃quió'⁵ cu₄, ia₁ a₂lē₁lé₂ dsí₃'én₂ bá₄ cu₄. Co₂dsia₅ guē₄ jmo₅ jui₁jmo₁₂ 'ín₂ dsí₅ tē₂le₃ quió'⁵ Diú₄ jén'³ i₂jén'⁵ ca₂le₃jě₃ lia'² qui₂rē₂tsón₂ ia₁jaun₂ jmó₁ 'io'² le₃chong₂. ¹⁸Chei'⁵⁴ jui₁jmo₁₂ a₂dse₃ 'ñio₅ lín₃, jui₁jmo₁₂ 'ñio₂ dsí₅ jui₁jme₂'oin₅₄ rɪɪn'⁵⁴ quian'⁵⁴ 'e₂ a₂cha₂ ca₂la₂ quió'⁵. ¹⁹Jaun₂ le₂nē₅ qui₂dsi₃tsón₃ 'uig₅₄ ja₁náu₃ tiá₂ tē₂le₃ ne₄ jui₅ ja₁ñó₄, tó'³ gu₂ ja₁le₃chain₂ dsón'².

Jág₁ a₂ca₂tsí'³ guē₄ Timoteo jē₁ca₂tó'²

* 6:5 A₂lín₅₄ chog₅₄ si₂ tsá₃, le₁ton₅ jág₁ ně₅.

20 'Ne₂ Timoteo, dse₃ jmo₄ 'í₁ a₂ma₂nio₅ ne'₅₄. Tsá₃ lë₁tón'₂ jui₅ já_{g1} a₂tsá₃ ta₁
 tí₄ a₂nio₅ dsia₅ dsa₂ mi₂güí₃ i₂tsá₃ 'én₂. Ní₂ dse₃, tsá₃ tón'₂ jui₅ já_{g1} quió'₅ dsa₂
 i₂ñí₄ lë₃ 'ñio₅ ñi₅ jmo₅, ia₁ on₃jua'₅₄ dsau₅ dsón'₂ tin₂ dsa₂ 'éi₂, ia₁ tsá₃ jme₂tag₂₃
 lia'₂ con'₂ lë₅ juá'₅ dse₃ dsón'₂. 21 Ia₁ i₂lin₅₄ dsa₂ i₂ca₂rë₃ 'én₂ já_{g1} quió'₅ dsa₂ le₂'éi₂
 ma₂i₂cóin'₅ bá₄ táng₃ jui₅ quió'₅ Diú₄ a₂jme₁'éin₂.
 Jui₁jme₂gu'₅₄ bá₄ Diú₄ quiáng'₂.
 Co₂në₅.

Si carta jē₁ca₂tē₂ tin₃ a₂ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Te₁gui' ₅₄ Jesucristo, cheng₅₄ con' ₂ nē₅ 'nio₃ Diú₄ bá₄, con' ₂ lē₅ jág₁ ca₂cuē₃ Diú₄ jniog₄ a₂le₃chong₂ tē₂le₃ quian' ₅₄ Cristo Jesús. ² Jmo₅ jniá₂ si₂ la₂ ne' ₅₄ 'ne₂ jón₃ quiáng₃ Timoteo, 'nio₃ jniá₂ ju₁chang' ₂ bá₄ nē₂ dsí₅ Diú₄, ju₁jme₂gu' ₅₄ bá₄, ju₁chang' ₂ bá₄ 'ei₅ tei₄, ju₁jmo₅₄ Diú₄ Jme₂ jniog₄ quian' ₅₄ Te₁gui' ₅₄ Jesucristo quián₂.

'A₂ lia' ₂ dsi₂ten' ₅₄ jáng' ₃ dsa₂ jág₁ dsau₅ tē₂le₃ quió' ₅ Cristo

³ Dsau' ₂ dsi₃ co₂tan₅₄ bá₄ 'ne₂ jē₄ chi₂leng' ₅₄ Diú₄ lia' ₂ 'uē₂-jmi₂. Jaun₂ lē₃ cuē₅ jniá₂ ti₁'mag' ₄ jme₂tí₁ ta₁ ne₅₄ a₂ma₂le₁jē₃ a₂qui₂dsi₂jñi₅ tē₂dsi₃ ju₁lia' ₂ ca₂jmo₃ dsa₂ can' ₅₄ quiáng₃ ma₂líg' ₂. ⁴ Ca₂le₃jē₃ jmi₄ bá₄ dsau' ₂ dsi₃ lia' ₂ con' ₂ ca₂'o' ₅₄ le₂jaun₂, jaun₂ jme₁'nio₃ i₁jñing₁₂ táng₃ 'ne₂ ia₁jaun₂ jmo₅₄ 'io' ₂. ⁵ Dsau' ₂ bá₄ dsi₃, ia₁ 'éng' ₂ tē₃dsón' ₂. Chi' ₁'io' ₄ Loida quian' ₅₄ chog' ₂ Eunice, ján₃ bá₄ le₂nē₅ ca₂rē₃'éin₂ le₂'uig' ₅₄. Jaun₂ tē₃dsón' ₂ lín₂ jniá₂ ján₃ bá₄ le₂jaun₂ 'én' ₂ 'ne₂.

⁶ Jaun₂ lē₃ juá' ₅ jniá₂, cuē' ₅₄ bí₂ ca₂le₃jē₃ a₂ma₂cuē₃ Diú₄ tē₂'au' ₂, a₂lē₅ lia' ₂ lē₅ si₂ tē₂'au' ₂ a₂ca₂njig' ₂ lia' ₂ con' ₂ jme₁ca₂co₃ jniá₂ gu₃ ne₄ quiáng' ₂. ⁷ Ia₁ on₃jua' ₅₄ jme₂dsí₂ i₂gó' ₅ ma₂cuin₃ Diú₄ jniog₄. Jme₂dsí₂ 'éi₂ bá₄ ma₂cuin₃ i₂jmo₃ a₂nio₃ tiá₂ dsi₅ jniog₄, i₂jmo₃ a₂jme₁'nió₄ jniog₄ rín' ₅₄, i₂jmo₃ a₂jme₂'uán₄ dsi₅ guio' ₅₄. ⁸ Tsá₃ lē₃jmo₂ gueng' ₅₄ ja₁jang' ₅₄ jág₁ dsau' ₅₄ o₄quió' ₄ Te₁gui' ₅₄ quián₂, on₃ guē' ₂ jmo₂ gueng' ₅₄ o₄quió₃ jniá₂ ia₁ 'eng' ₅₄ né' ₃ 'má₃ o₄quió' ₄ 'éi₂. Tē₂le₃ guen' ₅₄ bá₄ ján₃ jē₂ jmi₁uig' ₅₄ a₂já₅ o₄quió' ₄ jág₁ dse₃, con' ₂ lē₅ bí₂ a₂cuē₅ Diú₄ ⁹ i₂ca₂lió₂ jniog₄ ton' ₂ ca₂tē₃ ia₁jaun₂ le₃chong₂ jniog₄ jnió₅. On₃jua' ₅₄ ia₁ cha₂ 'e₂ dse₃ ma₂jmo₁ jniog₄, ia₁ le₂nē₅ ca₂lē₃ dsí₅ 'ñiog₅ ca₂jmo₃ 'ua₁ dsí₅ ca₂rē₃'nio₃ jniog₄ tē₂le₃ 'uig' ₅₄ o₄quió' ₄ Cristo Jesús. Ia₁ le₂jaun₂ jme₁ma₂'nio₃ bá₄ Diú₄ jniog₄ ca₂le₂jñiá₅ lia' ₂ con' ₂ tsá₃ mi₂güig' ₃ ma₂jmo₃. ¹⁰ Diú₄ ma₂ca₂jme₃jnia₂₃ léi₄ ja₁con₂ dsa₂ mi₂güig' ₃, a₂'nio₃, jme₁ca₂chein₃ Jesucristo i₂lió₂ quián₂ jniog₄, co₂dsia₅ ca₂'éin₂ bí₂ a₂'io₅ 'mú₃; ton' ₂ ca₂jme₃jnia₂₃ tē₂le₃ quian' ₅₄ jág₁ dse₃, 'a₂ lia' ₂ le₃chan₂ dsa₂ co₂tan₅₄.

¹¹ 'Uig' ₅₄ jaun₂ ca₂rē₃'ín₁ jniá₂, ia₁jaun₂ qui₂i' ₃ jág₁ dse₃ la₂, a₂leng₂ jan₂ tē₅ i₂chen₄ quián₅. * ¹² 'Uig' ₅₄ jaun₂ bá₄ a₂nag' ₅₄ ca₂le₃jē₃ ne₅₄ uig' ₅₄ la₂. La₁ tsá₃ o₂gui' ₃ jéin₅ jniá₂, ia₁ guion' ₅₄ bá₄ 'ein₂ tē₂le₃ quió' ₅ ma₂ca₂'ag₃ caun₂ dsi₃, 'éng₂ bá₄ a₂'io₅ 'éi₂ bí₂ a₂jmo₃ 'í₁ a₂le₃tei₅₄ jniá₂ ta₁ a₂ma₂ca₂dsia₃ gu₃, † ca₂lia' ₂ ca₂tē₂ jmi₄ jaun₂.

¹³ Caun₂ jmo₄ bá₄ ju₁lia' ₂ ma₂ca₂jme₁ting₂₃ 'ne₂. Ju₁chang' ₂ bá₄ 'éng' ₂, jme₁'nió₄ ríng' ₂ le₃quió' ₅ Cristo Jesús. ¹⁴ Quian' ₅₄ bí₂ quió' ₅ Jme₂dsí₂ quián₅ Diú₄ i₂jñiog₅ tē₂dsi₅ jniog₄, jmo₄ 'í₁ a₂ma₂dsia₃ Diú₄ gog' ₂.

¹⁵ Ma₂ñi' ₅₄ bá₄, ca₂le₃jín₃ bá₄ dsa₂ chan₂ 'uē₃ Asia ma₂ca₂téi₂ bá₄ jniá₂, i₂lín₅₄ 'éi₂ Figelo quian' ₅₄ Hermógenes nē₃. ¹⁶ Ju₁dsia' ₅₄ bá₄ Te₁gui' ₅₄ nē₂ dsí₅ ca₂le₃jín₃ dsa₂ dsi₂nē₂ quió' ₅ Onesíforo, ia₁ 'lióng₂ ráun₂ bá₄ maguain₂₃ o₃jag' ₅₄ ca₂jmo₃ ca₂rē₃güig' ₂ jme₂dsí₂ quió₃. On₃jua' ₅₄ a₂jaun₂ gui' ₅₄ ja₃jag' ₅₄ ia₁ a₂'eng' ₅₄ né' ₃ 'má₃. ¹⁷ Tē₂le₃ ca₂o₃'niog' ₂ bá₄ jniá₂ jme₁guain₃ Roma. Ca₂lia' ₂ ca₂dsá' ₂ bá₄ ca₂jmo₃. ¹⁸ Ju₁dsia' ₅₄ bá₄ Te₁gui' ₅₄ nē₂ dsí₅ ja₁coin₂ jē₁ma₂tē₂ jmi₄ jaun₂. Dsá₂ bá₄ 'au' ₂ 'ne₂, ca₂jme₃'o₅₄ 'ñio₅ lín₃ jniog₄ lia' ₂ con' ₂ jme₁tio' ₅₄ ju₁g' ₂ Efeso.

* **1:11** A₂lín₅₄ chog' ₅₄ si₂ juá' ₂ ján₃; "a₂jme₁tin₂₃ dsi₂nau₂." † **1:12** o₃, "a₂jmo₃ 'í₁ a₂ma₂ca₂dsia₃ jniá₂ gu₂ 'éi₂."

2

Jan₂ 'lióg₂ dsen₃ quián₅ Jesucristo

¹ La₁ 'ne₂ ně₃ jón₃ quiáng₃, quen'₂ bí₂ nau₂ tiá₂ ia₁ a₂'ua₁ dsí₅ Diú₄ ca₂jmo₃ tē₂le₃ quian'₅₄ Cristo Jesús. ² Ca₂le₃jě₃ a₂ma₂nei'₂ ma₂juá'₃ jniá₂ tē₃jín₄ juin₅ dsa₂ i₂ca₂tě₂ ne₄, jág₁ jaun₂ dsia₄ gu₂ dsa₂ i₂rě₂ti'₅₄ i₂qui'₅₄ jmig₄ jme₂tin₅ i₂sián'₂ táng₃. ³ 'Njag'₂ guē'₂ ně₃, tiang'₃ jmo₄ ŋag'₅₄ uig₅ o₄quió'₄ Jesucristo, jmo₄ bá₄ ju₁lia'₂ ja₁jmo₅ jan₂ 'lióg₂ tió'₃ dsí₅ ju₁lia'₂ jme₁'ein₅₄ ne₄ 'nei₂. ⁴ I₁jan₂ 'lióg₂ i₂jme₂ti₃ dse₃ ta₁ a₂chéin'₅ jua'₅₄ lé₂ le₃qui₂tián₂ tsi₃nei₃ jág₁ a₂ca₂tín₂ dsa₂ lē₁dsa₂, ia₁ jaun₂ bá₄ lé₂ jme₂ti₃ con'₂ 'ñio₂ dsí₅ juig₅₄. ⁵ Ján₃ bá₄ le₂jaun₂ ju₁lia'₂ dsa₂ i₂co₅, tsá₃ a₁jaun₂ jua'₅₄ a₂lí'₂ 'e₂ lí'₂ ně₃ jua'₂ tsá₃ ca₂quín'₃ bí₂ co₃ con'₂ dsi₂ten₅₄ qui'₅ 'éi'₃. ⁶ Ján₃ bá₄ le₂jaun₂ ju₁lia'₂ dsa₂ i₂jmo₅ ta₁ ja₁nau₂, ca₂tín₂ bá₄ gue₃ le₂'uig₅₄ con'₂ ca₂tín₂ jē₁ma₂rau₂. ⁷ 'Nio'₂ 'au'₂ a₂juá'₅ jniá₂ la₂. Te₁gui'₅₄ bá₄ jmo₃ le₃ñig'₂ ca₂le₃jě₃.

⁸ Dsau'₂ 'au'₂ jmo₄, tsá₃ ju₁dsi₂'én₂ 'au'₂ Te₁gui'₅₄ Jesucristo i₂ca₂jen'₅₄ táng₃ jín₄ 'lag₄, i₂jme₁lín₄ tsi₁jon₂ David; a₂la₂ bá₄ jág₁ dse₃ a₂lión₂ dsa₂, a₂'ě₅ jniá₂. ⁹ 'Uig₅₄ jág₁ dse₃ la₂ bá₄, jmo₅ jniá₂ tió'₅ dsí₃ ŋag₅₄ uig₅. Rē₂'ñeg'₅₄ quian'₅₄ ñ₁ cadena co₂jmóg'₂ dsa₂ ju₁lia'₂ ja₁jmá'₂ dsa₂ jan₂ dsa₂ i₂rě₂cán'₄ dso₄ juē'₂. La₁ jág₁ dse₃ quió'₅ Diú₄ ně₃, tsá₃ rē₂'ñe'₅₄ quian'₅₄ ñ₁ cadena. ¹⁰ Jaun₂ bá₄ lē₃, o₄quió'₄ dsa₂ i₂ma₂quión'₂ Diú₄ jmo₂₃ tió'₅ dsí₃ ca₂le₃jě₃, ia₁ jaun₂ bá₄ tín'₄ 'éi₂ ján₃ le₃quió'₅ Cristo Jesús ja₁lě₄ co₂tág₅ co₂'né'₅ co₂tan₅₄.

¹¹ Tē₃dsón'₂ bá₄ dsau₅ a₂la₂:
Nē₁jua'₂ ca₂dsau₃ jniog₄ quian'₅₄ Jesucristo,
ján₃ bá₄ le₂jaun₂ le₃chong₂ jniog₄ quian'₅₄.

¹² Nē₁jua'₂ ca₂ná₂ jniog₄ tiá₂,*
ján₃ bá₄ le₂jaun₂ jme₁gon₂ jniog₄ quian'₅₄.
Nē₁jua'₂ tsá₃ tión₅ jniog₄ a₂cu₁in₅,
ján₃ bá₄ le₂jaun₂ tsá₃ 'ag₃ jniog₄ ján₃.

¹³ Nē₁jua'₂ tsá₃ ca₂rě₃tei₅₄ jniog₄,
la₁ le₃ti'₅₄ bá₄ 'ñiog₅,
ia₁ caun₂ jág₁ ma₂juá'₂ Diú₄
tsá₃ a₁jaun₂ lé₂ jua'₅₄ tsá₃ jme₃ti₃.

Ju₁lia'₂ dsa₂ i₂jme₂ti₃ dse₃ ta₁ ne₄ Diú₄

¹⁴ A₂la₂ chei'₅₄ dsa₂ i₂jme₂tíng'₁: dsá₂ dsí₅ ju₁jmo₁₂ o₄quió'₄ Te₁gui'₅₄ a₂tsá₃ tsiin₃ quian'₅₄ dsa₂, jág₁ a₂tsá₃ ta₁ tí₄, ia₁ ně₁jua'₂ tsin₅ dsa₂ ně₃, tsá₃ 'e₂ a₂dse₃ jmo₂₃, jnia'₅₄ con'₂ jmo₂₃ a₂gon₃ a₂'én₂ dsa₂ i₂nag₅ bá₄. ¹⁵ Jmo₄ dsen₅₄ 'au'₂ a₂jme₁jniag'₅ ne₄ Diú₄ a₂léi₄ ma₂ca₂tiang'₃ táu₂ a₂ma₂i₂ñig'₂, a₂lín'₅ jan₂ dsa₂ i₂jmo₅ ta₁, i₂tsá₃ 'e₂ jua'₅₄ cha₂ a₂jeín'₂ o₂guí'₃, i₂jme₂tag₅ rē₂ jág₁ tí₅. ¹⁶ Tsá₃ lē₁cu₁in₅ jmig₄ jua'₅₄ a₂dsiá'₁ jág₁ quió'₅ mi₂güig₃ a₂tsá₃ ta₁ tí₄. Ia₁ dsa₂ i₂co₂jmo₅ le₂jaun₂ caun₂ qui₂dsi₃lén₂ ne₄ ju₁i₅ jē₄ cosa 'lig'₅₄. ¹⁷ Cosa a₂jme₂tag₂₃ qui₂dsi₂jón₃ lia'₂ jē₁qui₂dsi₂jón₃ caun₂ dso₄ a₂jmo₅ a₂dsa₂ ni₁ñi₁ dsa₂. Le₂nē₅ bá₄ ca₂lě₃ quian'₅₄ Himeneo quian'₅₄ Fileto ně₃. ¹⁸ Ma₂i₃lén₂ tē₂le₃ cau₅ ja₁tsá₃ tí₅ jág₁, a₂qui₂jme₂tiin₂₃ dsa₂ a₂juá'₂ ma₂ca₂tě₂ bá₄ jmig₄ a₂jen'₅₄ 'lag₄, jmo₂₃ a₂qui₂nió₅ i₂lín₅₄ 'a₂ lia'₂ 'éin₂. ¹⁹ La₁ Diú₄ ma₂chi'₃ caun₂ cho'₅₄ 'uig₅₄ a₂chí'₅ tiá₂ co₂tan₅₄. A₂jaun₂ jáng'₅ léi₄ a₂juá'₂: “I₂cu₁in₅ bá₄ Te₁gui'₅₄ i₂lín₅ dsa₂ quián₅”;† jaun₂ ně₃: “Ca₂le₃jín₃ i₂quian₅ lia'₂ chen₂ Cristo† ca₂tín₂ jmo₃ cau₅ ca₂le₃jě₃ ja₁jmo₅ dsa₂ cosa 'lig'₅₄.”

²⁰ Ju₁lia'₂ caun₂ dsi₂néi₂ pa₁, on₃jua'₅₄ jmá'₃ ca₂ne₅₄ cosa jlá'₁ a₂lě₅ quian'₅₄ cu₄nióg₄ quian'₅₄ cu₄tiog₂ tío'₅₄, ia₁ ján₃ bá₄ tío'₅₄ cosa a₂lě₅ quian'₅₄ ni₁'ma₂, a₂lě₅

* 2:12 o₃, “Nē₁jua'₂ ŋag₄ jniog₄ uig₅.” † 2:19 Números 16:5. ‡ 2:19 o₃, “Ca₂le₃jín₃ i₂mi₅ ne₄ Te₁gui'₅₄.”

quian'₅₄ ti₁gua'₅₄ ján₃. A₂lin₅₄ a₂lě₅ 'í₁ a₂jmó'₂ dsa₂ ta₁ jmá'₃ lia'₂ ne₄ a₂jlá'₁; a₂lin₅₄ guë'₂ qui₂jmó'₂ dsa₂ ta₁ lia'₂ 'ei₅ ne₅₄ cosa. § 21 Nē₁jua'₂ ca₂jñiá'₃ 'ne₂ ca₂le₃jě₃ ne₅₄ jui₅ 'lig'₅₄, a₂jmó'₂ jmá'₃ ca₂ne₅₄ cosa dse₃, jaun₂ guë'₄ léng'₂ lia'₂ lě₅ caun₂ ni₁uing₅ jlá'₁ a₂lě₅ 'í₁, jaun₂ guë'₄ téng'₃ ta₁ cáun₂ Juig'₂ 'ne₂ jmó'₂ ca₂ne₅₄ ta₁ dse₃ quió'₅.

22 Cuin'₅₄ 'ne₂ ca₂le₃jě₃ ne₅₄ cosa 'lig'₅₄ a₂ja₂ dsí₅ dsa₂ jmo₃ tē₁lia'₂ mei'₂. Quian₂ caun₂ jui₅ co₂dsau₅ a₂'éng'₂, a₂'nióg'₃ ríng'₂, a₂'ei₅ tei₄ 'au'₂ quian'₅₄ ca₂le₃jín₃ dsa₂ i₂ma₂le₁jě₃ tē₂dsí₅, i₂jme₂juin'₂ Te₁gui'₅₄. 23 Tsá₃ lē₁tón'₂ jui₅ 'e₂ jág₁ tsá₃ ta₁ tí₄ a₂tsi₂jín₅ dsa₂ i₂tsá₃ ma₂'en₅₄ dsí₅. Ia₁ ma₂ñi'₅₄, a₂jñia'₅₄ dsio₅ mi'₅₄ bá₄ a₂jaun₂. 24 Jan₂ dsa₂ i₂jme₂ti₃ ta₁ ne₄ Te₁gui'₅₄ tsá₃ ca₂tñin₂ tsi₃nei₃ jē₄ mi'₅₄, tē₂le₃ 'nió'₅ jme₃dsein₃ bá₄ quian'₅₄ ca₂le₃jín₃. 'Nió'₅ léin₂ jan₂ dsa₂ i₂qui'₅₄ jmig₄ jme₃tñin₂₃ dsa₂, juin'₂ dsí₅, 25 jmo₃ 'ua₁ dsí₅ jē₁chein'₃ jui₅ rē₂ jui₁lia'₂ dsa₂ i₂nau₂ quen₅, con'₂ tsá₃ ñó₅ nē₁jua'₂ ca₂cuë₃ Diú₄ jmig₄ a₂le₃tsín₃ dsí₅ dsa₂ 'éi₂, ia₁ jaun₂ le₂nē₅ le₃cuí'₅ jág₁ tí₅; 26 ia₁ jaun₂ lióin₂ 'uín₃ tsi₁cág'₅ quió'₅ i₂sē₃dsen₃ i₂ca₂jo₃ ia₁ jaun₂ jmo₃ a₂'ñio₂ dsí₅ 'éi₂.

3

A₂ lia'₂ niog₅ lén₂ dsa₂ jmig₄ jē₁ca₂tó'₂

1 'Nió'₅ le₃ñi'₅₄ 'ne₂ ján₃, jē₁ma₂ja₂quián₃ jmig₄ jē₁ca₂tó'₂, 'ñio₅ lin₃ le₃gau₂, quian₅ ta₁ lé₂. 2 Jm₄ig₄ jē₁ca₂tó'₂ le₃chan₂ dsa₂ i₂jñia'₅₄ 'nioi₃ guioin₅₄ bá₄ quian'₅₄ cú₁; le₃chan₂ dsa₂ i₂jñia'₅₄ jme₃jlán'₁ jmo₃ róin₂ guioin₅₄; le₃chan₂ dsa₂ i₂lē₁tē₂'o'₂ tē₂'oin'₂ rin'₅₄; le₃chan₂ dsa₂ i₂tsá₃ ma₃jme₃gan₃ Diú₄, i₂tsá₃ ma₃jme₃gan₃ chog₅₄-jmei₂ nē₃. Le₃chan₂ dsa₂ i₂tsá₃ 'e₂ ti₁'mag'₄ cha₂ ja₁coin₂, on₃ guë'₂ ma₃jme₃gó'₃ juá'₅ quió'₅ Diú₄. 3 Le₃chan₂ dsa₂ i₂tsá₃ 'nio₃ rin'₅₄, i₂tsá₃ ma₃'e₂ ñēi₂ dsí₅ dsa₂ mi₂güig₃ rin'₅₄; le₃chan₂ dsa₂ i₂tsá₃ ma₃jme₃ti₃ 'e₂ jág₁ lí'₅₄ quian'₅₄ rin'₅₄; le₃chan₂ dsa₂ tē₂jág₁ i₂lē₁qui'₃ ni₃ rin'₅₄; le₃chan₂ dsa₂ i₂tsá₃ ñi₅, tsá₃ tiin₂ 'a₂ lia'₂ jme₃'uán₂ dsí₅; le₃chan₂ dsa₂ i₂lén₂ jui₁lia'₂ já'₂ tsau₂ dsí₅; le₃chan₂ dsa₂ i₂le₃'io'₅₄ ca₂le₃jě₃ cosa dse₃. 4 Le₃chan₂ dsa₂ i₂qui₃jín'₂ rin'₅₄; le₃chan₂ dsa₂ i₂tsá₃ 'en₅₄ dsí₅ jmo₃ tē₂le₃ dséi₂ nē₁'e₂ caun₂ cosa jmo₃ jui₁le₅₄ bá₄ 'e₂ ca₂lě₃; 'ñio₅ cain'₅₄ 'ñio₅ ñi₅ jmo₃; le₃chan₂ dsa₂ i₂'no'₂ jmá'₃ jui₅ ja₁le₃chain₂ o₂'ñio₃ o₂jñia₃ dsí₅ bá₄ 'nió'₄ jme₁'niai'₂ Diú₄. 5 Le₃chan₂ dsa₂ i₂jmo₃ a₂ñi₄ lē₃ cuin₂₃ Diú₄, la₁ le₃léi₄ bá₄ 'a₂ lia'₂ tē₁i₃nioi₅₄ le₃chain₂, tsá₃ 'e₂ bí₂ quió'₅ Diú₄ cha₂ ja₁coin₂.

Co₂dsia₅ jñiag'₃ cau₅, tsá₃ lē₁'ú₅ quian'₅₄ dsa₂ i₂le₂'éi₂. 6 Jē₄ quió'₅ dsa₂ le₂'éi₂, chan₂ i₂lin₅₄ i₂qui₂dsi₂ton'₅₄ tsi₁'né₅, qui₂jme₂gain₂₃ 'io₅₄ 'uan₅₄ i₂qui₂rē₂cán'₄ dsáu₁ 'ñio₅ lin₃, i₂ma₂lě₅ dsí₅ jmo₃ ca₂le₃jě₃ guë'₄ cosa 'lig'₅₄. 7 Co₂tan₅₄ bá₄ jmo₂₃ lia'₂ jmo₅ dsa₂ i₂ñi₄ lē₃ 'nio₃ le₃ti₂ jág₁, la₁ tsá₃ a₁jaun₂ qui'₅₄ jmig₄ le₃cuí'₅ jág₁ tí₅ dsón'₂. 8 Jui₁lia'₂ ca₂jmo₃ on₃ dsa₂ 'lin'₅₄ i₂jme₁chen₂ Janes quian'₅₄ Jambres ca₂rē₃'ñiai₅₄ Moisés, ján₃ bá₄ le₂jaun₂ 'io'₅₄ dsa₂ 'éi₂ jág₁ dsau₅ dsón'₂. Dsa₂ i₂le₂'éi₂ nē₃ co₂dsia₅ ma₂ñi'₂ tē₂le₃ jen₅ bá₄ dsí₅, 'uig₅₄ jaun₂ tsá₃ ma₂'e₂ tió'₅ a₂le₃ñi'₂ dse₃ dsí₅ jui₁lia'₂ ja₁ñi'₂ dsí₅ dsa₂ i₂'én₂. 9 La₁ tsá₃ jua'₅₄ ja₁uíng₂ dsi₁léin₂, ia₁ ca₂le₃jín₃ bá₄ dsa₂ le₃cuig₅ a₂lín₅ dsa₂ co₄, jui₁lia'₂ ca₂i₃ñi₂ le₃on₃ i₂ca₂jme₃'ñia₅₄ Moisés.

Jág₁ jē₁ca₂tó'₂ a₂ca₂cuë₃ guë'₄ Pa₄ ca₂tsí'₃ Timoteo

10 La₁ 'ne₂ nē₃ ma₂ca₂rē₃tíng'₃ bá₄ dse₃ jē₂ lia'₂ lě₅ juá'₅ a₂ca₂jme₁tag₅ jniá₂; ma₂ñi'₅₄ 'a₂ lia'₂ líng₅, chang₂ ma₂guio₃; ma₂cuíng'₂ bá₄ 'e₂ ta₁ ma₂guio₃ jniá₂ jmo₂₃; 'éng'₂ bá₄ ján₃ 'a₂ lia'₂ 'én₂ jniá₂; jme₂juíng'₁ bá₄ 'au'₂ jui₁lia'₂ ma₂ca₂jme₁juin'₂ jniá₂ dsí₃; jme₂'nióg'₃ bá₄ ríng'₂ jui₁lia'₂ ma₂jmo₃ jniá₂; tiang'₃ bá₄ ján₃ jui₁lia'₂ ca₂tió₃ jniá₂. 11 Ma₂qui₂ma₂'ein₃ dsa₂, ma₂qui₂ma₂ñag₅₄ uig₅,

§ 2:20 'Nio'₂ ja₁ton₅ Romanos 9:21.

jui₁lia'₂ ca₂i₃ñig₂ juig₂ ciudad Antioquía, juig₂ Iconio quian'₅₄ juig₂ Listra ně₃. Qui₂ca₂co₃'ein₃ dsa₂, la₁ ne₄ ca₂le₃jě₃ a₂ně₅, ca₂lió₂ bá₄ Te₁gui'₅₄. ¹² Jaun₂ a₂dsón'₂ bá₄ jaun₂, ca₂le₃jín₃ i₂'nio₃ le₃chan₂ lě₅ 'í₁ quián₅ Cristo Jesús, tion₅₄ le₂jaun₂ dsí₃ñí₂ uig₅ co₂'ein₃ dsa₂. ¹³ La₁ dsa₂ 'lin'₅₄ ně₃ quiaín'₅₄ ca₂le₃jín₃ dsa₂ i₂qui₂jme₂gau₅, tsá₃ ma₂'e₂ dse₃ jua'₅₄ le₃chain₂, ia₁ caun₂ le₃'lin'₅₄ bá₄, qui₂jme₃gau₂₃, qui₂rě₂gain₂ guioin₅₄ ně₃.

¹⁴ La₁ 'ne₂ ně₃, nau₂ tiá₂ a₂ma₂ca₂rě₃tíng'₃, caun₂ bá₄ 'ei₅ 'au'₂ jág₁ a₂ma₂ca₂rě₃'éng'₂. 'Níag'₂ bá₄ ñi'₅₄ 'ein₂ ca₂jme₃tag₅. ¹⁵ Lia'₂ con'₂ bing'₅₄ bá₄ ma₂ñe'₃ cuing'₂ Si₂ jnió₅ quió'₅ Diú₄. Si₂ ně₅ bá₄ a₂jiog₃ quiáng'₂, a₂tíng'₄ tē₂le₃ quian'₅₄ Cristo Jesús ia₁ 'éng'₂. ¹⁶ Ca₂le₃jě₃ bá₄ Si₂ quió'₅ Diú₄ ca₂lě₃ tē₂le₃ quian'₅₄ Jme₂dsí₂ quiaín₅, a₂tí₅ ta₁ jme₃tag₅ a₂dse₃, tē₂jí₂, chein'₂ dsa₂ caun₂ jui₅ rě₂, jme₃tag₅ 'a₂ lia'₂ i₂nio₄ dsa₂ jui₅ co₂dsau₅, ¹⁷ ia₁jaun₂ lén₂ dsa₂ quián₅ Diú₄ jan₂ dsa₂ ma₂ron₂, rě₂ rě₂qui₂rě₂'an₂ dsí₅, rě₂'ñia₅ ca₂le₃jě₃ a₂'nió'₅ quió'₅ jaun₂ jmo₃ ca₂le₃jě₃ ne₅₄ a₂dse₃.

4

¹ Jág₅ bá₄ Diú₄ quian'₅₄ Te₁gui'₅₄ Jesucristo ně₃ i₂lě₅ jág₁ jnió'₂ ja₃goin₂, i₂qui₃dsí₅ 'éi'₃ ne₄ quió'₅ i₂chan₂ lia'₂ i₂ma₂dsan₃ ně₃. Jaun₂ lě₃ chi₂quian₅₄ jniá₂ jmig₄ 'ne₂: ² Ě₃ jág₁ dse₃. Ma₂rě₂jáng'₁ 'nio'₂ jui₅ 'a₂ lia'₂ jme₂tíng'₂ dsa₂ jme₁cuin₅ jmig₄ o₃ tsá₃ cuin₅ jmig₄ 'e₂. Jmó'₂ jme₁'uang'₅₄ dsí₅ dsa₂, tē₂jén₃ dsa₂, tioen'₂ jág₁ dse₃, o₁líg'₂ jmig₄ jua'₅₄ a₂jmó'₂ a₂tsá₃ jme₁juin'₂ 'au'₂ quiaín'₅₄ jē₂jme₂tín'₂. ³ Ia₁ já₅ jmig₄ a₂tsá₃ ma₃jmo₃ dsa₂ tió'₅ dsí₅ quian'₅₄ juá'₅ dse₃. Tē₂le₃ lia'₂ con'₂ lě₅ dsí₅ guioin₅₄ qui₃'nai'₂ juin₅ lin₃ tē₅ i₂jme₃tag₅ jmá'₃ a₂'ín₅ dsí₅ guioin₅₄ nag₃ bá₄. ⁴ Cau₅ bá₄ jén'₃ táng₃ jui₁lia'₂ ja₁jme₂tag₅ dsa₂ jág₁ tí₅ dsón'₂. Cang₂ jaun₂ ně₃, tóin'₃ jui₅ dsí₃lén₂ nag₃ ca₂lia'₂ 'ei₅ ne₄ jág₁ cuento ga₂ a₂'én₂ dsa₂. ⁵ La₁ 'ne₂ ně₃, 'en₅₄ 'au'₂ jmo₄, tiang'₃ jmo₄ ñag'₅₄ uig₅. Caun₂ qui₂'ě₃ bá₄ jág₁ dse₃ a₂lión₂ dsa₂. Jme₁ti₁ dse₃ ta₁ quiáng'₂.

⁶ Jniá₂ ně₃, ca₂tě₂ jmig₄ jē₁o₃'ing₅ mi₂güig₃ la₂, ia₁ ně₃ guě₄ jñag'₃ dsa₂ jui₁lia'₂ ja₁jñi'₂ dsa₂ já'₂ i₂jén'₂ dsa₂ ne₄ Diú₄. ⁷ Ma₂ca₂quín'₃ jniá₂ bí₂, ma₂jmo₃ a₂dse₃ jui₁lia'₂ ja₁jmo₅ jan₂ 'lióg₂ ne₄ 'nei₂; ma₂ca₂ñi₃ jniá₂ lia'₂ con'₂ lě₅ jui₅ quió'₅ Te₁gui'₅₄, ca₂dsióg₃ jniá₂ tē₂ jē₁ca₂tó'₂ jui₅; ma₂ca₂jmá'₃ tiá₂ a₂'éng₂. ⁸ Ně₃ guě₄ ně₃ ma₂lě₅ co₂jñia₅₄ ja₁le₃chang₃ dse₃, co₂'nió'₄ caun₂ corona a₂cuě₃ Te₁gui'₅₄ jmig₄ jaun₂. Ia₁ Te₁gui'₅₄ 'éi₂ bá₄ i₂qui₃dsí₅ 'éi'₃ co₂rě₂ jmig₄ jaun₂, on₃jua'₅₄ a₂cuě₃ jmá'₃ jan₂ jniá₂ corona; a₂cuě'₃ ca₂le₃jín₃ i₂le₁jñiog₅ 'ñio₂ dsí₅ ca₂lia'₂ ca₂tě₂ jmig₄ jaun₂ a₂guain'₂ táng₃.

Cuě'₅ jág₁ rñin'₅₄ con'₂ ca₂tín₂ guioin₅₄

⁹ Jmo₄ dsen₅₄ 'au'₂ a₂i₁jag'₄ jniá₂ ñi'₅₄ ta₁ la₂. ¹⁰ Ia₁ i₂chen₂ Demas ma₂téi₂ bá₄ 'uig₅₄ ia₁ 'ñio₅ lin₃ guě₄ 'ín₅ dsí₅ cosa a₂cha₂ mi₂güig₃ la₂, jaun₂ ma₂ñó₅ jui₅ juig₂ Tesalónica. I₂chen₂ Crescente guě'₂ ně₃, ma₂ñó₅ jui₅ 'uě₃ Galacia; Tito guě'₂ ně₃ ma₂ñó₅ jui₅ Dalmacia. ¹¹ Jñia'₅₄ lia'₂ jan₂ Lucas bá₄ i₂quian'₅₄ guě₄ jniá₂ ja₁lá₃. 'Nia'₂ Marcos ia₁jaun₂ jain'₅₄ ñe'₅₄ quiaín'₅₄, ia₁ téin₅ ta₁ jme₃ti₃. ¹² Tíquico guě'₂ ně₃ ca₂tsín₂ jui₅ juig₂ Efeso. ¹³ Jē₁ma₂tě₂ rē₁ñe'₅₄, quian₂ co₂nio₄ tsi₁'mí'₂ dsiog₂ quió₃ a₂ca₂dsia₃ juig₂ Troas ja₁quió'₄ Carpo. Ján₃ bá₄ le₂jaun₂ quian₂ si₂ rě₂bín₅ quió₃. La₁ 'ñio₅ guě₄ dsen₅₄ 'nió'₅ ni₁lo₁ já'₂ a₂lě₅ tsi₁mi₂si₂.

¹⁴ Alejandro i₂lín₅ tē₅ñí₁ 'ñio₅ lin₃ tsá₃ 'e₂ dse₃ ma₂jmóg'₂. Te₁gui'₅₄ bá₄ qui₃ quió'₅ lia'₂ con'₂ lě₅ a₂ma₂jmo₃. ¹⁵ 'Í₁ jmo₄ 'ne₂ ján₃ ia₁jaun₂ tsá₃ jo₅₄, ia₁ 'ñio₅ lin₃ ma₂nau₂ quein₅ a₂'io'₅₄ jág₁ dse₃ quián₂.

16 Le₂'uig₅₄ con'₂ jme₁ca₂chei'₃ dsa₂ ne₄ dsi₂tan₅₄ jë₁ca₂caun₃ dsa₂ le₂'uig₅₄ jág₁ dsau₅ quió₃, 'i₁jan₂ tsá₃ 'ein₂ ca₂jme₃quiong'₅₄, ca₂téi₂ ca₂le₃jín₃. Tsá₃ juí₁quion₂ bá₄ Diú₄ 'í₁ quió'₅ ia₁ ca₂jmóg'₂ le₂jaun₂. 17 La₁ 'ñiog₅ bá₄ Te₁gui'₅₄ ca₂jme₃quiong'₅₄ ca₂cuë₃ bí₂ ia₁jaun₂ të₂le₃ quian'₅₄ jniá₂ ca₂rë₃tí₃ ca₂jme₁ting₂₃ dsi₂nau₂, ca₂lia'₂ rë₂'ñia₅ jág₁ dse₃. Jaun₂ le₂në₅ bá₄ ca₂lió₂ Te₁gui'₅₄ jniá₂ mi₂'o₄ dsi₂'ia'₂. 18 La₁ Te₁gui'₅₄ bá₄ caun₂ lió₂ guë₄ ia₁jaun₂ tsá₃ dsi₃ñíg₂ ca₂le₃jë₃ cosa 'lig'₅₄, jaun₂ jniá₂ i₂lë₅ 'í₁ quiáin₅, të₂ guei'₅₄ i₂juíg₃ ja₁goin₂. ¡Juí₁jme₂juag'₂ bá₄ dsa₂ co₂tan₅₄! ¡A₂méi₃!

'Ág'₅ jág₁ jë₁ca₂tó'₂, cuag₂₃ Diú₄ në₃

19 Dsian'₄ jniá₂ jág₁ cúing₅ Diú₄ Priscila* quian'₅₄ Aquila në₃, quian'₅₄ ca₂le₃jín₃ dsa₂ dsi₂néi₂ quió'₅ Onesíforo në₃. 20 Juíg₂ Corinto bá₄ ca₂ñia₃ Erasto. I₂chen₂ Trófimo guë'₂ ca₂të₁'ñiá₄ dso'₅₄ jme₁o₃'íng₃ juíg₂ Mileto. 21 Quen'₂ bí₂ñe'₅₄ ñi'₅₄ ta₁ né'₃ a₂të₅₄ jein₂ güíg₂. Eubulo quian'₅₄ Pudente, Lino quian'₅₄ Claudia në₃ quian'₅₄ ca₂le₃jín₃ rin'₅₄ jniog₄ dsiáin'₂ jág₁ ne'₅₄ a₂cuin₂₃ Diú₄ 'ne₂.

22 Juí₁'en₅₄ bá₄ Te₁gui'₅₄ Jesucristo ja₁con₂ jme₂dsí₂ quiáng'₂; juí₁jme₂gu'₅₄ bá₄ Diú₄ 'nia'₂.
Co₂në₅.

* 4:19 griego: Prisca.

Si carta a ca jmo San Pablo ne TITO

Jmo Pa si a chein ne Tito

¹ Jniá Pa, líng dsa i jme ti ta ne Diú, líng jan dsa i chen quián Jesucristo ia jaun le 'én ca le jín i ma quión' Diú, ia jaun le cuí' jág tí a jio g jui dse, ² ia jaun jmo 'ín dsí ja le chain co tan. Diú, i tsá le chain tē jín, ca cuē jág quió', a ca i jio g dsí lia' con' né' guē a nio mi güig, a le chong jnio g co tan. ³ Nē guē nē, ca tē jmi g a le ne jnio g jág dse tē le quian' jág a 'é jniá a ma dsia Diú quián i lió o gu, lia' con' lē 'éi' quió'. ⁴ Jmo jniá si la dsiang' ne' 'ne Tito i líng' co' nió' jan jón quiáng tē dsón', ia 'éin jnio g le o. Jui jme gu' Diú 'ne, jui 'ei tei 'au', jmo Diú Jmei jnio g, jmo Tei gui' Jesucristo i ma ca lió jnio g nē.

Ta quió' Tito a jmo 'uē Creta

⁵ Ca dsian jniá 'ne 'uē Creta ia jaun jme rē' 'ne a' nió' lē guē dse, a dsiang' dsa can' * i nio ne jmo 'í le caun le caun guá' lia' con' lē jág a ma juá' jniá, ⁶ jui lia' i chan i tsá cha jua' lē le bóg' dsa dso, i 'nio jan bá dsa mí, i 'nio chi' quián i 'én, i tsá 'e qui rē' ni jua' a lē qui i nio i, jua' nau 'nei nē. ⁷ Dsa i nio g guá', † ca tīn nē le ne Diú tsá 'e jág cha jua' lē le bóg' dsa dso, on jua' i tsá jág cán, on guē' i caun lē rē' ne, on guē' 'nió' lē nē jan dsa 'en, on guē' dsa i tīn dsí 'no mi' on guē' dsa i lē 'nio lí' cu quió' dsa nē. ⁸ Tē le 'nió' qui guein dsa i dsi lē nē quió'. 'Nió' lē nē jan dsa i tē dsí jmá' a dse, li' quió', i quian caun jui rē, i jnió, i con dsí nē. ⁹ 'Nió' lē nē jan dsa i chan' tiá jág tí dsón' lia' con' lē ca rē tīn, ia jaun bá lē le cuē' lián' dsí dsa sián' jmá' lia' con' lē juá' dse, lē le jme 'uáin dsí dsa i juá' 'lig' 'ē jág dse.

¹⁰ Ia jui bá dsa i tsá ne' i dsia jág a tsá ta tí, i jui gan nē, tē le lē guē jē quió' dsa judíos. ‡ ¹¹ Dsa i lē 'éi' en jne dsa mi' o, ia ta jma caun cho' dsa dsi néi ma le gáin ma le 'ág caun tīn dsí a jme ma 'éin, ia i 'éi i nio jme tag a tsá ca tīn a jnia' 'nio lí' cu bá. ¹² Dsón' bá dsau jui lia' ca juá' jan dsa go guoin ma lig' jme ca juá': "Dsa chan Creta 'nio lin tē jín, lín jui lia' lín já' tsau dsí, jui nē, j lē nē." ¹³ Jaun tí bá jág ca juá' 'éi. Jaun lē juá' jniá tē jéin 'ne 'nio lin, ia jaun náu táng tsán' tiá jág dse, ¹⁴ ia jaun tsá ma tón' jui jág a lē 'no' dsa judíos dsí guoin, on guē' 'nió' tón' jui 'e 'éi' cuē dsa i tsá ji' jág tí. ¹⁵ Tē le quió' dsa i lē jē tē dsí, ca le jē bá cosa ma le jē. La tē le quió' i dsi jio g 'lig' dsí, i tsá 'én nē, 'i caun tsá 'e le jē. Ia ma le 'ióg a dsi jio g dsí, le jio g a qui dsi jni dsí nē. ¹⁶ Juá' bá a cuin Diú, la tē le quian' a jmo guē' nē, jáng' léi a tsá dsau. 'Lig' lin bá jmo ne Diú, 'io' jág dse, 'i caun a dse tsá ta tēin jmo.

2

Jui lia' juá' tí dsón'

* 1:5 griego: presbíteros. † 1:7 griego: episkopos. ‡ 1:10 lit. "jē quió' dsa i rē uing lo."

¹ La₁ 'ne₂ ně₃, chei'₅₄ dsa₂ lia'₂ con'₂ lě₅ juá'₅ dse₃. ² Jui₁ lia'₂ dsa₂ can'₅₄, jui₁ jmo₁₂ 'en₅₄ dsí₅, tsá₃ caun₂ lě₁ lín₅, jui₁ jmo₁₂ li'₅₄ quió'₅, jui₁ le₂ 'éin₂ bá₄ juá'₅ dse₃, jui₁ jme₂ 'nioi₃ rĭin'₅₄, jui₁ jmo₁₂ bá₄ juin'₂ dsí₅. ³ Ján₃ guë'₂ le₂ jaun₂ tē₂ le₃ quió'₅ dsa₂ mí₂ ma₂ can'₅₄, jui₁ i₂ nioi₅₄ nĭi₅, tsá₃ jui₁ 'in₁₂ rĭin'₅₄ jua'₅₄ a₂ lě₁ bóg'₂ dso₄, on₃ guë'₂ 'nió'₅ jme₂ tĭin₂₃ dsí₅ 'in'₂ ti₁ jmíg₃, tē₂ le₃ ca₂ tĭin₂ 'ē₃ caun₂ jui₅ dse₃, ⁴ ia₁ jaun₂ lé₂ le₃ jme₃ tĭin₂₃ jui₁ lia'₂ 'io₅₄ chí'₂ 'a₂ lia'₂ jme₃ 'nioi₃ dsi₂ i₂ gu₂, a₂ jme₃ 'nioi₃ chí'₂ - guein₂ quiáin₅ ně₃, ⁵ 'a₂ lia'₂ jmo₃ 'en₅₄ dsí₅, 'a₂ lia'₂ jmo₃ léi₄ a₂ ma₂ le₁ jě₃ tē₂ dsí₅, 'a₂ lia'₂ jmo₃ 'í₁ dse₃ dsi₂ néi₂ quió'₅, 'a₂ lia'₂ jmo₃ 'ua₁ dsí₅, 'a₂ lia'₂ tóin'₃ 'éi'₃ quió'₅ dsi₂ i₂ gu₂ ně₃, ia₁ jaun₂ bá₄ tsá₃ 'ein₂ juá'₂ 'lig'₅₄ 'ē₃ jág₁ quió'₅ Diú₄.

⁶ Ján₃ guë'₂ le₂ jaun₂ chei'₅₄ dsa₂ ħe'₂ chí'₂ ca₂ tĭin₂ jmo₃ 'en₅₄ dsí₅. ⁷ Nĭiá₅ de'₂ 'ne₂ ca₂ tĭng'₂ 'ē'₅₄ jui₅ dse₃ 'a₂ lia'₂ ca₂ tĭin₂ jmo₃: A₂ jme₁ tĭin'₅ on₃ jua'₅₄ a₂ cha₂ 'e₂ 'in₂ 'au'₂, on₃ jua'₅₄ a₂ caun₂ lě₁ líng'₄, ⁸ chei'₅₄ jmá'₃ lia'₂ quian'₅₄ jág₁ rē₂ a₂ tsá₃ 'ein₂ lé₂ le₃ 'ē₃ 'lig'₅₄, ia₁ jaun₂ le₃ gui'₅₄ jui₁ lia'₂ dsa₂ i₂ nau₂ quen₅, ia₁ tsá₃ 'e₂ cha₂ a₂ 'ag₃ 'lig'₅₄ jniog₄.

⁹ Jui₁ lia'₂ dsa₂ i₂ jme₂ ti₃ ne₄ juig₅₄, tĭoin'₂ jág₁ dse₃ jui₁ jme₂ ti₃ ca₂ le₃ jě₃ 'e₂ ta₁ te₂ néi'₂ dsa₂ juig₅₄, jui₁ jmo₁₂ bá₄ jě₂ a₂ tē₅ dsí₅ juig₅₄, tsá₃ 'nió'₅ a₂ caun₂ lě₁ qui₂ ħag₃ ne₄ 'éi₂. ¹⁰ Tsá₃ 'nió'₅ qui₃ nĭiá'₂ 'e₂ cha₂ quió'₅ juig₅₄. Ca₂ le₃ jě₃ bá₄ 'nió'₅ jmo₃ tĭ₅ jág₁ quió'₅ ia₁ jaun₂ bá₄ rē₂ jniá'₂ qui₂ rē₂ lag₄ juá'₅ quió'₅ Diú₄ quián₂ jniog₄ i₂ lió₂.

¹¹ Ia₁ ma₂ ca₂ jme₃ jnia₅ Diú₄ a₂ 'ua₁ dsí₅, a₂ lióin₂ bá₄ ca₂ le₃ jĭn₃ dsa₂ mi₂ güig₃, ¹² jme₂ tag₂₃ a₂ tĭ₄ jniog₄ ca₂ le₃ jě₃ a₂ 'lig'₅₄, ca₂ le₃ jě₃ a₂ 'in₅ dsí₅ dsa₂ mi₂ güig₃ la₂; a₂ le₃ chong₂ jniog₄ mi₂ güig₃ la₂ 'en₅₄ dsí₅, quián₁ caun₂ jui₅ co₂ dsau₅, qui₂ rē₂ jĭn'₅₄ jniog₄ ja₁ con₂ Diú₄ ně₃. ¹³ Jme₂ tag₂₃ ján₃, a₂ 'io₁ jniog₄ chí₂ nĭiá₁ a₂ 'in₂ dsi₅ a₂ le₃ tĭ₃ jág₁ jlá'₁ jaun₂, a₂ le₃ jniá'₂ a₂ co₂ tág₅ co₂ 'né'₅ quió'₅ Diú₄ 'uan'₂, Cristo Jesús* i₂ lió₂ jniog₄. ¹⁴ 'Éi₂ ně₃, ca₂ jĭn'₂ 'ħiog₅ o₄ quián₂ jniog₄, ca₂ qui₃ ca₂ lió₂ jě₄ ca₂ le₃ jě₃ a₂ 'lig'₅₄, ca₂ chéi₂ jniog₄ ia₁ jaun₂ léi₂ jniog₄ dsa₂ juig₂ quiáin₅ 'ħiog₅, a₂ dsen₅₄ dsí₅ jmó₁ jmá'₃ a₂ dse₃.

¹⁵ Jág₁ ně₅ bá₄ dsia₄ tiá₂ 'au'₂ jmo₄ 'éi'₃ chei'₅₄ dsa₂ qui₁ cuë'₅₄ bí₂, a₂ tē₂ jéin'₄ ně₃. Tsá₃ lě₁ cuë'₂ jmig₄ jua'₅₄ a₂ tsá₃ jme₃ go₃ dsa₂.

3

Jui₁ lia'₂ a₂ ca₂ tĭin₂ dsa₂ i₂ 'én₂ jmo₃.

¹ Chei'₅₄ 'ne₂ jui₁ dsĭog'₂ bá₄ dsí₅ jui₁ tĭoin'₅₄ 'éi'₃ quió'₅ dsi₂ tan₅₄ dsa₂ can'₅₄, jui₁ nei₅₄ gau₂ jág₁ quió'₅, jui₁ chain₂ co₂ jĭiá₅₄ a₂ jmo₃ ca₂ le₃ jě₃ ne₅₄ ta₁ dse₃. ² Tsá₃ jui₁ 'in₁₂ 'lig'₅₄ 'i₁ jan₂ dsa₂, tsá₃ 'ein₂ 'en₄ jmá'₂ mi'₅₄ ně₃. Jui₁ lein₅₄ bá₄ dsa₂ juin'₂ dsí₅, 'ua₁ dsí₅ ja₁ con₂ ca₂ le₃ jĭn₃ dsa₂.

³ Ia₁ le₂ ně₅ bá₄ jme₁ lág₄ jniog₄ guio₅₄ le₂ jĭiá₅ ján₃, tsá₃ 'en₅₄ dsí₅, tsá₃ né'₂ jniog₄ ja₁ con₂ Diú₄. I₂ jme₁ ma₂ i₂ cón'₅ bá₄ jniog₄ jme₁ i₂ nio₄. Jme₁ i₂ nio₄ jniog₄ qui₂ rē₂ 'ħei'₅₄ quian'₅₄ ca₂ le₃ jě₃ ne₅₄ cosa 'lig'₅₄ jme₁ 'in₅ dsí₅ jniog₄ jmó₁. 'Nĭo₅ 'lag'₅₄ jniog₄ jme₁ chong₂. Jme₁ uig₅ dsí₅ jniog₄, jme₁ 'iog₅₄ dsa₂ jniog₄, ton'₂ jme₁ 'ħia₅₄ jniog₄ rĭn'₅₄ le₂ jau₂ le₂ jau₂. ⁴ La₁ jme₁ ca₂ jme₃ jnia₅ Diú₄ quián₂ i₂ lió₂ ca₂ jmo₃ léi₄ a₂ 'ua₁ dsí₅, a₂ 'nioi₃ dsa₂ mi₂ güig₃, ⁵ jaun₂ ca₂ lió₂ jniog₄, on₃ jua'₅₄ ia₁ 'e₂ dse₃ a₂ ma₂ jmó₁. Tē₂ le₃ 'ħiog₅ bá₄ ca₂ dsia₃ ħéi₂ dsí₅ jniog₄ ca₂ lió₂ tē₂ le₃ quian'₅₄ a₂ qui₂ ca₂ chéi₂ jniog₄, a₂ ca₂ rē₃ chóng₃ táng₃, a₂ le₃ chong₂ quián₁ caun₂ jui₅ 'mí₂, ca₂ jmo₃ Jme₂ dsí₂ Nĭi₅ ⁶ i₂ ca₂ tein₃ lia'₂ rē₂ tsón₂ ne₄ quián₂ jniog₄ tē₂ le₃ quian'₅₄ Jesucristo i₂ lió₂. ⁷ Tē₂ le₃ ia₁ a₂ 'ua₁ dsí₅ ma₂ ca₂ juá'₂ ně₃, dsa₂ ma₂ le₁ jĭn₃ bá₄ jniog₄, jaun₂ guéi'₂ bá₄. Jaun₂ le₂ ně₅ bá₄ 'in₂ dsí₅ jniog₄ guéi'₁ ja₁ le₃ chong₂ co₂ tan₅₄.

* 2:13 o₃, "Jesucristo."

⁸ Jág₁ dsau₅ dsón'₂ bá₄ ně₅, jaun₂ 'nio₃ jniá₂ caun₂ 'éi₂ 'au'₂ caun₂ jme₁ t̄in'₅ jág₁ ně₅, ia₁ jaun₂ i₂ 'én₂ le₃ quió'₅ Diú₄ quín'₃ bí₂ jmo₃ a₂ dse₃. Ca₂ le₃ jě₃ cosa ně₅ dse₃, tí₅ ta₁ quió'₅ ca₂ le₃ j̄in₃. ⁹ La₁ tsá₃ lē₁ cuē₂ jm̄ig₄ jua'₅₄ a₂ lē₁ qui₃ ηag₃ dsa₂ jág₁ a₂ tsá₃ 'e₂ ta₁ tí₄, ju₁ lia'₂ jág₁ a₂ 'in₅ dsa₂ dsa₂ i₂ qui₂ ma₂ η̄í₂ ma₂ líg'₂, ju₁ lia'₂ jág₁ a₂ tsin₅ dsa₂ a₂ nio₅ mi'₅₄, ju₁ lia'₂ jág₁ a₂ j̄á₅ o₄ quió'₄ Si₂ 'Éi'₃ ně₃. Ia₁ tsá₃ 'e₂ ta₁ jmo₃, tsá₃ 'e₂ ta₁ tí₄.

¹⁰ Ně₁ jua'₂ chan₂ jan₂ i₂ jmo₅ le₁ dson'₅₄ dsa₂, te'₂ co₂ ráun₂, tin₃ ráun₂, 'ě₃ jág₁ chei'₅₄ tsá₃ dse₃ jmo₃ le₂ jaun₂. Chi₂ jua'₂ tsá₃ tón'₂ ju₁ jág₁ quiáng'₂, co₂ dsia₅ dsein₅₄ jē₄ quián'₂ 'nia'₂. ¹¹ J̄nia'₅₄ lia'₂ co₂ ně₅ bá₄ ma₂ ca₂ rē₃ ηi'₅₄ 'ne₂, dsa₂ i₂ le₂ 'éi₂ ně₃ tsá₃ ma₃ 'e₂ dse₃ ds̄i₂ j̄ein₃ ds̄í₅; tē₂ le₃ quian'₅₄ dsáu₁ 'ηiog₅ bá₄ a₂ 'liog'₅ quió'₅.

Cuě'₅ jág₁ riin'₅₄ con'₂ ca₂ t̄in₂ guoin'₅₄

¹² Jē₁ ma₂ tē₂ rē₁ tsin₅₄ jniá₂ i₂ chen₂ Artemas ne'₅₄, o₃ i₂ chen₂ Tíquico 'e₂, ně₅ i₂ ηe'₂ ds̄i₂ ju₁ i₁ jag'₄ ju₁ Nicópolis, ia₁ ja₁ jaun₂ ma₂ i₂ j̄iog₅ ds̄i₃ ηig₅₄ j̄ein₂ güig₂.

¹³ Zenas i₂ chén'₅ ne₄ jág₁, quian'₅₄ Apolos ně₃, 'a₂ con'₂ lé₂ quiáng'₂ jme₁ 'oin₁₂ 'a₂ con'₂ j̄nia'₅₄ len₅ quió'₅ t̄ioin'₅₄ ju₁. ¹⁴ Ju₁ le₂ tin₂ bá₄ dsa₂ quián₂ j̄niog₄ jmo₃ a₂ dse₃ jme₂ 'oin₅₄ riin'₅₄ ju₁ lia'₂ jme₁ 'nió'₅, ia₁ con'₂ tsá₃ ηó₅ ně₁ tsá₃ 'e₂ dse₃ ca₂ rau₂ lia'₂ chain₂.

'Ág'₅ jág₁ jē₁ ca₂ tó'₂, cuag₂₃ Diú₄ ně₃

¹⁵ Ca₂ le₃ j̄in₃ i₂ quian'₅₄ jniá₂ ja₁ lá₃ chein₂₃ jág₁ a₂ cuin₂₃ Diú₄ 'ne₂. Cuin₅₄ Diú₄ ca₂ le₃ j̄in₃ i₂ 'nio₃ j̄niog₄ i₂ 'én₂. Ju₁ jme₂ gu'₅₄ bá₄ Diú₄ 'nia'₂ ca₂ le₃ j̄ing'₃. Co₂ ně₅.

Si₂ carta a₂ca₂jmo₃ San Pablo ne₄ FILEMÓN

Ca₂jmo₃ Pablo si₂ ca₂chein₃ ne₄ Filemón

¹ Jniá₂ Pa₄ 'eng₅₄ né₃ 'má₃ o₄quió₄ Cristo Jesús. Jmo₅ jniá₂ si₂ carta la₂ quiang₅₄ rin₅₄ jniog₄ Timoteo, ne₅₄ 'ne₂ Filemón i₂'nió₄, i₂co₂dsia₅ jmo₂ ta₁, ² ne₄ 'io₅₄ rin₅₄ jniog₄ Apia, quian₅₄ Arquipo ně₃, co₂'nió₄ bá₄ jan₂ 'lióg₂ rin₅₄ jniog₄, quian₅₄ ne₄ guá₅ i₂ñi₂ dsi₂néi₂ quiáng₂. ³ Jui₁jme₂gu₅₄ bá₄ Diú₄ 'nia₂, jui₁tion₄ bá₄ 'nia₂ 'ei₅ tei₄, jmo₅ Diú₄ Jmei₂ jniog₄ quian₅₄ Te₁gui₅₄ Jesucristo.

'A₂ lia₂ jme₁'nio₃ Filemón rin₅₄ ia₁ a₂'éin₂

⁴ Ca₂le₃jě₃ ráun₂ cuě₅ jniá₂ ti₁'mag₄ Diú₄, 'ín₅ jniá₂ 'ne₂ jě₁ma₂chi₁ca₂lein₄ jniá₂. ⁵ Ia₁ ma₂ca₂rě₃guion₅₄ jág₁ a₂'nióg₃ Te₁gui₅₄ Jesús, 'éng₂ bá₄ tē₂le₃ quió₅, ján₃ bá₄ le₂jaun₂ 'nióg₃ ca₂le₃jín₃ i₂ma₂tén₅ tē₂le₃ quió₅ Diú₄. * ⁶ Mi₅ jniá₂ ján₃ a₂jmo₂' dsen₅₄ 'au₂ a₂quen₅₄ a₂'éng₂ jin₄ dsa₂ sián₂, ia₁jaun₂ le₃cuí₅ ca₂le₃jě₃ a₂dse₃ a₂cha₂ ja₁con₂ jniog₄ o₄quió₄ Cristo Jesús. ⁷ 'Nio₅ lín₃ 'io₂ jéin₅, 'ei₅ lián₂ dsi₃, ia₁ a₂'nióg₃ jniá₂, ia₁ 'uig₅₄ quián₂ 'ne₂ bá₄ rin₅₄ jniog₄, ma₂qui₂le₁'ág₄ tei₄ dsi₅ dsa₂ i₂'én₂. †

Mi₅ Pa₄ ne₄ Filemón a₂jmo₃ 'éi₂ dse₃ dsi₅ le₃quió₅ Onésimo

⁸ Jaun₂ lě₃, o₁jnia₅₄ jme₁ca₂tín₂ jniá₂ le₃quió₅ Cristo a₂jmo₅₄ 'éi₃ ne₅₄ 'ne₂, jui₁lia₂ 'e₂ dsi₂ten₅₄ jmó₂, ⁹ la₁ tē₂le₃ ia₁ a₂ñi₄ lě₃ 'nió₃ bá₄ jniá₂ 'ne₂, ja₂lín₃ guě₄ dse₃ chi₂len₄ jniá₂ 'ne₂, lín₂ jniá₂. Jniá₂ Pa₄ ma₂gueng₂ 'eng₅₄ né₃ 'má₃ o₄quió₄ Cristo Jesús. ¹⁰ Mi₅₄ jmó₂ dse₃ 'au₂ tē₂le₃ quió₅ Onésimo i₂ca₂lín₃ co₂'nió₄ jan₂ chi₂ quiáng₃ dsi₂néi₂ 'né₅ 'má₃ la₂.

¹¹ Le₂jñiá₅ ně₃ jme₁lín₄ Onésimo † jan₂ dsa₂ i₂tsá₃ ta₁ tén₄ jme₃ti₃ ta₁ ne₅₄. La₁ rě₂ně₃ ně₃, ma₂tén₅ bá₄ ta₁ jme₃ti₃ ta₁ ne₄ jniog₄ le₃o₃. ¹² Jaun₂ dsiain₅₄ táng₃ jniá₂ ne₅₄, jaun₂ guein₅₄ bá₄ co₂nio₄ co₂'nió₄ bá₄ a₂jme₁guéi₄ jniá₂ 'ñió₃. ¹³ O₁jnia₅₄ jme₁'ín₅ dsi₃ jme₁'i₂ guě₄ ja₁lá₃ jme₃ti₃ ta₁ ne₃ co₂'nió₄ bá₄ a₂jme₁jme₁'ti₄ 'ne₂ tē₁lia₂ 'eng₅₄ guě₄ né₃ 'má₃ 'uig₅₄ quió₅ jág₁ dse₃, ¹⁴ la₁ tsá₃ 'e₂ 'nio₃ jmo₅₄ 'i₁caun₂ jua₅₄ a₂tíng₂ 'ñió₃ jua₅₄ a₂tsá₃ 'ei₅ caun₂ jág₁ quian₅₄ 'ne₂. Jaun₂ tsá₃ o₁leng₂ jua₅₄ a₂chi₂quiong₅₄ jniá₂ jmig₄ a₂jmó₂ tion₅₄, jaun₂ 'a₂ con₂ 'ñio₂ 'au₂ 'ñiag₂ bá₄ 'ne₂. ¹⁵ An₁ Diú₄ bá₄ ca₂cuě₃ jmig₄ ca₂téi₂ Onésimo co₂'na₂ quián₂ 'ne₂, ia₁jaun₂ guéin₄ jme₃quiong₅₄ co₂tan₅₄, ¹⁶ on₃jua₅₄ ma₃lín₅ ca₂ne₅₄ dsa₂ i₂lě₁jme₂ti₃ ta₁ ne₅₄, ton₂ tē₂le₃ dse₃ guě₄ ma₃lín₅ jan₂ ríng₂ i₂'niog₃ tē₂le₃ quian₅₄ jme₂dsi₂. Jniá₂ 'ñio₅ lín₃ 'nió₃, la₁ 'ne₂ ně₃ 'ñio₅ lín₃ guě₄ ca₂tíng₂ jme₁'nió₄ jaun₂ tsá₃ ma₃jín₅₄ jui₁lia₂ ja₁jíng₄ jan₂ dsa₂ lě₁dsa₂. Jín₅₄ bá₄ jui₁lia₂ ja₁jíng₄ jan₂ ríng₂ tē₂le₃ quió₅ Te₁gui₅₄.

¹⁷ Le₂ně₅ jaun₂, chi₂jua₂ dsón₂ jmo₂ 'au₂ a₂lín₅ jniá₂ jan₂ dsa₂ i₂jmo₂ ta₁ quiang₅₄, jaun₂ guein₅₄ bá₄, jmo₄ 'au₂ co₂'nió₄ a₂guéi₅ jniá₂ 'ñió₃. ¹⁸ Chi₂jua₂ 'e₂ daín₅₄ ma₂jmóg₂, o₃ chi₂jua₂ cha₂ a₂rín₂, quió₃ jniá₂ mi₄. ¹⁹ Jniá₂ Pa₄ jmo₂₃ si₂ la₂ 'ñió₃ tē₃dsón₂ quian₅₄ gu₃. § Jniá₂ bá₄ qui₄, jnia₅₄ jme₁'nio₃ jniá₂ jmo₅₄ dsioğ₂ 'au₂ a₂ríng₂ quiáng₂ 'ñiag₂ quió₃ ján₃. ²⁰ Jaun₂ le₂ně₅ bá₄, 'ne₂ rin₅₄ jniog₄, jmo₄

* **1:5** lit. "ca₂le₃jín₃ dsa₂ jñió₅." † **1:7** lit. "dsa₂ jñió₅." ‡ **1:11** Jág₁ jui₁lia₂ chen₂ Onésimo co₂'nió₄ a₂juá₂, Dsa₂ i₂tén₅ ta₁, quian₅₄ jág₁ jmei₅ griego. § **1:19** 'Nio₂ ja₁ton₅ 1 Corintios 16:21; Gálatas 6:11; Colosenses 4:18; 2 Tesalonicenses 3:17.

dse₃ 'au'₂ quian'₅₄ jniá₂ jui₁lia'₂ dsi₂ten'₅₄ jmo₃ dsa₂ i₂'én₂ le₃quió'₅ Te₁gui'₅₄, jmo₄ jui₁le₂güig'₂ dsi₃ jui₁lia'₂ jan₂ ríng'₂ le₃quió'₅ Cristo.

²¹ Dsian'₄ jniá₂ si₂ la₂ ne'₅₄, ia₁ dsón'₂ bá₄ líng₂ jme₁ti'₄ bá₄ ca₂le₃jě₃, tē₂le₃ lě₅ guě₄ jmó'₂ con'₂ guě₄ a₂juá'₅. ²² Jmo₄ dse₃ 'au'₂, jmo₄ co₂jñia₅₄ caun₂ dsi₂néi₂ ja₁i₁jñia₁₂, ia₁ 'ín₂ dsi₃ jniá₂ a₂ñág'₃ Diú₄ a₂mi'₂ 'nia'₂, jmo₃ bá₄ a₂dsióg₄ jniá₂ i₁jag₁₂.

'Ág'₅ jág₁ jě₁ca₂tó'₂, cuag₂₃ Diú₄ ně₃

²³ Ríng'₃ i₂chen₂ Epafra₂ i₂quiang'₅₄ 'eng₅₄ né'₃ 'má₃ 'uig₅₄ quió'₅ Cristo Jesús, dsiáin'₂ jág₁ a₂cuin₂₃ Diú₄ 'ne₂. ²⁴ Ján₃ bá₄ le₂jaun₂ Marcos, Aristarco, Demas quian'₅₄ Lucas ně₃ i₂jme₂'o₅₄ jmo₅ ta₁.

²⁵ Jui₁jme₂gu'₅₄ Te₁gui'₅₄ Jesucristo jme₂dsí₂ quián'₂ 'nia'₂. Co₂ně₅.

Si₂ a₂chen₄ ne₄ dsa₂ HEBREOS

Ma₂dsia₅ Diú₄ jág₁ quian'₅₄ dsa₂ mi₂güí₃g₃ të₂le₃ quian'₅₄ Ja₁ñi'₅₄

¹Lióng₂ ráun₂ ca₂juá'₂ Diú₄ jág₁ jmig₄ ma₂líg'₂ ca₂tsí'₃ dsa₂ can'₅₄ quián₂ jniog₄, tsá₃ ca₂ne₅₄ jág₁ ca₂'ě₂ të₂le₃ quian'₅₄ dsa₂ i₂ca₂chein₃. ²La₁ jmig₄ jë₁ca₂tó'₂ rë₂ně₃ ně₃, ma₂ca₂juá'₂ tság₅ jniog₄ të₂le₃ quian'₅₄ Ja₁ñi'₅₄ i₂ca₂jmo₃ ca₂le₃jě₃ a₂cha₂ mi₂güí₃g₃; ján₃ bá₄ o₄gú₃ 'éi₂ ma₂dsia₃ ca₂le₃jě₃. ³'Éi₂ bá₄ i₂lín₅ i₂jlán'₁ i₂tág₅ quió'₅ Diú₄; 'éi₂ bá₄ i₂lín₅ nió'₄ të₂dsón'₂ i₂jáng'₅ léi₄ 'a₂ lia'₂ lín₅ Diú₄. Já₁n₃ bá₄ lín₅ 'éi₂ i₂jmo₅ 'í₁ ca₂le₃jě₃ quian'₅₄ jág₁ bën₂ quió'₅. Cang₂ jme₁ca₂rín'₃ 'éi₂ dsáu₁ jniog₄, jaun₂ ca₂guá₂ guei'₅₄ i₂juí₃g₃ con₂ Diú₄ të₂le₃ gu₂ ne₁ ne₄ta₁ quió'₅.

Ja₁ñi'₅₄ Diú₄ bá₄ i₂juin'₂ guě₄ lia'₂ con'₂ guě₄ ángeles

⁴Ma₂ca₂lín₃ Ja₁ñi'₅₄ Diú₄ i₂juin'₂ guě₄ lia'₂ con'₂ guě₄ ángeles, ia₁ ma₂gue₃ quió'₅ jmei₂ a₂ma₂lín₅ ta₁ a₂dsen₅₄ guě₄ lia'₂ con'₂ guě₄ ángeles.

⁵Tsá₃ líg'₂ ca₂juá'₂ Diú₄ ca₂tsí'₃ ángeles quiáin₅ 'i₁jan₂ le₂la₂:
Lín₅ 'ne₂ chi'₂-guein₂ quiáng₃;

jmig₄ ně₃ ma₂lín₅ jniá₂ ñéi'₅. *

On₃ guě₄ 'i₁jan₂ ángel tsá₃ ca₂'iin₃ jua'₅₄ a₂juá'₂ le₂la₂:

Lén₂ jniá₂ jmei₂ 'éi₂,

'éi₂ guě'₂ lén₂ chi'₂-guein₂ quiáng₃. †

⁶La₁ ja₁siá'₂ ně₃, lia'₂ con'₂ jme₁ca₂o₃jñiai₃ Ja₁ñi'₅₄ i₂ne₅₄ mi₂güí₃g₃, jaun₂ juá'₂:
Jui₁jme₂juag'₂ ca₂le₃jín₃ ángeles quián₅ Diú₄. ‡

⁷Jui₁lia'₂ të₂le₃ quió'₅ ángeles guě'₂ juá'₂:

Jmo₅ Diú₄ a₂lín₅ ángeles co₂'nió'₄ dsí₂,

jmo₂₃ a₂lín₅ i₂jme₂ti₃ ne₅₄

co₂'nió'₄ le₁tsí'₅₄ si₂. §

⁸La₁ jui₁lia'₂ të₂le₃ quió'₅ Ja₁ñi'₅₄ ně₃, juá'₂:

Jiog₅ ca₂le₃jě₃ jmig₄ ne₄ta₁ quián'₂ 'ne₂,

Diú₄ quiáng₃.

Quian'₅₄ jág₁ tí₅* qui₂dsí'₁ 'ne₂ 'éi'₃.

⁹A₂'niog'₂ 'ne₂ a₂tí₅, a₂'ñia'₅₄ 'ne₂ a₂'lig'₅₄;

'Uí₅₄ jaun₂, Diú₄ ně₃, Diú₄ quiáng'₂,

ma₂ca₂chein'₃ 'ne₂

ne₄ jui₅ quió'₅ ca₂le₃jín₃ ríng'₂,

ca₂jmo₃ Diú₄ a₂rë₂rín₅ 'au'₂ a₂jmo'₂ 'io'₂. †

¹⁰Ján₃ bá₄ juá'₂:

Lia'₂ ne₁, 'ne₂ Te₁gui'₅₄ quiáng₃,

ca₂jmo'₅₄ 'uig₅₄ tag₄ mi₂güí₃g₃;

guei'₅₄ i₂juí₃g₃ guě'₂ ně₃,

ta₁ a₂ca₂lě₃ quian'₅₄ gog'₂ bá₄ jaun₂.

¹¹A₂dsi₃ñí₂ ca₂le₃jě₃ a₂ně₅,

la₁ 'ne₂ ně₃, con'₂ tan₅₄ bá₄ lín'₅ 'ne₂;

rě₃'áu₂ a₂jaun₂ jui₁lia'₂ ni₁tsin'₅₄ dsa₂.

* 1:5 Salmo 2:7. † 1:5 2 Samuel 7:14. ‡ 1:6 Deuteronomio 32:43. § 1:7 Salmo 104:4. * 1:8 lit. "Quian'₅₄ 'ma₂'i₅₄ dsau₅." † 1:9 Salmo 45:6-7.

12 A₂jóng'⁵ a₂jaun₂ jui₁lia'₂ jë₁jón'₂ dsa₂ tsi₁'mi'₂.

La₁'ne₂ ně₃, lia'₂ ma₂lín'₅ jaun₂ bá₄'ne₂.

Tsá₃ o₁líg'₂ jmig₄ dsiá₃ a₂chan'₂'ne₂.†

13 Tsá₃ líg'₂ ca₂juá'₂ Diú₄ ca₂tsí'₃ 'i₁jan₂ ángel le₂la₂:

Né₂ con₂ jniá₂ tē₂le₃ gu₃ ne₁,

ca₂lia'₂ ca₂tě₂ jmig₄

a₂tón'₁ jniá₂ dsa₂ i₂'iog₅₄ o₄tag'₄.Š

14 Ia₁ lín₅ ángeles jme₂dsí₂ i₂jme₂'o₅₄ i₂chen₄ a₂jme₂ti₃ ta₁ ne₄ i₂ca₂tín₂ gue₃ a₂lió₂ Diú₄.

2

Tion₅₄ 'nió'₅ tón'₂ dsa₂ jui₅

1 'Uig₅₄ jaun₂ bá₄ tion₅₄ niog₅ tion'₂ jniog₄ jui₅ 'nio₅ lín₃ guě₄, jág₁ a₂ma₂néi₁ jniog₄, ia₁jaun₂ tsá₃ qui₂dsi₃cón'₅ jniog₄ jui₅.

2 Ia₁ chi₂jua'₂ tion₅₄ jme₁jme₂ti₃ dsa₂ 'éi'₃ jaun₂ a₂ca₂quiog₂ Diú₄ ma₂líg'₂ tē₂le₃ quian'₅₄ ángeles quiáin₅, jaun₂ chi₂jua'₂ qui₂ca₂gue₃ dsa₂ uig₅ 'a₂ con'₂ ca₂tín₂ jme₁ca₂'náu₂ dso₄, 3 ħ'a₂ bá₄ lia'₂ lé₂ le₃lió₂ jniog₄ ně₁jua'₂ tsá₃ tion'₂ jniog₄ jui₅ jág₁ a₂ñí₄ lē₃ quen₅ a₂lió₂ jaun₂? Ia₁ 'niog₅ bá₄ Te₁gui'₅₄ 'éi₂ i₂ca₂juá'₂ le₂'uig₅₄ jág₁ a₂lió₂ jaun₂. Jaun₂ guě₄ qui₂ca₂cuě₃ jág₁ dsau₅ tság₅ jnia'₅₄ dsa₂ i₂ca₂nág₂.

4 Ján₃ bá₄ ca₂cuě₃ Diú₄ jág₁ dsau₅ tē₂le₃ quian'₅₄ léi₄ a₂dsi₃gó'₃ dsí₅ dsa₂ ca₂jmo₃ 'lióng₂ ráun₂, ján₃ bá₄ tē₂le₃ quian'₅₄ Jme₂dsí₂ Jñió₅ i₂ma₂qui₂ma₂cuin₃ jniog₄ le₂jau₂ le₂jau₂ lia'₂ con'₂ lē₅ a₂'nio₃ 'éi₂.

Ca₂lín₃ Jesús lia'₂ lín₅ rñin'₅₄

5 On₃jua'₅₄ o₄gú₃ ángeles ca₂dsia₃ mi₂güí₃ a₂já₅, a₂'ē₂ jnia'₅₄.

6 La₁ia₁ cha₂ bá₄ caun₂ ja₁ma₂cuě₅ dsa₂ jág₁ dsau₅ le₂la₂;

ħ₂'ein₂ bá₄ dsa₂ mi₂güí₃,

a₂ñí₄ lē₃ dsau'₂'au'₂'éi₂?

ħ₂'ein₂ bá₄ tsi₁jon₂ dsa₂ mi₂güí₃,

a₂ñí₄ lē₃ tón'₂'ne₂ jui₅'éi₂?

7 Ca₂jmoi'₅₄ ca₂tiá₂ mei'₂ guě₄

con'₂ guě₄ ángeles quiáng'₂;

la₁ ma₂ca₂jme₃juin'₂, ma₂ca₂jmo'₅₄ a₂lín₅ i₂dsen₅₄ guě₄,

[ca₂dsian'₅₄ a₂nio₃ gu₂ a₂ca₂jmo'₅₄ 'ne₂ quian'₅₄ gog'₂]*

8 ma₂dsia'₅₄ 'ne₂ ca₂le₃jě₃ o₄tag₁₂.†

Jaun₂ ně₃, jme₁ca₂dsia₃ Diú₄ ca₂le₃jě₃ o₄tag₄ dsa₂ mi₂güí₃, tsá₃ ma₂'e₂ cha₂ jua'₅₄ a₂tsá₃ niog₅ gu₂ 'éi₂. La₁ia₁ rē₂ně₃ ně₃, tsá₃ ma₂léi₄ guě₄ a₂niog₅ gu₂ 'éi₂ le₃jě₃.

9 La₁ia₁ jin₄ bá₄ jniog₄ Jesús i₂ca₂lín₃ ca₂tiá₂ mei'₂ guě₄ con'₂ guě₄ ángeles, ca₂rē₃juin'₂, ca₂lín₃ i₂dsen₅₄ guě₄ ně₃ ia₁ ca₂i₃ñí₂ uig₅ ne₄ 'mú₃, ia₁jaun₂ le₃cuí'₅ 'mú₃ o₄quió'₄ ca₂le₃jín₃, ia₁ a₂'ua₁ dsí₅ Diú₄.

10 Quió'₅ Diú₄ bá₄ le₃jě₃; tē₂le₃ quian'₅₄ 'éi₂ ca₂lē₃ le₃jě₃. Jaun₂ 'nio₃ Diú₄ chíin'₂ ca₂le₃jín₃ chi'₂-guein₂ quiáin₅, a₂lén₂ 'éi₂ jláin'₁ co₂lē₅ quian'₅₄. 'Uig₅₄ jaun₂, dsi₂ten₅₄ bá₄ a₂ca₂jme₃'ñia₅ Diú₄ ca₂jme₃'ñiai₂₃ Jesucristo tē₂le₃ quian'₅₄ jmi₁uig₅ a₂ca₂i₃ñí₂ jme₁ca₂niá₃ jui₅ a₂lióin₂ 'éi₂.

† 1:12 Salmo 102:25-27. Š 1:13 Salmo 110:1. * 2:7 Chog₅₄ si₂ a₂dse₃ guě₄ tsá₃ le₁ton₅ jág₁ a₂tio'₅₄ 'ñió'₃, corchetes [le₂la₂]. † 2:8 Salmo 8:4-6.

11 Ia₁ jui₁lia'₂ i₂jme₂jñi₃ó₃ quian'₅₄ i₂rë₂jñi₃ó₃ në₃, jan₂ bá₄ Jmei₂ chan₂. 'Uig₅₄ jaun₂, tsá₃ gui'₅₄ Ja₁ñi'₅₄ Diú₄ tē'₂ dsa₂ 'éi₂ riin'₅₄.

12 Le₂la₂ juá'₂ ne₄ si₂;
'In₄ jniá'₂ 'ne₂ jin₄ ríng'₃,
te₂jē₄ ja₁le₁ñi'₂ dsa₂
'ē₅₄ jniá'₂ son₅₄ a₂jme₁juag'₂ quiáng'₂. †

13 Ján₃ bá₄ juá'₂:
Caun₂ bá₄ 'ag₁₂ dsi₃ ja₁con₂ 'éi₂. §
Con'₂ siá'₂ táng₃ juá'₂;
ja₁lá₃ bá₄ chén'₅ jniá'₂,
ca₂lia'₂ ma₂quian'₅₄ chi'₂-guein₂
i₂ma₂cuin₃ Diú₄ jniá'₂. *

14 Jui₁lia'₂ ca₂tín₂ chi'₂-guein₂ jan₂ chog₅₄-jmei₂ dsa₂ mi₂güig₃ caun₂ jmi₂ 'ain₅₄,
ján₃ bá₄ le₂nē₅ ca₂tín₂ Jesús caun₂ jmi₂ 'ain₅₄ quian'₅₄ dsa₂ mi₂güig₃, ia₁jaun₂
tē₂le₃ quian'₅₄ 'mú₃ quió'₅ lé₂le₃lí'₂ ne₄ 'éi₂ i₂'io₅ bí₂ quió'₅ 'mú₃, co₂'nió'₄ le₃jua'₅₄
i₂sē₃dsen₃.

15 Ján₃ bá₄ le₂jaun₂ ca₂jmo₃ ia₁jaun₂ lé₂ le₃qui₂le₃chen'₂ dsa₂ i₂nē₂jag₄ bá₄
i₂qui₂rē₂'ñe'₅₄, ia₁ ca₂le₃jē₃ jmi₄g₄ a₂chain₂, gó'₅ 'mú₃ quió'₅.

16 Ia₁ dsón'₂ bá₄ on₃jua'₅₄ jaun₂ ca₂guain₃ jua'₅₄ a₂jme₃'oin₅₄ ángeles; ta₁ jaun₂
bá₄ ca₂guain₃ a₂jme₃'oin₅₄ tsi₁jon₂ Abraham.

17 'Uig₅₄ jaun₂, tion₅₄ bá₄ ca₂liin₃ ca₂le₃jē₃ jui₁lia'₂ lín₅ dsa₂ mi₂güig₃ riin'₅₄,
ia₁jaun₂ dsió₄ léin₂ jan₂ jme₂dsa₂ dsen₅₄ i₂ñéi₂ dsí₅, i₂rē₂ti'₅₄ në₃, ia₁jaun₂ jniá'₂
dsá_{u1} dsa₂ tē₂le₃ quian'₅₄ a₂jéin'₂ ne₄ Diú₄.

18 Jaun₂ jui₁lia'₂ ca₂ñág₃ uig₅ 'éi₂ jme₁ca₂caun₃ Diú₄ táu₂, ján₃ bá₄ le₂nē₅ qui'₅₄
jmi₄g₄ jme₃'oin₅₄ jui₁lia'₂ dsa₂ i₂cáun₂ dsa₂ táu₂.

3

Jesús bá₄ i₂dsen₅₄ guē₄ con'₂ guē₄ Moisés

1 Le₂jaun₂ 'nia'₂ rin'₅₄ jniog₄ i₂ma₂rē₂tson₄ quián₅ Diú₄, 'nia'₂ i₂ca₂tín₂ tē₂ Diú₄
guei'₅₄ i₂juig₃, dsiog'₂ 'au'₂ 'nia'₂ Cristo Jesús i₂chen₄ quián₅ Diú₄, ján₃ bá₄ i₂lín₅
jme₂dsa₂ dsen₅₄ i₂'in₅ jniog₄.

2 'Niog₅ Jesús ma₂ca₂rē₃ti'₅₄ ja₁con₂ Diú₄ i₂ca₂'ag₃ a₂jmo₃ ta₁ në₅, jui₁lia'₂
ca₂jme₃ti₃ Moisés con'₂ ta₁ jme₁chén'₄ ja₁con₂ ca₂le₃jín₃ chi'₂-guein₂ quián₅
Diú₄.

3 La₁ia₁ ca₂tín₂ Jesús jme₃juag'₂ dsa₂ con'₂ guē₄ Moisés, jui₁lia'₂ quen₅ guē₄ dsa₂
i₂jmo₅ 'né₅ con'₂ guē₄ tsi₁'né₅ 'ñiog₅.

4 Jui₁lia'₂ caun₂ 'né₅, tion₅₄ bá₄ chan₂ i₂jmo₃; la₁ 'ñiog₅ bá₄ Diú₄ ca₂jmo₃ ca₂le₃jē₃
'e₂ a₂cha₂.

5 Ca₂jme₃ti₃ Moisés ja₁con₂ ca₂le₃jín₃ chi'₂-guein₂ quián₅ Diú₄, con'₂ ta₁
a₂jme₁lín₄ ne₄ Diú₄, qui₂ca₂jáng'₃ jág₁ dsau₅ jui₁lia'₂ jág₁ quió'₅ Diú₄ a₂jme₁juá'₂.

6 La₁ia₁ Cristo në₃, rē₂ti'₅₄ bá₄ a₂lín₅ Ja₁ñi'₅₄ Diú₄ i₂chén'₅ ne₄ ca₂le₃jín₃ chi'₂-
guein₂ quián₅ Diú₄. Chi'₂-guein₂ 'éi₂ lág₅ jniog₄ guio₅₄ nē₁jua'₂ chan'₂ jniog₄ tiá₂
a₂caun₂ 'ei₅ dsi₅ jniog₄, jmo₂ jniog₄ 'io'₂, ia₁ cha₂ a₂'in₂ dsi₅ jniog₄ tag₃; a₂jaun₂
bá₄ 'io'₂ jein₂ jniog₄.

7 'Uig₅₄ jaun₂, lē₅ jui₁lia'₂ juá'₂ Jme₂dsí₂ Jñi₃ó₃ ne₄ si₂:
Jmi₄g₄ në₃ nē₁jua'₂ nag'₂ 'nia'₂ jág₁ quió'₅ Diú₄,

8 Tsá₃ lē₁jme₂'uá'₂ 'nia'₂ 'au'₂
jui₁lia'₂ ca₂jmo₃ i₂lín₅₄ ca₂nau₂ 'nei₂

† 2:12 Salmo 22:22. § 2:13 Isaías 8:17. * 2:13 Isaías 8:18.

ca₂cain₃ táu₂ Diú₄ 'uë₃ co₂'ñiog₅ jaun₂.

⁹Ja₁jaun₂ ca₂caun₃ táu₂ jniá₂
dsa₂ can₅₄ quián₂ 'nia₂ ma₂líg₂,
o₁jñia₅₄ ma₂qui₂ma₂jág₃ ta₁ quió₃
ma₂të₂láu₃ ñi₂.

¹⁰'Uig₅₄ jaun₂ ca₂jén₂ dsi₃
quian₅₄ dsa₂ i₂jme₁chan₂ jmig₄ jaun₂,
jaun₂ ca₂juá₃ jniá₂:

“Con₂ tan₅₄ bá₄ i₂nio₄ dsa₂ në₅
qui₂dsi₂cón₅ dsí₅,

tsá₃ 'nio₃ le₃cuí₅ juí₅ quió₃.”

¹¹'Uig₅₄ jaun₂ ca₂'ín₃ jniá₂ 'ñió₃
jme₁ca₂'í₃ 'nei₂ dsi₃,

a₂tsá₃ dsi₁len₃ 'éi₂
jua₅₄ a₂jñia₃ ja₁con₂ jniá₂.*

¹²Rin₅₄ jniog₄, jmo₄ 'nia₂ 'í₁ ia₁jaun₂ 'i₁jan₂ 'nia₂ tsá₃ le₃'ua₂ dsí₅, jua₅₄ a₂'nio₃
náu₃ cau₅ ja₁con₂ Diú₄ jén₃ ia₁ tsá₃ 'éin₂ jág₁ quió₅.

¹³Të₂le₃ cuë₅₄ 'nia₂ bí₂ ríng₂ le₂jang₂ le₂jang₂ lia₂ caun₂ jmig₄, të₁lia₂ jiog₅
“jmig₄ në₃” a₂ma₂juá₂ Si₂, ia₁jaun₂ 'i₁jan₂ 'nia₂ tsá₃ le₃'ua₂ 'au₂ tsá₃ le₃gan₂
'nia₂ quian₅₄ dso₄.

¹⁴Ia₁ i₂ma₂quián₅ Cristo bá₄ jniog₄, në₁jua₂ ca₂tián₃ jniog₄ të₂ jë₁ca₂tó₂ caun₂
bá₄ 'ei₅ dsi₅ jniog₄ jág₁ quió₅ lia₂ con₂ lë₅ jme₁ca₂rë₃ 'éin₂ le₂'uig₅₄.

¹⁵Jui₁lia₂ ma₂në₂juá₂:
Jmig₄ në₃, në₁jua₂ ca₂nei₂ 'nia₂
jág₁ quió₅ Diú₄,

tsá₃ jme₁'ua₂ 'nia₂ 'au₂,
jui₁lia₂ ca₂jmo₃ i₂lin₅₄
ca₂nau₂ 'nei₂ ne₄ Diú₄.†

¹⁶¿'Ein₂ 'éi₂ i₂ca₂nág₂ jág₁ quió₅ Diú₄ jaun₂ ca₂nau₂ 'nei₂ cang₂ jaun₂?
Ca₂le₃jín₃ dsa₂ i₂ca₂'uín₂ Moisés 'uë₃ Egipto, i₂'éi₂ bá₄.

¹⁷¿'Ein₂ quian₅₄ ca₂rë₃'né₃ Diú₄ con₂ të₂láu₃ ñi₂? Quian₅₄ dsa₂ i₂ca₂'náu₂ dso₄
bá₄, i₂ca₂dsan₃ 'uë₃ co₂'ñiog₅ jaun₂.

¹⁸¿Ja₁con₂ 'ein₂ ca₂cuë₃ Diú₄ jág₁ quió₅ a₂tsá₃ dsi₁lein₃ jua₅₄ jñia₃ quiong₅₄?
Ja₁con₂ dsa₂ i₂tsá₃ ca₂nág₂ gau₂ jág₁ quió₅ bá₄.‡

¹⁹Jaun₂ ne₄ jniog₄, le₂jaun₂ bá₄ ca₂i₃ñi₂: tsá₃ a₁jaun₂ ca₂i₃toin₅₄, 'uig₅₄ ia₁
a₂tsá₃ ca₂rë₃'éin₂.

4

¹'Uig₅₄ jaun₂, të₁lia₂ ron₅ guë₄ jág₁ a₂ma₂cuë₃ Diú₄ a₂dsi₁no₃ jniog₄ ja₁dsi₁jñia₁
ja₁coin₂, 'nió₅ jmó₁ jniog₄ 'í₁ con₂ tsá₃ ñó₅ në₁jua₂ 'ein₂ 'nia₂ tsá₃ ca₂tíng₂
ja₁jaun₂.

²Ia₁ ján₃ bá₄ le₂jaun₂ ma₂ca₂rë₃'ë₂ jág₁ alió₂ ja₁con₂ jniog₄ jui₁lia₂
ma₂ca₂rë₃'ë₂ ja₁con₂ 'éi₂; la₁ia₁ tsá₃ ta₁ ca₂jmo₃ co₂ñí₂ a₂ca₂nág₂ jág₁, 'uig₅₄
ia₁ a₂tsá₃ ca₂'an₂ dsí₅ jág₁ jaun₂ jua₅₄ a₂ca₂rë₃'éin₂.

³La₁ jniog₄ i₂ma₂ca₂rë₃'éin₂ në₃, dsi₁no₃ bá₄ jniog₄ dsi₁jñia₁₂ ja₁jaun₂ jui₁lia₂
a₂ma₂juá₂ Diú₄:

'Uig₅₄ jaun₂ ca₂'ín₃ jniá₂ 'ñió₃,
jme₁ca₂'í₃ 'nei₂ dsi₃,

* 3:11 Salmo 95:7-11. † 3:15 Salmo 95:7-8. ‡ 3:18 'Nio₂ ja₁ton₅ Números 14:22-23.

a₂tsá₃ dsi₁len₃ 'éi₂

jua'₅₄ jñia₃ ja₁con₂ jniá₂. *

La₁ia₁ ma₂ca₂'i₃ ta₁ quió'₅ Diú₄ ca₂le₃ ca₂'nio₃ mi₂güí₃.

⁴ Ia₁ cha₂ ja₁juá'₂ ne₄ Si₂ le₂la₂, a₂'ë₂₃ jë₁ca₂të₂ guio₃ jmig₄: “Ca₂jñia₃ Diú₄ jë₁ca₂të₂ guio₃ jmig₄, jme₁ca₂lë₃ ca₂le₃jë₃ ta₁ quió'₅.”† ⁵ Con'₂ siá'₂ táng₃ juá'₂ ne₄ Si₂: “Tsá₃ dsi₁lein₃ jua'₅₄ a₂jñia₃ ja₁con₂ jniá₂.”

⁶ La₁ jui₁lia'₂ chan₂ i₂lín₅₄ i₂'nió'₅ tón'₃ ja₁jaun₂, i₂sián'₂ guë'₂ tsá₃ ca₂i₁tion'₅₄ le₂jñiá₅ jme₁ca₂nág₂ jág₁, 'uig₅₄ ia₁ a₂tsá₃ ca₂rë₃'éin₂, ⁷ con'₂ siá'₂ ca₂tióng₃ Diú₄ caun₂ jmig₄ ca₂juá'₂ të₂le₃ quian'₅₄ David 'lióng₂ ñi₂ cang₂ jaun₂ ca₂të'₃ “jmig₄ në₃” jme₁ca₂juá'₂ ne₄ Si₂ jág₁ a₂ma₂ca₂juá'₂ le₂jñiá₅:

Jmig₄ në₃ në₁jua'₂ ca₂nei'₂ 'nia'₂ jág₁ quió'₅ Diú₄,

tsá₃ lë₁jme₂'uá'₂ 'nia'₂ 'au'₂. ‡

⁸ Ia₁ jua'₅₄ mei'₂ guë₃ Josué ca₂cuë₃ caun₂ ja₁jñia₃ dsa₂, tsá₃ jaun₂ jme₁juá'₂ Diú₄ cang₂ jaun₂ jme₁'ë₃ jmig₄ siá'₂.

⁹ Jaun₂ lë₃, lia'₂ ma₂cha₂ jaun₂ bá₄ jmig₄ sa₅₄ ja₁jñia₅ dsa₂ juig₂ quián₅ Diú₄. ¹⁰ Ia₁ jui₁lia'₂ ca₂jñia₃ Diú₄ ta₁ quió'₅ a₂ca₂jmo₃, ján₃ bá₄ le₂jaun₂ jui₁lia'₂ i₂dsi₃ton'₅₄ dsi₃jñia₅₄ ja₁con₂ Diú₄, tí₂ ta₁ quió'₅, jñia₃.

¹¹ 'Uig₅₄ jaun₂ 'nió'₅ 'niog'₅₄ jniog₄ juí₅ a₂quen'₂ bí₂ a₂dsi₁no₃ ja₁jaun₂, ia₁jaun₂ 'i₁jan₂ tsá₃ 'ein₂ tián'₃ a₂cán₂ juí₅ a₂ca₂i₁nio₄ 'éi₂ a₂tsá₃ ca₂nág₂ gau₂ jág₁ quió'₅ Diú₄.

¹² Ia₁ jén'₃ bá₄ jág₁ quió'₅ Diú₄, 'io₅ bí₂ në₃, 'ñio₅ chen'₂ con'₂ guë₄ caun₂ ñi₁tág₂ 'mu₃ le₃tín₃ ton₂, dsi₂tia₃ ca₂të₂ né'₃ jmo₅ le₁dso'₅₄ të₂dsí₅ dsa₂ quian'₅₄ jme₂dsí₂, jmo₅ le₁dso'₅₄ ja₁jón'₅ quian'₅₄ dsí₅ ni₁mu₅ në₃, jme₂jñia₅ ca₂le₃jë₃ 'e₂ dsi₂jio₅ dsí₅ dsa₂, ca₂le₃jë₃ 'a₂ lia'₂ lín₂ dsa₂ në₃.

¹³ Ca₂lia'₂ 'i₁caun₂ a₂ca₂jmo₃ Diú₄ tsá₃ lé₂ le₃'má₂ ne₄ 'éi₂; ca₂le₃jë₃ bá₄ rë₂jniá₂ rë₂na₄ ne₄ i₂dsi₁jang'₅₄ jniog₄ cuenta quián₂.

Lín₅ Jesús Jme₂dsa₂ Dsen₅₄ i₂juin'₂

¹⁴ Jaun₂ në₃, jme₂dsa₂ dsen₅₄ i₂juin'₂ quián₂ jniog₄ lín₅ Jesús, Ja₁ñi'₅₄ Diú₄, i₂ca₂uí₂ guei'₅₄ i₂juíg₃. 'Uig₅₄ jaun₂ 'nió'₅ caun₂ chan'₅₄ jniog₄ tiá₂ jág₁ a₂'éin₂ jniog₄.

¹⁵ On₃jua'₅₄ a₂tsá₃ lé₂ dsia₃ ñéi₂ dsí₅ jme₂dsa₂ dsen₅₄ quián₂ jniog₄ jë₁ma₂ca₂'uá₂ jniog₄. Ia₁ ma₂ca₂caun₃ dsa₂ ca₂le₃jë₃ táu₂ quió'₅, juí₁lia'₂ caun₂ dsa₂ táu₂ jniog₄, la₁ia₁ tsá₃ dso₄ ca₂'náu₂ 'éi₂.

¹⁶ Jaun₂ në₃ ma₃ jme₁quián₄ jniog₄ caun₂ bá₄ 'ei₅ dsí₅ ca₂të₂ ne₄ta₁ ja₁guá₄ Diú₄ i₂'ua₁ dsí₅, ia₁jaun₂ dsia₃ 'éi₂ ñéi₂ dsí₅, a₂jme₃'o₅₄ a₂'ua₁ dsí₅ jë₁ma₂ca₂rë₃'nió'₅ quián₂ jniog₄.

5

¹ I₂rë₂quion'₅₄ jin₄ dsa₂ mi₂güí₃ bá₄ le₂jan₂ le₂jan₂ jme₂dsa₂ dsen₅₄ a₂rë₂'iin₄ a₂chéin'₅ ne₄ jág₁ o₄quió'₄ dsa₂ mi₂güí₃ ne₄ Diú₄ ia₁jaun₂ jén'₃ juí₁lia'₂ 'e₂ 'nió'₅ jén'₃, a₂qui₃dsiin'₂ já'₂ në₃ o₄quió'₄ dsáu₁ dsa₂.

² Jaun₂ jui₁lia'₂ jme₂dsa₂ le₂'éi₂, ján₃ bá₄ lín₅ dsa₂ mi₂güí₃ a₂'uain₅₄; lé₂ bá₄ jme₃'ua₁ dsí₅ ja₁con₂ jui₁lia'₂ dsa₂ i₂tsá₃ ñi₅, juí₁lia'₂ dsa₂ i₂ma₂i₁nio₄ cau₅ juí₅ në₃.

³ 'Uig₅₄ ia₁ a₂lín₅ dsa₂ mi₂güí₃ 'uain₅₄, tion₅₄ 'nió'₅ jén'₃ ne₄ Diú₄, lia'₂ o₄quió'₄ dsáu₁ 'ñiog₅ lia'₂ o₄quió'₄ dsáu₁ dsa₂ juig₂ táng₃.

⁴ 'I₁jan₂ tsá₃ lé₂ le₃lén₂ ta₁ juë'₂ jaun₂ jua'₅₄ a₂le₃'iin₃ 'ñiog₅; tion₅₄ bá₄ 'nió'₅ 'ag₃ Diú₄ jui₁lia'₂ ca₂'iin₃ Aarón.*

* 4:3 Salmo 95:11; ján₃ bá₄ le₂në₃ † 4:4 Génesis 2:2. ‡ 4:7 Salmo 95:7-8. * 5:4 Aarón: 'Nio'₂ ja₁ton₅ Éxodo 4:14.

⁵ Ján₃ bá₄ le₂ně₅ lě₅ quian'₅₄ Cristo. Tsá₃ ca₂jme₃ju_{in}'₂ 'ñiog₅ jua'₅₄ ca₂'i_{in}₃ 'ñiog₅ a₂lén₂jme₂dsa₂dse_n₅₄; Diú₄ bá₄ ca₂'ag₃ ta₁ jué'₂ jaun₂. Jaun₂ ca₂juá'₂ Diú₄: Lín'₅ 'ne₂ chí'₂-guein₂ quiáng₃;

Jm_{ig}₄ ně₃ ma₂lín₅ jniá₂ ñéi'₅.†

⁶ Ján₃ bá₄ le₂ně₅ juá'₂ ja₁siá'₂ táng₃:

Lín'₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec.‡

⁷ Lia'₂ con'₂ jme₁chan₂ Jesús mi₂güig₃ la₂, ca₂mi₃ tiá₂ ne₄ Diú₄ Jmei₂, ca₂'o₃ a₂jme₁mi₂₃ tion₅₄ ne₄ 'éi₂ i₂'io₅ bí₂ a₂jme₁lió₂ ne₄ 'mú₃. Jaun₂ Diú₄ ně₃ ca₂nág₂ bá₄ quió'₅, 'uig₅₄ ia₁ a₂ca₂nág₂ gau₂ jág₁ quió'₅ 'éi₂.

⁸ O₁ñja'₅₄ jme₁lín₄ Ja₁ñi'₅₄ Diú₄, ca₂rě₃tín₃ a₂nag₃ gau₂ tē₂le₃ quian'₅₄ uig₅ a₂ca₂i₃ñí₂.

⁹ Jaun₂ jme₁ca₂rě₃'ña₅ quió'₅, jaun₂ guě₄ ca₂li_{in}₃ 'uig₅₄ ja₁lión₂ co₂tan₅₄ ca₂le₃jín₃ i₂nag₅ gau₂ jág₁ quió'₅, ¹⁰ ia₁ Diú₄ bá₄ ca₂'ag₃ a₂lén₂jme₂dsa₂dse_n₅₄ ca₂ne₅₄ lia'₂ jme₁lín₄ Melquisedec.

Go'₂ ně₃jua'₂ ca₂tí₂ dsa₂ a₂'éi₂

¹¹ 'Lióng₂ bá₄ jág₁ le₂ně₅ cha₂ a₂'nió'₅ jua'₅₄ jnia'₅₄, la₁ia₁ quian₅ ta₁ jua'₅₄ a₂jme₁tín₅ jnia'₅₄ 'nia'₂ jág₁ ně₅, ia₁ a₂ca₂lín₃ 'nia'₂ cang₄ dsei'₂.

¹² Ma₂líg'₂ bá₄ ca₂rě₃'én'₂ 'nia'₂ jág₁; rě₂ně₃ le₃jua'₅₄ a₂ma₂ca₂tíng'₂ 'nia'₂ léng'₂ tē₅. La₁ tion₅₄ bá₄ 'nió'₅ jme₃tag₅ táng₃ dsa₂ quian'₅₄ 'nia'₂ jág₁ 'ua₁ le₂'uig₅₄ quió'₅ Diú₄, ně₂jag₄ bá₄ a₂'nió'₅ 'ag'₅₄ 'nia'₂ jmá'₃ dsi'₅₄, 'nió'₄ a₂jme₁quíng'₂ 'nia'₂ ñí₅.

¹³ Jaun₂ ju₁lia'₂ dsa₂ i₂'ín'₂ jmá'₃ dsi'₅₄, lín₅ ju₁lia'₂ lín₅ guein₂ i₂tsá₃ lín₄ tín₂ jág₁ quió'₅ ju₁5 co₂dsau₅.

¹⁴ Ju₁lia'₂ má₃ quió'₅ dsa₂ can'₅₄ ně₃, lě₅ jmá'₃ quió'₅ dsa₂ ma₂ron₂, quió'₅ dsa₂ i₂ma₂'en₅₄ dsí₅ i₂ca₂rě₃tín₃ i₂ca₂rě₃ñi₅ na₂ ju₁5 dse₃, na₂ ju₁5 'lig'₅₄ 'e₂.

6

¹ Jaun₂ ně₃, ju₁dsiá₁ jniog₄ cau₅ jág₁ le₂'uig₅₄ quió'₅ Cristo a₂ma₂ca₂jme₁tag₅ jniog₄. Ma₃dsau₅₄ jniog₄ ne₄ ju₁5 ia₁jaun₂ lén₂ jniog₄ dsa₂ ma₂ron₂. Tsá₃ ma₂'nió'₅ jua'₅₄ a₂quián₂ táng₃ jniog₄ 'uig₅₄ jág₁ ju₁lia'₂ jē₁jme₂tsín₃ dsa₂ dsí₅ a₂tsá₃ ma₂jmo₂₃ ju₁lia'₂ a₂jio₂₃ ju₁5 'mú₃, ju₁lia'₂ 'a₂ lia'₂ rě₂'én₂ dsa₂ jág₁ quió'₅ Diú₄ ně₃; ² tsá₃ ma₃'nió'₅ jua'₅₄ caun₂ jme₁tag₅ jniog₄ ju₁lia'₂ a₂chon₅ dsa₂ jmig₂, ju₁lia'₂ a₂quiog₂ dsa₂ gu₂ ne₄ quió'₅ dsa₂, ju₁lia'₂ a₂jen'₅₄ dsa₂ jin₄ 'lag₄, on₃ guě₄ ju₁lia'₂ a₂qui₃dsi₅ Diú₄ 'éi'₃ co₂tan₅₄ ně₃.

³ Le₂jaun₂ jmó₁ bá₄ jniog₄, a₂dsau₅₄ ne₄ ju₁5, chí₂jua'₂ jme₃'o₅₄ Diú₄.

⁴ Ia₁ ju₁lia'₂ dsa₂ i₂ma₂ca₂rě₃ñí'₂ dsí₅, dsa₂ i₂ma₂ca₂rě₃cuí'₅ 'a₂ lia'₂ 'ua₁ dsí₅ Diú₄, dsa₂ i₂ca₂tín₂ jma₂me'₂ quió'₅ Jme₂dsí₂ Jñió₅, ⁵ dsa₂ i₂ma₂ca₂rě₃cuí'₅ a₂dse₃ jág₁ quió'₅ Diú₄, dsa₂ i₂ma₂ca₂rě₃cuí'₅ bí₂ quió'₅ mi₂güig₃ a₂jiá₃; ⁶ ně₃jua'₂ ca₂i₃lén₂ táng₃ cau₅ ju₁5, * tsá₃ ma₃lé₂ dsi₁te₁ jniog₄ jaun₂ jéin'₃ táng₃ dsí₅, ia₁ ně₂jag₄ bá₄ a₂tioin₂₃ táng₃ cróg₄ Ja₁ñi'₅₄ Diú₄ le₃quió'₅ guioin₅₄, jaun₂ chei'₂₃ tē₃jin₄ dsa₂ ia₁jaun₂ cán₂ 'éi₂ o₂guí'₃.

⁷ A₂lín₅ dsa₂ 'éi₂ lia'₂ lě₅ gua'₅₄ 'uě₃ a₂'ín'₅ jmí₅ lia'₂ co₂ráun₂ téin₃ ne₄ quió'₅. Nē₁jua'₂ ca₂rau₂ dse₃ gua'₅₄ 'uě₃ jaun₂ quió'₅ dsa₂ i₂ca₂jmo₃ ta₁ ja₁jaun₂, jaun₂ lé₂ le₃jmó'₂ ta₁ 'a₂ con'₂ ca₂rau₂, jaun₂ jme₃gu'₅₄ bá₄ Diú₄.

⁸ La₁ ně₃jua'₂ ca₂'ia₂ ni₁taun₅ quian'₅₄ ni₁nau₂, jaun₂ tsá₃ ma₃ta₁ tí₄ 'uě₃ jaun₂; go'₂ a₂'ě₂ Diú₄ uig₅. Jē₁ca₂tó'₂ jaun₂, dsí'₂ bá₄ dsa₂.

† 5:5 Salmo 2:7. ‡ 5:6 Salmo 110:4. * 6:6 'Nio'₂ ja₁ton₅ 2 Pedro 2:21.

A₂'éin bá₄ jniog₄ jmo₅ a₂tióng₂ tiá₂

⁹ Rin'₅₄ jniog₄, o₁jnia'₅₄ ma₂ně₂jua'₅₄ jnia'₅₄ le₂ně₅, caun₂ bá₄ 'ei₅ dsi₅ jnia'₅₄ a₂jmo'₂ 'nia'₂ dse₃ guě₄ con'₂ guě₄ a₂jaun₂, a₂chan'₅₄ 'nia'₂ tiá₂ jág₁ a₂lión'₂ 'nia'₂.

¹⁰ Ia₁ dse₃ bá₄ dsi₅ Diú₄, tsá₃ jua'₅₄ a₂dsi₃'én₂ dsi₅ ca₂le₃jě₃ a₂ma₂jmo'₅₄ 'nia'₂, quian'₅₄ ca₂le₃jě₃ 'a₂ lia'₂ lě₅ a₂'nió'₃, a₂rě₂jniá₂ ia₁ a₂ma₂jme'_{on}'₅₄ 'nia'₂ dsa₂ rin'₅₄ jniog₄ i₂'én₂, jui₁lia'₂ caun₂ jmo'₂ 'nia'₂ rě₂ně₃.

¹¹ 'In₅ bá₄ dsi₅ jnia'₅₄ a₂jmó'₂ 'nia'₂ le₂jaun₂ a₂dsen₅₄ 'au'₂ le₂jang'₂ le₂jang'₂ ca₂tě₂ jě₃ca₂tó'₂, ia₁jaun₂ lén'₄ 'nia'₂ co₂nei'₅₄ ca₂le₃jě₃ a₂'in₂ 'au'₂ 'nia'₂.

¹² Tsá₃ 'niog₂ jnia'₅₄ jua'₅₄ a₂le₃juin'₃ 'nia'₂, la₁ tě₂le₃ o₁nó'₅ 'nia'₂ ne₄ jui₅ quió'₅ dsa₂ i₂ma₂'én₂ i₂ma₂juin'₂ dsi₅ ně₃ jaun₂ ca₂tín₂ a₂dse₃ lia'₂ con'₂ lě₅ jág₁ quió'₅ Diú₄ a₂ma₂cuě₃.

¹³ Lia'₂ con'₂ jme₁ca₂cuě₃ Diú₄ jág₁ quió'₅ ca₂cuě'₃ Abraham, ca₂'iin₃ 'niog₅, ia₁ ca₂lia'₂ 'i₁jan₂ i₂sián'₂ tsá₃ jme₁chan₂ i₂juin'₂ guě₄ jua'₅₄ i₂'iin₃.

¹⁴ Jaun₂ ca₂juá'₂: “Tě₃dsón'₂ bá₄ jme₁gu'₅₄ jniá₂ 'ne₂ 'nio₅ lín₃, jaun₂ cuín₄ jniá₂ 'ne₂ juin₅ tsi₁jon₂.”†

¹⁵ Juin'₂ bá₄ dsi₅ Abraham ca₂jnia₃, jaun₂ ca₂gue₃ bá₄ lia'₂ con'₂ lě₅ jág₁ a₂jme₁ma₂cuě₃ Diú₄.

¹⁶ Jui₁lia'₂ jě₃'in₅ dsa₂ mi₂güig₃ Diú₄, 'iin₂₃ jui₁lia'₂ i₂lín₅ i₂juin'₂ con'₂ guě₄ guioin₅₄, a₂jáng'₅ jág₁ dsau₅ a₂dsón'₂ bá₄ tí₅ jág₁, jaun₂ co₂ně₅ bá₄ dsan₂ mi₅₄ a₂nió'₅ quian'₅₄ rin'₅₄.

¹⁷ Ján₃ bá₄ le₂ně₅ ca₂jmo₃ Diú₄ ia₁ a₂jme₁'nio₃ jme₃jnia₅ ja₁con₂ dsa₂ i₂ca₂tín₂ gue₃ lia'₂ con'₂ lě₅ jág₁ a₂ca₂cuě₃, a₂tsá₃ jme₂tsiin₃ 'a₂ lia'₂ dsi₂jio₅ dsi₅ jmo₃ ja₁coin₂. Ca₂'iin₃ 'niog₅ ca₂jáng'₃ jág₁ dsau₅ a₂dsón'₂ bá₄ tí₅ jág₁ quió'₅ a₂ma₂cuě₃.

¹⁸ Jaun₂ ně₃, tě₂le₃ quian'₅₄ tin₃ ne₅₄ jág₁ ně₅ a₂tsá₃ lé₂ le₃tsin₃ a₂tsá₃ lé₂ le₃jmo₃ Diú₄ tě₂jín₁, (co₂'nió'₄ le₃jua'₅₄ jág₁ a₂ca₂cuě₃ Diú₄, quian'₅₄ jág₁ a₂ca₂'iin₃ 'niog₅), jaun₂ guéi₁ bá₄ jniog₄ lián'₂ bėn₂ jui₁lia'₂ jniog₄ i₂ma₂cuing₅₄ a₂dsi₁lion₅₄ ja₁coin₂, ia₁jaun₂ chan'₅₄ jniog₄ tiá₂ jág₁ a₂'in₂ dsi₅ jniog₄.

¹⁹ A₂bėn₂ bá₄ jág₁ jaun₂ a₂jmo₅ a₂tióng₂ tiá₂ tě₂dsi₅ jniog₄, jui₁lia'₂ bėn₂ ni₁'lá'₂ quió'₅ ni₁barco jě₁ma₂ca₂quian₃ tiá₂ ca₂tě₂ 'uig₅₄ jmi₁ni₁'₄. Jág₁ a₂'in₂ dsi₅ jniog₄ jaun₂, a₂'í₂ bá₄ ca₂tě₂ ja₁jnió₅ guě₄ ca₂tě₂ 'nió'₃ 'mi'₂ jnió₅, ²⁰ ja₁ca₂'í₃ Jesús o₄quián₂ jniog₄, ca₂dsián'₃ ne₄ jui₅ quián₂ jniog₄, ia₁ a₂ca₂liin₃ jme₂dsa₂ dsen₅₄ co₂tan₅₄, ca₂ne₅₄ lia'₂ jme₁lín₄ Melquisedec.

7

Lín₅ Jesús jme₂dsa₂ ca₂ne₅₄ lia'₂ jme₁lín₄ Melquisedec

¹ Melquisedec 'éi₂ ně₃ jme₁lín₄ rag₅₄ quián₅ juig₂ Salem, jme₁liin₄ jme₂dsa₂ ně₃ quián₅ Diú₄ i₂juin'₂ guě₄ lín₃. Lia'₂ con'₂ jme₁ca₂jón'₃ Abraham jme₁ca₂lí'₃ 'nei₂ a₂ca₂jmo₃ quian'₅₄ rag₅₄ sián'₂, jaun₂ ca₂o₃'in₃ Melquisedec ca₂jme₃quiong'₅₄ ca₂jme₃gu'₅₄ quió'₅.

² Ca₂cuě₃ Abraham ca₂cuě'₃ Melquisedec caun₂ qui'₅₄ a₂guia₃ con'₂ tí₅ a₂ca₂lí'₃ jě₄ 'nei₂. Le₂ne₁, jág₁ lia'₂ chen₂ Melquisedec co₂'nió'₄ le₃jua'₅₄, Rag₅₄ Dsen₃; jaun₂ táng₃, ia₁ a₂jme₁liin₄ rag₅₄ quián₅ juig₂ Salem, ja₁'nió'₄ le₃jua'₅₄, ja₁'ei₅ tei₄, ján₃ bá₄ le₂jaun₂ jein₅ jág₁, rag₅₄ ja₁'ei₅ tei₄.

³ Tsá₃ jág₁ cha₂ jua'₅₄ chan₂ jmei₂ on₃ guě'₂ chog₅₄, on₃ guě'₂ dsa₂ can'₅₄ quián₅; ján₃ bá₄ tsá₃ jág₁ cha₂ 'e₂ jmi₄ ca₂rě₃cháin₃, on₃ guě₄ 'e₂ jmi₄ ca₂join₃ ně₃. Jaun₂ caun₂ liin₅ jme₂dsa₂ co₂tan₅₄ lia'₂ lín₅ Ja₁ni'₅₄ Diú₄.

† 6:14 Génesis 22:17.

⁴ Nē₃ ně₃, quion₂ 'nia'₂ 'í₁, 'ñio₅ lín₃ jme₁juin'₂ Melquisedec, ca₂lia'₂ jñia₅ 'ñiog₅ Abraham, dsa₂ juin'₂ quián₂ jniog₄, ca₂cuē'₃ 'éi₂ caun₂ qui'₅₄ a₂guia₃ con'₂ tí₅ a₂ca₂lí'₃ quió'₅ rag₅₄ jē₄ 'nei₂.

⁵ Dsau₅ bá₄, lia'₂ con'₂ lē₅ 'Éi'₃ quió'₅ Moisés ně₃, ju₁lia'₂ dsa₂ tsi₁jon₂ Leví i₂ca₂lín₃ ta₁ quió'₅ jme₂dsa₂, ca₂tín₂ cán₂ caun₂ qui'₅₄ a₂guia₃ quió'₅ dsa₂ juig₂ ca₂le₃jě₃ a₂jme₁cha₂ quió'₅, o₁jñia'₅₄ jme₁lín₄ dsa₂ tsi₁jon₂ Abraham riin'₅₄, ju₁lia'₂ lín₅ guioin₅₄ táng₃.

⁶ La₁ia₁ Melquisedec ně₃, o₁jñia'₅₄ guē₄ tsá₃ jme₁lín₄ tsi₁jon₂ Leví, ca₂gue₃ caun₂ qui'₅₄ a₂guia₃ quió'₅ Abraham, ca₂jme₃gu'₅₄ ně₃ quió'₅ i₂jme₁ma₂ca₂gue₃ jág₁ a₂ma₂cuē₃ Diú₄.

⁷ Tsá₃ 'ein₂ lé₂ le₃juá'₂ a₂tsá₃ tí₅ jág₁ la₂: A₂juin'₂ guē₄ dsa₂ i₂jme₂gu'₅₄ con'₂ guē₄ dsa₂ i₂gue₅ a₂jme₂gu'₅₄ jaun₂.

⁸ Jaun₂ jin₄ jniog₄, ju₁lia'₂ i₂gue₅ caun₂ qui'₅₄ a₂guia₃ lín₅ dsa₂ i₂dsan₂; la₁ia₁ tē₂le₃ quió'₅ Melquisedec juá'₂ ne₄ Si₂ 'iin₂₃ 'éi₂ ně₂jag₄ bá₄ jan₂ dsa₂ i₂caun₂ chan₂.

⁹ Mei'₂ tsá₃ lé₂ le₃juá'₅₄, ju₁lia'₂ Leví quian'₅₄ le₃jín₃ jme₂dsa₂ tsi₁jon₂ 'éi₂, ju₁lia'₂ i₂gue₅ qui'₅₄ a₂guia₃ rē₂ně₃, ján₃ bá₄ ca₂quí₃ caun₂ qui'₅₄ a₂guia₃ ja₁con₂ Melquisedec jme₁ca₂quí₃ Abraham, ¹⁰ ia₁ co₂'nió'₄ a₂jme₁ma₂lín₅ bá₄ Leví tsi₁jon₂ Abraham o₁jñia'₅₄ guē₄ tsá₃ jme₁ma₂chain₂, lia'₂ con'₂ jme₁ca₂cuē₃ Abraham qui'₅₄ a₂guia₃ ca₂cuē'₃ Melquisedec.

¹¹ Ca₂gue₃ dsa₂ juig₂ Israel 'Éi'₃ tē₂le₃ quian'₅₄ jme₂dsa₂ levitas, i₂lín₅ tsi₁jon₂ Aarón. Jaun₂ ně₃, jua'₅₄ mei'₂ guē₃ 'éi₂ ca₂tió'₃ jmo₃ a₂ma₂ron₂ dsa₂ tē₂le₃ quian'₅₄ 'Éi'₃ jaun₂, jaun₂ tsá₃ jme₁ma₂'nió'₅ jua'₅₄ a₂jme₁rē₃jiniá₂ táng₃ jan₂ jme₂dsa₂ sián'₂ i₂ca₂ne₅₄ ju₁lia'₂ Melquisedec, on₃jua'₅₄ ju₁lia'₂ Aarón.

¹² Ia₁ jē₁rē₂tsín₃ ta₁ quió'₅ jme₂dsa₂, ján₃ bá₄ le₂jaun₂ 'nió'₅ le₃tsín₃ 'Éi'₃ ján₃.

¹³ Te₁gui'₅₄ quián₂ jniog₄ ně₃, ju₁lia'₂ juá'₂ Si₂ le₂ně₅ 'iin₂₃ 'éi₂, a₂téin₅ tsi₁jon₂ sián'₂, jaun₂ 'i₁jan₂ i₂tén₅ tsi₁jon₂ 'éi₂ tsá₃ ma₂lín₅ ta₁ quió'₅ ne₄chei₂.

¹⁴ Ia₁ ne₄ bá₄ jniog₄, a₂ca₂rē₃chán₃ Te₁gui'₅₄ quián₂ jniog₄ a₂lín₅ jan₂ tsi₁jon₂ quián₅ Judá. La₁ tsá₃ 'e₂ ca₂juá'₂ Moisés 'iin₂₃ tsi₁jon₂ 'éi₂ jme₁ca₂dsia₃ a₂'ē₂₃ ju₁lia'₂ ta₁ quió'₅ jme₂dsa₂.

¹⁵ 'Ñio₅ guē₄ rē₂ léi₄ táng₃ jme₁ca₂rē₃jiniá₂ jan₂ jme₂dsa₂ sián'₂ i₂lín₅ ju₁lia'₂ Melquisedec, ¹⁶ tsá₃ ca₂lín₃ jme₂dsa₂ 'uig₅₄ ia₁ a₂quí'₅ 'Éi'₃ a₂juá'₂ 'ein₂ tsi₁jon₂ 'nió'₅ jiá₃, jñia'₅₄ lia'₂ a₂lín₅ jme₂dsa₂ 'uig₅₄ bí₂ quió'₅ jme₂dsi₂ a₂tsá₃ lé₂ dsi₃'én₂.

¹⁷ Ia₁ le₂la₂ bá₄ juá'₂ Diú₄ 'iin₂₃ 'éi₂:

lín₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec.*

¹⁸ Jaun₂ ně₃, co₂ñei'₅₄ ca₂'ná₂ 'Éi'₃ a₂jme₁lē₄ le₂jñiá₅, ia₁ a₂tsá₃ jme₁bén₂, a₂tsá₃ ta₁ tí₄ ně₃.

¹⁹ Ia₁ tsá₃ ca₂tió'₃ 'Éi'₃ jua'₅₄ a₂jme₃'ñiai₂₃ ta₁. Tē₂le₃ ca₂rē₃chá₃ quián₂ jniog₄ caun₂ jág₁ a₂dse₃ guē₄ a₂'ín₂ dsi₅ jniog₄, tē₂le₃ quian'₅₄ a₂lé₂ jme₁quián₄ jniog₄ ja₁con₂ Diú₄.

²⁰ Tsá₃ ca₂cuē₃ Diú₄ jág₁ jaun₂ quió'₅ a₂'ín₂ dsi₅ jniog₄ jua'₅₄ tsá₃ ca₂'iin₃ 'ñiog₅. Ju₁lia'₂ jme₂dsa₂ le₂jñiá₅ ně₃, ca₂lín₃ ta₁ jaun₂ la₁ia₁ on₃jua'₅₄ chan₂ 'ein₂ ca₂'in₃ Diú₄ jme₁ca₂'ag₃.

²¹ La₁ tē₂le₃ quió'₅ Te₁gui'₅₄ quián₂ jniog₄ ně₃, chan₂ jan₂ i₂ca₂'in₃ Diú₄ jme₁ca₂lín₃ jme₂dsa₂. Ia₁ ne₄ Si₂ juá'₂ tsí'₅ 'éi₂:

* **7:17** Salmo 110:4. Chog₅₄ si₂ a₂dse₃ guē₄ tsá₃ le₁ton₅ jág₁ a₂tio'₅₄ 'ñió'₃ corchetes [le₂la₂].

Ca₂'in₃ Diú₄ 'ŋiog₅,

jaun₂ tsá₃ lé₂ jme₃tsín₃ dsí₅:

“Lín₅ 'ne₂ jme₂dsa₂ con₂ tan₅₄,

[ca₂ne₅₄ lia₂ jme₁lín₄ Melquisedec].”†

²² Uig₅₄ jaun₂, Jesús bá₄ i₂jmo₅ 'í₁ jág₁ a₂ma₂li₅₄ a₂dse₃ gué₄ jaun₂.

²³ Jui₁lia₂ jme₂dsa₂ i₂ca₂rě₃chán₃ gua₅₄ 'uě₃ ně₃, juin₅ ca₂lín₃, ia₁ tsá₃ ca₂cuě₃ 'mú₃ jmig₄ jua₅₄ caun₂ lín₅ ta₁ jaun₂.

²⁴ La₁ 'uig₅₄ ia₁ a₂chan₂ Jesús co₂tan₅₄ ně₃, jaun₂ con₂ tan₅₄ bá₄ lín₅ ta₁ jme₂dsa₂.

²⁵ Uig₅₄ jaun₂ lé₂ le₃lióin₂ co₂ŋei₅₄ le₃jín₃ i₂jme₂quián₃ ja₁con₂ Diú₄ tē₂le₃ quian₅₄ 'éi₂, ia₁ chain₂ co₂tan₅₄ a₂qui₃mi₃ ne₄ Diú₄ o₄quió₄ le₃jín₃ 'éi₂.

²⁶ Jaun₂ ně₃, dsi₂ten₅₄ bá₄ a₂lín₅ Jesús jme₂dsa₂ dsen₅₄ i₂jme₁'nió₅ quián₂ jniog₄. 'Éi₂ bá₄ i₂jnió₅, 'i₁caun₂ a₂'lig₅₄ tsá₃ 'e₂ cha₂ ja₁coin₂, on₃ guě₂ dso₄ rě₂cáin₄, i₂rě₂jnia₅₄ cau₅ tsá₃ quia₁in₅₄ dsa₂ i₂'no₅ dso₄, i₂ca₂ron₂ guě₄ ŋei₅ con₂ guě₄ guei₅₄ mi₂güig₃.

²⁷ Tsá₃ lín₅ lia₂ lín₅ jme₂dsa₂ dsen₅₄ sián₂. Tion₅₄ 'nió₅ qui₂jme₃dsiain₂₃ já₂ a₂jén₅ ne₄ Diú₄ lia₂ caun₂ jmig₄, o₄quió₄ dsá_{u1} guioin₅₄ le₂jniá₅, jaun₂ guě₄ o₄quió₄ dsá_{u1} dsa₂ juig₂. La₁ia₁ Jesús ně₃ co₂ráun₂ tan₅₄ bá₄ ca₂jmo₃ jme₁ca₂jéin₂ 'ŋiog₅.

²⁸ Jaun₂ Si₂ 'Éi₃ quió₅ Moisés ně₃, 'in₂₃ dsa₂ mi₂güig₃ 'uan₅₄ a₂lén₂ jme₂dsa₂ dsen₅₄. La₁ cang₂ guě₄ jaun₂, ca₂cuě₃ Diú₄ jág₁ quió₅ ca₂'in₃ 'ŋiog₅ jme₁ca₂'in₃ Ja₁ŋi₅₄ a₂lén₂ 'éi₂ jme₂dsa₂ dsen₅₄ con₂ tan₅₄ ia₁ ca₂jme₃ŋiai₂₃ co₂ŋei₅₄.

8

Jesús bá₄ i₂chén₅ ne₄ jág₁ 'mí₂ a₂lí₅₄ quian₅₄ Diú₄

¹ A₂la₂ bá₄ jág₁ dsen₅₄ guě₄ a₂ma₂ja₂ná_{u5} jnia₅₄ jua₂: a₂chan₂ bá₄ ja₂ jme₂dsa₂ dsen₅₄ le₂'éi₂ quián₂ jniog₄, i₂ma₂ca₂guá₂ tē₂le₃ gu₂ ne₁ ne₄ ta₁ quió₅ Diú₄ guei₅₄ i₂juig₃.

² Ján₃ bá₄ jme₂ti₃ a₂lín₅ jme₂dsa₂ dsen₅₄ dsi₂néi₂ guá₅ jnió₅ tē₃dsón₂ a₂ca₂chi₃ 'ŋiog₅ Te₁gui₅₄, on₃jua₅₄ a₂ca₂jmóg₃ dsa₂ mi₂güig₃.

³ Le₃jín₃ jme₂dsa₂ dsen₅₄ rě₂'in₁ ia₁ jaun₂ qui₃jén₃ 'e₂ cuě₃ Diú₄, qui₃dsín₂ já₂ ně₃ ne₄ Diú₄. Uig₅₄ jaun₂ tion₅₄ 'nió₅ a₂cha₂ caun₂ 'e₂ a₂jén₃ Jesucristo ne₄ 'éi₂.

⁴ Jua₅₄ mei₂ guě₃ 'éi₂ ně₃, 'ein₅₄ gua₅₄ 'uě₃, on₃ guě₂ jme₁lén₂ jme₂dsa₂, ia₁ chan₂ bá₄ guě₄ jme₂dsa₂ i₂qui₂jén₅ 'e₂ cuě₃ lia₂ con₂ lě₅ quí₅ Si₂ 'Éi₃ quió₅ Moisés.

⁵ Jme₂dsa₂ la₂ ně₃ jme₂ti₃ ta₁ a₂lín₅, dsi₂néi₂ guá₅, a₂lě₅ nió₄ a₂rě₂'uin₄ quió₅ ja₁jnió₅ a₂cha₂ guei₅₄ i₂juig₃; a₂lě₅ co₂'nió₄ 'en₂ a₂cuě₅ léi₄ quió₅ a₂ma₂já₅. Ma₂ne₄ bá₄ jniog₄ a₂rě₂'uin₄ bá₄ jaun₂, ia₁ lia₂ con₂ jme₁ma₂chi₃ Moisés guá₅ tabernáculo jaun₂, ca₂juá₂ Diú₄: “Jag₄ de₂ tion₂ jui₅ jmo₄ con₂ lě₅ nió₄ a₂ca₂'ě₃ jniá₂ ne₄ má₂.”*

⁶ La₁ia₁ jme₂dsa₂ dsen₅₄ quián₂ jniog₄ guě₂ ně₃, ma₂ca₂'ió₃ ta₁ a₂jlá₁ guě₄ lín₃. Ján₃ bá₄ le₂ně₅ a₂jlá₁ guě₄ lín₃ jág₁ a₂lí₅₄ a₂chén₅ 'éi₂ ne₄, ia₁ a₂'io₅ 'uig₅₄ bēn₂ a₂dse₃ guě₄ a₂lě₅ jág₁ a₂ma₂cuě₃ Diú₄.

⁷ Ia₁ jua₅₄ mei₂ guě₃ jág₁ a₂jme₁lí₅₄ le₂'uig₅₄ tsá₃ 'e₂ jme₁'nió₅, jaun₂ tsá₃ 'uig₅₄ cha₂ jua₅₄ a₂jme₁lé₂ jág₁ jē₁ca₂tě₂ táng₃.

⁸ Ia₁ Diú₄ ně₃ ca₂dsó₂ ja₁con₂ dsa₂ 'éi₂ caun₂ a₂tsá₃ rě₂'ŋia₅, jaun₂ ca₂juá₂:

† 7:21 Salmo 110:4. Chog₅₄ si₂ a₂dse₃ guě₄ tsá₃ le₁ton₅ jág₁ a₂tio₅₄ 'ŋió₃ corchetes [le₂la₂]. * 8:5 Éxodo 25:40.

Jiá₃ caun₂ jmig₄, juá'₂ Te₁gui'₅₄,
 a₂jmo₅₄ jniá₂ caun₂ jág₁ 'mí₂
 a₂li'₅₄ quian'₅₄ dsa₂ juig₂ Israel
 quian'₅₄ dsa₂ juig₂ Judá ně₃.
 9 On₃jua'₅₄ a₂lé₂ lia'₂ lě₅ jág₁
 jme₁ca₂jmo₃ jniá₂ quian'₅₄ dsa₂ can'₅₄ quiáin₅
 lia'₂ con'₂ jmig₄ jme₁ca₂tě₅₄ jniá₂
 ca₂jmá'₃ gu₂ ca₂'u_{in}'₅₄ 'uě₃ Egipto.
 La₁ tsá₃ ca₂jme₃ti₃ con'₂ lě₅ jág₁ quió₃
 a₂jme₁ca₂jmo₃ jniá₂ quiain'₅₄.
 'Uig₅₄ jaun₂ bá₄ ca₂téin₃ jniá₂,
 juá'₂ Te₁gui'₅₄.
 10 Jág₁ a₂jmo₅₄ jniá₂ quian'₅₄ dsa₂ juig₂ Israel
 jě₁ma₂ŋí₂ jmig₄ jaun₂ lé₂ le₂la₂, juá'₂ Te₁gui'₅₄:
 Co₅₄ jniá₂ 'éi'₃ quió₃ ja₁'i₄ dsi₄ dsa₂.
 Ján₃ bá₄ le₂jaun₂ taun₅₄ jniá₂ né'₃ tě₂dsí₅.
 Jaun₂ guě₄ lén₂ jniá₂ Diú₄ quiáin₅,
 dsa₂ 'éi₂ guě'₂ ně₃ lén₂ dsa₂ juig₂ quiáng₃.
 11 Tsá₃ 'nió'₅ jua'₅₄ jme₃ti₂₃
 le₂jan₂ le₂jan₂ dsa₂ go₅₄, on₃ guě'₂ riin'₅₄,
 ia₁jaun₂ le₃cu_{in}'₂₃ Te₁gui'₅₄,
 ia₁ le₃jín₃ bá₄ le₃cuig₅ jniá₂
 lia'₂ i₂me'₂ guě₄ lia'₂ i₂juin'₂ ně₃.
 12 Jniá₂ ně₃ a₂ŋéi₂ dsi₃ 'éng₄
 le₃jě₃ a₂'lig'₅₄ a₂qui₂rě₂cáin'₄,
 lia'₂ o₁líg'₂ jmig₄ tsá₃ ma₃dsiog'₂ dsi₃
 dsá_{u1} dsa₂.†
 13 Jui₁lia'₂ jě₁'ě₅ Diú₄ jág₁ 'mí₂ a₂li'₅₄, co₂'nió'₄ a₂jmo₂₃ a₂tsá₃ ma₃ta₁ tí₄
 jág₁ a₂jme₁li'₅₄ le₂'uig₅₄. Jui₁lia'₂ a₂tsá₃ ta₁ tí₄ ně₃, a₂ma₂'ei₅ ne₄ lě₂ gui'₅₄,
 a₂ma₂ja₂quián₃ dsi₃'én₂ bá₄ jaun₂.

9

Guá'₅ a₂cha₂ gua'₅₄ 'uě₃ la₂, quian'₅₄ guá'₅ a₂cha₂ guei'₅₄ i₂juig₃

1 Ně₃ ně₃, jui₁lia'₂ jág₁ a₂jme₁li'₅₄ le₂'uig₅₄, jme₁quian'₅₄ 'éi'₃ jui₁lia'₂ 'a₂ lia'₂
 jme₃ti₃ dsa₂ ne₄ Diú₄, ján₃ bá₄ jme₁cha₂ caun₂ ja₁jnió₅ a₂ca₂jmo₃ dsa₂ mi₂güig₃.
 2 Jui₁lia'₂ guá'₅ tabernáculo jaun₂: dsi₂néi₂ le₂'uig₅₄ jaun₂ jme₁chí'₄ ni₁ŋí₁
 a₂le₁dsi₅₄ tag₄ ja₁le₁guí'₂ si₂, quian'₅₄ ni₁mesa ja₁niog₅ i₁ŋí'₄ jnió₅; “ja₁jnió₅”
 jme₁chei₂ dsi₂néi₂ le₂'uig₅₄ jaun₂. 3 Le₃co'₅₄ 'mi'₂ cortina ja₁ca₂tě₂ táng₃, jme₁lě₄
 ja₁chei₂ Ja₁jnió₅ Lin₃ Guě₄. 4 Ja₁jaun₂ jme₁chí'₄ caun₂ ne₄chei₂ a₂lě₅ jmá'₃
 quian'₅₄ cu₄nióg₄ ja₁qui₂dsi'₂ chen₂, quian'₅₄ tsi₁gu₅ quió'₅ jág₁ a₂li'₅₄ quian'₅₄
 Diú₄. Rě₂lióg₃ ta₁caun₂ tsi₁gu₅ quian'₅₄ cu₄nióg₄. 'Nió'₃ jaun₂ jme₁chí'₄ ni₁dsig₁
 cu₄nióg₄ a₂jme₁tio'₅₄ i₁ŋí'₄ maná, quian'₅₄ 'ma₂'i₅₄ quió'₅ Aarón a₂ca₂'ia₂ tsi_{in}
 ně₃. Ján₃ bá₄ jme₁tio'₅₄ ni₁cang₁ 'í₂ a₂le₁ton₅ jág₁ a₂li'₅₄ quian'₅₄ Diú₄. 5 Ne₄
 tsi₁gu₅ jaun₂ jme₁tión₂ le₁jné₅ querubines, co₂'nió'₄ léi₄ a₂tág₅ co₂'né₅ quió'₅
 Diú₄. Jme₁le₁jné₅ qui₂rě₂jľě₅ quian'₅₄ tsi₁rě₂cu₅ ja₁'én₂ Diú₄ dsá_{u1} dsa₂. La₁ia₁
 tsá₃ jě₄ jua'₅₄ le₃jua'₅₄ guě₄ jnia'₅₄ jág₁ 'lióng₂ jui₁lia'₂ ca₂le₃jě₃ a₂ně₅, ne₄ si₂ la₂.
 6 Jme₁ma₂lě₅ co₂jnia₅₄ le₃jě₃ a₂jaun₂ ně₃, jaun₂ guě₄ qui₂dsi₂ton'₅₄ i₂gú'₃
 jme₂dsa₂ dsi₂néi₂ le₂'uig₅₄ qui₂dsi₂jmó₂ lia'₂ con'₂ lě₅ ta₁ a₂lín₅. 7 La₁ia₁ jě₁ca₂tě₂
 táng₃ dsi₂néi₂, dsi₂'í₂ jnia'₅₄ lia'₂ jme₂dsa₂ dsen₅₄ co₂ráun₂ lia'₂ caun₂ ŋi₂, la₁ tsá₃

† 8:12 Jeremías 31:31-34.

'í₂ jua'₅₄ tsá₃ quian'₅₄ jmi'₄ já'₂ a₂qui₂dsi₃jen'₅₄ o₄quió'₄ dsáu₁ 'ñiog₅ quian'₅₄ dsáu₁ dsa₂ juig₂ a₂ca₂'náu₂ tē₃ tsá₃ ñi₅. ⁸ Le₂nē₅ jme₁jme₂jniá'₂ Jme₂dsí₂ Jñió₅, a₂tsá₃ jme₁ma₂rē₂na₄ guē₄ jui₅ ja₁dsi₃ton'₅₄ dsa₂ ja₁jñió₅ lín₃ guē₄, tē₁lia'₂ jme₁chí'₄ guē₄ guá'₅ le₂'uig₅₄. ⁹ Co₂'nió'₄ a₂jáng'₅ léi₄ a₂la₂, jui₁lia'₂ quió'₅ jmig₄ rē₂nē₃, ia₁ le₃jē₃ a₂cuē'₃ dsa₂ Diú₄, quian'₅₄ le₃jín₃ já'₂ a₂qui₂jén'₅ dsa₂ ne₄ Diú₄ nē₃, tsá₃ a₁jaun₂ tió'₅ le₃'ña₅ dsa₂ jua'₅₄ a₂jñiá'₂ a₂qui₂dsi₃jñi₅ dsí₅. ¹⁰ Jñia'₅₄ lia'₂ jaun₂ bá₄ ta₁ qui'₅ le₃jē₃ a₂jaun₂ jui₁lia'₂ 'a₂lia'₂ lē₅ má₃ a₂guē'₅ dsa₂, a₂'ín'₂ dsa₂, quian'₅₄ le₃jē₃ guē₄ 'e₂ a₂jmo₂₃ a₂le₁jín₃, jmá'₃ 'éi'₃ quió'₅ le₃co'₅₄, jaun₂ quen₅ ca₂tiá₂, ca₂lia'₂ jme₃rē₃ Diú₄ le₃jē₃.

Ta₁ a₂quí'₅ jmi'₄ Cristo

¹¹ La₁ia₁ ma₂guan₅ Cristo, jaun₂ 'éi₂ bá₄ ma₂lín₅ jme₂dsa₂ dsen₅₄ i₂quió'₅ le₃jē₃ a₂dse₃ a₂ma₂o₂lé₂. Ma₂ca₂'í₃ guá'₅ jlá'₁ guē₄ a₂rē₂'ña₅, on₃jua'₅₄ a₂ca₂jmo₃ dsa₂ mi₂güig₃. Co₂'nió'₄ le₃jua'₅₄, on₃jua'₅₄ quió'₅ mi₂güig₃ la₂. ¹² On₃jua'₅₄ a₂ca₂'í₃ tē₂le₃ quian'₅₄ jmi'₄ chein₄ lau₂ on₃ guē₄ quian'₅₄ jmi'₄ guein₂ ca₁jui₅ nē₃, la₁ tē₂le₃ quian'₅₄ jmi'₂ ain₅₄ 'ñiog₅ bá₄ ca₂'í₃ ja₁jñió₅ guē₄ co₂raun₂ tan₅₄, jaun₂ le₂nē₅ bá₄ ca₂'náu₂ a₂lió₂ jniog₄ co₂tan₅₄. ¹³ Dsón'₂ bá₄ dsau₅ qui'₅ ta₁ jui₁lia'₂ jmi'₄ ca₁jui₅, quian'₅₄ jmi'₄ chein₄ lau₂, quian'₅₄ ti₁juá₃ quió'₅ guein₂ ca₁jui₅ i₂qui₂dsin'₂ ne₄chei₂, a₂qui₂rē₂séi₂ ne₄ quió'₅ dsa₂ i₂tsá₃ le₁jín₃. Qui'₅ ta₁ a₂jme₃jñió₃ jui₁lia'₂ dsa₂ i₂ma₂le₁jín₃ le₃co'₅₄. ¹⁴ La₁ ja₂lín₃ guē₄ quen₅ jmi'₄ Cristo i₂ca₂jéin'₂ 'ñiog₅ ne₄ Diú₄ tē₂le₃ quian'₅₄ Jme₂dsí₂ i₂chan₂ co₂tan₅₄, ca₂join₃ tē₃ tsá₃ 'e₂ rē₂cáin'₄. Quian'₅₄ jui₅bí₂ jmi'₄ Cristo a₂jmo₅ le₁jē₃ tē₂dsi₅ jniog₄, a₂tsá₃ ma₃jmo₂ jniog₄ a₂jio₅ jui₅ 'mú₃ ia₁jaun₂ lé₂ jme₁ti₁ jniog₄ ne₄ Diú₄ jén'₃.

¹⁵ 'Uig₅₄ jaun₂, Jesucristo bá₄ lín₅ i₂chén'₅ ne₄ jág₁ 'mí₂ a₂li'₅₄ * quian'₅₄ Diú₄, ia₁jaun₂ jui₁lia'₂ i₂ma₂ca₂tág₃ Diú₄, lé₂ le₃gue₃ a₂ca₂tiin₂ a₂jio₅ co₂tan₅₄ con'₂ lē₅ jág₁ a₂ma₂cuē₃ Diú₄ a₂cuē₃. Ia₁ quian'₅₄ 'mú₃ quió'₅ Cristo, ca₂lón₂ dsa₂ i₂ca₂'náu₂ dso₄ lia'₂ con'₂ jme₁li'₅₄ guē₄ jág₁ le₂'uig₅₄.

¹⁶ Jui₁lia'₂ ja₁ron₅ jág₁ a₂ma₂quiog₂ dsa₂ né'₃ guē₄ a₂jóin₂, tion₅₄ 'nió'₅ con₂ dsa₂ jág₁ dsau₅ chi₂jua'₂ ma₂jon₅ bá₄ dsa₂ i₂ca₂jmo₃, ia₁jaun₂ bá₄ lé₂ le₃ti₃ jág₁ a₂ca₂quiog₂ jaun₂. ¹⁷ Jaun₂ lē₃, tsá₃ ta₁ tí₄ jág₁ le₂jaun₂ tē₁lia'₂ nē₅ bá₄ chan₂ dsa₂ i₂ca₂jmo₃; jñia'₅₄ lia'₂ jē₁ma₂ca₂join₃ bá₄ qui'₅ ta₁. ¹⁸ 'Uig₅₄ jaun₂, jág₁ a₂jme₁li'₅₄ nē₃, tsá₃ ca₂quí'₃ ta₁ jua'₅₄ tsá₃ ca₂tang₂ jmi'₂. ¹⁹ Ia₁ cang₂ jme₁ma₂ca₂'ē₂ Moisés ca₂le₃jē₃ jág₁ quió'₅ 'Éi'₃ Juá'₅ ca₂'ē'₃ dsa₂ juig₂, jaun₂ guē₄ ca₂can₃ ni₁jñi₂ guéin₂ quió'₅ já'₂ cha'₂, quian'₅₄ caun₂ ni₁gu'₂ ni₁'ma₂ hisopo, jaun₂ ca₂jme₃jlé'₃ quian'₅₄ jmi'₄ guein₂ ca₁jui₅ quian'₅₄ jmi'₄ chein₄ lau₂ a₂rē₂cón'₅ quian'₅₄ jmig₂, † jaun₂ guē₄ ca₂séi₂ lia'₂ ne₄ si₂ a₂rē₂bin₅ ja₁le₁ton₅ 'éi'₃, lia'₂ ne₄ quió'₅ le₃jín₃ dsa₂ nē₃. ²⁰ Jaun₂ guē₄ ca₂tsí'₃ dsa₂ juig₂: “A₂la₂ bá₄ jmi₂ quió'₅ jág₁ a₂ma₂li'₅₄ quian'₅₄ Diú₄, lia'₂ con'₂ lē₅ 'éi'₃ a₂ma₂jmo₃ Diú₄ quián'₂ 'nia'₂.” † ²¹ Ján₃ bá₄ ca₂séi₂ Moisés quian'₅₄ jmi'₂ jaun₂, guá'₅ tabernáculo quian'₅₄ le₃jē₃ guē₄ a₂jmó'₂ dsa₂ ta₁ guá'₅. ²² Dsón'₂ bá₄ jaun₂, con'₂ lē₅ ta₁ qui'₅ Si₂ 'Éi'₃, mei'₂ tsá₃ le₃jē₃ bá₄ 'nió'₅ qui₂le₃chí₂ quian'₅₄ jmi'₂. Jaun₂ tsá₃ o₂'én₂ dso₄ cha₂ jua'₅₄ tsá₃ qui₂i₂'o₅₄ jmi'₂.

Jmi'₂ a₂ca₂jén'₃ Cristo bá₄ jñiá'₂ dsáu₁ dsa₂

²³ Jaun₂ lē₃, tion₅₄ bá₄ qui₂le₃chí₂ le₂nē₅ quian'₅₄ jmi'₄ já'₂ ca₂le₃jē₃ a₂jaun₂ a₂qui₂rē₂'uin₄ jui₁lia'₂ quió'₅ guei'₅₄ i₂juig₃. La₁ia₁ ca₂le₃jē₃ a₂nē₅ a₂cha₂ guei'₅₄ i₂juig₃ nē₃, tion₅₄ 'nió'₅ séi₂ quian'₅₄ jmi'₂ a₂dse₃ guē₄ con'₂ guē₄ a₂jaun₂. ²⁴ Ia₁ on₃jua'₅₄ a₂ca₂'í₃ Cristo dsi₂néi₂ ja₁jñió₅ jaun₂ a₂rē₂lag₄ quian'₅₄ gu₂-tag₄ dsa₂

* **9:15** 'Nio'₂ ja₁ton₅ Mateo 26:28, Marcos 14:24, Lucas 22:20, 1 Corintios 11:25. † **9:19** 'Nio'₂ ja₁ton₅ Juan 19:34. ‡ **9:20** Éxodo 24:8.

mi₂güig₃, a₂rë₂'u_{in}₄ quió'₅ ja₁jñió₅ 'ñiog₅ dsón'₂, la₁ tē₂le₃ co₂dsau₅ guei'₅₄ i₂juig₃ 'ñiog₅ dsón'₂ bá₄ ca₂'í₃, ja₁qui₂jme₂jñiai₂₃ jmig₄ rē₂ně₃ ne₄ Diú₄ o₄quián₂ jniog₄.
 25 Tsá₃ jaun₂ qui₂ca₂'í₃ i₂gú'₃ jua'₅₄ qui₂ca₂jéin'₂ 'ñiog₅ ju₁lia'₂ dsi₂'í₂ jme₂dsa₂ dsen₅₄ ja₁jñió₅ gué₄ lia'₂ caun₂ ñi₂ a₂qui₂dsi₂jen'₅₄ jm₄i₄ i₂sián'₂. 26 Jua'₅₄ mei'₂ gué₃ le₂jaun₂ ně₃, tion₅₄ bá₄ jme₁'nió'₅ jóin₂ 'lióng₂ ráun₂ ca₂le₃ ca₂nio₃ mi₂güig₃. La₁ia₁ le₂la₂ bá₄ lē₅ ju₁lia'₂ rē₂ně₃, a₂jē₁ma₂ca₂dsin₃ jmig₄, ca₂jme₃jniá₂ Cristo co₂ráun₂ tan₅₄ bá₄ ia₁jaun₂ lé₂ le₃jñiá'₂ dsá_{u1} dsa₂ tē₂le₃ quian'₅₄ a₂ca₂jéin'₂ 'ñiog₅. 27 Jaun₂ ju₁lia'₂ co₂ráun₂ bá₄ ca₂tín₂ dsa₂ mi₂güig₃ dsián₃, jaun₂ cang₂ jaun₂ jiá₃ jmig₄ jē₁tē₃dsi₅₄ 'éi'₃, 28 ján₃ bá₄ le₂jaun₂, co₂ráun₂ tan₅₄ bá₄ ca₂jon₃ Cristo ia₁jaun₂ qui₃cán₂ dsá_{u1} dsa₂ mi₂güig₃. Cang₂ gué₄ jaun₂ jme₃jñiai₂₃ jē₁ca₂tē₂ táng₃, la₁ on₃jua'₅₄ 'uig₅₄ dsá_{u1} dsa₂, a₂ja₃lioin₅₄ ju₁lia'₂ i₂qui₂le₁ñiog₅ bá₄.

10

1 Ia₁ Si₂ 'Éi'₃ quió'₅ Moisés ně₃, co₂'nió'₄ caun₂ 'en'₂ quió'₅ a₂dse₃ a₂ja₃lé₂, on₃jua'₅₄ rē₂' a₂ lia'₂ lē₅ dsón'₂. 'Uig₅₄ jaun₂, lia'₂ o₁líg'₂ jmig₄ tsá₃ tió'₅ 'Éi'₃ jaun₂ jua'₅₄ a₂jme₃'ñiai₂₃ ju₁lia'₂ dsa₂ i₂ja₂quián₃ ja₁con₂ Diú₄ tē₂le₃ quian'₅₄ a₂caun₂ qui₂jén'₃ jm₄i₄ já'₂ le₂jaun₂, lia'₂ 'í₂ ñi₂.

2 Jua'₅₄ mei'₂ gué₃ tió'₅ le₂jaun₂, tsa₁ jme₁ma₂'ná₃ a₂jén'₃ dsa₂ já'₂ ne₄ Diú₄, lín'₂ 'nia'₂? Ia₁ tsá₃ ma₃'e₂ qui₂dsi₂jñi₅ dsí₅ dsa₂ dsá_{u1} i₂jme₂ti₃ le₂jaun₂ jē₁ma₂ca₂rín'₂ jme₂dsí₂ quió'₅.

3 Tē₂le₃ qui₂dsau'₂ dsí₅ bá₄ dsa₂ lia'₂ 'í₂ ñi₂ a₂jéin'₂ já'₂ a₂qui₂rē₂cáin'₄ dso₄, 4 ia₁ tsá₃ lé₂ jñiá'₂ dsá_{u1} dsa₂ ju₁lia'₂ jm₄i₄ ca₁ju₁ quian'₅₄ jm₄i₄ chein₄ lau₂.

5 'Uig₅₄ jaun₂, lia'₂ con'₂ jme₁ca₂'í₃ Cristo mi₂güig₃, ca₂juá'₂ ca₂tsí'₃ Diú₄:
 Tsá₃ 'niog'₂ a₂qui₃jén'₂ dsa₂ já'₂ ne'₅₄,
 on₃ gué'₂ 'niog'₂ 'e₂ jme₁cué'₅ dsa₂ 'ne₂.

La₁ ca₂jmo'₅₄ co₂jñia₅₄ quió'₃
 caun₂ ñi₄ dsa₂ mi₂güig₃.

6 Tsá₃ ca₂tē₂ 'au'₂ a₂qui₂dsín'₂ dsa₂ já'₂,
 on₃ gué₄ ca₂tē₂ 'au'₂ 'e₂ a₂qui₂ca₂cué'₃ dsa₂ 'ne₂
 o₄quió'₄ dsá_{u1} dsa₂.

7 'Uig₅₄ jaun₂ ca₂juá'₃:

“Jag₄, la₂ guio₃, jmo₅₄ a₂ñio₂ 'au'₂ 'ne₂,
 Diú₄ quiáng₃,
 ju₁lia'₂ chi₁ton₅ ne₄ si₂ a₂rē₂bín₅,
 a₂'ag₂₃ jniá₂.”*

8 Le₂'uig₅₄, juá'₂: “Tsá₃ 'nio₃ Diú₄ on₃ gué'₂ tē₅ dsí₅ a₂qui₃jén'₂ dsa₂ já'₂ ne₅₄, on₃ gué'₂ ju₁lia'₂ a₂jme₁cué'₅ dsa₂ Diú₄ o₄quió'₄ dsá_{u1} dsa₂”, (o₁jñia'₅₄ jén'₃ dsa₂ lia'₂ con'₂ qui'₅ 'Éi'₃ a₂'nió'₅ jmo₃ dsa₂).

9 Jaun₂ ně₃, cang₂ gué₄ jaun₂, juá'₂: “La₂ guio₃ jmo₅₄ a₂ñio₂ 'au'₂ 'ne₂, Diú₄ quiáng₃.” Co₂'nió'₄ a₂juá'₂ ca₂dsia₃ cau₅ a₂le₂'uig₅₄ jaun₂, ia₁jaun₂ ca₂chi'₃ jág₁ jē₁ca₂tē₂ táng₃.

10 'Uig₅₄ ia₁ a₂ca₂jmo₃ Jesucristo a₂ñio₂ dsí₅ Diú₄ jaun₂, ma₂ca₂rē₃jñió₄ jniog₄ jme₁ca₂jén'₃ ni₁ñi₁₂ 'ñiog₅ co₂ráun₂ tan₅₄. 11 Caun₂ tión₂ bá₄ jme₂dsa₂ lia'₂ 'í₂ jmig₄ a₂qui₂jmo₂₃ ta₁ a₂lín₅, lia'₂ ma₂jmo₂₃ jaun₂ bá₄ a₂qui₂jéin'₂ já'₂ 'lióng₂ ráun₂, ton'₂ tsá₃ tió'₅ gué'₂ 'éin₂ dsá_{u1} dsa₂.

12 La₁ Jesucristo ně₃, jme₁ma₂ca₂jéin'₂ 'ñiog₅ co₂ráun₂ tan₅₄ jaun₂ o₄quió'₄ dsá_{u1} dsa₂, jaun₂ gué₄ ca₂guá₂ tē₂le₃ gu₂ ne₁ Diú₄.

* 10:7 Salmo 40:6-8.

13 Ja₁jaun₂ guá₅ chi₁jñia₂₃ ca₂lia'₂ ca₂jmo₃ Diú₄ co₂'nió'₄ caun₂ ja₁chi'₃ tag₅₄ quian'₅₄ quió'₅ dsa₂ i₂'iog₅₄ quió'₅.

14 Ia₁ të₂le₃ quian'₅₄ a₂ca₂jéin'₂ co₂ráun₂ jaun₂, ca₂rë₃'ñia₅ co₂tan₅₄ dsa₂ i₂lë₅ 'í₁ quiáin₅.

15 Ján₃ bá₄ le₂jaun₂ jáng'₅ jág₁ dsau₅ Jme₂dsí₂ Jñió₅. Ca₂juá'₂ le₂'uig₅₄:

16 Já₁g₁ a₂jmo₅₄ jniá₂ a₂lí₅₄ quian'₅₄ dsa₂ 'éi₂
cang₂ jmig₄ jaun₂,
lé₂ le₂la₂, juá'₂ Te₁gui'₅₄.

Co₅₄ jniá₂ 'éi'₃ quió₃ të₂dsí₅ dsa₂ 'éi₂.

Ján₃ bá₄ taun₅₄ jniá₂ ja₁'i₄ dsi₅₄ táng₃.†

17 Cang₂ guë₄ jaun₂ juá'₂ táng₃:

Lia'₂ o₁líg'₂ jmig₄ tsá₃ ma₃dsiog'₂ dsi₃ jniá₂
dso₄ a₂jme₁rë₂cáin'₄,
on₃ guë'₂ 'e₂ a₂'lig'₅₄ a₂ma₂jmo₃.‡

18 Jaun₂ ně₃, chi₂jua'₂ ma₂ca₂'en₃ dsáu₁ dsa₂, jaun₂ tsá₃ ma₂'e₂ 'nió'₅ jén'₃ guë₄ dsa₂ o₄quió'₄ dsáu₁.

Ma₃jme₁quián₄jniog₄ja₁con₂Diú₄

19 Jaun₂ lë₃, rin'₅₄ jniog₄, 'uig₅₄ ia₁ a₂ma₂lé₂ dsi₁tió'₄ jniog₄ caun₂ bá₄ 'ei₅ dsi₅ ca₂të₂ ja₁jñió₅ lín₃ guë₄ të₂le₃ quian'₅₄ jmí₄ Jesucristo, 20 të₂le₃ quian'₅₄ jui₅ 'mí₂ jén'₃ a₂ca₂niá₃ 'éi₂ ně₂jag₄ bá₄ të₂le₃ quian'₅₄ 'mí'₂ cortina, co₂'nió'₄ le₃jua'₅₄ të₂le₃ quian'₅₄ ni₁ñi₁₂ 'ñiog₅, 21 ján₃ bá₄ 'uig₅₄ ia₁ a₂chan₂ jme₂dsa₂ dsen₅₄ jui₁'n₂ quián₂ jniog₄ i₂niog₅ gu₂ dsa₂ quián₅ Diú₄, 22 'uig₅₄ jaun₂ ně₃, ma₃ jme₁quián₄ jniog₄ ja₁con₂ Diú₄ ca₂le₃jë₃ dsi₅ jniog₄, caun₂ bá₄ 'ei₅ dsi₅ a₂'éin₂, a₂tsá₃ ma₃'e₂ qui₂dsi₂jñi₅ dsi₅ jniog₄, ně₂jag₄ bá₄ a₂ma₂qui₁le₁chí₄ a₂ma₂qui₁le₁séi₂ dsi₅ jniog₄. Ján₃ bá₄ le₂jaun₂ co₂'nió'₄ a₂ma₂ca₂rin'₂ ni₁ñi₁ jniog₄ quian'₅₄ jmig₂ le₁jë₃.

23 Jui₁náu₂ jniog₄ tiá₂ a₂'éin₂, tsá₃ jui₁'éi₂ jniog₄ caun₂-tín₃ dsi₅ jui₁lia'₂ já₁g₁ a₂'ín₂ dsi₅. Ia₁ i₂rë₂ti'₅₄ bá₄ Diú₄ i₂ma₂cuë₃ já₁g₁ quió'₅.

24 Ján₃ bá₄ jui₁'niog'₅₄ jniog₄ dsi₅ 'a₂ lia'₂ tion'₅₄ jniog₄ já₁g₁ rin'₅₄ le₂jau₂ le₂jau₂ a₂jme₁'nio₃ jniog₄ dsa₂, a₂jmó₁ jniog₄ a₂dse₃.

25 Tsá₃ jui₁tí₄ jniog₄ a₂ñag'₂ jniog₄ co₂lë₅, jui₁lia'₂ ma₂tín₂ i₂lín₅₄, të₂le₃ 'nió'₅ cuë'₅₄ jniog₄ bí₂ rin'₅₄ le₂jau₂ le₂jau₂, të₂le₃ lë₅ guë₄ ia₁ ma₂léi₄ a₂ma₂ja₂quián₃ jmig₄ jaun₂.

26 Ia₁ ně₁jua'₂ a₂ta₁ dsi₅ jniog₄ caun₂ qui₂'niog₂ dso₄ të₃ ma₂ne₅₄ já₁g₁ dsau₅, jaun₂ tsá₃ ma₂'e₂ cha₂ guë₄ jua'₅₄ lé₂ le₃jen'₄ jniog₄ o₄quió'₄ dsáu₁.

27 Jñia'₅₄ lia'₂ a₂jaun₂ bá₄ 'ei₅ guë₄ a₂jñia₅ jniog₄ a₂'ei₅ gau₂ jë₁qui₃dsi₅ Diú₄ 'éi'₃, jui₁lia'₂ jë₁cau₂ si₂ a₂quió₃ i₂'iog₅₄ quió'₅ Diú₄.

28 Jui₁lia'₂ dsa₂ i₂tsá₃ dsáu₅ dsi₅ 'Éi'₃ quió'₅ Moisés, tion₅₄ bá₄ jóin₂ tsá₃ o₂'én₂ dso₄ cha₂ quió'₅, 'uig₅₄ já₁g₁ dsau₅ a₂jáng'₅ on₃-ún₂.§

29 Jaun₂ ně₃, ç'₂ guë₄ uig₅ ca₂tín₂, lín'₂ 'nia'₂, jui₁lia'₂ dsa₂ i₂qui₂tsón'₁ Ja₁ñi'₅₄ Diú₄, jui₁lia'₂ dsa₂ i₂tsá₃ ji'₅₄ jmí₄ 'éi₂ a₂ca₂lí₃ já₁g₁ a₂con'₂ ca₂chein'₃ 'éi₂, jui₁lia'₂ dsa₂ i₂të₂'on'₂ Jme₂dsí₂ quián₅ Diú₄ i₂'ua₁ dsi₅?

30 Ma₂ne₄ bá₄ jniog₄ a₂ca₂juá'₂ Te₁gui'₅₄: “Jniá₂ bá₄ ca₂tíng₂ 'ë₄ uig₅ dsa₂; ján₃ bá₄ jniá₂ qui₄.”* Con'₂ siá'₂ ca₂juá'₂: “Qui₃dsi₅ Te₁gui'₅₄ 'éi'₃ ja₁con₂ dsa₂ jui₂g₂ quiáin₅.”†

31 i₂A₂gau₂ bá₄ jaun₂ a₂tián'₃ dsa₂ o₄gú₃ Diú₄ jén'₃!

† 10:16 Jeremías 31:33. ‡ 10:17 Jeremías 31:34. § 10:28 'Nio'₂ ja₁ton₅ Números 35:30; Deuteronomio 17:6. * 10:30 Deuteronomio 32:35. † 10:30 Deuteronomio 32:36; Salmo 135:14.

³² La₁ dsá₂ 'au'₂ 'nia'₂ jmo₄ jmig₄ le₂ñiá₅, lia'₂ con'₂ le₂'uig₅₄ jme₁ca₂rë₃ñí'₂ 'au'₂ 'nia'₂, ján₃ bá₄ 'a₂lia'₂ juín'₂ 'au'₂ 'nia'₂ ca₂tiang'₃ ca₂gueng'₅₄ mi'₅₄ o_{2i} dsi₅ quian'₅₄ uig₅ a₂ca_{2i3}ñíg'₂.

³³ I₂lin₅₄ 'nia'₂ qui₂ca₂jnaú'₂ dsa₂ jág₁ qui₂ca₂jmóg'₂ të₃jin₄ dsa₂ juig₂. I₂lin₅₄ guë'₂ ca₂jme₃quiong'₅₄ ca₂jme₃quiain'₅₄ dsa₂ i₂qui₂ca₂ñág₃ uig₅ le₂në₅.

³⁴ 'Nia'₂ në₃ ca₂dsia'₅₄ ñéi₂ 'au'₂ i₂jme₁tion'₅₄ né'₃ 'má₃. Já₃n₃ bá₄ ca₂jmo'₅₄ 'nia'₂ 'io'₂ ca₂tiang'₃ lia'₂ con'₂ jme₁qui₂ca₂ñiá'₂ dsa₂ le₃jë₃ 'e₂ a₂jme₁cha₂ quián'₂ 'nia'₂. Ia₁ ñi'₅₄ bá₄ 'nia'₂ a₂cha₂ guei'₅₄ i₂juíg₃ caun₂ a₂dse₃ guë'₄ a₂jiog₅ co₂tan₅₄ a₂ca₂tíng'₂.

³⁵ Jaun₂ lë₃, tsá₃ lë₁dsia₂ cau₅ a₂caun₂ 'ei₅ 'au'₂, ia₁ 'ñio₅ lin₃ bá₄ quen₅ a₂quí₃ Diú₄ 'lia'₅₄ a₂'éng'₂.

³⁶ Ia₁ 'nió'₅ quián'₂ 'nia'₂ a₂jmó'₂ tió'₃ 'au'₂, ia₁jaun₂ lé₂ le₃jmó'₂ 'nia'₂ a₂'ñio₂ dsí₅ Diú₄, ia₁jaun₂ guéi'₁ 'nia'₂ a₂ma₂ca₂juá'₂ 'éi₂ cuë₃.

³⁷ Ia₁ ñi'₅₄ ta₁, 'ñio₅ ñi'₅₄ ta₁:

Jiá₃ i₂ma₂lë₅ jág₁ jiá₃,

tsá₃ le₃'in₅₄.

³⁸ La₁ dsa₂ i₂ñi₅ jui₅ co₂rë₂ ia₁ a₂'éin₂,

'éi₂ bá₄ le₃chan₂,†

Jaun₂ në₁juá'₂ dsi₂lein₃ le₃ca'₃,

tsá₃ dse₃ 'ag₃ dsi₃ jniá₂ quian'₅₄ 'éi₂.§

³⁹ La₁ jniog₄ në₃, tsá₃ tíong₂ quian'₅₄ dsa₂ i₂dsi₂len₃ le₃ca'₃ i₂qui₂dsi₂'én₂ quió'₅. Le₃jaun₂ bá₄ tíong₂ jniog₄ le₃quió'₅ dsa₂ i₂'én₂, jaun₂ le₂në₅ bá₄ tín'₄ jme₂dsí₂ quián₂.

11

Ju_ilia'₂ a₂'én₂ dsa₂

¹ Në₃ në₃, ju_ilia'₂ dsa₂ i₂'én₂ në₃, caun₂ bá₄ 'ei₅ dsí₅ a₂gue₃ a₂jaun₂ a₂'ín₂ dsí₅; já₃n₃ bá₄ jáng'₅ léi₄ a₂'éin₂, a₂cha₂ të₃dsón'₂ ju_ilia'₂ a₂tsá₃ jniá₂.

² Ia₁ le₂në₅ bá₄ ca₂rë₃'én₂ dsa₂ can'₅₄ ma₂líg'₂, jaun₂ ca₂'ag₃ dse₃ Diú₄.

³ Të₂le₃ a₂'éin₂ bá₄ jniog₄, ñág'₂ jniog₄ a₂ca₂jmo₃ Diú₄ bá₄ mi₂güí₃ të₂le₃ quian'₅₄ jág₁ quió'₅. Jaun₂ lë₃, ju_ilia'₂ a₂jniá₂ rë₂në₃ ca₂lë₃ të₂le₃ quian'₅₄ a₂tsá₃ jme₁rë₂jniá₂.

Të₂le₃ a₂'én₂ dsa₂

⁴ Të₂le₃ a₂'én₂ bá₄ Abel,* ca₂jén'₃ ne₄ Diú₄ caun₂ a₂dse₃ guë'₄ con'₂ guë'₄ a₂ca₂jén'₃ Caín riin'₅₄. 'Uig₅₄ jaun₂ ca₂'ag₃ dse₃ Diú₄ co₂'nió'₄ dsa₂ dsen₃, lia'₂ con'₂ jme₁ca₂gue₃ a₂ca₂jén'₃ jaun₂. Jaun₂ në₃, o₁ñia'₅₄ guë'₄ ma₂rë₂jon₅₄ Abel, në₂jag₄ bá₄ a₂caun₂ jáng'₅ jág₁ dsau₅ rë₂në₃, ia₁ a₂ca₂rë₃'éin₂.

⁵ Të₂le₃ a₂'én₂ bá₄ Enoc,† ca₂ñái'₃ mi₂güí₃ caun₂ të₃ tsá₃ ca₂join₃, tsá₃ ma₂'ein₂ ca₂dsáu'₂ quió'₅, ia₁ Diú₄ bá₄ i₂ca₂tág₃ quió'₅. Ne₄ si₂juá'₂ a₂ca₂'ag₃ dse₃ Diú₄ né'₃ guë'₄ a₂të₂, ia₁ lia'₂ con'₂ jme₁chain₂ ca₂jmo₃ a₂ca₂të₂ dsí₅ Diú₄.

⁶ La₁ia₁ lia'₂ o₁líg'₂ jmig₄ tsá₃ lé₂ le₃jmo₃ dsa₂ a₂jme₂'ñio₂ dsí₅ Diú₄ në₁juá'₂ tsá₃ 'éin₂, ia₁ ju_ilia'₂ dsa₂ i₂'nio₃ jme₃quián₃ ja₁con₂ Diú₄, tion₅₄ 'nió'₅ le₃'éin₂ de'₂ a₂chan₂ Diú₄, já₃n₃ bá₄ 'nió'₅ le₃'éin₂ a₂quí₅ Diú₄ 'lian'₅₄ ju_ilia'₂ i₂'nau'₂ a₂dsen₅₄ dsí₅.

⁷ Të₂le₃ a₂'én₂ bá₄ Noé,† lia'₂ con'₂ jme₁ca₂jmo₃ Diú₄ jág₁ 'e₂ niog₅ lé₂, ju_ilia'₂ a₂tsá₃ jniá₂ guë'₄, ca₂tón'₃ bá₄ ju_i a₂ca₂juá'₂ Diú₄, ca₂jmo₃ bá₄ ni₁barco ja₁lióin₃

† 10:38 o₃, “La₁ të₂le₃ quian'₅₄ a₂'én₂ bá₄ dsa₂ le₃chain₂, jág₂ Diú₄ në₂jag₄ bá₄ dsa₂ dsen₃.” § 10:38

Habacuc 2:3-4. * 11:4 Abel: 'Nio'₂ ja₁ton₅ Génesis 4:4. † 11:5 Enoc: 'Nio'₂ ja₁ton₅ Génesis 5:18-24.

† 11:7 Noé: 'Í₂ Génesis 6-9.

le₂jio₅ dsa₂ dsi₂né₂ quiáin₅ ně₃. Jaun₂ le₂ně₅ ně₂jag₄ bá₄ a₂ca₂qui₃dsi₂₃ 'éi'₃ ja₁con₂ dsa₂ mi₂güí₃, jaun₂ le₂ně₅ bá₄ ca₂tíin₂ a₂lió₂ Diú₄ co₂'nió'₄ dsa₂ dsen₃, tē₂le₃ a₂'éin₂ bá₄ ján₃.

⁸ Tē₂le₃ a₂'én₂ Abraham, § lia'₂ con'₂ jme₁ca₂tē₃ Diú₄, ca₂nág₂ bá₄. Ca₂o₃'íin₃ ca₂'í₃ jui₅ a₂dsó₃ ja₁juá'₂ Diú₄ cuē₃ caun₂ 'uē₃ a₂ca₂tíin₂ lé₂ quió'₅. Ca₂o₃'íin₃ 'uē₃ go₅₄ tē₃ tsá₃ ŋi₅ a₂já'₄ ŋó₃.

⁹ 'Uig₅₄ ia₁ a₂jme₁'éin₂, ca₂guá₂ gua'₅₄ 'uē₃ a₂ca₂juá'₂ Diú₄ cuē₃, co₂'nió'₄ a₂líin₅ dsi₂nau₂ jē₄ 'uē₃ siá'₂. Ca₂guá₂ tsi₁'né₅ a₂lē₅ quian'₅₄ tsi₁'mi'₂; ján₃ bá₄ le₂jaun₂ ca₂jmo₃ Isaac quian'₅₄ Jacob ně₃, ia₁ ján₃ bá₄ ca₂tíin₂ le₂jio₅ quian'₅₄ 'éi₂ a₂jme₁ca₂juá'₂ Diú₄ cuē₃.

¹⁰ Ia₁ jme₁chi₁ŋia₅ Abraham juig₂ ciudad jaun₂ a₂chí'₅ tiá₂, 'uig₅₄ ia₁ Diú₄ bá₄ i₂ca₂'náu'₃ dsí₅ jmo₃, ján₃ bá₄ i₂ca₂jmo₃g'₃.

¹¹ Já₃ bá₄ tē₂le₃ a₂'én₂ 'ŋiog₅ Sara,* tē₃ ma₂guein'₂ a₂le₃chan₂ guein₂ quiáin₅, ca₂gue₃ bá₄ jui₅bí₂ a₂léin₂ chog₅₄ guein₂ ia₁ líin₂ i₂rē₂ti'₅₄ bá₄ Diú₄ i₂ma₂cuē₃ já₃g₁ quió'₅.

¹² Jaun₂ ně₃ Abraham, o₁ŋia'₅₄ a₂ma₂i₁jóin₂, ca₂rē₃chán₃ bá₄ guē₄ tsi₁jon₂ i₂juin₅ guē₄ lin₃ jui₁lia'₂ nei₅ a₂jniá₂ guei'₅₄ mi₂güí₃, jui₁lia'₂ mi₂tsag₄ a₂cha₂ chei'₅₄ jmi₁ŋí'₄ a₂tsá₃ lé₂ le₃'i₃ dsa₂.

¹³ Ca₂dsan₃ bá₄ le₃jín₃ 'éi₂ tē₃ tsá₃ ca₂gue₃ jui₁lia'₂ a₂jme₁ca₂juá'₂ Diú₄ cuē₃. La₁ia₁ jme₁'éin₂ bá₄, jaun₂ ně₂jag₄ bá₄ a₂ca₂jág₃ tē₂ uíng₂ a₂jaun₂ a₂'éin₂, tē₅ bá₄ dsí₅ a₂ca₂jág₃. Jaun₂ le₂ně₅ bá₄ ca₂jmo₃ já₃g₁ a₂líin₅ dsi₂nau₂ i₂con'₂ ca₂ŋi₅ mi₂güí₃ la₂.

¹⁴ Jaun₂ jui₁lia'₂ i₂dsia₅ já₃g₁ le₂ně₅, jáng'₅ léi₄ a₂i₂nioi₅₄ bá₄ guē₄ a₂qui₂'no'₂ caun₂ juig₂ jē₁tiain'₃.

¹⁵ Jua'₅₄ mei'₂ guē₃ caun₂ qui₂dsau'₂ bá₄ guē₄ dsí₅ gua'₅₄ 'uē₃ ja₁ca₂'uúin₂, jme₁lé₂ bá₄ jme₁dsi₂lein₃ táng₃ ja₁jaun₂.

¹⁶ La₁ tē₂le₃ jme₁'ín₂ dsí₅ caun₂ 'uē₃ a₂dse₃ guē₄, co₂'nió'₄ a₂'ē₂₃ 'uē₃ a₂cha₂ guei'₅₄ i₂juí₃. 'Uig₅₄ jaun₂ tsá₃ o₂gui'₃ cán₂ Diú₄ a₂quiong₅ dsa₂ Diú₄ quián₅ dsa₂ 'éi₂, ia₁ ma₂ca₂jmo₃ co₂ŋia₅₄ caun₂ juig₂ ciudad quió'₅ 'éi₂.

¹⁷ Tē₂le₃ a₂'én₂ bá₄ Abraham, lia'₂ con'₂ jme₁ca₂caun₃ Diú₄ táu₂, ca₂jéin'₂ bá₄ Isaac † quiáin₅, ne₄ Diú₄. Jme₁ma₂chéin'₅ co₂ŋia₅₄ a₂jme₁ŋji'₃ ja₁ŋi'₅₄ i₂jan₂ tan₅₄ quiáin₅, ¹⁸ o₁ŋia'₅₄ jme₁ca₂juá'₂ Diú₄ cuag₃ a₂ca₂juá'₂: “Tē₂le₃ quian'₅₄ Isaac le₃chan₂ tsi₁jon₂ quiáng'₂.” ‡

¹⁹ Ca₂i₃jio₅ dsí₅ Abraham, a₂'io₅ Diú₄ jui₅bí₂ a₂jme₃jein'₅₄ le₂jio₅ jin₄ 'lag₄. Jaun₂ dsón'₂ bá₄ ca₂guéin'₂ táng₃ ja₁ŋi'₅₄, ně₂jag₄ bá₄ a₂ca₂jein'₅₄ táng₃ jin₄ 'lag₄.

²⁰ Tē₂le₃ a₂'én₂ Isaac, ca₂jme₃gu'₅₄ quió'₅ Jacob quian'₅₄ Esaú, ca₂cuē₃ já₃g₁ quió'₅ a₂cuē₃ Diú₄ a₂dse₃ tē₂le₃ ne₄ jui₅ jmi₃g₄ a₂le₃chain₂. §

²¹ Já₃ bá₄ tē₂le₃ a₂'én₂ Jacob,* jme₁ma₂ja₂quián₃ jóin₂, ca₂jme₃gu'₅₄ quió'₅ le₂jan₂ le₂jan₂ chí'₂ ja₁ŋi'₅₄ José. Jaun₂ ca₂jme₃juin'₂ Diú₄, a₂chéin'₅ rē₂dsín₂ ne₄ 'ma₂'i₅₄ quió'₅.

²² Tē₂le₃ a₂'én₂ José, † lia'₂ con'₂ jme₁ma₂ja₂quián₃ jóin₂, ca₂juá'₂ ca₂'íin₃ dsa₂ juig₂ Israelitas a₂'uúin₃ cang₂ guē₄ jaun₂ 'uē₃ Egipto, jaun₂ ca₂quio₂'éi'₃ 'e₂'nió'₅ jmo₃ dsa₂ quian'₅₄ ni₁mu₁₂.

§ 11:8 Abraham: 'Í₂ Génesis 12 - 25. * 11:11 Sara: 'Í₂ Génesis 18:1-15; 21:1-7. † 11:17 Isaac: 'Í₂ Génesis 21 - 22. ‡ 11:18 Génesis 21:12. § 11:20 'Í₂ Génesis 27. * 11:21 Jacob: 'Í₂ Génesis 48. † 11:22 José: 'Nio'₂ ja₁ton₅ Génesis 50:24-26.

23 Tě₂le₃ a₂'én₂ bá₄ chog₅₄-jmei₂ Moisés, jme₁ca₂rě₃chán₃ 'éi₂, ca₂'mog₃ con'₂ 'ni₅ tsi'₂. Ia₁ ca₂jág₃ a₂'ñio'₂ guein₂ 'éi₂, tsá₃ jua'₅₄ ca₂ja₃gó'₃ 'a₂ lia'₂ lě₅ 'éi'₃ quió'₅ rag₅₄ a₂jñag'₃ quió'₅. †

24 Tě₂le₃ a₂'én₂ bá₄ Moisés, § lia'₂ con₂ jme₁ma₂lín₅ dsa₂ ma₂juin'₂, tsá₃ ca₂gue₃ quiong₃ dsa₂ ja₁ñi'₅₄ quián₅ ja₁míg₄ rag₅₄ quián₅ Egipto.

25 Co₂ñei'₅₄ guě₄ ca₂'náu'₃ dsí₅ ñág₃ uig₅ quain'₅₄ dsa₂ juig₂ quián₅ Diú₄, con'₂ guě₄ a₂le₃chain₂ o₂'ñio'₃ dsí₅ ca₂tiá₂ a₂'no₃ dso₄.

26 'Ñio₅ guě₄ quen₅, lín₂, a₂ñág₃ uig₅ a₂tě₃'o'₂ dsa₂, lia'₂ te₃'on'₂ I₂rě₂'ín₁ quián₅ Diú₄, con'₂ guě₄ quen₅ ca₂le₃jě₃ cu₄nióg₄ a₂rě₂'ma₄ 'uě₃ Egipto. Ia₁ 'liain'₅₄ a₂cuě₃ Diú₄, co₂dsau₅ jaun₂ bá₄ ca₂jág₃.

27 Tě₂le₃ a₂'én₂ Moisés, ca₂o₃'ín₃ 'uě₃ Egipto, * tsá₃ ca₂rě₃gó'₅ a₂'ne₂ rag₅₄; ca₂nau₂ bá₄ tiá₂ ně₂jag₄ bá₄ a₂jín₂ Diú₄ i₂tsá₃ jniá₂.

28 Tě₂le₃ a₂'én₂ Moisés, ca₂jmo₃ Jmíg₄ Tě₂'in₅₄, † ca₂tsáng₂ jmi₂ o₄'né₄ ně₃, ia₁jaun₂ i₂nio₅ ne₄ jme₃dsiain₂₃ ju₁lia'₂ chi'₂ dsa₂ ñe'₂ i₂le₂ne₁ quián₅ dsa₂, tsá₃ téin₂ gu₂-tag₅₄ chi'₂ i₂le₂ne₁ quián₅ dsa₂ juig₂ Israel.

29 Tě₂le₃ a₂'én₂ dsa₂ juig₂, ca₂ñí₃ Jmí₁ñi'₄ Guéin₂, † ne₄ 'uě₃ quein₂. La₁ lia'₂ con'₂ jme₁'nio₃ jmo₃ le₂jaun₂ dsa₂ juig₂ Egipto, ca₂dsain₃ bá₄, ca₂'in'₃ jmig₂.

30 Tě₂le₃ a₂'én₂ bá₄ dsa₂ israelitas, ca₂lia'₂ ca₂gon₃ ni₁'ia'₂ quió'₅ juig₂ Jericó, § jme₁ma₂ca₂lě₃ i₂nioi₅₄ guio₃ jmig₄ le₃lág'₃ quió'₅.

31 Ján₃ bá₄ tě₂le₃ a₂'én₂ 'io₅₄ Rahab* i₂jme₁'nag₅ quió'₅ ně₃, tsá₃ ca₂join₃ co₂lě₅ quain'₅₄ dsa₂ i₂tsá₃ ca₂'né₂, † ia₁ ca₂guein₃ bá₄ rě₂ dsa₂ israelitas i₂jme₁i₂nio₄ tiog₅.

32 ¿'E₂ guě₄ juá'₄ jniá₂? Tsá₃ jě₄ jmig₄ jua'₅₄ juá'₄ jniá₂ a₂'íng₄ Gedeón, † quian'₅₄ Barac, § Sansón, * Jefté, † David, † Samuel, § quian'₅₄ dsa₂ i₂jme₁'ě₂ jág₁ quián₅ Diú₄ ně₃.

33 Tě₂le₃ a₂'én₂ bá₄ ján₃, ca₂lí'₃ juig₂ siá'₂ ja₁gon₂ rag₅₄, rě₂ bá₄ ca₂qui₃dsi₂₃ 'éi'₃ ně₃, ján₃ bá₄ ca₂'ió'₃ a₂ca₂jme₃'o₅₄ Diú₄ con'₂ lě₅ jág₁ a₂ca₂cuě₃ a₂jme₃'o₅₄. Ján₃ bá₄ le₂ně₅ ca₂jnéi₃ i₂lín₅₄ 'o₄ dsí₂'ia'₂, 34 ca₂ei₃ si₂ cau₂ ca₂jo'₅₄, qui₂ca₂lón₂ i₂lín₅₄ a₂jme₁dsiáin₃ quian'₅₄ 'o₄ ñi₁tág₂ ně₃. Ján₃ bá₄ le₂jaun₂ ca₂quín'₃ bí₂ dsa₂ 'uan₅₄ ca₂jme₃'uáin'₃, ján₃ bá₄ ca₂rě₃béin₂ quín'₂ ja₁niog₅ 'nei₂, jaun₂ ca₂tió'₃ bá₄ jme₁ca₂quín'₂ quian'₅₄ 'lióg₂ dsa₂ i₂'iog₅₄ quió'₅. 35 Ján₃ bá₄ le₂ně₅ chan₂ dsa₂ mí₂ ca₂guein₃ táng₃ 'lag₄ quián₅ jme₁ca₂jein'₅₄ táng₃. I₂sián'₂ guě'₂ qui₂ca₂jmóg'₂ dsa₂, la₁ tsá₃ ca₂gue₃ a₂lióin₂, ia₁jaun₂ tiin₅₄ a₂jein'₅₄ a₂le₃chain₂ guě₄ dse₃. 36 I₂sián'₂ guě'₂ ca₂ñág₃ le₃jě₃ jág₁ qui₂ca₂jnáu'₂ dsa₂ qui₂ca₂bóg₂ dsa₂; ca₂lia'₂ ca₂'nei'₂ dsa₂ quian'₅₄ ñí₁ cadenas, ca₂to'₂ dsa₂ né'₃ 'má₃ ně₃. 37 I₂lín₅₄ guě'₂ ca₂dsan₃ qui₂ca₂jnáu'₂ dsa₂ cang₄, i₂sián'₂ ně₃ ca₂ti₃ dsa₂ ca₂'nói₁ quian'₅₄ ñí₁ chi₁jan₁, * ca₂jme₃dsiog₅ dsa₂ quian'₅₄ ñi₁tág₂ ně₃. Qui₂i₂nioi₁₂ i₁jnai'₅₄ a₂la₂-ó₃ le₁qui'₂ jmá'₃ ni₁lo₄ já'₂ cha'₂ quian'₅₄ ni₁lo₄ chein₄ lau₂ ně₃; tě₂ñéi₂, tsá₃ dse₃ qui₂le₁'ág₄ dsí₅, ján₃ bá₄ qui₂ca₂jmóg'₂ dsa₂. 38 Tsá₃ lé₂ le₃jua'₅₄ jua'₅₄ jme₁ca₂tín₂ dsa₂ mi₂güig₃ le₃chan₂ dsa₂ 'éi₂ quiong'₅₄. Jme₁i₂nioi₅₄ 'uě₃ co₂'ñiog₅, le₂con₂ má'₂ ně₃, né'₃ cang₄ tě₂'lau₂, né'₃ tau₂ a₂nio₅ né'₃ 'uě₃ ně₃.

† 11:23 'Nio'₂ ja₁ton₅ Éxodo 2:1-10. § 11:24 Moisés: 'Í₂ Éxodo 2 - 11. * 11:27 Noé: 'Í₂ Génesis 6 - 9.

† 11:28 Egipto, Jmig₄ Tě₂'in₅₄: 'Í₂ Éxodo 12 - 13. † 11:29 Ján₃, bá₄ chei₂ "Jmí₁ñi'₄ 'Ma₂ta₅." § 11:30

Jericó: 'Í₂ Josué 6. * 11:31 Rahab: 'Í₂ Josué 2:1-21; 6:25; Mateo 1:5; Santiago 2:25. † 11:31 o₃,

"dsa₂ i₂tsá₃ ca₂rě₃'én₂." † 11:32 Gedeón: 'Í₂ Jueces 6 - 7. § 11:32 Barac: 'Í₂ Jueces 4 - 5. * 11:32

Sansón: 'Í₂ Jueces 13 - 16. † 11:32 Jefté: 'Í₂ Jueces 11 - 12. † 11:32 David: 'Í₂ 1 Samuel 16 - 31 quian'₅₄

2 Samuel. § 11:32 Samuel: 'Í₂ 1 Samuel. * 11:37 A₂lín₅₄ chog₅₄ si₂ chi₁ton₅ ján₃: "ca₂can₃ dsa₂tau₂."

39 Le₃jín₃ dsa₂ 'éi₂, ca₂'ag₃ Diú₄ dse₃ 'uig₅₄ ia₁ a₂'éin₂, la₁ia₁ tsá₃ ca₂'ió'₃ a₂jme₁ca₂juá'₂ Diú₄ cuë₃. 40 Jme₁ma₂i₃jio₅ dsí₅ Diú₄ jmo₃ co₂jñia₅₄ caun₂ a₂dse₃ gué₄ quián₂jnio₄, ia₁jaun₂ tsá₃ le₃'ñia₅ dsa₂ 'éi₂ jua'₅₄ tsá₃ le₃'ñia₂₃ co₂lë₅ quian'₅₄ jnio₄.

12

Jñ₄ jnio₄ Jesús

1 Jaun₂ lë₃, ia₁ ñí₄ lë₃ juin₅ dsa₂ qui₂le₁lio₃ jnio₄ i₂ma₂ca₂jme₃jnia₅ a₂'éin₂, jaun₂ dsiá₁ jnio₄ cau₅ ca₂le₃jě₃ lio₅₄ a₂jmo₅ jnág₅ quián₂, ján₃ bá₄ le₂në₅ jui₁lia'₂ dso₄ a₂qui₂nió₅ jnio₄ ně₃, jaun₂ dsau₅₄ jnio₄ ne₄ jui₅ a₂juin'₂ dsí₅, ně₂jag₄ bá₄ a₂i₂nio₄ co₂chi'₅₄ a₂tián'₅ jág₁ rin'₅₄.

2 Jaun₂ ně₃, né₄ jnio₄ Jesús, i₂ca₂niá₃ juí₅ a₂'éin₂ jnio₄, ján₃ bá₄ i₂jme₂'ñia₅ a₂'éin₂ jnio₄. Ca₂jmo₃ 'éi₂ tió'₃ dsí₅ ne₄ cróg₄, tsá₃ ca₂tón'₃ jui₅ a₂o₂guí'₃ a₂ca₂can₃, ia₁ jme₁ma₂ñi₅ bá₄ a₂cán₂ o₂'ñio₃ dsí₅ a₂'io'₂ jén'₅ cang₂ gué₄ jaun₂. Jaun₂ ně₃, ca₂guá₂ të₂le₃ gu₂ ne₁ ne₄ta₁ quió'₅ Diú₄.

3 'Nió'₂ 'nia'₂ 'au'₂ jaun₂, 'a₂lia'₂ ca₂jmo₃ Jesús: ca₂jmo₃ tió'₃ dsí₅ mi'₅₄ a₂ca₂dsia₃ dsa₂ i₂qui₂rë₂cán'₄ dso₄, ja₁coin₂, ia₁ con'₂ tsá₃ ñó₅ ně₁jua'₂ ca₂'ong'₃ 'nia'₂, ca₂lia'₂ ca₂'uáng'₂.

4 Ia₁ tsá₃ gué₄ 'ein₂ ma₂qui₂ca₂quín'₂ 'nia'₂ ca₂lia'₂ ca₂tang₂ jmi₂ 'an'₅₄ 'nia'₂ quian'₅₄ mi'₅₄ a₂jmo'₂ quian'₅₄ dsá_{u1}.

5 Jaun₂ ma₂ca₂'en₃ bá₄ 'au'₂ 'nia'₂ jág₁ a₂ma₂chi₂ca₂léi'₁ Diú₄ jui₁lia'₂ jan₂ chi'₂-guein₂ quiáin₅. Le₂la₂ juá'₂ ne₄ Si₂:

Tsá₃ lë₁o₁le₅₄, jón₃,

jua'₅₄ tsá₃ ton'₅₄ 'ne₂ jui₅

jme₁chei'₅ Te₁gui'₅₄ caun₂ jui₅ dse₃,

on₃ gué'₂ tsá₃ lë₁o₁'ag₅₄ i₁tín₄ 'au'₂

jme₁cuë₂₃ uig₅.

6 Ia₁ jme₂rě₃ Te₁gui'₅₄ jui₅

quió'₅ jui₁lia'₂ i₂'nioi₃,

ján₃ bá₄ cuë₂₃ uig₅ quió'₅ ca₂le₃jín₃ i₂guein₂₃

jui₁lia'₂ jan₂ chi'₂-guein₂ quiáin₅.*

7 Tiang'₃ 'nia'₂ jmo₄ ca₂le₃jě₃ uig₅ a₂ñag'₅₄, ia₁ le₂jaun₂ jme₂tag₅ Diú₄ jme₂tiin₂₃ 'nia'₂ jui₁lia'₂ jan₂ chi'₂-guein₂ quiáin₅. ¿'Ein₂ bá₄ ja₁ñi'₅₄ chan₂ i₂tsá₃ jme₂tag₅ jmei₂?

8 Chei'₅ Diú₄ caun₂ jui₅ rë₂ chein'₂₃ ca₂le₃jín₃ chi'₂-guein₂ quiáin₅. Jaun₂ ně₃, jua'₅₄ mei'₂ gué₃ Diú₄ tsá₃ chein'₂₃ 'nia'₂ caun₂ jui₅ dse₃, tsá₃ lé₂ le₃jua'₅₄ a₂lín'₅ 'nia'₂ chi'₂-guein₂ quiáin₅ të₃dsón'₂, jñia'₅₄ lia'₂ a₂jaun₂ bá₄ lín'₅ 'nia'₂ jui₁lia'₂ jan₂ chi'₂-guein₂ i₂lë₁ca₂rë₃chán₃.

9 Ján₃ bá₄ le₂jaun₂ jnio₄ ně₃, lia'₂ con'₂ jme₁lág₄ jnio₄ guein₂, jme₁të₂jí₂ chog₅₄-jmei₂ jnio₄ i₂chan₂ gua'₅₄ 'uë₃. Jaun₂ jme₁jme₂gain₃ bá₄ jnio₄ ně₃. ¿Tsa₁ dse₃ néi₁ jnio₄ gau₂ ja₁con₂ Diú₄? Të₂le₃ 'ë₂ gué₄ 'nió'₅ jme₁gan₃ bá₄ jnio₄ Diú₄ Jmei₂ jnio₄ të₂le₃ quió'₅ jme₂dsí₂, ia₁jaun₂ le₂në₅ bá₄ le₃chong₂.

10 Jme₁ca₂cuë₃ ca₂tiá₂ uig₅ chog₅₄-jmei₂ jnio₄ i₂chan₂ gua'₅₄ 'uë₃, lia'₂ con'₂ lë₅ ca₂i₃jio₅ dsí₅ a₂dse₃. La₁ia₁ Diú₄ ně₃ cuë₂₃ jnio₄ uig₅ a₂dse₃ quián₂ jnio₄ guio₅₄, ia₁jaun₂ quein'₅₄ jnio₄ a₂jñio₅ a₂lín'₅ 'éi₂.

11 Dsón'₂ bá₄ jaun₂, lia'₂ 'i₁caun₂ uig₅ tsá₃ të₅ dsí₅ jnio₄, të₂le₃ 'ñio₅ uig₅ bá₄ lág₂ jnio₄. La₁ia₁ cang₂ gué₄ jaun₂, jui₁lia'₂ i₂rë₂tin₂ të₂le₃ quian'₅₄ uig₅ a₂ñág₅,

* 12:6 Proverbios 3:11-12.

ně₂jag₄ bá₄ caun₂ ni₁'ma₂ a₂le₁'ág₄ mīg₂ dse₃, léi₄ bá₄ rě₂jniá₂ tē₂le₃ 'a₂ lia₂ 'e₂ chain₂ 'ei₅ tei₄ dsí₅.

A₂go' a₂tí₁ dsa₂jág₁ quió'₅ Diú₄

¹² 'Uig₅₄ jaun₂ chog'₅₄ 'nia'₂ táng₃ gog'₂ a₂quile₁ta'₅₄, ján₃ bá₄ chí'₁ táng₃ 'nia'₂ tiá₂ mi₂jne'₅₄ a₂jlen₅.

¹³ “Jmo₄ 'nia'₂ caun₂ jui₅ dsau₅ quió'₅ mi₂tag'₅₄ guiong'₅₄,”† ia₁jaun₂ tsá₃ 'e₂ qui₃nió₃ i₂sián'₂ jui₁lia'₂ i₂guian'₅₄, tē₂le₃ 'lói₂n₂ bá₄.

¹⁴ Quen'₂ 'nia'₂ bí₂ a₂i₁nio'₄ 'nia'₂ 'ei₅ tei₄ quian'₅₄ ca₂le₃jín₃, a₂le₃chan'₂ 'nia'₂ jñi₅o₅ ně₃. Ia₁ ca₂lia'₂ 'i₁jan₂ tsá₃ lé₂le₃jín₃ Te₁gui'₅₄ ně₁jua'₂ tsá₃ jñi₅o₅.

¹⁵ Quion'₂ 'nia'₂ 'í₁ ia₁jaun₂ ca₂lia'₂ 'i₁jan₂ jua'₅₄ a₂tsá₃ tiin₃ a₂jme₃gu'₅₄ Diú₄ a₂'ua₁ dsí₅, ia₁jaun₂ tsá₃ 'iá₃ jín'₄ 'nia'₂ co₂'nió'₄ caun₂ tsin₅ ni₁nau₂ dsi'₃ jmo₅ jan₂ i₂quian₅ o₂me'₅₄ dsí₅ jmo₅ dain₅₄ a₂rě₂'lin'₅₄ juin₅.

¹⁶ Jmo₄ 'nia'₂ 'í₁ ia₁jaun₂ tsá₃ 'ein₂ 'nia'₂ i₃nio₄ lia'₂ con'₂ lě₅ mi₅ ni₁ñi₁₂, on₃ guē'₂ i₃nio₅₄ jua'₅₄ a₂tsá₃ tón'₂ jui₅ jág₁ quió'₅ Diú₄. Le₂ně₅ bá₄ ca₂jmo₃ Esaú.† O₄quió'₄ caun₂ má₃ bá₄ ca₂'nag₃ ca₂le₃jě₃ a₂jme₁ca₂tiin₂ a₂lín₅ chi'₂ dsa₂ ñe'₂ i₂ne₅₄.

¹⁷ Ma₂ñi'₅₄ bá₄ 'nia'₂, cang₂ guē₄ jaun₂ lia'₂ con'₂ jme₁'nio₃ táng₃ Esaú gue₃ a₂jme₁ca₂tiin₂, a₂jme₃gu'₅₄ jmei₂, tsá₃ ca₂guéi'₂ jmei₂. Jaun₂ ně₃, tsá₃ ma₃ca₂dsó'₂ 'a₂ lia'₂ tiin'₄ táng₃ jui₁lia'₂ a₂jme₁ca₂tiin₂, o₁jñia'₅₄ ca₂'nau'₃ 'ñio₅ lin₃ ca₂le₃jě₃ ca₂'o₃.

¹⁸ Quion'₂ 'nia'₂ 'í₁ jaun₂ ně₃, ia₁ on₃jua'₅₄ a₂ma₂ca₂jme₁quián'₄ 'nia'₂ má'₂ ñei₅ jaun₂ a₂jniá₂, a₂cau₂ quian'₅₄ si₂, ja₁lě₄ qui₁né'₃ 'ei₅ nei₂, dsí₂ ně₃, qui₃lě₂ gau₂ 'ñio₅ lin₃.

¹⁹ On₃ guē'₂ ca₂nei'₂ 'nia'₂ a₂i₂'ein₅₄ ñi₁ trompeta, on₃ guē'₂ jág₁ quió'₅ Diú₄ a₂juá'₂ jág₁ gau₂ tsí'₅ dsa₂ 'éi₂, ca₂lia'₂ i₂ca₂nág₂ jág₁ jaun₂ ca₂mi₃ a₂tsá₃ ma₂juá'₂ 'éi₂ jág₁.

²⁰ Ia₁ tsá₃ jme₁tió'₅ nag₃ 'éi'₃ quió'₅ Diú₄ a₂juá'₂: “Ně₁jua'₂ jan₂ já'₂ ca₂'ě₃ má'₂ jaun₂, 'nió'₅ jói₂n₂ qui₃dsag₅ dsa₂ cang₄.”§

²¹ 'Uig₅₄ ia₁ a₂ñi'₄ lě₃ gau₂ a₂jniá₂ ja₁jaun₂, ca₂lia'₂ ñiog₅ Moisés ca₂juá'₂, “Ñio₅ lin₃ jlen₅ jniá₂ a₂gó₅.”*

²² La₁ia₁ 'nia'₂ ně₃, ma₂ca₂jme₁quián'₄ Má'₂ Sión, co₂'nió'₄ Jerusalén a₂niog₅ guei'₅₄ i₂juíg₃, ciudad quió'₅ Diú₄ jén'₃. Ma₂ca₂jme₁quián'₄ 'nia'₂ ja₁con₂ 'lióng₂ lin₃ mei₅ ángeles i₂ñi'₂ jmo₂₃ 'io'₂.

²³ Ma₂ca₂jme₁quián'₄ 'nia'₂ ja₁con₂ dsa₂ i₂tion'₅₄ lo'₂ a₂jme₃juin'₂ Diú₄, quian'₅₄ ca₂le₃jín₃ chí'₂-guein₂ quián₅ Diú₄ i₂ca₂tiin₂ ca₂le₃jě₃ lia'₂ jě₁ca₂tiin₂ ja₁ñi'₅₄ i₂ne₅₄, i₂ma₂quile₁ton₅ guei'₅₄ i₂juíg₃. Ma₂ca₂jme₁quián'₄ 'nia'₂ ja₁con₂ Diú₄ i₂qui₃dsí₅ 'éi'₃ quió'₅ ca₂le₃jín₃, ja₁con₂ jme₂dsí₂ quió'₅ dsa₂ dsen₃ i₂ma₂quile₁'ñia₅, ²⁴ quian'₅₄ ja₁con₂ Jesús i₂chén'₅ ne₄ jág₁ 'mí₂ a₂li'₅₄ quian'₅₄ Diú₄, quian'₅₄ ja₁con₂ jmi₂ a₂rě₃séi₂, a₂quen₅ guē₄ a₂jáng'₅ léi₄ a₂'ua₁ dsí₅ con'₂ guē₄ quen₅ jmi₄ Abel.

²⁵ Jmo₄ 'nia'₂ 'í₁ a₂tsá₃ jmó'₂ 'nia'₂ jua'₅₄ tsá₃ guén'₄ 'nia'₂ Diú₄ i₂juá'₂ tság₅ jniog₄. Ia₁ chí₂jua'₂ tsá₃ ca₂lón₂ jui₁lia'₂ i₂tsá₃ ca₂guén'₂ i₂'éi₂ i₂ca₂'ě₂ jág₁ gua'₅₄ 'uě₃ la₂, 'ě₂ guē₄ bá₄ jniog₄ tsá₃ lé₂ le₃lió₂, ně₁jua'₂ tsá₃ ca₂guén₄ jniog₄ i₂juá'₂ tē₂ guei'₅₄ i₂juíg₃.

²⁶ Jmíg₄ jaun₂, ca₂i₁bi₅₄ 'uě₃ jme₁ca₂juá'₂ Diú₄. La₁ia₁ rě₂ně₃ ně₃, ma₂cuě₃ jág₁ quió'₅, a₂juá'₂: “jmo₅₄ guē₄ jniá₂ con'₂ siá'₂ a₂dsi₃bi₅₄, la₁ia₁ on₃jua'₅₄ jmá'₃ gua'₅₄ 'uě₃, le₂jio₅ guei'₅₄ dsi₂güig₂ bá₄ ján₃.”†

† 12:13 Proverbios 4:26. ‡ 12:16 Esaú: Í₂ Génesis 25:27-34. § 12:20 Éxodo 19:12-13. * 12:21 Deuteronomio 9:19. † 12:26 Haggeo 2:6.

27 Jui₁lia'₂ a₂juá'₂, “con'₂ siá'₂”, dsi₂jein₃ jág₁ a₂ñiá'₂ ca₂le₃jě₃ a₂jniá'₂ a₂dsi₂bi₅₄ a₂lé₂ qui₂le₃jñia'₃, ia₁jaun₂ tē₃gua₄ co₂tan₅₄ a₂tsá₃ lé₂ dsi₃bi₅₄, on₃ guē'₂ lé₂ le₃jñia'₃.

28 Jaun₂ 'uig₅₄ ia₁ a₂tsá₃ ma₃lé₂ qui₂dsi₃bi₅₄ ja₁gon₂ Diú₄, ja₁cuē₃ jniog₄, jaun₂ cuē'₅₄ jniog₄ ti₁'mag'₄ jaun₂ ně₃, o₄quió'₄ ca₂le₃jě₃ a₂la₂, jme₁ti₁ jniog₄ ne₄ Diú₄ ně₃ 'a₂lia'₂ 'ñio₂ dsi₅, jme₁'nió₄ jniog₄ Diú₄ a₂'ei₅ gau₂ dsi₅ jniog₄.

29 Ia₁ lín₅ Diú₄ quián₂ jniog₄ lia'₂ lě₅ caun₂ si₂ a₂'éin₂ le₃jě₃.†

13

'A₂ lia'₂ jmo₃ a₂tě₅ dsi₅ Diú₄

1 Tsá₃ lě₁tí₅ 'nia'₂ a₂'nióg'₃ le₂jang'₂ le₂jang'₂ jui₁lia'₂ ríng'₂ 'nia'₂.

2 Tsá₃ jui₁dsi₂'én₂ 'au'₂ 'nia'₂ a₂guéng'₄ dsi₂néi₂ quiáng'₂ jui₁lia'₂ dsa₂ i₂chan₂ ja₁siá'₂, ia₁ le₂ně₅ bá₄ ma₂jmo₃ i₂lín₅₄ ma₂ca₂guein₃ ángeles tē₃ tsá₃ lí'₄.

3 Dsau'₂ 'au'₂ 'nia'₂ jmo₄, jui₁lia'₂ dsa₂ i₂tion'₅₄ né'₃ 'má₃, ně₂jag₄ bá₄ a₂tion'₅₄ 'nia'₂ guiong'₅₄ co₂lě₅ quaiin'₅₄. 'Nio'₂ 'au'₂ jui₁lia'₂ i₂ñí₄ lě₃ qui₂ma₂j móg'₂ dsa₂, ia₁ ján₃ bá₄ dsa₂ chi₁dsán'₃ bá₄ 'nia'₂ i₂lé₂ le₃ñág₃ uig₅.

4 Jui₁jme₂gó'₃ bá₄ le₃jín₃ jui₁lia'₂ a₂jén'₂ dsa₂ gu₂, ján₃ bá₄ jui₁le₅₄ bá₄ 'í₁ jui₁lia'₂ ja₁tian'₃ dsi₂l₂gu₂ co₂lě₅, ia₁ qui₃dsi₅ bá₄ Diú₄ 'éi'₃ ja₁con₂ dsa₂ i₂qui₂'no₅ dso₄, jui₁lia'₂ i₂nió'₅ jág₁ quian'₅₄ i₂sián'₂ on₃jua'₅₄ dsi₂i₂gu₂.

5 Tsá₃ jui₁chan'₂ 'nia'₂ a₂qui₂chi₁'ñeg'₁ 'nia'₂ jua'₅₄ a₂ñí₄ lě₃ 'ín₅ 'au'₂ 'nia'₂ cu₄. Dsau₅ 'au'₂ 'nia'₂ jmo₄ lia'₂ con'₂ tí₅ a₂cha₂ quián'₂ 'nia'₂, ia₁ ma₂ca₂juá'₂ Diú₄: lia'₂ o₁líg'₂ jmi₄ tsá₃ tón₂ jniá'₂ 'nia'₂,

on₃ guē'₂ tén₄ jniá'₂ 'nia'₂.*

6 Jaun₂ ně₃ lé₂ le₃jua'₅₄ a₂ma₂'ei₅ caun₂ dsi₅:

Te₁gui'₅₄ bá₄ i₂jme₂'o₅₄ jniá'₂;

tsá₃ gó₅ jui₁lia'₂ 'e₂ lé₂ le₃j móg'₂

dsa₂ mi₂güig₃.†

7 Dsá₂ 'au'₂ 'nia'₂ jmo₄, jui₁lia'₂ dsa₂ i₂ma₂jio₃ ne₄ jui₅, i₂ma₂juá'₂ jág₁ quió'₅ Diú₄ ca₂tsí'₃ 'nia'₂. Quion₄ 'nia'₂ 'í₁ 'a₂lia'₂ lě₅ ca₂dsióg₃ jui₅ a₂chan₂ dsa₂ 'éi₂, jaun₂ 'én'₄ 'nia'₂ jui₅ jaun₂ jui₁lia'₂ 'én₂ 'éi₂.

8 Lia'₂ ma₂lín₅ jaun₂ bá₄ Jesucristo, dsióg₂, jmi₄ ně₃, lia'₂ con'₂ tan₅₄ bá₄ lín₅.

9 Tsá₃ lě₁cuē₂ 'nia'₂ jmi₄ jua'₅₄ jio₃ i₂sián'₂ i₂jme₂tag₅ 'lióng₂ ne₅₄ juá'₅ siá'₂, a₂tsá₃ lě₅ con'₂ lě₅ juá'₂ jág₁ quió'₅ Diú₄. Co₂ñei'₅₄ guē₄ dse₃ a₂gue₃ tē₂dsi₅ jniog₄ jui₅bí₂ tē₂le₃ quian'₅₄ a₂'ua₁ dsi₅ Diú₄, con'₂ guē₄ tē₂le₃ quian'₅₄ 'éi'₃ jui₁lia'₂ 'a₂lia'₂ 'nió'₅ guē'₃ dsa₂. Ia₁ tsá₃ ta₁ tí₄ 'éi'₃ jaun₂ jua'₅₄ a₂jme₃'o₅₄ quió'₅ jui₁lia'₂ dsa₂ i₂l₂nio₄ le₂jaun₂.

10 La₁ia₁ cha₂ bá₄ caun₂ ne₄chei₂ quián₂ jniog₄ ja₁tsá₃ ca₂tín₂ guē'₃ jui₁lia'₂ i₂jme₂ti₃ ta₁ guá'₅ tabernáculo.

11 Ia₁ ne₄ bá₄ jniog₄, a₂dsi₂can₅ jme₂dsa₂ dsen₅₄ jmi₄ já'₂ dsi₂néi₂ ja₁jñió₅ lín₃ guē₄, a₂jén'₄ o₄quió'₄ dsáu₁ dsa₂. La₁ia₁ ni₁ñi₄ já'₂ 'éi₂ qui₂dsi'₂ dsa₂ 'ni'₂ ja₁tían'₄ dsa₂ juig₂ Israel.

12 Já₃ bá₄ le₂jaun₂ ca₂ñág₃ Jesús uig₅ 'ni'₂ juig₂, ia₁jaun₂ qui₂jme₃jñió₃ dsa₂ juig₂ quiáin₅ tē₂le₃ quian'₅₄ jmi₄ 'ñiog₅.

13 Dsi₁ná₄u₄ jniog₄ jaun₂ ně₃ ja₁con₂ Jesús, co₂'nió'₄ cau₅ ja₁tión₂ dsa₂ juig₂ Israel, a₂quian₂ jniog₄ o₂guí'₃ o₄quió'₄ Jesús.

14 Ia₁ mi₂güig₃ la₂, 'i₁caun₂ juig₂ tsá₃ cha₂ quián₂ jniog₄ jua'₅₄ a₂jio₅ co₂tan₅₄, la₁ a₂jaun₂ bá₄ 'niog'₂ jniog₄ ciudad jaun₂ a₂ně₃ guē₄ jíá₃.

† 12:29 Deuteronomio 4:24. * 13:5 Deuteronomio 31:6. † 13:6 Salmo 118:6-7.

15 Të₂le₃ quian'₅₄ Jesucristo jaun₂ ně₃, ma₃ jme₁juin'₂ jniog₄ Diú₄ co₂tan₅₄, co₂'nió'₄ a₂jen'₄ jniog₄ ne₄ 'éi₂ jág₁ a₂'uë'₂ mi₂'o₄ jniog₄ con'₂ dsi₂ten₅₄ jmo₃ dsa₂ i₂tió₂le₃ quió'₅ 'éi₂.

16 Ján₃ bá₄ tsá₃ o₁ló₄ dsi₂'én₂ 'au'₂ 'nia'₂ a₂dse₃ a₂qui₁cuë'₅₄ 'nia'₂ ca₂la₂ ríng'₂, 'e₂ a₂cha₂ quiáng'₂. Ia₁ jui₁lia'₂ a₂jen'₅₄ 'nia'₂ le₂jaun₂ bá₄ a₂të₅ dsi₅ Diú₄.

17 Né'₂ 'nia'₂ jmo₄ ja₁con₂ jui₁lia'₂ i₂quian₅ ne₄ jui₅, jme₁gan₃ 'nia'₂ 'éi₂. Ia₁ jmo₂₃ 'í jme₂dsí₂ quián'₂ 'nia'₂, a₂lín₅ dsa₂ i₂ca₂tín₂ dsi₃jang'₅₄ cuenta ja₁con₂ Diú₄. Jui₁le₅₄ bá₄ dse₃ ta₁ a₂niog₅ gu₂ 'éi₂ ia₁jaun₂ jmo₃ 'io'₂, on₃jua'₅₄ 'lia'₂ dsi₅, ia₁ tsá₃ ta₁ tí₄ ja₁con'₂ 'nia'₂ ně₁jua'₂ le₂jaun₂ ca₂'lia'₂ dsi₅.

18 Chi₁len'₄ 'nia'₂ Diú₄ o₄quián₂ jnia'₅₄, ia₁ caun₂ bá₄ 'ei₅ dsi₅ jnia'₅₄ a₂qui₂le₁jě₃ jme₂dsí₂ quián₂, ia₁ 'niog₂ bá₄ jnia'₅₄ qui₂i₁ni₁lia'₂ dsi₂ten₅₄ jě₄ ca₂le₃jě₃.

19 Ja₂lín₃ guë₄ dsen₅₄ mi₅ jniá₂ a₂chi₁len'₄ 'nia'₂ Diú₄ ia₁jaun₂ lé₂ nei₅₄ a₂i₁'ú₃ táng₃ ja₁con'₂ 'nia'₂ ŋi'₅₄ ta₁.

Ág'₅ jág₁ jě₁ca₂tó'₂, cui₂₃ Diú₄

20 Jui₁jmo₅₄ Diú₄ i₂jmo₅ 'ei₅ tei₄, i₂ca₂tág₃ táng₃ të₂le₃ quian'₅₄ jmi₂ a₂li'₅₄ jág₁ a₂jio₅ co₂tan₅₄, ca₂tág₃ Te₁gui'₅₄ Jesucristo quián₂ jniog₄ ja₁jme₁rë₂'liin₅₄, dsa₂ juin'₂ 'éi₂ juig₅₄ já'₂ cha'₂, 21 jui₁jmo₅₄ bá₄ Diú₄ jui₁jmoi'₅₄ 'nia'₂ dsa₂ rë₂'ŋia₅ jě₄ ca₂le₃jě₃ a₂dse₃ ia₁jaun₂ jmó'₂ a₂'ŋio₂ dsi₅ 'éi₂. Ján₃ bá₄ jui₁jmo₅₄ 'éi₂ 'e₂ 'nio₃ jmo₃ quian'₅₄ ca₂le₃jág₃ jniog₄ të₂le₃ quian'₅₄ Jesucristo. Jui₁le₂juin'₂ bá₄ 'éi₂ lia'₂ co₂tan₅₄. A₂méi₃.

22 Rin'₅₄ jniog₄, mi₅ jniá₂ quián'₂ 'nia'₂, jmo₄ bá₄ 'nia'₂ juin'₂ 'au'₂ quian'₅₄ jág₁ dse₃ la₂ a₂chi₁len'₄ jniá₂ 'nia'₂, ia₁ tsá₃ jua'₅₄ ŋí₄ lë₃ 'lióng₂ jág₁ ma₂në₂táun₂ jniá₂ ne₄ si₂.

23 Jui₁le₂ŋi'₅₄ 'nia'₂ jág₁ jui₁lia'₂ rin'₅₄ jniog₄ Timoteo: ma₂dsei₅ bá₄ dsa₂ né'₃ 'má₃. Ně₁jua'₂ ca₂guáin₂ ŋi'₅₄ ta₁, jaun₂ jain₅₄ jniá₂ jě₁ma₂tě₂ rë₂nei₅₄ jniá₂ i₁jing₁₂ 'nia'₂.

24 Cui₂₃ 'nia'₂ Diú₄ ca₂le₃jín₃ jui₁lia'₂ i₂jio₅ quián'₂ 'nia'₂, quian'₅₄ ca₂le₃jín₃ guë'₂ dsa₂ juig₂ quián₅ Diú₄. † Rin'₅₄ jniog₄ i₂chan₂ Italia cui₂₃ Diú₄ 'nia'₂.

25 Jui₁jme₂gu'₅₄ bá₄ Diú₄ ca₂le₃jín₃ 'nia'₂. A₂méi₃. §
Co₂në₅.

† 13:24 lit. “dsa₂ jnió₅.” § 13:25 A₂lín₅₄ chog₅₄ si₂ tsá₃ chi₁ton₅ “A₂méi₃.”

Si carta a cajmo₃ SANTIAGO

Jmo₅ Santiago si₂ a₂chein₃ ne₄ dsa₂ 'én₂ i₂tián'₅ ts₁rē₂jan₅₄ uíng₂

¹ Jniá₂ Santiago, líng₅ i₂jme₂ti₃ ne₄ Diú₄ quian'₅₄ ne₄ Te₁gui'₅₄ Jesucristo, cuíng₅ Diú₄ ta₁guia₃-tín₂ nió'₃ ts₁jion₂ dsa₂ juig₂ Israel i₂tián'₅ ts₁rē₂jan₅₄ ta₁caun₂ mi₂güí₃.

Ju₁lia'₂ jme₁jau'₂ 'í₁ a₂dsi₂ñi'₂ dsa₂ 'én₂ 'e₂ niog₅ dsi₂ñi₂

² 'Nia'₂ rin'₅₄ jniog₄, jmo₄ 'nia'₂ 'au'₂ a₂dseng'₃ guě₄ lín₃, jme₁dsi₂ñi'₂ 'nia'₂ ca₂le₃jě₃ ne₅₄ táu₂ a₂jau'₂ 'í₁ ja₁con'₂ 'nia'₂. ³ Ia₁ ma₂ñi'₅₄ bá₄ 'nia'₂ jě₁ma₂ca₂jáu'₃ 'í₁ 'a₂ lia'₂ 'én'₂ 'nia'₂, dsióg₄ lia'₂ ma₂tión'₂ jaun₂ bá₄ 'nia'₂ tiá₂. ⁴ La₁ cuin'₅₄ 'nia'₂ jmig₄ a₂le₃ñia₅ a₂ně₅ ja₁cong'₂, tió'₃ 'au'₂ 'nia'₂ jmo₄, jaun₂ dsi₁nóg'₅ léng'₂ dsa₂ i₂ma₂ca₂can'₅₄, i₂ma₂rě₂ñia₅ lia'₂ ñi'₂ dsi₄, tsá₃ ma₃'e₂ 'nió'₅ quián'₂ 'nia'₂.

⁵ Chi₂jua'₂ chan'₂ 'nia'₂ i₂'nió'₅ le₃ñi'₂ dsí₅, ju₁mi₁₂ ja₁con₂ Diú₄, jaun₂ 'éi₂ bá₄ cuě₃. Ia₁ Diú₄ i₂'ua₁ dsí₅ jmo₂₃ qui₂rě₂tin₂ ca₂le₃jín₃, on₃jua'₅₄ a₂tě₂jí₂. ⁶ La₁ ca₂tín'₂ 'nia'₂ a₂mí'₁ a₂éng'₂ tē₃dsón'₂ on₃jua'₅₄ a₂ág'₁ 'nia'₂ caun₂-tín₃ 'au'₂; ia₁ ju₁lia'₂ dsa₂ i₂'ag₅ caun₂-tín₃ dsí₅, lín₅ ju₁lia'₂ lě₅ jmig₂ a₂qui₂ráun₂ ne₄ jm₁ñi'₄, a₂qui₂jná'₅ can₂ dsí₂ ca₂taun₂ ca₂taun₂. ⁷ Dsa₂ i₂lín₅ le₂jaun₂, tsá₃ ju₁dsi₂jio₅ dsí₅ jua'₅₄ cha₂ a₂gue₃ quió'₅ Te₁gui'₅₄. ⁸ Ia₁ ju₁lia'₂ dsa₂ i₂'ei₅ tin₃ dsí₅ tsá₃ 'e₂ tiá₂ chén'₅ i₂le₂'éi₂ ca₂le₃jě₃ guě₄ 'e₂ a₂jmo₂₃, o₃ 'e₂ jág₁ quió'₅ cuě₂₃. ⁹ Dsa₂ rin'₅₄ jniog₄ i₂te₂ñé₂, ca₂tín₂ jmo₃ dsí₅ 'io'₂ jén'₅, ia₁ tē₃dsón'₂ bá₄ quein₅ le₂ja₁con₂ Diú₄. ¹⁰ Ju₁lia'₂ i₂cha₂ cu₄ guě'₂, ca₂tín₂ bá₄ jmo₃ 'io'₂ ján₃ ia₁ tsá₃ 'e₂ quein₅ ja₁con₂ Diú₄ quian'₅₄ cú₁. Ia₁ i₂lín₅ ju₁lia'₂ lě₅ lí₁ ni₁nau₂ bá₄ dsa₂ i₂cha₂ cu₄ ia₁ i₂dsi₂ñi'₂ bá₄ 'éi₂ ju₁la₂ 'ióg₃. ¹¹ Jě₁ma₂ca₂'ia₂* 'iog₂ dséi₅ 'ñio₅ lín₃ rě₂juing₅ bá₄ ni₁nau₂, rě₂quein₂, ta'₂ bá₄ lí₁ ján₃, 'én₂ bá₄ 'a₂ lia'₂ jlá'₁ jme₁jniá₂. Le₂ně₅ bá₄ lě₅ quian'₅₄ dsa₂ cha₂ cu₄: qui₂dsi₂ñi'₂ bá₄ tē₃ ja₁'no₂₃ cu₄.

On₃jua'₅₄ Diú₄ i₂jmo₅ a₂co₂dsi₂'én'₅ dsa₂

¹² 'E₂ guě₄ dsen₃ dsa₂ i₂tió'₅ jmo₅ juin'₂ dsí₅ jě₁ma₂qui₂iñi'₂ 'e₂ táu₂ i₂ñi'₂; ia₁ jě₁ma₂ca₂ñi₅ jaun₂, gue₃ ja₁le₃chain₂ dse₃, a₂lě₅ ně₂jag₄ bá₄ caun₂ corona a₂cuě₃ Diú₄ cuě'₃ ca₂le₃jín₃ i₂'nio₃ quió'₅. ¹³ Chi₂jua'₂ chan'₂ i₂lín₅₄ qui₂ja₂ bí₂ 'lig'₅₄ dsí₅, tsá₃ ju₁dsi₂jio₅ dsí₅ jua'₅₄ Diú₄ i₂jmo₅ a₂dsi₂jio₅ dsí₅ le₂jaun₂; ia₁ 'i₁caun₂ a₂'lig'₅₄ tsá₃ qui₅₄ jmig₄ jua'₅₄ a₂cáin₂ táu₂ Diú₄, on₃ guě'₂ cáun₂ Diú₄ táu₂ quió'₅ 'i₁jan₂ ia₁jaun₂ jmo₃ dsa₂ a₂'lig'₅₄. ¹⁴ Le₂la₂ bá₄ lě₅: guion₅₄ bá₄ dsa₂ ts₂cuin'₂ ju₁ ja₁'ín₅ dsí₅ jmo₃ a₂'lig'₅₄, ja₁tiáin'₃ dso₄, lín₅ ně₂jag₄ bá₄ ju₁lia'₂ jan₂ i₁ju₁ i₂nág'₅ mi₂cu₄. ¹⁵ Ne₄ ja₁'ín₅ dsí₅ jmo₃ a₂'lig'₅₄ ně₃, tē₂le₃ ne₄ ja₁ñó₄ jaun₂ rě₂jniá₂ dso₄ bá₄ ja₁coin₂; jě₁ma₂ca₂ñia₅ dso₄ ně₃, rě₃cha₂ 'mú₃.

¹⁶ 'Nia'₂ rin'₅₄ jniog₄ i₂'nióg₃, tsá₃ ju₁le₂gan'₂ 'nia'₂, ¹⁷ ia₁ ca₂le₃jě₃ a₂lě₅ a₂dse₃ lín₃ a₂guei₂ jniog₄ já₅ guei'₅₄ quió'₅ Diú₄ Jmei₂ jniog₄ i₂ca₂jmo₃ ca₂le₃jě₃ si₂ cha₂ guei'₅₄ dsi₂güig₂. La₁ ja₁con₂ Diú₄ 'i₁caun₂ tsá₃ 'e₂ jua'₅₄ a₂qui₂rě₂tsín₃, ju₁la₂ qui₂rě₂tsín₃ si₂ le₁'ág₄ guei'₅₄, 'ag₅ 'en'₂. ¹⁸ Lia'₂ ma₂lě₅ jaun₂ bá₄ con'₂ lě₅ ma₂ca₂rě₃ñi₃ dsí₅ 'ñiog₅, ma₂ca₂jmo₃ a₂ma₂ca₂rě₃chóng₃ jniog₄ tē₂le₃ quian'₅₄ jág₁ dse₃ a₂tí₅ quió'₅, ia₁jaun₂ léi₂ jniog₄ i₂le₂'uig₅₄ ju₁lia'₂ caun₂ a₂ca₂rau₂ ca₂le₃jě₃ a₂ma₂jmo₃ 'éi₂.

* **1:11** Co₂'nió'₄ le₃jua'₅₄, caun₂ cosa a₂tsá₃ 'i₁ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

Ju_ilia' jë'én₂ dsón' dsa₂ co₂dsau₅

¹⁹ Ju_ile₂ñi' ⁵⁴ 'nia' ₂ a₂la₂, rin' ⁵⁴ jniog₄: le₂jan' le₂jan' ₂ 'nia' ₂ rë₂jáng' ₁ a₂ñia' ⁵⁴ nág' ₁ de' ₂, tsá₃ 'nió' ₅ jua' ⁵⁴ a₂ma₂të₂chan' ⁵⁴ 'nia' ₂ jág₁ a₂ñag' ⁵⁴ dsi₂jui₅, on₃ guë' ₂ 'nió' ₅ tin' ₃ 'nia' ₂ dséng' ₂ në₃ cón' ₅. ²⁰ Ia₁ ju_ilia' ₂ quian' ⁵⁴ a₂dsén₂ dsa₂ tsá₃ lé₂ le₃jmo₃ a₂ñio₂ dsí₅ Diú₄. ²¹ Jaun₂ lë₃, tí₃ 'nia' ₂ ca₂le₃jë₃ a₂lig' ⁵⁴ a₂lë₅ dso₄ a₂ñi₄ 'ñio₅ cha₂jmig₄ në₃, jmo₄ 'nia' ₂ meg' ₂ guen₅₄ co₂ñei' ⁵⁴ jág₁ dse₃ a₂ma₂jnia₄ të₂'au' ₂ 'nia' ₂; ia₁ jág₁ dse₃ në₅ bá₄ a₂'io₅ jui₅bí₂ a₂lió₂ jme₂dsí₂ quián' ₂ 'nia' ₂.

²² La₁ ju_ile₂chan' ₂ 'nia' ₂ lia' ₂ con' ₂ lë₅ jág₁, on₃jua' ⁵⁴ rë' ₂ a₂ñia' ⁵⁴ 'nió' ₅ nág' ₁ 'nia' ₂. Ia₁ në₁jua' ₂ tsá₃ jme₂tí' ₁ 'nia' ₂, guion' ⁵⁴ bá₄ 'nia' ₂ jme₂gáng' ₁. ²³ Ia₁ ju_ilia' ₂ dsa₂ i₂ñia' ⁵⁴ të₅ dsí₅ nag₂₃, tsá₃ jmo₂₃ guë' ₂ a₂nag₂₃, lín₅ lia' ₂ lín₅ jan₂ dsa₂ i₂ñin' ₂ 'ñiog₅ ne₄ ni' ₁; ²⁴ la₁ jë₁ma₂ñó₅ cau₅ në₃, dsi₂'én₂ bá₄ táng₃ dsí₅ 'a₂ lia' ₂ jniái₂. ²⁵ La₁ 'e₂ guë' ₄ dsen₃ dsa₂ i₂tsá₃ dsi₂'én₂ dsí₅ 'e₂ nag₂₃ të₂le₃ 'ñio₅ lin₃ guë' ₄ tón' ₂ jui₅ rë₂ jág₅ 'éi' ₃ dse₃ a₂lión₂ dsa₂. Ia₁ jme₃gu' ⁵⁴ bá₄ Diú₄ chi₂jua' ₂ jmo₅ dsa₂ 'e₂ ta₁ qui' ₅ 'éi' ₃ jaun₂, caun₂ nau₂ tiá₂ bá₄.

²⁶ Chi₂jua' ₂ chan₂ i₂lín₅₄ lín₂ 'ñio₅ lin₃ jme₂ti₃ ne₄ Diú₄, la₁ në₁jua' ₂ tsá₃ con₂ guë' ₂ dsí₅ 'a₂ lia' ₂ dsia₂₃ jág₁ në₃, ján₃ bá₄ guion₅₄ i₂le₂'éi₂ jme₂gain₂₃, ia₁ a₂'éin₂ jaun₂ tsá₃ 'e₂ ta₁ tí₄. ²⁷ Ju_ilia' ₂ dsa₂ i₂'én₂ të₂dsón' ₂ lia' ₂ dsi₂ten₅₄ 'nio₃ Diú₄ Jmei₂ jniog₄, le₂la₂ bá₄ jmo₂₃: a₂jme₂oin₅₄ chi' ₂ 'nág₂ quian' ⁵⁴ 'io₅₄ 'nág₂ në₃, 'e₂ caun₂ o₂i₁ dsi₅ chan₂ 'éi₂, ton' ₂ jmo₂₃ 'í₁ a₂tsá₃ jme₃'ñioi₂₃ quian' ⁵⁴ a₂'lig' ⁵⁴ cha₂ mi₂güig₃.

2

¹ Rin' ⁵⁴ jniog₄, i₂'én₂ le₃quió' ₅ Te₁gui' ⁵⁴ Jesucristo i₂ñlán' ₁ quián₂ jniog₄, tsá₃ ca₂tín' ₂ 'nia' ₂ jing' ⁵⁴ jma₃quén₅ i₂la₂ i₂ó₃. ² Ju_ilia' ₂ të₃jë₄ tion' ⁵⁴ 'nia' ₂ le₂ñig' ₂, dsió₄ jan₂ dsa₂ cha₂ cu₄ i₂'i₄ anillo cu₄nió₄ gu₂, i₂chén' ₅ jlá' ₁, la₁ në₁jua' ₂ ján₃ guë' ₂ të₃jë₄ jaun₂ dsió₄ jan₂ dsa₂ te₂ñé₂ i₂chén' ₅ 'lig' ⁵⁴, ³ në₁jua' ₂ ca₂guen' ⁵⁴ 'nia' ₂ rë₂ lin₃ i₂qui' ₂ tsin' ⁵⁴ jlá' ₁, në₁jua' ₂ ca₂chei' ⁵⁴ 'nia' ₂: “Ñia₅ i₂né₂ ja₁dse₃ la₂”, la₁ i₂te₂ñé₂ guë' ₂ në₃ juig' ⁵⁴ 'nia' ₂: “Ne₂ jó₄ nau₂”, o₃ “ja₁lá₃ i₂né₂ 'uë₃ cau₅ ja₁tióng₂ tag₃”; ⁴ në₁jua' ₂ le₂në₅ jmo' ₂ 'nia' ₂, ma₂jing' ⁵⁴ jma₃quén₅ ríng' ₂, ma₂qui₂cáun' ₂ 'nia' ₂ 'í₁, a₂ma₂dsi₂jio₅ 'lig' ⁵⁴ 'au' ₂. ⁵ 'Nia' ₂ rin' ⁵⁴ jniog₄, nei₂ 'nia' ₂ a₂la₂: Diú₄ ma₂ca₂quióin' ₂ i₂lín₅ i₂te₂ñé₂ mi₂güig₃ la₂, ia₁ jaun₂ léin₂ dsa₂ jlán' ₁ quian' ⁵⁴ a₂'éin₂, ia₁ tin₃ ja₁gon₂ Diú₄ ja₁ma₂lë₅ jág₁ cuë' ₃ ca₂le₃jín₃ i₂'nio₃ quió' ₅. ⁶ La₁ 'nia' ₂ në₃ të₂le₃ o₂guí' ₃ bá₄ tsíng' ₂ dsa₂ te₂ñé₂. ¿Ia₁ on₁jua' ⁵⁴ dsa₂ cha₂ cu₄ guë' ₂ i₂jmóg' ₂ 'ang₂ quián' ₂ 'nia' ₂, qui₂tsin' ₂ 'nia' ₂ dsi₂chei' ₂ ne₄ dsi₂tan₅₄ në₃? ⁷ ¿On₁jua' ⁵⁴ dsa₂ le₂'éi₂ guë' ₂ i₂taun₂ 'lig' ⁵⁴ jmá' ₅ 'in₂₃ i₂chen₂ jlán' ₁, i₂le₃quió' ₅ ja₁tén' ₄ 'nia' ₂?

⁸ Në₁jua' ₂ dsi₂jó' ₃ jme₂tí' ₁ 'nia' ₂ 'éi' ₃ dsen₅₄ lia' ₂ con' ₂ lë₅ juá' ₂ ne₄ Si₂: “Jme'nió₄ dsa₂ mi₂güig₃ ríng' ₂ ju_ilia' ₂ 'nió₃ 'ñiag' ₂”, * dse₃ bá₄ në₁jua' ₂ jmo' ₂ 'nia' ₂ le₂jaun₂.

⁹ La₁ në₁jua' ₂ jin' ₄ 'nia' ₂ jma₃quén₅ i₂la₂ i₂ó₃, 'nau' ₂ 'nia' ₂ dso₄, ia₁ ma₂të₁dsi₅₄ 'Éi' ₃ ja₁con' ₂ 'nia' ₂ guiong' ⁵⁴; ma₂të₁tsin' ⁵⁴ 'nia' ₂ ma₂le₁cáng' ₄ bá₄. ¹⁰ Ia₁ ju_ilia' ₂ dsa₂ i₂jme₂ti₃ ca₂le₃jë₃ 'Éi' ₃, la₁ në₁jua' ₂ ca₂'liain' ₂ caun₂ 'éi' ₃ tio' ⁵⁴ në₃, ja₁jaun₂ ca₂rë₃cáin' ₂ ca₂le₃jë₃ bá₄ 'éi' ₃ a₂tio' ⁵⁴ ne₄ Si₂ jaun₂. ¹¹ Ia₁ Diú₄ 'éi₂ bá₄ i₂ca₂juá' ₂ jme₁ca₂juá' ₂: “Tsá₃ nió' ₄ 'nia' ₂ jág₁ quian' ⁵⁴ dsa₂ i₂tsá₃ lín₅ dsi₂i₂gog' ₂”, † ján₃ bá₄ i₂'éi₂ ca₂juá' ₂: “Tsá₃ jñig' ₄ dsa₂ mi₂güig₃ ríng' ₂.” ‡ Jaun₂ le₂në₅ chi₂jua' ₂ tsá₃ ca₂táng' ₂ guë' ₂ dso₄ quian' ⁵⁴ i₂tsá₃ lín₅ dsi₂i₂gog' ₂, la₁ në₁jua' ₂ ca₂jñig' ₃ guë' ₂ dsa₂ mi₂güig₃ ríng' ₂ në₃, ja₁jaun₂ ca₂rë₃cáng' ₂ bá₄ ta₁jë₂ 'Éi' ₃. ¹² Ca₂tín' ₂ 'nia' ₂ jmó' ₂ ton' ₂ dsiá' ₁ ju_ilia' ₂ dsa₂ i₂në₃ guë' ₄ të₂dsi₅₄ 'éi' ₃ quió' ₅ con' ₂ lë₅ 'éi' ₃ a₂lió₂. ¹³ Ia₁ ju_ilia' ₂ dsa₂ i₂tsá₃ ca₂dsia₃ ñéi₂ dsí₅ rin' ⁵⁴, ján₃ bá₄ le₂jaun₂ tsá₃ ñéi₂ dsí₅ Diú₄ dsia₃

* 2:8 Levítico 19:18. † 2:11 Éxodo 20:14; Deuteronomio 5:18. ‡ 2:11 Éxodo 20:13; Deuteronomio 5:17.

ja₁con₂ 'éi₂ jē₁ma₂tē₂ rē₁tē₃dsi₅₄ 'éi₃ quió'₅; la₁ jui₁lia'₂ i₂ca₂dsia₃ ηéi₂ dsí₅ rin'₅₄, a₂ηéi₂ dsí₅ jaun₂ bá₄ lí'₂ jē₁ma₂tē₂ rē₁tē₃dsi₅₄ 'éi₃ quió'₅.

Nió'₅ le₃jniá'₂ a₂'én₂ dsa₂

¹⁴ 'Nia'₂ rin'₅₄ jniog₄, ¿'e₂ bá₄ ta₁ jmo₃ nē₁jua'₂ chan₂ i₂juá'₂ ma₂'éin₂, nē₁jua'₂ tsá₃ guē'₂ 'e₂ a₂'ua₁ dsí₅ jmo₂₃? ¿Lé₂ le₃jua'₅₄ jniog₄ a₂tín'₄ dsa₂ le₂'éi₂ quian'₅₄ a₂'éin₂ le₂jaun₂? ¹⁵ Jua'₅₄ mei'₂ guē'₃ chan₂ jan₂ dsa₂ ηe'₂, o₃ jan₂ dsa₂ mí₂ rin'₅₄ jniog₄, 'in₂ tsin'₅₄, 'in₂ a₂guē'₃, 'oin₅₄ ηi₂₃ le₂o₃ jmig₄; ¹⁶ nē₁jua'₂ chan₂ 'nia'₂ i₂ca₂chei'₅₄: “Guan'₂ caun₂ dse₃ quiáng'₂”, o₃ “Guan'₂ o₂jme₁dsion'₂”, o₃ “Guan'₂ o₂jme₁tan₅₄ ja₁quiáng'₂”, nē₁jua'₂ tsá₃ ca₂cuē'₅₄ guē'₂ 'nia'₂ a₂dsen₅₄ a₂'nió'₅ quió'₅ ni₁ηi₁₂, ¿'e₂ bá₄ ta₁ jmo₃ a₂'én'₂ 'nia'₂ le₂nē₅? ¹⁷ Le₂nē₅ bá₄ lē₅ quian'₅₄ a₂'én₂ dsa₂: nē₁jua'₂ tsá₃ léi₄ qui₂rē₂jniá'₁ a₂jmo₅ dsa₂ a₂'ua₁ dsí₅, tsá₃ 'e₂ ta₁ tí₄ a₂'éin₂ jaun₂, lē₅ caun₂ co₂'nió'₄ a₂'lag₄ bá₄ jaun₂.

¹⁸ 'An₁ chan₂ bá₄ i₂juá'₂ nē₃: “'Én'₂ bá₄ 'ne₂, la₁ jniá'₂ guē'₂ jmo₂₃ a₂dse₃.” Jniá'₂ juá'₅: 'È₄ a₂'éng'₂, on₃jua'₅₄ quian'₅₄ a₂dse₃ a₂jmo'₂, jaun₂ jniá'₂ nē₃ jme₁jniag₅ a₂'éng₂ tē₂le₃ quian'₅₄ a₂dse₃ a₂jmo₂₃. ¹⁹ 'Én'₂ bá₄ 'ne₂ a₂chan₂ jan₂ Diú₄; ¿'e₂ a₂dse₃ jmo'₂ nē₁jua'₂ le₂jaun₂? Ján₃ bá₄ le₂nē₅ guē'₂ je₂na'₅₄ 'éin₂ a₂chan₂ Diú₄, la₁ jlein₂₃ bá₄. ²⁰ La₁ 'ne₂ nē₃ dsa₂ co₄, ¿'niog'₂ cuē'₅₄ jniá'₂ caun₂ léi₄ a₂tsá₃ 'e₂ quen₅ a₂'én₂ dsa₂ nē₁jua'₂ tsá₃ 'e₂ a₂dse₃ a₂qui₂rē₂jniá'₁ jmo₂₃? ²¹ ¿On₁jua'₅₄ ca₂tē₁tsin'₅₄ rē₂ Abraham ne₄ Diú₄ tē₂le₃ quian'₅₄ a₂dse₃ a₂jme₁jme₂jniai₂₃ lia'₂ con₂ jme₁ca₂jéin'₂ Isaac ja₁ηi'₅₄ quiáin₅ ne₄ Diú₄ a₂jme₁jñag'₃ ne₄ ne₄chei'₂? ²² Rē₂ de'₂ quion₂ 'nia'₂ 'í₁ 'a₂ lia'₂ ca₂lē₃ quian'₅₄ Abraham: ja₁jaun₂ ca₂rē₃jniá'₂ a₂'éin₂ tē₂le₃ quian'₅₄ a₂ca₂jmo₃ jaun₂, ja₁jaun₂ ca₂jáu'₃ 'í₁ ca₂ηia₅ a₂'éin₂ tē₂le₃ quian'₅₄ a₂ca₂rē₃jniá'₂ a₂ca₂jmo₃ jaun₂. ²³ Le₂nē₅ bá₄ ca₂rē₃ti₃ a₂juá'₂ ne₄ Si₂ 'iin₂₃ Abraham ja₁juá'₂: “Ca₂rē₃'éin₂ Abraham ja₁con₂ Diú₄; a₂ca₂rē₃'éin₂ le₂jaun₂ nē₃, ca₂guéi'₂ Diú₄ tē₂tsin'₅₄ lín₅ dsa₂ dsen₃.” § Jaun₂ Diú₄ nē₃ ca₂caun₃ ca₂lín₃ 'éi₂ a₂mei₅₄ quiáin₅. ²⁴ Ja₁nē₅ bá₄ rē₂jniá'₂ jaun₂ nē₃, 'a₂ lia'₂ tē₂tsin'₅₄ dsa₂ rē₂ ne₄ Diú₄ tē₂le₃ quian'₅₄ a₂dse₃ a₂jmo₂₃, on₃jua'₅₄ rē₂ a₂jñia'₅₄ 'nió'₅ juá'₂ a₂'éin₂. ²⁵ Ján₃ bá₄ le₂nē₅ ca₂lē₃ quian'₅₄ Rahab i₂jme₁'nag₅ quió'₅; *ca₂tē₁tsin'₅₄ rē₂ ne₄ Diú₄ tē₂le₃ quian'₅₄ a₂dse₃ a₂ca₂jmo₃: ca₂cuē₃ dsi₂néi₂ quió'₅ ca₂jñia₃ dsa₂ quián₅ Diú₄, ján₃ guē'₂ ca₂jme₃'oin₅₄ dsa₂ 'éi₂ ca₂'uág'₂ ju₁₅ siá'₂. ²⁶ Jaun₂ le₂nē₅ bá₄ ju₁lia'₂ ni₁ηi₁₅ a₂tsá₃ jme₂dsi₂ 'i₄, lē₅ caun₂ ni₁ηi₁₅ 'lag₄, ján₃ bá₄ le₂nē₅ lē₅ a₂'én₂ dsa₂, nē₂jag₄ bá₄ 'lag₄ ján₃ nē₁jua'₂ tsá₃ rē₂jniá'₂ a₂dse₃ a₂jmo₂₃.

3

Jui₁lia'₂ le₁tsi'₂ dsa₂

¹ Rin'₅₄ jniog₄, tsá₃ 'nió'₅ jua'₅₄ ju₁₅ i₂lén₂ tē₅ jin'₄ 'nia'₂, ia₁ ma₂ηi'₅₄ bá₄ 'nia'₂, 'ηio₅ guē'₄ bēn₂ 'éi₃ tē₃dsi₅₄ ja₁con₂ jniog₄ con₂ lág₅ i₂jme₂tín₁ rin'₅₄. ² Ia₁ ca₂le₃jág₃ bá₄ jniog₄ co₂dsi₂'éin'₅ ne₄ 'lióng₂ ne₅₄. Nē₁jua'₂ chan₂ i₂tsá₃ ma₃dso₄ 'no₅ 'i₁ca₂juig₄ ja₁dsia₂₃ jág₁, dsa₂ le₂'éi₂ lín₅ dsa₂ rē₂'ηia₅, i₂'io₅ bí₂ ne₄ ni₁ηi₁₂ 'ηiog₅, ta₁jain₂. ³ Jui₁lia'₂ jme₁tó'₅ dsa₂ ni₁ηi₁ mi₂'o₄ dsi₂cua₁ ia₁jaun₂ jme₃ti₃, lé₂ jéin'₂ dsa₂ ta₁jain₂ 'a₂ jui₅ 'nio₃ dsa₂ jiog₃. ⁴ Ní₂ de'₂ 'nia'₂ ján₃ ju₁lia'₂ ni₁barco ju₁'a₂ guē'₂ lia'₂ ca'₅₄ pa₁ lín₃, qui₂'lia'₂ dsí₂ tiá₂, dsa₂ i₂quian₅ nē₃ lé₂ le₃cán₂ 'a₂ jui₅ 'nio₃, quian'₅₄ caun₂ timón pí'₁ bá₄. ⁵ Le₂nē₅ bá₄ lē₅ quian'₅₄ le₁tsi'₂ dsa₂ ján₃; le₁tsi'₂ dsa₂ lē₅ caun₂ ni₁ηi₁₅ pí'₁ ton₅ ni₁ηi₁ dsa₂; 'e₂ bá₄ lín₂ lé₂ le₃jmo₃ 'lióng₂ jág₁ ca'₅₄. jñi₂ de'₂ 'nia'₂ ján₃, 'e₂ guē'₄ pa₁ 'ηa₁ má'₂ lé₂ le₃dsi'₂ quian'₅₄ ca₂míg₂ si₂ pí'₁!

⁶ Jaun₂ le₁tsi'₂ dsa₂ nē₃, lē₅ co₂'nió'₄ caun₂ si₂ a₂quian'₅₄ quió'₅ dsa₂. A₂lē₅ co₂'nió'₄ caun₂ mi₂güí₃ 'lig'₅₄ a₂ton₅ ni₁ηi₁ jniog₄, a₂jmo₅ ta₁ a₂qui₂rē₂'ηio₅ dsa₂

§ 2:23 Génesis 15:6; Romanos 4:3-22. * 2:25 'Nio'₂ ja₁ton₅, Josué 2:1-21; 6:17.

ta₁jain₂. Quian'₅₄ jág₁ dséi₂ a₂'niog₂ jniog₄, nē₂jag₄ bá₄ a₂guí'₂ si₂ le₁tsi'₂ jniog₄ jui₅ quián₂ tē₁lia'₂ chong₂, lě₅ nē₂jag₄ bá₄ si₂ a₂ca₂tín₂ bí₂ quian'₅₄ tsi'₅₄ si₂ a₂já₅ guio₃-juíg₃. ⁷ Qui'₅₄ jmíg₄ dsa₂ mi₂güí₃ jme₃'uáin₂ dsí₅ ca₂le₃jě₃ ne₅₄ já'₂ i₂tsau₂ dsí₅, já'₂ i₂'in₅, já'₂ i₂tsě'₅ quió'₅, já'₂ i₂chan₂ jmi₁ñí'₄ nē₃, ⁸ la₁ 'i₁jan₂ dsa₂ tsá₃ 'ein₂ ma₂tió'₃ jme₃'uáin₂ le₁tsi'₂ guioin₅₄. Lě₅ caun₂ a₂'lig'₅₄ a₂tsá₃ tei₄ lé₂ le₃jmo₃, qui₂rē₂can'₂ jág₁ dséi₂ nē₂jag₄ bá₄ mí₅ 'lig'₅₄ a₂dsan₂ dsa₂. ⁹ Quian'₅₄ le₁tsi'₂ jniog₄ jme₂juín'₁ Te₁gui'₅₄ quián₂ i₂lín₅ Jmei₂ jniog₄, ton'₂ ján₃ guē'₂ 'ín₅ 'lig'₅₄ dsa₂ mi₂güí₃ i₂ma₂ca₂jmo'₂ Diú₄ lia'₂ lě₅ nió'₄ quió'₅ 'niog₅. ¹⁰ Quian'₅₄ mi₂o₄ jniog₄ la₂, 'uē₂ jág₁ a₂jme₂juín'₁ Diú₄, ján₃ guē'₂ 'uē₂ jág₁ 'lig'₅₄ a₂'ín₅ dsa₂ rín'₅₄. Rín'₅₄ jniog₄, tsá₃ dsi₂ten₅₄ le₂nē₅. ¹¹ ¿'A₂ bá₄ lia'₂ chi₂jua'₂ caun₂ o₄tu₁ jmíg₂ lé₂ le₃'iá₃ jmíg₂ ráu₂ lia'₂ jmíg₂ dsi'₃ nē₃? ¹² 'Nia'₂ rín'₅₄ jniog₄, ¿lé₂ le₃lé₂ jua'₅₄ caun₂ ni₁'ma₂ a₂'ag₅ mí₂g higo, jua'₅₄ a₂jaun₂ 'ag₃ táng₃ mí₂g aceitunas? O₃, ¿lé₂ le₃lé₂ jua'₅₄ ca₂cho'₅₄ uing₂ uvas, a₂jaun₂ 'ag₃ táng₃ mí₂g higos? Já₃ bá₄ le₂nē₅, 'i₁caun₂ tu₄ jmíg₂ ja₁'ia₂ jmíg₂ ñi'₅₄ tsá₃ lé₂ le₃'iá₃ jmíg₂ ráu₂ nē₃.

Le₂la₂ dsón'₂ bá₄ lě₅ a₂dse₃ lia'₂ con'₂ dsi₂ten₅₄ le₃ñí'₂ dsí₅ dsa₂

¹³ Nē₁jua'₂ chan₂ jě₄ quián'₂ 'nia'₂ jan₂ i₂ñí'₂ dsí₅, jui₁jme₂jniai₂₃ jui₅ dse₃ 'a₂lia'₂ ñi₂₃ tē₂le₃ quian'₅₄ a₂jmo₃ a₂dse₃, a₂jmo₃ mei'₂ lia'₂ con'₂ lě₅ ñí'₂. ¹⁴ La₁ nē₁jua'₂ tion'₅₄ 'nia'₂ jmo'₂ uin₅ 'au'₂ cha₂ a₂dsi'₃ tē₂'au'₂ 'nia'₂, tiong'₅₄ cha₂ a₂ma₂'ín₅ 'au'₂ guiong'₅₄; nē₁jua'₂ le₂nē₅, tsá₃ ca₂tín'₂ 'nia'₂ jmó'₂ táng'₅, on₃ guē'₂ jmó'₂ tē₂jíng'₁ quian'₅₄ jág₁ tí₅. ¹⁵ Ia₁ a₂ñí'₂ dsí₅ dsa₂ le₂nē₅, on₃jua'₅₄ a₂já₅ guei'₅₄ nē₅; quió'₅ mi₂güí₃ bá₄. A₂lě₂ dsí₅ ni₁ñi₁ dsa₂ guioin₅₄, ta₁ quió'₅ je₂na'₅₄ bá₄ nē₅. ¹⁶ Ia₁ jui₁lia'₂ ja₁tion'₅₄ dsa₂ uin₅ dsí₅ quian'₅₄ rín'₅₄, ton'₂ co₂tan₅₄ cha₂ a₂ma₂'ín₅ dsí₅ dsa₂ a₂lí'₂ jmá'₃ guioin₅₄, ja₁le₂jaun₂ tsá₃ 'e₂ dse₃ chí'₅ tion'₅₄ dsa₂, ton'₂ jmo₅-dsáu₅ dsa₂ ca₂le₃jě₃ ne₅₄ a₂'lig'₅₄. ¹⁷ La₁ jui₁lia'₂ ja₁ñí'₂ dsón'₂ dse₃ dsí₅ dsa₂ a₂já₅ guei'₅₄ i₂juíg₃, jě₁le₂'uig₅₄ de'₂ chan₂ dsa₂ quian₅ caun₂ jui₅ le₁jě₃; ño₅ jaun₂ táng₃ 'no'₂ jui₅ ja₁'ag₃ tei₄; 'en₅₄ dsí₅ dsa₂ lín₅ nē₃; caun₂ dsáu₅ dsí₅ bá₄ 'e₂ caun₂ a₂lě₂; chain₂ ñéi₂ dsí₅ dsa₂ mi₂güí₃ rín'₅₄; jmo₂₃ jmá'₃ lia'₂ a₂dse₃; ton'₂ tsá₃ 'e₂ qui₂co₂₃ jág₁ quió'₅; ton'₂ tsá₃ jua'₅₄ a₂lě₁co₂jmo₂₃ o₁ne₁ nē₃. ¹⁸ Dsa₂ i₂quín'₅ bí₂ jne₂₃ a₂'ag₃ tei₄, jaun₂ ro'₂ a₂le₃chain₂ caun₂ jui₅ co₂dsau₅.

4

Jui₁lia'₂ jme₁tón'₅ dsa₂ 'én₂ jmo₂₃ já₃ a₂jmo₅ dsa₂ mi₂güí₃

¹ ¿'A₂ jui₅ já₅ mi₅ 'nei₂ a₂cha₂ jin'₄ 'nia'₂? ¿On₁jua'₅₄ 'uig₅₄ ia₁ a₂'niog'₂ 'nia'₂ le₃chang'₂ o₂'ñio₃ o₂ñia₃ 'au'₂, cuē₅ 'nei₂ ni₁ñí'₁ 'nia'₂? ² Cha₂ a₂'niog'₂ 'nia'₂ jui₁lia'₂ a₂tsá₃ cha₂ quiáng'₂. Uin₅ 'au'₂ 'nia'₂ líng'₅. Ia₁ tsá₃ le₃lén'₂ 'nia'₂ a₂'ín₅ 'au'₂. Jmo'₂ 'nia'₂ mi₅₄, dsia'₂ 'nia'₂ 'nei₂ nē₃, la₁ tsá₃ cha₂ quián'₂ 'nia'₂ nē₃, ia₁ tsá₃ mi₅. ³ Jui₁lia'₂ jme₁mi₂ guē'₂ 'nia'₂, la₁ tsá₃ ñí'₂ guē'₂ 'nia'₂ 'uig₅₄ ia₁ tsá₃ mi₅ 'nia'₂ con'₂ dsi₂ten₅₄, ia₁ a₂ñia'₅₄ 'niog'₂ 'nia'₂ 'éng'₄ a₂le₃chang'₂ o₂'ñio₃ o₂ñia₃ 'au'₂ bá₄. ⁴ 'E₂ guē₄ lín'₅ 'nia'₂ jui₁lia'₂ lín₅ dsa₂ mí₂ i₂tsá₃ jen₅₄ dsi₂i₂gu₂, qui₂'no'₂ jui₅ dsó₅ quian'₅₄ i₂sián'₂! ¿Tsa₁ ñi'₅₄ 'nia'₂, jui₁lia'₂ dsa₂ i₂jen'₂ dsí₅ quian'₅₄ mi₂güí₃, i₂le₂'éi₂ tē₂tsin'₅₄ lín₅ i₂'ña₅₄ Diú₄ bá₄? Jaun₂ lě₃, jui₁'ein₂ guē₃ i₂jen'₂ quian'₅₄ mi₂güí₃, i₂'ña₅₄ Diú₄ bá₄ 'éi₂. ⁵ ¿O₃ bá₄ lín'₂ 'nia'₂, on₃jua'₅₄ 'e₂ cha₂ jein₅ jág₁ a₂juá'₂ ne₄ Si₂: “Jme₂dsí₂ i₂ma₂cuin₃ i₂'en₅₄ jě₄ quián₂ jniog₄, dsi'₅ 'ñio₅ lín₃ ia₁ a₂'nio₃ jniog₄?”* ⁶ La₁ tē₂le₃ 'ñio₅ guē₄ bēn₂ a₂'ua₁ dsí₅ Diú₄ a₂cuē₂₃ jniog₄; 'uig₅₄ jaun₂ juá'₂ ne₄ Si₂:

* 4:5 'Nio'₂ ja₁ton₅ Éxodo 20:5.

Nau₂ Diú₄ quein₅ ne₄ dsa₂ i₂jmo₅ tán'₅,

la₁ jmo₂₃ 'ua₁ dsí₅ ja₁con₂ dsa₂ i₂jmo₅ me'₂,†

⁷ Tión'₂ 'nia'₂ o₄gú₃ Diú₄. Tsá₃ lē₁cuín₅ 'nia'₂ i₂sē₃dsen₃, jaun₂ i₂cuing₃ bá₄ 'éi₂ ja₁con'₂ 'nia'₂. ⁸ Jme₁quián₄ 'nia'₂ tē₂le₃ ja₁con₂ Diú₄, jaun₂ bá₄ jme₃quián₃ 'éi₂ ja₁con'₂ 'nia'₂ ján₃. 'Nia'₂ dsa₂ i₂qui₂rē₂cán'₄ dso₄, rang₂ 'nia'₂ gog'₂; jmo₄ 'nia'₂ le₁jē₃ tē₂'au'₂, 'nia'₂ dsa₂ i₂le₁'ág₄ caun₂-tín₃ dsí₅. ⁹ Tión'₂ 'nia'₂ quian₂ o₂i₁ dsí₅, qui'₂-o₄. Nág'₄ quián'₂ 'nia'₂, jui₁le₂tsín₃ jui₁le₅₄ a₂qui'₂-áu'₂ 'nia'₂; ján₃ guē'₂ le₂nē₅ nē₁jua'₂ chan'₂ 'nia'₂ i₂'io'₂ jén'₅, jme₁tsín₄, tión'₂ 'nia'₂ 'lia'₂ 'au'₂. ¹⁰ Jmo₄ 'nia'₂ meg'₂ tē₂le₃ ne₄ Te₁gui'₅₄, jaun₂ bá₄ chó'₂ 'éi₂ táng₃.

Diú₄ bá₄ i₂ca₂tín₂ con₂ 'í₁

¹¹ Rin'₅₄ jniog₄, tsá₃ 'ín₅ 'nia'₂ 'lig'₅₄ ríng'₂ le₂jang'₂ le₂jang'₂. Ia₁ jui₁lia'₂ i₂'ín₅ 'lig'₅₄ jan₂ rin'₅₄, o₃ ŋi₂₃ qui₂con₂ 'í₁, co₂'nió'₄ 'lig'₅₄ bá₄ 'ē₅ 'éi₂ 'Éi'₃ quió'₅ Diú₄, ton'₂ jmo₂₃ dsí₅ tsá₃ 'e₂ quen₅ 'Éi'₃. Ia₁ nē₁jua'₂ cáun'₂ 'ne₂ 'í₁ ne₄ 'Éi'₃, co₂'nió'₄ bá₄ a₂ma₂jmo'₂ 'au'₂ ján₃ a₂líng'₅ jan₂ i₂'io₅ bí₂ con₂ 'í₁ ne₄ 'Éi'₃ 'nió'₄ a₂jme₁ti'₄ 'ŋiag'₂. ¹² Jan₂ tan₅₄ bá₄ i₂chan₂ i₂ca₂tín₂ cuē₃ 'éi'₃; i₂'éi₂ bá₄ lín₅ i₂'io₅ bí₂ dsí₃ 'éi'₃, jaun₂ 'ŋiog₅ bá₄ 'éi₂ nē₃ lé₂ le₃lió₂ o₃ 'liog'₃ 'e₂. La₁ ¿i₂'ein₂ bá₄ 'ne₂? ¿'E₂ lē₃ cáun'₂ 'í₁ quió'₅ dsa₂ mi₂güí₃ ríng'₂?

¹³ Nē₃ nē₃, nei₂ 'nia'₂ a₂la₂, 'nia'₂ i₂jag₄ juá'₂: “Nē₃ o₃ 'ióg₃, dsau₅₄ ciudad nē₅, o₃ ciudad ó₃; ja₁jaun₂ dsí₁ŋag₅₄ caun₂ ŋi₂ dsí₁'nág₁ dsí₁jmó₁ 'ma'₅₄ jaun₂ léi₂ cu₄.”

¹⁴ La₁ 'i₁ca₂juig₄ tsá₃ jaun₂ ŋi'₅₄ 'nia'₂ 'e₂ lé₂ 'ióg₃, dsí₂jui₅ ja₁o₁nóg'₅. Ia₁ jui₁lia'₂ lē₅ caun₂ bē'₅₄ jnei₅ tei₂ bá₄ lín₅ 'nia'₂, nē₃ jniá₂ 'ei₅, nē₃ cón'₅ tsá₃ ma₃cha₂ táng₃.

¹⁵ 'Nió'₄ a₂jme₁dsiá'₂ 'nia'₂ jág₁ le₂nē₅, le₂la₂ bá₄ ca₂tín'₂ 'nia'₂ dsiá'₁: “Chi₂jua'₂ le₂jaun₂ 'nio₃ Te₁gui'₅₄ le₃chong₂ jniog₄, jaun₂ bá₄ dsí₁jmó₁ a₂la₂ a₂ó₃.” ¹⁶ La₁ 'nia'₂ nē₃, ting'₂ dsia'₂ jág₁ tá'₅ jmo'₂ 'nia'₂ róng'₂; ca₂le₃jē₃ a₂dsia₅ dsa₂ jág₁ le₂nē₅, 'lig'₅₄ bá₄. ¹⁷ Jaun₂ nē₃, dsa₂ i₂ŋi₅ a₂dse₃ a₂lé₂ le₃jmo₃, la₁ nē₁jua'₂ tsá₃ ca₂jmo₃ nē₃, dso₄ bá₄ jaun₂ le₃quió'₅ 'éi₂.

5

A₂rē₂'ē₂ jág₁ ja₁con₂ dsa₂ cha₂ cu₄

¹ ŋi₂ 'nia'₂ a₂la₂, 'nia'₂ dsa₂ i₂cha₂ cu₄! Qui'₂-o₄, guio'₅₄ 'nia'₂ o₄quió'₄ ca₂le₃jē₃ ne₅₄ jmi₁ui₅ a₂dsi₃ŋí'₂ 'nia'₂. ² Ca₂le₃jē₃ a₂cha₂ quián'₂ 'nia'₂ ma₂'áu₁, le₂jaun₂ guē'₂ 'mi₂ a₂quí'₂ 'nia'₂ ma₂quí'₅ i₁cá₁. ³ Cu₄nióg₄ cu₄tiog₂ quián'₂ 'nia'₂ qui₂ma₂'io₂ juí'₅. Já₅ caun₂ jmi₄ jáng'₃ léi₄ juí'₅. A₂nē₅ bá₄ a₂co₃dsag₅₄ quián'₂ 'nia'₂, a₂dsiá₃ ni₁ŋi'₁ 'nia'₂ guiong'₅₄, lé₂ nē₂jag₄ bá₄ si₂. Ia₁ 'ŋio₅ lín₃ qui₂ma₂dsiá'₅₄ 'nia'₂ le₁má'₂ ca₂le₃jē₃ ne₅₄ a₂cha₂ quiáng'₂, jmi₄ jē₁ca₂tó'₂ la₂. ⁴ jJag₄! 'Lian'₅₄ dsa₂ i₂qui₂ma₂jmo₃ ta₁ ja₁nau₂ quián'₂ 'nia'₂ 'lian'₅₄ dsa₂ a₂tsá₃ ca₂qui'₅₄ 'nia'₂, guió'₅ 'o₂₃; le₂jaun₂ guē'₂ jág₁ quió'₅ guion₅₄ dsa₂ 'éi₂, ma₂dsi₃lé₂ gua₄ Te₁gui'₅₄ Juig₅₄ 'Lióg₂. ⁵ Ia₁ 'ŋio₅ lín₃ dse₃ jlá'₁ ma₂ca₂rē₃chán₃ 'nia'₂ ne₄ gua'₅₄ 'uē₃ la₂, ma₂qui₂ma₂quian'₂ 'nia'₂ o₂'ŋi₃ o₂ŋia₃ dsí₅. Ma₂ca₂jme₁'on'₁ 'nia'₂ lia'₂ 'on'₅₄ ca₁jui₅; la₁ já₅ jmi₄ ja₁dsián'₃ 'nia'₂ jui₁lia'₂ dsan₂ ca₁jui₅. ⁶ 'Nia'₂ ma₂qui₂ma₂'liáng'₃ ma₂ca₂jme₁dsiang'₂ dsa₂ i₂tsá₃ 'e₂ rin₂; ¿tsa₁ lín'₂ 'nia'₂ ŋŋia'₅₄ dsa₂ 'éi₂ mi₃ tē₃dsi₅₄ 'éi'₃ jmi₄ jaun₂?*

A₂chan₂ dsa₂ juin'₂ dsí₅ lín₅ caun₂ chi₁ŋŋia₂₃ a₂jéin'₃ Diú₄ 'e₂ ma₂mi₃

⁷ Jaun₂ nē₃, rin'₅₄ jniog₄, jmo₄ 'nia'₂ juin'₂ 'au'₂ ca₂lia'₂ ca₂tē₂ jmi₄ i₁guan'₂ Te₁gui'₅₄. Jui₁lia'₂ jan₂ dsa₂ i₂jmo₅ ta₁ ja₁nau₂ chi₁ŋŋia₂₃ ráu₃ dse₃ lín₃ ta₁ quió'₅, jaun₂ caun₂ jmo₂₃ juin'₂ dsí₅ bá₄ chi₁ŋŋia₂₃ a₂guá₂ le₂'uig₅₄ jmí₅ tiá₄, a₂tē₅₄ jein₂

† 4:6 Proverbios 3:34. * 5:6 o₃, “tsá₃ jua'₅₄ a₂jaun₂ tsá₃ ca₂guen₃ 'éi₂.”

jmí₅ ně₃. ⁸ Le₂ně₅ bá₄ 'nia'₂ ján₃, jmo₄ 'nia'₂ juín'₂ 'au'₂, caun₂ 'éi'₂ 'nia'₂ 'au'₂, ia₁ ja₂quián₃ bá₄ jmí₄ a₂guan'₂ Te₁gui'₅₄. ⁹ Rín'₅₄ jniog₄, tsá₃ ma₃o₁le₅₄ 'au'₂ 'nia'₂ jua'₅₄ a₂caun₂ qui₁'ní'₄ guě₄ 'nia'₂ ríng'₂ le₂jang'₂ le₂jang'₂, ia₁jaun₂ bá₄ tsá₃ tē₃dsi₅₄ 'éi'₃ ja₁con'₂ 'nia'₂ guiong'₅₄. Ia₁ juě₄ i₂qui₃dsi₅ 'éi'₃ ně₂jag₄ i₂ma₂chén'₅ o₄'né₄ bá₄ 'éi'₂. ¹⁰ 'Nia'₂ rín'₅₄ jniog₄, quian₂ 'nia'₂ jui₅ jui₁lia'₂ jui₅ a₂ca₂can₃ dsa₂ i₂ca₂'ě₂ jág₁ quián₅ Te₁gui'₅₄ ma₂líg'₂. Ca₂rě₃juín'₃ dsí₅ ne₄ ca₂le₃jě₃ jmí₁ui₅ a₂ca₂i₃ñi₂. ¹¹ Jag₄ jaun₂, jmo₂ jniog₄ dsí₅, 'e₂ guě₄ dsen₃ dsa₂ i₂ca₂nau₂ tiá₂ 'éi'₂. Ján₃ bá₄ ñi'₅₄ 'nia'₂ 'a₂ lia'₂ ca₂rě₃juín'₃ dsí₅ Job, ca₂nau₂ tiá₂, ton'₂ ñi'₅₄ bá₄ 'nia'₂ ján₃ 'a₂ lia'₂ ca₂jme₃gu'₅₄ táng₃ Te₁gui'₅₄ quió'₅ 'éi'₂ jě₁ca₂tó'₂. Ia₁ le₂ně₅ bá₄ jau'₂ 'í₁ i₂'ua₁ dsí₅ lín₃ bá₄ Te₁gui'₅₄, ton'₂ ñéi₂ dsí₅.

¹² Le₂ně₅ bá₄, jmo₄ 'nia'₂ ne₄ ca₂le₃jě₃, rín'₅₄ jniog₄, jui₁lia'₂ jme₁dsia'₂ 'nia'₂ jág₁, tsá₃ lě₁'ě₂ 'nia'₂ guei'₅₄ i₂juíg₃, on₃ guě'₂ 'ě₂ 'nia'₂ gua'₅₄ 'uě₃, on₃ guě'₂ 'i₁caun₂ cosa siá'₂ a₂lě₁'ě₁ 'nia'₂ jua'₅₄ a₂'íng'₄ Diú₄. Jě₁ma₂tě₂ rě₁dsiá'₁ 'nia'₂ jág₁, jua'₅₄ 'nia'₂ “ján₅”, jui₁le₂ti₃ bá₄ “ján₅” jaun₂; ján₃ bá₄ le₂ně₅ jui₁lia'₂ jme₁jua'₂ 'nia'₂ “jan₂'ón₄”, jui₁le₂ti₃ bá₄ “jan₂'ón₄” jaun₂, ia₁jaun₂ tsá₃ tē₃dsi₅₄ 'éi'₃ ja₁con'₂ 'nia'₂.

¹³ Nějua'₂ 'ein₂ 'nia'₂ chan₂ o₂i₁ dsí₅, jui₁chi₂lén'₂ ne₄ Diú₄. Nějua'₂ 'ein₂ guě'₂ chan₂ i₂'ei₅ dse₃ dsí₅, jui₁'ě₁₂ son₅₄ a₂rě₂juín'₂ Diú₄. ¹⁴ Nějua'₂ chan₂ 'ein₂ i₂dso'₅₄, ca₂tiín₂ tě'₂ dsa₂ can'₅₄ quián₅ guá'₅, † ia₁jaun₂ chi₃lén'₂ 'éi'₂ Diú₄ ne₄ quió'₅, jaun₂ tsáng₂ no'₅₄ lia'₂ con'₂ lě₅ 'éi'₃ quió'₅ Te₁gui'₅₄. ¹⁵ Ia₁ jě₁chi₂lén'₂ dsa₂ Diú₄ a₂'éin₂ tē₃dsón'₂, 'lión₂ dsa₂ dso'₅₄; chó'₂ bá₄ Te₁gui'₅₄. Nějua'₂ 'e₂ dso₄ ma₂táin'₂ ně₃, 'én₂ bá₄ dsáu₁. ¹⁶ Jaun₂ lě₃, jme₁nia₅ 'nia'₂ ne₄ ríng'₂ 'e₂ ma₂qui₂ma₂'lian'₂ 'nia'₂, ján₃ guě'₂ chi₂lén'₄ 'nia'₂ Diú₄ o₄quió'₄ ríng'₂ le₂jang'₂ le₂jang'₂ ia₁jaun₂ 'lión'₂ 'nia'₂. Ia₁ jui₁lia'₂ dsa₂ i₂tión₂ rě₂ ne₄ Diú₄, 'io₅ bí₂ jág₁ quió'₅ 'e₂ caun₂ a₂mi₂₃ ne₄ Diú₄. ¹⁷ Elías jme₁lín₄ jan₂ dsa₂ lia'₂ lág₅ jniog₄; jme₁ca₂mi₃ jě₄ chi₂lén'₂ Diú₄ a₂co₂ñei'₅₄ tsá₃ ma₃téin₃ jmí₅, jaun₂ 'ni₅ ñi₂ tē₂ ca₂dsio₄ tsá₃ ma₃jmí₅ ca₂tang₂ ne₄ gua'₅₄ 'uě₃. ¹⁸ Cang₂ jaun₂, ca₂mi₃ táng₃ ne₄ Diú₄, jaun₂ ca₂tang₂ táng₃ jmí₅, ca₂rau₂ táng₃ ne₄ gua'₅₄ 'uě₃.

¹⁹ 'Nia'₂ rín'₅₄ jniog₄, ně₁jua'₂ chan₂ 'nia'₂ i₂dsi₂cón'₅ dsí₅ jui₅ dsau₅, ně₁jua'₂ jan₂ guě'₂ i₂ca₂jéin'₂ táng₃, ²⁰ dsá₂ 'au'₂ 'nia'₂ jmo₄ a₂la₂: jui₁'ein₂ guě₃ i₂jén'₂ jan₂ dsa₂ i₂rě₂cán'₄ dso₄ jui₅ 'líg'₅₄ a₂jme₁ma₂ñó₅, lióin₂ jme₂dsí₂ quió'₅ 'éi'₂ ne₄ 'mú₃, jaun₂ le₂ně₅ jlě₂ 'lióng₂ dso₄ dsí₂'én₂ ně₃.

Co₂ně₅.

† 5:14 griego: presbíteros.

Si₂ carta le₂'uig₅₄ a₂ca₂jmo₃ SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂ i₂tián₅ tsi₁rë₂jan₅₄ uing₂

¹ Jniá₂ Pe₄, líng₅ dsa₂ i₂chen₄ quián₅ Jesucristo jmo₂₃ si₂ la₂ tsing₂ ne₄ ca₂le₃jín₃ dsa₂ i₂tsi₁rë₂jan₅₄ i₂ma₂lín₅ co₂'nió₄ dsi₂nau₂ i₂tián₅ uing₂, le₂tan₅₄ 'uë₃ Ponto, quian₅₄ Galacia, Capadocia, Asia, Bitinia ně₃, ² ne₄ ca₂le₃jín₃ dsa₂ i₂ma₂quion₅₄ quián₅ Diú₄ Jmei₂ jniog₄ lia₂ con₂ lě₅ ma₂i₃jio₅ dsí₅ ca₂le₂jniá₅. Ca₂quió₂ Diú₄ tē₂le₃ quian₅₄ ta₁ quió₅ Jme₂dsí₂ quián₅ ia₁jaun₂ ma₂lě₅ 'í₁ 'nia₂, ia₁jaun₂ le₃chang₂ jme₁ti₄ ne₅₄, chan₂ 'nia₂ qui₂le₁jě₃ jme₂dsí₂ quiáng₂ ně₃, rē₂jnióg₄ le₁séng₅ jmi₂ 'an₅₄ Jesucristo. Jaun₂ juá₅ jniá₂, jui₁chan₂ bá₄ 'nia₂ dse₃ ne₄ ca₂le₃jě₃ ne₅₄ a₂dse₃ jme₂gu₅₄ Diú₄, 'ei₅ tei₄ ja₁con₂ 'nia₂ ca₂le₃jíng₃.

'A₂ lia₂ chan₂ dsa₂ caun₂ bá₄ a₂le₁'ág₄ dsí₅ a₂ma₂rē₂'én₄ dsá_{u1}, tīn₄ guei₅₄ i₂juíg₃

³ Jui₁le₂juin₂ bá₄ Diú₄ Jmei₂ Te₁gui₅₄ Jesucristo quián₂, ia₁ ca₂dsia₃ nē₂ dsí₅ 'nio₅ lín₃ jniog₄, ca₂cuē₃ jme₂dsí₂ 'mí₂, ma₂jmo₃ bá₄ a₂ma₂ca₂rē₃chóng₃ táng₃ jniog₄ tē₂le₃ quian₅₄ jui₅bí₂ a₂ca₂jen₅₄ táng₃ Jesucristo jin₄ 'lag₄. 'Uig₅₄ nē₅ bá₄ a₂chong₂ jniog₄ caun₂ bá₄ qui₂le₁'ág₄ dsí₅ a₂dsi₁no₃ tág₄ guei₅₄ i₂juíg₃. ⁴ Ton₂ jmo₃ a₂guéi₁ 'nia₂ a₂ma₂lě₅ jág₁ a₂tíng₅₄ cuē₃ Diú₄, a₂lě₅ caun₂ a₂tsá₃ ton₅ jmi₂g₄ dsí₃'én₂, on₃ guē₂ lē₂ le₃'lig₅₄, on₃ guē₂ ton₅ jmi₂g₄ le₃juing₅ ně₃. Ca₂le₃jě₃ a₂ně₅ ma₂lě₅ co₂jnia₅₄ rē₂'ma₄ guei₅₄ i₂juíg₃ quián₂ 'nia₂. ⁵ Tē₂le₃ ia₁ a₂'én₂ 'nia₂ ma₂jmo₂₃ 'í₁ quian₅₄ jui₅bí₂ quió₅ a₂dsi₁no₃ 'nia₂ tíng₄ a₂le₃jniá₂ jmi₂g₄ jē₁ca₂tó₂ i₁lión₂ 'nia₂.

⁶ 'Uig₅₄ nē₅ bá₄ ně₃ jui₁chan₂ 'nia₂ qui₂le₁'ág₄ dse₃ 'au₂, 'io₂ jéng₂, tsá₃ a₂léi₂ jui₁la₂ 'lióng₂ táu₂ a₂qui₂dsi₃hí₂ 'nia₂ co₂'na₂. ⁷ Ia₁ lia₂ lě₅ cu₄nióg₄ bá₄ lě₅ 'én₂ 'nia₂: jaun₂ tion₅₄ 'nió₅ cáu₃, nág₅ si₂, jióg₂ 'í₁ le₃léi₄ chi₂jua₂ tē₃dsón₂ bá₄ dse₃. Jui₁lia₂ jau₂ 'í₁ cu₄nióg₄ tē₂le₃ quian₅₄ si₂, ján₃ bá₄ le₂ně₅ jióg₂ 'í₁ a₂'én₂ 'nia₂ tē₂le₃ quian₅₄ uig₅ a₂niog₅ qui₂dsi₂hí₂. Ia₁ a₂'én₂ 'nia₂ nē₅, quen₅ guē₄ 'nio₅ lín₃ lia₂ con₂ guē₄ cu₄nióg₄, ia₁ cu₄nióg₄ ně₃, a₂dsi₂'én₂ bá₄ jaun₂. Jaun₂ ně₃ jē₂ma₂ca₂o₃'ág₃ jág₁ a₂'én₂ 'nia₂ tē₃dsón₂, jaun₂ guē₄ 'ag₃ Diú₄, 'én₂ bá₄ 'nia₂ dse₃ lín₃, ton₂ qui₂jme₃go₃ bá₄ dsa₂, jaun₂ guéin₂ bá₄ 'nia₂ guei₅₄ i₂juíg₃ jē₁ma₂ca₂rē₃jniá₂ Jesucristo.

⁸ 'Nió₃ bá₄ 'nia₂ Cristo jui₁la₂ tsá₃ ma₂ca₂tē₂ ne₅₄ 'nia₂. Caun₂ bá₄ qui₂le₁'ág₄ 'au₂ 'nia₂ le₃quió₅ 'éi₂, jnia₅₄ la₂ tsá₃ ma₂ca₂jīn₅₄ 'nia₂ dsón₂ dsi₁ne₁ la₁ 'nio₅ lín₃ bá₄ 'io₂ jén₂ 'nia₂ ca₂lia₂ tsá₃ ne₄ 'a₂ lia₂ le₃jua₅₄, ⁹ ia₁ le₂ně₅ bá₄ ma₂lín₂ 'nia₂ jui₅ ja₁ma₂lón₂ jme₂dsí₂ quiáng₂; ia₁ ja₁jaun₂ dsi₁no₃ dsón₂ bá₄ 'nia₂ lia₂ con₂ lě₅ 'éng₂.

¹⁰ Jui₁lia₂ jág₁ a₂lió₂ Diú₄ nē₅, lia₂ con₂ lě₅ jme₁'ě₂ dsa₂ quián₅ Diú₄ jág₁ ma₂líg₂, ca₂juá₂ tē₃jniá₅ 'a₂ lia₂ jmo₃ 'ua₁ dsí₅ jme₃goin₅₄ 'nia₂, jaun₂ dsa₂ 'éi₂ ně₃ ca₂'náu₃ jág₁ dsau₅ ca₂cáun₃ 'í₁ rē₂ lín₃, ¹¹ 'ein₂ dsón₂ 'éi₂, o₃ 'e₂ 'ió₄ a₂nág₃ uig₅, a₂le₃juin₂ táng₃ cang₂ jaun₂. Ca₂jmo₃ bá₄ dsa₂ 'éi₂ ně₃ lia₂ con₂ lě₅ ca₂'ě₃ Jme₂dsí₂ quián₅ Cristo jui₅ tē₂dsí₅. ¹² Ca₂jme₃jnia₅ Diú₄ jág₁ a₂qui₂ca₂hí₂ dsí₅ dsa₂ 'éi₂, la₁ on₃jua₅₄ a₂dse₃ ja₁coin₂ guoin₅₄, a₂dse₃ tē₂le₃ ja₁con₂ 'nia₂ bá₄ a₂ca₂jme₃ti₃ 'éi₂ lia₂ con₂ jme₁ca₂'ě₂ jág₁, co₂rē₂ bá₄ lia₂ con₂ lě₅ jág₁ a₂ma₂ca₂rē₃'ě₂ ja₁con₂ 'nia₂ tē₂le₃ quian₅₄ Jme₂dsí₂ Jnió₅ i₂chen₄ já₅ guei₅₄ i₂juíg₃. Ca₂le₂jio₅ ángeles ně₃, jme₁'ín₅ dsí₅ tē₃ ne₅₄ ca₂le₃jě₃ a₂ně₅.

Diú₄ ma₂ca₂tē₃ jniog₄ a₂le₃chong₂ le₁jě₃ jme₂dsí₂ quián₂

13 Jaun₂ rē₂ján' ₁ 'nia' ₂ jmo₄ a₂le₂ñí' ₂ dsei' ₂ a₂le' _{en}₅₄ 'au' ₂ 'nia' ₂. Caun₂ bá₄ le' _{ág}₄ 'au' ₂ 'nia' ₂ jmo₄ a₂le₁jan' ₄ a₂jme₃gu' ₅₄ Diú₄ jmig₄ jē₁ma₂tē₂ rē₁jme₃nia₅ Jesucristo. 14 La₁ jui₁len' ₅₄ 'nia' ₂ chí' ₂-guein₂ dsen₃ quián₅ Diú₄ i₂qui₂rē₂tí' ₅₄. Tsá₃ ma₃tián' ₂ 'nia' ₂ jua' ₅₄ a₂qui₂dsi₂jñia₅ guē₄ 'lig' ₅₄ 'au' ₂, lia' ₂ jme₁líng' ₄ le₂jñiá₅ lia' ₂ con' ₂ tsá₃ 'e₂ jme₁ma₂ñi' ₅₄ 'nia' ₂ le₃quió' ₅ Diú₄. 15 Tē₂le₃ jui₁le₂chan' ₂ bá₄ 'nia' ₂ qui₂le₁jē₃ tē₂'au' ₂ qui₂rē₂jñió₄ co₂ñei' ₅₄ jme₂dsi₂ quiáng' ₂ quian' ₅₄ ca₂le₃jē₃ guē₄ a₂jmo' ₂ 'nia' ₂. Ia₁ i₂jñió₅ lín₃ bá₄ Diú₄ i₂ma₂ca₂tē₃ 'nia' ₂. 16 Ia₁ juá' ₂ ne₄ Si₂: “Jui₁le₂jñió' ₄ bá₄ 'nia' ₂, ia₁ i₂jñió₅ bá₄ jniá₂ 'ñió₃.”*

17 Chi₂jua' ₂ tē' ₂ 'nia' ₂ “Tia₅₄” i₂qui₂con' ₂ 'í' quió' ₅ le₂jan₂ le₂jan₂ dsa₂ lia' ₂ con' ₂ lē₅ ma₂jmo₃, la₁ tsá₃ jma₃quén₅ jín₂ ca₂le₃jín₃, jaun₂ ca₂tín' ₂ 'nia' ₂ jme₁gain' ₃ ca₂le₃jē₃ jmig₄ tē₂lia' ₂ chan' ₂ 'nia' ₂ líng' ₅ nē₂jag₄ bá₄ dsi₂nau₂ ne₄ gua' ₅₄ 'uē₃ la₂. 18 Ia₁ ma₂ñi' ₅₄ bá₄ 'nia' ₂, on₃jua' ₅₄ a₂ca₂quin₃ quian' ₅₄ cosa a₂tsá₃ uē₂ jiog₅, quian' ₅₄ jui₁lia' ₂ cu₄nióg₄ cu₂tiog₂ a₂ca₂lióin' ₂ 'nia' ₂ ne₄ jui₅ a₂tsá₃ ta₁ tí₄ a₂jme₁le₁quian' ₄ 'nia' ₂, a₂ca₂rē₂tíng' ₃ ca₂ñág₃ dsa₂ can' ₅₄ quiáng' ₂. 19 Ca₂quin' ₂ 'nia' ₂ tē₂le₃ quian' ₅₄ jmi₂ 'an' ₅₄ Cristo a₂quen₅ guē₄ lín₃, a₂ca₂ñó₃ qui₂rē₂jein' ₅₄ ne₄ Diú₄ nē₂jag₄ bá₄ já' ₂ cha' ₂ i₂tsá₃ 'e₂ 'lig' ₅₄ lín₅ 'i₁caun₂. 20 Ia₁ lia' ₂ con' ₂ né' ₃ a₂nió₃ mi₂güig₃, jme₁ma₂rē₂'ín₁ bá₄ a₂lióin' ₂ dsa₂ mi₂güig₃. Ia₁ ma₂ca₂rē₃jniái₂ jmig₄ jē₁ca₂tó' ₂ rē₂nē₃, a₂dse₃ o₄quián' ₂ 'nia' ₂. 21 Ia₁ tē₂le₃ quian' ₅₄ 'éi₂ bá₄ 'én' ₂ 'nia' ₂ le₃quió' ₅ Diú₄ i₂ca₂jme₃jen' ₅₄ Cristo ja₁jme₁rē₂'lín₅₄, jaun₂ ca₂jme₃jláu' ₁ nē₃. 'Uig' ₅₄ jaun₂, jui₁le' _{ág}₄ 'au' ₂ 'nia' ₂ 'éng' ₂ tē₂le₃ quió' ₅ Diú₄.

22 Nē₃ nē₃ ma₂le₁jín' ₃ bá₄ 'nia' ₂ ia₁ ma₂jme₂tí' ₁ 'nia' ₂ jág₁ tí₅, ia₁ tē₃dsón' ₂ bá₄ ma₂'nió' ₃ 'nia' ₂ ríng' ₂, jme₁'nió' ₄ 'nia' ₂ ríng' ₂ le₂jang' ₂ le₂jang' ₂ jaun₂ nē₃ ca₂le₃jē₃ 'au' ₂.† 23 Ia₁ ma₂ca₂rē₃chán' ₃ 'nia' ₂ táng₃, la₁ on₃jua' ₅₄ lia' ₂ lē₅ rē₃chan' ₂ jaun₅ dsa₂ i₂dsan₂. A₂ca₂líng' ₃ jaun₅ Diú₄ bá₄ i₂tsá₃ líg' ₂ jmig₄ dsián₃. Ca₂rē₃cháng' ₃ tē₂le₃ quian' ₅₄ jág₁ jén' ₃ quió' ₅ Diú₄ bá₄ a₂jiog₅ co₂tan₅₄. 24 Ia₁ ne₄ Si₂ juá' ₂:

Ca₂le₃jín' ₃ dsa₂ mi₂güig₃

lín₅ jui₁lia' ₂ lē₅ ni₁nau₂,

ca₂le₃jē₃ 'a₂ lia' ₂ jláin' ₁

lē₅ lia' ₂ lē₅ lí₁ jlá' ₁ quió' ₅ ni₁nau₂.

Jē₁ma₂ca₂rē₃quén' ₃ ni₁nau₂,

ca₂tá' ₂ bá₄ lí₁ ján₃.

25 La₁ jág₁ quió' ₅ Te₁gui' ₅₄ jiog₅ co₂tan₅₄ bá₄.†

Jaun₂ jág₁ dse₃ a₂lión' ₂ dsa₂ nē₅ ma₂ca₂rē₃'ē₂ jin' ₄ 'nia' ₂.

2

1 Jaun₂ nē₃, co₂dsia₅ tí₃ 'nia' ₂ ca₂le₃jē₃ ne₅₄ a₂'lig' ₅₄, quian' ₅₄ 'a₂ lia' ₂ lē₅ jme₁chan' ₂ 'nia' ₂ jmo' ₂ o₁ne' ₄, o₁gang' ₂, jme₁chan' ₂ 'nia' ₂ jmo' ₂ uig' ₅₄ 'au' ₂, ca₂le₃jē₃ guē₄ a₂lē₁chi₂dsia' ₂ 'nia' ₂ 'íng' ₅ ríng' ₂. 2 Jmo' ₄ 'nia' ₂ nē₂jag₄ bá₄ guein' ₂ pí' ₁ i₂'ín₅ dsi₅ 'ín' ₂ dsi' ₅₄ jmá' ₅ a₂gu₂dsi₂, jaun₂ tē₂le₃ quian' ₅₄ a₂jaun₂ qui₂dsi₃can' ₅₄ 'nia' ₂ ca₂lia' ₂ ca₂'ñia₅ i₁lión' ₂ 'nia' ₂, 3 chi₂jua' ₂ tē₃dsón' ₂ bá₄ ma₂ca₂rē₃len' ₄ 'nia' ₂ jmá₂ a₂dse₃ dsi₅ Te₁gui' ₅₄.*

Cristo bá₄ i₂lín₅ ni₁'lau₂ jén' ₃

4 Jme₁quián' ₄ 'nia' ₂ ja₁con' ₂ Te₁gui' ₅₄ i₂lín₅ ni₁cang₁ jén' ₃. Dsa₂ mi₂güig₃ nē₃ tsá₃ ca₂rē₃jei' ₅₄, la₁ tē₂le₃ quió' ₅ Diú₄ nē₃ lē₅ ni₁cang₁ rē₂quió' ₅₄ a₂jlá' ₁ a₂quen₅ guē₄ lín₃. 5 Le₂nē₅ bá₄ 'nia' ₂ ján₃, jmo' ₄ 'nia' ₂ 'au' ₂ a₂líng' ₅ co₂'nió' ₄ ni₁cang₁ jén' ₃ a₂jmó' ₂ Diú₄ ta₁ a₂jui₂₃ jmóg' ₅ caun₂ 'né₅ a₂gu₂dsi₂, ia₁jaun₂ dsi₁nó' ₅ 'nia' ₂ léng' ₂ co₂'nió' ₄

* 1:16 Levítico 11:14,45; 19:2; 20:7. † 1:22 A₂lín₅₄ chog₅₄ si₂: “a₂le₁jē₃ 'au' ₂.” ‡ 1:25 Isaías 40:6-8.

* 2:3 Salmo 34:8.

jme₂dsa₂i₂lě₅ 'í₁ quiáin₅ i₂qui₂jén' ₅ 'e₂ qui₂jén' ₅ ne₄ Diú₄ a₂gu₂dsí₂ a₂lě₅ a₂'ñio₂ dsí₅ 'éi₂ gue₂₃ tē₂le₃ quian' ₅₄ Jesucristo. ⁶ Ia₁ ne₄ Si₂ juá' ₂ ján₃:

la₂ dsián₄ jniá₂ ciudad Sión i₂lín₅ ni₁cang₁

quió' ₅ qui' ₅₄ 'uig₅₄ 'ia' ₂.

Ca₂le₃jín₃ i₂'én₂ le₃quió' ₅,

o₁líg' ₂ tsá₃ 'ag₃ caun₂-tin₃ dsí₅.†

⁷ Tē₂le₃ quián' ₂ 'nia' ₂ i₂'éng' ₂, ni₁'lau₂ jaun₂ lě₅ a₂quen₅ 'ñio₅ lin₃. La₁ tē₂le₃ quió' ₅ i₂tsá₃ 'én₂ ně₃, rē₂ti₃ jui₁lia' ₂ juá' ₂ ne₄ Si₂:

Ni₁cang₁ a₂tsá₃ ca₂rē₃ji' ₅₄ dsa₂ i₂jme₁jmo₅ 'né₅,

ca₂lě₃ ni₁cang₁ a₂dsen₅₄ guě₄ quió' ₅ qui' ₅₄ 'ia' ₂.‡

⁸ Rē₂ti₃ ján₃ ja₁juá' ₂ ne₄ Si₂:

ni₁cang₁ a₂qui₂nió₅ dsa₂,

ni₁'lau₂ a₂jmo₅ a₂dsi₂gan' ₅₄ dsa₂.§

'Uig₅₄ ia₁ a₂tsá₃ 'nio₃ jme₃ti₃ jág₁ dse₃, qui₂nió₅ jui₁lia' ₂ ma₂'i₄ 'éi' ₃ dsí₃ñí₂.

Dsa₂ i₂tén₅ le₃quió' ₅ Diú₄

⁹ Ma₂lín' ₅ bá₄ 'nia' ₂ ně₃, jon₂ dsa₂ i₂rē₂quion' ₅₄ quián₅ Diú₄. Lín₅ co₂nió' ₃ jme₂dsa₂ i₂jme₂ti₃ ta₁ ne₄ Rag₅₄, caun₂ juig₂ jnió₅, dsa₂ juig₂ quián₅ Diú₄ 'ñiog₅. Ca₂le₃jě₃ a₂ně₅ lín' ₅ 'nia' ₂, ia₁jaun₂ qui₂jme₁jnia' ₅ 'nia' ₂, ca₂le₃jě₃ a₂jlá' ₁ a₂ma₂jmo₃ Diú₄. Ia₁ 'éi₂ bá₄ ma₂ca₂'uín' ₂ 'nia' ₂ jě₄ qui₁né' ₃, ca₂tág₃ tē₂le₃ ja₁jniá₂ si₂ jlá' ₁ quió' ₅. ¹⁰ Le₂jniá₅ ně₃, tsá₃ dsa₂ juig₂ jme₁lín' ₄ 'nia' ₂; la₁ rē₂ně₃ ně₃ ma₂ca₂dsi₃nó' ₅ 'nia' ₂ ma₂lín₅ dsa₂ juig₂ quián₅ Diú₄. Ca₂le₂jniá₅, 'i₁jan₂ tsá₃ 'ein₂ jme₁ñéi₂ dsí₅ 'nia' ₂; la₁ rē₂ně₃, Diú₄ ma₂ca₂tá' ₂ ñéi₂ dsí₅.

Tián' ₂ 'nia' ₂ a₂jme₁ti' ₄ ne₄ Diú₄

¹¹ 'Nia' ₂ rin' ₅₄ jniog₄ i₂'nióg₃, 'nia' ₂ i₂tiáng' ₅ uín₂ i₂ma₂lín₅ ně₂jag₄ bá₄ dsi₂nau₂, chi₂len' ₄ jniá₂ 'nia' ₂ co₂dsia₅ tí₃ 'nia' ₂ ca₂le₃jě₃ a₂'lig' ₅₄ a₂'ín₅ dsí₅ ni₁ñi' ₁ a₂jmo₅ 'nei₂ ja₁con₂ jme₂dsí₂ quián' ₂ 'nia' ₂. ¹² I₂nio₄ bá₄ 'nia' ₂ con' ₂ dsi₂ten₅₄ jin₄ dsi₂nau₂ juig₂ ja₁tiáng' ₄, ia₁jaun₂ jui₁la₂ 'ag₂₃ 'iín₂₃ 'nia' ₂ 'lig' ₅₄ a₂jág₂ jín₂ 'nia' ₂ ně₂jag₄ bá₄ dsa₂ i₂le₁cán' ₄ dso₄, la₁ jě₁ma₂ca₂tě₂ ne₅₄ a₂dse₃ jmo' ₂ 'nia' ₂, jme₃juin' ₂ bá₄ Diú₄ jě₁ma₂tě₂ rē₁tě₃dsi₅₄ 'éi' ₃.

¹³ Ia₁ a₂gan' ₃ 'nia' ₂ Te₁gui' ₅₄, tión' ₂ 'nia' ₂ ca₂le₃jě₃ 'éi' ₃ qui' ₅ jui₁'ein₂ guě₃ dsi₂tan₅₄ i₂dsián₁ quián₅ dsa₂ ne₄ gua' ₅₄ 'uě₃ la₂; tión' ₂ 'nia' ₂ 'éi' ₃ qui' ₅ jui₁lia' ₂ gui' ₅₄ dsi₂tan₅₄ emperador ¹⁴ lia' ₂ 'éi' ₃ quió' ₅ i₂lín₅ dsi₄má' ₂ i₂dsián₁ quiáin₅, a₂cuě' ₃ uig₅ dsa₂ i₂jmo₅ 'lig' ₅₄, la₁ dse₃ 'iín₃ dsa₂ i₂jmo₅ a₂dse₃. ¹⁵ Ia₁ a₂ně₅ bá₄ a₂'nio₃ Diú₄; a₂jmo' ₂ 'nia' ₂ ca₂ne₅₄ a₂dse₃, ia₁jaun₂ dsi₃lén₂ tei₄ dsa₂ co₄ i₂'in₅ 'lig' ₅₄ 'nia' ₂ ia₁ a₂tsá₃ ñi₅.

¹⁶ I₂nio' ₄ bá₄ 'nia' ₂ jaun₂, lia' ₂ jě₁i₂nio₄ dsa₂ i₂ma₂ca₂lón₂ i₂ma₂ca₂niá₃ jui₅ quió' ₅, la₁ tsá₃ o₁leng' ₅₄ jua' ₅₄ a₂ma₂rē₂na₄ jui₅ ia₁jaun₂ 'náu' ₁ dso₄. Jui₁le₂chan' ₂ 'nia' ₂ a₂lín₅ dsa₂ i₂jme₂ti₃ ta₁ ne₄ Diú₄. ¹⁷ Jme₁gan₃ 'nia' ₂ ca₂le₃jín₃ dsa₂; jme₁'nió₄ 'nia' ₂ rín₂g' ₂ ně₃. Jme₁gan₃ 'nia' ₂ Diú₄, ton' ₂ jme₁gan₃ 'nia' ₂ dsi₂tan₅₄ dsa₂ juin' ₂.*

Caun₂ jág₁ dsau₅ 'a₂ lia' ₂ lě₅ jmi₁uig₅ a₂ca₂i₃ñí₂ Cristo

¹⁸ 'Nia' ₂ guě' ₂ dsa₂ i₂jme₂ti₃ ta₁ ne₄ dsa₂, tión' ₂ 'nia' ₂ 'ei₅ gau₂ ca₂le₃jě₃ 'e₂ te₂néi' ₂ juig' ₂ 'nia' ₂. Ca₂tín' ₂ 'nia' ₂ jme₁ti' ₄, on₃jua' ₅₄ jmá' ₃ ne₄ dsa₂ dsen₃ i₂juin' ₂ dsí₅; ca₂tín' ₂ bá₄ 'nia' ₂ jme₁ti' ₄ le₂jio₅ ne₄ dsa₂ i₂tsau₂ dsí₅ ně₃. ¹⁹ Ia₁ ja₂lin₃ guě₄ dse₃ tē₂tsin' ₅₄ dsa₂ ne₄ Diú₄ jme₁jmo₂₃ tió' ₃ dsí₅ ñág₅ uig₅ on₃jua' ₅₄ a₂cha₂

† 2:6 Isaías 28:16. ‡ 2:7 Salmo 118:22. § 2:8 Isaías 8:14. * 2:17 lit. "jme₁gan₃ 'nia' ₂ rag₅₄."

rín₂, ne₄ ia₁ a₂lí₄ dsí₅ a₂ñio₂ dsí₅ Diú₄ bá₄. ²⁰ Ia₁ nē₁jua₂ jmo₂ 'nia₂ tió₃ 'au₂ jme₁qui₂dsi₂bang₅₄ ne₄ 'uig₅₄ dsáu₂ 'nia₂ guiong₅₄, ¿'e₂ a₂dse₃ a₂lé₂ le₃guéi₁ 'nia₂ nē₁jua₂ le₂jaun₂? La₁ nē₁jua₂ ñag₅₄ 'nia₂ uig₅ ne₄ 'uig₅₄ a₂dse₃ a₂jmo₂, ton₂ jmo₂ 'nia₂ tió₃ 'au₂, ia₁ le₂nē₅ bá₄ dsióg₄ tē₃tsín₅₄ 'nia₂ dse₃ ne₄ Diú₄. ²¹ Ia₁ ta₁ jaun₂ ma₂ca₂rē₃tē₄ 'nia₂, ia₁ ján₃ bá₄ ca₂ñág₃ Cristo uig₅ o₄quián₂ 'nia₂, a₂ca₂quiog₂ caun₂ jui₅ ia₁jaun₂ le₂nē₅ i₁nio₄ 'nia₂ jui₁lia₂ ca₂ñi₃ 'ñiog₅.

²² 'I₁caun₂ dso₄ tsá₃ 'e₂ ca₂'nú₂,

on₃ gué₂ 'i₁ca₂míg₂ jág₁ a₂jui₁gain₂ ca₂o₃'ág₃ mi₂'o₅₄;†

²³ jme₁qui₂ca₂jnaú₂ dsa₂ jág₁ uig₅, tsá₃ le₂jaun₂ ca₂jéin₃ jág₁ jua₅₄ a₂ca₂quiain₃ dsa₂ jué₅. Tē₂le₃ caun₂ bá₄ ca₂'ág₂ dsí₅ ca₂dsiain₃ o₄gú₃ i₂qui₃dsi₅ 'éi₃ lia₂ t₅.

²⁴ Le₂nē₅ bá₄ ca₂cáun₃ Cristo jui₅ ñi₁ñi₁₂ 'ñiog₅ dsáu₁ jniog₄ jme₁ca₂ñó₃ ne₄ cróg₄ ia₁jaun₂ dsióg₃ jniog₄ ne₄ dso₄, a₂le₃chong₂ táng₃, quián₁ caun₂ jui₅ co₂dsau₅; ne₄ a₂qui₂ca₂cuín₂ Cristo ca₂'lón₂ bá₄ 'nia₂. ²⁵ Ia₁ le₂ñiá₅ jme₁i₂nio₄ 'nia₂ lia₂ ja₁i₂nio₄ já₂ cha₂ i₂ma₂i₂cón₅,‡ la₁ rē₂nē₃ ma₂ca₂jén₃ bá₄ táng₃ 'nia₂ le₃quió₅ Cristo. 'Éi₂ bá₄ i₂jniog₅, niog₅ gu₂, jmo₅ 'í₁§ jme₂dsi₂ quián₂ 'nia₂.

3

'A₂ lia₂ dsi₂ten₅₄ le₃chan₂ dsa₂ i₂le₁jen₂ gu₂

¹ Le₂nē₅ bá₄ ján₃, 'nia₂ dsa₂ m₂i₂le₁jen₂ gu₂, tión₂ 'nia₂ 'éi₃ quió₅ dsi₂i₂gog₂, ia₁jaun₂ nē₁jua₂ chan₂ i₂tsá₃ 'én₂, lé₂ le₃join₅₄ ia₁jaun₂ le₃'éin₂ ján₃, on₃jua₅₄ a₂'nió₅ juig₅₄ 'nia₂ jág₁ 'lióng₂, tē₂le₃ quian₅₄ jui₅ 'a₂ lia₂ lē₅ i₂nio₄ bá₄ 'nia₂,

² ia₁ tē₃ ne₅₄ a₂ma₂lín₂ 'nia₂ dsa₂ i₂le₁jē₃ dsí₅, i₂ñi₅ 'a₂ lia₂ jme₃go₃. ³ Tsá₃ jui₁le₅₄ jua₅₄ a₂ñia₅₄ tión₂ 'nia₂ jlá₁ j₁má₃ lia₂ le₃co₅₄, quian₅₄ jui₁lia₂ a₂ñi₄ jlá₁ qui₂rē₂lag₄ dsei₂, o₃ a₂qui₂le₁lín₄ 'nia₂ jui₁lia₂ quian₅₄ m₂íg₂ cu₄nióg₄, tsín₂ jlá₁ nē₃. ⁴ Qui₁jmo₅₄ bá₄ 'nia₂ jláng₁ tē₂le₃ quian₅₄ a₂rē₃'ma₄ tē₂'au₂ 'nia₂, a₂rē₂lag₄ quian₅₄ caun₂ jme₂dsi₂ a₂jmo₂ 'nia₂ meg₂. A₂rē₃lín₄ dsa₂ le₂nē₅ bá₄ lē₅ caun₂ a₂jlá₁ a₂tsá₃ líg₂ jmi₄ dsi₃'én₂, ton₂ quen₅ 'ñio₅ lín₃ tē₂le₃ ja₁con₂ Diú₄. ⁵ Ia₁ le₂nē₅ bá₄ jme₁qui₂le₁lín₄ dsa₂ m₂i₂le₁lē₄ 'í₁ quián₅ Diú₄ ma₂líg₂: jme₁i₂nioi₅₄ caun₂ bá₄ jme₁le₁'ág₄ dsí₅ le₃quió₅ Diú₄, ton₂ tióin₅₄ 'éi₃ quió₅ dsi₂i₂gu₂.

⁶ Ján₃ bá₄ le₂nē₅ jme₁lín₄ Sara, ca₂ñág₂ gau₂ jág₁ quió₅ Abraham, jaun₂ ca₂tē₃ "Gui₅₄ quiáng₃". Le₂nē₅ bá₄ dsi₁nó₅ 'nia₂ léng₂ jui₁lia₂ jme₁lín₄ 'éi₂, nē₂jag₄ bá₄ chi₂ quián₅ bá₄ ján₃, nē₁jua₂ ca₂jmo₅₄ con₂ dsi₂ten₅₄, tsá₃ ma₃'e₂ gau₂ jíá₃ 'au₂ 'nia₂.

⁷ Le₂nē₅ bá₄ ján₃, 'nia₂ dsa₂ ñe₂, jmo₄ 'nia₂ 'en₅₄ 'au₂ 'a₂ lia₂ tiáng₄ quian₅₄ dsa₂ m₂i₂ quiáng₂, jui₁ñei₂ bá₄ a₂ca₂tín₂ jme₁gain₃ 'nia₂, ia₁ lín₅ i₂'uan₅₄ gué₄ lia₂ con₂ gué₄ guiong₅₄, lín₅ co₂'nió₄ caun₂ ni₁vaso a₂go₂ gué₄; ia₁ co₂rē₂ bá₄ lín₅ 'nia₂ dsa₂ i₂rē₂gon₅₄ i₂ca₂tín₂ le₃chan₂ dse₃. Le₂nē₅ jmo₄ 'nia₂ ia₁jaun₂ 'i₁caun₂ tsá₃ 'e₂ jnág₅ cha₂ jē₁ma₂tē₂ rē₁chi₁len₄ 'nia₂ Diú₄.

Dsa₂ i₂ñág₅ uig₅ ne₄ ia₁ a₂jmo₂₃ a₂dse₃

⁸ Jē₁ca₂tó₂ rín₅₄ jniog₄, jui₁chan₂ bá₄ 'nia₂ ca₂le₃jíng₃ 'ei₅ caun₂ jág₁, jeng₂ quian₅₄ ríng₂; 'ua₁ 'au₂ 'nia₂ jmo₄; jme₁'nió₄ 'nia₂ ríng₂; jui₁chan₂ 'nia₂ ñéi₂ 'au₂; jmo₄ 'nia₂ meg₂ né₃. ⁹ Tsá₃ lē₁jein₅₄ 'nia₂ 'lig₅₄ quian₅₄ a₂'lig₅₄; tsá₃ tē₁óng₁ dsa₂ i₂tē₂'o₂. Tē₂le₃ jein₅₄ jág₁ dse₃ a₂jme₃gu₅₄ Diú₄ quió₅ dsa₂ le₂'éi₂. Ia₁ ta₁ nē₅ bá₄ a₂'nio₃ Diú₄ jmó₂ 'nia₂ a₂ma₂ca₂tē₃, ia₁jaun₂ bá₄ t_{in}₃ 'nia₂ jme₃gu₅₄ Diú₄. ¹⁰ Ia₁:

Ca₂le₃jín₃ dsa₂ i₂'nio₃ le₃chan₂ dse₃

ca₂tín₂ jmo₃ 'í₁ le₁tsi₂

† 2:22 Isaías 53:9. ‡ 2:25 'Nio₂ ja₁ton₅ Isaías 53:5,6. § 2:25 griego: episkopos.

jaun₂ tsá₃ 'ñiáí₃ jág₁ 'lig'₅₄,
on₃ gué'₂ 'nió'₅ 'ué'₃ jág₁ tē₂jág₁ mi₂'o₅₄.

11 Co₂dsia₅ 'nió'₅ quiá'₂ dsa₂ cau₅
jui₁lia'₂ jui₅ 'lig'₅₄, jmo₃ ca₂ne₅₄ a₂dse₃;
'nió'₅ 'no'₂ dsa₂ jui₅ ja₁'ei₅ tei₄,
jaun₂ jui₅ jaun₂ 'en₃.

12 Ia₁ jme₁ne₁ Te₁gui'₅₄ tsá₃ 'na₂ jíin₂ dsa₂ dsen₃,
ton'₂ rē₂jáin₁ nag₂₃ 'e₂ chi₂léi'₂ dsa₂ quiáin₅,
la₁ tē₂le₃ quió'₅ i₂jmo₅ a₂'lig'₅₄,
le₂cau₅ bá₄ jéin'₅ ne₅₄.*

13 ¿I₂'ein₂ bá₄ lé₂ le₃jmo₂'g'₂ nē₁jua'₂ dsen₅₄ 'au'₂ 'nia'₂ ca₂jmo'₅₄ a₂dse₃? 14 La₁
jui₁'a₂ gué'₃ la₂ ñag'₅₄ 'nia'₂ uig₅ ne₄ ia₁ a₂jmo'₂ 'nia'₂ a₂dse₃, la₁ia₁ 'e₂ gué'₄ dsen'₃
'nia'₂ chang'₂ jua'₅₄ le₂jaun₂. Tsá₃ jmo₂ 'nia'₂ gang'₃ 'e₂ a₂gó'₅ dsa₂ 'éi₂ chain₂,
on₃ gué'₂ cán'₁ 'nia'₂ jué'₅.† 15 Tē₂le₃ jmo₄ bá₄ 'nia'₂ 'au'₂ a₂lín₅ Cristo jui₅'g'₂ 'nia'₂
i₂ñi₅, a₂lě₅ 'í₁ tē₂'au'₂ 'nia'₂. Chan'₂ 'nia'₂ rē₂jáng'₁, a₂jein'₅₄ jág₁ quió'₅ dsa₂
i₂'nio₃ le₃ñi₅ 'a₂ lia'₂ lě₅ a₂'ín₂ 'au'₂ 'nia'₂. Jñia'₅₄ lia'₂ jmo₄ a₂nē₅ jmá'₃ lia'₂ quian'₅₄
a₂'ua₁ 'au'₂, a₂jme₁gan'₃ 'nia'₂ dsa₂ nē₃, a₂qui₂le₁jě₃ a₂qui₂dsi₂ñi₅ 'au'₂, 16 ia₁jaun₂
le₃gui'₅₄ dsa₂ i₂chi₂'ag₅ 'lig'₅₄ o₄quió'₄ jui₅ dse₃ a₂i₂nio'₄ 'nia'₂ le₃quió'₅ Cristo.
17 Nē₁jua'₂ le₂jaun₂ 'nio₃ Diú₄, ja₂lín₃ gué'₄ dse₃ a₂ñág₅ dsa₂ uig₅ ne₄ ia₁ a₂jmo₂₃
a₂dse₃, lia'₂ con'₂ gué'₄ ne₄ a₂jmo₂₃ a₂'lig'₅₄.

18 Ia₁ le₂nē₅ bá₄ ján₃, co₂ráun₂ bá₄ ca₂jjon₃ Cristo† jme₁ca₂join₃ ne₄ 'uig₅₄
dsá_{u1} jniog₄. I₂jme₁lín₄ jan₂ dsa₂ dsen₃ co₂ñí₂ bá₄ 'éi₂, ca₂join₃ o₄quió'₄ dsa₂
cha₂ dsá_{u1}, ia₁jaun₂ tē₂ ja₁con₂ Diú₄. Ca₂join₃ jui₅ ni₁ñi₁₂, ton'₂ ca₂jein'₅₄ bá₄
táng₃ tē₂le₃ quian'₅₄ Jme₂dsí₂. 19 Jaun₂ le₂nē₅, ca₂ñei₅₄ ca₂i₁'é₄ jág₁ ja₁con₂
jme₂dsí₂ i₂jme₁tion'₅₄ le₁jní₅ 20 i₂tsá₃ ca₂ñág₂ gau₂ jmig₄ ma₂líg'₂ jaun₂ lia'₂ con'₂
jme₁chan₂ Noé. Ué₂ bá₄ ca₂jmo₃ Diú₄ juin'₂ dsí₅ ca₂jñia₃ tē₂lia'₂ lě₂ ni₁barco. §
Jñia₃ tan₅₄ dsa₂ bá₄ lě₂ i₂ca₂lón₂ quian'₅₄ a₂jaun₂ jme₁ca₂'a₃ jmig₂ mi₂güig₃.
21 A₂jaun₂ jáng'₅ caun₂ léi₄ jme₁chó₅ jniog₄ jmig₂ jmig₄ rē₂nē₃, a₂ma₂ca₂lag₃
jniog₄ dsa₂ i₂ma₂ca₂lón₂; on₃jua'₅₄ a₂jñia'₃ a₂'lian₅₄ dsa₂, tē₂le₃ a₂jang'₂ jniog₄
caun₂ léi₄ a₂quián₁ jniog₄ caun₂ jui₅ a₂le₁jě₃ jme₂dsí₂ quián₂ tē₂le₃ ne₄ Diú₄ bá₄,
ton'₂ ca₂ló₂ jniog₄ tē₂le₃ quian'₅₄ jui₅bí₂ a₂ca₂jen'₅₄ Jesucristo. 22 Ca₂uig₂ táng₃
ñái'₃ guei'₅₄ i₂juig₃; ja₁jaun₂ guá₅ tē₂le₃ gu₂ ne₁ Diú₄; 'éi'₃ quió'₅ 'éi₂ bá₄ tion'₅₄
ca₂le₃jín₃ ángeles quian'₅₄ ca₂le₃jín₃ i₂lín₅ ta₁, ca₂le₃jín₃ gué'₄ i₂'io₅ jui₅bí₂ nē₃.

4

A₂jme₂ti₃ dsa₂ lia'₂ con'₂ lě₅ jui₅bí₂ a₂ma₂cuē₃ Diú₄

1 Jaun₂ lě₃, ia₁ ca₂ñág₃ Cristo uig₅ jui₅ ni₁ñi₁₂, le₂nē₅ bá₄ 'nia'₂ ján₃ chan'₂ 'nia'₂
rē₂ling'₅₄ caun₂ 'éi₂ 'nia'₂ 'au'₂ a₂cán'₁ jmi₁uig₅. Ia₁ jui₁lia'₂ dsa₂ i₂ma₂ca₂ñág₃ uig₅
jui₅ ni₁ñi₁₂, co₂dsia₅ ma₂tí₂ bá₄ jui₅ jē₁jme₁'no₂₃ dso₄. 2 A₂le₃chain₂ táng₃ tē₂le₃
ne₄ jui₅ ja₁ñó₄, a₂jme₃ti₃ a₂'nio₃ Diú₄ bá₄, tsá₃ ma₂le₃chain₂ jua'₅₄ a₂cué'₃ gué'₄
o₂'ñi₃ o₂jñia₃ dsí₅ con'₂ niog₅ mi₅ ni₁ñi₁₂. 3 Tió'₅, a₂ma₂ca₂ñí₂ juin₅₄ qui₂ma₂jmo'₅₄
'nia'₂ ja₁ma₂ja₂nóg'₅, lia'₂ con'₂ lě₅ jmo₅-dsá_{u5} ca₂le₃jín₃ dsa₂ i₂tsá₃ cuin₅ Diú₄. Ia₁
jme₁chan'₂ 'nia'₂ tsá₃ caun₂ a₂jme₁'ín₅ 'au'₂; tsá₃ caun₂ a₂'lig'₅₄ a₂jme₁qui₂lě₂ 'au'₂
'nia'₂ nē₃; jme₁qui₂i₂niog'₅₄ qui₂le₁'eng'₅; jme₁qui₂quē'₂ 'nia'₂ tóng'₂ chí'₅ co₂mi₅₄
niog₅ jmig₄. Jme₁'ág'₂ 'nia'₂ ca₂lia'₂ tsá₃ cuente niog₅; jme₁jme₂juín'₂ 'nia'₂ diú₄
lag₄, caun₂ a₂'io₅₄ Diú₄. 4 Dsi₂gó'₃ dsí₅ dsa₂ 'éi₂ a₂tsá₃ jme₂quiain'₅₄ 'nia'₂ jē₄
ca₂le₃jě₃ a₂i₂juin₅₄ a₂'lig'₅₄ a₂jmo₅-dsá_{u5}, jaun₂ 'lig'₅₄ bá₄ 'ag₂₃. 5 La₁ já₅ bá₄ jmig₄

* 3:12 Salmo 34:12-16. † 3:14 Isaías 8:12. ‡ 3:18 A₂lín₅₄ chog₅₄ si₂: "ca₂ñág₃ Cristo uig₅." § 3:20 Noé: 'Í₂ Génesis 6 - 9.

ja₁jáng'₃ cuenta quió'₅ ne₄ i₂ma₂lě₅ co₂jñia₅₄ con₂ 'í₁ lia'₂ quió'₅ i₂chan₂ lia'₂ quió'₅ i₂ma₂dsan₃ ně₃. ⁶ Uig₅₄ ně₅, ca₂rě₃'ě₂ jág₁ dse₃ ca₂lia'₂ ja₁con₂ dsa₂ i₂ma₂dsan₃: ia₁jaun₂ tē₃dsi₅₄ 'éi'₃ le₃quió'₅ ni₁ñi₁₂, lia'₂ con₂ lě₅ dsi₂jio₅ dsí₅ dsa₂ mi₂güig₃, ia₁jaun₂ gué₄ le₃chain₂ jui₅ jme₂dsí₂ ně₃, lia'₂ con₂ lě₅ dsi₂jio₅ dsí₅ Diú₄.

⁷ La₁ ja₂quián₃ bá₄ jmi₄g₄ jē₁dsian₅ ca₂le₃jě₃. Jaun₂ ně₃ len'₅₄ 'nia'₂ chang'₂, 'en₅₄ 'au'₂, ia₁jaun₂ lé₂ chi₁lěng'₄ Diú₄. ⁸ La₁ a₂dsen₅₄ gué₄ 'ñio₅ lín₃, 'nió'₅ a₂jme₁'nió'₄ 'nia'₂ ríng'₂ 'ñio₅ lín₃ le₂jang'₂ le₂jang'₂. Ia₁ ja₁'nio₃ dsa₂ rín'₅₄, 'lióng₂ o₂'én₂ dso₄ cha₂ ja₁con₂ rín'₅₄ dsa₂. ⁹ Guen₅₄ 'nia'₂ ríng'₂ i₂qui₂dsi₂jag₅₄ dsi₂néi₂ quiáng'₂, on₃jua'₅₄ a₂qui₂dsi₂mé'₂ 'au'₂ quiain'₅₄. ¹⁰ Le₂jan'₂ le₂jan'₂ 'nia'₂ ca₂tíng'₂ jme₁'ong'₁ ríng'₂ lia'₂ con₂ lě₅ ma₂ca₂rě₃tíng'₃ a₂'lióng₂ ne₅₄ a₂ma₂ca₂jme₃gu'₅₄ Diú₄, a₂niog₅ gog'₂ 'nia'₂ jmó'₂. ¹¹ Nē₁jua'₂ 'ein₂ 'nio₃ te₂néi'₂ jág₁, jui₁te₂néi'₂ bá₄ quian'₅₄ jág₁ quió'₅ Diú₄. Nē₁jua'₂ chan₂ gué'₂ 'ein₂ 'nio₃ jme₃'o₅₄ jui₁jme₂'o₅₄ bá₄ lia'₂ con₂ lě₅ jui₅bí₂ a₂ma₂cuē₅ Diú₄, ia₁jaun₂ le₂ně₅ bá₄ le₃juin'₂ Diú₄ ne₄ ca₂le₃jě₃ tē₂le₃ quian'₅₄ Jesucristo. 'Éi₂ bá₄ ca₂tín₂ ñe₂ ca₂le₃jě₃ ti₁'mag'₄, ca₂le₃jě₃ jui₅bí₂, ca₂le₃jě₃ jmi₄g₄ co₂tan₅₄. ¡A₂méi₃!

A₂ñág₅ dsa₂ uig₅ ne₄ 'uig₅₄ ia₁ a₂'éin₂

¹² 'Nia'₂ rín'₅₄ jniog₄ i₂'nióg₃, tsá₃ lě₂jmo₂ 'nia'₂ go₂'i₃ jme₁dsi₂ñig'₂ táu₂ a₂lě₅ lia'₂ lě₅ si₂ dséi₂ ja₁con₂ 'nia'₂, jua'₅₄ a₂le₃jmó'₂ 'nia'₂ 'au'₂ jua'₅₄ a₂tsá₃ ma₂cuin'₂ 'nia'₂, 'a₂ lia'₂ lě₅ dsi₂ñig'₂. ¹³ Tē₂le₃ jmo₄ 'nia'₂ 'io'₂, ia₁ le₂ně₅ bá₄ can'₂ 'nia'₂ ján₃ jmi₁uig₅ jui₁lia'₂ a₂ca₂i₃ñí₂ Cristo, ia₁jaun₂ bá₄ cán'₁ 'nia'₂ ján₃ o₂'ñio₃ 'au'₂ 'ñio₅ lín₃ jē₁ma₂tě₂ rē₁jme₃jñiai₂₃ 'a₂ lia'₂ jláin'₁. ¹⁴ 'E₂ gué₄ dsen'₃ 'nia'₂ jme₁tē₂'o'₂ 'ein₂ tē₂'o'₂ o₄quió'₄ Cristo, ia₁ le₂ně₅ bá₄ tē₂'ñiá₄ Jme₂dsí₂ quián₅ Diú₄ i₂tág₅ co₂'né₅ ne₄ quián'₂ 'nia'₂. ¹⁵ Chi₂jua'₂ 'ein₂ 'nia'₂ dsi₂ñí₂ uig₅, la₁ lag₃ nē₁jua'₂ tsá₃ lě₅ dso₄ 'ang₂, o₃ a₂ca₂jñi'₃ dsa₂, o₃ chan₂ i₂ca₂cuē'₃ dsa₂ mi₂güig₃ rín'₅₄, o₃ a₂qui₂tiáin₂ caun₂ ja₁tsá₃ ca₂tíin₂. ¹⁶ La₁ nē₁jua'₂ ñag'₅₄ 'nia'₂ uig₅ ca₂ne₅₄ ia₁ a₂lín'₅ dsa₂ "cristianos", tsá₃ 'nió'₅ jmó'₂ 'nia'₂ gueng'₅₄. Diú₄ bá₄ 'nió'₅ jme₁juin'₂ 'nia'₂ ia₁ a₂quiong₅ dsa₂ le₂jaun₂.

¹⁷ Ia₁ ma₂tě₂ jmi₄g₄ a₂tē₂dsi₅₄ 'éi'₃ le₂'uig₅₄ de'₂ ja₁con₂ dsa₂ dsi₂néi₂ quió'₅ Diú₄. Chi₂jua'₂ le₂'uig₅₄ jme₂lióg₃ quian'₅₄ jniog₄, ¿'a₂ bá₄ lia'₂ dsióg₄ dsi₁ñí₂ ca₂le₃jín₃ i₂tsá₃ jme₂ti₃ jág₁ dse₃ quió'₅ Diú₄? ¹⁸ Chi₂jua'₂ quian₅ ta₁ lín₃ a₂tín'₅ dsa₂ dsen₃, "¿'ě₂ gué₄ bá₄ dsióg₄ dsi₁ñí₂ dsa₂ i₂tsá₃ Diú₄ cuin₅, i₂le₁cán'₄ dso₄?"† ¹⁹ Jaun₂ ně₃, i₂ñág₅ uig₅ lia'₂ con₂ lě₅ 'ñio₂ dsí₅ Diú₄, ca₂tíin₂ caun₂ jmo₃ a₂dse₃ bá₄, dsia₃ o₄gú₃ Diú₄ jme₂dsí₂ quió'₅, ia₁ Diú₄ bá₄ i₂ca₂jmó'₂ 'éi₂, i₂rē₂ti'₅₄ ně₃.

5

Toin'₂ jág₁ dse₃ dsa₂ 'én₂

¹ Jaun₂ ně₃, jág₁ la₂ cuē₅ jniá₂ ca₂le₃jín₃ dsa₂ can'₅₄ i₂quian₅ ne₄ jui₅* quián'₂ 'nia'₂, ia₁ le₂ně₅ bá₄ jniá₂ 'ñio₃ ján₃ lín'₅ jan₂ dsa₂ juin'₂ i₂niog₅ ne₄ guá'₅, ton'₂ lín'₅ jan₂ i₂ca₂tě₂ ne₄ 'a₂ lia'₂ lě₅ jmi₁uig₅ a₂ca₂i₃ñí₂ Cristo. Jaun₂ le₂ně₅ bá₄ ján₃, lín'₅ jan₂ i₂jme₃quiain'₅₄ jē₁ma₂tě₂ rē₁jme₃jñiai₂₃ a₂jláin'₁. Jág₁ la₂ juíg₂ jniá₂ 'nia'₂: ² Dse₃ jmo₄ 'nia'₂ 'í₁ guá'₅ quián₅ Diú₄ i₂lín₅ co₂nió'₃ já'₂ cha'₂ i₂niog₅ gog'₂. Jmo₄ 'nia'₂ ta₁ ně₅ a₂'ñio₂ 'au'₂, lia'₂ con₂ lě₅ 'nio₃ Diú₄. Tsá₃ jmo₂ 'nia'₂ 'au'₂ jua'₅₄ a₂chan₂ i₂chi₂quióng₂ jmi₄g₄, on₃ gué'₂ jmo₂ 'nia'₂ 'au'₂ jua'₅₄ a₂ñí₄ 'ín₅ 'au'₂ cu₄ ně₃. Jmo₄ 'nia'₂ ta₁ quió'₅ Diú₄ a₂dsen₅₄ 'au'₂. ³ Tsá₃ jmo₂ 'nia'₂ jua'₅₄ guion'₅₄ 'nia'₂ ca₂tíng'₂ jmó'₂ gong'₂ ne₄ quió'₅ guá'₅ i₂niog₅ gog'₂, tē₂le₃ ca₂tín'₂ bá₄ 'nia'₂ cuē'₅₄

* **4:8** 'Nio'₂ ja₁ton₅, Proverbios 10:12. † **4:18** Proverbios 11:31. * **5:1** griego: presbíteros.

caun₂ jui₅ dse₃ já'₂ cha'₂ quián₅ Diú₄. ⁴ Jaun₂ bá₄ jë₁ma₂tě₂ jmi₄ i₁jme₃jnia₅ i₂lín₅ juig₅₄ dse₅₄ i₂quián₅ juig₅₄ já'₂ cha'₂, ŋe'₂ 'nia'₂ jma₃caun₃ corona a₂tsá₃ líg'₂ jmi₄ le₃juing₅.

⁵ Le₂ně₅ bá₄ 'nia'₂ dsa₂ chi'₂ ján₃, tión'₂ 'nia'₂ 'éi'₃ quió'₅ dsa₂ can'₅₄ quián'₂ 'nia'₂. Ton'₂ jui₁qui₂rě₂ling'₅₄ quian'₅₄ a₂meg'₂ ja₁con₂ ríng'₂ le₂jang'₂ le₂jang'₂, ia₁: Tsá₃ jen₅₄ Diú₄ jui₁lia'₂ dsa₂ i₂jmo₅ rón₂,

la₁ jme₂'oin₅₄ a₂'ua₁ dsí₅ dsa₂ i₂jmo₅ me'₂.†

⁶ Jaun₂ ně₃, le₂ně₅ jmo₄ 'nia'₂ meg'₂ o₄gú₃ bėn₂ quió'₅ Diú₄ ia₁jaun₂ bá₄ chó'₂ 'éi₂ jmi₄ jaun₂ quió'₅. ⁷ O₄gú₃ 'éi₂ dsa₄ 'nia'₂ ca₂le₃jě₃ 'e₂ o₂i₁ dsi₅ a₂chan'₂ 'nia'₂, ia₁ dsan₂ bá₄ dsí₅ 'éi₂ 'nia'₂ ján₃.

⁸ 'En₅₄ 'au'₂ 'nia'₂ jmo₄, chang'₂ rě₂jáng'₁, ia₁ i₂sě₃dse₃ i₂'ŋia₅₄ 'nia'₂ ŋi₂₃ lín₅ lia'₂ lín₅ 'ia'₂ i₂ŋi₅ i₂jme₂'ne₅₄ 'ŋióg₂ a₂'nai'₂ 'ein₂ i₂'nio₃ quiin'₂. ⁹ Quian'₅₄ a₂'én'₂ 'nia'₂, nau₂ tiá₂ queng'₂ ne₅₄, ia₁ ŋi'₅₄ bá₄ 'nia'₂ ta₁caun₂ mi₂güig₃ bá₄ qui₂dsi₂ŋi₂ ríng'₂ jmi₁uig₅ le₂ně₅ ján₃. ¹⁰ Ia₁ jë₁ma₂ca₂ŋi'₂ 'nia'₂ co₂'na₂ uig₅ le₂ně₅, 'ŋiog₅ bá₄ Diú₄ i₂'ua₁ dsí₅ lin₃ chei'₃ táng₃ rě₂ a₂jme₃'ŋiai₂₃ a₂'nió'₅ guě₄ quián'₂ 'nia'₂, cuě₃ bí₂ náu'₁ 'nia'₂ tiá₂. Jme₃gu'₅₄ bá₄ 'éi₂ jniog₄ ne₄ ca₂le₃jě₃ ne₅₄ a₂dse₃. Ia₁ ma₂ca₂tě₃ jniog₄ le₃quió'₅ Cristo Jesús, a₂jme₁quian'₄ jniog₄ co₂tan₅₄ ja₁co₂tág₅ co₂'né'₅ quió'₅. ¹¹ 'Éi₂ bá₄ ca₂tín₂ jui₅bí₂ ca₂le₃jě₃ jmi₄ co₂tan₅₄. A₂méi₃.

Cuag₂₃ Diú₄ jë₁ca₂tó'₂ jë₁'ág'₅ jág₁

¹² Tě₂le₃ quian'₅₄ Silvano† i₂jing₅₄ lia'₂ ja₁jing₁₂ jan₂ ríng'₃ i₂rě₂ti'₅₄, ma₂jmo₃ si₂ la₂ ja₁juá'₅ tin₃'-ni₅ jon₂ jág₁ a₂cuě₃ bí₂ 'nia'₂. Jág₁ a₂ma₂ně₂juá'₃ jniá₂ ně₅, jáng'₅ léi₄ 'a₂ lia'₂ dsón'₂ 'ua₁ dsí₅ Diú₄. Jaun₂ nau₂ 'nia'₂ tiá₂ jui₅ ně₅. ¹³ Guá'₅ i₂chan₂ ja₁tě'₂ dsa₂ juig₂ “Babilonia” la₂, dsa₂ i₂ma₂ca₂quió'n'₂ Diú₄ jui₁lia'₂ ma₂ca₂quióin'₂ 'nia'₂, dsiáin'₂ jág₁ a₂cuin₂₃ Diú₄ 'nia'₂, le₂jaun₂ bá₄ Marcos jón₃ quiáng₃ ně₃. ¹⁴ Cuin₅₄ 'nia'₂ Diú₄ ríng'₂ le₂jang'₂ le₂jang'₂, chen'₅₄ § 'nia'₂ jú'₅ ríng'₂ ia₁ a₂'nióg'₃ ríng'₂.

Tián'₂ bá₄ 'nia'₂ 'ei₅ tei₄ ca₂le₃jín'₃ 'nia'₂ i₂tén₅ le₃quió'₅ Cristo. Co₂ně₅.

† 5:5 Proverbios 3:34. ‡ 5:12 Co₂'nió'₄ lia'₂ chen₂ Silas. § 5:14 Caun₂ tag₄ a₂jme₁chí'₄ lia'₂ con'₂ ca₂jmo₃ Pe₄ si₂ la₂.

Si₂ carta jë₁ca tǝ₂ tin₃ a₂cajmo₃ SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂

¹ Jniá₂, Si₂mu₅₄ Pe₄, líng₅ dsa₂ i₂jme₂ti₃ ne₄ Jesucristo, ton'₂ líng₅ jan₂ i₂chen₄ quiáin₅. Jmo₂₃ si₂ carta la₂ a₂tsíng₂ ne'₅₄ 'nia'₂ i₂ma₂ca₂rë₃'éng'₂. Ia₁ tǝ₂le₃ a₂ñí₄ lë₃ dsen₃ Diú₄ quián₂ jniog₄ quiain'₅₄ Jesucristo i₂ma₂ca₂lió₂, ma₂ca₂ñí'₂ 'nia'₂ jág₁ dse₃ jlá'₁ a₂ca₂rë₃'éng'₂ jui₁lia'₂ 'éin₂ jnia'₅₄. ² Jui₁chan'₂ bá₄ 'nia'₂ jme₂gu'₅₄ Diú₄, ton'₂ jui₁jmo₁₂ bá₄ 'ei₅ tei₄ lia'₂ qui₂rë₂tsón₂ tǝ₂le₃ ia₁ a₂ma₂ca₂rë₃cuin'₂ 'nia'₂ 'a₂lia'₂ lín₅ Diú₄ quián'₅₄ Jesucristo Te₁gui'₅₄ quián₂ jniog₄.

'A₂ lia'₂ dsi₂ten₅₄ lén₂ dsa₂ 'én₂

³ Diú₄ ma₂cuë₃ quián'₅₄ bí₂ quió'₅, ca₂le₃jǝ₃ a₂'nió'₅ quián₂ jniog₄ le₃chong₂, a₂léi₂ jniog₄ dsa₂ jnió'₅ ně₃, ton'₂ ma₂jmo₃ ján₃ a₂ma₂ca₂rë₃cuin'₂ 'nia'₂ 'a₂lia'₂ lín₅. Ma₂ca₂tǝ₃ jniog₄ tǝ₂le₃ quián'₅₄ jui₅bí₂ jlá'₁ quió'₅, 'uig₅₄ ia₁ a₂ñí₄ dse₃ dsí₅.^{*} ⁴ Le₂ně₅ ma₂ca₂quiog₂ 'lióng₂ jág₁ ca'₅₄ a₂quen₅ 'ñio₅ lín₃ quió'₅, ia₁jaun₂ tǝ₂le₃ quián'₅₄ jág₁ a₂ma₂cuë₃ jaun₂ dsi₁nó'₅ 'nia'₂ líóng'₂ jui₅ ja₁tión₂ dsa₂ mi₂güí₃ ja₁dsi₃'éin₂ 'uig₅₄ ia₁ a₂tsá₃ caun₂ 'ín₅ dsí₅, ton'₂ dsi₁nó'₅ 'nia'₂ léng'₂ lia'₂ lín₅ Diú₄. ⁵ Jaun₂ lǝ₃, quen'₂ 'nia'₂ bí₂ ne₄ ia₁ a₂'éng'₂, quián₂ 'nia'₂ caun₂ jui₅ dse₃; ia₁jaun₂ ne₄ jui₅ dse₃ jaun₂, jui₁len'₅₄ 'nia'₂ dsa₂ i₂ñí'₂ dsí₅; ⁶ ne₄ ja₁ñó₄ jaun₂ táng₃, jui₁le₂ñí'₂ 'au'₂ 'nia'₂ 'a₂lia'₂ jme₁'uang'₅₄ 'au'₂ guíong'₅₄; ne₄ ja₁ñó₄ jaun₂ táng₃, jui₁len'₅₄ 'nia'₂ dsa₂ i₂juin'₂ dsí₅; ne₄ jui₅ ja₁ñó₄ jaun₂ táng₃, jui₁len'₅₄ 'nia'₂ dsa₂ i₂qui₂rë₂jín'₅₄ ne₄ Diú₄; ⁷ ja₁ñó₄ jaun₂, jmo₄ 'nia'₂ 'ua₁ 'au'₂; jë₁ca₂tó'₂ gué₄ ně₃, jme₁'nió₄ 'nia'₂ ríng'₂.

⁸ Ia₁ ně₃jua'₂ quián'₅₄ 'nia'₂ jui₅ le₂ně₅, dsi₂cang'₅₄, tsá₃ lǝ₅ jua'₅₄ a₂tsá₃ ta₁ tí₄ 'a₂lia'₂ niog₅ chan'₂ 'nia'₂, tsá₃ jua'₅₄ a₂lë₁ma₂ca₂rë₃cuin'₂ 'nia'₂ Te₁gui'₅₄ Jesucristo quián₂. ⁹ Ia₁ jui₁lia'₂ dsa₂ i₂tsá₃ jme₂tin₅ dsí₅ le₃chain₂ lia'₂ con'₂ lǝ₅ jág₁ ně₅, lín₅ ně₂jag₄ bá₄ jan₂ dsa₂ ten₄, o₃ jan₂ dsa₂ i₂tsá₃ lín₄ uíng₂ jnió'₅, ia₁ ma₂ca₂lǝ₃'én₂ bá₄ dsí₅ a₂jme₁ma₂le₁chí₄ quió'₅, ca₂le₃jǝ₃ dso₄ a₂jme₁rë₂cáin'₄ le₂ñiá₅. ¹⁰ Jaun₂ ně₃ 'nia'₂ rín'₅₄ jniog₄, dsen₅₄ 'au'₂ 'nia'₂ cuë'₅₄, ia₁jaun₂ bá₄ chí₁dse₃ ta₁ a₂ma₂ca₂tǝ₃ Diú₄ a₂ma₂quióin'₂ 'nia'₂. Ia₁ ně₃jua'₂ ca₂tión'₂ 'nia'₂ quián'₅₄ jui₅ ně₅, o₁líg'₂ tsá₃ ma₃tsí₃sén'₂ 'nia'₂. ¹¹ Ia₁ le₂ně₅ bá₄ tin'₃ 'nia'₂, caun₂ dse₃ ja₁o₁tong'₄ co₂tan₅₄ guei'₅₄ i₂juí₃ ja₁gon₂ Te₁gui'₅₄ Jesucristo quián₂ i₂lió₂.

¹² Jui₁la₂ ma₂ñi'₅₄ 'nia'₂, la₁ co₂tan₅₄ bá₄ ca₂tín₂ jniá₂ juá'₄ ia₁jaun₂ bá₄ dsiog'₂ 'au'₂ 'nia'₂ náu'₁ tiá₂ jui₅ dsau₅ a₂ma₂tión'₂ 'nia'₂ ja₂nóg'₅. ¹³ Ia₁ lín₂ jniá₂ 'ñi₃, 'ñio₅ lín₃ dsi₂ten₅₄, a₂juig₅₄ jniá₂ 'nia'₂ tǝ₁lia'₂ chang₂ gué₄ ni₁ñi₃ la₂, jaun₂ dsiog'₂ 'au'₂ jág₁ ně₅. ¹⁴ Ia₁ a₂ma₂ca₂rë₃guion₅₄, ñi'₅₄ ta₁ bá₄ tí₄ ni₁ñi₃† lia'₂ con'₂ lǝ₅ ma₂ca₂jme₃jnia₅ Jesucristo Te₁gui'₅₄ quián₂ jniog₄. ¹⁵ La₁ quín'₅ jniá₂ bí₂ juá'₅ ia₁jaun₂ dsiog'₂ 'au'₂ 'nia'₂ co₂tan₅₄, jë₁ma₂jong₂₃, ca₂le₃jǝ₃ jág₁ ně₅ ca₂juá'₃.

Dsa₂ i₂qui₂ca₂tǝ₂ ne₄ 'a₂lia'₂ lǝ₅ jui₅bí₂ quió'₅ Cristo

¹⁶ Ca₂le₃jǝ₃ a₂ma₂ca₂jme₁tag₅ jnia'₅₄ 'a₂lia'₂ lǝ₅ jui₅bí₂ quió'₅ Te₁gui'₅₄ Jesucristo, 'a₂lia'₂ lǝ₂ i₁guain'₂ táng₃, jaun₂ tsá₃ o₁len'₂ 'nia'₂ jua'₅₄ a₂lín'₂ jág₁ la₂ a₂lë₁qui₂ca₂'náu'₃ dsí₅ dsa₂ i₂ñí₄ 'io₅ mai₅₄ 'a₂lia'₂ jme₃gau₂₃. Ia₁ guio₅₄ dsón'₂ bá₄ jnia'₅₄ ca₂tǝ₂ ne₄ ton'₂ ca₂néi₄ jnia'₅₄ 'a₂lia'₂ lǝ₅ jui₅bí₂ a₂ca₂jme₃jniai₂₃

* **1:3** A₂lín₅₄ chog₅₄ si₂: “Ma₂ca₂tǝ₃ jniog₄ a₂jme₁jnia₅ jui₅bí₂ jlá'₁ quió'₅ 'ñiog₅.” † **1:14** lit. “tabernáculo la₂.”

a₂jláin'₁. 17 Ca₂jme₃juag'₂ Diú₄ Jmei₂ lia'₂ con'₂ jme₁ca₂né'₂ jág₁ juë'₂ quió'₅ jme₁ca₂juá'₂: “I₂la₂ bá₄ jón₃ quiáng₃ i₂ñí₄ lë₃ 'nióg₃ guë'₄ lin₃; 'e₂ bá₄ 'ñio₂ dsí₃ quiaín'₅₄.” † 18 Le₂në₅ ca₂néi₁ jnia'₅₄ guio₅₄ jág₁ në₅ a₂ca₂já₃ guei'₅₄ i₂juíg₃, lia'₂ con'₂ jme₁quiaín'₅₄ jnia'₅₄ ne₄ má'₂ jñio₅ jaun₂.

19 Le₂në₅ bá₄ lë₅ chi₁dse₃ 'ñio₅ lin₃ bá₄ jág₁ ron₅ quió'₅ dsa₂ i₂jme₁'ë₂ jág₁ quián₅ Diú₄ ma₂líg'₂. Jaun₂ 'nia'₂ në₃, dse₃ lin₃ bá₄ dsi₁nóg'₅ në₁jua'₂ ca₂tion'₂ 'nia'₂ jui₅, ia₁ lë₅ lia'₂ lë₅ caun₂ ni₁tsí₅ chi₁guí'₂ si₂ tág₅ jë₄ qui₁né'₃, ca₂lia'₂ ca₂jnia₃ ca₂lia'₂ ca₂'ña₂ Nei₅ 'Ióg₁ Š i₂jmo₃ tág₅ të₂'au'₂ 'nia'₂. 20 La₁ ne₄ ca₂le₃jë₃, dsá₂ 'au'₂ 'nia'₂ jmo₄ a₂la₂: 'i₁caun₂ jág₁ a₂rë₂'ë₂ ne₄ Si₂ quió'₅ Diú₄ tsá₃ ca₂tó'₂ dsa₂ quián₅ Diú₄ jua'₅₄ 'a₂ con'₂ ca₂ñí'₂ dsí₅ guioín₅₄. 21 Ján₃ bá₄ guë'₂ le₂jaun₂, tsá₃ jág₁ cha₂ jua'₅₄ ca₂rë₃lióg₃ 'uig₅₄ con'₂ 'ñio₂ dsí₅ dsa₂ mi₂güig₃. Dsa₂ 'éi₂ në₃, të₂le₃ ca₂dsia₃ bá₄ o₄quió'₄ Diú₄ lia'₂ con'₂ lë₅ ca₂jio₃ Jme₂dsí₂ jñio₅.

2

Dsa₂ i₂jme₂tag₅ jág₁ a₂tsá₃ tí₅ *(Judas 4—13)*

1 Le₂në₅ bá₄ ca₂rë₃chán₃ dsa₂ i₂juí₁gan₂ ján₃ i₂ca₂'ë₂ jág₁ a₂tsá₃ tí₅ jin₄ dsa₂ juig₂ quián₅ Diú₄ ma₂líg'₂, le₂në₅ bá₄ qui₁'uín₃ jë₄ quián'₂ 'nia'₂ rë₂në₃ të₅ i₂qui₂jme₃gau₅. Dsa₂ le₂'éi₂, 'a₂ con'₂ tsá₃ jme₁li₅₄ mei'₂ jme₃tag₂₃ juá'₅ a₂tsá₃ tí₅ a₂jio₅ jui₅ ja₁dsi₃'én₂ dsa₂. Jmo₃ ca₂lia'₂ tsá₃ ma₃le₃jí'₅₄ 'éi'₃ quió'₅ Te₁gui'₅₄ i₂ca₂láu₂. La₁ tsá₃ uë₂ le₃léi₄ dsí₃'éin₂ bá₄ guioín₅₄. 2 Juín₅ lin₃ dsa₂ i₂'en₃ jui₅ ja₁tión₂ dsa₂ 'éi₂, jmo₅-dsá₅ lia'₂ lë₂ dsí₅, jaun₂ 'éi₂ bá₄ 'uín₄ në₃ a₂qui₂táun₂ dsa₂ 'lig'₅₄ jui₅ tí₅. 3 Ne₄ ia₁ a₂tsá₃ o₁jau₅₄ lí'₂ cu₄, qui₂jme₃tag₂₃ jág₁ a₂qui₂ma₂'náu'₃ dsí₅ guioín₅₄, a₂con'₂ jnia'₅₄ lë₁'nio₃ lí'₂ quián'₂ 'nia'₂. La₁ ma₂i₁jaún₃ bá₄ ma₂lë₅ co₂jnia₅₄ jág₁ a₂ma₂tioín'₅₄ 'éi'₃ a₂dsi₁qui₅ ñi'₅₄ ta₁ ja₁dsi₃'éin₂; tion₅₄ bá₄ dsí₃'éin₂.

4 Chi₂jua'₂ le₂në₅ tsá₃ ca₂'én₂ Diú₄ dsá₅ ángeles i₂ca₂sén'₂ dso₄ ma₂líg'₂, i₃gain'₅₄ bá₄ guio₃-juíg₃ i₃lén₂ le₁'ñei'₅₄ jë₄ qui₁né'₃, ja₁jaun₂ tioen'₅₄ lë₅ co₂jnia₅₄ jmíg₄ i₁të₃dsí₅₄ 'éi'₃ quió'₅; 5 ján₃ bá₄ le₂në₅ chi₂jua'₂ tsá₃ ca₂'én₂ Diú₄ dsá₅ dsa₂ i₂jme₁chan₂ mi₂güig₃ gui'₅₄ ma₂líg'₂, tion₅₄ bá₄ ca₂jme₃cain'₂ jmíg₂ ca₂'éin₂ ca₂le₃jín₃ dsa₂ i₂tsá₃ Diú₄ cuín₅, jnia'₅₄ lia'₂ Noé bá₄ i₂ca₂lióin₂ i₂jme₁'ë₂ jág₁ a₂'ë₂₃ caun₂ jui₅ co₂dsau₅, quian'₅₄ guë'₄ guion₃ dsa₂; 6 chi₂jua'₂ le₂jaun₂ bá₄ ján₃, ca₂'én₂ Diú₄ le₃tin₃ juig₂ Sodoma quian'₅₄ Gomorra, ca₂dsí'₂ ca₂lia'₂ ca₂lë₃ jua₂ li₁, jaun₂ le₂në₅ jáng'₅ caun₂ jág₁ dsau₅ co₂'nió'₄ a₂rë₂'ë₂ jág₁ ja₁con₂ dsa₂ i₂tsá₃ Diú₄ cuín₅ i₂qui₂le₃chan₂ cang₂; 7 chi₂jua'₂ le₂në₅ ca₂lióin₂ bá₄ jan₂ Lot, i₂jme₁lín₄ guë'₄ dsa₂ dsen₃ jme₁chain₂ quian₅ o₂i₁ dsí₅ ia₁ jme₁të₅ ne₅₄ 'a₂ lia'₂ lë₅ jui₅ le₁quian₅ dsa₂ 'lin'₅₄ jmíg₄ jaun₂, 8 (jaun₂ jme₁ta'₂ qui'₂ dsí₅ bá₄ dsa₂ dsen₃ 'éi₂, ia₁ ca₂le₃jë₃ jmíg₄ bá₄ jme₁të₅ ne₅₄, jme₁nag₂₃ në₃ ca₂le₃jë₃ ne₅₄ cosa 'lig'₅₄ a₂jme₁jmo₅-dsá₅ dsa₂ juig₂ ja₁jme₁guá₄); 9 chi₂jua'₂ le₂në₅, jaun₂ ñi₅ bá₄ Te₁gui'₅₄ 'a₂ lia'₂ lióin₃ dsa₂ dsen₃ ne₄ 'e₂ táu₂ dsí₂ñí₂, ton'₂ ñi₅ 'a₂ lia'₂ toin'₂ dsa₂ 'lin'₅₄ lë₅ 'í₁ ca₂lia'₂ ca₂të₂ jmíg₄ i₁gue₃ uig₅ i₁të₃dsí₅₄ 'éi'₃ quió'₅.

10 A₂në₅ në₃, lë₅ caun₂ jág₁ tí₅ dsón'₂ a₂jáng'₅ jág₁ dsau₅ ja₁con₂ juí₁lia'₂ dsa₂ i₂i₂nio₄ jme₂tí₃ a₂'lig'₅₄ a₂mi₅ ni₁ñi₁₂, co₂'nió'₄ quió'₅ dsa₂ i₂tsá₃ jí₅₄ 'éi'₃. I₂nioi₅₄ 'ñio₅ lin₃ táin'₅, 'nio₃ jua'₅₄ 'éi'₃ quió'₅ 'éi₂ bá₄ lé₂, ton'₂ 'ñio₅ lin₃ tiá₂ dsí₅ 'e₂ caun₂ a₂'nio₃ jmo₃; tsá₃ gó'₅ táun₂ 'lig'₅₄ 'iñ₂₃ juí₁lia'₂ i₂jlán'₁ chan₂ quián₅ Diú₄, 11 juí₁la₂ ángeles i₂'io₅ guë'₄ bí₂, i₂'uan'₂ guë'₄, tsá₃ le₂jaun₂ tiá₂ dsí₅ jua'₅₄ 'ag₃ 'lig'₅₄, a₂'ni₃ dsa₂ 'éi₂ ne₄ Te₁gui'₅₄.

† 1:17 Mateo 17:5; Marcos 9:7; Lucas 9:35. § 1:19 Nei₅ 'Ióg₁ lë₅ caun₂ 'a₂ lia'₂ chen₂ Jesús. 'Nio'₂ ja₁ton₅ Apocalipsis 2:28; 22:16.

12 La₁ dsa₂ 'éi₂, líin₅ jui₁lia'₂ lín₅ já'₂ náu₂ i₂tsá₃ 'en₅₄ dsí₅, chain₂ tsá₃ 'e₂ nǐ'₂ dsí₅ 'e₂ jmo₅-dsáu₅, rē₂chain₂ a₂jñia'₅₄ con'₂ tsáun'₂ dsa₂ jme₃dsiog₂₃. Tē₃jñiá₅ bá₄ ma₂'ē₂₃ 'lig'₅₄ 'e₂ a₂tsá₃ ma₂nǐ'₂. La₁ le₂jaun₂ bá₄ dsiáin₃ ján₃ jui₁lia'₂ dsa₂ já'₂ náu₂. 13 Le₃chain₂ nǎg₃ uig₅ co₂'nió'₄ 'liain'₅₄ jui₁lia'₂ qui₂ma₂jmaí'₂ i₂sián'₂. Jmo₂₃ dsí₅ 'ñio₅ lín₃ dse₃ chain₂ líin₂ ia₁ cué'₅ o₂'ñio₃ o₂jñia₃ dsi₅ o₁jñia'₅₄ a₂jmi₂. Lín₅ dsa₂ 'éi₂ co₂'nió'₄ caun₂ 'mé'₅ 'lig'₅₄ a₂rē₂'ióg₄ a₂quian₅ o₂guí'₃ jē₄ quián'₂ 'nia'₂, 'ñio₅ tē₅ dsí₅ cué'₅ o₂'ñio₃ dsi₅ a₂jme₂gau₂₃ tóin'₅ jmo₂₃ jmig₄ jin'₄ 'nia'₂.

14 Co₂tan₅₄ lia'₂ ma₂dsi₂jio₅ dsí₅ 'lig'₅₄ bá₄ jē₁ma₂ca₂jñin₂ jan₂ dsa₂ mí₂, tsá₃ mag'₂ dsí₅ jua'₅₄ a₂tsá₃ 'no₂₃ dso₄; 'ñio₅ lín₃ 'io₂₃ mai₅₄ nǐ₅ 'a₂ lia'₂ jme₃gain₂₃ dsí₅ jui₁lia'₂ dsa₂ 'uan₅₄ i₂tsá₃ tiá₂ tión₂; 'ñio₅ lín₃ tñin₂ nǐ₅ táng₃ 'a₂ lia'₂ jme₃'ñioí'₃ 'e₂ caun₂ 'nio₃ jme₃'ñioí'₃; ia₁ líin₅ jaun₅ i₂ma₂tion'₅₄ jui₅ dsi₃'én₂. 15 Ma₂qui₂ma₂tí₄ jui₅ co₂dsau₅, ton'₂ ma₂i₂cóin'₅, ma₂quile₁quian₅ jui₅ quió'₅ Bala'am* ja₁nǐ'₅₄ Beor, i₂'éi₂ jme₁'nio₃ lí'₂ cu₄ quian'₅₄ caun₂ a₂'lig'₅₄ a₂jme₁jmo₃. 16 Jan₂ dsi₂bú'₄ i₂tsá₃ lé₂ dsia₃ jág₁ bá₄ ca₂jí₂ quió'₅ 'uig₅₄ dsáu₁, ia₁ já'₂ 'éi₂ ca₂'ñiai₂ jág₁ lia'₂ lē₅ jag₄ dsa₂ mi₂güig₃. Ca₂jné₃ jui₅ co₄ quió'₅ dsa₂ i₂'ē₂ jág₁ quián₅ Diú₄ 'éi₂.

17 Dsa₂ 'éi₂ líin₅ jui₁lia'₂ lē₅ caun₂ o₄tu₁ jmig₂ a₂tsá₃ 'e₂ jmig₂ cha₂; o₃ le₃jua'₅₄ líin₅ jui₁lia'₂ lē₅ ti₁jnei₅ a₂lē₁qui₂ñag₅ tiá₂ quian'₅₄ dsí₂. Ma₂tioin'₅₄ jui₅ a₂dsi₁lein₅ jē₄ qui₁né'₃ 'ñio₅ lín₃, ja₁ma₂lē₅ co₂jñia₅₄ quió'₅. † 18 Ia₁ qui₂'uē'₅ mi₂'o₅₄ jág₁ tá'₅ a₂tsá₃ ta₁ tí₄, qui₂cáin₂ dsa₂ a₂jmo₃ dsó₃ a₂jme₃ti₃ a₂'ín₅ dsí₅ ni₁nǐ'₁₂; qui₂jme₂gain₂₃ dsa₂ i₂lag₃ ma₂lión₂ o₄gú₃ dsa₂ i₂le₁quian₅ jui₅ a₂ma₂i₂cóin'₅. 19 Qui₂cué₂₃ jág₁ a₂juá'₂ a₂lió₂, la₁ guioin₅₄ guē'₂ ně₃ i₂nioi₅₄ le₁'nei'₅₄ jui₅ ja₁dsi₃'én₂. Ia₁ le₂jaun₂ dsón'₂ lē₅ bá₄, lé₂ le₃jua'₅₄ chi₁'ñe'₅₄ dsa₂ ne₄ jui₁'e₂ caun₂ jui₅ 'lig'₅₄ a₂quian₅, ia₁ dso₄ jaun₂ ca₂lē₃ juig₅₄ bá₄ dsa₂. Ia₁ a₂jaun₂ jio₅ jmo₅ 'éi'₃ ja₁coin₂. 20 La₁ jui₁lia'₂ dsa₂ i₂ma₂ca₂rē₃cuin₅ Te₁gui'₅₄ Jesucristo i₂lín₅ i₂ma₂ca₂lió₂ quió'₅ ne₄ jui₅ lē₁'iog₅ a₂le₁quian₅ dsa₂ mi₂güig₃, la₁ ně₁jua'₂ siá'₂ ca₂dsi₃lein₅ ca₂guioin'₂ táng₃ quian'₅₄ a₂'lig'₅₄, o₃ ně₁jua'₂ ca₂jme₃gón₃ táng₃ a₂'lig'₅₄ jaun₂ tē₂dsí₅, dsi₁lein₅ tsón₂ guē₄ le₃'lín'₅₄ con'₂ guē₄ le₂jñiá₅. † 21 Jui₁lia'₂ dsa₂ le₂'éi₂, ja₂lín₃ guē₄ dse₃ jua'₅₄ co₂ñei'₅₄ bá₄ tsá₃ ca₂rē₃cuí'₅ jui₅ co₂dsau₅, lia'₂ con'₂ guē₄ a₂ma₂ca₂rē₃nǐ₅, ně₁jua'₂ cang₂ jaun₂ ca₂tí₂ bá₄ táng₃ 'éi'₃ jñio₅ a₂jme₁ma₂nǐ₂. § 22 La₁ ja₁jaun₂ rē₃ti₃ quian'₅₄ dsa₂ le₂'éi₂ jui₁lia'₂ lē₅ caun₂ jag₄ dsa₂ jme₁juá'₂: “Gué'₅ táng₃ dsi₂jí'₅₄ te₁nǐ₅₄ quió'₅”, * con'₂ siá'₂ táng₃: “Jui₁lia'₂ i₂nǐ₅ i₂lia'₂ ma₂nē₂sei₃ dsa₂, dsó₅ qui₂ba₂lín'₂ táng₃ jē₄ ti₁jéin₃.”

3

Jmig₄ i₁jñio'₂ Te₁gui'₅₄

1 'Nia'₂ rin'₅₄ jniog₄ i₂'nió₃, jē₁ca₂tē₂ tin₃ si₂ bá₄ la₂ tsíng₂ ne'₅₄ 'nia'₂. Jē₁le₃tin₃ si₂ ně₅ ma₂ca₂jme₁jnio₂ jniá₂ ne'₅₄, ma₂ca₂jmo₃ dsá₂ 'au'₂ a₂dsi₃jio₅ 'au'₂ jmá'₃ lia'₂ a₂le₁jē₃. 2 Jui₁dsiog'₂ 'au'₂ 'nia'₂ ca₂le₁jē₃ jág₁ a₂qui₂ca₂juá'₂ dsa₂ jñio₅ i₂jme₁'ē₂ jág₁ quián₅ Diú₄ ma₂líg'₂ quian'₅₄ guē₄ 'éi'₃ a₂ca₂quiog₂ Te₁gui'₅₄ i₂ma₂lió₂ jniog₄, a₂ma₂ca₂ñag₅ ja₁con'₂ 'nia'₂ tē₂le₃ quian'₅₄ dsa₂ i₂chen₄ quián₅. 3 Jē₁le₂'uig₅₄ jmo₄ 'nia'₂ dsá₂ 'au'₂ a₂juá'₅ jniá₂ la₂. Jmig₄ jē₁ca₂tó'₂ tē₂ja₃lén₂ dsa₂ i₂caun₂ lē₁qui₃táun₂ 'lig'₅₄, le₃chain₂ jmá'₃ lia'₂ jñia'₅₄ con'₂ lē₂ 'ín₅ dsí₅ guioin₅₄. 4 Dsa₂ 'éi₂ ñag₃, juá'₂: “¿E₂ ca₂lē₃ quian'₅₄ jág₁ a₂ron₅, a₂juá'₂ 'nia'₂ a₂guan'₂ táng₃ Cristo? Ia₁ ca₂le₃ ca₂dsan₃ dsa₂ can'₅₄ quián₂ jniog₄, jua'₂ lia'₂ ma₂lē₅ jaun₂ bá₄

* 2:15 Bala'am: 'Í₂ Números 22 - 24. † 2:17 Niog₅ a₂lín₅₄ chog₅₄ si₂ a₂juá'₂: “ja₁ma₂lē₅ co₂jñia₅₄ ja₁dsi₁toin'₄ co₂tan₅₄.” 'Nio'₂ ja₁ton₅ Judas 13. † 2:20 'Nio'₂ ja₁ton₅ Mateo 12:45; Lucas 11:26. § 2:21 'Nio'₂ ja₁ton₅ Hebreos 6:4-6. * 2:22 Proverbios 26:11.

mi₂güig₃ lia'₂ con'₂ lë₅ jme₁ca₂nio₃ le₂'uig₅₄.” ⁵ La₁ a₂ta₁ dsí₅ bá₄ dsa₂ 'éi₂ tsá₃ 'nio₃ le₃ñí'₂, a₂ca₂lë₃ tē₂le₃ quian'₅₄ jág₁ quió'₅ Diú₄ dsi₄ guei'₅₄ mi₂güig₃ ma₂líg'₂, quian'₅₄ gua'₅₄ 'uë₃, quian'₅₄ jmig₂ a₂ca₂jmo₃ jma₃quén'₅ gua'₅₄ 'uë₃ quian'₅₄ jmig₂ ně₃. ⁶ Ton'₂ quian'₅₄ jmig₂ bá₄ ján₃, ca₂'én₂ Diú₄ mi₂güig₃ jmig₄ jaun₂. ⁷ Ján₃ bá₄ le₂në₅, tē₂le₃ quian'₅₄ jág₁ quió'₅ 'ñiog₅ bá₄ Diú₄, dsi₄ guei'₅₄ quian'₅₄ gua'₅₄ 'uë₃, ron₅ ma₂lë₅ co₂jñia₅₄ a₂cáu₃ jë₁ma₂të₂ jmig₄ i₁qui₃dsi₅ Diú₄ 'éi'₃ i₁'éin₂ co₂ñei'₅₄ dsa₂ i₂tsá₃ Diú₄ cuin₅.

⁸ Con'₂ siá'₂ rín'₅₄ jñiog₄, tsá₃ jui₁dsi₂'én₂ 'au'₂ 'nia'₂, ia₁ tē₂le₃ quió'₅ Te₁gui'₅₄, lë₅ caun₂ jmig₄ co₂'nió'₄ caun₂ mei₅ñi₂; ton'₂ caun₂ mei₅ñi₂guë'₂, lë₅ co₂'nió'₄ caun₂ jmig₄. ⁹ La₁ tsá₃ o₁lei₅₄ jñiog₄ jua'₅₄ a₂jme₂'ag₄ Te₁gui'₅₄ a₂jme₃ti₃ jág₁ quió'₅, jui₁lia'₂ lín₂ i₂lín₅₄; a₂jmo₂₃ juin'₂ dsí₅ bá₄ ja₁con'₂ 'nia'₂, ia₁ 'nio₃ jua'₅₄ 'i₁jan₂ bá₄ tsá₃ 'ein₂ dsi₃'én₂, 'nio₃ jua'₅₄ ca₂le₃jín₃ bá₄ dsi₁quén'₅ dsí₅.

¹⁰ Ia₁ jmig₄ jaun₂ quió'₅ Te₁gui'₅₄ guá₂ con'₂ tsá₃ 'ein₂ rē₂ján₁, lé₂ jui₁lia'₂ ja₁'í₂ jan₂ 'ang₂. Jaun₂ guë₄ tē₂tsi'₅₄ co₂mi'₅₄ gau₂ lín₃ lé₂ dsi₃'én₂ dsi₄ guei'₅₄; qui₂dsi₃'én₂ ca₂le₃jë₃ a₂cha₂ qui₃jmág₂ quian'₅₄ si₂; lia'₂ rē₂cuá'₃ * gua'₅₄ 'uë₃ lé₂, lia'₂ jma₃quian'₅₄ 'e₂ niog₅ ca₂jmo₃ dsa₂ ja₁jaun₂.

¹¹ Chi₂jua'₂ le₂në₅ dsi₃'én₂ ca₂le₃jë₃, i₁'e₂guë₄ 'ñio₅ lín₃ dsi₂ten₅₄ 'nió'₅ jmó'₂ 'nia'₂ dsen₅₄ 'au'₂ le₃chang'₂ jñió₅, a₂'nióg'₃ Diú₄! ¹² Jmo₄ 'nia'₂ co₂jñia₅₄ rē₂jáng'₁ ia₁jaun₂ ñi'₅₄ ta₁ guá₂ jmig₄ jaun₂ quió'₅ Diú₄. Jmig₄ jaun₂ guei'₅₄ mi₂güig₃ qui₂dsi₃'én₂ quian'₅₄ si₂, ca₂le₃jë₃ 'e₂ a₂cha₂ qui₃jmág₂ jë₁ma₂ca₂dséi₃ 'ñio₅ lín₃.

¹³ La₁ jñiog₄ ně₃, le₁jñia₁ dsi₁no₃ caun₂ guei'₅₄ i₂juíg₃ 'mí₂ quian'₅₄ caun₂ gua'₅₄ 'uë₃ 'mí₂ ja₁ma₂lë₅ jág₁ cuë₃ Diú₄, ja₁tē₂'ñiá₄ jmá₃ a₂jñió₅.

¹⁴ Le₂në₅ jaun₂ ně₃ rín'₅₄ jñiog₄, tē₂lia'₂ tsá₃ ma₂të₂ jmig₄ jaun₂, quen'₂ 'nia'₂ bí₂ ia₁jaun₂ bá₄ dsiog'₂ Diú₄ qui₂le₁'ág₄ bá₄ tei₄ 'au'₂ 'nia'₂, tsá₃ 'e₂ cha₂ jua'₅₄ lë₅ qui₂rē₂'ió₄ jme₂dsi₂ quiáng'₂, jua'₅₄ a₂rē₂cán'₄ 'nia'₂ dso₄. ¹⁵ Jmo₄ 'nia'₂ 'au'₂ a₂juin'₂ dsí₅ bá₄ Te₁gui'₅₄ ia₁jaun₂ cuin₅ jmig₄ líón'₂ 'nia'₂. Le₂në₅ bá₄ ján₃, Pa₄ rín'₅₄ jñiog₄ ma₂dsiáin'₂ si₂ ne'₅₄ 'nia'₂, con'₂ lë₅ ma₂ñí'₂ dsí₅ a₂ma₂ca₂cuë₃ Diú₄.

¹⁶ Jë₄ ca₂le₃jë₃ Si₂ quió'₅, ma₂ca₂tsí'₃ 'nia'₂ ján₃ ca₂le₃jë₃ a₂në₅, o₁jñia'₅₄ la₂ juí'₅ le₃ñág'₂ a₂lín₅₄; 'uig₅₄ jaun₂ dsa₂ i₂tsá₃ lín₄ ñí'₂ dsí₅ i₂tsá₃ tiá₂ tión₂, le₃jen₅ bá₄ jme₂tiin₂₃ dsa₂, ján₃ bá₄ le₂jaun₂ ca₂le₃jë₃ guë₄ rín'₅₄ Si₂ quió'₅ Diú₄ ně₃, la₁ a₂'uín₅₄ guioin₅₄ bá₄ a₂dsi₃'éin₂ ia₁ a₂jmo₂₃ le₂jaun₂.

¹⁷ Jaun₂ lë₃ 'nia'₂ rín'₅₄ jñiog₄, ia₁ tē₂jñiá₅ bá₄ ma₂le₁ñi'₅₄ 'nia'₂ 'a₂ lia'₂ niog₅ lé₂, jmo₄ 'nia'₂ 'í₁ ia₁jaun₂ tsá₃ qui₃tsag'₂ dsa₂ 'lín'₅₄ i₂jme₂gau₅, jaun₂ tsá₃ sén'₂ 'nia'₂ jui₅ ja₁tióng'₂ tiá₂. ¹⁸ La₁ juí₁dsi₂can'₅₄ bá₄ 'nia'₂ jui₅ ja₁'ua₁ dsí₅ Te₁gui'₅₄ Jesucristo quiáng₂ jñiog₄ i₂ma₂lió₂, jaun₂ dsi₁nó'₅ 'nia'₂ le₃cuin'₂ guë₄ dse₃. 'Éi₂ bá₄ ca₂tín₂ le₃juin'₂, jmig₄ ně₃, co₂tan₅₄. ¡A₂méi₃!

Co₂në₅.

* **3:10** A₂lín₅₄ chog₅₄ si₂: “qui₂dsi₃'én₂ cáu₃.”

Si carta le 'uig⁵⁴ a ca²jmo³ SAN JUAN

Jág₁ dse₃ jui₁lia' 'a₂ lia' le₃chan₂ dsa₂

¹ Jmo₂ jnia'⁵⁴ si₂ la₂ dsiang'⁵⁴ ne'⁵⁴ 'nia'₂, ja₁'ín⁵ jnia'⁵⁴ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jě₃ a₂cha₂, ja₁'ín⁵ jnia'⁵⁴ jan₂ i₂qui₂ma₂né₁ jnia'⁵⁴ jág₁ quió'⁵, ma₂ca₂né₄ jnia'⁵⁴ quian'⁵⁴ jme₁ne₁ guio⁵⁴, ma₂qui₂ma₂tí₄ jnia'⁵⁴ gu₂ quió'⁵ ně₃. Tē₂le₃ quian'⁵⁴ jág₁ quió'⁵ 'éi₂ bá₄ a₂le₃chan₂ dsa₂. ² I₂chan₂ 'éi₂ ně₃ ca₂jme₃jniai₂₃ 'ñiog⁵ jē₄ quió'⁵ dsa₂ mi₂güí₃. Jaun₂ jnia'⁵⁴ ně₃, ca₂né₄, jaun₂ jang'₂ jnia'⁵⁴ jág₁ dsau⁵ quió'⁵ 'éi₂. Qui₂'ě⁵ jnia'⁵⁴ ja₁con'₂ 'nia'₂ 'a₂ lia' le₃chan₂ dsa₂ co₂tan⁵⁴. Jme₁ma₂chain₂ bá₄ quian'⁵⁴ Jmei₂, ton'₂ ma₂ca₂jme₃jniai₂₃ jē₄ quián₂ jnia'⁵⁴. ³ Jaun₂ 'ě⁵ jnia'⁵⁴ jág₁ jui₁lia' a₂ma₂ne⁵⁴ a₂ma₂né₁ ně₃, ia₁jaun₂ jme₁quiong'⁵⁴ 'nia'₂ jnia'⁵⁴ 'ei⁵ caun₂ jág₁, jui₁lia' jnia'⁵⁴ ně₃ 'ei⁵ caun₂ jág₁ quian'⁵⁴ Diú⁴ Jmei₂ jniog⁴, quian'⁵⁴ Jesucristo Ja₁ñi'⁵⁴ ně₃. ⁴ Jaun₂ bá₄ lē₃ jmo₂ jnia'⁵⁴ si₂ la₂ dsiang'⁵⁴ ne'⁵⁴ 'nia'₂, jua'₂ jnia'⁵⁴ ca₂le₃jě₃ jág₁ la₂, ia₁jaun₂ rē₂'ñia⁵ a₂'io'₂ jein₂ jniog⁴.*

Diú₄ i₂lín₅ si₂

⁵ A₂la₂ bá₄ jág₁ dse₃ a₂ma₂ca₂guéi₁ jnia'⁵⁴ quió'⁵, a₂'ě₄ táng₃ jnia'⁵⁴ ja₁con'₂ 'nia': Lín⁵ Diú₄ si₂; 'i₁caun₂ ja₁qui₁né₃ tsá₃ cha₂ ja₁coin₂. ⁶ Nē₁jua'₂ jua'₂ jniog⁴ 'ei⁵ caun₂ jág₁ quian'⁵⁴ Diú⁴, la₁ nē₁jua'₂ i₂nio⁴ guē'₂ jniog⁴ jē₄ qui₁né₃, jmo₂ jniog⁴ tē₂jág₁; tsá₃ jui₁ dsau⁵ chong₂. ⁷ La₁ nē₁jua'₂ qui₂l₂nio⁴ jniog⁴ ja₁jniá₂ si₂, jui₁lia' 'en⁵⁴ 'éi₂ ja₁jniá₂ si₂, 'ei⁵ caun₂ jág₁ quian'⁵⁴ rin'⁵⁴ jniog⁴ le₂jau₂ le₂jau₂, jaun₂ jmi⁴ Jesucristo Ja₁ñi'⁵⁴ qui₂chéi₂ ca₂le₃jě₃ dsáu₁ jniog⁴.

⁸ Nē₁jua'₂ jua'₂ jniog⁴ tsá₃ 'e₂ dso₄ le₁cáu'⁴, jme₂gán₁ jniog⁴ guio⁵⁴, tsá₃ tí₅ jág₁ quián₂. ⁹ La₁ nē₁jua'₂ jmo₂ jniog⁴ jág₁ dsau⁵ a₂rē₂cáu'⁴ dso₄, rē₂ti'⁵⁴ bá₄ Diú⁴, rē₂ bá₄ qui₂dsi₂₃ 'éi₃, 'éi₂ bá₄ dso₄ quián₂ jniog⁴, qui₃chéi₂ ca₂le₃jě₃ a₂'lig'⁵⁴. ¹⁰ La₁ nē₁jua'₂ jua'₂ jniog⁴ tsá₃ 'e₂ dso₄ ma₂'nióg₁, jmo₂ jniog⁴ co₂'nió'₄ tē₂jín₁ bá₄ Diú⁴; tsá₃ 'i₄ jág₁ quió'⁵ ja₁con₂ jniog⁴.

2

Cristo bá₄ lín₅ i₂chén'₅ ne₄ jág₁ quián₂ jniog⁴

¹ 'Nia'₂ chí₂-guein₂ quiáng₃, jmo₅ jniá₂ si₂ la₂ ja₁juá'⁵ ca₂le₃jě₃ ia₁jaun₂ tsá₃ ma₃'náu'₁ 'nia'₂ dso₄. Nē₁jua'₂ chan₂ i₂ca₂tán'₂ dso₄, chan₂ bá₄ jan₂ i₂chén'₅ ne₄ jág₁ quián₂ jniog⁴ ne₄ Diú⁴ Jmei₂. I₂'éi₂ lín⁵ Jesucristo i₂dsen₃. ² 'Éi₂ bá₄ i₂ca₂ñó₃ rē₂jen'⁵⁴ ne₄ Diú⁴ 'uig⁵⁴ dsáu₁ jniog⁴. On₃jua'⁵⁴ rē'₂ jmá'₃ 'uig⁵⁴ dsáu₁ jniog⁴, 'uig⁵⁴ dsáu₁ ca₂le₃jín₃ dsa₂ mi₂güí₃ bá₄ ján₃.

³ Nē₁jua'₂ jme₂tí₁ 'éi'₃ quió'⁵ ně₃, jaun₂ le₂nē₅ bá₄ ne₄ a₂ma₂ca₂rē₃cuin⁵ jniog⁴. ⁴ La₁ nē₁jua'₂ chan₂ i₂juá'₂: “Cuín⁵ jniá₂ Diú⁴”, la₁ nē₁jua'₂ tsá₃ jme₂ti₃ guē'₂ 'éi'₃ quió'⁵, i₂'éi₂ lín⁵ dsa₂ tē₂jág₁, tsá₃ 'i₄ jág₁ tí₅ ja₁coin₂. ⁵ La₁ tē₂le₃ quió'⁵ jui₁lia' i₂jme₂ti₃ 'éi'₃ quió'⁵ Diú⁴, i₂'éi₂ guē'₂ dsón'₂ rē₂'ñia⁵ a₂'nioi₃ Diú⁴. Jaun₂ le₂nē₅ bá₄ ne₄ jniog⁴ chong₂ a₂'ei⁵ caun₂ jág₁ quian'⁵⁴. ⁶ Jui₁lia' i₂juá'₂ téin⁵ le₃quió'⁵ Diú⁴, 'nió'₅ i₃nioi⁵⁴ jui₁lia' ca₂ñi₃ Jesucristo.

Caun₂ 'éi'₃ m'í₂

⁷ 'Nia'₂ rin'⁵⁴ jniog⁴ i₂'nióg₃, on₃jua'⁵⁴ 'éi'₃ 'm'í₂ la₂ tó'₅ jniá₂ ne₄ si₂ juí₂ 'nia'₂. A₂le₂jaun₂ bá₄ la₂ jui₁lia' 'éi'₃ a₂jme₁ma₂cha₂ ja₁con'₂ 'nia'₂ ca₂le₃ jmí₄ le₂'uig⁵⁴

* **1:4** A₂lín⁵⁴ chog⁵⁴ si₂: “a₂'io'₂ jén'₂ 'nia'₂.”

jme₁ca₂rē₃'én'₂ 'nia'₂. 'Éi'₃ gui'₅₄ la₂ lě₅ jág₁ a₂ma₂nei'₂ 'nia'₂. ⁸ La₁ia₁ a₂tó'₅ jniá₂ ne₄ si₂ la₂ a₂tsíng₂ ne'₅₄ 'nia'₂, lě₅ co₂'nió'₄ caun₂'éi'₃ 'mí'₂, a₂dsau₅ tē₃dsón'₂ quió'₅ Cristo, ján₃ guē₄ dsau₅ tē₂le₃ ja₁con'₂ 'nia'₂ ně₃. Ia₁ ma₂ca₂ŋí₂ bá₄ jē₄ qui₁né'₃, ma₂tág₅ si₂ a₂dsau₅ tē₃dsón'₂.

⁹ Chi₂jua'₂ chan₂ i₂juá'₂ chain₂ ja₁jniá₂ si₂, la₁ nē₁jua'₂ 'ŋiai₅₄ bá₄ guē'₂ riin'₅₄ ně₃, i₂le₂'éi₂ 'ein₅₄ bá₄ guē₄ jē₄ qui₁né'₃. ¹⁰ La₂ i₂'nio₃ rin'₅₄ guē'₂ ně₃, tē₂'ŋiai₅₄ ja₁jniá₂ si₂, ton'₂ 'i₁caun₂ tsá₃ 'e₂ cha₂ jua'₅₄ jmo₃ a₂qui₃nió'₃. ¹¹ La₁ i₂'ŋia₅₄ rin'₅₄ guē'₂ ně₃, 'ein₅₄ jē₄ qui₁né'₃. Tsá₃ ŋi₅ 'a₂ ju₅ dsó₃, ia₁ co₂'nió'₄ tein₅₄ bá₄ ŋi₂₃ jē₄ nei₂.

¹² Tsín₂ jniá₂ si₂ la₂ ne'₅₄ 'nia'₂ i₂lín₅ chi'₂-guein₂ quiáng₃, ia₁ ma₂rē₂'én₄ bá₄ dsáu'₂ 'nia'₂, ma₂ca₂'én₂ bá₄ Diú₄ tē₂le₃ o₄quió'₄ Jesucristo. ¹³ 'Nia'₂ dsa₂ i₂chan₂ chi'₂ quián₅, tsín₂ jniá₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ bá₄ 'nia'₂ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jě₃. 'Nia'₂ dsa₂ chi'₂, tsíng₂ si₂ la₂ ne'₅₄ 'nia'₂ ia₁ ma₂ca₂tian'₃ bá₄ 'nia'₂ ne₄ quió'₅ i₂sē₃dsen₃.

'Nia'₂ guein₂ quiáng₃, jmo₅ jniá₂ si₂ la₂ tsíng₂ ja₁con'₂ 'nia'₂ ia₁ ma₂ca₂rē₃cuin'₂ 'nia'₂ Diú₄ Jmei₂ jniog₄. ¹⁴ 'Nia'₂ dsa₂ i₂chan₂ chi'₂ quián₅, tsín₂ jniá₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ 'nia'₂ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jě₃. Ján₃ bá₄ tsín₂ jniá₂ si₂ la₂ ne'₅₄ 'nia'₂ dsa₂ chi'₂, ia₁ 'uan'₂ bá₄ 'nia'₂, ia₁ jág₁ dse₃ quió'₅ Diú₄ ma₂'i₄'au'₂ 'nia'₂, ia₁ ma₂ca₂tian'₃ 'nia'₂ ne₄ quió'₅ i₂sē₃dsen₃.

¹⁵ Tsá₃ lē₁jmo₂ 'nia'₂ 'ín₅ 'au'₂ jua'₅₄ a₂le₃chang'₂ i₁niog'₄ ju₅ ja₁nió₄ dsa₂ mi₂güí₃, on₃ guē'₂ jmó₁ 'nia'₂ 'ín₅ 'au'₂ 'e₂ niog₅ cha₂ mi₂güí₃. Chi₂jua'₂ chan₂ i₂'ín₅ dsí₅ a₂jén'₅ mi₂güí₃, i₂le₂'éi₂ tsá₃ tē₃dsón'₂ 'nioi₃ Diú₄ Jmei₂. ¹⁶ Ia₁ ca₂le₃jě₃ a₂jén'₅ mi₂güí₃, ju₅lia'₂ ca₂le₃jě₃ a₂'lig'₅₄ a₂mi₅ ni₁ŋi₁ dsa₂, a₂'ín₅ dsí₅ dsa₂ jmo₃ ca₂le₃jě₃ 'e₂ niog₅ tē₅ jme₁ne₁₂, a₂jme₂rón₂ dsa₂ 'e₂ niog₅ cha₂ quió'₅ tē₂lia'₂ chain₂: Ca₂le₃jě₃ a₂nē₅, on₃jua'₅₄ já₅ quió'₅ Diú₄ Jmei₂ jniog₄; a₂já₅ quió'₅ mi₂güí₃ bá₄ jaun₂. ¹⁷ La₁ a₂jē₁ca₂ŋí₂ bá₄ mi₂güí₃, quian'₅₄ ca₂le₃jě₃ 'e₂ 'lig'₅₄ a₂'ín₅ dsí₅ dsa₂ chain₂ ne₄ gua'₅₄ 'uē₃. La₁ i₂jmo₅ a₂'ŋio₂ dsí₅ Diú₄, le₃chain₂ co₂tan₅₄.

Ju₅lia'₂ 'a₂ lia'₂ lě₅ jág₁ dsau₅ dsón'₂, 'a₂ lia'₂ lě₅ jág₁ tē₂jág₁ táng₃

¹⁸ 'Nia'₂ chi'₂-guein₂ quiáng₃, jmí₄ jē₁ca₂tó'₂ bá₄ la₂ chong₂ jniog₄. Ma₂nei'₂ bá₄ 'nia'₂, já₅ jan₂ i₂'ŋia₅₄ Cristo. Rē₂ně₃ ně₃, juin₅ bá₄ i₂ma₂ca₂rē₃jniá₂ i₂'ŋia₅₄ Cristo. Jaun₂ bá₄ lē₃ ne₄ jniog₄ a₂ja₂quián₃ jmí₄ jē₁ca₂tó'₂. ¹⁹ I₂ca₂'uin₂ jē₄ quián₂ jniog₄ bá₄ 'éi₂. Dsón'₂ bá₄ dsau₅, on₃jua'₅₄ i₂quián₂ jniog₄ 'éi₂, ia₁ jua'₅₄ mei'₂ guē₃ lín₅ i₂quián₂ jniog₄, jme₁ŋia₃ bá₄ quian'₅₄ jniog₄. La₁ le₂nē₅ ca₂lē₃ ia₁ jaun₂ le₃jniá₂, 'i₁jan₂ 'éi₂ tsá₃ lín₅ i₂quián₂ jniog₄. ²⁰ La₁ 'nia'₂ ně₃, ma₂ca₂guen'₅₄ bá₄ 'nia'₂ Jme₂dsí₂ Jnió₅, jaun₂ cuing'₂ bá₄ 'nia'₂ ca₂le₃jíng'₃* jág₁ tí₅. ²¹ Jaun₂ tsíng₂ si₂ la₂ ne'₅₄ 'nia'₂, on₃jua'₅₄ ia₁ a₂tsá₃ cuin'₂ 'nia'₂ jág₁ tí₅, tē₂le₃ ia₁ a₂cuin'₂ 'nia'₂. Jaun₂ ma₂le₁ŋi'₅₄ bá₄ 'nia'₂, 'i₁caun₂ jág₁ tē₂jág₁ tsá₃ lé₂ le₃o₃'ag₅ jē₄ jág₁ dsau₅. ²² ¿'Ein₂ 'éi₂ i₂lín₅ tē₂jág₁? I₂'éi₂ bá₄ i₂juá'₂ a₂tsá₃ lín₅ Jesús I₂rē₂'ín₁ quián₅ Diú₄. 'Éi₂ bá₄ i₂'ŋia₅₄ Cristo, i₂tsá₃ jen₅₄ Diú₄ Jmei₂, on₃ guē'₂ Ja₁ŋi'₅₄ ně₃. ²³ Ca₂le₃jín₃ i₂tsá₃ jen₅₄ Ja₁ŋi'₅₄ Diú₄, ján₃ bá₄ le₂jaun₂ tsá₃ quian'₅₄ Diú₄ Jmei₂. La₁ ju₅lia'₂ i₂jme₂jnia₅ jáng'₅ jág₁ dsau₅ tē₂le₃ quió'₅ Ja₁ŋi'₅₄, ján₃ bá₄ le₂jaun₂ quian'₅₄ Jmei₂ ně₃.

²⁴ Jaun₂ lē₃, 'ma₄ 'nia'₂ tē₂'au'₂ jág₁ dse₃ a₂ma₂nei'₂ 'nia'₂ le₂'uig₅₄. Ia₁ nē₁jua'₂ ma₂tē₁'ŋiá₄ tē₂'au'₂ 'nia'₂, jaun₂ tē₃'ŋiá'₄ bá₄ 'nia'₂ ja₁con₂ Ja₁ŋi'₅₄, quian'₅₄ Jmei₂ ně₃. ²⁵ Jaun₂ a₂la₂ bá₄ jág₁ quió'₅ a₂ca₂cuē₃: A₂le₃chong₂ jniog₄ co₂tan₅₄.

²⁶ Jaun₂ tsín₂ jniá₂ si₂ la₂ ne'₅₄ 'nia'₂ ja₁'íng₅ ju₅lia'₂ i₂'nio₃ jiog₃ cau₅. ²⁷ La₁ quian'₅₄ bá₄ 'nia'₂ Jme₂dsí₂ Jnió₅ i₂ma₂tē₁'ŋiá₄ tē₂'au'₂ 'nia'₂ i₂ma₂cuin₃ Cristo.

* 2:20 o₃, "ca₂le₃jě₃."

Jaun₂ tsá₃ ma₃i₂sián'₂ 'nió'₅ jme₃tag₅. La₁ jui₁tē₂'ñiá'₄ bá₄ 'nia'₂ le₃quió'₅ 'éi, ia₁ 'ñiog₅ bá₄ Jme₂dsí₂ Jñiós₅ jme₃tiin₂₃ 'nia'₂ ca₂le₃jě₃ con'₂ lě₅ jág₁ tí₅ dsón'₂, on₃jua'₅₄ jág₁ tē₂jág₁.

²⁸ Jaun₂ ně₃, 'nia'₂ chi'₂-guein₂ quiáng₃, jui₁tē₂'ñiá'₄ bá₄ 'nia'₂ quiain'₅₄, ia₁jaun₂ caun₂ bá₄ le₁'ág₄ dsi₅ jniog₄ jē₁ma₂tē₂ jmig₄ i₁jme₃jniai₂₃ táng₃. Tsá₃ 'nió'₅ jmó₁ jniog₄ gui'₅₄ ne₅₄ jē₁ma₂guáin'₅. ²⁹ Chi₂jua'₂ ma₂ñi'₅₄ 'nia'₂, Cristo bá₄ i₂lín₅ i₂jmo₅ con'₂ dsi₂ten₅₄, jaun₂ jui₁le₂ñi'₅₄ bá₄ 'nia'₂ ján₃, ca₂le₃jín₃ i₂jmo₅ con'₂ dsi₂ten₅₄, lín₅ chi'₂-guein₂ quián₅ Diú₄.

3

Chi'-guein₂ quián₅ Diú₄

¹ Jág₄ 'nia'₂ jaun₂, 'ñio₅ lín₃ 'nio₃ Diú₄ Jmei₂ jniog₄, juá'₂ dé₄ jmá'₃ tē₂ jniog₄ a₂lág₅ chi'₂-guein₂ quián₅. 'Uig₅₄ ně₅, dsa₂ mi₂güig₃ tsá₃ cui₂₃ jniog₄ ia₁ tsá₃ ma₂ca₂rē₃cuiin₂₃ Diú₄. ² 'Nia'₂ rin'₅₄ jniog₄ i₂'nióg₃, ma₂lág₅ jniog₄ chi'₂-guein₂ quián₅ Diú₄. O₁ñia'₅₄ la₂ tsá₃ ma₂ne₄ gué₄ jniog₄ 'a₂ lia'₂ léi₂ jē₁ca₂tó'₂, la₁ ne₄ jniog₄, jmig₄ jē₁ma₂tē₂ rē₁jme₃jnia₅ 'éi₂, léi₂ jniog₄ jui₁lia'₂ lín₅ 'ñiog₅, ia₁ néi₄ jniog₄ ton'₂ le₃cuiin₅ jniog₄ 'a₂ lia'₂ jniái₂. ³ Ca₂le₃jín₃ i₂'ín₂ dsí₅ jág₁ ně₅, jmo₂₃ le₁jě₃ tē₂dsí₅, jui₁lia'₂ le₁jín₃ 'éi₂.

⁴ Dsa₂ i₂caun₂ 'no₅ dso₄, rē₂cáin'₄ 'Éi'₃ quió'₅ Diú₄. Ia₁ jui₁'ein₂ gué₃ i₂ca₂i₁juin₅₄ con'₂ lě₅ 'Éi'₃, dso₄ bá₄ jaun₂. ⁵ Ia₁ ma₂ñi'₅₄ bá₄ 'nia'₂, ta₁ jaun₂ ca₂guan₃ dsa₂ i₂rē₂'ín₁ 'éi₂ quián₅ Diú₄, a₂qui₃'éin₂ dsáu₁ jniog₄. Ia₁ 'i₁caun₂ dso₄ tsá₃ 'e₂ ca₂rē₃cáin'₂ 'ñiog₅. ⁶ Jaun₂ le₂ně₅, 'i₁jan₂ i₂chan₂ le₃quió'₅ 'éi₂ tsá₃ ma₂ñi₂₃ jua'₅₄ caun₂ qui₂'no₂₃ gué₄ dso₄. La₁ jui₁lia'₂ i₂caun₂ i₂nio₄ 'no₅ dso₄ ně₃, tsá₃ ma₂ca₂jág₂, on₃ gué₂ ma₂ca₂rē₃cui₂₃ ně₃. ⁷ 'Nia'₂ chi'₂-guein₂ quiáng₃, tsá₃ 'ein₂ jui₁jniog₅₄ cau₅ quián'₂ 'nia'₂. Jui₁lia'₂ i₂jmo₅ con'₂ dsi₂ten₅₄, dsein₃ bá₄, jui₁lia'₂ dsen₃ 'éi₂ 'ñiog₅. ⁸ La₁ jui₁lia'₂ i₂caun₂ 'no₅ dso₄, i₂quián₅ i₂sē₃dsen₃ bá₄ 'éi₂, ia₁ i₂sē₃dsen₃ ně₃ ma₂já₅ 'no₂₃ dso₄ ca₂le₃ jme₁ca₂rē₃lióg₃ mi₂güig₃. La₁ Ja₁ñi'₅₄ Diú₄ ně₃, ta₁ jaun₂ ca₂guain₃ a₂qui₂'éin₂ ta₁ quió'₅ i₂sē₃dsen₃.

⁹ 'I₁jan₂ jui₁lia'₂ i₂ma₂ca₂rē₃chán₃ le₃quió'₅ Diú₄, jua'₅₄ caun₂ qui₂'no₂₃ gué₄ dso₄, ia₁ quion₂ quió'₅ Diú₄ Jmei₂. Jaun₂ tsá₃ ma₂lé₂ jua'₅₄ caun₂ 'no₃ gué₄ dso₄, ia₁ ma₂ca₂rē₃chán₃ ma₂lín₅ guein₂ quián₅ Diú₄ bá₄. ¹⁰ Jaun₂ le₂ně₅ bá₄ lé₂ jióg'₂ 'í₁ 'ein₂ lín₅ i₂quián₅ Diú₄, 'ein₂ lín₅ i₂quián₅ i₂sē₃dsen₃ ně₃. Ia₁ jui₁'ein₂ gué₃ i₂tsá₃ dse₃ jmo₅, o₃ jui₁lia'₂ i₂tsá₃ 'nio₃ rin'₅₄, on₃jua'₅₄ chi'₂-guein₂ quián₅ Diú₄ 'éi₂.

Jui₁jme₁'nió₄ jniog₄ rin'₅₄ le₂jau₂ le₂jau₂

¹¹ Jág₁ dse₃ a₂ma₂nei'₂ 'nia'₂ le₂'uig₅₄, a₂la₂ bá₄ jaun₂: a₂jme₁'nió₄ jniog₄ rin'₅₄ le₂jau₂ le₂jau₂. ¹² Tsá₃ 'nió'₅ jmó₁ jniog₄ jui₁lia'₂ ca₂jmo₃ Caín i₂jme₁lín₄ i₂quián₅ i₂sē₃dsen₃, jaun₂ ca₂ñi'₃ dsó₂ riin'₅₄. ¿'E₂ lě₃ ca₂jñag'₃? Ia₁ a₂'lig'₅₄ bá₄ jme₁jmo₅-dsáu₅ 'éi₂ 'ñiog₅; riin'₅₄ gué₂ ně₃, a₂dse₃ bá₄ jme₁jmo₂₃.

¹³ Rin'₅₄ jniog₄, tsá₃ jui₁dsi₂gó'₃ 'au'₂ 'nia'₂ ně₁jua'₂ 'iog₅₄ dsa₂ mi₂güig₃, ¹⁴ ia₁ ma₂ca₂ñag₅ bá₄ jniog₄ ja₁jme₁dsióg₃; ma₂ca₂rē₃chóng₃ táng₃ jniog₄ jē₁le₃chong₂ co₂tan₅₄. Ne₄ jniog₄ a₂ně₅ ia₁ 'nio₃ bá₄ jniog₄ rin'₅₄. La₁ i₂tsá₃ 'nio₃ rin'₅₄, i₂caun₂ ñi₅ 'lín₄ bá₄ 'éi₂. ¹⁵ Ca₂le₃jín₃ jui₁lia'₂ i₂'ñia₅₄ rin'₅₄, i₂rē₂cán'₄ dso₄ co₂'nió'₄ i₂jme₂dsian₅ dsa₂ bá₄ 'éi₂. Ñi'₅₄ bá₄ 'nia'₂ jaun₂, 'i₁jan₂ dsa₂ i₂jme₂dsian₅ dsa₂ tsá₃ 'i₄ jme₂dsi₂ a₂chain₂ co₂tan₅₄. ¹⁶ Le₂la₂ bá₄ ne₄ jniog₄ 'e₂ jaun₂ a₂'nio₃ dsa₂ rin'₅₄, ia₁ chan₂ jan₂ i₂ca₂guen₃ 'mú₃ o₄quián₂ jniog₄. Ján₃ bá₄ le₂jaun₂ ca₂tág₂ jniog₄ guén₄ 'mú₃ o₄quió'₄ rin'₅₄. ¹⁷ Jui₁lia'₂ i₂cha₂ quió'₅ ne₄ gua'₅₄ 'uē₃ la₂, ně₁jua'₂ chan₂ jan₂ riin'₅₄, i₂ñi₅ 'in₂ quió'₅, ně₁jua'₂ tsá₃ ca₂dsia₃ gué₂ ñéi₂ dsí₅ ja₁coin₂, ¿'a₂ lia'₂ lé₂ le₃juá'₂ ma₂tē₁'ñiá'₄ tē₂dsí₅ a₂'nio₃ Diú₄? ¹⁸ 'Nia'₂ guein₂ quiáng₃, on₃jua'₅₄

jmá'₃ quian'₅₄ jág₁ tio'₅₄ 'o₄ jniog₄ dsi₂ten'₅₄ jua'₅₄ a₂'nio₃ jniog₄ rin'₅₄. A₂ca₂tág₂ jniog₄ jme'₁nió₄ tē₃dsón'₂ rin'₅₄, tē₂le₃ quian'₅₄ a₂léi₄ a₂qui₂rē₂jniá₂ 'e₂ a₂jmo₂ jniog₄.

'Ei, caun₂ dsi₂ jniog₄ tē₂le₃ quió'₅ Diú₄

¹⁹Le₂nē₅ bá₄ ne₄ jniog₄ a₂téi₅ le₃quió'₅ jui₅ dsau₅, jaun₂ guě₄ le'ₑi₁ jniog₄ caun₂ dsi₅ ne₄ Diú₄. ²⁰La₁ nē₁jua'₂ cha₂ a₂qui₂dsi₂jni₅ dsi₅ jniog₄ a₂jme₂cáu'₂, Diú₄ bá₄ i₂lín₅ i₂juin'₂ guě₄ lia'₂ con'₂ guě₄ 'e₂ a₂qui₂dsi₂jni₅ dsi₅; 'éi₂ bá₄ ŋi₅ ca₂le₃jě₃. ²¹Le₂nē₅ jaun₂ rin'₅₄ jniog₄ i₂'nió₃ guě₄ lín₃, chi₂jua'₂ lei₅₄ jniog₄ tē₂dsi₅ guio₅₄ tsá₃ 'e₂ rē₂cáu'₄, caun₂ bá₄ lé₂ le'ₑi₁ jniog₄ dsi₅ ne₄ Diú₄, ²²jaun₂ cuē₃ bá₄ 'éi₂ ca₂le₃jě₃ 'e₂ a₂mi₂, tē₂le₃ ia₁ jme₂tí₁ jniog₄ 'éi'₃ quió'₅, ton'₂ ia₁ jmo₂ bá₄ jniog₄ ne₄ 'éi₂ a₂tē₅ dsi₅. ²³A₂la₂ bá₄ 'éi'₃ quió'₅: a₂le₃'éin₂ jniog₄ tē₂le₃ quió'₅ Jesucristo Ja₁ŋi'₅₄, ton'₂ ján₃ guě'₂ jme'₁nió₄ jniog₄ rin'₅₄ le₂jau₂ le₂jau₂. Con'₂ nē₅ bá₄ lě₅ 'éi'₃ quió'₅ ca₂tság₃ jnia'₅₄. ²⁴Ca₂le₃jín₃ i₂jme₂ti₃ 'éi'₃ nē₅ nē₃, chain₂ le₃quió'₅ 'éi₂; ján₃ guě'₂ le₂jaun₂ 'éi₂ 'ŋiog₅ chain₂ ja₁con₂ 'éi₂ nē₃. Le₂nē₅ bá₄ ne₄ jniog₄ a₂guá₅ 'éi₂ tē₂dsi₅ jniog₄: tē₂le₃ quian'₅₄ Jme₂dsi₂ i₂ma₂cuin₃.

4

Jme₂dsi₂ quián₅ Diú₄ quian'₅₄ jme₂dsi₂ i₂'ŋia₅₄ Cristo

¹'Nia'₂ guein₂ quiáng₃ i₂'nió₃ guě₄ lín₃, tsá₃ o₁len'₂ 'nia'₂ jua'₅₄ ca₂le₃jín₃ i₂juá'₂, jiog₅ Jme₂dsi₂ quián₅ Diú₄. Rē₂ de'₂ quion₂ 'nia'₂ 'í₁ quió'₅, chi₂jua'₂ tē₃dsón'₂ lín₅ i₂quián₅ Diú₄. Ia₁ juin₅ dsa₂ jui₁gan₂ ma₂i₂nio₄ qui'₂'ě₂ jág₁ mi₂güí₃ la₂. ²Le₂la₂ bá₄ lé₂ le₃caun'₅₄ 'nia'₂ 'í₁ quió'₅ i₂juá'₂ jiog₅ Jme₂dsi₂ quián₅ Diú₄: ca₂le₃jín₃ jme₂dsi₂ i₂jmo₅ jág₁ a₂ca₂guan₃ Jesucristo chi₁dsáin₃ mi₂güí₃ la₂, i₂le₂'éi₂ bá₄ lín₅ i₂quián₅ Diú₄. ³La₁ juí'₁ein₂ guě₃ jme₂dsi₂ i₂tsá₃ jmo₅ jág₁ le₂nē₅ 'in₂₃ Jesús, on₃jua'₅₄ i₂quián₅ Diú₄ 'éi₂. I₂quián₅ i₂'ŋia₅₄ Cristo bá₄ i₂le₂'éi₂, i₂ma₂nei'₂ 'nia'₂ jág₁ a₂jiá₃, i₂ma₂'en₅₄ mi₂güí₃ rē₂nē₃.

⁴'Nia'₂ chi'₂-guein₂ quiáng₃, lín'₅ bá₄ 'nia'₂ i₂quián₅ Diú₄; ia₁ ma₂ca₂tian'₃ bá₄ 'nia'₂ dsa₂ i₂tē₂jín₁. Ia₁ i₂'uan'₂ lín₃ guě₄ bá₄ Jme₂dsi₂ i₂quian'₅₄ 'nia'₂, lia'₂ con'₂ guě₄ i₂quian'₅₄ dsa₂ mi₂güí₃. ⁵Dsa₂ mi₂güí₃ bá₄ 'éi₂, jaun₂ jmá'₃ lia'₂ ca₂ne₅₄ a₂cha₂ mi₂güí₃ bá₄ jme₂tag₂₃. Jaun₂ lě₃ dsa₂ mi₂güí₃ nē₃ nag₂₃ jág₁ a₂jme₂tag₅ dsa₂ 'éi₂. ⁶La₁ dsa₂ quián₅ Diú₄ bá₄ lág₅ jniog₄; jaun₂ lě₃, jui₁lia'₂ dsa₂ i₂cuin₅ Diú₄ nē₃, nag₂₃ jág₁ quián₂ jniog₄. La₁ dsa₂ i₂tsá₃ quián₅ Diú₄ nē₃, tsá₃ 'nio₃ nag₃ jág₁ quián₂ jniog₄. Jaun₂ le₂nē₅ bá₄ rē₂cuin₅ jniog₄ jui₁lia'₂ i₂jiog₅ Jme₂dsi₂ quió'₅ jág₁ tí₅. Ján₃ guě'₂ le₂jaun₂ rē₂cuin₅ jniog₄ jui₁lia'₂ i₂jiog₅ jme₂dsi₂ i₂jui₁gan₂.

Diú₄ bá₄ i₂'nio₃ jniog₄

⁷Rin'₅₄ jniog₄, jui₁jme'₁nió₄ jniog₄ rin'₅₄ le₂jau₂ le₂jau₂, ia₁ ja₁con₂ Diú₄ bá₄ já₅ a₂'nio₃ dsa₂ riin'₅₄. Ca₂le₃jín₃ i₂'nio₃ rin'₅₄ ca₂rē₃cháin₃ tē₂le₃ quió'₅ Diú₄, ton'₂ cuin₂₃ Diú₄. ⁸I₂tsá₃ 'nio₃ rin'₅₄ nē₃, tsá₃ ma₂ca₂rē₃cuin₂₃ Diú₄, ia₁ Diú₄ lín₅ i₂'nio₃. ⁹Ca₂jme₃jnia₅ Diú₄ a₂'nio₃ jniog₄ jme₁ca₂chein₃ Ja₁ŋi'₅₄ i₂jan₂ tan₅₄ 'éi₂ mi₂güí₃ la₂. ¹⁰Le₂la₂ bá₄ lě₅ a₂'nio₃ Diú₄: on₃jua'₅₄ a₂ma₂ca₂jme'₁nió₄ jniog₄ ja₁ma₂ja₂náu₅. 'Nio₅ bá₄ Diú₄ ca₂dsia₃ ŋéi₂ dsi₅ ca₂rē₃'nio₃. Jaun₂ ca₂chein₃ Ja₁ŋi'₅₄ ia₁jaun₂ 'éi₂ qui₃ a₂rag₂ jniog₄.

¹¹Rin'₅₄ jniog₄, chi₂jua'₂ le₂nē₅ ca₂rē₃'nio₃ Diú₄, ján₃ bá₄ le₂nē₅ ca₂tág₂ jniog₄ jme'₁nió₄ rin'₅₄ le₂jau₂ le₂jau₂. ¹²I₂jan₂ tsá₃ 'ein₂ ma₂jín₂ Diú₄. La₁ nē₁jua'₂ 'nio₃ jniog₄ rin'₅₄ le₂jau₂ le₂jau₂, guá₅ bá₄ Diú₄ tē₂dsi₅ jniog₄, ton'₂ qui₂rē₂'ŋia₅ bá₄ tē₂dsi₅ a₂'nio₃ Diú₄. ¹³Le₂nē₅ bá₄ jau'₂ 'í₁ a₂téi₅ jniog₄ tē₂le₃ quió'₅ Diú₄, ton'₂ 'ein₅₄ tē₂dsi₅ jniog₄ nē₃: ia₁ ma₂cuin₃ Jme₂dsi₂ quián₅. ¹⁴Jnia'₅₄ guio₅₄ ca₂néi₄,

jaun₂ jang'₂ nia'₅₄ jág₁ dsau₅ la₂: Diú₄ Jmei₂ ca₂chein₃ Ja₁ñi'₅₄ a₂ca₂o₃lio_{in}₅₄ dsa₂ mi₂güig₃. ¹⁵ Ju_i₁'ein₂ gué₃ i₂'in₅ Jesús, a₂lín₅ 'éi₂ Ja₁ñi'₅₄ Diú₄, quiain'₅₄ bá₄ Diú₄, ton'₂ guá₅ bá₄ Diú₄ quióng'₅₄ táng₃.

¹⁶ Le₂nē₅ ma₂ca₂rē₃ne₄, ma₂ca₂rē₃'éin₂ jniog₄ a₂'nio₃ Diú₄. Diú₄ lín₅ i₂'nio₃; jaun₂ i₂chan₂ 'nio₃ rin'₅₄ nē₃, chain₂ le₃quió'₅ Diú₄, ton'₂ chan₂ Diú₄ ja₁coin₂ ján₃. ¹⁷ Le₂nē₅ bá₄ rē₂'ñia₅ ja₁con₂ jniog₄ a₂jme₁'nió₄ jniog₄ rin'₅₄, ia₁jaun₂ jē₁ma₂ca₂tē₂ jmig₄ i₁qui₃dsi₅ Diú₄ 'éi'₃, lé₂ le₃'éi₁ jniog₄ caun₂ dsi₅. Ia₁ lág₅ jniog₄ chong₂ mi₂güig₃ la₂ lia'₂ lín₅ Jesucristo. ¹⁸ Ju_i₁lia'₂ jē₁'nio₃ dsa₂ rin'₅₄, tsá₃ 'e₂ gau₂ cha₂. La₁ ju_i₁lia'₂ jē₁'nio₃ dsa₂ rin'₅₄ lia'₂ rē₂'ñia₅, quian'₅₄ a₂nē₅ jñia'₅ a₂gó'₅ dsa₂. Ia₁ ju_i₁lia'₂ a₂gó'₅ dsa₂, caun₂ jm_i₁uig₅ bá₄ jaun₂ rē₂'é₄ ja₁coin₂. Ia₁ ju_i₁lia'₂ i₂gó'₅, tsá₃ ma₂ca₂rē₃'ñia₅ ja₁coin₂ 'a₂ lia'₂ jme₃'nioi₃ riin'₅₄.

¹⁹ 'Nio₃ jniog₄ Diú₄ ia₁ 'ñiog₅ de'₂ le₂'uig₅₄ ca₂rē₃'nio₃ jniog₄. ²⁰ La₁ nē₁ju_a'₂ chan₂ i₂lín₅₄ juá'₂: “Nió₃ jniá₂ Diú₄”, la₁ nē₁ju_a'₂ 'ñia₅₄ bá₄ gué'₂ riin'₅₄ nē₃, jan₂ dsa₂ tē₂jág₁ bá₄ 'éi₂. Ia₁ nē₁ju_a'₂ tsá₃ 'nio₃ dsa₂ riin'₅₄ i₂jñin₂, ¿'a₂ bá₄ lia'₂ lé₂ jme₃'nioi₃ Diú₄ i₂tsá₃ ma₂jñin₂? ²¹ 'Ñiog₅ bá₄ Diú₄ ma₂cuē₃ 'éi'₃ la₂: I₂'nio₃ Diú₄, ca₂tñin₂ jme₃'nioi₃ riin'₅₄ ján₃.

5

Ca₂tián₃ jniog₄ ne₄ cosas 'lig'₅₄ a₂jén'₅ mi₂güig₃

¹ Ca₂le₃jín₃ i₂'én₂ a₂lín₅ Jesús tē₃dsón'₂ I₂rē₂'ín₁ quián₅ Diú₄, lín₅ chi'₂-guein₂ quián₅ Diú₄. Ju_i₁lia'₂ ja₁'nio₃ dsa₂ jan₂ dsa₂, ján₃ bá₄ 'nioi₃ chi'₂ quián₅ dsa₂ 'éi₂. ² Le₂nē₅ bá₄ ne₄ jniog₄ 'a₂ lia'₂ jme₁'nió₄ chi'₂-guein₂ quián₅ Diú₄: chi₂ju_a'₂ dsón'₂ 'nió₃ jniog₄ Diú₄, ton'₂ jme₁tí₁ jniog₄ 'éi'₃ quió'₅. ³ A₂la₂ bá₄ a₂'nio₃ jniog₄ Diú₄, a₂jme₁tí₁ jniog₄ 'éi'₃ quió'₅ bá₄. 'Éi'₃ quió'₅ nē₃, on₃ju_a'₅₄ 'e₂ ñí₄ guei₂. ⁴ Ia₁ ca₂le₃jín₃ i₂ma₂lín₅ chi'₂-guein₂ quián₅ Diú₄, lí'₂ ne₄ cosas a₂jén'₅ mi₂güig₃. Jaun₂ quian'₅₄ a₂'éin₂ bá₄ jniog₄, léi₂ ne₄ cosas a₂jén'₅ mi₂güig₃. ⁵ ¿'Ein₂ 'éi₂ i₂lí'₂ ne₄ cosas a₂jén'₅ mi₂güig₃? Jñia'₅₄ lia'₂ i₂'éi₂ bá₄ i₂'én₂ a₂lín₅ Jesús Ja₁ñi'₅₄ Diú₄.

Jág₁ dsau₅ 'ein₂ 'éi₂ lín₅ Ja₁ñi'₅₄ Diú₄

⁶ Lia'₂ con'₂ jme₁guan₃ Jesucristo, ca₂jáng'₃ Diú₄ Jmei₂ jág₁ dsau₅ a₂lín₅ Jesús Ja₁ñi'₅₄ tē₃dsón'₂. Ia₁ ca₂cuē₃ léi₄ jme₁ca₂jñó₂ 'éi₂ jmig₂. Jaun₂ on₃ju_a'₅₄ jmá'₃ jme₁ca₂jñó₂ jmig₂ ca₂cuē₃ léi₄. Jme₁ca₂jón₃ Jesús, jme₁ca₂i₃'o₅₄ jm_i₂ 'ain₅₄ nē₃, ca₂cuē₃ léi₄ táng₃. Quian'₅₄ le₃tñ₃ léi₄ nē₅ ca₂jáng'₃ Jme₂dsí₂ quián₅ Diú₄ jág₁ dsau₅, ia₁ Jme₂dsí₂ 'éi₂ bá₄ i₂lín₅ jág₁ dsau₅. ⁷ Ún₂ i₂lín₅ i₂jáng'₅ jág₁ dsau₅ nē₅: ⁸ Jme₂dsí₂ Jñi₅ i₂jñia₄ jniog₄ tē₂dsi₅, Diú₄ Jmei₂ i₂ca₂cuē₃ léi₄ con'₂ jme₁ca₂jñó₂ Jesús jmig₂, 'ñiog₅ Jesús nē₃ ca₂cuē₃ léi₄ lia'₂ con'₂ jme₁ca₂join₃, ca₂i₃'o₅₄ jm_i₂ 'ain₅₄. Le₃ún₂ i₂nē₅ caun₂ bá₄ jág₁ lē₅ quió'₅. * ⁹ Guén₅ bá₄ jniog₄ ju_i₁lia'₂ 'e₂ caun₂ jág₁ dsau₅ jáng'₅ dsa₂ mi₂güig₃, la₁ 'ñio₅ lín₃ gué₄ quen₅ jág₁ dsau₅ a₂ca₂cuē₃ Diú₄ 'ñiog₅, ia₁ quian'₅₄ jág₁ dsau₅ a₂ca₂jáng'₃ jaun₂ nē₃, ca₂'ē₃ 'ein₂ lín₅ Ja₁ñi'₅₄. ¹⁰ I₂'én₂ tē₂le₃ quió'₅ Ja₁ñi'₅₄ Diú₄, 'i₄ jág₁ dsau₅ nē₅ tē₂dsí₅. I₂tsá₃ 'én₂ tē₂le₃ quió'₅ Diú₄ nē₃, jmo₂₃ dsí₅ co₂'nió₄ tē₂jín₁ bá₄ Diú₄, ia₁ tsá₃ 'éin₂ jág₁ dsau₅ a₂ma₂cuē₃ Diú₄ tē₂le₃ quió'₅ Ja₁ñi'₅₄. ¹¹ ¿'E₂ jaun₂ a₂ma₂juá'₂ Diú₄? Ma₂ca₂juá'₂ a₂ma₂cuē₃ jág₁ quió'₅ a₂le₃chong₂ jniog₄ co₂tan₅₄. Jaun₂ le₃chong₂ jniog₄ co₂tan₅₄ tē₂le₃ quian'₅₄ Ja₁ñi'₅₄. ¹² Dsa₂ i₂quian'₅₄ Ja₁ñi'₅₄ Diú₄, jéin'₃ bá₄. La₁ ju_i₁lia'₂ i₂tsá₃ quian'₅₄ Ja₁ñi'₅₄ Diú₄, tsá₃ jéin'₃.

* **5:8** A₂lín₅₄ chog₅₄ si₂ a₂ca₂lē₃ cang₂ quian'₅₄ jág₁ jmei₅ latín, juá'₂ le₂la₂: “i₂jáng'₅ jág₁ dsau₅ nē₅ guei'₅₄ i₂juig₅: Diú₄ Jmei₂, Ja₁ñi'₅₄ i₂lín₅ jág₁ quió'₅, quiain'₅₄ Jme₂dsí₂ Jñi₅. Le₃ún₂ i₂nē₅ ca₂ne₅₄ bá₄ lín₅. Já₃n, bá₄ ún₂ i₂lín₅ i₂jáng'₅ jág₁ dsau₅ ne₄ gua'₅₄ 'uē₃.”

Toin'₂ jág₁ rin'₅₄ jë₁ca₂tó'₂

¹³ Jmo₅ jniá₂ si₂ la₂ tsíng₂ ne'₅₄ 'nia'₂ dsa₂ i₂én₂ të₂le₃ quió'₅ Ja₁ñi'₅₄ Diú₄, ia₁jaun₂ ñi'₅₄ 'nia'₂ chang'₂, a₂'i₄ të₂'au'₂ jme₂dsí₂ a₂chang'₂ co₂tan₅₄.†

¹⁴ Caun₂ 'ei₅ dsí₅ jniog₄ chong₂ të₂le₃ quió'₅ Diú₄, ia₁ ne₄ jniog₄ në₁jua'₂ 'e₂ caun₂ a₂mi₂ jniog₄ lia'₂ con'₂ lë₅ 'ñio₂ dsí₅, nag₃ bá₄ jág₁ quián₂. ¹⁵ Chi₂jua'₂ ne₄ jniog₄, a₂nag₂₃ jág₁ a₂chi₂lein'₅₄ jniog₄, ne₄ bá₄ jniog₄ ján₃, në₂jag₄ bá₄ a₂ma₂në₂gué₁ 'e₂ mi₂.

¹⁶ Në₁jua'₂ chan₂ i₂ca₂jín₂ rin'₅₄ 'no₂₃ dso₄, la₁ në₁jua'₂ tsá₃ lë₅ dso₄ a₂jio₅ jui₅ 'mú₃, 'nió'₅ mi₃ dsa₂ ne₄ Diú₄ ia₁jaun₂ jmo₃ Diú₄ a₂le₃chan₂ táng₃ dsa₂ 'éi₂; co₂'nió'₄ le₃jua'₅₄ dso₄ on₃jua'₅₄ a₂jio₅ jui₅ 'mú₃. Ia₁ cha₂ dso₄ a₂jio₅ jui₅ 'mú₃. Tsá₃ juá'₅ jniá₂ a₂'nió'₅ mi₃ dsa₂ o₄quió'₄ dsa₂ i₂'no₅ dso₄ le₂jaun₂. ¹⁷ Ca₂le₃jě₃ a₂'lig'₅₄, dso₄ bá₄ jaun₂. La₁ cha₂ dso₄ a₂tsá₃ jio₅ jui₅ 'mú₃.

¹⁸ Ne₄ bá₄ jniog₄, jui₁lia'₂ i₂ca₂rë₃chán₃ le₃quió'₅ Diú₄, tsá₃ ma₂ñi₂₃ jua'₅₄ caun₂ qui₂'no₂₃ gué₄ dso₄; ia₁ Ja₁ñi'₅₄ Diú₄ bá₄ jmo₅ 'í₁,‡ jaun₂ tsá₃ téi₂ i₂së₃dsen₃ gu₂.

¹⁹ Jaun₂ ne₄ bá₄ jniog₄ a₂lág₅ dsa₂ quián₅ Diú₄; ton'₂ ne₄ bá₄ jniog₄ ján₃, a₂ma₂rë₂'i₄ bí₂ quió'₅ i₂së₃dsen₃ ta₁caun₂ mi₂güí₃.

²⁰ Ján₃ bá₄ ne₄ jniog₄, ta₁ jaun₂ ca₂guan₃ Ja₁ñi'₅₄ Diú₄ a₂jme₃tag₂₃ ia₁jaun₂ le₃ñág'₂ jniog₄ 'a₂ lia'₂ 'nió'₅ le₃cuñ₅ jniog₄ i₂lín₅ të₃dsón'₂. Jaun₂ chong₂ bá₄ jniog₄ 'ei₅ caun₂ jág₁ le₃quió'₅ i₂lín₅ të₃dsón'₂, co₂'nió'₄ le₃jua'₅₄ le₃quió'₅ Jesucristo Ja₁ñi'₅₄ Diú₄. 'Éi₂ bá₄ lín₅ Diú₄ të₃dsón'₂ i₂cuë₅ a₂le₃chan₂ dsa₂ co₂tan₅₄.

²¹ 'Nia'₂ chi'₂-guein₂ quiáng₃, jmo₄ 'nia'₂ 'í₁ jaun₂ tsá₃ le₃gan'₂ 'nia'₂ quian'₅₄ diú₄ lag₄.

Co₂në₅.

† **5:13** A₂lín₅₄ chog₅₄ si₂ a₂ca₂lë₃ cang₂ gué₄, juá'₂ ján₃: “ton'₂ ia₁jaun₂ le₃'éng'₂ le₃quió'₅ Ja₁ñi'₅₄ Diú₄.”

‡ **5:18** o₃, “jui₁lia'₂ i₂ca₂rë₃chán₃ le₃quió'₅ Diú₄, jmo₂₃ 'í₁ 'ñio₅.”

Si₂ carta jë₁ca₂të₂ tin₃ a₂ca₂jmo₃ SAN JUAN

Jág₁ dsau₅, quian'₅₄ 'a₂ lia'₂ 'nió'₅ jme₃'nio₃ dsa₂ rin'₅₄

¹ Jniá₂ i₂líng₅ gui'₅₄ juin'₂ quián₅ guá'₅ jmo₂₃ si₂ la₂ tsíng₂ ne'₅₄ 'ne₂ 'io₅₄* rin'₅₄ jniog₄ i₂ma₂quion'₅₄ quián₅ Diú₄, quian'₅₄ chi'₂ quiáng'₂ i₂nióg₃ gué₄ lin₃. On₃jua'₅₄ jmá'₃ jniá₂ 'nióg₃ 'nia'₂, ján₃ bá₄ 'nio₃ ca₂le₃jín₃ i₂ma₂le₁ñi₅ jág₁ tí₅.
² O₄quió'₄ jág₁ dsau₅ bá₄ 'nióg₃ 'nia'₂, jág₁ a₂ma₂të₁'ñiá₄ të₂dsi₅ jniog₄, ton'₂ jiog₅ co₂tan₅₄ ja₁con₂ jniog₄.
³ Diú₄ Jmei₂ quian'₅₄ Te₁gui'₅₄ Jesucristo Ja₁ñi'₅₄, jui₁jme₂gu'₅₄, dsia₃ ñéi'₂ dsí₅, jmo₃ 'ag₃ tei₄ 'au'₂ 'nia'₂, ia₁ a₂dsón'₂ bá₄ 'nioi₃ 'nia'₂.
⁴ 'Nio₅ të₅ dsí₃ ia₁ ma₂jing₅₄ i₂lin₅₄ chi'₂ quiáng'₂ tián'₅ bá₄ lia'₂ con'₂ lë₅ jág₁ tí₅, lia'₂ con'₂ lë₅ juá'₂ Diú₄ Jmei₂ jniog₄, 'éi'₃ a₂ma₂cuë₃.
⁵ Në₃ në₃ 'io₅₄ rin'₅₄ jniog₄, mi₅ jniá₂ juig'₂ 'ne₂, a₂jme₁'nió₄ jniog₄ rin'₅₄ le₂jau₂ le₂jau₂. A₂juá'₅ jniá₂ ne₄ si₂ la₂, on₃jua'₅₄ 'éi'₃ 'mí₂ la₂, 'éi'₃ jaun₂ bá₄ la₂ jui₁lia'₂ 'éi'₃ a₂jme₁ma₂ron₅ quián₂ jniog₄ le₂'uig₅₄.
⁶ Le₂në₅ bá₄ jme₁'nió₄ jniog₄ rin'₅₄: a₂i₂nió₄ jniog₄ lia'₂ con'₂ lë₅ 'éi'₃ quió'₅ Diú₄. 'Éi'₃ a₂ma₂nei'₂ 'nia'₂ le₂'uig₅₄ bá₄ jaun₂, a₂le₃chang'₂ jme₁'nióg'₄ ríng'₂.

Jui₁lia'₂ dsa₂ i₂jme₂gau₅

⁷ Le₂con₂ mi₂güig'₃ bá₄ i₂nió₄ juin'₅ dsa₂ i₂jme₂gau₅, tsá₃ jág₁ jmo₂₃ jua'₅₄ a₂juá'₂ a₂ca₂guan₃ Te₁gui'₅₄ chi₁dsáin₃. Dsa₂ le₂'éi₂ bá₄ lín₅ i₂jme₂gau₅, i₂ñia₅₄ Cristo në₃.
⁸ Jmo₄ 'nia'₂ 'í₁ ia₁jaun₂ tsá₃ lë₁dsi₃'én₂ ta₁ quián'₂ 'nia'₂ a₂jmo'₂ ia₁ 'éng'₂, jaun₂ bá₄ tin'₃ 'nia'₂ lia'₂ 'ñia₅ 'liang'₅₄ cuë₃ Diú₄.
⁹ Ia₁ jui₁'ein₂ gué₃ i₂dsi₂jñiá₄ jmo₂₃ ñag₅₄ gué₄ jme₂tag₂₃ con'₂ jág₁ a₂ma₂ca₂jme₃tag₅ Cristo, tsá₃ Diú₄ quian'₅₄ dsa₂'éi₂. La₁ jui₁lia'₂ i₂juá'₂ jme₂tag₂₃ con'₂ lë₅ ca₂jme₃tag₅ Cristo, chan₂ Diú₄ Jmei₂ ja₁coin₂, ján₃ gué'₂ quian'₅₄ bá₄ Ja₁ñi'₅₄ Diú₄ në₃.
¹⁰ Në₃jua'₂ chan₂ i₂ca₂dsióg₃ ja₁con'₂ 'nia'₂, la₁ në₃jua'₂ tsá₃ jme₂tag₂₃ lia'₂ con'₂ lë₅ jág₁ në₅, tsá₃ lë₁guéin₅ 'nia'₂ dsi₂néi₂ quiáng'₂, ca₂lia'₂ jñia'₅₄ Diú₄ tsá₃ 'nió'₅ cuín'₄ 'nia'₂.
¹¹ Ia₁ në₃jua'₂ chan₂ i₂ca₂cuin₃ Diú₄ dsa₂ le₂'éi₂, co₂'nió'₄ quein'₅₄ 'e₂ a₂'lig'₅₄ a₂jmo₅-dsá₅'éi₂.

Jág₁ jë₁ca₂tó'₂

¹² 'Lióng₂ bá₄ jág₁ a₂'nió₃ jniá₂ juig'₅₄ 'nia'₂, la₁ tsá₃ 'nio₃ jniá₂ jua'₅₄ a₂juá'₄ të₂le₃ quian'₅₄ si₂, on₃ gué'₂ quian'₅₄ jmi₁jné₂. Ia₁ 'ín₂ dsí₃ jniá₂ dsióg₄ bá₄ 'ñi₃ ia₁jaun₂ dsíá₁ jniog₄ jág₁ dsí₁ne₁, ia₁jaun₂ le₃'ñia₅ a₂'io'₂ jein₂ jniog₄.
¹³ Chi'₂ quián₅ 'io₅₄ ríng'₂ i₂ma₂quion'₅₄ quián₅ Diú₄, dsíáin'₂ jág₁ a₂cuin₂₃ Diú₄ 'nia'₂.
Co₂në₅.

* **1:1** I₂lin₅₄ të₅sí₃ ñí'₂ dsí₅ jui₁lia'₂ jág₁ në₅, co₂'nió'₄ t'ë'₂ guá'₅ në₂jag₄ bá₄ jan₂ 'io₅₄; chi'₂ quián₅ gué'₂ në₃, co₂'nió'₄ dsa₂ i₂tén₅ guá'₅.

Si₂ carta jë₁ca₂të₂'ni₅a₂ca₂jmo₃ SAN JUAN

Dsia₅ dsa₂ dse₃ 'in₂₃ Gayo

¹ Jniá₂ gui'₅₄ juin'₂ quián₅ guá'₅, jmo₂₃ si₂ tsíng₂ ne'₅₄ 'ne₂ Gayo a₂mei₅₄ quiáng₃, ia₁ tē₃dsón'₂ bá₄ 'nióg₃ 'ne₂.

² Chi₁len'₄ jniá₂ Diú₄ o₄quián'₂ 'ne₂ rin'₅₄ jniog₄, ia₁jaun₂ jmo₃ le₃chang'₂ dse₃. Jui₁'ei₅ bá₄ dse₃ 'au'₂ ján₃, jui₁lia'₂ 'ei₅ 'au'₂ tē₂le₃ quián'₅₄ jme₂dsí₂ quiáng'₂. ³ 'Nio₅ lin₃ 'io'₂ jéin₅ jniá₂ jme₁ca₂o₃lén₂ i₂lin₅₄ rin'₅₄ jniog₄. 'Éi₂ ně₃ ca₂dsia₃ 'a₂ lia'₂ dse₃ ma₂chang'₂ rē₂teng'₅₄ lia'₂ con'₂ lē₅ jág₁ tí₅. ⁴ 'Icaun₂ a₂siá'₂ tsá₃ cha₂ jua'₅₄ a₂lé₂ le₃jmo₃ 'ag₃ dse₃ dsí₃ 'io'₂ jéin₅, jnia'₅₄ lia'₂ a₂le₃guion₅₄ a₂i₂nio₄ bá₄ chi'₂-guein₂ quiáng₃ lia'₂ con'₂ lē₅ jág₁ tí₅. ⁵ A₂mei₅₄ quiáng₃, caun₂ a₂rē₂ti'₅₄ bá₄ jaun₂ a₂jmo'₂ 'ne₂ jme₁cuē'₂ gog'₂-tag'₅₄ o₄quió'₄ rin'₅₄ jniog₄, o₁jnia'₅₄ tsá₃ cuiin'₂. ⁶ Tē₃ ja₁le₁ñi'₂ guá'₅, ma₂ca₂jáng'₃ 'éi₂ jág₁ dsau₅ 'a₂ lia'₂ ñí₄ lē₃ 'nió'₃. Jmo₄ dse₃ 'au'₂ jme₁'oin₁₂ a₂'nió'₅ quió'₅, ia₁jaun₂ caun₂ dsí₃lén₂ bá₄ ne₄ jui₅ ja₁tioin'₅₄ jui₅ dsí₁lén₂. Jmo₄ a₂tē₅ dsí₅ Diú₄. ⁷ Ia₁ tioin'₅₄ jui₅ i₂lén₂ dsí₃jmo₂ ta₁ quió'₅ Jesucristo, la₁ tsá₃ 'e₂ ma₂gue₃ 'i₁caun₂ quió'₅ dsa₂ i₂tsá₃ 'én₂. ⁸ Jaun₂ lē₃, jniog₄ ně₃ ca₂tág₂ dsí₁ gu₂, jme₁'oin₁₂ a₂dsí₁lén₂ ja₁tioin'₅₄ jui₅ dsí₃'ě₃ jág₁ tí₅ quió'₅ Diú₄.

Tsá₃ dse₃ jmo₅ Diótrefes

⁹ Ca₂jmo₃ jniá₂ caun₂ si₂ ca₂tsíng₂ ne₄ guá'₅. La₁ Diótrefes tsá₃ gue₂₃ 'éi'₃ quián₂ jnia'₅₄, ia₁ 'nio₃ jme₃góin₃ 'ñiog₅ jmo₃ juin'₂ cán₂ ne₄ jui₅ quió'₅ guá'₅. ¹⁰ Jaun₂ lē₃, ně₃ jua'₂ ca₂ñó₃ jniá₂, i₁jéin₂ ia₁ 'e₂ lē₃ jmo₂₃ jág₁ tē₂jág₁ 'ag₂₃ jnia'₅₄. Tsá₃ mag'₂ bá₄ guě₄ dsí₅ a₂jaun₂, ia₁ ján₃ bá₄ tsá₃ guein₂₃ rin'₅₄ jniog₄ i₂dsí₂lén₂ ně₃; qui₂jnë₅ bá₄ ně₃ jua'₂ chan₂ guē'₂ i₂'nio₃ guei₃, 'uín'₂ bá₄ 'éi₂ jē₄ quió'₅ guá'₅.

¹¹ Rin'₅₄ jniog₄, tsá₃ can₂ 'nia'₂ jui₅ 'lig'₅₄ quió'₅ 'éi₂. Jmo₄ 'nia'₂ a₂dse₃. Dsa₂ i₂jmo₅ a₂dse₃, i₂quián₅ Diú₄ bá₄ 'éi₂. La₁ i₂jmo₅ a₂'lig'₅₄ ně₃, tsá₃ ma₂ca₂rē₃cuiin₂₃ Diú₄.

Caun₂ jui₅ dse₃ a₂rē₂jniá₂ ñi₅ Demetrio

¹² Ca₂le₃jin₃ bá₄ juá'₂ dse₃ 'in₂₃ Demetrio. Ia₁ rē₂jniá₂ bá₄ 'a₂ lia'₂ ñi₂₃. Le₂nē₅ bá₄ jnia'₅₄ ně₃, dsia₂ jág₁ dse₃ 'ín₅ 'éi₂, jaun₂ ñi'₅₄ 'nia'₂, dsau₅ bá₄ jág₁ a₂jang'₂ jnia'₅₄.

Jág₁ jë₁ca₂tó'₂

¹³ Lióng₂ bá₄ jág₁ 'nio₃ jniá₂ juá'₄, la₁ tsá₃ 'nio₃ jmo₅₄ quián'₅₄ jmi₁jnë₂ on₃ guē'₂ quián'₅₄ pluma; ¹⁴ ia₁ 'ín₂ dsí₃ jniá₂ jag₅₄ dsí₁ne₁ ñi'₅₄ ta₁ la₂ ia₁jaun₂ dsí₁ jág₁.

¹⁵ Jui₁chang'₂ bá₄ 'ei₅ tei₄ 'au'₂. Dsa₂ a₂mei₅₄ quiáng'₂ i₂chan₂ ja₁lá₃ chein₂₃ jág₁ a₂cuiin₂₃ Diú₄ 'ne₂. Jmo₄ dse₃ 'au'₂ cuiin₅₄ Diú₄ le₂jan₂ le₂jan₂ a₂mei₅₄ quián₂ ja₁nē₅.

Co₂nē₅.

Si carta acajmo₃ JUDAS

Jmo₅ Judas si₂ ne₄ dsa₂ i₂ma₂quion'₅₄ quián₅ Diú₄

¹ Jniá₂ Judas, líng₅ dsa₂ i₂jme₂ti₃ ne₄ Jesucristo, líng₅ rin'₅₄ Jacobo. Jmo₂₃ si₂ carta la₂ tsíng₂ ne₄ ca₂le₃jín₃ i₂tě₄ i₂'nió₄ quián₅ Diú₄ Jmei₂ jniog₄, con'₂ i₂chan₂ lě₅ 'í₁ le₃quió'₅ Jesucristo. ² Jui₁le₂tsón₂ bá₄ ja₁con'₂ 'nia'₂ a₂ηéi₂ dsí₅ Diú₄, a₂'ei₅ tei₄, a₂'nió'₃ 'nia'₂ ríng'₂ ně₃.

*Dsa₂ i₂jme₂tag₅ juá'₅ jág₁ tějág₁
(2 Pedro 2:1-17)*

³ 'Nia'₂ rin'₅₄ jniog₄ i₂'nióg₃, lě₂ dsí₃ 'nio₅ lín₃ a₂jmo₅₄ si₂ tsíng₅₄ ja₁con'₂ 'nia'₂ ja₁juá'₄ jui₁lia'₂ jág₁ a₂lión₂ dsa₂ a₂ma₂le₁ne₁ jniog₄. La₁ia₁, ně₃ ně₃, 'nió'₅ jmo₅₄ si₂ a₂chi₁leng'₄ 'nia'₂, a₂'nió'₅ quín'₅₄ 'nia'₂ bí₂ o₄quió'₄ jág₁ a₂'éin₂ jniog₄, jág₁ a₂ma₂dsia₃ Diú₄ o₄gú₃ dsa₂ i₂lě₅ 'í₁ quián₅. * ⁴ Ia₁ ma₂ca₂i₃ton'₅₄ i₂lín₅₄ con'₂ tě₃co'₅₄ jě₄ quián'₂ 'nia'₂, dsa₂ i₂ma₂ja₂lén₂ rě₂'ín₄ ne₄ Si₂ ca₃ma₂líg'₂ i₂ma₂tion'₅₄ jui₅ dsí₃'én₂. Lín₅ dsa₂ i₂tsá₃ Diú₄ cuín₅, i₂'nio₃ jme₃tsín₃ jág₁ a₂'ua₁ dsí₅ Diú₄ quián₂ jniog₄ con'₂ tsá₃ o₁jau₅₄ jui₅ a₂tóin'₃ jmo₃-dsáu₅ a₂'lig'₅₄ a₂ja₂ dsí₅; tsá₃ tioen₂₃ a₂lín₅ Jesucristo i₂jan₂ tan₅₄ juig₅₄ jniog₄ Te₁gui'₅₄ quián₂.

⁵ Jui₁la₂ ma₂le₁ηi'₅₄ 'nia'₂, la₁ 'nio₃ jniá₂ juá'₄ táng₃ ia₁jaun₂ dsiog'₂ 'au'₂, ia₁lia'₂ con'₂ jme₁ca₂'uín'₂ Te₁gui'₅₄† dsa₂ juig₂ Israel ma₂líg'₂ lia'₂ con'₂ jme₁tioin'₅₄ 'uě₃ Egipto, la₁ ca₂jme₃dsiain₂₃ bá₄ i₂lín₅₄ dsa₂ 'éi₂ ia₁ tsá₃ ca₂'éin₃. ⁶ Le₂jaun₂ bá₄ táng₃ quian'₅₄ ángeles i₂tsá₃ 'í₁ ca₂lí'₃ ta₁ a₂jme₁lín₄, tě₂le₃ ca₂tí₂ bá₄ ja₁jme₁tiáin'₄. 'Éi₂ ně₃ rě₂ně₃ tioen'₅₄ le₁jní₅ jě₄ qui₁né'₃, ja₁ma₂le₁ηei'₅₄ co₂tan₅₄ quian'₅₄ ηí₁ cadenas, lě₅ 'í₁ quió'₅ Jmíg₄ Jué'₂ jaun₂. ⁷ Le₂ně₅ bá₄ ján₃ jui₁lia'₂ ca₂jmo₃ dsa₂ i₂jme₁chan₂ juig₂ Sodoma quian'₅₄ Gomorra, ca₂le₃jě₃ guě₄ juig₂ i₂jén₂ ma₂quián₅ jaun₂, ca₂jín'₂ qui₂ca₂nió'₃ ca₂le₃jě₃ ne₅₄ jág₁ 'lig'₅₄, qui₂i₂lén₂ chi₁co'₅₄ quió'₅ a₂'ín₅ dsí₅ ni₁ηi₁ i₂sián'₂ a₂tsá₃ dsi₂ten₅₄ jmo₃. Uig₅ a₂ηág₅ jě₄ si₂ a₂jio₃ co₂tan₅₄ a₂ca₂gue₃ jaun₂, 'ě₂ jág₁ ja₁con'₂ dsa₂ i₂chan₂ jmíg₄ ně₃.

⁸ Le₂ně₅ bá₄ ján₃, tě₂le₃ quian'₅₄ 'e₂ a₂niog₅ qui₅ dsa₂ 'éi₂, qui₂jme₂'ióg₃ ni₁ηi₁ guioin₅₄ quian'₅₄ dso₄ a₂qui₂'no₂₃, tsá₃ ji'₅₄ 'éi'₃, 'lig'₅₄ bá₄ táun₂ le₃quió'₅ i₂jlán'₁ chan₂ quián₅ Diú₄. ⁹ Ia₁ ca₂lia'₂ jnia'₅₄ ángel Mi₂gue₅₄ i₂lín₅ i₂dsen₅₄ guě₄ quián₅ Diú₄, lia'₂ con'₂ jme₂ca₂tsiin₂ quian'₅₄ i₂sě₃dsen₃ ne₄ o₄quió'₄ ni₁ηi₁ 'lag₄ Moisés, tsá₃ ca₂tiá₂ dsí₅ 'éi₂ jua'₅₄ 'ag₃ 'lig'₅₄ a₂'nag₃, tě₂le₃ ca₂juá'₂: “Te₁gui'₅₄ bá₄ jui₁qui₂dsi₅ 'éi'₃ ja₁cong'₂.”

¹⁰ La₁ dsa₂ 'éi₂ ně₃ 'ě₂₃ 'lig'₅₄ 'e₂ caun₂ a₂lě₂, tě₃ tsá₃ ma₂ηi₅ rě₂; jmo₂₃-dsáu₅ lia'₂ ja₁jmo₅ já'₂ náu₂ i₂tsá₃ 'e₂ ηí'₂ dsí₅, ia₁ jui₁lia'₂ a₂cuí'₅ con'₂ lě₅ a₂ηí'₂ dsí₅ guioin₅₄ a₂cha₂ mi₂güí₃ la₂, quian'₅₄ a₂jaun₂ bá₄ dsí₃'éin₂.

¹¹ ¡E₂ guě₄ juí₂ dsa₂ 'éi₂! Ia₁ ma₂ja₂lén₂ quian₅ jui₅ quió'₅ Caín; ne₄ 'uig₅₄ ia₁ a₂dsí'₅₄ cu₄ bá₄ ca₂i₁nioi₁₂ tě₂le₃ dséi₂, 'ein₂₃ jui₅ ja₁tsá₃ dsau₅ a₂ca₂can₃ Bala'am. La₁ ca₂i₃'éin₂ jui₁lia'₂ ca₂i₃'én₂ Coré† jme₁ca₂nau₂ quein₅. ¹² Co₂'nió'₄ caun₂ 'mé'₅ a₂quian₅ o₂guí'₃ bá₄ a₂jmo₅-dsáu₅ dsa₂ 'éi₂ jin'₄ 'nia'₂ jme₁tóng'₅ quě'₂ jmo'₂ 'nia'₂ jmíg₄ a₂'nióg'₃ ríng'₂. La₁ dsa₂ 'éi₂ quein'₅₄ jin'₄ 'nia'₂ qui₂guě'₅ qui₂'ín₂ 'io'₂ jén'₅ ca₂lia'₂ tsá₃ 'e₂ gó'₃ jmo₂₃. Lín₅ jui₁lia'₂ jan₂ dsa₂ i₂jmo₅ 'í₁ já'₂ cha'₂, la₁ jnia'₅₄

* **1:3** lit. “dsa₂ jnió₅.” † **1:5** A₂lín₅₄ chog₅₄ si₂ a₂gui'₅₄ guě₄: “Jesús.” ‡ **1:11** Core: 'Í₂ Números 16.

con² dse³ jme²tain⁵⁴ guoin⁵⁴ bá⁴. Líin⁵ jui¹lia² lě⁵ jnei⁵ a²lě¹qui²ṅag⁵ quian⁵⁴ dsí² tsá³ 'e² jmí⁵ cha² guē²; o³ líin⁵ táng³ jui¹lia² ni¹'ma² a²lě¹le¹dsi⁵⁴ tó⁵ lí¹ jein² quió⁵, la¹ tsá³ 'e² míg² cha² guē² jaun² ně³. Líin⁵ co²'nió⁴ ni¹'ma² a²ma²ca²cang⁵ le²jio⁵ jmú⁴, le³jua⁵⁴ a²ma²quian⁵ tin³ ne⁵⁴ 'mú³. ¹³ Líin⁵ jui¹lia² lě⁵ jmig² a²lě¹qui²jná⁵ tiá² ne⁴ jmí¹ṅí⁴ a²ráun² quian⁵⁴ dsí², qui²le¹'ág⁴ ne⁴ jan⁵ ca²le³jě³ a²lě¹'iog⁵ o²guí³ quió⁵. Tioin⁵⁴ jui⁵ i²nioi⁵⁴ líin⁵ jui¹lia² lě⁵ nei⁵ a²lě¹ma²i²nio⁴, tsá³ ma³jui⁵ co²dsau⁵ le¹quian⁵. Ma²tioin⁵⁴ jui⁵ a²dsi¹lein³ jě⁴ qui¹né³ 'ṅio⁵ lin³, ja¹ma²lě⁵ co²jnia⁵⁴ ja¹dsi¹toin⁴ co²tan⁵⁴.

¹⁴ Le²jaun² bá⁴ Enoc ján³, dsa² i²jě¹ca²tě² jṅé² tsi¹jon² Adán i²ca²rě³chán³; 'éi² ca²'ě² jág¹ tě³jníá⁵ ca²'iin³ dsa² le²'éi² jme¹ca²juá²: “Ca²jing⁵⁴ Te¹gui⁵⁴ jóin⁵ ca²sióin³ quian⁵⁴ tě²le³ mei⁵ bá⁴ i²jṅi⁵ quiáin⁵, ¹⁵ a²qui³dsi²³ 'éi³ ne⁴ quió⁵ ca²le³jín³, a²'liain³ ca²le³jín³ dsa² 'lin⁵⁴, ne⁴ 'uig⁵⁴ ca²le³jě³ ne⁵⁴ a²'lig⁵⁴ a²qui²ma²jmo³, ne⁴ ca²le³jě³ jág¹ lě¹'iog⁵ a²qui²ma²'iin³ Diú⁴ ně³.” ¹⁶ Dsa² le²'éi² ně³ ca²le³jě³ bá⁴ 'i⁴ dsí⁵ jmo²³, qui²'no² dsá¹ dsa², jmá³ lia² jui⁵ ja¹le³chain² dse³ ja¹mag² dsí⁵ guoin⁵⁴ bá⁴ 'no². Tiin² dsia³ jmá³ lia² jág¹ tá⁵, ton² 'ṅioi⁵⁴ 'a² lia² jme³'uáin² dsí⁵ dsa² ia¹jaun² lí² 'e² a²'nio³.

'Ĕ² guē⁴ jág¹ tě³jníá⁵ tsí⁵ dsa² 'én²

¹⁷ La¹ 'nia² ně³ rín⁵⁴ jniog⁴, jui¹dsiog² 'au² 'nia², ca²le³jě³ jág¹ a²ma²cuē³ dsa² i²chen⁴ quián⁵ Te¹gui⁵⁴ Jesucristo quián² jniog⁴, ¹⁸ ca²juá² ca²tsí³ 'nia²: “Jmíg⁴ jě¹ca²tó² le³chan² dsa² i²jṅia⁵⁴ lě¹qui³táun² 'lig⁵⁴, a²le³chain² tian³ con² lě⁵ mi⁵ dsí⁵ guoin⁵⁴, ia¹ tsá³ Diú⁴ cuiin²³.” ¹⁹ Dsa² le²'éi² bá⁴ i²jmo³ le¹dson⁵⁴ 'nia²; i²nioi⁵⁴ con² dsí²jio⁵ dsí⁵ guoin⁵⁴, tsá³ Jme²dsí² quián⁵ Diú⁴ quiain⁵⁴.

²⁰ La¹ 'nia² ně³ rín⁵⁴ jniog⁴, caun² jui¹dsi²cón³ bá⁴ 'nia² quian⁵⁴ a²'éng² a²lě⁵ a²jṅi⁵ guē⁴ lin³. Chi¹len⁵⁴ 'nia² Diú⁴ con² lě⁵ jio⁵ Jme²dsí² Jṅi⁵. ²¹ Jui¹chan² bá⁴ 'nia² lě⁵ 'í¹ ja¹'nio³ Diú⁴ 'nia²; qui²le¹jan⁴ a²dsia³ ṅéi² dsí⁵ Te¹gui⁵⁴ Jesucristo quián², ca²lia² ca²tě² jmíg⁴ i¹cuē³ ja¹le³chan² 'nia² co²tan⁵⁴.

²² Dsia⁴ 'nia² ṅéi² 'au² ja¹con² jui¹lia² dsa² i²qui²le¹'ág⁴ caun²-tin³ dsí⁵, ²³ lion⁵⁴ 'nia² i²lin⁵⁴ ně²jag⁴ bá⁴ a²'uin⁵⁴ jě⁴ si². Dsia⁴ 'nia² ṅéi² 'au² ja¹con² i²sián², tě³ gang³, tě³ 'ṅiag⁵⁴ ca²le²jio⁵ ni¹tsin⁵⁴ a²rě²'ióg⁴ quian⁵⁴ ni¹ṅi¹².

Jág¹ a²rě²juin² Diú⁴ jě¹ca²tó²

²⁴ Ně³ ně³, tě²le³ quió⁵ i²qui⁵⁴ jmíg⁴ jmo³ 'í¹ 'nia² ia¹jaun² tsá³ tsi³séng², jme³jniai²³ 'nia² ján³, ja¹jlá¹ lin³ ja¹guá⁴ Diú⁴ a²tsá³ ma²'e² dso⁴ rě²cáng⁴, ja¹jíá³ 'au² 'nia² 'io² jén² guē⁴ lin³, ²⁵ le³quió⁵ Diú⁴ i²jan² tan⁵⁴ [i²ṅí² dsí⁵]Š i²lió² jniog⁴, i¹'éi² bá⁴ i²ca²tin² ca²le³jě³ ti¹'mag⁴, ca²le³jě³ a²jme²juag² dsa², ca²le³jě³ guē⁴ jui⁵bí², ca²le³jě³ 'éi³ ně³, [tě²le³ quian⁵⁴ Jesucristo Te¹gui⁵⁴ quián² jniog⁴],* ca²le³jě³ jmíg⁴ ja¹ma²já⁵, jmíg⁴ rě²ně³, lia² co²tan⁵⁴ ně³! ¡A²méi³!

Co²ně⁵.

§ 1:25 Chog⁵⁴ si² a²dse³ guē⁴ tsá³ le¹ton⁵ jág¹ ně⁵.

* 1:25 A²lin⁵⁴ chog⁵⁴ si² tsá³ le¹ton⁵ jág¹ ně⁵.

Jág₁ a₂ca₂jme₃jnia₅ Jesucristo ne₄ San Juan₅₄

Jág₁ a₂ca₂jme₃jnia₅ Diú₄

¹ A₂la₂ bá₄ jág₁ a₂ca₂jme₃jnia₅ Diú₄ ne₄ Jesucristo, ia₁jaun₂ 'éi₂ ně₃ 'ě₃ táng₃ dsa₂ i₂jme₂ti₃ ne₅₄, ca₂juá'₂ ca₂le₃jě₃ a₂tion₅₄ niog₅ lé₂ ŋi'₅₄ ta₁. Jaun₂ 'ŋiog₅ bá₄ 'éi₂ ca₂jmo₃ ca₂rě₃ŋi₅ ma₂ca₂jme₃jniai₂₃ tē₂le₃ quian'₅₄ ángel quiáin₅ ne₄ Juan₅₄, jan₂ dsa₂ i₂jme₂ti₃ ta₁ ne₅₄. ² Jniá₂ bá₄ 'éi₂ i₂jáng'₅ jág₁ dsau₅ la₂, ca₂le₃jě₃ lia'₂ con'₂ lě₅ a₂ca₂jág₃ ca₂tě₂ ne₃; ton'₂ jáng'₅ bá₄ jniá₂ jág₁ dsau₅ 'a₂ lia'₂ lě₅ jág₁ dse₃ quió'₅ Diú₄, quian'₅₄ 'a₂ lia'₂ lín₅ Jesucristo.

³ 'E₂ guě₄ dsen₃ i₂'i₅ si₂ la₂, a₂chi₁ton₅ jág₁ a₂'ě₂ Diú₄. Le₂jaun₂ guě'₂ táng₃ jui₁lia'₂ i₂nag₅ jág₁ la₂ a₂'ě₂ Diú₄; dsen₃ i₂tón'₂ jui₁ jág₁ a₂chi₁ton₅, ia₁ ma₂ja₂quián₃ jmi₄.

Jmo₅ Juan₅₄ si₂ a₂ca₂chein₃ ne₄ ta₁guion₃ guá'₅

⁴ Jniá₂ Juan₅₄ jmo₂₃ si₂ a₂dsiang'₅₄ ne₄ ta₁guion₃ guá'₅ i₂chan₂ le₂tan₅₄ 'uě₃ Asia. Jui₁jme₂gu'₅₄ Diú₄ 'nia'₂, jui₁chan'₂ bá₄ 'nia'₂ 'ei₅ tei₄ tē₂le₃ quian'₅₄ Diú₄ i₂lín₅ jmi₄ ně₃, i₂jme₁lín₄ tián₂ le₂ŋiá₅, i₂lén₂ ca₂lia'₂ co₂tan₅₄; ján₃ bá₄ jui₁jme₂gu'₅₄ Diú₄ 'nia'₂ tē₂le₃ quian'₅₄ ta₁guion₃ jme₂dsi₂ i₂tion'₅₄ le₃ne₄ ne₄ta₁ ja₁guá₄; ⁵ ján₃ guě'₂ jui₁jme₂gu'₅₄ Diú₄ 'nia'₂ tē₂le₃ quian'₅₄ Jesucristo, i₂tí₅ jág₁ dsau₅ quió'₅, i₂le₂ne₁ ma₂ca₂jen'₅₄ ne₄ 'mú₃, i₂gon₂ ne₄ rag₅₄ chan₂ gua'₅₄ 'uě₃. Le₃quió'₅ 'éi₂ bá₄ i₂ca₂rě₃'nio₃ jniog₄ ton'₂ ma₂ráng'₂ jniog₄ ne₄ 'uig₅₄ dsáu₁ jniog₄ quian'₅₄ jmi₂ 'ain₅₄ 'ŋiog₅; ⁶ le₃quió'₅ 'éi₂ ně₃ i₂ma₂jmo₃ a₂lág₅ jniog₄ rag₅₄, jme₂dsa₂ ně₃, a₂jme₁ti₁ jniog₄ ne₄ Diú₄ quiáin₅ i₂lín₅ Jmei₂. ¡Le₃quió'₅ 'éi₂ bá₄ ca₂tíin₂ jme₃juag'₂ dsa₂, ca₂tíin₂ goin₃ co₂tan₅₄! A₂méi₃.

⁷ ¡Jag₄! ¡Ma₂já₅ jě₄ jnei₅!

Ca₂le₃jín₃ bá₄ dsa₂ tē₃ ne₅₄,

ca₂le₂jio₅ dsa₂ juig₂ i₂ca₂'ág'₂;

ca₂le₃jín₃ dsa₂ chan₂ juig₂ ta₁caun₂ mi₂güig₃

tóin'₃ qui'₃-o₃ jě₁ma₂ca₂jág₂.

¡Le₂jaun₂ lé₂, a₂méi₃!

⁸ “Jniá₂ bá₄ 'éi₂ i₂lín₅ le₂'uig₅₄ jui₁lia'₂ letra Alfa jě₁ca₂rě₃lióg₃; jniá₂ bá₄ 'éi₂ i₂lín₅ jě₁ca₂tó'₂ ně₃ jui₁lia'₂ letra Omega”, juá'₂ Te₁gui'₅₄ Diú₄. “Jniá₂ bá₄ lín₅ rě₂ně₃, i₂lín₅ ma₂i₁jaun₃, i₂lín₅ co₂tan₅₄ ne₄ jui₅, * i₂'uan'₂ guě₄ lín₃.”†

Jan₂ i₂lín₅ lia'₂ lín₅ Jaun₅ dsa₂ mi₂güig₃

⁹ Jniá₂ Juan₅₄, lín₅ rín'₂ 'nia'₂, ia₁ quein'₅₄ jniog₄ co₂dsia₅ ŋag₄ uig₅, le₂jaun₂ chi₁jnia₁ jniog₄ ja₁gon₂ Diú₄, ton'₂ co₂dsia₅ guei₂ bí₂ a₂tián₂ jniog₄ juin'₂ dsi₅ le₃quió'₅ Jesús. Jme₁'eng₅₄ rě₂jní₅ caun₂ 'uě₃ a₂rě₂quí'₅ jě₄ jmi₁ŋí'₄ ja₁chei₂ Patmos, ne₄ 'uig₅₄ ia₁ a₂ma₂ca₂'ě₃ jág₁ dse₃ quió'₅ Diú₄, ton'₂ ia₁ 'uig₅₄ a₂ma₂cuě₃ jniá₂ jág₁ dsau₅ 'ing₅ Jesucristo. ¹⁰ Co₂ráun₂ ně₃ co₂jmi₄ quió'₅ Te₁gui'₅₄ ja₁'eng₅₄ jaun₂, ca₂lě₃ a₂jme₁'en₅₄ jniá₂ le₃quió'₅ Jme₂dsi₂. Jaun₂ ca₂nag₃ jág₁ a₂ca₂né'₂ le₃co'₅₄ lag₃ ca₂juá'₂ tiá₂ lín₃ jui₁lia'₂ jě₁i₂'ein₅₄ ŋí₁ trompeta, ¹¹ ca₂juá'₂ tság₅ jniá₂:

—Jniá₂ bá₄ 'éi₂ i₂lín₅ le₂'uig₅₄ jui₁lia'₂ letra Alfa jě₁ca₂rě₃lióg₃; jniá₂ bá₄ 'éi₂ i₂lín₅ jě₁ca₂tó'₂ ně₃ jui₁lia'₂ letra Omega. Ne₄ si₂ rě₂bin₅, tióng₅ a₂jág'₂ ia₁jaun₂ qui₁dsiang'₅₄ ne₄ ta₁guion₃ guá'₅ ja₁tén₄ 'uě₃ Asia, co₂'nió'₄ le₃juá'₅₄ quió'₅ guá'₅

* **1:8** 'Nio'₂ ja₁ton₅ Éxodo 3:14; Juan 8:58. † **1:8** 'Nio'₂ ja₁ton₅ Isaías 41:4; 44:6; 48:12.

i₂chan₂ juig₂ Efeso, Esmirna, Pérgamo, Tiatira, Sardis, Filadelfia, quian'₅₄ Laodicea ně₃.

¹² Ca₂jen'₄ jniá₂ jaun₂ ně₃, a₂jing₅₄ 'ein₂ 'éi₂ i₂juá'₂ jág₁ tság₅ jniá₂. Jme₁ca₂jeng'₅₄, ca₂jág₃ tióng₂ guio₃ tag₄ a₂lě₅ jmá'₃ cu₄nióg₄ ja₁le₁guí'₂ si₂.

¹³ Jě₄ ta₁guio₃ mi₂tag₄ si₂ jaun₂ ně₃, jme₁chén'₄ jan₂ i₂lín₅ lia'₂ lín₅ Jaun₅ dsa₂ mi₂güig₃, † i₂qui'₂ 'mi'₂ chen'₅₄ jang₄, mei'₂ tsá₃ tsáng₂ co'₅₄ tag₁₂. A₂jme₁rě₂jén'₅ le₁dsí₅ guě'₂ ně₃, jme₁lě₄ jmá'₃ cu₄nióg₄. ¹⁴ Jñi₂ dsi₅₄ guě'₂ ně₃, jme₁tiog₂ lia'₂ ja₁tiog₂ jñi₂ já'₂ cha'₂, a₂tiog₂ ju₁lia'₂ tiog₂ 'mu₂. Jme₁ne₁₂ guě'₂ ně₃ jme₁jniá₂ tág₅ ju₁lia'₂ jniá₂ ca₂jio'₅₄ si₂. ¹⁵ Mi₂tag₅₄ guě'₂ ně₃ jme₁jniá₂ tág₅ lia'₂ lě₅ jmá'₃ ni₁ñi₁ nióg₂ a₂rě₂ta₄ a₂ma₂jmág₂ né'₃ táu₃ si₂. Jág₁ quió'₅ guě'₂ ně₃ jme₁né'₂ tiá₂ lín₃ ju₁lia'₂ né'₂ caun₂ ja₁ta'₂ la'₅₄ pa₁ lín₃. § ¹⁶ Gu₂ ne₁ guě'₂ ně₃ jme₁chan'₂ guio₃ nei₅; mi₂o₅₄ guě'₂ ně₃ jme₁jniá₂ 'ia₂ lia'₂ lě₅ caun₂ ñi₁tág₂ chen'₂ a₂'mu₃ le₃tin₃ ton₂. Ne₅₄ guě'₂ ně₃ tág₅ jmá'₅, ju₁lia'₂ tág₅ 'iog₂.

¹⁷ Jme₁ca₂jág₃, ca₂tón₂ jniá₂ ja₁tióng₂ mi₂tag₅₄, lia'₂ tsá₃ léi₄ mei'₂. Jaun₂ ca₂quiog₂ gu₂ ne₁ ne₄ quió'₃, jaun₂ ca₂juá'₂:

—Tsá₃ jmo₂ gang'₃, ia₁ jniá₂ bá₄ líng₅ i₂le₂ne₁, ton'₂ jniá₂ bá₄ líng₅ i₂jě₂ca₂tó'₂.

¹⁸ Jniá₂ bá₄ 'éi₂ i₂chan₂; jme₁rě₂lín₄ bá₄ jniá₂, la₁ jgag₄! ma₂chang₂ bá₄ táng₃ ca₂le₃jě₃ jmig₄, ca₂lia'₂ co₂tan₅₄. * Jniá₂ bá₄ chan'₄ ñi₁ llaves quió'₅ 'mú₃ quian'₅₄ guě'₂ tau₂ 'ñio₅. † ¹⁹ Jaun₂ lě₃, ne₄ si₂, tióng₅ ju₁lia'₂ 'e₂ a₂ně₂jag'₅₄, 'a₂lia'₂ niog₅ lě₅ rě₂ně₃ quian'₅₄ guě'₂ a₂ně₃ guě'₄ niog₅ lé₂. ²⁰ A₂la₂ bá₄ jág₁ dsau₅ a₂jme₁rě₂ma₄ le₂ñiá₅: ju₁lia'₂ guio₃ nei₅ a₂ně₂jag'₅₄ chi₁chan'₄ gu₃ ne₁, quian'₅₄ guě'₂ ta₁guio₃ tag₄ a₂lě₅ quian'₅₄ cu₄nióg₄ ja₁le₁guí'₂ si₂. Jáng'₅ jág₁ ta₁guio₃ nei₅ co₂'nió'₄ guion₃ dsa₂ i₂i₃quian₄ jág₁ † quián₅ ta₁guion₃ guá'₅; guio₃ tag₄ ja₁le₁guí'₂ si₂ guě'₂ ně₃, co₂'nió'₄ ta₁guion₃ guá'₅.

2

Jág₁ a₂chen₅ ne₄ le₂guion₃ guá'₅; Jág₁ a₂ñó₃ ne₄ guá'₅ chan₂ Efeso

¹ Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Efeso, chei'₅₄ le₂la₂:

Le₂la₂ juá'₂ i₂chan₂ le₃guio₃ nei₅ quian'₅₄ gu₂ ne₁, i₂ñi₅ jě₄ ta₁guio₃ tag₄ a₂lě₅ jmá'₃ cu₄nióg₄ ja₁le₁guí'₂ si₂: ² Guion₄ bá₄ jniá₂ ca₂le₃jě₃ ta₁ 'ua'₂ a₂jmo₂ 'nia'₂, 'a₂lia'₂ juin'₂ 'au'₂ ně₃. Guion₅₄ bá₄ ján₃ a₂tsá₃ ma₃tiang'₃ quiang'₅₄ dsa₂ i₂jmo₅ a₂'lig'₅₄. Guion₅₄ bá₄ ján₃ 'a₂lia'₂ ma₂quion'₂ 'í₁ ja₁con₂ dsa₂ i₂i₂nió₄ a₂juá'₂ lín₅ dsa₂ i₂chen₄ quián₅ Jesús, la₁ tsá₃ guě'₂ lín₅. Ma₂ca₂jme₁jniai'₂ a₂lín₅ dsa₂ tě₂jín₁. ³ Juin'₂ bá₄ 'au'₂ líng'₅ ma₂ja₂nóg'₅ qui₂ñag'₅₄ uig₅ jmo₂ ta₁ 'ñio₅ lín₃ o₄quió₃ jniá₂, tsá₃ ma₂qui₂ca₂'ú'₃ 'au'₂ 'nia'₂.

⁴ La₁ia₁ cha₂ guě'₄ caun₂ ja₁cong'₂, a₂tsá₃ tē₅ dsi₃: ia₁ tsá₃ ma₃'nióg'₃ jniá₂ lia'₂ jme₁'nióg'₃ le₂ne₁. ⁵ Jaun₂ ně₃, dsá₂ 'au'₂ 'nia'₂ jmo₄, a₂já'₄ ma₂qui₂ma₂sén'₂ 'nia'₂. Ju₁dsi₂quén'₅ táng₃ 'au'₂ 'nia'₂, jmo₄ táng₃ lia'₂ jme₁jmo₂ le₂ne₁. Ia₁ ně₁juá'₂ tsá₃ le₂jaun₂ ně₃, ñi'₅₄ ta₁ la₂ dsióg₄ i₁ñiá'₃ tag₄ si₂ quiáng'₂ ja₁chí'₄, ně₁juá'₂ tsá₃ ca₂jme₁tsíng'₄ 'au'₂. ⁶ Jñia'₅₄ lia'₂ caun₂ a₂dse₃ la₂ bá₄ cha₂ ja₁cong'₂: a₂'ñia'₅₄ 'nia'₂ 'a₂lia'₂ lě₅ jmo₅-dsá₅ dsa₂ nicolaítas, a₂jaun₂ bá₄ 'io₄ guě'₂ jniá₂ ján₃.

⁷ Ju₁lia'₂ i₂le₁dsi₅₄ rě₂gua₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅. Ju₁lia'₂ i₂ca₂tió'₃, ñei₂ guě'₃ míg₂ 'ma₂ a₂chan₂ dsa₂ co₂tan₅₄, a₂chí'₅ Ja₁jlá'₁* quió'₅ Diú₄.

Jág₁ a₂ñó₃ ne₄ guá'₅ chan₂ Esmirna

† **1:13** 'Nio'₂ ja₁ton₅ Daniel 7:13. § **1:15** o₃, "lia'₂ né'₂ 'lióng₂ jmig₂." * **1:18** A₂lín₅₄ chog₅₄ si₂ juá'₂ ján₃ "A₂méi₃." † **1:18** griego: hades, co₂'nió'₄ a₂juá'₂, ja₁quió'₄ 'lag₄. † **1:20** griego: ángeles, co₂'nió'₄ i₂quian₅ jág₁. 'Nio'₂ ja₁ton₅ "ángel" ne₄ glosario. * **2:7** griego: paradeiso (Paraíso).

8'Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Esmirna chei'₅₄ le₂la₂:

Le₂la₂ juá'₂ i₂le₂'uig₅₄, i₂lín₅ jē₁ca₂tó'₂ guē'₂ táng₃; i₂ca₂jon₃ 'éi₂, i₂ma₂ca₂jen'₅₄ guē'₂ táng₃: 9 Guion₅₄ bá₄ ca₂le₃jě₃ 'a₂ lia'₂ lě₅ chang'₂ ŋag'₅₄ uig₅, ton'₂ a₂te₂ŋég'₂ guē'₂ ján₃. La₁ on₃jua'₅₄ a₂dsi₂jó'₃ te₂ŋég'₂ jme₁né₄, ia₁ chang'₂ bá₄ dse₃ ján₃. Guion₅₄ bá₄ ján₃ 'a₂ lia'₂ 'ag₅ 'lig'₅₄ dsa₂ i₂juá'₂ lín₅ judíos, la₁ tsá₃ guē'₂ lín₅. Dsa₂ i₂tén₅ guá'₅ sinagoga quió'₅ Satanás bá₄ 'éi₂. 10 Tsá₃ jmo₂ 'nia'₂ gang'₃ 'e₂ niog₅ a₂dsi₁ŋig'₂, ia₁ tsáun'₂ i₂sē₃dsen₃ toin'₂ né'₃ 'má₃ i₂lín₅₄ 'nia'₂ co₂'nió'₄ a₂cáun₂ táu₂, jaun₂ ŋag'₅₄ 'nia'₂ uig₅ guia₃ jmig₄. La₁ tiá₂ nau₂ 'nia'₂ o₁ŋia'₅₄ ca₂quín₂ 'mú₃, ia₁ jniá₂ bá₄ cuē₅₄ ja₁le₃chan'₂ 'nia'₂ co₂tan₅₄ co₂'nió'₄ caun₂ corona. 11 Jui₁lia'₂ i₂le₁dsi₅₄ rē₂gua₄, jui₁nei₅₄ a₂juá'₂ Jme₂dsi₂ tsí'₅ ca₂le₃jín₃ guá'₅. Jui₁lia'₂ i₂ca₂tió'₃, 'i₁caun₂ uig₅ tsá₃ jén'₄ jē₁ca₂tě₂ tin₂ 'mú₃.

Jág₁ a₂ŋó₃ ne₄ guá'₅ chan₂ Pérgamo

12'Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Pérgamo, chei'₅₄ le₂la₂:

Le₂la₂ juá'₂ i₂'io₅ ŋi₁tág₂ 'mu₃ le₃tin₃ ton₂: 13 Guion₄ bá₄ jniá₂ ja₁tián'₅ 'nia'₂, † ja₁lě₄ ne₄ta₁ ja₁gon₂ Satanás. La₁ lia'₂ tión'₂ jaun₂ bá₄ 'nia'₂ tiá₂ quian'₅₄ jág₁ quió'₃. Tsá₃ ma₂tí'₃ a₂'éng'₂ le₃quió'₃, ca₂lia'₂ jnia'₅₄ jmig₄ lia'₂ con'₂ jme₁ca₂jñi'₃ dsa₂ Antipas, dsa₂ i₂rē₂tí'₅₄ quiáng₃ i₂jme₁jáng'₅ jág₁ dsau₅, ca₂lě₃ jē₄ quián'₂ 'nia'₂, caun₂ juig₂ ja₁guá₄ Satanás. 14 La₁ia₁ cha₂ a₂lin₅₄ ja₁cong'₂, a₂tsá₃ tē₅ dsi₃: jē₄ nē₅ quián'₂ 'nia'₂ tion'₅₄ i₂lin₅₄ i₂tsá₃ tí₂ a₂'lig'₅₄ lia'₂ jme₁jmo₅ Bala'ama a₂ca₂toin'₂ jág₁ ca₂tsí'₃ Balac†, ca₂jmo₃ ca₂tsi₁sén'₂ dso₄ dsa₂ israelitas a₂ca₂guē'₃ má₃ a₂rē₂jen'₅₄ ne₄ diú₄ lag₄ quián₅; ca₂jmo₃ ca₂can₃ dsa₂ 'éi₂ jui₅ qui₂ca₂nió'₃ jág₁ 'lig'₅₄. 15 Le₂nē₅ bá₄ ján₃, tion'₅₄ jē₄ quián'₂ 'nia'₂ i₂lin₅₄ i₂jme₂tag₅ jág₁ quió'₅ dsa₂ nicolaítas. 16 Jui₁dsi₂quén'₅ 'au'₂ jaun₂ nē₃; ia₁ nē₁jua'₂ tsá₃ ca₂tion'₂ 'nia'₂ jui₅, ŋi'₅₄ ta₁ la₂ dsió₄ jniá₂ ja₁cong'₂ i₁quing'₃ quian'₅₄ dsa₂ 'éi₂ quian'₅₄ ŋi₁tág₂ a₂'ia₂ mi₂'o₃. 17 Jui₁lia'₂ i₂le₁dsi₅₄ rē₂gua₄, jui₁nei₅₄ a₂juá'₂ Jme₂dsi₂ tsí'₅ ca₂le₃jín₃ guá'₅. Jui₁lia'₂ i₂ca₂tió'₃, ŋei₂ maná a₂rē₂'ma₄, ton'₂ ŋei₂ jma₃ca₂míg₂ ni₁cang₁ tiog₂ ja₁chi₁ton₅ jág₁ 'mí₂ 'a₂ lia'₂ chein₂, a₂tsá₃ 'ein₂ cuí'₅; jmá'₃ lia'₂ con'₂ i₂gue₃ bá₄ ŋí'₂.

Jág₁ a₂ŋó₃ ne₄ guá'₅ chan₂ Tiatira

18'Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Tiatira, chei'₅₄ le₂la₂:

Le₂la₂ juá'₂ Ja₁ŋi'₅₄ Diú₄ i₂tág₅ jme₁ne₁₂ lia'₂ tág₅ jo'₅₄ si₂, i₂lě₅ mi₂tag₄ lia'₂ lě₅ ŋi₁ nióg₂ a₂rē₂ta₄: 19 Guion₅₄ bá₄ ca₂le₃jě₃ 'e₂ a₂jmo'₂, 'a₂ lia'₂ 'nióg'₃ ríng'₂, 'a₂ lia'₂ lě₅ a₂'éng'₂ nē₃, ta₁ quiáng'₂ a₂jme₂tí'₁, juin'₂ bá₄ 'au'₂ chang'₂ nē₃; guion₄ bá₄ jniá₂, 'ŋio₅ guē₄ jmo'₂ 'nia'₂ lia'₂ con'₂ guē₄ le₂ne₁. 20 La₁ia₁ cha₂ guē₄ caun₂ ja₁cong'₂ a₂tsá₃ tē₅ dsi₃: ia₁ cuē'₂ 'nia'₂ jmig₄ 'en₅₄ jin'₄ 'nia'₂ 'io₅₄ Jezabel i₂juá'₂ i₂'ě₂ jág₁ o₄quió'₄ Diú₄. Jme₂tag₂₃ a₂jñia'₅₄ qui₂jme₂gain₂₃ dsa₂ quiáng₃ i₂jme₂ti₃ ne₃ ia₁jaun₂ cán₂ jui₅ jmo₃ dsáu₃ qui₃nió'₃ jág₁ 'lig'₅₄, ia₁jaun₂ ján₃ guē₄ qui₃guē'₃ má₃ a₂rē₂jen'₅₄ ne₄ diú₄ lag₄ quián₅. 21 Ma₂cuē₃ jniá₂ 'io₅₄ 'éi₂ jmig₄ ne₄ tsa₁ dsi₁quén'₅ dsí₅ 'lig'₅₄ a₂jmo₂₃, la₁ tsá₃ 'nio₃. 22 ¡Jag₄! Tóin₂ jniá₂ ne₄ tsi₁cama jaun₂ le₃dso'₅₄, ján₃ guē'₂ jmo₅₄ ŋág₃ uig₅ dsa₂ i₂qui₂'no₅ dso₄ quiain'₅₄, nē₁jua'₂ tsá₃ ca₂dsi₃quén'₅ dsí₅ a₂jmo₅-dsáu₅ 'io₅₄ 'éi₂, 23 ton'₂ jme₁dsian₅ jniá₂ chi'₂ quián₅ 'io₅₄ 'éi₂ nē₃. Jaun₂ bá₄ le₃ŋi₅ ca₂le₃jín₃ guá'₅, jniá₂ i₂con₂ 'í₁ 'a₂ lia'₂ lě₅ jme₂dsi₂ quió'₅ dsa₂, ca₂le₃jě₃ a₂qui₂dsi₂jio₅ dsí₅ dsa₂ nē₃; jaun₂ jniá₂ bá₄ cuē₄ 'lian'₅₄ 'nia'₂ lia'₂ con'₂ lě₅ qui₂ca₂jmo'₅₄. 24 La₁ juig₂ jniá₂ ca₂le₃jín₃ guē₄ 'nia'₂ i₂tián'₅ juig₂ Tiatira i₂tsá₃ ma₂gue₃ jág₁ a₂jme₂tag₅ 'io₅₄ 'éi₂, on₃ guē'₂ cuí'₅ a₂tě'₂ dsa₂ 'éi₂

† 2:13 A₂lin₅₄ chog₅₄ si₂: "Guion₅₄ bá₄ ca₂le₃jě₃ 'e₂ a₂jmo'₂, ján₃ bá₄ guion₅₄ ja₁tián'₅ 'nia'₂." ‡ 2:14 Bala'am, Balac: 'Nio'₂ ja₁ton₅ Números 23 - 24.

jág₁ ca'₅₄ a₂rē₂'ma₄ quió'₅ Satanás: co₂nē₅ bá₄ guei₂ a₂cuě₄ jniá₂ 'nia'₂. ²⁵ Jñia'₅₄ lia'₂ caun₂ jmo'₂ 'nia'₂ a₂dse₃ a₂ma₂ja₂nóg'₅ jmo'₂, ca₂lia'₂ ca₂tě₂ jmig₄ i₁dsióg₄ táng₃. ²⁶ Jui₁lia'₂ i₂ca₂tió'₃, i₂qui₂jmo'₅ 'a₂ con'₂ 'nio₃ jniá₂ lé₂, ca₂lia'₂ i₁ca₂tě₂ jmig₄ jē₁ca₂tó'₂, cuě₄ jniá₂ bí₂ jaun₂ jmo₃ 'éi'₃ ne₄ juig₂ a₂te₁'i₁ gua'₅₄ 'uě₃.

²⁷ Goin₃ ne₄ quió'₅ quian'₅₄ 'ma₂'i'₅₄

a₂lě₅ quian'₅₄ ni₁ñí₁;

qui₃dsia₃ le₁juig₁ nē₂jag₄ bá₄ ni₁tí'₂, Š

²⁸ lia'₂ con'₂ lě₅ ma₂gue₃ jniá₂ 'éi'₃ ma₂cuě₃ Ñe'₃. Cuín₄ jniá₂ ján₃ Nei₅ 'Ióg₁.*

²⁹ Jui₁lia'₂ i₂le₁dsi₅₄ rē₂gua₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

3

Jág₁ a₂ñó₃ ne₄ guá'₅ chan₂ Sardis

¹ Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Sardis, chei'₅₄ le₂la₂:

Le₂la₂ juá'₂ i₂jio₅ ta₁guion₃ jme₂dsí₂ quián₅ Diú₄, i₂chan₂ guio₃ nei₅ ně₃: Guion₄ bá₄ jniá₂ ca₂le₃jě₃ a₂jmo'₂, a₂dsia₅ dsa₂ a₂jén'₃ 'nia'₂, la₁ia₁ i₂rē₂'lin'₄ bá₄ 'nia'₂. ² Jme₂jnio₂ ne'₅₄, tiong'₂ táng₃ bí₂ a₂jme₁ma₂i₁jón₂ quiáng'₂, ia₁ tsá₃ ma₂dsó'₂ jniá₂ jua'₅₄ a₂rē₂tán₄ a₂qui₂ma₂jmo'₅₄ 'nia'₂ le₃ne₄ Diú₄ quiáng₃. ³ Dsióg'₂ 'au'₂ 'nia'₂ jmo₄ jaun₂ ně₃, a₂qui₂ma₂gue'₅₄ 'nia'₂, a₂qui₂ma₂nei'₂ 'nia'₂, ju₁dsi₂quén'₅ 'au'₂. La₁ nē₁jua'₂ tsá₃ ca₂jme₁jnio'₂ ne'₅₄, ñi'₅₄ ta₁ dsióg₄ jniá₂ ja₁cong'₂ con'₂ tsá₃ rē₂jáng'₁, nē₂jag₄ bá₄ jan₂ 'ang₂, ca₂lia'₂ jñia'₅₄ tsá₃ ñi'₅₄ 'nia'₂ 'e₂ hora dsióg₄. ⁴ La₁ chan₂ bá₄ guě₄ i₂lin₅₄ jin'₄ 'nia'₂ guá'₅ Sardis ně₅ i₂tsá₃ ma₂ca₂jme₃'ióg₃ tsin'₅₄; i₂'éi₂ ně₃ jme₃quiong'₅₄ jniá₂ i₃nio₅₄ le₁qui'₂ 'mi'₂ tiog₂, ia₁ le₂jaun₂ ca₂tiin₂. ⁵ Jui₁lia'₂ i₂ca₂tió'₃, tsin'₅₄ tiog₂ bá₄ qui₃quí'₃, jaun₂ lia'₂ o₁líg'₂ tsá₃ 'én₄ lia'₂ chein₂ ja₁le₁toin₂₃ ne₄ si₂ a₂chan₂ dsa₂ co₂tan₅₄. Jaun₂ 'ín₄ jniá₂ 'éi₂ jme₁jniai₂₃ jniá₂ ne₄ Ñe'₃, ne₄ ángeles quián₅ ně₃. ⁶ Jui₁lia'₂ i₂le₁dsi₅₄ rē₂gua₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

Jág₁ a₂ñó₃ ne₄ guá'₅ chan₂ Filadelfia

⁷ Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Filadelfia, chei'₅₄ le₂la₂:

Le₂la₂ juá'₂ 'éi₂ i₂jñi₅, i₂tě₃dsón'₂ tí₅ jág₁ quió'₅, i₂'io₅ ñí₁ llave quió'₅ Rag₅₄ David. Jui₁lia'₂ a₂niá₅ 'éi₂, 'i₁jan₂ tsá₃ lé₂ jnéi₃; ján₃ guè'₂ le₂jaun₂, ju₁lia'₂ a₂jnéi₅ 'éi₂, tsá₃ 'ein₂ lé₂ le₃niá₃ táng₃. ⁸ Guion₅₄ bá₄ jē₂ a₂jmo'₂. ¡Jag₄! Caun₂ o₄'né₄ a₂rē₂na₄ ma₂ca₂tsí'₂ jniá₂ ne'₅₄; 'i₁jan₂ tsá₃ 'ein₂ lé₂ le₃jnéi₃. O₁jñia'₅₄ la₂ tsá₃ ma₃lin₄ bēng'₂, * ma₂ca₂tion'₂ ju₁ jág₁ quió'₃, on₃jua'₅₄ jaun₂ a₂tsá₃ ma₂'ag'₅₄ jniá₂. ⁹ ¡Jag₄! Jui₁lia'₂ dsa₂ quián₅ guá'₅ sinagoga quió'₅ Satanás, dsa₂ i₂juá'₂ lín₅ judíos la₁ tsá₃ guě'₂ lín₅, jmo₅₄ jniá₂ chi₃jné₃ 'éi₂ ne'₅₄, ia₁ jaun₂ le₃ñi₅ a₂'nió₃ jniá₂ 'nia'₂. ¹⁰ 'Uig₅₄ ia₁ a₂ma₂jmo'₅₄ 'nia'₂ 'í₁ 'éi'₃ quió'₃ a₂tion'₅₄ 'nia'₂ juin'₂ 'au'₂, jmo₅₄ bá₄ jniá₂ 'í₁ 'nia'₂ a₂tsá₃ jióg'₂ 'í₁ ja₁cong'₂ ju₁lia'₂ a₂dsi₃ñí₂ dsa₂ i₂chan₂ ta₁caun₂ gua'₅₄ 'uě₃. ¹¹ Ñi'₅₄ ta₁ bá₄ guióng₄. Jmo₄ 'í₁ a₂ma₂ting'₂ ia₁ jaun₂ tsá₃ 'ein₂ jñiá'₂ corona quiáng'₂. ¹² Jui₁lia'₂ i₂ca₂tió'₃, jmo₅₄ jniá₂ a₂lén₂ nē₂jag₄ bá₄ ni₁dsi₅ a₂chí'₅ dsi₂néi₂ guá'₅ templo quió'₅ Diú₄ quiáng₃. O₁líg'₂ jmig₄ tsá₃ ma₃'uín₃ ja₁jaun₂. Ne₄ quió'₅ 'éi₂, taun₅₄ lia'₂ chen₂ Diú₄ quiáng₃, quian'₅₄ guè'₂ 'a₂ lia'₂ chei₂ juig₂ quió'₅ Diú₄ quiáng₃ ně₃: juig₂ Jerusalén 'mí₂ a₂sió₃ guei'₅₄ i₂juig₃ quió'₅ Diú₄ quiáng₃. Ján₃ guě'₂ le₂jaun₂ taun₅₄ jniá₂ ne₄ 'éi₂ jág₁ 'mí₂ lia'₂ cheng₂. ¹³ Jui₁lia'₂ i₂le₁dsi₅₄ rē₂gua₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

Jág₁ a₂ñó₃ ne₄ guá'₅ chan₂ Laodicea

¹⁴ Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Laodicea, chei'₅₄ le₂la₂:

Š 2:27 Salmo 2:9. * 2:28 Nei₅ 'Ióg₁, lě₅ caun₂ 'a₂ lia'₂ chen₂ Jesús. 'Nio'₂ ja₁ ton₅ 2 Pedro 2:21; Apocalipsis 22:16. * 3:8 o₃, "tsá₃ lín₄ juin'₅ 'nia'₂."

Le₂la₂juá'₂ i₂lín₅ tē₃dsón'₂, † i₂jáng'₅ jág₁ dsau₅ i₂rē₂ti'₅₄, i₂lín₅ juig'₅₄ ne₄ ca₂le₃jě₃ a₂ca₂jmo₃ Diú₄: ¹⁵ Guion₄ bá₄ jniá'₂ ca₂le₃jě₃ 'a₂ lia'₂ lě₅ jmo'₂ 'nia'₂. Guion₅₄ bá₄, a₂tsá₃ güíng'₂, on₃ guē'₂ dséng'₂ ně₃. ¡Jua'₅₄ co₂nei'₅₄ bá₄ guē'₂ güíng'₂, o₃ co₂nei'₅₄ bá₄ guē'₂ dséng'₂! ¹⁶ La₁ 'uig'₅₄ ia₁ a₂jnia'₅₄ dsión'₂ 'nia'₂, ia₁ tsá₃ güíng'₂ guē'₂ co₂nei'₅₄, on₃ guē'₂ dséng'₂ ně₃, jaun₂ ráun₂ i₁ñí₄ jniá'₂ 'nia'₂ jui₅ mi₂'o₃. ¹⁷ la₁ juá'₂ 'nia'₂ a₂ma₂chang'₂ dse₃ a₂ma₂qui₂ma₂dsia'₅₄ 'nia'₂ 'lióng₂ rē₂má'₂, ton'₂ tsá₃ 'e₂ 'nió'₅ quiáng'₂; la₁ tsá₃ jaun₂ len'₅₄ 'nia'₂ a₂lín'₅ dsa₂ i₂lě₁ñé₁ dsí₅, i₂te₂ñé₂, i₂ten₄, i₂rē₂cuán'₃ ně₃. ¹⁸ 'Uig'₅₄ jaun₂ ton'₂ jniá'₂ jág₁ 'nia'₂, i₂hó'₅ 'nia'₂ ja₁con₂ jniá'₂ i₂liá₃ cu₄nióg₄ a₂rē₂lag₄ quian'₅₄ si₂, ia₁jaun₂ guē'₄ dsón'₂ le₃chang'₂ dse₃; i₂liá₃ 'nia'₂ tsíng'₂ tiog₂ a₂qui₁qui'₅₄, ia₁jaun₂ tsá₃ le₃jniá'₂ a₂o₂gui'₃ a₂rē₂cuáng'₃. I₂liá₃ mí₅ 'ág'₄ jme₁ne'₄ ia₁jaun₂ jnio₂, lé₂ jag'₅₄. ¹⁹ Tē₂jén₅ jniá'₂ tsíng'₂ táng₃ jui₅ dse₃ ca₂le₃jín₃ i₂'nióg₃. Jui₁len'₅₄ bá₄ 'nia'₂ dsa₂ i₂dsen₅₄ dsí₅ jaun₂ ně₃, jui₁dsi₂quén'₅ 'au'₂. ²⁰ ¡Jag₄! La₂ chén'₅ jniá'₂ o₄'né₄ tē₅; chi₂jua'₂ chan₂ i₂ca₂nág₂ jág₁ quió₃, niá₅ o₄'né₄ ně₃, jaun₂ bá₄ 'ú₄ dsi₂né₁ quió'₅, guē'₅₄ co₂lě₅ quian'₅₄. ²¹ Jui₁lia'₂ i₂ca₂tió'₃, cuē'₄ jma₃caun₂ ja₁tiain'₃ cau₅ quió₃ ne₄ta₁ ja₁gua₄ jniá'₂, jui₁lia'₂ ca₂tió₃ jniá'₂, jaun₂ ca₂gua₃ con₂ ñe'₃ ne₄ta₁ quió'₅. ²² Jui₁lia'₂ i₂le₁dsi₅₄ rē₂gua₅₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

4

'A₂ lia'₂ qui₂rē₂juin'₂ Diú₄ guei'₅₄ i₂juíg₃

¹ Cang₂ guē'₄ jaun₂, ca₂jág₃ táng₃ jniá'₂ caun₂ o₄'né₄ rē₂na₄ guei'₅₄ i₂juíg₃. Jaun₂ ca₂nag₃ jág₁ jaun₂ a₂ca₂nag₃ le₂'uig'₅₄ a₂né'₂ ně₂jag₄ bá₄ jē₁i₂'ein₅₄ ñí₁ trompeta, ca₂juá'₂ tság₅ jniá'₂:

—Uí₂g₂ ja₁lá₃, jaun₂ 'ē₅₄ ca₂le₃jě₃ a₂niog₅ lé₂ cang₂ guē'₄ jē₁ma₂lě₅ a₂ma₂nē₂jag'₅₄ ně₅.

² Jaun₂ ca₂lě₃ jme₁'en₅₄ jniá'₂ le₃quió'₅ Jme₂dsí₂, jaun₂ ca₂jnia₃ caun₂ ne₄ta₁ chí'₅ guei'₅₄ i₂juíg₃. Ne₄ ne₄ta₁ jaun₂ jme₁guá₄ jan₂ dsa₂. ³ Dsa₂ i₂jme₁guá₄ 'é₁ ně₃, jme₁jniá'₂ táng₅ 'ñio₅ lín₃ ně₂jag₄ bá₄ ni₁cang₁ táng₅ jaspe o₃ cornalina. Le₃lág'₃ ne₄ta₁ ja₁guá₄ jaun₂ jme₁jniá'₂ mi₂jo'₅₄ si₂ a₂tág₅ lín₃, ně₂jag₄ bá₄ ni₁cang₁ esmeralda. ⁴ Le₃lág'₃ ne₄ta₁ ja₁guá₄ dsa₂, ca₂jág₃ con'₂ guē'₄ guióg₂-quén₂ ne₄ta₁ ja₁tián'₄ guión₂-quén₂ gui'₅₄ can'₅₄ i₂le₁lín₁ le₁qui'₂ jmá'₃ 'mi'₂ tiog₂, tio'₅₄ coronas a₂lě₅ jmá'₃ cu₄nióg₄ dsi₅₄. ⁵ Ja₁chí'₄ ne₄ta₁ jaun₂, qui₂lě₂ si₁ñí'₃, chí'₅ co₂mi'₅₄, quia'₂ ñí'₃ ně₃. Ne₄ ja₁chí'₄ ne₄ta₁ jaun₂, jniá'₂ guio₃ si₂ ni₁tsí₅ a₂cau₂. A₂jaun₂ ně₃ lě₅ ta₁guion₃ jme₂dsí₂ quián₅ Diú₄. ⁶ Tē₂le₃ ne₄ jui₅ ne₄ta₁ ně₃, jniá'₂ táng₃ lia'₂ lě₅ jmi₁ñí'₄ a₂lě₅ ui'₂ lín₃ jui₁lia'₂ ui'₂ ni₁'i₂.

Dsi₂jo₂, le₂tan₅₄ le₃lág'₃ ja₁chí'₄ ne₄ta₁, jniá'₂ táng₃ quén₂ i₂lín₅ lia'₂ lín₅ já'₂ i₂rē₂can'₂ jmá'₃ mi₂ne₄ lia'₂ le₃ne₅₄ lia'₂ le₃co'₅₄ lag₁₂ ně₃. ⁷ Jē₁le₂'uig'₅₄ já'₂ quén₂ 'é₁ ně₃, jniá'₂ lia'₂ jniá'₂ dsi₂'ia'₂ león. Jē₁ca₂tě₂ on₃, jme₁lín₄ lia'₂ lín₅ jan₂ guein₂ ca₂jui₅. Jē₁ca₂tě₂ ún₂, jniá'₂ dsi₂ne₅₄ lia'₂ jniá'₂ dsi₂ne₄ dsa₂ mi₂güig₃. I₂jē₁ca₂tě₂ quén₂ ně₃, jniá'₂ lia'₂ jniá'₂ i₁mi₂g₂ i₂'en₅ güig₂. ⁸ Jē₁le₃quén₂ le₂jaun₂ ně₃, le₁dsi₅₄ jma₃ñé₁ ts₁rē₂cu₅ le₂jain₂ le₂jain₂. Qui₂rē₂lióin₃ mi₂ne₄ le₃co'₅₄ lia'₂ le₃né'₃ ně₃. Lia'₂ 'uē₂-jmi₂ bá₄ tsá₃ 'na₂ i₁juá'₄:

Jñió₅ bá₄, jñió₅ bá₄, jñió₅ bá₄,

Te₁gui'₅₄ Diú₄ i₂'uan'₂ guē'₄ lín₃,

i₂jme₁lín₄, i₂lín₅ rē₂ně₃,

i₂lén₂ co₂tan₅₄ bá₄ ján₃.

⁹ Lia'₂ co₂ráun₂ cuē'₅ já'₂ 'é₁ cuē'₅ ti₁'mag'₄ jme₂juin'₂ guē'₄ lín₃ i₂guá₅ ne₄ ne₄ta₁, i₂chan₂ co₂tan₅₄ ně₃, ¹⁰ jaun₂ guē'₄ qui₂tón₂ 'uē₃ ta₁guión₂-quén₂ gui'₅₄ can'₅₄ 'é₁,

† 3:14 lit. "Le₂la₂juá'₂ jui₁lia'₂ i₂tě'₂ A₂mei₃."

ne₄ i₂guá₅ ne₄ ne₄ta₁, qui₂jme₂juin'₂ i₂chan₂ co₂tan₅₄, qui₂dsia₂₃ coronas quió'₅
'uig₅₄ ne₄ta₁, juá'₂:

11 Te₁gui'₅₄ Diú₄ quián₂,

'ne₂ bá₄ ca₂tíng'₂ guéi'₁ a₂jme₃juag'₂ dsa₂,

'ne₂ bá₄ ca₂tíng'₂ 'éi'₃, juí₅bí₂ ně₃.

Ia₁ co₂jaun₂ ca₂rě₃'ñió₃ 'au'₂

a₂ca₂rě₃chá₃ ca₂le₃jě₃ a₂cha₂.

5

Si₂ a₂rě₂bín₅ quian'₅₄ guë'₂ Guein₂ Já'₂ Cha'₂

1 Jaun₂ ca₂jág₃ jniá₂ i₂guá₅ ne₄ ne₄ta₁ 'éi₂ chi₁chan'₂ quian'₅₄ gu₂ ne₁ caun₂
mi₂si₂ a₂rě₂bín₅ tio'₅₄ jág₁ lia'₂ le₃co'₅₄ lia'₂ le₃né'₃, a₂chi₁jni₅ dse₃ quian'₅₄ guio₃
bë'₅₄ mi₄cuing₅. 2 Jaun₂ ca₂jing₅₄ jan₂ ángel i₂'uan'₂ lín₃ quián₅ Diú₄, jniá'₂ chéin'₅
ñag₂₃ juá'₂ tiá'₂:

—¿'Ein₂ 'éi₂ i₂ca₂tín₂ niá₃ si₂ ně₃, qui₃choin₃ mi₄cuing₅ quió'₅ ně₃?

3 La₁ on₃ guë'₂ guei'₅₄ i₂juíg₃, on₃ guë'₂ ne₄ gua'₅₄ 'uë₃, on₃ guë'₂ le₃né'₃ guë'₄
gua'₅₄ 'uë₃, tsá₃ chan₂ 'i₁jan₂ i₂ca₂tín₂ niá₃ si₂ jaun₂, on₃ guë'₂ ca₂tín₂ jág₃. 4 'Nio₅
lín₃ ca₂'o₃ jniá₂ 'uig₅₄ ia₁ a₂tsá₃ 'ein₂ ca₂dsán'₂ 'i₁jan₂, i₂ca₂tín₂ jme₁niá₃ si₂ jaun₂,*
on₃ guë'₂ a₂jág₃. 5 Jaun₂ ně₃, jan₂ i₂lín₅ gui'₅₄ can'₅₄ 'éi₂ ca₂tság₃ jniá₂:

—Tsá₃ lë₁'au'₂ 'ne₂, ia₁ i₂lín₅ 'ia'₂ león quián₅ tsi₁jon₂ Judá, i₂ca₂lín₃ cho'₅₄ Rag₅₄
David, 'éi₂ bá₄ ma₂ca₂tió'₃; 'éi₂ bá₄ ca₂tín₂ niá₃ si₂, le₂jio₅ ta₁guio₃ mi₄cuing₅
quió'₅ ně₃.

6 Jaun₂ ja₁lě₄ dsi₂jo₂ ne₄ta₁, jě₄ quió'₅ le₃quén₂ já'₂ 'éi₂, jě₄ quió'₅ gui'₅₄ can'₅₄
ně₃, ca₂jing₅₄ jan₂ i₂lín₅ lia'₂ lín₅ Guein₂ Já'₂ Cha'₂ chéin'₅, a₂lén₄ ně₂jag₄ i₂ca₂jon₃
ca₂jñag'₃ dsa₂. Le₁dsi₅₄ guio₃ mi₂juí₁, guio₃ guë'₂ mi₂ne₅₄. Mi₂ne₅₄ jaun₂ ně₃
co₂'nió'₄ guion₃ jme₂dsí₂ quián₅ Diú₄ i₂ma₂'uin₂ a₂chein₅₄ ta₁caun₂ gua'₅₄ 'uë₃.

7 I₂lín₅ Guein₂ Já'₂ Cha'₂ 'éi₂ ně₃, ñó₃ ca₂tín₂ mi₂si₂ rě₂bín₅ a₂jme₁chi₁chan'₂
le₂gu₂ ne₁ i₂guá₅ ne₄ta₁. 8 Jme₁ca₂can₃ mi₂si₂, jaun₂ qui₂ca₂tón₂ 'uë₃ le₃quén₂
já'₂ 'éi₂, quian'₅₄ guë'₂ ta₁guión₂-quén₂ gui'₅₄ can'₅₄ ně₃, ca₂tóin₂ ne₄ Guein₂
Já'₂ Cha'₂. Le₂jan₂ le₂jan₂ 'éi₂ ně₃ le₁chan'₂ jma₃caun₃ tsi₁ton₅ arpa,† le₁chan'₂
jma₃caun₃ guë'₂ ni₁uing₅ jí'₂ a₂lě₅ jmá'₃ cu₄nióg₄, a₂le₁can'₂ chen₂, a₂co₂'nió'₄ jág₁
a₂qui₂rě₂jen'₅₄ ne₄ Diú₄ a₂qui₂chi₂léi'₂ dsa₂ quián₅.‡ 9 Tioin'₅₄ 'ë₂₃ caun₂ canto
'mí₂ la₂:

'Ne₂ bá₄ ca₂tíng'₂ jma'₅₄ mi₂si₂,

a₂chóng'₄ mi₄cuing₅ quió'₅;

ia₁ 'ne₂ bá₄ i₂ca₂jñag'₃ dsa₂.

Quian'₅₄ jmi₂ 'ang'₅₄ a₂ca₂tein'₅₄,

ca₂liáng'₃ dsa₂ mi₂güig₃ le₃quió'₅ Diú₄:

ca₂le₃jín₃ ne₅₄ dsa₂ i₂chan₂,

ca₂le₃jě₃ jág₁ jmei₅,

ca₂le₃jě₃ juig₂ te₁'i₁ mi₂güig₃,

ca₂le₃jě₃ tsi₁jon₂ ně₃.

10 Ma₂ca₂jmoi'₅₄ rag₅₄, jme₂dsa₂ ně₃,

le₃quió'₅ Diú₄ quián₂.

Jaun₂ 'éi₂ bá₄ le₃gon₂ ne₄ gua'₅₄ 'uë₃.

* 5:4 A₂lín₅₄ chog₅₄ si₂ juá'₂ ján₃: “on₃ guë'₂ 'i₃.”

† 5:8 griego: kithara.

‡ 5:8 lit. “dsa₂ jñió₅.”

11 Jaun₂ jme₁ca₂jág₃, ca₂nag₃ jniá₂ jág₁ quió'₅ juin₅ ángeles, i₂lě₂ tē₂le₃ mei₅, i₂lě₂ ca₂lia'₂ juin₅ lin₃. Jme₁tioin'₅₄ le₃lág'₃ ne₄ta₁ jaun₂, quian'₅₄ guē'₂ já'₂ quén₂ 'éi₂, gui'₅₄ can'₅₄ ně₃, ¹²i₁juá'₄ tiá₂ lin₃:

i₂ca₂tín₂ Guein₂ Já'₂ Cha'₂ i₂ca₂ṅag'₃ dsa₂,

a₂le₂goin₂₃, 'io₃ ca₂le₃jě₃ a₂jlá'₁,

a₂tiin₂ a₂ṅí'₂ dsí₅,

a₂gue₃ jui₅bí₂, a₂jme₃juag'₂ dsa₂,

a₂lén₂ tág₅ co₂'né'₅, a₂jme₃go₃ dsa₂!

¹³Ca₂nag₃ jniá₂ ján₃, ca₂le₃jín₃ i₂chan₂ i₂ca₂j mó'₂ Diú₄ guei'₅₄ mi₂güí₃ quian'₅₄ gua'₅₄ 'uē₃, quian'₅₄ le₃né'₃ 'uē₃; ne₄ jmi₁ṅí'₄, i₂chan₂ le₃né'₃ jmi₁ṅí'₄ ně₃, i₁juá'₄:

i₂Le₃quió'₅ i₂guá'₅ ne₄ ne₄ta₁,

le₃quió'₅ Guein₂ Já'₂ Cha'₂ ně₃,

jui₁jme₂go₃ dsa₂ jui₁jme₂juag'₂ dsa₂;

jui₁gue₁₂ a₂tág₅ co₂'né'₅,

jui₁gue₁₂ jui₅bí₂ ně₃

ca₂lia'₂ co₂tan₅₄!

¹⁴Jaun₂ ca₂juá'₂ le₃quén₂ já'₂:

—i₂A₂méi₃!

Ta₁guión₂-quén₂ gui'₅₄ can'₅₄ ně₃ qui₂ca₂tóin₂ 'uē₃ qui₂ca₂jme₃juag'₂. §

6

Ca₂niá₃ ta₁guio₃ mi₄cuing₅

¹Ca₂jág₃ jniá₂ jme₁ca₂niá₃ Guein₂ Já'₂ Cha'₂ jě₁le₂'uig₅₄ mi₄cuing₅ guio₃ jaun₂, ca₂né'₂ i₁juá'₄ jan₂ rin'₅₄ i₂quén₂ já'₂ 'éi₂. Né'₂ lě₅ jág₁ quió'₅ ně₂jag₄ bá₄ jě₁quia'₂ ṅí'₃, a₂juá'₂:

—i₂ṅia₅, jaun₂ jag'₅₄!

²Jaun₂ jme₁ca₂jág₃ jniá₂, jaun₂ ca₂jing₅₄ jan₂ i₁cua₁ tion₂. I₂jme₁co₂dsin₅₄ já'₂ 'éi₂ ně₃ jme₁chan'₂ caun₂ ni₁'ma₂ cág'₅. Jaun₂ ca₂ṅi₂ caun₂ corona, jaun₂ ca₂o₃'ín₃ ṅó₃ ne₄ 'nei₂ a₂tió'₃ a₂lí'₂ 'nei₂.

³Jme₁ca₂niá₃ Guein₂ Já'₂ Cha'₂ jě₁ca₂tě₂ tin₃ mi₄cuing₅, jaun₂ ca₂nag₃ i₁juá'₄ jě₁ca₂tě₂ on₃ já'₂ 'éi₂:

—i₂ṅia₅, jaun₂ jag'₅₄!

⁴Jaun₂ ca₂jnia₃ ca₂o₃'ín₃ táng₃ jan₂ dsí₂cua₁ guén₂; dsa₂ i₂jme₁co₂dsag₅₄ guē'₂ ně₃, ca₂ṅi₂ bí₂ a₂lě₂ jmo₃ a₂jṅia'₃ a₂'ei₅ tei₄ ta₁caun₂ gua'₅₄ 'uē₃, ia₁jaun₂ jme₃dsian₅ dsa₂ rin'₅₄. Jaun₂ 'éi₂ ně₃ ca₂ṅi₂ caun₂ ṅi₁tág₂ juē'₂.

⁵Jme₁ca₂niá₃ Guein₂ Já'₂ Cha'₂ jě₁ca₂tě₂ 'ni₅ mi₄cuing₅, jaun₂ ca₂nag₃ táng₃ i₁juá'₄ i₂ca₂tě₂ ún₂ já'₂:

—i₂ṅia₅, jaun₂ jag'₅₄!

Jaun₂ jme₁ca₂jág₃ táng₃ jniá₂, ca₂jnia₃ táng₃ jan₂ dsí₂cua₁ lian'₂; dsa₂ i₂jme₁co₂dsag₅₄ ně₃, caun₂ mi₂gu₂ jme₁chan'₂ caun₂ cua'₅₄ 'éi'₃. ⁶Jaun₂ ca₂né'₂ jág₁ jě₄ quió'₅ le₃quén₂ já'₂, a₂juá'₂:

—Caun₂ kilo cui₂ bá₄ le₂caun₂ denario; 'ni₅ kilo cebada le₂caun₂ denario.

La₁ tsá₃ i₂'én₅ aceite quian'₅₄ vino.

⁷Jme₁ca₂niá₃ Guein₂ Já'₂ Cha'₂ jě₁ca₂tě₂ quén₂ mi₄cuing₅, jaun₂ ca₂nag₃ i₁juá'₄ jě₁ca₂tě₂ quén₂ já'₂:

—i₂ṅia₅, jaun₂ jag'₅₄!

⁸Jme₁ca₂jág₃ jniá₂, ca₂jnia₃ jan₂ dsí₂cua₁ nió₂; i₂jme₁co₂dsag₅₄ ně₃, jme₁chein₂ 'Mú₃. Chi₁co'₅₄ quió'₅ 'éi₂ guē'₂ ně₃ já₅ jan₂ i₂tě'₂ Tau₂ 'Nio₅. * Le₃on₃ 'éi₂ ně₃

§ 5:14 A₂lin₅₄ chog₅₄ si₂ juá'₂: “qui₂ca₂jme₃juin'₂ i₂chan₂ co₂tan₅₄.”

* 6:8 griego: hades, co₂'nió'₄ a₂juá'₂, ja, quió'₄ 'lag₄.

ca₂ηi₂ bí₂ ne₄ quió'₅ gua'₅₄ 'uë₃ caun₂ qui'₅₄ quió'₅ quén₂, a₂jme₃dsiain₂₃ dsa₂ quian'₅₄ ηi₁tág₂, quian'₅₄ a₂le₃'on₄ dsa₂, quian'₅₄ jmi₁uig₅, quian'₅₄ já'₂ tsau₂ dsí'₅ ně₃, i₂chan₂ gua'₅₄ 'uë₃.

⁹ Jme₁ca₂niá₃ Guein₂ Já'₂ Cha'₂ jë₁ca₂tě₂ 'ñiá₂ mi₄cuing₅, ca₂jág₃ jniá₂ ně'₃ ne₄chei₂ ja₁tion'₅₄ jme₂dsí₂ quió'₅ dsa₂ mi₂güig₃ i₂ca₂jme₃dsian₅ dsa₂ ne₄ 'uig₅₄ quió'₄ jág₁ dse₃ quió'₅ Diú₄, quian'₅₄ ne₄ 'uig₅₄ quió'₄ jág₁ dsau₅ a₂qui₂ca₂can₃.

¹⁰ Jaun₂ tiá₂ ně'₂ jág₁ quió'₅ 'éi₂, i₁juá'₄:

—¿Con'₂ je₂líg'₂ caun'₅₄ 'í₁, Te₁gui'₅₄ i₂jñi₅ i₂tí₅ jág₁ quiáng'₂, ja₁con₂ dsa₂ i₂chan₂ gua'₅₄ 'uë₃, jaun₂ caun'₅₄ 'ma'₅₄ jmi₂ 'au₅₄ jnia'₅₄?

¹¹ Jaun₂ qui₂ca₂ηi₂ le₂jain₂ le₂jain₂ 'mi'₂ tiog₂. Jaun₂ ca₂né'₂ i₁juá'₄ a₂jñia₃ guë₄ co₂'na₂, tē₁lia'₂ le₃'ñia₅ riin'₅₄ i₂jme₂ti₃ ta₁ ne₄ Cristo, i₂'i₄ 'éi'₃ dsián₃ guë₄, ju₁lia'₂ ca₂dsan₃ 'éi₂.

¹² Jme₁ca₂niá₃ Guein₂ Já'₂ Cha'₂ jë₁ca₂tě₂ jñéi₂ mi₄cuing₅, ca₂jág₃ jniá₂ ca₂i₁bi₅₄ 'uë₃ tiá₂ lin₃. Ca₂tě₂tsi'₅₄ qui₁né'₃, ca₂rē₃liá'₃ 'iog₂ ně₂jag₄ bá₄ tsi₁'mi'₂ taun₅ a₂lě₅ quian'₅₄ ni₁jñi₂, a₂quí'₅ dsa₂ ja₁ron₅ 'lag₄. Tsi'₂ guë'₂ ně₃ ca₂jñia₃ guéin₂, lia'₂ jniá₂ jmi₂. ¹³ Nei₅ guë'₂ ně₃ qui₂tsi₂ca₂séi'₂ 'uë₃ ně₂jag₄ bá₄ tsi₂séi'₂ mīg₂ higo rē'₂ jë₁ma₂ca₂guiong'₃ dsí₂ tiá₂. ¹⁴ Guei'₅₄ dsi₂güig₂ ně₃ co₂dsia₅ ca₂i₃'én₂ ca₂bin₃ lia'₂ ja₁bin₅ mi₂si₂. Ca₂le₃jě₃ ni₁má'₂, ca₂le₃jě₃ 'uë₃ le₁quí'₅ jë₄ jmi₁ñi'₄ ně₃, qui₂ca₂jñi₃óg'₃ cau₅ ja₁jme₁niog₅. ¹⁵ Jaun₂ qui₂ca₂'ma₃ ju₁né'₃ tau₂ 'lau₂, ju₁jë₄ ni₁'lau₂ cha₂ má'₂, ju₁lia'₂ rag₅₄ i₂gon₂ gua'₅₄ 'uë₃, ju₁lia'₂ dsa₂ dsen₅₄, ju₁lia'₂ dsa₂ juig₅₄ 'lióg₂, ju₁lia'₂ dsa₂ i₂cha₂ cu₄, ju₁lia'₂ dsa₂ 'uan'₂, ca₂le₃jín₃ ju₁lia'₂ i₂jme₂ti₃ ta₁ ne₄ juig₅₄, ju₁lia'₂ dsa₂ i₂tsá₃ 'ein₂ ne₄ jme₂ti₃ ně₃; ¹⁶ qui₂ca₂juá'₂ ca₂tsí'₃ má'₂, ni₁'lau₂:

—Sen'₅₄ 'nia'₂ ne₄ quián₂ jnia'₅₄, 'mog₅₄ jnia'₅₄ ia₁jaun₂ tsá₃ jág₂ i₂guá₅ ne₄ta₁ ó₃, tsá₃ cuë₂ jmi₄ a₂'é₂ Guein₂ Já'₂ Cha'₂ Ó₃ uig₅ a₂'nei₂. ¹⁷ Ia₁ ně₃ guë₄ dsón'₂ gua₅ jmi₄ a₂'ñio₅ jaun₂ a₂'ě₂ uig₅ a₂'nei₂. ¿Ein₂ bá₄ qui'₅₄ jmi₄ tió'₅?

7

Dsa₂ tsi₁jon₂ Israel i₂lín₅ léi₄

¹ Jme₁ma₂ca₂lě₃ jaun₂, ca₂jñing₅₄ quén₂ ángeles, tióin₂ le₃quén₂ qui'₅₄ mi₂güig₃, a₂jné₅ le₃quén₂ dsí₂ quió'₅ gua'₅₄ 'uë₃, ia₁jaun₂ tsá₃ ma₃lě₂ 'ag₃ dsí₂ ta₁caun₂ ne₄ gua'₅₄ 'uë₃, on₃ guë'₂ ne₄ jmi₁ñi'₄, on₃ guë'₂ ne₄ 'i₁caun₂ ni₁'ma₂. ² Jaun₂ guë'₄ ca₂jñing₅₄ jan₂ ángel sián'₂, já₅ tē₂le₃ ja₁'ia₂* 'iog₂, já₅ 'éi₂ quian₅ sello quió'₅ Diú₄ jén'₃. Ángel 'éi₂ guë'₄ ně₃ ca₂tsí'₃ le₃quén₂ ángeles i₂jme₁ma₂ηi₂ bí₂ a₂jmo₃ dain₅₄ 'uë₃ quian'₅₄ guë'₂ jmi₁ñi'₄, ca₂juá'₂ tiá₂ lin₃:

³ —'A₃ lě₁jmo₂ de'₂ dain₅₄ 'uë₃, on₃ guë'₂ jmi₁ñi'₄, on₃ guë'₂ ni₁'ma₂ a₂cha₂ ně₃, ca₂lia'₂ ca₂tiong₅₄ jnia'₅₄ léi₄ quian'₅₄ sello ne₄ chi₁quí₃ dsa₂ i₂jme₂ti₃ ne₄ Diú₄ quián₂.

⁴ Jaun₂ ca₂nag₃ jniá₂ 'a₂ con'₂ tén₅ i₂ca₂lin₃ léi₄ 'éi₂; lě₂ caun₂ 'ñiá₂-láu₂ rē₂dsí₂ tē₂láu₃-quén₂ mei₅ (144,000), jmá'₃ dsa₂ tsi₁jon₂ dsa₂ juig₂ Israel.

⁵ Guia₃-tín₂ mei₅ dsa₂ i₂ca₂lě₃ lén₄ dsa₂ tsi₁jon₂ Judá;

 guia₃-tín₂ mei₅ dsa₂ tsi₁jon₂ Rubén;

 guia₃-tín₂ mei₅ dsa₂ tsi₁jon₂ Gad;

⁶ guia₃-tín₂ mei₅ dsa₂ tsi₁jon₂ Aser;

 guia₃-tín₂ mei₅ dsa₂ tsi₁jon₂ Neftalí;

 guia₃-tín₂ mei₅ dsa₂ tsi₁jon₂ Manasés;

⁷ guia₃-tín₂ mei₅ dsa₂ tsi₁jon₂ Simeón;

* **7:2** Co₂'nió'₄ le₃juá'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃, Diú₄. 'Nio'₂ ja₁ton₅, Salmo 8:3; Romanos 1:25.

guia₃-tín₂ mei₅ dsa₂ tsi₁jon₂ Leví;
 guia₃-tín₂ mei₅ dsa₂ tsi₁jon₂ Isacar;
 8 guia₃-tín₂ mei₅ dsa₂ tsi₁jon₂ Zabulón;
 guia₃-tín₂ mei₅ dsa₂ tsi₁jon₂ José;
 guia₃-tín₂ mei₅ dsa₂ tsi₁jon₂ Benjamín ně₃.

Dsa₂ i₂juin₅ lin₃ le₁qui' ₂'mi' ₂tiog₂

9 Jme₁ca₂lě₃ jaun₂, ca₂jág₃ táng₃ jniá₂, jaun₂ ca₂jnia₃ juin₅ lin₃ dsa₂, ca₂lia'₂
 'i₁jan₂ tsá₃ 'ein₂ qui'₅₄ jmi₃g₄ 'i₃ quió'₅: dsa₂ chan₂ ca₂le₃jě₃ juig₂, ca₂le₃jě₃ tsi₁jon₂,
 ca₂le₃jě₃ go₄ dsa₂, ca₂le₃jě₃ jág₁ jmei₅ ně₃. Tióin₂ 'uig₅₄ ne₄ta₁ quian'₅₄ ne₄
 Guein₂ Já'₂ Cha'₂, i₂le₁qui' ₂'mi' ₂tiog₂, i₂le₁chan'₂ jma₃ca₂nei'₅₄ mog'₅₄ 'ma₂tsín₅.
 10 Tióin'₅₄ co₂mi'₅₄ juá'₂:

Jui₁lia'₂ a₂lión₂ dsa₂,
 já₅ quió'₅ Diú₄ quián₂ bá₄ jniog₄ i₂guá₅ ne₄ta₁;
 já₅ quió'₅ Guein₂ Já'₂ Cha'₂ ně₃.

11 Jme₁tión₂ ca₂le₃jín₃ ángeles le₃lág'₃ ne₄ta₁, le₃lág'₃ quió'₅ gui'₅₄ can'₅₄ quian'₅₄
 guè'₂ já'₂ quén₂ 'éi₂. Jaun₂ qui₂ca₂tóin₂ 'uě₃ rě₂ 'éin₂ co₂nei'₅₄, ca₂jme₃juin'₂ Diú₄,
 12 a₂juá'₂:

¡A₂méi₃!

Le₃quió'₅ Diú₄ quián₂ bá₄ ca₂tín₂
 ca₂le₃jě₃ a₂jme₃go₃ dsa₂,
 ca₂le₃jě₃ a₂lén₂ tág₅ co₂'né'₅,
 ca₂le₃jě₃ a₂ñí'₂ dsí₅,
 ca₂le₃jě₃ ti₁'mag'₄,
 ca₂le₃jě₃ a₂jme₃juag'₂ dsa₂,
 ca₂le₃jě₃ a₂le₃goin₂,
 ca₂le₃jě₃ jui₅bí₂,

ca₂lia'₂ co₂tan₅₄. A₂méi₃.

13 Jaun₂ ně₃, jan₂ gui'₅₄ can'₅₄ 'éi₂ ca₂ηag₃ jniá₂ ca₂juá'₂:
 —¿'Ein₂ bá₄ i₂le₁qui' ₂tsin'₅₄ tiog₂ tión₂ ně₅? ¿Já'₄ ja₂lén₂?

14 Jaun₂ ca₂ηag₄ jniá₂:

—Ní'₅₄ bá₄ 'ne₂, gui'₅₄.

Jaun₂ ca₂ηag₃ táng₃ gui'₅₄ 'éi₂:

—I₂ně₅ bá₄ 'éi₂ i₂ma₂ηi₅ Jmi₁uig₅ Juè'₂; ma₂qui₂ca₂rang₃ tsin'₅₄, ma₂jmo₃ tiog₂
 ně₃ tě₂le₃ quian'₅₄ jmi₂ 'an₅₄ Guein₂ Já'₂ Cha'₂. 15 'Uig₅₄ jaun₂ ně₃,
 tióin₂ ne₄ta₁ ně₅ quió'₅ Diú₄,
 jme₂ti₃ ne₅₄ lia'₂ 'uě₂-jmi₂ dsi₂néi₂ guá'₅ ně₅ quió'₅;
 i₂guá₅ ne₄ ne₄ta₁ ó₃ ně₃, 'éi₂ bá₄ jmo₃ 'í₁
 ně₂jag₄ a₂qui₃jlín₂ dsa₂ quian'₅₄ 'mi' ₂'én' ₁ quió'₅.

16 Tsá₃ ma₃qui₂i₁cón'₅ lé₂,
 on₃ guè'₂ ma₃qui₃le₃quein₂ dsí₅, i₁'ín'₂ jmi₃g₂,
 on₃ guè'₂ ma₃qui₃ηág₂ guě₄ uig₅
 jua'₅₄ a₂dséi₂ 'iog₂.

17 Ia₁ Guein₂ Já'₂ Cha'₂

i₂guá₅ dsi₂jo₂ ne₄ta₁ ně₅ bá₄
 jmo₃ 'í₁
 ně₂jag₄ dsa₂ i₂jmo₅ 'í₁ já'₂ cha'₂ quián₅,
 jiog₃ jui₅ tu₁ jmi₃g₂ ja₁'ia₂ jmi₃g₂ jén'₃.
 Jaun₂ qui₃chí₃ Diú₄ jme₁ne₁₂
 ca₂le₃jě₃ jmi₃g₂ a₂le₁'ág₄.

8

Mi₄cuing₅ jë₁ca₂të₂ guio₃

¹ Jme₁ca₂niá₃ guë'₂ táng₃ Guein₂ Já'₂ Cha'₂ jë₁ca₂të₂ guio₃ mi₄cuing₅ quió'₅ mi₂si₂ a₂rë₂bin₅, jaun₂ ca₂të₁tsi'₅₄ tei₄ guei'₅₄ i₂juíg₃ con'₂ ca₂jau₅₄ hora. ² Ján₃ bá₄ ca₂jín₄ jniá₂ ta₁guion₃ ángeles i₂tión₂ ne₄ Diú₄. 'Éi₂ guë'₂ ně₃ ca₂ñi₂ guio₃ ñi₂ trompetas. ³ Cang₂ jaun₂ ca₂já₃ táng₃ jan₂ ángel ca₂o₃náu₃ ne₄chei₂, chi₁chan'₂ caun₂ ñi₁ tó'₅ chen₂, a₂lë₅ jmá'₃ cu₄nióg₄. Jaun₂ ca₂ñi₂ 'lióng₂ chen₂, jaun₂ jén'₃ co₂dsia₅ quian'₅₄ jág₁ a₂chi₂lí'₂ ca₂le₃jín₃ dsa₂ i₂tén₅ le₃quió'₅ Diú₄, * dsia₃ ne₄ ne₄chei₂ a₂lë₅ cu₄nióg₄ a₂chí'₅ 'uig₅₄ ne₄ta₁. ⁴ Jaun₂ ca₂jñáu₂ jme₁ñi₁ chen₂ lia'₂ jma₃quian'₅₄ jág₁ a₂chi₂lí'₂ dsa₂ quián₅ Diú₄, qui₂ca₂'uë₂ o₄gú₃ ángel le₃ne₄ Diú₄. ⁵ Jaun₂ ca₂tín₂ ángel ñi₁ a₂tó'₅ chen₂, jaun₂ ca₂jme₃cain'₂ míg₂ si₂tá'₃ tio'₅₄ ne₄chei₂, jaun₂ ca₂guia'₃ jaun₂ ně₃, ne₄ gua'₅₄ 'uë₃. Jaun₂ ca₂lë₃ gau₂ ca₂quia'₂ ñi'₃, ca₂të₁tsi'₅₄ co₂mi'₅₄, qui₂ca₂'né'₃ si₁ñi'₃, ca₂i₁bi₅₄ 'uë₃ ně₃.

Ñi₁ trompetas

⁶ Jaun₂ ně₃, le₃guion₃ ángeles i₂le₁chan'₂ ñi₁ trompetas, ca₂jmo₃ co₂jñia₅₄ a₂jéi₂ ñi₁ quió'₅.

⁷ Jaun₂ ca₂jéi₂ jë₁le₂ 'uig₅₄ ángel ñi₁ quió'₅, jaun₂ dsi₂jui₅ le₂jaun₂ ca₂séi'₂ mi₂dsí₅ quian'₅₄ míg₂ si₂tá'₃ a₂qui₂rë₂cón'₅ jmi₂, ca₂tang₂ ne₄ gua'₅₄ 'uë₃. Jaun₂ guë'₄ ca₂cáu₂ ca₂qui'₅₄ quió'₅ 'ni₅ quió'₅ gua'₅₄ 'uë₃; qui₂ca₂cáu₂ ca₂qui'₅₄ quió'₅ 'ni₅ quió'₅ ni₁'ma₂ a₂cha₂ 'ña₁; qui₂ca₂cáu₂ guë'₄ ca₂le₃jë₃ nau₂ rë'₂.

⁸ Jaun₂ ca₂jéi₂ jë₁ca₂të₂ on₃ ángel ñi₁ quió'₅, jaun₂ ca₂jñia₃ ñó₃ ca₂qui'₃ a₂lë₅ lia'₂ lë₅ má'₂ ne₄ jmi₁ñi'₄, jniá₂ chi₁guí'₂ si₂ ñó₃. Jaun₂ ca₂lë₃ jmi₂ ca₂qui'₅₄ quió'₅ 'ni₅ quió'₅ jmi₁ñi'₄. ⁹ Jaun₂ ca₂dsan₃ ca₂qui'₅₄ quió'₅ 'ni₅ jui₁lia'₂ já'₂ i₂chan₂ jmi₁ñi'₄, jaun₂ ca₂'en₃ ca₂qui'₅₄ quió'₅ 'ni₅ jui₁lia'₂ ni₁barcos ján₃.

¹⁰ Jaun₂ ca₂jéi₂ jë₁ca₂të₂ ún₂ ángel ñi₁ quió'₅, jaun₂ ca₂tá'₂ caun₂ nei₅ pa₁a chi₁guí'₂ si₂ ca₂tá'₂ guei'₅₄ dsi₂güig₂, qui₂cau₂ lia'₂ cau₂ ni₁qui₂; ca₂tá'₂ ne₄ ca₂qui'₅₄ quió'₅ 'ni₅ ca₂le₃jë₃ cuá₃, ne₄ ca₂le₃jë₃ o₄tu₁ jmi₂ ně₃. ¹¹ Nei₅ jaun₂ chei₂ Nei₅† Dsi'₃. Jaun₂ ca₂lë₃ dsi'₃ ca₂qui'₅₄ quió'₅ 'ni₅ jui₁lia'₂ jmi₂ cha₂ gua'₅₄ 'uë₃. Jaun₂ juin₅ lin₃ dsa₂ i₂ca₂dsan₃ ia₁ ca₂'in₃ jmi₂ dsi'₃ jaun₂, 'uig₅₄ ia₁ a₂ca₂lë₃ dsi'₃ jmi₂.

¹² Jaun₂ ca₂jéi₂ jë₁ca₂të₂ quén₂ ángel ñi₁ quió'₅, jaun₂ ca₂i₃ba₅₄ ca₂qui'₅₄ quió'₅ 'ni₅ quió'₅ 'iog₂, ca₂qui'₅₄ quió'₅ 'ni₅ quió'₅ tsí'₂, ca₂qui'₅₄ quió'₅ 'ni₅ jui₁lia'₂ nei₅ ně₃, ia₁jaun₂ néi₃ ca₂qui'₅₄ quió'₅ 'ni₅ ca₂le₃jë₃ a₂jaun₂, ia₁jaun₂ tsá₃ ma₃jñia₃ ca₂qui'₅₄ quió'₅ 'ni₅ a₂jmi₂, ján₃ bá₄ le₂jaun₂ a₂'uë₂.

¹³ Jaun₂ ca₂jág₃ jniá₂ táng₃, ca₂jñing₅₄ jan₂ i₁mig₂ i₂ñi₅ 'en₅ dsi₂güig₂, ca₂né'₂ tiá₂ jág₁ quió'₅, i₁juá'₄:

—juíg₂! juíg₂! juíg₂ guë'₄ lin₃ jui₁lia'₂ i₂chan₂ ne₄ gua'₅₄ 'uë₃, 'uig₅₄ ñi₁ trompetas a₂në₃ guë'₄ dsi₃'ein₅₄ a₂jéi₂ le₃ún₂ ángeles i₂'nió'₅ guë'₄ 'éi₂!

9

¹ Jaun₂ ca₂jéi₂ jë₁ca₂të₂ 'ñiá₂ ángel ñi₁ quió'₅, jaun₂ ca₂jñi₄ jniá₂ jan₂ nei₅ i₂ca₂tán'₂ guei'₅₄ i₂juíg₃ ca₂të₂ gua'₅₄ 'uë₃. * Ca₂ñi₂ ñi₁ llave a₂ca₂tín₂ quió'₅ ja₁ca₂jein₃ chi₁dsio₅₄. ² Dsi₂jui₅ jme₁ca₂niá₃ 'éi₂ ja₁jaun₂, jaun₂ ca₂'ia₂ jme₁ñi₁ 'ñei₂ jui₁lia'₂ jme₁ñi₁ a₂'uë₂ tau₂ si₂ pa₁ lin₃ ja₁jme₂jmag₂ dsa₂ ni₁ñi₁. Jaun₂ co₂dsia₅ ca₂lë₃ qui₁né'₃ 'iog₂, dsi₄ mi₂güig₃ ně₃ quian'₅₄ jme₁ñi₁ a₂ca₂'ia₂ ja₁jaun₂. ³ Jë₄ jme₁ñi₁ jaun₂ ca₂'uin₂ i₁ni'₂ ca₂i₁nió₁₂ tsí₁co₂jë'₂ 'uë₃. I₁ni'₂ 'éi₂, ca₂ñi₂ bí₂

* **8:3** lit. "ca₂le₃jín₃ dsa₂ jñi₅." † **8:11** Co₂'nió'₄ le₃juá'₅₄, caun₂ cosa a₂tsá'₄ i₄ jme₂dsí₂, a₂ca₂jmo₃, Diú₄. 'Nio'₂ ja₁ton₅ Salmo 8:3; Romanos 1:25. * **9:1** 'Nio'₂ ja₁ton₅ Isaías 14:12-15; Lucas 10:18; Apocalipsis 12:9.

a₂lín₅ jui₁lia' ₂ lín₅ i₁'né₅ i₂chan₂ gua' ₅₄ 'uë₃. ⁴Jaun₂ ca₂ñi₂ 'éi' ₃ a₂tsá₃ dain₅₄ jmo₃ jui₁lia' ₂ 'au₂ a₂cha₂ gua' ₅₄ 'uë₃, on₃ guë' ₂ 'i₁caun₂ a₂rë' ₂ jui₁lia' ₂ mog' ₅₄ 'ma₂ a₂cha₂ në₃. Bí₂ jaun₂ bá₄ ca₂ñi₂, a₂jmo₃ dain₅₄ jmá' ₃ lia' ₂ dsa₂ i₂tsá₃ léi₄ quió' ₅ Diú₄ le₁quian₅ chi₁quí₃. ⁵La₁ tsá₃ 'éi' ₃ jaun₂ ca₂ñi₂ jua' ₅₄ a₂co₂dsia₅ jme₃dsiain₂₃ dsa₂; a₂ñia' ₅₄ con' ₂ 'ë₃ jmi₁uig₅ ca₂lia' ₂ ca₂dsin₃ 'ñiá₂ tsi' ₂. Uig₅ a₂cuë' ₂₃ jaun₂ lë₅ lia' ₂ lë₅ caun₂ uig₅ qui' ₂ jui₁lia' ₂ ja₁'í₅ i₁'né₅ quió' ₅ dsa₂. ⁶Jmig₄ jaun₂ qui₃'no' ₂ dsa₂ 'mú₃, la₁ tsá₃ a₁jaun₂ dsio' ₂. 'In₅ dsí₅ jua' ₅₄ dsiain₃ bá₄ co₂ñei' ₅₄, la₁ 'mú₃ në₃, cuing₃ ja₁coin₂.

⁷I₁ni' ₂ 'éi₂ në₃, jme₁lín₄ lia' ₂ lín₅ dsi₂cua₁ i₂lë₅ co₂ñia₅₄ dsi₃lén₂ ne₄ 'nei₂. Mi₂dsi₅₄ guë' ₂ në₃ jme₁le₁quian₅ a₂lë₅ lia' ₂ lë₅ coronas a₂lë₅ cu₄nióg₄. Dsi₂ne₄ guë' ₂ jme₁lë₄ lia' ₂ lë₅ dsi₂ne₄ dsa₂ mi₂güig₃. ⁸Jñi₂ dsi₅₄ guë' ₂ në₃, jme₁lë₄ lia' ₂ lë₅ jñi₂ dsi₄ dsa₂ mí₂. Mi₂jan₅₄ guë' ₂ jme₁lë₄ lia' ₂ lë₅ mi₂jan₄ 'ia' ₂ león. ⁹Guion₅₄ guë' ₂ já₂ qui₂rë₂lión₃ rë₂, lë₅ 'í₁ quian' ₅₄ a₂lë₅ lia' ₂ lë₅ ni₁ñí₁. Mi' ₅₄ a₂tó' ₅ tsi₁rë₂cu₅ jë₁ma₂'iin₂ në₃, jme₁lë₄ jui₁lia' ₂ lë₅ mi' ₅₄ a₂tó' ₅ 'lióng₂ ñí₁ carretas a₂'in₅ dsi₂cua₁ co₂'ei₅ ne₄ 'nei₂. ¹⁰Ne₁con₅ a₂le₁dsi₅₄ guë' ₂ në₃, jme₁lë₄ jui₁lia' ₂ lë₅ ne₁con₅ i₁'né₅ le₁dsi₅₄ táun₂. Jui₅ nei' ₅₄ con₅ jaun₂, 'io₅ bí₂ a₂le₃jmá' ₂ dain₅₄ dsa₂, con' ₂ 'ñiá₂ tsi' ₂. ¹¹Ne₄ i₁ni' ₂ 'éi₂ jme₁gon₂ jan₂ rag₅₄, i₂lín₅ ángel i₂niog₅ ne₄ ja₁ca₂jein₃ chi₁dsio₅₄. Jme₁chein₂ Abadón quian' ₅₄ jág₁ jmei₅ hebreo. Le₃quian' ₅₄ jág₁ jmei₅ griego guë' ₂, chein₂ Apolión, co₂'nió' ₄ i₂të' ₂ I₂qui₂'én₂.

¹²Le₂'uig₅₄ jmi₁uig₅ ma₂ca₂ñag₅; la₁ 'ei₅ guë' ₄ con' ₂ guë' ₄ tin₃, a₂në₅ guë' ₄ ñág₃ dsa₂.

¹³Jaun₂ ca₂jéi₂ jë₁ca₂të₂ jñé₂ ángel ñí₁ quió' ₅. Jaun₂ ca₂nag₃ jág₁ a₂'ia₂ jë₄ ta₁quén₂ gua₄ a₂le₁dsi₅₄ ne₄chei₂ a₂lë₅ cu₄nióg₄ a₂chí' ₅ ne₄ Diú₄. ¹⁴Ca₂juá' ₂ ca₂tsí' ₃ ángel i₂jë₁ca₂të₂ jñé₂ 'éi₂, i₂chan' ₂ ñí₁ trompeta, ca₂juá' ₂:

—'Uin' ₅₄ le₃quén₂ ángeles i₂le₁'ñe' ₅₄ cau₅ cuá₃ juë' ₂ Eufrates.

¹⁵Jaun₂ qui₂ca₂'uin' ₂ le₃quén₂ ángeles 'éi₂ i₂jme₁lë₄ 'í₁ o₄quió' ₄ hora la₂, jmi₂g₄ në₃, tsi' ₂ la₂, ñi₂ la₂ në₃, i₂jme₁lë₄ co₂ñia₅₄ ia₁jaun₂ i₂jme₁dsiain₂₃ ca₂qui' ₅₄ quió' ₅ 'ni₅ jui₁lia' ₂ dsa₂ mi₂güig₃. ¹⁶Jmá' ₃ lia' ₂ 'lióg₂ i₂co₁dsin₅₄ cua₁, tén₅ tin₃ 'ñiá₂-lón₂ millón. Ca₂nag₃ bá₄ jniá₂ 'a₂ con' ₂ tén₅ lë₂.

¹⁷Le₂në₅ bá₄ ca₂jág₃ a₂lë₁ca₂jág₃ jaun₂, qui₂ca₂jing₅₄ cua₁ quian' ₅₄ dsa₂ i₂co₁dsag₅₄ 'éi₂. Le₁lióg₃ le₁dsí₅ dsa₂ jma₃cáun₃ a₂lë₅ 'í₁ a₂jniá₂ guéin₂, a₂lian₂, quian' ₅₄ guë' ₂ a₂nióg₂ lia' ₂ nióg₂ azufre. Mi₂dsi₄ dsi₂cua₁ guë' ₂ në₃, jniá₂ lia' ₂ jniá₂ mi₂dsi₄ 'ia' ₂ león. Jui₅ mi₂'o₅₄ guë' ₂ në₃ 'ia₂ si₂, 'ia₂ jme₁ñi₁, azufre në₃.

¹⁸Jaun₂ ca₂dsan₃ ca₂qui' ₅₄ quió' ₅ 'ni₅ jui₁lia' ₂ dsa₂ mi₂güig₃ quian' ₅₄ 'ni₅ jmi₁uig₅ a₂qui₂ca₂'uë₂ mi₂'o₄ dsi₂cua₁ 'éi₂: a₂lë₅ si₂, jme₁ñi₁, quian' ₅₄ azufre në₃. ¹⁹Ia₁ bí₂ a₂jme₁le₁quian₅ dsi₂cua₁ jme₁'io₂₃ jui₅ mi₂'o₅₄ quian' ₅₄ jui₅ ne₁con₅ në₃. Ia₁ jme₁lë₄ nei' ₅₄ con₅ 'éi₂ lia' ₂ lín₅ dsi₂mi' ₂, a₂qui₂le₁dsi₅₄ mi₂dsi₅₄. Quian' ₅₄ a₂jaun₂ jmo₂₃ dain₅₄.

²⁰Dsa₂ i₂ca₂chón₂, i₂tsá₃ ca₂dsan₃ quian' ₅₄ jmi₁uig₅ a₂qui₂ca₂lë₃ jaun₂, tsá₃ jua' ₅₄ jaun₂ qui₂ca₂tí₂ 'e₂ jmo₅-dsáu₅ gu₂-tag₅₄; jua' ₅₄ a₂tsá₃ ma₃chi₂lén' ₂ je₂na' ₅₄, on₃ guë' ₂ qui₂ca₂tí₂ a₂tsá₃ ma₃jme₂juin' ₂ diú₄ lag₄ i₂lín₅ quian' ₅₄ cu₄nióg₄ quian' ₅₄ cu₄tio₂, quian' ₅₄ ni₁ñí₁ nióg₂, quian' ₅₄ ni₁cang₁, quian' ₅₄ ni₁'ma₂ në₃; on₃ i₂lë₂ ñi₃, on₃ i₂lë₂ dsia₃ jág₁, on₃ i₂lë₂ jág₃, on₃ guë' ₂ lë₂ nag₃ në₃. ²¹On₃ guë' ₂ qui₂ca₂tí₂ jua' ₅₄ a₂tsá₃ ma₃jme₃dsiain₂₃ dsa₂ mi₂güig₃ rin' ₅₄, on₃ guë' ₂ qui₂ca₂tí₂ ta₁ a₂jme₁jmo₂₃ mí₅ a₂chan₂ dsí₅. † On₃ guë' ₂ qui₂ca₂tí₂ jua' ₅₄ tsá₃ ma₃nió' ₅ jág₁ a₂tsá₃ dsi₂ten₅₄ nió' ₃, on₃ guë' ₂ qui₂ca₂tí₂ jua' ₅₄ a₂tsá₃ ma₃'ang₃ në₃.

† 9:21 griego: farmakeía.

10

Mi₂si₂ pí'₁ rē₂bin₅

1 Jaun₂ ca₂jing₅₄ táng₃ jan₂ ángel sián'₂, i₂'uan'₂ lin₃, ca₂jniai₃ já₅ ca₂sióin₃ guei'₅₄ i₂juíg₃, rē₂lióin₃ jnei₅ rē₂lag₄ lí₁ lia'₂ jniá₂ mi₂jo'₅₄ si₂ mi₂dsi₅₄. Jme₁tág₅ dsi₂ne₅₄ lia'₂ tág₅ 'iog₂; mi₂tag₅₄ guē'₂ ně₃, jme₁lē₄ lia'₂ lě₅ tag₄ dsi₅ ni'ia'₂, a₂tág₅ si₂. 2 Jme₁chi₁chan'₂ caun₂ mi₂si₂ pí'₁ a₂rē₂bin₅, a₂rē₂na₄. Jaun₂ ca₂chi'₃ mi₂tag₅₄ ne₁ ne₄ jmi₁ní'₄, tag₅₄ jen₅ guē'₂ ca₂chi'₃ ne₄ 'uē₃. 3 Jaun₂ ca₂guió'₃ tiá₂, lia'₂ jē'ñióg₁ 'ia'₂ león. Jaun₂ dsi₂jui₅ jme₁ca₂guió'₃, ca₂quia'₂ ta₁guió₃ ní'₃, qui₂ca₂'uē'₃ jág₁ quió'₅. 4 Jme₁ma₂nē₂dsia₃ jág₁ ta₁guió₃ ní'₃, jaun₂ guē₄ jme₁ma₂taun₅₄ ne₄ si₂. La₁ ca₂né'₂ jág₁ a₂já₃ guei'₅₄ i₂juíg₃, ca₂juá'₂ tság₅ jniá₂:

—'Ma₄ jág₁ a₂nē₂juá'₂ guio₃ ní'₃ ně₅, 'a₃ lē₁taun₂ de'₂ ne₄ si₂.

5 Jaun₂ ángel i₂ca₂jing₅₄, i₂chén'₅ chí'₅ caun₂ tag₅₄ ne₄ jmi₁ní'₄ caun₂ guē'₂ tag₅₄ ne₄ 'uē₃, ca₂chóg'₃ gu₂ ne₁ jui₅ guei'₅₄ i₂juíg₃. 6 Jaun₂ ca₂juá'₂ ca₂'in₃ i₂chan₂ co₂tan₅₄, i₂ca₂jmo₃ ca₂dsia₃ mi₂güí₃, quian'₅₄ ca₂le₃jě₃ a₂tio'₅₄ ja₁jaun₂, i₂ca₂jmo₃ guei'₅₄ mi₂güí₃ quian'₅₄ ca₂le₃jě₃ a₂tio'₅₄ ja₁jaun₂, i₂ca₂jmo₃ jmi₁ní'₄, quian'₅₄ ca₂le₃jě₃ a₂tio'₅₄ ja₁jaun₂; ca₂juá'₂:

—Tsá₃ ma₂uē₂ le₃'ag₄. 7 La₁ jē₁ma₂tě₂ jmi₄ g₄ jē₁ma₂ca₂jé₂ ángel i₂ca₂tě₂ guion₃ 'é₂ ní₁ trompeta quió'₅, jmi₄ jaun₂ dé₄ dsón'₂ le₃ti₃ jág₁ a₂rē₂'ma₄ quió'₅ Diú₄, a₂ca₂'ě₂ ne₄ dsa₂ i₂jme'₂ jág₁ quiáin₅, i₂ca₂jme₃ti₃ ta₁ ne₅₄.

8 Jaun₂ jág₁ a₂ca₂nag₃ a₂já₅ guei'₅₄ i₂juíg₃ jaun₂, ca₂juá'₂ táng₃ ca₂tság₃ jniá₂:

—Gua₂, o₂quian₂ mi₂si₂ pí'₁ a₂rē₂na₄ a₂chi₁chan'₂ ángel i₂chén'₅ ne₄ jmi₁ní'₄, ne₄ gua'₅₄ 'uē₃.

9 Jaun₂ ñó₃ jniá₂ ja₁chén'₄ ángel, jaun₂ ca₂juíg₂ jniá₂ a₂cuē₃ mi₂si₂ pí'₁. Jaun₂ ca₂juá'₂ 'é₂ ca₂tság₃ jniá₂:

—Ján'₅, tio'₂ mi₂'o'₅₄ co₂dsia₅ jme₁dsia₂ qué'₂. A₂jma₂ rau₂ bá₄ ně₅, la₁ jē₁ma₂dsióg₃ tē₂'au'₂, le₃dsi'₃ bá₄.

10 Jaun₂ ca₂tíng₂ si₂ a₂ca₂cuē₃ ángel 'é₂. Jaun₂ ca₂tó'₃ mi₂'o₃. Dsón'₂ bá₄ ráu₂ 'ñio₅ lin₃, lě₅ lia'₂ lě₅ jmi₁tá'₄. La₁ jme₁ma₂nē₂nág'₃ jniá₂ ně₃, ca₂rē₃léi₄ 'e₂ bá₄ dsi'₃ ca₂dsióg₃ tē₂dsi₃. 11 Jaun₂ ca₂juá'₂ ca₂tság₃ jniá₂:

—Tion₅₄ 'nió'₅ o₁'ě'₃ bá₄ táng₃ 'ne₂ jág₁ ne₄ ca₂le₃jín₃ ne₅₄ dsa₂, ne₄ 'lióng₂ juig₂, ne₄ 'lióng₂ jág₁ jmei₅, ne₄ juin₅ rag₅₄ ně₃.

11

Le₃on₃ dsa₂ i₂jáng'₅ jág₁ dsau₅

1 Jaun₂ ca₂ñig₂ ca₂'nau₅₄ 'ma₂ta₅ a₂lē₅ lia'₂ lě₅ ni'₁ma₂ a₂quiog₂ dsa₂ 'éi'₃. Jaun₂ ca₂nag₃ ca₂juá'₂:

—Nau₂, o₂quiog₂ 'éi'₃ quió'₅ guá'₅ quió'₅ Diú₄, o₂quiog₂ 'éi'₃ ne₄chei₂ ně₃. O₁'én₁ dsa₂ i₂tón'₅ jme₂juin'₂ Diú₄ ja₁jaun₂. 2 Tsá₃ cán'₁ 'éi'₃ i₁dsi₅ guá'₅ a₂lē₅ le₃ca₁'né₄, ia₁ a₂ma₂lē₅ quió'₅ dsi₂nau₂ bá₄ ja₁jaun₂; jaun₂ 'éi₂ bá₄ dsa₂ i₂qui₃tsó'₃ ta₁caun₂ juig₂ jñióg₅ jaun₂ con'₂ ca₂dsin₃ tē₂láu₃-tin₃ tsí'₂. 3 Tsin₅₄ bá₄ jniá₂ on₃ dsa₂ i₂jáng'₅ jág₁ dsau₅ o₄quió₃, a₂qui'₃'ě₂ jág₁ caun₂ mei₅ rē₂dsí₂ tin₃ 'ñiá₂-láu₂ rē₂dsí₂ 'nag'₂ ne₂guióg₂ (1260) jmi₄ g₄, le₁qui'₂ 'mi'₂ lia'₂ jui₁lia'₂ a₂quí'₅ dsa₂ ja₁ron₅ 'lag₄.

4 Co₂'nió'₄ dsa₂ on₃ i₂jáng'₅ jág₁ dsau₅, lě₅ co₂'nió'₄ tin₃ ni'₁ma₂ olivos, quian'₅₄ guē'₂ tin₃ tag₄ ja₁le₁guí'₂ si₂, a₂tióng₂ ne₄ Te₁gui'₅₄ i₂lín₅ juig₅₄ gua'₅₄ 'uē₃. 5 Nē₁jua'₂ 'ein₂ 'nio₃ jmóg'₂ dain₅₄, la₁ quian'₅₄ si₂ a₂'uē'₅ 'o₄ bá₄ 'éi₂ co₂dsia₅ dság'₂ dsín'₂ ca₂le₃jín₃ i₂'iog₅₄. Jaun₂ le₂ně₅ bá₄ ca₂tín₂ dsián₃ jui₁lia'₂ i₂'nio₃ jmá'₂ dain₅₄ 'éi₂. 6 I₂jáng'₅ jág₁ dsau₅ 'éi₂ ně₃ 'io₃ bí₂ a₂lé₂ jnéi₂ guei'₅₄ mi₂güí₃ ia₁jaun₂ tsá₃ ma₃lé₂ téin₃ jmi₅ ca₂le₃jě₃ jmi₄ g₄ tē₁lia'₂ tē₂i₃nioi₅₄ qui'₃'ě₂ jág₁ o₄quió'₄ Diú₄. Jaun₂ 'io₃

bí₂ ján₃ a₂lé₂ le₃jmo₃ lé₂ jmi₂ jui₁lia'₂ jmi₂g₂, a₂lé₂ qui₃cuë₃ ca₂le₃jě₃ ne₅₄ jmi₁uig₅
 ne₄ gua'₅₄ 'uë₃ i₂gú'₃ ráun₂ 'a₂ con'₂ jnia'₅₄ 'nio₃. ⁷ La₁ jë₁ma₂dsan₃ ta₁ quió'₅ 'éi₂
 ně₃ a₂qui₃jáng'₃ jág₁ dsau₅, jaun₂ guë₄ o₃'in₅ Já'₂ 'Lin'₅₄* ja₁ca₂jein₃ chi₁dsio₅₄.
 'Éi₂ guë₄ cuë₃, jo₅₄, jme₃dsiog₂₃. ⁸ Jë₄ calle juig₂ dsen₅₄ jaun₂, le₁gain'₅₄ le₁'lin₁₂
 lé₂, co₂'nió'₄ ja₁chei₂ quian'₅₄ jág₁ jáng'₅ léi₄, Sodoma quian'₅₄ Egipto, ján₃ bá₄
 ja₁ca₂tion₃ dsa₂ cróg₄ Te₁gui'₅₄ quiáin₅.† ⁹ Con'₂ 'ni₅ jmi₂g₄ rë₂tón₂ con'₂ dsi₃ñí'₃,
 ca₂le₃jín₃ dsa₂ chan₂ le₂con₂ juig₂, ca₂le₃jín₃ ne₅₄ dsa₂, ca₂le₃jě₃ ne₅₄ jag₄ dsa₂, jág₃
 jín₂ 'lag₄ 'éi₂. La₁ tsá₃ 'ein₂ ñe₂ jmi₂g₄ jua'₅₄ a₂dsi₃ó₃. ¹⁰ Ca₂le₃jín₃ dsa₂ i₂chan₂ guë₄
 gua'₅₄ 'uë₃, 'ñio₅ tóin'₃ jmo₃ 'io'₂ o₄quió'₄ 'éi₂, jmo₃ jmi₂g₄ a₂cha₂ qui₂dsi₃can₅ cuë'₃
 rñin'₅₄. Ia₁ dsa₂ on₃ quián₅ Diú₄ i₂ca₂dsan₃ 'éi₂, 'ñio₅ lin₃ jme₁le₁quian₅ jmi₁uig₅
 ja₁con₂ dsa₂ i₂chan₂ gua'₅₄ 'uë₃. ¹¹ La₁ jme₁ca₂dsin₃ 'ni₅ jmi₂g₄ tón₂ con'₂ dsi₃ñí'₃
 jaun₂, Diú₄ ně₃ ca₂tó'₂ táng₃ jme₂dsí₂ quió'₅ dsa₂ 'éi₂, jaun₂ qui₂ca₂nau₂ táng₃.
 Jaun₂ ca₂i₃gó'₃ dsí₅ 'ñio₅ lin₃ dsa₂ i₂ca₂jág₂. ¹² Jaun₂ qui₂ca₂nág₂ jág₁ tiá₂ a₂já₅ jui₅
 guei'₅₄ i₂juig₃ a₂ca₂juá'₂:

—I₂nó'₅ 'nia'₂ guei'₅₄ la₂.

Jaun₂ ca₂i₃lén₂ jui₅ guei'₅₄ i₂juig₃ rë₂lióin₃ jnei₅, të₃ jág₅ jaun₂ dsa₂ i₂jme₁'iog₅₄.
¹³ Hora jaun₂ dé₄ ca₂i₁bi₅₄ 'uë₃ tiá₂ lin₃. Jaun₂ qui₂ca₂gon₃ ca₂qui'₅₄ quió'₅ guia₃
 juig₂ ciudad. Guio₃ mei₅ dsa₂ i₂ca₂dsan₃ jme₁ca₂jě'₂ 'uë₃. Dsa₂ i₂ca₂chón₃ guë₄
 ně₃, qui₂ca₂can₃ juë'₅ dsí₅ 'ñio₅ lin₃. Ca₂jme₃juin'₂ Diú₄ i₂guá₅ guei'₅₄ i₂juig₃.

¹⁴ Jaun₂ co₂në₅ ca₂lë₃ jë₁ca₂tě₂ tin₃ jmi₁uig₅ a₂ca₂i₃ñí₂ dsa₂ jaun₂. La₁ ñi'₅₄ ta₁
 jiá₃ táng₃ jë₁ca₂tě₂ 'ni₅.

Jë₁ca₂tě₂ guio₃ trompeta

¹⁵ Jaun₂ ca₂jéi₂ táng₃ jë₁ca₂tě₂ guion₃ ángel ñí₁ quió'₅, jaun₂ qui₂ca₂né'₂ jág₁
 guei'₅₄ i₂juig₃ qui₂i₁juá'₄ tiá₂ lin₃:

Ja₁gon₂ dsa₂ mi₂güig₃ ne₄ gua'₅₄ 'uë₃,
 ma₂ca₂lë₃ ja₁gon₂ Te₁gui'₅₄ quián₂ jniog₄,
 ja₂gon₂ dsa₂ I₂rë₂'in₁ quiáin₅ ně₃.

Jaun₂ 'éi₂ bá₄ i₂gon₃ ca₂lia'₂ co₂tan₅₄.

¹⁶ Jaun₂ ta₁guión₂-quén₂ i₂lín₅ dsa₂ can'₅₄ i₂tián₅ ne₄ta₁ quió'₅ ne₄ Diú₄,
 qui₂ca₂tóin₂ tē₂ 'uë₃ rë₂'éin₂ co₂ñei'₅₄, ca₂jme₃juin'₂ Diú₄, ¹⁷ qui₂ca₂juá'₂:

Cuë₂ jnia'₅₄ ti₁'mag'₄ 'ne₂,
 Te₁gui'₅₄ Diú₄ i₂'Uan'₂ guë₄ lin₃,
 'ne₂ bá₄ i₂lín'₅, 'ne₂ i₂jme₁lín'₄,‡
 ia₁ ma₂ca₂jme₁ñió'₂ 'ne₂ bí₂ juë'₂ quiáng'₂,
 ma₂ca₂jme₁lióg'₄ gong'₂.

¹⁸ Jme₁qui₂nau₂ 'nei₂ juig₂ gua'₅₄ 'uë₃,
 la₁ ně₃ guë₄ já₅ 'nei₂ a₂'i₄ 'au'₂,
 ia₁ ma₂ca₂tě₂ jmi₂g₄ a₂qui₁dsi'₂ 'éi'₃ ja₁con₂ 'lag₄.

Ton'₂ ca₂tě₂ jmi₂g₄ ja₁qui'₅₄ 'lian'₅₄ dsa₂ quiáng'₂
 i₂ca₂jme₃ti₃ ta₁ ne'₅₄
 i₂qui₂ma₂'ě₂ jág₁ quiáng'₂.

Le₂jaun₂ guë'₂ i₂jme₂go₃ 'a₂ lia'₂ lín'₅ 'ne₂
 lia'₂ dsa₂ can'₅₄, lia'₂ dsa₂ me'₂.

Ján₃ guë'₂ ca₂tě₂ jmi₂g₄ a₂'éng'₄
 jui₁lia'₂ i₂qui₂'én₂ ne₄ gua'₅₄ 'uë₃.

* **11:7** Í₂ Apocalipsis 13; 'Nio'₂ ja₁ton₅ Apocalipsis 20:2-3 ján₃. † **11:8** A₂lin₅₄ chog₅₄ si₂: "Te₁gui'₅₄ quián₂." ‡ **11:17** A₂lin₅₄ chog₅₄ si₂ juá'₂ ján₃: "'ne₂ bá₄ i₂lén'₂ ján₃."

19 Jaun₂ guë₄ ca₂niá₃ dsi₂néi₂ guá'₅ quió'₅ Diú₄ guei'₅₄ i₂juíg₃. Ca₂jnia₃ tsi₁gu₅ quió'₅ jág₁ a₂li'₅₄ quian'₅₄ Diú₄ dsi₂néi₂ guá'₅ quió'₅. Të₃jë₄ jaun₂ qui₂ca₂lë₃ si₁ñí'₃, qui₂ca₂né'₂ jág₁, qui₂ca₂quia'₂ ñí'₃, qui₂ca₂i₁bi₅₄ 'uë₃, qui₂ca₂séi'₂ dsí₅ ca'₅₄.

12

Jan₂ dsa₂ mí₂ quian'₅₄ cua₁ dragón

1 Jaun₂ ca₂jnia₃ guei'₅₄ i₂juíg₃ caun₂ léi₄ juë'₂ a₂dsi₃gó'₃ dsi₅: jan₂ 'io₅₄ i₂rë₂lión₃ co₂tág₅ lia'₂ jniá₂ 'iog₂. Le₃né'₃ ja₁chéin'₄ ton₅ tsi'₂. Caun₂ guë'₂ corona 'i₄ dsi₅₄, le₁ton₅ guia₃-tín₂ nei₅. 2 'Io₅₄ 'éi₂ quian₂₃ guein₂, a₂guió'₅ co₂mí'₅₄ a₂chain₂ uig₅ a₂le₃chan₂ guein₂. 3 Jaun₂ guë₄ ca₂jnia₃ léi₄ siá'₂ táng₃ guei'₅₄ i₂juíg₃: jan₂ cua₁ dragón* guén₂ i₂pan₅₄ lin₃ i₂quian₅ guio₃ mi₂dsi₄ quian'₅₄ guia₃ mi₂juí₁. Jma₃cáun₃ corona tio'₅₄ lia'₂ ca₂míg₂ mi₂dsi₅₄. 4 Quian'₅₄ ne₁con₅ já'₂ 'éi₂ qui₂ca₂tsé'₃ ca₂qui'₅₄ quió'₅ 'ni₅ jui₁lia'₂ nei₅ i₂jme₁le₁'ín₄ guei'₅₄, jaun₂ qui₂ca₂guiain'₃ ne₄ gua'₅₄ 'uë₃. Jaun₂ ca₂nau₂ cua₁ dragón ne₄ 'io₅₄ i₂jë₁ca₂rë₃chán₃ guein₂, ia₁jaun₂ qui_{in}'₂ guein₂ dsi₂juí₅ jë₁ma₂ca₂rë₃chán₃. 5 Ca₂rë₃chán₃ rë'₂ guein₂ quiáin₅, jan₂ guein₂ dsa₂ ñe'₂ i₂'i₄ 'éi'₃ gon₃ ne₄ ca₂le₃jë₃ juig₂ quian'₅₄ 'ma₂'i'₅₄ a₂lë₅ ni₁ñí₁ 'ua'₂.† Jaun₂ ca₂jñia'₃ bá₄ guein₂ 'éi₂ ca₂tág₃ Diú₄ i₃guá₃ ne₄ta₁ quió'₅. 6 Jaun₂ ca₂cuíng₃ 'io₅₄ jui₅ 'uë₃ quein₂ co₂ñiog₅ ja₁ma₂lë₅ co₂jñia₅₄ quió'₅ Diú₄, ia₁jaun₂ le₃tain₅₄ ca₂lia'₂ ca₂dsin₃ caun₂ mei₅ rë₂tón₂ tin₃ 'ñiá₂-láu₂ rë₂dsí₂ 'nag'₂ ne₂guió₂g₂ (1260) jmig₄.

7 Jaun₂ ca₂lë₃ 'nei₂ guei'₅₄ i₂juíg₃: ca₂jmo₃ 'nei₂ Mi₂gue₅₄ quian'₅₄ ángeles quiáin₅, ca₂quíin'₂ ca₂cuë'₃ cua₁ dragón. Ján₃ guë'₂ le₂jaun₂ ca₂jéin'₃ dragón quian'₅₄ ángeles quiáin₅. 8 La₁ tsá₃ ca₂tió'₃, jaun₂ tsá₃ ma₃ja₁ca₂rë₃chá₃ guë'₄ ja₁cuin₅ jmig₄ tóin'₃ guei'₅₄ i₂juíg₃. 9 Jaun₂ ja₁jaun₂ ca₂jñia'₃ cau₅ dragón juin'₂ 'éi₂, dsi₂mi'₂ gui'₅₄ i₂jme₁chan₂ ma₂líg'₂, i₂të'₂ i₂së₃dsen₃, i₂chen₂ Satanás në₃, i₂jme₂gan₅ dsa₂ ta₁caun₂ mi₂güig₃. Ca₂i₃gain'₅₄ ca₂të₂ gua'₅₄ 'uë₃, lia'₂ jma₃quian'₅₄ ángeles quiáin₅.‡

10 Jaun₂ ca₂né'₂ jág₁ tiá₂ guei'₅₄ i₂juíg₃, i₁juá'₄:
Në₃ guë'₄ ca₂të₂ jmig₄ quió'₅ Diú₄ a₂lión₂ dsa₂,
ca₂dsióg₃ jmig₄ ja₁lé₂ jui₅bí₂ 'éi'₃ quió'₅ Diú₄ quián₂
a₂gon₂ 'éi₂ quian'₅₄ I₂rë₂'ín₁ quiáin₅.
Ia₁ ca₂guiain'₃ 'uë₃ i₂jme₁bóg'₂ dso₄ quió'₅ rín'₅₄ jniog₄
le₃ne₄ Diú₄ lia'₂ 'uë₂-jmí₂.

11 Ca₂tió'₃ bá₄ 'éi₂
të₂le₃ quian'₅₄ jmí₂ 'an₅₄ Guein₂ Já'₂ Cha'₂,
të₂le₃ quian'₅₄ jág₁ dsau₅ në₃
a₂ma₂qui₂ma₂jáng'₃ 'éi₂;
ia₁ tsá₃ ca₂dsán₃ dsí₅ jme₂dsí₂ quió'₅
o₁ñia'₅₄ ca₂dsain₃.

12 Jaun₂ lë₃, 'io₂ jmo₄ 'nia'₂ i₂juíg₃,
quian'₅₄ guë'₂ 'nia'₂ i₂tián'₅ ja₁jaun₂.
jLa₁ 'e₂ guë'₄ juíg₂ jui₁lia'₂ i₂chan₂ gua'₅₄ 'uë₃,
quian'₅₄ guë'₂ i₂chan₂ né'₃ jmí₁ñí'₄!
Ia₁ ma₂sión₃ i₂së₃dsen₃ ja₁con'₂ 'nia'₂;
ma₂'i₄ 'nei₂ dsí₅, ia₁ ma₂ñi₅ rë₂ bá₄,
ca₂juig₄ jmá'₅ jmig₄ cha₂ guë'₄ quió'₅.

* 12:3 griego: drakón (dsi₂mi'₂). † 12:5 'Nio'₂ja₁ton₅ Salmo 2:9. ‡ 12:9 'Nio'₂ja₁ton₅ Isaías 14:12-15; Lucas 10:18; Apocalipsis 9:1.

13 Jme₁ca₂rē₃l'í₄ dragón a₂ma₂ḡ₅ jui₅ gua'₅₄ 'uē₃, jaun₂ 'éi₂ ně₃ ca₂'ein₃ 'io₅₄ i₂ca₂rē₃chán₃ guein₂ dsa₂ ḡe'₂ quián₅. 14 La₁ 'io₅₄ 'éi₂ ně₃, ca₂ḡi₂ tsi₁rē₂cu₅ ca₁ca'₅₄ a₂lě₅ lia'₂ lě₅ tsi₁rē₂cu₅ i₁mig₂, ia₁jaun₂ 'in₃ jui₅ ja₁quió'₄, ja₁lě₄ 'uē₃ quein₂ co₂'ḡiog₅, ja₁lě₄ 'í₁ 'ni₅ ḡi₂ tē₂ ca₂jau₅₄ le₃ne₄ dsi₂mi'₂. 15 Jaun₂ ca₂'uē₃ dsi₂mi'₂ jmig₂ jui₅ mi₂'o₅₄, ně₂jag₄ bá₄ caun₂ cuá₃ juē'₂, ia₁jaun₂ dsi₃ḡi₃ 'io₅₄ 'éi₂ quian'₅₄ jmig₂. 16 La₁ ca₂jme₃'o₅₄ gua'₅₄ 'uē₃, ca₂jme₃'oin₅₄ 'io₅₄, ca₂niá₃ 'uē₃ ca₂nág'₃ jmig₂ cuá₃ jaun₂ a₂ca₂'uē₃ dragón jui₅ mi₂'o₅₄. 17 Jaun₂ ca₂rē₃'né₃ dragón le₃ja₁con₂ 'io₅₄, jaun₂ ḡei₅₄ i₁quiin'₅₄ quian'₅₄ tsi₁jon₂ i₂ca₂chón₃ quián₅ 'io₅₄, co₂'nió'₄ i₂jme₂ti₃ 'éi'₃ quió'₅ Diú₄ i₂le₁quian₅ jág₁ dsau₅ quió'₅ Jesús ně₃.

18 Jaun₂ ca₂nau₂ 'éi₂ chei'₅₄ jmi₁ḡi'₄, Š

13

Le₃on₃Já'₂ 'Lin'₅₄

1 Jaun₂ ca₂jág₃ ca₂'ḡio₂ ne₄ jmi₁ḡi'₄ jan₂ já'₂ i₂jniá₂ gau₂ jmá'₅, i₂le₁dsi₅₄ guio₃ mi₂dsi₄, guia₃ guē'₂ mi₂juí₁. Ne₄ mi₂juí₁ ně₃, jme₁le₁dsi₅₄ guia₃ coronas. Ne₄ mi₂dsi₅₄ ně₃, jme₁le₁ton₅ jág₁ lia'₂ chein₂ a₂jmo₂₃ a₂lín₅ Diú₄. 2 Jme₁lín₄ já'₂ i₂ca₂jḡ₅₄ 'éi₂ lia'₂ lín₅ dsi₂'ia'₂ leopardo. Le₁dsi₅₄ mi₂tag₅₄ lia'₂ lě₅ gu₂-tag₄ oso. Mi₂'o₅₄ guē'₂ lě₅ lia'₂ lě₅ mi₂'o₄ 'ia'₂ león. Ca₂cuē₃ dragón jui₅bí₂ ca₂cuē'₃ já'₂ 'éi₂ lia'₂ jma₃quian'₅₄ ne₄ta₁ quió'₅ ně₃, a₂qui₃dsi₂₃ 'éi'₃ a₂'uain'₂ lín₃. 3 Ca₂míg₂ mi₂dsi₄ Já'₂ 'Lin'₅₄ 'éi₂, lě₅ lia'₂ lě₅ a₂rē₂cuí'₃ 'ḡio₅ lín₃, lě₅ ně₂jag₄ bá₄ a₂chain₂ join₅₄. La₁ia₁ ca₂'láu₂ bá₄. Ta₁caun₂ mi₂güí₃ bá₄ ca₂i₃gó'₃ dsí₅ dsa₂, ca₂'ein₃ Já'₂ 'Lin'₅₄ 'éi₂. 4 Jaun₂ ca₂jme₃juag'₂ dsa₂ ca₂jme₃juin'₂ dragón, ia₁ ca₂cuē₃ 'éi'₃ ca₂cuē'₃ Já'₂ 'Lin'₅₄. Ca₂jme₃juin'₂ Já'₂ 'Lin'₅₄ ně₃, qui₂ca₂juá'₂ ca₂tóin'₂:

—¿'Ein₂ chan₂ i₂lín₅ lia'₂ lín₅ i₂ně₅? —'iin₂₃ Já'₂ 'Lin'₅₄ 'éi₂—. ¿'Ein₂ bá₄ tió'₅ jmo₃ 'nei₂ ja₁coin₂?

5 Ján₃ bá₄ ca₂ḡi₂ jág₁ a₂le₃róin₂ a₂qui₃jmo₃ a₂lín₅ Diú₄; ca₂ḡi₂ bí₂ ně₃ a₂qui₃dsi₂₃ 'éi'₃ con₂ tē₂láu₃-tín₃ tsi'₂. 6 Jaun₂ ca₂jáin₃ mi₂'o₅₄, ca₂ton₃ 'líg'₅₄ le₃quió'₅ Diú₄. Ca₂ton₃ rē'₂ 'líg'₅₄ ca₂'ě₃ ja₁guá₄ Diú₄; ca₂'iin₃ rē'₂ ca₂lia'₂ i₂tion'₅₄ guei'₅₄ i₂juí₃ ně₃. 7 Ca₂ḡi₂ bá₄ jmig₄ a₂jmo₃ 'nei₂ ja₁con₂ dsa₂ i₂tén₅ le₃quió'₅ Diú₄,* a₂jo₃ ně₃; ca₂ḡi₂ bí₂ a₂qui₃dsi₂₃ 'éi'₃ ne₄ quió'₅ ca₂le₃jě₃ tsi₁jon₂, ca₂le₃jě₃ go₄ dsa₂, ca₂le₃jě₃ jág₁ jmei₅, ca₂le₃jě₃ juí₂ ně₃. 8 Jme₃juag'₂ ca₂le₃jín₃ dsa₂ i₂chan₂ gua'₅₄ 'uē₃ jme₃juin'₂ Já'₂ 'Lin'₅₄ 'éi₂: ca₂le₃jín₃ i₂con₂ tsá₃ le₁ton₅ ne₄ si₂ rē₂bín₅ a₂le₃chan₂ dsa₂, a₂ron₅ quió'₅ Guein₂ Já'₂ Cha'₂, i₂jme₁ma₂'i₄ 'éi'₃ a₂jḡag'₃ dsa₂, ca₂le₃ ca₂nio₃ mi₂güí₃.

9 Nē₁juá'₂ 'ein₂ le₁dsi₅₄ rē₂gua₄, rē₂ jui₁nei₅₄.

10 Juí₁lia'₂ i₂jḡia₅ dsa₂ juí₅ né'₃ má₃,

ján₃ bá₄ juí₅ né'₃ má₃ dsi₃lén₂;

juí₁lia'₂ dsa₂ i₂jme₂dsian₅ dsa₂ quian'₅₄ ḡi₁tág₂,

quian'₅₄ ḡi₁tág₂ dsiáin₃, †

'Uí₅₄ ně₅ ně₃, ca₂le₃jín₃ i₂tén₅ le₃quió'₅ Diú₄, 'nió'₅ jmo₃ tió'₃ dsí₅, a₂tsá₃ qui₂dsi₃úin₂ a₂'éin₂.

11 Cang₂ jaun₂ ca₂jín₄ táng₃ jniá₂ jan₂ já'₂ 'lín'₅₄ sián'₂, ca₂'ḡioi₂ ne₄ gua'₅₄ 'uē₃. 'Éi₂ ně₃ jme₁le₁dsi₅₄ tén₃ mi₂juí₁ lia'₂ lě₅ mi₂juí₁ jan₂ guein₂ já'₂ cha'₂. La₁, lia'₂ lě₅ jág₁ quió'₅ dragón bá₄, jme₁lě₄ jág₁ quió'₅. 12 Co₂jaun₂ bá₄ jme₁'io₂₃ bí₂ ján₃, juí₁lia'₂ Já'₂ 'Lin'₅₄ i₂le₂'uig₅₄, a₂qui₃dsi₂₃ 'éi'₃ o₄quió'₄; chi₃quióng₂ jmig₄

Š 12:18 A₂lín₅₄ chog₅₄ si₂, 'nió'₄ a₂jme₁ton₅ versículo 18, juá'₂ le₂la₂: “Jaun₂ ca₂no₃ chei'₅₄ jmi₁ḡi'₄”, a₂chi₁ton₅ jē₁le₂'uig₅₄ Capítulo 13. * 13:7 lit. “ja₁con₂ dsa₂ jḡi₃o₅.” † 13:10 o₃, “Chi₂juá'₂ chan₂ i₂'i₄ 'éi'₃ jné₂ dsa₂, juí₅ né'₃, 'má₃ bá₄ dsó₃; chi₂juá'₂ chan₂ i₂'i₄ 'éi'₃ jḡag'₃ dsa₂ quian'₅₄ ḡi₁tág₂, quian'₅₄ ḡi₁tág₂ guē'₂ jḡag'₃ dsa₂.”

jme₃juag' ta₁caun₂ mi₂güig₃ quian'₅₄ i₂chan₂ ja₁jaun₂, jme₃juin'₂ Já'₂ 'Lin'₅₄ i₂le₂'uig₅₄ i₂ca₂'lón₂ i₂jme₁rē₂cuín'₃ 'éi₂. ¹³ 'Lióng₂ léi₄ juē'₂ a₂o₂dsain₂ ca₂jmo₃ ján₃. Ca₂jmo₃ ca₂tá'₂ si₂ guei'₅₄ mi₂güig₃ nē₃, ca₂jmo₃ tē₃ne₄ dsa₂ mi₂güig₃. ¹⁴ Tē₂le₃ quian'₅₄ léi₄ juē'₂ a₂ca₂jmo₃ o₄quió'₄ i₂'lin'₅₄ i₂le₂ne₁ 'éi₂, ca₂jme₃gain₂₃ dsa₂ i₂chan₂ gua'₅₄ 'uē₃. Ca₂jmo₃ 'éi'₃ a₂chi'₃ dsa₂ caun₂ nió'₄ quió'₅ Já'₂ 'Lin'₅₄ i₂jme₁rē₂cuín'₃ quian'₅₄ ŋi₁tág₂ i₂ca₂'lón₂ 'éi₂. ¹⁵ Ca₂ŋi₂ bí₂ a₂toin'₂ jme₂dsí₂ nió'₄ quió'₅ Já'₂ 'Lin'₅₄, ia₁jaun₂ juá'₂ jág₁, ia₁jaun₂ jme₃dsiain₂₃ ca₂le₃jín₃ i₂tsá₃ gue₃ jme₃juin'₂ nió'₄ quió'₅ 'éi₂. ¹⁶ Ca₂chi₃quiáin₂ jmig₄ lia'₂ dsa₂ can'₅₄ lia'₂ dsa₂ me'₂, lia'₂ dsa₂ i₂cha₂ cu₄ lia'₂ dsa₂ te₂ŋé₂, lia'₂ dsa₂ i₂jme₂ti₃ ta₁ ne₄ juig₅₄ lia'₂ dsa₂ i₂tsá₃ 'ein₂ ne₄ jme₂ti₃ nē₃, a₂guein₃ léi₄ dso'₂ gu₂ ne₁, o₃ chi₁quí₃ 'e'. ¹⁷ Jaun₂ tsá₃ ma₃lé₂ lá₃ 'i₁jan₂, on₃ guē'₂ ma₃lé₂ 'nag₃, jua'₅₄ tsá₃ lín₅ léi₄, o₃ tsá₃ le₁quian₅ jág₁ lia'₂ chen₂ Já'₂ 'Lin'₅₄, o₃ tsá₃ le₁quian₅ número quió'₅ lia'₂ chein₂. ¹⁸ Le₂la₂ bá₄ jág₁ a₂ŋí'₂ dsí₅: ju₁lia'₂ dsa₂ i₂'i₄ jág₁, ju₁chein'₄ cuentas 'a₂ lia'₂ lē₅ número quió'₅ Já'₂ 'Lin'₅₄. Ia₁ número quió'₅ dsa₂ mi₂güig₃ bá₄ jaun₂. Le₂la₂ lē₅ número quió'₅: jŋéi₂ 'ŋiá₂-láu₂ rē₂dsí₂ 'nag'₂ ne₂guióg₂ rē₂dsí₂ jŋéi₂ (666).

14

Canto a₂ca₂'ē₃ caun₂ 'ŋiá₂-lón₂ rē₂dsí₂ tē₂láu₃-quén₂ mei₅ (144,000) dsa₂

¹ Cang₂ jaun₂ ca₂jing₅₄ táng₃ Guein₂ Já'₂ Cha'₂ jniái₂ chéin'₅ ne₄ Má'₂ Sión, quian'₅₄ caun₂ 'ŋiá₂-lón₂ rē₂dsí₂ tē₂láu₃-quén₂ mei₅ dsa₂ i₂jme₁le₁quian₅ léi₄, i₂le₁ton₅ chi₁quí₃ lia'₂ chen₂ Guein₂ Já'₂ Cha'₂ quian'₅₄ 'a₂ lia'₂ chen₂ Jmei₂ nē₃. ² Jaun₂ guē'₄ ca₂nag₃ caun₂ mi'₅₄ a₂já₅ guei'₅₄ i₂juig₃, a₂lē₅ nē₂jag₄ bá₄ caun₂ la'₅₄ juē'₂ lín₃,* ton'₂ nē₂jag₄ bá₄ ja₁dein₅ quia'₂ tiá₂ lín₃ ŋí'₃. Mi'₅₄ a₂ca₂nag₃ jaun₂ ca₂né'₂ ju₁lia'₂ ja₁jmo₅ dsa₂ son₅₄ quian'₅₄ tsí₁ton₅ arpas † quió'₅. ³ Qui₂i'ē₂₃ caun₂ canto 'mí₂ ne₄ ne₄ta₁, ne₄ le₃quén₂ já'₂, ne₄ gui'₅₄ can'₅₄ nē₃. Ca₂lia'₂ 'i₁jan₂ dsa₂ sián'₂ tsá₃ 'ein₂ lé₂ le₃tin₂ son₅₄ a₂ē₅ dsa₂ jaun₂, jmá'₃ lia'₂ dsa₂ 'ŋiá₂-lón₂ rē₂dsí₂ tē₂láu₃-quén₂ mei₅ i₂rē₂'lian'₅₄ ne₄ gua'₅₄ 'uē₃ 'éi₂ bá₄. ⁴ Ca₂le₃jín₃ dsa₂ 'éi₂ i₂tsá₃ ca₂rē₃'iog₅ jme₂dsí₂ quió'₅ quian'₅₄ 'io₅₄ 'lin'₅₄, ia₁ qui₂ma₂ca₂rē₃cháin₃ ja₂léin₂ le₁jín₃. Quian'₅₄ bá₄ Guein₂ Já'₂ Cha'₂ ju₁'a₂ guē'₃ ja₁dsó₃ 'éi₂. Qui₂le₁'liain₅₄ tē₂le₃ jín₄ dsa₂ mi₂güig₃, co₂'nió'₄ i₂le₂'uig₅₄ i₂rē₂jen'₅₄ le₃ne₄ Diú₄, le₃ne₄ Guein₂ Já'₂ Cha'₂ nē₃. ⁵ 'I₁caun₂ jág₁ tē₂jág₁ tsá₃ ca₂'uē₂ mi₂'o₄ 'éi₂; tsá₃ dso₄ qui₂rē₂cáin'₄. ‡

Jág₁ quió'₅ le₃ún₂ ángeles

⁶ Jaun₂ ca₂jing₅₄ táng₃ jan₂ ángel sián'₂ a₂ŋi₂₃ dsi₂jo₂ dsi₄ güig₂, i₂quian₅₄ jág₁ dse₃ a₂le₃chan₂ dsa₂ co₂tan₅₄, já₅ ja₂'ē₃ ja₂chi'₅₄ dsa₂ i₂tián'₅ ne₄ gua'₅₄ 'uē₃: ca₂le₃jě₃ juig₂, ca₂le₃jě₃ tsí₁jon₂ dsa₂, ca₂le₃jě₃ jág₁ jmei₅, ca₂le₃jě₃ go₄ dsa₂; ⁷ i₁juá'₄ tiá₂:

—Jme₁gan₃ 'nia'₂ Diú₄; jme₁juin'₂ 'nia'₂ 'éi₂. Ia₁ ma₂gua₅ hora a₂qui₃dsi₂₃ 'éi₃. Jme₁juin'₂ 'nia'₂ i₂ca₂jmo₃ guei'₅₄ mi₂güig₃ quian'₅₄ gua'₅₄ 'uē₃, jmí₁ŋí'₄ nē₃, quian'₅₄ guē'₄ ca₂le₃jě₃ o₄tu₁ jmig₂.

⁸ Chi₁quín₃ guē'₄ jaun₂ ján₃, ca₂já₃ jan₂ ángel sián'₂ i₂ca₂juá'₂:

—Ma₂ca₂i₃'én₂, ma₂ca₂i₃'én₂ Babilonia juē'₂, 'uig₅₄ ia₁ a₂ca₂jmo₃ a₂qui₂ca₂'in'₃ ca₂le₃jě₃ juig₂ vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.

⁹ Jaun₂ ca₂guan₃ táng₃ jē₁ca₂tē₂ ún₂ ángel, ján₃ guē'₂ tiá₂ ca₂juá'₂:

* **14:2** o₃ "lia'₂ né'₂ 'lióng₂ jmig₂." † **14:2** griego: kithara. ‡ **14:5** A₂lin₅₄ chog₅₄ si₂juá'₃ ján₃: "le₃ne₄ne₄ta₁."

—Chi₂jua'₂ 'ein₂ ca₂guen₃ jme₃juin'₂ Já'₂ 'Lin'₅₄, quian'₅₄ nió'₄ quió'₅, o₃ ně₁jua'₂ ca₂guein₃ cán₂ léi₄ dso'₂ chi₁quí₃, o₃ co'₅₄ gú₃ 'e₂, ¹⁰ján₃ bá₄ 'ín'₂ 'éi₂ vino a₂'i₄ 'nei₂ dsí₅ Diú₄ a₂ma₂i₂tang₄ a₂tsá₃ 'e₂ qui₂rē₂cón'₅ 'ñió'₃ copa a₂cha₂ 'uig'₅₄ a₂le₃'nei₂; qui₃ñág₃ uig₅ quian'₅₄ si₂ quian'₅₄ azufre tē₃ne₄ ángeles jñi₅ quián₅ Diú₄ quian'₅₄ guē'₂ le₃ne₄ Guein₂ Já'₂ Cha'₂. ¹¹Jme₁ñi₁ a₂tsáu₃ ja₁ñág₃ uig₅ ně₃, dsi₅₄ co₂tan₅₄ lé₂, on₃ guē'₂ 'uē₂-jmi₂ bá₄ lé₂ jua'₅₄ a₂le₃jñia₃ a₂tsá₃ ñág₃ ca₂tiá₂ uig₅ ca₂le₃jín₃ i₂jme₃juin'₂ Já'₂ 'Lin'₅₄ 'éi₂ quian'₅₄ nió'₄ quió'₅, ca₂le₃jín₃ i₂ca₂guen₃ cán₂ léi₄ lia'₂ chein₂ ně₃.

¹²Ja₁ně₅ bá₄ 'nió'₅ jmo₃ juin'₂ dsí₅ dsa₂ i₂tén₅ le₃quió'₅ Diú₄, § dsa₂ i₂tión₂ tiá₂ jme₂ti₃ 'éi'₃ quió'₅, a₂'éin₂ le₃quió'₅ Jesús ně₃.

¹³Jaun₂ ca₂nē'₂ táng₃ jág₁ a₂já₅ guei'₅₄ i₂juíg₃, ca₂juá'₂ tság₅ jniá₂:

—Jmo₄ si₂ tiong₅ ca₂le₃jě₃ a₂ně₅ a₂juá'₂: “E₂ guē₄ 'ñio₅ dsen₃ dsa₂ i₂dsián₃ le₃ne₄ jui₅ la₂, i₂'én₂ le₃quió'₅ Te₁gui'₅₄.” Ján₅, juá'₂ Jme₂dsi₂, ia₁jaun₂ jñia₃ ca₂le₃jě₃ ta₁ quió'₅, jaun₂ qui₁le₃quen₅ 'i₄ ta₁ ca₂le₃jě₃ a₂ca₂jmo₃.”

A₂ráu₃ ne₄ gua'₅₄ 'uě₃

¹⁴Jaun₂ ca₂jág₃ táng₃ ca₂jñia₃ caun₂ jnei₅ tiog₂ jmá'₅. Ne₄ jnei₅ jaun₂, guá₅ jan₂ i₂lín₅ lia'₂ lín₅ Jaun₅ dsa₂ mi₂güig₃. * Chi₁'i₁ caun₂ corona a₂lě₅ jmá'₃ cu₄nióg₄ mi₂dsi₅₄, chi₁chan'₂ caun₂ ñi₁ hoz a₂'mu₃. ¹⁵Jaun₂ o₂'ín₃ táng₃ jan₂ ángel dsi₂néi₂ guá'₅ templo, ca₂juá'₂ tiá₂ ca₂tsí'₃ i₂guá₅ ne₄ jnei₅:

—Tiá₃ ñi₁ hoz quiáng'₂, cag'₅₄; ia₁ ma₂gua₅ hora cag'₅₄, ia₁ ma₂ca₂ron₂ a₂ráu₃ ne₄ gua'₅₄ 'uě₃. ¹⁶Jaun₂ ca₂tiá₂ hoz ne₄ gua'₅₄ 'uě₃, dsa₂ i₂guá₅ ne₄ jnei₅ 'éi₂, ca₂cág'₃ a₂ma₂ca₂rau₂ ja₁jaun₂.

¹⁷Jaun₂ ca₂o₃'ín₃ táng₃ jan₂ ángel sián'₂ dsi₂néi₂ guá'₅ chí'₅ guei'₅₄ i₂juíg₃; ján₃ bá₄ chi₁chan'₂ caun₂ ñi₁ hoz a₂'mu₃. ¹⁸Jaun₂ ca₂o₃'ín₃ táng₃ ne₄chei₂ jan₂ ángel sián'₂ guē₄ táng₃, i₂'io₅ bí₂ ne₄ si₂. Jaun₂ ca₂juá'₂ tiá₂ ca₂tsí'₃ i₂chan'₂ ñi₁ hoz 'mu₃, ca₂juá'₂:

—Tiá₃ ñi₁ 'mu₃ quiáng'₂; chi₁lo'₂ cag'₅₄ ni₁'mu₂ a₂qui₂le₁'ág₄ ni₁uing₂ a₂cha₂ gua'₅₄ 'uě₃, ia₁ ma₂ca₂juig₂ míg₂ uvas quió'₅.

¹⁹Jaun₂ ca₂tiá₂ 'éi₂ hoz quió'₅ ne₄ gua'₅₄ 'uě₃, ca₂cág'₃ míg₂ uvas quió'₅ gua'₅₄ 'uě₃. Ca₂tó'₂ caun₂ ja₁juē'₂ ja₁qui₂jlen'₃ dsa₂, co₂'nió'₄ le₃jua'₅₄, ja₁'i₄ 'nei₂ dsí₅ Diú₄. ²⁰Jaun₂ ca₂rē₂tso'₄ a₂jaun₂ 'ni₂ juig₂, ca₂'io₂ jmi₂. Jmi₂ jaun₂ ně₃ ca₂i₃'o₅₄ a₂jí'₂ con'₂ 'ei₅ rē₂'o₄ dsi₂cua₁, a₂juē'₂ ja₁ca₂'a₃ tí₅ con'₂ 'ni₅ 'ñiá₂-láu₂ (300) kilómetros.

15

Guion₃ ángeles i₂le, quian₅ guio₃ jmi₁uig₅ jě₁ca₂tó'₂

¹Ca₂jág₃ jniá₂ guei'₅₄ i₂juíg₃ caun₂ léi₄ juē'₂ a₂dsi₂gó'₃ dsi₅: guion₃ ángeles i₂quian₅ guio₃ guē₄ jmi₁uig₅ ja₁con₂ dsa₂. Co₂'nió'₄ a₂jaun₂ guē₄ lě₅ jě₁ca₂tó'₂, ia₁ co₂jaun₂ ca₂ñia₅ a₂'i₄ 'nei₂ dsí₅ Diú₄.

²Jaun₂ ca₂jág₃ jniá₂ jui₁lia'₂ caun₂ jmi₁ñi'₄ a₂lě₅ ni₁'i₂ a₂rē₂cón'₅ quian'₅₄ si₂. Ne₄ jmi₁ñi'₄ a₂lě₅ ni₁'i₂ jaun₂, jme₁tión₂ dsa₂ i₂ca₂tió'₃ ne₄ Já'₂ 'Lin'₅₄, ne₄ nió'₄ quió'₅, ne₄ número quió'₅ lia'₂ chein₂ ně₃. Qui₂le₁chan'₂ tsi₁ton₅ arpas* a₂ca₂cuē₃ Diú₄.

³Tión₂ 'ě₂₃ canto quió'₅ Moisés† dsa₂ i₂ca₂jme₂ti₃ quián₅ Diú₄, quian'₅₄ canto quió'₅ Guein₂ Já'₂ Cha'₂, a₂juá'₂:

'E₂ guē₄ juē'₂ a₂jlá'₁ lín₃ ca₂le₃jě₃ a₂ma₂jmo'₅₄ 'ne₂,

Te₁gui'₅₄ Diú₄ i₂'Uan'₂ guē₄ lín₃.

§ 14:12 lit. “dsa₂ jñi₅.” * 14:14 'Nio'₂ ja₁ton₅ Daniel 7:13. * 15:2 griego: kithara. † 15:3 canto quió'₅ Moisés: 'Nio'₂ ja₁ton₅ Éxodo 15; Deuteronomio 32.

A₂dsau₅, a₂tí₅ lín₃ bá₄ jui₅ quiáng'₂,
 'Ne₂ Rag₅₄ quián₅ ca₂le₃jě₃ juig₂.
 4 ħ'Ein₂ bá₄ 'éi₂ i₂tsá₃ jme₃gon₃ 'ne₂, Te₁gui'₅₄?
 ħ'Ein₂ bá₄ i₂tsá₃ jme₃juag'₂ gué'₂ ján₃?
 Ia₁ jan'₂ 'ne₂ bá₄ líng'₅ i₂ñi₅.
 Ca₂le₃jě₃ juig₂ qui₂ja₃lén₂ qui₂jme₃juin'₂ 'ne₂,
 ia₁ ma₂ca₂rě₃jniá₂ 'éi'₃ a₂qui₂dsí'₂ 'ne₂.

5 Cang₂ jaun₂ ca₂jág₃ jniá₂ guei'₅₄ i₂juíg₃, ca₂niá₃ guá'₅, co₂'nió'₄ le₃jua'₅₄
 ja₁ñi₅ gué₄, ja₁rě₂'ma₄ jág₁ dsau₅ a₂li'₅₄ quián'₅₄ Diú₄. 6 Guá'₅ jaun₂, ca₂'uin₂
 guion₃ ángeles i₂le₁quian₅ le₃guio₃ jmi₁uig₅. Le₁qui'₂ 'mi'₂ lino jlá'₁, a₂tág₅ lín₃.
 A₂jme₁rě₂jén'₅ le₁dsí₅ gué'₂ ně₃, jme₁lě₄ jmá'₃ cu₄nióg₄. 7 Jaun₂ gué₄ jan₂ já'₂
 quén₂ i₂tión₂ ne₄ ne₄ta₁, ca₂cué'₃ le₂jan₂ le₂jan₂ ta₁guion₃ ángeles jma₃caún₃
 ni₁uig₅ jí'₂ a₂lě₅ cu₄nióg₄, le₁'a₁ co₂'nió'₄ a₂'nei₂ a₂'i₄ dsí₅ Diú₄ i₂chan₂ ca₂lia'₂
 co₂tan₅₄. 8 Jaun₂ ca₂can'₂ dsi₂néi₂ guá'₅ quián'₅₄ jme₁ñi₁ a₂já₅ ja₁con₂ a₂jlá'₁
 a₂'uan'₂ Diú₄. Ca₂lia'₂ 'i₁jan₂ tsá₃ lé₂ dsi₃ton'₅₄ ja₁jaun₂, ca₂lia'₂ ca₂rě₃'ñia₅ le₃guio₃
 jmi₁uig₅ a₂le₁quian₅ ta₁guion₃ ángeles.

16

Ta₁guio₃ jmi₁uig₅ a₂'ě₂ Diú₄

1 Jaun₂ ca₂nag₃ jniá₂ jág₁ tiá₂ lín₃ i₁juá'₄ dsi₂néi₂ guá'₅, a₂tsí'₅ le₃guion₃ ángeles
 'éi₂:

—O₂nó'₅ 'nia'₂ o₂jen₄ ne₄ gua'₅₄ 'uě₃ 'nei₂ a₂'i₄ dsí₅ Diú₄ a₂le₁'a₁ ni₁uig₅ ně₅.

2 Jaun₂ ca₂o₃'ín₃ jě₁le₂'uig₅₄ ángel, jaun₂ ca₂jein₃ a₂chi'₁a₄ ni₁uig₅ quió'₅ ne₄
 gua'₅₄ 'uě₃. Jaun₂ ca₂le₃jín₃ dsa₂ i₂le₁quian₅ léi₄ quió'₅ Já'₂ 'Lín'₅₄, i₂jme₂juin'₂ nió'₄
 quió'₄ ně₃, qui₂ca₂'ñiai₂ 'mé'₅ 'lig'₅₄ a₂qui'₂ gué₄ lín₃.

3 Jaun₂ ca₂jen₃ jě₁ca₂tě₂ on₃ ángel a₂'a₄ ni₁uig₅ quió'₅ ne₄ jmi₁ñí'₄. Jaun₂ ca₂lě₃
 jmi₂, ně₂jag₄ bá₄ jmi₂ 'an₅₄ jan₂ 'lag₄. Ca₂dsan₃ ca₂le₃jín₃ já'₂ i₂jme₁chan₂ jmi₁ñí'₄
 jaun₂.

4 Ján₃ bá₄ le₂jaun₂ ca₂jen₃ jě₁ca₂tě₂ ún₂ ángel a₂'a₄ ni₁uig₅ quió'₅, ne₄ jmi₂
 cuá₃, ne₄ o₄tu₁ jmi₂ ně₃; jaun₂ jmá'₃ jmi₂ bá₄ qui₂ca₂lě₃ ján₃. 5 Jaun₂ ca₂nag₃
 juá'₂ ángel i₂niog₅ gu₂ jmi₂, ca₂juá'₂:

Rě₂ bá₄ cáun'₂ 'ne₂ 'í₁, Diú₄ Jñi₅;

'ne₂ i₂lín₅, i₂jme₁lín₄,

ia₁ a₂ně₂qui₁dsí'₂ 'éi'₃ le₂ně₅.

6 Ia₁ ca₂tein₃ 'éi₂ jmi₂ a₂jme₁'an₅₄
 dsa₂ i₂jme₁tén₄ le₃quiáng'₂,
 dsa₂ i₂jme₁qui₂ca₂'ě₂ jág₁ quiáng'₂ ně₃.

Ně₃ gué₄ ně₃, ně₂'ein'₅₄ jmi₂,

ia₁ le₂ně₅ 'en₄ quió'₅ bá₄.

7 Ca₂nag₃ jniá₂ ján₃ jě₄ ne₄chei₂, i₁juá'₄:
 Dsón'₂ le₂ně₅, Te₁gui'₅₄ Diú₄ i₂'Uan'₂ gué₄ lín₃,

dsón'₂ bá₄ qui₂dsí'₁ 'ne₂ 'éi'₃ lia'₂ con'₂ dsi₂ten₅₄.

8 Jaun₂ ca₂jen₃ jě₁ca₂tě₂ quén₂ ángel a₂'a₄ ni₁uig₅ quió'₅ ne₄ 'iog₂, jaun₂ ca₂ñi₂
 'iog₂ bí₂ a₂dsíin'₂ dsa₂ mi₂güig₃ quián'₅₄ si₂. 9 Jaun₂ ca₂dsin'₂ ca₂le₃jín₃ dsa₂
 quián'₅₄ a₂dséi₂ gau₂ lín₃. Jaun₂ qui₂ca₂'ag₃ dsa₂ 'lig'₅₄ qui₂ca₂'in₃ Diú₄ i₂'io₅ bí₂
 ne₄ jmi₁uig₅ jaun₂. Tsá₃ ca₂jme₃tsíin₃ dsí₅, jua'₅₄ ca₂jme₃juin'₂ 'éi₂.

10 Jaun₂ ca₂jen₃ jě₁ca₂tě₂ 'ñiá₂ ángel a₂'a₄ ni₁uig₅ quió'₅ ne₄ ne₄ta₁ quió'₅ Já'₂
 'Lín'₅₄, jaun₂ ca₂tě₁tsí'₅₄ qui₁né'₃ ja₁goin₂ jaun₂. Dsa₂ ně₃ qui₂ca₂qui₂'le₁tsí'₂

* 16:5 A₂lín₅₄ chog₅₄ si₂ chi₁ton₅ ján₃: "i₂lén₂ co₂tan₅₄."

a₂ca₂jme₃u_í'₃. 11 Con'₂ siá'₂ ca₂'i_n₃ 'l_ig'₅₄ Diú₄ i₂quió'₅ guei'₅₄ i₂juí_g₃, ne₄ 'u_ig'₅₄ a₂le₁quian₂₃ jmi₁u_ig'₅, 'u_ig'₅₄ ia₁ a₂l_in'₅ 'mé'₅ ně₃. La₁ tsá₃ ca₂dsi₃quéin'₅ dsí₅ jua'₅₄ ca₂tí₂ a₂jmo₂₃-dsá_u₅.

12 Jaun₂ ca₂jen₃ jē₁ca₂tē₂ŋé₂ ángel a₂'a₄ ni₁u_ing'₅ quió'₅ ne₄ cuá₃ juē'₂ Eufrates. Jaun₂ co₂dsia₅ ca₂rē₃quéin₃ cuá₃ jaun₂, ia₁jaun₂ ma₂lě₅ co₂ŋia₅₄ caun₂ jui₅ quein₂ ja₁i₃nio₄ rag₅₄ i₂ja₃lén₂ tē₂le₃ ja₁'ia₂† 'iog₂.

13 Jaun₂ ca₂jág₃ ca₂'u_in'₂ ún₂ jme₂dsí₂ 'l_in'₅₄, i₂jniá₂ lia'₂ jniá₂ i₁jě'₅, ca₂'u_in'₂ jma₃ján₃ jui₅ mi₂'o₄ já'₂ dragón, mi₂'o₄ Já'₂ 'L_in'₅₄, quian'₅₄ mi₂'o₄ i₂tě'₂ dsa₂ i₂'ě₂ já_g₁ a₂ju_igain₂ ně₃. 14 Jme₂dsí₂ i₂l_in'₅ je₂na'₅₄ bá₄ 'éi₂, i₂qui₃jmo₃ léi₄ juē'₂, i₂qui₂dsi₃lén₂ u_ing'₂ ja₁con₂ rag₅₄ quián₅ dsa₂ i₂chan₂ ta₁caun₂ mi₂güí_g₃, ia₁jaun₂ chi₃lo'₃ a₂dsia₃ 'nei₂ jmig₄ juē'₂ jaun₂ quió'₅ Diú₄ i₂'Uan'₂ gué₄ l_in'₃.

15 “Rē₂ján'₁ 'nia'₂ ia₁ guión'₄ jniá₂ con'₂ tiá₂, ně₂jag₄ bá₄ jan₂ 'ang₂. 'E₂ gué₄ dsen₃ ju₁lia'₂ i₂rē₂jnio₄ ne₄, i₂lě₅ 'í₁ tsin'₅₄, con'₂ tsá₃ ŋó₅ ně₁jua'₂ i₃ŋi₅₄ rē₂ŋi₅ tē₃ já_g₅ dsa₂ o₂quí'₃ quió'₅.”

16 Jaun₂ qui₂ca₂liain'₃ rag₅₄ caun₂ ja₁chei₂ Armagedón quian'₅₄ já_g₁ jmei₅ hebreo.

17 Jaun₂ ca₂jen₃ jē₁ca₂tē₂ guion₃ ángel a₂'a₄ ni₁u_ing'₅ quió'₅, ca₂'éin₂ dsi₂güí_g₂. Jaun₂ ca₂né'₂ dsi₂néi₂ guá'₅ a₂chí'₅ guei'₅₄ i₂juí_g₃, já_g₁ a₂juá'₂ tiá₂, a₂já₅ ne₄ta₁, i₁juá'₄:

—jMa₂ca₂lě₃ bá₄!†

18 Jaun₂ qui₂ca₂lě₃ si₁ŋí'₃, ca₂tē₂tsi'₅₄ co₂mi'₅₄, ca₂quia'₂ ŋí'₃. Ta₁caun₂ gua'₅₄ 'uē₃ qui₂ca₂jě'₂ ca₂i₁bi₅₄ 'uē₃ tiá₂ l_in'₃, ca₂lia'₂ 'i₁cón'₂ tsá₃ le₂jaun₂ jua'₅₄ a₂ma₂i₁bi₅₄ 'uē₃ ca₂le₃ ca₂rē₃chán₃ dsa₂ ne₄ gua'₅₄ 'uē₃, ia₁ a₂ŋí₄ lě₃ gau₂ ca₂lě₃. 19 Ca₂lě₃ 'ni₅ dso'₅₄ ciudad dsen₅₄ jaun₂, jaun₂ qui₂ca₂lě₃ jui₅ 'uē₃ ca₂le₃jě₃ juí_g₂ ciudad jme₁te₁'i₁ mi₂güí_g₃. Jaun₂ gué₄ ca₂dsá_u₃ dsí₅ Diú₄ Babilonia juē'₂; ca₂cué'₃ copa a₂'a₄ vino a₂'i₄ 'nei₂ dséi₂ dsí₅. 20 Jaun₂ qui₂ca₂cuí_g₃ ca₂le₃jě₃ 'uē₃ a₂qui₂le₁quí'₅ jē₄ jmi₁ŋí'₄; ca₂le₃jě₃ ni₁má'₂ ně₃, co₂dsia₅ ca₂i₃có'₂. 21 Qui₂ca₂tang₂ ne₄ quió'₅ dsa₂ mi₂güí_g₃ dsí₅ ca₁ca'₅₄ 'ŋio₅ l_in'₃, a₂guei₂ jma₃tē₂lá_u₃ kilo lia'₂ ca₂míg₂. Š Ján₃ bá₄ le₂jaun₂ qui₂ca₂'ag₃ dsa₂ 'l_ig'₅₄ 'i_{in}₂₃ Diú₄, 'u_ig'₅₄ ia₁ a₂ca₂séi'₂ dsí₅ jaun₂, ia₁ a₂ŋí₄ lě₃ ca₂i₁ju_in'₅₄ gau₂ jmi₁u_ig'₅ a₂ca₂lě₃.

17

Jē₁ca₂i₃'én₂ 'io₅₄ ju_in'₂ i₂'nag₅ quió'₅

1 Jaun₂ ca₂já₃ jan₂ ángel i₂lě₂ guion₃ i₂jme₁le₁chan'₂ ni₁u_ing'₅ 'éi₂, ca₂tság₃ jniá₂:
—Ŋia₅, la₂ 'ě₅₄ 'a₂ lia'₂ lě₅ jmi₁u_ig'₅ a₂'ě₂ Diú₄ ne₄ 'io₅₄ ju_in'₂ i₂'nag₅ quió'₅, i₂guá₅ ne₄ ja₁te₁'i₁ 'lióng₂ jmig₂. 2 Ca₂le₃jín₃ bá₄ rag₅₄ i₂chan₂ ne₄ gua'₅₄ 'uē₃ ma₂qui₂ca₂nió'₄ já_g₁ quiaín'₅₄ 'io₅₄ 'éi₂; ján₃ bá₄ le₂jaun₂ ma₂qui₂ca₂rē₃'en₅ dsa₂ i₂tián'₅ ne₄ gua'₅₄ 'uē₃, quian'₅₄ vino a₂co₂'nió'₄ dso₄ a₂ca₂jmo₃-dsá_u₅ 'io₅₄ 'éi₂.

3 Jaun₂ ca₂jio_g₃ ángel, tē₂lia'₂ 'eng₅₄ le₃quió'₅ Jme₂dsí₂, caun₂ 'uē₃ quein₂ co₂'ŋio_g₅. Ja₁jaun₂ ca₂tē₂ ne₃ ca₂jing₅₄ jan₂ 'io₅₄, co₂dsi_{in}₅₄ jan₂ já'₂ guén₂ i₂jniá₂ gau₂ jmá'₅, i₂le₁dsi₅₄ guio₃ mi₂dsi₄, guia₃ gué'₂ mi₂juí₁, i₂jme₁quian₅ 'lióng₂ já_g₁ 'l_ig'₅₄ lia'₂ chein₂ a₂jmo₂₃ a₂l_in'₅ Diú₄ ně₃. 4 'Io₅₄ 'éi₂ ně₃ rē₂l_in'₅₄ qui'₂ tsin'₅₄ guén₂ si₂, quian'₅₄ a₂'ui'₃. A₂lě₅ jlá'₁, tio'₅₄ cu₄nióg₄, ni₁cang₁ jlá'₁ quian'₅₄ míg₂ perlas ně₃. Ján₃ gué₄ chi₁chan'₂ caun₂ copa a₂lě₅ jmá'₃ cu₄nióg₄, rē₂'a₄ a₂'l_ig'₅₄ a₂jmo₅-dsá_u₅, quian'₅₄ já_g₁ 'l_ig'₅₄ a₂nió'₅. 5 Le₁ton₅ já_g₁ ne₄ chi₁quí₃, a₂juá'₂: JÁ_G₁

† 16:12 Co₂'nió'₄ le₂jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. ‡ 16:17 'Nio'₂ ja₁ton₅ Juan 19:30. Š 16:21 lit. “a₂guei₂ caun₂ talento lia'₂ ca₂míg₂.”

A₂RĚ₂'MA₄ BABILONIA JUĚN'₂ CHOG₅₄ 'IO₅₄ I₂'NAG₅ QUIÓ'₅ CHOG₅₄ CA₂LE₃JĚ₃ NE₅₄ A₂LĤ₁'IOG₅ NE₄ GUA'₅₄ 'UĚ₃.

⁶Jaun₂ ca₂jĥn₄ jniá'₂ 'io₅₄, a₂'ein₅ guá'₅, quian'₅₄ jmi₂'an₅₄ i₂tén₅ le₃quió'₅ Diú₄,* quian'₅₄ guē'₂ jmi₂'an₅₄ i₂ma₂jáng'₃ jág₁ dsau₅ le₃quió'₅ Jesús. Jaun₂ ca₂i₃gó'₃ dsĭ₃ guē'₄ lĥn₃ jme₁ca₂tĕ₂ ne₃ a₂jaun₂. ⁷Jaun₂ ca₂juá'₂ ángel tság₅ jniá'₂:

—ĥ'E₂ lĕ₃ dsĭ₂gó'₃ 'au'₂? La₂ juá'₄ jniá'₂ jág₁ rĕ₂'ma₄, co₂'nió'₄ 'e₂ léi₄ jáng'₅ 'io₅₄ ó₃, 'e₂ guē'₂ léi₄ jáng'₅ táng₃ Já'₂ 'Lĥn'₅₄ i₂jĭog₅ i₂cha₂ guio₃ mi₂dsi₄, i₂le₁dsi₅₄ guio₃ mi₂juĥ₁ nĕ₃. ⁸Já'₂ 'Lĥn'₅₄ i₂nĕ₂jĭng'₅₄ nĕ₅, jme₁chan₂ le₂jĥiá₅, rĕ₂nĕ₃ nĕ₃ tsá₃ ma₃chain₂. La₁ jĕ₁ma₂o₃'iĥn₅ uĭ₂g₂ ja₁ca₂jĕin₃ chi₁dsio₅₄, jaun₂ dsĭog₄ ja₁dsi₃'éin₂. Dsi₃gó'₃ dsĭ₅ dsa₂ i₂chan₂ ne₄ gua'₅₄ 'uĕ₃, ca₂le₃jĥn₃ i₂con'₂ tsá₃ le₁ton₅ ne₄ si₂ ca₂le₃ ca₂nio₃ mi₂güĭg₃, mi₂si₂ a₂rĕ₂bin₅ a₂le₃chan₂ dsa₂; dsĭ₂qui₂dsi₃gó'₃ dsĭ₅ jĕ₁ma₂jĥn₂ Já'₂ 'Lĥn'₅₄, 'uĭ₂g₅₄ ia₁ a₂jme₁chain₂, tsá₃ ma₃chain₂ rĕ₂nĕ₃, la₁ia₁ a₂guáin₂ táng₃.

⁹Jág₁ la₂ cha₂ a₂lé₂ le₃ĥí'₂ jui₁lia'₂ dsa₂ i₂ĥí'₂ dsĭ₅: jáng'₅ jág₁ dsau₅ guio₃ mi₂dsi₄ já'₂, co₂'nió'₄ guio₃ dsĭ₂con'₂ ja₁guá'₄ 'io₅₄ 'éi₂. ¹⁰Ján₃ bá₄ co₂'nió'₄ guion₃ rag₅₄ a₂jaun₂. Ma₂i₃gan'₅₄ cau₅ 'ĥiá'₂ rag₅₄ 'éi₂; jan₂ bá₄ i₂gon₂ rĕ₂nĕ₃; jan₂ guē'₂ i₂tsá₃ ma₂guan₅ guē'₄. Jĕ₁ma₂tĕ₂ rĕ₁guá'₃ 'éi₂ guē'₂ nĕ₃, ca₂tiá₂ bá₄ ca₂tiĥn₂ guá'₃. ¹¹Já'₂ 'Lĥn'₅₄ i₂jme₁chan₂, i₂tsá₃ chan₂ rĕ₂nĕ₃ 'éi₂ guē'₂ nĕ₃, lĕn₂ i₂gon₂ i₂ca₂tĕ₂ jĥiá₃ i₂co₂'nió'₄ rĥn'₅₄ i₂guion₃ 'éi₂ bá₄. Ján₃ bá₄ dsĭog₄ ja₁dsi₃'éin₂.

¹²'A₂lĕ₅ guia₃ mi₂juĥ₁ a₂nĕ₂jag'₅₄ nĕ₃, co₂'nió'₄ guian₃ rag₅₄ i₂tsá₃ ma₂ĥi₂ ja₁le₃goin₂. La₁ ĥei₃ bí₂ 'éi'₃ ca₂tiá₂ le₂jaun₂, nĕ₂jag₄ caun₂ hora, lia'₂ ma₂quiain'₅₄ Já'₂ 'Lĥn'₅₄. ¹³Tóin'₃ caun₂ ta₁ co₂dsia₅, 'ei₅ caun₂ jág₁, ton'₂ qui₃cuĕ₃ jui₅bí₂ quian'₅₄ 'éi'₃ quió'₅ cuĕ'₃ Já'₂ 'Lĥn'₅₄. ¹⁴Qui₃jmo₃ 'nei₂ quĥin'₂ quian'₅₄ Guein₂ Já'₂ Cha'₂. La₁ Guein₂ Já'₂ Cha'₂ bá₄ i₂lí'₂, ia₁ 'éi₂ bá₄ lĥn₅ Juĭ₅₄ quián₅ ca₂le₃jĥn₃ juĭ₅₄ dsa₂; ton'₂ lĥn₅ Rag₅₄ quián₅ ca₂le₃jĥn₃ rag₅₄. Ca₂le₃jĥn₃ i₂quian'₅₄ Guein₂ Já'₂ Cha'₂ nĕ₃, lĥn₅ i₂ma₂quióin'₂ i₂ma₂tĕ'₃ Diú₄, tióin₂ lĥn₅ dsa₂ i₂rĕ₂ti'₅₄ quián₅.

¹⁵Jaun₂ ca₂tság₃ jniá'₂:

—Juĥ₁lia'₂ a₂lĕ₅ 'lióng₂ jmi₂g₂ ja₁guá'₄ 'io₅₄ 'lĥn'₅₄ a₂nĕ₂jag'₅₄ nĕ₅, co₂'nió'₄ ca₂le₃jĕ₃ go₄ dsa₂, ca₂le₃jĕ₃ nió'₃ dsa₂, ca₂le₃jĕ₃ juĭ₂g₂, ca₂le₃jĕ₃ jág₁ jmei₅ nĕ₃. ¹⁶Jaun₂ jme₃'iog₅₄ dsa₂ i₂co₂'nió'₄ a₂lĕ₅ guia₃ mi₂juĥ₁ i₂nĕ₂jag'₅₄, jme₃'iog₅₄ Já'₂ 'Lĥn'₅₄ guē'₂ nĕ₃, jme₃'ĥiai₅₄ 'io₅₄ 'éi₂. Co₂dsia₅ qui₃téi₂ co₂'nió'₄ tĕ₃tsĥn'₅₄ rĕ₃ĥi₅; qui₃quĭg'₃ nĥi₁ĥi₁₂, jaun₂ guē'₄ dság'₂ quian'₅₄ si₂. ¹⁷Ia₁ Diú₄ nĕ₃ ma₂jmo₃ dsĭ₅ dsa₂ 'éi₂ jui₁jmo₁₂ ca₂le₃jĕ₃ 'e₂ niog₅ dsĭ₅ jmo₃, ia₁jaun₂ jmo₃ caun₂ jág₁ a₂cuĕ₃ jui₅bí₂ a₂goin₂, cuĕ'₃ Já'₂ 'Lĥn'₅₄, ca₂lia'₂ ca₂dsióg₃ jmi₂g₄ a₂le₃ti₃ jág₁ quió'₅ Diú₄ a₂ma₂ron₅. ¹⁸'Io₅₄ i₂nĕ₂jĭng'₅₄ nĕ₃, co₂'nió'₄ ciudad juē'₂ ja₁o₂'ag₅ 'éi'₃ ne₄ quió'₅ ca₂le₃jĥn₃ rag₅₄ i₂chan₂ mi₂güĭg₃.

18

Jĕ₁ca₂ĥó₃ 'uĕ₃ bí₂ quió'₅ Babilonia

¹Cang₂ jaun₂, ca₂jĭng₅₄ táng₃ jan₂ ángel sián'₂, ca₂sióin₃ guei'₅₄ i₂juĭg₃ i₂'io₅ bí₂ 'éi'₃ a₂'uain'₂ lĥn₃. Ta₁caun₂ mi₂güĭg₃ bá₄ ca₂tág'₃ a₂co₂tág₅ co₂'né'₅ quió'₅.

²Quian'₅₄ jág₁ tiá₂ lĥn₃, ca₂juá'₂:

Ma₂ca₂i₃'én₂, ma₂ca₂i₃'én₂ Babilonia juē'₂,

'ne₄ ca₂le₃jĥn₃ ne₅₄ je₂na'₅₄ bá₄ ca₂lĕ₃;

'né₅ 'má₃ ja₁ĥi'₂ ca₂le₃jĥn₃ ne₅₄ jme₂dsĭ₂ 'lĥn'₅₄,

* 17:6 lit. “quian'₅₄ jmi₂'an₅₄ dsa₂ jĥi₅.”

- ca₂le₃jín₃ ne₅₄ i₁tan₅ 'lin'₅₄ lë₁'ñio₅.
³ Ia₁ ma₂qui₂ma₂'in'₃ ca₂le₃jě₃ juig₂
vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.
Ma₂qui₂ca₂nió'₃ jág₁ rag₅₄ i₂chan₂ gua'₅₄ 'uë₃
quiain'₅₄ 'io₅₄ 'éi₂.
Ca₂le₃jín₃ jui₁lia'₂ dsa₂ i₂i₂nio₄ jmo₂₃ 'ma'₅₄,
ma₂qui₂ca₂rë₃chá₃ cu₄ 'ñio₅ lín₃
të₂le₃ quian'₅₄ jui₅bí₂ a₂ma₂i₂juin₅₄ ñag₅₄
a₂jlá'₁ jmo₂₃ róin₂.
⁴ Jaun₂ ca₂nag₃ táng₃ caun₂ jág₁ a₂já₅ guei'₅₄ i₂juíg₃, a₂juá'₂:
'Uin'₂ 'nia'₂ jë₄ juig₂ në₅,
con'₂ 'nia'₂ i₂lín₅ dsa₂ juig₂ quiáng₃,
ia₁jaun₂ tsá₃ le₃quen'₄ 'nia'₂ dso₄ a₂'no₅ 'io₅₄ në₅,
on₃ guë'₂ tin'₃ 'nia'₂ jmi₁uig₅ a₂já₅ ja₁coin₂.
⁵ Ia₁ 'lióng₂ lín₃ dsáu₁ 'io₅₄ në₅ ma₂rë₂juí₄,
në₂jag₄ bá₄ ma₂të₂ ca₂të₂ guei'₅₄ i₂juíg₃.
Jaun₂ Diú₄ në₃ ma₂dsáu'₅ dsí₅
ca₂le₃jě₃ a₂'lig'₅₄ a₂ma₂rë₂cáin'₄.
⁶ A₂le₂jaun₂ cuë'₅₄ 'nia'₂ 'io₅₄ në₅
jui₁lia'₂ lë₅ a₂ma₂qui₂ma₂cuë'₃ dsa₂ 'ñiog₅.
Qui'₄ 'nia'₂ tin₃ ju'₂
lia'₂ con'₂ guë'₄ a₂ma₂jmo₃.
Co₂güin'₅₄ 'nia'₂ tin₃ ráun₂ a₂'ñio₅ guë'₄
ñió'₂ copa quió'₅ 'ñiog₅,
con'₂ guë'₄ a₂ma₂cuë'₃ i₂sián'₂.
⁷ Jui₁lia'₂ a₂ñí₄ lë₃ ma₂qui₂ma₂chain₂ jlá'₁ a₂róin₂,
co₂jaun₂ cuë'₅₄ 'nia'₂ jmi₁uig₅ a₂qui'₂ dsí₅.
Ia₁ ma₂juá'₂ bá₄ jui₅ të₂dsí₅:
“La₂ gua₅₄ a₂lín₅ jan₂ 'io₅₄ rag₅₄,
tsá₃ dsa₂ 'nág₂ lín₅.
Tsá₃ o₁líg'₂ ñag₅₄ uig₅ le₃qui'₂ dsí₃.”
⁸ 'Uig₅₄ jaun₂ në₃,
co₂nio₄ co₂jmi₄ bá₄ ja₃lé₂ jmi₁uig₅ ja₁coin₂;
'mú₃, qui'₃-o₃, le₃'oin₅₄ në₃;
jaun₂ guë'₄ dsin'₂ co₂ñei'₅₄.
Ia₁ i₂'uan'₂ lín₃ bá₄ Te₁gui'₅₄ Diú₄
i₂qui₃dsí₅ 'éi'₃ ja₁coin₂ jmi₄ jaun₂.
⁹ 'Cán₂ go₂'i₃, qui'₃-o₃ ca₂le₃jín₃ rag₅₄ quián₅ gua'₅₄ 'uë₃ i₂qui₂ca₂nió'₄ jág₁
quiain'₅₄ 'io₅₄ 'éi₂, i₂qui₂ma₂ca₂rë₃cháin₃ jlá'₁ quiain'₅₄, jë₁ma₂ca₂jág₃ tsau₂
jme₁ñi₁ guei'₅₄ a₂ma₂qui₂cau₂ quió'₅ 'io₅₄. ¹⁰ La₁ uíng₂ bá₄ qui₂dsí₃náu₃, qui₃jág₃
gó'₃ 'ñio₅ lín₃, jaun₂ juá'₂:
i'E₂ guë'₄ juíg'₂, 'e₂ guë'₄ juíg'₂,
'ne₂ ciudad juë'₂,
'ne₂ Babilonia i₂jme₁'uang'₂ lín₃ në₃!
iQuian'₅₄ ca₂tiá₂ co₂lág₂ bá₄
gua₅ uig₅ a₂rë₂'ë₂ ja₁cong'₂!
¹¹ 'Cán₂ go₂'i₃, qui'₃-o₃ dsa₂ i₂jme₁i₂nio₄ jmo₅ 'ma'₅₄ ne₄ gua'₅₄ 'uë₃, o₄quió'₄ 'éi₂;
ia₁ tsá₃ ma₂'ein₂ le₃chan₂ qui₃lá₃ guë'₄ 'e₂ lio₅₄ i₂quian₅₄: ¹² lio₅₄ a₂lë₅ cu₄nióg₄,
cu₄tiog₂, cang₄ jlá'₁, míg₂ perlas, ca₂le₃jě₃ ne₅₄ jui₁lia'₂ 'mí'₂ jlá'₁, jui₁lia'₂ lino

quian'54 seda a2'lióng2 ne54 jniá2, a2'ui'3, a2guéin2 ně3; ca2le3jě3 ne54 'ma2 jlá'1
ně3 a2ja2 mi2juig2 ma2ro2; lióng2 ne54 cosas jlá'1 ně3, jui1lia'2 a2lě5 ni1mu5, a2lě5
ni1'ma2 jlá'1 a2'mu'54, a2lě5 ni1ńí1 'ua'2, a2lě5 ni1ńí1 nióg2 ně3, ni1cang1 mármol
táng3; 13 lio54 canela, ca2le3jě3 guě4 a2ja2 mi2juig2 ma2ro2 jui1lia'2 chen2, mirra,
no'54 mi2juig2 ně3; vino quian'54 no'54 olivo; cui2 dse3 quian'54 trigo; já'2 ně3,
jui1lia'2 ca2jui5, já'2 cha'2 quian'54 cua1; ni1ńí1 carrozas ně3. Ca2le2jiog5 dsa2
mi2güig3 rin'54 dsa2 i2jme2ti3 ta1 ne54. 14 'La1 jmi2g4 jaun2 guě4 ně3, juá'2 tsí'3 ciudad
jaun2:

¡Ma2ca2jnia'3 ja1cong'2, míg2 jlá'1
a2ńí4 lě3 jme1'ín5 'au'2 quě'54!

¡A2co2dsia5 ca2i3'én2 jaun2 bá4
ca2le3jě3 a2jlá'1
a2jme1quen5 cu4 a2jme1cha2 quiáng'2!

Tsá3 ma3o1líg'2 jmi2g4 dsiang'2.

15 'Dsa2 i2qui2ma2jmo3 'ma'54 ca2le3jě3 a2ně5, i2qui2ca2rě3chá3 cu4 'ńio5 lin3
tě2le3 quian'54 'io54 'éi2, qui2dsi3náu3 uíng2, qui3jág3 gó'3 'uig54 jmi1uig5 a2go2'i3
jaun2. 16 Jaun2 juá'2 tiá2:

¡'E2 guě4 juíg'2, 'e2 guě4 juíg'2,
'ne2 ciudad juě'2!

¡la1 jme1lě4 jui1lia'2 lín5 jan2 'io54 jlán'1
i2jme1qui'2 tsin'54 jlá'1 lin3
a2jme1jniá2 'ui'3 quian'54 a2guéin2,
i2jme1rě2lin4 jlán'1 quian'54 cu4nióg4,
ni1cang1 jlá'1, míg2 perlas ně3!

17 ¡Quian'54 ca2tiá2 co2lág2 bá4,
qui2ca2dsa3 ca2ag2 a2jlá'1 a2quen5 'lióng2 lin3!

'Ca2le3jín3 jui1lia'2 i2i2quian5 ni1barcos, ca2le3jín3 guě4 dsa2 i2i2nio4 ne4
jmi1ńí'4, ca2le3jín3 guě4 dsa2 i2'no5 a2dsi2ńí2 ne4 jmi1ńí'4, qui2dsi3náu3 uíng2,

18 jě1ma2ca2jág3 jme1ńi1 a2ma2qui2cau2 quió'5, qui3juá'2 tiá2 tóin'3:

—¿'E2 bá4 ciudad lé2 le3quin3 quian'54 ciudad juě'2 ně5?

19 Jaun2 qui2tó'3 ti1jui1 ne4 mi2dsi54 guioin54, qui'2-'o23, a2juá'2 tiá2:

¡'E2 guě4 juíg'2, 'e2 guě4 juíg'2
ciudad juě'2 ně5!

Quian'54 ca2le3jě3 a2jme1cha2 quió'5,
ca2rě3chá3 cu4 ca2le3jín3 dsa2
i2quile1'io5 barcos ne4 jmi1ńí'4.

¡Quian'54 ca2tiá2 co2lág2 bá4 ca2'en3 jě2!

20 La1 'nia'2 ně3,

i2chan'2 guei'54 i2juíg3,
jmo4 'nia'2 'io'2 ne4 quió'5 juig2 jaun2.

Ca2le3jín'3 guě'2 'nia'2 i2tén5 le3quió'5 Diú4,
i2chen4 quiáin5, i2qui2'ě2 jág1 quió'5 ně3.

Ia1 ma2ně2qui3dsi5 Diú4 'éi'3 ja1con2 juig2 jaun2,
ma2ně2jme3rě3 ca2le3jě3 a2ma2jmái'2 'nia'2 jaun2.

21 Jaun2 ca2chóg'3 jan2 ángel 'uan'2 ca2míg2 ni1cang1 pa1, a2lě5 jui1lia'2 lě5
ni1cang1 éi'5 cui2 'í5; ca2ton3 ne4 jmi1ńí'4, ca2juá'2:

Quian'54 'nei2 uig5 le2ně5 bá4
dsó3 'uě3 ján3,

Babilonia ciudad juě'2,

tsá₃ ma₃a₁jaun₂ jua'₅₄ le₃cha₂.
 22 O₁líg'₂ jmig₄ tsá₃ ma₃qui₂né'₂ a₂jmo₃ dsa₂ son₅₄
 jui₁lia'₂ jè₄ calle quiáng'₂:
 jui₁lia'₂ son₅₄ tsi₁ton₅ arpas,*
 son₅₄ 'ma₂, son₅₄ ŋí₁ trompeta ně₃.
 Tsá₃ ma₃le₃chan₂ tē₅
 i₂tín₂ ta₁ 'i₁jan₂, ja₁cong'₂;
 tsá₃ ma₃qui₃né'₂ mi'₅₄
 ni₁cang₁ éi'₅ cui₂ 'í₅, ja₁cong'₂;
 23 si₂ nng'₂;
 jág₁ quió'₅ 'io₅₄,
 quió'₅ dsa₂ ŋe'₂ i₂jen'₂ gu₂,
 tsá₃ ma₃o₁líg'₂ qui₃né'₂ ja₁cong'₂.
 Ia₁ dsa₂ dsen₅₄ jin₄ dsa₂ mi₂güí₃
 jme₁lín₄ dsa₂ i₂qui₂jme₁jmo₅ 'ma'₅₄ quiáng'₂,
 ia₁ ca₂jme₁gang'₂ ca₂le₃jě₃ juí₂
 tē₂le₃ quian'₅₄ a₂chan₂ 'au'₂.
 24 Ia₁ 'éi₂ bá₄ rē₂cán'₄ jmi₂ 'an₅₄
 ca₂le₃jín₃ dsa₂ i₂tén₅ le₃quió'₅ Diú₄,
 i₂ma₂ 'ě₂ jág₁ quió'₅ ně₃,
 quian'₅₄ ca₂le₃jín₃ i₂ca₂dsan₃
 ca₂jme₃dsiog₅ dsa₂, ne₄ gua'₅₄ 'uě₃.

19

1 Cang₂ jaun₂, ca₂nag₃ lia'₂ lě₅ jág₁ quió'₅ juin₅ lin₃ dsa₂ i₂tion'₅₄ guei'₅₄ i₂juí₃,
 i₁juá'₄ co₂mi'₅₄:
 ¡Aleluya!*
 Te₁gui'₅₄ Diú₄ quián₂ bá₄ jniog₄ i₂lió₂,
 i₂ca₂tín₂ gue₃ a₂jme₃juag'₂ dsa₂,
 i₂ca₂tín₂ jui₅bí₂ a₂náu₃ ne₄ 'éi'₃.
 2 Ia₁ dsau₅, ton'₂ dsi₂ten₅₄ bá₄ lě₅
 a₂qui₂dsi₂₃ 'éi'₃.
 Ia₁ ma₂nē₂qui₂dsi₂₃ 'éi'₃
 ja₁con₂ 'io₅₄ 'lín'₅₄ juin'₂,
 i₂ma₂ca₂jme₃'ióg₃ ta₁caun₂ mi₂güí₃
 quian'₅₄ jág₁ 'lig'₅₄ a₂ma₂qui₂ma₂nió'₃.
 Jaun₂ 'ŋiog₅ bá₄ Diú₄ ma₂nē₂quion₃ 'ma'₅₄
 ja₁con₂ 'io₅₄ 'éi₂,
 ne₄ quió'₅ jmi₂ 'an₅₄ ca₂le₃jín₃ dsa₂ quián₅ Diú₄
 i₂jme₂tí₃ ta₁ ne₅₄.
 3 Con'₂ siá'₂ táng₃ ca₂juá'₂:
 ¡Aleluya!
 Tsau₂ jme₁ŋi₁ a₂con₂ 'io₅₄ 'éi₂
 ca₂lia'₂ co₂tan₅₄.
 4 Jaun₂ ně₃, le₃guión₂-quén₂ dsa₂ can'₅₄, quian'₅₄ guě'₂ le₃quén₂ já'₂ i₂tión₂
 le₃ne₄ ne₄ta₁, qui₂ca₂tóin₂ 'uě₃ ca₂jme₃juin'₂ Diú₄ i₂guá₅ ne₄ta₁, qui₂ca₂juá'₂:
 —¡A₂méi₃! ¡Aleluya!
 5 Jaun₂ guě₄ ca₂né'₂ jág₁ tē₂ ne₄ta₁, i₁juá'₄:
 Jme₁juin'₂ 'nia'₂ Diú₄ quián₂

* 18:22 griego: kithara.

ca₂le₃jín' ₃ 'nia' ₂ i₂jme₂ti₃ ne₅₄
 ca₂le₃jín' ₃ 'nia' ₂ i₂juin' ₂ i₂me' ₂
 i₂go₃ gain' ₃ 'éi₂.

Jmíg₄ ja₁jen' ₂ gu₂ Guein₂ Já' ₂ Cha' ₂

⁶ Jaun₂ ca₂nag₃ jniá₂ co₂mi' ₅₄ a₂né' ₂ lia' ₂ né' ₂ jág₁ ja₁tion' ₅₄ dsa₂juin₅, lia' ₂ né' ₂
 ja₁ta' ₂ la' ₅₄ pa₁ lin₃, * ju₁lia' ₂ tē₂tsi' ₅₄ co₂mi' ₅₄ quia' ₂ ŋí' ₃ tiá₂ lin₃, i₁juá' ₄:
 ¡Aleluya!

Ia₁ ma₂gon₂ Te₁gui' ₅₄ Diú₄ quián₂ jniog₄
 i₂'Uan' ₂ guē₄ lin₃.

⁷ ¡Ju₁imó₁ jniog₄ 'io' ₂
 o₂'ŋió₃ o₂ŋia₃ dsi₅,
 ju₁jme₁juin' ₂ jniog₄ 'éi₂!
 Ia₁ ca₂té₂ hora a₂jen' ₂ gu₂
 Guein₂ Já' ₂ Cha' ₂.

Dsa₂ m' ₂ i₂jen' ₂ gu₂ quiain' ₅₄ ně₃
 ma₂chain₂ co₂ŋjai₅₄.

⁸ Ma₂ŋi₂ tsi' ₁ 'mi' ₂ lino jlá' ₁
 a₂tág₅, a₂le₁jě₃ lin₃, a₂rě₂lin₅₄.

(Ia₁ ju₁lia' ₂ tsi' ₁ 'mi' ₂ lino jlá' ₁ ně₃, co₂'nió' ₄ ju₁ dsau₅ a₂ma₂quian₅ dsa₂ i₂tén₅
 le₃quió' ₅ Diú₄.)†

⁹ Jaun₂ ca₂juá' ₂ ángel ca₂tság₃ jniá₂:

—Jmo₄ si₂ tiong₅: “E₂ guē₄ dsen₃ ca₂le₃jín₃ dsa₂ i₂tě₄ jmíg₄ ja₁jen' ₂ gu₂ Guein₂
 Já' ₂ Cha' ₂.”

Jaun₂ ca₂juá' ₂ táng₃:

—Jág₁ tí₅ tē₃dsón' ₂ bá₄ la₂ quió' ₅ Diú₄.

¹⁰ Jaun₂ ca₂tón₂ jniá₂ ja₁tióng₂ tag₄ ángel 'éi₂ a₂jme₁jme₁juin' ₂ jniá₂. La₁
 ca₂juá' ₂ ně₃:

—A₃ jmo₂ le₂ně₅. Ia₁ jan₂ rín' ₂ 'ne₂ bá₄ líng₅, i₂jme₂ti₃ ta₁ ne₄ Diú₄, ton' ₂ líng₅
 jan₂ rín' ₅₄ rín' ₂ 'ne₂ i₂qui' ₂ ě₂ jág₁ o₄quió' ₄ Diú₄, quian' ₅₄ i₂tón' ₂ ju₁ jág₁ a₂rě₂ ě₂
 quió' ₅ Diú₄ a₂tio' ₅₄ ne₄ si₂ la₂. Jme₁juin' ₂ Diú₄. Ia₁ jág₁ dsau₅ quió' ₅ Jesús bá₄ a₂'i₄
 jme₂dsí₂ quió' ₅ ju₁lia' ₂ i₂'ě₂ jág₁ o₄quió' ₄ Diú₄.

Dsa₂ i₂ŋó₅ co₁dsin₅₄ cua₁ tion₂

¹¹ Jaun₂ ca₂jág₃ jniá₂ rě₂na₄ guei' ₅₄ i₂juíg₃, jaun₂ ca₂jnia₃ jan₂ dsi₂cua₁ tion₂.
 Dsa₂ i₂co₂dsag₅₄ guē' ₂ chen₂ I₂rě₂ti' ₅₄, I₂dsau₅ ně₃. Con' ₂ dsi₂ten₅₄ bá₄ qui₂dsi₂₃
 'éi' ₃, jmo₂₃ 'nei₂. ¹² Tág₅ jme₁ne₁₂ lia' ₂ tág₅ si₂; tio' ₅₄ 'lióng₂ coronas mi₂dsi₅₄
 ja₁le₁ton₅ lia' ₂ chein₂, ŋia' ₅₄ lia' ₂ 'ŋiog₅ bá₄ ŋí' ₂, tsá₃ 'ein₂ i₂sián' ₂ ŋí' ₂. ¹³ Qui' ₂
 caun₂ 'mi' ₂ chen' ₅₄ a₂ně₂jag₄ bá₄ ma₂i₂tia₃ jmi₂; a₂chen₂ 'éi₂ guē' ₂ ně₃ Jág₁ quió' ₅
 Diú₄. † ¹⁴ Chi₁co' ₅₄ quió' ₅ 'éi₂, tē₁ja₂lén₂ juin₅ lin₃ 'lióg₂ quián₅ guei' ₅₄ i₂juíg₃.
 Ca₂le₃jín₃ le₁qui' ₂ jmá' ₃ 'mi' ₂ lino tiog₂ jlá' ₁ a₂le₁jě₃, a₂ca₂'u₁in₂ qui₂co₂dsin₅₄
 cua₁ tion₂. ¹⁵ Mi₂'o₄ 'éi₂ dsi₅₄ caun₂ a₂lě₅ lia' ₂ lě₅ ŋi₁tág₂ 'mu₃ lin₃ a₂jmái' ₂ ca₂le₃jín₃
 juíg₂ ne₄ gua' ₅₄ 'uē₃. “Goin₃ ne₄ 'éi₂ quian' ₅₄ 'ma₂' ₅₄ a₂lě₅ ni₁ŋí' ₁ 'ua' ₂.” § Qui₃tsó' ₃
 ně₂jag₄ bá₄ míg₂ uvas a₂'i₄ 'nei₂ dséi₂ dsí₅ Diú₄ 'Uan' ₂. ¹⁶ Ne₄ tsi' ₁ 'mi' ₂ chen' ₅₄,
 ne₄ mi₂qui₅₄ ně₃, chi₁ton₅ 'a₂ lia' ₂ chein₂: RAG₅₄ QUIÁN₅ CA₂LE₃JĪN₃ RAG₅₄ JUĪG₅₄
 CA₂LE₃JĪN₃ JUĪG₅₄.

¹⁷ Jaun₂ ca₂jing₅₄ jan₂ ángel chéin' ₅ dsi₂jo₂ 'iog₂. 'Éi₂ ně₃ ca₂juá' ₂ tiá₂ lin₃
 qui₂ca₂tsí' ₃ ca₂le₃jín₃ já' ₂ i₂'in₅ guei' ₅₄ dsi₂güig₂:

* 19:6 o₃ 'lia' ₂ né' ₂ 'lióng₂ jmíg₂.” † 19:8 lit. “a₂ma₂quian₅ dsa₂ŋi₁ó' ₅.” ‡ 19:13 'Nio' ₂ ja₁ton₅ Juan
 1:1-14. § 19:15 Salmo 2:9.

—I₂nó'₅ 'nia'₂, tión'₂ 'nia'₂ lo'₂, ia₁ le₃cha₂ má₃ pa₁ cuë'₃ Diú'₄, ¹⁸ ia₁jaun₂ tón'₄ 'nia'₂ quë'₅₄ jmá'₃ ñí'₅: ñí'₄ rag₅₄, ñí'₄ ca₂le₃jín₃ juig₅₄ 'lióg₂, ñí'₄ ca₂le₃jín₃ guë'₄ dsa₂ bën₂ ně₃. Ca₂lia'₂ ñí'₄ cua₁ ně₃, ñí'₄ dsa₂ i₂jme₁co₂dsag₅₄ ně₃; ñí'₄ ca₂le₃jín₃ guë'₄ dsa₂: lia'₂ dsa₂ i₂jme₂ti₃ ta₁ ne₄ juig₅₄, lia'₂ dsa₂ i₂tsá₃ 'ein₂ ne₄ jme₂ti₃; lia'₂ dsa₂ i₂juin'₂ lia'₂ dsa₂ me'₂.

¹⁹ Jaun₂ ca₂jing₅₄ i₂tě'₂ Já'₂ 'Lin'₅₄, quiaín'₅₄ ca₂le₃jín₃ rag₅₄ chan₂ ta₁caun₂ gua'₅₄ 'uë'₃, quiaín'₅₄ ca₂le₃jín₃ 'lióg₂ quiáin₅. Ca₂liain'₃ rín'₅₄ ca₂jmo₃ caun₂ jág₁ a₂quíin'₂ quiaín'₅₄ i₂co₂dsin₅₄ cua₁ quiaín'₅₄ ca₂le₃jín₃ 'lióg₂ i₂quiaín'₅₄ ně₃, ²⁰ Já'₂ 'Lin'₅₄ ně₃ ca₂'néi'₃ bá₄ co₂dsia₅ quiaín'₅₄ dsa₂ i₂'ě₂ jág₁ a₂ju₁gain₂ i₂ma₂jmo₃ 'lióng₂ léi₄ juë'₂ o₄quíó'₄ 'éi₂; ia₁ tē₂le₃ quian'₅₄ tsá₃ caun₂ o₂dsain₂ ca₂jme₃jniai₂₃ jin₄ dsa₂, ca₂jme₃gain₂₃ dsa₂ i₂ma₂lín₅ léi₄ quián₅ Já'₂ 'Lin'₅₄, i₂ma₂ca₂jme₃juin'₂ nió'₄ quió'₅ 'éi₂ ně₃. Le₃on₃ 'éi₂ co₂dsia₅ bá₄ ca₂tē₁dsin₅₄ tē₃jéin'₃ le₂jaun₂ ja₁'a₄ si₂ a₂cau₂ quian'₅₄ azufre, a₂juë'₂ lia'₂ juë'₂ jmí₁ñí'₄. ²¹ Ca₂le₃jín₃ guë'₄ rín'₅₄ 'éi₂ ně₃ ca₂dsain₃ quian'₅₄ ñí'₁tág₂ a₂o₂'ag₅ mi₂'o₄ i₂co₂dsin₅₄ dsi₂cua₁ 'éi₂. Jaun₂ guë'₄ qui₂ca₂guë'₃ ca₂le₃jín₃ já'₂ i₂'in₅, lia'₂ mag'₂ dsí'₅, ñí'₄ i₂ca₂dsan₃ 'éi₂.

20

Caun₂ mei₅ ñí₂

¹ Jaun₂ ca₂jing₅₄ táng₃ jan₂ ángel, ca₂sióin₃ guei'₅₄ i₂juíg₃. Chi₁chan'₂ ñí₁ llave quió'₅ ja₁ca₂jein₃ chi₁dsio₅₄, caun₂ guë'₂ cadena pa₁ quian₅. ² Jaun₂ ca₂jñai'₃ i₂tě'₂ já'₂ dragón, dsi₂mi'₂ 'ón₅ 'éi₂, i₂lín₅ i₂sē₃dsen₃ i₂chen₂ Satanás, jaun₂ ca₂'néi'₃ caun₂ mei₅ ñí₂. ³ Ca₂'liog'₃ ja₁ca₂jein₃ chi₁dsio₅₄, ca₂jñéi'₃ ja₁jaun₂, ton'₂ ca₂tióng₃ caun₂ sello ia₁jaun₂ tsá₃ ma₃lé₂ jme₃gain₂₃ guë'₄ juig₂ a₂cha₂ ne₄ gua'₅₄ 'uë'₃, ca₂lia'₂ ca₂dsin₃ caun₂ mei₅ ñí₂. Cang₂ jaun₂ jē₁ma₂ca₂dsin₃ caun₂ mei₅ ñí₂, jaun₂ guë'₄ chein'₂ táng₃ co₂'na₂.

⁴ Jaun₂ ca₂jág₃ táng₃ jniá₂ ja₁tióng₂ ne₄ta₁; ja₁jaun₂ tián'₅ i₂ma₂ñí₂ jui₅bí₂ a₂qui₃dsi₂₃ 'éi'₃. Ján₃ bá₄ ca₂jág₃ jme₂dsí₂ quió'₅ dsa₂ i₂qui₂ca₂quí'₃ dsa₂ dsi₂lag₄ ne₄ 'uig₅₄ ia₁ a₂qui₂ca₂jáng'₃ jág₁ dsau₅ quió'₅ Jesús, o₄quíó'₄ jág₁ quió'₅ Diú'₄ ně₃. Tsá₃ ca₂jme₃juin'₂ Já'₂ 'Lin'₅₄, on₃ guë'₂ ca₂gue₃ tē₃ton₅₄ léi₄ quió'₅, dso'₂ chi₁quí₃, on₃ guë'₂ co'₅₄ gú₃ ně₃. Jaun₂ ca₂jen'₅₄ táng₃ 'éi₂, ca₂rē₃goin₂ quiaín'₅₄ Cristo caun₂ mei₅ ñí₂. ⁵ (La₁ ca₂le₃jín₃ guë'₄ 'lag₄ sián'₂ guë'₂ ně₃, tsá₃ ca₂jein'₅₄ ca₂lia'₂ ca₂dsin₃ caun₂ mei₅ ñí₂.) Co₂'nió'₄ a₂jaun₂ bá₄ le₃jua'₅₄ jē₁le₂'uig₅₄ a₂jen'₅₄ 'lag₄. ⁶ ¡'E₂ guë'₄ dsen₃, 'e₂ guë'₄ jñió₅, jui₁lia'₂ dsa₂ i₂quen'₄ jē₁le₂'uig₅₄ a₂jen'₅₄ dsa₂! Ia₁ ja₁con₂ 'éi₂ guë'₄ ně₃ tsá₃ ma₃jui₅bí₂ 'io₃ jē₁ca₂tē₂ táng₃ 'mú₃. Dsa₂ 'éi₂ guë'₄ ně₃ léin₂ jme₂dsa₂ le₃ne₄ Diú'₄, quian'₅₄ le₃ne₄ Cristo, ton'₂ goin₃ ján₃ quiaín'₅₄ 'éi₂ caun₂ mei₅ ñí₂.

⁷ Jē₁ma₂ñí₂ caun₂ mei₅ ñí₂ jaun₂, jaun₂ guë'₄ chen'₂ táng₃ Satanás ja₁rē₂jñí₅, ⁸ a₂o₃'iin₅, dsi₃jme₃gain₂₃ juig₂ ta₁quén₂ qui'₅₄ quió'₅ gua'₅₄ 'uë'₃: ca₂tē₂ ja₁chei₂ Gog quian'₅₄ Magog.* Ja₁jaun₂ guë'₄ ně₃ chi₃liain'₃ a₂jmo₃ caun₂ jág₁ a₂jmo₃ 'nei₂. I₂juin₅ lín₃ lē₂, lia'₂ ja₁lē₄ mi₂tsag₄ a₂cha₂ chei'₅₄ jmí₁ñí'₄.

⁹ Jaun₂ ca₂i₃léin₂ ta₁caun₂ jui₅ con'₂ lē₅ 'í₂ gua'₅₄ 'uë'₃, jaun₂ ca₂jē₂li'₅₄ le₃lág'₃ ja₁tion'₅₄ dsa₂ i₂tén₅ le₃quíó'₅ Diú'₄, co₂'nió'₄ juig₂ ciudad a₂'nio₃ Diú'₄. Jaun₂ qui₂ca₂séi'₂ si₂ guei'₅₄ i₂juíg₃, ca₂dsin'₂ co₂ñei'₅₄. ¹⁰ Jaun₂ i₂sē₃dsen₃ i₂ca₂jme₃gau₅ quió'₅ dsa₂ 'éi₂ ně₃, i₂'ín₃ ja₁'a₄ si₂ a₂cau₂ quian'₅₄ azufre, ja₁ma₂'en₅₄ Já'₂ 'Lin'₅₄ quiaín'₅₄ dsa₂ i₂'ě₂ jág₁ a₂ju₁gain₂, a₂ñág₃ uig₅ lia'₂ 'uë'₂-jmí₂ ca₂lia'₂ co₂tan₅₄.

Jē₁tē₃dsi₅₄ 'éi'₃ ne₄ta₁ tiog₂ a₂juë'₂

* **20:8** o₃, “Magog ja₁gon₂ Gog”. 'Nio'₂ ja₁ton₅, Ezequiel 38:2 - 39:16.

11 Jaun₂ ca₂jág₃ táng₃, ca₂jnia₃ caun₂ ne₄ta₁ juë'₂ tiog₂, jaun₂ ca₂jing₅₄ i₂guá₅ ne₄ta₁. Ne₄ 'éi₂ ca₂cuing₃ gua'₅₄ 'uë₃ quian'₅₄ guei'₅₄ dsi₂güig₂, ca₂lia'₂ tsá₃ ma₃ja₁ca₂dsáu'₂. 12 Ja₁jaun₂ guë'₄ ca₂jing₅₄ ca₂le₃jín₃ 'lag₄, lia'₂ i₂can'₅₄ lia'₂ i₂me'₂, jniái₂ tíoin₂ ne₄ Diú₄. Jaun₂ qui₂ca₂niá₃ mi₂si₂ rë₂bín₅. Con'₂ siá'₂ ca₂niá₃ mi₂si₂ a₂le₃chan₂ dsa₂ co₂tan₅₄. Ca₂të₂dsi₅₄ 'éi'₃ ja₁con₂ 'lag₄ lia'₂ con'₂ lë₅ ca₂jmo₃ le₂jain₂ le₂jain₂ con'₂ lë₅ le₁ton₅ ne₄ mi₂si₂ jaun₂. 13 Ca₂jín'₂ jmi₁ñí'₄ ca₂jín'₂ 'lag₄ i₂jme₁tion'₅₄ jë₄ jaun₂; qui₂ca₂jín'₂ 'Mú₃ quian'₅₄ guë'₂ Tau₂ 'Nio₅a qui₂ca₂jín'₂ 'lag₄ i₂jme₁tion'₅₄ ja₁jaun₂. Jaun₂ ca₂të₂dsi₅₄ 'éi'₃ quió'₅ le₂jain₂ le₂jain₂ lia'₂ con'₂ lë₅ a₂ca₂jmo₃. 14 Jaun₂ qui₂i₂gan'₅₄ 'Mú₃ quian'₅₄ Tau₂ 'Nio₅† ja₁'a₄ si₂. Co₂'nió'₄ ja₁'a₄ si₂ jaun₂, lë₅ jë₄ca₂të₂ táng₃ 'mú₃. 15 Jui₁lia'₂ i₂tsá₃ ca₂dsán'₂ chi₁toin₂₃ ne₄ mi₂si₂ a₂chan₂ dsa₂ co₂tan₅₄, ja₁'a₄ si₂ bá₄ ca₂i₃'ín₃.

21

Caun gua'₅₄ 'uë₃ 'mí₂, quian'₅₄ caun₂ dsi₄ 'mí₂

1 Cang₂ jaun₂, ca₂jág₃ táng₃ jniá₂ caun₂ gua'₅₄ 'uë₃ 'mí₂, caun₂ dsi₄ 'mí₂ táng₃, ia₁ jë₄le₂'uig₅₄ dsi₄ quian'₅₄ guë'₂ le₂'uig₅₄ gua'₅₄ 'uë₃ co₂dsia₅ ca₂i₃'én₂ bá₄ jaun₂, on₃ guë'₂ jmá'₃ jmi₁ñí'₄ ma₃cha₂ në₃. 2 Jaun₂ ca₂jág₃ jniá₂* Juig₂ Ciudad Jnió₅, Jerusalén 'mí₂, a₂ca₂jnia₃ ca₂sio₃ guei'₅₄ i₂juig₃ ne₄ Diú₄. Jniá₂ ma₃lë₅ co₂jnia₅₄ jlá'₁ lín₃, në₂jag₄ bá₄ jan₂ dsa₂ mí₂ i₂rë₂lín₄ quián₅ dsa₂ ñe'₂ i₂li'₅₄ jág₁ quiain'₅₄. 3 Jaun₂ ca₂nag₃ jág₁ a₂já₅ ne₄ta₁ ca₂juá'₂ tiá₂:

—Jag₄, ma₂guá₅ bá₄ Diú₄ jin₄ dsa₂ mi₂güig₃. Jin₄ 'éi₂ 'í₂ co₂tan₅₄ bá₄. Lén₂ dsa₂ 'éi₂ dsa₂ juig₂ quiáin₅, jaun₂ 'ñiog₅ bá₄ Diú₄ jme₃quiong'₅₄ a₂lén₂ Diú₄ quiáin₅, 4 Jaun₂ qui₂chí₃ jme₁ne₁ 'éi₂ ca₂le₃jë₃ jmi₂ a₂le₁'ág₄. Tsá₃ ma₃le₃cha₂ guë'₄ 'mú₃, on₃ guë'₂ jua'₅₄ në₅ qui₂tón'₃ guë'₄ dsa₂ qui'₂-o₂₃, on₃ guë'₂ në₅ i₂niói₅₄ guë'₄ chain₂ o₂i₁ dsi₅, on₃ guë'₂ le₃cha₂ jua'₅₄ qui'₂ uig₅ quió'₅. Ia₁ co₂dsia₅ ca₂ñí₂ bá₄ ca₂le₃jë₃ 'e₂ a₂jme₁cha₂ le₂jñiá₅.

5 Jaun₂ ca₂juá'₂ i₂guá₅ ne₄ta₁:

—La₂ jag₄, jmo₅₄ jniá₂ a₂'mí₂ ca₂le₃jë₃.

Ca₂juá'₂ ján₃:

—Tiong₅ ne₄ si₂, ia₁ jág₁ dsau₅ a₂rë₂ti'₅₄ bá₄ la₂.

6 Jaun₂ ca₂tság₃ jniá₂:

—Ca₂lë₃. Jniá₂ bá₄ 'éi₂ i₂lín₅ Alfa quian'₅₄ Omega: i₂lín₅ i₂le₂ne₁, i₂lín₅ jë₄ca₂tó'₂ në₃. Jui₁lia'₂ i₂rë₂quein₂ dsi₅, cuë₅₄ jniá₂ a₂'ín'₂ 'éi₂ jmi₂ a₂'ia₂ o₄tu₁ jmi₂ a₂le₃chan₂ dsa₂, on₃ jua'₅₄ a₂cha₂ quin₃ 'i₁caun₂. 7 Jui₁lia'₂ i₂ca₂tió'₃, a₂lë₁ñei₃ cuë₅₄ jniá₂ ca₂le₃jë₃ a₂në₅, jaun₂ jniá₂ bá₄ léng₂ Diú₄ quiáin₅, 'éi₂ guë'₂ lén₂ chi'₂-guein₂ quiáng₃. 8 La₁ jui₁lia'₂ dsa₂ i₂tén'₅, jui₁lia'₂ dsa₂ i₂tsá₃ 'én₂, jui₁lia'₂ i₂li'₁ñio₅, jui₁lia'₂ i₂jme₂dsian₅ rin'₅₄, jui₁lia'₂ i₂nió'₅ jág₁ a₂tsá₃ dsi₂ten₅₄ nió'₃, jui₁lia'₂ i₂tin₂ mí₅ a₂chan₂ dsi₅, jui₁lia'₂ i₂jme₂juin'₂ diú₄ lag₄, ca₂le₃jín₃ i₂co₂jmo₅ jág₁ të₂jág₁ në₃; ca₂le₃jín₃ dsa₂ në₅ tiin₃ dsi₃lén₂ ja₁'a₄ si₂ a₂cau₂ quian'₅₄ azufre, a₂lë₅ jë₄ca₂të₂ táng₃ 'mú₃.

Caun₂ Jerusalén 'mí₂

9 Jaun₂ ca₂guan₃ jan₂ ángel i₂lë₂ i₂guion₃ i₂jme₁le₁chan'₂ guio₃ ni₁uing₅ le₁can'₂ le₃guio₃ jmi₁uig₅ jë₄ca₂tó'₂ 'éi₂, ca₂juá'₂ ca₂tság₃ jniá₂:

—Nia₅, la₂ 'ín₄ jniá₂ dsa₂ mí₂ i₂lë₂ dsi₂i₂gu₂ Guein₂ Já'₂ Cha'₂.

10 Jaun₂ ca₂jio₃ a₂'eng₅₄ le₃quió'₅ Jme₂dsí₂, ca₂të₂ ja₁lë₄ má'₂ juë'₂ a₂ñei₅. Ja₁jaun₂ ca₂'ë₃ Juig₂ Jnió₅, Jerusalén, a₂sió₅ guei'₅₄ i₂juig₃ ne₄ Diú₄. 11 A₂jniá₂

† 20:14 griego: hades, co₂'nió'₄ a₂juá'₂, ja, quió'₄ 'lag₄. * 21:2 Cha₂ a₂lín₅₄ chog₅₄ si₂ me'₂, a₂juá'₂: “jniá₂, Juan₅₄, ca₂jág₃.”

tág₅ 'ñio₅ lin₃ quian'₅₄ a₂co₂tág₅ quió'₅ Diú₄, a₂jniá₂ co₂tág₅ co₂'né'₅ jui₁lia'₂ jniá₂ ni₁cang₁ jlá'₁, jui₁lia'₂ ni₁cang₁ Jaspe a₂rè₂jě₃ lia'₂ lě₅ ni₁'i₂. **12** Le₃lág'₃ juig₂ jaun₂, chí'₅ caun₂ ni₁'ia'₂ pa₁ lin₃ a₂ñei₅, a₂le₁dsi₅₄ guia₃-tín₂ o₄'né₄, tión₂ guia₃-tín₂ ángeles o₄'né₄. Qui₂le₁ton₅ o₄'né₄ lia'₂ chen₂ le₃guia₃-tín₂ tsi₁jon₂ Israel. **13** 'Ni₅ o₄'né₄ le₁dsi₅₄ tē₂le₃ ja₁'ia₂† 'iog₂, 'ni₅ guē'₂ tē₂le₃ ca₂ton₂ norte, 'ni₅ guē'₂ tē₂le₃ ca₂ton₂ sur, 'ni₅ guē'₂ táng₃ tē₂le₃ ja₁rín₂ 'iog₂. **14** Jme₁lě₂ guia₃-tín₂ 'uig₅₄ ni₁'ia'₂ juig₂ ciudad jaun₂; ne₄ jaun₂ qui₂le₁ton₅ lia'₂ chen₂ dsa₂ guia₃-tín₂ i₂chen₄ quián₅ Guein₂ Já'₂ Cha'₂. **15** Chi₁chan'₂ ángel i₂dsia₅ jniá₂ jág₁ quiang'₅₄ caun₂ ni₁'ma₂ a₂quiog₂ dsa₂ 'éi'₃, a₂lě₅ jmá'₃ cu₄nióg₄, a₂qui₃quióg₃ 'éi'₃ juig₂ jaun₂, ca₂le₃jě₃ o₄'né₄ quió'₅, dso'₂ ni₁'ia'₂ ně₃. **16** Ta₁caun₂ juig₂ jaun₂ lě₅ cha₂ qui'₅₄, co₂jaun₂ bá₄ 'i₂ con'₂ cu₂. Ca₂quiog₂ 'éi'₃ ta₁caun₂ juig₂ quian'₅₄ 'ma₂'éi'₃ jaun₂. Jaun₂ jme₁ca₂tē₁ron₅₄ 'éi'₃, ca₂dsióg₃ tin₃ mei₅ rē₂dsí₂ tin₃ 'ñiá₂-láu₂ (2,200) kilómetros con'₂ tē₂le₃ jang₄ juig₂. Con'₂ jaun₂ bá₄ján₃, ca₂dsióg₃ tē₂le₃ 'i₂ quian'₅₄ guē'₂ tē₂le₃ ñei₅ niog₅ juig₂. **17** Jaun₂ ca₂quiog₂ 'éi'₃ jmá'₃ ni₁'ia'₂. Jaun₂ ca₂dsióg₃ caun₂ 'ñiá₂-láu₂ rē₂dsí₂ tē₂láu₃-quén₂ (144) lě₂, 'éi'₃ quió'₅ dsa₂ mi₂güig₃, 'éi'₃ a₂jmó'₂ ángel ta₁.†

18 Ni₁'ia'₂ ně₃, jme₁lě₄ jmá'₃ quian'₅₄ ni₁cang₁ jaspe; ta₁caun₂ ciudad guē'₂ ně₃, jmá'₃ cu₄nióg₄ jmá'₅, a₂tág₅ lia'₂ tág₅ ni₁'i₂ rē₂jě₃. **19** 'Uig₅₄ ni₁'ia'₂ ciudad ně₃, qui₂rē₂lag₄ quian'₅₄ ca₂le₃jě₃ ne₅₄ ni₁cang₁ jlá'₁.

Jē₁le₂'uig₅₄ rē₂lag₄ quian'₅₄ jaspe;

jē₁ca₂tě₂ tin₃ ně₃, quian'₅₄ zafiro;

jē₁ca₂tě₂ 'ni₅ ně₃, quian'₅₄ ágata;

jē₁ca₂tě₂ quén₂ guē'₂, quian'₅₄ esmeralda;

20 jē₁ca₂tě₂ 'ñiá₂ rē₂lag₄ quian'₅₄ ónice;

jē₁ca₂tě₂ jñéi₂ guē'₂ ně₃, quian'₅₄ cornalina;

jē₁ca₂tě₂ guio₃ táng₃, quian'₅₄ crisólito;

jē₁ca₂tě₂ jñia₃ ně₃, quian'₅₄ berilo;

jē₁ca₂tě₂ ñi₃ ně₃, quian'₅₄ topacio;

jē₁ca₂tě₂ guia₃ guē'₂ ně₃, quian'₅₄ crisoprasa;

jē₁ca₂tě₂ guia₃-cáun₃ ně₃, quian'₅₄ jacinto;

jē₁ca₂tě₂ guia₃-tín₂ guē'₂ ně₃, rē₂lag₄ quian'₅₄ amatista.

21 Ta₁guia₃-tín₂ o₄'né₄ ně₃, jme₁lě₄ míg₂ perlas, ia₁ jma₃cáun₃ o₄'né₄ jme₁lě₄ jma₃ca₂míg₂ perla. Calle dsen₅₄ dsi₂jo₂ juig₂ ciudad jaun₂, jme₁lě₄ cu₄nióg₄ a₂le₁jě₃ ně₂jag₄ bá₄ ni₁'i₂ rē₂jě₃.

22 Tsá₃ ca₂jág₃ jniá₂ 'i₁caun₂ guá'₅, jua'₅₄ chí'₅ jē₄ juig₂, ia₁ 'ñiog₅ bá₄ Te₁gui'₅₄ Diú₄ i₂'Uan'₂ guē'₄ lin₃, 'éi₂ bá₄, quian'₅₄ Guein₂ Já'₂ Cha'₂, lín₅ guá'₅ quió'₅.

23 Tsá₃ si₂ quió'₅ 'iog₂ on₃ guē'₂ si₂ quió'₅ tsi'₂ 'nió'₅ quió'₅ juig₂ jaun₂, ia₁ quian'₅₄ a₂co₂tág₅ co₂'ne'₂ quió'₅ 'ñiog₅ bá₄ Diú₄, jmo₅ jniá₂ ja₁jaun₂, quian'₅₄ guē'₂ Guein₂ Já'₂ Cha'₂, i₂lín₅ co₂'nió'₄ si₂ ni₁tsí₅. **24** Jaun₂ qui₂i₃nio₄ ca₂le₃jě₃ juig₂ Š ja₁tág₅ si₂ quió'₅ 'éi₂; qui₂ja₃lén₂ rag₅₄ chan₂ gua'₅₄ 'uē₃, qui₂le₁quian₅ a₂jlá'₁ quió'₅ jē₄ jaun₂. **25** Lia'₂ o₁líg'₂ jmig₄ tsá₃ jnág₃ o₄'né₄ a₂jmí₂, ia₁ tsá₃ ma₃a₂'uē₂ le₃cha₂. **26** Ja₁jaun₂ qui₂dsi₃to'₅₄ ca₂le₃jě₃ a₂jlá'₁, a₂quen₅ quió'₅ juig₂ a₂te₁'i₁ gua'₅₄ 'uē₃. **27** La₁jaun₂ tsá₃ qui₂dsi₃to'₅₄ 'i₁caun₂ a₂lě₁'iog₅, on₃ guē'₂ 'i₁jan₂ dsa₂ i₂qui₂jmo₅ a₂o₂guí'₃, i₂ju₁gan₂ ně₃. Jmá'₃ lia'₂ con'₂ i₂ma₂tion'₅₄ le₁ton₅ lia'₂ chein₂ ne₄ mi₂si₂ a₂le₃chan₂ dsa₂ co₂tan₅₄ quió'₅ Guein₂ Já'₂ Cha'₂ bá₄, jmá'₃ lia'₂ i₂'éi₂ bá₄ dsi₁len₃ ja₁jaun₂.

† **21:13** Co₂'nió'₄ le₃jua'₅₄, caun₂ cosa a₂tsá₃ 'i₁ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. ‡ **21:17** o₃, "éi'₃ quió'₅ dsa₂ mi₂güig₃, co₂'nió'₄ 'éi'₃ quió'₅ ángel." § **21:24** A₂lin₅₄ chog₅₄ si₂: "ca₂le₃jě₃ juig₂ a₂ma₂lón₂."

22

Cuá₃ ja₁ŋi₅ jmig₂ a₂chan₂ dsa₂

¹ Jaun₂ ca₂'ě₃ ángel caun₂ cuá₃ ja₁ŋi₅ jmig₂ a₂chan₂ dsa₂, a₂rě₂jě₃ lia'₂ lě₅ ni₁'i₂; a₂já₅ ja₁lě₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂, ² a₂ŋi₅ dsi₂jo₂ jě₄ calle dsen₅₄ quió'₅ ciudad jaun₂. Lia'₂ ca₂ton₂ jmig₂ cuá₃ ně₃, dsi₅₄ ni₁'ma₂ a₂chan₂ dsa₂; * a₂'ag₅ guia₃-tín₂ ne₅₄ mǐg₂, jma₃ca₂ne₅₄ mǐg₂ le₂'í₁ tsi'₂. † Mog'₅₄ guě'₂ ně₃, jmo₅ ta₁ a₂'lón₂ ca₂le₃jě₃ juig₂. ³ Ia₁ ja₁jaun₂ guě'₄ ně₃, tsá₃ ma₃jág₁ uig₅ le₃cha₂. Jě₄ juig₂ ciudad tě₃tsi'₅₄ ne₄ta₁ quió'₅ Diú₄, quió'₅ Guein₂ Já'₂ Cha'₂ ně₃, jaun₂ qui₂jme₃ti₃ dsa₂ quiáin₅ ne₅₄. ⁴ Ja₁jaun₂ jág₂ dsi₁ne₁, qui₃cán₂ lia'₂ chen₂ 'éi₂ le₁ton₅ chi₁quí₃. ⁵ Tsá₃ ma₃a₂'uě₂ cha₂ ja₁jaun₂; le₂jaun₂ guě'₂ táng₃ ju₁lia'₂ i₂tián'₅ ja₁jaun₂ tsá₃ ma₃si₂ ni₁tsí₅ 'nió'₅ quió'₅, on₃ guě'₂ si₂ quió'₅ 'iog₂. Ia₁ 'ŋiog₅ bá₄ Te₁gui'₅₄ Diú₄ téi₂ si₂ ja₁coin₂. Jaun₂ qui₃goin₃ ján₃ ca₂lia'₂ co₂tan₅₄.

⁶ Jaun₂ ca₂juá'₂ ángel ca₂tság₃ jniá₂:

—Jág₁ dsau₅ a₂rě₂ti'₅₄ bá₄ la₂ a₂juíg₂ jniá₂ 'ne₂. 'Ŋiog₅ bá₄ Te₁gui'₅₄, i₂lín₅ Diú₄ i₂cuě₅ bí₂ jme₂dsí₂ quió'₅ dsa₂ i₂qui₂'ě₂ jág₁ o₄quió'₄, 'éi₂ bá₄ ma₂ca₂chein₃ ángel quiáin₅ ně₃, a₂ca₂jme₃jniai₂₃ ne₄ dsa₂ i₂qui₂jme₂ti₃ ne₅₄, ca₂le₃jě₃ 'e₂ niog₅ lé₂ ŋi'₅₄ ta₁.

Ŋi'₅₄ ta₁ guan'₂ bá₄ Te₁gui'₅₄ Jesucristo

⁷ —jJag₄! iŋi'₅₄ ta₁ la₂ bá₄ guióng'₄! i'E₂ guě₄ dsen₃ i₂tón'₂ ju₁5 jág₁ a₂rě₂'ě₂ quió'₅ Diú₄ a₂tio'₅₄ ne₄ si₂ la₂!

⁸ Jniá₂, Juan₅₄, jniá₂ bá₄ líng₅ i₂ca₂jág₃, i₂ca₂nag₃ ca₂le₃jě₃ cosa ně₅. Jaun₂ jme₁ma₂ně₂jág₃ ma₂ně₂nag₃, jaun₂ ca₂tón₂ jniá₂ 'uě₃ ja₁tión₂ mi₂tag₄ ángel, a₂jme₁jme₁juin'₂. ⁹ La₁ jaun₂ ca₂tság₃ jniá₂:

—'A₃ jmo₂ le₂ně₅. Ia₁ jan₂ rín'₂ 'ne₂ bá₄ líng₅, i₂jme₂ti₃ ta₁ ne₄ Diú₄, ton'₂ líng₅ jan₂ rín'₅₄ rín'₂ 'ne₂ i₂qui₂'ě₂ jág₁ o₄quió'₄ Diú₄, quian'₅₄ i₂tón'₂ ju₁5 jág₁ a₂tio'₅₄ ne₄ si₂ la₂. Jme₁juin'₂ Diú₄.

¹⁰ Jaun₂ juá'₂ tság₅ jniá₂:

—Tsá₃ lě₁'ma₂ tei₄ jág₁ a₂rě₂'ě₂ quió'₅ Diú₄ a₂tio'₅₄ mi₂si₂ rě₂bin₅ la₂. Ia₁ ma₂ja₂quián₃ jmig₄ jaun₂. ¹¹ Ju₁lia'₂ i₂jmo₅ a₂'lig'₅₄, caun₂ ju₁jmo₂₃ a₂'lig'₁₂; ju₁lia'₂ i₂rě₂'ŋi₄, caun₂ ju₁jme₂'ŋi₃. Le₂jaun₂ guě'₂ táng₃, ju₁lia'₂ i₂ŋi₅ ju₁5 co₂dsau₅, ju₁ŋi₁₂ lia'₂ ma₂ŋi₂₃ jaun₂, ju₁5 co₂dsau₅; jaun₂ ju₁lia'₂ i₂lín₅ i₂ŋi₅, caun₂ ju₁lein₅₄ bá₄ rě₂'ŋi₅.

¹² —iDson'₂ bá₄ ŋi'₅₄ ta₁ guióng'₄! Quion₅₄ 'lia'₅₄ premio quió₃; dsió'₄ cuě₄ le₂jan₂ le₂jan₂ lia'₂ con'₂ lě₅ ma₂jmo₃. ¹³ Jniá₂ bá₄ líng₅ Alfa quian'₅₄ Omega; i₂le₂ne₁, i₂jě₁ca₂tó'₂ ně₃; i₂le₂'uig₅₄, i₂jě₁ca₂dsan₃ táng₃. ¹⁴ 'E₂ guě₄ dsen₃ ju₁lia'₂ i₂ma₂le₃jě₃ tsin'₅₄, ia₁jaun₂ bá₄ ŋei₃ bí₂ a₂tiin₃ ni₁'ma₂ a₂le₃chan₂ dsa₂, a₂tiin₃ dsi₃toin'₅₄ le₃o₄'né₄ juig₂ ciudad ně₃. ¹⁵ Ca₁'né₄ bá₄ tion'₅₄ ju₁lia'₂ i₂lín₅ lia'₂ lín₅ dsi₂ji'₅₄, ju₁lia'₂ i₂tiin₂ mí₅ a₂chan₂ dsi₅, † ju₁lia'₂ i₂qui₂nió'₅ jág₁ 'lig'₅₄, ju₁lia'₂ i₂jme₂dsian₅ rín'₅₄, ju₁lia'₂ i₂jme₂juin'₂ diú₄ lag₄, ca₂le₃jín₃ guě₄ i₂tě₅ dsi₅ qui₂jme₂gan₅ rín'₅₄, a₂qui₂jmo₂₃ jág₁ tě₂jág₁ ně₃.

¹⁶ 'Jniá₂ Jesús, ma₂ca₂tsing₂ ángel quiáng₃, a₂jáng'₃ jág₁ dsau₅ ně₅ ja₁con'₂ 'nia'₂ ne₄ ca₂le₃jín₃ guá'₅. Jniá₂ bá₄ líng₅ lia'₂ cho'₅₄ lia'₂ tsi₁jon₂ Rag₅₄ David, ján₃ bá₄ líng₅ Nei₅ 'Ióg₁ i₂tág₅ quió'₅.

¹⁷ Jme₂dsí₂ ŋi₅, quian'₅₄ dsa₂ mí₂ quián₅ Guein₂ Já'₂ Cha'₂ juá'₂:

—Ŋia₅.

* **22:2** o₃, “a₂já₅ ja₁lě₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂. Dsi₂jo₂ jě₄ calle dsen₅₄ quió'₅ ciudad jaun₂, con'₂ guě'₂ lia'₂ ca₂ton₂ jmig₂ cuá₃ ně₃, dsi₅₄ ni₁'ma₂ a₂chan₂ dsa₂.” † **22:2** o₃, “a₂'ag₅ mǐg₂ guia₃-tín₂ ráun₂, co₂ráun₂ le₂'í₁ tsi'₂.” ‡ **22:15** griego: farmakeía.

Le₂jaun₂ guë'₂ jui₁lia'₂ i₂nag₅ juá'₂ i₂në₅, jui₁jua'₅₄:

—Nia₅.

Chi₂jua'₂ 'ein₂ i₂rë₂quein₂ dsí'₅, jui₁jia₂; chi₂jua'₂ 'ein₂ 'nio₃, jui₁ja₂'én'₃ jmig₂
a₂le₃chain₂, on₃jua'₅₄ cha₂ quin₃ 'i₁caun₂.

¹⁸Ca₂le₃jín₃ i₂nag₅ jág₁ dse₃ a₂rë₂'ë₄ quió'₅ Diú₄, a₂tio'₅₄ mi₂si₂ la₂, 'ë₅ jniá₂ jág₁
dsau₅ la₂: chi₂jua'₂ 'ein₂ ca₂jmo₃ ñag₅₄ con'₂ lë₅ jág₁ a₂ma₂tio'₅₄, Diú₄ bá₄ jme₃juë'₂
jmi₁uig₅ quió'₅ lia'₂ con'₂ lë₅ le₁ton₅ ne₄ mi₂si₂ la₂. ¹⁹Në₁jua'₂ 'ein₂ guë'₂ ca₂ñiá'₂,
ca₂jmo₃ me'₂ jág₁ a₂rë₂'ë₂ ne₄ si₂ la₂, Diú₄ bá₄ jniá'₂ a₂jme₁ca₂tín₂ quió'₅ ni₁'ma₂
a₂chan₂ dsa₂, quan'₅₄ guë'₄ quió'₅ ciudad jnió'₅ a₂le₁ton₅ ne₄ si₂ la₂.

²⁰I₂jáng'₅ jág₁ dsau₅ la₂ juá'₂:

—Dsón'₂ bá₄ ñi'₅₄ ta₁ guióng'₄.

A₂jaun₂ guë'₂ dsón'₂. iñiá'₅ 'ne₂, Te₁gui'₅₄ Jesús!

²¹Jui₁jme₂gu'₅₄ bá₄ Te₁gui'₅₄ Jesucristo ca₂le₃jín'₃ 'nia'₂.

Co₂në₅.